

Holy Bible

Aionian Edition®

**Библия церковно-славянском
Church Slavonic Elizabeth Bible**

AionianBible.org
The world's first Holy Bible untranslation
100% free to copy and print
also known as “ The Purple Bible ”

Holy Bible Aionian Edition ©
Библия церковно-славянском
Church Slavonic Elizabeth Bible

CC Attribution NoDerivatives 4.0, 2018-2024
Source text: Crosswire.org
Source version: 8/10/2022
Source copyright: Public Domain
RusBible.ru with modern spelling, 1757

Formatted by Speedata Publisher 4.19.2 (Pro) on 5/6/2024
100% Free to Copy and Print
TOR Anonymously
<https://AionianBible.org>

Published by Nainoia Inc
<https://Nainoia-Inc.signedon.net>

We pray for a modern public domain translation in every language
Report content and format concerns to Nainoia Inc
Volunteer help is welcome and appreciated!

Celebrate Jesus Christ's victory of grace!

Preface

церковно-славянском at AionianBible.org/Preface

The *Holy Bible Aionian Edition* ® is the world's first Bible *un-translation*! What is an *un-translation*? Bibles are translated into each of our languages from the original Hebrew, Aramaic, and Koine Greek. Occasionally, the best word translation cannot be found and these words are transliterated letter by letter. Four well known transliterations are *Christ*, *baptism*, *angel*, and *apostle*. The meaning is then preserved more accurately through context and a dictionary. The Aionian Bible un-translates and instead transliterates eleven additional Aionian Glossary words to help us better understand God's love for individuals and all mankind, and the nature of afterlife destinies.

The first three words are *aiōn*, *aiōnios*, and *aiōdios*, typically translated as *eternal* and also *world* or *eon*. The Aionian Bible is named after an alternative spelling of *aiōnios*. Consider that researchers question if *aiōn* and *aiōnios* actually mean *eternal*. Translating *aiōn* as *eternal* in Matthew 28:20 makes no sense, as all agree. The Greek word for *eternal* is *aiōdios*, used in Romans 1:20 about God and in Jude 6 about demon imprisonment. Yet what about *aiōnios* in John 3:16? Certainly we do not question whether salvation is eternal! However, *aiōnios* means something much more wonderful than infinite time! Ancient Greeks used *aiōn* to mean *eon* or *age*. They also used the adjective *aiōnios* to mean *entirety*, such as *complete* or even *consummate*, but never infinite time. Read Dr. Heleen Keizer and Ramelli and Konstan for proofs. So *aiōnios* is the perfect description of God's Word which has *everything* we need for life and godliness! And the *aiōnios* life promised in John 3:16 is not simply a ticket to eternal life in the future, but the invitation through faith to the *consummate* life beginning now!

The next seven words are *Sheol*, *Hadēs*, *Geenna*, *Tartaroō*, *Abyssos*, and *Limnē Pyr*. These words are often translated as *Hell*, the place of eternal punishment. However, *Hell* is ill-defined when compared with the Hebrew and Greek. For example, *Sheol* is the abode of deceased believers and unbelievers and should never be translated as *Hell*. *Hadēs* is a temporary place of punishment, Revelation 20:13-14. *Geenna* is the Valley of Hinnom, Jerusalem's refuse dump, a temporal judgment for sin. *Tartaroō* is a prison for demons, mentioned once in 2 Peter 2:4. *Abyssos* is a temporary prison for the Beast and Satan. Translators are also inconsistent because *Hell* is used by the King James Version 54 times, the New International Version 14 times, and the World English Bible zero times. Finally, *Limnē Pyr* is the Lake of Fire, yet Matthew 25:41 explains that these fires are prepared for the Devil and his angels. So there is reason to review our conclusions about the destinies of redeemed mankind and fallen angels.

The eleventh word, *eleēsē*, reveals the grand conclusion of grace in Romans 11:32. Take the time to understand these eleven words. The original translation is unaltered and a note is added to 64 Old Testament and 200 New Testament verses. To help parallel study and Strong's Concordance use, apocryphal text is removed and most variant verse numbering is mapped to the English standard. We thank our sources at eBible.org, Crosswire.org, unbound.Biola.edu, Bible4u.net, and NHEB.net. The Aionian Bible is copyrighted with creativecommons.org/licenses/by-nd/4.0, allowing 100% freedom to copy and print, if respecting source copyrights. Check the Reader's Guide and read online at AionianBible.org, with Android, and TOR network. Why purple? King Jesus' Word is royal... and purple is the color of royalty!

Table of Contents

OLD TESTAMENT

Бытие	11
Исход	39
Левит	61
Числа	78
Второзаконие	101
Книга Иисуса Навина	121
Книга Судей израилевых	135
Книга Руфи	149
Первая книга Царств	151
Вторая книга Царств	170
Третья книга Царств	186
Четвертая книга Царств	204
Первая книга Паралипоменон	221
Вторая книга Паралипоменон	237
Книга Ездры	256
Книга Неемии	262
Книга Есфири	270
Книга Иова	274
Псалтирь	288
Притчи Соломона	320
Книга Екклесиаста	333
Песнь песней Соломона	337
Книга пророка Исаии	339
Книга пророка Иеремии	364
Плач Иеремии	393
Книга пророка Иезекииля	396
Книга пророка Даниила	423
Книга пророка Осии	431
Книга пророка Иоила	435
Книга пророка Амоса	437
Книга пророка Авдия	440
Книга пророка Ионы	441
Книга пророка Михея	442
Книга пророка Наума	445
Книга пророка Аввакума	446
Книга пророка Софонии	448
Книга пророка Аггея	450
Книга пророка Захарии	451
Книга пророка Малахии	456

NEW TESTAMENT

От Матфея святое благовествование	461
От Марка святое благовествование	478
От Луки святое благовествование	489
От Иоанна святое благовествование	507
Деяния святых апостолов	521
Послание к Римлянам	539
Первое послание к Коринфянам	546
Второе послание к Коринфянам	553
Послание к Галатам	558
Послание к Ефесянам	561
Послание к Филиппийцам	564
Послание к Колоссянам	566
Первое послание к Фессалоникийцам	568
Второе послание к Фессалоникийцам	570
Первое послание к Тимофею	571
Второе послание к Тимофею	573
Послание к Титу	575
Послание к Филимону	576
Послание к Евреям	577
Послание Иакова	582
Первое послание Петра	584
Второе послание Петра	586
Первое послание Иоанна	588
Второе послание Иоанна	590
Третье послание Иоанна	591
Послание Иуды	592
Откровение ап. Иоанна Богослова	593

APPENDIX

Reader's Guide

Glossary

Maps

Destiny

Illustrations, Doré

OLD TESTAMENT



*И изрину Адама, и всели его прямо рая Сладости: и пристави Херувима,
и пламенное оружие обращаемое, хранити путь древа жизни.*

Бытие 3:24

Бытие

1 В начале сотвори Бог небо и землю. 2 Земля же бе невидима и неустроена, и тма веру бездны, и Дух Божий ношашеся веру воды. 3 И рече Бог: да будет свет. И бысть свет. 4 И виде Бог свет, яко добро, и разлучи Бог между светом и между тмоу. 5 И нарече Бог свет день, а тму нарече ночь. И бысть вечер, и бысть утро, день един. 6 И рече Бог: да будет твердь посреде воды, и да будет разлучающи посреде воды и воды. И бысть тако. 7 И сотвори Бог твердь, и разлучи Бог между водою, яже бе под твердию, и между водою, яже бе над твердию. 8 И нарече Бог твердь небо. И виде Бог, яко добро. И бысть вечер, и бысть утро, день вторый. 9 И рече Бог: да соберется вода, яже под небесем, в собрание едино, и да явится суша. И бысть тако. И собрася вода, яже под небесем, в собрания своя, и явися суша. 10 И нарече Бог сушу землю, и собрания вод нарече моря. И виде Бог, яко добро. 11 И рече Бог: да прорастит земля былие травное, сеющее семя по роду и по подобию, и древо плодovitое творящее плод, емуже семя его в нем, по роду на земли. И бысть тако. 12 И изнесе земля былие травное, сеющее семя по роду и по подобию, и древо плодovitое творящее плод, емуже семя его в нем, по роду на земли. И виде Бог, яко добро. 13 И бысть вечер, и бысть утро, день третий. 14 И рече Бог: да будут светила на тверди небесней, освещати землю и разлучати между днем и между нощию: и да будут в знамения и во времена, и во дни и в лета, 15 и да будут в просвещение на тверди небесней, яко светити по земли. И бысть тако. 16 И сотвори Бог два светила великая: светило великое в начала дне, и светило меньшее в начала ночи, и звезды: 17 и положи я Бог на тверди небесней, яко светити на землю, 18 и владети днем и нощию, и разлучати между светом и между тмоу. И виде Бог, яко добро. 19 И бысть вечер, и бысть утро, день четвертый. 20 И рече Бог: да изведут воды гады душ живых, и птицы летающыя по земли, по тверди небесней. И бысть тако. 21 И сотвори Бог киты великия, и всяку душу животных гадов, яже изведоша воды по родом их, и всяку птицу пернату по роду. И виде Бог, яко добра. 22 И благослови я Бог, глаголя: раститесь и множитесь, и наполните воды, яже в морях, и птицы да умножатся на земли. 23 И бысть вечер, и бысть утро, день пятый. 24 И рече Бог: да изведет земля душу живу по роду, четвероногая и гады, и звери земли по роду. И бысть тако. 25 И сотвори Бог звери земли по роду, и скоты по роду их, и вся гады земли по роду их. И виде Бог, яко добра. 26 И рече Бог: сотворим человека по образу Нашему и по подобию, и да обладает рыбами морскими, и птицами небесными, (и зверми) и скотами, и всею землею, и всеми гады пресмыкающимися по земли. 27 И сотвори Бог человека, по образу Божию сотвори его: мужа и жену сотвори их. 28 И благослови их Бог, глаголя: раститесь и множитесь, и наполните землю, и господствуйте ей, и обладайте рыбами морскими, (и зверми) и птицами небесными, и всеми скотами, и всею землею, и всеми

гадами пресмыкающимися по земли. 29 И рече Бог: се, дах вам всякую траву семенную сеющую семя, еже есть веру земли всяя: и всякое древо, еже имать в себе плод семене семеннаго, вам будет в снедь: 30 и всем зверем земным, и всем птицам небесным, и всякому гаду пресмыкающемуся по земли, иже имать в себе душу живота, и всяку траву зелену в снедь. И бысть тако. 31 И виде Бог вся, елика сотвори: и се добра зело. И бысть вечер, и бысть утро, день шестый.

2 И совершишася небо и земля, и все украшение их. 2 И соверши Бог в день шестый дела Своя, яже сотвори: и почи в день седмый от всех дел Своих, яже сотвори. 3 И благослови Бог день седмый, и освати его: яко в той почи от всех дел Своих, яже начат Бог творити. 4 Сия книга бытия небесе и земли, егда бысть, в онже день сотвори Господь Бог небо и землю, 5 и всякий злак селный, прежде даже быти на земли, и всякую траву селную, прежде даже прозябнути: не бо одожди Господь Бог на землю, и человек не бяше делати ю: 6 источник же исхождаше из земли и напаяше все лице земли. 7 И созда Бог человека, персть (взем) от земли, и вдуну в лице его дыхание жизни: и бысть человек в душу живу. 8 И насади Господь Бог рай во Едеме на востоцех, и введе тамо человека, егоже созда. 9 И прозябе Бог еще от земли всякое древо красное в видение и доброе в снедь: и древо жизни посреде рая, и древо еже ведети разуметльное добраго и лукаваго. 10 Река же исходит из Едема напаяти рай: отуду разлучается в четыре начала. 11 Имя единой Фисон: сия окружающая всю землю Евилатскую: тамо убо есть злато. 12 Злато же онья земли доброе: и тамо есть анфракс и камень зеленый. 13 И имя реце второй Геон: сия окружающая всю землю Ефиопскую. 14 И река третья Тигр: сия проходящая прямо Ассириом. Река же четвертая Евфрат. 15 И взя Господь Бог человека, егоже созда, и введе его в рай Сладости, делати его и хранити. 16 И заповеда Господь Бог Адаму, глаголя: от всякаго древа, еже в раи, снесию снеси: 17 от древа же, еже разумети доброе и лукавое, не снеси от него: а в онже аще день снеси от него, смертию умрете. 18 И рече Господь Бог: не добро быти человеку единому: сотворим ему помощника по нему. 19 И созда Бог еще от земли вся звери селныя и вся птицы небесныя, и приведе я ко Адаму видети, что наречет я: и всяко еже аще нарече Адам душу живу, сие имя ему. 20 И нарече Адам имена всем скотом, и всем птицам небесным, и всем зверем земным. Адаму же не обретется помощник подобный ему. 21 И наложи Бог изступление на Адама, и успе: и взя едино от ребр его, и исполни плотию вместо его. 22 И созда Господь Бог ребро, еже взя от Адама, в жену, и приведе ю ко Адаму. 23 И рече Адам: се, ныне кость от костей моих и плоть от плоти моя: сия наречется жена, яко от мужа своего взята бысть сия. 24 Сего ради оставит человек отца своего и мать и прилепится к жене своей, и будета два в плоть едину. 25 И беста оба нага, Адам же и жена его, и не стыдятся.

3 Змий же бе мудрейший всех зверей сущих на земли, иже сотвори Господь Бог. И рече змий жене: что яко рече Бог: да не ясте от всякаго древа райскаго? 2 И рече жена змию: от всякаго древа райскаго ясти будем: 3 от плода же древа, еже есть посреде рая, рече Бог, да не ясте от него, ниже прикоснетесь ему, да не умрете. 4 И рече змий жене: не смертию умрете: 5 ведяше бо Бог, яко в оньже аще день снете от него, отверзутся очи ваши, и будете яко бози, ведяще доброе и лукавое. 6 И виде жена, яко добро древо в снedy и яко угодно очима видети и красно есть, еже разумети: и вземши от плода его яде, и даде мужу своему с собою, и ядоста. 7 И отверзошася очи обема, и разумеша, яко нази беша: и сшиста листвие смоковное, и сотвориста себе препоясания. 8 И услышаста глас Господа Бога ходяща в раи по полудни: и скрыстася Адам же и жена его от лица Господа Бога посреде древа райскаго. 9 И призва Господь Бог Адама и рече ему: Адаме, где еси? 10 И рече Ему: глас слышаш Тебе ходяща в раи, и убояхся, яко наг есмь, и скрыхся. 11 И рече ему Бог: кто возвести тебе, яко наг еси, аще не бы от древа, егоже заповедах тебе сего единого не ясти, от него ял еси? 12 И рече Адам: жена, юже дал еси со мною, та ми даде от древа, и ядох. 13 И рече Господь Бог жене: что сие сотворила еси? И рече жена: змий прельсти мя, и ядох. 14 И рече Господь Бог змию: яко сотворил еси сие, проклят ты от всех скотов и от всех зверей земных: на персех твоих и чреве ходити будеши, и землю снеси вся дни живота твоего: 15 и вражду положу между тобою и между женою, и между семенем твоим и между семенем тоя: той твою блюсти будет главу, и ты блюсти будеши его пята. 16 И жене рече: умножая умножу печали твоя и въздыхания твоя: в болезнех родиши чада, и к мужу твоему обращение твое, и той тобою обладати будет. 17 И Адаму рече: яко послушал еси гласа жены твоя и ял еси от древа, егоже заповедах тебе сего единого не ясти, от него ял еси: проклята земля в делех твоих, в печалех снеси тую вся дни живота твоего: 18 терния и волчцы возрастит тебе, и снеси траву селную: 19 в поте лица твоего снеси хлеб твой, дондеже возвратишия в землю, от неяже взят еси: яко земля еси, и в землю отидеши. 20 И нарече Адам имя жене своей Жизнь, яко та мати всех живущих. 21 И сотвори Господь Бог Адаму и жене его ризы кожаны, и облече их. 22 И рече Бог: се, Адам бысть яко един от Нас, еже разумети доброе и лукавое: и ныне да не когда прострет руку свою и возмет от древа жизни и снес, и жив будет во век. 23 И изгна его Господь Бог из рая Сладости делати землю, от неяже взят бысть. 24 И изрину Адама, и всели его прямо рая Сладости: и пристави Херувима, и пламенное оружие обращаемое, хранити путь древа жизни.

4 Адам же позна Еву жену свою, и заченши роди Каина и рече: стяжах человека Богом. 2 И приложи родити брата его, Авеля. И бысть Авель пастырь овец, Каин же бе делая землю. 3 И бысть по днех, принесе Каин от плодов земли жертву Богу: 4 и Авель принесе и той от первородных овец своих и от туков их. И призре Бог на Авеля и на дары

его: 5 на Каина же и на жертвы его не внят. И опечалися Каин зело, и испаде лице его. 6 И рече Господь Бог Каину: вскую прискорбен был еси? И вскую испаде лице твое? 7 Еда аще право принесл еси, право же не разделил еси, не согрешил ли еси? Умолкни: к тебе обращение его, и ты тем обладаеши. 8 И рече Каин ко Авелю брату своему: пойдем на поле. И бысть внегда быти им на поли, воста Каин на Авеля брата своего и уби его. 9 И рече Господь Бог ко Каину: где есть Авель брат твой? И рече: не вем: еда страж брату моему есмь аз? 10 И рече Господь: что сотворил еси? Глас крове брата твоего вопиет ко Мне от земли: 11 и ныне проклят ты на земли, яже разверзе уста своя прияти кровь брата твоего от руки твоя: 12 егда делаеши землю, и не приложит силы своя дати тебе: стена и трясыйся будеши на земли. 13 И рече Каин ко Господу Богу: вящшая вина моя, еже оставитися ми: 14 аще изгониши мя днесь от лица земли, и от лица Твоего скрююся, и буду стена и трясыйся на земли, и будет, всяк обретаый мя убьет мя. 15 И рече ему Господь Бог: не тако: всяк убивый Каина седмижды отмстится. И положи Господь Бог знамение на Каине, еже не убити его всякому обретающему его. 16 И изыде Каин от лица Божия и вселися в землю Наид, прямо Едему. 17 И позна Каин жену свою, и заченши роди Еноха. И бе зиждй град, и именована град во имя сына своего Енох. 18 Родися же Еноху Гаидад: и Гаидад роди Малелеила: и Малелеил роди Мафусала: Мафусал же роди Ламеха. 19 И взя себе Ламех две жены: имя единой Ада и имя второй Селла. 20 И роди Ада Иовила: сей бяше отец живущих в селениих скотопитателей. 21 И имя брату его Иувал: сей бяше показавый певницу и гусли. 22 Селла же и тая роди Фовела: сей бяше млатобиец, ковачь меди и железа: сестра же Фовелова Ноема. 23 Рече же Ламех своим женам: Ада и Селла, услышите глас мой, жены Ламеховы, внушите моя словеса: яко мужа убих в язву мне и юношу в струп мне: 24 яко седмицею отмстится от Каина, от Ламеха же семьдесят седмицею. 25 Позна же Адам Еву жену свою: и заченши роди сына, и именована имя ему Сиф, глаголющи: воскреси бо ми Бог семья другое, вместо Авеля, егоже уби Каин. 26 И Сифу бысть сын: именована же имя ему Енос: сей упова призывати имя Господа Бога.

5 Сия книга бытия человека, в оньже день сотвори Бог Адама, по образу Божию сотвори его, 2 мужа и жену сотвори их и благослови их: и нарече имя ему Адам, в оньже день сотвори их. 3 Поживе же Адам лет двесте тридесать и роди сына по виду своему и по образу своему, и нарече имя ему Сиф. 4 Быша же дние Адамовы, яже поживе, по еже родити ему Сифа, лет семь сот, и роди сыны и дщери. 5 И быша вси дние Адамовы, яже поживе, лет девять сот и тридесать: и умре. 6 Поживе же Сиф лет двесте пять и роди Еноса. 7 И поживе Сиф, по еже родити ему Еноса, лет семь сот и семь, и роди сыны и дщери. 8 И быша вси дние Сифовы лет девять сот и дванадесать: и умре. 9 И поживе Енос лет сто девятьдесят и роди Каинана. 10 И поживе Енос, по еже родити ему Каинана, лет семь сот и пятнадцать, и роди сыны и дщери. 11 И быша вси

дни Еносовы лет девять сот и пять: и умре. 12 И поживе Каинан лет сто семьдесят и роди Малелеила. 13 И поживе Каинан, по еже родити ему Малелеила, лет семь сот и четыредесять, и роди сыны и дщери. 14 И быша вси дние Каинановы лет девять сот и десять: и умре. 15 И поживе Малелеил лет сто шестьдесят пять и роди Иареда. 16 И поживе Малелеил, по еже родити ему Иареда, лет семь сот и тридесять, и роди сыны и дщери. 17 И быша вси дние Малелеиловы лет осмь сот и девяносто пять: и умре. 18 И поживе Иаред лет сто шестьдесят два и роди Еноха. 19 И поживе Иаред, по еже родити ему Еноха, лет осмь сот, и роди сыны и дщери. 20 И быша вси дние Иаредовы лет девять сот и шестьдесят два: и умре. 21 И поживе Енох лет сто шестьдесят пять и роди Мафусала. 22 Угоди же Енох Богу, и поживе Енох, по еже родити ему Мафусала, лет двесте, и роди сыны и дщери. 23 И быша вси дние Еноховы лет триста шестьдесят пять. 24 И угоди Енох Богу, и не обреташеся, зане преложи его Бог. 25 И поживе Мафусал лет сто осмьдесят семь и роди Ламеха. 26 И поживе Мафусал, по еже родити ему Ламеха, лет семь сот осмьдесят два, и роди сыны и дщери. 27 И быша вси дние Мафусаловы, яже поживе, лет девять сот и шестьдесят девять: и умре. 28 И поживе Ламех лет сто осмьдесят осмь и роди сына, 29 и нарече имя ему Ное, глаголя: сей упокоит нас от дел наших и от печали рук наших, и от земли, юже прокля Господь Бог. 30 И поживе Ламех, по еже родити ему Ноа, лет пять сот и шестьдесят пять, и роди сыны и дщери. 31 И быша вси дние Ламеховы лет семь сот и пятьдесят три: и умре. 32 И бе Ное лет пяти сот, и роди сыны три, Сима, Хама, Иафефа.

6 И бысть егда начаша человецы мнози бývати на земли, и дщери родишася им: 2 видевше же сынове Божии дщери человеци, яко добры суть, пояша себе жены от всех, яже избраша. 3 И рече Господь Бог: не имать Дух Мой пребывати в человецех сих во век, зане суть плоть: будут же дние их лет сто двадесять. 4 Исполни же бяху на земли во дни оны: и потом, егда вхождаху сынове Божии к дщерем человеческим, и раждаху себе: тии бяху исполнии, иже от века, человецы именитии. 5 Видев же Господь Бог, яко умножишася злобы человеков на земли: и всяк помышляет в сердцы своем прилежно на злая во вся дни: 6 и помысли Бог, яко сотвори человека на земли, и размысли. 7 И рече Бог: потреблю человека, егоже сотворих, от лица земли, от человека даже до скота, и от гада даже до птиц небесных: зане размыслих, яко сотворих я. 8 Ное же обрете благодать пред Господем Богом. 9 Сия же бытия Ноева: Ное человек праведен совершен сый в роде своем, Богу угоди Ное. 10 Роди же Ное три сыны, Сима, Хама, Иафефа. 11 Растлеса же земля пред Богом, и наполнися земля неправды. 12 И виде Господь Бог землю, и бе растленна: яко растли всяка плоть путь свой на земли. 13 И рече Господь Бог Ною: время всякого человека прииде пред Мя, яко исполнися земля неправды от них: и се, Аз погублю их и землю. 14 Сотвори убо себе ковчег от дрв (негниющих) четвероугольных: гнезда сотвориши в ковчезе, и посмолиши его внутрюду и внеуду смолою. 15 И тако сотвориши ковчег: трех сот лактей долгота

ковчеза, и пятидесяти лактей широта, и тридесяти лактей высота его. 16 Собирая сводом сотвориши ковчег, и в лакоть свершиши его свыше: дверь же ковчеза сотвориши от страны: обиталища двокровна и трекровна сотвориши в нем. 17 Аз же, се, наведу потоп, воду на землю, погубити всяку плоть, в нейже есть дух жизни под небесем: и елика суть на земли, скончуются. 18 И поставлю завет Мой с тобою: внидеши же в ковчег ты и сынове твои, и жена твоя и жены сынов твоих с тобою. 19 И от всех скотов и от всех гад, и от всех зверей, и от всякия плоти, два два от всех введеши в ковчег, да питаеши с собою: мужеский пол и женский будут. 20 От всех птиц пернатых по роду, и от всех скотов по роду, и от всех гадов ползающих по земли по роду их, два два от всех внидут к тебе, питатися с тобою, мужеский пол и женский. 21 Ты же возми себе от всех брашен, яже имате ясти, и собереши к себе, и будут тебе и оным брашно. 22 И сотвори Ное вся елика заповеда ему Господь Бог, тако сотвори.

7 И рече Господь Бог к Ною: вниди ты и весь дом твой в ковчег, яко тя видех праведна предо Мною в роде сем: 2 от скотов же чистых введи к себе семь семь, мужеский пол и женский: от скотов же нечистых два два, мужеский пол и женский: 3 и от птиц небесных чистых семь семь, мужеский пол и женский: и от всех птиц нечистых две две, мужеский пол и женский, препитати семя по всей земли: 4 еще бо дний семь, Аз наведу дождь на землю четыредесять дний и четыредесять ночей: и потреблю всякое востание, еже сотворих, от лица всея земли. 5 И сотвори Ное вся, елика заповеда ему Господь Бог. 6 Ное же бе лет шести сот, и потоп водный бысть на земли. 7 Вниде же Ное и сынове его, и жена его и жены сынов его с ним в ковчег, воды ради потопа. 8 И от птиц чистых и от птиц нечистых, и от скот чистых и от скот нечистых, (и от зверей,) и от всех гадов пресмыкающихся по земли, 9 два два внидоша к Ною в ковчег, мужеский пол и женский, якоже заповеда (Господь) Бог Ною. 10 И бысть по седми днех, и вода потопная бысть на земли. 11 В шестсотное лето в житии Ноеве, втораго месяца, в двадесать седмый день месяца, в день той разверзошася вси источницы бездны, и хляби небесныя отверзошася: 12 и бысть дождь на землю четыредесять дний и четыредесять ночей. 13 В день той вниде Ное, Сим, Хам, Иафеф, сынове Ноевы, и жена Ноева, и три жены сынов его с ним в ковчег. 14 И вси зверие земнии по роду, и вси скоти по роду, и всякий гад движущийся на земли по роду, и всякая птица пернатая по роду своему, 15 внидоша к Ною в ковчег два два, мужеский пол и женский, от всякия плоти, в нейже есть дух животный: 16 и входящая мужеский пол и женский от всякия плоти, внидоша к Ною в ковчег, якоже заповеда Господь Бог Ною: и затвори Господь Бог ковчег отвне его. 17 И бысть потоп четыредесять дний и четыредесять ночей на земли, и умножися вода и взя ковчег, и возвысися от земли: 18 и возмозгаше вода, и умножашеся зело на земли, и ношашеся ковчег верху воды. 19 Вода же возмозгаше зело зело на земли: и покры вся горы высокия, яже бяху под небесем: 20 пятнадцать лактей

горе возвысися вода, и покры вся горы высокия. 21 И умре всякая плоть движущаяся по земли птиц и скотов и зверей, и всякий гад движущийся на земли, и всякий человек, 22 и вся елика имут дыхание жизни, и все еже бе на суши умре. 23 И потребися всякое востание, еже бяше на лицах всея земли, от человека даже до скота и гадов и птиц небесных, и потребишася от земли: и оста Ное един, и иже с ним в ковчезе. 24 И возвысися вода над землею дний сто пятьдесят.

8 И помяну Бог Ное, и вся звери, и вся скоты, и вся птицы, и вся гады пресмыкающыяся, елика беху с ним в ковчезе: и наведе Бог дух на землю, и преста вода. 2 И заключишася источники бездны и хляби небесныя: и удержася дождь от небесе. 3 И вспять поиде вода идущая от земли: и умаляшеся вода по сте пятидесятих днх. 4 И седе ковчег в месяц седмый, в двадцать седмый день месяца, на горах Араратских. 5 Вода же уходящи умаляшеся даже до десятого месяца: в десятый месяц, в первый день месяца явишася верси гор. 6 И бысть до четырёхдесятих днх отверзе Ное оконце ковчеза, еже сотвори, 7 и посла врана (видети, аще уступила вода от лица земли): и изшед не возвратися, дондеже изсяче вода от земли. 8 И посла голубицу по нем видети, аще уступила вода от лица земли: 9 и не обрети голубица покоя ногама своима, возвратися к нему в ковчег, яко вода бяше по всему лицу всея земли: и простер руку свою, прият ю и внесе ю к себе в ковчег. 10 И премедлив еще семь дний, паки посла голубицу из ковчеза. 11 И возвратися к нему голубица к вечеру, и имевше сучец масличен с листием во устех своих: и позна Ное, яко уступи вода от лица земли. 12 И премедлив еще семь дний других, паки посла голубицу, и не приложи возвратитися к нему потом. 13 И бысть в первое и шестьсотное лето жития Ноева, в первый день перваго месяца, изсяче вода от лица земли: и откры Ное покров ковчеза, егоже сотвори, и виде, яко изсяче вода от лица земли. 14 В месяц же второй, в двадцать седмый день месяца изсье земля. 15 И рече Господь Бог Ноеви, глаголя: 16 изыди из ковчеза ты и жена твоя, и сынове твои и жены сынов твоих с тобою: 17 и вся звери, елицы суть с тобою, и всяку плоть от птиц даже до скотов, и всяк гад движущийся по земли изведи с собою: и раститесь и множитесь на земли. 18 И изыде Ное и жена его, и сынове его и жены сынов его с ним, 19 и вси зверие, и вси скоти, и вся птицы и вси гады движущиися по роду своему на земли изыдоша из ковчеза. 20 И созда Ное жертвенник Господеви: и взя от всех скотов чистых и от всех птиц чистых и вознесе во всеожжение на жертвенник. 21 И обоня Господь воню благоухания. И рече Господь Бог размыслив: не приложу ктому прокляти землю за дела человеческая, зане прилежит помышление человеку прилежно на злая от юности его: не приложу убо ктому поразити всякую плоть живущую, якоже сотвори: 22 во вся дни земли сеятва и жатва, зима и зной, лето и весна, день и ночь не престанут.

9 И благослови Бог Ное и сыны его и рече им: раститесь и множитесь, и наполните землю и обладайте ею: 2

и страх и трепет ваш будет на всех зверех земных (и на всех скотех земных,) на всех птицах небесных и на всех движущихся по земли и на всех рыбах морских: в руке ваши вдах (я). 3 И всякое движущееся, еже есть живо, вам будет в снедь: яко зелие травное дах вам все. 4 Точию мяса в крови души да не снете. 5 Крови бо вашей, душ ваших, от руки всякого зверя изыщу (ея): и от руки человека брата изыщу ея. 6 Проливаяя кровь человеку, в ея место его пролиется: яко во образ Божий сотвори человек. 7 Вы же раститесь и множитесь, и наполните землю, и множитесь на ней. 8 И рече Бог Ноеви и сыном его с ним, глаголя: 9 се, аз поставлю завет Мой вам и семени вашему по вас, 10 и всякой души живущей с вами от птиц и от скот и всем зверем земным, елика с вами (суть) от всех изшедших из ковчеза: 11 и поставлю завет Мой с вами: и не умрет всяка плоть ктому от воды потопныя, и ктому не будет потоп водный, еже истлится всю землю. 12 И рече Господь Бог Ноеви: сие знамение завета, еже аз даю между Мною и вами, и между всякою душею живою, яже есть с вами, в роды вечныя: 13 дугу Мою полагаю во облаце, и будет в знамение завета (вечнаго) между Мною и землею. 14 И будет егда наведу облаки на землю, явится дуга Моя во облаце: 15 и помяну завет Мой, иже есть между Мною и вами, и между всякою душею живущею во всякой плоти, и не будет ктому вода в потоп, яко потребити всяку плоть. 16 И будет дуга Моя во облаце: и узрю ю, еже поманути завет вечный между Мною и землею, и между всякою душею живущею во всякой плоти, яже есть на земли. 17 И рече Бог Ноеви: сие знамение завета, егоже положих между Мною и между всякою плотию, яже есть на земли. 18 Быша же сынове Ноевы изшедши из ковчеза, Сим, Хам, Иафет: Хам же бяше отец Ханаань. 19 Трие сии суть сынове Ноевы: от сих разсеяшася по всей земли. 20 И начат Ное человек делатель (быти) земли, и насади виноград: 21 и испи от вина, и упися, и обнажися в дому своем. 22 И виде Хам отец Ханаань наготу отца своего, и изшед вон поведа обема братома своима. 23 И вземше сим и Иафет ризу, возложиша (ю) на обе раме свои, и идоша вспять зряще, и покрывша наготу отца своего: и лице их вспять зря, и наготы отца своего не видеша. 24 Истрезвися же Ное от вина, и разуме елика сотвори ему сын его юнейший, 25 и рече: проклят (буди) Ханаан отрок: раб будет братьям своим. 26 И рече: благословен Господь Бог Симов: и будет Ханаан отрок раб ему: 27 да распространит Бог Иафета, и да вселится в селениих Симовых, и да будет Ханаан раб ему. 28 Поживе же Ное по потопе лет триста пятьдесят. 29 И быша вси дние Ноевы лет девять сот пятьдесят: и умре.

10 Сия же (суть) бытия сынов Ноевых, Сима, Хама, Иафета. И родишася им сынове по потопе. 2 Сынове Иафетовы: Гамер и Магог, и Мадай и Иован, и Елиса и Фовел, и Мосох и Фирас. 3 Сынове же Гамеровы: Асханас и Рифаф и Форгама. 4 Сынове же Иовани: Елиса и Фарсис, Китийстии и Родийстии. 5 От сих разделишася острови языков (всех) в земли их: кийждо по языку в племенех

своих и в народах своих. 6 Сынове же Хамовы: Хус и Месраин, Фуд и Ханаан. 7 Сынове Хусовы: Сава и Евила, и Савафа и Регма, и Савафака. Сынове же Регмановы: Сава и Дадан. 8 Хус же роди Неврода: сей начат быти исполин на земли: 9 сей же исполин ловец пред Господем Богом: сего ради рекут: яко Неврод исполин ловец пред Господем. 10 И бысть начало царства его Вавилон и Орех, и Архад и Халанни на земли Сеннаар. 11 От земли тоя изыде Ассур: и созда Ниневию, и Роовоф град, и Халах. 12 И Дасем между Ниневию и между Халахом: сей есть град великий. 13 Месраин же роди Лудиима и Неффалима, и Енеметиима и Лавиима, 14 и Патросониима и Хасмониима, отнюдуже изыде Филистиим, и Гаффориима. 15 Ханаан же роди Сидона первенца (своего) и Хеттеа, 16 и Иевусеа и Аморреа, и Гергесеа 17 и Евеа, и Арукеа и Асеннеа, 18 и Арадиа и Самареа, и Амафию. И посем разсеяшася племена Хананейская: 19 и быша пределы Хананейсти от Сидона даже приити до Герара и Газы, идуще даже до Содома и Гоморры, до Адамы и Севоима, даже до Даса. 20 Сии сынове Хамовы в племенах своих, по языком своим, в странах своих и в народах своих. 21 И Симу родися и тому, отцу всех сынов Еверовых, брату Иаффефа старейшаго. 22 Сынове Симовы: Елам и Ассур, и Арфаксад и Луд, и Арам и Каинан. 23 И сынове Арамли: Ос и Ул, и Гатер и Мосох. 24 И Арфаксад роди Каинана, Каинан же роди Салу, Сала же роди Евера. 25 И родистася Еверу два сына: имя единому Фалек: во дни бо его разделися земля: и имя брату его Иектан. 26 Иектан же роди Елмодада и Салефа, и Сармофа и Иараха, 27 и Одорра и Евила и Декла, 28 и Евала и Авимаила и Совева, 29 и Уфира и Евила и Иовава: вси сии сынове Иектановы. 30 И бысть селение их от Маси даже приити до Сафира, горы восточныя. 31 Сии сынове Симовы, в племенах своих, по языком их, в странах их и в народах их. 32 Сия племена сынов Ноевых по родом их, по языком их: от сих разсеяшася острови языков на земли по потопе.

11 И бе вся земля устне единые, и глас един всем. 2 И бысть внегда поити им от восток, обретоша поле в земли Сеннаарстей и вселишася тамо. 3 И рече человек ближнему своему: приидите, сотворим плинфы и испечем их огнем. И бысть им плинфа в камень, и брение вместо мела. 4 И рекоша: приидите, созиждем себе град и столп, егоже верх будет даже до небесе: и сотворим себе имя, прежде неже разсеятися нам по лицу всея земли. 5 И слыде Господь видети град и столп, егоже созидаша сынове человечести. 6 И рече Господь: се, род един, и устне единые всех, и сие начаша творити: и ныне не осудею от них вся, елика аще восхотят творити. 7 Приидите, и сошедше смесим тамо язык их, да не услышат кийждо гласа ближняго (своего). 8 И разсея их оттуду Господь по лицу всея земли: и престаша зиждущие град и столп. 9 Сего ради наречеся имя его Смешение, яко тамо смеси Господь устна всея земли, и оттуду разсея их Господь по лицу всея земли. 10 И сия бытия Симова: и бяше Сим сын ста лет, егда роди Арфаксада, во второе лето по потопе: 11 и поживе Сим,

повнегда родити ему Арфаксада, лет пять сот и роди сыны и дщери: и умре. 12 И поживе Арфаксад лет сто тридесять пять и роди Каинана: 13 и поживе Арфаксад, повнегда родити ему Каинана, лет триста тридесять и роди сыны и дщери: и умре. И поживе Каинан лет сто тридесять и роди Салу: и поживе Каинан, повнегда родити ему Салу, лет триста тридесять и роди сыны и дщери: и умре. 14 И поживе Сала лет сто тридесять и роди Евера: 15 и поживе Сала, повнегда родити ему Евера, лет триста тридесять и роди сыны и дщери: и умре. 16 И поживе Евер лет сто тридесять четыри и роди Фалека: 17 и поживе Евер, повнегда родити ему Фалека, лет триста семьдесят и роди сыны и дщери: и умре. 18 И поживе Фалек лет сто тридесять и роди Рагава: 19 и поживе Фалек, повнегда родити ему Рагава, лет двесте девять и роди сыны и дщери: и умре. 20 И поживе Рагав лет сто тридесять два и роди Серуха: 21 и поживе Рагав, повнегда родити ему Серуха, лет двесте семь и роди сыны и дщери: и умре. 22 И поживе Серух лет сто тридесять и роди Нахора: 23 и поживе Серух, повнегда родити ему Нахора, лет двесте и роди сыны и дщери: и умре. 24 И поживе Нахор лет семьдесят девять и роди Фарру: 25 и поживе Нахор, повнегда родити ему Фарру, лет сто двадцать девять и роди сыны и дщери: и умре. 26 И поживе Фарра лет семьдесят и роди Аврама и Нахора и Аррана. 27 Сия же бытия Фарры: Фарра роди Аврама и Нахора и Аррана. Арран же роди Лота: 28 и умре Арран пред Фаррою отцем своим в земли, в нейже родися, в стране Халдейстей. 29 И пояста Аврам и Нахор себе жены: и имя жене Аврамли Сара, и имя жене Нахорове Мельха, дщи Арраня: сей есть отец Мельхин и отец Есхин. 30 Бяше же Сара неплоды и не раждаше детей. 31 И поят Фарра Аврама сына своего и Лота сына Арраня, сына сына своего, и Сару сноху свою, жену Аврама сына своего: и изведе я из земли Халдейския ити на землю Ханаанску: и приидоша даже до Харрана и вселишася тамо. 32 Быша же вси дние Фаррины в земли Харрани лет двесте пять: и умре Фарра в Харране.

12 И рече Господь Авраму: изыди от земли твоя, и от рода твоего, и от дому отца твоего, и иди в землю, юже ти покажу: 2 и сотворю тя в язык великий, и благословлю тя, и возвеличу имя твое, и будещи благословен: 3 и благословлю благословящия тя, и кленущия тя проклену: и благословятся о тебе вся племена земная. 4 И иде Аврам, якоже глагола ему Господь, и идяше с ним Лот: Аврам же бе лет семидесяти пяти, егда изыде от (земли) Харран. 5 И поят Аврам Сару жену свою, и Лота сына брата своего, и вся имения своя, елика стяжаша, и всякую душу, юже стяжаша в Харране: и изыдоша поити в землю Ханаану. 6 И пройде Аврам землю в долготу ея даже до места Сихем, до дуба Высокаго: Хананее же тогда живяху на земли (той). 7 И явися Господь Авраму и рече ему: семени твоему дам землю сию. И созда тамо Аврам жертвенник Господу явльшемуся ему. 8 И отступи оттуду в гору на восток (лицем) прямо Вефилю, и постави тамо кушу свою в Вефили при мори, и Аге к востоком: и созда тамо жертвенник Господу, и призва

во имя Господа (являшася ему). 9 И воздвижеся Аврам, и шед ополчися в пустыни. 10 И бысть глад на земли: и сниде Аврам во Египет вселитися тамо, яко одоле глад на земли. 11 Бысть же егда приближися Аврам внити во Египет, рече Аврам Саре жене своей: вем аз, яко жена добролична еси: 12 будет убо егда увидят тя Египтяне, рекут, яко жена его есть сия: и убьют мя, тебе же снабдят: 13 рцы убо, яко сестра ему есмь, да добро мне будет тебе ради, и будет жива душа моя тебе ради. 14 Бысть же егда вниде Аврам во Египет, видевше Египтяне жену его, яко добра быше зело, 15 и видеша уо князи фараони и похвалиша уо пред фараоном, и введоша ю в дом фараонов. 16 И Авраму добре бяше ея ради: и быша ему овцы и телцы и ослы, и рабы и рабыни, и мски и велблуды. 17 И мучи Господь казньми великими и лютыми фараона и дом его Сары ради жены Аврамли. 18 Призвав же фараон Аврама, рече ему: что сие сотворил еси мне, яко не поведал ми еси, яко жена твоя есть? 19 Вскую рекл еси, яко сестра ми есть? И поях ю себе в жену. И ныне се, жена твоя пред тобою: поемь ю отиди. 20 И заповеда фараон мужем о Авраме, проводити его и жену его, и вся, елика быша его, и Лота с ним.

13 Изыде же Аврам от Египта сам и жена его, и вся, елика его, и Лот с ним в пустыню. 2 Аврам же бяше богат зело скоты и серебром и златом. 3 И иде отнюдуже прииде, в пустыню до Вефила, до места, идеже бе ему куща первее, между Вефилом и между Агге, 4 на место жертвенника, идеже сотвори его первее: и призва тамо Аврам имя Господне. 5 И Лоту ходящу со Аврамом бяху овцы, и волы, и куцы. 6 И не ввещаше их земля жити вкупе, яко имения их бяху многа: и не можаху жити вкупе. 7 И бысть распря между пастухи скота Аврамля и между пастухи скота Лотова: Хананеи же и Ферезеи тогда живяху на земли (той). 8 Рече же Аврам Лоту: да не будет распря между мною и тобою, и между пастухи твоими и между пастухи моими, яко человецы братия мы есмы: 9 не се ли вся земля пред тобою есть? Отлучися ты от мене: аще ты на лево, аз на десно: аще же ты на десно, аз на лево. 10 И возвед Лот очи свои, виде всю окрестную страну Иорданскую, яко вся напаяема быше водою, прежде неже низвратити Богу Содом и Гоморр, яко рай Божий, и яко земля Египетска, даже приити до Зогора: 11 и избра себе Лот всю окрестную страну Иорданскую, и отиде Лот от востока: и разлучистася кийждо от брата своего. 12 Аврам же вселися в земли Ханаанстей, Лот же вселися во граде окрестных стран и вселися в Содоме. 13 Челоуцы же сущии в Содоме зли и грешни пред Богом зело. 14 Бог же рече Авраму, повнегда разлучитися Лоту от него: воззри очима твоима и виждь от места, идеже ты ныне еси, к северу, и ливе, и к востоку, и морю: 15 яко всю землю, юже ты видиши, тебе дам ю и семени твоему во веки, 16 и сотворю семя твое, яко песок земный: аще кто может исчисти песок земный, то и семя твое изочтет: 17 встав прииди землю в долготу ея и в широту: яко тебе дам ю и семени твоему во век. 18 И отселився Аврам, пришед вселися у дуба Мамврийскаго, иже бяше в Хевроне: и созда ту жертвенник Господу.

14 Бысть же в царство Амарфала царя Сеннаарска, и Ариох царь Елласарск, и Ходоллогомор царь Еламск, и Фаргал царь языческий 2 сотвориша рать с Валлоу царем Содомским и с Варсою царем Гоморрским, и с Сеннааром царем Адамы и с симовором царем Севоимским, и с царем Валаки: сия есть Сигор. 3 Все сии совещахася на юдоль Сланую: сие есть море Сланое. 4 Дванадесять лет тии работаша Ходоллогомору: третияго же надесять лета отступиша. 5 И в четвертое надесять лето, прииде Ходоллогомор, и цари иже с ним, и изсекоша Исполинов сущих во Астарофе и в Карнаине, и языки крепки вкупе с ними, и омеов, иже в Саби граде, 6 и Хорреов, иже в горах Сиирских, даже до Теревинфа Фарана, иже есть в пустыни. 7 И возвратившеся приидоша ко источнику Судному, иже есть Кадис: и ссекоша вся князи Амаликовы, и Аморреов живущих во Асанфамаре. 8 Изыде же царь Содомский и царь Гоморрский, и царь Адаманский и царь Севоимский, и царь Валаки, сия есть Сигор: и ополчисася противу их на брань во юдоли Сланой, 9 на Ходоллогомора царя Еламска и Фаргала царя языческа, и Амарфала царя Сеннаарска и Ариоха царя Елласарска: четыри цари на пять. 10 Юдоль же Сланая имяше кладязи смоляныя. И побеже царь Содомский и царь Гоморрский, и падоша тамо: оставшиися же бежаша в горняя (и одержаша я). 11 Взвзаша же вся конныя Содомския и Гоморрския и вся брашна их, и отидоша. 12 Взвзаша же и Лота сына брата Аврамова и имение его, и отидоша: бе бо в Содомех живый. 13 Пришед же един от уцелевших, возвести Авраму пришелцу, иже живяше у дуба Мамврийскаго, Аморрея брата Есколя и брата Авнаня, иже беша союзници Аврамовы. 14 Слышав же Аврам, яко пленен бысть Лот братаничъ его, сочте домочадцы своя триста и осмьнадесять, и погна вслед их даже до Дана. 15 И нападе на ня нощию сам и отроцы его (с ним): и порази их и гони их даже до Ховала, иже есть ошуюю Дамаска: 16 и возврати вся конныя Содомския, и Лота сына брата своего возврати, и вся имения его, и жены, и люди. 17 Изыде же царь Содомский в сретение ему, повнегда возвратитися ему от сеча Ходоллогоморскаго, и царей сущих с ним, в юдоль Савину: сие же бяше поле цареве: 18 и Мелхиседек царь Салимский изнесе хлебы и вино: бяше же священник Бога Вышняго. 19 И благослови Аврама, и рече: благословен Аврам Богом Вышним, иже созда небо и землю: 20 и благословен Бог Вышний, Иже предаде враги твоя под руки тебе. И даде ему десятину Аврам от всего. 21 Рече же царь Содомский ко Авраму: даждь ми мужы, а кони возми себе. 22 Рече же Аврам к царю Содомску: воздвигну руку мою ко Господу Богу Вышнему, иже сотвори небо и землю: 23 аще от нити до ремена сапожнаго возму от всего твоего, да не речеши, яко аз обогатих Аврама: 24 кроме сих, яже снедоша отроцы, и части мужей, иже ходиша со мною, Есхол, Авнан, Мамврий: сии да возмут части (своя).

15 По глаголах же сих, бысть слово Господне ко Авраму в видении нощию, глаголя: не бойся, Авраме: аз защищаю тя, мзда твоя многа будет зело. 2 Глагола же

Аврам: Владыко Господи, что ми даси? Аз же отпущаюся беззачин: сын же масек домочадицы моя, сей Дамаск Елизеер. 3 И рече Аврам: понеже мне не дал еси семени, домочадец же мой наследник мой будет. 4 И абие глас Господень бысть к нему, глаголющий: не будет сей наследник твой, но иже изыдет из тебе, той будет наследник тебе. 5 Изведе же его вон и рече ему: воззри на небо и изочи звезды, аще возможеши исчести я. И рече: тако будет семя твое. 6 И верова Аврам Богу, и вменися ему в правду. 7 Рече же к нему: Аз (есмы) Бог изведый тя от страны Халдейския, яко дати тебе землю сию наследствовати. 8 И рече: Владыко Господи, по чесому уразумею, яко наследити ю имам? 9 Рече же к нему: возми Мне юницу трилетну и козу трилетну и овна трилетна, и горлицу и голубя. 10 Взя же он вся сия и раздели я на полы, и положи я противолчна едина ко другому: птиц же не раздели. 11 Слетеша же птицы на телеса растесаная их: и седе близу их Аврам. 12 Заходящу же солнцу, ужас нападе на Аврама, и се, страх темен велий нападе на нь. 13 И речено бысть ко Авраму: ведый увеси, яко преселно будет семя твое в земли не своей, и поработят я, и озлобят я, и смирят я лет четыриста: 14 языку же, ему же поработают, сужду Аз: по сих же изыдут семо со имением многим: 15 ты же отидеши ко отцем твоим в мире, препитан в старости добрей: 16 в четвертем же роде возвратятся семо: не бо исполнишася греси Аморреов до ныне. 17 Егда же бысть солнце на западе, пламень бысть: и се, пещь дымящися, и свещи огненны, яже проидоша между растесании сими. 18 В день той завета Господь Авраму завет, глаголя: семени твоему дам землю сию от реки Египетския даже до реки великия Евфрата: 19 Кенеов и Кенезеов и Кедмонеов, 20 и Хеттеов и Ферезеов и Рафаинов, 21 и Аморреов и Хананеов, и Евеов и Гергесеов и Иевусеов.

16 Сара же жена Аврамля не раждаше ему: бяше же ей раба Египтяныня, ей же имя Агарь. 2 Рече же Сара ко Авраму: се, заключи мя Господь, еже не раждати: вниди убо к рабе моей, да чада сотворю от нея. Послуша же Аврам гласа Сарина. 3 И поимши Сара жена Аврамля Агарь Египтяныню рабу свою, по десяти летех вселения Аврамля в земли Ханаани, даде ю в жену Авраму мужу своему. 4 И вниде ко Агари, и зачат: и виде, яко во чреве имать, и укорена бысть госпожа (ея) пред нею. 5 И рече Сара ко Авраму: обиди ми от тебе: аз дах рабу мою в недро твое: она же видевши, яко во чреве имать, укорена бых пред нею: суди Бог между мною и тобою. 6 Рече же Аврам к Саре: се, раба твоя в руку твою: твори ей, якоже ти есть угодно. И озлоби ю Сара: и отбеже от лица ея. 7 И обрете ю Ангел Господень у источника воды в пустыни, у источника на пути Сур. 8 И рече ей Ангел Господень: Агарь, раба Сарина, откуда идеши и камо грядеши? И рече: от лица Сары госпожи моя аз бегу. 9 Рече же ей Ангел Господень: возвратися к госпоже своей и покорися под руку ея. 10 И рече ей Ангел Господень: умножая умножу семя твое, и не сочтется от множества. 11 И рече ей Ангел Господень: се, ты во чреве имаши и родиши сына, и наречеши имя ему Исмаил: яко услыша Господь смирение твое: 12 сей будет

селный человек: руце его на всех, и руки всех на него, и пред лицем всея братии своея вселится. 13 И призва Агарь имя Господа глаголющаго к ней: Ты Бог призревый на мя: яко рече: ибо предо мною видех являшагося мне. 14 Сего ради прозва кладязь той: Кладязь, идеже предо мною видех: се между Кадисом и между Варадом. 15 И роди Агарь Авраму сына, и нарече Аврам имя сыну своему, егоже роди ему Агарь, Исмаил. 16 Аврам же бе лет осмидесяти шести, егда роди Агарь Авраму Исмаила.

17 Бысть же Авраму лет девяност девять: и явися Господь Авраму и рече ему: Аз есмь Бог твой, благоугождай предо Мною и буди непорочен: 2 и положу завет Мой между Мною и между тобою: и умножу тя зело. 3 И паде Аврам на лица своем, и рече ему Бог, глаголя: 4 и Аз се, завет Мой с тобою, и будеши отец множества языков: 5 и не наречется ктому имя твое Аврам, но будет имя твое Авраам: яко отца многих языков положих тя: 6 и возращу тя зело зело, и положу тя в народы, и царие из тебе изыдут: 7 и поставлю завет Мой между Мною и между тобою, и между семенем твоим по тебе в роды их, в завет вечен, да буду тебе Бог и семени твоему по тебе: 8 и дам тебе и семени твоему по тебе землю, в ней же обитаеши, всю землю Ханаану во одержание вечное, и буду им Бог. 9 И рече Бог ко Аврааму: ты же завет Мой соблюдеши, ты и семя твое по тебе в роды их. 10 И сей завет, егоже соблюдеши между Мною и вами, и между семенем твоим по тебе в роды их: обрежется от вас всяк мужск пол, 11 и обрежете плоть крайнюю вашу, и будет в знамение завета между Мною и вами. 12 И младенец осми дний обрежется вам, всяк мужеский пол в родех ваших: и домочадец, и купленный от всякаго сына чуждаго, иже несть от семени твоего: обрезанием обрежется домочадец дому твоего и купленный. 13 И будет завет Мой на плоти вашей в завет вечен. 14 Необрезанный же мужеский пол, иже не обрежет плоти крайняя своея в день осмый, погубится душа та от рода своего: яко завет Мой разори. 15 И рече Бог Аврааму: Сара жена твоя не наречется имя ея Сара, но Сарра будет имя ей: 16 благословлю же ю и дам тебе от нея чадо: и благословлю е, и будет в языки, и царие языков из него будут. 17 И паде Авраам на лице свое, и посмеяся, и рече в мысли своей, глаголя: еда столетному (мужу) родится сын? Еда и Сарра девяностидесяти лет (сущи) родит? 18 Рече же Авраам к Богу: Исмаил сей да живет пред Тобою. 19 Рече же Бог ко Аврааму: воистинну, се, Сарра жена твоя родит тебе сына, и наречеши имя ему Исаак: и поставлю завет Мой с ним в завет вечен, да буду ему в Бога и семени его по нем. 20 О Исмаиле же се послушах тебе: и се благослових его, и возращу его, и умножу его зело: дванадесять языки родит: и дам его в язык велий. 21 Завет же Мой поставлю со Исааком, егоже родит тебе Сарра, во время сие, в лето второе. 22 Сконча же (Бог) глаголя к нему, и взыде Бог от Авраама. 23 И поя Авраам Исмаила сына своего, и вся домочадцы своя и вся купленные, и весь мужск пол мужей, иже в дому Аврамля, и обреза плоть крайнюю их

во время дне того, якоже глагола ему Бог. 24 Авраам же девяностидесяти девяти лет бяше, егда обреза плоть крайнюю свою. 25 Исмаил же сын его бяше лет тринадцати, егда обреза плоть крайнюю свою. 26 Во время (же) дне онаго обрезася Авраам и Исмаил сын его, 27 и вси мужие дому его, и домочадцы (его) и куплени от инородных языков, и обреза я.

18 Явися же ему Бог у дуба Мамврийска, седящу ему пред дверми сени своя в полудни. 2 Возрев же очима своима, виде, и се, трие мужие стояху над ним: и видев притече в сретение им от дверей сени своя: и поклонися до земли 3 и рече: Господи, аще убо обретох благодать пред Тобою, не мини раба Твоего: 4 да принесется вода и омыются ноги ваши, и прохладитесь под деревом: 5 и принесу хлеб, да ясте, и посем пойдете в путь свой, егоже ради уклонистесь к рабу вашему. И рекоша: тако сотвори, якоже глагола еси. 6 И потчася Авраам в сень к Сарре и рече ей: ускори и смеси три меры муки чисты, и сотвори потребники. 7 И тече Авраам ко кравам, и взя телца млада и добра, и даде рабу, и ускори приготовить е. 8 И взя масло, и млеко, и телца, егоже приготова: и предложи им, и ядоша: сам же стояше пред ними под деревом. 9 Рече же к нему: где Сарра жена твоя? Он же отвещав, рече: се, в сени. 10 Рече же: (се) возвращаяся прииду к тебе во время сие в часы, и родит сына Сарра жена твоя. Сарра же услыша пред дверми сени сущи за ним. 11 Авраам же и Сарра стара (беста,) заматеревшая во днеш: и престаша Сарре бывати женская. 12 Разсмеяся же Сарра в себе, глаголющи: не у было ми убо доселе, господин же мой стар. 13 И рече Господь ко Аврааму: что яко разсмеяся Сарра в себе, глаголющи: еда истинно рожду? Аз же состарехся. 14 Еда измеожет у Бога слово? В сие время возвращуся к тебе в часы, и будет Сарре сын. 15 Отречеса же Сарра, глаголющи: не разсмеяся: убояся бо. И рече ей: ни, но разсмеялася еси. 16 Воставше же отуду мужие, возреша на лице Содомы и Гоморры: Авраам же идяше с ними, провождая их. 17 Господь же рече: еда утаю Аз от Авраама раба Моего, яке Аз творю? 18 Авраам же бывая будет в язык велик и мног, и благословятся о нем вси языцы земнии: 19 вем бо, яко заповесть сыном своим и дому своему по себе, и сохранят пути Господни творити правду и суд, яко да наведет Господь на Авраама вся, елика глагола к нему. 20 Рече же Господь: воплъ Содомский и Гоморрский умножися ко Мне, и греси их величи зело: 21 сошед убо узрю, аще по воплю их грядущему ко Мне совершаются: аще же ни, да разумею. 22 И обратившеса отуду мужие, приидоша в Содом: Авраам же еще бяше стояй пред Господем. 23 И приближився Авраам, рече: погубиши ли праведнаго с нечестивым, и будет праведник яко нечестивый? 24 Аще будут пятьдесят праведницы во граде, погубиши ли я? Не пощадиши ли всего места пятидесяти ради праведных, аще будут в нем? 25 Никакоже Ты сотвориши по глаголу сему, еже убити праведника с нечестивым, и будет праведник яко нечестивый: никакоже, Судяй всей земли, не сотвориши ли

суда? 26 Рече же Господь: аще будут в Содомех пятьдесят праведницы во граде, оставлю весь град и все место их ради. 27 И отвещав Авраам, рече: ныне начах глаголати ко Господу моему, аз же есмь земля и пепел: 28 аще же умалются пятьдесят праведницы в четыредесять пять, погубиши ли четыредесяти пятих ради весь град? И рече: не погублю, аще обрещу тамо четыредесять пять. 29 И приложи еще глаголати к Нему, и рече: аще же обрещутся тамо четыредесять? И рече: не погублю ради четыредесяти. 30 И рече: что, Господи, аще возглаголю? Аще же обрещется тамо тридесять? И рече: не погублю тридесятих ради. 31 И рече: понеже имам глаголати ко Господу: аще же обрещутся тамо двадесять? И рече: не погублю, аще обрещутся тамо двадесять. 32 И рече: что, Господи, аще возглаголю еще единою? Аще же обрещутся тамо десять? И рече: не погублю десятих ради. 33 Отиде же Господь, яко преста глагола ко Аврааму: и Авраам возвратися на место свое.

19 Приидоста же два Ангела в Содом в вечер: Лот же седяше пред враты Содомскими. Видев же Лот, воста в сретение им и поклонися лицом на землю 2 и рече: се, господие, уклонитесь в дом раба вашего и почийте, и омойте ноги ваша, и обутреневаваше отидете в путь свой. Реша же: ни, но на стогне почием. 3 И принуди я, и уклонишася к нему, и внидоша в дом его: и сотвори им учреждение, и опресноки испече им, и ядоша. 4 Пред спанием же мужие града Содомляне выдоша дом, от юноши даже до старца, весь народ вкупе: 5 и изываху Лота, и глаголаху к нему: где суть мужие вшедшии к тебе нощию? Изведи я к нам, да будем с ними. 6 Изыде же Лот к ним в преддверие, двери же затвори за собою. 7 Рече же к ним: никакоже, братие, не дейте зла: 8 суть же ми две дщери, яке не познаша мужа: изведу их к вам, и творите им, якоже угодно есть вам: точию мужем сим не сотворите обиды, того бо ради внидоша под кров дому моего. 9 Реша же ему: отиди отсюда: пришел еси (семо) обитати, еда ли и суд судити? Ныне убо ты озлобим паче, нежели оных. И насилствоваша мужа Лота зело, и приближишася разбити двери. 10 Простерше же мужие руки, вовлекоша Лота к себе в храмину, и двери храмины заключиша: 11 мужы же, сущыя пред дверми дому, поразиша слепотою от мала даже до велика: и расслабишася ищуще дверей. 12 Реша же мужие к Лоту: суть ли тебе zde зятие или сынове или дщери? Или аще кто тебе ин есть во граде, изведи (я) от места сего: 13 яко мы погубляем место сие, понеже возвысиа вопль их пред Господем, и посла нас Господь истребити его. 14 Изыде же Лот и глагола к зятем своим, поимшым дщери его, и рече: востаните и изыдите от места сего, яко погубляет Господь град. Возмнеся же играти пред зятьми своими. 15 Егда же утро бысть, понуждаху Ангели Лота, глаголюще: встав, поими жену твою и две дщери твоя, яке имаши, и изыди, да не и ты погибнеши со беззаконни града. 16 И смутишася, и взяша Ангели за руку его, и за руку жену его, и за руки двух дщерей его, понеже пощаде и Господь. 17 И бысть егда изведоша я вон, и реша: спасая спасай твою душу: не озирайся вспять, ниже постой

во всем пределе (сем): в горе спасайся, да не когда купно ят будеши. 18 Рече же Лот к ним: молюся, Господи, 19 понеже обрете раб Твой милость пред Тобою, и возвеличил еси правду Твою, юже твориши на мне, еже жити души моей: аз же не возмогу спастися в горе, да не когда постигнут мя злая, и умру: 20 се, град сей близ еже убежати ми тамо, иже есть мал, и тамо спасуся: не мал ли есть? И жива будет душа моя Тебе ради. 21 И рече ему: се, удивихся лицу твоему, и о словеси сем, еже не погубити града, о немже глагола еси: 22 потщися убо спастися тамо: не возмогу бо сотворити дела, дондеже внидеша тамо: сего ради прозва имя граду тому Сигор. 23 Солнце възиде над землю, Лот же вниде в Сигор. 24 И Господь ожди на Содом и Гоморр жупел, и огонь от Господа с небесе. 25 И преврати грады сия, и всю окрестную страну, и вся живущыя во градех, и вся прозябающая от земли. 26 И озресе жена его вспять, и бысть столп слан. 27 Востав же Авраам заутра (иде) на место, идеже стояше пред Господем, 28 и воззре на лице Содома и Гоморра, и на лице окрестныя страны, и виде: и се, восходяще пламень от земли, аки дым пещный. 29 И бысть егда преврати Бог вся грады страны тоя, помяну Бог Авраама и изсла Лота от среды превращения, егда преврати Господь грады, в ниже живяше Лот. 30 Изыде же Лот от Сигора, и седе в горе сам, и две дщери его с ним: убоися бо жити в Сигоре: и вселися в пещеру сам и дщери его с ним. 31 Рече же старейшая к юнейшей: отец наш стар, и никтоже есть на земли, иже внидет к нам, якоже обычно всей земли: 32 гряди убо, упоим отца нашего вином и преспим с ним, и возставим от отца нашего семья. 33 Упоиша же отца своего вином в нощи оней: и вшедши старейшая, преспа со отцем своим тоя нощи: и не поразуме он, егда преспа и егда воста. 34 Бысть же наутрие, и рече старейшая к юнейшей: се, (аз) преспах вчера со отцем нашим: упоим его вином и в сию нощь, и вшедши преспи с ним, и возставим от отца нашего семья. 35 Упоиша же и в ту нощь отца своего вином: и вшедши юнейшая преспа со отцем своим: и не поразуме он, егда преспа и егда воста. 36 И зачаша обе дщери Лотовы от отца своего: 37 и роди старейшая сына и нарече имя ему Моав, глаголющи: от отца моего. Сей отец Моавитом даже до нынешняго дне. 38 Роди же юнейшая сына и нарече имя ему Амман, глаголющи: сын рода моего. Сей отец Амманитом до нынешняго дне.

20 И поиде оттуду Авраам на землю полуденную и вселися между Кадисом и между Суром: и обита в Герарех. 2 Рече же Авраам о Сарре жене своей, яко сестра ми есть: убоися бо рещи, яко жена ми есть, да не когда убьют его мужие градстии ея ради. Посла же Авимелех царь Герарский и взя Сарру. 3 И прииде Бог ко Авимелеху нощью во сне и рече ему: се, ты умираеши жены ради сея, юже поял еси: сия же есть сожителствующая мужу. 4 Авимелех же не прикоснуса ей и рече: Господи, язык неведущий и праведен погубиши ли? 5 Не сам ли ми рече: сестра ми есть? И сия ми рече: брат ми есть? Чистым сердцем и в правде рук сотворих сие. 6 Рече же ему Бог во сне: и Аз познах, яко чистым сердцем сотворил еси сие, и пощадех

тя, да не согресиши ко Мне: сего ради не попустих ти коснутися ея: 7 ныне же отдаждь жену мужу, яко пророк есть, и помолится о тебе, и жив будеши: аще же не отдаси, веждь, яко умреша ты и вся твоя. 8 И воста рано Авимелех, и призва вся отроки своя, и глагола словеса сия вся во уши их: убояшася же вси человецы зело. 9 И призва Авимелех Авраама и рече ему: что сие сотворил еси нам? Еда что согрешихом тебе, яко навел еси на мя и на царство мое грех велик? Дело, еже никтоже сотвори, сотворил еси мне. 10 И рече Авимелех Аврааму: что умыслив, сотворил еси сие? 11 Рече же Авраам: рекох бо: негли несть благочестия на месте сем: и убьют мя жены ради моея: 12 ибо истинно сестра ми есть по отцу, а не по матери: бысть же ми в жену: 13 и бысть егда изведе мя Бог от дому отца моего, и рех ей: правду сию сотвориши ми: во всяко место, идеже аще приидем, тамо рцы о мне, яко брат ми есть. 14 Взя же Авимелех тысящу дидрахм (сребра), и овцы, и телцы, и рабы, и рабыни, и даде Аврааму: и отдаде ему Сарру жену его. 15 И рече Авимелех Аврааму: се, земля моя пред тобою: идеже аще тебе угодно есть, вселися. 16 Сарре же рече: се, дах тысящу дидрахм брату твоему: сия будут тебе в честь лица твоего, и всем, яже суть с тобою, и во всем истинствуй. 17 Помолися же Авраам Богу, и исцели Бог Авимелеха и жену его и рабыни его, и начаша раждати: 18 яко заключая заключи Господь от внеуду всяка ложесна в дому Авимелеха, Сарры ради жены Авраамли.

21 И Господь посети Сарру, якоже рече: и сотвори Господь Сарре, якоже глагола. 2 И заченши Сарра роди Аврааму сына в старости, во время, якоже глагола ему Господь: 3 и нарече Авраам имя сыну своему рождшемуся ему, егоже роди ему Сарра, Исаак: 4 обреза же Авраам Исаака во осмый день, якоже заповеда ему Бог. 5 Авраам же бе ста лет, егда бысть ему Исаак сын его. 6 Рече же Сарра: смех мои сотвори Господь: иже бо аще услышит, обрадуется со Мною. 7 И рече: кто возвестит Аврааму, яко млеко питает отроча Сарра, яко родих сына в старости моей? 8 И возрасте отроча, и отдоено бысть: и сотвори Авраам учреждение велие, в оньже день отдоися Исаак сын его. 9 Видевши же Сарра сына Агари Египтяныни, иже бысть Аврааму, играюща со Исааком сыном своим, 10 и рече Аврааму: изжени рабу сию и сына ея: не наследит бо сын рабы сея с сыном моим Исааком. 11 Жесток же явися глагол сей зело пред Авраамом о сыне его Исмаиле. 12 И рече Бог Аврааму: да не будет жестоко пред тобою о отроце и о рабыни: вся елика аще речет тебе Сарра, слушай гласа ея: яко во Исааце наречется тебе семья: 13 сына же рабыни сея в язык велик сотворю его, яко семья твое есть. 14 Воста же Авраам заутра и взя хлебы и мех воды, и даде Агари: и возложи на плещы ея отроча и отпусти ю. Отшедши же заблуждаше в пустыни, у кладязя Клятвеннаго: 15 оскуде же вода из меча: и поверже отроча под елию единою. 16 Отшедши же седяше прямо ему издалече, якоже дострелити из лука: рече бо: да не вижду смерти дитища моего. И седе прямо ему издалече. Воскричав же отроча, восплакася: 17 услыша же Бог глас отрочате от места, идеже бяше: и воззва

Ангел Божий Агарь с небесе и рече ей: что есть, Агарь? Не бойся: услыша бо Бог глас отрочища от места, идеже есть: 18 востани и поими отроча, и ими рукою твоею его: в язык бо велик сотворю его. 19 И отверзе Бог очи ея, и узре кладязь воды живы: и иде, и налия мех воды, и напои отроча. 20 И бяше Бог со отрочатем, и возрасте, и вселися в пустыни, и бысть стрелец. 21 И поселися в пустыни Фаран: и поят ему мати его жену от земли Египетския. 22 Бысть же в то время, и рече Авимелех, и Охозаф невестоводитель его, и Фихол воевода силы его, ко Аврааму, глаголя: Бог с тобою во всех, яже твориши: 23 ныне убо кленися ми Богом, не обидети мене, ниже семене моего, ниже имени моего: но по правде, юже сотвориши с тобою, сотвориши со мною и земли, идеже ты вселился еси на ней. 24 И рече Авраам: аз кленуся. 25 И обличи Авраам Авимелеха о кладязех водных, яже отяша отроцы Авимелеховы. 26 И рече ему Авимелех: не ведех, кто сотвори тебе сию: ниже ты ми поведал еси, ниже аз слышах, токмо днешь. 27 И взя Авраам овцы и юнцы и даде Авимелеху: и завещаста оба завет. 28 И постави Авраам семь агниц овчих единых. 29 И рече Авимелех Аврааму: что суть семь агницы овец сих, яже поставил еси едины? 30 И рече Авраам: яко семь сих агниц возмешу у мене, да будут ми во свидетелство, яко аз ископах кладязь сей. 31 Сего ради наименова имя месту тому кладязь Клятвенный: яко тамо клястася оба. 32 и завещаста завет у кладязя Клятвеннаго. Воста же Авимелех, и Охозаф невестоводитель его, и Фихол воевода силы его, и возвратишася в землю Филистимску. 33 И насади Авраам ниву у кладязя Клятвеннаго, и призва ту имя Господа, Бога вечнаго. 34 Обита же Авраам в земли Филистимстей дни многи.

22 И бысть по глаголах сих, Бог искушаше Авраама и рече ему: Аврааме, Аврааме. И рече: се аз. 2 И рече: поими сына твоего возлюбленнаго, егоже возлюбил еси, Исаака, и иди на землю Высоку и вознеси его тамо во всесожжение, на едину от гор, ихже ти реку. 3 Востав же Авраам утро, оседла осля свое: поят же с собою два отрочища и Исаака сына своего: и растнив дрова во всесожжение, востав иде, и прииде на место, еже рече ему Бог, в третий день. 4 И возрев Авраам очима своима, виде место издалече. 5 И рече Авраам отроком своим: сядите zde со ослятем: аз же и дитищь пойдем до онде, и поклонившеся возвратимся к вам. 6 Взя же Авраам дрова всесожжения и возложи на Исаака сына своего: взя же в руки и огонь, и ножь, и идоста оба вкупе. 7 Рече же Исаак ко Аврааму отцу своему: отче. Он же рече: что есть, чадо? Рече же: се, огонь и дрова, где есть овча еже во всесожжение? 8 Рече же Авраам: Бог узрит Себе овча во всесожжение, чадо. Шедша же оба вкупе, 9 приидоста на место, еже рече ему Бог: и созда тамо Авраам жертвенник и возложи дрова: и связав Исаака сына своего, возложи его на жертвенник верху дров. 10 И простре Авраам руку свою, взяти ножь, заклати сына своего. 11 И воззва и Ангел Господень с небесе, и рече: Аврааме, Аврааме. Он же рече: се, аз. 12 И рече: да не возложиши руки твоея на отрочища,

ниже да сотвориши ему что: ныне бо познах, яко боишися ты Бога, и не пощадел еси сына твоего возлюбленнаго Мене ради. 13 И возрев Авраам очима своима виде, и се, овен един держимый рогама в саде савек: и иде Авраам, и взя овна, и вознесе его во всесожжение вместо Исаака сына своего. 14 И нарече Авраам имя месту тому: Господь виде: да рекут днешь: на горе Господь явися. 15 И воззва Ангел Господень Авраама вторицею с небесе, 16 глаголя: Мною Самем кляхся, глаголет Господь, егоже ради сотворил еси глагол сей и не пощадел еси сына твоего возлюбленнаго Мене ради: 17 воистинну благословя благословлю тя, и умножая умножу семя твое, яко звезды небесныя, и яко песок вскрай моря: и наследит семя твое грады супостатов, 18 и благословятся о семени твоём вси языцы земнии, занеже послушал еси гласа Моего. 19 Возвратися же Авраам ко отроком своим, и воставше идоста купно ко кладязю Клятвенному: и вселися Авраам у кладязя Клятвеннаго. 20 Бысть же по глаголах сих, и поведаша Аврааму, глаголюще: се, роди Мелха и та сыны брату твоему Нахору, 21 Окса первенца, и Вавкса брата его, и Камуила отца Сирска, 22 и Хазада, и Азава, и Фалдеса, и Елдафа, и Вафуила: 23 Вафуил же роди Ревекку: осмь сии сынове, ихже роди Мелха Нахору брату Авраамлю: 24 и наложница его, ейже имя Ревма, роди и сия Тавека, и Таама, и Тохоса, и Моха.

23 Бысть же житие Саррино лет сто двадесять семь. 2 И умре Сарра во граде Арвоце, иже есть в раздолии: сей есть Хеврон в земли Ханаанстей. Прииде же Авраам рыдати по Сарре и плакати. 3 И воста Авраам от мертвеца своего и рече сыном Хеттеовым, глаголя: 4 преселник и пришлец аз емь у вас, дадите ми убо стяжание гроба между вами, да погребу мертвеца моего от мене. 5 Отвещаша же сынове Хеттеовы ко Аврааму, глаголюще: ни, господине: 6 послушай же нас: царь от Бога ты еси в нас: во избранных гробех наших погреби мертвеца твоего: никтоже бо от нас возбранит гроба своего от тебе, еже погребсти мертвеца твоего тамо. 7 Востав же Авраам поклонися народу земли, сыном Хеттеовым, 8 и рече к ним Авраам, глаголя: аще имате в души вашей, яко погребсти мертвеца моего от лица моего, послушайте мене и рцыте о мне Ефрону Саарову: 9 и да даст ми пещеру Сугубую, яже есть его, сущую на части села его: сребром достойным да даст ми ю у вас в стяжание гроба. 10 Ефрон же седяше посреде сынов Хеттеовых. Отвещав же Ефрон Хеттейский ко Аврааму, рече слышашым сыном Хеттеовым и всем приходящим во град, глаголя: 11 у мене буди, господине, и послушай мене: село и пещеру яже в нем, тебе даю: пред всеми гражданы моими дах тебе, погреби мертвеца твоего. 12 И поклонися Авраам пред народом земли 13 и рече Ефрону во ушеса пред всем народом земли: понеже по мне еси, послушай мене: сребро села возми у мене, и погребу мертвеца моего тамо. 14 Отвещая же Ефрон Аврааму, глаголя: 15 ни, господине: слышах бо, яко земля четырёх сот дидрахм сребра: но что было бы сие между мною и тобою? Ты же мертвеца твоего погреби. 16 И послуша Авраам Ефрона, и даде Авраам Ефрону сребро, еже глаголя во ушеса сынов Хеттеовых,

четыре ста дидрахм серебра искушена купцами. 17 И бысть село Ефровоно, еже бе в Сугубей пещере, еже есть лицем к Мамврии, село и пещера яже бе в нем, и всякое древо, иже бе на селе, и все еже есть в пределех его окрест, 18 Аврааму (бысть) в стяжание пред сыны Хеттеовыми и пред всеми приходящими во град. 19 По сих погребе Авраам Сарру жену свою в пещере селней Сугубей, яже есть противу Мамврии: сия есть Хеврон в земли Ханаанстей. 20 И утверждено есть село и пещера, яже бе на нем, Аврааму в стяжание гроба от сынов Хеттеовых.

24 Авраам же бяше стар, заматеревший во днех: и Господь благослови Авраама во всех. 2 И рече Авраам рабу своему старейшему дому своего, обладающему всеми его: положи руку твою под стегно мое, 3 и заклену тя Господем Богом небесе и Богом земли, да не поймеша сыну моему Исааку жены от дочерей Хананейских, с нимиже аз живу в них: 4 но токмо на землю мою, идеже родихся, пойдеши, и ко племени моему, и поймеша жену сыну моему Исааку оттуду. 5 Рече же к нему раб: еда убо не восхощет ити жена вслед со мною на землю сию, возвращу ли сына твоего в землю, от неяже изшел еси? 6 Рече же к нему Авраам: внемли себе, да не возвратиши сына моего онамо. 7 Господь Бог небесе и Бог земли, Иже поя мя из дому отца моего и от земли, в нейже родихся, Иже глагола мне и Иже кляся мне, глаголя: тебе дам землю сию и семени твоему, Той послет Ангела Своего пред тобою, и поймеша жену сыну моему Исааку оттуду: 8 аще же не восхощет жена поити с тобою в землю сию, чист будеша от заклания моего: точию сына моего не возврати тамо. 9 И положи раб руку свою под стегно Авраама господина своего, и кляся ему о словеси сем. 10 И взя раб десять велблюд от велблюд господина своего, и от всех благ господина своего с собою, и встав иде в Месопотамию во град Нахоров: 11 и постави велблуды вне града у кладязя воднаго под вечер, егда исходят (жены) почерпати воды, 12 и рече: Господи, Боже господина моего Авраама, благоустрой предо мною днесь, и сотвори милость с господином моим Авраамом: 13 се, аз стах у кладязя воднаго, дщери же живущих во граде исходят почерпати воды: 14 и будет девица, ейже аз реку: преклони водонос твой, да пию, и речет ми: пей ты, и велблуды твоя напою, дондеже напиются: сию уготовал еси рабу Твоему Исааку: и по сему увем, яко сотворил еси милость с господином моим Авраамом. 15 И бысть прежде неже скончати ему глаголющу во уме своем, и се, Ревекка исхождаше, яже родися Вафуилу, сыну Мелхи жены Нахора, брата же Авраамля, держащи водонос на рамах своих: 16 девица же бяше доброзрачна зело: дева бе, муж не позна ея. Сошедши же на кладязь, наполни водонос свой и взыде. 17 Тече же раб во сретение ей и рече: напой мя мало водою от водоноса твоего. 18 Сия же рече: пей, господине. И потщася, и сня водонос на мышца своя, и напои его, дондеже напися. 19 И рече: и велблюдом твоим налию, дондеже вси напиются. 20 И потщася, и испраздни водонос в поило: и тече паки на кладязь почерпнути воды, и влил велблюдом всем. 21

Человек же выразумеваше ю и помолчеваше, да уразумеет, аще благоустрои Бог путь ему, или ни. 22 Бысть же егда престаша вси велблуды пиюще, взя человек усерязи златы весом по драхме и два запястия на руки ея: десять златниц вес их. 23 И вопроси ю и рече: чия еси дщерь? Повеждь ми, аще есть у отца твоего место нам витати? 24 Она же рече ему: дщерь Вафуилева есмь (сына) Мелхина, егоже роди Нахору. 25 И рече ему: и плевы и сена много у нас, и место витати. 26 И благословив человек, поклонися Господу 27 и рече: благословен Господь Бог господина моего Авраама, Иже не остави правды Своея и истины от господина моего: и мене благоустрои Господь в дом брата господина моего. 28 И текши девица в дом матери своея, поведа по глаголом сим. 29 Ревекце же бяше брат, емуже имя Лаван: и тече Лаван к человеку вон на кладязь. 30 И бысть егда виде усерязи, и запястия на руку сестры своея, и егда слыша словеса Ревекки сестры своея, глаголющая: сице глагола мне человек: и прииде к человеку, стоящу ему у велблюд у кладязя, 31 и рече ему: гряди, вниди благословенный от Господа, почто стоиши вне? Аз же уготовах хранину и место велблюдом. 32 И вниде человек в дом, и разседла велблуды, и даде плевы и сено велблюдом, и воду умыти нозе его, и ноги мужем, иже бяху с ним: 33 и предложи им хлебы ясти, и рече: не ям, дондеже возглаголю словеса моя. И рече: глаголи. 34 И рече: раб Авраамль есмь аз: 35 Господь же благослови господина моего зело, и возвысися: и даде ему овцы и телцы, серебро и злато, рабы и рабыни, и велблуды и ослы: 36 и роди Сарра, жена господина моего, сына единого господину моему, состаревшемуся ему, и даде ему елика имяше: 37 и закла мя господин мой, глаголя: не поймеша жены сыну моему от дочерей Хананейских, в ниже аз обитаю в земли их: 38 но в дом отца моего пойдеши, и в племя мое, и поймеша жену сыну моему оттуду: 39 рех же (аз) господину моему: а егда не восхощет жена со мною ити? 40 И рече ми: Господь Бог, Емуже благоугодих пред ним, он послет Ангела Своего с тобою и благоустроит путь твой, и поймеша жену сыну моему от племени моего и от дому отца моего: 41 тогда будеша чист от заклинания моего: егда бо дойдеши в племя мое, и не дадят ти, и будеша чист от заклинания моего: 42 и пришед днесь на кладязь, рекох: Господи, Боже господина моего Авраама, аще Ты благоустроиши путь мой, в онже ныне аз иду: 43 се, аз стах у кладязя воднаго, и дщери граждан исходят почерпати воды: и будет девица, ейже аще аз реку: напой мя от водоноса твоего мало водою: 44 и речет ми: и ты пей, и велблюдом твоим влию: сия (будет) жена, юже уготова Господь рабу Своему Исааку: и по сему уразумею, яко сотворил еси милость господину моему Аврааму. 45 И бысть прежде неже скончати мне глаголющу во уме своем, абие Ревекка исхождаше держащи водонос на раму, и сниде на кладязь, и почерпе воды: и рекох ей: напой мя. 46 И потщавшися сня водонос с себе на мышцу свою и рече: пей ты, и велблуды твоя напою. И напихся, и велблуды моя напои. 47 И вопросих ю и рекох: чия еси дщерь? Повеждь ми. Она же рече: дщерь Вафуилева есмь сына Нахорова,

егоже роди ему Мелха. И дах ей усерзия, и запястия на руке ея, **48** и благоволив поклонихся Господу: и благослових Господа Бога господина моего Авраама. Иже благоустрои мя на пути истины пояти дочь брата господина моего сыну его: **49** еще убо сотворите вы милость и правду к господину моему: еще же ни, поведите ми: да обращуся или на десно, или на лево. **50** Отвещавша же Лаван и Вафуил, рекоста: от Господа прииде дело сие: не возможем ти противу рещи зло или благо: **51** се, Ревекка пред тобою: поемь ю, иди: и да будет жена сыну господина твоего, якоже глагола Господь. **52** Бысть же егда услыша раб Авраамъ словеса сия, поклонися до земли Господу. **53** И изнес раб сосуды златы и сребряны и ризы, даде Ревекце: и дары даде брату ея и матери ея. **54** И ядоша и пиша и той и мужие, иже бяху с ним, и почиша. И востав заутра, рече: отпустите мя, да отиду к господину моему. **55** Реша же братия ея и мати: да пребудет девица с нами яко десять дней, и посем пойдет. **56** Он же рече к ним: не держите мя, Господь бо благоустрои путь мой во мне: отпустите мя, да иду к господину моему. **57** Они же реша: призовем девицу и вопросим ея изоуст. **58** И призваша Ревекку и реша ей: пойдеси ли с человеком сим? Она же рече: пойду. **59** И отпустиша Ревекку сестру свою, и имения ея, и раба Авраамля, и иже с ним быша. **60** И благословиша Ревекку и реша ей: сестра наша еси, буди в тысящы тем, и да наследит семя твое грады супостат. **61** Воставши же Ревекка и рабыни ея, вседоша на вельблуды и поидоша с человеком. И поим раб Ревекку, отиде. **62** Исаак же прехождаше сквозе пустыню у кладязя Видения: сам же живяше на земли на полудне. **63** И изыде Исаак поглумитися на поле к вечеру, и воззрев очима своими, виде вельблуды идущия. **64** И воззревши Ревекка очима своими, виде Исаака: и изскочи с вельблуда. **65** И рече рабу: кто есть человек оный, иже идет по полю во сретение нам? Рече же раб: сей есть господин мой. Она же взявши ризу летнюю, облечеся. **66** И поведя раб Исааку вся словеса, яже сотвори. **67** Вниде же Исаак в дом матери своея, и поя Ревекку, и бысть ему жена: и возлюби ю, и утешися Исаак по Сарре матери своей.

25 Приложив же Авраам, поя жену, ейже имя Хеттура: **2** роди же ему Зомврана и Иезана, и Мадала и Мадиама, и Иесвока и Соиена. **3** Иезан же роди Савана и Фамана и Дедана. Сынове же Дедани быша: Рагуил и Навдеил, и Асуриим и Латусиим и Лаомим. **4** Сынове же Мадиами: Ефар и афир, и Енох и Авида и Елдага. Вси сии быша сынове Хеттурины. **5** Даде же Авраам вся своя имения Исааку сыну своему: **6** сыном же наложниц своих даде Авраам дары и отпусти я от Исаака сына своего, еще жив сый, к востоку на землю восточную. **7** Сия же лета дней жития Авраамля, елика поживе, лет сто семьдесят пять: **8** и ослабев умре Авраам в старости добрей, старец исполнен дней, и приложися к людям своим. **9** И погребоша его Исаак и Исмаил два сынове его в пещере Сугубей, на селе Ефронове сына Саарова Хеттеанина, еже есть прямо Мамври, **10** на селе и в пещере, юже притяжа Авраам

от сынов Хеттеовых: тамо погребоша Авраам и Сарру жену его. **11** Бысть же по умертвии Авраамли, благослови Бог Исаака сына его: и вселися Исаак у кладязя Видения. **12** Сия же бытия Исмаила сына Авраамля, егоже роди Агарь Египтяныня, раба Саррина, Аврааму: **13** и сия имена сынов Исмаилих, по именем родов его: первенец Исмаилов Наваиоф, и Кидар и Навдеил, и Массам **14** и Масма, и Дума и Масси, **15** и Ходдан и Феман, и Иетур и Нафес и Кедма. **16** Сии суть сынове Исмаили: и сия имена их в скиниях их и в селех их: дванадесять князи в языцех их. **17** И сия лета жития Исмаилова, сто тридесать семь лет: и ослабев умре, и приложися к роду своему. **18** Вселися же от Евилата даже до Сура, иже есть в лице Египту, даже дойти ко Ассириом: пред лицом всех братий своих вселися. **19** И сия бытия Исаака сына Авраамля: Авраам роди Исаака. **20** Бяше же Исаак лет четьридесяти, егда поя Ревекку дочь Вафуила Сирина от Месопотамии Сирския, сестру Лавана Сирина, себе в жену. **21** Моляшеся же Исаак Господеву о Ревекце жене своей, яко неплоды бяше: послуша же его Бог, и зачат во утробе Ревекка жена его. **22** Играста же младенца в ней, и рече: еще тако ми хошет быти, почто ми сие? И иде вопрошати Господа. **23** И рече ей Господь: два языка во утробе твоей суть, и двои людие от утробы твоея разлучатся: и людие людей превзыдут, и болший поработает меньшему. **24** И исполнишася дние родити ей, и бяху сей близнята во утробе ея: **25** изыде же сын первенец чермен, весь, яко кожа, космат: и нарече имя ему Исав: **26** и посем изыде брат его, рука же его придержася пяте Исавове: и нарече имя ему Иаков. Исааку же бе шестьдесят лет, егда роди их Ревекка. **27** Возрастоша же юноши: и бысть Исав человек ведый ловити, селный: Иаков же бысть человек нелукав, живой в дому. **28** И возлюби Исаак Исава, яко ловитва его бяше брашно ему: Ревекка же любляше Иакова. **29** Свари же Иаков варение: и прииде Исав с поля изнемог, **30** и рече Исав Иакову: напитай мя варением сочива сего, яко изнемогаю. Сего ради прозвася имя ему Едом. **31** И рече Иаков Исаву: отдаждь ми днесь первенство свое. **32** Рече же Исав: се, аз иду умрети, и вскую ми первенство сие? **33** И рече Иаков ему: кленися ми днесь. И кляся ему, и отдаде Исав Иакову первенство свое. **34** Иаков же даде Исаву хлеб и варение сочевно: яде же и пи, и востав отиде: и нивочтоже вмени себе Исав первенство.

26 Бысть же глад на земли, кроме глада бывшего прежде во время Авраамле. Отиде же Исаак ко Авимелеху царю Филистимску в Герар: **2** явися же ему Господь и рече: не ходи во Египет, вселися же в земли, в нейже ти реку, **3** и обитай в земли той, и буду с тобою, и благословлю тя: тебе бо и семени твоему дам всю землю сию и поставлю клятву Мою, еуже кляхся Аврааму отцу твоему: **4** и умножу семя твое, яко звезды небесныя, и дам семени твоему всю землю сию: и благословятся о семени твоём вси языцы земнии: **5** понеже послуша отец твой Авраам Моего гласа и соблюде заповеди Моя и повеления Моя, и оправдания Моя и законы Моя. **6** Вселися же Исаак в Герарех. **7** Вопросиша же мужие места того о Ревекце жене его, и рече: сестра ми

есть. Убоюсь бо реши, яко жена ми есть, да не когда убьют его мужие места того Ревекки ради, понеже бе доброзрачна. **8** Бысть же много время тамо: и приинкнув Авимелех царь Герарский окном, виде Исаака играюща с Ревекою женою своею. **9** Призва же Авимелех Исаака и рече ему: убо жена твоя есть? Почто рекл еси, яко сестра ми есть? Рече же ему Исаак: рех бо, да не умру ея ради. **10** Рече же ему Авимелех: что сие сотворил еси нам? Вмале не бысть некто от рода моего с женою твоею, и навел бы еси на ны неведение. **11** Заповеда же Авимелех всем людем своим, глаголя: всяк, иже прикоснется мужу сему, или жене его, смерти повинен будет. **12** Сея же Исаак в земли той, и приобрете в то лето стократный плод ячменя: благослови же его Господь. **13** И возвысися человек, и преуспева болший бываше, дондеже велик бысть зело. **14** Быша же ему скоти овец и скоти волов и земледелия многа. Позавидеша же ему Филистимляне: **15** и вся кладязи, яже ископаша раби отца его, во время отца его, заградиша я Филистимляне и наполниша тыя землю. **16** Рече же Авимелех ко Исааку: отиди от нас, яко сильнейший сотворился еси от нас зело. **17** И отиде оттуду Исаак и обита в дебри Герарстей, и вселися тамо. **18** И паки Исаак ископа кладязи водныя, яже ископаша раби Авраама отца его, и заградиша тыя Филистимляне, по умертвии Авраама отца его: и прозва им имена, по именам, имиже прозва Авраам отец его. **19** И ископаша раби Исааковы в дебри Герарстей, и обретоша тамо кладязь воды живы. **20** И пряхуся пастырие Герарстии с пастырьми Исааковыми, глаголюще: наша есть вода. И прозва имя кладязю тому Обида: обидяху бо его. **21** Отшед же оттуду Исаак, ископа кладязь другой. Пряхуся же и о том: и прозва имя ему Вражда. **22** Отшед же оттуду, ископа кладязь другой. И не пряхуся о том, и прозва имя ему Пространство, глаголя: яко ныне распространи Господь нам и возрасти нас на земли. **23** Взыде же оттуду ко кладязю Клятвенному: **24** и явился ему Господь в ту ночь и рече: Аз есмь Бог Авраама отца твоего, не бойся, с тобою бо есмь: и благословлю тя, и умножу семя твое Авраама ради отца твоего. **25** И созда тамо жертвенник, и призва имя Господне: и постави тамо скинию свою: ископаша же тамо раби Исааковы кладязь в дебри Герарстей. **26** И Авимелех прииде к нему от Герар, и Охозаф невестоводитель его, и Фихол воевода сил его. **27** И рече им Исаак: вскую приидосте ко мне? Вы же возненавидесте мене и отсласте мя от себе. **28** Они же реша: видевше узрехом, яко бе Господь с тобою, и рехом: буди клятва между нами и между тобою, и завещам с тобою завет, **29** да не сотвориши с нами зла, якоже не возгнушахомся тобою мы, и якоже сотворихом тебе добро, и отпустихом тя с миром: и ныне благословен ты от Господа. **30** И сотвори им пир, и ядоша и пиша. **31** И вставше завтра, клятятся кийждо ближнему: и отпусти я Исаак, и отидоша от него здравы. **32** Бысть же в той день, и пришедше раби Исааковы поведаша ему о кладязе, егоже ископаша, и рекоша: не обретохом воды. **33** И прозва его Клятва. Сего ради прозва имя граду оному кладязь Клятвенный, даже до днешняго дне. **34** Бяше же Исав лет четьредесяти: и поя жену Иудифу, дочь Веоха

Хеттеина, и Васемафу, дочь Елона Хеттеина. **35** И быша противящиеся Исаакови и Ревекце.

27 Бысть же, повнегда состаретися Исаакови, и притупишася очи его еже видети: и призва Исава сына своего старейшаго, и рече ему: сыне мой. И рече: се, аз. **2** И рече Исаак: се, состарехся, и не вем дне скончания моего: з ныне убо возми орудие твое, тул же и лук, и изыди на поле, и улови ми лов: **4** и сотвори ми снеди, якоже люблю аз: и принеси ми, да ям, яко да благословит тя душа моя, прежде даже не умру. **5** Ревекка же слыша глаголюща Исаака ко Исаву сыну своему. Изыде же Исав на поле уловити лов отцу своему. **6** Ревекка же рече ко Иакову сыну своему меньшему: се, аз слышах отца твоего беседующа ко Исаву брату твоему, глаголюща: **7** принеси ми лов, и сотвори ми снеди, да ядый благословлю тя пред Господем, прежде неже умрети ми: **8** ныне убо, сыне мой, послушай мене, якоже аз заповедаю ти: **9** и шед во овцы, поими мне оттуду два козлища мягка и добра, и сотворю я снеди отцу твоему, якоже любит: **10** и внесеши отцу твоему, и будет ясти, яко да благословит тя отец твой, прежде даже не умрет. **11** Рече же Иаков к Ревекце матери своей: Исав брат мой есть муж космат, Аз же муж гладкий: **12** да не како осяжет мя отец мой, и буду пред ним яко презираяй, и наведу на себе клятву, а не благословение. **13** Рече же ему мати: на мне клятва твоя, чадо: точию послушай гласа моего, и шед принеси ми. **14** Шед же взя и принесе матери, и сотвори мати его снеди, якоже любляше отец его. **15** И взявши Ревекка одежду Исава сына своего старейшаго добрую, яже бысть у нея в дому, облече оною Иакова сына своего меньшаго, **16** и кожными козлячими обложи мышцы его, и нагое выи его: **17** и даде снеди и хлебы, яже сотвори, в руце Иакову сыну своему. **18** И внесе отцу своему и рече: отче. Он же рече: се, аз: кто еси ты, чадо? **19** И рече Иаков отцу: аз Исав первенец твой, сотворих, якоже рекл ми еси: встав сяди и яждь от лова моего, яко да благословит мя душа твоя. **20** Рече же Исаак сыну своему: что сие, еже скоро обрел еси, о чадо? Он же рече: еже даде Господь Бог твой предо мною. **21** Рече же Исаак Иакову: приближися ко мне, и осяжу тя, чадо, аще ты еси сын мой Исав, или ни. **22** Приближися же Иаков ко Исааку отцу своему, и осяза его и рече: глас убо глас Иаковль, руце же руце Исавове. **23** И не позна его: бесте бо руце его, яко руце Исава брата его космате. И благослови его **24** и рече: ты ли еси сын мой Исав? Он же рече: аз. **25** И рече: принеси ми, и ям от лова твоего, чадо, да благословит тя душа моя. И принесе ему, и яде, и принесе ему вино, и пи. **26** И рече ему Исаак отец его: приближися ко мне и облобызай мя, чадо. **27** И приближився лобыза его: и обоня воню риз его, и благослови его и рече: се, воня сына моего, яко воня нивы исполнены, юже благослови Господь: **28** и да даст тебе Бог от росы небесныя и от тука земли, и множество пшеницы и вина: **29** и да поработают тебе языцы, и да поклоняются тебе князи, и буди господин брату твоему, и поклоняются тебе сынове отца твоего: проклинай ты проклят, благословляяй же тя благословен. **30** И бысть по

еже престати Исааку благословляюще Иакова сына своего: и бысть егда изыде Иаков от лица Исаака отца своего, и Исав брат его прииде с ловитвы. **31** Сотвори же и той снеди и принесе отцу своему, и рече отцу: да встанет отец мой, и да яст от лова сына своего, яко да благословит мя душа твоя. **32** И рече ему Исаак отец его: кто еси ты? Он же рече: аз есмь сын твой первенец Исав. **33** Ужасеся же Исаак ужасом велиим зело и рече: кто убо уловивый мне лов и принесый ми? И ядох от всех, прежде неже прийти тебе, и благослових его, и благословен будет. **34** Бысть же егда услыша Исав глаголы отца своего Исаака, возопи гласом велиим и горьким зело, и рече: благослови убо и мене, отче. **35** Рече же ему: пришед брат твой с лестию, взя благословение твое. **36** И рече (Исав): праведно наречется имя ему Иаков: запя бо мя се уже вторицею, и первенство мое взя, и ныне взя благословение мое. И рече Исав отцу своему: не оставил ли еси (и) мне благословения, отче? **37** Отвещав же Исаак, рече Исаву: аще господина его сотворих тебе, и всю братию его сотворих рабы ему, пшеницею и вином утвердих его: тебе же что сотворю, чадо? **38** Рече же Исав ко отцу своему: еда единое есть благословение у тебе, отче? Благослови убо и мене, отче. Умилившуся же Исааку, возопи гласом велиим Исав и восплакася. **39** Отвещав же Исаак отец его, рече ему: се, от тука земли будет вселение твое, и от росы небесных свыше: **40** и мечем твоим жити будеши, и брату твоему поработаеши: будет же (время) егда низложиши и отресиши ярем его от выи твоея. **41** И враждоваше Исав на Иакова о благословении, имже благослови его отец его. Рече же Исав во уме своем: да приблизятся дне плача отца моего, да бых убил Иакова брата моего. **42** Возвещена же быша Ревекце словеса Исава сына ея старейшаго: и пославши призва Иакова сына своего юнейшаго и рече ему: се, Исав брат твой грозит тебе убити тя: **43** ныне убо, чадо, послушай моего гласа, и востав бежи в Месопотамию к Лавану брату моему в Харран, **44** и поживи с ним дни некия, дондеже отворотится ярость и гнев брата твоего от тебе, **45** и забудет яже ему сотворил еси, и пославши приведу тя оттуду, да не когда безчадна буду от обоих вас в день един. **46** Рече же Ревекка ко Исааку: стужих си жизнию моею дочерей ради сынов Хеттейских: аще поймет Иаков жену от дочерей земли сея, то вскую ми жити?

28 Призвав же Исаак Иакова, благослови его и заповеда ему, глаголя: да не поймеша жены от дочерей Хананейских: **2** востав отбежи в Месопотамию в дом Вафуила отца матери твоея, и поими себе оттуду жену от дочерей Лавана брата матери твоея: **3** Бог же мой да благословит тя и возрастит тя и умножит тя, и будеши в собрания языков: **4** и да даст тебе благословение Авраама отца моего, тебе и семени твоему по тебе наследити землю обитания твоего, юже даде Бог Аврааму. **5** Посла же Исаак Иакова: и отиде в Месопотамию к Лавану сыну Вафуила Сирина, к брату же Ревекки матери Иаковли и Исавли. **6** Виде же Исав, яко благослови Исаак Иакова и посла в Месопотамию сирскую пояти оттуду себе жену, егда

благослови его и заповеда ему, глаголя: да не поймеша жены от дочерей Хананейских. **7** И послуша Иаков отца и матери своея, и отиде в Месопотамию сирскую. **8** Видев же Исав, яко злы суть дочери Хананейския пред Исааком отцем его, **9** отиде Исав ко Исмаилу и взя Маелефу дочь Исмаила сына Авраамля, сестру Навеофову, жену к женам своим. **10** И отиде Иаков от кладязя Клятвеннаго и иде в Харран, **11** и обрете место и успе тамо, зайде бо солнце: и взя от камня места (того) и положи в возглавие себе, и спа на месте онем. **12** И сон виде: и се, лествица утверждена на земли, еяже глава досязаше до небесе, и Ангели Божии восхождаху и низхождаху по ней: **13** Господь же утверждашеся на ней и рече: Аз есмь Бог Авраама отца твоего и Бог Исаака, не бойся: земля, идеже ты спиши на ней, тебе дам ю и семени твоему: **14** и будет семя твое яко песок земный, и распространится на море, и ливу, и север, и на востоки: и благословятся о тебе вся колена земная и о семени твоём: **15** и се, Аз есмь с тобою, сохраняяй тя на всяком пути, аможе аще пойдеш, и возвращу тя в землю сию: яко не имам тебе оставити, дондеже сотворити ми вся, елика глаголах тебе. **16** И воста Иаков от сна своего и рече: яко есть Господь на месте сем, аз же не ведех. **17** И убоися и рече: яко страшно место сие: несть сие, но дом Божий, и сия врата небесная. **18** И воста Иаков заутра, и взя камень, егоже положи тамо в возглавие себе: и постави его в столп, и возлия елей верху его. **19** И прозва Иаков имя месту тому Дом Божий: Уламлуз же бе имя граду первее. **20** И положи Иаков обет, глаголя: аще будет Господь Бог со мною и сохранит мя на пути сем, в оньже аз иду, и даст ми хлеб ясти, и ризы облещися, **21** и возвратит ми здрава в дом отца моего, и будет Господь мне в Бога: **22** и камень сей, егоже поставих в столп, будет ми дом Божий, и от всех, яже ми даси, десятину одесятствую та Тебе.

29 И востав Иаков на нозе, иде в землю восточную к Лавану сыну Вафуила Сирина, брату же Ревекки матери Иаковли и Исавли. **2** Узре же, и се, кладязь на поли: и бяху тамо три стада овец, почивающе при нем: от того бо кладязя напаяхуся стада. Камень же велий бяше над устием кладязя. **3** И собирахуся тамо вся стада: и отваляху камень от устия кладязя и напаяху овцы: и паки полагаху камень на устии кладязя на месте своем. **4** Рече же им Иаков: братия, откуда есте вы? Они же реша: от Харрана есмы. **5** Рече же им: знаете ли Лавана сына Нахорова? Они же реша: знаем. **6** Рече же им: здравствует ли? Они же реша: здравствует. И се, Рахиль дщи его идаше со овцами. **7** И рече Иаков: еще есть дне много, не у час собирати скота: напоивше овцы, шедше пасите. **8** Они же реша: не можем, дондеже соберутся вси пастуси и отвалят камень от устия кладязя, и напоим овцы. **9** Еще ему глаголющу к ним, и се, Рахиль дщи Лавана грядаше со овцами отца своего: она бо пасаше овцы отца своего. **10** Бысть же яко узре Иаков Рахиль дщерь Лавана брата матери своея и овцы Лавана брата матери своея, и приступив Иаков отвали камень от устия кладязя: **11** и напои овцы Лавана брата матери своея, и целова Иаков

Рахиль, и возопив гласом своим, восплакася: **12** и поведает Рахили, яко брат отца ея есть и яко сын Ребекин есть. И текши поведает отцу своему по словесем сим. **13** Бысть же яко услыша Лаван имя Иакова сына сестры своея, тече во сретение ему и объемь его лобза, и введе его в дом свой. И поведает Лавану вся словеса сия. **14** И рече ему Лаван: от костей моих и от плоти моя еси ты. И бе с ним месяц дний. **15** Рече же Лаван Иакову: понеже брат мой еси ты, да не поработаеши мне туне: повеждь ми, что мзда твоя есть? **16** У Лавана же бесте две дщери: имя старшей Лиа, имя же юнейшей Рахиль. **17** Очи же Лиины болезненны: Рахиль же бе добра видом и красна взором зелено. **18** Возлюбил же Иаков Рахиль. И рече: поработаю тебе семь лет за Рахиль дщерь твою меньшую. **19** Рече же ему Лаван: лучше ми тебе дати ю, нежели иному отдати мужев: со мною живи. **20** И работа Иаков за Рахиль семь лет: и быша пред ним яко малы дни, занеже любяше ю. **21** Рече же Иаков Лавану: даждь ми жену мою, понеже совершишася дние, да вниду к ней. **22** Собрав же Лаван вся мужы места того, и сотвори брак. **23** И бысть вечер, и поемь Лаван Лию дщерь свою, введе ко Иакову: и вниде к ней Иаков. **24** Даде же Лаван Лии дщери своей Зелфу рабыню свою, ей в рабу. **25** Бысть же заутра, и се, бяше Лиа, и рече Иаков Лавану: что сие сотворил ми еси? Не Рахили ли ради работах у тебе? Вскую же обидел мя еси? **26** Отвещает же Лаван: несть тако в нашем месте вдати меньшую прежде старшей. **27** Скончай убо седмины сея, и дам ти и сию за дело, еже делаеши у мене еще семь лет другия. **28** Сотвори же Иаков тако: и исполни седмины сея: и даде ему Лаван Рахиль дщерь свою ему в жену. **29** Даде же Лаван Рахили дщери своей Валлу рабу свою, ей в рабу. **30** И вниде (Иаков) к Рахили: возлюбил же Рахиль паче, неже Лию: и работа ему семь лет другия. **31** Видев же Господь Бог, яко ненавидима бяше Лиа, отверзе ложе сна ея: Рахиль же бяше неплоды. **32** И зачат Лиа и роди сына Иакову: нарече же имя ему Рувим, глаголя: яко призре Господь на мое смирение и даде ми сына: ныне убо возлюбил мя муж мой. **33** И зачат паки Лиа и роди сына втораго Иакову и рече: зане услыша Господь, яко ненавиждима есмь, и придаде ми и сего. И нарече имя ему Симеон. **34** И зачат еще и роди сына и рече: в нынешнее время у мене будет муж мой, родих бо ему три сыны. Сего ради нарече имя ему Левий. **35** И заченши еще роди сына и рече: ныне еще сие исповем Господу. Сего ради нарече имя ему Иуда, и преста раждати.

30 Видевши же Рахиль, яко не роди Иакову, и поревнова Рахиль сестре своей и рече Иакову: даждь ми чада: аще же ни, умру аз. **2** Разгневався же Иаков на Рахиль, рече ей: еда вместо Бога аз есмь, Иже лиши ты плода утробнаго? **3** Рече же Рахиль Иакову: се, раба моя Валла: вниди к ней, и да родит на коленах моих, и чадо сотворю и аз от нея. **4** И даде ему Валлу рабу свою ему в жену: и вниде к ней Иаков. **5** И зачат Валла раба Рахилина и роди Иакову сына. **6** И рече Рахиль: суди ми Бог и послуша гласа моего, и даде ми сына. Сего ради прозва имя ему Дан. **7** И зачат еще Валла раба Рахилина и роди сына втораго Иакову. **8** И рече Рахиль:

подая мя Бог, и сравнихся с сестрою моею, и возмогах. И прозва имя его Неффалим. **9** Виде же Лиа, яко преста раждати, и взя Зелфу рабу свою и даде ю Иакову в жену: и вниде к ней. **10** И зачат Зелфа раба Лиина и роди Иакову сына. **11** И рече Лиа: благо мне случися. И нарече имя ему Гад. **12** И зачат еще Зелфа раба Лиина и роди Иакову сына втораго. **13** И рече Лиа: блажена аз, яко ублажат мя жены. И прозва имя ему Асир. **14** Иде же Рувим в день жатвы пшеницы и обрете яблока мандрагорова на поли, и принесе я к Лии матери своей. Рече же Рахиль к Лии сестре своей: даждь ми от мандрагоров сына твоего. **15** Рече же Лиа: не довольно ли тебе, яко взяла еси мужа моего? Еда и мандрагоры сына моего возмеш? Рече же Рахиль: не тако: да будет сея нощи с тобою за мандрагоры сына твоего. **16** Прииде же Иаков с поля в вечер, и изыде Лиа во сретение ему и рече: ко мне внидеши днесь: наяла бо тя есмь за мандрагоры сына моего. И бысть с нею тоя нощи. **17** И послуша Бог Лию, и заченши роди Иакову сына пятаго. **18** И рече Лиа: даде ми Бог мзду мою, зане дах рабу мою мужу моему. И прозва имя ему Иссахар, еже есть мзда. **19** И зачат еще Лиа и роди сына шестаго Иакову. **20** И рече Лиа: дарова ми Бог дар добр в нынешнее время: возлюбил мя муж мой: родих бо ему шесть сынов. И прозва имя ему Завулон. **21** И посем роди дщерь, и прозва имя ей Дина. **22** Помяну же Бог Рахиль, и услыша ю Бог, и отверзе утробу ея: **23** и заченши, роди Иакову сына. И рече Рахиль: ота Бог укоризну мою. **24** И нарече имя ему Иосиф, глаголющи: да придаст ми Бог сына другаго. **25** Бысть же яко роди Рахиль Иосифа, рече Иаков Лавану: отпусти мя, да иду на место мое и в землю мою: **26** отдаждь ми жены моя и дети моя, ихже ради работах тебе, да отиду: ты бо веси работу, юже работах ти. **27** Рече же ему Лаван: аще обретох благодать пред тобою: усмотрих бо, яко благослови мя Бог пришествием твоим: **28** раздели мзду свою у мене, и дам ти. **29** Рече же Иаков: ты веси, яже работах тебе, и колико бе скота твоего у мене: **30** мало бо бе елико твоего у мене и в возрасте во множество: и благослови тя Господь пришествием моим: ныне убо когда сотворю и аз себе дом? **31** И рече к нему Лаван: что ти дам? Рече же ему Иаков: не даси ми ничтоже: аще сотвориши ми глагол сей, паки пасти имам овцы твоя, и сохраню: **32** оиди вся овцы твоя ныне и разлучи оттуду всякую овцу пелесую во овцах, и всяку беловатую и пеструю в козах, будет ми мзда (и будет мое): **33** и послушает мене правда моя во утрешний день, яко есть мзда моя пред тобою: все еже аще не будет пестро и беловатое в козах, и пелесо во овцах, за украденое будет мною. **34** Рече же ему Лаван: буди по словеси твоему. **35** И разлучи в той день козлы пестрия и беловатия, и вся козы пестрия и беловатия, и все еже бе пелесо во овцах, и все еже бяше белое в них: и даде в руке сыном своим: **36** и разстави путем трех дний, и между ими и между Иаковым: Иаков же пасяше овцы Лавановы оставшыяся. **37** Взя же Иаков себе жезл стиракинов зеленый, и орехов, и яворовый: и острога я Иаков пестрением белым, сострогая кору: являшася же на жезлах белое, еже острога, пестро. **38** И положи жезлы, яже

острога, в поилных корытех воды: да егда приидут овцы пити, пред жезлы пришедшым им пити, зачнут овцы по жезлом: **39** и зачинаху овцы по жезлом, и раждаху овцы беловатыя и пестрыя и пепеловидныя пестрыя. **40** Агницы же разлучи Иаков и постави прямо овцам овна беловатаго и всякое пестрое во агнцах: и разлучи себе стада по себе, и не смеси сих со овцами Лавановыми. **41** Бысть же во время, в неже зачинаху овцы во чреве приемлюща, положи Иаков жезлы пред овцами в корытех, еже зачинати им по жезлом: **42** егда же раждаху овцы, не полагаше: быша же незнаменанья Лавановы, а знаменанья Иаковли. **43** И разбогате человек зело зело: и быша ему скоти мнози, и волове, и раби, и рабыни, и велблуды, и ослы.

31 Слыша же Иаков словеса сынов Лавановых, глаголющих: взя Иаков вся яже отца нашего, и от сущих отца нашего сотвори всю славу сию. **2** И виде Иаков лице Лаване, и се не бьяше к нему, яко вчера и третияго дне. **3** Рече же Господь ко Иакову: возвратися в землю отца твоего и в род твой, и буду с тобою. **4** Послав же Иаков, призва Лию и Рахиль на поле, идеже бяху стада, **5** и рече им: вижду аз лице отца вашего, яко несть ко мне, якоже вчера и третияго дне: Бог же отца моего бе со мною: **6** и вы сами весте, яко всюю силою моею работах отцу вашему: **7** отец же ваш обиде мя и измени мзду мою десяти агнцев, но не даде ему Бог зла сотворити мне. **8** Аще сице речет: пестрыя, будет твоя мзда: и родятся вся овцы пестрыя. Аще же речет: белыя, будет твоя мзда: и родятся вся овцы белыя. **9** И отя Бог вся скоты отца вашего и даде я мне. **10** И бысть егда зачинаху овцы во чреве приемлюща, и видех очима моима во сне: и се, козлы и овны восходяще бяху на овцы и козы, беловатыя и пестрыя и пепеловидныя пестрыя. **11** И рече ми Ангел Божий во сне: Иакове. Аз же рех: что есть? **12** И рече: воззри очима твоима и виждь козлы и овны восходящия на овцы и козы, белыя и пестрыя и пепеловидныя пестрыя: видех бо, елика тебе Лаван творит: **13** Аз есмь Бог явивыйся тебе на Месте Божии, идеже помазал Ми еси тамо столп, и обетовал Ми еси тамо обет: ныне убо востани и изыди от земли сея, и иди в землю рождения твоего, и буду с тобою. **14** И отвещавши Рахиль и Лиа, рекосте ему: еда есть нам еще часть или наследие в дому отца нашего? **15** Не яко ли чужьяя вменихомся ему? Продаде бо нас и не даде нам отце сребро наше: **16** все богатство и слава, юже отя Бог от отца нашего, нам будет и чадом нашим: ныне убо, елика тебе рече Бог, твори. **17** Востав же Иаков, взя жены своя и дети своя на велблуды, **18** и забра вся имения своя и вся стяжания, яже притяжа в Месопотамии, и вся своя, еже отити ко Исааку отцу своему в землю Ханаанскую. **19** Лаван же отиде острицы овцы своя: украде же Рахиль идолы отца своего. **20** Утаи же Иаков от Лавана Сирина, не поведати ему, яко уходит, **21** и отбеже сам, и вся яже его, и преиде реку, и възыде на гору Галаад. **22** Поведася же Лавану Сирину в третий день, яко бежа Иаков: **23** и поим сыны и братию свою с собою, гна вслед его путем седьм дний: и достиже его на горе Галаад. **24** Прииде же Бог к Лавану Сирину нощию во сне и рече ему: блюда себе, да

не когда възглаголеши ко Иакову зла. **25** И постиже Лаван Иакова: Иаков же постави кущу свою на горе: Лаван же разстави братию свою на горе Галаад. **26** Рече же Лаван Иакову: что сотворил еси? Вскую тайно ушел еси и окрал еси мя, и отвел дщери моя, яко пленницы оружием? **27** И аще бы ми поведал еси, отпустил бых тя с веселием и с мусикиею, и тимпаны и гуслими: **28** и не сподобихся целовати детей моих и дщерей моих: ныне же несмысленно сотворил еси: **29** и ныне рука моя может озлобити тя. Но Бог отца твоего вчера рече ко мне, глаголя: блюда себе, да не когда възглаголеши ко Иакову зла. **30** Ныне убо отшел еси: желанием бо възжелал еси отити в дом отца твоего: вскую украл еси боги моя? **31** Отвещав же Иаков рече к Лавану: понеже убояхся: рех бо, да не како отимеши дщери твоя от мене, и вся моя. **32** И рече Иаков: у негоже аще обрящещи боги твоя, да не будет жив пред братиею нашею: узнавай, что есть твоего у мене, и возми. И не позна у него ничтоже: не ведяше же Иаков, яко Рахиль жена его украде я. **33** Вшед же Лаван, обыска в кущи Лиине, и не обрете. И изыде из кущи Лиины, и обыска кущу Иаковлю и в кущи двоих рабынь, и не обрете. Вниде же и в кущу Рахилину. **34** Рахиль же взя идолы и положи оныя под седло велблуже и седе на них, **35** и рече отцу своему: не имей себе тяжко, господине: не могу востати пред тобою, яко обычная женская ми суть. Иска же Лаван по всей кущи, и не обрете идолов. **36** Разгнеवासя же Иаков и прашешся с Лаваном. Отвещав же Иаков рече Лавану: кая неправда моя? И кий грех мой, яко погнал еси вслед мене, **37** и яко обыскал еси вся сосуды дому моего? Что обрел еси от всех сосудов дому твоего? Положи zde пред братиею твоею и братиею моею, и да разсудят между обема нама: **38** се, двадцать лет аз есмь с тобою: овцы твоя и козы твоя не быша без плода: овнов овец твоих не поядох: **39** звероядины не принесох к тебе: аз въздаях тебе от мене самаго татбины денныя и татбины нощныя: **40** бых во дни жегомь зноем, и студению в нощи, и отхождаше сон от очию моею: **41** се, мне двадцать лет аз есмь в дому твоём, работах тебе четыренадцать лет двух ради дщерей твоих и шесть лет за овцы твоя, и преобидел еси мзду мою десятию агницами: **42** аще не бы Бог отца моего Авраама, и страх Исаака был мне, ныне тща отпустил бы мя еси: смирение мое и труд руку мою увиде Бог, и обличи тя вчера. **43** Отвещав же Лаван, рече ко Иакову: дщери дщери моя и сынове сынове мои, и скоти скоти мои, и вся елика ты видиши моя суть и дщерей моих: что сотворю им днесь, или чадом их, яже родиста? **44** Ныне убо гряди, завещаем завет аз и ты: и будет во свидетелство между мною и тобою. Рече же ему Иаков: се, никтоже с нами есть: виждь, Бог свидетель между мною и тобою. **45** И взем Иаков камень, постави его в столп. **46** Рече же Иаков братии своей: соберите камение. И собраша камение и сотвориша холм: и ядоша, и пиша тамо на холме. Рече же ему Лаван: холм сей свидетелствует между мною и тобою днесь. **47** И прозва его Лаван холм Свидетелства: Иаков же прозва холм Свидетель. **48** Рече же Лаван ко Иакову: се, холм сей и столп, егоже поставих между мною и тобою, свидетелствует холм сей и свидетелствует

столп сей: сего ради прозвася имя холм Свидетелствует, 49 и Видение, еже рече: да видит Бог между мною и тобою, яко отидем друг от друга: 50 аще смириши дщери моя, аще поймеш жены над дщери моя виждь, никтоже с нами есть видяй: Бог свидетель между мною и между тобою. 51 И рече Лаван Иакову: се, холм сей свидетель и столп сей: 52 аще бо аз не преиду к тебе, ниже ты да преидеши ко мне холма сего и столпа сего со злобою: 53 Бог Авраамль и Бог Нахоров да судит между нама. И кляся Иаков страхом отца своего Исаака, 54 и пожре Иаков жертву на горе и воззва братию свою: ядоша же и пиша и спаша на горе. 55 Востав же Лаван заутра, лобыз сыны и дщери своя и благослови я: и возвратився Лаван, отиде на место свое.

32 И Иаков иде в путь свой. И возрев виде полк Божий воополчившийся: и сретоша его Ангели Божии. 2 Рече же Иаков, егда виде их: полк Божий сей. И прозва имя месту тому Полки. 3 Посла же Иаков послы пред собою ко Исаву брату своему в землю Сиир, в страну Едом, 4 и заповеда им глаголя: тако рцйте господину моему Исаву: тако глаголет раб твой Иаков: у Лавана обитах и умедлх даже до ныне: 5 и быша ми волове и ослы и овцы, и раби и рабыни: и послах поведати господину моему Исаву, дабы обрел раб твой благодать пред тобою. 6 И возвратишася послы ко Иакову, глаголюще: ходихом ко брату твоemu Исаву, и се, сам идет во сретение тебе, и четыриста мужей с ним. 7 Убося же Иаков зело и в недоумении бе: и раздели люди сущыя с собою, и волы и велблуды и овцы на два полка, 8 и рече Иаков: аще приидет Исава на един полк и исзечет и, будет вторый полк во спасении. 9 Рече же Иаков: Бог отца моего Авраама и Бог отца моего Исаака, Господи Боже, Ты рекий ми: иди в землю рождения твоего, и благо тебе сотворю: 10 довлеет ми от всея правды и от всея истины, юже сотворил еси рабу Твоему: с железом бо сим преидох Иордан сей, ныне же бех в два полка: 11 изми мя от руки брата моего, от руки Исава: яко боюся аз его, да не когда пришед убьет мя и мать с чады: 12 ты же рекл еси: благо тебе сотворю и положу семья твое яко песок морской, иже не изочтется от множества. 13 И спа тамо нощи тоя, и взя, яже имяше дары, и посла Исаву брату своему: 14 коз двести, козлов двадцать, овец двести, овнов двадцать, 15 велблудов дойных, и жребят их тридцать, волов четыредцать, юнцов десять, ослов двадцать и жребят десять: 16 и даде их рабом своим, (коеждо) стадо особо, и рече раб мой своим: идите предо мною, и разстояние творите между стадом и стадом. 17 И заповеда первому глаголя: аще тя срящет Исава брат мой и вопросит тя глаголя: чий еси, и камо идеши, и чия сия, яже пред тобою идут? 18 Речеши: раба твоего Иакова: дары посла господину моему Исаву: и се, сам за нами (идет). 19 И заповеда первому, и второму, и третьему, и всем предидущым вслед стад сих глаголя: по словеси сему глаголите Исаву, егда обрящете его вы, 20 и рцйте: се, раб твой Иаков идет за нами: рече бо: укрошу лице его дарами предидущими его, и не помю зреть лице его: негли бо примет лице мое? 21 И предидяху дары пред лицом его, сам же преспа тоя нощи в полце. 22 Востав же тоя нощи,

поя обе жены (своя) и обе рабыни и единонадесять сынов своих, и преиде брод Иавок: 23 и взя их, и преиде поток, и преведе вся своя. 24 Остася же Иаков един. И боряшеся с ним Человек даже до утра. 25 Виде же, яко не может противу ему: и прикоснуса широте стегна его: и отерпе широта стегна Иаковля, егда боряшеся с Ним. 26 И рече ему: пусти Мя: взыде бо заря. Он же рече: не пущу Тебе, аще не благословиши мене. 27 Рече же ему: что ти имя есть? Он же рече: Иаков. 28 И рече ему: не прозвется ктому имя твое Иаков, но Израиль будет имя твое: понеже укрепился еси с Богом и с человеки силен будеши. 29 Вопросы же Иаков и рече: повежда же ми имя Твое. И рече: вскую сие вопрошаеши ты имене Моего? Еже чудно есть. И благослови его тамо. 30 И прозва Иаков имя месту тому Вид Божий: видех бо Бога лицом к лицу, и спасеса душа моя. 31 Возсия же ему солнце, егда преиде Вид Божий: он же хромаше стегном своим. 32 Сего ради не ядят сынове Израилевы жилы, яже отерпе, яже есть в широте стегна, даже до дне сего: понеже прикоснуса широте стегна Иаковли жилы, яже отерпе.

33 Возрев же Иаков очима своима, виде: и се, Исава брат его идый, и четыриста мужей с ним. И раздели Иаков дети Лии и Рахили и двум рабыням, 2 и постави обе рабыни и сыны их в первых, Лию же и дети ея позади, а Рахиль и Иосифа в последних: 3 сам же изыде первее пред ними и поклонися до земли седмиды, дондеже приближися к брату своему. 4 И притече Исава во сретение ему: и объеъм его, припаде на выю его и облобыза его: и плакастася оба. 5 И возрев Исава, виде жены и дети и рече: что сии тебе суть? Он же рече: дети, имиже помилова Бог раба твоего. 6 И приступиша рабыни и дети их и поклонишася: 7 и приступи Лиа и дети ея и поклонишася: посем же приступи Рахиль и Иосиф и поклонистася. 8 И рече: что сия тебе суть, полцы сии вси, яже сретох? Он же рече: да обрящет раб твой благодать пред тобою, господине. 9 Рече же Исава: суть мне многа, брате: да будут тебе твоя. 10 И рече Иаков: аще обретох благодать пред тобою, приими дары от руку мою: сего ради видех лице твое, яко бы аще кто видел лице Божие: и возблаговолиши о мне: 11 приими благословение мое, еже принесох тебе, яко помилова мя Бог, и суть ми вся. И принуди его, и взя. 12 И рече: воставше пойдем прямо. 13 Рече же ему: господин мой весть, яко дети мои юны, овцы же и говядя бременны у мене: аще убо пожену я един день, измрет весь скот: 14 да предидет господин мой пред рабом своим: аз же укреплюся на пути умедлением шествия моего, еже предо мною, и якоже возмугут ити дети, дондеже прииду к господину моему в Сиир. 15 И рече Исава: оставлю с тобою от людей сущих со мною. Он же рече: вскую сие? Довлеет, яко обретох благодать пред тобою, господине. 16 Возвратися же Исава в том дни путем своим в Сиир: 17 и Иаков поиде в Кушцы, и постави себе тамо храмины, и скоту своему сотвори кушцы: сего ради нарече имя месту тому Кушцы. 18 И прииде Иаков в салим град Сикимск, иже есть в земли Ханаанстей, егда прииде от Месопотамии Сирския, и ста пред лицом града: 19 и купи часть села, идеже постави

кущу свою тамо, у Еммора отца Сихемля, стома агнцы: 20 и постави тамо жертвенник, и призва Бога Израилева.

34 Изыде же Дина дщи Лиина, юже роди Иакову, познати дщери обитателей. 2 И виде ю Сихем сын Емморов Хорреанин, князь тоя земли: и поим ю, бысть с нею и смири ю: 3 и внят душею Дине дщери Иаковли, и возлюбил девицу, и глагола к ней по мысли девицы. 4 Рече же Сихем ко Еммору отцу своему, глаголя: поими мне отроковицу сию в жену. 5 Иаков же слыша, яко оскверни сын Емморов Дину дщерь его: сынове же его бяху со скоты его на поли: премола же Иаков, дондеже приити им. 6 Изыде же Еммор отец Сихемль ко Иакову глаголати к нему. 7 Сынове же Иаковли приидоша с поля: егда же услышаша, смутишася мужие, и жалостно им бысть зело, яко не лепо сотвори во Израили, быв со дщерью Иаковлею: и не будет сице. 8 И рече им Еммор, глаголя: Сихем сын мой избра душею дщерь вашу: дадите убо ю в жену ему: 9 и сосватайтесь с нами: дщери ваша дадите нам, и дщери наша поимите сыновом своим, 10 и у нас населитесь: и се, земля пространна пред вами: населитесь и куплю дейте на ней, и притяжите на ней. 11 Рече же Сихем ко отцу ея и ко братиям ея: да обрящу благодать пред вами, и еже аще речете, дадим: 12 умножите вено зело, и дам, якоже речете ми: и дасте ми отроковицу сию в жену. 13 Отвещаша же сынове Иаковли Сихему и Еммору отцу его с лестию, и глаголаша к ним, яко оскверниша Дину сестру их. 14 И рекоста им Симеон и Левий, братия Динины (сынове Лии): не возможем сотворити глагола сего, дати сестру нашу человеку, иже имать крайнюю плоть необрезанну: есть бо укоризна нам: 15 токмо в сем уподобимся вам и вселимся у вас, аще будете якоже мы и вы, егда обрежете весь мужеск пол: 16 и дадим дщери наша вам, и от дщерей ваших пойдем себе жены и вселимся у вас, и будем яко один род: 17 аще же не послушаете нас, еже обрезать, поимше дщерь нашу отидем. 18 И угодна быша словеса пред Еммором и пред Сихемом сыном Емморовым: 19 и не премедли юноша сотворити глагол сей: любяще бо дщерь Иаковлю. Сей же бяше славнейший всех, иже в дому отца его. 20 Прииде же Еммор и Сихем сын его пред врата града своего и глаголаста к мужем града своего, рекуще: 21 человецы сии мирни суть, с нами да населятся на земли и да куплю деют на ней: земля же се пространна пред ними: дщери их да пойдем себе в жены, и дщери наша дадим им: 22 в сем токмо уподобятся нам человецы, еже жити с нами, яко быти людем едином: внегда обрезать нам весь мужеск пол, якоже и тии обрезаны суть: 23 и скоти их и четвероногая, и имения их не наша ли будут? Токмо в сем уподобимся им, и вселятся с нами. 24 И послушаша Еммора и Сихема сына его вси исходящии из врат града своего и обрезаха плоть крайнюю свою, всяк мужеск пол. 25 Бысть же в третий день, егда бяху в болезни, взяша два сына Иаковля Симеон и Левий, братия Динины, кийждо свой меч, и внидоша во град безопасно и изсекоша весь мужеск пол: 26 Еммора же и Сихема сына его усекнуша острием меча, и взяша Дину от дому Сихема и изыдоша. 27

Сынове же Иаковли внидоша к побиенным и разграбиша град, в немже оскверниша Дину сестру их: 28 и овцы их и говяда их и ослы их, и елика бяху во граде, и елика бяху на поли, взяша: 29 и вся чада их и вся сосуды их и жены их плениша: и разграбиша, елика бяху во граде, и елика бяху в домех. 30 Рече же Иаков к Симеону и Леви: ненавистна мя сотвористе, яко злу мне быти всем живущым на земли, в Хананеях и Ферезеях, аз же мал есмь числом: и собравшеся на мя изсекут мя, и истреблен буду аз и дом мой. 31 Они же рекоша: аки блудницу ли возимеют сестру нашу?

35 Рече же Бог ко Иакову: востав възды на место Вефиль, и живи тамо, и сотвори тамо жертвенник Богу явльшемуся тебе, егда бежал еси от лица Исава брата твоего. 2 Рече же Иаков дому своему и всем иже с ним: поверзите боги чуждыя, иже с вами, от среды вас и очиститесь, и измените ризы своя: 3 и воставше въздем в Вефиль и сотворим тамо жертвенник Богу послушавшему мене в день скорбения, Иже бе со мною и спасе мя на пути, в оньже ходих. 4 И вдаша Иакову боги чуждыя, иже бяху в руках их, и усерязи яже во ушесех их: и скры я Иаков под теревинфом иже в Сикимех: И погуби я до днешняго дне. 5 И воздвижеся Израиль от Сикимов, и бысть страх Божий на градах, иже окрест их: и не гнаша вслед сынов Израилевых. 6 Прииде же Иаков в Лузу, яже есть в земли Ханаанстей, яже есть Вефиль, сам и вси людие, иже бяху с ним, 7 и созда тамо жертвенник, и прозва имя месту тому Вефиль: тамо бо явися ему Бог, егда бежаше он от лица Исава брата своего. 8 Умре же Девора, доилица Ревеккина, и погребоша ю ниже Вефиля под дубом, и прозва имя ему дуб плача. 9 Явися же Бог Иакову еще в Лузе, егда прииде от Месопотамии Сирския, и благослови его Бог 10 и рече ему Бог: имя твое не прозовется ктому Иаков, но Израиль будет имя тебе. И нарече имя ему Израиль. 11 Рече же ему Бог: Аз Бог твой: расти и множись: языцы и собрания языков будут от тебе, и царие из чресл твоих изыдут: 12 и землю, юже дах Аврааму и Исааку, тебе дах ю, тебе будет, и семени твоему по тебе дам землю сию. 13 Взыде же Бог от него от места, идеже глагола с ним: 14 и постави Иаков столп на месте, идеже глагола с ним Бог, столп каменный, и пожре на нем жертву и возлия на него елей: 15 и прозва Иаков имя месту тому, идеже глагола с ним Бог, Вефиль. 16 (Востав же (Иаков) от Вефиля, и постави кущу свою далее столпа Гадер.) бысть же егда приближися к хаврафе приити до земли Ефрафа, роди Рахиль и возбедствова в рождении: 17 бысть же внегда жестоко ей родити, рече ей баба: дерзай, ибо сей тебе есть сын. 18 Бысть же егда оставляше ю душа, умираше бо, прозва имя ему Сын Болезни моя: отец же прозва имя ему Вениамин. 19 Умре же Рахиль, и погребоша ю на пути ипподрома Ефрафы: сия есть Вифлеем: 20 и постави Иаков столп на гробе ея: сей есть столп над гробом Рахилиным даже до дне сего. 21 Изыде же оттуду Израиль и постави кущу свою за столпом Гадер. 22 Бысть же егда вселися Израиль в земли той, иде Рувим и спа с Валлоу, наложницею отца своего Иакова. И слыша Израиль, и зло

явился пред ним. Беша же сынове Иаковли дванадесять. 23 Сынове Лиины: Рувим, первенец Иаковль, Симеон, Левий, Иуда, Иссахар, Завулон. 24 Сынове же Рахилины: Иосиф и Вениамин. 25 Сынове же Валлы, рабы Рахилины: Дан и Неффалим. 26 Сынове же Зелфы, рабы Лиины: Гад и Асир. Сии сынове Иаковли, иже родишася ему в Месопотамии Сирстей. 27 Прииде же Иаков ко Исааку отцу своему (еще живу сущу ему) в Мамврию, во Град Полный: сей есть Хеврон в земли Ханаанстей, идеже обита Авраам и Исаак. 28 Быша же дние Исааковы, яже поживе, сто осмьдесят лет: 29 и ослабев Исаак умре, и приложися к роду своему стар исполнь дний: и погребоста его Исав и Иаков, сынове его.

36 Сии же родове Исавли, сей есть Едом. 2 Исав же поя себе жены от дочерей Хананейских: Аду, дочь Елома Хеттеина, и Оливеме, дочь Ананю сына Севегона Евейна, 3 и Васемафу, дочь Исмаилу, сестру Навеофову. 4 Роды же Ада Исаву Елифаса, и Васемаф роди Рагуила, 5 и Оливеме роди Иеуса и Иеглома и Кореа: сии сынове Исавли, иже быша ему в земли Ханаанстей. 6 Поя же Исав жены своя и сыны своя и дщери своя, и вся телеса дому своего и вся имения своя и вся скоты, и вся, елика притяжа, и вся, елика приобрете в земли Ханаанстей, и отиде Исав из земли Ханаанския от лица Иакова брата своего: 7 бяху бо имения их многа, еже жити вкупе: и не можаше земля обитания их вместити их, от множества имений их. 8 Вселися же Исав на горе Сиир: Исав той есть Едом. 9 Сии же родове Исава, отца Едомля, на горе Сиир: 10 и сии имена сынов Исавлих: Елифас, сын Ады, жены Исавли, и Рагуил, сын Васемафы, жены Исавли. 11 Быша же Елифасу сынове: Феман, Омар, Софар, Гофом и Кенез. 12 Фамна же баше наложница Елифаса, сына Исавля, и роди Елифасу Амалика: сии сынове Ады, жены Исавли. 13 Сии же сынове Рагуиловы: Нахоф, Заре, Соме и Мозе: сии быша сынове Васемафы, жены Исавли. 14 Сии же сынове Оливемы дщере Анани сына Севегона, жены Исавли: роди же Исаву Иеуса и Иеглома и Кореа. 15 Сии старейшины сына Исавля, сынове Елифаса, первенца Исавля: старейшина Феман, старейшина Омар, старейшина Софар, старейшина Кенез, 16 старейшина Корей, старейшина Гофом, старейшина Амалик: сии старейшины Елифаса в земли Идумейстей, сии сынове Адины. 17 И сии сынове Рагуила, сына Исавля: старейшина Нахоф, старейшина Заре, старейшина Соме, старейшина Мозе: сии старейшины Рагуиловы в земли Едомстей, сии сынове Васемафы, жены Исавли. 18 Сии же сынове Оливемы, жены Исавли: старейшина Иеус, старейшина Иеглом, старейшина Корей: сии старейшины Оливемы, дщере Анани, жены Исавли, 19 сии сынове Исавли и сии старейшины их, сии суть сынове Едомли. 20 Сии же сынове Сиира Хорреова жившаго на земли: Лотан, Совал, Севегон, Ана 21 и Дисон, и Асар и Рисон: сии старейшины Хорреова сына Сиира в земли Едомстей. 22 Быша же сынове Лотани: Хорри и Еман, сестра же Лотаня Фамна. 23 Сии же сынове Соваловы: Голам и Манахаф, и Гевил и Софар и Омар. 24 И сии сынове Севегони: Аие и Ана: сей есть Ана,

иже обрете иаминь в пустыни, егда пасяше подяремники Севегона, отца своего. 25 Сии же сынове Анани: Дисон и Оливема, дщи Ананя. 26 Сии же сынове Дисоновы: Амада и Асван, и Ифран и Харран. 27 Сии же сынове Асаровы: Валаам и Зукам, и Укам и Укан. 28 Сии же сынове Рисоновы: Ос и Аран. 29 Сии же старейшины Хорриовы: старейшина Лотан, старейшина Совал, старейшина Севегон, старейшина Ана, 30 старейшина Дисон, старейшина Асар, старейшина Рисон: сии старейшины Хорриовы во областех их в земли Едомли. 31 И сии царие царствовавши во Едоме, прежде царствования царей во Израили: 32 и царствова во Едоме Валак, сын Веоров: имя же граду его Деннава. 33 Умре же Валак, и царь бысть по нем Иовав, сын Зарин от Восорры. 34 Умре же Иовав, и царь бысть по нем Асом от земли Феманони. 35 Умре же Асом, и бысть царь по нем Адад сын Варадов, иже изсече Мадиама на поли Моавли: имя же граду его Гетфем. 36 Умре же Адад, и царь бысть по нем Самада от Массеккаса. 37 Умре же Самада, и царь бысть по нем Саул из Роовофа, иже есть близ реки. 38 Умре же Саул, и царь бысть по нем Вааленнон, сын Аховорь. 39 Умре же Вааленнон сын Аховорь, и царь бысть по нем Арад, сын Варадов: и имя граду его Фогор, имя же жене его Метевеиль, дочь Матраифа, сына Мезоовля. 40 Сия имена старейшин Исавлих в племенех их, по месту их, во странах их и в языцех их: старейшина Фамна, старейшина Гола, старейшина Иефер, 41 старейшина Оливема, старейшина Ила, старейшина Финон, 42 старейшина Кенез, старейшина Феман, старейшина Мазар, 43 старейшина Магеддил, старейшина Зафой: сии старейшины Едомли, живущии в земли притяжания их: сей Исав отец Едомль.

37 Вселися же Иаков в земли, идеже обита Исаак, отец его, в земли Ханаани. 2 Сии же роди Иаковли. Иосиф же бяше семнадцатилет, пасый овцы отца своего с братиею своею, юн сый, с сынми Валлы и с сынми Зелфы, жен отца своего: нанесоша же на Иосифа злу клевету ко Израилю отцу своему. 3 Иаков же любляше Иосифа паче всех сынов своих, яко сын в старости ему бысть: и сотвори ему ризу пестру. 4 Видевше же братия его, яко любит его отец паче всех сынов своих, возненавидеша его и не можаху глаголати к нему ничтоже мирно. 5 Видев же Иосиф сон, поведи и братии своей 6 и рече им: послушайте сна сего, егоже видех: 7 мнех вас вяжущих снопы среде поля: и воста мой сноп и ста прямо, ваши же снопы обратившеся поклонившася моему снопу. 8 Реша же ему братия его: еда царствуй царствовати будеши над нами, или господствуя господствовати будеши над нами? И приложаша еще ненавидети его снов ради его и ради словес его. 9 Виде же сон другий и поведи его отцу своему и братии своей, и рече: се, видех другий сон: аки бы солнце и луна и единонадесять звезд поклоняхуся мне. 10 И запрети ему отец его и рече ему: что сон сей, егоже еси видел? Еда пришедше приидем аз и мати твоя и братия твоя поклонитися тебе до земли? 11 Позавидеша же ему братия его: отец же его соблюде слово сие. 12 Отидоша же братия

его пасти овцы отца своего в Сихем. 13 И рече Израиль ко Иосифу: еда братия твоя не пасут в Сихеме? Гряди да послю тя к ним. Рече же ему: се, аз. 14 Рече же ему Израиль: шед, виждь, аще здравствуют братия твоя и овцы, и повеждь ми. И посла его от юдоли Хеврони. И прииде в Сихем: 15 и обрете его человек заблуждающа на поли: вопросы же его человек глаголя: чесого ищещи? 16 Он же рече: братии моея ищю: повеждь ми, где пасут. 17 Рече же ему человек: отидоша отсюду: слышаш бо их глаголющих: поидем в Дофаим. И иде Иосиф вслед братии своея и обрете я в Дофаиме. 18 Предузреша же его издалече, прежде приближения его к ним, и зле умыслиша убити его: 19 рече же кийждо к брату своему: се, сновидец оный идет: 20 ныне убо приидите, убием его и ввержим его во един от ровов, и речем: зверь лют снеде его: и узрим, что будут сония его. 21 Слышав же Рувим, отя его из рук их и рече: не убием его на души. 22 Рече же им Рувим: не пролейте крове, вверзите его во един от ровов сих, иже в пустыни, руки же не возложите на него: (тщашеся бо) яко да изымет его от рук их и отдаст его отцу своему. 23 Бысть же егда прииде Иосиф к братии своей, совлекоша со Иосифа ризу пеструю, яже на нем, 24 и поемше его ввергоша в ров: ров же тощъ, воды не имаше. 25 И седоша ясти хлеб, и воззрешве очима видеша, и се, путницы Исмаилтяне идяху от Галаада, и велблюды их полны финиама и ритины и стакти: идяху же везуще во Египет. 26 Рече же Иуда ко братии своей: кая польза, аще убием брата нашего и скроем кровь его? 27 Грядите продадим его Исмаилтяном сим: руце же наши да не будут на нем, яко брат наш и плоть наша есть. Послушаша же братия его. 28 И мимоидоша человецы Мадиамстии купцы: и извлекоша и возведоша Иосифа из рова, и продаша Иосифа Исмаилтяном на двадесять златниц. И поведоша Иосифа во Египет. 29 Возвратися же Рувим к рову и не узре Иосифа в рове: и растерза ризы своя, 30 и прииде ко братии своей и рече: отрочища несть, аз же камо иду ктому? 31 Воземше же ризу Иосифову, заклаша козлище от коз и помазаша ризу кровию: 32 и послаша ризу пеструю, и принесоша ко отцу своему и рекоша: сию обретохом: познавай, аще риза сына твоего есть, или ни? 33 И позна ю и рече: риза сына моего есть: зверь лют снеде его: зверь восхити Иосифа. 34 И растерза Иаков ризы своя, и возложи вретище на чресла своя, и плакашся сына своего дни многи. 35 Собрашася же вси сынове его и дщери и приидоша утешити его: и не хоташе утешитися, глаголя: яко сниду к сыну моему сетуя во ад. И плакася о нем отец его. (Sheol h7585) 36 Мадiane же продаша Иосифа во Египет Пентефрию евнуху фараонову, архимагиру.

38 Бысть же в то время, отиде Иуда от братии своея и прииде к человеку некоему Одолламитину, емуже имя Ирас: 2 и виде тамо Иуда дщерь человека Хананейска, ейже имя Сава: и поят ю, и вниде к ней: 3 и заченши роди сына, и нарече имя ему Ир: 4 и заченши еше роди сына и нарече имя ему Авнан: 5 и приложивши роди сына (третьяго) и нарече имя Силом: сия же бе в Хасве, егда роди сих. 6 И

поя Иуда жену Иру первенцу своему, ейже имя Фамарь. 7 Бысть же Ир первенец Иудин зол пред Господем: и уби его Бог. 8 Рече же Иуда Авнану: вниди к жене брата твоего и совокупися с нею, и возстави семя брату твоему. 9 Познав же Авнан, яко не ему будет семя, бысть егда вхождаше к жене брата своего, проливаше (семя) на землю, еже не дати семене брату своему: 10 зло же явися пред Богом, яко сотвори сие: и умертви и сего. 11 Рече же Иуда Фамари, невестце своей (по смерти дву сынов своих): седи вдовою в дому отца твоего, дондеже велик будет Силом, сын мой. Рече бо (во уме си): да не когда умрет и сей, аже и братия его. Отшедши же Фамарь, седаше в дому отца своего. 12 Умножишася же дние, и умре Сава жена Иудина. И утешився Иуда, взыде к стригущым овцы его сам, и Ирас пастырь его Одолламитин, во Фамну. 13 И возвестиша Фамари невестце его, глаголюще: се, свекор твой восходит во Фамну стрищи овцы своя. 14 Она же свергши ризы вдовства с себе, облечеса в ризу летнюю и украсися, и седе пред враты Енани, яже суть на пути Фамны: ведяше бо, яко велик бысть Силом: сей же не даде ей ему в жену. 15 И видев ю Иуда, возмне ю блудницу быти: покры бо лице свое, и не позна ея. 16 Уклонися же к ней путем и рече ей: попусти ми внити к себе. Не позна бо, яко невестка ему есть. Она же рече: что ми даси, аще внидеши ко мне? 17 Он же рече: аз тебе послю козлище коз от овец моих. Она же рече: аще даси ми залог, дондеже пришлещи. 18 Он же рече: кий залог тебе дам? Она же рече: перстень твой и гривну, и жезл иже в руце твоей. И даде ей, и вниде к ней, и зача во утробе от него. 19 И воставши отиде, и сверже ризу летнюю с себе и облечеса в ризы вдовства своего. 20 Посла же Иуда козлище от коз рукою пастыря своего Одолламитина взяти залог от жены, и не обрете ея. 21 Вопросы же мужей места того и рече им: где есть блудница бывшая во Енани на распутии? И реша: не бе zde блудница. 22 И возвратися ко Иуде и рече: не обретох: и человецы места того глаголют: несть zde блудницы. 23 Рече же Иуда: да имать та: но да не когда посмеются нам: аз убо послах козлище сие, ты же не обрел еси. 24 Бысть же по трех месяцах, поведаша Иуде, глаголюще: соблуди Фамарь невестка твоя, и се, во утробе имать от блуда. Рече же Иуда: изведите ю, и да сожгут ю. 25 Она же ведома посла к свекру своему, глаголющи: от человека, егоже сия суть, аз во утробе имам. И рече: познай, чий перстень и гривна и жезл сей. 26 Позна же Иуда и рече: оправдася Фамарь паче мене, яко не дах ея Силому сыну моему. И не приложи ктому познати ю. 27 Бысть же егда раждаше, и беста близнята во утробе ея. 28 Бысть же в рождении ея, един произнесе руку: взявши же баба навязя на руку его червлень, глаголющи: сей изыдет первый. 29 Егда же вовлече руку, и абие изыде брат его. Она же рече: что пресечеса тебе ради преграждение? И прозва имя ему Фарес. 30 И посем изыде брат его, емуже бе на руце его червлень: и прозва имя ему Зара.

39 Иосиф же приведен бысть во Египет. И купи его Пентефрий евнух фараонов архимагир, муж Египтянин, от рук Исмаилтян, иже приведоша его тамо. 2 И баше Господь

со Иосифом: и быше муж благополучен, и бысть в дому господина своего Египтянина. 3 Ведяше же господин его, яко Господь бе с ним, и елика творит, Господь благоустраивает в руку его. 4 И обрете Иосиф благодать пред господином своим и благоугоди ему: и постави его над домом своим, и вся, елика быша ему, даде в руки Иосифовы. 5 Бысть же егда постави его над домом своим и над всеми, елика имейше, и благослови Господь дом Египтянина Иосифа ради: и бысть благословение Господне на всем имени его в дому и в селех его. 6 И предаде вся, елика быша ему, в руки Иосифовы: и не ведаше от сущих у себе ничтоже, кроме хлеба, егоже ядьяше сам: и бяше Иосиф добр образом и красен взором зело. 7 И бысть по словесех сих, и возложи жена господина его очи своя на Иосифа и рече: пребуду со мною. 8 Он же не хотяше и рече жене господина своего: аще господин мой не весть мене ради ничтоже в дому своем, и вся, елика суть ему, вдаде в руке мои, 9 и ничто есть выше мене в дому сем, ниже изято бысть от мене чтолибо, кроме тебе, понеже ты жена ему еси: и како сотворю глагол злый сей и согрешу пред Богом? 10 Егда же Иосифу глаголаше день от дне, и не послушаше ея еже спати и быти с нею. 11 Бысть же сицевый некий день, и вниде Иосиф в дом делати дела своя, и никтоже бяше от сущих в дому внутрь: 12 и ухвати его за ризы, глаголющи: лязи со мною. И оставив ризы своя в руках ея, убеже и изыде вон. 13 И бысть егда виде, яко оставль ризы своя в руках ея, бежа и изыде вон: 14 и воззва сущих в дому и рече им глаголющи: видите, введе нам отрока Евреина наругаться нам: вниде ко мне, глаголя: пресли со мною: и возопих гласом великим: 15 и егда услыша он, яко возвысих глас мой и возопих, оставль ризы своя у мене, отбеже и изыде вон. 16 И удержал ризы у себе, дондеже прииде господин в дом свой. 17 И поведи ему по словесех сих, глаголющи: вниде ко мне отрок Евреин, егоже ввел еси к нам, поругаться мне, и рече ми: да буду с тобою: 18 егда же услыша, яко воздвигох глас мой и возопих, оставль ризы своя у мене, отбеже и изыде вон. 19 И бысть егда услыша господин его глаголы жены своея, елика рече к нему, глаголющи: сице сотвори ми отрок твой: и разгневался яростию, 20 и взем господин Иосифа, вверже его в темницу, в место, идеже узники царевы держатся тамо в твердыни. 21 И бяше Господь со Иосифом, и возля на него милость, и даде ему благодать пред начальным стражем темничным: 22 и вдаде старейшина стражей темницу в руке Иосифу и всех вверженных в темницу: и вся, елика творяху тамо, той бе творяй. 23 Старейшина же стражей темничных ничтоже бе ведый его ради: вся бо быша в руках Иосифовых, занеже Господь бяше с ним: и елика той творяше, Господь благопоспешаше в руку его.

40 Бысть же по словесех сих, согреша старейшина винарск царя Египетска и старейшина житарск господину своему царю Египетскому. 2 И разгневался фараон на оба евнухи своя, на старейшину винарска и на старейшину житарска, 3 и вверже их в темницу во узилище, в место, идеже Иосиф ввержен бяше. 4 И вручи их старейшина

темницы Иосифу, и предста им: и беста дни (некия) в темнице, 5 и видеста оба сон во едину ночь: видение же сонное старейшины винарска и старейшины житарска, иже беста царя Египетска, суще в темнице, бяше сие. 6 Вниде же к ним Иосиф завтра и виде их, и бяху смущени: 7 и вопрошаше евнухов фараоних, иже быша с ним в темнице, у господина своего, глаголя: что, яко лица ваша уныла днешь? 8 Они же реша ему: сон видехом, и разсуждай его несть. Рече же им Иосиф: еда не Богом изявление их есть? Поведите убо мне. 9 И поведи старейшина винарск сон свой Иосифу и рече: во сне моем бяше виноград предо мною: 10 в винограде же три леторасли, и той цветущь произнесе отрасли, зрелы грозды лозныя: 11 и чаша фараонова в руке моей: и взях грезн, и изжах оный в чашу, и дах чашу в руку фараону. 12 И рече ему Иосиф: сие разсуждение сему: три леторасли три дни суть: 13 еще три дни, и помянет фараон сан твой, и паки поставит тя в старейшинство твое винарско, и подаси чашу фараону в руку его по сану твоему первому, якоже был еси виночерпчий: 14 но помяни мя тобою, егда благо ти будет, и сотвориши надо мною милость, и да помянеши о мне фараону, и изведеши мя от твердыни сея: 15 яко татьбою украден бых из земли Еврейския, и zde ничто зло сотворих, но ввергоша мя в ров сей. 16 И виде старейшина житарск, яко прямо разсуди, и рече Иосифу: и аз видех сон, и мняхся три кошницы хлебов держати на главе моей: 17 в кошнице же верхней от всех родов, яже фараон яст, дело хлебное, и птицы небесныя ядяху тая от кошницы, яже на главе моей. 18 Отвещав же Иосиф, рече ему: сие разсуждение его: три кошницы три дние суть: 19 еще три дние, и отимет фараон главу твою от тебе и повесит тя на древе, и изядят птицы небесныя плоть твою от тебе. 20 Бысть же в день третий, день рождения бяше фараоня, и творяше пир всем отроком своим: и помяну старейшинство старейшины винарска и старейшинство старейшины житарска, посреде отрок своих: 21 и постави старейшину винарска в старейшинство его: и подаде чашу в руку фараону: 22 старейшину же житарска повеси (на древе), якоже сказа има Иосиф. 23 И не помяну старейшина винарск Иосифа, но забы его.

41 Бысть же по двою лету дний, фараон виде сон: мняшеша стояти при реце: 2 и се, аки из реки исхождаху семь крав добры видом и избранны телесы, и пасяхуся по берегу: 3 другая же семь крав изыдоша по сих из реки, злы видом и телесы худы, и пасяхуся с кравами по берегу речному: 4 и поядоша семь кравы злыя и худыя телесы семь крав добрых видом и избранных телесы: (и сия невидимы быша, яко внидоша в чресла их). Воста же фараон. 5 И виде сон второй: и се, семь класи исхождаху из стеблия единого избранны и добры: 6 друзии же семь класи тонцыи, истончени ветром, израстаху по них: 7 и пожроша семь класи тонцыи и истончени ветром семь класов избранных и полных. Воста же фараон, и бяше сон. 8 Бысть же завтра, и возмутися душа его: и послав, созва вся сказатели Египетския и вся мудрыя его: и поведи

им фараон сон свой: и не быше сказуай того фараону. **9** И рече старейшина винарк к фараону, глаголя: грех мой воспоминаю днесь: **10** фараон разгневался на рабы своя и вверже нас в темницу в дому архимагира, мене и старейшину житарска: **11** и видехом сон оба единыя нощи аз и он, кийждо свой сон видехом: **12** быше же тамо с нами юноша, отрок Евреин архимагиров, и поведяхом ему, и разсуди нам: **13** бысть же, якоже сказа нам, тако и случися, мне паки быти во своем старейшинстве, а оному повешену. **14** Послав же фараон, призва Иосифа: и изведоша его из твердыни, и острогоша его, и измениша ризы ему, и прииде к фараону. **15** Рече же фараон Иосифу: сон видех, и сказуай его несть: аз же слышаш о тебе глаголющих, яко слышав сны разсуждаеши тыя. **16** Отвещав же Иосиф фараону, рече: без Бога не отвещается спасение фараону. **17** Рече же фараон Иосифу, глаголя: во сне моем мняхся стояти на брезе речнем: **18** и аки из реки исхождаху семь кравы добры видом и избранны телесы, и пасяхуся по берегу: **19** и се, другия семь крав исхождаху вслед их из реки, злы и недобры видом и худы телесы, яковых не виде таковых во сей земли Египетстей худших: **20** и изядоша семь кравы злыя и худыя семь крав первых добрых и избранных: **21** и внидоша во утробы их, и не явишася, яко внидоша во утробы их: и обличия их зла быша, яко и исперва. Встав же, (паки) уснух, **22** и видех паки во сне моем, и аки семь класи исхождаху из единого стебля полны и добры: **23** друзии же семь класи тонцыи и ветром истончени изницаху вслед их: **24** и пожроша семь класи тонцыи и ветром истончени семь класов добрых и полных. Рех убо сказателем, и не бысть поведаяй мне того. **25** И рече Иосиф фараону: сон фараонов един есть: елика Бог творит, показа фараону: **26** семь кравы добрыя семь лет суть: и семь класи добрии семь лет суть: сон фараонов един есть: **27** и семь кравы худыя, яже изыдоша по сих, семь лет суть, и семь класи тонцыи и истончени ветром семь лет суть: будут семь лет глада: **28** слово же еже рех фараону, елика Бог творит, показа фараону: **29** се, семь лет приходит, обилность многа во всей земли Египетстей: **30** приидут же семь лет глада по сих, и забудут сыныи будущия во всем Египте, и погубит глад землю, **31** и не познается обилие на земли от глада будущаго по сих: силен бо будет зело: **32** повторися же сон фараону дважды, яко истинно будет слово еже от Бога, и ускорит Бог сотворити оно: **33** ныне убо усмотри человека мудра и смысла и постави его над землею Египетскою: **34** и да сотворит фараон и поставит местоначалники по земли, и да собирают пятую часть от всех плодов земли Египетския седми лет обилных, **35** и да соберут всякую пищу седми лет грядущих добрых сих: и да соберется пшеница под руку фараону, пища во градех да хранится: **36** и будет пища соблюдена земли на семь лет гладных, яже имут быти в земли Египетстей, да не потребится земля в гладе. **37** Угодно же бысть слово пред фараоном и пред всеми рабы его. **38** И рече фараон всем рабом своим: еда обрящем человека сицеваго, иже имать Духа Божия в себе? **39** Рече же фараон Иосифу: понеже показа Бог тебе вся сия, несть человека

мудрейша и смысленнейша паче тебе: **40** ты будеши в дому моем, и уст твоих да послушают вси людие мои, разве престолом аз более тебе буду. **41** Рече же фараон Иосифу се, поставляю тя днесь над всею землею Египетскою. **42** И снем фараон перстень с руки своя, возложи его на руку Иосифову, и облече его в ризу червлену, и возложи гривну злату на выю его, **43** и всади его на колесницу свою вторую, и проповеда пред ним проповедник: и постави его над всею землею Египетскою. **44** Рече же фараон Иосифу: аз фараон: без тебе не воздвигнет руки своя никтоже во всей земли Египетстей. **45** И нарече фараон имя Иосифу Псонфомфаних: и даде ему Асенефу, дочь Петефрия жреца Илиопольскаго, ему в жену. **46** Иосиф же быше лет тридесяти, егда предста фараону царю Египетскому. Изыде же Иосиф от лица фараона и пройде всю землю Египетскую. **47** И сотвори земля в седми летех обилну жатву. **48** И собра всякую пищу седми лет, в ниже быше обилность в земли Египетстей: и положи пищу во градех: пища поль града, сущих окрест его, положи в нем. **49** И собра Иосиф пшеницу яко песок морской многу зело, дондеже не можаху исчести: без числа бо быше. **50** Иосифу же беста два сына, прежде пришествия седми лет гладных, иже роди ему Асенефа, дочь Петефрия жреца Илиопольска: **51** нарече же Иосиф имя первенцу Манассиа, (глаголя:) яко забыти мне сотвори Бог вся болезни моя, и вся, яже отца моего. **52** Имя же второму нарече Ефраим, (глаголя:) яко возрасти мя Бог в земли смирения моего. **53** Минуша же семь лет обилных, яже быша в земли Египетстей, **54** и начаша семь лет гладных приходити, якоже рече Иосиф. И бысть глад по всей земли: во всей же земли Египетстей быша хлебы. **55** И взалка вся земля Египетская: возопи же народ к фараону о хлебех. Рече же фараон всем Египтяном: идите ко Иосифу, и еже речет вам, сотворите. **56** И глад бяше на лица всея земли. Отверзе же Иосиф вся житницы, и продаваше всем Египтяном: **57** и вся страны приходяху во Египет, куповати ко Иосифу: обдержаше бо глад всю землю.

42 Видев же Иаков, яко купля есть (пшеницы) во Египте, рече сыном своим: почто не радите? **2** Се, слышаш, яко есть пшеница во Египте: идите тамо и купите нам мало пища, да живи будем и не умрем. **3** Идоша же братия Иосифовы десять купити пшеницы во Египет. **4** Вениамина же, брата Иосифова, не отпусти с братиею его, рече бо: да не когда случится (на пути) ему зло. **5** Приидоша же сынове Израилевы купити с приходящими: бяше бо глад в земли Ханаанстей. **6** Иосиф же бяше князь земли: сей продаваше всем людем земли (тоя). Пришедше же братия Иосифовы, поклонишася ему лицом до земли. **7** Видев же Иосиф братию свою, позна: и отчуждашася их, и глаголаше им жестоко, и рече им: откуда приидосте? Они же реша: от земли Ханаанския купити пища. **8** Позна же Иосиф братию свою: они же не познаша его. **9** И помяну Иосиф сны своя, яже виде он: и рече им: соглядатаи есте, соглядати путей страны (сея) приидосте. **10** Они же реша: ни, господине, раби твои приидомо купити пища: **11** вси есмы сынове единого

человека: мирницы есмь, не суть раби твои согладатаи. 12 Рече же им: ни, но пути земли (сея) приидосте согладати. 13 Они же реша: дванадесять есмь братия раби твои в земли Ханаани: и се, менший (от нас) со отцем нашим днесь, а другого несть. 14 Рече же им Иосиф: сие есть, еже рекох вам, глаголя, яко согладатаи есте: 15 в сем явитесь: тако ми здравия фараоня, не изыдете отсюда, аще брат ваш менший не приидет семо: 16 послите от себе единого, и возьмите брата вашего: вы же держими будите, дондеже яве будут словеса ваша, аще истинствуете, или ни: аще же ни, тако ми здравия фараоня, воистинну согладатаи есте. 17 И даде я под стражу на три дни. 18 Рече же им в день третий: сие сотворите, и живи будете: Бога бо аз боюся: 19 аще мирницы есте, брат ваш да удержится един под стражею: сами же идите и отвезите купленную пшеницу вашу, 20 и брата вашего меньшого приведите ко мне, и верна будут словеса ваша: аще же ни, умрете. И сотвориша тако. 21 И рече кийждо к брату своему: ей, во гресех бо есмь брата ради нашего, яко презрехом скорбение души его, егда моляшеся нам, и не послушахом его: и сего ради прииде на ны скорбение сие. 22 Отвещав же Рувим, рече им: не рех ли вам, глаголя: не преобидите детища? И не послушаста мене: и се, кровь его взыскуется. 23 Тии же не ведеша, яко разумет Иосиф: толмачь бо между ими бяше. 24 Отвратився же от них, проплакася Иосиф: и паки прииде к ним и рече им. И поя Симеона от них, и связа его пред ними. 25 Повеле же Иосиф наполнити сосуды их пшеницы и возвратити сребро их комуждо во вретиче свое и дати им брашно на путь. И бысть им тако. 26 И возложивше пшеницу на ослы своя, отидоша отуду. 27 Отрешив же един вретиче свое дати пищу ослом своим, идеже стаща, и виде узол сребра своего, и бе верху устия вретичнаго. 28 И рече братии своей: возвращено ми есть сребро, и се, сие во вретичи моем. И ужасея сердце их: и възмятошася, друг ко другу глаголюще: что сие сотвори Бог нам? 29 Придоша же ко Иакову, отцу своему, в землю Ханааню и поведаша ему вся случившаяся им, глаголюще: 30 глагола муж господин земли (оныя) к нам жестоко и вверже нас в темницу, аки согладающих землю: 31 рехом же ему: мирницы есмь, несмы согладатаи: 32 дванадесять братия есмь, сынове отца нашего: единого несть, а менший со отцем нашим днесь в земли Ханаани: 33 рече же нам муж господин земли (тоя): по сему увем, яко мирницы есте: брата единого оставите zde у мене, а купленную пшеницу дому вашему возьмеша отидите 34 и приведите ко мне брата вашего меньшого: и увем, яко не согладатаи есте, но яко мирницы есте: и брата вашего отдам вам, и куплю творите в земли. 35 Бысть же егда испраздняху вретича своя, и бяше узол сребра во вретичи коегождо их: и видеша узлы сребра своего сами и отец их, и убошася. 36 Рече же им Иаков отец их: мене безчадна сотвористе: Иосифа несть, Симеона несть, и Вениамина ли поимете? На мя быша сия вся. 37 Рече же Рувим отцу своему, глаголя: двоих сынов моих убий, аще не приведу его к тебе: даждь его в руке мои, и аз приведу его к тебе. 38 Он же рече: не пойдет сын мой с вами, яко брат его умре, и той един оста: и случится ему злу

на пути, в онже аще пойдете, и сведете старость мою с печалию во ад. (Sheol h7585)

43 Глад же одоле на земли. 2 Бысть же егда скончаша пшеницу ядуще, уже принесоша из Египта: и рече им отец их: паки шедше купите нам мало пици. 3 Рече же ему Иуда, глаголя: клятвою засвидетельствована нам муж господин земли (тоя) глаголя: не узрите лица моего, аще брат ваш менший не приидет с вами: 4 аще убо послеша брата нашего с нами, пойдём и купим тебе пици: 5 аще же не послеша брата нашего с нами, не пойдём: муж бо рече нам, глаголя: не узрите лица моего, аще брат ваш менший не приидет с вами. 6 Рече же Израиль: почто зло сотвористе ми, поведавше мужу, яко есть вам брат? 7 Они же реша: вопрошавши вопросы нас муж и рода нашего, глаголя: аще еще отец ваш жив есть, и аще есть вам брат? И поведомом ему по вопросу сему: еда введехом, яко речет нам: приведите брата вашего? 8 Рече же Иуда ко Израилю, отцу своему: отпусти отрочища со мною: и воставше пойдём, да живи будем и не умрем, и мы и ты и имение наше: 9 аз же возму его: от руку мою взыщи его: аще не приведу его к тебе, и поставлю его пред тобою, грешен буду к тебе вся дни: 10 аще бо быхом не умедлили, уже возвратилися бы дважды. 11 Рече же им Израиль отец их: аще тако есть, сие сотворите: возьмите от плодов земных в сосуды своя и донесите человеку дары, ритину, мед, финиама же и стакти, и теревинф и орехи: 12 и сребро сугубо возьмите в руке свои, и сребро обретенное во вретичах ваших возвратите с собою, да не како неведение есть: 13 и брата своего поимите, и воставше идите к мужу: 14 Бог же мой да даст вам благодать пред мужем и отпустит брата вашего единого, и Вениамина: аз бо якоже обезчадох, обезчадох. 15 Возмеша же мужие дары сия, и сребро сугубое взяша в руке свои, и Вениамина: и воставше приидоша во Египет, и стаща пред Иосифом. 16 Виде же их Иосиф, и Вениамина брата своего единомятерня, и рече строителю дому своего: введи мужы (сия) в дом, и заколи от скота, и уготовай: со мною бо ясти имут мужие (сии) хлеб в полудне. 17 Сотвори же человек, якоже рече Иосиф, и введе мужы в дом Иосифов. 18 Видевше же мужие, яко введоша их в дом Иосифов, реша: сребра ради возвращеннаго во вретичах наших первее, вводят ны, еже бы оклеветати нас и нанести на ны, да поймут нас в рабы, и ослы наша. 19 Приступивше же к человеку сущему над домом Иосифовым, рекоша ему при вратех дому, 20 глаголюще: молим тя, господине: приидомом первее купити пици: 21 бысть же егда приидомом на стан и отрешихом вретича своя, и се, сребро коегождо во вретичи его: тое сребро наше весом возвратихом ныне руками нашими: 22 и сребро другое принесом с собою купити пици: не вемы, кто вложи сребро во вретича наша. 23 Рече же им: мир вам, не бойтесь: Бог ваш и Бог отец ваших даде вам сокровища во вретичах ваших: а сребро ваше за приятое имею. И изведе к ним Симеона: 24 и принесе воду омьти нозе им, и даде пахити ослом им. 25 Уготоваша же дары, дондеже приидет Иосиф в полудне: слышаша бо, яко тамо имать обедати. 26 Прииде же Иосиф

в дом: и принесоша ему дары, яже имяху в руках своих, в дом: и поклонися ему лицом до земли. 27 И вопроси их: здрави ли есте? И рече им: здрав ли есть отец ваш, старец, егоже рекосте, еще ли жив есть? 28 Они же рекоша: здрав есть раб твой, отец наш, еще жив есть. И рече: благословен человек оный Богу. И приникше поклонися ему. 29 Возрев же очима своима Иосиф, виде Вениамина брата своего единоматерня и рече: сей ли есть брат ваш юнейший, егоже рекосте ко мне привести? И рече: Бог да помилует тя, чадо. 30 Возмутися же Иосиф: подвижеса бо утроба его о брате своем, и искаше плакати: швед же в ложницу, плакаса тамо. 31 И умыв лице, изшед удержася и рече: предложите хлебы. 32 И предложиша ему единому, и оным особно, и Египтяном, иже с ним ядыху, особно: не можаху бо Египтяне ясти хлеба со Евреи: мерзость бо есть Египтяном (всяк пастух овчий). 33 Седоша же прямо ему первенец по старейшинству своему и меньший по меншеству своему, и дивляхуса мужие кийждо ко брату своему: 34 и взяша части от него к себе: вящшая же бысть часть Вениаминова паче всех частей пятерицею, неже оных: пиша же и упишася с ним.

44 И заповеда Иосиф домостроителю своему, глаголя: наполните вретича мужем пищи, елико могут понести: и вложите комуждо сребро верху устия вретича: 2 и чашу мою серебряную вложите во вретиче меньшаго, и цену пшеницы его. Бысть же по словеси Иосифову, якоже рече. 3 Утро возсия, и мужие отпустишася сами, и ослата их. 4 Изшедше же они из града, не отидоша далече: и рече Иосиф домостроителю своему: встав гони вслед мужей и постигни их, и рци им: что яко воздасте (ми) злая за благая? 5 Вскую украдоште чашу мою серебряну? Не сия ли есть, из неяже пиет господин мой? Он же и волхвованием волхвует в ней: злая совершисте, яже сотвористе. 6 Обрет же их, рече им по словесем сим. 7 Они же реша ему: вскую глаголет господин словеса сия? Не буди рабом твоим сотвориши по словеси сему: 8 аще сребро, еже обретохом во вретича наших, возвратихом к тебе от земли Ханаани, како быхом украли из дому господина твоего сребро или злато? 9 У негоже аще обрящещи чашу от раб твоих, да умрет: и мы будем раби господину нашему. 10 Он же рече: и ныне, якоже глаголете, тако будет: у негоже аще обрящется чаша, будет мой раб, вы же будете чисти. 11 И потщасяся, и сверже кийждо вретиче свое на землю, и отверзоша кийждо вретиче свое. 12 Изыска же от старейшаго зачен, дондеже прииде до меньшаго, и обрете чашу во вретичи Вениамина. 13 И растерзаша ризы своя, и возложиша кийждо вретиче свое на осля свое, и возвратишася во град. 14 Вниде же Иуда и братия его ко Иосифу, еще ему сущу ту, и падоша пред ним на землю. 15 Рече же им Иосиф: что дело сие сотвористе? Не ведасте ли, яко несть волхвователъ человек, якоже аз? 16 Рече же Иуда: что отвечаем господину, или что возглаголем, или чим оправдимся? Бог же обрете неправду рабов твоих: се, мы есмы раби господину нашему, и мы, и у негоже обретесе чаша. 17 Рече же Иосиф: не буди ми сотвориши глагол сей: муж, у негоже обретесе чаша, той

будет ми раб: вы же поидите в целости ко отцу своему. 18 Приступив же к нему Иуда, рече: молю тя, господине, да речет раб твой слово пред тобою, и не прогневайся на раба твоего, яко ты еси по фараоне: 19 господине, ты вопрошал еси рабов твоих, глаголя: аще имате отца, или брата? 20 И рехом господину: есть нам отец стар, и отрочищъ на старость меньший ему, а брат его умре, он же един остася у матере своя, отец же возлюби его. 21 Ты же рекл еси рабом твоим: приведите его ко мне, да вижду его. 22 И рехом господину: не возможет отрочищъ оставити отца своего: аще же оставит отца, умрет. 23 Ты же рекл еси рабом твоим: аще не приидет брат ваш меньший с вами, не приложите ктому видети лица моего. 24 Бысть же егда приидохом к рабу твоему отцу нашему, поведяхом ему словеса господина нашего, 25 рече же нам отец наш: идите паки и купите нам мало пищи. 26 Мы же рекохом: не возможем ити: но аще брат наш меньший идет с нами, поидем: ибо не возможем видети лице мужа, брату нашему меньшему не сущу с нами. 27 Рече же раб твой, отец наш к нам: вы весте, яко двоих роди мне жена: 28 и отиде один от мене, и рекосте, яко зверем снесен бысть, и не видех его даже до ныне: 29 аще убо поймете и сего от лица моего, и случится ему зло на пути, и сведете старость мою с печалию во ад. (Sheol h7585) 30 Ныне убо аще пойду к рабу твоему, отцу же нашему, и отрочища не будет с нами: (душа же его связана есть с душею сего,) 31 и будет егда увидит он не суща отрочища с нами, умрет: и сведут раби твои старость раба твоего, отца же нашего, с печалию во ад: (Sheol h7585) 32 раб бо твой от отца взя отрочища, глаголя: аще не приведу его к тебе и поставлю его пред тобою, грешен буду ко отцу вся дни. 33 Ныне убо пребуду тебе раб вместо отрочища, раб господину: отрочищъ же да идет с братиею своею: 34 како бо пойду ко отцу, отрочищу не сущу с нами? Да не вижду злых, яже обрящут отца моего.

45 И не можахе Иосиф удержатися всем предстоящим ему, но рече: отослите всех от мене. И не предстояше ни един Иосифу, егда познавашеся братии своей. 2 И испусти глас с плачем: слышаша же вси Египтяне, и слышано бысть в дому фараонове. 3 Рече же Иосиф братии своей: аз есмь Иосиф: еще ли отец мой жив есть? И не могоша братия отвещати ему: смутишася бо. 4 Рече же Иосиф братии своей: приближитесь ко мне. И приближишася. И рече: аз есмь Иосиф, брат ваш, егоже продасте во Египет: 5 ныне убо не скорбите, ниже жестоко вам да явится, яко продасте мя семо: на жизнь бо посла мя Бог пред вами: 6 сие бо второе лето глад на земли, и еще пять лет оста, в ниже не будет оранья, ни жатвы: 7 посла бо мя Бог пред вами оставити вам останок на земли и препитати ваш останок велий: 8 ныне убо не вы посласте мя семо, но Бог: и сотвори мя яко отца фараону и господина всему дому его и князя всей земли Египетстей: 9 потщавшеся убо, взьдите ко отцу моему и рцйте ему: сия глаголет сын твой Иосиф: сотвори мя Бог господина всей земли Египетстей: сниди убо ко мне и не умедли: 10 и вселишися в земли Гесемли аравийстей, и будещи близ мене ты и сынове твои, и сынове сынов

твоих, овцы твоя и волове твои, и елика суть твоя: **11** и препитаю тя тамо, еще бо пять лет будет глад на земли, да не погибнеша ты и сынове твои, и вся имения твоя. **12** Се, очи ваши видят, и очи Вениамина брата моего, яко уста моя глаголющая к вам: **13** возвестите убо отцу моему всю славу мою сущую во Египте, и елика видите: и ускоривше, приведите отца моего семя. **14** И напад на выю Вениамина, брата своего, плакася над ним, и Вениамин плакася на выи его. **15** И облобызав всю братию свою, плакася над ними: и по сих глаголаша к нему братия его. **16** И пронесется глас в дому фараонове, глаголюще: приидоша братия Иосифова. Возрадовася же фараон и раби его. **17** Рече же фараон ко Иосифу: рцы братии своей: сие сотворите: наполните сосуды ваша (пшеницы) и идите в землю Ханааню, **18** и взявше отца вашего и имения ваша, приидите ко мне: и дам вам от всех благ Египетских, и снесете тук земли: **19** ты же заповеждь сия: взяти им колесницы от земли Египетския, детям их и женам их: и поимше отца своего, приидите: **20** и не пощадите очима сосудов ваших: вся бо благая Египетская вам будут. **21** Сотвориша же тако сынове Израилевы: даде же им Иосиф колесницы по повелению фараона царя (Египетска), и даде им брашно на путь: **22** и всем даде сугубы ризы, Вениамину же даде триста златниц и пятеры ризы пременныя: **23** и отцу своему посла такожде, и десять ослов везущих от всех благ Египетских, и десять мсков везущих хлебы на путь отцу его. **24** И отпусти братию свою. И отидоша. И рече им: не гневайтесь на пути. **25** Изыдоша же из Египта и приидоша в землю Ханааню ко Иакову отцу своему **26** и поведаша ему глаголюще: яко сын твой Иосиф жив есть, и он владеет над всею землею Египетскою. И ужасеся в мысли Иаков: не вероваше бо им. **27** Глаголаша же ему вся реченная от Иосифа, елика рече им. Узрев же колесницы, яже посла Иосиф, еже взяти его, оживе дух Иакова, отца их, **28** и рече Израиль: велико ми есть (сие), аще еще Иосиф сын мой жив есть: шед узрю его, прежде неже умрети ми.

46 Востав же Израиль сам и вся сущая его, прииде ко кладязю Клятвенному и пожре жертву Богу отца своего Исаака. **2** Рече же Бог ко Израилю в видении нощию, глаголя: Иакове, Иакове. Он же рече: что есть? **3** Он же рече ему: Аз есмь Бог отец твоих, не убойся изыти во Египет: в язык бо велий сотворю тя тамо: **4** и Аз сниду с тобою во Египет, и Аз звезду тя до конца: и Иосиф возложит руки своя на очи твои. **5** Воста же Иаков от кладязя Клятвеннаго, и взяша сынове Израиля отца своего, и стяжание, и жены своя на колесницы, яже посла Иосиф, взяти его: **6** и взявше имения своя и все стяжание, еже стяжаша в земли Ханаанстей, внидоша во Египет Иаков и все семя его с ним: **7** сынове и сынове сынов его с ним, дщери и дщери дочерей его, и все семя свое введе во Египет. **8** Сия же имена сынов Израилевых вшедших во Египет купно со Иаковом отцем своим: Иаков и сынове его: первенец Иаковль Рувим. **9** Сынове же Рувимли: Енох и Фаллос, Асрон и Харми. **10** Сынове же Симеони: Иемуил и Иамин, Ад и Ахин, и Саар

и Саул, сын Хананитидин. **11** Сынове же Левиини: Гирсон, Кааф и Мерарий. **12** Сынове же Иудины: Ир и Авнан, и Силом и Фарес и Зара: умроша же Ир и Авнан в земли Ханаани. Быша же сынове Фаресу: Есром и Иемуил. **13** Сынове же Иссахаровы: Фола и Фуа, и Асум и Самвран. **14** Сынове же Завулони: Серед и Аллон и Ахоил. **15** Сии сынове Лиины, ихже роди Иакову в Месопотамии Сирстей, и Дину дочерь его: всех душ сынов и дочерей тридесять три. **16** Сынове же Гадовы: Сафон и Ангис, и Саннис и Фасован, и Аидис и Ароидис и Арейлис. **17** Сынове же Асировы: Иемна и Ессуа, и Иеул и Вариа, и Сара сестра их. Сынове же Вариины: Ховор и Мелхиил. **18** Сии сынове Зелфины, юже даде Лаван Лии, дщери своей, яже роди сих Иакову, шестнадцать душ. **19** Сынове же Рахили, жены Иаковли: Иосиф и Вениамин. **20** Быша же сынове Иосифу в земли Египетстей, ихже роди ему Асенефа, дщи Петефрия жреца Илиопольска, Манассию и Ефрема. Быша же сынове Манассиины, ихже роди ему наложница Сира, Махира. Махир же роди Галаада. Сынове же Ефраима, брата Манассиина: Суталаам и Таам. Сынове же Вениамини: Вала и Ховор и Асфил. Быша же сынове Валовы: Гири и Ноеман, и Анхис и Рос, и Мамфим и Офимим. Гири же роди Арада. **22** Сии сынове Рахилины, ихже роди Иакову, всех душ осмнадцать. **23** Сынове же Дановы: Асом. **24** Сынове же Неффалимли: Асиил и Гони, и Иссаар и Селлим. **25** Сии сынове Валлины, юже даде Лаван Рахили дщери своей, яже роди сих Иакову: всех душ седмь. **26** Всех же душ вшедших со Иаковом во Египет, яже изыдоша из чресл его, кроме жен сынов Иаковлих, всех душ шестдесят шесть. **27** Сынове же Иосифовы, ихже быша ему в земли Египетстей, душ девять: всех душ дому Иаковля, яже приидоша со Иаковом во Египет, душ семьдесят пять. **28** Иуду же посла пред собою ко Иосифу срести его у Ирройска града в земли Рамессийстей. **29** Впряг же Иосиф колесницы своя, изыде во сретение Израилю, отцу своему, ко Ироону граду: и явився ему, нападе на выю его и плакася плачем великим. **30** И рече Израиль ко Иосифу: да умру отныне, понеже видех лице твое: еще бо ты еси жив. **31** Рече же Иосиф ко братии своей: шед повем фараону и реку ему: братия моя и дом отца моего, ихже быша в земли Ханаани, приидоша ко мне: **32** они же суть мужие пастуси, мужие бо скотопитателие быша: и скоты, и волы, и вся своя приведоша: **33** аще убо призовет вас фараон и речет вам: что дело ваше есть? **34** Рцыте: мужие скотопитателие есмы, раби твои, издетска даже до ныне, и мы и отцы наши: да вселитесь в земли Гесем аравийстей: мерзость бо есть Египтяном всяк пастух овчий.

47 Пришед же Иосиф, поведа фараону глаголя: отец мой и братия моя, и скоти и волове их, и вся сущая их приидоша из земли Ханаани: и се, суть в земли Гесем. **2** От братий же своих поя пять мужей и постави их пред фараоном. **3** И рече фараон к братиям Иосифовым: что дело ваше? Они же реша фараону: пастуси овчии, раби твои, и мы и отцы наши одетска и доселе. **4** Рекоша же

фараону: обитати в земли приидохом, несть бо пажити скотом раб твоих: одоле бо глад на земли Ханаани: ныне убо да вселимся раби твои в земли Гесем. 5 И рече фараон Иосифу, глаголя: отец твой и братия твоя приидоша к тебе: 6 се, земля Египетская пред тобою есть: на лучшей земли посели отца твоего и братию твою, да вселятся в земли Гесем: аще же веси, яко суть в них мужие сильнии, постави их старейшины скотом моим. (приидоша же во Египет ко Иосифу Иаков и сынове его: и услыша фараон царь Египетский). 7 Введе же Иосиф Иакова отца своего и постави его пред фараоном, и благослови Иаков фараона. 8 Рече же фараон ко Иакову: колко лет дний жития твоего? 9 И рече Иаков фараону: дние лет жития моего, яже обитаю, сто тридесять лет: малы и злы быша дние лет жития моего: не достигнуша во дни лет жития отец моих, яже дни обиташа. 10 И благословив Иаков фараона, отиде от него. 11 И всели Иосиф отца своего и братию свою, и даде им обдержание в земли Египетстей, на лучшей земли, в земли Рамессийстей, якоже повеле фараон. 12 И деляше Иосиф пшеницу отцу своему и братии своей и всему дому отца своего по числу лиц. 13 Пшеницы же не быше во всей земле, одоле бо глад зело: скончавашеся же земля Египетская и земля Ханаана от глада. 14 Собра же Иосиф все серебро обретшееся в земли Египетстей и в земли Ханаани, за пшеницу, юже куповаху, и размеряше им пшеницу, и внесе Иосиф все серебро в дом фараонов. 15 И оскуде все серебро от земли Египетския и от земли Ханаанския: приидоша же вси Египтяне ко Иосифу, глаголюще: даждь нам хлебы, и вскую умираем пред тобою? Скончася бо серебро наше. 16 Рече же им Иосиф: пригоните скоты ваша, и дам вам хлебы за скоты ваша, аще скончася серебро ваше. 17 Пригнаша же скоты своя ко Иосифу, и даде им Иосиф хлебы за кони и за овцы, и за волы и за ослы, и прекорми их хлебами за вся скоты их в том лете. 18 Прейде же то лето, и приидоша к нему во второе лето и рекоша ему: да не како погибнем от господина нашего? Аще бо скончася серебро наше, и имение и скоты пред тобою, господине, и не остася нам пред господином нашим, точию едино тело и земля наша: 19 да не умрем убо пред тобою, и земля опустеет, купи нас и землю нашу хлебами: и будем мы и земля наша раби фараону: даждь семя, да посеем и живи будем, и не умрем, и земля не опустеет. 20 И купи Иосиф всю землю Египетскую фараону: продаша бо Египтяне землю свою фараону, ибо одоле им глад: и бысть земля фараону. 21 И люди поработи ему в рабы, от края предел Египетских даже до краев, 22 кроме земли жреческия токмо, тоя бо не купи Иосиф: даянием бо даде в дар жрецем фараон, и ядяху даяние, еже даде им фараон: сего ради не продаша земли своея. 23 Рече же Иосиф всем Египтяном: се, купих вас и землю вашу днесь фараону: возьмите себе семена и сейте на земли: 24 и будут плоды ея, и да дасте пятую часть фараону, четыре же части будут вам самим в семена земли и на препитание вам и всем сущим в домех ваших. 25 И рекоша: оживил ны еси, обретохом благодать пред господином нашим, и будем раби фараону. 26 И устави им Иосиф заповедь даже до

сего дне на земли Египетстей пятую часть даяти фараону, кроме земли жреческия: та точию не быше фараона. 27 Вселися же Израиль в земли Египетстей, на земли Гесем, и наследствоваше ю: и возрастоша, и умножишася зело. 28 Поживе же Иаков в земли Египетстей семнадцать лет: и быша дние Иаковли лет жизни его, сто сорок четыре года. 29 Приближашася же дние Израилю еже умерети, и призва сына своего Иосифа и рече ему: аще обретох благодать пред тобою, подложи руку твою под стегно мое и сотвориши надо мною милость и истину, еже не погребети мене во Египте, 30 но да почую со отцы моими: и изнесеша мя из Египта, и погребеша мя во гробе их. Он же рече: аз сотворю по словеси твоему. 31 Рече же: кленися мне. И клялся ему. И поклонися Израиль на конец жезла его.

48 Бысть же по глаголах сих, и поведано бысть Иосифу, яко отец твой изнемогает: и поим два сына своя, Манассию и Ефрема, прииде ко Иакову. 2 Поведаша же Иакову, глаголюще: се, сын твой Иосиф грядет к тебе. И укрепився Израиль седе на одре, 3 и рече Иаков ко Иосифу: Бог мой явился мне в Лузе, в земли Ханаани, и благослови мя 4 и рече ми: се, аз возвращу тя и умножу тя, и сотворю тя в собрания языков: и дам ти землю сию и семеню твоему по тебе во одержание вечное. 5 Ныне убо два сына твоя, иже быша тебе в земли Египетстей прежде пришествия моего к тебе во Египет, мои суть: Ефрем и Манассия, аки Рувим и Симеон будут мне: 6 сыны же, яже аще родиши по сих, будут тебе: во имя братии своея призовутся ко жребиям оных: 7 аз же егда идях от Месопотамии Сирския, умре Рахиль мати твоя в земли Ханаани, приближающуюся ми ко ипподрому Хаврафы земли, еже приити во Ефрафу: и погребох ю на пути ипподрома: сей есть Вифлеем. 8 Видев же Израиль сыны Иосифовы, рече: что тебе сии? 9 Рече же Иосиф отцу своему: сынове мои суть, яже даде ми Бог zde. И рече Иаков: приведи ми я, да благословлю их. 10 Очи же Израилю тяжко видеста от старости, и не можахе видети: и приближи их к нему, и лобза их, и объят я. 11 И рече Израиль ко Иосифу: се, лица твоего не лишихся, и се, показа ми Бог и семья твоя. 12 И отведе их Иосиф от колен его, и поклонилася ему лицом до земли. 13 Поим же Иосиф два сына своя, Ефрема в десницу, прямо левицы Израиля, Манассию же в левую, прямо десницы Израилевы, приближи их к нему. 14 Простер же Израиль руку десную, возложи на главу Ефремлю, сей же быше меньший, а левую на главу Манассиюну, пременив руце, 15 и благослови я и рече: Бог, Емуже благоугодиша отцы мои пред ним, Авраам и Исаак, Бог, Иже питает мя измлада даже до дне сего, 16 Ангел, иже мя избавляет от всех зол, да благословит дитища сия, и прозовется в них имя мое, и имя отец моих, Авраама и Исаака, и да умножатся во множество многое на земли. 17 Видев же Иосиф, яко возложи отец его руку десную свою на главу Ефремлю, тяжко ему явися: и прия Иосиф руку отца своего отяти ю от главы Ефремли на главу Манассиюну, 18 и рече Иосиф отцу своему: не тако, отче: сей бо (есть) первенец, возложи руку десную твою на главу его. 19 И не

хотяше, но рече: вем, чадо, вем: и сей будет в люди, и сей вознесется: но брат его меньший болий его будет, и семья его будет во множество языков. 20 И благослови я в том дни, глаголя: в вас благословится Израиль, глаголюще: да сотворит тя Бог якоже Ефрема и яко Манассию. И постави Ефрема вышше Манассии. 21 Рече же Израиль Иосифу: се, аз умираю, и будет Бог с вами, и возвратит вас от земли сея на землю отец ваших: 22 аз же даю ти Сикиму избранную свыше братии твоея, юже взял из руки Аморрейски мечем моим и луком.

49 Призва же Иаков сыны своя и рече им: соберитесь, да возвещу вам, что срящет вас в последния дни: 2 соберитесь и послушайте мене, сынове Иаковли, послушайте Израиля, послушайте отца вашего. 3 Рувим, первенец мой, ты крепость моя и начало чад моих: жесток терпети и жесток упорник: 4 досади еси яко вода, да не воскипиши: возшел бо еси на ложе отца твоего, тогда осквернил еси постелю, идеже возшел еси. 5 Симеон и Левий братия совершиста обиду от воли своея: 6 в совет их да не придет душа моя, и к собранию их да не прилепятся внутренняя моя: яко во гневе своем избиста человеки, и в похоти своей пререзаста жилы юнца: 7 проклята ярость их, яко упорна, и гнев их, яко ожесточися: разделю их во Иакове и разрезу их во Израили. 8 Иудо, тебе похвалят братия твоя, руце твои на плещу враг твоих: поклонятся тебе сынове отца твоего: 9 скимен львов Иуда: от леторасли, сыне мой, возшел еси: возлег уснул еси яко лев и яко скимен: кто возбудит его? 10 Не оскудеет князь от Иуды и вождь от чресл его, дондеже приидут отложена Ему, и Той чаяние языков: 11 привязуяй к лозе жребя свое и к винничю жребца осляте своего, исперет вином одежду свою и кровию гроздия одеяние свое: 12 радостотворны очи его паче вина, и белы зубы его паче млека. 13 Завулон при мори поселится, и той на пристанищи кораблей, и прострется даже до Сидона. 14 Иссахар доброе возжела, почивая посреде пределов, 15 и видев покой, яко добр, и землю, яко тучна, подложи рамы свои на труд, и бысть муж земледелец. 16 Дан судити имать люди своя, яко и едино племя во Израили, 17 и да будет Дан змий на пути, седяй на распутии, угрызая пяту конску: 18 и падет конник вспяту, спасения ждый Господня. 19 Гад, искушение искусит его: он же искусит того при ногах. 20 Асир, тучен его хлеб, и той даст пищу князем. 21 Неффалим стебль распушющаяся, издаый во отрасли доброту. 22 Сын возвращен Иосиф, сын возвращен мой ревностный, сын мой юнейший, ко мне обратися: 23 на негоже советующе укоряху и наляцаху нань господие стреляний, 24 и сотрошася с крепостию луки их, и расслабеша жилы мышцей рук их, рукою сильного Иакова: оттуду укрепися Израиль от Бога отца твоего, 25 и поможе тебе Бог мой, и благослови тя благословением небесным свыше и благословением земли и имущия вся: благословения ради сосцев и ложесн, 26 благословения отца твоего и матере твоея: преодле паче благословения гор пребывающих и благословения холмов вечных: будут на главе Иосифове и на версе (главы) братий,

имиже обладаше. 27 Вениамин волк хищник, рано яст еще и на вечер дает пищу. 28 Все сии сынове Иаковли дванадесять: и сия глагола им отец их, и благослови их: коегождо по благословению его благослови их, 29 и рече им: аз прилагаю к людем моим: погребите мя со отцы моими в пещере, яже есть в селе Ефрона Хеттеанина, 30 в пещере Сугубей, яже прямо Мамври в земли Ханаани, юже стяжа Авраам пещеру у Ефрона Хеттеанина в стяжание гроба. 31 Тамо погребоша Авраама и Сарру жену его, тамо погребоша Исаака и Реваку жену его, тамо погребоша Лию, 32 в стяжании села и пещеры, яже есть в нем у сынов Хеттеовых. 33 И преста Иаков завещая сыном своим, и возложив Иаков нозе свои на одр умре, и приложися к людем своим.

50 И припад Иосиф на лице отца своего, плакася (горько) о нем и облобыза его: 2 и повеле Иосиф рабом своим погребателем погребсти отца своего. И погребоша погребателие Израиля. 3 И исполнишася ему четыредесять дний: тако бо исчисляются дние погребения: и плакася его Египет семьдесят дний. 4 Егда же преидоша дние плача, глагола Иосиф ко вельможам фараоновым, глаголя: аще обретох благодать пред вами, рцйте о мне во уши фараону, глаголюще: 5 отец мой заля мя прежде скончания (своего), глаголя: во гробе, егоже ископах себе в земли Ханаани, тамо мя погребти: ныне убо возшед погребу отца моего и возвращаюся. И рекоша фараону по словеси Иосифову. 6 И рече фараон ко Иосифу: възиди, погреби отца твоего, якоже заля тя. 7 И възиде Иосиф погребсти отца своего. И совзыдоша с ним вси раби фараони и старейшины дому его, и вси старейшины земли Египетския, 8 и весь дом Иосифов и братия его, и весь дом отца его и сродницы его: овцы же и волы оставиша в земли Гесем. 9 И совзыдоша с ним и колесницы и конницы, и бысть полк велик зело. 10 И приидоша на Гумно Атадове, еже есть об он пол Иордана, и рыдаша его рыданием великим и крепким зело: и сотвори плачь отцу своему семь дний. 11 И видеша жителие земли Ханаанския плачь на Гумне Атадове и реша: плачь велик сей есть Египтяном. Сего ради наречеса имя месту тому плачь Египетск, еже есть об он пол Иордана. 12 И сотвориша ему тако сынове его, якоже заповеда им. 13 И взяша его сынове его в землю Ханааню и погребоша его в пещере Сугубей, юже стяжа Авраам пещеру в стяжание гроба от Ефрона Хеттеанина, прямо Мамври. 14 И возвратися Иосиф во Египет, сам и братия его и вси совозшедшии погребсти отца его. 15 Видевше же братия Иосифовы, яко умре отец их, реша: да не когда воспомянет злобу нашу Иосиф и воздаянием воздаст нам за вся злая, яже покажахом ему. 16 И пришедше ко Иосифу рекоша: отец твой заля прежде кончины своея, глаголя: 17 тако рцйте Иосифу: остави им неправду и грех их, яко лукавая тебе показаша: и ныне прими неправду рабов Бога отца твоего. И плакася Иосиф, глаголющим им к нему. 18 И пришедше к нему рекоша: се, мы тебе раби. 19 И рече к ним Иосиф: не бойтеса, Божий бо емь аз: 20 вы совещасте на мя злая, Бог же совещоа о мне благая, дабы было якоже днешь, и препиталися бы людие мнози. 21 И рече им: не бойтеса, аз препитаю вас и домы

ваша. И утеша их, и глагола им по сердцу их. 22 И вселися Иосиф во Египте сам и братия его и весь дом отца его: и поживе Иосиф лет сто десять. 23 И виде Иосиф Ефремляны дети до третьего рода: и сынове Махира сына Манассиина родишася при бедрах Иосифовых. 24 И рече Иосиф братии своей, глаголя: аз умираю, посещением же посетит вас Бог и изведет вас от земли сея в землю, о нейже кляется Бог отцем нашим Аврааму, Исааку и Иакову. 25 И закле Иосиф сыны Израилевы, глаголя: в посещении, имже посетит вас Бог, совознесите и кости моя отсюда с вами. 26 И скончася Иосиф сый лет ста десяти: и погребоша его, и положиша в раце во Египте.

Исход

1 Сия имена сынов Израилевых, входящих во Египет вкупе со Иаковом отцем их, кийждо со всем домом своим видоша: 2 Рувим, Симеон, Левий, Иуда, 3 Иссахар, Завулон и Вениамин, 4 Дан и Неффалим, Гад и Асир: Иосиф же быше во Египте. 5 Быше же всех душ изшедших из Иакова семьдесят пять. 6 Умре же Иосиф, и вся братия его, и весь род оный: 7 сынове же Израилевы возрастоша и умножишася, и мнози быша и укрепилася зело зело: умножи же их земля. 8 Воста же царь ин во Египте, иже не знаше Иосифа, 9 рече же языку своему: се, род сынов Израилевых великое множество и укрепляется паче нас: 10 придите убо, прехитрим их, да не когда умножатся: и егда аще приключится нам брань, приложатся и сии к супостату, и одолевше нам изыдут из земли (нашея). 11 И пристави над ними приставники дел, да озлобят их в делех. И создаша грады тверды фараону: Пифо, и Рамессис, и он, иже есть Илиополь. 12 По елику же их смиряху, толико множайшии бываху и укрепляхуся зело зело. И гнушахуся Египтяне сынами Израилевыми, 13 и насилие творяху Египтяне сыном Израилевым нуждею, 14 и болезненну тем жизнь творяху в делех жестоких брением и плинфоделанием, и всеми делы, яже в полях, во всех делех, имже порабощаху их с нуждею. 15 И рече царь Египетский бабам Еврейским: единой их имя Сепфора и имя вторей Фуа, 16 и рече (им): егда бабите Евреаньям, и суть к рождению, аще убо мужеский пол будет, убивайте его: аще же женский, снабдевайте его. 17 Убояшася же бабы Бога, и не сотвориша, якоже повеле им царь Египетский, и живляху мужеский пол. 18 Призва же царь Египетский бабы и рече им: что яко сотвористе вещь сию, и оживляете мужеский пол? 19 Рекоша же бабы фараону: не яко жены Египтянины, тако и жены Евреаньи: раждают бо прежде неже внити к ним бабам, и раждаху. 20 Благо же творяше Бог бабам, и множахуся людие и укрепляхуся зело. 21 И понеже бояхуся бабы Бога, сотвориша себе жилища. 22 Заповеда же фараон всем людем своим, глаголя: всяк мужеский пол, иже родится Евреом, в реку ввергайте, и всяк женский пол снабдевайте и жив.

2 Быше же некто от племени Левиина, иже поя от дочерей Левиных, и имяше ю: 2 и зача во чреве и роди мужеский пол. Видевше же его лепа, крыша его три месяцы: 3 и понеже не можашу его ктому крыти, взя ему мати его ковчежец ситовый и помаза и клеєм и смолоу, и вложи отроча в него, и положи его в лучице при реце: 4 и наблюдаше сестра его дздалеча, да уведает, что будет ему. 5 Сниде же дщерь фараонова измытиса на реку, и рабыни ея прождаху при реце. И видевши ковчежец в лучице, пославши рабыню, взя и. 6 Отверзши же, видит отроча плачущееся в ковчеже, и пощаде е дщерь фараонова, и рече: от детей Еврейских сие. 7 И рече сестра его дщери фараонова: хочещи ли, призову ти жену кормилицу от Еврей, и воздрит ти отроча? 8 И рече ей дщерь фараонова: иди. Шедши же отроковица, призва мать отротате. 9 Рече же к ней дщерь фараонова: соблюди

ми отроча сие и воздой ми е: аз же дам ти мзду. Взя же отроча жена и дояше е. 10 Возможавшу же отротати, введе е ко дщери фараонова, и бысть ей в сына, и нарече имя ему Моисей, глаголющи: от воды взях его. 11 Бысть же во дни многия оны, велик быв Моисей, изыде к братиям своим, сыном Израилевым. Разумев же болезнь их, виде человека Египтянина биюща некоего Евреанина от братии его сынов Израилевых. 12 Обозревся же семо и овамо, ни когоже виде: и поразив Египтянина, скры его в песце. 13 Изшед же во вторый день, виде два мужа Евреанина биющася и глагола обидящему: чесо ради ты биеша искренняго? 14 Он же рече: кто тя постави князя и судию над нами? Еда убити мя ты хочещи, имже образом убил еси вчера Египтянина? Убояся же Моисей и рече: аще сице явлен бысть глагол сей? 15 Услыша же фараон глагол сей и искаше убити Моисеа. Отиде же Моисей от лица фараонова и вселися в земли Мадямстей: пришед же в землю Мадямскую седе при кладязе. 16 Священнику же Мадямскому беша семь дочерей, пасущих овцы отца своего Иофора: пришедша же черпаху, дондеже наполниша корыта, напоити овцы отца своего Иофора. 17 Пришедше же пастырие изгнаша я. Востав же Моисей избави их, и налия им и напои овцы их. 18 Придоша же к Рагуилу отцу своему. Он же рече им: что яко ускористе приити днесь? 19 Оныя же рекоша: человек Египтянин избави нас от пастырей, и начерпла нам и напои овцы наша. 20 Он же рече дочерем своим: и где есть? И вскую сице остависте человека? Призовите убо его, да яст хлеб. 21 Вселися же Моисей у человека: и даде Сепфору дщерь свою Моисею в жену. 22 Во чреве же зачнши жена роди сына, и нарече Моисей имя ему Гирсам, глаголя: яко пришлец есмь в земли чуждей. Еще же зачнши роди сына втораго, и нарече имя ему Елиезер, глаголя: Бог бо отца моего помощник мой и избави мя из руки фараонова. 23 По днех же многих тех, умре царь Египетский, и возстенаша сынове Израилевы от дел и возопиша, и възыде вопль их к Богу от дел. 24 И услыша Бог стенание их: и помяну Бог завет Свой иже ко Аврааму и Исааку и Иакову, 25 и призре Бог на сыны Израилевы, и познан бысть ими.

3 Моисей же быше пасый овцы Иофора тестя своего, священника Мадямска: и гнаше овцы в пустыню, и прииде в гору Божию Хорив. 2 Явился же ему Ангел Господнь в пламени огненне из купины: и видит, яко купина горит огнем, купина же не стараше. 3 Рече же Моисей: мимошед увижду видение великое сие, яко не сгарает купина. 4 Егда же виде Господь, яко приступает видети, воззва его Господь из купины, глаголя: Моисее, Моисее. Он же рече: что есть, Господи? 5 Он же рече: не приближайся семо: изуй сапоги от ног твоих: место бо, на немже ты стоиши, земля святая есть. 6 И рече ему: аз есмь Бог отца твоего, Бог Авраамов и Бог Исааков и Бог Иаковль. Отврати же Моисей лице свое: благоговяше бо възрети пред Бога. 7 Рече же Господь к Моисею: видя видех озлобление людей Моих, иже во Египте, и вопль их услышах от дел приставников: уведех болезнь их, 8 и снидох изяти их от руку Египетску, и извести

я из земли той, и ввести их в землю благу и многу, в землю кипящую млеком и медом, в место Хананейско и Хеттейско, и Аморрейско и Ферезейско, и Гергесейско и Евейско и Иевусейско: 9 и се, ныне вопль сынов Израилевых прииде ко Мне, и Аз видех тугу, еюже Египтяне стужают им: 10 и ныне гряди, да пошлю тя к фараону царю Египетскому, и изведеша люди Моя, сыны Израилевы из земли Египетския. 11 И рече Моисей к Богу: кто есмь аз, яко да пойду к фараону царю Египетскому, и яко да изведу сыны Израилевы от земли Египетския? 12 Рече же Бог к Моисею, глаголя: яко буду с тобою: и сие тебе знамение, яко Аз тя посылаю: внигда извести тебе люди Моя из Египта, и помолитесь Богу в горе сей. 13 И рече Моисей к Богу: се, аз пойду к сыном Израилевым и реку к ним: Бог отец наших посла мя к вам: и еще вопросят мя, что имя Ему, что реку к ним? 14 И рече Бог к Моисею, глаголя: Аз есмь Сый. И рече: тако речеши сыном Израилевым: Сый посла мя к вам. 15 И рече Бог паки к Моисею: тако речеши сыном Израилевым: Господь Бог отец наших, Бог Авраамов и Бог Исааков и Бог Иаковль, посла мя к вам: сие Мое есть имя вечное и память родов родом: 16 пришед убо собери старцы сынов Израилевых и рцы к ним: Господь Бог отец наших явися мне, Бог Авраамов и Бог Исааков и Бог Иаковль, глаголя: присещением присетих вас, и елика случилася вам во Египте: 17 и рече: изведу вас от озлобления Египетскаго в землю Хананейску и Хеттейску, и Аморрейску и Ферезейску, и Гергесейску и Евейску и Иевусейску, в землю кипящую млеком и медом: 18 и послушают гласа твоего, и внидеша ты и старейшины Израилевы к фараону царю Египетскому, и речеши к нему: Господь Бог Еврейский воззва нас: да пойдем убо путем трех дний в пустыню, да пожрем Господу Богу нашему: 19 Аз же вем, яко не отпустит вас фараон царь Египетский пойти, аще не рукою крепкою: 20 и простер руку Мою, поражу Египтяны всеми чудесы Моими, яже сотворю в них: и по сих отпустит вы, 21 и дам благодать людям сим пред Египтяны: егда же пойдете, не отидете тцы: 22 но да испросит жена от соседы и подруги своя сосуды серебряны и златы, и ризы: и украсите сыны ваша и дщери ваша, и оберите Египтян.

4 Отвеща же Моисей и рече: аще не уверуют ми, ниже послушают гласа моего, рекут бо, яко не явися тебе Бог, что реку к ним? 2 И рече к нему Господь: что сие есть в руке твоей? Он же рече: жезл. 3 И рече: поверзи его на землю. И верже и на землю, и бысть змий: и отбеже Моисей от него. 4 И рече Господь к Моисею: простри руку и ими за хвост. Простер убо руку, взя за хвост, и бысть жезл в руке его. 5 Да уверуют ти, яко явися тебе Господь Бог отец твоих, Бог Авраамов и Бог Исааков и Бог Иаковль. 6 Рече же ему Господь паки: вложи руку твою в недра твое. И вложи руку в недра свое, и изят ю от недра своего, и бысть рука его прокажена яко снег. 7 И рече паки ему Господь: вложи руку твою в недра твое. И вложи руку свою в недра свое, и изят ю от недра своего, и бысть паки в румянстве плоти своя. 8 Аще же не уверуют тебе, ниже послушаю

гласа знамения первого, уверуют тебе ради гласа знамения втораго: 9 и будет аще не уверуют тебе двема знамениями сими, ниже послушают гласа твоего, да возмеша от воды речныя, и пролиеша на сухо: и будет вода, юже возмеша от реки, кровию на сусе. 10 Рече же Моисей ко Господу: молюся ти, Господи: недоброречив есмь прежде вчерашняго и третияго дне, ниже отнележе начал еси глаголати рабу Твоему: худогласен и косноязычен аз есмь. 11 И рече Господь к Моисею: кто даде уста человеку? И кто сотвори нема и глуха, и видяща и слепа? Не Аз ли Господь Бог? 12 И ныне иди, и Аз отверзу уста твою и устройю тебе, еже имаша глаголати. 13 Рече же Моисей: молюся ти, Господи, избери могуща иного, егоже послеша. 14 И разгневався яростию Господь на Моисеа, рече: не се ли брат твой Аарон Левитин? Вем, яко глаголя возглаголет он вместо тебе: и се, той изыдет во сретение тебе, и узрев тя, возрадуется в себе: 15 и речеши к нему, и вдаси словеса Моя во уста его: Аз же отверзу уста твою и уста его, и устройю вам яже имате творити: 16 и той возглаголет от тебе к людям, и той будет уста твою: ты же будеша ему в тех, яже к Богу: 17 и жезл твой обращенный в змию, возми в руку твою, сим сотвориши знамения. 18 Пойде же Моисей, и возвратися ко Иофору тестю своему и рече: пойду и возвращаюся ко братии моеи, иже во Египте, и увижду, аще еще живи суть. И рече Иофор к Моисею: иди здрав. По днех же оных многих, умре царь Египетский. 19 И рече Господь к Моисею в земли Мадиямстей: иди, отиди во Египет: измроша бо вси ищущи души твоея. 20 Поим же Моисей жену свою и отрочата, всади я на ослята, и возвратися во Египет. И взя Моисей жезл, иже от Бога, в руку свою. 21 Рече же Господь к Моисею: идушу тебе и возвращающуся во Египет, зри вся чудеса, яже дах в руке твои, да сотвориши Я пред фараоном: Аз же ожесточу сердце его, и не отпустит людей: 22 ты же возглаголеши фараону: сия глаголет Господь Бог Еврейский: сын Мой первенец Израиль: 23 рех же тебе: отпусти люди Моя, да Ми послужат: аще убо не хоцещи отпустити их, блюди убо, Аз убию сына твоего первенца. 24 Бысть же на пути на стану, срете его Ангел Господнь и искаше его убити. 25 И вземши Сепфора камень, обреза конечную плоть сына своего, и припаде к ногам его и рече: ста кровь обрезания сына моего. 26 И отиде от него Ангел, занеже рече: ста кровь обрезания сына моего. 27 Рече же Господь ко Аарону: изыди во сретение Моисею в пустыню. И иде, и срете его в горе Божии: и целовастася оба. 28 И поведи Моисей Аарону вся словеса Господня, яже посла, и вся знамения, яже заповеда ему. 29 Иде же Моисей и Аарон, и собраша вся старцы сынов Израилевых: 30 и глагола им Аарон вся словеса сия, яже глагола Бог к Моисею: и сотвори знамения пред людьми. 31 И вероваша людие, и возрадовашася, яко посети Бог сыны Израилевы и яко призре на их скорбение: и преклоншеса людие поклоншася.

5 И по сих вниде Моисей и Аарон к фараону и реша ему: сия глаголет Господь Бог Израилев: отпусти люди Моя, да праздник сотворят Мне в пустыни. 2 Рече же фараон:

кто есть, Егоже послушаю гласа, яко отпустили имам сыны Израилевы? Не вем Господа, и Израиля не отпущу. 3 И глаголют ему: Бог Еврейский призва нас: пойдем убо путем трех дний в пустыню, да пожрем Господу Богу нашему, да не когда случится нам смерть или убийство. 4 И рече им царь Египетский: вскую, Моисей и Аарон, развращаете люди моя от дел их? Идите кийждо вас на дела своя. 5 И рече фараон: се, ныне умножишася людие сии на земли: убо не дадим почити им от дел. 6 Заповеда же фараон приставником дел людских и книжочиям, глаголя: 7 не ктому приложите деяя плев людем к плинфоделанию, якоже вчера и третияго дне: но сами да идут и собирают плевлы себе: 8 и урок плинфоделания, еже они творят, на кийждо день наложите им: не уемлите ничтоже: праздни бо суть: сего ради возопиша, глаголюще: да пойдем, и пожрем Богу нашему: 9 да отягчатся дела людий сих, и да пекутся о них, и не помыслят о словесех суетных. 10 Понуждаху же их приставницы и книжочия и глаголаху людем, рекуще: сия глаголет фараон: не ктому даю вам плев: 11 сами вы шедше собирайте себе плевлы, и деже аще обрящете: ибо не будет уято от урока вашего ничтоже. 12 И разыдошася людие по всей земли Египетстей собирати тростие на плевлы. 13 Приставницы же понуждаху их, глаголюще: совершайте дела ваша урочная на всяк день, якоже и егда плевлы даяхом вам. 14 И биени быша книжочия рода сынов Израилевых, иже быша приставлены над ними от приставников фараоновых, глаголюще: почто не совершите урока вашего плинфеннаго, якоже вчера и третияго дне, такожде и днешь? 15 Вшедше же книжочия сынов Израилевых, возопиша к фараону, глаголюще: почто ты тако твориши рабом твоим? 16 Плев не дают рабом твоим, и плинфы нам глаголют творити: и се, раби твои мучими суть: обидиши убо людий твоих. 17 И рече им: праздни, праздни есте: сего ради глаголете: да идем, пожрем Богу нашему: 18 ныне убо шедше делайте плев бо не дам вам, урок же делания плинфеннаго да отдаете. 19 Видяху же книжочии сынов Израилевых себе во злых, глаголюще: не оставите плинфоделания урочнаго дню. 20 Сретоша же Моисея и Аарона, идущих во сретение им, исходящым им от фараона, 21 и реша им: да видит Бог и судит вам, яко огнустисе дух ваш пред фараоном и пред рабы его, дати мечь в руки его убити нас. 22 Возвратися же Моисей ко Господу и рече: молютися, Господи, почто озлобил еси люди сия? И вскую послал еси мя? 23 И отнележе внидох к фараону, глаголати Твоим именем, (он) озлоби люди сия, и не избавил еси людий Твоих.

6 И рече Господь к Моисею: се, узриши, что сотворю фараону: рукою бо крепкою отпустит их и мышцею высокою изменет их от земли своя. 2 Глагола же Бог к Моисею и рече ему: Аз Господь, 3 и явихся Аврааму, и Исааку, и Иакову, Бог Сый их, и имене Моего Господь не явих им: 4 и поставих завет Мой с ними, яко дати им землю Ханаанску, землю пришельствия их, на нейже и обитаху: 5 Аз же услышаша стенание сынов Израилевых, имже Египтяне поработиша их, и помянух завет Мой: 6 иди, рцы сыном Израилевым глаголя: Аз Господь, и изведу вас от

насилия Египетска, и избавлю вас от работы (их), и отиму вас мышцею высокою и судом великим, 7 и приму вы Себе в люди, и буду вам Бог: и уразумеете, яко Аз Господь Бог ваш, изведый вас от земли Египетския и от насилия Египетска: 8 и введу вас в землю, на нуже прострох руку Мою, дати ю Аврааму и Исааку и Иакову: и дам ю вам в наследие, Аз Господь. 9 Глагола же Моисей тако сыном Израилевым, и не послушаша Моисея от малодушия и от дел жестоких. 10 Рече же Господь к Моисею, глаголя: 11 вниди, глаголи фараону царю Египетскому, да отпустит сыны Израилевы из земли своя. 12 Рече же Моисей пред Господем глаголя: се, сынове Израилевы не послушаша мене, и како послушает мене фараон? Аз же несловесен есмь. 13 Рече же Господь к Моисею и Аарону и завеща им внити к фараону царю Египетскому, да отпустит сыны Израилевы от земли Египетския. 14 И сии старейшины домов отечеств их: сынове Рувима, первенца Израилева, Енох и Фаллос, Асрон и Харми: сие племя Рувимово. 15 Сынове же Симеоновы: Иемуил и Иамин, и Аод и Ахин, и Саар и Саул, иже от Финиссины: сия рождения сынов Симеоновых. 16 И сия имена сынов Левиных по сродством их: Гирсон, Кааф и Мерари: лет же жития Левиина сто тридесять седмь. 17 Сии же сынове Гирсони: Ловени и Семей: домове рождения их. 18 Сынове же Каафовы: Амврам и Иссаар, Хеврон и Озиил: лет же жития Каафова сто тридесять три. 19 Сынове же Мерарины: Мооли и Омуси: сии домове рождения Левиина по сродством их. 20 И поя Амврам Иохаведу, дщерь брата отца своего, себе в жену, и роди ему Аарона и Моисея и Мариамь сестру их: лет же жития Амврамова сто тридесять седмь. 21 Сынове же Иссааровы: Коре и Нафек и Зехри. 22 Сынове же Озииловы: Мисаил и Елисафан и Сегри. 23 Поя же Аарон Елисавету, дщерь Аминадавову, сестру Наассонову, себе в жену, и роди ему Надава и Авиуда, и Елеазара и Ифамара. 24 Сынове же Кореовы: Асир и Елкана и Ависар: сия рождения Кореова. 25 И Елеазар, сын Ааронов, поя от дщерей Футиловых себе в жену, и роди ему Финееса: сия старейшинства отечества левитска по сродством их. 26 Сей Аарон и Моисей, имже рече Бог извести сыны Израилевы из земли Египетския с силою их. 27 Сии суть, иже глаголаста к фараону царю Египетскому, еже извести сыны Израилевы от земли Египетския: сей Аарон и Моисей, 28 в оньже день глагола Господь к Моисею в земли Египетстей. 29 И рече Господь к Моисею глаголя: Аз Господь: глаголи к фараону царю Египетскому, елика Аз глаголю к тебе. 30 И рече Моисей пред Господем: се, аз худогласен есмь, и како послушает мене фараон?

7 И рече Господь к Моисею, глаголя: се, дах тя Бога фараону, и Аарон брат твой будет твой пророк: 2 ты же возглаголеши ему вся, елика тебе заповедаю: Аарон же брат твой возглаголет к фараону, да отпустит сыны Израилевы от земли своя: 3 Аз же ожесточу сердце фараоново и умножу знамения Моя и чудеса в земли Египетстей: 4 и не послушает вас фараон, и возложу руку Мою на Египет и изведу с силою Моею люди Моя сыны Израилевы от земли

Египетския, со отмищением великим: 5 и уведят вси Египтяне, яко Аз есмь Господь, простирая руку Мою на Египет, и изведу сыны Израилевы от среды их. 6 Сотвори же Моисей и Аарон, якоже заповеда им Господь, тако сотвориша. 7 Моисей же бе осмидесяти лет, Аарон же брат его осмидесяти трех лет, егда глаголаста к фараону. 8 И рече Господь к Моисею и Аарону глагола: 9 и аще речет к вам фараон, глагола: дадите нам знамение или чудо: и речеши Аарону брату твоему: возми жезл и повержи на землю пред фараоном и пред рабы его, и будет змий. 10 Вниде же Моисей и Аарон пред фараона и пред рабы его, и сотвориша тако, якоже заповеда им Господь: и поверже Аарон жезл пред фараоном и пред рабы его, и бысть змий. 11 Созва же фараон мудрецы Египетския и волхвы: и сотвориша и волсви египетския чарованиями своими такожде: 12 и повергоша кийждо жезл свой, и быша змиеве: и пожре жезл Ааронов оных жезлы. 13 И укрепися сердце фараоне, и не послуша их, якоже глагола им Господь. 14 И рече Господь к Моисею: отягчися сердце фараоне, еже не отпустити людей: 15 иди к фараону завтра: се, той исходит на воды, и буди сретая его на брезе речем: и жезл обращайся в змия возми в руку твою, 16 и речеши к нему: Господь Бог Еврейский посла мя к тебе, глагола: отпусти люди Моя, да Ми послужат в пустыни: и се, не послушал еси доселе: 17 сия глаголет Господь: по сему увеси, яко Аз Господь: се, аз ударю жезлом, иже в руке моей, по воде речней, и преложится в кровь: 18 и рыбы, яже в реце изомрут, и возмердится река, и не возмогут Египтяне пити воды от реки. 19 Рече же Господь к Моисею: рцы Аарону брату твоему: возми жезл твой в руку твою, и прости руку твою на воды Египетския и на реки их и на кладязи их и на езера их и на всякое собрание вод их, и будет кровь, и бысть кровь по всей земли Египетстей, в древесех же и в камениих. 20 И сотвориша тако Моисей и Аарон, якоже заповеда им Господь: и взем Аарон жезл свой, удари воду речную пред фараоном и пред рабы его, и преложил всю воду речную в кровь: 21 и рыбы яже в реце изомроша, и возмердится река, и не можаху Египтяне пити воды от реки, и быше кровь по всей земли Египетстей. 22 Сотвориша же и волсви Египетстии волхвованиями своими такожде: и ожесточися сердце фараоново, и не послуша их, якоже рече Господь. 23 Возвратився же фараон вниде в дом свой, и не положи себе и сего во уме. 24 Ископаша же вси Египтяне окрест реки, да пьют воду: и не можаху пити воды от реки. 25 И исполнишася семь дний, по ударении Господни в реку.

8 И рече Господь к Моисею: вниди к фараону и речеши к нему: сия глаголет Господь: отпусти люди Моя, да Ми послужат: 2 аще же не хочещи ты отпустити, се, Аз побиваю вся пределы твоя жабами: 3 и изрыгнет река жабы, и излезша внидут в дома твоя и в клети ложниц твоих, и на постели твоя и в дома рабов твоих и людей твоих, и в теста твоя и в пещы твоя, 4 и на тя и на рабы твои и на люди твоя возлезут жабы. 5 Рече же Господь к Моисею: рцы Аарону брату твоему: прости рукою твоею жезл твой на реки и на кладязи и на езера, и изведи жабы на землю Египетскую. 6

И простре Аарон руку на воды Египетския и изведе жабы: и излезлоша жабы и покрыша землю Египетскую. 7 Сотвориша же и волсви Египетстии волхвованиями своими такожде и изведоша жабы на землю Египетскую. 8 Призва же фараон Моисеа и Аарона и рече: помолитесь о мне ко Господу, да отженет от мене жабы и от людей моих: и отпущу люди, и пожрут Господви. 9 Рече же Моисей к фараону: определи мне, когда помолюся о тебе и о рабах твоих и о людех твоих, да погибнут жабы от тебе и от людей твоих и от домов ваших, точию в реце да останутся. 10 Он же рече: завтра. Рече убо: якоже рекл еси, да увеси, да увеси, яко несть иного разве Господа: 11 и отженутся жабы от тебе и от домов ваших и от сел, и от рабов твоих и от людей твоих, точию в реце останутся. 12 Изыде же Моисей и Аарон от фараона, и возопи Моисей ко Господу о определении жаб, якоже совеща с фараоном. 13 Сотвори же Господь, якоже рече Моисей: и изомроша жабы от домов и от сел и от нив их: 14 и собраша я в стоги стоги, и возмердися земля. 15 Видев же фараон, яко бысть отрада, отяготися сердце его, и не послуша их, якоже рече Господь. 16 И рече Господь к Моисею: рцы Аарону: прости рукою жезл твой и удари в персть земную, и будут скнипы в человецех и в скотех, и на фараоне и на доме его и рабах его, и весь песок земный станет скнипами во всей земли Египетстей. 17 Простре убо Аарон рукою жезл и удари в персть земную: и быша скнипы в человецех и в скотех, и во всякой персти земной быша скнипы во всей земли Египетстей. 18 Твориша же и волсви волхвованиями своими такожде извести скнипы, и не возмогоша: и быша скнипы в человецех и скотех. 19 Реша убо волсви фараону: перст Божий есть сие. И ожесточися сердце фараоново, и не послуша их, якоже рече Господь. 20 Рече же Господь к Моисею: востани завтра и стани пред фараоном, и се, он изыдет на воду, и речеши ему: сия глаголет Господь: отпусти люди Моя, да Ми послужат в пустыни: 21 аще же не хочещи отпустити людей Моих, се, Аз посылаю на тя и на рабы твоя, и на люди твоя и на дома ваша песия мухи: и наполнятся домове Египетстии песиях мух и в земли, на нейже суть: 22 и прославлю в той день землю Гесемскую, на нейже людие Мои сташа, на нейже не будет тамо песиях мух, да увеси, яко Аз есмь Господь, Бог вся земли: 23 и положу разлучение между людьми Моими и людьми твоими: во утрии же будет знамение сие на земли. 24 Сотвори же Господь тако: и прииде песиях мух множество в дома фараонови и в дома рабов его и во всю землю Египетскую, и погибе земля от песиях мух. 25 Воззва же фараон Моисеа и Аарона, глагола: шедше пожрите жертву Господу Богу вашему в земли сей. 26 И рече Моисей: не может се тако быти, хулно бо се Египтяном: не положим требу Господу Богу нашему: аще бо положим требу по хулению Египетску пред ними, камением побият ны: 27 путем триех дний пойдём в пустыню и пожрем Господу Богу нашему, якоже рече Господь нам. 28 И рече фараон: аз отпускаю вы, и пожрите Господу Богу вашему в пустыни: но не далече простирайтесь ити: помолитесь убо и о мне ко Господу. 29 Рече же Моисей: се, аз изыду от тебе и помолюся ко Господу Богу, и отидут песия

мухи от тебе и от рабов твоих и от людей твоих завтра: да не приложиши еще, фараоне, прельстити, еже не отпустиши людей пожрети Господу. 30 Изыде же Моисей от фараона и помолися Богу. 31 Сотвори же Господь, якоже рече Моисей, и отя песия мухи от фараона и от рабов его и от людей его, и не осталя ни едина. 32 И отяготи фараон сердце свое и во время сие, и не восхоте отпустить людей.

9 Рече же Господь к Моисею: вниди к фараону и речеши ему: сия глаголет Господь Бог Еврейский: отпусти люди Моя, да послужат Мне: 2 аще убо не восхощеши отпустить людей Моих, но и еще их удержиши: 3 се, рука Господня будет на скоты твоя в полях и на кони, и на ослы и на вельблуды, и на говяда и на овцы, смерть велика зело: 4 и дивна сотворю Аз во время оно между скоты Египетскими и между скоты сынов Израилевых: и не умрет от всех скотов сынов Израилевых ни единого. 5 И даде Бог предел глаголя: во утрои сотворит Господь глаголю сей на земли. 6 И сотвори Господь глаголю сей на утрои, и измре весь скот Египетский: от скота же сынов Израилевых не умре ни единого. 7 Видев же фараон, яко не умре от всех скотов сынов Израилевых ни единого, отягчися сердце фараону, и не отпусти людей. 8 Рече же Господь к Моисею и Аарону, глаголя: возьмите вы полны руце пепела пещнаго, и да разсыплет Моисей к небеси пред фараоном и пред рабы его: 9 и да будет прах по всей земли Египетстей, и будут на человецех и на скотех гнойнии струпи, горящии на человецех и на скотех по всей земли Египетстей. 10 И взя пепел пещный пред фараоном, и разсыпа его Моисей к небеси: и быша гнойнии струпи, горящии на человецех и на скотех, 11 и не можаху волсви стояти пред Моисеом струпов ради: быша бо струпи на волсвех и на всей земли Египетстей. 12 Ожесточи же Господь сердце фараоново, и не послуша их, якоже повеле Господь Моисею. 13 И рече Господь к Моисею: востани завтра и стани пред фараоном, и рцы к нему: сице глаголет Господь Бог Еврейский: отпусти люди Моя, да послужат Мне: 14 в сей бо час Аз испущу вся казни Моя в сердце твое и рабов твоих и людей твоих: да увеси, яко несть ин, якоже Аз, во всей земли: 15 ныне бо пустив руку Мою, поражу тя и люди твоя умерщвлю, и потребишися от земли: 16 и сего ради пощаден еси доселе, да покажу на тебе крепость Мою, и яко да проповестся имя Мое по всей земли: 17 еще ли убо ты востаеши на людей Моих, еже не отпустиши их? 18 Се, Аз одожду в сей же час завтра град мног зело, яко не быше во Египте, от негоже дне создася, даже до дне сего: 19 ныне убо потщися собрати скот твой, и елика ти суть на поли: вси бо человецы и скоти, елицы аще обрящутся на полях и не внидут в дом, падет же на ня град, измрут. 20 Иже убояся слова Господня от рабов фараоновых, собра скоты своя в дома: 21 а иже не вня мыслию слову Господню, остави скоты на полях. 22 Рече же Господь к Моисею: прости руку твою на небо, и будет град по всей земли Египетстей, на человеки и на скоты и на всю траву земную. 23 Простре же Моисей руку на небо, и Господь даде громы и град, и течаша огонь по земли, и

одожди Господь град по всей земли Египетстей: 24 бяше же град и огонь горящ со градом, град же мног зело зело, яко не бысть во Египте, отнеже быша люди в нем. 25 Порази же град во всей земли Египетстей от человека до скота, и всяку траву яже на поли порази град, и вся древа яже на полях сотре град: 26 токмо в земли Гесемстей, идеже бяху сынове Израилевы, не бысть град. 27 Послав же фараон, призва Моисеа и Аарона и рече им: согреших ныне: Господь праведен аз же и людие мои нечестиви: 28 помолитесь убо о мне ко Господу, и да престанут быти громы Божии и град и огонь на земли, и отпущу вы, и кому не приложите медлти. 29 Рече же ему Моисей: егда изыду из града, простру руце мои на небо ко Господу, и громы престанут, и град и дождь не будет ктому, да увеси, яко Господня есть земля: 30 ты же и раби твои, вем, яко еще не убоястеса Господа. 31 Лен же и ячмень побит есть, ячмень бо испущаше класы, а лен семя: 32 пшеница же и жито не побиты, поздны бо бяху. 33 Изыде же Моисей от фараона из града и простре руце свои ко Господу, и громове престаша, и град и дождь не укану на землю ктому. 34 Видев же фараон, яко преста дождь и град и громы, приложи согрешати еще, и отягчи сердце свое и рабов своих: 35 и ожесточися сердце фараоново и рабов его, и не отпусти сынов Израилевых, якоже глагола Господь к Моисею.

10 Рече же Господь к Моисею глаголя: вниди к фараону: Аз бо ожесточих сердце его и рабов его, да и еще приидут знамения сия на них: 2 яко да повесте во ушеса чад ваших и чадом чад ваших, елико наругахся Египтяном, и знамения Моя, яже сотворих в них, и увесте, яко Аз Господь. 3 Вниде же Моисей и Аарон пред фараона и реста ему: сия глаголет Господь Бог Еврейский: доколе не хощеши усрамитися Мене? Отпусти люди Моя, да послужат Ми: 4 аще же не хощеши ты отпустити люди Моя, се, Аз наведу в сей час завтра пруги многи на вся пределы твоя, 5 и покрюют лице земли, и не возможеши видети земли, и поядят весь останок земли оставшийся, егоже остави вам град, и изядят всяко древо растущее вам на земли: 6 и наполнятся домове твои и домове рабов твоих, и вси домове по всей земли Египетстей: ихже никогдаже видеша отцы твои, ни прадеды их, от негоже дне быша на земли, даже до дне сего. И уклонився Моисей, изыде от фараона. 7 Рекоша же раби фараоновы к нему: доколе нам сия будет мука? Отпусти люди, да послужат Господу Богу своему: или видети хощеши, яко погибнет Египет? 8 И возвратиша Моисеа и Аарона пред фараона, и рече им фараон: идите и послужите Господу Богу вашему: кто же и кто суть идущии? 9 И рече Моисей: с юнотами нашими и с старцы пойдем, с сынми и дщерьми, и со овцами и волами нашими: будет бо праздник Господа Бога нашего. 10 И рече им фараон: да будет тако, Господь с вами: якоже отпущаю вас, еда и стянание ваше? Видите, яко лукавство обретается в вас: 11 не тако: но да идут мужие и да послужат Богу: сего бо сами просите. И изгнаша их от лица фараонова. 12 Рече же Господь Моисею: прости руку твою на землю Египетскую, и да въздут пружи на землю Египетскую, и сндят всю траву

земную и весь плод древесный, егоже остави град. **13** И воздвиже Моисей жезл на небо, Господь же наведе ветр южный на землю во весь той день и во всю ночь: утро бысть, и ветр южный взя пруги, **14** и наведе я на всю землю Египетскую: и нападоша на вся пределы Египетския мнози зело: прежде сих не быша сицевии пруги, и по сих не будут тако, **15** и покрыша лице земное, и истле земля: и снедоша всю траву земную и весь плод древесный, иже остана от града: не остана зелено ничтоже на деревьях и во всей траве польней, по всей земли Египетстей. **16** Потщася же фараон призвати Моисея и Аарона, глаголя: согреших пред Господем Богом вашим и к вам: **17** простите убо мой грех еще ныне и помолитесь Господу Богу вашему, да отимет от мене смерть сию. **18** Изыде же Моисей от фараона и помолися ко Господу: **19** и премени Господь от моря ветр велик и взя пруги, и вверже их в море Чермное: и не остана ни един пруг на всей земли Египетстей. **20** И ожесточи Господь сердце фараоново, и не отпусти сынов Израилевых. **21** Рече же Господь Моисею: прости руку твою на небо, и да будет тма по земли Египетстей, осязаемая тма. **22** Простре же Моисей руку свою на небо, и бысть тма, мрак, буря по всей земли Египетстей три дни: **23** и не виде никтоже брата своего три дни, и не воста никтоже от одра своего три дни, всем же сыном Израилевым бяше свет во всех жилищах, в нихже пребываху. **24** И призва фараон Моисея и Аарона, глаголя: идите, послужите Господу Богу вашему: токмо овцы и волы оставите: стяжание же ваше да идет с вами. **25** И рече Моисей: ни: но и ты нам даси всесождения и жертвы, яже сотворим Господу Богу нашему: **26** и скот наш пойдет с нами, не оставим и копыта: от них убо возьмем на службу Господу Богу нашему: мы же не вемы, чим послужим Господу Богу нашему, дондеже дойдем тамо. **27** Ожесточи же Господь сердце фараоново, и не восхоте отпустить их: **28** и рече ему фараон: отиди от мене, внемли себе ктому, да не приложиши видети лица моего: в оньже бо день аще явишися мне, умреша. **29** Рече же Моисей: якоже рекл еси, ктому не явлюся пред лицом твоим.

11 Рече же Господь к Моисею: еще едину язву аз наведу на фараона и на Египет, и по сих отпустит вы отсюда: егда же отпустит вы со всем, изженет вас изгнанием: **2** глаголи убо отай во уши людем, и да испросит кийждо у соседа, и жена у соседы своя сосуды серебряны и златы, и ризы. **3** Господь же даде благодать людем Своим пред Египтяны, и даша им. Человек же Моисей велик бысть зело пред Египтяны и пред фараоном, и пред рабы его и пред очима всех людей. **4** И рече Моисей: сия глаголет Господь: в полунощи аз вниду посреде Египта. **5** И измрет всяк первенец в земли Египетстей, от первенца фараонова, иже сedit на престоле, и даже до первенца рабыни, яже у жернов, и до первенца всякого скота: **6** и будет вопль велик по всей земли Египетстей, яков не бе, и таков ктому не будет. **7** Во всех же сынех Израилевых не поскомлет пес языком своим, от человека до скота: да узриши елико прославится Господь между Египтяны и сынами Израилевыми: **8** и приидут вси отроцы твои сии ко мне и поклонятся мне, глаголюще:

отиди ты, и вси людие твои, иже ты отводиши: и по сих отиду. Изыде же Моисей от фараона со гневом. **9** И рече Господь к Моисею: не послушает вас фараон, да умножая умножу знамения Моя и чудеса в земли Египетстей. **10** Моисей же и Аарон сотвориша вся знамения и чудеса сия пред фараоном: и ожесточи Господь сердце фараоново, и не восхоте отпустить сынов Израилевых от земли Египетския.

12 Рече же Господь к Моисею и Аарону в земли Египетстей, глаголя: **2** месяц сей вам начало месяцев, первый будет вам в месяцах лета: **3** рцы ко всему сонму сынов Израилевых, глаголя: в десятый месяца сего да возмет кийждо овца по домом отечеств, кийждо овца по дому: **4** аще же мало их есть в дому, яко не довольным быти на овца, да возмет с собою соседа ближняго своего по числу душ: кийждо довольное себе сочтет на овца: **5** овца совершенно, мужеск пол, непорочно и единолетно будет вам, от агнец и от козлищ примете: **6** и будет вам соблюдено даже до четвертагонадесять дне месяца сего: и заколют то все множество собора сынов Израилевых к вечеру, **7** и примут от крове и помажут на обою подвою и на прагах в домех, в нихже снедят тое, **8** и снедят мяса в нощи той печена огнем и опресноки с горьким зелием снедят: **9** не снесте от них сурово, ниже варено в воде, но печеное огнем, главу с ногами и со утробу: **10** не оставите от него до утрия и кости не сокрушите от него, останки же от него до утра огнем сожжете: **11** сице же снесте е: чресла ваша препоясана, и сапози ваши на ногах ваших, и жезлы ваши в руках ваших, и снесте е со тщанием: Пасха есть Господня: **12** и пройду землю Египетскую сея нощи, и убию всякого первенца в земли Египетстей, от человека до скота, и во всех бозех Египетских сотворю отмщение: аз Господь: **13** и будет кровь вам в знамение на домех, в нихже вы будете тамо, и узрю кровь и покрыю вы, и не будет в вас язвы, еже погибнути, егда поражу землю Египетскую: **14** и будет вам день сей в память, и празднуйте той праздник Господу во вся роды ваша: законно вечно празднуйте его: **15** семь дней опресноки ядите, от перваго же дне измите квас из домов ваших: всяк, иже снесть кисло, погибнет душа та от Израйля, от дне перваго даже до дне седмаго: **16** и первый день наречется свят, и седмый день нарочит свят да будет вам: всякого дела работна да не сотворите в них, разве елика (снести) сотворятся всякой души, сия точно да сотворятся вам: **17** и сохраните заповедь сию: в сей бо день изведу силу вашу от земли Египетския: и сотворите день сей в роды ваша, законно вечно: **18** начинающе в четвертыйнадесять день перваго месяца, с вечера да снесте опресноки, до двадесять перваго дне месяца, до вечера: **19** семь дней квас да не явится в домех ваших: всяк, иже аще снесть квасно, погубится душа та от сонма сынов Израилевых и в пришедцех и в жителях тоя земли: **20** всякого кваснаго да не ясте, во всех же домех ваших да ясте опресноки. **21** Созва же Моисей вся старцы сынов Израилевых и рече им: шедше поимите себе овца по сродством вашим и пожрите пасху: **22** возьмите же кисть иссопа, и омочивше в кровь, яже близ

дверий, помажите праги, и на обою подвою, от крове, яже есть близ дверей: вы же да не изыдете кийждо из дверей дому своего до заутрия: 23 и мимо пройдет Господь избити Египтяны, и узрит кровь на празе и на обою подвою, и минет Господь двери, и не попустит погубляющему внити в дома ваша убивати: 24 и сохраните слово сие законно себе и сыном вашим до века: 25 аще же внидете в землю, юже даст Господь вам, якоже глагола, сохраните служение сие, 26 и будет егда возглаголют вам сынове ваши: что есть служение сие? 27 И рцйте им: жертва пасха сия Господу, Иже покрыл дома сынов Израилевых во Египте, егда поби Египтяны, дома же наша избави. И преклоншеса людие поклонишася. 28 И отшедше сотвориша сынове Израилевы, якоже заповеда Господь Моисею и Аарону, тако сотвориша. 29 Бысть же в полунощи, и Господь порази всякого первенца в земли Египетстей, от первенца фараонова седящего на престоле, до первенца пленницы, яже в рове, и до первенца всякого скотска. 30 Воста же фараон нощию, и вси раби его, и вси Египтяне, и бысть вопль велик по всей земли Египетстей, ибо не бысть дом, в немже не бе мертвеца. 31 И призва фараон Моисеа и Аарона в нощи и рече им: востаните и отидите от людей моих, и вы, и сынове Израилевы: идите и послужите Господу Богу вашему, якоже глаголете: 32 и овцы и говядя ваша поимше идите, благословите же и мене. 33 И нуждаху Египтяне людей со тщианием изринуты их от земли: рекоша бо, яко вси мы измрем. 34 Взвзя же людие муку свою прежде вскисения теста своего, и ввязавше в ризы, (возложиша) на рамы своя. 35 Сынове же Израилевы сотвориша, якоже заповеда им Моисей: и испросиша от Египтян сосуды сребряны и златы, и ризы: 36 и даде Господь благодать людям Своим пред Египтяны: и даша им, и обраша Египтян. 37 Воздвигошася же сынове Израилевы от Рамессы в Сокоф до шести сот тысяч пеших мужей, кроме домочадства: 38 и пришелцы мнози изыдоша с ними, и овцы, и волы, и скоти мнози зело. 39 И испекоша тесто, еже изнесоша из Египта, опресноки не кислы, не вскисоша бо: ибо изгнаша их Египтяне, и не возмогоша помедлити, ниже брашна сотвориша себе на путь. 40 Обитания же сынов Израилевых, иже обиташа в земли Египетстей и в земли Ханаани сии и отцы их, лет четырьста тридесять. 41 И бысть по четырех стех и тридесяти летех, изыде вся сила Господня от земли Египетския в нощи. 42 Стражба есть Господу, еже извести их от земли Египетския: оная ночь самая стражба Господу, яко всем сыном Израилевым быти в роды их. 43 И рече Господь к Моисею и Аарону: сей закон Пасхи: всяк иноплеменик да не яст от нея, 44 и всякого раба или купленаго обрежеша его, и тогда да яст от нея: 45 пришлец или наемник да не яст от нея: 46 в дому едином да снесется: не оставите от мяс на утрие, и не изнесите мяс вон из дому, и кости не сокрушите от него: 47 весь сонм сынов Израилевых сотворит сие: 48 аще же кто придет пришлец к вам сотворит Пасху Господню, обрежеша его всяк мужеский пол, и тогда приступит сотворити ю, и будет аки житель земли тоя: вся же необрезанный да не яст от нея: 49 закон един да будет тоя земли жителю и пришлецу

пришедшему в вас. 50 И сотвориша сынове Израилевы, якоже заповеда Господь Моисею и Аарону, тако сотвориша. 51 И бысть в день он, изведе Господь сыны Израилевы от земли Египетския с силою их.

13 И рече Господь к Моисею глаголя: 2 освяти Ми всякого первенца перворожденного, разверзающего всякая ложесна в сынех Израилевых от человека до скота, яко Мне есть. 3 Рече же Моисей к людем: помните день сей, в оныже изыдoste от земли Египетския, из дому работы: рукою бо крепкою изведе вас Господь отсюда: и не ядите квасна, 4 понеже в днешний день исходите в месяце плодов новых: 5 и будет, егда введет тя Господь Бог твой в землю Хананейску и Хеттейску, и Аморрейску и Евейску, и Иевусейску и Гергесейску и Ферезейску, еюже клятся ко отцем твоим, дати тебе землю точашую млеко и мед, и сотвориши службу сию сего месяца: 6 шесть дний ядите опресноки, в седмый же день праздник Господу, 7 опресноки ядите семь дний: да не явится тебе квасное, ниже будет тебе квас во всех пределех твоих, 8 и возвестиши сыну твоему в день он, глаголя: сего ради сотворил Господь Бог мне, егда исхождах из Египта: 9 и будет тебе знамение на руце твоей, и воспоминание пред очима твоима, яко да будет закон Господнь во устех твоих, рукою бо крепкою изведе тя Господь Бог из Египта: 10 и сохраните закон сей по временом уставленным, от дний до дний, 11 и будет егда введет тя Господь Бог твой в землю Хананейску, якоже кляся отцем твоим, и даст ю тебе: 12 и отлучиши всякое разверзающее ложесна, мужеск пол Господу: всякое разверзающее ложесна от стад или от скот твоих, елика будут тебе, мужеск пол освятиши Господу: 13 всякое разверзающее утробу ослию премениши овцею: аще же не премениши, искупиши е: и всякого первенца человека сынов твоих да искупиши: 14 аще же вопросит тя сын твой по сих, глаголя: что сие? И речеши ему: яко рукою крепкою изведе нас Господь из земли Египетския, из дому работы, 15 егда бо ожесточися фараон отпустити нас, избив Господь всякого первенца в земли Египетстей, от первенца человека до первенца скотия: сего ради аз в жертву приношу всякое разверзающее ложесна, мужеск пол Господу, и всякого первенца сынов моих искуплю, 16 и будет в знамение на руце твоей, и непоколебимо пред очесы твоими: рукою бо крепкою изведе тя Господь из Египта. 17 Егда же отпусти фараон люди, не поведе их Бог путем земли Филистимския, яко близ баше, ибо рече Бог: да не когда раскаются людие, видевше рать, и возвратятся во Египет. 18 И обведе Бог люди путем, иже в пустыню к Черному морю. Пятаго же рода изыдоша сынове Израилевы от земли Египетския. 19 И взя Моисей кости Иосифовы с собою: клятвою бо закля Иосиф сыны Израилевы, глаголя: присещением присетит вас Господь, и изнесете отсюда кости моя с собою. 20 Воздвигшася же сынове Израилевы от Сокофа, ополчшася во Офоме при пустыни. 21 Бог же вождаше их, в день убо столпом облачным, показати им путь, нощию же столпом огненным, светити им: 22 и не оскуде столп облачный во дни и столп огненный нощию пред всеми людьми.

14 И рече Господь к Моисею глаголя: 2 рцы сыном Израилевым, и обратившеся да ополчатся прямо придворию, между Магдолом и между Морем, прямо Веельсепфону: пред ними ополчишия при мори: 3 и речет фараон людем своим о сынех Израилевых: заблуждают сии по земли, затвори бо их пустыня: 4 Аз же ожесточу сердце фараоново, и поженет создади их, и прославлюся в фараоне и во всем воинстве его: и уразумеют вси Египтяне, яко Аз есмь Господь. И сотвориша тако. 5 И возвеще бысть царю Египетскому, яко бежаша людие, и превратися сердце фараоново и рабов его на люди, и рекоша: что сие сотворихом, отпустивше сыны Израилевы, да не работают нам? 6 Впряже убо фараон колесницы своя, и вся люди своя собра с собою: 7 и поят шесть сот колесниц избранных, и вся кони Египетския, и тристаты над всеми. 8 И ожесточи Господь сердце фараона царя Египетскаго и рабов его, и погна создади сынов Израилевых. Сынове же Израилевы исхождаху рукою высокою. 9 И погнаша Египтяне вслед их, и обретоша их ополчившихся при мори: и вся кони и колесницы фараоновы, и конницы, и воинство его прямо придворию, противу Веельсепфону. 10 И фараон приближашеся. Возревше же сынове Израилевы очима, видеша: и се, Египтяне ополчишася вслед их: и убояшася зело, и возопиша сынове Израилевы ко Господу 11 и рекоша к Моисею: за еже не быти гробом во Египте, извел еси нас умертвити в пустыни: что сие сотворил еси нам, извед нас из Египта? 12 Не сей ли бяше глагол, егоже рекохом к тебе во Египте, глаголюще: остави нас, да работаем Египтяном: лучше бо бяше нам работати Египтяном, нежели умрети в пустыни сей. 13 Рече же Моисей к людем: дерзайте, стойте и зрите спасение еже от Господа, еже сотвори нам днесь: имже бо образом видесте Египтян днесь, не приложите ктому видети их в вечное время: 14 Господь поборет по вас, вы же умолкните. 15 И рече Господь к Моисею: что вопиеша ко Мне? Рцы сыном Израилевым, и да путешествуют, 16 ты же возми жезл твой и простри руку твою на море, и расторгни е: и да внидут сынове Израилевы посреде моря по суху: 17 и се, Аз ожесточу сердце фараоново и всех Египтян, и внидут вслед их: и прославлюся в фараоне и во всем воинстве его, и в колесницах и в конех его, 18 и уведят вси Египтяне, яко Аз есмь Господь, егда прославляюся в фараоне и в колесницах и в конех его. 19 Взятся же Ангел Божий ходяй пред полком сынов Израилевых и поиде создади их, взятся же и столп облачный от лица их и ста создади их. 20 И вниде посреде полка Египетска и посреде полка сынов Израилевых и ста: и бысть тма и мрак, и прииде ночь, и не смесишася друг с другом во всю ночь. 21 Простре же Моисей руку на море, и возгна Господь море ветром южным сильною всю ночь, и сотвори море суху, и разступися вода. 22 И внидоша сынове Израилевы посреде моря по суху, и вода им стена бысть одесную и стена ошуюю. 23 Погнаша же Египтяне и внидоша вслед их, и всяк конь фараонов, и колесницы, и всадники посреде моря. 24 Бысть же в стражу утреннюю, и воззре Господь на полк Египетский в столпе огненнем и облачнем, и смяте полк Египетский, 25 и связал

оси колесниц их, и ведяше их с нуждею. И рекоша Египтяне: бежим от лица Израилева, Господь бо поборает по них на Египтяны. 26 И рече Господь к Моисею: простри руку твою на море, и да совокупится вода и да покрывает Египтяны, колесницы же и всадники. 27 Простре же Моисей руку на море, и устроися вода ко дню на место: Египтяне же бежаша под водою, и истрясе Господь Египтяны посреде моря: 28 и обратившися вода покры колесницы и всадники и всю силу фараонову, вшедши вслед их в море: и не оста от них ни един. 29 Сынове же Израилевы приидоша по суху посреде моря: вода же им стена (бысть) одесную и стена ошуюю, 30 и избави Господь Израиль в день он из руки Египетския: и видеша сынове Израилевы Египтян измерших при краи моря. 31 Виде же Израиль руку великую, яже сотвори Господь Египтяном, и убояшася людие Господа и вероваша Богу и Моисею угоднику Его. Тогда воспе Моисей и сынове Израилевы песнь сию Господви, и рекоша глаголюще:

15 Поим Господви, славно бо прославися: коня и всадника вверже в море: 2 Помощник и Покровитель бысть мне во спасение: Сей мой Бог и прославлю Его, Бог отца моего и вознесу Его: 3 Господь сокрушай брани, Господь имя Ему, 4 колесницы фараоновы и силу его вверже в море, избранныя всадники тристаты потопи в Чермнем мори, 5 пучиною покры их, погрязоша во глубине яко камень: 6 десница Твоя, Господи, прославися в крепости, десная Твоя рука, Господи, сокруши враги: 7 и множеством славы Твоея стерл еси сопротивных, послал еси гнев Твой, пояде я яко стеблие, 8 и духом ярости Твоея разступися вода: огустеша яко стена воды, огустеша и волны посреде моря: 9 рече враг: гнав постигну, разделю корысть, исполню душу мою, убию мечем моим, господствовать будет рука моя: 10 послал еси духа Твоего, покры я море, погрязоша яко олово в воде зелней: 11 кто подобен Тебе в бозех, Господи, кто подобен Тебе? Прославлен во святых, дивен в славе, Творяй чудеса: 12 простерл еси десницу Свою, поже я земля, 13 поставил еси правдою Твоею люди Твоя сия, яже избавил еси, утешил еси крепостию Твоею во обитель святую Твою: 14 слышаша языцы и прогневашася, болезни прияша живущи в Филистиме: 15 тогда потщася владыцы Едомстии и князи Моавитстии, прият я трепет: растаяша вси живущи в Ханаане: 16 да нападет на ня страх и трепет: величием мышцы Твоея да окаменятся, дондеже пройдут людие Твои, Господи, дондеже пройдут людие Твои сии, яже стяжал еси: 17 введ насади я в гору достояния Твоего, в готовое жилище Твое, еже соделал еси, Господи, святыню, Господи, юже уготовасте руце Твои: 18 Господь царствуй веки, и на век, и еще: 19 егда вниде конница фараонова с колесницами и всадники в море, и наведе на них Господь воду морскую: сынове же Израилевы приидоша сушею посреде моря. 20 Взя же Мариам пророчица, сестра Ааронова, тимпан в руце свои, и изыдоша вся жены вслед ея со тимпаны и лики: 21 предначя же им Мариам, глаголющи: поим Господви, славно бо прославися: коня и всадника вверже в море. 22 Поят же Моисей сыны Израилевы от моря Чермнаго и веде их

в пустыню Сур: и идяху три дни в пустыни, и не обретаху воды пити. 23 Приидоша же в Мерру, и не можаху пити воды от Мерры, горька бо бе: сего ради наречеса имя месту тому Гореть. 24 И роптаху людие на Моисея, глаголюще: что пием? 25 Возопи же Моисей ко Господу, и показа ему Господь древо, и вложи е в воду, и усладися вода: тамо положи ему оправдания и судьбы, и тамо его искуси, 26 и рече: аще слухом услышиши глас Господа Бога твоего, и угодная пред ним сотвориши, и внушиши заповедем Его, и сохраниши вся оправдания Его: всяку болезнь, юже наведох Египтяном, не наведу на тя: Аз бо есмь Господь Бог твой исцеляяй тя. 27 И приидоша во Елим, и бяху тамо дванадесять источников вод, и седмьдесят стеблей финиковых: и ополчися тамо при водах.

16 Воздвигошася же от Елима, и прииде весь сонм сынов Израилевых в пустыню Син, яже есть между Елимом и между Синою. В пятый же надесять день втораго месяца изшедшим им от земли Египетския, 2 возрота весь сонм сынов Израилевых на Моисея и Аарона, 3 и рекоша к ним сынове Израилевы: о дабы быхом измерли мы уязвени от Господа в земли Египетстей, егда седяхом над котлы мясными и ядохом хлебы до сытости: яко изведосте ны в пустыню сию уморити весь сонм сей гладом. 4 Рече же Господь к Моисею: се, Аз одождю вам хлебы с небесе: и изыдут людие, и соберут доволное дню, на (всяк) день, яко да искушу их, аще пойдут в законе Моем, или ни. 5 И будет в день шестый, и уготовят, еже внесут, и да будет сугубо, еже собираша на всяк день. 6 Рече же Моисей и Аарон ко всему сонму сынов Израилевых: в вечер (сей) увесте, яко Господь изведе вы от земли Египетския, 7 и завтра узрите славу Господню, внегда услышати Господу роптание ваше на Бога: мы же что есмы, яко ропцете на ны? 8 И рече Моисей: егда даст Господь вам в вечер мяса ясти и хлебы завтра до сытости, понеже услыша Господь роптание ваше, имже ропцете на ны: мы же что есмы? Не на нас бо роптание ваше, но точно на Бога. 9 И рече Моисей ко Аарону: глаголи ко всему сонму сынов Израилевых: приидите пред Бога, услыша бо роптание ваше. 10 Егда же глаголаше Аарон всему сонму сынов Израилевых, и обратишася в пустыню, и слава Господня явися во облаце, 11 и рече Господь к Моисею глаголя: 12 слышах роптание сынов Израилевых: рцы к ним глаголя: к вечеру да снесте мяса и завтра насытитесь хлебов, и увесте, яко Аз есмь Господь Бог ваш. 13 Бысть же вечер, и приидоша крастели и покрыша полк. Завтра же бысть спадшей росе около полка, 14 и се, на лица пустыни мелко яко кориандр, бело аки лед на земли. 15 Узревше же то сынове Израилевы, реша друг ко другу: что есть сие? Не ведяху бо, что бяше. Рече же Моисей к ним: сей хлеб, егоже даде Господь вам ясти: 16 сей глаголох, егоже завета Господь: соберите от него кийждо на домашния, гомор поглавно по числу душ ваших, кийждо вас с домашними своими соберите. 17 И сотвориша тако сынове Израилевы, и собраша ов много, ов же мало: 18 и измеривше гомором, не преизбыточествова иже много, и иже

мало, не менее прият: кийждо на домашних своих собраша. 19 И рече Моисей к ним: никтоже да оставит на утрое от него. 20 И не послушаша Моисея, но оставиша нецыи от него на утрое, и воскипе червми и возмердеса. И оскорбися на них Моисей. 21 И собираша оное рано рано, кийждо надлежащее себе: егда же огреваше солнце, растаяваше. 22 Бысть же в день шестый, собраша потребное сугубо, два гомора комуждо. Приидоша же вси князи сонма и поведаша Моисею. 23 Рече же Моисей к ним: сие слово есть, еже глагола Господь: суббота покою свят Господу завтра: елика аще печете, пецыте, и елика аще варите, варите, все же избыточное оставите в скрове на утрое. 24 И оставиша от того до утра, якоже заповеда им Моисей: и не возмердеса, ниже червь бысть в нем. 25 Рече же Моисей: ядите днесь, есть бо суббота покой Господу: днесь не обрящете на поли: 26 шесть дней собирайте, в седмый же день суббота: яко не будет в нем. 27 Бысть же в седмый день, изыдоша нецыи от людий собирати, и не обретоша. 28 Рече же Господь Моисею: доколе не хотите послушати заповедий Моих и закона Моего? 29 Зрите: Господь бо даде вам субботу день сей: сего ради Той даде вам в день шестый хлеба на два дни: сядите кийждо вас в дому своем у себе, никтоже да исходит от места своего в день седмый. 30 И субботствоваша людие в день седмый. 31 И прозваша сынове Израилевы имя тому манна: бяше же яко семя кориандрово бело, вкус же его аки мука с медом. 32 Рече же им Моисей: сей глаголох, егоже завета Господь: наполните гомор от манны в скров в роды ваша: да видят хлеб, егоже ядосте вы в пустыни, егда изведе вас Господь от земли Египетския. 33 И рече Моисей ко Аарону: возми стамну златую едину и вложи в ню гомор полный от манны, и положиши тую пред Богом в соблюдение в роды ваша. 34 Якоже заповеда Господь Моисею, положи ю Аарон пред свидением в соблюдение. 35 Сынове же Израилевы ядоша манну лет четыредесять, дондеже приидоша в землю обитаемую, и ядоша манну, дондеже приидоша во страну Финикийскую: 36 гомор же десятая часть трех мер бяше.

17 И воздвижеся весь сонм сынов Израилевых от пустыни Син по полком своим словом Господним и ополчися в Рафидине. Не бяше же воды людем пити, 2 и хуляху людие Моисея, глаголюще: даждь нам воду, да пием. И рече им Моисей: что хулите мя? И что искушаете Господа? 3 Возжаждаша же тамо людие воды и роптаху на Моисея, глаголюще: вскую сие? Извел еси нас из Египта уморити нас и чада наша и скоты жаждю? 4 Возопи же Моисей ко Господу глаголя: что сотворю людем сим? Еще мало, и побьют мя камением. 5 И рече Господь к Моисею: поиди пред людьми сими, и поими с собою от старец людских, и жезл, имже пресекл еси море, возми в руку твою, и поиди: 6 Аз же стану тамо прежде пришествия твоего у камене в Хориве: и удариши в камень, и изыдет из него вода, и да пьют людие. Сотвори же Моисей тако пред сыны Израилевыми, 7 и прозва имя месту тому Искушение и Похуление, хулы ради сынов Израилевых, и занеже искусиша Господа, глаголюще: аще есть в нас Господь, или ни? 8 Прииде же Амалик и

воева на Израила в Рафидине. 9 Рече же Моисей ко Иисусу: избери себе мужы сильные и изшед ополчися на Амалика завтра: и се, аз стану на верху горы, и жезл Божий в руке моей. 10 И сотвори Иисус, якоже рече ему Моисей, и изшед ополчися на Амалика: Моисей же и Аарон и Ор въздоша на верх горы. 11 И бысть егда въздвизаше Моисей руке, одолеваше Израиль: егда же опускаше руке, одолеваше Амалик: 12 руке же Моисеовы тяжки беша: и вземше камень, подложиша ему, и седяше на нем: Аарон же и Ор поддержаста руке ему, един отсюда, а другой оттуду: и быша Моисеови руке укреплены до захождения солнца: 13 и преодолел Иисус Амалика и вся люди его убийством меча. 14 Рече же Господь к Моисею: впиши сие на память в книги и вдаи во уши Иисусу, яко пагубою погублю память Амаликову от поднебесных. 15 И созда Моисей олтарь Господу и прозва имя ему Господь Прибежище мое: 16 яко рукою тайною ратует Господь на Амалика от рода в род.

18 Услыша же Иофор, иерей Мадиаемский, тесть Моисеов, вся, елика сотвори Господь Израилу Своим людем, яко изведе Господь Израила из Египта: 2 и поя Иофор, тесть Моисеов, Сепфору, жену Моисеову, по отпущении ея, 3 и два сына ея: имя единому от них Гирсам, глаголя: пришлец бых в земли чуждей, 4 и имя второму Елиезер, глаголя: Бог бо отца моего помощник мой и избави мя из руки фараони. 5 И прииде Иофор, тесть Моисеов, и сынове и жена к Моисею в пустыню, идеже ополчися при горе Божией. 6 Возвестиша же Моисею, глаголюще: се, Иофор, тесть твой, идет к тебе, и жена твоя, и оба сына твоя с ним. 7 Изыде же Моисей во сретение тестю своему и поклонися ему и целова его, и приветствовала друг друга: и введе их Моисей в кущу. 8 И поведи Моисей тестю своему вся, елика сотвори Господь фараону и всем Египтяном Израила ради, и весь труд бывший им на пути, и яко избави их Господь от руки фараони и от руки Египетския. 9 Ужасеся же Иофор о всех благих, яже сотвори им Господь, яко избави их Господь от руки Египетския и от руки фараони, 10 и рече Иофор: благословен Господь, яко избави люди Своя из руки Египетския и из руки фараони: 11 ныне уведех, яко велик Господь паче всех богов, сего ради, яко налегаша на них. 12 И взя Иофор тесть Моисеов всесожжения и жертвы Богу: прииде же Аарон и вси старцы Израилевы ясти хлеба с тестем Моисеовым пред Богом. 13 И бысть на утрое, седе Моисей судити люди: стояху же пред Моисеом вси людие от утра до вечера. 14 Видев же Иофор вся, елика творяше людем, рече: что сие, еже ты твориши людем? Почто ты един седиди, вси же людие предстоят тебе от утра до вечера? 15 Рече же Моисей тестю: понеже приходят людие ко мне просити суда от Бога: 16 егда бо бывает им распря, и приходят ко мне, разсуждаю коемуждо и сказую им повеления Божия и закон Его. 17 Рече же тесть Моисеов к нему: не право ты твориши глагол сей: 18 трудом утрудидиши неспособным и ты, и вси людие сии, иже суть с тобою: тяжек тебе глагол сей, не возможеши творити ты един: 19 ныне убо послушай мене и присоветую тебе, и будет Бог с тобою: буди ты людем в тех яже к

Богу, и донесеш словеса их к Богу, 20 и засвидетелствуй им повеления Божия и закон Его, и повеждь им пути Его, имиже пойдут, и дела, яже сотворят: 21 ты же усмотри себе от всех людей мужы сильные, Бога боящяся, мужы праведны, ненавидящя гордости, и поставиши их над ними тысященачальники и стоначальники, и пятьдесятначальники и десятначальники и писмовводители, 22 и судят людей по вся часы: слово же неударительное донесут к тебе: малыя же суды да судят они, и облегчат тя и спомогут тебе: 23 аще слово сие сотвориши, укрепит тя Бог, и возможеши настоятельствовати, и вси людие сии приидут во свое место с миром. 24 Послуша же Моисей гласа тестя своего и сотвори вся, елика рече ему: 25 и избра Моисей мужы сильные от всего Израила, и сотвори я над ними тысященачальники и стоначальники, и пятьдесятначальники и десятначальники и писмовводители: 26 и суждаху людем по вся часы: всякое же слово неударительное доносиша к Моисею, всякое же слово легкое суждаху сами. 27 Отпусти же Моисей тестя своего, и отиде в землю свою.

19 Месяца же третьего изшествия сынов Израилевых от земли Египетския, в сий день приидоша в пустыню Синайскую: 2 и въздвигошася от Рафидина и приидоша в пустыню Синайскую, и ополчися тамо Израиль прямо горы. 3 Моисей же възде на гору Божию, и възва его Бог от горы глаголя: сия възглаголеши дому Иаковлю и повеси сыном Израилевым: 4 сами видесте, елика сотворих Египтяном, и подях вас яко на крилах орлих и приведох вас к Себе: 5 и ныне аще слухом послушаете гласа Моего и сохраните завет Мой, будете Ми людие избранни от всех язык: Моя бо есть вся земля: 6 вы же будете Ми царское священство и язык свят: сия словеса да речеши сыном Израилевым. 7 Прииде же Моисей и призва старцы людския и предложи им вся словеса сия, яже завета им Бог: 8 Отвещаша же вси людие единодушно и рекоша: вся, елика рече Бог, сотворим и послушаем. Донесе же Моисей словеса сия к Богу, 9 и рече Господь к Моисею: се, аз прииду к тебе в столпе облачне, да услышат людие глаголюща мя к тебе и да тебе веруют во веки. Поведа же Моисей словеса людей ко Господу. 10 Рече же Господь Моисею: сошед засвидетелствуй людем и очисти я днесь и утре, и да исперут ризы, 11 и да будут готовы в день третий: в третий бо день снидет Господь на гору Синайскую пред всеми людьми: 12 и устроиши люди окрест глаголя: внемлите себе не восходити на гору и ни чимже коснутися ея: всяк прикоснувшийся горе смертию умрет: 13 не коснется ей рука, камением бо побьется или стрелю устрелится, аще скот, аще человек, не будет жив: егда же гласи и трубы и облак отидет от горы, сии въздут на гору. 14 Сниде же Моисей с горы к людем, и освяти я, и испраша ризы своя: 15 и рече людем: будите готовы, три дни не входите к женам. 16 Бысть же в третий день бывшу ко утру, и быша гласи и молния и облак мрачен на горе Синайстей, глас трубный глашаше зело: и убояшася вси людие, иже в полце: 17 изведе же Моисей люди во сретение Богу из полка, и стаха под горою. 18 Гора же Синайская

дымашеся вся, схождения ради Божия на ню во огни, и восхождаше дым, яко дым пещный: и ужасошася вси людие зело. 19 Быша же гласи трубнии происходяще крепцы зело: Моисей глаголаше, Бог же отвещаваше ему гласом. 20 Сниде же Господь на гору Синайскую на верх горы, и воззва Господь Моисеа на верх горы, и възде Моисей: 21 и рече Бог к нему глаголя: сошед засвидетелствуй людем, да не когда приступят к Богу уразумети, и падут от них мнози: 22 жерцы же приступаючи ко Господу Богу да освятятся, да не когда погубит от них Господь. 23 И рече Моисей к Богу: не возмогут людие възйти на гору Синайскую: Ты бо заведцал еси нам глаголя: определи гору и освяти ю. 24 И рече ему Господь: иди, сниди и възди ты и Аарон с тобою: жерцы же и людие да не нудятся възйти к Богу, да не когда погубит от них Господь. 25 Сниде же Моисей к людем и поведа им.

20 И глагола Господь вся словеса сия к Моисею глаголя: 2 Аз есмь Господь Бог твой, изведый тя от земли Египетския, от дому работы: 3 да не будут тебе бози инии разве Мене. 4 Не сотвори себе кумира и всякаго подобия, елика на небеси горе и елика на земли низу, и елика в водах под землею: 5 да не поклонишися им, ни послужиши им: Аз бо есмь Господь Бог твой, Бог ревнитель, отдай грехи отец на чада до третияго и четвертаго рода ненавидящим Мене, 6 и творяй милость в тысячах любящим Мя и хранящим повеления Моя. 7 Не возмеши имене Господа Бога твоего всуе: не очистит бо Господь приемлющаго имя Его всуе. 8 Помни день субботный, еже святити его: 9 шесть дний делай и сотвориши (в них) вся дела твоя: 10 в день же седмый, суббота Господу Богу твоему: да не сотвориши всякаго дела в онь ты и сын твой и дщерь твоя, и раб твой и раба твоя, и вол твой и осля твое и всякий скот твой, и пришлец обитаяй у тебе: 11 зане в шести днех сотвори Господь небо и землю, море и вся яже в них, и почи в день седмый: сего ради благослови Господь день седмый и освяти его. 12 Чти отца твоего и мать твою, да благо ти будет и да долготелен будеши на земли блазе, юже Господь Бог твой дает тебе. 13 Не убий. 14 Не прелюбы сотвори. 15 Не укради. 16 Не послушствуй на друга своего свидетелства ложна. 17 Не пожелай жены искренняго твоего, не пожелай дому ближняго твоего, ни села его, ни раба его, ни рабыни его, ни вола его, ни осла его, ни всякаго скота его, ни всего, елика суть ближняго твоего. 18 И вси людие зряху глас и свещы, и глас трубный и гору дымящуюся: и убоявшеся вси людие стаща издалече, 19 и рекоша Моисею: глаголи ты с нами, и да не глаголет к нам Бог, да не когда умрем. 20 Рече же им Моисей: дерзайте: искушения бо ради прииде Бог к вам, яко да будет страх Его в вас, да не согрешаете. 21 Стояху же вси людие издалече: Моисей же вниде во мрак, идеже бяше Бог. 22 Рече же Господь к Моисею: сия речеши дому Иаковлю и возвестиши сыном Израилевым: вы видесте, яко с небесе глаголах к вам: 23 не сотворите себе сами богов серебряных и богов златых не сотворите самым себе: 24 олтарь из земли сотворите Ми и пожрете на нем всесожжения ваша и спасителна ваша, и овцы и телцы ваша, на всяком месте,

идеже нареку имя Мое тамо, и прииду к тебе и благословлю тя: 25 аще же олтарь от камней сотвориши Ми, да не устроиши их тесаных: сечиво бо твое аще возложиши на них, то осквернятся: 26 да не въздеси по степенем ко олтарю Моему, яко да не откриеши срамоты твоя на нем.

21 И сия оправдания, яже да положиши пред ними: 2 аще стяжеши раба Евреина, шесть лет да поработает тебе, в седмое же лето отпустиши его свободна туне: 3 аще сам един внидет, то един и изыдет: аще же жена внидет с ним, то и жена отидет с ним: 4 аще же господин даст ему жену, и родит ему сыны или дщери, жена и дети да будут господину его, сам же един да отидет. 5 Аще же отвещав раб речет: возлюбих господина моего и жену мою и дети моя, не отхожду свободен: 6 да приведет его господин его пред судище Божие, и тогда приведет его пред двери на праг, и да провертит ему ухо господин его шилом, и да поработает ему во веки. 7 Аще же кто продаст свою дщерь в рабыню, да не отидет, якоже отходят рабыни: 8 аще не угодит пред очима господина своего, юже он взяти в жену обеща, да отпустит ю: языку же чуждему господин да не продаст ея, понеже отверже ю: 9 аще же сыну своему обещал ю, по обыкновению дщерей да сотворит ей: 10 аще же другую поймет себе, потребных и одежд и союбщения ея да не лишит: 11 аще же сих трех не сотворит ей, да отидет без сребра туне. 12 И аще кого кто ударит, и умрет, смертию да умрет (и той): 13 аще же не хотя, но Бог предаде в руке его, дам тебе место, в неже убежит тамо убивый: 14 аще же кто приложит убити ближняго своего лестию и прибегнет ко олтарю, от олтаря Моего да возмеши того умертвити. 15 Иже биет отца своего или мать свою, смертию да умрет. 16 Иже злословит отца своего или мать свою, смертию да умрет. 17 Аще кто кого украдет от сынов Израилевых, и соодолв сему продаст его, и обрящется у него, смертию да скончается. 18 Аще же сварятся два мужа, и ударит один другаго каменем или пястиею, и не умрет, но сляжет на одре: 19 аще востав человек походит вне о жезле, неповинен будет ударивый его: точию за неделание его да даст цену и на цельбу. 20 Аще же кто ударит раба своего или рабу свою жезлом, и умрет от руки его, судом да отмститися: 21 аще же преживет день един или два, да не мститися: сребро бо его есть. 22 Аще же биятся два мужа, и поразят жену неправду, и изыдет младенец ея неизображен, тщетою да отщитится: якоже наложит муж жены тоя, подобающее да отдаст: 23 аще же изображен будет, да даст душу за душу, 24 око за око, зуб за зуб, руку за руку, ногу за ногу, 25 жжение за жжение, язву за язву, вред за вред. 26 Аще же кто исткнет око рабу своему или око рабыни своей и ослепит, свободны да отпустит я за око их: 27 аще же зуб рабу своему или зуб рабе своей избьет, свободны да отпустит я за зуб их. 28 Аще же вол убодет мужа или жену, и умрет, каменiem да побьется вол той, и да не снедят мяса его, господин же вола неповинен будет: 29 аще же вол бодлив будет прежде вчерашняго и третияго дне, и возвестят господину его, и не заключит его, и убьет мужа или жену: вол каменiem да побьется, и господин его купно да умрет: 30 аще же окуп

наложится ему, да даст окуп за душу свою, елико наложат ему: 31 аще же сына или дочь убодет, по сему же суду да сотворят ему: 32 аще же раба или рабу убодет вол, сребра тридесять дидрахм да даст господину их, и вол камением да побьется. 33 Аще же кто отверзет яму или ископает яму и не покрывает ея, и впадется в ню телец или осля, 34 господин ямы отдаст (цену), сребро даст господину их: умершее же ему да будет. 35 Аще же чий вол убодет вола ближняго, и умрет, да продадут вола живаго, и да разделят цену его, и вола умершаго да разделят: 36 аще же знаемъ есть вол, яко бодливъ есть прежде вчерашняго и третяго дне, и глаголаша господину его, и той не заключит его: да отдаст вола за вола, мертвый же ему да будет.

22 Аще же кто украдет телца или овцу, и заколет или продаст, пять телцев да воздаст за телца и четыре овцы за овцу. 2 Аще же в подкопании обряцется тать, и язвен умрет, несть ему убийство: 3 аще же взыдет солнце над ним, повиненъ есть, умрет за него: аще же не имать имения, да продается за татьбу: 4 аще же ят будет, и обряцется в руке его украденое от ослятя до овцы живо, сугубо да отдаст я. 5 Аще же кто потравит ниву или виноград, и пустит скот свой пастися на чужей ниве, да даст от нивы своей по плоду его: аще же всю ниву потравит, лучшая нивы своея и лучшая винограда своего да отдаст. 6 Аще же изшедъ огонь обряцет терние и запалит гумно, или класы, или ниву, да отдаст, иже возже огонь. 7 Аще же кто даст другу сребро или сосуд сохранити, и украдется из дому мужа того, аще обряцется украдый, да воздаст сугубо: 8 аще же не обряцется украдый, да придет господин дому пред бога и да кленется, яко поистинне не слугаствова он о всем положении дружном. 9 По всей реченней неправде, о теляти и о осляти и о овце, и о ризе и о всей гибели нанесенней, что убо ни было бы, пред богом да придет суд обоих, и обвиненный богом да отдаст сугубо ближнему. 10 Аще же кто даст другу ослия или телца, или овцу, или всяк скот хранити, и умрет или погибнет, или пленено будет, и никтоже увестъ, 11 клятва да будет Божия между обоими, яко поистинне не слугаствова он о всем ближняго положении, и тако примет господин его, и да не отдаст: 12 аще же украдено будет от него, да отдаст господину: 13 аще же зверь снеде, да ведет его на звероядину, и не отдаст: 14 аще же кто испросит у друга, и погибнет, или умрет, или пленится, господин же его не будет с ним, отдаст: 15 аще же господин его будет с ним, да не отдаст: аще же наемникъ есть, да будет ему вместо мзды его. 16 Аще же прельстит кто не обручену девицу, и будет с нею, венном да ответит ю, (и поймет ю) себе в жену: 17 аще же возбраняя возбранит и не восхоцет отец ея дати ю ему в жену, сребро да воздаст отцу, елико есть вено девическо. 18 Волхвом живым быти не попустите. 19 Всякаго со скотом бывающа смертию убьете его. 20 Иже жертву приносит богом, смертию да потребится, но точною Господу единому. 21 И пришелца не озлобите, ниже оскорбите его: пришелцы бо бесте в земли Египетстей. 22 Всякия вдовы и сироты не озлобите: 23 аще же злобою озлобите Я, и возстанавше возопиют ко мне, слухом услышу

глас их 24 и разгневаюся яростию, и побью вы мечем, и будут жены ваша вдовы, и чада ваша сироты. 25 Аще же даси сребро взаем брату нищему иже у тебе, не буди его понуждая, ниже наложиши ему лихвы. 26 И аще заложит в залог ризу друг твой, до захождения солнца отдаси ему: 27 есть бо сия покровение ему, сия едина риза стыдения его, в чем спати будет: аще убо возопиет ко Мне, услышу его: милостив бо есмь. 28 Богов да не злословиши и князю людей твоих да не речеши зла. 29 Начатки от гумна и от точила твоего да не косниши принести (Мне): первенцы сынов твоих да даси Мне: 30 тако сотвориши телцу твоему, и овце твоей, и ослу твоему: седмь дний да будет у матери, в осмый же день да отдаси оное Мне. 31 Люди святы будете Ми, и мяса звероядиннаго да не снете, псом повержете е.

23 Да не примемши слуха суетна, да не приложишия с неправедным быти свидетель неправеден: 2 да не будеши со многими на злобу, да не приложишия со множеству уклонитися со множайшими, яко превратити суд, 3 и ницаго да не помилуеши на суде. 4 Аще же сряцещи говядо врага твоего или ослия его заблуждающее, обратив да отдаси ему: 5 аще же узриши ослия врага твоего падшее под бременем его, да не мимоидеши е, но да воздвигнеши е с ним. 6 Да не превратиши суда нищему в суде его. 7 От всякаго слова неправеднаго да отступиши: неповинна и праведна да не убиеши, и не оправдиши нечестиваго даров ради, 8 и да не возмеши даров: дары бо ослепляют очи видящим и погубляют словеса праведна. 9 И пришелца не оскорбляйте, ни стужите (ему): вы бо весте душу пришелчу, понеже сами бесте пришелцы в земли Египетстей. 10 Шестъ лет да сееши землю твою и да собереши плоды ея: 11 в седмое же оставление да сотвориши и опустиши ю, и да ясти будут убозии языка твоего, останки же да снедят зверие дивии: тако да сотвориши винограду твоему и масличию твоему. 12 В шесть дний да сотвориши дела твоя, в седмый же день покой: да почует вол твой и осел твой, и да почует сын рабы твоея и пришлец. 13 Вся, елика глаголах вам, сохраните, имен же богов инех не поминайте, ниже да слышатся изо уст ваших. 14 Три краты в лете сотворите Ми праздник: 15 праздник опресноков сохраните творити, седмь дний ядите опресноки, якоже заповедах тебе, во время месяца новых плодов, в той бо изшел еси из Египта, да не явишия предо Мною тощъ: 16 и праздник жатвы первородных жит сотвориши от дел твоих, яже посееши на ниве твоей: и праздник скончания при исходе лета в собрании дел твоих, яже от нив твоих. 17 Три краты в лете да явится всяк мужеск пол твой пред Господем Богом твоим. 18 Егда бо изжену языки от лица твоего и разширю пределы твоя, да не пожреш на квасе крове жертвы Моея, ниже да долежит тук праздника Моего до утрия. 19 Начатки первых жит земли твоя да внесеши в дом Господа Бога твоего. Да не сварии ягнате во млеце матери его. 20 И се, аз послю Ангела Моего пред лицом твоим, да сохранит тя на пути, яко да введет тя в землю, юже уготовах тебе: 21 вонми себе и послушай Его, и не ослушайся Его: не обинется бо тебе, имя

бо Мое есть на Нем: 22 аще слухом послушаеши гласа Моего и сотвориши вся, елика Аз заповедаю тебе, и сохраниши завет Мой, будете Ми люди избранни от всех язык: Моя бо есть вся земля, вы же будете Ми царское священство и язык свят. Сия словеса да речеши сыном Израилевым. Аще слухом послушаеши гласа Моего и сотвориши вся, елика реку тебе, враг буду врагом твоим и сопротивлюся сопротивником твоим. 23 Пойдет бо Ангел Мой наставляяй тя и введет тя ко Аморрею и Хеттею, и Ферезею и Хананею, и Гергесею и Евею и Иевусею, и потреблю их (от лица вашего): 24 да не поклонилися богом их, ниже послужили им: да не сотвориши по делом их, но разорением разориши и сокрушением сокрушиши капища их, 25 и да послужиши Господу Богу твоему: и благословлю хлеб твой и вино твое и воду твою, и отвращу болезнь от вас. 26 Не будет безчаден, ниже неплоды на земли твоей: число дней твоих исполняя исполню. 27 И страх послу ведущий тя, и устрашу вся языки, в няже ты входиши к ним, и дам вся сопротивники твоя в бегуны: 28 и послу шершни пред тобою, и изжену Амореи и Евеи, и Иевусеи и Хананеи и Хеттеи от тебе: 29 не изжену их в лете едином, да не будет земля пуста, и мнози будут на ты звери земнии: 30 помалу помалу изжену их от тебе, дондеже возрастеш и наследиши землю. 31 И положу пределы твоя от Чермнаго моря до моря Филистимля, и от пустыни до реки великия Евфрата, и предам в руке ваши сидящих на земли и изжену их от тебе: 32 да не смесиши с ними, и с боги их да не завещаеши завета, 33 и да не останутся на земля твоей, да не сотворят тя согрешити ко Мне: аще бо поработаеши богом их, сии будут тебе в соблазн.

24 И Моисею рече: взыди ко Господу ты и Аарон, и Надав и Авиуд и седмьдесят старец Израилевых, и да поклонятся издалече Господу: 2 и да приступит Моисей един к Богу, они же да не приступят: и людие с ними да не взыдут. 3 Прииде же Моисей и поведат людем вся словеса Божия и оправдания. Отвещаша же вси людие гласом единым, глаголюще: вся словеса, яже глагола Господь, сотворим и послушаем. 4 И написа Моисей вся словеса Господня: обутрев же Моисей завтра, созда алтарь под горою, и дванадесять каменных в дванадесять племен Израилевых: 5 и посла юношы сынов Израилевых, и принесоша всесождения, и пожроша жертву спасения Господу Богу телцы. 6 Взем же Моисей половину крове, вляв в чаши, половину же крове возля на алтарь, 7 и взял книгу завета, прочте людем во уши. И рекоша: вся, елика глагола Господь, сотворим и послушаем. 8 Взем же Моисей кровь, окропи люди и рече: се, кровь завета, егоже завеща Господь к вам о всех словесех сих. 9 И взыде Моисей и Аарон, и Надав и Авиуд и седмьдесят от старец Израилевых, 10 и видеша место, идеже стояше Бог Израилев: и под ногама Его яко дело камене сапфира, и яко видение тверди небесныя чистотою. 11 И от избранных Израилевых не повредися ни един: и явишася на месте Божии, и ядоша, и пиша. 12 И рече Господь к Моисею: взыди ко Мне на гору и стани тамо, и дам ти скрижали каменные, закон и заповеди, яже написах законоположити им. 13 И востав Моисей и Иисус

предстоявый ему, взыдоша на гору Божию 14 и старцем реша: пождите в молчании zde, дондеже возвратимся к вам: и се, Аарон и Ор с вами: аще кому случится суд, да идут к ним. 15 И взыде Моисей на гору, и покры облак гору, 16 и сниде слава Божия на гору Синайскую, и покры ю облак шесть дней. И воззва Господь Моисеа в день седмый из среды облака: 17 обличие же славы Господни, яко огонь пламеня на версе горы, пред сыны Израилевы. 18 И вниде Моисей в среду облака и взыде на гору, и бе тамо на горе чотыредесять дней и чотыредесять ношей.

25 И рече Господь к Моисею, глаголя: 2 рцы сыном Израилевым, и да возмут Ми начатки от всех, яже угодна будут сердцу их, да возмете начатки Моя. 3 Сей же есть начаток, егоже возмете от них: злато и сребро и медь, 4 и синету и багряницу, и червленицу сугубу (пряденую), и виссон сканый, и власы козья, 5 и кожи овни очервленены, и кожи сини, и древа негниющая, 6 и елей в свещение, фимиам во елей помазания и в сложение фимиама, 7 и камени Сардийския, и камени в ваяние на епомиду и подир. 8 И да сотвориши Ми освящение, и явлюся в вас: 9 и сотвориши ми по всему, елика Аз покажу тебе на горе, образ скинии и образ всех сосудов ея: сице да сотвориши. 10 И сотвориши кивот свидения от древ негниющих, двою лактий и пол в долготу, и лактя и пол в широту, и лактя и пол в высоту: 11 и позлатиши его златом чистым, внутрүду и внеуду позлатиши его, и сотвориши верху его венец злат витый окрест: 12 и слиеши ему чотыри колца злата, и возложиши на чотыри страны его, два колца на едину страну, и два на другую страну. 13 Сотвориши же носила от древа негниюща и позлатиши я златом чистым: 14 и вложиши носила в колца, яже на странах кивота, носити ими кивот: 15 в колцах кивота да будут носила не зыблющеся: 16 и вложиши в кивот свидения, яже дам тебе. 17 И да сотвориши очистилище покров от злата чиста, двою лактий и пол в долготу, лактя же и пол в широту: 18 и сотвориши два херувима злата изваянна, и возложиши я от обоих стран очистилища: 19 да сотворятся херувими, един от страны сея и другой от страны другия очистилища, и сотвориши два херувима на обоих странах: 20 да будут херувими распростирающе крила верху, соосеняюще крилами своими над очистилищем, и лица их ко другьдругу, на очистилище будут лица херувимска: 21 и да возложити очистилище на кивот верху, и в кивот да вложиши свидения, яже дам тебе. 22 И познан буду тебе отуду, и возлагало тебе с верху очистилища между двема херувими, иже суть над кивотом свидения, и по всему, елика аще заповем тебе к сыном Израилевым. 23 И сотвориши трапезу от древ негниющих, двою лактий в долготу, и лактя в широту, и лактя и пол в высоту: 24 и позлатиши ю златом чистым, и сотвориши ей витое обложение златое окрест, и сотвориши ей венец длани окрест, 25 и сотвориши витое обложение венцу окрест. 26 И сотвориши чотыри колца злата, и возложиши чотыри колца на чотыри страны ног ея под венец: 27 и да будут колца на влагалища носилам, яко воздвизати ими трапезу. 28 И

сотвориши носила ея от дров негниющих, и позлатиши я златом чистым, и воздвизатися будет на них трапеза. 29 И сотвориши блюда ея и фимиамники, и возливалники и чаши, имиже возливати будеши: от злата чиста да сотвориши я. 30 И возлагати будеши на трапезу хлебы предложения предо Мною присно. 31 И да сотвориши светильник от злата чиста, изваян да сотвориши светильник: стебель его и ветви, и чаши и кружи и крины от него да будут: 32 шесть же ветвей исходящих от стран, три ветви светильника от страны его единыя и три ветви светильника от страны второя: 33 и три чаши во образ ореха, на единой ветви круг и крин: тако шести ветвам исходящим от светильника: 34 и на светильнике четыре чаши во образ ореха, на единой ветви кружи и крины его: 35 круг под двема ветвми от него, и круг под четырьми ветвми от него: тако шести ветвам исходящим от светильника: и на светильнике четыре чаши во образ ореха: 36 кружи и ветви от него да будут: весь изваян от единого злата чиста. 37 И да сотвориши светил его семь, и поставиши светила его, и светити будут от единого лица его: 38 и щипцы его, и подставы его от злата чиста сотвориши: 39 талантом злата чиста да сотвориши вся сосуды сия. 40 Видь, да сотвориши по образу показанному тебе на горе.

26 Скинию же да сотвориши от десяти опон от виссона сканаго и синеты, и багрянцы и червленицы сканья: херувимы делом тканым да сотвориши я. 2 Долгота опоны единыя двадцать и осмь лактий, и широта четырех лактий, опона едина да будет: мера таяжде да будет всем опонам. 3 Пять же опон да будут взаим придержащаяся едина от другия, и пять опон да будут содержащаяся друга о друзей. 4 И да сотвориши им петли из синеты у края опоны единыя, от единыя страны в сложение: и сице сотвориши на краю опоны внешняя к сложению второму. 5 Пятьдесят же петлей сотвориши единой опоне, и пятьдесят петлей да сотвориши от края опоны по сложению второя, лицом к лицу сходящаяся между собою каждо. 6 И сотвориши пятьдесят крючков златых и совокупиши опоны едну ко друзей крючками: и будет скиния едина. 7 И да сотвориши опоны власяныя в покров над скинию, едионадцать опон сотвориши их. 8 Долгота опоны единыя да будет тридцати лактий, и четырех лактий широта опоны единыя: таяжде мера да будет едионадцати опонам. 9 И совокупиши пять опон вкупе, и шесть опон вкупе: и усугубиши опону шестую ко входу скинии. 10 И да сотвориши петлей пятьдесят на краи опоны единыя, яже среде по сложению, и пятьдесят петлей да сотвориши на краи опоны совокупляющияся второя. 11 И сотвориши крючков медяных пятьдесят: и совокупиши крючки с петлями, и да совокупиши опоны, и будет едино. 12 И да подложиши излишнее от опон скинии: полуопоною оставшеюся да покрыеши излишнее опон скинии: да прикрыеши создаи скинии. 13 Лакоть (един) от сего, и лакоть (един) от другаго, от излишняго опон, в долготу опон скинии: да будет покрывающее на стране скинии, сюду и сюду да покрывает. 14 И да сотвориши покров скинии от кож овних червленьих, и прикрывала от кож синих сверху.

15 И да сотвориши столпы скинии от дров негниющих: 16 десяти лактий (в высоту) да сотвориши столп един, лактя же единого и пол широта столпа единого: 17 два закройца (на краях) столпу единому, противу стояща другъдругу: тако сотвориши всем столпом скинии. 18 И да сотвориши столпы скинии, двадцать столпов от страны яже к северу: 19 и четыредцать стоялов серебряных да сотвориши двадцатим столпом: два стояла единому столпу на обоих краех его и два стояла другому столпу на обоих краех его: 20 и в стране вторей южной двадцать столпов: 21 и четыредцать стоялов им серебряных: два стояла столпу единому на обоих краех его и два стояла столпу другому на обоих краех его. 22 И создаи скинии по стране яже к морю да сотвориши шесть столпов, 23 и два столпа сотвориши во углах скинии создаи. 24 И будут равни от долу: по томужде да будут равни от глав в состав един: тако да сотвориши обоим двум углам: равни да будут. 25 И да будут осмь столпы и стояла их серебряна шестнадцать: два стояла единому столпу и два стояла другому столпу, на обоих краех его. 26 И да сотвориши вереи от дров негниющих: пять верей столпу единому от единыя страны скинии, 27 и пять верей столпу единому вторей стране скинии, и пять верей столпу заднему стране скинии, яже к морю: 28 и верея средняя посреде столпов да проходит от единыя страны в другую страну. 29 И столпы да позлатиши златом: и колца сотвориши злата, в няже вложиши вереи: и позлатиши вереи златом. 30 И возставиши скинию по образу показанному тебе на горе. 31 И да сотвориши завесу от синеты и багрянцы, и червленицы сканья и виссона пряденаго: делом тканым да сотвориши ю херувимы. 32 И возложиши ю на четыре столпы негниющия позлащены златом: и верхи их златы, и стояла их четыре серебряна. 33 И повесиши завесу на столпех, и внесеши тамо внутрь завесы кивот свидения: и разделяти будет завеса вам посреде святилища и посреде Святая святых, 34 и закрыеши завесю кивот свидения во Святая святых. 35 И поставиши трапезу вне завесы, и светильник прямо трапезы на стране скинии, яже к югу: и трапезу поставиши на стране скинии, яже к северу. 36 И да сотвориши закров в дверех скинии от синеты и багрянцы, и червленицы сканья и виссона сканаго, делом пестрящаго. 37 И да сотвориши завесе пять столпов от дров негниющих, и позлатиши их златом, и верхи их златы: и да слиеши им пять стоял медяных.

27 И да сотвориши олтарь от дров негниющих, пяти лакот в долготу и пяти лакот в широту: четвероуголен да будет олтарь, и трех лактий высота его. 2 И да сотвориши роги на четырех углех: из него да будут роги, и покрыеши я медию. 3 И да сотвориши венец олтарю: и покров его, и фиалы его, и вилыцы его, и кадилник его, и вся сосуды его да сотвориши медяны. 4 И да сотвориши ему огнище на подобие мрежи медяно: и сотвориши огнищу четыре колца медяна на четыре страны, 5 и подложиши я под огнище олтаря снизу, и будет огнище до среды олтаря. 6 И да сотвориши олтарю носила от дровес негниющих, и окуеши я медию, 7 и вложиши носила в колца: и да будут носила олтарю по бокам, еже подимати его. 8 Тоць, дощатый

сотвориши его: по показанному тебе на горе, тако сотвориши его. 9 И да сотвориши двор скинии: на стране, яже к югу, завесы двора из виссона сканаго: долгота сто лакот стране единой: 10 и столпы их двадцать, и стояла их двадцать медяна, и крючки их, и верхи их сребряны. 11 Такжеже на стране, яже к северу, завесы сто лакот в долготу, и столпы их двадцать, и стояла их двадцать медяна, и крючки их, и верхи столпов, и стояла их посребрена серебром. 12 Широта же двора, яже к морю, опыны пятьдесят лакот: столпы их десять, и стояла их десять. 13 И широта двора, яже к востоку, завесы пятьдесят лактей: столпы их десять, и стояла их десять. 14 И пятнадцать лакот высота опын стране единой: столпы их три, и стояла их три. 15 и стране второй опын пятнадцать лакот высота: столпы их три, и стояла их три. 16 И вратам двора завеса двадцать лакот в высоту, от синеты и багряницы, и червленицы сканья и виссона сканаго пестрением швенным: столпы их четыре, и стояла их четыре. 17 Все столпы двора окрест окованы серебром, и верхи их сребряны, и стояла их медяна. 18 Долгота же двора сто на сто, и широта пятьдесят на пятьдесят, и высота пяти лактей от виссона сканаго: и стояла их медяна. 19 И все устройство, и вся орудия, и гвозди двора медяны. 20 И ты заповеждь сыном Израилевым, и да возмут тебе елей от масличия без дрождей чист изжат в светение, да горит светильник всегда. 21 В скинии свидения вне завесы, яже над заветом, возжигати будет его Аарон и сынове его, от вечера даже до утра, пред Господем, законно вечно в роды ваша от сынов Израилевых.

28 И ты приведи к себе Аарона, брата твоего, и сыны его от сынов Израилевых, да священнодействуют Мне Аарон и Надав, и Авиуд и Елеазар и Ифамар, сынове Аарони. 2 И да сотвориши ризу святу Аарону брату твоему в честь и славу. 3 И ты возлагаи ко всем премудрым умом, иже наполних духа мудрости имышления: и да сотворят ризу святу Аарону, в нейже имать священнодействовати Мне во святыхилицы. 4 И сия суть ризы, иже сотворят: наперсник и ризу верхнюю, и долгую ризу и ризу тресновиту, и наглавие и пояс: и да сотворят ризы святы Аарону и сыном его, во еже священнодействовати Мне. 5 И сии да возмут злато и синету, и багряницу и червленицу и виссон, 6 и да сотворят ризу верхнюю от виссона сканаго, дело тканно пестрящаго. 7 Две ризы верхняя да будут ему придержащаяся едина друзей, на обе стране связаныя. 8 И тканье риз верхних, еже есть на них, по сотворению их да будет от злата чиста и синеты, и багряницы и червленицы пряденья и виссона сканаго. 9 И возмеша два камня, камене смарагда, и изваяеша на них имена сынов Израилевых: 10 шесть имен на камени единым и шесть имен прочих на камени другом по родом их, 11 дело каменная хитрости: ваянием печати изваяеша оба камня имени сынов Израилевых. 12 И положиши оба камня на раменах верхняя ризы: камени в память суть сыном Израилевым: и воздвигнет Аарон имена сынов Израилевых пред Господем на оба рамена своя в память о них. 13 И да сотвориши щитцы от злата

чиста, 14 и да сотвориши две тресновицы от злата чиста, смешены цветами, дело плетения: и возложиши тресновицы сплетеня на щитцы по нарамником их сопреди. 15 И да сотвориши слово судное, дело пестрящаго: по составу ризы верхняя да сотвориши сие от злата и синеты, и багряницы и червленицы пряденья и виссона сканаго: 16 сотвориши е четвероуголно: да будет сугубо, пяди долгота его и пяди широта, 17 и нашиеша на нем швение каменное в четыре ряда. Ряд камней да будет: сардий, топазий и смарагд, ряд един: 18 и ряд второй, анфракс и сапфир и иаспис: 19 и ряд третий, лигирый и ахат и амефист: 20 и ряд четвертый, хрсолиф и вириллий и онихий: объяти златом, исплетены в злате да будут по ряду своему. 21 И камене да будут от имен дванадцати сынов Израилевых пред Господем: на дву раменах его дванадцать по именам их и по родом их, изваяни печатми, коегождо по имени да будут в дванадцать племен. 22 И да сотвориши на слове тресны сплетены, делом верижным, от злата чиста. 23 И да сотвориши на словеси два колца злата: и возложиши два колца злата на оба края словесе. 24 И возложиши тресны и чепа златы на два колца от обоих краев словесе. 25 И два края двух тресн наложиши на две чепочки, и возложиши на рамена верхних риз лицом ко другдругу. 26 И сотвориши два колца злата, и возложиши на обе страны словесе на край от края задняго верхних риз, отнурь. 27 И сотвориши два колца злата, и возложиши на оба рамена верхняя ризы снизу его, лицом по согбению свыше соткания верхних риз. 28 И стягнеша слово колцами, яже на нем, с колцами верхних риз сложенными, из синеты плетеными во тканье верхних риз, да не выпускается слово с верхних риз. 29 И да возмет Аарон имена сынов Израилевых на слове суднем на персех, входящъ во святое на память пред Богом. И да положиши на словеси суднем тресны: плетения на оба края словесе возложиши, и оба щита возложиши на обе раме нарамника на лице. 30 И да возложиши на слово судное явление и истину: и да будет на персех Аарону, егда внидет в святое пред Господа: и да носит Аарон суды сынов Израилевых на персех пред Господем всегда. 31 И да сотвориши ризу внутреннюю подир всю синю. 32 И да будет устие посреде его, ожерелие имущо кругом устия делом тканым, сгиб сошвен от него, да не раздерется. 33 И да сотвориши на омете ризнем снизу, аки шипка цветущаго, пугвицы из синеты и багряницы, и червленицы пряденья и виссона сканаго, на омете ризы кругом: в тойже образ пугвицы златы, и звонцы между сими окрест. 34 При пугвице злат звонец, и цвет на омете ризнем, кругом. 35 И да будет Аарону, егда служит, слышан глас его, входящю во святое пред Господа, и исходящю, да не умрет. 36 И да сотвориши дищцу злату чисту: и изобразиши на ней образ печати, Святыня Господня, 37 и да возложиши ю на синету сканую, и да будет на увясле, спреди увясла да будет, 38 и да будет на челе Аарони: и отимет Аарон согрешения святых, елика освятят сынове Израилевы от всякаго даяния святых своих, и да будет на челе Аарони всегда приятно ими пред Господем. 39 И тресны риз от виссона: и сотвориши клубок виссонный, и пояс да

сотвориши дело пестрящего. 40 И сыном Аароновым да сотвориши ризы и поясы, и клобуки да сотвориши им в честь и славу: 41 и облечеши в ня Аарона брата твоего и сыны его с ним, и да помажеш их, и исполниши руце их и освятиши их, да Ми священнодействуют. 42 И да сотвориши им надраги льняны покрывати стыдения плоти их, от бедр даже до стегн будут, 43 и да имать Аарон и сынове его, егда входят в скинию свидения, или егда приходят служити к жертвеннику святыни: и да не наведут на ся греха, да не умрут: законное вечное (да будет) ему и семени его по нем.

29 И сия суть, яже сотвориши им: освятиши я, яко священнодействовати им Мне: да возмеш же телца единого от говяд и овна два непорочна: 2 и хлебы пресны смешены с елеем, и опресноки помазаны елеем: из муки пшеничны сотвориши я: 3 и да вложиши я в кош един, и принесеши я в коши, и телца и два овна. 4 И Аарона и сыны его приведеш пред двери скинии свидения, и измьеш я водою: 5 и взем ризы святя, облечеши Аарона брата твоего, и в хитон подир, и в ризу верхнюю, и в слово: и совокупиши ему слово к нарамнику: 6 и возложиши на главу его клобук: и возложиши дщицу освящение на увясло: 7 и да возмеш от елеа помазания, и да возлиеш и на главу его и помажеш его. 8 И сыны его приведеш и облечеши я в ризы: 9 и опяшеши я поясы, и возложиши на них клобуки, и будет ими священство мне во веки: и совершиши руце Аарони и руце сынов его. 10 И да приведеш телца пред двери скинии свидения, и возложат Аарон и сынове его руце свои на главу телца пред Господем у дверей скинии свидения. 11 И да заколеш телца пред Господем у дверей скинии свидения: 12 и да возмеш от крове телчи и помажеш на рогах олтаревых перстом твоим: останок же весь крове пролиеш у стояла олтарнаго: 13 и да возмеш весь тук, иже на утробе, и препонку печени, и обе почки, и тук иже на них, и возложиши на олтарь: 14 мяса же телца, и кожу, и мотыла да сожжеш на огни вне полка: за грех бо есть. 15 И овна два поймеш единого, и да возложат Аарон и сынове его руки своя на главу овню: 16 и заколеш его, и взем кровь пролиеш у олтаря окрест: 17 и овна да разречеш на уды и измьеш внутренняя и ноги в воде, и возложиши на разреченныа части со главою: 18 и вознесеши всего овна на олтарь, всеожжение Господу в воню благоухания: жертва Господу есть. 19 И да поймеш овна втораго, и возложит Аарон и сынове его руки своя на главу овню: 20 и заколеш его, и возмеш от крове его, и возложиши на край ушесе Аароня деснаго и на край руки десныа и на край ноги десныа, и на край ушес сынов его десных и на край рук их десных и на край ног их десных: 21 и да возмеш от крове, яже на олтари, и от елеа помазания, и да воскропиши на Аарона и на ризу его, и на сыны его и на ризы сынов его с ним: и освятится сам и ризы его, и сыны его и ризы сынов его с ним: кровь же овню да пролиеш у олтаря окрест. 22 И да возмеш от овна тук его, и тук покрывающий утробу его, и препонку печени, и обе почки, и тук иже на них, и рамо десное: есть бо совершение сие: 23 и хлеб един с елеем, и

опреснок един от коша опресноков, предложенных пред Господем: 24 и возложиши вся на руки Аарони и на руки сынов его, и отделиши я отделение пред Господем: 25 и да возмеш я от рук их, и вознесеш на олтарь всеожжения в воню благоухания пред Господем: приношение есть Господу. 26 И да возмеш грудь от овна совершения, яже есть Аарону, и отделиши ю отделение пред Господем, и будет тебе в часть: 27 и освятиши грудь отделение, и рамо отлучения, еже отделися, и яже отяся от овна совершения от Аарона и от сынов его, 28 и будет Аарону и сыном его законно вечно от сынов Израилевых: есть бо отделение сие, и отятие будет от сынов Израилевых от жертв спасительных сынов Израилевых, отделение Господу. 29 И ризы святы, яже суть Аарону, да будут сыном его по нем, помазатися им в них и совершити руки своя. 30 Седьм дний да облачится в ня иерей великий, иже вместо его от сынов его, иже внидет в скинию свидения служити во святилищи. 31 И овна совершения да возмеш и испечеши мяса на месте святе, 32 и да ядят Аарон и сынове его мяса овня, и хлебы, яже в коши у дверей скинии свидения: 33 да ядят сия, иже освятишася в них, совершити руки своя, освятити я: и иноплеменник да не снесет от них, суть бо свята. 34 Аще же останется от мяс жертвы совершения и от хлебов до утра, да сожжеш останки огнем: да не снесятся, освящение бо есть. 35 И сотвориши Аарону и сыном его тако по всем, елика заповедах тебе: седьм дний совершиши руце их. 36 И телца греха ради да сотвориши в день очищения: и да очистиши олтарь, егда освящаеш на нем: и помажеш его, яко освятити его. 37 Седьм дний очистиши олтарь и освятиши его, и будет олтарь святая святых: всяк прикасаяся олтарю освятится. 38 И сия суть, яже сотвориши на олтари: агнца единоголетна непорочна два на всяк день на олтари присно жертву непрестанную: 39 агнца единого да сотвориши рано, и втораго агнца да сотвориши в вечер: 40 и десятую часть муки пшеничны с елеем смешены, в четвертую часть ина, и возлияние четвертую часть меры ина вина единому овну. 41 И агнца втораго да сотвориши в вечер, якоже утреннюю жертву, и возлияние его: сотвориши в воню благоухания приношение Господу. 42 Жертву всегдашнюю в слухи и в роды ваша пред дверми скинии свидения пред Господем, в нижне познан буду тебе тамо, якоже глаголати к тебе. 43 И завещаю тамо сыном Израилевым, и освящуся во славе Моей, 44 и освящу скинию свидения и олтарь, и Аарона и сыны его освящу, священнодействовати Мне, 45 и нарекуся в сынех Израилевых, и буду им Бог: 46 и уведят, яко Аз есмь Господь Бог их, изведый их из земли Египетския, наречися им и быти им Бог.

30 И да сотвориши олтарь кадилный от дров негниющих: 2 и сотвориши и лактя в долготу и лактя в широту, четвероуголен да будет, и двою лактий в высоту: от него да будут роги его. 3 И позлатиши златом чистым огницею его, и стены его около, и роги его: и да сотвориши ему витый венец злат около. 4 И два колца злата чиста да сотвориши под витым венцем его на обою углу, да сотвориши на обоих

странах: и будут колца носилам, якоже подимати оный ими. 5 И да сотвориши носила от древес негниющих, и позлатиши я златом: 6 и да положиши его прямо завесы, сущия у кивота свидения, в нихже познан буду тебе оттуду. 7 И да кадит над ним Аарон фимиамом сложеным благовонным рано рано: егда устрояет светила, да кадит над ним: 8 и егда вжигает Аарон светила с вечера, да кадит над ним: фимиам всегдашний присно пред Господем в роды их: 9 и да не принесеси над него фимиама инаго: приношения, жертвы и возлияния да не пролиеши на него. 10 И да очистит над ним Аарон у рогов его единою в лето: от крове очищения грехов умилостивления единою в лето да очистит его в роды их: святое святых есть Господу. 11 И рече Господь к Моисею, глаголя: 12 аще возмеш исчисление сынов Израилевых в пресмотрении их, и дадут кийждо искупление за душу свою Господу, и не будет в них падения в пресмотрении их. 13 И сие есть, еже дадут, елицы аще приступят в пресмотрение, полдидрахмы, еже есть по дидрахме святых: двадесять цят дидрахма: пол же дидрахмы, дань Господу. 14 Всяк входяй в пресмотрение от двадесяти лет и вышеше, да дадут дань Господу: 15 богатый да не приложит, и нищий да не умалит от полудидрахмы, егда дают дань Господу (от сынов Израилевых), еже умоляти о душах ваших. 16 И да возмеш сребро дани от сынов Израилевых, и даси е на соделание скинии свидения: и да будет сыном Израилевым память пред Господем, еже умоляти о душах ваших. 17 И рече Господь Моисею, глаголя: 18 сотвори умывалницу медяну и стояло ей медяно, еже умыватися, и да поставиши ю между скинию свидения и между олтарем, и да влиеши в ню воду: 19 и да умывает Аарон и сынове его из нея руки своя и ноги водою: 20 егда входят в скинию свидения, да омыются водою, и не умрут: или егда приходят ко олтарю служить и приносяти всесожжения Господу, 21 умывают руце и нозе водою, егда входят в скинию свидения, да не умрут, и да будет им законно вечно, ему и родом его по нем. 22 И рече Господь к Моисею, глаголя: 23 и ты возми ароматы, цвет смирны избранныя пять сот сиклев, и киннамома благовонна пол сего, двести пятьдесят, и трости благовонныя двести пятьдесят, 24 и касыи пять сот сиклев святого, и елеа от маслин (меру) ин, 25 и сотвориши сей елей помазание святое, миро помазательное художеством мирварца: елей помазание святое будет, 26 и да помажеш от него скинию свидения, и кивот скинии свидения, 27 и вся сосуды ея, и светилник и вся сосуды его, и олтарь кадилный, 28 и олтарь всесожжения и вся его сосуды, и трапезу и вся ея сосуды, и умывалницу и стояло ея, 29 и освятиши я, и будут святая святых: всяк прикасайся им освятится: 30 и Аарона и сыны его помажеш, и освятиши я священнодействовати Мне: 31 и сыном Израилевым да речеши, глаголя: елей масть помазания свят да будет сей вам в роды ваша: 32 плоть человека да не помажется (им), и по сложению сему да не сотворите сами себе иного сице: свят есть и освящение будет вам: 33 иже аще сотворит сице, и иже аще даст от него иноплеменику, потребится от людей своих. 34 И рече Господь к Моисею: возми себе ароматы, стакти, онаих и

халвана благовонна и ливана чистаго: все то в равну меру да будет: 35 и да сотворят в нем фимиам мирварный, дело мирварца смешеное, чисто, дело сто: 36 и раздробиши от сих по тонку, и положиши прямо свидению в скинии свидения, отнюдуже познан буду тебе тамо: святое святых будет вам фимиам: 37 по сложению сему да не сотворите себе сами, освящение будет вам от Господа: 38 иже аще сотворит сице, еже обоняти от него, погибнет душа того от людей своих.

31 И рече Господь к Моисею, глаголя: 2 се, нарекох именем Веселеила сына Урии, сына Орова, от племени Иудина, 3 и наполних его Духом Божиим премудрости и смышления и ведения, во всяком деле разумети 4 и архитектонствовати, делати злато и сребро и медь, и синету и багрянцу, и червленицу прядену и виссон сканый, 5 и каменное дело, и различная древоделства делати во всех делех: 6 и Аз дах его и Елиава сына Ахисамахова от племени Данова, и всякому смысленному сердцем дах смысл, и потрудятся, и сотворят вся, елика заповедах тебе: 7 скинию свидения и кивот завета, и очистилище еже верху его, и утварь скинии, 8 и жертвенники, и трапезу и вся сосуды ея, и светилник чистый и вся сосуды его, 9 и умывалницу и стояло ея, 10 и ризы служебныя Аароновы и ризы сынов его, еже священнодействовати Мне, 11 и елей помазания, и фимиам сложения святого: по всем, елика заповедах тебе, сотворят. 12 И рече Господь к Моисею, глаголя: 13 и ты заповеждь сыном Израилевым, глаголя: смотрите и субботы Моя сохраните: есть бо знамение между Мною и вами в роды ваша, да увесте, яко Аз Господь освящай вас: 14 и сохраните субботу, яко свята сия есть Господу и вам: осквернивый ю смертию умрет: всяк, иже сотворит в ню дело, потребится душа та от среды людей своих: 15 шесть дней да сотвориши дела, в день же седмый суббота, покой свят Господу: всяк, иже сотворит дело в седмый день, смертию умрет: 16 и да сохранят сынове Израилевы субботы держати я в роды их: 17 завет вечен во Мне и в сынех Израилевых, знамение есть во мне вечно: яко в шести днех сотвори Господь небо и землю, в седмый же день преста, и почи. 18 И даде (Бог) Моисею, егда преста глаголя ему на горе Синайстей, две скрижали свидения, скрижали каменны написаны перстом Божиим.

32 И видевше людие, яко умедли Моисей снати с горы, восташа людие на Аарона и глаголаша ему: востани и сотвори нам боги, иже пойдут пред нами: Моисей бо сей человек, иже изведе нас от земли Египетския, не вемы, что бысть ему. 2 И рече им Аарон: измите усерязи златыя, яке во ушесех жен ваших и дщерей, и принесите ко мне. 3 И изыша вси людие усерязи златыя, яке во ушесех жен их, и принесоша ко Аарону. 4 И взя от рук их и слиа их делом литым, и сотвори им телца литаго. И рекоша: сии бози твои, Израилю, иже изведоша тя из земли Египетския. 5 И видев Аарон, созда олтарь прямо ему, и проповеда Аарон, глаголя: праздник Господнь утре. 6 И обутрневав наутрие, вознесе всесожжения и принесе жертву спасения. И седоша людие

ясти и пити и восташа играти. 7 И рече Господь к Моисею глаголя: иди скоро, сниди отсюда, беззаконноваша бо людие твои, иже извел еси из земли Египетския: 8 преступиша с пути скоро, егоже заповедал еси им: сотвориша себе телца, и поклонишася ему, и пожроша ему, и реша: 9 сии бози твои, Израилю, иже изведоша тя из земли Египетския: 10 и ныне остави Мя, и возярился гневом на ня, потреблю их, и сотворю тя в язык велик. 11 И помолися Моисей пред Господем Богом и рече: вскую, Господи, яришися гневом на люди Твоя, иже извел еси из земли Египетския крепостию великою и мышцею Твоею высокою? 12 Да не когда рекут Египтяне, глаголюще: с лукавством изведе их погубити в горах и потребити их от земли: утоли гнев ярости Твоя и милостив буди о злобе людей Твоих, 13 помянув Авраама и Исаака и Иакова, Твоя рабы, иже клялся еси Собою, и рекл еси к ним, глаголя: зело умножу семя ваше, яко звезды небесныя множеством, и всю сию землю, юже рекл еси дати семени их, и обладают ею во веки. 14 И умилостивися Господь о зле, еже рече сотворити людем Своим. 15 И возвратився Моисей, сниде с горы: и две скрижали свидения в руку его, скрижали каменны написаны от обою страну их, сюду и сюду быша написаны: 16 и скрижали дело Божие быша, и написание, написание Божие изваяно на скрижалех. 17 И услышав Иисус глас людей кричащих, рече к Моисею: глас ратный в полце. 18 И рече Моисей: несть глас начинающих одолевати, ниже глас начинающих бежати, но глас начинающих напиватися вином аз слышу. 19 И егда приближашеся к полку, узре телца и лики: и возярился гневом Моисей, поверже из руку своєю обе скрижали, и сокруши я под горою: 20 и взял телца, егоже сотвориша, сожже его во огни и сотре его подробну, и разсыпа его по воде, и напои ею сыны Израилевы. 21 И рече Моисей Аарону: что сотвориша тебе людие сии, яко навел еси на них грех велик? 22 И рече Аарон к Моисею: не гневайся, господине: ты бо веси людий сих устремление. 23 Глаголаша бо ми: сотвори нам боги, иже пойдут пред нами: Моисей бо сей человек, иже изведе ны от Египта, не вемы, что бысть ему: 24 и рекох им: иже имать злато, измите: и изыша, и даша мне, и ввергох е во огонь, и излилася телец сей. 25 Видев же Моисей люди, яко разделишася, раздели бо их Аарон в порадование супостатом их: 26 ста же Моисей во вратех полка и рече: аще кто есть Господнь, да идет ко мне. Снидошася убо к нему вси сынове Левиины. 27 И рече им: сия глаголет Господь Бог Израилев: препояшите кийждо свой меч при бедре и пройдите, и возвратитесь от врат до врат сквозе полк, и убийте кийждо брата своего и кийждо ближняго своего и кийждо соседа своего. 28 И сотвориша сынове Левиины, якоже глагола им Моисей: и паде от людий в той день до трех тысяч мужей. 29 И рече им Моисей: наполните руки ваша днесь Господу, кийждо в сыне своем и в брате своем, да дастся на вас благословение. 30 И бысть на утрие, рече Моисей к людем: вы согрешисте грех велик: и ныне възду к Богу, да умолю о гресе вашем. 31 И возвратися Моисей ко Господу и рече: молюся ти, Господи: согреша людие сии грех велик и сотвориша себе боги

златы: 32 и ныне, аще убо оставиши им грех их, остави: аще же ни, изглади мя из книги Твоя, в ноже вписал еси. 33 И рече Господь к Моисею: аще кто согрешит предо Мною, изгладу его из книги Моея: 34 ныне же иди, сниди и возведи люди сия на место, еже рех тебе: се, Ангел Мой предидет пред лицем твоим: в онже день присещу, наведу на них грех их. 35 И порази Господь люди за сотворение телца, егоже сотвори Аарон.

33 И рече Господь к Моисею: предиди, възди отсюда ты и людие твои, иже извел еси от земли Египетския на землю, екоже кляхся Аврааму и Исааку и Иакову, глаголя: семени вашему дам ю: 2 и посю купно Ангела Моего пред лицем твоим, и изженет Хананеа, Аморреа и Хеттеа, и Ферезеа и Гергесеа, и Евеа и Иевусеа: 3 и введу тя в землю текущую млекою и медом: Сам бо не пойду с тобою, яко людие жестоковыйнии суть, да не убюю тебе на пути. 4 И услышавше людие слово сие страшное, восплакашася в плачевных (ризах). 5 И рече Господь к Моисею: глаголи сыном Израилевым: вы людие жестоковыйнии, блюдитесь, да не язву другую наведу на вы и потреблю вы: ныне убо съмите ризы славы вашей и утварь, и покажу, яже сотворю вам. 6 И отяша сынове Израилевы утварь свою и ризы от горы Хорива. 7 И взял Моисей кущу свою, потче ю вне полка, далече от полка, и прозвася скиния свидения: и бысть, всяк възыскауй Господа исхождаше в скинию, еже вне полка. 8 Егда же вхождаше Моисей в скинию вне полка, стояху вси людие смотряще кийждо пред дверми кущи своя, и зряху отходящу Моисею даже внити ему в скинию. 9 Егда же вниде Моисей в скинию, сниде столп облачный и ста пред дверми скинии, и глагола (Господь) Моисею. 10 И видяху вси людие столп облачный стоящ пред дверми скинии: и ставше вси людие, поклонишася кийждо из дверей кущи своя: 11 и глагола Господь к Моисею лицом к лицу, якоже аще бы кто возлагал к своему другу, и отпущаеся в полк: слуга же Иисус, сын Навин, юноша не исхождаше из скинии. 12 И рече Моисей ко Господу: се, Ты мне глаголеши: изведи люди сия: Ты же не явил ми еси, кого послещи со мною: Ты же мне рекл еси: вем тя паче всех и благодать имаши у Мене: 13 аще убо обретох благодать пред Тобою, яви ми Тебе самаго, да разумно вижду тя, яко да обрет буду благодать пред Тобою, и да познаю, яко людие Твои язык велик сей. 14 И глагола (ему Господь): Аз Сам предиду пред тобою и упокою тя. 15 И рече к Нему Моисей: аще Сам Ты не идиши с нами, да не изведеш мя отсюда: 16 и како ведомо будет воистинну, яко обретох благодать у Тебе аз же и людие Твои, точию идущу Ти с нами? И прославлен буду аз же и людие Твои паче всех язык, елицы суть на земли. 17 Рече же Господь к Моисею: и сие тебе слово, еже рекл еси, сотворю: обрел бо еси благодать предо Мною, и вем тя паче всех. 18 И глагола Моисей: покажи ми славу Твою. 19 И рече (Господь к Моисею): Аз предиду пред тобою славою Моею и воззову о имени Моем, Господь пред тобою: и помилую, егоже аще милую, и ущедрю, егоже аще щедрую. 20 И рече: не возможеши видети лица Моего: не бо узрит человек лице Мое, и жив будет. 21 И рече Господь: се, место у Мене, и

станеша на камени: 22 егда же преидет слава Моя, и положу тя в разселине камене, и покрыю рукою Моею над тобою, дондеже мимоиду: 23 и отиму руку Мою, и тогда узриши задняя Моя: лице же Мое не явится тебе.

34 И рече Господь к Моисею: истеша себе две скрижали каменны, якоже и первая, и възды ко Мне на гору: и напишу на скрижалех словеса, яже бяху на скрижалех первых, яже сокрушил еси: 2 и буди готов заутра, и възыдеши на гору Синайскую и предстанеша Мне тамо на версе горы: 3 и да никтоже въздет с тобою, ниже да явится на всей горе: и овцы и говяда да не пасутся близ горы тоя. 4 И истеса две скрижали каменны, якоже и первая: и утренневав Моисей заутра, възде на гору Синайскую, якоже завеща ему Господь: и взя Моисей с собою две скрижали каменныя. 5 И сниде Господь во облаце, и предста ему тамо Моисей, и призва именован Господним. 6 И мимоиде Господь пред лицем его и воззва: Господь, Господь Бог щедр и милостив, долготерпелив и многомилостив и истинен, 7 и правду храняй, и творяй милость в тысящи, отемляй беззакония и неправды и грехи, и повиннаго не очистит, наводяй грехи отцев на чада, и на чада чад, до третияго и четвертаго рода. 8 И потщався Моисей, приник на землю, поклонися Богу 9 и рече: аще обретох благодать пред Тобою, да идет Господь мой с нами: людие бо жестоковыйнии суть: и отимеша ты грехи наша и беззакония наша, и будем Твои. 10 И рече Господь к Моисею: се, Аз полагаю тебе завет пред всеми людьми твоими, и сотворю славная, яже не быша по всей земли и во всех языцех: и узрят вси людие, в нихже еси ты, дела Господня, яко чудна суть, яже Аз сотворю тебе: 11 внемли ты вся, елика Аз завещаю тебе: се, Аз изжену пред лицем вашим Аморреа и Хананеа, и Хеттеа и Ферезеа, и Евеа и Гергесеа и Иевусеа: 12 внемли себе, да не когда завещаеши завет сидящим на земли, в нуже внидеши, да не будет соблазн в вас: 13 капища их разорите и кумиры их сокрушите, и дубравы их посещите, и изваяная богов их сожжете огнем, 14 не бо поклонитесь богом иным: ибо Господь Бог ревниво имя, Бог ревнив есть: 15 да не когда завещаеши завет сидящим на земли, и соблюдат вслед богов их, и пожрут богом их, и призовут тя, и снеси от жертв их: 16 и поймеша от дочерей их сыном твоим, и от дочерей твоих даси сыном их, и соблюдат дщери твоя вслед богов их, и сынове твои соблюдат вслед богов их: 17 и богов слияных да не сотвориши себе: 18 и праздник опресночный да сохраниши: семь дней да яси опресноки, якоже заповедах тебе, во время в месяце новых плодов: в месяце бо новых плодов изшел еси от земли Египетския: 19 всяко разверзающее ложесна мужеск Мне пол (да будет), всяко первородное телца и первородное овцы: 20 и первородное осляте искупиши овцею: аще же не искупиши е, цену да даси его: всякаго первенца от сынов твоих да искупиши, да не явишия предо Мною тощ: 21 в шесть дней да делаеши, в седмый же день да почиши, от сеятвы и жатвы да почиши, 22 и праздник седмич да сотвориши ми, начало жатвы пшеницы, и праздник собрания посреде

лета: 23 в три времена лета да явится всяк мужеск пол твой пред Господем Богом Израилевым: 24 егда бо изжену языки от лица твоего и разширю пределы твоя, никтоже възжелает земли твоя, егда приидеши явитися пред Господем Богом твоим в три времена лета: 25 да не заколещи с квасом крове жертв Моих, и да не прележит до утрия жертва праздника Пасхи: 26 первородная жит земли твоя да внесеши в дом Господа Бога твоего: да не свареши агнца во млеце матере его. 27 И рече Господь к Моисею: напиши себе словеса сия, в словесех бо сих положиж тебе завет и Израилю. 28 И бе тамо Моисей пред Господем четьредесять дней и четьредесять ноцей: хлеба не яде и воды не пи: и написа (Моисей) на скрижалех словеса сия завета, десять словес. 29 Сходящу же Моисею с горы Синайския, и обе скрижали в руку Моисею: сходящу же ему с горы, и Моисей не ведаше, яко прославися зрак плоти лица его, егда глаголаше с ним. 30 И виде Аарон и вси сынове Израилевы Моисеа, и баше прославлен зрак плоти лица его: и убояшася приступити к нему. 31 И воззва их Моисей, и обратишася к нему Аарон и вси князи сонма: и глагола Моисей к ним. 32 И по сих приидоша к нему вси сынове Израилевы: и заповеда им вся, елика глагола к нему Господь на горе Синайстей. 33 И егда преста глаголя к ним, возложи на лице свое покров. 34 Егда же вхождаше Моисей пред Господа глаголати к Нему, снимаше покров, дондеже исхождаше: и изшед глаголаше ко всем сыном Израилевым, елика заповеда ему Господь. 35 И видеша сынове Израилевы лице Моисеово, яко прославися: и возглагаше Моисей покров на лице свое, дондеже внидет глаголати с Ним.

35 И собра Моисей весь сонм сынов Израилевых и рече к ним: сия словеса, яже глагола Господь творити я: 2 шесть дней сотвориши дела, в день же седмый почиши, свята суббота, покой Господу: всяк творяй дело в ню, да умрет: 3 да не возгнетите огня во всех домох ваших в день субботный: Аз Господь. 4 И рече Моисей ко всему сонму сынов Израилевых, глаголя: сие слово, еже завеща Господь глаголя: 5 возьмите от себе самих участие Господу: всяк по воли сердца своего да принесет начатки Господу, злато, сребро, медь, 6 синету, багряницу, червленицу сугубу спрядену, и виссон сканый и волну козию, 7 и кожи овни очервлены, и кожи сини, и дрeвеса негниюща, 8 и елей во свещение, и фиимаам в елей помазания, и в словение фиимаама: 9 и камени сардийски, и камени в ваение на ризу верхнюю и на подир: 10 и всяк премудрый сердцем в вас шед да делает вся, елика заповеда Господь: 11 скинию и завесы, и покровы и разворы, и колки и верей, и столпы и стояла: 12 и кивот свидения и носила его, и очистилище его и завесу, (и опоны двора, и столпы его, и камени смарагдовы, и фиимаам и елей помазания,) 13 и трапезу и носила ея, и вся сосуды ея, и хлебы предложения, (и олтарь и вся сосуды его,) 14 и светильник света и вся сосуды его, и светила его и елей светильный, 15 и олтарь кадилный и носила его, и елей помазания, и фиимаам сложения, и завесу дверий скинии, 16 и олтарь всеожжения, и огнище его медяно и носила его, и вся сосуды его, и умывальницу, и стояло ея, 17 и опоны двора,

и столпы его и стояла его, и завесу дверей двора, 18 и колки скинии, и колки двора, и ужу их: 19 и ризы святягы Аарона жерца, и ризы, в ниже служити имут во святем, и ризы сыном Аароновым священства (и елей помазания, и фимиам сложения). 20 И изыде весь сонм сынов Израилевых от Моисея. 21 И принесоша кийждо, яже возлюбил сердце их, и якоже возмнеся души их, принесоша участие Господу на вся дела скинии свидения, и на вся сосуды ея, и на вся ризы святягища: 22 и принесоша мужие от жен своих, кийждо, якоже помысли умом, принесоша печати и усерзия, и перстни и пленицы, и мониста и всяк сосуд злат: и вси елицы принесоша участие злата Господу, 23 и всяк у негоже обретеса синета и багряница, и червленица и виссон, и кожи сини и кожи сини очервлены, (и кожи козия) принесоша: 24 всяк отделяя участие, серебро и медь, принесоша участия Господу: и у ниже обретошася дресева негниющая, на вся соделования сосудов принесоша: 25 и всяка жена мудрая умом рукама прясти, принесе пряденая, синету и багряницу и червленицу и виссон: 26 и вся жены, имже возлюбися во уме их, хитростию спрядоша волну козию: 27 и князи принесоша камени смарагдовы и камени на совершение ризе верхней, и на слово, 28 и на сложение, и на елей помазания, и на сложение фимиама: 29 и всяк муж, или жена, имже наносяше ум их, шведшим творити вся дела, елика заповеда Господь творити я Моисеом, принесоша сынове Израилевы участие Господу. 30 И рече Моисей сыном Израилевым: се, нарече Бог именем Веселеила сына Уриина, сына Орова, от племени Иудина, 31 и наполни его Духа Божия, премудрости и разума, и умений всех, 32 архитектонствовати во всех делесех древоделания, творити злато и серебро и медь, 33 и ваяти камени, и делати древо, и творити по всему делу премудрости: 34 и преуспевати даде во уме ему и Елиаву Ахисамахову, от племени Данова: 35 и наполни их премудрости, ума, еже разумети творити вся дела святяги, ткания и пестрения ткати червленицею и багряницею и виссоном, творити всякое дело художества различна.

36 И сотвори Веселеил и Елиав, и всяк мудрый умом, емуже дана есть премудрость и хитрость в них, разумети творити вся дела, яже ко святяги надлежащая, по всем, елика заповеда Господь. 2 И призва Моисей Веселеила и Елиава и вся имущия премудрость, имже даде Бог разум в сердцах, и вся волею хотащия приходитьи к делам, еже совершати я: 3 и взяша от Моисея вся участия, яже принесоша сынове Израилевы на вся дела святяги творити я: и тии приимаху еще приносимая от приносящих заутра заутра. 4 И приходяху вси мудрии, иже творяху дела святяги, кийждо по своему делу, еже сами делаху: 5 и рекоша Моисею, яко много приносят людие свыше дел, елика заповеда Господь сотворити. 6 И повеле Моисей, и проповеда в полце, глагола: муж и жена кому да не делают на начатки святяги. И возбранени быша людие кому приноситьи. 7 И дела быша им доволна на строение творити, и преизбыша. 8 И сотвори всяк премудрый в делающих ризы святяги, яже суть Аарону иерею, якоже заповеда

Господь Моисею. 9 И сотвориша ризу верхнюю от злата и синеты, и багряницы и червленицы прядены и виссона сканаго: 10 и изрезаша дщицы златы аки власы, еже соткати с синетою и с багряницею, и с червленицею пряденою и с виссоном сканым: дело тканое сотвориша е. 11 Ризы верхния придержащяся от обоих стран, 12 дело тканно, между собою сплетено: от него сотвориша е по его творению, от злата и синеты, и багряницы и червленицы спрядены и виссона сканаго, якоже заповеда Господь Моисею. 13 И сотвориша оба камени смарагдовы состеганы вервию и обложены златом, изваяны и вырезаны ваянием печати, от имен сынов Израилевых: 14 и возложиша я на рамена ризы верхния камени в память сынов израилевых, якоже заповеда Господь Моисею. 15 И сотвориша слово, дело тканно пестротою, по делу ризы верхния, от злата и синеты, и багряницы и червленицы спрядены и виссона сканаго, 16 четвероуголно сугубо сотвориша логион пяди в долготу, и пяди в широту, сугубо: 17 и сшиста на нем швением по три камени четырьмя рядами: ряд камней: сардий и топазий и смарагд, ряд един: 18 и ряд второй, анфракс и сапфир и наспис: 19 и ряд третий, лигирий и ахат и амефист: 20 и ряд четвертый, хрисиоф и вириллий и онихий, окованы около златом и всаждени в злате: 21 и камени бяху от имен сынов Израилевых дванадесять, по именам их изваяно в печати, кийждо своим именем в дванадесять племен. 22 И сотвориша над логионом тресны сплетены, дело плетеное от злата чиста: 23 и сотвориша два щитца злата и два колца злата, и возложиша два колца злата на оба конца логиона: 24 и вложиша плетеницы златы в колца, со обоих стран логиона, 25 и в два сложения две плетеницы, и возложиша на два щитца: и возложиша на рамена ризы верхния, противу лицом к лицу. 26 И сотвориша два колца злата, и возложиша на два крила на край логиона, и на край создади верхния ризы, внутрьду: 27 и сотвориша два колца злата, и положиша на оба рамена ризы верхния с низу его на лице по согбеню свыше состава ризы верхния: 28 и стягнуша логион колцами, яже на нем, с колцами верхния ризы сложеными, из синеты сплетенными, во ткание ризы верхния, да не низпускается логион от ризы верхния, якоже заповеда Господь Моисею. 29 И сотвориша исподнюю ризу, яже под верхнюю, дело тканно, все синее: 30 ожерелие же во внутренней ризе, на среде швенно, сплетено, ометы имущо около ожерелие неразлучено. 31 И сотвориша на омете ризы внутренния долу яко процветающаго шипка пугвицы от синеты и багряницы, и червленицы прядены и виссона сканаго. 32 И сотвориша звонцы златы, и возложиша звонцы на ометы ризы внутренния окрест между пугвицами: 33 звонец злат и пугвица на омете внутренния ризы окрест, к служению, якоже повеле Господь Моисею. 34 И сотвориша ризы виссонныя дело тканно, Аарону и сыном его, 35 и клобуки из виссона, и увясло из виссона, и надраги из виссона сканаго, 36 и поясы их из виссона и синеты, и багряницы и червленицы прядены, дело пестрящаго, якоже заповеда Господь Моисею. 37 И сотвориша дщицу злату, отделение святяги от злата чиста, и написаша на

ней писмена изваяна печатию: освящение Господу: 38 и возложиша ю на омет синь, еже бы лежати на увясле свыше, якоже заповеда Господь Моисею.

37 И сотвориша скинии десять опон: 2 двадцать и осмь лакот долготы единыя опоны, таяжде бяше всем, и четырех лакот широта опоны единыя. 3 И сотвориша завесу от синеты и багряницы, и червленицы спрядены и виссона сканаго, дело швенно херувимы: 4 и возложиша ю на четыре столпы негниющыя позлащены златом, и верхи их златы, и стояла их четыре сребряна. 5 И сотвориша завесу дверем скинии свидения от синеты и багряницы, и червленицы спрядены и виссона сканаго, дело швенно херувимы, 6 и столпы их пять и крючки их: и главицы их и верхи их позлатиша златом, и стояла их пять медяна. 7 И сотвориша двор к югу, опоны двора из виссона сканаго, сто на сто: 8 и столпы их двадцать, и стояла их двадцать медяна: 9 и страна к северу, сто на сто: и страна к югу, сто на сто, и столпы их двадцать, и стояла их двадцать медяна: 10 и страна к югу, опоны пятидесят лактей, столпы их десять, и стояла их десять: 11 и страна к востоку пятидесят лактей, 12 опоны пятинадцати лактей, яже создади, и столпы их три, и стояла их три. 13 И на второй задней стране сюду и сюду у дверей двора, опоны пятинадцати лактей: столпы их три, и стояла их три. 14 Вся опоны скинии из виссона сканаго, 15 и стояла столпов их медяна, и петли их сребряны, и главицы их посребрены сребром, и столпы их посребрены сребром, вси столпы двора. 16 И завеса дверей двора дело пестрящаго, из синеты и багряницы, и червленицы прядены и виссона сканаго: двадцати лактей долготы, и высота и широта пяти лактей, равны опонам двора: 17 и столпы их четыре, и стояла их четыре медяна, и петли их сребряны, и главицы их посребрены сребром: 18 и вси колки двора около медяны, и тии посребрены сребром. 19 И сие сочинение скинии свидения, якоже заповедано бысть Моисею, служению быти левитов чрез Ифамара сына Аарона иереа: 20 и Веселеил, сын Уриев, от племени Иудина, сотвори, якоже заповеда Господь Моисею, 21 и Елиав, сын Ахисамахов, от племени Данова, иже созидаше тканья вещи и швеня и пестря, еже ткати из червленицы и виссона.

38 И сотвори Веселеил кивот 2 и позлати его златом чистым внутрюду и внеуду, 3 и сотвори ему злат обводу обоюду: и слия ему четыре колца злата на четыре страны его: два на стране единой, и два на стране друзей, 4 широки носилам, яко носити его ими. 5 И сотвори очистилище над кивотом от злата чиста, 6 и два херувима златы: 7 херувима одинаго на стране очистилища, и херувима втораго на стране второй очистилища, 8 осеняющыя крилами своими над очистилищем. 9 И сотвори трапезу предложения от злата чиста, 10 и слия ей четыре колца злата: два колца на стране единой, и два колца на стране второй, широки яко носити носилами в них. 11 И носила кивоту и трапезе сотвори, и позлати их златом. 12 И сотвори сосуды трапезе, блюда и фимиамники, и чашы златы и возливалники, имиж

возливати будет, от злата. 13 И сотвори светилник, еже светити, златый, крепок стеблом, 14 и ветви от обоих стран его: 15 и от ветвий его отрасли исходящыя, три от единыя и три от вторыя страны, равны друг другу: 16 и светила их, яже на верху их, во образ ореха, от них: и цветцы от них, (и крузи их,) да будут светила на них: и цветец седмый, иже на краю светила, на верху свыше, крепкий весь злат: 17 и седмь светил на нем златых, и щипцы его златыя, и подставы их златы. 18 Сей посребри столпы и слия столпом колца злата, и позлати вереи златом, и позлати столпы завесе златом, и сотвори петли златы: 19 сей сотвори и крючки скинии златы, и крючки двора, и крючки на распространение завесы свержу медяны: 20 сей слия главицы сребряны скинии, и главицы медяны дверей скинии, и двери двора, и петли сотвори сребряны на столпах: сей посребри их: 21 сей сотвори колки скинии и колки двора медяны. 22 сей сотвори олтарь медян из кадилниц медяных, яже быша мужем вскрамолившимся с Кореовым сонмищем: 23 сей сотвори вся сосуды олтаря и кадилник его, и стояло его и чашы, и вилицы его медяны: 24 сей сотвори олтарю окрест обложение делом мрежным, снизу огнищя под ним даже до среды его, и положи на нем четыре колца от четырех стран обложения олтаря медяны, широки носилам, еже носити олтарь на них: 25 сей сотвори елей помазания святой, и сложение фимиама, дело чистое мироварца: 26 сей сотвори умывалницу медяну и стояло ея медяно из зеркал постниц, яже постишася у дверей скинии свидения, в оньже день постави ю: 27 и сотвори умывалницу, да омывают из нея Моисей и Аарон и сынове его руже свои и нозе, входящим им в скинию свидения: или егда приходят ко олтарю служити, омывахуся из нея, якоже заповеда Господь Моисею.

39 Все злато, еже соделано бысть в деле по всякому деланию святых, бяше злата начатков двадцать девять талантов и седмь сот тридцать сиклев, по сиклю святому: 2 и сребра участие от исчисленных мужей сонма, сто талантов и тысяща семь сот семьдесят пять сиклев: 3 драхма едина с главы пол сикля, по сиклю святому: всяк приходя к пресмотрению от двадцати лет и вышше, на шестьдесят тем и на три тысящы пять сот и пятьдесят. 4 И быша сто талант сребра на слияние ста главиц скинии и на главицы завесныя, сто главиц на сто талант, талант на главицу: 5 и тысящу седмь сот семьдесят пять сиклев сотвори на петли столпам, и позлати главицы их, и украси я. 6 И медь участия, семьдесят талант и две тысящы и четыреста сиклев. 7 И сотвориша из нея стояла дверная скинии свидения, 8 и стояла двора окрест, и стояла дверей двора, и колки скинии, и колки двора окрест, 9 и обложение медяно окрест олтаря, и вся сосуды олтаря, и вся орудия скинии свидения. 10 И сотвориша сынове Израилевы, якоже заповеда Господь Моисею, тако сотвориша. 11 От избышка же злата участия сотвориша сосуды, еже служити в них пред Господем: 12 и от оставших синеты и багряницы, и червленицы и виссона, сотвориша ризы служебныя Аарону, еже служити в них во святыхи. 13 И принесоша ризы

к Моисею, и скинию и сосуды ея, и веревя ея и столпы и стояла ея, 14 и кивот завета и носила его, 15 и олтарь и вся сосуды его, и елей помазания и фимиам сложения, 16 и светильник чистый и светила его, светила вжигания и елей светения: 17 и трапезу предложения и вся сосуды ея, и хлебы предложенныя: 18 и ризы святых, яже суть Аарони, и ризы сынов его на жречество: 19 и опоны двора, и столпы, и стояла его, и завесу дверей скинии и дверей двора: и вся сосуды скинии и вся орудия ея: 20 и покровцы кожи овни очервлены, и покровы кожи синия, и прочих опоны: 21 и колки, и вся орудия на дела скинии свидения: 22 елика заповеда Господь Моисею, тако сотвориша сынове Израилевы все устроение. 23 И виде Моисей вся дела, и бяху сотворена та, якоже заповеда Господь Моисею, тако сотвориша я, и благослови их Моисей.

40 И рече Господь к Моисею, глаголя: 2 в день первый месяца перваго, в новомесячии поставиши скинию свидения: 3 и да положиши кивот свидения, и покроеши кивот завесою: 4 и внесеши трапезу, и предложиши предложение ея: и внесеши светильник, и поставиши светила его: 5 и положиши олтарь златый, в каждение пред кивотом свидения, и возложиши покров завесы над дверию скинии свидения: 6 и олтарь приношений поставиши у дверей скинии свидения, 7 и поставиши умывальницу между скиниею свидения и между олтарем, и влиеши в ню воду: 8 и поставиши двор окрест и даси завесу дверей двора: 9 и возмеш елей помазания и помажеш скинию и вся яже в ней, и освятиши ю и вся сосуды ея, и будут свята: 10 и да помажеш олтарь приношений и вся сосуды его, и освятиши олтарь, и будет олтарь святой святых: 11 и помажеш умывальницу и стояло ея и освятиши ю: 12 и да приведеш Аарона и сынов его пред двери скинии свидения и измыеши их водою: 13 и да облечеши Аарона в ризы святых и помажеш его, и освятиши его, и да жрет Мне: 14 и сыны его да приведеш и облечеши я в ризы, 15 и да помажеш я, якоже помазал еси отца их, да жрут Мне: и будет, еже быти им помазанию жречества во век, в роды их. 16 И сотвори Моисей вся, елика заповеда ему Господь, сице сотвори. 17 И бысть в первый месяц во второе лето исходящим им от Египта, в новомесячии ста скиния. 18 И постави Моисей скинию, и подложи стояла ея, и возложи главицы, и вложи разворы, и постави столпы, 19 и простре опоны на скинию, и возложи покрывало скинии на ню с верху, якоже заповеда Господь Моисею: 20 и взял свидения, вложи в кивот, и подстави ноги под кивотом, и возложи очистилище над кивотом: 21 и внесе кивот в скинию, и возложи покров завесы, и закры кивот свидения, якоже заповеда Господь Моисею: 22 и постави трапезу в скинии свидения, на страну скинии свидения, яже к северу, внеуду завесы скинии: 23 и возложи на ню хлебы предложения пред Господем, якоже заповеда Господь Моисею: 24 и постави светильник в скинии свидения прямо трапезы, на страну скинии, яже к югу: 25 и постави свещники его пред Господем, якоже заповеда Господь Моисею: 26 и постави олтарь

златый в скинии свидения противу завесы, 27 и покади над ним фимиамом сложения, якоже заповеда Господь Моисею: 28 и положи завесу дверей скинии, 29 и олтарь приношений постави у дверей скинии покрову свидения, и вознесе на нем всесожжение и жертву, якоже заповеда Господь Моисею: 30 и сотвори умывальницу между скиниею свидения и между жертвенником, 31 и влиа в ню воду, да умывают от нея Моисей и Аарон и сынове его руки своя и ноги, входящим им в скинию свидения: 32 или приходяще к жертвеннику служити, умывахуся от нея, якоже заповеда Господь Моисею: 33 и постави двор окрест скинии и олтаря и положи завесу двора. И сконча Моисей вся дела. 34 И покры облак скинию свидения, и славы Господни исполнися скиния, 35 и не можаше Моисей внити в скинию свидения, яко осеняше над нею облак, и славы Господни исполнися скиния: 36 егда же восхождаше облак от скинии, воздвизахуся сынове Израилевы со имением своим: 37 аще же не възыде облак, не воздвизахуся даже до дне, в онже възыдет облак: 38 облак бо Господн бяхе над скиниею в день, и огонь бяхе над нею в ночь пред всем Израилем во всех путешествиих их.

Левит

1 И воззва Господь Моисея, и рече ему из скинии свидения, глаголя: 2 глаголи сыном Израилевым, и речеши к ним: человек от вас аще принесет дары Господу, от скотов и от говяд и от овец да принесете дары ваша: 3 аще всесожжение дар его, от говяд мужеск пол непорочен принесет, пред дверии скинии свидения да принесет е приятно пред Господем, 4 и да возложит руку на главу приношения, приятно ему, умилостивити о нем: 5 и да заколют телца пред Господем: и да принесут сынове Аароновы жерцы кровь, и да пролиют кровь на олтарь окрест, иже у дверей скинии свидения, 6 и одравше всесожжение, да раздробят е на уды, 7 и да возложат сынове Аарони жерцы огонь на олтарь, и да вскладут дрова на огонь: 8 и да вскладут сынове Аарони жерцы раздробленая, и главу, и тук на дрова сущая на огни яже на олтари, 9 утробу же и ноги да измыют водою: и да возложит жрец вся на олтарь: приношение есть жертва, воня благоухания Господу. 10 Аще же от овец дар свой Господви (принесет) от агнец и от козлиц во всесожжение, мужеск пол непорочен да принесет и, 11 и да возложит руку на главу его, и да заколют е в стране олтаря к северу пред Господем: и да пролиют сынове Аарони жерцы кровь его на олтарь окрест: 12 и да раздробят его на уды, и главу, и тук его, и да вскладут я жерцы на дрова сущая на огни яже на олтари, 13 и утробу и ноги измыют водою: и принесет жрец вся, и да возложит на олтарь: приношение есть жертва, воня благоухания Господу. 14 Аще же от птиц приношение принесет дар свой Господу, и принесет от горлиц или от голубов дар свой, 15 и да принесет и жрец ко олтарю, и да отторгнет главу его, и да возложит жрец на олтарь и исцедит кровь у стояла олтаря: 16 и да отлучит гортань с перием, и извергнет ю от олтаря на восток на место пепела: 17 и да изломит его от крил, и да не разделит: и да возложит е жрец на олтарь на дрова, яже на огни: приношение есть жертва, воня благоухания Господу:

2 Аще же душа принесет дар жертву Господу, мука пшенична да будет дар его, и да возлет на ню елей, и возложит на ню ливан: жертва есть: 2 и да принесет ю к сыном Аароним жрецем, и возмет от нея полную горсть муки пшеничны с елеем и весь ливан ея, и да возложит жрец память ея на олтарь: жертва воня благоухания Господу: 3 и останок от жертвы Аарону и сыном его: святое святых от жертв Господних. 4 Аще же принесет дар жертву печену в печи от муки пшеничны, хлебы пресны сопряжены с елеем и опресноки помазаны елеем. 5 Аще же жертва от сковрады дар твой, мука пшенична смешена со елеем, пресна да будут: 6 и да разломити я на укрупхи, и возлиши на на елей: жертва есть Господу. 7 Аще же жертву от огнища дар твой, мука пшенична с елеем да сотворена будет: 8 и принесет жертву, юже аще сотворит от сих Господу, и да принесет к жерцу: 9 и приступив ко олтарю, да отимет жрец от жертвы память ея, и да возложит жрец на олтарь: приношение воня благоухания Господу: 10 останок же от

жертвы Аарону и сыном его: святая святых от приношений Господу. 11 Всяку жертву, юже аще приносите Господу, не сотворите квасну: всяк бо квас и всяк мед да не принесете от него, еже приносити Господу дар. 12 От начатков да принесете я Господу: на олтарь же да не вознесутся в воню благоухания Господу. 13 И всяк дар жертвы ваша солию да осолится: да не оставите соли завета Господня от жертв ваших, во всяком даре вашем да принесете Господу Богу вашему соль. 14 Аще же принесеши жертву от начатков жит Господу, новы сопряжены зелены класы истлачены Господу, и принесеши жертву от начатков жит: 15 и да возлиеши на ню елей, и да возложити на ню ливан: жертва есть: 16 и да вознесет жрец память ея от сопряженных с елеем, и весь ливан ея: принос есть Господу.

3 Аще же жертва спасения дар его Господу, аще убо от говяд е принесет, аще мужеск пол или женск, непорочен да принесет и пред Господа: 2 и возложит руце свои на главу дара, и да заколет и пред Господем у дверей скинии свидения: и да возлиют сынове Аарони жерцы кровь на олтарь всесожжений окрест, 3 и да принесут от жертвы спасения принос Господу, тук покрывающий утробу, и весь тук иже на утробе, 4 и обе почки, и тук иже на них и иже на стегнах, и препонку, яже на печени, с почками отимет: 5 и да вознесут я сынове Аарони жерцы, на олтарь во всесожжения на дрова сущая на огни, яже на олтари: принос воня благоухания Господу. 6 Аще же от овец дар его жертва спасения Господу, мужеск пол или женск, непорочен да принесет, 7 аще агнца принесет дар свой, да приведет его пред Господа, 8 и да возложит руку на главу дара своего, и да заколет его у дверей скинии свидения: и да пролиют сынове Аарони жерцы кровь на олтарь окрест, 9 и да принесет от жертвы спасения принос Господу, тук и чресла чиста с лядвиями да отлучит и: и весь тук покрывающий утробу, и весь тук иже на утробе, 10 и обе почки, и тук иже на них, иже на стегнах: и препонку, яже на печени, с почками отемь, 11 да вознесет жрец на олтарь: воня благоухания, принос Господви. 12 Аще же от козлов дар его Господу, да принесет пред Господа: 13 и возложит руце на главу его, и да заколют е пред Господем у дверей скинии свидения: и да пролиют сынове Аарони жерцы кровь на олтарь около: 14 и да вознесет от него принос Господу тук покрывающий утробу, и весь тук иже на утробе, 15 и обе почки, и весь тук, иже на них, иже на стегнах, и препонку, яже на печени, с почками отлучит: 16 и да вознесет жрец на олтарь, принос воня благоухания Господу: весь тук Господу. 17 Законное в веки в роды ваша, во всяком обитании вашем: всякаго тука и всякия крове да не ясте.

4 И рече Господь к Моисею, глаголя. 2 Рцы к сыном Израилевым, глаголя: душа аще согрешит пред Господем не хотячи от всех повелений Господних, иже не леть есть творити, и сотворит едино что от них: 3 аще убо архиерей помазанный согрешит, во еже людем согрешити, и да приведет о гресе своем, имже согрешил, телца от говяд непорочна Господви от гресе: 4 и да приведет телца

к дверем скинии свидения пред Господа, и да возложит руку свою на главу телца пред Господем, и да заколет телца пред Господем: 5 и возьм жрец помазанный совершен руками от крове телца, и да внесет ю в скинию свидения, 6 и да омочит жрец перст в крови, и да покропит от крове седмижды перстом пред Господем, у завесы святыни: 7 и да возложит жрец от крове телчи на роги олтаря фимиама сложения иже пред Господем, иже есть в скинии свидения, и всю кровь телчу да излиет у стояла олтаря всесожжений, иже есть у дверей скинии свидения, 8 и весь тук телца, иже от гресе, да отимет от него, тук покрывающий утробу, и весь тук иже на утробе, 9 и обе почки, и тук иже на них, иже есть на стегнах, и препонку, яже на печени, с почками отимет е, 10 якоже отемлется оное от телца жертвы спасения, и да вознесет жрец на олтарь приношения: 11 и кожу телчу, и всю его плоть со главою, и с крайними частми, и со утробою, и с мотылы: 12 и да изнесут всего телца вне полка на место чисто, идеже изсыпают пепел, и да сожгут его на дровах огнем: на месте изсыпания пепела да сожен будет. 13 Аще же весь сонм сынов Израилевых согрешит не хотящ, и утаится глагол от лица сонма, и сотворят едину от всех заповедий Господних, еяже не леть есть творити, и согрешат, 14 и увестся им грех, имже согресиша в нем: и да приведет сонм телца от волов непорочна от гресе, и приведет и пред двери скинии свидения: 15 и да возложат старцы сонма руки своя на главу телца пред Господем, и да заколют телца пред Господем, 16 и да внесет жрец помазанный от крове телчи в скинию свидения, 17 и да омочит жрец перст свой в крови телчи, и да покропит седмижды пред Господем, пред завесою святыни: 18 и от крове да возложит жрец на роги олтаря фимиамов сложения, иже есть пред Господем, иже есть в скинии свидения: и всю кровь да излиет у стояла олтаря приношений, иже есть у дверей скинии свидения, 19 и весь тук его да возьмет от него, и вознесет на олтарь: 20 и сотворит телцу сему, якоже сотвори телцу, иже о гресе, тако сотворится: и да помолится от них жрец, и оставится им грех: 21 и да изнесут телца всего вне полка, и да сожгут телца, якоже сожгоша телца перваго: грех (бо) сонма есть. 22 Аще же князь согрешит, и сотворит едину от всех заповедий Господа Бога своего, не хотя, иже не леть есть творити, и согрешит, и преступит, 23 и увестся ему грех, имже согреси в нем: да принесет дар свой козла от коз мужеск пол непорочен греха ради, 24 и возложит руку свою на главу козла: и да заколют его на месте, идеже закалают всесожжения пред Господем: о гресе (бо) есть: 25 и да возложит жрец от крове, яже от гресе, перстом на роги олтаря всесожжений, и всю кровь его да излиет у стояла олтаря всесожжений, 26 и весь тук его вознесет на олтарь, якоже тук жертвы спасения: и да помолится о нем жрец греха ради его, и оставится ему. 27 Аще же душа едина согрешит не хотящи от людей земли, внегда сотворити едину от всех заповедий Господних, еже не леть есть творити, и согрешит, 28 и увестся ему грех, имже согреси в нем, и да принесется дар свой козу от коз женск пол непорочну, да принесет греха ради, имже согреси: 29 и

да возложит руку свою на главу греха своего: и заколют козу, яже греха ради, на месте, идеже закалают всесожжения: 30 и да возьмет жрец от крове ея перстом, и да возложит на роги олтаря всесожжений, и всю кровь ея излиет у стояла олтаря: 31 и весь тук да отимет, якоже отемлется тука от жертвы спасения, и да вознесет жрец на олтарь в воню благовония Господу: и да помолится жрец о нем, и оставится ему. 32 Аще же овцу принесет дар свой греха ради, женск пол непорочен да принесет ю: 33 и да возложит руку свою на главу яже о гресе, и да заколют ю греха ради на месте, на немже закалают всесожжения (на месте святе): 34 и возьм жрец от крове, яже о гресе, перстом своим, да возложит на роги олтаря всесожжения: и всю кровь ея да излиет у стояла олтаря всесожжения, 35 и весь тук ея да отимет, якоже отемлется тук овцы от жертвы спасения: и да возложит его жрец на олтарь на всесожжение Господне: и да помолится за него жрец о гресе, имже согреси, и оставится ему.

5 Аще же душа согрешит, и услышит глас клятвы, и сей свидетель или виде или сведа, аще не возвестит, примет грех. 2 Душа она, яже аще прикоснется ко всякой вещи нечистой, или мертвечине, или звероядине нечистой, или мертвечинам гнусностей нечистых, или мертвечинам скотов нечистых, и мертвечине гад нечистых, и забыв их осквернится: 3 или прикоснется нечистоте человек, от всякия нечистоты его, ейже прикоснувшись осквернится, и забудет, посем же увесть, повинен будет греху. 4 Душа беззаконная, аще обещает устнама своима зле или добре сотворити, по всем, елика изречет человек с клятвою, и утаится его пред очесы, и сей увесть, и согрешит едино что от сих, 5 и исповесть грех, имже согреси противу себе: 6 и да принесет Господу о гресе, имже согреси, женск пол, от овец агницу, или козу от коз греха ради: и да помолится о нем жрец греха ради его, имже согреси, и оставится ему грех. 7 Аще же не может рука его доволства имети на овцу, да принесет греха ради своего, имже согреси, две горлицы, или два птенца голубина Господу, един греха ради и един во всесожжение: 8 и принесет я к жерцу, и приведет жрец еже за грех прежде, и да отторгнет жрец главу его создаи, но да не отлучит: 9 и да покропит от крове, яже за грех, на стену олтаря, останок же крове да исцедит на стояло олтаря: о гресе бо есть: 10 и вторым да сотворит всесожжение, якоже подобает, и да помолится от нем жрец греха ради его, имже согреси, и оставится ему. 11 Аще же не обрящет рука его супруга горлиц, или двух птенцев голубиных, и принесет дар свой за грех, десятую часть меры ефимуки пшеничны за грех: да не возлиет на ню елеа, ниже да возложит на ню ливана, понеже о гресе есть: 12 и да принесет ю к жерцу, и возьм жрец о нея полну горсть в память его, возложит на жертвенник всесожжения Господня: о гресе (бо) есть: 13 и да помолится о нем жрец греха ради его, имже согреси отединого сих, и оставится ему: останок же будет жерцу, якоже жертва муки пшеничны. 14 И рече Господь к Моисею, глаголя: 15 душа яже аще забудет забвением, и согрешит не хотящи от святынь Господних, и

да принесет о преступлении своем Господу овна непорочна от овец, еможе цена сребра сиклев, по сиклю святых, о немже согрешити: **16** и еже согрешити от святых, да отдаст е, и пятую часть приложит нань, и даст е жерцу: и жрец да помолится о нем онов преступления его, и оставится ему. **17** И душа яже аше согрешит, и сотворит едину от всех заповедий Господних, иже не леть есть творити, и не уведе, и согрешит, и примет грех свой, **18** и да принесет овна непорочна от овец, ценою сребра греха ради, к жерцу и да помолится о нем жрец, о неведении его, егоже не веде, и сам не ведяще, и оставится ему: **19** согрешити бо согрешением пред Господем.

6 И рече Господь к Моисею, глаголя: **2** душа яже аще согрешит, и презрев презрит заповеди Господня, и солжет к другу о вдании, или о общине, или о хищении, или преобиде чим ближняго, **3** или обрете погубленое, и солжет о нем, и кленется в неправду о едином от всех, яже аще сотворит человек яко согрешити в них: **4** и будет егда согрешит и преступит, и отдаст похищенное, еже похити, или обиду, еюже преобиде, или вдание, еже вдано бысть ему, или погибшее, еже обрете: **5** от всякия вещи, еяже ради кляся в неправду, и да отдаст самое то истое, и пятую часть свою приложит ктому: егоже есть, тому да отдаст, в онъже день обличится: **6** и о преступлении своем да принесет Господу овна от овец непорочна, ценою в немже прегрешити: **7** и да помолится жрец о нем пред Господем, и оставится ему за едино от всех, яже сотвори и преступи в нем. **8** И рече Господь к Моисею, глаголя: **9** заповеждь Аарону и сыном его, глаголя: сей закон всесожжения: сие всесожжение на горении его на олтари всю ночь до заутра, и огонь олтаря да горит на нем, и не угасает: **10** и да облечется жрец в срачицу льняну, и надраги льняны да возвлечет на тело свое, и да изнесет принос, егоже аще изжжет огонь всесожжения от олтаря, и да поставит близ олтаря: **11** и да совлечет ризы своя, и да облечется в ризы ины, и да изнесет принос вне полка на место чисто: **12** и огонь на олтари да горит на нем и не угасает: и да возжжет на нем жрец дрова по вся утра, и да возкладет нань всесожжение, и да возложит нань тук спасения: **13** и огонь всегда да горит на олтари, не угасает: **14** сей закон жертвы, юже принесут сынове Аарони жерцы пред Господем, прямо олтаря: **15** и да возьмет от него (жрец) горсть муки пшеничны жертвенныя с елеем ея и со всем ливаном ея, сущими на жертве: и да вознесет на оларь принос в воноу благовоения, в память ея Господу: **16** оставшееся же от нея снесет Аарон и сынове его: пресна да снесутся в месте святе, в притворе скинии свидения да снесут я: **17** да не испечется квасна: часть сию дах им от приносов Господних: святая святых суть, якоже еже о гресе, и якоже еже о преступлении: **18** всяк мужеск пол жреческ да снесут ю: законно вечно в роды ваша от принос Господних: всяк, иже аще прикоснется им, освятится. **19** И рече Господь к Моисею, глаголя: **20** сей дар Аарону и сыном его, егоже принесут Господу в день, в онъже аще помажеши его: десятую часть меры ефи муки пшеничны в жертву

всегда, пол ея заутра и пол ея в вечер: **21** на сковороде в елеи да сотворится, спряжену да принесет ю витую жертву от укрупов, жертву в воноу благовоения Господу: **22** жрец помазанный, иже вместо его от сынов его, да сотворит ю: законно вечно, все да совершится: **23** и всяка жертва жреческа всесожженна да будет и да не снесется. **24** И рече Господь Бог Моисею, глаголя: **25** рцы Аарону и сыном его, глаголя: сей закон согрешения: на месте, на немже закалают всесожжения, да закалают яже греха ради пред Господем: святая (бо) святых суть: **26** жрец приносый ю да снесет ю: в месте святе да снесется, в притворе скинии свидения: **27** всяк прикасайся мяс ея освятится: и еможе аще воскропится от крове ея на ризу, яже аще воскропится на ню, да исперется на месте святе: **28** и сосуд глинян, в немже варится, да разбьется: аще же в медян сосуде сварится, да изтрет его, и измыет водою: **29** всяк мужеск пол в жерцех да снесет ю: святая (бо) святых суть Господу: **30** и вся, яже от гресе аще принесутся от крове их в скинию свидения, ко очищению во святыни, да не снесутся, огнем да сожгутся.

7 И сей закон овна иже о преступлении: святая святых суть: **2** на месте, на немже закалают всесожжение, да заколют овна иже о преступлении пред Господем, и кровь да пролиют на стояла олтаря окрест: **3** и весь тук его да принесет от него, и чресла, и весь тук покрывающий утробу, и весь тук иже на утробе, **4** и обе почки, и тук иже на них, иже на стегнах, и препонку, яже на печени, с почками да отимет я: **5** и вознесет я жрец на оларь, принос в воноу благовоения Господу: о преступлении (бо) есть: **6** всяк мужеск пол от жрец да снесет я, на месте святе да снесут я: святая святых суть: **7** якоже греха ради, тако и преступления ради, закон един их: жрец иже помолится о нем, ему да будет: **8** и жрец приносый всесожжение человеко, кожа всесожжения, еже приносит он, ему да будет: **9** и всяка жертва, яже сотворится в печи, и всяка, яже сотворится на огнищи, или на сковороде, жерцу, иже приносит ю, тому да будет: **10** и всяка жертва спряжена с елеем, и яже не спряжена, всем сыном Аароним комуждо равна да будет. **11** Сей закон жертвы спасения, юже принесут Господу: **12** аще убо похваления ради принесет ю, и принесет на жертву хваления хлебы от муки пшеничны пряжены в елеи, и опресноки помазаны елеем, и муку пшеничну смешену с елеем: **13** с хлебы квасными да принесет дар свой на жертву хваления спасительнаго: **14** и да принесет един от всех даров своих участие Господу: жерцу возливающему кровь жертвы спасения, тому да будет: **15** и мяса жертвы хваления спасительнаго тому да будут, и в онъже день принесутся, да снесутся: да не оставят от него на утрие: **16** и аще обет будет, или вольный пожрет дар свой, в онъже аще день жертву свою принесет, да снесется, и на утрие: **17** и оставшееся от мяс жертвы до дне третияго на огни да сожжется: **18** аще же ядый снесет от мяс в день третий, не примется приносящему ю, ниже вменится ему: осквернение есть: душа же, яже аще снесет от них, грех примет: **19** и мяса, яже аще прикоснется всякому нечисту, да не снесутся, на огни да сожгутся: всяк чистый

да снес мяса: 20 душа же, яже аще снес от мяс жертвы спасения, яже есть Господу, и нечистота его на нем, погибнет душа она от людей своих: 21 всякой вещи нечистой, или от нечистоты человеци или от четвероногих нечистых, или всякой мерзости нечистой, и снес от мяс жертвы спасения, яже есть Господня, погибнет душа та от людей своих. 22 И рече Господь к Моисею, глаголя: 23 рцы сыном Израилевым, глаголя: всякаго тука говяжя и овча и козия да не снесете: 24 и тук мертвечинен и звероядный да сотворится на всяко дело, в ядени же да не снесется: 25 всяк ядый тук от скотов, от нижке принесет дар Господу, погибнет душа та от людей своих: 26 всякия крове да не снесете во всех селениих ваших и от скотов и от птиц: 27 всяка душа, яже аще снес кровь, погибнет душа та от людей своих. 28 И рече Господь к Моисею, глаголя: 29 и сыном Израилевым речеши, глаголя: приносая жертву спасения Господу да принесет дар свой Господу, и от жертвы спасения: 30 руце его да принесут принос Господу: тук иже на грудех, и препонку печени да принесет я, якоже возложить дар пред Господа: 31 и да вознесет жрец тук иже на грудех, на олтарь, и груди да будут Аарону и сыном его, 32 и рамо десное да дастся участие жрецу от жертв спасения вашего: 33 приносящему кровь спасения и тук от сынов Аароновых, тому да будет рамо десное во участие: 34 грудь бо возложения и рамо участия взях от сынов Израилевых от жертв спасения вашего, и дах я Аарону жрецу и сыном его, законно вечно от сынов Израилевых. 35 Сие помазание Аароне и помазание сынов его от приносов Господних, в онъже день приведе я жрети Господу: 36 якоже заповеда Господь дати им, в онъже день помаза я от сынов Израилевых: законно вечно в роды их. 37 Сей закон всесожжений и жертвы, и о гресе и о преступлении, и совершении и жертве спасения: 38 якоже заповеда Господь Моисею на горе Синайстей, в онъже день заповеда сыном Израилевым приносити дары своя пред Господа, в пустыни Синайстей.

8 И рече Господь к Моисею, глаголя: 2 поими Аарона и сыны его, и ризы его, и елей помазания, и телца иже за грех, и два овна, и кошницу опресноков, 3 и весь сонм собери пред двери скинии свидения. 4 И сотвори Моисей, якоже повеле ему Господь: и собра сонм пред двери скинии свидения. 5 И рече Моисей к сонму: сие есть слово, еже завеща Господь сотворити. 6 И приведе Моисей Аарона и сыны его и измы я водою: 7 и облече его в срачицу, и опояса его поясом, и облече его в исподнюю ризу, и возвлече нань верхнюю ризу: 8 и опояса его по устройению ефуда, и стисне его им: и возложи нань слово, и возложи на слово явление и истину: 9 и возложи увясло на главу его, и возложи на увясло против лица его дщицу златую освященную святую, якоже повеле Господь Моисею. 10 И взя Моисей от елеа помазания, 11 и воскропи от него на олтарь седмиджды, и помаза олтарь и освяти его и вся сосуды его, и умывалницу и стояло ея, и освяти я, и помаза скинию и вся сосуды ея, и освяти ю, 12 и возля Моисей от елеа помазания на главу Аарону, и помаза его, и освяти его. 13 И приведе Моисей

сыны Аарони, и облече я в срачицы, и опояса я поясы, и возложи на ня клобуки, якоже повеле Господь Моисею. 14 И приведе Моисей телца иже за грех, и возложи Аарон и сынове его руки на главу телца иже за грех, 15 и закла его ю взя Моисей от крове, и возложи на роги олтаря окрест перстом, и очисти олтарь: и кровь пролия на стояло олтаря, и освяти его, еже молитися у него. 16 И взя Моисей весь тук иже на утробе, и препонку яже на печени, и обе почки, и тук иже на них, и вознесе Моисей на олтарь: 17 телца же и кожу его, и мяса его и мотылы его, сожже я огнем вне полка, якоже повеле Господь Моисею. 18 И приведе Моисей овна иже во всесожжение, и возложи Аарон и сынове его руки своя на главу овню. 19 И закла Моисей овна, и пролия Моисей кровь на олтарь окрест: 20 овна же раздоби на уды его, и вознесе Моисей главу и уды и тук, и утробу и ноги измы водою: 21 и вознесе Моисей всего овна на олтарь: всесожжение есть в вою благовония: принос есть Господу, якоже заповеда Господь Моисею. 22 И приведе Моисей овна втораго, овна совершения: и возложи Аарон и сынове его руки своя на главу овню, 23 и закла его: и взя Моисей от крове его, и возложи на край уха Аарона деснаго, и на край руки его десныя, и на край ноги его десныя. 24 И приведе Моисей сыны Аарони, и возложи Моисей от крове на край ушес их десных, и на край рук их десных, и на край ног их десных: и пролия Моисей кровь на олтарь окрест: 25 и взя Моисей тук и чресла, и тук иже на утробе, и препонку печени, и обе почки, и тук иже на них, и рамо десное, 26 и от кошницы совершения, яже есть пред Господем, и взя хлеб един пресный, и хлеб елеен един, и опреснок един, и возложи на тук, и рамо десное: 27 и возложи вся на руце Аарони и на руце сынов его, и вознесе я участие пред Господа. 28 И взя Моисей от рук их и вознесе на олтарь на всесожжение совершения, еже есть воня благоухания: принос есть Господу. 29 И взем Моисей грудь, отлучи ю возложение пред Господем от овна совершения: и бысть Моисею в масть, якоже заповеда Господь Моисею. 30 И взя Моисей от елеа помазания и от крове яже на олтари, и воскропи на Аарона и на ризы его, и на сыны его и на ризы сынов его с ним: и освяти Аарона и ризы его, и сыны его и ризы сынов его с ним. 31 И рече Моисей Аарону и сыном его: сварите мяса во дворе скинии свидения на месте святе, и тамо да снесете я, и хлебы иже в кошнице совершения, якоже заповедано бысть мне глаголя: Аарон и сынове его да снесят я: 32 и остаток мяс и хлебов на огни да сожжете: 33 и из дверей скинии свидения да не изыдете седмь дней, дондеже день скончается, день совершения вашего: в седмь бо дней совершит руки ваша: 34 якоже сотвори в день сей, в онъже заповеда Господь сотворити, яко молитися о вас: 35 и у дверей скинии свидения седите седмь дней, день и ночь, и сохраните повеления Господня, да не умрете: тако бо заповеда мне Господь Бог. 36 И сотвори Аарон и сынове его вся словеса, яже завеща Господь Моисею.

9 И бысть в день осмый, призва Моисей Аарона и сыны его и старцы Израилевы, 2 и рече Моисей ко Аарону: возми

себе телца от говяд греха ради и овна на всесожжение, непорочны, и принеси я пред Господа: 3 и старцем Израилевым речеши, глаголя: возьмите козла от коз единого от гресе, и овна, и телца и агнца единоголетна, в приношение, непорочны: 4 и телца от говяд, и овна на жертву спасения пред Господа, и муку пшеничну спряжену с елеем: зане днесь Господь явится в вас. 5 И взяша, якоже заповеда Моисей пред скиниию свидения: и прииде весь сонм, и сташа пред Господем. 6 И рече Моисей: сие слово, еже рече Господь, сотворите, и явится в вас слава Господня. 7 И рече Моисей Аарону: приступи ко олтарю и сотвори еже греха ради твоего, и всесожжение твою, и помолися о себе и о доме твою: и сотвори дары людския, и помолися о них, якоже заповеда Господь Моисею. 8 И приступи Аарон ко олтарю, и закла телца, иже греха ради его. 9 И принесоша сынове Аарони кровь к нему: и омочи перст свой в кровь, и возложи на роги олтаря, и кровь излия у стояла олтаря: 10 и тук, и обе почки, и препонку печени, яже греха ради, возложи на олтарь, якоже заповеда Господь Моисею: 11 мяса же и кожу сожже на огни вне полка, 12 и закла всесожжение. И принесоша сынове Аарони кровь к нему: и пролия на олтарь окрест. 13 И всесожжение принесоша к нему по удам: сия и главу возложи на олтарь, 14 и измы утробу и ноги водою, и возложи во всесожжение на олтарь. 15 И принесе дар людский: и взя козла, иже греха ради людска, и закла его, и очисти его, якоже и пераго, 16 и принесе всесожжение, и сотвори е, якоже достоин. 17 И принесе жертву, и наполни руце от нея, и возложи на олтарь кроме всесожжения утренняго, 18 и закла телца и овна жертвы спасения людска. И принесоша сынове Аарони кровь к нему: и пролия на олтарь окрест. 19 И тук телчий, и овняя чресла, и тук покрывающий утробу, и обе почки, и тук иже на них, и препонку печени: 20 и возложи туки на груди, и вознесе туки на олтарь: 21 и груди и рамо десное отя Аарон участие пред Господем, якоже повеле Господь Моисею. 22 И воздвиг Аарон руце к людем, благослови я: и сице сотворив приношение греха ради, и всесожжение, и яже о спасении. 23 И вниде Моисей и Аарон в скинию свидения, и изшедше благословиша вся люди. И явися слава Господня всем людем: 24 и изыде огонь от Господа, и пояде яже на олтари, и всесожжения и туки. И видеша вси людие, и ужасошася, и падоша на лице.

10 И вземше два сына Аарона, Надав и Авиуд, кийждо свою кадильницу, вложиста в ня огонь и возложиста нань фимиам, и принесоста пред Господа огонь чуждь, егоже не повеле има Господь. 2 И изыде огонь от Господа, и пояде я, и умроста пред Господем. 3 И рече Моисей ко Аарону: сие есть, еже рече Господь, глаголя: в приближающихся Мне освящуся и во всем сонме прославлюся. И умлился Аарон. 4 И призва Моисей Мисаила и Елисафана, сыны Озиилевы, сыны брата отца Аароня, и рече им: приступите и возьмите братий своих от лица святых вне полка. 5 И приступиша, и взяша их в ризах их, (и изнесоша) вне полка, якоже рече Моисей. 6 И рече Моисей ко Аарону и Елеазару и Ифамару, сыном его оставшимся: глав ваших не

открывайте и риз ваших не раздирайте, да не умрете, и на весь сонм будет гнев: кратия же ваша весь дом Израилев да плачутся запаления, имже запалишася от Господа: 7 и из дверей скинии свидения не исходите, да не умрете: елей бо помазания, иже от Господа, на вас есть. И сотвориша по словеси Моисею. 8 И рече Господь ко Аарону, глаголя: 9 вина и сикера не пейте, ты и сынове твои с тобою, егда входите в скинию свидения, или приступающим вам ко олтарю, да не умрете: (и будет сие) законно вечно в роды ваша: 10 отлучити между вещми святыми и между сквернавыми, и между нечистыми и между чистыми, 11 и устрои сыном Израилевым вся законная, яже глагола Господь к ним рукою Моисевою. 12 И рече Моисей ко Аарону, и Елеазару и Фамару, сыном, его оставшимся: возьмите жертву оставшуюся от приносос Господних и ядите опресноки у олтаря: яко святая святых суть: 13 и ядите я на месте святе: законно бо тебе есть, и законно сыном твоим, сие от приносос Господних: сице бо ми заповеда Господь: 14 и груди участия и рамо участия ядите на месте святе ты и сынове твои, и дом твой с тобою: законно бо тебе, и законно сыном твоим дадеся от жертв спасения сынов Израилевых: 15 рамо участия и груди участия в приносех тучных да принесут, участие еже приносить пред Господа: и да будет тебе и сыном твоим и дщерем твоим с тобою законно вечно, якоже повеле Господь Моисею. 16 И козла, иже греха ради, взыска взыска Моисей: и сей сожжен бяше. И разгневался Моисей на Елеазара и Ифамара, сыны Аарони оставльшыся, глаголя: 17 почто не сведосте на месте святе, еже греха ради, яко святая святых суть, сие даде вам ясти, да отимете грех сонма и помолитесь о них пред Господем: 18 не внесеся бо от крове его в святое: пред лицом внутрь да ясте е на месте святе, якоже повеле мне Господь. 19 И рече Аарон к Моисею, глаголя: аще днесь принесоша яже греха ради своего и всесожжения своего пред Господа, и случишася мне сицевая, и снем, яже греха ради, днесь, еда угодно будет Господу? 20 И слыша Моисей, и угодно ему бысть.

11 И рече Господь к Моисею и Аарону, глаголя: 2 рцые сыном Израилевым, глаголюще: сии скоти, иже имате ясти от всех скотов, иже на земли: 3 всяк скот раздвающь копыто и пазнокти имеющ на двое, и отрыгая жвание в скотех, сия да ясте: 4 токмо от сих да не снете от отрыгающих жвание и от раздвающих копыта и делющих пазнокти: велблюда, яко сей износит жвание, но пазноктей не делит на двое, нечист сей вам: 5 и хирогриля, яко износит жвание, а пазноктей не делит, нечист сей вам: 6 и заяца, иже отрыгает жвание, но пазноктей не делит на двое, нечист сей вам: 7 и свинии, яко делит пазнокти на двое и копыто раздваивает, но не отрыгает жвания, нечиста сия вам: 8 от мяс их да не ясте и мертвечине их да не прикасаетесь, нечиста сия вам. 9 И сия да ясте от всех, яже в водах: вся, имже суть перия и чешуя в водах, и в морях и в езерах, сия да ясте: 10 и всем, Имже несть перие ни чешуи в водах, и в морях и в езерах, от всех, яже износят воды, и всяка душа живущая в воде, скверна есть, и скверна да будут вам: 11 от мяс их да

не ядите и мертвечины их гнушайтесь: 12 и вся, имже несть перья и чешуя, иже в водах, скверна сия суть вам. 13 И сих гнушайтесь от птиц, и да не ясте их, гнусни суть: орла и грифа и морского орла, 14 и неясныи и иктина и подобных сим: 15 и струфа и совы, и сухолапля и подобных им: 16 и всякого врана и подобных ему: и ястреба и подобных ему: 17 и врана ночного и лилика и ивина, 18 и порфириона и пелекана и лебеда, 19 и еродиа и харадриона и подобных ему: и вдода и ночного нетопыря. 20 И вся гады птичия, иже ходят на четырех, мерзость есть вам: 21 но сия да ясте от всех гад птичных, иже ходят четвероножны, иже имут голени выше плесну своею, скакати ими по земли: 22 и сия да ясте от сих: вруха и подобная ему, и аттака и подобная ему, офеомаха и еже подобно к нему, и акриду и подобная ей: 23 и всяк гад от птиц, имже суть четыре ноги, мерзость есть вам, и в сих да не осквернитесь: 24 всяк прикасаяся мертвечине их нечист будет до вечера: 25 и всяк взявляй мертвечину их да измыет ризы своя и нечист будет до вечера. 26 Во всех скотех, иже раздвояет копыто и пазнокти имеет, а жвания не отрыгает, нечиста да будут вам: всяк прикасаяся мертвечине их нечист будет даже до вечера: 27 и всяк иже ходит на лапах, во всех зверех, иже ходят на четырех, нечиста будут вам: всяк прикасаяся мертвечине их нечист будет до вечера: 28 и взявляй мертвечину их да исперет ризы своя и нечист будет до вечера: нечиста сия будут вам. 29 И сия вам нечиста от гад плещущих по земли: ласица и мыш и крокодил земный, 30 мигали и хамелеон, и халавотис и ящер и кроторыя: 31 сии нечисти вам от всех гад плещущих по земли: всяк прикасаяся мертвечине их нечист будет до вечера. 32 И всяко, в немже аше впадет от них нечто от мертвечины их, нечист будет всяк сосуд древян, или риза, или кожа, или вретиче: всякий сосуд, в немже творится дело, в воде погрузится и нечист будет до вечера, и по сих чист будет: 33 и всяк сосуд глинян, в онъже аше впадет от сих внутрь, елика суть в нем, нечиста будут, и сосуд да разбьется. 34 И всяка снедь юже ясте, на нюже аше возлиется вода, нечиста будет вам: и всякое питие, еже пиете во всяком сосуде, нечисто будет (вам): 35 и все, еже аше впадет в не от мертвечины их, нечисто будет: печи и огнища да сокрушатся, нечиста сия суть и нечиста будут вам. 36 Кроме источник водных и поток, и собраний водных, будут чисти: а иже прикасается мертвечинам их, нечист будет. 37 Аще же впадет от мертвечины их на всяко семя семянное, еже сеется, чисто будет: 38 аще же возлиется вода на всяко семя, и впадет от мертвечины их на не, нечисто будет вам. 39 Аще же умрет от скота, егоже вам ясти, прикасаяся мертвечине его, нечист будет до вечера: 40 и ядый от мертвечин сих да исперет ризы своя и нечист будет до вечера: и взявляй мертвечину их да измыет ризы своя и измыется водою, и нечист будет до вечера. 41 И всяк гад плещущий по земли мерзость вам есть сие, да не снесется. 42 И всяко ходящее на чреве, и всяко ходящее на четырех всегда, и (всяко) многоножное во всех гадах, иже плещут по земли, да не снесите е, яко мерзость вам есть: 43 и да не омерзите душ ваших во всех гадах плещущих по

земли, и да не осквернитесь ими, и да не будете нечисти в них, 44 яко Аз есмь Господь Бог ваш: и да освятитесь и будете святы, яко свят есмь Аз Господь Бог ваш: и да не оскверните душ ваших во всех гадах движущихся по земли, 45 яко Аз есмь Господь, изведый вас из земли Египетския, да буду вам Бог, и будете святы, яко свят есмь Аз Господь. 46 Сей закон о скотех и о птицах, и всякой души движущейся в водах и всякой души пресмыкающей по земле, 47 разлучити между нечистыми и между чистыми, и научити сыны Израилевы между оживляющими ядомая и между оживляющими не ядомая.

12 И рече Господь к Моисею, глаголя: 2 глаголи сыном Израилевым и речеши к ним, глаголя: жена, яже аще зачат и родит мужск пол, нечиста будет семь дней: по днем (естественного) разлучения скверны ея, нечиста будет: 3 и в день осмий да обрежет плоть конечную его: 4 и сидети будет тридесять и три дни в крови нечистей своей: всякой вещи святей да не прикоснется и в святилище да не внидет, дондеже скончаются дние очищения ея. 5 Аще же женск пол родит, и нечиста будет четырнадцать дней по (естественной) скверне ея, и шестьдесят и шесть дней сидети будет в крови нечистоты своея. 6 И егда исполнятся дние очищения ея о сыне ея или дщери, да принесет агнца непорочна единоголетна во всесожжение, и птенца голубина или горлицу греха ради, пред двери скинии свидения к жерцу, 7 и да принесет е пред Господа: и помолится о ней жрец и очистит ю от тока крове ея: сей закон раждающия мужск пол или женск. 8 Аще же не обрящет рука ея доволна на агнца, и да возмет две горлицы или два птенца голубина, единого на всесожжение и другого греха ради: и помолится о ней жрец, и очистится.

13 И рече Господь к Моисею и Аарону, глаголя: 2 человеку емуже аще будет на кожи плоти его струп знамения или блеск, и будет на кожи плоти его язва прокажения, да приведется ко Аарону жерцу или ко единому от сынов его жерцов: 3 и узрит жрец язву на кожи плоти его, и влас в язве изменится в бело, и взор язвы умален от кожи плоти его, язва проказы есть: и узрит жрец, и осквернит его. 4 Аще же и блеск бел будет на кожи плотней его, и не меньший будет взор его от кожи, и влас его не изменился во влас бел, и той есть темен, и отлучит жрец язву на семь дней: 5 и узрит жрец язву в день седмый, и се, язва пребывает пред ним, и не изменился язва на кожи, и отлучит его жрец на другая семь дней: 6 и узрит его жрец в седмый день вторицею, и се, язва потемне, и не изменился язва на кожи, и очистит его жрец: знамение бо есть: и измыв ризы своя, чист будет. 7 Аще же изменяющееся изменится знамение на кожи, повнегда видети его жерцу еже очистити его, и явится второе жерцу: и узрит его жрец, и се, изменился знамение в кожи, 8 и да осквернит его жрец: проказа бо есть. 9 И язва прокажения аще будет на человеце, и приидет к жерцу: 10 и узрит жрец, и се, струп бел на кожи, и сей изменил влас бел, и от здравья плоти живыя в струпе: 11 проказа ветха есть на кожи плоти его, и осквернит его жрец и отлучит его, яко

нечист есть. 12 Аще же процветая процветет проказа на кожи, и покрывает прокажение всю кожу язвою, от главы да ногу его, по всему взору жерцову: 13 и узрит жрец, и се, покрыло прокажение всю кожу плоти его, да очистит жрец язву: яко вся изменися в бело, чист есть. 14 И в оньже день аще явится на нем плоть жива, осквернится: 15 и узрит жрец плоть здраву, и осквернит его плоть здрава, яко нечиста есть, прокажение есть. 16 Аще же составится плоть здрава, и изменится в бело, и придет к жерцу: 17 и узрит жрец, и се, изменися язва в бело, и очистит жрец язву, чист есть. 18 И тело аще будет на кожи его болячка гнойна, и исцелее, 19 и будет на месте болячки струп бел, или блеск белеющаяся или рдящаяся, и явится жерцу: 20 и узрит жрец, и се, взор нижеа кожи, и влас его изменися в бело, и осквернит его жрец, яко блеск прокажения есть, на болячке процвете. 21 Аще же увидит жрец, и се, несть в нем влас бел, и не нижеа есть от кожи плотския, и сей есть темен, и отлучит его жрец на семь дней. 22 Аще ли разсыпанием разсыплется по кожи, и осквернит его жрец, блеск прокажения есть, на болячке процвете. 23 Аще ли на месте своем пребывает блеск и не разсыпается, струп болячки есть, и очистит его жрец. 24 И плоть аще будет на кожи его жжение огнено, и будет на кожи его исцелевшее от жжения блещащееся бело или червлено или пробелующееся: 25 и узрит его жрец, и се, пременися влас бел в блещащийся, и взор ему нижеа от кожи, прокажение есть, во жжении процвете, и осквернит его жрец, язва прокажения есть. 26 Аще же увидит его жрец, и се, несть на блещащемся влас бел, и не нижеа есть от кожи, само же темно, и отлучит его жрец на семь дней: 27 и узрит его жрец в день седмый, и аще разсыпанием разсыплется по кожи, и осквернит его жрец: язва прокажения есть, бо гной процвете. 28 Аще же на месте пребудет блещание и не разсыплется по кожи, сие же темно есть, струп сожжения есть, да очистит его жрец: образ бо сожжения есть. 29 Мужу же или жене, аще будет на них язва прокажения на главе или на браде, 30 и узрит жрец язву, и се, обличие ея глубочае кожи, в нейже влас желтуяся тонок, и осквернит его жрец: вред есть, прокажение главы или прокажение брады есть. 31 И аще увидит жрец язву вреда, и се, не будет обличие нижеа кожи, и влас желтуяся не будет в нем, да отлучит жрец язву вреда на семь дней: 32 и узрит жрец язву в день седмый, и се, не разсыпаяся вред, и влас желтуяся несть в нем, и обличие вреда несть нижеа кожи: 33 и острижет кожу, вред же да не острижется, и отлучит жрец вред на семь дней второе: 34 и узрит жрец вред в день седмый, и се, не разсыпаяся вред по кожи по острижении его, и обличие вреда несть нижеа кожи, и очистит его жрец, и измыв ризы, чист будет. 35 Аще же разсыпанием разсыплется вред по кожи по очищении его: 36 и узрит его жрец, и се, не разсыпаяся вред по кожи, да не присетит жрец о власе желтеющемся, яко нечист есть. 37 Аще же пред ним будет на месте вред, и влас черн явится в нем, исцеле вред, чист есть, и очистит его жрец. 38 Мужу же или жене, аще будут на кожи плоти его блещания блещащая белеющаяся: 39 и увидит жрец, и се, на кожи плоти его

блещания и блещащая белеющаяся, лишай есть, процвете на кожи плоти его, чист есть. 40 Аще же кому облезе глава, плешив есть, чист есть: 41 аще же спреди облезе глава, взлыс есть, чист есть: 42 аще же будет на плеши его или на взлысине его блеск бел или червленуяся, прокажение процветающее на плеши его или на взлысине его: 43 и увидит его жрец, и се, обличие блеска бело или червлено на плеши его или на взлысине его, яко обличие прокажения на кожи плоти его: 44 человек прокажен есть, осквернением осквернит его жрец, на главе его блеск его. 45 И прокажен, на немже есть язва, ризы его да будут раздраны, и глава его не покровена, и около уст своих да обветятся, и нечист прозовется: 46 вся дни, в няже будет на нем язва, нечист сый, нечист будет: отлучен да седит, вне полка да будет ему пребывание. 47 И риза аще будет на ней язва прокажения, на ризе сукняне, или на изгребийней, 48 или на прядене, или на кроках, или на льнех, или на волне, или на кожи, или на всякой кожи деланей, 49 и явится язва зелена или червленуяся на кожи, или на ризе, или на пряденех, или на кроках, или на всяком деле кожаном, язва прокажения есть, и покажет жерцу: 50 и увидит жрец язву, и отлучит жрец язву на семь дней. 51 И да увидит жрец язву в день седмый: аще же разсыпаяся язва по ризе, или по прядене, или по кроках, или по кожи, по всему елика творятся кожи в делании, прокажение исто есть язва, нечист есть: 52 да сожжет ризу, или прядения, или кроки, или на волне, или на льне, или на всяком сосуде кожане, на немже аще будет язва: понеже прокажение исто есть, на огни да сожжется. 53 Аще ли узрит жрец, и не разсыплется язва по ризе, или по прядене, или по кроках, или по всякому сосуду кожану: 54 и повелит жрец, и измывает, на немже будет язва, и да отлучит жрец язву на другия семь дней: 55 и увидит жрец по измытии его язву, и аще не изменила язва лица своего, и язва не разсыпаяся, нечисто есть, на огни да сожжется: утвердися бо на ризе, или на прядене, или на кроках. 56 И аще увидит жрец, и будет темна язва по испрании ея, да отторгнет е от ризы, или от прядена, или от крок, или от кожи. 57 И аще явится еще на ризе или на прядене, или на кроках, или на всяком сосуде кожане, прокажение процветающее есть, на огни да сожжется, на немже есть язва. 58 И риза, или прядено, или кроки, или всяк сосуд кожан, еже исперется, и отступит от него язва, и измывается второе, и чисто будет. 59 Сей закон язве прокажения ризы сукняны, или изгребийны, или прядены, или кудельны, или всякаго сосуда кожана, во еже очистити е, или осквернити е.

14 И рече Господь к Моисею, глаголя: 2 сей закон прокаженному, в оньже день аще очистится, и приведется к жерцу: 3 и да изыдет жрец вне полка, и узрит жрец, и се, исцеле язва прокажения от прокаженного: 4 и повелит жрец, да возмуться очищенному два птичища жива чиста и древо кедрово, и соскана червльеница и иссоп: 5 и повелит жрец, да заколют птичище едино в сосуд глинян, над водою живою, 6 и живое птичище да возмет, и древо кедрово и соскану червльеницу и иссоп, и да омочит их и птичище живое в крови закланого птичища над водою

живою: 7 и да воскропит на очистившагося от прокажения седмижды, и чист будет: и да отпустит птичище живое на поле: 8 и да исперет очистивыйся ризы своя и да острижет вся власы своя и да измывается водою, и чист будет: и по сих да внидет в полк и да пребудет вне дому своего семь дней. 9 И будет в день седмый, обриются вси власы его, глава его и брада и брови, и всяк влас его да обриется: и да измывает ризы своя, и да омыется тело его водою, и чист будет. 10 И в день осмый да возмет два агнца единоголетна непорочна и овцу едину единоголетну непорочну, и три десятины муки пшеничны на жертву смешанная с елеем и меру елеа едину: 11 и да поставит жрец очищающий человека очищаемого и сия пред Господем, у дверей скинии свидения: 12 и возмет жрец агнца единого и приведет его преступления ради, и чашу елеа, и отлучит я жрец во отлучение пред Господем: 13 и заколют агнца на месте идеже закалают всесожжения и яже греха ради, на месте святе: есть бо еже греха ради, якоже и преступления ради есть жерцу: святая святых суть: 14 и возмет жрец от крове яже преступления ради, и возложит жрец на обушие уха очищаемого деснаго, и на край руки его десныя, и на край ноги его десныя: 15 и возьмет жрец от чаши елеа, возлиет на руку левую свою: 16 и да омочит жрец перст свой десный в елей, иже есть в руце его левой, и да воскропит от елеа перстом седмижды пред Господем: 17 оставшийся же елей, иже в руце его, да возложит жрец на обушие уха очищаемого деснаго, и на край руки его десныя, и на край ноги его десныя, на место крове яже преступления ради: 18 оставшийся же елей, иже в руце жерца, да возложит жрец на главу очищенному: и помолится о нем жрец пред Господем: 19 и сотворит жрец еже греха ради, и помолится жрец от очищающемся от греха своего: и по сем заколет жрец всесожжение: 20 и вознесет жрец всесожжение и жертву на алтарь пред Господем, и помолится о нем жрец, и очистится. 21 Аще же убог есть, и рука его не достигнет, да возмет агнца единоголетна единого, в оньже преступил на отлучение, яко помолится о нем, и десятину муки пшеничны смешаны с елеем в жертву, и чашу елеа едину, 22 и два горличища, или два птенца голубина, елика обрете рука его, и да будет один греха ради, и другой во всесожжение: 23 и да принесет я в день осмый, во еже очистити его, к жерцу, пред двери скинии свидения пред Господа: 24 и возьмет жрец агнца иже преступления ради, и чашу елеа, возложит я возложение пред Господем, 25 и заколет агнца иже преступления ради, и возмет жрец от крове яже преступления ради, и возложит на обушие уха очищаемого деснаго, и на край руки его десныя, и на край ноги его десныя: 26 и от елеа возлиет жрец на руку свою левую, 27 и воскропит жрец перстом своим десным от елеа, иже в руце его левой, седмижды пред Господем: 28 и возложит жрец от елеа сущаго в руце его на обушие уха очищаемого деснаго, и на край руки его десныя, и на край ноги его десныя, на месте крове яже преступления ради: 29 оставшееся же от елеа, еже есть в руце жерца, да возложит на главу очистившемуся: и помолится о нем жрец пред Господем, 30 и сотворит едину от горлиц, или от птенцев

голубиных, якоже обрете рука его, 31 едину греха ради, и другую во всесожжение с жертвою: и помолится жрец о очищаемом пред Господем. 32 Сей закон в немже есть язва прокажения, и не обретающему рукою во очищение свое. 33 И рече Господь к Моисею и Аарону, глаголя: 34 егда внидете в землю Ханаанску, юже Аз даю вам в притяжание, и дам язву прокажения в домех земли притяжанныя вам: 35 и придет, егоже дом, и повесть жерцу глаголя: аки язва является в дому моем. 36 И повелит жрец испразднити сосуды дому, прежде неже внити жерцу видети язву, и да не будут нечиста вся яже в дому. По сих же внидет жрец соглядати дом: 37 и узрит жрец язву, и се, язва на стенах дому удолия зеленеющая или червенеющая, и обличие их худее стен: 38 изшед жрец из дому к дверем дому, и отлучит жрец дом на семь дней. 39 И возвратится жрец в седмый день, и узрит дом, и се, рассыпаса язва по стенам дому: 40 и повелит жрец, да изымут камень, на нижне есть язва, и да изнесут е вон из града на место нечисто: 41 и да постружут извнутри дом окрест, и изсыплют персть остроганую вне града на место нечисто: 42 и да возмут камень ино острогано, и вложат я вместо камня: и персть ину да возмут, и помажут дом. 43 Аще же паки найдет язва, и явится в дому но изнесении камня и по острогании дому и по помазании, 44 и внидет жрец, и узрит аще рассыпаса язва в дому, прокажение пребывающее есть в дому, нечист есть: 45 и разорят дом, и древа его и камень его и всю персть дому изнесут вне града, на место нечисто. 46 И входяй в дом вся дни, в няже есть отлучен, нечист будет до вечера: 47 и спяй в дому да исперет ризы своя и нечист будет до вечера: и ядый в дому да исперет ризы своя и нечист будет до вечера. 48 Аще же пришедый внидет жрец, и увидит: и се, рассыпанием не рассыпаса язва в дому но помазании дому, да очистит жрец дом, яко исцеле язва: 49 и возмет очистити дом, два птичища жива чиста и древо кедрово, и соскану червлицу и иссоп: 50 и да заколет птичище едино в сосуд глинян над водою живою: 51 и возмет древо кедрово и соскание червленое, и иссоп и птичище живое, и да омочит е в кровь птичища закланнаго над водою живою, и да окропит ими в дому седмижды: 52 и очистит дом кровию птичищною и водою живою, и птичищем живым и древом кедровым, и иссопом и сосканою червлицею: 53 и да отпустит птичище живое вне града на поле и помолится о доме, и чист будет. 54 Сей закон о всякой язве прокажения и вреда, 55 и прокажения ризы и дому, 56 и струпа, и знаменая, и блещацагося, 57 и поведати в оньже день нечисто, и в оньже день очистится: сей закон прокажения.

15 И рече Господь к Моисею и Аарону, глаголя: 2 глаголи сыном Израилевым и речеша к ним: мужу, мужу, емуже аще будет изливание от тела его, изливание его нечисто есть. 3 И сей закон нечистоты его: изливаяя семя из тела своего, от изливания, имже составлено есть тело его изливанием, сия нечистота его в нем: вся дни изливания тела его, имже составлено тело его изливанием его, нечистота его есть: 4 всяко ложе, на немже аще ляжет изливаяя семя, нечисто

есть: и всяк сосуд, на немже еще сядет верху его изливаяй семя, нечист будет: 5 и человек, иже еще прикоснется ложа его, да исперет ризы своя и да омыет тело свое водою, и нечист будет до вечера: 6 и седяй на сосуде, на немже еще сядет верху его изливаяй семя, да исперет ризы своя и да омыется водою, и нечист будет до вечера: 7 и прикоснувшийся к плоти изливающего семя да исперет ризы своя и да омыется водою, и нечист будет до вечера. 8 Аще же плюнет изливаяй семя на чистаго, да исперет ризы своя и да измыется водою, и нечист будет до вечера: 9 и всяко седло ослее, на немже еще всядет верху его изливаяй семя, нечисто будет до вечера: 10 и всяк прикоснувшийся всем, яже суть под ним, нечист будет до вечера: и вземляй я да исперет ризы своя и омыется водою, и нечист будет до вечера: 11 и еликим аще коснется изливаяй семя и рук своих не омыет водою, да исперет ризы своя и омыет тело водою, и нечист будет до вечера: 12 и сосуд глинян, емуже аще прикоснется изливаяй семя, да разбьется: а сосуд деревяный да измыется водою, и чист будет. 13 Аще же очистится изливаяй семя от излияния своего, и изчислит себе семь дней на очищение свое, и исперет ризы своя и омыет тело свое водою живою, и чист будет: 14 и в день осмый да возмет себе два горлицища или два птенца голубина, и да принесет я пред Господа к дверем скинии свидения, и даст я жерцу: 15 и сотворит я жрец един греха ради, и другой во всесожжение: и да помолится о нем жрец пред Господем о излиянии его. 16 И человек, емуже аще изыдет от ложа его семя, и да омыет водою все тело свое, и нечист будет до вечера: 17 и всяка риза и всяка кожа, на нейже аще будет ложе семенное, да измыется водою, и нечиста будет до вечера. 18 И аще ляжет муж с женою своею на ложи семене, да измыются водою, и нечисты будут до вечера. 19 И жена яже аще будет кровь точащи, и будет течение ея в телеси ея, семь дней да будет в скверне своей: и всяк прикасаясь ей нечист будет до вечера: 20 и все, на немже аще сидит в течении своем, нечисто будет, и всяко, на немже аще присядет (она), нечисто будет: 21 и всяк, иже аще прикоснется ложа ея, да исперет ризы своя и да измыет водою тело свое, и нечист будет до вечера: 22 и всяк прикасаясь всякому сосуду, на немже аще сядет, да исперет ризы своя и да измыется водою, и нечист будет до вечера: 23 аще же на ложи ей сущей, или на сосуде, на немже аще сядет (она), егда прикоснется кто ей, нечист будет до вечера. 24 Аще же кто будет на ложи с нею, и будет нечистота ея на нем, нечист будет семь дней: и всяко ложе, на немже аще ляжет, нечисто будет. 25 И жена аще точит течение крове дни многи, не во время скверны ея, аше и течет по осквернении ея, вся дни течения нечистоты ея, якоже дни скверны ея, нечиста будет: 26 и всяко ложе, на немже аще ляжет вся дни течения ея, по ложи скверны ея будет ей: и всяк сосуд, на немже аще сядет, нечист будет по нечистоте скверны ея: 27 и всяк прикасаясь ей нечист будет, да исперет ризы своя и омыет водою тело свое, и нечист будет до вечера. 28 Аще же очистится от течения своего, да сочтет себе семь дней, и по сих чиста будет: 29 и во осмый день да возмет себе два

горлицища или два птенца голубина, и принесет я к жерцу к дверем скинии свидения, 30 и да сотворит жрец, един греха ради и другой во всесожжение, и да помолится о ней жрец пред Господем о течении нечистоты ея. 31 И благоговейны сотворите сыны Израилевы от нечистот их: и да не умрут нечистоты ради своея, внегда осквернити им скинию Мою яже в них. 32 Сей закон изливающему семя, и аще кому изыдет из него ложе семенное, якоже осквернитися в нем, 33 и точащей кровь в скверне своей, и изливающему семя во излиянии своем мужеску полу или женску, и мужу, иже аще поспит со сквернавою.

16 И глагола Господь к Моисею, по умертвии двух сынов Аароних, егда принесоста огонь чуждий пред Господа и скончастася. 2 И рече Господь к Моисею: глаголи Аарону, брату твоему, да не входит по вся часы в святое внутрь завесы, пред лице очистилища, еже есть над кивотом свидения, и да не умрет: во облаце бо явлюся над очистилищем: 3 зице внидет Аарон в святое: с телцем от говяд греха ради, и со овном на всесожжение, 4 и в ризу льняну освящену да облечется, и надраги льняны да будут на теле его, и поясом льняным да опояшется, и клобук льнян да возложит, ризы святы суть: и да омыет водою все тело свое, и да облечется в ня: 5 и от сонма сынов Израилевых да возмет два козла от коз греха ради, и овна единого во всесожжение, 6 и да приведет Аарон телца, иже греха ради своего, и да помолится о себе и о доме своем, 7 и да возмет два козла, и поставит я пред Господем у дверей скинии свидения: 8 и да возложит Аарон на оба козла жребия: жребий един Господу и жребий другой отпущению. 9 И да приведет Аарон козла, на немже паде жребий Господу, и да принесет греха ради: 10 и козла, на немже паде жребий отпущения, да поставит его жива пред Господем, яко помолитися над ним и яко отпустить его во отпущение, и да отпустит его в пустыню: и возмет козел на ся беззакония их в землю непроходиму. 11 И да приведет Аарон телца, иже греха ради своего, и да помолится о себе и о доме своем: и да заколет телца, иже греха ради своего. 12 И да возмет кадилник полн угля огненна от олтаря, иже пред Господем, и да наполнит руце фимиама сложения чиста, и да принесет внутрь завесы: 13 и да возложит фимиам на огонь пред Господем, и покрывает дым фимиамный очистилище еже на свидениях, и не умрет. 14 И да возмет от крове телца, и да воскропит перстом на очистилище на востоки: пред лицом очистилище да воскропит седмижды от крове перстом своим. 15 И да заколет козла иже греха ради, иже за люди, пред Господем: и да внесет от крове его внутрь завесы, и да сотворит крови его, якоже сотвори крови телца, и да воскропит кровию его на очистилище прямо очистилищу, 16 и очистит святое от нечистот сынов Израилевых и от неправд их, о всех гресех их: и тако сотворит скинии свидения сотворенней в них посреде нечистоты их. 17 И всяк человек да не будет в скинии свидения, егда входит молиться во святое, дондеже изыдет: и да помолится о себе и о доме своем и о всем

сонме сынов Израилевых. **18** И изыдет ко олтарю, иже есть пред Господем, и помолится на нем, и да возмет от крове телца и от крове козла, и возложит на роги олтаря окрест: **19** и да воскропит перстом своим нань седмижды от крове, и очистит его и освятит его от нечистот сынов Израилевых. **20** И совершит очищая святое и скинию свидения и олтарь, и от жерцех очистит, и приведет козла живаго: **21** и да возложит Аарон обе руке свои на главу козла живаго, и да исповесть на нем вся беззакония сынов Израилевых и вся неправды их и вся грехи их: и возложит я на главу козла живаго, и отпустит рукою человека уготованнаго в пустыню: **22** и возмет козел на ся неправды их в землю непроходиму: и да отпустит козла в пустыню. **23** И да внидет Аарон в скинию свидения, и да совлечет ризы льняны, в няже оболчен бяше, входящу ему во святое, и положит я тамо: **24** и омыет тело свое водою на месте святе и да облечется в ризы своя, и изшед да сотворит всесожжение свое и всеплодие людское, и да помолится о себе и о доме своем, и о людех якоже и о жерцех: **25** и тук иже грехов ради да вознесет на олтарь. **26** И отпустивый козла отпущенаго во отпущение да исперет ризы своя и да омыет плоть свою водою, и по сих да внидет в полк. **27** И телца иже греха ради, и козла иже греха ради, иже кровь внесеса на очищение во святое, да изнесут я вне полка и да сожгут я на огни, и кожи их и мяса их и мотыла их: **28** сожигаяй же я да исперет ризы своя и да омыет тело свое водою, и по сем да внидет в полк. **29** И будет сие вам законное вечное: в месяц седмый, в десятый день месяца, покорите души ваша, и всякаго дела да не сотворите, ни туземец, ни пришлец прилежай в вас: **30** в той бо день помолится о вас, еже очистити вас от всех грехов ваших пред Господем, и чисти будете: **31** суббота суббот покой да будет сия вам, и покорите души ваша, законно вечно. **32** Помолится жрец, егоже аще помажут и егоже аще совершат руке его, еже жрети ему по отце своем, и да облечется в ризу льняну свою, ризу святу, **33** и да очистит Святое святого и скинию свидения, и олтарь да очистит, и о жерцех и о всем сонме да помолится. **34** И будет сие вам законное вечное, еже молится о сынех Израилевых о всех гресех их, единою в лето да сотворится, якоже заповеда Господь Моисею.

17 И рече Господь к Моисею, глаголя: **2** глаголи Аарону и сыном его и ко всем сыном Израилевым, и речеши к ним: сие слово еже заповеда Господь, глаголя: **3** человек человек от сынов Израилевых или от пришелец, иже прилежат в вас, иже аще заколет телца или овцу или козу в полце, и иже аще заколет вне полка **4** и пред двери скинии свидения не принесет, якоже сотворити е во всесожжение или спасение Господу приятно, в воню благовония: и иже аще заколет вне и пред двери скинии свидения не принесет его, яко принести дар Господу пред скинию Господню: и вменится человеку тому кровь: кровь пролиял, да потребится душа она от людей своих: **5** яко да принесут сынове Израилевы жертвы своя, елики аще сии заколют на поли, и да принесут я ко Господу к дверем скинии свидения к жерцу, и пожрут я в жертву спасения Господу. **6** И да возлиет жрец кровь на

олтарь окрест пред Господем у дверий скинии свидения: и да вознесет тук в воню благоухания Господу: **7** и да не пожрут кому жертв своих суетным, иже сами блудодействуют вслед их: законное вечное будет вам в роды ваша. **8** И речеши к ним: человек человек от сынов Израилевых или от сынов пришелцов прилежащих в вас, иже аще сотворит всесожжение или жертву, **9** и к дверем скинии свидения не принесет сотворити е Господви, потребится душа та от людей своих. **10** И человек человек от сынов Израилевых или от пришелец прилежащих в вас, иже аще яст всякую кровь, и утвержу лице Мое на душу ядущую кровь, и погублю ю от людей своих: **11** зане душа всякия плоти кровь его есть, и Аз дах ю вам у олтаря умоляти от душах ваших: кровь бо его вместо души умолит. **12** Сего ради рекох сыном Израилевым: всяка душа от вас да не снес крове, и пришлец прилежащий в вас да не снес крове. **13** И человек человек от сынов Израилевых или от пришлец прилежащих в вас, иже аще уловит ловитву зверя или птицу, еже ястся: пролиет кровь ея, и покрывает ю землю: **14** душа бо всякия плоти кровь его есть. И рекох сыном Израилевым: крове всякия плоти да не снесете, яко душа всякия плоти кровь его есть: всяк ядый ю потребится: **15** и всякая душа яже яст мертвечину или звероядину, от туземец или от пришелец, да исперет ризы своя и да омыет тело водою, и нечист будет до вечера, по сем же чист будет: **16** аше же не исперет риз своих, ни омыет тела водою, то примет беззаконие свое.

18 И рече Господь к Моисею, глаголя: **2** глаголи сыном Израилевым и речеши к ним: Аз Господь Бог ваш: **3** по делом земли Египетския, в нейже обитасте, да не сотворите, и по начинанием земли Ханаанския, в нуже Аз веду вы тамо, не сотворите, и по законом их не ходите: **4** судьбы Моя сотворите, и повеления Моя сохраните и ходите в них: Аз Господь Бог ваш: **5** и сохраните вся повеления Моя и вся судьбы Моя, и сотворите я: Сотворивый та человек жив будет в них: Аз Господь Бог ваш. **6** Человек человек ко всякому ближнему плоти своя да не приступит открыти срамоты: Аз Господь. **7** Срамоты отца твоего и срамоты матери твоя да не открывеши: матери бо твоя есть, да не открывеши срамоты ея. **8** Срамоты жены отца твоего да не открывеши: срамота отца твоего есть. **9** Срамоты сестры твоя яже от отца твоего или от матери твоя, в дому рожденная или вне рожденная, да не открывеши срамоты их. **10** Срамоты дщере сына твоего или дщере твоея, да не открывеши срамоты их, яко твоя срамота есть. **11** Срамоты дщере жены отца твоего да не открывеши, единоотча сестра ти есть, да не открывеши срамоты ея. **12** Срамоты сестры отца твоего да не открывеши, своя бо отцу твоему есть. **13** Срамоты сестры матери твоя да не открывеши, своя бо матери твоей есть. **14** Срамоты брата отца твоего да не открывеши и к жене его да не внидеши, сродник бо ти есть. **15** Срамоты невестки твоея да не открывеши, жена бо сына твоего есть, да не открывеши срамоты ея. **16** Срамоты жены брата твоего да не открывеши, срамота брата твоего есть. **17** Срамоты жены и дщере ея, да не открывеши, дщере сына ея, и дщери дщере ея да не поймеш открыти срамоты их, ближнии бо

ти суть, нечестие есть. 18 Сестру жены твояе да не поймешь в наложницу, открыти срамоту ея пред нею, еще живе сущей ей. 19 И к жене во отлучении нечистоты ея да не видиши открыти срамоты ея. 20 И к жене ближняго твоего да не даси ложа семене твоего, осквернитися с нею. 21 И от семене твоего да не даси служити Молоху, да не оскверниши имене Святаго: 22 и с мужеским полом да не ляжешь женским ложем, мерзость бо есть. 23 И всякому четвероногому да не даси ложа своего в семенение, осквернитися с ним: и жена да не станет ко всякому четвероногому снитися, гнусно бо есть. 24 Не оскверняйтесь во всех сих: во всех бо сих осквернишася языцы, иже аз отжену пред лицом вашим: 25 и осквернися земля, и воздах неправду им ея ради: и возненавиде земля седящих на ней. 26 И сохраните вся законы Моя и вся повеления Моя, и не сотворите от всех гнусностей сих, туземец и прибывший пришлец в вас: 27 вся бо сия гнусности сотвориша человецы земни, бывшии прежде вас, и осквернися земля. 28 И да не вознегодует на вас земля, внегда осквернити вам ю, иже образом вознегодова на языки иже прежде вас: 29 яко всяк, иже аще сотворит от всех гнусностей сих, потребятся души творящыя сие от людей своих. 30 И сохраните повеления Моя, яко да не сотворите от всех закон гнусных, иже беша прежде вас: и да не осквернитесь в них, яко аз господь бог ваш.

19 И рече господь к Моисею, глаголя: 2 глаголи всему сонму сынов Израилевых, и речеши к ним: святы будите, якоже аз свят (есмы) господь бог ваш. 3 Вийждо отца своего и матери своея да боится, и субботы Моя сохраните: аз господь бог ваш. 4 Не последуйте идолом, и богов слияных не сотворите себе: аз господь бог ваш. 5 И аще пожрете жертву спасения господу, приятну вам пожрите: 6 в оньже день аще пожрете, (в той день) да снесется, и на утрие: и аще останется до третияго дне, на огни да сожжется: 7 аще же ли ядением съестся в день третий, не жертвенно есть, не примется: 8 и иже яст е, грех примет, яко святая господня оскверни: и потребятся души ядущыя от людей своих. 9 И пожинаящим вам жатву земли вашея, да не скончае жатвы вашея, нивы твояе пожинания: и падающих клас от жатвы твояе да не собереш: 10 и винограда твоего вторицею да не обереш, ниже грезн винограда твоего да собереш: нищему и пришелцу да оставиши я: аз есмь господь бог ваш. 11 Не украдите, ни солжете, ниже да оклеветает кийждо ближняго. 12 И не кленитесь именем Моим в неправде, и да не оскверните имене святаго бога вашего: аз господь бог ваш. 13 Да не обидиши ближняго: и да не отимеши, и да не прележит мзда наемника твоего у тебе до утрия. 14 Зла да не речеши глухому, и пред слепым да не положиши претыкания: и да убишися господа бога твоего: аз господь бог ваш. 15 Не сотворите неправды в суде: да не приимеши лица нищаго, ниже почудишися лицу могущаго: по правде да судиши ближнему твоему. 16 Да не ходиши лестию во своем языке, и не встанеши на кровь ближняго твоего: аз господь бог ваш. 17 Да не возненавидиши брата твоего во уме твоём, обличением да обличиши ближняго твоего: и не приимеши ради его греха.

18 И да не отмщает рука твоя, и да не враждуеши на сыны людей своих, и возлюбии ближняго своего яко сам себе: аз господь бог ваш. 19 Закон Мой сохраните: и скота твоего да не смесиши со скотом инаго рода, и винограда твоего да не насадиши различна: и ризы из двух (вещей) сотканыя гнусныя да не возложиши на ся. 20 И аще кто будет с женою ложем семене, и сия бяше раба хранима мужу, и ценою не искуплена или свобода не дана ей, наказаны да будут: не умрут, яко не свободися: 21 и да приведет за преступление свое господу к дверем скинии свидения овна преступления, 22 и да помолится о нем жрец овном преступления пред господом о гресе иже согреши, и оставится ему грех, егоже сотвори. 23 Егда же внидете в землю, юже господь бог ваш дает вам, и насадите всяко древо снадное, и очистите нечистоту его, плод его три лета нечист да будет вам, да не снесется: 24 в лето же четвертое будет всяк плод его свят, похвален господу: 25 в лето же пятое да снесите плод его, прибыток вам плоды его: аз господь бог ваш. 26 Не ядите на горах, и не вражди, и ни среща смотрите от птиц. 27 Не сотворите обстрижения кругом от влас глав ваших, ниже бриете брад ваших. 28 И кроения не сотворите на теле вашем о души: и язв настреканных да не сотворите в вас: аз господь бог ваш. 29 Да не оскверниши дочери твояе еже блудити ей: и да не прелюбы деет земля, и наполнится земля беззаконий. 30 Субботы Моя сохраните, и от святых Моих убойтесь: аз господь. 31 Не последуйте утробным баснем, и к волхвом не прилепитесь, осквернитися в них: аз господь бог ваш. 32 Пред лицом седаго востани и почти лице старчо, и да убишися господа бога твоего: аз господь бог ваш. 33 Аще же кто приидет к вам пришлец в землю вашу, не стужите ему: 34 якоже туземец будет в вас пришлец, иже приидет к вам, и возлюбиши его яко сам себе: яко (и вы) пришельцы бесте в земли Египетстей: аз господь бог ваш. 35 Не сотворите неправды в суде, в мерах и в весах и в мерилех: 36 мерила праведна и весы праведны и мера праведна да будет в вас: аз есмь господь бог ваш, изведый вас от земли Египетския. 37 И сохраните весь закон Мой и вся повеления Моя, и сотворите я: аз господь бог ваш.

20 И рече господь к Моисею, глаголя: 2 рцы сыном Израилевым, глаголя: аще кто от сынов Израилевых, или от прибывших пришельцев во Израили, иже аще даст от семене своего Молоху, смертию да умрет: людие земли да побьют его камением: 3 и аз утвержу лице мое на человека того и погублю его от людей его, яко от семене своего даде Молоху, да осквернит святыню мою и осквернит имя освященных Мне. 4 Аще же презрением презрят туземцы земли очима своима от человека того, внегда дати ему от семене своего Молоху, еже не убить его: 5 и утвержу лице мое на человека того и на сродники его, и погублю его и всех единомыслящих с ним, еже соблуждати ему со идолы от людей своих. 6 И душа яже аще последует утробным баснем или волхвом, яко соблудити вслед их, утвержу лице мое на душу ту и погублю ю от людей ея. 7 И будете святы, яко аз свят господь бог ваш. 8 И сохраните повеления Моя

и сотворите я: Аз Господь освящаяй вас. 9 Человек человек, иже аще зло речет отцу своему или матери своей, смертью да умрет: отцу своему или матери своей зло рече, повинен будет. 10 Человек человек, иже аще прелюбы содеет с мужною женою, или кто прелюбы содеет с женою ближняго своего, смертью да умрут прелюбодей и прелюбодейца. 11 И иже аще пребудет с женою отца своего, срамоту отца своего открыл есть, смертью да умрут оба, повинни суть. 12 И аще кто будет с невесткою своею, смертью да умрут оба, нечестоваша бо, повинни суть. 13 И аще кто будет с мужеским полом ложем женским, гнусность сотвориша оба, смертью да умрут, повинни суть: 14 иже аще поймет жену и мать ея, беззаконие есть, огнем да сожгут его и она, и не будет беззаконие в вас. 15 И иже аще даст ложе свое четвероножному, смертью да умрет, четвероножное же убиете. 16 И жена яже аще приступит ко всякому скоту, еже быти с ним, да убиете жену и скот, смертью да умрут, повинни суть. 17 Иже аще поймет сестру свою от отца своего или от матери своей, и увидит срамоту ея, и она увидит срамоту его, укоризна есть, да потребятся пред сыныи рода их: срамоту сестры своей откры, грех приимут. 18 И муж иже будет с женою сквернавою и открыт срамоту ея, течение ея откры, и она откры течение крове своей, да потребятся оба от рода их. 19 И срамоту сестры отца твоего и сестры матери твоея да не открыеши: ужичество бо откры, грех понесут. 20 Иже аще будет со сродницею своею, срамоту сродства своего откры, безчадни измрут. 21 И человек иже аще поймет жену брата своего, нечистота есть: срамоту брата своего открыл есть, безчадни измрут. 22 И сохраните вся повеления Моя и вся судьбы Моя и сотворите я, и не вознегодует на вас земля, в нуже Аз введу вы тамо вселитися на ней. 23 И не ходите в законы языческия, иже Аз изгону от вас: яко сия вся сотвориша, и возгнушахся ими. 24 И рех к вам: вы наследите землю их, и Аз дам вам ю в притяжание, землю текущую медом и млеко, Аз Господь Бог ваш, отлучивый вас от всех язык. 25 И отлучите себе между скоты чистыми и между скоты нечистыми, и между птицами чистыми и нечистыми: и не оскверните душ ваших в скотех и в птицах и во всех гадах земных, яже Аз отлучих вам в нечистоте, 26 и будете Ми святы, яко Аз свят есмь Господь Бог ваш, отлучивый вас от всех язык быти Моими. 27 И муж или жена иже аще будет от них чревобасник или волшебник, смертью да умрут оба: камением да побиете их, повинни суть.

21 И рече Господь к Моисею, глаголя: рцы жерцем сыном Аароним, и речеши им: над душами да не осквернятся в языке своем, 2 но разве в дому ближняго своего, над отцем и матерью, и сынами и дщерьми, над братом 3 и над сестрою своею девою, яже есть ближняя ему, не дана мужу, над сими да осквернятся: 4 да не осквернится внезапно в людех своих, во осквернение свое. 5 И да не обриете главы по мертвем, и обличия брады да не обриют, и на плотех своих да не сотворят язв: 6 святы да будут Богу своему и не осквернят имене Бога своего: жертвы бо Господни дары Бога своего сами приносят, и будут святы. 7 Жены блудницы

и осквернены да не поймут, и жены изгнаны от мужа ея да не поймут: яко святы суть Господу Богу своему: 8 и да освятиши его: дары Господа Бога вашего сей приносит, свят будет: яко свят Аз есмь Господь Бог ваш освящая их. 9 И дщерь человека жерца аще осквернится, еже соблудити, имя отца своего сия оскверняет: огнем да сожжется. 10 И жрец великий от братий своих, емуже возлян на главу елей помазания, и совершенный, еже облачитися в ризы, главы да не откроет, и риз своих да не раздерет, 11 и ко всякой души умершей да не придет: над отцем своим и над матерью своею да не осквернит, 12 и от святых да не изыдет, и да не осквернит имене святаго Бога своего, яко святой елей помазания Бога его на нем: Аз Господь. 13 Сей в жену деву от рода своего да поймет: 14 вдовицы же и изгнаныя, и оскверненыя и блудницы, сих да не поймет: но девицу от племени своего да поймет в жену: 15 и да не осквернит семене своего в людех своих: Аз Господь Бог освящаяй его. 16 И рече Господь к Моисею, глаголя: 17 рцы ко Аарону, глаголя: человек от рода твоего в родех ваших, аще коему будет на нем порок, да не приступит приносити дары Бога своего: 18 всяк человек, емуже аще будет на нем порок, да не приступит: человек слеп, или хром, или корносый, или ухорезан, 19 или человек, емуже есть сокрушение руки или сокрушение ноги, 20 или горбат, или гноеточив очима, или бельмоочен, или человек, на немже суть красты дивия, или лишай, или единойатный: 21 всяк, емуже аще будет на нем порок от семени Аарона жерца, да не приступит принести жертв Богу твоему, зане порок на нем: даров Божиих да не приступит приносити: 22 дары Бога своего святая святых, и от святых да снесет: 23 обаче к завесе да не приступит, и ко олтарю да не приблизится, яко порок имать: и да не осквернит святылища Бога своего, яко Аз Господь освящаяй их. 24 И глаголя Моисей ко Аарону и сыном его, и ко всем сыном Израилевым.

22 И рече Господь к Моисею, глаголя: 2 рцы Аарону и сыном его, да внимают от святынь сынов Израилевых, и да не осквернят имене святаго Моего, елика они освящают Ми: Аз Господь. 3 Рцы им: в роды ваша всяк человек, иже аще приступит от всякаго семени вашего ко святым, елика аще освятят сынове Израилевы Господу, и нечистота его на нем будет, потребится душа она от Мене: Аз Господь Бог ваш. 4 И человек от семени Аарона жерца, и сей прокажен, или семья изливает, от святых да не снесет, дондеже очистится: и прикасаяйся всякой нечистоте души, или человек, емуже аще изыдет от его ложа семя, 5 или иже аще прикоснется всякому гаду нечисту, иже осквернит его, или человеку, иже осквернит его, по всякой нечистоте его: 6 душа, яже аще прикоснется их, нечиста будет до вечера: да не снесет от святых, аще не омыет тела своего водою, 7 и зайдет солнце, и чист будет: и тогда да снесет от святых, яко хлеб его есть. 8 Мертвечины и зверюдыны да не снесет, еже осквернитися ему в них: Аз Господь. 9 И да сохраняют повеления Моя, да не примут сих ради греха, и измрут за них, аще осквернят их: Аз Господь Бог освящаяй их. 10 И всяк иноплеменик да не снесет святынь: приселник иереев или наемник да не снесет

святынь. 11 Аще же жрец пристяжет душу пристяжаную серебром, сия да снест хлебы его: и домочадцы его, и сии да снedyт хлебы его. 12 И дщерь человека жерца, аще посягнет за мужа иноплеменника, сия от начатков святых да не снест. 13 И дщерь жерца аще будет вдова или отпущена, плода же не будет ей, возвратится в дом отца своего, по юности своей, от хлебов отца своего да снест: всяк же иноплеменник да не снест от них. 14 И человек, иже аще яст святая по неведению, и да приложит пятаю свою часть ко истому, и да даст сие жерцу святое. 15 И да не осквернят святынь сынов Израилевых, иже они отделяют Господу: 16 и да не наведут на себе беззаконие преступления, внегда ясти им святыню их, яко Аз Господь освящай их. 17 И рече Господь к Моисею, глаголя: 18 глаголи Аарону и сыном его и всему сонму Израилеву и речеши к ним: человек человек от сынов Израилевых, или от пришлец прилежащих к ним во Израили, иже аще принесет дары своя по всякому исповеданию своему, или по всякому изволению своему, елика аще принесут Господу на всесожжение, 19 приятны вам непорочны мужск пол от стад волов, или от овен и от коз: 20 всех, елика аще имут порок на себе, да не принесут Господу, понеже неприятно будет вам. 21 И человек иже аще принесет жертву спасения Господу, отлучив обет или по изволению, или в праздники ваша, от стад волов или от овец, непорочно да будет в приятие, всяк порок да не будет на нем: 22 слепо, или сокрушено, или язык урезан имущо, или червиво, или крастово, или лишаво, да не принесут тех Господу, и в жертву не дадите от них на алтарь Господви: 23 и телца или овцу ухорезну, или безхвостну, в заклоние сотвориши я себе (по изволению), в обет же твой да не примется: 24 емуже суть ятра сокрушена, и емуже раздавлена, и изрезана, и исторжена, да не принесете сих Господу, и в земли вашей да не сотворите. 25 И от руки иноплеменника да не принесете даров Богу вашему от всех сих, яко вреждения суть на них, порок на них, не примутся сия от вас. 26 И рече Господь к Моисею, глаголя: 27 телец, или овца, или козля, егда родится, да будет семь дний под материю своею, в день же осмый и далее принесется в дар, принос Господу: 28 и телца и овчате вкупе с материю да не заколете в един день, 29 аше же пожрешу жертву обет радования Господви, приятно вам пожрите е: 30 сия в тойже день да снестся, да не оставите от мяс на утрие: Аз есмь Господь. 31 И сохраните заповеди Моя и сотворите я: Аз Господь: 32 и не оскверните имене Святаго, и освящуся посреде сынов Израилевых: Аз Господь освящай вас, 33 изведый вы из земли Египетския, яко быти вам в Бога: Аз Господь.

23 И рече Господь к Моисею, глаголя: 2 глаголи сыном Израилевым и речеши к ним: праздницы Господни, яже наречете нарочитыя святыя, сии суть праздницы Мои: 3 в шесть дний да сотвориши дела, и в день седмый суббота, покой нареченный свят Господви, всякого дела да не сотворите: суббота есть Господви во всем обитании вашем. 4 Сии праздницы Господу наречены святи, яже наречете сия

во времена их: 5 в первом месяце в четвертынадесять день месяца, между вечерними, Пасха Господу: 6 и в пятыйнадесять день месяца первого праздник опресноков Господу: семь дний опресноки да ясте. 7 И день первый наречен свят будет вам: всякаго дела работня не сотворите: 8 и да принесете всесожжения Господу семь дний, и день седмый наречен свят будет вам: всякаго дела работня не сотворите. 9 И рече Господь к Моисею, глаголя: 10 глаголи сыном Израилевым и речеши к ним: егда внидете в землю, юже Аз даю вам, и пожнете жатву ея, и принесете снопы начаток жатвы вашей к жерцу, 11 и вознесет сноп пред Господа приятен вам: на утрие первого дне субботы да вознесет его жрец. 12 И сотворите в день, в онъже аще принесете сноп, овча непорочно единолетно во всесожжение Господу: 13 и жертву его две десятины муки пшеничны сопряжены в елеи: жертва Господу, в вою благовония Господу: и возлияние его вина четвертую часть ина. 14 И хлеба, и пряженных класов новых да не снесте, даже до того дне самаго, дондеже принесете вы дары Богу вашему: законно вечно в роды ваша во всем населении вашем. 15 И сочите себе от наутрия суббот, от дне, в онъже аще принесете снопы возложения, семь седмиц целых 16 даже до наутрия последния седмицы да сочтете пятьдесят дний, и да принесете жертву нову Господу. 17 От вселения вашего да принесете хлебы возложение, два хлеба: от двух десятин муки пшеничны да будут, квашены да испекутся от первых плодов Господу: 18 и да принесете со хлебами семь агнцев непорочных единолетних, и телца единого от стад, и овна два непорочна: и будут во всесожжение Господу, и жертвы их, и возлияния их, жертва воня благовония Господу. 19 И сотворите козла от коз единого о гресе, и два агнца единолетна в жертву спасения с хлебами первых жит. 20 И да возложит я жрец с хлебами первых жит, возложение пред Господем со обема агнцы: святая будут Господу, жерцу иже приносит я, тому да будут. 21 И прозовете сей день, нарочит свят будет вам: всякаго дела работня не сотворите в онъ: законно вечно в роды ваша во всем населении вашем. 22 И егда жнете жатву земли вашей, не потребите останка жатвы нивы своея, егда жнете, и от падающих от жатвы вашей да не собереши: нищему и пришелцу оставиши я: Аз Господь Бог ваш. 23 И рече Господь к Моисею, глаголя: 24 рцы сыном Израилевым, глаголя: месяца седмаго, в первый день месяца, да будет вам покой, память труб: наречен свят будет вам: 25 всякаго дела работня не сотворите, и принесете всесожжение Господу. 26 И рече Господь к Моисею, глаголя: 27 и в десятый день седмаго месяца сего день очищения, наречен свят да будет вам: и смирите души ваша, и принесите всесожжение Господу: 28 всякаго дела не сотворите в самый день сей: есть бо день очищения сей вам, имолити о вас пред Господем Богом вашим: 29 всяка бо душа, яже не покорится в день той, потребится от людей своих: 30 и всяка душа, яже сотворит дело в самый день сей, погибнет душа та от людей своих: 31 всякаго дела не сотворите, законно вечно в роды ваша, во всех селениях ваших. 32 Субботы суббот будут вам: и смирите

души ваша, от девятого дне месяца от вечера, даже до десятого дне месяца, до вечера, субботствуйте субботы ваша. **33** И рече Господь к Моисею, глаголя: **34** рцы сыном Израилевым, глаголя: в пятыйнадесять день месяца седмаго сего, праздник кущей семь дний Господу: **35** и день первый наречен свят будет: всякаго дела работня не сотворите: **36** семь дний да принесете всесожжения Господу: и день осмый наречен свят будет вам, и принесете всесожжения Господу: исходное есть, всякаго дела работня не сотворите. **37** Сии праздники Господни, яже наречете нарочиты святы, еже принесити приносы Господу: всесожжения и жертвы их, и возлияния их от дне до дне, **38** кроме суббот Господних и кроме даров ваших, и кроме всех обетов ваших и кроме благовольных ваших, яже еще дадите Господу. **39** И в пятыйнадесять день месяца седмаго сего, егда скончаετε жита земли, празднуйте Господу семь дний: в день первый покой, и в день осмый покой: **40** и да возьмете себе в день первый плод древа красен, и ветвь финическую, и ветви древа частыя, и вербы, и агновы ветви от потока, и возвеселитесь пред Господем Богом вашим семь дний в лето: **41** законно вечно в роды ваша, в месяц седмый празднуйте его: **42** в куцах да пребудете семь дний: всяк туземец во Израили да пребудет в куцах: **43** яко да уведят роды ваша, яко в куцах вселих сыны Израилевы, вегда извести мне их из земли Египетския: Аз Господь Бог ваш. **44** И поведат Моисей праздники Господни сыном Израилевым.

24 И рече Господь к Моисею, глаголя: **2** заповеждь сыном Израилевым, да возмут ти елей от масличия чист исцезен в светение, да горит светило всегда, **3** вне завесы в скинии свидения, и возжигати будут его Аарон и сынове его от вечера до заутра пред Господем непрестанно, законно вечно в роды ваша: **4** на светилнице чистем возжигати будете светила пред Господем даже до утра. **5** И возьмете муки пшеничны, и сотворите от нея дванадесять хлебов: дву десятин да будет хлеб един: **6** и возложите их на два положения, по шести хлебов едино положение на трапезе чисте пред Господем: **7** и возложите на едино положение ливан чист и соль, и да будут хлебы в память подлежащя пред Господем: **8** в день субботы да предлагаются пред Господем всегда от сынов Израилевых, завет вечный: **9** и да будут Аарону и сыном его, и да снесят я на месте святе, суть бо святая святых: сие им от жертв Господу в закон вечный. **10** И изыде сын жены Израилтяныни, и сей бе сын Египтянина в сынех Израилевых: и пряхуся в полце иже от Израилтяныни и муж Израилтянин: **11** и нарек сын жены Израилтяныни имя (Господне) прокля. И приведоша его к Моисею. Имя же матере его Саломиф, дщерь Давриина, от племени Данова. **12** И ввергоша его в темницу, разсудити о нем повелением Господним. **13** И рече Господь к Моисею, глаголя: **14** изведи клявшаго вне полка, и да возложат вси слышавшии рuce свои на главу его, и да побьют его камением весь сонм: **15** и сыном Израилевым глаголи и речеши к ним: человек человек, иже аще прокленет Бога своего, грех примет: **16** нарицай же имя Господне смертию да умрет: камением да побьют его весь сонм израильский:

аще туземец, или пришлец, егда наречет имя Господне, да умрет: **17** и человек, иже аще поразит всяку душу человеку, и умрет, смертию да умрет: **18** и иже аще ударит скота, и умрет, да возраст душу вместо души: **19** и аще кто сотворит порок ближнему, якоже сотвори ему, такожде и ему да сотворят: **20** изломление за изломление, око за око, зуб за зуб: якоже сотворил порок человеку, такожде да сотворят и ему: **21** иже аще ударит человека, и умрет смертию да умрет: **22** оправдание едино будет пришелцу и туземцу, яко Аз есмь Господь Бог ваш. **23** И глагола Моисей к сыном Израилевым, и изведоша клявшаго вне полка, и побиша его камением весь сонм: и сынове Израилевы сотвориша, якоже заповедат Господь Моисею.

25 И рече Господь к Моисею на горе Синайстей, глаголя: **2** глаголи сыном Израилевым и речеши к ним: егда внидете в землю, юже Аз даю вам, и почиет земля, юже Аз даю вам, субботы Господу. **3** Шесть лет да сееши ниву твою, и шесть лет да режеш виноград твой и собереш плод его: **4** в седмое же лето суббота, покой да будет земли, суббота Господня: нивы твоя сеяти и винограда твоего резати не будеш, **5** и сама собою произрастающая нивы твоя да не пожнеш, и винограда отлучения твоего да не собереш: лето покоя будет земли. **6** И будут субботы земли яди тебе, и рабу твоему и рабыни твоей, и наемнику твоему и обиталнику прилежащему к тебе, **7** и скотом твоим и зверем сущым на земли твоей да будет всяк плод его в снесь. **8** И исчислиши себе семь лет покоя, семь лет седмижды: и будут тебе семь седмин лет, четыредесять девять лет. **9** И возвестите трубным гласом во всей земли вашей месяца седмаго в десятый день месяца: в день очищения возвестите трубою во всей земли вашей. **10** И освятите лето, пятьдесятое лето, и разгласите оставление на земли всем живущим на ней: лето оставления знамение сие будет вам: и да отидет кийждо вас в притяжание свое, и кийждо во отечество свое отидете. **11** Оставления знамение сие будет вам, лето пятьдесятое, лето будет вам: ни сеяти, ниже жати будете, еже само произникнет на ней, и да не объемлеш освященных (Богу) ея: **12** яко оставления знамение есть, свято да будет вам: от нив ядите плоды ея: **13** и в лето оставления знамения сего да возвратитс кийждо в притяжание свое. **14** Аще же отдаси куплю ближнему твоему, или аще притяжеш от ближняго твоего, да не оскорбляет человек ближняго: **15** по числу лет по знамении, да притяжеш от ближняго, по числу лет плодов да продастся тебе. **16** Якоже аще более лет, умножит притяжание его, и якоже аще менее лет, уменьшит притяжание его: яко число плодов его, тако да продаст тебе. **17** Да не оскорбит человек ближняго, и да обоишися Господа Бога твоего: Аз Господь Бог ваш. **18** И сотворите вся оправдания Моя и вся суды Моя, сохраните же и сотворите я, и вселитесь на земли уповающе. **19** И даст земля плоды своя, и снесете в сытость, и вселитесь на ней уповающе. **20** Аще же речете: что ясти будем в седмое лето сие, аще не сеем, ни собираем плодов своих, **21** и послю благословение Мое вам в лето шестое, и сотворит плоды своя на три лета: **22** и посеете в лето осмое,

и снесите от плодов ветхих даже до лета девятого: дондеже приспеют плоды ея, снесите ветхая ветхих. 23 И земля да не продается во утверждение: Моя бо есть земля, яко пришелцы и приселницы вы есте предо Мною: 24 и по всей земли одержания вашего, искуп дадите земли. 25 Аще же нищетствует брат твой, иже с тобою, и продаст от одержания своего, да придет ужик ближний ему и искупит продание брата своего. 26 Аще же не будет кому ужика, и возможен рука его обрести доволен искуп его, 27 и исчислит лета продания его, и воздаст еже излише имать, человеку емуже продано бе оное, и возвратится во одержание свое. 28 Аще же не обрящет рука его довольно, еже отдати ему, да будет проданое купившему е даже до шестаго лета оставления, и изыдет во оставление, и возвратится во одержание свое. 29 Аще же кто продаст дом обитаемый во граде огражденном, и будет искупление его, дондеже исполнится: лето дний будет искупление его. 30 Аще же не искупит, дондеже скончается лето все, да укрепится дом сущий во граде имуществом ограждение в твердость купившему его, в роды его, и не возвратится во оставление. 31 Домы же иже на селех, ижеже несть окрест их ограждения, к селу земли да приложатся: искупаемы всегда да будут, и во оставление да возвратятся. 32 И гради левитстии, дома градов одержания их, искупаемы да будут всегда левитом. 33 И иже аще искупит от левит: и изыдет продание домов града одержания их во оставление, яко дома градов левитских одержание их, посреде сынов Израилевых. 34 И села отделеная градом их да не продадутся, яко одержание вечное сие их есть. 35 Аще же нищетствует брат твой, иже с тобою, и изменожет руками у тебе, заступи его яко пришелца и приселника, да поживет брат твой с тобою: 36 да не возмешь от него лихвы, ниже более (даного), и убоишия Бога твоего: Аз Господь: и поживет брат твой с тобою. 37 Сребра твоего да не даси ему в лихву, и ради прибытка не даси ему пищей твоих. 38 Аз Господь Бог ваш, изведый вы из земли Египетския, еже дати вам землю Ханаанску, яко быти Мне Богу вашему. 39 Аще же оубожают брат твой у тебе, и продается тебе, да не поработает тебе работы рабския: 40 аки наемник или пришелец да будет тебе, даже до лета оставления делати будет у тебе, 41 и да изыдет от тебе, и дети его с ним в лето оставления, и да отидет в род свой, и во одержание отчее свое возвратится, 42 понеже раби Мои суть сии, иже изведох из земли Египетския, да не продается проданием рабиим: 43 да не отяготиши его трудом, и убоишия Господа Бога твоего. 44 И раб и рабыня, иже ще будут у тебе от язык, иже окрест тебе суть, от тех да притяжете раба и рабыню. 45 И от сынов приселничих, иже суть в вас, от сих притяжете, и от средников их, елицы аще будут в земли вашей, да будут вам во одержание, 46 и да разделите я детям вашим по вас, и да будут вам во одержание во век: братии же вашей, сынов Израилевых, кийждо брата своего да не отяготит его в трудех. 47 Аще же обрящет рука пришелца или приселника иже у тебе, и обнищав брат твой продается к пришелцу или приселнику иже у тебе, или родившемуся от рода пришелца, 48 по продании ему, искуп да будет ему, един от братий его

да искупит его: 49 брат отца его, или сын брата отца его, да искупит его, или от свойственных плоти племени его искупит его: аще же возможет рука его, искупит себе, 50 да сочтется с притяжавшим его, от лета в неже продася ему даже до лета оставления, и будет сребро продания его аки день наемника: от лета до лета да будет с ним. 51 Аще же кому множае лет будет, против тех отдаст искуп свой, от сребра продания своего. 52 Аще же мало останется от лет до лета оставления, и да сочтет ему по летом его, и отдаст искуп его аки наемник: 53 от года до года да будет с ним: да не отяготиши его трудом пред тобою. 54 Аще же не искупится по сим, да изыдет в лето оставления сам и дети его с ним: 55 яко Мои сынове Израилевы раби суть, отроцы Мои сии суть, ижеже изведох из земли Египетския: Аз Господь Бог ваш.

26 Не сотворите себе (образов) рукотвореных, ниже изваяных, ниже столпа поставите себе, ниже камене поставите в земли вашей во знамение, ко еже поклонятися ему: Аз есмь Господь Бог ваш. 2 Субботы Моя сохраните, и от святых Моих убойтесь: Аз есмь Господь. 3 Аще в повелениях Моих ходите, и заповеди Моя сохранитеи сотворите я: 4 и дам дождь вам во время свое, и земля даст плоды своя, и дресеса селная отдадут плод свой: 5 и постигнет вам млечение (жит) обрание вина, и обрание вина постигнет сеяву, и снесите хлеб ваш в сытость, и вселитесь с твердостью на земли вашей, и рать не пройдет сквозе землю вашу: 6 и дам мир в земли вашей, и уснете, и не будет устрашая вас: и погублю звери лютыя от земли вашей: 7 и рать сквозе землю вашу не пройдет, и поженете враги ваша, и падут пред вами убиением: 8 и поженут от вас пять сто, и сто вас поженет тмы, и падут врази ваши пред вами мечем: 9 и призрю на вас и благословлю вас, и возвращу вас и умножу вас, и поставлю завет Мой с вами: 10 и снесите ветхая и ветхая ветхих, и ветхая от лица новых изнесете: 11 и поставлю завет Мой в вас, и не возгнушается душа Моя вами: 12 и похожу в вас, и буду вам Бог, и вы будете Ми людие: 13 Аз есмь Господь Бог ваш, изведый вас из земли Египетския, сущым вам рабом: и сокруших узы ярма вашего, и изведох вас со дерзновением. 14 Аще же не послушаете Мене, ниже сотворите повелений Моих сих, 15 но ни покоритесь им, и о судбах Моих вознегодует душа ваша, яко не творити вам всех заповедий Моих, яко разорити завет Мой, 16 и Аз сотворю сице вам, и наведу на вас скудость и красту, и желтяницу вреждающую очи ваша и души ваша истаевающую: и посеете вотще семена ваша, и поядят я супостаты ваша: 17 и утвержу лице Мое на вас, и падете пред враги вашими, и поженут вы ненавидящии вас, и побегнете ни комуже гонящу вас. 18 И аще до сего не послушаете Мене, и приложу наказати вы язвами седмижды за грехи ваша: 19 и сокрушу досаждение гордыни вашей, и положу небо вам аки железно, и землю вашу аки медяну: 20 и будет вотще крепость ваша, и не даст земля ваша семене своего, и древа села вашего не дадут плода своего. 21 И аще по сих пойдете страню и не восхощете послушати

Мене, приложу вам язв седьм по грехом вашым, 22 и послу на вы звери лютыя земныя, и изядят вы и потребят кости ваша, и умалены сотворю вы, и пусты будут путие ваши. 23 И еще сими не накажетесь, но пойдете ко Мне страну, 24 пойду и аз с вами в ярости страну, и поражу вы и аз седмижды грех ради ваших, 25 и наведу на вы меч мстия мечь завета, и вбегнете в грады ваша: и послу на вы смерть, и предани будете в руже враг ваших: 26 внегда скорбети вам скудостию хлебов, и испекет десять жен хлебы ваша в печи единой, и отдадут хлебы ваша весом, и ясти будете, и не насытитесь. 27 Аще же в сих не послушаете Мене и не пойдете ко Мне страну, 28 и аз пойду с вами в ярости страну, и накажу вы аз седмижды по грехом вашим: 29 и ясти будете плоти сынов ваших, и плоти дочерей ваших ясти имате, 30 и сотворю пустая капища ваша и потреблю дрянная рукотворения ваша, и положу трупы ваша на трупах кумир ваших, и возненавидит вас душа Моя: 31 и сотворю грады ваша пусты, и опустошу святая ваша, и не обоняю вони жертв ваших: 32 и сотворю пугу аз землю вашу, и удивятся о ней врази ваши, живущи на ней: 33 и рассыплю вы в языки, и потребит вы находий мечь, и будет земля ваша пуга, и грады ваши будут пусты. 34 Тогда возблаговолит земля субботы своя, во вся дни запустения своего, и вы будете в земли враг ваших: тогда воспряднует земля и возблаговолит субботы своя: 35 во вся дни опустения своего воспряднует, яже не празднова в субботах ваших, егда живясте на ней. 36 И оставльшимся от вас вложу страх в сердца их в земли враг их, и поженет их глас листа летяща, и побегнут яко бежачи от рати, и падут ни кимже гоними. 37 И презрит брат брата аки на рати, ни кому нападающу, и не возможете противустати врагом вашим: 38 и погибнете в языцех, и потребит вас земля враг ваших. 39 И оставльшиися от вас истлеют за грехи своя и за грехи отец своих, в земли враг своих истают, 40 и исповедят грехи своя и грехи отец своих, яко преступиша и презреша Мя, и яко ходиша предо Мною страну: 41 и аз пойду с ними в ярости страну и погублю их в земли врагов их: тогда усрамится сердце их необрезаное и тогда познают грехи своя: 42 и помяну завет Иаковль и завет Исааков, и завет Авраамль помяну, 43 и землю помяну, и земля останется от них. Тогда примет земля субботы своя, внегда опустети ей их ради: и они примут своя беззакония, иже ради презреша судьбы Моя, и о повелениях Моих вознегодова душа их: 44 обаче сущим им в земли врагов своих, не презрех их, ниже вознегодовах о них, яко потребити я и разорити завет Мой иже к ним: аз бо есмь Господь Бог их. 45 И помяну завет их первый, егда изведох их из земли Египетския, из дому работы пред языки, еже быти Мне Богу их: аз есмь Господь. 46 Сия судьбы Моя и повеления Моя, и закон, егоже даде Господь между Собою и между сыны Израилевы, на горе Синайстей, рукою Моисевою.

27 И рече Господь к Моисею, глаголя: 2 глаголи сыном Израилевым и речеши к ним, глаголя: человек, иже аще обещает обет, яко цену души своея Господу, 3 да будет

цена мужеска полу от двадесяти лет до шестидесяти лет, да будет цена его пятьдесят дидрахм серебра весом святым, 4 женска же полу да будет цена тридесять дидрахм: 5 аще же от пяти лет до двадесяти лет, да будет цена мужеску полу двадесять дидрахм, женску же полу десять дидрахм: 6 от месяца же единого до пяти лет, да будет цена мужеска полу пять дидрахм серебра, женска же полу три дидрахмы серебра: 7 аще же от шестидесяти лет и вышше, аще убо мужеск пол будет, да будет цена его пятнадцать дидрахм серебра, аще же женск пол, десять дидрахм. 8 Аще же убог будет ценуо своею, да станет пред жрецем, и да оценит его жрец: якоже может рука обещавшагося, тако оценит его жрец. 9 Аще же от скотов приносимых от них дар Господу, иже аще даст от сих Господу, будет свято. 10 Да не переменит добра злым, ниже зла добрым: аще же изменяя изменит оный скот скотом, да будет и той и переменение свята. 11 Аще же всяк скот нечист, от нихже не приносится дар Господу, да поставит скота пред жрецем, 12 и оценит его жрец между добрым и между злым: и якоже оценит его жрец, тако да будет. 13 Аще же испукая испукит его, да приложит пятую часть к цене его. 14 И человек, иже аще освятит дом свой святу Господу, и оценит его жрец между добрым и между злым: якоже оценит его жрец, тако да станет. 15 Аще же освятивый его испукит дом свой, да приложит к сему пятую часть серебра цены его, и будет ему. 16 Аще же от нив одержания своего освятит человек Господу, и да будет цена его по сеянию его, за спуд ячменя пятьдесят дидрахм серебра. 17 Аще же от лета оставления освятит ниву свою, по цене ея да станет. 18 Аще же напоследок по оставлении освятит ниву свою, да причтет ему сребро жрец к летом оставльшимся даже до лета оставления, и отимется от цены его. 19 аще же испукит ниву освятивый ю, да приложит пятую часть серебра к цене ея, и да будет ему. 20 Аще же не испукит нивы, и отдаст ниву человеку иному, не ктому да испукит ю: 21 но да будет нива минувшу лету оставления, святая хвална Господу, якоже земля отлученая: жрецу да будет во одержание его. 22 Аще же от нивы, юже стяжа, яже несть от села одержания его, освятит Господу, 23 да сочтет ему жрец останок цены от лета оставления, и да отдаст цену в той день святу Господу: 24 и в лето оставления да отдастся нива человеку, от нежеже притяжа ю, егоже бе одержание земли. 25 И всяка цена да будет весами святыми, двадесять пенязей будет дидрахма. 26 И всяк первенец, иже аще родится в скоте твоём, да будет Господу, и да не освятит его никтоже: аще телец, аще овца, Господу есть. 27 Аще же от четвероножных нечистых, да переменит по цене его, и да приложит пятую часть его к сему, и да будет ему: аще же не испукится, да продастся по цене его. 28 Всяк же обет, егоже аще обещает человек Господу от всех, елика ему суго, от человека даже до скота, и от нив одержания его, не продастся, ниже испукится всякий обет свят святых будет Господу. 29 И всяк обет, иже аще обещан будет от человек, не испукится, но смертию да умертвится. 30 Всяка десятинна земли, от семени земнаго и от плода дряннаго Господу есть, свято Господу. 31 Аще же испукая испукит человек десятину свою, пятую часть его

да приложит к нему, и да будет ему. 32 И всяка десятина волов и овец, и всяко, еже аще приидет в число под жезл десятое, будет свято Господу. 33 Не прмениши добраго злым, ниже добрым злаго: аще же прменя прмениши е, то и прменение его будет свято, да не искупится, 34 сия суть заповеди, яже заповеда Господь Моисею к сыном Израилевым на горе Синайстей.

Числа

1 И глагола Господь к Моисею в пустыни Синайстей, в скинии свидения, в первый день месяца второго, второго лета изшедшим им от земли Египетския, глаголя: 2 возьмите сочтение всего сонма сынов Израилевых по сродством их, по домом отечества их, по числу имен их, по главам их: 3 всяк мужеск пол от двадцати лет и выше, всяк исходяй с силою Израилевою, соглядяйте их с силою их, ты и Аарон созирайте их: 4 и с вами да будут с силою своею кийждо, кийждо по племени коегождо от князей, по домом отечеств да будут. 5 И сия имена мужей, иже станут с вами: от Рувима Елисур сын Седиуров, 6 от Симеона Саламиил сын Сурисадаев, 7 от Иуды Наассон сын Аминадавль, 8 от Иссахара Нафанаил сын Согаров, 9 от Завулона Елиав сын Хелонь, 10 от сынов Иосифовых, иже от Ефрема, Елисам сын Семиудов, от Манасии Гамалиил сын Фадассуров, 11 от Вениамина Авидан сын Гадеониев, 12 от Дана Ахиезер сын Амисадаев, 13 от Асира Фагаиил сын Ехранов, 14 от Гада Елисаф сын Рагуилов, 15 от Неффалима Ахирей сын Енань. 16 Сии нареченни сонма князи от племен, по отечествам их, тысященачалницы Израилевы суть. 17 И поя Моисей и Аарон мужы сия нареченныя именем. 18 И весь сонм собраша в первый день месяца второго лета, и соглядаша я по родом их, по отечествам их, по числу имен их, от двадцати лет и выше, всяк мужеск пол по главам их, 19 якоже повеле Господь Моисею: и соглядашася сии в пустыни Синайстей. 20 И быша сынове Рувима, первенца Израилева, по сродством их, по сонмом их, по домом отечеств их, по числу имен их, по главам их, всяк мужеск пол от двадцати лет и выше, всяк исходяй с силою, 21 соглядание их от племени Рувимля четыредесять шесть тысяч и пять сот. 22 Сынов Симеоновых по сродством их, по сонмом их, по домом отечеств их, по числу имен их, по главам их, всяк мужеск пол от двадцати лет и выше, всяк исходяй с силою, 23 соглядание их от племени Симеона пятьдесят девять тысяч и триста. 24 Сынов Иудиных по сродством их, по сонмом их, по домом отечеств их, по числу имен их, по главам их, всяк мужеск пол от двадцати лет и выше, всяк исходяй с силою, 25 соглядание их от племени Иудина седмьдесят четыре тысячи и шесть сот. 26 От сынов Иссахаровых по сродством их, по сонмом их, по домом отечеств их, по числу имен их, по главам их, всяк мужеск пол от двадцати лет и выше, всяк исходяй с силою, 27 соглядание их от племени Иссахарова пятьдесят и четыре тысячи и четыре ста. 28 От сынов Завулоних по сродством их, по сонмом их, по домом отечеств их, по числу имен их, по главам их, всяк мужеск пол от двадцати лет и выше, всяк исходяй с силою, 29 соглядание их от племени Завулоня пятьдесят семь тысяч и четыре ста. 30 От сынов Иосифовых, сынов Ефремилх по сродством их, по сонмом их, по домом отечеств их, по числу имен их, по главам их, всяк мужеск пол от двадцати лет и выше, всяк исходяй с силою, 31 соглядание их от племени Ефремля четыредесять

тысящ и пять сот. 32 От сынов Манасииных по сродством их, по сонмом их, по домом отечеств их, по числу имен их, по главам их, всяк мужеск пол их от двадцати лет и выше, всяк исходяй с силою, 33 соглядание их от племени Манасиина тридесять и две тысячи и двести. 34 От сынов Вениамина по сродством их, по сонмом их, по домом отечеств их, по числу имен их, по главам их, всяк мужеск пол их от двадцати лет и выше, всяк исходяй с силою, 35 соглядание их от племени Вениамина тридесять и пять тысяч и четыре ста. 36 От сынов Гадовых, по сродством их, по сонмом их, по домом отечеств их, по числу имен их, по главам их, всяк мужеский пол их от двадцати лет и выше, всяк исходяй с силою, 37 соглядание их от племени Гадова четыредесять пять тысяч и шесть сот пятьдесят. 38 От сынов Дановых по сродством их, по сонмом их, по домом отечеств их, по числу имен их, по главам их, всяк мужеск пол их от двадцати лет и выше, всяк исходяй с силою, 39 соглядание их от племени Данова шестьдесят и две тысячи и семь сот. 40 От сынов Асировых по сродством их, по сонмом их, по домом отечеств их, по числу имен их, по главам их, всяк мужеск пол их от двадцати лет и выше, всяк исходяй с силою, 41 соглядание их от племени Асирова четыредесять едина тысяща и пять сот. 42 От сынов Неффалимилх по сродством их, по сонмом их, по домом отечеств их, по числу имен их, по главам их, всяк мужеск пол их от двадцати лет и выше, всяк исходяй с силою, 43 соглядание их от племени Неффалимля пятьдесят и три тысячи и четыре ста. 44 Сие сочисление, еже соглядаша Моисей и Аарон и князи Израилевы, дванадесять мужей, муж един от племени единого, по племени домов отечества их быша. 45 И бысть всего соглядания сынов Израилевых с силою их, от двадцати лет и выше, всяк исходяй ополчатися во Израили, 46 шесть сот тысяч и три тысячи и пять сот и пятьдесят. 47 Левити же от племени отечества их не сочислишася в сынех Израилевых. 48 И рече Господь к Моисею, глаголя: 49 видь, плеюмене Левиина да на сочислиши, и числа их да не приимеши среди сынов Израилевых: 50 и ты пристави левиты к скинии свидения и ко всем сосудом ея, и ко всем, елика суть в ней: да носят сии скинию и вся сосуды ея, и тии да служат в ней, и окрест скинии да ополчатся: 51 и внегда воздвизати скинию, да снимают ю левити, и внегда поставити скинию, да возставят: и иноплеменник приступаяй да умрет. 52 И да ополчатся сынове Израилевы, всяк в своем чине и всяк по своему старейшинству, с силою своею: 53 левити же да ополчатся сопотив, окрест скинии свидения, и не будет согрешения в сынех Израилевых, и да стрегут левити сами стражу скинии свидения. 54 И сотвориша сынове Израилевы по всем, елика заповеда Господь Моисею и Аарону, тако сотвориша.

2 И рече Господь к Моисею и Аарону, глаголя: 2 человек держайся по чину своему, по знаменям, по домом отечеств своих, да ополчатся сынове Израилевы пред Господем, окрест скинии свидения да ополчатся сынове Израилевы. 3 И ополчающися первии на восток чин полка

Иудина с силою их, и князь от сынов Иудиных Наассон сын Аминадавлъ: 4 сила его согляданая семьдесят и четыре тысящи и шесть сот. 5 И ополчающися близ от племени Иссахарова, и князь сынов Иссахаровых Нафанаил сын Согаров: 6 сила его согляданая пятьдесят и четыре тысящи и четыре ста. 7 И ополчающися близ от племени Завулоня, и князь сынов Завулоних Елиав сын Хелонь: 8 сила его согляданая пятьдесят семь тысящ и четыре ста. 9 Всех сочтеных от полка Иудина сто осмьдесят шесть тысящ и четыре ста, с силою их первии да воздвизаются. 10 Чины полка Рувимля к югу с силою его, и князь сынов Рувимлих Елисур сын Седиуров: 11 сила его согляданая чтыредесять и шесть тысящ и пять сот. 12 И ополчающися близ его от племени Симеоня, и князь сынов Симеоних Саламиил сын Сурисадаин: 13 сила его сочтеная пятьдесят и девять тысящ и три ста. 14 И ополчающися близ его от племени Гадова, и князь сынов Гадовых Елисаф сын Рагуиль: 15 сила его согляданая чтыредесять и пять тысящ и шесть сот и пятьдесят. 16 Всех же сочтеных полка Рувимля сто пятьдесят едина тысяща и чтыре ста и пятьдесят, с силою их втории да воздвизаются. 17 И да воздвигнется скиния свидения и полк левитский посреде полков: якоже ополчатся, тако и да воздвигнутся, кийждо держася по чину своему. 18 Чин полка Ефремля к морю с силою их, и князь сынов Ефремлих Елисама сын Емидуров: 19 сила его сочтеная чтыредесять тысящ и пять сот. 20 И ополчающися близ племя Манассиино, и князь сынов Манассииных Гамалиил сын Фадассуров: 21 сила его согляданая тридесять две тысящи и двести. 22 И ополчающися близ от племени Вениаминя, и князь сынов Вениаминих Авидан сын Гадеониев: 23 сила его сочтеная тридесять пять тысящ и чтыре ста. 24 Всех сочтеных полка Ефремля сто осмь тысящ и сто, с силою их гретии да воздвизаются. 25 Чин полка Данова к северу с силою их, и князь сынов Дановых Ахиезер сын Амисадаин: 26 сила его согляданая шестьдесят две тысящи и семь сот. 27 И ополчающися близ его племя Асирово, и князь сынов Асировых Фагаиил сын Ехранов: 28 сила его согляданая чтыредесять едина тысяща и пять сот. 29 И ополчающися близ племя Неффалимле, и князь сынов Неффалимлих Ахирей сын Енань: 30 сила его согляданая пятьдесят три тысящи и чтыре ста. 31 Всех сочтеных полка Данова сто пятьдесят семь тысящ и шесть сот, с силою их последнии да воздвизаются по чину своему. 32 Сие сочтение сынов Израилевых по домом отечеств их: вся соглядания полков с силами их шесть сот три тысящи и пять сот пятьдесят. 33 Левити же не соглядашася среди сынов Израилевых, якоже заповеда Господь Моисею. 34 И сотвориша сынове Израилевы вся, елика заповеда Господь Моисею: тако ополчашуся по чином своим, и тако воздвизахуся кийждо близ по сонмом своим, по домом отечеств своих.

3 И сия рождения Аарона и Моисея, в день в онже глагола Господь Моисею на горе Синайстей: 2 и сия имена сынов Аароних: первенец Надав и Авиуд, и Елеазар и Ифамар:

3 сия имена сынов Аароних, жерцы помазаныя, имже совершишася руже их жрети: 4 и скончашася Надав и Авиуд пред Господем, приносящым им огонь чуждь пред Господем в пустыни Синайстей, и чад не бе им: и жречествоваху Елеазар и Ифамар со Аароном, отцем своим. 5 И рече Господь к Моисею, глаголя: 6 поими племя Левиино, и поставиши я пред Аароном жрецем, и да служат ему: 7 и да стрегут стражбы его и стражбы сынов Израилевых пред скиниею свидения, делати дела скинии: 8 и да хранят вся сосуды скинии свидения и стражбы сынов Израилевых по всем делом скинии: 9 и да даси левиты Аарону брату твоему и сыном его жрецем: в дар даны сии Мне суть от сынов Израилевых: 10 и Аарона и сыны его поставиши над скиниею свидения, и да хранят жречество свое, и вся яже у олтаря и внутрь завесы: иноплеменик же прикасайся умрет. 11 И рече Господь к Моисею, глаголя: 12 и се, аз възь левиты от среды сынов Израилевых, вместо всякаго первенца, отверзающаго ложесна от сынов Израилевых: искупления их будут, и да будут Мне левити: 13 Мне бо всяк первенец: в онже день побих всякаго первенца в земли Египетстей, освятих Себе всякаго первенца во Израили, от человека до скота Мне да будут: аз Господь. 14 И рече Господь к Моисею в пустыни Синайстей, глаголя: 15 соглядай сынов Левииных по домом отечеств их по сонмом их, по рождению их: всяк мужеск пол от месяца единаго и выше да соглядаете их. 16 И сочте их Моисей и Аарон повелением Господним, якоже повеле им Господь. 17 И бяху сии сынове Левиины от имен их: Гирсон, Кааф и Мерари. 18 И сия имена сынов Гирсоних по сонмом их: Ловени и Семей. 19 И сынове Каафовы по сонмом их: Амрам и Иссаар, Хеврон и Озиил. 20 И сынове Мерарины по сонмом их: Мооли и Муси: сии суть сонми Левитстии по домом отечеств их. 21 От Гирсона сонм Ловениин и сонм Семейн: сии суть сонми Гирсоновы. 22 Соглядание их по числу всего мужеска полу, от месяца единаго и выше, соглядание их семь тысящ и пять сот. 23 И сынове Гирсоновы за скиниею да ополчаются к морю. 24 И князь дому отечества сонма Гирсона Елисаф сын Даиль. 25 И стражба сынов Гирсоновых в скинии свидения, скиния и покров ея, и покров дверей скинии свидения, 26 и опоны двора, и завеса дверей двора, иже есть у скинии, и прочая всех дел его. 27 От Каафа сонм Амрамль един и сонм Иссааров един, и сонм Хевронь един и сонм Озиил един: сии суть сонми Каафовы: 28 по числу всяк мужеск пол от месяца единаго и выше осмь тысящ и шесть сот, стрегущии стражбы Святых. 29 Сонми сынов Каафовых да ополчаются от страны скинии к югу, 30 и князь дому отечеств сонмов Каафовых Елисафан сын Озиил: 31 и стражба их кивот и трапеза, и светилник и олтари, и сосуды святого, в ниже служат, и покров, и вся дела их. 32 И князь над князи левитскими Елеазар сын Аарона жерца, поставлен стрещи стражбы святых. 33 От Мерара же сонм Мооли и сонм Муси: сии суть сонми Мерарины, 34 соглядание их по числу, всяк мужеск пол от месяца единаго и выше, шесть тысящ и двести. 35 И князь дому отечеств сонма Мерарина Суриил сын Авихеов:

от страны скинии да пополчаются к северу, **36** соглядание стражбы сынов Мерариных главицы скинии и верей ея, и столпы ея и стояла ея, и вся сосуды их и вся дела их, **37** и столпы двора окрест и стояла их, и колки их и верви их. **38** Ополчающися спреды скинии свидения на востоки Моисей и Аарон и сынове его, стрегуще стражбы святого, в стражбах сынов Израилевых: и иноплеменик прикасаяся да умрет. **39** Все соглядание левитов, ихже согляда Моисей и Аарон повелением Господним по сонмом их, всяк мужеск пол от месяца единого и вышеше, двадесять и две тысячи. **40** И рече Господь к Моисею, глагола: соглядая всякого первенца мужеска полу сынов Израилевых от месяца единого и вышеше, и возми число их по имени, **41** и да поймеш Мне левиты за вся первенцы сынов Израилевых: Аз Господь: и скоты левитски вместо всех первенцев в скотех сынов Израилевых. **42** И согляда Моисей, якоже заповеда ему Господь, всякого первенца в сынех Израилевых. **43** И быша вси первенцы мужескаго полу, по числу имен от месяца единого и вышеше, от соглядания их двадесять две тысячи двести и семьдесят три. **44** И рече Господь к Моисею, глагола: **45** поими левиты вместо всех первенцев сынов Израилевых, и скоты левитски вместо скотов их, и будут Мне левиты: Аз Господь: **46** и искуп дву сот седмидесяти трех, иже преизбывают сверх левитов от первенцев сынов Израилевых: **47** и да возмеш по пяти сикль на главу, по сиклю святому возмеш двадесять пенязей сикль, **48** и даси сребро Аарону и сыном его искуп от преизбывающих в них. **49** И взя Моисей сребро искупное от преизбывающих в них на искуп левитом: **50** от первенец сынов Израилевых взя сребра тысящу три ста шестьдесят пять сиклев, по сиклю святому. **51** И даде Моисей окуп от преизбывших Аарону и сыном его, повелением Господним, якоже заповеда Господь Моисею.

4 И рече Господь к Моисею и Аарону, глаголя: **2** возми сочисление сынов Каафовых от среды сынов Левиных, по сонмом их, по домом отечеств их, **3** от двадесяти и пяти лет и вышеше, даже до пятидесяти лет, всяк входяй служити, творити вся дела в скинии свидения. **4** И сия дела сынов Каафовых от среды сынов Левиных, по сонмом их, по домом отечеств их, в скинии свидения Святое Святых. **5** И да внидут Аарон и сынове его, егда воздвигнется полк, и да снимут завесу осеняющую, и да обвют в ню кивот свидения, **6** и да покрюют его покровом кожаным синим, и да возложат нань одежду всю синетную сверху, и да вложат носила: **7** и на тралезе предложения да положат на ней одежду всю багряную и блюда, и кадилницы и чашы, и возливалницы, имиже возливают, и хлебы на ней всегда да будут: **8** и да возложат на ню одежду червлену, и да покрюют ю покровом кожаным синим, и да вложат носила ея: **9** и да возмут одежду синю, и покрюют светилник светящий и свещы его, и щипцы его и очищала его, и вся сосуды елеа его, имиже служат в них: **10** и да вложат его и вся сосуды его в покров кожан синий, и да возложат его на носила: **11** и на олтарь златый да положат одежду синю, и да

покрюют его покровом кожаным синим, и да вложат носила его: **12** и да возмут вся сосуды служебныя, еликими служат в них во святых, и вложат во одежду синю, и да покрюют их покровом кожаным синим, и да возложат на носила: **13** и покров да возложат на олтарь, и покрюют его одеждою всею багряною: **14** и да возложат на него вся сосуды его, еликими служат на нем в них, и кадилники, и виллицы и чашы, и покров и вся сосуды олтаря, и да возложат на него покров кожан синь и да вложат носила ея: и да возмут одежду багряню, и да покрюют умывалницу и стояла ея: и да вложат ю в покров кожаный синий, и да возложат на носила. **15** И совершат Аарон и сынове его, покрывающе святая и вся сосуды святыя, вегда воздвизатися полку: и по сих да внидут сынове Каафовы воздвизати, и да не прикоснутся святых, да не умрут. Сия да воздвизают сынове Каафовы в скинии свидения. **16** Надсмотритель Елеазар, сын Аарона жерца, елей светилный, и фиимам сложения, и жертва яже по вся дни, и елей помазания, надсмотрение всея скинии и елика суть в ней во святем, во всех делех. **17** И рече Господь к Моисею и Аарону, глаголя: **18** не потребите сонм племене Каафова от среды левитов: **19** сие сотворите им, и живи будут и не умрут: приходящим им ко Святым Святых, Аарон и сынове его да внидут и да устроят их коегождо по ношению его, **20** и да не внидут внезапно видети святая, и умрут. **21** И рече Господь к Моисею, глаголя: **22** возми сочисление сынов Гирсоных, и иже по домом отечеств их, по сонмом их и по племем их, **23** от двадесяти и пяти лет и вышеше, даже до пятидесяти лет, соглядайте я, всяк входяй служити и творити дела в скинии свидения. **24** Сия служба сонма Гирсонова, служити и воздвизати. **25** И да воздвигнет опоны скинии и скинию свидения, и покров ея и покров синий сущий сверх ея, и опону дверей скинии свидения, **26** и опоны двора, и завесу дверей двора, елика над скинию свидения, и яже окрест олтаря, и прочая их, и вся сосуды служебныя, еликими служат в них, да сотворят. **27** По слову Аарона и сынов его да будет вся служба сынов Гирсоновых по всем службам их и по всем делам их: и да соглядаети их по именам, вся носима ими. **28** Сия служба сонма сынов Гирсоновых в скинии свидения, и стражба их рукою Ифамара, сына Аарона жерца. **29** Сынове Мерарины по сонмом их, по домом отечеств их, соглядайте их, **30** от двадесяти и пяти лет и вышеше, даже до пятидесяти лет, соглядайте их, всяк входяй служити дела скинии свидения. **31** И сия хранения воздвизаемых ими, по всем делом их в скинии свидения: главицы скинии и верей ея, и столпы ея и стояла ея, и покров и стояла их, и столпы их, и покров дверей скинии, **32** и столпы двора окрест и стояла их, и столпы завесы дверей двора и стояла их, и колки их и верви их, и вся сосуды их и вся служения их: по именам соглядайте их и вся сосуды стражбы воздвизаемых ими. **33** Сия служба сонма сынов Мерариных во всех делех их, в скинии свидения рукою Ифамара, сына Аарона жерца. **34** И согляда Моисей и Аарон и князи Израилевы сыны Каафовы по сонмом их, по домом отечеств их, **35** от двадесяти и пяти лет и вышеше, даже до пятидесяти лет, всяк входяй служити

и творити дела в скинии свидения. 36 И бысть соглядание их по сонмом их, две тысяцы семь сот пятьдесят. 37 Сие сочтение сонма Каафова, всех служащих в скинии свидения, якоже согляда Моисей и Аарон повелением Господним, рукою Моисеовою. 38 И соглядани быша сынове Гирсони по сонмом своим, по домом отечеств своих, 39 от двадесяти и пяти лет и вышше, даже до пятидесяти лет, всяк входяй служити и творити дела в скинии свидения. 40 И бысть соглядание их по сонмом их, по домом отечеств их, две тысяцы шесть сот тридесять. 41 Сие соглядание сонма сынов Гирсоновых, всех служащих в скинии свидения, иже соглядаша Моисей и Аарон по глаголу Господню, рукою Моисеовою. 42 Соглядани же быша сынове Мерарины по сонмом своим, по домом отечеств своих, 43 от двадесяти и пяти лет и вышше, даже до пятидесяти лет, всяк входяй служити на дела скинии свидения. 44 И бысть сочтение их по племени их, по сонмом их, по домом отечеств их, три тысяцы и двести. 45 Сие сочисление сонма сынов Мерариных, иже согляда Моисей и Аарон по глаголу Господню, рукою Моисеовою. 46 Все соглядании левиты, иже согляда Моисей и Аарон и князи сынов Израилевых, по сонмом их и по домом отечеств их, 47 от двадесяти и пяти лет и вышше, даже до пятидесяти лет, всяк входяй на дело дел, и к делам воздвигаемым в скинии свидения. 48 И быша соглядании осмь тысящ пять сот осмьдесят. 49 Повелением Господним соглядаше их Моисей, мужа по мужу над делы их, и яже воздвизаху сии, и соглядани суть, якоже повеле Господь Моисею.

5 И рече Господь к Моисею, глаголя: 2 повели сыном Израилевым, и да изгонят из полка всякаго прокаженнаго, и всякаго проливающаго семя, и всякаго нечистаго душею: 3 от мужеска полу до женска, изгоните вне полка, и да не осквернят полков своих, в ниже Аз пребываю. 4 И сотвориша сынове Израилевы тако, и изгнаша их вне полка: якоже глагола Господь Моисею, тако сотвориша сынове Израилевы. 5 И рече Господь к Моисею, глаголя: 6 рцы сыном Израилевым, глаголя: муж или жена, иже аще сотворит от всех грехов человеческих и презирая презрит Господа, и преступит душа она: 7 да исповесть грех, егоже сотвори, и да отдаст преступление истое, пятую часть его да приложит к тому, и да отдаст, емуже согреси. 8 Аще же несть человеку ужика, яко отдати ему преступление, преступление отдаемое Господу, жерцу да будет, кроме овна очищения, имже помолится о нем. 9 И всяк начаток, и вся освящаемая в сынех Израилевых, елика аще приносят Господу, жерцу самому да будут: 10 и коегождо освященная, тому да будут и муж аще даст жерцу, тому да будет. 11 И рече Господь к Моисею, глаголя: 12 глаголи сыном Израилевым и речеши к ним: мужа, мужа аще преступит жена его, и презираючи презрит его, 13 и будет кто с нею ложем семене, и утаится от очию мужа ея, и укроется, она же будет осквернена, и свидетеля не будет на ню и сия несть ята, 14 и приидет на него дух ревнования, и возревнует к жене своей, она же осквернена есть, или приидет ему дух

ревнования, и возревнует к жене своей, она же не будет осквернена, 15 и да приведет муж жену свою к жерцу, и да принесет дар за ню, десятую часть меры ефи муки ячнняя: да не возлиет на ню елеа, ниже да возложит на ню ливана: жертва бо ревнования есть, жертва памяти воспоминающая грех. 16 И приведет ю жрец и поставит ю пред Господем: 17 и да возмет жрец воду живу чисту в сосуде глиняне, и от персти на земли сущия у скинии свидения, и взем жрец да всыплет в воду: 18 и да поставит жрец жену пред Господем, и да открыет главу жене, и да даст в руке ея жертву памяти, жертву ревнования: в руке же жерца да будет вода обличения клятвенная сия. 19 И да закленет ю жрец и речет жене: аще никтоже бысть с тобою, и неси преступила оскверниться под мужем твоим, невинна буди от воды обличения клятвенныя сея: 20 аще же преступила еси, мужата сущи, или осквернена еси, и даде кто тебе ложе свое, кроме мужа твоего. 21 И закленет жрец жену клятвами клятвы сея, и речет жрец жене: да даст тя Господь в клятву и проклятие среди людей твоих, внегда дати Господу стегну твоему отпасти и чреву твоему разсесться: 22 и внидет вода клятвенная сия во чрево твое, еже расторгнути утробу твою, и отпасти стегну твоему. И отвещает жена: 23 и да напишет жрец клятвы сия в книзе, и изгладит в воде обличения клятвеннаго: 24 и напоит жену водою обличения клятвенною, и внидет в ню вода клятвенная обличения. 25 И да возмет жрец от руки женски жертву ревнования, и да возложит жертву пред Господем, и да принесет ю ко олтарю: 26 и да возмет жрец горстию от жертвы память ея, и да принесет ю на олтарь, и по сем напоит водою жену. 27 И будет аще есть осквернена, и аще утаением утаиса от мужа своего, и внидет в ню вода клятвенная обличения, и надмет чрево ея, и отпадет стегно ея, и будет жена в проклятие в людех своих: 28 аще же не будет осквернена жена, и чиста есть, и невинна будет, и плодствовати будет семя. 29 Сей закон ревнования, комулибо аще преступит жена, мужата сущи, и осквернится: 30 или человек, емуже аще найдет нань дух ревнования, и возревнует к жене своей, и поставит жену свою пред Господем, и да сотворит ей жрец весь закон сей: 31 и чист будет человек от греха, и жена та возмет грех свой.

6 И рече Господь к Моисею, глаголя: 2 глаголи сыном Израилевым и речеши к ним: муж или жена, иже аще обещается зело обетом, еже очистится чистотою Господу, 3 да воздержится от вина и сикера, и оцта винна и оцта от сикера да не пьет: и, елика делаются от грозд винных, да не пьет, и гроздия свежаго и сухаго да не снест. 4 Во вся дни обета своего от всех, елика бывають от винничины вина, от кости и до скорлупы да не пиете, ниже ясте от всего. 5 Во вся дни обета очищения своего бритва да не взыдет на главу его, дондеже скончаются дние, елики обещал есть Господу: свят будет растяй власы главы своея. 6 Во вся дни обета своего Господу, ко всякой душе скончавшейся да не внидет. 7 Над отцем и над материю, и над братом и над сестрою, да не осквернится над ними, умершвы им, яко обет Бога его на главе его. 8 Вся дни обета его свят будет

Господу. 9 Аще же кто смертью внезапно умрет у него, абие осквернится глава обета его, и обриет главу свою, в оньже день очистится, в день седмый да обриется, 10 и в день осмый да принесет два горличища или два птенца голубина к жерцу пред двери скинии свидения: 11 и да сотворит жрец едину греха ради, и другую во всеожжение, и да помолится о нем жрец, о нихже согреша, о души, и освятит главу свою в той день, в оньже освятится Господу, во дни обета своего. 12 И да приведет агнца единоелетна в преступление, и дние прежня да не будут ему в число, понеже осквернится глава обета его. 13 И сей закон обещавагося, в оньже день скончае дни обета своего, да принесет сам к дверем скинии свидения: 14 и да приведет дар свой Господу агнца единоелетна непорочна единого во всеожжение, и агницу единоелетну едину непорочну греха ради, и овна единого непорочна во спасение, 15 и кош опресноков от муки пшеничны, хлебы смешаны с елеем, и опресноки помазаны елеем, и жертву их и возлияние их. 16 И да принесет жрец пред Господа, и да сотворит еже греха ради его, и всеожжение его, 17 и овна сотворит жертву спасения Господу на кошнице опресноков, и да сотворит жрец жертву его и возлияние его. 18 И да обриет обещаваый пред дверми скинии свидения главу обета своего, и да возложит власы на огонь, иже есть под жертвою спасения: 19 и да возмет жрец рамо варено от овна, и хлеб един опресночный от кошницы, и опреснок един, и да возложит на руки обещававшемуся, по обриту главы его, 20 и да принесет я жрец возложение пред Господа: свято да будет жерцу на грудех возложения и на раме участия: и по сих обещаваый да пьет вино. 21 Сей закон обещавагося, иже еще обещает дар Господу о обете, кроме сих яже обращет рука его: по силе обета его, егоже еще обещает, по закону очищения. 22 И рече Господь к Моисею, глаголя. 23 Рцы Аарону и сыном его, глаголя: сице благословите сыны Израилевы, глаголюще им: 24 да благословит тя Господь и сохранит тя: 25 да просветит Господь лице Свое на тя и помилует тя: 26 да воздвигнет Господь лице Свое на тя и даст ти мир: 27 и да возложат имя Мое на сыны Израилевы, и аз Господь благословлю я.

7 И бысть в день в оньже сконча Моисей, якоже поставити скинию, и помаза ю, и освяти ю и вся сосуды ея, и олтарь и вся сосуды его, и помаза я. 2 И приведоша князи Израилестии дванадесять, князи домов отечеств своих, сии князи коегождо племени, сии предстоящи над согладианием: 3 и приведоша дары своя пред Господа шесть колесниц покрытых и дванадесять волов: колесницу едину от двоих князей, и телца от коегождо и приведоша пред скинию. 4 И рече Господь к Моисею, глаголя: 5 возми от них, и да будут на дела служебная скинии свидения: и даси я левитом, коемуждо по его служению. 6 И взем Моисей колесницы и волы, даде я левитом: 7 две колесницы и четыре волы даде сыном Гирсоним по службам ихже, 8 и четыре колесницы и осмь волов даде сыном Мерариним по службам их, чрез Ифамара, сына Аарона жерца: 9 и сыном Каафовым не даде, яко службы святого имеют: на раменах

да воздвизают я. 10 И принесоша князи на обновление олтаря в день, в оньже помаза его, и принесоша князи дары своя пред олтарь. 11 И рече Господь к Моисею: князь един на день, князь на день да принесут дары своя на обновление олтаря. 12 И бяше приносяй дар свой в первый день Наассон сын Аминадавль, князь племени Иудина: 13 и принесе дар свой, блюдо сребряно едино, вес его сто и тридесять сикль: чашу едину сребряну семьдесят сикль, по сиклю святому: обоя полны муки пшеничны спряжены с елеем на жертву: 14 фимиамник един десяти златник, полн фимиама: 15 телца единого от волов, овна единого, агнца единого единоелетна во всеожжение: 16 и козла от коз единого греха ради: 17 и на жертву спасения юницы две, овнов пять, козлов пять, агниц единоелетних пять: сей дар Наассона сына Аминадавля. 18 Во второй день принесе Нафанаил сын Согаров, князь племени Иссахаря: 19 и принесе дар свой, блюдо сребряно едино, вес его сто и тридесять сикль: чашу едину сребряну семьдесят сикль, по сиклю святому: обоя полны муки пшеничны спряжены с елеем на жертву: 20 фимиамник один десяти златник, полн фимиама: 21 телца единого от волов, овна единого, агнца единого единоелетна во всеожжение: 22 и козла от коз единого греха ради: 23 и на жертву спасения юницы две, овнов пять, козлов пять, агниц единоелетних пять: сей дар Нафанаила сына Согарова. 24 В третий день князь сынов Завулони, Елиав сын Хелонов: 25 дар его блюдо сребряно едино, вес его сто и тридесять сикль: чашу едину сребряну семьдесят сикль, по сиклю святому: обоя полны муки пшеничны спряжены с елеем на жертву: 26 фимиамник один десяти златник, полн фимиама: 27 телца единого от волов, овна единого, агнца единого единоелетна во всеожжение: 28 и козла от коз единого греха ради: 29 и на жертву спасения юницы две, овнов пять, козлов пять, агниц единоелетних пять: сей дар Елиава сына Хелонова. 30 В четвертый день князь сынов Рувимлих, Елисур сын Седиуров: 31 дар его блюдо сребряно едино, вес его сто и тридесять сикль: чашу едину сребряну семьдесят сикль, по сиклю святому: обоя полны муки пшеничны спряжены с елеем на жертву: 32 фимиамник один десяти златник, полн фимиама: 33 телца единого от волов, овна единого, агнца единого единоелетна во всеожжение: 34 и козла от коз единого греха ради: 35 и на жертву спасения юницы две, овнов пять, козлов пять, агниц единоелетних пять: сей дар Елисура сына Седиурова. 36 В пятый день князь сынов Симеоних, Саламиил сын Сурисадаиль: 37 дар его блюдо сребряно едино, вес его сто и тридесять сикль: чашу едину сребряну семьдесят сикль, по сиклю святому: обоя полны муки пшеничны спряжены с елеем на жертву: 38 фимиамник один десяти златник, полн фимиама: 39 телца единого от волов, овна единого, агнца единого единоелетна во всеожжение: 40 и козла от коз единого греха ради: 41 и на жертву спасения юницы две, овнов пять, козлов пять, агниц единоелетних пять: сей дар Саламиила сына Сурисадаиля. 42 В шестый день князь сынов Гадовых, Елисаф сын Рагуилев: 43 дар его блюдо сребряно едино, вес его сто и тридесять сикль: чашу

едину серебряну семьдесят сикль, по сиклю святому: обоя полны муки пшеничны сопряжены с елеем на жертву: **44** фимиамник един десяти златник, полн фимиама: **45** телца единого от волов, овна единого, агнца единого единолетна во всесожжение: **46** и козла от коз единого греха ради: **47** и на жертву спасения юницы две, овнов пять, козлов пять, агниц единолетних пять: сей дар Елисафа сына Рагуилева. **48** В седмый день князь сынов Ефремлих, Елисама сын Емиудов: **49** дар его блюдо серебряно едино, вес его сто и тридесять сикль: чашу едину серебряну семьдесят сикль, по сиклю святому: обоя полны муки пшеничны сопряжены с елеем на жертву: **50** фимиамник един десяти златник, полн фимиама: **51** телца единого от волов, овна единого, агнца единого единолетна во всесожжение: **52** и козла от коз единого греха ради: **53** и на жертву спасения юницы две, овнов пять, козлов пять, агниц единолетних пять: сей дар Елисамы сына Емиудова. **54** В осмый день князь сынов Манассиных, Гамалиил сын Фадассуров: **55** дар его блюдо серебряно едино, вес его сто и тридесять сикль: чашу едину серебряну семьдесят сикль, по сиклю святому: обоя полны муки пшеничны сопряжены с елеем на жертву: **56** фимиамник един десяти златник, полн фимиама: **57** телца единого от волов, овна единого, агнца единого единолетна во всесожжение: **58** и козла от коз единого греха ради: **59** и на жертву спасения юницы две, овнов пять, козлов пять, агниц единолетних пять: сей дар Гамалиила сына Фадассурова. **60** В девятый день князь сынов Вениаминых, Авидан сын Гадеонин: **61** дар его блюдо серебряно едино, вес его сто и тридесять сикль: чашу едину серебряну семьдесят сикль, по сиклю святому: обоя полны муки пшеничны сопряжены с елеем на жертву: **62** фимиамник един десяти златник, полн фимиама: **63** телца единого от волов, овна единого, агнца единого единолетна во всесожжение: **64** и козла от коз единого греха ради: **65** и на жертву спасения юницы две, овнов пять, козлов пять, агниц единолетних пять: сей дар Авидана, сына Гадеонина. **66** В десятый день князь сынов Дановых, Ахиезер сын Амисадаин: **67** дар его блюдо серебряно едино, вес его сто и тридесять сикль: чашу едину серебряну семьдесят сикль, по сиклю святому: обоя полны муки пшеничны сопряжены с елеем на жертву: **68** фимиамник един десяти златник, полн фимиама: **69** телца единого от волов, овна единого, агнца единого единолетна во всесожжение: **70** и козла от коз единого греха ради: **71** и на жертву спасения юницы две, овнов пять, козлов пять, агниц единолетних пять: сей дар Ахиезера сына Амисадаина. **72** В первыйнадесятый день князь сынов Асировых, Фагаиил сын Ехрань: **73** дар его блюдо серебряно едино, вес его сто и тридесять сикль: чашу едину серебряну семьдесят сикль, по сиклю святому: обоя полны муки пшеничны сопряжены с елеем на жертву: **74** фимиамник един десяти златник, полн фимиама: **75** телца единого от волов, овна единого, агнца единого единолетна во всесожжение: **76** и козла от коз единого греха ради: **77** и на жертву спасения юницы две, овнов пять, козлов пять, агниц единолетних пять: сей дар Фагаиила сына Ехраня. **78** Во второйнадесятый день князь сынов Неффалимлих, Ахирей

сын Енань: **79** дар его блюдо серебряно едино, вес его сто и тридесять сикль: чашу едину серебряну семьдесят сикль, по сиклю святому: обоя полны муки пшеничны сопряжены с елеем на жертву: **80** фимиамник един десяти златник, полн фимиама: **81** телца единого от волов, овна единого, агнца единого единолетна во всесожжение: **82** и козла от коз единого греха ради: **83** и на жертву спасения юницы две, овнов пять, козлов пять, агниц единолетних пять: сей дар Ахиреа сына Енаня. **84** Сие обновление олтаря, в оньже день помаза его, от князей сынов Израилевых, блюдо серебряных дванадесять, чаш серебряных дванадесять, фимиамников златых дванадесять: **85** по святу и тридесяти сикль в коемждо блюде, и по седмидесяти сикль чаша едина: всего сребра в сосудех две тысящи четьреста сиклев, по сиклю святому: **86** фимиамников златых дванадесять полных фимиама, по десяти златник в коемждо фимиамнике, по сиклю святому: всего злата в фимиамницех сто и двадесять златник. **87** Всех говяд во всесожжение, телцов дванадесять, овнов дванадесять, агнцев единолетних дванадесять, и жертвы их и возлияния их: и козлов от коз дванадесять, греха ради: **88** всех говяд на жертву спасения, юниц двадесять четьре, овнов шетьдесят, козлов единолетних шетьдесят, агниц единолетних непорочных шетьдесят. Сие обновление олтаря, по исполнении рук его и по помазании его. **89** Егда вхождаше Моисей в скинию свидения глаголати ему, и услыша глас Господа, глаголюща к нему свыше очистилища, еже есть над ковчегом свидения между двема херувимы: и глаголаше к нему.

8 И рече Господь к Моисею, глаголя: **2** глаголи Аарону и речеши к нему: егда поставиши светила, от страны спреди светилника да светят семь светила. **3** И сотвори тако Аарон: от единых страны спреди светилника возжеже светила его, якоже повеле Господь Моисею. **4** И сие устройство светилника: слияно злато стельб его и крины его, слияно все: по образу, егоже показа Господь Моисею, тако сотвори светилник. **5** И рече Господь к Моисею, глаголя: **6** помими левиты от среды сынов Израилевых, и да очистиши я: **7** и сице да сотвориши им очищение их: покропиши на них воду очищения, и да въздет бритва на все тело их, и исперут ризы своя, и чисти будут: **8** и да возмут телца единого от волов, и сего жертву муки пшеничны, сопряжены с елеем, и телца единолетна от волов да возмеша греха ради: **9** и да приведеша левиты пред скинию свидения, и собереша весь сонм сынов Израилевых: **10** и приведеша левиты пред Господа, и да возложат сынове Израилстии руки своя на левиты: **11** и да отлучит Аарон левиты отдание пред Господа от сынов Израилевых, и да служат службы Господви: **12** левити же да возложат руки на главы телцев: и да сотвориши единого от гресе и единого во всесожжение Господу, умилостивити о них: **13** и поставиши левиты пред Господем и пред Аароном и пред сынми его, и отдаси я отдание Господу: **14** и да отлучиши левиты от среды сынов Израилевых, и будут Мне: **15** и по сих да вынут левиты делати дела скинии свидения: и да очистиши их, и отдаси я

пред Господем: яко отдание отданы сии Мне суть от среды сынов Израилевых: 16 вместо отвергающих всяка ложесна первенцев всех от сынов Израилевых, приях я Себе: 17 яко Мне есть всяк первенец от сынов Израилевых, от человека до скота: в день в онже поразих всякаго первенца в земли Египетстей, освятих я Себе, 18 и взял левиты вместо всякаго первенца сынов Израилевых, 19 и отдах левиты отданием Аарону и сыном его от среды сынов Израилевых делати дела сынов Израилевых в скинии свидения и умиловляти о сынех Израилевых: да не будет язва на сынех Израилевых, внегда приступати им к святым. 20 И сотвори Моисей и Аарон и весь сонм сынов Израилевых левитом, якоже заповеда Господь Моисею о левитех, тако сотвориша им сынове Израилевы. 21 И очистишася левиты и испраша ризы своя: и отдаде я Аарон отдание пред Господем, и помолися о них Аарон, очищения ради их. 22 И но сих внидоша левиты служити службы своя в скинии свидения пред Аароном и пред сыны его: якоже повеле Господь Моисею о левитех, тако сотвориша им. 23 И рече Господь к Моисею глаголя: 24 сие есть еже о левитех: от двадцатипяти лет и выше, да внидут служити служение в скинии свидения: 25 и от пятидесяти лет да отстанут от служения и не служат ктому. 26 И да служат братия его в скинии свидения еже стрещи стражи, дел же да не делают. Тако сотвориши левитом в стражах их.

9 И глаголя Господь к Моисею в пустыни Синайстей, во второе лето изшедшим им из земли Египетския, в первый месяц, глаголя: 2 рцы да сотворят сынове Израилстии Пасху во время ея, 3 в четвертынадесять день месяца перваго к вечеру, и сотвориши ю во время ея: по закону ея и по уставу ея сотвориши ю. 4 И рече Моисей сыном Израилтеским сотворити Пасху. 5 И сотвориша Пасху, начинающуся первому месяцу в четвертынадесять день в пустыни Синайстей: якоже повеле Господь Моисею, тако сотвориша сынове Израилевы. 6 И приидоша мужие, иже бяху нечисти о души человеци, и не можаху сотворити Пасхи в той день: и приидоша пред Моисея и Аарона в той день. 7 И рекоша мужие Онии к нему: мы нечисти есмы о души человеци: еда убо лишимся принести дар Господу во время свое посреде сынов Израилевых? 8 И рече Моисей к ним: станите ту, да яслышу, что повелит Господь о вас. 9 И рече Господь к Моисею, глаголя: 10 рцы сыном Израилевым, глаголя: человек человек, иже аще будет нечист о души человеци, или на пути далече, или в вас, или в родех ваших, и да сотворит Пасху Господу, 11 в месяц вторый, в четвертынадесять день (месяца) к вечеру да сотворят ю, со опресноки и с горьким зелием да снесут ю: 12 да не оставят от нея на утро, и кости да не сокрушат от нея, по всему закону Пасхи да сотворят ю. 13 И человек, иже аще чист будет, и на пути далече несть, и оставит сотворити Пасху, потребится душа та от людей своих: яко дара Господви не принесе во время свое, грех свой примет человек той. 14 Аще же придет к вам пришлец в землю вашу и сотворит Пасху Господу, по закону

Пасхи и по чину ея, тако сотворит ю: закон един да будет вам и пришелцу и туземцу. 15 И в день, в онже поставися скиния, покры облак скинию и дом свидения: от вечера же бяше над скиниею аки вид огнен до заутрия: 16 тако бываше всегда: облак покрываше ю в день, и вид огнен нощию: , 17 и егда восхождаше облак от скинии, и по сих воздвизахуся сынове Израилтестии: и на месте, на немже стояше облак, тамо ополчавхуся сынове Израилевы. 18 По повелению Господню да ополчавхуся сынове Израилевы и повелением Господнем да воздвизаются: во вся дни, в няже осеняет облак над скиниею, да ополчавхуся сынове Израилевы: 19 и егда премедлит облак над скиниею дни многи, да стрегут сынове Израилтестии стражу Господню и да не воздвижутся: 20 и будет егда покрывает облак дни числа над скиниею, глаголюще Господним да ополчавхуся и повелением Господним да воздвижутся: 21 и будет егда пребудет облак от вечера до заутрия, и аще воздвигнется облак заутра, да воздвигнутся днем или нощию, 22 и аще воздвигнется облак, да пойдут: или день или месяц дний умножит облак осеняющу над нею, да ополчавхуся сынове Израилевы, и да не воздвизаются: во отступлении его, воздвизахуся: 23 яко повелением Господним да ополчавхуся и повелением Господним да воздвизаются: стражу Господню стрезаху по повелению Господню рукою Моисеювою.

10 И рече Господь к Моисею, глаголя: 2 сотвори себе две трубы сребряны: кованы сотвориши я, и будут тебе на созвание сонма и возставляти полки: 3 и да вострубиши ими, и да соберется к тебе весь сонм пред двери скинии свидения 4 аще же единою трубою вострубят, да придут к тебе вси князи и тысященачальники Израилтестии: 5 и вострубите в знамение, и воздвигнутся полцы ополчавхуся на востоки: 6 и вострубите в знамение второе, и воздвигнутся полцы ополчавхуся от юга: и вострубите в знамение третье, и да воздвигнутся полцы ополчавхуся от моря: и вострубите в знамение четвертое, и воздвигнутся полцы ополчавхуся от севера: знамением да вострубят в воздвижение их. 7 И егда соберете сонм, вострубите, не в знамение. 8 И сынове Аарони жерцы да вострубят трубами: и да будет вам законно вечно в роды ваша. 9 Аще же изыдете на брань в земли вашей к супостатом супротивящимся вам, и вострубите и назнаменуйте трубами, и воспомянетесь пред Господем и избавитесь от враг ваших. 10 И во днех веселия вашего и в праздницех ваших и в новомесячиих ваших вострубите трубами на всесождения и на жертвы спасений ваших, и будет вам воспоминание пред Богом вашим: Аз Господь Бог ваш. 11 И бысть во второе лето, во второй месяц, в двадцатый месяца, вознесся облак от скинии свидения, 12 и воздвигошася сынове Израилевы со именами своими от пустыни Синайския, и ста облак в пустыни Фарани. 13 И воздвигошася первии по гласу Господню рукою Моисеювою: 14 и воздвигоша знамя полка сынов Иудиных первии с силою своею: и над силою их Наассон сын Аминадавль: 15 и над силою племени сынов Иссахаровых Нафанаил сын Согаров: 16 и над силою племени сынов Завулониех Елиав сын Хелонь. 17 И сложиша скинию, и воздвигоша сынове Гирсони и

сынове Мерарины, носящи скинию. 18 И воздвигоша знамя полка Рувимля с силою своею: и над силою их Елисур сын Седиуров: 19 и над силою племене сынов Симеоных Саламиил сын Сурисадаев: 20 и над силою племене сынов Гадовых Елисаф сын Рагуилев: 21 и воздвигошася сынове Каафовы, воздвизающии святая: и поставиша скинию, дондеже приидоша. 22 И воздвигоша знамя полка Ефремля с силою своею: и над силою их Елисама сын Емиудов: 23 и над силою племене сынов Манассиных Гамалиил сын Фадассуров: 24 и над силою племене сынов Вениаминых Авидан сын Гаденион. 25 И воздвигоша знамя полка сынов Дановых, последнии всех полков с силою своею: и над силою их Ахiezер сын Амисадаев: 26 и над силою племене сынов Асировых Фагаиил сын Ехрань: 27 и над силою племене сынов Неффалимлях Ахирей сын Енань. 28 Си полцы сынов Израилевых, и воздвигошася с силою своею. 29 И рече Моисей Иоваву сыну Рагуилеву Мадрианитину, тестю Моисеову: воздвизаемся мы на место, о немже Господь рече: сие дам вам: пойдй с нами, и сотворим тебе добро, яко Господь добрая глагола о Израили. 30 И отвеща к нему: не пойду, но в землю мою и в род мой иду. 31 И рече: не остави нас, понеже был еси с нами в пустыни, и будещи в нас старейшина: 32 и будет аще пойдещи с нами, и будут благая оная, елика благосотворит Господь нам, благосотворим и тебе. 33 И отидоша от горы Господни в путь трех дний: и кивот завета Господня предидяше пред ними в путь трех дний, соглядати им стана. 34 И бысть егда воздвизаху кивот, и рече Моисей: востани, Господи, и да разсыплются врази Твои, и да бжеат вси ненавидящии Тебе. 35 И в поставлении (кивота) рече: возвращай, Господи, тысячи тем во Израили. 36 И облак Господнь бысть осеняющъ над ними в день, егда воздвизахуся из полка.

11 И быша людие ропщуще злая пред Господем: и слыша Господь и разгневался гневом, и разгореся в них огонь от Господа и потреби часть некую от полка. 2 И возопиша людие к Моисею: и помолися Моисей к Господу, и преста огонь. 3 И прозвася имя месту тому Запаление: яко разгореся в них огонь от Господа. 4 И общий народ иже в них похотеша похотением: и седше плакахуся сынове Израилевы и рекоша: кто ны напитает мясы? 5 Помянухом рыбы, яже ядохом в земли Египетстей туне, и огурцы и дыни, лук и червленый лук и чеснок: 6 ныне же душа наша иссохла, ничтоже точно манна пред очима нашими. 7 Манна же бжеше аки семя кориандрово, и вид ея яко вид кристалла: 8 и исхождаху людие и собираху, и меляху в жерновах и толцаху в ступах, и варяху в горшках и творяху из нея потребники: и бжеше вкус ея, яко вкус муки пряжены с елеем: 9 и егда сходяшася роса на полк нощию, сходяшася манна нань. 10 И услыша Моисей плачущихся их в сонмех своих, коегождо их пред своими дверми: и разгнеवासя Господь гневом зело, и пред Моисеом бжеше зло. 11 И рече Моисей ко Господу: вскую озлобил еси раба Твоего? И почто не обретох благодати пред Тобою, еже возложити устремление людий сих на мя? 12 Еда аз во утробе зачах вся люди сия? Или аз родих я? Яко глаголеши ми: возми их в недра твоя, якоже доилица

носит доимья, в землю, еуже клялся еси отцем их: 13 откуда мне мяса дати всем людем сим? Яко плачут на мя, глаголюще: даждь нам мяса, да ядим: 14 не возмогу аз един водити людий сих, яко тяжко мне есть слово сие: 15 аще же тако Ты твориши мне, то убий мя убиением, аще обретох благодать пред Тобою, да не вижу озлобления моего. 16 И рече Господь к Моисею: собери Ми семьдесят мужей от старец Израилевых, иже ты сам веси, яко тии суть старцы людстии и книгочя их: и да приведещи я ко скинии свидения, и да станут тамо с тобою: 17 и сниду и возглаголю тамо с тобою, и уйму от Духа, иже в тебе, и возложу на ня: да подимут с тобою устремление людий, и не будещи водити их ты един: 18 и людем речещи: очиститесь наутрие, и снесите мяса, яко плакастеся пред Господем, глаголюще: кто ны напитает мясы? Яко добро нам бысть во Египте: и даст Господь вам мяса ясти, и снесите мяса: 19 не един день ясти будете, ни два, ни пять дний, ни десять дний, ниже двадесать дний: 20 до месяца дний ясти будете, дондеже изыдет из ноздрй ваших: и будет вам в мерзость, яко не покористеся Господу, Иже есть в вас, и плакастеся пред Ним, глаголюще: вскую бе нам изыти из Египта? 21 И рече Моисей: шесть сот тысяч пеших людий, в нижже аз есмь, и Ты рекл еси: мяса им дам ясти, и будут ясти месяц дний: 22 еда овцы и волы заколются им, и довольно будет им? Или вся рыбы морския соберутся им, и довольно будет им? 23 И рече Господь к Моисею: еда рука Господня не доволна будет? Ныне уразумееш, аще постигнет тя слово Мое, или ни. 24 И изыде Моисей и глагола людем словеса Господня: и собра семьдесят мужей от старец людских, и постави я окрест скинии. 25 И сниде Господь во облаце и глагола к нему: и уя от Духа, иже на нем, и возложи на семьдесят мужей старец: егда же препочи Дух на них, и пророчествоваша, и ктому не приложиша. 26 И ошасяся два мужа в полце: имя единому Елдад, и имя второму Модад: и препочи на них Дух. И сии беша от вписанных, и не приидоша ко скинии, и пророчествоваша в полце. 27 И притек юноша возвести Моисею, и рече, глагола: Елдад и Модад пророчествуют в полце. 28 И отвещав Иисус Навин, предстояй Моисею избранный ему, рече господи мой Моисею, запрети им. 29 И рече ему Моисей: еда ревнуещи ты мне? И кто даст всем людем Господним (быти) пророки, егда даст Господь Духа Своего на них? 30 И иде Моисей в полк сам и старцы Израилестии. 31 И дух изыде от Господа, и изведе крастели из моря и наведе на полк день ходу отсюду и день ходу отнюду, окрест полка яко на два лактя от земли. 32 И воставше людие весь день и всю ночь, и весь день наутрие, и собраша крастели: иже мало, собра десять спуд: и иссушиша себе сушаницы окрест полка. 33 И мяса бяху им еще в зубех их, прежде оскудения, и Господь разгнеवासя зело на люди, и поразил Господь люди язвою великою зело: 34 и прозвася имя месту тому Гробы Похотения: яко тамо погребоша людий похотевших. 35 (И) воздвигошася людие от Гробов Похотения во Асироф, и быша людие во Асирофе.

12 И возглаголаста Мариам и Аарон на Моисея жены ради Ефиопляньни, юже поя Моисей, ибо жену поя Ефиопляньню, 2 и рекоста: еда Моисею единому глагола Господь? Еда и нам не глаголаше? И услыша Господь. 3 И человек Моисей кроток зело паче всех человек сущих на земли. 4 И рече Господь внезапно к Моисею и Аарону и Мариаме: изыдите вы трие в скинию свидения. 5 И изыдоша трие в скинию свидения. И сниде Господь в столпе облачне ста над дверми скинии свидения: и призва Аарона и Мариам. И изыдоша оба. 6 И рече к ним: послушайте словес Моих: аще будет в вас пророк Господнь, в видении ему познаюся, и во сне возглаголю ему: 7 не тако якоже раб Мой Моисей, во всем дому Моем верен есть: 8 усты ко устом возглаголю ему яве, и не гаданием, и славу Господню виде: и почто не убоястесь глаголати на раба Моего Моисея? 9 И гнев ярости Господни (бысть) на них. И отиде. 10 И облак отступи от скинии, и се, Мариам прокажена бысть яко снег: и воззре Аарон на Мариам, и се, прокажена. 11 И рече Аарон к Моисею: молю тя, господи, не возглагай на ны греха, понеже не ведаюх, яко согрешихом: 12 да не будет сия яко мертва, яко изверг извержен из ложех матерних, и (се, уже) пояде пол плоти ея. 13 И возопи Моисей ко Господу, глаголя: Боже, молютися, исцели ю. 14 И рече Господь к Моисею: аще бы отец ея плюя заплевал в лице ея, не посрамится ли седьмь дний? Да отлучится седьмь дний вне полка, и по сих да внидет. 15 И отлучися Мариам вне полка на седьмь дний: и людие не воздвигошася, дондеже очистися Мариам. 16 И по сих воздвигошася людие от Асирофа и ополчишася в пустыни Фарани.

13 И рече Господь к Моисею, глаголя: 2 послы от себе мужы, и да соглядяют землю Ханаанску, юже Аз даю сыном Израилевым во одержание: мужа единого от племени, по сонмом отечеств их, да послешы их всякаго старейшину от них. 3 И посла я Моисей от пустыни Фарани глаголом Господним: вси мужи старейшины сынов Израилевых сии, и сия имена их: 4 от племени Рувимля Самуил сын Закхуров: 5 от племени Симеоня Сафат сын Сурин: 6 от племени Иудина Халев сын Иефоннин: 7 от племени Иссахаря Игал сын Иосифль: 8 от племени Ефремля Авсис сын Навин: 9 от племени Вениаминя Фалтий сын Рафуов: 10 от племени Завулона Гудиил сын Судин: 11 от племени Иосифля сынов Манассиных Гадди сын Сусин: 12 от племени Данова Амил сын Гамалин: 13 от племени Асирофа Сафур сын Михаилъ: 14 от племени Неффалимля Навий сын Савинь: 15 от племени Гадова Гудиил сын Махииль. 16 Сия имена мужей, ихже посла Моисей соглядати землю: и прозва Моисей Авсия сына Навина Иисус. 17 И посла я Моисей от пустыни Фарани соглядати земли Ханаанския, и рече к ним: възидите пустынею сею, и възидете на гору. 18 И узрите землю, какова есть, и люди сидящя на ней, аще сильни суть, или немощни, мало ли их есть, или много? 19 И какова земля, на нейже сии седят, добра ли есть, или зла? И какови гради, в нихже живут сии, ограждени ли суть, или не ограждени? 20 И какова земля, изюбилна ли, или не изюбилна? Суть ли на ней дрevesа, или ни?

И укрепившеся, возьмите от плодов земли. Дние же бяху весенни, предваряющи ягоды. 21 И шедше соглядаша землю от пустыни Син даже да Роова, до входов Емаф. 22 И идоша по пустыни, и приидоша до Хеврона: и тамо (живяше) Ахиман и Сессий и Феламин, роды Енаковы: и Хеврон создася седмью леты прежде Танина (града) Египетскаго. 23 И приидоша до дебри Гроздныя, и соглядаша ю: и урезаша оттуду ветвь, и грозд винограда един на ней, и воздвигоша ю на жердь, и от шипков, и от смоквей. 24 И место оно назваша дебрь Грозная, грозда ради, егоже урезаша оттуду сынове Израилтестии. 25 И возвратишася оттуду, соглядавше землю по четырёхдесяти днех. 26 И ходивше приидоша к Моисею и Аарону и ко всему сонму сынов Израилевых в пустыню Фарану в Кадис: и поведаша им слово и всему сонму, и показаша им плод земный., 27 и поведаша ему, и рекоша: ходихом на землю, на нуже посылал еси нас, на землю кипящую млеком и медом, и сий плод ея: 28 кроме яко людие сильни зело, иже на ней живут, и гради утверждени ограждением велицы зело, и род Енаков видехом тамо: 29 и Амалик живет в земли к югу: и Хеттей и Евей, и Иевусей и Аморрей живут в горах: и Хананей живет при мори и при Иордане реце. 30 И утиши Халев люди пред Моисеом, и рече ему: никакоже, на восходя въздем и примем ю в наследие, яко сильни есмы преодолети им. 31 И человецы ходивши с ним рекоша: не идем, яко не можем изыти противу языку (сему), яко крепльший есть паче нас. 32 И изнесоша ужас земли, юже соглядаша, к сыном Израилевым, глаголюще: землю юже приидохом соглядаяюще, земля есть поядающи живущыя на ней, и вси люди, ихже видехом на ней, мужи превысоцыи: 33 и тамо видехом исполины, сыны Енаковы, и бехом пред ними яко пружи, и тако бехом пред ними.

14 И взем весь сонм, даде глас: и плакахуся людие всюю ночь ту: 2 и роптаху на Моисея и Аарона вси сынове Израилтестии, и рекоша к ним весь сонм: 3 о дабы умерли быхом в земли Египетстей, или в пустыни сей да быхом умерли: и вскую вводит нас Господь в землю сию, еже пасти на брани? Жены наша и дети наша будут в разграбление: ныне убо лучше есть нам возвратитися во Египет. 4 И рече друг ко другу: поставим себе старейшину, и возвратимся бо Египет. 5 И падоста Моисей и Аарон ниц пред всем сонмом сынов Израилевых. 6 Иисус же сын Навин и Халев сын Иефоннин от соглядавших землю, растерзаста ризы своя. 7 И рекоста ко всему сонму сынов Израилевых, глаголюще: земля, юже соглядяхом, добра есть зело зело: 8 аще любит нас Господь, введет нас в землю ту и даст ю нам: земля же есть кипящая медом и млеком: 9 но от Господа не будите отступницы: вы же не убойтеся людей земли тоя, понеже в снедь нам есть: отступило бо время от них, Господь же с нами: не убойтеся их. 10 И рече весь сонм побити их камением: и слава Господня явися во облаце над скинию свидения всем сыном Израилевым. 11 И рече Господь к Моисею: доколе преогорчевает Мя людие сии? И доколе не веруют Мне во всех знаменних, яже сотворих в них? 12 Поражу их смертию и погублю их: и сотворю тя и дом

отца твоего в язык велик и мног паче нежели сей. **13** И рече Моисей ко Господу: услышат Египтяне, яко возвел еси крепостию Твоею люди Твоя сия от них: **14** но и вси живущии на земли сей слышаша, яко Ты еси Господь в людех сих, иже очима ко очесем являешия, Господи, и облак Твой ста над ними, и столпом облачным идеши Ты пред ними в день, и столпом огненным в нощи: **15** и потребиши люди сия аки единого человека: и рекут вси языцы, елици слышаша имя Твое, глаголюще: **16** занеже не возможе Господь людей Своих ввести в землю, о нейже клялся им, погуби их в пустыни: **17** и ныне да вознесется рука Твоя, Господи, якоже рекл еси, глаголя: **18** Господь долготерпелив и многомилостив и истинен, отемляя беззакония и неправды и грехи, и очищением не очистит повинного, отдавая грехи отцев на чада, до третияго и четвертаго рода: **19** остави грех людем сим по велицей милости Твоей, якоже милостив был еси им от Египта даже до ныне. **20** И рече Господь к Моисею: милостив им есмь по словеси твоему: **21** но живу аз, и присно живет имя Мое, и наполнит слава Господня всю землю: **22** яко вси мужие видящии славу Мою и знамения, яже сотворих во Египте и в пустыни сей, и искусиша Мя, се, десятое, и не послушаша гласа Моего, **23** истинно не узрят земли, еюже кляхся отцем их: разве чадом их, яже суть со Мною zde, иже не ведят добра и зла, всяк юноша не ведый, сим дам землю: вси же разгневавши Мя не узрят ю: **24** раб же Мой Халев, яко бысть дух ин в нем, и возследова Мне, введу его в землю, в нуже ходил тамо, и семя его наследит ю: **25** Амалик же и Хананей живут во юдоли: утре возвратитесь и подвигнетесь вы в пустыню путем моря Чермнаго. **26** И рече Господь к Моисею и Аарону, глаголя: **27** доколе сонм сей злой? Яже они ропщут противу Мне, роптание сынов Израилевых, имже возропташа о вас, слышах: **28** рцы им: живу аз, глаголет Господь: истинно, якоже глаголасте во уши Мои, тако сотворю вам: **29** в пустыни сей падут телеса ваша, и все соглядание ваше, и сочтения ваша, от двадесяти лет и выше, елици ропташа на Мя: **30** аще вы внидете в землю, на нуже прострох руку Мою, вселити вас на ней, разве Халев сын Иефоннин и Иисус сын Навин: **31** и чада ваша, иже ресте в разграблении быти, введу Я в землю, и наследят землю, от неяже вы отвергостесь: **32** и телеса ваша падут в пустыни сей: **33** сынове же ваши пасомы будут в пустыни четыредесять лет, и носити имут блужение ваше, дондеже потребятся телеса ваша в пустыни: **34** по числу дний, в ниже соглядаете землю, четыредесять дний, за день лето целое, понесете грехи ваша четыредесять лет, и увесте ярость гнева Моего: **35** аз Господь глаголах вам: истинно тако сотворю сонму сему злomu, воставшему на Мя: в пустыни сей потребятся, и тамо измрут. **36** И мужие, ижеже послаха Моисей соглядати землю, и пришедше возропташа на ню ко сонму, еже бы изнести словеса зла о земли, **37** и изомроша мужи, глаголавшии о земли зло, язвою пред Господем: **38** и Иисус сын Навин и Халев сын Иефоннин живы останахся от мужей тех ходивших соглядати землю. **39** И глагола Моисей словеса сия ко всем сыном Израилевым: и восплакашася людие зело, **40** и

воставше заутра, въздыша на верх горы, глаголюще: се, мы въздем на место, еже рече Господь, яко согрешихом. **41** И рече Моисей: вскую вы преступаете слово Господне? Не благопоспешно будет вам: **42** не восходите: несть бо Господь с вами: и падете пред лицем враг ваших: **43** зане Амалик и Хананей тамо пред вами, и падете мечем, понеже отвратитесь, не покаяющеся Господу, и не будет Господь с вами. **44** И понудившеся въздыша на верх горы: кивот же завета Господня и Моисей не двинушася из среды полка. **45** И сниде Амалик и Хананей седая в горе той, и сотроша их, и изсекоша их даже до Ермана: и возвратишася в полк.

15 И рече Господь к Моисею, глаголя: **2** глаголи сыном Израилевым и речеши к ним: егда внидете в землю вселения вашего, юже аз даю вам, **3** и сотворите принос Господу во всесожжение или жертву, еже возвеличити мольбу, или благовольну, или в праздники ваша в воню благовония Господу, аще убо от волов, или от овец: **4** и да принесет приносый дар свой Господу жертву, муки пшеничны десятиую часть ефи (меры), вмешены в елей четвертая части ина (меры): **5** и вина на возлияние четвертую часть ина сотворите во всесожжение или в жертву: агнцу единому да сотвориши толико, принос воню благовония Господу. **6** И овну, егда творите его во всесожжение или в жертву, да сотвориши жертву муки пшеничны две десятины вмешаны в елей, третью часть ина (меры): **7** и вина на возлияние третью часть ина принесете в воню благовония Господу. **8** Аще же творите от волов во всесожжение или в жертву, еже возвеличити мольбу, или во спасительное Господу, **9** и принесет с телцем принос муки пшеничны три десятины вмешаны в елей, пол ина (меры): **10** и вина на возлияние пол ина (меры), принос в воню благовония Господу. **11** Тако да сотвориши телцу единому, или овну единому, или агнцу единому от овец или от коз: **12** по числу их, яже аще сотворите, тако сотворите единому по числу их. **13** Всяк туземец да сотворит тако сиецева принести приношения в воню благовония Господу: **14** аще же пришлец в вас прибудет в земли вашей, или иже аще будет в вас в родех ваших, и сотворит принос в воню благовония Господу, якоже творите вы, тако да сотворит. **15** Сонме Господнь, закон един да будет вам и пришлец прилежащым в вас, закон вечный в роды ваша: якоже вы, (так) и пришлец да будет пред Господем: **16** закон един да будет и оправдание едино да будет вам и пришлцу прилежащему в вас. **17** И рече Господь к Моисею, глаголя: **18** глаголи сыном Израилевым и речеши к ним: егда внидете в землю, в нуже аз ввожду вас тамо, **19** и будет егда ясте от хлебов земли (тоя), отложите участие во отделение Господу: начаток теста вашего, **20** хлеб отлучите участие оно: якоже участие от гумна, **21** тако отделите той хлеб, начаток теста вашего, и дадите Господу участие в роды ваша. **22** Егда же согрешите и не сотворите всех заповедий сих, иже глагола Господь Моисею, **23** якоже повеле Господь Бог к вам рукою Моисевою, от дне в оньже повеле Господь к вам, и потом в роды ваша, **24** и будет аще от очес сонма сотворится неволю, и да сотворит весь сонм телца единого

непорочна от волов во всеохождение, в вою благовония Господу, и жертву сего, и возлияние его по уставлению, и козла единого от коз греха ради: 25 и да помолится жрец от всем сонме сынов Израилевых, и оставится им, яко нехотение есть: и сии принесоша дар свой, принесение Господу греха ради своего пред Господем, нехотений ради своих, 26 и оставится всему сонму сынов Израилевых и пришелцу прилежащему в вас, яко всем людем нехотенное. 27 Аще же душа едина не хотящи согрешит, да приведет козу едну единоплетну греха ради: 28 и да помолится жрец о души нехотевшей и согрешшей нехотением пред Господем, и да помолится о ней, и оставится ей. 29 Населнику (земли) сынов Израилевых и пришелцу прилежащему в них, закон един да будет им, иже аще сотворит не хотящ. 30 И душа яже сотворит рукою гордости от туземец или от пришелцев, Бога сия разгневает, и потребится душа та от людей своих: 31 яко слово Господне презре и заповеди Его разсыпа, сотрением да сотрется душа та: и грех ея на ней. 32 И бяху сынове Израилевы в пустыни, и обретоша мужа собирающа дрова в день субботный, 33 и приведоша его обретшии собирающа дрова в день субботный к Моисею и Аарону и ко всему сонму сынов Израилевых, 34 и ввергоша его в темницу: не совещаша бо, что сотворят ему. 35 И рече Господь к Моисею, глаголя: смертию да умрет человек сей, да побиете его камением весь сонм вне полка. 36 И изведоша его весь сонм вне полка, и побиах его камением весь сонм вне полка, якоже глагола Господь Моисею. 37 И рече Господь к Моисею, глаголя: 38 глаголи сыном Израилевым и речешим им: и да сотворят себе рясны на воскрилий риз своих в роды своя: и возложите на рясны воскрилий прядение синее, 39 и будет вам на ряснах: и узрите их, и воспомянете вся заповеди Господни и сотворите я, и не развратитесь вслед мыслей своих и вслед очес ваших, имиже вы соблудисте вслед их: 40 яко да помянете и сотворите вся заповеди Моя, и будете святы Богу вашему: 41 Аз Господь Бог ваш, изведый вас из земли Египетския, быти вам Бог: Аз Господь Бог ваш.

16 И глагола Корей, сын Иссаара сына Каафа сына Левиана, и Дафан и Авирон, сынове Елиавли, и Авнан сын Фалефа сына Рувимля: 2 и восташа на Моисея, и мужи сынов Израилевых двести и пятьдесят начальницы сонма, сигклитики совета и мужи именити. 3 Совосташа на Моисея и Аарона и реша к ним: довлеет вам, яко весь сонм вси святы, и в них Господь: и чесо ради востае на сонм Господнь? 4 И слышав Моисей, паде ниц. 5 И глагола к Корею и ко всему сонму его, глаголя: согляда и позна Господь сущих Его и святых, и приведе к Себе: и иже не избра Себе, не приведе к себе: 6 сие сотворите: возьмите себе сами кадилники, Корей и весь сонм его, 7 и вложите огонь в ня, и вложите в ня фимиам пред Господем утре: и будет муж, егоже аще изберет Господь, сей свят: да довлеют вам сынове Левиины. 8 И рече Моисей Корею: послушайте мене, сынове Левиини: 9 еда мало есть сие вам, яко отлучи вас Бог от сонма Израилева и приведе вас к Себе служити службы в скинии Господни и стояти пред сонмом Господним,

еже служити им? 10 И приведе тя и всю братию твою, сыны Левиины с тобою, и просите священствовати? 11 Тако ты и весь сонм твой собравшийся на Бога: и Аарон кто есть, яко рощете нань? 12 И посла Моисей призвати Дафана и Авирона, сыны Елиавли. И реша: не идем: 13 еда мало се, яко извел еси ны из земли кипящая млеко и медом, еже погубити нас в пустыни, яко владеши нами? Князь еси: 14 и ты ли в землю кипящую медом и млеко ввел еси нас и дал еси нам часть села и винограда? Очи человек тех изткнул еси: не идем. 15 И отягча Моисей гневом зело и рече к Господу: не внемли на жертву их: ни единого похотения от них приях, ниже озлобих кого от них. 16 И рече Моисей к Корею: освяти сонм твой, и будите готовы пред Господа ты и Аарон и они завтра: 17 и возьмите кийждо кадилник свой, и возложите на ня фимиам, и принесите пред Господа кийждо кадилник свой, двести и пятьдесят кадилников, и ты и Аарон кийждо кадилник свой. 18 И взяша кийждо свой кадилник, и возложиша на ня огонь, и вложиша в ня фимиам, и стаха пред дверми скинии свидения Моисей и Аарон. 19 И собра на ня Корей весь сонм свой пред дверми скинии свидения: и явился слава Господня всему сонму. 20 И рече Господь к Моисею и Аарону, глаголя: 21 отступите кийждо от среды сонма сего, и потреблю Я абие. 22 И падоста на лица своя и рекоста: Боже, Боже духов и всякия плоти: аще человек един согрешит, на весь ли сонм гнев Господнь? 23 И рече Господь к Моисею, глаголя: 24 рцы сонму, глаголя: отступите окрест от сонма Корея и Дафана и Авирона. 25 И воста Моисей, и иде к Дафану и Авирону: и идоша с ним вси старцы Израилестии. 26 И рече к сонму, глаголя: отступите от куц человек жестокосердых сих, и не прикоснитесь ко всем, елика суть им, да не погибнете купно во всем гресе их. 27 И отступиша от куц Корея и Дафана и Авирона окрест: Дафан же и Авирон изыдоша и стаха пред дверми куц своих, и жены их, и дети их и имение их. 28 И рече Моисей: в сем познаете, яко Господь посла мя сотворити вся дела сия, яко не от себе (аз творю сия): 29 аще смертию всех людей умрут сии, и аще по присещению всех человек посещение будет их, то не Господь посла мене: 30 но явно покажет Господь, и отверзши земля уста своя пожрет я и дома их, и куцы их и вся, елика суть их, и снудут живи во ад, и уведите, яко разгневаша человецы сии Господа. (Sheol h7585) 31 Егда же преста глаголя вся словеса сия, разседеся земля под ногами их: 32 и разверзеся земля, и пожре я и дома их, и вся люди сущыя к Корею, и скоты их: 33 и снудоша тии, и вся, елика суть их, живи во ад, и покры их земля, и погибоша от среды сонма: (Sheol h7585) 34 и весь Израиль, и иже окрест их, отбегоша от вопля их, зане рекоша, глаголюще: да не пожрет нас земля. 35 И огонь изыде от Господа и пояде двести и пятьдесят мужей принесших фимиам. 36 И рече Господь к Моисею. 37 И ко Елеазару сыну Ааронову жерцу: соберите кадилники медяныя от среды изгоревших, и огонь чуждий сей разсыплите тамо, яко освятишася кадилницы грешных сих в душах их: 38 и сотворите я дщицы кованы, обложение у олтаря, яко принесошася пред Господа и освятишася, и быша в знамение сыном Израилевым. 39

И взя Елеазар сын Аарона жерца кадилники медяныя, елики принесоша изгоревшии, и обложиша я во обложение олтаря, **40** в память сыном Израилевым яко да никтоже приидет иноплеменник, иже несть от семени Аарона, еже возложити фимиам пред Господем, и да не будет, якоже Корей и советницы его, якоже глагола ему Господь рукою Моисевою. **41** И возропташа сынове Израилестии на утрие на Моисеа и Аарона, глаголюще: вы избисте люди Господни. **42** И бысть егда нападе сонм на Моисеа и Аарона, и устремившася к скинии свидения: **43** и покры оную облак, и явися слава Господня: и вниде Моисей и Аарон пред скинию свидения. **44** И рече Господь к Моисею и Аарону, глаголя: **45** уступите от среды сонма сего и потреблю я единицею. И падоша на лица своя. **46** И рече Моисей ко Аарону: возми кадилник, и вложи в него огонь от олтаря, и возложи нань фимиам, и понеси скоро в полк, и помолися о них: изыде бо гнев от лица Господня, и нача губити люди. **47** И взя Аарон, якоже глагола ему Моисей, и тече в сонм, уже бо начася пагуба в людех: и возложи фимиам, и помолися о людех: **48** и ста между мертвыми и живыми, и преста пагуба. **49** И бысть умерших в пагубе четырнадцать тысяч и семь сот кроме умерших Кореа ради. **50** И возвратися Аарон к Моисею, к дверем скинии свидения, и преста пагуба.

17 И рече Господь к Моисею, глаголя: **2** глаголи сыном Израилевым, и возми от них но единому жезлу, жезл от всех князей их, по домою отечества их, дванадцать жезлов, имя же коегождо напиши на жезле его, **3** и имя Аароне напиши на жезле Левиине: есть бо жезл един: по племени дому отечеств своих да дадут: **4** и да положиши их в скинии свидения, прямо свидению, в нихже явлюся тебе ту: **5** и будет человек, егоже аще изберу, жезл его прозябнет: и отиму от мене роптание сынов Израилевых, елика сии ропщут на вы. **6** И глагола Моисей сыном Израилевым: и даша ему вси князи их по жезлу, князя единого жезл, по княжению, по домою отечеств их, дванадцать жезлов: и жезл Ааронь посреде жезлов их. **7** И положи Моисей жезлы пред Господем в скинии свидения. **8** И бысть на утрие, и вниде Моисей и Аарон в скинию свидения: и се, прозябе жезл Ааронь в дому Левиине, и израсти ветвь, и процветоша цветы, и израсти орехи: **9** и изнесе Моисей вся жезлы от лица Господня ко всем сыном Израилевым: и видеша, и взя кийждо жезл свой. **10** И рече Господь к Моисею: отложи жезл Ааронь пред свидением в сохранение, в знамение сынов послушливых: и да престанет роптание их от Мене, и не измрут. **11** И сотвори Моисей и Аарон, якоже повеле Господь Моисею, тако сотвориша. **12** И рекоша сынове Израилевы к Моисею, глаголюще: се, потребихомся, погибохом, исчезохом: **13** всяк прикасаяся ко скинии свидения Господня умирает: даже до конца ли умирающе погубим?

18 И рече Господь ко Аарону, глаголя: ты и сынове твои, и дом отца твоего с тобою, возмите грехи святых, ты же и сынове твои возмите грехи жречества вашего: **2** и братию твою, племя Левиино, сонм отца твоего приведи к себе, и да приложатся к тебе, и да служат тебе, и ты и

сынове твои с тобою пред скиниею свидения, **3** и да блюдут стражбы твоя и стражбы скинии: токмо к сосудом святым и ко олтарю да не приступают, да не измрут и сии, и вы: **4** и приложатся к тебе и да блюдут стражбы скинии свидения по всем службам скинии, и иноплеменник да не приступит к тебе, **5** и соблюдете стражбы святых и стражбы олтаря, и не будет ктому гнева на сынех Израилевых: **6** и Аз взял братию вашу левиты от среды сынов Израилевых в дар данный Господу служити службы скинии свидения. **7** И ты и сынове твои с тобою сохраните жречество ваше по всему образу олтаря, и еже внутрь завесы, и да служите службы в дар жречества вашего: и иноплеменник приступая умрет. **8** И рече Господь ко Аарону: и се, Аз дах вам снабдение начатков моих от всех освященных Мне от сынов Израилевых: тебе дах я в честь, и сыном твоим по тебе законно вечно: **9** и сие да будет вам от освященных святых приношений, от всех даров их и от всех жертв их, и от всякаго преступлення их и от всех грех их, елика отдают Мне, от всех святынь, тебе да будут и сыном твоим. **10** Во святем святых ядите я: всяк мужеский пол да яст я, ты и сынове твои: свята будут тебе. **11** И сие да будет вам от начатков даяний их, от всех возложенных сынов Израилевых: тебе дах я, и сыном твоим и дщерем твоим с тобою, законно вечно: всяк чистый в дому твоём да яст я. **12** Всяк начаток елеа, и всяк начаток вина и пшеницы, начаток их, елика аще отдадут Господу, тебе дах я: первородная вся елика в земли их, елика аще принесут Господу, тебе да будут: **13** всяк чистый в дому твоём да яст я. **14** Всякое освященное в сынех Израилевых тебе да будет, **15** и всякое разверзающее всяка ложесна от всякия плоти, елика приносят Господу, от человека до скота, тебе да будут: но токмо испулением испукятся первенцы человечести, и первенцы скотов нечистых да испукятся: **16** и искуп его от единого месяца, сценение пять сикль, по сиклю святому: двадцать медниц есть: **17** обаче первородная телцев и первородная овец и первородная коз да не испукятся: свята суть: и кровь их пролиеши у олтаря, и тук принесеши принос в воню благовония Господу. **18** И мяса тебе да будут, якоже и груди возложения: и по раму десному тебе да будут. **19** Всяко участие святых, елика аще отлучат сынове Израилестии Господу, тебе дах и сыном твоим и дщерем твоим с тобою, законно вечно: завет соли вечныя есть пред Господем, тебе и семени твоему по тебе. **20** И рече Господь ко Аарону: в земли их да не наследии наследия, и части да не будет тебе в них: яко Аз часть твоя и наследие твое посреде сынов Израилевых. **21** И сыном Левииным, се, дах всю десятину во Израили в жребий за службы их, елико служат тии служение в скинии свидения: **22** и да не приступают по сем сынове Израилестии к скинии свидения прияти грех смертоносный: **23** и да служат левити сами службу скинии свидения, и тии возмут грехи их: законно вечно в роды их: и посреде сынов Израилевых да не наследят наследия: **24** яко десятины сынов Израилевых, елики аще отлучат Господу, участие дах левитом в жребий: сего ради рекох им: среди сынов Израилевых да не наследят жребия. **25** И рече Господь к Моисею, глаголя: **26** и левитом да

глаголеши и речеши к ним: аще возьмете десятину от сынов Израилевых, юже дах вам от них во жребий, и отделите вы от нея участие Господу, десятину от десятины ея, **27** и вменяются вам участия ваша яко пшеница от гумна и яко участие от точила: **28** тако отделите их и вы от всех частей Господних, от всех десятин ваших, елики аще возьмете от сынов Израилевых, и дадите от них участие Господу, Аарону жерцу: **29** от всех даяний ваших отделите участие Господу, или от всех начатков освященное от него, **30** и речеши к ним: егда отделите начаток от него, и вменится левитом аки жито от гумна и яко участие от точила: **31** и ядите то во всяком месте вы и сынове ваши и домова ваши, яко мзда сия вам есть за службы ваша, яже в скинии свидения: **32** и не примете за сие греха, яко аще отлучите начаток от него: и святынь сынов Израилевых не оскверните, да не умрете.

19 И рече Господь к Моисею и Аарону, глаголя: **2** се, расположение закона, елика заповеда Господь, глаголя: глаголи сыном Израилевым, и да приведут к тебе юницу рыжу непорочну, яже не имать на себе порока, и на нюже не бе возложено иго: **3** и даси ю ко Елеазару жерцу: и да изведут ю вне полка на место чисто, и да заколют ю пред ним: **4** и да возмет Елеазар от крове ея и да покропит спреди скинии свидения от крове ея седмижды: **5** и да сожгут ю пред ним, и кожу ея и мяса ея и кровь ея с мотылы ея да сожгут: **6** и да возмет жрец древо кедрово, и иссоп, и соскание червленое, и да вложат в средину сожжения юницы: **7** и да измыет ризы своя жрец и да омыет тело свое водою, и потом да внидет в полк, и нечист будет жрец до вечера: **8** и иже сжигает ю, да исперет ризы своя и да омыет тело свое водою, и нечист будет до вечера: **9** и да соберет чистый человек пепел юницы и да изнесет вне полка на место чисто, и да будет сонму сынов Израилевых в сохранение: вода окропления очищение есть: **10** и собираяй пепел юницы да исперет ризы своя, и нечист будет до вечера: и да будет сыном Израилевым и пришлецем прилежащим посреде вас законно вечно. **11** Прикасайся мертвому всякия души человек нечист будет семь дней: **12** сей да очистится (сею водою) в день третий и в день седмый, и чист будет: аще же не очистится ею в день третий и в день седмый, нечист будет. **13** Всяк прикасайся мертвому от всякия души человек, аще умрет, и не очистится, скинию Господню оскверни: потребится душа та от Израиля, яко вода окропления не воскропится нань, нечист есть, еще нечистота его на нем есть. **14** И сей закон: человек аще умрет в дому, всяк входяй в дом, и елика суть в дому, нечиста будут семь дней. **15** И всяк сосуд непокровен, и елики обвязанием не обвязаны, нечисти суть. **16** И всяк иже аще прикоснется на поли язвенному, или мертвому, или кости человек, или гробу, семь дней нечист будет: **17** и да возмут нечистому от пепела сожженного очищения, и да возлиют нань воду живу в сосуд: **18** и да возмет иссоп и омочит в воду муж чист, и да воскропит на дом и на сосуды и на души, елики суть тамо, и на коснувшася кости человек, или язвенному, или мертвечине, или гробу: **19** и да воскропит

чистый на нечистаго в день третий и в день седмый, и очистится седмаго дне: и да исперет ризы своя и да омыет тело свое водою, и нечист будет до вечера. **20** И человек, иже аще осквернится, и не очистит себе, потребится душа та от среды сонма, яко святая Господня осквернава, яко вода окропления не воскропится Нань, нечист есть. **21** И да будет вам законно вечно, и окропляяй водою окропления да исперет ризы своя, и прикасайся воде окропления нечист будет до вечера. **22** И всякое, емуже прикоснется нечистый, нечисто будет: и душа прикасающаяся нечиста будет до вечера.

20 И приидоша сынове Израилестии, весь сонм, в пустыню Син, в месяц первый, и пребываху людие в Кадисе: и скончася ту Мариам, и погребеся тамо. **2** И не бяше воды сонму: и собрашася на Моисея и Аарона, **3** и ропташа людие на Моисея, глаголюще: о, дабы умерли выхом в погибели братии нашей пред Господем: **4** и вскую введосте сонм Господнь в пустыню сию, погубити ны и скоты нашы? **5** и вскую сие? Изведосте ны из Египта, еже приити (нам) на место злое сие, место, в немже не сеется, ни смокви, ни винограды, ниже яблоки, ниже вода есть пити. **6** И прииде Моисей и Аарон от лица сонма пред двери скинии свидения, и падоста ниц: и явися слава Господня над ними. **7** И рече Господь к Моисею, глаголя: **8** возми жезл твой и сзови сонм ты и Аарон, брат твой, и рцйте ко камению пред ними, и даст воды своя: и изведете им воды из камене, и напоите сонм и скоты их. **9** И взя Моисей жезл иже пред Господем, якоже повеле Господь. **10** И созва Моисей и Аарон сонм пред камень, и рече к ним: послушайте мене, непокоривии: еда из камене сего изведем вам воду? **11** И воздвиг Моисей руку свою, удари в камень жезлом дважды: и изыде вода многа, и написа сонм (весь) и скоты их. **12** И рече Господь к Моисею и Аарону: понеже не веровасте освятити Мя пред сынми Израилтескими, сего ради не введете вы сонма сего в землю, юже дах им: **13** сия вода Пререкания, яко возропташа сынове Израилестии пред Господем, и освятися в них. **14** И посла Моисей послы от Кадиса к Царю Едомскому, глаголя: тако глаголет брат твой Израиль: ты веси весь труд обретший нас: **15** и снидоша отцы наши в Египет, и жихом во Египте дни многи, и озлобиша нас Египтяне и отцев наших: **16** и возопихом ко Господу, и услыша Господь глас наш, и послав Ангела, изведе ны из Египта: и ныне есмы в Кадисе граде, на конце предел твоих: **17** да пройдем сквозе землю твою: не пройдем сквозе села, ни сквозе винограды, ни пием воды в потоцех твоих: путем царским пойдем, не совратимся ни на десно, ни на лево, дондеже пройдем пределы твоя. **18** И рече к ним Едом: не пройдеши сквозе мене: аще же ни, ратию изыду противу тебе. **19** И рекоша к нему сынове Израилевы: под горою пройдем: аще же от воды твоя испием аз и скоты моя, дам цену тебе: но вещь сия ничтоже есть, под горою да пройдем. **20** Он же рече: не пройдеши сквозе мене. И изыде противу им Едом с народом тяжким и рукою крепкою. **21** И не восхоте Едом дати Израилю проити сквозе пределы своя,

и уклонися Израиль от него. 22 И воздвигошася от Кадиса, и приидоша сынове Израилтестии, весь сонм, в гору Ор. 23 И рече Господь к Моисею и Аарону в горе Ор у предел земли Едомли, глаголя: 24 да приложится Аарон к людям своим, яко не внидете в землю, юже дах сыном Израилевым в наследие, понеже преогорчисте Мя у воды Пререкания: 25 возми Аарона брата твоего и Елеазара сына его, и возведи я на Ор гору пред всем сонмом: 26 и совлецы Аарону ризы его и облещы Елеазара сына его, и Аарон приложився да умрет тамо. 27 И сотвори Моисей, якоже повеле ему Господь: и возведе я на Ор гору пред всем сонмом, 28 и совлече Аарона с риз его, и облече в ня Елеазара сына его: 29 и умре Аарон тамо на версе горы: и сниде Моисей и Елеазар с горы. И виде весь сонм, яко умре Аарон: и плакашася по Аароне тридесять дний весь дом Израилев.

21 И услыша Хананей царь Арадский живый при пустыни, яко прииде Израиль путем Афаримским, и ратова противу Израиля, и взя от них плен. 2 И обещася Израиль обетом Господу и рече: аще мне предаси люди сия подручны, погублю их и грады их. 3 И услыша Господь глас Израилев и предаде Хананея подручна ему: и опустоши его и грады его, и прозва има месту тому Запустение. 4 И воздвигшеся от Ора горы путем иже к морю Чермному, обыдоша землю Едомлю: и малодушествоваша людие на пути, 5 и роптаху людие на Бога и на Моисеа, глаголюще: вскую извел еси ны из Египта убити нас в пустыни, яко несть хлеба, ни воды? И душа наша негодует о хлебе сем тщем. 6 И посла Господь на люди змиев умерщвляющих, и угрызаху людей: и умроша люди мнози от сынов Израилевых. 7 И пришедше людие к Моисею глаголаша: согрешихом, яко роптахом на Господа и на тя: помолися убо ко Господу, да отженет от нас змии. И помолися Моисей ко Господу о людех. 8 И рече Господь к Моисею: сотвори себе медяну (медяну) и положи ю на знамя: и будет аще угрызет змия человека, всяк угрызенный видев ю жив будет. 9 И сотвори Моисей змию медяну и постави ю на знамени: и бысть егда угрызаше змия человека, и взираше на змию медяну, и оживаше. 10 И воздвигошася сынове Израилевы, и ополчишася во Овофе: 11 и воздвигшеся от Овофа, ополчишася во Ахалгеи об ону страну пустыни, яже есть пред лицем Моавитским, на восток солнца: 12 и оттуду воздвигошася, и ополчишася в дебри Заред: 13 и оттуду воздвигшеся, ополчишася об ону страну Арнона в пустыни, яже исходит от предел Аморрейских: есть бо Арнон предел Моавль между Моавом и между Аморреом. 14 Сего ради глаголется в книзе брань Господня: Зоовы попали, и потоки Арнони, 15 и потоки устрои в селение Ир, и прилежит пределом Моавлим. 16 И оттуду (воздвигошася) ко Кладязю: сей есть кладязь, о немже рече Господь к Моисею: собери люди, и дам им воду пити. 17 Тогда воспе Израиль песнь сию у кладязя: начинайте ему: 18 кладязь, ископаша его князи, изсекоша его царие язычестии во царствии их, внегда обладати ими. И от кладязя (воздвигошася) в Манфанаил: 19 и от Манфанаила в Наадиил, и от Наадиила в Вамоф: 20 и от Вамофа в Напин, иже есть на поли Моавли, от

верха Изсеченаго, зрящаго пред лице пустыни. 21 И посла Моисей послы к Сиону царю Аморрейску, словесы мирными глаголя: 22 да пройдем сквозе землю твою, путем пойдем: не уклонимся ни на села, ни на винограды, не испием воды от кладязь твоих: путем царским пойдем, дондеже пройдем пределы твоя. 23 И не даде Сион Израилю проити сквозе пределы своя: и собра Сион вся люди своя, и изыде ополчиться на Израиля в пустыню: и прииде во Иассан, и ополчися на Израиля. 24 И порази его Израиль убийством меча, и обладаше землею его от Арнона до Иакова, даже до сынов Амманых: яко Иазир пределы сынов Амманых суть. 25 И взя Израиль вся грады сия: и вселися Израиль во всех градах Аморрейских, во Есевоне и во всех подлежащих ему: 26 есть бо Есевон град Сиона царя Аморрейска: и сей повоева царя Моавля прежде и взя всю землю его от Ароира даже до Арнона. 27 Сего ради рекут приточницы: приидите во Есевон, да соградится и соизждется град Сион: 28 яко огонь изыде от Есевона и пламень от града Сиона, и пояде даже до Моава, и пожре столпы Арнонския: 29 горе тебе, Моаве, погибосте, людие Хамосовы: продани быша сынове их в заключение и дщери их пленницы царю Аморрейскому Сиону: 30 и семья их погибнет, Есевон даже до Девона: и жены их еще разожгоша огонь на Моава. 31 Вселися же Израиль во вся грады Аморрейски: 32 и посла Моисей соглядати Иазира: и взяша его и села его, и изгнаша Аморрея живущаго тамо: 33 и возвратившеся, приидоша путем в Васан. И изыде Ог, царь Васанский, противу им и вси людие его на брань во Едраин. 34 И рече Господь к Моисею: не убойся его, яко в руке твои предах его и вся люди его и всю землю его: и сотвориши ему, якоже сотворил еси Сиону царю Аморрейску, иже живяше во Есевоне. 35 И порази его и сыны его и вся люди его, даже не оста в них живый: и наследилша землю его.

22 И воздвигшеся сынове Израилтестии, ополчишася на запады Моава у Иордана ко Иерихону. 2 И виде Валак сын Сепфоров вся, елика сотвори Израиль Аморрею, 3 и убояся Моав людий зело, яко мнози бяху, и оскорбе Моав от лица сынов Израилевых, 4 и рече Моав старейшинам Мадиамлим: ныне потребит сонм сей всех, иже окрест нас, якоже потребляет телец злак на поли. И Валак, сын Сепфоров, бяше царь Моавль в то время, 5 и посла послы к Валааму, сыну Веорову, во Фафуру яже есть у реки земли сынов людий его, призвати его, глаголя: се, людие изыдоша из Египта, и се, покрыша лице земли, и сии седят при одержании моем: 6 и ныне прииди, проклени мне люди сия, понеже крепльшии суть паче нас, аще возможем сих избити, и изжену их из земли: яко вем, и ихже аще благословиши ты, благословени суть, и ихже аще прокленеши ты, прокляти. 7 И идоша старейшины Моавли и старейшины Мадиамли, и волхования в руках их: и приидоша к Валааму и глаголаша ему словеса Валакова. 8 И рече к ним: препочийте zde ночь (сию), и отвещаю вам деяния, яже аще возглаголет Господь ко мне. И пребыша князи Моавли у Валаама. 9 И прииде Бог к Валааму и рече ему: что человецы сии у тебе? 10 И рече

Валаам к Богу: Валак сын Сепфоров, царь Моавль, посла их ко мне, глаголя: 11 се, людие изыдоша из Египта и покрывша лице земли, и сии седят при одержании моем: и ныне прииди, проклени ми их, негли возмогу избити их и изгнати я от земли. 12 И рече Бог к Валааму: да не идеши с ними, ниже да кленеши людий: суть бо благословени. 13 И востав Валаам завтра, рече князем Валаковым: возвратитесь к господину своему: не попускает ми Бог ити с вами. 14 И воставше князи Моавли приидоша к Валаку и рекоша ему: не хочет Валаам приити с нами. 15 И приложи Валак еще послати князи множайшии и честнейшии сих. 16 И приидоша к Валааму и глаголаша ему: сия глаголет Валак, сын Сепфоров: молю тя, не обленися приити ко мне: 17 честне бо ты почту, и вся, елика еще речеши ми, сотворю тебе: и прииди, и проклени ми люди сия. 18 И отвеща Валаам и рече князем Валаковым: аще ми даст Валак полну храмину свою злата и сребра, не могу преступити слова Господа Бога, еже сотворити то мало или велико в разуме моем: 19 и ныне потерпите zde и вы ночь сию, и убо, что приложит Господь глаголати ко мне. 20 И прииде Бог к Валааму нощию и рече ему: аще звати тя приидоша человецы сии, востав иди вслед их, но слово, еже аше реку тебе, то да сотвориши. 21 И востав Валаам завтра, оседла осля свое и иде со князи Моавли. 22 И разгневался яростию Бог, яко иде сей: и воста Ангел Божий препяти ему на пути. Сей же седяше на ослиати своем и два раба его с ним. 23 И узрев осел Ангела Божия супротив стояща на пути, и мечь извлечен в руце его, и совратися осел с пути и идяше на поле: и бияше (Валаам) осля жезлом своим, еже направити е на путь: 24 и ста Ангел Божий на броздах виноградных: ограждение отсюда, и ограждение отнюду: 25 и узрев осел Ангела Божия, приложися ко оgrade и прижме ногу Валааму ко оgrade, и приложи еще бити его: 26 и приложи Ангел Божий, и шед свята в месте узком, в немже не бяше уклонитися ни на десно, ни на лево: 27 и видя осля Ангела Божия, паде под Валаамом: и разгневался Валаам, и бияше осля жезлом. 28 И отверзе Бог уста ослиати, и рече Валааму: что сотворих тебе, яко се, в третие беиши мя? 29 И рече Валаам ослиати: яко поругался ми еси: и аще бых мечь имел в руку моею, пробол бых тя. 30 И рече осля Валааму: не аз ли ослица твоя, на нейже ты ездил от юности своя до днешняго дне? Еда презорством презревши сотворих тебе сие? Он же рече: ни. 31 Отверзе же Бог очи Валааму, и узре Ангела Божия противостояща на пути, и мечь извлечен в руце его: и приклонився поклонися ему лицом своим. 32 И рече ему Ангел Божий: почто беиши осля твое сие в третие? И се, аз приидох на препятие твое, яко неприятен путь твой предо мною: и видя мя ослица, совратися от Мене се третие: 33 и аще бы не уклонилася от Мене, ныне ты убо убил бых, сию же сохранил бых. 34 И рече Валаам ко Ангелу Господню: согреших, не ведех бо, яко Ты мне противостоял еси на пути: и ныне аще Тебе не угодно, возвращаюся. 35 И рече Ангел Божий к Валааму: иди ты с человеки: обаче слово, еже аще реку тебе, сие сохрани глаголати. И иде Валаам со князи Валаковы. 36 И услышав

Валак, яко приходит Валаам, изыде во сретение ему во град Моавль, иже есть в пределех Арноних, иже есть на краи пределов. 37 И рече Валак к Валааму: не послах ли к тебе звати тя? Почто не пришел еси ко мне? Или не возмогу почтити тебе? 38 И рече Валаам к Валаку: се, прихожду к тебе ныне: мощен ли буду глаголати что? Слово, еже аще вложить Бог во уста моя, сие реку. 39 И иде Валаам с Валаком, и внидоша во Грады Селньны. 40 И закла Валак телцы и овцы, и посла Валааму и князем иже с ним. 41 И бысть завтра, и взяв Валак Валаама, возведе его на столп Ваалов, и показа ему оттуду часть некую людий.

23 И рече Валаам к Валаку: созижди мне zde семь требищ, и уговай мне zde семь телцев и семь овнов. 2 И сотвори Валак, якоже рече ему Валаам: и вознесе телца и овна на требище. 3 И рече Валаам к Валаку: стани у требы своя, и пойду, аще явится мне Бог в сретение, и слово, еже мне укажет, повем тебе. И ста Валак у требы своя. 4 И Валаам иде вопросити Бога, и иде прямо: и явися Бог Валааму. И рече к нему Валаам: семь требищ изготових и возложих телца и овна на требище. 5 И вложи Бог слово во уста Валааму и рече: возвратився к Валаку тако глаголи. 6 И возвратися к нему: он же стояше у всесожжений своих, и вси князи Моавли с ним: и бысть Дух Божий на нем. 7 И восприим притчу свою рече: от Месопотамии приведе мя Валак царь Моавль, от гор восточных, глаголя: гряди, проклени ми Иакова, и гряди, проклени ми Израиля: 8 что проклену, егоже не кленет Господь? Или что зло реку, егоже не злословит Бог? 9 Яко от верха гор узрю его и от холм проуразумею его: се, людие едины населятся и со языки не вменяются: 10 кто изследит семя Иаковле? И кто изочтет сонмы Израиля? Да умрет душа моя в душах праведных, и буди семя мое, якоже семя их. 11 И рече Валак к Валааму: что сотворил еси ми? На проклятие враг моих призвах тя, и се, благословил еси (я) благословением. 12 И рече Валаам к Валаку: не елика ли вложит Бог во уста моя, сие сохраню глаголати? 13 И рече к нему Валак: пойди еще со мною на место ино, с негоже не узриши их оттуду, но разве часть некую их узриши, всех же не узриши, и проклени ми их оттуду. 14 И поя его на стражу села, на верх Истесанаго, и созда тамо семь требищ, и возложи телца и овна на требище. 15 И рече Валаам к Валаку: стани у требы своя, аз же пойду вопросити Бога. 16 И сrete Бог Валаама, и вложи слово во уста ему и рече: возвратися к Валаку, и речеши сия. 17 И возвратися к нему: он же стояше у всесожжений своих, и вси князи Моавли с ним. И рече ему Валак: что глагола Господь? 18 И восприим притчу свою, рече: востани, Валак, и послушай, внуши свидетель, сыне Сепфоров: 19 не яко человек Бог колеблется, ниже яко сын человеческий изменяется: Той глаголаше, не сотворит ли? Речет, и не пребудет ли? 20 Се, благословляти приведен есмь: благословлю, и не отвращу: 21 не будет труда во Иакове, ниже узрится болезнь во Израили: Господь Бог его с ним, слава царская на нем: 22 Бог изведый его из Египта, якоже слава единорога в нем: 23 несть бо вражды во Иакове,

ниже волхования во Израили: во время наречется Иакову и Израилю, что совершит Бог: 24 се, людие яко львичища востанут, и яко лев вознесется: не уснет, дондеже снесет лов и кровь посеченых испиет. 25 И рече Валак к Валааму: ни клятвами мне клени их, ниже благословением благослови их. 26 И отвещав Валаам, рече к Валаку: не рех ли ти, глаголя: слово, еже аще возглаголет Бог, сие сотворю? 27 И рече Валак к Валааму: гряди, пойму ты на место ино, аще угодно будет Богу, и проклени ми их оттуду. 28 И поя Валак Валаама на верх Фогора, простирающаяся в пустыню. 29 И рече Валаам к Валаку: созижди мне zde семь требищ, и уготовай мне zde семь телцев и семь овнов. 30 И сотвори Валак, якоже рече ему Валаам: и вознесе телца и овна на требище.

24 И видеВ Валаам, яко добро есть пред Господем благословляти Израиля, не иде по обычаю Господу в сретение волхованиями, и возврати лице свое в пустыню. 2 И возвед Валаам очи свои, узре Израиля ополчившася по племеном: и бысть Дух Божий на нем. 3 И восприим притчу свою рече: глаголет Валаам, сын Веоров, глаголет человек истинно зряй, 4 глаголет слушаый словеса Крепкого, иже видение Божие виде во сне: отверсты очи его: 5 коль добри доми твои, Иакове, и куцы твоя, Израилю: 6 яко дубравы осеняющыя и яко садие при реках, и яко куцы, яже водрузи Господь, и яко кедри при водах: 7 изыдет человек от семене его, и обладает языки многими: и возвысится паче Гога царство его, и возрастет царство его: 8 Бог изведе его из Египта, якоже слава единорога ему: пояст языки враг своих и толщы их измождит, и стрелами своими устрелит врага: 9 возлег почи яко лев и яко скимен: кто возбудит его? Благословляющи тя благословени, и проклинающи тя прокляти. 10 И разгнеवासя Валак на Валаама, и плесну руками своими, и рече Валак к Валааму: кляти тя врага моего призвах, и се, благословил еси их в третие: 11 ныне убо бежи на место свое: рекох, почту ты: и ныне лиши ты Господь славы. 12 И рече Валаам к Валаку: и послом твоим, иже послал еси ко мне, не рекох ли, глаголя: 13 аще ми даст Валак храмину свою полную сребра и злата, не могу преступити слова Божия, еже сотворити е зло или добро от мене самага: елика аще речет ми Бог, сия возглаголю? 14 И ныне, се, иду до места своего: гряди, присоветую тебе, что сотворят людие сии людем твоим, в последняя дни. 15 И восприим притчу свою рече: глаголет Валаам сын Веоров, глаголет человек истинно зряй, 16 слышай словеса Божия, умея умение Вышняго и видение Божие видевый во сне: отверсты очи его: 17 покажу ему, и не ныне: ублажаю, и не приближается: возсияет звезда от Иакова, и встанет человек от Израиля и погубит князи Моавитския, и пленит вся сыны Сифовы: 18 и будет Едом наследие, и будет наследие Исав враг его, и Израиль сотвори крепость: 19 и встанет от Иакова, и погубит спасаемаго от града. 20 И видеВ Амалика и восприим притчу свою, рече: начало языков Амалик, и семя их погибнет. 21 И видеВ Кенеона и восприим притчу свою, рече: сильно селение твое: и аще

положиши на камени гнездо твое, 22 и аще будет Веору гнездо коварства, Ассириане пленят тя. 23 И видеВ Ога и восприим притчу свою, рече: горе, горе, кто жив будет, егда положит Бог сия? 24 И изыдут из рук Китийских, и озлобят Ассура, и озлобят Евреов, и сами вкупе погибнут. 25 И востав Валаам отиде, возвратився на место свое: и Валак отиде к себе.

25 И живяше Израиль в Саттима, и осквернишася людие блужением со дщери Моавли: 2 и призваша я в требы кумир своих, и ядоша людие требы их и поклонишася кумиром их: 3 и причастися Израиль Веельфегору, и разгнеवासя яростию Господь на Израиля. 4 И рече Господь к Моисею: помии вся князи людския, и обличи я Господу прямо солнцу, и отвратится гнев ярости Господни от Израиля. 5 И рече Моисей к племени Израилским: избийте кийждо ужика своего служившаго Веельфегору. 6 И се, человек от сынов Израилевых пришед приведе брата своего к Мадянитыне пред Моисеем и пред всем сонмом Израилевым: сии же плакахуся пред дверми скинии свидения. 7 И видеВ Финеес, сын Елеазара сына Аарона жерца, воста из среды сонма, и взял сулицу в руку, 8 вниде вслед человека Израилтянина в блудилище, и прободе обоих, и человека Израилтянина, и жену сквозе ложесна ея: и преста вред от сынов Израилевых. 9 И быша умершии язвою двадесять четыре тысячи. 10 И рече Господь к Моисею, глаголя: 11 Финеес сын Елеазара сына Аарона жерца утоли гнев Мой от сынов Израилевых, егда возревнова ревность Моя в них, и не потребих сынов Израилевых в ревности Моей: 12 тако рцы: се, Аз даю ему заветзавет Мой мирный, 13 и будет ему и семени его по нем завет жречества вечный, понеже возревнова по Бозе своем и умилостиви о сынех Израилевых. 14 Имя же человеку Израилтянину, егоже уби с Мадянитынею, Замврий сын Салмонь, князь дому отечества сынов Симеоних: 15 и имя жене Мадянитыне прободеной Хазви, дщи Сура, князя рода Соммофова, дому отечества есть Мадямля. 16 И рече Господь к Моисею, глаголя: рцы сыном Израилевым, глаголя: 17 враждуйте Мадянитом и бийте я: 18 зане враждуют вам сии лестию, елико прельщают вас Фогором и Хазвию дщерию князя Мадямля, сестрою своею прободеною, в день язвы Фогора ради.

26 И бысть но язве, и рече Господь к Моисею и Елеазару жерцу, глаголя: 2 возми начало всего сонма сынов Израилевых от двадесяти лет и выше, но домом отечеств их, всяк исходяй вооружитися во Израили. 3 И глаголя Моисей и Елеазар жрец к ним во Аравофе Моавли при Иордане у Иерихона, глаголя: 4 от двадесяти лет и выше, якоже заповеда Господь Моисею: и сынове Израилтестии изшедши из Египта: 5 Рувим первенец Израилев. Сынове же Рувимли: Енох и сонм Енохов, Фаллу сонм Фаллов, 6 Асрону сонм Асронов, Харму сонм Хармиин. 7 Сии сонми Рувимли: и бысть соглядание их четыредесять три тысячи и шесть сот и тридесять. 8 И сынове Фалловы Елиав. 9 И сынове Елиавли Намуил и Дафан и Авирон: сии нарочитии сонму: сии суть воставше на Моисеа и Аарона в сонме

Кореове в крамоле на Господа: 10 и отверзши земля уста своя пожре их и Кореа в смерти сонма его, егда пояде огонь двести и пятьдесят, и быша в знамение. 11 Сынове же Кореовы не измроша. 12 И сынове Симеони, сонм сынов Симеоних: Намуилу сонм Намуилов, Иамину сонм Иаминов, Иахину сонм Иахинов, 13 Заре сонм Зарин, Саулу сонм Саулов. 14 Сии сонми Симеони от согляданья их двадцать две тысящи и двести. 15 Сынове же Иудины Ир и Авнан и Силом, и Фарес и Зара: и умре Ир и Авнан в земли Ханаани. 16 И быша сынове Иудины по сонмом своим: Силому сонм Силомль, Фаресу сонм Фаресов, Заре сонм Зарин. 17 И быша сынове Фаресовы: Асрону сонм Асронов, Иамуилу сонм Иамуилов. 18 Сии сонми Иудины по согляданию их семьдесят шесть тысящ и пять сот. 19 И сынове Иссахаровы по сонмом своим: Фоле сонм Фолин Фуеви сонм Фуин, 20 Иасуву сонм Иасувин, Амвраму сонм Амврамль. 21 Сии сонми Иссахаровы по согляданию их шестьдесят и четыре тысящи и четьреста. 22 Сынове Завулони по сонмом своим: Сареду сонм Саредин, Аллону сонм Аллонин, Аллилу сонм Аллилин. 23 Сии сонми Завулони по согляданию их шестьдесят тысящ и пять сот. 24 Сынове Гадовы по сонмом их: Сафону сонм Сафонин, Аггину сонм Аггинов, Сунину сонм Сунинов, 25 Азону сонм Азенин, Адду сонм Аддин, 26 Ароаду сонм Ароадин, Ариилу сонм Арииль. 27 Сии сонми сынов Гадовых по согляданию их четьреста и четыре тысящи и пять сот. 28 Сынове Асировы по сонмом их: Иамину сонм Иаминов, Иесую сонм Иесуинь, 29 Вариано сонм Вариань, Ховеру сонм Ховерин, Мелхиилу сонм Мелхиилин, 30 имя же дщери Асирове Сара, 31 сии сонми Асировы по согляданию их четьреста три тысящи и четьреста. 32 Сынове Иосифли по сонмом их: Манассиа и Ефрем. 33 Сынове Манассиины: Махиру сонм Махирин: и Махир роди Галаада, Галааду сонм Галаадин. 34 И сии сынове Галаадины: Ахизеру сонм Ахизеров, Хелеку сонм Хелеков, 35 Есриилу сонм Есрилов, Сихему сонм Сихемль, 36 Симаеру сонм Симаерин, и Оферу сонм Оферов. 37 И Салпааду сыну Оферову не быша ему сынове, но токмо дщери. И сия имена дщерем Салпаадовым: Маала и Нуа, и Егла и Мелха и Ферса. 38 Сии сонми Манассиины по согляданию их пятьдесят и две тысящи и семь сот. 39 И сии сынове Ефремли: Суфалу сонм Суфалин, Танаху сонм Танахин. 40 Сии сынове Суфаловы: Едену сонм Еденин. 41 Сии сонми Ефремли по согляданию их тридцать две тысящи и пять сот. Сии сонми сынов Иосифовых по сонмом их. 42 Сынове Вениамини по сонмом их: Валу сонм Валин, Асивиру сонм Асивиров, Иахирану сонм Иахиранин, Софану сонм Софанин. 43 И быша сынове Валу Адерь и Ноеман: 44 Адеру сонм Адерин, и Ноеману сонм Ноеманин. 45 Сии сынове Вениамини по сонмом их по согляданию их четьреста и пять тысящ и шесть сот. 46 И сынове Дановы по сонмом их: Самею сонм Самеин: сии сонми Дановы по сонмом их. 47 Все сонми Самеини по согляданию их шестьдесят четьри тысящи и четьреста. 48 Сынове Неффалимми по сонмом их: Асилу сонм Асилев, Гоину сонм Гоинин, 49 Иесрию сонм Иесриев, Селлиму сонм

Селлимов. 50 Сии сонми Неффалимми по согляданию их четьреста и пять тысящ и четьреста. 51 Сие соглядание сынов Израилевых шесть сот едина тысяща и семь сот тридцать. 52 И рече Господь к Моисею, глаголя: 53 сим разделится земля в наследие по числу имен: 54 множайшым да умножиши наследие, и малейшым да умалиши наследие их: коемуждо, якоже суть соглядани, да дастся наследие их: 55 по жребием да разделится земля именам, по племенем отечеств своих да наследят: 56 от жребия да разделиши наследие их между многими и малыми. 57 И сынове Левиини по сонмом их: Гирсону сонм Гирсонов, Каафу сонм Каафов, Мераре сонм Мерарин. 58 Сии сонми сынов Левиинь: сонм Ловенин, сонм Хевронин, и сонм Мусин, и сонм Кореов. И Кааф роди Амрама. 59 Имя же жене Амрамли Иохавев, дщи Левиина, яже роди сих Леви во Египте, и роди Амраму Аарона и Моисеа и Мариам сестру их. 60 И родишася Аарону Надав и Авиуд, и Елеазар и Ифамар. 61 И умре Надав и Авиуд, егда принесоста огонь чуждий пред Господем в пустыни Синайстей. 62 И быша от согляданья их двадцать три тысящи, всяк мужеск пол от единаго месяца: и выше: не быша бо соглядани посреде сынов Израилевых, яко не дадеса им жребий посреде сынов Израилевых. 63 И сие соглядание Моисеа и Елеазара жерца, иже соглядаша сынов Израилевых во Аравофе Моавли, у Иордана при Иерихоне. 64 И в сих не бйаше человек от соглядань Моисеом и Аароном, иже соглядаша сынов Израилевых в пустыни Синайстей. 65 Понеже рече Господь им: смертию измрут в пустыни. И не остана от них ни един, кроме Халева сына Иефонниина и Иисуса сына Навина.

27 И пришедша дщери Салпаада сына Оферова, сына Галаадова, сына Махирова, сонма Манассиина, сынов Иосифовых, и сия имена их: Маала и Нуа, и Егла и Мелха и Ферса, 2 и ставша пред Моисеом и пред Елеазаром жерцем, и пред князи и пред всем сонмом у дверей скинии свидения, глаголаша: 3 отец наш умре в пустыни, и сей не бе среде сонма воставшаго на Господа в сонме Кореове, яко греха ради своего умре, и сынове не быша ему: 4 да не погибнет имя отца нашего от среды сонма своего, яко несть сына ему: дадите нам наследие посреде братии отца нашего. 5 И принесе Моисей суд их пред Господа. 6 И рече Господь к Моисею, глаголя: 7 право глаголаша дщери Салпаадовы: даяние да даси им одержание наследия посреде братий отца их, и да приложиши им жребий отца их: 8 и сыном Израилевым да речеши, глаголя: человек аще умрет, и не будет сына ему, дадите наследие его дщери его: 9 аще же дщери не будет ему, дадите наследие его брату его: 10 аще же не будут ему братия, дадите наследие брату отца его: 11 аще же не будут братия отца его, дадите наследие ужику ближнему его от племени его наследити яже его: и да будет сие сыном Израилевым оправдание суда, якоже заповеда Господь Моисею. 12 И рече Господь к Моисею: възды на гору, яже об ону страну Иордана, сия гора Навав, и виждь землю Ханаану, юже аз даю сыном Израилевым во одержание: 13 и узриши ю, и приложишися к людем своим и ты, якоже приложися Аарон брат твой на горе Ор: 14 понеже

преступисте слово Мое в пустыни Син, вегда супротивитися сонму освятити Мя, не освятите Мене у воды пред ними: сия есть вода Пререкания в Кадисе в пустыни Син. 15 И рече Моисей ко Господу: 16 да изберет Господь Бог духов и всякия плоти человека над сонмом сим, 17 иже изыдет пред лицом их, иже внидет пред лицом их, и иже изведет их и иже введет их, и да не будет сонм Господень, яко овцы не имуща пастыря. 18 И рече Господь к Моисею, глаголя: поими к себе Иисуса сына Навина, человека, иже имать Духа в себе: и да возложиши руце твои на него: 19 и поставиши его пред Елеазаром жерцем, и заповеждь ему пред всем сонмом, и заповеждь о нем пред ними: 20 и даси на него от славы твоея, яко да послушают его вси сынове Израилевы: 21 и пред Елеазаром жерцем да станет, и да вопросят от него суда явленных пред Господем: по словеси его да исходят, и по словеси его да входят сам и сынове Израилевы вкупе, и весь сонм. 22 И сотвори Моисей, якоже повеле ему Господь Бог: и взем Иисуса постави его пред Елеазаром жерцем и пред всем сонмом: 23 и возложи руце свои на него, и устрои его, якоже повеле Господь Моисею.

28 И рече Господь к Моисею, глаголя: 2 заповеждь сыном Израилевым, и речеши к ним, глаголя: дары Моя, дяния Моя, приносы Моя, в воню благовония соблюдайте приносить Мне на праздники Моя. 3 И да речеши к ним: сия приношения, яже принесете Господу, агнцев единоклетных непорочных два на день во всеожжение выну: 4 агнца единого сотворите рано, и агнца втораго сотворите в вечер: 5 и да сотвориши десятую часть ефи (меры) муки пшеничны на жертву, вмешану в елеи четвертую часть (меры) ина: 6 всеожжение непрестанное, якоже бысть в горе Синайстей, в воню благовония Господу. 7 И возлияние его четвертую часть (меры) ина агнцу единому: во святем да возлиеши возлияние сикеру Господу: 8 и агнца втораго сотвориши к вечеру: по жертве его и по возлиянию его да сотвориши, в воню благовония Господу. 9 И в день суббот приведете два агнца единоклетна непорочна и две десятины муки пшеничны вмешаны в елеи на жертву и возлияние, 10 всеожжения субботы в субботах, на всеожжение всегдашнее и возлияние его. 11 И в новомесячиих да принесете во всеожжение Господу телца два от говяд и овна единого, агнцев единоклетных семь непорочных: 12 три десятины муки пшеничны вмешаны в елеи телцу единому, и две десятины муки пшеничны вмешаны в елеи овну единому, 13 по десятине муки пшеничны вмешаны в елеи агнцу единому: жертву в воню благовония принос Господу. 14 Возлияние их от вина пол (меры) ина да будет телцу единому: и третья часть (меры) ина да будет овну единому: и четвертая часть (меры) ина да будет агнцу единому: сие всеожжение от месяца до месяца в месяцы лета. 15 И козла единого от коз греха ради Господу на всеожжение присное сотворите и возлияние его. 16 И в месяце первом в четвертынадесять день месяца Пасха Господу: 17 и в пяттынадесять день месяца сего праздник: семь дний опресноки да ясте. 18 И день первый нарочит

свят да будет вам: всякого дела служебна да не сотворите. 19 И принесете всеожжения принос Господу, телца от волов два, овна единого, агнцев единоклетных семь: непорочни будут вам. 20 И жертва их мука пшенична вмешана в елеи: три десятины телцу единому и две десятины овну единому да сотворите: 21 по десятине сотвориши агнцу единому, седми агнцем: 22 и козла единого от коз греха ради, во еже умолити о вас. 23 Кроме всеожжения всегдашняго утренняго, еже есть всеожжение всегдашнее, сотворите сия. 24 По сему сотворите на (всяк) день, в семь дний, дар, принос в воню благовония Господу: на всеожжение всегдашнее сотвориши возлияние его. 25 И день седмый нарочит свят да будет вам: всякого дела служебнаго да не сотворите в онь. 26 И день новых (плодов), егда принесете Господеву жертву нову седмиц, нарочит свят будет вам: всякого дела служебна да не сотворите. 27 И да принесете всеожжения в воню благовония Господу, телца от волов два, овна единого, агнцев единоклетных семь непорочных. 28 Жертва их мука пшенична вмешана в елеи: три десятины телцу единому и две десятины овну единому: 29 по десятине агнцу единому, седми агнцем: 30 и козла единого от коз греха ради, во еже умолити о вас. 31 Кроме всеожжения всегдашняго, и жертву их сотворите Мне, непорочни да будут вам, и возлияния их.

29 И в месяц седмый, первый (день) месяца нарочит свят да будет вам: всякого дела служебна да не сотворите: день знамения будет вам. 2 И сотворите всеожжения в воню благовония Господу, телца от волов единого, овна единого, агнцев единоклетных семь непорочных: 3 жертва их мука пшенична вмешана в елеи: три десятины телцу единому и две десятины овну единому: 4 по десятине агнцу единому, седми агнцем: 5 и козла от коз единого греха ради, во еже умолити о вас: 6 кроме всеожжений новомесячия и жертвы их, и возлияния их, и всеожжение всегдашнее: и жертвы их и возлияния их, по уставу их, в воню благовония Господу. 7 И десятый день месяца сего нарочит свят да будет вам: и озлобите души ваша, и всякого дела служебна да не сотворите, 8 и принесете всеожжение в воню благовония Господу, приносы Господу: телца единого от говяд, овна единого, агнцев единоклетных семь: непорочны да будут вам: 9 жертва их мука пшенична вмешана в елеи: три десятины телцу единому и две десятины овну единому: 10 по десятине агнцу единому, на семь агнцев: 11 и козла единого от коз греха ради, во еже умолити о вас: кроме еже греха ради очищения, и всеожжение всегдашнее: жертва его и возлияние его, по уставу его в воню благовония принос Господу. 12 И пяттынадесять день седмаго месяца сего нарочит свят да будет вам: всякого дела служебна да не сотворите, и празднуйте той праздник Господеву семь дний, 13 и принесите всеожжения принос в воню благовония Господу: в первый день телцев от говяд тринадесять, овна два, агнцев единоклетных четырнадесять: непорочны да будут вам: 14 жертвы их мука пшенична вмешана в елеи: три десятины телцу единому, тремнадесяти телцем, и две десятины овну единому, на два овна: 15 по десятине агнцу

единому, на четырнадцать агнцев: **16** и козла единого от коз греха ради: кроме всесожжения всегдашняго, жертвы их и возлияния их. **17** И в день второй телцев дванадесять, овна два, агнцев единолетних четырнадцать непорочных: **18** жертва их и возлияния их телцем и овном и агнцем по числу их, по уставу их: **19** и козла единого от коз греха ради: кроме всесожжения всегдашняго, жертвы их и возлияния их. **20** В день третий телцев единнадцать, овна два, агнцев единолетних четырнадцать непорочных: **21** жертва их и возлияния их телцем и овном и агнцем по числу их, по уставу их: **22** и козла от коз единого греха ради: кроме всесожжения всегдашняго, жертвы их и возлияния их. **23** В день четвертый телцев десять, овна два, агнцев единолетних четырнадцать непорочных: **24** жертвы их и возлияния их телцем и овном и агнцем по числу их, по уставу их: **25** и козла от коз единого греха ради: кроме всесожжения всегдашняго, жертвы их и возлияния их. **26** В день пятый телцев девять, овна два, агнцев единолетних четырнадцать непорочных: **27** жертвы их и возлияния их телцем и овном и агнцем по числу их, по уставу их: **28** и козла от коз единого греха ради: кроме всесожжения всегдашняго, жертвы их и возлияния их. **29** В день шестой телцев восемь, овна два, агнцев единолетних четырнадцать непорочных: **30** жертвы их и возлияния их телцем и овном и агнцем по числу их, по уставу их: **31** и козла от коз единого греха ради: кроме всесожжения всегдашняго, жертвы их и возлияния их. **32** В день седьмой телцев семь, овна два, агнцев единолетних четырнадцать непорочных: **33** жертвы их и возлияния их телцем и овном и агнцем по числу их, по уставу их: **34** и козла от коз единого греха ради: кроме всесожжения всегдашняго, жертвы их и возлияния их. **35** И в день осмый исход будет вам: всякаго дела служебна да не сотворите в онь, **36** и да принесете всесожжения в вою благовония Господу, телца единого, овна единого, агнцев единолетних семь непорочных: **37** жертвы их и возлияния их телцу и овну и агнцем по числу их, по уставу их: **38** и козла от коз единого греха ради: кроме всесожжения всегдашняго, жертвы их и возлияния их. **39** Сия сотворите Господу в праздники ваша, кроме обетов ваших, и вольная ваша, и всесожжения ваша, и жертвы ваша, и возлияния ваша, и спасительная ваша. **40** И глагола Моисей сыном Израилевым по всем, елика заповеда Господь Моисею:

30 и глагола Моисей князем племен сынов Израилевых, глаголя: сие слово, еже повеле Господь. **2** Человек человек, иже аще обещает обет Господу, или закланется клятвою, или определит пределом о души своей, не осквернит словесе своего: вся, елика изыдут из уст его, да сотворит. **3** Аще же обещает жена обет Господу, или определит определение в дому отца своего в юности своей, **4** и услышит отец ея обеты ея и определения ея, яже определи на душу свою, и премоличит отец ея, и да состоятся вся обеты ея, и вся определения, яже определи на душу свою, да пребудут ей. **5** Аще же возбранением возбранит отец ея, в онже день услышит вся обеты ея и определения, яже определи на душу свою, не состоятся: и Господь очистит

ю, яко возбрани отец ея. **6** Аще же посягла за мужа, и обеты ея на ней, по определении уст ея, елика определи на душу свою, **7** и услышит муж ея, и премоличит ей, в онже день услышит, и тако состоятся вся обеты ея, и определения ея, яже определи на душу свою, да состоятся. **8** Аще же возбранением возбранит муж ея, в онже день услышит вся обеты ея и определения ея, яже определи на душу свою, да не пребудут, яко муж возбрани ей: и Господь очистит ю. **9** И обет вдовицы и пущеницы, елика аще обещают на душу свою, да пребудут им. **10** Аще же в дому мужа ея обет ея или определение, еже на душу ея с клятвою, **11** и услышит муж ея, и премоличит ей, и не возбранит ей, и состоятся вся обеты ея, и вся определения ея, яже определи на душу свою да состоятся на ню. **12** Аще же отлучая отлучит муж ея, в онже день услышит, вся елика изыдоша из уст ея по обетом ея и по определением ея яже на душу ея, не пребудут ей: муж бо ея отлучил есть, и Господь очистит ю. **13** Всяк обет и всяка клятва союза во еже озлобити душу, муж ея поставит ей, и муж ея отимет. **14** Аще же молча премоличит ей день от дне, и поставит ей вся обеты ея, и определения яже на ней, поставит ей, яко умолча ей в день, в онже услыша. **15** Аще же отлучая отлучит муж ея по дни, в онже услыша, и примет грех свой. **16** Сия оправдания, елика заповеда Господь Моисею, между мужем и между женою его, и между отцем и дщерию в юности ея, в дому отчи.

31 И рече Господь к Моисею, глаголя: **2** отмсти месть сынов Израилевых от Мадянитов, и последи приложиши к людем своим. **3** И рече Моисей к людем, глаголя: вооружите от вас мужы и ополчитесь пред Господом на Мадиам, отдати отмщение от Господа Мадиаму: **4** тысящу от племени и тысящу от племени, от всех племен сынов Израилевых, послите ополчитися. **5** И сочтоша от тысяч Израилевых, по тысящи от племени, дванадесять тысяч вооруженых на брань. **6** И посла я Моисей тысящу от племени и тысящу от племени с силою их, и Финееса сына Елеазарова сына Аарона жерца: и сосуды святяты, и трубы знаменныя в руках их. **7** И ополчидася на Мадиам, якоже повеле Господь Моисею, и избиша весь мужеск пол: **8** и царей Мадямских убиша вкупе с язвеными их, и Евина и Рокома, и Сура и Ура и ровока, пять царей Мадямлих: и Валаама сына Веорова убиша мечем с язвеными их: **9** и плениша жен Мадямлих и имения их, и скоты их и вся притяжания их, и силу их плениша: **10** и вси грады их, яже во обитаниих их, и вси их пожгоша огнем, **11** и взяша весь плен их и вся корысти их, от человека до скота: **12** и приведоша к Моисею и ко Елеазару жерцу и ко всем сыном Израилевым плен и корысти и имение в полк, во аравоф Моавль, иже есть у Иордана при Иерихоне. **13** И изыде Моисей и Елеазар жрец и вси князи сонма в сретение им вне полка. **14** И разгневася Моисей на надзирателей силы, тысященачалников и стоначалников идущих от ополчения брани. **15** И рече им Моисей: вскую жив остависте весь женск пол? **16** Тья бо быша сыном Израилевым, по словеси Валаамлю, еже отступити и презрети слово Господне Фогора

ради, и бысть язва в сонме Господни: 17 и ныне избийте всяк мужеск пол во всяком возрасте, и всяку жену, яже позна ложе мужеско, избийте: 18 и всяк возраст женск, яже не познаша ложа мужеска, живых оставите я: 19 и вы станите вне полка семь дней: всяк убивый душу и прикоснувшийся убиенному да очистится в третий день и в день седмый, вы и плен ваш: 20 и всяку одежду, и всяк сосуд кожан, и всяко соделаное от козличины, и всяк сосуд деревян очистите. 21 И рече Елеазар жрец к мужем силы приходящим от ополчения ратнаго: сие оправдание закона, еже заповеда Господь Моисею: 22 кроме серебра и злата, и меди и железа, и касситера и олова, 23 всяка вещь, яже пройдет сквозе огонь, и (огнем) очистится, но и водою очищения очистится: и вся, елика аще не пройдут сквозе огонь, да пройдут сквозе воду: 24 и исперите ризы ваша в день седмый, и очиститесь: и по сих внидете в полк. 25 И рече Господь к Моисею, глаголя: 26 возьмите сочисление корыстей плена от человека до скота, ты и Елеазар жрец и князи отечеств сонма, 27 и разделите корысти между воины ходившими на брань и между всем сонмом, 28 и отлучите дань Господу от людей военных ходивших на брань, едину душу от пяти сот, от человек и от скотов, и от волов и от овец и от ослят, 29 и от половины их да возьмете, и даси Елеазару жерцу начатки Господни: 30 и от половины сынов Израилевых да возмеша едино от пятидесяти человек, и от волов и от овец, и от ослят и от всех скотов, и даси я левитом, иже стрегут стражбы в скинии Господни. 31 И сотвори Моисей и Елеазар жрец, якоже повеле Господь Моисею. 32 И бысть множество плена, егоже плениша мужи воинстии, от овец шесть сот семьдесят пять тысяч, 33 и волов семьдесят две тысячи, 34 и ослов шестьдесят едина тысяща, 35 и душ человеческих от женска полу, яже не познаша ложа мужеска, всех душ тридесять две тысящы: 36 и бысть половина часть ходивших на брань, от числа овец триста тридесять семь тысяч и пять сот: 37 и бысть дань Господу от овец шесть сот семьдесят пять: 38 и волов тридесять шесть тысяч, и дань Господу семьдесят и два: 39 и ослов тридесять тысяч пять сот, и дань Господу шестьдесят един: 40 и душ человеческих шестнадцать тысяч, и дань от сих Господу тридесять две души. 41 И даде Моисей дань Господу, участие Божие Елеазару жерцу, якоже повеле Господь Моисею. 42 От половины сынов Израилевых, иже раздели Моисей от мужей военных: 43 и бысть половина от сонма, от овец триста и тридесять семь тысяч и пять сот: 44 и волов тридесять шесть тысяч: 45 ослов тридесять тысяч и пять сот: 46 и человеких душ шестнадцать тысяч: 47 и взя Моисей от половины сынов Израилевых, едино от пятидесяти, от человек и от скотов, и даде я левитом стрегущим стражбы скинии Господни, якоже повеле Господь Моисею. 48 И приидоша к Моисею вси поставленнии над тысящами силы, тысященачальники и стоначальники, 49 и рекоша к Моисею: отроцы твои взяша сочтение от мужей воинских, иже суть у нас, и никтоже погиге от них: 50 и принесохом дар Господу, муж еже обрете, сосуд злат и обручие, и гривну и перстень, и усерязи и чепь златую, умолити о нас пред Господем. 51 И взя

Моисей и Елеазар жрец злато от них, всяк сосуд соделан. 52 И бысть всего злата участие, еже отлучися Господу, шестнадцать тысяч и семь сот и пятьдесят сикль от тысященачальников и от стоначальников. 53 И мужи воинстии плениша кийждо себе. 54 И взяша Моисей и Елеазар жрец злато от тысященачальников и от стоначальников и внесоша е в скинию свидения, в память сынов Израилевых пред Господем.

32 И скота множество бяше сыном Рувимлим и сыном Гадовым, много зело. И видеша страну Иазирову и страну Галаадову, и бяше место, место скотно. 2 И пришедше сынове Рувимли и сынове Гадовы рекоша к Моисею и ко Елеазару жерцу и ко князем сонма, глаголюще: 3 Атароф и Девон, и Иазир и Набра, и Есевон и Елеали, и Севама и Навав и Веан, 4 земля, юже предаде Господь пред сыны Израилевыми, земля скотопитателна есть, рабом же твоим скот есть. 5 И реша: аще обретохом благодать пред тобою, да дастся нам земля сия рабом твоим во одержание, и не преводи нас чрез Иордан. 6 И рече Моисей сыном Гадовым и сыном Рувимлим: братия ваша пойдут на брань, и вы ли сядете ту? 7 И вскую развращаете сердце сынов Израилевых, не прейти на землю, юже дает Господь им? 8 Не тако ли сотвориша отцы ваши, егда послах я от Кадис-Варни согласати землю? 9 И възидоша до дебри Грезновных, и согласаша землю, и отвратиха сердце сынов Израилевых, яко да не внидут в землю, юже даде им Господь? 10 И разгнеवासя яростию Господь в день Он и клятся, глаголя: 11 аще узрят человецы сии изшедшии из Египта, от двадесяти лет и выше, ведущии добро и зло, землю, еноже кляхся Аврааму и Исааку и Иакову: не последоваша бо вслед Мене, 12 точию Халев сын Иефонниин Отлученный и Иисус сын Навин, яко последоваша вслед Господа. 13 И разгнеवासя яростию Господь на Израиля, и томи я в пустыни четьредесят лет, дондеже потребиси весь род творящий злая пред Господем. 14 Се, востасте вместо отец ваших, сокрушение человек грешников, приложити еще к ярости гнева Господня на Израиля: 15 яко отвратитесь от Него, приложити еще оставити его в пустыни, и возбеззаконуете на весь сонм сей. 16 И приидоша к нему и глаголаша: ограды овцам да соградим zde скотом своим, и грады именем нашим: 17 и мы вооружени пойдём на стражбу первии сыном Израилевым, дондеже введем я в место их: и да вселятся именья наша во градах утвержденных ради живущих на земли: 18 не возвратимся в дома наша, дондеже разделятся сынове Израилестии, кийждо в наследие свое: 19 и ктому не наследим в них об ону страну Иордана и далее, яко прияхом жребия наша сию страну Иордана на востоки. 20 И рече к ним Моисей: аще сотворите по словеси сему, аще вооружитесь пред Господем на брань, 21 и преидет всяк оружник ваш Иордан пред Господем на брань, дондеже потребится враг Его от лица Его, 22 и обладана будет земля пред Господем, и посем возвратитесь, и будете безвинни пред Господем и от Израиля: и будет земля сия вам во одержание пред Господем: 23 аще же не сотворите тако, согрешите пред Господем, и увесте грех ваш, егда вас

постигнут злая: 24 и соградите вы себе грады имению вашему и ограды скотом вашему: и исходящее из уст ваших сотворите. 25 И рекоша сынове Рувимли и сынове Гадовы к Моисею, глаголюще: раби твои сотворят, якоже Господь наш повелел есть: 26 имение наше, и жены наши, и весь скот наш да будут во градех Галаадовых: 27 раби же твои прейдут вси вооружени и уготовани пред Господем на брань, якоже глаголет Господь. 28 И пристави им Моисей Елеазара жерца и Иисуса сына Навина, и князи отечеств племен сынов Израилевых. 29 И рече к ним Моисей: аще прейдут сынове Рувимли и сынове Гадовы с вами чрез Иордан, всяк вооружен на брань пред Господем, и обладаете землею пред собою, и дадите им землю Галаадову во одержание. 30 Аще ли не прейдут вооружени с вами на брань пред Господем, то предпослите имение их и жены их и скоты их прежде вас на землю Ханааню, и да наследят купно с вами в земли Ханаани. 31 И отвещаша сынове Рувимли и сынове Гадовы, глаголюще: елика глаголет Господь рабом Своим, тако сотворим мы: 32 преидем вооружени пред Господем в землю Ханааню, и дадите нам во одержание страну сию Иордана. 33 И даде им Моисей сыном Гадовым и сыном Рувимлим и полуплеменю Манассиину сынов Иосифовых царство Сиона царя Аморрейска и царство Ога царя Васанска, землю и грады с пределы ея, грады окрестныя земли. 34 И соградиша сынове Гадовы Девон и Атароф и Ароир, 35 и Софан и Иазир, и вознесоша их, 36 и Намрам и Вефаран грады тверды, и ограды овцам. 37 И сынове Рувимли соградиша Есевон и Елеали и Кариафаим, 38 и Навон и Веельмеон ограждены, и Севама: и прозваша по именом своим имена градом, яже соградиша. 39 И иде ур сын Махиров, внук Манассиев, в Галаад, и взя его, и погуби Аморреа живущаго в нем: 40 и даде Моисей Галаад Махиру сыну Манассиину, и вселися ту. 41 И Иаир сын Манассиев иде и взя села их, и прозваша я села Иаирова. 42 И Навав иде и взя Каафа и села его, и именова я Наваф от имени своего.

33 И сии станове сынов Израилевых, егда изыдоша из земли Египетския с силою своею рукою Моисеовою и Ааронею. 2 И написа Моисей воздвижения их и станы их, по словеси Господню. И сии станове шествия их: 3 воздвигошася от Рамессы в месяц первый, в пятнадцатый день перваго месяца: наутрие Пасхи изыдоша сынове Израиллестии рукою высокою пред всеми Египтяны: 4 и Египтяне погребяху умершых от них вся, яже избил Господь всякаго первенца в земли Египетстей: и в бозех их сотвори отмщение Господь. 5 И воздвигшеся сынове Израилевы от Рамессы, ополчишася в Сокхофе: 6 и воздвигшеся от Сокхофа, ополчишася в Вуфане, иже есть часть некая пустыни: 7 и воздвигошася от Вуфана, и ополчишася во устии Ирофа, иже есть прямо Веельсепфону, и ополчишася прямо Магдолу: 8 и воздвигошася прямо Ирофу, и приидоша среди моря в пустыню: и идоша путем три дни в пустыни тии, и ополчишася в Горькостех. 9 И воздвигошася от Горькостей и приидоша в Елим: и в Елиме

(быша) дванадцать источники вод, и семьдесят стеблей фиников, и ополчишася у воды тамо. 10 И воздвигошася от Елима и ополчишася у моря Чермнаго: 11 и воздвигошася от моря Чермнаго и ополчишася в пустыни Син: 12 и воздвигошася от пустыни Син и ополчишася в Рафаке: 13 и воздвигошася от Рафака и ополчишася в Елусе: 14 и воздвигошася от Елуса и ополчишася в Рафидине: и не бысть тамо воды людем пити. 15 И воздвигошася от Рафидина и ополчишася в пустыни Сина: 16 и воздвигошася от пустыни Сина и ополчишася во гробех Похотения: 17 и воздвигошася от Гробов Похотения и ополчишася во Асирофе: 18 и воздвигошася от Асирофа и ополчишася в Рафама: 19 и воздвигошася от Рафама и ополчишася в Ремнон-Фаресе: 20 и воздвигошася от Ремнон-Фареса и ополчишася в Лемвоне: 21 и воздвигошася от Лемвона и ополчишася в Рессане: 22 и воздвигошася от Рессана и ополчишася в Макеллафе: 23 и воздвигошася от Макеллафа и ополчишася во Арсафафе: 24 и воздвигошася от Арсафафа горы и ополчишася в Харадафе: 25 и воздвигошася от Харадафа и ополчишася в Макидофе: 26 и воздвигошася от Макидофа и ополчишася в Катаафе: 27 и воздвигошася от Катаафа и ополчишася во Фарафе: 28 и воздвигошася от Фарафа и ополчишася в Мафекке: 29 и воздвигошася от Мафекка и ополчишася во Аселмоне: 30 и воздвигошася от Аселмона и ополчишася в Масуруфе: 31 и воздвигошася от Масуруфа и ополчишася в Ванаккане: 32 и воздвигошася от Ванаккана и ополчишася в горе Гаддад: 33 и воздвигошася от горы Гаддад и ополчишася во Етевафе: 34 и воздвигошася от Етевафа и ополчишася во Евроне: 35 и воздвигошася от Еврона и ополчишася в Гесион-Гавере: 36 и воздвигошася от Гесион-Гавера и ополчишася в пустыни Син: и воздвигошася от пустыни Син и ополчишася в пустыни Фарани, яже есть Кадис: 37 и воздвигошася от Кадиса и ополчишася в горе Ор близ земли Едомли. 38 И възыде Аарон жрец на гору Ор повелением Господним, и умре тамо в четырехдесятое лето изшествия сынов Израилевых из земли Египетския, месяца пятаго в первый день месяца. 39 И Аарон бяше ста двадцати трех лет, егда умре в горе Ор. 40 И услыша Хананей царь Арадский, и сей живяше в земли Ханаани, егда вхождаху сынове Израилевы. 41 И воздвигошася от горы Ор и ополчишася в Селмоне: 42 и воздвигошася от Селмона и ополчишася в Финоне: 43 и воздвигошася от Финона и ополчишася во Овофе: 44 и воздвигошася от Овофа и ополчишася в Гаи, об ону страну предел Моавлих: 45 и воздвигошася от Гаи и ополчишася в Девон-Гаде: 46 и воздвигошася от Девон-Гада и ополчишася в Гелмон-Девлафаиме: 47 и воздвигошася от Гелмон-Девлафаима и ополчишася в горах Аваримлих прямо Нававу: 48 и воздвигошася от гор Аваримлих и ополчишася на западе Моавли, у Иордана при Иерихоне: 49 и воздвигошася от запада Моавля и ополчишася у Иордана, между Есимофом, до Велсаттима на запады Моава. 50 И рече Господь к Моисею в западе Моава у Иордана при Иерихоне, глаголя: 51 глаголи сыном Израилевым и речеши к ним: вы переходите Иордан в землю Ханааню, 52 и погубите вся живущыя на

земли от лица вашего, и разрушите стражбы их, и вся идолы излишня их сокрушите я, и вся капища их разрушите, 53 и погубите вся живущия на земли, и вселитесь в ню: вам бо дах землю их по жребию: 54 и наследите землю их жребием по племенам вашим: многим умножите одержание их, и малым умалите одержание их: в неже изыдет имя его, тамо да будет жребий его: по племенам отечествий ваших наследите: 55 аще же не погубите живущих на земли от лица вашего, будут, ихже оставите от них, остны во очесех ваших и стрелы в ребрах ваших, и совраждуют вам на земли, на нейже вы вселитесь: 56 и будет якоже умыслих сотворити онем, то сотворю вам.

34 И рече Господь к Моисею, глаголя: 2 заповеждь сыном Израилевым, и речеши к ним: вы входите в землю Ханаану, сия будет вам в наследие, земля Ханааня с пределы ея: 3 и будет вам страна, яже к ливе от пустыни Син даже до Едома: и будут вам пределе к ливе, от края моря Сланаго от востоков, 4 и обьдут вас пределы от ливы до возшества Акравиня, и пройдут Еннак, и будет исход его к ливе Кадис-Варни, и изыдет на село Арад, и пройдет Аселмона: 5 и обьдут пределы от Аселмона водотечу Египетскую, и будет исход море (великое): 6 и пределы морстии будут вам, море великое определит, сие будет вам пределы морстии: 7 и сие будет вам предел к северу: от моря великаго измерите сами себе при горе Гору: 8 и от горы Гору измерите сами себе, входяще во Емаф, и будут преход его пределы Садада: 9 и изьдут пределы Зефрона, и будет исход его Арсенаин: сие будет вам пределы от севера: 10 и измерите сами себе пределы восточныя от Арсенаина до Сепфамара: 11 и снидут пределы от Сепфамар-Вила от восток на источники, и снидут пределы Вилы, и пройдут на хребет моря Хенерев, от восток: 12 и снидут пределы на Иордан, и будет преход его море Сланое: сия будет земля вам, и пределы ея окрест. 13 И заповеда Моисей сыном Израилевым, глаголя: сия земля, юже примите в наследие по жребию, якоже повеле Господь, дати ю девяти племеном и полуплеменю Манассиину: 14 яко взя племя сынов Рувимлих и племя сынов Гадовых, по домом отечеств их, и пол племене Манассиина восприяша жребия своя: 15 два племена и пол племене прияша жребия своя за Иорданом при Иерихоне от полудня на востоки. 16 И рече Господь к Моисею, глаголя: 17 сия имена мужей, иже разделят вам землю: Елеазар жрец и Иисус Навин: 18 и по князю единому от племени возьмете разделити вам землю. 19 И сия имена мужем: племене Иудина Халев сын Иефонниин, 20 племене Симеоня Саламиил сын Семиудов, 21 племене Вениамина Елдад сын Хаслонь, 22 племене Данова князь Воккор сын Иеклинин, 23 сынов Иосифовых племене сынов Манассииных князь Анил сын Суфидов, 24 племене сынов Ефремлих князь Камуил сын Сафтанов, 25 племене Завулоня князь Елисафан сын Харнахов, 26 племене сынов Иссахаровых князь Фалтиил сын Озаин, 27 племене сынов Асировых князь Ахиор сын Селемиин, 28 племене Неффалимля князь Фадаил сын Амиудов. 29 Сим

заповеда Господь разделить сыном Израилевым в земли Ханаани.

35 И рече Господь к Моисею на западе Моавли у Иордана при Иерихоне, глаголя: 2 заповеждь сыном Израилевым, да дадут левитом от жребий одержания своего грады вселитися, и предградия градская окрест их да дадут левитом: 3 и будут им грады вселятися, и участия их да будут скотом их и всем четвероножным их: 4 и прилежащая градом, иже дадите левитом, от стены града и вне, две тысящы лакот окрест: 5 и да измериши страну вне града, яже на восток, две тысящы лакот, и страну, яже к ливе, две тысящы лакот, и страну, яже к морю, две тысящы лакот, и страну, яже к северу, две тысящы лакот, и град посреде сего будет вам, и пределы градов: 6 и грады яже дадите левитом, шесть градов (да будут) убежных, иже дадите убегати в ня убившему, и к сим четыредесять и два града: 7 всех градов дадите левитом четыредесять и восемь градов, сия и предградия их: 8 и грады, иже дадите от одержания сынов Израилевых, от многих многа, а от малых мала: кийждо по наследию своему, еже наследят, да дадут от градов левитом. 9 И рече Господь к Моисею, глаголя: 10 глаголи сыном Израилевым и речеши к ним: вы преходите Иордан в землю Ханаану: 11 и разделите сами себе грады убежища да будут вам убегати в ня убийце, всяк убивый душу нехотяй: 12 и будут грады вам убежища от ужика крове, и да не умрет убивый, дондеже станет пред сонмом на суде: 13 и грады, яже дадите, шесть градов, убежища да будут вам. 14 Три грады дадите об ону страну Иордана, и три грады дадите в земли Ханаани: 15 убежище да будет сыном Израилевым, и пришелцу, и обиталнику иже в вас, да будут грады сии во убежище убегати тамо всякому убившему душу нехотением. 16 Аще же орудием железным убьет его, и умрет, убийца есть: смертию да умрет убийца. 17 Аще же камением из руки убьет его, и умрет от него, убийца есть: смертию да умрет убийца. 18 Аще же орудием деревянным из руки, от негоже умрет, убьет его, и умрет, убийца есть: смертию да умрет убийца. 19 Ужик крове, сей да убьет убившаго: егда усрящет его, сей да убьет его. 20 Аще же вражды ради ринет его и вержет на него всяк сосуд по навету, и умрет, 21 или от ненависти поразил его рукою, и умрет, смертию да умрет убивый, убийца есть: смертию да умрет убиваяй: ужик крове да убьет убийцу, егда сретится с ним. 22 Аще же внезапно не вражды ради ринет его, или вержет на него всяк сосуд не по навету, 23 или всяким камением, имже вержет не ведый, и падет на него, и умрет, он же враг его не бе, ниже ищяй зла ему творити, 24 и да судит сонм между убившим и между ужиком крове, по судбам сим, 25 и избавит сонм убившаго от ужика крове, и да возвратит его сонм во град убежища его, в онье убежа, и да поживет тамо, дондеже умрет жрец великий, егоже помазаша елеем святым. 26 Аще же исходом изыдет убивый вне предел града, в онье убежа тамо, 27 и обрящет его ужик крове вне предел града убежища его, и убьет ужик крове убившаго, несть повинен: 28 во граде бо убежания да живет, дондеже умрет жрец

великий, и по умертвии жерца великаго да возвратится убивый в землю одержания своего. 29 И да будут сия вам во оправдание суда в роды ваша во всех селениих ваших. 30 Всякаго убившаго душу, пред свидетелми да убиеша убившаго: и свидетель един да не свидетельствует на смерть души. 31 И да не возьмете искупа за душу от убившаго, повинна суща убиению: смертью бо умрет: 32 ниже да возьмете искупа убежания во град убежища, да паки живет на земли, дондеже умрет жрец великий. 33 И да не убиете земли, на нейже вы обитаете: кровь бо сия убивает землю, и не очистится земля от крове пролианная на ней, но токмо кровию проливающаго: 34 и да не оскверните земли, на нейже живете, на нейже Аз вселяюся посреде вас: Аз бо есмь Господь вселяяйся посреде сынов Израилевых.

36 И приидоша князи племени сынов Галаадовых, сына Махирова сына Манассиина от племени сынов Иосифовых, и глаголаша пред Моисеом и пред Елеазаром жрецем и пред князи домов отечеств сынов Израилевых, 2 и рекоша: господину нашему повеле Господь отдати землю наследия по жребию сыном Израилевым: и господину нашему заповеда Господь дати наследие Салпаада брата нашего дщерем его: 3 и будут единому от племен сынов Израилевых в жены, и отлучится жребий их от одержания отец наших, и приложится к наследию племени, имже будут в жены, и от жребия наследия нашего отлучится: 4 аще же будет оставление сынов Израилевых, и приложится наследие их к наследию племени, имже аще будут в жены, и от наследия племени отечества нашего отимется наследие их. 5 И заповеда Моисей сыном Израилевым по повелению Господню, глаголя: сие племя сынов Иосифовых глаголют: 6 сие слово, еже заповеда Господь дщерем Салпаадовым, глаголя: идеже угодно им, да будут в жены, токмо от сонма отечества своего да будут в жены, 7 и не превратится наследие сынов Израилевых от племени в племя ино: яко кийждо в наследии племени отечества своего жениться имут сынове Израилевы: 8 и всяка дщи, ужичествующая наследие от племен сынов Израилевых, единому сущих от сонма отца ея да будет жена: да ужичествуют сынове Израилевы кийждо наследие отца своего: 9 и не превратится жребий от племени в племя ино, но кийждо в наследии своем да женятся сынове Израилевы. 10 Якоже повеле Господь Моисею, тако сотвориша дщери Салпаадовы. 11 И быша Маала и Ферса, и Егла и Мелха и Нуа, дщери Салпаадовы, сыном братии своея, от сонма Манассиина сынов Иосифовых, быша в жены: 12 и бысть наследие их в племени сонма отца их. 13 Сия заповеди и оправдания и суды, яже заповеда Господь рукою Моисеовою на западе Моавли при Иордане прямо Иерихону.

Второзаконие

1 Сия словеса, яже глагола Моисей всему Израилю об ону страну Иордана, в пустыни на запады, близ Чермнаго моря, между Фараном и Тофолом, и Ловоном и Авлоном и златыми рудами: **2** единонадесяти дний от Хорива путь чрез гору Сиир даже до Кадис-Варни. **3** И бысть в четыредесятое лето, в первыйнадесять месяц, в первый день месяца глагола Моисей ко всем сыном Израилевым, по всему елико заповеда ему Господь к ним, **4** по убиении Сиона царя Аморрейска, жившаго во Есевоне, и Ога царя Васанска, жившаго во Астарофе и во Едраине, **5** об ону страну Иордана в земли Моавли, нача Моисей изяснати закон сей, глаголя: **6** Господь Бог наш глагола нам в Хориве, глаголя: да довлеет вам жити в горе сей: **7** обратитесь и воздвигнитесь вы, и внидите в гору Аморрейску, и ко всем населником Аравы, в гору и поле, и к югу и в приморскую землю Ханаану, и во Антиливан, даже до реки великия, реки Евфрата: **8** видите, предах пред вами землю, вшедше наследите землю, еюже клятся Господь отцем вашим, Аврааму и Исааку и Иакову, дати ю им и семени их по них. **9** И рекох к вам во время оно глаголя: не возмогу един водити вас: **10** Господь Бог ваш умножил вы есть, и се, есте днесь яко звезды небесныя множеством: **11** Господь Бог отец ваших да приложит вам, яко да будете тысящами сугубо, и да благословит вас, яко же глагола вам: **12** како возмогу един носити труды ваша и тяжести ваша и пререкания ваша? **13** Изберите себе мужы мудры и уметелны и смысленны в племенех ваших, и поставлю их над вами старейшины вам. **14** И отвещасте ми и рекосте: добро слово, еже глагола еси сотворити. **15** И взях от вас мужы мудры и уметелны и смысленны, и поставих их владети над вами тысященачальники и стоначальники, и пятьдесятначальники и десятиначальники, и сямоводители судиям вашим. **16** И заповедах судиям вашим во время оно, глаголя: разслушайте посреде братьих ваших, и судите праведно посреде мужа и посреде брата его и посреде пришелца его: **17** да не познаете лица в суде, малому и великому судиши, и не устыдишися лица человека, яко суд Божий есть: и речь, яже аще жестока будет у вас, донесете ю ко мне, и услышу ю. **18** И заповедах вам во время оно вся словеса, яже сотворите. **19** И воздвигшеся от Хорива, приидохом всю пустыню великую и страшную ону, юже видесте, путь горы Аморрейския, якоже заповеда нам Господь Бог наш: и приидохом до Кадис-Варни. **20** И рекох вам: приидосте до горы Аморрейския, юже Господь Бог наш дает вам: **21** видите, предаде Господь Бог ваш пред лицем вашим землю: вшедше наследите, якоже глагола Господь Бог отец ваших вам: не бойтесь, ни ужасайтесь. **22** И приидосте ко мне вси и рекосте: да послем мужы пред нами, и да соглядают нам землю, и да поведят нам ответ, путь, имже дойдем ея, и грады, в няже внидем. **23** И угодно бысть слово предо мною, и поях от вас дванадесать мужей, мужа единого от коегождо племени. **24** И обратившеся възыдоша на гору, и приидоша до дебри Грезновныя, и соглядаша ю:

25 и взяша в руце свои от плода земли и принесоша к нам, и глаголаху: блага земля, юже Господь Бог наш дает нам. **26** И не восхотесте зыти, но преслушасте глагологл Господа Бога вашего: **27** и возроптасте в куцах своих и рекосте: ненависти ради изведе ны Господь из земли Египетския предати нас в руки Аморрейския, потребити нас: **28** камо мы възыдем? Братия же ваша отвратиша сердца ваша, глаголюще: язык велик и мног и крепчае нас, и грады велицы и ограждени даже до небесе, но и сыны Исполинов видехом тамо. **29** И глаголах к вам: не ужасайтесь, ниже убойтесь от них: **30** Господь Бог ваш предходяй пред лицем вашим, Той повоюет их с вами, по всему елико сотвори вам в земли Египетстей пред очима вашима, **31** и в пустыни сей, юже видесте: яко воспита тебе Господь Бог твой, якоже некий человек питает сына своего, по всему пути в онъже ходисте, дондеже приидосте на место сие. **32** И в словеси сем не веровасте Господеву Богу вашему, **33** иже предходит пред вами в путь избрати вам место, путевода вас огнем нощию, показуя вам путь, имже ити по нем, и облаком во дни. **34** И услыша Господь (Бог) глас словес ваших, и разгнеवासя клятятся, глаголя: **35** аще узрит кто от мужей сих землю благу сию, еюже аз кляхся отцем их, **36** разве Халев сын Иефонниин, сей узрит ю, и сему дам землю, на нюже възыде, и сыном его, понеже прилежит Господеву. **37** И на мя разгнеवासя Господь вас ради, глаголя: ниже ты внидеши тамо: **38** Иисус сын Навин, иже стоит пред тобою, сей внидет тамо: сего укрепи, яко сей даст ю в наследие Израилю: **39** и отрочата ваша, о нижеже глаголасте, яко в пленении имут быти, и всяко отроча младо, еже не весть днесь добра или зла, сии внидут тамо, и сими дам ю, и сии наследят ю: **40** и вы обратившеся ополчитесь в пустыню, путем к Червному морю. **41** И отвещасте и рекосте мне: согрешихом пред Господем Богом нашим: мы шедше повоюем, по всему елико заповеда Господь Бог наш нам. И вземше кийждо орудия ратная своя и собравшеся възыдосте на гору. **42** И рече Господь ко мне: рцы им: не восходите, ниже ратуйте, несмь бо с вами, и да не будете сотрени пред враги вашими. **43** И глаголах к вам, и не послушасте мене: и преступисте слово Господне, и понудившеся възыдосте на гору. **44** И изыде Аморрей живущий на горе той противу вам, и прогна вас, аки бы пчелы творили, и уязвляху вас от Сиира даже до Ермы. **45** (И возвратитесь,) и седше плакасте пред Господем, и не послуша Господь гласа вашего, ниже внят вам: **46** и седесте в Кадисе дни многи, елики дни тогда седесте.

2 И возвратившеся воздвигохомся в пустыню, путем моря Чермнаго, якоже глагола Господь ко мне: и обходихом гору Сиир дни многи. **2** И рече Господь ко мне: **3** довлеет вам обхождати гору сию: возвратитесь убо к северу: **4** и людем заповеждь, глаголя: вы пройдите сквозе пределы братии ваша, сынов Исавовых, живущих в Сиире, и убоятся вас и ужаснутся зело: **5** не сотворите с ними рати: не дах бо вам от земли их ниже стопы ноги, яко во жребий дах сыном Исавовым гору Сиир: **6** сребром пищу купите себе у них и ядите, и воду в меру возьмите от них на цене и пейте:

7 ибо Господь Бог твой благослови тебе во всяком деле руку твою: разумеи, како прошел еси пустыню великую и страшную сию: се, сорок лет Господь Бог твой с тобою, и не востребовал еси словесе. 8 И минухо братию свою сыны Исавли, живущыя в Сиире, у пути Аравскаго от Елона и от Гесион-Гавера, и возвратившесе преидохом путь в пустыню Моавлю. 9 И рече Господь ко мне: не совраждуйтеся Моавитом и не сотворите с ними рати: не дах бо вам от земли их во жребий, сыном бо Лотовым дах Ароир наследити. 10 Оммины прежде седяху на ней, народ велик и мног и крепок якоже Енакими: 11 Рафаины глаголются и сии, якоже и Енакими: и Моавити прозывают я Оммины. 12 И в Сиире седяше Хорреи прежде, но сынове Исавовы потребиша я и искорениша я от лица своего: и вселишася вместо их, имже образом сотвори Израиль земли наследия своего, юже даде Господь им. 13 Ныне убо вы встаните и воздвигнетесь, и пройдите дебрь Заретову. 14 И дни, в няже отидохом от Кадис-Варни дондеже преидохом дебрь Заретову, тридесять и осмь лет, дондеже паде весь род мужей воинских от полка, якоже клятся им Господь Бог. 15 И рука Божия быше на них, погубити я от полка, дондеже падоша. 16 И бысть внегда падоша вси мужи воинстии умирающе от среды людей, 17 и рече Господь ко мне, глаголя: 18 ты преидеши днесь пределы Моавлими Ароир: 19 и пришедше близ сынов Амманых, не совраждуйтеся им и не сотворите с ними рати: не дам бо тебе от земли сынов Амманых во жребий, яко сыном Лотовым дах ю во жребий. 20 Земля Рафаинска возименуются: Рафаины бо на ней прежде живяху: Амманитяне же прозывают их Зоммин: 21 язык велик и мног и крепок, якоже и Енакими: и погуби я Господь от лица их, и прияша наследие и вселишася вместо их даже до сего дне: 22 якоже сотвориша сыном Исавовым живущим в Сиире, имже образом потребиша Хорреа от лица своего и наследиха их, и вселишася вместо их даже до сего дне: 23 и Евее живущии во Асирофе даже до Газы, и Каппадоки изшедшии из Каппадокии потребиша я, и вселишася вместо их. 24 Ныне убо встаните и воздвигнетесь, и преидите вы дебрь Арноно: се, предах в руце твои Сиона царя Есевоня Аморрейска и землю его: начни наследовати, сотвори с ним рать днешний день: 25 начинай даяти трепет твой и страх твой пред лицом всех языков сущих под небесем, иже слышавше имя твое възмутутся, и болезнь примут от лица твоего. 26 И послах послы от пустыни Кедамоф к Сиону царю Есевоню словесы мирными, глаголя: 27 да пройду сквозе землю твою: по пути пройду, не совращуся ни на десно, ни на лево: 28 пищу на цене даси ми, и ям: и воду на цене даси ми, и пию: точною ногама моима да преиду: 29 якоже сотвориша ми сынове Исавли живущии в Сиире и Моавити живущии во Ароире, дондеже преиду Иордан на землю, юже Господь Бог наш дает нам. 30 И не восхоте Сион цар Есевонь, да пройдем сквозе его, яко ожесточи Господь Бог наш дух его и укрепи сердце его, да предастся в руце твои якоже во днешний день. 31 И рече Господь ко мне: се, начах предати пред лицом твоим Сиона царе Есевоня Аморрейска и землю его, и начинай наследити

землю его. 32 И изыде Сион царь Есевонь противу нам сам и вси людие его на брань во Иассу: 33 и предаде его Господь Бог наш пред лицом нашим в руце наши: и убихом его, и сыны его и вся люди его: 34 и одержихом вся грады его во оно время, и разорихом всяк град, ктому и жены их и дети их не оставихом живы: 35 токмо скот пленихом себе, и корысти градов взяхом. 36 Из Ароира, иже есть при устии водотечи Ариони, и град иже есть в дебри, и даже до горы Галаадовы, не бысть град уцелевый от нас: вся предаде Господь Бог наш в руце наши: 37 токмо в земли сынов Амманых не приступахом ко всем прилежащим к водотечи Иавокове и ко градом иже в горах, якоже повеле нам Господь Бог наш.

3 И обратившесе въздохом путем иже к Васану: и изыде
Ог царь Васанский противу нам, сам и вси людие его с ним на брань во Едраим. 2 И рече Господь ко мне: не убойся его, яко в руце твои предах его, и вся люди его, и всю землю его: и сотвориши ему, якоже сотворил еси Сиону царю Аморрейску, иже живяше во Есевоне. 3 И предаде его Господь Бог наш в руце наши, и Ога царя Васанска, и вся люди его: и избихом его, дондеже не остана от него семья: 4 и одержахом вся грады его во время оно, не бысть града, егоже не взяхом от них: шестьдесят градов, вся пределы Аргова царя Ога в Васане, 5 вся грады тверды, стены высоки, врата и вереи, кроме градов фerezейских многих зело: 6 потребихом их, якоже сотворихом Сиону царю Есевоню, и потребихом вся грады, вкупе и жены их и чада: 7 и вся скоты, и корысти градных пленихом себе, 8 и взяхом в то время землю от рук двух царей Аморрейских, иже быша об оны пол Иордана, от водотечи Арнони, даже и до горы Аермона. 9 Финикиане прозывают Аермон Санитором, Аморрей же прозва его Саниром. 10 Все грады мисоровы, и весь Галаад, и весь Васан даже до Елхи и Едраима, грады царствия Огова в Васане: 11 яко точною Ог царь Васанский остана от Рафаинов: се, одр его одр железен, се, той есть в Краеградии сынов Аммановых: девять лакот долготы его и четыри лакти широта его лактем мужеским. 12 И землю ту наследихом во оно время от Ароира, иже есть у устия водотечи Ариони, и пол горы Галаадовы: и грады его дах Рувиму и Гаду: 13 и оставшее Галаадово, и все Васанское царство Огово дах полуплемени Манассину, и весь предел Аргова, весь Васан оный, земля Рафаиня вменится. 14 И Иаир сын Манассинх взя вся пределы Аргова, даже до предел Гаргасинских и Махафинских: прозва я по имени своему Васан Авоф Иаир, даже до сего дне: 15 и Махиру дах Галаад, 16 и Рувиму и Гадови дах от Галаада даже до водотечи Арнони, среди водотечи предел, и даже до Иавока: водотеча предел сынов Амманых: 17 и арава и Иордан предел от Махенерефа и даже до моря Аравскаго, моря Сланаго, под асидофом Фазги от востока. 18 И повелех вам во время оно, глаголя: Господь Бог ваш даде вам землю сию во жребий: вооружени поидите пред лицом братии вашей сынов Израилевых, всяк сильный: 19 точною жены ваша и дети ваша и скоти ваша, вем, яко скот мног есть вам, да пребудут во градах ваших, яже дах вам: 20 дондеже упокоит

Господь Бог наш братию вашу, якоже и вас, и наследят и сии землю, юже Господь Бог ваш дает им об ону страну Иордана: и возвратитесь кийждо в наследие свое иже дах вам. 21 И Иисусу заповедах во время оно, глаголя: очи ваши видеша вся, елика сотвори Господь Бог наш обоим царем сим, тако сотворит Господь Бог наш всем царством, иже сквозе ты пройдеши тамо: 22 не убойтесь от них, яко Господь Бог наш Сам поборет по вас. 23 И молихся Господви во оно время, глаголя: 24 Господи Боже, Ты начал еси показовати Твоему рабу крепость Твою и силу Твою, и руку крепкую и мышцу высокую: кто бо есть бог на небеси или на земли, иже сотворит, якоже сотворил еси Ты, и по крепости Твоей? 25 Прешед убо увижду землю благу сию, яже об ону страну Иордана, гору сию благу и Антиливан. 26 И презре мя Господь вас ради, и не послуша мене, и рече Господь ко Мне: довлеет ти, не приложи к сему глаголати словесе сего: 27 взыди на верх горы Изсеченья и воззри очима твоима к морю и северу, и югу и на востоки, и виждь очима твоима, яко не преидеши Иордана сего: 28 и заповеждь Иисусу, и укрепи его, и утеши его: яко сей преидет пред лицем людей сих, и сей разделит им в наследие всю землю, юже еси видел. 29 И пребыхом во юдоли близ дому Фогорова.

4 И ныне, Израилю, послушай оправданий и судов, елика аз учу вас днесь делати, да поживете и умножитесь, и вшедше наследите землю, юже Господь Бог отец ваших дает вам в наследие: 2 да не приложите к словеси, еже аз заповедаю вам, ниже да отимете от него: сохраните заповеди Господа Бога нашего, елика аз заповедаю вам днесь. 3 Очи ваши видеша вся, елика сотвори Господь Бог наш Веельфегору: яко всяк человек иже иде вслед Веельфегора, потреби его Господь Бог наш от вас: 4 вы же, прилежащи Господеву Богу вашему, живете вси до днесь: 5 видите, показах вам оправдания и суды, якоже заповеда мне Господь Бог мой сотворити сице на земли, в нуже вы идете тамо, наследити ю: 6 и сохраните, и сотворите, яко сия премудрость ваша и смышление пред всеми языки, елицы аще услышат вас оправдания сия и рекут: се, люди премудрии и уметелны: язык великий сей. 7 Кий бо язык тако велик, емуже есть бог, приближаясь ему, яко Господь Бог наш во всех, в нижех аще призовем Его? 8 И кий язык велик, емуже суть оправдания и суды правы по всему закону сему, егоже аз даю пред вами днесь? 9 Вонми себе и снабди душу твою зело, и не забуди всех словес, яже видеста очи твои, и да не отступят от сердца твоего вся дни живота твоего: и да настаивши сыны твоя и сыны сынов твоих, 10 в день в оньже стояще пред Господем Богом вашим в Хориве в день собрания, егда рече Господь ко мне: собери ко Мне люди, и да слышат словеса Моя, да научатся бояться Мене вся дни, в няже сии живут на земли, и сыны своя да научат. 11 И приидосте, и стаще под горою: и гора горяше огнем даже до небесе, тма, мрак, и вихр. 12 И глагола Господь к вам на горе из среды огня: глас словес Его вы слышасте, и образа не видесте, токмо глас: 13 и возвести вам завет Свой, егоже заповеда вам творити, десять словес, и написа

я на двоих скрижалех каменных: 14 и мне заповеда Господь во время оно, научити вас оправданием и судам, творити вам я на земли, в нуже вы входите тамо наследити ю. 15 И снабдите души своя зело, яко не видесте всякаго подобия в день, в оньже глагола Господь к вам в горе Хориве из среды огня: 16 не беззаконуйте, и не сотворите себе самим подобия ваянна, всякаго образа подобия мужеска пола или женска: 17 и подобия всякаго скота, иже есть на земли, подобия всякия птицы пернатая, под небесем парящая: 18 подобия всякаго гада, иже плещет по земли: подобия всякия рыбы, елики суть в водах под землею: 19 да не когда воззрев на небо и видев солнце и луну и звезды, и всю красоту небесную, прельстився поклонити им и послужити им, яже раздели Господь Бог твой всем языком, иже под небесем. 20 Вас же взя Господь Бог и изведе вас от пещи железны из Египта, да будете Ему людие в жребий, якоже в днешний день. 21 И Господь Бог разгневался на мя о словесех ваших, и клястся, да не преиду Иордана сего и да не вниду в землю, юже Господь Бог твой дает тебе в наследие: 22 аз бо умру в сей земли, и не преиду Иордана сего, вы же преидете и наследите землю благу сию. 23 Вонмите вы, да не когда забудете завета Господа Бога вашего, егоже завеща к вам, и да не сотворите сами себе изваянна подобия всех, яже заповеда тебе Господь Бог твой, 24 яко Господь Бог твой огонь потребляяй есть, Бог ревнитель. 25 Аще же родиши сыны и сыны сынов твоих, и умедлите на земли, и возбеззаконуете, и сотворите изваянно подобие всякаго, и сотворите злое пред Господем Богом, вашим, еже раздражити Его, 26 засвидетелствую вам днесь небесем и землею, яко пагубою погибнете от земли, на нуже вы переходите чрез Иордан тамо наследити ю: не пребудете много дний на ней, но потреблением потребитесь: 27 и разсыплет вы Господь во всех языцех, и останетесь мали числом во языцех, в няже введет вы Господь тамо, 28 и послужите тамо богом иным, делом рук человеческих, древу и камению, иже не узрят и не услышат, ни ядят, ни обоняют: 29 и взыщете тамо Господа Бога вашего, и обрящете Его, егда взыщете Его от всего вашего сердца и от всяе души вашей в скорби вашей. 30 И постигнут тя вся сия словеса в последняя дни, и обратитиши к Господеву Богу твоему, и услышиши глас Его, 31 яко Бог щедр и милосерд Господь Бог твой, не оставит тебе, ниже потребит тебе, не забудет завета отец твоих, иже кляты им. 32 Вопросите дний первых, бывших прежде вас, от дне в оньже сотвори Бог человека на земли, и от края небесе даже до края небесе, аще бысть по словеси великому сему, аще слышано бысть сицево: 33 аще (кий) язык слыша глас Бога живаго глаголюща от среды огня, иже образом слышал еси ты, и жив был еси: 34 аще искуси бог вшед взяти себе язык от среды языка искушением, и знамени и чудесы, и бранию и рукою сильною, и мышцею высокою и видении великими, по всему елико сотвори Господь Бог наш во Египте пред тобою зрящим, 35 яко да разумеши ты, яко Господь Бог твой сей Бог есть, и несть разве Его. 36 От небесе слышан сотвори тебе глас Свой, еже научити тя, и на земли показа

тебе огонь Свой великий, и глаголголы Его слышал еси из среды огня: 37 занеже возлюби отцы твоя, избра семья их по них вас, и изведе тя Сам силою Своею великою из Египта 38 потребити языки великия и крепчайшыя тебе пред лицом твоим, ввести тя, дати тебе землю их в наследие, якоже имаши днесь. 39 И увеси днесь, и обратишися умом, яко Господь Бог твой Сей Бог на небеси горе и на земли долу, и несть разве Его, 40 и да сохраниши заповеди Его и оправдания Его, елика аз заповедаю тебе днесь, да благо тебе будет и сыном твоим по тебе, яко да будете долготелни на земли, юже Господь Бог твой дает тебе вся дни. 41 Тогда отдели Моисей три грады об ону страну Иордана на восток солнца, 42 еже убегаи тамо убийце, иже аще убьет ближняго не ведый, и сей не ненавида его прежде вчера и третияго дне, и да вбегнет во един град от сих и жив будет: 43 Восор в пустыни в земли селней Рувиму, и Раммоф в Галааде Гадду, и Гавлон в Васане Манассии. 44 Сей закон, егоже предложи Моисей пред сыны Израилтескими: 45 сия свидения и оправдания и суды, елика глагола Моисей сыном Израилевым в пустыни, изшедшим им из земли Египетския, 46 об он пол Иордана, в дебри, близ дому Фогорова, в земли Сиона царя Аморрейска, иже живяше во Есевоне, егоже изби Моисей и сынове Израилевы, изшедшим им из земли Египетския. 47 И наследиа землю его и землю Ога царя Васанска, дву царей Аморрейских, иже бяху об он пол Иордана на восток солнца, 48 от Ароира, иже есть во устии водотечи Арнони и у горы Сиона, яже есть Аермон, 49 всю араву об ону страну Иордана, на восток солнца под асидофом Тесаным.

5 И призва Моисей всего Израиля и рече к ним: слыши, Израилю, оправдания и суды, елика аз глаголю во уши ваши во днешний день, и научитеся их, и сохраните творити я. 2 Господь Бог ваш завета вам завет в Хориве: 3 не отцем вашим завета Господь завет сей, но токмо вам: вы же zde вси живи днесь. 4 Лицем к лицу глагола Господь к вам на горе из среды огня, 5 и аз стоях между Господем и вами во время оно возвестити вам глаголголы Господня, яко убоястеся от лица огня и не въздосте на гору, глаголя: 6 Аз есмь Господь Бог твой, изведый тя из земли Египетския, от дому работы: 7 да не будут тебе бози инии пред лицом Моим. 8 Да не сотвориши себе кумира, ни всякого подобия, елика на небеси горе, и елика на земли низу, и елика в водах под землею, 9 да не поклонишися им, ниже послужиши им: яко Аз есмь Господь Бог твой, Бог ревнив, отдаая грехи отцев на чада до третияго и четвертаго рода ненавиждым Мене, 10 и творяя милость в тысячах любящим Мене и хранящим повеления Моя. 11 Да не примемши имене Господа Бога твоего всуе: не очистит бо Господь Бог твой приемлющаго имя Его всуе. 12 Снабди день субботный святити его, якоже заповеда тебе Господь Бог твой: 13 шесть дней делай, и да сотвориши вся дела твоя, 14 в день же седмый суббота Господу Богу твоему: да не сотвориши в онь всякаго дела, ты и сын твой и дщерь твоя, раб твой и раба твоя, вол твой и осел твой и всяк скот твой, и пришлец обитаяй у тебе, да почует раб твой и раба твоя, и осел

твой, якоже и ты: 15 и да помянеши, яко (и ты) раб был еси в земли Египетстей и изведе тя Господь Бог твой отуду рукою крепкою и мышцею высокою: сего ради повеле тебе Господь Бог твой, еже хранити день субботный и святити его. 16 Чти отца твоего и мать твою, якоже заповеда тебе Господь Бог твой, да благо ти будет и да долготелен будеши на земли, юже Господь Бог твой дает тебе. 17 Не убий. 18 Не прелюбодействуй. 19 Не укради. 20 Не послушствуй на ближняго твоего свидетелства ложна. 21 Не пожелай жены ближняго твоего, не пожелай дому ближняго твоего, ни села его, ни раба его, ни рабыни его, ни вола его, ни осляте его, ни всякаго скота его, ниже всех, елика ближняго твоего суть. 22 Сия словеса глагола Господь ко всему сонму вашему на горе из среды огня: тма, мрак, буря, глас велик, и не приложи: и написа я на двоих скрижалех каменных, и даде мне. 23 И бысть яко услышасте глас из среды огня, и гора горяше огнем, и прийдосте ко мне вси начальницы племен ваших и старейшины ваши, 24 и ресте: се, показа нам Господь Бог наш славу Свою, и глас Его слышахом из среды огня: во днешний день видехом, яко възглаголет Бог человеку, и жив будет: 25 и ныне да не измрем, яко потребит нас огонь великий сей, аще приложим мы слышати глас Господа Бога нашего ктому, и умрем: 26 кая бо плоть, яже слыша глас Бога жива, глаголюща из среды огня, якоже мы, и жива будет? 27 Приступи ты, и послушай вся, елика к тебе речет Господь Бог наш, и ты речеши к нам вся, елика речет Господь Бог наш к тебе, и услышим, и сотворим. 28 И услыша Господь глас словес ваших, глаголющим вам ко мне, и рече Господь ко мне: слышах глас словес людей сих, елика глаголаша к тебе: право вся, елика глаголаша: 29 кто даст еже быти тако сердцу их в них, яко боятися Мене и хранити заповеди Моя во вся дни, да благо будет им и сыном их во веки? 30 Гряди, рцы им: возвратитесь в в дома своя: 31 ты же zde стани со Мною, и възглаголю к тебе вся заповеди и оправдания и суды, еликим научиши их: и да сотворят сице в земли, юже Аз даю им в жребий: 32 и сохраните творити, якоже заповеда тебе Господь Бог твой: не совратитесь ни на десно, ни на лево, 33 по всему пути, егоже заповеда тебе Господь Бог твой ходити в нем, да тя упокоит, и благо тебе будет: и многи дни будете на земли, юже наследите.

6 И сия заповеди и оправдания и суды, елика заповеда Господь Бог ваш научити вас творити тако на земли, и нуже вы входите тамо, наследити ю: 2 да боитесь Господа Бога вашего, хранити вся оправдания Его и заповеди Его, яже аз заповедаю тебе днесь, ты и сынове твои, и сыны сынов твоих, во вся дни живота твоего, да многи дни пребудете. 3 И послушай, Израилю, и снабди творити, да благо ти будет, и да умножитесь зело, якоже глагола Господь Бог отец ваших, дати тебе землю кипящую млеком и медом. И сия оправдания и суды, елика заповеда Господь (Бог) сыном Израилевым в пустыни, изшедшим им из земли Египетския. 4 Слыши, Израилю: Господь Бог наш Господь един есть. 5 И возлюбиши Господа Бога твоего от всего

сердца твоего и от вся души твоя и от вся силы твоя. 6 И да будут словеса сия, яже аз заповедаю тебе днесь, в сердца твоем и в души твоей, 7 и да накажеша ими сыны твои, и да возглаголеши о них седаи в дому и идый путем, и лежа и востая: 8 и навяжеша я в знамение на руку твою, и да будут непоколеблема пред очима твоима: 9 и да напишете я на празах храмина ваших и врат ваших. 10 И будет егда введет тя Господь Бог твой в землю, еюже клятеся отцем твоим, Аврааму и Исааку и Иакову, дати тебе грады велики и добры, иже не создал еси, 11 дома полны всяких благ, иже не наполнил еси, потоки ископаны, иже не ископал еси, винограды и маслины, иже не насадил еси: и ядый и насытився, 12 вонми себе, да не разширится сердце твое, да не забудеши Господа Бога твоего, изведшаго тебе из земли Египетския, от дому работы. 13 Господа Бога твоего да убоишися, и тому единому послужиши, и к Нему прилепишися, и именем Его кленешися. 14 Да не ходите вслед богов иных, богов языческих, иже окрест вас: 15 яко Бог ревнив Господь Бог твой посреде тебе: да не разгневався яроути Господь Бог твой на тя, погубит тя от лица земли. 16 Да не искусиши Господа Бога твоего, якоже искушае во Искушении. 17 Храня да сохраниши заповеди Господа Бога твоего, свидения Его и оправдания Его, елика заповеда тебе: 18 и да сотвориши угодное и благое пред Господем Богом твоим, да благо будет тебе, и внидеши и наследуи землю благу, еюже клятеся Господь отцем твоим, 19 отгнати вся враги твоя от лица твоего, якоже глагола Господь. 20 И будет егда вопросят ты сын твой утре, глаголя: что суть свидения и оправдания и суды, елика заповеда Господь Бог наш нам? 21 И речеши сыну твоему: раби бехом фараону в земли Египетстей, и изведе нас Господь Бог отуду рукою крепкою и мышцею высокою: 22 и даде Господь (Бог) знамения и чудеса велика и зла во Египте на фараона и на дом его и на силу его пред нами, 23 и нас изведе Господь Бог наш отуду, да введет нас дати нам землю сию, еюже клятеся Господь Бог наш отцем твоим, дати ю нам: 24 и заповеда нам Господь творити вся оправдания сия, боятися Господа Бога нашего, да благо будет нам во вся дни, да живем, якоже и днесь, 25 и милосердие будет нам, аще сохраним творити вся заповеди закона сего пред Господем Богом нашим, якоже заповеда нам.

7 И будет егда введет тя Господь Бог твой в землю, в нуже входиши тамо наследити ю, и изменен языки великия и многиа от лица твоего, Хеттеа и Гергесеа, и Аморреа и Хананеа, и Ферезеа и Евеа и Иевусеа, седмь языков великих и многих, и крепчае вас: 2 и предаст их Господь Бог твой в руке твои, и избиеши я, пагубою погубиши я, да не завещаеши к ним завета, ниже да помилуеши их, 3 ниже сватовства сотвориши с ними: дщери своя не даси сыну его, и дщере его да не поймеша сыну твоему: 4 отвратит бо сына твоего от Мене, и послужит богом инем: и разгневаеся Господь гневом на вы, и погубит тя вскоре. 5 Но сице да сотворите им: требища их разсыплете, и столпы их да сокрушите, и дубравы их да посечете, и ваяния богов их

да сожжете огнем: 6 яко люди святые есте Господеви Богу вашему: и вас избра Господь Бог ваш, да будете Ему люди избранни паче всех языков, елицы на лица земли. 7 Не яко мнози есте паче всех язык, предприя вас Господь и избра вас Господь, вы бо есте меншии от всех языков: 8 но яко возлюбил Господь вас, и храня клятву, еюже клятеся отцем твоим, изведе Господь вас рукою крепкою и мышцею высокою, и избави тя от дому работы, от руки фараона царя Египетска, 9 и да увеси, яко Господь Бог твой Сей Бог: Бог верный, храняи завет Свой и милость любящий Его и хранящим заповеди Его в тысячах родов: 10 и воздаяи ненавидящим Его в лице погубити я, и не умедлит ненавидящим, в лице воздаст им. 11 И да сохраниши заповеди и оправдания и суды сия, елика аз заповедаю тебе творити днесь. 12 И будет егда послушаете вся оправдания сия, и сохраните и сотворите я, сохранит и Господь Бог твой тебе завет и милость, якоже клятеся отцем твоим, 13 и возлюбит тя, и благословит тя и умножит тя, и благословит плод чрева твоего и плод земли твоя, пшеницу твою и вино твое и елей твой, и стада волов твоих и паствы овец твоих на земли, юже клятеся Господь отцем твоим дати тебе: 14 и благословен будеши паче всех язык и не будет в вас безчадный, ниже неплоды, и в скотех твоих: 15 и отимет Господь Бог твой от тебе всяко расслабление и всяку язю Египетскую злую, яже видел еси и елика веси: не возложит на тя, но возложит я на вся ненавидящия тебе: 16 и ясти будеши вся корысти языков, яже Господь Бог твой дает тебе: да не пощадит их око твое, и да не послужиши богом их, яко претыкание тебе есть сие. 17 Аще же речеши во уме твоем: яко язык сей множае паче мене, како возмогу аз погубити я? 18 Не убоишися их: памятию да помянеша, елика сотвори Господь Бог твой фараону и всем Египтяном, 19 искушения великая, яже видеста очи твои, знамения она и чудеса великая, руку крепкою и мышцу высокою, якоже изведе тя Господь Бог твой: тако сотворит Господь Бог ваш всем языком, иже ты боишися от лица их: 20 и шершни послет Господь Бог твой на них, дондеже потребятся оставшиися и сокрывшиися от тебе: 21 не повредишися от лица их: яко Господь Бог твой в тебе, Бог великий и крепкий: 22 и погубит Господь Бог твой языки сия от лица твоего, помалу малу: не возможеши погубити их вскоре, да не будет земля пуста, и умножатся зверие дивии на тя: 23 и предаст их Господь Бог твой в руке твои, и погубиши их погублением великим, дондеже искорените их: 24 и предаст цари их в руке твои, и погубите имя их от места онаго: ниже един постоит пред лицом твоим, дондеже погубиши их. 25 Ваяния богов их да сожжете огнем, да не похощеши злата и сребра взяти себе от них, да не когда согрешиши того ради, яко мерзость есть Господеви Богу твоему: 26 и да не внесеши мерзости в свой дом, и проклят будеши якоже сия: ненавидением да возненавидиши, и омерзением да омерзиши, яко проклатие есть.

8 Вся заповеди, яже аз заповедаю вам днесь, снабдите творити, да живете, и умножитесь, и внидете, и наследите

землю благую, еюже клятятся Господь Бог отцом вашим. 2 И да помянеши весь путь, имже проведе тебе Господь Бог твой, сие четырехдесятое лето в пустыни, да искусит тя и озлобит тя, и уразумеются яже в сердцы твоём, аще сохраниши заповеди Его или ни. 3 И озлобит тя, и голодом замори тя, и напита тя манною, еяже ты не уведеши еси, ни отцы твои: да возвестит тебе, яко не от хлеба единым жив будет человек, но о всяком словеси исходящем из уст Божиих жив будет человек. 4 Ризы твои не обетшаша на тебе: нозе твои не язвисяся, се, четырехдесять лет. 5 И уразумеешь сердцем твоим, яко имже образом аще кий человек накажет сына своего, тако Господь Бог твой накажет тя. 6 И сохраниши заповеди Господа Бога твоего ходити в путех Его и бояться Его. 7 Господь бо Бог твой введет тя в землю благую и многу, идеже водотечи водныя и источники бездны исходящыя по полям и горам, 8 в землю пшеницы и ячменя, (идеже) виногради, смокви и щипцы, в землю масличия елеа и меда: 9 в землю на нейже не с нищетою снеси хлеб твой, и ничесого востребуеши на ней: в землю в нейже камень железно, и от гор ея ископаеши медь: 10 и ясти будеши, и насытисися, и благословиши Господа Бога твоего на земли блазей, юже даде тебе. 11 Вонми себе, не забуди Господа Бога твоего, еже не сохраниши заповеди Его и судьбы и оправдания Его, елика аз заповедаю тебе днесь: 12 да не когда ядый и насытився, и дома добры соградив и вселився в ня, 13 и волом твоим и овцам твоим умножившимся тебе, серебру и злату умножившимся тебе, и всем, елика тебе будут, умножившимся тебе, 14 вознесешися сердцем твоим, и забудеши Господа Бога твоего, изведшаго тя из земли Египетския, из дому работы: 15 проведшаго тя сквозе пустыню великую и страшную ону, в нейже змии угрызающыя, и скорпии, и жажда, в нейже не бяше воды: изведшаго тебе из камене насекома источник водный: 16 питавашаго тя манною в пустыни, еяже не ведеши еси ты, ниже ведяху отцы твои, да озлобит тя и да искусит тя, и благо тебе сотворит на последок твой: 17 да не речеши в сердцы твоём: крепость моя и сила руки моя сотвори мне силу великую сию, 18 и помянеши Господа Бога твоего, яко Той даде тебе крепость, еже сотворити силу, и да оставит завет Свой, имже клятятся отцем твоим, якоже днесь. 19 И будет аще забвением забудеши Господа Бога твоего, и пойдеши вслед богов иных, и послужиши им, и поклонисися им, засвидетелствую вам днесь небесем и землею, яко пагубою погибнете: 20 якоже и прочии языцы, яже Господь Бог погубляет от лица вашего, тако погибнете, занеже не послушасте гласа Господа Бога вашего.

9 Слыши, Израилу, ты преходиши Иордан днесь, внити еже наследити языки великия и крепчайшы паче вас, грады велики и ограждены до небесе, 2 люди велики и многи и предолги, сыны Енаковы, яже ты веси, и ты слышал еси: кто противу станет сыном Енаковым? 3 И увеси днесь, яко Господь Бог твой Сей предидет пред лицом твоим: огонь поपालяяй есть: Сей потребит я, и Сей отвратит я от лица твоего, и потребит я вскоре, якоже рече тебе Господь. 4 Не

рцы в сердцы твоём, егда потребит Господь Бог твой языки сия пред лицом твоим, глаголя: правд ради моих введе мя Господь наследити землю благую сию: 5 не ради правды твоея, ниже преподобия ради сердца твоего ты входиши наследити землю их, но нечестия ради и беззакония языков сих Господь от лица твоего потребит я, и да оставит завет, имже клятятся Господь отцем вашим, Аврааму и Исааку и Иакову: 6 и да увеси днесь, яко не ради правды твоея Господь Бог твой дает тебе землю благую сию наследити: яко людие жестоковыйнии есте. 7 Помни, не забуди, колико разгневасте Господа Бога своего в пустыни: от негоже дне изыдоште из земли Египетския, даже внидоште в место сие, не покаяющыся совершасте яже противу Господа: 8 и в Хориве разгневасте Господа, и разгневася Господь на вы, потребити вас, 9 восходящу мне на гору, взяти скрижали каменныя, скрижали завета, яже завета Господь к вам: и пребых в горе четырехдесять дний и четырехдесять ночей: хлеба не ядох и воды не пих. 10 И даде ми Господь две скрижали каменны, написаны перстом Божиим, и на них бяху написана вся словеса, яже глагола Господь к вам в горе из среды огня в день собрания: 11 и бысть но четырехдесяти днех и по четырехдесяти ночех, даде ми Господь две скрижали каменны, скрижали завета, 12 и рече Господь ко мне: востани и сниди скоро отсюда, яко беззаконноваша людие твои, яже извел еси из земли Египетски: соступиша скоро с пути, егоже заповедал еси им, и сотвориша себе слияние. 13 И рече Господь ко мне: глаголах тебе единою и дважды, глаголя: видех люди сия, и се, людие жестоковыйнии суть: 14 остави Мя, да потреблю Я, и погублю имя их под небесем, и сотворю тя в язык велик и крепок и мног паче сих. 15 И возвратився снидох с горы, и гора горяше огнем: и две скрижали свидений во обою руку моею: 16 и видев, яко согрешисте пред Господем Богом вашим, и сотвористе себе телца слияна, и соступисте с пути скоро, егоже заповеда Господь вам творити, 17 и взем обе скрижали, повергох я из руку мою и сокруших их пред вами. 18 И молихся пред Господем второе, якоже и первое, четырехдесять дний и четырехдесять ночей, хлеба не ядох и воды не пих, всех ради грехов ваших, имижже согрешисте, творяще злое пред Господем Богом вашим, еже разгневати Его: 19 и боязнен бех гнева ради и ярости, яко разгневася Господь на вы, да потребит вас: и послуша мене Господь и в то время. 20 И на Аарона разгневася Господь зело, еже погубити его: и молихся и за Аарона во время оно. 21 И грех ваш, егоже сотвористе, телца, взяв его и сожгох его на огни, и избих его и сотрох его зело, даже бысть дробен, и бысть яко прах, и изсыпах прах в водотечу сходящую с горы. 22 И в Запалении, и во Искушении, и во гробех Похотения разгневасте Господа Бога вашего. 23 И егда посла вас Господь от Кадис-Варни, глаголя: възидите и наследите землю, юже Аз даю вам: и сопротивитися глаголюгу Господа Бога вашего, и не веровасте Ему, и не послушасте гласа Его: 24 и не покаяющыся бысте Господу от дне, в оньже познася вам. 25 И молихся пред Господем четырехдесять дний и четырехдесять ночей, в няже молихся: рече бо Господь

погубити вас. **26** И молихся Богу и рекох: Господи, Господи Царю богов, не погуби людей Твоих и наследия Твоего, еже избавил еси крепостию Твоею великою, яже извел еси из земли Египетския крепостию Твоею великою и рукою сильною и мышцею Твоею высокою: **27** помяни Авраама и Исаака и Иакова, рабы Твоя, имже клялся еси Собою: не призирай на жестокость людей сих, и на нечестие их и на грехи их: **28** да не когда рекут живущии на земли, отнюдуже извел еси нас, глаголюще: не могий Господь ввести их в землю, юже им обеща, и ненавидя их Господь, изведе погубити их в пустыни: **29** и сии людие Твои и жребий Твой, иже извел еси из земли Египетския крепостию Твоею великою и мышцею Твоею высокою.

10 Во оно время рече Господь ко мне: истещи себе две скрижали каменны якоже первыя, и възди ко Мне на гору, и да сотвориши себе ковчег древян: **2** и напишу на скрижалех словеса, яже бяху на скрижалех первых, ихже сокрушил еси, и да вложиши я в ковчег. **3** И сотворих ковчег от древ негниющих, и истесах две скрижали каменны якоже и первыя, и въздох на гору: и обе скрижали во юбою руку моею: **4** и написа на скрижалех по писанию первому десять словес, яже глагола Господь к вам на горе от среды огня, и даде я Господь мне. **5** И обратився снидох с горы, и вложих скрижали в ковчег, егоже сотворих: и беста ту, якоже повеле ми Господь. **6** И сынове Израилевы въздвигошася от Вирофа сынов Иакимлих в Мисадай: тамо умре Аарон, и погребен бысть ту, и бысть жрец Елеазар сын его вместо его. **7** Оттуда же въздвигошася в Гадгад, и от Гадгада до Етавафа, земли водотечи вод. **8** Во оно время отдели Господь племя Левино носити ковчег завета Господня, предстояти пред Господем, служити и молитися и благословляти о имени Его до днешняго дне: **9** сего ради несть левитом части и жребия в братии их: Господь Сам жребий их, якоже рече им. **10** И аз стоях на горе четыредесять дний и четыредесять ношей, и послуша Господь мене и во время сие, и не восхоте Господь погубити вас. **11** И рече Господь ко мне: гряди, въздвигнися пред людьми сими, и да внидут и наследят землю, еюже кляхся отцем их, дати ю им. **12** И ныне, Израилю, что просит Господь Бог твой у тебе, точию еже бояться Господа Бога твоего и ходити во всех путех Его, и любити Его и служити Господу Богу твоему от всего сердца твоего и от всея души твоя, **13** творити заповеди Господа Бога твоего и оправдания Его, елика аз заповедаю тебе днесь, да благо тебе будет? **14** Се, Господа Бога твоего небо и небо небесе, земля и вся елика суть на ней: **15** обаче отцы ваши произволи Господь любити их, и избра семья их по ним, вас, паче всех язык, в день сей. **16** И обрежете жестокосердие ваше, и выи ваша не ожесточите ктому: **17** ибо Господь Бог ваш сей Бог богов и Господь господей, Бог великий и крепкий и страшный, иже не дивится лицу, ниже вземлет дара: **18** творяй суд пришелцу и сиру и вдовице, и любит пришелца дати ему хлеб и ризу. **19** И възлюбите пришелца: пришелцы бо бесте в земли Египетстей. **20** Господа Бога твоего да убоишися, и Тому (единому) послужиши, и к Нему прилепишися, и именем Его кленешися: **21** Той хвала твоя и

Той Бог твой, иже сотвори тебе великая и славная сия, яже видесте очи твои: **22** в седмидесятих и пяти душах снидоша отцы твои во Египт: ныне же сотвори тя Господь Бог твой яко звезды небесныя множеством.

11 И да възлюбиши Господа Бога твоего, и сохраниши стражбы Его и оправдания Его и заповеди Его и суды Его во вся дни. **2** И увесте днесь, яко не чада ваша, елицы не сведеша, ниже видеша наказания Господа Бога твоего и величества Его, и руки сильныя и мышцы высокия, **3** и знамений Его и чудес Его, елика сотвори посреде Египта фараону царю Египетску и всей земли его, **4** и елика сотвори силе Египетстей: колесницы их и кони их како потопи вода моря Чермнаго, пред лицом их, гонящим им вслед вас, и погуби их Господь Бог до днешняго дне: **5** и елика сотвори вам в пустыни, дондече приидосте на место сие: **6** и елика сотвори Дафану и Авирону сыном Елиава сына Рувимля, яже отверзи земля уста своя пожре их, и домы их, и куцы их, и все их имение с ними, среди всего Израиля: **7** яко очи ваши видеста вся дела Господня великая, елика сотвори в вас днесь. **8** И сохраните вся заповеди Его, елики аз заповедаю вам днесь, да живете и умножитесь, и внидете и наследите землю, на нюже вы переходите чрез Иордан тамо наследити ю: **9** да многи дни будете на земли, еюже клялся Господь отцем вашим дати им и семени их по них землю кипящую млеком и медом. **10** Есть бо земля, на нюже вы идете тамо наследити ю, не яко земля Египетска есть, отнюдуже изыдосте, егда сеют семя и напаяют ю ногами своими, аки вертоград зелейный: **11** земля же, в нюже ты входиши тамо наследити ю, земля нагорная и равная, от дождя небеснаго напаяется водою: **12** земля, на нюже Господь Бог твой присещает всегда, очи Господа Бога твоего на ней от начала лета и до конца лета. **13** Аще же слухом послушаете всех заповедий Его, яже аз заповедаю тебе днесь, любити Господа Бога твоего и служити Ему от всего сердца твоего и от всея души твоя, **14** и даст дождь земли твоей во время ранний и поздний, и собереши жита твоя и вино твое и елей твой: **15** и даст пищу на селех скотом твоим. **16** И ядый и насытився, внемли себе, да не разширится сердце твое, и преступите, и послужите богом иным, и поклонитесь им: **17** и яростию разгневается Господь на вы и затворит небо, и не будет дождя, и земля не даст плода своего, и погибнете вскоре от земли благия, юже Господь даде вам. **18** И вложите словеса сия в сердца ваша и в душу вашу, и наважите я в знамение на руку вашу, и будут непоколебима между очима вашима, **19** и научите сим чада своя глаголати сия, седящу тебе в дому и идущу тебе в пути, и възлежашу ти и востающу ти: **20** и напишите я на празех домов ваших и врат ваших, **21** да умножатся дние ваши и дни сынов ваших на земли, еюже клялся Господь отцем вашим дати им, якоже дние неба на земли. **22** И будет аще слухом послушаете всех заповедий сих, яже аз заповедаю вам днесь творити, любити Господа Бога вашего и ходити во всех путех Его и прилепятися к Нему, **23** тогда изженет Господь вся языки сия от лица вашего, и одержите

языки великия и крепкия паче вас. 24 Всякое место, на немже станет стопа ног ваших, вам будет: от пустыни и Антиливана, и от реки великия Евфрата, и даже до моря, еже на западе, будут пределы ваши: 25 никтоже противостанет пред лицом вашим: и трепет ваш и страх ваш возложит Господь Бог ваш на лице вся земли, на нюже аще възьдете, якоже глагола Господь к вам. 26 Се, Аз даю пред вами днесь благословение и клятву: 27 благословение, аще послушаете заповедий Господа Бога вашего, елики аз заповедаю вам днесь: 28 и клятву, аще не послушаете заповедий Господа Бога вашего, елики аз заповедаю вам днесь, и совратитесь с пути, егоже заповедах вам, идуще послужити богом иным, иже не весте. 29 И будет егда введет тебе Господь Бог твой в землю, в нюже преходиши тамо наследити ю, да даси благословение на горе Гаризин и клятву на горе Гевал: 30 не се ли сия суть об ону страну Иордана, за путем иже на западе солнца, в земли Ханаана обитающаго на западе солнца близ Галгала у дуба Высокаго? 31 Вы бо преходите Иордан, вшедше наследити землю, юже Господь Бог ваш дает вам в жребий вся дни, и примете ю, и вселитесь в ню: 32 и да сохраните творити вся заповеди Его и суды Его, яже аз даю пред вами днесь.

12 И сия заповеди и суды, яже снабдите творити на земли, юже Господь Бог отец ваших дает вам в жребий во вся дни, в няже вы жити будете на земли: 2 пагубою погубите вся места, в нижне служиха тамо языцы богом своим, яже вы примете, на горах високих и холмах и под древом сеновным: 3 и да раскопаете требища их и сокрушите столпы их, и дубравы их ссечете, и ваение богов их сожжете огнем, и погубите имя их от места того. 4 Да не сотворите тако Господу Богу вашему, 5 токмо на месте, идеже изберет Господь Бог ваш, во едином от племен ваших, нареши имя Его тамо и призвати, и възьчете, и внидете тамо: 6 и принесете тамо всесожжения ваша, и жертвы ваша, и начатки ваши, и обеты ваши, и вольная ваша, и исповедания ваша, первенцы волов ваших и овец ваших, 7 и ясти будете тамо пред Господем Богом вашим и возвеселитесь о всех, на няже возложите руки ваша вы и домове ваши, якоже тя благословил есть Господь Бог твой. 8 Да не сотворите тамо всех, елика вы творите zde днесь, кийждо угодное пред собою: 9 не придосте бо до ныне в покой и в наследие, еже Господь Бог ваш дает вам. 10 И егда прейдете Иордан и вселитесь на земли, юже Господь Бог ваш даст в наследие вам, и упокоит вас от всех враг ваших, иже окрест вас, и вселитесь со утверждением: 11 и будет место, иже изберет Господь Бог ваш призвати има Его тамо, ту принесете вся, елика аз заповедаю вам днесь: всесожжения ваша и жертвы ваша, и десятины ваша и начатки рук ваших, и всяк избран дар ваш, елика обещаете Господеви Богу вашему: 12 и возвеселитесь пред Господем Богом вашим вы и сынове ваши и дщери ваши, и рабы ваши и рабыни ваши, и левити, иже у врат ваших: яко несть им части ни жребия с вами. 13 Внемли себе, да не принесеши всесожжений твоих на всяком месте, еже аще узриши, 14 токмо на месте, еже

изберет Господь Бог твой, в едином от племен твоих, тамо да принесеши всесожжения твоя и тамо сотвориши вся, елика аз заповедаю тебе днесь. 15 Но токмо всем желанием души твоя да пожреш, и снеси мяса по благословиению Господа Бога твоего, еже даде тебе во всяком граде: нечистый при тебе и чистый вкупе да яст я, яко серну, или еленя. 16 Токмо крове да не снесете: на землю пролиете ю, аки воду. 17 Не возможеши ясти в градах твоих десятины пшеницы твоя и вина твоего и елеа твоего, первенцов волов твоих и овец твоих, и всех обетове, елики обещаете, и исповеданий ваших, и начатков рук ваших: 18 токмо пред Господем Богом твоим да снеси я на месте, еже изберет Господь Бог твой Себе, ты и сын твой и дщерь твоя, и раб твой и раба твоя, и левит, и пришлец иже во градах твоих, и возвеселишися пред Господем Богом твоим во всех, на няже возложиши руку твою. 19 Внемли себе, да не оставиши левитина во все время, дондеже еси жив на земли. 20 Аще же разширит Господь Бог твой пределы твоя, якоже глагола тебе, и речеши: снем мяса, аще вожделеет душа твоя, яко ясти мяса, во всем желании души твоя да снеси мяса. 21 Аще же далече отстоит место от тебе, иже изберет Господь Бог твой призвати имя Его тамо, и заколеши от волов твоих и от овец твоих, яже даст тебе Бог твой, якоже заповедах тебе, и снеси во градах твоих по желанию души твоя. 22 Якоже ястя серна и елень, тако да снеси е: нечистый при тебе, и чистый такожде да снесет. 23 Вонми крепце, еже не ясти крове: кровь бо есть душа его: да не снесется душа с мясы: 24 да не снесете ея, на землю пролиете ю аки воду: 25 да не снеси ю, да благо тебе будет и сыном твоим по тебе во веки, аще сотвориши се, еже добро и угодно есть пред Господем Богом твоим. 26 Разве святая твоя, яже аще будут тебе, и обеты твоя взем да приидеши на место, еже изберет Господь Бог твой оное себе призвати имя Его тамо: 27 и сотвориши всесожжения твоя: мяса да вознесеши на олтарь Господа Бога твоего, кровь же жертв твоих да пролиеши пред степени олтаря Господа Бога твоего, мяса же да снеси. 28 Снабди и послушай, и да сотвориши вся словеса, яже Аз заповедаю тебе, да благо тебе будет и сыном твоим во веки, аще сотвориши добро и угодно пред Господем Богом твоим. 29 Аще же потребит Господь Бог твой языки, в няже входили ты тамо, наследити землю их, от лица твоего, и примеши ю в наследие, и вселишися в земли их: 30 внемли себе, да не възыщеши последовати им, по потреблении их от лица твоего, не възыщи богов их, глаголя: якоже творят языцы сии богом своим, сотворю и аз: 31 да не сотвориши Господу Богу твоему тако: мерзостна бо Господеви, яже возненавиде, сотвориша богом своим, яко сыны своя и дщери своя жгут огнем богом своим. 32 Всяко слово, еже аз заповедаю тебе днесь, сие снабди творити: да не приложиши к сему, ни отимеши от него.

13 Аще же встанет в тебе пророк, или видяй соние, и даст тебе знамение или чудо, 2 и приидет знамение или чудо, еже рече к тебе, глаголя: идем да послужим богом иным, иже не весте: 3 да не послушаете глагол пророка того, или видящаго сон той: яко искушает Господь Бог твой вас,

иже уведети, аще любите Господа Бога вашего всем сердцем вашим и всею душою вашею: 4 вслед Господа Бога вашего ходите, и Того бойтесь, и заповеди Его сохраните, и гласа Его послушайте, и Тому служите, и к Нему прилепитесь: 5 и пророк той или видяй сон да умрет: глагола бо, иже прельстити тя от Господа Бога твоего изведшаго тя из земли Египетския, избавльшаго тя из работы, еже совратити тя с пути, егоже заповеда тебе Господь Бог твой ходити по нему: и погубите сами злое от вас самих. 6 Аще же помолит тя брат твой от отца твоего или от матери твоея, или сын твой, или дщерь твоя, или жена твоя яже на лоне твоём, или друг твой, равен души твоей, отай глаголя: идем и послужим богом иным, иже не видел еси ты и отцы твои, 7 от богов языков, иже окрест вас, близ сущих тебе, или дальних от тебе, от конца земли до конца земли, 8 да не соизволиши ему и не послушаеши его, и да не пощадит его око твоё, и не возлюбиши его, ниже прикрыеши его: 9 возвещая да возвестиши о нем, и рука твоя да будет на нем в первых убити его, и руки всех людей послежде: 10 и побьют его каменiem, и умрет, яко възыскал ест отвратити тебе от Господа Бога твоего, изведшаго тя из земли Египетския, от дому работы: 11 и весь Израиль услышав убоится, и не приложит ктому сотворити по словеси сему злому еже в вас. 12 Аще же услышиши в едином от градов твоих, яже Господь Бог дает тебе, вселитися тамо, глаголющих: 13 изыдоша мужи беззаконнии от вас и отвратиша вся живущья во граде их, глаголюще: идем, да послужим богом иным, иже не весте, 14 и да възыщеша и вопрошиши и обыщеша зело, и се, истинно слово яве, сотворися мерзость сия в вас: 15 убивая да убиеши вся живущья во граде онем убийством меча, проклятием проклените его, и вся яже в нем, 16 и вся корысти его собереша на распутья его, и зажжеша град огнем, и вся корысти его всенародно пред Господем Богом твоим, и будет пуст во веки, не возградится по сем: 17 и да ничтоже прилепится от проклятия руже твоей, да отвратится Бог от ярости гнева Своего: и даст тебе милость и помилует тя, и умножит тя, якоже глагола тебе, якоже клятся Господь отцем твоим, 18 аще послушаеши гласа Господа Бога твоего, еже хрании вся заповеди Его, яже аз заповедаю тебе днесь, творити доброе и угодное пред Господем Богом твоим.

14 Сынове есте Господа Бога вашего: да не нарезуетесь и не возложите плещи между очима вашима над мертвым: 2 яко людие святы есте Господеви Богу вашему, и вас избра Господь Бог ваш быти вам людем избранным Ему от всех языков иже на лица земли. 3 Да не снесите всякия мерзости. 4 Сия скоты ядите: телца от говяд и агнца от овец и козла от коз: 5 еленя и серну, и буйвола и ланя, и зубря и онагра и сайгака. 6 Всяк скот на двое деля пазнокти, и копыто на двое копыта, и отрыгая жвание в скотех, да ясте. 7 И сих да не снете от отрыгающих жвание и от делящих пазнокти на двое, но копыт не раздвояющих: велблюда и зайца и хирогирилла: яко отрыгают жвание сии, но копыт не раздвояют, нечиста сия вам суть. 8 И свинии, яко на двое делит пазнокти и копыта раздвояет, и сия жвания не отрыгает, нечиста сия вам есть: от мяс их да не ясте, и

мертвечинам их да не прикоснетесь. 9 И сия да ясте от всех яже в воде: вся, иже суть перие и чешуя, ядите. 10 И всех, иже несть перия, на чешуи, да не ясте: нечиста суть вам. 11 Всяку птицу чисту да ясте. 12 И сих да не ясте от них: 13 орла и грифа и орла морского, 14 и неясныи и иктина и подобных сим: 15 и врана и врабия, и выпелицы и сухолапля, и ястреба и подобных сим: 16 и врана nocturnal и лилика и подобных сим: 17 и еродиа и лебеда, и ивина и катаракта, и вдода 18 и nocturnal нетопыря, и сыча и теслоноса, и харадриона и подобных сим, и порфириона. 19 Вся гады птичия нечиста суть вам: да не ясте от них. 20 Всяку птицу чисту да ясте. 21 Всякия мертвечины да не ясте: приселнику, иже во градах твоих, да дасте, и да яст, или да продасте страннику: яко людие святы есте Господеви Богу вашему. Да не сварии ягняте во млеце матери его. 22 Десятины да даси от всего плода семене своего, плод нив твоих от года до года, 23 и да снеси я пред Господем Богом твоим на месте, иже избрет Господь Бог твой призывать имя Его тамо: да принесеша десятину пшеницы твоея и вина твоего и елеа твоего, и первенцы волов твоих и овец твоих, да научишися бояться Господа Бога твоего вся дни. 24 Аще же далече будет путь от тебе и не возможеша донести их, яко далече место от тебе, еже избрет Господь Бог твой призывать имя Его тамо, яко да благословит тя Господь Бог твой: 25 и продаси сие на цене, и возмеша сребро в руку твою, и пойдеша на место, иже избрет Господь Бог твой, 26 и даси сребро за все, на неже пожелает душа твоя, на волы и овцы, или на вино, или на сикеру, или на все, егоже желает душа твоя, и да снеси тамо пред Господем Богом твоим, и возвеселишися ты и дом твой. 27 И левит иже во градах твоих, не оставивши его, яко несть ему части ни жребия с тобою: 28 по трех летех да изнесеша всю десятину жит твоих в лето оно, да положиши ю во градах твоих: 29 и приидет левит, яко несть ему части ни жребия с тобою, и пришлец, и сирота и вдова, яже во градах твоих, да ядят и насытятся: да благословит тя Господь Бог твой во всех делех твоих, яже аще сотвориши.

15 В седмое лето да сотвориши отпущение. 2 И сице заповедь отпущения: да оставивши весь долг твой, иже должен ближний тебе, и от брата своего не истяжеша, яко наречеша отпущение Господу Богу твоему. 3 От чуждаго да истяжеша, елика суть твоя у него: брату же твоему отпущение да сотвориши долга твоего. 4 Яко не будет у тебе недостаточен: сего ради словесе благословением благословит тя Господь Бог твои в земли, юже тебе Господь Бог дает во жребий прияти ю. 5 Аще же слухом послушаете гласа Господа Бога вашего хрании и творити вся заповеди сия, яже аз заповедаю тебе днесь, яко Господь Бог твой благословил тя есть, якоже глагола тебе, 6 и взаим даси языком многим, ты же не займеша, и обладати будеша ты языки многими, тобою же не возобладают. 7 Аще же брат от брата твоея будет тебе недостаточен во едином от градов твоих в земли, юже Господь Бог твои дает тебе, да не отвратиши сердца твоего, ниже сожмеша руки твоея пред братом твоим требующим: 8 отверзая да отверзеша

руку твою ему, и взаим да даси ему, елико просит, и елико ему не достанет. 9 Внемли себе: да не будет слово тайно в сердцы твоём беззакония, глаголя: близ есть седмое лето, лето отпущения, и возлукавнует око твое брату твоему требующему, и не даси ему, и возопиет на тя ко Господу, и будет тебе грех велик: 10 да янием да даси ему, и взаим да даси ему, елико воспросит, якоже требует: и не опечалися в сердцы своим, дающу ти ему, яко сего ради слова благословит тя Господь Бог твой во всех делех твоих, и во всем, на неже возложиши руку твою: 11 ибо не оскудеет недостаточный от земли твоея, сего ради аз заповедаю тебе творити слово сие, глаголя: отверзая отверзи руже твои брату твоему нищему и просящему на земли твоей. 12 Аще же продастся тебе брат твой Евреанин, или Евреянина, да поработает тебе шесть лет, и в седмое да отпустиши его свобода от себе: 13 егда жепустиши его свобода от себе, да не отпустиши его тща: 14 напутное ему да уготовиши от овец твоих и от пшеницы твоея и от вина твоего: якоже благослови тя Господь Бог твой, да даси ему, 15 и помяни, яко раб и ты был еси в земли Египетстей, и свободи тя Господь Бог твой отгуду: сего ради аз заповедаю тебе творити слово сие. 16 Аще же речет к тебе: не отиду от тебе, яко возлюбих тя и дом твой, яко добро есть у тебе: 17 да возмешь шило, и повертиши ему ухо пред дверми у степени, и будет ти раб во веки: и рабе твоей сотвориши такожде. 18 Да не будет жестоко пред тобою, отпущаемым им от тебе свободным, понеже годовую мзду наемничу работа тебе шесть лет: и благословит тя Господь Бог твой во всем, еже твориши. 19 Всяко первородное, еже родится от волов твоих и от овец твоих, мужеск пол да освятиши Господеву Богу твоему: да не делаеши первородным телцем твоим и да не стрижеши первенца во овцах твоих. 20 Пред Господем Богом твоим да яси я от лета до лета, на месте, идеже изберет Господь Бог твои, ты и дом твой. 21 Аще же будет на нем порок, хромота, или слепота, и всякий порок зол, да не пожреш его Господу Богу твоему. 22 Во градах твоих да снеси я: нечистый и чистый у тебе такожде да яст, яко серну или еленя. 23 Токмо крове да не снесете: на землю проливай ю аки воду.

16 Храни месяц новых (плодов), и да сотвориши Пасху Господеву Богу твоему, яко в месяце новых изшел еси из Египта нощию. 2 И да пожреш Пасху Господеву Богу твоему, овцы и говядя на месте, еже изберет Господь Бог твой призывати имя Его тамо. 3 Да не снеси в ню кваснаго: седьмь дний да яси в ню опресноки, хлеб озлобления, яко со тщанием изыдoste из Египта, да поминаете день исхода вашего от земли Египетския вся дни жития вашего: 4 да не явится тебе квасно во всех пределех твоих седьмь дний, и да не преноществует от мяс, еже пожреш в вечер в первый день, до утрия. 5 Не возможеши жрети Пасхи ни в едином от градов твоих, еже Господь Бог твой дает тебе: 6 но токмо на месте, еже изберет Господь Бог твой призывати имя Его ту, тамо пожреш Пасху в вечер при захождении солнца, во время в неже изшел еси из земли

Египетския: 7 и свариши, и испечеши, и снеси на месте, идеже изберет Господь Бог твой: и возвратишися заутра, и пойдеши в дом твой. 8 Шесть дний да яси опресноки, в седьмь же день исходный праздник Господеву Богу твоему: да не сотвориши в нем всякаго дела, кроме еже суть души. 9 Седьмь седмиц всецелых да сочтеши себе: в начало же твоего серпа на жатву начни исчисляти седьмь седмиц, 10 и да сотвориши праздник седмиц Господеву Богу твоему, еже рука твоя может, елика даст тебе, ежеже благослови тя Господь Бог твой. 11 И возвеселишися пред Господем Богом твоим ты и сын твой и дщерь твоя, и раб твой и раба твоя, и левит иже во градах твоих, и пришлец, и сирота и вдова, еже в вас, на месте, идеже изберет Господь Бог твой призывати имя Его тамо: 12 и помянеши, яко раб был еси (ты) в земли Египетстей, и сохраниши и сотвориши заповеди сия. 13 Праздник кущей да сотвориши себе седьмь дний, егда собереш от нивы твоея и от точила твоего: 14 и да возвеселишися в празднице твоем ты и сын твой и дщи твоя, раб твой и раба твоя, и левит и пришлец, и сирота и вдова, еже во градах твоих: 15 седьмь дний да празднуеш Господеву Богу твоему на месте, еже изберет Господь Бог твой призывати имя Его тамо: аще же благословит тя Господь Бог твой во всех плодах твоих и во всяком деле рук твоих, и будеши веселяся. 16 В три времена лета да явится всяк мужеск пол пред Господем Богом твоим, на месте, еже изберет Господь Бог твой: в праздник опресноков, и в праздник седмиц, и в праздник кущей: да не явишися пред Господем Богом твоим тощ: 17 кийждо по силе рук своих, по благословению Господа Бога твоего, еже даде тебе. 18 Судии и книгоичи поставиши себе во всех градах твоих, еже Господь Бог твой дает тебе по племенам, и да судят людем суд праведный: 19 да не уклонят суда, ниже познают лице, ниже да возмут даров: дары бо ослепляют очи мудрых и отめщут словеса праведных. 20 Праведне праведное гоните, да поживете, и вшедше наследите землю, еже Господь Бог твой дает вам. 21 Да не насадиши себе дубравы: всякаго древа близ олтаря Господа Бога твоего да не сотвориши себе, 22 да не поставиши себе капища, еже возненавиде Господь Бог твой.

17 Да не пожреш Господеву Богу твоему телца или овчате, на немже есть порок, всяк глагол зол: яко мерзость Господеву Богу твоему есть. 2 Аще же обряцется у тебе во едином от градов твоих, еже Господь Бог твои дает тебе, муж или жена, иже сотворит лукавое пред Господем Богом твоим, преступити завет Его: 3 и шедше послужат богом иным и поклонятся им, солнцу, или луне, или всякому еже от красоты небесных, ихже не повелех тебе: 4 и возвестится тебе, и взыщеш зело, и се, истинно бысть слово, мерзость сотворися сия во Израили: 5 да изведеш человека того, или жену ту, иже сотвориша дело злое сие, пред двери, и побиеете их камением, и да умрут. 6 При двою свидетелех или при трех да умрет: умираяй да не умрет при едином свидетели: 7 и рука свидетелей да будет на нем в первых, умертвити его, и рука всех людей последже: и

измите злое от вас самех. **8** Аще же неудоборешимо слово у тебе в суде между кровию и кровию, и между судом и судом, и между язвою и язвою, и между прением и прением, словеса судная в градах твоих, и встав въздыши на место, еже избрет Господь Бог твой призвати имя Его тамо: **9** и приидеши к жерцем левитом, и к судии, иже будет в тыя дни, и възскавшие възвестят тебе суд: **10** и сотвориши по словеси, еже възвестят тебе от места, еже избрет Господь Бог твой призвати имя Его тамо, и да сохраниши зело творити вся, елика законоположатся тебе: **11** по закону и по суду, егоже рекут тебе, сотвориши, да не уклонишися от словесе, еже извествят тебе, ни на десно, ни на лево. **12** И человек, иже сотворит в гордости, еже не послушати жерца предстоящаго служити во имя Господа Бога твоего, или судии, иже в тыя дни будет, да умрет человек той, и да измеша злое от Израйля: **13** и вси людие услышавше убоятся, и не будут нечествовати ктому. **14** Аще же внидеши в землю, юже Господь Бог твой дает тебе в жребий, и приимеши ю, и вселишися на ней, и речеши: поставлю князя над собою, якоже и прочие языцы, иже окрест мене: **15** поставляя да поставиши над собою князя, егоже избрет Господь Бог твой, от братии твояе да поставиши над собою князя, не возможеши поставити над собою князя человека чуждаго, яко не брат твой есть. **16** Обаче да не умножит себе коней, ниже да възвратит людий во Египет, яко да не умножит себе коней: Господь же рече вам: не приложите възвратитися путем сим ктому: **17** и да не умножит себе жен, да не превратится сердце его: и сребра и злата да не умножит себе зело. **18** И будет егда сядет на престоле власти своя, да напишет себе второзаконие сие в книзе от жерцев левитов, **19** и будет с ним, и да чет ю во вся дни жития своего, да научится боятися Господа Бога своего и хранити вся заповеди сия и оправдания сия, творити я: **20** да не възвысится сердце его от братии его, да не преступит от заповедий ни на десно, ни на лево яко да будет многа лета во власти своей, той и сыны его с ним, в сынех Израйлевых.

18 Да не будет жерцем левитом всему племени Левиину части ниже жребия со Израйлем: приношения Господу жребий их, да ядят я: **2** жребий же да не будет ему в братии его: Господь Сам жребий его, якоже рече ему. **3** И сей суд жерцев, яже от людий, от приносящих жертвы, аще телца, аще овцу: и даси жерцу рамо, и челюсти, и утробо: **4** и начатки пшеницы твояе и вина твоего и елеа твоего, и начаток стрижения овец твоих да даси ему: **5** яко того избра Господь Бог твой от всех племен твоих предстояти пред Господем Богом твоим, служити и благословити во имя Господне, той и сынове его во вся дни. **6** Аще же приидет левит от единого градов ваших, от всех сынов Израйлевых, идеже той обитает, якоже жаеет душа его, на место, еже избрет Господь, **7** да служит имени Господа Бога вашего, якоже и вся братия Его левити предстоящи тамо пред Господем: **8** часть отделеную да яст, кроме продажи яко по отечеству. **9** Аще же внидеши в землю, юже Господь Бог твой дает тебе, да не навывкнеша

творити по мерзостем языков тех: **10** да не обрящется в тебе очищая сына своего и дщерь свою огнем, волхвуйя волхвованием и чаруяй и птицеволшебствуйя, **11** чародей обавая обаванием, утробоволхвуйя и знаменосмотритель, и вопрошайя мертвых: **12** есть бо мерзость Господеви Богу твоему всяк творяй сия: сих бо ради мерзостей потребит я Господь Бог твой от лица твоего. **13** Совершен да будеши пред Господем Богом твоим. **14** Языцы бо сии, иже ты наследииши, сии чарований и волхвований послушают: тебе же не тако даде Господь Бог твой. **15** Пророка от братии твояе, якоже мене, възоставит тебе Господь Бог твой, Того послушайте: **16** по всему, елико просил еси от Господа Бога твоего в Хориве в день собрания, глаголюще: да не приложим слышати гласа Господа Бога нашего, и огня великаго сего не увидим по сем, да не измрем. **17** И рече Господь ко мне: право вся, елика глаголаху к тебе: **18** Пророка възоставлю им от среды братии их, якоже тебе: и вдам слово Мое во уста Его, и възглаголет им, якоже заповедаю Ему: **19** и человек той, иже не послушает словес Его, елика възглаголет Пророк оный во имя Мое, Аз отмишу от него: **20** обаче пророк, иже възнечествует глаголати во имя Мое слово, егоже не повелех ему глаголати, и иже аще възглаголет во имя богов инех, да умрет пророк той. **21** Аще же речеши в сердце своем: како познаем слово, егоже не глагола Господь? **22** Елика аще възглаголет пророк во имя Господне, и не сбудется, и не случится слово сие, егоже не рече Господь: в нечестии глагола Пророк той, не убойтесе его.

19 Егда же погубит Господь Бог твой языки, иже Господь Бог твой дает тебе землю, и наследииши их и вселишися во градах их и в домех их, **2** три грады да отлучиши себе среди земли твояе, юже Господь Бог твой дает тебе в наследие. **3** Уготови себе путь, и на трое раздели пределы земли твояе, юже разделяет тебе Господь Бог твой: и да будет убежище тамо всякому убийце. **4** Сие же да будет заповедание убийце, иже аще убежит тамо, и жив будет: иже аще убьет ближняго своего не ведя, и сей не ненавиде его прежде вчерашняго дне и третьяго, **5** и иже аще пойдет с подругом своим в лес собирати дрова, и поползнется рука его с секирою секущаго дрова, и спадши секира с топорича улучит подруга его, и умрет, сей да убежит во един от градов сих, и жив да будет: **6** да не погнав ужик крове вслед убившаго, яко разгорится сердце ему, и постигнет его, аще должайший будет путь, и убьет душу его, и умрет: и сему несть суд смертный, понеже не бе ненавида его прежде вчерашняго и третьяго дне: **7** сего ради заповедаю аз тебе слово сие, глаголя: три грады да отлучиши себе. **8** Аще же расширит Господь Бог твой пределы твоя, якоже клятса отцем твоим, и даст тебе Господь всю землю, юже рече дати отцем твоим, **9** аще послушаеши творити вся заповеди сия, яже аз заповедаю тебе днесь, любити Господа Бога твоего, ходити во всех путех Его вся дни: и да приложиши себе еще три грады к сим трем градам, **10** и да не пролется кровь безвинна в земли твояе, юже Господь Бог твой дает тебе в

жребий, и да не будет в тебе крови повинен. 11 Аще же будет у тебе человек ненавидяй ближняго своего, и навет сотворит нань, и встанет нань, и поразит душу его, и умрет, и вбегнет во един от градов сих, 12 да послют старейшины града того, и возмут его оттуду, и да предадут его в руке ужиков крове, и да умрет: 13 да не пощадит его око твое, и да очистиши кровь неповинную от Израиля, и благо будет тебе. 14 Да не предвижеша пределов ближняго своего, яже поставиша отцы твои в наследии твоём, еже наследовал еси в земли, юже Господь Бог твой дает тебе во жребий. 15 Да не пребудет свидетель един во свидетельство на человека по всякой обиде и по всякому преступлению и по всякому греху, имже аще согрешит: при устех двою свидетелей и при устех триех свидетелей да станет всяк глагол. 16 Аще же встанет свидетель неправеден на человека, глаголя на него нечестие, 17 да станут оба человека, имже есть пря, пред Господом и пред жерцы и пред судиями, иже будут в тыя дни, 18 и да испытают их судии прилежно, и се, свидетель неправеден свидетелствова неправду, воста на брата своего: 19 да сотворите ему, якоже и он умысли сотворити супротив брата своего, и измите злое от вас самех: 20 да и прочии услышавше убоятся, и не приложат ктому творити словесе злаго сего в вас: 21 да не пощадит его око твое: душу за душу, око за око, зуб за зуб, руку за руку, ногу за ногу, якоже аще кто даст порок на ближняго своего, сице воздастся ему.

20 Аще же изыдеши на брань на враги твоя, и узриши кони и всадники и люди множайшыя тебе, да не убоишися их: яко Господь Бог твой с тобою, изведый тя из земли Египетския. 2 И будет егда приблизишися к рати, и приступив жрец да возглаголет к людям и речет к ним: 3 послушай, Израилью, вы исходите днесь на рать ко врагом вашим: да не ослабеет сердце ваше, ни убойтеся, ниже устрашитесь и не поклонитесь от лица их: 4 яко Господь Бог ваш идый пред вами споробствует вам на враги ваша и спасет вас. 5 И да рекут книгочия к людям, глаголюще: кий человек создавый храмину нову, и не обновя ея? Да идет, и да возвратится в дом свой, да не умрет на рати, и человек ин обновит ю: 6 и кии человек, иже насади виноград, и не веселися от него? Да идет, и возвратится в дом свой, да не умрет на рати, и человек ин возвеселится от него: 7 и кий человек, иже обручи себе жену, и не понял ю? Да идет, и возвратится в дом свой, да не умрет на рати, и ин человек поймет ю. 8 И да приложат книгочия глаголати к людям, и да рекут: кий человек страшлив и слаб сердцем? Да идет, и возвратится в дом свой, да не устрашит сердца брата своего, аки сердце свое. 9 И будет егда умолкнут книгочия глаголюще к людям, и поставят воеводы воинства вожды людей. 10 Аще же приидеши ко граду воевати нань, и воззовеши я с миром: 11 аще убо мирное отвещают ти, и отверзут тебе (град), вси людие обретшиися во граде да будут тебе дань дающе и слушающии тебе: 12 аще же не покорятся тебе, и сотворят с тобою рать, да обсядеши его, 13 дондеже предаст я Господь Бог твой в руке твои: да избиеши всяк мужеск пол в нем убийством меча, 14

кроме жен и имения, и вся скоты, и вся елика суть во граде, и все стяжание да плениши себе, и да снеси весь плен врагов твоих, яже Господь Бог твой дает тебе. 15 Тако да сотвориши всем градом, иже суть далече от тебе зело, иже не суть от градов языков сих, иже Господь Бог дает тебе наследити землю их: 16 от них да не оставите жива всякаго дыхания: 17 но и проклятием проклените их, Хеттеа и Аморреа, и Хананеа и Ферезеа, и Евеа и Иевусеа и Гергесеа, якоже заповеда тебе Господь Бог твой: 18 да не научат вас творити всякия мерзости своя, елики твориша богом своим, и согрешите пред Господом Богом вашим. 19 Аще же обсядеши град един дни многи воевати его в приятие себе, да не истребиши садовия его, возложив железо нань, но токмо да яси плод от них, самого же да не посечеши: еда древо, еже в дубраве, человек есть, иже внити от лица твоего в забрала? 20 Но древо, еже веси, яко не яется плод его, сие потребиши и посечеши, и сотвориши лествицы на град, иже творит на тя рать, дондеже предастся.

21 Аще же обрящется убиеный на земли, юже Господь Бог дает тебе наследити, лежащ на поли, и не ведят убившаго и: 2 да изыдут старцы и судии твои и да измерят до градов, иже окрест убиенаго: 3 и будет град приближайся убиенному, и да возмут старейшины града того юницу от говяд, еуже не делано, и яже ярма не понесе: 4 и да изведут старейшины града того юницу в жерль суху, яже не оранна, ниже насеяна, и да пресекут жилы юницы в дебри: 5 и да приступят жерцы Левити: яко сих избра Господь Бог твой предстояти Ему и благословляти во имя Его: и во устех их да будет всякое прекословие и всякая язва: 6 и вси старейшины града того, приближающиися убиенному, да омыют руке над главою юницы, ейже пресечены суть жилы в дебри, 7 и отвещавше да рекут: руке наши не пролиша крове сея, и очи наши не видеша: 8 милостив буди людям Твоим Израилью, иже извел еси, Господи, из земли Египетския, да не будет кровь неповинна на людех Твоих Израили: и очистится им кровь: 9 ты же отимеши кровь неповинну от среды себе, аще сотвориши доброе и угодное пред Господом Богом твоим. 10 Аще же изыдеши на брань противу врагом твоим, и предаст я Господь Бог твой в руке твои, и плениши плен от них, 11 и узриши в плене добру обличем, и возлюбихи ю, и поймехи ю себе в жену, 12 и введеши ю внутрь в дом твой, и да обриеши главу ея, и да обрежеша ногти ея, 13 и да совлечеши ризы пленныя ея с нея: и да сядет в дому твоём, и да плачется отца своего и матере своя месяц дний: и но сем внидеши к ней, и совокупишися с нею, и будет тебе жена. 14 И будет аще не восхощеши ея, да отпустиши ю свободну, продажею же да не продаси ея на цене: да не отринеша ея, понеже смирил еси ю. 15 Аще же будут мужу две жены, едина от них любя, и другая не любя, и породят ему любая и нелюбая, и будет сын перворожденный от нелюбимья: 16 и будет в онъже день разделит сыном своим имяне свое, не возможет первенцем быти сын любимья, презрев сына нелюбимья первенца: 17 но сына нелюбимья за первенца да признает, и даст ему сугубо от всего, еже обрящется ему, яко сей

есть начало чад его, и сему достоит первенство. **18** Аще же кому будет сын непокорив и грубитель, не послушай гласа отца своего и гласа матери своей, и накажут его, и не послушает их, **19** да возмут его отец его и мати его, и да изведут его пред старейшины града своего и пред врата места своего, **20** и да рекут к мужем града своего: сын наш сей непокорив есть и грубитель и не слушает речи наша, сластолюбствуя пьянствует: **21** и да побьют его мужие града того камением, и да умрет: и измите злое от себе самих, да и прочии слышавше убоятся. **22** Аще же будет на ком грех, суд смертный, и да умрет, и повесите его на древе, **23** да не преносует тело его на древе, но во гробе погребите его в тойже день: яко проклят есть от Бога всяк всякий на древе: и да не оскверните земли, юже Господь Бог твой дает тебе во жребий.

22 Видев телца брата твоего или овцу его заблуждающую на пути, да не презриши я: но возвращением возвратиши я к брату твоему, и да отдаси ему. **2** Аще же несть близ тебе брат твой, ниже увеси его, собери я внутрь дому твоего, и да будут у тебе, дондеже взыщут их брат твой, и отдаси их ему. **3** Такожъ сотвориши осляти его, и тако да сотвориши ризе его, и тако да сотвориши всему погубленому брата твоего: елика аще погибнут от него, и обрящещи я, да не возможеша пренебрещи я. **4** Аще увидиши осла брата твоего или телца его падшыя на пути, да не презриши я: возставляя да возставиши я с собою. **5** Да не будет утварь мужеска на жене, ни да облачится муж в ризу женску: яко мерзость есть Господеви Богу твоему всяк творяй сия. **6** Аще же улучиши гнездо птичье пред лицом твоим на пути, или на древе некоем, или на земли, и в нем птенцы или яйца, и мати сидит на птенцах или яйцах, да не возмеша матери со птенцы: **7** отпущением да отпустиши матерь, птенцы же возмеша себе, да благо тебе будет и долгоденствен будеша. **8** Аще же созиждеша дом нов, и сотвориши ограждение дому твоему, и да не сотвориши убийства в дому твоем, аще падет падый от него. **9** Да не насееша винограда твоего различна, да не освятится плод, и семья, еже насееша с плодом винограда твоего. **10** Да не ореша юнцем и ослятем вкупе. **11** Ниже да облечешися в ризу различну от льна и волны вкупе ткану. **12** Тресны да сотвориши себе на четырех краях одежды своя, в нюже облечешися. **13** Аще же кто поймет жену и будет с нею, и возненавидит ю, **14** и наложит на ню обвинительная словеса, и нанесет на ню имя злое, и воззлаголет: жену сия поях, и пришед к ней, не обретох ю девицею: **15** и взем отец девицы и матерь, да изнесут девическая отроковицы пред старейшины ко вратом, **16** и речет отец отроковицы ко старейшинам: дщерь мою сию дах мужу сему в жену, и ныне возненавидев ю сей, **17** возлагает ей обвинительная словеса, глаголя: не обретох дщере твоя девою: и се, девическая дщере моя: и да разгнут ризы пред старейшины града онаго, **18** и да возмут старейшины града онаго мужа того и накажут его, **19** и да обвинят его стом сиклею, и дадут отцу отроковицы, яко изнесе имя зло на девицу Израилеску, и

(паки) да будет ему жена: не возможет отпустить ю во вся лета. **20** Аще же будет воистинну слово сие, и не обрящутся девическая отроковице, **21** и да изведут девицу пред врата дому отца ея, и побьют ю камением мужие градстии, и да умрет, яко сотвори безумие в сынех Израилевых, оскверни дом отца своего: и измите злое от себе самих. **22** Аще же обратится человек лежай с женою мужатою, убийте обоих, человека лежащего с женою и жену: и измите злое от Израиля. **23** Аще же будет дева обрученная мужу, и обрет ю человек (другий) во граде, будет с нею, **24** изведите обоих пред врата града их, и побийте (обоих) камением, и да умрут: отроковицу, понеже не вопила во граде, и мужа, понеже обиде жену ближняго своего: и измите злое от себе самих. **25** Аще же на поли обрящет человек деву обрученную, и насilовав будет с нею, убийте человека единого бывшего с нею: **26** а отроковице ничтоже сотворите: несть бо дева греха смертнаго: якоже аще кто бы встал на ближняго своего, и убил бы душу его, тако сие дело: **27** понеже на селе обрете ю, возопи отроковица обрученная, и не бе помогай ей. **28** Аще же кто обрящет отроковицу деву, яже несть обручена, и насilовав будет с нею, и облечися: **29** да даст человек бывый с нею отцу отроковицы пятьдесят дидрахм сребра, и тому да будет жена, понеже обиде ю: не возможет отпустить ю во все время. **30** Да не поймет человек жены отца своего, и да не открыет покровения отца своего.

23 Да не входит каженик и скопец в сонм Господень. **2** Ниже да внидет блудородный во храм Господень до десятаго рода. **3** Да не внидет Амманитин и Моавитин в храм Господень: и даже до десятаго рода да не входит в храм Господень, и даже до века, **4** понеже не сретоша они вас с хлебы и водою на пути, исходящим вам из земли Египетския, и яко наяша на тя Валаама сына Веорова от Месопотамии, да тя прокленет: **5** и не восхоте Господь Бог твой послушати Валаама, и обрати Господь Бог твой клятвы в благословение, зане возлюбил тя Господь Бог твой: **6** да не совещаеши мирная им и полезная им во вся дни твоя во веки. **7** Да не возгнушаешия Идумеанином, яко брат твой есть: да не возгнушаешия Египтянином, яко пришлец был еси в земли его: **8** сынове аще родятся им, в роде третьем да внидут в храм Господень. **9** Аще же изыдеши ополчитися на враги твоя, и да сохранишися от всякаго слова зла. **10** Аще будет у тебе человек, иже не будет чист от излишняго его ношью, и да изыдет вне полка, и да не внидет в полк: **11** и егда будет к вечеру, да омыет тело свое водою, и зашедшу солнцу да внидет в полк. **12** И место тебе да будет вне полка, и изыдеши тамо вон: **13** и рылец да будет тебе за поясом твоим, и будет егда сядеши вне, и да ископаеши им (яму), и навратив покрыеши стыдение твое в ней: **14** яко Господь Бог твой ходит в полце твоем избавляти тя и предати враги твоя в руке твои пред лицом твоим: и да будет полк твой свят, и да не явится у тебе стыдение вещи, и отвратится от тебе. **15** Да не предаси раба господину его, иже прииде к тебе от господина своего: **16** с тобою да обитает, с вами да живет во всяком месте, ижеже угодно будет ему: да не оскорбиши его.

17 Да не будет блудница от дочерей Израилевых, и да не будет блудник от сынов Израилевым. 18 Да не принесеси мзды блудничи, ниже цене песни в дом Господа Бога твоего на всяк обет, яко мерзость суть Господеви Богу твоему и обоя. 19 Да не даси брату твоему в лихву сребра и в лихву пищей и в лихву всякия вещи, емуже еще взаим даси: 20 чуждему да даси в лихву, брату же твоему да не даси в лихву, да благословит тя Господь Бог твой во всех делех твоих на земли, в нуже входиши тамо наследити ю. 21 Аще же обещаеши обет Господеви Богу твоему, да не умедлиши воздати его, яко взыская взыщет Господь Бог твой от тебе, и будет на тебе грех: 22 аще же не восхоцши обещаши, несть ти греха. 23 Исходящая на уст твоих сохрани и сотвори, имже образом обещал еси Господеви Богу твоему дар, егоже глаголал еси устами твоими. 24 Аще же внидеши на ниву ближняго своего, и собереши в руце свои класы, а серпа да не возложиши на ниву ближняго. 25 Аще же внидеши в виноград ближняго своего, да яси гроздие, елико души твоей насытитися, в сосуд же да не вложиши.

24 Аще же кто поймет жену и поживет с нею, и будет аще не обрящет благодати пред ним, яко обрете в ней срамное дело, да напишет ей книгу отпущения и вдаст в руце ея, и да отпустит ю из дому своего, 2 и отшедши будет (жена) мужу иному: 3 и аще возненавидит ю муж второй, и напишет ей книгу отпущения и даст ей в руце ея, и отпустит ю из дому своего, или умрет муж ея второй, иже бе ю поял себе в жену: 4 не возможет муж первый, отпустивший ю, возвратив пояти ю себе в жену, по осквернении ея, яко гнусно есть пред Господем Богом твоим: и да не осквернавите земли, юже Господь Бог ваш дает вам в наследие. 5 Аще же кто поймет жену внове, да не идет на брань, и да не наложится ему ни какаже вещь: неповинен будет в дому своем лето едино, да веселит жену свою, юже поял есть. 6 Да не возмehи в залог жерновных каменей, яко душу сей дает в залог. 7 Аще же ят будет человек крадмый душу от братии своая сынов Израилевых, и насилием продау ю, да умрет тать той, и измисте злое от вас самих. 8 Внемли себе в язве проказы, и храни зело творити по всему закон, егоже возвестят вам жерцы левити: якоже заповедах вам, да храните творити: 9 помяни, елика сотвори Господь Бог твой Мариаме на пути, исходящым вам из Египта. 10 Аще же долг есть на ближнем твоем, долг каковый либо, да не внидеши в дом его взяти залог его: 11 вне станеши, и человек той, на немже есть долг твой, изнесет залог вон. 12 Аще же человек убог есть, да не преночествует залог его у тебе: 13 отдаaniem да отдаси ризу его до захождения солнца, и да почиет в ризе своей, и благословит тя, и будет тебе милость пред Господем Богом твоим. 14 Да не лишиши мзды убогаго и требующаго от братии твоея, или от пришлец иже во градах твоих: 15 в той же день да отдаси мзду ему, да не зайдет солнце ему, яко убог есть, и в том имать надежду, и да не возопиет на тя к Господеви, и будет тебе грех. 16 Да не умрут отцы за сыны, и сынове да не умрут за отцы: кийждо за свой грех да умрет. 17 Не уклониши суда пришлецу и

сиру и вдове, и да не вземлеш в залог ризы вдовичи, 18 и помянеши, яко раб (и ты) был еси в земли Египетстей, и свободы тя Господь Бог твой оттуду: сего ради аз тебе заповедаю творити сие слово. 19 Аще же пожнеши ниву твою на селе твоем, и забудеши сноп на ниве твоей, да не возвратишися взяти его: пришлецу и убогу, и сиру и вдове да будет, да благословит тя Господь Бог твой во всех делех руку твоею. 20 Аще же масличие собираеши, да не возвратишися останков собрати яже за тобою: пришлецу и сиру и вдове да будут: и воспомянеши, яко раб был еси в земли Египетстей: сего ради аз тебе заповедаю творити слово сие. 21 Аще же обираеши виноград твой, да не собираеши останков яже за тобою: пришлецу и сиру и вдове да будут: 22 и помянеши, яко раб был еси в земли Египетстей: сего ради аз тебе заповедаю творити сие слово.

25 Аще же будет прях между человеки, и приидут на суд, и да судят, и оправдят праваго, и осудят нечестиваго: 2 и будет, аще достоин есть ран нечестивый, да поставиши его пред судиями, и да бьют его пред ними по нечестию его: 3 и числом четыредесять ран да наложат ему, и да не приложат к сему: аще же приложат паче ран сих бити его множае, срам будет брату твоему пред тобою. 4 Да не обратиши вола молотяща. 5 Аще же живут братия вкупе, и умрет один от них, семене же не будет ему, да не будет жена умершаго иному мужу несродну: брат мужа ея да внидет к ней и поймет ю себе в жену, и да поживет с нею: 6 и будет очроча, еже аще родится, да поставится во имя умершаго, и не погибнет имя его от Израиля. 7 Аще же не восхоцет человек пояти жены брата своего, да приидет жена ко вратом пред старейшины и речет: не хоцет брат мужа моего возставити имя брата своего во Израили, не восхоте брат мужа моего: 8 и да призовут его старейшины града того и рекут ему, и став речет: не хощу пояти ю: 9 и приступивши жена брата его к нему пред старейшины, и изует сапог его один от ноги его, и да плюнет на лице его, и отвещавши речет: сице да сотворят человеку, иже не соизждет дому брата своего во Израили: 10 и прозовется имя его во Израили дом изутаго из сапога. 11 Аще же бьются человека два вкупе, человек с братом своим, и приступит жена единаго от них отяти мужа своего от руки бьющаго и, и простерши руку свою, имет за ятра его, 12 да отсечеши руку ея: да не пощадит око твое ея. 13 Да не будет во валагищи твоем мерило и мерило, великое и малое, 14 да не будет в дому твоем мера и мера, велика и мала: 15 мерило истинно и праведно да будет тебе, и мера истинна и праведна да будет тебе, да многи дни будеши на земли, юже Господь Бог твой дает тебе в жребий, 16 яко мерзость Господеви Богу твоему всяк творяй сия, всяк творяй неправду. 17 Помяни, елика тебе сотвори Амалик на пути, исходящу тебе из Египта: 18 како сопротивоста тебе на пути и посече задний полк твой утружден за тобою: ты же алчен был еси и утружден: и не убояся Бога: 19 и будет егда упокоит тя Господь Бог твой от всех враг твоих, иже окрест тебе на земли, юже Господь Бог твой дает тебе в жребий,

еже наследити ю, да погубиши имя Амаликово от земли, яже под небесем, и да не забудеши.

26 И будет аще внидеши в землю, юже Господь Бог твой дает тебе в жребий еже наследити ю, и вселиши на ней, **2** и да возмешь от начатка плодов земли твоея, юже Господь Бог твой дает тебе в жребий, и вложиши в кошницу, и пойдеши на место, еже избрет Господь Бог твой призывать имя Его тамо: **3** и приидеши к жерцу, иже будет в тыя дни, и речеши к нему: возвещаю днесь Господеву Богу твоему, яко внидох в землю, еюже клятса Господь отцем нашим дати нам: **4** и да возмет жрец от руку твою кошницу и да положит ю пред олтарем Господа Бога твоего: **5** и отвещав речеши пред Господем Богом твоим: Сирию остави отец мой и сниде во Египте и обита тамо в числе малем, и бысть тамо в язык велик и во множество много и велико: **6** и озлобиша нас Египтяне, и смириша ны, и возложиша на ны дела жестокая: **7** и возопихом ко Господу Богу отец наших, и услыша Господь вопль наш и виде смирение наше и труд наш и скорбь нашу, **8** и изведе ны Господь из Египта Сам крепостию Своею великою и рукою сильною и мышцею высокою, и в видениях великих и в знамениях и в чудесех, **9** и введе ны в место сие, и даде нам землю сию, землю кипящую медом и млеко: **10** и ныне се, принесох начатки от плодов земли, юже дал ми еси, Господи, землю кипящую медом и млеко. И оставиши е пред Господем Богом твоим, и поклонишися тамо пред Господем Богом твоим, **11** и возвеселишися о всех благих, яже даде тебе Господь Бог твой, и дом твой, и левит, и пришлец иже у тебе. **12** Егда же совершиши одесятити всю десятину плодов земли твоея в лето третье, вторую десятину да даси левиту и пришелцу и сироте и вдове, и ядят во градах твоих и насытятся: **13** и речеши пред Господем Богом твоим: очистих святая из дому моего, и дах я левиту и пришелцу и сироте и вдове, по всем заповедем Твоим, яже заповедал еси мне: не преступих заповеди Твоя и не забуду, **14** и не ядох в болезни моей от них, не принесох от них в нечистое, ниже дах от них умершему: послушах гласа Господа Бога моего, сотворих, якоже заповедал еси мне: **15** призри с небесе от храма святого Твоего, и благослови люди Твоя Израиля и землю, юже дал еси им якоже клялся еси отцем нашим, дати нам землю кипящую медом и млеко. **16** В сей день заповеда тебе Господь Бог твой сотворити вся оправдания сия и судьбы: и сохраните и сотворите я от всего сердца вашего и от вся души вашей. **17** Господа избрал еси днесь быти тебе в Бога, и ходити во всех путех Его и хранити оправдания и заповеди и судьбы Его, и послушати гласа Его. **18** И Господь избра вас днесь, да будете Ему люди избранныи, якоже рече тебе, хранити вся заповеди Его, **19** и быти тебе вышше всех язык, иже сотвори тя именита и хвальна и славна, быти вам людем святым Господу Богу вашему, якоже глагола.

27 И заповеда Моисей и старейшины сынов Израилевых, глаголя: сохраните вся заповеди сия, елики аз заповедаю вам днесь. **2** И будет в онъже день преидете Иордан на землю, юже Господь Бог твой дает тебе во

жребий, и поставиши себе камень велико и обелиши я мелом, **3** и напишеша на камнях тех вся словеса закона сего, егда преидете Иордан, егда внидете в землю, юже Господь Бог твой дает тебе, землю кипящую медом и млеко, якоже рече Господь Бог отец твоих тебе. **4** И будет егда преидете Иордан, да поставите камень сие, яже аз повелеваю вам днесь, в горе Гевал, и обелиши их мелом: **5** и да созиждеша тамо олтарь Господеву Богу твоему, олтарь от камня: да не возложиши на них железа: **6** камением всецелым да созиждеша олтарь Господеву Богу твоему, и вознесеша на нем всесожжения Господеву Богу твоему, **7** и пожреша жертву спасения: и яси, и насытшиися тамо, и возвеселишися пред Господем Богом твоим, **8** и напишеша на камених сих весь закон сей яве зело. **9** И глагола Моисей и жерцы левити всему Израилю, глаголюще: молчи и слыши, Израилю, в день сей стался еси в люди Господеву Богу твоему: **10** и да послушаеши гласа Господа Бога твоего, и да сотвориши вся заповеди Его и оправдания Его, яже аз заповедаю тебе днесь. **11** И заповеда Моисей людем в той день, глаголя: **12** сии да станут благословляти люди на горе Гаризин, прешедше Иордан: Симеон, Левий, Иуда, Иссахар, Иосиф и Вениамин: **13** и сии да станут на клятву на горе Гевал: Рувим, Гад и Асир, Завулон, Дан и Неффалим. **14** И отвещавше рекут левити всему Израилю гласом великим: **15** проклят человек, иже сотворит изваяние и слияние, мерзость Господеву, дело рук художника, и положит е в сокровении. И отвещавше вси людие рекут: буди. **16** Проклят безчестяй отца своего или мать свою. И рекут вси людие: буди. **17** Проклят прелагаый пределы ближняго своего. И рекут вси людие буди. **18** Проклят прельщай слепаго в пути. И рекут вси людие: буди. **19** Проклят, иже уклонит суд пришелцу и сироте и вдове. И рекут вси людие: буди. **20** Проклят лежай с женою отца своего, яко открыл есть покровение отца своего. И рекут вси людие: буди. **21** Проклят лежай со всяким скотом. И рекут вси людие: буди. **22** Проклят лежай с сестрою своею, дщерию отца своего или дщерию матере своя и рекут вси людие: буди. **23** Проклят лежай с тещею своею. И рекут вси людие: буди. Проклят лежай с сестрою жены своя. И рекут вси людие: буди. **24** Проклят бияй ближняго с лестию. И рекут вси людие: буди. **25** Проклят, иже возмет дары поразити душу крове неповинныя. И рекут вси людие: буди. **26** Проклят всяк человек, иже не пребудет во всех словесех закона сего, еже творити я. И рекут вси людие: буди.

28 И будет егда преидете Иордан в землю, юже Господь Бог ваш дает вам, аще слухом послушаете гласа Господа Бога вашего хранити и творити вся заповеди Его, яже аз заповедаю тебе днесь, и даст тя Господь Бог твой вышше всех язык земли: **2** и приидут на тя вся благословения сия и обрящете тя. Аще слухом послушаеши гласа Господа Бога твоего, **3** благословен ты во граде и благословен ты на селе, **4** благословена исчадия чрева твоего и плоды земли твоея, и стада волов твоих и паствы овец твоих, **5** благословены житницы твои и останцы твои, **6** благословен ты вегда

входити тебе и благословен ты вегда исходити тебе. 7 Да предаст тебе Господь Бог враги твоя, сопротивляющаяся тебе, сокрушены пред лицом твоим: путем единым изыдут на тя и седмию путями побегат от лица твоего. 8 Да послет Господь на тя благословение в хранилищах твоих и на вся, на няже возложиши руку твою на земли, юже Господь Бог твой дает тебе. 9 Да возставит тя Господь Бог твой Себе люд свят, якоже клятса отцем твоим. Аще послушаеши гласа Господа Бога твоего и ходити будеши в путех Его, 10 и узрят тя вси языцы земнии яко имя Господа (Бога твоего) призвася на тя, и убоятся тебе, 11 и умножит тя Господь Бог твой во благая во исчадиех утробы твоея и во исчадиех скотов твоих, и в плодах земли твоея, на земли твоей, юже клятса Господь отцем твоим дати тебе. 12 Да отверзет тебе Господь сокровище Свое благое, небо, иже дати дождь земли твоей во время свое, да благословит вся дела рук твоих: и даси взаим языком многим, ты же не одолжишися: и обладаеши ты многими языки, тобою же не возобладают. 13 Да поставит тя Господь Бог твой во главу, а не в хвост: и будеши тогда выше, и не будеши ниже, аще послушаеши заповедий Господа Бога твоего, елика аз заповедаю тебе днесь хранити и творити: 14 да не преступиши от всех словес, яже аз заповедаю тебе днесь, на десно ниже на лево, ходити вслед богов иных служити им. 15 И будет аще не послушаеши гласа Господа Бога твоего хранити и творити вся заповеди Его, елики аз заповедаю тебе днесь, и приидут на тя вся клятвы сия и постигнут тя: 16 прокляты ты во граде и прокляты ты на селе, 17 прокляты житницы твои и останки твои, 18 проклята исчадия утробы твоея и плоды земли твоея, стада волов твоих и паствы овец твоих, 19 прокляты ты вегда входити тебе и прокляты ты вегда исходити тебе. 20 Да послет тебе Господь скудость и глад и истребление на вся, на няже возложиши руку твою, елика аще сотвориши, дондеже потребит тя и дондеже погубит тя вскоре, злых ради начинаний твоих, зане оставил еси Мя. 21 Да прилепит Господь к тебе смерть, дондеже потребит тя от земли, в нуже ты входиши тамо наследити ю. 22 Да поразит тя Господь неимением и огневицею, и стужею и жжением, и убийством и ветром тлетворным и бледостию, и поженут тя, дондеже погубят тя. 23 И будет небо над главою твоею медяно и земля под тобою железна. 24 Да даст Господь дождь земли твоей прах, и персть с небесе снидет на тя, дондеже сокрушит тя и дондеже погубит тя. 25 Да даст тя Господь на исечение пред враги твоими: путем единым изыдеши к ним и седмию пути побежиши от лица их, и будеши в разсеяние во всех царствах земных, 26 и будут мертвецы ваши снедь птицам небесным и зверем земным, и не будет отгоняй. 27 Да поразит тя Господь вредом Египетским в седалищах и красною дивиею и свербом, яко не мощи тебе исцелитися. 28 Поразит тя Господь неистовством и слепотою и изступлением ума, 29 и будеши осызаяя в полудни, якоже осызает слепый во тме, и не исправит путей твоих: и будеши тогда обидим и расхищаемь во вся дни, и не будет помогай тебе. 30 Жену поймеши, и ин муж возимеет ю: дом созиждеши, и не поживеши в нем: виноград

насадиши, и не обереши его: 31 телец твой заклан пред тобою, и не снеси от него: осля твою отято от тебе, и не отдастся тебе: овцы твоя отданы (будут) врагом твоим, и не будет тебе помогай: 32 сынове твои и дщери твоя отданы (будут) языку иному, и очи твои узрят истаевающе на сия, и не возможет рука твоя: 33 плоды земли твоея и вся труды твоя пояст язык, егоже не веси, и будеши обидимь и сокрушаем во вся дни, 34 и будеши изумлен, видений ради очес твоих, яже узриши. 35 Да поразит тя Господь вредом злым на коленах и на голенех, яко не мощи исцелитися тебе от стоп ног твоих даже до верха (главы) твоея. 36 Да ответдет тя Господь и князи твоя, яже поставиши себе, в язык, егоже не веси ты и отцы твои, и послужиши тамо богом иным, древу и камению, 37 и будеши тамо в гадание и в притчу и повесть во всех языцех, в няже введет тя Господь (Бог) тамо. 38 Семя много изнесеши на поле, и мало внесеши, яко поядят я пружи: 39 виноград насадиши и возделаеши, и вина не испиеши, ниже возвеселишися от него, яко пояст я червь: 40 маслины будут тебе во всех пределех твоих, и елеем не помажешися, яко истечет маслина твоя: 41 сыны и дщери родиши, и не будут тебе, отидут бо в плен: 42 вся древесная твоя и вся жита земли твоея потребит ржа: 43 пришлец, иже есть у тебе, взыдет над тя выше выше, ты же низидеши низу низу: 44 сей взаим даст тебе, ты же ему взаим не даси: сей будет глава, ты же будеши хвост. 45 И приидут на тя вся клятвы сия, и поженут тя и постигнут тя, дондеже потребят тя и дондеже погубят тя: яко не послушал еси гласа Господа Бога твоего, еже хранити заповеди Его и оправдания Его, елика заповеда тебе. 46 И будут на тебе знамения и чудеса, и в семени твоём до века, 47 понеже не послужил еси Господеву Богу твоему с веселием и благим сердцем, множества ради всех (благих), 48 и послужиши врагом твоим, яже послет Господь Бог твой на тя с голодом и жаждою, и наготою и оскудением всех: и возложит ярем железен на вью твою, дондеже сокрушит тя. 49 И наведет Господь на тя язык издалеча от края земли аки устремление орле, язык, егоже не уразумеши глагола, 50 язык беззуден лицом, иже не удивится лицу старчу и юна не помилует: 51 и пояст плоды скотов твоих и плоды земли твоея, яко не оставит тебе пшеницы, ни вина, ни елеа, стад волов твоих и паств овец твоих, дондеже погубит тя: 52 и сокрушит тя во всех градах твоих, дондеже разорятся стены твоя высокия и крепкия, на нихже ты уповаеши, во всей земли твоей: и озлобит тя во всех градах твоих, яже даде тебе Господь Бог твой. 53 И снеси чада утробы твоея, плоть сынов и дщерей твоих, иже даде тебе Господь Бог твой, в тесноте твоей и в скорби твоей, еюже оскорбит тя враг твой. 54 Юный в вас и младый зело позавидит оком своим брату своему и жене яже на лоне его, и оставшымся чадом, яже аще останутся ему: 55 яко дати единому их от плотей чад своих, ихже ял еси, понеже ничто остася ему в тесноте и скорби твоей, еюже оскорбят тя врази твои во всех градах твоих. 56 И юная в вас (жена) и млада зело, еяже не обыче нога ея ходити по земли юности ради и младости, позавидит оком своим мужу своему иже на лоне ея, и сыну и дщери своей,

57 и блоне своей изшедшей из чресл ея, и чаду своему еже аще родит: снесет бо я тайно, скюдости ради всех в тешноте и скорби своей, еже оскорбит тя враг твой во всех градах твоих. 58 Аще не послушаете творити вся словеса закона сего, написанная в книзе сей, еже бояться имене чуднаго и чуднаго сего, Господа Бога твоего, 59 и удивит Господь язвы твоя и язвы семени твоего, язвы великия и дивныя, и болезни злыя и известныя, 60 и обратит на тя всю болезнь Египетскую злую, еже ты боялся еси от лица их, и прилепятя к тебе: 61 и все расслабление, и всю язву ненаписанную и всю писаную в книзе закона сего наведет Господь на тя, дондеже потребит тя: 62 и останетеся в числе малем, вместо того егда бысте яко звезды небесныя множеством, яко не послушасте гласа Господа Бога вашего. 63 И будет, якоже возвеселися Господь о вас благотворити вам и умножити вас, тако возвеселится Господь о вас потребити вас: и возмется от земли, в нуже вы входите тамо наследити ю, 64 и разсеет тя Господь Бог твой во вся языки, от края земли даже до края ея, и послужиши тамо богом иным, древу и камению, иже не знал еси ты и отцы твои: 65 но и во языцех оных не упокоиш ты, ниже будет стояния стопе ноги твоея: и даст тебе Господь тамо сердце печальное и оскудевающая очеса и истаяющую душу: 66 и будет живот твой висящ пред очима твоима, и убоишися во дни и в нощи, и не будещи веры яти житию твоему: 67 заутра речеши: како будет вечер? И в вечер речеши: како будет утро? От страха сердца твоего, имже убоишися, и от видении очес твоих, имже узриши: 68 и возвратит тя Господь Бог во Египет в кораблех, и на пути егоже рекох, не приложит ксему видети его: и продани будете тамо врагом вашим в рабы и в рабыни, и не будет купующаго.

29 Сия словеса завета, яке завеща Господь Моисею уставити сыном Израилевым в земли Моавли, кроме завета, егоже завеща им в Хориве. 2 И призва Моисей вся сыны Израилевы и рече к ним: вы видесте вся, елика сотвори Господь в земли Египетстей пред вами фараону и всем слугам его и всей земли его, 3 искушения великая, яке видеста очи твои, знамения и чудеса великая оная, руку крепкую и мышцу высокую: 4 и не даде Господь Бог вам сердца разумети и очес видети и ушес слышати, даже до дне сего: 5 и водил вас четьредесять лет по пустыни: не обетшаша ризы ваша, и сапозы ваши не сотрошася на ногах ваших: 6 хлеба не ядоете, вина и сикера не писте, да познаете, яко Сей Господь Бог ваш: 7 и приидосте до сего места: и изыде Сион царь Есевонский и Ог царь Васанский во сретение нам на брань, 8 и поразихом их на брани, и прияхом землю их: и дах ю во жребий Рувиму и Гаду и полуплемени Манассиину. 9 И сохраните творити вся словеса завета сего творити я, да разумеете вся, елика сотворите. 10 Вы стасте вси днесь пред Господем Богом вашим, племеноначалницы ваши и старейшины ваши, и судии ваши и писмовводители ваши, всяк муж Израилтеск, 11 и жены ваша и чада ваша, пришлец иже посреде полка вашего, от древосечца вашего даже до водоносца вашего,

12 еже прейти в завет Господа Бога вашего и в клятвы Его, елика завещает Господь Бог твой к тебе днесь: 13 да поставит тя Себе в люди, и Той будет тебе Бог, якоже тебе рече и якоже клятвася отцем твоим, Аврааму и Исааку и Иакову. 14 И не вам едином аз завет сей и клятву сию завещаваю, 15 но и zde сущым с вами днесь, пред Господем Богом вашим, и не сущым с вами zde днесь. 16 Яко вы весте, како жихом в земли Египетстей и како приидом посреде языков, иже преидосте, 17 и видесте мерзости их и кумиры их, древо и камень, серебро и злато, яке суть у них. 18 Еда кто есть в вас муж или жена, или отчество или племя, егоже сердце уклонися от Господа Бога вашего, ити еже служити богом языков оных? Еда кий есть в вас корень горе прорастающ в желчи и горести? 19 И будет аще услышит словеса клятвы сея и похвалится в сердцы своем, глаголя: преподобно мне да будет, яко в прельщени сердца моего пойду, да не погубит грешник безгрешнаго (с собою): 20 не восхощет Бог милостив быти ему, но тогда разгорится гнев Господень и ревность Его на человека того: и прилепятся ему вся клятвы завета сего, писанныя в книзе закона сего: и потребит Господь имя его от поднебесныя, 21 и отлучит его Господь на злая от всех сынов Израилевых, по всем клятвам завета написаннаго в книзе закона сего. 22 И речет род ин, сынове ваши, иже востанут по вас, и чуждый иже приидет от земли далекия, и узрят язвы земли оныя и недуги ея, яке посла Господь на ню, 23 жупел и соль сожженную: вся земля ея не насеется, ни прозябнет, ниже возникнет на ней всяк злак: якоже опровержеся Содом и Гоморр, Адама и Севеим, яке опроверже Господь в ярости и гневe Своем. 24 И рекут вси языцы: почто сотвори Господь сице земли сей? Кая ярость гнева великая сия? 25 И рекут: яко оставиша завет Господа Бога отец своих, егоже завеща отцем их, егда изведе их от земли Египетския, 26 и шедше послужиша богом иным, и поклонишася им, иже не ведяху, и не даде им ничтоже ни един: 27 и разгневался яростию Господь на землю ту, еже навести на ню по всем клятвам завета, писанным в книгах закона сего: 28 и изят их Господь от земли их яростию и гневом, и прогневанием великим зело, и изверже их в землю ину якоже ныне. 29 Тайная Господеву Богу нашему, нам же явленная и чадом нашим во веки, творити вся словеса закона сего.

30 И будет егда приидут на тя вся словеса сия, благословение и клятвa, юже дах пред лицем твоим, и примисши в сердце твое во всех языцех, в няже расточит тя Господь Бог твой тамо, 2 и обратишися ко Господу Богу твоему, и послушаеши гласа Его по всем, елика аз заповедаю тебе днесь, ты и сын твой, от всего сердца твоего и от всея души твоея, 3 и исцелит Господь грехи твоя и помилует тя, и паки соберет тя от всех языков, в няже разсыпа тя Господь Бог тамо. 4 Аще будет разсеяние твое от края небесе даже до края небесе, оттуду соберет тя Господь Бог твой и оттуду возмет тя, 5 и введет тя Господь Бог твой оттуду в землю, юже наследиша отцы твои, и наследиши ю: и благо тебе сотворит, и умножит тя паче отец

твоих 6 и очистит Господь сердце твое и сердце семени твоего, любити Господа Бога твоего от всего сердца твоего и от вся души твоея, да живеш ты: 7 и даст Господь Бог твой клятвы сия на враги твоя и на ненавидящия тя, иже изгнаша тя: 8 и ты обратишия и послушаеши гласа Господа Бога твоего и сотвориши заповеди Его, елики аз заповедаю тебе днесь. 9 И благословит тя Господь Бог твой во всяком деле руку твою, в плодах утробы твоея и в плодах скотов твоих и в житех земли твоея, яко обратится Господь Бог твой возвеселится о тебе во благих, якоже возвеселися от отцев твоих: 10 аще послушаеши гласа Господа Бога твоего хранити и творити вся заповеди Его и оправдания Его и суды Его, написанныя в книзе закона сего: аще обратишия ко Господу Богу твоему от всего сердца твоего и от вся души твоея. 11 Яко заповедь сия, юже аз заповедаю тебе днесь, не тяжка есть, ниже далече есть от тебе: 12 не на небеси есть, глаголя: кто въздыт от нас на небо и возмет ю нам, и услышавше ю сотворим? 13 Ниже об ону страну моря есть, глаголя: кто прейдет нам на юну страну моря и возмет ю нам, и услышавше ю сотворим? 14 Близ тебе есть глагол зело, во устех твоих и в сердцах твоих и в руку твою, творити его. 15 Се, дах пред лицом твоим днесь жизнь и смерть, благо и зло. 16 Аще послушаеши заповедий Господа Бога твоего, яже аз заповедаю тебе днесь, любити Господа Бога твоего, ходити во всех путех Его и хранити оправдания Его и заповеди Его и суды Его, и поживеши, и умножишия, и благословит тя Господь Бог твой на всей земли, в нуже входиши наследити ю тамо. 17 И аще превратится сердце твое, и не послушаеши, и заблудив поклонишия богом иным и послужиши им, 18 возвещаю вам днесь, яко погибелю погибнете, и не многодневни будете на земли, юже Господь Бог дает тебе, в нуже вы переходите Иордан тамо наследити ю. 19 Засвидетелствую вам днесь небом и землею: живот и смерть дах пред лицом вашим, благословение и клятву: и избери живот, да живеш ты и семья твое, 20 любити Господа Бога твоего, послушати гласа Его и прилепитися к Нему: яко сие живот твой, и долгота дний твоих, жити на земли, юже клятса Господь Бог отцем твоим, Аврааму и Исааку и Иакову, дати им.

31 И сконча Моисей глаголя вся словеса сия ко всем сыном Израилевым 2 и рече к ним: ста и двадцати лет аз есмь днесь: не возмогу ксему входитьи и исходитьи: Господь же рече ко мне: не преидеши Иордана сего: 3 Господь Бог твой предидый пред лицом твоим, Той потребит языки сия от лица твоего, и наследити их: и Иисус предидый пред лицом твоим, якоже глагола Господь: 4 и сотворит им Господь, якоже сотвори Сиону и Огу, двум царем Аморрейским, иже быша об он пол Иордана, и земли их, якоже потреби их 5 и предаде их Господь в руке ваши: и сотворите им, якоже заповедах вам: 6 мужайся и крепися, не бойся, ни ужасайся, ни устрашайся от лица их: яко Господь Бог твой, Сей предидый с вами, и не отступит от тебе, ниже оставит тя. 7 И призва Моисей Иисуса и рече ему пред всем Израилем: мужайся и крепися: ты бо внидеши пред лицом

людей сих в землю, юже клятса Господь отцем вашим дати им, и ты в наследие разделиши ю им: 8 и Господь, идый с тобою, не отступит от тебе, ниже оставит тя: не бойся, ни ужасайся. 9 И вписа Моисей вся словеса закона сего в книгу и даде жрецем сыном Левиным, воздвижущим ковчег завета Господня, и старцем сынов Израилевых. 10 И заповеда им Моисей в той день, глаголя: по седми летех во время лета оставления, в праздник кущей? 11 Егда сходитса весь Израиль явится пред Господом Богом твоим на месте, еже изберет Господь, читайте закон сей пред всем Израилем во ушы их: 12 соберите люди, мужы и жены и дети, и пришелца, иже во градах ваших, да услышат и научатса боятися Господа Бога вашего, и послушают творити вся словеса закона сего: 13 и сынове их, иже не ведят, услышат и научатса боятися Господа Бога вашего во вся дни, елики поживут на земли, на нуже вы переходите Иордан тамо наследити ю. 14 И рече Господь к Моисею: се, приближишася дние смерти твоея: призови Иисуса, и станите пред дверми скинии свидения, и заповем ему и иде Моисей и Иисус ко скинии свидения, и счастья пред дверми скинии свидения. 15 И сниде Господь в столпе облачне, и ста у дверий скинии свидения: и ста столп облачный у дверий скинии свидения. 16 И рече Господь к Моисею: се, ты почиши со отцы твоими, и вставше людие сии соблюдают вслед богов чуждих земли, в нуже входят сии тамо, и оставят Мя, и разорят завет Мой, егоже завещах им: 17 и разгневаюся яростию на ня в той день, и оставлю я, и отвращу лице Мое от них, и будут в снесь: и обрящут я зла многа и скорби, и рекут в день той: понеже несть Господа Бога в нас, постигнуша ны злая сия: 18 Аз же отвращением отвращу лице Мое от них в той день, злоб ради всех яже сотвориша, яко обратишася к богом чуждим: 19 и ныне напишите словеса песни сея, и научите ей сыны Израилевы, и вложите ю во уста их, да будет Мне песнь сия во свидетелство в сынех Израилевых: 20 введу бо их в землю благу, еюже кляхся отцем их, дати им землю кипящую медом и млеком, и ядят, и насытившеся утолстеют, и обратятся к богом чуждим, и послужат им, и разгневают Мя, и разорят завет Мой, егоже завещах им: 21 и будет егда постигнут их многа зла и скорби, и противостанет песнь сия пред лице их свидетелствующи, яко не забвена будет от яст их и от уст семени их: Аз бо вем злобу их, елика творят днесь zde, прежде введения их в землю благу, еюже кляхся отцем их. 22 И написа Моисей песнь сию в той день и научи ей сыны Израилевы и заповеда Моисей Иисусу сыну Навину и рече ему: 23 мужайся и крепися: ты бо введеш сыны Израилевы в землю, еюже клятса им Господь, и Той будет с тобою. 24 Егда же сконча Моисей пиша вся словеса закона сего в книгу даже до конца, 25 и заповеда левитом воздвижущим ковчег завета Господня, глаголя: 26 возьмше книгу закона сего, положите ю от страны ковчега завета Господа Бога вашего, и будет тамо вам во свидетелство: 27 яко аз вем рвание твое и выю твою жестокою: еще бо мне живу сущу с вами днесь, преогорчающе бысте Господа, кольми паче по смерти моей? 28 Соберите ко мне племеноначальники ваша

и старцы ваша, и судии ваша и книговводители ваша, да возглаголю во уши их вся словеса сия и засвидетелствую им небом и землею: **29** вем бо, яко по скончании моем беззаконием собеззаконуете и уклонитесь от пути, егоже (аз) заповедах вам, и срящут вас злая в последния дни, яко сотворите злое пред Господем Богом, прогневати Его в делех рук ваших. **30** И глагола Моисей во ушеса всего сонма Израилева словеса песни сея даже до конца:

32 Вонми, небо, и возглаголю, и да слышит земля глаголы уст моих, **2** да чается яко дождь вещание мое, и да снидут яко роса глаголи мои, яко туча на трясот и яко иней на сено: **3** яко имя Господне призвах, дадите величие Богу нашему. **4** Бог, истинна дела Его, и вси пути Его суд: Бог верен, и несть неправды в Нем: праведен и преподобен Господь. **5** Согрешивша, не Того чада порочная: роде строптивый и развращенный, **6** сия ли Господеви воздаете, сии людие буии и не мудри? Не Сам ли сей Отец твой стяжа тя, и сотвори тя, и созда тя? **7** Помяните дни вечныя, разумеите лета рода родов: вопроси отца твоего, и возвестит тебе, старцы твоя, и рекут тебе. **8** Егда разделяюще Вышний языки, яко разсея сыны Адамовы, постави пределы языков по числу ангел Божиих, **9** и бысть часть Господня, людие Его Иаков, уже наследия Его Израиль: **10** удовли его в пустыни, в жажди зноя в безводие: обыде его и наказа его, и сохрани его яко зеницу ока: **11** яко орел покры гнездо свое, и на птенцы своя возже: простер криле свои и прият их, и подят их на раму своюю. **12** Господь един вождаше их, и не бе с ними бог чуждь: **13** возведе я на силу земли, насыти их жит селных: ссаша мед из камене и елей от тверда камене, **14** масло кравие и млеко овчее с туком агнчим и овним сынов юнчих и козлий, с туком пшеничным, и кровь гроздову пяху вино. **15** И яде Иаков и насытится, и отвержеса возлюбленный: уты, утолсте, разшире: и остави Бога сотворшаго его, и отступи от Бога спаса своего. **16** Прогневаша Мя о чуждих, и в мерзостех своих преогорчиша Мя. **17** Пожроша бесовом, а не Богу, богом, иже не ведеша: нови и секрати приидоша, иже не ведеша отцы их. **18** Бога рождшаго тя оставил еси и забыл еси Бога питающаго тя. **19** И виде Господь, и возревнова, и раздражися за гнев сынов их и дщерей, **20** и рече: отвращу лице Мое от них и покажу, что будет им напоследок, яко род развращен есть, сынове, имже несть веры в них: **21** тии раздражися Мя не от бозе, прогневаша Мя во идолех своих: и Аз раздражу их не о языке, от языке же неразумливе прогноваю их: **22** яко огонь возгорится от ярости Моея, разжжется до ада преисподняго, снесет землю и жита ея, попалит основания гор: **(Sheol h7585)** **23** соберу на них злая, и стрелы Моя скончаю в них: **24** тающе голодом и снесию птиц, и горб неисцелен: зубы зверий послю в на, с яростию пресмыкающихся по земли: **25** отвне обезчадит их мечь, и от храмов их страх: юноша с девою, ссущее с совершенным старцем. **26** Рех: разсею их, уставлю же от человек память их: **27** токмо за гнев врагов, да не долготествуют, и да не налягут супостати, да не рекут: рука наша высока, и не Господь сотвори сия вся: **28** яко язык погубивый совет есть, и несть в них художества, не

смыслиша разумети: **29** сия вся да примут во грядущее лето. **30** Как поженет один тысящи, и два двигнета тмы, аще не Бог отдаде их, и Господь предаде их? **31** Не суть бо бози их, яко Бог наш: врази же наши неразумливи. **32** От виноградов бо Содомских виноград их, и розга их от Гоморры: грозд их грозд желчи, грозд горести их: **33** ярость змиев вино их, и ярость аспидов неисцельна. **34** Не сия ли вся собрашася у Мене и запечатлешася в сокровищах Моих? **35** В день отмщения воздам, во время егда соблазнится нога их: яко близ день погибели их, и предстоят готовая вам: **36** яко судити имать Господь людем Своими, и о рабех Своих умолен будет: виде бо их разслабленны и истаявши во время и изнемогша. **37** И рече Господь: где суть бози их, на нижже уповаша, **38** иже тук жертв их ядысте, и пиясте вино треб их? Да воскреснут и помогут вам, и будут вам покровители. **39** Видите, видите, яко Аз есмь, и несть Бог разве Мене: Аз убию и жити сотворю: поражу и Аз исцелю, и несть иже измет от руку Моею: **40** яко воздвигну на небо руку Мою, и кленуся десницею Моею, и реку: живу Аз во веки: **41** яко поострую якоже молнию мечь Мой, и примет суд рука Моя, и воздам месть врагом и ненавидящим Мя воздам: **42** упою стрелы Моя от крове, и мечь Мой снесет мяса от крове язвеных и пленения, от глав князей языческих. **43** Возвеселитесь, небеса, купно с Ним, и да поклонятся Ему вси Ангели Божии: возвеселитесь, языцы, с людьми Его, и да укрепятся ему вси сынове Божии: яко кровь сынов Своих отмщает и отмстит, и воздаст месть врагом и ненавидящим Его воздаст: и очестит Господь землю людей Своих. **44** И написа Моисей песнь сию в той день, и научи ей сыны Израилевы: и вниде Моисей к людем и глагола вся словеса закона сего во уши людем, сам и Иисус Навин. **45** И сконча Моисей глаголя словеса сия вся всему Израилю, **46** и рече к ним: внемлите сердцем вашим вся словеса сия, яже аз засвидетелствую вам днесь, яже да заповесте сыном вашим, хранити и творити вся словеса закона сего, **47** яко не тщетно слово сие вам, зане сия жизнь ваша, и ради слова сего долги дни будете на земли, на нуже вы переходите Иордан тамо наследити ю. **48** И рече Господь к Моисею в день сей, глаголя: **49** възыди на гору Аварим, сия гора Навав, яже есть в земли Моавли прямо Иерихону, и видждь землю Ханаана, юже аз даю сыном Израилевым во обдержание: **50** и скончайся тамо на горе, на нуже восходиши, и приложися к людем твоим, якоже умре Аарон брат твой на горе Ор и приложися к людем своим: **51** понеже не покористеса словеси Моему в сынех Израилевых у воды Пререкания Кадис в пустыни Син, понеже не осыатисте Мене в сынех Израилевых: **52** яко прямо узриши землю, и тамо не увидеши, юже даю сыном Израилевым.

33 И сие благословение, имже благослови Моисей человек Божий сыны Израилевы прежде скончания своего, **2** и рече: Господь от Синаи прииде, и явися от Сиира нам, и приспе от горы Фарани, и прииде со тмами святых, одесную Его ангели с ним, **3** и пощаде люди Своя: и вси осыященнии под руками Твоими, и сии под Тобою суть. **4** И прия от словес Его закон, егоже заповеда нам Моисей, наследие сонму

Иаковлю: 5 и будет в Возлюбленном князь, собравшимся князем людским купно с племени Израилевыми. 6 Да живет Рувим, и да не умрет, и Симеон да будет мног числом. 7 И сие Иуде: услыши, Господи, глас Иудин и в люди его вниди: руже его поборют по нем, и помощник на враги его да будещи. 8 И Левию рече: дадите Левию явленная Его, и истину Его мужу преподобну, егоже искусиша Искушением, укориша его у воды Пререкания: 9 глаголяй отцу своему и матери своей: не видех тебе: и братии своея не позна, и сынов своих не уведо: сохрани словеса Твоя и завет Твой соблюде: 10 врят оправдания Твоя Иакову и закон Твой Израилю: возложат фимиам во гневе Твоем всегда на олтарь Твой: 11 благослови, Господи, крепость его и дела руку его приими: порази чресла воставших на него врагов его, и ненавидящих его да не востанут. 12 И Вениамину рече: возлюбленный Господем уповаяй вселится (в Нем), и Бог осеняет его во вся дни, и посреде рамен Его почи. 13 И Иосифови рече: от благословения Господня земля его, от красот небесных и росы, и от бездн источников низу, 14 и во время плодов солнечных обращений, и от схождения месячных, 15 и от верха гор начала, и от верха холмов вечных, 16 и по времени земли исполнения: и приятная Явившемуся в купине, да приидут на главу Иосифу, и на версе прославивыйся в братии. 17 Первородный юнца доброта его, рози единорога рози его: ими языки избодет вкупе даже до края земли: сия тмы Ефремовы, и сия тысящи Манассиины. 18 И Завулону рече: возвеселися, Завулоне, во исходе твоём, и Иссахаре в селениих твоих: 19 языки потребят: и призовете тамо, и пожрете тамо жертву правды: яко богатство морское воздоит тя, и купли от язык при мори живущих. 20 И Гаду рече: благословен разширяяй Гада: яко лев почи, сокрушивый мышцу и князя: 21 и виде начатки своя, яко тамо разделися земля, князей собранных вкупе с начальники людскими: правду Господь сотвори и суд Свой со Израилем. 22 И Дану рече: Дан, скимен львов, и изсочит от Васана. 23 И Неффалиму рече: Неффалиму насыщение приятных, и да насытится благословением от Господа: море и юг наследит. 24 И Асиру рече: благословен от чад Асир, и будет приятен братии своей: омочит в елей ногу свою: 25 железо и медь сапог его будет, и аки дни твоя крепость твоя. 26 Несть якоже Бог Возлюбленного: восходяй на небо помощник твой, и великолепый в тверди: 27 и покрывает Божие начало, и под крепостию мышцей вечных: и отженет от лица твоего врага, глаголя: да погибнеши: 28 и вселится Израиль уповая един на земли Иаковли в vine и пшенице: и небо ему облачно росую. 29 Блажен еси, Израилю: кто подобен тебе, людие спасаеми от Господа? Защитит помощник твой, и меч хвала твоя: и солжут тебе врази твои, и ты на выю их наступиши.

34 И възде Моисей от аравофа Моавля на гору Навав, на верх Фазга, яже есть прямо Иерихону: и показа ему Господь всю землю Галаадску даже до Дана, 2 и всю землю Неффалимлю, и всю землю Ефремову и Манассиину, и всю землю Иудину даже до моря последнего, 3 и пустыню и

окрестная (села) Иерихона, град Фиников даже до Сигора, 4 и рече Господь к Моисею: сия земля, еюже кляхся Аврааму и Исааку и Иакову, глаголя: семени вашему дам ю: и показажу очесем твоим, и тамо не внидещи. 5 И скончаша тамо Моисей раб Господень в земли Моавли словом Господним. 6 И погребоша его в земли Моавли близ дому Фогорова. И не уведа никтоже погребения его даже до дне сего. 7 Моисею же бе сто и двадцать лет, егда скончаша: не отемнесте очи его, ни истлеста устне его. 8 И плакашася сынове Израилевы Моисеа во Аравофе Моавли у Иордана близ Иерихона тридцать дней. И скончашася дние плача сетования о Моисей. 9 И Иисус сын Навин наполнися духа разума: возложи бо Моисей руже свои на него. И послушаша его сынове Израилевы, и сотвориша якоже заповеда Господь Моисею. 10 И не воста ктому пророк во Израили якоже Моисей, егоже позна Господь лицом к лицу, 11 во всех знамених и чудесех, егоже посла Господь сотворити я в земли Египетстей фараону и рабом его и всей земли его, 12 дивная великая, и руку крепкую (и мышцу высокую), яже сотвори Моисей пред всем Израилем.

Книга Иисуса Навина

1 И бысть по скончании Моисеа раба Господня, и рече Господь Иисусу сыну Навину, служителю Моисеову, глаголя: 2 Моисей раб Мой скончася: ныне убо востав прииди Иордан ты и вси людие сии в землю, юже Аз даю им: 3 всякое место, по немуже преидете столпоу ног ваших, вам дам е, якоже глаголах Моисею: 4 пустыню и Антиливан сей даже до реки великия реки Евфрата, всю землю Ефеоною, и даже до моря последняго: от запада солнца будут пределы ваши: 5 не супротивится человек пред вами во вся дни живота твоего, и якоже бех с Моисеем, тако буду и с тобою: и не оставлю тебе, ниже презрю тя: 6 крепися и мужайся: ты бо разделиши людем сим землю, еюже кляхся отцем вашим дати им: 7 крепися убо, и мужайся зело, хранити и творити, якоже тебе заповеда Моисей раб Мой, и не уклонися от них ни на десно, ни на лево, да слышалиши во всех, яже твориши: 8 и да не отступит книга закона сего от уст твоих, и да поучаешися в ней день и ночь, да уразумееш творити вся писанная: тогда благоуспеши и исправшии пути твоя, и тогда уразумеши: 9 се, заповедаю тебе: крепися и мужайся, ни ужасайся, ниже убойся: яко с тобою Господь Бог твой во всех, аможе аще пойдеш. 10 И заповеда Иисус книгочяим людским, глаголя: 11 внидите посреде полка людий и заповедайте людем, глаголюще: уготовайте брашно, яко еще три дни, и вы преидете Иордан сей, вшедше прияти землю, юже Господь Бог отец ваших дает вам в причастие. 12 И Рувиму и Гаду и полуплемени Манассину рече Иисус: 13 помяните слово, еже заповеда вам Моисей раб Господень, глаголя: Господь Бог ваш упокои вас и даде вам землю сию: 14 жены ваши и дети ваши и скоти ваши да живут на земли, юже даде вам Моисей у Иордана: вы же преидете вооружени пред братиею вашею, всяк крепок, и споборствуете им, 15 дондеже упокоит Господь Бог ваш братию вашу, якоже и вас, и наследят и сии землю, юже Господь Бог ваш дает им: и отидете кийждо в наследие свое, и наследите е, еже даде вам Моисей об Ону страну Иордана от востоков солнца. 16 И отвечахше Иисусу, реша: вся, елика заповеси нам, сотворим, и во всякое место, аможе послеши нас, пойдём: 17 по всем, елика слушахом Моисеа, тебе послушаем: токмо да будет Господь Бог наш с тобою, якоже бе с Моисеем: 18 человек же, иже аще не покорится тебе и иже не послушает словес твоих, якоже заповеси ему, да умрет: точно крепися и мужайся.

2 И посла Иисус сын Навин из Саттина два юношы соглядати втай, глаголя: възыдите и видите землю и Иерихон. И шедша два юношы внидоша во Иерихон и внидоша в дом жены блудницы, ейже имя Раав: и виста тамо. 2 И поведаша царю Иерихонскому, глаголюще: се, мужие внидоша семо (в сию ночь) от сынов Израилевых соглядати землю. 3 И посла царь Иерихонский и рече к Рааве, глаголя: изведи мужы вшедшыя в дом твой нощию: соглядати бо землю приидоша. 4 И поемши жена два мужа, сокры их: и рече им, глаголющи: приидоша ко мне мужие, но

не вем откуда быша: 5 егда же врата затворяху в сумраки, и мужие изыдоша: не вем камо поидоша: пожените скоро вслед их, аще постигнете их. 6 Она же возведе я на храмину и сокры я в паздере льняне собранем у нея на храмине. 7 И мужие гнаша вслед их путем ко Иордану к переходом, и врата затворены быша. 8 И бысть егда изыдоша женущи вслед их, и сии прежде неже уснути им, и она възиде к ним на храмину и рече к ним: 9 вем, яко предаде Господь землю (сию) вам: нападе бо страх ваш на ны, и ужасошася вси обитающи на земли от лица вашего: 10 слышахом бо, яко изысши Господь Бог море Чермное пред лицем вашим, егда исхождасте из Египта, и елика сотвористе двоим царем Аморрейским, иже быша об ону страну Иордана, Сиону и Огу, иже потребисте: 11 и слышавше мы ужасохомся в сердцы нашем, и не ста ктому дух ни во едином от нас от лица вашего: яко Господь Бог ваш, Бог на небеси горе и на земли доле: 12 и ныне кленитесь мне Господем Богом (вашим), яко аз творю милость вам, да сотворите и вы милость в дому отца моего, и дадите ми знамение истинно: 13 и оживите дом отца моего, и матерь мою, и братию мою, и сестры моя, и вся, елика суть им, и измите души наша от смерти. 14 И рекоша ей мужие: душа наша вместо вас на смерть, аще ныне не объявиши нас. Она же рече: и будет егда предаст Господь вам град (сей), сотворите мне милость и истину. 15 И свеси их на вереве окном: яко дом ея при стене, и при стене сия живяше: 16 и рече им: отидите в гору, да не сряжут вас гонящи, и скрыйтеса тамо три дни, дондеже возвратятся гонящи вслед вас: и по сих отидете в путь ваш. 17 И реша к ней мужие: неповинни есмы клятве сей твоей, еюже заклала еси нас: 18 се, мы входим в часть града, и поставиши знамение, вервь червлену, сию да обяжешу у окна, имже спустила еси нас: отца же твоего и матерь твою, и братию твою и весь дом отца твоего да соберешу к себе в дом твой: 19 и будет всяк, иже аще изыдет из дверей дому твоего вон, сам себе повинен будет, мы же неповинни (будем) клятве твоей сей: и елицы аще с тобою будут в дому твоём, мы будем повинни, аще рука прикоснется их: 20 аще же кто нас обидит, или открыет словеса наша сия, будем неповинни клятве твоей сей, еюже заклала еси нас. 21 И рече им: по словеси вашему тако да будет. И отпусти их, и отидоша: и привяза вервь червлену у окна. 22 И отидоша, и приидоша в гору, и пребыша тамо три дни, дондеже возвратишася гнавшии. И искаша гонящи по всем путем, и не обретоша. 23 И возвратишася два юношы и снидоста с горы: и преидоста (Иордан) ко Иисусу сыну Навину, и поведаста ему вся случившаяся има: 24 и реста ко Иисусу: яко предаде Господь Бог наш в руке наши всю землю, и убояшася вси живущи на земли той от нас.

3 И воста заутра Иисус, и воздвигошася из Саттина, и приидоша до Иордана той и вси сынове Израилевы, и сташа тамо прежде неже прейти. 2 И бысть по триех днех, приидоша книгочяи чрез полк, 3 и заповедаша людем, глаголюще: егда узрите кивот завета Господа Бога нашего, и жерцы наша, и левиты воздвижающыя его, да воздвигнетесь

и вы от мест ваших и пойдете вслед его: 4 но подале же будет между вами и оным, елико две тысячи лакот станете: не приблизитесь к нему, да увесте путь, по немуже пойдете: не ходисте бо путем тем ни вчера, ни третияго дне. 5 И рече Иисус к людем: очиститесь наутрие, яко заутра сотворит в вас Господь чудная. 6 И рече Иисус к жерцем: воздвигните кивот завета Господня и предидите пред людьми. И взяша жерцы кивот завета Господня и идоша пред людьми. 7 И рече Господь ко Иисусу: в сей день начинаю възвышати тя пред всеми сынами Израилевыми, да уведят, якоже бех с Моисеом, тако буду и с тобою: 8 и ныне заповеждь жерцем въздвизающим кивот завета, глаголя: егда внидете на часть воды Иордана, и во Иордане станете. 9 И рече Иисус сыном Израилевым: приступите семо, и слышите слово Господа Бога вашего: 10 в сих увесте, яко Господь живий в вас и потребляяй потребит от лица вашего Хананеа и Хеттеа, и Ферезеа и Евеа, и Гергесеа и Аморреа и Иевусеа: 11 се, кивот завета Господа всея земли преходит Иордан: 12 изберите себе дванадесать мужей от сынов Израилевых, одинаго от коегождо племене, 13 и будет егда почиут ноzi жерцев въздвизающих кивот завета Господа всея земли в воде Иордана, вода Иорданова оскудеет, вода же низтекущая станет. 14 И бысть егда въздвигнушася людие от куш своих прейти Иордан, жерцы же въздвигоша кивот завета Господня пред людьми: 15 егда же внидоша жерцы въздвижуще кивот завета Господня во Иордан, и ноzi жерцев въздвизающих кивот завета Господня омочисася в части воды Иордана, Иордан же наполняшеся во вся краи своя, якоже во дни жатвы пшеницы: 16 и сташа воды текущыя свыше, ста густение едино отлучившееся далече зело зело от Адами града даже до страны Кариафиарима: низтекущая же низтече в море Аравско, в море Сланое, дондеже до конца оскуде. 17 И людие стояху прямо Иерихону. И сташа жерцы въздвизающи кивот завета Господня на сусе посреде Иордана: и вси сынове Израилевы прехождяху по суху, дондеже скончаша вси людие прехождаяще Иордан.

4 И егда скончаша вси людие прехождаяще Иордан, и рече Господь к Иисусу, глаголя: 2 поими дванадесать мужей от людий, мужа одинаго от коегождо племене, 3 повели им, глаголя: возьмите от среды Иордана, идеже стояша ноzi жречестии, готовых дванадесать каменей, и изнесше я с собою, положите в полце вашем, идеже станете тамо в нощи. 4 И призвав Иисус дванадесать мужей славных от сынов Израилевых, одинаго от коегождо племене, рече им: 5 идите предо мною пред лицем Господним в средину Иордана: и возьм оттуду кийждо камень един да возложит на рамена своя, по числу племен (сынов) Израилевых: 6 да будут вам сии в знамение посреде вас лежаще всегда, да егда вопросит тебе утро сын твой, глаголя: что суть камене сие вам? 7 И ты возвестиши сыну твоему, глаголя: яко оскуде Иордан река от лица кивота завета Господа всея земли, егда прехождаше его, и изсяче вода Иорданова: и будут вам камене сие в память сынов Израилевых даже до века. 8 И сотвориша тако сынове Израилевы, якоже заповеда Господь

Иисусу: и взявше дванадесать каменей от среды Иордана, якоже заповеда Господь Иисусу в скончании прехождения сынов Израилевых, и принесоша их с собою в полк, и положиша их тамо. 9 Постави же Иисус и другия дванадесать каменей в самом Иордане на месте, идеже стояху ноzi жерцев въздвизающих кивот завета Господня, и суть тамо даже до сего дне. 10 Стояху же жерцы въздвизающи кивот завета Господня во Иордане, дондеже сконча Иисус вся, елика заповеда Господь Иисусу поведати людем, по всем, елика заповеда Моисей Иисусу: и потчашася людие, и преидоша. 11 И бысть егда скончаша вси людие преходити (Иордан), преиде и кивот завета Господня, и камене пред ними. 12 И преидоша сынове Рувимли и сынове Гадовы и пол племене Манассиина устроены пред сынами Израилевы, якоже заповеда им Моисей: 13 четыредесать тысяч вооружени на рать преидоша пред Господем на брань ко граду Иерихону. 14 В той день възвеличи Господь Иисуса пред всем родом Израилевым: и бояхуся его, якоже бояхуся Моисеа, елико время поживе. 15 И рече Господь ко Иисусу, глаголя: 16 заповеждь жерцем, въздвизающим кивот завета свидения, изступити из Иордана. 17 И заповеда Иисус жерцем, глаголя: изыдите из Иордана. 18 И бысть егда изыдоша жерцы въздвизающи кивот завета Господня от среды Иордана, и поставиша ноzi на сусе, и устремися вода Иорданова на место и поиде якоже вчера и третияго дне по всему краю. 19 И людие възыдоша от Иордана в десятий день перваго месяца: и ополчисася сынове Израилевы в Галгалех на стране, яже на восток солнца от Иерихона. 20 И дванадесать каменя сия, яже взя от Иордана, постави Иисус в Галгалех, и рече к сыном Израилевым, глаголя: 21 егда вопросят вас сынове ваши, глаголюще: что суть камене сие? 22 Возвестите сыном вашим: яко по суху преиде Израиль Иордан сей, 23 изсушившу Господу Богу вашему воду Иордану пред ними, дондеже преидоша, якоже сотвори Господь Бог ваш Чермному морю, еже изсуши Господь Бог ваш пред вами, дондеже преидохом: 24 да уведят вси языцы земнии, яко рука Господня крепка есть, и вы да чтете Господа Бога вашего во всякое время.

5 И бысть егда услышаша царие Аморрейстии, иже бяху об ону страну Иордана, и царие Финическии, иже бяху близ моря, яко изсуши Господь Бог Иордан реку пред сыны Израилевыми, внегда преходити им, и истаяша мысли их, и ужасошася, и не бяше в них смышления ни одинаго от лица сынов Израилевых. 2 В се же время рече Господь Иисусу: сотвори себе ноzi каменны от камене остраго, и сед обрежи сыны Израилевы второе. 3 И сотвори Иисус себе ноzi каменны остры и обреза сыны Израилевы на месте нареченнем Холм обрезания. 4 И тако обреза Иисус сыны Израилевы: елицы тогда родишася на пути, и елицы тогда не обрезани быша от изшедших из Египта, всех сих обреза Иисус: вси людие изшедшии из Египта мужеска полу, вси мужие ратнии измроша в пустыни на пути, внегда изыдоша из Египта: 5 яко обрезани быша вси людие изшедшии, вси же людие, иже родишася в пустыни

на пути, егда изыдоша из Египта, не обрезани быша: 6 четыредесять бо и два лета хождаше Израиль в пустыни Мавдаритиде: сего ради не обрезани быша мнози от тех воинов изшедших из земли Египетския, не послушавшии заповедий Господних, иже и определи Господь не видети земли, еюже клясться Господь отцем их дати нам землю кипящую медом и млеко: 7 вместо же сих постави сыны их, иже обреза Иисус, яко скончаныя плоти бяху им, яко родишася на пути не обрезани: 8 обрезавшеся же покой имяху тамо сидяще в полце, дондеже исцелишася. 9 И рече Господь Иисусу: в днешний день отях поношение Египетско от вас. И нарече имя месту тому Галгала, даже до сего дне. 10 И ополчишася сынове Израилевы в Галгалех и сотвориша Пасху в четвертыйнадесять день месяца от вечера на западе на поли Иерихонстем, 11 и ядоша от пшеницы земли оная опресноки и новая: 12 в той день преста манна, повнегда ядоша от пшеницы земли, и ктому не бысть сыном Израилевым манны: но ядоша от плодов земли Финическия в лето оное. 13 И бысть егда бяше Иисус у Иерихона, и воззрев очима своими, виде человека стояща пред ним, и мечь его обнажен в руке его. И приступив Иисус, рече ему: наш ли еси, или от сопостат наших? 14 Он же рече ему: аз архистратиг силы Господни, ныне приидох (семо). И Иисус паде лицом своим на землю и поклонися ему, и рече: господи, что повелеваеши рабу твоему? 15 И рече архистратиг Господень ко Иисусу: изуй сапог с ногу твоею: место бо, на немже ты стоиши, свято есть. И сотвори Иисус тако.

6 Иерихон же заключен и огражден бысть от лица сынов Израилевых: и никтоже из него исхождаше, ниже вхождаше. 2 И рече Господь ко Иисусу: се, аз предаю тебе в руке Иерихон и царя его, и сущия в нем, сильны крепостию: 3 и обходите град окрест вси мужие крепцыи единою (на день), тако сотворите шесть дний: 4 и семь жерцы да возмут семь труб рожаных пред кивотом: и в седмый день ойдите град седмижды, и жерцы да вострубят в трубы рожаны: 5 и будет егда вострубите трубою рожаною, внегда услышати вам глас трубы, да воскликнут вси людие: и воскликнувшим им, падут сами стены града во основании своем, и внидут вси людие устремившеся кийждо прямо себе во град. 6 И вниде Иисус сын Навин к жерцем сынов Израилевых и рече им глаголя: возьмите кивот завета Господня, и семь жерцы да возмут семь труб рожаных пред лицом кивота Господня. 7 И рече им глаголя: повелите людем оыти и окружити град, и воины да предидут вооружени пред кивотом Господним. 8 И бысть егда рече Иисус к людем, и семь жерцы имуще семь труб священных да предидут такожде пред Господем, и да вострубят доброгласно: и кивот завета Господня вслед по них да идет: 9 воины же да предидут напреди, и жерцы трубяще в трубы, и последующии созади кивота завета Господня бяху идуще и трубяще трубами. 10 Людем же заповеда Иисус, глаголя: не вопите, ниже да слышит кто гласа вашего, ниже да изыдет из уст ваших слово до дне, в оныже повелю вам сам воскликнути, и тогда воскликните. 11

И обшед кивот завета Божия окрест града (единою), абие иде в полк, и ста тамо. 12 Во вторый же день воста Иисус заутра, и воздвигоша жерцы кивот завета Господня. 13 И жерцы семь носящии семь труб предидяху пред кивотом Господним и трубиша трубами, и воины вооружени идяху, и прочии людие вслед кивота завета Господня идуще, и жерцы вострубиша трубами рожаными. 14 И обыдоша град в день вторый единою, и поидоша паки в полк: сице творяху шесть дний. 15 И бысть в седмый день, востаха в востание утреннее, и обыдоша град в той день седмижды. 16 И бысть во обхождении седмем вострубиша жерцы трубами, и рече Иисус к сыном Израилевым: воскликните, предаде бо Господь вам град: 17 и будет град сей проклят, и вся, елика суть в нем, Господу сил: токмо Раав блудницу снабдите ю, и вся, елика суть в дому ея, яко сокры прелагатаи, иже посылахом: 18 но вы соблюдайтеся от клятвы, да не когда помысливше вы возьмете от клятвы, и сотворите полк сынов Израилевых клятву, и потребите ны: 19 злато же все и сребро, и медь и железо свято да будет Господу: в сокровище Господне да внесется. 20 И вострубиша жерцы трубами: егда же услышаша людие глас трубный, воскликнуша вси купно людие глаголю великим и сильным: и падоша вся стены града окрест, и внидоша вси людие во град, кийждо противу себе, и прияша град. 21 И прокля и Иисус, и елика быша во граде, от мужеска полу и до женска, от юноши и до старца, и от телца до овцы и до ослыате, все под мечь. 22 И двоим юношам согладавшым землю рече Иисус: внидите в дом жены блудницы, и изведите ю оттуду, и вся, елика суть ея, якоже клястеся ей. 23 И внидоша два юношы согладавшии град в дом жены, и изведосте Раав блудницу, и отца ея и мать ея, и братию ея и все сродство ея, и вся елика быша ей, изведоста и постависта я вне полка Израилева. 24 И град сожгоша огнем со всем, еже бе в нем, кроме злата и сребра, меди и железа, яже отдаша в дом Господень внести Господеви. 25 И Раав блудницу и весь дом ея отеческий остави живы Иисус, и обитати сотвори во Израили даже до дне сего, понеже сокры прелагатаи, иже посла Иисус согладати Иерихона. 26 И прокля Иисус в той день, глаголя: проклят человек пред Господем, иже поставит и созиждет град сей Иерихон: на первенце своем оснует его, и на меншем своем поставит врата его. И сице сотвори Азан, иже от Вефиля: на Авироне первенце своем основа и, и на меншем спасенем постави врата его. 27 И бяше Господь со Иисусом, и бе имя его по всей земли.

7 И прегреша сынове Израилевы прегрешением великим, и взяша от клятвы: взя бо Ахар сын Хармии, сына Замври, сына Зары, от племени Иудина, от клятвы. И разгневался Господь яростию на сыны Израилевы. 2 И посла Иисус мужы от Иерихона в Гай, иже есть противу Вифавн на восток Вефиля, и рече им, глаголя: шедше согладайте землю. И идоша мужие и согладаша Гай. 3 И возвратишася ко Иисусу и рекоша ему: да не идут вси людие, но яко две тысящи или три тысящи мужей да идут и да воюют Гай: да не ведеши тамо всех людий, мало бо есть их (тамо). 4 И

идоша от людей тамо, аки три тысячи мужей, и побегоша от лица мужей Гайских: 5 и убиша от них мужие Гайстии яко тридесять и шесть мужей, и отгнаша их от врат, дондеже сокрушиша их на стремнине: и ужасеся сердце людей, и бысть яко вода. 6 И растерза Иисус ризы своя, и паде на земли на лице свое пред Господем даже до вечера, сам и старцы Израилевы: и посыпаша персть на главы своя. 7 И рече Иисус: молюся, Господи Господи, вскую преведе раб Твой люди сия чрез Иордан предати их Аморреом на погубление? От, да быхом пребыли и вселилися у Иордана: 8 Господи, что реку? Понеже отвари Израиль выю свою пред враги своими: 9 и услышав Хананей и вси живущии на земли обыдут нас и потребят нас от земли: и что сотвориши имени Твоему великому? 10 И рече Господь ко Иисусу: востани, вскую ты пал еси на лице твое? 11 Согрешаши людие и преступиша завет Мой, егоже заветах к ним, и украдше от клятвы, скрыша в сосудех своих: 12 сего ради не могут сынове Израилевы стати пред лицом врагов своих, но хребет обратят пред враги своими, яко клятвою сташася: не приложу ксему быти с вами, аще не измете клятвы от себе самих: 13 востав очисти люди и рцы: очиститесь на утро: яко сия глаголет Господь Бог Израилев: клятва есть в вас, не возможете стати пред враги вашими, дондеже измете от себе самих клятву: 14 и соберитесь вси заутра по племеном (вашым), и будет племя, еже покажет Господь, да приведете по сонмом: и сонм, егоже покажет Господь, да приведете по домом: и дом, егоже покажет Господь, да приведете по мужем: 15 и иже обличится, да сожжется огнем, сам и вся елика суть его, яко преступи завет Господень и сотвори беззаконие во Израили. 16 И воста Иисус заутра, и приведе людей по племеном: и обличися племя Иудино. 17 И приведеса по сонмом, и обличися сонм Зараин: и приведеса сонм Зараин по мужем, и обличися дом Замвриин. 18 И приведеса дом его по мужем, и обличися Ахар сын Хармиин сына Замвриина, сына Зараня, от племени Иудина. 19 И рече Иисус Ахару: сыне мой, даждь славу днешь Господу Богу Израилеву, и даждь Ему исповедание, и исповеждь ми, что сотворил еси, и не утай от мене. 20 И отвеща Ахар Иисусу и рече: поистинне аз согреших пред Господем Богом Израилевым: сице и сице сотворих: 21 видех в плене ризу красну и добру и двести дидрахм сребра, и сосуд един злат, пятьдесят дидрахм вес его: и помыслив на ня взях: и се, сия сокровенна суть в земли в кущи моей, и сребро сокровенно под ними. 22 И посла Иисус послы, и идоша в кушу в полк: и сия бяху сокровенна в кущи его, и сребро под ними, 23 и изнесоша я из кущи, и принесоша ко Иисусу и к старцем Израилевым, и положиша я пред Господем. 24 И взя Иисус Ахара сына Зараня, и сребро и ризу и сосуд златый, и возведе его в дебрь Ахор, и сыны его и дщери его, и телцы его и ослята его и вся овцы его, и кушу его и вся имения его, и весь Израиль по нем: и возведе я (со всем) во емек Ахор. 25 И рече Иисус Ахару: почто потребил еси нас? Да потребит тя Господь, якоже и днешь. И побиша его камением весь Израиль, и сожгоша вся огнем, и наметаша их камением, 26 и наметаша на нем громаду камня велику. И преста

Господь от ярости гнева Своего. Сего ради прозвася имя месту тому емек Ахор даже до дне сего.

8 И рече Господь ко Иисусу: не бойся, ниже ужасайся: поими с собою вся мужы воинския, и востав взыди в Гай: се, предах в руке твои царя Гайска и землю его, и люди его и град его: 2 и да сотвориши Гаю и царю его, якоже сотворил еси Иерихону и царю его: и плен его и скоты его да плениши себе: устрой же себе подсаду граду за собою. 3 И воста Иисус и вси мужие воинстии, да внидут в Гай: и избра Иисус тридесять тысяч мужей воинских сильных крепостию и посла их нощию, 4 и заповеда им, глаголя: вы скрыитесь за градом: не далече будите от града зело, и будите вси готови: 5 аз же и вси людие иже со мною приступим ко граду: и будет егда изыдут живущии в Гаи в сретение нам, якоже и прежде, и побегнем от лица их: 6 и егда изыдут вслед нас, отторгнем их от града: и рекут: бежат сии от лица нашего, якоже и прежде: 7 вы же востанете от подсады, и пойдете во град, и предаст его Господь Бог наш в руке ваши: 8 и будет егда возьмете град, запалите его огнем, по словеси сему сотворите: се, заповедаю вам. 9 И посла их Иисус, и идоша в подсаду: и седоша между Вефилем и между Гаием, от моря Гаиа. 10 И востав Иисус заутра, согляда люди: и взыде сам и старцы Израилестии пред людьми в Гай. 11 И вси людие воинстии с ним взыдоша, и идуще приидоша сопровит града от востоков: и подсады града от моря. 12 И ополчихася от севера Гаиа, и (бысть) дебрь между ими и между Гаием. И взя яко пять тысяч мужей, и положи их на подсаду между Вефилем и Гаием от запада Гаиа. 13 И поставиша людие весь полк от севера града, а прочая его от моря града. И поиде Иисус в ночь ону посреде дебри. 14 И бысть егда увиде царь Гайский, потщася, и воста рано и изыде в сретение им прямо на брань, сам и вси людие его с ним во время, пред лицом подсады: он же не ведаяше, яко подсада ему есть за градом (его). 15 И увиде, и отиде Иисус и весь люд от лица их, и побже путем пустыни, 16 и укрепися весь люд гнати вслед их, и погнаша вслед сынов Израилевых, и отступиша от града. 17 (И) не остася никтоже в Гаи и Вефили, иже не погна вслед Израиля: и оставиша град отверст, и гнаша вслед Израиля. 18 И рече Господь ко Иисусу: прости руку твою с копием, еже в руке твоей, на град, зане в руку твою предах его: и подсады востанут вскоре от места своего. И простре Иисус руку свою и с копием на град. 19 И подсады восташа скоро от места своего: и изыдоша, егда простре руку, и внидоша во град, и взяша его: и потщавшеса запалиша град огнем. 20 И озревшеса обитатели Гайстии вспять себе, узреша дым восходящ от града до небесе, и ктому не имеша камо побегнути, семо или овамо: людие же бегущии в пустыню обратишася на гонящих. 21 Иисус же и весь Израиль увидеша, яко взяша подсады град, и яко восходит дым градный до небесе: и обратившеса избиша мужей Гайских. 22 И сии изыдоша из града противу им, и быша посреде полка Израилева, сии отсюду и сии отнюду: и избиша их, дондеже не остася ни один от них цел, ни убежа.

23 И царя Гайска яша жива, и приведоша его ко Иисусу. 24 И бысть егда престаша сынове Израилевы секуще всех сущих в Гаи и сущих на полях и на горе исхода, идеже гониша их, и падоша вси острием меча на ней до конца: и обратися Иисус в Гаи и посече их мечем. 25 И быша вси падшии в той день от мужеска полу и до женска дванадесять тысяч, вси живущии в Гаи. 26 Иисус же не обрати руки своея, юже простре с копием, дондеже прокля всех обитающих в Гаи. 27 Кроме скотов (их) и имения, яже во граде онем, вся плениша себе сынове Израилевы по повелению Господню, яже повеле Господь Иисусу. 28 И запали град Иисус огнем: землю необитаему во век положи его даже до сего дне. 29 И царя Гайска повеси на древе сугубем: и бяше на древе до вечера: и заходящу солнцу повеле Иисус, и сняша тело его с древа, и повергоша и в ров пред враты града: и насыпа над ним громаду велику камня даже до сего дне. 30 Тогда созда Иисус оltарь Господу Богу Израилеву на горе Гевал, 31 якоже заповеда Моисей раб Господень сыном Израилевым, и якоже написася в законе Моисеове, оltарь от камней всецелых, на нихже не возложися железо: и вознесе тамо всежожения Господу и жертву спасения. 32 И написа Иисус на каменних второй закон, закон Моисеов, егоже написа пред сыны Израилевыми. 33 И весь Израиль, и старцы их и судии их и книгочия их предходяху сюду и сюду пред кивотом, и жерцы и левити воздвизаша кивот завета Господня, пришелец же и туземец: иже быша половина их близ горы Гаризин, и половина их близ горы Гевал, якоже заповеда Моисей раб Господень благословити людей Израилевых в первых. 34 И по сих тако прочте Иисус вся словеса закона сего, благословения и клятвы, по всему написанному в законе Моисеове. 35 Не бяше словесе от всех, яже заповеда Моисей Иисусу, егоже не прочте Иисус во уши всего сонма сынов Израилевых, мужем и женам, и детем и пришелцем приходящим ко Израилю.

9 Егда же услышаша вси царие Аморрейстии, иже об оную страну Иордана, иже в горней и иже в равней, и иже во всем примории моря великаго и иже при Антиливане, и Хеттеи и Аморреи, и Гегесеи и Хананеи, и Ферезеи и Евеи и Иевусеи, 2 сидошася вкупе сецися со Иисусом и со Израилем единомысленно. 3 И живущии в холме в Гаваоне слышаша вся, елика сотвори Господь Иерихону и Гаю, 4 и сотвориша и сии с лукавством, и шедше уготоваша брашна и уготовашася: и вземше вретича ветха на ослы своя, и мехи вина ветхи и разседшыя завязаны: 5 и сапоги ветхи и заплачены на ногу их, и ризы обветшаны на них, и хлебы брашна их беша пресохли и сплеснели и сдроблени. 6 И приидоша ко Иисусу в полк Израилев в Галгалы, и рекоша ко Иисусу и всему Израилю: от земли дальняя приидохом, и ныне завещайте нам завет. 7 И рекоша сынове Израилевы к Хоррею: виждь, не посреде ли нас живеша, и како тебе завещаша завет? 8 И рекоша ко Иисусу: раби есмы твои. И рече к ним Иисус: откуда есте? И откуда приидосте? 9 И рекоша к нему: от дальняя земли зело приидохом раби твои во имя Господа Бога твоего: слышахом бо имя Его и вся, елика сотвори во Египте, 10 и вся, елика сотвори двоим

царем Аморрейским, иже быша об оную страну Иордана, Сиону царю Есевонску и Огу царю Васанску, иже живяше во Астарофе и во Едраине. 11 И слышавше рекоша к нам старцы наши и вси живущии на земли нашей, глаголюще: возьмите себе брашно на путь и идите противу им, и рцйте к ним: раби есмы ваши, и ныне завещайте нам завет: 12 сии хлебы наши, теплыя на путь взяхом их от домов наших, в оный же день изыдохом прити к вам: ныне же пресоша и быша сдроблени: 13 и сии меси вина, иже наляхом новы, и сии разседошася: и ризы наша сия и обувища наша обетшаша от долгаго пути зело. 14 И взяша князи брашно их, а Господа не вопрошиша. 15 И сотвори Иисус с ними мир, и остави к ним завет, еже снабдети их: и кляшася им князи сонма. 16 И бысть по триех днех по завещании к ним завета, услышаша, яко близ их суть и яко посреде их живут. 17 И восташа сынове Израилевы и внидоша во грады их в третий день: грады же их (бяху) Гаваон и Кефира, и Вирот и град Иарим. 18 И не сотвориша с ними рати (Иисус и) сынове Израилевы, яко кляшася им вси князи сонма Господем Богом Израилевым. И ропташа весь сонм Израилев на князей. 19 И рекоша вси князи всему сонму: мы кляхомся им Господем Богом Израилевым, и ныне не возможем коснутися их: 20 сие сотворим им, еже живити их, и снабдим их, и не будет на нас гнева клятвы ради, еюже кляхомся им. 21 И рекоша им князи: да живут сии, и будут древесечцы и водоносцы всему сонму. И сотвори весь сонм, якоже рекоша им князи. 22 И созва их Иисус и рече им, глаголя: почто прельстисте мя, глаголюще: далече есмы от тебе зело? Вы же населницы есте от живущих в нас: 23 и ныне прокляти есте: и не осудеет от вас раб, ниже древесечец, ниже водоносец мне и Богу моему. 24 И отвещаша Иисусу, глаголюще: понеже возвестися нам (рабом твоим), елика заповеда Господь Бог твой Моисею рабу Своему, дати вам землю сию и потребити нас и вся живущыя на ней от лица вашего, сего ради убояхомся зело от душ наших от лица вашего, и сотворихом дело сие: 25 и ныне, се, мы подручни вам, якоже угодно есть вам, и якоже вам мнится, творите нам. 26 И сотвориша им сие: и избави я Иисус в той день от руку сынов Израилевых, и не убиша их. 27 И постави я Иисус в той день древесечцы и водоносцы всему сонму и оltарю Божию. Сего ради быша живущии в Гаваоне древесечцы и водоносцы оltарю Божию, даже до днешняго дне, и на месте еже аще изберет Господь.

10 Егда же услыша Адонивезек царь Иерусалимский, яко взя Иисус Гаи и потреби его, якоже сотвори Иерихону и царю его, тако сотвори и Гаю и царю его, и яко сами вдашася живущии в Гаваоне ко Иисусу и ко Израилю, и быша в них, 2 и убояшася сами в себе зело: ведяху бо, яко град бяше велик Гаваон, яко един от великих градов, и вси мужие иже в нем крепцы. 3 И посла Адонивезек царь Иерусалимский к Еламу царю Хевронску и Фераану царю Иеримуфску, и ко Афию царю Лакисску, и к Давиру царю Одолламску, глаголя: 4 приидите, въздыте ко мне и помозите ми, да повоюем Гаваона: вдашася бо сами ко Иисусу и к сыном Израилевым.

5 И собралаша и взыдоша пять царей Иевусейских: царь Иерусалимский и царь Хевронский, и царь Иеримуфский и царь Лахисский и царь Одолламский, сами и вси людие их, и обседоша Гаваона и воеваша на него. 6 И послаша живущи в Гаваоне ко Иисусу в полк Израилев в Галгалы, глаголюще: не отрешай руки твоя от раб твоих: взыди к нам скоро и помози нам, и изми нас: яко собраны суть на ны вси царие Аморрейстии, живущи в горней. 7 И възде Иисус от Галгал, сам и вси людие воинстии с ним, всяк сильный крепостию. 8 И рече Господь ко Иисусу: не бойся их, яко в руце твои предах я: не останет от них ни един пред вами. 9 И прииде на них Иисус внезапно: всю бо ночь иде от Галгал. 10 И ужаси я Господь от лица сынов Израилевых: и сокруши я Господь сокрушением великим в Гаваоне: и погнаша я путем восхода Вифоронска, и сечаху их даже до Азика и до Макида. 11 Внегда же бежати им от лица сынов Израилевых до восхода Вифоронска, и Господь верже на ня камень великое града с небесе даже до Азика, и бысть множае умерших от града каменна, неже убиенных от сынов Израилевых мечем на брани. 12 Тогда глагола Иисус ко Господу, в оньже день предаде Господь Бог Амореа под руку Израилеву, егда сокруши их в Гаваоне, и сокрушишася от лица Израилева: и рече Иисус: да станет солнце прямо Гаваону, и луна прямо дебри Елон. 13 И ста солнце и луна в стоянии, дондеже отмсти Бог врагом их. Не сие ли есть писано в книгах Праведнаго: и ста солнце посреде небесе и не идяше на запад в совершение дне единого? 14 И не бысть день таковый ниже прежде, ниже последи, еже послушати Богу тако гласа человека, яко Господь споробствова Израилю. 15 И возвратися Иисус и весь Израиль с ним в полк в Галгалы. 16 И убегоша пять царие сии и скрышася в пещере яже в Макиде. 17 И поведаша Иисусу, глаголюще: обретошася пять царие скрившиися в пещере яже в Макиде. 18 И рече Иисус: привалите камень велие ко устью пещеры и приставите над ними мужы стрещи их: 19 вы же не стойте zde, гоняще вслед врагов ваших, и постигните останок их, и не дадите внити им во грады их, предаде бо я Господь Бог наш в руце наши. 20 И бысть егда преста Иисус и вси сынове Израилевы секуще их сечением великим зело даже до конца, и уцелевши от них внидоша во грады тверды. 21 И возвратишася вси людие в полк ко Иисусу в Макиду здрави, и не възкомле никтоже от сынов Израилевых языком своим. 22 И рече Иисус: отверзите устие пещеры и изведите ко мне пять царей сих из пещеры. 23 И сотвориша тако, и изведоша к нему пять царей из пещеры: царя Иерусалимска и царя Хевронска, и царя Иеримуфска и царя Лахисска и царя Одолламска. 24 И егда изведоша их ко Иисусу, и созва Иисус всего Израиль и начальники воинския ходящья с ним, глаголя к ним: приступите и наступите ногами вашими на выи царей сих. И приступивше наступиша ногами своими на выи их. 25 И рече к ним Иисус: не бойтесь их, ни ужасайтесь: мужайтесь и крепитесь, яко сиче сотворит Господь всем врагом вашим, иже вы повоюете. 26 И уби я Иисус, и повеси я на пяти древесех: и быша висяще на древах даже до вечера. 27 И бысть при захождении солнца, повеле Иисус,

и сняша я с древес, и ввергоша я в пещеру, в нуже вбегоша тамо: и завалиша камением великим пещеру до днешняго дне. 28 Взяхша же и Макиду в той день, и избиша ю острием меча и царя ея, и потребиша их и все дышущее еже бяше в ней: и не остана никтоже в ней цел и избегший. И сотвориша царю Макидску, якоже сотвориша царю Иерихонску. 29 И отиде Иисус и весь Израиль с ним от Макиды в Левну, и облеже Левну. 30 И предаде ю Господь в руце Израилю: и взяха ю и царя ея, и избиша ю острием меча, и все дышущее в ней: и не остана в ней ни один цел и избегший. И сотвориша царю ея, якоже сотвориша царю Иерихонску. 31 И отиде Иисус и весь Израиль с ним от Левны в Лахис, и облеже его, и воеваша нань. 32 И предаде Господь Лахис в руце Израилевы: и взя его в день второй, и избиша его острием меча (и все дышущее в нем), и потребиша его, якоже сотвориша Левне. 33 Тогда възде Орам царь Газерск, помогая Лахису: и порази его Иисус острием меча, и люди его, дондеже не остана от них ни один цел и избегший. 34 И отиде Иисус и весь Израиль с ним от Лахиса во Аглон, и облеже и, и воева на него. 35 И предаде и Господь в руце Израилю: и взя и в той день, и изби и острием меча, и все дышущее в нем уби, и сотвори ему якоже и Лахису. 36 И отиде Иисус и весь Израиль с ним в Хеврон, и обсяде и: 37 и взя его, и порази его острием меча, и царя его, и вся веси его, и вся дышущая елика бяху в нем: не бе уцелевый: якоже сотвориша Аглону, потребиша и и все дышущее, елика в нем бяху. 38 И обратися Иисус и весь Израиль с ним в Давир: и обседше и, 39 взяша его и царя его и вся веси его, и поразиша и мечем, и потребиша и и все дышущее в нем, и не оставиша в нем ни единого уцелевша: якоже сотвориша Хеврону и царю его, тако сотвориша Давиру и царю его, и якоже сотвориша Левне и царю ея. 40 И порази Иисус всю землю горную и Нагев, и равную и Асидоф, и вся цари его: не оставиша в нем ни единого уцелевша: и все дышущее потребиша, якоже заповеда Господь Бог Израилю. 41 И изби их Иисус от Кадис-Варни даже до Газы, и всю землю Госом даже до Гаваона: 42 и вся цари сия и землю их взя Иисус едино: яко Господь Бог Израилев помогаше Израилю. 43 И возвратися Иисус и весь Израиль с ним в полк в Галгалы.

11 Егда же услыша Иавин царь Асорск, посла ко Иоваву царю Мадонску, и к царю Семеронску и к царю Ахивавску, 2 и к царем иже в Сидоне велицем и в горней, и в Араву прямо Хенерефу, и на поляну, и в Нафеддор, 3 и к приморским Хананеам от восток, и к приморским Амореом и Хеттеом, и Ферезеом и Иевусеом, иже на горе, и Евеом, и иже под Аермоном, в землю Массифа. 4 И изыдоша сии и царие их с ними, людие мнози, яко песок иже при краи моря множеством, и кони и колесницы многи зело. 5 И снидошася вси царие сии, и приидоша вкупе, и ополчишася при воде Маррон воевати на Израиль. 6 И рече Господь ко Иисусу: не бойся от лица их, яко завтра в сей час Аз предам их язвенных пред сыны Израилевы: конем их жилы пресечеша и колесницы их да сожжеша огнем. 7 И прииде Иисус и вси людие воинстии с ним на них к

воде Марронстей внезапно, и нападоша на ня в горней. 8 И предаде их Господь под руже Израилевы: и секуще их, прогнаша даже до Сидона великаго и до Масрефоф-Маима и до поль Массифских к востоком: и изсекоша их, дондеже не остана в них ни един цел и избегший. 9 И сотвори им Иисус, якоже заповеда ему Господь: конем их жилы пресече и колесницы их сожже огнем. 10 И обратися Иисус в то время, и взя Асор, и царя его уби мечем: Асор бо бе прежде обладающий всеми царствы сими: 11 и изби все дышущее, еже в нем бысть, острием меча, и потребиша вся, и не остана в нем все дышущее: и Асор запалиша огнем. 12 И вся грады царств сих и вся цари их взя Иисус и изби я мечем, и потреби их, якоже повеле им Моисей раб Господень. 13 Но вся грады крепки не запали Израиль, точию Асор един запали Иисус. 14 И вся корысти их и вся скоты их плениша себе сынове Израилевы: людей же всех потребиша мечем, дондеже погубиша их, и не оставиша от них ни единого дышущаго. 15 Якоже повеле Господь Моисею рабу Своему, тако Моисей заповеда Иисусу: и тако сотвори Иисус, не преступи ни единого же от всех, яже заповеда Господь Моисею. 16 И взя Иисус всю землю горную и всю землю нагев, и всю землю Госомску, и равную, и яже на запад, и гору Израилеву, и поля яже при горе, 17 от горы Хелха, и яже восходит к Сеиру, и даже до Валгада, и поле Ливана под горою Аермон: и вся цари их взя и изби. 18 И многи дни сотвори Иисус с цари сими брань: 19 и не бе ни единого града, егоже не предаде Господь сыном Израилевым, кроме Евеа обитающаго в Гаваоне: всех взяша бранию: 20 яко Господем бысть укрепится их сердцу, сопротивитися на брани противу Израиля, да потребят их, яко да не дастся им милость, но да потребятся, якоже глагола Господь к Моисею. 21 И прииде Иисус в то время, и потреби (вся) Енакимы от горныя, от Хеврона и от Давира и от Анова, и от всея горы Израилевы и от всея горы Иудины, с грады их, и потреби я Иисус: 22 не остана ни един Енаким от сынов Израилевых, но точию в Газе и в Гефе и во Асидофе остана. 23 И взя Иисус всю землю, якоже заповеда Господь Моисею: и даде ю Иисус в наследие Израилю, разделением по племеном их. И преста земля воюема быти.

12 И сии царие земли, ихже избиша сынове Израилевы и наследия земля их об ону страну Иордана, от восток солнца, от дебри Арнонская даже до горы Аермон, и всю землю араву от восток: 2 Сиона царя Аморрейска, иже живяше во Есевоне, обладай от Ароира, иже есть в дебри Арнонстей от страны дебри, и пол (земли) Галаада даже до Иавока, (идеже) пределы сынов Аммоних: 3 и арава даже до моря Хенероф на востоки, и даже до моря арава, моря Солицнаго от восток, путем иже ко Вифсимофу, и от Фемана иже под Асидоф-Фасгою: 4 и Ог царь Васанский остана от Исполинов, иже обита во Астарофе и во Едраине, 5 обладай от горы Аермон, и от Селхи, и всю землю Васан даже до предел Гесури, и от Селхи, и пол Галаада до предел Сиона царя Есевонска. 6 Моисей раб Господень и сынове Израилевы поразиша я: и даде ю Моисей раб Господень

в наследие Рувиму и Гаду и полплемени Манассиину. 7 И сии царие Аморрейстии, яже изби Иисус и сынове Израилевы об ону страну Иордана, при мори Валгад на поли Ливана, и даже до горы Алок, восходящих в Сиир: и даде ю Иисус племеном Израилевым в наследие по жребию их, 8 на горе и на поли, и во Араве и во Асидофе, и в пустыни и во нагеве, Хеттеа и Аморреа, и Хананеа и Ферезеа, и Евеа и Иевусеа: 9 царя Иерихонска и царя Гайска, иже есть близ Вефиля, 10 царя Иерусалимска, царя Хевронска, 11 царя Иеримурфска, царя Лахисска, 12 царя Еглонска, царя Газерска, 13 царя Давирска, царя Гадерска, 14 царя Ермафска, царя Адерска, 15 царя Левнска, царя Одолламска, 16 царя Макидска, царя Вефилска, 17 царя Апфуска, царя Оферска, 18 царя Афекска, царя Хесаромска, 19 царя Самвронска, царя Фувска, 20 царя Маронска, царя Ахсафска, 21 царя Фанахска, царя Магдедонска, 22 царя Кедеесска, царя Иеконама Хермела, 23 царя Адорска Нафеддора, 24 царя Гоимска Гелгеля, царя Ферска. Вси сии царие тридесять един.

13 Иисус же состареся прошед дни. И рече Господь ко Иисусу: ты состарелся еси денми, и земля остана многа в наследие: 2 и сия земля оставшаяся: пределы Филистимли, Гесури и Хананей, 3 от Необитаемья, яже от лица Египта даже до предел Аккаронских ошуюю Хананеов, причисляется пятим областем Филистимским: Газею и Азотию, и Аскалониту и Гетфею, и Аккарониту и Евею: 4 от Феман и всей земли Ханаанстей прямо Газе, и Сидонии даже до Афека, даже до предел Аморрейских: 5 и всю землю Гавли Филистимлю, и весь Ливан от восток солнца, от Галгал под горою Аермон даже до входа Емаф: 6 всяк обитающий в горней от Ливана даже до Масрефофмаима, всех Сидонян Аз потреблю от лица Израилева: но раздай ю во жребий Израилю, якоже заповедах тебе: 7 и ныне раздели землю сию в наследие девяти племеном и полплемени Манассиину от Иордана даже до моря великаго, к западу солнца даси ю: море великое предел будет. 8 Дву же племеном и полуплеменом Манассиину, Рувиму и Гаду, даде Моисей об ону страну Иордана: к востоком солнца даде им Моисей раб Господень, 9 от Ароира, иже есть на устии водотечи Арнони, и град иже посреде дебри, и весь Мисор от Медавана: 10 вся грады Сиона царя Аморрейска, иже царствова во Есевоне, даже до предел сынов Аммоних: 11 и Галаад, и пределы Гесури, и Махафи, всю гору Аермон, и всю Васанитску до Елхи: 12 все царство Огово в Васанитиде, иже царствова во Астарофе и во Едраине: сей остана (един) от Исполинов, и уби его Моисей, и потреби. 13 И не потребиша сынове Израилевы Гесура и Махафа и Хананеа: и живяше царь Гесури и Махафи в сынех Израилевых даже до сего дне. 14 Токмо племени Левиину не дадеса наследие: Господь Бог Израилев, сам наследие их, якоже рече им Господь. И сие разделение, еже раздели Моисей сыном Израилевым (по племеном их) во Аравофе Моавли об ону страну Иордана противу Иерихона. 15 И даде Моисей племени сынов Рувимлих по сонмом их: 16 и быша им пределы от Ароира,

иже есть прямо дебри Арнонская, и град, иже есть в дебри Арнонстей, 17 и всю землю Мисорску даже до Есевона, и вся грады иже суть в мисоре, и Девор, и Вамоф-Ваал, и дома Веелмони, 18 и Иасса и Кедимофа и Мифааф, 19 и Кариафем и Севама, и Сарф и Сиор на горе Енак, 20 и Веффогор и Асидоф-Фасга и Вифсимуф, 21 и вся грады Мисорски, и все царство Сиона царя Аморрейска, егоже уби Моисей самага, и старейшины Мадиамли, и Евиа и Рокома, и Сура и Ура и ровета, князи Сиорския, и живущих на земли (той): 22 и Валаама сына Веорова волхва убиша мечем сынове Израилевы в сражении. 23 Быша же пределы Рувимли, Иордан предел. Сие наследие сынов Рувимлих по сонмом их, грады их и села их. 24 Даде же Моисей сыном Гадовым по сонмом их, 25 и быша им пределы Иазир: вси гради Галаади и полземли сынов Аммоных до Ароира, иже есть пред лицем Раввафа: 26 и от Есевона до Рамофа к Масфе, и Вотаниму, и Манаиму до предел Давириных, 27 и во емеке Вифарам и Вифнамра, и Сохоф и Сафон, и прочее царство Сиона царя Есевонска: и Иордан определяет даже до страны моря Хенереп, об ону страну Иордана от восток. 28 Сие наследие сынов Гадовых по сонмом их и по градом их и селам их. 29 И даде Моисей полплемени Манассиину по сонмом их, 30 и быша пределы их от Манаима, и все царство Васанско, и все царство Ога царя Васанска, и вся веси Иаира, яже суть в Васанитиде, шестьдесят градусов: 31 и пол Галаада, и во Астарофе, и во Едраине, грады царства Огова в Васанитиде: и дашася сыном Махировым, сыном Манассииным, и половине сынов Махировых по сонмом их. 32 Сии суть, иже даде наследие Моисей об ону страну Иордана во Аравофе Моавли, прямо Иерихона на востоки. 33 Племени же Левиину не даде Моисей наследия: понеже Сам Господь Бог Израилев наследие Его есть, якоже глагола им.

14 И сии наследовавши от сынов Израилевых в земли Ханаанстей, иже разделиша ю в наследие Елеазар жрец и Иисус сын Навин и князи отечеств племен сынов Израилевых: 2 по жребием наследия, якоже заповеда Господь Моисеом дати девяти племеном и полплемени (Манассиину), 3 даде бо Моисей наследие дву племеном и полплемени Манассиину об ону страну Иордана: левитом же не даде жребия в них: 4 занеже быша сынове Иосифовы два племена, Манассиино и Ефремле: и не дадеса части в земли левитом, но только грады обитати, и предградия скотом их, и скоты их. 5 Якоже заповеда Господь Моисею, тако сотвориша сынове Израилевы и разделиша землю. 6 И приидоша сынове Иудины ко Иисусу в Галгалы. И рече к нему Халев Иефоннин Кенезей: ты веси слово, еже глагола Господь к Моисею человеку Божию о мне и о тебе в Кадис-Варни: 7 четьредесяти бо лет бех, егда посла мя Моисей раб Господень от Кадис-Варни соглядати землю: и отвещах ему слово по сердцу его: 8 братия моя ходивши со мною превратиша сердце людей, аз же приложихся последовати Господеву Богу моему: 9 и клятса Моисей в той день, глаголя: земля, на ноже возшел еси, тебе будет в жребий

и чадом твоим во век, яко приложился еси последовати Господу Богу моему: 10 и ныне препита мя Господь, якоже рече, сие четьредесять и пятое лето, отнележе глагола Господь слово сие к Моисею, и хождаше Израиль в пустыни: и ныне се, ми днесь осмьдесят и пять лет: 11 еще есмь днесь могий, якоже егда посла мя Моисей: тако и ныне могу входитьи и исходитьи на брань: 12 и ныне прошу у тебе горы сея, якоже рече Господь в день он, яко ты слышал еси слово сие в день оный: ныне же Енакими тамо суть, грады тверды и велицы: аще убо будет Господь со мною, потреблю их, якоже рече ми Господь. 13 И благослови его Иисус, и даде Хеврон Халеву сыну Иефоннину, сыну Кенезеину в жребий. 14 Сего ради бысть Хеврон Халеву Иефоннину Кенезеину в жребий даже до дне сего: понеже возследова повелению Господа Бога Израилева. 15 Имя же Хеврону прежде бяше Град Аргов: Митрополь Енакимлян сей. И почи земля от брани.

15 И быша пределы сынов Иудиных по сонмом их, от предел Идумейских, от пустыни Син к ливу даже до Кадис к югу: 2 и быша пределы их от полудне до части моря Сланаго, от верха клонящагося к югу, 3 и проходят прямо восхождению Акраввим, и обходят Сена, и восходят от юга до Кадис-Варни: и исходят из Есрона, и восходят во Аддару, и исходят на запады Кадис, обходят Аккарки, 4 и исходят во Асемону, и переходят даже до дебри Египетския: и будет исход пределов его к морю. Сии суть пределы их от юга. 5 И пределы от восток, все море Сланое даже до части Иордана, и пределы их к северу, и от верха моря, и от части Иордански: 6 восходят пределы (тии) в Вифаглу и переходят от севера к Вефару, и восходят пределы к камени Веора сына Рувимля, 7 и восходят пределы к Девиру дебри Ахоровы, и нисходят до Галгалы, яже есть прямо схождению Адоммин, иже есть к югу дебри, и восходит предел к воде источника Солнечна, и будет исход его источник Рогиль: 8 и восходят пределы в дебрь Енном, созади Иевуса от полудне, сей есть Иерусалим: и исходят пределы на верх горы, яже есть пред лицем дебри Енном к морю, яже есть от части земли Рафаин к северу: 9 и переходит предел от верха горы ко источнику воды Наффо и переходит к горе Ефрони, и изведет предел в Ваал, сей есть Град Иарим: 10 и обыдет предел от Ваала к морю и перейдет в гору Смир, и перейдет созади града Иарима от севера, сей есть Хасалон: и снидет ко граду Солнечну и перейдет к югу: 11 и переходит предел созади Акхарона до севера, и переходят пределы в Сахарон, и перейдут гору земли Валаани, и переходят ко Иавнилу, и будет исход пределов к морю, и пределы их от моря, море великое определит. 12 Сии пределы сынов Иудиных окрест по сонмом их. 13 И даде (Иисус) Халеву сыну Иефоннину часть посреде сынов Иудиных повелением Божиим, и даде ему Иисус Град Арвок, отца Енакова: сей есть Хеврон. 14 И потреби оттуду Халев сын Иефоннин три сыны Енаковы, Сусиа и Фолмаи и Ахима: 15 и възде оттуду Халев на живущих в Давире: имя же прежде бяше Давиру Град Писмен. 16 И рече Халев: иже аще возмет кто Град Писмен

и возобладает им, дам ему Асхань дочь мою в жену. 17 И взя его Гофониил сын Кенеца, брата Халевова, юнейший: и даде ему Асхань дочь свою в жену. 18 И бысть вегда отходити ей, и совеща с ним, глаголющи: попроси у отца моего села. И возва со осляти. И рече ей Халев: что ти есть? 19 И рече ему: даждь ми благословение, яко в землю полуденную отдал еси мя: даждь ми Голаф-Маим. И даде ей Халев Голаф-Маим вышний и Голаф нижний. 20 Сие наследие племени сынов Иудиных по сонмом их: 21 быша же гради их гради племени сынов Иудиных к пределом едомлим в пустыни, Кавсеил и Едраим и Иагур, 22 и Кина и Димона и Адада, 23 и Кедес и Асор и Ифнаксиф, 24 и Телем и Валоф, 25 и Асор Новый и Град Асером (сей есть Асор): 26 Амам и Самаа и Модада, 27 и Асергадда и Веффалеф, 28 и Асарсула и Вирсавее (и села их и предградия их): 29 и Ваала и Авим и Асем, 30 и Елфолод и Хесил и Ерма, 31 и Сикелег и Ведевина и Сансанна, 32 и Лавоф и Селеим, и Аин и Реммон: всех градов двадесять и девять, и села их. 33 В напольной, Есфаол и Сараа, и Асна (и Рамен), 34 и Зано и Ингоним, и Фаффуа и Инаим, 35 и Иеримуф и Одоллам, (и Немра) и Сохо и Азика, 36 и Сагарим и Адиафаим, и Гадира и села ея: гради четыренадесять и веси их. 37 Сеннам и Адаса и Магдалгад, 38 и Далаан и Масфа и Иекфраил, 39 и Лахис и Васхаф и Еглом, 40 и Хаввон и Ламас и Хафлос, 41 и Гадироф и Виф-Дагон, и Нома и Макида: гради шестнадесять и веси их. 42 Левна и Афер и Асан, 43 и Иеффа и Асенна и Несив, 44 и Кеила и Ахзев, и Мариса (и Едом): гради девять и веси их. 45 Аккарон и села его и предградия его. 46 (И) от Аккарона, иемне и вси елики суть близ Асдофа, и веси их: 47 Асдоф и веси его и предградия его: Газа и веси ея и предградия ея, даже до водотечи Египетския, и море великое определяет. 48 И в горней, Сафир и Иефер и Сохо, 49 и Ренна, Град Писмен (сей есть Давир), 50 и Анов и Есфемо и Аним, 51 и Госом и Хилуон и Гилон: градов единонадесять и веси их. 52 Ерев и Есан и Рума, 53 и Ианум и Веф-Фалфуе и Афака, 54 и Хаммата и Град Арво (сей есть Хеврон) и Сиор: градов девять и села их. 55 Маон и Хермел, и Зиф и Иетта, 56 и Иездраель и Иекдаам и Зано, 57 Аким и Гаваа и Фамна: гради десять и веси их. 58 Алул и Вефсур и Гедор, 59 и Мароф и Вефанон и Елфекен: гради шесть и веси их: Феко и Ефрафа (сей есть Вифлеем): и Фагор и Етам, и Кулон и Татами, и Сорис и Карем, и Галлим и Вефир и Манохо: градов единонадесять и веси их. 60 Кариаф-Вaal (сей Град Иарим) и Аревва: гради два, и села их и предградия их. 61 Ваддаргис и Вифарава, (и) Мадон и Сохоха, 62 и Невсан и град Соли и Ингадди: гради шесть и веси их. 63 И Иевусей обиташе во Иерусалиме, и не возмогоша сынове Иудины погубити их: и обиташа Иевусее с сынами Иудиными во Иерусалиме даже до дне онаго.

16 И быша пределы сынов Иосифовых от Иордана иже ко Иерихону от восток, и восходят от Иерихона в горную пустыню в Вефиль, 2 и исходят от Вефиля в Лузу, и переходят к пределом Ахитарофа: 3 и прейдут к морю к пределом Иефалтимским, даже до предел Вефорона нижняго и даже

до Газера, и будет исход их к морю. 4 И наследоваша сынове Иосифовы Ефрем и Манассий, 5 и быша пределы сынов Ефремлих по сонмом их: и быша пределы наследия их от восток Атароф и Адар, даже до Вефорона вышняго и Газары, 6 и переходят пределы к морю в Махфоф от севера, и идут на восток во Финаф-Силом, и прейдут от восток во Ианоха, 7 и от Ианоха снидут во Атароф и в Наарафа и веси их: и приходят ко Иерихону и исходят ко Иордану, 8 и от Тапфу пойдут пределы к морю к водотечи Кана, и будет исход его к морю. Сие наследие племени сынов Ефремлих по сонмом их. 9 И грады отлученныя сыном Ефремлим посреде наследия сынов Манассиных, вси гради и веси их. 10 И не погуби Ефрем Хананеа живущаго в Газере: и обиташа Хананеа посреде Ефрема, дающе ему дани до днешняго дне, дондеже възде фараон царь Египетский, и взя град, и запали его огнем: и Хананеев и Ферезеев и живущих в Газере избодоша: и даде его фараон в вено дщери своей.

17 И быша пределы племени сынов Манассиных, яко сей первенец Иосифу, Махирови первенцу Манассиину, отцу Галаадову, (сей бо бысть муж храбр) в Галаадитиде и Васанитиде. 2 И быша сыном Манассиным прочым по сонмом их: сыном Ахизеровым и сыном Елековым и сыном Есриилевым, и сыном Сехомовым и сыном Семираеловым и сыном Оферовым: сии суть сынове Манассины, сына Иосифова, мужеск пол по племеном своим. 3 И Салпааду сыну Оферову, сына Галаадова, сына Махирова, сына Манассиина, не быша сыны, но токмо дщери: и сия имена дщерем Салпаадовым: Маала и Нуа, и Егла и Мелха и Ферса. 4 И стаха пред Елеазаром жрецем и пред Иисусом сыном Навиным и пред князи, глаголющя: Бог заповеда рукою Моисеовою дати нам наследие посреде братии нашея. И дадеся им наследие повелением Господним, жребий в братии отца их. 5 И паде жребий Манассию поле лавеково кроме земли Галаадовы и Васани, яже есть об ону страну Иордана, 6 понеже дщери сынов Манассиных наследия жребий посреде братий своих: земля же Галаадова бысть сыном Манассиным прочым. 7 И быша пределы сынов Манассиных от Асир-Махфофа, и данаф, яже есть пред лицем Сихема, и идут пределы на Иамин и на Иасиф ко источнику Фаффоф. 8 Манассию будет земля Фаффоф: и Фаффоф над пределы Манассиными сыном Ефремлим: 9 и снидут пределы к дебри Кана на юг по дебри Иарим: Теревинф Ефрему посреде града Манассиина. И пределы Манассиины к северу на водотечь, и будет исход его море: 10 от юга Ефрему, и к северу Манассии, и будет море предел им: и ко Асиру совокупятся к северу, и Иссахару от восток. 11 И будет Манассию (предел) между Иссахаром и между Асиром Вефсан и веси их, и Иевлаам и веси его, и живущыя в Доре и веси его, и живущыя в ендоре и веси его, и живущыя в Магедде и веси его, и живущыя в Танахе и веси его, и третья часть Нафефа и веси его. 12 И не возмогоша сынове Манассины потребити градов сих: и нача Хананей жити в земли сей. 13 И бысть егда укрепилася сынове Израилевы, и сотвориша Хананеов послушных,

потреблением же не потребиша их. 14 Противореша же сынове Иосифовы Иисусу, глаголюще: почто наследствовал еси нас жребием единым и ужем единым? Аз же люд мног есмь, и благослови мя Бог (даже доселе). 15 И рече им Иисус: аще люд мног еси, възды в дубраву и отреби себе тамо место в земли Ферезеа и Рафаима, аще утесняет тя гора Ефремля. 16 И реша сынове Иосифовы: не доволно нам горы Ефремли: и конь преизбранный и железо всему Хананею живущему в земли емек, в Вефсане и в весех ея, и во юдоле Иезраель. 17 И рече Иисус к сыном Иосифовым, Ефрему и Манассию, глаголя: аще люд мног еси и силу велику имаши, не будет ти жребий един: 18 зане дубрава будет тебе, понеже дубрава есть, и отребиши ю, и будет тебе, и концы ея, егда потребиши Хананеа, аще конь преизбранный ему есть: (и сам силен,) ты бо пресиличиши его.

18 И собрася весь сонм сынов Израилевых в Силом, и водрузиша тамо скинию свидения: и земля одержася от них. 2 И ошастася сынове Израилевы, иже не наследидша наследия своего седмь племен. 3 И рече Иисус сыном Израилевым: доколе вы разслабляетеся внити наследити землю, юже даде вам Господь Бог отец ваших? 4 Дайте от вас по три мужы от племени, и послу ю, и воставше да пойдут землю и да опишут ю предо мною, якоже есть лепо разделить ю. И придоша к нему. 5 И раздели им на седмь частей: Иуда да поставит предел своим от лива, и сынове Иосифли да поставят предел своим от севера: 6 вы же разделите землю на седмь частей, и принесите ко мне семо, и изнесу вам жребий пред Господем Богом вашим: 7 несть бо части у вас сыном Левиным, зане жречество Господне часть их: Гад же и Рувим и полплемене Манассиина взяша наследие свое об ону страну Иордана на востоки, еже даде им Моисей раб Господень. 8 И воставше мужие поидоша. И заповеда Иисус мужем идущим описати землю, глаголя: идите и обыдите землю, и опишите ю, и приидите ко мне, и изнесу вам zde жребий пред Господем в Силоме. 9 И идоша мужие, и обыдоша землю и соглядаша ю, и описаша ю по градом ея на седмь частей в книгу, и принесоша ко Иисусу в полк в Силом. 10 И верже им Иисус жребий пред Господем в Силоме: и раздели тамо землю Иисус сыном Израилевым по разделению их. 11 И изыде жребий племени сынов Вениаминовых первый по сонмом их: и изыдоша пределы жребия их посреде сынов Иудиных и посреде сынов Иосифовых. 12 И быша пределы их от севера: от Иордана въздут пределы созади Иерихона к северу и въздут к горе к морю, и будет исход его Мавдарит Вефавн: 13 и пройдут оттуду пределы Лузы созади Лузы от юга: сия есть Вефиль: и снидут пределы сии от Атароф-Аддар на горную, яже есть к ливу Вефорон нижний, 14 и прейдут пределы, и обыдут к стране зрящи к морю от ливы, от горы к лицу Вефорон Лива, и будет исход его в Кариаф-Ваал: сей есть Кариафиарим, Град сынов Иудиных. Сия есть часть яже к морю. 15 И часть яже к ливу от части Кариаф-Ваал: и пройдут пределы морския в Гаин, на источник воды Наффоновы, 16 и снидут пределы на страну горы, яже есть пред лицом дубравы,

сына Енома, яже есть от части емек Рафаин от севера, и снидут к Геенному созади Иевуса от юга, и снидут на источник Рогиль, 17 и пройдут сквозе от севера, и пройдут на источник Самеса, и пройдут на Галилоф, иже есть прямо к восходу Едомим: и снидут на камень Ваан сынов Рувимлих, 18 и пройдут созади вефаравы от севера, и снидут ко араве, 19 и снидут с Аравы (на) пределы созади Вефагла от севера, и будет исход пределов на холм моря Сланаго от севера в страну Иорданову от ливы. Сии пределы суть от юга: и Иордан определит ю от страны востока. 20 Сие наследие сынов Вениаминовых, пределы его окрест по сонмом их. 21 И быша грады племени сынов Вениаминовых по сонмом их, Иерихо и Вифагла и Амекасис, 22 и Вефарава и Семрим и Вифил, 23 и Авим и Афара, и Афра (и Екарен), 24 и Кафираммин и Афни и Гаваа: грады дванадесять и веси их: 25 Гаваон и Рама и Вироф, 26 и Масфа и Хефира и Амоса, 27 и Рекем и Иерфаил и Фарала, 28 и Силалеф и Иевус (сей есть Иерусалим), и Гавааф и Град Иарим: грады тринадесять и веси их. Сие наследие сынов Вениаминовых по сонмом их.

19 И изыде второй жребий Симеону, племени сынов Симеоновых по сонмом их, и бысть наследие их посреде жребия сынов Иудиных. 2 И бысть жребий их Вирсавее и Савее и Молада, 3 и Асерсуал и Вафул, и Велвола и Асом, 4 и Елфулад и Ерма, 5 и Секелга и Вефаммаргасвоф, и Асерсусим 6 и Вефалваф, и села их: грады тринадесять и веси их. 7 Аин и Реммоф, и Еефер и Асам, грады четыре и веси их: 8 и вся предградия, яже окрест градов сих даже до Ваалферирраммоф, идущих во Иамеф к ливу. Сие наследие племен сынов Симеоновых по сонмом их. 9 От жребия Иудина наследие племени сынов Симеоновых, яко бысть часть сынов Иудиных болшая нежели их: и наследидша сынове Симеоны посреде жребия их. 10 И изыде жребий третий Завулоны по сонмом их: и будут пределы наследия их до Сарида: 11 и восходят пределы их к морю и Мариле, и дойдут к Давасефу, и снидутся в дебрь, яже есть к лицу Иекнама, 12 и обратятся от Сарида противу от востоков Самес на пределы Хасалоф-Фавор, и пройдут к Даврафу, и въздут к Иафаги: 13 и оттуду обыдут супротив на востоки в Гефаефер, во град Касим, и пройдут на Реммонам Мафарим Аннуа, 14 и обыдут пределы к северу на Еннафоф, и будет исход их к Гаю Иеффаил, 15 и Каттаф и Наалол, и Семрон и Иадила и Вифлеем: грады дванадесять и веси их. 16 Сие наследие племени сынов Завулоновых по сонмом их, грады их и веси их. 17 И Иссахару изыде жребий четвертый, сыном Иссахаровым по сродством их, 18 и быша пределы их Иезраель и Ахаселоф и Сунам, 19 и Аферарим и Сиан, (и Ренаф) и Анахареф, 20 и Раввоф и Кесион и Аеме, 21 и Рамаф и Инганним, и Инадда и Веффасис: 22 и снидутся пределы к Фавору и к Сасимафу к морю, и веффмас, и будет его исход предел Иордан: грады шестнадесять и веси их. 23 Сие наследие племени сынов Иссахаровых по сонмом их, грады и предградия их. 24 И изыде жребий пятый племени сынов Асировых по сонмом

их, 25 и быша пределы их Хелкаф и Ооли, и Ватне и Ахсаф, 26 и Елимелех и Амад и Масал: и приблизятся к Кармилу к морю, и Сиору и Лаванафу, 27 и обратятся от восток солнца в Виф-Дагон, и приблизятся к Завулону, и в Гай Иеффаил к северу, (и внидут пределы Асафа) в Виф-Аемек, и да идут по долине Аниила, и пройдут в Хавол ошуюю, 28 и Ахран и Роов, и Аммон и Кана, даже до Сидона великаго: 29 и возвратятся пределы в Раму, и даже до града тверда Тириан, и возвратятся пределы до Сусы, и будет исход его море, и от ужа в Ахзиф, 30 и Амма и Афек и Раов: грады двадцать два и веси их. 31 Сие наследие племени сынов Асировых по сонмом их, грады их и веси их. 32 И Неффалиму изыде жребий шестый, сыном Неффалимим по сонмом их, 33 и быша пределы их Меелеф и Милон, и Весенаним и Арме, и Накев и Иавнил, даже до Лаккун: и быша исходи их Иордан: 34 и возвратятся пределы к морю в Азаноф-Фавор, и пройдут оттуду во Икок, и приткнутся к Завулону от юга, и Асиру приблизятся к морю, и ко Иуде Иордан от восток солнца. 35 И грады ограждени Тириан, Тир и Амаф, и Реккаф и Хенероф, 36 и Адами и Рама и Асор, 37 и Кедес и Едраи и источник Асор, 38 и Иарион и Магдалиил, Оран и Вефанаф и Фасмус: грады девятнадцать и веси их. 39 Сие наследие племени сынов Неффалимим по сродству их, грады и предградия их. 40 И Дану и племени сынов Дановых по сонмом их изыде жребий седмый, 41 и быша пределы их Сараа и Есфаол и грады Самес, 42 и Саламинь и Еалон и Иефла, 43 и Елон и Фамна и Аккарон, 44 и Елфеко и Гавафон и Ваафоф, 45 и Иуф и Ваниварак и Гефреммон, 46 и от моря Иераконска, и Ираккон, предел близ Иоппы, и изыде предел сынов Дановых от них. 47 И изыдоша сынове Дановы и воеваша Ласем, и взяша его и поразиша его острием меча: и обиташа в нем, и нарекоша имя его Ласендан, по имени Дана отца своего. И Аморрей остася жити во Еломе и в Саламине: и отяготе рука Ефремля на них, и быша им данницы. 48 Сие наследие племени сынов Дановых по сонмом их, грады их и веси их. И не истребиша сынове Дановы Аморея озлобляющаго их на горе, и не даяху им Аморею исходити на юдоль, и утесниша от них предел части их. 49 И совершиша разделяти землю в пределах ея: и даша сынове Израилевы жребий Иисусу сыну Навину повелением Господним среде себе, 50 и даша ему град, егоже проси, Фамнаф-Сараи, иже есть в горе Ефраим: и созда град, и вселися в нем. 51 Сия разделения, яже разделиша Елеазар жрец и Иисус Навин и князи отечеств в племенех Израилевых по жребиям в Силоме пред Господем, у дверей скинии свидения. И скончаша делити землю.

20 И рече Господь ко Иисусу, глаголя: 2 рцы сыном Израилевым, глаголя: дадите грады убежений, яже рекох к вам Моисеом: 3 убежище убийце поразившему душу неволю: и будут вам грады убежище, и не умрет убийца от ужика крове, дондеже предстанет пред сонмом на суд. 4 И (аще кто) убегнет во един от градов сих, и станет во вратех града, и исповесть во уши старцем града того словеса своя: и примут его сонм к себе, и дадут ему место

жити с ними: 5 и егда поженет ужик крове вслед его, и не дадут убившаго в руке его: яко не ведый уби ближняго своего и не ненавида той его от вчера и третияго дне: 6 и да вселится в той град, дондеже станет пред лицом сонма на суд, и дондеже умрет жрец великий, иже будет в тыя дни: тогда да обратится убийца, и внидет во град свой и в дом свой, и во град, отнюдуже избеже. 7 И отделиша Кедес в Галилеи, в горе Неффалимим, и Сихем в горе Ефремли, и Град Арво (сей есть Хеврон) в горе Иуде: 8 и об ону страну Иордана ко Иерихону на восток, даша Валоар в пустыни в поли от племени Рувимля, и Рамоф в Галааде от племени Гадова, и Голан в Васанитиде от племени Манассина: 9 сии грады избраны быша всем сыном Израилевым и пришелцу прилежащему в них, еже убежати тамо всякому убивающему душу неволю, да не умрет от руку ужика крове, дондеже станет пред сонмом на суд.

21 И приидоша старейшины отечеств сынов Левиных к Елеазару жрецу и ко Иисусу сыну Навину и к старейшинам отечеств от племен сынов Израилевых, 2 и реша к ним в Силоме в земли Ханаани, глаголюще: заповеда Господь рукою Моисеовою дати нам грады еже обитати, и окрестная их предградия скотом нашим. 3 И даша сынове Израилевы левитом от частей своих по повелению Господню грады сия и окрестная предградия их. 4 И изыде жребий сонму Каафову, и бысть сыном Аароним жрецем левитом от племени Иудина и от племени Симеоня и от племени Вениамина по жребием грады тринадцать: 5 и сыном Каафовым оставшымся от (сродства) племени Ефремова и от племени Данова и от полуплемени Манассина по жребию грады десять: 6 и сыном Гирсоним от племени Иссахарова и от племени Асирова, и от племени Неффалимля и от полуплемени Манассина (еже) в Васане, по жребию грады тринадцать: 7 и сыном Мераарим по сонмом их, от племени Рувимля и от племени Гадова и от племени Завулоня, по жребию грады дванадцать. 8 И даша сынове Израилевы левитом грады сия и окрестная их, якоже заповеда Господь Моисею, по жребию. 9 И даде племя сынов Иудиных и племя сынов Симеоновых и племя сынов Вениаминовых грады сия: и нарекоша по имени. 10 И быша сыном Аароновым от сонма Каафова сынов Левиных, яко сим бысть жребий первый. 11 И даде им Кариафарвок, Митрополь сынов Енаковых (сей есть Хеврон в горе Иудине), и окрестная их. 12 И села града (сего) и веси его даде Иисус Халеву сыну Иефонниину во обдержанье его. 13 И сыном Аарона жреца даде град убежище убившему Хеврон и отлученная яже к нему: 14 и Левну и отлученная яже к ней: и Иефер и отлученная яже к нему: и Есфемо и отлученная яже к нему: 15 и Олон и отлученная яже к нему: и Давир и отлученная яже к нему: 16 и Аин и отлученная ему: и Иетта и отлученная ему: и Вефсамис и отлученная ему: грады девять от дву племен сих. 17 И от племени Вениамина Гаваон и отлученная ему: и Гавее и окрестная его: 18 и Анафоф и окрестная его: и Алмон и окрестная его: грады четыре. 19 Все грады сынов Аароновых жрецов, грады тринадцать и окрестная их. 20 И сонмом сынов Каафовых

левитом, оставшимся от сынов Каафовых, и бысть град пределов их от племени Ефремова. 21 И даша им град убежище убившему Сихем и окрестная его в горе Ефремли: и Газер и окрестная его: 22 и Кавсаим и окрестная его: и Вефорон и окрестная его: грады четыре. 23 И от племени Данава Елфеко и окрестная его: и Гавефон и окрестная его: 24 и Елон и окрестная его: и Гефреммон и окрестная его: грады четыре. 25 И от полуплемени Манассина Фаанах и окрестная его: и Вефсам и окрестная его: града два. 26 Все грады десять и окрестная их сонмом сынов Каафовых оставшимся. 27 И сыном Гирсоном сродником левитским, от полуплемени Манассина, грады отлученныя убишым, Голан в Васанитиде и окрестная его: и Веесфера и окрестная его: града два. 28 И от племени Иссахарова Кисион и окрестная его: и Девраф и окрестная его: 29 и Иермоф и окрестная его: и Источник Писмен и окрестная его: грады четыре. 30 И от племени Асирова Масаал и окрестная его: и Авдон и окрестная его: 31 и Фелкаф и окрестная его: и Роов и окрестная его: грады четыре. 32 И от племени Неффалимова град определенный убишым Кедес в Галилеи и окрестная его: и Емафдор и окрестная его: и Ноеммон и отлученная его: грады три. 33 Все грады Гирсоновы по сонмом их, грады тринадцать и отлученная их. 34 И сонму сынов Мерариных левитом прочым, от племени сынов Завулони, Иекнаам и окрестная его: и Карфа и окрестная его: 35 и Дамна и окрестная его: и Наалол и окрестная его: грады четыре. 36 И об ону страну Иордана ко Иерихону от племени Рувимова даде град убежище убившему Восор в пустыни Мисор и окрестная его: и Иазир и окрестная его: 37 и Гедсон и окрестная его: и Масфа и окрестная его: грады четыре. 38 И от племени Гадова град убежища убишым Рамоф в Галааде и окрестная его: и Манаим и окрестная его: 39 и Есевон и окрестная его: и Иазир и окрестная его: грады четыре. 40 Все грады сыном Мерариным по сонмом их, оставшихся от племени Левиана, и быша пределы их грады дванадцать. 41 Все грады левитстии посреде обдержания сынов Израилевых четыредцать и осмь градов и окрестная их, окрест градов сих: 42 град и окрестная окрест града: тако всем градом сим. И соверши Иисус разделивый землю в пределех ея: и даша сынове Израилевы часть Иисусу повелением Господним: даша ему град, егоже проси: Фамнасахар даша ему на горе Ефремова. И созда Иисус град, егоже проси, и вселися в нем. И взя Иисус ножи каменные, имиже обрезова сыны Израилевы, родившыся на пути в пустыни, яко не обрезашася в пустыни, и положи я во Фамнасахаре. 43 И даде Господь Израилю всю землю, юже клятся дати отцем их: и наследилша ю и вселишася в ней. 44 И упокои Господь их окрест, якоже клятся отцем их: не воста никтоже противу им от всех врагов их: и вся враги их предаде им Господь в руки их. 45 Не оскуде слово (ни едино) от всех глаголгол благих, яже рече Господь сыном Израилевым: вся собышася.

22 Тогда созва Иисус сыны Рувимли и сыны Гадовы и полплемене Манассина, и рече им: 2 вы слышаше

вся, елика заповеда вам Моисей раб Господень, и послушаше гласа моего, по всему елика заповедах вам: 3 не остависте братии вашей в сия дни и множайшыя, даже до дне сего: сохранисте заповедь Господа Бога вашего: 4 ныне же упокои Господь Бог ваш братию вашу, якоже рече им: ныне убо возвратившеся отидите в дома ваша и в землю обдержания вашего, юже даде вам Моисей раб Господень об ону страну Иордана: 5 но сохраните зело творити заповеди и закон, егоже заповеда вам Моисей раб Господень, любити Господа Бога вашего и ходити во всех путех Его, хранили заповеди Его и прилежати Ему и служити Ему от всего сердца вашего и от вся души вашей. 6 И благословив их Иисус отпусти их: и отидоша в дома своя. 7 И полу (племене) Манассиину даде Моисей (обдержания) в Васане, и половине даде Иисус с братиею их у Иордана к морю. И егда отпусти их Иисус в дома их, и благослови их: 8 и со имением многим отидоша в дома своя: и скоты многи зело, и серебро и злато, и медь и железо, и ризы многи зело, и разделиша плен врагов своих с братиею своею. 9 И возвратившеся отидоша сынове Рувимли и сынове Гадовы и полплемене Манассина от сынов Израилевых, от Силома земли Ханаани, отити в землю Галаадску, в землю обдержания своего, юже наследилша по повелению Господню рукою Моисевою. 10 И приидоша в Галилоф Иорданск, иже есть в земли Ханаани: и создаша сынове Рувимли и сынове Гадовы и полплемене Манассина тамо олтаре у Иордана, олтаре велик еже видети. 11 И услышаша сынове Израилевы глаголющих: се, создаша сынове Рувимли и сынове Гадовы и полплемене Манассина олтаре у пределов земли Ханаани, в галилофе у Иордана об ону страну сынов Израилевых. 12 И услышаша сынове Израилевы, и собрашася вси сынове Израилевы в Силон, еже возшедше воевати их. 13 И послаша сынове Израилевы к сыном Рувимлим и к сыном Гадовым и к полуплемену Манассиину в землю Галаадску Финееса сына Елеазара, сына Аарона жерца, 14 и десять князей с ним: князь един от дому отечества, от всех племен сынов Израилевых: мужие князи домов отечеств их, иже суть тысященачальници Израилевы. 15 И приидоша к сыном Рувимлим и к сыном Гадовым и к полуплемену Манассиину в землю Галаадову, и реша к ним, глаголюще: 16 сия глаголет весь сонм Господень: кое прегрешение сие, имже согрешисте пред Господем Богом Израилевым, отвратитися днесь от Господа Бога Израилева, создавше себе требище, еже отступником вам быти днесь от Господа? 17 Еда мал вам грех Фогоров, яко не очистихомся от него даже до сего дне? И бысть язва в сонме Господни: 18 и вы отвратитесь днесь от Господа: и будет егда отступите днесь от Господа, и завтра на всем Израили будет гнев Господень: 19 и ныне аще мала вам земля обдержания вашего, прейдите вы в землю обдержания Господня, идеже пребывает скиния Господня, и наследите среде нас, и не будите отступницы от Господа, и от нас не отступите, за еже создати вам требище кроме олтаря Господа Бога нашего: 20 не се ли Ахар сын Заранов прегрешением прегреша от проклятия, и бысть на весь сонм Израилев гнев? Аще и един бяше, но не един умре грехом

своим. 21 И отвещаша сынове Рувимли и сынове Гадовы и полплемене Манассиина, и реша тысященачальником Израилевым, глаголюще: 22 Бог бог, Господь есть, и Бог бог Господь Сам весть, и Израиль сам познает, аще во отступлении прегрешихом пред Господем, да не избавит нас во днешний день: 23 и аще создадох себе требище, еже отступити нам от Господа Бога нашего, или вознести нам нань жертву всесожжений, или еже сотворити на нем жертву спасения, Сам Господь възыщет: 24 но ради благоговения глагола сотворихом сие, глаголюще: да не рекут завтра чада ваша чадом нашим, глаголюще: что вам и Господеви Богу Израилеву? 25 И пределы постави Господь между вами и нами, сынове Рувимли и сынове Гадовы, Иордан, и несть вам части Господни: и отчуждят сынове ваши сынов наших, яко да не служат Господу: 26 и рекохом сотворити сице, еже создати требище сие, не приношений ради, ниже жертв ради, 27 но да будет свидетелство сие между вами и нами и между роды нашими по нас, еже служити службу Господеву пред ним в приношениях наших и в жертвах наших и в жертвах спасений наших: и да не рекут чада ваша завтра чадом нашим: несть вам части Господни. 28 И рекохом: аще будет когда, и възглаголют к нам или к родом нашим завтра и рекут: зрите подобие жертвенника Господня, егоже сотвориша отцы наши, не приношения ради, ниже жертв ради, но свидетелство есть между нами и между вами и между сыны нашими: 29 да не будет убо нам отступити от Господа, еже отвратитися во днешний день от Господа, еже сотворити нам жертвенник приношением и жертвам саламин и жертве спасения, кроме олтаря Господа Бога нашего, иже есть пред скиниею Его. 30 И услышавше Финеес жрец и вси князи сонма, и тысященачальницы Израилевы, иже быша с ним, словеса сия, яже глаголаша сынове Рувимли и сынове Гадовы и полплемене Манассиина, и угодно им бысть сие. 31 И рече Финеес жрец сыном Рувимлим и сыном Гадовым и полуплемену Манассиину: днесь познахом, яко с нами есть Господь, иже не погрешисте пред Господем прегрешения, но днесь избависте сыны Израилевы от руки Господни. 32 И возвратися Финеес жрец и князи отечеств от сынов Рувимлих и от сынов Гадовых и от полуплемене Манассиина от земли Галаадовы в землю Ханаану к сыном Израилевым: и отвещаша им словеса сия. 33 И угодно бысть слово сие сыном Израилевым, и благословиша Бога сынове Израилевы и рекоша: ктому да не изыдем к ним на брань потребити землю сынов Рувимлих и сынов Гадовых и полуплемене Манассиина. И вселишася на ней. 34 И нарече Иисус требище сынов Рувимлих и сынов Гадовых и полуплемене Манассиина и рече: яко свидение есть между ими, яко Господь бог Бог их есть.

23 И бысть по днех мнозех, егда упокои Господь Бог Израила от всех врагов его иже окрест, и Иисус состареса прошед дни. 2 И созва Иисус вся сыны Израилевы и старейшины их, и князи их и судии их и книгочия их, и рече к ним: аз состарехся и проидох дни: 3 вы же видесте вся, елика сотвори Господь Бог ваш всем языком сим от

лица вашего, зане Господь Бог наш споборствовавший нам: 4 видите, яко низвергох вам языки оставшыяся вам сия во жребиих племеном вашим, от Иордана вся языки потребих, и от моря великаго, еже определит на запад солнца: 5 Господь же Бог ваш Сам потребит их от лица вашего, дондеже погибнут, и послет на ня звери дивия, дондеже потребит их и цари их от лица вашего, и наследите землю их, якоже глагола вам Господь Бог ваш: 6 укрепитесь убо зело хранити и творити вся написанная в книгах закона Моисеова, да не уклонитесь от него на десно или на лево: 7 яко да не внидете во языки оставшыяся, или имена богов их да не возименуются в вас, ниже да кленетеся ими, ниже да послужите им, ниже поклонитесь им: 8 но токмо Господу Богу вашему прилепитесь, якоже твористе до сего дне: 9 и потреби Господь от лица вашего языки велики и сильны, и никто противоста вам до сего дне: 10 един от вас прогна тысячи, яко Господь Бог ваш споборствоваше вам: 11 и сохраните зело любити Господа Бога вашего: 12 аще бо отвратитесь и приложитесь ко оставшымся языком сим, иже с вами, и браки сотворите с ними, и смеситесь с ними, и они с вами, 13 ведением уведите, яко не приложит Господь потребити языки сия от лица вашего: и будут вам в сети и в соблазны, и в гвоздия в пятах ваших и в стрелы во очесех ваших, дондеже погибнете от земли благия сея, юже даде вам Господь Бог ваш: 14 аз же днесь отхожду в путь, якоже и вси иже на земли: и познаете всем сердцем вашим и душою вашею, яко ни едино слово отпаде от всех словес благих, яже рече Господь Бог ваш к вам: вся приходят вам, и не разнствова от них ни едино слово: 15 и будет, имже образом приходят на вас вся словеса добрая, яже глагола Господь Бог к вам, тако наведет Господь на вы вся словеса злая, дондеже потребит вы от земли благия сея, юже даде вам Господь Бог ваш: 16 внегда преступите завет Господа Бога вашего, егоже заповеда вам, и шедше послужите богом иным и поклонитесь им: и разгневется яростию Господь на вы, и погибнете скоро от земли благия, юже даде Господь вам.

24 И собра Иисус вся племена Израилева в Сихем, и созва старейшины Израилевы и князи их, и судии их и книгочия их, и сташа пред Господем Богом. 2 И рече Иисус ко всем людем, глаголя: сия глаголет Господь Бог Израилев: об ону страну реки жиша отцы ваши исперва, Фара отец Авраамов и отец Нахоров, и служивша богом иным: 3 и поях отца вашего Авраама от об ону страну реки, и водих его во всей земли Ханаанстей: и умножих семя его, и дах ему Исаака: 4 Исааку же дах Иакова и Исава и дах Исаву гору Сиир наследие ему: Иаков же и сынове его снидоша во Египет, и быша тамо в язык велик и крепок и мног, и озлобиша их Египтяне: 5 и послах Моисеа и Аарона, и поразих Египта во знамениих, яже сотворих в них, и по сем изведох вас, 6 и изведох отцы ваша из Египта, и внидосте в море Чермное: и погнаша Египтяне вслед отец ваших во колесницах и на конех в море Чермное: 7 и возопихом ко Господу, и даде облак и мглу между нами и между Египтяны, и наведе на них море, и покры их: и видеша

очеса ваша, елика сотвори Господь в земли Египетстей: и бысте в пустыни дни многи: 8 и приведе вас в землю Аморреев живущих об ону страну Иордана, и ополчишася на вы: и предаде я Господь в руки ваша, и наследисте землю их, и потребисте их от лица вашего: 9 и воста Валак сын Селфоров, царь Моавль, и ополчися противу Израиля, и послав призва Валаама сына Веорова кляти вас: 10 и не восхоте Господь Бог погубити тя, но благословением благослови вас и избави вас от рук их: 11 и преидосте Иордан и приидосте во Иерихон, и бишася с вами живущи во Иерихоне, Аморрей и Ферезей, и Хананей и Хеттей, и Гергесей и Евей и Иевусей, и предаде их Господь в руки ваша: 12 и посла пред вами шершни, и изгна от лица вашего два царя Аморрейска, не оружием твоим, ниже луком твоим, 13 и даде вам землю, о нейже не трудистеся на ней, и грады, ихже не создасте, и пожисте в них, и винограды и масличие, ихже не насадисте вы, ядосте: 14 и ныне убойтеся Господа, и послужите Ему в правде и правоте: и отвержите боги чуждыя, имже служиша отцы ваши об ону страну реки и во Египте, и служите Господеву: 15 аще же не угодно вам служити Господеву, изберите сами себе днесь, кому послужите, или богом отец ваших, иже быша об ону страну реки, или богом Аморрейским, в ниже вы живете на земли их: аз же и дом мой служити будем Господеву, яко свят есть. 16 И отвещавше людие, реша: не буди нам оставити Господа, еже служити богом иным: 17 Господь бо Бог наш Той Бог есть, Той изведе нас и отцы наши от земли Египетския, от дому работы, иже сотвори пред очима нашими знамения велия, и сохрани нас во всем пути, по немуже идохом, и во всех языцех, иже сквозе проидохом: 18 и изгна Господь вся языки и Аморрея живущаго на земли от лица нашего: но и мы послужим Господеву, Сей бо есть Бог наш. 19 И рече Иисус к людям: не возможете служити Господеву Богу, яко Бог свят есть и ревнитель сей: не оставит грех ваших и беззаконий ваших: 20 егда оставите Господа и послужите богом чуждим, и пришед озлобит вас и потребит вас, вместо еже благо сотвори вам. 21 И рекоша людие ко Иисусу: ни, но Господеву послужим. 22 И рече Иисус к людям: свидетели вы сами на ся, яко вы избрасте служити Господеву Самому. И рекоша: свидетели мы. 23 И ныне отвержите боги чуждыя, иже суть в вас, и исправите сердца ваша ко Господу Богу Израилеву. 24 И рекоша людие ко Иисусу: Господеву Богу нашему послужим, и гласа Его послушаем. 25 И завеща Иисус завет к людям в день он, и даде им закон и суд в Сихеме, пред скинию Господа Бога Израилева. 26 И вписа Иисус словеса сия в книгу закона Божия: и взя камень велий, и постави его под тервинфом, иже есть пред Господем. 27 И рече Иисус к людям: се, камень сей будет вам во свидение: яко сей слыша вся глаголголанная от Господа, елика глагола к вам днесь, и сей будет вам во свидение в последния дни, и егда солжете Господеву Богу вашему. 28 И отпусти Иисус люди, коегождо в места своя. 29 И послужи Израиль Господеву во вся дни Иисусовы и во вся дни старцев, иже препроводиша время со Иисусом и иже видеша вся дела Господня, елика сотвори Израилу. 30 И бысть по сих, и умре

Иисус сын Навин раб Господень, (пожив) сто и десять лет. 31 И погребоша его в пределех хребтя его во Фамнасахаре, в горе Ефремели, от севера горы Гаасовы, и положиша тамо с ним во гробе, в немже погребоша его, ножи каменные, имже обреза сыны Израилевы в Галгалех (Иисус), егда изведе их из Египта, якоже повеле Господь: и тамо суть даже до дне сего. 32 И кости Иосифовы изнесоша сынове Израилевы из Египта и закопаша их в Сихемех, в части села, еже притяжа Иаков от Аморрей живущих в Сихемех стом агниці, и даде ю Иосифу в часть. 33 И бысть по сих, и Елеазар сын Ааронов архиерей скончася: и погребен бысть в Гаваафе Финееса сына своего, егоже даде ему в горе Ефремове.

Книга Судей израилевых

1 И бысть по скончании Иисусове, и вопрошаху сынове Израилевы Господа, глаголюще: кто взыдет нам к Хананею воевода, ратовати на них? **2** И рече Господь: Иуда взыдет: се, дах землю в руку его. **3** И рече Иуда к Симеону брату своему: взыди со мною в жребий мой, и ополчимся на Хананея: и пойду и аз с тобою в жребий твой. И пойде с ним Симеон. **4** И взыде Иуда, и предаде Господь Хананея и Ферезея в руке их: и избиха их в Везеце до десяти тысяч мужей. **5** И обретоша Адонивезека в Везеце, и секошася с ним: и избиха Хананея и Ферезея. **6** И побеже Адонивезек: и гнаша вслед его, и яша его, и отсекоша край рук его и край ног его. **7** И рече Адонивезек: седмидесяти царем обсекох край рук их и край ног их, и быша собирающе (от крупиц) под трапезою моею: якоже убо сотворих, тако воздаде ми Бог. И приведоша его во Иерусалим, и умре тамо. **8** И воеваша сынове Иудины на Иерусалим, и взяша его, и поразиша его острием меча, и град сожгоша огнем. **9** И по сих снидоша сынове Иудины воевати на Хананея живущаго в горней к югу и в равней. **10** И пойде Иуда на Хананея живущаго в Хевроне. И изыде Хеврон со страны: имя же бе Хеврону прежде Кариафарвок-Сефер: и убиша Сесина и Ахимана и Фолмиа, роды Енаковы. **11** И взыдоша отуду к живущым в Давире: имя же Давиру бе прежде Кариафсефер, Град Писмен. **12** И рече Халев: иже аще поразит Град Писмен и возмет его, дам ему Асхань дочь мою в жену. **13** И взя его Гофониил сын Кенеза брата Халевова юнейший, и даде ему Халев Асхань дочь свою в жену. **14** И бысть вегда отходити ей, и подвиже ю Гофониил просити у отца своего села, и ропташе (седящи) на осляти, и вопияше со осляти: на землю южную отдал мя еси. И рече ей Халев: что ти есть? **15** И рече ему Асхань: даждь ми благословение: яко на землю южную отдал еси мя, да даси мне и исходяща водная. И даде ей Халев по сердцу ея исходяща вышних и исходяща нижних. **16** И сынове Иофора Кинеева, ужика Моисеова, взыдоша от града Финическа к сыном Иудиным в пустыню сущую на юг Иуды ко исходу Аредову, и поидоша, и вселишася с людьми. **17** И пойде Иуда с Симеоном братом своим, и избиха Хананея живущаго в Сефеве, и потребиша его: и прозваша имя граду Потребление. **18** И взя Иуда Газу и предел ея, и Аскалона и предел его, и Аккарон и предел его, и Азот и окрестная его. **19** И бляше Господь со Иудою. И взя гору, яко не возмогоша потребити живущих во юдоли, зане Рихав противоста им, и колесницы железныя бяху там. **20** И даша Халеву Хеврон, якоже глагола Моисей: и наследствова тамо три грады сынов Енаковых, и изгна отуду три сыны Енаковы. **21** И Иевусея живущаго во Иерусалиме не изгнаша сынове Вениаминовы, и живяше Иевусей с сынами Вениамины во Иерусалиме даже до сего дне. **22** И взыдоша сынове Иосифли и сии в Вефиль: и Господь бляше с ними. **23** И ополчисяся, и согладаша

(сынове Иосифовы) Вефиль: имя же бе прежде граду Луза. **24** И видеша стрегущи мужа исходящаго из града, и яша его и рекоша ему: покажи нам вход во град, и сотворим с тобою милость. **25** И показа им вход градный: и поразиша град острием меча, мужа же и сродство его отпустиша. **26** И отиде муж в землю Хеттиим, и созда тамо град, и прозва имя ему Луза: сие имя ему даже до дне сего. **27** И не разори Манассий Вефсана, иже есть Скифский град, ниже дочерей его, ниже окрестных (предел) его, ниже Фанаха, ниже дочерей его, ниже живущих в Доре, ниже дочерей его, ниже живущих во Иевламе, ниже окрестных его, ниже дочерей его, и живущих в Магеддоне, ниже окрестных его и дочерей его. И нача Хананей жити на земли сей. **28** И бысть егда укрепися Израиль, и сотвори Хананея данника: изгнанием же не изгна его. **29** И Ефрем не изгна Хананея живущаго в Газере: и живяше Хананей среде его в Газере, и бысть ему в данника. **30** И Завулон не изгна живущих в Хевроне и живущих во Аммане: и вселися Хананей посреде их и бысть ему данник. **31** И Асир не изгна живущих во Акхоре, (и бысть ему данник,) ни живущих в Доре, ни живущих в Сидоне, ни живущих в Даллафе и во Ахазиве, и во Елве и во Афеке и в Роове. **32** И вселися Асир посреде Хананея живущаго на земли (той), зане не возможе изгнати его. **33** И Неффалим не изгна живущих в Вефсамисе, ниже живущих в Вефанахе: и вселися Неффалим среде Хананея живущаго на земли (сей): живущи же в Вефсамисе и в Вефанахе быша ему данницы. **34** И утесни Аморрей сыны Дановы в горе, яко не пусти им низходити во юдоль. **35** И нача Аморрей жити в горе Чрепней, иже медведи и лисицы, в Мирсиноне и в Салавине: и отяготе рука дому Иосифля на Аморреа, и бысть ему данник. **36** И предел Аморрейский идумей от восхода Акравиня, от Камене и выше.

2 И взыде Ангел Господень от Галгал к месту Плача и к Вефилию и к дому Израилеву, и рече к ним: сия глаголет Господь: изведох вас из Египта, и введох вас в землю, еюже кляхся отцем вашим дати вам: и рекох: не разорю завета Моего, иже с вами, во веки: **2** и вы не завещайте завета с седящими на земли сей, ниже богом их да поклонитесь, но изваянная их сокрушите, и олтари их раскопайте: и не послушасте гласа Моего, яко сия сотвористе: **3** и аз рех: не приложу преселити людей, иже рех изгнати, ниже отиму их от лица вашего, и будут вам в терние, и бози их будут вам в соблазн. **4** И бысть егда глагола Ангел Господень словеса сия ко всем сыном Израилевым, и воздвигоша людие глас свой, и восплакашася. **5** И сего ради прозваша имя месту тому Плачь: и пожроша тамо Господеву. **6** И отпусти Иисус люди, и отидоша сынове Израилевы кийждо в дома своя и кийждо в наследие свое наследити землю. **7** И работаша людие Господеву во вся дни Иисусовы и во вся дни старейшин, елицы пожиша многи дни со Иисусом, елицы разумеша все дело Господне великое, еже сотвори Израилю. **8** И скончася Иисус сын Навин раб Господень, сын ста и десяти лет. **9** И погребоша его в пределех наследия

его в Фамнафаресе, в горе Ефремли, от севера горы Гаас: 10 и весь род он приложился ко отцем своим. И воста род другой по сих, иже не познаша Господа и дела, еже сотвори во Израили. 11 И сотвориша сынове Израилевы злое пред Господем и послужиша Ваалу, 12 и оставиша Господа Бога отец своих, изведшаго их из земли Египетски, и поидоша вслед богов иных, от богов языческих, иже окрест их, и поклонишася им: и разгневаша Господа, 13 и оставиша Его, и послужиша Ваалу и Астартом. 14 И разгневался яростию Господь на Израиля и предаде его в руки пленяющих, и плениша их: и отдаде их в руки врагов их, иже окрест их, и не возмогоша ктому противостати пред лицом врагов своих, во всех в нихже прохощаху. 15 И рука Господня бяше на них во злая, якоже глагола Господь и якоже клятятся Господь им, и озлоби их зело. 16 И возстави (им) Господь судии, и избави их Господь от руки пленяющих я. 17 Но и судий не послушаша, яко соблудиша вслед богов иных и поклонишася им, и разгневаша Господа: и уклонишася с пути скоро, по немуже ходиша отцы их послушати заповедий Господних: не сотвориша тако. 18 И яко возстави им Господь судий, и бяше Господь с судиею, и спасе я от руки врагов их во вся дни судии: яко умилися Господь от въздыхания их, от лица воюющих на ня и озлобляющих я. 19 И бысть егда умираше судия, и отвращахуся, и паки растлевахуся паче отец своих, идуще вслед богов иных служити им и поклонятися им: не отвергоша начинаний своих и не отступиша от путей своих жестоких. 20 И разгневался яростию Господь на Израиля и рече: понеже остави род сей завет Мой, егоже заповедах отцем их, и не послушаша гласа Моего, 21 и аз не приложу изгнати мужа от лица их от сих языков, иже остави Иисус сын Навин на земли и умре, 22 еже искушати в них Израиля, аще сохранят путь Господень ходити в нем, якоже сохраниша отцы их, или ни. 23 И остави Господь языки сия не истребити их вскоре, и не предаде их в руку Иисусову.

3 И сия языки, яже остави Господь, да искусит ими Израиля, вся неведущья браней Ханаанских, 2 токмо ради родов сынов Израилевых, еже научити я брани, обаче иже прежде их не уведаша их: 3 пять воеводств иноплеменнических, и всего Хананея и Сидония, и Евеа живущаго в Ливане от горы Ваал-Ермон до Лавоемафа. 4 И бысть да искусит ими Израиля, да увестъ, аще послушают заповедий Господних, яже заповеда отцем их рукою Моисеовою. 5 И сынове Израилевы обиташа посреде Хананея и Хеттея, и Аморрея и Ферезея, и Евеа и Гергесея и Иевусея, 6 и пояша дщери их себе в жены, и дщери своя даша сыном их, и послужиша богом их. 7 И сотвориша сынове Израилевы злое пред Господем и забыша Господа Бога своего, и послужиша Ваалу и Дубравам. 8 И разгневался яростию Господь на Израиля и предаде их в руки Хусарсафема царя Месопотамии Сирския: и работаша сынове Израилевы Хусарсафему лет осмь. 9 И возопиша сынове Израилевы ко Господу. И возстави Господь спасителя Израилю, и спасе их, Гофонию, сына Кенеза брата Халевова юнейшаго его. 10 И бысть на нем Дух Господень, и суди Израиля. И изыде на рать к Хусарсафему: и предаде Господь в руце его Хусарсафема

царя Сирска, и укрепися рука его над Хусарсафемом. 11 И бысть в покои земля чотыредесять лет. И умре Гофонию сын Кенезов. 12 И приложиша сынове Израилевы сотворити злое пред Господем: и укрепил Господь Еглома царя Моавля на Израиля, занеже сотвориша злое пред Господем. 13 И собра к себе вся сыны Аммони и Амаликовы: и иде, и порази Израиля, и взя град Финическ. 14 И работаша сынове Израилевы Еглому царю Моавлю лет осмьнадесять. 15 И возопиша сынове Израилевы ко Господу: и возстави им Господь спасителя, Аода сына Гирана, сына Иемениина, мужа ободесноручна: и послаша сынове Израилевы дары рукою его Еглому царю Моавлю. 16 И сотвори себе Аод нож обоюдоостр, на пядь едину долгота его, и припося его под ризу по бедре десней своей. 17 И иде, и принесе дары Еглому царю Моавлю: Еглом же муж добротелесен бе зело. 18 И бысть егда сконча Аод принося дары, и отсла носящих дары: 19 и Еглом обратися от идол иже в Галгалех. И рече Аод: слово мне есть к тебе тайно, царю. И рече Еглом к нему: молчи. И отсла от себе всех предстоящих пред ним. 20 И Аод вниде к нему. Сей же седяше в горнице летней своей един. И рече Аод: слово Божие мне к тебе, царю. И воста Еглом со престола близ его. 21 И бысть егда воста, и простре Аод руку левую свою, и извлече нож, иже над стегном его десным, и вонзе во чрево егломово: 22 и втисне и рукоятъ за острием, и заключи тук за острием, яко не извлече ножа из чрева его, (и изыде лайно). 23 И изыде Аод в притвор, и пройде стрегущих, и затвори двери горницы за собою и заключи, 24 и сам изыде. И раби его приидоша и узреша, и се, двери горницы заключены, и реша: еда у потреби седит во отлучении ложа? 25 И преждаша дондеже посрамишася: и се, не бысть отверзаяя двери горницы. И взяша ключъ, и отверзоша: и се, господин их лежит на земли мертв. 26 И Аод спасеся внегда смущахуся, и не бе помышляющаго о нем: а он преиде идолы, и спасеся в Сетирофе. 27 И бысть егда прииде Аод в землю Израилеву, и воструби рогом в горе Ефремли: и снидоша с ним сынове Израилевы, и той пред ними. 28 И рече к ним: идите вслед мене, яко предаде Господь Бог враги наша Моавляны в руки наша. И идоша вслед его, и предвзяша переходы Иордана Моавля, и ни единому мужу попустиша преити. 29 И избиша Моава в то время яко десять тысяч мужей, вся воины, иже в них, и всякаго мужа сильна: и ни един муж спасеся. 30 И пременися Моав в той день под руку Израилеву, и бысть в покои земля осмьдесят лет: и суди их Аод дондеже умре. 31 И по нем воста Самегар сын Анафов: и изби иноплеменников шесть сот мужей ралом воловым: и спасе и сей Израиля.

4 И приложиша сынове Израилевы сотворити злое пред Господем: и Аод умре. 2 И отдаде их Господь в руку Иавина царя Ханаанска, иже царствова во Асоре. И воевода силы его Сисара, и той живяше во Арисофе языков. 3 И возопиша сынове Израилевы ко Господу, яко девять сот колесниц железных бяше ему: и той озлоби Израиля зело лет двадесать. 4 И Деввора, жена пророчица, жена

Лафидофова, сия судяше Израилю в то время: 5 и сия живяше под Фиником Деввора между Рамою и между Вефилем, в горе Ефремли: и восходяху сынове Израилевы к ней тамо на суд. 6 И посла Деввора, и призва Варака сына Авинеемля из Кедеса Неффалимова, и рече к нему: не заповеда ли тебе Господь Бог Израилев? И пойдеши в гору Фавор, и поймеши с собою десять тысяч мужей от сынов Неффалимских и от сынов Завулони: 7 и приведу к тебе в водотечь Кисонь Сисару воеводу силы Иавини, и колесницы его, и множество (вой) его, и предам его в руки твои. 8 И рече к ней Варак: аще пойдеши со мною, пойду, и аще не пойдеши со мною, не пойду: яко не вем дне, в оньже благоустроит Господь Ангела со мною. 9 И рече Деввора к нему: идущи пойду с тобою: обаче веждь, яко не будет тебе слава на пути, в оньже ты идеши: понеже в руку женску предаст Господь Сисару. И воста Деввора и поиде с Вараком до Кадиса. 10 И воззва Варак Завулону и Неффалиму до Кадиса, и поидоша вслед его десять тысяч мужей, и иде с ним Деввора. 11 И Хавер Киней отлучися от Кены и от сынов Иовава, ужика Моисеова: и потче кушю свою под дубом Почивающих, иже есть при Кедесе. 12 И возвестиша Сисаре, яко възиде Варак сын Авинеемль на гору Фавор. 13 И созва Сисара вся колесницы своя, девять сот колесниц железных, и вся люди иже с ним, от Арисофа языков в водотечь Кисонь. 14 И рече Деввора к Вараку: востани, яко сей день, в оньже предаде Господь Сисару в руку твою, зане Господь изыдет пред тобою. И сниде Варак с горы Фавор, и десять тысяч мужей вслед его. 15 И сотре Господь Сисару и вся колесницы его и весь полк его острием меча пред Вараком. И сниде Сисара с колесницы своея и побеге ногами своими. 16 И Варак гоняй вслед колесниц его и вслед полка, даже до Дубравы языков. И паде весь полк Сисарин острием меча: не остана ни един. 17 И Сисара убеже ногами своими в кушу Иаили, жены Хавера Кинеева: яко мир бяхе между Иавином царем Асорским и между домом Хавера Кинеева. 18 И изыде Иаиль во сретение Сисаре и рече к нему: уклонися, господине мой, уклонися ко мне, не бойся. И уклонися к ней в кушу: и покры его одеждею своею. 19 И рече Сисара к ней: напой мя мало воды, яко возжаждах. И отреша мех млечный, и напои его, и покры его. 20 И рече к ней Сисара: стани во дверех кущи, и будет аще кто приидет к тебе, и вопросит тя, и речет: есть ли zde муж? И речеши: несть. 21 И взя Иаиль, жена Хаверова, кол кущный, и взя млат в руку свою, и вниде к нему тихо, и водрузи кол во скрании его, и пронзе до земли: и сей утруждся спаше, и издше. 22 И се, Варак гоняй Сисару. И изыде Иаиль во сретение ему и рече ему: прииди, и покажу тебе мужа, егоже ты ищещи. И вниде к ней, и се, Сисара лежаше мертв, и кол во скрании его. 23 И покори Господь Бог в той день Иавина царя Ханаана пред сыны Израилевыми: 24 и хождаше рука сынов Израилевых ходящи, и ожесточися на Иавина царя Ханаанска, дондеже истребиша его.

5 И воспе Деввора и Варак сын Авинеемов в той день, и рече: 2 вегда начати вождом во Израили, и в

произволении людей, благословите Господа. 3 Услышите, царие, и внушите, князи: аз Господеви воспою и пою Богу Израилеву. 4 Господи, во исходе Твоем от Сиира, вегда воздвизатися Тебе от села Едомова, земля потрясется, и небо возмутися, и облацы ископаша воду: 5 горы подвигошася от лица Господа Елои, тая Сина от лица Господа Бога Израилева. 6 Во дни Самегара сына Анафова, во дни Иаили, оскудеша путие, и идоша в пути кривы, и идоша в пути развращенны: 7 оскудеша жнущии во Израили, оскудеша дондеже воста Деввора, дондеже воста мати во Израили: 8 избраша боги новы, яко хлеб ячен, тогда воеваша грады князей: щит не явися, ниже копие в четыредесяти тысящах во Израили. 9 Сердце мое на учиненная во Израили: сильнии людей, благословите Господа. 10 Ездящии на ослятех белых в полудне, и седящии на судищи, и ходящии на пути сонмов, провещайте. 11 Глас плещущих посреде веселящихся: тамо дадут правду. Господи, правды укрепи во Израили: тогда разыдошася во грады своя людие Господни. 12 Востани, востани, Деввора: востани, востани, глаголи с песнию: востани, Вараче, и плени плен твой, сыне Авинеемль. 13 Тогда возвеличися сила Его: Господь смири мне крепльшыя мене. 14 Людие Ефремли утомиша их в долине: брат твой Вениамин в людех твоих: от мене Махир снидоша възысующии, и от Завулону укрепляющися в скиптре повествования писменника. 15 И начальницы во Иссахаре с Девворою и Вараком: тако Варак отпусти пеших своих в долину, в разделения Рувимова, велика испытания сердца. 16 Вскую ми седмиши посреде мосфавемов, слышати звиздание востающих проити в разделения Рувимля? Велия испытания сердца. 17 Галаад, об ону страну Иордана вселися: и Дан, вскую обитаеши в кораблех? Асир обита при брезех морских, и в разделениях своих вселися. 18 Завулон, людие укориша душу свою на смерть: и Неффалим на высотах села. 19 И приидоша к нему царие, и ополчися, тогда воеваша царие Ханаанстии во Фанаахе, у воды Магеддо: множества сребра не взяша. 20 От небесе ополчисяся звезды, от чина своего ополчисяся с Сисарою. 21 Водотечь Кисонев изверже их, водотечь Кадимин, водотечь Кисонев: поперет его душа моя сильная. 22 Тогда отсекошася копыта конская от топтания сильных его. 23 Проклинайте Мазора, рече Ангел Господень, проклятием проклените живущих в нем, яко не приидоша в помощь Господню, в помощь (Господню) в сильных. 24 Да благословится в женах Иаиль, жена Хавера Кинеева, от жен в кущи да благословится: 25 воды проси у нея, и даде ему млеко в чаши: преимущих принесе масло кравие: 26 руку свою левую к колу простре, и десницу свою ко млату работающих, и уби Сисару: разби главу его, и порази, прободе скрания его: 27 между ногами ея повалися: паде утружден, и умре посреде ног ея, и тамо паде бедне. 28 Оконцем взираше мати Сисарина, окном сквозе решетку, что замедли колесница его приити? Вскую умедлиша стопы колесниц его? 29 Мудрии началствующии ея отвещаша ей, и сама отвещаваше словеса своя себе: 30 не обрящут ли его разделяюща корысти, удружающа другом

на главу мужа сильна? Корысти шаров Сисаре, корысти шаров различия, шары испещренных, сия выи его корысти. 31 Тако да погибнут вси врази Твои, Господи: и любящии Его, якоже восток солнца в силе своей. И бысть в покои земля четыредесять лет.

6 И сотвориша сынове Израилевы злое пред Господем, и предаде их Господь в руку Мадиамлю семь лет. 2 И укрепися рука Мадиамля на Израиля: и сотвориша себе сынове Израилевы от лица Мадиамля ограды в горах и в пещерах и в твердынях. 3 И бысть егда сеяше муж Израилев, и восхождаше Мадиам и Амалик и сынове восточнии, и восхождаху на него, 4 и ополчахуся на них, и разоряху плоды земныя, дондеже внити в Газу: и не оставляху бытия жизненного во Израили, и стад и телца и осла: 5 яко сами и скоти их восхождаху, и куцы их пренюшаху, и прихождаху яко пружи множством, и самом и велблюдом их не бьяше числа: и прихождаху на землю Израилеву разорити ю. 6 И обнища Израиль зело от лица Мадиамля. 7 И возопиша сынове Израилевы ко Господу: и бысть егда возопиша сынове Израилевы ко Господу Мадиам ради, 8 и посла Господь мужа пророка к сыном Израилевым, и рече им: сия глаголет Господь Бог Израилев: Аз емь изведый вас из Египта, и изведох вас из дому работы: 9 и избавих вас от руки Египетския и от руки всех стужающих вам: и изгнах я от лица вашего, и дах вам землю их, 10 и рекох вам: Аз емь Господь Бог ваш, не убойтесь богов Аморрейских, в нихже вы живете в земли их: и не послушасте гласа Моего. 11 И прииде Ангел Господень, и седе под дубом, иже есть во Ефрафе, иже бысть Иоаса отца Езри. И Гедеон сын его млчаше пшеницу на гумне его, бежати от лица Мадиамля. 12 И явися ему Ангел Господень и рече к нему: Господь с тобою, сильный крепостию. 13 И рече к нему Гедеон: во мне, Господи мой: и аще есть Господь с нами, и вскую обретоша ны вся злая сия? И где суть вся чудеса Его, елика поведаша нам отцы наши, глаголюще: не из Египта ли изведе нас Господь? И ныне отверже нас Господь и предаде нас в руку Мадиамлю. 14 И воззре на него Ангел Господень и рече ему: иди в крепости твоей сей, и спасеши Израиля от руки Мадиамли: и се, послах тя. 15 И рече к нему Гедеон: во мне, Господи, в чесом спасу Израиля? Се, тысяща моя худша в Манассии, и аз емь мний в дому отца моего. 16 И рече к нему Господь: понеже Аз буду с тобою, и избиеши Мадиам яко мужа единого. 17 И рече к Нему Гедеон: и аще обретох благодать пред очима Твоима, и да сотвориши мне днесь знамение, яко Ты глаголеши со мною: 18 не отиди отсюда, дондеже приити мне к Тебе, и принесу жертву мою, и пожру пред Тобою. И рече: Аз емь, премедлю, дондеже обратишися ты. 19 И Гедеон вниде, и сотвори козлице от коз, и четверть ифи муки опресноков, и мяса вложи в кошницу, и юху вляя в горнец: и изнесе к Нему под дуб, и поклонися. 20 И рече к нему Ангел Господень: возми мяса и хлеба пресныя, и положи у камене онаго, и юху близ излий. И сотвори тако. 21 И простре Ангел Господень конец жезла, иже в руке его, и прикоснулся мясом и хлебом пресным: и возгореся огонь из камене, и пояде мяса и опресноки: и

Ангел Господень отиде от очей его. 22 И виде Гедеон, яко Ангел есть Господень, и рече Гедеон: увы мне, Господи, Господи, яко видех Ангела Господня лицом к лицу. 23 И рече ему Господь: мир тебе, и не бойся, не умреши. 24 И созда тамо Гедеон жертвенник Господу, и назва его Мир Господень, даже до дне сего, еще сущу ему во Ефрафе отца Езри. 25 И бысть в ту ночь, и рече ему Господь: возми телца упитанного (от скотов) отца твоего, и телца втораго седми лет, и разориши олтарь Ваалов, иже есть отца твоего, и дубраву, яже у него, да посечеши: 26 и да соградиши олтарь Господеви Богу твоему явившемуся тебе на верху (горы) маози во предчии: и да поймеши телца втораго и вознесеши всесожжения на древех дубравы, юже посечеши. 27 И поя Гедеон десять мужей от рабов своих, и сотвори, якоже заповеда ему Господь. И бысть яко убояся дому отца своего и мужей града, еже сотворити во дни, и сотвори нощию. 28 И обутреневаша мужие градстии заутра: и се, раскопан олтарь Ваалов, и дубрава яже у него посечена, и видеша телца втораго вознесена на всесожжение на олтарь новосогражденный. 29 И рече муж к ближнему своему: кто сотвори вещь сию? И вопрошаху и искаху, и познаша, яко Гедеон сын Иоасов сотвори вещь сию. 30 И рекоша мужие градстии ко Иоасу: изведи сына твоего, и да умрет, яко раскопа олтарь Ваалов и яко посече дубраву яже над ним. 31 И рече Иоас к мужем воставшим на него: еда вы ныне суд глаголете о Ваале? Или вы его спасете? Иже аще кто сотвори обиду, да умрет до заутрия: аще Бог есть, да мстит себе, яко раскопа олтарь его. 32 И прозва его в той день Иероваалом, глаголя: да отмстит на нем Ваал, яко раскопа олтарь его. 33 И весь Мадиам и Амалик и сынове востоков снидошася вкупе, и преидоша (реку), и ополчишася в долине Иезраель. 34 И Дух Божий укрепил Гедеона, и воструби рогом, и возопи Авиезер вслед его. 35 И посла послы ко всему Манассию, и созвася и сей вслед его. Посем посла послы во Асир и в Заулон и в Неффалим, и въздоша во сретение им. 36 И рече Гедеон к Богу: аще Ты спасаеши рукою моею Израиля, якоже глаголах еси, 37 се, аз положу руно овчье на гумне: и аще будет роса на руно точию, и по всей земли суша, уразумею, яко спасеши рукою моею Израиля, якоже глаголах еси. 38 И бысть тако: и урани Гедеон наутрие, и исцеди руно, и истече роса из руна, исполнен окрин воды. 39 И рече Гедеон к Богу: да не разгневается ярость Твоя на мя, и възглаголю еще единою, и искушу еще единою руном: да будет суша на руно токмо, и по всей земли да будет роса. 40 И сотвори Бог тако в нощи той: и бысть суша на руно токмо, и по всей земли бысть роса.

7 И обутренева Иероваал, сей есть Гедеон, и вси людие иже с ним, и ополчишася у источника Арад: и полк Мадиамль и Амаликов бьяше ему с севера на холме Мосе Гавааф-Аморе в долине. 2 И рече Господь к Гедеону: мнози людие иже с тобою, сего ради не предам Мадиам в руку их, да не когда похвалятся Израиль на Мя, глаголя: рука моя спасе мя: 3 и ныне рцы во уши людем, глаголя: кто боязлив и ужастив, да возвратится и да отидет от горы Галаадовы. И

возвратишася от людей двадесять две тысячи, и десять тысяч останася. 4 И рече Господь к Гедеону: еще людие мнози суть: сведи я на воду, и искушу тебе их тамо: и будет егоже аще реку тебе, сей да идет с тобою, той да пойдет с тобою: и всяк егоже аще реку тебе, сей да не пойдет с тобою, той да не пойдет с тобою. 5 И свеле люди на воду, и рече Господь к Гедеону: всяк иже полочет языком своим от воды, якоже лочет пес, да поставиши его особь: и всяк иже на колену падет пити, отлучи его особь. 6 И бысть число в горстех локавших языком триста мужей: и вси оставшии людие преклонишася на колена своя пити воду. 7 И рече Господь к Гедеону: трети сты мужей локавшими воду спасу вас, и предам Мадиама в руку твою: и вси людие да пойдут, кийждо на место свое. 8 И взяша себе брашно от людей в руку свою и роги своя: и всякаго мужа Израилтеска отпусти коегождо в кушу свою, а триста мужей удержа: полк же Мадиамль бяше ниже его в долине. 9 И бысть в ту ночь, и рече к нему Господь: встав сниди отсюда скоро в полк, яко предах их в руку твою: 10 и аще боишися ты снити, сниди ты и Фара раб твой в полк, 11 и услышиши, что возглаголют: и по сем укрепятся руке твои, и снидеши в полк. И сниде сам и Фара раб его в часть пятьдесятников, иже быша в полце. 12 И Мадиам и Амалик и вси сынове востоков стояху в долине яко пружи множеством, и велблюдом их не бяше числа, но бяху яко песок на краи морстем множеством. 13 И вниде Гедеон, и се, муж поведаше сон подругу своему, и рече: сей сон егоже видех, и се, тесто хлеба ячна валяющееся в полце Мадиамли, и привалися к куци Мадиамли, и поби ю, и преврати ю, и паде куца. 14 И отвеща подруг его и рече: несть (сие тесто), но мечь Гедеона сына Иоасова мужа Израилева: предаде Бог в руку его Мадиама и весь полк. 15 И бысть яко услыша Гедеон поведание сна и разсуждение его, и поклонися Господеви, и возвратися в полк Израилев и рече: встаните, яко предаде Господь в руки наша полк Мадиамль. 16 И раздели триста мужей на три началства, и вдаде роги в руке всем, и водоносы тщи, и свещи среде водоносов, 17 и рече им: мене смотрите, и такожде творите: и се, аз вниду в часть полка, и будет якоже сотворю, такожде сотворите: 18 и аз вострублю рогом, и вси иже со мною, да вострубите и вы в роги окрест всего полка, и да речете: (мечь) Богу и Гедеону. 19 И вниде Гедеон и сто мужей иже с ним в часть полка в начале стражи средния: и убужением возбудиша стрегущих, и вострубиша в роги, и сразиша водоносы иже в руках их. 20 И вострубиша три началства в роги и сокрушиша водоносы, и удержаша в левых руках своих свещи, и в десных руках их роги, в няже трубити: и возопиша: мечь Господеви и Гедеону. 21 И стаха кийждо о себе окрест полка: и смятеся весь полк, и возопиша, и побегоша. 22 И вострубиша в триста рогов: и положи Господь мечь мужа на подруга его во всем полце, и пробеже полк до Вифасетта, и собрася до страны Авелмаула и к Тавафу. 23 И возопиша мужие Израилтестии от Неффалима и от Асира и от всего Манассии, и погнаша вслед Мадиама. 24 И посла послы Гедеон во всю гору Ефремлю, глаголя: снидите во сретение Мадиаму и удержите им воду до Вефира и

Иордана. И возва всяк муж Ефремль, и предотяша воду до Вефира и Иордана, 25 и яша два князя Мадиамля, Орива и Зива: и убиша Орива в Суре, и Зива убиша во Иакефзиве: и погнаша Мадиама, и главу Орива и Зива принесоша к Гедеону от оная страны Иордана.

8 И рекоша к Гедеону мужие Ефремли: что сие сотворил еси нам, яко не позвал еси нас, егда ходил воевати на Мадиама? И пряхуся с ним сильно. 2 И рече к ним (Гедеон): что сотворих ныне якоже вы? Не лучше ли гроздец Ефремль, нежели обране винограда Авиезерава? 3 В руку вашу предаде Господь князи Мадиамли, Орива и Зива: и что возмогах сотворити якоже вы? Тогда утолися дух их от него, егда глагола им слово сие. 4 И прииде Гедеон ко Иордану, и преиде сам и иже с ним триста мужей, алчни и утруждени гоняще. 5 И рече мужем Сокхофским: дадите хлебы на пищу мужем сим иже со мною, яко алчни суть: аз же гоню вслед Зевеа и Салмана, царей Мадиамских. 6 И рекоша князи Сокхофстии: еда рука Зевеа и Салмана ныне в руке твоей, яко дадим воем твоим хлебы? 7 И рече Гедеон: не тако: но егда предаст Господь Зевеа и Салмана в руку мою, аз сотру плоти ваша тернием пустынным и волчцами. 8 И възыде оттуду во Фануил и глагола к ним такожде. И отвещаша ему мужие Фануили, якоже отвещаша ему мужие Сокхофстии. 9 И рече Гедеон мужем Фануилским, глаголя: егда возвращася с миром, раскопаю столп сей. 10 И Зевей и Салман быша в Каркаре, и полк их с ними до пятнадцати тысяч (мужей) оставшихся от всего полка сынов восточных: и умерших бяше сто и двадесять тысяч мужей держащих оружие. 11 И възыде Гедеон путем живущих в куцах от востоков прямо Навы и Иегевала: и изби полк, полк же бяше надежен. 12 И побегоста Зевей и Салман: и гна вслед их, и поима оба царя Мадиамля, Зевеа и Салмана, и весь полк их смяте. 13 И возвратися Гедеон сын Иоасов от рати прежде восхода солнца, 14 и ят отрочища от мужей Сокхофских и вопроси его: и вписа от него имена князей Сокхофских и старейшин их, седмидесяти и седми мужей. 15 И прииде Гедеон ко князем Сокхофским и рече им: се, Зевей и Салман, иже ради укористе мя, глаголюще: еда рука Зевеа и Салмана ныне в руке твоей, яко дадим мужем твоим утруждымся хлебы? 16 И поя князи и старейшины града, и терние от пустыни и волчцы, и сотре ими мужы Сокхофски: 17 и столп Фануилев раскопа, и изби мужы градския. 18 И рече к Зевею и Салману: каковы мужие, иже избисте в Фаворе? И реша: якоже ты, тако они, подобен ты еси им, яко подобие сынов царевых. 19 И рече Гедеон: братия моя и сынове матери моея суть: жив Господь, аще бысте живили их, не убил бых вас. 20 И рече Иеферу первенцу своему: встав убий их. И не извлече отрочищ меча своего: зане убоися, яко млад бяше. 21 И рече Зевей и Салман: востани убо ты, и сопротивися нам: зане яко муж сила его. И воста Гедеон, и уби Зевеа и Салмана: и взя украшения, яже на выях велблюдов их. 22 И рекоша мужие Израилтестии ко Гедеону: владей нами и ты, и сынове твои, и сынове сынов твоих, яко ты спасл еси нас от руки Мадиамли. 23 И рече к ним Гедеон: не возобладаю аз вами, и не возоблаждает

сын мой вами: Господь да владеет вами. 24 И рече к ним Гедеон: попрошу у вас прошения, и да даст мне всяк муж усерязь от плена своего: яко усерязи златы (мнози) и бяху им, зане Исмаилтяне бяху. 25 И рекоша: дающе дадим. И простре ризу, и ввергоша ту мужие по и усерязю от плена своего. 26 И бысть вес усерязь златых, ихже испроси, тысяща и семь сот сикль злата, кроме плениц и монист (енфофовых), и риз багряных, яже на царех Мадиамлих, и кроме чепей златых, яже на выях велблюдов их. 27 И сотвори от них Гедеон ефуд, и постави его во граде своем во Ефрафе. И соблюди весь Израиль по нем тамо: и бысть Гедеону и всему его дому в соблазн. 28 И смирися Мадиам пред сыны Израилевыми, и не приложиша воздвигнути главы своя. И бысть в покои земля четыредесять лет, во дни Гедеоновы. 29 И иде Иероваал сын Иоасов, и седе в дому своем. 30 И Гедеону быша седмьдесят сынов, изшедшии от чресл его, яко жены бяху многи ему. 31 И подложница его яже в Сикиме и сия роди ему сына, и нарече имя ему Авимелех. 32 И умре Гедеон сын Иоасов в старости блазе, и погребяся во гробе Иоаса отца своего, во Ефрафе, отца Езриева. 33 И бысть егда умре Гедеон, и совратишася сынове Израилевы и соблюдиша вслед Ваалима, и сотвориша себе со Ваалверифом завет, да им будет бог: 34 и не воспомянуша сынове Израилевы Господа Бога своего, избавльшаго их из руки всех враг их окрестных: 35 и не сотвориша милости с домом Иеровааловым, сей есть Гедеон, по всей благостыни его, юже сотвори со Израилем.

9 И поиде Авимелех сын Иероваалов в Сихем ко братии матери своя и глагола к ним и ко всему сродству дому отца матери своя, глаголя: 2 глаголите во уши всех мужей Сихемских: что лучше вам, еже владети вами седмидесяти мужем всем сыном Иеровааловым, или владети вами мужу единому? И помяните, яко кость ваша и плоть ваша есмь аз. 3 И глаголаша братия матери его о нем во уши всех мужей Сихемских вся словеса сия. И уклониша сердце их вслед Авимелеха, рекоша бо: брат наш есть. 4 И даша ему седмьдесят сребреник от дому Ваалверифа: и ная ими Авимелех мужей праздных и скитающихся, и поидоша вслед его. 5 И вниде в дом отца своего во Ефрафу, и избии братию свою, сыны Иеровааловы, седмьдесят мужей, на камени едином, и остася Иоафам сын Иеровааль юнейший, зане скрыся. 6 И собрашася вси мужие Сихемстии и весь дом Маалов, и поидоша, и поставиша Авимелеха царем у дуба стана, иже в Сихемех. 7 И поведаша Иоафаму, и поиде, и ста на версе горы Гаризин: и воздвиже глас свой, и воззва, и рече им: послушайте мене, мужие Сихемстии, и да услышит вас Бог. 8 Идуще идоша древа помазати себе царя и реша масличине: буди нам царь. 9 И рече им масличина: еда оставивши тучность мою, юже во мне прослави бог и человецы, пойду владети древами? 10 И рекоша древа смоковнице: прииди, царствуй над нами. 11 И рече им смоковница: еда оставивши мою сладость и плод мой благий, пойду владети древами? 12 И рекоша древа к лозе виноградней: прииди, буди нам царь. 13 И рече им

лоза виноградная: еда оставивши вино мое, веселящее бога и человеки, пойду владети древами? 14 И рекоша вся древа тернию: прииди, буди нам царь. 15 И рече терние ко древам: аще по истине помазуете себе царя мене над вами, приидите и внидите под сень мою: аще ли же ни, да изыдет огонь из терния и пояст кедры Ливанския. 16 И ныне аще по истине и по совершенству сотвористе, и постависте Авимелеха царем, и аще благо сотвористе со Иероваалом и с домом его, и аще по воздаянию руки его сотвористе ему, 17 якоже воева отец мой по вас, и поверже душу свою в страну, и избави вас от руки Мадиамли: 18 и вы востае на дом отца моего днесь и избисте сыны его, седмьдесят мужей, на едином камени, и постависте царем Авимелеха сына рабыни его над мужи Сикимскими, яко брат ваш есть: 19 и аще по истине и по совершенству сотвористе со Иероваалом и домом его днесь, благословени вы будите, и возвеселитесь о Авимелесе, и той о вас да возвеселится: 20 аще же ни, да изыдет огонь от Авимелеха и пояст мужы Сикимски и дом Мааллонь: и да изыдет огонь от мужей Сикимских и от дому Мааллона и да пояст Авимелеха. 21 И избже Иоафам, и побеже, и поиде в Виру, и вселися тамо от лица Авимелеха брата своего. 22 И облада Авимелех во Израили три лета. 23 И посла Бог дух зол между Авимелехом и между мужи Сикимскими: и возгнушашася мужие Сикимстии домом Авимелеховым, 24 еже навести неправду седмидесяти сынов Иероваалих и крови их возложити на Авимелеха брата их, иже уби их, и на мужы Сикимски, яко укрепил руце его избити братию свою: 25 и поставиша нань мужие Сикимстии подсады на версах гор, и разграбляху всех идущих к ним на пути. И возвестися сие Авимелеху. 26 И прииде Гаал сын Аведов и братия его, и преидоша в Сикиму, и уповаша на него мужие Сикимстии: 27 и изыдоша на село, и обраша винограды своя, и изгнетоша, и сотвориша лики: и ходиша во храм богов своих, и ядоша и пиша, кленуще Авимелеха. 28 И рече Гаал сын Аведов: кто есть Авимелех, и кто есть сын Сихемль, яко да поработаем ему? Не сын ли Иеровааль, и Зевул страж его раб его с мужи Еммора отца Сихемля? И почто имамы работати ему? 29 И кто даст люди сия в руку мою? И преставлю Авимелеха, и реку ко Авимелеху: умножи силу твою, и изыди. 30 И услыша Зевул князь града словеса Гаала сына Аведова, и разгневался яростию: 31 и посла послы ко Авимелеху отай, глаголя: се, Гаал сын Аведов и братия его приидоша в Сихему, и се, сии обседят на тя град: 32 и ныне востани нощию ты и людие иже с тобою, и засяди до заутрия на селе: 33 и будет рано, егда възыдет солнце, обутреши и протягнешися ко граду: и се, той и людие иже с ним изыдут к тебе, и сотвориши ему, елико возможет рука твоя. 34 И воста Авимелех и вси людие, иже с ним, нощию, и заседоша на Сихем на четыри части. 35 И бысть заутра, и изыде Гаал сын Аведов и ста пред дверию врат градских. И воста Авимелех и людие, иже с ним, от засады. 36 И виде Гаал сын Аведов люди и рече к Зевулу: се, народ людий исходит с верхов гор. И рече к нему Зевул: стень гор ты видиши яко мужы. 37 И приложи еще Гаал глаголати и рече:

се, людие исходят при мори от высоты земли, и полк един идет путем дубравы Маоненим. 38 И рече к нему Зевул: и где суть ныне уста твоя глаголющая: кто есть Авимелех, яко поработаем ему? Не сии ли суть людие, яже ты уничтожил еси? Изыди убо ныне, и ополчися противу их. 39 И изыде Гаал пред мужы Сихемски, и ополчися противу Авимелеху: 40 и погна его Авимелех, и побеже от лица его: и падоша язвеннии мнози даже до врат градских. 41 И вниде Авимелех во Ариму: и Зевул изгна Гаала и братию его, да не живут в Сихеме. 42 И бысть наутрие, и изыдоша и людие на поле, и поведаша Авимелеху: 43 и взя людей, и раздели их на три части, и засаде на селе: и виде, и се, людие изыдоша из града, и воста на ня, и изби их. 44 И Авимелех и началницы, иже с ним, протягошася и стаха у дверей врат градских: и две части пролияшася на вся, яже на селе, и избиша я. 45 Авимелех же добываше града весь день той, и взя град, и люди иже в нем изби, и разори град, и посея в нем соль. 46 И услышаша сие вси мужие столпа Сихемля и внидоша в твердь дому (бога) Вифилвериф. 47 И возвестися Авимелеху, яко собрашася вси мужие столпа Сихемска. 48 И възыде Авимелех на гору Селмон сам и вси людие, иже с ним: и взя Авимелех секиру в руку свою, и усече ветвь от древа, и воздвиже ю, и возложи на раму свою: и рече людем иже с ним: еже видесте мя творяща, сотворите скоро якоже и аз. 49 И усекоша вси людие ветвия и взяша, и поидоша вслед Авимелеха, и возложиша на твердыню, и запалиша на них твердыню огнем: и изомроша вси людие столпа Сихемска до тысячи мужей и жен. 50 И иде Авимелех в Фивис и обсяде его, и взя его: 51 и столп бе тверд среде града, и вбегоша ту вси мужие и жены и вси старейшины града, и заключишася и възыдоша на кров столпа: 52 и прииде Авимелех до столпа, и супротивишася ему: и приступи Авимелех ко вратом столпа, еже запалити его огнем: 53 и сверже жена едина уломок жерновный на главу Авимелеха, и сокруши ему темя: 54 и возопи скоро Авимелех ко отроку носящему сосуды его и рече ему: извлецы меч твой и убий мя, да не рекут, яко жена уби его. И прободе его отрок его, и умре. 55 И видеша мужие Израилстии, яко умре Авимелех: и отидоша кийждо на свое место. 56 И въздаде Бог зло Авимелеху, еже сотвори отцу своему, убив семьдесят братий своих: 57 и всяку злобу мужей Сихемлих обрати Бог на главы их: и възыде на ня клятва Иоафама сына Иероваала.

10 И воста по Авимелесе спасти Израиля Фола сын Фуи, сын брата отца его, муж от Иссахара: и сей живяше в Самире в горе Ефремове, 2 и суди Израиля лет двадесать три, и умре, и погребен быти в Самире. 3 И воста по нем Иаир Галаадитин, и суди Израиля лет двадесать два: 4 и быша ему сынове тридесать два ездящии на тридесяти двух ослех: и грады им тридесать два: и прозываху их грады Иаировы, даже до днесь, иже суть в земли Галаадове: 5 и умре Иаир, и погребен бысть в Камоне. 6 И приложиша сынове Израилевы творити злое пред Господем и послужиха Ваалимам и Астарофам и богом Сирским и богом Сидонским и богом Моавлским и богом сынов Аммоних и богом иноплеменников: и оставиша

Господа и не работаша Ему. 7 И разгнеवासя Господь яростию на Израиля и предаде их в руку Филистимску и в руку сынов Аммоних. 8 И озлобиша, и сокрушиша сынов Израилевых в то время осмьнадесять лет, всех сынов Израилевых, иже об ону страну Иордана в земли Аморреа иже в Галааде. 9 И преидоша сынове Аммони Иордан воевати на Иуду и Вениамина и на дом Ефремов: и оскорблени быша сынове Израилевы зело. 10 И возопиша сынове Израилевы ко Господу, глаголюще: согрешихом Тебе, яко оставихом Бога нашего и работашом Ваалиму. 11 И рече Господь к сыном Израилевым: не от Египта ли и от Аморреа и от сынов Аммоних и от Филистима 12 и от Сидонян и от Амалика и от Мадиама, иже стужиша вам, и возописте ко Мне, и спасох вы от руки их? 13 Вы же остависте Мене и работасте богом иным: сего ради не приложу спасти вас: 14 идите и возопийте к богу, иже избресте себе, и тии да спасут вы во время скорби вашей. 15 И реша сынове Израилевы ко Господу: согрешихом, сотвори ты нам по всему, елико угодно пред очима Твоима: точию избави нас в сей день. 16 И извергоша боги чуждые от среды себе и послужиха Господеви единому: и шжасяся душа Его о утруждении Израилеве. 17 И възыдоша сынове Аммони, и ополчишася в Галааде: и собрашася и сынове Израилевы, и ополчишася в Массифе. 18 И реша людие князи Галаадстии кийждо ко ближнему своему: муж, иже начнет битися с сынми Аммоновыми, той будет князь всем живущым в Галааде.

11 И быше Иеффай Галаадитянин силен крепостию: и той бысть сын жены блудницы, яже роди Галааду Иеффая. 2 И роди жена Галаадова сынов ему: и возмужаша сынове жены и изгнаша Иеффая, и рекоша ему: не наследисти в дому отца нашего, яко сын жены блудныя еси ты. 3 И отбеже Иеффай от лица братии своея и вселися в земли Тов: и собирахуся ко Иеффая мужие праздни, и хождоша с ним. 4 И бысть по днеш сих, и воеваша сынове Аммони на Израиля. 5 И егда воеваша сынове Аммони на Израиля, и поидоша старейшины Галаадовы пояти Иеффая от земли Тов, 6 и рекоша ко Иеффая: прииди и буди нам начальник, и ополчимся на сыны Аммони. 7 И рече Иеффай старейшинам Галаадским: не вы ли возненавидесте мя, и изгнасте мя из дому отца моего, и отпустисте мя от себе? И почто приидосте ко мне ныне, егда нужду возиместе? 8 И рекоша старейшины Галаадстии ко Иеффая: сего ради ныне приидохом к тебе, да пойдеш с нами, и ополчимся на сыны Аммони: и будеши нам князь всем живущым в Галааде. 9 И рече Иеффай ко старейшинам Галаадовым: аще возвращаете мя ополчитися на сыны Аммони, и предаст их Господь предо мною, и аз вам буду ли князь? 10 И рекоша старейшины Галаадстии ко Иеффая: Господь да будет послух между нами, аще по слову твоему тако не сотворим. 11 И поиде Иеффай со старейшинами Галаадскими, и поставиша его людие над собою главу и князя: и глагола Иеффай вся словеса своя пред Господем в Массифе. 12 И посла Иеффай послы к царю сынов Аммоних, глаголя: что мне и тебе, яко пришел еси ко мне воевати на земли моей? 13 И рече царь сынов Аммоних к послем Иеффаяевым: яко взя Израиль землю мою, егда

изыде из Египта, от Арнона даже до Иавока и до Иордана: и ныне возврати ю с миром, и отиду. 14 И возвратишася послы ко Иеффаяу. И приложи еще Иеффай, и посла послы к царю сынов Аммоних, и рекоша ему: 15 тако глаголет Иеффай: не взя Израиль земли Моавли и земли сынов Аммоних, 16 понеже егда исхождаше из Египта, поиде Израиль по пустыни до моря Чермнаго, и прииде до Кадиса: 17 и посла Израиль послы к царю Едомску, глаголя: да прейду сквозе землю твою: и не послуша царь Едомск: такожде послала и к царю Моавску, и не восхоте: и седе Израиль в Кадисе: 18 и иде пустынею, и обыде землю Едомлю и землю Моавлю, и прииде на востоки солнца земли Моавли, и ополчился об ону страну Арнона, и не вниде в пределы Моавли, яко Арнон бяше предел Моавль: 19 и посла Израиль послы к Сиону царю Аморрейску, царю Есевонску, и рече к нему Израиль: да преидем по земли твоей до места нашего: 20 и не восхоте Сион Израилю прети по пределом своим, и собра Сион вся люди своя, и ополчился во Иасе, и воева на Израиля: 21 и предаде Господь Бог Израилев Сиона и вся люди его в руки Израиля, и изби их: 22 и наследова Израиль всю землю Аморрея живущаго на земли той: и взя весь предел Аморрейск от Арнона даже до Иавока, и от пустыни до Иордана: 23 и ныне Господь Бог Израилев изгна Аморрея от лица людей Своих Израиля, и ты ли хочещи наследити его? 24 Ни, но елико даде в наследие тебе Хамос бог твой, сия да наследииши: а всех, иже изгна Господь Бог наш от лица нашего, сия мы наследим: 25 и ныне еда лучший еси ты Валака сына Сепфорова, царя Моавля? Не бранию ли борящеся со Израилем, или воюя воева его? 26 Егда вселися Израиль во Есевоне и в пределех его, и во Ароире и в пределех его, и во всех градах, иже у Иордана, триста лет, и почто не избавил еси их во время оно? 27 Аз же не согреших тебе, и ты твориши со мною зло, воюя на мя: да судит Господь судяй днесь между сыны Израилевыми и между сыны Аммони. 28 И не послуша царь сынов Аммоних словес Иеффаевых, яже посылаше к нему. 29 И бысть на Иеффаи Дух Господень, и преиде Галаада и Манассию, и преиде Стражбу Галаадову, и от Стражбы Галаадовы иде на ону страну сынов Аммоних. 30 И обеща Иеффай обет Господеви и рече: еще преданием предади сыны Аммони в руку мою, 31 и будет исходяй, иже еще изыдет из врат дому моего во сретение мне, егда возвращающу с миром от сынов Аммоних, и будет Господеви, и вознесу его во всесожжение. 32 И прииде Иеффай к сыном Аммоним воевати на ня: и предаде я Господь в руке его 33 и изби их от Ароира, дондеже приити в Мениф, двадцать градов, и даже до Авеля Виноградов, язвою великою зело. И покорени быша сынове Аммони пред лицом сынов Израилевых. 34 И прииде Иеффай в Массифу в дом свой: и се, дщерь его исхождаше во сретение его с тимпаны и лики: и сия бяше едиnorodна ему возлюбленна: и не бе ему сына, ни другия дщере, кроме ея. 35 И бысть егда увиде ю сам, растерза ризы своя и рече: о, дщи моя, смущающи смутила мя еси: и ты ныне в претъкание была еси пред очима моима: аз бо отверзох уста моя на тя ко Господу и не возмогу вспять возвратити.

36 И рече к нему: отче, аще отверзл еси уста твоя ко Господу, сотвори мне, якоже изыде изо уст твоих, занеже сотвори тебе Господь месть врагом твоим от сынов Аммоних. 37 И рече ко отцу своему: сотвори, отче мой, сие слово: остави мя два месяца, да пойду и възыду на горы и плачуся девства моего аз и другини мои. 38 И рече: иди. И отпусти ю на два месяца: и иде сама и другини ея, и плакася девства своего на горах. 39 И бысть в конце двою месяцу, и возвратися ко отцу своему: и сотвори на ней обет свой, имже обещася: и сия не позна мужа. И бысть в повеление во Израили: 40 от дний до дний исхождаху дщери Израилевы плакати о дщери Иеффая Галаадитина четыре дни в лете.

12 И собрасася мужие Ефремли и приидоша в Сефину, и реша Иеффаяу: почто ходил еси ополчитися на сыны Аммони, и нас не позвал еси ити с тобою? Дом твой с тобою сожжем огнем. 2 И рече к ним Иеффай: имех прию аз и людие мои, и сынове Аммони оскорбиша мене зело: и възвах вас, и не избависте мене от руки их: 3 и видех, яко не бяше спасающаго, и положих душу мою в руку мою, и приидох к сыном Аммоним, и предаде я Господь в руку мою: и вскую приидосте ко мне днесь, ополчити ли ся на мя? 4 И собра Иеффай вся мужы Галаадски и ополчился на Ефрема: и избиша мужие Галаадстии Ефрема, понеже глаголаху: уцелевши от Ефрема, вы Галаад среде Ефрема и среде Манассии. 5 И засяде Галаад проходы у Иордана Ефремовы. И бысть егда реша уцелевши от Ефрема: преидем: и рекоша им мужие Галаадстии: еда ли от Ефрема вы? И реша: несмы. 6 И реша им: рцыте, клас. И не управиша рещи тако: и имаху их, и закалаху у преходов Иорданих: и падоша в то время от Ефрема четьредесять и две тысящы. 7 И суди Иеффай Израилеви лет шесть: и умре Иеффай Галаадитин, и погребен бысть во граде своем в Галааде. 8 И суди по нем Израилеви Есевон от Вифлеема: 9 и быша ему тридесять сыны и тридесять дщери, яже отаде вон (мужем), и тридесять жен приведе сыном своим отвне: и суди Израилеви семь лет: 10 и умре Есевон, и погребен бысть в Вифлееме. 11 И суди по нем Израилеви Елон Завулонянин десять лет: 12 и умре Елон Завулонянин, и погребен бысть во Елиме в земли Завулони. 13 И суди по нем Израилеви Авдон сын Еллихов Фарафонитин: 14 и быша ему четьредесять сынове и тридесять внуцы, ездящии на седмидесяти ослех: и суди Израилеви осмь лет: 15 и умре Авдон сын Еллихов Фарафонитин, и погребен бысть в Фарафоне, в земли Ефремли, в горе Амаликове.

13 И приложиша еще сынове Израилевы творити зло пред Господем: и предаде я Господь в руку Филистимску четьредесять лет. 2 И бяше муж един от Сарай, от племени Данова, имя же ему Маное: и жена ему бяше неплоды и не раждаше. 3 И явися Ангел Господень к жене и рече к ней: се, ты неплоды и не раждала еси, и зачнеши и родиши сына: 4 и ныне блюдиися, и не пий вина и сикера, и не яждь всякаго нечистаго: 5 яко се, ты во утробе примемши и родиши сына: и железо на главу его не въздет, яко назорей Богови будет сие отроча от чрева: и сей начнет спасати

Израиля из руки Филистимли. 6 И вниде жена и рече мужу своему, глаголющи: человек Божий прииде ко мне, и образ его яко образ Ангела Божия, страшен зело: и вопрошах его, откуда еси? И имене своего не поведа ми, 7 и рече мне: се, ты во утробе зачнеши и родиши сына: и ныне не пей вина, ни сикера, и не яждь всякаго нечистаго, яко назорей Богу будет отрочишь от утробы даже до дне смерти своея. 8 И помолися Маное ко Господу и рече: во мне, Господи, человек Божий, егоже послал еси, да приидет еще к нам и наставит ны, что сотворим отрочати раждающемуся. 9 И послуша Бог молитвы Маноевы: и прииде паки Ангел Божий к жене, сия же седяше на селе, и Маное муж ея не бяше с нею. 10 И потщася жена, и текши скоро поведа мужу своему, и рече к нему: се, явися мне муж, иже приходил в день он ко мне. 11 И востав иде Маное вслед жены своея, и прииде к мужу и рече ему: ты ли еси муж глаголавый к жене (моей)? И рече Ангел: аз. 12 И рече Маное: ныне убо да приидет слово твое, кий будет суд отрочате, и что дела его? 13 И рече Ангел Господень к Маною: от всех, яже глаголах к жене, да сохранится: 14 от всего, еже исходит из винограда, да не яст, и вина и сикера да не пьет, и всякаго нечистаго да не яст: и вся, елика заповедах ей, да хранит. 15 И рече Маное ко Ангелу Господню: да удержим тя zde, и сотворим пред тобою козлице от коз. 16 И рече Ангел Господень к Маною: аще мя понудиши, не буду ясти хлеба твоего: но аще сотвориши всесожжение Господеви, то вознеси е. Не ведяше бо Маное, яко Ангел Господень той. 17 И рече Маное ко Ангелу Господню: что имя твое? Да егда сбудется слово твое, прославим тя. 18 И рече ему Ангел Господень: почто сие вопрошаеши имене моего? И то есть чудно. 19 И взя Маное козлицу от коз и жертву, и вознесе на камень Господеви чудная творящему: Маное же и жена его зряста. 20 И бысть егда пламень възде выше олтаря даже до небесе, и възде Ангел Господень в пламени олтаря: Маное же и жена его смотряста, и падоста лицем своим на землю. 21 И не приложи ктому Ангел Господень явитися Маною и жене его. Тогда уведе Маное, яко Ангел Господень есть. 22 И рече Маное к жене своей: смертию умрем, яко Бога видехом. 23 И рече ему жена его: аще бы хотел Господь умертвити нас, не бы взял от рук наших всесожжения и жертвы, и не бы показал нам сих всех, и не бы слышана сия сотворил нам якоже ныне. 24 И роди жена сына, и нарече имя ему Сампсон. И возмужа отроча, и благослови е Господь: 25 и нача Дух Господень ходити с ним в полце Данове, посреде Сарай и посреде Есфаола.

14 И сниде Сампсон во Фамнафу и виде жену во Фамнафе от дочерей Филистимских, и угодна бысть пред ним. 2 И възде и поведа отцу своему и матери своей, и рече: жену видех во Фамнафе от дочерей Филистимских, и ныне поимите ю мне в жену. 3 И рече ему отец его и мати его: еда несть дочерей от братии твоея и от всех людей моих жены, яко ты идеши пояти жену от дочерей иноплеменников необрезанных? И рече Сампсон ко отцу своему: сию поими мне, яко та угодна есть пред очима моима. 4 Отец же его и мати его не разумеша, яко сие от Господа есть, яко

отмщения он ищет от Филистимлян: в то бо время владыку Филистимляне сыны Израилевыми. 5 И сниде Сампсон и отец его и мати его во Фамнафу, и приидоша до винограда Фамнафа: и се, лвичищъ рыкающъ во сретение ему. 6 И сниде на него Дух Господень, и растерза его яко козлицу от коз, и ничтоже бяше в руку его: и не поведа отцу своему и матери своей, еже сотвори. 7 И поидоша и рекоша жене, и угодна бысть пред очима Сампсона. 8 И возвратися по днех пояти ю, и обратися видети труп львов, и се, рой пчел во устех львовых и мед: 9 и изя его от уст его в руце свои, и идяше идый и ядый: и поиде ко отцу своему и матери своей, и даде им, и ядоша: и не поведа им, яко от уст львовых изя сей мед. 10 И сниде отец его к жене, и сотвори Сампсон тамо пир седмь дний, яко тако творят юношы: 11 и бысть внегда боятися им его, приставиша к нему тридесять друзей, и быша с ним: 12 и рече им Сампсон: предлагаю ныне вам гадание, и аще отгадающе поведите мне сие в седмь дний пира и обрячете, дам вам тридесять поняв и тридесять риз одежд: 13 аще же не возможете сие поведати мне, дадите вы мне тридесять поняв и тридесять риз изменных. И рекоша ему: предложи гадание твое, и услышим е. 14 И глагола им: от ядуцког ядомое изыде, и от крепкаго изыде сладкое. И не могоша поведати гадания до трех дний. 15 И бысть в день четвертый, и рекоша жене Сампсонове: прельсти мужа своего, и да повесть тебе гадание, да не сожжем тя и дом отца твоего огнем: или оубожити призвасте ны? 16 И плакася жена Сампсонова пред ним и рече: разве возненавидел еси мене и не возлюбил еси мене, яко гадания, еже еси предложил сыном людей моих, не поведал еси его мне. И рече ей Сампсон: се, отцу моему и матери моей не поведах сего, и тебе ли повем? 17 И плакася пред ним седмь дний, в няже бе им пир. И бысть в день седмый, и поведа ей, яко стужи ему: и та поведа сыном людей своих. 18 И рекоша ему мужие градстии в день седмый прежде зашествия солнца: что слаждше меда? И что креплее льва? И рече им Сампсон: аще не бысте орали юницею моею, не бысте уведали гадания моего. 19 И нападе на него Дух Господень, и сниде во Аскалон, и изби тамо тридесять мужей, и взя ризы их, и даде ризы поведавшим гадание. И разгнеवासя яростию Сампсон, и възде в дом отца своего. 20 Жена же Сампсонова иде за инаго мужа, иже бысть един от друзей его.

15 И бысть по днех во дни жатвы пшеницы, и посети Сампсон жену свою, несый козлице от коз, и рече: да вниду к жене моей в ложницу. И не даде ему отец ея внити. 2 И рече отец ея, глаголя: рех, яко ненавидя возненавидел еси ю, и отдах ю единому от друзей твоих: не се ли сестра ея меньшая добрейши ея есть? Да будет тебе ныне вместо ея. 3 И рече ему Сампсон: чист есмь ныне от Филистимлян, яко сотворю аз с ними зло. 4 И поиде Сампсон, и ят триста лисиц, и взя свещи, и связа ошиб ко ошибу, и устрои едину свещу между двема ошибома: 5 и разжеже огонь в свещах, и пусти я в нивы Филистимски: и запали нивы от гумен и даже до класов простых и до винограда и масличия. 6 И рекоша иноплеменницы: кто сотвори сия? И рекоша: Сампсон зять

Фамнафеев, яко взя жену его и даде ю единому от других его. И въздоша иноплеменицы и сожгоша ю и дом отца ея огнем. 7 И рече им Сампсон: аще и сотвористе вы тако ей, аз не благоизволю, но отмщение мое единому комуждо вас сотворю, и посем почию. 8 И порази их голени до бедр язвою велию: и сниде, и вселися у водотечи в пещере камене Итама. 9 И изыдоша Филистимляне, и ополчишася во Иуде, и разсеяшася в Лехи. 10 И рече им всяк муж Иудин: почто приидете на ны? И рекоша иноплеменицы: связати Сампсона приидом и сотворити ему, якоже сотвори нам. 11 И снидоша три тысячи мужей от Иуды к пещере камене Итама и рекоша к Сампсону: не веси ли, яко владеют нами Филистимляне? И вскую сия сотворил еси нам? И рече им Сампсон: якоже ми сотвориша, тако сотворих им. 12 И рекоша ему: связати тебе приидом и предати тя в руке иноплемеником. И рече им Сампсон: кленитесь мне, да не убьете мене вы. 13 И рекоша ему, глаголюще: ни, но токмо союзом свяжем тя и предадим тя в руки их, смертию же не умертвим тебе. И связаша его двема узы новыми и изведоша его от камене того. 14 И той прииде до Челюсти: иноплеменицы же воскликнуша и текоша противу ему. И сниде на него Дух Господень, и быша ужа на мышцах его яко изгребие, егда зажжется огнем: и разрешишася узы его от руку его: 15 и обрете челюсть ослию повержену, и простре руку свою, и взя ю: и избил ею тысящу мужей. 16 И рече Сампсон: челюстию ослию потребляя потребих их, яко челюстию ослию избил тысящу мужей. 17 И бысть егда преста глаголя, и поверже челюсть от руки своея: и нарече место тое Избиение Челюстное. 18 И возжажда зело, и возопи ко Господу, и рече: Ты благоволил еси в руке раба Твоего спасение великое сие, и ныне умираю жажду, и впаду в руки необрезанных. 19 И разверзе Бог язву на Челюсти, и изыде из нея вода, и пи: и возвратися дух его, и оживе: сего ради прозвася имя ей Источник призывающего, иже есть в Челюсти, даже до дне сего. 20 И суди Израилу во дни Филистимлян двадцать лет.

16 И иде Сампсон в Газу, и виде тамо жену блудницу и вниде к ней. 2 И поведаша Газяном, глаголюще: прииде Сампсон семо. И обыдоша и подседоша ему всю ночь у врат градных, и утайшася всю ночь, глаголюще: дондеже освещает утро, и убьем его. 3 И спа Сампсон до полунощи: и воста в полунощи, и восхити двери у врат града со обеими веревями, и подя оныя с заворую, и возложи я на рамена своя, и вознесе я на верх горы, яже пред лицем Хеврона, и положи их тамо. 4 И бысть по сем, и возлюбил жену от водотечи Сориховы: имя же ей Далида. 5 И въздоша к ней князи иноплеменичи и рекоша ей: прельсти его, и виждь, в чем есть крепость его великая, и чим преможем его, и свяжем его, яко смирити его: и мы тебе дадим кийждо тысящу и сто сребреников. 6 И рече Далида к Сампсону: повеждь ми ныне, в чем крепость твоя (тако) великая, и чим свяжешися и смиришися? 7 И рече ей Сампсон: аще свяжут мя седмью тятивами сырыми неистлевшими, и изнемогу, и буду яко един от человек. 8 И принесоша ей князи от

иноплеменики семь тятив мокрых неистлевших, и связал его ими: 9 и подсадил ему седяше в храмине. И рече ему: иноплеменицы на тя, Сампсоне. И расторже тятивы, аки бы кто расторгнул соскание изгребий, егда коснется ему огонь: и не уведася крепость его. 10 И рече Далида к Сампсону: се, прельстил еси мя, глаголя ко мне лжу: ныне убо повеждь ми, чим свяжешися? 11 И рече к ней: аще вжущи свяжут мя узы новыми, имиже не делано, и изнемогу, и буду яко един от человек. 12 И взя Далида узы новы и связала его ими, и рече ему: иноплеменицы на тя, Сампсоне. Подсади же седяше в храмине. И расторже я от руку своюю аки нить. 13 И рече Далида к Сампсону: даже до ныне прельщала мя еси и глаголя ко мне лжу: повеждь ми убо, чим свяжешися? И рече ей: аще сплетеша семь плениц влас главы моея спрядением и вбиеша колом в стену, и буду немощен яко един от человек. 14 И успи Далида его на коленех своих, и бысть внегда уснути ему, взя Далида семь плениц влас главы его и сплела спрядением и вонзе колом в стену, и рече: иноплеменицы на тя, Сампсоне. И възбу от сна своего и исторже кол сплетением аси стены, и не уведася крепость его. 15 И рече к нему Далида: како глаголеши, возлюбилх тя, и сердце твое несть со мною? Се, третие прельстил еси мя, и не поведал еси мне, в чем крепость твоя великая. 16 И бысть егда стужи ему словеса своими по вся дни, и убедил его, и изнеможе даже до умертвия. 17 И поведи ей все сердце свое, и рече к ней: железо не взыде на главу мою, яко назорей есмь аз Господу от утробы матери моея: аще убо обриюся, отступит от мене крепость моя, и изнемогу, и буду якоже вси человецы. 18 И виде Далида, яко поведи ей все сердце свое, посла и призвал князи иноплеменичи, глаголющи: възидите еще единою, яко поведи ми все сердце свое. И въздоша к ней вси князи иноплеменичи, и принесоша сребро в руках своих. 19 И успи Далида Сампсона на коленех своих: и призвал стригача, и остриже семь плениц влас главы его: и нача смиратися, и отступи крепость его от него. 20 И рече Далида: иноплеменицы на тя, Сампсоне. И възбудися от сна своего и рече: изыду якоже и прежде, и отрясуся. И не разуме, яко Господь отступил от него. 21 И яша его иноплеменицы, и изبدوша ему очи, и введоша его в Газу, и оковаша его путы медяны: и бяше меля в храмине темничней. 22 И начаша власы главы его расти по острижении. 23 И князи иноплеменичи собрашася пожрети жертву велику Дагону богу своему и возвеселитися, и рекоша: предаде бог наш в руки наша Сампсона врага нашего. 24 И видеша его людие, и похвалиша бога своего, яко реша: предаде бог наш в руки наша врага нашего, опустошившаго землю нашу, и иже умножи язвенных наших. 25 И бысть егда възблажа сердце их, и рекоша: призовите Сампсона из дому темничного, и да играет пред нами. И призвала Сампсона из дому темничного, и играша пред ними: и заушаху его, и поставиша его между столпы. 26 И рече Сампсон ко юноши держащему его за руку: остави мене, да осяжу столпы, на нихже дом сей утвержден есть, и опруся на них. Юноша же сотвори тако. 27 Дом же бяше полн мужей и жен, и тамо вси князи

иноплеменичи: на крове же том до трех тысяч мужей и жен, зряще ругаемого Сампсона. 28 И воззва Сампсон ко Господу и рече: Адонаи Господи, Господи Сил, помяни мя ныне, и укрепи мя еще единою, Боже, да воздам мщение едино за два ока моя Филистимом. 29 И объа Сампсон оба столпа средния, на ниже храмина бьяше утверждена, и опреса на них, держа един рукою десною, а другой левою. 30 И рече Сампсон: да умрет душа моя со иноплеменички. И преклонися крепостию, и паде храмина на князи и на вся люди иже в ней: и бысть мертвых, иже умертви Сампсон при смерти своей, множае неже иже умертви в животе своем. 31 И снидоша братия его и весь дом отца его, и взяша его: и въздоша, и погребоша его между Сарай и между Есфаолом во гробе Маноя отца его. И сей суди Израилю лет двадцать. (и воста по Сампсоне Емегар сын Енань, и уби от иноплеменичиков шесть сот мужей кроме скота, и спасе и он Израиля.)

17 И бысть муж от горы Ефремлы, и имя ему Миха: 2 и рече матери своей: тысяща и сто сребреников иже украдены у тебе, и заклнала мя еси и глаголала еси во уши мои: се, серебро у мене, аз взял е. И рече мати его: благословен сын мой Господеви. 3 И отдаде тысящу и сто сребреников матери своей. И рече мати его: освящающа освятих серебро Господеви от руки моя, тебе сынови моему сотворити (кумир) изваян и слиян, и ныне отдам е тебе. 4 И отдаде серебро матери своей. И взя мати его двести сребреников и даде их среброделю, и сотвори тое (кумир) изваян и слиян: и бысть в дому Михи. 5 И дом Михин ему дом Божий. И сотвори ефуд и ферафин: и наполни руку единому от сынов своих, и бысть ему жрец. 6 В тыя же дни не бьяше царя во Израили: кийждо муж, еже право видяшеся пред очима его, творяше. 7 И бысть юноша от Вифлеема Иудина и от рода племени Иудина, и сей левитин, и обиташе тамо: 8 и поиде сей муж от града Вифлеема Иудина обитати, идеже обрящет место: и прииде до горы Ефремлы и даже до дому Михина, еже сотворити путь свой. 9 И рече ему Миха: откуда идеша? И рече ему левитин: аз есмь от Вифлеема Иудина, и иду обитати, идеже обрящу место. 10 И рече ему Миха: седи со мною и буди ми отец и жрец, и аз дам тебе сребреников десять в год и двои ризы, и яже на житие тебе. 11 И поиде левит, и нача обитати у мужа. И бысть юноша ему яко един от сынов его. 12 И наполни Миха руку левитину, и бысть ему юноша жрец, и бьяше в дому Михи. 13 И рече Миха: ныне уведех, яко благосотворит мне Господь, яко бысть мне левитин жрец.

18 В тыя дни не бьяше царя во Израили: и в тыя дни племя Даново искаше себе наследия вселитися, яко не паде ему наследие до дний оных среде племен сынов Израилевых. 2 И послаша сынове Дановы от сонмов своих пять мужей от части своея, мужы сильны от Сарай и Есфаола, соглядати землю и изследити ю, и рекоша к ним: идите и изследите землю. И приидоша до горы Ефремлы, до дому Михина, и сташа тамо в дому Михи. 3 И тии познаша глас юноши левитина, и уклонишася тамо, и

рекоша ему: кто тя приведе семо? И что твориши в месте сем? И что тебе zde? 4 И рече им: сице и сице сотвори мне Миха, и ная мя, и бых ему жрец. 5 И рекоша ему: вопроси убо Бога, и увемы, аще благопоспешится путь наш, в оньже мы идем. 6 И рече им жрец: идите с миром: пред Господем путь ваш, в оньже идете. 7 И идоша пять мужие и приидоша в Лаис: и видеша людей живущих в нем, седящих со упованием по обычаю Сидонян, в тишине и надежде, и не бе утрашай, или посрамляй словесе на земли, наследник истязуяй сокровища: зане далече бяху от Сидонян, и не имяху словесе с киим либо человеком. 8 И приидоша пять мужей ко братии своей в Сарая и Есфаол и рекоша братии своей: что вы седите? 9 И реша: встаните, и възведем на ны, зане видехом землю, и се, блага зело, и вы молчите: не обленитесь ити и внити еже наследити землю: 10 и егда приидете, внидете в люди живущыя со упованием, а земля пространна: яко предаде ю Бог в руки ваша, место на немже несть скудости во всем еже на земли. 11 И възвигошася оттуду от племени Данова, от Сарай и Есфаола, шесть сот мужей препоясани во оружие ополчения, 12 и въздоша и ополчишася в Кариафиариме во Иуде: сего ради наречеся место то полк Данов и до сего дне: се создаи Кариафиарима. 13 И преидоша оттуду в гору Ефремлю и приидоша до дому Михина. 14 И отвещаша пять мужей ховивши соглядати землю Лаис и рекоша ко братии своей: разуместе ли, яко есть в дому сем ефуд и ферафин, и изваяно и слияно? И ныне уведите, что сотворите. 15 И уклонишася тамо и внидоша в дом юноши левитина, в дом Михин, и вопросиша его в мире. 16 И шесть сот мужей препоясани во оружие ополчения своего, стояще у дверей вратных, иже от сынов Дановых. 17 И въздоша пять мужей ховивших соглядати землю: и вшедше тамо взяша изваяно, и ефуд и ферафин, и слияное: жрец же стояше у дверей вратных, и шесть сот мужей препоясани во оружие воинско: 18 и сии внидоша в дом Михин и взяша ефуд и ферафин, и слияно и изваяно. И рече к ним жрец: что вы творите? 19 И реша ему: умолчи, положи руку твою на уста твоя и поиди с нами, и буди нам отец и жрец: еда уне есть тебе быти жерцу единому мужа дому, нежели быти жерцу племени и дому и сонма Израилева? 20 И възблажа сердце жреческо, и взя ефуд и ферафин, и изваяное и слияное, и вниде посреде людей. 21 И возвратишася и отидоша, и пустиша пред собою чада и притяжание свое честное. 22 Удалившымся же им от дому Михина, и се, Миха и мужие иже в жилищах, яже с домом Михиным быша, въззваша и постигоша сыны Дановы, 23 и возопиша к сыном Дановым: и обратиша сынове Дановы лица своя и реша к Михе: что есть тебе, яко въззвал еси? 24 И рече Миха: яко изваяное мое, еже сотворих, възясте, и жерца, и поидосте: и что мне еше? И что сие глаголете мне: что вопиеша? 25 И рекоша ему сынове Дановы: да не услышится ныне глас твой вслед нас, да не востанут на вы мужие лютою душею, и положиши душу твою и душу дому твоего. 26 И идоша сынове Дановы в путь свой. И виде Миха, яко сильнейши суть паче его, и возвратися в дом свой. 27 И сынове Дановы взяша, елика сотвори Миха,

и жерца, иже бяше у него, и приидоша в Лаис, к людем молчашым и уповающим надежду, и избиша их острием меча, и град сожгоша огнем: **28** и не бяше избавляяй, яко далече бяху от Сидоня, и словесе не бяше им с человеком: и сей (град бысть) во удолии Дому Роовля: и соградиша град и вселишася в нем, **29** и нарекоша граду имя Дан, во имя Дана отца своего, иже родися Израилю: и бяше прежде имя граду Лаис. **30** И поставиша себе сынове Дановы изваяное: Ионафан же сын Гирсонь сын Манассиин, той и сынове его бяху жерцы племени Данову до дне преселения земли: **31** и поставиша себе изваяное, еже сотвори Миха, во вся дни, в няже бяше дом Божий в Силоме.

19 И бысть в тыя дни не бяше царя во Израили: и бысть муж левитин живый во стране горы Ефремовы, и поя себе жену подложницу от Вифлеема Иудина: **2** и разгнеवासя нань подложница его, и отиде от него в дом отца своего в Вифлеем Иудин, и бе тамо четыре месяца: **3** и воста муж ея и иде вслед ея глаголати в сердце ея, обратити ю к себе и привести паки к себе: и отрок его с ним, и двое ослят: она же введе его в дом отца своего: **4** и виде его отец отроковицы и изыде с веселием во сретение его, и удержа его тесть его отец отроковицы, и пребысть с ним три дни, и ядоша и пиша, и спаша тамо. **5** И бысть в день четвертый, и обутреша заутра, и воста поити. И рече отец отроковицы к зятю своему: укрепи сердце твое укрухом хлеба, и по сем пойдете. **6** И седоша, и ядоша оба купе и пиша. И рече отец отроковицы к мужу: иди ныне и пресли, и возблажает сердце твое. **7** И воста муж поити: и понуди его тесть его, и седе, и пребысть тамо. **8** И воста рано в пятый день да идет. И рече отец отроковицы: укрепи убо сердце твое хлебом, и прбуди дондеже преклонится день. И ядоша и пиша оба. **9** И воста муж да идет сам и подложница его и отрок его. И рече ему тесть его отец отроковицы: се, уже преклонися день к вечеру, прбуди zde, и возблажает сердце твое, и обутреете утро в путь ваш, и отидеши в селение свое. **10** И не изволи муж пребыти, и воста и отиде: и прииде даже прямо Иевусу, сей есть Иерусалим, и с ним двое ослят с бремены, и подложница его с ним. **11** И приидоша до Иевуса, и день преклонися к вечеру зело: и рече отрок ко господину своему: гряди убо, да уклонимся во град сей Иевус и прбудем в нем. **12** И рече к нему господин его: не уклонимся во град чуждь, в немже несть от сынов Израилевых, но пройдем до Гаваона. **13** И рече ко отроку своему: гряди, да приступим ко единому от мест Гаваонских и прбудем в Гаваоне или в Раме. **14** И минуша, и идоша, и зайде им солнце близ Гаваона, иже есть Вениаминь: **15** и уклонишася тамо внити превитати в Гаваоне, и внидоша и седоша на стогнах града: и не бе муж вводяй их в дом превитати. **16** И се, муж стар идяше с дела своего из поля в вечер, и сей муж от горы Ефремли, и той обиташе в Гаваоне: и мужие места сынове Вениамини. **17** И возвед очи свои, виде мужа путника на стогнах градных, и рече муж старец: камо идиши и откуду грядеши? **18** И рече к нему: грядем мы от Вифлеема Иудина даже до стран горы Ефремли, отянуду же аз есмь: и ходих

до Вифлеема Иудина, и иду аз в дом мой: и несть мужа вводящаго мя в дом: **19** а плевы и пища ослятом нашим есть, и мне хлеб и вино есть, и отроковице и отроку: рабом твоим несть скудно ни коея вещи. **20** И рече муж стар: мир тебе: и весь недостаток твой на мне, обаче на стогнах не лязи. **21** И введе его в дом свой, и даде место ослятом его: и омыша ноги своя, и ядоша и пиша. **22** Егда же возвеселися сердце их, и се, мужие градстии сынове беззаконников обыдоша дом биюще в двери, и реша мужу господину дому старцу, глаголюще: изведе мужа иже вниде в дом твой, да познаем его. **23** И изыде к ним муж господин дому и рече: ни, братия, не сотворите зла мужу сему повнегда внити ему в дом мой, и не сотворите безумия сего: **24** се, дщерь моя дева, и подложница его: изведу их, и смирите их, и сотворите им еже благо пред очима вашима: а мужу сему не сотворите словесе безумия сего. **25** И не изволиша мужие послушати его. И взя муж подложницу его и изведе ю к ним вон: и познаша ю и ругашася над нею всю ночь даже до утра, и отпустиша ю, егда взыде денница. **26** И прииде жена к заутрию, и паде у дверей дому, идеже бяше муж ея, до разсветания. **27** И воста муж ея заутра, и отверзе двери дому и изыде поити в путь свой: и се, жена его подложница лежаше при дверех дому, и руце ея на преддверии. **28** И рече к ней: востани, да идем. И не отвеща ему, бяше бо мертва. И возложи ю на осли, и воста муж и поиде на место свое. **29** И прииде в дом свой, и взя нож, и взя подложницу свою, и раздоби ю по удесем ея на дванадесять частей, и посла я во вся племена Израилева. **30** И бысть всяк видящий глаголаше: не бысть, ни видно бе сице от дне изшествия сынов Израилевых от земли Египетския даже до дне сего. И заповеда мужем, ихже посла, глаголя: сице глаголите ко всему Израилю: аще бысть по словеси сему? Уставите сами себе о ней совет и глаголите.

20 И изыдоша вси сынове Израилевы, и собрашася весь сонм яко един муж, от Дана и до Вирсавии, и земля Галаадска к Господеви в Массифу, **2** и сташа пред лицем Господним вся племена Израилева в сонме людей Божиих, четыреста тысяч мужей пеших воздвигающих оружия. **3** И услышаша сынове Вениамини, яко възыдоша сынове Израилевы в Массифу, и рекоша сынове Израилевы: глаголите, где бысть злоба сия? **4** И отвеща муж левитин, муж жены умореня, глаголя: в Гаваон Вениаминь приидох аз и подложница моя витати: **5** и восташа на мя мужие Гаваонстии и обыдоша мя во дворе нощю, и хотеша мя убити, и подложницу мою обидеша и обругаша, и умре: **6** и взях подложницу мою и раздобрех ю, и послах ю во вся пределы наследия Израилева, яко сотвориша безумие во Израили: **7** се, вси вы сынове Израилевы, дадите себе слово и совет zde. **8** И востаха вси людие яко един муж, глаголюще: не отидет муж в селение свое, и не возвратится муж в дом свой: **9** и ныне слово сие, еже сотворим Гаваону: възыдем на него по жребию, **10** токмо возмем по десяти мужей от ста во всех племенех Израилевых, и сто от тысячи, и тысяща от тмы, взяти брашно людем исходящым в Гаваю Вениаминю,

сотворити ему по всему согрешению, еже сотвори во Израили. 11 И собрашася вси мужие Израилевы ко граду, яко един муж из градов исходяще, 12 и послаша племена Израилева мужей во все племя Вениамине, глаголюще: кая злоба сия бывшая в вас? 13 И ныне дадите мужей беззаконных, иже в Гаваи, сынов велиаловых, и умертвим их, и очистим зло от Израиля. И не изволиша сынове Вениамини послушати гласа братии своея сынов Израилевых. 14 И собрашася сынове Вениамини от градов своих в Гавау, изыти на брань к сыном Израилевым. 15 И сочтошася сынове Вениамини от градов в той день двадесять и пять тысяч мужей воздвизающих оружие, кроме живущих в Гаваи: 16 иже сочтеша семь сот мужей избранных от всех людей ободесноручных: сии вси пращницы мещуще камень ко власу и не погрешающе. 17 И всех мужей Израилевых сочтеша, кроме сынов Вениаминовых, четыреста тысяч мужей воздвизающих оружие: вси сии мужие воины. 18 И восташа, и въздоша в Вефиль, и вопрошиша Бога, и рекоша сынове Израилевы: кто от нас въздет в начале воевати на сыны Вениамини? И рече Господь: Иуда в начале да въздет вождь. 19 И восташа сынове Израилевы заутра и ополчшася на Гавау. 20 И изыде всяк муж Израилев на брань с Вениамином, и сразишася с ними мужие Израилевы на брани у Гаваи. 21 И изыдоша сынове Вениаминовы из Гаваи, и избиха во Израили в той день двадесать две тысячи мужей на земли. 22 И укрепися всяк муж Израилев, и приложиша снитися на брань на место, идеже снидошася в день первый. 23 И въздоша сынове Израилевы и плакашася пред Господем до вечера, и вопрошиша Господа, глаголюще: аще приложим еще приступити на брань к сыном Вениаминим братьям нашим? И рече Господь: въздыте к ним. 24 И придоша сынове Израилевы к сыном Вениаминим в день второй. 25 И изыдоша сынове Вениамини противу им от Гаваи в день второй, и избиха еще от сынов Израилевых осмьнадесят тысяч мужей на земли: сии вси воздвизающии оружие. 26 И въздоша вси сынове Израилевы и вси людие, и придоша в Вефиль, и плакашася, и седоша тамо пред Господем, и постижася в той день даже до вечера: 27 и вознесоша всесожжение спасения пред Господем, яко тамо кивот завета Господа Бога во дни оны, 28 и Финеес сын Елеазара сына Аарона предстоя пред ним в тыя дни. И вопрошиша сынове Израилевы Господа, глаголюще: аще приложим възйти еще на брань к сыном Вениаминим братьям нашим, или оставим? И рече Господь: въздыте, заутра предам их в руки ваша. 29 И поставиша сынове Израилевы подсаду окрест Гаваи. 30 И въздоша сынове Израилевы к сыном Вениаминим в день третий: и ополчшася на Гавау яко единому и единому. 31 И изыдоша сынове Вениамини противу людем и протягошася из града, и начаша убивати людей уязвленных, якоже первое и второе на путех, от нижже есть един сходяй в Вефиль, а другой в Гавау на селе, яко тридесать мужей во Израили. 32 И рекоша сынове Вениамини: падают пред нами якоже и прежде. И сынове Израилевы рекоша: побеем и отторгнем их от града на пути. И сотвориша тако. 33 И вси мужие Израилевы восташа

от места своего и снидошася в Ваал-Фамаре: подсада же Израилева находаше от места своего от запада Гаваи. 34 И придоша противу Гаваи десять тысяч мужей избранных от всего Израиля, и брань бяше тяжка: и тии не разумеша, яко постигают их зло. 35 И порази Господь Вениамини пред сыны Израилевыми: и избиха сынове Израилевы от Вениамини в той день двадесать пять тысяч и сто мужей: сии вси воздвизаху оружие. 36 И видеша сынове Вениамини, яко поражени суть. И даша место сынове Израилевы Вениамину, понеже уповаша на подсаду, юже посадиша у Гаваи: 37 и подвижеся подсада, и устремиша на Гавау, и избиха весь град острием меча. 38 И Израилтяне имяху знамение с подсадою брани, явити знамение дыма из града. 39 И возвратися Израиль на брань, и Вениамин нача убивати язвеных во Израили до тридесати мужей, яко рекоша: паки падением падают пред нами, якоже и первая брань. 40 И знамение възде наипаче над градом, аки столп дыма: и озреша Вениамин вспять, и се, възде скончание града до небеси. 41 И муж Израилев возвратися: и потчашася мужие Вениамини, видеша бо, яко постиже их зло, 42 и побегоша пред сыны Израилевыми на путь пустыни, брань же постиже их, и иже из градов избиваша их среде себе: 43 и побиваху Вениамини, и гнаша его от Нуа вслед его до Гаваи без опочивания, и поразиша его даже противу Гаваи на восток солнца. 44 И падоша от Вениамини осмьнадесят тысяч мужей, сии вси мужие сильнии. 45 И озрешася оставшии, и побегоша в пустыню к каменю Реммоню: и пожаша от них сынове Израилевы по степям яко стеблие пять тысяч мужей, и гнаша вслед их до Гадаама и избиха от них две тысячи мужей. 46 И быти всех падших от Вениамини в той день двадесать пять тысяч мужей воздвизающих оружие, вси сии мужие сильнии. 47 И озрешася оставшии, и вбегоша в пустыню к каменю Реммоню шесть сот мужей, и седеша в камени Реммони четьри месяцы. 48 Сынове же Израилевы возвратишася к сыном Вениаминим, и избиха я оружием от града вне, даже и до скота, и все еже обретеша во всех градах, и грады вся обретшяся пожгоша огнем.

21 И сынове Израилевы кляшася в Массифе, глаголюще: муж от нас да не даст Вениамину дочери своея в жену. 2 И придоша людие в Вефиль и седеша тамо до вечера пред Богом: и воздвигоша глас своий, и плакашася плачем велим, и рекоша: з вскую, Господи Боже Израилев, бысть сице днешь во Израили, еже оскудети от Израиля племени единому? 4 И бысть на утрия, и обутреша людие, и соградиша тамо олтарь, и вознесоша всесожжение спасения, и рекоша сынове Израилевы: 5 кто не възде в сонм от всех племен Израилевых ко Господу? Яко велика клятва бяше не вшедшым ко Господу в Массифу, глаголюще: смертию да умрет. 6 И умлишася сынове Израилевы о Вениамине брате своем, и рекоша: изсечено днешь едино племя от Израиля: 7 что сотворим оставшымся о женах? И мы кляхомся Господем не дати им от дочерей наших в жены. 8 И рекоша: кто один от племен Израилевых, иже не възде ко Господу в Массифу? И се, ни один прииде в полк от Иависа Галаадова в сонм. 9 И согладаша людей, и се, не бяше тамо мужа от живущих во

Иависе Галаадове. 10 И послаша тамо сонм дванадесять тысяч мужей от сынов силы и заповедаша им, глаголюще: идите и избийте живущья во Иависе Галаадове оружием жены и народы: 11 и сие сотворите: всяк мужеский пол и всяку жену, познавшую ложе мужеско, побиете: девицы же снабдите. И сотвориша тако. 12 И обретоша от живущих во Иависе Галаадове четыре ста отроковиц дев, яже не познаша ложа мужеска: и приведоша я в полк в Силом, иже есть в земли Ханаани. 13 И послаша весь сонм и глаголаша к сыном Вениаминовым, иже в камени Реммони, и призваша их с миром. 14 И возвратися Вениамин к сыном Израилевым в то время, и даша им сынове Израилевы жены, яже живо сохраниша от дочерей Иависа Галаадова: и угодно бысть им тако. 15 И людие умилишася о Вениамине, яко сотвори Господь истребление в племенех Израилевых. 16 И рекоша старейшины сонма: что сотворим оставшым о женах? Яко погибе от Вениамина жена: 17 и како будет наследие уцелевших от Вениамина, да не погибнет племя от Израиля? 18 И мы не возможем дати им жен от дочерей наших, яко кляшася сынове Израилевы, глаголюще: проклят даяй жену Вениамину. 19 И рекоша: се, праздник Господень в Силоме от дний во дни, иже есть от севера Вефиля, на восток солнца на пути восходящем от Вефиля в Сихем, и от юга Левоны. 20 И заповедаша сыном Вениаминим, глаголюще: идите и засядите в виноградех, 21 и узрите, и се, егда изыдут дщери живущих в Силоме плясати в лики, да изыдете из виноградов и восхитите муж жену себе от дочерей Силомлих, и идите на землю Вениамину: 22 и будет егда приидут отцы их или братия их судитися к нам, и речем им: помилуйте нас ими, яко не взя муж жены своея в полце: понеже вы не дали есте им яко жребий, согрешисте. 23 И сотвориша тако сынове Вениамини, и пояша жены по числу своему от пляшущих, яже восхитиша: и отидоша и возвратишася в наследие свое, и создаша грады и вселишася в них. 24 И отидоша оттуду сынове Израилевы в то время, муж во племя свое и в род свой: и изыде оттуду муж в наследие свое. 25 И в тыя дни не бяше царя во Израили: муж еже угодно пред очима его, творяше.

Книга Руфи

1 И бысть вегда судяху судии, бысть глад на земли. И иде муж от Вифлеема Иудина обитати в селе Моавли, сам и жена его, и два сыны его: 2 имя же мужеви Елимелех, имя же жене его Ноемминь и имя двема сынома его Маалон и Хелеон, Ефрафейстии от Вифлеема Иудина. И приидоша в село Моавле, и беша тамо. 3 И умре Елимелех муж Ноемминин, и остана она и оба сыны ея: 4 и пояста себе жены Моавитския: имя единой Орфа и имя второй Руфь: и жиша тамо до десяти лет. 5 И умроста оба сыны ея, Маалон и Хелеон, и остана жена от мужа своего и от обоих сынов ея. 6 И воста она и обе снохи ея, и возвратишася с села Моавля: зане услыша на селе Моавли, яко присети Господь людей Своих дати им хлебы. 7 И отиде от места, идеже бе, она и обе снохи ея с нею, и идяху в путь возвратитися в землю Иудину. 8 И рече Ноемминь обема снохама своима: идите убо, возвратитесь каяждо в дом отца своего: да сотворит Господь с вами милость, якоже сотвористе со умершими и со мною: 9 да даст Господь Бог вам обрести покой коейждо в дому мужа своего. И целова я: они же воздвигоша гласы своя и плакашася, 10 и рекоша ей: ни, но идем с тобою в люди твоя. 11 И рече Ноемминь: обратитесь убо, дщери мои, вскую идете со мною? Или еще мне сынове во утробе моей, и будут вам мужи? 12 Возвратитесь убо, дщери мои и отидите, яко состарехся, и не буду мужу: аще же бых и рекла, яко у мене есть надежда, да буду мужу и рожду сыны, 13 вы ли пождете их, дондеже возрастут? И вы ли удержитесь, да не будете иному мужу? Ни, дщери мои, яко горько бысть мне паче вас, яко изыде на мя рука Господня. 14 И воздвигоша гласы своя, и плакаша паки. И целова Орфа свекровь свою, и возвратися в люди своя, Руфь же последова ей. 15 И рече Ноемминь к Руфе: се, возвратися утробь твоя к людям своим и к богом своим, возвратися убо и ты вслед ятрово своея. 16 И рече Руфь: не сряжи мене то, еже оставити тебе или обратитися мне от тебе, но идеже идеши ты, и аз пойду, и идеже водворишия ты, водворюся и аз: людие твои людие мои, и Бог твой Бог мой: 17 и идеже аще умреши, умру и тамо погребуся: тако да сотворит мне Господь, и сия да приложит, яко смерть разлучит между мною и тобою. 18 Видевши же Ноемминь, яко укрепися она ити с нею, умолче глаголати к ней ктому. 19 Идосте же обе, дондеже приидосте в Вифлеем. И бысть егда приидосте они в Вифлеем, и возгласи весь град о них, и рекоша: еда сия есть Ноемминь? 20 И рече к ним: не зовите убо мене Ноемминь, но зовите мене Горька: яко исполни мя горести Вседержитель зело: 21 аз исполнь отидох, и ныне тщу мя возврати Господь: и вскую мя нарицаете Ноемминь, Господь смири мя и Вседержитель озлоби мя? 22 И возвратися Ноемминь и Руфь Моавитиня сноха ея с нею, обращающыяся с села Моавля: и приидосте в Вифлеем в начале жатвы ячменя.

2 И бе муж знаемый мужу Ноемминю: муж же силен от рода Елимелехова, имя же ему Вооз. 2 И рече Руфь

Моавитиня к Ноеммини: да иду убо на ниву и соберу класы вследствующи, идеже аще обрящу благодать пред очима его. Рече же ей: иди, дщи (моя). 3 И иде, и пришедши собираще на ниве вследствующи жателем: и прииде по случаю в часть нивы Воозовы, иже от сродства Елимелехова. 4 И се, Вооз прииде от Вифлеема и рече жнущым: Господь с вами. И реша ему: да благословит тя Господь. 5 И рече Вооз отроку своему стоящему над жатели: чия отроковица сия? 6 И отвеща отрок стояй над жнущими, и рече: отроковица Моавитиня есть, пришедшая с Ноемминою от села Моавля: 7 и рече: да соберу ныне и сложу в снопех по следу жнущих: и прииде, и ста от утра даже и до вечера, и ни мало почи на ниве. 8 И рече Вооз к Руфе: слыши, дщи, не ходи собирати на ниву ину, и ты да не отидеши отсюда: но zde прилепися ко отроковицам моим, 9 и очи твои да будут на ниве, идеже жнут, и да ходиши вслед их: се, заповедах отроком не коснуться тебе: и егда возжаждеш, и да идеши к сосудом, и пиеши отнюдуже черплют отроцы. 10 И паде (отроковица) ниц и поклонися до земли, и рече ему: что яко обретох благодать пред очима твоима, еже познати мя, аз же есмь странна? 11 И отвеща Вооз и рече к ней: возвещением возвестися мне, елика сотворила еси со свекровию твоєю по умертвии мужа твоего, и како оставила еси отца твоего и мать твою и землю рождения твоего, и пришла еси в люди, ихже не ведала от вчера и третияго дне: 12 да воздаст Господь дело твое, и да будет мзда твоя исполнь от Господа Бога Израилева, к Немуже пришла еси уповати под крилома Его. 13 Она же рече: обретох благодать пред очима твоима, господине мой, яко утишил мя еси, и яко глагола еси в сердце рабы твоея, и се, аз буду яко едина от рабынь твоих. 14 И рече ей Вооз: уже час ясти, приближися убо семо, да яси хлеб мой, и омочи укруп твой во оцет. И сяде Руфь от страны жателей: и подаде ей Вооз прямо, и яде и насытится, и оста: 15 и воста собирати. И заповеда Вооз отроком своим, глаголя: среде снопов да собирает, и не посрамите ю: 16 и носяще носите ей, и отлагающе отлагайте ей от снопов, и оставите ю собирати и ясти, и не взбраните ей. 17 И собира до вечера на ниве, и измлати еже собра, и бысть яко ифи мера ячменя: 18 и взя, и прииде во град. И виде свекровь ея еже собра: и иземши Руфь от недр своих, даде свекрови своей, еже оставила, от нихже насытится. 19 И рече к ней свекровь ея: где еси собирала днешь, и где работала? Да будет благословен познавый тя. И поведла Руфь свекрови своей, где работала, и рече: имя мужу Вооз, у негоже работах днешь. 20 Рече же Ноемминь снохе своей: благословен есть Господем, яко не остави милости своя с живыми и со умершими. И рече ей Ноемминь: ужик есть нам муж той, и есть от ужик наших. 21 И рече Руфь ко свекрови своей: и мне убо рече: ко отроковицам моим пристани, дондеже скончают всю жатву, яже есть мне. 22 И рече Ноемминь к Руфе снохе своей: благо, дщи, яко ходила еси со отроковицами его, и не сопротивлялся тебе на иней ниве. 23 И приста Руфь ко отроковицам Воозовым собирати (класы), дондеже скончася жатва ячменя и пшеницы: и седе со свекровию своею.

3 Рече же ей Ноемминь свекровь ея: дщи (моя), не поищу ли тебе покоя, да благо ти будет? **2** И ныне Вооз не ужик ли нам, идеже со отроковицами его была еси? Се, той веет на гумне ячмень сея нощи: **3** ты же измыйся, и помасти лице твое, и облещься в ризы твоя (светлыя), и изыди на гумно: не явися мужу, дондеже скончает ясти и пити: **4** и будет внегда уснути ему, и познаеши место, где ляжет, тамо да внидеши, и откриеши у ног его, и ляжеш: и той повесть тебе, яже имаши творити. **5** И рече Руфь к ней: вся елика речеши мне, сотворю. **6** И иде на гумно, и сотвори по волею, елика заповеда ей свекровь ея. **7** И яде Вооз и пи, и възблажа сердце его, и иде спати со страны стога: она же прииде втай, и откры яже у ног его, и ляже. **8** И бысть в полунощи, ужасеся муж и възмятеся, и се, жена лежит у ног его: **9** и рече (ей Вооз): кто еси ты? Она же рече: аз есмь Руфь раба твоя, да возложиши крило твое на рабу твою, яко ужик ты еси. **10** И рече Вооз: благословена ты Господем Богом, дщи, яко разблажила еси милость твою последнюю паче первыя, еже не ити тебе вслед юнот, аще убог, аще богат: **11** и ныне, дщи, не бойся: вся елика речеши, сотворю тебе: весть бо все племя людий моих, яко жена силы ты еси: **12** и ныне поистинне ужик есмь аз: но еще есть ужик ближший мене: **13** прележи сию ночь, и будет заутра аще примет тя, то благо: да поймет: аще ли не восхоцет пояти тебе, то поиму тя аз, жив Господь: прележи до заутрия. **14** И лежа у ног его до заутрия: она же воста, прежде неже познати мужу подруга своего. И рече Вооз: да не увестся, яко приходила жена на гумно. **15** И рече ей: принеси покрывало еже на тебе, и держи е. Она же держа е, и намери ей шесть мер ячменя, и заде ей: и иде во град. **16** И прииде Руфь ко свекрови своей. Она же рече ей: что есть, дщи? И поведа ей вся, елика сотвори ей муж. **17** И рече ей: шесть мер сих ячменя даде ми, глагола бо ко мне: да не идеши тща ко свекрови своей. **18** Она же рече: седи, дщи, дондеже увеси, како падет слово: не умолчит бо муж, дондеже совершится слово днесь.

4 И Вооз прииде ко вратом и седе тамо: и се, ужик мимоидяше, о немже глагола Вооз. И рече ему Вооз: уклонився сяди zde. Он же уклонися и седе. **2** И поя Вооз десять мужей от старейшин града, и рече: сядите zde. И седоша. **3** И рече Вооз ужику: часть села, яже есть брата нашего Елимелеха, яже дадеса Ноеммине возвратившейся от села Моавля: **4** аз же рекох: явлю тебе сие во ухо твое, глаголя, пристяжи пред седящими и пред старейшины людий моих: и аще ужичествуеши, ужичествуй: аще же не ужичествуеши, повеждь ми, да ведаю: яко несть разве тебе еже ужичествовати ближший, и аз есмь по тебе. Он же рече: аз есмь, ужичествую. **5** И рече Вооз: в день в оньже пристяжеш село от руки Ноеммини, и от Руфы Моавитяныни жены умершаго, и сию достоит ти пояти, да возставиши имя умершаго в наследие его. **6** И рече ужик: не возмогу ужичествовати себе, да не разсыплю наследия моего: ужичествуй себе ты ужичество мое, аз бо не возмогу ужичествовати. **7** И сие управление бысть

прежде во Израили о ужичествовании и о пременении, еже укрепити всякое слово: и иззуваше муж сапог свой, и даяше подругу своему ужичествующу ужичество его: и сие бяше свидетелство во Израили. **8** И рече ужик Воозу: пристяжи себе ужичество мое. И иззув сапог свой, даде ему. **9** И рече Вооз старейшинам и всем людем: свидетеле вы днесь, яко пристяжах днесь вся, яже Елимелехова, и вся елика суть Хелеонова и Маалонова, от руки Ноеммини: **10** ксему же Руфь Моавитяныню жену Маалоню поемлю себе в жену возставити имя умершаго в наследие его, да не погибнет имя умершаго от братии его и от племене людий его: свидетеле вы днесь. **11** И отвещаша вси людие иже у врат: свидетеле есмы. И старейшины реша: да даст Господь жене твоей, входящей в дом твой, якоже Рахили и яко Лии, яже создаша обе дом Израилев, и сотвориша силу во Ефрафе, и будет имя в Вифлееме: **12** и буди дом твой якоже дом Фаресов, егоже роди Фамарь Иуде, от семене твоего даст тебе Господь от рабы сея чада. **13** И поя Вооз Руфь, и бысть ему жена, и вниде к ней: и даде ей Господь зачати, и роди сына. **14** И рекоша жены к Ноеммине: благословен Господь, Иже не разсыпа ужика твоего днесь, и прозвется имя твое во Израили, **15** и будет тебе во обращающаго душу и в прекормление старости твоя, яко сноха твоя, возлюбившая тебе, роди сына, яже есть блага тебе паче седми сынов. **16** И взя Ноемминь отроча, и положи е на лоне своем, и бысть ему кормилица. **17** И прозваша соседи имя его, глаголюще: родися сын Ноеммине. И нарекоша имя ему Овид: сей есть отец Иессеа, отца Давидова. **18** И сия родства Фаресова: Фарес роди Есрома: **19** Есром же роди Арама: Арам же роди Аминадава: **20** Аминадав же роди Наассона: Наассон же роди Салмона: **21** Салмон же роди Вооза: Вооз же роди Овида: **22** Овид же роди Иессеа: Иессей же роди Давида.

Первая книга Царств

1 И бысть человек от Армафем Сифы, от горы Ефремли, и имя ему Елкана сын Иеремииль, сына Илиина, сына Фокеля в Насиве от Армафема от горы Ефремли: **2** и сему две жены (быша): имя единой Анна и имя второй Феннана: и бяху Феннана дети, Анне же не бяше отрочатъ. **3** И восхождаше человек от дне до дне из града своего Армафема поклонятися и жрети Господу Богу Саваофу в Силом. И тамо бе Илий и два сына его Офни и Финеес, жерцы Господни. **4** И бысть день, и пожре Елкана и даде Феннана жене своей и сыном ея и дщерем ея части: **5** Анне же даде часть едину, яко не бе ей чада, обаче Анну любляше Елкана паче Феннаны. И Господь затвори ложесна ея: **6** занеже не даде ей Господь чада по скорби ея и по сетованию оскорбления ея, и сетоваше сего ради, яко затвори Господь утробу ея не дати ей чада. **7** Тако творяше от года до года, внегда приходити ей в дом Господень: (укоряше ея тако,) и сетоваше, и плакаше, и не ядыше. **8** И рече ей Елкана муж ея: Анна. И рече ему: се, аз, господи. И рече ей: что ти есть, яко плачешися? И почто не яси? И почто беиши сердце твое? Несмь ли аз тебе добрее паче десяти чад? **9** И воставши Анна по ядении их в Силоме, и ста пред Господем. Илий же жрец седяше на престоле, при празе двери храма Господня. **10** И та умилена душою, и помолися Господу и плачуци проплака, **11** и обеща обет Господу, глаголющи: Адоная Господи Елои Саваоф, аще призирая пририши на смирение рабы Твояе и помянеши мя, и даси рабе Твоей семя мужеско, то дам е пред Тобою в дар до дне смерти его: и вина и пьянственного не испиет, и железо не възидет на главу его. **12** И бысть егда умножи молящися пред Господем, Илий же жрец смотряше на уста ея. **13** И та глаголаше в сердцах своем, токмо устне ея двизастеся, а глас ея не слышашеся: и мняше ю Илий пьяну суцу. **14** И рече ей Илий: доколе пьяна будеши? Отими вино твое и иди от места Господня. **15** И отвеща Анна и рече: ни, господи: жена в жесток день аз есмь, вина и пьянства не пих, но изливаю пред Господем душу мою: **16** не даждь рабы твоея во дщерь погибели, яко от множества глумления моего и от множества сетования моего истаях даже доселе. **17** И отвеща Илий и рече к ней: иди с миром, Бог Израилев да даст ти все прошение твое, еже просила еси от Него. **18** И рече Анна: обрете раба твоея благодать пред очима твоима. И иде жена в путь свой, и вниде во обитель свою, и яде с мужем своим и пи, и лице ея не испаде ктому. **19** И утреваша заутра, и поклонихася Господу, и идоша путем своим. И вниде Елкана в дом свой во Армафем и позна Елкана жену свою Анну: и помяне ю Господь, и зачат. **20** И бысть во время дний, и роди Анна сына и нарече имя ему Самуил: и рече: яко от Господа Бога Саваофа испросих его. **21** И възиде человек Елкана и весь дом его в Силом пожрети жертву дний и обеты своя и вся десятины земли своея. **22** Анна же не възиде с ним, яко рече мужи своему: дондеже възидет отроча, и аще отдою е, тогда явится лицу Господню и

пребудет тамо до века. **23** И рече ей Елкана муж ея: твори благое пред очима твоима, седи дондеже отдоиши е: но да утвердит Господь (слово твое), изшедшее из уст твоих. И седи жена, и млеко питаше сына своего, дондеже отдои его. **24** И възиде с ним в Силом, егда отдои его, с телцем трилетным и с хлебы и со ефи муки пшеничны и мехом вина: и внидоша в дом Господень в Силом, и отроча с ними. **25** И приведоша е пред Господа: и закла отец его жертву, юже творяше от дний на дни Господеви: и приведоша отроча, и закла телца. И приведе Анна мати отроча ко Илию **26** и рече: во мне, господи, да живет душа твоя, господине мой, аз жена стоявшая пред тобою, о сем помолитися Господу: **27** о отрочати сем молихся, и даде ми Господь прошение мое, еже просих у Него: **28** и аз отдаю е Господеви во вся дни живота его на служение Господеви. И поклонися тамо Господеви.

2 И помолися Анна и рече: утвердися сердце мое в Господе, вознесся рог мой в Бозе моем, разширишася уста моя на враги моя, возвеселихся о спасении Твоем: **2** яко несть свят яко Господь, и несть праведен яко Бог наш, и несть свят паче Тебе: **3** не хвалитесь и не глаголите высокая в гордыни, ниже да изыдет велеречие из уст ваших: яко Бог разумов Господь, и Бог уготовляющий начинания Своя: **4** лук сильных изменюе, и немощствующи препоясашася силою: **5** исполнении хлеба лишишася, и алчущии пришельствоваша землю: яко неплоды роди седмь, и многая в чадах изменюе: **6** Господь мертвит и живит, низводит во ад и возводит, (Sheol h7585) **7** Господь убожит и богатит, смиряет и высит, **8** возставляет от земли убога и от гноища воздвизает нища посадити его с могущими людий, и престол славы дая в наследие им: **9** даий молитву молящемуся и благослови лета праведнаго, яко не в крепости силен муж: **10** Господь немощна сотвори спопостага Его, Господь свят: да не хвалится премудрый премудростию своею, и да не хвалитися сильный силою своею, и да не хвалитися богатый богатством своим: но о сем да хвалитися хваляйся, еже разумети и знати Господа, и творити суд и правду посреде земли: Господь възиде на небеса и возгреме: той судит концем земли, праведен сый, и даст крепость царем нашим и вознесет рог христа Своего. **11** И оставиша его тамо пред Господем и отидоша во Армафем в дом свой: отроча же бе служя лицу Господню пред лицом Илии жерца. **12** Сынове же Илии жерца (быша) сынове погибелини, не ведуще Господа, **13** ни оправдания жреческа пред людьми всеми жрущими. И приходяше отрок жреческ, егда варятся мяса, и удица трезубна в руку его, **14** и влагаше ю в коноб великий, или в медяный сосуд, или горнец, и все еже вонзеса на удицу, взимаше е себе жрец: и тако творяху всему Израилеви приходящему пожрети Господеви в Силоме. **15** И прежде каждения тука, приходяше отрок жреческ и глаголаше мужеви жрущему: даждь мяса испещи жерцу, и не возму от тебе мяса варенаго от коноба. **16** И глаголаше муж жряй: да покадится первее тук, якоже подобает, и тогда возмеша себе от всех, еже хочет душа твоя. И рече: ни, ныне даждь: аще же не даси, возму силою. **17** И бе пред Господем грех отроков велий зело, яко отметаху

жертву Господню. 18 И Самуил бе служба пред Господем, отрочишь сый опоясан во ефуд льнян. 19 И хламиду малу сотвори ему мати его, и приношаше ему от дний во дни, егда восхождаше с мужем своим пожрети жертву дний. 20 И благослови Илий Елкану и жену его, глаголя: да воздаст ти Господь семя от жены сея за дар, егоже даровал еси Господеви. И отиде человек в место свое. 21 И посети Господь Бог Анну, и зача, и роди еще три сыны и дщери две. И возвеличися отрок Самуил пред Господем. 22 Илий же состаряся зело: и услыша, яже творяху сынове его всем сыном Израилевым, и яко бываху с женами предстоящими у дверей скинии свидения, 23 и рече им: почто творите по глаголу сему, егоже аз слышу из уст всех людей Господних (о вас)? 24 Ни, чада, ни: яко не благ слух, егоже аз слышу о вас: не творите тако, яко не добры слухи, яже аз слышу, еже не работати людем Богу: 25 аще согрешая согрешит муж мужеву, помолятся о нем ко Господу: аще же Господеви согрешит, кто помолится о нем? И не послушаста гласа отца своего, яко хотяй восхоте Господь погубити я. 26 Отрок же Самуил хождаше предуслевая, и бе благ пред Господем и человеки. 27 И прииде человек Божий ко Илию и рече: сия глаголет Господь: открываяся открыхся в дому отца твоего, сущим им в земли Египетстей рабом в дому фараони, 28 и избрах дом отца твоего от всех домов Израилевых Мне служити, еже восходити ко олтарю Моему и кадити кадилом и носити ефуд, и дах дому отца твоего вся, яже огня жертвенная сынов Израилевых, в снedy: 29 и почто ты воззрел еси на фимиам Мой и на жертву Мою безстыдным оком, и прославил сыны твоя паче Мене, еже благословляти начаток всякия жертвы Израилевы предо Мною? 30 Сего ради сия глаголет Господь Бог Израилев, глаголя: рекох, дом твой и дом отца твоего преидет предо Мною до века: а ныне глаголет Господь: никакоже Мне, зане токмо прославляющыя Мя прославлю, и уничижаяй Мя безчестен будет: 31 се, дние идут, и потреблю семя твое и семя дому отца твоего, и не будет старца в дому твоём во вся дни, 32 и узриши державу Мою во всех, имиже разблажает Израиля, и не будет старца в дому твоём во вся дни: 33 и мужа не истреблю тебе от олтаря Моего, во еже осудети очесем его и истаяти души его: и вси прочии дому твоему падут оружием мужеским: 34 и сие тебе знамение, еже приидет на оба сына твоя сия Офни и Финееса: в день един умрут оба: 35 и возставлю Себе жерца верна, иже вся яже в сердцы Моем и яже в души Моей сотворит, и созижду ему дом верен, и предидет пред христом Моим во вся дни: 36 и будет всяк оставшийся в дому твоём приидет поклонитися ему с цатою сребра и хлебом единым, глаголя: приими мя к единому от священнослужений твоих, еже ясти хлеб.

3 И отрочишь Самуил бе служба Господеви пред Илием иереем, и глаголгол Господень бе честен в тыя дни, не бе видение посылаемо. 2 И бысть в день он, и Илий спаше на месте своем, и очи его начаста тяжче быти, и не можаше зрети: 3 и прежде неже угасе светилник Божий, и Самуил спаше в церкви Господни, идеже кивот Божий, 4 и воззва

Господь: Самуиле, Самуиле. И рече: се, аз, 5 И тече ко Илию и рече: се, аз, яко звал мя еси. И рече (Илий): не звах тебе, возвратися и спи. И возвратися и спа. 6 И приложи Господь и воззва еще: Самуиле, Самуиле. И воста Самуил и иде ко Илию вторицею, и рече: се, аз, яко звал мя еси. И рече: не звах тебе, чадо мое, возвратися, спи. 7 Самуил же в то время еще не познаваше Бога, прежде откровения ему гласа Господня. 8 И приложи Господь призвати Самуила третицею: и востав, и иде ко Илию и рече: се, аз, яко звал мя еси. И разуме Илий, яко Господь призывает отрочища, и рече: возвратися и спи, чадо: 9 и будет аще воззовет тя Зовый, и речеши: глаголи, Господи, яко слышит раб Твой. И иде Самуил, и спа на месте своем. 10 И прииде Господь и ста и воззва его якоже первое и второе: Самуиле, Самуиле. И рече Самуил: глаголи (Господи), яко слышит раб Твой. 11 И рече Господь к Самуилу: се, аз творю глаголголы Моя во Израили, яко всякому слышащему сия пошумит во обоих ушесех его: 12 в день той воздвигну на Илиа вся, елика глаголах на дом его: начну и скончаю: 13 и возвестих ему, яко отмщу аз на доме его до века в неправдах сынов его, о ниже ведяше, яко злословиста Бога сынове его, и не наказа их: 14 и сего ради кляхся дому Илиину, яко не очистится неправда дому Илиина в кадилах и жертвах его до века. 15 И спа Самуил до утра, и утренева заутра, и отверзе двери храма Господня. Самуил же убояся поведати видения Илию. 16 И рече Илий к Самуилу: Самуиле чадо. И рече: се, аз. 17 И рече (Илий): что глаголгол глаголголаный к тебе? Не скрый убо от мене: сия да сотворит тебе Бог и сия да приложит, аще утаиши от мене слово от всех словес глаголголаных к тебе во ушеса твоя. 18 И поведи Самуил Илию вся словеса, и не утай от него (ни единого глаголгола). И рече Илий: Господь Сам, еже благо пред Ним, да сотворит. 19 И возвеличен бысть Самуил, и Господь бе с ним, и не паде от всех словес его на земли (ни един глагол). 20 И разумеша вси Израилтяне от Дана даже и до Вирсавии, яко верен Самуил Господу во пророцех. 21 И приложи Господь явитися в Силоме, яви бо Ся Господь Самуилу: и уверися Самуил пророк быти Господеви во всем Израили, от конца до конца земли. Илий же состаряся зело, и сынове его хождяше хождяху, и лукав путь их пред Господем.

4 И бысть во дни оны, и собращася иноплеменницы противу Израиля на брань: и изыде Израиль во сретение им на брань, и ополчиаша во Авенезере, и иноплеменницы ополчиаша во Афеце: 2 и сразишася иноплеменницы на брани со Израилтяны, и преклонися брань, и падоша мужие Израилевы пред иноплеменники, и убиени быша в брани на селе четьри тысящы мужей. 3 И приидоша людие в полк, и реша старейшины Израилевы: почто порази нас Господь днесь пред иноплеменники? Возмем кивот Бога нашего от Силома, и изыдет посреде нас и спасет ны от руки враг наших. 4 И послаша людие в Силом, и взяша отуду кивот Господа седящаго на херувимех: и (быша) тамо оба сына Илиина с кивотом Божиим, Офни и Финеес. 5 И бысть егда прииде кивот Господень в полк, и возопи весь Израиль гласом великим, и возшуме земля. 6 И услышаша

иноплеменницы глас вопля и реша: что сей вопль великий в полце Еврейсте? И уразумеша, яко кивот Господень прииде в полк. 7 И убояшася иноплеменницы и реша: сии бози приидоша к ним в полк: горе нам, изми ны, Господи, днешь: яко не бысть тако вчера и третияго дне: 8 горе нам, кто ны измет от руки богов крепких сих? Сии суть бози, побившии Египта всякими язвами и в пустыни: 9 укрепитесь и будите в мужы, иноплеменницы, яко да не поработаете Евреом, якоже поработаша нам, будите убо в мужы и бийтеся с ними. 10 И бишася с ними: и падоша мужие Израилевы пред иноплеменники, и побже кийждо в селение свое, и бысть язва велика зело: и паде от Израйля тридесять тысяч чинов: 11 и кивот Божий взят бысть, и оба сыны Илиины умроша, Офни и Финеес. 12 И тече муж от брани Иеминей, и прииде в Силом в день он, и ризы своя растерзав, и персть бе на главе его. 13 И прииде, и се, Илий седяше на престоле своем у дверей, смотря на путь, яко бе сердце его во ужасе (велице) о кивоте Божии. И человек вниде во град возвещая: и возопи весь град гласом великим: 14 и слыша Илий глас вопля и рече: что есть глас вопля сего? И человек потщався вниде и поведи Илию. 15 И бе Илий девятидесяти осми лет, и очи его изнемогоста, и не видяше. 16 И рече Илий мужем предстоящим себе: что глас вопля сего? И муж потщався вниде ко Илию и рече ему: аз есмь пришедый из полка, и аз прибежах от брани днешь. И рече Илий: что бывший глагол, чадо? 17 И отвеща отрочищь и рече: побержаша мужие Израилевы от лица иноплеменников, и язва велия бысть в людех, и оба сыны твоя умроша, и кивот Божий взят ест. 18 И бысть егда помяну о кивоте Божии, и паде (Илий) с престола взнак близ дверей, и сокрушися хребет его, и умре, яко стар бе человек и тяжек: и той суди Израилевы чотыредесять лет. 19 И сноха его жена Финеесова заченшая родити, и слыша весть, яко взят бысть кивот Божий и яко умре свекор ея и муж ея, и восплакася (горько), и роди, яко обратишася на ню болезни ея. 20 И во время, внегда умираше, реша ей жены предстоящья ей: не бойся, яко сына родила еси. И не отвеща, и не разуме сердце ея. 21 И нарече отрочища Уехавоф: и реша о кивоте Божии и о свекре ея и о мужи ея: преселися слава от Израйля, и о взятъся кивот Господень, и яко умре свекор ея и муж ея. 22 И рече: преселися слава Израилева, яко взят бысть кивот Божий.

5 И взяша иноплеменницы кивот Божий и изнесоша его от Авенезера во Азот: 2 и взяша иноплеменницы кивот Господень и внесоша его в храм Дагонов, и поставиша его близ Дагона. 3 И обутрневаша Азотяне наутрие и внидоша в храм Дагонов: и увидеша, и се, Дагон паде на землю на лице свое пред кивотом Божиим. И воздвигоша Дагона, и поставиша его на месте своем. 4 И бысть егда восташа заутра, и се, Дагон лежаше лицом на земли пред кивотом завета Господня: глава же Дагонова и обе плесне ног его отяты на праге особо каяждо, и обе длани рук его лежаще при дверех, точию труп Дагонов остана. 5 Того ради не вступают жерцы Дагоновы и вси входящии в храм Дагонов на праг дому Дагонова во Азоте даже до дне сего: яко

преступающе преступают. 6 И отяготе рука Господня на Азоте, и наведе на них, и воскипе им на седалищах их, во Азоте и в пределех его, и посреде страны его умножишася мышы: и бысть смущение смерти велико во граде. 7 И видеша мужие Азотстии, яко тако (бысть), и глаголаша: яко не пребудет кивот Бога Израилева с нами, яко жестока рука Его на ны и на Дагона бога нашего. 8 И пославше собраша воевод иноплеменничих к себе и глаголаша: что сотворим кивоту Бога Израилева? И реша Гефее: да преидет кивот Бога Израилева к нам в Геф. И преиде кивот Бога Израилева в Геф. 9 И бысть по прешествии его, и бысть рука Господня на граде, мятеж велий зело: и порази мужы града от мала до велика, и порази их на седалищах их. И сотвориша Гефее себе седалища (злата), 10 и отпустиша кивот Божий во Аскалон. И бысть егда вниде кивот Бога Израилева во Аскалон, и возопиша Аскалонитяне глаголюще: почто возвратисте кивот Бога Израилева к нам, уморити ны и люди наша? 11 И послаша и собраша вся воеводы иноплеменничии и реша: отпустите кивот Бога Израилева, и да поставится на месте своем, и да не уморит нас и людей наших. Яко бысть мятеж смерти во всем граде тяжек зело, егда вниде кивот Бога Израилева тамо. 12 И живущии и не умершии узавишася на седалищах, и взыде вопль града до небесе.

6 И бе кивот Господень на селе иноплеменников седмь месяц: и воскипе земля их мышами. 2 И призваша иноплеменницы жерцев и волхвов и обаянников своих, глаголюще: что сотворим кивоту Господню? Скажите нам, како послем его на место его? 3 И реша: аще отпускаете вы кивот завета Господа Бога Израилева, да не послете его тща, но отдающе отдадите Ему за муки (дары), и тогда исцелитесь, и умилюстивится вам: еда ли не отступит рука Его от вас? 4 И глаголаша: что Ему за муки отдадим? И реша: по числу воевод и иноплеменничих пять седалищ златых и пять мышей златых, яко прегрешения в вас и в князех ваших и в людех: 5 и сотворите подобие седалищ ваших и подобие мышей ваших, растлевающих землю, и воздадите славу Богу (Израилеву), яко да облегчит руку Свою от вас и от богов ваших и от земли вашей: 6 и почто отягощаете сердца ваша, якоже отягчи Египет и фараон сердце свое? Не егда ли поругася им, отпусти их, и отидоша? 7 И ныне возьмите и сотворите колесницу нову едину и две кравы первородившья без телят, на ниже не быше ярмо: и впрягите кравы в колесницу, а телята их возвратите вспять в дом: 8 и возьмите кивот Господень, и возложите и на колесницу, и сосуды златья отдадите Ему за муки, и положите в ковчежец от страны его: и отпустите его, да идет: 9 и узрите, аще путем пределов своих пойдет в Вефсамис, той сотвори нам зло великое сие: аще же ни, то уразумеем, яко не рука его прикоснуса нас, но приключение сие бысть нам. 10 И сотвориша иноплеменницы тако, и взяша две кравы первородившья, и впрягоша я в колесницу, телята же их затвориша в доме: 11 и возложиша кивот Господень на колесницу, и ковчежец, и мышы златья, и подобия седалищ своих: 12 и управившася

кравы на пути в путь Вефсамский, на пути ижме идяху, и труждахуся, и не совращахуся на десно, ниже на шуе: и воеводы иноплеменичи идяху вслед его даже до предел Вефсамских. 13 И иже в Вефсамисе жняху жатву пшеницы во юдоли: и возведоша очи свои, и видеша кивот Господень, и возвеселишася во сретение ему. 14 И колесница вниде в село Осиево сущее в Вефсамисе, (и ста тамо,) и поставиша тамо при нем камень велий: и иссекоша дрeвеса колесничная, и кравы вознесоша на всесожжение Господу. 15 Левити же вознесоша кивот Господень, и ковчежец иже с ним, и яже в нем сосуды златы, и положиша на камени велицем: мужие же Вефсамстии вознесоша всесожжения и пожроша жертву в той день Господу. 16 И пять воевод иноплеменичи зряху, и возвратишася во Аккарон в день той. 17 И сия седалища златая, яже воздаша иноплеменицы за муку Господу: Азотско едино, Газско едино, Аскалонско едино, Гефско едино, Аккаронско едино. 18 И златья мыши по числу всех градов иноплеменичих пяти воевод, от града утвержена и даже до веси ферезеовы и до камене великаго, на немже положиша кивот завета Господня, иже есть даже до сего дня, на селе Осии Вефсамиситянина. 19 И не порадовашася сынове Иехониины в мужех Вефсамских, яко видеша кивот Господень: и уби в них пятьдесят тысяч и семьдесят мужей. И плакашася людие, яко порази Господь людей язвою великою зело. 20 И реша мужие иже от Вефсамиса: кто возможет поити пред Господем Богом святым сим? И к кому въздет кивот завета Господня от нас? 21 И послаша послы к живущым в Кариафиариме, глаголюще: возвратиша иноплеменицы кивот Господень, снитдите и вознесите его к себе.

7 И приидоша мужие Кариафиаримстии и взяша кивот завета Господня, и внесоша его в дом Аминадавл иже на холме: и Елеазара сына его освятиша сохраняти кивот завета Господня. 2 И бысть от негоже две бе кивот в Кариафиариме, умножишася дние, и быти двадесать лет: и возре весь дом Израилев вслед Господа. 3 И рече Самуил ко всему дому Израилеву, глаголя: аще всем сердцем вашим вы обращаетеся ко Господу, отимите боги чуждыя от среды вас, и Дубравы, и уготовайте сердца ваша ко Господу, и поработайте Ему единому, и избавит вас от руки иноплеменичи. 4 И отвергоша сынове Израилевы Ваалима и дубравы Астарофа, и поработаша Господу единому. 5 И рече Самуил: соберите ко мне всего Израиля в Массифаф, и помолюся о вас ко Господу. 6 И собращася людие в Массифаф, и почерпаху воду и проливаху пред Господем на землю: и постишася в той день, и реша: согрешихом пред Господем. И судяше Самуил сыны Израилевы в Массифафе. 7 И услышаша иноплеменицы, яко собращася вси сынове Израилевы в Массифаф, и въздоша воеводы иноплеменичи на Израиля. И слышаша сынове Израилевы и убояшася от лица иноплеменик: 8 и реша сынове Израилевы к Самуилу: не премолчи о нас вопия ко Господу Богу нашему, да избавит ны от руки иноплеменичи. И рече Самуил: не буди мне еже отступити от Господа Бога моего и не вопити о вас с

молением. 9 И взя Самуил ягня едино ссущее, и принесе е на всесожжение со всеми людymi Господеви: и возопи Самуил ко Господу о Израили, и послуша его Господь. 10 И бяше Самуил возносяй всесожжение, и иноплеменицы приближишася на брань на Израиля: и възгреме Господь гласом велиим в день он на иноплеменики, и смятошася и падоша пред Израилем: 11 и изыдоша мужие Израилевы от Массифафа, и погнаша иноплемеников, и биша их даже до подолия Вefхор. 12 И взя Самуил камень един и постави его между Массифафом и между Вefхим: и нарече имя ему Авенезер, сиречь камень помощи, и рече: до зде поможе нам Господь. 13 И смири Господь иноплеменики, и не приложиша ктому ити в пределы Израилевы: и бысть рука Господня на иноплемеников во вся дни Самуиловы. 14 И отдашася грады, ихже взяша иноплеменицы от сынов Израилевых, и отдаша их Израилю, от Аккарона даже до Гефа, и пределы Израиля свободишася от руки иноплеменичи: и бе мир между Израилем и между Аморреем. 15 И судяше Самуил Израилю во вся дни живота своего. 16 И хождаше от года до года, и окрест Вefфиля и Галгалы и Массифафа, и суждаше Израиля во всех священных сих. 17 Бяше же ему возвращение во Армафем, яко тамо бяше дом его: и судяше тамо Израиля, и созда тамо олтарь Господеви.

8 И бысть егда состареся Самуил, и постави сыны своя судити Израилеви. 2 И сия имена сыном его: первенец Иоиль, и имя второму Авиа, судии в Вирсаеви. 3 И не поидоша сынове его путем его: и уклонишася вслед лихоимания, и приимаху дары, и разврацаху суды. 4 И собращася мужие Израилевы, и приидоша к Самуилу во Армафем 5 и реша ему: се, ты состарелся еси, сынове же твои не ходят по пути твоему: и ныне постави над нами царя, да судит ны, якоже и прочии языки. 6 И бысть лукав глагол пред очима Самуиловыма, яко реша: даждь нам царя, да судит ны. И помолися Самуил ко Господу. 7 И рече Господь Самуилу: послушай гласа людей, якоже глаголют к тебе, яко не тебе уничижиша, но Мене уничижиша, еже не царствовати Ми над ними: 8 по всем делом, яже сотвориша Ми, от негоже дне изведох их из земли Египетски до днешняго дне, и оставиша Мя, и послужиша богом иным, тако тии творят и тебе: 9 и ныне послушай гласа их: обаче засвидетелствуя засвидетелствуеши им и возвестиши им правду цареву, иже царствовати будет над ними. 10 И рече Самуил вся словеса Господня к людем просящым от него царя, 11 и глагола (им): сие будет оправдание цареву, иже царствовати иматъ над вами: сыны ваша возмет и поставит я колесничники своя, и на кони всадит их, и предтекущих пред колесницами его: 12 и поставит я себе сотники и тысящники и жателми жатвы своя, и оымут оыманием гроздия его, и творити орудия воинская его и орудия колесниц его: 13 и дщери ваша возмет в мироварницы и в поварницы и в хлебницы: 14 и села ваша и винограды ваша и масличины ваша благия возмет и даст рабом своим: 15 и семена ваша и винограды ваша одесятствует и даст скопцем своим и рабом своим: 16 и рабы ваша и рабыни ваша и стада ваша благая и ослы

ваша отимет и одесятствует на дела своя: 17 и пажити ваша одесятствует, и вы будете ему раби: 18 и возопиете в день он от лица царя вашего, егоже избрасте себе, и не услышит вас Господь в день он, яко вы сами избрасте себе царя. 19 И не восхотеша людие послушати Самуила и реша ему: ни, но царь да будет над нами, 20 и будем и мы якоже вси языцы: и судити имать нас царь наш, и изыдет пред нами, и поборет поборением о нас. 21 И слыша Самуил вся глаголы людий и глагола я во уши Господеву. 22 И рече Господь к Самуилу: послушай гласа их, и постави им царя. И рече Самуил к мужем Израилевым: да идет кийждо вас во свой град.

9 И бе муж от сынов Вениаминовых, емуже имя Кис, сын Авилов, сына Иаредова, сына Вахирова, сына Афекова, сына мужа Иеминеова, муж силен крепостию. 2 И сему бе сын, имя ему Саул, добровеличен, муж благ: и не бе в сынех Израилевых благ паче его, от рамен и выше высок паче всех людий. 3 И заблудиша ослята Киса отца Саулова. И рече Кис к Саулу сыну своему: возми с собою единого от отрок, и воставше идите и поищите ослят. 4 И проидоша гору Ефремлю, и проидоша землю Селха, и не обретоша: и проидоша землю Сегалимлю, и не бе: и проидоша землю Иаминоу, и не обретоша. 5 И пришедшим им в землю Сифову, и рече Саул ко отроку своему иже с ним: гряди и возвратимся, да не како отец мой оставя ослята, печется о нас. 6 И рече ему отрок: се, zde человек Божий во граде сем, и человек славен: все еже аще речет приходящим к нему, будет им: и ныне поидем тамо, да возвестит нам путь наш, имже поидем. 7 И рече Саул отроку своему иже с ним: се, поидем, и что принесем к человеку Божию? Яко хлебы оскудеша от вретич наших, и ктому несть у нас, еже внести к человеку Божию от имени нашего. 8 И приложи отрок отвещати Саулу и рече: се, обретается в руце моей четвертая часть сикля сребра, и даси человеку Божию, и возвестит нам путь наш. 9 Прежде бо во Израили сице глаголаше кийждо, егда кто идяше вопрошати Бога: гряди, да идем к прозорливцу: яко пророка нарицаху людие прежде прозорливцем. 10 И рече Саул отроку своему: добр глагол твой: гряди, да идем. И идоша во град, идеже бе человек Божий. 11 Восходящим же им на восход града, и се, обретоша девиц изшедших почерпсти воды, и реша им: есть ли zde прозорливец? 12 И отвещаша им девицы, глаголющя: есть, се пред лицом вашим: ныне же потщитесь, яко дне ради грядет во град, яко жертва днешь людем в вама: 13 и егда внидете во град, тако обрящете его во граде, прежде неже възыти ему в вама ясти: яко не имут ясти людие, дондеже внидет сей, яко той благословит жертву, и по сих ядят страннии: и ныне възыдите, яко дне ради обрящете его. 14 И възыдоша во град. Имже входящим среди града, и се, Самуил изыде во сретение им, еже възыти в вама. 15 И Господь откры во ухо Самуилу днем единым прежде пришествия к нему Сауля, глаголя: 16 якоже время сие, утро пошлю к тебе мужа от племени Вениаминова, и да помажеша его царя над людьми Моими Израилем, и спасет люди Моя от руки иноплемениччи: яко призрех на

смирение людий Моих, яко възыде вопль их ко Мне. 17 И виде Самуил Саула, и Господь рече к нему: се, человек, о немже рекох ти: сей будет в людех Моих царствовать. 18 И приближися Саул к Самуилу посреде града и рече: возвести ми, который дом прозорливца. 19 И отвеща Самуил Саулу и рече: аз сам есмь: възыди предо мною в вама, и яждь со мною днешь, и отпущу тя завтра, и вся яже в сердцы твоём возвещу ти: 20 и о ослятех твоих заблудивших днешь третий день, не помышляй в сердцы своем о них, ибо обретошася: и кому красная Израилева? Не тебе ли и дому отца твоего? 21 И отвеща Саул и рече: не сын ли есмь аз мужа иеминеа, меньшаго скиптра племени Израилева? И племени малейшаго от всего скиптра Вениаминова? И отечество мое меньше паче всех отечеств Вениаминовых? И вскую глагола еси ко мне по глаголу сему? 22 И поят Самуил Саула и отрока его, и введе я во обиталище, и даде им тамо место в первых званных, яко в седмидесяти мужех. 23 И рече Самуил повару: даждь ми часть, юже дах ти, и о нейже рех ти положити ю у себе. 24 И взя повар плече, и предложи е Саулови. И рече Самуил Саулу: се, избыток, предложи пред ся и яждь, яко во свидетелство предложиса тебе паче иных, прикоснися. И яде Саул с Самуилом в той день. 25 И сниде от вама во град, и постлаша Саулови на горнице, и спа. 26 И бысть егда приближашеся утро, и воззва Самуил Саула на горнице, и рече: востани, и отпущу тя. И воста Саул, и изыде сам и Самуил вон. 27 Имже исходящим в часть града, и рече Самуил к Саулу: рцы юноши, да предидет пред нами: а ты стани якоже днешь, и слышан сотворю тебе глаголгол Божий.

10 И взя Самуил сосуд с елеем, и возлия на главу его, и лобыза его, и рече ему: не помаза ли тебе Господь на царство людем Своим иже во Израили? И ты царствовати будеша в людех Господних, и ты спасеши я от руки враг их окрест: и сие тебе знамение, яко помаза тя Господь над наследием Своим в князя: 2 егда отидеши днешь от мене, обрящещи два мужа при гробех Рахилиных в пределех Вениаминих в Силоме, в Вакалафе сканущих зельно, и рекут тебе: обретошася ослята, ихже ходисте искати: и се, отец твой отверже глагол о ослятех и зело печется вас ради, глаголя: что сотворю о сыне моем? 3 И отидеши оттуду, и далее приидеши до дубравы Фавора, и обрящещи тамо три мужы восходящя к Богу в Вефиль, единого ведуща трое колзлят, а другаго несуща три вретича хлебов, а третяго несуща мех вина: 4 и вопросят тя яже о мире, и дадут ти два начатка хлебов, и возмеша от рук их: 5 и по сих да възыдеши на холм Божий, идеже есть собрание иноплемениччи, тамо начальницы иноплемениччи: и будет егда внидеши тамо во град, срящещи лик пророков исходящих от вама, и пред ними свирели и тимпаны, и сопели и гусли, и тии прорицающии: 6 и снидет на тя Дух Господень, и воспророчествуеши с ними, и обратишися в мужа иного: 7 и будет егда приидут знамения сия на тя, твори вся, елика обрящет рука твоя, яко Бог с тобою: 8 и снидеши прежде мене в Галгалы, и се, аз сниду к тебе вознести всесожжение и пожрети жертвы мирны: семь дний пождеши, дондеже прииду к тебе, и покажу ти,

что сотвориши. 9 И бысть внегда отвратити ему плещи своя отити от Самуила, преложи ему Бог сердце на ино. И приидоша вся знамения сия в день он. 10 И възде отуду на холм, и се, лик пророческий противу ему: и възде нань Дух Божий, и прорицаше среде их. 11 И быша вси видевшии его вчера и третияго дне, и видеша, и се, той посреде пророк прорицай. И реша людие кийждо ко искреннему своему: что сие бывшее сыну Кисову? Еда и Саул во пророцех? 12 И отвеща некто от них и рече: и кто отец ему? Не Кис ли? И сего ради бысть в притчу: еда и Саул во пророцех? 13 И рече сконча пророчествуя, и прииде отуду на холм. 14 И рече ужик его к нему и ко отроцишу его: како ходисте? И реша: ослят искати, и видехом, яко несть их, и внидохом к Самуилу. 15 И рече ужик к Саулу: возвести ми ныне, что ти рече Самуил? 16 И рече Саул ужик у своему: вестию возвести ми, яко обретошася ослята. Словесе же о царстве не возвести ему, еже рече Самуил. 17 И заповеда Самуил всем людем приити ко Господу в Массифаф. 18 И рече Самуил к сыном Израилевым: сия рече Господь Бог Израилев, глаголя: аз изведох отцы ваша сыны Израилевы из Египта, и изях вы от руки фараона царя Египетскаго и от всех царств оскорбляющих вы: 19 и вы днесь уничижисте Бога вашего, Иже Сам есть спасаяй вы от всех зол ваших и скорбей ваших, и ресте: ни, но царя да поставиши над нами: и ныне станите пред Господем по хоругвам вашим и по племенем вашим и по тысячам вашим. 20 И приведе Самуил вся колена Израилева, и паде жребий на хоругвь Вениамино. 21 И приведе хоругвь Вениамино по племенам, и паде жребий на племя Маттариино: и привелоша племя Маттариино по мужем, и паде жребий на Саула сына Кисова: и искаху его, и не обреташеся. 22 И вопроси Самуил еще Господа, глаголя: аще приидет семо муж еще? И рече Господь: се, той сокрыся в сосудех. 23 И тече Самуил, и взя его отуду, и постави его посреде людий: и бысть вышше всех людий, от рамен и вышше. 24 И рече Самуил ко всем людем: видесте ли, егоже избра себе Господь, яко несть подобен ему во всех вас? И познаша вси людие и реша: да живет царь. 25 И рече Самуил к людем оправдания царствия, и написа в книзе, и положи пред Господем. 26 И отпусти Самуил вся люди, и идоша кийждо во своя си, и Саул иде в дом свой в Гаваю: и идоша с ним сынове сил, ихже коснеся Господь сердец их, с Саулом. 27 Сынове же погибелнии реша: кто спасет нас, сей ли? И безчестоваша его, и не принесоша ему даров.

11 И бысть аки по месяце, и възде Наас Аманитянин, и ополчися на Иавис Галаадский. И реша вси мужие Иависстии к Наасу аманитянину: положи нам завет, и поработаем ти. 2 И рече к ним Наас Аманитянин: сей завет положу вам, изверчу комуждо вас око десное, и положу поношение на Израиля. 3 И реша ему мужие Иависа Галаадскаго: остави нам седьмь дней, да послем вестники во вся пределы Израилевы: и аще не будет спасающаго нас, изыдем к вам. 4 И приидоша вестницы в Гаваю к Саулу и поведаша словеса сия во уши людий: и воздвигоша вси людие глас свой и плакашася. 5 И се, Саул прииде по

заутрии от села, и рече Саул: что яко плачут людие? И поведаша ему глаголы мужей Иависских. 6 И сниде Дух Господень на Саула, егда услыша словеса сия, и разгнеvasя на них зело: 7 и взя две кравы, и раздроби я на уды, и посла во вся пределы Израилевы руками вестников, глаголя: иже не будет идый вслед Саула и вслед Самуила, по сему сотворят говядом его. И сниде ужас Господень на Израилтян, и изыдоша яко един муж. 8 И сочте их в Везеце, в ваеме, и бысть всех мужей Израилтеских шесть сот тысяч, и мужей Иудиных семьдесят тысяч. 9 И рече вестником пришедшым: сия поведите мужем Иависа Галаадскаго: завтра будет вам спасение восходящу солнцу. И приидоша вестницы во град и возвестиша мужем Иависским: и возрадовашася, 10 и реша мужие Иависстии к Наасу аманитянину: утро изыдем к вам, и сотворите нам, еже благо пред очима вашима. 11 И бысть по заутрии, и Саул раздели люди на три начала: и внидоша посреде полка в стражу утреннюю, и бияху сынов Аммонитских, дондеже разогресь день: и бысть, и оставишися разбегошася, и не осташася ни два от них вкупе. 12 И реша людие к Самуилу: кто есть рекий, яко да Саул не воцарится над нами? Предаждь мужей, и избием их. 13 И рече Саул: да не умрет ни един в днешний день, яко днесь сотвори Господь спасение во Израили. 14 И рече Самуил к людем, глаголя: приидите да идем в Галгалы и обновим тамо царство. 15 И идоша вси людие в Галгалы, и помаза тамо Самуил Саула на царство пред Господем в Галгалех. И пожроша тамо жертвы и мирная пред Господем, и возвеселися тамо Саул и вси мужие Израилевы зело.

12 И рече Самуил ко всем мужем Израилевым: се, послушах гласа вашего о всех, елика ми ресте, и поставих над вами царя: 2 и се, ныне царь предходит пред вами, аз же состарехся и седети буду, и сынове мои се с вами: и аз се, ходих пред вами от юности моя и даже до днешняго дне: 3 се, аз, отвечаите на мя пред Господем и пред христом Его, еда у кого телца взях, или осли, или кого от вас насилствовах, или кого утесних, или от руку некоего приях мзду, или обушу? Извещайте на мя, и возвращу вам. 4 И реша к Самуилу: не обидел еси нас, ниже насилствовал еси нам, ниже утеснил еси нас, ниже взял еси от руки чией что. 5 И рече Самуил к людем: свидетель Господь в вас, и свидетель христос Его днесь в сей день, яко ничтоже обретоете в руку мою. И реша людие: свидетель. 6 И рече Самуил к людем, глаголя: свидетель Господь сотворивый Моисеа и Аарона и изведый от земли Египетския отцы наша: 7 и ныне предстаните, и рассуждуся с вами пред Господем и возвещу вам вся оправдания Господня, яже сотвори вам и отцем вашим: 8 егда вниде Иаков и сынове его во Египет, и смириша их Египтяне: и возопиша отцы наши ко Господу, и посла Господь Моисеа и Аарона, и изведе отцы наша из Египта и всели их на месте сем: 9 и забыша Господа Бога своего, и вдаде я в руке Сисаре архистратигу Иавина царя Асорска, и в руки иноплеменичи, и в руки царя Моавска, и воеваша их: 10 и возопиша ко Господу и реша: согрешихом, яко оставихом Господа и поработаем

Вaalиму и Дубравам, и ныне изми ны от рук враг наших, и поработаем Тебе: **11** и посла Господь Иероваала и Варака и Иеффая и Самуила, и изят вы из рук враг ваших окрестных, и обитасте уповающе: **12** и весте, яко Наас царь сынов Аммоних прииде на вы, и ресте: ни, но царь да царствует над нами: егда Господь Бог царствова над вами: **13** и се, ныне царь, егоже избрасте и егоже просисте: и се, даде Господь над вами царя: **14** аще убоитесь Господа и поработаете Ему, и послушаете гласа Его и не воспротивитесь устом Господним, и будете и вы и царь царствующий над вами вслед Господа ходяще: то рука Господня не будет на вас: **15** аще же не послушаете гласа Господня и воспротивитесь устом Господним, будет рука Господня на вас и на царя вашего: **16** и ныне станите и видите глаголю сей великий, егоже сотворит Господь пред очима вашима: **17** несть ли жатва пшеницы днешь? Призову Господа, и даст громы и дождь, и уразумеете и увидите, яко злоба ваша велика, юже сотвористе пред Господем, испросивше себе царя. **18** И призва Самуил Господа, и даде Господь гром и дождь в той день: и убояшася вси людие зело Господа и Самуила, **19** и реша вси людие к Самуилу: помолися о рабах твоих ко Господу Богу твоему, да не умрем: яко приложихом ко всем грехом нашим злобу, просяще себе царя. **20** И рече Самуил к людем: не бойтесь: вы сотвористе всю злобу сию: токмо не уклонитесь от последования Господня и поработайте Господу всем сердцем вашим, **21** и не преступите вслед ничтоже сущих, иже не пособствуют и не изимут, яко ничтоже суть: **22** понеже не отринет Господь людей Своих имене ради Своего великаго, яко кротце Господь прият вас Себе в люди: **23** и да никакоже ми согрешити Господу, оставити еже молитися о вас ко Господу, и поработаю Господеву и покажу вам путь благ и прав, **24** токмо бойтесь Господа и работайте Ему во истине и всем сердцем вашим, яко видите яже великая сотвори Господь с вами: **25** и аще злобою зло сотворите, то вы и царь ваш погибнете.

13 Сын единого лета Саул, егда нача царствовати, и два лета царствова над Израилем. **2** И избра себе Саул три тысячи мужей от мужей Израилевых, и быша с Саулом две тысячи в Махмасае и в горе Вефили, и тысяща беша со Ионафаном в Гаваи Вениаминове: и останок людей отпусти коегождо во своя селения. **3** И порази Ионафан насива иноплеменика иже в холме. И услышаша иноплеменицы, и Саул воструби трубою во всю землю, глаголя: отвергошася раби. **4** И слыша весь Израиль глаголющих, яко порази Саул насива иноплеменика, и омерзе Израиль во иноплеменицех. И собращася людие вслед Саула в Галгалех. **5** И иноплеменицы собращася на брань на Израила: и приидоша на Израила тридесять тысяч колесниц и шесть тысяч конник и множество людей, яко песок иже при мори: и шедше ополчися в Махмасае противу Вефору на юг. **6** И видеша мужие Израилевы, яко не могоша противу стати, и скрышася людие в вертепах и в оградех и в камениих и в пропастьех и во рвах: **7** и переходяще преидоша Иордан в землю Гадову и Галаадску. И

Саул баше еще в Галгалех, и вси людие ужасошася, иже бяху с ним. **8** И ждаше семь дний по свидетелству, якоже рече Самуил, и не прииде Самуил в Галгалы: и рассеяшася людие его от него. **9** И рече Саул: приведите, яко да сотворю всесожжение и мирная. И вознесе всесожжение. **10** И бысть егда соверши вознося всесожжение, и се, Самуил прииде: и Саул изыде на сретение ему благословитися им. **11** И рече Самуил: что сотворил еси? И рече Саул: видех, яко отидоша людие от мене, и ты не пришел еси, якоже определил еси свидетелством дний, иноплеменицы же собращася в Махмаса, **12** и рех: ныне приидут иноплеменицы ко мне в Галгалы, и лица Господня не умолю: и не удержажся, и вознесох всесожжение. **13** И рече Самуил к Саулу: безумие бысть тебе, понеже не сохранил еси заповеди моя, юже заповеда ти Господь: яко ныне уготовал бы Господь царство твое во Израили до века: **14** и ныне царство твое не станет тебе, и изыщет Господь Себе человека по сердцу Своему, и повелит ему Господь властелину быти над людьми Своими, яко не сохранил еси, елика заповеда тебе Господь. **15** И воста Самуил и иде от Галгал в путь свой: и останок людей идоша вслед Саула на сретение людем ратным. Имже приходящим от Галгал в Гавау Вениаминову, и соче Саул люди обретшыся с ним яко шесть сот мужей. **16** Саул же и Ионафан сын его и людие обретшиися с ними седоша в Гаваи Вениаминове и плакашася: иноплеменицы же ополчися в Махмасае. **17** И изыдоша губящии от села иноплемеников тремя началы: начало едино зрящее путь Гофера на землю Совалю: **18** и начало едино зрящее путь Вефоронь: и начало едино зрящее путь Гаваи, клонящийся к Гаисавим пустыни. **19** И ковачь железа не обреташеся во всей земли Израилеве, яко реша иноплеменицы, да не сотворят Еврее меча и копия. **20** И хождяху вси сынове Израилевы в землю иноплеменичу ковати кийждо своя косы и орудия своя, и кийждо секиры своя и серпы своя. **21** И притупишася вся орудия приспевшей жатве, секиры и серпы, поправления же има не бысть. **22** И бысть во дни брани Махмасския, и не обретеса меча и копия в руках всех людей, иже с Саулом и со Ионафаном: точию у Саула и Ионафана сына его. **23** И изыдоша от стана иноплеменичца об ону страну Махмаса.

14 И бысть во един день, и рече Ионафан сын Саулов отрочищу носящему оружие его: гряди, и пройдем в мессаву иноплемеников иже на оней стране. И отцу своему не возвести сего. **2** И Саул седяше на верху холма под древом яблонным еже в Магдоне, и баше с ним яко шесть сот мужей. **3** И Ахиа сын Ахитов, брата Иохаведова, сына Финесова, сына Илии, иерей Божий в Силоме нося ефуд: и людие не ведяху, яко отиде Ионафан. **4** Посреде же перехода, идеже хотяше Ионафан прейти в стан иноплеменичч, бысть камень острый отсюду и камень острый отюнду: имя единому Васес и другому Сенна: **5** камень един стояше от севера противу Махмаса, и камень второй от юга противу Гаваи. **6** И рече Ионафан ко отрочищу носящему оружие его: гряди, пройдем в мессаву необрезанных сих, негли что сотворит нам Господь, яко несть Господу не удобно

спасти во многих или в малых. 7 И рече ему носяй оружие его: твори все, на неже сердце твое склоняется: се, аз с тобою есмь, якоже сердце твое сердце мое. 8 И рече Ионафан: се, мы преидем к мужем и явимся к ним: 9 аще сия рекут к нам: помедлите тамо, дондеже возвестим вам: то постоим сами на месте своем и не поидем к ним: 10 аще же к нам сице рекут: взыдите к нам: то взыдем, яко предаде их Господь в руки наша: сие нам знамение (да будет). 11 И внидоша оба в мессаву иноплеменников. И глаголаша иноплеменницы: се, Еврее исходят из расселин своих, идеже скрышася. 12 И отвещаша муже мессавли ко Ионафану и к носящему оружие его, и реша: взыдите к нам, и явим вам глагол. И рече Ионафан к носящему оружие его: гряди по мне, яко предаде их Господь в руки Израилевы. 13 И взыде Ионафан (ползушь) на руках и на ногах своих, и носяй оружие его за ним. И узреша иноплеменницы лице Ионафане, и порази их: и носяй оружие его идяше вслед его. 14 И бысть язва первая, еюже порази Ионафан и носяй оружие его, яко двадесять мужей копийцами и каменювержением и кремением полевым. 15 И бысть ужас в полце и на селе: и вси людие иже в мессаве и губящии ужаснушася, и тии не хотяху братися: и вострепета земля, и бысть ужас от Господа. 16 И видеша соглядатае Сауловы в Гаваи Вениамини, и се, полк смятется семо и онамо. 17 И рече Саул людем сущым с ним: рассмотрите ныне и видите, кто отиде от вас. И рассмотриша, и се, не обретется Ионафан и носяй оружие его. 18 И рече Саул ко Ахии: принеси ефуд, яко бе кивот Божий в той день с сынами Израилевыми. 19 И бысть егда глаголаше Саул ко иерею, и шум в полце иноплеменничи ходя идяше и множашеся. И рече Саул ко иерею: пригни руки твоя. 20 И изыде Саул и вси людие иже с ним, и изыдоша до сечи. И се, бысть оружие коегождо на ближняго своего, (и бысть) мятеж велик зело. 21 Но и раби, иже быша со иноплеменники вчера и третияго дне, вшедшии в полк, обратишася и тии еже быти им со Израилтяны сущими с Саулом и со Ионафаном. 22 И вси Израилтяне скрывшиися в горе Ефремли услышаша, яко отбегоша иноплеменницы: приложишася и тии вслед их на брань. 23 И спасе Господь в той день Израиля: брань же пройде даже до Вамофа: и вси людие бяху с Саулом, яко десять тысяч мужей, и бе брань разсыпана во весь град на горе Ефремли. 24 И Саул сотвори безумие велие в день той, и закля люди, глаголя: проклят человек, иже ясти будет хлеб даже до вечера, дондеже отмщу врагом моим. И не вкусиша людие вси хлеба: 25 и вся земля обедаше: и се, бяше дубрава пчелная пред лицем села: 26 и внидоша людие во пчелник, и се, исхождаху глаголюще: (яко истече мед,) и не бе возвращающаго руки своя ко устом своим, яко убояшася людие клятыя Господни. 27 Ионафан же не слышаше, егда заклнаше отец его люди: и простре конец жезла своего, иже в руку ему, и омочи его в соте медвене, и обрати руку свою во уста своя, и прозреша очи его. 28 И рече един от людий, глаголя: кленый прокля отец твой люди, глаголя: проклят человек, иже ясти будет хлеб в день сей: и изнемогаша людие. 29 И уразуме Ионафан

и рече: смути отец мой землю: виждь, яко прозреша очи мои, егда вкусих мало от меда сего: 30 о, дабы яли ядуще днешь людие от корыстей врагов своих, иже обретоша, множайшая бы днешь язва была во иноплеменницех. 31 И поразиша в день той от иноплеменников множае нежели в Махмасе: и утрудилася людие зело. 32 И устремилася людие на корысти, и пояша людие стада и буйволы и говядя: и закалаху на земли, и ядоша людие с кровию. 33 И возвестиша Саулу, глаголюще: согрешилася людие ко Господу, ядуще с кровию. И рече Саул: от гетема привалите мне семо камень велий. 34 И рече Саул: шедше к людем рчыте им: да принесет кийждо семо телца своего и кийждо овцу свою, и да заколют на камени сем, и ядите я, и не согрешайте Господу ядуще с кровию. И приведоша нощию вси людие свое кийждо, еже имаше в руце своей, и закалаху тамо. 35 И созда Саул тамо олтарь Господу: сей нача Саул созидати олтарь Господу. 36 И рече Саул: снидем вслед иноплеменник нощию, и расхитим их, дондеже заря будет, и не оставим от них мужа. И реша: все еже благо пред очима твоима, твори. И рече иерей: приступим семо к Богу. 37 И вопросы Саул Бога: сниду ли вслед иноплеменников? Предаси ли их в руки Израилтяном? И не отвеща ему Господь в день той. 38 И рече Саул: приведите семо вся колена Израилева, и уразумеете и увещдьте, на ком бысть грех сей днешь, 39 яко жив Господь спасый Израиля, яко аще ответ будет на Ионафана сына моего, смертию да умрет. И не бе отвещающаго от всех людий. 40 И рече Саул всему Израилю: вы станите на едину страну, аз же и Ионафан сын мой станем на другую страну. И реша людие к Саулу: еже благо пред тобою, твори. 41 И рече Саул: Господи Боже Израилев, что яко не отвещал еси рабу Твоему днешь? Или моя есть, или сына моего Ионафана неправда? Господи Боже Израилев, даждь знамение: и аще речеси сия, даждь ныне людем Твоим Израилю, даждь ныне преподобие. И паде жребий на Ионафана и Саула, и людие изыдоша. 42 И рече Саул: верзите жребий на мя и на Ионафана сына моего: егоже объявит Господь, смертию да умрет. И реша людие к Саулу: несть сей глагол. И преможе Саул люди, и вергоша о нем и Ионафан сыне его, и паде на Ионафана жребий. 43 И рече Саул ко Ионафану: возвести ми, что сотворил еси? И возвести ему Ионафан и рече: вкушая вкусих мало меду омочив конец жезла, иже в руку мою, и се, аз умираю. 44 И рече ему Саул: сия да сотворит ми Бог, и сия да приложит ми, яко смертию умреши днешь. 45 И реша людие к Саулу: еда днешь умрет сотворивый спасение сие велие во Израили? Не буди то, жив Господь, аще падет влас главы его на землю, яко милость Божию сотвори в день сей. И помолвишася людие о Ионафане в день той, и не умре. 46 И не иде Саул вслед иноплеменников: иноплеменницы же отидоша в место свое. 47 И Саул укрепилася царствовати во Израили, и побеждаше окрест вся враги своя в Моаве и в сынех Аммоних и в сынех Едомлих и в Вефоре и в царствии Сувани и во иноплеменницех: и аможе аще обращашеся, спасашеся. 48 И сотвори силу, и победи Амалика, и избави Израиля из руки попирающих его. 49

И беша сынове Сауловы Ионафан и Исуй и Мелхисуе: имена же двою дщерию его, имя первородней Мерова и имя второй Мелхола: 50 имя же жене его Ахиноома, дщерь Ахимаасова: и имя старейшине вой его Авенир сын Нира сына ужика Саулова: 51 Кис же отец Саулов, и Нир отец Авениров сын иамина сына Авиилева. 52 И бе брань крепка на иноплеменники во вся дни Сауловы: и видев Саул всяка мужа сильна и всяка мужа сына силы, собираще их к себе.

15 И рече Самуил к Саулу: посла мя Господь помазати тя на царство в людех Его во Израили: и ныне послушай гласа словес Господних: 2 сия рече Господь Саваоф: ныне отмщу, яже сотвори Амалик Израилю, егда срете его на пути, восходящу ему от Египта: 3 и ныне ты иди, и поразиши Амалика и Иерима, и вся яже суть его, и не снабдиши от них (ничтоже), и искорениши его: и прокленеши его и вся суцая его, и не пощадиши его: и да убиеши от мужеска полу и до женска и от юнош и до ссущих млеко, и от говяд до овец и от вельблюд до ослят. 4 И собра люди Саул и сочте я в Галгалех двесте тысяч пеших и десять тысяч от Иуды в полцех: 5 и прииде Саул до градов Амаликовых и засяде в потоце. 6 И рече Саул ко Кинеови: иди и уклонися от среды Амалика, да не погублю тя с ним, ты бо сотворил еси милость с сынами Израилевыми, егда исхождаху из Египта. И уклонися Киней от среды Амалика. 7 И порази Саул Амалика от Евилы даже до Сура, иже пред лицем Египта: 8 и ят Агага царя Амаликова жива, и вся люди изби, и Иерима уби мечем. 9 И сохрани Саул и вси людие Агага царя жива и благая от стад и буйволов, и снедей (и одежд), и виноградов и от всех благих: и не хотяху искоренити я, точию худшее и уничтоженое истребиша. 10 И бысть глаголог Господень к Самуилу, глаголя: 11 раскаяся, яко помазах Саула на царство, понеже отвратися от Мене и словес Моих не соблюде. И опекалися Самуил и вопияше ко Господу всю ночь. 12 И воста рано Самуил, и идяше на сретение Израилтяном рано. И возвестиша Самуилу, глаголюще: идет Саул в Кармил, и се, воздвиге руку себе, и возврати колесницу, и сниде в Галгалы. И прииде Самуил к Саулу, и се, той возношаше всесожжение Господу, первая от корыстей, иже взя от Амаликов. 13 И прииде Самуил к Саулу, и рече ему Саул: благословен ты Господу, сотворих бо вся, елика (ми) глагола Господь. 14 И рече Самуил: и кий глас стад сих во ушию моею, и глас говяд, егоже аз слышу? 15 И рече Саул: от Амалика пригнах я, иже сохраниша людие лучшая от стад и от волов, еже пожрети я Господу Богу твоему, прочая же избих. 16 И рече Самуил к Саулу: потерпи, и возвещу ти, яже глагола Господь ко мне нощию. 17 И рече ему (Саул): глаголи. И рече Самуил к Саулу: еда не мал был еси ты пред Ним, и не властелина ли ты постави хоругви колена Израилева? И помаза тя Господь на царство Израилево: 18 и посла тя Господь путем и рече тебе: иди и искорени Амалика, и погуби согрешших предо Мною, и войи их, дондеже скончаеши их: 19 и почто не послушал еси гласа Господня по всему, елико глагола тебе, но устремилс еси на корысти и сотворил еси лукавое пред Господем? 20 И рече Саул к Самуилу: послушах гласа

людий и идох путем, имже посла мя Господь, и приведох Агага царя Амаликова, и Амалики искорених: 21 и взяша людие корысти от стад и буйволы, первая от истребляемых на пожрение Господу Богу нашему в Галгалех. 22 И рече Самуил: еда угодны Господу всесожжения и жертвы, якоже послушати гласа Господня? Се, послушание паче жертвы благи, и покорение паче тука овня: 23 якоже грех есть чарование, тако (грех есть) противление, и якоже грех есть идолопоклонение, тако непокорение: понеже уничтожил еси глаголог Господень, и уничтожил тя Господь не быти тебе царем во Израили. 24 И рече Саул к Самуилу: согреших, яко преступих слово Господне и глагол твой, убояся бо людий и послушах гласа их: 25 и ныне возми грех мой и возвратиса со мною, да поклонюся Господу Богу твоему. 26 И рече Самуил к Саулу: не возвращася с тобою, яко уничтожил еси глаголог Господень, и уничтожит тя Господь не быти тебе царем во Израили. 27 И отврати Самуил лице свое еже отити: и ят Саул за воскрилие ризы его и раздра е. 28 И рече ему Самуил: раздра Господь царство Израилево от руку твоею днесь, и даст е ближнему твоему, лучшему паче тебе, 29 и разделится Израиль на двое: и не обратится, ниже раскается Святыи Израилев, занеже не яко человек есть, еже раскаятися Ему, запретит, и не пребудет. 30 И рече Саул: согреших, но прослави мя ныне пред старейшины Израилевы и пред людьми моими, и возвратиса со мною, и поклонюся Господу Богу твоему. 31 И возвратиса Самуил вслед Саула, и поклонися Саул Господу. 32 И рече Самуил: приведите ми Агага царя Амаликова. И прииде к нему Агаг трепеща, и рече Агаг: тако ли горька смерть? 33 И рече Самуил ко агагу: якоже обезчадства жен оружие твое, тако обезчадится в женах мати твоя. И закла Самуил Агага пред Господем в Галгалех. 34 И отиде Самуил во Армафем: и Саул отиде в дом свой в Гавау. 35 И не приложи Самуил ктому видети Саула даже до дне смерти своя, понеже плакаше Самуил о Сауле, занеже раскаяся Господь, яко постави Саула царя во Израили.

16 И рече Господь к Самуилу: доколе ты плачешо о Сауле, Аз же уничтожих его, не царствовати во Израили? Наполни рог твой елеа и прииди, послю тя ко Иессею до Вифлеема, яко узрех в сынех его Себе царя. 2 И рече Самуил: како пойду? И услышит Саул, и убьет мя. И рече Господь: юницю от волов возми в руце твои и речеши: пожрети Господеву иду: 3 и призовеши Иессеа и сыны его к жертве: и Аз ти покажу, яже сотвориши, и помажешо Ми, егоже ти реку. 4 И сотвори Самуил вся, елика рече ему Господь: и прииде в Вифлеем, и ужасошася старейшины града о пришествии его и реша: мир ли вход твой, о, прозорливче? 5 И рече: мир: пожрети Господу приидох: освятитесь и возвеселитесь днесь со мною. И освяти Иессеа и сыны его, и призва я к жертве. 6 И бысть внегда внити им, и виде Елиава и рече: сей ли пред Господем помазанник Его? 7 И рече Господь Самуилу: не зри на лице его, ниже на возраст величества его, яко уничтожих его: понеже не тако зрит человек, яко зрит Бог: яко человек зрит на лице,

Бог же зрит на сердце. 8 И призва Иессей Аминадава и представи его пред лице Самуила. И рече (Самуил): ниже сего избра Господь. 9 И приведе Иессей Саммаа. И рече: и сего не избра Господь. 10 И приведе Иессей семь сынов своих пред Самуила. И рече Самуил ко Иессею: не избра Господь от сих. 11 И рече Самуил ко Иессею: не достало ли уже детей? И рече Иессей: еще есть один мал, и сей пасет на пажити. И рече Самуил ко Иессею: послы и приведе его, яко не возляжем, дондеже приидет той семо. 12 И посла, и введе его: и той чермен, добрыма очима, и благ возром Господевы. И рече Господь к Самуилу: востани и помажи Давида, яко сей благ есть. 13 И прия Самуил рог со елеем и помаза его посреде братии его. И ношашеся Дух Господень над Давидом от того дне и потом. И воста Самуил и отиде во Армафем. 14 И Дух Господень отступи от Саула, и давяше его дух лукавый от Господа. 15 И реша отроцы Сауловы к нему: се, ныне дух лукавый от Господа давит тя. 16 да рекут раби твои ныне пред тобою, и взыщут господину нашему мужа знающа пети в гусли: и внегда будет дух лукавый на тебе, и тогда да поет в гусли своя, и благо ти будет, и упокоит тя. 17 И рече Саул ко отроком своим: посмотрите ми мужа добре поюща и введите его ко мне. 18 И отвеща один от отрок его и рече: се, видех сына Иессеова из Вифлеема, и той вест пение, и муж разумен, и борец, и мудр в словеси, и муж благ видом, и Господь с ним. 19 И посла Саул вестники ко Иессею, глаголя: отпусти ко мне Давида сына твоего, иже у стада твоего. 20 И взя Иессей бремя хлебов и мех вина и козля от коз едино, и посла к Саулу рукою Давида сына своего. 21 И вниде Давид к Саулу, и предстояше пред ним, и возлюбил его зело Саул, и бысть ему носяй оружие его. 22 И посла Саул ко Иессею, глаголя: да предстоит Давид предо мною, яко обрете благодать пред очима моима. 23 И бысть внегда быти духу лукаву на Сауле, и взмаше Давид гусли и играше рукою своею, и отдыхаше Саул, и благо ему бяше, и отступаше от него дух лукавый.

17 И собираша иноплеменницы полки своя на брань, и собрашася в Сокхофе Иудейстем, и ополчишася среде Сокхофа и среди Азика во Афесдоммине. 2 Саул же и мужие Израилевы собрашася и ополчишася во удоли Теревинфа и устрояхуся на брань противу иноплеменником. 3 И иноплеменницы стояху на горе отсюду особь, Израиль же стояше на горе отянуду, и удолю между ими бяше. 4 И изыде муж силен из полка иноплеменника, имя ему Голиаф от Гефа, высота его шесть лакот и пядь: 5 и шлем медяна на главе его, и в броню кольчату той оболчен бяше: и вес брони его пять тысяч сикль меди и железа: 6 и поножи медяны верху голений его, и щит медяна на плечах его: 7 и ратовище копия его аки орудие ткущих, и копие его шесть сот сикль железа: и носяй оружие его идяше пред ним. 8 И ста и возопи пред полки Израилевыми и рече им: почто изыдoste, ополчитися ли на брань противу нам? Несь ли аз иноплеменник, вы же Еврее Сауловы? Изберите себе мужа, и да снитет ко мне: 9 и аще возможет со мною братися и одолеет ми, будем вам раби: аще же аз возмогу одолети

ему, будете вы нам раби и поработаете нам. 10 И рече иноплеменник: се, аз днесь уничижих полк Израилев в сей день: дадите ми мужа, иже поборется со мною един. 11 И слыша Саул и весь Израиль глаголы иноплеменничия сия и ужасошася и убояшася зело. 12 Давид же Есфрафеев, сей бе от Вифлеема Иудина, имя же отцу его Иессей, емуже бе осмь сынов. Во дни же Сауловы бе муж той состаресе в мужех. 13 И идоша три сыны Иессеевы старейши на брань с Саулом: имена же сынов его пошедших на брань, Елиав первородный его, и вторый Аминадав, и третий Самма. 14 Давид же бе юнейший, и три болшии его идоша вслед Саула. 15 Давид же возвратився от Саула, отиде пасти овцы отца своего в Вифлеем. 16 И приходяше иноплеменник утро и в вечер, являясь пред Израилем четыредесять дней. 17 И рече Иессей Давиду сыну своему: возми убо братиям твоим меру ефи муки и десять хлеб сих, и иди в полк, и даждь братиям твоим: 18 и десять сыров от млека сего, и даждь тысящнику: и братию свою посети в мире, и еликих аще требуют, увеси, субботствовати же будеши со мною. 19 Саул же и вси людие бяху во удоли дуба ратующесе со иноплеменники. 20 И воста Давид рано, овцы же остави со стражею, и взя, и отиде, якоже заповеда ему отец его Иессей: и прииде на место, идеже исхождаху сильнии на брань и вопияху в полцех. 21 Занеже вооружашеся Израиль противу иноплеменником, и иноплеменницы вооружахуся противу Израйля. 22 И положи Давид бремя свое в руках стража, и тече в полк, и пришед вопроши братию свою в мире. 23 Глаголющу же ему с ними, и се, муж месейский, емуже имя Голиаф, Филистимлянин от Гефы, изыде от полков иноплеменничих и глагола по словесем сим, и услыша Давид. 24 И вси мужие Израилевы егда увидеша мужа, и бежаша от лица его и убояшася зело. 25 И реша мужие Израилестии: видесте ли мужа сего восходяща, яко поносит Израйля прииде? И аще будет муж, иже убьет его, обогатит его царь богатством велиим, и дщерь свою даст ему, и дом отца его сотворит свободен во Израили. 26 И рече Давид к мужем стоящим с ним, глаголя: что сотворите мужу, иже убьет иноплеменника онаго и отимет поношение от Израйля? Яко кто есть иноплеменник необрезанный сей, иже поносит полку Бога живаго? 27 И рекоша ему людие по словеси сему, глаголюще: тако сотворится мужу, иже убьет его. 28 И услыша Елиав брат его болший, внегда глаголати ему к мужем: и разгнеवासя яростию Елиав на Давида и рече: почто семо пришел еси? И кому оставил еси маля овцы оны в пустыни? Вем аз гордость твою и злобу сердца твоего, яко видения ради брани пришел еси. 29 И рече Давид: что сотворих ныне? Несь ли речь? 30 И отвратися от него ко иному и рече по словеси сему. И отвещаа ему людие по словеси преждему. 31 И слышаны быша глаголы, иже глагола Давид, и возвестиша пред Саулом: и пояша его людие и приведоша его пред Саула. 32 И рече Давид к Саулу: да не ужасается сердце господину моему о сем, раб твой поидет и поборется со иноплеменником сим. 33 И рече Саул к Давиду: не возможеши пойти ко иноплеменнику сему братися с ним, яко ты детищ еси, сей же муж борец есть

от юности своя. 34 И рече Давид к Саулу: егда пасяше раб твой отца своего стадо, и егда приходяше лев или медведица и восхищаше от стада овцу едину: 35 и аз вслед его исхождах и поражах его, и исторгах из уст его (взятое): и аще воспротивляшеся ми, то взем за гортань его, поражах и умерщвлях его: 36 и льва и медведицу бияше раб твой, и будет иноплеменик необрезанный сей яко един от сих: не поиду ли, и поражу его, и отиму днесь поношение от Израиля? Понеже кто необрезанный сей, иже уничижи полк Бога жива? 37 И рече Давид: Господь иже изят мя от руки львовы и от руки медведицы, той измет мя от руки иноплеменика сего необрезаннаго. И рече Саул к Давиду: иди, и да будет Господь с тобою. 38 И облече Саул Давида одеждою, и шлем медян возложи на главу его, 39 и препояса Давида оружием своим верху одежды его. Давид же походив (во оружии) семо и овамо, утрудися, яко не обыче. И рече Давид Саулу: не могу ити в сих, яко не обыкох. И взяша от него сия. 40 И взя палицу свою в руку свою, и избра себе пять камней гладких от потока, и вложи я в тоболец пастырский егоже ношаше, и пращу свою имый в руке своей, и иде к мужу иноплеменику. 41 И идяше иноплеменик приближаяся к Давиду, и носяй оружие его пред ним (идяше). 42 И виде Голиаф иноплеменик Давида и обезчестова его, зане той детищъ бе, и чермен и леп очима. 43 И рече иноплеменик к Давиду: еда пес аз есмь, яко ты идеши противу мене с палицею и камением? И рече Давид: ни, но и худший пса. И прокля иноплеменик Давида боги своими. 44 И рече иноплеменик к Давиду: гряди ко мне, и дам плоть твою птицам небесным и зверем земным. 45 И рече Давид иноплеменику: ты идеши на мя с мечем и с копием и щитом, аз же иду на тя во имя Господа Бога Саваофа, Бога ополчения Израилева, егоже ты уничижил еси днесь: 46 и предаст тя Господь днесь в руке мои, и убию тя, и отиму главу твою от тебе, и дам тело твое и телеса полка иноплеменика в день сей птицам небесным и зверем земным: и уразумеет вся земля, яко есть Господь Бог во Израили, 47 и уразумеет весь сонм сей, яко не мечем ни копием спасает Господь, яко Господня брань, и предаст Господь вас в руки наша. 48 И воста иноплеменик и иде во сретение Давиду. И ускори Давид и тече на сражение во сретение иноплеменику. 49 И простре Давид руку свою в тоболец, и изыя из него камень един, (и вложи в пращу,) и верже пращею, и порази иноплеменика в чело его, и унезе камень под шлемом его в чело его, и паде (Голиаф) на лица своем на землю. 50 И укрепися Давид над иноплемеником пращею и камением, и порази иноплеменика, и умертви его: оружия же не бе в руке Давидове. 51 И тече скоро Давид, и ста над ним, и взя мечь его, и извлече его от недр его, и умертви его, и отсече им главу его. И видеша иноплеменицы, яко умре сильный их, и бежаша. 52 И восташа мужие Израилевы и Иудины и воскликнуша, и погнаша создади их даже до входа Гефова и до врат Аскалонских: и падоша уязвленни (мнози) иноплеменицы по пути врат и даже до Гефа и Аккарона. 53 И возвратишася мужие Израилевы гнавши

вслед иноплеменик, и потопташа полки их. 54 И взя Давид главу иноплеменика и внесе ю во Иерусалим, и оружие его положи во храмине своей. 55 И егда виде Саул Давида исходяща во сретение иноплеменика, рече ко Авениру князю силы: чий есть сын юноша сей, Авенире? И рече Авенир: да живет душа твоя, царю, яко не вем. 56 И рече царь: вопросы убо ты, чий есть сын юноша сей? 57 Егда же возвратися Давид по убиении иноплеменика, взя его Авенир и приведе его пред Саула: глава же иноплеменика бе в руке его. 58 И рече к нему Саул: чий еси сын, юноше? И рече Давид: сын раба твоего Иессеа от Вифлеема.

18 И бысть егда преста глаголати к Саулу, и душа Ионафана с душею Давидовою спряжеся, и возлюбил его Ионафан от души своя. 2 И поят его Саул во дни оны и не даде ему возвратитися в дом отца его. 3 И завета Ионафан и Давид завет, понеже возлюбил его от души своя: 4 и совлече Ионафан ризу свою верхнюю и даде ю Давиду, и ины одежды своя даже до меча своего и до лука своего и до пояса своего. 5 И хождаше Давид разумно во всех, аможе аще посылаше его Саул: постави же его Саул над мужи воинскими, и угоден бе пред очима всех людей и пред слугами Сауловыми. 6 И бысть, внегда входити им, егда возвратися Давид от победы над иноплемеником: и изыдоша (девы) ликовствующие во сретение Саула царя от всех градов Израилевых поюща и скачуща в тимпанех с радостию и с гусльми. 7 И исхождаху жены ликующа и глаголюща: победи Саул с тысящами своими, а Давид со тмами своими. 8 И разгневался Саул зело, и лукавы явишася глаголы пред очима сауловыми о словеси сем. И рече Саул: Давиду даша тмы, мне же даша тысящы: и чего ему (несть), точию царства? 9 И бе Саул подзирая Давида от дне онаго и потом. 10 И бысть от утрешняго дне, и нападаше дух лукавый от Бога на Саула, и прорицаше посреде дому своего: и Давид пояше рукою своею (в гусли), якоже и по вся дни: копие же в руке Саули: 11 и взя Саул копие и рече: поражу Давида к стене. И клонися Давид от лица его дважды. 12 И убояся Саул от лица Давидова, яко Господь бе с ним, а от Саула отступи: 13 и отстави его Саул от себе, и постави его себе тысященачалника: и исхождаше и вхождаше пред людьми. 14 И бе Давид во всех путех своих смысла, и Господь бе с ним. 15 И виде Саул, яко той смыслит зело, и бояшеся от лица его. 16 Весь же Израиль и Иуда любляху Давида, яко той вхождаше и исхождаше пред лицем людей. 17 И рече Саул к Давиду: се, дщи моя большая Меров, сию тебе дам в жену, токмо буди ми в сына силы и поборай брани Господни. И Саул рече: да не будет рука моя на нем, но да будет рука иноплеменика. 18 И рече Давид к Саулу: кто аз есмь? И кое житие сродства отца моего во Израили, яко да буду зять царский? 19 И бысть во время, егда даней быти подобаше Мерове дщери Саулове Давиду, сия дадеся Адриилу Молафитскому в жену. 20 И возлюби Мелхола дщерь Саулова Давида: и возвестися Саулу, и угодно бысть пред очима его слово. 21 И рече Саул: дам ему ю, и будет ему в соблазн. И бе на

Саула рука иноплеменичца. И рече Саул к Давиду: в силах будеши ми зять днесь. 22 И заповеда Саул отроком своим, глаголя: рцйте вы тайно Давиду, глаголюще: се, благоволил о тебе царь, и вси отроцы его любят тя, и ты буди зять царю. 23 И глаголаша отроцы Сауловы во уши Давиду глаголы сия. И рече Давид: еда легко пред очима вашима, еже быти (ми) зятем царю? Аз бо есмь муж смирен и не славен. 24 И возвестиша отроцы Саулу сия словеса, яже глагола Давид. 25 И рече Саул: тако рцйте Давиду: не хочет царь с богатством (зятья), но токмо во сте краенеобрезаний иноплеменичских отмити врагом царевым. Саул бо мысляше вдади Давида в руце иноплемеником. 26 И возвестиша отроцы Сауловы глаголы сия Давиду, и угодна быша словеса сия пред очима Давидовыма, еже быти в зятья царю. 27 И не по мнозех днех, воста Давид и иде сам и мужие его с ним, и уби от иноплеменика двести мужей: и принесе краенеобрезания их царю и вдаде я ему, и бысть зять царю, и вдаде ему царь Мелхолу дщерь свою в жену. 28 И виде Саул, яко Господь есть с Давидом, и весь Израиль любит его: 29 и приложи Саул отголе паче боятися Давида. И бысть Саул вражду на Давида во вся дни. 30 И исхождаху князи иноплемениччи, и бысть от начала исхождения их, Давид разумен бе паче всех слуг Сауловых, и почтесе имя его зело.

19 И глагола Саул к Ионафану сыну своему и ко всем отроком своим, да умертвят Давида. Ионафан же сын Саулов любяше Давида зело. 2 И возвести Ионафан Давиду, глаголя: отец мой Саул ищет тя убити: сохранися убо заутра рано, и скрыйся, и сяди втайне: 3 и аз изыду, и стану при отце моем на селе, идеже еси ты: и аз возглаголю отцу моему о тебе, и узрю, что будет, и возвещу тебе. 4 И глагола Ионафан о Давиде благая к Саулу отцу своему, и рече к нему: да не согрешае царь на раба своего Давида, яко не согреша пред тобою, и дела его блага суть зело: 5 и положи душу свою в руце своей и победи иноплеменика, и сотвори Господь спасение велико всему Израилю, и вси видеша и возрадовашася: и почто согрешаеши в кровь неповинну, еже убити Давида туне? 6 И послуша Саул гласа Ионафана: и клятса Саул, глаголя: жив Господь, яко не умрет (Давид). 7 И призва Ионафан Давида и возвести ему вся глаголы сия, и введе Ионафан Давида к Саулу, и бе пред ним яко вчера и третияго дне. 8 И приложися брань быти на Саула, и укреписа Давид, и победи иноплеменики, и изби язвою великою зело, и бежаша от лица его. 9 И бысть от Бога дух лукавый на Сауле, и той в дому своем седяше, и копие в руце его, Давид же играше руками своими: 10 и искаше Саул копием поразити Давида, и отступи Давид от лица Сауля, и удари Саул копием в стену: Давид же отшед спасеса в ночь ту. 11 И посла Саул вестники в дом Давидов стрещи его, еже убити его рано. И возвести Давиду Мелхола жена его, глаголющи: аще ты не спасеши души твоея в ночь сию, заутра умреша. 12 И свеси Мелхола Давида оконцем, и отиде, и убежа, и спасеса: 13 и прият Мелхола тщепогребалная, и положи на одре, и печень козию положи на возглавии его, и покры я ризами. 14 И посла Саул

вестники, да имут Давида, и рекоша, яко болен есть. 15 И посла Саул, да оглядают Давида, глаголя: принесите его на одре ко мне, еже умертвити его. 16 И приидоша слуги, и се, тщепогребалная на одре и козия печень при возглавии его. 17 И рече Саул к Мелхоле: почто тако обманула мя еси, и отпустила еси врага моего, и гонзе мене? И рече Мелхола Саулу: сам ми рече: отпусти мя: аще же ни, погублю тя. 18 И Давид убежа и спасеса, и иде к Самуилу во Армафем и поведи ему вся, елика сотвори ему Саул. И идоста Давид и Самуил и седоста в Навафе в Раме. 19 И возвестиша Саулу, глаголюще: се, Давид в Навафе в Раме. 20 И посла слуги Саул яти Давида, и видеша собор пророков, и Самуил стояше настоятель над ними: и бысть Дух Божий на слугах Саулих, и начаша прорицати. 21 И возвестиша Саулу, и посла другия слуги, и прорицати начаша и тии. И приложи Саул послати слуги третия, и начаша и тии прорицати. 22 И разгневался гневом Саул, и иде и сам во Армафем, и прииде даже до кладязя гумна, еже есть в Сефе, и вопроши и рече: где есть Самуил и Давид? И реша: се, в Навафе в Раме. 23 И иде оттуду в Наваф (иже) в Раме: и бысть и на нем Дух Божий, и идяше идый и прорицая, дондеже приити ему в Наваф иже в Раме. 24 И совлече ризы своя и прорицаше пред ними: и паде наг весь день той и всю ночь. Того ради глаголаху: еда и Саул во пророцех?

20 И отбеже Давид от Навафа (иже) в Раме и прииде ко Ионафану и рече: что сотвориш? И что неправда моя? И что согреших пред отцем твоим, яко ищет души моя? 2 И рече ему Ионафан: никакже, ты не умреша: се, не имать сотворити отец мой глагола велика, или мала, и не открыет уха моего: и что яко скрывает отец мой глагол сей от мене? Не буди сие. 3 И отвеща Давид Ионафану и рече: ведая ведает отец твой, яко обретох благодать пред очима твоима, и глаголет: да не познает сего Ионафан, негли не восхоцет: но жив Господь и жива душа твоя, зане якоже рекох, исполнися между мною и между отцем твоим даже до смерти. 4 И рече паки Ионафан к Давиду: чесога желает душа твоя, и что сотворю тебе? 5 И рече Давид ко Ионафану: се, новомесячие заутра, и аз седя не сяду с царем ясти, и послеши мя, и скрьюся на поли до вечера дне третияго: 6 и аще смотря усмотрит мя отец твой, и речеши: прося уприся от мене Давид отити до Вифлеема града своего, яко жертва дний тамо оному племени: 7 аще тако речет: благо: мир рабу твоему: аще же жестоко отвещае тебе, разумей, яко совершися злоба от него: 8 и да сотвориши милость с рабом твоим, яко ввел еси в завет Господень раба твоего с собою: и аще есть неправда в рабе твоим, умертви мя ты, а ко отцу твоему почто тако имаша мя вводити? 9 И рече Ионафан: никакже (буди) тебе: егда аще разумевая уразумею, яко совершися злоба отца моего, еже приити на тебе, аще и не будеши во градех твоих, аз возвещу тебе. 10 И рече Давид ко Ионафану: кто возвестит ми, аще отвещае отец твой жестоко? 11 И рече Ионафан к Давиду: иди, и пребуди на поли. И идоста оба на поле. 12 И рече Ионафан к Давиду: Господь Бог Израилев весть, яко искушу отца моего во время (сие) заутра, или третияго

дне, и сие, аще благо будет о Давиде, и не имам послати к тебе на поле и возвестити сия во уши твои: 13 сия да сотворит Бог Ионафану и сия да приложит, аще не возвещу злая на тя, и откряю ухо твое, и отпущу тя, и отидеши в мире: и будет Господь с тобою, якоже бе со отцем моим: 14 и аще убо еще жив буду аз, да сотвориши милость со мною: 15 и аще смертию умру, да не отимеши милости твоя от дому моего до века: 16 аще же ни, егда искоренит Господь враги Давидовы, коегождо от лица земли, да обрящется имя Ионафане в дому Давидове, и изыщет Господь враги Давидовы. 17 И приложи Ионафан еше клятися Давиду, яко возлюби душу любящаго его. 18 И рече Ионафан к нему: заутра новомесячье, и присмотрен будеши, яко праздно усмотрено будет место твое: 19 ты же премедлиши три дни и пребудеши на месте твоём, идеже скрыешися в день делания, и сядеши при Ергаве онем: 20 и аз утрою стрелами стреляя, и стрелю вергая до амагариа: 21 и се, послю отрока, глаголя: иди и обрящи ми стрелу: и аще реку отроку: zde стрела от тебе, и zde, возми ю: и ты гряди ко мне, яко мир тебе, и несть о тебе слова, жив Господь: 22 аще же тако реку юноши: тамо стрела от тебе и далее: иди, яко отсла тя Господь: 23 и глагол егоже аз и ты глаголахом, се, Господь свидетель между тобою и мною до века. 24 И скрыся Давид на поли, и прииде новомесячье, и прииде царь на трапезу ясти, 25 и седе царь на месте своем якоже и всегда на престоле при стене, и предвари Ионафана, и седе Авенир от страны Сауловы, и усмотрено бысть (праздно) место Давидово. 26 И не глагола Саул ничтоже в той день, помысли бо, случай видится, нечисту быти, яко не очистися. 27 И бысть наутрие месяца в день второй, и усмотрено бысть праздно место Давидово, и рече Саул ко Ионафану сыну своему: что яко не прииде сын Иессеев ни вчера, ни днесь на трапезу? 28 И отвеща Ионафан к Саулу и рече ему: уприся от мене Давид до Вифлеема града своего ити, 29 и рече: отпусти мя ныне (в Вифлеем), яко жертва колена нашего во граде, и заповедаша мне братия моя: и ныне аще обретох благодать пред очима твоима, да пойду ныне и узрю братию мою: сего ради не прииде на трапезу цареву. 30 И разгнеवासя гневом Саул на Ионафана зело и рече ему: сыне девок блудниц, не вем ли, яко сообщник еси ты сыну Иессееву в срамоту твою и в срамоту откровения матере твоя? 31 Яко во вся дни, в няже сын Иессеев жити имать на земли, не уготовится царство твое: ныне убо послав, поими юношу, яко сын смерти есть сей. 32 И отвеща Ионафан Саулу отцу своему и рече: за что умирает? Что сотвори? 33 И верже Саул копием на Ионафана, еже умертвити его. И позна Ионафан, яко совершися злоба сия от отца его, да умертвит Давида: 34 и вскочи Ионафан от трапезы во гнев ярости, и не яде хлеба в день вторый месяца, яко сокрушися о Давиде, зане соверши (злобу) на него отец его. 35 И бысть заутра, и изыде Ионафан на село, якоже совещася о свидении с Давидом, и отрок мал с ним. 36 И рече отроку: тецы, и обрящи ми стрелы, имиже аз стреляю. И отрок тече, и он стрели стрелою за него. 37 И прииде отрок до места стрелы, идеже стрелил Ионафан. И возопи

Ионафан вслед отрока и рече: тамо стрела от тебе и далее. 38 И паки возопи Ионафан вслед отрока своего, глаголя: потщися скоро, и не стой. И собра отрок Ионафану стрелы и принесе их к господину своему. 39 Отрок же не увезде ничесоже, токмо Ионафан и Давид ведеста вещь. 40 И отда Ионафан оружие свое отроку своему и рече отроку своему: поиди и отнеси во град. 41 И егда отиде отрок, и Давид воста от Ергавы, и паде на лице свое, и поклонися ему трижды, и облобыза кийждо друг друга, и плакася кийждо о друг друзе до скончания велика. 42 И рече Ионафан Давиду: иди с миром, и якоже кляхомся мы оба именем Господним, глаголюще: Господь да будет свидетель между мною и тобою и между семенем моим и между семенем твоим до века. И воста Давид и отиде. Ионафан же вниде во град.

21 И прииде Давид в Номву ко Авимелеху иерею: и ужасеся Авимелех о пришествии его и рече ему: что яко ты един, и никтоже с тобою? 2 И рече Давид иерею: царь заповеда ми глагол днесь и рече ко мне: никтоже да уразумет глагола, егоже ради аз посылаю тя и о немже аз заповедаю ти: и отроки оставих на месте глаголемем еммоним: 3 и ныне аще суть у тебе пять хлебы, даждь ми елико имаши. 4 И отвеща иерей Давиду и рече: не суть хлебы прости у мене, но точию хлебы у мене священнии: аще сохранени отроцы суть токмо от жены, снедят. 5 И отвеща Давид иерею и рече ему: и (мы) от жен воздержажомся вчера и третьего дне: отнележе изыдох аз на путь, быша вси отроцы очищени, и сей путь нечист, но освятится днесь сосуд ради моих. 6 И даде ему Авимелех иерей хлебы предложения, яко тамо не бе хлеба, но токмо хлебы лица, иже взяты от лица Господня, еже предложитися хлебу теплomu, в оньже день взя их. 7 И бе тамо един от отрок Сауловых в день он удержан пред Господем, и имя ему Доик Сири, (старейшина от пастырь Сауловых,) пасый мски Сауловы. 8 И рече Давид ко Авимелеху: виждь, аще есть zde у тебя копие или мечь, яко меча моего и оружия моего не взял с собою, яко цареву повеление внезапно ми бысть. 9 И рече иерей: се, мечь Голиафа иноплемненника, егоже ты убил еси во юдоли Ила, и той обвит бяше в ризу за ефудом: аще той хощеши взяти, возми себе, несть бо инаго zde кроме сего. И рече Давид: се, несть якоже той: даждь ми его. И даде его ему. 10 И воста Давид, и убеже в той день от лица Саулова, и прииде Давид ко Анхусу царю Гефску. 11 И реша отроцы Анхусовы к нему: не сей ли Давид царь земли? Не сему ли изыдоша (жены) ликующыя, глаголющыя: победи Саул с тысящами своими, и Давид со тмами своими? 12 И положи Давид глаголы сия в сердцах своем, и убояся зело от лица Анхуса царя Гефска. 13 И измени лице свое пред ним, и притворися в день той, и бияше во врата града, яко в тимпан, и падаше на руки своя, и паде у врат града, и слины своя точаше по браде своей. 14 И рече Анхус ко отроком своим: се, видесте мужа неистова, почто его введосте ко мне? 15 Еда не имею аз неистовых, яко введосте его, да беснуется предо мною? Сей да не внидет в дом мой.

22 И отиде Давид оттуду, и спасеся, и прииде в пещеру Одолламску: и слышавше братия его и дом отца его, приидоша к нему тамо. **2** И собрашася к нему всяк иже в нужде, и всяк должник, и всяк печальный душею, и бе ими обладай, и бяше с ним яко четьреста мужей. **3** И отиде Давид оттуду в Массифаф Моавитский и рече к царю Моавитску: да будут ныне отец мой и мати моя у тебе, дондеже познаю, что сотворит мне Бог. **4** И умоли лице царя Моавитска, и пребываху у него по вся дни, сущу Давиду во области той. **5** И рече Гад пророк к Давиду: не седи во области сей: иди, и да выидеши в землю Иудину. И иде Давид и пришед седе в граде Сарих. **6** И слыша Саул, яко познан бысть Давид, и мужие иже с ним: и Саул седяше на холме под дубравою яже в Раме, и копие в руку его, и вси отроцы его предстояху ему. **7** И рече Саул ко отроком своим предстоящим ему: слышите ныне, сынове Вениаминовы, аще воистинну всем вам даст сын Иессеев села и винограды и поставит вас всех в сотники и тысящники: **8** яко вси согласистеся на мя, и несть открываяй во ухо мое, егда положи завет сын мой с сыном Иессеевым, и несть от вас ни один боляй о мне и возвецай во уши мои, яко воздвиже сын мой раба моего на мя врага, якоже день сей? **9** И отвеща Доик Сирий приставленный над мсками Сауловыми и рече: видех сына Иессеева пришедша в Номву ко Авимелеху сыну Ахитову иерею: **10** и вопрошаше о нем Бога, и брашно вдаде ему, и мечь Голиафа иноплеменика вдаде ему. **11** И посла царь призвати Авимелеха сына Ахитова, и вся сыны отца его иереи от Номвы. И приидоша вси к царю. **12** И рече Саул: слыши ныне, сыне Ахитов. И рече: се, аз, глаголи, господине. **13** И рече ему Саул: почто совещался еси на мя ты и сын Иессеев, яко вдал еси ему хлеб и мечь, и вопрошал еси о нем Бога положити его на мя во врага, якоже день сей? **14** И отвеща Авимелех царю и рече: и кто во всех рабех твоих верен якоже Давид, и зять царев, и князь всем заповедем твоим, и славен в дому твоём? **15** Еда днесь начах вопрошати о нем Бога? Никако: да не возложиши, царю, на раба твоего словесе сего, и на весь дом отца моего, яко не ведяше раб твой во всех сих словесе мала, или велика. **16** И рече царь Саул: смертию умреши, Авимелех, ты и весь дом отца твоего. **17** И рече царь скороходцем предстоящим пред ним: приведите и избийте иереи Господни, яко рука их с Давидом, и понеже познаша, яко бежит той, и не возвестиша во ушию мою. И не хотяху отроцы царевы возложить рук своих на иереи Господни. **18** И рече царь Доику: обратися ты, и устремися на иереи. И обратися Доик Сирий, и уби иереев Господних в той день, триста пять мужей, всех носящих ефуд: **19** и Номву град иерейский погуби острием оружия от мужеска полу и до женска, от отрока и до сущаго, и телца и осла и овчате. **20** И угонзе един сын Авимелеха сына Ахитова, имя ему Авиафар, и бежа вслед Давида. **21** И возвести Авиафар Давиду, яко избил Саул вся иереи Господни. **22** И рече Давид ко Авиафару: ведях в день той, яко тамо бе Доик Сирий, яко возвецай возвестит Саулу: аз емь виновен о душах дому отца твоего: **23** седи со мною, не бойся, яко идеже аще

взыщу души моей место, взыщу и души твоей, яко сохранен будеши ты у мене.

23 И возвестиша Давиду, глаголюще: се, иноплеменицы облегоша Кеиль, и расхищают и попирают плоды. **2** И вопроши Давид Господа, глаголя: аще пойду и избью иноплеменики сия? И рече Господь: иди, и победиши иноплеменики сия, и спасеши Кеиль. **3** И реша мужие Давидовы к нему: се, мы зде во Иудеи боимся, и како будет, аще идем в Кеиль, в плен иноплемеников внидем? **4** И приложи еше Давид вопрошити Господа. И отвеща ему Господь и рече ему: востани и сниди в Кеиль, яко аз предаю иноплеменики в руце твои. **5** И иде Давид и мужие его с ним в Кеиль, и брашася со иноплеменики: и бежаша (иноплеменицы) от лица его, и взя скоты их, и порази их язвою великою, и спасе Давид живущья в Кеиле. **6** И бысть егда бежа Авиафар сын Авимелехов к Давиду, и той с Давидом в Кеиль сниде, имый ефуд в руце своей. **7** И возвестися Саулу, яко прииде Давид в Кеиль. И рече Саул: предаде его Бог в руце мои, яко заключися вшед в град (имущь) врата и вереи. **8** И заповеда Саул всем людем на брань снити в Кеиль, яти Давида и мужы его. **9** И уведе Давид, яко не премолкает злобы о нем Саул, и рече Давид ко Авиафару жерцу: принеси ефуд Господень. **10** И рече Давид: Господи Боже Израилев, слышав услыша раб Твой, яко ищет Саул прити на Кеиль растлти град мене ради: **11** аще заключится? И ныне аще снидет Саул, якоже слыша раб Твой? Господи Боже Израилев, возвести рабу Твоему. И рече Господь: заключится. **12** И рече Давид: аще предадут мя иже в Кеиле, и мужы моя в руки Саули? И рече Господь: предадут. **13** И воста Давид и мужие его с ним, яко четьреста, и изыдоша из Кеилы, и идоша, аможе хотяху. И возвестиша Саулу, яко угонзе Давид из Кеилы: и остави ити. **14** И седе Давид в Масереме в пустыни во узинах, и седяше в пустыни на горе Зиф, в земли знойне: и искаше его Саул во вся дни, и не предаде его Бог в руце его. **15** И виде Давид, яко исходит Саул искати его: и Давид бяше на горе знойне, в дубраве Зиф. **16** И воста Ионафан сын Саулов и иде к Давиду в дубраву, и утверди руце его во Господе, **17** и рече к нему: не бойся, яко не имать обрести тебе рука отца моего Саула, и ты имаши царствовати во Израили, и аз буду по тебе другой, и Саул отец мой уведа тако. **18** И положиша оба завет пред Господем: и седяше Давид в дубраве, а Ионафан отиде в дом свой. **19** И изыдоша Зифее от знойных земли к Саулу на холм, глаголюще: не се ли Давид скрыся у нас в Мессаре во узинах в дубраве на холме Ехелатсте, иже одесную Иессемона? **20** И ныне все еже по души цареве ко исхождению, да снидет (убо) к нам: заключиша бо его в руки царевы. **21** И рече им Саул: благословени вы Господеви, яко поболесте о мне: **22** идите ныне, и уготовите еше, и познайте место его, идеже будет нога его вскоре, тамо идеже ресте, да не како прехитрит: **23** и видите и уразумеите о всех местах, идеже той крывается, и возвратитесь ко мне на готово, и иду с вами: и будет, аще есть на земли, изыскати имам его во всех тысяцах Иудиных.

24 И восташа Зифее, и идоша пред Саулом: Давид же и мужие его бяху в пустыни Маон к западу одесную Иесемона. 25 И иде Саул и мужие его искати Давида. И возвестиша Давиду, и сниде ко камению иже в пустыни Маон. И услыша Саул, и погна вслед Давида в пустыню Маон. 26 И идяше Саул и мужие его от страны горы отсюда, Давид же бе и мужие его от страны горы отюнду: и бе Давид укрываяся ити от лица Саула, а Саул и мужие его ополчишася на Давида и на мужы его яти их. 27 И прииде вестник к Саулу глаголя: потчиши и иди, яко нападоша иноплеменицы на землю твою. 28 И возвратися Саул не гнати вслед Давида, и иде противу иноплемеником: сего ради наречеса место оно Камень Разделенный. 29 И воста Давид оттуду и седе во узинах Енгадди.

24 И бысть егда возвратися Саул вспять от иноплеменик, и возвестиша ему, глаголюще: се, Давид в пустыни Енгадстей. 2 И взя Саул с собою три тысячи мужей избранных от всего Израиля и иде искати Давида и мужей его прямо лицу саддеем: 3 и прииде до стад пасомых на пути, и бе тамо вертеп: и Саул вниде испразднитися, Давид же и мужие его во внутренних вертепа седяху. 4 И реша мужие Давидовы к нему: се, день сей, о немже рече Господь тебе предати врага твоего в руке твои, и сотвориши ему якоже угодно пред очима твоима. И воста Давид, и отреза воскрилие одежды Саули отай. 5 И бысть по сих, и вострепета Давиду сердце его, яко отреза воскрилие одежды Саули: 6 и рече Давид к мужем своим: никакоже ми от Господа, аще сотворю глагол сей господину моему христу Господню, еже нанести руку мою нань, яко христос Господень есть сей. 7 И увеща Давид мужы своя словесы и не даде им воставшым убити Саула. И воста Саул, и сниде на путь. 8 И изыде Давид вслед его из вертепа: и возопи Давид вслед Саула, глаголя: господине царю. И озресе Саул вслед себе, и преклонися Давид лицом своим до земли, и поклонися ему. 9 И рече Давид к Саулу: почто слушаеши словес людей глаголющих: се, Давид ищет души твоея? 10 Се, днесь видеста очи твои, яко предаде тя Господь днесь в руке мои в вертепе, и не восхотех убити тебе, и пощадех тя, и рех: не нанесу руки моя на господа моего, яко помазанник Господень сей есть: 11 и се, воскрилие одежды твоея в руке моей, аз отях воскрилие одежды твоея, и не убих тебе: и уразумеи, и виждь днесь, яко несть злобы в руке моей, ниже нечестия и презорства, ниже согреших к тебе, а ты ищещи души моя изяти ю: 12 да судит Господь между мною и тобою, и да защитит мя Господь от тебе: рука же моя не будет на тя, 13 якоже глаголется притча древняя: от беззаконник изыдет преступление: рука же моя не будет на тя: 14 и ныне ты, царю Израилев, вслед кого исходиши? Кого ты гониши? Вслед ли пса умерша и вслед блохи единыйя? 15 Да будет Господь судия и отмститель между мною и тобою, да видит Господь и судит суд мой, и осудит мя от руки твоея. 16 И бысть, егда сконча Давид глаголы сия, глаголя к Саулу, и рече Саул: твой ли глас сей, чадо Давиде? И воздвиже Саул глас свой и восплакася. 17 И рече Саул к Давиду:

праведен еси ты паче мене, яко ты воздал ми еси благая, аз же тебе воздах злая: 18 и ты возвестил ми еси днесь, яже сотворил ми благая, яко заключи мя Господь в руки твоя днесь, и не убил мя еси: 19 и якоже аще кто обрел бы врага своего в печали, и отпустил бы его в путь благ, и Господь воздаст ему благая, якоже ты сотворил еси днесь: 20 и ныне се, аз вем, яко царю царствовати имаши, и стати имать в руке твоей царство Израилево: 21 и ныне кленися ми Господем, яко не искорениши семене моего по мне и не погубиши имене моего от дому отца моего. 22 И клятса Давид Саулу. И отиде Саул на место свое, Давид же и мужие его възыдоша в мессеру тесную.

25 И умре Самуил, и собрашася весь Израиль, и плакашася его, и погребоша его в дому его во Армафеме. И воста Давид, и сниде в пустыню Маоню. 2 И бе человек в Маоне и стада его на Кармиле, и человек велик зело: и сему овец три тысящы и коз тысяща: и бысть егда стрижаше стада своя на Кармиле: 3 имя же человеку Навал и имя жене его Авигеа: и жена его блага смыслом и добра взором зело, муж же ея человек жесток и лукав в начинаниих и человек зверонравен. 4 И услыша Давид в пустыни, яко стрижет Навал на Кармиле стада своя. 5 И посла Давид десять отроков и рече отроком: възыдите на Кармил и идите к Навалу и спросите его именем моим с миром, 6 и рцйте ему: здрав ли еси ты и дом твой, и вся твоя здрава ли суть? 7 И ныне се, услышаша, яко стригут тебе ныне пастуси твои, иже беша с нами в пустыни, и не възбранихом им, и не повелехом им ничесоже во вся дни, егда беша на Кармиле: 8 вопроси отроков твоих и возвестят ти: и да обрящут отроцы твои благодать пред очима твоима, яко в день благ приидохом: даждь убо ныне еже обрящет рука твоя отроком твоим и сыну твоему Давиду. 9 И приидоша отроцы Давидовы и глаголаша словеса сия к Навалу, по всем глаголом сим именем Давидовым. 10 И возскови Навал и отвеща отроком Давидовым и рече: кто Давид? И кто сын Иессеов? Днесь умножени суть раби отходяще кийждо от лица господина своего: 11 и возму ли хлебы моя и вино мое и закланая моя, яже заклах стригушым моя овцы, и дам ли оная мужем, ижже не вем откуда суть? 12 И возвратишася отроцы Давидовы путем своим, и возвращшесе приидоша и возвестиша Давиду по глаголом сим. 13 И рече Давид мужем своим: препояшитесь кийждо оружием своим. И препоясашася оружием своим, и сам Давид препоясася мечем своим, и идоша вслед Давида, яко четыреста мужей, а двести их ошастася у сосудов. 14 И Авигеи жене Навалове поведе един отрок, глаголя: се, присыла Давид послы от пустыни благословити господина нашего, он же отвратися от них: 15 мужие же блази (беша) нам зело, не възбраняху нам, ниже повелеваху нам что во вся дни, в няже бехом с ними: 16 и сущым нам на селе, аки стена беша окрест нас, и в нощи и во дни, по вся дни в няже бехом с ними пасуще стада: 17 и ныне разумей и виждь ты, что сотвориши, яко совершися злоба на господина нашего и на дом его, и сей сын губитель, и не възможно глаголати к нему. 18 И потчася

Авигеа, и взя двести хлебов и два сосуда вина и пять овец устроеных и пять мер муки чистыя и кошницу гроздия и двести вязаниц смоквей, и возложи на ослята, 19 и рече ко отроком своим: поидите предо мною, и се, аз вслед вас иду. Мужу же своему не возвести. 20 И бысть, вседшей ей на ослицу и сходящей в подгорие, и се, Давид и мужие его идяху спротиву ея, и срете их. 21 И рече Давид: воистинну всеу вся навалова сохраних в пустыни, и ничесоже повелех взяти от всех яже его, и воздаде ми злая за благая: 22 сия да сотворит Бог Давиду и сия да приложит, аще до утра оставлю от всех Наваловых даже до мочающегося к стене. 23 И увиде Авигеа Давида, и потщася и скочи со осляте, и паде пред Давидом на лице свое, и поклонися ему до земли, 24 и паде на ноги его и рече: во мне, господине мой, неправда моя: да глаголет ныне раба твоя во уши твои, и послушай словес рабы твоея: 25 да не возложит ныне господин мой сердца своего на человека гибелнаго сего, яко по имени своему той есть: Навал имя ему, и безумие с ним: аз же раба твоя не видех отроков господина моего, иже послал еси: 26 и ныне, господине мой, жив Господь и жива душа твоя, якоже возбрани тебе Господь еже не приити на кровь неповинну и спасти тебе руку твою: и ныне да будут якоже Навал врази твои и ищущии господину моему зла: 27 и ныне возми благословение сие, еже принесе раба твоя господину моему, и даждь отроком предстоящим господину моему: 28 отими ныне неправду рабы твоея, яко творя сотворит Господь дом верен господину моему, яко на брани господина моего Господь споборет, и злоба не обрящется в тебе никогдаже: 29 и аще встанет человек гоняй тя и ищай души твоея, и будет душа господина моего привязана соузом жизни у Господа Бога, и душу врагов твоих поразиши працею посреде пращи: 30 и будет егда сотворит Господь господину моему вся, елика глаголаше благая о тебе, и повелит тебе Господь (быти) вождем во Израили, 31 и не будет тебе сие мерзость и соблазн сердцу господина моего, еже излияти кровь неповинную туне и спасти руку свою себе: и да благо сотворит Господь господину моему, и воспомянеши рабу твою, еже благо сотворити ей. 32 И рече Давид ко Авигеи: благословен Господь Бог Израилев, иже посла тя днесь на сретение ми, 33 и благословен совет твой, и благословена ты удержавшая мя в день сей ити на пролитие крове, и спасти ми руку мою: 34 обаче жив Господь Бог Израилев, иже возбрани ми днесь зло сотворити тебе: зане аще бы не потщалася и не пришла еси на сретение мне, тогда рех: аще останется Навалу до утренняго света мочающийся к стене. 35 И прия Давид от руку ея вся, яже принесе ему, и рече ей: иди с миром в дом свой: виждь, послушаша гласа твоего и приях лице твое. 36 И прииде Авигеа к Навалу: и се, у него пир в дому его, яко пир царев: и сердце навалово весело в нем, и той пьян до зела. И не возвести Авигеа Навалу глагола ни велика ни мала до света утренняго. 37 И бысть заутра, егда истрезвился Навал от вина, поведя ему жена его вся глаголы сия, и умре сердце его в нем, и той бысть яко камень. 38 И бысть яко десять дней, и порази Господь Навала, и умре. 39 И услыша Давид и рече: благословен

Господь, иже суди суд поношения моего от руки Навали, и раба Своего удержал от руки злых, и злобу Навалу обрати Господь на главу его. И посла Давид и глагола ко Авигеи пояти ю себе в жену. 40 И приидоша отроцы Давидовы ко Авигеи в Кармил, и реша ей, глаголюще: Давид посла нас к тебе, да ты поймет себе в жену. 41 И воста и поклонися до земли лицом и рече: се, раба твоя в рабыню умывати ноги отроком твоим. 42 И воста Авигеа, и вседе на осля, и пять девиц идяху вслед ея, и поиде вслед отроков Давидовых, и бысть ему в жену. 43 И Ахинааму поят Давид от Иезраеля, и бесте ему обе жены. 44 Саул же даде Мелхолу дщерь свою жену Давидову Фалтию сыну Амисову иже от Роммы.

26 И приидоша Зифее от знойных к Саулу на холм, глаголюще: се, Давид скрыся у нас на холме Ехелаф, прямо Иессемону. 2 И воста Саул, и сниде в пустыню Зиф, и с ним три тысячи мужей избранных от Израила, искати Давида в пустыни Зиф. 3 И ополчися Саул на холме Ехелаф иже прямо Иессемону при пути, Давид же седяше в пустыни. И виде Давид, яко идет Саул вслед его в пустыню, 4 и посла Давид соглядатаи, и разуме, яко идет Саул готов из Кеиля: 5 и воста Давид отай, и вниде в место, идеже почиваше Саул, и тамо бяше Авенир сын Ниров, первый воевода его, и Саул спаше в колеснице царстей, и людие ополчившеся окрест его. 6 И отвеща Давид и рече ко Авимелеху Хеттеину и ко Авессе сыну Саруину брату Иоавлю, глаголя: кто внидет мною к Саулу в полк? И рече Авесса: аз вниду с тобою. 7 И внидоша Давид и Авесса в люди нощию: и се, Саул спял сном в колеснице царстей, и копие его водружено в землю при главе его, Авенир же и воины его спяху окрест его. 8 И рече Авесса к Давиду: заключи Господь днесь врага твоего в руке твои, и ныне поражу его копием в землю единойды, и не повторю ему. 9 И рече Давид ко Авессе: не убивай его, яко кто прострет руку свою на христа Господня, и неповинен будет? 10 И рече Давид: жив Господь, аще не Господь поразит его, или день его приидет, и умрет, или на брань снидет и погибнет: 11 да не будет ми от Господа нанести руку мою на христа Господня: и ныне возми копие от возглавия его и сосуд водный, и отидем мы о себе. 12 И взя Давид копие и сосуд водный от возглавия его, и отидоста о себе: и не бе иже бы видел или разумел, и не бяше встающаго, вси бо спяху, яко сон крепок от Господа нападе на ня. 13 И преиде Давид на он пол и ста на версе горы издалеча, и мног бе путь между ими. 14 И воззва Давид к людем, и Авениру рече глаголя: не отвещаше ли, Авенир? И отвеща Авенир и рече: кто ты еси зовый мя? 15 И рече Давид ко Авениру: не муж ли еси ты? И кто, якоже ты, во Израили? И почто не храниши господина твоего царя? Яко вниде един от людей убити господина твоего царя: 16 и не благо сие (зело), еже сотворил еси: жив Господь, яко сынове смерти вы, не хранящии господина своего царя христа Господня: и ныне виждь, где есть копие цареву и сосуд водный, яже беша при главе его? 17 И позна Саул глас Давидов и рече: твой ли глас сей, чадо Давиде? И рече Давид: аз раб твой, господи царю. 18 И рече Давид: почто

гониши раба твоего, господи царю? Яко что (ти) согреших? И кая обретется во мне неправда? 19 И ныне да послушает господь мой царь глаголов раба своего: аще Бог поощряет тя на мя, да будет благовонна жертва твоя: аще же сынове человечести, прокляти сии пред Господем, яко изгнаша мя днесь не утвердятся в жребии Господни, глаголюще: пойдй, работай богом чуждим: 20 и ныне да не падет кровь моя на землю пред лицом Господним, яко изыде царь Израилев искати души моея, и гонит якоже ночный вран по горам. 21 И рече Саул: согреших: возвратися, чадо Давиде, яко ктому не сотворю ти зла, зане честна душа моя пред очима твоима в день сей: безумно сотворих, и погреших много зело. 22 И отвеща Давид и рече: се, копися царево, да приидет отрок един и возмет е: 23 и Господь да возвратит коемуждо по правде его и по вере его: якоже предаде тя Господь днесь в руке мои, и не восхотех нанести руки моея на христа Господня: 24 и се, якоже возвеличися душа твоя днесь во очию моею, тако да возвеличится душа моя пред Господем, и да покрывает мя и измет мя от всякия печали. 25 И рече Саул к Давиду: благословен ты, чадо, и творяй сотвориши и могий возможши. И отиде Давид в путь свой, а Саул возвратися на место свое.

27 И рече Давид в сердцы своем, глаголя: ныне впаду в день един в руки Саули, и не будет ми благо, аще не спасуся в земли иноплеменничи, и престанет Саул искати мене во всяком пределе Израилеве, и спасуся из руки его. 2 И воста Давид и шесть сот мужей иже с ним, и иде ко Агхусу сыну Аммахову царю Гефску. 3 И пребысть Давид у Агхуса в Гефе, сам и мужие его вси и дом его, и Давид и обе жены его, Ахинаам Иезраилитыня и Авигае жена Навала Кармилскаго. 4 И возвестиха Саулу, яко отбеже Давид в Геф, и не приложи ктому (Саул) искати его. 5 И рече Давид ко Агхусу: аще обрете раб твой благодать пред очима твоима, да даси ми место во единем от градов иже на селе, и сяду тамо: и вскую седит раб твой во граде царственном с тобою? 6 И даде ему Агхус в день той Секелаг: сего ради бысть царю Иудейску Секелаг до днешняго дне. 7 И бысть число дний, в няже седяше Давид на селе иноплеменничи, четьри месяцы. 8 И восходяше Давид и мужие его и нападаху на всякаго Гессера и на Амаликита, и се, земля населяшеся от Ламсура и до земли Египетския: 9 и поражаше Давид землю, и не оставляше в живых мужеска полу и женска: и взимаху стада, и буйволицы и ослята, и велблуды и ризы, и возвращающеся приходяще ко Агхусу. 10 И рече Агхус к Давиду: на кого нападосе ныне? И рече Давид ко Агхусу: к югу Иудеи и к югу Иесмеги и к югу Кенезиа: 11 и мужеска полу и женска не оставлях в живых еже вводити в Геф, глаголя: да не возвестят в Гефе на нас, глаголюще: сия творит Давид. И сие оправдание его во вся дни, в няже седяше Давид на селе иноплеменничи. 12 И уверися Давид Агхусу зело, глаголя: омерзением омерзе в людех своих во Израили, и будет ми раб во веки.

28 И бысть во дни оны, и собращася иноплеменничи в полки своя изыти братися со Израилтяны. И рече

Агхус к Давиду: разумея разумей, яко со мною изыдеши на брань ты и мужие твои. 2 И рече Давид ко Агхусу: тако ныне уразумееш, яже сотворит раб твой. И рече Агхус к Давиду: темже начальника хранителей телу (моему) поставлю тя во вся дни. 3 И Самуил умре, и рыдаше по нем весь Израиль, и погребоша его во Армафеме во граде его: и Саул изби чревобасники и волхвы земли своея. 4 И собращася иноплеменничи и приидоша и ополчидася в Сонаме: и собра Саул вся мужы Израилевы, и ополчидася в Гелвее. 5 И виде Саул полки иноплеменничи, и убояся, и ужасеся сердце его зело. 6 И вопроси Саул Господа, и не отвеща ему Господь ни во сне, ни во явлениих, ни во пророцех. 7 И рече Саул отроком своим: поищите ми жены волшебницы, и пойдю к ней, и вопрошу ея. И реша отроцы его к нему: се, жена волшебница во Аендоре. 8 И прикрися Саул и облечеся в ризы ины, и иде сам и два мужа с ним, и прииде нощию к жене и рече ей: поволхвуй ми чревоволшебством, и возведи ми, егоже реку ти. 9 И рече ему жена: се, ныне ты сам веси, елика сотвори Саул, како истреби чревобасники и волхвы от земли, и вскую ты ловиши душу мою, еже умертвити ю? 10 И клятся ей Саул, глаголя: жив Господь, аще срязет тя неправда о словеси сем. 11 И рече жена Саулу: кого возведу ти? И рече Саул: Самуила возведи ми. 12 И виде жена Самуила, и возгласи гласом велиим, и рече жена к Саулу: почто мя прельстил еси? И ты еси Саул. 13 И рече ей царь: не бойся, рыцы кого видела еси? И рече ему жена: боги видех восходящыя от земли. 14 И рече ей: что познала еси? И рече ему (жена): (видех) мужа стара восходяща от земли, и сей оболчен одеянием долгим. И уразуме Саул, яко сей Самуил (есть), и преклони лице свое на землю и поклонися ему. 15 И рече ему Самуил: почто понудил еси мя взыти ми? И рече Саул: скорблю зело, яко иноплеменничи воюют на мя, и Бог отступи от мене, и не услыша мене ктому ни в руках пророческих, ни во снех, ни во явлениих: и ныне призвах тя, да скажеш ми, что сотворю. 16 И рече Самуил: почто вопрошаеши мя, а Господь отступи от тебе и бысть со ближним твоим? 17 И сотвори Господь тебе, якоже глагола Господь рукою моею, и исторгнет Господь царство твое из руку твою и вдаст е ближнем твоему Давиду, 18 понеже не послушал еси гласа Господня и не исполнил еси гнева ярости Его на Амалике, глагола ради того сотвори тебе Господь в день сей: 19 и предаст Господь Израила с тобою в руки иноплеменничи, и завтра ты и сынове твои падут с тобою, и полк Израилев предаст Господь в руки иноплеменничи. 20 И потчася Саул, и паде стоящ на землю, и убояся зело от словес Самуиловых, и не бысть ктому крепости в нем: яко не яде хлеба во весь день той и во всю ночь ту. 21 И вниде жена к Саулу, и виде его, яко смятеся зело, и рече к нему: се, ныне послуша раба твоя гласа твоего, и положих душу мою в руке мои, и послушах словес, яже ми глаголах еси: 22 и ныне послушай гласа рабы твоея, и положу пред тобою укрух хлеба, и яждь, и будет в тебе крепость, яко идеши в путь. 23 И не хотяше ясти: и понудиша его отроцы его и жена, и послуша гласа их, и воста от земли, и седе на седалищи. 24 Жене же бяхе

июница питомая в дому: и потщася, и закла ю: и взя муку и смеси, и испече опресноки, 25 и принесе пред Саула и пред отроки его: и ядоша, и восташа и отидоша в ночь ону.

29 И собраша иноплеменницы вся полки своя во Афек, Израилтяне же ополчисася во Аендоре иже во Иезраели. 2 И воеводы иноплеменничии предидяху со стами и тысящами, Давид же и мужие его идяху в последних со Агхусом. 3 И реша воеводы иноплеменничии кто суть идущии сии? И рече Агхус к воеводам иноплеменничим: не сей ли Давид раб Саула царя Израилева, иже бысть с нами дний сие второе лето? И не обретох в нем ничтоже, от дне в онъже прииде ко мне даже до сего дне. 4 И прискорбни быша о нем воеводы иноплеменничии и глаголаша ему: возврати мужа, и да возвратится на место свое, идеже поставил еси его тамо, и да не идет с нами на брань, и да не будет наветник в полцех: и чим примирится сей господину своему? Не главами ли мужей сих? 5 Не сей ли есть Давид, еможе изыдоша с лики, глаголюще: прииди Саул с тысящами своими, и Давид со тмами своими? 6 И призва Агхус Давида и рече ему: жив Господь, яко прав ты и благ пред очима моима, и вход твой и исход твой со мною в полце, и яко не обретох в тебе злобы, отнеже еси пришел ко мне до днешняго дне, но пред очима воевод не благ еси ты: 7 и ныне возвратися и иди с миром, и да не сотвориши зла пред очима воевод иноплеменничих. 8 И рече Давид ко Агхусу: что сотворих ти? И что обрел еси в рабе твоём, от негоже дне бех пред тобою, и даже до сего дне, да не иду воевати врагов господина моего царя? 9 И отвеща Агхус Давиду: вем, яко благ ты пред очима моима яко Ангел Божий, но воеводы иноплеменничии глаголют: да не идет с нами на брань: 10 и ныне востани рано ты и отроцы господина твоего ходящии с тобою и идите на место, идеже поставих вас, и словесе пагубна да не положиши на сердцы твоём, яко благ еси ты предо мною: и встаните рано в путь, егда расцветает вам, и идите. 11 И урани Давид сам и мужие его отити и стрещи земли иноплеменничии, и иноплеменницы въздоша на брань во Иезраель.

30 И бысть приходящу Давиду и мужем его к Секелагу в день третий, и Амалик нападе на южную страну и на Секелаг, и порази Секелаг и сожже его огнем: 2 жен же и всех сущих в нем от мала до велика не умертвиша мужа ни жены, но плениша, и отидоша в путь свой. 3 И прииде Давид и мужие его во град, и се, сожжен бяше огнем, жены же их и сынове их и дщери их пленени быша. 4 И воздвиже Давид и мужие его глас свой и плакашася дондеже не бе в них силы ктому плакаться. 5 И жены обе Давидовы пленени быша, Ахинаам Иезраилитыня, и Авигея бывшая жена Навала Кармилскаго. 6 И оскорбе Давид зело, яко совещашася людие каменiem побити его, яко скорбна бяше душа всех людий коегождо о сынех своих и о дщерех своих. И укрепися Давид о Господе Боже своем, 7 и рече Давид ко Авиафару иерею сыну Авимелехову: принеси ефуд. И принесе Авиафар ефуд к Давиду. 8 И вопроши Давид Господа, глаголя: пожену ли вслед полчища

сего? И постигну ли их? И рече Господь: гони, яко постизая постигнешии их и избавляя избавиши. 9 И иде Давид сам и шесть сот мужей с ним, и приидоша даже до потока Восорска, прочии же осташася: 10 и гна с четырьми сты мужей, двести же мужей осташася, иже седоша об он пол потока Восорска. 11 И обретоша мужа Египтянина на селе, и яша его, и приведоша его к Давиду, и даша ему хлеба, и яде, и напоиша его водою: 12 и даша ему часть смоквей, и яде, и укрепися дух его в нем, яко не яде хлеба и не пи воды три дни и три ноцы. 13 И рече ему Давид: откуду еси, и чий еси ты? И рече отрок Египтянин: аз есмь раб мужа Амаликитянина, и остави мя господин мой, яко изнемогох днесь уже третий день: 14 и мы ходихом на юг до Хелефи и на Иудейския страны и на Гелвуй, и Секелагу пожгохом огнем. 15 И рече ему Давид: доведеш ли мя до полчища сего? И рече: кленися ми Богом, яко не убиеш мя и не предаши мя в руце господину моему, и доведу тя до полчища сего. 16 (И клялся ему Давид:) и приведе его онамо, и се, тии разсеяни быша по лицу всея земли, ядуще и пиюще и празднующе о всех корыстех великих, яже взяша от земли иноплеменничии и от земли Иудины. 17 И прииде на них Давид, и избии их от утра даже до вечера и наутрие: и не спасеса от них муж, разве четыреста отрок, иже вседоша на велблуды и убежаша. 18 И отя Давид вся елика взяша Амаликиты, и обе жены своя отя, 19 и не погибе им от мала даже до велика, и от корыстей, и даже до сынов и дщерей и даже до всех, яже взяша, и вся возврати Давид: 20 и взя Давид вся стада и паствины, и погна пред пленом: и плен оный нарицаешеся сей плен Давидов. 21 И прииде Давид к двема стом мужем оставшымся ити вслед Давида, иже посади на потоце Восорсте, и изыдоша на сретение Давиду и на сретение людем иже с ним: и прииде Давид до людий, и вопрошиша его о мирных. 22 И отвещаша вси мужие пагубнии и лукавнии от мужей ратных ходивших с Давидом и реша: яко не гониша с нами, не дадим им от плена, егоже взяхом, но токмо кийждо жену свою и чада своя да возмут и возвратятся. 23 И рече Давид: не сотворите, братия моя, тако, повнегда предаде Господь нам и сохрани нас, и предаде Господь полчище сие нашедшее на ны в руки наша: 24 и кто послушает ваших словес сих? Яко не менши нас суть: понеже по части исходящего на брань, тако будет часть сядящего при сосудех, по томужде разделятся. 25 И бысть от дне того и выше, и бысть в повеление и на оправдание Израилю даже до дне сего. 26 И прииде Давид в Секелаг, и посла старейшинам от корыстей Иудиных и искренним своим, глаголя: се, вам благословение от корыстей врагов Господних, 27 сущым в Вефсуре и в Раме южней и в Гефоре, 28 и во Ароире и во Аммаде, и во Сафе и во Есфифе и в Гефе, 29 и в Кинане и в Сафеце, и в Фимафе и в Кармиле, и сущым во градех Иеремиила и во градех Кенезия, 30 и сущым во Иеримуфе и во Вирсаеви и в Номве, 31 и сущым в Хевроне, и во вся места, яже пройде Давид тамо сам и мужие его.

31 И иноплеменницы воеваху на Израиля, и бежаша мужие Израилевы от лица иноплеменничии, и падаху

язвенни на горе Гелвие. 2 И снидошася иноплеменницы с Саулом и с сынами его, и убиша иноплеменницы Ионафана и Аминадава и Мелхисуа, сыны Сауловы. 3 И отяготе брань на Саула, и обретоша его копейницы мужие стрелцы, и уязвен бысть (Саул) во утробу. 4 И рече Саул к носящему оружие его: изсуни мечь твой и прободи мя им, да не приидут необрезаннии сии и избодут мя, и поругаются мне. И не хотяше носяй оружие его, яко убояся зело. И взя Саул мечь свой и паде на него. 5 И виде носяй оружие его, яко умре Саул, и паде и той на мечь свой и умре с ним. 6 И умре Саул и трие сынове его, и носяй оружие его, и вси мужие его в день той купно. 7 И видеша мужие Израилстии, иже об он пол юдоли и иже об он пол Иордана, яко бежаша мужие Израилстии, и яко умре Саул и сынове его, и оставиша грады своя и бежаша: и приидоша иноплеменницы и вселишася в них. 8 И бысть на утрие, и приидоша иноплеменницы обнажити мертвых, и обретоша Саула и три сыны его падшья на горе Гелвие, 9 и обратиша его, и сняша оружие его, и отсекоша главу его, и послаша в землю иноплеменничу окрест возвещающе идолом их и людем их: 10 и положиша оружие его у Астарты, тело же его воткнуша на стене Вефсамли. 11 И услышаша живущии во Иависе Галаадитийстем, яже сотвориша иноплеменницы Саулу, 12 и восташа вси мужие сильнии, и идоша всю ночь, и взяша тело Саулово и тело Ионафана сына его с стены Вефсамски, и принесоша я во Иавис, и сожгоша я тамо: 13 и взяша кости их, и погребоша я в дубраве яже во Иависе, и постишася седмь дний.

Вторая книга Царств

1 И бысть егда умре Саул, и Давид возвратися победив Амалика, и пребысть Давид в Секелазе дни два. **2** И бысть в третий день, и се, муж прииде от полка людей Сауловых, ризы же его (бяху) раздраны, и персть на главе его: и бысть егда вниде к Давиду (отрок), и пад на земли поклонися ему. **3** И рече ему Давид: откуда ты пришел еси? И рече ему: от полка Израилева аз избегах. **4** И рече ему Давид: что слово сие? Возвести ми. И рече: яко побегоша людие от брани, и падоша мнози от людей, и измроша, и Саул и Ионафан сын его умре. **5** И рече Давид отроку возвестившему ему: како знаеши, яко умре Саул и Ионафан сын его? **6** И рече отрок возвещай ему: по случаю приидох в гору Гелвуйскую, и се, Саул нападаше на копие свое, и се, колесницы и вельможи собравшася нань: **7** и обзресья вспясть (Саул) и виде мя, и призва мя, и рех: се, аз: **8** и рече ми: кто ты еси? И рех: Амаликитин есмь аз: **9** и рече ми: прииди убо на мя и убий мя, яко объят мя тма лютая, яко еще душа моя во мне: **10** и стах над ним, и убих его: ведех бо, яко не будет жив по падении своем: и взяв венец царский, иже бе на главе его, и нарамницу, яже бе на плещу его, и принесох сия к господину моему семо. **11** И емься Давид за ризы своя, и раздра я, и вси мужие иже с ним раздраша ризы своя, **12** и рыдаша и плакашася, и постишася до вечера о Сауле, и о Ионафане сыне его, и о людех Иудиных и о доме Израилеве, яко избиени быша мечем. **13** И рече Давид отроку возвестившему ему: откуда ты еси? И рече: сын мужа пришелца Амаликитина есмь аз. **14** И рече ему Давид: како не убоялся еси воздвигнути руку твою погубити христа Господня? **15** И призва Давид единого от отрок своих и рече: иди, убий его. И уби его, и умре. **16** И рече ему Давид: кровь твоя на главе твоей, яко уста твоя на тя возвещаша, глаголюще: яко аз убих христа Господня. **17** И плакаса Давид плачем сим о Сауле и о Ионафане сыне его, **18** и рече еже научити сыны Иудины стрелянию. Се написано в книзе Праведнаго. **19** И рече: воздвигни столп, Израилю, над умершими на высоких твоих язвеными: како падоша сильнии? **20** Не возвещайте в Гефе, ниже поведайте на исходищих Аскалоних, да не возвеселятся дщери иноплеменничии, ни да возрадуются дщери необрезанных. **21** Горы Гелвуйския, да не снидет роса ниже дождь на вас: и села начатков (житных), яко тамо повержен бысть щит сильных: щит Саулов не быти помазан елеем: **22** от крове язвеных и от тука сильных лук Ионафанов не возвратися тощъ вспясть, и мечь Саулов не возвратися тощъ: **23** Саул и Ионафан возлюбленнии и прекраснии неразлучни, благолепни в животе своем, и в смерти своей не разлучишася: паче орлов легцы и паче львов крепцы: **24** плачите по Сауле, дщери Израилевы, иже вас облачаше в червленицы со украшением вашим, и возлагаше украшение злато на ризы ваша: **25** како падоша сильнии посреде брани? Ионафане, до смерти на высоких твоих язвен еси: **26** болезную о тебе, брате мой Ионафане,

красный ми зело, удивися любовь твоя от мене паче любве женския: **27** како падоша сильнии, и погибоша оружия бранная?

2 И бысть по сих, и вопросы Давид Господа, глаголя: вниду ли в един от градов Иудиных? И рече Господь к нему: и вниди. И рече Давид: камо вниду? И рече: в Хеврон. **2** И иде тамо Давид в Хеврон, и обе жены его, Ахинаам Иезраилитыня и Авигея (бывшая) жена Навала Кармилскаго, **3** и мужие иже с ним кийждо, и домове их, и начаша жити во градах Хевронских. **4** И приидоша мужие от Иудеи и помазаша тамо Давида, да царствует над домом Иудиным. И возвестиша Давиду, глаголюще: яко мужие Иависа Галаадититскаго погребоша Саула. **5** И посла Давид послы к старейшинам Иависа Галаадититскаго и рече к ним Давид: благословени вы Господу, яко сотвористе милость сию над господином вашим Саулом, христом Господним, и погребосте его и Ионафана сына его: **6** и ныне да сотворит Господь с вами милость и истину: и аз сотворю с вами сие благое, понеже сотвористе глагол сей: **7** и ныне да укрепятся руки ваша, и да будете сынове сильнии, яко умре господин ваш Саул, мене же помаза дом Иудин, да царствую над ними. **8** И Авенир сын Ниров, начальный воевода Саулов, взя Иевосфеа сына Сауля, и изведе его из полка в Манаем, **9** и воцари его над Галаадитиено и над Фасириено и над Иезраилем и над Ефремом и над Вениамином и над всем Израилем. **10** Четырдесят лет Иевосфею бе сыну Саулову, егда нача царствовати над Израилем, и два лета царствова, кроме дому Иудина, иже бысть за Давидом. **11** И быша дние, в няже Давид царствова в Хевроне над домом Иудиным, семь лет и шесть месяц. **12** И изыде Авенир сын Ниров и отроцы Иевосфеа сына Сауля из Манаема в Гаваон. **13** И Иоав сын Саруиев и отроцы Давидовы изыдоша от Хеврона и сретошася с ними у потока Гаваоня купно, и седоша сии над потоком отсюда, и тии оттуду. **14** И рече Авенир ко Иоаву: да востанут ныне отроцы и да поиграют пред нами. И рече Иоав: да востанут. **15** И восташи и преидоша от отрок Вениаминовых, числом дванадесять Иевосфеа сына Сауля, и от отрок Давидовых дванадесять: **16** и взя кийждо рукою за главу искренняго своего, и мечь его в ребра искренняго его, и падоша вкупе: и наречеса имя месту тому Часть Наветников, яже есть в Гаваоне. **17** И бысть брань жестока зело в той день: и паде Авенир и мужие Израилстии пред отроки Давидовы. **18** И быша тамо три сынове Саруиевы, Иоав и Авесса и Асаил: Асаил же бе легок ногама своима, яко едина серна от сухих на селе. **19** И погна Асаил вслед Авенира, и не уклонися ни на десно ни на лево, но вслед Авенира: **20** и озресе Авенир назад себе и рече: ты ли еси сам, Асаиле? И рече: аз есмь. **21** И рече ему Авенир: уклонися ты на десно или на шуее, и возми себе единого от отрок, и возми себе все оружие его. И не восхоте Асаил уклонитися от него. **22** И приложи еще Авенир глаголати ко Асаилу: отступи от мене, да не поражу тя о землю: и како явлю лице мое ко Иоаву? **23** И где суть сия? Возвратися ко Иоаву брату твоему. И не

хотяше отступить. И удари его Авенир копием созади в лядвия: и пройде копие сквозе его, и паде тамо и умре пред ним: и бысть всяк приходяй до места, идеже паде Асаил и умре, и останавлияшеся. 24 И погнаша Иоав и Авесса вслед Авенира, и солнце заходяше: и тии приидоша даже до холма Амма, иже есть пред лицом Гаи, путь пустыни Гаваони. 25 И собрашася сынове Вениаминовы за Авениром и быша в снитии едином, и сташа на версе холма единого. 26 И воззва Авенир ко Иоаву и рече: еда в победу пояст мечь? Или не веси, яко горька будут последняя? И доколе не речеши людем возвратитися созади братий наших? 27 И рече Иоав: жив Господь, яко, аще бы не рекл еси, тогда от утра бы людие мои престали гоняще кийждо вслед брата своего. 28 И воструби Иоав трубою, и сташа вси людие, и не погнаша вслед Израилтян, и не приложиша ктому ратовати. 29 Авенир же и мужие его идоша на запад всю ночь ону, и преидоша Иордан, и проидоша всю страну ту, и приидоша в Полк. 30 И Иоав возвратися вспять от Авенира, и собра вся людие, и исчислиша отрок Давидовых (падших) девятнадцать мужей, и Асаила. 31 Отроцы же Давидовы убиха сынов Вениаминых мужей Авенировых триста и шестьдесят мужей. 32 И взяша Асаила, и погребоша его во гробе отца его в Вифлееме. И иде Иоав и мужие его с ним всю ночь, и осветоша в Хевроне.

3 И бысть брань на много между домом Саулим и между домом Давидовым, и дом Давидов возвышашеся и укрепляшеся, дом же Сауль идяше и изнемогаше. 2 И родишася Давиду в Хевроне сынов шесть: и бе первородный ему Амнот от Ахинаамы Иезраилитыни, 3 и второй ему сын Далуиа от Авигеи Кармилския, и третий Авессалом сын Маахи дщере Фолмы царя Гессирска, 4 четвертый Адониа сын Агифы, и пятый Сафатиа от Авиталы, 5 и шестый Иефераам от Еглы жены Давидовы: сии родишася Давиду в Хевроне. 6 И бысть внегда быти брани между домом Саулим и между домом Давидовым, и бяше Авенир держа дом Саулов. 7 И Саулова подложница бе, ейже бе имя Ресфа, дщерь Иоля. И вниде к ней Авенир, и рече Иевосфей сын Сауль ко Авениру: что яко вшел еси к подложнице отца моего? 8 И разгневался зело Авенир о словеси сем на Иевосфеа и рече ему Авенир: еда песия глава есмь аз? Сотворих днесь милость дому Саула отца твоего и братии и знаемы, и не отступих в дом Давидов, и ищещи на мне ты о неправде жены днесь? 9 Сия да сотворит Бог Авениру и сия да приложит ему, зане якоже клятся Господь Давиду, тако сотворю ему в сей день, 10 еже отяти царство от дому Сауля и воздвигнути престол Давидов во Израили и во Иуде от Дана даже до Вирсавии. 11 И не возможе ктому Иевосфей отвещати Авениру словесе от боязни, яже к нему. 12 И посла Авенир к Давиду послы в Фелам, идеже бе, абие, глаголя: положи завет твой со мною, и се, рука моя с тобою, еже возвратити ми к тебе весь дом Израилев. 13 И рече Давид: добре, аз положу с тобою завет, токмо словесе единого прошу у тебе, глаголя: не имаша видети лица моего, аще не приведеши Мелхолы дщере Саули, приходящу ти видети лице мое. 14 И посла Давид ко Иевосфею сыну Саулу

вестники, глаголя: отдаждь мне жену мою Мелхолу, юже взях за сто необрезаний иноплеменичич. 15 И посла Иевосфей, и взят ю от мужа ея от Фалтиила сына Селлимова. 16 И идяше муж ея с нею плачяся даже до Варакима. И рече к нему Авенир: иди, возвратися. И возвратися. 17 И рече Авенир к старейшинам Израилевым, глаголя: вчера и третьего дне искасте Давида, да царствует над вами: 18 и ныне сотворите, якоже Господь глагола о Давиде, глаголя: рукою раба Моего Давида спасу людие Моя Израиля от руки иноплеменичичи и от руки всех врагов их. 19 И глагола Авенир во уши Вениамину, и иде Авенир глаголати во уши Давидовы в Хеврон вся, елика угодна беша пред очима Израилевыма и пред очима всего дому Вениаминя. 20 И прииде Авенир к Давиду в Хеврон, и с ним двадцать мужей. И сотвори Давид пир Авениру и мужем его иже с ним. 21 И рече Авенир к Давиду: востану ныне и пойду и соберу к господину моему царю всего Израиля, и положу с ним завет, и царствовати имаша всеми, иже жаелает душа твоя. И посла Давид Авенира, и иде с миром. 22 И се, отроцы Давидовы и Иоав идяху от исхода и корысть многу несяху с собою, и Авенир уже не бе с Давидом в Хевроне, яко отслан бяше, и отиде с миром. 23 Иоав же и все воинство его прииде: и возвестиша Иоаву, глаголюще: приходжаше Авенир сын Ниров к Давиду, и отсла его, и отиде с миром. 24 И вниде Иоав к царю и рече: что сие сотворил еси? Се, приходжаше Авенир к тебе, и почто отпустил еси его, и отиде с миром? 25 Или не веси злобы Авенира сына Нирова, яко слукавствовати к тебе прииде, и уразумети исход твой и вход твой, и уведати вся елика творили ты? 26 И возвратися Иоав от Давида, и посла послы вслед Авенира, и возвратиша его от кладязя Сеирамска: Давид же не ведаше. 27 И возврати Авенира в Хеврон, и соврати его Иоав на страну от врат глаголати к нему лукавно: и удари его в лядвия, и умре в крови Асаила брата Иоавля. 28 И услыша Давид по сих и рече: чист есмь аз и царство мое от Господа и отныне и до века от крове Авенира сына Нирова: 29 да снидет на главу Иоавлю и на весь дом отца его, и да не оскудеет от дому Иоавля изливаяй семя, и прокаженный, и держайся железа, и падаяй оружием, и умаленный хлебами. 30 Иоав же и Авесса брат его наблюдаху Авенира, понеже уби Асаила брата их в Гаваоне на брани. 31 И рече Давид ко Иоаву и ко всем людем его: раздерите ризы ваша и препояшитесь вретщицы, и рыдайте о Авенире. Сам же царь Давид идяше вслед одра. 32 И погребоша Авенира в Хевроне. И воздвиже царь глас свой и плакася над гробом его, и вси людие плакаша о Авенире. 33 И плакася царь над Авениром и рече: еда смертию Наваала умре Авенир? 34 Руце твои не связаны, нозе твои не во оковах: не приступил еси якоже Наваал, пред сынами неправды пал еси. И собрашася вси людие плакатися его, 35 и приидоша вси людие предложити Давиду ясти хлебы еще сущу дни. И клятся Давид, глаголя: сия да сотворит ми Бог и сия да приложит, яко аще не зайдет солнце, не имам вкусити хлеба ни иного чего. 36 И познаша вси людие, и угодна быша пред ними вся, елика сотвори царь пред людьми. 37 И разумеша вси людие и

весь Израиль в той день, яко не бысть от царя убийства Авениру сыну Нирову. 38 И рече царь отроком своим: не весте ли, яко властелин велик паде в сей день во Израили? 39 И яко аз есмь ближний днесь и возставлен в царя? Мужие же сии сынове Саруины жесточайшии мене суть: да воздаст Господь творящему лукавня по злобе его.

4 И слыша Иевосфей сын Сауль, яко умре Авенир сын Ниров в Хевроне, и ослабеша руке его, и вси мужие Израилевы изнемогоша. 2 И два мужа старейшины полков Иевосфеа сына Сауля: имя единому Ваана и имя другому Рихав, сынове Реммона Вирофейскаго от сынов Вениаминах: яко Вироф вменяшся в сынех Вениаминах. 3 И отбегоша Вирофее в Гефем, и беша тамо живуще до днешняго дне. 4 И Ионафану сыну Саулю сын бе хром ногама, сын пяти лет: и той, егда прииде возвешение о Сауле и Ионафане сыне его от Иезраеля, и взят его пестунница его, и бежа: и бысть тщайшей ей на отшествие, и паде, и охроме, имя же ему Мемфивосфей. 5 И поидоста сынове Реммона Вирофейскаго, Рихав и Ваана, и внидоста во время зноя дневнаго в дом Иевосфеов, и той почиваше на одре в полудне: 6 и се, вратник дому очищаше пшеницу и воздрема и спаше, Рихав же и Ваана братия утаившася внидоста в дом: 7 Иевосфей же почиваше на одре своем в ложнице своей: и биста его, и умертвиста его, и отяста главу его, и взяста главу его, и отидоста путем иже на запад всю ночь: 8 и принесоста главу Иевосфеову к Давиду в Хеврон и реста к царю: се, глава Иевосфеа сына Саулова врага твоего, иже искаше души твоея, и даде Господь господину нашему царю отмщение врагов его, якоже день сей, от Саула врага твоего и от семене его. 9 И отвеща Давид Рихаву и Ваане брату его, сыном Реммона Вирофейскаго, и рече има: жив Господь, иже избави душу мою от всякия скорби: 10 ибо возвестивый мне, яко умре Саул и Ионафан, и той бяше аки благовестувая предо мною, и ях его и убих его в Секелазе, емуже должен бех дати дар: 11 и ныне мужие лукавии убиша мужа праведна в дому его на одре его, и ныне възыщу крове его от руки вашей и искореню вас от земли. 12 И заповеда Давид отроком своим, и убиша их, и отсекоша руке их и нозе их, и повесиша их над источником в Хевроне, и главу Иевосфеову погребоша во гробе Авенира сына Нирова (в Хевроне).

5 И приидоша вся племена Израилева к Давиду в Хеврон и глаголаша ему: се, кости твоя и плоть твоя мы есмы: 2 и вчера и третияго дне Саулу сущу царю над нами, ты был еси вводяй и изводяй Израиля, и рече Господь к тебе: ты упасеши люди Моя Израиля и ты будеши вождь людем Моим Израилю. 3 И приидоша вси старейшины Израилевы к царю в Хеврон, и положи им царь Давид завет в Хевроне пред Господем: и помазаша Давида на царство над всем Израилем. 4 Сын тридесяти лет Давид внемга воцаритися ему, и царствова четыредесять лет: 5 семь лет и месяцев шесть царствова в Хевроне над Иудуою, и тридесять три лета царствова над всем Израилем и Иудуою во Иерусалиме. 6 И поиде Давид и вси мужие его во Иерусалим ко Иевусею,

живущему на земли той. И реша Давиду: не внидеси семо, яко востаха хромии и слепии глаголюще: яко не внидет Давид семо. 7 И взя Давид крепость Сиону: сия есть град Давидов. 8 И рече Давид в день той: всяк поражаая Иевусеа да касается мечем и хромым и слепым и ненавидящих души Давидовы. Сего ради рекут: слепии и хромии не внидут в дом Господень. 9 И седе Давид в крепости, и наречеса сия град Давидов: и созда той град около от Краеградия, и дом свой. 10 И идяше Давид идый и величаемый, и Господь Вседержитель с ним. 11 И посла Хирам царь Тирский послы к Давиду, и древа кедрова, и древоделей, и каменоделателей, и создаша дом Давиду. 12 И узразуме Давид, яко уготова его Господь в царя над Израилем, и яко вознесеса царство его людей Его ради Израиля. 13 И поят Давид еще жены и подложницы от Иерусалима по пришествии своем от Хеврона: и быша Давиду еще сынове и дщери. 14 И сия имена родившымся ему во Иерусалиме: Самус и Совав, и Нафан и Соломон, 15 и Еввар и Елисуе, и Нафек и Иефие, 16 и Елисама и Елидае и Елифалаф, Самае, Исесваф, Нафан, Галамаан, Иеваар, Феисус, Елифалаф, Нагеф, Нафек, Ианафан и Леасамис, Ваалимаф, Елифааф. 17 И услышаша иноплеменицы, яко помазаша Давид царь над Израилем, и възыдоша вси иноплеменицы искати Давида. И услыша Давид, и сниде в крепость. 18 Иноплеменицы же приидоша и соединишася во юдоли Титанстей. 19 И вопроси Давид Господа, глаголя: възыду ли ко иноплемеником? И предаси ли я в руке мои? И рече Господь к Давиду: възыди, яко предаю предаю иноплеменики в руке твои. 20 И прииде Давид с Вышних Сечей и посече иноплеменики тамо. И рече Давид: изсече Господь враги моя иноплеменики предо мною, якоже пресекаются воды. Сего ради наречеса имя места того Свыше Сечей. 21 И оставиша тамо (иноплеменицы) боги своя, и взя их Давид и мужие иже с ним (и рече Давид сожещи их во огни). 22 И приложиша паки приити иноплеменицы и собрашася на юдоли Титанстей. 23 И вопроси Давид Господа: възыду ли ко иноплемеником? И предаси ли их в руке мои? И рече ему Господь: не исходи на сретение им, но уклонися от них, и приступиши к ним близ дубравы плача: 24 и будет, егда услышиши глас шума от дубравы плача, тогда снидеши к ним, яко тогда изыдет Господь пред тобою сеци на брани иноплеменики. 25 И сотвори Давид, якоже заповеда ему Господь, и избии иноплеменики от Гаваона даже до земли Газира.

6 И собра Давид еще всякаго юношу от Израиля, яко семьдесят тысяч. 2 И воста и иде Давид и вси людие, иже с ним, и от князей Иудиных, на восход, еже вознести оттуду кивот Божий, над нимже призвася имя Господа Сил, сидящаго на херувимех над ним: 3 и возложиша кивот Господень на колесницу нову, и отвезоша его из дому и Аминадавля иже на холме: Оза же и братия его сынове Аминадавля везяху колесницу с кивотом (Господним): 4 и братия его идяху пред кивотом (Божиим), 5 Давид же и сынове Израилевы (идяху) пред Господем, играюще во органы устроенныя в крепости, и в пениих и в гуслех, и в

сви́релех и в тимпанех, и в кимвалех и в цевницах, 6 и приидоша до гумна Нахорова. И простре Оза руку свою на кивот Божий придержати его, и ятса за него, понеже превращаше его телец. 7 И разгневался гневом Господь на Озу и порази его тамо Бог, и умре тамо у кивота Господня пред Богом. 8 И опечалися Давид, понеже порази Господь поражением Озу: и наречется место то поражение Озино и до сего дне. 9 И убояся Господа Давид в день той, глаголя: како внидет ко мне кивот Господень? 10 И не хотяше Давид, да приидет к нему кивот завета Господню во град Давидов: и клони его Давид в дом Аведдара Гефеанина. 11 И стояше кивот Господень в дому Аведдара Гефеанина месяцы три, и благослови Господь весь дом Аведдаров и вся, яже его. 12 И возвестиша царю Давиду, глаголюще: благослови Господь дом Аведдаров и вся, яже его, кивота ради Божия. И иде Давид, и взя кивот Божий из дому Аведдарова во град Давидов в веселии: 13 и беша с ним несущие кивот Господень семь ликов, и жертва телец и агнцы: 14 и Давид бряцаше во органы устроены пред Господем, и оболчен бысть Давид во одеждо изящну: 15 и Давид и весь дом Израилев несяху кивот Господень с воплем и со гласом трубным. 16 И бысть кивоту приносиму ко граду Давидову, и Мелхола дщи Саулова приницаше оконцем и виде царя Давида скачуща и играюща пред Господем, и уничижи его в сердцы своем. 17 И внесоша кивот Господень, и поставиша его на месте его посреде скинии, юже постави ему Давид: и вознесе Давид всеосожигаемая пред Господа и мирная, 18 и соверши Давид возносяй всеосожения и мирная, и благослови люди о имени Господа Сил, 19 и раздели всем людям на всю силу Израилеву от Дана даже до Вирсавии, и от мужа даже до жены, коемуждо по укруху хлеба, и по части печенаго мяса, и по сковрадному млину. И отидоша вси людие, кийждо в дом свой. 20 И возвратися Давид благословити дом свой, и изыде Мелхола дщи Саулова на сретение Давиду, и благослови его и рече: коль прославися днесь царь Израилев, иже открыся днесь пред очима рабынь рабов своих, якоже открывается открывшийся един от пляшущих? 21 И рече Давид к Мелхоло: пред Господем плясати буду: и благословен Господь, иже избра мя паче отца твоего и паче всего дому его, поставити мя властелина над людьми Своими над Израилем, и буду играти и плясати пред Господем: 22 и открыюся еще такожде и буду непотребен пред очима твоима, и с рабынями, о ниже рекла еси, непрославлену быти ми. 23 И у Мелхолы дщере Саули не бысть детища до дне смерти ея.

7 И бысть егда сяде царь в дому своем, и Господь унаследи его окрест от всех врагов его окрестных, 2 и рече царь к Нафану пророку: се, ныне аз живу в дому кедровом, кивот же Божий стоит посреде скинии. 3 И рече Нафан к царю: вся елика суть в сердцы твоём, иди и твори, яко Господь с тобою. 4 И бысть в нощи той, и бысть слово Господне к Нафану, глаголя: 5 иди и рцы рабу Моему Давиду: сия глаголет Господь: не ты созиждеши Мне дом, еже обитати Мне: 6 яко не обитах в дому, от негоже дне изведох сыны Израилевы из земли Египетския до дне сего, но бех хода во обиталищи и в

кущи, 7 во всех одеже хождях во всем Израили: аще глаголя глаголах ко единому колену Израилеву, емуже заповедах пасти люди Моя Израиля, глаголя: почто не создасте Ми дому кедрова? 8 И ныне сия речеши рабу Моему Давиду: сице глаголет Господь Вседержитель: поях тя от пажити овчия на властелинство людем Моим Израилю, 9 и бех с тобою во всех, аможе ходил еси, и искорених вся враги твоя от лица твоего, и сотворих тя именита по имени великих иже на земли, 10 и положу место людем Моим Израилю, и насажду их, и вселятся о себе сами, и не попекутся ктому: и не приложит сын неправды обидети их, якоже исперва, 11 и от дний в няже поставих судии в людех Моих во Израили: и упокою тя от всех враг твоих: и возвестит ти Господь, яко созиждеши дом Ему: 12 и будет егда исполнятся дние твои, и уснеши со отцы твоими, и возставлю семья твое по тебе, иже будет от чрева твоего, и уготовлю царство его: 13 той созиждет дом имени Моему, и управлю престол его до века: 14 аз буду ему во отца, и той будет Ми в сына: и аще приидет неправда его, и обличу его жезлом мужей и язвами сынов человеческих: 15 милости же Моя не оставлю от него, якоже отставих от тех, иже отставих от лица Моего: 16 и верен будет дом его и царство его до века предо Мною: и престол его будет исправлен во век. 17 По всем словесем сим и по всему видению сему, тако глагола Нафан ко Давиду. 18 И вниде царь Давид и седе пред Господем и рече: кто есмь аз, Господи мой, Господи? И что дом мой, яко возлюбил мя еси даже до сих? 19 И мала сия пред Тобою суть, Господи мой, Господи, и глаголах еси о доме раба Твоего вдалеко: сей же закон человека, Господи мой, Господи: 20 и что приложит Давид еще глаголати к Тебе? И ныне Ты веси раба Твоего, Господи мой, Господи, 21 и раба Твоего ради сотворил еси и по сердцу Твоему сотворил еси все величество сие, сказати рабу Твоему, 22 величия ради Твоего, Господи мой, Господи: несть бо ин якоже Ты, и несть Бога разве Тебе во всех, яже слышахом ушима нашими: 23 и кто якоже людие Твои Израиль язык ин на земли? Яко настави их Бог, еже избавити Себе людий, еже положить Тебе имя, еже сотворити величие и просвещение, еже изринуту тебе от лица людий Твоих, иже избавил еси Себе от Египта, языки и селения, 24 и уготовал еси Себе люди Твоя Израиля в люди до века, и Ты, Господи, был еси им в Бога: 25 и ныне, Господи мой, Господи, слово, еже глаголах еси о рабе Твоем и о доме его, увери до века, якоже глаголах еси, сотвори: 26 и ныне да возвеличится имя Твое до века, глаголя: Господь Вседержитель Бог над Израилем, и дом раба Твоего Давида да будет исправлен пред Тобою: 27 яко Ты Господь Вседержитель Бог Израилев, отверзл еси уху рабу Твоему, глаголя: дом созижду тебе: сего ради обрете раб Твой сердце свое еже помолитися к Тебе молитвою сею: 28 и ныне, Господи мой, Господи, Ты еси Бог, и словеса Твоя будут истинна, и глаголах еси о рабе Твоем благая сия, 29 и ныне начни и благослови дом раба Твоего, еже быти ему во век пред Тобою, яко Ты, Господи мой, Господи, глаголах еси, и от благословения

Твоего да благословится дом раба Твоего, еже быти во век пред Тобою.

8 И бысть по сих, и порази Давид иноплемненники и победи их, и взя Давид отлученное от руки иноплемненничи. **2** И порази Давид Моава, и размеры их ужами, положив их на земли: и быша два ужа на умерщвление, и два ужа на оживление: и бысть Моав Давиду в раба дающа дань. **3** И порази Давид Адраазара сына Раава царя Сувска, идущу ему поставити руку свою на реце Евфрате: **4** и предвзя Давид от него тысящу колесниц и семь тысяч конник и двадцать тысяч мужей пешцев, и разруши Давид вся колесницы, и остави себе от них сто колесниц. **5** И прииде Сирия Дамаскова помощи Адраазару царю Сувску, и порази Давид от Сирии двадцать две тысячи мужей, **6** и постави Давид стражу в Сирии, яже под Дамаском, и бысть Сирия Давиду в рабы дающыя дань: и спасе Господь Давида во всех, аможе хождаше. **7** И взя Давид гривны златыя, яже быша на отроцех Адраазара царя Сувска, и принесе я во Иерусалим: и взя их Сусаким царь Египетск, егда взыде во Иерусалим во дни Ровоама сына Соломона. **8** И от Метевака и от избранных градов Адраазаровых взя Давид медь многу зело, из неяже сотвори Соломон море медяно и столпы, и умывалницы и вся сосуды. **9** И услыша Фоа царь Имафский, яко порази Давид всю силу Адраазарову, **10** и посла Фоа Иеддурама сына своего к царю Давиду вопросити его яже о мире, и благословити его, понеже победи Адраазара и уби его, зане сопротивлялся бе Адраазару: и в руку его быша сосуды серебряны и сосуды златы и сосуды медяны: **11** и сия освяти царь Давид Господу со серебром и златом, еже освяти от всех градов, имиже возоблада, **12** от Идумеи и от Моава, и от сынов Аммоних и от иноплемненник, и от Амалика и от корыстей Адраазара сына Раава, царя Сувска. **13** И сотвори Давид (себе) имя: и егда возвращашеся, порази Идумею в Гевелеме, до осминадцать тысяч: **14** и постави во Идумеи Давид стражу, во всей Идумеи, и быша вси Идумеане рабы царю Давиду: и спасе Господь Давида во всех, аможе хождаше. **15** И царствова Давид над всем Израилем, и бе Давид творяй суд и правду над всеми людьми своими. **16** И Иоав сын Саруин над воинствы (его), и Иоасафат сын Ахилудов над памятописанми, **17** и Садок сын Ахитов и Ахимелех сын Авиафарь жерцы, и Саса книжник, **18** и Ванеа сын Иодаев советник, и Хелефий и Фелетий, и сынове Давидовы начальницы двора быша.

9 И рече Давид: есть ли еще оставшийся в дому Сауля, и сотворю с ним милость Ионафана ради? **2** И от дому Сауля бе отрок, и имя ему Сива: и призваша его к Давиду, и рече к нему царь: ты ли еси Сива? И рече: аз раб твой. **3** И рече царь: остае ли от дому Сауля еще муж, и сотворю с ним милость Божию? И рече Сива к царю: еще есть сын Ионафанов, хром ногама. **4** И рече царь: где есть? И рече Сива к царю: се, в дому Махира сына Амиила от Лодавара. **5** И посла царь Давид, и взя его из дому Махира сына Амиила от Лодавара. **6** И прииде Мемфивосфей сын Ионафана сына Саулова к царю Давиду, и паде на лица своем и поклонися

ему. И рече ему Давид: Мемфивосфее. И рече: се, раб твой. **7** И рече ему Давид: не бойся, яко творя сотворю с тобою милость Ионафана ради отца твоего, и возвращу тебе вся села Саула деда твоего, и ты яждь хлеб на трапезе моей всегда. **8** И поклонися ему Мемфивосфей и рече: кто есмь аз раб твой, яко призрел еси на пса умершаго подобнаго мне? **9** И призва царь Сиву отрочища Сауля, и рече ему: вся елика суть Сауля и весь дом его дах сыну господина твоего: **10** и делай ему землю ты и сынове твои и раби твои, и да приносиши сыну господина твоего хлеба, да яст: и Мемфивосфей сын господина твоего да яст хлеб всегда на трапезе моей. У Сивы же бяху пятнадцать сынов и двадцать рабов. **11** И рече Сива к царю: по всем, елика заповеда господин мой царь рабу своему, тако сотворит раб твой. И Мемфивосфей ядьяше на трапезе Давидове, якоже един от сынов царевых. **12** И Мемфивосфею сын бе мал, и имя ему Миха, и все обитание дому Сивина раби бяху Мемфивосфеовы. **13** И Мемфивосфей живяше во Иерусалиме, яко на трапезе царева ядьяше всегда: и той бяше хром обама ногама своима.

10 И бысть по сих, и умре царь сынов Аммоних, и царствова сын его Аннон вместо его. **2** И рече Давид: сотворю милость со Анноном сыном Наасовым, имже образом сотвори отец его милость со мною. И посла Давид утешити его рукою рабов своих о отце его. И приидоша отроцы Давидовы в землю сынов Аммоних. **3** И реша старейшины сынов Аммоних ко Аннону господину своему: еда прославления ради отца твоего пред тобою посла к тебе Давид утешители? Не да испытают ли град, и соглядают его, еже разрушити его, посла Давид рабы своя к тебе? **4** И взя Аннон отроки Давидовы, и остриже половину брад их, и обреза одеяния их половину даже до чресл их, и отпусти их. **5** И возвестиша Давиду о мужех, и посла в сретение им, яко беша мужие тии обезчещени зело. И рече царь: седите во Иерихоне, дондеже возрастут браны ваша, и возвратитесь. **6** И видеша сынове Аммони, яко посрамлени быша людие Давидовы: и послаша сынове Аммони, и наяша Сирию Вефраамлю, и Сирию Сувску и Роовлю двадцать тысяч пешцев, и царя Амалика Мааха тысящу мужей, и Истова дванадцать тысяч мужей. **7** И слыша Давид, и посла Иоава и всю силу сильных. **8** И изыдоша сынове Аммони, и устроиша брань пред враты града: Сирия же Сувска и Роов, и Истов и Амалик, едины (стаха) на селе. **9** И виде Иоав, яко бысть на него противное лице брани сопреди и созиди, и избра от всех юнош Израилевых, и устрои их противу Сириан, **10** останок же людей даде в руке брату своему Авессе и устрои я противу сынов Аммоних, **11** и рече (Иоав ко Авессе): аще укрепится Сирия паче мене, и будете мне на спасение: аще же укрепятся сынове Аммони паче тебе, и будем спасати тя: **12** мужаимся и укрепимся о людех наших и о градех Бога нашего, и Господь сотворит благое пред очима Своима. **13** И прииде Иоав и людие его с ним на брань на Сирию, и побегоша от лица его. **14** И видеша сынове Аммони, яко бежаша Сириане, и бежаша

от лица Авессы и внидоша во град. И возвратися Иоав от сынов Аммоних, и прииде во Иерусалим. 15 И видеша Сириане, яко падоша пред Израилем, и собрашася вкупе. 16 И посла Адраазар, и собра Сирианы, иже об он пол реки Халамака, и приидоша во Елам: и Совак старейшина силы Адраазаровы пред ними. 17 И возвестиша Давиду, и собра всего Израила, и преиде Иордан, и прииде во Елам. И устроишася Сириане на Давида, и брашася с ним, 18 и бежаша Сириане от лица Израилтян. И отя Давид от Сири семь сот колесниц и четыредесят тысяч конник, и Совака старейшину силы его уби, и умре тамо. 19 И видеша вси царие раби Адраазаровы, яко падоша пред Израилем, и прегегоша ко Израилю и работаша им: и убошася Сириане спасати ктому сынов Аммоних.

11 И бысть по возвращении лета, во время исхождения царей (на брань), и посла Давид Иоава и отроки своя с ним, и всего Израиля: и расточиша сыны Аммонии и обседоша окрест Раввафа, и Давид седе во Иерусалиме. 2 И бысть при вечере, и воста Давид от ложа своего, и хоуждаше на крове дому царского, и увиде жену с крова мьющуюся: жена же взором добра велми: 3 и посла Давид, и взыска жену, и рече: не сия ли Вирсавиа дщерь Елиавля, жена Урии Хеттеанина? 4 И посла Давид слуги, и взя ю, и вниде к ней, и преспа с нею: и та бе очистилася от нечистоты своя, и возвратися в дом свой. 5 И зачат жена во чреве: и пославши возвести Давиду и рече: се, аз есмь во чреве имущая. 6 И посла Давид ко Иоаву, глаголя: посли ко мне Урию Хеттеанина. И посла Иоав Урию к Давиду. 7 И прииде Уриа и вниде к нему, и вопроси его Давид о мире Иоава и о мире людей и о мире брани. 8 И рече Давид ко Урии: иди в дом твой, и умый нозе твои. И изыде Уриа из дому царева, и иде вслед его снедь царева. 9 И спа Уриа пред враты дому царева с рабы господина своего, а не иде в дом свой. 10 И возвестиша Давиду, глаголюще: яко не ходи Уриа в дом свой. И рече Давид ко Урии: не с пути ли пришел еси? Почто не вшел еси в дом твой? 11 И рече Уриа к Давиду: кивот Божий и Израиль и Иуда пребывают в куцах, и господин мой Иоав и раби господина моего на лица сел пребывают, аз же вниду ли в дом мой ясти и пити и спати с женою моею? Како? Жива душа твоя, аще сотворю глагол сей. 12 И рече Давид ко Урии: поседи zde и днешь, и завтра отпущу тя. И пребысть Уриа во Иерусалиме в той день и во утрешний. 13 И призва его Давид, и яде пред ним и пияше, и упои его, и отиде в вечер спати на ложе свое с рабы господина своего, в дом же свой не иде. 14 И бысть утро, и написа Давид писание ко Иоаву, и посла рукою Урииною. 15 И написа в писании, глаголя: введи Урию противу брани крепкия и возвратитесь вспять от него, да язвен будет и умрет. 16 И бысть егда стрежаше Иоав у града, и постави Урию на месте, идеже ведяше, яко мужие сильни тамо. 17 И изыдоша мужие из града и бяхуса со Иоавом: и падоша от людей от рабов Давидовых, умре же и Уриа Хеттеанин. 18 И посла Иоав, и возвести Давиду вся словеса, яже о брани, глаголати к царю. 19 И заповеда (Иоав) послу, глаголя: егда скончаеши

вся речи, яже от брани, к царю глаголати, 20 и будет аще разгневется царь и речет ти: почто приблизитесь ко граду на брань? Не ведасте ли, яко стреляти будут с стены? 21 Кто уби Авимелеха сына Иероваала сына Нирова? Не жена ли верже нань уломком жернова с стены, (и урази его,) и умре в Фамасе? Почто приступасте к стене? И речеши: и раб твой Уриа Хеттеанин (убиен бысть, и) умре. 22 И иде посол Иоавль к царю во Иерусалим, и прииде, и возвести Давиду вся, елика глагола ему Иоав, вся глаголы брани. И разгнеवास Давид на Иоава и рече к послу: почто приблизитесь ко граду битися? Не ведасте ли, яко язвени будете со стены? Кто уби Авимелеха сына Иероваала? Не жена ли верже нань уломок жернова со стены, и умре в Фамасе? Почто приблизитесь к стене? 23 И рече посол к Давиду: яко укрепилася на ны мужие и изыдоша на ны на село, и гонихом я до врат града: 24 и стреляша стрелцы со стены на рабы твоя, и умроша от отрок царских, и раб твой Уриа Хеттеанин умре. 25 И рече Давид к послу: сице да речеши ко Иоаву: да не будет зло пред очима твоима слово сие, яко овогда убо сице, овогда же инако поядает мечь: укрепи брань твою на град, и раскопай и: и укрепи его. 26 И услыша жена Уриина, яко умре Уриа муж ея, и рыдаше по мужи своем. 27 И преиде плачь, и посла Давид, и введе ю в дом свой, и бысть ему жена, и роди ему сына. И зол явися глагол, егоже сотвори Давид, пред очима Господними.

12 И посла Господь Нафана пророка к Давиду. И вниде к нему (и рече ему: отвечающей ми, царю, ныне суд сей:) и рече ему: два мужа беста во едином граде, един богат, а другой убог: 2 и у богатаго стада бяху и буйволи мнози зело, 3 у убогаго же ничтоже бе, но токмо агница едина мала, юже стяжа и снабде, и вскорми ю, и возрасте с ним и с сынами его вкупе: от хлеба его ядыше и от чаши его пияше, и на лоне его почиваше, и бе ему яко дщерь: 4 и прииде некто с пути к мужу богатому, и не восхоте взяти от стад своих и от буйволиц своих на сотворение обеда путнику пришедшу к нему: но взя агницу убогаго, и уготова ю на обед мужу пришедшу к нему. 5 И разгнеवास гневом зело Давид на мужа (того), и рече Давид к Нафану: жив Господь, яко сын смерти есть муж сотворивый сие: 6 и агницу возвратит седмерицею за сие, яко сотворил глагол сей, и за сие, яко не пощаде. 7 И рече Нафан к Давиду: ты еси муж сотворивый сие: сия глаголет Господь Бог Израилев: Аз есмь помазавый тя в царя над Израилем, и Аз есмь избавивый тя от руки Сауловы: 8 и дах ти дом господина твоего и жены господина твоего на лono твое, и дах ти дом Израилев и Иудин: и аще мало ти есть, приложу тебе к сим: 9 и что яко презрел еси слово Господне, еже сотворити лукавое пред очима Его? Урию Хеттеанина убил еси мечем, и жену его поял еси себе в жену, и того убил еси мечем сынов Аммоних: 10 и ныне не отступит меч от дому твоего до века: зане уничтожил Мя еси и поял еси жену Урии Хеттеанина в жену себе: 11 сия глаголет Господь: се, Аз воздвигну на тя злая от дому твоего, и возму жены твоя пред очима твоима и дам ближнему твоему, и будет спати со женами твоими пред

солнцем сим: 12 яко ты сотворил еси втайне, аз же сотворю глаголю сей пред всем Израилем и пред солнцем сим. 13 И рече Давид к Нафану: согреших ко Господу. И рече Нафан к Давиду: и Господь отя согрешение твое, не умреш: 14 обаче яко поощряя изострил еси врагов Господних глаголом сим, и сын твой родивыйся тебе смертию умрет. 15 И отиде Нафан в дом свой. И сокруши Господь детище, еже роди жена Уриина Давиду, и разболеся. 16 И взыска Давид Бога о детищи, и постися Давид постом, и вниде и водворися, и лежаше на земли: 17 и внидоша к нему старейшины дому его воздвигнути его от земли, и не восхоте, и не яде с ними хлеба. 18 И бысть в день седмый, и умре отроча. И убояшася раби Давидовы поведати ему, яко умре отроча, реша бо: се, егда отроча еще живо быше, глаголахом к нему, и не послуша гласа нашего: и како речем к нему, яко умре отроча, и сотворит злая? 19 И разуме Давид, яко отроцы его шепчут, и позна Давид, яко умре отроча. И рече Давид отроком своим: умре ли отроча? И реша: умре. 20 И воста Давид от земли, и умыся и помазася, и измени ризы своя, и вниде в дом Божий, и поклонися ему, и вниде в дом свой, и проси ясти хлеба, и предложиша ему хлеб, и яде. 21 И реша отроцы его к нему: что глагол сей, еже сотворил еси отрочате ради, яко еще сущу отрочати живу, постился еси и плакал и бдел еси: егда же умре отроча, востал, и ял еси хлеб, и пил еси? 22 И рече Давид: егда бе отроча еще живо, постихся и плаках, яко рех: кто весть, помилует ли мя Господь и живо будет отроча? 23 Ныне же умре, почто мне постится? Еда возмогу возвратити е кому? аз имам ити к нему, тое же не возвратится ко мне. 24 И утеши Давид Вирсавию жену свою, и вниде к ней и спа с нею, и зача и роди сына, и нарече имя ему Соломон: и Господь возлюби его. 25 И посла рукою Нафана пророка, и нарече имя ему Иеддеди словом Господним. 26 Иоав же воева в Раввафе сынов Аммоних и взя град царства. 27 И посла Иоав вестники к Давиду и рече: воевах на Равваф и взях град вод: 28 и ныне собери останок людей и ополчися на град, и приими его, да не аз возму град, и наречется имя мое на нем. 29 И собра Давид вся люди, и поиде в Равваф, и ополчися нань, и взя его: 30 и взя венец Молхома царя их с главы его, талант злата вес его, и от каменья драга, и бе на главе Давидове, и корысть изнесе из града многу зело: 31 и люди сущия в нем изведе, и положи на пилы и на трезубы железны и секиры железны, и превождаше их сквозе пещь плинфяну. И тако сотвори всем градом сынов Аммоних. И возвратися Давид и весь Израиль во Иерусалим.

13 И бысть по сих, и у Авессалома сына Давидова бе сестра добра взором зело, имя же ей Фамарь, и возлюби ю Аммон сын Давидов: 2 и скорбяше Аммон, яко и разболетися (ему) сестры своя ради Фамары, зане дева быше сия, и не удобно бе пред очима Аммонима что сотворити ей. 3 И бе Амнону друг, имя же ему Ионадав, сын Самаа брата Давидова, и Ионадав муж мудр зело. 4 И рече ему (Ионадав): что ты, яко ты тако болиши, сыне царев, утро утро? И не возвещаеши ми? И рече ему Аммон: Фамару сестру Авессалома брата моего аз люблю. 5 И рече ему

Ионадав: лязи на постели твоей и разболися, и внидет отец твой видети тя, и речеши к нему: да придет ныне Фамарь сестра моя, и да ми даст ясти, и да сотворит пред очима моима снедь, да увижду и вкушу от рук ея. 6 И ляже Аммон и разболеся: и вниде царь видети его. И рече Аммон к царю: да придет ныне Фамарь сестра моя ко мне и да испечет два пряжма пред очима моима, и имам ясти от руку ея. 7 И посла Давид к Фамаре в дом, глаголя: иди ныне в дом Амнона брата твоего и сотвори ему снедь. 8 И иде Фамарь в дом Амнона брата своего, и той лежаше. И взя тесто, и смесиди, и устрои пред очима его, и испече пряжма: 9 и взя сквадри, и изложи пред него, и не восхоте ясти. И рече Аммон: изжените вся мужы от мене. И изгнаша вся мужы от него. 10 И рече Аммон к Фамаре: внеси ми снедь во внутреннюю храмину, и ям от руку твоею. И взя Фамарь пряжма, яже испече, и внесе Амнону брату своему во внутреннюю храмину, 11 и представи ему да яст. И ят ю, и рече ей: гряди, лязи со мною, сестро моя. 12 И рече ему: ни, брате мой, не обругай мене, понеже не сотворится тако во Израили, не сотвори безумия сего: 13 и аз камо скрюю безчестие мое? И ты будещи яко един от безумных во Израили: и ныне глаголи к царю, да не отлучит мене от тебе. 14 И не восхоте Аммон послушати гласа ея, и преодоле ей, и смири ю, и преспа с нею. 15 И возненавиде ю Аммон ненавистию великою зело, яко велиим ненавждением возненавиде ю паче любви, еюже любляше ю, и рече ей Аммон: востани и отиди. 16 И рече ему Фамарь: (ни, брате,) яко злоба болши есть последняя паче первая, юже сотворил еси со мною, еже отслати мене. И не восхоте Аммон слышати гласа ея. 17 И призва отрока своего, приставника дому своего, и рече ему: отли ныне сию от мене вон, и заключи двери вслед ея. 18 И бе риза на ней испещрена, понеже тако облачашуся дщери цареви, сущия девицы, во одежды своя. И изведе ю вон слуга его и затвори двери вслед ея. 19 И взя Фамарь пепел, и насыпа на главу свою, и одежду испещренную растерза на себе, и возложи руце свои на главу свою, и идущи идяше и вопияше. 20 И рече к ней Авессалом брат ея: еда Аммон брат твой бысть с тобою? И ныне, сестро моя, умолчи, яко брат твой есть: не полагай на сердцы твоем еже глаголати слово сие. И седе Фамарь вдвоствующи в дому Авессалома брата своего. 21 И слыша царь Давид вся словеса сия, и разгнеवासя зело, и не опечали духа Амнона сына своего, понеже любляше его, яко первенец бе ему. 22 И не глагола Авессалом со Амномом ни о добре, ни о зле, понеже возненавиде Авессалом Амнона того ради, понеже Фамару сестру его обругал. 23 И бысть по двух летех дней, и беша стригуще (овцы) Авессаломовы (раби) в Веласоре близ Ефрема: и призва Авессалом вся сыны цареви. 24 И прииде Авессалом ко царю и рече: се, ныне стригут рабу твоему, да идет убо царь и отроцы его с рабом твоим. 25 И рече царь ко Авессалому: ни, сыне мой, да не пойдём вси мы, и да не отяготим тя. И нуждаше его: и не восхоте (царь) ити, и благослови его. 26 И рече Авессалом к нему: аще же ни, поне да идет с нами Аммон брат мой. И рече ему царь: почто идет с тобою Аммон? 27 И принуди его Авессалом, и отпусти с ним Амнона и вся

сыны царевы. И сотвори Авессалом пир, якоже творит пир царь. 28 И заповеда Авессалом отроком своим, глаголя: видите егда възблажает сердце Амноне от вина, и реку вам: поразите Амнона, и умертвите его: не убойтесь, яко не аз ли есмь повелеваяй вам? Мужайтесь и будите в сыны силы. 29 И сотвориша отроцы Авессаломли Амнону, якоже заповеда им Авессалом. И восташа вси сынове царевы, и вседе кийждо на мска своего, и бежаша. 30 И бысть, сущым им на пути, и слух дойде до Давида, глаголя: избй Авессалом вся сыны царевы, и не избысть от них ни един. 31 И воста царь, и растерза ризы своя, и ляже на земли, и вси отроцы его предстоящи ему растерзаша ризы своя. 32 И рече Ионадав, сын Самаа брата Давидова, и рече: да не речет господин мой царь, яко вся отроки сыны царевы уби, но Амнон есть един убиен, яко той из уст Авессалому не исхождаше, отнеже обруга сестру его Фамару: 33 и ныне да не полагает господин мой царь словесе на сердца своем, глаголя: вси сынове царевы умроша: яко Амнон един умре. 34 И побеже Авессалом. И воздвиже отрок страж очеса своя и виде: и се, людие мнози идуще путем вслед его со страны гор в низхождение. И прииде страж и возвести царю и рече: мужы видех от пути Оронска со страны горы. 35 И рече Ионадав ко царю: се, сынове царевы приходят: по словеси раба твоего, тако бысть. 36 И бысть егда сконча глаголя, и се, сынове царевы приидоша и воздвигоша глас свой и плакаша: и сам царь и вси отроцы его плакаша плачем великим зело. 37 И Авессалом убеже, и прииде ко Фолму сыну Емиуда, царю Гедсурску, в землю Хамаахадску. И плакаше Давид царь о сыне своем вся дни. 38 И Авессалом убеже, и иде в Гедсур, и бе тамо три лета. 39 И остави царь Давид изыти вслед Авессалома, яко утешися ко Амноне, яко умре.

14 И разуме Иоав сын Саруин, яко сердце царево преклонися ко Авессалому. 2 И посла Иоав в Фекою, и взя оттуду жену мудру и рече к ней: сетуй ныне, и облещися в ризы сетования, и не помажися елеем, и будещи яко жена сетующая о умершем дни многи: 3 и внидещи ко царю и речеши к нему по глаголу сему. И положи Иоав словеса своя во уста ея. 4 И вниде жена Фекоитяныня ко царю и паде на лица своем на землю, и поклонися ему, и рече: спаси, царю, спаси мя. 5 И рече ей царь: что ти есть? Она же рече: издана вдова жена аз есмь, и умре муж мой: 6 и рабе твоей два сына, и бизася оба на селе, и не бысть кто бы их разлучил, и нападе един на брата своего, и умертви его: 7 и се, воста все отечество на рабу твою и реша: дай убившаго брата своего, и умертвим его вместо души брата, егоже уби, и погубим и наследника вашего: и угасят искру мою оставшуюся, яко не оставити мужу моему останка и имене на лица земли. 8 И рече царь к жене: иди здрава в дом свой, и аз заповедаю ко тебе. 9 И рече жена Фекоитяныня ко царю: на мне беззаконие, господи мой царю, и на дому отца моего, царь же и престол его неповинен. 10 И рече царь: кто глаголяй к тебе, и приведещи его ко мне, и не приложит ктому коснуться ему? 11 И рече жена: да воспомянет ныне царь Господа Бога своего, вегда умножити ужика крове,

еже растлити, и не имут погубити сына моего. И рече (царь): жив Господь, аще и влас падет сыну твоему с главы на землю. 12 И рече жена: да глаголет ныне раба твоя ко господину моему царю слово. Он же рече: глаголи. 13 И рече жена: почто помыслил еси тако о людех Божиих? Еда от уст царевых слово сие аки преступление, еже не возвратити царю отриновеннаго своего? 14 Яко смертию умрем, и яко вода низходящая на землю, яже не соберется, и примет Бог душу, и помышляяй спасти от Него отриновеннаго: 15 и ныне яко приидох глаголати ко царю господину моему глагол сей, яко увидят мя людие, и речет раба твоя: да глаголет убо ко господину моему царю, негли сотворит царь слово рабы своя, 16 яко услышит царь: да измет рабу свою из рук мужей ищущих погубити мя и сына моего от участия Божия: 17 и речет раба твоя: да будет ныне слово господа моего царя на жертву: якоже бо Ангел Божий, тако господь мой царь, еже слышати благое и злое: и Господь Бог твой будет с тобою. 18 И отвеща царь и рече к жене: никакже да утаиши от мене глагола, о немже аз вопрошу тя. И рече жена: да глаголет убо господь мой царь. 19 И рече царь: еда рука Иоавля о всем сем с тобою? И рече жена к царю: да живет душа твоя, господи мой царю, аще есть одесную или ошуюю от всех, яже глагола господин мой царь, яко раб твой Иоав той заповеда мне, и той вложи во уста рабе твоей вся словеса сия: 20 за еже приити лицу глагола сего, еже сотвори раб твой Иоав слово сие: господин же мой царь мудр, якоже мудрость Ангела Божия, еже разумети вся, яже на земли. 21 И рече царь ко Иоаву: се, ныне сотворих ти по словеси твоему сему: иди, возврати отрока Авессалома. 22 И паде на лица своем Иоав на землю, и поклонися, и благослови царя. И рече Иоав: днесь позна раб твой, яко обретох благодать пред очима твоима, господи мой царю, яко сотвори господин мой царь слово раба своего. 23 И воста Иоав и иде в Гедсур, и приведе Авессалома во Иерусалим. 24 И рече царь: да возвратится в дом свой, лица же моего да не видит. И возвратися Авессалом в дом свой, лица же царева не виде. 25 И якоже Авессалом не бе муж во всем Израили хвален зело: от пяти ноги его и до верха его не бе в нем порока: 26 и вегда стрищи ему главу свою, и бысть от начала дний до дний в няже стрижащеся, яко тяжко бяше ему от них, и стригущся всеяше власы главы своя двести сиклей по сиклю царскому. 27 И родишася Авессалому три сыны и дщерь едина, и имя ей Фамарь: сия бе жена добра зело взором, и бысть жена Ровоаму сыну Соломону, и роди ему Авию. 28 И седяше Авессалом во Иерусалиме два лета дний, и лица царева не виде. 29 И посла Авессалом ко Иоаву, дабы послати его ко царю, и не восхоте приити к нему: и посла второе к нему, и не восхоте приити. 30 И рече Авессалом ко отроком своим: видите, часть на селе Иоавли близ мене, его тамо ячень, идите и запалите его огнем. И запалиша раби Авессаломли часть (Иоавлю) огнем. И приидоша раби Иоавли к нему раздравше ризы своя, и реша: пожгоша раби Авессаломли часть твою огнем. 31 И воста Иоав и прииде ко Авессалому в дом, и рече к нему: почто сожгоша раби твои часть мою огнем? 32

И рече Авессалом ко Иоаву: се, посылах к тебе, глаголя: иди семо, и пошлю тя ко царю, глаголя: почто приидох из Гедсура? Лучше ми бе быти еще тамо: и ныне се, лица царева не видех: аще же есть во мне неправда, то умертви мя. 33 И вниде Иоав ко царю и возвести ему. И призва Авессалома, и прииде ко царю, и поклонися ему, и паде лицом своим на землю пред лицом царевым, и облобыза царь Авессалома.

15 И бысть по сих, и сотвори себе Авессалом колесницы и кони и пятьдесят муж текущих пред ним: 2 и вставаше рано Авессалом, и стояше при самом пути врат: и бысть всяк муж, емуже бяше прях, прииде пред царя на суд, и возопи к нему Авессалом, и глаголаше ему: от коего града ты еси? И рече ему муж: от единого колена Израилевых раб твой. 3 И рече к нему Авессалом: се, словеса твоя блага и удобна, но слушающего несть ти от царя. 4 И рече Авессалом: кто мя поставит судию на земли, и ко мне приидет всяк муж имеяй прю и суд, и оправдаю его? 5 И бысть егда приближашеся муж поклонитися ему, и простираше руку свою, и принимаше его, и целоваше его. 6 И сотвори Авессалом по глаголу сему всему Израилю приходящим на суд к царю и приусвои Авессалом сердца сынов Израилевых. 7 И бысть от конца четьредесяти лет, и рече Авессалом ко отцу своему: пойду ныне и воздам обеты моя, яже обещах Господу в Хевроне: 8 зане обет обеща раб твой, егда жих в Гедсуре Сирийстем, глаголя: аще возвращая возвратит мя Господь во Иерусалим, и послужу Господу. 9 И рече ему царь: иди с миром. И встав иде в Хеврон. 10 И посла Авессалом соглядатаи во вся колена Израилева, глаголя: егда услышите вы глас трубы рожаны, и рыцте: воцарися царь Авессалом в Хевроне. 11 И идоша со Авессаломом двести мужей от Иерусалима позвани: и идяху в простоте своей, и не разумеша всякого глагола. 12 И посла Авессалом, и призва Ахитофела Галамонийскаго, советника Давидова, от града его Голамы, егда жряше жертвы. И бысть смятение крепко: и людей множество идущих со Авессаломом. 13 И прииде вестник к Давиду, глаголя: бысть сердце мужей Израилевых со Авессаломом. 14 И рече Давид всем отроком своим сущым с ним во Иерусалиме: встаните, и бежим, яко несть нам спасения от лица Авессаломля: ускорите ити, да не ускорит и возмет нас, и наведет на нас злобу, и избьет град острием меча. 15 И реша отроцы царевы к царю: вся елика заповесть господь наш царь, се, мы отроцы твои. 16 И изыде царь и весь дом его ногами своими, и остави царь десять жен подложниц своих хранити дом. 17 И изыде царь и вси отроцы его пеши и сташа в Дому Сущем Далече: 18 и вси отроцы его от обою страну его идяху, и вси Хелефее и вси Фелефее и вси Гефее, шесть сот мужей шедше пеши от Гефа предидяху пред лицом царевым. 19 И рече царь ко Еффею Геффеину: почто и ты идещи с нами? Возвратися и живи с царем, яко чуждь еси ты, и яко преселился еси ты от места твоего: 20 аще вчера пришел еси, и днеш ли подвигну тя ити с нами? И аз иду, аможе пойду: иди и возвратися, и возврати братию твою с тобою, и Господь да

сотворит с тобою милость и истину. 21 И отвеща Еффей к царю и рече: жив Господь, и жив господин мой царь, яко на месте, идеже будет господин мой царь, или в смерти, или в животе, тамо будет раб твой. 22 И рече царь ко Еффею: гряди, и преиди со мною. И преиде Еффей Геффеин и царь и вси отроцы его и весь народ иже с ним. 23 И вся земля плакашеша гласом великим. И вси людие прехождаху по потоку Кедрску, и царь преиде чрез поток Кедрский, и вси людие и царь идяху к лицу пути пустыннаго. 24 И се, и Садок иерей и вси левити с ним, носяще кивот завета Господня от Вефары: и поставиша кивот Божий: и Авиафар възыде, дондеже престаша вси людие исходити из града. 25 И рече царь к Садоку: возврати кивот Божий во град, и да станет на месте своем: аще обрящу благодать пред очима Господними, и возвратит мя, и покажет ми его и лепоту его: 26 и аще тако речет: не благоволих в тебе: се, аз есмь, да сотворит ми по благому пред очима Своима. 27 И рече царь Садоку иерею: видите, ты возвращаешися во град с миром и Ахимаас сын твой и Ионафан сын Авиафаров, два сыны ваши с вами: 28 видите, аз вселяюся во аравоф пустынный, дондеже приидет ми слово от вас, еже возвестити ми. 29 И возврати Садок и Авиафар кивот Божий во Иерусалим, и седе тамо. 30 И Давид восхождаше восходом на гору Елеонскую восходя и плачаша, и покрыв главу свою, и сам идяше босыма ногама: и вси людие иже с ним покрывша кийждо главу свою, и восхождаху восходяще и плачущесе. 31 И возвестиша Давиду глаголюще: и Ахитофел в мятежницех со Авессаломом. И рече Давид: разруши совет Ахитофелев, Господи, Боже мой. 32 И бе Давид грядый даже до роса, идеже поклонися Богу. И се, на сретение ему (изыде) Хусий первый друг Давидов, растерзав ризы своя, и персть на главе его. 33 И рече ему Давид: аще пойдещи со мною, и будещи ми в тягость: 34 аще же возвратишися во град и речеши Авессалому: минуша братия твоя, и царь за мною мину отец твой, и ныне раб твой есмь, царю, пощади мя жива быти: раб бех отца твоего тогда и доселе, ныне же аз твой раб: и разруши ми совет Ахитофелев: 35 и се, с тобою тамо Садок и Авиафар иереи: и будет всяк глагол, егоже услышиши из уст царских, и скажеши Садоку и Авиафару иерею: 36 се, тамо с ними два сына их, Ахимаас сын Садоков и Ионафан сын Авиафаров: и послите рукою их ко мне всяк глагол, егоже аще услышите. 37 И вниде Хусий друг Давидов во град, и Авессалом тогда вхождаше во Иерусалим.

16 И Давид преиде мало что от роса, и се, Сива отрок Мемфивосфеов в сретение ему: и супруг ослят оседланных, и на них двести хлебов, и сто гроздий, и сто фиников, и мех вина. 2 И рече царь к Сиве: что сия тебе? И рече Сива: ослыта на яждение дому цареву, а хлебы и финики на снадение отроком, и вино пити ослабевшим в пустыни. 3 И рече царь: и где сын господина твоего? И рече Сива ко царю: се, сedit во Иерусалиме, яко рече: днешь возвратят ми весь дом Израилев царство отца моего. 4 И рече царь к Сиве: се, тебе вся елика суть Мемфивосфеова.

И рече Сива поклонився: да обрящу благодать пред очима твоима, господи мой царю. 5 И прииде Давид царь до Вафирима, и се, оттуду муж исхождаше от рода дому Сауля, имя же ему Семей сын Гирань: изыде же исхода и проклиная 6 и камением метая на Давида и на вся отроки царя Давида: и вси людие и вси сильнии одесную и ошуюю царя бяху. 7 И тако рече Семей проклиная его: изыди, изыди, мужу кровей и мужу беззаконный: 8 возврати на тя Господь вся крови дому Сауля, понеже воцарился еси вместо его: и даде Господь царство в руке Авессалом сына твоего: и се, ты в злобе твоей, яко муж кровей ты. 9 И рече Авесса сын Саруин ко царю: почто проклинаят пес умерший сей господина моего царя? Ныне пойду, и отиму главу его. 10 И рече царь ко Авессе: что мне и вам, сынове Саруины? Оставьте его, и тако да проклинаят, яко Господь рече ему проклинати Давида: и кто речет: почто сотворил еси тако? 11 И рече Давид ко Авессе и ко всем отроком своим: се, сын мой ишзедый из чрева моего ищет души моея, а кольми паче сын Иеминиев: оставите его проклинати мя, яко рече ему Господь: 12 негли призрит Господь на смирение мое, и возвратит ми благая вместо клятвы Его во днешний день. 13 И идяше Давид и вси мужие его путем: а Семей идяше со страны горы близ его идый и проклиная, и камением меча со страны его, и перстию сыпая. 14 И прииде царь и вси людие иже с ним утруждени, и препочиша ту. 15 Авессалом же и вси мужие Израилевы внидоша во Иерусалим, и Ахитофел с ним. 16 И бысть егда прииде Хусий первый друг Давидов ко Авессалому: и рече Хусий ко Авессалому: да живет царь. 17 И рече Авессалом к Хусию: сия ли милость твоя со другом твоим? Почто не отшел еси со другом твоим? 18 И рече Хусий ко Авессалому: ни, но вслед (иду), егоже избра Господь и людие сии и вси мужие Израилевы, того есмь, и с тем буду: 19 и второе, кому аз поработаю? Не пред сыном ли его? Якоже работах пред отцем твоим, тако буду и пред тобою. 20 И рече Авессалом ко Ахитофелу: дадите себе совет, что сотворим? 21 И рече Ахитофел ко Авессалому: вниди к подложницам отца твоего, яже остави стрещи дом свой, и услышат вси Израилтяне, яко посрамил еси отца твоего, и возмогут руки всех сухих с тобою. 22 И поставиша Авессалому шатер на палате, и вниде Авессалом к подложницам отца своего пред очима всех Израилтян. 23 И совет Ахитофелев, егоже совещаваше во дни первыя, имже образом вопросил бы кто Бога о словеси, тако всяк совет Ахитофелев, и иже Давиду, и иже Авессалому.

17 И рече Ахитофел ко Авессалому: изберу ныне себе дванадесять тысяч мужей и встану, и пожену вслед Давида нощию, 2 и найду на него, и той утружден и ослаблен руками, и устрашу его, и побегат вси людие иже с ним, и убью царя единого: 3 и возвращу вся люди к тебе, имже образом обращается невеста к мужеви своему: ты бо токмо души единого мужа ищещи, всем же людем будет мир. 4 И угодно слово бысть пред очима Авессаломлима и пред очима всех старейшин Израилевых. 5 И рече Авессалом: призовите же и Хусиа Арахиина, и услышим что из уст его. 6

И вниде Хусий ко Авессалому, и рече Авессалом к нему, глаголя: по глаголу сему глагола Ахитофел: сотворим ли по словеси его? Аще же ни, ты глаголи. 7 И рече Хусий ко Авессалому: не благ совет сей, егоже совещаша Ахитофел единою сие. 8 И рече Хусий: ты веси отца твоего и мужей его, яко сильни суть зело, и гневливи душами своими, яко медведица чад лишенная на селе, и аки вепрь свирепый на поли: и отец твой муж борец, и не даст почити людем: 9 се бо, той ныне скрися на некотором холме или на некотором месте: и будет внегда напасти на них в начале, и услышит слушаый, и речет: бысть сокрушение в людех иже за Авессаломом: 10 и той сын силы, емуже сердце якоже сердце льву таяща истает: понеже весть весь Израиль, яко силен отец твой, и сынове силы вси иже с ним: 11 тако совету аз усоветовах, и собираяся соберется к тебе весь Израиль от Дана и до Вирсавии, аки песок иже при мори во множестве, и лице твое идущее посреде их: 12 и приидем к нему на едино место, идеже обрящем его тамо, и ополчимся на него, якоже спадает роса на землю, и не оставим в нем и в мужех его иже с ним ни единого: 13 и аще во град соберутся, и возмет весь Израиль ко граду тому уму, и совлечем его в поток, дондеже не останется тамо ниже камень. 14 И рече Авессалом и вси мужие Израилтестии: благ совет Хусиа Арахиина паче совета Ахитофелева. И Господь заповеда разорити совет Ахитофелев благий, яко да наведет Господь на Авессалом злая вся. 15 И рече Хусий арахиин ко Садоку и Авиафару иереем: тако и тако советова Ахитофел Авессалому и старейшинам Израилевым: и аз тако и тако советовах: 16 и ныне послите скоро и возвестите Давиду, глаголюще: не пребуди нощь сию во Аравофе пустыни, но пойти потщися, да не како пожерт будет царь и вси людие иже с ним. 17 И Ионафан и Ахимаас стояста на студенце Рогили, и иде рабыня и поведаша има: и тии идоста и возвестиста Давиду царю, яко не могоста явитися еже внити во град. 18 И виде их отрочищ и поведаша Авессалому. И идоста оба скоро и приидоста в дом мужа в Ваурим: и тому ров на дворе, и снидоста тамо. 19 И взя жена, и положи покров на устии рова, и суши на нем арафоф, и не познася глагол. 20 И приидоша отроцы Авессаломли к жене в дом и реша: где Ахимаас и Ионафан? И рече им жена: преидоста вмале воду. И искаша, и не обретоша, и возвратишася во Иерусалим. 21 Бысть же по отшествии их, и излезоста из рова, и идоста, и возвестиста Давиду царю и глаголаста ему: встаните, и преидите скоро воду, яко сице совещаша на вы Ахитофел. 22 И воста Давид и вси людие иже с ним и преидоша Иордан до света заутра, и ни един не оста, иже бы не прешел Иордана. 23 И Ахитофел виде, яко не сбьстися совет его, и оседла осла свое, и воста, и отиде в дом свой, во град свой: и заповеда дому своему, и удавился, и умре, и погребен бысть во гробе отца своего. 24 И Давид преиде в Манаим, Авессалом же преиде Иордан сам и вси мужие Израилтестии с ним. 25 И Амессая постави Авессалом вместо Иоава над силою: Амессай же сын мужа, емуже имя Иефер Иезраилитин, сей вниде ко Авигеи дщери Иессеине, сестре Саруии матери Иоавли. 26

И ополчился Авессалом и весь Израиль в земли Галаадстей. 27 И бысть егда вниде Давид в Манаим, и Уесвий сын Наасов от Равафа сынов Аммоних, и Махир сын Амииль иже из Лодавара, и Верзеллий Галаадитин из Рогеллима, 28 принесоша десять постель устроеных и конобов десять и сосуды скуделны и пшеницу и ячмень и муку и пшено и боб и сочевицу 29 и мед и масло и овцы и сыры кравия, и принесоша Давиду и людем иже с ним ясти: быша бо людие гладни и утруждени и жаждни в пустыни.

18 И согляда Давид всех людий сущих с ним, и постави над ними тысященачальники и сотники. 2 И посла Давид третию часть людий под рукою Иоавлею и третию часть под рукою Авессы сына Саруина брата Иоавля, и третию часть под рукою Еффеа Геффеина, и рече Давид к людем: шед изыду и аз с вами. 3 И реша: не изыди, яко аще бегством побегнем, не положат на нас сердца: и аще умрем пол нас, не положат на нас сердца, понеже ты аки мы десять тысяч: и ныне лучше, яко останешо во граде на помощь нам. 4 И рече им царь: еже угодно пред очима вашима, сотворю. И ста царь при вратех: и вси людие исхождаху стами и тысящами. 5 И заповеда царь Иоаву и Авессе и Еффеви, глаголя: пощадите ми отрока Авессалома. И вси людие слышаша заповедающа царя всем князем о Авессаломе. 6 И изыдоша вси людие в дубраву сопровит Израилю: и бысть брань в дубраве Ефремли. 7 И падоша тамо людие Израилевы пред отроки Давидовыми, и бысть сокрушение велико в той день, яко двадцать тысяч мужей. 8 И бысть тамо брань разсыпана по лицу вся земля: и умножи дубрава поядати людий, паче неже их пояде меч в той день. 9 И набежа Авессалом на отроки Давидовы: Авессалом же бе седяй на мске своем, и вбежа (с ним) меск в чашу дуба великаго, и обвишася власы главы его на дубе, и повисе между небом и землею, меск же под ним пройде. 10 И виде муж един и возвести Иоаву, и рече: се, видех висяща Авессалома на дубе. 11 И рече Иоав мужу возвестившему ему: аще видел еси, почто не убил еси его тамо на землю? И аз дал бых тебе пятьдесят сикль сребра и пояс един. 12 И рече муж Иоаву: аще ты вложиши в руке мои и тысящу сикль сребра, то не возложу руки моея на сына царева, яко при ушесах наших заповеда царь тебе и Авессе и Еффеви, глаголя: соблюдайте ми отроча Авессалома, 13 не сотворити души его неправды: и всяко слово не утаится пред царем, ты же стоиши сопровитно. 14 И рече Иоав: сие аз начну, не тако пребуду пред тобою. И взя Иоав три стрелы в руке свои, и вонзе я в сердце Авессалома. И еще ему живу сущу на дубе, 15 и обступиша десять отрок носящии оружие Иоавле, и поразиша Авессалома, и умертвиша его. 16 И воструби Иоав трубою рожаную, и возвратишася людие не гнати вслед Израиля, яко щадяше Иоав людий. 17 И взя Иоав Авессалома, и вверже его в пропасть велику в дубраве, и складе над ним купу камня велику зело. И вси Израилтяне бежаша кийждо в селения своя. 18 Авессалом же еще жив сый, взя и постави себе столп во юдоли царстей, рече бо, яко несть ми сына на память имене моего: и нарече

столп именем своим и нарече его рука Авессаломля, даже до днешняго дне. 19 И Ахимаас сын Садоков рече ко Иоаву: потеку ныне и возвещу царю, яко суди ему Господь от руки врагов его. 20 И рече ему Иоав: неси муж ты возвещающа благо днешь, но возвестиши в день другий: в днешний же день не добро возвещение, понеже сын царев умре. 21 И рече Иоав Хусию: шед повеждь царю елика видел еси. И поклонися Хусий Иоаву и отиде. 22 И приложи еще Ахимаас сын Садоков и рече ко Иоаву: что будет, аще и аз теку вслед Хусиа? И рече Иоав: почто ты хощеша тещи, сыне мой? Гряди, несть тебе возвещение в пользу идущему. 23 И рече Ахимаас: что бо аще потеку? И рече ему Иоав: тецы. И бежаше Ахимаас путем равным и предвари Хусиа. 24 Давид же седяще посреде двою врат. И изыде страж на кров врат ко стене, и воздвиже очи свои, и виде, и се, муж текий един пред ним. 25 И возопи страж и сказа цареви. И рече царь: аще един есть, благо возвещение во устех его. И идяше идый и приближаяся. 26 И виде страж мужа другаго текуща, и возопи к дверем и рече: се, муж и другий текущ един. И рече царь: в той есть благо возвещающа. 27 И рече страж: аз вижду течение перваго, яко течение Ахимааса сына Садокова. И рече царь: муж благ сей, и возвестие благое приидет. 28 И возопи Ахимаас и рече ко царю: мир. И поклонися царю лицом своим на землю и рече: благословен Господь Бог твой, иже затвори мужей воздвигших руки своя на господина моего царя. 29 И рече царь: мир ли отрочищу Авессалома? И рече Ахимаас: видех множество велико веселящеся, егда отпущаше раб царев Иоав раба твоего, и не разумех что тамо. 30 И рече царь: возвратися, и стани zde. И шед ста созади. 31 И се, Хусий вслед его прииде и рече царю: возвещается благо господину моему царю, яко суди тебе Господь днешь от руки всех востающих на тя. 32 И рече царь к Хусию: мир ли отрочищу Авессалома? И рече Хусий: да будут, якоже отрочищ, врази господина моего царя, и вси елицы восташа нашь злобою. 33 И смяется царь, и възиде на горницу яже на вратех, и плакася: и тако глаголаше, егда плакаше: сыне мой, Авессаломе, сыне мой, сыне мой, Авессаломе: кто даст смерть мне вместо тебе? Аз вместо тебе, Авессаломе, сыне мой, сыне мой, сыне мой Авессаломе.

19 И поведаша Иоаву, глаголюще: се, царь плачет и рыдает о Авессаломе. 2 И бысть спасение в той день в рыдание всем людем, услышаша бо людие в той день, глаголюще: яко печален есть царь о сыне своем. 3 И украдахуся людие в той день еже входити во град, якоже украдаются людие посрамлени, вегда бегати им на брани. 4 И царь покры лице свое: и возопи царь гласом великим, глаголя: сыне мой, Авессаломе, Авессаломе, сыне мой. 5 И вниде Иоав к царю в дом и рече: посрамил еси днешь лица раб твоих всех иземших тя днешь и душу сынов твоих и дщерей твоих и душу жен твоих и подложниц твоих, 6 еже любити ненавидящия тебе и ненавидети любящия тя: и явил еси днешь, яко не суть тебе князи, ниже отроцы: но разумех днешь, яко аще бы Авессалом жив был, мы вси днешь мертвы быхом были, яко тогда право было бы пред

очима твоима: 7 и ныне востав изыди и глаголи в сердца рабов твоих, яко о Господе кляхся, яко аще не изыдеши днесь, не останет ни один муж с тобою в ночь сию: и разумей в себе, яко зло ти есть сие паче всех зол, яже приидоша на тя от юности твоя до ныне. 8 И воста царь и седе при дверех. И возвестиша всем людем глаголюще: се, царь седит в дверех. И внидоша вси людие пред лице цареве пред двери: мужие же Израилевы бежаша во селения своя. 9 И пряхуся вси людие во всех коленах Израилевых, глаголюще: царь Давид избави ны от всех враг наших, и се, иззя нас от руц инноплеменнич, и ныне бежа от земли и от царства своего и от Авессалома: 10 Авессалом же, егоже помазахом над нами, умре на брани: и ныне что вы молчите, еже возвратити царя? И глагол всего Израиля прииде ко царю. 11 И царь Давид посла ко Садоку и ко Авиафару иереом, глаголя: рците старейшинам Иудиным, глаголюще: почто бысте последнии, еже возвратити царя в дом его? Слово же всего Израиля прииде к царю в дом его: 12 братия моя вы, кости моя и плоть моя вы есте, то почто бысте последнии, еже возвратити царя в дом его? 13 И Амессау рците: неси ли кость моя и плоть моя ты? И ныне сия ми да сотворит Бог и сия да приложит, аще не будеши князь силы предо мною во вся дни вместо Иоава. 14 И преклони сердца всех мужей Иудиных яко мужа единого. И послаша к царю, глаголюще: возвратися ты и вси раби твои. 15 И возвратися царь и прииде до Иордана, и мужие Иудины приидоша в Галгалы еже изыти на сретение царю, превести царя чрез Иордан. 16 И ускори Семей сын Гирань сына Иеминиева, иже от Вауриима, и сниде с мужми Иудиными во сретение царю Давиду, 17 и тысяща мужей с ним от Вениамина, и Сива отрок дому Сауля, и пятнадцать сынов его с ним, и двадцать рабов его с ним: и управиша на Иордан путь пред царем, 18 и послужиша служением о преведении цареве. И преиде преход еже превести дом царев и сотворити правое пред очима его. И Семей сын Гирань паде на лица своем пред царем, егда прехождаше Иордан, 19 и рече ко царю: да не вменит господин мой беззакония, и не помяни елика неправдова раб твой в день он, в онъже господин мой царь искождаше из Иерусалима, еже содержати царю в сердца своем: 20 понеже разуме раб твой, яко аз согреших, и се, аз приидох днесь первее всего Израиля и дому Иосифля, еже снити ми на сретение господину моему царю. 21 И отвеща Авесса сын Саруин и рече: сего ли ради не умертвится Семей, яко прокля христа Господня? 22 И рече Давид: что мне и вам, сынове Саруины, яко бысте мне днесь в навет? Днесь не умертвится муж от Израиля, понеже не вем ли, яко днесь царствую аз над Израилем? 23 И рече царь и Семей: не умреши. И клятвся ему царь. 24 И се, Мемфивосфей сын Ионафана сына Сауля сниде на сретение царю, и не омы ног своих, и не обреза ногтей, ниже управи брады своя, и риз своих не измы от дне того, в онъже изыде царь, до дне в онъже той возвратися с миром. 25 И бысть егда вниде во Иерусалим на сретение царю, и рече ему царь: что яко не пошел еси со мною, Мемфивосфее? 26 И рече к нему Мемфивосфей: господи мой царю, пренебреже

мене раб мой, яко рече раб твой ему: оседлай ми осла, и всяду на не, и пойду с царем, яко хром раб твой: 27 и оболга раба твоего ко господину моему царю: и господин мой царь яко Ангел Божий, и сотвори благое пред очима твоима: 28 яко не бе весь дом отца моего, разве мужие (повиннии) смерти господину моему царю, и посадил еси раба твоего с ядущими на трапезе твоей: и кое есть мне еще оправдание, и возопити мне еще к царю? 29 И рече ему царь: почто глаголеши еще словеса твоя? Рех тебе и Сиве: разделите себе села. 30 И рече Мемфивосфей к царю: и вся да возмет, повнегда приити господину моему царю в мире в дом свой. 31 И Верзеллий Галаадитин сниде из Рогеллима, и преиде с царем Иордан, еже превести его чрез Иордан. 32 И Верзеллий муж стар зело, сын осмидесяти лет, и той препита царя, егда живяше в Манаиме, яко муж бе велий зело. 33 И рече царь к Верзеллию: ты преидеши со мною, и препитаю старость твою со мною во Иерусалиме. 34 И рече Верзеллий к царю: колицы дни лет живота моего, яко да възду с царем во Иерусалим? 35 Сын осмидесяти лет аз днесь есмь: еда уразумею посреде блага и посреде лукава? Или уразумеет еще раб твой, еже ям, или еже пию? Или услышу глас еще поющих и воспевающих? И вскую будет еще раб твой в тяжесть господину моему царю? 36 Мало преидет раб твой Иордан с царем: и почто воздает ми царь воздаяние сие? 37 Да возвратитися ныне раб твой, и умру во граде моем, у гроба отца моего и матери моея: и се, раб твой сын мой Хамаам преидет с господем моим царем, и сотвори ему благое пред очима твоима. 38 И рече царь: со мною да преидет Хамаам, и аз сотворю ему благое пред очима моима, и вся елика избрет себе у мене, сотворю тебе. 39 И преидоша вси людие Иордан, и царь преиде, и целова царь Верзеллия и благослови его, и отпусти его в дом его. 40 И преиде царь в Галгалы, и Хамаам преиде с ним, и вси людие Иудины провождаху царя и пол людей Израилевых. 41 И се, вси мужие Израилевы приидоша к царю и реша к царю: что яко украдоша тебе братия наша мужие Иудины, и преведоша царя и дом его чрез Иордан, и вси мужие Давидовы с ним? 42 И отвещаша вси мужие Иудины к мужем Израилевым и реша: зане ближний нам царь: и почто тако разгневется от словеса сем? Еда яди ядохом от царя? Или дары даде нам, Или дани отя от нас? 43 И отвещаша мужие Израилстии к мужем Иудиным и реша: десять рук мы у царя, и в Давиде есмы паче тебе, и первенец аз, нежели ты: и почто сице укоряеши мя? И не вменися слово мое прежде мене Иуде возвратити царя мне? И отягча слово мужей Иудиных паче словес мужей Израилевых.

20 И тамо бяше сын беззаконный, имя же ему Савей, сын Вохоров, муж Иеминиов, и воструби трубою рожаню и рече: несть нам части в Давиде, ниже наследия нам в сыне Исеее: (возвратитесь,) мужие Израилстии, в селения ваша. 2 И отступиша вси мужие Израилевы от Давида вслед Савае сына Вохорова: мужие же Иудины прилепишася к царю своему от Иордана даже и до Иерусалима. 3 И вниде

Давид в дом свой во Иерусалим, и взя царь десять жен подложниц своих, яже остави стрещи дом, и даде их в дом стражбы: и препита их, и (оттоле) не виде к ним: и беша храними до дне смерти своя, вдовски живушя. 4 И рече царь ко Амессаю: созови ми мужи Иудины в три дни, ты же zde стани. 5 И поиде Амессай созвати мужей Иудиных, и умедли от времени, в неже повеле ему Давид. 6 И рече Давид ко Авессе: ныне зло сотворит нам Савей сын Вохорь паче Авессалома: и ныне ты поими с собою отроки господина своего, и пожени вслед его, да не како обряцет себе грады тверды и застенися от очес наших. 7 И изыдоша вслед его Авесса и мужие Иоавли, и Хереффи и Фелеффи и вси сильнии, и изыдоша из Иерусалима гнати вслед Савеа сына Вохорова. 8 И тии (бяху) у камене великаго, иже в Гаваоне, и Амессай вниде пред ними: Иоав же препоясан ризами одеяния своего, и верху того препоясан мечем припряженным при чреслах его в ножнах его, и егда отиде, и меч изсунуся и паде. 9 И рече Иоав Амессаю: здрав ли еси, брате? И взя Иоав рукою десною за браду Амессаеву лобзати его: 10 Амессай же не побржеся мечу, иже в руке Иоавли: и удари его Иоав мечем в чресла его, и излился чрево его на землю, и не повтори ему, и умре (Амессай). Иоав же и Авесса брат его гнаста вслед Савеа сына Вохоря. 11 И муж ста над ним от отрок Иоавлих и рече: кто хочет (быти) Иоавль, и кто Давидов, вслед Иоава (да идет). 12 Амессай же мертв валяшеся в крови посреде пути. И виде муж, яко остановляхуся над ним вси людие, и соврати Амесса с пути на село, и возложи на него ризу, понеже видяше всякаго приходяща над ним стояща: 13 и бысть егда принесе от пути, преидоша вси мужие Израилевы вслед Иоава, еже гнати вслед Савеа сына Вохоря. 14 И сей пройде вся колена Израилева во Авель и во Вефмаху: и вси в Харре, и вси грады собрашася, и идоша вслед его, 15 и приидоша и ополчшася на него окрест во Авели и во Вефмахе: и насыпаша землю ко граду, и ста на предстении: и вси людие иже со Иоавом помышляху низложити стену (градскую). 16 И возопи жена мудрая со стены и рече: слышите, слышите, рцйте ныне Иоаву, да приблизитя до zde, и възглаголю к нему. 17 И приблизися к ней (Иоав), и рече жена: ты ли еси Иоав? Он же рече: аз. И рече ему: послушай словес рабы твоея. И рече Иоав: послушаю, аз есмь. 18 И рече глаголющи: слово глаголаша в первых, глаголюще: вопрошаемь вопрошен бысть во Авели и в Дане, аще оскудеша, яже положиша вернии Израилевы: вопрошающе да вопросят во Авели, и тако рече, аще оскудеша: 19 аз есмь мирная утверждений Израилевых, ты же ищещи умертвити град и матерь градов Израилевых: и поче потопляещи достояние Господне? 20 И отвеща Иоав и рече: милостив мне, милостив мне, аще потоплю и аще разрушу: 21 не тако слово, яко муж с горы Ефремли, Савей сын Вохорь имя ему, и воздвиже руку свою на царя Давида: дадите ми того единого, и отиду от града. И рече жена ко Иоаву: се, глава его свержется к тебе со стены. 22 И вниде жена ко всем людем и глагола ко всему граду мудростию своею, отяти главу Савеа сына Вохоря. И

отсекоша главу Савеа сына Вохоря, и свергоша ю ко Иоаву. И Иоав вооструби в трубу, и разоидошася мужие от града вси в селения своя. Иоав же возвратися во Иерусалим ко царю. 23 И (бе) Иоав над всею силою Израилевою, и Ванеа сын Иодаев над Хереффи и над Фелеффи, 24 Адонирам же над данми, и Иосафат сын Ахилуфов воспоминай, 25 и Суса книжочий, Садок же и Авиафар иерее, 26 Ирас же Иаринь бысть жрец Давидов.

21 И бысть глад на земли во дни Давидовы три лета, лето по лету. И вопроси Давид лица Господня и рече Господь: над Саулом и над домом его обида в смерти кровей его, понеже умертви Гаваониты. 2 И призва царь Давид Гаваониты и рече к ним: и Гаваонитяне не суть сынове Израилевы, но токмо от остатков Аморрейских, и сынове Израилевы кляшася им: Саул же възиска поразити я, внегда поревновати ему по сынех Израилевых и Иудиных. 3 И рече Давид ко Гаваонитяном: что сотворю вам? И чим умолю, да благословите достояние Господне? 4 И реша ему Гаваонитяне: несть нам сребра или злата со Саулом и с домом его, и несть нам мужа умертвити от всего Израиля. И рече: что вы глаголете, и сотворю вам? 5 И реша ко царю: мужа, иже соверши над нами и погна ны, иже умысли потребити ны, потребим его, да не будет во всех пределех Израилевых: 6 дадите нам седемь мужей от сынов его, и повесим их на солнце Господеви в Гаваоне Саули избранных Господних. И рече царь: аз дам. 7 И пощаде царь Мемфивосфеа, сына Ионафана сына Сауля, клятвы ради Господни, яже посреде их и посреде Давида и посреде Ионафана сына Сауля. 8 И взя царь два сына Ресфы дщере Аиа, подложницы Саули, иже роди Саулу, Ермония и Мемфивосфеа, и пять сынов Мелхолы дщере Саули иже роди Есдриилу сыну Верзеллиа Моулафиева, 9 и даде их в руки Гаваонитом. И повесиша я на солнце на горе пред Господем, и падоша тамо сии седемь вкупе: тии же умроша во днех жатвы первых, в начале жатвы ячменя. 10 И взя Ресфа дщи Аиаина вретиче, и потче е себе при камени, в начале жатвы ячменя дондеже снидоша на них воды Божия с небесе, и не даде птицам небесным днем почити на них, ниже зверем земным нощию. 11 И поведаша Давиду вся елика сотвори Ресфа дщерь Аиа, подложница Сауля. И истрелша, и взя я Дан сын Иой, иже от исчадий исполиновых. 12 И иде Давид, и взя кости Саули и кости Ионафана сына его от мужей сынов Иависа Галаадскаго, иже украдоша их от стогны Вефсани, зане повесиша их тамо иноплеменници в день, в оньже поразиша иноплеменници Саула в Гелвуи. 13 И вознесе Давид кости Саули оттуду и кости Ионафана сына его, и собра кости повешеных на солнце: 14 и погребоша кости Саули и кости Ионафана сына его, и кости повешеных на солнце, в земли Вениаминове, при Краи во гробе Киса отца его, и сотвориша вся елика заповеда царь. И послуша Бог земли по сих. 15 И бысть паки брань иноплеменником со Израилтяны. И сниде Давид и отроцы его с ним, и бишася со иноплеменници: и утрудися Давид. 16 И Иесвий, иже бе от внук Рафаних, (у негоже) бе вес копия его триста сикль веса медяна, и той

бе препоясан оружием, и хотяше поразити Давида. 17 И поможе ему Авесса сын Саруин, и избави Давида Авесса, и порази иноплеменика, и умертви его. Тогда кляшася мужие Давидовы, глаголюще: не изыдеши ктому с нами на брань, да не угасиши светильника Израилева. 18 И бысть по сих еще брань в Гефе со иноплеменики: тогда порази Совохей иже от Асофы собранныя внуки Гигантовы. 19 И бысть паки брань в Роме со иноплеменики: и порази Елеанан сын Ариоргима Вифлеемлянин Голиафа иже от Геффеа, и древо копия его бысть аки навои ткущих. 20 И бысть паки брань в Гефе: и бе муж от мадона, и персты рук его и персты ног его по шести, числом двадцать четыре: и той родися от Рафы, 21 и уничижи Израиля: и уби его Ионафан сын Сафая брата Давидова. 22 Четыри сии родишася внуцы Гигантовы рафе в Гефе, и падоша от руку Давидову и от руку рабов его.

22 И глагола Давид ко Господу словеса песни сея в день, в оньже избави и Господь из руки всех враг его и из руки Сауловы, 2 и рече песнь: Господи, каменю мой и утверждение мое, и избавляяй мя мне: 3 Бог мой, хранитель мой будет мне, уповая буду на Него: защитник мой и рог спасения моего, Заступник мой и прибежище мое спасения моего, от неправеднаго спасеши мя. 4 Хвальнаго призову Господа, и от враг моих спасуся: 5 яко одержаша мя болезни смертныя и потоцы беззакония смятоша мя, 6 болезни смертныя обидоша мя, предвариша мя жестокии смертныя. (Sheol h7585) 7 Внегда скорбети ми призову Господа, и к Богу моему воззову, и услышит от храма святого Своего глас мой, и вопль мой внидет во уши Его. 8 И смятется и трепетна бысть земля, и основания небесе смятошася и подвигошася, яко протгневася на ня Господь: 9 възиде дым гневом Его, и огонь из уст Его пояст: углие возгорешася от Него, 10 и преклони небеса и сниде, и мрак под ногама Его, 11 и вседе на Херувимы и лете, и явился на крилу ветреню, 12 и положи тму закров Свой: окрест Его селение Его, темноту вод огусти во облацех воздушных: 13 от сияния пред Ним разгорешася углие огненнии. 14 И возгреме с небесе Господь, и Вышний даде глас Свой, 15 и посла стрелы, и расточи их: и блесну молнию, и устраши я: 16 и явишася источницы морстии, и открышася основания вселенныя от запрещения Господня, от дохновения духа гнева Его: 17 посла с высоты и прият мя, извлече мя от вод многих: 18 избави мя от враг моих сильных и от ненавидящих мя, яко укрепилася паче мене: 19 предвариша мя в день печали моея. И бысть Господь утверждение мое, 20 и изведе мя на широту, и избави мя, яко благоволи во мне. 21 И въздаде ми Господь по правде моея, и по чистоте руку мою въздаде ми, 22 яко сохраних пути Господни и не нечествовах от Бога моего, 23 яко вся судьбы Его предо мною, и оправдания Его не отступиша от мене, 24 и буду непорочен Ему, и сохранюся от беззакония моего. 25 И въздаст ми Господь по правде моея и по чистоте руку мою пред очима Его. 26 С преподобным преподобен будеши, и с мужем неповинным неповинен будеши: 27 и со избранным избран будеши, и со строптивым развратишися: 28 люди же смиренныя спасеши,

и очи гордых смириши. 29 Яко Ты просвещаеши светильник мой, Господи, и Господь просветит ми тму мою: 30 яко Тобою потеку препоясан, и о Бозе моем прелезу стену. 31 Крепок, непорочен путь Его: глаголгол Господень державен, разжжен: защитник есть всем уповающим на Него. 32 Яко кто крепок разве Господа? И кто творец разве Бога нашего? 33 Крепок укрепляяй мя силою, и положи непорочен путь мой: 34 положивый нозе мои яко елени, и на высоких поставляяй мя: 35 научаяй руце мои на брань, и положивый лук медян мышца моя. 36 И дал ми еси защитиение спасения моего, и кротость Твоя умножи мя. 37 Разширил еси стопы мои подо мною, и не позыбунустеся голени мои. 38 Пожену враги моя и потреблю я, и не возвращуся дондеже скончаю их: 39 и сокрушу их, и не востанут, и падут под ногама моима. 40 И укрепил мя силою на брань, подклониши востающыя на мя под мя. 41 И враги моя дал ми еси хребет, ненавидящыя мя, и умертвил еси их: 42 возопиют, и несть помощника, ко Господу, и не услыша их: 43 и истних я яко прах земный, яко брение путей истончих я. 44 И избавиши мя от пререкания людей моих, сохраниши мя в главу языков. И людие, иже не ведях, работаша ми. 45 Сынове чуждии солгаша ми, в слух уха услыша мя: 46 сынове чуждии отвержени будут, и вострепещут во градах своих. 47 Жив Господь, и благословен хранитель мой, и вознесется Бог мой, хранитель спасения моего. 48 Крепкий Господь даяй отмщения мне и наказуяй люди под мя, 49 и изводий мя от враг моих, и от востающих на мя вознесеши мя, от мужа неправедна избавиши мя. 50 Сего ради исповемся Тебе, Господи, во языцех, и имени Твоему воспою: 51 величаяй спасения царя Своего, и творяй милость христу Своему Давиду и семени его до века.

23 И сия словеса Давидова последняя. Верен Давид сын Иессеев, и верен муж, егоже возстави Господь в христа Бога Иаковля, и благолепны псалмы Израилевы. 2 И Дух Господень глагола во мне, и слово Его на языке моем. 3 Глаголет Бог Израилев: мне глагола хранитель Израилев притчу: рех в человецех: како удержите страх Божий? 4 И во свете Божии утреннем, и възсия солнце заутра, не преиде от сияния, и яко от дождя злачна от земли. 5 Не тако бо дом мой с Крепким: завет бо вечен положи ми, готов во всяком времени сохранен: яко все спасение мое и все хотение во Господе, яко не имать прозябнути беззаконный. 6 Якоже терние извержено вси сии, яко не возмутся рукою, 7 и муж не потрудитя в них: и множество железа, и древо копийное, и огнем сожжет, и попалят в срамоту свою. 8 Сия имена сильных Давидовых: Иевосфей Хананеин князь третьего есть: адион асонея, сей обнажи мечь свой на осмь сот воинов (и победи) единою. 9 И по нем Елеазар, сын отца брата его, в триех сильных братиях, сей бе со Давидом (во сирране) внегда поносити ему во иноплеменицех: и иноплеменицы собращася тамо на брань, 10 и изыдоша мужие Израилевы противу лица их, и той воста и убиваше иноплеменики, дондеже утрудися рука его и прильпе рука его к мечу: и сотвори Господь спасение велико в той день: и людие обратишася вслед его токмо совлачати. 11 И по нем

Самаи сын Асы, Арухейский: и собравшася иноплеменици во Фирию: и бе тамо часть села исполнь лящи: и людие бежаша от лица иноплеменича: 12 и ста аки столп посреде части, и исхити ю, и порази иноплеменики: и сотвори Господь спасение велико. 13 И снидоша три князи от тридесятих, и приидоша в касон к Давиду в вертеп Одоллам: и чинове иноплеменик ополчшася во юдоли Рафаинстей. 14 И Давид тогда бе во обдержании, и стан иноплеменичск бе тогда в Вифлееме. 15 И возжада Давид и рече: кто напоит мя водою из рова, иже в Вифлееме при вратех? Стан же бе тогда иноплеменич в Вифлееме. 16 И расторгоша трие сильнии пополчение иноплеменич, и почерпоша воды из рова Вифлеемскаго, иже при вратех: и взяша, и приидоша ко Давиду, и не восхоте пити ея: и возлия ю Господу 17 и рече: милостив мне, Господи, еже сотвориши сие, кровь ли мужей пошедших в душах своих пити имам? И не восхоте пити ея. Сия сотвориша трие сильнии. 18 И Авесса брат Иоавль сын Саруин, сей бе князь в триех, и сей воздвиже копие свое на триста язвевых, и тому имя есть в триех. 19 От триех оных славный, и бысть им князь, и даже до триех не прииде. 20 И Ванеа сын Иодаев, муж сей премог в делех, от Кавасаила, и сей уби два сына Ариила Моавскаго: и той сниде, и уби льва посреде рова в день снежен: 21 и той порази мужа Египтянина, мужа красна, в руце же Египтянина копие яко древо лествицы корабленья: и сниде к нему со палицею, и исторже копие из руку Египтянина, и уби его копием его: 22 сия сотвори Ванеа сын Иодаев, и тому имя в триех сильных, 23 от триех славный, и ко трием не прииде: и постави его Давид над таинники своими. 24 И сия имена сильных Давида царя: Асаил брат Иоавль, сей в тридесятих: Елеанан сын отца брата его от Вифлеема: 25 Семоф Ародийн: 26 Хеллис Келофийский: Ира сын Еккиса Фекоитскаго: 27 Авиезер Анафофитский: Савухей иже от Асофиты: 28 Еллон Алонитский: моей Нетофафитянин: 29 Ели сын Ваань, иже от Нетофафит: Еффи сын Ривань от Гаваона сынов Вениаминах: 30 Ванеас Фарафонитский: Урий от Наалгеа: 31 Ариил сын Аравофитянина: Заор Варсамитский: 32 Елеаса сын Салавонитский: Васей гонитский: 33 Иоанафан сын Самана Ароритскаго: Ахиян сын Арати Арафурскаго: 34 Елифалаф сын Маахиабль: Елиав сын Ахитофела Гелонитскаго: 35 Асараи Кармилский: Урем сын Асви: 36 и Гала сын Нафанов: и Ваан сын Агарин: 37 Елли Амманитский: Гелорей Вирофийский, носяй оружие Иоава сына Саруина: 38 Ирас Еффирский: Гарев Иерфейский: и Уриа Гефейский. 39 Всех тридесять и семь.

24 И приложи Господь гневу разгоретися во Израили, и подвиже в них Давида, глаголя: иди и изочи Израиля и Иуду. 2 И рече царь ко Иоаву князю силы иже с ним: пройди ныне вся колена Израилева и Иудина, от Дана даже и до Вирсавии, и сочти люди, и да увем число людем. 3 И рече Иоав ко царю: да приложит Господь Бог твой к людем твоим, якоже быти им сторицею, и очи господина моего царя да увидят: и господин мой царь почто помышляет о словеси сем? 4 И превозможе слово цареву ко Иоаву и ко князем силы. И изыде Иоав и князи крепости пред

царем сочести люди Израилевы. 5 И преидоша Иордан, и ополчшася во Ароире одесную града иже посреде дебри Гад и Елиезер. 6 И приидоша в Галаад и в землю Фавасон и Истон и в Дасу, и внидоша в Данидан и обыдоша Сидон, 7 и приидоша во Мапсар Тирский и во вся грады Евеины и в Хананеины, и идоша на юг Иуды в Вирсавию, 8 и обыдоша всю землю, и приидоша во Иерусалим, скончавше девять месяц и двадесять дней. 9 И даде Иоав число сочтеных людей царю: и бе Израиля числом осем сот тысяч сильных держащих оружие, и мужей Иудиных пять сот тысяч мужей борцев. 10 И убояся сердце Давидово по счислении людей, и рече Давид ко Господу: согреших зело, яко сотворих глагол сей: и ныне, Господи, отими беззаконие раба Твоего, яко обух зело. 11 И воста Давид заутра: и слово Господне бысть ко Гаду пророку прозорливцу, глаголя: 12 иди и рцы Давиду, глаголя: тако глаголет Господь: трое аз наведу на тя, и избери себе едино от сих, и сотворю ти. 13 И вниде Гад к Давиду, и поведа, и рече ему: избери себе быти: или приидут тебе три лета глада на землю твою: или три месяцы бегати имаша пред враги твоими, и будут гоняще тя: или три дни быти смерти в земли твоей: ныне убо разумеи и виждь, что отвещаю Пославшему мя. 14 И рече Давид ко Гаду: тесна ми суть отвсюду зело три сия: да впаду убо в руце Господни, яко многи суть щедроты Его зело: в руце же человеки да не впаду. И избра себе Давид смерть и дни жатвенных пшеницы. 15 И даде Господь смерть во Израили от утра до часа обедняго, и начася язва быти в людах, и умроша от людей Господних от Дана и до Вирсавии семьдесят тысяч мужей. 16 И простре Ангел Божий руку свою на Иерусалим погубити его, и раскаяся Господь о зле, и рече Ангелу погубляющему люди: довольно ныне, отими руку твою. И Ангел Господнь бе стоя пред гумном Орны Иевусеанина. 17 И рече Давид ко Господу, егда виде Ангела биюща люди, и рече: се, аз емь согрешивый, аз емь пастырь зло сотворивый, а сии овцы что сотвориша? Да будет ныне рука Твоя на мне и на дому отца моего. 18 И прииде Гад к Давиду в день той и рече ему: възди, и постави Господеви олтарь на гумне Орны Иевусеанина. 19 И възде Давид по глаголю Гада пророка, имже образом заповеда ему Господь. 20 И преклонися Орна, и виде царя и отроки его восходящя выше его, и изыде Орна, и поклонися царю на лица своем на земли, 21 и рече Орна: что яко прииде господин мой царь к рабу своему? И рече Давид: купити у тебе гумно (приидох), на создание олтаря Господня, и престанет язва от людей. 22 И рече Орна к Давиду: да примет и вознесет господин мой царь Господу (Богу) еже благо пред очима его: се, волове во всеожжение, и колеса и сосуди волов на древа. 23 Вся даде Орна царю. И рече Орна к царю: Господь Бог твой да благословит тя. 24 И рече царь ко Орне: ни, но токмо купуя куплю от тебе ценою, и не вознесу Господу Богу моему всеожжения туне. И купи Давид гумно и волы на пятидесяти сиклех сребра. 25 И созда тамо Давид олтарь Господеву: и вознесе всеожжения и мирная. И приложи Соломон ко олтарю последи, зане

мал бе прежде. И послуша Господь земли, и отят язву от
Израиля.

Третья книга Царств

1 И царь Давид бысть стар прешед дни, и одеваху его ризами (многими), и не согревашеся. **2** И реша отроцы его ему: да поищут господину нашему царю девицы юныя, и предстоит цареви, и будет греющи его, и да лежит с ним, и согреться господин наш царь. **3** И искаша отроковицы добрыя от всего предела Израилева, и обретоша Ависагу Сумантяныню, и приведоша ю ко царю. **4** И бе отроковица добра видением зело: и бысть греющи царя и служаше ему: царь же не позна ея. **5** И Адониа сын Аггифин вознесеса, глаголя: аз имам царствовати. И сотвори себе колесницы и конники, и пятьдесят мужей еже ходити пред ним. **6** И не возбрани ему отец его никогда, глаголя: почто сие ты сотворил еси? И бе той красен зраком зело, и того роды по Авессаломе. **7** И беша совети его со Иоавом сыном Саруиным и со Авиафаром иереом, и помогаху вслед Адонии. **8** Садок же иерей и Ванеа сын Иодаев, и Нафан пророк и Семей, и Рисий и сынове сильнии Давидовы не быша по Адонии. **9** И пожре Адониа овцы и телцы и агнцы при камени Зоелефе, иже бе близ источника Рогиля: и призва всю братию свою, сыны цареви, и вся мужы Иудовы, отроки цареви: **10** Нафана же пророка и Ванеа и сильных и Соломона брата своего не зва. **11** И рече Нафан ко Вирсавии матери Соломона, глаголя: не слышала ли еси, яко воцарися Адониа сын Аггифин, господин же наш Давид не весть: **12** ныне убо совещая ти совет, и избавиши душу свою и душу сына твоего Соломона: **13** гряди, вниди к царю Давиду и речеши к нему, глаголющи: не ты ли, господи мой царю, клялся еси рабе твоей, глаголя: яко Соломон сын твой имать царствовати по мне, и той сядет на престоле моем? И что яко воцарися Адониа? **14** И се, еще глаголющей тебе тамо со царем, и аз вниду вслед тебе и допльно словеса твоя. **15** И вниде Вирсавиа ко царю в ложницу. И царь стар зело, и Ависаг Сумантяныня быаше служащи царю. **16** И приклонися Вирсавиа и поклонися цареви. И рече царь: что ти есть? **17** Она же рече: господи мой царю, ты клялся еси пред Господем Богом твоим рабе твоей, глаголя: яко сын твой Соломон имать царствовати по мне, и той сядет на престоле моем: **18** и се, ныне Адониа царствует, ты же, господи мой царю, не веси: **19** и пожре телцы и агнцы и овцы во множестве, и созва вся сыны цареви, и Авиафара жерца и Иоава князя силы, Соломона же раба твоего не призва: **20** ты же, господи мой царю, очи всего Израиля к тебе: да возвестиши им, кто сядет на престоле господина моего царя по нем: **21** и будет егда уснет господин мой царь со отцы своими, и буду аз и сын мой Соломон грешни. **22** И се, еще ей глаголющей с царем, и Нафан пророк прииде. **23** И возвестиша царю, глаголюще се, Нафан пророк. И вниде пред лице царево, и поклонися царю пред лицом его до земли, **24** и рече Нафан: господи мой царю, ты ли рекл еси: Адониа да царствует по мне, и той да сядет на престоле моем? **25** Яко сниде днесь и закла телцы и агнцы и овцы во множестве, и созва вся сыны цареви и князи сильных, и

Авиафара иереа: и се, суть ядуще и пиюще пред ним, и реша: да живет царь Адониа: **26** и мене самага раба твоего, и Садока иереа, и Ванеа сына Иодаева, и Соломона раба твоего не зва: **27** от господина ли царя моего бысть глагол сей? И не сказал еси рабу твоему, кто сядет на престоле господина моего царя по нем? **28** И отвеща царь Давид и рече: призовите ми Вирсавию. И вниде (Вирсавиа) пред царя и ста пред лицом его. **29** И клялся царь и рече: жив Господь, иже избави душу мою от всея печали: **30** якоже бо кляхтися пред Господем Богом Израилевым, глаголя: яко Соломон сын твой воцарится по мне, и той сядет на престоле моем вместо мене, яко тако сотворю ему в днешний день. **31** И преклонися Вирсавиа лицом на землю, и поклонися царю и рече: да живет господин мой царь Давид во веки. **32** И рече царь Давид: призовите мне Садока жерца и Нафана пророка, и Ванеа сына Иодаева. И внидоша пред царя. **33** И рече им царь: поимите с собою рабы господина вашего, и всадите сына моего Соломона на мска моего, и ведите его к Гиону, **34** и да помажет его тамо Садок иерей и Нафан пророк в царя над Израилем, и вострубите трубою рожаную и речете: да живет царь Соломон: **35** и изыдите вслед его, и внидет, и сядет на престоле моем, и той воцарится вместо мене: и аз заповедах, да будет властелин над Израилем и Иудю. **36** И отвеща Ванеа сын Иодаев царю и рече: буди тако: да утвердит Господь Бог глагол сей господина моего царя: **37** якоже бе Господь со господином моим царем, тако да будет и с Соломоном, и да возвеличит престол его паче престола господина моего царя Давида. **38** И сниде Садок иерей и Нафан пророк, и Ванеа сын Иодаев, и Хереффи и Фелеффи, и всадиша Соломона на мска царя Давида, и возведоша его к Гиону: **39** и взя Садок иерей рог с елеем от скинии, и помаза Соломона, и воструби трубою рожаную, и реша вси людие: да живет царь Соломон. **40** И възыдоша вси людие вслед его и ликоваша в лицех, и веселяхуся веселием великим, и расседеся земля от гласа их. **41** И слыша Адониа и вси званнии его, и тии скончаша уже ядуще. И слыша Иоав глас трубы рожаны и рече: кий глас есть града шумяща? **42** И еще Ему глаголющу, и се, Ионафан сын Авиафара иереа прииде. И рече Адониа: вниди, яко муж силы ты еси, и благая возвести. **43** И отвеща Ионафан и рече: известно, господин наш царь Давид постави Соломона царем: **44** и посла с ним царь Садока иереа и Нафана пророка, и Ванеа сына Иодаева, и Хереффи и Фелеффи, и всадиша его на мска царева: **45** и помазаша его Садок иерей и Нафан пророк на царство в Гионе, и възыдоша оттуду веселящеся, и възшуме град: сей глас, егоже слышасте: **46** и седе Соломон на престоле царстем: **47** и внидоша раби цареви благословити господина нашего царя Давида, глаголюще: да ублажит Бог имя Соломона сына твоего паче имени твоего, и да возвеличит престол его паче престола твоего: и поклонися царь на одре своем, **48** и сице рече царь: благословен Господь Бог Израилев, Иже даде днесь от семени моего седяща на престоле моем, и очи мои видят. **49** И ужасошася ужасом, и восташа вси званнии Адониевы, и отиде кийждо путем своим. **50** И Адониа убояся от лица

Соломона, и воста и отиде, и ятса за рог олтаря. 51 И возвестиша Соломону, глаголюще: се, Адониа убояся царя Соломона, и держится за рог олтаря, глаголя: да кленетмися днесь царь Соломон, яко не убьет раба своего оружием. 52 И рече Соломон: аще будет сын силы, ни влас главы его упадет на землю: аще же злоба обрящется в нем, умрет. 53 И посла царь Соломон, и сведоша его со олтаря. И вниде, и поклонися царю Соломону. И рече ему Соломон: иди в дом свой.

2 И приближишася Давиду дние умрети ему, и заповеда Соломону сыну своему, глаголя: 2 аз отхожду в путь вся земля: ты же крепиши, и буди муж совершен, 3 и сохрани завет Господа Бога твоего, еже ходити во всех путех Его, хранити заповеди Его и оправдания Его, и судьбы Его и свидения Его, писанная в законе Моисеове: да разумеши яже сотвориши по всем, елика заповедах тебе: 4 да утвердит Господь слово Свое, еже рече о мне, глаголя: аще сохранят сынове твои пути своя, еже ходити предо Мною во истине всем сердцем своим и всюю душею своею, глаголя: не искоренится тебе муж с престола Израилева: 5 и ты веси, елика сотвори мне Иоав сын Саруин, елика сотвори двема воеводама сил Израилевых, Авениру сыну Нирову и Амессаю сыну Иеферову, и уби их, и излия крови брани в мире, и даде кровь неповинных на поясе своем, иже на чреслах его, и на сапозе своем сущем на ноге его: 6 и сотвориши по мудрости твоей, и не сведеши старости его с миром во ад: (Sheol h7585) 7 сыном же Верзеллии Галаадитина сотвориши милость, и да будут с ядущими трапезу твою: яко тако приближишася мне, внегда бежати мне от лица Авессалома брата твоего: 8 и се, с тобою Семей сын Гирань сын Иеменин от Ваурима, и той прокля мя проклятием горьким, в день в онъже исхождах в Полки: и той сниде на сретение ми на Иордан, и кляхся ему о Господе, глаголя: не убюю ты оружием: 9 и да не обезвишиши его, яко муж мудр еси ты, и увеси что сотвориши ему, и сведеши старость его с кровию во ад. (Sheol h7585) 10 И успе Давид со отцы своими, и погребен бысть во граде Давидове. 11 И бысть дний, в няже царствова Давид во Израили, чотырдесят лет: в Хевроне царствова семь лет, во Иерусалиме же тридесять три лета. 12 И Соломон седе на престоле Давида отца своего сын дванадесяти лет, и уготовася царствие его зело. 13 И вниде Адониа сын Аггифин к Вирсавии матери Соломону, и поклонися ей. Она же рече: мир ли вход твой? И рече: мир. 14 И рече: слово мне к тебе. И рече ему: глаголи. 15 И рече ей: ты веси, яко мне бе царство, и на мя весь Израиль положи лице свое, еже царствовати, и обратися царство, и бысть брату моему, яко от Господа бысть ему: 16 и ныне прошения единого аз прошу от тебе, не отврати лица своего. И рече ему Вирсавиа: глаголи. 17 И рече к ней: рцы к Соломону царю, яко не имать отвратити лица своего от тебе, и дабы ми дал Ависагу Сумантяныню в жену. 18 И рече Вирсавиа: добре, аз имам глаголати о тебе к царю. 19 И вниде Вирсавиа пред царя Соломона глаголати ему о Адонии. И воста царь на

сретение ей, и поклонися ей, и седе на престоле своем: и поставиша престол другой матери цареви, и седе одесную его, 20 и рече ему: прошения мала единого аз прошу у тебе, не отврати лица моего. И рече к ней царь: проси, мати моя, яко не отвращуся от тебе. 21 И рече: даждь Ависагу Сумантяныню Адонии брату твоему в жену. 22 И отвеща царь Соломон и рече матери своей: вскую ты просиши Ависаги Сумантяныни Адонии? Еще проси ему и царства, яко той брат мой болший мене, и ему Авиафар иерей, и ему Иоав сын Саруин воевода друг. 23 И клятса царь Соломон Господем, глаголя: сия да сотворит мне Бог и сия да приложит, яко на душу свою глагола Адониа слово сие: 24 и ныне жив Господь, Иже уготова мя, и посади мя на престоле отца моего Давида, и Той сотвори ми дом, якоже глагола Господь, яко днесь умрет Адониа. 25 И посла царь Соломон рукою Ванеа сына Иодаева, и уби его, и умре Адониа в той день. 26 И Авиафару иерею рече царь: тецы ты во Анафоф на село твое, яко муж смерти еси ты в днешний день, но не умерщвлю тебе, яко носил еси кивот завета Господня пред отцем моим (Давидом), и яко озлоблен был еси во всех, имижже озлоблен бе отец мой. 27 И изгна Соломон Авиафара, еже не быти ему иереем Господним, якоже сбытися словеси Господню, еже глагола на дом Илиев в Силоме. 28 И слух дойде до Иоава сына Саруина, яко Иоав последова Адонии, и в след Соломонь не уклонися. И бежа Иоав в скинию Господню, и ятса рогов олтаревых. 29 И возвестиша Соломону, глаголюще: яко бежа Иоав в скинию Господню, и се, держится рогов олтаревых. И посла царь Соломон ко Иоаву, глаголя: что ти бысть, яко убежал еси во олтарь? И рече Иоав: яко убояхся от лица твоего, и бежах ко Господу. И посла Соломон Ванеа сына Иодаева, глаголя: иди, и убий его, и погреби его. 30 И прииде Ванеа сын Иодаев ко Иоаву в скинию Господню, и рече ему: сия глаголет царь: изыди. И рече Иоав: не изыду, но да zde умру. И возвратися Ванеа сын Иодаев и рече царю, глаголя: сия глагола Иоав и сия отвеща мне. 31 И рече ему царь: иди и сотвори ему, якоже рече, и убий его, и погреби его, и отими днесь кровь, юже туне пролия Иоав, от мене и от дому отца моего: 32 и возврати Господь кровь неправды его на главу его, якоже нападе на два мужа праведна и блага паче его, и уби их оружием: и отец мой Давид не разуме крове их, Авенира сына Нирова, воеводу Израилева, и Амессая сына Иеферова, воеводу Иудина: 33 и возвратися кровь их на главу его и на главу семене его во веки: Давиду же и семени его, и дому его, и престолу его мир да будет до века от Господа. 34 И взыде Ванеа сын Иодаев и нападе на него, и уби его, и погребе его в дому его в пустыни. 35 И постави царь Соломон Ванеа сына Иодаева вместо его над воинством: царство же управляшеся во Иерусалиме. И Садока иереа даде Соломон царь во иереа первого вместо Авиафара. 36 И послав царь Соломон, призва Семеа и рече ему: созижди себе дом во Иерусалиме и седи тамо, и не исходи оттуду никаможе: 37 и будет в день исхода твоего, и преидеши поток Кедрский, разумея разумеи, яко смертию умреш: кровь твоя будет на главе твоей. И заклят

его царь в день той. **38** И рече Семей к царю: благ глагол, егоже глаголали еси, господи мой царю: тако сотворит раб твой. И седе Семей во Иерусалиме три лета. **39** И бысть по триех летех, и бежаста два раба Семейна ко Агхусу сыну Маахаину, царю Гефску. И возвестиша Семей, глаголюще: се, раби твои во Гефе. **40** И воста Семей, и оседла осля свое, и иде во Геф ко Агхусу взыскати рабы своя: и поиде Семей, и приведе рабы своя от Гефа. **41** И возвестиша Соломону, глаголюще: яко Семей ходи из Иерусалима в Геф и возврати рабы своя. **42** И посла царь и призва Семейа и рече к нему: не залях ли тя Господем, и засвидетелствовах тебе, глаголя: в онъже аще день изыдеши из Иерусалима и пойдеша на десно или на шуюе, разумея разумей, яко смертию умреша? И рекл ми еси: благ глагол, егоже слышах: **43** и что яко не сохранил еси клятвы Господни и заповеди, юже заповедах на тя? **44** И рече царь к Семейю: ты веси всю злобу твою, юже весть сердце твое, яже сотворил еси Давиду отцу моему: и возврати Господь злобу твою на главу твою: **45** и царь Соломон благословен, и престол Давидов будет готов пред Господем во веки. **46** И заповеда царь Соломон Ванею сыну Иодаеву: и изыде, и уби его, и умре (Семей).

3 Егда же царство утвердися в руке Соломона, сватовство сотвори Соломон с фараоном царем Египетским: и поят дщерь фараону и введе ю во град Давидов, дондеже скончаша здати дом свой и дом Господень и стену Иерусалима окрест. **2** Обаче людие тогда бяху жруще на высотах, яко не создан дом Господеви даже до дне онаго. **3** И возлюбил Соломон Господа, ходити в заповеданиих Давида отца своего, токмо на холмех жряше и кадьяше. **4** И воста Соломон, и иде в Гаваон пожрети тамо, яко тамо бе высота велия: тысящу всесожжения вознесе на жертвеннице в Гаваоне. **5** И явися Господь Соломону во сне нощию и рече ему: проси что хочещи себе. **6** И рече Соломон: Ты сотворил еси с рабом Твоим Давидом отцем моим милость велию, якоже ходи пред Тобою истинно и правдою и правым сердцем с Тобою, и сохранил еси ему милость великую сию, еже дати сыну его седети на престоле его, якоже днешь: **7** и ныне, Господи Боже мой, Ты дал еси раба Твоего вместо Давида отца моего: и аз емь отрочищ мал, и не вею исхода моего и входа моего: **8** раб же Твой посреде людий Твоих, ихже избрал еси людий многих, иже не изочтутся от множества: **9** и даси рабу Твоему сердце смыслено слышати и судити люди Твоя в правде, еже разумевати посреде добра и зла: яко кто может судити людем Твоим тяжким сим? **10** И угодно бысть слово сие пред Господем, яко испроси Соломон глагол сей. **11** И рече Господь к нему: занеже просил еси от мене глагола сего, и не просил еси от мене дний многих, и не просил еси богатства, ниже просил еси душ враг твоих, но испросил еси себе разума, еже слышати суд: **12** се, сотворих по глаголу твоему, се, дах ти сердце смыслено и мудро: якоже ты, не бысть муж прежде тебе и по тебе не востанет подобен тебе: **13** и яже не просил еси, дах тебе, и богатство и славу, якоже ты, не бысть муж подобен тебе в царех во

вся дни твоя: **14** и аще пойдеша путем Моим сохрании заповеди Моя и повеления Моя, якоже хождаша Давид отец твой, и умножу дни твоя. **15** И возбудися Соломон, и се, сновидение. И воста, и иде во Иерусалим, и ста пред лицем жертвенника, пред лицем кивота завета Господня в Сионе, и вознесе всесожжения и сотвори мирная, и сотвори пир велий себе и всем отроком своим. **16** Тогда явистеся две жене блуднице пред царем и стасте пред ним. **17** И рече жена едина: во мне, господи мой: аз и жена сия жихоме в дому едином и родихоме в дому: **18** и бысть по третьем дни рождения моего, и роди и жена сия: и бехом купно, и не бе никтоже с нами, кроме обох нас в дому: **19** и умре сын жены сея в нощи, яко лежа на нем: **20** и воста в полунощи, и взя отроча мое от объятий моих, и успи е на лоне своем, а отроча свое умершее положи на лоне моем: **21** и востах заутра накормити отроча мое, и обретох и мертво: и се, разсмотрих его рано, и се, не бе сын мой, егоже родих: **22** и рече другая жена: ни, но се есть сын мой живый, се же есть сын твой умерый. И прястеса пред царем. **23** И рече има царь: ты глаголеши, яко сей сын мой живый, сын же сея мертвый: и ты глаголеши: ни, но живый есть сын мой, твой же сын умерший. **24** И рече царь: принесите ми мечь. И принесоша мечь пред царя. **25** И рече царь: разрежьте отроча сущее живое на двое, и дадите половину его сей, и другую половину оней. **26** И отвеща жена, еяже бе сын живый, и рече ко царю, понеже смятеся утроба ея о сыне ея, и рече: во мне, господи мой, дадите ей отроча живое, смертию же не умертвите его. И та рече: да не будет ни мне, ни тебе, но пресеците е. **27** И отвеща царь и рече: дадите дитище живо жене рекшей: дадите сей е, смертию же не умертвите его: сия мати его. **28** И слыша весь Израиль суд сей, имже суди царь, и убояшася от лица царева, разумеша бо, яко разум Божий в нем еже творити оправдания.

4 И бе царь Соломон царствующий над Израилем. **2** И сии старейшины иже беша с ним: **3** Азария сын Садоков, жрец: Елиаф и Ахиа сынове Сивины, книжчии: и Иосафат сын Ахилудов, напоминатель: **4** и Ванеа сын Иодаев над силою: и Садок и Авиафар, иереи: **5** и Азария сын Нафань над настоятелми: и Завуф сын Нафань друг царев: **6** и Ахисар бе строитель, и Елиав сын Сафатов над отечеством: и Адонирам сын Авдонов над даньми. **7** И у Соломона бяху дванадесать приставник над всем Израилем, еже подати царю и дому его: по месяцу в лете бываше един, еже подати, **8** и сия имена их: Вен сын Оров на горе Ефремели, един: **9** сын Дакарь во Махемате и во Висаламине и Вефсамисе и Елоне, даже до Вефанана, един: **10** сын Седов во Аравофе, сего Сохо и вся земля Оферова: **11** сына Аминадава вся Неффадор: Тефаф дщи Соломона бе ему в жену, един: **12** Вана сын Ахилуфов во Ифаанахе и Магеддо и весь Дом Саньи, иже при Сесафане под Езраелем, и от Вифсана даже до Савелмаула, даже до Маевер Лукам, един: **13** сын Наверов в Равофе Галаадстем: сему область Ергав в Васане, шестьдесят градов великих огражденных стенами, и верей медяны, един: **14** Ахинадав сын Саддов во Маанаиме:

15 Ахимаас в Неффалиме: и сей поят Васемафу дочь Соломону в жену, един: 16 Ваана сын Хусиин во Асире и во Ваалофе, един: 17 Иосафат сын Фаруев во Иссахаре, 18 Семей сын Илы во Вениамине, 19 Гавер сын Адаев в земли Галааде, в земли Сиона царя Есевонска и Ога царя Васанска, и Насиф един в земли Иудове. 20 Иуда и Израиль мнози аки песок иже при мори во множестве, ядуще и пиюще и веселящяся. 21 И Соломон бе началствуай во всех царствах, от реки земли Филистимския и даже до предел Египетских, (и бяху) приносяще дары и работающе Соломону во вся дни живота его. 22 И сия потребная Соломону в день един: тридесять мер муки семидальняя и шестьдесят мер муки смешаная, 23 десять телцев избранных и двадцать волов тучных и сто овец, кроме еленей и серн и птиц, избранна от избранных тучна. 24 Понеже бе началствуай во всех об он пол реки от Фапсы и даже до Газы, над всеми царми об он пол реки, и мир бе ему от всех стран окрест. 25 И живяху Иуда и Израиль безпечально, кийждо под виноградом своим и под смоковницею своею, ядуще и пиюще, от Дана и даже до Вирсавии, во вся дни Соломона. 26 И быаше у Соломона четьредесять тысяч кобылиц в колесницы и двадцать тысяч конник. 27 И тако подаяху приставники царю Соломону, и вся повеленная на трапезу цареву, кийждо в месяц свой, не пременяюще словесе: 28 и ячмень и плеввы конем, и колесницами привозяху на место, идеже бе царь, кийждо по чину своему. 29 И даде Господь смысл и мудрость Соломону многу зело, и широту сердца, яко песок иже при мори: 30 и умножися мудрость Соломонова зело, паче смысла всех древних человек и паче всех смысленных Египетских: 31 и умудрися паче всех человек, и умудрися паче Гефана Езраилитна и Емана, и Халкада и Дарды, сына Самадова, и прославися имя его во всех странах окрест. 32 И изглагола Соломон три тысячи притчей, и быша песни его пять тысяч: 33 и глагола о древах, от кедра иже в Ливане и даже до иссопа исходящаго из стены: и глагола о скотех и о птицах и о гадах и о рыбах. 34 И приходяду вси людие слышати премудрость Соломону: и принимаше дары от всех царей земных, елицы слышаху премудрость его.

5 И посла Хирам царь Тирский отроки своя к Соломону: услыша бо, яко помазаша его на царство вместо Давида отца его, яко любяше Хирам Давида во вся дни. 2 И посла Соломон к Хираму, глаголя: з ты веси отца моего Давида, яко не возможе создати дому имени Господа Бога моего, от лица противных, окруживших его, дондеже даде я Господь под стопы ног его: 4 и ныне упокои Господь Бог мой мне окрест, несть наветника, ниже сопротивника лукаваго: 5 и се, аз глаголю создати дом имени Господа Бога моего, якоже глагола Господь Бог к Давиду отцу моему, глаголя: сын твой, егоже дам вместо тебе на престол твой, той созиждет дом имени Моему: 6 и ныне заповеждь, да насекут ми дров от Ливана, и се, раби мои с рабы твоими, и мзду трудов твоих дам ти по всему елика речеши, понеже ты веси, яко несть нам ведущаго древа сеци, якоже Сидоняне. 7 И бысть егда

услыша Хирам словеса Соломония, возрадовася зело и рече: благословен Бог днесь, Иже даде Давиду сына разумна над людьми сими многими. 8 И посла Хирам к Соломону, глаголя: слышах о всех, иже ради послал еси ко мне: аз сотворю все хотение твое о древах кедровых и певговых: 9 слуги мои изнесут я от Ливана к морю, и аз положу я в складения на место, идеже возвестиши мне, и доведу я тамо: и ты возмещи, и сотвориши хотение мое, еже дати хлебы дому моему. 10 И бе Хирам дая Соломону кедры и певги и всю волю его. 11 И даде Соломон Хираму двадцать тысяч мер пшеницы, и пищу дому его, и двадцать тысяч мер ела чистаго: по сему даваше Соломон Хираму на всяко лето. 12 И Господь даде Соломону премудрость, якоже глагола ему. И бе мир между Хирамом и между Соломоном, и положиша завет между собою. 13 И взя царь дань от всего Израиля, и бе дань тридесять тысяч мужей. 14 И посла я в Ливан, десять тысяч на месяц в прему: месяц быша в Ливане и два месяца в дому своем: и быаше Адонирам над данию. 15 И быаше Соломону семьдесят тысяч носящих бремена и осмьдесят тысяч секущих камень в горе, 16 кроме старейшин приставленных над делами Соломони, три тысячи и шесть сот приставник делающих дела. 17 И заповеда царь, и взяша камень великое, камень честное на основание храма, и камень нетесаное. 18 И истесаша сынове Соломони и сынове Хирамли и каменосецы Гевалстии: и изготовиша каменя и древа в три лета.

6 И бысть в четьредесятное и в четверсотное лето исхода сынов Израилевых из Египта, в лето четвертое, в месяц вторый, царствующу царю Соломону над Израилем, и созда храм Господеви. 2 И храм, егоже созда Соломон царь Господеви, (быаше) шестьдесят лакот долготы его, и двадцати лакот широта его, и тридцати лакот высота его: 3 и притвор, иже пред лицом храма, двадцати лакот долготы его в широту дому, и десяти лакот широта его пред лицом дому: и созда храм, и соверши его. 4 И сотвори храму окна преклонены сокровены. 5 И созда на стене дому притворы около храма и давира. 6 И сотвори бока около, бок иже с низу, пяти лакот широта его, и средний шести лакот широта, и третий седми лакот широта его: понеже разстояние дому сотвори окрест внеуду храма, яко да не досязает стен храма. 7 И храму зиждему суцу, каменнем краесекомым нетесаным создася: млат же, и теслица, и всякое орудие железно не слышася в храме, егда созидадися ему. 8 И двери бока нижняго под стеною храма десною, и извиенный восход до средины, а от средины до трекровных. 9 И созда храм, и соверши его: и обстави храм дсками кедровыми. 10 И сотвори вязания окрест всего храма, пять лакот в высоту его, и связал вязанием деревом кедровым. 11 И бысть слово Господне к Соломону, глаголющее: 12 храм сей егоже ты созидаеши, аще пойдеш по заповедем Моим, и судьбы Моя сотвориши, и сохраниши вся повеления Моя, еже пребывати в них, утвержу слово Мое с тобою, еже глаголах Давиду отцу твоему, 13 и вселюся посреде сынов Израилевых, и не

оставлю людей Моих Израиля. 14 И созда Соломон храм, и сконча его. 15 И созда стены храму внутри древом кедровым, от земли храма и даже до стен и даже до верха: около обстави содержащая древами внутрюду и укрепи внутри храма боками певговыми. 16 И созда двадцати лакот от края стены бок один от земли даже до верха: и сотвори ему внутри от давира стену до Святая святых. 17 И четыредесяти лакот бьяше храм: сей (есть) храм внутреннейший. 18 И от кедра во храме внутри постави плетение и дщицы и ваения вся кедрова: камень не являшесе. 19 Пред лицом давира, посреде храма внутри уготова постави тамо кивот завета Господня. 20 И пред лицом давира двадцати лакот долготы, и двадцати лакот широта, и двадцати лакот высота его, и объят его золотом чистым: и сотвори олтарь кедровый: и повлече Соломон храм внутри золотом чистым, и пригвозди гвоздми золатыми пред лицом давира, и объят и золотом. 21 И весь храм объят золотом до скончания всего храма. 22 И все внутри давира покры златом. 23 И сотвори в давире два херувима от древ кипарисных, десять лакот мерою величество: 24 и пяти лакот крило херувима единого, и пяти лакот крило его второе, десяти лакот от края крила его до края крила его: 25 и десяти лакот такжеже (мера) херувиму второму, мера едина совершение едино обоим херувимом: 26 и высота херувима единого десять лакот, такжеже и второму херувиму. 27 И постави оба херувима посреде храма внутренняго: и простираху крила своя, и досязаше крило едино до стены храма, и крило другого херувима досязаше до стены вторья: и крила их яже бяху посреде храма, касашесе крило с крилом: 28 и объята быша херувимы золотом. 29 И на всех стенах храма около ваения написа подобием херувимов, и финики, и изваянна произничающая внутрюду и внеуду. 30 И помост храма из внутрюду и внеуду объят золотом. 31 И входу давира сотвори двери от древ смерччих, и праги пятеричны, 32 и двои двери от древ певговых, и изваяния на них изваяна, херувимы, и финики, и дщицы простертыя, и объят я золотом, и бьяше золотом устроено до херувимов и до фиников. 33 И тако сотвори вратом храма: и праги от древ смерччих, притворы четверугобу. 34 И на обоих дверях древа певгова: два затвора дверь едина и вереи их, и два затвора дверь вторая вращающаяся в себе, 35 (на нихже сотвори) изваянныя херувимы и финики, и дщицы простертыя, и объяття золотом свешеным на изображение. 36 И созда двор внутренний: в три ряда нетесаных, и ряд тесаного кедра около. 37 В лето четвертое основа храм Господень в месяце зии, во второй месяц. 38 Во единонадесятое лето в месяце Вул, сей месяц осмый, совершися храм по всему словеси своему и по всему устроению своему: и созда его в семь лет.

7 И дом свой созда Соломон тринадесять леты, и соверши Соломон весь дом свой. 2 И созда дом древом Ливанским, сто лакот долготы его, и тридесять лакот высота его, и пятьдесят лакот широта его, и три ряда столпов кедровых, и рамена кедрова столпом. 3 И покры дсками кедровыми дом свыше над странами столпов: и число

столпов четыредесять и пять, 4 по пятинадесяти ряд: и окон три ряда, и камара над камарою треугубо. 5 И вся двери и камары четверугольны притворени: от дверей над дверми треугубо. 6 И елам столпов, пятьдесят лакот в долготу, и тридесять лакот в широту привязани ко Еламу пред лицом их: и столпы и толстота пред лицом того елама. 7 И елам престолов идеже судити, елам судилища, и покры и от земли даже до верха дщицами кедровыми. 8 И дом в немже живяше, двор един распростерт сим по делу сему: и дом созда дщери фараони, юже взя Соломон, по еламу сему. 9 Вся сия бяху от камней драгоценных изваяна от разстояния внутрюду, и от основания до крова. 10 И внеуду ко двору великому основаному камением драгим великим, камением десяти лакот и осми лакот, 11 и с верху честным камением, по тойже мере несеченых, и кедрами. 12 Окрест двора великаго три ряда нетесаных, и ряд тесаного кедра: и созда двор храма внутреннейший притвора дому Суцаго пред лицом храма. 13 И посла царь Соломон в Тир, и взял Хирама от Тира, 14 сына жены вдовицы, и той бе от колена Неффалимля: и отец его бе муж Тирин, делатель меди, и исполнен художества и разума и ведения, еже делати всяко дело медяное. И приведоша его ко царю Соломону: и сотвори вся дела: 15 и слия два столпа еламу храма, осминадесяти лакот высота столпа, и окрест мера его четыренадесятих лакот окружаше его толстота столпа: четырех перстов вглубления: такжеже бе и второй столп: 16 и два возложения сотвори, лежати на главах столпов излиянна от меди: пяти лакот высота возложения единого, и пяти лакот высота возложения втораго: 17 и сотвори две мрежи еже покрыти возложения столпов: и мрежу возложению единому, и мрежу возложению второму: 18 и дело висимо, два ряда яблок медяных сомрежены, дело висимо, ряд над рядом: такжеже сотвори возложению второму: 19 и возложения на главах столпов, подобна крину, якоже во еламе, четырех лакот: 20 и строение над обоими столпами, и свыше стран возложение строения, и яблоков двести рядов около на вторей главе. 21 И постави столпы во еламе храма: и постави столп один и нарече имя ему Иахун, и постави столп второй и нарече имя ему Воос. 22 И на главах столпов дело криново, и сконча дело столпов. 23 И сотвори море льяно десять лакот от края до края его, кругло окрест его: пять лакот высота его, и объятие его тридесять лактей окружаше е окрест: 24 и подкрепления под краем его окрест, окружаху е десять лакот около: два ряда подкреплений слиты во слиянии его стояща. 25 И дванадесять волов под морем, три зрящи на север, и три зрящи на юг, и три на запад, и три на восток, и вся задняя их внутрюду, и море верху их. 26 И устие его бьяше яко устие потира прозябающего крина, и толстота его на длань. 27 И сотвори десять мехонофов медяных, пять лакот долготы мехонофа единого, и четыре лакты широта его, и шесть лакот высота его: 28 и сие дело мехонофов, споеное о себе и споеное посреде произничающих: 29 и на споених их посреде произничающих лъвы и волы и херувимы, и над произничающими, такжеже и свыше и снизу

львов и волов места, дело низхождения: 30 и четыре колеса медна и мехонофу коемуждо, и придержания медяна, и четыре части их, и рамена их под умывалницами, и рамена слиная об ону страну коегождо прилежаще. 31 И уста его внутрь главы, и выше одинаго лактя, и уста его круглга: дело такожде лактя одинаго и пол лактя: и на устах его изваяния, и междутолпия их четвероуголна, а не круглга. 32 И четыре колеса под междутолпиями, и руце в колесех в мехонофе: и высота одинаго колеса лакоть и пол. 33 И дело колес, яко дело колес колесницы: руце их и выи их, и чребы их и делания их вся лияна. 34 Четыри рамена на четырех углех мехонофа одинаго, и от мехонофа рамена его. 35 И на главе мехонофа пол лактя величество его, круглго окрест над главою мехонофовой: и начало рук его и спаяния его от него: и отверзашеся в началех рук своих. 36 И спаяния его подобия херувимов и львов и фиников стоящая, держащееся коеждо противу лица его внутрь и окрест. 37 По томужде сотвори вся десять мехонофы, по чину единому и по мере единой, мера одина всем. 38 И сотвори десять конобов медяных вмещающих по четырестати мер во един коноб, мероу четырех лактей: коноб един на коемждо мехонофе, от десяти мехонофов. 39 И постави пять мехонофов по десней стране храма на восток, и пять по левой стране храма: и море от страны храма одесную на востоки в угле полуденнем. 40 И сотвори Хирам конобы и теплицы и фиалы: и сконча Хирам вся дела творя, яже творяше цареви Соломону во храме Господни: 41 столпа два, и обвития столпов над главами столпов два: и мрежи две, еже покрывати оба обвития изваяных, яже на столпах суть: 42 яблоков медяных чытыреста обема мрежема, два ряда яблоков мрежи единой, покрывати оба обвития мехонофа, яже на обоих столпех: 43 и мехонофов десять и конобов десять на мехонофе: 44 и море едино, и волов дванадесять под морем: 45 и конобы и теплицы и фиалы, и вся сосуды, яже сотвори Хирам царю Соломону во храме Господни: и столпов чытырестать и осмь дому царева и дому Господня: вся дела царева, яже сотвори Хирам, быша медяна вся. 46 Близ Иордана слиа их царь в толстоте земли, между Соххофом и между Сирамом. 47 Не бе веса меди, от неяже творяше вся дела сия, от множества зело, не бе предела весу меди. 48 И даде царь Соломон вся сосуды, яже сотвори во храм Господень: олттарь златый и трапезу, на нейже хлебы приношения, златую, 49 и свещники пять одесную и пять ошуюю пред лицем давира (Святая святых) златыя спаяны, и лампады, и светилники, и щипцы златыя, 50 и преддверие, и гвоздие, и фиалы и блюда и кадилницы златы спаяны: и верей врат дому внутренняго Святаго Святых, и двери храма златыя. 51 И совершаша дело, еже сотвори Соломон во храме Господни: и внесе Соломон святая Давида отца своего и вся святая Соломонова, серебро и злато, и сосуды даде в сокровище храма Господня.

8 И собра царь Соломон вся старейшины Израилевы, вся начала колен, старейшины отечеств сынов Израилевых к себе во Сион, еже пренести кивот завета Господня от града

Давидова: той есть Сион. 2 И собращаша ко царю Соломону вси людие Израилевы в месяц Афаним в праздник: сей есть месяц седмый. 3 И приидоша вси старейшины Израилевы, и взяша иерее кивот, 4 и вознесоша кивот Господень, и скинию свидения, и вся сосуды святыя яже во скинии свидения: и вознесоша я иерее и левити. 5 Царь же Соломон и весь собор Израилский, собравшеся к нему, с ним пред кивотом жряху волы и овцы несочтенны, безчисленны от множества. 6 И внесоша иерее кивот завета Господня на место его во давир храма, во Святаго Святых, под крила херувимов. 7 Херувими бо быша распростерше криле над местом кивота: и окрываху херувими над кивотом и над святыми его сверху. 8 И обдержаста освященная: и зряхуся главы освященных от святых к лицу давира, и не являхуся вне. 9 Не бе в кивоте токмо две скрижали каменны, скрижали завета, ихже положи Моисей в Хориве, яже завета Господь со сынами Израилевыми, внегда исходити им от земли Египетския. 10 И бысть егда изыдоша иерее из святилища, и облак исполни храм Господень, 11 и не можаху иерее стати служити от лица облака, яко исполни слава Господня храм. 12 Тогда рече Соломон: Господь рече еже обитати во мгле, 13 аз же создах дом имени Твоему свят Тебе и готов, и престолу твоему, еже обитати Тебе в нем во веки. 14 И обрати царь лице свое и благослови царь всего Израиля: весь же собор Израилев стояше. 15 И рече (царь): благословен Господь Бог Израилев днешь, Иже глагола усты Своими о Давиде отце моем и рукама Своима исполни, глаголя: 16 от дне в оньже изведох люди Моя Израиля из Египта, не избрах града от всех племен Израилевых на создание храму, еже быти имени Моему тамо: но избрах во Иерусалиме быти имени Моему тамо: и избрах Давида быти ему властелину над людьми Моими Израилем: 17 и бысть на сердцы отцу моему Давиду, еже создати храм имени Господа Бога Израилева, 18 и рече Господь к Давиду отцу моему: понеже възде на сердце твое еже создати храм имени Моему, добре сотворил еси, яко бысть на сердцы твоём: 19 обаче ты не созиддеши храма, но разве сын твой, иже изыде из чресл твоих, той созидет храм имени Моему: 20 и возстави Господь глаголгол Своей егоже глагола: и востах вместо Давида отца моего, и седох на престоле Израилеве, якоже глагола Господь, и создах храм имени Господа Бога Израилева, 21 и поставих тамо место кивоту, в немже есть тамо завет Господень, егоже завета Господь со отцы нашими во извождении их из земли Египетския. 22 И ста Соломон пред лицем олтаря Господня пред всем собором Израилевым и воздвиже руце свои на небо, 23 и рече: Господи Боже Израилев, несть якоже Ты Бог на небеси горе и на земли низу, храняй завет и милость рабу Твоему ходящему пред Тобою всем сердцем своим, 24 яже сохранил еси рабу Твоему Давиду отцу моему: ибо глагола еси усты Твоими и рукама Твоима совершил еси, якоже день сей: 25 и ныне, Господи Боже Израилев, сохрани рабу Твоему Давиду отцу моему, яже рекл еси ему, глаголя: не оскудеет муж от лица Моего седяй на престоле Израилеве, токмо аще сохранят чада твоя пути своя, еже ходити предо Мною, якоже ходил еси предо Мною: 26 и ныне, Господи

Боже Израилев, да уверится глаголог Твой, егоже рекл еси Давиду отцу моему: 27 яко аще истинно вселится Бог с человеки на земли? Аще небо и небо небесе не довлеют Ти, кольми паче храм сей, егоже создах имени Твоему? 28 И да призриши на молитву мою, Господи Боже Израилев, послушати молитвы, еюже молится раб Твой пред тобою к Тебе днешь, 29 да будут очи Твои отверсты на храм сей день и ночь, на место о немже рекл еси: будет имя Мое тамо на услышание молитвы, еюже молится раб Твой на месте сем день и ночь: 30 и услышиши молитву раба Твоего и людей Твоих Израиля, о ниже помолятся на месте сем: и ты услышиши на месте обитающа Твоего на небеси, и сотвориши и помилуеши: 31 елика аще согрешит кийждо ко искреннему своему, и аще примет на него клятву еже кляти его, и приидет, и исповесть пред лицом олтаря Твоего в храме сем: 32 и Ты услышиши от небесе, и сотвориши суд людем Твоим Израилю: осудити незаконнаго, дати путь его на главу его, и оправдати праведнаго, дати ему по правде его: 33 егда падут людие Твои Израиль пред враги, яко согрешат Ти, и обратятся к Тебе, и исповедятся имени Твоему, и помолятся и возглаголют молитву к Тебе в храме сем: 34 и Ты услышиши с небесе, и милостив будеши о согрешениих людей Своих Израиля, и возвратиши я в землю, юже дал еси отцем их: 35 вегда заключитися небеси и не быти дождю, яко согрешат Ти, и помолятся на месте сем, и исповедятся имени Твоему, и от грех своих обратятся, егда смириши их: 36 и услышиши с небесе, и милостив будеши о гресех раба Твоего и людей Твоих Израиля: яко явиши им путь благий ходити по нему, и даси дождь на землю, юже дал еси людем Твоим в достояние: 37 глад аще будет, смерть аще будет, егда будет возжжение, гусеницы, ржа аще будет, и аще оскорбят я врази их в едином от градов их: все противное, всяка болезнь, 38 всяка молитва, всяко моление аще будет всякому человеку от людей Израилевых, егда познает кийждо болезнь сердца своего, и воздвигнет руже свои в храме сем: 39 и Ты услышиши от небесе, от готоваго жилища Твоего, и милостив будеши, и сотвориши, и даси коемуждо по путем его, якоже увеси сердце его, яко Ты един токмо веси всех сердца сынов человеческих: 40 да боются Тебе вся дни, в няже поживут на земли, юже дал еси отцем нашим: 41 и чуждему, иже несть от людей Твоих Израиля, той аще приидет от земли издалеча ради имене Твоего, зане услышат имя Твое велико, и руку Твою крепкую, и мышцу Твою высокую, 42 и приидет, и помолится на месте сем: 43 и ты услышиши с небесе от готоваго жилища Твоего, и сотвориши по всем, в еликих аще призовет Тя чуждый, яко да уразумеют вси людие земнии имя Твое и убоятся Тебе, якоже людие Твои Израиль, и разумеют, яко имя Твое наречеса на храме сем, егоже создах: 44 егда изыдут людие Твои на брань на враги своя, путем имже возвратиши я, и помолятся именем Господним путем града, егоже избрал еси Себе, и ко храму, егоже аз создах имени Твоему: 45 и ты услышиши с небесе молитву их и моления их, и сотвориши оправдание им: 46 яко согрешат Ти, яко несть человек, иже не согрешит, и разгневаеши на ня, и предаши я пред

враги, и попленают их пленящи в землю далече, или близ, 47 и обратят сердца своя в земли, аможе преселишася, и обратятся, и помолятся Тебе в земли преселения своего, глаголюще: согрешихом, незаконновахом, неправдовахом: 48 и обратятся ко Тебе всем сердцем своим и всею душою своею в земли враг своих, аможе превел еси их, и помолятся к Тебе по пути земли своея, юже дал еси отцем их, и ко граду, егоже избрал еси, и ко храму, егоже создах имени Твоему: 49 и услышиши от небесе, от готоваго жилища Твоего молитву их и моление их, и сотвориши оправдание им, 50 и милостив будеши неправдам их, имже согрешаши Ти, и по всем отгнетанием их, имже отвергошася Тебе, да даси их в щедроты пред пленившими их, и ущедрят я: 51 яко людие Твои и наследие Твое суть, ихже извел еси из земли Египетския от среды печи железныя: 52 и да будут уши Твои и очи Твои отверсты на молитву раба Твоего и к молению людей Твоих Израиля, послушати их о всех, о ниже призовут Тя, 53 яко Ты избрал еси я Себе в наследие от всех людей земли, якоже глаголах еси рукою раба Твоего Моисеа, вегда извести Тебе отцы наша из земли Египетския, Господи Господи. Тогда глагола Соломон о храме, егда соверши созидати его: солнце познано сотвори на небеси: Господь рече пребывати во мгле: созиджи храм Мой, храм благолепный себе, еже пребывати в новости: не сие ли писано в книгах песни? 54 И бысть егда сконча Соломон моляся ко Господу всею молитвою и молением сим, и воста от лица олтаря Господня припад на колена своя, и руже свои возде на небо, 55 и ста, и благослови весь собор Израилев, гласом велиим глаголя: 56 благословен Господь (Бог) днешь, Иже даде покой людем Своим Израилю, по всем елика глагола: не премеяси слово ни едино во всех словесех Его благих, имже глагола рукою Моисеа раба Своего: 57 да будет Господь Бог наш с нами, якоже бе со отцы нашими: да не оставит нас, ниже да отвратит нас, 58 преклонити сердца наша к Нему, еже ходити во всех путех Его и хранити вся заповеди Его и повеления Его и оправдания Его, яже заповеда отцем нашим: 59 и да будут словеса сия, имже молихся пред Господем Богом нашим днешь, приближающесе Господу Богу нашему день и ночь, еже творити оправдания рабу Твоему и оправдания людем Твоим Израилю во вся дни: 60 яко да разумеют вси людие земли, яко Господь Бог Той Сам Бог, и несть инаго, 61 и да будут сердца наша совершенна ко Господу Богу нашему преподобно ходити в повелениих Его и хранити заповеди Его, якоже день сей. 62 И царь и вси сынове Израилевы пожроша жертву пред Господем. 63 И пожре царь Соломон жертвы мирныя, яже пожре Господу, волов двадесять две тысячи и овец сто и двадесять тысяч. И обнови царь храм Господень и вси сынове Израилевы. 64 В той день освяти царь (Соломон) средину двора, яже пред лицом храма Господня: яко сотвори тамо всесожжение и дары, и жертвы и тучная мирных, яко олтарь медяный, иже пред Господем, мал бе, еже не возможи вместити всесожжения даров и жертвы мирных. 65 И сотвори Соломон праздник в той день, и весь Израиль с ним, собор велий, от входа

Емафа даже до реки Египта, пред Господем Богом нашим, у храма, егоже созда, ядый и пия и веселяся пред Господем Богом нашим семь дней, 66 и во осмый день распусти люди. И благословиша царя, и идоша кийждо в дома своя, радуящися веселым сердцем о благих, яже сотвори Господь Давиду рабу Своему и Израилю людям Своим.

9 И бысть егда сконча Соломон зиждя храм Господень и дом царев и всякое дело свое Соломон, елика восхоте сотворити, 2 и явися Господь Соломону вторицею, якоже явися ему в Гаваоне, 3 и рече к нему Господь: услышах глас молитвы твоя и моления твоего, имже молился еси предо Мною: сотворих ти по всей молитве твоей, и освятих храм сей, егоже создал еси, еже положить имя Мое тамо во веки, и будут очи Мои ту и сердце Мое во вся дни: 4 и ты аще пойдеши предо Мною, якоже ходи Давид отец твой в преподобии сердца и в правоте, и еже творити по всем, яже заповедах ему, и повеления Моя и заповеди Моя сохраниши: 5 и возставлю престол царствия твоего во Израили во веки, якоже глаголах к Давиду отцу твоему, глаголя: не оскудеет ти муж властелин во Израили: 6 аще же отвращающися отвратитесь вы и чада ваша от Мене и не сохраните заповедий Моих и повелений Моих, яже даде Моисей пред вами, и пойдете и поработаете богом иным и поклонитесь им: 7 и изрину Израила из земли, юже дах им, и храм сей, егоже освятих имени Моему, отвергу от лица Моего: и будет Израиль в погубление и во лагोलание всем людям: 8 и дом сей будет высокий, всяк преходяй сквозе его ужаснется, и возвищит и речет: чесо ради сотвори Господь тако земли сей и храму сему? 9 И рекут: понеже оставиша Господа Бога своего, иже изведе отцы их из Египта, из дому работы, и приаша боги чуждые, и поклонишася им, и поработаша им, сего ради наведе на ня Господь зло сие. 10 И бысть по двадесяти летех, в няже созда Соломон два дома, храм Господень и дом царев, 11 Хирам царь Тирский помогаше Соломону дровы кедрскими и дровы пеговыми и златом и всем хотением его: тогда даде Соломон Хираму двадесять градов в земли Галилейстей. 12 И изыде Хирам из Тира и пойде в Галилею видети грады, яже даде ему Соломон: и не быша ему угодни, 13 и рече: что гради сии, яже дал ми еси, брате? И нарече я предел (Хавуль), до днешняго дне. 14 И принесе Хирам Соломону сто и двадесять талант злата. 15 Сие же есть число даяния еже принесе царь Соломон, да созиждет храм Господень и дом царев, и Мелон и стену Иерусалимску и Краеградие еже огрэдити стену града Давидова, и Асур и Магедо и Газер. 16 Фараон царь Египетский взыде и взя Газер и сожже и огнем, и Ханаана живущаго во граде том погуби: и даде его в дар дщери своей, жене Соломони. 17 И согради Соломон Газер и Вефорон нижний, 18 и Валааф и Фамор в пустыни. 19 И вся грады крепкия, иже быша Соломону, и вся грады, идеже бяху колесницы, и вся грады, идеже бяху конницы его, и все еже бысть угодно царю Соломону, созда во Иерусалиме, и в Ливане и во всей земли царства своего. 20 Всех людей оставшихся от Аморея и Хеттея, и

Ферезея и Хананея, и Евея и Иевусея и Гергесея, не сущи от сынов Израилевых, 21 сынов их оставшихся по них на земли, ихже не возмогоша сынове Израилевы потребити их, царь Соломон поработи их даяти дань даже до дне сего: 22 от сынов же Израилевых не даде в работу Соломон, яко тии бяху мужие храбрии, и отроцы его, и князи его, и тристаты его, и воеводы колесниц его, и конницы его. 23 И бяху старейшины приставленным над дела царя Соломона, пять сот пятьдесят повелевающи людем делающим дело. 24 Дщерь же фараона преиде из града Давидова в дом свой, егоже созда ей Соломон, тогда созда Мелон. 25 И приношаше Соломон трижды в год всесожжения и мирныя жертвы на олтарь, егоже созижде Господу, и кадьяше фимиам пред Господем: и соверши храм. 26 И сотвори царь Соломон корабль в Гасионе Гаверстем, иже при Елафе, при устии моря Последняго, в земли Едомстей. 27 И посла Хирам на корабли от отрок своих мужы корабелники управляти ведущих море со отроки Соломони: 28 и приидоша в Софир, и взяша оттуду злата четыре ста и двадесять талант и принесоша царю Соломону.

10 И царица Савска услыша имя Соломоне и имя Господне, и прииде искусити его притчами: 2 и прииде во Иерусалим с силою тяжкою зело: и на велблюдех привезоша ароматы и злата много зело, и камень драгое: и вниде к Соломону и глагола ему вся, елика име на сердца своем. 3 И возвести ей Соломон вся глаголы ея: и не бе слово презрено от царя, егоже не возвести ей. 4 И виде царица Савска весь смысл Соломонь и дом егоже созда, 5 и снеди Соломони, и жилища отроков его, и предстояние служащих ему, и облачение его, и виночерпцы его, и всесожжения его, яже приношаше во храме Господни, и вне себе бысть, 6 и рече к Соломону царю: истинна суть словеса, яже слышах в земли моей, 7 о словесех твоих и о смысле твоем: и не ях веры глаголющих ми, дондеже приидох семо, и видеста очи мои: и се, несть ни пол того, яжеко ми поведаша: приложил еси премудрость и благая к сим паче всякаго слуха, егоже слышах в земли моей: 8 блаженны жены твоя, блажени отроцы твои сии, иже предстоят пред тобою всегда, слышаще всякий смысл твой: 9 буди Господь Бог твой благословен, иже восхоте тя дати на престол Израилев, понеже возлюби Господь Израиля утвердити во веки и постави тя царя над ними творити суд в правде и в судах их. 10 И даде Соломону сто и двадесять талант злата, и ароматы многи зело, и камень драгое: не приидоша еще таковыя ароматы во множестве, яже даде царица Савска царю Соломону. 11 И корабль Хирамль приносящ злато из Софира, (и) принесе древа нетесана многа зело, и камень драгое. 12 И сотвори царь дровом нетесаным подпоры храму Господню и дому цареву, и сопели и гусли певцем: не приидоша по сем таковая древеса нетесаная на земли, ниже видена быша где даже до дне сего. 13 И царь Соломон даде царице Савстей вся, елика восхоте и елики проси у него, кроме всех, яже даде ей рукама своими Соломон царь, и возвратися, и отиде в землю

свою, сама и вси отроцы ея. 14 И бе вес принесеннаго злата Соломону во едино лето шесть сот и шестьдесят и шесть талант злата, 15 кроме даней от подданных и от купцов и от всех царей странных и от воевод земных. 16 И сотвори царь Соломон триста копий златых кованных, по триста златых во едино копие вдела: 17 и триста щитов кованных златых, по три литры злата бяше на коемждо щите: и даде я царь во храм дубравы Ливанския. 18 И сотвори царь престол от костей слоновых велий и позлати его златом искушенным: 19 шесть степеней престолу, и образы телцов престолу созади, и верх престола кругл бе созади его, и руце сюду и сюду на престоле седалища, и два льва стояща при руках, 20 и дванадесять львы стояще ту на шести степенех сюду и сюду: не бяше тако во всяком царстве. 21 И вси сосуди, иже бяху при царе Соломоне, злати беша, и умывальницы златы и вси сосуди в храме дубравы Ливанския златокованны: не бяше сребра, понеже за ничто бе сребро во дни Соломони: 22 корабль бо Фарсийский царю Соломону на мори с корабли Хирамлыми, единою во триех летех приходаша цареви корабль из Фарсиса и приношаше злато и сребро, и зубы слоновы, и пифрики и павы, и камение точеное и тесаное. 23 И возвелчися Соломон паче всех царей земных и богатством и смыслом. 24 И вси царие земстии искаху видети лице Соломона, еже бы услышати смысла его, егоже даде ему Господь в сердцы его: 25 и тии приношаху кийждо дары своя, и сосуды златы и серебряны, и ризы, стакти и сладкости, и кони и мски на всякое лето. 26 И собра Соломон колесницы и кони, и бяху Соломону чтыредесять тысяч кобылиц в колесницы, и дванадесять тысяч конных: и постави я во градех колесниц, а (друзии бяху) у царя во Иерусалиме: и бе властелин всем царем от реки и до земли иноплеменник и до предел Египта. 27 И сложи царь злато и сребро во Иерусалиме якоже камение, и кедры сложи якоже черничие, еже на поли во множестве. 28 И привождашу Соломону кони от Египта и от Фекуя купцы царстии и куповаху от Фекуя променою. 29 И приходжаху колесницы из Египта за шесть сот сребреник, и конь за сто пятьдесят сребреник: такожде и ко всем царем Хеттимским и Сирийским по мору исхождаху.

11 И царь Соломон бе женолюбив, и поя жены чуждыя, и дщерь фараону, Моавитяныни, Амманитяныни, и Аморреаныни, 2 от язык, иже отрече Господь сыном Израилевым: не входите в ня, и тии да не входят в вас, да не отвратят душ ваших вслед идол своих: к тем прилепися Соломон любити, 3 и быша ему жен начальных семь сот, и подложниц триста. 4 И бысть в время старости Соломони, и совратиша жены чуждия сердце его вслед богов иных, и не бе сердце его совершенно с Господем Богом его, якоже сердце Давида отца его, 5 и хождаше Соломон вслед Астарты мерзости Сидонския и вслед царя их, идола сынов Аммоних. 6 И сотвори Соломон лукавое пред Господем: и не хождаше вслед Господа, якоже Давид отец его. 7 Тогда созда Соломон высоко (калице) Хамосу, идолу Моавлю, и царю их, идолу сынов Аммоних, и Астарте, мерзости Сидонстей,

на горе яже пред Иерусалимом: 8 и тако сотвори всем женам своим чуждим, яже кадыху и жряху идолом своим. 9 И разгневался Господь на Соломона, яко уклони сердце свое от Господа Бога Израилева, и явльшагося ему дважды 10 и заповедавашаго ему дважды о словеси сем, весьма не ходити ему вслед богов инех, но хранити и творити яже заповеда ему Господь Бог, 11 и рече Господь к Соломону: понеже быша сия с тобою, и не сохранил еси заповедий Моих и повелений Моих, яже заповедах тебе, раздирая раздери царство твое из руку твою и дам ея рабу твою: 12 обаче во дни твоя не сотворю сих Давида ради отца твоего: от руки же сына твоего отиму ея: 13 токмо всего царства не возму, скипетр един дам сыну твоему Давида ради раба Моего и Иерусалима ради града, егоже избрах. 14 И воздвиже Господь противника на Соломона Адера Идумеанина от семени царска во Идумеи. 15 И бысть егда искорени Давид Едома, егда иде Иоав воевода вой погребати побиенныя, изсече всяк мужеск пол во Идумеи: 16 яко шесть месяц седяше тамо Иоав и весь Израиль во Идумеи, дондеже изби всяк мужеск пол в Идумеи: 17 и избеже Адер сам и вси мужие Идумейстии от отроков отца его с ним, и внидоша во Египет: Адер же бяше отрочищь мал. 18 И восташа мужие из града Мадиямска, и приидоша в Фаран, и взяша мужей с собою и приидоша к фараону царю Египетскому. И вниде Адер к фараону, и даде ему (царь) дом, и пищу определи ему, и землю даде ему. 19 И обрете Адер благодать пред очима фараонима зело, и даде ему в жену сестру жены своя, сестру Фекемины болшую. 20 И роди ему сестра Фекемины Адеру Ганивафа сына своего, и воскорми его Фекемина посреде сынов фараоних, и бе Ганиваф посреде сынов фараоних. 21 И Адер услыша бо Египте, яко успе Давид со отцы своими, и яко умре Иоав воевода воинству, и рече Адер к фараону: отпусти мя, да возвращуся в землю мою. 22 И рече фараон Адеру: чим ты не доволен еси у мене? И се, ты просишися отити в землю свою? И рече ему Адер: яко отпуцая да отпустиши мя. И возвратися Адер в землю свою. 23 И воздвиже Господь противника Соломону Разона, сына Елиадаева, иже убеже от Ададезера царя Сувска, господина своего. 24 И собращася к нему мужие, и бе воевода полка мятежнаго, егда убиваше я Давид: и идоша в Дамаск, и седоша в нем, и воцаришася в Дамасце. 25 И бе стужая Израилеви во вся дни Соломони: сия злоба Адера: и отягчи Израиля и воцарися в земли Едомстей. 26 И Иеровоам сын Наватов, Ефрафанин от Сариры, сын жены вдвоицы, раб Соломонов, и воздвиже руце на царя Соломона. 27 И сия вина, яко воздвиже руце на царя Соломона: царь Соломон созидаше Краеградие и ограждаше стеною град Давида отца своего: 28 Иеровоам же человек крепок силою. И виде Соломон отрока, яко муж дел есть, и постави его над бременими дому Иосифова. 29 И бысть во время оно, и Иеровоам изыде из Иерусалима, и обрете его Ахиа Силонитянин пророк на пути, и соврати его с пути: и бе Ахиа облечен в ризу нову: и (беста) оба едины на поли. 30 И взя Ахиа за ризу свою новую, яже бе на нем, и раздра ю на дванадесять жребий, 31 и рече Иеровоаму:

приими себе десять жребий, яко тако глаголет Господь Бог Израилев: се, аз отторгаю царство из руки Соломона, и дам ти хоругвий десять: 32 и две хоругви будут ему, раба ради Моего Давида и Иерусалима ради града, егоже избрах Себе от всех колен Израилевых, 33 занеже остави Мя и поклонися Астарте мерзости Сидонстей и Хамосу и кумиром Моавлим и царю их претыканию сынов Аммоних, и не поиде по путем Моим, еже творити угодная предо Мною, якоже Давид отец его: 34 и не отиму царства всего от руку его, понеже защищая защищу его во вся дни живота его, Давида ради раба Моего, егоже избрах, иже сохрани заповеди Моя и оправдания: 35 и отиму царство от руки сына его, и дам ти десять хоругвий, 36 сыну же его дам две хоругви, яко да будет престол рабу Моему Давиду во вся дни предо Мною во Иерусалиме граде, егоже избрах Себе на положение имени Моему тамо: 37 и прииму тя, и воцаришися, в нихже желает душа твоя, и ты будеши царь над Израилем: 38 и будет аще сохраниши вся, елика заповедаю ти, и поидеши по путем Моим, и сотвориши угодная предо Мною, хранити заповеди Моя и повеления Моя, якоже сотвори Давид раб Мой, и буду с тобою, и созижду ти дом верен, якоже создах Давиду, и дам ти Израиля: 39 и озлоблю род Давидов за сия, но не во вся дни. 40 И искаше Соломон убити Иеровоама. И воста Иеровоам, и убежа во Египет к Сусакиму царю Египетску, и бе во Египте, дондеже Соломон умре. 41 И прочая словес Соломоных, и вся елика сотвори, и весь смысл его, не се ли, сия писана быша в книзе словес Соломоных? 42 И дние, в няже царствова Соломон во Иерусалиме над всем Израилем, четыредесять лет. 43 И успе Соломон со отцы своими: и погребоша его во граде Давида отца его, и воцарися Ровоам сын его вместо его.

12 И иде царь Ровоам в Сикиму, яко в Сикиму прииде весь Израиль воцарити его. 2 И бысть егда услыша Иеровоам сын Наватов, сушу ему еще во Египте, яко убегл бе от лица Соломона, и возвратися Иеровоам из Египта: 3 и послаша, и призваша его. И прииде Иеровоам и весь сонм Израилев, и рекоша людие к царю Ровоаму глаголюще: 4 отец твой отягчи ярем наш, ты же ныне облегчи от работы отца твоего жестокия и от ярма его тяжкаго, егоже возложи на ны, и поработаем ти. 5 И рече к ним: отидите (и пребудите) до третияго дне, и возвратитесь ко мне. И идоша. 6 И возвести Ровоам царь старейшинам, иже быша предстояще пред Соломоном отцем его, еще живу ему суцу, глаголя: како вы мыслите, да отвещают людие сим слово? 7 И реша ему, глаголюще: аще в днешний день будеши раб людем сим и поработаеши им, и речеши им словеса блага, и будут ти раби во вся дни. 8 И пренебреже совет старейшин, яже совещаша ему, и советова со отроки воспитанными с ним предстоящими пред лицом его, 9 и рече им: что вы совещаете? И что отвещают людие сим, иже реша ко мне, глаголюще: облегчи наш ярем, егоже возложи отец твой на ны? 10 И глаголаша к нему отроки воспитанныи с ним и реша ему: сице да глаголеши людем сим, иже реша к тебе, глаголюще: отец твой отягчи ярем наш: ты же ныне облегчи

от нас: сия речеши к ним: юность моя толстее чресл отца моего: 11 и ныне отец мой наложи на вы ярем тяжек, аз же приложу к ярму вашему: отец мой наказа вы ранами, аз же накажу вы скорпионами. 12 И прииде весь Израиль к царю Ровоаму в день третий, якоже рече им царь, глаголя: возвратитесь ко мне в день третий. 13 И отвещаша царь к людем жестоко: и остави царь Ровоам совет старейшин, яже совещаша ему, 14 и рече к ним по совету отроков, глаголя: отец мой отягчи ярем ваш, аз же приложу к ярму вашему: отец мой наказа вы ранами, аз же накажу вы скорпионами. 15 И не послуша царь людей, иже не превращение от Господа, яко да утвердит глаголгол Свой, егоже глагола рукою Ахии Силонитянина о Иеровоаме сыне Наватове. 16 И виде весь Израиль, яко не послуша царь гласа их, и отвещаша людие царю, глаголюще: кая нам часть в Давиде? И несть нам наследия в сыне Иессеево: бежи, Израилю, в кровы своя: ныне паси дом твой, Давиде. И отиде Израиль в кровы своя. 17 Над сынми же Израилевыми, иже живяху во градех Иудиных, воцарися Ровоам над ними. 18 И посла царь Ровоам Адонирама, иже над данию, и поби его камением весь Израиль, и умре. Царь же Ровоам потчася взыти на колесницу убежати во Иерусалим. 19 И отложися Израиль от дому Давидова даже до днесь. 20 И бысть егда услыша весь Израиль, яко возвратися Иеровоам от Египта, и послаша, и призваша его на собор, и воцариша его над Израилем: и не бе вслед дому Давидова, токмо хоругвь Иудина и Вениаминова. 21 И Ровоам вниде во Иерусалим и собра весь сонм Иудин и хоругвь Вениаминоу, сто и двадесять тысяч юношей, творящих брань, ратовати на дом Израилев, еже возвратити царство Ровоаму сыну Соломону. 22 И бысть слово Господне ко Самею человеку Божию, глаголя: 23 рцы к Ровоаму сыну Соломону царю Иудину и ко всему дому Иудину и Вениаминову и ко оставшымся людем, глаголя: 24 тако глаголет Господь: не восходите, ниже ратуйте на братию вашу, на сыны Израилевы: но возвратитесь кийждо в дома своя, яко от Мене бысть глаголгол сей. И послушаша словесе Господня, и престаша ити по глаголголу Господню. 25 И созда Иеровоам Сикиму в горе Ефремели, и вселися в ней, и изыде оттуду, и созда Фануила. 26 И рече Иеровоам в сердцы своем: се, ныне возвратится царство в дом Давидов, 27 аще въздут людие сии вознести жертву в храме Господни во Иерусалим, и обратится сердце людей ко Господу и господину своему, к Ровоаму царю Иудину, и убьют мя, и возвратятся к Ровоаму царю Иудину. 28 И усоветова царь, и сотвори две юницы златы, и рече к людем: довлеет вам восходить во Иерусалим: се, бози твои, Израилю, изведшии тя из земли Египетския. 29 И постави едину в Вефили, а другую в Дане. 30 И бысть слово сие на согрешение, и идяху людие пред лицом юницы единыя даже до Дана, и оставиша храм Господень. 31 И сотвори капища на высоких, и сотвори жерцов часть от людей, иже не беша от сынов Левиных. 32 И сотвори Иеровоам праздник в осмый месяц в пятнадцатый день месяца, по празднику, иже в земли бе Иудине, и възиде на олтарь, егоже сотвори в Вефили, жрети юницам, яже сотвори, и постави в Вефили жерцы на

высоких, яже сотвори. 33 И взыде на олтарь, егоже сотвори в Вефили, в осмый месяц, в пятыйнадесять день в праздни, егоже состави по сердцу своему: и сотвори праздник сыном Израилевым, и взыде на олтарь еже пожрети.

13 И се, человек Божий прииде от Иуды по словеси Господню в Вефиль, и Иеровоам стояше на олтари своем жрети хотя: 2 и воззва ко олтарю словом Господним и рече: олтарю, олтарю, сице глаголет Господь: се, сын раждается дому Давидову, Иосиа имя ему, и пожрет на тебе жерцы, иже на высоких жрущыя на тебе, и кости человеческия сожжет на тебе. 3 И даст в день той чудо, глаголя: сей глаголгол, егоже рече Господь, глаголя: се, олтарь разсядется, и излиется тук иже на нем. 4 И бысть егда услыша царь Иеровоам словеса человека Божия воззвавшего ко олтарю иже в Вефили, и простре царь руку свою от олтаря, глаголя: имите его. И се, усше рука его, юже простре нань, и не можаше возвратити ю к себе: 5 и олтарь разседеся, и излился тук от олтаря, по чудеси, еже даде человек Божий словом Господним. 6 И рече царь Иеровоам человеку Божию: помолися ныне пред лицом Господа Бога твоего, дабы возвратилася рука моя ко мне. И помолися человек Божий пред лицом Господним, и возвратися рука царя к нему, и бысть якоже прежде. 7 И глагола царь к человеку Божию: вниди со мною в дом, и обедай, и дам ти дар. 8 И рече человек Божий к цареву: аще даси ми пол дому твоего, не вниду с тобою, ниже ям хлеба, ниже пию воды на месте сем, 9 яко тако заповеда ми Господь словом, глаголя: ни яждь хлеба, ни пий воды, ниже возвратися путем, имже шел еси. 10 И отиде путем иным, и не возвратися путем, имже прииде во Вефиль. 11 И пророк един стар живяше в Вефили, и приидоша сынове его и поведаша ему вся дела, яже сотвори человек Божий в день той в Вефили, и словеса, яже глагола цареву, поведаша отцу своему. 12 И рече к ним отец его, глаголя: киим путем иде? И показаша ему сынове его путь, имже иде человек Божий изшедый от Иуды. 13 И рече сыном своим: оседлайте ми осля. И оседлаша ему осля, и вседе на не, 14 и иде вслед человека Божия, и обрете его под дубом седяща, и рече ему: ты ли еси человек Божий пришедый от Иуды? И рече ему: аз. 15 И рече ему: гряди со мною, и яждь хлеб. 16 И рече ему: не могу возвратитися с тобою, ниже ям хлеба, ни пию воды на месте сем, 17 яко тако заповеда ми Господь словом, глаголя: не яждь хлеба тамо, ниже пий воды тамо, и да не возвратишися путем тем, имже шел еси. 18 И рече к нему: и аз пророк есмь якоже ты, и Ангел глагола ко мне словом Господним, глаголя: возврати его к себе в дом твой, да снес хлеба и пиет воду. И солга ему, 19 и возврати его: и яде хлеб, и пи воду в дому его. 20 И бысть им седящим на трапезе, и бысть слово Господне ко пророку возвращшему его. 21 И рече к человеку Божию пришедшему от Иуды, глаголя: сице глаголет Господь: понеже преогорчил еси глаголгол Господень и не сохранил еси заповеди, юже заповеда тебе Господь Бог твой, 22 и возвратися ял еси хлеб и пил еси воду на месте сем, о немже рече к тебе, глаголя: да не яси

хлеба и не пиеш воды: сего ради не внидет во гроб тело твое о отцы твоими. 23 И бысть по ядени хлеба и по питию воды, и оседла осля тому пророку, и возвратися, и отиде: 24 и обрете его лев на пути, и умертви его: и бе тело его повержено на пути, и осел стояше над ним, и лев стояше близ телесе (его): 25 и се, мужие мимоидуще, и видеша мертва повержена на пути и льва стояща близ мертвого: и приидоша, и поведаша во граде, в немже живяше пророк старый. 26 И услыша (сие пророк) возвративый его с пути и рече: человек Божий сей есть, иже преступи глаголгол Божий, и предаде его Господь льву, и сокруши его, и умертви его по глаголголу Господню, егоже рече ему. 27 И повеле сыном своим, глаголя: оседлайте ми осля. И оседлаша. 28 И поиде, и обрете тело его повержено на пути, и осел и лев стояста над телом, и не снде лев телесе человека Божия и не сокруши осла. 29 И взя пророк тело человека Божия, и возложи е на осля, и возврати е пророк, и вниде во град погребсти его, 30 и положи тело его во гробе своем, и рыдаше по нем: увы, брате. 31 И бысть по рыдании о нем, и рече к сыном своим, глаголя: аще умру, погребите мя во гробе сем, идеже человек Божий погребен есть, при костех его положите мя, да спасутся кости моя с костями его, 32 яко сбудется глагол, егоже глагола словом Господним о олтари, иже во Вефили, и о домех высоких, иже в Самарии. 33 И по глаголе сем не обратися Иеровоам от злобы своея, и возвратися, и сотвори от части единых людей жерцы высоких: иже хотяше, исполняше руку свою, и бываше жрец на высоких. 34 И бысть глагол сей в прегрешение дому Иеровоамлю, и на испровержение, и на исчезновение от лица земли.

14 Во время оно разболеса Авиа сын Иеровоамль. 2 И рече Иеровоам к жене своей: востани и измени ризы своя, да не познают, яко ты жена Иеровоамова, и иди в Силом: се бо, тамо Ахиа пророк: той глагола мне еже царствовать над людьми сими: 3 и возми в руке твоей человеку Божию десять хлебов, и опресноки чадом его, и гроздие и сосуд меда, и иди к нему: той возвестит ти, что будет отрочати. 4 И сотвори тако жена Иеровоамля: и воста и иде в Силом, и вниде в дом Ахиин: человек же стар баше еже видети, и притупистася очи его от старости его. 5 И рече Господь ко Ахии: се, жена Иеровоамова входит вопрошати тя о сыне своем, яко болезнует: по сему и по сему да глаголеши к ней. И бысть внегда внити ей, и она страннаявляшеся. 6 И бысть егда услыша Ахиа шум ног ея, входящей ей во врата, и рече: вниди, жена Иеровоамова, почто ты тако страннаявляешися? Аз бо есмь посланник к тебе жесток: 7 шедши рцы Иеровоаму: сия глаголет Господь Бог Израилев: понеже толико вознесох тя от среды людей, и дах тя вожда над людьми Моими Израилем, 8 и раздрах царство от дому Давидова, и дах е тебе, ты же не был еси якоже раб Мой Давид, иже сохрани заповеди Моя, и иже хождаше вслед Мене всем сердцем своим, еже творити всякую правоту пред очима Моима, 9 и излукавствовал еси, еже творити паче всех елицы быша

пред лицом твоим, и пошел еси и сотворил еси себе боги чужды и слияны, еже раздражити Мя, и отвергл Мя еси назад себе: 10 сего ради се, Аз навожду злая на дом Иеровоамов, и потреблю Иеровоамля мочащаго к стене, держащагося и оставленаго во Израили, и истреблю дом Иеровоамов, якоже истребляется гной, дондеже скончатися ему: 11 умерших Иеровоамлих во граде снесят пси, и умершаго на селе снесят птицы небесныя, яко Господь глагола: 12 ты же воставши иди в дом твой: внигда входити ногама твоима во град, умрет дитище, 13 и восплачется по нем весь Израиль, и погребут его, яко той един внидет Иеровоаму во гроб, яко обретесе в нем глагол благ о Господе Боже Израилеве в дому Иеровоамли: 14 и возставит Господь Себе царя над Израилем, иже поразит дом Иеровоамов в сей день: а что, и ныне? 15 И поразит Господь Бог Израиля, якоже колеблется трость на воде: и истребит Израиля свыше земли благия сея, юже даде отцем их, и завеет их за ону страну реки, понеже сотвориша дубравы своя, прогневнояюще Господа, 16 и предаст Господь Израиля за грехи Иеровоамли, иже согреси и иже во грех введе Израиля. 17 И воста жена Иеровоамля и прииде во Сариру. И бысть егда вниде в преддверие дому, и дитище умре. 18 И погребоша его, и плакашася его весь Израиль по словеси Господню, еже глагола рукою раба Своего Ахии пророка. 19 И останок словес Иеровоамовых, елика ратоваше и елика царствоваше, се, сия написана в книзе словес дний царей Израилевых. 20 И дние, в нихже царствова Иеровоам, двадесять два лета: и успе со отцы своими, и воцарися Нават сын его вместо его. 21 Ровоам же сын Соломонов царствова над Иудю: бе четыредесяти и единого лета, егда нача царствовати, и седьмнадцать лет царствова во Иерусалиме граде, егоже избра Господь положити имя Свое тамо от всех племен Израилевых. И имя матере его Наама Амманитяныня. 22 И сотвори Ровоам лукавое пред Господем: и раздражи Его о всех, яже сотвориша отцы их, о гресех их, имижже согрешиха: 23 и создаша сии себе высокая, и столпы, и капища на всяцем холме высокоем и под всяцем древом сеновным: 24 и смешение бе в земли их, и сотвориша от всех мерзостей языческих, яже отя Господь от лица сынов Израилевых. 25 И бысть в лето пятое царствующаго Ровоама, възиде Сусаким царь Египетский на Иерусалим 26 и взя вся сокровища дому Господню и сокровища дому царева, и копия золотая, яже взя Давид из руки отроков Адраазара царя Суvsкаго и внесе я во Иерусалим: вся сия взя, и щиты золотыя, яже сотвори Соломон, и внесе я во Египет. 27 И сотвори царь Ровоам щиты медяныя вместо тех, и постави над ними властели от предходящих пред ним, иже храняху врата дому царева: 28 и бысть егда вхождаше царь в дом Господень, и ношаху оныя предходящии, и паки возвращаху тыя во оружехранилище предходящих. 29 Прочая же словес Ровоамлих, и вся яже сотвори, не се ли, сия писана суть в книзе словес дний царства Иудина? 30 И брань бе между Ровоамом и между Иеровоамом во вся дни. 31 И успе Ровоам со отцы своими, и погребен бысть со отцы своими во граде Давидове. И воцарися Авиа сын его вместо его.

15 И во осмоенадесять лето царства Иеровоама сына Наватова, воцарися Авиа сын Ровоамль над Иудю, 2 и три лета царствова во Иерусалиме. Имя же матере его Мааха, дщи Авессаломля. 3 И хождаше во всех гресех отца своего, яже сотвори пред ним, и не бе сердце его совершенно с Господем Богом его, якоже сердце Давида отца его: 4 яко Давида ради остави ему Господь Бог его останок во Иерусалиме, да возставит по нем чада его и утвердит Иерусалим, 5 понеже сотвори Давид правое пред Господем и не уклонися от всех, яже заповеда ему вся дни живота его, кроме слова Урии Хеттеанина. 6 И брань бе между Ровоамом и между Иеровоамом во вся дни живота их. 7 И прочая словес Авиных, и вся яже сотвори, не се ли, сия написана в книзе слов дний царей Иудиных? И брань бе между Авию и между Иеровоамом. 8 И успе Авиа со отцы своими в двадесятое лето Иеровоама, и погребоша его со отцы его во граде Давидове. И воцарися Аса сын его вместо его. 9 И в лето двадесятое Иеровоама царя Израилева, царствоваше Аса над Иудю, 10 и четыредесять и единое лето царствова во Иерусалиме. Имя же матере его Ана, дщи Авессаломля. 11 И сотвори Аса правое пред Господем, якоже Давид отец его, 12 и отя скверная от земли, и искорени вся изваянная, яже сотвориша отцы его, 13 и Ану мать свою отстави еже не владети ей, понеже сотвори сонмище в Дубраве своей: и исече Аса Гай ея и сожже огнем в потоце Кедрстем: 14 высоких же не искорени, обаче сердце Асы бе совершенно пред Господем во вся дни его: 15 и внесе столпы отца своего, и столпы своя внесе во храм Господень серебряны и золаты, и сосуды. 16 И брань бе между Асою и между Ваасом царем Израилевым во вся дни их. 17 И възиде Вааса царь Израилев на Иуду и созда Раму, яко не быти на исхождение и вхождение Асе царю Иудину. 18 И взя Аса все серебро и золото обретшееся в сокровищах дому Господню и в сокровищах дому царева и даде я в руке отрок своих: и посла их царь Аса ко сыну Адерову сыну Таверема во Рамман, ко сыну Азаила, царя Сирскаго, живущаго в Дамасце, глагола: 19 положи завет между мною и тобою, и между отцем моим и отцем твоим: се, послах ти дары, серебро и золото: прииди, разруши завет твой, иже со Ваасою царем Израилевым, да отидет от мене. 20 И послуша сын Адеров царя Асы, и посла воеводы сил своих на грады Израилевы, и поразиша Аина и Дана, и Авеля, Дому Маахиина, и весь Хеннереф, даже до всея земли Неффалимли. 21 И бысть яко услыша Вааса, и остави созидати Раму, и возвратися во Ферсу. 22 Царь же Аса заповеда всему Иуде во енакиме, и взяша камене из Рамы и древа ея, имижже основа Вааса, и созда в них царь Аса всяк Холм Вениаминь и Стражища. 23 Прочая же словес Асиных, и вся сила его, и вся яже сотвори, и грады яже созда, не се ли, сия писана суть в книзе словес дний царей Иудиных? Обаче во время старости своя начат болети ногама своима: 24 и успе Аса со отцы своими, и погребен бысть во граде Давида отца своего. И воцарися Иосафат сын его вместо его. 25 Нават же сын Иеровоамль нача царствовати над Израилем во второе лето Асы царя

Иудина, и царствова над Израилем два лета, 26 и сотвори лукавое пред Господем, и хождаше путем отца своего и во гресех его, имиже согрешити сотвори Израилю. 27 И обседе его Вааса сын Ахиин в дому Велаана сына Ахиина, и уби его во Гавафоне иноплеменничи: Нават же и весь Израиль обседоша Гавафон. 28 И умертви его Вааса в лето третье Асы царя Иудина, и воцарися вместо его. 29 И бысть егда воцарися, изби весь дом Иеровоамль и не остави ничтоже от всего дыхания Иеровоамля, дондеже искорени их по глаголу Господню, егоже глагола рукою раба Своего Ахии Силонитскаго, 30 грех ради Иеровоамлих, иже согреша, иже введе во грех Израиля, и в прогневании его, иже прогнева Господа Бога Израилева. 31 И прочая словеса Навата, и вся яже сотвори, не се ли, сия писана суть в книзе словес дний царей Израилевых? 32 И быше брань между Асою (царем Иудиным) и Ваасою царем Израилевым во вся дни их. 33 И в третье лето Асы царя Иудина царствова Вааса сын Ахиин над всем Израилем во Ферсе двадцать и четыре лета, 34 и сотвори лукавое пред Господем, и иде путем Иеровоама сына Наватова, и во гресех его, имиже в согрешение приведе Израиля.

16 И бысть слово Господне рукою Иуа сына Ананиева ко Ваасе, глаголя: 2 понеже вознесох тя от земли и дах тя властеля над людьми Моими Израилем, и пошел еси путем Иеровоамлим и ввел еси в грех люди Моя Израиля, еже прогневати Мя суетными их: 3 се, аз отвергу наследие Ваасы и наследие дому его, и сотворю дом твой яко дом Иеровоама сына Наватова: 4 умершаго Ваасова во граде снедят его пси, и умершаго на поли снедят его птицы небесныя. 5 И прочая словес Ваасовых, и вся яже сотвори, и сильная его, не се ли, суть писана в книзе словес дний царей Израилевых? 6 И успе Вааса со отцы своими, и погребен бысть во Ферсе, и воцарися Ила сын его вместо его. 7 И рукою Иуа сына Ананиа пророка глагола Господь на Ваасу и на дом его всю злобу, юже сотвори пред Господем, еже прогневати Его делами рук своих, быти ему якоже и дому Иеровоамлю, и о еже ему поражену быти. 8 В лето двадцать шестое Асы царя Иудина, царствова Ила сын Ваасин над Израилем во Ферсе два лета. 9 И воздвиже (Господь) на него отроки его, и Замвриа воеводу половины конников: и Ила бе во Ферсе упиваяся, и пьян сый в дому Арсы домостроителя во Ферсе: 10 и вниде Замврий, и поразы его, и умертви его, в лето двадцать седмое Асы царя Иудина, и воцарися вместо его. 11 И бысть царствующу ему, внегда сести ему на престоле его, и изби весь дом Ваасов: не остави ему мочащаго к стене, и ужиков его, и друга его. 12 И изби Замврий весь дом Ваасов по глаголу Господню, егоже глагола на дом Ваасов и ко Иую пророку, 13 о всех гресех Ваасовых и Илы сына его, яко сотвори согрешити Израилю, еже разгневати Господа Бога Израилева суетными их. 14 Прочая же словес Илы, яже сотвори, не се ли, сия писана в книзе словес дний царей Израилевых? 15 В лето двадцать седмое Асы царя Иудина царствова Замврий семь дний во Ферсе: и бе полк Израилев на Гавафон иноплеменнический. 16 И слышаша людие сущи

в полце, глаголющих: превратися Замврий и порази царя. И поставиша царем во Израили Амвриа воеводу, иже над воями во Израили в день он в полце. 17 И възиде Амврий и весь Израиль с ним от Гавафона и обседе Ферсу. 18 И бысть егда увиде Замврий, яко предвзят бысть град его, и вниде во внутренний дом царский, и зажже над собою дом царев огнем, и умре 19 за грехи своя, яже сотвори, сотворения ради лукавого пред Господем, еже ходити путем Иеровоама сына Наватова, и во гресех его, яже сотвори, яко введе во грех Израиля. 20 И прочая словес Замвриинных, и наветы его, яже советца, не се ли, сия суть писана в книгах словес дний царей Израилевых? 21 Тогда разделишася людие Израилстии, пол людий бысть за Фамнием сыном Гонафовым, яко да царствует он, и пол людий бысть со Амврием. 22 Людие же сущи по Амврии превозмогаша людий бывших со Фамнием сыном Гонафовым и умре Фамний и Иорам брат его во время оно, и воцарися Амврий по фамнии. 23 В лето тридцать первое Асы царя Иудина царствова Амврий во Израили дванадцать лет, во Ферсе же шесть лет царствова. 24 И купи Амврий гору Семерон у Семира господина горы двема таланты сребра, и созда гору, и нарече имя горе, юже созда, во имя Семира господина горы оныя, гора Семирон. 25 И сотвори Амврий лукавое пред Господем, и прелукавнова паче всех бывших пред ним: 26 и хождаше по всем путем Иеровоама сына Наватова и во гресех его, имиже введе во грех Израиля, еже разгневати Господа Бога Израилева в суетных их. 27 И прочая словес Амвриевых, и вся яже сотвори, и вся сила его, не се ли, сия писана в книзе словес дний царей Израилевых? 28 И успе Амврий со отцы своими, и погребен бысть в Самарии. И воцарися Ахаав сын его вместо его. 29 Ахаав же сын Амвриев воцарися над Израилем в лето тридцать осмое Асы царя Иудина: царствова же Ахаав сын Амвриев над Израилем в Самарии двадцать два лета: 30 и сотвори Ахаав лукавое пред Господем, и прелукавнова паче всех бывших прежде его: 31 и не бе ему довольно, еже ходити во гресех Иеровоама сына Наватова, и взя жену Иезавель дщерь Иефеваала царя Сидонскаго: и иде, и нача служити Ваалу, и поклонится ему, 32 и постави требище Ваалу в дому мерзостей его, егоже созда в Самарии: 33 и сотвори Ахаав дубраву: и приложи Ахаав творити прогневания, еже разгневати Господа Бога Израилева и душу свою погубити: злодействова паче всех царей Израилевых бывших прежде его. 34 Во дни же его созда Ахиил Вефиланин Иерихон: на Авироне первороднем своем основа его, и на Сегуе юнейшем своем постави двери его, по глаголу Господню, егоже глагола рукою Иисуса сына Навина.

17 И рече Илия пророк Фесвитянин, иже от фесвии Галаадския, ко Ахааву: жив Господь Бог сил, Бог Израилев, Емуже предстою пред Ним, аще будет в лета сия роса и дождь, точию от уст словесе моего. 2 И бысть глагол Господень ко Или: 3 иди отсюда на восток и скрыйши в потоце Хорафа прямо лицу Иорданову: 4 и будеши пити от потока воду, и враном заповедах препитати тя тамо. 5

И сотвори Илия по глаголу Господню, и седе при потоце Хорафове прямо лицу Иорданову: 6 и вранове приношаху ему хлебы и мяса завтра, и хлебы и мяса к вечеру, и от потока пияше воду. 7 И бысть по днех, и исше источник, яко не бе дождя на землю, 8 и бысть глагол Господень ко Илии глаголя: 9 востани и иди в Сарепту Сидонскую, и пребуди тамо: се бо, заповедах тамо жене вдовице препитати тя. 10 И воста и иде в Сарепту Сидонскую, и прииде ко вратом града: и се, тамо жена вдова собираше дрова. И возопи Илия вслед ея и рече ей: принеси ныне ми мало воды в сосуде, и испию. 11 И иде взяти. И возопи вслед ея Илия и рече ей: приими убо мне и узрех хлеба в руще своей, да ям. 12 И рече жена: жив Господь Бог твой, аще есть у мене опреснок, но токмо горсть муки в водоносе и мало елеа в чванце: и се, аз соберу два поленца, и вниду, и сотворю е себе и детям моим, и снемы е, и умрем. 13 И рече к ней Илия: дерзай, вниди и сотвори по глаголу твоему: но сотвори ми оттуду опреснок мал прежде, и принеси ми, себе же и чадом своим да сотвориши послеще, 14 яко тако глаголет Господь Бог Израилев: водонос муки не оскудеет, и чванец елеа не умалится до дне, дондеже даст Господь дождь на землю. 15 И иде жена, и сотвори по глаголу Илиину, и даде ему, и яде той, и та, и чада ея. 16 И от того дне водонос муки не оскуде, и чванец елеа не умалися, по глаголу Господню, егоже глагола рукою Илииною. 17 И бысть по сих, и разболеся сын жены госпожи дому, и бе болезнь его крепка зело, дондеже не остана в нем дух его. 18 И рече ко Илии: что мне и тебе, человеце Божий? Вшел еси ко мне воспомянуги неправды моя и уморити сына моего. 19 И рече Илия к жене: даждь ми сына твоего. И взят его от недра ея, и вознесе его в горницу, идеже сам почиваше, и положи его на одре своем. 20 И возопи Илия ко Господу и рече: увы мне, Господи, свидетелю вдовы, у неяже аз ныне пребываю, Ты озлобил еси еже уморити сына ея. 21 И дуну на отрочища трижды, и призва Господа и рече: Господи Боже мой, да возвратится убо душа отрочища сего в онь. 22 И бысть тако: и возопи отрочищъ, 23 и сведе его с горницы в дом, и даде его матери его. И рече Илия: виждь, жив есть сын твой. 24 И рече жена ко Илии: се, уразумех, яко человек Божий еси ты, и глагол Господень во устех твоих истинен.

18 И бысть по днех мнозех, и глагол Господень бысть ко Илии в лето третье глаголя: иди и явися Ахааву, и дам дождь на лице земли. 2 И иде Илия ко Ахааву явитися, и бе глад крепок в Самарии. 3 И призва Ахаав Авдия строителя дому: и Авдий бе бояся Господа зело. 4 И бысть егда нача избивати Иезавель пророки Господни, и взя Авдий сто мужей пророки и скры я по пятидесяти во двоих вертепех и кормяше их хлебом и водою. 5 И рече Ахаав ко Авдию: гряди, и преидем на землю, и на источники водныя, и на вся потоки, да негли како обрящем былие и прекорим кони и мски, да не изгибнут от скот. 6 И разделиша себе путь ити по нему: Ахаав иде путем единым един, и Авдий иде путем другим един. 7 И бе Авдий един на пути: и прииде Илия на сретение ему един. И Авдий потщася, и паде на лице свое и рече: ты ли еси сам, господи мой Илие? 8 И рече Илия ко

Авдию: аз есмь: иди и повеждь господину твоему, глаголя: се, Илия. 9 И рече Авдий: что согреших аз, яко предаеши раба твоего в рущу Ахаавли еже умертвити мя? 10 Жив Господь Бог твой, аще есть язык или царство, аможе не посла господин мой искати тебе: и реша, несть: и закля царство и страны его, яко не обрете тебе: 11 и ныне ты глаголеши ми: иди, возвести господину твоему: се, Илия: 12 и будет егда аз отиду от тебе, и Дух Господень возмет тя в землю, еяже не вем, и вниду возвестити Ахааву, и не обрящет тебе, и убьет мя: раб же твой есть бояйся Господа от юности своея: 13 или не возвестити тебе господину моему, яко сотворих, егда убиваше Иезавель пророки Господни, и сокрых пророки Господни сто мужей, по пятидесяти в вертепе, и кормих их хлебом и водою? 14 И ныне ты глаголеши ми: иди, повеждь господину твоему: се, Илия: и убьет мя. 15 И рече Илия: жив Господь Сил, емуже предстою пред Ним, яко днешь покажуся ему. 16 И иде Авдий во сретение Ахааву и возвести ему. И ускори Ахаав и иде во сретение Илии. 17 И бысть егда узре Ахаав Илию, и рече Ахаав ко Илии: ты ли еси развращай Израиля? 18 И рече Илия: не развращаю аз Израиля, но разве ты и дом отца твоего, егда остависте вы Господа Бога вашего и идосте вслед Ваала: 19 и ныне послы и собери ко мне всего Израиля на гору Кармилскую, и пророки студныя Вааловы четыреста и пятьдесят, и пророков дубравных четыреста, ядущих трапезу Иезавелину. 20 И посла Ахаав во весь Израиль, и приведе вся пророки на гору Кармилскую. 21 И приведе ко всем им Илию, и рече им Илия: доколе вы храмлете на обе плесне ваши? Аще есть Господь Бог, идите вслед Его: аще же Ваал есть, то идите за ним. И не отвещаша людие словесе. 22 И рече Илия к людем: аз останах пророк Господень един: и пророцы Вааловы четыреста и пятьдесят мужей, и пророков дубравных четыреста. 23 (И рече Илия:) да дадут нам два вола, и да изберут себе одинаго, и да растешут и (на уды), и возложат на дрова, и да не вознетят огня: и аз растешу вола другаго, и возложу на дрова, и огня не возгнещу: 24 и да призовете имена богов ваших, и аз призову имя Господа Бога моего: и будет Бог, Иже аще послушает огнем, Той есть Бог. И отвещаша вси людие и реша: добр глагол (Илийн), егоже глагола (да будет тако). 25 И рече Илия пророком студным: изберите себе юнца одинаго, и сотворите вы прежде, яко вас есть множество: и призовите имена богов ваших, и огня не возгнещайте. 26 И пояша юнца, и сотвориша (так), и призываху имя Ваалово от утра до полудне, и реша: послушай нас, Ваале, послушай нас. И не бе гласа, ни послушания. И ристаху около жертвенника, егоже сотвориша. 27 И бысть в полудне, и поругася им Илия Фесвитянин и рече: зовите гласом великим, яко бог есть, яко несправдность ему есть, и негли что ино строит, или спит сам, и встанет. 28 И зовяху гласом великим, и крояхуся по обычаю своему ножами, и мнози бишася бичми, до пролития крове своея, 29 и прорицаху, дондеже преиде вечер: и бысть егда прииде время възгнати жертве, и не бе гласа, ниже послушания. И рече Илия Фесвитянин пророком студным, глаголя: отступите ныне, да и аз сотворю жертву мою. И отступиша тии, и умолкнуша. 30

И рече Илия к людям: приступите ко мне. И приступиша вси людие к нему. 31 И взя Илия дванадесять камней по числу колен Израилевых, якоже глагола к нему Господь, глаголя: Израиль будет имя твое. 32 И созда камень во имя Господне, и изцели олтарь раскопанный, и сотвори море вмещающее две меры семене окрест олтаря. 33 И воскладе дрова на олтарь, егоже сотвори, и растеса на уды всесожегаемая, и возложи на дрова, и воскладе на олтарь. 34 И рече Илия: принесите ми четыри водоносы воды, и возливайте на всесожжение и на полена. И сотвориша тако. И рече: удвойте. И удвоиша. И рече: утройте. И утроиша. 35 И прохощаше вода окрест олтаря, и море исполнися воды. 36 И возопи Илия на небо и рече: Господи Боже Авраамов и Исааков и Иаковль, послушай мене, Господи, послушай мене днесь огнем, и да уразумеют вси людие сии, яко Ты еси Господь един Израилев, и аз раб Твой, и Тебе ради сотворих дела сия: 37 послушай мене, Господи, послушай мене огнем, и да разумеют вси людие сии, яко Ты еси (един) Господь Бог, и Ты обратил еси сердца людей сих вслед Тебе. 38 И спаде огонь от Господа с небесе, и пояде всесожегаемая, и дрова, и воду, яже в мори, и камень и персть полиза огонь. 39 И падоша вси людие на лице свое и реша: воистинну Господь Бог Той есть Бог. 40 И рече Илия к людям: поимайте пророки Вааловы, да ни един скрывается от них. И яша их, и веде я Илия на поток Киссов, и закла их тамо. 41 И рече Илия ко Ахааву: възды, и яждь и пей, яко глас есть дождевнаго хождения. 42 И възде Ахаав ясти и пити. Илия же възде на Кармил, и преклонися на землю, и положи лице свое между коленома своима, 43 и рече отрочищу своему: възды и воззри на путь морской. И възде, и воззре отрочищ, и рече: несть ничтоже. И рече Илия: и ты обратиш седмижды. 44 И обратиш отрочищ седмижды: и бысть в седмое, и се, облак мал, аки след ноги мужеския, возносящ воду из моря. И рече: възды и рцы Ахааву: впрязи колесницу твою и сниди, да не постигнет тебе дождь. 45 И бысть до zde и до zde, и небо примрачися облаки и духом, и бысть дождь велий. И плакася, и иде Ахаав до Иезраеля. 46 И рука Господня бысть на Илии, и стягне чресла своя, и тече пред Ахаавом во Иезраель.

19 И возвести Ахаав Иезавели жене своей вся, елика сотвори Илия, и яко изби пророки оружием. 2 И посла Иезавель ко Илии и рече: аще ты еси Илия, аз же Иезавель: сия да сотворят ми бози и сия да приложат ми, яко в сей же час утро положу душу твою, якоже душу единого от них. 3 И убояся Илия, и воста, и отиде души ради своя, и прииде в Вирсавию землю Иудину, и остави отрочище свое тамо, 4 сам же иде в пустыню дне путь, и прииде, и седе под смерчем, и проси души своей смерти, и рече: довлеет ныне (ми), возми убо от мене душу мою, Господи, яко несмь аз лучший отец моих. 5 И ляже, и успе под садом: и се, Ангел Господень коснулся ему и рече ему: востани, яждь и пей. 6 И воззре Илия: и се, у возглавия его опреснок ячменный и чванец воды. И воста, и яде и пи, и возвратися успе. 7 И обратиш Ангел Господень вторицею, и коснулся ему, и рече

ему: востани, яждь и пей, яко мног от тебе путь. 8 И воста, и яде и пи: и иде в крепости яди тоя четыредесять дний и четыредесять ночей до горы Божия Хорив. 9 И вниде тамо в пещеру, и вселися в ней. И се, глагол Господень к нему и рече: что ты zde, Илие? 10 И рече Илия: ревнуня поревновах по Господе (Бозе) Вседержители, яко оставиша Тя сынове Израилевы: олтари Твоя раскопаша, и пророки Твоя избиша оружием, и остах аз един, и ищут души моя изяти ю. 11 И рече: изыди утро и стани пред Господем в горе: и се, мимо пойдет Господь, и дух велик и крепок разорыа горы и сокрушая камень в горе пред Господем, (но) не в дусе Господь: и по дусе трус, и не в трусе Господь: 12 и по трусе огонь, и не во огни Господь: и по огни глас хлада тонка, и тамо Господь. 13 И бысть яко услыша Илия, покры лице свое милотию своею, и изыде и ста пред вертепом. И се, к нему бысть глас и рече: что ты zde, Илие? 14 И рече Илия: ревнуня поревновах по Господе Бозе Вседержители, яко оставиша завет Твой сынове Израилевы, и олтари Твоя раскопаша, и пророки Твоя избиша оружием, и остах аз един, и ищут души моя изяти ю. 15 И рече Господь к нему: иди, возвратися путем своим, и изыдеши на путь пустыни Дамасковы, и помажеш Азаила на царство Сирийское, 16 и Ииуа сына Намессиина помажеш на царство над Израилем, и Елиссеа сына Сафатова от Авелмаула помажеш вместо себе пророка: 17 и будет спасаемого от оружия Азаилева убьет Ииуй, и спасаемого от оружия Ииуина убьет Елиссея: 18 и оставиши во Израили седмь тысяч мужей, вся колена, яже не преклониша колена Ваалу, и всяка уста, яже не молишася ему. 19 И иде оттуда, и обрете Елиссеа сына Сафатова, и сей оряше двенадесятьма супругома волов пред ним, и той сам по двоюнадесяти супруг. И прииде Илия к нему, и поверже милоть свою на него. 20 И остави Елиссея волю, и тече вслед Илии, и рече: (молю тя,) да обლობыжу отца моего и матерь мою, и иду вслед тебе. И рече ему Илия: иди, возвратися, яко сотворих тебе. 21 И возвратися от него: и взя супруги волов, и закла, и испече я в сосудех воловных, и даде людям, и ядоша. И воста, и иде вслед Илии, и служаше ему.

20 И сын Адеров царь Сирский собра всю силу свою, и възшед обседе Самарию, и с ним тридесять два царя и вси конницы и колесницы: и въздоша, и обседоша Самарию, и ратоваша на ню: 2 и посла ко Ахааву царю Израилеву во град и рече к нему: сице глаголет сын Адеров: 3 сребро твое и злато твое мое есть, и жены твоя и чада твоя добрая моя суть. 4 И отвеща царь Израилев и рече: якоже глагола еси, господи мой царю, твой есмь аз и вся моя. 5 И возвратишася послы и реша: сице глаголет сын Адеров: аз посылах к тебе, глаголя: сребро и злато твое и жены твоя и чада твоя даждь мне: 6 яко в сей час утро пошлю рабы моя к тебе, и изыщут дом твой и дома отрок твоих, и будут вся желаемая очес их, на нихже аще возложат руки своя, и возмут. 7 И призва царь Израилев вся старейшины земли и рече: знайте ныне и видите, яко той зле просит, яко присла ко мне (глаголя) о женах моих и о сынех моих и о дочерех моих: сребра моего

и злата моего не возбраних ему. 8 И реша ему старейшины и вси людие: не послушай, ни восхощи (дати). 9 И рече послон сына Адерова: рцйте господину вашему: вся, ихже ради посылал еси к рабу твоему прежде, сотворю, сего же глагола не могу сотворити. И отидоша мужие (адеровы) и возвестиша ему слово. 10 И паки посла к нему сын Адеров, глаголя: сия да сотворят ми бози и сия да приложат, аще доволна будет персть Самарии горстем всех людей пещцев моих. 11 И отвеща царь Израилев и рече: доволно: да не хвалитса слячен, якоже прямой. 12 И бысть егда отвеща ему слово сие, бе пиющ сам и вси царие, иже бяху с ним в куцах: и рече отроком своим: сотворите вал. И Сотвориша вал над градом. 13 И се, пророк един прииде к Ахааву царю Израилеву и рече: сия глаголет Господь: видиши ли весь народ сей великий? Се, аз дам его днесь в руке твои, и уразумеши, яко аз (есмы) Господь. 14 И рече Ахаав: в чем? И рече: сице глаголет Господь: во отроцех князей градских. И рече Ахаав: кто начнет брань? И рече: ты. 15 И сочте Ахаав отроки князей градских, и бысть их двести тридесять и два: и по сих сочте люди вся сыны силы, семь тысяч. 16 И изыде в полудне: и сын Адеров пьян бе зело в Сокоффе сам и царие (иже с ним), тридесять два царя помощника ему. 17 И изыдоша отроцы воевод градских в первых. И посла сын Адеров, и возвестиша царю сирскому, глаголюще: мужие изыдоша из Самарии. 18 И рече им: аще на мир изыдоша, поимите их живых: и аще на брань изыдоша, живых поимите их, да не исходят из града. 19 И тии изыдоша из града отроцы воевод градских, и сила вслед их. 20 И порази кийждо противнаго себе, и удвои кийждо противнаго себе. И бежа Сирия: и погна их Израиль, и гонзе токмо сын Адеров царь Сирский на кони конника. 21 И изыде царь Израилев, и взя вся кони и колесницы, и порази язвою великою в Сирии. 22 И прииде пророк к царю Израилеву и рече: укрепися и разумей, и виждь, что сотвориши, яко преходящу лету сему, сын Адеров, царь Сирийский, приидет на тя. 23 И отроцы царя Сирийска реша ему: Бог гор Бог Израилев, а не Бог юдолий, сего ради укрепися паче нас: аще же сразимся с ними на равнине, истинно укрепимся паче их: 24 по глаголу же сему сотвори: распусти цари коегождо на место свое, и постави вместо их воеводы, 25 и пременим тебе силу вместо силы падшия у тебе, и кони вместо коней, и колесницы вместо колесниц, и сразимся с ними на равнине, и укрепимся паче их. И послуша гласа их и сотвори тако. 26 И бысть минувшу лету тому, и сочте сын Адеров Сирию, и взыде во Афеку на брань на Израиля. 27 И сынове Израилевы сочлишася и изыдоша во сретение им. И ополчшася Израилтяне противу им, аки два стада коз: Сириане же наполниша землю. 28 И прииде человек Божий и рече к царю Израилеву: сице глаголет Господь: понеже рече Сирия: Бог гор Господь Бог Израилев, и не Бог юдолий той, и дам силу великую сию в руку твою, и уразумеши, яко аз Господь. 29 И ополчшася тии противу им семь дней. И бысть в день седмый, и приближися брань, и порази Израиль Сириан, сто и двадесять тысяч пещцев во един день. 30 И бежаша оставшиися во Афеку град, и паде

стена на двадесять семь тысяч мужей оставшихся: сын же Адеров бежа и вниде в дом ложа, в чертог. 31 И реша к нему отроцы его: се, ныне вемы, яко царие дому Израилева милостиви суть: да возложим ныне вретища на чресла наша и ужа на выи наша, и изыдем ко царю Израилеву, да негли оживит души наша. 32 И препоясашася во вретища по чреслом своим, и возложиша ужа на выи своя, и приидоша к царю Израилеву и реша: раб твой сын Адеров глаголет: да живет душа моя. И рече: аще есть еще жив, брат ми есть. 33 И мужие за знак и в залог прияша слово от уст его, и реша: брат твой сын Адеров. И рече: идите и приведите его. И изыде к нему сын Адеров. И возведоша его к нему на колесницу. 34 И рече к нему: грады, яже взя отец мой от отца твоего, отдам тебе: и на исход сотвориши я себе в Дамасце, якоже положи отец мой в Самарии, и аз в завете пущу тя. И положи ему завет и отпусти его. 35 И человек один от сынов пророчих рече ко ближнему своему по словеси Господню: бий мя ныне. И не восхоте человек бити его. 36 И рече к нему: понеже не послушал еси гласа Господня, се, ты отидеши от мене, и порази ты лев. И отиде от него, и обрете его лев и порази его. 37 И обрете человека инаго и рече: бий мя ныне. И би его человек, и поразив сокруши его. 38 И иде пророк и предста царю Израилеву на пути и покры покрывалом очи свои. 39 И бысть егда мимоидяше царь, и сей возопи ко царю и рече: раб твой изыде на войну брани, и се, муж приведе ко мне мужа и рече ко мне: сохрани мужа сего: аще же отрешився отсочит, и будет душа твоя вместо души его, или талант отдаси сребра: 40 и бысть яко озресе раб твой семо и овамо, и сего не бысть. И рече к нему царь Израилев: се, суд твой при мне, сам себе убил еси. 41 И ускори и отя покрывало от очес своих. И позна его царь Израилев, яко от пророк сей есть. 42 И рече к нему: тако глаголет Господь: понеже испустил еси ты мужа пагубнаго из руки твоея, и будет душа твоя вместо души его, и людие твои вместо людий его. 43 И отиде царь Израилев к дому своему смущен и разслаблен, и прииде в Самарию.

21 И бысть по глаголах сих, и виноград един бе у Навуфеа Иезраилитянина при гумне Ахаава царя Самарийска. 2 И рече Ахаав к Навуфею, глаголя: даждь ми виноград твой, и будет ми во вертоград зелий, яко близ есть сей дому моего, и дам ти вместо сего виноград ин добр паче сего: аще же угодно пред тобою, дам ти сребро измену винограда сего, и будет ми во вертоград зелий. 3 И рече Навуфей ко Ахааву: да не будет мне от Господа Бога моего дати наследие отец моих тебе. 4 И прииде Ахаав в дом свой смущен и оскорблен о словеси, еже глагола к нему Навуфей Иезраилитянин, и рече: не дам тебе наследия отец моих. И бысть дух Ахаавль смущен, и успе на одре своем и покры лице свое и не яде хлеба. 5 И вниде Иезавель жена его к нему и рече к нему: что дух твой есть смущен, и не яси ты хлеба? 6 И рече к ней (Ахаав): яко глаголах Навуфею Иезраилитянину глаголя: даждь ми виноград твой за сребро: и аще хочеши, дам ти виноград ин вместо его: и рече: не дам ти наследия отец моих. 7 И рече к

нему Иезавель жена его: ты ли ныне твориши тако, царю Израилев? Востани и яждь хлеб и молча буди, аз же дам ти виноград Навуфеа Иезраилитянина. **8** И написа книгу на имя Ахаавле, и запечата ю печатью его, и посла книгу к старейшинам и свободным живущим с Навуфеем. **9** И писано бяше в книзе тако: поститесь постом и посадите Навуфеа и в начале людей: **10** и посадите два мужа сыны законопреступных противу ему, и да засвидетельствуют о нем, глаголюще, яко (не) благослови Бога и царя: и да изведут его и побьют камением, и да умрет. **11** И сотвориша тако мужие града его старейшии и свободнии живущии во граде его, якоже посла к ним Иезавель, и якоже писано бяше в книгах, яже посла к ним: **12** и нарекоша пост, и посадиша Навуфеа в начале людей, **13** и приидоста два мужа сынове законопреступных и седоста противу его, и засвидетельствоваша на него мужие отступницы Навуфеевы пред людьми, глаголюще: сей (не) благослови Бога и царя. И изведоша его вон из града и побиша его камением, и умре. **14** И послаша ко Иезавели, глаголюще: камением побьен бысть Навуфей и умре. **15** И бысть егда услыша Иезавель глаголющих, яко побьен Навуфей и умре, и рече Иезавель ко Ахааву: востани, наследуй виноград Навуфеа Иезраилитянина, иже не взя у тебе сребра, и уже несть Навуфей жив, но умре. **16** И бысть егда услыша Ахаав, яко убиен бысть Навуфей Иезраилитянин, и раздра ризы своя и облечется во вретнице. И бысть по сих, и воста и сниде Ахаав в виноград Навуфеа Иезраилитянина наследити его. **17** И рече Господь ко Илии Фесвитянину, глаголя: **18** востани и сниди на сретение Ахааву царю Израилеву, иже в Самарии, се бо, сей в винограде Навуфееве, яко сниде тамо наследити его: **19** и речеши ему, глаголя: сице глаголет Господь: понеже ты убил еси (Навуфеа) и приял еси в наследие (виноград его), сего ради тако глаголет Господь: на месте, идеже полизаша свинии и пси кровь его, тамо полижут и кровь твою, и блудницы измыются в крови твоей. **20** И рече Ахаав ко Илии: обрел ли еси мя, враже мой? И рече Илиа: обретох: понеже ты всуе продан еси сотвориши лукавое пред Господем, во еже разгневати Его: **21** сице глаголет Господь: се, аз наведу на тя злая и попалю задняя твоя, и искореню Ахаавля мочащагося к стене, и содержимыя и оставшихся во Израили: **22** и предам дом твой якоже дом Иеровоама сына Наватова, и якоже дом Ваасы сына Ахиина, о прогневаниих, имиже прогневал Мя еси, и грешити сотворил еси Израиля. **23** И ко Иезавели рече Господь, глаголя: пси снесят ю в предградии Иезраеля: **24** умершаго Ахаавля во граде снесят пси, и умершаго его на поли снесят птицы небесныя: **25** и в суете ты еси, Ахаав, яже продан бысть сотвориши лукавое пред Господем, яко преврати его Иезавель жена его. **26** И омерзися зело, еже ходити вслед мерзостей, яже сотвори Аморрей, егоже истреби Господь от лица сынов Израилевых. **27** И бысть егда услыша Ахаав словеса сия, умилися от лица Господня, и идяше плачяся, и раздра ризы своя, и препоясая вретичем по телу своему и постися: и бе облечен во вретнице от дне, в оньже уби Навуфеа Иезраилитянина, и хождаше скорбен. **28** И бысть

глагол Господень рукою раба его Илии о Ахааве, **29** и рече Господь: видел ли еси, яко умилися Ахаав от лица Моего? Сего ради не наведу зла во днех его: но во днех сына его наведу зло на дом его.

22 И седе три лета, и не бе брани между Сириею и между Израилем. **2** И бысть в лето третье, и сниде Иосафат царь Иудин к царю Израилеву. **3** И рече царь Израилев ко отроком своим: весте ли, яко моя есть Реммафа Галаадская, и мы молчим взяти ю от руки царя Сирийска? **4** И рече царь Израилев ко Иосафату: взыдеш ли с нами в Реммафу Галаадскую на брань? И рече Иосафат: якоже аз, такожде и ты: якоже людие мои, людие твои: якоже кони мои, кони твои. **5** И рече Иосафат царь Иудин к царю Израилеву: вопросите убо днесь Господа. **6** И собра царь Израилев вся пророки яко четыреста мужей, и рече царь им: взыду ли в Реммафу Галаадскую на брань, или оставлю? И реша: взыди, яко дая предаст Господь в руки царевы. **7** И рече Иосафат к царю Израилеву: несть ли zde пророка Господня, и спросили быхом Господа им? **8** И рече царь Израилев ко Иосафату: еще есть един муж на вопрошение им Господа, и аз возненавидех его, яко не глаголет о мне добре, но злая, Михеа сын Иемвлаань. И рече царь Иосафат Иудин: не глаголи, царю, тако. **9** И призва царь Израилев скопца единого и рече: скоро иди по Михею сына Иемвлааня. **10** Царь же Израилев и Иосафат царь Иудин седяста кийждо на престоле своем вооружени во вратех Самарийских, и вси пророцы прорицаху пред ними. **11** И сотвори себе Седекия сын Ханаань рога железна и рече: тако глаголет Господь: сими рогами избодеш Сирию, дондеже скончается. **12** И вси пророцы прорицаху тако, глаголюще: взыди в Реммафу Галаадскую, и наставит тя, и предаст Господь в руже твои царя Сирийскаго. **13** И посол шед призвати Михею, рече ему, глаголя: се, ныне вси пророцы усты едиными глаголют добрая о цари, буди убо и ты в словесех твоих по словесем единого от сих и глаголи добрая. **14** И рече Михеа: жив Господь, яко яже речет Господь ко мне, сия возглаголю. **15** И прииде ко царю. И рече ему царь: Михее, взыду ли в Реммафу Галаадскую на брань, или оставлю? И рече ему: взыди, и благопоспешит Господь в руки царевы. **16** И рече ему царь: еще аз дважды заклиаю тя, да речеши истину пред Господем. **17** И рече Михеа: не тако: видех всего Израиля разсеяна по горам якоже стада, имже несть пастыря: и рече Господь: не Господь ли сим в Бога? Да возвратится кийждо в дом свой с миром. **18** И рече царь Израилев ко Иосафату царю Иудину: не рех ли тебе, яко не проричет сей ми добрая, но токмо злая? **19** И рече Михеа: не тако: не аз: слыши глагол Господень: не тако: видех Господа Бога Израилева седящаго на престоле Своем, и все воинство небесное стояше окрест Его одесную Его и ошуюю Его: **20** и рече Господь: кто прельстит Ахаава царя Израилева, и взыдет и падет в Реммафе Галаадстей? И рече сей тако, и сей тако: **21** и изыде дух, и ста пред Господем, и рече: аз прельщу и: **22** и рече к нему Господь: в чем? И рече: изыду и буду дух лжив во устех всех пророк его: и

рече: прельстиши и возможеши: изыди и сотвори тако: 23 и се, ныне даде Господь дух лжив во уста всех пророк твоих сих, и Господь глагола на тя злая. 24 И приступи Седекиа сын Ханаань, и порази Михею в лице и рече: каковый сей преjde Дух Господень от мене, еже глаголати в тебе? 25 И рече Михеа: се, ты узриши в день он, егда внидеши в ложницу сокровища твоего, еже скрытиса ту. 26 И рече царь Израилев: поимите Михею, и возвратите его ко Аммону князю града и ко Иоасу сыну цареви, 27 и рците, да посадят его в темницу, и да кормят его хлебом печальным и водою печальною, дондеже возвратишися в мире. 28 И рече Михеа: аще возвращаяся возвратишися в мире, то не глагола Господь мною. И рече: слышите, людие вси. 29 И взыде царь Израилев и Иосафат царь Иудин с ним в Реммафу Галаадскую. 30 И рече царь Израилев ко Иосафату царю Иудину: прикрой мя, и вниду в сечь, и ты облещися в ризу мою. И прикрися царь Израилев и вниде в сечь. 31 Царь же Сирский заповеда князем колесниц своих тридесетим и двум, глаголя: не бийтеся ни с великим ни с малым, но токмо с царем Израилевым единым. 32 И бысть егда узреша воеводы колесниц Иосафата царя Иудина, и реша: видится царь Израилев сей. И обступиша его еже сразитися с ним: и возопи Иосафат. 33 И бысть егда узреша воеводы колесниц, яко несть царь Израилев той, и возвратишася от него: 34 и наляче лук един муж приметно, и порази царя Израилева между легким и щитом. И рече (царь) всаднику своему: обрати руки твоя, и изведи мя от брани, яко язвен есмь. 35 И умножися брань в той день, и царь бе стоя на колеснице противу Сириан от утра даже до вечера, и лияшеся кровь из язвы в недра колесницы, и умре в вечер, и изливашеся кровь от язвы даже до недр колесницы. 36 И ста проповедник о западе солнца, глаголя: кийждо вас да идет во свой град и во свою землю, яко умре царь. 37 И приидоша в Самарию, и погребоша в Самарии царя. 38 И омыша кровь с колесницы на источнице Самарийистем, и полизаша свинии и пси кровь его, и блудницы измышася в крови его, по глаголу Господню, егоже глагола. 39 Прочая же словес Ахаавлих, и вся яже сотвори, и храм слононый, егоже созда, и вся грады, яже сотвори, не се ли, сия писана быша в книзе словес дний царей Израилевых? 40 И успе Ахаав со отцы своими, и воцарися Охозиа сын его вместо его. 41 И Иосафат сын Асы воцарися над Иудею в четвертое лето Ахаава царя Израилева. 42 Иосафат сын тридесяти пяти лет (бе), егда нача царствовати, и двадесять пять лет царствова во Иерусалиме. Имя же матери его Азува, дщи Салаила. 43 И хождаше по всем путем Асы отца своего, не уклонися от него, творя правое пред очима Господними, токмо высоких не разори: еще людие жряху и кадяху на высоких. 44 И умирися Иосафат с царем Израилевым. 45 Прочая же словес Иосафатовых, и силы его, елика сотвори, не се ли, писана суть в книзе словес дний царей Иудиных? 46 И прочее мерзости, еже остася во дни Асы отца его, отя от земли. 47 И царя не бе во Едоме поставленнаго. 48 Царь же Иосафат сотвори корабли Фарсийския, еже ити во Офир по злато, но не поидоша, зане сокрушишася корабли во Асеон-Гавере.

49 Тогда рече Охозиа сын Ахаавль ко Иосафату: да идут раби мои с рабы твоими в кораблех. И не восхоте Иосафат. 50 И умре Иосафат со отцы своими, и погребен бысть у отец своих во граде Давида отца своего. И воцарися Иорам сын его вместо его. 51 И Охозиа сын Ахаавов воцарися над Израилем в Самарии, в лето седмоенадесять Иосафата царя Иудина, и царствова над Израилем в Самарии лета два, 52 и сотвори лукавое пред Господем, и нача ходити по путем отца своего Ахаава и по пути Иезавели матери своея, и во гресех дому Иеровоама сына Наватова, иже введе во грех Израила: 53 и поработа Ваалу, и поклонися ему, и разгнева Господа Бога Израилева, по всем бывшим прежде его.

Четвертая книга Царств

1 И отступи Моав от Израиля, по умертвии Ахаавли. **2** Охозиа же паде из окна, еже в горнице его в Самарии, и разболеся, и посла послы и рече к ним: идите и вопросите у Ваала скверного бога Аккаронска, аще жив буду от болезни моя сея? И идоша вопрошати его ради. **3** И Ангел Господень рече ко Илии Фесвитянину, глаголя: встав, иди на сретение послем Охозии царя Самарийска и речеши к ним: или несть Бога во Израили, яко грядете вопрошати Ваала скверного бога во Аккароне? **4** И сего ради сице глаголет Господь одр, на негоже возшел еси ту, не имаша слезти с него, яко ту смертью умреша, и иде Илиа и рече к ним. **5** И возвратишася послы к нему, и рече к ним: что яко возвратитесь? **6** И реша к нему: муж изыде в сретение нам и рече к нам: идите возвратитесь к царю пославшему вы и глаголите к нему: сице глаголет Господь: или нему Бога во Израили, яко вы грядете вопрошати Ваала скверного бога во Аккароне? Сего ради от одра, на негоже возшел еси, не имаша слезти с него, яко ту смертью умреша. **7** И рече к ним царь, глаголя: каков взором баше муж той вшедый в сретение вам и глаголавый вам словеса сия? **8** И реша к нему: муж космат и поясом усменным препоясан о чреслах своих. И рече царь: Илиа Фесвитянин сей есть. **9** И посла к нему старейшину пятидесятника и пятьдесят мужей его. И изыде и прииде к нему: и се, Илиа бе седя верху горы. И глагола пятидесятник к нему и рече: человек Божии, царь зовет тя, сниди. **10** И отвеща Илиа и рече к пятидесятнику: аще есмь человек Божий аз, то да снидет огонь с небесе и снесет тя и пятьдесят твоих (с тобою). И сниде огонь с небесе и снеде его и пятьдесят мужей его. **11** И приложи царь послати к нему другого пятидесятника и пятьдесят (мужей) с ним. И возшед, и глагола пятидесятник к нему и рече: человек Божий, сице глаголет царь: потщався сниди. **12** И отвеща Илиа и глагола к нему и рече: аще человек Божий аз есмь, то да снидет огонь с небесе, и да снесет тя и пятьдесят (мужей) с тобою. И сниде огонь с небесе и снеде его и пятьдесят мужей его. **13** И приложи царь еще послати старейшину, пятидесятника третияго, и пятьдесят мужей с ним. И прииде к нему пятидесятник третий, и поклонися на колена своя пред Илиею, и моли его, и глагола к нему и рече: человек Божий, пощади душу мою и душу раб твоих сих пятьдесят пред очима твоима: **14** се, сниде огонь с небесе и пояде два пятидесятника первыя с пятидесятими их: и ныне да пощадится душа рабов твоих пред очима твоима. **15** И глагола Ангел Господень ко Илии и рече: сниди с ним, не убойся от лица их. И воста Илиа и сниде с ним к царю, **16** и глагола к нему и рече: сице глаголет Господь: что яко послал еси послы вопрошати Ваала скверного бога во Аккароне, аки бы не был Бог во Израиле, еже вопросити от Него словесе? Сего ради от одра, нанъже возшел еси ту, не имаша слезти с него яко смертью умреша. **17** И умре по глаголу Господню, егоже глаголола Илиа. И царствова Иорама брат Охозииин вместо его, понеже не име сына Охозиа, в лето второе

Иорама сына Иосафата царя Иудина. **18** И прочая словес Охозииных, елика сотвори, не се ли, сия писана в книгах словес дний царей Израилевых?

2 И бысть внегда взяти Господу Илию в вихре яко на небо и идяше Илиа и Елиссеи от Галгал. **2** И рече Илиа ко Елиссею: седи убо zde, яко Господь посла мя до Вефиля и рече Елиссеи: жив Господь и жива душа твоя, аще оставлю тя и приидоста в Вефиль. **3** И приидоша сынове пророчестии, иже в Вефили, ко Елиссею и реша к нему: разумеши ли, яко взимает Господь днесь господина твоего верху главы твоея (от тебе)? И рече: и аз уразумею, молчите. **4** И рече Илиа ко Елиссею: сяди убо zde, яко Господь посла мя во Иерихон. И рече Елиссеи: жив Господь и жива душа твоя, аще оставлю тя. И приидоста во Иерихон. **5** И приближишася сынове пророков, иже во Иерихоне, ко Елиссею и реша ему: разумеши ли, яко днесь вземлет Господь господина твоего с выше главы твоея (от тебе)? И рече: ибо и аз уразумею, молчите. **6** И рече ему Илиа: седи zde, яко Господь посла мя до Иордана. И рече Елиссеи: жив Господь и жива душа твоя, аще оставлю тебе. И поидоста оба, **7** и пятьдесят мужей от сынов пророческих, и стаща противу издалеча: и сии оба стаща при Иордане. **8** И прият Илиа милоть свою, и свит ю, и удари ею в воду, и разступися вода сюду и сюду: и проидоста оба по суху. **9** И бысть преходящема има, и рече Илиа ко Елиссею: проси, что сотворю ти прежде неже взят буду от тебе. И рече Елиссеи: да будет убо дух, иже в тебе, сугуб во мне. **10** И рече Илиа: ожесточил еси просити: аще узриши мя вземлема от тебе, будет ти тако: аще ли не (узриши), и будет. **11** И бысть идущема има, идяста и глаголаста: и се, колесница огненная и кони огненнии, и разделиша между обема. И взят бысть Илиа вихром яко на небо. **12** И Елиссеи зряше и вопияше: отче, отче, колесница Израилева и конница его. И не увиде его ктому: и ятса (Елиссеи) за ризы своя, и растерза я в два растерзания, **13** и взя милоть Илину Елиссеи падшую верху его, и возвратишася Елиссеи, и ста на брезу Иорданову. **14** И прият (Елиссеи) милоть Илину, яже паде верху его, и удари в воду, и не разступися вода. И рече: где Бог Илиин Аффо? И удари Елиссеи воды (вторицею), и разступишася сюду и сюду, и преиде Елиссеи по суху. **15** И видеша его сынове пророчестии, иже во Иерихоне сопровит, и реша: почи дух Илиин на Елиссеи. И приидоша на сретение ему и поклонишася ему до земли, **16** и реша к нему: се, ныне со отроки твоими пятьдесят мужей сынов сильных: шедше да възыщут господина твоего, едак како Дух Господень взя, и поверже его на Иордане, или на единой от гор, или на едином от холмов и рече Елиссеи: не посылайте. **17** И принудиша его, и дондеже устыдеса, и рече: послите. И послаша пятьдесят мужей, и искаша три дни, и не обретоша его, **18** и возвратишася к нему: и той седяше во Иерихоне. И рече Елиссеи к ним: не глаголах ли к вам, не идите? **19** И реша мужие града ко Елиссею: се, жилище града благо, якоже ты, господине, видиши, но воды злы и земля неплодна. **20** И рече Елиссеи: принесите ми водонос нов,

и всыплите в онь соль. И взяша, и принесоша к нему. 21 И изыде Елиссей на исходища водная, и всыпа ту соль, и рече: сице глаголет Господь: изцелих воды сия, не будет от них кому смерти и неплодства. 22 И изцелеша воды до дне сего, по глаголу Елиссееву, егоже глагола. 23 И възыде оттуду во Вефиль. И восходящу ему путем, и дети малы изыдоша из града, и ругахуся ему, и реша ему: гряди, плешиве, гряди. 24 И озресе вслед их, и виде я, и проклят я именем Господним. И се, изыдоша две медведицы из дубравы и растерзаша от них четыредесять два отрочища. 25 И иде оттуду в гору Кармилскую, и оттуду возвратися в Самарию.

3 И Иорам сын Ахаавов воцарися над Израилем в Самарии, в лето осмоенадесять Иосафата царя Иудина, и царствова лет дванадесять, 2 и сотвори лукавое пред очима Господними: обаче не якоже отец его и не якоже мати его: и разруши капища Ваалова, яже сотвори отец его: 3 обаче ко греху Иеровоама сына Наватова, иже введе во грех Израиля, прилеписа и не отступи от него. 4 И Моса царь Моавль бе нокид и даяше дань царю Израилеву, сто тысяч агнцев и сто тысяч овнов с рунами. 5 И бысть по умертвии Ахаавли и отвержеса царь Моавль царя Израилева. 6 И изыде царь Иорам во дни оны от Самарии и согляда Израиля, 7 и иде, и посла ко Иосафату царю Иудину, глаголя: царь Моавль отвержеса мене: идеши ли со мною на брань на Моава? И рече: възду: сице мне, якоже и тебе: якоже людие мои, людие твои: якоже кони мои, кони твои. 8 И рече: киим путем възыдем? И рече: путем пустыни Едомския. 9 И иде царь Израилев и царь Иудин и царь Едомль, и идоша путем седьмь дний: и не бе полку воды и скотом сущым с ними. 10 И рече отроком своим царь Израилев: о, яко созва Господь три сия цари идущья предати их в руце Моавли. 11 И рече Иосафат к нему царь Иудин: есть ли zde пророк Господень, и вопросим Господа им? И отвеща един отрок царя Израилева и рече: zde есть Елиссей сын Сафатов, иже возилваше воду на рuce Илиине. 12 И рече Иосафат: есть с ним глагол Господень. И сниде к нему царь Израилев и Иосафат царь Иудин и царь Едомль. 13 И рече Елиссей ко царю Израилеву: что мне и тебе? Иди ко пророком отца твоего и ко пророком матере твоея. И рече ему царь Израилев: еда созва Господь три цари, еже предати я в руце Моавли? 14 И рече Елиссей: жив Господь Сил емуже предстою пред Ним, яко аще бых не лице Иосафата царя Иудина аз приял, то воззрел ли бых на тя, и видел ли бых тя? 15 И ныне приведи ми певца. И бысть егда воспеваше певец, и бысть на нем рука Господня, 16 и рече: тако глаголет Господь: сотворите поток сей рвами рвами, 17 яко тако глаголет Господь: не узрите духа, и ниже увидите дождя: и поток сей наполнится воды, и пиете вы и стяжания ваша и скоти ваши: 18 и легко сие пред очима Господними, и предам Моава в руки ваша, 19 и поразите всяк град тверд, и всяко древо благо низложите, и всяк источник воды заградите, и всяку часть блугу разбiete камением. 20 И бысть заутра восходящей жертве, и се, воды идяху путем

Едомским, и исполнися воды земля. 21 И вси Моавитяне услышаша, яко възыдоша тридесять царя братися с ними. И возопиша отсюду препоясанныи оружием и реша: ох: и сташа у предела. 22 И ураниша заутра, и солнце возсия на воды: и виде Моав сопотив воды чермны яко кровь, 23 и рече: кровь сия есть от оружия: и бишася царие, и уби муж искреняго своего: и ныне (гряди) на корысти, Моаве. 24 И внидоша в полк Израилев, Израилтяне же восташа. И избиша Моавлян: и побегоша от лица их: и внидоша входяще и биюще Моава, 25 и грады разбиша, и всяку часть блугу наверхоша мужие камением, и наполниша ю, и всяк источник заградилша, и всяко древо благо изсекоша, донележе оставиша камение стен разбиено: и обступиша пращницы и разбиша его. 26 И виде царь Моавль, яко укрепися над ним брань, и взя с собою седьмь сот мужей со обнаженным оружием, еже просещися ко царю Едомску: и не возмогоша. 27 И поят сына своего первенца, егоже воцари вместо себе, и вознесе его во всесожжение на стене: и бысть раскаяние великое во Израили: и отступиша от него и возвратишася в землю свою.

4 И жена едина от сынов пророчих возопи ко Елиссею, глаголющи: раб твой муж мой умре, ты же веси, яко раб твой бе бояся Господа: и заимодавец прииде взяти два сына моя себе в рабы. 2 И рече Елиссей: что сотворю ти? Повеждь ми, что имаша ныне в дому? Она же рече: несть у рабы твоея ничтоже в дому, токмо мало елеа, иже помажуся. 3 И рече к ней: иди, испроси себе сосуды отвне от всех сосед твоих, сосуды празды, не умали: 4 и вниди, и затвори дверь за собою и за сынома твоима, и влиеши (от елеа твоего) во вся сосуды сия, и наполненное возмеши. 5 И отиде от него и сотвори тако, и затвори дверь за собою и за сынома своима: та приношаста к ней, она же вливаше: 6 и бысть егда наполнишася вси сосуды, и рече сынома своима: приближита ми еще сосуд. И реста ей: несть еще сосуда. И ста елей. 7 И прииде и возвести человеку Божию. И рече Елиссей: иди и продаждь сей елей, и заплати лихву твою, и ты и сына твоя жити будете от оставшаго елеа. 8 И бысть во един день, и преиде Елиссей в Соман, и ту жена велия и удержа его снести хлеба: и бысть ему входити и исходити множицею, и уклоняшеса тамо ясти хлеба. 9 И рече жена к мужу своему: се, ныне разумех, яко человек Божий свят сей мимо ходит нас присно: 10 сотворим убо ему горницу, место мало, и поставим ему тамо одр и трапезу, и престол и свещник: и будет вегда входити ему к нам, и уклоняется тамо. 11 И бысть во един день, и вниде тамо, и уклонися в горницу, и спа тамо. 12 И рече ко Гиезию отрочищу своему: призови ми Соманитяныню сию. И призва ю, и ста пред ним. 13 И рече ему: рцы убо ей: се, удивила еси нас всем попечением сим: что подобает сотворити тебе? Аще есть тебе слово к царю или ко князю силы? Она же рече: (несть,) посреде людий моих аз есмь живущи. 14 И рече ко Гиезию: что подобает сотворити ей? И рече Гиезий отрочищъ его: воистинну сына несть у нея и муж ея стар. 15 И рече призови ю. И призва ю, и ста при дверех. 16 И рече

Елиссей к ней: во время сие, якоже час сей живуци, ты зачнеши сына. Она же рече: ни, господине, не солжи рабе твоей. 17 И зачат во чреве жена, и роди сына во время сие, якоже час сей живуци, якоже глагола к ней Елиссей. 18 И возмужа отрочищъ. И бысть, егда изыде ко отцу своему, к жнуцым, 19 и рече ко отцу своему: глава моя, глава моя (болит). И рече ко отроку: неси его к матери его. 20 И несе его к матери его, и лежаше на колену ея до полудне, и умре. 21 И вознесе его, и положи его на одре человека Божия: и затвори его, и изыде, и призва мужа своего, и рече ему: 22 послы ми убо единого от отрок, и единого от ослят, и теку до человека Божия, и возвращуся. 23 И рече: что яко ты идеши к нему днешь? Не нов месяц, ниже суббота. Она же рече: мир. 24 И оседла ослия, и рече ко отрочищу своему: веди, и иди, да не удержиши мене, еже всести, якоже реку тебе: гряди, и иди, и прииди к человеку Божию на гору Кармилскую. 25 И иде, и прииде до человека Божия в гору Кармилскую. И бысть яко виде ю Елиссей грядущую, и рече ко Гиезию отрочищу своему: се, убо Соманитяныня оная: 26 ныне тецы во сретение ея и речеши ей: мир ли тебе? И тече во сретение ей и рече ей: мир ли тебе? Мир ли мужу твоему, мир ли отрочищу твоему? Она же рече: мир. 27 И прииде ко Елиссею на гору, и ятса за нозе его. И приблизнся Гиезий отринуту ю. И рече Елиссей: остави ю, яко душа ея болезненна в ней, и Господь укрыл от мене и не возвести мене. 28 Она же рече: еда просих сына у господина моего, яко рекох: не прельсти мене? 29 И рече Елиссей ко Гиезию: препояши чресла твоя и возми жезл мой в руке твои, и иди, яко аще обрящещи мужа, да не благословиши его, и аще благословит тя муж, не отвещай ему: и возложи жезл мой на лице отрочища. 30 И рече мати отрочища: жив Господь и жива душа твоя, аще оставлю тебе. И воста Елиссей и иде вслед ея. 31 И Гиезий иде пред нею, и возложи жезл на лице отрочища, и не бе гласа, и не бе слышания. И возвратися во сретение его и поведи ему глаголя: не воста отрочищъ. 32 И вниде Елиссей в храмину, и се, отрочищъ умерый положен на одре его. 33 И вниде Елиссей в дом и затвори дверь за двою собою, и помолися Господу. 34 И възыде, и ляже на отрочищи, и положи уста своя на устех его, и очи свои на очи его, и руке свои на руке его, и плесне свои на плесну его: и слячеса над ним, и дуну на него, и согресе плоть отрочища. 35 И обратися, и походи в храмине сюду и сюду: и възыде, и слячеса над отрочищем седмижды, и отверзе отрочищъ очи свои. 36 И возопи Елиссей ко Гиезию и рече: призови ми Соманитяныню сию. И призва ю, и вниде к нему. И рече Елиссей: приими сына твоего. 37 И вниде жена, и паде на ногу его, и поклонися ему до земли: и прият сына своего, и изыде. 38 И Елиссей возвратися в Галгалы. И бе глад в земли той, и сынове пророчи седяху пред ним. И рече Елиссей отрочищу своему: настави коноб велий и свари варение сыном пророчим. 39 И изыде един на село собрати зелия дивия: и обрет виноград на селе, и набра в нем яблока дивияго полную ризу свою, и всыпа в котел на сварение, яко не разумеша, 40 и принесе мужем ясти. И бысть ядущым им от варения, и се, возопиша и реша:

смерть в конобе, человеце Божий. И не могоша ясти. 41 И рече: возьмите муки и всыплите в коноб. И рече Елиссей ко Гиезию отрочищу своему: изнеси людям, да ядят. И не бысть ктому злаго глагола в конобе. 42 И муж прииде от Вефариса и принесе к человеку Божию первородных двадесять хлебов ячменных и смоквы. И рече: дадите людям, да ядят. 43 И рече отрок его: что дам сие сту мужем? И рече: даждь людям я, да ядят, яко сице глаголет Господь: будут ясти, и останет. 44 И ядоша, и оста по глаголу Господню.

5 И Нееман князь силы Сирийския бе муж велий пред господином своим и дивен лицом, яко им даде Господь спасение Сирии: и муж бе силен крепостию прокажен. 2 И из Сирии изыдоша воины и плениша юнотку малу от земли Израилевы: и бе пред женою Неемановою (служба) 3 и рече госпоже своей: о, дабы господин мой был у пророка Божия, иже в Самарии, той бы очистил его и проказы его. 4 И вниде и возвести господину своему и рече: тако и тако глагола юнотка, яже от земли Израилевы. 5 И рече царь Сирийский ко Нееману: иди, вниди, и послю писание ко царю Израилеву. И поиде, и взя в руке свои десять талант сребра и шесть тысяч златник и десять изменяемых риз. 6 И внесе писание к царю Израилеву глаголя: и ныне егда приидет писание сие к тебе, се, послах к тебе Неемана раба моего, да очистиши его от проказы его. 7 И бысть егда прочте писание царь Израилев, раздра ризы своя и рече: еда аз Бог есмь, еже мертвити и животворити, яко сей посла и мне, да очию мужа от проказы его? Прочее разумеите и видите, яко се ищет вины ко мне. 8 И бысть егда услыша Елиссеи, яко раздра ризы своя царь Израилев, и посла к царю Израилеву, глаголя: почто раздрал еси ризы твоя? Да приидет ко мне ныне Нееман, и да разумеет, яко есть пророк во Израили. 9 И прииде Нееман на конех и на колесницах и ста при дверех дому Елиссеева. 10 И посла Елиссей посланника к нему, глаголя: шед измыйся седмижды во Иордане, и возвратится плоть твоя к тебе, и очистишися. 11 И разгнеवास Нееман, и отиде, и рече: се, убо глаголах, яко изыдет ко мне, и станет, и призовет во имя Бога своего, и возложит руку свою на место, и очистит проказу: 12 не благи ли Авана и Фарфар реки Дамасковы паче Иордана и всех вод Израилевых? Не шед ли измыюся в них и очиюшся? И уклонися и отиде во гнев. 13 И приближишася отроцы его и реша ему: аще бы велие слово глаголах пророк тебе, не бы ли сотворил еси? А яко рече к тебе: измыйся, и очистишися. 14 И сниде Нееман, и погрузися во Иордане седмижды, по глаголу Елиссееву: и возвратися плоть его яко плоть отроцате млада, и очистися. 15 И возвратися ко Елиссею сам и все ополчение его, и прииде и ста пред ним и рече: се, ныне разумех, яко несть Бога во всей земли, но токмо во Израили: и ныне приими благословение от раба твоего. 16 И рече Елиссей: жив Господь, Емуже предстах пред ним, аще прииму. И понуждаше его взяти, и не послуша. 17 И рече Нееман: аще ли не (хощеши взяти), то даждь рабу твоему время, супруг мсков, от земли сея червленяя: яко и сотворит отसेле раб твой всесождения и жертвы богом иным, но

Господу единому, 18 по глаголу сему и о словеси сем: и очистит Господь раба твоего, егда внидет господин мой в дом Ремманов на поклонение тамо: и той почитет на руку мою, и поклонюся в дому Реммани, внегда кланяться ему в дому Реммани, и очистит Господь раба твоего по словеси сему. 19 И рече Елиссей ко Нееману: иди с миром. И отиде от него на Хаврафа земли. 20 И рече Гиезий отрочиць Елиссеев: се, пощаде господин мой Неемана Сириянина сего, еже не взяти от руки его, яже принесет: жив Господь, яко имам тещи вслед его, и возму от него нечто. 21 И тече Гиезий во след Нееманов. И виде его Нееман текуща вслед себе, и возвратися с колесницы на сретение ему и рече: мир ли? 22 И рече Гиезий: мир: господин мой посла мя, глаголя: се, ныне приидоста ко мне два отрочища от горы Ефремли от сынов пророчих: даждь убо има талант сребра и две премены риз. 23 И рече Нееман: возми два таланта сребра. И взя два таланта во два мешца и две премены риз, и возложи на два отрочища своя, и несоста пред ним: 24 и приидоша в сумраки, и взя от рук их и сокровы во храмине, и отпусти мужы. 25 И сам вниде и предста господину своему. И рече к нему Елиссей: откуду (пришел еси), Гиезие? И рече Гиезий: не исходил раб твой никаможе. 26 И рече к нему Елиссей: не ходило ли сердце мое с тобою, и видех, егда возвращашеся муж с колесницы своей во сретение тебе? И ныне взял еси сребро и ризы взял еси, да купиши за них вертограды и маслины и винограды, и овцы и волы, и отроки и отроковицы: 27 и проказа Нееманова да прильпнет к тебе и к семени твоему во веки. И изыде от лица его прокажен яко снег.

6 И реша сынове пророчи ко Елиссею: се, убо место, идеже мы живем противу тебе, тесно нам: 2 да идем ныне до Иордана, и да возмем отуду кийждо муж по бервну единому и сотворим себе ту обиталища пребывати тамо. И рече: идите. 3 И рече един кротце: гряди и сам с рабы твоими. И рече: аз пойду. 4 И иде с ними: и приидоша ко Иордану, и секоша древа: 5 и егда един отсекаше бервно, и се, железо спаде с топорича и впаде в воду. И возопи: о, господине, и сие заемное. 6 И рече человек Божий: где паде? И показа ему место. И отсече древо и вверже и тамо: и всплыве железо. 7 И рече: возми себе. И простре руку свою и взял е. 8 И царь Сирский бе воюна из Израиля, и совещаша со отроки своими, глаголя: на месте некоем сокровеннем ополчуся. 9 И посла Елиссей ко царю Израилеву, глаголя: блюдиися не преити на место сие, яко ту Сирияне залягоша. 10 И посла царь Израилев на место, о немже рече ему Елиссей, и соблюдеся отуду не единою, ниже дважды. 11 И смутися душа царя Сирска о словеси сем: и призва отроки своя и рече и ним: не возвестите ли мне, кто предает мя царю Израилеву? 12 И рече един от отрок его: ни, господине мой царю: яко пророк Елиссей, иже во Израили, возвещает царю Израилеву вся словеса, яже аще глаголеши в сокровищи ложницы твоея. 13 И рече: идите, видите, где сей, и послав возму его. И возвестиша ему, глаголюще: се, есть в Дофаиме. 14 И посла тамо кони и колесницы и силу тяжку: и приидоша нощию и окружиша град. 15 И урани раб Елиссеев востати,

и изыде: и се, сила обступи град, и кони и колесницы. И рече отрок его к нему: о, господине, что сотворим? 16 И рече Елиссей: не бойся, яко множае иже с нами, нежели с ними. 17 И помолися Елиссей и рече: Господи, отверзи ныне очи отрока, да узрит. И отверзе Господь очи его, и виде: и се, гора исполнь коней, и колесница огненна окрест Елиссеа. 18 И снидоша к нему: и помолися Елиссей ко Господу и рече: порази убо язык сей невидением. И порази их невидением по глаголу Елиссееву. 19 И рече к ним Елиссей: не сей путь и не сей град: грядите по мне, и отведу вы к мужу, егоже ищите. И отвезде их в Самарию. 20 И бысть егда внидоша в Самарию, и рече Елиссей: отверзи убо, Господи, очи их, и да видят. И отверзе Господь очи их, и видеша: и се, бяху посреде Самарии. 21 И рече царь Израилев ко Елиссею, егда увиде я: аще поражу я поражением, отче? 22 И рече Елиссеи: да не поразиши: еда ли пленил еси их мечем твоим и луком твоим, да избиеши? И предложи им хлебы и воду, да ядят и да пият и да отидут ко господину своему. 23 И предложи им предложение велие, и ядоша и пиша, и отпусти я, и идоша ко господину своему: и не приложиша ктому воины приходити из Сирии в землю Израилеву. 24 И бысть по сих, и собра сын Адеров царь Сирийский все ополчение свое, и възыде и обседе Самарию. 25 И бысть глад велик в Самарии: и се, обседоша ю, дондеже бысть глава олова за пятьдесят сикль сребра, и четвертая часть меры гноя голубинаго за пять сикль сребра. 26 И бысть царь Израилев обходяй по стенам: и жена (некая) возопи к нему, глаголющи: спаси мя, господине мой царю. 27 И рече ей: аще тебе не спасает Господь, како аз спасу тя? Еда от гумна или от точила? 28 И рече ей царь: что ти есть? И рече: сия жена ко мне рече: даждь сына твоего, да съядим его днесь, а утро моего сына съядим: 29 и испекохом сына моего и снедохом его: и рех к ней в день вторый: даждь сына твоего, и съядим его: и скры сына своего. 30 И бысть егда услыша царь Израилев словеса жены, раздра ризы своя и сам хождаше по стене, и видеша людие вретиче на плоти его внутрь. 31 И рече царь: сия да сотворит ми Бог и сия да приложит ми, аще будет глава Елиссеева на нем днесь. 32 Елиссей же седяше в дому своем, и старцы седяху с ним. И посла царь мужа пред лицом своим. И прежде даже приити посланному к нему, и той рече ко старцем: не весте ли, яко посла сын убийцы сей, да отсечет главу мою? Видите, егда приидет вестник, заключите двери и стисните его во дверех: не топот ли ног господина его вслед его? 33 И еще ему глаголющу с ними, и се, вестник сниде к нему и рече: се, сие зло от Господа: что потерплю Господеви ксему?

7 И рече Елиссей: слышите слово Господне, сице глаголет Господь: якоже час сей, утро мера муки пшеничны будет за сикль един, и две меры ячменя за сикль един во вратех Самарии. 2 И отвеща тристат, на егоже руку царь почиваше, и рече и Елиссею: се, аще отверзет Господь и хляби небесныя, то не будет глагол сей. И Елиссей рече: се, ты узриши очима твоима, и отуду не имаши ясти. 3 И бяху четыре мужа прокажени при вратех града. И рече муж ко

искреннему своему: что мы седим зде дондеже умрем? 4 Аще речем: внидем во град, то глад есть во граде, и умрем тамо: аще же седим зде, то и тако умрем: и ныне идем и внидем в полк Сирийский: аще живят ны, живи будем: аще ли умертвят ны, то умрем. 5 И востаха в сумраце ити в полк Сирийский и внидоша среде полка Сирийска, и се, не бе мужа ту. 6 И Господь слышан сотвори полку Сирийску глас колесниц и глас коней и глас силы великия. И рече муж ко брату своему: се, ныне наял есть на нас царь Израилев цари Хеттейски и цари Египетския приити на ны. 7 И востаха, и бежаша в сумраце, и оставиша сени своя и кони своя и ослы своя, якоже быша во стану, и бежаша души ради своєю. 8 И внидоша прокаженнии сии до среды полка, и внидоша в сень едину, и ядоша и пиша, и взяша оттуду сребро и злато и одежды, и отидоша, и скрыша: и возвратишася, и внидоша в другую сень, и взяша оттуду, и отидоша, и скрыша. 9 И рече муж ко искреннему своему: не тако мы творим: день сей день благоговещения есть, мы же молчим и медлим до света утреняго, и обрящем беззаконие: и ныне приидем и внидем, и возвестим в дому цареви. 10 И внидоша, и возопиша ко вратом града и возвестиша им, глаголюще: внидохом в полк Сирийский, и се, не бысть ту мужа, ни гласа человека, но токмо кони привязани, и ослята, и сени их якоже суть. 11 И возопиша вратницы, и возвестиша в дому цареви внутрь. 12 И воста нощию царь и рече ко отроком своим: возвещу вам ныне, яже сотвориша нам Сириане: разумеша, яко гладни есмы, и изыдоша из стана, и сокрышася на селе, глаголюще: яко изыдут из града, и имем я живы и во град внидем. 13 И отвеща един от отрок его и рече: да возмут ныне пять коней оставших, иже ошашася зде, се, суть у толикаго множества Израилева оставшиися, и послем тамо, и узрим. 14 И взяша два всадника коней: и посла царь Израилев вслед царя Сирска, глаголя: идите и видите. 15 И идоша вслед их даже до Иордана, и се, весь путь исполнен одежд и оружия, яже повергоша Сириане, внегда устрашится им. И возвратишася посланнии, и возвестиша царю. 16 И изыдоша людие, и разграбиша весь стан Сирский. И бысть мера муки пшеничны за сикль един и две меры ячменя за сикль, по глаголу Господню. 17 И царь пристави тристата, на егоже руже царь почиваше, у врат: и попраша его людие во вратех, и умре, якоже глагола человек Божий, иже глагола, егда посланный прииде к нему. 18 И бысть якоже рече Елиссею к царю глаголя: две меры ячменя за сикль един, и мера муки пшеничны за сикль: и будет якоже сей час заутра во вратех Самарии. 19 И отвеща тристат Елиссею и рече: аще Господь отверзет хляби небесныя, не будет глагол сей. И рече Елиссею: се, узриши очима твоима, и оттуду и не имаша ясти. 20 И бысть тако, и попраша его людие во вратех, и умре.

8 И глагола Елиссею к жене, еяже воскреси сына, глаголя: востани и иди ты и дом твой, и обитай идеже аще можеш обитати, яко призва Господь глад на землю, и приидет на землю седмь лет. 2 И воста жена, и сотвори но глаголу Елиссееву, и поиде сама и дом ея, и обита на земли

иноплеменничу седмь лет. 3 И бысть но скончании седми лет, и возвратися жена от земли иноплеменничу во град, и прииде возопити к царю о доме своем и о селех своих. 4 И глагола царь ко Гиезию отроку Елиссеа человека Божия глаголя: повеждь ми ныне вся великая, яже сотвори Елиссею. 5 И бысть ему поведающе цареви, яко жива сотвори сына умершаго: и се, жена, еяже воскреси Елиссею сына ея, вопиющи ко цареви о доме своем и о селех своих, и рече Гиезий: господине царю, сия жена и сей сын ея, егоже жива сотвори Елиссею. 6 И вопросы царь жену: и поведа ему. И даде ей царь скопца единого, глаголя возврати вся, яже ея суть, и вся плоды села ея, от да, в оньже остави землю, даже до ныне. 7 И прииде Елиссею в Дамаск. И сын Адеров царь Сирский разболеся, и возвестиша ему, глаголюще: прииде человек Божий до зде. 8 И рече царь ко Азаилу: приими в руку свою дар, и иди во сретение человеку Божию, и вопросы Господа им, глаголя: аще ли жив буду от болезни сея? 9 И иде Азаил на сретение ему, и взя дар в руку свою, и вся благая Дамаскова, бремя четыредесять велблюдов, и прииде, и ста пред ним, и рече ко Елиссею: сын твой, сын Адеров, царь Сирский, посла мя к тебе вопросити, глаголя: буду ли жив от болезни моя сея? 10 И рече к нему Елиссею: иди и рцы ему: живя поживеши: но показа ми Господь, яко смертию умрет. 11 И предста лицу его, и возложи (руки) даже до постыдения, и плакася человек Божий. 12 И рече Азаил: что яко господин мой плачет? И рече: вем елика сотвориши сыном Израилевым зла: крепости их сожжеша огнем, и избранныя их избиеши мечем, и младенцы их разбиеша, и во чреве имеющыя их расторгнеша. 13 И рече Азаил: кто есть раб твой, пес мертвый, яко сотворит глагол сей? И рече Елиссею: показа ми тя Господь царствующа над Сириею. 14 И отиде от Елиссеа и вниде ко господину своему. И рече ему (царь): что ти рече Елиссею? Отвеща: рече ми Елиссею, живя поживеши. 15 И бысть во утрии, и взя одеяло, и намочи в воде, и обложи на лице его, и умре: и воцарися Азаил вместо его. 16 В лето пятое Иорама сына Ахаава царя Израилева и Иосафата царя Иудина, воцарися Иорам сын Иосафатов царь Иудин: 17 сын тридесяти и двою лету бе, внегда воцаритися ему, и осмь лет царствова во Иерусалиме, 18 и ходи в пути царей Израилевых, якоже сотвори дом Ахаавль, бе бо дщи Ахаавля жена ему, и сотвори лукавое пред Господем. 19 И не хотяше Господь потребити Иуды, Давида ради раба Своего, якоже рече дати ему святильник и сыном его во вся дни. 20 Во дни его отвержеся Едом из под руки Иудины и постави над собою царя. 21 И взыде Иорам в Сиор, и вся колесницы яже с ним. И бысть ему воставшу, и избви Едома обступившаго окрест его, и князи колесниц, и бежаша людие в селения своя. 22 И отступи Едом из под руки Иудины да дне сего: тогда отвержеся Ловна во время оно. 23 И прочая словес Иорамлих, и вся елика сотвори, не се ли, сия писана в книзе словес дний царей Иудиных? 24 И успе Иорам со отцы своими, и погребен бысть со отцы своими во граде Давида отца своего: и царствова Охозиа сын его вместо его. 25 В лето второенадесять Иорама сына Ахаавля царя Израилева,

царствовать нача Охозиа сын Иорама царя Иудина: 26 сын двадесяти двух лет бысть Охозиа, егда нача царствовать, и лето едино царствова во Иерусалиме. Имя же матери его Гофолия, дщерь Амвриа царя Израилева. 27 И хождаше по путем дому Ахаавля, и сотвори лукавое пред Господем, якоже дом Ахаавль: зять бо бе дому Ахаавля. 28 И иде со Иорамом сыном Ахаавлим на брань, на Азаила царя иноплеменича в Рамоф Галаадский, и уязвиша Сиряне Иорама. 29 И возвратися царь Иорам целитися во Иезраель от язв, имиже уязвиша его в Рамофе, егда ратоваше той на Азаила царя Сирска, и Охозиа сын Иорамль царь Иудин сниде видети Иорама, сына Ахаавля, во Иезраель, яко боляше той.

9 Елисей пророк призва единого от сынов пророчих и рече ему: препояши чресла своя, и возми сосуд елеа сего в руку твою, и иди в Рамоф Галаадский: 2 и внидеши тамо, и узриши тамо Ииуа сына Иосафата сына Намессиева, и внидеши, и изведеша его от среды братии его, и введеша его во внутреннюю клеть: 3 и возмеша сосуд елеа, и возлиеша на главу его, и рцы: сице глаголет Господь: помазах тя в царя над Израилем: и отверзеши двери, и да бежиши, и да не пребудеши тамо. 4 И иде отрочишь пророк в Рамоф Галаадский: 5 и вниде, и се, князи силы седяху, и рече: слово ми есть к тебе, о, княже. И рече Ииуй: к кому от всех нас? И рече: к тебе, княже. 6 И воста и вниде в дом: и возлия елей на главу его и рече ему: сице глаголет Господь Бог Израилев: помазах тя в царя над людьми Господними, над Израилем. 7 И да потребиши дом Ахаава господина твоего от лица Моего, и отмстиши кровь рабов Моих пророков и кровь всех рабов Господних от руки Иезавелины. 8 И от руки всего дому Ахаавля, и потребиши от дому Ахаавля мочашагося к стене, и содержащагося, и оставляшагося во Израили: 9 и предам дом Ахаавль, якоже дом Иеровоама сына Наватова и якоже дом Ваасы сына Ахиина: 10 и Иезавель съедят пси в части Иезраеля, и не будет погребашаго ю. И отверзе двери и убежа. 11 Ииуй же изыде ко отроком господина своего. И реша ему: мир ли? Что яко вниде неистовый сей к тебе? И рече им: вы весте мужа и суесловие его. 12 И реша: не правда, (аще не возвестиши?) возвести убо нам. И рече Ииуй к ним: тако и тако рече ко мне, глаголя: сице глаголет Господь: помазах тя в царя над Израилем. 13 И слышавше текоша спешно, и взя кийждо ризы своя, и положиша под ним, понеже на едином от степенний седяше, и вострубиша в рог и реша: воцарися Ииуй. 14 И возвратися Ииуй сын Иосафата сына Намессиева ко Иораму. Иорам же сам стрежаше в Рамофе Галаадстем и весь Израиль от лица Азаила царя Сирийска. 15 И возвратися Иорам царь целитися во Иезраели от язв, имиже уязвиша его Сиряне, егда брашеса со Азаилом царем Сирийским. И рече Ииуй: аще есть душа ваша со мною, да не изыдет из града беглец, ити и возвестити во Иезраели. 16 И вседе на коня, и поиде Ииуй, и сниде во Иезраель, яко Иорам царь Израилев челяшеса во Иезраели от стреляний, имиже устрелиша его Араminy в Рамофе на брани со Азаилом царем Сирским, яко той бе силен и муж силы, и лежаше

тамо. И Охозиа царь Иудин прииде видети Иорама. 17 И страж взыде на столп во Иезраели, и виде прах Ииуев, егда ити ему и рече: прах аз вижу. И рече Иорам: всади мужа на конь и послы противу им, и да речет: мир ли? 18 И иде всадник конный на сретение ему и рече: тако глаголет царь: мир ли? И рече Ииуй: что тебе и миру? Обратися вслед мене. И возвести страж, глаголя: прииде посланный до них и не возвратися. 19 И посла всадника коннаго втораго, и прииде к нему и рече: тако рече царь: мир ли? И рече Ииуй: что тебе и миру? Возвратися вслед мене. 20 И возвести страж, глаголя: прииде до них и не возвратися: и вождь ведяше Ииуа сына Намессиева, яко в премеие бысть. 21 И рече Иорам: впряжите. И впрягоша колесницу: и изыде Иорам царь Израилев и Охозиа царь Иудин, кийждо на колеснице своей, и изыдоста на сретение Ииуа, и обретоста его и части Навуфеа Иезраилитина. 22 И бысть яко увиде Иорам Ииуа, и рече мир ли, Ииуе? И рече Ииуй что тебе и миру? Еще блуды Иезавели матери твоея, и чарове ея многия. 23 И обрати Иорам руки своя и бежа, и рече ко Охозии: леств, Охозие. 24 И наляче Ииуй рукою своею лук и устрели Иорама посреде плещу его, и изыде стрела сквозе сердце его: и преклонися на колена своя. 25 И рече Ииуй к Вадекару тристату своему: возми и верзи его на части села Навуфеа Иезраилитина, яко помню, аз и ты вседши на колесницы идохом вслед Ахаава отца его, и Господь рече о нем пророчество сие, глаголя: 26 не видех ли крове Навуфеевы и крове сынов его вчера, рече Господь? И воздам ему на части сей, рече Господь: и ныне убо взем поверзи его на части сей по глаголу Господню. 27 И Охозиа царь Иудин виде, и побеге путем вефган и гна по нем Ииуй и рече: и сего (не имам оставити). И порази его на колеснице егда идяше в Гай, иже есть Иевлаам и убежа в Магеддон, и умре тамо. 28 И возложиша его отроцы его на колесницу и везоша его во Иерусалим, и погребоша его во гробе его во граде Давидове. 29 И в первоенадесять лето Иорама царя Израилева воцарися Охозиа над Иудою. 30 И прииде Ииуй во Иезраель (град). Иезавель же услыша, и намаза лице свое и украси главу свою, и причине окном. 31 И Ииуй вхождаше во град и рече: мир ли Замврию, убийце господина своего? 32 И воззре лицом своим на окно и виде ю и рече: кто ты еси? Сниди ко мне. И преклонистася к нему два скопца. 33 И рече Ииуй: сверзита ю. И свергоста ю, и окропишася кровию ея стены и кони, и попраша ю. 34 И вниде Ииуй, и яде и пи, и рече: осмотрите ныне проклятую сию, и погребите ю, яко дщерь царева есть. 35 И идоша погребсти ю, и не обретоша от нея ничто ино, токмо лоб и ноги и длани рук. 36 И возвратишася и возвестиша ему. И рече: слово Господне, еже глагола рукою раба Своего Илии Фесвитянина, глаголя: в части Иезраеля съедят пси плоть Иезавелину: 37 и будет труп Иезавелин аки гной на лица села в части Иезраеля, яко не рещи им: сия есть Иезавель.

10 И Ахааву беша седмьдесят сынове во Самарии. И написа писание Ииуй и посла в Самарию ко князем Самарийским и к старейшинам и ко кормителем сынов

Ахаавлих, глаголя: 2 и ныне егда приидет писание сие к вам, и с вами сынове господина вашего, и с вами колесницы и кони, и грады тверды и оружия: 3 и узрите благаго и правого в сынех господина вашего, и поставите его на престоле отца его, и да воюете о доме господина вашего. 4 И убояшася зело и реша: се, два царя не возмогоста стати противу лицу его, и како мы станем? 5 И послаша иже над домом и иже над градом, и старейшины, и кормители ко Ииуу, глаголголюще: отроцы мы твои, и елика аще речеши к нам, сотворим: не воцарим мужа, благое пред очима твоима сотворим. 6 И написа к ним Ииуй писание второе, глаголя: аще вы мои и гласа моего вы послушаете, возьмите главы мужей сынов господина вашего и принесите ко мне, якоже час утро, во Иезраель. И бе сынов царевых семьдесят мужей, сии начальницы града вскормиша их. 7 И бысть егда прииде к ним писание, и взяша сыны царевы и заклаша их семьдесят мужей, и возложиша главы их в кошницы и послаша их к нему во Иезраель. 8 И прииде вестник, и возвести ему, глаголя: принесоша главы сынов царевых. И рече: положите я в два холма при вратех града до завтра. 9 И бысть завтра, и изыде и ста во вратех града, и рече ко всем людем: праведни вы: се, аз есмь, обратихся на господина моего и убих его: и кто порази всех сих? 10 Видите убо, яко не падет от глагола Господня на землю, егоже глагола Господь на дом Ахаавль: и Господь сотвори, елика глагола рукою раба Своего Илии. 11 И изби Ииуй всех оставшихся в дому Ахаавли во Иезраели, и вся вельможи его, и знаемая его, и жерцы его, яко не остатися его останку. 12 И воста и иде в Самарию сам, в Вефакад пастырский при пути. 13 И Ииуй обрете братию Охозии царя Иудина и рече: кто вы? И реша: братия Охозиины мы, и снисходом поздравити сыны царевы и сыны обладающия. 14 И рече: поимите я живы. И взяша их живых, и заклаша их в Вефакаде, четыредесять два мужа: и не остави мужа от них. 15 И иде оттуду, и обрете Ионадава сына Рихавля на пути во сретение себе, и благослови его. И рече к нему Ииуй: аще есть сердце твое с сердцем моим право, якоже сердце мое с сердцем твоим? И рече Ионадав: есть. И рече Ииуй: и аще есть, даждь руку твою. И даде руку свою. И возведе его к себе на колесницу 16 и рече к нему: гради со мною и виждь, внегда реновати мне по Господе саваофе. И посади его на колесницу свою. 17 И вниде в Самарию, и изби всех оставшихся Ахаавлих в Самарии, дондеже истребити ему по глаголу Господню, егоже глагола ко Илии. 18 И собра Ииуй вся люди и рече к ним: Ахаав поработа Ваалу мало, Ииуй же поработает ему много: 19 и ныне вся пророки Вааловы, вся рабы его и жерцы его призовите ко мне, муж да не потаится, яко жертва велика Ваалу: и всяк иже потаится, не будет жив. И Ииуй сотвори лестию, да погубит рабы Вааловы. 20 И рече Ииуй: освятите жертву Ваалу и служение. И проповедаша. 21 И посла Ииуй во весь Израиль и рече, глаголя: и ныне вси рабы Вааловы, и вси жерцы его, и вси пророцы его, да никтоже останется, яко жертву велику творю: иже останется, не будет жив и приидоша вси рабы Вааловы, и вси жерцы его, и вси пророцы его: не остана муж, иже не прииде: и

внидоша во храм Ваалов, и наполнися храм Ваалов от края да края. 22 И рече Ииуй к сущым над домом одежд: изнесите одежды всем рабом Вааловым. И изнесе им ризохранитель. 23 И вниде Ииуй и Ионадав сын Рихавль в храмину Ваалову и рече рабом Вааловым: испытайте и видите, аще есть с вами от рабов Господних, и вышлите всех рабов Господних обретшихся тамо. И бысть якоже глагола Ииуй, яко не бе от рабов Господних, но токмо едини рабы Вааловы. 24 И вниде сотворити жертвы и всесожжения и Ииуй постави себе вне осмьдесят мужей и рече: муж иже аще угонзет от мужей, иже аз извожду в руки ваия, душа его вместо души его. 25 И бысть егда сконча творяи всесожжения, и рече Ииуй предтекущим и тристатом: шедше избийте их, да не изыдет от них муж. И избиха их острием меча и повергоша предтекущи и тристаты, и идоша даже до града храма Ваалова: 26 и изнесоша кумир Ваалов и сожгоша его: 27 и разбиша кумиры Вааловы, и низвергоша дом Ваалов, и определиша его на афедрон даже до дне сего. 28 И погуби Ииуй храм Ваалов от Израиля. 29 Обаче от грехов Иеровоама сына Наватова, иже введе в грех Израиля, не отступи Ииуй от последования их: юницы златыя, яже в Вефили и в Дане. 30 И рече Господь ко Ииую: за сия, елика ублажил еси сотворити правое пред очима Моима, и вся елика по сердцу Моему сотворил еси дому Ахаавлю, сынове твои до четвертаго рода сядут на престоле во Израили. 31 И Ииуй не сохрани ходити в законе Господни всем сердцем своим: не отступи от грехов Иеровоама сына Наватова, иже в грех введе Израиля. 32 Во дни оны нача Господь посещати во Израили: и порази их Азаил во всех пределех Израилевых, 33 от Иордана на восток солнца, всю землю Галаадску и Гаддииску, и Рувимову и Манассиину, от Ароира, иже есть при устии потока Арнонска, и Галаад и Васан. 34 И прочая словес Ииуевых, и вся яже сотвори, и вся сила его, и совещания, яже совеща, не се ли, сия написана в книзе словес дний царей Израилевых? 35 И успе Ииуй со отцы своими, и погребоша его в Самарии. И воцарися Иоахаз сын его вместо его. 36 И дний бяше, в няже Ииуй царствова над Израилем в Самарии, двадесять осмь лет.

11 И Гофолия мати Охозиина виде, яко умре сын ея, и воста и погуби все семья царево. 2 Иосавееф же дщи царя Иорама, сестра Охозиина, поя Иоаса сына брата своего, и украде его от среды сынов царевых избиеных, того и доилицу его в клети постельней, и утаи его от лица Гофолиина, и не умертвиша его: 3 и бе с нею кръемь в дому Господни шесть лет: и Гофолия бе царствующи в земли той. 4 И в седмое лето посла Иодай жрец, и поят стоначальники хорримски и расимски, и возведе я к себе в дом Господень, и завеща им завет Господень, и закла их пред Господем: и показа им Иодай сына царска, 5 и заповеда им, глаголя: сие слово, еже сотворите: третья часть от вас да снидет в субботу, и да стрежете стражбу дому царева во вратех, 6 и третья часть у дверей Пути, и третья часть у врат созади протекающнх, и да устрезете стражбу дому: 7 и две части в вас, всяк исходий в субботу, и да хранят стражбу

дому Господня при цари: 8 и обступите царя около, кийждо оружие свое имый в руке своей, и входяй в садироф и да умрет: и будите с царем, егда входити ему и исходити. 9 И сотвориша стоначалницы вся, елика заповеда Иодай смысленый: и поя кийждо мужы своя, и входящыя в субботу со исходящими в субботу, и внидоша ко Иодаю жерцу. 10 И даде жрец сотником копия и щиты царя Давида, яже быша в дому Господни: 11 и быша в руках воевод и предтекущих, и сотвориша сотницы и предходящи по всему, елико заповеда им жрец. И собра жрец Господень вся люди земли в дом Господень: и стаща предтекущи, кийждо их оружие имый в руке своей, от страны дому десныя, даже да страны дому шуия жертвенныя, и дому царева около: 12 и изведе сына царева, и возложи на него венец (царский) и свидение, и воцари его, и помаза его. И восплескаша руками и реша: да живет царь. 13 И услыша Гофолия глас предтекущих людей, и вниде к народу в дом Господень, 14 и виде, и се, царь стояше на столпе по обычаю: и бяху пред царем певцы и трубы, и вси людие земли радующиеся и трубяще в трубы. И раздра Гофолия ризы своя и возопи: измена, измена. 15 И заповеда Иодай жрец стоначалником и властелем силы, и рече к ним: изведите ю вон из полков, и входяй вслед ея смертию да умрет от оружия: понеже рече жрец, да не умрет в дому Господни. 16 И возложиша на ню руке, и изведоша ю скопцы путем исхода коней дому царева, и умре ту. 17 И завеща Иодай завет между Господем и между царем и между людьми, яко быти им в люди Господни: и между царем и между людьми. 18 И внидоша вси людие земли в дом Ваалов и разбиша его, и жертвенники его и образы его сокрушиша добре, и Мафана жерца Ваалова убиша пред лицом жертвенников. И постави жрец властели в дому Господни, 19 и взя стоначалники, и хоррима и расима, и вся люди земли, и изведе царя от дому Господня: и внидоша путем врат предтекущих дому царева, и посадиша его на престоле царева. 20 И возрадовашася вси людие земли, и град умолче: и Гофолию умертвиша мечем в дому царева. 21 Сын седми лет Иоас егда нача царствовать.

12 В лето седмое Ииуа воцарися Иоас, и четыредесять лет царствова во Иерусалиме. Имя же матере его Савиа от Вирсавеи. 2 И сотвори Иоас правое пред Господем во вся дни, в няже просвети его Иодай иерей: 3 обаче высоких не преставиша, и тамо еще людие жряху и кадяху на высоких. 4 И рече Иоас к жерцем: все серебро святых вносимое в дом Господень, серебро оцененя, муж серебро взявый оцененя, все серебро, еже аще въздет на сердце мужа внести в дом Господень, 5 да возмут себе жерцы, муж от продания своего, и тии да укрепят ведек дому во всех, идеже аще обрящется ведек. 6 И бысть в двадесать третье лето царя Иоаса, не укрепиша жерцы ведека храма: 7 и призва царь Иоас Иодая жерца и жерцы, и рече к ним: что яко не укреписте ведека храма? И ныне не примайте серебра от продажей ваших, яко на ведек храма дасте е. 8 И совещашася жерцы не примати серебра от людей и не укрепляти ведека храма. 9 И взя Иодай жрец кивот един, и сотвори в нем скважню, и положи его при олтари одесную

входящих мужей в дом Господень: и влагаху тамо жерцы хранящи дверь все серебро приносимое в дом Господень. 10 И бысть егда увидеша, яко много серебра в ковчезе, и възде писчий царев, и жрец великий, и сребросечцы и открыша, и сочтоша серебро обретшееся в дому Господни: 11 и даша серебро уготованное в руке творящих дела на сосуды дому Господня: и раздаша древодедем и делателем зиждущым в дому Господни, 12 и стеноделателем, и художником, и секущим камения на купление древес, и камения тесаного на строение ведека дому Господня, на вся елика иждивена быша на утверждение храма. 13 Обаче не творишася храму Господню двери сребряны, гвоздиз, фиалы и трубы, ни вси сосуды златы, и сосуды сребряны от серебра принесенного в дом Господень: 14 понеже творящим дела дадеся сие, и утвердиша тем дом Господень. 15 И не сочитаху мужей, имже даяху серебро в руки, даяти творящим дела, зане верно творяху. 16 Серебро за грехи и серебро за преступление, елико внесено бысть в дом Господень, жерцем бысть. 17 Тогда възде Азаил царь Сирский и воева на Геф, и взял его Азаил и разби его: и обрати Азаил лице свое възйти на Иерусалим. 18 И взя Иоас царь Иудин вся святая, елика освяти Иоасафат и Иорам и Охозиа, отцы его и царие Иудины, и святая его, и все злато обретшееся в сокровищих дому Господня и дому царева, и посла Азаилу царю Сирску, и отиде от Иерусалима. 19 И прочая словес Иоасовых, и вся елика сотвори, не се ли, сия писана в книзе словес дний царей Иудиных? 20 И восташа отроцы его, и совещаша всяк совет, и убиша Иоаса в доме Маллоны, иже в Саале. 21 И Иезехар сын Иемуафов, и Иезеуф сын Сомирлов, раби его убиша его, и умре, и погребоша его со отцы его во граде Давидове. И воцарися Амессиа сын его вместо его.

13 В лето двадесать третье Иоаса сына Охозиина царя Иудина царствова Иоахаз сын Ииуев над Израилем в Самарии седмьнадесять лет, 2 и сотвори лукавое пред очима Господними, и иде вслед грехов Иеровоама сына Наватова, иже в грех введе Израиля и не остана злобы тоя. 3 И разгневался Господь гневом на Израиля, и вдаде их в руке Азаилу царю Сирску и в руке сына Адера, сына Азаилева, во вся дни. 4 И помолися Иоахаз лицу Господню, и услыша его Господь, яко виде скорбь Израилеву, понеже оскорби их царь Сирский. 5 И даде Господь спасение Израилю, и избыша от руку Сирску: и вселишася и сынове Израилевы в селения своя якоже и вчера и третияго дне: 6 обаче не отступиша от грехов дому Иеровоама сына Наватова, иже и в грех введе Израиля, в нем ходяху: и дубрава стояше в Самарии. 7 Яко не останася Иоахазу людие, но токмо пятьдесят конник, и десять колесниц, и десять тысяч пешцев, яко изгубил их царь Сирский, и положи яко прах на погране. 8 И прочая словес Иоахазовых, и вся елика сотвори, и силы его, не сия ли писана в книзе словес дний царей Израилевых? 9 И успе Иоахаз со отцы своими, и погребоша его в Самарии: и воцарися Иоас сын его вместо его. 10 В лето тридесать седмое Иоаса царя Иудина царствова Иоас сын Иоахазов над Израилем в

Самарии шестнадцать лет, 11 и сотвори лукавое пред очима Господними: и отступи от всех грехов Иеровоама сына Наватова, иже в грех введе Израиля, в том хождаше. 12 И прочая словес Иоасовых и вся елика сотвори, и силы его, яже сотвори со Амессием царем Иудиным, не сия ли писана в книзе словес дний царей Израилевых? 13 И успе Иоас со отцы своими, Иеровоам же седе на престоле его: и погребен бысть Иоас в Самарии с царми Израилевыми. 14 И Елиссеи разболеся болезнью своею, от неяже умре. И прииде к нему Иоас царь Израилев, и плакася над лицем его, и рече: отче, отче, колесница Израилева и кони его. 15 И рече ему Елиссеи возми лук и стрелы. И взя к себе лук и стрелы. 16 И рече царю: возложи руку свою на лук. И возложи Иоас руку свою на лук, и Елиссеи возложи руки своя на руки царицы, 17 и рече: отверзи окно еже на восток. И отверзе. И рече Елиссеи: стрели. И стрели (царь). И рече Елиссеи: стрела спасения Господня и стрела спасения на Сирию, и победиши Сирию во Афеке даже до скончания. 18 И рече ему Елиссеи: возми лук. И взя. И рече царю Израилеву: удари на землю. И удари царь трижды, и ста. 19 И оскорбе человек Божий о нем и рече: аще бы ударил еси пятици или шестици, тогда бы еси поразил Сирию до скончания, ныне же победиши Сирию трижды. 20 И умре Елиссеи, и погребоша его. Воини же Моавли приидоша в землю наставающе лету тому. 21 И бысть им погребующим мужа, и се, видеша воинов, и повергоша мужа во гробе Елиссеове: (и впаде тело человека мертва,) и прикоснуся костем Елиссеовым, и оживе и воста на ноги своя. 22 Азаил же оскорбилше Израиля во вся дни Иоахазовы. 23 И помилова и Господь, и ущедри я, и призре на ня завета ради Своего, иже со Авраамом и Исааком и Иаковом, и не восхоте Господь потребити их, ниже отверже их от лица Своего. 24 И умре Азаил царь Сирский, и воцарися Адер сын его вместо его. 25 И возвратися Иоас сын Иоахазов, и взя грады от руки Адера сына Азаилева, иже взял от руку Иоахаза отца его в брани: трижды победи его Иоас, и возврати грады Израилевы.

14 В лето второе Иоаса сына Иоахаза царя Израилева, и воцарися Амессиа сын Иоасов, царь Иудин: 2 сын двадцати пяти лет бе, вегда царствовати ему и двадцать пять лет царствова во Иерусалиме. Имя же матере его Иоадина от Иерусалима. 3 И сотвори правое пред очима Господними, обаче не якоже Давид отец его: по всем, елика сотвори отец его Иоас, сотвори, 4 токмо высоких не разруши: еще людие жряху и кадяху на высоких. 5 И бысть егда утвердися царство в руку его, и изби рабы своя убившыя отца его: 6 сынов же убийц тех не изби, якоже писано в книзе закона Моисеова, якоже заповеда Господь, глаголя: да не умирают отцы за сыны, и сынове да не умирают за отцы, но токмо кийждо за своя грехи да умрет. 7 Сей порази Едома в Гемеле десять тысяч и взя Камень и на брани, и нарече имя ему Иефоил до днешняго дне. 8 Тогда посла Амессиа послы ко Иоасу сыну Иоахаза сына Ииуа царя Израилева, глаголя: прииди, да видимся в лице. 9 И посла Иоас царь Израилев ко Амессии царю Иудину, глаголя: терн, иже в

Ливане, посла к кедрови существу в Ливане, глаголя: даждь дщерь твою сыну моему в жену: и приидоша зверие лужнии, иже в Ливане, и попраша терние: 10 побивая поразил еси Идумею, и вознесе тя сердце твое, прославися седе в дому твоём, и почто любопришися в злобе твоей? И падеши ты, и Иуда с тобою. 11 И не послуша Амессиа. И възде Иоас царь Израилев, и видестася лицом той и Амессиа царь Иудин в Вефсамисе Иудине. 12 И паде Иуда пред лицем Израилевым, и побеже кийждо в дома своя. 13 И Амессию сына Иоасова, сына Охозии, царя Иудина, ят Иоас сын Иоахазов царь Израилев в Вефсамисе: и прииде во Иерусалим, и разби стену Иерусалиму от врат Ефремских до врат уголных, на четыреста лакот. 14 и взя серебро и золото, и вся сосуды обретенныя в дому Господни и в сокровищах дому царицы, и сыны смесившихся, и возвратися в Самарию. 15 И прочая словес Иоасовых, елика сотвори в силе своей, якоже брася со Амессиею царем Иудиным, не сия ли писана в книзе словес дний царей Израилевых? 16 И успе Иоас со отцы своими и погребен бысть в Самарии с цари и Израилевыми. И воцарися Иеровоам сын его вместо его. 17 И поживе Амессиа сын Иоасов, царь Иудин, по умертвии Иоаса сына Иоахаза царя Израилева пятнадцать лет. 18 И прочая словес Амессиевых, и вся елика сотвори, не сия ли писана в книзе словес дний царей Иудиных? 19 И восташа на него полки во Иерусалиме: и убеже в Ляхисы, и послаша вслед его в Ляхисы, и убиша его ту: 20 и взяша его на кони, и погребен бысть со отцы своими во Иерусалиме во граде Давидове. 21 И пояша вси людие Иудины Азарию, и той сын шестинадцати лет, и поставиша его царем вместо отца его Амессии: 22 той созда Елоф, и возврати его Иуде по умертвии царя со отцы его. 23 В лето пятнадцатое Амессии сына Иоаса царя Иудина, царствова Иеровоам сын Иоасов над Израилем в Самарии четыредесять и едино лето, 24 и сотвори лукавое пред Господем: не отступи от всех грехов Иеровоама сына Наватова, иже в грех введе Израиля: 25 той приврати предел Израилев от входа Емафова даже и до моря аравитскаго, по глаголу Господа Бога Израилева, егоже глагола и рукою раба Своего Ионы, сына Амафина, пророка, иже от Гефаховера, 26 яко виде Господь смирение Израилево горько зело, и мало содержимых, и умаленных, и оставленных, и не бе помогающаго им. 27 И не глагола Господь искоренити семене Израилева под небесем: и спасе я рукою Иеровоама сына Иоасова. 28 И прочая словес Иеровоамовых, и вся елика сотвори, и силы его, елика повоева, и како возврати Дамаск и Емаф Иуде во Израили, не сия ли писана в книзе словес дний царей Израилевых? 29 И успе Иеровоам со отцы своими, со цари Израилевыми: и воцарися Захариа сын его вместо его.

15 В лето двадцать седмое Иеровоама царя Израилева воцарися Азариа сын Амессии царя Иудина: 2 сын шестинадцати лет бе, егда нача царствовати, и пятьдесят два лета царствова во Иерусалиме. Имя же матере его Иехелиа от Иерусалима. 3 И сотвори правое пред очима Господними по всему, елика сотвори отец его Амессиа,

4 обаче высоких не разори: еще людие жряху и кадяху на высоких. 5 И коснулся Господь царя, и бысть прокажен до дне смерти своея: и царствова в дому апфусоф. И Иоафам сын царев бе над домом судя людем земли тоя. 6 И прочая словес Азари, и вся елика сотвори, не сия ли написана в книзе словес дний царей Иудиных? 7 И успе Азария со отцы своими, и погребоша его со отцы его во граде Давидове. И воцарися Иоафам сын его вместо его. 8 В лето тридесять осмое Азари царя Иудина царствова Захария сын Иеровоамль над Израилем в Самарии шесть месяц. 9 И сотвори лукавое пред очима Господнима, якоже сотвориша отцы его, не отступи от всех грехов Иеровоама сына Наватова, иже в грех введе Израиля. 10 И воста нань Селлум сын Иависов и Кевлаам, и поразиста его, и умертвиста его: и воцарися Селлум вместо его. 11 И прочая словес Захариевых, се, суть написана в книзе словес дний царей Израилевых. 12 Сие слово Господне, еже глагола ко Ииюу, рекий: сынове четверти сядут тебе и на престоле Израилеве. И бысть тако. 13 И Селлум сын Иависов воцарися во Израили: и в лето тридесять девятое Азари царя Иудина, царствова Селлум месяц дний в Самарии. 14 И възиде Манаим сын Гаддин от Ферсилы, и прииде в Самарию, и уби Селлума сына Иависова в Самарии, и умертви его, и воцарися вместо его. 15 И прочая словес Селлумовых, и совещание его, имже совещася, се, суть писана в книзе словес дний царей Израилевых. 16 Тогда поразил Манаим и Ферсу, и вся, яже в ней, и пределы ея от Ферсы, понеже не отверзоша ему, и разбю и всех, иже в ней, и имущих во чреве расече. 17 В лето тридесять девятое Азари царя Иудина, царствова Манаим сын Гаддин над Израилем десять лет в Самарии, 18 и сотвори лукавое пред очима Господнима, (во вся дни своя) не отступи от всех грехов Иеровоама сына Наватова, иже в грех введе Израиля. 19 Во дни его възиде Фула царь Ассирийский на землю (Израилеву), и Манаим даде Фуле тысячу талант сребра, да будет рука его с ним, (еже укрепити царство в руку его). 20 И возложи Манаим дань на Израиля, на всех сильных, дати царю Ассирийску пятьдесят сикль сребра мужу коемуждо: и возвратися царь Ассирийск, и не ста тамо в земли. 21 И прочая словес Манаимовых, и вся елика сотвори, не се ли, сия написана в книзе словес дний царей Израилевых? 22 И успе Манаим со отцы своими, и воцарися Факиа сын его вместо его. 23 В лето пятьдесятое Азари царя Иудина, царствова Факиа сын Манаимль над Израилем в Самарии лета два, 24 и сотвори лукавое пред очима Господнима, и отступи от грехов Иеровоама сына Наватова, иже в грех введе Израиля. 25 И воста на него Факей сын Ромелиин, тристат его, и уби его в Самарии близ дому царева, со Арговом и со Арием, и с ним (бяху) пятьдесят мужей от Галаадитов, и умертви его, и воцарися вместо его. 26 И прочая словес Факиевых, и вся елика сотвори се, суть, писана в книзе словес дний царей Израилевых. 27 В лето пятьдесят второе Азари царя Иудина, царствова Факей сын Ромелиин над Израилем в Самарии двадесять лет, 28 и сотвори лукавое пред очима

Господнима, не отступи от всех грехов Иеровоама сына Наватова, иже в грех введе Израиля. 29 Во дни Факеа царя Израилева прииде Фелгаффелласар царь Ассирийский, и взя Аин и Авелвфемааха, и Аоха и Кенезу, и Асора и Галаад и Галилею, всю землю Неффалимлю, и приведе я ко Ассирианом. 30 И воста Осиа сын Илы на Факеа сына Ромелиина, и поразил его, и умертвил его, и воцарися вместо его в двадесятое лето Иоафама сына Азариина. 31 И прочая словес Факеевых, и вся елика сотвори, се, сия написана в книзе словес дний царей Израилевых. 32 В лето второе Факеа сына Ромелиина царя Израилева воцарися Иоафам, сын Азари царя Иудина: 33 сын двадесяти пяти лет бе, егда нача царствовати, и шестнадцать лет царствова во Иерусалиме. Имя же матери его Иеруса дщи Садокова. 34 И сотвори правое пред очима Господнима, по всему елика сотвори отец его Азария, 35 обаче высоких не разори: еще людие жряху и кадяху на высоких. Той созда двери храму Господню вышния. 36 И прочая словес Иоафамовых, и вся елика сотвори, не сия ли написана в книзе словес дний царей Иудиных? 37 Во дни оны начат Господь посылати на Иуду Раассона царя Сирска и Факеа сына Ромелиина. 38 И успе Иоафам со отцы своими, и погребен бысть со отцы своими во граде Давида отца своего. И воцарися Ахаз сын его вместо его.

16 В лето седмоенадесять Факеа сына Ромелиина, воцарися Ахаз сын Иоафама царя Иудина: 2 сын двадесяти лет бе Ахаз, егда нача царствовати, и шестнадцать лет царствова во Иерусалиме, и не сотвори правое пред очима Господа Бога своего верно, якоже Давид отец его, 3 и ходил в пути Иеровоама сына Наватова царя Израилева, ксему и сына своего преведе сквозе огонь по мерзостем языков, и ихже отят Господь от лица сынов Израилевых: 4 и жряше и кадяхе на высоких и на холмех и под всяким древом частым. 5 Тогда възиде Раассон царь Сирск и Факей сын Ромелиин царь Израилев во Иерусалим на брань, и воеваста на Ахаза, и не можаста (ему) одолети. 6 Во время оно возврати Раассон царь Сирский Елаф Сирии и изгна Иудеев из Елафа, и Идумее приидоша во Елаф и вселишася тамо даже до дне сего. 7 И посла Ахаз послы к Фелгаффелласару царю Ассирийску, глаголя: раб твой и сын твой аз есмь, възиди и отими мя от руки царя Сирска и от руки царя Израилева, воставших на мя. 8 И взя Ахаз злато и сребро обретшееся в сокровищх дому Господню и в сокровищх дому царева, и посла царю Ассирийску дары. 9 И послуша его царь Ассирийский: и възиде царь Ассирийский в Дамаск, и взял его, и пресели его, и Раассона царя уби. 10 И иде царь Ахаз на сретение Фелгаффелласару царю Ассирийску в Дамаск, и виде жертвенник в Дамасце: и посла царь Ахаз ко Урии иерею подобие жертвенника, и начертание, и все творение его. 11 И созда Урия иерей жертвенник по всем, елика посла царь Ахаз от Дамаска. 12 И прииде царь Ахаз из Дамаска и виде жертвенник, и възиде на него, 13 и покади всесожжение свое и жертву свою и возлияние свое, и пролия кровь мирных на жертвенник, 14 олтарь же медяный, иже пред Господем, принесет от

лица дому Господня, и от среды жертвенника и от среды дому Господня: и постави его о едину страну жертвенника к северу. 15 И заповеда царь Ахаз Урии иерею, глаголя: на жертвеннице велицем приносяй всесожжения утренняя, и жертву вечернюю, и всесожжения царева, и жертву его, и всесожжения всех людей, и жертву их, и возлияния их, и всяку кровь всесожжения, и всяку кровь жертвенную излиши на нем: оltарь не медян да будет мне на утро. 16 И сотвори Уриа иерей по всем, елика заповеда ему царь Ахаз. 17 И изсече Ахаз царь спления подставов, и пренесе от них умывальницу, и море низложи от волов медяных, иже беша под ним, и положи е на подставе каменнем: 18 и основание седалища создано в дому Господни, и вход царев внешний обрати в дом Господень, от лица царя Ассирийска. 19 И прочая словес Ахазовых, елика сотвори, не сия ли написана в книзе словес дний царей Иудиных: 20 и успе Ахаз со отцы своими, и погребен бысть со отцы своими во граде Давидове. И воцарися Езекия сын его вместо его.

17 В лето второенадесять Ахаза царя Иудина, царствова Осиа сын Илы в Самарии над Израилем девять лет, 2 и сотвори лукавое пред очима Господними, обаче не якоже царие Израилевы, иже беша прежде его. 3 И взыде нань Саламанассар царь Ассирийск. И бысть ему Осиа раб и даваше ему дань. 4 И обрете царь Ассирийск во Осии неправду, занеже посла послы к Сигору царю Египетску и не принесе дани царю Ассирийску лета того. И осади его царь Ассирийский и связа его в хранине темничней. 5 И прииде царь Ассирийск во всю землю (его), и взыде в Самарию, и воева ю три лета. 6 В лето девятое Осии взя царь Ассирийский Самарию, и заведе Израилтян во Ассирию, и посели их на Алаи и на Аворе, реках Гозанских, и в пределех Мидских. 7 И (сие) бысть, яко согреша сынове Израилевы Господу Богу своему узведшему их из земли Египетския, из под руки фараона царя Египетска, и убояшася богов инех, 8 и ходиша по преданием языков, иже истреби Господь от лица сынов Израилевых, и царие Израилевы елицы сотвориша, 9 и елицы сокрыша сынове Израилевы словеса, не тако на Господа Бога своего: и создаша себе высокая во всех градах своих, от столпа стрегущих даже до града тверда, 10 и поставиша себе кумиры и Дубравы на всяцем холме висоце и под всяким древом чащным, 11 и кадяху тамо на всех високих, якоже языцы, яже удали Господь от лица их, и сотвориша общники, и начаша яве прогневляти Господа, 12 и послужаша идолом, о нижже рече им Господь: не сотворите глагола сего Господеви. 13 И засвидетельствова Господь во Израили и во Иуде, и руками всех пророк Своих всякаго прозорливаго, глаголя: обратитесь от путей ваших лукавых, и сохраните заповеди Моя и оправдания Моя, и весь закон, егоже заповедах отцем вашим, елика послах им руками раб Моих пророков. 14 И не послушаша, и ожесточиша выю свою паче выи отцев своих, иже не вероваша Господу Богу своему: 15 и отвергоша завет Его и оправдания, яже завеща отцем их и свидений Его, елика засвидетельствова им, не сохраниша, и идоша вслед суетных и осуетишася, и вслед языков сущих

окрест их, о нижже заповеда Господь их, еже не сотворити по сему: 16 и оставиша заповеди Господа Бога своего и сотвориша себе две юницы слиты, и сотвориша дубравы, и поклонишася всей силе небесней и послужиша Ваалу: 17 и превождаху сыны своя и дщери своя чрез огонь, и волхвоваху волхвованием и вражаху: и продашася, еже творити лукавое пред очима Господними, еже прогневати Его. 18 И разгневался Господь на Израиля зело и отрину их от лица Своего, и не остася, токмо едино колено Иудино. 19 И Иуда такоже по сохрани заповедий Господа Бога своего: и хождяху по оправданием Израилевым, яже сотвориша, и отвергошася Господа. 20 И разгневался Господь на все семя Израилево и поколеба я, и даде я в руки расхищающим я дондеже отверже я от лица Своего. 21 Яко отторжеся Израиль от дому Давидова, и поставиша себе царя Иеровоама сына Наватова: и отрину Иеровоам Израиля от Господа и введе их во грех великий. 22 И хождяху сынове Израилевы по всему греху Иеровоамлю, егоже сотвори: не отступиша от него, 23 дондеже отверже Господь Израиля от лица Своего, якоже глагола Господь рукою всех раб Своих пророков. И преселен бысть Израиль от земли своея во Ассирианы, даже до дне сего. 24 И приведе царь Ассирийский из Вавилона иже от Хуфы и от Аиа, и от Емафа и Сепфаруима, и вселени быша во градах Самарийских вместо сынов Израилевых, и наследиа Самарию и вселишася во градах ея. 25 И бысть в начале седения их, не убояшася Господа, и пусти на ня Господь львы, и бяху убивающе я. 26 И реша царю Ассирийску, глаголюще: языки, иже превел и пресади еси во градах Самарийских, не разумеша суда Бога земли, и посла Господь на них львы, и се, суть убивающе их, яко не разумеша суда Бога земли. 27 И заповеда царь Ассирийский глаголя: ответите тамо единого жерца от плененных, да идут и да вселятся тамо, и да просветит их судом Бога земли. 28 И отведоша единого от жерцев иже взяша от Самарии, и седе в Вефили, и бе просвещая жрец их, яко да убоятся Господа. 29 И беша творяще кийждо язык боги своя: и поставиша я во храмах на високих, иже сотвориша Самаряне, кийждо язык во градах своих, в нижже живяху. 30 И мужие Вавилонстии сотвориша Соххоф Вениф, и мужие Хуфовы сотвориша Гигель, и мужие Емафовы сотвориша Асимаф, 31 и Евее сотвориша Авлазер и Фарфак и Сепфаруим, егда сожигашу сыны своя огнем Андрамелеху и Анемелеху, богом Сепфаруимским. 32 И бяху боящеся Господа: и вселиша мерзости своя во храмах на високих, иже сотвориша в Самарии, кийждо язык во граде, в немже живяху. 33 И беша боящеся Господа и сотвориша себе жерцы в високих, и сотвориша себе в хранине високих и Господа бояхуся, и идолом своим служаху по обычаю языков отюндуже преселиша их. 34 Даже до дне сего тии творяху по обычаю их: не бояхуся Господа, и не творяху по оправданием их, и по суду их, и по закону, и по заповеди, юже заповеда Господь сыном Иаковлим, идеже и нарече имя ему Израиль. 35 И положи Господь с ними завет и заповеда им, глаголя: не убойтесь богов иных и не поклонитесь им, и не послужите им и не пожрите им: 36 но токмо Господеви,

иже изведе вы из земли Египта крепостию великою и мышцею высокою: Того убойтесь, и Тому поклонитесь, и Тому похрите: **37** и оправдания Его, и суды Его, и закон Его, и заповеди, яже написа вам творити, храните во вся дни, и не убойтесь богов иных: **38** и завета, егоже завеща с вами, не забывайте: и не убойтесь богов иных, **39** но токмо Господа и вашего убойтесь, и Той измет вы от всех враг ваших. **40** И не послушаша сего, но по обычаем своим прежним твориша. **41** И бяху языцы сии боящяся Господа, и изваянным своим служаще: такожде и сынове их и сынове сынов их, якоже сотвориша отцы их, тако творят и до сего дне.

18 И бысть в лето третье Осии сына Илы царя Израилева, воцарися Езекиа сын Ахаза царя Иудина: **2** сын двадцати пяти лет бе егда нача царствовать, и двадцать девять лет царствова во Иерусалиме. Имя же матере его Авуфа дщи Захариина. **3** И сотвори правое пред очима Господним, по всем елика сотвори отец его Давид: **4** той разруши высокая, и сокруши вся капища, и искорени дубравы и змию медяную, юже сотвори Моисей, яко и до дний тех сынове Израилевы беху кадяще ей: и назва имя ей Неестан. **5** На Господа Бога Израилева упова, и но нем не бысть подобен ему в царех Иудиных и в бывших прежде его: **6** и прилеписа Господеви, не отступи от Него, и сохрани заповеди Его, елики заповеда Моисей: **7** и бе Господь с ним, и во всех, яже творяше, смысляше. И сопротивися царю Ассирийскому и не поработа ему: **8** той победи иноплемenniки даже до Газы и до предел ея, от столпа стрегущих и даже и града тверда. **9** И бысть в лето четвертое царя Езекии, сие же лето седмое Осии, сыну Илы, царю Израилеву, възиде Саламанассар царь Ассирийск на Самарю и обседе ю, **10** и взя ю при концы триех лет, в шестое лето Езекиево, сие лето девятое Осии царя Израилева, и пленена бысть Самариа. **11** И преведе царь Ассирийский Самаряны во Ассирию, и посади я на Алаи и на Аворе, реках Гозанских, и в пределех Мидских: **12** понеже не послушаша гласа Господа Бога своего и преступиша завет Его, вся елика заповеда Моисей раб Господень, и не послушаша, и не сотвориша. **13** И в четвертонадесят лето царя Езекии, възиде Сеннахирим царь Ассирийский на грады Иудины твердыя и взят я. **14** И посла Езекиа царь Иудин послы к царю Ассирийску в Лахис, глаголя: согреших, возвратися от мене: еже аще возложиши на мя, то понесу. И возложи царь Ассирийский на Езекию царя Иудина триста талант сребра и тридесять талантов злата. **15** И даде Езекиа все сребро обретшееся в дому Господни и в сокровищих дому царева. **16** Во время оно ссече Езекиа царь Иудин двери храма Господня и утвержения, яже позлати Езекиа царь Иудин, и даде их царю Ассирийску. **17** И посла царь Ассирийск Фарфана и Равосаи и Рапсака от Лахиса на Иерусалим к царю Езекии с силою тяжкою зело. И въздоша, и приидоша ко Иерусалиму, и стаха у водотечи купели вышняя, яже есть на пути села белилнаго, **18** и возопиша ко Езекии. И изыде к ним Елиаким сын

Хелкиев строитель, и Сомнас книгочий, и Иоас сын Сафатов воспоминатель. **19** И рече к ним Рапсак: рцйте ныне ко Езекии: сице глаголет царь великий, царь Ассирийский: что упование сие, на неже уповаеши? **20** Рекл еси: токмо словеса устен, совет и сила на брань: ныне убо на кого надежду отвергл еси мене? **21** Ныне с, надедшися ты на жезл тростяный сломленный сей, на Египет ли? Нанже аще опрется муж, внидет в руку его и пронзет ю: тако фараон царь Египетский всем надеющимся нань: **22** и аще мне речете: на Господа Бога надеемся: не той ли сей, егоже и отстави Езекиа высокая его и жертвенники его, и рече Иуде и Иерусалиму: поклонитесь пред жертвенником сим во Иерусалиме? **23** И ныне соединитесь с господином моим царем Ассирийским, и дам тебе две тысящи коней, аще можеша имети всадники на ня: **24** и како отвратиши лице топарха единого от рабов господина моего малейших, и уповал еси сам на Египет, на колесницы и кони? **25** И ныне убо еда без Господа въздохом на место сие, еже потребити и рече бо Господь ко мне: възды на землю сию и потреби ю. **26** И рече Елиаким сын Хелкин и Сомнас и Иоас ко Рапсаку: глаголи ныне ко отроком твоим сирски, яко слышим мы, а не глаголи к нам иудейски, и почто глаголеши во уши людей, иже на стене? **27** И рече к ним Рапсак: еда к господину твоему и к тебе посла мя господин мой глаголати словеса сия? Не к мужем ли седящим на стене, еже ясти им гной свой и пити им сечь свою с вами вкупе? **28** И ста Рапсак, и возопи гласом великим иудейски, и глагола, и рече: слышите словеса великаго царя Ассирийска: **29** сице глаголет царь: да не возносит вас царь Езекиа словесы, понеже не возможет вас изяти из руки моея: **30** и да не обнаджеживает вас Езекиа Господем, глаголя: изимая измет вы Господь, и не имать предатися град сей в руке царя Ассирийска: **31** не послушайте Езекии, яко сице глаголет царь Ассирийский: сотворите со мною благословение и изыдите ко мне, и да пиет муж от винограда своего, и муж вкусит от смоквей своих, и да пиет воду от рова своего, **32** дондеже прииду и поиму вы в землю (такову) якоже земля ваша, земля пшеницы и вина, и хлебов и виноградов, земля масличин елеа и меда, и живи будете и не умрете: и не послушайте Езекии, яко прельщает вы, глаголя: Господь ны избавит: **33** еда избавляюще избавиша бози языков кийждо их свою страну из руки царя Ассирийска? **34** Где есть бог Емафа и Арфада? Где есть бог Сепфаруима, Ана и Ава? Еда избавиша Самарю из руку моею? **35** Кто во всех бозех земных, иже избавиша земли и от руки моея? И како измет Господь Иерусалима из руки моея? **36** И умолкоша людие и не отвещаха ему слова, яко заповеда им царь глаголя: не отвещайте ему. **37** И вниде Елиаким сын Хелкин строитель, и Сомнас книгочий, и Иоас сын Сафатов воспоминатель ко Езекии, раздравше ризы своя, и возвестиша ему словеса Рапсакова.

19 И бысть егда услыша царь Езекиа, и раздра ризы своя, и облечеся во вретиче, и вниде в дом Господень. **2** И посла Елиакима строителя, и Сомнаса книгочия и

старейшины жерцев облечены во вретисце ко Исаии пророку сыну Амосову. 3 И реша ему: сице глаголет Езекиа: день скорби и обличения и прогневания день сей, яко приидоша сынове даже до болезнорождения, и крепости несть раждающей: 4 аще како послушает Господь Бог твой всех словес Рапсаковых, егоже и посла царь Ассирийский господин его поносити Богу живому и хулити словесы, ихже слыша Господь Бог твой, и прими молитву о останце обретающемся. 5 И приидоша отроцы царя Езекии и ко Исаии. 6 И рече им Исаиа: сице рцйте господину вашему: тако глаголет Господь: не убойси от лица словес, ихже слышал еси, имже похулиша Мя отроцы царя Ассирийска: 7 се, аз даю ему духа, и услышит возвещение и возвратится в землю и свою: и низложу его оружием в земли и его. 8 И возвратися Рапсак и обрете и царя Ассирийска воююща на Ловну: услыша бо, яко отступи от Лакхиса. 9 И слыша о Фараке цари Ефиопстем, глаголя: се, изыде ратоватися с тобою. И возвратися и посла послы ко Езекии, глаголя: тако рцйте Езекии царю Иудейску: 10 да не возносит тя Бог твой, на негоже ты надеешися глаголя: не имать предан быти Иерусалим в руке и царя Ассирийска: 11 се, ты слышал еси вся, елика и сотвориша царие Ассирийстии всем землем, еже прокляти их, и ты ли избудеши? 12 Еда избавляюще избавиша их и бози языков, ихже расточиша отцы и мои, Гозану и Харану, и Фаресу и сыны Едомли, иже во Фалассаре? 13 Где есть царь Емафов и царь и Арфадов? И где есть царь града Сепфаруима, Ана и Ава? 14 И прият царь Езекиа книги от руки послов и прочте я: и вниде в храм Господень, и разгну их Езекиа пред Господем, 15 и молися Езекиа пред Господем и рече: Господи Боже Израилев, седая на Херувимех, Ты еси и Бог един бо всех царствивих земли, Ты сотворил еси небо и землю: 16 приклони, Господи, ухо Твое и услыши мя: отверзи, Господи, очи Твои и виждь, и услыши словеса Сеннахирима, яже посла поношая Тебе Богу живу: 17 яко поистинне, Господи, опустошиша царие Ассирийстии языки, 18 и даша боги их на огонь, яко не бози беша, но дела руку человеку, древа и каменья, и погубиша я: 19 и ныне, Господи Боже наш, спаси ны из руки его, и уразумеют вся царствия земли, яко Ты еси Господь Бог един. 20 И посла Исаиа сын Амосов ко Езекии, глаголя: тако глаголет Господь Бог Сил, Бог Израилев: слышах, о ниже молился еси ко Мне, о Сеннахириме царе Ассирийсте. 21 Сие слово, еже глагола Господь на него: уничижи тя и поругася тебе девица и дщи Сионя, над тобою главою своею покива дщи Иерусалимля: 22 кому поносил еси, и кого похулил еси? И на кого вознесл еси глас, и воздвигл еси на высоту очи твои? На Святаго Израилева. 23 Рукою послов твоих поносил еси Господу, и рекл еси: со множеством колесниц моих възыду аз на вышнюю часть горы Ливанския, и усеку величество от кедр ея и избранныя кипарисов ея, и прииду в средину чащи Кармилския: 24 аз изсуших, и пнях воды чуждыя, и опустоших стопами ног моих вся реки окрестныя: 25 еда не слышал еси? Издавна ю сотворих, от дний первых создах ю и принесох ю: и бысть в холмы преселников воюющих грады тверды: 26 и живущи

в них изнемогоша рукою, сотрясошася и постыдешася, быша (яко) трава селная, или злочно былие, злак иже на зданиих, и попорания противу стоящаго: 27 и седение твое, и исход твой, и вход твой разумех, и гнев твой на Мя, 28 занеже разгневался еси на Мя и шум твой вниде во уши Мои, и вложу удицу Мою в ноздри твоя и бразду во устне твои, и возвращу тя по пути, имже пришел еси. 29 И сие тебе знамение, (Езекие): ждь в сие лето прозябающая самородная, и в лето второе прозябающая, и в лето третье сейте семена и жните, садите винограды, и да ясте плод их: 30 и приложит спасшееся дому Иудова, оставшееся, корень доле, и сотворит плод горе, 31 яко из Иерусалима изыдет останок, и спасаемый из горы Сиони: ревность Господа Сил сотворит сие. 32 Сего ради тако глаголет Господь (Сил) на царя Ассирийска: не имать внити во град сей, и не имать устрелити нам стрелы, и не достигнет к нему щит, и не имать осыпати его землю: 33 но путем, имже прииде темже возвратится, и во град сей не имать внити, глаголет Господь, 34 и защищу град сей, еже спасти его Мене ради и Давида ради раба Моего. 35 И бысть в ночь ону, и сниде Ангел Господнь и уби от полка Ассирийскаго сто осмьдесят и пять тысяч. И востаха заутра, и се, вся трупия мертва. 36 И воста, и отиде, и возвратися Сеннахирим царь Ассирийский, и вселися в Ниневию. 37 И бысть ему кланяющуся во храме Месераха бога своего, и Адрамелех и Сарасар сынове его убиста его мечем: сами же бежаста в землю Араратску. И воцарися Асордан сын его вместо его.

20 Во днеш онех разболеся Езекиа (царь) да смерти. И вниде к нему Исаиа пророк сын Амосов и рече к нему: тако глаголет Господь: заповеждь дому твоему, умреши бо ты и не будеши жив. 2 И обрати Езекиа лице свое ко стене и помолися ко Господу, глаголя: 3 Господи помяни ныне, яко истинною ходих пред Тобою и сердцем совершенным, и угодная пред очима Твоима сотворих. И плакася Езекиа плачем великим. 4 И бяше Исаиа еще посреде двора, и бысть слово Господне к нему, глаголя: 5 возвратися и рцы Езекии вожду людий Моих: тако глаголет Господь Бог Давида отца твоего: услышах молитву твою и видех слезы твоя: се, аз изцелю тя, и в день третий възыдеши в дом Господень: 6 и приложу к летом твоим лет пятнадцать, и от руки царя Ассирийска избавлю тя и град сей, и защищу град сей Мене ради и Давида ради раба Моего. 7 И рече Исаиа: да возмут перевясло смоквей и да положат на вред, и изцелеет. 8 И рече Езекиа ко Исаии: кое знамение, яко изцелит мя Господь и възыду в дом Господень в день третий? 9 И рече Исаиа: сие знамение от Господа, яко сотворит Господь слово, еже глагола: (хощеши ли да) пойдет стень десять степеней, или возвратится десять степеней? 10 И рече Езекиа: удобно стени уклонитися десять степеней: ни, но да возвратится стень на десять степеней вспять. 11 И возопи Исаиа пророк ко Господу, и возвратися стень по числу назад десять степеней. 12 Во время оно посла Мародах Валадан, сын Валаданов, царь Вавилонский, книги и дары ко Езекии: слыша бо, яко разболеся (царь) Езекиа.

13 И порадовался Езекиа о них, и показа им весь дом свой сокровищный, серебро и золото, и ароматы и елей добрый, и дом сосудов и елика обретошася в сокровищих его: и не бе места, егоже не показа им Езекиа в дому своем и во всей области своей. 14 И вниде Исаиа пророк ко Езекиа царю и рече к нему: что глаголаша мужие сии, и откуда приидоша к тебе? И рече Езекиа: от земли дальния приидоша ко мне, от Вавилона. 15 И рече: что видеша в дому твоём? И рече Езекиа: вся, елика в дому моем, видеша: несть в дому моем, егоже им не показах, но и яже в сокровищих моих (видеша). 16 И рече Исаиа ко Езекиа: слыши слово Господне: 17 се, дние грядут, рече Господь, взята будут вся, яже в дому твоём, и вся, яже собраша отцы твои до дне сего, внидут в Вавилон: и не останется слово, еже рече Господь. 18 И сынове твои, иже изыдут из тебе, иже родиши, возмутся и будут скопцы в дому царя Вавилонскаго. 19 И рече Езекиа ко Исаии: благо слово Господне еже глагола: да будут мир во дни моя. 20 И прочая словес Езекиевых, и вся сила его, и елика сотвори, источник и водотечь, и введе воду во град, не се ли, сия написана в книзе словес дний царей Иудиных? 21 И успе Езекиа со отцы своими, и погребен бысть во граде Давидове. И воцарися Манассиа сын его вместо его.

21 Сын дванадцати лет Манассиа, егда нача царствовати, и пятьдесят пять лет царствова во Иерусалиме. Имя матери его Офовиа. 2 И сотвори лукавое пред очима Господними, и хождаше вслед мерзостей языков, ижех отину Господь от лица сынов Израилевых: 3 и обратися, и созда высокая, иже разори отец его Езекиа, и воздвиже жертвенник Ваалу, и сотвори дубравы, яже сотвори Ахаав царь Израилев, и поклонися всей силе небесней и поработа им: 4 и созда олтарь в дому Господни, якоже рече Господь: во Иерусалиме положу имя Мое. 5 И сотвори олтарь всей силе небесней на дву двору дому Господня: 6 и провождаше сыны своя чрез огонь, и вражаше, и волшебния творяше, и сотвори капища, и волшебницы умножи творити лукавое пред очима Господними, еже прогневати Его: 7 и постави изваяное Дубравы в храме, о немже рече Господь к Давиду и к Соломону сыну его: в храме сем и во Иерусалиме, егоже избрах от всех колен Израилевых, и положу ту имя Мое на веки, 8 и не приложу подвигнуться нозе Израилеве от земли, юже дах отцем их, аще тии соблюдут вся елика заповедах, по всей заповеди, юже заповеда им раб Мой Моисей. 9 И не послушаша, и прельсти их Манассиа, еже сотворити лукавое пред очима Господними паче язык, яже истреби Господь от лица сынов Израилевых. 10 И глагола Господь рукою рабов Своих пророков, глаголя: 11 за сия, елика сотвори Манассиа царь Иудин мерзости сия лукавыя, паче всех яже сотвориша Аморрее, иже прежде сего быша, и введе во грех и Иуду, в кумирех своих: 12 не тако: сице глаголет Господь Бог Израилев: се, аз наведу злая на Иерусалим и на Иуду, яко всякому слышащему пошумят обоя уха его, 13 и простру на Иерусалим меру Самарийскую и весь дому Ахаавля: и истреблю Иерусалима, якоже изглаждается алавастр изглаждаемый и превращается в лице свое: 14

и изрину останки достояния Моего и предам их в руки врагов их, и будут в расхищение и в плен всем врагом своим: 15 понеже сотвориша лукавое пред очима Моима и быша прогневляюще Мя от дне, в оньже изведох отцы их от земли Египетския, и до дне сего. 16 Еще же кровь неповинную излия Манассиа многу зело, дондеже наполни Иерусалиму уста до уст, кроме грехов его, имиже во грех введе Иуду, сотворити лукавое пред очима Господними. 17 И прочая словес Манассиных, и вся елика сотвори, и грех его, иже согреша, не сия ли написана в книзе словес дний царей Иудиных? 18 И успе Манассиа со отцы своими, и погребен бысть в вертограде дому своего, в вертограде Озы. И воцарися Аммон сын его вместо его: 19 сын двадцати дву лет бе Аммон, егда нача царствовати и два лета царствова во Иерусалиме. Имя же матери его Месоллам, дщи Арусова из Иевеы. 20 И сотвори лукавое пред очима Господними, якоже сотвори Манассиа отец его, 21 и хождаше по всему пути, иже ходи отец его, и поработа кумиром, иже поработа отец его, и поклонися им: 22 и остави Господа Бога отец своих, и не ходи путем Господним. 23 И восташа отроцы Аммоновы нань и умертвиша царя в дому его. 24 Люди же земли (тоя) избиша всех воставших на царя Аммона, и воцариша люди земли той Иосию сына его вместо его. 25 И прочая словес Аммоновых, елика сотвори, не се ли, сия написана и в книзе словес дний царей Иудиных? 26 И погребоша его во гробе его в вертограде Озине. И воцарися Иосиа сын его вместо его.

22 Сын осми лет бе Иосиа, егда нача царствовати, и тридцать едино лето царствова во Иерусалиме. Имя же матери его Иедида, дщи Едеева, от Васурофа. 2 И сотвори правое пред очима Господними, и хождаше во всех путех Давида отца своего, не совратися ни на десно, ни на шее. 3 И бысть во осмоенадцать лето царства Иосиина, в седмый месяц, посла царь Сафана, сына Езелина, сына Месолламля, книгочию дому Господня, глаголя: 4 взыди к Хелкии жрецу великому и запечатлей серебро внесенное в дом Господень, еже собраша стрегущии врат от людей, 5 и да дадут е в руки творящих дела приставником в храме Господни: да дадут е творящим дела в дому Господни, еже подкрепляти разселины храма, 6 древоделем и каменосечцем и покупающим древа и камене тесаное на утверждение разселин храма. 7 Обаче не сочисляху их о серебре даемем им, яко верно тии творяху. 8 И рече Хелкиа жрец великий ко Сафану книгочию: книгу закона (Божия) обретох в дому Господни. И даде Хелкиа книгу Сафану, и прочте ю. 9 И вниде в дом Господень и царю Иосии, и возвести царю слово и рече: слышаша раби твои серебро обретшееся в дому Господни, и даша е приставницы в руки творящим дела в храме Господни. 10 И рече Сафан книгочия к царю, глаголя книгу закона даде ми Хелкиа жрец. И прочте ю Сафан пред царем. 11 И бысть яко услыша царь словеса книги законныя, и раздра ризы своя, 12 и заповеда царь Хелкии жрецу и Ахикаму сыну Сафану, и Аховору сыну Михеину и Сафану книгочию и Асаию рабу цареву,

глаголя: 13 приидите, испросите Господа о мне и о всех людех и о всем Иуде, и о словесех книги обретшия сея, яко велик гнев Господень разжженный на нас, понеже не послушаша отцы наши словес книги сея, еже творити по всем написанным на ны. 14 И иде Хелкиа жрец и Ахикам, и Аховор и Сафан и Асаиас ко Олдаме пророчице, жене Селима сына Фекуева, сына Араса ризохранителя: и сия живяше во Иерусалиме в масене: и глаголаша к ней по сему. 15 И рече им: сице глаголет Господь Бог Израилев: рцыте мужие пославшему вы ко мне: 16 тако глаголет Господь: се, аз наведу злая на место сие и на живущия в нем, вся словеса книжная, яже прочте царь Иудин: 17 понеже оставиша Мя и кадыху богом другим, яко да прогневают Мя делесы рук своих, и разжжется ярость Моя на место сие и не угаснет: 18 и ко царю Иудину пославшему вас вопросити Господа, сице рцыте ему: тако глаголет Господь Бог Израилев: словеса, яже слышал еси, 19 за сия, яко умягчися сердце твое и смирился еси пред лицом Господним, услышав елика глаголах на место сие и на живущия в нем, еже быти в погубление и в проклятие, и раздрал еси ризы твоя, и плакался предо Мною, и аз убо услышах, глаголет Господь: 20 сего ради аз приложу тя ко отцам твоим, и соберешися во гроб твой в мире, и не узриши очима твоима всех злых, яже аз имам навести на место сие и на живущия в нем.

23 И возвестиша сия глаголы цареви: и посла царь, и собрал к себе вся старейшины Иудины и Иерусалимляны, 2 и вниде царь в дом Господень, и вси мужие Иудины и вси живущии во Иерусалиме с ним, и жерцы, и пророцы, и вси людие от мала и до велика, и прочте во ушеса их вся словеса книги завета обретшия в дому Господни: 3 и ста царь у столпа и завеща завет пред Господем, еже ходити вслед Господа и хранити заповеди Его и свидения Его и оправдания Его всем сердцем и всею душею, еже возстави словеса завета сего, яже писана в книге сей. И сташа вси людие в завете. 4 И заповеда царь Хелкии жерцу великому и жерцем вторым и стрегущым врат изнести от храма Господня вся сосуды сотворенныя Ваалу и Дубраве и всей силе небесней, и сожже и вне Иерусалима в Садиммофе Кедрсте и изверже прах их в Вефиль: 5 и сожже хомаримы, иже даша царие Иудины, и кадыху в высоких и во градах Иудиных и во окрестных Иерусалима, и кадыщих Ваалу, и солнцу, и луне, и планетам и всей силе небесней: 6 и изнесе кумир из храма Господня вне Иерусалима на поток Кедрск, и сожже его в потоце Кедрсте, и истии в прах, и вверже прах их в гробы сынов людских: 7 и разруши храм кадисимов, иже бе в храме Господни, идеже жены прядяху ризы кумиру: 8 и возведе вся жерцы от градов Иудиных, и оскверни высокая, идеже кадыху жерцы, от Гаваи да Вирсавеи: и разруши храм врат, иже бе при дверех врат Иисуса князя градного, иже ошуюю входящим дверми града. 9 Обаче не вхождаху жерцы высоких ко олтарю Господню во Иерусалиме, но токмо ядыху опресноки посреде братии своея. 10 И оскверни Тафефа, иже в дебри сынов Еномлих, еже не превести мужу

сына своего и мужу дочери своея Молоху сквозе огонь: 11 и сожже кони, иже даша царие Иудины солнцу во входе храму Господня, при влагалищи Нафана, царева скопца во Фаруриме: и колесницу солнечную сожже огнем: 12 и олтари, яже на крове горницы Ахазовы, яже сотвориша царие Иудины и олтари, иже созда Манассиа во двою двору храма Господня, раскола царь, и сверже оттуду, и всыпа прах их в поток Кедрск: 13 и храм, иже пред лицом Иерусалима, одесную горы Мосфаф, егоже созда Соломон царь Израилев Астарте мерзости Сидонстей и Хамосу мерзости Моавли и Молхолу мерзости сынов Аммоних, оскверни царь: 14 и сокруши столпы, и искорени дубравы, и наполни места их костми человеческими: 15 и оltарь иже во Вефили высокий, егоже сотвори Иеровоам сын Наватов, иже в грех введе Израиля, и оltарь той высокий раскола, и сокруши камень его, и истии в прах, и сожже кумиры. 16 И восклонися Иосиа, и виде гробы сущия во граде тамо, и посла, и взя кости от гроб, и сожже на олтари, и оскверни его по глаголу Господню, егоже глагола человек Божий, егда стояше Иеровоам в праздник пред олтарем: и обращаясь возведе очи свои на гроб человека Божия глаголавшаго словеса сия. 17 И рече: что могила сия, юже аз вижу? И реша ему мужие града: гроб сей человека Божия есть, иже прииде от Иуды и проглагола словеса сия, яже сотворил еси ныне над олтарем, иже в Вефили. 18 И рече: оставите его, да не подвижет ни един муж костей его. И оставиша кости его с костями пророка пришедшаго от Самарии. 19 Еще и вся храмы высоких сущих во градах Самарийских, яже сотвориша царие Израилевы прогневающе Господа, отверже Иосиа, и сотвори им вся дела, яже сотвори в Вефили, 20 и закла вся жерцы высоких сущия тамо пред олтарми, и сожже на них кости человекичи, и возвратися во Иерусалим. 21 И заповеда царь всем людем, глаголя: сотворите пасху Господеви Богу нашему, якоже писано в книге завета сего: 22 яко не бысть пасха сия от дний судий, иже судиша Израилеви, и во всех днех царей Израилевых и царей Иудиных: 23 но токмо во осмоенадесять лето царя Иосии бысть пасха Господу во Иерусалиме. 24 Еще и волшебники, и вражбиты, и ферафимы, и кумиры, и вся мерзости бывшия в земли Иудине и во Иерусалиме, искорени царь Иосиа, да утвердит словеса законная писанная в книге, юже обрете Хелкиа жрец в храме Господни. 25 Подобен ему не бысть пред ним царь, иже обратися к Господеви всем сердцем своим и всею душею своею и всею силою своею по всему закону Моисеову, и по нем не воста подобен ему. 26 Обаче не отвратися Господь от ярости гнева Своего великаго, имже возярился гневом на Иуду, на прогневания, имже прогнева Его Манассиа, 27 и рече Господь: еще и Иуду отринуту от лица Моего, якоже отринух Израиля, и град сей отвергу, егоже избрах, Иерусалима, и храм, о немже рех: будет имя Мое ту. 28 И прочая словес Иосиевых, и вся елика сотвори, не сия ли написана в книге словес дний царей Иудиных? 29 Во днех же его възде фараон Нехао царь Египетск на царя Ассирийска на реку Евфрат: и изыде царь Иосиа на сретение ему, и уби его Нехао царь в Магеддоне, егда его узре. 30 И

взяша его отроцы его мертва из Магеддона и принесоша его во Иерусалим, и погребоша его во гробе его во граде Давидове. И пояша людие земли тоя Иоахаза сына Иосиина и помазаша его, и воцариша его вместо отца его. **31** Сын двадесяти и триех лет бе Иоахаз, внегда нача царствовати и три месяцы царствова во Иерусалиме. Имя же матери его Амитала, дщи Иеремии из Ловны. **32** И сотвори лукавое пред очима Господними, по всем елика сотвориша отцы его. **33** И пресели его фараон Нехао в Ревлаам в землю Емаф, да не царствует во Иерусалиме, и возложи дань на землю ту сто талант сребра и сто талант злата. **34** И постави царем фараон Нехао над ними Елиакима, сына Иосии царя Иудина, вместо Иосии отца его, и премени имя ему Иоаким: Иоахаза же взя и введе во Египет и умре тамо. **35** И сребро и злато даде Иоаким фараону, обаче написа землю даяти сребро по словеси фараону: муж по оценению своему даяше сребро и злато от людей земли тоя даяти фараону Нехао. **36** Сын бе двадесяти и пяти лет Иоаким, егда нача царствовати, и единонадесять лет царствова во Иерусалиме. Имя же матери его Иелдаф, дщи Фадаиля, от Румы. **37** И сотвори лукавое пред очима Господними, по всем елика сотвориша отцы его.

24 Во днеш его взыде Навуходоносор царь Вавилонский, и бысть ему Иоаким раб три лета, и отвратися, и отвержеся его. **2** И посла Господь ему единопоясники Халдейския и единопоясники Сирийския, поясники сынов Аммоних, и посла их в землю Иудову на побеждение по словеси Господню, еже глагола рукою рабов Своих пророков. **3** Обаче прииде по гневу Господню на Иуду, еже отставити его от лица Своего грех ради Манассиных, по всем елика сотвори, **4** и кровь неповинную пролия, и наполни Иерусалим крове неповинныя, сего ради не восхоте Господь умилостивитися. **5** И прочая словес Иоакимовых, и вся елика сотвори, не се ли, сия написана в книзе словес дний царей Иудиных? **6** И успе Иоаким со отцы своими, и воцарися Иехониа вместо его. **7** И не приложи ксему царь Египетский изыти из земли своея, яко взя царь Вавилонский от потока Египетска даже до реки Евфрата, вся елика быша царя Египетска. **8** Сын осминадесяти лет Иехониа, егда нача царствовати, и три месяцы царствова во Иерусалиме. Имя же матери его Несфа, дщи Еланасфана, от Иерусалима. **9** И сотвори лукавое пред очима Господними, по всему елико сотвори отец его. **10** И в время то взыде Навуходоносор царь Вавилонскими на Иерусалим, и бысть град во облежени. **11** И прииде Навуходоносор царь Вавилонский на град Иерусалим, и отроцы его около обседяху град. **12** И изыде Иехониа царь Иудин ко царю Вавилонскому, сам и отроцы его, и мати его, и князи его, и скопцы его, и взя его царь Вавилонский в осмое лето царства своего. **13** И изнесе вся сокровища оттуду сущая во храме Господни и сокровища дому царева, и сокруши вся сосуды златыя, яже сотвори Соломон царь Израилев во храме по глаголу Господню, **14** и пресели Иерусалимляны и вся князи, и сильныя крепостию, плена десять тысяч пленив, и всякаго

древоделя, и художники: и никтоже остана, токмо узобии земли тоя: **15** и преведе Иехонию в Вавилон, и мать царева, и жены царевы, и скопцы его, и крепкия земли тоя введе на преселение из Иерусалима в Вавилон: **16** и вся мужы силы, седьмь тысящ, и древодель и художников тысящу, вси сильнии творящии брань, и введе их царь Вавилонский в преселение в Вавилон. **17** И постави царем Вавилонский царь Ватфанию сына его и вместо его, и преложи имя ему Седекиа. **18** Сын двадесяти и одинаго лета Седекиа, внегда нача царствовати, и единонадесять лет царствова во Иерусалиме. Имя же матери его Амитала, дщи Иеремиина, от Ловны. **19** И сотвори лукавое пред очима Господними, по всему елика сотвори Иоаким, **20** яко ярость бе Господня на Иерусалиме и на Иуде, дондеже отверже я от лица Своего. И отвержеся Седекиа царя Вавилонска.

25 И бысть в лето девятое царства его, в месяц десятый, прииде Навуходоносор царь Вавилонский и вся сила его на Иерусалим: и обступи его отвсюду, и создаша окрест его бойницы. **2** И бысть град во облежени до первагонадесять лета царства Седекиина, девятого дне месяца: **3** и превозможе во граде глад, и не бысть хлеба людем земли тоя: **4** и разседся град, и вси мужие воинстии изыдоша нощию путем врат, яже посреде стен, яже суть во вертограда царева, и Халдее окрест града (беша). И побеже (царь Седекиа) путем пустынным: **5** и погна сила Халдейская вслед царя, и яша его во Аравофе Иерихонстем, и вся сила его разсыпаса от него: **6** и пояша царя и поведоша его к царю Вавилонску в Ревлафу: и глагола с ним суд: **7** и сыны Седекиины закла пред очима его, и очи Седекиины избоде, и связа его узами, и отведе его во Вавилон. **8** В месяц же пятый, в седьмый день месяца, сие лето девятонадесять Навуходоносора царя Вавилонска, прииде Навузардан архимагир, раб царя Вавилонскаго, во Иерусалим **9** и заже храм Господень и дом царев, и вся дома Иерусалимли и вся дома великия сожеже архимагир: **10** и стены Иерусалимли окрест раскопа сила Халдейская. **11** И останок людей избывших во граде и впадших, иже отпадоша ко царю Вавилонску, и прочее и утверждение пренесе Навузардан воевода. **12** И от нищих земли тоя остави архимагир винограды блюсти и вертограды. **13** И столпы медяны в храме Господни, и подставы, и море медное сущее во храме Господни сокрушиша Халдее, и взяша медь их во Вавилон: **14** и конобы, и котлы и фиалы, и кадильницы, и вся сосуды медняныя, в ниже служаху, взяша: **15** и кадильницы, и фиалы златыя и сребряныя взя архимагир, **16** столпы два, и моря едино, и подставы, яже сотвори Соломон храму Господню: не бе веса меди всех сосудов. **17** Осминадесяти лакот бысть высота столпа одинаго, и глава медяна на нем: и высота главе три лакти, и на главе мрежи и шипки окрест, вся медяна: по сему же и столп вторый со мрежею. **18** И поят архимагир Сареа жерца перваго и Софонию жерца втораго, и три стражи вратныя: **19** и от града взя скопца одинаго, иже бе приставник над мужи военными, и пять мужей предстоящих пред лицом царевым, обретшихся во

граде, и книгоуча князя силы, иже строяше люди земли тоя, и шестьдесят мужей людей земли тоя обретшихся во граде: 20 и поят я Навузардан архимагир, и приведе я к царю Вавилонскому в Ревлафу. 21 И порази их царь Вавилонский, и умори я в Ревлафе, в земли Емафове. И преселися Иуда свыше земли своея. 22 И людие оставшиися в земли Иудове, ихже остави Навуходоносор царь Вавилонский, и постави над ними Годолию, сына Ахикамля, сына Сафаня. 23 И услышаша вси князи силы сами и мужие их, яко постави царь Вавилонский Годолию, и приидоша к Годолии в Массифу, и Исмаил сын Нафаниин, и Иоанан сын Карифов, и Сараиа сын Фанамафов Нетофафитский, и Иезониа сын Махаффов, сами и мужие их (приидоша). 24 И клятся им Годолия и мужем их и рече им: не бойтеся пришествия Халдеев: седите на земли и работайте царю Вавилонскому, и добро будет вам. 25 И бысть в месяц седмый, прииде Исмаил сын Нафаниин сына Елисамля от семене царска, и десять мужей с ним, и порази Годолию, и умре, и Иудеев и Халдеев, иже с ним бяху в Массифе. 26 И восташа вси людие, от мала и до велика, и князи сил, и внидоша во Египет, яко убояшася от лица Халдейска. 27 И бысть в лето тридесять седмое преселения Иоахина царя Иудина, в дванадесятыи месяц, в двадесять седмый день месяца, вознесе Евилмародах царь Вавилонский, в лето царства своего, главу Иоахина царя Иудина, и изведе его из дому темницы его, 28 и глагола с ним благая, и даде престол ему свыше престолов царей, иже бяху с ним в Вавилоне: 29 и измени ризы его темничныя, и ядыше хлеб с ним всегда, во вся дни живота своего. 30 И пища его от дому царска давана бяше, и все изобилие во дни его, во вся дни живота его.

Первая книга Паралипоменон

1 Адам, Сиф, Енос, 2 Каинан, Малелеил, Иаред, 3 Енох, Мафусал, Ламех, 4 Ное, Сим, Хам, Иафед. 5 Сынове Иафедовы: Гамер и Магог и Мадай, Иован, Елиса и Фовел, и Мосох и Фирас. 6 Сынове же Гамеровы: Асханаз и Рифаф и Форгама. 7 Сынове же Иовани: Елиса и Фарсис, и Хеттим и Доданим. 8 Сынове же Хамовы: Хус и Месраим, Фуд и Ханаан. 9 Сынове же Хусовы: Сава и Евила, и Савафа и Регма и Севефаха. Сынове же Регмановы: Сава и Дадан. 10 Хус же роди Неврода: сей нача быти исполин ловец на земли. 11 Месраим же роди Лодима и Анамиима, и Лавиима и Неффосеимы, 12 и Фафероимы и Патросониимы, и Хаслоимы, от ниже изыдоша Филистими, и Каффоримы. 13 Ханаан же роди Сидона первенца своего и Хеттеа, 14 и Иевусеа и Аморреа, и Гегесеа 15 и Евеа, и Арукеа и Асенеа, 16 и Арадиа и Самареа и Амафия. 17 Сынове же Симовы: Елам и Ассур, и Арфаксад и Луд и Арам. Сынове же Арамлы: Уз и Ул, и Гефер и Мосох. 18 Арфаксад же роди Каинана, Каинан же роди Салу, Сала же роди Евера. 19 Еверу же родистася два сына: имя единому Фалек, яко бо дни его разделена бысть земля, и имя брату его Иектан. 20 Иектан же роди Елмодада и Салефа, и Асермофа и Иадера, 21 и Адорама и Узала, и Деклу 22 и Гамаала, и Авимеила и Саву, 23 и Уфира и Евилата и Иоава: вси сии сынове Иектановы. 24 Сынове же Симовы: Арфаксад, Каинан, Сала, 25 Евер, Фалек, Рагав, 26 Серух, Нахор, Фара, 27 Аврам, той есть Авраам. 28 Сынове же Авраамлы: Исаак и Исмаил. 29 Сии же роди их: первенец Исмаилов Наваюф и Кидар, и Навдеил и Мавсан, 30 и Масма и Идума, и Массий и Ходдад, и Феман 31 и Иетур, и Нафес и Кедма: сии суть сынове Исмаили. 32 Сынове же Хеттуры подложницы Авраамовы, и роди ему Зомврана и Иезана, и Мадала и Мадиама, и Иесвока и Суеа. Сынове же Иезани: Сава и Дедан. Сынове же Дедановы: Рагуил и Навдеил, и Ассириим и Латусиим и Асомин. 33 Сынове же Мадиамли: Гефар и Офер, и Енох и Авида и Елдад: вси тии сынове Хеттурины. Роди же Авраам Исаака. 34 Сынове же Исааковы Исав и Израиль. 35 Сынове же Исавовы: Елифаз и Рагуил, и Иевул и Иеглом и Корей. 36 Сынове Елифазовы: Феман и Омар, и Софар и Гофам и Кенез. Фамна же подложница Елифазова роди ему Амалика. 37 Сынове же Рагуилевы: Нахедф и Заре, и Сомме и Мозе. 38 Сынове же Сиировы: Лотан и Совал, и Севегон и Ана, и Дисон и Асар и Рисон. 39 Сынове же Лотани: Хорри и Еман, и сестре Лотаня Фамна. 40 Сынове же Совали: Адуар и Манааф, и Увал и Саифи и онан. Сынове же Севегони: Аиа и Онам. 41 Сынове же Анани: Дисон и Еливама, дщи Ананя, двое. Сынове же Дисоновы: Амада и Есеван, и Ефран и Харран. 42 Сынове же Асаровы: Валаам и Занан и Илакан, и сынове Дисони: Ос и Арран. 43 И сии царие их, иже царствоваша в земли Едомли, прежде неже бысть царь над сыны Израилевыми: Валак сын Веоров, и имя граду его

Деннава: 44 умре же Валак, и царствова вместо его Иовав, сын Зарин, от Восорры. 45 И умре Иовав, и царствова вместо его Асом от земли Феманони. 46 И умре Асом, и царствова вместо его Адад, сын Варадов, иже порази Мадиама на поли Моавли: и имя граду его Гетфем. 47 И умре Адад, и царствова вместо его Самаа от Мессеккаса. 48 И умре Самаа, и царствова вместо его Саул от Роовофа, иже близ реки. 49 Умре же Саул, и царствова вместо его Валаеннон сын Аховоров. 50 И умре Валаеннон, и царствова вместо его Адад сын Варадов, егоже граду имя бе Фогор и имя жене его Метевиелл, дщерь Матраифа. 51 И умре Адад, и начаша быти князи Едомли: князь Феман, князь Алуа, князь Иефаф, 52 князь Еливама, князь Ила, князь Финон, 53 князь Кенез, князь Феман, князь Вамаил, 54 князь Гамесил, князь Арераман. Сии быша князи Едомстии.

2 Сынове же Израилевы сии суть: Рувим, Симеон, Левий, Иуда, Иссахар, Завулон, 2 Дан, Иосиф, Вениамин, Неффалим, Гад и Асир. 3 Сынове Иудины: Ир, Авнан и Силом: сии трие родишася ему от дщере Савы Хананитяныни. Бысть же Ир первенец Иудин лукав пред Господем: и уби его. 4 Фамарь же невестка его роди ему Фареса и Зару. Всех сынов Иудиных пять. 5 Сынове же Фаресовы: Есром и Иемуил. 6 Сынове же Зарины: Замврий и Ифам, и Емуан и Калхад и Даралей: всех пять. 7 Сынове же Хармиины Ахар, иже смути Израиля, иже сложися на проклятие. 8 И сынове Ифамли Азариа. 9 Сынове же Есромовы, иже родишася ему: Иерамеил и Арам и Халови. 10 Арам же роди Аминадава, Аминадав же роди Наассона, князя дому Иудину, 11 Наассон же роди Салмона, и Салмон роди Вооза, 12 и Вооз роди Овида, и Овид роди Иессеа. 13 Иессей же роди первенца своего Елиава, и втораго Аминадава, и третияго Самеа, 14 и четвертаго Нафанаила, и пятаго Реила, 15 и шестаго Асака, и седмаго Давида. 16 И сестры их быша: Саруа и Авига. Сынове же Саруины: Авесса и Иоав и Асail, трие сии. 17 Авигеа же роди Амессу, егоже отец бысть Иофор Исмаилтянин. 18 И Халев сын Есромов поя жену Азуву и Иериофу. И сии сынове ея: Иасар и Сував и Ардон. 19 И умре Азува, и взя себе Халев жену Ефрафу, яже роди ему Ора, 20 Ор же роди Урию, и Уриа роди Веселеила. 21 По сем же вниде Есром ко дщери Махира отца Галаадова, и сей поя ю, сый в летех шестидесяти пятих: и роди ему Сегува. 22 Сегуд роди Иаира, и беша ему двадесять три грады в земли Галаадстей. 23 Взя же Гедсур и Арам веси Иаировы, Канаф и села его, шестьдесят градов. Вси тии сынове Махира отца Галаадова. 24 И по умертвии Есрома вниде Халев во Ефрафу, жена же Есромля Авиа, и роди ему Асдома отца Фекоева. 25 И беша сынове Иерамеила первенца Есромля: Рам первенец и Ваана, и Арам и Асом брат его. 26 И бе жена ина Иерамеилу, именем Атара, яже бысть мати Унамля. 27 И быша сынове Рама первенца Иерамеила: Маас и Иамин и Акор. 28 И быша сынове Унамли Саммаа и Еддай. Сынове же Саммаины Надав и Ависур. 29 И имя жене Ависурове Авигеа: и роди ему Озва и Моддиа. 30 Сынове же Надавли Салад и Апфаин:

и умре Салад не имый чад. 31 И сынове Апфаини Иесий: и сын Иесиев Сосан: и сынове Сосани Дадай. 32 Сынове же Дадаини: Ахисама и Иефер и Ионафан: и умре Иефер не имый чад. 33 Сынове же Ионафани Фалеф и Заза. Ти быша сынове Иерамеили. 34 Сосан же не име сынов, но точию дщери, и имяше Сосан раба Египтянина, именем Иераа: 35 и даде Сосан дщерь свою Иераю рабу своему в жену, и роди ему Еффеа, 36 Еффей же роди Нафана, и Нафан роди Заведа, 37 Завед же роди Офлада, Офлад же роди Иовида, 38 Иовид же роди Ииуа, Ииуй роди Азарию, 39 Азариа же роди Хеллиса, и Хеллис роди Елеаса, 40 Елеас же роди Сосомаи, и Сосомай роди Саллума, 41 Саллум же роди Иекомю, и Иекомиа роди Елисама. 42 Сынове же Халева брата Иерамеиля, Мариса первенец его: той отец Зифов: и сынове Марисы отца Хевронова. 43 И сынове Хеврони: Корей и Фафуй, и Реком и Самаа. 44 Самаа же роди Раема, отца Иеркаанова, Иеркаан же роди Саммаа. 45 Сын же Саммаин Маон, и Маон отец Вефсуров. 46 Гефа же подложница Халевова роди Арана и Мосаа и Газера: Аран же роди Газиза. 47 Сынове же Аддаини: Регма и Иоафам, и Гирсом и Фалет, и Гефа и Сегав. 48 И подложница Халевова Моха роди Севера и Фархана. 49 Роди же Сагаф отца Мадминаева, и Саула отца Мадевина, и отца Аговдаева, и дщи Халевова Асха. 50 Сии бяху сынове Халевовы, сынове Ора первенца Ефрафова: Совал, отец Кариафиаримов, 51 и Соломон отец Вифлеемов, и Арим отец Вефгедоров. 52 Быша же сынове Совалу отцу Кариафиаримлю: Араа и Есий, и Амманиф 53 и Умасфрае, и Кариафиарим и Мифифим, и Исамафим и Исамареим: от тех изыдоша Сарафее и Есфаголее. 54 Сынове же Соломони: Вифлеем и Нетофат и Атароф, дому Иоавля, и половина Манафиев Исараи, 55 отечества Писарей обитающих во Иависе, Фаргафим и Самафим и Сохафим: сии суть Кинее, иже приидоша от Емафа, отца дому Рихавля.

3 Сии же быша сынове Давидовы, иже родишася ему в Хевроне: перворожденный Амнон от Ахинаамы Иезраилитиды: второй Далуиа от Авигеи Кармилския: 2 третий Авессалом сын Маахи, дщере Фоломиа царя Гесурска: четвертый Адрониа сын Аггифин: 3 пятый Сафатиа от Авиталы: шестый Иефраам от Аглаи жены его: 4 шесть родишася ему в Хевроне, идеже царствова седмь лет и шесть месяц: и тридесять три лета царствова во Иерусалиме. 5 И сии родишася ему во Иерусалиме: Самаа и Совав, и Нафан и Соломон, четыри от Вирсавии дщере Амииловы: 6 и Евар и Елисама, и Елифалет 7 и Нагис, и Нафек и Иафие, 8 и Елисама и Елиадак и Елифалет, девять. 9 Все сынове Давидова кроме сынов подложничих и Фамары сестры их. 10 Сынове же Соломони: Ровоам, Авиа сын его, Аса сын его, Иосафат сын его, 11 Иорам сын его, Охозиа сын его, Иоас сын его, 12 Амасиа сын его, Озия сын его, Иоафам сын его, 13 Ахаз сын его, Езекиа сын его, Манассиа сын его, 14 Амон сын его, Иосиа сын его. 15 Сынове же Иосиины: первенец Иоахаз, второй Иоаким, третий Седекиа, четвертый Селлум. 16 Сынове же Иоакимовы: Иехониа сын его, Седекиа сын его. 17 Сынове же Иехониины: Асир, Салафииль сын его, 18

Мелхирам, Фадаиа и Анесар, и Иезекиа и Осамон и Савадиа. 19 Сынове же Салафиилевы: Зоровавель и Семей. Сынове же Зоровавелевы: Мосоллам и Ананиа, и Салимин сестра их, 20 и Асувеа и Оел, и Варахиа и Асадиа и Асовед, пять. 21 Сынове же Ананиины: Фалтиас, и Иесиа сын его, Рафал сын его, Орна сын его, Авдиа сын его, Сехения сын его, 22 и сын Сехениин Самеа. И сынове Самейны: Хаттус и Иоил, и Верриа и Ноадиа и Саф, шесть. 23 И сынове Ноадиины: Елионей и Езекиа и Езрикам, трие. 24 Сынове Елионеевы: Уадиа и Елиасевон, и Фадаиа и Акаум, и Иоанан и Далеа и Анан, седмь.

4 Сынове же Иудины: Фарес, Есром и Хармий, и Ор и Сувал, 2 и Рада сын Суваль. Сувал же роди Иефа, Иеф же роди Ахимеа и Лаада: сии родове Арафиини. 3 И сии сынове Етановы: Иезраиль и Иесман и Иевдан: имя же сестре их Есиадесфон. 4 И Фануил отец Гедоров, и Езер отец Осань: сии сынове Ора первенца Ефрафа, отца Вефлаемля. 5 Ассуру же отцу Фекеову бысте две жене: Халла и Маара: 6 роди же ему Маара Ахаза и Афера, и Фемана и Аасфира: все сии сынове Маарины. 7 И сынове Хеллани: Сереп и Саар и Есфанам. 8 Кое же роди Енова и Совива и рождение брата Рихава, сына Иаримля. 9 Бысть же Иавис честнейший братии своея: и мати его нарече имя его в болезни. 10 И призва Иавис Бога Израилева, глаголя: аще благословляя благословиши мене и распространиши пределы моя, и будет рука Твоя со мною, и сотвориши мя во уразумение, еже не смириши мя. И даде ему Бог вся, елика просих есть. 11 Халев же отец Асхань роди Махира: сый отец Ассафонов. 12 И Ассафон роди Сафрефу и Фессию, и Фана отца града Нааса, брата Селома Кенезиина и Ахазова: сии мужие Рихавли. 13 Сынове же Кенезиины: Гофониил и Сараиа. Сынове же Гофониилевы Афаф. 14 Манафай же роди Гофора, и Сараиа роди Иорама, отца Гисасариимля, зане художницы быша. 15 Сынове же Халева сына Иефоннииа Ир, Ила и Наам. Сынове же Илы Кенез. 16 Сынове же Амелилли: Зиф и Зефа, и Фириа и Есерил. 17 Сынове же Еврины: Иефер, Морад, и Афер и Иамон: и роди Иефер Марона, и Семяю, и Иесву отца Гедорова и отца Есфамоня. 18 Жена же его сия Адиа роди ему Иареда отца Гедоря, и Авера отца Сохоня, и Ехфилия, отца Заноня. Сии же сынове Веффии дщере фараоновы, юже поят Морил. 19 И сынове жены Идумеаньни, сестры Ханема и Далиа отца Кеила, и Симеон отец Иоамов. И сынове Наимовы отца Кеилова: Гармий и Есфемоний иже из Махафы. 20 Сынове же Симеони: Амнон и Рамнон сын Анань и Фимнон. И сынове Еси: Зохаф, и сынове Зохафовы. 21 Сынове Силома, сына Иудина: Ир отец Лихавль, и Лаада отец Марисань: и племя дому делателей виссона в дому Есовы, 22 и Иоаким, и мужие Хозива и Иоас и Сараф, иже вселишася в Моаве: и возврати их Аведир в Мафукиим. 23 Сии скудельницы обитающии во атаиме и гадире с царем, и в царстве его укрепишася и вселишася тамо. 24 Сынове Симеони: Намуил и Иамин и Иарив, Саре, Саул. 25 Салем сын его, масан сын его, Масма сын его, 26 Амуил сын его, Савуд сын его,

Закур сын его, Семей сын его. 27 Сынове же Семейны шестнадцать и дочерей шесть. Братиям же их не быша сынове мнози, и вся племена их не умножишася якоже сынове Иудины, 28 и обитаху в Вирсаеви и саваде, и Монаде и во Есерсуале, 29 и в Валааи и во Асеме, и во Фоладе 30 и в Вафуиле, и в Ерме и в Сикелаи, 31 и во Вефмаримофе и во Имисусеосине и в дому Варусеоримли: сии грады их даже до царя Давида, 32 и села их: Етам и Ин, Рамнон и Фоккан и Есар, градов пять. 33 И вся веси их окрест градов сих, даже до Ваала: сие обдержание их и разделение их. 34 Мосовав же и Иемолох, и Иосиа сын Амасиев, 35 и Иоиль и Иуй сын Асавиев, сын Сараев, сын Асиль, 36 и Елионай и Иокава, и Иасуиа и Асеа, и Иедиил и Исмаил и Ванеа 37 и Зуза сын Сафеиев, сына Алоня, сына Иедиина, сына Семриня, сына Самеина. 38 Сии произшедши во именех князей, в родех своих и в домех отечеств своих умножишася во множество, 39 и поидоша да внидут в Герары даже до восток дебри взыскати пажити скотом своим: 40 и обретоша пажити премноги и благи: и земля пространна пред ними, и мир и покой, зане прежде обитаху от сынов Хамовых тамо. 41 И приидоша сии написанныи имены во дни Езекии царя Иудина и побиша жителей их и обитание, ихже обретоша ту, и искорениша их даже до дне сего: и вселишася вместо их, яко пажить скотом их бьяше тамо. 42 От сих же от сынов Симеоних идоша в гору Сиир мужей пять сот, и Фалтия и Ноадия, и Рафаиа и Озиил, сынове Иесы, князи их: 43 и побиша останки оставшыяся от Амалика, и вселишася тамо даже до дне сего.

5 Сынове же Рувима первенца Израилева: яко той первенец: и вегда ему взыти на ложе отца своего, даде благословение его сыну своему Иосифу, сыну Израилеву, и не бысть (той) вменен в первенство, 2 яко Иуда силен крепостию и в братии своей, и в вожда из него, и благословение Иосифу. 3 Сынове Рувима первенца Израилева: Енох и Фаллус, Асрон и Хармий. 4 Сынове Иоилевы: Семей и Ванеа сын его. Сынове же Гога сына Семейна: 5 сын его Миха, сын его Риха, сын его Ваал, 6 Векра сын его, егоже пресели Флаглафалласар царь Ассирийский: сей бысть князь колена Рувимова. 7 И братия его во отечестве своем, в исчислении своих, по родом их, князь Иоиль и Захариа, 8 и Валек сын Азузов, сын Саммы, сын Иоилев: той обита во Ароире и в Наване и Веелмаоне, 9 и противу востока обита даже до входа пустыни, от реки Евфрата, яко скот их мног в земли Галаадстей. 10 Во дни же Саула возведоша брань противу Агарян: и падоша в руках их обитающии в жилищах своих вси к востоку Галаадску. 11 Сынове Гадовы прямо их обиташа в земли Васани до Селха: 12 Иоиль первенец, и Сафам второй, и Ианин книжник Васанский. 13 И братия их, по домом отечеств их: Михаил и Мосоллам, и Савей и Иора, и Иохан и Иовиа и Овид, седмь. 14 Сии сынове Авихаила сына Рувиина, и Адди, сына Галаадова, сына Михаилова, сына Иессеина, сына Иедаина, сына Вузова, 15 брата сына Авдиллова, сына Гуниина, князь дому отечеств их. 16 Обиташа в Галааде, в Васане и в весех их

и во всех окрестных Саронских, даже до исхода. 17 Вси сии сочтени быша во дни Иоафама царя Иудина и во дни Иеровоама царя Израилева. 18 Сынове Рувимовы и Гадовы и полплемене Манассиина (биша) сынове сильни, мужие носяще щиты и мечы и напрязающе луки и научени брани, четьредесять и четьри тысящы и седмь сот и шетьдесят, исходящии на ополчение. 19 И твориша брань со Агаряны и Итуреаны, и Нафисеаны и Надавеаны, 20 и укрепилася над ними: и предашася в руке их Агаряне и вся обитания их, зане к Богу воззваша во брани, и услыша их, зане уповаша на Него. 21 И плениша именя их, велблюдов пятьдесят тысящ, и овец двести пятьдесят тысящ, и словес две тысящы, и душ человеческих сто тысящ: 22 ранении же мнози падоша, зане (бысть) от Бога брань: и вселишася вместо их даже до преселения. 23 И полплемене Манассиина вселишася в земли от Васана даже до Ваала Ермоня и Санира и горы Аермонски: и сии в Ливане умножишася. 24 И сии (быша) князи дому отечеств их: Гофер и Иеси, и Елиил и Иеремиа, и Иодуиа и Иедиил, мужие сильни в крепости, мужие именитии, князи по домом отечеств своих. 25 И оставиша Бога отец сынов и соблудиша вслед богов людий земли, ихже потреби Бог от лица их: 26 и воздвиже Бог Израилев дух Фула царя Ассирийска и дух Флаглафалласара царя Ассирийска, и пресели Рувима и Гада и полплемене Манассиина, и введе их во Аллан и Иовор, и во Аран и на реку Гозан, даже до дне сего.

6 Сынове Левии: Герсон, Кааф и Мерари. 2 Сынове же Каафовы: Амрам и Иссаар, Хеврон и Озиил. 3 Сынове же Амрамли: Аарон и Моисей и Мариам. Сынове же Аароновы: Надав и Авиуд, Елеазар и Ифамар. 4 И Елеазар роди Финееса, и Финеес роди Авиуда, 5 и Авиуд роди Воккиа, и Воккий роди Озию, 6 Озия же роди Сареа, и Сарей роди Мариофа, 7 Мариоф же роди Амарию, Амариа же роди Ахитова, 8 Ахитов же роди Садока, и Садок роди Ахимааса, 9 Ахимаас же роди Азарию и Азариа роди Иоанана, 10 Иоанан же роди Азарию, той есть Азариа, иже священствова в дому, егоже созда Соломон во Иерусалиме. 11 Роди же Азариа Амарию, и Амариа роди Ахитова, 12 Ахитов же роди Садока, и Садок роди Селлума, 13 и Селлум роди Хелкию, и Хелкиа роди Азарию, 14 и Азариа роди Сареа, и Сарей роди Иоседека. 15 Иоседек же изыде, егда пресели Господь Иуду и Иерусалима рукою Навуходносора в Вавилон. 16 Сынове же Левиины: Герсон, Кааф и Мерари. 17 И сия именя сынов Герсоных: Ловений и Семей. 18 Сынове же Каафовы: Амрам и Иссаар, Хеврон и Озиил. 19 Сынове же Мерарины: Мооли и Муси. И сии роди Левиины по отечеством их. 20 Герсонови: Ловений сын его, Иеф сын его, Семна сын его, 21 Иола сын его, Аддо сын его, Зара сын его, Иеффи сын его. 22 Сынове Каафовы: Иссаар сын его, Аминадав сын его, Корей сын его, Асир сын его, 23 Елкана сын его, Ависаф сын его, Асир сын его, 24 Кааф сын его, Уриил сын его, Озия сын его, Саул сын его. 25 Сынове же Елкановы: Амаси сын его, Амиоф сын его, 26 Елкана сын его, Суфий сын его, и Нааф сын его, 27 Елиав сын его, Иеремеил сын его, Елкана сын его, Самуил сын его. 28 Сынове же

Самуили: первенец его Иоиль и второй Авиа. 29 Сынове же Мерарины: Мооли сын его, Ловений сим его, Семей сын его, Озия сын его, 30 Саммаа сын его, Ананий сын его, Асаиа сын его. 31 Сии же суть, иже постави Давид над певцы в дому Господни, егда постави кивот: 32 и бяху служаще пред скиниею дому свидения в пении, дондеже созда Соломон дом Господень во Иерусалиме, и стояху по чину своему в служении своем. 33 И сии предстоящи и сынове их от сынов Каафовых: Еман певец сын Иоиля, сына Самуилева, 34 сына Елканова, сына Еремеилева, сына Елиавля, сына Наафова, 35 сына Суфова, сына Елканаева, сына Аммофова, сына Амасова, 36 сына Елканова, сына Иоилева, сына Азариева, сына Сафаниева, 37 сына Маафова, сына ассерова, сына Авиасафова, сына Асирова, сына Кореова, 38 сына аминадавова, сына Исаарова, сына Каафова, сына Левиина, сына Израилева: 39 и брат его Асаф, иже стояша одесную его: Асаф сын Варахии, сына Самаева, 40 сына Михайлова, сына Масилова, сына Мелхиева, 41 сына Афаниева, сына Зараева, сына Адаиева, 42 сына Ифамова, сына Земмина, сына Семейева, 43 сына Иеефова, сына Герсонова, сына Левиина. 44 Сынове же Мерарины братия их ошуюю: Ефам сын Хусии, сына Авдиина, сына Малохова, 45 сына Савиева, сына Амасиева, сына Хелкиева, 46 сына Амасиева, сына Ваниина, сына Семирова, 47 сына Моолиина, сына Мусиева, сына Мерариина, сына Левиина. 48 Братия же их по домом отечеств их, левитяне даны во всякое дело служения скинии дому Божия: 49 и Аарон и сынове его кадяху над олтарем всесожжений и над олтарем фимиама во всякое дело Святых Святым, и да молятся за Израиля по всему, елика повеле Моисей раб Божий. 50 Сии же сынове Аарони: Елеазар сын его, Финеес сын его, Авиуд сын его, 51 Вокхий сын его, Озий сын его, Сарей сын его, 52 Мариоф сын его, Амариа сын его, Ахитов сын его, 53 Садок сын его, Ахимаас сын его. 54 И сия обитания их, по селам их и в пределех их, сыном Аароним племени Каафову, тем бо бысть жребий: 55 и даша им Хеврон в земли Иудине и подградия его окрест его: 56 и села града и веси его даша Халеву сыну Иефонниину. 57 Сыном же Аароним даша грады убежищ: Хеврон и подградия его, и Ловну и подградия ея, и Алom и окрестная его, 58 и Келом и окрестная его, и Давир и окрестная его, 59 и Асан и подградия его, и Вефсамис и подградия его, и Вефсур и подградия его: 60 от колена же Вениаминова Гаваон и подградия его, и Еламоф и подградия его, и еламвей и подградия его, и Анафоф и подградия его: всех градов их тринадесять, градов по племем их. 61 И сыном Каафовым оставшимся от племени рода, от полуплемени Манассиина, даша по жребию десять градов. 62 И сыном Герсоним по племени их от колена Иссахарова и от колена Асирова, и от колена Неффалимова и от колена Манассиина в Васане, грады тринадесять. 63 И сыном Мерариным по племени их от колена Рувимова и от колена Гадова и от колена Завулоня даша по жребию градов дванадесять. 64 Даша же сынове Израилевы левитом грады и подградия их. 65 Даша же по жребию от колена сынов Иудиных и от колена сынов Симеоних и от колена сынов Вениаминих грады

сия, иже назваша имени (своими). 66 И от племен сынов Каафовых, и быша грады пределов их от колена Ефремова: 67 и даша им грады убежищ: Сихем с подградиями его в горе Ефремове и Газер с подградиями его, 68 и Екмаан с подградиями его, и Вефорон и подградие его, 69 и Елон с подградиями его, и Гефремон с подградиями его: 70 и от половины колена Манассиина Анеир и подградия его, и Иевлаам и подградная его, по племени сыном Каафовым оставшимся. 71 Сыном Герсоним от отечеств полуплемени Манассиина Гавлон от Васана и подградная его, и Асироф с подградными его: 72 и от колена Иссахарова Кедес с подградными его, и Надар с подградными его, 73 и Рамоф и подградная его, и Енан с подградными его: 74 и от колена Асирова Масию с подградными его, и Рамоф и подградие его, 75 и Акак и подградие его, и Роов с подградными его: 76 и от колена Неффалимля Кадис в Галилеи и подградная его, и Хамоф с подградными его, и Кариафам и подградная его. 77 И сыном Мерариным оставшимся от колена Завулоня Реммон и подградная его, и Фавор с подградными его, 78 и за Иорданом Иерихон противу востока Иордана: от колена Рувимова Восор в пустыни с подградными его, и Есса с подградными его, 79 и Кадимоф и подградная его, и Моапсаф с подградными его: 80 и от колена Гадова Раммоф Галаадский и подградная его, и Наим с подградными его, 81 и Есевон с подградными его, и Иазир с подградными его.

7 И сии сынове Иссахаровы: Фола и Фуа, и Ясув и Совврам, четыре. 2 Сынове же Фолы: Озий и Рафеа, и Иериил и Амин, и Иаффам и Самуил, князи по домом отечеств их, иже от колена Фолина, крепцы силою по родом их, иже число во дни Давидовы двадесять и две тысящи и шесть сот. 3 Сынове же Озины Иезрий, и сынове Иезриины Михаил и Авдиа, и Иоиль и Иеся, пять всех князей. 4 И с ними по родом их, по домом отечеств их, препоясани и сильни ко ополчению на брань, тридесять и шесть тысяч: много бо имеша жен и сынов. 5 Братия же их во всех племених Иссахаровых крепцы силою, осмьдесят и седмь тысяч сочтение всех их. 6 Сынове же Вениаминовы: Валай и Ховор и Иедиил, три. 7 Сынове же Вллаевы: Есевон и Озия, и Озиил и Иеримуф и Уриа, пять князей домов отечеств их, крепцы силою, и число их двадесять и две тысящи и тридесять четыре. 8 Сынове же Ховоровы: Замирая и Иоав, и Елиезер и Елиана, и Амариа и Иеримуф и Авиа и Анафоф и Елмефем: вси сии сынове Ховоровы. 9 Сочтение же их по родом их, князи домов отечеств их, крепцы силою, двадесять тысяч и двести. 10 Сынове же Иедиилевы Валаам, и сынове Валаамовы Иеос и Вениамин, и Аоф и Аханаан, и Зифан и Фарсис и Асаир: 11 вси сии сынове Иедиилевы, князи племен крепчайшии силою, седмьнадесять тысяч и двести ко ополчению с силою исходящи. 12 И Сафан и Ифан, сынове Иеримуфовы, Есуд сын его, 13 Неффалим сын его, и Есиил и Гоини, и Иесер и Селлим, сынове его, Валаам сын его. 14 Сынове Манассии: Езриил, егоже роди наложница его Сира, роди же ему и Махира отца Галаадова. 15 Махир же поят жену Офирова и Сафинови, и имя сестре

его Мооха, имя же второму Салпаад. Родишажесь Салпааду дщери. 16 И роди Мооха жена Махирова сына и нарече имя его Фарес: и имя брату его Сороор: и сынове его Улам и Ракам. 17 Сынове же Уламовы Валаам: сии сынове Галаада сына Махирова сына Манассиева. 18 Сестра же его Малехеф роди Исусуда и Авиезера и Маалу. 19 Беху же сынове Семира: Амм и Сихем, и Докимм и Ениам. 20 Сынове же Ефремли Фусалам, и Раам сын его, и Фаам сын его, и Елаад сын его, и Фаа сын его, 21 и Завад сын его, и Софела сын его, и Езер и Езлада. Убиша же их мужие Гефтии, ихже родишася в земли той: зане изыдоша взяти скоты их. 22 И плакася Ефрем отец их многи дни: и приидоша братия его, да утешат его. 23 И вниде к жене своей: и зача во чреве, и роди сына, и нарече имя его Вариа, яко в злых дому его рожден есть. 24 Дщи же его Сараа, и бо оных оставшихся: и созда Вефорон нижний и вышний и Садру. 25 Рафай же сын его, и Расеф и Фалай сынове его, и Фаан сын его, 26 и Ладан сын его, и Амиуд сын его, Елисама сын его, 27 Рун сын его, Иосий сын его. 28 И одержание их и обитание их Вефиль и веси его противу востока Наараня, и к западней стране Газера и веси его, и Сихем и веси его даже до Газы и веси ея, 29 и даже до предел сынов Манассииных, Вефсан и веси его, Фанаах и веси его, и Магеддон и веси его, Дор и веси его: в тех вселишася сынове Иосифа сына Израилева. 30 Сынове Асировы: Иамна и Есуд, и Иесуе и Вариа, и Сарреа сестра их. 31 Сынове же Вариевы Ховер и Мелхиил: сей отец Завефов. 32 И Ховер роди Иафлета и Сомира, и Хофана и Сулу сестру их. 33 И сынове Иафлетовы: Фасех и Амамааф и Асоаф: сии сынове Иафлетовы. 34 Сынове же Сомировы: Ихиур, Равгоа и Иава и Арам. 35 Сынове же Асуда брата его: Софа и Иамна, и Елим и Алам. 36 Сынове Софовы: Суе, Ариафер и Суан, и Ворин и Имрам, 37 и Васар и Иуд, и Самма и Селимван, и Иефран и Веера. 38 Сынове же Иеферовы: Иефон и Фасфа и Арей. 39 Сынове же Олани: Орех и Аниил и Расиа. 40 Все сии сынове Асировы, вси князи домов отечества избранныи и крепцы силою, князи, воеводы: сочтение их во время брани на ополчение двадцать шесть тысяч мужей.

8 Вениамин же роди Валу первенца своего, и Азвила второго, и Диеру третьего, 2 и Науила четвертаго, и Рафу пятаго. 3 Быша же сынове Вале: Адир, Гира и Авиуд, 4 и Ависуй и Ноаман, и Ахиа 5 и Гира, и Сефуфам и Урам. 6 Сии сынове Аоди, сии суть князи племен обитающим в Гаваи, итже преселиши в Мануаф: 7 и Нааман и Ахиа, и Гира, тойже иглаам, и (Гира) роди Азана и Нуа. 8 И Сеорим роди на поли Моавли, повнегда отпустил ему Осиму и Вааду жены своя: 9 роди же от Валы жены своя Иовава и Самию, и Мису и Мелхома, 10 и Иоаса и Сехию и Мармию: сии сынове его князи отечеств: 11 от Осимы же роди Амитома и Елифаада. 12 Сынове же Елифаадовы: Евер и Мисоам и Самиил: той созда Анон и Лодон и веси их, еод и веси его: 13 Вериа же и Сама. Сии князи племенем живущим во Еламе, и тии изгнаша живущих в Гефе. 14 И братия их Сосил и Иеримоф, 15 и Завадиа и Орид, и Авад 16 и

Мосоллам, и Иесфа и Иезиа, сынове Вериины. 17 И Завадиа и Мосоллам, и Азак и Авер, 18 и Иассий и Самари, и Иезелиа и Иовав, сынове Елфаали. 19 И Иаким и Хезрий, и Завдий 20 и Елиоинай, и Салафий и Елиил, 21 и Адаиа и Вареа и Самараф, сынове Семейны. 22 И Иесфан и Авер, и Елеил (и Адриа), 23 и Авдон и Зехрий, и Анан 24 и Ананиа, и Илам и Анафафия, 25 и Иефадиа и Фануил, сынове Сосиковы. 26 И Самоас и Сареа, и Ефния 27 и Иарасиа, и Илия и Зехриа, сынове Иероимоимли. 28 Сии князи отечестве по племени их: начальци сии обиташа во Иерусалиме. 29 В Гаваоне же вселися Иеиль отец Гаваона и имя жене его Мааха: 30 сын же его первенец Авдон, и Сур и Кис, и Ваел и Надав, и Нир 31 и Геддор и Аиуй и братия его, и Саур и Махелод. 32 Махелод же роди Самаа. Сии же обиташа прямо братии своей во Иерусалиме с братиею своею. 33 Нир же роди Киса, и Кис роди Саула, Саул же роди Ионафана и Мелхисуа, и Аминадава и Иесваала. 34 Сын же Ионафанов Мемфиваал (или Мемфивосфей): и Мемфиваал роди Миху. 35 Сынове же Михины: Фифоф и Малоф, и Фарес и Хааз. 36 Хааз же роди Иаду, Иада же роди Салемефа и Асмофа и Замвриа, Замврий же роди Месу, 37 Меса же роди Ваану: Рафеа сын его, Еласа сын его, Асаил сын его. 38 Асаилу же шесть сынов, и сия имена их: Езрикам первенец его, и Исмаил и Азариа, и Авдиа и Сараиа и Анан: вси тии сынови Асаилевы. 39 Сынове же Асена брата его: Улам первенец его, и Иесус второй, и Елифас третий. 40 Быша же сынове Уламли мужие крепцы силою, напрязающе лук и умножающе сыны и сыны сынов, сто пятьдесят. Все сии от сынов Вениаминих.

9 И весь Израиль сочтен есть: и се, суть писаны в книзе царей Израилевых и Иудиных со преселившимися в Вавилон за беззакония своя, имиже беззаконноваша. 2 И иже обиташа первее во одержаниих своих во градах Израилевых, священници и левити и вданнии (на служение). 3 И во Иерусалиме обиташа от сынов Иудиных и от сынов Вениаминих и от сынов Ефремлих и Манассииных: 4 Уфий сын Амиуды сына Амвриина, сына Амвраимова, сына Ваниина, сына сынов Фареса сына Иудина: 5 и от Силона Асаиа первенец его и сынове его: 6 от сынов же Зары Иеил и братия их шесть сот и девяносто. 7 И от сынов Вениаминих: Сахом сын Васоллама, сына Одиуева, сына Сануина: 8 и Иевнаа сын Иерооамов и Елав: и сии сынове Озии сына Махирова: и Мосоллам сын Сафатии, сына Рагуилева, сына Иеваня. 9 Братия же их по родом их девять сот пятьдесят шесть, вси мужие князи племенем по домом отечеств своих. 10 От священник же Иодаиа и Иоарим, и Иоаким 11 и Азариа сын Хелкии, сына Мосолламова, сына Садокова, сына Марариофова, сына Ахитова начальника дому Божия: 12 и Адиям сын Иероамль, сына Фасгора, сына Мелхиаева, и Маасий сын Адиила, сына Езирова, сына Мосолламля, сына Маселимофова, сына Еммарова. 13 Братия же их князи по домом отечеств своих, тысяща и седьмь сот и шестьдесят, сильни крепостию к деланию служения в дому Божии. 14 От левит же Самеиа сын Асувов, сына Езрикамова, сына Савиева от сынов

Мерариных, 15 Вакавар же и Арис, и Гареа и Мафания сын Михаев, сына Зехри, сына Асафова: 16 и Авдия сын Самеа, сына Галилова, сына Идифуна, и Варахиа сын Ассы, сына Елканова, иже обита во дворех Нетофафовых. 17 Дверницы же: Селлум и Акум, и Телмон и Емман, и братия их: Селлум князь. 18 И даже доселе во вратех царских к востоку: сия врата на ополчения сынов Левииных. 19 И Селлум сын Кореа, сына Авиасафова, сына Кореова: и братия его по дому отечеств их, Кореане над делами служения стрегуще стражбы скинии: а отцы их над полком Господним, стрегуще входы. 20 Финеес же сын Елеазаров бысть вождь их пред Господем, и сии с ним. 21 Захариа сын Мосолламов, дверник врат скинии свидения. 22 Все избранныи дверницы над враты двести дванадесять, сии в селех своих сочтени: сих постави Давид и Самуил провидец в вере их. 23 И сии и сынове их (быша) при вратех дому Господня и в дому скинии стрещи поочередно. 24 По четырем ветром быша двери к востоку, к западу, к северу, к югу. 25 Братия же их, иже живяху в селех своих, приходяху по седми днех от времени даже до времени (на премуену тем): 26 понеже четырем дверником сильным вверени быша двери: и левити быша над хранилищи, и над сокровищи дому Божия ополчяхуся, 27 и окрест дому Божия живяху: яко на них бе стражба их: и сии над ключами, еже утро утро отверзати двери святилища. 28 От тех же (бяху) над сосуды служения, по числу бо вношаху сосуды и по числу изношаху я. 29 От тех же поставлени над сосуды и над всеми сосуды святыми, и над мукою пшеничною и вином и елеем, и фимиамом и ароматы. 30 От сынов же священнических беша мироварцы, миро соделоваху из аромат. 31 И Маттафия от левит, сей первенец Селлumu Кореанину, емуже вверена дела жертвы сковрадняя великаго жерца: 32 и Ванеа Каафитянин от братий их над хлебы предложения, еже уготовляти в субботы и субботы. 33 И сии псалмопевцы князи отечеств левитских, определени поочередно во храминах, повседневно, яко да день и ночь свое служение отслуживают. 34 Сии князи отечеств левитских по племенем своим, начальницы сии пребываху во Иерусалиме. 35 В Гаваоне же живяше отец Гаваон Иеиль: и имя жене его Мааха: 36 и сын первенец его Авдон, и Сур и Кис, и Ваель и Нир, и Надав 37 и Гедор, и братия его Аиун и Зехриа и Макелоф. 38 Макелоф же роди Саму: и сии вселишася посреде братий своих во Иерусалиме с братьями своими. 39 Нир же роди Киса, и Кис роди Саула, и Саул роди Ионафана и Мелхисуа, и Аминадава и Иесваала. 40 Сын же Ионафань Мемфиваал: и Мемфиваал роди Миху. 41 Сынове же Михи: Филоф и Мелхиил, и Фараа и Хааз. 42 Хааз же роди Иаду, Иада же роди Алефа и Асмофа и Замврия: Замврия же роди Месу, 43 Меса же роди Ваану: Рафра сын его, Еласа сын его, Асаил сын его. 44 Асаилу же (быша) шесть сынов, и сия имена их: Езрикам первенец его, и Исмаил и Азариа, и Авдиа и Анан и Аса: сии сынове асаиловы.

10 Филистими же воеваша противу Израиля, и бежаша мужие Израилевы от лица иноплеменническа и падоша

ранени на горе Гелвуи. 2 И погнаша иноплеменницы вслед Саула и вслед сынов его: и убиша иноплеменницы Ионафана и Аминадава и Мелхисуа, сынов Сауловых. 3 И отягчися брань на Саула, и обретоша его стрелцы в луках и в трудех, и изнеможе от стрел. 4 И рече Саул к носящему оружие его: извлецы меч твой и прободи мя им, да не когда приидут необрезанныи сии и поругаются мне. И не восхоте носий оружие его, яко убояся зело. И взя Саул меч и нападе нань. 5 И виде носяй оружие его, яко умре Саул, и нападе и он на меч свой и умре. 6 И умре Саул и три сына его в день он: и весь дом его купно умре. 7 И видеша вси мужие Израилевы, иже во юдоли, яко побежа Израиль, и яко умре Саул и сынове его, и оставиша грады своя и побегоша: и приидоша иноплеменницы и вселишася в них. 8 И бысть заутра, и приидоша иноплеменницы совлачати падших корысти, и обретоша Саула и сынов его падших на горе Гелвуи: 9 и обнажиша его, и взяша главу его и оружие его, и послаша в землю иноплеменничу, да обносится (и покажется) идолом их и людям: 10 оружия же их положиша в капищи бога своего: и главу его поткнуша в капищи Дагонове. 11 И услышаша вси живущии во Иависе Галаадстем вся, яже Филистими сотвориша Саулу и сыном его и Израилю: 12 и восташа от Галаада вси мужие крепцыи, и приидоша и взяша труп Саулов и труп сынов его, и принесоша их во Иавис, и погребоша кости их под дубом во Иависе: и постишася семь дний. 13 И умре Саул за беззакония своя, имиже беззаконнова Господеви по словеси Господню, понеже не сохрани, яко вопроси Саул волшебницы еже воспросити, и отвеща ему Самуил пророк. 14 И не взыска Господа Саул: сего ради уби его и возврати царство его Давиду сыну Иесееву.

11 И собрася весь Израиль к Давиду в Хеврон, глаголюще: се, кости твоя и плоть твоя мы: 2 вчера же и третияго дне, егда еще царствоваше Саул, ты был еси изводий и вводий Израиля, и тебе рече Господь Бог твой: ты упасеши люди Моя Израиля, и ты будеши князь над людьми Моими Израилем. 3 И приидоша вси старейшины Израилевы ко царю в Хеврон: и утверди Давид с ними завет в Хевроне пред Господем: и помазаша Давида в царя над Израилем по словеси Господню, (еже глагола) рукою Самуиловою. 4 И иде царь Давид и весь Израиль во Иерусалим, сей есть Иевус, идеже бяху Иевусее жителие земли. 5 Рекоша же Давиду, иже обиташа в Иевусе: не внидеши семо. И взя Давид крепость Сиону, яже есть град Давидов. 6 Рече же Давид: всяк иже убьет Иевусеа в первых, будет князь и воевода. И възиде нань прежде Иоав сын Саруиев и бысть князем. 7 И седе Давид во обдержании: сего ради именована е град Давидов. 8 И созда град окрест от Маала даже до окружения: Иоав же прочее града соороти: и воева и взя град. 9 Преспеваше же Давид идый и растый, и Господь Вседержитель бе с ним. 10 Сии же князи сильных Давидовых, иже помогаху ему в царстве его со всем Израилем, да царь будет по словеси Господню, над Израилем, 11 и сие число крепких Давидовых: Иесваал сын Ахамань, первый между

тридесяти: той извлече меч свой единожды на триста язвеных во едино время. 12 И по нем Елеазар, сын Додее Ахохи: сей бе между тремя сильными: 13 сей бе с Давидом в Фасодомине, идеже иноплеменници собрани быша на брань, и бе часть нивы полна ячменя, и людие побегоша от лица иноплеменнича: 14 и ста посреде части и защиты ю, и изби иноплеменники, и сотвори Господь спасение велие (людем Своим). 15 Снидоша же тии трие от тридесяти князей на камень ко Давиду в пещеру Одолламлю, а полк иноплеменничь стояше во юдоли Гигантов. 16 Давид же бе тогда в крепости, полк же иноплеменничь бе тогда в Вифлееме. 17 И возжада Давид и рече: кто напоит мя водою от кладязя Вифлеемска, иже есть во вратех? 18 И трие тии проторгошася сквозе полк иноплеменничь и почерпоша воду из кладязя, иже в Вифлееме, иже бе во вратех, и взяша и принесоша к Давиду, да пиет. И не восхоте Давид пити ея и возлия ю Господеви 19 и рече: милостив ми Бог, еже сотворити глагол сей: аще кровь мужей сих испию в душах их, понеже душами своими принесоша. И не восхоте пити ея. Сие сотвориша трие сильнии. 20 И Авесса брат Иоавль, той бе первый в триех: сей извлече меч свой противу триех сот мужей во един час и уби их, и той бе посреде триех именит: 21 от триех между двема преславный, и бе им начальник, обаче ко трием первым не достиже. 22 И Ванеа сын Иодаев, сын мужа крепкаго, многа дела его, от Каваслила: той уби двоих Арилов Моавских, и той сниде и уби льва у кладязя во время снега: 23 и той уби мужа Египтянина, емуже возраст бе пять локот, и в руке Египтянина копие яко вратило ткущих: и сниде к нему Ванеа с железом, и восхити копие из руки Египтянина и уби его копием его: 24 сия сотвори Ванеа сын Иодаев, и бе именит посреде триех сильных: 25 над тридесятию бе славен сей, а ко трием не достиже: и постави его Давид над отечеством своим. 26 И сильнии сил: Асаил, брат Иоавль, Елеанан, сын Додоев от Вифлеема, 27 Саммоф Аддитянин, Хелкий Афелонин, 28 Орей сын от Киса Фекуйский, Авиезер Анафофский, 29 Совохай Асофийский, Илий Ахойский, 30 Воорай сын Нетофафиев, Еллаф сын Ваинака Нетофафийскаго, 31 Ифай сын Ривеин от холма Вениамина, Ванеа сын Фарафониев, 32 Урий от Неали, Галсавиил Аравефийский, 33 Азмоф Варсамийский, Елиава Саламийский, 34 Ирас Гоинийский, Ионафан сын Саги Арарийский, 35 Ахиам сын Сахара Арарийскаго, Зифаал сын Орин, 36 Афер Мехурафинский, Ахиа Фелонийский, 37 Асарай Мармелинский, Ноорай сын Авдиев, 38 Иоиль брат Нафанов, Мавар сын Тараиев, 39 Селлик Аммонин, Наарей Вирофин, иже носил оружие Иоава сына Саруиева, 40 Ира Иефефин, Гарив Фефин, 41 Уриа Хетфейский, Вазаф сын Оолиев, 42 Адина сын Саха, Рувима князь, и у него тридесять, 43 Анан сын Маахин, и Иосафат Фафаин, 44 Озия Астарофин, Самма и Иеил сынове Хофана Арариина, 45 Иедиил сын Саамерин, и Иозае брат его Фосаин, 46 Иелиил Маоин, и Арива, и Осоиа сын его, Енаам, и Иефема Моавитский, 47 Елиил, и Овид, и Иесиил Месовиев.

12 И сии приидоша ко Давиду в Сикелаг, егда еще одержимъ быше от лица Саула сына Кисова: и сии от

сильных помогающе во брани, 2 напрязающе лук десными и шуими руками, и пращницы камением и стрелами, от братий Сауловых от (колена) Вениамина: 3 князь Ахиезер, и Иоас сын Самаа Гавафита, и Иезиил, и Фалиф, сынове Замофовы, и Варахиа, и Ииуа Анафофитин, 4 и Самаиа Гаваонитин, сильный посреде тридесятих и над тридесатию, и Иеремиа, и Иезекииль, и Иоаннан, и Иозаваф Гадарафитин, 5 Елизий, и Иеримуф, и Ваалиа, и Самариа, и Сафатиа Аруфин, 6 Елкана, и Иесиа, и Иелиил, и Иезаар, и Иесваам, Коритяне, 7 и Иоила, и Завадиа, сынове Иероамли, и иже от Гедора. 8 И от Гадди прибегоша к Давиду, (егда таяшеся) в пустыни, мужие крепцы и бойцы нарочити, держащи щиты и копия: лица же их яко лица львова, и легцы яко серны на горах скоростию: 9 Азер в первых, Авдиа второй, Алиад третий, 10 Масман четвертый, Иеремиа пятый, 11 Иеффиа шестый, Елиил седмый, 12 Иоанан осмый, Ельзавель девятый, 13 Иеремиа десятый, Махавенай первыйнадесять. 14 Сии от сынов Гадовых князи воинстии, един над стом малый, великий же над тысящею: 15 сии иже преидоша Иордан месяца перваго: и сей наполнен во всех брезех своих: и изгнаша всех, иже живящу в юдолах от восток даже до запад. 16 Приидоша же от сынов Вениаминах и Иудиных на помощь Давиду. 17 И изыде Давид во сретение им и рече им: аще мирно приидосте ко мне, да будет сердце мое такожде к вам: аще же предати мя супостатом моим не во истине руки, да видит Бог отец наших и судит. 18 И облече дух Амасию князя над тридесатию, и рече: иди, Давида сыне Иессеев, и людие твои: мир, мир тебе, и мир помощником твоим, яко тебе помогает Бог твой. И восприят их Давид и постави их князей сил. 19 И от Манассии прибегоша к Давиду, егда идяху иноплеменници на Саула на брань, и не поможе им Давид, яко совет быти у воевод иноплеменничих, глаголющих: с главами мужей сих обратится ко господину своему Саулу. 20 И егда идяше Давид в Сикелаг, прибегоша к нему от Манассии Еднай и Иозаваф, и Иавнил и Михаил и Иосафаф и Елиу и Салафий, князи над тысящами у Манассии: 21 сии даша помощь Давиду на полчище геддуров, вси бо крепцы силою: и беша крепцы начальници в воинстве силою. 22 Зане на всяк день приходяху к Давиду на помощь ему, в силу велику, аки сила Божия. 23 И сия имена князей воинства, иже приидоша ко Давиду в Хеврон, да возвратят царство Саулово к нему по словеси Господню: 24 сынове Иудины носящи щиты и копия шесть тысящ и осмь сот, крепцы ко ополчению: 25 от сынов Симеоних, крепцы силою на ополчение седмь тысящ и сто: 26 от сынов Левиных четыри тысящы и шесть сот: 27 и Иодда князь от колена Аарона, и с ним три тысящы и седмь сот: 28 и Садок, отрок крепкий силою, и дому отца его князи двадесять два: 29 от сынов же Вениаминах братий Сауловых три тысящы, и еще большая часть их наблюдаше стражу дому Саула: 30 и от сынов Ефремлих двадесять тысящ и осмь сот крепцы силою, мужие именитии по домом отечеств их: 31 и от полуплемене Манассиина осмьнадесять тысящ, и иже нарекошася именем, да поставят царем Давида: 32 от сынов Иссахаровых мужие учени,

иже познаваху времена разсуждению, что сотворити имать Израиль, в начала их двести, и вся братия их с ними: 33 и от Завулона исходящии ко ополчению брани, со всякими оружию бранными, пятьдесят тысяч, в помощь Давиду не с праздными руками: 34 и от Неффалима князей тысяща, и с ними в щитах и с копиями тридесять и семь тысяч: 35 и от сынов Дановых ополчающиеся на брань двадесять осмь тысяч и шесть сот: 36 и от Асира исходящии помощи в брани чотыредесять тысяч: 37 и со оныя страны Иордана от сынов Рувимовых и от Гадовых и от полуплемене Манассина во всем оружию браннем сто и двадесять тысяч. 38 Все сии мужие бранини управлени ко ополчению сердцем мирным: и приидоша в Хеврон, да поставят царя Давида над всем Израилем: и прочии от Израиля едино сердце бяху, да царь будет Давид. 39 Быша же ту с Давидов три дни, ядуще и пиюще, уготоваша бо им братия их. 40 И иже близ их бяху даже до Иссахара и Завулона и Неффалима, приношаху им на ослех и велблюдех, и мсках и волех пищу, муку, перевясла смоквей и гроздие сухое, вино и елей, и волы и овны во множестве, радость бо бысть во Израили.

13 И сотвори совет Давид (со князи) и тысящники, и сотники и всеми начальники, 2 и рече Давид ко всему собранию Израилеву: аще угодно вам, и от Господа Бога нашего благопоспешитси, да послем к братьям нашим оставшымся во всей земли Израилеве, и с ними священницы и левити, во градах обдержания их, да соберутся к нам, 3 и да принесем кивот Бога нашего к нам, не взыскахом бо его во дни Саули. 4 И отвеща все собрание, да тако будет, зане угодно бысть слово сие всем людем. 5 И собра Давид всего Израиля от предел Египетских даже до входа Имафова, еже внести кивот Божий от Града Иарима. 6 И принесе его Давид: и весь Израиль взыде во град Давидов, иже бяше Иудин, еже вознести тамо кивот Господа Бога седяща на Херувимех, идеже призвано есть имя Его: 7 и постави кивот Божий на колесницу нову из дому Аминадавля: Оза же и братия его ведяху колесницу: 8 Давид же и весь Израиль играху пред Богом всею силою и в песнех и в гуслех, и псалтири и тимпанех, и кимвалех и в трубах: 9 и приидоша ко гумну Хиднону: и простре Оза руку свою, да поддержит кивот, юнец бо уклони его: 10 и прогневался Господь гневом на Озу и порази его ту, того ради, яко простре руку свою (и прикоснуса) кивоту, и умре ту пред Богом. 11 И оскорбися Давид, яко пресече Господь пресечением Озу, и нарече место то пресечение Озане, даже до дне сего. 12 И убоися Давид Бога в той день, глаголя: како внесу ко мне кивот Божий? 13 И не возврати Давид кивота к себе во град Давидов, но возврати и в дом Аведдара Гефеина: 14 и пребываше кивот Божий в дому Аведдарове три месяцы, и благослови Бог Аведдара и вся, яже имеяше.

14 И посла Хирам царь Тирский послы к Давиду, и древа кедровл, и здателей стен, и древоделей, да созиддут ему дом. 2 И позна Давид, яко уготова его Господь царем над Израилем, яко воздвигнися в высоту царство его, ради людий его Израиля, 3 и поят Давид еще жены во Иерусалиме: и

родишася ему еще сынове и дщери. 4 И сия имена их, иже родишася ему во Иерусалиме: Саммаа и Совав, Нафан и Соломон, 5 и Иеваар и Елисуи и Елифааф 6 и Нагеф, и Нафаг и Иафие, 7 и Елисама и Валиада и Елифалет. 8 И услышаша иноплеменницы, яко помазан бысть Давид в царя над всем Израилем, и изыдоша вси иноплеменницы взыскати Давида. И услыша Давид и изыде противу их. 9 Иноплеменницы же приидоша и разлишася во юдоли Исполинов. 10 И вопроси Давид Бога, глаголя: аще възду на иноплеменники, и предаси ли их в руки моя? И рече ему Бог: възди, и предам их в руки твоя. 11 И изыде во Ваал-Фарасин, и порази их тамо Давид. И рече Давид: разсече Бог враги моя рукою моею, якоже разсечение воды. Сего ради нарече имя месту тому Фарасин, Разсечение. 12 И оставиша тамо боги своя иноплеменницы, иже Давид повеле сожещи огнем. 13 И приложиша еще иноплеменницы, и разлишася еще во юдоли Исполинов. 14 И вопроси паки Давид Бога. И рече ему Бог: не исходи за ними: отвратися от них, и приидеши на них прямо грушей: 15 и будет егда услышиши глас шума верхов грушей, тогда изыдеши на брань, яко изыде Бог пред тобою, да поразит полки иноплеменнически. 16 И сотвори Давид, якоже повеле ему Бог: и порази полки филистимов от Гаваона даже до Газира. 17 И прославися имя Давидово во всех странах, и Господь даде страх его на вся языки.

15 И сотвори себе дома во граде Давидове, и уготова место кивоту Божию, и сотвори ему скинию. 2 Тогда рече Давид: не леть есть, (да от всякаго) носится кивот Божий, но токмо от левит, понеже избра их Господь носити кивот Господень и служити Ему даже до века. 3 И собра Давид весь Израиль во Иерусалим, да внесется кивот Божий на место, еже уготова ему. 4 И собра Давид сынов Аароновых и левиты: 5 от сынов Каафовых Уриил начальник и братия его, сто двадесять: 6 от сынов Мерариных Асаиа начальник и братия его, двести пятьдесят: 7 от сынов Герсоних Иоиль начальник и братия его, сто тридесять: 8 от сынов Елисафаних Семеиа начальник и братия его, двести: 9 от сынов Хевроновых Елиил начальник и братия его, осмьдесят: 10 от сынов Озиилевых Аминадав начальник и братия его, сто дванадесять. 11 И призва Давид Садока и Авиафара священники, и левиты Уриила, Асаиа и Иоиля, и Семеиана и Елиила и Аминадава, 12 и рече к ним: вы, начальницы отечеств левитских, освятитесь вы и братия ваша, и принесите кивот Господа Бога Израилева (на место), идеже уготовах ему: 13 яко прежде вам не готовым сущым, раздели Господь Бог наш в нас, яко не взыскахом Его по разсуждению. 14 И освятишася священницы и левити, да внесут кивот Господа Бога Израилева. 15 И взяша сынове левитстии кивот Божий, якоже повеле Моисей словом Божиим по писанию, рамены своими на носилех. 16 И рече Давид начальником левитским: поставите братию свою певцев во органех, песнех мусикийских, псалтирех, в гуслех и кимвалех, да възгласят в высоту гласом веселия. 17 И поставиша левити Емана сына Иоилева: и от братий его

Асафа сына Варахиина: и от сынов Мерариных, братий его, Ефана сына Кисеова: **18** и с ними братия их, втори (чином), Захариа и Озил, и Семирамоф и Иеиил, и Ананий и Елиав, и Ванеа и Маасиа, и Маттафия и Елифала, и Макения и Авдедом, и Иеиил и Озиа, дверницы. **19** И певцы Еман, Асаф и Ефам в кимвалы медяны (возглашающе) в слышание: **20** Захариа же и Озил, и Семирамоф и Иеиил, и Ананий и Елиав, и Маасиа и Ванеа со гусльми тайны пояху: **21** и Маттафия и Елифала, и Макения и Авдедом, и Иеиил и Озиа в кимвалех пояху, еже превзыти: **22** и Хонения начальник левитский, начальник пеней, зане разумен бе: **23** и Варахиа и Елкана дверницы кивота: **24** и Совения и Иосафат, и Нафанаил и Амасиа, и Захариа и Ванай и Елиезер священницы трубящи трубами пред кивотом Божиим: и Авдедом и Иеиа дверницы кивота Божия. **25** И бе Давид и старейшины Израилевы и тысящницы идущи, еже изнести кивот завета Господня из дому Авдедомля с веселием. **26** И бысть егда укрепляше Бог левиты носящия кивот завета Господня, и пожроша семь телцев и семь овнов: **27** Давид же быше одяен ризою виссонною, и вси левити, носящии кивот завета Господня, певцы же и Хонения начальник песней поющих, на Давиде же бе ефуд виссонный. **28** И весь Израиль провождаше кивот завета Господня с восклицанием и гласом трубным, и с трубами и кимвалы, глашающе в гусли и кифары. **29** И бысть егда прииде кивот завета Господня даже до града Давидова, и Мелхола дщи Сауля смотряше во окно, и виде царя Давида скачуща и играюща и уничижи его в сердцы своем.

16 Принесоша убо кивот Божий и поставиша его посреде скинии, юже водрузи ему Давид, и принесоша всесожжения и спасительная пред Господем. **2** И соверши Давид вознося всесожжения и спасительная, и благослови люди во имя Господне, **3** и раздели всякому мужу Израилску, от мужа даже до жены, мужу хлеб един печеный, (и часть печена мяса,) и пражренный со елеем семидал: **4** постави же пред лицем кивота завета Господня от левит, еже служить и возглашати (дела Его), и исповедати и хвалити Господа Бога Израилева: **5** Асаф начальник, и другий по нем Захариа, Иеиил и Семирамоф, и Иеиил и Маттафия, и Елиав и Ванеа и Авдедом: Иеиил же во органех и псалтири и гуслех, Асаф же в кимвалех возглашая: **6** и Ванеа и Озил священницы (трубиша) выну в трубы пред кивотом завета Божия. **7** В той день устрои Давид в начале хвалити Господа рукою Асафа и братии его. **8** Песнь. Исповедайтесь Господеви и призывайте Его во имени Его, знаема сотворите людям начинания Его: **9** пойте Ему и воспойте Ему, поведите вся чудеса Его, яже сотвори Господь: **10** хвалите имя святое Его, да возвеселится сердце ищущее благоволения Его: **11** възыщите Господа и укрепитесь, възыщите лица Его выну: **12** помяните чудеса Его, яже сотвори, знамения и судьбы уст Его, **13** семья Израилево, раби Его, сынове Иаковли, избранныи Его. **14** Той Господь Бог наш, во всей земли судьбы Его. **15** Помянем во век завет Его, слово Его, еже заповедал в тысящи родов, **16** еже завеща Аврааму, и клятву Свою

Исааку: **17** и постави е Иакову в повеление, Израилю в завет вечен, **18** глаголя: тебе дам землю Ханааню, уже достояния вашего. **19** Внегда быти им малым числом, яко умалишася и преселишася в ню, **20** и преидоша от языка в язык и от царствия к людем иным, **21** не остави мужа обидети их, и обличи о них цари: **22** не прикасайтесь помазанным Моим, и во пророцех Моих не лукавьте. **23** Воспойте Господеви, вся земля, возвестите от дне на день спасение Его, **24** возвестите во языцех славу Его, во всех людех чудеса Его, **25** яко велий Господь и хвален зело, страшен есть над всеми боги. **26** Яко вси бози языков идоли: Господь же наш небеса сотвори. **27** Слава и величество пред лицем Его, крепость и похвала в месте Его святем. **28** Дадите Господеви, отечествия языков, дадите Господеви славу и крепость, **29** дадите Господеви славу имени Его: возьмите дары и принесите пред лице Его, и поклонитесь Господеви во дворех святых Его. **30** Да убоится от лица Его вся земля, да исправится земля и да не подвижится: **31** да возвеселятся небеса и да возрадуется земля, и да рекут во языцех: Господь царствует. **32** Да возгласит море и исполнение его, и древа польская, и вся яже на них. **33** Тогда возвеселятся древа дубравная пред лицем Господним, яко прииде судити земли. **34** Исповедайтесь Господеви, яко благ, яко в век милость Его, **35** и глаголите: спаси ны, Боже, Спасителю наш, и собери нас, и изми нас от язык, да хвалим имя святое Твое, и хвалимся во хвалениих Твоих. **36** Благословен Господь Бог Израилев от века даже и до века. И рекут вси людие: аминь. И восхвалиша Господа. **37** И оставиша тамо пред кивотом завета Господня Асафа и братию его, да служат пред кивотом выну по вся дни: **38** и Авдедом и братия его, шестьдесят осмь: и Авдедом сын Идифунь и Осай (поставлени) во дверники: **39** Садока же священника и братию его священниками пред скиниию Господнею в вышних иже в Гаваоне, **40** да возносят всесожжения Господеви на олтари всесожжений выну утро и вечер, и по всем яже писана суть в законе Господни, елика повеле сыном Израилевым рукою Моисеа раба Божия: **41** и с ними Еман и Идифум и прочии избранныи кийждо званием своим еже хвалити Господа, яко в век милость Его: **42** и с ними трубы и кимвалы еже возглашати, и органы пеней Божиих: сынове же Идифумли во вратех (стояху). **43** И идоша вси людие кийждо в дом свой, и Давид возвратися, да благословит дом свой.

17 И бысть егда обиташе Давид в дому своем, и рече Давид к Нафану пророку: се, аз живу в дому кедрове, кивот же завета Господня под кожами. **2** И рече Нафан к Давиду: все еже в сердцы твоем твори, яко Бог с тобою есть. **3** И бысть нощи тоя, и бысть слово Господне к Нафану, глаголя: **4** иди и рци Давиду рабу Моему: сия рече Господь: не созиждеш ты Мне дому, еже обитати Ми в нем: **5** яко не обитах в дому от дне, в оньже изведох Израиль (от земли Египетския), даже до дне сего, но бых в скинии и в шатре: **6** во всех аможе ходих со всем Израилем, аще глаголя глаголах коему колену Израилеву, имже повелех

да пасут люди Моя, глаголя: чесо ради не создасте Мне дому кедрова? 7 И ныне тако рцы рабу Моему Давиду: сия рече Господь Вседержитель: Аз изях тя от паствы, егда последовал еси стаду, еже быти тебе вождем над людьми Моими Израилем, 8 и бых с тобою во всех, идеже ходил еси, и потребих вся враги твоя от лица твоего, и сотворих тебе имя якоже имя великих, иже на земли: 9 и дах место людем Моим Израилю, и насадих я, и обитают в нем, и не возкорбят ктому: ни сынове беззакония приложат смирити их якоже от начала 10 и от дний, в няже дах судии людем Моим Израилю, и смирих вся враги твоя, и возвращу тя, и дом созиждет ти Господь: 11 и будет егда исполнятся дние твои и почиши со отцы твоими, и воздвигну семя твое по тебе, еже будет от чрева твоего, и возставлю царство его: 12 той созиждет Мне дом, и укреплю престол его даже до века: 13 Аз буду ему во отца, и той будет Мне в сына: и милость Мою не отиму от него, якоже отях от бывших прежде тебе: 14 и уверю его в дому Моем и во царствии его даже до века, и престол его будет исправлен до века. 15 По всем словесем сим и по всему видению сему тако глаголах есть Нафан к Давиду. 16 И прииде царь Давид, и седе пред Господем, и рече: кто есмь аз, Господи Боже мой? И что дом мой, яко возлюбил мя еси до века? 17 И сия мала суть пред Тобою, Боже, и глаголах еси на дом раба Твоего (еще) издалеча, и призрел еси на мя яко видение человека, и возвысил мя еси, Господи Боже: 18 что приложит еще Давид к Тебе еже прославити? И ты раба Твоего веси: 19 Господи, раба Твоего ради сотворил еси все величие сие и по сердцу Твоему, еже знаема сотворити вся величия Твоя: 20 Господи, несть подобен Тебе, и несть Бога разве Тебе, по всем елика слышахом ушима нашими, 21 и несть, якоже людие Твои Израиль, язык еще на земли, яко пойде Бог избавити люди Себе, еже положити имя Себе велие и славное, еже изгнати от лица людий Твоих, иже избавил еси от Египта, языки: 22 и дал еси люди Твоя Израилу Тебе в люди даже до века, и Ты, Господи, был еси им в Бога: 23 и ныне, Господи, слово Твое, еже глаголах еси рабу Твоему и на дом его, да уверится до века: и сотвори якоже глаголах еси, 24 и да уверится и возвеличится имя Твое даже до века, глаголющих: Господи, Господи Вседержителю, Боже Израилев, и дом Давида раба Твоего да будет исправлен пред Тобою: 25 Ты бо, Господи Боже мой, отверзл еси ухо раба Твоего создати ему дом, сего ради обрете раб Твой (дерзновение) молиться пред лицом Твоим: 26 и ныне, Господи, Ты еси Сам Бог, и глаголах еси к рабу Твоему благая сия: 27 и ныне начни благословити дом раба Твоего, да будет во веки пред Тобою: яко Ты, Господи, благословил еси, и благослови во веки.

18 И бысть по сих, и порази Давид иноплемenniки, и прогна их: и взя Геф и веси его от руки иноплемenniки. 2 И порази Давид Моава, и бяху Моавити раби Давиду приносяще ему дань. 3 И порази Давид Адраазара царя Сувска во Емафе, идущу ему поставити руку свою над рекою Евфратом: 4 и взя от него Давид тысящу колесниц и

семь тысяч конник и двадцать тысяч мужей пешцев, и разби Давид вся колесницы, и остави от них сто колесниц, (иже удержал себе). 5 И прииде Сир от Дамаска, да помощь даст Адраазару царю Сувску, и порази Давид от Сировых двадцать две тысящи мужей: 6 и постави Давид стражу в Сирии, яже близ Дамаска, и бяху Давиду в рабы приносяще дани: и спасе Господь Давида во всех, в нихже хоуждаше. 7 И взя Давид гривны златыя, иже имеша раби Адраазаровы, и принесе я во Иерусалим. 8 И из Метавефа и от избранных градов Адраазаровых взя Давид меди много зело, из неяже сотвори Соломон море медяно, и столпы, и сосуды медяныя. 9 И услыша Фоа царь Емафский, яко порази Давид всю силу Адраазара царя Сувска, 10 и посла Адурама сына своего к царю Давиду, да вопросит его, яже о мире, и благословити его о сем, яко победи Адраазара и порази его, понеже муж противен бяше Фоа Адраазару. 11 И вся сосуды златыя и сребрянныя и медяныя, и сия освяти царь Давид Господу со серебром и златом, яже взя от всех язык, от Идумеи и Моава, и от сынов Аммоних и от иноплемenniки и от Амалика. 12 Авесса же сын Саруиев порази Идумею во юдоли Сланей, осмьнадесять тысяч: 13 и постави во юдоли стражу, и беша вси Идумеане раби Давиду. И спасаше Господь Давида во всех, в нихже хоуждаше. 14 И воцарися Давид над всем Израилем, и бе творя суд и правду всем людем своим. 15 Иоав же сын Саруиев (бысть) над воинством, и Иосафат сын Ахилудов памятописец, 16 и Садок сын Ахитов и Авимелех сын Авиафаров священницы, и Суса книгочий, 17 и Ванеа сын Иодаев над Херефием и над Фелефием: сынове же Давидовы первии преемницы царевы.

19 И бысть по сих, умре Наас царь сынов Аммоних, и воцарися Амам сын его вместо его. 2 И рече Давид: сотворю милость со Ананом сыном Наасовым, якоже сотвори отец его милость со мною. И посла Давид послы на утешение ему о отце его. И приидоша отроцы Давидовы в землю сынов Аммоних ко Анану, да утешат его. 3 И рекоша началницы сынов Аммоних ко Анану: еда прославляя Давид отца твоего пред тобою, посла к тебе утешители? Никако: но да испытают град и соглядают землю, приидоша к тебе отроцы его. 4 И взя Анан рабов Давидовых, и обри их, и отреза от риз их половину даже до чресл, и отпусти их. 5 И приидоша возвестити Давиду о мужех: и посла во сретение им, яко быша обезчещени зело. И рече царь: седите во Иерихоне, дондеже возрастут брады ваша, и возвратитесь. 6 И видеша сынове Аммони, яко посрамлены быша людие Давидовы, и посла Анан и сынове Аммони тысящу талант сребра, да наймут себе от Сирии Месопотамски, и от Сирии Мааха, и от Сувы колесницы и конники: 7 и наяха себе тридцать две тысящи колесниц и царя Мааха и людий его: и приидоша и ополчисяся прямо Мидаве: и сынове Аммони собрашася от градов своих и приидоша на брань. 8 И услыша Давид, и посла Иоава и все воинство сильных. 9 И изыдоша сынове Аммони и ополчисяся на брань при вратех градских: царие же пришедши ополчисяся особно на поли. 10 И виде Иоав, яко бысть на него противное лице брани сопреди и созади, и избра от всех юнош Израилевых

и устрои их противу Сира, **11** и останок людей даде в руке брату своему Авессе, и ополчишася противу сынов Аммоних. **12** И рече: аще укрепится Сир паче мене, то будеши мне во спасение: аще же сынове Аммони укрепятся паче тебе, то аз спасу тя: **13** мужайся, и укрепимся о людех наших и о градех Бога нашего, и Господь, еже благо пред очима его, сотворит. **14** И ополчися Иоав и вси людие, иже с ним, противу Сириян на брань, и побегоша от них. **15** Сынове же Аммони видеша, яко побегоша Сирияне, и побегоша и они от лица Авессы и от лица Иоава брата его, и внидоша во град: Иоав же возвратися во Иерусалим. **16** И виде Сир, яко победи его Израиль, и посла послы: и изведоша Сира, иже бе за рекою, Софак же первоначалник тысящником силы Адраазаровы пред ними. **17** И возвещено бысть Давиду, и собра весь Израиль, и преиде Иордан, и прииде на них, и ополчися противу их: и ополчися Давид противу Сира на брань и воева нань. **18** И убеже Сир от лица Израилева, и уби Давид от Сира семь тысяч колесниц и четьредесять тысяч пешцев, и Софака первоначалника силы уби. **19** И видеша раби Адраазаровы, яко падоша от лица Израилева, и прибегоша к Давиду, и служажу ему: и не восхоте Сир помогати сыном Аммоним ктому.

20 И бысть в находящее лето во время исхождения царей (ко брани), и собра Иоав всю силу воинства, и опустоши землю сынов Аммоних: приидоша же и обседоша Равваф. Давид же пребываше во Иерусалиме: Иоав же порази Равваф и разори его. **2** Взя же Давид венец Молхома царя их от главы его, и обретесе вес в нем талант злата, и в нем камень драгий, и бе на главе Давидове: плены же градски взя многи зело, **3** и людей сущих в нем изведе и претре пилами и орудии железными и разсецающими: тако сотвори Давид всем градом сынов Аммоних, и возвратися Давид и вси людие его во Иерусалим. **4** И бысть по сем, и начася еще брань в Газере со иноплеменики: тогда порази Соховай Усафитянин Сафута от сынов Исполиновых и смири его. **5** И бысть еще брань противу иноплеменик, и порази Елеанан сын Иаиоров Лаомиа, брата Голиафа Гефейскаго, емуже древо копия его яко навои ткущих. **6** И бысть еще брань в Гефе, и бе муж зело велик, по шести имеющ перстов, всех двадесять четьре, и сей бе от колена Исполинов, **7** и поноси Израиля: и порази его Ионафан сын Саммаа брата Давидова. **8** Сии родишася Рафаю в Гефе, всех их бе четьри исполины, и падоша рукою Давидовою и рукою рабов его.

21 Воста же диавол на Израиля и подусти Давида, да сочислит Израиля. **2** И рече царь Давид ко Иоаву и к началником силы: идите и сочтите Израиля от Вирсавеи даже до Дана, и принесите ко мне, да познаю число их. **3** И рече Иоав: да приложит Господь к людям Своим, якоже сии сторицею, и очи господина моего царя да видят: не вси ли господину моему царю раби суть? И почто хочет сего господин мой? Дабы не вменилося в грех Израилю. **4** Но слово цареву преможе Иоава: и поиде Иоав, и обыде всего Израиля, и прииде во Иерусалим. **5** И даде Иоав Давиду

число сочтения людей: и обретесе всего Израиля тысяща тысящ и сто тысящ мужей и носящих оружия: и от сынов Иудиных четьре ста и семьдесят тысящ мужей носящих оружие: **6** Левии же и Вениамина не сочте среде их, понеже вознегодова о словеси цареви Иоав. **7** И не угодно явися пред Богом повеление сие, и порази Израиля. **8** Рече же Давид ко Богу: согреших зело, яко сотворих вещь сию: и ныне молю, отими беззаконие раба Твоего, яко обезумихся зело. **9** И рече Господь ко Гаду пророку Давидову, глаголя: **10** иди и рцы к Давиду, глаголя: тако глаголет Господь: трие аз наведу на тя, избери себе едино от них, и сотворю тебе. **11** И прииде Гад к Давиду и рече ему: **12** сице глаголет Господь: избери себе, (еже хочещи,) или три лета глада, или три месяцы бегати тебе от лица враг твоих, и оружие враг твоих постигнет тя, или три дни мечь Господень, и смерть на землю, и Ангел Господень убиваяя во всем наследии Израилеве: ныне убо разсмотри, что отвещаю Пославшему мя со словом. **13** И рече Давид ко Гаду: тесна ми суть три сия зело: но лучше ми есть власти в руке Господни, зане многи щедроты Его зело, в руки же человеческия да не впаду. **14** И посла Господь смерть во Израиля, и падоша от Израиля семьдесят тысящ мужей. **15** И посла Бог Ангела во Иерусалим, да избьет его. И егда избиваше, виде Господь и раскаяся о зле, и рече Ангелу избивающему: довлет ти, отими руку твою. Ангел же Господень стояше на гумне Орны Иевусеанина. **16** И возведе Давид очи своя, и виде Ангела Господня стояща между землею и небом, и меч его извлечен в руку его, простерт на Иерусалим. И паде Давид и старейшины (Израилевы) облеченнии во вретиче на лице свое, **17** и рече Давид к Богу: не аз ли повелех сочислити люди? Аз есмь, иже согреших, и зло творя зло сотворих, сия же овцы что сотвориша? Господи Боже мой, да будет рука Твоя на мне и на дому отца моего, а не на людех Твоих в погубление, Господи. **18** Ангел же Господень рече Гаду, еже глаголати к Давиду: да въздет и созиждет олтарь Господу Богу на гумне Орны Иевусеанина. **19** И възде Давид по словеси Гадову, еже глагола именем Господним. **20** И обратися Орна и виде царя, и четьри сынове его с ним крыющимися. Орна же бе (в то время) млатя на гумне пшеницу. **21** И прииде Давид ко Орне, и обратися Орна, и узре Давида, и поиде от гумна, и поклонися Давиду лицем на землю. **22** Рече же Орне Давид: даждь мне место гумна твоего, да созижду на нем олтарь Господеви, на серебре достойне даждь ми е, и престанет язва от людей. **23** Рече же Орна к Давиду: возми себе, и да сотворит господин мой царь, еже угодно пред ним: се, даю телцы на всесожжение, и плуг на дрова, и пшеницу в жертву, вся (добровольно) даю. **24** И рече царь Давид Орне: ни, но куплею куплю, серебром достойным, понеже не возму Господеви, яке суть твоя, еже вознести всесожжение туне Господеви. **25** И даде Давид Орне за место то сикль златых весом шесть сот. **26** И созда ту Давид олтарь Господеви, и вознесе всесожжения и спасительная и воззва ко Господу, и услыша его во огни от небесе на олтарь всесожжения, и потреби всесожжение. **27** И рече Господь ко Ангелу: и вложи меч во влагалище

его. **28** Во время оно, егда виде Давид, яко услыша его Господь на гумне Орны Иевусеанина, и пожре ту жертвы. **29** И скиния Господня, юже сотвори Моисей в пустыни, и оltарь всесожжения во время оно бысть в вышнем, еже в Гаваоне. **30** И не возможе Давид ити пред него, еже воспросити Бога, понеже устрашен бысть от лица меча Ангела Господня.

22 Рече же Давид: се есть дом Господа Бога, и сей оltарь на всесожжения Израилю. **2** И рече Давид собрати вся пришельцы, иже на земли Израилеве, и постави каменосечцев сеци каменя тесаная, да созиждется дом Божий. **3** Железо же много на гвозди дверем и вратом на спаяние уготова Давид, и меди множеству не бе числа: **4** и древам кедровым не бе числа: яко принесоша Сидоняне и Тиряне древ кедровых множество Давиду. **5** И рече Давид: Соломон сын мой детищь млад, дом же еже создати Господеву в величество высоко, во имя и в славу во всю землю, уготовлю ему. И уготова Давид (всего) множество прежде скончания своего. **6** И призва Давид Соломона сына своего и заповеда ему, да созиждет дом Господу Богу Израилеву. **7** Рече же Давид к Соломону: чадо, мне бяше в сердцы, да созижду дом имени Господа Бога моего: **8** и бысть слово Господне ко мне, глаголющее: многи крови пролиял еси и многи брани сотворил еси, не созиждещи дому имени Моему, яко многи крови пролиял еси на землю предо Мною: **9** се, сын родитися тебе, сей будет муж покоя, и упокою его от всех враг его окрест, зане Соломон имя ему, и мир и покой дам ему над Израилем во дни его: **10** той созиждет дом имени Моему, и той будет Мне в сына, и аз буду ему во отца: и исправлю престол царства его во Израили до века: **11** ныне убо, сыне мой, будет Господь с тобою и благопоспешит, и созиждещи дом Господу Богу твоему, якоже глагола о тебе: **12** да даст же тебе премудрость и разум Господь и да укрепит тя над Израилем, еже хранити и творити закон Господа Бога твоего: **13** тогда благопоспешит, аще сохраниши творити заповеди и судьбы, яже повеле Господь Моисеем, (да учит) Израиля: мужайся и крепися, не бойся, ниже устрайся: **14** и се, аз по убожеству моему уготовах на дом Господень злата талантов сто тысяч, и сребра тысяща тысяч талантов, медь же и железо, емуже несть веса, понеже множество есть, и древа и каменя уготовах, и к сим да приложиши: **15** и с тобою Господь, и приложиши ко множеству творящих дела, художницы, и строителие каменных, и древоделе, и всяк мудрец во всяцем деле, **16** в злате и серебре, в меди и железе несть числа: востани убо и твори, и Господь с тобою. **17** И повеле Давид всем начальником Израилевым, да помогают Соломону сыну его, глаголя: **18** не Господь ли с вами? И даде вам покой окрест, зане даде в руки ваша живущих на земли, и покорена земля пред Господем и пред людьми Его: **19** ныне убо дадите сердца ваша и души ваша еже взыскати Господа Бога вашего, и востаните и создайте святыню Господу Богу вашему, да внесется кивот завета Господня и сосуды святых Богови в дом созидаемый имени Господню.

23 И Давид стар и исполнен дний, и воцари Соломона сына своего вместо себе над Израилем: **2** и собра всех князей Израилевых, и священников, и левитов: **3** сочтени же быша левити, от тридесяти лет и вышше, и бысть число их по главам их, мужей тридесять и осмь тысяч: **4** от сих избрани на дела дому Господня двадесять четыре тысячи, и книгочей и судий шесть тысяч, **5** и четыре тысячищю дверников, и четыре тысячищю поющих Господеву во органы, иже сотвори ко хвалению Господню. **6** И раздели их Давид на чреды сыном Левиным, Гирсону, Каафу и Мераре: **7** и Гирсону и Леадану и Семену. **8** Сынове Леадани: начальник Иеиил и Зефоф и Иоиль, трие. **9** Сынове же Семеовы: Саломиф и Азаил и Арам, трие: сии начальницы отечеств Леаданих. **10** И сыном Семеовым Иеф и Зизай, и Иоас и Вериа: тии сынове Семеовы четыре. **11** Бе же Иеф первый и Зизай вторый: Иоас же и Вариа не иместа многих сынов и быста в дому отечества в причтение едино. **12** Сынове Каафовы: Амврам и Иссаар, Хеврон, Озиил, четыре. **13** Сынове Амврамли: Аарон и Моисей: отлучен же бысть Аарон еже освящати Свята Святых, той и сынове его во веки, и да кадит фимиамом пред Господем, служит Ему и молится во имя Его до века. **14** Моисей же человек Божий и сынове его причтени суть в колено Левиино. **15** Сынове Моисеовы: Гирсам и Елиезер. **16** Сынове Гирсамли, Суваил начальник. **17** Быша же сынове Елиезеру, Равиа начальник: и не беша Елиезеру сынове инии: сынове же Равиини умножени суть зело. **18** Сынове Иссааровы, Саллумоф начальник. **19** Сынове Хеврони: Иериав первый, Амариа второй, Иазиил третий, Иезекиа четвертый. **20** Сынове же Озиили: Миха первый, и Иессиа второй. **21** Сынове Мерарины: Мооли и Муси. **22** Сынове моолиевы: Елеазар и Кис. Умре же Елеазар, и не быша ему сынове, но токмо дщери: и пояша их сынове Кисовы братья их. **23** Сынове Мусиины: Мооли и Едер и Иаримоф, трие. **24** Сии сынове Левиини по домом отечеств их, начальницы отечеств их, по согляданию их, по числу имен их, по главам их, иже творяху дела служения дому Господня, от двадесяти лет и вышше. **25** Рече бо Давид: покой даде Господь Бог людем Своим Израилю, и вселися во Иерусалиме даже да века, **26** и левити не быша носяще скинию и вся сосуды ея к служению ея. **27** По повелению бо Давидову последнему есть число сыновом Левииным от двадесяти лет и вышше: **28** зане постави их под руку сыном Аароним, еже служити в дому Господни во дворех и в притворех, и во очищении всех святынь, и в делех служения дому Божия, **29** и над хлебами предложения, и над мукою пшеничною жертвы, и над пряжмами опресночными, и над сковрадою, и над печеным, и над всяким весом и мерою, **30** и еже стояти, утро хвалити и исповедатися Господеву, также и к вечеру, **31** и над всеми возносимыми всесожжения Господеву в субботы, и в новомесячиих, и в праздничех, по числу, по чину их выну Господеву, **32** и да сохранят стражбы скинии свидения, и стражу святилища, и стражбы сынов Аароних братьих своих, да служат в дому Господни.

24 И сыном Аароним разделения: сынове Аарони: Надав и Авиуд, и Елеазар и Ифамар. 2 И умроста Надав и Авиуд прежде отца своего, и сынове не быша има: и священствова Елеазар и Ифамар, сынове Аарони. 3 И раздели их Давид, и Садок от сынов Елеазаровых, Ахимелех же от сынов Ифамаровых по сочислению их, по служению их и по домом отечеств их. 4 И обретошася сынове Елеазаровы множайшии в началники сил, нежели сынове Ифамаровы: и раздели их сыном Елеазаровым в началники в домы отечеств шестнадцать, и сыном Ифамаровым по домом отечеств их, осмь. 5 Раздели же их по жребием между ими, понеже бяху началници святилища и началници Божии в сынех Елеазаровых и в сынех Ифамаровых: 6 описа же их Самаиа сын Нафанаил писарь от левит пред царем и князи и Садоком священником и Ахимелехом сыном Авиафара, и началници отечеств священников и левитов дому отечества, един ко Елеазару и един ко Ифамару. 7 И изыде жребий первый Иоариму, Иедию второй, 8 Хариву третий, Сеориму четвертый, 9 Мелхию пятый, Меиамину шестый, 10 Акосу седмый, Авии осмый, 11 Иисую девятый, Сехени десятый, 12 Елиасиву единонадесятый, Иакиму дванадесятый, 13 Оффаю тринадесятый, Иесваалу четыренадесятый, 14 Велгии пятыйнадесят, Еммиру шестыйнадесят, 15 Иефию седмыйнадесят, Афессию осмыйнадесят, 16 Феттию девятыйнадесят, и Езекииллю двадесатый, 17 Ахину двадесать первый, Гаумилу двадесать второй, 18 Далеею двадесать третий, Иеиллю двадесать четвертый. 19 Сие сочисление их по служению их входити в дом Господень по чину своему, рукою Аарона отца их, якоже повеле Господь Бог Израилев. 20 И сыном Левииным прочим: сыном Амврамлим Соваил, сыном Соваилим Иадаиа, 21 сыном Равииным началник Иесиа, 22 сыном Иасариным Саломоф, сыном Саломофовым Иаф: 23 сынове Иедиуа: Иериав первый, Амадиа второй, Иазиил третий, Иекмоам четвертый. 24 Сыном Озилими Миха, сынове Михины Самир: 25 брат Михин Исиа, сын Исиин Захариа. 26 Сынове Мерарины: Мооли и Муси, сын Озиин Вонний: 27 сынове Мерарины Озиа: сынове его Иесома и Захур и Иовфи: 28 Моолию Елеазар (и Ифамар). Умре же Елеазар, не беша ему сынове. 29 Кису сын Кисов Иерамеил. 30 Сынове Мусины: Мооли и Едер и Еримоф. Сии сынове левитстии по домом отечеств своих. 31 Прияша же и тии жребия, якоже и братия их сынове Аарони, пред Давидом царем и Садоком и Ахимелехом и началники отечеств священнических и левитских: патриарси Аарони, якоже и братия его юнейшии.

25 И постави Давид царь и князи силы над дела сыны Асафовы и Емани и Идифумовы, иже провещаваху в гуслех и псалтирех и кимвалех, и бысть число их по главам мужей творящих дела своя. 2 Сынове Асафовы: Захур и Иосиф, и Нафаниа и Асиил: сынове Асафовы держащеся Асафа пророка близ царя. 3 Идифуму сынове Идифумли: Годолиа и Сури, и Исеа и Семей, и Асавиа и Маттафия, шесть по отце своем Идифуме в гусли бряцающе

исповедание и хваление Господеви. 4 Еману сынове Емани: Вукиа и Мафаниа, и Озиил и Суваил, и Иеримуф и Ананиа, и Анан и Елиафа, и Годоллафий и Ромамфиезер, и Савах и Маллифий, а Офир и Мазиоф. 5 Все сии сынове Емана бряцающего царю в словесех Божиих, да вознесется рог. Даде же Бог Еману сынов четыренадесать и три дщери: 6 все сии со отцем своим воспевающе в дому Божии в кимвалех и во псалтирех и гуслех, в служение дому Божия близ царя, и Асаф и Идифум, и Еман. 7 Бысть же число их со братиею их научени пению Господню и всех разумеющих (пения) двести осмьдесят и осмь. 8 Вергоша же и сии жребия чреды дневныя, по малу и по велику совершенных и учащихся. 9 И изыде жребий первый сынов его и братии его Асафу Иосифову, Годолиа: второй иния, сынове его и братия его дванадесать: 10 третий Захур, сынове его и братия его дванадесать: 11 четвертый Иезрий, сынове его и братия его дванадесать: 12 пятый Нафан, сынове его и братия его дванадесать: 13 шестый Вукиа, сынове его и братия его дванадесать: 14 седмый Иериил, сынове его и братии его дванадесать: 15 осмый Иосиа, сынове его и братия его дванадесать, 16 девятый Матфаниа, сынове его и братии его дванадесать: 17 десятый Семейа, сынове его и братия его дванадесать: 18 первыйнадесать Езриил, сынове его и братия его дванадесать: 19 второйнадесать Асавиа, сынове его и братия его дванадесать: 20 третийнадесать Суваил, сынове его и братии его дванадесать: 21 четвертыйнадесать Матфафия, сынове его и братии его дванадесать: 22 пятыйнадесать Иеримиф, сынове его и братия его дванадесать: 23 шестыйнадесать Ананиа, сынове его и братия его дванадесать: 24 седмыйнадесать Иесвак, сынове его и братия его дванадесать: 25 осмыйнадесать Ананиа, сынове его и братия его дванадесать: 26 девятыйнадесать Меллифий, сынове его и братия его дванадесать: 27 двадесатый Елиафа, сынове его и братия его дванадесать: 28 двадесать первый Иефир, сынове его и братия его дванадесать: 29 двадесать второй Годоллафий, сынове его и братия его дванадесать: 30 двадесать третий Меазоф, сынове его и братия его дванадесать: 31 двадесать четвертый Рометфиезер, сынове его и братия его дванадесать.

26 Разделение же дверников: сынове Кореовы, Моселлемиа сын Кореов от сынов Асафовых. 2 Сынове же Моселлеми: Захариа первенец и Иадиил второй, Завадиа третий и Иафанаил четвертый, 3 Олам пятый, Ионафан шестый, Елионай седмый, Авдедом осмый. 4 Авдедому же сынове: Самиа первенец, Иозаваф второй, Иоаф третий, Сахар четвертый, Рофануил пятый, 5 Амиил шестый, Иссахар седмый, Фелафий осмый, яко благослови его Бог. 6 Семейо же сыну его рождени суть сынове первенца началници в дому отечестем его, бяху бо сильни. 7 Сынове Семейевы: Офни и Рафаил, и Овид и Елзавад и Ахиа, сынове сильни, Еллу и Савахиа и Исваком. 8 Все тии от сынов Авдедомлих, сии и сынове их и братия их труждающеся крепко в делании, все шестьдесят два Авдедому. 9 Моселлемию же сынове и братия осмьнадесать,

сильнии. 10 Осе же от сынов Мерариных сынове Стрегуции начало, понеже не бысть ему первенец: и постави его отец его в начальника разделения второго: 11 Хелкиа второй, Тавелиа третий, Захариа четвертый: вси сии сынове и братия Осины тринадцать. 12 Сии разделени суть в дверницы, да началствуют над сильными чреды, якоже и братия их служити в дому Господни. 13 И метнуша жребия на коегождо мала и велика по домою отечеств своих на каяждо врата: 14 и паде жребий суших на востоки Селемию и Захарии. Сынове соазовы мелких метнуша жребия, и паде жребий к северу. 15 Авдедому к югу прямо дому Есефима. 16 Во второе Осе к западу по вратах притвора восхождения, стража противу стражи. 17 Ко востоку по шести на день: к северу четыре на день: к полудни на день четыре: и к дому совета по два прменяющеса. 18 И Осе к западу по вратах притвора три, стражба противу стражбы восхождения к востоком, по шести на день, и на север по четыре, и к югу четыре, и к дому совета два прменяющеса, и к западу четыре, и к стези два прменяющеса. 19 Сия разделения дверником сыном Коревым и сыном Мерариным. 20 Левити же братия их (беша) над сокровищи дому Господня и над сокровищи святынь. 21 Сынове Ладановы, сии сынове Герсони: Ладану начальницы отечеств Ладаних, Герсону Иеиил. 22 Сынове Иеиили Земеф и Иоиль братия над сокровищи дому Господня, 23 Амвраму и Иссаару, Хеврону и Озилу. 24 Суваил же сын Гирсама сына Моисеова настоятель над сокровищи. 25 Брату же его Елиезеру Равиа сын его, и Иосиа и Иорам, и Зехрий и Саломоф. 26 Той Саломоф и братия его над всеми сокровищи святыми, иже освяти Давид царь и начальницы отечеств, тысящницы и сотнищи и вождеве силы, 27 яже взя из градов и от корыстей, и освяти я на пособление зданию дому Господня. 28 И над всеми, яже освяти Богу Самуил пророк и Саул сын Кисов, и Авенир сын Ниров и Иоав сын Саруиев, все еже освятиша рукою Саломофовою и братии его. 29 Иссаарию Хонениа и сынове его делания внешнего над Израилем, к наказанию и суждению. 30 Хеврону Асавиа и братия его сынове сильнии, тысяща и семь сот над созираением Израиля за Иорданом противу запада, на всякую службу Господню и на делание цареву. 31 Хеврону Уриа начальник Хевронитов по родом их, по отечеством, в четыредесятое лето царства Давидова сочтени суть, и обретени мужие сильни в них во Иазире Галаадитстем. 32 И братия его сынове сильнии, две тысящы семь сот, начальницы отечеств, и постави их Давид царь над Рувимом и Гадам и над половиною колена Манассиина, во всякое повеление Господне и слово цареву.

27 Сынове же Израилевы но числу своему, начальницы отечеств, тысящницы и сотнищи и книгочии служащи царю, и на всякое слово цареву по разделением, и на всякое слово входящаго и исходящаго, месяц от месяца, во вся месяцы лета разделение едино, двадесять четыре тысящы. 2 И над первым разделением в первый месяц бысть Извоаз сын Завдилов, в разделении его двадесять четыре тысящы: 3 от сынов Фаресовых, началник всем

князем воинства месяца первого. 4 И над разделением месяца второго Додай Екхотский и над разделением его, и Макеллоф вождь, и в разделении его двадесять четыре тысящы, князи силы. 5 Третий месяца третияго Ванеа сын Иодаев, иже священник начальный, и в разделении его двадесять четыре тысящы: 6 сей Ванеа крепчайший между тридесятими, и над тридесятими: и над разделением его Завад сын его. 7 Четвертый месяца четвертаго Асаил брат Иоавль, и Завадиа сын его и братия, и в полце его двадесять четыре тысящы. 8 Пятый пятого месяца началник Самоаф сын Иезраев, и в полце его двадесять и четыре тысящы. 9 Шестый месяца шестаго Одуиа сын Еккисов Фекуитянин, и в полце его двадесять и четыре тысящы. 10 Седмый месяца седмаго Хеллис иже от Фалуса, от сынов Ефремлих, и в полце его двадесять и четыре тысящы. 11 Осмый месяца осмаго Совахай Усафитянин, от колена Зараина, и в полце его двадесять и четыре тысящы. 12 Девятый месяца девятаго Авиезер, иже от Анафофа, от земли Вениамини, и в полце его двадесять и четыре тысящы. 13 Десятый месяца десятаго Меирай, иже от Нетофафита, от колена Зараина, и в полце его двадесять и четыре тысящы. 14 Первыйнадесять месяца первагонадесять Ванеа, иже от Фарафона, от сынов Ефремлих и в полце его двадесять и четыре тысящы. 15 Вторыйнадесять месяца вторагонадесять Холдиа, иже от Нетофафита, от колена Гофонилева, и в полце его двадесять и четыре тысящы. 16 И над племены Израилевыми, Рувиму вождь Елиезер, сын Зехриев: Симеону Сафатиа, сын Мааха: 17 Левию Асавиа, сын Камуилев: Аарону Садок: 18 Иуде Елиав от братий Давидовых: Иссахару Амри, сын Михаилов: 19 Завулону Самаиа, сын Авдиев: Неффалиму Иеримоф, сын Озииль: 20 Ефрему Осий, сын Озазиев: полуплемены Манассиину Иоиль, сын Фадеев: 21 полуплемены Манассиину сущему в земли Галаадстей Иаддай сын Завадин: сыном Вениаминим Иасиил, сын Авениров: 22 Дану Азариил, сын Иорамов. Сии быша начальницы племеном Израилевым. 23 Не хоте же Давид счести их от двадесятилетнаго и ниже: зане рече Господь умножити Израиля, яко звезды небесныя. 24 Иоав же сын Саруиев нача считати люди, и не соверши: сего ради бысть гнев Божий на Израиля: и не внесеса сочисление в книгу словес царя Давида. 25 Над сокровищи же царскими бысть Асмоф сын Одиилев: и над сокровищи, иже на нивах и в селех, и в весех и в столпех, Ионафан сын Озиев: 26 и над земледелатели землю делающими Ездрай сын Хелувов: 27 и над селы Семей Армафейский: и над сокровищами виноградными Замвдиа сын Сефамиев: 28 над маслинами же и над черничием, иже бяху на полях, Валанан Гердитянин: над сокровищи елея Иоас: 29 над скоты же, иже пасяхуса в Сароне, Сатрай Саронитянин: и над волы, иже во юдолах, Софат сын Адаин: 30 над велблуды же Увиа Исмаилтянин: над ослы же Иадиа, иже от Марифона: 31 и над овцами Иоас Агаритин. Вси тии начальницы имений Давида царя. 32 Ионафан же дядя Давидов (бысть) советник, муж мудр и книжен сый: и Иеиль сын Ахаманиев бе с сынами царевыми. 33 Ахитофел советник царев, и Хусиа первейший

друг царев, 34 и по (нем) Ахитофеле бысть (близ)) Иодай сын Ванеин и Авиафар: и Иоав начальный воевода царев.

28 Собра же Давид вся начальники Израилевы, начальники судий и колен, и вся начальники полков, почредно стрегущих царя, и начальники тысящей и сотней, и стражи сокровищ, и сущыя над именьями своими и над всем стяжанием царевым, и сынов своих со евнухами, и сильныя и храбрыя воинства во Иерусалим. 2 И воста Давид царь посреде собрания и рече: слышите мя, братия моя и людие мои: бысть мне на сердцы создати дом упокоения кивоту завета Господня и подножие ног Господа (Бога) нашего, и уготовах на созидание потребная: 3 Бог же рече: не созиждеша мне дому еже именовати имя Мое в нем, зане человек воин еси ты и крови пролиал еси: 4 и избра Господь Бог Израилев мене от всего дому отца моего, да буду царь над Израилем во веки, и во Иуде избра царство, и от дому Иудина дом отца моего: и от сынов отца моего во мне благоволи, еже быти ми царю над всем Израилем: 5 от сынов же моих всех, сыны бо мне многи даде Господь, избра Соломона сына моего, да сedit на престоле царства Господня, над Израилем: 6 и рече мне Бог: Соломон сын твой созиждет дом Мой и двор Мой, зане того избрах Мне в сына быти, и аз буду ему во Отца 7 и укреплю царство его даже до века, аще укрепится хранити заповеди Моя и судбы Моя, якоже и днешь: 8 ныне убо пред лицем всего собрания Господня и во уши Бога нашего, храните и възыщите вся заповеди Господа Бога нашего, да наследите землю благу и оставите в наследие сыном вашим по вас даже до века: 9 и ныне, Соломоне, сыне мой, да знаеши Бога отец твоих и служи Ему сердцем совершенным и душевною волею, вся бо сердца испытует Господь и всяко помышление разумеет: аще възыщети Его, обрящется: аще же оставиши Его, оставит тя в конец: 10 ныне убо виждь, яко избра тя Господь, да созиждеша имя дом во освящение, креписи и соверши. 11 Даде же Давид Соломону сыну своему начертание храма и домов его, и камар его, и горниц, и полагалиц внутренних, и дому очищения, 12 и подобие, еже помысли духом своим, дворов дому Господня, и всех камар окрест в сокровищих дому Господня, и влагалищ святынь, 13 и виталищ, и дневных чред иерейских и левитских, во вся дела служения дому Господня, и влагалищ служебных сосудов службы дому Господня: 14 и меру веса их золатых и серебряных, 15 светильников вес даде ему и свещников. 16 Даде ему подобие вес трапезы предложения, княждо трапезы золатая, такожде и серебряных, 17 и удиц, и возлиялниц, и фиал золатых, и вес золатых и серебряных, и кадилниц золатых, коегождо веса: 18 и жертвенника фимиамов от золота чиста вес оказа ему, и подобие колесницы херувимов простирающих крила и осеняющих над кивотом завета Господня. 19 Вся писанная рукою Господнею даде Давид Соломону, по сущему в нем разуму дела изображения. 20 И рече Давид Соломону сыну своему: укрепляйся и мужайся и твори: не бойся, ниже страшися, зане Господь Бог мой с тобою, не отступит от тебе, ниже оставит тя, дондеже совершиши ты все дело

служения дому Господня: и се, подобие храма и дому Его, и камар Его, и горниц, и полагалиц внутренних, и дому очищения, и подобие дому Господня: 21 и се, дневныя чреды иереев и левитов во всяко служение Дому Господня, и с тобою во всяцем действе, и всяк усердный в мудрости во всяцем художестве, и князи, и вси людие во вся словеса твоя.

29 И рече Давид царь ко всему собранию: Соломон сын мой, егоже избра себе Господь, юн и млад, а дело велико, занеже не человеку уготовится здание, но Господу Богу: 2 всюю силою уготовах на дом Бога моего золото, серебро, медь, железо, древа, камение мраморное, и множество камней многоценных и различных, и всякое честное камение, и камней парийских много: 3 и еще внегда благоволити ми в дому Бога моего, есть у мене еже приготовах золото и серебро, и се, дах в дом Бога моего, в высоту, кроме оных, яже уготовах на дом святых: 4 три тысячи талант злата Суфирска и семь тысяч талант сребра искушена к позлащению стен святилища, 5 идеже дело златое златом, а идеже серебряное серебром, и на всякое дело рукою художников: и кто благоволяй исполнити руку свою днешь Господу? 6 И обещаша усердно начальницы отечеств и князи сынов Израилевых, и тысящницы и сотницы, и начальницы дел и икономы царевы, 7 и даша на дела дому Господня злата талант пять тысяч, и златник десять тысяч, и сребра талант десять тысяч, и меди талант осмнадцать тысяч, железа же сто тысяч талант: 8 и у ниже обретется камение, даша во влагалище дому Господня, под руку Иеиила Герсонина. 9 И возвеселишася людие о усердном подаянии, понеже всем сердцем приношаху Господу, и Давид царь возвеселися zelo: 10 и благослови царь Давид Господа пред всем множеством, глаголя: благословен еси, Господи Боже Израилев, Отец наш, от века и до века: 11 Тебе, Господи, величество, и сила, и слава, и одоление, и исповедание, и крепость, яко Ты всеми, иже на небеси и на земли, владычествуеши: от лица Твоего трепещет всяк царь и язык: и Тебе, Господи, царство и великолепие во всех и во всяцем начале: 12 от Тебе богатство и слава, Ты над всеми началствуеши, Господи, начало всякаго начала, и в руку Твоею крепость и власть, и в руку Твоею милость, Вседержителю, возвеличити и укрепити вся: 13 и ныне, Господи, исповедаемъ Тебе и хвалим имя хваления Твоего: 14 и кто аз есмь, и кто людие мои, яко возмогохом сия Тебе благовольные обещати? Твоя бо суть вся, и от твоих дахом Тебе: 15 пришелцы бо есмы пред Тобю и преселницы, якоже вси отцы наши: дние наши яко сень на земли, и несть постоянна: 16 Господи Боже наш, ко всему множеству сему, еже уготовах, да созиждется дом имени святому Твоему, от руку Твоею суть, и Тебе вся: 17 и вем, Господи мой, яко Ты еси испытуй сердца, и правду любииши: в простоте сердца моего произволих сия вся, и ныне людей Твоих, иже zde обретошася, видех с радостию Тебе произволивших (принести дары): 18 Господи Боже Авраама и Исаака и Израила отец наших, сохрани сия в воли сердца людей

Твоих во веки, и исправи сердца их к Тебе: **19** Соломону же сыну моему даждь сердце благо, да хранит заповеди Твоя и свидения Твоя и повеления Твоя, и к совершению привести здание дому Твоего. **20** И рече Давид всему собранию (людей): благословите Господа Бога нашего. И благословиша все собрание Господа Бога отец своих: и преклонше колена поклонишася Господу и царю. **21** И пожре Давид жертвы Господу, и вознесе всесожжения Богу на утрие первого дне, телец тысящу, овнов тысящу, агнец тысящу, и возлияния их, и жертвы множество от всего Израиля. **22** И ядоша и пиша пред Господем в день той с великим веселием: и поставиша царем второе Соломона сына Давидова, и помазаша его Господу в царя, и Садока же во архиереа. **23** И седе Соломон на престоле Господни в царя, вместо Давида отца своего, и благоугоден бысть: и покорися ему весь Израиль. **24** Князи и сильнии и вси сынове царя Давида отца его повинушася ему. **25** И возвеличи Господь Соломона над всем Израилем и даде ему славу царства, еяже ни един царь име прежде его. **26** И Давид сын Иессеев царствова над всем Израилем сорок лет, **27** в Хевроне семь лет, а во Иерусалиме лет тридесать три, **28** и умре в старости блазе, исполнь дний, в богатстве и славе, и воцарися Соломон сын его вместо его. **29** Прочая же словеса царя Давида первая и последняя написана суть в словесех Самуила видящаго и в словесех Нафана пророка и в словесех Гада провидящаго, **30** о всем царстве его и крепости его, и времена яже быша при нем и во Израили и во всех царствах земных.

Вторая книга Паралипоменон

1 И укрепися Соломон сын Давидов на царстве своем, и Господь Бог его (бе) с ним и возвеличи его в высоту. **2** И рече Соломон ко всему Израилю, тысящником и сотником, и судиям и всем начальником пред Израилем. **3** И иде Соломон и все множество в вышний Гаваон, идеже бе скиния свидения Божия, юже сотвори Моисей раб Божий в пустыни. **4** Кивот же Господень принесе Давид от Града Кариафиарима на место, еже уготова ему Давид, яко водрузи ему скинию во Иерусалиме. **5** И оltарь медян, егоже содела Веселеил сын Урии сына Орова, ту бе пред скиниєю Господнею и взыска его Соломон и вся церковь. **6** Вознесе же ту Соломон на олтари медянем пред Господем, иже в скинии свидения, и принесе на нем тысящу всесожжений. **7** В ту ночь явися Господь Соломону и рече ему: проси (что хочещи) да дам тебе. **8** Рече же Соломон к Богу: Ты сотворил еси с Давидом отцем моим милосердие велико и поставил мя еси царя вместо его: **9** и ныне, Господи Боже, да исполнится слово Твое к Давиду отцу моему, Ты бо мене сотворил царя над людьми многими, якоже прах земный: **10** ныне даждь мне премудрость и разум, да ввиду и изыду пред людьми твоими сими, кто бо может судити сих людей Твоих многих? **11** И рече Бог к Соломону: понеже бысть сие в сердцы твоем, и не попросил еси богатства имений, ниже славы, ниже душ противящихся тебе, и дний многих не просил еси, но просил еси себе премудрости и разума, да судити можещи люди Моя, над нимиже поставих тя царя, **12** премудрость и разум даю тебе, богатство же и имения и славу дам тебе, яко не бысть в царех преждебывших тебе подобен тебе, и по тебе такожде не будет. **13** Прииде же Соломон от вышняго Гаваона во Иерусалим пред скинию свидения и царствова над Израилем. **14** И собра Соломон колесницы и конники, и быша ему тысяща и четыреста колесниц и дванадесять тысяч конник: и остави их во градах колесничных, людие же с царем во Иерусалиме. **15** И положи царь серебро и злато во Иерусалиме яко камене, кедры же во Иудеи яко черничие, еже на поли во множестве. **16** Исхождение же коней Соломоновых из Египта ценою купцов царских, иже хождаху и куповаху. **17** И восхождаху и привождаху из Египта колесницу едину за шесть сот сребреник, и коня за сто и пятьдесят сребреник: такожде и от всех царств Хеттейских и от царей Сирийских рукама их приводима бываху.

2 И повеле Соломон созидати дом имени Господню и дом царству своему. **2** И собра царь Соломон семьдесят тысяч мжей носящих времена и осмьдесят тысящам каменосечцев в горах, приставленных же над ними три тысящы и шесть сот. **3** И посла Соломон к Хираму царю Тирску, глаголя: якоже сотворил еси с Давидом отцем моим и послал еси ему кедры, да созиждет себе дом, в немже ему обитати, **4** и се, аз сын его созидаю дом имени Господа Бога моего, да освяшу его Ему, еже кадити пред Ним фимиам

ароматов и предложение всегда, и возносити всесожжения выну, утро и к вечеру, и в субботы, и в новомесячиих, и в праздницех Господа Бога нашего: во век сие бо Израили: **5** и дом, егоже аз созидаю, велик, велик бо есть Господь Бог наш паче всех богов, **6** и кто возможет создати Ему дом? Аще бо небо и небо небесе не могут вместити славы Его: и кто аз, созидаю ЕМУ дом? Но токмо еже кадити фимиам пред Ним: **7** ныне убо посли мне мужа мудра, иже весть дела творити в злате и серебре, и меди и железе, и порфире и в червлени и в синете, и иже знает ваяти ваяние, с мудрыми, иже у мене во Иудеи и во Иерусалиме, яже уготова Давид отец мой: **8** и посли ми древа кедрова и аркевфова и левгова от Ливана, вем бо аз, яко раби твои умеют сещи древа от Ливана: **9** и се, раби твои с рабы моими пойдут, да готовят мне древа многа, дом бо, егоже аз созидаю, велик и преславлен: **10** и се, делателем, иже секут древа, дах в пищу рабом твоим пшеницы мер двадесять тысяч и ячменя мер двадесять тысяч, и вина мер двадесять тысяч и елеа мер двадесять тысяч. **11** Рече же Хирам царь Тирский чрез писание и посла к Соломону, глаголя: понеже возлюблю Господь люди Своя, постави тя над ними царя. **12** И рече Хирам: благословен Господь Бог Израилев, иже сотвори небо и землю, иже даде Давиду царю сына премудра и учена, и умна и разумна, иже созиждет дом Господу и дом царству своему: **13** и ныне послах тебе мужа мудра и сведуща разум, Хирама раба моего: **14** мать его от дочерей Дановых, отец же его муж Тирянин, иже весть делати в злате и серебре, и в меди и в железе, и в камених и в древах, и ткати в порфире и в синете и в виссоне и в червленице, и ваяти всякую резь, и разумети всяко разумение, елика аще даси ему, с мудрыми твоими и с мудрыми господина моего Давида, отца твоего: **15** и ныне пшеницу и ячмень, и елей и вино, яже обещал еси, господине мой, посли рабом твоим, **16** мы же будем сещи древа от Ливана на всяку потребу твою и послем я плотами по морю Иоплийскому, ты же приведеши я во Иерусалим. **17** И собра Соломон всех мжей пришелцев, иже бяху в земли Израилеве, по сочтению, имже соче их Давид отец его, и обретени суть сто пятьдесят три тысящы и шесть сот: **18** сотвори же от них семьдесят тысяч бременосцев и осмьдесят тысяч каменосечцев, три тысящы и шесть сот приставники над делами людскими.

3 И нача Соломон созидати дом Господень во Иерусалиме, на горе Амория, на месте, еже уготова Давид на гумне Орны Иевусеанина: **2** нача же созидати в месяц второй лета четвертаго царства своего. **3** И сице нача Соломон созидати дом Божий: в долготу лакот, размер первый, лакот шестьдесят, в широту же лакот двадесать: **4** и притвор пред лицом дому, долгота по лицу широты дому, лакот двадесать, высота же лакот сто двадесать и позлати его внутрь златом чистым. **5** Дом же великий окры дсками кедровыми и позлати златом чистым: извая же на нем подобия фиников и яко мрежицы промеж себе сплетающыяся, **6** и украси храм каменнем драгим славно, и позлати златом, еже от Фаруима. **7** И позлати дом и стены его, и врата и праги,

и окна и двери златом, и извая херувимы на стенах. 8 Сотвори же дом Святая Святых, долгота его по лицу широты дому, лакот двадцать, широта также двадцать лакот, и позлати и златом чистым на херувимех, талант шесть сот. 9 И вес гвоздий, вес гвоздя единого пятьдесят сикль злата, и горницу позлати златом. 10 И сотвори в дому Святая Святых Херувима два, дело от древ негниющих и позлати их златом. 11 И криле херувимов, долгота двадцать лакот, и едино крило лакот пяти, прикасающееся стене дому, 12 и другое крило пяти лакот, прикасающееся крилу херувима другого: 13 криле же херувимов сих распростерте на лакот двадцать, тии же стояху на нозех своих, лица же их (зряще) к дому. 14 Сотвори же завесу от синеты и багряницы, и червленицы и виссона, и сотка на ней херувимы. 15 И сотвори пред храмом столпа два, лакот тридцать пять в высоту, и главы их пять лакот. 16 И сотвори чели в давире и положи на главах столпов, и шипков сотвори сто, ихже положи на мрежи. 17 И постави столпы пред лицом храма, единого одесную, а другого ошуюю: и нарече имя сущему одесную Исправление, имя же сущему ошуюю Крепость.

4 Сотвори же и олтарь медян, двадцать лакот в долготу и двадцать лакот в широту и десять лакот в высоту. 2 И сотвори море (медяно) слияно, десять лакот от устия до устия его, кругло окрест, и пяти лакот в высоту, и округлость его тридесяти лактей: 3 и подобие телцев под ним окрест окружающих е: десять лакот обдержажу умывальницу окрест: два рода слияша телцев в слиянии их, 4 имже сотвориша их дванадцать телцев, иже трие сматряху к северу и трие к западу, и трие к полудню и трие к востоку, и море на них (наставлено), задняя же их бяху внутрь (под морем): 5 и толстота его дланная, и устие его яко устие потира, изваянна яко отрасли крина, вмещающее три тысячи мер: и соверши. 6 Сотвори же омывалниц десять и постави пять одесную и пять ошуюю, да омывают в них вся приносимая на всесождения и очищают в них, море же, да омываются священники в нем. 7 Сотвори же и подсвещник златых десять по мере их и постави я в храм пять одесную и пять ошуюю. 8 И сотвори столов десять и постави в храм пять одесную и пять ошуюю, и фиал златых сотвори сто. 9 И сотвори двор священником и двор великий, и двери двора и верей их помедяны медию. 10 И море постави от угла дому одесную аки к востоку прямо. 11 Сотвори же Хирам удицы мясныя, и кадилницы, и сковраду жертвенную, и вся сосуды его: и соверши Хирам творити всякое дело, еже сотвори Соломону царю в дому Божии: 12 столпа два, и на них окружили, и венцы на главах дву столпу, и мрежице две, еже покрывати главы венцев иже суть над главами столпов: 13 и звонцев златых четьреста в две мрежи, и два ряда шипков во мрежи единой, еже покрывати два окружили венцев, иже суть верху столпов: 14 и подставов сотвори десять, и умывальницы сотвори на подставах, 15 и море едино и волов дванадцать под ним, 16 и котлы, и удицы мясныя и вся сосуды их, яже сотвори Хирам и принесе царю Соломону в дом Господень от меди чистыя. 17 Во стране

Иордана слия их царь, в толщи земней, между Сохкофом и между Саридафом. 18 И сотвори Соломон вся сосуды сия многочисленны зело, понеже не оскуде тягость меди. 19 Сотвори же Соломон вся сосуды дому Божия, и олтарь злат, и трапезы, и на них хлебы предложения, 20 и подсвещники, и светильники света, да светят пред Святая святых по чину, от злата чиста, 21 и щипцы их, и светильники их, и фиалы, и чашицы, и кадилницы от злата чиста, 22 и двери храма внутренняя яже во Святая Святых и двери дому храма златья. И совершися все дело еже сотвори Соломон в дому Господни.

5 И внесе Соломон святая Давида отца своего, серебро и злато и вся сосуды, и даде в сокровище дому Господня. 2 Тогда собра Соломон вся старейшины Израилевы и вся начальники колен, вожды отечеств сынов Израилевых во Иерусалим, да вознесут кивот завета Господня от града Давидова, иже есть Сион. 3 И собрался око царю вси мужие Израилевы в праздник, сей есть месяц седмый. 4 И приидоша вси старейшины Израилевы, и взяша вси левити кивот 5 и внесоша его и скинию свидения и вся сосуды святыя, иже в скинии, и внесоша его священники и левити. 6 Царь же Соломон и весь сонм сынов Израилевых, и боящиися и собрании пред кивотом, жряху телцы и овцы безчисленны и несочисляемы от множества. 7 И внесоша священники кивот завета Господня на место его, еже есть молитвенник храма, во Святая Святых, под криле херувимов. 8 И бяху херувимы распростерше крила своя над местом кивота, и покрываху херувими над кивотом и над носилами его свыше. 9 И длиннее бяху носила, и видяхуса главы носил от святых в лице молитвенника, и не видяхуса вне, и быша тамо даже до настоящего дне. 10 Ничтоже бе в кивоте, токмо две скрижали, ихже положи Моисей в Хориве, егда закон даде Господь сыном Израилевым, исходящим им из земли Египетския. 11 И бысть исходящим священником от святых, вси бо священники, иже ту обретошася, освящени быша и не бяху расположени в дневную черду, 12 левити же и певцы вси с сынами Асафовыми, со Еманом, Идифумом, и с сынами их и с братьями их, облечени в ризы льняны, в кимвалех и псалтири и гуслех (возглашаху) стояще пред олтарем, и с ними жерцев сто двадцать трубяще трубами: 13 и бысть един глас в трублении и в псалмопении и в возглашении гласом единым еже хвалити и исповедатися Господеву. И егда воздвигоша глас в трубах и кимвалех и органех песней, и глаголаху: исповедаетеся Господеву, яко благ, яко в век милость Его: и дом исполнися облака славы Господни, 14 и не могоша священники стати служити от лица облака, наполни бо слава Господня дом Божий.

6 Тогда рече Соломон: Господь рече обитати во мгле, 2 аз же создах дом имени Твоему Святый Тебе, и уготован еже обитати Тебе во веки. 3 И обрати царь лице свое и благослови все собрание Израилево, и все собрание Израилево предстояше, и рече: 4 благословен Господь Бог Израилев, якоже глагола усты Своими ко Давиду отцу моему, и руками Своими соверши, глаголя: 5 от дне, в онже

изведох люди Моя от земли Египетския, не избрах града от всех колен Израилевых, да созиждется в нем дом имени Моему ту, ниже избрах мужа быти вождем над людьми Моими во Израили: **6** но избрах Иерусалима, да будет имя Мое в нем, и избрах Давида быти над людьми Моими Израилем: **7** и бысть на сердцы Давида отца моего создати дом имени Господа Бога Израилева: **8** и рече Господь ко Давиду отцу моему: понеже бысть на сердцы твоём создати дом имени Моему, добре сотворил еси, яко бысть на сердцы твоём, **9** обаче ты не созиждеши Мне дому, но сын твой, иже изыдет из чресл твоих, той созиждет дом имени Моему: **10** и соверши Господь слово сие, еже глагола, и бых вместо Давида отца моего, и седох на престоле Израилеве, якоже глагола Господь, и создах дом имени Господа Бога Израилева, **11** и поставих в нем кивот, в немже есть завет Господень, егоже завеща Израилю. **12** И ста пред олтарем Господним, пред всем множеством Израилевым, и простре руце свои: **13** сотвори бо Соломон стояло медяно и постави его посреде двора святилища, пять локот долготы его и пять локот широты его и три лакты высота его: и ста на нем, и паде на колена своя пред всем множеством Израилевым, и простре руки своя на небо и рече: **14** Господи Боже Израилев, несть подобен Тебе Бог на небеси и на земли, сохраняяй завет и милость с рабы Твоими, иже ходят пред Тобою всем сердцем своим, **15** яже сохранил еси рабу Твоему Давиду отцу моему, елика рекл еси ему глаголя, и глаголал еси усты Твоими и руками Твоими совершил еси, якоже день сей: **16** и ныне, Господи Боже Израилев, сохрани рабу Твоему Давиду отцу моему, яже рекл еси ему глаголя, и глаголал еси усты Твоими и исполнил еси якоже в день сей, глаголя: не оскудеет тебе муж от лица Моего седая на престоле Израилеве, токмо еще сохранят сынове твои пути Моя ходити в законе Моем, якоже ходил еси предо Мною: **17** и ныне, Господи Боже Израилев, да укрепится слово Твое, еже глаголал еси рабу Твоему Давиду: **18** убо истинно ли Бог обитати будет с человеки на земли? Аще небо и небо небесе не довлеют Ти, и кольми паче дом сей, егоже создах? **19** и призри на моление раба Твоего и на молитву мою, Господи Боже мой, еже услышати молитвы моя и моление, имже раб Твой молится пред Тобою ныне, **20** еже быти очесем Твоим отверстым на дом сей день и ночь, на место сие, о немже глаголал еси, да призовется имя Твое тамо, еже услышати молитву, еюже раб Твой молится на месте сем: **21** и послушати мольбу раба Твоего и людей Твоих Израиля, елика аще помолются на месте сем и ты услышиши на месте жилища Твоего с небесе, и услышиши, и милостив будеши: **22** аще согрешит муж ко искреннему своему и примет на него клятву еже клести его, и приидет и прокленет пред олтарем в дому сем, **23** и Ты услыши от небесе и суди рабом Твоим, еже воздати беззаконному, и воздати пути его на главу его, и оправдати праведнаго, въздая ему по правде его: **24** и аще одолени будут людие Твои Израиль от враг, аще согрешат Тебе и обратятся, и исповедятся имени Твоему, и помолются пред Тобою в храме сем, **25** и Ты услыши с небесе и милостив буди грехом

людей Твоих Израиля и возврати их в землю, юже дал еси им и отцем их: **26** егда заключиши небо, и не будет дождя, яко согрешат Тебе, и помолются на месте сем, и восхвалят имя Твое, и обратятся от грех своих, егда смириши их, **27** и Ты услыши с небесе и милостив буди грехом рабов и людей Твоих Израиля, яко явиши им путь благ, по немуже пойдут, и даждь дождь на землю Твою, юже дал еси людям Твоим в наследие: **28** глад аще будет на земли, губительство аще будет, воздуха растление и иктер, пружи и гусеницы аще будут, и аще оскорбит их враг пред градами их, всякою язвою и всякою болезнию, **29** и всяка молитва, и всяко моление, еже аще будет всякому человеку и всем людям Твоим Израилю, аще познает человек язву свою и грех свой и прострет руце свои в дому сем, **30** и Ты услыши с небесе от готового жилища Твоего, и очисти, и даждь коемуждо по путем его, якоже веси по сердцу его, Ты бо един веси сердца сынов человеческих, **31** яко да боятся Тебе, еже ходити бо всех путех Твоих вся дни, в няже живут на лица земли юже дал еси отцем нашим: **32** и всяк чуждий, иже несть от людей Твоих Израиля, и приидет от земли дальняя ради имени Твоего великаго и ради руки Твоея сильныя и мышцы Твоея высокия, и приидет и помолится на месте сем, **33** и Ты услыши с небесе от готового жилища Твоего, и сотвориши по всему, елико призовет Тя чуждий, да уведят вси людие земли имя Твое и убоятся Тебе, якоже людие Твои Израиль, и познают, яко имя Твое призвано есть на дом сей, егоже создах: **34** аще же изыдут людие Твои на брань противу супостат своих по пути, имже послещи их, и помолются Тебе по пути града его, егоже избрал еси Себе, и дому, егоже создах имени Твоему, **35** да услышиши с небесе молитву их и моление их, и сотвориши оправдание их: **36** зане согрешат Тебе, яко несть человек, иже не согрешит, и поразиши их, и предаши их в руки врагов их, и пленят их пленяющи в землю врагов, в землю дальнюю или ближнюю, **37** и обратят сердце свое в земли их, в нуже пленени будут, и тамо обратятся, и помолются Тебе в пленении своем, глаголюще: согрешихом, беззаконнахом, неправдовахом, **38** и обратятся к Тебе всем сердцем своим и всею душею своею в земли пленивших я, идеже плениша их, и помолются путем земли своея, юже дал еси отцем их, и града, егоже избрал еси, и дому, егоже создах имени Твоему: **39** да услышиши с небесе от готового жилища Твоего молитву их и моление их, и сотвориши суд, и милостив буди людям Твоим согрешившим Ти: **40** и ныне, Господи, да будут отверсте очи Твои, и уши Твои внятне к молению места сего: **41** и ныне востани, Господи Боже, в покой Твой, Ты и кивот крепости Твоея: священницы Твои, Господи Боже, да облечутся во спасение, и преподобнии Твои возвеселятся во благих: **42** Господи Боже, да не отвратиши лица христа Твоего, помяни щедроты Давида раба Твоего.

7 И егда соверши Соломон моляся, и огонь сниде с небесе и пояде всесожжения и жертвы и слава Господня исполни дом: **2** и не можаху священницы внити в храм Господень во время оно, яко исполни слава Господня дом Господень. **3** И вси сынове Израилевы видяху сходящъ огонь и славу

Господню на дом, и падоша ниц на землю на помост послан камением, и поклонишася, и восхвалиша Господа, яко благ, яко во век милость Его. 4 Царь же и вси людие пожроша жертвы пред Господем. 5 И пожре царь Соломон жертву волов двадесать и две тысящи, овец сто и двадесать тысящ, и освяти дом Божий царь и вси людие. 6 Священницы же стояху на стражах своих, и левити во органы пояху песни Господни, яже сотвори Давид царь к похвалению Господа: (яко благ,) яко во век милость Его, песни Давидовы (поюще) руками своими: и священницы пояху трубами пред ними, и весь Израиль стояше. 7 Освяти же Соломон среднее двора, иже пред церковию Господнею, принесе бо ту всесожжения и туки мирных, яко олтарь медян, егоже сотвори Соломон, не можаше вместити всесожжений и жертв и туков. 8 И сотвори Соломон праздник во время оно седмь дней, и весь Израиль с ним, собрание велико zelo от входа во Емаф даже до потока Египетска: 9 сотвори же в день осмый торжество, понеже освящению олтаря сотвори седмь дней праздник. 10 И в день двадесать третий месяца седмаго отпусти людий в жилище их веселящихся и радующихся о благих, яже сотвори Господь Давиду и Соломону и Израилю людем Своим. 11 И соверши Соломон дом Господень и дом царев: и вся, елика восхоте в сердцы своем Соломон творити в дому Господни и в дому своем, благопоспешися. 12 И явися Господь Соломону нощию и рече ему: услышах моление твое и избрах место сие мне в дом жертвы: 13 аще заключу небо, и дождь не изльется, и аще повелю пругом поясти древо, и аще послю губителство на люди Моя, 14 и аще посрамлени будут людие Мои, на ниже призвано есть имя Мое, и помолятся, и възшут лица Моего, и отвратятся от путей своих злых: и Аз услышу с небесе и милостив буду грехом их, и изцелю землю их: 15 и ныне очи Мои будут отверсте, и уши Мои послушне к молению места сего: 16 и ныне избрах и освятих дом сей, да будет на Мое ту даже до века, и будут очи Мои и сердце Мое ту вся дни: 17 ты же аще ходити будеши предо Мною, якоже ходил Давид отец твой, и сотвориши по всем, яже повелех тебе, и повеления Моя и судьбы Моя сохраниши: 18 и воздвигну престол царства твоего, якоже заветах Давиду отцу твоему глагола: не отимется от тебе муж вождь во Израили: 19 аще же отвратитесь вы и оставите повеления Моя и заповеди Моя, яже предах вам, и пойдете и послужите богом иным и поклонитесь им, 20 исторгну вас от земли, юже дах вам: и дом сей, егоже освятих имени Моему, отвергу от лица Моего и предам его в притчу и в повесть всем языком: 21 и дом сей высокий (в притчу), всяк мимоходяй его ужаснется и речет: почто сотвори Господь тако земли сей и дому сему? 22 И отвечают: яко оставиша Господа Бога отец своих, иже изведе их от земли Египетския, и прияша оти чуждыя, и поклонишася им, и поработаша им, и сего ради наведе на них вся сия злая.

8 И бысть по двадесяти летех, в ниже созда Соломон дом Господень и дом свой, 2 и грады яже даде Хирам Соломону, созда оны Соломон и всели ту сыны Израилевы.

3 И прииде Соломон во Емаф-Сува и одержа его. 4 И созда Федмор в пустыни и вся грады крепкия, яже созда во Емафе. 5 Сострои же Вефорон вышний и Вефорон нижний, грады укреплены стенами, вратами и вереями: 6 и Валааф, и вся грады крепкия, иже быша Соломону, и вся грады колесниц и грады конник, и елика восхоте Соломон по желанию создати бо Иерусалиме и в Ливане и во всем царстве своем. 7 Весь народ оставшийся от Хеттеа и Аморреа, и Ферезеа и Евеа и Иевусеа, иже не бяху от племени Израилева, 8 но беша от сынов их оставшихся по них на земли, иже не избиха сынове Израилевы, поведе их Соломон в дань даже до дне сего. 9 От сынов же Израилевых не даде Соломон в рабы царству своему: тии бо бяху мужие ратницы и князи, и сильнии и начальницы колесниц и конник его. 10 И сии начальницы предстоящих царю Соломону, двести пятьдесят приставницы над делы людскими. 11 Дщерь же Фараону преведе Соломон от града Давидова в дом, егоже созда ей, рече бо: да не обитает жена моя в дому Давида царя Израилева, понеже освящен есть, аможе вниде кивот Господень. 12 Тогда вознесе Соломон всесожжения Господевы на олтарь, егоже созда Господевы пред храмом, 13 по словеси от дне до дне возносити, по повелению Моисееву, в субботы и в новомесячия и в праздники, трижды в год, в праздник опресноков и в праздник седмиц и в праздник кущей. 14 И постави по разсуждению Давида отца своего разделения священником и по служением их: и левиты над стражами их, да хвалят и служат пред священники по чину единого коегождо дней: и дверницы по разделением их, по вратом и вратом: тако бо повеле Давид человек Божий. 15 Не преступиша заповедий царевых о священницех и левитех по всякому словеси, и в сокровищих. 16 И уготовася всяко делание от дне, в оньже основа, до дне, в оньже соверши Соломон дом Господень. 17 Тогда иде Соломон в Гасионгавер и во Елаф, иже при мори в земли Идумейстей. 18 И посла Хирам рукою слуг своих корабли и рабы знающыя морския проходы, и хождуху с рабы Соломоними в Софир, и взяша оттуду четьреста и пятьдесят талант злата и принесоша ко царю Соломону.

9 Царица же Савска услыша имя Соломоново и прииде искусити его гаданьми во Иерусалиме с силою тяжкою zelo: и велблюды носящи ароматы и злата множество и каменья драгаго: и прииде к Соломону и глагола ему вся, елика беша в сердцы ея. 2 И возвести ей Соломон вся словеса ея, и не преиде слово, егоже бы не возвестил ей. 3 И виде царица Савска премудрость Соломону, и дом егоже созда, 4 и яди столов его, и седалища рабов его, и состояние службников его и ризы их, и виночерпчия его и украшение их, и всесожжения, яже жряше в дому Господни, и вне себе бысть. 5 Рече же ко царю: истинно есть слово, еже слышах в земли моея о словесех твоих и о премудрости твоей: 6 и не веровах словесем их, дондеже приидох, и видеста очи мои, и се, не возвестиша мне половины множества премудрости твоея: приложил еси ко слышанию яже слышах: 7 блажени мужие твои и блажени раби твои сии, иже предстоят пред

тобою на всяко время и слышат премудрость твою: 8 да будет Господь Бог твой благословен, иже благоволи в тебе, еже дати тя на престол Свой царя Господу Богу твоему: зане возлюби Господь Бог твой Израиля, еже утвердити его во век, и постави тя над ними царя, да сотвориши суд и правду. 9 Даде же царю сто двадцать талант злата и ароматы многи зело и камень драгое, и не быша ароматы таковы яко сия, яже даде царица Савска царю Соломону. 10 Но и раби Хирамовы с рабы Соломоними приношаху злато Соломону драгое. 11 И сотвори Соломон царь от древ певговых степеня в дом Господень и в дом царев, и гусли и салтири песней, и никогдаже видена быша в земли Иудине прежде такоая. 12 Царь же Соломон даде царице Савстей вся по желанию ея, иже просила, кроме всех яже принесе царю Соломону, и возвратися в землю свою. 13 Бе же вес злата приносимаго к Соломону на всяко лето шесть сот шестьдесят шесть талант злата, 14 кроме мужей подданных и купцов, иже приношаху, и всех царей Аравских и властелей земли, иже вси приношаху злато и серебро царю Соломону. 15 Сотвори убо царь Соломон двести щитов златых тягненьх, шесть сот златник чистых бяху во едином щите: 16 и триста щитов златых тягненьх, по триста златник бяше во едином коемждо щите, и положи я царь в дому древа Ливанова. 17 Сотвори же царь престол от слоновых зубов велик, и позлати его златом чистым, 18 и шесть степеней у престола позлащени златом, и мышчицы две туду и сюду над престолом седалища, и два льва стояща близ мышчцей, 19 и дванадцать львов стоящих тамо на шести степенех от обоих стран: и не бысть таков престол во всяцем царстве. 20 Все же сосуди царя Соломона бяху златы, и вси сосуди дому дубравы Ливанския златом окружены, серебро бо во днех Соломоних ни во что вменяшеса: 21 зане корабль царев хождаше в Фарсис с рабы Хирамовыми, единицею в лета три прихождаше корабль от Фарсиса ко царю, полн злата и сребра и зубов слоновых и обезян. 22 И возвеличися Соломон паче всех царей земных богатством и мудростию. 23 Все же царие земстии желажу видети лице Соломоне и слышати премудрость его, юже даде Бог в сердце его: 24 и приношаху ему кийждо дары своя, сосуди сребряны и златы, и одеяния и стакту, и сладости, кони и мски, на всякое лето. 25 И бяху царю Соломону чтыредесять тысяч кобылиц к колесницы и дванадцать тысяч конник, и постави их во градах колесничных и со царем во Иерусалиме. 26 И быть вождь всех царей от реки (Евфрата) даже до земли иноплеменик и даже до предел Египетских. 27 И даде царь злато и серебро во Иерусалиме яко камень, и кедры яко черничие, еже (раждается) в полях множество. 28 И приводяху кони Соломону от Египта и от всяя земли. 29 И прочая словеса Соломона первая и последняя, се, сия писана суть в словесех Нафана пророка и в словесех Ахии Силониты и в видениях Иоила видящаго, противу Иеровоама сына Наватова. 30 И царствова Соломон во Иерусалиме над всем Израилем чтыредесять лет. 31 И успе Соломон со отцы своими, и погребоша его во граде Давида отца его. И воцарися Ровоам сын его вместо его.

10 И прииде Ровоам в Сихем, зане в Сихем весь Израиль снидеса поставити его царем. 2 И бысть егда услыша Иеровоам сын Наватов, иже бе во Египте, яко убеже от лица Соломона царя, и обита Иеровоам во Египте, и возвратися Иеровоам от Египта. 3 И послаша и призваша его. И прииде Иеровоам и все собрание Израилево ко царю Ровоаму, глаголюще: 4 отец твой ожесточи иго наше, ты же ныне ослаби от работы отца твоего жестокия и от ига его тяжкаго, еже возложи на нас, и послужим тебе. 5 И рече им: поидите даже до триех дней и придите ко мне. И отидоша людие. 6 И собра царь Ровоам старейшины, иже стояху пред Соломон отцем его, егда еще живяше, глаголя: каков вы даете совет отвещати людем сим? 7 И реша ему: аще днешь будеши во благое людем сим, и благоугодиши, и речеши им словеса благая, то послужат тебе во вся дни. 8 И остави совет старейшин, егоже совещаша ему: и советоваше со юношами, иже с ним воспитани бяху и стояху пред ним, 9 и рече к ним: что вы советуете, да отвещаю людем сим, иже реша мне, глаголюще: облегчи иго, еже наложи на ны отец твой? 10 И отвещаша ему отроцы воспитанныи с ним, глаголюще: тако речеши людем, иже рекоша тебе, глаголюще: отец твой отягчи иго наше, ты же облегчи нам: тако отвещай к ним: менший перст мой толстее есть чресл отца моего: 11 отец мой наложи вам тяжкое иго, аз же (тягости) приложу на иго ваше: отец мой бил вас бичми, аз же буду бити вас скорпионами. 12 И прииде Иеровоам и вси людие к Ровоаму в день третий, якоже повеле им царь, глаголя: возвратитесь ко мне в день третий. 13 И отвеща царь жестоко, и остави царь Ровоам совет старейшин, и рече к ним по совету юнош, глаголя: 14 отец мой отяготи иго ваше, аз же приложу к нему: отец мой бил вас бичми, аз же бити буду вы скорпионами. 15 И не послуша царь людий, яко бе превращение от Бога, глаголя: возстави Господь слово Свое, еже глагола рукою Ахии Силониты о Иеровоаме сыне Наватове 16 и о всем Израили, зане не послуша царь их. И отвещаша людие ко царю, глаголюще: кая нам часть в Давиде и наследие в сыне Иессееве? Возратися в жилища твоя, Израилю, ныне смотри дому твоего, Давиде, И иде весь Израиль в жилища своя. 17 Мужие же Израилевы, иже обиташу во градах Иудиных, воцариша над собою Ровоама. 18 И посла царь Ровоам к ним Адонирама бывша над даньми, и каменiem побиша его сынове Израилевы, и умре. И услыша царь Ровоам, и потчася възйти на колесницу, и побеже во Иерусалим. 19 И отвержеся Израиль от дому Давидова даже до дне сего.

11 Прииде же Ровоам во Иерусалим, и созва (весь) дом Иудин и Вениамина, сто осмьдесят тысяч избранных юношей творящих брань, и воеваше противу Израиля и Иеровоама, да обратит к себе царство. 2 И бысть слово Господне к Самею человеку Божию, глаголя: 3 глаголи к Ровоаму сыну Соломону, царю Иудину, и ко всему Израилю, иже есть во Иуде и Вениамине: 4 сия рече Господь: не восходите, ниже ополчайтеся противу братии вашей: возвратитесь кийждо в дом свой, зане от Мене бысть глаголгол сей. И послушаша слова Господня, и возвратишася,

и не поидоша противу Иеровоама. 5 Обита же Ровоам во Иерусалиме и созда грады стенаты во Иудеи: 6 сострои же Вифлеем и Етам, и Фекуе 7 и Вефсур, и Сохоф и Одоллам, 8 и Геф и Марисан, и Зиф 9 и Адурем, и Лахис и Азику, 10 и Салаю и Елон и Хеврон, иже есть Иудин и Вениамин, грады крепкия: 11 и укрепи их стенами, и постави в них начальники, житохранилища, и елей и вино, 12 во всяцем граде щиты и копия, и укрепи их во множестве зело, и быста под ним Иуда и Вениамин. 13 Священницы же и левиты, иже бяху во всем Израили, собрашася к нему от всего предел: 14 яко оставиша левиты селения одержания своего и поидоша ко Иуде во Иерусалим, понеже изгна их Иеровоам и сынове его, еже не служити Господеви: 15 и постави себе жерцы на высоких, и идолом, и суетным, и телцем, иже сотвори Иеровоам. 16 И изгна их от всех колен Израилевых, иже вдаша сердце свое, да възыщут Господа Бога Израилева: и приидоша во Иерусалим пожрети Господу Богу отец своих: 17 и укрепиша царство Иудино. И укрепися Ровоам сын Соломонъ в три лета, хождаше бо по путем Давида и Соломона отца своего лета три. 18 И взя себе Ровоам жену Моолафу, дщерь Иеримофа сына Давидова, и Авигею дщерь Елиава сына Иессеова. 19 И роди ему сыны: Иеуса и Самориа и Заама. 20 По сих же поя себе Мааху дщерь Авессаломлю, и роди ему Авию и Иеффиа, и Зизу и Салимофа. 21 И возлюби Ровоам Мааху дщерь Авессаломлю паче всех жен своих и подложниц своих, яко жен осмнадцать име и подложниц шестьдесят: и роди двадцать осм сынов и шестьдесят дщерей. 22 И постави в начальника Ровоам Авию сына Маахина и князем над всею братиею его, того бо и царем сотворити помышляше. 23 И возрасте паче всех братий своих во всех пределах Иудиных и Вениаминих и во градах крепких, и даде им пищи множество много, и многих възыска жен.

12 И бысть егда устроися царство Ровоамово, и укрепися, остави заповеди Господни, и весь Израиль с ним. 2 И бысть в лето пятое царства Ровоамля възиде Сусаким царь Египетский на Иерусалим, зане согрешаши пред Господем, 3 с тысящию и двема сты колесниц и шестьдесят тысяч конник, и не бе числа народу пришедшему с ним от Египта, Ливиане, Троглодитяне и Ефиопляне: 4 и взяша грады крепкия, иже бяху во Иуде, и приидоша даже до Иерусалима. 5 Самеа же пророк вниде к Ровоаму и к началником Иудиным, иже собрани бяху во Иерусалим от лица Сусакимова, и рече к ним: сия рече Господь: вы остависте Мя, и аз оставлю вас в руку Сусакима. 6 И посрамившася начальницы Израилевы и царь и рекоша: праведен Господь. 7 Егда же виде Господь, яко смиришася, и бысть слово Господне к Самею, глаголя: смиришася, не разорю их, и дам им вмале спасение, и не уканет ярость Моя на Иерусалим, 8 обаче будут в рабы, да познают работу Мою и работу царства земли. 9 И възиде Сусаким царь Египетский во Иерусалим, и взя сокровища, яже в дому Господни, и сокровища, яже в дому царева, вся взя: и взя щиты златыя, иже сотвори Соломон. 10 И сотвори царь Ровоам щиты медяны вместо

их. И постави на нем Сусаким царь Египетский начальников предходящих стрегущих врата царева: 11 и бысть внемгда входити царю в дом Господень, вхождаху стрегущии и предходящии, и обращающиеся восхождаху предходящии ко оружехранительнице своей. 12 И егда смирися той, отворитися от него ярость Господня, а не в разорение в конец: ибо и во Иуде бяху словеса блага. 13 И укрепися царь Ровоам во Иерусалиме и царствова: четыредесяти же и единого лета бысть Ровоам, егда царствовати нача, и седмнадцать лет царствова во Иерусалиме, во граде, егоже избра Господь, да именуется имя Его ту от всех колен Израилевых. Имя же матери его Ноома Амманитыня. 14 И сотвори лукавое, яко не исправи сердца своего, да възыщет Господа. 15 Словеса же Ровоамова первая и последняя не се ли, суть писана в словесех Самеа пророка и Адда провидящаго, и деяния его? И воеваше Ровоам и Иеровоам во вся дни. 16 И умре Ровоам и погребен бысть со отцы своими во граде Давидове. И воцарися Авиа сын его вместо его.

13 В лето осмоенадсать царства Иеровоамля воцарися Авиа над Иудео: 2 три лета царствова во Иерусалиме. Имя же матери его Мааха дщерь Уриилева от Гаваона. И бе брань между Иеровоамом и между Авию. 3 И ополчися Авиа в силе воинския силы, в четырех стах тысяцах мужей сильных: Иеровоам же устрои противу его брань во осми стах тысяцах мужей военных крепких силою. 4 Ста же Авиа на горе Сомори, яже есть на горе Ефремли, и рече: слышите Иеровоам и весь Израиль: 5 или не весте, яко Господь Бог Израилев даде царство Давиду над Израилем во веки и сыновом его в завет вечен? 6 И воста Иеровоам сын Наватов, раб Соломона сына Давидова, и отвержеся от господина своего: 7 и собрашася к нему мужие пагубнии, сынове законопреступнии, и воста противу Ровоама сына Соломона, Ровоам же бе юнейший и сердцем страшил, и не возможе противостати лицу его: 8 и ныне вы глаголете противостати лицу царства Господня в руке сынов Давидовых: и вы мнози зело, и с вами телцы злати, иже сотвори вам Иеровоам в боги: 9 не извергосте ли священников Господних сынов Аароних и левитов, и сотвористе себе жерцы от людей вся земли, приходяй наполнити руку свою телцем от волов и овнами седмию, и сотворися жерцем не существу богу: 10 мы же Господа Бога нашего не оставимом, и священницы Его служат Господу, сынове Аарони и левиты, 11 и по чредам своим жрут Господу всесождения утро и пред вечером, и фирмам сложения, и предложения хлебов на трапезе чистей, и светилник златый, и свещники возжжения возжизати к вечеру: мы бо храним стражбы Господа Бога отец наших, вы же Его остависте: 12 и се, с нами в начале Господь, и священницы Его, и трубы знаменованя, еже знаменати противу вам: сынове Израилевы, не ратуйте противу Господа Бога отец ваших, понеже не благопоспешити вам. 13 Иеровоам же обрати подсаду приити ему созади, и бысть противу Иуды (сам), подсада же созади. 14 И обратися Иуда, и се, ему брань сопреди и созади, и возопиша ко Господу, и священницы вострубиша трубами: 15 и возопиша мужие Иудины. И бысть

вопиющим мужем Иудиным, и Господь порази Иеровоама и Израиля пред Авиену и Иудю: **16** и бежаша сынове Израилевы от лица Иуды, и предаде их Господь Бог в руки их: **17** и порази их Авиа и людие его язвою великою, и падоша ранени от Израиля пять сот тысяч мужей крепких. **18** И смиришася сынове Израилевы в день той, и укрепилася сынове Иудины, яко уповаша на Господа Бога отец своих. **19** Погна же Авиа вслед Иеровоама и взя от него грады: Вефиль и села его, и Иесину и села ея, и Ефрон и села его. **20** И не возможе ктому противитися Иеровоам во вся дни Авию, и порази его Господь: и умре. **21** Авиа же укрепися, и поят себе жен четырнадцать, и роди двадцать два сына и шестнадцать дочерей. **22** Прочая же словеса Авиева и деяния его и словеса его писана в книзе Адды пророка.

14 И успе Авиа со отцы своими, и погребоша его во граде Давидове. И воцарися Аса сын его вместо его во дни же Асы почи земля Иудина лет десять. **2** И сотвори Аса благое и правое пред Господем Богом своим: **3** и отверже олтари чуждых и высокая, и сокруши идолы и посече дубравы: **4** и повеле Иуде, да възыщет Господа Бога отец своих и да сотворит закон Его и заповеди: **5** и изверже из всех градов Иудиных олтари и идолы, и царства в мире. **6** И созда грады крепки в земли Иудине, зане в покои бысть земля, и не бе ему брани в лета сия, мир во Господь даде ему. **7** Рече же Иуде: созиждем грады сия, и сотворим стены и столпы, и врата и вереве, дондеже землею господствуем: зане якоже възыскахом Господа Бога нашего, възиска и нас, и воздаде нам мир окрест, и благопоспешествова нам. **8** И бысть сила Асе оруженосцев носящих щиты и копия в земли Иудине триста тысяч, в земли же Вениамины щитников и стрелцев двести осмьдесят тысяч: вси сии воины сильнии. **9** Изыде же противу их Зарай Ефиоплянин с силою в тысячи тысячей, и колесниц триста, и прииде даже до Мариса. **10** И изыде Аса противу ему и устрои брань в дебри на север Мариса. **11** И възопи Аса ко Господу Богу своему и рече: Господи, не изнеможет у Тебе спасати во многих и в малых, укрепи нас, Господи Боже наш, яко на Тя уповахом и о имени Твоем изыдохом на множество многое сие: Господи Боже наш, Ты еси Бог, да не превозможет противу Тебе человек. **12** И порази Господь Ефиопы пред Асою и Иудю и бежаша Ефиопи: **13** и погна их Аса и людие его даже до Гедора: и падоша Ефиопи, даже не быти в них останку, яко сотрени быша пред Господем и пред силою Его, и плениша корысти многи: **14** и изсекоша веси их окрест Гедора, велик бо страх Господень обьят их, и плениша вся грады их, зане многи корысти быша в них: **15** и куцы скотския и амазонов изсекоша, и взяша скота множество и велблуды, и возвратишася во Иерусалим.

15 Азария же сын Ададов, бысть на нем Дух Божий: **2** и изыде во сретение Асе и всему Иуде и Вениамину и рече ему: услышите мя, Аса и весь Иуда и Вениамин: Господь с вами, яко бысте с Ним: и аще възыщете Его, обрящется вам, аще же оставите Его, оставит вас: **3** мнози дние (будут) во Израили без Бога истиннаго и без священника учащаго и

без закона: **4** егда же обратятся в печали ко Господу Богу Израилеву и възыщут Его, и обрящется им: **5** и во время оно не будет мир исходящему и входящему, яко ужас Господень на всех обитающих на земли **6** и ополчится язык на язык и град противу града, яко Господь смутит их во всяцей печали: **7** и вы укрепитесь, и да не ослабеют руки ваша, есть бо мзда делу вашему. **8** И егда услыша Аса словеса сия и пророчество Азарии пророка, укрепися и отя вся идолы от всея земли Иудины и Вениамины и от градов, ихже содержаше Иеровоам в горе Ефремели, и освяти олттарь Господень, иже бе пред храмом Господним: **9** собра же (всего) Иуду и Вениамина и пришельцев обитающих с ним от Ефрема и от Манассии и от Симеона, мнози бо к нему прибегоша от Израиля, егда увидеша, яко Господь Бог его с ним. **10** И собрашася во Иерусалим в месяц третий, в лето пятнадцатое царства Асы, **11** и пожроша Господу в день той от корыстей, ихже приведоша, волов семь сот и овец семь тысяч, **12** и поидоша в завете, еже искати Господа Бога отец своих всем сердцем и всею душою своею: **13** и (рече): всяк, иже аще не възыщет Господа Бога Израилева, да умрет от юного даже до старейшаго, от мужа даже до жены. **14** И кляшася Господу гласом великим в восклицании и в трубах и в рожаных. **15** И возрадовася весь Иуда о клятве, яко от всея души кляшася, и всею волею възыскаша Его, и обретеса им, и даде им Господь покой окрест. **16** И Мааху мать свою отлучи, да не служит Астарту, и сокруши идола и сожже в потоце Кедрстем. **17** Токмо высоких не остави, еще бо бяху во Израили, но сердце Асы бе совершенно во всех днех его: **18** и внесе святая Давида отца своего и святая своя в дом Божий, серебро и злато и сосуды. **19** И брань не бысть ему даже до тридесяти пятаго лета царства Асина.

16 И в лето тридесать осмое царства Асина, възиде Вааса царь Израилев на Иуду и стенами укрепи Раму, да не даст входа и исхода Асе царю Иудину. **2** И взя Аса серебро и злато от сокровищ дому Господню и дому царева, и посла ко (Венададу) сыну Адера царя Сирска, живущему в Дамасце, глаголя: **3** положи завет между мною и тобою и между отцем моим и отцем твоим: се послах тебе серебро и злато: прииди и отжени от мене Ваасу царя Израилева, и да отидет от мене. **4** И послуша сын Адера царя Асы и посла начальники воев своих на грады Израилевы, и порази Аинона и Дана, и Авелмаина и вся окрестная Неффалимля. **5** И бысть егда услыша Вааса царь Израилев, остави ктому созидати Раму и остави дело свое. **6** Аса же царь взя всего Иуду и взя камень от Рамы и лес ея, яже на создание уготова Вааса, и созда из них Гаваю и Масфу. **7** И во время оно прииде Ананий пророк ко Асе царю Иудину и рече ему: понеже имел еси упование на царя Сирска, а не уповал еси на Господа Бога твоего, того ради спасесе сила царя Сирскаго от руку твоею: **8** не Ефиопи ли и Ливиане бяху на тя в силе мнозе, в дерзости колесниц и конник во множество зело? И егда уповал еси на Господа, предаде их в руку твою: **9** очи бо Господни назирают всю землю, еже укрепити сущих сердцем совершенным к Нему: буе сотворил еси сие. (сего ради)

отныне будет на тя брань. 10 Разгневался же Аса на пророка и всади его в темницу, понеже прогневался о сем: и уби Аса от людей во время то (многих). 11 И се, словеса Асы, первая и последняя, писана суть в книзе царей Иудиных и Израиля. 12 И разболеса Аса в лето тридесять девятое царства своего ногама, болезнию зелнейшею: и ниже в немощи своей възыска Господа, но врачей. 13 Успе же Аса со отцы своими, и умре в лето четьредесять первое царства своего: 14 и погребоша его во гробе, егоже ископа себе во граде Давидове, и положиша его на одре, и наполниша ароматами и родами миров благоуханных, и сотвориша ему погребение велико зело.

17 И воцарися Иосафат сын его вместо его, и укрепился Иосафат над Израилем: 2 расположи же силу во всех градах Иудиных крепких и постави воеводы во градах Иудиных и во градах Ефремовых иже побра прежде Аса отец его. 3 И бысть Господь со Иосафатом, яко хождаше в путех Давида отца своего первых и не възыска идолов, 4 но Господа Бога отца своего възыска и поиде в повелениях отца своего, а не по делом Израилевым: 5 и укрепил Господь царство в руку его, и даша вся Иудея дары Иосафату, и бысть ему богатство и слава многа. 6 И вознесеся сердце его в пути Господни, и ктому изя высокая и дубравы от земли Иудины. 7 В третье же лето царства своего посла начальники своя и сынов сильных Авдию и Захарию, и Нафанаила и Михеа, да учат во градах Иудиных: 8 и с ними левити Самеа и Нафаниа, и Завдиа и Асиил, и Семирамоф и Ионафан, и Адониа и Товиа и Товадониа левити, и с ними Елисама и Иорам жертцы: 9 учашу же во Иудеи, имеюще книгу закона Господня, и прохождаху грады Иудины и учашу люди. 10 И бысть страх Господень на всех царствах земных окрест Иуды, и не воеваша противу Иосафата. 11 И от иноплеменик Иосафату дары приношаху серебро и дани: Арави же привождашу ему оновн овчих семь тысяч и семь сот, и козлов семь тысяч семь сот. 12 И бы Иосафат предусеявая велик в высоту и созда во Иудеи дома и грады крепки. 13 И многа дела быша ему во Иудеи: и мужие ратницы крепцы сильнии во Иерусалиме. 14 И сие число их по домом отечеств их: и во Иуде тысященачальницы Еднас вождь и с ним сынове сильнии силы триста тысяч: 15 и по нем Иоанан начальник и с ним двести осмьдесят тысяч: 16 по немже Амасиа, сын Захариин, усердсвуйя Господу и с ним двести тысяч мужей сильных. 17 И от Вениамина сильнии силы Елиад, и с ним держащих лук и щиты двести тысяч сильных: 18 и по нем Иозавад, и с ним сто осмьдесят тысяч, сильнии ко брани. 19 Сии служащии царю, кроме оных, иже постави царь по градом крепким во всей Иудеи.

18 И бысть Иосафату богатство и слава многа, и поят жену в дому Ахаавли. 2 И сниде при концы лет ко Ахааву в Самарию: и закла ему Ахаав овны и волы многи, и людем сущим с ним, и увещаваше его, да снидет с ним в Рамоф Галаадский. 3 И рече Ахаав царь Израилев ко Иосафату царю Иудину: пойдеш ли со мною в Рамоф Галаадский? И рече ему: якоже аз, тако и ты: и якоже люди

твои, тако и люди мои с тобою на брань. 4 И рече Иосафат царю Израилеву: вопросы убо днесь Господа. 5 И собра царь Израилев пророков четьреста мужей и рече к ним: пойдю ли в Рамоф Галаадский на брань, или удержуся? И реша: възыди, и предаст Бог в руку цареву. 6 Рече же Иосафат: несть ли zde пророка Господня еще, да от него вопросим? 7 И рече царь Израилев ко Иосафату: есть еще муж един, имже воспросити Господа, но аз ненавижду его, понеже не прорицает мне во благая, зане вси дние его во злая: сей Михеа сын Иемвлин. Рече же Иосафат: не глаголи, царю тако. 8 И призва царь Израилев единого от евнух и рече ему: (призови) скоро Михею сына Иемвлиана. 9 Царь же Израилев и Иосафат царь Иудин кийждо седяше на престоле своем, и облечена красотою царскою, седяста же на пространстве близ врат Самарийских, и вси пророцы пророчествоваху пред нима. 10 И сотвори себе Седекиа сын Ханаань роги железны и рече: сия глаголет Господь: сими избодеши Сирию, дондеже скончается. 11 И вси пророцы прорицаху тако, глаголюще: възыди в Рамоф Галаадский и предусеяши, и предаст Господь в руку цареву. 12 Вестник же, шедый призвати Михею, рече ему: се, рекоша пророцы единими усты благая о цари да будут убо и твоя словеса, якоже единого от них, и да речеши благая. 13 И отвеща Михеа: жив Господь, яко еже аще речет Бог ко мне, сие возглаголю. 14 И прииде ко царю, и рече ему царь: Михеа, имам ли ити Рамоф Галаадский на брань, или удержуся? И отвеща: възыди и предусеяши, и предадутся (врази) в руки ваша. 15 И рече ему царь: колико крат заклинаю тя, да не глаголеши мне, токмо истину во имя Господне. 16 И рече Михеа: видех всего Израиля расточена по горам яко овцы, имже несть пастыря: и рече Господь: не имут сии вожда, да возвратятся кийждо в дом свой в мире. 17 И рече царь Израилев ко Иосафату: не рех ли тебе, яко не прорицает о мне благая, но токмо злая? 18 И рече Михеа: не тако: слышите слово Господне: видех Господа седяща на престоле Своем, и вся сила небесная предстояше одесную Его и ошуюю Его: 19 и рече Господь: кто прельстит Ахаава царя Израилева, да възыдет и падет в Рамофе Галаадском? И глаголаше един тако, и ин рече тако: 20 и изыде дух, и ста пред Господем, и рече: аз прельщу его: емуже Господь, в чем, рече, (прельстиши)? 21 И рече: изыду и буду дух лжив во устех всех пророков его: рече же (Господь): прельстиши и превозможеши, изыди и сотвори тако: 22 и ныне се, Господь даде духа лжива во уста всем пророком твоим сим, и Господь глагола о тебе злая. 23 И приступи Седекиа сын Ханаань, и удари Михею в ланиту и рече ему: коим путем пройде Дух Господень от мене, еже глаголати к тебе? 24 Рече же Михеа: се, узриши в день той, егда выидеши в ложницу из ложницы, да укрывешися. 25 И рече царь Израилев: возьмите Михею, и отведите ко Еммиру начальнику града и ко Иоасу князю сыну цареву, 26 и рците: сия глаголет царь: вверзите сего в темницу, и да яст хлеб печали и воду печали, дондеже возвратишася в мире. 27 Рече же Михеа: аще возвращаяся возвратишися в мире, не глагола Господь мною. И рече: слышите, вси люди. 28 И възыде царь Израилев и Иосафат

царь Иудин в Рамоф Галаадский. 29 Рече же царь Израилев ко Иосафату: прикрьюся и вниду во брань, ты же облечыся в ризы моя. И прикрися царь Израилев и вниде во брань. 30 Царь же Сирский повеле вождем колесниц своих, глаголя: не устремляйтесь на мала и на велика, но токмо на самого царя Израилева. 31 И бысть егда увидеша начальницы колесниц Иосафата, глаголаша: царь Израилев есть сей. И обыдоша его воююще. Иосафат же возопи ко Господу, и Господь послуша его, и отврати их Бог от него. 32 И бысть егда увидеша воеводы колесниц, яко не бяше царь Израилев, оставиша его. 33 И муж наляче лук приметно и порази царя Израилева между легким и персями. И рече воззатаю своему: обрати руку твою и изведи мя от брани яко изнемогах. 34 И скончана бысть брань в день той, и царь Израилев бе стоя на колеснице своей противу Сириом даже до вечера, и умре заходящу солнцу.

19 И возвратися Иосафат царь Иудин в дом свой мирно во Иерусалим. 2 И изыде во сретение ему Ииуй сын Ананиин пророк и рече к нему: царю Иосафате, нечестиву ли даеши помощь, или ненавидимому от Господа дружиши? И рече ему Ииуй: сего ради бысть на тя гнев Господень: 3 но токмо дела благая обретошася в тебе, зане отял еси кумиры от земли Иудины и исправил еси сердце твое възискати Господа. 4 И вселися Иосафат во Иерусалиме, и паки изыде к людям от Вирсаеви даже до горы Ефремли, и возврати их ко Господу Богу отец своих. 5 И постави судии во всех градах Иудиных крепких, во всяцем граде, 6 и рече судиям: видите, что вы творите, не человеческий бо вы суд творите, но Господень, и с вами словеса суда: 7 и ныне да будет страх Господень на вас, и храните и творите, яко несть у Господа Бога нашего неправды, ниже дивления лицу, ни приятия мзды. 8 Во Иерусалиме же постави Иосафат левитов и священников и отценачников от Израиля в суд Господень, да судят живущих во Иерусалиме. 9 Повеле же им, глаголя: тако творите во страсе Господни, во истине и сердцем совершенным: 10 всякую распрю, яже приидет к вам, братий ваших обитающих во градах своих, между кровию крове, и между повелением и заповедию, и оправданными и судбами, разсудите им, да не согрешают Господеви, и не приидет гнев на вас и на братию вашу: тако творите и не согрешите: 11 и се Амариа, священник вождь над вами во всяко слово Господне: и Завдиа сын Исмаиль вождь в дому Иудине во всякому слову цареву: и книжници и левити пред вами: укрепитеся и творите, и будет Господь со благим.

20 По сих же приидоша сынове Моавли и сынове Аммони и с ними от Амманитов ко Иосафату на брань. 2 Приидоша же и сказаша Иосафату, глаголюще: идет противу тебе велико множество от об он пол моря от Сирии, и се, стоят во Асан-Фамаре, иже есть Енгадди. 3 И убояся, и вдаде Иосафат лице свое възискати Господа, и проповеда пост во всей Иудеи. 4 И собрася весь Иуда възискати Господа: и от всех градов Иудиных приидоша ко умолению Господню. 5 И ста Иосафат в собрании Иуды во Иерусалиме, в дому Господни пред лицом двора новаго, 6 и рече: Господи

Боже отец наших, не Ты ли еси Бог на небеси горе, и Ты владычствуеши всеми царствы язык, и в руку Твоею есть крепость силы, и кто противостанет Тебе? 7 Не Ты ли еси Бог наш искоренивый живущыя на земли сей от лица людей Твоих Израиля, и дал еси ю семени Авраамлю возлюбленному Твоему во веки? 8 И вселишася на ней, и устроиша в ней святыню имени Твоему, глаголюще: 9 аще нападут на ны злая, мечь, суд, губителство, глад, станем пред домом сим и пред Тобою, яко призвано имя Твое в дому сем, и возопием к Тебе от скорбей наших, и услышиши и спасеши: 10 и ныне се, сынове Аммони и Моавли и гора Сиир, сквозе яже не изволил еси Израилю проити, егда исхождаху от земли Египетския, но уклонишася от них и не избиша их: 11 и се, ныне сии нападают на ны исходяще изгонити нас от наследия нашего, еже предал еси нам. 12 Господи Боже наш, не судиши ли им? В нас бо несть толика крепость, да можем сему множеству сопротивитися, еже нападе на ны, и не вемы что соделати имамы им: но токмо очи наши к Тебе. 13 И весь Иуда стояше пред Господем, и чада их, и жены их. 14 Бе же Иозиил сын Захарин, сынов Ванеа, сынов Елеила, сынов Мафания левитина, от сынов Асафовых, и бысть на нем Дух Господень посреде народа, 15 и рече: слышите, весь Иуда и обитающи во Иерусалиме, и ты, царю Иосафате: сия рече Господь вам: не бойтесь, ниже ужасайтесь от лица народа сего многоаго, несть бо ваше ополчение, но Божие: 16 заутра изыдите противу их: се, восходят по восходу Ассис, и обращете их на край реки противу пустыни Иериил: 17 не ваше есть воевати: сия разумеите и узрите сие спасение Господне с вами, Иудо и Иерусалиме: не убойтесь, ни ужасайтесь заутра изыти противу их, и Господь с вами. 18 И преклонься Иосафат на лице свое, и весь Иуда, и обитающи во Иерусалиме, падоша пред Господем поклонитися Господеви. 19 И восташа левити от сынов Каафовых и от сынов Кореовых, хвалити Господа Бога Израилева гласом великим в высоту. 20 И заутра восташа рано и изыдоша в пустыню Фекое. И внегда исходити им, ста Иосафат (посреде их), и возопи и рече: услышите мя, мужие Иудины и вси обитающи во Иерусалиме: веруйте в Господа Бога нашего и уверитесь: веруйте пророку Его, и благопешится вам. 21 И советова с людьми, и постави псалмопевцы, и хвалящих исповедатися, и хвалити святая, внегда изыти пред силою, и глаголаху: исповедайтесь Господеви, яко благ, яко в век милость Его. 22 Егда же начаша хваления и исповедания, обрати Господь воевати сынов Аммоних на Моава и гору Сиир, изшедших на Иуду, и пораженн быша. 23 И восташа сынове Аммони и Моавли на обитающих в горе Сири, да побюют их и сокрушат: и егда скончаша обитающих в Сиире, восташа друг на друга, да потребятся. 24 Иуда же прииде на созирание от пустыни, и воззре, и виде множество: и се, вси мертви падше на землю, и не бе спасыйся. 25 И изыде Иосафат и людие его взяти корысти их, и обретоша скота много, и одежды, и корысти, и сосуды дражайшыя и плениша их: и быша собирающе корысти их три дни, яко многи бяху. 26 Дне же четвертаго собрахуся во удоль благословения, ибо

тако благословиша Господа: сего ради прозваша место то удоль благословения даже до сего дне. 27 И возвратишася вси мужие Иудины во Иерусалим и Иосафат вождь их с веселием великим: яко возвесели их Господь о вразех их. 28 И внидоша во Иерусалим со псалтирми и гусльми и трубами в дом Господень. 29 И бысть страх Господень на вся царства земная, вегда услышати им, яко порази Господь враги Израилевы. 30 И умирися царство Иосафатово, и даде ему Господь покой окрест. 31 И царствова Иосафат над Иудою, сый лет тридесяти пяти, егда царство прия и двадесять пять лет царствова во Иерусалиме. Имя же матери его Азува, дщи Салимина. 32 И хоуждаше в путех отца своего Асы, и не уклонися от них творити правое пред Господем: 33 обаче высокая еще бяху, и еще людие не управиша сердца своего ко Господу Богу отец своих. 34 Прочая же деяния Иосафатова первая и последняя, се, писана суть во словесех Ииуа сына Ананиина, иже написа книгу царей Израилевых. 35 И по сих сообщися Иосафат царь Иудин со Охозиею царем Израилевым, и сей беззаконнова, 36 занеже сотвори, и отиде к нему, да сотвори корабли, еже ити во Фарсис: и сотвори корабли в Гасион-Гавере. 37 И пророчествова Елиезер сын Додиа от Марисиса на Иосафата, глаголя: понеже возимел еси любовь со Охозиею, сокруши Господь дело твое, и сокрушишася корабли твоя и не возмогоша поити во Фарсис.

21 И успе Иосафат со отцы своими, и погребен бысть с ними во граде Давидове. И воцарися Иорам сын его вместо его. 2 И братия его сынове Иосафатовы шесть: Азариа и Иеил, и Захариа и Азариа, и Михаил и Сафатиа: вси сии сынове Иосафата царя Иудина. 3 И даде им отец их многи дары: серебро и золото, и оружие со грады крепкими во Иудеи, царство же даде Иораму, понеже сей бе первенец. 4 И воста Иорам на царство свое, и укрепися, и изби всю братию свою мечем и некихи от начальник Израилевых. 5 Тридесяти и дву лет бе Иорам, егда нача царствовати, и осмь лет царствова во Иерусалиме, 6 и хоуждаше по путем царей Израилевых, якоже содела дом Ахаавль: дщи бо Ахаавля бысть жена его: и сотвори злое пред Господем. 7 И не хоте Господь искоренити дому Давидова ради завета, егоже завеща с Давидом, и якоже рече ему, дати ему светилник и сыном его во вся дни. 8 Во днеш оных отступи Едом от Иуды и постави себе царя. 9 И поиде Иорам с начальники своими, и вся конница с ним: и бысть, и воста нощию, и порази Едома, иже обыде окрест его, и начальники колесниц: и побегоша людие в селения своя. 10 И отступи от Иуды Едом даже до сего дне тогожде времени и Ловна отступи из под руки его, зане остави Господа Бога отец своих: 11 ибо той сотвори высокая бо градах Иудиных, и блудити сотвори обитающих во Иерусалиме и прельсти Иуду. 12 И прииде к нему писание от Илии пророка, глаголя: сия рече Господь Бог Давида отца твоего: понеже не ходил еси по пути Иосафата отца твоего и в путех Асы царя Иудина, 13 и ходил еси в путех царей Израилевых, и блудити сотворил еси Иуду и обитающих во Иерусалиме, якоже соблуди дом Ахаавль, и братию твою,

сыны отца твоего, лучших тебе избил еси, 14 се, Господь поразит тя язвою великою с людьми твоими и с сынами твоими и с женами твоими и со всем именем твоим: 15 ты же будеши в язве лютей, в болезни чрева, дондеже изыдут внутренняя твоя с язвою от дний во дни. 16 И воздвиже Господь на Иорама иноплемenniки и Аравов и сопредельныя Ефиопы: 17 и взыдоша на Иуду, и преодолеша, и плениша вся сокровища, яже обретоша в дому цареви, и сынов его и дщери его и жены его, и не остана ему сын, токмо Охозиа менший сынов его. 18 И по сих всех порази его Господь чрева болезнию неизцельною. 19 И бысть от дний во дни, и егда прииде время дний два дни, и изыде чрево его с болезнию, и умре в разслаблении лютем. И не сотвориша ему людие по обычаю погребения, якоже погребение отцем его. 20 Тридесяти двою лет баше, егда царствовати нача, и осмь лет царствова во Иерусалиме: ходи же не хвално, и погребоша его во граде Давидове, обаче не во гробех царских.

22 Поставиша же царем обитающии во Иерусалиме Охозию сына его меньшаго вместо его: всех бо старших избиша нашедшии на них разбойницы Аравии и Алимазоняне, и воцарися Охозиа сын Иорамов царь Иудин: 2 двадесяти дву лет сый Охозиа царствовати нача, и едино лето царствова во Иерусалиме. И имя матери его Гофолия дщи Амвриина. 3 И сей ходил есть по пути дому Ахаавля, мати бо его бе советница, да грешит: 4 и сотвори лукавое пред Господем якоже дом Ахаавов, сии бо быша ему советницы по смерти отца его, в погубление ему, 5 и в советех их хоуждаше: и поиде со Иорамом сыном Ахаава царя Израилева на брань противу Азаила царя Сирска в Рамоф Галаадский. И поразиша стрелцы Иорама. 6 И возвратися Иорам изцелитися во Иезраель от ран, имиже раниша его Сиряне в Рамофе, вегда братися ему со Азаилем царем Сирским. Охозиа же сын Иорамль царь Иудин сниде посетити Иорама сына Ахаавля во Иезраель, разболеся бо. 7 И от Бога бысть превращение Охозии, да приидет ко Иораму: и вегда приити ему, изыде с ним Иорам противу Ииуа сына Намессиина, егоже помаза Господь на дом Ахаавль. 8 И бысть егда отмсти Ииуй дому Ахаавлю, и обрете начальники Иудины и братию Охозиину, служащих Охозии, и уби их: и уби Ииуй Иорама, и убежа Охозиа. 9 И рече Ииуй, еже възыскати Охозию: и яша его врачующаяся в Самарии и приведоша его ко Ииуеви, и уби его, и погребоша его: реша бо, яко сын Иосафатов есть, иже възыска Господа всем сердцем своим. И не бысть в дому Охозиине восприяти силу о царстве. 10 И Гофолия мати Охозиина виде, яко умре сын ея, и воста и погуби все семя царское в дому Иудине. 11 И взя Иосавееф дщи царева Иоаса сына Охозиина, и украде его от среды сынов царевых, егда убиваху их, и даде его и кормилицу его в храмину постельную, и скры его Иосавееф дщери царя Иорама, сестра Охозиина, жена Иоада архиереа, и скры его от лица Гофолии, и не уби его. 12 И бысть с ними в дому Божии сокрыт шесть лет, и царствова Гофолия на земли.

23 В лето же седмое укрепися Иодай, и взя сотники, Азарию сына Иорамля и Исмаила сына Иоаная, и Азарию сына Овидова и Амасию сына Адиева и Елисафана сына Захариина с собою в дом Господень. 2 И обыдоша Иудею, и собраша левиты от всех градов Иудиных и началники отечеств Израилевых, и приидоша во Иерусалим. 3 И завеща все собрание Иудино завет в дому Божии со царем: и показа им сына царева и рече им (Иодай): се, сын царев да воцарится, якоже глагола Господь о доме Давидове: 4 и ныне слово сие, еже сотворите: третья часть от вас да изыдет в субботу, священников и левитов, и во врата входов, 5 и третья часть в дому царева, и третья часть во вратех средних, и вси людие (да будут) во дворех дому Господня: 6 и никтоже да внидет в дом Господень, токмо священницы и левити и иже служат от левит: тии внидут, яко освящени суть, вси же людие да держат стражу Господню: 7 левити же да ходят окрест царя, кийждо имея оружие свое в руку свою, и входяй в церковь да убьется, и да будут со царем, входящу ему и исходящу. 8 И сотвориша левити и весь Иуда по всему, елика повеле им Иодай жрец: и взяша кийждо мужи своя от начала субботы даже до исхода субботы: занеже не остави Иодай жрец службы дневняя. 9 И даде Иодай священник сотником по чину поставленным мечы и щиты и броня, яже бяху царя Давида в дому Божии, 10 и постави вся люди, коегождо во оружии его, от десных страны церкви даже до левых страны олтаря и церкви, над царем окрест: 11 и изведе сына царева, и возложиша на него диадиму и свидения, и поставиша его царем, и помаза его Иодай жрец и сынове его и рекоша да живет царь. 12 И услыша Гофолия глас людий текущих и исповедающих и хвалящих царя, и вниде ко царю в церковь Господню, 13 и виде, и се, царь стояше на степени своем, на входе же князи и трубы, и началницы окрест царя: и вси людие земли возрадовашася и вострубиша трубами, и поюще во органы певцы, и хваляще хвалою. И растерза Гофолия ризы своя, и возопи и рече: нападающе нападаете. 14 Изыде же Иодай архиерей, и повеле сотником и началником силы и рече им: изрините ю вон из церкви, и изыдите след ея, и да убьется мечем. Рече бо священник да не умрет в дому Господни. 15 И даша ей ослабу на мало, дондеже пройде врата конник дому царева и убиша ю тамо. 16 И завеща Иодай завет между собою и всеми людьми и царем, да быша были людие Господни. 17 И внидоша вси людие земли в дом Ваалов и разориша его, и олтари его и идолы его сокрушиша, и Матфана жерца Ваалова убиша пред олтарем его. 18 И вручи Иодай жрец дела дому Господня в руку священников и левитов, и возстави дневняя чреды жерцев и левитов, яже раздели Давиде в дому Господни, и вознесе всесожжения Господевы, якоже писано есть в законе Моисеове, в радости и пениих по расположению Давидову: 19 и постави придверники во вратех дому Господня, и да не внидет нечист во всяцей вещи: 20 и взя отечеств началники, и сильныя, и началники людий, и вся люди земли, и возведоша царя от дому Господня, и вниде вратами внутренними в дом царев, и посадиша

царя на престоле царstem. 21 И возвеселишася вси людие земстии и град упокоися, и Гофолия убиена есть мечем.

24 Седми лет бе Иоас, егда царствовати нача, и четьредесять лет царствова во Иерусалиме. Имя же матери его Савиа от Вирсаеви. 2 Сотвори же Иоас угодное пред Господем во вся дни Иодаа священника. 3 И поят ему Иодай жены две, и родиша сыны и дщери. 4 И бысть по сих, и възыде на сердце Иоасу, да возновит дом Господень. 5 И собра священники и левиты и рече им: идите во грады Иудины, и соберите от всего Израиля сребро ко обновлению храма Господня от лета до лета, и поспешно сотворите. Левити же не потчашася. 6 И призва царь Иоас Иодаа началника и рече ему: почто не надсматрять еси левитов, еже принести от Иуды и от Иерусалима, еже уставлено есть от Моисеа человека Божия, егда собра Израиля в скинию свидения? 7 Гофолия бо бе нечестива, и сынове ея разориша дом Божий, яко святая дому Господня сотвориша Ваалиму. 8 И повеле царь, да сотворят ковчежец и поставят при вратех Господних извне, 9 и да проповедят во Иудеи и во Иерусалиме, приносити Господу, якоже устави Моисей раб Божий над Израилем в пустыни. 10 И даша вси началницы и вси людие, и вношаху и влагаху в ковчежец, дондеже наполнися. 11 И бысть егда приношаху ковчежец к настоятелю царевым руками левитскими, и егда увидеша, яко умножися сребро, и приходядше писарь царев и настоятель великаго жерца, и выбираху из ковчежца, и (паки) поставляху на место его: тако творяху от дне до дне, и собраша сребра много. 12 И вдаде е царь и Иодай жрец творящим дела на дело дому Господня: и наимаху каменосечцы и древодели, да устроят дом Господень, и ковачы железу и меди, да укрепят дом Господень. 13 И творяху творящих дела, и възыде долгота дел руками их, и возставиша дом Господень в состоянии (прежнее) его, и укрепиша. 14 Егда же совершиша, принесоша ко царю и ко Иодаю останок сребра, из нежего сотвориша сосуды в дом Господень, сосуды в служение всесожжений, и кадилницы златыя и сребряныя, и приношаху всесожжения в дому Господни непрестанно, во вся дни Иодаевы. 15 И состареся Иодай исполнен дний, и умре сый ста тридесати лет внегда скончатися ему: 16 и погребоша его во граде Давидове со царми, понеже сотвори благое со Израилем и с Богом и с домом Его. 17 И бысть по скончании Иодаеве, внидоша началницы Иудины и поклонишася царю: тогда послуша их царь. 18 И овлавиша церковь Господа Бога отец своих и служаху Астарте и истуканным: и бысть гнев (Господень) на Иуду и Иерусалим в день той. 19 И посла к ним пророки, да обратятся ко Господу, и не послушаша: и засвидетелствова им, и не покоришася. 20 И Дух Божий облече Азарию священника сына Иодаева, и ста пред людьми и рече им: сия глаголет Господь: почто преступаете повеления Господня? Не поспешится вам, яко остависте Господа, и оставит вас. 21 И нападоша на него и побиша и камением по повелению Иоаса царя, во дворе дому Господня. 22 И не воспомяну Иоас царь милосердия, еже сотвори Иодай отец

его с ним, но уби сына его: иже, егда умираше, рече: да видит и судит Господь. 23 И бысть по скончании лета, воста на него сила Сирская, и прииде на Иуду и на Иерусалим, и убиша вся начальники в людех в церкви, и весь плен их послаша ко царю в Дамаск: 24 зане в малых мужех прииде сила Сирская, и Бог предаде в руке их силу многу зело, зане оставиша Господа Бога отец своих: и на Иоаса сотвори суд. 25 И по отшествии их от него, оставлену ему душу в болезнх великих, и нападоша на него раби его за кровь священника сына Иодаева, и убиша его на постели его, и умре: и погребоша его во граде Давидове, но не погребоша его во гробех царских. 26 Нападши же на него, Завед сын Семаафов Амманитянин и Иозавед сын Самарифов Моавитянин, 27 и сынове его вси, и приступиша к нему пять. И прочая словес его, се, написана в летописце царstem. И воцарися Амасиа сын его вместо его.

25 Двадцати пяти лет бысть Амасиа, егда царствовати нача, и двадцать девять лет царствова во Иерусалиме. Имя же матери его Иоадаенъ от Иерусалима. 2 И сотвори правое пред Господем, обаче не сердцем совершенным. 3 И бысть егда утвердися царство в руке его, и умертви рабы своя иже убиша царя отца его. 4 Сынов же их не избѣ по заповедом закона Господня, якоже писано есть в кнѣзе закона Моисеова, якоже повеле Господь, глаголя: не умрут отцы за сыны, и сынове не умрут за отцы, но кийждо во гресе своем умрет. 5 И собра Амасиа дом Иудин, и постави их по домом отечеств их в тысящники и сотники, во всей Иудеи и Вениамине: и сочте их от двадцати лет и вышше, и обрете их триста тысяч сильных исходити на брань, держащих копья и щиты. 6 Еще же ная от Израила сто тысяч храбрых в силе, за сто талант сребра. 7 И прииде человек Божий к нему, глаголя: о, царю да не изыдет с тобою сила Израилева, несть бо Господь со Израилем, со всеми сыны Ефремля: 8 яко аще мниши укрепитися с ними, в бегство обратит тя Господь пред враги, зане от Господа есть укрепитися и в бегство обратитися. 9 Рече же Амасиа к человеку Божию: и что сотворю о сте талантах, яже дах силе Израилеве? И рече человек Божий: имать Господь дати тебе множае сих. 10 И отлучи Амасиа силу пришедшую к нему от Ефрема, отити на место свое. И разгневашася зело на Иуду, и возвратишася во страну свою во гневѣ ярости. 11 И Амасиа укрепися, и взя люди своя и иде во удоль Сланую, и порази тамо сынов Сиир десять тысяч. 12 И десять тысяч живых яша сынове Иудины, и приведоша их на верх некоторыя стремнины, и свергоша их стремглав с высоты стремнины, и вси разседошася. 13 Сынове же силы, ихже отсла Амасиа, да не идут с ним на брань, нападоша на грады Иудины от Самарии даже до Вефорона: и убиша от них три тысящы, и плениша плен мног. 14 И бысть егда возвратися Амасиа поразив Идумею, и принесе себе богов сынов Сиир, и постави в боги себе, и поклоняшася им и сам кадыше им. 15 И бысть гнев Господень на Амасию, и посла к нему пророка, и рече ему: почто взыскал еси богов людских, иже не избавиша людей своих от руку твою? 16 И бысть егда той глаголаше

к нему, и отвеща ему: еда советника царева поставих тя? Внемли, да не биен будеши. И умолча пророк и рече: вем, яко восхоте Господь потребити тя, занеже сотворил еси сие зло) и не послушал еси совета моего. 17 И совеща Амасиа царь Иудин, и посла ко Иоасу сыну Иоахаза сына Ииуева, ко царю Израилеву, глаголя: прииди, да увидимся между собою в лице. 18 И посла Иоас царь Израилев ко Амасии царю Иудину, глаголя: терн, иже в Ливане, посла ко кедру ливанску, глаголя: даждь дщерь твою сыну моему в жену, и се, приидут зверие, иже в дубраве Ливанстей: и придоша зверие и потопташа терн: 19 рекл еси: се, поразих Идумею, и воздвизается сердце твое в гордыню: ныне седи в дому твоём, и почто совещаваше себе лукавое? Падеша ты и Иуда с тобою. 20 И не послуша Амасиа, зане от Господа бысть, да предастся в руки Иоасу, яко взыска богов Идумейских. 21 И възиде Иоас царь Израилев, и явистася друг другу, той и Амасиа царь Иудин, в Вефсамисе, иже есть Иудин. 22 И паде Иуда пред лицом Израилевым, и бежа кийждо в жилище свое. 23 И Амасию царя Иудина сына Иоасова, сына Охозиина, яз Иоас царь Израилев в Вефсамисе, и введе его во Иерусалим, и разори стены Иерусалимля от врат Ефремлях даже до врат угла на четьреста лакот: 24 и все злато и сребро, и вся сосуды обретшыяся в дому Господни и у Авведома, и сокровища дому царева, и сынов залога, и возврати в Самарию. 25 И поживе Амасиа сын Иоасов, царь Иудин, по умертвии Иоаса сына Иоахазова царя Израилева пятнадцать лет. 26 Прочая же словеса Амасиина первая и последняя, не се ли, писана суть в кнѣзе царей Иудиных и Израилевых? 27 И во время егда Амасиа отступи от Господа, и нападоша на него нападением, и побеже из Иерусалима в Лакис. И послаша вслед его в Лакис, и убиша его ту. 28 И взяша его на конех и погребоша его со отцы его во граде Давидове.

26 И взяша вси людие Иудины (сына его) Озию, он же бе лет шестинадцати, и поставиша его царем вместо Амасии отца его. 2 Той созда Елаф, той возврати его Иуде по успении царя со отцы его. 3 Шестинадцати лет бысть Озия, егда царствовати нача, и пятьдесят два лета царствова во Иерусалиме. Имя же матери его Иехелиа от Иерусалима. 4 И сотвори правое пред Господем по всем, елика сотвори Амасиа отец его, 5 и бе взыская Господа во дни Захарии разумеющаго во страсе Господни, и во дни его взыска Господа, и благопоспеша ему Господь. 6 И изыде, и ополчися противу иноплеменников, и разори стены Гефски и стены Иавнира и стены Азота и созда грады Азотски и во иноплеменничех. 7 И укрепил его Господь противу иноплеменников и противу Аравов, иже обитаху в каменних, и противу Минеев. 8 И даша Минее дары Озии, и прослы имя его даже до входа Египетскаго, понеже укрепися до высоты. 9 Созда же Озия столпы во Иерусалиме и над враты угла и над враты юдольными и над углами, и укрепил их: 10 и устрои столпы в пустыни, и ископа кладязи многи, понеже имаше многи скоты на поли и в пустыни, и делатели виноградов на горах и на Кармиле, бе бо муж любоземледелен. 11 Бысть

же Озии сила творящая брань, и исходящая к ополчению на брань, и входящая на ополчение в число: и бе число их под рукою Иеиля писаря и Маасии судии и под рукою Анании наместника царска. 12 Все число отечеств началников сильных на брань две тысящи шесть сот, 13 и с ними силы военныя триста семь тысяч и пять сот: сии творяху брань в силе крепце, помогающе царю противу супостат. 14 Уготова же им Озия всей силе щиты и копия, и шлемы и броня, луки же и пращы на метание камня. 15 И сотвори во Иерусалиме хитрости ухищренныя вымыслом, еже быти им на столпех и на углех, да мешут стрелы и камня велия: и слышано бысть устроение его до далеча, понеже удивлен бысть ищя помощи (от Господа), дондеже укрепися. 16 И егда укрепися, вознесся сердце его на пагубу (свою): и обиде Господа Бога своего, и вниде в церковь Господню покарити над олтарем фимиамов. 17 И вниде по нем Азария священник и с ним священницы Господни осмьдесят, сынове сильнии. 18 И стаха противно Озии царю и рекоша ему: несть твое, Озие, да кадиши фимиамом Господеви, но токмо священником сыном Аароним освященным кадити: изыди из святилища, яко отступил еси от Господа: и не вменится тебе сие во славу от Господа Бога. 19 И прогневался Озия, и в руку его кадилница еже кадити во храме: и внегда разярися он на жерцы Господни, и проказа възиде на чело егоже пред священники в дому Господни, на олтари фимиамнем. 20 И обратися к нему Азария архиерей и священницы, и се, той прокажен на челе своем, и изгнаша его оттуду, ибо и сам тщашеся изыти, яко обличи его Господь. 21 Бысть же Озия царь прокажен даже до дне смерти своея и седяше в дому отлучене прокажен, понеже отторжен бысть от дому Господню: Иоафам же сын его бе над царством его судя людем земли. 22 Прочая же словеса Озии первая и последняя написана у Исаии сына Амосова пророка. 23 И успе Озия со отцы своими, и погребоша его со отцы его в поли царских гробов, зане реша, яко прокажен бысть. И воцарися Иоафам сын его вместо его.

27 Сын двадесяти и пяти лет бяше Иоафам, егда царствовати нача, и шестнадцать лет царствова во Иерусалиме. Имя же матери его Иеруса, дщи Садокова. 2 И сотвори правое пред Господем по всем, яже сотвори Озия отец его, обаче не вниде в церковь Господню, и еще людие согрешаху. 3 Той созда врата дому Господня высокая, и на стене Офли созда многа: 4 и грады созда на горах Иудиных, и в дубравех дворы и столпы. 5 И той ополчился противу царя сынов Аммоних и одоле его: и даяху ему сынове Аммони на всякое лето по сту талант сребра и десять тысяч кор (мер) пшеницы и десять тысяч ячменя: сия ему приношаше царь сынов Аммоних на лето, в первое лето и второе и третие. 6 И укрепися Иоафам, яко уготова пути своя пред Господем Богом своим. 7 Прочая же словеса Иоафамля, и брань, и деяния его, се, писана в низе царей Иудиных и Израилевых. 8 Сын двадесяти и пяти лет бяше, егда царствовати нача, и шестнадцать лет царствова во Иерусалиме. 9 Успе же Иоафам со отцы своими и погребен

бысть во граде Давидове. И воцарися Ахаз сын его вместо его.

28 Сын двадесяти и пяти лет бе Ахаз, егда царствовати нача, и шестнадцать лет царствова во Иерусалиме: и не сотвори правое пред Господем, якоже Давид отец его. 2 И поиде по путем царей Израилевых: ибо и изваянная сотвори, 3 и идолом их пожре в земли Веенномли и проведе сынов своих сквозе огонь по мерзостем языков, иже потреби Господь от лица сынов Израилевых: 4 и кадыше на высоких и на холмех и под всяким дровом дубравным. 5 И предаде его Господь Бог его в руке царя Сирска и порази его, и плени от них плен мног, и приведе в Дамаск, и в руки царя Израилева предаде его, и порази его язвою великою. 6 И уби Факей сын Ромелиев царь Израилев от Иуды во един день сто двадесять тысяч мужей крепких силою, егда оставиша Господа Бога отца своих. 7 И уби Зехрий муж силен от Ефрема Маасию сына царева и Езрикама началника дому его и Елкана наместника царева. 8 Пленisha же сынове Израилевы от братии своих триста тысяч жен, сынов и дочерей: и плен мног пленisha от них, и принесоша корысти в Самарию. 9 И бе тамо пророк Господень, именем Овид, иже изыде во сретение воем грядущим в Самарию и рече им: се, гнев Господа Бога отец ваших противу Иуды, и предаде их в руки ваша, и убисте их во гневе, и даже до небесе достиже (ваше немилосердие): 10 и ныне сынов Иудиных и Иерусалимных вы глаголете покорити в рабы и рабыни: не се ли, аз есмь с вами, свидетелствовати Господу Богу вашему? 11 И ныне послушайте мене и возвратите плен, егоже пленисте от братий ваших, яко гнев ярости Господни на вас. 12 И востаха началницы от сынов Ефремных, Азария сын Иоанан и Варахиа сын Васаллимофов, и Езекиа сын Селлумов и Амасиа сын Елдаев на грядущих от брани, 13 и рекоша им: не введите плена семо к нам, зане согрешим Господу, вы хочете приложити ко грехом нашим и к безумию нашему, велик бо грех наш, и гнев ярости Господни на Израили. 14 И оставиша воины плен и корысти пред началники и пред всем множеством. 15 И востаха мужие реченнии по имени и взяша плененных, и всех нагих облекоша от корыстей, и одеяша их и обуша их, и даша ясти и пити им и помазатися, и всадиша на подяремника всякаго немощнаго, и отвезоша их во Иерихон град финический ко братии их, и возвратишася в Самарию. 16 Во время оно посла царь Ахаз ко царю Ассурску, прося помощи себе и в том, 17 понеже Идумеане нападоша и поразиша Иуду и пленisha плен: 18 и иноплеменницы нападоша на грады напольныя и от полуденныя Иудеи и взяша Вефсамис, и яже в дому Господни, и яже в дому царстем, и князей, и даша царю Аилон и Гадиروف, и Сохоф и веси его, и Гамзон и веси его, и Фамну и веси ея, и вселишася тамо. 19 Яко смири Господь Иудею ради Ахаза царя Иудина, понеже отступи отступленияем от Господа. 20 И прииде на него Фелгафелласар царь Ассурский, и озлоби его, и пресели, иже бяху в Дамасце, в Мидию, из Сирии же пресели в Дамаск пребывати. 21 И взя Ахаз суцая в дому Господни и

яже в дому царстем и у началников, и даде царю Ассурску: и не бысть на помощь ему, но токмо к печали его. 22 И приложи отступити от Господа и рече царь Ахаз: 23 възышу богов Дамасковых биющих мя. И рече: божи царя Сирска, тии укрепляют их, сим убо пожру, и будут ми в помощь. Тии же быша к падению его и всего Израиля. 24 И остави Ахаз сосуды дому Господня и сокруши их, и заключи врата дому Божия, и сотвори себе требища во всех углех Иерусалима, 25 и во всех градах Иудиных сотвори высокая, еже кадити богом чуждим, и разгнева Господа Бога отец своих. 26 Прочая же словеса его и деяния его первая и последняя, се, писана суть в книзе царей Иудиных и Израилевых. 27 И успе Ахаз со отцы своими, и погребоша его во граде Давидове, ибо не внесоша его во гробы царей Израилевых. И воцарися Езекиа сын его вместо его.

29 И Езекиа нача царствовати сый двадесяти и пяти лет, и двадесять девять лет царствова во Иерусалиме. Имя же матери его Авиа, дщерь Захариина. 2 Сотвори же правое пред Господем по всем, яже сотвори Давид отец его. 3 И бысть егда ста на царстве своем в месяц первый, отверзе двери дому Господня и обнови их, 4 и введе священники и левиты, и постави их на стране яже к востоку, 5 и рече им: послушайте мя, левити, ныне очиститесь и очистите дом Господа Бога отец наших, и зрините нечистоту из святилища: 6 яко отступиша отцы наши и сотвориша лукавое пред Господем Богом нашим, и оставиша Его, и отвратиша лице свое от скинии Господни, и даша хребет, 7 и заключиша врата храма, и погасиша светилники, и фиммиамом не кадиша, и всесожжений не принесоша во святилищи Богу Израилеву: 8 и разгневася яростию Господь на Иуду и на Иерусалим, и предаде их во ужас и погубление и на звиздание, якоже вы видите очима вашима: 9 и се, поражени быша отцы наши мечем, и сынове наши и дщери наша и жены наша в пленении в земли не своей, якоже и ныне суть: 10 ныне убо положите на сердца ваша, еже заветати завет с Господем Богом Израилевым, и отвратит гнев ярости Своя от нас: 11 и ныне не пренебрегайте, яко вас избра Господь стояти пред Ним, служити Ему, и да будете Ему служаще и кадяще. 12 И восташа левити, Маал сын Амасиев и Иоиль сын Захариев от сынов Каафовых, и от сынов Мерариных Кис сын Авдиев и Азариа сын Илаелилов, и от сынов Гедсоних Иоадад сын Земмань и Иоадам, сии сынове Иоахаини: 13 от сынов Елисафаних Самарий и Иеиил, и от сынов Асафовых Захариа и Матфаниа, 14 и от сынов Еманих Иеиил и Семей, от сынов же Идифумлих Самафия и Озиил: 15 собраша же братию свою и освятишася по заповеди цареви повелением Господним, да очистят дом Божий: 16 и внидоша священники внутрь церкви Господни, да очистят ю, и извергоша всю нечистоту обретенную в дому Господни и во дворе дому Господня: и взявше левити, изнесоша к потоку Кедрску вон. 17 И начаша в первый день новомесячия первого месяца очищати, и в день осмый того месяца внидоша во храм Господень, и очистиша церковь Господню

во осми днеш, и в день шестыйнадесятый месяца первого совершиша. 18 И внидоша внутрь ко Езекиа царю и рекоша: очистихом вся, яже в дому Господни, олтарь всесожжения и сосуды его, и трапезу предложения со всеми сосуды ея, 19 и вся сосуды, яже оскверни царь Ахаз в царство свое во отступлении своем, уготовахом и очистихом, и се, суть пред олтарем Господним. 20 И воста рано Езекиа царь, и собра началники града, и възыде в дом Господень, 21 и вознесе телцев седмь и овнов седмь, агнцев седмь и козлов от коз седмь за грех, за царство и за святилище, и за Израиля, и рече сыном Аароним священником, да възыдут на олтарь Господень жрети телцев. 22 И заклаша телцев, и възаша кровь священники и излияша на олтарь: и заклаша овнов и кровь на олтарь возлияша: и заклаша агнцев и облияша кровию олтарь: 23 и приведоша козлов, иже за грех, пред царя и церковь, и возложиша руки своя на них, 24 и пожроша их священники, и покропиша кровию их пред олтарем, и помолишася о всем Израили: зане рече царь, о всем Израили всесожжение и яже о гресе. 25 Постави же левиты в дому Господни с кимвалы и псалтирми и гусльми, по заповеди Давида царя и Гада провидца царю и Нафана пророка, яко по заповеди Господней повеление (бысть) рукою пророков Его. 26 Сташа же левити со органы Давидовы и священники с трубами. 27 И повеле Езекиа, да вознесут всесожжение на олтарь: и егда начаша возносити всесожжение, начаша хвалы пети Господеви и трубити при органех Давида царя Израилева. 28 И вся церковь поклоняшася, и певцы пояху, и трубы трубяху, дондеже совершися всесожжение. 29 Егда же скончаша приношение, преклонися царь и вси иже бяху с ним и поклонишася Господеви. 30 Повеле же Езекиа царь и князи левитом, да восхвалят Господа словесы Давидовыми и Асафа пророка: иже восхвалиша в веселии, и падоша, и поклонишася Господеви. 31 И отвеща Езекиа и рече: ныне исполните руки ваша Господу, приведите и принесите жертвы хваления в дом Господень. И принесе (все) собрание жертвы и хвалы в дом Господень, и всяк усердный сердцем всесожжения. 32 И бысть число всесожжения, еже принесе собрание, телцев седмьдесят, овнов сто, агнцев двести, вся сия во всесожжение Господеви: 33 освященных же телцев шестьсот, овец три тысящи. 34 Но священники не мнози бяху и не можаху одирати кож всесожжения, и помогоша им братия их левити, дондеже исполнися дело и дондеже освятишася жерцы, левити бо усерднее освятишася, нежели священники: 35 всесожжения же много в туках совершения спасения, и возлияний всесожжения: и исправися дело в дому Господни. 36 Возвеселися же Езекиа и вси людие, яко уготова Бог людем, понеже внезапно бысть слово.

30 Посла же Езекиа ко всему Израилю и Иуде, и написа послания ко Ефрему и Манассии, да придут к дому Господню во Иерусалим сотворити пасху Господу Богу Израилеву. 2 И усуетова царь и князи и все множество во Иерусалиме сотворити пасху во второй месяц: 3 не возмогоша бо сотворити во время свое, яко священники не очистишася доволни, и людие не у собрашася во Иерусалим.

4 И угодно бысть слово цареви и всему множеству. 5 И поставиша слово, да пройдет проповедь во весь Израиль от Вирсаеви даже до Дана, да придут сотворити пасху Господу Богу Израилеву во Иерусалиме, мнози бо не сотвориша по писанию. 6 И поидоша гонцы с посланными от царя и от начальников во весь Израиль и Иудею по повелению цареви, глаголюще: сынове Израилевы, обратитесь ко Господу Богу Авраамлю и Исаакову и Иаковлю, и обратите спасшихся, иже избыша от руки царя Ассурска, 7 и не будите якоже отцы ваши и братия ваша, иже отступиша от Господа Бога отец своих, и предаде их в погубление, якоже вы видите: 8 и ныне не ожесточите сердец ваших, якоже отцы ваши: дадите славу Господу Богу и внидите во святилище Его, еже освяти во век, и служите Господу Богу вашему, и отвратит от вас гнев ярости Своея: 9 понеже егда обратитесь вы ко Господу, братия ваша и чада ваша будут в щедротях пред всеми пленившими их, и возвратит в землю сию, зане милостив и щедр Господь Бог наш, и не отвратит лица Своего от нас, аще обратимся к Нему. 10 И бяху гонцы проходяще от града во град, на горе Ефремели и Манассине, даже и до Завулона: и быша яко посмеяваеми и поругаеми. 11 Но муже от Асира и от Манассии и от Завулона устыдишася и приидоша в Иерусалим и во Иудею. 12 И бысть рука Господня дати им сердце едино приити, еже сотворити по повелению цареви и князей слово Господне. 13 И собрашася во Иерусалим людие мнози, да сотворят праздник опресноков в месяц второй, сонм мног зело. 14 И востаха, и разориша олтари, иже во Иерусалиме, и вся, в ниже кадяху идолом, испровергоша и ввергоша их в поток Кедрский, 15 и пожроша пасху в четвертыйнадесятый день месяца втораго: священницы же и левити умиллишася и освятишася, и принесоша всесожжения в дом Господень: 16 и стаха в чине своем по обычаю своему, по заповеди Моисеа человека Божия, и священницы приемляху кровь от руку левитску. 17 Понеже мног народ освящен не бысть, левити же бяху жруще пасху всякому, иже не можаше освятитися Господу: 18 понеже большая часть людей от Ефрема и Манассии, и Иссахара и Завулона освященна не бысть, но ядоша пасху не по писанию. 19 И помолися Езекиа о них глагола Господь Бог благ да умилостивится о всяцем сердцы направившемся еже взыскати Господа Бога отец своих, а не по очищению святынь. 20 И услыша Господь Езекию и изцели люди. 21 И сотвориша сынове Израилевы обретшиися во Иерусалиме праздник опресноков семь дний в веселии велице хваляще Господа на всяк день, левити же и священницы во органы Господу. 22 И глагола Езекиа ко всякому сердцу левитов, иже имех разум благ ко Господу: и скончаша праздник опресноков семь дний жруще жертву спасения и исповедающеся Господу отец своих. 23 И усуетова весь собор купно сотворити ины семь дний (праздника): и сотвориша семь дний иных в веселии. 24 Понеже Езекиа царь Иудин даде начатки всему народу тысящу телцев и семь тысяч овец: начальницы же даша людем телцев тысящу и овец десять тысяч, и освятишася священников множество. 25 И возрадовася вся

церковь, священницы и левити, и все множество Иудино и обретшиися из Иерусалима, и пришельцы пришедшии от земли Израилевы и обитающии во Иудеи. 26 И бысть веселие велие во Иерусалиме: яко от дний Соломона, сына Давидова царя Израилева, не бысть таковой праздник во Иерусалиме. 27 И востаха священницы и левити и благословиша людей, и услышан бысть глас их, и прииде моление их в жилище святое Его на небо.

31 Егда же сия вся совершишася, изыде весь Израиль обретшийся во градах Иудиных, и сокрушиша идолы и посекоша дубравы, и разориша высокая и требища от вся Иудеи и Вениамина, и от Ефрема и от Манассии в конец; и возвратися весь Израиль, кийждо во одержание свое и во грады своя. 2 И устави Езекиа чреды священников и левитов, и чреды коегождо по служению его, священников и левитом, во всесожжение и в жертву спасения, и дабы хвалили и исповедалися и служили во вратех во дворех дому Господня. 3 Часть же царева бысть от имени его во всесожжение утреннее и вечернее, и всесожжения в субботы и в новомесячия и в праздники писанныя в законе Господни. 4 И заповеда людем живущым во Иерусалиме дати часть священником и левитом, да укрепятся во служении дому Господня. 5 И егда устави слово, даша много сынове Израилевы начаток пшеницы и вина и елеа и меда, и вся яже родит земля, и десятины вся принесоша зело много сынове Израилевы и Иудины. 6 И иже обитаху во градах Иудиных, и тии принесоша десятины от телцев и овец, и десятины от коз, и посвятиша Господу Богу своему, и внесоша и положиша купы многи. 7 Месяца третияго начаша купам полагаги основания, и месяца седмаго и совершиша их. 8 И вниде Езекиа и начальницы, и видеша купы, и благословиша Господа и люди Его Израйля. 9 Вопросы же Езекиа священников и левитов о купах. 10 И отвеща к нему Азариа священник начальный в дому Садоков и рече отнеже начаша приносить начатки в дом Господень, ядохом и пихом, и оставихом даже до множества, яко благослови Господь люди Своя, и оставихом еще множество сие. 11 И повеле Езекиа еще уготовити житницы в дому Господни: и уготоваша. 12 И внесоша тамо начатки и десятины верно: над ними же бе настоятель Хонения левит, и Семей брат его второй, 13 и Иеиил и Озия, и Наеф и Асаил, и Иеримоф и Иозавад, и Елиил и Самахиа, и Мааф и Ванаиа, и сынове его приставлени рукою Хонении и Семей брата его, якоже повеле Езекиа царь и Азариа начальник дому Господня. 14 И Корей сын Иемнаин левит, дверник к востоку над даяньми, еже даяти начатки Господни и Святая святых, 15 рукою Одома и Вениамина, и Иисуса и Семейа, и Амариа и Сехониа, рукою священников верно, даяти братии своей по чредам, малу и велику, 16 кроме рожденных мужеска полу от лет триех и выше, всем, иже вхождаху в церковь Господню по числу дний на день, в службу чред расположения их. 17 Сие разделение священников по домом отечеств: и левити в чредах своих, от двадесяти лет и выше, по чином, в разделениих. 18 Всякому рожденному жен их и сынов их и дочерей их во все множество, понеже верно освятиша

святое. 19 И сыном Аароним священствующим в селех, и иже от градов их во всяцем граде и граде, мужие иже именовани суть по имени, даяти часть всякому мужеску полу во священницех и всякому сочисляемому в левитех. 20 И сотвори тако Езекиа во всей Иудеи, и сотвори благое и правое и истинное пред Господем Богом своим, 21 и во всяцем деле, еже нача делати в дому Господни, и в законе и в повелених възиска Бога своего всем сердцем своим и сотвори, и благопоспешися ему.

32 И по словесех сих и по истине сей, прииде Сеннахирим царь Ассирийский, и прииде на Иудею, и ополчися на грады крепкия хотя взяти их. 2 И виде Езекиа, яко прииде Сеннахирим, и лице его воевати на Иерусалим: 3 и советова со старейшины своими и с сильными, да заключат воды источников, иже беша вне града: и соизволиша ему. 4 И собра много людей, и заключи воды источников и поток текущ посреде града, глаголя: да не приидет царь Ассирийский, и обрящет вод много, и укрепится. 5 И укрепился Езекиа, и созда вся стены, яже быша разсыпаны, и столпы, и отвне предстение ино, и укрепил разрушенную града Давидова, и уготова оружия многа: 6 и постави начальники бранем над людьми, и собравшася к нему на площадь врат дебри, и глагола в сердца их глаголя: 7 укрепитесь и мужайтесь и не устрашайтесь, ниже ужасайтесь от лица царя Ассирийска и от лица всего множества, еже с ним: яко множайши с нами суть неже с ним: 8 с ним мышца плотская, с нами же Господь Бог наш, еже спасати и поборати на брани нашей. И укрепилася людие словесы Езекии царя Иудина. 9 И по сих посла Сеннахирим царь Ассирийский рабы своя во Иерусалим, сам же со всеми вои своими обстояше Лахис, и посла ко Езекии царю Иудину и ко всему Иуде, иже во Иерусалиме, глаголя: 10 сия глаголет Сеннахирим царь Ассирийский: на что вы уповаете и сидите во обстоянии во Иерусалиме? 11 Ни ли Езекиа прельщает вас, да предаст вы в смерть и в глад и жажду, глаголя: Господь Бог наш спасет нас от руки царя Ассирийска? 12 Не сей ли есть Езекиа, иже разори олтари Его и вышняя Его, и повеле Иуде и живущим во Иерусалиме, глаголя: олтарем пред олтарем сим поклоняйтесь и в нем кадите фимиам? 13 Или не весте сего, что аз сотворих и отцы мои всем людем земли? Еда могуще возмогоша бози языков всея земли избавити люди своя от руки моея? 14 Кто во всех бозех языков сих, иже искорениша отцы мои? Еда возмогоша избавити люди своя от руки моея, и како может Бог ваш избавити вас от руки моея? 15 Ныне убо да не прельщает вас Езекиа и да не творит вас уповати по сему, и не веруйте ему: аще бо ни един бог всякаго языка и царства возможе избавити люди своя от руки моея и от руку отец моих, то ниже Бог ваш возможет избавити вас от руки моея. 16 И ина (много) глаголаша раби его противу Господа Бога и противу Езекии раба Его. 17 И послания написа поношяя Господа Бога Израилева, и рече Нань, глаголя: якоже бози язык земли не могоша избавити людей своих от руки моея, тако ниже Бог Езекиин избавит люди Своя от руки моея.

18 И возопи воплем великим языком Иудейским к людем, иже седяху на стенах Иерусалимских, да устрашит их и ужасит, и возмет град: 19 и глагола на Бога Иерусалимля, якоже и на богов людей земли, дела рук человеческих. 20 И помолися Езекиа царь и Исаиа сын Амосов пророк о сих, и возопиша на небо. 21 И посла Господь Ангела, и порази всех мужей храбрых и бранников, и начальников и воевод в полцех царя Ассирийска: и возврати лице его со стыдом на землю его, и прииде в дом бога своего, и сынове его изшедшии из чрева его погубиша его мечем. 22 И спасе Господь Езекию и обитающих во Иерусалиме от руки Сеннахирима царя Ассирийска и от руку всех, и подаде им покой окрест. 23 И мнози приношаху дары Господу во Иерусалим и даяния Езекии царю Иудину, и возвышен бысть пред очеси всех языков по сих. 24 Во днеш оных разболеся Езекиа даже до смерти и помолися ко Господу: и услыша его и даде ему знамение. 25 И не по воздаянию, еже даде ему, воздаде Езекиа, но вознесеса сердце его, и бысть на него гнев и на Иуду и на Иерусалим. 26 И смирился Езекиа от высоты сердца своего сам и живущии во Иерусалиме, и не прииде на них гнев Господень во дни Езекиины. 27 И бысть Езекиеви богатство и слава многа зело: и сокровища себе собра сребра и злата и камня честнаго, и ароматы, и оружия хранилницы, и сосуды драгоценны, 28 и житницы жит, пшеницы и вина и елеа, и села, и ясли всякому скоту, и ограды стадом, 29 и грады, яже созда себе, и строения овцам и волом множество: зане даде ему Господь собрания многа зело. 30 Той Езекиа загради исход воды Геона вышняго и проведе ю в низ к полудню града Давидова. И преуспе Езекиа во всех делех своих. 31 И тако послом князей от Вавилона, иже послани бяху к нему, да вопросят его о чудеси, еже случися на земли, остави его Господь, да искусит его уведати, яже в сердцах его. 32 Прочая же словес Езекииных, и щедроты его, се, писана суть в пророчестве Исаии пророка сына Амосова и в книзе царей Иудиных и Израилевых. 33 И успе Езекиа со отцы своими, и погребоша его на восходех гробов сынов Давидовых: и славу и честь даша ему в смерти его весь Иуда и живущии во Иерусалиме. И воцарися Манассиа сын его вместо его.

33 Дванадцати лет бе Манассиа, егда царствовати нача, и пятьдесят пять лет царствова во Иерусалиме: 2 сотвори же лукавое пред Господем по всем мерзостем языческим, иже истреби Господь от лица сынов Израилевых: 3 и возврати и созда высокая, яже раскопа Езекиа отец его, и соорил кумиры Ваалиму, и сотвори дубравы, и поклонися всему воинству небесному, и послужи им, 4 и созда олтари в дому Господни, о немже глагола Господь: во Иерусалиме будет имя Мое во веки: 5 созда же жертвенники всему воинству небесному во двои дворех дому Господня. 6 Той же проведе чада своя чрез огонь во удоли Веенномли и вражаше (со жребии), и последоваше гаданием, и волхвованием лукаше, и имяше чревоволшебники и обаянники, и многа лукавая сотвори пред Господем, да прогноевает Его: 7 истуканы же и слиянны образы сотвори и постави в дому

Божи, о немже глагола Бог к Давиду и к Соломону сыну его: в дому сем и во Иерусалиме, егоже избрах от всех колен Израилевых, положу имя Мое во век, 8 и не приложу подвинути ногу Израилеву от земли, юже предах отцем их, токмо аще сохранят сотворити вся, яже повелех им, по всему закону и повелением и судбам, рукою Моисеовою. 9 И прелести Манассиа Иуду и живущих во Иерусалиме, да сотворят лукавое паче всех язык, иже испроверже Господь от лица сынов Израилевых. 10 И глагола Господь к Манассии и к людем его, и не послушаша. 11 И наведе Господь на них начальники воев царя Ассирийска, и яша Манассию во узах, и связаша его оковы ножными, и отвелаша в Вавилон. 12 И егда озлоблен бысть, взыска лице Господа Бога своего, и смирися зело пред лицом Бога отец своих, 13 и помолися к Нему и послуша его, и услыша вопль его, и возврати его во Иерусалим на царство его: и позна Манассиа, яко Господь Той есть Бог. 14 И по сих созда стену вне града Давидова от Ливы к югу в потоце и ко входу врат Рыбных, исходящим вратами сущими окрест в высоту, и возвыси зело: и постави начальники воем во всех градах Иудиных стенатых, 15 и отяг боги чуждых и идолы от дому Господня, и вся олтари, яже созда в горе дому Господня и во Иерусалиме, и изверже вся вон из града. 16 И паки воздвиже оltарь Господень, и пожре на том жертву спасения и хваления, и заповеда Иуде, да служат Господу Богу Израилеву. 17 Но еще людие жряху на высоких, обаче Господу Богу своему. 18 Прочая же словес Манассииных, и молитва его, яже к Богу, и словеса провидящих, иже глаголаху к нему во имя Господа Бога Израилева, 19 се, во словесех молитвы его, и яко услыша его, и вси греси его и отступления его, и места, на нижже созида высокая, и сотвори тамо Дубравы и изваянная, прежде неже обратитися ему, се, писана суть во словесех провидящих. 20 Успе же Манассиа со отцы своими, и погребаша его в саду дому его. И воцарися вместо его сын его Амон. 21 Двадцати дву лет бе Амон, егда царствовати нача, и два лета царствова во Иерусалиме, 22 и сотвори лукавое пред Господем, якоже творяше Манассиа отец его, и всем идолом, иже сотвори Манассиа отец его, пожре Амон и послужи им: 23 и не смирися пред Господем, якоже смирися Манассиа отец его, зане сын его Амон умножи грехи. 24 И нападоша нань раби его и убиша его в дому его. 25 И убиша людие земли нападших на царя Амона, и поставиша людие земли царя Иосию сына его вместо его.

34 Осми лет бысть Иосиа, егда царствовати нача, и тридесять едино лето царствова во Иерусалиме, 2 и сотвори правое пред Господем, и ходи в путех Давида отца своего, и не уклонися ни на десно, ни на лево. 3 И во осмое лето царства своего, и той еще сый отрок, нача взыскати Господа Бога отца своего Давида: и во второенадесять лето царства своего нача очищати Иудею и Иерусалим от высоких и лесов, и от калищ и от истуканных. 4 И разориша пред лицом его олтари Ваалимли, и высокая, яже на них: и посече дубравы и истуканные, и слиянная сокруши и истини, и растопи и поверже пред лицом гробов жрущих

им: 5 и кости жерцев сожже на олтарех их, и очисти Иуду и Иерусалим, 6 и во градах Манассииных и Ефремлих и Симеоних даже до Нефсалима, и в местех их окрест: 7 и олтари размета и леси, и идолы разсече в частицы, и вся высокая изсече от всея земли Израилевы, и возвратися во Иерусалим. 8 И во осмоенадесять лето царства своего, егда очищена бысть земля и церковь Господня, посла Сафана сына Еселиева и Амесию начальника града и Иоаса сына Иоахазова памятописца своего, да утвердят дом Господа Бога своего. 9 И приидоша ко Хелкии священнику великому, и даша сребро принесенное в дом Господень, еже собраша левити хранящии дверь от руки Манассиины и Ефремли, и от начальников и от всех прочих во Израили, и от сынов Иудиных и Вениаминих и обитающих во Иерусалиме, 10 и даша оное в руке творящих дела, приставницы в дому Господни, и даша е творящим дела, иже творяху в дому Господни да, обновят и укрепят храм: 11 и даша тектоном и домоздателем, да купят камень четвероугольное и древа на бервна на покрытие домов, иже разориша царие Иудины. 12 И мужие верно творяху в делех, и над ними надзирателе Иеф и Авдиа левити от сынов Мерариных, и Захариа и Мосоллам от сынов Каафовых надзирати, и всяк левитин, и всяк знаий во органы пети: 13 и над носящими бремена и над всеми творящими дела, всяким деланием: и от левит беша писареви и судии и дверницы. 14 И внегда изнести им сребро принесенное в церковь Господню, обрете Хелкиа священник книгу закона Господня, (яже дана бысть) рукою Моисеовою. 15 И отвеща Хелкиа и рече к Сафану писарю: книгу закона обретох в дому Господни. И даде Хелкиа книгу Сафану. 16 И принесе Сафан книгу ко царю, и возвести еще ко царю слово, глаголя: все сребро дано в руки рабов твоих творящих дела: 17 и слияша сребро обретенное в дому Господни, и даша в руки надзирателей и в руки творящих дело. 18 И возвести Сафан писарь слово царю, глаголя: книгу даде ми Хелкиа священник. И прочте ю Сафан пред царем. 19 И бысть егда услыша царь словеса закона, и растерза ризы своя. 20 И повеле царь Хелкиеву и Ахикаму сыну Сафанову и Авдону сыну Михееву, и Сафану писарю и Асаию рабу цареву, глаголя: 21 идите и молитесь Господу за мя и за всякого оставшаго во Израили и Иуде, о словесех книги, яже обретена есть, велик бо гнев Господень разгореся на нас, понеже не послушаша отцы наши словес Господних, еже творити по всем написанным в книзе сей. 22 И иде Хелкиа, и имже повеле царь, ко Олдане пророчице, жене Селлима сына Фекуева, сына Есерии ризохранителя, хранящей заповеди, яже обиташе во Иерусалиме в масане, и глаголаша ей по сим. 23 И та отвеща им: сия рече Господь Бог Израилев: глаголите мужу, иже посла вас ко мне: сия рече Господь: 24 се, аз наведу злая на место сие и на обитающих в нем вся словеса, яже писана суть в книзе прочтенней пред царем Иудиным, 25 зане оставиша Мя и кадыху богом чуждим, да прогневают Мя во всех делех рук своих: и разгореся ярость Моя на место сие и не угасится: 26 и ко царю Иудину, иже посла вас ко Господу помолитися, тако глаголите ему: сия рече Господь Бог Израилев: словеса, яже

слышал еси, 27 и сокрушися сердце твое, и смирился еси пред лицом Моим, егда услышал еси словеса Моя на место сие и на обитающих в нем, и смирился еси предо Мною, и растерзал еси ризы твоя, и плакал еси предо Мною, и Аз услышах, рече Господь: 28 се, приложу тя ко отцем твоим, и приложишия ко гробом твоим в мире, и не узрят очи твои всякого зла, яже Аз наведу на место сие и на обитающих в нем. И возвестиша царю слово. 29 И посла царь, и собра старейшины Иудины и Иерусалимли. 30 И възде царь в дом Господень и вси мужие Иудины и живущии во Иерусалиме, и священници и левити, и вси людие от мала даже до велика: и читаше во ушеса их вся словеса книги завета обретенныя в дому Господни. 31 И ста царь на столпе, и завеща завет пред Господем ходити пред Господем, хранити заповеди Его и свидения Его и повеления Его всем сердцем и всею душею, еже творити словеса завета написанная в книзе сей. 32 И постави всех, иже обретени бяху во Иерусалиме и Вениамине, и сотвориша обитающии во Иерусалиме завет в дому Господа Бога отец своих. 33 И отя Иосиа вся мерзости от всея земли, яже бе сынов Израилевых, и сотвори всех обретшихся во Иерусалиме и во Израили служити Господу Богу своему во вся дни своя, и не уклонися от Господа Бога отец своих.

35 И сотвори Иосиа во Иерусалиме пасху Господу Богу своему, и пожре пасху в четвертыйнадесятый день месяца перваго: 2 и постави священники на стражах их, и укрепил их на дела дому Господня, 3 и рече левитом сильным во всем Израили, да освятятся Господу и поставят кивот святой в дому Господни. И поставиши кивот святой во храме, егоже созда Соломон сын Давида царя Израилева. И рече царь: несть вам на раменах носити ничтоже: ныне убо служите Господу Богу вашему и людям Его Израилю, 4 и уготовайтесь по домом отечеств ваших и по чредам вашим, по писанию Давида царя Израилева и рукою Соломона сына его, 5 и стойте во храме по разделением домов отечеств ваших во братии вашей сынех людских, и по части дому отечества в левитех: 6 и пожрите пасху и святая уготовайте братии вашей, еже сотворити по словеси Господню, (еже глагола) рукою Моисевою. 7 И даде начатки Иосиа сыном людским овцы и агнцы и козлы от коз, вся на пасху, и всех обретенных в число тридесять тысящ, и волов три тысящы, сия от царева имения. 8 И началницы его даша начатки людям и священником и левитом: даде же и Хелкия и Захариа и Иеиел началницы священником дому Господня, и даша на пасху овец и агнцев и козлищ две тысящы шесть сот и волов триста. 9 Хонения же и Ванеа, и Самеа и Нафанаил брат его, и Асавиа и Иеиил и Иозавад, началницы левитов, даша левитом на пасху пять тысящ овец и волов пять сот. 10 И уготовано бысть служение, и сташа священници в чине своем и левити по разделением своим по повелению цареву, 11 и пожроша пасху, и проляшя священници рукама своима кровь, и левити одираху кожи: 12 и уготоваша всеосожжения предати им по разделению, по домом отечеств сыном людским, принести Господеви всеосожжения, ажже

писано есть в книзе закона Моисеова: тако и заутра: 13 и испекоша пасху на огни по чину, и святая свариша в медницах и в котлах, и предуспе им, и разделиша всем сыном людским: 14 себе же и священником потом уготоваша, яко в возношении всеосожгаемых и туков даже до нощи священници (быша не праздни), и левити уготоваша им и братии их сыном Аароним. 15 И певцы сынове Асафовы (стояху) в чине своем по повелению Давида, и Асафа и Емана и Идифума пророков царевых: и началницы и дверници всех врат, имже не бе возможно отлучитися от службы святых, понеже братия их левити уготоваша им (брашна). 16 И управися и уготовася вся служба Господня в день той, да сотворят пасху и принесут всеосожжения на олтарь Господень по повелению царя Иосии. 17 И сотвориша сынове Израилевы, иже обретени бяху, пасху во время то и праздник опресноков седмь дней. 18 И не бысть пасхи подобныя той во Израили от дний Самуила пророка, и вси царие Израилева не сотвориша пасхи, юже сотвори Иосиа и священници и левити, и весь Иуда и Израиль, иже обретен бысть, и обитающии во Иерусалиме, Господу. 19 Во осмоенадесять лето царства Иосиина сия пасха празднована бысть. 20 И изыде фараон Нехао царь Египетский на царя Ассирийскаго на реку Евфрат, еже ратовати его в Хархамисе. И изыде во сретение ему Иосиа царь. 21 И посла к нему послы, глаголя: что мне и тебе, царю Иудин? Не противу тебе днешь иду воевати, но на место брани моя: и Бог рече потчатися мне: внемли ты о Бозе иже со мною, да не убьет тя. 22 И не возврати Иосиа лица своего от него, но ратовати его укрепися, ниже послуша словес Нехаовых, яже от уст Божиих, но иде, да воеует на поли Магеддо. 23 И устрелиша стрелцы в царя Иосию. И рече царь отроком своим: изведите мене (от брани), яко изменногох зело. 24 И сведоша его отроцы его с колесницы, и в другую колесницу посадиша его, яже бяше ему, и привезоша его во Иерусалим, и умре и погребен бысть со отцы своими: и весь Иуда и Иерусалим плакаша о Иосии. 25 И Иеремиа възрыда по Иосии, и глаголаша вси князи и княгини плачь по Иосии даже до днешь: и даша его в повеление Израилю, и се, писано есть в рыданиях. 26 Прочая же словеса Иосиина и упование его бяху писана в законе Господни: 27 дела же его, первая и последняя, се, писана суть в книзе царей Израилевых и Иудиных.

36 И взяша людие земли Иоахаза сына Иосиина, и помазаша его, и поставиша его царем вместо отца его во Иерусалиме. 2 Двадесяти триех лет бысть Иоахаз, егда царствовати нача, и три месяцы царствова во Иерусалиме. Имя же матере его Амитал, дщерь Иеремиина от Ловны. И сотвори лукавое пред Господем по всем, яже сотвориша отцы его. (и плени Иоахаза,) и окова его фараон Нехао в Девлафе в земли Ефамли, еже не царствовати ему во Иерусалиме, 3 и преведе его царь во Египет, и возложи дань на землю (Израилеву) сто талант сребра и талант злата. 4 И постави фараон Нехао Елиакима сына Иосиина царем над Иудово и Иерусалимом вместо Иосии отца его, и премени имя его Иоаким. Иоахаза же брата его взя

фараон Нехао и введе его во Египет. 5 Двадесяти пяти лет бе Иоаким, егда царствовати нача, и едионадесять лет царствова во Иерусалиме. Сотвори же лукавое пред Господем по всем. 6 И взыде на него Навуходоносор царь Вавилонский, и окова его оковами медянными, и приведе его в Вавилон: 7 и часть сосудов дому Господня пренесе в Вавилон и постави я во храме своем в Вавилоне. 8 Прочая же словес Иоакимовых, и вся, яже содела, не се ли, сия писана в книзе словес дний царей Иудиных? И успе Иоаким со отцы своими и погребен бысть в Ганозане со отцы своими. И воцарися Иехониа сын его вместо его. 9 Осминадесяти лет бе Иехониа, егда царствовати нача, и три месяцы и десять дний царствова во Иерусалиме, и сотвори лукавое пред Господем. 10 Егда же лету круг вращашеся, посла Навуходоносор царь, иже и введе его в Вавилон с предрагими сосуды дому Господня, а царем постави Седекию брата отцу его над Иудою и Иерусалимом. 11 Двадесять едино лето бысть Седекии, егда царствовати нача, единадцать лет царствова во Иерусалиме: 12 и сотвори лукавое пред Господем Богом своим, и не усрамися лица Иеремии пророка от уст Господних, 13 егда от царя Навуходоносора отвержеся, иже закла его пред Богом: и ожесточи выю свою и сердце свое укрепи, да не обратится ко Господу Богу Израилеву. 14 И вси славнии Иудины и священницы и людие земли умножиша еже преступити преступления мерзостей языческих, и оскверниша дом Господень, иже во Иерусалиме. 15 И посылаше Господь Бог отец их к ним рукою пророков Своих утренюя и посылая вестники Своя, понеже щадяше людей Своих и святилища Своего: и тии поношаху послом Божиим, 16 и уничижаху словеса Его, и ругахуся пророком Его, дондеже сниде гнев Господень на люди Его, дондеже не бысть изцеления. 17 И наведе на них царя Халдейска, и поби младенцы их мечем в дому святыни его: и не пощаде Седекии и дев их не помилова, и старцы их изведе, и всех предаде в руки их, 18 и вся сосуды дому Божия великия и малыя, и сокровища церкви Господни, и вся сокровища царева и вельмож, вся внесе в Вавилон: 19 и зажже дом Господень и разори стену Иерусалимлю, и столпы его сожже огнем и всяк сосуд драгий истни: 20 и пресели оставшихся в Вавилон, и быша ему и сыном его в рабы даже до царства Мидскаго, 21 да исполнится слово Господне устами Иеремии, донележе прия земля субботы своя субботствовати во вся дни запустения своего: субботствова до совершения седмидесяти лет. 22 В лето первое Кира царя Персскаго, повнегда исполнитися словесем Господним усты Иеремии, воздвиже Господь дух Кира царя Персскаго, и повеле проповедати во всем царствии своем писанием, глаголя: 23 сия глаголет Кир царь Персский: вся царства земли даде ми Господь Бог небесный, и Той заповеда мне создати Себе дом во Иерусалиме, иже есть во Иудеи: кто в вас от всех людей Его? Да будет Бог его с ним, и да взыдет.

Книга Ездры

1 В лето первое Кира царя Персского, да исполнится слово Господне от уст Иереминых, воздвиги Господь дух Кира царя Персского, и повеле проповедати во всем царствии своем, и писаньми, глаголя: 2 сия глаголет Кир царь Персский: вся царства земная даде мне Господь Бог небесный, и Той повеле ми, да созижду Ему дом во Иерусалиме, иже во Иудеи: 3 кто в вас от всех людей Его? И будет Бог его с ним, и да въздет во Иерусалим, иже во Иудеи, и да созиждет дом Богу Израилеву, Той есть Бог, Иже во Иерусалиме: 4 и всяк оставшийся от всех мест, идеже той обитает, и да помогут ему мужие от места его сребром и златом, и сосуды и скоты, с добровольными обещани (принесут) в церковь Божию, яже во Иерусалиме. 5 И востаха князи отечеств Иудиных и Вениаминых и священницы и левити, и вси, имже воздвиги Бог дух их, да въздут созданию церкви Господни, яже во Иерусалиме: 6 и вси, иже бяху окрест, помогоша рукам их сосуды серебряными, златом, потребными, и скотами, и драгими вещми, кроме добровольных. 7 И царь Кир изнесе сосуды церкви Господни, ихже взя Навуходоносор из Иерусалима и положи тыя в церкви бога своего: 8 изнесе же тыя Кир царь Персский рукою Иифридата Гасваринова, и соче тыя Сасавассару князю Иудейску. 9 И сие число их: умывалниц златых тридцать, умывалниц же серебряных тысяща, ножей двадцать девять, 10 и чаш златых тридцать, и серебряных двойных четыреста десять, и сосудов иных тысяща: 11 всех сосудов златых и серебряных пять тысяч и четыреста, вся взя с собою Сасавассар от преселения Вавилонского во Иерусалим.

2 Сии же суть сынове страны, иже въздоша от плена преселения, ихже пресели Навуходоносор царь Вавилонский в Вавилон: и возвратишася во Иерусалим и Иудею кийждо муж во град свой. 2 Иже приидоша с Зоровавелем: Иисус, Неемиа, Сараиа, Реелиа, Мардохей, Валасан, Масфар, Вагуй, Реум, Ваана. Сие число мужем людей Израилевых: 3 сынове Фаресовы две тысящи сто семьдесят и два, 4 сынове Сафатиевы триста семьдесят два, 5 сынове Аресовы семь сот семьдесят пять, 6 сынове Фааф-Моавли от сынов Иисувух и Иоавлих две тысящи осмь сот дванадцать, 7 сынове Еламли тысяща двести пятьдесят четыре, 8 сынове Зафуевы девять сот четырехдцать пять, 9 сынове Закхани семь сот шестьдесят, 10 сынове Вануевы шесть сот четырехдцать два, 11 сынове Ваваевы шесть сот двадцать три, 12 сынове Авгадовы тысяща двести двадцать два, 13 сынове Адоникамовы шесть сот шестьдесят шесть, 14 сынове Вагуевы две тысящи пятьдесят шесть, 15 сынове Адины четыреста пятьдесят четыре, 16 сынове Атировы, иже бяху от Езеки, девяность осмь, 17 сынове Вассуевы триста двадцать три, 18 сынове Иоравовы сто дванадцать, 19 сынове Асумли двести двадцать три, 20 сынове Гаверовы девяность пять, 21 сынове Вефлаемли сто двадцать

три, 22 сынове Нетофаевы пятьдесят шесть, 23 сынове Анафофовы сто двадцать осмь, 24 сынове Азмофовы четырехдцать три, 25 сынове Кариафиаримли, Хафира и Вироф, семь сот четырехдцать три, 26 сынове от Рамы и Гаваи шесть сот двадцать един, 27 мужей Махмаских сто двадцать два, 28 мужей Вефилских и Гайских четыреста двадцать три, 29 сынове от Навы пятьдесят два, 30 сынове Магевисовы сто пятьдесят шесть, 31 сынове Иламаровы тысяща двести пятьдесят четыре, 32 сынове Ирамли триста двадцать, 33 сынове Лиддоновы, Лодадиновы и Оновы семь сот двадцать пять, 34 сынове Иерихони триста четырехдцать пять, 35 сынове Сеннаевы три тысящи шесть сот тридцать. 36 Священницы же: сынове Иеудуевы в дому Иисуеве девять сот семьдесят три, 37 сынове Еммировы тысяща пятьдесят два, 38 сынове Фассуровы тысяща двести четырехдцать семь, 39 сынове Иремли тысяща семнадцать. 40 Левити же сынове Иисуевы и Кадмиили от сынов Одуиевых семьдесят четыре. 41 Певцы же сынове Асафовы сто двадцать осмь. 42 Сынове дверников: сынове Селлумли, сынове Атировы, сынове Телмоновы, сынове Акувовы, сынове Атитовы, сынове Соваиевы, всех сто тридцать девять. 43 Нафинее: сынове Суавли, сынове Суфатовы, сынове Тавваофли, 44 сынове Кирасовы, сынове Сирсавли, сынове Фадонины, 45 сынове Лавановы, сынове Агавовы, сынове Акувовы, 46 сынове Агавовы, сынове Селамины, сынове Анановы, 47 сынове Геддилины, сынове Гааровы, сынове Раиаевы, 48 сынове Расоновы, сынове Некодовы, сынове Газемли, 49 сынове Азоковы, сынове Фасиевы, сынове Расиины, 50 сынове Асенаевы, сынове Мунниновы, сынове Нефусимли, 51 сынове Ваквуковы, сынове Акуфаевы, сынове Ануровы, 52 сынове Васалофовы, сынове Мидановы, сынове Арсановы, 53 сынове Варкосовы, сынове Сисарины, сынове Фемавли, 54 сынове Нафиевы, сынове Атифовы. 55 Сынове слуг Соломоновых: сынове Сотаеты, сынове Сефирины, сынове Фадуровы, 56 сынове Иеалаевы, сынове Дерконовы, сынове Геддилины, 57 сынове Сафатиевы, сынове Аттилевы, сынове Фахерафовы, сынове Асевоимли, сынове Имеевы: 58 вси нафанимовы и сынове слуг Соломоновых триста девяность два. 59 И сии, иже восхождаху от Фелмелеха, Фелариса, Херув, Идан, Еммир, и не могоша сказати дому отечества своего и семени своего, от Израиля ли быша: 60 сынове Далаиевы, сынове Товиевы, сынове Некодаевы, шесть сот пятьдесят два: 61 и от сынов священнических сынове Оваиевы, сынове Аккусовы, сынове Верзеллаевы, иже поя от дочерей Верзеллаа Галаадитина жену и наречся именем их: 62 тии искаша писания роду своему и не обретоша, и изгнани суть от священства. 63 И рече Аферсафа им, да не ядят от святого святых, дондеже встанет священник со изьявлением и истиною. 64 Все же множество купно яко четыре тмы две тысящи триста шестьдесят, 65 кроме рабов их и рабынь их, сих семь тысяч триста тридцать семь: и сии певцы и певницы двести. 66 Коней их семь сот тридцать шесть, мсков их двести четырехдцать пять, 67 велблюдов их четыреста тридцать пять, ослов их шесть тысяч семь

сот двадцать. 68 И от князей отечеств, егда вхождаху ти в церковь Господню, яже во Иерусалиме, добровольно принесоша в дом Божий, поставити его на основании его: 69 по силе своей даша в росход дела, злата драхм шестьдесят тысящ и тысящу, и сребра мнас пять тысящ, и одеяний священнических сто. 70 И седоша священницы и левити, и иже от людей, и певцы и дверницы и нафинимляне во градах своих, и весь Израиль во градах своих.

3 Пришедшу же месяцу седмому, и бяху сынове Израилевы во градах своих, и собращася людие аки человек един во Иерусалим. 2 И воста Иисус сын Иоседеков и братия его священницы, и Зоровавель сын Салафилиев и братия его, и создаша оltарь Богу Израилеву, да принесут на нем всесожжения, яже писано есть в законе Моисеа человека Божия. 3 И уготоваша оltарь на основании его, понеже страх бе на них от людей земных, и вознесоша на том всесожжение Господеву утро и в вечер: 4 и сотвориша праздник кущей, якоже писано, и всесожжения на всяк день числом по повелению, дело дне в день свой: 5 и посем всесожжения непрестанная и в новомесячии и во вся праздники Господеву освященные, и о всяцем добровольно приносящем со усердием Господеву. 6 От перваго дне месяца седмаго начаша возносити всесожжения Господеву, дом же Господень не бе еще основан. 7 И вдаша пенязи каменосечцем и древоделем, пишу же и питье и елей Сидоняном и Тиряном, да принесут древа кедрова от Ливана к морю Иоппийскому, якоже соизволи Кир царь Персский о них. 8 И в лето второе, внегда приити им к дому Божию во Иерусалим, месяца втораго нача Зоровавель сын Салафилиев и Иисус сын Иоседеков, и прочии от братии их священницы и левити, и вси, иже приидоша от пленения во Иерусалим, и поставиша левитов от двадцетии лет и выше над творящими дела во храме Господни. 9 И ста Иисус и сынове его и братия его, Кадоил и сынове его, сынове Иудины, якоже муж един да единомушно настоят над творящими дела в дому Божии, сынове Инададовы, сынове их и братия их левити. 10 И основаша созидающе дом Господень: и сташа священницы во украшении своем со трубами, и левити сынове Асафовы, в кимвалех да хвалят Господа, по уставу Давида царя Израилева: 11 и вопяху в песнех и исповедании Господеву, яко благ, яко в век милость Его над Израилем: и вси людие возглаголю гласом великим хваление Господу при основании дому Господню. 12 И мнози от священников и левит, и князи отечеств и старейшины, иже видеша дом преждний на основании своем, и сей дом пред очесы своими, плакаху гласом велиим: и народ возглаголюще, в веселии возвышаху: 13 и не можаху людие познати гласа восклицания веселящихся от гласов плача народного, понеже людие восклицаху гласом великим, и глас велик слышашеся издалеча.

4 И услышаша врази Иудины и Вениамины, яко сынове преселения созидают церковь Господу Богу Израилеву, 2 и приступиша к Зоровавелю и ко князем отечеств и рекоша им: созиждем с вами, понеже, якоже и вы, ищем Бога вашего

и Ему мы жрем жертву от дний Асарадана царя Ассурска приведшаго ны семо. 3 И рече им Зоровавель и Иисус и прочии князи отечеств Израилевых: несть нам и вам создати дом Богу нашему, понеже мы сами особно созиждем Господу Богу нашему, якоже повеле нам Кир царь Персский. 4 И быша людие земли (тоя) ослабляюще руки людей Иудейских, и препинаху им в создании, 5 и наимаху на них советников, да разорят совет их, во вся дни Кира царя Персского и даже до царства Дария царя Персского. 6 В царство же Ассиура, (иже есть Артаксеркс,) в начале царства его, написаша свиток на живущих во Иудеи и во Иерусалиме. 7 И во дни Арфасафана написа в мире Мифридат и Тавелл со прочими сослужители ко Артаксерксу царю Персскому: написа писмоносец писание Сирским языком и претолковано. 8 Реум Валтаам и Сампса книгочий написаста послание едино на Иерусалим ко Артаксерксу царю: 9 тако судил Реум Валтаам и Сампса книгочий и прочии сослужители наши, Динее, Афарсафакее, Тарфалее, Арфасее, Архиее, Вавилоняне, Сусанакее, Савее, Еламита 10 и прочии от язык, иже преведе Ассенафар великий и преславный и всели их во градах Самарийских и прочих об он пол реки. 11 Сие есть сказание послания, еже послаша к нему, ко Артаксерксу царю: раби твои, мужие, иже за рекою: 12 ведомо да будет царю, яко Иудее, иже въздоша от тебе к нам, приидоша во Иерусалим град отступный и лукавый, егоже созидают: и стены его состроены суть, и основание его возвысиша: 13 ныне убо ведомо да будет царю, яко, аще град сей создан будет, и стены его совершатся, дани не будут тебе, ниже (летняго въздаяния) дадут: и сие царем зло творит, 14 и посрамощения царева не леть нам видети: сего ради послахом и возвестихом царю, 15 да рассмотрено будет в книзе памятописней отцев твоих, и обрящеши в книзе памятописней и познаеши, яко град он отступный есть и обидящъ царей и страны, и убежища слуг бывають посреде его от дний древних, сего ради и град той опустошен есть: 16 ведомо убо творим царю, яко, аще град той создан будет и стены его совершатся, то не будет ти мира. 17 И посла царь ко Реуму Валтааму и Сампсау книгочию и ко прочым сослужителем их обитающим в Самари и прочым за рекою Мир 18 и рече: писмоносец, егоже посласте к нам, призван пред мене, 19 и от мене повелено есть, и соглядохом и обретохом, яко град той от дний древних на царей возносится, отступления и убежища бывають в нем: 20 и царие крепцы быша во Иерусалиме и обладаху всею страну, яже за рекою, дани же многи и часть давашеся им: 21 и ныне повелите мужем оным престати от дела, и град оный да не созидается ктому: 22 яко да от повеления сего опасни будете нерадения творити о сем, да не когда умножится погибель на зло царем. 23 Тогда писмоносец Артаксеркса царя прочте свиток пред Реумом Валтаамом и Сампсаем книгочием и сослужителми их: и идоша тщателно во Иерусалим и во Иудею, и удержаша их мышцею сильною. 24 Тогда преста дело дому Божия, еже во Иерусалиме, и не творяшеся даже до лета втораго царства Дария царя Персского.

5 Пророчествова же Аггей пророк и Захариа сын Аддов приорицание ко Иудеом, иже бяху во Иудеи и Иерусалиме, во имя Бога Израилева на них. **2** Тогда востаца Зоровавель сын Салафиилев и Иисус сын Иоседеков и начаста здати дом Божий, иже во Иерусалиме: и с нима пророцы Божии помогающе има. **3** В то время прииде к ним Фафанай князь суций за рекою и Сафарвузанай и сослужителие их, и сия рекоша им: кто даде вам власть созидати дом сей и стены сия возставляти? **4** Тогда сия рекоша им: кая суть имена мужей созидающих град сей? **5** И очи Божии на племена Иудино, и не возбраниша им, дондеже послание к Дарию отнесено, и тогда послася с писмоносцем о сем. **6** Изявление послания, еже посла Фафанай князь об он пол реки и Сафарвузанай и сослужителие их Афарсахее, иже бяху за рекою, Дарию царю: **7** словесы послаша к нему, и сия писана в нем: Дарию царю мир всяк: **8** ведомо да будет царю, яко ходихом во Иудейскую страну к дому Бога великаго, и той созидается камением избранным, и древа ставятся в стенах, дело же то со тщанием строится и благопоспешается в руках их: **9** тогда вопросихом старейшин тех и тако рекохом им: кто даде вам власть дом сей созидати и стены сия возставляти? **10** И о именех их вопросихом их, да возвестим тебе, яко да напишем тебе имена мужей, иже суть начальницы их: **11** и сицева словеса отвещаша нам глаголюще: мы есмы раби Бога небесе и земли, и созидаем дом, иже бысть устроен прежде сего за лета многа, и царь Израилев великий созда его и соверши его им: **12** егда же прогневаша отцы наши Бога небеснаго, предаде их в руки Навуходоносора царя Вавилонскаго Халдеанина, и дом сей разори и люди преведе в Вавилон: **13** во в лето первое Кира царя, Кир царь Вавилонский постави повеление, да дом Божий сей созиждется, **14** и сосуды дому Божия златья и сребрянья, яже Навуходоносор взя из дому, иже во Иерусалиме, и отнесе я в храм Вавилонский, изнесе тыя Кир царь от храма Вавилонскаго и даде их Саванасару хранителю, иже над сокровищем, **15** и рече ему: вся сосуды сия возми и иди, и постави их в дому, иже есть во Иерусалиме, на место их: **16** тогда Саванасар той прииде и постави основание дому Божия во Иерусалиме, и от того времени даже донныне созидается, и еще не совершен есть: **17** и ныне аще (видится) царю благо, да посмотрит в дому сокровища царя Вавилонскаго, да увеси, яко от царя Кира бысть повеление созидати дом Божий сей, иже во Иерусалиме, и уведав о сем царь да пошет к нам.

6 Тогда Дарий царь повеле, и искаша во книгохранителницах, идеже сокровище лежит в Вавилоне. **2** И обретесе во Амафе граде Мидийстем в палате главизна едина, и сие писано бе в ней на память: **3** во лето первое Кира царя, Кир царь царь повеле о доме Божии, иже во Иерусалиме: дом да созиждется, и место, идеже жрут жертвы: и положи меру высоты лакот шестьдесят, широта его лакот шестьдесят: **4** и стены каменныя твердыя три, и стена древяная едина, иждивение же от дому царева да дастся: **5** и сосуды дому Божия златии

и сребрянии, ихже Навуходоносор взя от дому, иже во Иерусалиме, и пренесе их в Вавилон, да отдадутся и внесутся в дом, иже во Иерусалиме, на место, идеже и поставлени бяху в дому Божии: **6** ныне убо дадите, князие суции за рекою, Сафарвузанай и сослужителие их Афарсахее, иже за рекою, далече отидите отсюда: **7** ныне оставите дело дому Божия: князие Иудейстии и старейшины их дом Божий той да созидают на месте своем: **8** и от мене повелено бысть, да не когда что сотворите противно старейшинам Жидовским в создании дому Божия онago: и от имений царских даней суций за рекою прилежно на иждивение да дается мужем тем, еже бы не престало дело то: **9** и еже аще оскудеет, и телцы и овны и агнцы, во всеожжения Богу небесному, пшеница, соль, вино, елей, по словеси священников, иже во Иерусалиме, да дается им по вся дни, еже аще воспросят, **10** да будут приносящии благоухания Богу небесному и да молятся о жизни царя и сынов его: **11** и от мене уставлено повеление, да всяк человек, иже преступит повеление сие, возмется древо от дому его, и воздвигнет обесится на нем, и дом его мне будет взят: **12** и Бог, Егоже обитает имя тамо, да низвратит всякаго царя и люди, иже прострут руку свою пременити или разорити дом Божий, иже есть во Иерусалиме: аз Дарий поставих повеление, с прилежанием да будет. **13** Тогда Фафанай князь страны заречныя, Сафарвузанай и сослужебницы его, якоже посла Дарий царь, тако сотвориша тщательно. **14** Старейшины же Иудейстии созидаху и левити по пророчеству Аггеа пророка и Захарии сына Аддова. И создаша и совершиша по повелению Бога Израилева и по повелению Кира и Дариа и Артаксеркса царей Персских, **15** и совершиша дом той даже до дне третияго, месяца Адара, иже есть в лето шестое царства Дариа царя. **16** Сотвориша же сынове Израилевы, священницы и левити, и прочие сынов преселения обновление дому Божия в радости, **17** и принесоша на обновление дому Божия телцев сто, овнов двести, агнцев четыреста, козлов от коз за грехи всего Израиля дванадесять, по числу колен Израилевых: **18** и поставиша священников в чинех своих и левиты в частех своих на служение дому Божия во Иерусалиме, якоже писано есть в книзе Моисеове. **19** И сотвориша сынове преселения пасху в четвертынадесять день месяца перваго: **20** очищены бо бяху священницы и левити даже до единаго вси чисти, и пожроша пасху всем сыном преселения и братии их священником и себе самым. **21** И ядоша сынове Израилевы пасху, иже от преселения, и всяк отлучивыйся от осквернения языком земли к ним, еже взыскати Господа Бога Израилева. **22** И сотвориша праздник опресночный семь дней в веселии, яко возвесели их Господь и обрати сердце царя Ассурска к ним, укрепити руки их в делех дому Бога Израилева.

7 По сих же словесех, в царство Артаксеркса царя Персскаго, взыде Ездра сын Сареа, сына Азариева, сына Хелкиева, **2** сына Селлумля, сына Садукова, сына Ахитовля, **3** сына Самариева, сына Есриева, сына Мареофова, **4** сына Зараиева, сына Езеиева, сына Воккиева, **5** сына

Ависеува, сына Финеесова, сына Елеазарова, сына Аарона священника перваго: 6 сей Ездра възде от Вавилона и сей писец скор в законе Моисеове, егоже даде Господь Бог Израилю. И даде ему царь, яко рука Господа Бога его на нем бе во всех, яже искаше он. 7 И въздоша от сынов Израилевых и от священников и от левитов, и певцы и придверницы и нафиними во Иерусалим, в лето седмое Артаксеркса царя, 8 и приидоша во Иерусалим месяца пятого: сие есть лето седмое цареву: 9 зане в первый день месяца перваго той нача восходити от Вавилона, и в первый день месяца пятого приидоша во Иерусалим, яко рука Бога его блага на нем бе: 10 Ездра бо уготова сердце свое, да възыщет закона (Господня) и да творит и учит во Израили повелением и судбам. 11 И сие есть сказание послания еже даде царь Артаксеркс Ездре священнику, писцу книги словес заповедий Господних и повелений Его во Израили: 12 Артаксеркс царь царей Ездре священнику, писцу закона Господа Бога небеснаго: да совершится слово и ответ: 13 от мене повелено есть, да кийждо, иже имать усердие благо во царстве моем от людей Израилевых и от священников и от левитов поити во Иерусалим, с тобою да идет: 14 от лица царева и седми советников его послан еси, да посетиши Иудею и Иерусалим в законе Бога их, сущем в руку твою, 15 и да отнесеши в дом Господень серебро и злато, еже царь и советницы его со усердием даша Богу Израилеву, Иже во Иерусалиме обитает, 16 и все злато и серебро, еже аще обрящеши во всей области Вавилонстей, с добровольным даянием людским и священников, волею приносящих в дом Божий, иже во Иерусалиме: 17 и всякий доход той усердно впиши в книгу сию: телцы, овны, агнцы, и жертвы их и возлияния их: и принеси та на олтарь дому Бога вашего, иже есть во Иерусалиме: 18 и аще что тебе и братии твоей благо возмнится от оставшагося серебра и злата сотворити, якоже угодно Богу вашему, сотворите: 19 и сосуды, иже даны тебе в службу дому Божия, вдаждь пред Богом во Иерусалиме: 20 и прочыя потребности дому Бога твоего, еже аще возмнится тебе дати, да даси из домов сокровища царева 21 и от мене аз Артаксеркс царь уставих повеление всем хранителем сокровищ, иже суть за рекою, да все, еже аще воспросит от вас Ездра священник и писец закона Бога небеснаго, готово да будет: 22 серебра даже до ста талант, и пшеницы даже до ста мер, и вина даже до ста бочек, и елеа даже до ста чванов, а соли без записания: 23 все, еже есть по воли Бога небеснаго, да будет в дому Бога небеснаго: вонмите, да не кто прострет руку на дом Бога небеснаго, да не когда будет гнев на царство царево и сынов его: 24 и вам знаемо творим сие, от всех священников и левитов, певцев, дверников, нафинимов и слуг дому Божия дань да не будет тебе, ниже имейте власти порабощати их: 25 ты же, Ездра, по премудрости Бога твоего, яже в руке твоей, постави книжники и судии, да судят вся люди, иже суть за рекою, всем знающим закон Бога твоего, и не ведающему ведати сотворите: 26 и всяк, иже не сотворит закона Бога твоего и закона царева усердно, суд да будет сотворен на него, аще в смерть, или в наказание, или во отщечение живота, или в

темницу. 27 Благословен Господь Бог отец наших, иже даде сице в сердце царево, да прославит дом Господень, иже во Иерусалиме, 28 и на мя уклони милосердие пред очима царя и советников его и всех князей царевых сильных: и аз укреплен бых, яко рука Божия благая на мне, и собрах от Израиля князей възты со мною.

8 И сии князие отечеств их вождеве, иже въздоша со мною в царство Артаксеркса царя Вавилонска: 2 от сынов Финеесовых Гирсон, от сынов Ифамарих Даниил, от сынов Давидовых Аттус, 3 от сынов Саханиинных, от сынов Форосовых Захариа, и с ним мужей сто пятьдесят, 4 от сынов Фааф-Моава Елиана сын Сараиев, и с ним двести мужей, 5 и от сынов Зафоисовых Ехениа сын Азиилев, и с ним триста мужей, 6 и от сынов Адиных Овин сын Ионафанов, и с ним пятьдесят мужей, 7 и от сынов Едамлих Исаиа сын Афелиин, и с ним семьдесят мужей, 8 и от сынов Сафатиевых Завдиа сын Михаилот, и с ним осмьдесят мужей, 9 и от сынов Иоавлих Авдиа сын Иеиилев и с ним двести осмьнадесят мужей, 10 и от сынов Вааниевых Селимиф сын Иосефиев, и с ним сто шестьдесят мужей, 11 и от сынов Вавиевых Захариа сын Вавиев, и с ним двадцать осмь мужей, 12 и от сынов Азгадовых Ионан сын Икатанов, и с ним сто десять мужей, 13 и от сынов Адоникамлих последнии, и сия имена их: Едифалаф, Иеиил и Самаиа, и с ним шестьдесят мужей, 14 и от сынов Вагуаевых Уфай и Забуд, и с ними семьдесят мужей. 15 Собрах же их к рече текущей ко Евии, и пребыхом ту три дни: исках же в людех и во священницех, и от сынов Левиинных не обретох тамо. 16 И послах ко Елеазару, Ариилу, Семеию и к Маонану, и Иериву и Елнафаму, и Нафану и Захарии и Месолламу, и ко Иоариму и Елнафану, премудрых, 17 и изведох их ко Адаю начальнику на месте Касфия и вложих во уста их словеса глаголати ко Адаю и братии его афинимом на месте Касфии, привести нам поющих в дом Бога нашего. 18 И приидоша к нам, понеже рука Бога нашего бе блага на нас, муж сахон от сынов Моолиевых сына Левиина, сына Израилева, и Саравиа, и сынове его и братия его осмьнадесят: 19 и Асевиа, и Исаиа от сынов Мераринных и братия его и сынове его двадцать: 20 и от нафинимов, ихже даде Давид и князие ко службе левитом, нафинимов двести двадцать, вси собращася по именем. 21 И проповедах тамо пост близ реки Ауи, еже смириться пред Господем Богом нашим, просити от Него пути праваго нам и чадом нашим и всему стяжанию нашему: 22 устыдехся бо испросити от царя силы и конник заштити нас от врага на пути, понеже рехом царю глаголюще: рука Бога нашего есть на всех ищущих Его во благое и крепость Его, ярость же Его на всех оставляющих Его. 23 Постихомся же и молихомся Богу нашему о сем, и услыша нас. 24 И отлучих от князей священнических дванадцать, Сарайю, Асавию и с ними от братии их десять: 25 возвеснх же им серебро и злато и сосуды начатков дому Бога нашего, яже вознесе царь и советницы его и князие его, и весь Израиль обретайся, 26 и дах весом в руки их серебра талантов шесть сот пятьдесят, и сосудов серебряных сто, и

злата сто талант, 27 и чаш златых двадесять, драхм тысящу, и сосуды меди светлыя добрыя различныя, драгоценныя яко злато, 28 и рекох им: вы святи Господу Богу, и сосуди святи и серебро и злато, еже волею вдано есть Господу Богу отец наших: 29 бдите и стрегите, дондеже весом отдадите пред князи священников и левитов и пред князи отечеств Израилевых во Иерусалиме, во скинних дому Господня. 30 И приаша священницы и левити вес серебра и злата и сосудов, да вознесут во Иерусалим в дом Бога нашего. 31 И воздвигохомся от реки Ави во вторынадесять день месяца перваго, да идем во Иерусалим: и рука Бога нашего бе на нас и избави нас от рук вражиих и ратников на пути, 32 и приидохом во Иерусалим и пребыхом ту три дни. 33 И бысть в день четвертый, отдахом весом серебро и злато и сосуды в дому Бога нашего под руку Маримифа сына Урии священника, и с ним Елеазар сын Финесов, и с ними Иозавад сын Иисусов и Ноадия сын Ванаиев левити, 34 по числу и весу вся: и написан бысть весь вес. 35 Во время то, иже приидоша от пленения сынове преселения, принесоша всесожжения Богу Израилеву, телцев дванадесять за всего Израиля, овнов девятыдесят шесть, агнцев седмьдесят седмь, козлов за грехи дванадесять, вся во всесожжение Господу. 36 И даша повеление цареву правителем царским и князем, иже за рекою: и прославиша людей и дом Божий.

9 И егда совершена быша сия, приступиша ко мне князие, глаголюще: не отлучишася людие Израилевы и священницы и левити от людей земных, (но) в мерзостех их (суть), иже суть Хананее, Еффеи, Ферезее, Иевусее, Аммонитяне, Моавитяне и Мосеритяне и Аморреане, 2 понеже пояша от дочерей их себе и сыном своим, и смесися семя святое с людьми земными, и рука князей и воевод в преступлении сем в начале. 3 И егда услыша словеса сия, раздрах ризы моя, и вострепетах, и терзах власы главы моя и браны моя, и седох тужа. 4 И собращася ко мне вси боящися слова Бога Израилева за преступление пришедших от пленения, и аз седях прискорбен даже до жертвы вечерния. 5 И в жертву вечернюю востях от сетования моего, и внемгда раздрах ризы моя, и трепетах, и преклоних колена моя, и прострох руце мои ко Господу Богу моему 6 и рекох: Господи Боже мой, стыждуся и срамляюся воздвигнути лице мое к Тебе, яко беззакония наша умножишася паче глав наших, и прегрешения наша возрастоша даже до небесе: 7 от дний отец наших в преступлении велицем есмы даже до дне сего, и в беззакониих наших предани есмы мы и царие наши и священницы наши и сынове наши в руку царей языческих, в мечь и в пленение, и в расхищение и в стыдение лица нашего, якоже в день сей: 8 и ныне умилостивися над нами Бог наш, еже оставити ны во спасение и дати нам твердость на месте святыни Его, еже просветити очеса наша и дати оживление малое в работе нашей: 9 яко раби есмы, и в работе нашей не остави нас Господь Бог наш: и преклони на нас милосердие пред цари Персскими, дати нам живот, еже воздвигнути им дом Богу нашему и возставити запустевшая его, и дати нам ограждение во Иудеи и Иерусалиме: 10 и ныне что

речем, Боже наш, по сем? Яко оставихом повеления Твоя, 11 яже дал еси нам рукою раб Твоих пророков, глаголя: земля, на нуже вы входите наследити ю, земля нечиста есть, по нечистоте людей языческих, в мерзостех их, имиже наполниша ю от уст даже до уст во сквернениих своих, 12 и ныне дочерей ваших не дадите сыном их и дочерей их не приемлите сыновом вашим, и не ищите мира их и блага их даже до века, яко да укрепитеся и снесите благая земли, и наследие дадите сыновом вашим даже до века: 13 и по всех, яже приидоша на нас в делех наших злых и гресе нашем велицем, понеже несть якоже Бог наш, иже избавил еси нас от беззаконий наших и дал еси нам спасение: 14 зане обратихомся разорити заповеди Твоя и смеситися с людьми земными: не прогневайся на нас даже до скончания, еже не быти останку и спасаемому: 15 Господи Боже Израилев, праведен еси Ты, яко остахомся спасени, якоже день сей: се, мы пред Тобою есмы вси в беззакониих наших, понеже не возможно стати пред Тобою сего ради.

10 И егда моляшеся Ездра и егда исповедашеся плачущь и моляся пред домом Божиим, собращася к нему от Израиля собрание велие зело, мужие и жены и отроцы яко плакахуся людие и вознесоша плачь. 2 И отвеща Сехения сын Иеилев от сынов Иламлих и рече Ездре: мы преступихом пред Богом нашим и пояхом жены чуждия от людей земли, и ныне есть упование Израилю о сем: 3 и ныне завещаем завет Богу нашему, да отвержем вся жены и рожденных от них, якоже хочет: востани и устраши их заповедьми Бога нашего, и по закону да будет: 4 востани, понеже на тебе есть глагол, и мы с тобою: укрепися и сотвори. 5 И воста Ездра, и заклея князи, священники и левиты и всего Израиля, да сотворят по словеси сему. И кляшася. 6 И воста Ездра от лица дому Божия и иде в кровещный дом Ионана сына Елисувова и седе тамо: хлеба не яде и воды не пи, плакаше бо о преступлении пришедших от пленения. 7 И послано бысть слово во Иудею и во Иерусалим всем сыновом преселения, да соберутся во Иерусалим: 8 всяк, иже аще не придет в три дни, по совету князей и старейшин, возмется все имение его, и той отлучен будет от сонмища преселения. 9 И собращася вси мужие Иудины и Вениамины во Иерусалим тремя денми: сей есть месяц девятый: в двадесятый день месяца седоша вси людие пред домом Божиим трепещуще о словеси и от зимы. 10 И воста Ездра священник и рече к ним: вы преступисте и взясте жены иноплеменически, еже приложити ко греху Израилеву: 11 и ныне дадите хвалу Господу Богу отец наших, и сотворите угодное пред Ним, и отлучитесь от людей земли и от жен иноплеменических. 12 И отвещаша все множество гласом великим и реща: по словеси твоему к нам сотворим: 13 обаче людие мнози суть, и время зимнее, и несть мощно стояти вне: и дело несть дне единого или двух, зело бо много согрешихом во словеси сем: 14 да поставятся князие наши во всем множестве и во всех градах наших, иже пояша жены иноплеменичи, да придут во времена повеленная, и с ними старейшины от всякого града и судии, еже отвратити гнев ярости Бога нашего от нас словесе ради сего. 15 Обаче

Ионафан сын Асаилев и Иасса сын Фекуев со мною о сем, и Месоллам и Савафай левитин помагаяй им. **16** И сотвориша тако сынове преселения: и разыдошася Ездра священник и мужие князие отечеств в дома, и вси по именем, яко обратишася в день первый месяца десятаго, да възыщут глагола: **17** и совершиша во всех мужех, иже пояша жены иноплеменничи, даже до дне перваго месяца перваго. **18** И обретени суть от сынов священнических иже введоша жены иноплеменничи, от сынов Иисуса сына Иоседекова и братия его Маасиа и Елиезер, и Иарим и Гадалиа: **19** и даша руки своя изгонити жены своя, и согрешившии принесоша от овец о преступлении своем овна: **20** и от сынов Еммировых Ананий и Завдиа: **21** и от сынов Ирамлих Маасиа и Еллия, и Самиа и Иеиил и Озиа: **22** и от сынов Фассуровых Елиоинай, Маасиа и Исмаил, и Нафанаель и Иозавад и Иласа: **23** и от левитов Иозавад и Фамуй и Колиа, тойже и Колит, и Фефеиа, и Иуда и Елиезер: **24** и от певцев Елисава: и от дверник Солмин и Телмин и Одуа: **25** и от Израиля, от сынов Форосовых Рамиа и Азиа, и Мелхиа и Мелмин, и Елиазар и Асавиа и Ванеа: **26** и от сынов Иламовых Матфаниа и Захариа, и Иаиил и Авдий, и Иеримоф и Илия: **27** и от сынов Зафуевых Елионай, Елисув, Мафанай и Армоф, и Завад и Озиза: **28** и от сынов Вавеиных Ионан, Ананиа и Завуй и Фали: **29** и от сынов Вануевых Мосоллам, Маллух, Адаиа, Иасув и Саал и Римоф: **30** и от сынов Фааф-Моавлих Еднеа и Халил и Ванаиа, Маасиа, Матфаниа, Веселеил и Вануй и Манассии: **31** и от сынов Ирамовых Елиезер, Иесиа, Мелхиа, Самаиа, Семеон, **32** Вениамин, Малух, Самариа: **33** и от сынов Асимовых Метфанаиа, Мафафа, Завад, Елифалет, Иерами Манассий, Семей: **34** и от сынов Ванииных Моодиа, Амрам и Уил, **35** Ванаиа, Вадаиа, Хелиа, **36** Уаниа, Маримоф и Елиасив, **37** Матфаниа Мафанай. **38** И сотвориша сынове Вануиевы и сынове Семенеины, **39** и Салемиа и Нафан и Адаиа, **40** Махнада, Авусесеи, **41** Аруесриил и Самариа, **42** Селлум, Амариа, Иосиф: **43** от сынов Навуиных Иеиил, Мафафия, Завад, Зевенай, Иадай и Иоиль и Ванеа. **44** Все тии пояша жены иноплеменнически, и родиша от них сыны.

Книга Неемии

1 Слова Неемии сына Ахалиина. И бысть в месяце Хаселев, двадцатаго лета, и аз бех в Сусан-Авири. **2** И прииде (ко мне) Аниан един от братий моих с мужи Иудовы, и впопросих их о спасшихся, иже оставшихся от пленения, и о Иерусалиме. **3** И рекоша ми: оставшихся от пленения тамо во стране, во озлоблении велице и в поношении, и стены Иерусалимския разорены, и врата его сожжена огнем. **4** И бысть егда услышах словеса сия, седох и плаках и рыдах дни (много), и бех постяся и моляся пред лицом Бога небеснаго, **5** и рекох: молю Тя, Господи Боже небесный, крепкий, великий и страшный, храняй завет и милосердие любящим Тя и хранящим заповеди Твоя: **6** да будут уши Твои внимлюще и очи Твои отверсте, еже слышати молитву раба Твоего, еуже аз молюся пред Тобою днесь, день и ночь, о сынех Израилевых рабех Твоих: и исповедаюся о гресех сынов Израилевых, имже согрешихом пред Тобою, и аз и дом отца моего согрешихом: **7** преступлением преступихом Тебе и не сохранихом заповедий (твоих) и повелений и судеб, яже повелел еси Моисею рабу Твоему: **8** помяни убо слово, еже заповедал еси Моисею рабу Твоему глаголя: аще преступите вы, аз расточу вы в люди, **9** и аще обратитесь ко Мне и сохраните заповеди Моя и сотворите я, аще будет разсеяние ваше до конца небесе, отуду соберу вы и введу вы в место, еже избрах вселитися имени Моему тамо: **10** и тии раби Твои и людие Твои, иже искупил еси силою Твоею великою и рукою Твоею крепкою: **11** молю, Господи, да будет ухо Твое внимлющее на молитву раба Твоего и на молитву рабов Твоих хотящих боятися имени Твоего: и благопоспешит убо рабу Твоему днесь, и даждь его в щедроты пред мужем сим. И аз бых виночерпчий царев.

2 И бысть в месяце Нисане лета двадцатаго Артаксеркса царя, и вино бе предо мною: и взях вино и дах царю, и не бе ин пред ним. **2** И рече ми царь: чесо ради лице твое прискорбно есть, а неси болезнуй? И несть сие, разве скорбь сердца. И убоюхся зело **3** и рекох царю: царю, во веки живи: како не быти прискорбну лицу моему, понеже град, дом гробов отец моих опусте, и врата его сожжена суть огнем. **4** И рече ми царь: почто о сем ты вопрошаеши? И помолчихя Господу Богу небесному **5** и рекох ко царю: аще царю видится благо, и аще угоден будет раб твой пред тобою, да послеши мене во Иудею, во град гробов отец моих, и возсозижду его. **6** Рече же ми царь, и наложница седяше близ его: до коего времени будет путь твой, и когда возвратишия? И угодно бысть пред лицом царевым, и посла мя, и положих ему время. **7** И рекох царю: аще царю видится благо, даждь мне послание ко воеводам стран за рекою, да прведут мене, дондеже прииду во Иудею, **8** и послание ко Асафу стражу дубравы царевы, да даст ми древа покрыти врата столпа дому, и на стены градныхя, и на дом, в онже вниду. И даде ми царь, якоже рука Божия благая (бе) со мною. **9** И приидох ко воеводам стран за рекою и дах им послание царево: посла же царь со мною начальники силы и

конницы. **10** И услыша Санаваллат Аронитин и Товиа раб Аммонитин, и зло има бысть, яко прииде человек възискати блага сыновом Израилевым. **11** И приидох во Иерусалим и бых ту три дни. **12** И востах нощю аз и мужие не мнози со мною, и ни комуже возвестих, что Бог дает в сердце мое сотворити со Израилем, и скота не бе со мною, токмо скот, на немже аз седях. **13** И внидох во врата Юдоли нощю, ко устию источника Смоковничнаго и ко вратом Гнойным, и бых размышляя о стене Иерусалимстей разореней и о вратах его пояденых огнем. **14** И приидох ко вратом Источника и ко купели цареве, и не бысть места скоту, на немже седях, да пройдет. **15** И въздох на стену потока нощю, и размышлях о стене, и бех во вратех Юдоли, и возвратихся. **16** Стрегущии же не ведяху, камо ходих и что аз творю, и Иудеом и священником, и честным и воеводам и прочым творящим дела даже до тогда не сказах. **17** И рекох им: вы видите озлобление сие, в немже есмы, како Иерусалим опустошен, и врата его предана огню: приидите, и созиждем стены Иерусалима, и не будем ктому в поношение. **18** И сказах им руку Божию, яже есть блага со мною, и словеса царева, яже глагола мне, и рекох: востанем и созиждем. И укрепишася руцы их во благое. **19** И услыша Санаваллат Аронитин и Товиа раб Аммонитин и Гисам Аравитин, и посмеяшася нам, и приидоша к нам, и уничижиша, и рекоша: что дело сие, еже вы творите? Еда вы противу царя отменяетесь? **20** И въздах им слово и рекох к ним: Бог Небесе, Той благопоспешит нам, и мы раби Его чистии, (востанем) и созиждем: вам же несть части и правды и памяти во Иерусалиме.

3 И воста Елиасув священник великий и братия его священницы, и создаша врата Овчяя: сии освятиша их и поставиша двери их и даже до столпа Ста Лакот освятиша их, даже до столпа Анамеила. **2** И близ его созидаша мужие Иерихонстии, и близ их созида Заххур сын Аманиин. **3** Врата же Рыбная созидаша сынове Асанавей: сии покрыша их и поставиша двери их и заворы их и вереи их. **4** И близ их созидаше из Рамофы сын Уриин, сына Аккосова: и близ его созидаше Мосоллам сын Варахиин, сына Мазевилы: и близ их созидаше Садок сын Ваанаев: **5** и близ их созидаша Фекоиими, сильнии же их не положиша выи своая в дело Господа Бога своего. **6** И врата старая созидаше Иоида сын Фасеков и Месуллам сын Васодиев: тии покрыста их и поставиша двери их и заворы и вереи их. **7** И близ их созидаша Малтия Гаваонитин и Еварон Миронофит, мужие от Гаваона и Масфы, даже до престола князя (иже бысть) об он пол реки. **8** И близ его созида Озиил сын Арахиев златарь: и близ его созида Аниан сын Рокеима, и возставиша Иерусалим даже до стены широкия. **9** И близ их созидаше Рафаиа сын Сурин, началник половины окрестныхя страны Иерусалимли. **10** И близ их созидаше Иедея сын Еромафов, и противу дому его: и близ его созида Аттуф сын Асаваниин. **11** И вторую часть созидаше Мелхиа сын Ирамов и Асуб сын Фааф-Моавль, и даже до столпа Пещнаго. **12** И близ его созидаше Саллум сын Аллоисов, началник половины страны окрестныхя Иерусалимли, той и дщери его. **13** Врата

Юдоли созидаша Анун и обитающи в Заноне: тии создаша их и поставиша двери их и заворы их и вереи их, и тысяща лакот в стене даже до врат Гнойных. 14 И врата Гнойная созидаше Мелхиа сын Рихавль, начальник окрестныя страны Вифаграмския, той и сынове его, и покрыша их и поставиша двери их и заворы их и вереи их. 15 И врата Источника созидаше Соломон сын Халезеов, начальник страны Масфы: той созда их и покры их, и постави двери их и заворы их и вереи их, и стену купели Силоамли ко вертограду цареву и даже до степеней низходящих от града Давидова. 16 По немже созидаше Неемиа сын Завухов, начальник половины страны Вифсуровы, даже до вертограда гроба Давидова и даже до купели устроеныя и даже до дому сильных. 17 По нем созидаша левити, Раум сын Ванаимль: по нем созидаше Асавиа, начальник половины страны Кеилы на стране своей, 18 и по нем созидаша братья их, Веней сын Инададов, начальник половины окрестныя страны Кеилы. 19 И созидаше близ его Азур сын Исусов, начальник Масфы, меру вторую столпа восхода касающагося углу. 20 И по нем созидаше Варух, сын Завуев, меру вторую от угла даже до врат дому Елиасува священника великаго. 21 По нем созидаше Мерамоф сын Урии, сына Аккосова, меру вторую от врат дому Елиасуова даже до конца дому Елиасуова. 22 И по нем созидаша священницы, мужие от поля (иорданска). 23 И по нем созидаста Вениамин и Асув противу домов своих: и по нем созидаше Азариа сын Маасиев, сына Ананиина, близ дому своего. 24 По нем созидаше Ваней сын Ададов меру вторую от дому Азарии даже до угла и даже до уклонения. 25 Фалах сын Узаин противу угла и столпа возвышеннаго из дому царева высоко, иже во дворе темничнем: и по нем Фадаиа сын Форосов. 26 И нафиними обиташа во Офале, даже до вертограда врат Водных ко востоком и даже до столпа, иже бе возвышен. 27 И по них созидаша Фекоими меру вторую от страны столпа великаго и высокаго даже до стены Офлы. 28 Вышше врат Конских созидаша священницы, един кийждо противу дому своего. 29 И по нем созидаше Саддук сын Еммирь противу дому своего: и по нем созидаше Самаиа сын Сехениев, страж врат восточных. 30 По нем созидаше Аниана сын Селемиев и Аном сын Селефов шестый меру вторую: по нем созидаше Месуллам сын Варахивев противу сокровищницы своея. 31 По нем созидаше Мелхиа сын Сарефиев даже до дому нафинимля и щиты продающих, противу врат Судных, и даже до горницы угла. 32 И посреде врат Овчих созидаша ковачи и щитопродавцы.

4 И бысть егда услыша Санаваллат, яко мы созидаем стены, и зло ему вменися, и разгнеवासя зело, и посмеяшеся Иудеом, 2 и рече пред братиею своею, иже бяху сила Соморов, и рече: что Иудее сии созидают свой град? Еда жрети будут? Или возмогут? Или днесь изцелят камень, повнегда быти им в прах земли сожженным? 3 И Товиа Амманитянин близ его прииде и рече им: еда пожрут, или ясти имут на месте своем? Не въздет ли лисица и разорит стену камней их? 4 И рече Неемиа: услыши, Боже наш, яко сотворени есмы в посмеяние, 5 и обрати поношение их на

главу их, и даждь их в посмеяние в землю пленения, 6 и не покрый беззакония их. 7 Бысть же егда услыша Санаваллат и Товиа, и Аравляне и Амманите, яко възде отрасль стен Иерусалимских, зане начаша разселины заграждати, и зло им явися зело. 8 И собрашася вси вкупе, да приидут и ополчатся на Иерусалим и разорят его. 9 И молихомся ко Богу нашему и поставихом стражи на стене противу их день и ночь от лица их. 10 Рече же Иуда: истомлена есть сила (от) враг, и земля многа есть, и мы не можем созидати стены. 11 И рекоша оскорбляющи нас: не познают и не увидят, дондеже приидем посреде их и убием их, и престати сотворим делу. 12 И бысть егда приидоша Иудее, иже обиташу близ их, и реша нам: восходят от всех язык на ны. 13 И поставих в нижайших местех созади стен в закровении, и поставих люди по племени с мечи их и с сулицами их и с луками. 14 И видех, и востах, и рекох ко честным и к воеводам и ко прочым людем: не убойтеся от лица их, помяните Господа Бога нашего великаго и страшнаго, и ополчитесь за братию вашу, за сыны ваша и дщери ваша, жены ваша и дома ваша. 15 Бысть же егда услышаша врази наши, яко ведомо бысть нам, и разори Бог совет их: и возвратихомся вси мы на стены, кийждо ко делу своему. 16 И бысть от дне того, пол вчиненых делаху дело, и половина их уготована бысть ко брани с сулицами и щитами, и луки и бронями, и началницы созади всего дому Иудина. 17 Созидающи стену и носящи бремена со оружием: единою рукою своею творяху дело, а другою держяху мечь. 18 Созидающим же единому коемуждо мечь бысть опоясан при бедре его, и созидаху, и трубяху трубами близ их. 19 И рекох ко честным и ко старейшинам и ко прочым людем: дело велико есть и пространно, и мы разлучени есмы на стене далече кийждо от брата своего: 20 на месте идеже услышите глас трубный, тамо тецьте к нам, и Бог наш ополчится о нас. 21 И мы быхом творяще дело, и пол нас держяху сулицы от восхода зари утрення даже до восхода звезд. 22 Во время же то рекох людем: кийждо со отроком своим да пребывает в среде Иерусалима: и будет вам ночь на стражу, а день на делание. 23 Аз же и братья мои и отроцы и мужие стражи, иже бяху созади мене, не снимахом одеяний наших тамо ни один от нас.

5 И бысть вопль людей и жен их велик на братию свою Иудеи. 2 И быша нецыи глаголюще: сынове наши и дщери наша мнози суть нам, и да возмем (за цену) пшеницу и ядим и живи будем. 3 И быша нецыи глаголюще: села наша и винограды наша и дома наша мы да дадим в залог, и возмем пшеницу, и ясти будем. 4 И быша нецыи глаголюще: взаим взяхом серебро на дани царевы, дадим села наша и винограды наша и дома наша: 5 и ныне якоже плоть братий наших, плоть наша, якоже сынове их, сынове наши: и се, мы порабощаем сыны наша и дщери наша в рабы, и суть от дщерей наших порабощены, и несть силы в руках наших (откупити) и села наша и винограды наша у вельмож. 6 И оскорбех зело, егда услышаш вопль их и словеса сия. 7 И усуетова сердце мое во мне, и воспретих державным и началным и рекох им: лихвы ли кийждо от брата своего

истяжет, юже вы истязуете? И собрах противу им собрание велико 8 и рекох им: мы искупихом братию нашу Иудею, проданных языком, по силе нашей: вы же продасте братию вашу, и отдадутся нам? И умолчаша, и не обретоша что отвещати. 9 И рекох: не добро дело, еже вы творите: тако не во страхе Бога нашего (ходяще) убежите ли от поношения языков врагов наших? 10 И аз и братия моя и знаемии мои взаим дахом им пенязи и пшеницу: оставим убо лихоимство сие: 11 возвратите же им днесь села их и винограды их и маслины их и домы их, и от сребра пшеницу и вино и елей отдадите им. 12 И рекоша: отдадим и от них не возьмем, тако сотворим, якоже ты глаголеши. И призвах священников и заклых их сотворити по словеси сему. 13 И отрясох одеждо мою и рекох: тако да истрясет Бог всякаго мужа, иже не исполнит слова сего, от дому его и от трудов его, и да будет тако отрясен и тощ. И рече все множество: аминь. И восхвалиша Бога. И сотвориша людие по глаголу сему. 14 От дне того, в онже повеле (царь) мне быти вождем их в земли Иудине, от лета двадесятого и даже до лета тридесять втораго Артаксеркса царя, лет дванадесять, аз и братия моя оброку их не ядохом. 15 И оброков первых, имиже прежде мене отягчаша их, и прияха от них в хлебе и в вине, по сих сребра (на всяк день) дидрахм четыредесять: и служебницы их обладаша людьми. Аз же не сотворих тако ради страха Божия. 16 И в деле стены сия созидах: и села не стяжах, и вси отроцы мои собрани бяху тамо на дело. 17 Иудей же и начальников сто пятьдесят мужей, и приходящих к нам от язык, иже окрест нас, при трапезе Моей. 18 И бе уготовано мне на всяк день: телец един и овец шесть избранных и козел быша мне (и птицы), и между десяти дний всем вина много: и с сими хлеба господству моему не взысках, зане тяжка работа на людех сих. 19 Помяни мя, Боже мой, во благо по всем, елика сотворих людям сим.

6 Бысть же егда услыша Санаваллат и Товия и Гисам Аравийский и прочии врази наши, яко создах стену, и не остана в них скважня: и аз даже до времени онаго дверий не поставих во вратех: 2 и посла Санаваллат и Гисам ко мне, глаголюща: прииди, и соберемс вкупе в весех на поли Оно (глаголемем). Тии же помышляста мне сотворити злое. 3 И послах к нима послов, глаголя: дело велико аз творю и не могу снити, да не престанет дело: егда же совершу е, възду к вама. 4 И посласта ко мне, якоже глагол сей, четырижды, и послах к нима по сим. 5 И присла ко мне Санаваллат пятое отрока своего, и послание отверсто в руку его, и бе написано в нем: 6 во языкех услышано есть, и Гисам рече, яко ты и Иудее мыслите отступити, сего ради ты созидаеши стену, и ты да будеши им в царя: 7 и к сим пророки поставил еси себе, да будеши во Иерусалиме царем над Иудею: и ныне возвестяся царю словеса сия: и сего ради ныне прииди, да сотворима совет вкупе. 8 И послах к нему, глаголя: не сотворися по словесем сим, якоже ты глаголеши, зане от сердца твоего ты лжеши в сих: 9 яко вси страшат нас, глаголюще: ослабеют руцы их от дела сего, и не сотворится: и ныне укрепих руки моя. 10 И аз внидох

в дом Семеа сына Далаиева, сына Метавеилева, и той заключен, и рече: да соберемс в дом Божий посреде его и заключим двери его, яко приходят нощю, да убиют тя. 11 И рекох: кто есть муж, яков аз, и убежит? Или кто яко аз, иже внидет в дом, и жив будет? Не вниду. 12 И уразумех, и се, Бог не посла его: яко пророчествова слово на мя. 13 И Товия и Санаваллат наяста на мя народ, да устрашуся, и сотворю тако, и согрешу, и да буду им во имя зло, яко да поносят ми. 14 Помяни, Боже, Товию и Санаваллата по делом их сим, и Ноадия пророка и прочих пророк, иже страшашу мя. 15 И совершися стена в двадесять пятый месяца Елула в пятьдесят и два дни. 16 И бысть егда услышаша вси врази наши, и убояшася вси языцы, иже окрест нас, и нападе страх велик пред очи их, и познаша, яко от Господа Бога нашего совершенно бысть дело сие. 17 И во дни оны от многих державных Иудиных послания приходядох к Товии, и Товиина (послания) приходядох к ним. 18 Мнози бо во Иудеи кляшася ему, яко зять бе Сехении сына Ираева: и Ионафан сын его поя дщерь Месулама сына Варахиина в жену. 19 И словеса его быша глаголющии ко мне, и словеса моя быша износящии ему. И послание посла Товия, да устрашит мене.

7 И бысть егда создася стена, и поставих двери, и сочтох придверники и певцы и левиты: 2 и повелех Аналии брату моему и Аналии начальнику дому, иже во Иерусалиме: той бо бе яко муж истинен и бояйся Бога паче прочих: 3 и рекох има: да не отверзутся врата Иерусалимская, дондеже въздет солнце: и еще им бдящым, да заключатся врата и засунута да будут засовами: и постави стражи от обитающих во Иерусалиме, кийждо во стражи своей и кийждо противу дому своего. 4 Град же бысть широк и велик, и людий мало в нем, и не бяху домы создани. 5 И даде Бог в сердце мое, и собрах честных и князей и народ в собрание: и обретох книгу сочисления тех, иже въздоша первее, и обретох написано в ней: 6 и тии сынове страны възшедшии от пленения преселения, иже пресели Навуходоносор царь Вавилонский, и возвратишася во Иерусалим и Иудею, кийждо муж во град свой, 7 с Зоровавелем и Иисусом и Неемию, Азариа и Веелма, Наеман, Мардохей, Ваасан, Маасфараф, Ездра, Вогуиа, Инауи, Ваана, Масфар, мужие людий Израилевых: 8 сынове Форосовы две тысяцы сто седмьдесят два, 9 сынове Сафатиевы триста седмьдесят два, 10 сынове Ираевы шесть сот пятьдесят два, 11 сынове Фааф-Моавли сынов Иисусовых и Иоавлих две тысяцы шесть сот и осмьнадесять, 12 сынове Еламовы тысяща двести пятьдесят четьри, 13 сынове Соффуевы осмь сот четьредесять пять, 14 сынове Заханевы седмь сот шестьдесят, 15 сынове Вануиевы шесть сот четьредесять осмь, 16 сынове Вереиевы шесть сот двадесять осмь, 17 сынове Гетадовы две тысяцы триста двадесять два, 18 сынове Адоникамли шесть сот шестьдесят седмь, 19 сынове Вагуиевы две тысяцы шестьдесят седмь, 20 сынове Идини шесть сот пятьдесят четьри, 21 сынове Атировы и сынове Езекиевы девятьдесят осмь, 22 сынове Исамиевы триста двадесять осмь, 23 сынове Васеиевы триста двадесять четьри, 24 сынове Арифовы сто дванадесять, сынове Асеновы двести

двадцать три, 25 сынове Гаваони девятедесят пять, 26 сынове Вефалеимли сто двадцать три, сынове Атофовы пятьдесят шесть, 27 сынове Анафовы сто двадцать осмь, 28 сынове Азамофовы, мужие Вифовы, четыредесять два, 29 мужие Кариафиаримли, Кафировы и Вирофовы седмь сот четыредесять три, 30 мужие Арама и Гаваа шесть сот двадцать един, 31 мужие Махимасовы сто двадцать два, 32 мужие Вефили и Аиевы сто двадцать три, мужие анавиа другаго сто пятьдесят два, 33 сынове Мегевосовы сто пятьдесят шесть, 34 мужие Иламаевы тысяща двести пятьдесят два, 35 сынове Ирамли триста двадцать, 36 сынове Иериховы триста четыредесять пять, 37 сынове Лодовы, Адидовы и Оновы седмь сот двадцать един, 38 сынове Ананины три тысящи девять сот тридесять: 39 священницы, сынове Иодаевы в дому Иисусове девять сот седмьдесят три, 40 сынове Еммировы тысяща пятьдесят два, 41 сынове Фассеуровы тысяща двести четыредесять седмь, 42 сынове Ирамовы тысяща седмьнадесять: 43 левити, сынове Иисуса Кадмиильскаго от сынов Удуилих седмьдесят четыри: 44 певцы, сынове Асафовы сто двадцать осмь: 45 дверницы сынове Селлумли, 46 сынове Атировы, сынове Телмони, сынове Аккувовы, сынове Атитовы, сынове Савиины сто тридесять осмь: 47 нафиними, сынове Илаевы, сынове Асефовы, сынове Заваофовы, 48 сынове Кирасовы, сынове Сисаины, сынове Фадони, сынове Лавани, сынове Агавовы, сынове Акувовы, 49 сынове Утаевы, сынове Китаровы, сынове Гавовы, сынове Селмеини, сынове Анановы, 50 сынове Садеини, сынове Гааровы, сынове Рааины, 51 сынове Раасони, сынове Некододы, 52 сынове Гизамли, сынове Озины, сынове Фессовы, 53 сынове Висиины, сынове Меиноновы, сынове Нефосаины, 54 сынове Ваквуковы, сынове Ахифовы, сынове Арурины, 55 сынове Васалофовы, сынове Мидаевы, сынове Адасани, 56 сынове Варкуевы, сынове Сисарафовы, сынове Фимаевы, 57 сынове Нисиины, сынове Атифовы: сынове рабов Соломоновых, 58 сынове Сутеины, сынове Сафаратовы, сынове Феридины, 59 сынове Лелилины, сынове Доркони, сынове Гадаили, сынове Фарахасовы, 60 сынове Саванины, сынове Иммини: 61 вси Нафиними и сынове слуг Соломоновых триста девятедесят два. 62 И сии възыдоша от Фелмефа, Феласар, Харув, Ирон, Иемир, и не могоша сказати домов отечеств своих и семени своего, от Израиля ли быша: 63 сынове Далеаевы, сынове Вуаевы, сынове Товиины, сынове Некодаевы, шесть сот четыредесять два: 64 и от священник сынове Авиевы, сынове Аккосовы, сынове Верзеллаины, яко пояша от дочерей Верзеллаа Галаадитина жены и прозвашася по имени их. 65 Сии искаша писания своего родословия, и не обретоша, и извержени суть от священства. 66 Рече же Аферсафа им, да не ядят от святая святых, дондеже востанет священник изьявляяй. 67 И бысть весь собор единодушно аки четыредесять две тысящи триста шестьдесят, 68 кроме рабов их и рабынь их, ихже бяху седмь тысящ триста тридесять седмь: и певцы и певницы двести тридесять шесть. 69 Кони (их) седмь сот тридесять шесть, мски их двести четыредесять пять, велблюды их

четыре ста тридесять пять, ослы их шесть тысящ седмь сот двадцать. 70 И от части начальников отечеств даша в дело Аферсафе, даша в сокровище златых тысящу, фиал пятьдесят и риз жреческих тридесять. 71 И от начальников отечеств даша в сокровище дела злата драхм двадцать тысящ и сребра мнас две тысящи и триста. 72 И даша прочии людие злата драхм двадцать тысящ и сребра мнас две тысящи и двести, и риз священнических шестдесят седмь. 73 И седоша священницы и левити и дверницы и певцы и прочий народ и нафиними и весь Израиль во градех своих.

8 И прииде месяц седмый, сынове же Израилевы бяху во градех своих: и собрашася вси людие яко муж един на пространство, еже пред враты Водными, и рекоша Ездре писарю, да принесет книгу закона Моисеова, егоже заповеда Господь Израилю. 2 И принесе Ездра священник закон пред множеством от мужей даже до жен, и всем, иже можаху разумети слышаше, в день первый месяца седмаго, 3 и чте в нем (явно на пространстве, еже пред враты Водными), от утра даже до полудне, пред мужи и женами, и сии бяху разумюще, и уши всех людий ко книзе закона. 4 И ста Ездра писец на степени древянем, егоже сотвориша к народовещанию, и стаха близ его Матфафия и Самеа, и Анания и Уриа, и Хелкия и Маасиа одесную его, ошуюю же Фадаиа и Мисаил, и Мелхиа и Осам, и Асавадма и Захариа и Месоллам. 5 И разгну Ездра книгу пред всеми людями, яко той же над людьми, и бысть егда разгибаше ю, стаха вси людие. 6 И благослови Ездра Господа Бога великаго, и отвещаша вси людие и реша аминь, въздвигше руце свои, и преклонишася и поклонишася Господеви лицом на землю. 7 Иисус же и Ванаиа и Саравиа, Акан, Саватей, Камптас, Азариа, Иозавадан, Анифанес и левити бяху вразумляюще людий в законе: людие же стояху на стоянии своем. 8 И чтоша в книзе закона Божия, и поучаше Ездра и изьяснеше ко разумению Господню, и разумеша людие чтение. 9 Рече же Неемиа и Ездра священник и писец, и левити и толкующии людием, и реша всем людием: день свят есть Господу Богу нашему, не рыдайте и не плачите. Понеже плакаша вси людие, егда услышаша словеса закона. 10 И рече им: идите и ядите тучная и пейте сладкая, и послите части не имущим, яко свят есть день Господеви нашему, и не печалитесь, ибо радость Господня сия есть сила наша. 11 Левити же молчание творяху во всех людех, глаголюще: молчите, яко день свят есть, и не тужите. 12 И отидоша вси людие ясти и пити, и послати части, и сотворити веселие велико, яко разумеша словеса, и мже научиша их. 13 И в день вторый собрашася князие отечеств со всеми людьми, священницы и левити ко Ездре писцу, да протолкует всем словеса законная. 14 И обретоша писано в законе, егоже заповеда Господь рукою Моисеовою, да обитают сынове Израилевы в кущах в праздник месяца седмаго, 15 и да проповедят трубами во всех градех их и во Иерусалиме. И рече Ездра: изыдите на гору, и принесите ветви масличны, и ветви древес кипарисных, и ветви мирсинныя, и ветви

финиковы, и ветви деревьев дубравных, сотвориши куццы по писаному. 16 И изыдоша людие, и принесоша, и сотвориша себе куццы кийждо на крове своем и во дворех своих, и во дворех дому Божия и на пространстве врат Водных и на пространстве врат Ефремлих. 17 И сотвориша весь сонм возвративыйся от пленения куццы, и седоша в куцах, яко не сотвориша от дний Иисуса сына Навина тако сынове Израилевы даже до дне того. И бысть веселие велико. 18 И читаху в книзе закона Божия на всяк день, от дне первого даже до дне последнего. И сотвориша праздник семь дний, и в день осмый собрание по обычаю.

9 В день же двадцать четвертый месяца сего собрашася сынове Израилевы в посте и во вретипших, и персть на главах их. 2 И отлучишася сынове Израилевы от всяка сына чужда, и исповедаху грехи своя и беззакония отец своих. 3 И стаха на стоянии своем и чтоша в книзе закона Господа Бога своего четверицею в день, и бяху исповедающеся Господеви и поклоняющеся Господу Богу своему. 4 И стаха на степени левитов Иисус и сынове Кадамили, Сахания сын Саравин, сынове Ханани, и возопиша гласом великим ко Господу Богу своему, 5 и рекоша левити, Иисус и Кадамиил: встаните, благословите Господа Бога нашего от века даже до века: и благословят имя славы Твоея, и вознесут во всяцем благословении и хвале. 6 И рече Ездра: Ты еси Сам Господь един, Ты сотворил еси небо и небо небесе и вся вои их, землю и вся, елика на ней суть, моря и вся, яже в них, и Ты оживляеши вся, и вои небеснии поклоняются Тебе: 7 Ты еси Господь Бог, ты избрал еси Аврама и извел еси его от страны Халдейския, и положил еси имя ему Авраам, 8 и обрел еси сердце его верно пред Тобою, и завещал еси с ним завет дати ему землю Хананейску и Хеттейску, и Аморрейску и Ферезейску, и Иевусейску и Гергесейску, и семени его: и утвердил еси словеса Твоя, яко праведен еси: 9 и видел еси озлобление отец наших во Египте, и вопль их услышал еси на мори Чермнем, 10 и дал еси знамения и чудеса во Египте на фараона и на вся рабы его и на вся люди земли его: познал бо еси, яко возгордешася на них, и сотворил еси Себе имя, якоже день сей: 11 и море расторгл еси пред ними, и проидоша посреде моря по суху, и гонители их ввергл еси в глубину, яко камень в воде зелней: 12 и в столпе облачне водил еси их во дни и в столпе огненне в нощи, еже осветити им путь, по немуже идоша: 13 и на гору Синайскую шсел еси, и глагола еси к ним с небесе, и дал еси им судьбы правы и закон истинный, повеления и заповеди блага: 14 и субботу святыю Твою явил еси им, заповеди, повеления и закон повелел еси им рукою Моисея раба Твоего: 15 хлеб же с небесе дал еси им во алчбе их в пищу им, и воду из камене извел еси им в жажди их, и рекл еси им, да внидут и наследят землю, на нюже простерл еси руку Твою дати им: 16 тии же и отцы наши возгордешася и ожесточиша выя своя и не послушаша заповедий Твоих, 17 и не восхотеша слышати, и не воспомянуша чудес Твоих, яже сотворил еси им: и ожесточиша выю свою, и даша начало возвратитися на работу свою во Египет: Ты же, Боже,

милостив и щедр, долготерпелив и многомилостив, и не оставил еси их: 18 еще же сотвориша себе и телца слиянна и рекоша: сии бози изведоша нас из Египта: и сотвориша раздражения велия: 19 Ты же в щедротах Твоих многих не оставил еси их в пустыни, столп облачный не уклонил еси от них во дни, еже наставити их на путь, и столп огненный в нощи, еже осветити им путь по немуже идоша, 20 и Дух Твой благ дал еси, еже научити их, и манны Твоея не лишил еси от уст их, и воду дал еси им в жажди их, 21 и четыредесять лет препитал еси их в пустыни, ничтоже им оскуде: одеяния их не состарешася, и сапози их не раздрашася: 22 и дал еси им царства, и люди разделил еси им, и наследилша землю Сиона царя Есевонска и землю Ога царя Васанска: 23 и умножил еси сыны их яко звезды небесныя, и ввел еси их в землю, о нейже глагола еси отцем их внити и наследити ю: 24 (и внидоша сынове их) и наследилша землю: и сокрушил еси пред ними обитающих в земли Хананейстей, и дал еси их в руку их, и цари их и люди земли, да сотворят им якоже угодно пред ними: 25 и взяша грады высокия, и одержаша дома полны всех благих, кладязи ограждены камением, винограды и маслины и всяко древо снадное во множество, и ядоша и насытишася, и утолстеша и расширишася во благности Твоей велицей: 26 и изменишася и отступиша от Тебе, и повергоша закон Твой создади плоти своя, и пророки Твоя избиша, иже засвидетельствоваху им, да обратятся к Тебе, и сотвориша хулы велики: 27 и дал еси их в руку оскорбляющих я, и озлобиша их: и во время печали своея возопиша к Тебе, и Ты с небесе Твоего услышал еси, и по щедротам Твоим многим дал еси им спасителей, и сплел еси их от рук враг их: 28 и егда упокоишася, возвратишася сотворити лукавое пред Тобою: и оставил еси их в руках враг их, и обладаша ими: и паки возопиша к Тебе, Ты же от небесе услышал еси, и избавил еси их в щедротах Твоих мнозех, 29 и засвидетельствовал еси им, да обратятся к закону Твоему: они же возгордешася и не послушаша, но в заповедех Твоих и в судах Твоих согрешаша, яже сотворив человек жив будет в них: и даша плещы непокоривыя, и выю свою ожесточиша, и не послушаша: 30 и продолжил еси на них лета многа, и засвидетельствовал еси им Духом Твоим и рукою пророк Твоих, и не внялша, и предал еси их в руку людей земных: 31 в милосердних же Твоих многих не сотворил еси их в скончание, ниже оставил еси их, яко Бог силен еси и милостив и щедр: 32 и ныне, Боже наш крепкий, великий, державный и страшный, храняй завет Твой и милость Твою, да не явится мал пред Тобою всяк труд, иже обрете нас и цари наша, и начальники наша и священники наша, и пророки наша и отцы наша и вся люди Твоя, от дний царей Ассурских и даже до дне сего: 33 и Ты праведен во всех, яже приидоша на нас, яко истину сотворил еси, мы же согрешихом: 34 и царие наши и начальницы наши, и священницы наши и отцы наши не сотвориша закона Твоего и не внимаша повелением Твоим и свидением Твоим, имиже засвидетельствовал еси им, 35 и тии во царствии Твоем и во благостыни Твоей мнозе, юже дал еси им, и в земли широцей и тучней, юже дал еси пред ними, не послужиша

Тебе и не отвратишася от начинаний своих лукавых: **36** се, мы днесь есмы раби, и земля, юже дал еси отцем нашим ясти плод ея и благая ея, се, есмы раби на ней: **37** и плоды ея мнози царем, имже предал еси нас за грехи наша, и телесы нашими владычествуют и скоты нашими, якоже угодно им, и в печали велицей есмы: **38** и во всех сих мы полагаем завет верен и пишем, и печатают вси началници наши, левити наши и священницы наши.

10 И в печатлеющих быша сии: Неемия Артаста сын Ахалиев и Седекия 2 сын Араиев, и Азария и Иеремиа, 3 Фасур, Амариа, Мелхиа, 4 Аттус, Севаниа, Маллук, 5 Ирам, Мерамоф, Авдиа, 6 Даниил, Ганафон, Варух, 7 Месуллам, Авиа, Миамин, 8 Маазиа, Велгаи, Самаиа: сии священницы. 9 Левити же: Иисус сын Азариин, Ваней от сынов Инададовых, Кадмил 10 и братия его Саваниа, Одуа, Калитан, Фелиа, Анан, 11 Миха, Роов, Асевиа, 12 Закхор, Саравиа, Севаниа, 13 Одуа, сынове Вануини. 14 Началници людей: Форос, Фааф-Моав, Илам, Зафуиа, 15 сынове Ванниины Азгад, Вивай, 16 Ананиа, Вагой, Идин, 17 Атир, Езекиа, Азур, 18 Одувиа, Исам, Висий, 19 Ариф, Анафоф, Новай, 20 Мегафис, Месуллам, Изир, 21 Месозевил, Садук, Иеддуа, 22 Фалтиа, Анан, Анаиа, 23 Осиа, Ананиа, Асув, 24 Адой, Фалаа, Совик, 25 Раум, Ессавана, Маасиа 26 и Аиа, Енан, Инам, 27 Малух, Ирам, Ваана. 28 И прочие от людей, священницы, левити, дверницы, певцы, нафиними и всяк приходяй от людей земских ко закону Божию, жены их, сынове их, дщери их, всяк ведяй и разумей, 29 укрепляхуся над братиею своею, и закллинаша их, и внидоша в клятву и в роту, еже ходити в законе Божии, имже дан есть рукою Моисеа раба Божия, да сотворят и сохраниат вся заповеди Господни и судьбы Его и повеления Его, 30 и еже не дати дщерей наших людем земским, и дщерей их не возмем сыновом нашим: 31 люде же земли носящии продаемая и вся купуемая во дни субботы продавати, не купим от них в субботы, ни в день святый: и оставим лето седмое, и даяние всех рук. 32 И поставим над нами заповедь даяти нам третью часть дидрахмы на лето, на дело дому Бога нашего, 33 на хлебы предложения и на жертвы повседневныя, и во всесожжение присное суббот, новомесячий, в праздники и во святая, и яже о гресех, помолитися за Израиля, и на дела дому Бога нашего. 34 И жребий метнухом о ношении дресев, священницы и левити и люде, носити в дом Бога нашего, по домом отечеств наших, от времени до времени, от лета до лета возжигати на олтари Господу Богу нашему, якоже писано есть в законе, 35 и приносить первородная земли наша и первородная плода всякаго древа, от лета до лета, в дом Господень, 36 и первенцы сынов наших и скотов наших, якоже писано есть в законе, и первенцы волов наших и стад наших приносить в дом Бога нашего, священником служащим в дому Бога нашего: 37 и начатки жит наших и плод всякаго древа, вина и елеа, приносить будем священником в сокровище дому Божия, и десятину земли наша левитом, и тии левити десятину приемлют во всех градах дел наших. 38 Будет же священник сын Ааронов с левиты в десятинах левитов, и левити имут

приносить десятую часть десятины в дом Бога нашего в сокровище дому Божия, 39 яко в сокровища принесут сынове Израилевы и сынове левитстии начатки пшеницы и вина и елеа, и тамо (будут) сосуди святии, и священницы и служителие и дверницы и певцы, и не оставим дому Бога нашего.

11 И вселишася началници людей во Иерусалиме, и прочие люде метнуша жребия взяти единого от десяти, да пребывает во Иерусалиме граде святем, и девять частей во градах. 2 И благословиша люде всех мужей, имже сами произволиша обитати во Иерусалиме. 3 И сии началници страны, имже обиташа во Иерусалиме: и во градах Иудиных обиташе кийждо во одержании своем, во градах своих Израилевых, священницы и левити, и нафинеи и сынове рабов Соломоновых. 4 И во Иерусалиме обиташа от сынов Иудиных и от сынов Вениаминов. От сынов Иудиных Афаиа сын Озиин, сын Захарин, сын Самариин, сын Сафатиев, сын Масеиль и от сынов Фаресовых, 5 и Маасиа, сын Варухов, сын Халазов, сын Озиев, сын Адаиев, сын Иоаривль, сын Захариев, сын Силониев: 6 вси сынове Фаресовы, имже обиташа во Иерусалиме, четыреста шестьдесят осмь мужие крепцы. 7 Сии же сынове Вениамины: Силон сын Месулаев, сын Иоадов, сын Фадаиев, сын Колиев, сын Маасиев, сын Ефииль, сын Иессиев, 8 и по нем Гевеил, Силиев, девять сот двадесять осмь. 9 И Иоиль сын Зехрин настоятель над ними, и Иуда сын Асанаев, от града, второй. 10 От священников: и Иадиа сын Иоаривль, Иахинь, 11 Сареа сын Елхив, сын Месуламов, сын Саддуков, сын Мариофов, сын Етофов, начальник дому Божия, 12 и братия их делающе дело церкви осмь сот двадесять два: и Адаиа сын Иероамль, сына Фалалиина, сына Намасова, сына Захариина, сына Фасефурова, сына Мелхиина, 13 и братия его началници отечеств двести четыредесять два: и Амесай сын Езрииль, сына Сакхивеа, сына Масаримофова, сына Еммирова, 14 и братия его сильнии во брамах сто двадесять осмь: и настоятель их Сохриил, сын Великих. 15 И от левит: Самаиа сын Асува, сына Езрикама, сына Асавии, сына Вонни, 16 и Саввафей, и Иосавад над делами дому Божия внешнего и от началников левитских, 17 и Матфаниа, сын Михаев, сын Зехриев, сына Асафова, начальник хваления, и Иуда молитвы, и Вокхиа второй от братий своих, и Авдиа сын Самеа сына Галелова, сына Идифунова: 18 всех левитов во граде святем двести осмьдесят четыре. 19 И дверницы: Акув, Теламин и братия их, стрегущии врат, сто семьдесят два. 20 Прочии же от Израиля иерее же левити во всех градах Иудеи кийждо в наследии своем. 21 И нафинеи, имже обиташа во Офле, Сиаи и Гесф от нафинеев. 22 И началник левитов во Иерусалиме Озий сын Ваниин сына Савиева, сына Матфаниева, сына Михаева, от сынов Асафовых поющих над делом дому Божия, 23 яко заповедь царева (бе) им: и пребываше верно над певцами оброк коегождо дне в день свой. 24 И Фафеа, сын Массизавилов от сынов Зариных, сына Иудина, при руце царева всякия потребности ради людей. 25 И при дворех, имже на селех их: и от сынов

Иудиных обиташа в Кариафарвоце и в селех его, и в Девоне и в селех его, и в Кафсеиле и в селех его, 26 и во Иисусе, и в Моладе, и в Веффалате, 27 и во Асерсоале, и в Вирсавеи и в селех ея, 28 и в Секелаге, и Мавне и в селех ея, 29 и в Ремаоне, и в Саре, и во Иеримуфе, 30 и в Заннои, и во Одолламе и в селех их, и в Лакхисе и в селех его, и во Азике и в селех ея: и ополчишася в Вирсавеи даже до дебри Еннон. 31 И сынове Вениамины от Гаваи и Магмаса и Вефиля и от весей его, 32 и во Анафофе, в Нове, во Ании, 33 во Асоре, в Рапе, в Гефаине, 34 в Адоде, в Севоиме, в Навалате, 35 в Лидде и во Оногиарасим. 36 И от левитов части Иудины и Вениамины.

12 И сии суть священницы и левиты, возшедши с Зоровавелем сыном Салафиилевым и Иисусом: Сараи, Иеремиа, Ездра, 2 Амариа, Малух, Аттуй, 3 Сехениа, Реум, Маримоф, 4 Адаиа, Генафон, Авиа, 5 Миамин, Маадиа, Велга, 6 Семиа, Иоиарив, Идиа, 7 Салуи, Амул Хелкиа, Одуи: сии началницы священников и братия их во дни Иисуса. 8 И левиты: Иисус, Вануй, Кадмиил, Саравиа, Иодай и Матфаниа, при руках той, и братия их в чредньих служениях: 9 и Ваквакиа и Анай, братия их, прямо их во чреды дневныя. 10 Иисус же роди Иоакима, Иоаким роди Елиасива, Елиасив роди Иодаа, 11 Иодай же роди Ионафана, и Ионафан роди Адуа. 12 Во дни же Иоакима беху братия его священницы и началницы отечств: Сараии Амариа, Иеремиа Ананиа, 13 Ездра Месуллам, Амариин Иоанан, 14 Амалуху Ионафан, Сехениа Иосиф, 15 Аресу Еднас, Мариофу Елкей, 16 Адаю Захариа, Ганафону Месуллам, 17 Авию Зехрий, Миамину Маадай, Фелетию, 18 Валгасу Самуей, Семии Ионафан, 19 Иоариву Матфанай, Едию Озий, 20 Салаию Калаиа, Амеку Авед, 21 Елкии Асавиа, Иедии Нафанаил. 22 Левиты во дни Елиасива, Иоада и Иоа, и Иоанан и Иуда, написани началницы отечств, и священницы в царство Дариа Персского. 23 И сынове Левии началницы отечств писани в кнize словес дний и даже до дний Иоанана сына Елисуева. 24 И началницы левитом Асавиа и Саравиа и Иисус, и сынове Кадмииловы и братия их пред ними в песнех хвалити и исповедовати, по заповеди Давида человека Божия, по чредам от дне до дне. 25 Матфаниа и Ваквакиа, Авдиа, Месуллам, Телмон, Акув, стрегущии дверницы стражу, внегда собрати ми дверники. 26 Во дни Иоакима сына Иисусова, сына Иоседекова, и во дни Неемии и Ездры священника и книжчии, 27 и во обновлении ствны Иерусалимския, възискаша левитов в местех их да возведут их во Иерусалим сотворити обновление и веселие во хвалении и песнех, в кимвалех и псалтирех и гуслех. 28 И собращася сынове поющих и от страны окрестныя во Иерусалим, и от сел Нетофатиевых, 29 и от Дому (Галгал) и от стран (Гева и Азмавет), яко села создаша себе певцы окрест Иерусалима: 30 и очистишася священницы и левиты, и очистиша людей и врата и стену. 31 И возведох началников Иудиных на стену, и поставих два клироса велика, хвалы ради, и проидоша от десныя страны на стену ко вратом Гнойным. 32 И идоша за ними Осаиа и половина началников

Иудиных, 33 и Азариа и Ездра и Месуллам, 34 Иуда и Вениамин, и Самаиа и Иеремиа: 35 и от сынов священничих с трубами Захариа сын Ионафанов, сын Самаии, сын Мафаниин, сын Михаин, сын Закхуров, сын Асафов, 36 и братия его Самаиа и Озиил, Гелол, Маиа, Нафанаил и Иуда и Ананий, еже хвалити в песнех Давида человека Божия: 37 и Ездра книжчии пред ними при вратех Источника, хвалити прямо их. И въздоша на лествицы града Давидова, на восход ствны выше дому Давидова и даже до врат Водных к востоку. 38 И клирос вторий хвалу въздающих идше спротив их, и аз по нем, и половина людей по ствне, верху столпа Фануримля и даже до ствны пространныйшия, 39 и на врата Ефраима, и на врата старая, и на врата Рыбная, и на столп Анамеиль, и на столп Емаф, и даже до врат Овчих. 40 И сташа на вратех Стражи, сташа же два клироса хваляща в дому Божии, и аз и половина воевод со мною, 41 и священницы Елиаким, Маасиа, Миамин, Михеа, Елиона, Захариа, Ананиа с трубами, 42 и Маасиа и Семеиа, и Елеазар и Озиа, и Иоанан и Мелхиа, и Елеамий и Иезур. И слышани быша певцы и Иезриа, и соглядани, и восхвалиша. 43 И пожроша в день той жертвы великия и возвеселишася, яко Бог возвесели их вельми: и жены их и чада их радовахуся, и слышано бысть веселие то во Иерусалиме издалеча. 44 И поставиша в день той мужей над сокровищными хранилищи, на начатки и десятины, и да собирают сими началниками от градов части священником и левитом, яко веселие бе во Иудеи, во священничех и в левитех предстоящих, 45 и стрежаху стражу Бога своего, и хранение очищения, и певцев и дверников, по повелению Давида и Соломона сына его. 46 Яко во дни Давидовы Асаф от начала первый в певцех и в песнех и хвалении Богу, 47 и весь Израиль во дни Зоровавеля и во дни Неемии даяху оброк певцем и дверником от дне до дне и освящаху левитом, левиты же освящаху сыновом Аароним.

13 В день той чтено бысть в кнize Моисеое во слышание людям, и обретеса написано в ней: да не имут внити Амманитяне и Моавитяне в церковь Божию даже до века, 2 понеже не сретоша сынов Израилевых со хлебом и водою и наяша на них Валаама на проклятие их: и обрати Бог наш проклятво на благословение. 3 И бысть егда слышаху закон, и отлучиша всех чуждых от Израиля. 4 И прежде сего Елиасив священник живяше в сокровищнем дому Бога нашего, сродник Товииин, 5 и сотвори ему сокровищный дом велик: таможе бяху прежде приносяще жертву и ливан, и сосуды и десятину пшеницы и вина и елеа, уставленная левитом и певцем и дверником, и начатки священническия. 6 Во всех же сих не бых во Иерусалиме, понеже в лето тридцать второе Артаксеркса царя Вавилонскаго приидох ко царю: и по скончании дний испросих от царя 7 и приидох во Иерусалим, и уразумех зло, еже сотвори Елиасив Товии, сотворити ему сокровищный дом во дворе дому Божия, 8 и из до явися ми зело: и възвергох вся сосуды дому Товиева вон из дому сокровищнаго, 9 и рекох, и очистиша сокровищный дом: и возвратих онамо сосуды дому Божия, жертву и ливан. 10 И познах, яко части левитския не быша даны, и побегоша

кийждо на село свое левити и певцы творящи дело. 11 И пряхся со стратигами и рекох: чесо ради оставлен бысть дом Божий? И собрах их и поставих оных во стоянии своих. 12 И весь Иуда принесоша десятину пшеницы и вина и елеа в сокровища под руку Селемии священника и Садока писца и фадаии от левит, 13 и при них Анан сын Захуров, сын Матфаниев, яко верни искушени суть над ними разделяти братиям своим. 14 Помяни мя, Боже, того ради, и да не погибнет милость моя, юже сотворих в дому Господа Бога моего и в чинех его. 15 Во днех тех видех во Иуде топчущих точило в субботу, и носящих снопы, и возлагающих на ослы и вино, и гроздие, и смоквы, и всякое бремя, и носящих во Иерусалим во дни субботныя: и засвидетелствовах им в день продаяния их. 16 И Тиряне обиташа в нем приносяще рыбы, и вся продаемая продающе в субботы сыновом Иудиным и во Иерусалиме. 17 И обличих сынов Иудиных свободных и рекох им: что сия вещь злая, юже вы творите, и скверните день субботный? 18 Не сия ли сотвориша отцы ваши, и наведе на них Бог наш и на нас вся злая сия, и на град сей, и вы прилагаете гнев на Израиля, скверняще субботу? 19 Бысть же егда поставишася врата во Иерусалиме прежде субботы, и рекох, и запроша двери и повелех, да не отверзают их даже по субботе: и от отрок моих поставих над враты, да ни един вносит бремя в день субботный. 20 И сташа вси и творяху куплю вне Иерусалима единощи и дващи. 21 И засвидетелствовах о них и рекох им: что вы пребываете пред стеною? Аще вторицею сие сотворите, простру руку мою на вас. И от време не того не приидоша в субботу. 22 И рекох левитом, иже бяху очищены, дабы приходили хранити врат и святити день субботный. И сих ради помяни мя, Боже, и прости ми по множеству милости Твоея. 23 И во днех оных видех Иудеев поемших жены Азотския, Амманитяны, Моавитския, 24 и сынове их от полу глаголаху азотским языком и не умеяху глаголати иудейски: 25 и запретих им, и проклях их, и поразих от них мужей, и оплехих их, и заклых их Богом, аще дадите дщери ваша сыновом их и аще поймете от дочерей их сыновом вашим и себе: 26 не тако ли согрешити Соломон царь Израилев? И во языцех мнозех не бысть царь подобен ему, и возлюблен Богу бе, и постави его Бог царем над всем Израилем, и того прельстиша жены чуждия: 27 и мы послушаем ли вас творити всяко зло сие, согрешити Богу нашему, еже пояти жены иноплемениччи? 28 И от сынов Иоада сына Ельтува священника великаго, зятя Санаваллатова Уранитина, и изгнах его от мене. 29 Помяни им, Боже, за осквернение священства и завета священническа и левитска. 30 И очистих их от всякия чуждия нечистоты, и поставих чреды священником и левитом, комуждо по делу его, 31 и даяние древес во временех уставленных и первородных. Помяни мя, Боже наш, во благое.

Книга Есфири

1 И бысть по словесех сих во днеш Артаксеркса: сей Артаксеркс от Индии обладаше сто двадцать седмю странами (даже до Ефиопии): **2** во дни же тыя, егда седе на престоле царь Артаксеркс в Сусех граде, **3** в третие лето царства своего, сотвори пир другом и прочым языком, и Персским и Мидским славным, и начальным сатрапом, **4** и по сих, егда показа им богатство царства своего и славу веселия своего, во сто осмьдесят дний. **5** И егда исполнишася дние пира, сотвори царь пиршество языком обрешымся во граде (Сусех) на дний шесть во дворе дому царева, **6** украшенном виссонными и зелеиными завесами, простертыми на ужих виссонных и червленичных, на колцах златых и сребряных, на столпех мраморных и каменных: **7** ложа злата и сребряна, на помосте камене смарагдова, и пиннинска и паринска мрамора, и плащаницы пестротами различными разцвечены, окрест шипцы разсеяни: **8** сосуди злати и сребряни, и чаша анфракса (камене) предложенная, ценою талант тридесять тысяч: вино много и сладко, еже сам царь пиаше: питье же сие не по уставленному закону бысть, тако бо восхоте царь и заповеда икономом сотворити волю свою и мужей. **9** И Астинь царица сотвори пир женам в дому царева, идеже царь Артаксеркс. **10** В день же седмый развеселився царь, рече Аману и Вазану, и Фарре и Варазу, и Зафолфану и Аватазу и Фараву, седмим евнухом, иже служаху пред царем Артаксерксом, **11** привести (Астинь) царицу пред него, еже воцарити ю и возложить на ню венец царский и показати ю всем началствующим и языком красоту ея, зане прекрасна бе. **12** И не послуша его Астинь царица приити со евнухи. **13** И опечалися царь, и разгневался, и рече ближним своим: сице рече Астинь: сотворите убо о сем закон и суд. **14** И приступиша к нему Аркесей и Сарсофей и Малисеар, начальници Перссии и Мидстии, иже близ царя, первии седящии при цари, **15** и возвестиша ему по закону, како подобает сотворити царице Астини, яко не сотвори повеленных от царя чрез евнухи. **16** И рече Мухей ко царю и к боляром: не царя единого обиде Астинь царица, но и вся князи и начальники царева, **17** ибо поведи им словеса царицы, и како противорече царю: **18** якоже убо противно рече царю Артаксерксу, сице и днеш госпожи жены прочыя князей Персских и Мидских, услышавшия царю реченная от нея, дерзнут такожде безчестовати мужей своих: **19** аще убо угодно царю, да повелит царским повелением, и да напишется по закону Мидским и Перским, и инако да не будет, ниже да внидет ктому царица к нему, и царство ея да предаст царь жене лучшей ея: **20** и да будет услышан закон, иже от царя, егоже сотворит во царствии своем, и сице вся жены возложат честь на мужы своя от богата даже до убога. **21** И угодно бысть слово пред царем и начальники, и сотвори царь, якоже рече ему Мухей, **22** и посла царь книги во все царство по странам по языку их, да будет страх им в жилищих их.

2 И по словесех сих утолися царь от гнева, и не воспомяну ктому Астини, вспомяная, елика глагола и како осуди ея. **2** И реша слуги царева: да изыщутся царю девицы нерастленны, красны зраком, и да поставит царь взыскатели во всех странах царствия своего, **3** и да изберут отроковиц девственных доброзранных в Сусы град, в чертог женский, и да отдадутся евнухови царева стражу жен, и да дадутся масти и прочыя потребности: **4** и жена, юже возлюбит царь, да будет царицею вместо Астини. И угодно бе царю слово, и сотвори тако. **5** И муж бе Иудеанин во граде Сусех, и имя ему Мардохей сын Иаириов, сына Семеина, сына Кисеова, от племени Вениамина, **6** иже быше пленен от Иерусалима Навуходоносором царем Вавилонским: **7** и быше ему отроковица воспитана, дщерь Аминадава брата отцу его, и имя ей Есфирь. По преставлении же родителей ея, прия ю Мардохей во дщере место: и быше девица красна и доброзрачна. **8** И егда услышано бысть повеление царево, собраны быша девицы многи во град Сусы, под руку Гаиеву, и приведена бысть Есфирь ко Гаию хранителю пред ним: и потчася дати ей масти и участие, и седмь девиц пристави к ней из дому царева, и снабдеваше ю и рабынь ея добре в дому женstem. **10** И не поведи Есфирь рода своего, ниже отечества, Мардохей бо заповеда ей не возвещати. **11** На всяк же день хождаше Мардохей по двору женскому, назирая, что Есфири случится. **12** Сие же бе время девиц входити ко царю, егда исполнятся дванадесять месяцев: тако бо наполняхуся дние украшения, шесть месяцю до ароматех и в мастех женских, и шесть месяцю намазующися смирновым елеем, **13** и тогда вхождаху ко царице: и емуже аще речет привести ю, входит с ним купно из дому женского даже до дому царева: **14** на вечер вхождаше и заутра возвращашеся в дом женский вторый, идеже Гай евнух царев хранитель жен, и не вхождаше паки ко царю, аще не будет позвана именем. **15** Егда же исполнися время Есфири дщери Аминадава, брата отца Мардохеова, (иже поял ю себе в дщере место,) внити ко царице, ничтоже преступи от сих, яже заповеда ей евнух хранитель жен: бе бо Есфирь обретающая благодать пред всеми зрящими ю. **16** И вниде Есфирь ко царю Артаксерксу во вторыйнадесять месяц, иже есть Адар, в лето седмое царства его. **17** И возлюби царь Есфирь, и обрете благодать паче всех девиц, и возложи венец женский на главу ея. **18** И сотвори царь пир всем другом своим и силам седмь дний, и вознесе брак Есфирин, и сотвори отраду сущым во царствии его. **19** Мардохей же служаше во дворе (царева). **20** Есфирь же не поведи рода своего, (ни людей своих): сице бо заповеда ей Мардохей боятися Бога и творити заповеди Его, якоже бе с ним, Есфирь же не измени обычая своего. **21** И опечалистася два евнуха царева начальнойшии стражы тела его, яко предпочтен бысть Мардохей, и искаста убити Артаксеркса царя. **22** И возвестися слово Мардохею, и сказа Есфири: она же поведи царю, яже наветуют. **23** Царь же испыта дву евнуху, (и исповедаста,) и обеси их. И повеле

царь вписати на память в царстей книгохранительнице о благодеянии Мардохеове в похвалу.

3 И по сих прослави царь Артаксеркс Амана сына Амадафуина Вугеанина и вознесе его, и председяше вышше всех друзей его: 2 и вси, иже во дворе (цареве), поклоняхуся Аману: сице бо повеле царь творити. Мардохей же не кланяшася ему. 3 И глаголаша сущи во дворе цареве Мардохею: мардохее, чесо ради не слушаеши глаголемых от царя? 4 По вся же дни глаголаху ему, и не послушаше их. И возвестиша Аману, яко Мардохей сопротивляется повелению цареву, и поведати им Мардохей, яко Иудеанин есть. 5 И уведав Аман, яко не кланяется ему Мардохеи, разгнеवासя зело 6 и умысли погубити вся Иудеи, иже в царстве Артаксерксове: 7 и сотвори совет в лето второенадесять царства Артаксерксова, и меташе жребия день от дне и месяца от месяца, яко погубити во един день род Мардохеев: и паде жребий на четвертынадесять день месяца, иже есть Адар. 8 И рече (Аман) ко царю Артаксерксу, глаголя: есть язык разсеянный во языцех во всем царстве твоём: законы же их странни паче всех язык, и законов царских не слушают, и не пользуют царю оставити их: 9 и аще годе есть цареву, да повелит погубити я: аз же запишу в сокровище цареве десять тысяч талант сребра. 10 И снем царь перстень (с руки своея), даде в руке Аману, да запечатает писания написанная на Иудей. 11 И рече царь Аману: сребро убо имей ты себе, людем же твори, якоже хощеси. 12 И призвани быша писцы царевы в третейнадесять день месяца перваго, и написаша, якоже повеле Аман, к воеводам и началником по всем странам, от Индийския области даже и до Ефиопии, сто двадесяти седми странам, началствующим над языки по их языку, именем Артаксеркса царя. 13 И посла с писмоноscopy писания в царство Артаксерксое, да побьют род Жидовский в день един месяца вторагонадесять, иже есть Адар, и да расхитят имения их. 14 Списание же епистолнии посылахуся по странам, и повелено бысть всем языком готовым быти в нареченный день. 15 Приспе же дело и в Сусы: и царь убо и Аман пирующа наслаждастася, град же (Сусы) мятjшеся.

4 Мардохей же разумев замышляемое, раздра ризы своя и облечеся во вретиче и посыпася пепелом: и скочив в пространную улицу града, возопи воплем великим и горьким: взимается род ничтоже преступивый. 2 И прииде даже до врат царевых и ста: не леть бо бе ему внити во двор во вретиче облечену и пепелом осыпану сущу. 3 И во всяцей стране, идеже показовахуся писания (царевы), вопль бе и плачь и рыдание превелие Иудеом, вретиче и пепел постилаху себе. 4 И видюща рабыни и евнуси царицныи и возвестиша ей. И смятеся услышавши бывшее: и посла ризы облещи Мардохеа и сняти вретиче его. И не послуша. 5 Есфирь же призва Ахрафеа скопца своего, предстоящаго ей, 6 и посла его уведати от Мардохеа истину. 7 Мардохей же сказа ему бывшее, и обещание, еже обещаша Аман царю в сокровищный дом (положити) десять тысяч талант сребра, да погубит Иудей: 8 и списание (повеления) изданнаго в Сусех (граде) на погубление их даде ему, да покажет

Есфири: и рече ему, заповедати ей ити молити царя и просити его о людех, поминаючи дни смирения твоего, како воспитана еси в руке моеи, зане Аман вторый по цари глагола противу нам на смерть: призови Господа и глаголи царю о нас, да избавит нас от смерти. 9 Вшед же Ахрафей, поведати Есфири вся глаголы сия. 10 И рече Есфирь ко Ахрафею: иди к Мардохею и рцы: 11 понеже вси языцы царствия ведят, яко всяк муж или жена, иже аще внидет ко цареву во внутренний дом не призван, несть ему спасения, точию к немуже аще прострет царь златый жезл, сей спасен будет: аз же несь звана внити ко царю се уже тридесять дний. 12 И возвести Ахрафей Мардохею вся глаголы Есфирины. 13 И рече Мардохей ко Ахрафею: иди и рцы ей: Есфире, да не речеши в себе, яко ты едина спасешися во царствии паче всех Иудей: 14 зане аще преслушаеши в сие время, отинуду помощь и покров будет Иудеом, ты же и дом отца твоего погибнете: и кто весть, аще на сие время воцарила еси? 15 И посла Есфирь пришедшаго к ней ко Мардохею, глаголющи: 16 шед собери Иудеи иже в Сусех, и поститесь о мне, и не ядите ниже пейте три дни день и ношь: аз же и служебницы моя (такжде) не имамы ясти: и тогда вниду ко царю кроме закона, аще и погибнути ми приключится. 17 И шед Мардохей сотвори, елика заповеда ему Есфирь.

5 И бысть по триех днех... и сия червленеюущися добротою красоты своея... И прошедши вся двери, ста пред царем. Он же седяше на престоле царства своего, облечен во все одеяние славы своея. 2 И взем златый жезл (царь) возложи на выю ея и облобыза ю и рече: глаголи ми. И рече ему: видех тя, господине, яко Ангела Божия, и смятеся сердце мое от страха славы твоея, яко дивен еси, господине, и лице твое благодатей исполнено. Беседующи же она к нему, паде от ослабления. Царь же смятеся, и вси раби его утешаху ея. 3 И рече ей царь: что хощеси, Есфире? И что прошение твое? Будет ти даже и до полужарства моего. 4 И рече Есфирь: день моего празднования днесь есть: аще убо угодно есть цареву, да приидет царь и Аман на пир, егоже сотворю днесь. 5 И рече царь: ускорите ити по Амана, да сотворим слово Есфирино. И приидоста оба на пир, егоже сотвори Есфирь. 6 На пиру же рече царь ко Есфири: что есть, Есфире царице? (и кая есть мысль прошения твоего?) Дам ти и до полужарства моего,) и будет елико просиши. 7 И рече Есфирь: прошение мое и моление: 8 аще обретох благодать пред царем, да приидет царь и Аман еще заутра на пир, егоже сотворю има, и заутра сотворю сие прошение. 9 И изыде Аман от царя зело радостен и весел: видев же Мардохеа Иудеанина во дворе (цареве не подвинувшася и не кланяющята пред ним), возярися зело: 10 и вшед в дом свой, призва други своя и Зосару жену свою 11 и показа им богатство свое и славу, еуже возвеличи его царь, и яко сотвори его перваго быти и правити царствие. 12 И рече Аман: не зва царица ни единого на пир со царем, но точию мене, и наутрие зваше мя: 13 но сия не суть ми угодна, егда вижу Мардохеа Иудеанина во дворе (цареве). 14 И рече ему Зосара жена его и друзие: приготови древо

лакот пятьдесят, и заутра речеши цареви, и да повешен будет Мардохей на древе: ты же вниди со царем на пир и веселися. И угоден бысть Аману глагол сей, и угодова древо.

6 Господь же отя сон от царя в нощи оней. И повеле рабу своему принести книги памятные дний прочитати ему: 2 и обрете писания написанная о Мардохее, како поведя царю о двою евнуху царскую, вегда стрещи има, и умыслиста убити (царя) Артаксеркса. 3 И рече царь: кую славу или благодать сотворихом Мардохею? И рекоша отроцы царевы: ничтоже сотворил еси ему? 4 Вопросающе же царю о благоденствии Мардохеево, се, Аман прииде во двор, и рече царь: кто есть во дворе? Аман же прииде рещи цареви, да повесит Мардохея на древе, еже угодова. 5 И рекоша отроцы царевы: се, Аман стоит во дворе. И рече царь: призовите его. 6 И рече царь Аману: что сотворю мужу, егоже аз хощу прославити? Рече же в себе Аман: кого хощет царь прославити, разве мене? 7 Рече же царю: мужа, егоже хощет царь прославити, 8 да принесут отроцы царевы одежду виссонную, еуюже царь облачается, и коня, на немже царь ездит, 9 и да дастся единому от друзей царевых славных, и да облечет мужа, егоже царь любит, и да посадит его на коня и проповесть на улицах града, глаголя: тако будет всякому человеку, егоже царь прославит. 10 И рече царь Аману: добре рекл еси: тако сотвори Мардохею Иудеанину, угодно служащему во дворе (нашем), и да не изменится слово твое от сего, яже рекл еси. 11 И взя Аман одежду и коня, и облече Мардохея, и возведе его на коня, и пройде по улицам града, и проповедаше (пред ним), глаголя: сице будет всякому человеку, егоже хощет царь прославити. 12 И возвратися Мардохею во двор (царев): Аман же иде в дом свой скорбя преклонив главу. 13 И сказа Аман случившаяся ему Зосаре жене своей и другом своим. И реша ему друзи его и жена: аще от племени Иудейскаго Мардохей, начал еси смиратися пред ним, падая падеши, и не возможеши ему отмстити, яко Бог живый есть с ним. 14 И еще глаголющим им, приидоша евнуси, спешно зовуще Амана на пир, егоже угодова Есфирь.

7 Вниде же царь и Аман пировати со царицею. 2 И рече царь Есфири во второй день на пиру: что есть, Есфире царице? И что прошение твое? И что моление твое? И будет тебе до полуцарствия моего. 3 И отвещавши (Есфирь царица) рече: аще обретох благодать пред очима твоима, царю, да дастся душа моя прошению моему и людие мои молению моему: 4 продани бо есмь, аз же и людие мои, на погибель и расхищение и в работу, мы же и чада наша в рабы и рабыни, и небрегох: несть бо достоин клеветник двора царева. 5 И рече царь: кто есть сей, иже дерзну сотворити вещь сию? 6 И рече Есфирь: человек враг, Аман лукавый сей. Аман же смятется от царя и царицы. 7 Царь же воста со гневом от пира (и иде) в вертоград: Аман же моляше царицу, видяше бо себе в бедах суща. 8 Возвратися же царь из вертограда, и Аман припаде к ложу, на немже бе Есфирь, моля царицу. И рече царь: егда и жену насилует в дому

моем? Аман же слышав изменился лицом. 9 Рече же Вугафан един от скопцев, сей же ведяше о том древе, видев е в дому Аманове, егда призываше его на обед царский, и о сем испытал единого от отрок, уразумева замышляемое, и рече ко царю: се, и древо угодова Аман Мардохею глаголавшему благая о цари, и стоит в дому Аманове возвышено на лакот пятьдесят. И рече царь: да повесится (Аман) на нем. 10 И повешен бысть Аман на древе, еже угодова Мардохею. И тогда царь утолился от ярости.

8 И в той день царь Артаксеркс дарова Есфири, елика бяху Амана клеветника (Иудейска): и Мардохею призван бысть от царя, поведя бо Есфирь, яко сродник есть ей. 2 И сня царь перстень свой, егоже отя у Амана, и даде Мардохееви. И постави Есфирь Мардохея над всем именем Амановым, 3 и приложи глаголати ко царю, и припаде пред ногама его (и восплака), и моляше его отвратити злобу Аманову и мысль его, еуюже помысли на Иудеи. 4 И простре царь Есфири жезл злат: воста же Есфирь и ста пред царем. 5 И рече Есфирь: аще угодно ти есть, и обретох благодать пред тобою, послы возвратити писания посланная от Амана, писаная на погубление Иудеов, иже обитают во (всем) царствии твоём: 6 како бо возмогу видети озлобление людей моих и како возмогу спастися в погибели отечества моего? 7 И рече царь Есфири: аще вся имения Аманова дах и даровах тебе, и того повесих на древе, яко руце вознесе на Иудеи, что еще просиши? 8 Напишите и вы именем моим, якоже угодно есть вам, и запечатайте перстнем моим: елика бо писана бывають царевым повелением и запечатаяются перстнем моим, не возможно им противорещи. 9 И призвани быша писцы (царевы) в первый месяц, иже есть Нисан, в двадесять третий день тогожде месяца, и написаша о Иудеех, елика заповеда Мардохей, ко управителем и ко начальником воевод от Индийския страны даже до Ефиопии, сто двадесять седми воеводам, во всякую страну по своему их языку. 10 Написана же быша велением царевым и запечатлешася перстнем его: и послаша писания чрез писмонощцы, 11 яко повеле им жити по законом их во всяцем граде, и да помогают им, и да сотворят соперником их и противником их, якоже хотят, 12 в день един по всему царству Артаксерксову, в тринадцатый день вторагодесять месяца, иже есть Адар. 13 И списания сия да предложатся очевидно во всем царстве, еже готовым быти всем Иудеом на сей день ратовати своих противных. 14 Конницы убо изыдоша спешно повеленная от царя совершити. Предлагаше же повеление и в Сусех. 15 И Мардохей изыде облечен в царскую одежду и венец имущь златый, диадиму виссонную, червленую. Видевше же сущи в Сусех возрадовашася, 16 яко Иудеом бысть свет и веселие: 17 во (всяцем) граде и стране, идеже аще предлагаше повеление радость и веселие бе Иудеом, пирование и утешение. И мнози от язык обрезовахуся и закон Иудейский приимаху, страха ради Иудейскаго.

9 Во второйнадесять месяц, иже есть Адар, в тринадцатый день месяца приидоша писания от царя. 2 В той же день погибоша супостаты Иудеев: ни один бо

сопротивился им бояся их. 3 Началствующи бо странам и властителие и царстии книгочия почитаху Иудей: 4 страх бо Мардохеев належаше на них. 5 Приложися бо повеление царево именоватися ему по всему царствию. 6 И в Сусех граде избиша Иудее пять сот мужей: 7 Фарсана, нестанна и Делфона, и Фасгана 8 и Фардафана, и Вареа и Сарвакана, 9 и Мармасима и Руфеа, и Арсеа и Завуфефама, 10 десять сынов Амана Амадафуева Вугеанина врага Иудеом, иже от Фармафеа, и разграбиша в той день (имения их): 11 и сказаша число избиенных царю в Сусех граде. 12 И рече царь ко Есфире: избиша Иудее в Сусе граде пять сот мужей, по окрестным же странам колико, мниши, погубиша? И чесого еще просиши, и будет ти? 13 И рече Есфирь ко царю: да дастся такожде Иудеом творити заутра, яко да повесят десять сынов Амановых. 14 И повеле царь тако быти, и попусти Иудеом вне града повесити телеса сынов Амановых. 15 И собрашася Иудее, иже в Сусех, в четвертыйнадесять деень Адара, и избиша мужей триста, и ничтоже разграбиша. 16 Прочии же Иудее, иже во царствии, собрашася и себе помогаху и почиша от браней: избиша бо от них пятьнадесять тысяч в третийнадесять Адара, и ничтоже расхитиша. 17 И почиша в четвертыйнадесять день тогожде месяца и провождаху той день упокоения с радостию и веселием. 18 Иудее же в Сусех граде собрашася и в четвертыйнадесять почиша: проводиша же и пятыйнадесять с радостию и веселием. 19 Сего ради Иудее разсеянии во всяцей стране внешней провождают четвертыйнадесять день Адара благ с веселием, посылающе части кийждо ближнему: живущий же в митрополиях и в пятыйнадесять день Адара веселия благий провождают, посылающе части ближним. 20 Написа же Мардохей словеса сия в книгу и посла Иудеом, елицы беша в царствии Артаксерксове, близ и далече сущым, 21 уставити дни сия благи, еже провождати четвертыйнадесять и пятыйнадесять день Адара: 22 в сих бо днех почиша Иудее от враг своих: и месяц Адар, иже обратися им от плача в радость и от болезни во благий день, провождати весь во благих днех радости и веселия, посылающе части ко другом и нищым. 23 И прияша Иудее, якоже написа им Мардохей: 24 како Аман Амадафуев Македонянин ратоваше Иудеев, и како изнесе суд и жребий, еже погубити их, 25 и яко вниде ко царю, глаголя, да повесит Мардохеа: елика нача наводити на Иудеи злая, на него быша, и повешен бысть сам и чада его. 26 Сего ради нарекошася дние сии Фурим ради жребий, зане диалектом их жребии нарицаются фурим, ради словес епистолии сея, и елика пострадаша сих ради, и елика им приключишася. 27 Устави убо, и тако прияша Иудее на себе и на семья свое и на ириложившихся к ним, ниже иначе да употребляют: дние же сии памяти совершаеми по роду и роду, и граду и отечеству и стране. 28 Дние же сии Фурим да провождают во всякое лето, и память да не оскудеет от родов. 29 И написа Есфирь царица дщи Аминадавля и Мардохей Иудеанин, елика сотвориша во утверждение епистолии о днех Фурим. 31 И Мардохей и Есфирь царица остависта себе сами, и тогда остависта во

посте своем совет свой. 32 И Есфирь слово постави во веки, и написано бысть в память.

10 Написа же царь по всему царствию своему, еже на земли и на мори, 2 и силу свою, и мужественная исправления, богатство же и славу царствия своего: се, писана суть в книзе царей Персских и Мидских, на память. 3 Мардохей бо второй бе по цари Артаксерксе, и велик бе во царствии и прославлен от Иудей и любим, поведаше содеянная всему языку своему.

Книга Иова

1 Человек некий быше во стране Авситидийстей, емуже имя Иов, и бе человек он истинен, непорочен, праведен богочестив, удаляясь от всякия лукавья вещи. **2** Быша же ему сынове седмь и дщери три. **3** И бяху скоти его, овец седмь тысяч, вельблюдов три тысячи, супруг волов пять сот, и ослиц пасомых пять сот, и слуг много зело, и дела велия бяху ему на земли: и бе человек оный благороднейший сущих от Восток солнца. **4** Сходящиеся же сынове его друг ко другу, творяху пир на кийждо день, споемлюще вкупе и три сестры своя, ясти и пити с ними. **5** И егда скончавашесь дние пира, посылаше Иов и очищаше их, востая заутра, и приношаше о них жертвы по числу их, и телца единого о гресе о душах их. Глаголаше бо Иов: негли когда сынове мои согрешиха и в мысли своей злая помыслиша противу Бога? Тако убо творяше Иов вся дни. **6** И бысть яко день сей, и се, придоша Ангели Божии предстати пред Господем, и диавол прииде с ними. **7** И рече Господь диаволу: откуда пришел еси? И отвечае диавол Господеву, рече: обшед землю и прошед поднебесную, се, есмь. **8** И рече ему Господь: внял ли еси мыслию твоею на раба Моего Иова? Зане несть яко он на земли: человек непорочен, истинен, богочестив, удаляясь от всякия лукавья вещи. **9** Отвеща же диавол и рече пред Господем: **10** еда туне Иов чтит Господа? Не Ты ли оградил еси внешняя его и внутренняя дому его, и яже вне всех сущих его окрест? Дела же руку его благословил еси и скоты его многи сотворил еси на земли: **11** но послы руку Твою и коснися всех, яже имать, аще не в лице Тя благословит, **12** тогда рече Господь диаволу: се, вся, елика суть ему, даю в руку твою, но самого да не коснешися. И изыде диавол от Господа. **13** И бысть яко день сей, сынове иовлевы и дщери его пяху вино в дому брата своего старейшаго. **14** И се, вестник прииде ко Иову и рече ему: супрузи волов оряху, и ослицы пасяхуся близ их: **15** и пришедше пленителие плениша их и отроки избиша мечем, и спасохся аз един и придох возвестити тебе. **16** Еще сему глаголющу, прииде ин вестник и рече ко Иову: огонь спаде с небесе и пожже овцы и пастыри пояде подобне, спасохся же аз един и придох возвестити тебе. **17** Еще сему глаголющу, прииде ин вестник и рече ко Иову: конницы сотвориша начальства три и окружиша вельблюды и плениша их и отроки избиша мечьми, спасохся же аз един и придох возвестити тебе. **18** Еще сему глаголющу, ин вестник прииде, глаголя Иову: сыном твоим и дщерем твоим ядущым и пиоущым у брата своего старейшаго, **19** внезапно ветр велик найде от пустыни и коснуся четверем углом храмины, и паде храмина на дети твоя, и скончашася: спасохся же аз един и придох возвестити тебе. **20** Тако (услышав) Иов, востав растерза ризы своя и остриже власы главы своея, (и посыпа перстию главу свою,) и пад на землю, поклонися (Господеву) **21** и рече: сам наг изыдох от чрева матери моея, наг и отиду тамо: Господь даде, Господь отяг: яко Господеву изволися, тако бысть: буди имя Господне благословено (во веки). **22**

Во всех сих приключившихся ему ничтоже согреша Иов пред Господем, (ниже устнама своима,) и не даде безумия Богу.

2 Бысть же яко день сей, и придоша Ангели Божии предстати пред Господем, и диавол прииде посреде их предстати пред Господем. **2** И рече Господь диаволу: откуда ты грядеши? Тогда рече диавол пред Господем: прошед поднебесную и обшед всю землю, приидох. **3** И рече Господь ко диаволу: внял ли еси убо (мыслию твоею) рабу Моему Иову? Яко несть такова от сущих на земли: человек незлобив, истинен, непорочен, богочестив, удаляясь от всякаго зла, еще же придержится незлобия: ты же рекл еси имения его погубити вотще. **4** Отвеща же диавол Господеву, рече: кожу за кожу, и вся, елика имать человек, даст за душу свою: **5** обаче послы руку Твою и коснися костем его и плоти его, аще не в лице Тя благословит. **6** Рече же Господь диаволу: се, предаю ти его, токмо душу его соблюди. **7** Изыде же диавол от лица Господня и порази Иова гноем лютым от ногу даже до главы. **8** И взя (Иов) чреп, да острогае гной свой, и той седяше на гноищи вне града. **9** но рцы глагол некий ко Господу и умри. **10** Он же воззрев рече к ней: вскую яко едина от безумных жен возглаголала еси? Аще благая прияхом от руки Господни, злых ли не стерпим? Во всех сих приключившихся ему, ничимже согреша Иов устнама пред Богом (и не даде безумия Богу). **11** Услышавше же трие друзи его вся злая нашедшая нань, придоша кийждо от своея страны к нему: Елифаз Феманский царь, Валдад Савхейский властитель, Софар Минейский царь: и придоша к нему единодушно утешити и посетити его. **12** Увидевше же его издалеча, не познаша, и возопивше гласом велиим восплакашася, растерзавше кийждо одежду свою и посыпавше перстию главы своя: **13** седеша при нем седмь дний и седмь ноцей, и никтоже от них возглагола к нему словесе: видяху бо язву люту сушу и велику зело.

3 Посем отверзе Иов уста своя и прокля день свой, **2** глаголя: **3** да погибнет день, в оныже родихся, и ночь оная, в нуже реша: се, мужеск пол: **4** та ночь буди тма, и да не взыщет ея Господь свыше, ниже да приидет на ню свет, **5** и да примет ю тма и сень смертная, да приидет на ню сумрак: проклят буди день той **6** и ночь оная: да постигнет ю тма, да не будет во днех лета, ниже да вчислится во днех месяцев: **7** но ночь оная да будет болезнь, и да не приидет на ню веселие и радость, **8** но да прокленет ю проклинаяй той день, иже имать одолети великаго кита: **9** да померкнут звезды тоя ноци, да ожидает и на свет да не приидет, и да не видит денницы возсияющая, **10** яко не затвори врат чрева матери моея: отяла бо бы болезнь от очию моею: **11** почто бо во утробе не умрох? Из чрева же изшед, и абие не погибох? **12** Почто же мя прияша на колена? Почто же ссах сосца? **13** Ныне убо уснув умолчал бых, уснув же почил бых **14** со царьми и советники земли, иже хваляхуся оружию, **15** или со князи, имже много злата, иже наполниша дома своя сребра, **16** или якоже изверг излазая из ложесн матерних, или якоже младенцы, иже не

видеша света: 17 тамо нечестивии уголиша ярость гнева, тамо почиша претружденнии телом, 18 вкупе же в вещь сем бывшии не слышат гласа собирающего дань: 19 мал и велик тамо есть, и раб не бояйся господина своего: 20 почто бо дан есть сущым в горести свет и сущым в болезнях душам живот, 21 иже желают смерти и не получают, ищуще якоже сокровища, 22 обрадовани же бывают, аще улечат (смерть)? 23 Смерть бо мужу покой, егоже путь сокровен есть, затвори бо Бог окрест его: 24 прежде бо брашен моих въздыхание ми приходит, слезу же аз одержимъ страхом, 25 страх бо, егоже ужасался, прииде ми, и егоже бояхся, срете мя: 26 ни умирихся, ниже умолчах, ниже почих, и найде ми гнев.

4 Отвеща же Елифаз Феманитин, глаголя: 2 еда множицею глаголаю ти бысть в труде? Тяжести же глагол твоих кто стерпит? 3 Аще бо ты научил еси многи и руце немощных утешил еси, 4 немощныя же въздвигл еси словесы, коленом же немощным силу обложил еси. 5 Ныне же прииде на тя болезнь и коснуся тебе, ты же возмутился еси. 6 Еда страх твой есть не в безумии, и надежда твоя и злоба пути твоего? 7 Помяни убо, кто чист сый погibe? Или когда истиннии вси из корене погiboша? 8 Якоже видех орющих неподобная, сеющи же я болезни пожнут себе, 9 от повеления Господня погибнут, от духа же гнева Его исчезнут. 10 Сила львова, глас же львицы, веселие же змиев угасе: 11 мраволев погibe, занеже не имяше брашна, скимни же львовы оставиша друг другу. 12 Аще же глагол кий истинен бе во словесех твоих, ни коеже бы от сих ты сретило зло. Не примет ли ухо мое предивных от него? 13 Страхом же и гласом ношным, нападающъ страх на человеки, 14 ужас же мя срете и трепет, и зело кости моя стрясе: 15 и дух на лице ми найде: устращиаша же ми власи и плоти, 16 востах и не разумех, видех, и не бе обличия пред очима моима, но токмо дух тих и глас слышах: 17 что бо? Еда чист будет человек пред Богом? Или в делех своих порока муж? 18 Аще рабом Своим не верует, и во Ангелех Своих стропотно что усмотре, 19 живущих же в бранных храминах, от нихже и мы сами от тогожде брения есмы, порази, якоже молие, 20 и от утра даже до вечера ктому не суть: занеже не могоша себе помощи, погiboша: 21 дхну бо на ня, и изсохша, и понеже не имяюх премудрости, погiboша.

5 Призови же, аще кто тя услышит, или аще кого от святых Ангел узриши. 2 Безумнаго бо убивает гнев, заблудшаго же умерщвляет рвение. 3 Аз же видех безумных укореняющихся, но абие поядено бысть их жилище. 4 Далече да будут сынове их от спасения, и да сотрутся при дверех худждших, и не будет изимаяя. 5 Иже бо они собраша, праведницы поядят, сами же от зол не изяти будут: измощенна буди крепость их. 6 Не имать бо от земли изыти труд, ни от гор прозябнути болезнь: 7 но человек раждается на труд, птенцы же суповы высоко парят. 8 Обаче же аз помолюся Богови, Господа же всех Владыку призову, 9 Творящего веля и неизследимая, славная же и изрядная, имже несть числа: 10 дающего дождь на землю, посылающего воду на поднебесную: 11 возносящего

смиранныя на высоту и погибшыя въздвизающего во спасение: 12 расточающего советы лукавых, да не сотворят руце их истины. 13 Уловляяй премудрых в мудрости их, совет же коварных разори. 14 Во дни обымет их тма, в полудне же да осяжут якоже в нощи, 15 и да погибнут на брани: немощный же да изыдет из руки сильного. 16 Буди же немощному надежда, неправеднаго же уста да заградятся. 17 Блажен же человек, егоже обличи Бог, наказания же Вседержителя не отвращаяся: 18 Той бо болети творит и паки възставляет: порази, и руце Его изцелят: 19 шестидесяти от бед измет тя, в седмем же не коснетися зло: 20 во глде избавит тя от смерти, на брани же из руки железа изрешит тя: 21 от бича языка скрыет тя, и не убоишия от зол находящихся: 22 неправедным и незаконным посмеешися, от дивиих же зверей не убоишия, 23 зане с каменiem дивиим завет твой: зверие бо дивии примирятся тебе. 24 Потом уразумееш, яко в мире будет дом твой, жилище же храмины твоя не имать согрешити: 25 уразумеши же, яко много семья твое, и чада твоя будут яко весь злак селный: 26 видети же во гроб якоже пшеница созрелая во время пожатая, или якоже стог гумна во время свезенный. 27 Се, сия сице изследихом: сия суть, яже слышахом: ты же разумей себе, аще что сотворил еси.

6 Отвещав же Иов, рече: 2 аще бы кто весь извесил гнев мой, болезни же моя взял бы на мерило вкупе, 3 то песка морскаго тяжчайшии были бы: но, якоже мнится, словеса моя зла суть. 4 Стрелы бо Господни в теле моем суть, иже ярость испивает кровь мою: егда начну глаголати, бодут мя. 5 Что бо? Еда вотще возревет дивий осел, разве брашна прося? Или возревет гласом вол, в яслех имей брашно? 6 Снестся ли хлеб без соли? Или есть вкус во тщих словесех? 7 Не может бо утишитися душа моя: смрад бо зрю брашна моя, якоже вою лъвову. 8 Аще бо дал бы, да приидет прошение мое, и надежду мою дал бы Господь. 9 Начен Господь да увязляет мя, до конца же да не убьет мя. 10 Буди же ми град гроб, на егоже стенах скаках в нем: не пощажу: не солгах бо во словесех святых Бога моего. 11 Кая бо крепость моя, яко терплю? Или кое ми время, яко терпит моя душа? 12 Еда крепость камня крепость моя? Или плоти моя суть медяны? 13 Или не уповах на него? Помощь же от мене отступи, 14 отречеся от мене милость, посещение же Господне презре мя. 15 Не возреша на мя ближнии мои: якоже поток оскудевая, или якоже волны преидоша мя: 16 иже мене бояхуся, ныне нападоша на мя: 17 якоже снег или лед смерзлый, егда истает теплоте бывшей, не ктому познавается, что бе: 18 тако и аз оставлен есмь от всех, погiboх же и бездомок бых: 19 видите пути Феманския, на стези Савонския смотрящи, 20 и студа исполнени будут на грады и на имения надеющихся. 21 Ныне же и вы найдосте на мя немилостивно: убо видевше мой струп убойтесе. 22 Что бо? Еда что у вас просих, или вашае крепости требую, 23 да спасете мя от врагов, или из руки сильных избавите мя? 24 Научите мя, аз же умолчу: аще что погреших, скажите ми. 25 Но, якоже мнится,

зла (суть) мужа истинного словеса, не от вас бо крепости прошу: 26 ниже обличение ваше словеса мя утолит, ниже бо вещания вашего словес стерплю. 27 Обаче яко на сира нападаете, наскочете же на друга вашего. 28 Ныне же воззрев на лица ваша, не солжу. 29 Сядите ныне, и да не будет неправедно, и паки ко праведному снитесь. 30 Ибо несть в языке моем неправды, и гортань мой не разуму ли поучается?

7 Не искушение ли житие человеку на земли, и якоже наемника повседневнога жизнь его? 2 Или якоже раб бояйся господа своего и улучив сень? Или якоже наемник ждый мзды своея? 3 Такжеде и аз ждах месяцы тщи, нощи же болезней даны ми суть. 4 Аще усну, глаголю: когда день? Егда же встану, паки: когда вечер? Исполнен же бываю болезней от вечера до утра. 5 Месится же мое тело в гнои червей, обливаю же грудие земли, гной стружа. 6 Житие же мое есть скоряе беседы, погибе же во тщей надежди. 7 Помяни убо, яко дух мой живот, и ктому не возвратится око мое видети благая. 8 Не узрит мене око видящаго мя: очи Твои на мне, и ктому несмы, 9 якоже облак очищен от небесе: аще бо человек снитет во ад, ктому не взыдет, (Sheol h7585) 10 ни возвратится во свой дом, ниже имать его познати ктому место его. 11 Убо ниже аз пощажу уст моих, возглаголю в нужди сый, отверзу уста моя горестию души моя сотеснен. 12 Еда море есмь, или змий, яко учинил еси на мя хранение? 13 Рекох, яко утешит мя одр мой, произнесу же ко мне на едине слово на ложи моем: 14 устрашаеши мя сонями и видениями ужасаеши мя: 15 свободиши от духа моего душу мою, от смерти же кости моя. 16 Не поживу бо во век, да долготерплю: отступи от мене, тще бо житие мое. 17 Что бо есть человек, яко возвеличил еси его? Или яко внимаеши умом к нему? 18 Или посещение твориши ему по всяко утро и в покои судити его имаше? 19 Доколе не оставиши мене, ниже отпускаяеши мя, дондеже поглощу слины моя в болезни? 20 Аще аз согреших, что Тебе возмогу соделати, сведый ум человекъ? Почто мя еси положил прекословна Тебе, и есмь Тебе бременем? 21 Почто неси сотворил беззаконию моему забвения, и очищения греха моего? Ныне же в землю отиду, утренной же несмы ктому.

8 Отвещав же Валдад Савхейский, рече: доколе глаголати будеши сия? 2 Дух многоглаголив во устех твоих. 3 Еда Господь обидит судий? Или вся сотворивый возьмет правду? 4 Аще сынове твои согресиша пред Ним, посла руку на беззакония их: 5 ты же утренной ко Господу Вседержителю моляся: 6 аще чист еси и истинен, молитву твою услышит, устроит же ти паки житие правды: 7 будут убо первая твоя мала, последняя же твоя без числа. 8 Вопросы бо рода перваго, изследи же по роду отцев: 9 вчерашни бо есмы и не вемы, сень бо есть наше житие на земли: 10 не сии ли научат тя и возвестят ти и от сердца изнесут словеса? 11 Еда произничет рогоз без воды, или растет ситник без напаяния? 12 Еще сущу на корени, и не пожнется ли? Прежде напаяния всякое былие не изсыхает ли? 13 Тако убо будут последняя всех забывающих Господа: надежда

бо нечестиваго погибнет: 14 не населен бо будет дом его, паучина же сбудется селение его. 15 Аще подпрет храмину свою, не станет: емшуся же ему за ню, не пребудет. 16 Влажный бо есть под солнцем, и от тления его леторасль его изыдет: 17 на собрании камня спит, посреде же кремения поживет: 18 аще поглотит место, солжет ему, не видел еси таковая, 19 яко превращение нечестиваго таково, из земли же инаго произрастит. 20 Господь бо не отринет незлобиваго: всякаго же дара от нечестиваго не примет. 21 Истинным же уста исполнит смеха, устне же их исповедания. 22 Врази же их облекутся в студ: жилище же нечестиваго не будет.

9 Отвещав же Иов, рече: 2 воистинну вем, яко тако есть: како бо будет праведен человек у Господа? 3 Аще бо восхоцет судитися с Ним, не послушает Его, да не преречет ко единому словеси Его от тысячи. 4 Премудр бо есть мыслию, крепок же и велик: кто жесток быв противу Его, греться? 5 Обетшай горы, и не ведят, превращай я гневом: 6 трясый поднебесную из оснований, столпы же ея колеблются: 7 глаголяй солнцу, и не восходит, звезды же печатствует: 8 прострый един небо и ходяй по морю, яко по земли: 9 творяй Плиады и Еспера, и Арктура и сокровища южная: 10 творяй велия и неизследованная, славная же и изрядная, имже несть числа. 11 Аще придет ко мне, не имам видети: и аще мимоидет мене, никако уразумех. 12 Аще возмет, кто возвратит? Или кто речет Ему: что сотворил еси? 13 Сам бо отвращает гнев, слякшося под Ним кити поднебеснии. 14 Аще же мя услышит, или разсудит глаголы моя? 15 Аще бо и праведен буду, не услышит мене, суду Его помолюся: 16 аще же воззову, и услышит мя, не иму веры, яко услыша глас мой. 17 Да не мглою мя потребит, многа же ми сотрения сотвори всуе, 18 не оставляет бо мя отдохнути, исполни же мя горести. 19 Понеже силен есть крепостию: кто убо суду Его воспротивится? 20 Аще бо буду праведен, уста моя нечестия сотворят: аще же буду непорочен, стропотен буду. 21 Аще бо нечестие сотворих, не вем душею моею: обаче отемлется ми живот. 22 Темже рех: велика и сильна губит гнев. 23 Яко лукавии смертию глаголы погибнут, обаче праведным посмеваются. 24 Предана есть земля в руце нечестиваго, лица судий ея покрывает: аще же не Сам есть, кто есть? 25 Житие же мое есть легчае скоротечца: отбегоша и не видеша. 26 Или есть кораблем след пути, или орла летяща, ищуща яди? 27 Аще бо реку: забуду глаголя, приникнув лицом вздохну, 28 трясуся всеми удесы: вем бо, яко не безвинна мя оставиши. 29 Аще же нечестив есмь, почто не умрох? 30 Аще бо измыюся снегом и очищуся руками чистыми, 31 довольно во скверне омочил мя еси, возгнушася же мною одежда моя. 32 Неси бо человек, якоже аз, Емуже противопрюся, да приидем вкупе на суд. 33 О, дабы ходатай нам был, и обличай и разслушай между обема. 34 Да отимет от мене жезл, страх же Его да не смущает мене: 35 и не убоюся, но возглаголю, ибо тако не вем сам себе.

10 Трудяюся душею моею, стена испущу на мя глаголы моя, возглаголю горестию души моя одержимъ 2 и

реку ко Господеви: не учи мя нечестовати, и почто ми сице судил еси? 3 Или добро Ти есть, аще вознеправдую, яко презрел еси дела руку Твоею, совету же нечестивых внял еси? 4 Или якоже человек видит, видиши? Или якоже зрит человек, узриши? 5 Или житие Твое человеческо есть? Или лета Твоя яко дни мужа? 6 Яко истязал еси беззаконие мое и грехи моя изследил еси. 7 Веси бо, яко не нечестовах: но кто есть изимаяй из руку Твоею? 8 Руце Твои сотвориште мя и создасте мя: потом же преложив, поразил мя еси. 9 Помяни, яко брание мя создал еси, в землю же паки возвращаеши мя. 10 Или не якоже млеко измелзил мя еси, усырил же мя еси равно сыру? 11 Кожею же и плотию мя облекл еси, костями же и жилами сшил мя еси: 12 живот же и милость положил еси у мене, посещение же Твое сохрани мой дух. 13 Сия имей в Тебе, вем, яко вся можеши, и невозможно Тебе ничтоже. 14 Аще бо согрешу, храниши мя, от беззакония же не безвинна мя сотворил еси. 15 Аще бо нечестив буду, люте мне, аще же буду праведен, не могу возникнути: исполнен бо есмь безчестия, 16 ловимь бо есмь аки лев на убийение: паки же преложив, люте убиваеши мя. 17 Обновляяй на мя испытание мое, гнева бо великаго на мя употребил еси и навел еси на мя искушения. 18 Почто убо мя из чрева извел еси, и не умрох, око же мене не видело бы, 19 и бых бы аки не был? Почто убо из чрева во гроб не снидох? 20 Или не мало есть время жизни моея? Остави мене почити мало, 21 прежде даже отиду, отнюдуже не возвращуся, в землю темну и мрачну, 22 в землю тмы вечныя, идеже несть света, ниже видети живота человеческого.

11 Отвещав же Софар Минейский, рече: 2 глаголяй много, и противоуслышит: или многоречив мнится быти праведен? Благословен рожденный от жены малолетен. 3 Не мног во словесех буди: несть бо противовещаяй ти. 4 Не глаголи бо, яко чист есмь дела и безпорочен пред Ним: 5 но како Господь возглаголет к тебе и отверзет устне Свои с тобою? 6 Потом возвестит ти силу премудрости, яко сугуб будет в сих, яже противу тебе: и тогда уразумееши, яко достойная тебе сбышася от Господа, имиже согрешил еси, 7 или след Господень обрящеши? Или в последняя достигл еси, яже сотвори Вседержитель? 8 Высоко небо, и что сотвориши? Глубочае же сущих во аде что веси? (Sheol h7585) 9 Не должае ли меры земныя, или широты морской? 10 Аще же превратит вся, кто речет Ему: что сотворил еси? 11 Той бо весть дела беззаконных: видев же нелепая, не презрит. 12 Человек же инако обилует словесы: земный же рожденный от жены равен ослу пустынному. 13 Аще бо ты чисто положил еси сердце твое, воздеваеши же руце твои к Нему, 14 аще беззаконно что есть в руку твою, далече сотвори е от тебе, неправда же в жилищи твою да не вселится: 15 тако бо ты возсияет лице, якоже вода чиста: совлечешися же скверны, и не убоишися, 16 и труда забудеши, якоже волны мимощедшия, и не устрашишися. 17 Молитва же твоя, аки денница, и паче полудне возсияет ти жизнь: 18 уповая же будеши, яко будет ти надежда: от туги же и попечения явится ти мир: 19 упокоишися бо, и не

будет боряй тя: премевающиися же мнози имут просити тя, 20 спасение же оставит их: надежда бо их пагуба, очи же нечестивых истают.

12 Отвещав же Иов, рече: 2 убо вы ли едины есте человецы, или с вами скончается премудрость? 3 И у мене сердце есть якоже и у вас. 4 Праведен бо муж и непорочен бысть в поругание: 5 во время бо определенное уготован бысть пасти от иных, домы же его опустошены быти беззаконными. Обаче никтоже да уповает, лукав сый, неповинен быти, 6 елицы разгневляют Господа, аки и истязания им не будет. 7 Но вопроси четвероногих, аще ти рекут, и птиц небесных, аще ти возвестят: 8 повеждь земли, аще ти скажет, и исповедят ти рыбы морския. 9 Кто убо не разуме во всех сих, яко рука Господня сотвори сия? 10 Не в руце ли Его душа всех живущих и дух всякаго человека? 11 Ухо бо словеса разсуждает, гортань же брашна вкушает. 12 Во мнозем времени премудрость, во мнозе же житии ведение. 13 У Него премудрость и сила, у Того совет и разум. 14 Аще низложит, кто созиждет? Аще затворит от человек, кто отверзет? 15 Аще возбранит воду, иссушит землю: аще же пустит, погубит ю превратив. 16 У Него держава и крепость, у Того ведение и разум. 17 Проводяй советники пленены, судии же земли ужаси: 18 посаждаяй цари на престолех и обвязуяй поясом чресла их: 19 отпушаяй жерцы пленники, сильных же земли низврати: 20 изменяяй устне верных, разум же старцев уразуме: 21 изливаяй безчестие на князи, смиренныя же изцели: 22 открываяй глубокая от тмы, изведе же на свет сень смертную: 23 прельщаяй языки и погубляяй их, низлагаая языки и наставляяй их: 24 изменяяй сердца князей земных, прельсти же их на пути, егоже не ведяху, 25 да осяжут тму, а не свет, да заблудят же яко пьяный.

13 Се, сия виде око мое, и слыша ухо мое, 2 и вем, елика и вы весте: и не неразумнее есмь вас. 3 Но обаче и аз ко Господу возглаголю, обличу же пред Ним, аще восхоцет. 4 Вы бо есте врачеве неправеднии и целители злых вси, 5 буди же вам онемети, и сбудется вам в премудрость. 6 Слышите же обличение уст моих, суду же устен моих вонмите. 7 Не пред Богом ли глаголете и пред Ним вещаете лесь? 8 Или уклонитесь, вы же сами судии будите. 9 Добро бо, аще изследит вас: аще бо вси творящии приложитесь к нему, обаче обличит вы. 10 Аще же и тай лицам удивитесь, 11 не движение ли Его смятет вас, боязнь же от Него нападет на вы? 12 Отидет же величание ваше равно пепелу, тело же брэнно. 13 Умолчите, да возглаголю и почию от гнева. 14 Вземля плоти моя зубами, душу же мою положу в руце моея. 15 Аще мя убьет Сильный, понеже и нача, обаче возглаголю и обличу пред Ним: 16 и сие ми сбудется во спасение: не внидет бо пред Ним лесь. 17 Послушайте, послушайте глагол моих: возвещу бо вам слышащым. 18 Се, аз близ есмь суда моего, вем аз, яко праведен явлюся. 19 Кто бо есть судяйся со мною, да ныне умолчу и исчезну? 20 Двое же ми сотвориши, тогда от лица Твоего не скрюся: 21 руку от мене отими, страх же Твой да не ужасает мя: 22 посем

призовеши, аз же Тя послушаю, или возглаголеши, аз же Ти дам ответ. 23 Колицы суть греси мои и беззакония моя? Научи мя, кая суть? 24 Почто крыешися от мене? Мниши же мя противна суща Тебе? 25 Или яко лист движимь ветром убоишися? Или яко сену носиму ветром противляешимся? 26 Яко написал еси на мя злая, обложил же ми еси юностины грехи: 27 положил же еси ногу мою в возбранение: сохранил же еси дела моя вся: в кореня же ног моих пришел еси: 28 иже обещают якоже мех, или якоже риза молием изядена.

14 Человек бо рожден от жены малолетен и исполнь гнева: 2 или якоже цвет процветый отпаде, отбеже же яко сень, и не постоит. 3 Не и о сем ли слово сотворил еси, и сему сотворил еси внити на суд пред Тя? 4 Кто бо чист будет от скверны? Никтоже, 5 аще и един день житие его на земли: изочтени же месяцы его от Тебе, на время положил еси, и не преступил. 6 Отступи от него, да умолкнет и избрет житие якоже наемник. 7 ЕСТЬ БО ДРЕВУ НАДЕЖДА: аще бо посечено будет, паки процветет, и леторасль его не оскудеет: 8 аще бо состарееся в земли корень его, на камени же скончается стебло его, 9 от вони воды процветет, сотворит же жатву, якоже новосажденное. 10 Муж же умерый отиде, пад же человек, ктому несть. 11 Временем бо оскудевает море, река же опустевши изсше: 12 человек же уснув не востанет, дондеже не будет небо сошвено, и не возбудятся от сна своего. 13 Убо, о, дабы во аде мя сохранил еси, скрпл же мя бы еси, дондеже престанет гнев Твой, и вчиниши ми время, в неже память сотвориши ми. (Sheol h7585) 14 Аще бо умрет человек, жив будет: скончав дни жития своего, потерплю, дондеже паки буду. 15 Посем воззовеши, аз же послушаю Тя: дел же руку Твоею не отвращайся: 16 изчислил же еси начинания моя, и ничтоже Тя мимоидет от грех моих: 17 запечатлел же ми еси беззакония в мешце, назнаменал же еси, аще что неволю преступих. 18 Обаче и гора падаючи распадется, и камень обтешает от места своего: 19 камень огладиша воды, и потогиша воды взнак холмы земныя, и ожидание человеческо погубил еси. 20 Отринул еси его до конца, и отиде: изменил еси ему лице и испустил еси. 21 Многим же бывшим сыном его, не весть: аще же и мало их будет, не знает: 22 но плоти его болеша, душа же его о себе сетова.

15 Отвещав же Елифаз Феманитин, рече: 2 еда премудрый даст ответ разумен на ветр, и наполни болезнию чрево, 3 обличая глаголы, имиже не подобает, и словесы, ихже ни кая польза? 4 Не и ты ли отринул еси страх? Скончал же еси глаголы таковы пред Господем? 5 Повинен еси глаголом уст твоих, ниже расудил еси глаголы сильных. 6 Да обличат тя уста твоя, а не аз, и устне твои на тя возсвидетелствуют. 7 Что бо? Еда первый от человек рожден еси? Или прежде холмов стугился еси? 8 Или строение Господне слышал еси? Или в советника тя употреби Бог? И на тя (единого) ли прииде премудрость? 9 Что бо веси, егоже не вемы? Или что разумеши ты, егоже и мы (не разумеем)? 10 И стар и древен есть в нас, старший отца твоего деньми. 11 Мало, о ниже согрешил еси, уязвлен еси, вельми выше меры

возглаголал еси. 12 Что дерзостно бысть сердце твое? Или что вознесостся очи твои? 13 Яко ярость изрыгнул еси пред Господем, изнесл же еси изо уст такова словеса? 14 Кто бо сый человек яко будет непорочен? Или аки будущий праведник рожден от жены? 15 Аще во святых не верит, небо же нечисто пред Ним, 16 кольми паче мерзкий и нечистый муж, пияй неправды, якоже питье. 17 Возвещу же ти, послушай мене: яже ныне видех, возвещу ти, 18 яже премудрии рекут, и не утаиша отцы их, 19 имже единым дана бысть земля, и не найде иноплеменик на ны. 20 Все житие нечестиваго в попечении, лета же изочтена дана сильному, 21 страх же его во ушесех его: егда мнит уже в мире быти, тогда приидет нань низвращение: 22 да не верует отвратитися от тмы, осужден бо уже в руки железа, 23 учинен же есть в брашно неясътем: весть же в себе, яко ждет падения, день же темен превратит его, 24 беда же и скорбь оымет его, якоже военачалник напреди стояй падает, 25 яко вознесе руце на Господа, пред Господем же Вседержителем ожесточи выю, 26 тече же противу Ему укоризною в толщи хребта чита своего: 27 яко покры лице свое туклом своим и сотвори омет на стгнах: (хвала же его укоризна). 28 Да вселится же во градах пустых, внидет же в дома ненаселенныя: а яже они уготоваша, инии отнесут. 29 Ниже обогатится, ниже останет имение его, не имать положить на землю сени, 30 ниже избежит тмы: прозябение его да усушит ветр, и да отпадет цвет его: 31 да не верит, яко стерпит, тщетная бо сбудутся ему. 32 Посещение его прежде часа растлеет, и леторасль его не облиственеет: 33 да оыман будет якоже незрелая ягода прежде часа, да отпадет же яко цвет масличия. 34 Послушество бо нечестиваго смерть, огонь же пожжет дома мздоимцев: 35 во чреве же примет болезни, сбудется же ему тщета, чрево же его понесет лесть.

16 Отвещав же Иов, рече: 2 слышах сицевая многа, утешителие зол вси. 3 Что бо? Еда чин есть во словесех ветра? Или кую ти пакость сотворит, яко отвечаеши? 4 И аз якоже вы возглаголю: аще бы душа ваша подлежала вместо моя, тогда наскочил бых на вы словесы, покиваю же на вы главою моею. 5 Буди же крепость во устех моих, движения же устен не пощажу. 6 Аще бо возглаголю, не возболю ли язвою? Аще же и умолчу, чим меньше уязвен буду? 7 Ныне же преутруждена мя сотвори, буя, согнивша, и ят мя. 8 В послушество бых, и поста во мне лжа моя, противно лицу моему отвеща. 9 Гневен быв низложа мя, воскрешета зубы на мя, стрелы разбойников Его нападоса на мя. 10 Остротою очес насакаа, мечем порази мя в колена: вкупе же потекоша на мя: 11 предаде бо мя Господь в руки неправедных, нечестивым же поверже мя. 12 Мирствующа разсыпа мя, взяв мя за власы оборва, постави мя аки примету. 13 Обыдоша мя копиями бодуще во истесы моя, не щадяще: излиша на землю желчь мою, 14 низложиша мя труп на труп, текоша ко мне могущии, 15 вретнице сошиша на кожу мою, и мощь моя на земли угасе. 16 Чрево мое сгоре от плача, на веждах же моих стень смертная, 17

неправедно же ни едино бе в руку мою: молитва же моя чиста. 18 Земле, да не покрывеши над кровию плоти моя, ниже да будет место воплю моему. 19 И ныне се, на небесех Послух мой, Свидетель же ми во вышних. 20 Да придет моя мольба ко Господу, пред Нимже да каплет око мое. 21 Буди же обличение мужу пред Господом, и сыну человеческому ко ближнему его. 22 Лета же изочтеная приидоша, и путем, имже не возвращаюся, пойду.

17 Тлею духом носимь, прошу же гроба и не улучаю. 2 Молю болезнью, и что сотворю? Украдоша же ми именование чуждии. 3 Кто есть сей? Рукою моею связан да будет. 4 Яко сердце их сокрыл еси от мудрости, сего ради да не вознесеши их. 5 Части возвестит злобы: очи же на сынех истаяста. 6 Положил же мя еси в притчу во языцех, смех же бых им. 7 Слепота бо от гнева очи мои, повоеван бых вельми от всех: 8 чудо объа истинных о сем, праведник же на беззаконника да встанет: 9 да содержит же верный путь свой, чистый же рукама да примет дерзость. 10 Но обаче вси належите и приидите, не бо обретаю в вас истины. 11 Дние мои преидоша в течении, расторогошася же удове сердца моего. 12 Ночь в день преложих: свет близ от лица тмы. 13 Аще бо стерплю, ад ми есть дом, в сумраце же постлася ми постеля. (Sheol h7585) 14 Смерть назвае отца моего быти, мать же и сестру ми гной. 15 Где убо еще есть ми надежда, или благая моя узрю? 16 Или со мною во ад снидут, или вкупе в персть снидем. (Sheol h7585)

18 Отвещава же Валдад Савхейский, рече: 2 доколе не престанеши? Пожди, да и мы возглаголем. 3 И почто аки четвероножная умолчахом пред тобою? 4 Пребысть ти гнев. Что бо? Аще ты умреши, не населенна ли будет поднебесная? Или превратятся горы из оснований? 5 И свет нечестивых угаснет, и не произыдет их пламень: 6 свет его тма в жилищи, светилник же в нем угаснет: 7 да уловят меншии именная его, погрешит же его совет: 8 ввержена же бысть нога его в пругло, мрежею да повиесться: 9 да приидут же нань пругла, укрепит нань жаждущих: 10 скрыся в земли уже его, и ятие его на стези. 11 Окрест да погубят его болезни: мнози же окрест ног его обыдут во гладе теснем: 12 падение же ему уготовано велико. 13 Поядены же да будут плесны ног его, красная же его да пояст смерть. 14 Отторжено же буди от жития его изцеление, да имет же его беда виною царскою. 15 Да вселится в храмине его в нощи его, посыпана да будут лепотная его жупелом: 16 под ним корения его да иссохнут, свыше же нападет пожатие его. 17 Память его да погибнет от земли, и (не) будет имя его на лица внешнем: 18 да отринет его от света во тму: 19 не будет знаемь в людех его, ниже спасен в поднебесней дом его: 20 но в своих ему поживут инии, над ним воздохнуша последнии, первых же объа чудо. 21 Сии суть домове неправедных, сие же место неведущих Бога.

19 Отвещава же Иов, рече: 2 доколе притрудну творите душу мою и низлагаете мя словесы? Уразумейте токмо, яко Господь сотвори мя сице. 3 Клевещете на мя, не стыдящася мене належите ми. 4 Буди, яко воистинну аз

прельстихся, и у мене водворяется погрешение, глаголати словеса, яже не подобаше, словеса же моя погрешают, и не во время: 5 буди же, яко на мя величаются, наскакаете же ми поношением: 6 разумеите убо, яко Господь есть иже смяте мя и ограду Свою на мя вознесе. 7 Се, смеюся поношению, не возглаголю: возопию, и нигдеже суд. 8 Окрест огражден есмь и не могу прейти: пред лицом моим тму положи, 9 славу же с мене совлече и отя венец от главы моя: 10 растерза мя окрест, и отидох: посече же яко древо надежду мою. 11 Люте же гнева употреби на мя и возмне мя яко врага. 12 Вкупе же приидоша искушения Его на мя, на путех же моих обыдоша мя наветничи. 13 Братия моя отступиша от мене, познаша чуждых паче мене, и друзие мои немилостиви быша: 14 не снабдеша мя ближнии мои, и ведящии имя мое забыша мя. 15 Соседи дому и рабыни моя, (яко) иноплеменик бых пред ними: 16 раба моего звах, и не послуша, уста же моя моляхуся: 17 и просих жену мою, призвах же лаская сыны подложниц моих: 18 они же мене в век отринуша, егда встану, на мя глаголют. 19 Гнушахуся мене видящии мя, и ижже любих, востаха на мя. 20 В кожи моей согниша плоти моя, кости же моя в зубех содержатся. 21 Помилуйте мя, помилуйте мя, о, друзие! Рука бо Господня коснувшаяся ми есть. 22 Почто мя гоните якоже и Господь? От плотей же моих не насыщаетесь? 23 Кто бо дал бы, да напишутся словеса моя, и положатся оная в книзе во век? 24 И на дщице железне и олове, или на каменных изваяются? 25 Вем бо, яко присносущен есть, иже имать искупити мя, 26 (и) на земли воскресити кожу мою терпящую сия, от Господа бо ми сия совершишася, 27 яже аз в себе свем, яже очи мои видеста, а не ин: вся же ми совершишася в недре. 28 Аще же и речете: что речем противу ему? И корень словесе обрящем в нем. 29 Убойтеся же и вы от меча: ярость бо на беззаконныя найдет, и тогда увидят, где есть их вещество.

20 Отвещава же Софар Минейский, рече: 2 не тако мнешь сия тебе рещи противу, и не разумеете паче нежели и аз. 3 Наказание срамления моего услышу, и дух от разума отвещавает ми. 4 Еда сих не уразумел еси от века, отнележе положен человек бысть на земли? 5 Веселие бо нечестивых падение страшно, обрадование же беззаконных пагуба. 6 Аще въздут на небо дары его, жертва же его облаков коснется: 7 егда бо мнится уже утвержден быти, тогда в конец погибнет. Видевшии же его рекут: где есть? 8 Якоже сон отлетьвый не обрящется, отлете же аки мечтание noctное. 9 Око призре, и не приложит, и ктому не познает его место его. 10 Сынов его да погубят меншии, и руде его възжгут болезни. 11 Кости его наполнишася грехов юности его и с ним на персти уснут. 12 Аще усладится во устех его злоба, скрывает ю под языком своим: 13 не пощадит ея, и не оставит ея, и соберет ю посреде гортани своего, 14 и не возможет помощи себе: желчь аспидов во чреве его. 15 Богатство неправедно собираемо изблюется, из храмины его извлечет его Ангел. 16 Ярость же змиеву да ссет, да убьет же его язык змиин. 17 Да не узрит отдоения скотов, ниже прибытка меда и масла кравия. 18 Вотще и всуе трудися,

богатство, от негоже не вкусит, якоже клоки не сожваемы и не поглощаемы. 19 Многих бо немощных дома сокруши, жилище же разграби и не постави. 20 Несть спасения имению его, в вожделении своем не спасется. 21 Несть останка брашну его, сего ради не процветут ему благая. 22 Егда же мнит уже исполнь быти, оскорбится, всяка же беда нань приидет. 23 Аще како либо исполнит чрево свое, напустит нань ярость гнева, одождит на него болезни: 24 и не спасется от руки железа, да устрелит его лук медян, 25 и да пройдет сквозе тело его стрела: звезды же в жилищих его: да приидут нань страсти, 26 и всяка тма на нем да пребудет: да пояст его огонь нераздеженный, да озлобит же пришлец дом его: 27 и да открыет небо беззакония его, и земля да встанет нань: 28 да извлечет дом его пагуба до конца, день гнева да приидет нань. 29 Сия часть человека нечестиваго от Господа и стяжание имений его от Надзирателя.

21 Отвещав же Иов, рече: 2 послушайте, послушайте словес моих, да не будет ми от вас сие утешение: 3 потерпите ми, аз же возглаголю, таже не посмеетемися. 4 Что бо? Еда человеческо ми обличение? Или почто не возярюся? 5 Возревши на мя удивитесь, руку положше на ланите. 6 Аще бо воспомяну, ужаснуса: обдержат бо плоть мою болезни. 7 Почто нечестивии живут, обетшаша же в богатстве? 8 Семя их по души, чада же их пред очима. 9 Домове их обилнии суть, страх же нигде, раны же от Господа несть на них. 10 Говядо их не изверже: спасена же бысть их имущая во чреве и не лишися. 11 Пребывают же яко овцы вечныя, дети же их предиграют, 12 вземше псалтирь и гусли, и веселятся гласом песни. 13 Скончаша во благих житие свое, в покои же адове упоша. (Sheol h7585) 14 Глаголют же Господеви: отступи от нас, путей Твоих ведети не хоцем: 15 что достоин, яко да поработаемо Ему? И каля польза, ако да възьемем Его? 16 В руках бо их бяху благая, дел же нечестивых не надзирает. 17 Обаче же и нечестивых светилник угаснет, найдет же им развращение, болезни же их оымут от гнева: 18 будут же аки плевы пред ветром, или якоже прах, егоже взя вихр. 19 Да оскудеют сыном имения его: воздаст противу ему, и уразумеет. 20 Да узрят очи его свое убинение, от Господа же да не спасется. 21 Яко воля его с ним в дому его, и числа месяцев его разделишася. 22 Не Господь ли есть научая разуму и хитрости? Тойже мудрых разсуждает. 23 Той умрет в силе простоты своея, всецел же благодушествоуй и благоуславяй, 24 утраба же его исполнена тука, мозг же его разливаеся. 25 Ов же умирает в горести души, не ядый ничтоже блага. 26 Вкупе же на земли спят, гнилость же их покры. 27 Темже вем вас, яко дерзостию належите ми, 28 яко речете: где есть дом князь? И где есть покров селений нечестивых? 29 Вопросите мимоходящих путем, и знамения их не чужда сотворите. 30 Яко на день пагубы соблюдается нечестивый, и в день гнева Его отведен будет. 31 Кто возвестит пред лицом его путь его, и еже той сотвори, кто воздаст ему? 32 И той во гроб отнесен бысть, и на гробищих побде. 33 Усладися ему дробное камение потока, и вслед его всяк

человек отидет, и пред ним безчисленнии. 34 Како же мя утешаете суетными? А еже бы мне почти от вас, ничтоже.

22 Отвещав же Елифаз Феманитин, рече: 2 не Господь ли есть научая разуму и хитрости? 3 Ибо кое попечение Господу, аще ты был еси дела непорочен? Или (кая) польза, яко прост творити будеши путь твой? 4 Или опасение имея от тебе обличит тя и внидет с тобою в суд? 5 Еда злоба твоя есть не многа? Безчисленнии же твои суть греси? 6 В залог бо имал еси от братии твояе вотще, одежду же нагих отнимал еси, 7 ниже водою жаждущих напоил еси, но алчущих лишил еси хлеба: 8 удивлялся же еси неких лицу и повергал еси убогих на земли: 9 вдовицы же отпустил еси тщи и сироты озлобил еси. 10 Сего ради обыдоша тя сети, и поспеши на тя рать велика: 11 свет тебе тма бысть, уснуваша же вода ты покры. 12 Еда на высокии живый не призирает? Укоризною же возносящихся смири. 13 И рекл еси: что разуме Крепкий? Или во мраще разсудит? 14 Облак покров Его, и неувидимь будет, и круг небесе обходит. 15 Еда стезю древнюю сохраниши, в ноже ходиша мужие неправедни, 16 иже яти быша прежде времење? Река текущая основания их, 17 глаголющии: что сотворит нам Господь? Или что нанесет на ны Вседержитель? 18 Иже исполнил есть дома их благами: совет же нечестивых далече от Него. 19 Видевше праведницы возмешася, непорочен же глумляшеся им: 20 не погибе ли имяне их, и останки их пояст огонь? 21 Буди убо тверд, аще претерпиши, потом плод твой будет во благих. 22 Приими же из уст Его изречение и восприими словеса Его в сердце твое. 23 Аще же обратишися и смириши себе пред Господем, и далече сотвориши от жилища твоего неправду, 24 и положен будеши на персти в камени, и якоже камень потока Офирска. 25 Будет убо тебе Вседержитель помощник от враг, чиста же сотворит ты якоже сребро разжжено, 26 потом дерзновение возмиеши пред Богом, возрев весело на небо. 27 Помолвуся же тебе к Нему, услышит тя, даст же ти обеты твоя воздати, 28 устроит же ти жилище правды, на путех же твоих будет свет: 29 яко смирил еси себе, тогда речеши: вознесеса, и поникша очима спасет, 30 избавит неповиннаго, и спасешия чистыма рукама твоима.

23 Отвещав же Иов, рече: 2 вем убо, яко из руки моя обличение мое есть, и рука Его тяжка бысть паче моего въздыхания. 3 Кто убо увезть, яко обрящу Его и прииду ко кончине? 4 И реку мой суд, уста же моя исполню обличения, 5 уразумею же изцеления, яже ми речет, и ощуцу, что ми возвестит. 6 И аще со многуо крепостию найдет на мя, посем же не воспретит ми. 7 Истина бо и обличение от Него: да изведет же в конец суд мой. 8 Аще бо во первых пойду, кому несмь: в последних же, како вем Его? 9 Ошуюю творящу Ему, и не разумех: обложит одесную, и не узрю. 10 Весть бо уже путь мой, искуси же мя яко злато. 11 Изыду же в заповедех Его, пути бо Его сохраних, и не уклонюся от заповедий Его 12 и не преступлю, в недрах же моих сокрых глаголголы Его. 13 Аще же и Сам судил тако, кто есть рекий противу Ему? Сам бо восхоте и сотвори. 14 Сего ради о

Нем трепетен бых, наказуемъ же попокохся о Нем: 15 сего ради от лица Его потщуся, поучуся и убоюсь от Него. 16 И Господь умягчил сердце мое, и Вседержитель потщася о мне: 17 не ведех бо, яко найдет на мя тма, пред лицом же моим покрывает мрак.

24 Почто же Господа утаишася часы, 2 нечестивии же предел преидоша, стадо с пастырем разграбивше? 3 Подяремника сирых отведоша и вола вдовича в залог взяша: 4 уклониша немощных от пути праведнаго, вкупе же скрышася кротцыи земли: 5 изыдоша же, яко осли на село, на мя, изступивше своего чина: сладок бысть хлеб им ради юных. 6 Ниву прежде време не свою сущу пожаша, немощнии же виноград нечестивых без мзды и без брашна возделаша: 7 нагих многих успиша без риз, одежду же души их отяша: 8 каплями горскими мокнут, занеже не имяху покрова, в камение облекошася: 9 восхитиша сироту от сосца, падшаго же смириша: 10 нагия же успиша неправедно, от алчущих же хлеб отяша: 11 в теснинах неправедно заседоша, пути же праведнаго не ведеша. 12 Уже из града и из домов своих изгоними бываху, душа же младенцев стеняше вельми: Бог же почто сих посещения не сотвори? 13 На земли сущым им, и не разумеша, пути же праведнаго не ведеша, ни по стезям его ходиша. 14 Разумев же их дела, предаде их во тму, и в нощи будет яко тать. 15 И око прелюбодя сохрани тму, глаголя: не узрит мя око: и покрывало лицу наложи. 16 Прокопа в нощи храмины, во днеш же запечатлеша себе, не познаша света: 17 яко абие заутра им сень смерти, понеже познает мятеж сени смертныя. 18 Легок есть на лица воды: проклята буди часть их на земли, да явятся же садовия их на земли суха: 19 рукоятие бо сирых разграбиша. (Sheol h7585) 20 Потом воспомянен бысть ему грех, и якоже мгла росы изчезе: воздано же буди ему, еже содея, сокрушен же буди всяк неправдив яко древо неизменно: 21 неплодной бо не добро сотвори и жены не помилова. 22 Яростию же низврати немощныя: востав убо не имать веры яти о своем житии. 23 Егда же разболится, да не надеется здрав быти, но падет недугом. 24 Многи бо озлоби высота его: увяде же яко злак в знои, или якоже клас от стебла сам отпад. 25 Аще же ни, кто есть глаголяй лжу ми глаголати, и положит ни во чтоже глаголы моя?

25 Отвещав же Валдад Савхейский, рече: 2 что бо начало, аще не страх от Него, иже творит всяческая в вышних? 3 Да никтоже бо мнит, яко есть умедление воинством: и на кого не найдет навет от Него? 4 Како бо будет праведен человек пред Богом? Или кто очистит себе рожденный от жены? 5 Аще луне повелевает, и не сияет, звезды же нечисты суть пред Ним, 6 кольми паче человек гной, и сын человеческий червь.

26 Отвещав же Иов, рече: 2 кому прилежиши, или кому хочещи помогати? Не сему ли, емуже многа крепость и емуже мышца крепка есть? 3 Кому совет дал еси? Не емуже ли вся премудрость? Кого поженеши? Не емуже ли превелия сила? 4 Кому возвестил еси глаголы? Дыхание

же чие есть исходящее из тебе? 5 Еда исполни родятся под водою и соседми ея? 6 Наг ад пред Ним, и несть покрывала Пагубе. (Sheol h7585) 7 Простираяй север ни на чемже, повешаяй землю ни на чемже, 8 связуяй воду на облацех Своих, и не расторжеса облак под нею: 9 держай лице престола, простирая над ним облак Свой: 10 повеление окружи на лице воды даже до скончания света со тмою. 11 Столпи небеснии прострошася и ужасошася от запрещения Его. 12 Крепостию укроти море, и хитростию его низложен бысть кит: 13 верей же небесныя убояшася Его: повелением же умертви змиа отступника. 14 Се, сия части пути Его: и о капли слова услышим в Нем: силу же грома Его кто уведа, когда сотворит?

27 Еще же приложив Иов, рече в притчах: 2 жив Господь, иже ми сице суди, и Вседержитель, Иже огорчи ми душу: 3 дондеже еще дыхание мое есть и дух Божий сущий в ноздрех моих, 4 не возглаголют устне мои беззакония, ниже душа моя поучится неправде. 5 Не буди мне правдивыми нареци вас, дондеже умру: не изменю бо незлобия моего. 6 Правде же внимаю, не оставлю ея, не свем бо себе злых соделавша. 7 Обаче же, дабы были врази мои, якоже низвращение нечестивых, и встающии на мя, якоже пагуба пребеззаконных. 8 И каю бо есть надежда нечестивому, яко ожидает? Надеяся на Господа спасется ли? 9 Или мольбу его услышит Бог? Или нашедшей ему беде, 10 еда имать кое дерзновение пред Ним? Или яко призвавшу ему, услышит ли Его? 11 Сего ради возвещу вам, что есть в руце Господни, и, еже есть у Вседержителя, не солжу. 12 Се, вси весте, яко тщетная ко тщетным прилагаете. 13 Сия часть человека нечестиваго от Господа: и жребий сильных приидет от Вседержителя на ня. 14 Аще мнози будут сынове их, на заколение будут: аще же и возмужают, нищы будут: 15 оставшиися же ему смертию умрут, и вдовиц их никтоже помилует. 16 Аще соберет якоже землю сребро, и якоже брение уготовит золото, 17 сия вся праведнии одержат, имения же его истиннии возмут: 18 будет же дом его яко молие, и яко паучина, яже снабде. 19 Богатый уснет и не приложит, очи свои отверзе, и несть. 20 Обыдоша его якоже вода болезни, нощию же ят его примрак. 21 Возмет же его вар, и отидет, и возвеет его от места его, 22 и вержет на него, и не пощадит, из руку его бежанием побегит: 23 восплещет нань рукама своима и с шумом возмет его от места своего.

28 Есть бо сребру место, отнюдуже и бывает, и место злату, отнюдуже очищается. 2 Железо бо из земли раждается, медь же равно камению сечется. 3 Чин положи тме, и вся концы сам испытует, камык тмы и сень смерти. 4 Пресечение потока от праха: забывающии же путь правый изнемогоша, от человек подвигошася. 5 Есть земля, из неяже изыдет хлеб: под нею обратися яко огонь. 6 Место сапфира камень ея, и персть злато ему. 7 Стезя, не позна ея птица, и не узре ю око супово, 8 и не ходиша по ней сынове величавых, и не преиде по ней лев. 9 На несекоме камени простре руку свою, преврати же из корения горы: 10 бреги рек расторже, всякое же честное виде око мое: 11 глубины

же рек откры и показа силу свою на свет. 12 Премудрость же откуду обретется? И кое место есть ведения? 13 Не весть человек пути ея, ниже обретется в человецех. 14 Бездна рече: несть во мне: и море рече: несть со мною. 15 Не дастся сокровище за ню, и не извесится сребро на изменение ея, 16 и не сравнится со златом Софирским, со ониксом честным и сапфиром: 17 не равно будет ей злато и кристаль, и изменение ея сосуди злати. 18 Превысокая и бисерие не помянутся, и притяжи премудрость паче внутреннейших: 19 не уравнился ей топазий Ефиопский, со златом чистым не сравнится. 20 Премудрость же откуду обретется? И кое место есть разуму? 21 Утаися от всякого человека, и от птиц небесных скрыся. 22 Пагуба и смерть рекосте: слышахом ея славу. 23 Бог благо позна ея путь: Сам бо весть место ея. 24 Ибо Сам поднебесную всю надзирает, ведый, яже на земли, вся, яже сотвори. 25 Ветров вес и воде меру егда сотворил, 26 тако видяй сочте, и путь в сотрясении гласов, 27 тогда виде ю и поведат ю, уготовав изследи 28 и рече человеку: се, благочестие есть премудрость, а еже удалятися от зла есть ведение.

29 Еще же приложив Иов, рече в притчах: 2 кто мя устроит по месяцам прежних дней, в нижке мя Бог храняше, 3 якоже егда святяшесь светилник Его над главою моею, егда светом Его хождат во тме, 4 егда бех тяжек в путех, егда Бог посещение творяше дому моему, 5 егда бех богат зело, окрест же мене раби, 6 егда обливахуся путие мои маслом кравиим, горы же моя обливахуся млеком, 7 егда исхождах изутра во град, на стогнах же поставляшесь ми престол? 8 Видяще мя юноши скрывашася, старейшины же вси воставаша: 9 вельможи же преставаху глаголати, перст возложше на уста своя. 10 Слышавши же блажиша мя, и язык их прильпе гортани их: 11 яко ухо слыша и ублажи мя, око же видев мя уклонися. 12 Спасох бо убогаго от руки сильного, и сироте, емуже не бе помощника, помогох. 13 Благословение погибающаго на мя да приидет, уста же вдовича благословиша мя. 14 В правду же облачахся, одевахся же в суд яко в ризу. 15 Око бех слепым, нога же хромым: 16 аз бых отец немощным, распрю же, еяже не ведях, изследих: 17 сотрох же членовныя неправедных, от среды же зубов их грабление изях. 18 Рех же: возраст мой состарееся якоже стебло финиково, многа лета поживу. 19 Корень разверзся при воде, и роса пребудет на жатве моей. 20 Слава моя нова со мною, и лук мой в руце моей поидет. 21 (Старейшины) слышавши мя внимаху, молчаху же о моем совете. 22 К моему глаголу не прилагашу, радовахуся же, егда к ним глаголах: 23 якоже земля жаждущая ожидает дождя, тако сии моего глаголения. 24 Аще возмеюся к ним, не вериша: и свет лица моего не отпаде. 25 Избрах путь их, и седех князь, и вселяхся якоже царь посреде храбрых, аки утешая печальных.

30 Ныне же поругашамися малейшии: ныне учат мя от части, иже отцев уничтожах, иже не вменях достойными псов моих стад. 2 Крепость же рук их во что мне бысть? У них погибаше скончание. 3 В скудости и гледи

безплоден: иже бежаху в безводное вчера сотеснение и бедность: 4 иже обхождаху былие в дебрех, иже былие бяше брашно, безчестнии же и похулении, скудни всякого блага, иже и корение древес жваху от гледи великаго. 5 Восташа на мя татие, 6 иже домове беша пещеры каменны: 7 от среды доброгласных возопиют, иже под хврастием дивиим живяху: 8 безумных сынове и безчестных, имя и слава угашена на земли. 9 Ныне же гусли есмь аз им, и мене в притчу имут: 10 возгнушались же мною отступивше далече, ни лица моего пощадеша от плюновения. 11 Отверз бо тул Свой уязви мя, и узду устам моим наложи. 12 На десную отрасли восташа, нозе свои простроша и путесотвориша на мя стези пагубы своея. 13 Сотрошася стези моя, совлекоша бо ми одежду. 14 Стрелами своими устреми мя: сотвори ми, якоже восхоте: в болезнех скисохся, обращаются же ми скорби. 15 Отиде ми надежда якоже ветер, и якоже облак спасение мое. 16 И ныне на мя изливается душа моя: и одержат мя дние печалей: 17 нощию же кости моя смятошася, жилы же моя расслабеша. 18 Многую крепостию ятсся за ризу мою: якоже ожерелие ризы моя обья мя. 19 Вменяеши же мя равна брению, в земли и пепеле часть моя. 20 Возопи же к Тебе, и не услышал мя еси: сташа же и смотриша на мя. 21 Наидоша же на мя без милости, рукою крепкою уязвил мя еси: 22 вчинил же мя еси в болезнех и отвергл еси мя от спасения. 23 Вем бо, яко смерть мя сотрет: дом бо всякому смертну земля. 24 Аще бы возможно было, сам бых себе убил, или молил бых иного, дабы ми то сотворил. 25 Аз же о всяцем немощнем восплакахся, воздохнх же видев мужа в бедах. 26 Аз же ждах благих, и се, сретоша мя паче дние зол. 27 Чрево мое воскипе и не умолчит: предвариша мя дние нищеты. 28 Стеня ходих без обуздания, стоях же в соборе вопия. 29 Брат бых сиринам, друг же птичий. 30 Кожа же моя помрачися вельми, и кости моя сгореша от зноя. 31 Обратишася же в плачь гусли моя, песнь же моя в рыдание мне.

31 Завет положих очима моима, да не помышлю на девицу. 2 И что удели Бог свыше, и наследие Всесильнаго от вышних? 3 Увы, пагуба неправдивому и отчуждение творящим беззаконие. 4 Не Сам ли узрит путь мой и вся стопы моя изочтет? 5 Аще ходих с посмеятели, и аще потщася нога моя на лесь, 6 стах бо на мериле праведне, виде же Господь незлобие мое. 7 Аще уклонися нога моя от пути, аще и вслед ока моего иде сердце мое, и аще рукама моима прикоснухся даров, 8 да посею убо, а инии да поядят, без корене же да бых был на земли. 9 Аще вслед иде сердце мое жены мужа инаго, и аще приседяй бых при дверех ея, 10 угодна убо буди и жена моя иному мужу, младенцы же мои смирени да будут: 11 ярость бо гнева не удержана, еже осквернити мужа инаго жену: 12 огонь бо есть горяй на вся страны, идеже найдет, из корения погубит. 13 Аще же презрех суд раба моего или рабыни, прячьмся им предо мною: 14 что бо сотворю, аще испытание сотворит ми Господь? Аще же и посещение, кий ответ сотворю? 15 Еда не якоже и аз бех во чреве, и тии быша? Бехом же в

тожде чреве. 16 Немощни же, аще когда чесого требоваху, не не получиша, вдовича же ока не презрех. 17 Аще же и хлеб мой ядох един и сирому не преподах от него: 18 понеже от юности моя кормих якоже отец, и от чрева матери моя наставлях: 19 аще же презрех нага погибающа и не облекох его: 20 немощни же аще не благословиша мя, отстрижения же агнцев моих согрешася плещи их: 21 аще воздвигох на сироту руку, надеяся, яко многа помощь мне есть: 22 да отпадет убо рамо мое от состава, мышца же моя от лактя да сокрушится: 23 страх бо Господень объмя мя, и от тягости его не стерплю. 24 Аще вчиних злато в крепость мою и аще на каменья многоценная надеяся, 25 аще же и возвеселихся, многу ми богатству сущу, аще же и на безчисленных положих руку мою: 26 или не видим солнца возсиявшего оскудевающа, луны же умаляющияся? Не в них бо есть: 27 и аще прельстися отай сердце мое, аще и руку мою положив на устах моих лобзах: 28 и сие ми убо в беззаконие превелие да вменится, яко солгах пред Богом Вышним. 29 Аще же обрадовахся о падении враг моих, и рече сердце мое: благоже, благоже: 30 да услышит убо ухо мое клятву мою, озлославлен же да буду от людий моих озлобляемь. 31 Аще же и многожды реша рабыни моя: кто убо дал бы нам от плотей его насытитися, зело мне благу сущу? 32 И вне не водворяшеся странник, дверь же моя всякому приходящему отверста бе. 33 Аще же и согрешая неволю, скрых грех мой: 34 не посрамихся бо народного множества, еже не поведати пред ними: аще же и оставих маломощнаго изыти из дверей моих тщим недром: (аще бы не убоялся). 35 Кто даст слушающаго мене? Руки же Господни аще бых не убоялся, писание же, еже имех на кого, 36 на плечах возложив аки венец, читах, 37 и аще не раздрав его отдах, ничтоже взем от должника: 38 аще на мя когда земля возстена, аще и бразды ея восплакашася вкупе: 39 аще и силу ея ядох един без цены, или аще и душу господина земли взем оскорбих: 40 вместо пшеницы да взыдет ми кропива, а вместо ячменя терние.

32 И умолча Иов словесы. Умолчаша же и трие друзи его ктому пререковати Иову, бе бо Иов праведен пред ними. 2 Разгнеवासя же Елиус сын Варахиилев Вузитянин, от ужичества Арамска Авситидийския страны, разгнеवासя же на Иова зело, занеже нарече себе праведна пред Богом, 3 и на триех же друзей разгнеवासя зело, яко не возмогоша отвещати противу Иову и судиша его быти нечестива. 4 Елиус же терпяше дати ответ Иову, яко старейший его суть деньми (друзи его). 5 И виде Елиус, яко несть ответа во устех трех мужей, и возярися гневом своим. 6 Отвещав же Елиус сын Варахиилев Вузитянин, рече: юнейший убо есмь леты, вы же есте старейшии: темже молчах, убоявся возвестити вам хитрость мою: 7 рех же: время есть глаголющее, и во мнозех летех ведят премудрость, 8 но дух есть в человецех, дыхание же Вседержителево есть научающее: 9 не многолетнии суть премудри, ниже стари видят суд: 10 темже рех: послушайте мене, и возвещу вам, яже вем, внушите глаголы моя: 11 реку бо вам слушающим, дондеже испытаете словеса, и

даже вас уразумею, 12 и се, не бе Иова обличаяй, отвещаяй противно глаголом его от вас: 13 да не речете: обретохом премудрость, Господеви приложившеся: 14 человеку же попустисте глаголати таковая словеса: 15 ужаснушася, не отвещаша ктому, обетшаша от них словеса: 16 терпех, не глаголах бо, яко сташа, не отвещаша, яко да отвещают и аз часть. 17 Отвеща же Елиус, глаголя: 18 паки возглаголю, исполнен бо есмь словес: убивает бо мя дух чрева: 19 чрево же мое яко мех мста вряща завязан, или якоже мех коваческий расторгнутый: 20 возглаголю, да почую, отверз уста: 21 человека бо не постыждуся, но ниже брэннаго посрамлюся: 22 не вем бо чудитися лицу: аще же ни, то и мене молие изядят.

33 Но послушай, Иове, словес моих и беседу мою внуши: 2 се бо, отверзох уста моя, и возглагола язык мой: 3 чисто сердце мое во словесех, разум же устну моею чистая уразумеет: 4 Дух Божий сотворивый мя, дыхание же Вседержителево поучающее мя: 5 аще можеша, даждь ми ответ к сим: потерпи, стани противу мене, и аз противу тебе. 6 От брэнния сотворен еси ты, якоже и аз: от тогожде сотворения есмы: 7 не страх мой тя смятет, ниже рука моя тяжка будет на тя. 8 Обаче рекл еси во уши мои, и глас глагол твоих услышах, занеже глаголеши: 9 чист есмь аз, не согрешая, непорочен же есмь, ибо не беззаконнах: 10 зазор же на мя обрете и мнит мя, яко противника Себе: 11 вложи же ногу мою в древо и надсмотрял пути моя вся. 12 Како бо глаголеши, яко прав есмь, и не послуша мене? Вечен бо есть, иже над земными. 13 Глаголеши бо: чесо ради правды моея не услыша всяко слово? 14 Единою бо возглаголет Господь, второе же во сне, или в поучении ночью, 15 или, яко егда нападает страх лют на человеки, во дреманиих на ложи: 16 тогда открывает ум человеческий, виденьми страха тачеми их устрашит, 17 да возвратит человека от неправды, тело же его от падения избави, 18 пощаде же душу его от смерти, еже не пасти ему на брани. 19 Паки же обличи его болезнию на ложи и множество костей его разслаби: 20 всякаго же брашна пшенична не возможет прияти, а душа его яди хощет, 21 дондеже согниют плоти его, и покажет кости его тощя: 22 приближися же на смерть душа его, и живот его во аде. (questioned) 23 Аще будет тысяща Ангел смертоносных, един от них не узывает его: аще помыслит сердцем обратитися ко Господу, повесть же человеку свой зазор, и безумие свое покажет, 24 заступит е, еже не впасти ему в смерть, обновит же тело его якоже поваление на стене, кости же его исполнит мозга: 25 умягчит же его плоть якоже младенца, и устроит его возмужавша в человецех. 26 Помолится же ко Господу и прият им будет, внидет же лицом веселым со исповеданием, воздаст же человеком правду свою. 27 Посем тогда зазрит человек сам себе, глаголя: яковая содевах? И не по достоинству истязая мя, о нихже согреших: 28 спаси душу мою, еже не внити во истление, и жизнь моя свет узрит. 29 Се, сия вся творит Крепкий (Бог) пути три с мужем: 30 но избави душу мою от смерти, да живот мой во свете хвалит его. 31 Внимай, Иове, и послушай мене, премолчи,

и аз возглаголю: 32 и аще тебе суть словеса, отвещай ми: глаголи, хошу бо оправдитися тебе: 33 аще же ни, ты послушай мене, умолчи, и научу тя премудрости.

34 Отвещав же Елиус, рече: 2 послушайте мене, премудрии: сведущии, внушите (доброе), 3 яко ухо словеса искушает, гортань же вкушает брашна. 4 Суд изберем себе, уразумеем посреде себе, что лучшее. 5 Яко рече Иов: праведен есмь, Господь отяг ми суд, 6 солга же суду моему: насильна стрела моя без неправды. 7 Кто муж, якоже Иов, пивий поругание, якоже воду, 8 не согрешая, ниже нечествовав, ниже приобщився к творящим беззакония, еже ходити с нечестивыми? 9 Не рцы бо, яко несть посещения мужеви, и посещения ему от Господа. 10 Темже, разумивии сердцем, послушайте мене, не буди ми пред Господем нечествовати и пред Вседержителем возмутити правду: 11 но воздаст человекови, якоже творит всяждо их, и на стези мужей обрящет и. 12 Мниши же Господа нелепа сотвориши, или Вседержитель сметет суд, иже сотвори землю? 13 Кто же есть творяй поднебесную и яже в ней всяческая? 14 Аще бо восхощет запретити и дух у Себе удержати, 15 умрет всяка плоть вкупе, всяк же человек в землю пойдет, отнюдуже и создан бысть. 16 Аще же не увещаешися, послушай сих, внуши глас глагол. 17 Видждь ты ненавидящаго беззаконная и губящаго лукавыя, суща, вечна, праведна. 18 Нечестив есть глаголяй цареви, закон преступаеши, нечестивейше, князем: 19 иже не постыдеса лица честнаго, ниже весть честь возложити сильным, удивитися лицам их. 20 Тще же им сбудется, еже возопити и молити мужа: зане употребиша беззаконно, безчестяще немощных. 21 Той бо зритель есть дел человеческих, утаися же от Него ничтоже от тех, яже творят: 22 ниже будет место укрытиса творящим беззаконная: 23 яко не на мужа положит еще. 24 Господь бо всех видит, постизаяй неизследная, славная же и изрядная, имже несть числа, 25 сведый их дела, и обратит ночь, и смиряетя. 26 Угаси же нечестивыя, видими же пред ним: 27 яко уклонишася от закона Божия, оправданий же Его не познаша, 28 еже вознести к Нему вопль нищих, и вопль убогих услышит. 29 И Той тишину подаст, и кто осудит? И сокрыет лице, и кто узрит Его? И на язык, и на человека вкупе, 30 иже поставляет царем человека лицемера за строптивость людей. 31 Яко к Крепкому глаголяй: взях, не отиму вместо залога: 32 без мене узрю, Ты покажи ми: аще неправду соделах, не имам приложити. 33 Еда от тебе истяжет ю, яко ты отринеш, яко ты избереши, а не аз ли? И что разумееши? Глаголи. 34 Темже мысленнии сердцем рекут сия, муж же премудр услыша глагол мой. 35 Иов же не в разуме глаголаше, словеса же его не в хитрости. 36 Обаче навькни, Иове, не даждь еще ответа, якоже немудрии: 37 да не приложим на грехи наша: беззаконие же на нас вменится, многая глаголющих словеса на Господа.

35 Отвещав же еще Елиус, рече: 2 что сие мнил еси на суде? Ты кто еси, яко рекл еси: прав есмь пред

Господем? 3 Или речеши: что сотворю согрешив? 4 Аз же ти дам ответ и трием другом твоим. 5 Воззри на небо и видждь: смотри же на облаки, коль высоки суть от тебе. 6 Аще согрешил еси, что сотвориши? Аще же и много беззаконновал еси, что можеши сотворити? 7 Понеже убо праведен еси, что даси Ему? Или что из руки твоея возмет? 8 Мужеви подобному тебе нечестие твое, и сыну человеческому правда твоя. 9 От множества оклеветаемии воззовут, возопиют от мышцы многих: 10 и не рече: где есть Бог сотворивый мя, устрояяй стражды noctныя, 11 отделяяй мя от четвероногих земных и от небесных птиц? 12 Тамо воззовут, и не имаша услышати, и от досады злых. 13 Безместная бо видети не хошет Господь: Сам бо Вседержитель зритель есть творящих беззаконная, и спасет мя. 14 Судися же пред Ним, аще можеши похвалити Его, якоже есть и ныне. 15 Яко несть посещаяй гневом Своим, и не позна прегрешения коеголибо зело. 16 Иов же всуе отверзает уста своя, неведением словеса отягощает.

36 Приложив же еще Елиус, рече: 2 пожди ми мало еще, да ты научу: еще бо у мене есть слово. 3 Приим хитрость мою отдалеча, дела же моими праведная реку воистинну: 4 и не неправедны глаголы без правды уразумееши. 5 Видждь же, яко Господь не отринет незлобиваго: 6 силен крепостию сердца нечестивых не оживит и суд нищим даст, 7 не отимет от правдиваго очес Своих, и со цари на престоле посадит их на победу, и вознесутся. 8 Связаннии в ручных узах яти будут ужами нищеты, 9 и возвестит им дела их и прегрешение их, яко укрепятся: 10 но правдиваго услышит, и рече, яко обратятся от неправды. 11 Аще услышат и поработают, скончают дни своя во благих и лета своя в благолепоте: 12 нечестивых же не спасет, зане не хотеша познати Господа и занеже учими не послушливи беша. 13 И лицемери сердцем возмутят ярость: не возопиют, яко связа их: 14 да умрет убо в юности душа их, житие же их уязвляемо Ангелы, 15 занеже оскорбиша недужна и немощна, суд же кротких изложит. 16 Еще же исторгну тя от уст вражиих: бездна, пролитие под нею, и сниде трапеза твоя исполнена тука. 17 Не оскудеет же от праведных суд: 18 ярость же на нечестивыя будет, нечестия ради даров их, иже приимаху на неправде. 19 Да не уклонит тя волею ум от мольбы в беде сущих немощных и всех содержащих крепость. 20 Не привлечеши нощи, еже възтыи людем вместо их: 21 но сохранися, да не содееши зла: сих бо ради изят еси от нищеты. 22 Се, Крепкий удержит крепостию Своею: кто бо есть, якоже Той, силен? 23 И кто есть испытуйяй дел Его? Или кто рекий: содея неправду? 24 Помяни, яко велия дела Его суть, имже владеша мужие. 25 Всяк человек видит в себе, елицы уязвляеми суть человецы. 26 Се, Крепкий великий, и не увемы: число лет Его безконечное: 27 изочтенны же ему суть капли дождевныя, и излиются дождем во облак: 28 потекут обетшания, осениша же облацы над премоногими людьми: время постави скоту, ведают же ложа чина. О всех сих не дивителيسى ум, и не изменяетлси ти сердце от телд? 29 И аще уразумее простертие облака, равенство скинии Его: 30 се, простирает на ню свет и корения морская покры:

31 теми бо судит людем, даст пищу могущему. 32 На руку покры свет и заповеда о нем сретающему: 33 возвестит о нем другу своему Господь, стяжание, и о неправде.

37 И от сих возьматся сердце мое и отторжеся от места своего. 2 Послушай слуха во гневе ярости Господни, и поучение изо уст Его изыдет. 3 Под всем небом началство его, и свет его на крилу земли. 4 Вслед его возопиет гласом, возгремит гласом величия Своего, и не изменит их, яко услышит глас Его. 5 Возгремит Крепкий гласом Своим дивная: сотвори бо велия, иже не ведахом. 6 Повелеваяй снегу: буди на земли, и буря дождя, и буря дождей могутства Его. 7 В руже всякаго человека знаменает, да познает всяк человек свою немощь. 8 Внидоша же зверие под кров и умолкоша на ложи. 9 Из хранилищ внутренних находят болезни, и от внешних стран студень. 10 И от дыхания Крепка даст лед: управляет же воду, якоже сохет, 11 и избранный устрояет облак: разженет облак свет Его, 12 и Сам окрестная превратит, якоже сохет, в дела их: вся, елика заповесть им, сия чиноположена суть от Него на земли, 13 аще в наказание, аще на землю свою, аще на милость обрящет и. 14 Внуши сия, Иове: стани учайся силе Господни. 15 Вемы, яко Господь положи дела Своя, свет сотворив из тмы. 16 Весть же различие облаков и велия падения злых. 17 Твоя же одежда тепла, почивает же на земли от юга. 18 Утверждения с Ним в древности, крепка якоже видение слития. 19 Чесо ради, научи мя, что речем Ему? И престанем многа глаголюще. 20 Еда книга, или книгочия ми предстоит? Да стоящъ сотворю человеку молчати. 21 Не всем же видимъ свет: светлый есть в древностех, якоже еже от него на облацех. 22 От севера облацы златозарни: в сих велия слава и честь Вседержителя. 23 И не обретаем иного подобна крепости Его: иже судит праведно, мниши ли, яко не слышит Той? 24 Темже убоятся Его человецы: убоятся же Его и премудрии сердцем.

38 Преставшу же Елиусу от беседы, рече Господь Иову сквозе бурю и облаки: 2 кто сей скрываяй от Мене совет, содержи же глаголы в сердцы, Мене же ли мниши утаити? 3 Препояши яко муж чресла твоя: вопрошу же тя, ты же Ми отвещай. 4 Где был еси, егда основах землю? Возвести ми, аще веси разум. 5 Кто положи меры ея, аще веси? Или кто наведый вервь на ню? 6 На чемже столпи ея утверждени суть? Ктоже есть положительный камень краеугольный на ней? 7 Егда (сотворены) быша звезды, восхвалиша Мя гласом велиим вси Ангели Мои. 8 Заградих же море враты, егда изливашеся из чрева матери своея исходящее: 9 положи ж ему облак во одеяние, мглоу же пових е: 10 и положи ж ему пределы, обложив затворы и врата: 11 рех же ему: до сего дойдеши и не преищеши, но в тебе сокрушатся волны твоя. 12 Или при тебе составих свет утренний, денница же весть чин свой, 13 ятися крил земли, оттрясти нечестивыя от нея? 14 Или ты, брение взем, от земли создал еси животное, и глаголиваго сего посадил еси на земли? 15 Отял же ли еси от нечестивых свет, мышцу же гордых сокрушил ли еси? 16 Пришел же ли еси на источники

моря, во следах же бездн ходил ли еси? 17 Отверзаются же ли тебе страхом врата смертная, вратницы же адовы видевше тя убояшася ли? 18 Навыкл же ли еси широты поднебесныя? Повеждь убо ми, колика есть? 19 В коей же земли вселяется свет, тме же кое есть место? 20 Аще убо введеш мя в пределы их, аще же ли и веси стези их? 21 Вем убо, яко тогда рожден еси, число же лет твоих много. 22 Пришел же ли еси в сокровища снежная, и сокровища градная видел ли еси? 23 Подлежат же ли тебе в час врагов, в день браней и рати? 24 Откуда же исходит слана, или разсыпается юг на поднебесную? 25 Кто же уготова дождю велию проливание, и путь молнии и грома, 26 одождити на землю, на нейже несть мужа, пустыню, идеже человека несть в ней, 27 насытити непроходиму и ненаселену, и прозвбнути исход злака? 28 Кто есть дождю отец? Кто же есть родивый капли росныя? 29 Из чиего чрева исходит лед? Слану же на небеси кто родил, 30 яже нисходит яко вода текущая? Лице нечестива кто устраши? 31 Разумел же ли еси союз Плиад, и ограждение Орионово отверзл ли еси? 32 Или отверзеши знаменания небесная во время свое? И вечернюю звезду за власы ея привлечеши ли? 33 Веси же ли пременения небесная, или бывающая вкупе под небесем? 34 Призовеши же ли облак гласом? И трепетом воды великия послушает ли тя? 35 Послещи же ли молнии, и пойдут? Рекут же ли ти: что есть? 36 Кто же дал есть женам ткания мудрость, или испещрения хитрость? 37 Кто же изчисляй облаки премудростию, небо же на землю преклонил, 38 разлился же яко земля прах, спаях же е, аки камением, на четыре углы? 39 Уловиши же ли львам ядь, и души змиев насытити ли? 40 Убояшася бо на ложах своих и седят в дребрах уловляюще. 41 Кто же врану уготова пищу? Птичицы бо его ко Господу воззваша, облетающе брашна ищуще.

39 Аще уразумел еси время рождения коз живущих на горах каменных? Усмотрил же ли еси болезнь при рождении еленей? 2 Изчислил же ли еси месяцы их исполнены рождения их, болезни же их разрешил ли еси? 3 Вскормил же ли еси детицы их вне страха, болезни же их отслещи ли? 4 Извергнут чада своя, умножатся в порождении, изыдут и не возвратятся к ним. 5 Кто же есть пустивый осла дивияго свободна, узы же его кто разрешил? 6 Положих же жилище его пустыню и селения его сланство: 7 смеяйся многу народу града, стужания же данническаго не слышай, 8 усмотри ж на горах пахить себе и вслед всякаго злака ищет. 9 Похощет же ли ти единорог работати, или поспати при яслех твоих? 10 Привяжеш ли ремением иго его, и првлечет ти бразды на поли? 11 Надеешилися нань, яко многа крепость его? Попустиши же ли ему дела твоя? 12 Повериши же ли, яко воздаст ти семя? Внесет же ли ти в гумно? 13 Крыло веселящихся нееласса, аще зачнет асида и несса? 14 Яко оставит на земли яйца своя, и на персти согреет, 15 и забы, яко нога разбит, и зверие селнии поперут: 16 ожесточися на чада своя, аки бы не ея, вотще трудися без страха, 17 яко сокры Бог ей премудрость и не удели ей в разуме: 18 во время же на высоту вознесет, посмеется коню и сидящему на нем. 19 Или ты обложил еси коня силою, и

облежл же ли еси вью его в страх? 20 Обложил же ли еси его всеоружием, славу же персей его дерзостию? 21 Копытом копя на поли играет и исходит на поле с крепостию: 22 сретая стрелы посмеивается и не отвратится от железа: 23 над ним играет лук и мечь, 24 и гневом потребит землю и не имать веры яти, дондеже вострубит труба: 25 трубе же вострубившей глаголет, благоже: издалеча же обоняет рать, со скаканием и ржанием. 26 И твою ли хитростию стоит ястреб, распростер криле недвижимь, зря на юг? 27 Твоим же ли повелением возносится орел, неясать же на гнезде своем едина вселяется, 28 на версе камене и в сокровене? 29 Тамо же сый ищет брашна, издалеча очи его наблюдают, 30 птичищи же его валяются в крови: идеже аще будут мертвечины, абие обретаются.

40 И отвеща Господь Бог ко Иову и рече: 2 еда суд со Всесильным укланяется? Обличаяй же Бога отвещати имать Ему. 3 Отвещав же Иов, рече Господеви: 4 почто еще аз прося, наказуемь и обличаемь от Господа, слышай таковая ничтоже сый? Аз же кий ответ дам к сим? Руку положу на устех моих: 5 единою глаголах, вторицею же не приложу. 6 Паки же отвещав Господь, рече ко Иову из облака: 7 ни, но препояши яко муж чресла твоя: вопрошу же тя, ты же Ми отвещай. 8 Не отвергай суда Моего: мниши ли Мя инако тебе сотворша, разве да явишися правдив? 9 Еда мыщца ти есть на Господа, или гласом на Него гремиши? 10 Приими же высоту и силу, в славу же и в честь облещися: 11 пусти же Ангелы гневом и всякаго укорителя смири, 12 величава же угаси и согной нечестивыя абие: 13 скрый же в землю вне вкупе и лица их безчестия исполни. 14 Исповем, яко может десница твоя спасти. 15 Но убо се, зверие у тебе, траву аки волове ядят: 16 се убо, крепость его на чреслах, сила же его на пупе чрева: 17 постави ошиб яко кипарис, жилы же его (яко уже) сплетены суть, 18 ребра его ребра медяна, хребет же его железо слияно. 19 Сиесть начало создания Господня: стремнен поруган быти Ангелы Его: 20 возшед же на гору сатвинную, сотвори радость четвероногим в тартаре: 21 под всяким древом спит, при рогозе и тростии и ситовии: 22 осеняют же над ним деревья велика с леторасльми и ветви напольныя: 23 аще будет наводнение, не ощутит: уповает, яко внидет Иордан во уста его: 24 во око свое возмет его, ожесточився продиравит ноздри.

41 Извлечеси ли змиа удицею, или обложиши узду о ноздрех его? 2 Или вдежеси колце в ноздри его? Шилом же повертиши ли устне его? 3 Возглаголет же ли ти с молением, (или) с прошением кротко? 4 Сотворит же ли завет с тобою? Поймеш ли его раба вечна? 5 Поиграеш ли с ним, якоже со птицею, или свяжеш ли его яко врябия дитищу? 6 Питаютс ли же им языцы, и разделяют ли его Финикийстии народи? 7 Вся же плавающая собравшеся не подимут кожи единыя ошибка его, и корабли рыбаблей главы его. 8 Возложиши же ли нань руку, вспомянув брань бывающую на теле его? И ктому да не будет. 9 Не видел ли еси его, и глаголемым не удивился ли еси? Не убоялся

ли еси, яко уготовася Ми? 10 Кто бо есть противляйся Мне, или кто противостанет Ми и стерпит, 11 аще вся поднебесная Моя есть? 12 Не умолчу его ради и словом силы помилую равнаго ему. 13 Кто открыет лице облечения его, в согбение же персей его кто внидет? 14 Двери лица его кто отверзет? Окрест зубов его страх, 15 утроба его щиты медяны, союз же его якоже смирит камень, 16 един ко другому прилипают, дух же не пройдет его: 17 яко муж брату своему прилепится, содержатся и не отторгнутся. 18 В чхании его возблистает свет: очи же его видение денницы. 19 Из уст его исходят аки свещи горящяя, и размещутся аки искры огненныя: 20 из ноздрей его исходит дым печи горящия огнем угля: 21 душа же его яко углие, и яко пламы из яст его исходит. 22 На выи же его водворяется сила, пред ним течет пагуба. 23 Плоти же телесе его сольпнушася: лиет нань, и не подвижится. 24 Сердце его ожесте аки камень, стоит же аки наковальня неподвижна. 25 Обращшуся же ему, страх зверем четвероногим по земли скачущым. 26 Аще сряжут его копия, ничтоже сотворят ему, копии вонзено и броня: 27 вменяет бо железо аки плевы, медь же аки древо гнило: 28 не уязвит его лук медян, мнит бо каменометную пращу аки сено: 29 аки стеблие вменишася ему млатове, ругаетжеса трусу огненосному. 30 Ложе его остни острии, всяко же злато морское под ним, якоже брение безчисленно. 31 Возжизает бездну, якоже печь медяну: мнит же море яко мироварницу 32 и тартар бездны якоже пленника: вменил бездну в прохождение. 33 Ничтоже есть на земли подобно ему сотворено, поругано быти Ангелы Моими: 34 все высокое зрит: сам же царь всем сущым в водах.

42 Отвещав же Иов, рече ко Господу: 2 вем, яко вся можеш, невозможно же Тебе ничтоже. 3 Кто есть тай от Тебе совет, щадяй же словеса и от Тебе мнится утаити? Кто же возвестит ми, ихже не ведах, велия и дивная, ихже не знах? 4 Послушай же мене, Господи, да и аз возглаголю: вопрошу же Тя, ты же мя научи: 5 слухом убо уха слышах Тя первее, ныне же око мое виде Тя: 6 темже укорих себе сам, и истаях, и мною себе землю и пепел. 7 Бысть же егда изглагола Господь вся глаголголы сия Иову, рече Господь ко Елифазу Феманитину: согрешил еси ты и оба друзие твои: не глаголасте бо предо Мною ничтоже истинно, якоже раб Мои Иов: 8 ныне же возьмите седмь телцев и седмь овнов и идите ко рабу Моему Иову, и сотворит жертву о вас: Иов же раб Мой помолится о вас, понеже точию лице его прииму: аще бо не его ради, погубил бых убо вас: не глаголасте бо истины на раба Моего Иова. 9 Отиде же Елифаз Феманитин и Валдад Савхейский и Софар Минейский и сотвориша, якоже повеле им Господь. И отпусти грехи им Иова ради. 10 Господь же возрасти Иова: молящуся же ему и о друзех своих, отпусти им грехи их, и даде Господь сугубая, елика бяху прежде Иову во усугубление. 11 Услышаша же вси братия его и сестры его вся случившася ему, и приидоша к нему, и вси елицы знаху его первее: ядше же и пивше у него, утешиса его и дившася о всем, ядше же наведе нань Бог: даде же ему кийждо агницу едину и четыре драхмы злата назнаменована. 12 Господь же благослови последняя Иовля,

неже прежняя: бяху же скоти его, овец четырнадцать тысяч, велблюдов шесть тысяч, супруг волов тысяща, ослиц стадных тысяща. 13 Родишажеся ему сынове семь и дщери три: 14 и нарече первую убо День, вторую же Кассию, третью же Амалфеев Рог: 15 и не обретошася подобны в лепоте дщерем Иовлевым в поднебесней: даде же им отец наследие в братии их. 16 Поживе же Иов по язве лет сто седьдесят, всех же лет поживе двести четыредесать осмь. И виде Иов сыны своя и сыны сынов своих, даже до четвертаго рода. 17 И скончася Иов стар и исполнь дний.

Псалтирь

1 Блажен муж, иже не иде на совет нечестивых, и на пути грешных не ста, и на седалищи губителей не седе: 2 но в законе Господни воля его, и в законе Его поучится день и ночь. 3 И будет яко древо насажденое при исходящих вод, еже плод свой даст во время свое, и лист его не отпадет: и вся, елика аще творит, успеет. 4 Не тако нечестивии, не тако: но яко прах, егоже возметает ветер от лица земли. 5 Сего ради не воскреснут нечестивии на суд, ниже грешницы в совет праведных. 6 Яко весть Господь путь праведных, и путь нечестивых погибнет.

2 Вскую шаташася языцы, и людие поучишася тщетным? 2 Предсташа царие земстии, и князи собрашася вкупе на Господа и на Христа Его. 3 Расторгнем узы их и отвержем от нас иго их. 4 Живый на небесех посмеется им, и Господь поругается им. 5 Тогда возглаголет к ним гневом Своим и яростию Своею смятет я: 6 Аз же поставлен есмь Царь от Него над Сионом, горою святою Его, 7 возвещаий повеление Господне. Господь рече ко Мне: Сын Мой еси Ты, Аз днесь родих Тя: 8 проси от Мене, и дам ти языки достояние Твое, и одержание Твое концы земли: 9 упасеши я железом железным, яко сосуды скудельничии сокрушиши я. 10 И ныне, царие, разумеите, накажитесь вси судящии земли. 11 Работайте Господеви со страхом, и радуйтеся Ему со трепетом. 12 Примите наказание, да не когда прогневается Господь, и погибнете от пути праведнаго, егда возгорится вскоре ярость Его: блажени вси надеющиеся Нань.

3 Псалом Давиду, внегда отбегаше от лица Авессалома сына своего. Господи, что ся умножиша стужающии ми? Мнози востают на мя, 2 мнози глаголют души моей: несть спасения ему в Бозе его. 3 Ты же, Господи, заступник мой еси, слава моя, и возносяй главу мою. 4 Гласом моим ко Господу воззвах, и услыша мя от горы святыя Своя. 5 Аз уснух, и спях, востах, яко Господь заступит мя. 6 Не боюся от тем людий, окрест нападающих на мя. 7 Воскресени, Господи, спаси мя, Боже мой: яко Ты поразил еси вся враждующыя ми всуе, зубы грешников сокрушил еси. 8 Господне есть спасение, и на людех Твоих благословение Твое.

4 В конец, в песнех, Псалом Давиду. Внегда призвати ми, услыша мя Бог правды моея: в скорби распространил мя еси: ущедри мя и услыши молитву мою. 2 Сынове человечестии, доколе тяжкосердии? Вскую любите суету и ищите лжи? 3 И уведите, яко удиви Господь преподобнаго Своего. Господь услышит мя, внегда воззвати ми к Нему. 4 Гневайтесь я, и не согрешайте, яже глаголете в сердцах ваших, на ложах ваших умилитеся: 5 пожрите жертву правды и уповайте на Господа. 6 Мнози глаголют: кто явит нам благая? Знаменася на нас свет лица Твоего, Господи. 7 Дал еси веселие в сердцах моих: от плода пшеницы, вина и елея своего умножишася: 8 в мире вкупе усну и почию, яко Ты, Господи, единого на уповании вселил мя еси.

5 О наследствующем, Псалом Давиду. Глаголы моя внуши, Господи, разумеи звание мое. 2 Вонми гласу моления моего, Царю мой и Боже мой: яко к Тебе помолюся, Господи. 3 Заутра услыши глас мой: заутра предстану Ти, и узриши мя: 4 яко Бог не хотяй беззакония Ты еси: не приселится к Тебе лукавнуый, 5 ниже пребудут беззаконницы пред очима Твоима: возненавидел еси вся делающыя беззаконие, 6 погубиши вся глаголющыя лжу: мужа кровей и льстива гнушается Господь. 7 Аз же множеством милости Твоея вниду в дом Твой, поклонюся ко храму святому Твоему, в страхе Твоем. 8 Господи, настави мя правдою Твоею, враг моих ради исправи пред Тобою путь мой. 9 Яко несть во устех их истины, сердце их суетно, гроб отверст гортань их, языки своими льщаху. 10 Суди им, Боже, да отпадут от мыслей своих: по множеству нечестия их изрини я, яко преогорчиша Тя, Господи. 11 И да возвеселятся вси уповаующии на Тя, во век возрадуются, и вселишися в них: и похвалятся о Тебе любящии имя Твое. 12 Яко Ты благословиши праведника, Господи, яко оружием благоволения венчал еси нас.

6 В конец, в песнех о осем, псалом Давиду. Господи, да не яростию Твоею обличиши мене, ниже гневом Твоим накажеша мене. 2 Помилуй мя, Господи, яко немощен есмь: изцели мя, Господи, яко смятошася кости моя, 3 и душа моя смятается зело: и Ты, Господи, доколе? 4 Обратися, Господи, избави душу мою, спаси мя ради милости Твоея: 5 яко несть в смерти помянай Тебе, во аде же кто исповестся Тебе? (Sheol h7585) 6 Утрудишся въздыханием моим, измыю на всяку ночь ложе мое, слезами моими постелю мою омочу. 7 Смятается от ярости око мое, обетшах во всех вразех моих. 8 Отступите от мене, вси делающии беззаконие, яко услыша Господь глас плача моего, 9 услыша Господь моление мое, Господь молитву мою прият. 10 Да постыдятся и смятутся вси врази мои, да возвратятся и устыдятся зело вскоре.

7 Псалом Давиду, егоже воспет Господеви о словесех Хусиевых, сына Иемениина. Господи Боже мой, на Тя уповах, спаси мя от всех гонящих мя и избави мя: 2 да не когда похитит яко лев душу мою, не сущу избавляющую, ниже спасающую. 3 Господи Боже мой, аще сотворих сие, аще есть неправда в руку мою, 4 аще въздах въздающим ми зла, да отпаду убо от враг моих тощ: 5 да поженет убо враг душу мою, и да постигнет, и поперет в землю живот мой, и славу мою в персть вселит. 6 Воскресени, Господи, гневом Твоим, вознесися в концах враг Твоих, и востани, Господи Боже мой, повелением, имже заповедал еси, 7 и сонм людий обыдет Тя: и о том на высоту обратися. 8 Господь судит людем: суди ми, Господи, по правде моей и по незлобе моей на мя. 9 Да скончается злоба грешных, и исправиши праведнаго, испытай сердца и утробы, Боже, праведно. 10 Помощь моя от Бога, спасающаго правыя сердцем. 11 Бог судитель праведен и крепок, и долготерпелив, и не гнев наводяй на всяк день. 12 Аще не обратится, оружие Свое очистит, лук Свой напряже, и уготова и, 13 и в нем уготова сосуды смертныя, стрелы Своя сгараемым содела. 14 Се, боле неправдою, зачат болезнь и роди беззаконие: 15 ров

изры и ископа и, и падет в яму, юже содела. 16 Обратится болезнь его на главу его, и на верх его неправда его снитет. 17 Исповемся Господеви по правде Его и пою имени Господа Вышняго.

8 В конец, о точилех, Псалом Давиду. Господи Господь наш, яко чудно имя Твое по всей земли, яко взятся великолепие Твое превыше небес. 2 Из уст младенец и ссущих совершил еси хвалу, враг Твоих ради, еже разрушити врага и местника. 3 Яко узрю небеса, дела перст Твоих, луну и звезды, яже Ты основал еси: 4 что есть человек, яко помниши его? Или сын человек, яко посещашаи его? 5 Умалил еси его малым чим от Ангел, славою и честию венчал еси его: 6 и поставил еси его над делы рукою Твоею, вся покорил еси под нозе его: 7 овцы и волы вся, еще же и скоты польския, 8 птицы небесныя и рыбы морския, переходящяя стези морския. 9 Господи Господь наш, яко чудно имя Твое по всей земли.

9 В конец, о тайных сына, псалом Давиду. Исповемся Тебе, Господи, всем сердцем моим, повем вся чудеса Твоя. 2 Возвеселюся и возрадуяю о Тебе, пою имени Твоему, Вышний. 3 Внегда возвратится врагу моему вспясть, изнемогут и погибнут от лица Твоего. 4 Яко сотворил еси суд мой и прю мою: сел еси на престоле, судяй правду. 5 Запретил еси языком, и погибе нечестивый: имя его потребил еси в век и в век века. 6 Врагу оскудеша оружия в конец, и грады разрушил еси: погибе память его с шумом. 7 И Господь во век пребывает, уготова на суд престол Свой: 8 и Той судити имать вселенней в правду, судити имать людем в правоте. 9 И бысть Господь прибежище убогому, помощник во благовременних, в скорбех. 10 И да уповают на Тя знающии имя Твое, яко не оставил еси взыскающих Тя, Господи. 11 Пойте Господеви, живущему в Сионе, возвестите во языцех начинания Его: 12 яко взыскай крови их помяну, не забы звания убогих. 13 Помилуй мя, Господи, видждь смирение мое от враг моих, вознось мя от врат смертных: 14 яко да возвещу вся хвалы Твоя во вратех дщере Сиони: возрадуемся о спасении Твоем. 15 Углебоша языцы в пагубе, юже сотвориша: в сети сей, юже скрыша, увязе нога их. 16 Знаемь есть Господь судбы творяй: в делех руку своєю увязе грешник. 17 Да возвратятся грешницы во ад, вси языцы забывающии Бога. (Sheol h7585) 18 Яко не до конца забвен будет нищий, терпение убогих не погибнет до конца. 19 Воскресени, Господи, да не крепится человек, да судятся языцы пред Тобою. 20 Постави, Господи, законоположителя над ними, да разумеют языцы, яко человецы суть.

10 Вскую, Господи, отстоя далече, презираешаи во благовременних, в скорбех? 2 Внегда гордиться нечестивому, возгарается нищий: увязают в советех, яже помышляют. 3 Яко хвалимь есть грешный в похотех души своя, и обидяй благословимь есть. 4 Раздражи Господа грешный: по множеству гнева своего не възыщет: несть Бога пред ним. 5 Оскверняются путие его на всяко время: отемлются судбы Твоя от лица его: всеми враги своими

обладает. 6 Рече бо в сердцы своем: не подвижуся от рода в род без зла: 7 егоже клятвы уста его полна суть, и горести и лъсти: под языком его труд и болезнь. 8 Приседит в ловителстве с богатыми в тайных, еже убити неповиннаго: очи его на нищаго призираете. 9 Ловит в тайне яко лев во ограде своей, ловит еже восхитити нищаго, восхитити нищаго, внегда привлещи и в сети своей. 10 Смирит его: преклонится и падет, внегда ему обладати убогими. 11 Рече бо в сердцы своем: забы Бог, отврати лице Свое, да не видит до конца. 12 Воскресени, Господи Боже мой, да вознесется рука Твоя, не забуди убогих Твоих до конца. 13 Чесо ради прогнова нечестивый Бога? Рече бо в сердцы своем: не възыщет. 14 Видиши, яко Ты болезнь и ярость смотриши, да предан будет в руке Твои: тебе оставлен есть нищий, сиру Ты буди помощник. 15 Сокруши мышцу грешному и лукавому: възыщется грех его и не обрящется. 16 Господь царь во век и в век века: погибнете, языцы, от земли Его. 17 Желание убогих услышал еси, Господи, уготованию сердца их внят ухо Твое. 18 Суди сиру и смирену, да не приложит ктому величатися человек на земли.

11 В конец, псалом Давиду. На Господа уповах, како речете души моей: превитай по горам, яко птица? 2 Яко се, грешницы налякоша лук, уготоваша стрелы в туле, состреляти во мраще правыя сердцем. 3 Зане яже ты совершил еси, они разрушиша: праведник же что сотвори? 4 Господь во храме святем Своем. Господь, на небеси престол Его: очи Его на нищаго призираете, вежди Его испытаете сыны человеческия. 5 Господь испытает праведнаго и нечестиваго: любяй же неправду ненавидит свою душу. 6 Одождит на грешники сети: огонь и жупел, и дух бурен часть чаши их. 7 Яко праведен Господь и правды возлюби: правоты виде лице Его.

12 В конец, о осмей, псалом Давиду. Спси мя, Господи, яко оскуде преподобный: яко умалишася истины от сынов человеческих. 2 Суетная глагола кийждо ко искреннему своему: устне льстивыя в сердцы, и в сердцы глаголаша злая. 3 Потребит Господь вся устны льстивыя, язык велеречивый, 4 рекшыя: язык наш возвеличим, устны наша при нас суть: кто нам господь есть? 5 Страсти ради нищих и въздыхания убогих ныне воскресну, глаголет Господь: положуся во спасение, не обинюся о нем. 6 Словеса Господня словеса чиста, сребро разжжено, искушено земли, очищено седмерицею. 7 Ты, Господи, сохраниши ны и соблюдеши ны от рода сего и во век. 8 Окрест нечестивии ходят: по высоте твоей умножил еси сыны человеческия.

13 В конец, псалом Давиду. 2 Доколе, Господи, забудеши мя до конца? Доколе отвращаеши лице Твое от мене? 3 Доколе положу советы в души моей, болезни в сердцы моем день и ночь? Доколе вознесется враг мой на мя? 4 Призри, услыши мя, Господи Боже мой: просвети очи мои, да не когда усну в смерть: 5 да не когда речет враг мой: укрепихся на него. 6 Стужающии ми возрадуются, аще подвижуся. Аз же на милость Твою уповах: возрадуется сердце мое о

спасении Твоем: воспою Господеви благодевавшему мне и пою имени Господа Вышняго.

14 Рече безумен в сердцах своем: несть Бог. Раствлещи и омерзися в начинаниих: несть творяй благостыню. 2 Господь с небесе причине на сыны человеческия, видети, аще есть разумеваяй, или възыскаяй Бога. 3 Все уклонишася, вкупе неключими быша: несть творяй благостыню, несть до единого. 4 Ни ли уразумеют вси делающии беззаконие, снедающии люди моя в снесь хлеба? Господа не призваша. 5 Тамо убояшася страха, идеже не бе страх: яко Господь в роде праведных. 6 Совет нищаго посрамисте: Господь же упование его есть. 7 Кто даст от Сиона спасение Израилево? Внегда возвратит Господь пленение людей Своих, возрадуется Иаков, и возвеселится Израиль.

15 Господи, кто обитает в жилищи Твоем? Или кто вселится во святую гору Твою? 2 Ходяй непорочен и делаяй правду, глаголяй истину в сердцах своем: 3 иже не ульсти языком своим и не сотвори искреннему своему зла, и поношения не прият на ближния своя: 4 уничижен есть пред ним лукавнуый, бояжящяся Господа славит: кленыйся искреннему своему и не отменяся: 5 сребра своего не даде в лихву и мзды на неповинных не прият. Творяй сия не подвижится во век.

16 Сохрани мя, Господи, яко на Тя уповах. 2 Рех Господеви: Господь мой еси Ты, яко благих моих не требуеши. 3 Святым, иже суть на земли его, удиви Господь вся хотения Своя в них. 4 Умножишася немощи их, по сих ускориша: не соберу соборы их от кровей, ни помяну же имен их устнама моима. 5 Господь часть достояния моего и чаши моя: Ты еси устрояй достояние мое мне. 6 Ужа нападоша ми в державных моих: ибо достояние мое державно есть мне. 7 Благословлю Господа вразумившаго мя: еще же и до ночи наказаша мя утробы моя. 8 Предзрех Господа предо мною выну, яко одесную мене есть, да не подвижуся. 9 Его ради возвеселися сердце мое, и возрадовался язык мой: еще же и плоть моя вселится на уповании. 10 Яко не оставиши душу мою во аде, ниже даси преподобному Твоему видети истления. (Sheol h7585) 11 Сказал ми еси пути живота: исполниши мя веселия с лицем Твоим: красота в деснице Твоей в конец.

17 Молитва Давиду. Услыши, Господи, правду мою, вонми моление моему, внуши молитву мою не во устнах льстивых. 2 От лица Твоего судьба моя изыдет: очи мои да видита правоты. 3 Искусил еси сердце мое, посетил еси ношью: искусил мя еси, и не обретеса во мне неправда. 4 Яко да не возлаголют уста моя дел человеческих, за словеса устен Твоих аз сохраних пути жестокости. 5 Соверши стопы моя во стезях Твоих, да не подвижутся стопы моя. 6 Аз възвах, яко услышал мя еси, Боже: приклони ухо Твое мне и услыши глаголы моя. 7 Удиви милости Твоя, спасаяй уповающя на Тя от противящихся деснице Твоей: 8 сохрани мя, Господи, яко зеницу ока: в крове крилу Твоею покрыеши мя 9 от лица нечестивых острастших мя: врази

мою душу мою одержаша 10 тук свой затвориша, уста их глаголаша гордыню. 11 Изгонящии мя ныне обыдоша мя, очи свои возложиша уклонити на землю. 12 Объяша мя яко лев готов на лов и яко скимен обитаяй в тайных. 13 Воскресени, Господи, предвари я и запни им: избави душу мою от нечестиваго, оружие Твое 14 от враг руки Твоея, Господи, от малых от земли: раздели я в животе их, и сокровенных Твоих исполнися чрево их: насытишася сынов, и оставиша останки младенцем своим. 15 Аз же правдою явлюся лицу Твоему, насыщуся, внегда явитимися славе Твоей.

18 В конец, отроку Господню Давиду, яже глагола Господеви словеса песни сея, в день, в онъже избави его Господь от руки всех враг его и из руки Саули: и рече: возлюблю Тя, Господи, крепосте моя: 2 Господь утверждение мое, и прибежище мое, и Избавитель мой, Бог мой, Помощник мой, и уповаю на Него: Защититель мой, и рог спасения моего, и Заступник мой. 3 Хваля призову Господа и от враг моих спасуся. 4 Одержаша мя болезни смертныя, и потоцы беззакония смятоша мя: 5 болезни адовы обыдоша мя, предвариша мя сети смертныя. (Sheol h7585) 6 И внегда скорбети ми, призвах Господа и к Богу моему възвах: услыша от храма святаго Своего глас мой, и вопль мой пред Ним внидет во уши Его. 7 И подвижеся и трепетна бысть земля, и основания гор смятошася и подвигошася, яко прогнеवास на ня Бог. 8 Възиде дым гневом Его, и огонь от лица Его воспламенится: углие возгорес от Него. 9 И приклони небеса и сниде, и мрак под ногама Его. 10 И възиде на Херувимы и лете, лете на крилу ветреню. 11 И положи тму закров Свой: окрест Его селение Его: темна вода во облацех воздушных. 12 От облистания пред Ним облацы проидоша, град и углие огненное. 13 И възгреме с небесе Господь, и Вышний даде глас Свой. 14 Низпосла стрелы и разгна я, и молнии умножи и смяте я. 15 И явишася источницы воднии, и открышася основания вселенныя от запрещеня Твоего, Господи, от дохновения духа гнева Твоего. 16 Низпосла с высоты и прият мя, и восприял мя от вод многих. 17 Избавит мя от врагов моих сильных и от ненавидящих мя: яко утвердишася паче мене. 18 Предвариша мя в день озлобления моего: и бысть Господь утверждение мое. 19 И изведе мя на широту: избавит мя, яко восхоте мя. 20 И воздаст ми Господь по правде моей, и по чистоте руку мою воздаст ми, 21 яко сохраних пути Господни и не нечествовах от Бога моего. 22 Яко вся судьбы Его предо мною, и оправдания Его не отступиша от мене. 23 И буду непорочен с Ним и сохорюся от беззакония моего. 24 И воздаст ми Господь по правде моей и по чистоте руку мою пред очима Его. 25 С преподобным преподобн будеши, и с мужем неповинным неповинен будеши, 26 и со избранным избран будеши, и со строптивым развратишися. 27 Яко Ты люди смиренныя спасеши и очи гордых смириши. 28 Яко Ты просветиши светилник мой, Господи: Боже мой, просветиши тму мою. 29 Яко Тобою избавлюся от искушения, и Богом моим преиду стену. 30 Бог мой, непорочен путь

Его: словеса Господня разжжена. Защититель есть всех уповающих на Него. 31 Яко кто Бог, разве Господа? Или кто Бог, разве Бога нашего? 32 Бог препоясуяй мя силою, и положи непорочен путь мой: 33 совершаяй нозе мои яко елени, и на высоких поставляяй мя: 34 научаяй руке мои на брань, и положил еси лук медян мышца моя: 35 и дал ми еси защищение спасения, и десница Твоя восприят мя: и наказание Твое исправит мя в конец, и наказание Твое то мя научит. 36 Уширил еси стопы моя подо мною, и не изнемогосте плесне мои. 37 Пожену враги моя, и постигну я, и не возвращаюся, дондеже скончаются: 38 оскорблю их, и не возмогут стати, падут под ногама моима. 39 И препоясал мя еси силою на брань, спял еси вся встающыя на мя под мя. 40 И врагов моих дал ми еси хребет и ненавидящыя мя потребил еси. 41 Возвзаша, и не бе спасаяй: ко Господу, и не услыша их. 42 И истно я яко прах пред лицом ветра, яко брение путей поглажду я. 43 Избавиши мя от пререкания людей: поставиши мя во главу языков: людие, ихже не ведех, работаша ми, 44 в слух уха послушаша мя. Сынове чуждии солгаша ми, 45 сынове чуждии обетшаша и охромаша от стезь своих. 46 Жив Господь, и благословен Бог, и да вознесется Бог спасения моего, 47 Бог даяй отмщение мне и покоривый люди под мя, 48 избавитель мой от враг моих гневливых: от встающих на мя вознесеша мя, от мужа неправедна избавиши мя. 49 Сего ради исповемся Тебе во языцех, Господи, и имени Твоему пою: 50 величайя спасения царева и творяй милость христу Своему Давиду и семени его до века.

19 В конец, псалом Давиду. Небеса поведают славу Божию, творение же руку Его возвещает твердь. 2 День дни отрыгает глагол, и ночь нощи возвещает разум. 3 Не суть речи, ниже словеса, ихже не слышатся гласи их. 4 Во всю землю изыде вещание их, и в концы вселенныя глаголы их: в солнце положи селение свое: 5 и той яко жених исходяй от чертога своего, возрадуется яко исполнил теши путь. 6 От края небесе исход его, и сретение его до края небесе: и несть, иже укрыется теплоты его. 7 Закон Господень непорочен, обращающа души: свидетельство Господне верно, умудряющее младенцы. 8 Оправдания Господня права, веселящая сердце: заповедь Господня светла, просвещающая очи. 9 Страх Господень чист, пребываяй в век века: судьбы Господни истинны, оправданны вкупе, 10 вожделенны паче злата и камене честна многа, и слаждшия паче меда и сота. 11 Ибо раб Твой хранит я: внегда сохранити я, воздаяние многу. 12 Грехопадения кто разумеет? От тайных моих очисти мя, 13 и от чуждих пощади раба Твоего: аще не обладают мною, тогда непорочен буду, и очишуся от греха велика. 14 И будут во благоволение словеса уст моих, и поучение сердца моего пред Тобою выну, Господи, помощнике мой и Избавителю мой.

20 В конец, псалом Давиду. Услышит тя Господь в день печали, защитит тя имя Бога Иаковля. 2 Послет ти помощь от Святого, и от Сиона заступит тя. 3 Помянет всяку жертву твою, и всесожжение твое тучно буди. 4 Даст

ти Господь по сердцу твоему, и весь совет твой исполнит. 5 Возрадуемся о спасении твоем, и во имя Господа Бога нашего возвеличимся: исполнит Господь вся прошения твоя. 6 Ныне познах, яко спасе Господь Христа Своего: услышит его с небесе святого Своего: в силах спасение десницы его. 7 Сии на колесницах, и сии на конех: мы же во имя Господа Бога нашего призовем. 8 Тии спяти быша и падоша: мы же востяхом и исправихомся. 9 Господи, спаси царя, и услыши ны, в оньже аще день призовем Тя.

21 Псалом Давиду. Господи, силою Твоею возвеселится царь, и о спасении Твоем возрадуется зело. 2 Желание сердца его дал еси ему, и хотения устну его неси лишил его. 3 Яко предварил еси его благословением благостынным, положил еси на главе его венец от камене честна. 4 Живота просил есть у Тебе, и дал еси ему долготу дний во век века. 5 Велия слава его спасением Твоим: славу и велелепие возложиши на него. 6 Яко даси ему благословение во век века: возвеселиши его радостию с лицом Твоим. 7 Яко царь уповае на Господа, и милостию Вышняго не подвижится. 8 Да обрящется рука Твоя всем врагом Твоим, десница Твоя да обрящет вся ненавидящыя Тебе. 9 Яко положиши их яко пещь огненную во время лица Твоего: Господь гневом Своим смятет я, и снесть их огонь. 10 Плод их от земли погубиши, и семя их от сынов человеческих. 11 Яко уклониша на Тя злая, помыслиша советы, ихже не возмогут составить. 12 Яко положиши я хребет: во избытцех Твоих уготовиши лице их. 13 Вознесися, Господи, силою Твоею: воспоем и поем силы Твоя.

22 В конец, о заступлении утреннем, псалом Давиду. Боже, Боже мой, вонми ми, вскую оставил мя еси? Далече от спасения моего словеса грехопадений моих. 2 Боже мой, воззову во дни, и не услышиши, и в нощи, и не в безумие мне. 3 Ты же во Святем живехи, хвало Израилева. 4 На Тя уповаша отцы наши: уповаша, и избавил еси я: 5 к Тебе възвзаша, и спасошася: на Тя уповаша, и не постыдешася. 6 Аз же есмь червь, а не человек, поношение человек и уничижение людей. 7 Все видящии мя поругашамися, глаголаша устнами, покиваша главою: 8 упова на Господа, да избавит его, да спасет его, яко хочет его. 9 Яко Ты еси исторгий мя из чрева, упование мое от сосца матери моея. 10 К Тебе привержен есмь от ложен, от чрева матери моея Бог мой еси Ты. 11 Да не отступиши от мене, яко скорбь близ, яко несть помогай ми. 12 Обыдоша мя телцы мнози, юнцы тучнии одержаша мя: 13 отверзоша на мя уста своя, яко лев восхищайя и рыкайя. 14 Яко вода излихся, и разсыпашася вся кости моя: бысть сердце мое яко воск таяй посреде чрева моего. 15 Изсше яко скудель крепость моя, и язык мой прильпе гортани моему, и в персть смерти свел мя еси. 16 Яко обыдоша мя пси мнози, сонм лукавых одержаша мя: ископаша руке мои и нозе мои. 17 Изчетоша вся кости моя: тии же смотриша и презреша мя. 18 Разделиша ризы моя себе, и о одежди моея меташа жребий. 19 Ты же, Господи, не удали помощь твою от мене: на заступление мое вонми. 20 Избави от оружия душу мою,

и из руки песни единокровную мою. 21 Спаси мя от уст львовых, и от рог единорожь смирение мое. 22 Повем имя Твое братии моей, посреде церкви воспою Тя. 23 Боящихся Господа, восхвалите Его, все семья Иаковле, прославите Его, да убоится же от Него все семья Израилево: 24 яко не уничижи, ниже негодова молитвы нищаго, ниже отврати лице Свое от мене, и егда воззвах к Нему, услыша мя. 25 От Тебе похвала моя, в церкви велицей исповемся Тебе: молитвы моя воздам пред боящимся Его. 26 Ядят убозии, и насытятся, и восхвалят Господа зыскающии Его: жива будут сердца их в век века. 27 Помянутся и обратятся ко Господу вси концы земли, и поклонятся пред Ним вся отечествия язык: 28 яко Господне есть царствие, и Той обладает языки. 29 Ядоша и поклонилися вси тучнии земли: пред Ним припадут вси низходящи в землю: и душа моя тому живет. 30 И семья мое поработает Ему: возвестит Господеви род грядущий: 31 и возвестят правду Его людем рождшимся, яже сотвори Господь.

23 Господь пасет мя, и ничтоже мя лишит. 2 На месте злчане, тамо всели мя, на воде покойне воспита мя. 3 Душу мою обрати, настави мя на стези правды, имене ради Своего. 4 Аще бо и пойду посреде сени смертных, не убоюся зла, яко Ты со мною еси: жезл Твой и палица Твоя, та мя утешиса. 5 Уготовал еси предо мною трапезу спротив стужающим мне: умастил еси елеом главу мою, и чаша твоя уповающи мя, яко державна. 6 И милость Твоя поженет мя вся дни живота моего, и еже вселитимся в дом Господень в долготу дней.

24 Господня земля, и исполнение ея, вселенная и вси живущии на ней. 2 Той на морях основал ю есть и на реках уготовал ю есть. 3 Кто взыдет на гору Господню? Или кто станет на месте святем Его? 4 Неповинен рукама и чист сердцем, иже не прият всуе душу свою и не клятся лестию искреннему своему: 5 сей приимет благословение от Господа и милостыню от Бога Спаса своего. 6 Сей род ищущих Господа, ищущих лице Бога Иаковля. 7 Возмите врата князи ваша, и возмיתесь врата вечная: и внидет Царь славы. 8 Кто есть сей Царь славы? Господь крепок и силен, Господь силен в брани. 9 Возмите врата князи ваша, и возмיתесь врата вечная: и внидет Царь славы. 10 Кто есть сей Царь славы? Господь сил, Той есть царь славы.

25 К Тебе, Господи, воздвигох душу мою. Боже мой, на Тя уповах, да не постыжуся во век, ниже да посмеютмися врази мои: 2 ибо вси терпящии Тя не постыдятся. 3 Да постыдятся беззаконующии вотще. 4 Пути Твоя, Господи, скажи ми и стезям Твоим научи мя. 5 Настави мя на истину Твою и научи мя: яко Ты еси Бог спас мой, и Тебе терпех весь день. 6 Помяни щедроты Твоя, Господи, и милости Твоя, яко от века суть. 7 Грех юности моя и неведения моего не помяни: по милости Твоей помяни мя Ты, ради благости Твоея, Господи. 8 Благ и прав Господь, сего ради законоположит согрешающим на пути. 9 Наставит кроткия на суд, научит кроткия путем Своим. 10 Вси путие Господни милость и истина, зыскающим завета Его и свидения Его.

11 Ради имене Твоего, Господи, и очисти грех мой, мног бо есть. 12 Кто есть человек бояйся Господа? Законоположит ему на пути, егоже изволи. 13 Душа его во благих водворится, и семья его наследит землю. 14 Держава Господь боящихся Его, и завет Его явит им. 15 Очи мои выну ко Господу, яко Той исторгнет от сети нозе мои. 16 Призри на мя и помилуй мя, яко единокров и нищъ есмь аз. 17 Скорби сердца моего умножишася, от нужд моих изведи мя. 18 Видждь смирение мое и труд мой, и остави вся грехи моя. 19 Видждь враги моя, яко умножишася, и ненавидением неправедным возненавидеша мя. 20 Сохрани душу мою и избави мя, да не постыжуся, яко уповах на Тя. 21 Незлобивии и правии прилеплюхуся мне, яко потерпех Тя, Господи. 22 Избави, Боже, Израила от всех скорбей его.

26 Суди ми, Господи, яко аз незлобою моею ходих: и на Господа уповаю не изнемогу. 2 Искуси мя, Господи, и испытай мя, разжи утробы моя и сердце мое. 3 Яко милость Твоя пред очима моима есть, и благоугодих во истине Твоей. 4 Не седох с сонмом суетным, и со законопреступными не вниду. 5 Возненавидех церковь лукавующих, и с нечестивыми не сяду. 6 Умью в неповинных руке мои, и обыду жертвенник Твой, Господи, 7 еже услышати ми глас хвалы Твоея и поведати вся чудеса Твоя. 8 Господи, возлюбих благолепие дому Твоего и место селения славы Твоея. 9 Да не погубиши с нечестивыми душу мою и с мужи кровей живот мой, 10 иже в руку беззакония, десница их исполнилися мзды. 11 Аз же незлобою моею ходих: избави мя, Господи, и помилуй мя. 12 Нога моя ста на правоте: в церквах благословлю Тя, Господи.

27 Господь просвещение мое и спаситель мой, кого убоюся? Господь защититель живота моего, от кого уструшуся? 2 Внегда приблизатися на мя злобующим, еже снести плоти моя, оскорбляющим мя и врази мои, тии изнемогоша и падоша. 3 Аще ополчится на мя полк, не убоится сердце мое: аще встанет на мя брань, на него аз уповаю. 4 Едино просих от Господа, то зыщу: еже жити ми в дому Господни вся дни живота моего, зрети ми красоту Господню и посещати храм Святей Его. 5 Яко скры мя в селении Своем в день зол моих, покры мя в тайне селения Своего, на камень вознесе мя. 6 И ныне се, вознесе главу мою на враги моя: обыдох и пожрох в селении Его жертву хваления и воскликновения: пою и воспою Господеву. 7 Услыши, Господи, глас мой, имже воззвах, помилуй мя и услыши мя. 8 Тебе рече сердце мое: Господа взыщу, зыска Тебе лице мое, лица Твоего, Господи, зыщу. 9 Не отврати лица Твоего от мене и не уклонися гневом от раба Твоего: помощник мой буди, не отрини мене и не остави мене, Боже, Спасителю мой. 10 Яко отец мой и мати моя остависта мя, Господь же восприят мя. 11 Законоположи ми, Господи, в пути Твоем, и настави мя на стезю правую враг моих ради. 12 Не предаждь мене в души стужающих ми: яко восташа на мя свидетеле неправеднии, и солга неправда себе. 13 Верую видети благая Господня на земли живых. 14 Потерпи

Господа, мужайся, и да крепится сердце твое, и потерпи Господа.

28 К Тебе, Господи, воззову, Боже мой: да не премолчиши от мене: да не когда премолчиши от мене, и уподоблюся низходящим в ров. 2 Услыши, Господи, глас моления моего, внемда молитимися к Тебе, внемда воздети ми руце мои ко храму святому Твоему. 3 Не привлечи мене со грешники, и с делающими неправду не погуби мене, глаголющими мир с ближними своими, злая же в сердцах своих. 4 Дажь им, Господи, по делом их и по лукавству начинаний их, по делом руку их даждь им, воздаждь воздаяние их им. 5 Яко не разумеша в дела Господня и в дела руку Его: разориши я и не созиждеша я. 6 Благословен Господь, яко услыша глас моления моего. 7 Господь помощник мой и защититель мой: на Него упова сердце мое, и поможе ми, и процвете плоть моя: и волею моею исповемся Ему. 8 Господь утверждение людей Своих и защититель спасений Христа Своего есть. 9 Спаси люди Твоя, и благослови достояние Твое, и упаси я, и возми я до века.

29 Принесите Господеву, сынове Божии, принесите Господеву сыны овни, принесите Господеву славу и честь: 2 принесите Господеву славу имени Его: поклонитесь Господеву во дворе святем Его. 3 Глас Господень на водах, Бог славы возгреме, Господь на водах многих. 4 Глас Господень в крепости, глас Господень в великолепии. 5 Глас Господа, сокрушающего кедры: и стрьет Господь кедры Ливанския, 6 и истнит я яко телца Ливанска: и возлюбленный яко сын единорожь. 7 Глас Господа, пресекающего пламень огня. 8 Глас Господа, стрясающего глас пустыню, и стрясет Господь пустыню Каддийскую. 9 Глас Господень, свершающий елени, и открывает дубравы: и в храме Его всякий глаголет славу. 10 Господь потоп населяет, и сядет Господь царь в век. 11 Господь крепость людям Своим даст, Господь благословит люди Своя миром.

30 Псалом песни обновления дому Давидова. Вознесу Тя, Господи, яко подял мя еси, и не возвеселил еси врагов моих о мне. 2 Господи Боже мой, воззвах к Тебе, и изцелил мя еси. 3 Господи, возвел еси от ада душу мою, спасл мя еси от низходящих в ров. (Sheol h7585) 4 Пойте Господеву, преподобнии Его, и исповедайте память святыхи Его: 5 яко гнев в ярости Его, и живот в воли Его: вечер водворится плачь, и завтра радость. 6 Аз же рех во обилии моем: не подвижуся во век. 7 Господи, волею Твоею подаждь доброту моею силу: отвратил же еси лице Твое, и бых смущен. 8 К Тебе, Господи, воззову, и к Богу моему помолюся. 9 Кая польза в крови моей, внемда сходити ми во истление? Еда исповестся Тебе персть? Или возвестит истину Твою? 10 Слыша Господь и помилова мя: Господь бысть помощник мой. 11 Обратил еси плачь мой в радость мне, растерзал еси вретисще мое и препоясал мя еси веселием, 12 яко да воспоем Тебе слава моя, и не умилюся. Господи Боже мой, во век исповемся Тебе.

31 В конец, псалом Давиду, изступления. На Тя, Господи, уповах, да не постыжуся во век: правдою Твоею избави мя и изми мя. 2 Приклони ко мне ухо Твое, ускори изяти мя: буди ми в Бога защитителя и в дом прибежища, еже спасти мя. 3 Яко держава моя и прибежище мое еси Ты: и имене Твоего ради наставиши мя и препитаеши мя. 4 Изведеша мя от сети сея, юже скрыша ми: яко Ты еси защититель мой, Господи. 5 В руце Твои предложу дух мой: избавил мя еси, Господи Боже истины. 6 Возненавидел еси хранящяся суеты вотще: аз же на Господа уповах. 7 Возрадуешь и возвеселюся о милости Твоей, яко призрел еси на смирение мое, спасл еси от нужд душу мою 8 и неси мене затворил в руках вражиих, поставил еси на пространне нозе мои. 9 Помилуй мя, Господи, яко скорблю: смятется яростию око мое, душа моя и утроба моя. 10 Яко изчезе в болезни живот мой, и лета моя в въздыханих: изнеможе нищетою крепость моя, и кости моя смятошася. 11 От всех враг моих бых поношение, и соседом моим зело, и страх знаемым моим: видящии мя вон бежаша от мене. 12 Забвен бых яко мертв от сердца: бых яко сосуд погублен. 13 Яко слышах гаждение многих живущих окрест: внемда собратися им вкупе на мя, прияти душу мою совещаша. 14 Аз же на Тя, Господи, уповах, рех: Ты еси Бог мой. 15 В руку Твоюю жребии мои: избави мя из руки враг моих и от гонящих мя. 16 Просвети лице Твое на раба Твоего: спаси мя милостию Твоею. 17 Господи, да не постыжуся, яко призвах Тя: да постыдятся нечестивии, и снудут во ад. (Sheol h7585) 18 Немы да будут устыни льстивыя, глаголющя на праведнаго беззаконие, гордыню и уничижением. 19 Коль многое множество благодати Твоея, Господи, юже скрыл еси боящимся Тебе, соделал еси уповающим на Тя, пред сыны человеческими: 20 скрыеши их в тайне лица Твоего от мятежа человеческа, покрыеши их в крове от пререкания язык. 21 Благословен Господь, яко удиви милость Свою во граде ограждения. 22 Аз же рех во изступлении моем: отвержен есмь от лица очию Твоею: сего ради услышал еси глас молитвы моя, внемда воззвах к Тебе. 23 Возлюбите Господа, вси преподобнии Его: яко истины възскает Господь и воздаст излише творящим гордыню. 24 Мужайтесь, и да крепится сердце ваше, вси уповающи на Господа.

32 Блаженни, иже оставишася беззакония, и иже прикрышася греси. 2 Блажен муж, емуже не вменит Господь греха, ниже есть во устех его лесть. 3 Яко умолчах, обетшаша кости моя, от еже звати ми весь день, 4 яко день и ночь отяготе на мне рука Твоя: возвратихся на страсть, егда узне ми терн. 5 Беззаконие мое познах и греха моего не покрых, рех: исповею на мя беззаконие мое Господеву: и Ты оставил еси нечестие сердца моего. 6 За то помолится к Тебе всяк преподобный во время благопотребно: обаче в потопе вод многих к нему не приблизатся. 7 Ты еси прибежище мое от скорби обдержаша мя: радость моя, избави мя от обышедших мя. 8 Вразумлю тя, и наставлю тя на путь сей, в онже пойдеши: утвержу на тя очи Мои. 9 Не будите яко конь и меск, имже несть разума: бродздами и уздою челюсти их востягнуши, не приближающихся к

тебе. 10 Многи раны грешному: уповающего же на Господа милость обыдет. 11 Веселитесь о Господе и радуйтесь праведнии, и хвалитесь, вси правии сердцем.

33 Радуйтесь, праведнии, о Господе: правым подобает похвала. 2 Исповедайтесь Господеви в гуслех, во псалтири десятиструннем пойте Ему: 3 воспойте Ему песнь нову, добре пойте Ему со восклицанием: 4 яко право слово Господне, и вся дела Его в вере. 5 Любит милостыню и суд Господь, милости Господни исполнь земля. 6 Словом Господним небеса утвердишася, и духом уст Его вся сила их: 7 собирай яко мех воды морския, полагаяй в сокровищих бездны. 8 Да убоится Господа вся земля, от Негоже да подвижутся вси живущии по вселенней: 9 яко Той рече, и быша: Той повеле, и создашася. 10 Господь разоряет советы языков, отмечает же мысли людей и отмечает советы князей. 11 Совет же Господень во век пребывает, помышления сердца Его в род и род. 12 Блажен язык, емуже есть Господь Бог Его, людие, яже избра в наследие Себе. 13 С небесе призре Господь, виде вся сыны человеческия: 14 от готоваго жилища Своего призре на вся живущыя на земли: 15 создавый на едине сердца их, разумеваяй на вся дела их. 16 Не спасается царь многою силою, и исполин не спасется множеством крепости своея. 17 Ложь конь во спасение, во множестве же силы своея не спасется. 18 Се, очи Господни на боящыяся Его, уповающыя на милость Его: 19 избавити от смерти души их, и препитати я в глад. 20 Душа же наша чаеТ Господа, яко помощник и защититель наш есть: 21 яко о Нем возвеселится сердце наше, и во имя святое Его уповахом. 22 Буди, Господи, милость Твоя на нас, якоже уповахом на Тя.

34 Псалом Давиду, внегда измени лице свое пред Авимелехом: и отпусти его, и отиде. Благословлю Господа на всякое время, выну хвала Его во устех моих. 2 О Господе похвалится душа моя: да услышат кротцыи и возвеселятся. 3 Возвеличите Господа со мною, и вознесем имя Его вкупе. 4 Взысках Господа, и услыша мя и от всех скорбей моих избави мя. 5 Приступите к Нему и просветитесь, и лица ваша не постыдятся. 6 Сей нищий воззва, и Господь услыша и, и от всех скорбей его спасе и. 7 Ополчится Ангел Господень окрест боящихся Его и избавит их. 8 Вкусите и видите, яко благ Господь: блажен муж, иже уповаеТ Нань. 9 Бойтеся Господа, вси святии Его, яко несть лишения боящимся Его. 10 Богатии обнищаша и възлалаша: възыскающии же Господа не лишатся всякаго блага. 11 Приидите, чада, послушайте мене, страху Господню научу вас. 12 Кто есть человек хотяй живот, любяй дни видети благи? 13 Удержи язык твой от зла и устне твои, еже не глаголати лести. 14 Уклонися от зла и сотвори благо: възыщи мира и пожени и. 15 Очи Господни на праведныя, и уши Его в молитву их. 16 Лице же Господне на творящыя злая, еже потребити от земли память их. 17 Воззваша праведнии, и Господь услыша их и от всех скорбей их избави их. 18 Близ Господь сокрушенных сердцем, и смиренныя духом

спасет. 19 Многи скорби праведным, и от всех их избавит я Господь. 20 Хранит Господь вся кости их, ни единая от них сокрушится. 21 Смерть грешников люта, и ненавидящии праведнаго прегрешат. 22 Избавит Господь души раб Своих, и не прегрешат вси уповающи на Него.

35 Суди, Господи, обидящыя мя, побори борющыя мя. 2 Приими оружие и щит и востани в помощь мою: 3 изсуни мечь и заключи сопровит гонящих мя: рцы души моей: спасение твое есмь аз. 4 Да постыдятся и посрамятся ищущии душу мою, да возвратятся вспять и постыдятся мыслящии ми злая. 5 Да будут яко прах пред лицом ветра, и Ангел Господень оскорбляя их: 6 да будет путь их тма и ползок, и Ангел Господень погоняяй их: 7 яко туне скрыша ми пагубу сети своея, всеу ноносиша души моей. 8 Да придет ему сеть, юже не весть, и ловитва, юже скры, да обымет и, и в сеть да впадет в ню. 9 Душа же моя возрадуется о Господе, возвеселится о спасении Его. 10 Вся кости моя рекут: Господи, Господи, кто подобен Тебе? Избавляяй нища из руки крепльших его, и нища, и убога от расхищающих его. 11 Воставше на мя свидетеле неправеднии, яже не ведях, вопрошаху мя. 12 Воздаша ми лукавая воз благая, и безчадие души моей. 13 аз же, внегда они стужаху ми, облачыхся во вретнице и смирях постом душу мою, и молитва моя в недро мое возвратится. 14 Яко ближнему, яко брату нашему, тако угрождах: яко плача и сетуя, тако смиряхся. 15 И на мя возвеселишася и собрашася: собрашася на мя раны, и не познах: разделишася, и не умилишася. 16 Искусиша мя, подражниша мя подражением, поскрежеташа на мя зубы своими. 17 Господи, когда узриши? Устрой душу мою от злодейства их, от лев едиnorodную мою. 18 Исповемся Тебе в церкви мнозе, в людех тяжцех восхваляю Тя. 19 Да не возрадуются о мне враждующии ми неправедно, ненавидящии мя туне и помизающии очима: 20 яко мне убо мирная глаголаху, и на гнев лести помышляху. 21 Разшириша на мя уста своя, реша: благоже, благоже, видеша очи наши. 22 Видел еси, Господи, да не премолчиши: Господи, не отступи от мене. 23 Востани, Господи, и вонми суду моему, Боже мой и Господи мой, на прю мою. 24 Суди ми, Господи, по правде Твоей, Господи Боже мой, и да не возрадуются о мне. 25 Да не рекут в сердцах своих: благоже, благоже души нашей: ниже да рекут: пожрохом его. 26 Да постыдятся и посрамятся вкупе радующися злом моим: да облекутся в студ и срам велеречущии на мя. 27 Да возрадуются и возвеселятся хотящии правды моея: и да рекут выну, да возвеличится Господь, хотящии мира рабу Его. 28 И язык мой поучится правде Твоей, весь день хвале Твоей.

36 В конец, отроку Господню Давиду. Глаголет пребеззаконный согрешати в себе: несть страха Божия пред очима его: 2 яко ульсти пред ним обрести беззаконие свое, и возненавидети. 3 Глаголы уст его беззаконие и лесь: не восхоте разумети еже ублажити. 4 Беззаконие помысли на ложи своем: предста всякому пути неблагу, о злобе же не негодова. 5 Господи, на небеси милость Твоя, и истина Твоя до облак: 6 правда Твоя яко горы Божия, судьбы Твоя

бездна многа: человеки и скоты спасеши, Господи. 7 Яко умножил еси милость Твою, Боже: сынове же человечести в крове крилу Твоею надеяться имут. 8 Упиются от тука дому Твоего, и потоком сладости Твоя напоиши я. 9 Яко у Тебе источник живота, во свете Твоем узрим свет. 10 Пробави милость Твою ведущим Тя и правду Твою правым сердцем. 11 Да не придет мне нога гордыни, и рука грешника да не подвигит мене. 12 Тамо падоша вси делающии беззаконие: ириновени быша, и не возмогут стати.

37 Не ревнуй лукавнующим, ниже завиди творящим беззаконие. 2 Зане яко трава скоро изсхнут, и яко зелье злака скоро отпадут. 3 Уповай на Господа и твори благостыню: и насели землю, и упасешися в богатстве ея. 4 Насладися Господеви, и даст ти прошения сердца твоего. 5 Открый ко Господу путь твой и уповай на Него, и Той сотворит. 6 И изведет яко свет правду твою и судьбу твою яко полудне. 7 Повинися Господеви и умоли Его. Не ревнуй сплющему в пути своем, человеку творящему законопреступление. 8 Престани от гнева и остави ярость: не ревнуй, еже лукавновати, 9 зане лукавнующии потребятся, терпящи же Господа, тии наследят землю. 10 И еще мало, и не будет грешника: и възыщеш место его и не обрящещи. 11 Кротцыи же наследят землю и насладятся о множестве мира. 12 Назирает грешный праведнаго и поскрежет нань зубы своими: 13 Господь же посмеется ему, зане прозирает, яко придет день его. 14 Мечь извлекоша грешницы, напрягоша лук свой, низложили убога и нища, заклати правья сердцем. 15 Мечь их да внидет в сердца их, и луцы их да сокрушатся. 16 Лучше малое праведнику, паче богатства грешных многа. 17 Зане мышцы грешных сокрушатся, утверждает же праведныя Господь. 18 Весть Господь пути непорочных, и достояние их в век будет. 19 Не постыдятся во время лютое и во днех глада насытятся, яко грешницы погибнут. 20 Врази же Господни, купно прославятся им и вознесица, исчезающе яко дым исчезаюша. 21 Заемлет грешный и не возвратит: праведный же щедрит и дает. 22 Яко благословящи Его наследят землю, кленущии же Его потребятся. 23 От Господа стопы человеку исправляются, и пути Его восхощет зело. 24 Егда падет, не разбьется, яко Господь подкрепляет руку его. 25 Юнейший бых, ибо состарехся, и не видех праведника оставлена, ниже семене его просяща хлебы. 26 Весь день милует и взаим дает праведный, и семья его во благословение будет. 27 Уклонися от зла и сотвори благо, и вселися в век века. 28 Яко Господь любит суд и не оставит преподобных Своих: во век сохраняются: беззаконницы же изженутся, и семья нечестивых потребится. 29 Праведницы же наследят землю и вселятся в век века на ней. 30 Уста праведнаго поучатся премудрости, и язык его возглаголет суд. 31 Закон Бога его сердца его, и не запнутя стопы его. 32 Смотряет грешный праведнаго и ищет еже умертвити его: 33 Господь же не оставит его в руку его, ниже осудит его, егда судит ему. 34 Потерпи Господа и сохрани путь Его, и вознесет тя еже наследити землю: вегда потреблятися грешником, узриши. 35 Видех нечестиваго

превозносящася и высящася яко кедры Ливанския: 36 и мимо идох, и се, не бе, и възсках его, и не обретеса место его. 37 Храни незлобие и виждь правоту, яко есть останок человеку мирну. 38 Беззаконницы же потребятся вкупе: останцы же нечестивых потребятся. 39 Спасение же праведных от Господа, и защититель их есть во время скорби: 40 и поможет им Господь и избавит их, и измет их от грешник и спасет их, яко уповаша на Него.

38 Псалом Давиду, в воспоминание о субботе. Господи, да не яростию Твоею обличиши мене, ниже гневом Твоим накажеш мене: 2 яко стрелы Твоя унзоша во мне, и утвердил еси на мне руку Твою. 3 Несть изцеления в плоти моей от лица гнева Твоего, несть мира в костех моих от лица грех моих. 4 Яко беззакония моя превзыдоша главу мою, яко бремя тяжкое отяготеша на мне. 5 Возсмердеша и согниша раны моя, от лица безумия моего. 6 Пострадах и слякохся до конца, весь день сетуя хождах: 7 яко лядвия моя наполнишася поруганий, и несть изцеления в плоти моей. 8 Озлоблен бых и смирихся до зела, рыках от въздыхания сердца моего. 9 Господи, пред Тобою все желание мое, и въздыхание мое от Тебе не утаися. 10 Сердце мое смятеса, остави мя сила моя, и свет очию мою, и той несть со мною. 11 Друзи мои и искреннии мои прямо мне приближашася и сташа. 12 И ближнии мои отдалече мене стаща, и нуждахуся ищущи душу мою: и ищущии злая мне глаголаху суетная, и льстивным весь день поучахуся. 13 Аз же яко глух не слышах, и яко нем не отверзаяй уст своих: 14 и бых яко человек не слышай и не имый во устех своих обличения. 15 Яко на Тя, Господи, уповах, Ты услышиши, Господи Боже мой. 16 Яко рех: да не когда порадуютмися врази мои: и вегда подвижатися ногам моим, на мя велеречеваша. 17 Яко аз на раны готов, и болезнь моя предо мною есть выну. 18 Яко беззаконие мое аз възвещу и полекуся о гресе моем. 19 Врази же мои живут и укрепляшася паче мене, и умножишася ненавидящи мя без правды: 20 въздающи ми злая воз благая оболгаху мя, зане гонях благостыню. 21 Не остави мене, Господи Боже мой, не отступи от мене: 22 вонми в помощь мою, Господи спасения моего.

39 В конец, Идифуму, песнь Давиду. Рех: сохраню пути моя, еже не согрешати ми языком моим: положих устом моим хранило, вегда востати грешному предо мною. 2 Онемех и смирихся, и умолчах от благ, и болезнь моя обновися. 3 Согреяся сердце мое во мне, и в поучении моем разгорится огонь: глаголах языком моим: 4 скажи ми, Господи, кончину мою и число дний моих, кое есть, да разумею, что лишаюся аз. 5 Се, пяди положил еси дни моя, и состав мой яко ничтоже пред Тобою: обаче всяческая суета всяк человек живый. 6 Убо образом ходит человек, обаче всеу мятется: сокровиществует, и не весть, кому соберет я. 7 И ныне кто терпение мое? Не Господь ли? И состав мой от Тебе есть. 8 От всех беззаконий моих избави мя: поношение безумному дал мя еси. 9 Онемех и не отверзох уст моих, яко Ты сотворил еси. 10 Отстави от мене раны Твоя: от крепости бо руки Твоя аз исчезох. 11 Во обличениих о

беззаконии наказал еси человека, и истаял еси яко паучину душу его: обаче всуе всяк человек. 12 Услыши молитву мою, Господи, и моление мое внуши, слез моих не премолчи: яко преселник аз есмь у Тебе и пришлец, якоже вси отцы мои. 13 Ослаби ми, да почию, прежде даже не отиду, и ктому не буду.

40 В конец, псалом Давиду. Терпя потерпех Господа, и внят ми и услыша молитву мою: 2 и возведе мя от рова страстей и от брания тины, и постави на камени ноze мои и исправи стопы моя: 3 и вложи во уста моя песнь нову, пение Богу нашему. Узрят мнози и убоятся, и уповают на Господа. 4 Блажен муж, емуже есть имя Господне упование его, и не призре в суеты и неистовления ложная. 5 Многа сотворил еси Ты, Господи Боже мой, чудеса Твоя, и помышлением Твоим несть кто уподобится Тебе: возвестих и глаголах: умножишася паче числа. 6 Жертвы и приношения не восхотел еси, тело же свершил ми еси: всесоженный и о гресе не взыскал еси. 7 Тогда рех се, прииду: в главизне книжне писано есть о мне: 8 еже сотворити волю Твою, Боже мой, восхотех, и закон Твой посреде чрева моего. 9 Благовестих правду в церкви велицей, се, устнам моим не возбрано: Господи, Ты разумел еси. 10 Правду Твою не скрых в сердцах моих, истину Твою и спасение Твое рех, не скрых милость Твою и истину Твою от сонма многа. 11 Ты же, Господи, не удали щедрот Твоих от мене: милость Твоя и истина Твоя выну да заступите мя. 12 Яко одержаша мя злая, имже несть числа: постигоша мя беззакония моя, и не возмогах зрети: умножишася паче влас главы моя, и сердце мое остави мя. 13 Благоволи, Господи, избавити мя: Господи, во еже помощи ми, вонми. 14 Да постыдятся и посрамятся вкупе ищущи душу мою, изяти ю: да возвратятся вспять и постыдятся хотящии ми злая. 15 Да приммут абие студ свой глаголющии ми: благоже, благоже. 16 Да возрадуются и возвеселятся о Тебе вси ищущи Тебе, Господи, и да рекут выну, да возвеличится Господь, любящии спасение Твое. 17 Аз же нищ есмь и убог, Господь попечется о мне: помощник мой и защититель мой еси ты, Боже мой, не законси.

41 В конец, псалом Давиду. Блажен разумеваый на нища и убога, в день лют избавит его Господь. 2 Господь да сохранит его и живит его, и да ублажит его на земли и да не предаст его в руки врагов его. 3 Господь да поможет ему на одре болезни его: все ложе его обратил еси в болезни его. 4 Аз рех: Господи, помилуй мя, изцели душу мою, яко согреших Ти. 5 Врази мои реша мне злая: когда умрет, и погибнет имя его? 6 И вхождаше видети, всуе глаголаше сердце его: собра беззаконие себе, исходядаше вон и глаголаше вкупе. 7 На мя шептаху вси врази мои, на мя помышляху злая мне. 8 Слово законопреступное возложиша на мя: еда спяи не приложити воскреснути? 9 Ибо человек мира моего, на негоже уповах, ядый хлебы моя, возвеличи на мя запинание. 10 Ты же, Господи, помилуй мя и возстави мя, и воздам им. 11 В сем познах, яко восхотел мя еси, яко не возрадуется враг мой о мне. 12 Мене же за незлобие

приял, и утвердил мя еси пред Тобою в век. 13 Благословен Господь Бог Израилев от века и до века: буди, буди.

42 В конец, в разум сынов Кореовых, псалом Давиду. Имже образом желает елень на источники водная, сице желяет душа моя к Тебе, Боже. 2 Возжада душа моя к Богу крепкому, живому: когда прииду и явлюся лицу Божию? 3 Быша слезы моя мне хлеб день и ночь, вегда глаголатися мне на всяк день: где есть Бог твой? 4 Сия помянух, и излиях на мя душу мою: яко пройду в место селения дивна, даже до дому Божия, во гласе радования и исповедания, шума празднующаго. 5 Вскую прискорбна еси, душе моя? И вскую смущаеши мя? Уповай на Бога, яко исповемя Ему, спасение лица моего и Бог мой. 6 Ко мне самому душа моя смятется: сего ради помянух Тя от земли Иордански и Ермониимски, от горы Малыя. 7 Бездна бездну призывает во гласе хлябый Твоих: вся высоты Твоя и волны Твоя на мне преидоша. 8 В день заповесть Господь милость Свою, и нощию песнь Его от мене, молитва Богу живота моего. 9 Реку Богу: заступник мой еси, почто мя забыл еси? И вскую сетя хожду, вегда оскорбляет враг? 10 Вегда сокрушатися костем моим, поношаху ми врази мои, вегда глаголати им мне на всяк день: где есть Бог твой? 11 Вскую прискорбна еси, душе моя? И вскую смущаеши мя? Уповай на Бога, яко исповемя Ему, спасение лица моего и Бог мой.

43 Суди ми, Боже, и разсуди прю мою: от языка не преподобна, от человека неправедна и льстива избави мя. 2 Зане Ты еси, Боже, крепость моя, вскую отринул мя еси? И вскую сетя хожду, вегда оскорбляет враг? 3 Посли свет Твой и истину Твою: та мя настаиваи, и введоста мя в гору святую Твою и в селения Твоя. 4 И вниду к жертвеннику Божию, к Богу веселящему юность мою: исповемя Тебе в гуслах, Боже, Боже мой. 5 Вскую прискорбна еси, душе моя? И вскую смущаеши мя? Уповай на Бога, яко исповемя Ему, спасение лица моего и Бог мой.

44 В конец, сынов Кореовых, в разум, псалом. Боже, ушима нашими услышахом, и отцы наши возвестиха нам дело, еже соделал еси во днех их, во днех древних. 2 Рука Твоя языки потреби, и насадил я еси: озлобил еси люди и изгнал еси я. 3 Не бо мечем своим наследиха землю, и мышца их не спасе их, но десница Твоя и мышца Твоя и просвещение лица Твоего, яко благоволил еси в них. 4 Ты еси сам Царь мой и Бог мой, заповедаый спасения Иаковля. 5 О Тебе враги наша избодем роги, и о имени Твоем уничижим встающыя на ны. 6 Не на лук бо мой уповаю, и меч мой не спасет мене: 7 спас бо еси нас от стужающих нам, и ненавидящих нас посрамил еси. 8 О Бозе похвалимся весь день, и о имени Твоем исповемясь во век. 9 Ныне же отринул еси и посрамил еси нас, и не изыдеши, Боже, в силах наших. 10 Возвратил еси нас вспять при вразех наших, и ненавидящии нас расхищашу себе. 11 Дал еси нас яко овцы снеди, и во языцех разсеял ны еси. 12 Отдал еси люди Твоя без цены, и не бе множество в восклицаниих наших. 13 Положил еси нас поношение

соседом нашим, подражание и поругание сущим окрест нас. 14 Положил еси нас в притчу во языцех, покиванию главы в людех. 15 Весь день срам мой предо мною есть, и студ лица моего покры мя, 16 от гласа поношающего и оклеветающего, от лица вражия и изгоняющего. 17 Сия вся приидоша на ны, и не забудом Тебе, и не неправдовахом в завете Твоем, 18 и не отступи вспять сердце наше: и уклонил еси стези наша от пути Твоего, 19 яко смирил еси нас на месте озлобления, и прикры ны сень смертная. 20 Аще забудом имя Бога нашего, и аще воздыхом руки наша к Богу чуждому, 21 не Бог ли взыщет сих? Той бо весть тайная сердца. 22 Зане Тебе ради умерщвляемся весь день, вменихомся яко овцы заколения. 23 Востани, вскую спиши, Господи? Воскресени, и не отрини до конца. 24 Вскую лице Твое отвращаеши? Забываеши нищету нашу и скорбь нашу? 25 Яко смирился в персть душа наша, прильте земли утроба наша. 26 Воскресени, Господи, помози нам, и избави нас имене ради Твоего.

45 В конец, о изменяемых сыном Кореовым в разум, песнь о возлюбленном. Отрыгну сердце мое слово благо, глаголю аз дела моя Царевы: язык мой трость книжника скорописца. 2 Красен доброотою паче сынов человеческих, излияся благодать во устах Твоих: сего ради благослови Тя Бог во век. 3 Препояши мечь Твой по бедре Твоей, Сильне, 4 красотою Твоею и доброотою Твоею: и наляцы, и успевай, и царствуй истины ради и кротости и правды: и наставит Тя дивно десница Твоя. 5 Стрелы Твоя изощрены, Сильне: людие под Тобою падут в сердца враг Царевых. 6 Престол Твой, Боже, в век века: жезл правости жезл царствия Твоего. 7 Возлюбил еси правду и возненавидел еси беззаконие: сего ради помаза Тя, Боже, Бог Твой елеем радости паче причастих Твоих. 8 Смирна и стаки и касиа от риз Твоих, от тяжестей слоных, из ниже возвеселиша Тя. 9 Дщери царей в чести Твоей: предста царица одесную Тебе, в ризах позлащенных одяна преиспещрена. 10 Слыши, дщи, и виждь, и приклони ухо твое, и забуди люди твоя и дом отца твоего: 11 и возжелает Царь доброты твоея, зане Той есть Господь твой, и поклонишися Ему, 12 и дщи Тирова с дары: лицу Твоему помолятся богатии людстии. 13 Вся слава дщере Царевы внутрь: ясны златыми одяна и преиспещрена. 14 Приведутся Царю девы вслед ея, искренния ея приведутся Тебе: 15 приведутся в веселии и радовании, введутся в храм Царев. 16 Вместо отец Твоих быша сынове Твои: поставиши я князи по всей земли. 17 Помяну имя Твое во всяком роде и роде: сего ради людие исповедятся Тебе в век и во век века.

46 В конец, о сынех Кореовых, о тайных, псалом. Бог нам прибежище и сила, помощник в скорбех обретших ны зело. 2 Сего ради не убоимся, вегда смущается земля, и прелагаются горы в сердца морская. 3 Возшумеша и смятошася воды их, смятошася горы крепостию его. 4 Речная устремления веселят град Божий: освятил есть селение свое Вышний. 5 Бог посреде его, и не подвижится: поможет ему Бог утро заутра. 6 Смятошася языцы, уклонишася царствия:

даде глас Свой Вышний, подвижеся земля. 7 Господь сил с нами, заступник наш Бог Иаковль. 8 Приидите и видите дела Божия, яже положи чудеса на земли: 9 отемля брани до конец земли, лук сокрушит и сломит оружие, и щиты сожжет огнем. 10 Упразднитеся и разумеите, яко Аз есмь Бог: вознесуся во языцех, вознесуся на земли. 11 Господь сил с нами, заступник наш Бог Иаковль.

47 В конец, о сынех Кореовых, псалом. Все языцы, восплещите руками, воскликните Богу гласом радования: 2 яко Господь Вышний страшен, Царь велий по всей земли: 3 покори люди нам и языки под ноги наша: 4 избра нам достояния свое, доброту Иаковлю, юже возлюби. 5 Взыде Бог в воскликновении, Господь во гласе трубне. 6 Пойте Богу нашему, пойте: пойте Царевы нашему, пойте. 7 Яко Царь вся земли Бог, пойте разумно. 8 Воцарися Бог над языки: Бог седит на престоле святем Своем. 9 Князи людстии собрашася с Богом Авраамлим: яко Божии державнии земли зело вознесошася.

48 Псалом песни сынов Кореовых, вторья субботы. Велий Господь и хвален зело во граде Бога нашего, в горе святей Его, 2 благокоренным радованием вся земли: горы Сионския, ребра северова, град Царя великаго. 3 Бог в тяжестех его знаемь есть, егда заступает и. 4 Яко се, царие земстии собрашася, снидошася вкупе: 5 тии видевше тако, удивишася, смятошася, подвигошася: 6 трепет прият я тамо, болезни яко раждающия. 7 Духом бурным сокрушиши корабли Фарсийския. 8 Якоже слышахом, тако и видехом во граде Господа сил, во граде Бога нашего: Бог основа и в век. 9 Прияхом, Боже, милость Твою посреде людий Твоих. 10 По имени Твоему, Боже, тако и хвала Твоя на концах земли: правды исполнь десница Твоя. 11 Да возвеселится гора Сионская, и да возрадуются дщери Иудейския, судеб ради Твоих, Господи. 12 Обыдите Сион и обымите его, поведите в столпех его: 13 положите сердца ваша в силу его, и разделите дома его, яко да повесте в роде инем. 14 Яко Той есть Бог наш во век и в век века: Той упасет нас во веки.

49 В конец, сыном Кореовым, псалом. Услышите сия, вси языцы, внушите, вси живущии по вселенней, 2 земнороднии же и сынове человечестии, вкупе богат и убог. 3 Уста моя возглаголют премудрость, и поучение сердца моего разум. 4 Приклоню в притчу ухо мое, отверзу во псалтири ганание мое. 5 Вскую боюся в день лют? Беззаконие пятя моя обьдет мя. 6 Надеющиися на силу свою и о множестве богатства своего хвалящиися: 7 брат не избавит, избавит ли человек? Не даст Богу измены за ся, 8 и цену избавления души своея: и утрудися в век, 9 и жив будет до конца, не узрит пагубы. 10 Егда увидит премудрья умирающья, вкупе безумен и несмыслен погибнут, и оставят чуждим богатство свое. 11 И гроби их жилища их во век, селения их в род и род, нарекоша имена своя на землях. 12 И человек в чести сый не разуме, приложися скотом несмысленным и уподобися им. 13 Сей путь их соблазн им, и по сих во устех своих благоволят. 14 Яко овцы во аде положени суть,

смерть упасет я: и обладают ими правии завтра, и помощь их обещает во аде: от славы своя изриновени быша. (Sheol h7585) 15 Обаче Бог избавит душу мою из руки адовы, егда приемлет мя. (Sheol h7585) 16 Не убойся, егда разбогатеет человек, или егда умножится слава дому его: 17 яко внегда умрети ему, не возмет вся, ниже снидет с ним слава его. 18 Яко душа его в животе его благословится, исповестся тебе, егда благосотвориши ему. 19 Внидет даже до рода отец своих, даже до века не узрит света. 20 И человек в чести сый не разуме, приложися скотом несмысленным и уподобися им.

50 Бог Богов Господь глагола, и призва землю от восток солнца до запад. 2 От Сиона благолепие красоты Его: 3 Бог яве придет, Бог наш, и не премолчит: огонь пред Ним возгорится, и окрест Его буря зелна. 4 Призовет небо свыше, и землю, разсудити люди Своя. 5 Соберите Ему преподобныя Его, завещающыя завет Его о жертвах. 6 И возвестят небеса правду Его: яко Бог судия есть. 7 Услышите, людие Мои, и възглаголю вам, Израилю, и засвидетелствую тебе: Бог, Бог твой есмь Аз. 8 Не о жертвах твоих обличу тя, всесожжения же твоя предо Мною суть выну: 9 не приму от дому твоего телцев, ниже от стад твоих козлов. 10 Яко Мои суть вси зверие дубравнии, скоти в горах и волове: 11 познах вся птицы небесныя, и красота селная со Мною есть. 12 Аще взалчу, не реку тебе: Моя бо есть вселенная и исполнение ея. 13 Еда ям мяса юнча? Или кровь козлов пию? 14 Пожри Богови жертву хвалы и воздаждь Вышнему молитвы твоя: 15 и призови Мя в день скорби твоя, и изму тя, и прославиши Мя. 16 Грешнику же рече Бог: вскую ты поведаеши оправдания Моя и восприемлеши завет Мой усты твоими? 17 Ты же возненавидел еси наказание и отвергл еси словеса Моя вспячь. 18 Аще видел еси татя, текл еси с ним, и с прелюбодеем участие твое полагал еси: 19 уста твоя умножиша злобу, и язык твой сплеташе льщения: 20 седя на брата твоего клеветал еси и на сына матери твоея полагал еси соблазн. 21 Сия сотворил еси, и умолчах, вознепщевал еси беззаконие, яко буду тебе подобен: обличу тя и представлю пред лицом твоим грехи твоя. 22 Разумейте убо сия, забывающии Бога, да не когда похитит, и не будет избавляяй. 23 Жертва хвалы прославит Мя, и тамо путь, имже явлю ему спасение Мое.

51 В конец, псалом Давиду, внегда внити к нему Нафану пророку, егда вниде к Вирсавии жене Уриеве. Помилуй мя, Боже, по велицей милости Твоей, и по множеству щедрот Твоих очисти беззаконие мое. 2 Наипаче омый мя от беззакония моего и от греха моего очисти мя: 3 яко беззаконие мое аз знаю, и грех мой предо мною есть выну. 4 Тебе единому согреших и лукавое пред Тобою сотворих: яко да оправдишися во словесех Твоих и победиши, внегда судити Ти. 5 Се бо, в беззаконных зачат есмь, и во гресех роди моя мати моя. 6 Се бо, истину возлюбил еси, безвестная и тайная премудрости Твоя явил ми еси. 7 Окропиши мя иссопом, и очищуся: омыеши мя, и паче снега убелюся. 8 Слуху моему даси радость и веселие: возрадуются кости

смирненныя. 9 Отврати лице Твое от грех моих и вся беззакония моя очисти. 10 Сердце чисто созижди во мне, Боже, и дух прав обнови во утробе моей. 11 Не отвержи мене от лица Твоего и Духа Твоего Святаго не отими от мене. 12 Воздаждь ми радость спасения Твоего и Духом владычним утверди мя. 13 Научу беззаконныя путем Твоим, и нечестивии к Тебе обратятся. 14 Избави мя от кровей, Боже, Боже спасения моего: возрадуется язык мой правде Твоей. 15 Господи, устне мои отверзеши, и уста моя возвестят хвалу Твою. 16 Яко аще бы восхотел еси жертвы, дал бых убо: всесожжения не благоволиши. 17 Жертва Богу дух сокрушен: сердце сокрушено и смиренно Бог не уничижит. 18 Ублажи, Господи, благоволением Твоим Сиона, и да созиждутся стены Иерусалимския: 19 тогда благоволиши жертву правды, возношение и всесожгаемая: тогда возложат на олтарь Твой телцы.

52 В конец, разума Давиду, внегда приити Доику Идумейску, и возвестити Саулу, и рещи ему: прииде Давид в дом Авимелехов. Что хвалилися во злобе, сильне? Беззаконие весь день. 2 Неправду умысли язык твой: яко бритву изошрену сотворил еси лесть. 3 Возлюбил еси злобу паче благостыни, неправду неже глаголати правду: 4 возлюбил еси вся глаголы потопныя, язык льстив. 5 Сего ради Бог разрушит тя до конца: восторгнет тя, и преселит тя от селения твоего и корень твой от земли живых. 6 Узрят праведнии и убоятся, и о нем возмзуются и рекут: 7 се, человек, иже не положи Бога помощника себе, но упова на множество богатства своего, и возможе суетою своею. 8 Аз же яко маслина плодovitа в дому Божии: уповах на милость Божию во век и в век века. 9 Исповемся Тебе в век, яко сотворил еси: и терплю имя Твое, яко благо пред преподобными Твоими.

53 В конец, о Маелефе, разума Давиду. Рече безумен в сердцы своем: несть Бог. Растлеша и омерзися в беззаконных, несть творяй благое. 2 Бог с небесе причине на сыны человеческия, видети, аще есть разумеваый или взыскаый Бога. 3 Вси уклонишася, вкупе непотребни быша: несть творяй благое, несть до единого. 4 Ни ли уразумеют вси делающии беззаконие, снедающии люди моя в снедь хлеба? Господа не призваша. 5 Тамо устрашишася страха, идеже не бе страх: яко Бог разсыпа кости человекоугодников: постыдешася, яко Бог уничижи их. 6 Кто даст от Сиона спасение Израилево? Внегда возвратит Бог пленение людей Своих, возрадуется Иаков и возвеселится Израиль.

54 В конец, в песнех разума Давиду, внегда приити Зифеем и рещи Саулови: не се ли, Давид скрыся в нас? Боже, во имя Твое спаси мя и в силе Твоей суди ми. 2 Боже, услыши молитву мою, внуши глаголы уст моих: 3 яко чуждии восташа на мя, и крепцыи зыскаша душу мою, и не предложиша Бога пред собою. 4 Се бо, Бог помогает ми, и Господь заступник души моей: 5 отвратит злая врагом моим: истинною Твоею потреби их. 6 Волею пожру Тебе, исповемся имени Твоему, Господи, яко благо: 7 яко от всякия печали избавил мя еси, и на враги моя воззре око мое.

55 В конце, в песнях разума, Асафу, псалом. Внуши, Боже, молитву мою и не презри моления моего: 2 вонми ми и услыши мя: возскорбех печалию моею, и смятохся 3 от гласа вражия и от стужения грешника: яко уклониша на мя беззаконие и во гневе враждоваху ми. 4 Сердце мое смятется во мне, и боязнь смерти нападе на мя: 5 страх и трепет прииде на мя, и покры мя тма. 6 И рех: кто даст ми криле яко голубине? И полещу, и почию. 7 Се, удалихся бегая и водворихся в пустыни. 8 Чаях Бога спасающего мя от малодушия и от бури. 9 Потопи, Господи, и раздели языки их: яко видех беззаконие и пререкаю во граде. 10 Днем и ночью обидет и по стенам его: беззаконие и труд посреде его, и неправда: 11 и не оскуде от стогн его лихва и лесть. 12 Яко аще бы враг поносил ми, претерпел бых убо: и аще бы ненавидяй мя на мя велеречевал, укрылбхся от него. 13 Ты же, человеце равнодушне, владыко мой и знаемый мой, 14 иже купно наслаждался еси со мною брашен: в дому Божии ходихом единомышлением. 15 Да приидет же смерть на ня, и да снидут во ад живи: яко лукавство в жилищих их, посреде их. (Sheol h7585) 16 Аз к Богу воззвах, и Господь услыша мя. 17 Вечер и зутра и полудне повем и возвещу, и услышит глас мой. 18 Избавит миром душу мою от приближающихся мне: яко во мнозе бяху со мною. 19 Услышит Бог, и смирит я сый прежде век: несть бо им изменения, яко не убоясая Бога. 20 Простре руку свою на воздаяние: оскверниша завет Его. 21 Разделишася от гнева лица Его, и приближишася сердца их: умякнуша словеса их паче елеа, и та суть стрелы. 22 Возверзи на Господа печаль твою, и Той тя препитает: не даст в век молвы праведнику. 23 Ты же, Боже, низведши их в студенец истления: мужие кровей и лсты не преполовят дний своих. Аз же, Господи, уповаю на Тя.

56 В конце, о людех от святых удаленых, Давиду в столпописание, внегда удержаша и иноплеменицы в Гефе, псалом. Помилуй мя, Боже, яко попра мя человек: весь день боря стужи ми. 2 Попраша мя врази мои весь день: яко мнози борующи мя с высоты. 3 В день не убоюся, аз же уповаю на Тя. 4 О Бозе похвалю словеса Моя: на Бога уповах, не убоюся: что сотворит мне плоть? 5 Весь день словес моих гнушахуся: на мя вся помышления их на зло. 6 Вселятся и скрывают, тию пятаю мою сохраняя, якоже потерпеша душу мою. 7 Ни о чesомже отринеша я, гневом люди низведши. 8 Боже, живот мой возвестих Тебе: положил еси слезы моя пред Тобою, яко и во обетовании Твоем. 9 Да возвратятся врази мои вспять, в оньже аще день призову Тя: се, познах, яко Бог мой еси Ты. 10 О Бозе похвалю глаголю, о Господе похвалю слово. 11 На Бога уповах, не убоюся: что сотворит мне человек? 12 Во мне, Боже, молитвы, яже воздам хвалы Твоя: 13 яко избавил еси душу мою от смерти, очи мои от слез и нозе мои от поползновения: благоугождо пред Господем во свете живых.

57 В конце, да не растлиши, Давиду в столпописание, внегда ему отбегати от лица Саулова в пещеру. Помилуй мя, Боже, помилуй мя: яко на Тя упова душа

моя, и на сень крилу Твоею надеюся, дондеже преидет беззаконие. 2 Воззову к Богу Вышнему, Богу благодетельному мне. 3 Посла с небесе и спасе мя, даде в поношение попирающыя мя: посла Бог милость Свою и истину Свою, 4 и избави душу мою от среды скимнов. Поспах смущен: сынове человечести, зубы их оружия и стрелы, и язык их меч остр. 5 Вознесися на небеса, Боже, и по всей земли слава Твоя. 6 Сеть уготоваша ногам моим, и слякоша душу мою: ископаша пред лицом моим яму, и впадоша в ню. 7 Готово сердце мое, Боже, готово сердце мое: воспою и пою во славе моей. 8 Востани, слава моя, востани, псалтирю и гусли: встану рано. 9 Исповемся Тебе в людех, Господи, воспою Тебе во языцех: 10 яко возвеличися до небес милость Твоя и даже до облак истина Твоя. 11 Вознесися на небеса, Боже, и по всей земли слава Твоя.

58 В конце, да не растлиши, Давиду в столпописание. Аще воистинну убо правду глаголете, правая судите, сынове человечести. 2 Ибо в сердцах беззаконие делаете на земли, неправду руки ваша сплетают. 3 Очуждишася грешницы от ложесн, заблудиша от чрева, глаголаша лжу. 4 Ярость их по подобию змиину, яко аспида глуха и затыкающаго уши свои, 5 иже не услышит гласа обавающих, обаваемь обаваются от премудра. 6 Бог сокрушит зубы их во устех их: членовныя львов сокрушил ест Господь. 7 Уничжатся яко вода мимотекущая: напряжет лук свой, дондеже изменюгут. 8 Яко воск растаяв отимутся: паде огнь на них, и не видеша солнца. 9 Прежде еже разумети терния вашего рамна, яко живы, яко во гневе пожрет я. 10 Возвеселится праведник, егда увидит отмщение: руце свои умывает в крови грешника. 11 И речет человек: аще убо есть плод праведнику, убо есть Бог судя им на земли.

59 В конце, да не растлиши, Давиду в столпописание, внегда посла Саул и стреже дом его, еже умертвити его. Изми мя от враг моих, Боже, и от встающих на мя избави мя: 2 избави мя от делающих беззаконие, и от муж кровей спаси мя. 3 Яко се, уловиша душу мою, нападоша на мя крепцыи: ниже беззаконие мое, ниже грех мой, Господи: 4 без беззакония текох и исправих: востани в сретение мое и виждь. 5 И Ты, Господи Боже сил, Боже Израилев, вонми посетити вся языки: да не ущедриши вся делающыя беззаконие. 6 Возвратятся на вечер, и взалчут яко пес, и обьдут град. 7 Се, тии отвещают усты своими, и мечь во устнах их: яко кто слыша? 8 И Ты, Господи, посмеешися им, уничижиши вся языки. 9 Державу мою к Тебе сохранию: яко Ты, Боже, заступник мой еси. 10 Бог мой, милость Его предварит мя: Бог мой, явит мне на вразех моих. 11 Не убий их, да не когда забудут закон Твой: расточи я силою Твоею и низведи я, защитнице мой, Господи, 12 грех уст их, слово устен их: и яти да будут в гордыни своей, и от клятвы и лжи возвестятся в кончине, 13 во гневе кончины, и не будут: и уведят, яко Бог владычествует Иаковом и концы земли. 14 Возвратятся на вечер, и взалчут яко пес, и обьдут град: 15 тии разьдутся ясти: аще ли же не насытятся, и поропщут. 16 Аз же воспою силу Твою и возрадоуюся зутра

о милости Твоей: яко был еси заступник мой и прибежище мое в день скорби моея. 17 Помощник мой еси, Тебе пою: яко Бог заступник мой еси, Боже мой, милость моя.

60 В конец, о изменитися хотящих, в столпописание Давиду, в научение: вегда сожже Средоречие Сирийское и Сирию Совалскую, и возвратиса Иоав и порази Едома в дебри Солей дванадесять тысящ. Боже, отрунул ны еси и низложил еси нас, разгневался еси и ущедрил еси нас. 2 Стрясл еси землю и смутил еси ю: изцели сокрушение ея, яко подвижеса. 3 Показал еси людям Твоим жестокая: напоил еси нас вином умиления. 4 Дал еси боящимся Тебе знамение, еже убежати от лица лука. 5 Яко да избавятся возлюбленнии Твои, спаси десницею Твоею и услыши мя. 6 Бог возглагола во святем Своем: возрадоуюся, и разделю Сикиму, и юдоль Жилищ размеру. 7 Мой есть Галаад, и Мой есть Манассий, Ефрем крепость главы Моея, Иуда царь Мой. 8 Иоав коноб упования Моего: на Идумею простру сапог Мой: Мне иноплеменицы покоришася. 9 Кто введет мя во град ограждения? Или кто наставит мя до Идумеи? 10 Не Ты ли, Боже, отринувый нас? И не изыдеши, Боже, в силах наших? 11 Дажь нам помощь от скорби: и суетно спасение человеческо. 12 О Бозе сотворим силу: и Той уничтожит стужающыя нам.

61 В конец, в песнех, Давиду Псалом. Услыши, Боже, моление мое, вонми молитве моей: 2 от конец земли к Тебе воззвах, вегда уны сердце мое: на камень вознесл мя еси, наставил мя еси, 3 яко был еси упование мое, столп крепости от лица вражия. 4 Вселюся в селении Твоем во веки, покрюся в крове крил Твоих. 5 Яко Ты, Боже, услышал еси молитвы моя, дал еси достояние боящимся имене Твоего. 6 Дни на дни царевы приложиси, лета его до дне рода и рода. 7 Пребудет в век пред Богом: милость и истину его кто възыщет? 8 Тако воспою имени Твоему во веки, воздати ми молитвы моя день от дне.

62 В конец, о Идифуме, псалом Давиду. Не Богу ли повинется душа моя? От Того бо спасение мое. 2 Ибо Той Бог мой и спас мой, заступник мой: не подвижуся наипаче. 3 Доколе наложите на человека? Убиваете вси вы, яко стени преклонене и оплоту возринувону. 4 Обаче цену мою совещаша отринуту, текоша в жажди: усты своими благословляху, и сердцем своим кленяху. 5 Обаче Богови повинися, душе моя: яко от Того терпение мое. 6 Ибо Той Бог мой и спас мой, заступник мой: не преселюся. 7 О Бозе спасение мое и слава моя: Бог помощи моея, и упование мое на Бога. 8 Уповайте на Него, весь сонм людей: излийте пред Ним сердца ваша, яко Бог помощник наш. 9 Обаче суетни сынове человечести, лживи сынове человечести в мерилех еже неправдовати: тии от суеты вкупе. 10 Не уповайте на неправду, и на восхищение не желайте: богатство аще течет, не прилагайте сердца. 11 Единую глагола Бог, двоя сия слышах, зане держава Божия, 12 и Твоя, Господи, милость: яко Ты воздаси комуждо по делом его.

63 Псалом Давиду, вегда быти ему в пустыни Иудейстей. Боже, Боже мой, к Тебе утренюю: возжада Тебе душа моя, коль множицею Тебе плоть моя, в земли пуге и непроходне и безводне. 2 Тако во святем явихся Тебе, видети силу Твою и славу Твою. 3 Яко лучши милость Твоя паче живот: устне мои похвалите Тя. 4 Тако благословлю Тя в животе моем и о имени Твоем въздежу руце мои. 5 Яко от тука и масти да исполнится душа моя, и устнама радости восхвалят Тя уста моя. 6 Аще поминах Тя на постели моей, на утренних поучахся в Тя: 7 яко был еси помощник мой, и в крове крилу Твоею возрадоуюся. 8 Прильпе душа моя по Тебе: мене же прият десница Твоя. 9 Тии же всуе искаша душу мою: внидут в преисподняя земли: **(questioned)** 10 предадутся в руки оружия, части лисовом будут. 11 Царь же возвеселится о Бозе: похвалится всяк кленыйся Им, яко заградишася уста глаголющих неправедная.

64 В конец, псалом Давиду. Услыши, Боже, глас мой, вегда молитимися к тебе: от страха вражия изми душу мою. 2 Покрый мя от сонма лукавнующих, от множества делающих неправду: 3 иже изостриша яко меч языки своя, напрягоша лук свой, вещь горьку, 4 состреляти в тайных непорочна: внезапно состреляют его, и не убоятся. 5 Утвердиша себе слово лукавое: поведаша скрыти сеть, реща: кто узрит их? 6 Испыташа беззаконие: исчезоша испытующии испытания: приступит человек, и сердце глубоко. 7 И вознесется Бог: стрелы младенец быша язвы их, 8 и изнемогоша на ня языцы их: смутишася вси видящии их. 9 И убояся всяк человек: и возвестиша дела Божия, и творения Его разумеша. 10 Возвеселится праведник о Господе и уповает на Него: и похвалятся вси правии сердцем.

65 В конец, псалом песни Давиду, песнь Иеремиева и иезекиилева, людей преселения, егда хотяху исходити. Тебе подобает песнь, Боже, в Сионе, и Тебе воздастся молитва во Иерусалиме. 2 Услыши молитву мою: к Тебе всяка плоть приидет. 3 Словеса беззаконник премогоша нас: и нечестия наша Ты очистиши. 4 Блажен, егоже избрал еси и приял, вселити во дворех Твоих. Исполнимся во благих дому Твоего: свят храм Твой. 5 Дивен в правде, услыши ны, Боже, Спасителю наш, упование всех концев земли и сущих в мори далече: 6 уготовляя горы крепостию Своею, препоясан силою: 7 смущая глубину морскую, шуму волн его кто постоит? Смятутся языцы, 8 и убоятся живущии в концах от знамений Твоих: исходы утра и вечера украсиши. 9 Посетил еси землю и упоил еси ю, умножил еси обогатити ю: река Божия наполнися вод: уготовал еси пищу им, яко тако (есть) уготование. 10 Бразды ея упой, умножи жита ея: в каплях ея возвеселится возсияющии. 11 Благословиши венец лета благодсти Твоея, и поля Твоя исполнятся тука: 12 разботеют красная пустыни, и радостию холми препояшутся. 13 Одеядшася овни овчии, и удолия умножат пшеницу: воззовут, ибо воспоют.

66 В конец, песнь псалма воскресения. 2 Воскликните Господеви вся земля, пойте же имени Его, дадите

славу хвале Его. 3 Рыцте Богу: коль страшна дела Твоя? Во множестве силы Твоя солжут Тебе врази Твои. 4 Вся земля да поклонится Тебе и поет Тебе, да поет же имени Твоему, Вышний. 5 Приидите и видите дела Божия, коль страшен в советех паче сынов человеческих. 6 Обращай море в сушу, в реце пройдут ногами: тамо возвеселимся о Нем, 7 владычествующем силою Своею веком: очи Его на языки призираете: преогорчеваючи да не возносятся в себе. 8 Благословите, языцы, Бога нашего, и услышан сотворите глас хвалы Его, 9 положшаго душу мою в живот, и не даваша во смятение ног моих. 10 Яко искусил ны еси, Боже, разжегл ны еси, аже разжизается сребро. 11 Ввел ны еси в сеть, положил еси скорби на хребте нашем. 12 Возвел еси человеки на главы наша: проидохом сквозе огонь и воду, и извел еси ны в покой. 13 Вниду в дом Твой со всесожжением, воздам Тебе молитвы моя, 14 яже изрекосте устне мои, и глаголаша уста моя в скорби моей. 15 Всесождения тучна вознесу Тебе с кадилом, и овны, вознесу Тебе волы с козлы. 16 Приидите, услышите, и повем вам, вси боящися Бога, елика сотвори души моей. 17 К Нему усты моими возвах, и вознесох под языком моим. 18 Неправду аще узрех в сердцы моем, да не услышит мене Господь. 19 Сего ради услыша мя Бог, внят гласу моления моего. 20 Благословен Бог, Иже не остави молитву мою и милость Свою от мене.

67 В конце, в песнех, псалом песни Давиду. Боже, ущедри ны и благослови ны, просвети лице Твое на ны и помилуй ны: 2 познати на земли путь Твой, во всех языцех спасение Твое. 3 Да исповедятся Тебе людие, Боже, да исповедятся Тебе людие вси. 4 Да возвеселятся и да возрадуются языцы: яко судиши людем правотою, и языки на земли наставиши. 5 Да исповедятся Тебе людие, Боже, да исповедятся Тебе людие вси. 6 Земля даде плод свой: благослови ны, Боже, Боже наш, 7 благослови ны, Боже: и да убоятся Его вси концы земли.

68 В конце, псалом песни Давиду. Да воскреснет Бог, и расточатся врази Его, и да бежат от лица Его ненавидящии Его. 2 Яко исчезает дым, да исчезнут: яко тает воск от лица огня, тако да погибнут грешници от лица Божия: 3 а праведницы да возвеселятся, да возрадуются пред Богом, да наслаждаются в веселии. 4 Воспойте Богу, пойте имени Его: путесотворите Возшедшему на запады, Господь имя Ему: и радуйтеся пред Ним. 5 Да смятутся от лица Его, Отца сирых и судии вдовиц: Бог в месте святем Своем. 6 Бог вселяет единомысленныя в дом, изводя окованныя мужеством, такожде преогорчевающия живущья во гробех. 7 Боже, вегда исходити Тебе пред людьми Твоими, вегда мимоходити Тебе в пустыни, 8 земля потрясется, ибо небеса кануша от лица Бога Синаина, от лица Бога Израилева. 9 Дождь волен отлучиши, Боже, достоянию Твоему, и изнеможе, Ты же совершил еси е. 10 Животная Твоя живут на ней: уготовал еси благостию Твоею нищему, Боже. 11 Господь даст глагол благовествующим силою мною: 12 царь сил возлюбленного, красотою дому разделитьи корысти. 13 Аще поспите посреде предел, криле

голубине посребрене, и междорамия ея в блещании злата: 14 вегда разсвтит Небесный цари на ней, оснежатся в Селмоне. 15 Гора Божия, гора тучная, гора усыренная, гора тучная. 16 Вскую непщуете, горы усыренные? Гора, юже благоволи Бог жити в ней: ибо Господь вселится до конца. 17 Колесница Божия тмами тем, тысяща гобзующих: Господь в них в Синаи во святем. 18 Возшел еси на высоту, пленил еси плен: приял еси даяния в человецех, ибо непокаряющыся, еже вселитися. 19 Господь Бог благословен, благословен Господь день дже: поспешит нам Бог спасений наших. 20 Бог наш Бог еже спасати: и Господня, Господня исходища смертная. 21 Обаче Бог сокрушит главы врагов Своих, верх влас преходящих в прегрешениих своих. 22 Рече Господь: от Васана обращу, обращу во глубинах морских: 23 яко да омочится нога твоя в крови, язык пес твоих от враг от него. 24 Видена быша шествия Твоя, Боже, шествия Бога моего Царя, иже во святем. 25 Предвариша князи близ поющих, посреде дев тимпанниц. 26 В церквах благословите Бога, Господа от источник Израилевых. 27 Тамо Вениамин юнейший во уясе, князи Иудовы владыки их, князи Завулоны, князи Неффалимлы. 28 Заповеждь, Боже, силою Твоею: укрепи, Боже, сие, еже соделал еси в нас. 29 От храма Твоего во Иерусалим Тебе принесут царие дары. 30 Запрети зверем тростным: сонм юнец в юницах людских, еже затворити искушенныя сребром: расточи языки хотящья бранем. 31 Приидут молитвенницы от Египта: Ефиопиа предварит руку свою к Богу. 32 Царства земная, пойте Богу, воспойте Господеву, 33 возшедшему на небо небесе на востоки: се, даст гласу Своему глас силы. 34 Дадите славу Богови: на Израили велелепота Его, и сила Его на облацех. 35 Дивен Бог во святых Своих: Бог Израилев, Той даст силу и державу людем Своим. Благословен Бог.

69 В конце, о изменшихся, псалом Давиду. Спаси мя, Боже, яко видоша воды до души моя. 2 Углебох в тимении глубины, и несть постояния: приидох во глубины морския, и буря потопи мя. 3 Утрудихся зовый, измолче гортань мой: исчезосте очи мои, от еже уповати ми на Бога моего. 4 Умножишася паче влас главы моя ненавидящии мя туне: укрепишася врази мои, изгонящии мя неправедно: яже не восхичах, тогда въздаях. 5 Боже, Ты уведел еси безумие мое, и прегрешения моя от Тебе не утаишася. 6 Да не постыдятся о мне терпящии Тебе, Господи, Господи сил: ниже да посрамятся о мне ищущии Тебе, Боже Израилев. 7 Яко Тебе ради претерпех поношение, покры срамота лице мое. 8 Чуждь бых братии моей и странен сыновом матере моя: 9 яко ревность дому Твоего снеде мя, и поношения поносящих Ти нападоша на мя. 10 И покрых постом душу мою, и бысть в поношение мне: 11 и положих одеяние мое вретиче, и бых им в притчу. 12 О мне глумляхуся седящии во вратех, и о мне пояху пиющии вино. 13 Аз же молитвою моею к Тебе, Боже: время благоволения, Боже: во множестве милости Твоея услыши мя, во истине спасения Твоего. 14 Спаси мя от брения, да не углебну: да избавлюся от ненавидящих мя и от глубоких вод. 15 Да не потопит мене буря водная, ниже да пожрет мене

глубина, ниже сведет о мне ровенник уст своих. 16 Услыши мя, Господи, яко блага милость Твоя: по множеству щедрот Твоих призри на мя. 17 Не отврати лица Твоего от отрока Твоего, яко скорблю: скоро услыши мя. 18 Вонми души моей и избави ю: враг моих ради избави мя. 19 Ты бо вси поношение мое, и студ мой, и срамоту мою: пред Тобою вси оскорбляющие мя. 20 Поношение чайше душа моя и страсть: и ждах соскорбящаго, и не бе, и утешающих, и не обретох. 21 И даша в снедь мою желчь, и в жажду мою напоиша мя оцта. 22 Да будет трапеза их пред ними в сеть и в воздаяние и в соблазн. 23 Да помрачатся очи их, еже не видети, и хребет их выну сляцы. 24 Пролый на ня гнев Твой, и ярость гнева Твоего да постигнет их. 25 Да будет двор их пуст, и в жилищих их да не будет живый. 26 Зане егоже Ты поразил еси, тии погнаша, и к болезни язв моих приложиша. 27 Приложи беззаконие к беззаконию их, и да не внидут в правду Твою. 28 Да потребятся от книги живых, и с праведными да не напишутся. 29 Нищь и боляя есмь аз: спасение Твое, Боже, да примет мя. 30 Восхваляю имя Бога моего с песнию, возвеличу Его во хвалении: 31 и угодно будет Богу паче телца юна, роги износяща и пазнокти. 32 Да узрят нищии и возвеселят: взыщите Бога, и жива будет душа ваша. 33 Яко услыша убогия Господь, и окованная Своя не уничижи. 34 Да восхвалят Его небеса и земля, море и вся живущая в нем. 35 Яко Бог спасет Сиона, и созиждутся гради Иудейстии, и вселятся тамо и наследят и: 36 и семья рабов Твоих удержит и, и любящие имя Твое вселятся в нем.

70 В конец Давиду, в воспоминание, во еже спасти мя Господу. Боже, в помощь мою вонми: Господи, помощи ми потщися. 2 Да постыдятся и посрамятся ищущии душу мою. Да возвратятся вспять и постыдятся хотящие ми злая: 3 да возвратятся абие стыдящесе глаголющие ми: благоже, благоже. 4 Да возрадуются и возвеселятся о Тебе вси ищущии Тебе, Боже: и да глаголют выну, да возвеличится Господь, любящие спасение Твое. 5 Аз же нищь есмь и убог, Боже, помози ми: помощник мой и Избавитель мой еси Ты, Господи, не законси.

71 На Тя, Господи, уповах, да не постыжуся в век. 2 Правдою Твоею избави мя и изми мя: приклони ко мне ухо Твое и спаси мя. 3 Буди ми в Бога защитителя и в место крепко спасти мя: яко утверждение мое и прибежище мое еси Ты. 4 Боже мой, избави мя из руки грешнаго, из руки законопреступнаго и обидящаго: 5 яко Ты еси терпение мое, Господи, Господи, упование мое от юности моя. 6 В Тебе утвердихся от утробы, от чрева матери моея Ты еси мой покровитель: о Тебе пение мое выну. 7 Яко чудо бых многим: и Ты помощник мой крепок. 8 Да исполнятся уста моя хваления, яко да воспую славу Твою, весь день великолепие Твое. 9 Не отвержи мене во время старости: внегда оскудевати крепости моея, не остави мене. 10 Яко реша врази мои мне, и стрегущии душу мою совещаща вкупе, 11 глаголюще: Бог оставил есть его, пожените и имите его, яко несть избавляяй. 12 Боже мой, не удалися от

мене: Боже мой, в помощь мою вонми. 13 Да постыдятся и исчезнут оклеветающие душу мою, да облекутся в студ и срам ищущии злая мне. 14 Аз же всегда возуповаю на Тя, и приложу на всяку похвалу Твою. 15 Уста моя возвестят правду Твою, весь день спасение Твое, яко не познах книжная. 16 Вниду в силу Господни: Господи, помяну правду Тебе единаго. 17 Боже мой, имже научил мя еси от юности моя, и доньне возведу чудеса Твоя. 18 И даже до старости и престарения, Боже мой, не остави мене, дондеже возведу мышцу Твою роду всему грядущему, 19 силу Твою и правду Твою, Боже, даже до вышних, яко сотворил ми еси величия: Боже, кто подобен Тебе? 20 Елики явил ми еси скорби многи и злы? И обращься оживотворил мя еси и от бездн земли возвел мя еси. 21 Умножил еси на мне величие твое, и обращься утешил мя еси, и от бездн земли паки возвел мя еси. 22 Ибо аз исповемя Тебе в людех, Господи, в сосудех псаломских истину Твою, Боже: воспою Тебе в гуслех, Святый Израилев. 23 Возрадуется устне мои, егда воспою Тебе, и душа моя, юже еси избавил: 24 еще же и язык мой весь день поучится правде Твоей, егда постыдятся и посрамятся ищущии злая мне.

72 Боже, суд Твой цареви даждь, и правду Твою сыну цареви: 2 судити людям Твоим в правде и нищии Твоим в суде. 3 Да воспримут горы мир людям и холми правду. 4 Судит нищым людским, и спасет сыны убогих, и смирит клеветника. 5 И пребудет с солнцем, и прежде луны рода родов. 6 Сидет яко дождь на руно, и яко капля каплющая на землю. 7 Возсияет во днех его правда и множество мира, дондеже отимется луна. 8 И обладает от моря до моря, и от рек до конец вселенная. 9 Пред ним припадут Ефиопляне, и врази его персть полижут. 10 Царие Фарсийстии и острови дары принесут, царие Аравстии и Сава дары приведут: 11 и поклонятся ему вси царие земстии, вси языцы поработают ему. 12 Яко избави нища от сильна, и убога, ему же не бе помощника. 13 Пощадит нища и убога, и души убогих спасет: 14 от лихвы и от неправды избавит души их, и честно имя его пред ними. 15 И жив будет, и дастся ему от злата Аравийска: и помолятся о нем выну, весь день благословят его. 16 Будет утверждение на земли на версех гор: превознесется паче Ливана плод его, и процветут от града яко трава зимная. 17 Будет имя его благословено во века, прежде солнца пребывает имя его: и благословятся в нем вся колена зимная, вси языцы убожат его. 18 Благословен Господь Бог Израилев, творяй чудеса един, 19 и благословено имя славы Его во век и в век века: и исполнится славы Его вся земля: буди, буди.

73 Коль благ Бог Израилев правым сердцем. 2 Мои же в мале не подвижастеся нозе: в мале не пролияшася стопы моя: 3 яко возревновал на беззаконныя, мир грешников зря: 4 яко несть восклонения в смерти их и утверждения в ране их: 5 в трудах человеческих не суть, и с человеки не примут ран. 6 Сего ради удержа я гордыня их до конца: одеяшася неправдою и нечестием своим. 7 Изыдет яко из тука неправда их: преидоша в любовь сердца. 8

Помыслиша и глаголаша в лукавстве, неправду в высоту глаголаша: 9 положиша на небеси уста своя, и язык их преиде по земли. 10 Сего ради обратятся людие Мои семо, и дние исполнены обрящутся в них. 11 И реша: како уведет Бог? И аще есть разум в Вышнем? 12 Се, сии грешницы и гобзующи в век удержаша богатство. 13 И рех: еда всуе оправдих сердце мое и умых в неповинных руке мои, 14 и бых язвен весь день, и обличение мое на утренях? 15 Аще глаголах, повем тако: се, роду сынов Твоих, емуже обещахся: 16 и непцевах разумети: сие труд есть предо мною, 17 дондеже ввиду во святело Божие и разуюмо в последняя их. 18 Обаче за льщения их положил еси им злая, низложил еси я, внегда разгордешася. 19 Како быша в запустение? Внезапу исчезоша, погибоша за беззаконие свое. 20 Яко соние востающего, Господи, во граде Твоем образ их уничижиши. 21 Яко разжжеся сердце мое, и утробы моя изменишася: 22 и аз уничижен, и не разумех, скотен бых у Тебе. 23 И аз выну с Тобою: удержал еси руку десную мою, 24 и советом Твоим наставил мя еси, и со славою приял мя еси. 25 Что бо ми есть на небеси? И от Тебе что восхотех на земли? 26 Изчезе сердце мое и плоть моя, Боже сердца моего, и часть моя, Боже, во век. 27 Яко се, удаляющи себе от Тебе погибнут: потребил еси всякаго любодующаго от Тебе. 28 Мне же прилеплятися Богови благо есть, полагаати на Господа упование мое, возвестити ми вся хвалы Твоя, во вратех дщере Сиони.

74 Вскую, Боже, отринул еси до конца? Разгнеवासя ярость Твоя на овцы пажити Твоея? 2 Помяни сонм Твой, егоже стяжал еси исперва, избавил еси железом достояния Твоего, гора Сион сия, в нейже вселился еси. 3 Воздвигни руке Твои на гордыни их в конец, елика лукавнова враг во святем Твоем. 4 И восхвалишася ненавидящии Тя посреде праздника Твоего: положиша знамения своя знамения, и не познаша. 5 Яко во исходе превыше: еда в дубраве древяне секирами разсекоша 6 двери его вкупе, сечивом и оскордом разрушиша и. 7 Возгоша огнем свяτίло Твое: на земли оскверниша жилище имене Твоего. 8 Реша в сердца своем южики их вкупе: приидите, и отставим вся праздники Божия от земли. 9 Знамения их не видехом: несть ктому пророка, и нас не познает ктому. 10 Доколе, Боже, поносит враг? Раздражит противный имя Твое до конца? 11 Вскую отвращаеши руку Твою и десницу Твою от среды недра Твоего в конец? 12 Бог же, Царь наш, прежде века содела спасение посреде земли. 13 Ты утвердил еси силою Твоею море: Ты стерл еси главы змиев в воде: 14 Ты сокрушил еси главу змиеву, дал еси того брашно людем Ефиопским. 15 Ты расторгл еси источники и потоки: Ты изсушил еси реки ифамския. 16 Твой есть день, и Твоя есть ночь: Ты совершил еси зарю и солнце. 17 Ты сотворил еси вся пределы земли: жатву и весну Ты создал еси я. 18 Помяни сия: враг поноси Господеви, и людие безумнии раздражиша имя Твое. 19 Не предаждь зверем душу исповедающуюся Тебе: душ убогих Твоих не забуди до конца. 20 Призри на завет Твой: яко исполнишася помраченнии земли домов беззаконий. 21 Да не возвратится смиренный посрамлен:

нищ и убог восхвалита имя Твое. 22 Востани, Боже, суди прю Твою: помяни поношение Твое, еже от безумнаго весь день. 23 Не забуди гласа молитвенник Твоих: гордыня ненавидящих Тя взыде выну.

75 В конец, да не растлиши, псалом песни Асафу. Исповемся Тебе, Боже, исповемся Тебе и призовем имя Твое: повем вся чудеса Твоя. 2 Егда прииму время, аз правоты возсужду. 3 Растаяся земля и вси живущии на ней, аз утвердих столпы ея. 4 Рех беззаконующим, не беззаконуйте: и согрешающим, не вознесите рога. 5 Не воздвизайте на высоту рога вашего и не глаголите на Бога неправду: 6 яко ниже от исход, ниже и запад, ниже от пустых гор. 7 Яко Бог судия есть: сего смиряет, и сего возносит. 8 Яко чаша в руке Господни, вина нерастворена исполнь растворения, и уклони от сея в сию: обаче дрождие его не истощия, исплуют вси грешнии земли. 9 Аз же возрадоуюся в век, вспою Богу Иаковлю: 10 и вся роги грешных сломлю, и вознесетя рог праведнаго.

76 В конец, в песнех, псалом Асафу, песнь ко Ассирианину. Ведом во Иудеи Бог: во Израили велие имя Его. 2 И бысть в Мире место Его, и жилище Его в Сионе. 3 Тамо сокруши крепости луков, оружие и мечь и брань. 4 Просвещаети ты дивно от гор вечных. 5 Смятошася вси неразумнии сердцем: уснуша сном своим, и ничтоже обретоша вси мужие богатства в руках своих. 6 От запрещенія Твоего, Боже Иаковль, воздремаша вседшии на кони. 7 Ты страшен еси, и кто противостанет Тебе? Оттоле гнев Твой. 8 С небесе слышан сотворил еси суд: земля убояся и умолча, 9 внегда востати на суд Богу, спасти вся кроткия земли. 10 Яко помышление человеческое исповестся Тебе, и останок помышления празднует Ти. 11 Помолитесь и воздадите Господеви Богу нашему: вси, иже окрест Его, принесут дары 12 Страшному и отемлющему души князей, страшному паче царей земных.

77 В конец, о Идифуме, псалом Асафу. Гласом моим ко Господу воззвах, гласом моим к Богу, и внят ми. 2 В день скорби моя Бога възсках рукама моима, ноцию пред ним, и не прельщен бых: отвержеся утешитися душа моя. 3 Помянух Бога и возвеселихся, поглумляхся, и малодушствоваше дух мой. 4 Предваристе стражбы очи мои: смятохся и не глаголах. 5 Помыслих дни первыя, и лета вечная помянух, и поучахся: 6 ноцию сердцем моим глумляхся, и тужаше дух мой: 7 еда во веки отринет Господь и не приложит благоволити паки? 8 Или до конца милость Свою отсечет, сконча глагологл от рода в род? 9 Еда забудет ущедрити Бог? Или удержит во гневе Своем щедроты Своя? 10 И рех: ныне начах, сия измена десницы Вышняго. 11 Помянух дела Господня: яко помяну от начала чудеса Твоя, 12 и поучуся во всех делех Твоих, и в начинаниих Твоих поглумлюся. 13 Боже, во святем путь Твой: кто Бог велий, яко Бог наш? 14 Ты еси Бог творяй чудеса: сказал еси в людех силу Твою, 15 избавил еси мышцею Твоею люди Твоя, сыны Иаковли и Иосифовы. 16 Видеша Тя воды,

Боже, видеша Тя воды и убояшася: смятошася бездны. 17 Множество шума вод: глас даша облацы, ибо стрелы Твоя переходят. 18 Глас грома Твоего в колеси, осветиша молния твоя вселенную: подвижеся и трепетна бысть земля. 19 В мори путие Твои, и стези Твоя в водах многих, и следы Твои не познаются. 20 Наставил еси яко овцы люди Твоя рукою Моисеовою и Аароною.

78 Внемлите, людие мои, закону моему, приклоните ухо ваше во глаголы уст моих. 2 Отверзу в притчах уста моя, провещая ганания исперва. 3 Елика слышахом и познахом я, и отцы наши поведаша нам: 4 не утаишася от чад их в род ин, возвещающе хвалы Господни, и силы Его и чудеса Его, яже сотвори. 5 И воздвиже свидение во Иакове, и закон положи во Израили, елика заповеда отцем нашим сказати я сыновом своим, 6 яко да познает род ин, сынове родящийся, и встанут и поведат я сыновом своим: 7 да положат на Бога упование свое, и не забудут дел Божиих, и заповеди Его взыщут: 8 да не будут якоже отцы их, род строптив и преогорчевай, род иже не исправи сердца своего и не увери с Богом духа своего. 9 Сынове Ефремли наляцающе и стреляюще луки возвратишася в день брани: 10 не сохраниша завета Божия, и в законе Его не восхотеша ходити. 11 И забыша благодеяния Его и чудеса Его, яже показа им 12 пред отцы их, яже сотвори чудеса в земли Египетстей, на поли Танеосе: 13 разверзе море и проведе их: представи воды яко мех, 14 и настави я облаком во дни и всю ночь просвещением огня. 15 Разверзе камень в пустыни и напои я яко в бездне мнозе: 16 и изведе воду из камене и низведе яко реки воды. 17 И приложиша еще согрешати Ему, преогорчиша Вышняго в безводней: 18 и искусиша Бога в сердцах своих, воспросити брашна душам своим. 19 И клеветаша на Бога и реша: еда возможет Бог уготовати трапезу в пустыни? 20 Понеже порази камень, и поточи наводнишася: еда и хлеб может дати? Или уготовати трапезу людем Своим? 21 Сего ради слыша Господь и презре, и огонь возгореся во Иакове, и гнев възыде на Израиля: 22 яко не вероваша Богови, ниже уповаша на спасение Его. 23 И заповеда облаком свыше, и двери небесе отверзе: 24 и одожди им манну ясти, и хлеб небесный даде им. 25 Хлеб ангельский яде человек: брашно посла им до сытости. 26 Воздвиже юг с небесе, и наведе силоу Своєю лива: 27 и одожди на ня яко прах плоти, и яко песок морской птици пернаты. 28 И нападоша посреде стана их, окрест жилищ их. 29 И ядоша и насытишася зело, и желание их принесе им. 30 Не лишимася от желания своего: еще брашну сущу во устех их, 31 и гнев Божий възыде на ня, и уби множайшая их, и избранным Израилевым запят. 32 Во всех сих согрешаши еще и не вероваша чудесем Его: 33 и исчезоша в суете дние их, и лета их со тщанием. 34 Егда убиваше я, тогда възскаху Его и обращахуся и утреневаху к Богу: 35 и помянуша, яко Бог помощник им есть, и Бог Вышний Избавитель им есть: 36 и возлюбиха Его усты своими, и языком своим солгаша Ему: 37 сердце же их не бе право с Ним, ниже уверишася в завете Его. 38 Той же

есть щедр, и очистит грехи их, и не растлит: и умножит отвратити ярость Свою, и не разжжет всего гнева Своего. 39 И помяну, яко плоть суть, дух ходяй и не обращающийся: 40 колькраты преогорчиша Его в пустыни, прогневаша Его в земли безводней? 41 И обратишася, и искусиша Бога, и Святаго Израилева раздражиша: 42 и не помянуша руки Его в день, в оньже избави я из руки оскорбляющего: 43 якоже положи во Египте знамения Своя, и чудеса Своя на поли Танеосе: 44 и преложи в кровь реки их и источники их, яко да не пият. 45 Посла на ня песия мухи, и поядоша я, и жабы, и растли я: 46 и даде рже плоды их, и труды их пругом. 47 Уби градом винограды их и черничие их сланою: 48 и предаде граду скоты их, и имение их огню. 49 Посла на ня гнев ярости Своя, ярость и гнев и скорбь, послание аггелы лютыми. 50 Путесотвори стезю гневу Своему, и не пощаде от смерти душ их, и скоты их в смерти заключи: 51 и порази всякое первородное в земли Египетстей, начаток всякаго труда их в селениих Хамовых. 52 И воздвиже яко овцы люди Своя, и возведе я яко стадо в пустыни: 53 и настави я на упование, и не убояшася: и враги их покры море. 54 И введе я в гору святыни Своя, гору сию, юже стяжа десница Его. 55 И изгна от лица их языки, и по жребию даде им (землю) ужем жребодаяния, и всели в селениих их колена Израилева. 56 И искусиша и преогорчиша Бога Вышняго, и свидений Его не сохраниша: 57 и отвратишася и отвергошася, якоже и отцы их: превратишася в лук развращен: 58 и прогневаша Его в холмех своих, и во истуканных своих раздражиша Его. 59 Слыша Бог и презре, и уничижи зело Израиля: 60 и отрину скинию Силомскую, селение еже вселися в человецех: 61 и предаде в плен крепость их, и доброту их в руки врагов: 62 и затвори во оружии люди Своя и достояние Свое презре. 63 Юношы их пояде огонь, и девы их не осетованы быша: 64 священницы их мечем падоша, и вдовицы их не оплаканы будут. 65 И воста яко сля Господь, яко силен и шумен от вина: 66 и порази враги своя вспяь, поношение вечное даде им: 67 и отрину селение Иосифово, и колено Ефремово не избра: 68 и избра колено Иудово, гору Сиону, юже возлюби: 69 и созда яко единорога святилище Свое: на земли основа и в век. 70 И избра Давида раба Своего, и возлюбил его от стад овчих: 71 от доилци поят его, пасти Иакова раба Своего, и Израиля достояние Свое. 72 И упасе я в незлобии сердца своего, и в разумех руку своею наставил я есть.

79 Боже, приидоша языцы в достояние Твое, оскверниша храм святыи Твой, 2 положиша Иерусалим яко овощное хранилище: положиша трупия раб Твоих брашно птицам небесным, плоти преподобных Твоих зверем земным: 3 пролияша кровь их яко воду окрест Иерусалима, и не бе погребай. 4 Быхом поношение соседом нашим, подражание и поругание сущым окрест нас. 5 Доколе, Господи, прогневаешися до конца? Разжжется яко огонь рвение Твое? 6 Пролий гнев Твой на языки незнающыя Тебе, и на царствия, яже имене Твоего не призваша: 7 яко поядоша Иакова, и место его опустошиша. 8 Не помяни наших беззаконий первых: скоро да предварят ны щедроты Твоя, Господи, яко обнищавом зело. 9 Помози нам, Боже,

Спасителю наш, славы ради имени Твоего: Господи, избави ны и очисти грехи наша имени ради Твоего. 10 Да не когда рекут языцы: где есть Бог их? И да увестя во языцех пред очима нашими отмщение крове раб Твоих пролитыя. 11 Да внидет пред Тя въздыхание окованных: по величию мышцы Твоя снабди сыны умерщвленных. 12 Воздаждь соседом нашим седмерицею в недро их поношение их, имже поносиша Тя, Господи. 13 Мы же людие Твои и овцы пажити Твоя исповемся Тебе, Боже, во век, в род и род возвестим хвалу Твою.

80 В конец, о изменшихся, свидение Асафу, псалом. Пасый Израила вонми: наставляяй яко овца Иосифа, седяй на Херувимех, явися: 2 пред Ефремом и Вениамином и Манасиим въздвигни силу Твою, и прииди во еже спасти нас. 3 Боже, обрати ны, и просвети лице Твое, и спасемся. 4 Господи Боже сил, доколе гневаешися на молитву раб Твоих? 5 Напитаеши нас хлебом слезным, и напоиши нас слезами в меру. 6 Положил еси нас в пререкание соседом нашим, и врази наши подражниша ны. 7 Господи Боже сил, обрати ны, и просвети лице Твое, и спасемся. 8 Виноград из Египта пренесл еси: изгнал еси языки, и насадил еси и: 9 путесотворил еси пред ним, и насадил еси корения его, и исполни землю. 10 Покры горы сень его, и ветвия его кедры Божия: 11 протре розги его до моря, и даже до рек отрасли его. 12 Вскую низложил еси оплот его, и обымают и вси мимоходящии путем? 13 Озоба и вепрь от дубравы, и уединенный дивий пояде и. 14 Боже сил, обратися убо, и призри с небесе и виждь, и посети виноград сей: 15 и соверши и, егоже насади десница Твоя, и на сына человеческого, егоже укрепил еси Себе. 16 Пожжен огнем и раскопан: от запрещения лица Твоего погибнут. 17 Да будет рука Твоя на мужа десницы Твоя и на сына человеческого, егоже укрепил еси Себе, 18 и не отступим от Тебе: оживиши ны, и имя Твое призовем. 19 Господи Боже сил, обрати ны, и просвети лице Твое, и спасемся.

81 В конец, о точилех, псалом Асафу. Радуйтесь Богу помощнику нашему, воскликните Богу Иаковлю: 2 примите псалом и дадите тимпан, псалтирь красен с гусльми: 3 вострубите в новомесячии трубою, во благознаменитый день праздника вашего: 4 яко повеление Израилеви есть, и судьба Богу Иаковлю. 5 Свидение во Иосифе положи е, внегда изыти ему от земли Египетския: языка, егоже не ведаше, услыша. 6 Отяг от бремене хребет его: руце его в коши пороботасте. 7 В скорби призвал Мя еси, и избавих тя: услышах тя в тайне бурне: искусих тя на воде Пререкания. 8 Слышите, людие Мои, и засвидетелствую вам, Израилю, аще послушаеши Мене: 9 не будет тебе бог нов, ниже поклонишися богу чуждему. 10 Аз бо есмь Господь Бог твой, изведый тя от земли Египетския: расшири уста твоя, и исполни я. 11 И не послушаша людие Мои гласа Моего, и Израиль не внят Ми: 12 и отпустих я по начинанием сердец их, пойдут в начинаниях своих. 13 Аще быша людие Мои послушали Мене, Израиль аще бы в пути Моя ходил: 14 ни о чесомже убо враги его смирил бых, и на оскорбляющыя

их возложил бых руку Мою. 15 Врази Господни солгаша ему, и будет время их в век: 16 и напита их от тука пшенична, и от камене меда насыти их.

82 Бог ста в сонне богов, посреде же боги разсудит. 2 Доколе судите неправду, и лица грешников приемлете? 3 Судите сиру и убогу, смирена и нища оправдайте: 4 измите нища и убога, из руки грешничи избавите его. 5 Не познаша, ниже уразумеша, во тме ходят: да подвижатся вся основания земли. 6 Аз рех: бози есте, и сынове Вышняго вси: 7 вы же яко человецы умираете, и яко един от князей падаете. 8 Воскресени, Боже, суди земли: яко Ты наследисти во всех языцех.

83 Песнь псалма Асафу. Боже, кто уподобится Тебе? Не премолчи, ниже укроти, Боже: 2 яко се, врази Твои възшумеша, и ненавидящии Тя въздвигоша главу. 3 На люди Твоя лукавноваша волею, и совещаша на святыя Твоя. 4 Реша: приидите и потребим я от язык, и не помянется имя Израилево ктому. 5 Яко совещаша единомышлением вкупе, на Тя завет заведаша: 6 селения Идумейска и Исмаилите, Моав и Агаряне, 7 Гевал и Аммон и Амалик, иноплеменницы с живущими в Тире: 8 ибо и Ассур прииде с ними, быша в заступление сыновом Лотовым: 9 сотвори им яко Мадиаму и Сисаре, яко Иавиму в потоце Киссове: 10 потребишася во Аендоре, быша яко гной земный. 11 Положи князи их яко Орива и Зива, и Зевеа и Салмана, вся князи их, 12 иже реша: да наследим себе святилище Божие. 13 Боже мой, положи я яко коло, яко трость пред лицом ветра. 14 Яко огонь попаляяй дубравы, яко пламень пожигаяй горы: 15 тако поженеши я бурною Твоею, и гневом Твоим смятеши я. 16 Исполни лица их безчестия, и възшут имени Твоего, Господи. 17 Да постыдятся и смятутся в век века, и посраматся и погибнут. 18 И да познают, яко имя Тебе Господь, Ты един Вышний по всей земли.

84 В конец, о точилех, сыном Кореовым, псалом. Коль возлюбленна селения Твоя, Господи сил. 2 Желает и скончавается душа моя во двory Господни: сердце мое и плоть моя возрадовастася о Бозе живе. 3 Ибо птица обрете себе храмину, и горлица гнездо себе, идеже положит птенцы своя, олтари Твоя, Господи сил, Царю мой и Боже мой. 4 Блажени живущии в дому Твоем: в веки веков восхвалят Тя. 5 Блажен муж, емуже есть заступление его у Тебе: восхождения в сердца своем положи, 6 во юдоль плачевную, в место еже положи: ибо благословение даст законополагай. 7 Пойдут от силы в силу: явится Бог богов в Сионе. 8 Господи Боже сил, услыши молитву мою, внуши, Боже Иаковль. 9 Защитниче наш, виждь, боже, и призри на лице христа Твоего. 10 Яко лучше день един во дворех Твоих паче тысяч: изволих приметатися в дому Бога моего паче, неже жити ми в селениях грешничих. 11 Яко милость и истину любит Господь, Бог благодать и славу даст: Господь не лишит благих ходящих незлобием. 12 Господи Боже сил, блажен человек уповаяй на Тя.

85 В конец, сыном Кореовым, псалом. Благоволил еси, Господи, землю Твою, возвратил еси плен Иаковль. 2 Оставил еси беззакония людей Твоих, покрыл еси вся грехи их. 3 Укротил еси весь гнев Твой, возвратился еси от гнева ярости Твоея. 4 Возврати нас, Боже спасений наших, и отврати ярость Твою от нас. 5 Еда во веки прогноваеши на ны? Или прострещи гнев Твой от рода в род? 6 Боже, Ты обращаешься оживиши ны, и людие Твои возвеселятся о Тебе. 7 Яви нам, Господи, милость Твою, и спасение Твое даждь нам. 8 Услышу, что речет о мне Господь Бог: яко речет мир на люди Своя, и на преподобныя Своя, и на обращающыя сердца к нему. 9 Обаче близ боящихся Его спасение Его, вселити славу в землю нашу. 10 Милость и истина сретостеса, правда и мир облобызастася: 11 истина от земли возсия, и правда с небесе причиче: 12 ибо Господь даст благость, и земля наша даст плод свой. 13 Правда пред Ним предидет, и положит в путь стопы своя.

86 Приклони, Господи, ухо Твое, и услыши мя: яко нищ и убог есмь аз. 2 Сохрани душу мою, яко преподобен есмь: спаси раба Твоего, Боже мой, уповающаго на Тя. 3 Помилуй мя, Господи, яко к Тебе воззову весь день. 4 Возвесели душу раба Твоего: яко к Тебе взял душу мою. 5 Яко Ты, Господи, благ и кроток и многомилостив всем призывающым Тя. 6 Внуши, Господи, молитву мою и вонми гласу моления моего. 7 В день скорби моея воззвах к Тебе, яко услышал мя еси. 8 Нещь подобен Тебе в бозех, Господи, и несть по делом Твоим. 9 Все языцы, елики сотворил еси, приидут и поклонятся пред Тобою, Господи, и прославят имя Твое: 10 яко велий еси Ты и творяй чудеса, Ты еси Бог един. 11 Настави мя, Господи, на путь Твой, и пойду во истине Твоей: да возвеселится сердце мое боятися имени Твоего. 12 Исповемся Тебе, Господи Боже мой, всем сердцем моим и прославолю имя Твое в век: 13 яко милость Твоя велия на мне, и избавил еси душу мою от ада преисподнейшаго. (Sheol h7585) 14 Боже, законопреступницы востаха на мя, и сонм державных възискаша душу мою, и не предложиша Тебе пред собою. 15 И Ты, Господи Боже мой, щедрый и милостивый, долготерпеливый и многомилостивый и истинный, 16 призри на мя и помилуй мя: даждь державу Твою отроку Твоему и спаси сына рабы Твоея. 17 Сотвори со мною знамение во благо: и да видят ненавидящии мя, и постыдятся, яко Ты, Господи, помог ми и утешил мя еси.

87 Сыном Кореовым, псалом песни. 2 Основания его на горах святых: любит Господь врата Сиона паче всех селений Иаковлих. 3 Преславная глаголашася о тебе, граде Божий. 4 Поману Раав и Вавилона ведущим мя: и се, иноплемenniцы и Тир и людие Ефиопстии, сии быша тамо. 5 Мати Сион речет: человек и человек родися в нем, и Той основа и Вышний. 6 Господь повесть в писании людей и князей, сих бывших в нем. 7 Яко веселящихся всех жилище в тебе.

88 Песнь псалма Сыном Кореовым, в конец, о Маелефе еже отвещати, разума Еману Израилтянину. Господи

Боже спасения моего, во дни воззвах и в нощи пред Тобою: 2 да видет пред Тя молитва моя, приклони ухо Твое к молению моему. 3 Яко исполнися зол душа моя, и живот мой аду приближися. (Sheol h7585) 4 Привременен бых с низходящими в ров: бых яко человек без помощи, 5 в мертвых свободь: яко язвенни спящии во гробе, ихже не помянул еси кому, и тии от руки Твоея отриновени быша. 6 Положиша мя в рове преисподнем, в темных и сени смертней. 7 На мне утвердися ярость Твоя, и вся волны Твоя навел еси на мя. 8 Удалил еси знаемых моих от мене: положиша мя мерзость себе: предан бых и не исхождах. 9 Очи мои изнемогосте от нищеты: воззвах к Тебе, Господи, весь день, воздох к Тебе руце мои. 10 Еда мертвыми твориши чудеса? Или врачеве воскресят, и исповедятся Тебе? 11 Еда повесть кто во гробе милость Твою, и истину Твою в погибели? 12 Еда познана будут во тме чудеса Твоя, и правда Твоя в земли забвенней? 13 И аз к Тебе, Господи, воззвах, и утро молитва моя предварит Тя. 14 Вскую, Господи, отрееши душу мою? Отвращаеши лице Твое от мене? 15 Нищ есмь аз, и в трудох от юности моея: вознесжеса смирихся и изнемогах. 16 На мне преидоша гневи Твои, устрашения Твоя возмутиша мя: 17 обыдоша мя яко вода весь день, одержаша мя вкупе. 18 Удалил еси от мене друга и искреняго, и знаемых моих от страстей.

89 Разума Ефама Израилтянина. Милости Твоя, Господи, во век воспою, в род и род возвещу истину Твою усты моими. 2 Зане рекл еси: в век милость созиждется: на небесех уготовится истина Твоя. 3 Завещах завет избранным Моим, клякса Давиду рабу Моему: 4 до века уготоваю семья твое, и созижду в род и род престол твой. 5 Исповедят небеса чудеса Твоя, Господи, ибо истину Твою в церкви святых. 6 Яко кто во облацех уравнился Господеви? Уподобится Господеву в сынех Божиих? 7 Бог прославляемь в совете святых, велий и страшен есть над всеми окрестными Его. 8 Господи Боже сил, кто подобен Тебе? Силен еси, Господи, и истина Твоя окрест Тебе. 9 Ты владычествуеши державою морскою: возмущение же волн его Ты укрочаеши. 10 Ты смирил, еси, яко язвена, гордаго: мышцею силы Твоея расточил еси враги Твоя. 11 Твоя суть небеса, и Твоя есть земля: вселенную и исполнение ея Ты основал еси. 12 Север и море Ты создал еси: Фавор и Ермон о имени Твоем возрадуются. 13 Твоя мышца с силою: да укрепится рука Твоя, и вознесется десница Твоя. 14 Правда и судба уготовление престола Твоего: милость и истина предидете пред лицом Твоим. 15 Блажени людие ведущии воскликновение: Господи, во свете лица Твоего пойдут, 16 и о имени Твоем возрадуются весь день, и правдою Твоею вознесутся. 17 Яко похвала силы их Ты еси, и во благоволении Твоем вознесется рог наш: 18 яко Господне есть заступление, и Святаго Израилева царя нашего. 19 Тогда глаголаш еси в видении сыновом Твоим, и рекл еси: положих помощь на сильнаго, вознесох избраннаго от людей Моих: 20 обретох Давида раба Моего, елеем святым Моим помазах его. 21 Ибо рука Моя заступит его, и мышца Моя укрепит его. 22 Ничтоже успеет враг на него, и

сын беззакония не приложит озлобити его. 23 И ссеку от лица его враги его, и ненавидящия его победу: 24 и истина Моя и милость Моя с ним, и о имени Моем вознесется рог его: 25 и положу на мори руку его, и на реках десницу его. 26 Той призовет Мя: отец мой еси Ты, Бог мой и заступник спасения моего. 27 И Аз первенца положу его, высока паче царей земных: 28 в век сохраню ему милость Мою, и завет Мой верен ему: 29 и положу в век века семья его, и престол его яко дние неба. 30 Аще оставят сынове его закон Мой, и в судах Моих не пойдут: 31 аще оправдания Моя осквернят, и заповедий Моих не сохранят: 32 посещу железом беззакония их, и ранами неправды их, 33 милость же Мою не разорю от них, ни преврежду во истине Моей: 34 ниже оскверню завета Моего, и исходящих от уст Моих не отвергую. 35 Единою кляхся о святем Моем: аще Давиду солжу? 36 Семья его во век пребудет, и престол его яко солнце предо Мною, 37 и яко луна совершена в век, и свидетель на небеси верен. 38 Ты же отринул еси и уничтожил, негодовал еси помазанного Твоего: 39 разорил еси завет раба Твоего, осквернил еси на земли святыню его: 40 разорил еси вся оплоты его, положил еси твердая его страх. 41 Расхищаху его вси мимоходящии путем, бысть поношение соседом своим. 42 Возвысил еси десницу стужающих ему, возвеселил еси вся враги его: 43 отвратил еси помощь меча его и не заступил еси его во брани: 44 разорил еси от очищения его, престол его на землю повергл еси: 45 умалил еси дни времени его, облиал еси его студом. 46 Доколе, Господи, отвращаешься в конец, разжжется яко огонь гнев Твой? 47 Помяни, кий мой состав: еда бо всеу создал еси вся сыны человеческия? 48 Кто есть человек, иже поживет и не узрит смерти, избавит душу свою из руки адовы? (Sheol h7585) 49 Где суть милости Твоя древняя, Господи, имже клялся еси Давиду во истине Твоей? 50 Помяни, Господи, поношение раб Твоих, еже удержал в недре моем многих язык: 51 имже поносиша врази Твои, Господи, имже поносиша изменению христа Твоего. 52 Благословен Господь во век: буди, буди.

90 Молитва Моисеа человека Божия. 2 Господи, прибежище был еси нам в род и род. 3 Прежде даже горам не быти и создаться земли и вселенной, и от века и до века Ты еси. 4 Не отврати человека во смирение, и рекл еси: обратитесь, сынове человечести. 5 Яко тысяща лет пред очима Твоима, Господи, яко день вчерашний, иже мимо иде, и стража ночная. 6 Уничижения их лета будут: утро яко трава мимо идет, утро процветет и преидет: на вечер отпадет, ожестеет и исхнет: 7 яко исчезохом гневом Твоим, и яростию Твоею смутихомся. 8 Положил еси беззакония наша пред Тобою, век наш в просвещение лица Твоего. 9 Яко вси дние наши оскудеша, и гневом Твоим исчезохом: 10 лета наша яко паучина поучахуся: дние лет наших в нихже седьдесят лет, аще же в силах, осмьдесят лет, и множае их труд и болезнь: яко прииде кротость на ны, и накажемся. 11 Кто весть державу гнева Твоего, и от страха Твоего ярость Твою изчисти? 12 Десницу Твою тако скажи ми, и окованныя сердцем в мудрости. 13 Обратися, Господи, доколе? И

умолен буди на рабы Твоя. 14 Исполнимомся завтра милости Твоея, Господи, и возрадовахомся и возвеселихомся: 15 во вся дни наша возвеселихомся, за дни, в няже смирил ны еси, лета, в няже видехом злая. 16 И призри на рабы Твоя и на дела Твоя, и настави сыны их. 17 И буди светлость Господа Бога нашего на нас, и дела рук наших исправи на нас, и дело рук наших исправи.

91 Живый в помощи Вышняго, в крове Бога небеснаго водворится, 2 речет Господеву: заступник мой еси и прибежище мое, Бог мой, и уповаю на Него. 3 Яко Той избавит тя от сети ловчи и от словесе мятежна: 4 плещма Своима осенит тя, и под криле Его надеешися: оружием обыдет тя истина Его. 5 Не убоишися от страха ночнаго, от стрелы летящия во дни, 6 от вещи во тме преходящия, от сряща и беса полуденнаго. 7 Падет от страны твоея тысяща, и тма одесную тебе, к тебе же не приблизится: 8 обаче очима твоима смотриши и воздание грешников узриши. 9 Яко ты, Господи, упование мое: Вышняго положил еси прибежище твое. 10 Не приидет к тебе зло, и рана не приблизится телеси твоему: 11 яко Ангелом Своим заповесть о тебе, сохранити тя во всех путех твоих. 12 На руках возмут тя, да не когда преткнеши о камень ногу твою: 13 на аспида и василиска наступиши, и попереши льва и змия. 14 Яко на Мя упова, и избавлю и: покрыю и, яко позна имя Мое. 15 Воззовет ко Мне, и услышу его: с ним есмь в скорби, изму его и прославолю его: 16 долгогоу дний исполню его и явлю ему спасение Мое.

92 Псалом песни, в день субботный. Благо есть исповедатися Господеву и пети имени Твоему, Вышний: 2 возвещати заутра милость Твою и истину Твою на всяку ночь, 3 в десятиструннем псалтири с песнию в гуслек. 4 Яко возвеселил мя еси, Господи, в творении Твоем, и в делех руку Твоею возрадоуюся. 5 Яко возвеличишася дела Твоя, Господи: зело углубишася помышления Твоя. 6 Муж безумен не познает, и неразумив не понимает сих. 7 Внегда прозябоша грешници яко трава, и проникоша вси делающии беззаконие, яко да потребятся в век века: 8 Ты же вышний во век, Господи. 9 Яко се, врази Твои, Господи, яко се, врази Твои погибнут, и разыдутся вси делающии беззаконие. 10 И вознесется яко единорога рог мой, и старость моя в елени мастите: 11 и возре око мое на враги моя, и востающыя на мя лукавнующыя услышит ухо мое. 12 Праведник яко финикс процветет: яко кедр, иже в Ливане, умножится. 13 Насаждени в дому Господни во дворех Бога нашего процветут: 14 еще умножатся в старости мастите, и благоприемлюще будут. 15 Да возвестят, яко прав Господь Бог наш, и несть неправды в Нем.

93 Господь воцарися, в лепоту облечется: облечется Господь в силу и препоясается: ибо утверди вселенную, яже не подвижится. 2 Готов престол Твой оттоле: от века Ты еси. 3 Воздвигоша реки, Господи, воздвигоша реки гласы своя: 4 возмут реки сотрения своя, от гласов вод многих. 5 Дивны высоты морския: дивен в высоких Господь. Свидения Твоя

уверишься зело. Дому Твоему подобает святыня, Господи, в долготу дний.

94 Бог отмщенный Господь, Бог отмщенный не обинулся есть. 2 Вознесися, Судяй земли, воздаждь воздаяние гордым. 3 Доколе грешницы, Господи, доколе грешницы восхвалятся? 4 Провещают и возглаголют неправду, возглаголют вси делающии беззаконие? 5 Люди Твоя, Господи, смириша, и достояние Твое озлобиша: 6 вдовицу и сира умориша, и пришелца убиша, 7 и реша: не узрит Господь, ниже уразумеет Бог Иаковль. 8 Разумейте же, безумнии в людех, и буии некогда, умудритесь: 9 насаждай ухо, не слышит ли? Или создавый око, не сматреть ли? 10 Наказуяй языки, не обличит ли, учай человека разуму? 11 Господь весть помышления человеческая, яко суть суетна. 12 Блажен человек, егоже аще накажеша, Господи, и от закона Твоего научиши его: 13 укротити его от дний лютых, дондеже изрыется грешному яма. 14 Яко не отринет Господь людей Своих, и достояния Своего не оставит: 15 дондеже правда обратится на суд, и держащиися ея вси правии сердцем. 16 Кто встанет ми на лукавнующую? Или кто спредстанет ми на делающыя беззаконие? 17 Аще не Господь помог бы ми, в мале вселилася бы во ад душа моя. 18 Аще глаголах: подвижесе нога моя, милость Твоя, Господи, помогаше ми: 19 по множеству болезней моих в сердцах моем, утешения Твоя возвеселиша душу мою. 20 Да не пребудет Тебе престол беззакония, созидай труд на повеление. 21 Уловят на душу праведничу, и кровь неповинную осудят. 22 И бысть мне Господь в прибежище, и Бог мой в помощь упования моего: 23 и воздаст им Господь беззаконие их, и по лукавствию их погубит я Господь Бог.

95 Приидите, возрадуемся Господеви, воскликнем Богу спасителю нашему: 2 предварим лице Его во исповедании, и во псалмех воскликнем Ему: 3 яко Бог велий Господь, и Царь велий по всей земли: 4 яко в руце Его вси концы земли, и высоты гор Того суть. 5 Яко Того есть море, и Той сотвори е, и сушу руце Его создасте. 6 Приидите, поклонимся и припадем ему, и восплачемся пред Господом сотворшим нас: 7 яко Той есть Бог наш, и мы людие пажити Его и овцы руки Его. Днесь аще глас Его услышите, 8 не ожесточите сердце ваших, яко в прогневании, по дни искушения в пустыни: 9 в оньже искусиша Мя отцы ваши, искусиша Мя, и видеша дела Моя. 10 Четырнадцать лет негодавах рода того, и рех: присно заблуждают сердцем, тии же не познаша путей Моих: 11 яко клявся во гневе Моем, аще внидут в покой Мой.

96 Воспойте Господеви песнь нову, воспойте Господеви вся земля: 2 воспойте Господеви, благословите имя Его: благовестите день от дне спасение Его. 3 Возвестите во языцех славу Его, во всех людех чудеса Его. 4 Яко велий Господь и хвален зело, страшен есть над всеми боги. 5 Яко вси бози язык бесове: Господь же небеса сотвори. 6 Исповедание и красота пред Ним, святыня и великолепие во святиле Его. 7 Принесите Господеви, отечествия язык,

принесите Господеви славу и честь. 8 Принесите Господеви славу имени Его: возьмите жертвы и входите во дворы Его. 9 Поклонитесь Господеви во дворе святем Его: да подвижится от лица Его вся земля. 10 Рцыте во языцех, яко Господь воцарися: ибо исправи вселенную, яже не подвижится: судит людем правостию. 11 Да возвеселятся небеса, и радуется земля: да подвижится море и исполнение его: 12 возрадуются поля, и вся яже на них: тогда возрадуются вся древа дубравная 13 от лица Господня, яко грядет, яко грядет судити земли: судити вселенней в правду, и людем истиною Своею.

97 Господь воцарися, да радуется земля, да веселятся острови мнози. 2 Облак и мрак окрест Его: правда и судба исправление престола Его. 3 Огонь пред Ним предидет и попалит окрест враги Его. 4 Светиша молния Его вселенную: виде и подвижесе земля. 5 Горы яко воскрасаяся от лица Господня, от лица Господа вся земля. 6 Возвестиша небеса правду Его, и видеша вси людие славу Его. 7 Да постыдятся вси кланяющиися истуканным, хвалящиися о идолех своих: поклонитесь Ему, вси ангели Его. 8 Слыша и возвеселися Сион, и возрадовашася дщери Иудейския, судеб ради Твоих, Господи: 9 яко Ты Господь вышний над всею землею, зело превознеслся еси над всеми боги. 10 Любящии Господа, ненавидите злая: хранит Господь души преподобных Своих, из руки грешничи избавит я. 11 Свет возсия праведнику, и правым сердцем веселие. 12 Веселитесь, праведнии, о Господе, и исповедайте память святыни Его.

98 Воспойте Господеви песнь нову, яко дивна сотвори Господь: спасе Его десница Его и мышца святая Его. 2 Сказа Господь спасение Свое, пред языки откры правду Свою. 3 Помяну милость Свою Иакову и истину Свою дому Израилеву: видеша вси концы земли спасение Бога нашего. 4 Воскликните Богови, вся земля, воспойте и радуйтеся и пойте. 5 Пойте Господеви в гуслех, в гуслех и гласе псаломсте, 6 в трубах кованных и гласом трубы рожаны: вострубите пред Царем Господем. 7 Да подвижится море и исполнение его, вселенная и вси живущии на ней. 8 Реки восплещут рукою вкупе, горы возрадуются 9 от лица Господня, яко грядет, яко идет судити земли: судити вселенней в правду, и людем правостию.

99 Господь воцарися, да гневаются людие: седяй на Херувимех, да подвижится земля. 2 Господь в Сионе велик, и высок есть над всеми людьми. 3 Да исповедятся имени Твоему великому, яко страшно и свято есть. 4 И честь царева суд любит: Ты уготовал еси правоты, суд и правду во Иакове Ты сотворил еси. 5 Вознесите Господа Бога нашего и поклоняйтесь подножию ногу Его, яко свято есть. 6 Моисей и Аарон во иереех Его, и Самуил в призывающих имя Его: призываху Господа, и Той послушаше их. 7 В столпе облачне глаголаше к ним: яко храняху свидения Его и повеления Его, яже даде им. 8 Господи Боже наш, Ты послушал еси их: Боже, Ты милостив бывал еси им, и мщя на вся начинания

их. 9 Возносите Господа Бога нашего и поклоняйтесь в горе святей Его: яко свят Господь Бог наш.

100 Воскликните Богови вся земля: 2 работайте Господеви в веселии, внидите пред Ним в радости. 3 Уведите, яко Господь Той есть Бог наш: Той сотвори нас, а не мы: мы же людие Его и овцы пажити Его. 4 Внидите во врата Его во исповедании, во двory Его в пениих: исповедайтесь Ему, хвалите имя Его. 5 Яко благ Господь, в век милость Его, и даже до рода и рода истина Его.

101 Милость и суд воспою Тебе, Господи: 2 пою и разумею в пути непорочне: когда приидеши ко мне? Прехождая в незлобии сердца моего посреде дому моего. 3 Не предлагаш пред очима моима вещь законопреступную: творящая преступление возненавидех. 4 Не прильпе мне сердце строптиво: уклоняющегося от мене лукаваго не познах. 5 Оклеветающего тай искреняго своего, сего изгонях: гордым оком и несътым сердцем, с сим не ядах. 6 Очи мои на верныя земли, посаждати я со мною: ходяй по пути непорочну, сей ми служаше. 7 Не живяше посреде дому моего творяй гордыню: глаголяй неправедная не исправляше пред очима моима. 8 Вуотрия избивах вся грешныя земли, еже потребити от града Господня вся делающыя беззаконие.

102 Молитва нищаго, егда уныет и пред Господем пролиет моление свое. Господи, услыши молитву мою, и вопль мой к Тебе да приидет. 2 Не отврати лица Твоего от мене: в онъже еще день скорблю, приклони ко мне ухо Твое: в онъже еще день призову Тя, скоро услыши мя. 3 Яко исчезоша яко дым дние мои, и кости моя яко сушило сосохаша. 4 Узавлен бых яко трава, и изсше сердце мое, яко забых снести хлеб мой. 5 От гласа въздыхания моего прильпе кость моя плоти моей. 6 Уподобихся неясъти пустынной, бых яко ночный вран на нырици. 7 Бдех и бых яко птица осояющаяся на зде. 8 Весь день поношаху ми врази мои, и хвалящия мя мною кленяхуся. 9 Зане пепел яко хлеб ядах и питье мое с плачем растворях, 10 от лица гнева Твоего и ярости Твоея: яко вознес низвергл мя еси. 11 Дние мои яко сень уклонишася, и аз яко сено изсхох. 12 Ты же, Господи, во век пребываеши, и память Твоя в род и род. 13 Ты воскрес ущедриши Сиона: яко время ущедрити его, яко прииде время. 14 Яко благоволиша раби Твои камение его, и персть его ущедрят. 15 И убоятся языцы имене Господня, и вси царие земстии славы Твоея: 16 яко созиждет Господь Сиона и явится во славе Своей. 17 Призре на молитву смиренных и не уничижи моления их. 18 Да напишется сие в род ин, и людие жиждемии восхвалят Господа: 19 яко причине с высоты святяя Своя, Господь с небесе на землю призре, 20 услышати въздыхание окованных, разрешити сыны умерщвленных: 21 возвестити в Сионе имя Господне и хвалу Его во Иерусалиме, 22 вневгда собратися людем вкупе и царем, еже работати Господеви. 23 Отвеща Ему на пути крепости Его: умаление дний моих возвести ми: 24 не возведи мене во преполовение дний моих: в роде родов лета Твоя. 25 В началех Ты, Господи, землю основал

еси, и дела руку Твоюю суть небеса. 26 Та погибнут, Ты же пребываеши: и вся яко риза обетшают, и яко одежду свиеши я, и изменятся. 27 Ты же тойжде еси, и лета Твоя не оскудеют. 28 Сынове раб Твоих вселятся, и семя их во век исправится.

103 Благослови, душе моя, Господа, и вся внутренняя моя, имя святое Его: 2 благослови, душе моя, Господа, и не забывай всех воздаяний Его: 3 очищающего вся беззакония твоя, изцеляющего вся недуги твоя, 4 избавляющего от истления живот твой, венчающего тя милостию и щедротами, 5 исполняющего во благих желание твое: обновится яко орля юность твоя. 6 Творяй милостыни Господь и судьбу всем обидимым. 7 Слова пути Своя Моисеови, сыновом Израилевым хотения Своя. 8 Щедр и милостив Господь, долготерпелив и многомилостив. 9 Не до конца прогневается, ниже во век враждует: 10 не по беззаконием нашим сотворил есть нам, ниже по грехом нашим воздал есть нам. 11 Яко по высоте небесней от земли, утвердил есть Господь милость Свою на боящихся Его: 12 елико отстоят востоцы от запад, удалил есть от нас беззакония наша. 13 Якоже щедрит отец сыны, ущедри Господь боящихся Его. 14 Яко Той позна создание наше, помяну, яко персть есмь. 15 Человек, яко трава дние его, яко цвет селный, тако оцветет: 16 яко дух пройде в нем, и не будет, и не познает ктому места своего. 17 Милость же Господня от века и до века на боящихся Его, 18 и правда Его на сынех сынов, хранящих завет Его и помнящих заповеди Его творити я. 19 Господь на небеси уготова престол Свой, и царство Его всеми обладает. 20 Благословите Господа, вси Ангели Его, сильнии крепостию, творящии слово Его, услышати глас словес Его. 21 Благословите Господа, вся силы Его, слуги Его, творящии волю Его. 22 Благословите Господа, вся дела Его на всяком месте владычества Его: благослови, душе моя, Господа.

104 Благослови, душе моя, Господа. Господи Боже мой, возвеличился еси зело: во исповедание и в велелепую облеклся еси: 2 одеяйся светом яко ризою, простираяй небо яко кожу: 3 покрываяй водами превыспренняя Своя, полагай облаки на восхождение Свое, ходяй на крилу ветреню: 4 творяй ангелы Своя духи, и слуги Своя пламень огненный: 5 основаяй землю на тверди ея: не преклонится в век века. 6 Бездна яко риза одяение ея, на горах станут воды: 7 от запрещенія Твоего побегнут, от гласа грома Твоего убоятся. 8 Восходят горы, и низходят поля, в место еже основал еси им. 9 Предел положил еси, егоже не прейдут, ниже обратятся покрыты землю. 10 Посылаяй источники в дребрах, посреде гор пройдут воды. 11 Напаяют вся звери селныя, ждут онагри в жажду свою. 12 На тых птицы небесныя привитают: от среды камня дадят глас. 13 Напаяй горы от превыспренных Своих: от плода дел Твоих насытится земля. 14 Прозябаяй траву скотом, и злак на службу человеком, извести хлеб от земли: 15 и вино веселит сердце человека, умастити лице елеем: и хлеб сердце человека укрепит. 16 Насытятся древа

польская, кедри Ливанстии, иже еси насадил: 17 тамо птицы вогнездятся, еродиево жилище предводителствует ими. 18 Горы высокая еленем, камень прибежище зайцем. 19 Сотворил есть луну во времена: солнце позна запад свой. 20 Положил еси тму, и бысть ночь, в нейже пройдут вси зверие дубравнии, 21 скимни рыкающие восхитити и взыскати от Бога пищу себе. 22 Возсия солнце, и собралася, и в ложах своих лягут. 23 Изыдет человек на дело свое и на делание свое до вечера. 24 Яко возвеличишася дела Твоя, Господи: до премудрости сотворил еси: исполнися земля твари Твоея. 25 Сие море великое и пространное: тамо гади, иже несть числа, животная малая с великими: 26 тамо корабли преплавают, змий сей, егоже создал еси ругатися ему. 27 Вся к Тебе чают, дати пищу им во благо время. 28 Давшу Тебе им, соберут: отверзшу Тебе руку, всяческая исполнятся благодати: 29 отвращшу же Тебе лице, возьмутся: отимеши дух их, и исчезнут и в персть свою возвратятся: 30 послеси духа Твоего, и соизждутся, и обновиши лице земли. 31 Буди слава Господня во веки: возвеселится Господь о делех Своих: 32 призираяй на землю и творяяй ю трясисти: прикасайся горам, и дымятся. 33 Воспою Господеви в животе моем, пою Богу моему, дондеже есмь: 34 да усладится Ему беседа моя, аз же возвеселюся о Господе. 35 Да исчезнут грешници от земли, и беззаконници, якоже не быти им. Благослови, душе моя, Господа.

105 Исповедайтесь Господеви и призывайте имя Его, возвестите во языцех дела Его: 2 воспойте Ему и пойте Ему, поведите вся чудеса Его. 3 Хвалитесь о имени святем Его: да возвеселится сердце ищущих Господа: 4 възыщите Господа и утвердитесь, възыщите лица Его выну. 5 Помяните чудеса Его, яке сотвори, чудеса Его и судьбы уст Его, 6 семья Авраамле раби Его, сынове Иаковли избранныи Его. 7 Той Господь Бог наш: по всей земли судьбы Его. 8 Помяну в век завет Свой, слово, еже заповеда в тысящи родов, 9 еже завета Аврааму, и клятву Свою Исааку: 10 и постави ю Иакову в повеление и Израилю в завет вечен, 11 глаголя: тебе дам землю Ханаану, уже достояния вашего. 12 Внегда быти им малым числом, малейшим и пришельцем в ней, 13 и преидоша от языка в язык и от царствия в люди ины: 14 не остави человека обидети их и обличи о них цари: 15 не прикасайтесь помазанным Моим, и во пророцех Моих не лукавните. 16 И призва глад на землю: всяко утверждение хлебное сотры. 17 Посла пред ними человека: в раба продан бысть Иосиф. 18 Смириша во оковах нозе его, железо пройде душа его, 19 дондеже прииде слово Его: слово Господне разже его. 20 Посла царь и разреши его: князь людей, и остави его. 21 Постави его господина дому своему и князя всему стяжанию своему, 22 наказати князи его яко себе и старцы его умудрити. 23 И вниде Израиль во Египет, и Иаков пришелствова в землю Хамову. 24 И возрасти люди Своя зело и укрепи я паче врагов их. 25 Преврати сердце их возненавидети люди Его, леств сотворити в рабех Его. 26 Посла Моисеа раба Своего, Аарона, егоже избра себе: 27 положи в них словеса

знамений Своих и чудес Своих в земли Хамове. 28 Послатму и помрачи, яко преогорчиша словеса Его. 29 Преложи воды их в кровь и измори рыбы их. 30 Воскипе земля их жабами в сокровищницах царей их. 31 Рече, и приидоша песия мухи и скипы во вся пределы их. 32 Положи дожди их грады, огонь поपालющь в земли их: 33 и порази винограды их и смоквы их, и сотры всякое древо предел их. 34 Рече, и приидоша пружи и гусеницы, иже не бе числа, 35 и снедоша всяку траву в земли их, и поядоша всяк плод земли их. 36 И порази всякого первенца в земли их, начаток всякого труда их: 37 и изведе я с сребром и златом: и не бе в коленех их боляй. 38 Возвеселися Египет во исхождении их: яко нападе страх их на ня. 39 Распростре облак в покров им, и огонь, еже просветити им ноцию. 40 Просиша, и приидоша крастели, и хлеба небеснаго насыти я: 41 разверзе камень, и потекоша воды, потекоша в безводных реки: 42 яко помяну слово святое Свое, еже ко Аврааму рабу Своему. 43 И изведе люди Своя в радости и избранныя Своя в веселии. 44 И даде им страны язык, и труды людей наследоваша: 45 яко да сохранят оправдания Его и закона Его възычут.

106 Исповедайтесь Господеви, яко благ, яко в век милость Его. 2 Кто возглаголет силы Господни, слышаны сотворит вся хвалы Его? 3 Блажени хранящии суд и творящии правду во всякое время. 4 Помяни нас, Господи, во благоволении людей Твоих, посети нас спасением Твоим, 5 видети во благодати избранныя Твоя, возвеселитися в веселии языка Твоего, хвалитися с достоянием Твоим. 6 Согрешихом со отцы нашими, беззаконновахом, неправдовахом: 7 отцы наши во Египте не разумеша чудес Твоих, ни помянуша множества милости Твоея: и преогорчиша восходяще в Чермное море. 8 И спасе их имене Своего ради, сказати силу Свою: 9 и запрети Чермному морю, и изсяче: и настави я в бездне яко в пустыни. 10 И спасе я из руки ненавидящих и избави я из руки врагов. 11 Покры вода стужающия им: ни един от них избысть. 12 И вероваша словеси Его и воспеша хвалу Его. 13 Ускориша, забыша дела Его, не стерпеша совета Его: 14 и похотеша желанию в пустыни и искусиша Бога в безводней. 15 И даде им прошение их, посла сытость в души их. 16 И прогневаша Моисеа в стану, Аарона святого Господня. 17 Отверзеса земля и пожре Дафана и покры на сонмищи Авирона: 18 и разжжеса огонь в сонме их, пламень попали грешники. 19 И сотвориша телца в Хориве и поклонихася истуканному: 20 и измениша славу Его в подобие телца ядущаго траву. 21 И забыша Бога спасающаго их, сотворшаго велия во Египте, 22 чудеса в земли Хамове, страшная в мори Чермнем. 23 И рече потребити их, аще не бы Моисей избранный Его стал в сокрушении пред Ним, возвратити ярость Его, да не погубит их. 24 И уничижиша землю желанную, не яша веры словеси Его: 25 и поропташа в селениих своих, не услышаша гласа Господня. 26 И воздвиже руку Свою на ня, низложити я в пустыни, 27 и низложити семья их во языцех, и расточити я в страны. 28 И причастишася Веельфегору и снедоша жертвы мертвых: 29 и раздражиша Его в начинаниих своих,

и умножися в них падение. 30 И ста Финеес и умилостиви, и преста сечь: 31 и вменися ему в правду, в род и род до века. 32 И прогневаша Его на воде Пререкания, и озлобен бысть Моисей их ради: 33 яко преогорчиша дух его и разнствова устнама своима. 34 Не потребиша языки, яже рече Господь им. 35 И смесишася во языцех и навыкоша делом их: 36 и поработаша истуканным их, и бысть им в соблазн. 37 И пожроша сыны своя и дщери своя бесовом, 38 и пролияша кровь неповинную, кровь сынов своих и дщерей, яже пожроша истуканным Ханаанским: и убиена бысть земля их кровима 39 и оквернены в делех их: и соблюдиша в начинаниих своих. 40 И разгнеवासя яростию Господь на люди Своя и омерзи достояние Свое: 41 и предаде я в руки врагов, и обладаша ими ненавидящии их. 42 И стужиша им врази их: и смиришася под руками их. 43 Множицею избави я: тии же преогорчиша Его советом своим, и смиришася в беззакониих своих. 44 И виде Господь, внегда скорбети им, внегда услышаше моление их: 45 и помяну завет Свой, и раскаяся по множеству милости Своея: 46 и даде я в щедроты пред всеми пленившими я. 47 Спаси ны, Господи, Боже наш, и собери ны от язык, исповедатися имени Твоему святому, хвалитися во хвале Твоей. 48 Благословен Господь Бог Израилев от века и до века. И рекут вси людие: буди, буди.

107 Исповедатися Господеви, яко благ, яко в век милость Его. 2 Да рекут избавленнии Господем, иже избави из руки врага, 3 и от стран собра их, от восток и запад, и севера и моря: 4 заблудиша в пустыни безводней, пути града обителнаго не обретоша: 5 алчуще и жаждуще, душа их в них изчезе. 6 И воззваша ко Господу, внегда скорбети им, и от нужд их избави я: 7 и настави я на путь прав, внити во град обителный. 8 Да исповедатся Господеви милости Его и чудеса Его сыновом человеческим: 9 яко насытил есть душу тщу, и душу алчущу исполни благ: 10 сидящья во тме и сени смертней, окованныя нищетою и железом, 11 яко преогорчиша словеса Божия, и совет Вышняго раздражиша. 12 И смирися в трудех сердце их, и изнемогоша, и не бе помагая. 13 И воззваша ко Господу, внегда скорбети им, и от нужд их спасе я: 14 и изведе я из тмы и сени смертныя, и узы их растерза. 15 Да исповедатся Господеви милости Его и чудеса Его сыновом человеческим: 16 яко сокруши врата медная, и верех железныя сломи. 17 Восприят я от пути беззакония яко: беззаконий бо ради своих смиришася. 18 Всякаго брашна возгнушася душа их, и приближишася до врат смертных. 19 И воззваша ко Господу, внегда скорбети им, и от нужд их спасе я: 20 посла слово Свое, и изцели я, и избави я от растлений их. 21 Да исповедатся Господеви милости Его и чудеса Его сыновом человеческим: 22 и да пожрут Ему жертву хвалы и да возвестят дела Его в радости. 23 Сходящии в море в кораблех, творящии делания в водах многих, 24 тии видеша дела Господня и чудеса Его во глубине. 25 Рече, и ста дух бурен, и вознесошася волны его: 26 восходят до небес и низходят до бездн: душа их в злых таяше: 27 смятошася, подвигошася яко пьяный, и вся мудрость

их поглощена бысть. 28 И воззваша ко Господу, внегда скорбети им, и от нужд их изведе я: 29 и повеле бури, и ста в тишину, и умолкоша волны его. 30 И возвеселишася, яко умолкоша, и настави я в пристанище хотения Своего. 31 Да исповедатся Господеви милости Его и чудеса Его сыновом человеческим: 32 да вознесут Его в церкви людстей, и на седалищи старец восхвалят Его. 33 Положил есть реки в пустыню и исходища водная в жажду, 34 землю плодоносную в сланость, от злобы живущих на ней. 35 Положил есть пустыню во езера водная и землю безводную во исходища водная. 36 И насели тамо алчущья, и составиша грады обителны: 37 и насяша (села) и насадиша винограды, и сотвориша плод житен. 38 И благослови я, и умножишася зело: и скоты их не умали. 39 И умалишася и озлобишася от скорби зол и болезни: 40 излися уничижение на князи их, и облази я по непроходней, а не по пути. 41 И поможет убогу от нищеты и положи яко овцы отечествия. 42 Узрят правии и возвеселятся, и всякое беззаконие заградит уста своя. 43 Кто премудр и сохранит сия? И уразумеют милости Господни.

108 Песнь, псалом Давиду. Готово сердце мое, Боже, готово сердце мое: воспою и пою во славе моей. 2 Востани, слава моя, востани, псалтирю и гусли: встану рано. 3 Исповемся Тебе в людех, Господи, пою Тебе во языцех: 4 яко велия верху небес милость Твоя и до облак истина Твоя. 5 Вознесися на небеса, Боже, и по всей земли слава Твоя, 6 яко да избавятся возлюбленнии Твои: спаси десницею Твоею и услыши мя. 7 Бог возглагола во святем Своем: вознесуся и разделю Сикиму, и удоль Селений размерю. 8 Мой есть Галаад, и Мой есть Манассий, и Ефрем заступление главы Моея: Иуда царь Мой, 9 Моав коноб упования Моего: на Идумею наложу сапог Мой: мне иноплеменницы покоришася. 10 Кто введет мя во град ограждения? Или кто наставит мя до Идумеи? 11 Не Ты ли, Боже, отринувый нас, и не изыдеши, Боже, в силах наших? 12 Дажь нам помощь от скорби: и суетно спасение человеческо. 13 О Бозе сотворим силу, и Той уничтожит враги наша.

109 Боже, хвалы моя не премолчи: 2 яко уста грешника и уста льстиваго на мя отверзошася, глаголаша на мя языком льстивым, 3 и словесы ненавистными обыдоша мя, и брашася со мною туне. 4 Вместо еже любити мя, оболгаху мя, аз же моляхся: 5 и положиша на мя злая за благая, и ненависть за возлюбление мое. 6 Постави на него грешника, и диавол да станет одесную его: 7 внегда судитися ему, да изыдет осужден, и молитва его да будет в грех. 8 Да будут дние его мали, и епископство его да примет ин: 9 да будут сынове его сире, и жена его вдова: 10 движущеся да преселатся сынове его и воспросят, да изгнани будут из домов своих. 11 Да възыщет заимодавец вся, елика суть его: и да восхитят чуждии труды его. 12 Да не будет ему заступника, ниже да будет ущедряй сироты его: 13 да будут чада его в погубление, в роде едином да потребится имя его. 14 Да воспомянется беззаконие отец его пред Господем, и

грех матери его да не очистится: **15** да будут пред Господом выну, и да потребится от земли память их: **16** занеже не помяну сотворити милость, и погна человека нища и убога, и умилена сердцем умертвити. **17** И возлюби клятву, и приидет ему: и не восхоте благословения, и удалится от него. **18** И облечеса в клятву яко в ризу, и вниде яко вода во утробу его и яко елей в кости его: **19** да будет ему яко риза, в нюже облачится, и яко пояс, имже выну опоясуется. **20** Сие дело обоглающих мя у Господа и глаголющих лукавая на душу мою. **21** И Ты, Господи, Господи, сотвори со мною имене ради Твоего, яко блага милость Твоя: **22** избави мя, яко нищ и убог есмь аз, и сердце мое смятеса внутри мене. **23** Яко сень, внегда уклонитися ей, отяхся: стряхохся яко пружи. **24** Колена моя изнемогоста от поста, и плоть моя изменися елеа ради. **25** И аз бых поношение им: видеша мя, покиваша главами своими. **26** Помози ми, Господи Боже мой, и спаси мя по милости Твоей: **27** и да разумеют, яко рука Твоя сия, и Ты, Господи, сотворил еси ю. **28** Прокленут тии, и Ты благословиши: востающи на мя да постыдятся, раб же Твой возвеселится. **29** Да облуктеса обоглающими мя в срамоту и одерждуются яко одеждоу студом своим. **30** Исповемся Господеви зело усты моими и посреде многих восхваляю Его: **31** яко преста одесную убогаго, еже спасти от гонящих душу мою.

110 Рече Господь Господеви моему: седи одесную Мене, дондеже положу враги Твоя подножие ног Твоих. **2** Жезл силы послет Ти Господь от Сиона, и господствуй посреде врагов Твоих. **3** С Тобою начало в день силы Твоея, во светлостех святых твоих: из чрева прежде денницы родих Тя. **4** Клятвася Господь и не раскается: Ты иерей во век по чину Мелхиседекову. **5** Господь одесную Тебе сокрушил есть в день гнева Своего цари: **6** судит во языцех, исполнит падения, сокрушит главы на земли многих. **7** От потока на пути пиет: сего ради вознесет главу.

111 Исповемся Тебе, Господи, всем сердцем моим в совете правых и сонме. **2** Велия дела Господня, изыскана во всех волях его: **3** исповедание и великолепие дело Его, и правда Его пребывает в век века. **4** Память сотворил есть чудес Своих: милостив и щедр Господь. **5** Пищу даде боящимся Его: помянет в век завет Свой. **6** Крепость дел Своих возвести людям Своим, дати им достояние язык. **7** Дела рук Его истина и суд, верны вся заповеди Его, **8** утвержены в век века, сотворены во истине и правоте. **9** Избавление посла людям Своим: заповеда в век завет Свой: свято и страшно имя Его. **10** Начало премудрости страх Господень, разум же благ всем творящим и: хвала Его пребывает в век века.

112 Блажен муж бояйся Господа, в заповедех Его восхощет зело. **2** Сильно на земли будет семя его, род правых благословится: **3** слава и богатство в дому его, и правда его пребывает в век века. **4** Возсия во тме свет правым: милостив и щедр и праведен. **5** Благ муж щедря и дая: устроит словеса своя на суде, яко в век не подвижится. **6** В память вечную будет праведник. **7** От слуха зла не

убоится: **8** готово сердце его уповати на Господа: утвердися сердце его, не убоится, дондеже воззрит на враги своя. **9** Расточи, даде убогим: правда его пребывает во век века: рог его вознесется в славе. **10** Грешник узрит и прогневаается зубы своими поскрежетет и растает: желание грешника погибнет.

113 Хвалите, отроцы, Господа, хвалите имя Господне. **2** Буди имя Господне благословено отныне и до века. **3** От восток солнца до запад хвално имя Господне. **4** Высок над всеми языки Господь: над небесы слава Его. **5** Кто яко Господь Бог наш? На высоких живый, **6** и на смиренныя призираяй на небеси и на земли: **7** воздвизаяй от земли нища, и от гноища возвышаяй убога: **8** посадити его с князи, с князи людей своих: **9** вселяя неплодовь в дом, матерь о чадах веселящуюся.

114 Во исходе Израилеве от Египта, дому Иаковля из людей варвар, **2** бысть Иудеа святыня Его, Израиль область Его. **3** Море виде и побеже, Иордан возвратися вспять: **4** горы възыграшася яко овни, и холми яко агнцы овчии. **5** Что ти есть, море, яко побегло еси, и тебе, Иордане, яко возвратился еси вспять? **6** Горы, яко възыграстеса яко овни, и холми яко агнцы овчии? **7** От лица Господня подвижесе земля, от лица Бога Иаковля: **8** обращшаго камень во езера водная и несекомый во источники водныя.

115 Не нам, Господи, не нам, но имени Твоему даждь славу о милости Твоей и истине Твоей: **2** да не когда рекут языцы: где есть Бог их? **3** Бог же наш на небеси и на земли, вся елика восхоте, сотвори. **4** Идоли язык сребро и злато, дела рук человеческих: **5** уста имут, и не възглаголют: очи имут, и не узрят: **6** уши имут, и не услышат: ноздри имут, и не обоняют: **7** руце имут, и не осяжут: нозе имут, и не пойдут: не възгласят гортанем своим. **8** Подобни им да будут творящии я и вси надеющиися на ня. **9** Дом Израилев упова на Господа: помощник и защититель им есть. **10** Дом Ааронь упова на Господа: помощник и защититель им есть. **11** Боящиися Господа уповаша на Господа: помощник и защититель им есть. **12** Господь помянув ны благословил есть нас: благословил есть дом Израилев, благословил есть дом Ааронь, **13** благословил есть боящияся Господа, малыя с великими. **14** Да приложит Господь на вы, на вы и на сыны вашя: **15** благословени вы Господеви, сотворшему небо и землю. **16** Небо небесе Господеви, землю же даде сыновом человеческим. **17** Не мертви възхвалят Тя, Господи, ниже вси низходящии во ад: **18** но мы живии благословим Господа отныне и до века.

116 Возлюбих, яко услышит Господь глас моления моего, **2** яко приклони ухо Свое мне: и во дни моя призову. **3** Объяша мя болезни смертныя, беды адовы обретоша мя: скорбь и болезнь обретох и имя Господне призвах: **(Sheol h7585)** **4** о, Господи, избави душу мою: милостив Господь и праведен и Бог наш милует. **5** Храняй младенцы Господь: смирихся, и спасе мя. **6** Обратися, душе моя, в покой твой,

яко Господь благодетельства: 7 яко изят душу мою от смерти, очи мои от слез и нозе мои от поплзновения. 8 Благоугожду пред Господем во стране живых. 10 Веровах, темже возглаголах: аз же смирихся зело. 11 Аз же рех во изступлении моем: всяк человек ложь. 12 Что воздам Господеви о всех, яже воздаде ми? 13 Чашу спасения приму и имя Господне призову: 14 молитвы моя Господеви воздам пред всеми людьми Его. 15 Честна пред Господем смерть преподобных Его. 16 О, Господи, аз раб Твой, аз раб Твой и сын рабыни Твоея: растерзал еси узы моя. 17 Тебе пожру жертву хвалы, и во имя Господне призову. 18 Молитвы моя Господеви воздам пред всеми людьми Его, 19 во дворех дому Господня, посреде тебе, Иерусалиме.

117 Хвалите Господа, вси языцы, похвалите Его, вси людие: 2 яко утвердися милость Его на нас, и истина Господня пребывает во век.

118 Исповедайтесь Господеви, яко благ, яко в век милость Его. 2 Да речет убо дом Израилев: яко благ, яко в век милость Его. 3 Да речет убо дом Ааронь: яко благ, яко в век милость Его. 4 Да рекут убо вси боящися Господа: яко благ, яко в век милость Его. 5 От скорби призвах Господа, и услыша мя в пространство. 6 Господь мне помощник, и не убоюсь: что сотворит мне человек? 7 Господь мне помощник, и аз воззрю на враги моя. 8 Благо есть надеяться на Господа, нежели надеяться на человека: 9 благо есть уповати на Господа, нежели уповати на князи. 10 Все языцы обыдоша мя, и именем Господним противляхся им: 11 обыдешде обыдоша мя, и именем Господним противляхся им: 12 обыдоша мя яко пчелы сот, и разгорешася яко огонь в тернии: и именем Господним противляхся им. 13 Отриновен превратихся пасти, и Господь прият мя. 14 Крепость моя и пение мое Господь, и бысть ми во спасение. 15 Глас радости и спасения в селениих праведных: десница Господня сотвори силу. 16 Десница Господня вознесе мя, десница Господня сотвори силу. 17 Не умру, но жив буду и повем дела Господня. 18 Наказуя наказа мя Господь, смерти же не предаде мя. 19 Отверзите мне врата правды: вшед в ня, исповемся Господеви. 20 Сия врата Господня: праведнии внидут в ня. 21 Исповеся Тебе, яко услышал мя еси и был еси мне во спасение. 22 Камень, егоже небрегоша зиждущи, сей бысть во главу угла: 23 от Господа бысть сей, и есть дивен во очесех наших. 24 Сей день, егоже сотвори Господь, возрадуемся и возвеселимся в онь. 25 О, Господи, спаси же: о, Господи, поспеши же. 26 Благословен грядый во имя Господне: благословихом вы из дому Господня. 27 Бог Господь, и явися нам: составите праздник во учащающих до рог олтаревых. 28 Бог мой еси Ты, и исповеся Тебе: Бог мой еси Ты, и вознесу Тя: исповеся Тебе, яко услышал мя еси и был еси мне во спасение. 29 Исповедайтесь Господеви, яко благ, яко в век милость Его.

119 Блажени непорочнии в путь, ходящии в законе Господни. 2 Блажени испытующии свидения Его, всем сердцем възыщут Его. 3 Не делающии бо беззакония

в путех Его ходиша. 4 Ты заповедал еси заповеди Твоя сохранити зело: 5 дабы исправилися путие мои, сохрании оправдания Твоя. 6 Тогда не постыжуся, внегда призрети ми на вся заповеди Твоя. 7 Исповеся Тебе в правости сердца, внегда научитимися судбам правды Твоея. 8 Оправдания Твоя сохранию: не остави мене до зела. 9 В чем исправит юнейший путь свой? Внегда сохрании словеса Твоя. 10 Всем сердцем моим възысках Тебе: не отрини мене от заповедий Твоих. 11 В сердца моем скрых словеса Твоя, яко да не согрешу Тебе. 12 Благословен еси, Господи: научи мя оправданием Твоим. 13 Устнама моима возвестих уся судбы уст Твоих. 14 На пути свидений Твоих насладихся, яко о всяком богатстве. 15 В заповедех Твоих поглумлюся, и уразумею пути Твоя. 16 Во оправданиях Твоих поучуся: не забуду словес Твоих. 17 Воздаждь рабу Твоему: живи мя, и сохрани словеса Твоя. 18 Открыи очи мои, и уразумею чудеса от закона Твоего. 19 Пришлец аз есмь на земли: не скрый от мене заповеди Твоя. 20 Возлюбил душа моя возжелати судьбы Твоя на всякое время. 21 Запретил еси гордым: проклятии уклоняющися от заповедий Твоих. 22 Отими от мене понос и уничижение, яко свидений Твоих възысках. 23 Ибо седоша князи и на мя клеветашу, раб же Твой глумляшеся во оправданиях Твоих: 24 ибо свидения Твоя поучение мое есть, и совети мои оправдания Твоя. 25 Прильпе земли душа моя: живи мя по словеси Твоему. 26 Пути моя возвестих, и услышал мя еси: научи мя оправданием Твоим. 27 Путь оправданий Твоих вразуми ми, и поглумлюся в чудесех Твоих. 28 Воздрема душа моя от уныния: утверди мя в словесех Твоих. 29 Путь неправды отстави от мене и законом Твоим помилуй мя. 30 Путь истины изволих и судьбы Твоя не забых. 31 Прилепихся свидением Твоим, Господи, не посрами мене. 32 Путь заповедий Твоих текох, егда расширил еси сердце мое. 33 Законоположи мне, Господи, путь оправданий Твоих, и възыщу и выну: 34 вразуми мя, и испытаю закон Твой и сохранию и всем сердцем моим. 35 Настави мя на стезю заповедий Твоих, яко тую восхотех. 36 Приклони сердце мое во свидения Твоя, а не в лихоимство. 37 Отврати очи мои еже не видети суеты: в пути Твоим живи мя. 38 Постави рабу Твоему слово Твое в страх Твой. 39 Отими поношение мое, еже непщевах: яко судьбы Твоя благи. 40 Се, возжелах заповеди Твоя: в правде Твоей живи мя. 41 И да приидет на мя милость Твоя, Господи, спасение Твое по словеси Твоему: 42 и отвецаю поношающим ми слово, яко уповах на словеса Твоя. 43 И не отими от уст моих словесе истинна до зела, яко на судьбы Твоя уповах: 44 и сохранию закон Твой выну, в век и в век века. 45 Ии хождях в широте, яко заповеди Твоя възысках: 46 и глаголах о свидениях Твоих пред цари и не стыдяхся: 47 и поучахся в заповедех Твоих, яже возлюбих зело: 48 и воздвигох руце мои к заповедем Твоим, яже возлюбих, и глумляхся во оправданиях Твоих. 49 Помяни словеса Твоя рабу Твоему, иже упование дал ми еси. 50 То мя утеши во смиреннии моем, яко слово Твое живи мя. 51 Гордии законопреступоваху до зела: от закона же Твоего не уклонихся. 52 Помянух судьбы Твоя от

века, Господи, и утешихся. 53 Печаль прият мя от грешник, оставляющих закон Твой. 54 Пета бяху мне оправдания Твоя на месте пришествия моего. 55 Помянух в нощи имя Твое, Господи, и сохраних закон Твой. 56 Сей бысть мне, яко оправданий Твоих взысках. 57 Часть моя еси, Господи: рех сохраних закон Твой. 58 Помолихся лицу Твоему всем сердцем моим: помилуй мя по словеси Твоему. 59 Помыслих пути Твоя и возвратих нозе мои во свидения Твоя. 60 Уготовихся и не смутихся сохраних заповеди Твоя. 61 Уя грешник обязался мне, и закона Твоего не забых. 62 Полуночи востах исповедатися Тебе о сужбах правды Твоея. 63 Причастник аз есмь всем боящимся Тебе и хранящим заповеди Твоя. 64 Милости Твоея, Господи, исполнь земля: оправданием Твоим научи мя. 65 Благодсть сотворил еси с рабом Твоим, Господи, по словеси Твоему: 66 благодсти и наказанию и разуму научи мя, яко заповедем Твоим веровах. 67 Прежде даже не смиритимися, аз прегреших: сего ради слово Твое сохраних. 68 Благ еси Ты, Господи: и благодстию Твоею научи мя оправданием Твоим. 69 Умножися на мя неправда гордых: аз же всем сердцем моим испытую заповеди Твоя. 70 Усырися яко млеко сердце их: аз же закону Твоему поучихся. 71 Благо мне, яко смирил мя еси, яко да научуся оправданием Твоим. 72 Благ мне закон уст Твоих паче тысяч злата и сребра. 73 Руце Твои сотвористе мя и создасте мя: вразуми мя, и научуся заповедем Твоим. 74 Боящися Тебе узрят мя и возвеселятся, яко на словеса Твоя уповах. 75 Разумех, Господи, яко правда судьбы Твоя, и воистинну смирил мя еси. 76 Буди же милость Твоя, да утешит мя, по словеси Твоему рабу Твоему: 77 да приидут мне щедроты Твоя, и жив буду, яко закон Твой поучение мое есть: 78 да постыдятся горди, яко неправедно беззаконноваша на мя: аз же поглумлюся в заповедех Твоих. 79 Да обратят мя боящися Тебе и ведящии свидения Твоя. 80 Буди сердце мое непорочно во оправданиях Твоих, яко да не постыжуся. 81 Изчезает во спасение Твое душа моя, на словеса Твоя уповах: 82 изчезоша очи мои в слово Твое, глаголюще: когда утетиши мя? 83 Зане бых яко мех на слане: оправданий Твоих не забых. 84 Колико есть дней раба Твоего? Когда сотвориши ми от гонящих мя суд? 85 Поведаша мне законопреступници глумления, но не яко закон Твой, Господи. 86 Вся заповеди Твоя истина: неправедно погнаша мя, помози ми. 87 Вмале не скончаша мене на земли: аз же не оставих заповедий Твоих. 88 По милости Твоей живи мя, и сохраню свидения уст Твоих. 89 Во век, Господи, слово Твое пребывает на небеси. 90 В род и род истина Твоя: основал еси землю, и пребывает. 91 Учинением Твоим пребывает день: яко всяческая работна Тебе. 92 Яко аще бы не закон Твой поучение мое был, тогда убо погибл бых во смирении моем: 93 во век не забуду оправданий Твоих, яко в них оживил мя еси. 94 Твой есмь аз, спаси мя: яко оправданий Твоих взысках. 95 Мене ждаша грешницы погубити мя: свидения Твоя разумех. 96 Всякия кончины видех конец: широка заповедь Твоя зело. 97 Коль возлюбих закон Твой, Господи: весь день поучение мое есть. 98 Паче враг моих умудрил мя еси заповедию Твоею,

яко в век моя есть. 99 Паче всех учащих мя разумех, яко свидения Твоя поучение мое есть. 100 Паче старец разумех, яко заповеди Твоя взысках. 101 От всякаго пути лукава возбранных ногам моим, яко да сохраню словеса Твоя: 102 от судеб Твоих не уклонихся, яко Ты законоположил ми еси. 103 Коль сладка гортани моему словеса Твоя: паче меда устом моим. 104 От заповедий Твоих разумех: сего ради возненавидех всяк путь неправды. 105 Светильник ногама моима закон Твой, и свет стезям моим. 106 Кляхся и поставих сохраних судбы правды Твоея. 107 Смирихся до зела: Господи, живи мя по словеси Твоему. 108 Воляная уст моих благоволи же, Господи, и судбам Твоим научи мя. 109 Душа моя в руку Твоею выну, и закона Твоего не забых. 110 Положиша грешницы сеть мне: и от заповедий Твоих не заблудих. 111 Наследовах свидения Твоя во век, яко радование сердца моего суть: 112 приклоних сердце мое сотворити оправдания Твоя в век за воздаяние. 113 Законопреступныя возненавидех, закон же Твой возлюбих. 114 Помощник мой и заступник мой еси Ты: на словеса Твоя уповах. 115 Уклонитесь от мене, лукавнующии, и испытую заповеди Бога моего. 116 Заступи мя по словеси Твоему, и жив буду: и не посрами мене от чаяния моего: 117 помози ми, и спасуся, и поучуся во оправданиях Твоих выну. 118 Уничжил еси вся отступающыя от оправданий Твоих: яко неправедно помышление их. 119 Преступающыя непщеваях вся грешныя земли: сего ради возлюбих свидения Твоя. 120 Пригвозди страху Твоему плоти моя: от судеб бо Твоих убояхся. 121 Сотворих суд и правду: не предаждь мене обидящим мя. 122 Восприими раба Твоего во благо, да не оклеветают мене горди. 123 Очи мои изчезосте во спасение Твое и в слово правды Твоея: 124 сотвори с рабом Твоим по милости Твоей, и оправданием Твоим научи мя. 125 Раб Твой есмь аз: вразуми мя, и увем свидения Твоя. 126 Время сотворити Господеви: разориша закон Твой. 127 Сего ради возлюбих заповеди Твоя паче злата и топазиа. 128 Сего ради ко всем заповедем Твоим направляхся, всяк путь неправды возненавидех. 129 Дивна свидения Твоя: сего ради испытана душа моя. 130 Явление словес Твоих просвещает и вразумляет младенцы. 131 уста мои отверзох и привлекох дух, яко заповедий Твоих желех. 132 Призри на мя и помилуй мя, по суду любящих имя Твое. 133 Стопы моя направи по словеси Твоему, и да не обладает мною всякое беззаконие: 134 избави мя от клеветы человеческия, и сохраню заповеди Твоя. 135 Лице Твое просвети на раба Твоего и научи мя оправданием Твоим. 136 Исходища водная изведосте очи мои, понеже не сохраних закона Твоего. 137 Праведен еси, Господи, и прави суди Твои: 138 заповедал еси правду свидения Твоя, и истину зело. 139 Истаяла мя есть ревность Твоя: яко забыша словеса Твоя врази мои. 140 Разжжено слово Твое зело, и раб Твой возлюби е. 141 Юнейший аз есмь и уничижен: оправданий Твоих не забых. 142 Правда Твоя правда во век, и закон Твой истина. 143 Скорби и нужди обретоша мя: заповеди Твоя поучение мое. 144 Правда свидения Твоя в век: вразуми мя, и жив буду. 145 Воззвах всем сердцем моим, услыши мя, Господи: оправдания Твоя

взыщу. 146 Воззвах Ти, спаси мя, и сохраню свидения Твоя. 147 Предварих в безгодии и воззвах: на словеса Твоя уповах. 148 Предваристе очи мои ко утру, поучитися словесем Твоим. 149 Глас мой услыши, Господи, по милости Твоей: по судьбе Твоей живи мя. 150 Приблизжишася гонящии мя беззаконием: от закона же Твоего удалишася. 151 Близ еси Ты, Господи, и вси путие Твои истина. 152 Исперва познах от свидений Твоих, яко в век основал я еси. 153 Виждь смирение мое и изми мя: яко закона Твоего не забых. 154 Суди суд мой и избави мя: словесе ради Твоего живи мя. 155 Далече от грешник спасение, яко оправданий Твоих не взыскаша. 156 Щедроты Твоя многи, Господи: по судьбе Твоей живи мя. 157 Мнози изгонящии мя и стужающии ми: от свидений Твоих не уклонихся. 158 Видех неразумевающыя и истаях: яко словес Твоих не сохраниша. 159 Виждь, яко заповеди Твоя возлюбих: Господи, по милости Твоей живи мя. 160 Начало словес Твоих истина, и во век вся судьбы правды Твоя. 161 Князи погнаша мя туне: и от словес Твоих убояся сердце мое. 162 Возрадоую аз о словесех Твоих, яко обретаяй корысть многу. 163 Неправду возненавидех и омерзих: закон же Твой возлюбих. 164 Седмерицею днем хвалих Тя о судьбах правды Твоя. 165 Мир мног любящим закон Твой, и несть им соблазна. 166 Чаях спасения Твоего, Господи, и заповеди Твоя возлюбих. 167 Сохрани душа моя свидения Твоя и возлюби я зело. 168 Сохраних заповеди Твоя и свидения Твоя, яко вси путие мои пред Тобою, Господи. 169 Да приблизится моление мое пред Тя, Господи: по словеси Твоему вразуми мя. 170 Да внидет прошение мое пред Тя: Господи, по словеси Твоему избави мя. 171 Отрыгнут устне мои пение, егда научиши мя оправданием Твоим. 172 Провещает язык мой словеса Твоя, яко вся заповеди Твоя правда. 173 Да будет рука Твоя еже спасти мя, яко заповеди Твоя изволих. 174 Возжелах спасение Твое, Господи, и закон Твой поучение мое есть. 175 Жива будет душа моя и восхвалит Тя: и судьбы Твоя помогут мне. 176 Заблудих яко овча погибшее: взыщи раба Твоего, яко заповедий Твоих не забых.

120 Ко Господу, вегда скорбети ми, воззвах, и услыша мя. 2 Господи, избави душу мою от устен неправедных и от языка льстива. 3 Что дастся тебе, или что приложится тебе к языку льстиву? 4 Стрелы сильного изощренны, со угльми пустынными. 5 Убы мне, яко пришествие мое продолжися, вселихся с селении Кидарскими: 6 много пришлоствова душа моя: с ненавидящими мира бех мирен: 7 егда глаголах им, борящу мя туне.

121 Возведох очи мои в горы, отнюдуже приидет помощь моя. 2 Помощь моя от Господа, сотворшаго небо и землю. 3 Не даждь во смятение ноги твоя, ниже воздремлет храняй тя: 4 се, не воздремлет, ниже уснет храняй Израиля. 5 Господь сохранит тя, Господь покров твой на руку десную твою. 6 Во дни солнце не ожжет тебе, ниже луна нощию. 7 Господь сохранит тя от всякаго зла, сохранит душу твою

Господь: 8 Господь сохранит вхождение твое и исхождение твое, отныне и до века.

122 Возвеселихся о рекших мне: в дом Господень пойдем. 2 Стояще бяху ноги наша во дворех твоих, Иерусалиме. 3 Иерусалим зиждемый яко град, емуже причастие его вкупе. 4 Тамо бо взыдоша колена, колена Господня, свидение Израилево, исповедатися имени Господню: 5 яко тамо седоша престолы на суд, престолы в дому Давидове. 6 Вопросите же яже о мире Иерусалима: и обилие любящим тя. 7 Буди же мир в силе твоей, и обилие в столпостенах твоих. 8 Ради братий моих и ближних моих глаголах убо мир о тебе. 9 Дому ради Господа Бога нашего взысках благая тебе.

123 К Тебе возведох очи мои, Живущему на небеси. 2 Се, яко очи раб в руку господий своих, яко очи рабыни в руку госпожи своя: тако очи наши ко Господу Богу нашему, дондеже ущедрит ны. 3 Помилуй нас, Господи, помилуй нас, яко помногу исполнихомся уничижения: 4 наипаче наполнися душа наша поношения гобзующих и уничижения гордых.

124 Яко аще не Господь бы был в нас, да речет убо Израиль: 2 яко аще не Господь бы был в нас, вегда востати человеком на ны, убо живых пожерли быша нас: 3 вегда прогневатися ярости их на ны, убо вода потопила бы нас. 4 Поток преиде душа наша: 5 убо преиде душа наша воду непостоянную. 6 Благословен Господь, иже не даде нас в ловитву зубом их. 7 Душа наша яко птица избавися от сети ловящих: сеть сокрушися, и мы избавлени быхом. 8 Помощь наша во имя Господа, сотворшаго небо и землю.

125 Надеющися на Господа, яко гора Сион: не подвижится в век живий во Иерусалиме. 2 Горы окрест его, и Господь окрест людей Своих, отныне и до века. 3 Яко не оставит Господь жезла грешных на жребий праведных, яко да не прострут праведнии в беззакония рук своих. 4 Ублажи, Господи, благия и правыя сердцем. 5 Уклоняющыя же в развращения ответед Господь с делающими беззаконие: мир на Израиля.

126 Вегда возвратити Господу плен Сионь, быхом яко утешени. 2 Тогда исполнишася радости уста наша, и язык наш веселия: тогда рекут во языцех: возвеличил есть Господь сотворити с ними. 3 Возвеличил есть Господь сотворити с нами: быхом веселящесе. 4 Возврати, Господи, пленение наше, яко потоки югом. 5 Сеющии слезами, радостию пожут. 6 Ходящии хождуху и плакахуся, метающе семена своя: грядуще же приидут радостию, вземлюще рукоятя своя.

127 Аще не Господь созиждет дом, всуе трудишася зиждущии: аще не Господь сохранит град, всуе бде стрегий. 2 Всуе вам есть утревевати: встанете по седении ядущии хлеб болезни, егда даст возлюбленным Своим сон. 3 Се, достояние Господне сынове, мзда плода чревняго. 4

Яко стрелы в руке сильного, тако сынове оттрясенных. 5 Блажен, иже исполнит желание свое от них: не постыдятся, егда глаголют врагом своим во вратах.

128 Блажени вси боящиися Господа, ходящии в путех Его: 2 труды плодов твоих снеси: блажен еси, и добро тебе будет. 3 Жена твоя яко лоза плодovitа в странах дому твоего: 4 сынове твои яко новосаждения масличная окрест трапезы твоея. 5 Се, тако благословится человек бояйся Господа. 6 Благословит тя Господь от Сиона, и узриши благая Иерусалима вся дни живота твоего, и узриши сыны сынов твоих: мир на Израиля.

129 Множицею брашася со мною от юности моя, да речет убо Израиль: 2 множицею брашася со мною от юности моя, ибо не премогша мя. 3 На хребте моем делаша грешницы, продолжиша беззаконие свое. 4 Господь праведен ссече выя грешников. 5 Да постыдятся и возвратятся вспять вси ненавидящии Сиона: 6 да будут яко трава на здех, яже прежде восторжения изсше: 7 еуже не исполни руки своя зняй, и недра своего рукояти собираяй: 8 и не реша мимоходящии: благословение Господне на вы, благословихом вы во имя Господне.

130 Из глубины возвах к Тебе, Господи: Господи, услыши глас мой. 2 Да будут уши Твои внимлюще гласу моления моего. 3 Аще беззакония назириши, Господи, Господи, кто постоит? 4 Яко у Тебе очищение есть, Имене ради Твоего потерпех Тя 5 Господи, потерпе душа моя в слово Твое: 6 упова душа моя на Господа, от стражи утренния до ночи, от стражи утренния 7 да уповает Израиль на Господа: яко у Господа милость, и многое у Него избавление:

131 Господи, не вознеся сердце мое, ниже вознесется очи мои: ниже ходих в великих, ниже в дивных паче мене. 2 Аще не смиренумудрствовах, но вознесох душу мою, яко отдоеное на мать свою, тако воздася на душу мою. 3 Да уповает Израиль на Господа отныне и до века.

132 Помяни, Господи, Давида и всю кротость его: 2 яко клятся Господеви, обещася Богу Иаковлю: 3 аще вниду в селение дому моего, или възиду на одр постели моя: 4 аще дам сон очима моима, и веждама моима дремание, и покой скраниама моима: 5 дондеже обрящу место Господеви, селение Богу Иаковлю. 6 Се, слышахом я во Евфрафе, обретохом я в полях Дубравы: 7 внидем в селения Его, поклонимся на место, идеже стоясте нозе Его. 8 Воскресени, Господи, в покой Твой, Ты и кивот святыни Твоея. 9 Священницы Твои облукются правдою, и преподобнии Твои возрадуются. 10 Давида ради раба Твоего, не отврати лице помазаннаго Твоего. 11 Клятся Господь Давиду истинною, и не отвержется ея: от плода чрева твоего посажду на престоле твоем. 12 Аще сохранят сынове твои завет Мой и свидения Моя сия, имже научу я, и сынове их до века сядут на престоле твоем. 13 Яко избра Господь Сиона, изволи и в жилище Себе. 14 Сей покой Мой

во век века, zde вселюся, яко изволих и. 15 Ловитву его благословляяй благословлю, нищья его насыщу хлебы: 16 священники его облукю во спасение, и преподобнии его радостию возрадуются. 17 Тамо возвращу рог Давидови, уготовах светильник помазанному Моему. 18 Враги его облукю стыдом, на немже процветет святыня моя.

133 Се, что добро, или что красно, но еже жити братии вкупе? 2 Яко миро на главе, сходящее на браду, браду Аарону, сходящее на ометы одежды его: 3 яко роса Аермонская сходящая на горы Сионския: яко тамо заповеда Господь благословение и живот до века.

134 Се, ныне благословите Господа, вси раби Господни, стоящии в храме Господни, во дворех дому Бога нашего. 2 В ноцех воздежите руки ваша во святая и благословите Господа. 3 Благословит тя Господь от Сиона, сотворивый небо и землю.

135 Хвалите имя Господне, хвалите, раби Господа, 2 стоящии во храме Господни, во дворех дому Бога нашего. 3 Хвалите Господа, яко благ Господь: пойте имени Его, яко добро: 4 яко Иакова избра Себе Господь, Израиля в достояние Себе: 5 яко аз познах, яко велий Господь, и Господь наш над всеми боги: 6 вся, елика восхоте Господь, сотвори на небеси и на земли, в морях и во всех безднах. 7 Возвода облаки от последних земли, молнии в дождь сотвори, изводяй ветры от сокровищ Своих. 8 Иже порази первенцы Египетския от человека до скота: 9 посла знамения и чудеса посреде тебе, Египте, на фараона и на вся рабы его. 10 Иже порази языки многи и изби цари крепки: 11 Сиона царя Аморрейска и Ога царя Васанска, и вся царствия Ханаанска: 12 и даде землю их достояние, достояние Израилю людем Своим. 13 Господи, имя Твое в век, и память Твоя в род и род: 14 яко судити имать Господь людем Своим, и о рабех Своих умолится. 15 Идоли язык сребро и злато, дела рук человеческих: 16 уста имут, и не възглаголют: очи имут, и не узрят: 17 уши имут, и не услышат: ниже бо есть дух во устех их. 18 Подобни им да будут творящии я и вси надеющии на ня. 19 Доме Израилев, благословите Господа: доме Ааронь, благословите Господа: доме Левин, благословите Господа: 20 боящиися Господа, благословите Господа. 21 Благословен Господь от Сиона, живый во Иерусалиме.

136 Исповедайтеся Господеви, яко благ: яко в век милость Его. 2 Исповедайтеся Богу богов: яко в век милость Его. 3 Исповедайтеся Господеви господей: яко в век милость Его. 4 Сотворшему чудеса велия единому: яко в век милость Его. 5 Сотворшему небеса разумом: яко в век милость Его. 6 Утвердившему землю на водах: яко в век милость Его. 7 Сотворшему светила велия единому: яко в век милость Его: 8 солнце во область дне: яко в век милость Его: 9 луну и звезды во область нощи: яко в век милость Его. 10 Поразившему Египта с первенцы его: яко в век милость Его: 11 и изведшему Израиля от среды их: яко в век милость Его: 12 рукою крепкою и мышцею высокою: яко в век милость

Его. 13 Раздельшему Черное море в разделения: яко в век милость Его: 14 и проведшему Израила посреде его: яко в век милость Его: 15 и истрясшему фараона и силу его в море Черное: яко в век милость Его. 16 Проведшему люди Своя в пустыни: яко в век милость Его. 17 Поразившему цари велия: яко в век милость Его. 18 И убившему цари крепкия: яко в век милость Его: 19 Сиона царя Аморрейска: яко в век милость Его: 20 и Ога царя Васанска: яко в век милость Его. 21 И давшему землю их достояние: яко в век милость Его: 22 достояние Израилю рабу Своему: яко в век милость Его. 23 Яко во смиреннии нашем помяну ны Господь: яко в век милость Его. 24 И избавил ны есть от врагов наших: яко в век милость Его: 25 даяй пищу всякой плоти: яко в век милость Его. 26 Исповедайтесь Богу небесному: яко в век милость Его.

137 На реках Вавилонских, тамо седохом и плакахом, вегда помянути нам Сиона: 2 на вербих посреде его обесихом органы наша. 3 Яко тамо вопрошиша ны пленшии нас о словесех песней, и ведшии нас о пении: воспойте нам от песней Сионских. 4 Какое воспоем песнь Господню на земли чуждей? 5 Аще забуду тебе, Иерусалиме, забвена буди десница моя. 6 Прильпни язык мой гортани моему, аще не помяну тебе, аще не предложу Иерусалима, яко в начале веселия моего. 7 Помяни, Господи, сыны Едомския в день Иерусалимль глаголющия: истощайте, истощайте до оснований его. 8 Дщи Вавилоня окаянная, блажен, иже воздаст тебе воздаяние твое, еже воздала еси нам: 9 блажен, иже имет и разбьет младенцы твоя о камень.

138 Исповемся Тебе, Господи, всем сердцем моим, и пред ангелы воспою Тебе, яко услышал еси вся глаголы уст моих: 2 поклонюся ко храму святому Твоему и исповемся имени Твоему о милости Твоей и истине Твоей, яко возвеличил еси над всем имя Твое святое. 3 В оньже аще день призову Тя, скоро услыши мя: умножиши мя в души моей силою Твоею. 4 Да исповедятся Тебе, Господи, вси царие земстии, яко услышаша вся глаголголы уст Твоих: 5 и да воспоют в путех Господних, яко велия слава Господня: 6 яко высок Господь, и смиренныя призирает, и высокая издалеча вест. 7 Аще пойду посреде скорби, живиши мя: на гнев враг моих простерл еси руку Твою, и спасе мя десница Твоя. 8 Господь воздаст за мя: Господи, милость Твоя во век: дел руку Твоею не презри.

139 Господи, искусил мя еси и познал мя еси: ты познал еси седание мое и востание мое. 2 Ты разумел еси помышления моя издалеча: 3 стезю мою и уже мое Ты еси изследовал и вся пути моя провидел еси. 4 Яко несть льсти в языке моем: се, Господи, Ты познал еси 5 вся последняя и древняя: Ты создал еси мя и положил еси на мне руку Твою. 6 Удивися разум Твой от мене, утвердися, не возмогу к нему. 7 Камо пойду от Духа Твоего? И от лица Твоего камо бегу? 8 Аще възду на небо, Ты тамо еси: аще сниду во ад, тамо еси. (Sheol h7585) 9 Аще возму

криле мои рано и вселюся в последних моря, 10 и тамо бо рука Твоя наставит мя, и удержит мя десница Твоя. 11 И рех: еда тма поперет мя? И ноць просвещение в сладости моей. 12 Яко тма не помрачится от Тебе, и ноць яко день просветится: яко тма ея, тако и свет ея. 13 Яко Ты создал еси утробы моя, восприял мя еси из чрева матери моея. 14 Исповемся Тебе, яко страшно удивился еси: чудна дела Твоя, и душа моя знает зело. 15 Не утаися кость моя от Тебе, юже сотворил еси в тайне, и состав мой в преисподних земли. 16 Несоделанное мое видесте очи Твои, и в низне Твоей вси напишутся: во днех соизждутся, и никтоже в них. 17 Мне же зело честни быша друзи Твои, Боже, зело утвердишася владычества их: 18 изочути их, и паче песка умножатся: востях, и еще есмь с Тобою. 19 Аще избиеши грешники, Боже: мужие кровей, уклонитесь от мене. 20 Яко ревниви есте в помышлениях, примут в свету грады Твоя. 21 Не ненавидящия ли Тя, Господи, возненавидех, и о вразех Твоих истаях? 22 Совершенною ненавистию возненавидех я: во враги быша ми. 23 Искуси мя, Боже, и увещь сердце мое: истяжи мя и разумеи стези моя: 24 и видь, аще путь беззакония во мне, и настави мя на путь вечен.

140 Изми мя, Господи, от человека лукава, от мужа неправедна избави мя: иже помыслиша неправду в сердцы, весь день ополчаю брани: 2 изостриша язык свой яко змии: яд аспилов под устнами их. 3 Сохрани мя, Господи, из руки грешничи, от человек неправедных изми мя, иже помыслиша запяты стопы моя. 4 Скрыша гордии сеть мне и ужы, преляша сеть ногама моима: 5 при стези соблазны положиша ми. 6 Рех Господеву: Бог мой еси Ты, внуши, Господи, глас моления моего. 7 Господи, Господи, сило спасения моего, осенил еси над главою моею в день брани. 8 Не предаждь мене, Господи, от желания моего грешнику: помыслиша на мя, не остави мене, да не когда вознесутся. 9 Глава окружения их, труд устен их покрывает я. 10 Падут на них углия огненная, низложиши я во страстех, и не постоят. 11 Муж язычен не исправится на земли: мужа неправедна злая увоят во истление. 12 Познах, яко сотворит Господь суд нищым и месть убогим. 13 Обаче праведнии исповедятся имени Твоему, и вселятся правии с лицом Твоим.

141 Господи, возвах к Тебе, услыши мя: вонми гласу моления моего, вегда воззвати ми к Тебе. 2 Да исправится молитва моя яко кадило пред Тобою: воздеяние руку моею, жертва вечерняя. 3 Положи, Господи, хранение устом моим и дверь ограждения о устах моих. 4 Не уклони сердце мое в словеса лукавствия, непщевати вины о гресех с человеки делающими беззаконие: и не сочтуса со избранными их. 5 Накажет мя праведник милостию и обличит мя, елей же грешнаго да не намастит главы моея: яко еще и молитва моя во благоволениях их. 6 Пожертвы быша при камени судии их: услышатся глаголы мои, яко возмогоша. 7 Яко толца земли проседеса на земли, расточишася кости их при аде. (Sheol h7585) 8 Яко к Тебе, Господи, Господи, очи мои: на Тя уповах, не отими душу

мою: 9 сохрани мя от сети, юже составиша ми, и от соблазн делающих беззаконие. 10 Падут во мрежу свою грешницы: един есмь аз, дондеже преяду.

142 Разума Давиду, внегда быти ему в вертеле молящемуся. 2 Гласом моим ко Господу воззвах, гласом моим ко Господу помолихся. 3 Пролию пред Ним моление мое, печаль мою пред ним возвещу. 4 Внегда исчезати от мене духу моему, и ты познал еси стези моя: на пути сем, по немуже хождах, скрыша сеть мне. 5 Смотрих одесную и взглядах, и не бе знайя мене: погибе бегство от мене, и несть взыскайя душу мою. 6 Воззвах к Тебе, Господи, рех: Ты еси упование мое, часть моя еси на земли живых. 7 Вонми молению моему, яко смирихся зело: избави мя от гонящих мя, яко укрепилхся паче мене. Изведи из темницы душу мою, исповедатися имени Твоему: мене ждуть праведницы, дондеже воздаси мне.

143 Господи, услыши молитву мою, внуши моление мое во истине Твоей, услыши мя в правде Твоей: 2 и не вниди в суд с рабом Твоим, яко не оправдится пред Тобою всяк живой. 3 Яко погна враг душу мою: смирил есть в землю живот мой: посадил мя есть в темных, яко мертвый века. 4 И уны во мне дух мой, во мне смятется сердце мое. 5 Помянух дни древния, поучихся во всех делех Твоих, в творениих руку Твоею поучахся. 6 Воздох к Тебе рече мои: душа моя яко земля безводная Тебе. 7 Скоро услыши мя, Господи, исчезе дух мой: не отврати лица Твоего от мене, и уподоблюся низходящым в ров. 8 Слышану сотвори мне завтра милость Твою, яко на Тя уповах: скажи мне, Господи, путь, в онже пойду, яко к Тебе взях душу мою. 9 Изми мя от враг моих, Господи, к Тебе прибегах. 10 Научи мя творити волю Твою, яко Ты еси Бог мой: Дух Твой благий наставит мя на землю праву. 11 Имене Твоего ради, Господи, живиши мя правдою Твоею: изведеш от печали душу мою: 12 и милостию Твоею потребиши враги моя и погубиши вся стужающыя души моей: яко аз раб Твой есмь.

144 Благословен Господь Бог мой, научаяя рече мои на ополчение, персты моя на брань. 2 Милость моя и прибежище мое, заступник мой и Избавитель мой, защититель мой, и на Него уповах: повинуйя люди моя под мя. 3 Господи, что есть человек, яко познался еси ему? Или сын человек, яко вменяеши его? 4 Человек суете уподобися: дние его яко сень переходят. 5 Господи, преклони небеса, и сниди: коснися горам, и воздымятся: 6 блесни молнию, и разженеши я: послы стрелы Твоя, и смятеши я. 7 Посли руку Твою с высоты, изми мя и избави мя от вод многих, из руки сынов чуждых, 8 и ихже уста глаголаша суету, и десница их десница неправды. 9 Боже, песнь нову воспой Тебе, во псалтири десятиструннем пою Тебе: 10 дающему спасение царем, избавляющему Давида раба Своего от меча люта. 11 Избави мя и изми мя из руки сынов чуждых, ихже уста глаголаша суету, и десница их десница неправды: 12 ихже сынове их яко новосаждения водруженая в юности своей, дщери их удобрены, преукрашены яко подобие храма:

13 хранилища их исполнена, отрыгающая от сего в сие: овцы их многоплодны, множащыяся во исходящих своих: волове их толсти: 14 несть падения оплоту, ниже прохода, ниже вопля в стогнах их. 15 Ублажиша люди, имже сия суть: блажени людие, имже Господь Бог их.

145 Вознесу Тя, Боже мой, Царю мой, и благословлю имя Твое во век и в век века. 2 На всяк день благословлю Тя, и восхваляю имя Твое во век и в век века. 3 Велий Господь и хвален зело, и величию Его несть конца. 4 Род и род восхвалят дела Твоя и силу Твою возвестят: 5 великолепие славы святыни Твоея возглаголют и чудеса Твоя поведят: 6 и силу страшных Твоих рекут и величие Твое поведят: 7 память множества благости Твоея отрыгнут и правдою Твоею возрадуются. 8 Щедр и милостив Господь, долготерпелив и многомилостив. 9 Благод Господь всяческим, и щедроты Его на всех делех Его. 10 Да исповедатся Тебе, Господи, вся дела Твоя, и преподобнии Твои да благословят Тя: 11 славу царствия Твоего рекут и силу Твою возглаголют, 12 сказати сыновом человеческим силу Твою и славу великолепия царствия Твоего. 13 Царство Твое царство всех веков, и владычество Твое во всяком роде и роде: верен Господь во всех словесех Своих и преподобен во всех делех Своих. 14 Утверждает Господь вся низпадающыя и возставляет вся низверженныя. 15 Очи всех на Тя уповают, и Ты даеши им пищу во благовремении: 16 отверзаеши ты руку Твою и исполняеши всякое животнo благоволения. 17 Праведен Господь во всех путех Своих и преподобен во всех делех Своих. 18 Близ Господь всем призывающым Его, всем призывающым Его во истине: 19 волю боящихся Его сотворит, и молитву их услышит, и спасет я. 20 Хранит Господь вся любящыя Его, и вся грешники потребит. 21 Хвалу Господню возглаголют уста моя: и да благословит всяка плоть имя святое Его во век и в век века.

146 Хвали, душе моя, Господа: 2 восхваляю Господа в животе моем, пою Богу моему, дондеже есмь. 3 Не надейтесь на князи, на сыны человеческия, в нихже несть спасения. 4 Изыдет дух его, и возвратится в землю свою: в той день погибнут вся помышления его. 5 Блажен, емуже Бог Иаковль помощник его, упование его на Господа Бога своего, 6 сотворшаго небо и землю, море, и вся, яже в них: хранящаго истину во век, 7 творящаго суд обидимым, дающаго пищу алчущым. Господь решит окованныя: 8 Господь умудряет слепцы: Господь возводит низверженныя: Господь любит праведники. 9 Господь хранит пришельцы, сира и вдову приимет, и путь грешных погубит. 10 Воцарится Господь во век, Бог твой, Сионе, в род и род.

147 Хвалите Господа, яко благ псалом: Богови нашему да усладится хваление. 2 Жиждай Иерусалима Господь: разсеяния Израилева соберет: 3 изцеляяя сокрушенныя сердцем и обязуяя сокрушения их: 4 изчитаяя множество звезд, и всем им имена нарицаая. 5 Велий Господь наш, и велия крепость Его, и разума Его несть числа. 6 Приемляя кроткия Господь, смиряяя же грешники до земли.

7 Начните Господеви во исповедании, пойте Богу нашему в гуслах: 8 одевающему небо облаки, уготовляющему земли дождь: прозябающему на горах траву и злак на службу человеком: 9 дающему скотом пищу их, и птенцем врановым призывающим Его. 10 Не в силе констей восхощет, ниже в лыстех мужеских благоволит: 11 благоволит Господь в боящихся Его и во уповающих на милость Его. 12 Похвали, Иерусалиме, Господа, хвали Бога твоего, Сионе: 13 яко укрепи верей врат твоих, благослови сыны твоя в тебе. 14 Полагаяй пределы твоя мир, и тука пшенична насыщай тя: 15 посылай слово Свое земли, до скорости течет слово Его, 16 дающего снег свой яко волну, мглу яко пепел посыпающего, 17 метаящего голоть Свой яко хлебы: противу лица мраза Его кто постоит? 18 Послет слово Свое, и истает я: дхнет дух Его, и потекут воды. 19 Возвещаяй слово Свое Иакову, оправдания и судьбы Своя Израилеви: 20 не сотвори тако всякому языку, и судьбы Своя не яви им.

148 Хвалите Господа с небес, хвалите Его в вышних.
2 Хвалите Его вси Ангели Его: хвалите Его, вся силы Его. 3 Хвалите Его, солнце и луна: хвалите Его вся звезды и свет. 4 Хвалите Его, небеса небес и вода, яже превыше небес. 5 Да восхвалят имя Господне: яко Той рече, и быша: Той повеле, и создашася. 6 Постави я в век и в век века: повеление положи, и не мимо идет. 7 Хвалите Господа от земли, змиеве и вся бездны: 8 огонь, град, снег, голоть, дух бурен, творящая слово Его: 9 горы и вси холми, древа плодоносна и вси кедри: 10 зверие и вси скоти, гади и птицы пернаты: 11 царие земстии и вси людие, князи и вси судии земстии: 12 юноши и девы, старцы с юнотами. 13 Да восхвалят имя Господне: яко вознесется имя Того единого, исповедание Его на земли и на небеси. 14 И вознесет рог людей Своих: песнь всем преподобным Его, сыновом Израилевым, людем приближающимся Ему.

149 Воспойте Господеви песнь нову: хваление Его в церкви преподобных. 2 Да возвеселится Израиль о сотворшем его, и сынове Сиони возрадуются о Цари своем. 3 Да восхвалят имя Его в лице, в тимпане и псалтири да поют Ему. 4 Яко благоволит Господь в людех Своих, и вознесет кроткия во спасение. 5 Восхвалятся преподобнии во славе и возрадуются на ложах своих. 6 Возношения Божия в гортани их, и мечи обоюду остры в руках их: 7 сотворити отмщение во языцех, обличения в людех: 8 связати цари их путы, и славныя их ручными оковы железными: 9 сотворити в них суд написан. Слава сия будет всем преподобным Его.

150 Хвалите Бога во святых Его, хвалите Его во утверждении силы Его: 2 хвалите Его на силах Его, хвалите Его по множеству величества Его: 3 хвалите Его во гласе трубнем, хвалите Его во псалтири и гуслах: 4 хвалите Его в тимпане и лице, хвалите Его во струнах и органе: 5 хвалите Его в кимвалех доброголасных, хвалите Его в кимвалех восклицания. 6 Всякое дыхание да хвалит Господа.

Притчи Соломона

1 Притчи Соломона сына Давидова, иже царствова во Израили, 2 познати премудрость и наказание и уразумети словеса мудрости, 3 прияти же извятия словес и разрешения гаданий, уразумети же правду истинную и суд исправляти: 4 да даст незлобивым коварство, отrotchати же юну чувство же и смысл. 5 Сих бо послушав, мудрый премудрее будет, а разумный строителство стяжет: 6 уразумет же притчу и темное слово, речения же премудрых и гадания. 7 Начало премудрости страх Господень, разум же благ всем творящим его: благочестие же в Бога начало чувства, премудрость же и наказание нечестивии уничтожат. 8 Слыши, сыне, наказание отца твоего и не отрини заветов матере твоея: 9 венец бо благодатей приимеши на твоём версе и гривну злату о твоей выи. 10 Сыне, да не прельстят тебе мужие нечестивии, ниже да восхощеши, 11 аще помолят тя, глаголюще: иди с нами, приобщися крове, скроем же в землю мужа праведна неправедно: 12 пожрем же его якоже ад жива, и возмем память его от земли, (Sheol h7585) 13 стяжание его многоценное приимем, исполним же дома наша корыстей: 14 жребий же твой положи с нами: обще же влагалище стяжем вси, и мешец един да будет всем нам. 15 Не иди в путь с ними: уклони же ногу твою от стезь их: 16 нозе бо их на зло текут, и скоры суть излияти кровь. 17 Не без правды бо простираются мрежи пернатым: 18 ти бо убийству приобщающесе, сокровищствуют себе злая: разрушение же мужей законопреступных зло. 19 Сии путие суть всех творящих беззаконная: нечестием бо свою душу отемлют. 20 Премудрость во исходех поется, в стогах же дерзновение водит, 21 на краех же стен проповедуется, у врат же сильных приседит, во вратех же града держающих глаголет: 22 елико убо время незлобивии держатся правды, не постыдятся: безумнии же досады суще желателние, нечестивии бывше, возненавидеша чувство 23 и повинни быша обличением. Се, предложу вам моего дыхания речение, научу же вас моему словеси. 24 Понеже звах, и не послушасте, и простирах словеса, и не внимасте, 25 но отместасте моя советы и моим обличением не внимасте: 26 убо и аз вашей погибели посмеюся, порадоюся же, егда приидет вам пагуба, 27 и егда приидет на вы внезапно мятеж, низвращение же подобно бури приидет, или егда приидет вам печаль и градоразорение, или егда найдёт на вы пагуба. 28 Будет бо егда призовете мя, аз же не послушаю вас: взыщут мене злии и не обрящут. 29 Возненавидеша бо премудрость, словесе же Господня не прияша: 30 ниже хотеша внимати моим советом, ругахуся же моим обличением. 31 Темже снудят своих путей плоды и своего нечестия насытятся: 32 ибо, зане обидеша младенцев, убиени будут, и истязание нечестивыя погубит. 33 Мене же слушаая вселится на уповании и почитет без страха от всякого зла.

2 Сыне, аще приим глагол моя заповеди, скроеши в себе, 2 послушает премудрости твое ухо, и приложиши сердце твое к разуму: приложиши же е в наказание сыну

твоему. 3 Аще бо премудрость призовеши и разуму даси глас твой, чувство же възыщеши великим гласом, 4 и аще възыщеши ея яко сребра, и якоже сокровища испытаеши ю: 5 тогда уразумееши страх Господень и познание Божие обрящеши: 6 яко Господь дает премудрость, и от лица Его познание и разум: 7 и сокровищствует исправляющим спасение, защищает же шестие их, 8 еже сохранить пути оправданий, и путь благоговействующих Его сохранит. 9 Тогда уразумееши правду и суд и исправиши вся стези благая. 10 Аще бо приидет премудрость в твою мысль, чувство же твоей души добро быти возмнится. 11 Совет добр сохранит тя, помышление же преподобное соблюдет тя, 12 да избавит тя от пути злаго и от мужа, глаголюща ничтоже верно. 13 О, оставившии пути правыя, еже ходити в путех тмы! 14 О, веселящихся о злых и радующихся о развращении злем! 15 Ихже стези стропотны, и крива течения их, еже далече тя сотворити от пути права, 16 и чужда от праведнаго разума. Сыне, да ты не постигнет совет злый, 17 оставляяй учение юности, и завета Божественнаго забывый: 18 постави бо при смерти дом свой и при аде с земными деяния своя. (questioned) 19 Все ходящии по нему не возвратятся, ниже постигнут стезь правых: ни бо достигнут лет жизни. 20 Аще бо быша ходили в стези благая, обрели убо быша стези правы гладки: блази будут жителие на земли, незлобивии же останут на ней: 21 яко правии вселятся на земли, и преподобнии останут на ней. 22 Путие нечестивых от земли погибнут, пребеззаконнии же изринутся от нея.

3 Сыне, моих законов не забывай, глаголы же моя да соблюдает твое сердце: 2 долготу бо жития и лета жизни и мир приложат тебе. 3 Милостыни и вера да не оскудевают тебе: обложи же я на твоей выи и напиши я на скрижали сердца твоего: и обрящеши благодать. 4 И промышляй добрая пред Господом (Богом) и человеки. 5 Буди уповая всем сердцем на Бога, о твоей же премудрости не возносися: 6 во всех путех твоих познавай ю, да исправляет пути твоя. 7 Не буди мудр о себе: бойся же Бога и уклоняйся от всякого зла: 8 тогда изцеление будет телу твоему и уврачевание костем твоим. 9 Чти Господа от праведных твоих трудов и начатки давай ему от твоих плодов правды: 10 да исполнятся житницы твоя множеством пшеницы, вино же точила твоя да источают. 11 Сыне, не пренебрегай наказания Господня, ниже ослабевай от Него обличаемь: 12 егоже бо любит Господь, накажет, биег же всякого сына, егоже приемлет. 13 Блажен человек, иже обрете премудрость, и смертен, иже уведет разум. 14 Лучше бо сию куповати, нежели злата и сребра сокровища: 15 честнейша же есть камней многоценных: не сопротивляется ей ничтоже лукаво, благозлатна есть всем приближающимся ей: всяко же честное недостойно ея есть. 16 Долгота бо жития и лета жизни в деснице ея, в шуйце же ея богатство и слава: от уст ея исходит правда, закон же и милость на языке носит. 17 Путие ея путие добри, и вся стези ея мирны. 18 Древо живота есть всем держащимся ея, и воскланяющимся на ню, яко на Господа,

тверда. 19 Бог премудростию основа землю, уготова же небеса разумом: 20 в чувстве Его бездны разверзошася, облацы же источиша росу. 21 Сыне, да не преминеши, соблюди же мой совет и мысль: 22 да жива будет душа твоя, и благодать будет на твоей выи: (будет же изцеление плотем твоим и уврачевание костем твоим:) 23 да ходиши надеясь в мире во всех путех твоих, нога же твоя не поткнется. 24 Аще бо сядеши, безбоязнен будеши, аще же поспиши, сладостно поспиши. 25 И не убоишися страха нашедшаго, ниже устремления нечестивых находящаго: 26 Господь бо будет на всех путех твоих и утвердит ногу твою, да не поползнешися. 27 Не отречься благотворити требующему, егда имать рука твоя помогати. 28 Не рцы: отшед возвратися, и завтра дам, сильну ти сущу благотворити: не веси бо, что породит день находяй. 29 Не солпетаи на друга твоего зла, пришелца суща и уповающа на тя. 30 Не враждуй на человека туне, да не что на тя содеет злое. 31 Не стяжи злых мужей поношения, ни возревнуй путем их. 32 Нечист бо пред Господом всяк законопреступник и с праведными не сочетается. 33 Клятва Господня в домех нечестивых, двory же праведных благословляются. 34 Господь гордым противится, смиренным же дает благодать. 35 Славу премудрии наследят, нечестивии же вознесоша беззачестие.

4 Послушайте, дети, наказания отча и внимлите разумети помышление, 2 дар бо благий дарую вам: моего закона не оставляйте. 3 Сын бо бых и аз отцу послушливый, и любимый пред лицом матери, 4 иже глаголаша и учиша мя: да утверждается наше слово в вашем сердцы: храни заповеди, не забывая: 5 стяжи премудрость, стяжи разум: не забуди, ниже презри речения моих уст, ниже уклониися от глагол уст моих. 6 Не остави ея, и имется тебе: возжелей ея, и соблюдет тя. 7 Начало премудрости: стяжати премудрость, и во всем стяжании твоём стяжи разум. 8 Огради ю, и вознесет тя: почти ю, да тя оымет, 9 да даст главе твоей венец благодатей, венцем же сладости защитит тя. 10 Слыши, сыне, и приими моя словеса, и умножатся лета живота твоего, да ти будут мнози путие жития. 11 Путем бо премудрости учу тя, наставляю же тебе на течения правая: 12 аще бо ходиши, не запнутся стопы твоя: аще ли течеши, не утрудитишия. 13 Имися моего наказания, не остави, но сохрани е себе в жизнь твою. 14 На пути нечестивых не иди, ниже возревнуй путем законопреступных. 15 На немже аще месте воя соберут, не иди тамо: уклониися же от них и измени: 16 не уснут бо, аще зла не сотворят: отимется сон от них, и не спят: 17 тии бо питаются пищею нечестия, вином же законопреступным упиваются. 18 Путие же праведных подобне свету светятся: предходят и просвещают, дондеже исправится день. 19 Путие же нечестивых темни: не ведят, како претькаются. 20 Сыне, моим глаголом внимай, к моим же словесем прилагай ухо твое: 21 да не оскудеют ти источницы твои, храни я в сердцы твоём: 22 живот бо суть всем обретающим я и всей плоти их изцеление. 23 Всяцем хранением блюди твое сердце: от сих бо исходца живота. 24 Отими от себе строптива уста, и обидливы устне далече

от тебе отрини. 25 Очи твои право да зрят, и вежди твои да помавают праведная. 26 Права течения твори твоима ногама и пути твоя исправляй. 27 Не уклониися ни на десно, ни на шуе: отврати же ногу твою от пути зла:

5 Сыне, моей премудрости внимай, к моим же словесем прилагай ухо твое, 2 да сохраниши мысль благоую: чувство же моих устен заповедает тебе. 3 Не внимай злей же: мед бо каплет от устен жены блудницы, яже на время наслаждает твой гортань: 4 последи же горчае желчи обрящеши, и изощренну паче меча обоюду остра: 5 безумия бо нозе низводят употребляющих ю со смертию во ад, стопы же ея не утверждаются: (Sheol h7585) 6 на пути бо животныя не находит, заблуждена же течения ея и неблагоприятна. 7 Ныне убо, сыне, послушай мене и не отриновенна сотвори моя словеса: 8 далече от нея сотвори путь твой и не приближися ко дверем домов ея, 9 да не предаст иным живота твоего, и твоего жития немилостивым, 10 да не насытятся инии твоея крепости, твои же труды в домы чуждыя внидут, 11 и расквасиши на последок твой, егда иструтся плоти тела твоего, и речеши: 12 како возненавидех наказание, и от обличений уклониися сердце мое? 13 Не послушах гласа наказующаго мя, и ко учащему мя не прилагах уха моего: 14 вмале бех во всячем зле посреде церкви и сонмища. 15 Сыне, пей воды от своих сосудов и от твоих кладенцев Источника: 16 да преизливаются тебе воды от твоего источника, во твоя же пути да происходят твоя воды. 17 Да будут тебе единому имения, и да никтоже чуждь причастится тебе. 18 Источник твоея воды да будет тебе твой, и веселися с женою, яже от юности твоея: 19 елень любви и жребя твоих благодатей да беседует тебе, твоя же да предидет тебе и да будет с тобою во всяко время: в дружбе бо сея спребываяя умножен будеши. 20 Не мног буди к чуждей, ниже объят буди объятии не твоея: 21 пред очима бо суть Божиима путие мужа, вся же течения его низирает. 22 Законопреступления мужа уловляют: пленицами же своих грехов кийждо затягается. 23 Сей скончается с ненаказанными: от множества же своего жития извержется и погибает за безумие.

6 Сыне, аще поручишися за твоего друга, предаши твою руку врагу. 2 Сеть бо крепка мужу свои устне, и пленяется устнами своих уст. 3 Твори, сыне, яже аз заповедую ти, и спасайся: идиши бо в руке злых за твоего друга: буди не ослабевая, поощряй же и твоего друга, егоже испорчил еси. 4 Не даждь сна твоима очима, ниже да въздремлещи твоима веждама, 5 да спасешися аки серна от тенет и яко птица от сети. 6 Иди ко мравию, о, лениве, и поревнуй видеви пути его, и буди онаго мудрейший: 7 он бо, не сущу ему земледелцу, ниже нудящаго его имей, ниже под владыкою сый, 8 готовит в жатву пишу и многое в лето творит уготовование. Или иди ко пчеле и увеждь, коль делателница есть, делание же коль честное творит: еяже трудов царие и простии во здравие употребляют, любима же есть всеми и славна: аще силою и немощна сущи, (но) премудростию почтена произведется. 9 Доколе, о, лениве, лежиши? Когда же от сна востанеши?

10 Мало убо спиши, мало же седиши, мало же дремлеши, мало же объемлеши перси рукама: 11 потом же найдет тебе аки зол путник убожество: скудость же аки благий течец. Аще же не ленив будеши, придет яко источник жатва твоя, скудость же аки злый течец (от тебе) отбегит. 12 Муж безумен и законопреступный ходит в пути не благи: 13 той же намизает оком и знамение дает ногою, учит же помаванием перстов. 14 Развращенно же сердце кует злая: на всякое время таковой мятежи составляет граду. 15 Сего ради внезапно приходит ему погибель, разсечение и сокрушение неизцельное. 16 Емо радуется о всех, ихже ненавидит Бог, сокрушается же за нечистоту души: 17 око досадителя, язык неправедный, руце проливающа кровь праведнаго, 18 и сердце кующее мысли злы, и нозе тшщяся зло творити потребятся. 19 Разжизает лжы свидетель неправеден и насылает суды посреде братий. 20 Сыне, храни законы отца твоего и не отрини наказания матери твоея: 21 навяжи же я на твою душу присно и обяжи их о твоей выи. 22 Егда ходиши, води ю, и с тобою да будет: егда же спиши, да хранит тя, да встающе ти глаголет с тобою. 23 Зане светилник заповедь закона и свет, и путь жизни, и обличение, и наказание, 24 еже сохрани ти от жены мужаты и от наваждения языка чуждаго. 25 Сыне, да не победит тя доброты похоть, ниже уловлен буди твоима очима, ниже да совосхитишися веждами ея. 26 Цена бо блудницы, елика единого хлеба: жена же мужей честных души уловляет. 27 Вяжет ли кто огонь в недра, риз же (своих) не сожжет ли? 28 Или ходит кто будет на углиех огненных, ног же не сожжет ли? 29 Тако шведый к жене мужатей не без вины будет, ниже всяк прикасайся ей. 30 Не дивно, аще кто ят будет крадый: крадет бо, да насытит душу свою алчущую: 31 аще же ят будет, воздаст седмерицею, и вся имения своя дав, избавит себе. 32 Прелюбодей же за скудость ума погибель души своей содевает, 33 болезни же и безчестие понесет: поношение же его не заглядится во век: 34 исполнена бо ревности ярость мужа ея: не пощадит в день суда, 35 не изменит ни единою ценою вражды, ниже разрешится многими дарми.

7 Сыне, храни моя словеса, моя же заповеди скрый у себе. Сыне, чти Господа, и укрепилися: кроме же Его не бойся иного. 2 Храни моя заповеди, и поживеши, словеса же моя яко зеницы очию: 3 обложи же ими твоя персты, напиши же я на скрижали сердца твоего. 4 Нарцы премудрость сестру тебе быти, разум же знаемь сотвори тебе, 5 да тя соблюдет от жены чуждия и лукавья, аще тя словесы льстивыми облагати начнет: 6 оконцем бо из дому своего на пути причини, 7 егоже аще узрит от безумных чад юношу скудоумна, 8 проходящего мимо угла в распутиих дому ея 9 и глаголющего в темный вечер, егда упокоение будет ночное и мрачное: 10 жена же срящет его, зрак имущи прелюбодейничь, яже творит юных парити сердцам: воскрилена же есть и блудна, 11 в дому же не почивают нозе ея: 12 время бо некое вне глумится, время же на распутиих при всяцем угле приседит: 13 потом емши лобзает его,

безстудным же лицом речет к нему: 14 жертва мирна ми есть, днесь воздаю обеты моя: 15 сего ради изыдох в сретение тебе, желающи лица твоего, обретох тя: 16 простиралами покрых одр мой, коврами же сугубыми постлах, иже от Египта, 17 шафраном посыпах ложе мое и дом мой корицею: 18 прииди и насладимся любве даже до утра, гряди и повалеяемся в похоти: 19 несть бо мужа моего в дому, отиде в путь далече, 20 довольно сребра взя с собою, по многих днех возвратится в дом свой. 21 И прельсти его мною беседою, тенетами же устен (в блуд) привлече его. 22 Он же абие последова ей обьюродев, и якоже вол на заколение ведется, и яко пес на узы, 23 или яко елень уязвлен стрелою в ятра: и спешит яко птица в сеть, не ведый, яко на душу свою течет. 24 Ныне убо, сыне, послушай мене и внимай глаголом уст моих, 25 да не уклонится в пути ея сердце твое, 26 и да не прельстишия в стезях ея: многих бо уязвивши низверже, и безчисленни суть, ихже убила есть: 27 путие адовы дом ея, низводящии в сокровища смертная. (Sheol h7585)

8 Темже ты премудрость проповеждь, да разум послушает тебе. 2 На высоких бо краях есть, посреде же стезь стоит: 3 при вратех бо сильных приседит, во входах же поется. 4 Вас, о, человецы, молю, и вдаю мой глас сыном человеческим. 5 Уразумеите, незлобиви, коварство, ненаказанныи же, приложите сердце. 6 Послушайте мене: честная бо реку и изнесу от устен правая. 7 Яко истине почится гортань мой, мерзки же предо мною устны лживья. 8 С правдою вси глаголы уст моих, ничтоже в них стропотно, ниже развращенно. 9 Вся права разумевающим, и права обретающим разум. 10 Примите наказание, а не серебро, и разум паче злата искушена: избирайте же ведение паче злата чиста. 11 Лучши бо премудрость камней многоценных, всякое же честное недостойно ея есть. 12 Аз премудрость вселих совет, и разум и смысл аз призвах. 13 Страх Господень ненавидит неправды, досаждения же и гордыни, и пути лукавых: возненавидех же аз развращенныи пути злых. 14 Мой совет и утверждение, мой разум, моя же крепость. 15 Мною царие царствуют, и сильнии пишут правду: 16 мною вельможи величаются, и властитилие мною держат землю. 17 Аз любящя мя люблю, ищущии же мене обрящут благодать. 18 Богатство и слава моя есть, и стяжание многих и правда. 19 Лучше есть плодити мене, паче злата и камня драга: мои же плоды лучше сребра избранна. 20 В путех правды хожду и посреде стезь оправдания живу, 21 да разделю любящим мя имение, и сокровища их исполню благих. Аще возвещу вам бывающая на всяк день, помяну, яже от века, изчести. 22 Господь созда мя (евр.: стяжа мя) начало путей Своих в дела Своя, 23 прежде век основа мя, в начале, прежде неже землю сотворити, 24 и прежде неже бездны соделати, прежде неже произыти источником вод, 25 прежде неже горам водрузитися, прежде же всех холмов раждает мя. 26 Господь сотвори страны и ненаселенныя, и концы населенныя поднебесныя. 27 Егда готовяше небо, с Ним бех, и егда отлучаше престол Свой на ветрех, 28

и егда крепки творяше вышняя облаки, и егда тверды полагаше источники поднебесныя, 29 и егда полагаше морю предел его, да воды не мимо идут уст его, и крепка творяше основания земли, бех при нем устрояющи. 30 Аз бех, о нейже радовашеся, на всяк же день веселяхся пред лицом Его на всяко время, 31 егда веселяшеся вселенную совершив, и веселяшеся о сынех человеческих. 32 Ныне убо, сыне, послушай мене: и блажени, иже пути моя сохраняют. 33 Услышите премудрость, и умудритесь, и не отместите. 34 Блажен муж, иже послушает мене, и человек, иже пути мои сохранит, бдяя при моих дверех присно, соблюдаяй праги моих входов: 35 исходи бо мои исходи живота, и уготовляется хотение от Господа: 36 согрешающи же в мя нечествуют на своя души, и ненавидящи мя любят смерть.

9 Премудрость созда себе дом и утверди столпов семь: 2 закла своя жертвенная, и раствори в чаши своей вино, и уготова свою трапезу: 3 посла своя рабы, созывающи с высоким проповеданием на чашу, глаголющи: 4 иже есть безумен, да уклонится ко мне. 5 И требующим ума рече: приидите, ядите мой хлеб и пейте вино, еже растворих вам: 6 оставите безумие и живи будете, да во веки воцаритесь: и възыщите разума, да поживете и исправите разум в ведении. 7 Наказуяй злыя примет себе безчестие, обличаяй же нечестиваго порочна сотворит себе (обличения бо нечестивому раны ему). 8 Не обличай злых, да не возненавидят тебе: обличай премудра, и возлюбит тя. 9 Дажь премудрому вину, и премудрейший будет: сказуй праведному, и приложит приимати. 10 Начало премудрости страх Господень, и совет святых разум: разумети бо закон, помысла есть благаго. 11 Сим бо образом многое поживеши время, и приложатся тебе лета живота твоего. 12 Сыне, аще премудр будеши, себе премудр будеши и искренним твоим: аще же зол будеши, един почерпнеши злая. Сын наказан премудр будет, безумный же слугою употребится. Иже утверждает на лжах, сей пашет ветры, той же поженет птицы парящия: остави бо пути савета винограда, в стезях же своего земледелания заблуди, проходит же сквозе пустыню безводную и землю определенную в жаждах, собирает же рукама неплодие. 13 Жена безумная и продерзая скудна хлебом бывает, яже не весть стыдения, 14 седе при дверех дому своего, на столце яве на стогнах, 15 призывающая мимоходящих и исправляющих пути своя: 16 иже есть от вас безумнейший, да уклонится ко мне: и лишенным разума повелеваю, глаголющи: 17 хлебом сокровенным в сладость прикоснитесь и воду татьбы сладкую пейте. 18 Он же не весть, яко земнородни у нея погибают и во дне ада обретаются. (Sheol h7585)

10 Сын премудр веселит отца, сын же безумен печаль матери. 2 Не пользуют сокровища беззаконных, правда же избавит от смерти. 3 Не убьет гладом Господь душу праведную, живот же нечестивых низвратит. 4 Нищета мужа смиряет: руце же мужественных обогащаются. 5 Сын наказан премудр будет, безумный же слугою употребится: спасется от зноя сын разумный, ветротленен же бывает

на жатве сын беззаконный. 6 Благословение Господне на главе праведнаго: уста же нечестивых покрывает плачь безвременный. 7 Память праведных с похвалами: имя же нечестивых угасает. 8 Премудр сердцем примет заповеди: непокровенный же устнама остроптевая запнется. 9 Иже ходит просто, ходит надеясь: развращая же пути своя, познан будет. 10 Намизаяй оком с лестию собирает мужем печали: обличаяй же со дерзновением миротворит. 11 Источник жизни в руце праведнаго: уста же нечестиваго покрывает пагуба. 12 Ненависть воздвигает распрю: всех же нелюбоприятных покрывает любовь. 13 Иже от устен произносит премудрость, железом бьет мужа безсердечна. 14 Премудрии скрыют чувство, уста же продерзгаго приближаются сокрушению. 15 Стяжание богатых град тверд, сокрушение же нечестивых нищета. 16 Дела праведных живот творят, плодове же нечестивых грехи. 17 Пути жизни хранит наказание: наказанием же не обличеный заблуждает. 18 Покрывают вражду устне правыя: износящи же укоризну безумнейшии суть. 19 От многословия не избежиши греха: щадя же устне, разумен будеши. 20 Серебро разжжено язык праведнаго: сердце же нечестиваго исчезнет. 21 Устне праведных ведят высокая: безумнии же в скудости скончаваются. 22 Благословение Господне на главе праведнаго, сие обогащает, и не имать приложитися ему печаль в сердцы. 23 Смехом безумный творит злая: премудрость же мужеви раждает разум. 24 В погибели нечестивый обносится: желание же праведнаго приятно. 25 Преходящей бури, нечестивый исчезает, праведный же уклонився спасается во веки. 26 Якоже гроздие зеленое вред зубом и дым очима, тако законопреступление творящим е. 27 Страх Господень прилагает дни: лета же нечестивых умалются. 28 Пребывает с праведными веселие, упование же нечестивых погибает. 29 Утверждение преподобному страх Господень, сокрушение же творящим злая. 30 Праведник во веки не поколеблется: нечестивии же не населят земли. 31 Уста праведнаго каплют премудрость, язык же неправеднаго погибнет: 32 устне мужей праведных каплют благодати, уста же нечестивых развращаются.

11 Мерила льстивая мерзость пред Господем, вес же праведный приятен Ему. 2 Идеже аще виднет досаждение, тамо и безчестие: уста же смиренных поучаются премудрости. 3 Умираяй праведник остави раскаяние, удобна же бывает и посмеятелна нечестивых гибель. 4 Совершенство правых настаивает их, и поползновение отрицающихся пленит их. Не употребуют имена в день ярости: правда же избавит от смерти. 5 Правда непорочнаго исправляет пути, нечестие же впадает в неправду. 6 Правда мужей правых избавит их, безсоветием же увольются беззаконнии. 7 Скончавшуся мужу праведну, не погибнет надежда: похвала же нечестивых погибнет. 8 Праведный от лова убежит, в негоже место предается нечестивый. 9 Во устех нечестивых сеть гражданам, чувство же праведных благопоспешно. 10 Во благих праведных исправится град, и в погибели нечестивых радование. 11 В благословении

правых возвысится град, усты же нечестивых раскопается. 12 Ругается гражданином лишенный разума, муж же мудр безмолвие водит. 13 Муж двуязычен открывает советы в сонмищи, верный же духом таит вещи. 14 Умже и несть управления, падают аки листвие, спасение же есть во мнозе совете. 15 Лукавый злодействует, егда сочетавается с праведным, ненавидит же гласа утверждения. 16 Жена благодатна возносит мужу славу: престол же безчестия жена ненавидящая правды. Богатства ленивии скудни бывають, крепци же утверждаются богатством. 17 Души своей благоворит муж милостивый, погубляет же тело свое немилостивый. 18 Нечестивый творит дела неправедная: семя же праведных мзда истины. 19 Сын праведный раждается в живот: гонение же нечестиваго в смерть. 20 Мерзость Господеви путие развращенни, приятни же Ему вси непорочни в путех своих. 21 В руку руке вложив неправедно, не без муки будет злых: сеяй же правду примет мзду верну. 22 Якоже усерзь златый в ноздрех свинии, тако жене злоумней лепота. 23 Желание праведных все благое, надежда же нечестивых погибнет. 24 Суть, иже своя сеюще, множайшая творят: суть же и собирающе чуждая, умалются. 25 Душа благословенна всякая простая: муж ярый неблагообразен. 26 Удержаваяй пшеницу оставит ю языком: продай пшеницу скупю, от народа проклят, благословение же Господне на главе подавающего. 27 Творяй благая ищет благодати добры: ищущаго же злая постигнут его. 28 Надеяться на богатство свое, сей падет: заступаяй же праведных, той возсияет. 29 Не сматраяй своего дому наследит ветры: поработает же безумный разумному. 30 От плода правды древо жизни прозябает: отемлются же безвременно души беззаконных. 31 Аще праведный едва спасается, нечестивый же и грешный где явится?

12 Любая наказание любит чувство: ненавидяй же обличения безумен. 2 Лучше обретеный благодать от Господа Бога: муж же законопреступен премолчан будет. 3 Не исправится человек от беззаконного: корения же праведных не отимутся. 4 Жена мужественная венец мужу своему: якоже в древе червь, тако мужа погубляет жена злотворная. 5 Мысли праведных судьбы: управляют же нечестивии лести. 6 Словеса нечестивых льстива в кровь, уста же правых избавят их. 7 Аможе обратится нечестивый, исчезает: храмины же праведных пребывають. 8 Уста разумнаго хвалима бывають от мужа: слабосерд же поругаемъ бывает. 9 Лучше муж в безчестии работаяй себе, нежели честь себе обложив и лишаяйся хлеба. 10 Праведник милует души скотов своих: утробы же нечестивых немилостивны. 11 Делаяй свою землю исполнится хлебов: гонящи же суетная лишени разума. Иже есть сладостен в виннем пребывании, во своих твердых оставит безчестие. 12 Желания нечестивых зла: корение же благочестивых в твердостех. 13 За грех устен впадает в сети грешник: избегает же от них праведник. Сматраяй кротко помилован будет, а сретаяй во вратех оскорбит души. 14 От плодов уст душа

мужа наполнится благих, воздаяние же устен его воздасть ему. 15 Путие безумных прави пред ними: послушает советов мудрый. 16 Безумный абие исповесть гнев свой: крыет же свое безчестие хитрый. 17 Явленную веру возвещает праведный: свидетель же неправедных льстив. 18 Суть, иже глаголюще уязвляют аки мечи: языцы же премудрых изцеляют. 19 Устне истинны исправляют свидетелство: свидетель же скор язык имать неправеден. 20 Лесть в сердцы кующаго злая: хотящи же мира возвеселятся. 21 Ничтоже неправедное угодно есть праведному: нечестивые же исполняются злых. 22 Мерзость Господеви устне лживы: творяй же верно приятен Ему. 23 Муж разумивый престол чувства: сердце же безумных срящет клятвы. 24 Рука избранных одержит удобь: льстивии же будут во пленении. 25 Страшное слово сердце мужа праведна смущает, весть же благая веселит его. 26 Разумив праведник себе друг будет: мысли же нечестивых некротки: согрешающих постигнут злая, путь же нечестивых прельстит я. 27 Не улучит льстивый ловитвы: стяжание же честное муж чистый. 28 В путех правды живот, путие же злопомнящих в смерть.

13 Сын благоразумный послушлив отцу, сын же непокорливый в погибель. 2 От плодов правды снестъ благий: души же беззаконных погибають безвременно. 3 Иже хранит своя уста, соблюдает свою душу: продерживый же устнама устрашит себе. 4 В похотех есть всяк праздный: руки же мужественных в прилежании. 5 Словесе неправедна ненавидит праведник: нечестивый же стыдится и не возимет дерзновения. 6 Правда хранит незлобивыя: нечестивыя же злы творит грех. 7 Суть богатяще себе, ничесоже имуще: и суть смиряющиеся во мнозе богатстве. 8 Избавление мужа души свое ему богатство: нищий же не терпит прещения. 9 Свет праведным всегда, свет же нечестивых угасает: души льстивыя заблуждають во гресех, праведнии же щедрят и милуют. 10 Злыи с досаждением творит злая: себе же знающи премудри (суть). 11 Имение поспешаемо со беззаконием умалено бывает, собираяй же себе со благочестием избобилствовати будет: праведный щедрит и дает. 12 Лучше начинай помогати сердцем обещающего и в надежду ведущаго: древо бо жизни желание доброе. 13 Иже презирает вещь, презрен будет от нея: а бояйся заповеди, сей здравствует. Сыну лукавому ничтоже есть благо: рабу же мудру благопоспешна будут дела, и исправится путь его. 14 Закон мудрому источник жизни: безумный же от сети умрет. 15 Разум благ дает благы: разумети же закон, мысли есть благия: путие же презирающих в погибели. 16 Всяк хитрый творит с разумом, безумный же прострет свою злобу. 17 Царь дерзостен впадет во злая, вестник же мудр избавит его. 18 Нищету и безчестие отемлет наказание: храняй же обличения прославится. 19 Желания благочестивых наслаждають душу, дела же нечестивых далече от разума. 20 Ходяй с премудрыми премудр будет, ходяй же с безумными познан будет. 21 Согрешающих постигнут злая, праведных же постигнут благая. 22 Благ муж наследит сыны сынов: сокровиществуется же праведным богатство нечестивых. 23

Праведнии наслаждаются в богатстве лета многа: неправеднии же погибнут вскоре. 24 Иже щадит жезл (свой), ненавидит сына своего: любий же накажет прилежно. 25 Праведный ядый насыщает душу свою: души же нечестивых скудны.

14 Мудрая жены создаша домы: безумная же раскопа рукуя своима. 2 Ходяй право боится Господа: развращаяй же пути своя обезчестится. 3 Из уст безумных жезл досаждения: устне же мудрых хранят я. 4 Идеже несть волов, ясли чисты: а идеже жита многа, явна волу крепость. 5 Свидетель верен не лжет: разжизает же ложная свидетель неправеден. 6 Взыщеша премудрости у злых, и не обрящеша: чувство же у мудрых удобно. 7 Вся противна (суть) мужеви безуму: оружие же чувства устне премудры. 8 Премудрость коварных уразумевает пути их: буйство же безумных в заблуждении. 9 Домове беззаконных требуют очищения, домове же праведных приятни. 10 Сердце мужа чувственно печаль души его: егда же веселится, не примешается досаждению. 11 Домове нечестивых исчезнут, селения же право творящих пребудут. 12 Есть путь, иже мнится человеком прав быти, последняя же его приходят во дно ада. (questioned) 13 Ко веселием не примешавается печаль: последняя же радости в плачь приходят. 14 Путий своих насытит дерзосердый, от размышлений же своих муж благ. 15 Незлобивый веру емлет всякому словеси, коварный же приходит в раскаяние. 16 Премудр убоявся уклонится от зла, безумный же на себе надеяся смешавается со беззаконным. 17 Острияроостный без совета творит, муж же мудрый многая терпит. 18 Разделяют безумнии злобу, коварнии же удержат чувство. 19 Поползнутся злии пред благими, и нечестивии послужат пред дверьми праведных. 20 Друзие возненавидят другог убогих: друзие же богатых мнози. 21 Безчестяй убогия согрешает, милуяй же нищия блажен. 22 Заблуждающии (неправедницы) делают злая, милость же и истину делают благии. Не ведят милости и веры делателие злых: милостыни же и веры у делателей благих. 23 Во всяцем пекущемся есть изобилие: любобластный же и безпечальный в скудости будет. 24 Венец премудрых богатство их, житие же безумных зло. 25 Избавит от злых душу свидетель верен, разжизает же лживая лестный. 26 Во страхе Господни упование крепости, чадом же Своим оставит утверждение (мира). 27 Страх Господень источник жизни, творит же укланяться от сети смертныя. 28 Во мнозе языке слава царю: во оскудении же людсте сокрушение сильному. 29 Долготерпелив муж мног в разуме, малодушный же крепко безумен. 30 Кроткий муж сердцу врач: моль же костем сердце чувственно. 31 Оклеватай убогаго раздражает Сотворшаго и, почитаяй же Его милует нищаго. 32 Во злобе своей отринется нечестивый: надеяйжеса на Господа своим преподобием праведен. 33 В сердцы блазе мужа почит премудрость, в сердцы же безумных не познавается. 34 Правда возвышает язык: умаляют же племена греси. 35 Приятен цареву слуга разумный, своим же благообращением отемлет безчестие.

15 Гнев губит и разумная: ответ же смирен отвращает ярость, а слово жестоко возвизает гневны. 2 Язык мудрых добрая свесть: уста же безумных возвещают злая. 3 На всяцем месте очи Господни сматряют злая же и благая. 4 Изцеление языка древо жизни: храняй же его исполнится духа. 5 Безумный ругается наказанию отчу: храняй же заповеди хитрейший. Во мнозе правде крепость многа: нечестивии же от земли искоренятся. 6 В домех праведных крепость многа: плоды же нечестивых погибают. 7 Устне мудрых связуются чувством, сердца же безумных не тверда. 8 Жертвы нечестивых мерзость Господеви, обеты же правоходящих приятни Ему. 9 Мерзость Господеви путие нечестивых: гонящяя же правду любит. 10 Наказание незлобига познавается от мимоходящих: ненавидящии же обличения скончаваются срамно. 11 Ад и Пагуба явна пред Господем, како не и сердца человеков? (Sheol h7585) 12 Не возлюбит ненаказанный обличающих его, с мудрыми же не побеседует. 13 Сердцу веселящяся, лице цветет: в печалех же сущу, сетует. 14 Сердце правое ищет чувства: уста же ненаказанных уразумуют злая. 15 На всяко время очи злых приемлют злая: добрии же безмолвуют присно. 16 Лучше частица малая со страхом Господним, нежели сокровища велия без боязни. 17 Лучше учреждение от зельй с любовью и благодатию, нежели представление телцев со враждою. 18 Муж ярый устрояет брани, долготерпеливый же и будущую укрощает. Терпеливый муж угасит суды, нечестивый же воздвизает паче. 19 Путие праздных послани тернием, мужественных же угладени. 20 Сын премудр веселит отца, сын же безумен раздражает мать свою. 21 Несмысленнаго стези скудны ума: муж же разумен исправляя ходит. 22 Отлагают помышления не чтущии сонмищ: в сердцах же советных пребывает совет. 23 Не послушает злый его, ниже речет полезно что и добро общему. 24 Путие живота помышления разумнаго, да уклонився от ада спасется. (Sheol h7585) 25 Домы досадителей разоряет Господь, утверди же предел вдовицы. 26 Мерзость Господеви помысл неправедный, чистых же глаголы честны. 27 Губит себе мздоимец, ненавидяй же даров приятия спасется: милостынями и верами очищающа греси, страхом же Господним уклоняется всяк от зла. 28 Сердца праведных поучаются вере, уста же нечестивых отвещают злая: приятни пред Господем путие мужей праведных, имиже и врази друзие бывають. 29 Далече отстоит Бог от нечестивых, молитвы же праведных послушает: лучше малое приятие со правдою, нежели многа жита с неправдою: сердце мужа да мыслит праведная, да от Бога исправятся стопы его. 30 Видящее око добрая веселит сердце, слава же благая утучняет кости. 31 Слушайя обличений живота посреде премудрых водворится. 32 Иже отменяет наказание, ненавидт себе: соблюдаяй же обличения любит свою душу. 33 Страх Господень наказание и премудрость, и начало славы отвещает ей (, предидет же смиренным слава).

16 Человеку предложение сердца: и от Господа ответ языка. 2 Вся дела смиреннаго явленна пред Богом, и

укрепляя души Господь. 3 Приблизь ко Господу дела твоя, и утвердят помышления твоя. 4 Вся содела Господь Себе ради: нечестивии же в день зол погибнут. 5 Нечист пред Богом всяк высокосердый: в руку же руце влагая неправедно не обезвинится. 6 Начало пути блага, еже творити праведная, приятна же пред Богом паче, нежели жрети жертвы. 7 Ищай Господа обращет разум со правдою: 8 праве же ищущии его обрящут мир. 9 Вся дела Господня со правдою: хранится же нечестивый на день зол. 10 Пророчество во устнех царевых, в судищи же не погрешат уста его. 11 Превеса мерила правда у Господа: дела же Его мерила праведная. 12 Мерзость цареви творят злая: со правдою бо уготовляется престол началства. 13 Приятны царю устне праведны, словеса же правая любит Господь. 14 Ярость царева вестник смерти: муж же премудр утолит его. 15 Во свете жизни сын царев: приятни же ему яко облак поздн. 16 Угнеждения премудрости избраннее злата: вселения же разума дражайши сребра. 17 Путие жизни укланяются от злых: долготя же жития путие праведни. Приемляй наказание во благих будет, храняй же обличения умудрится. Иже хранит свой пути, соблюдает свою душу: любяй же живот свой щадит своя уста. 18 Прежде сокрушения предваряет досаждение, прежде же падения злопомышление. 19 Лучше кроткодушен со смирением, нежели иже разделяет корысти с досадительми. 20 Разумный в вещех обретатель благих, надеяйся же на Господа блажен. 21 Премудрыя и разумныя злыми наричут, сладции же в словеси множае услышани будут. 22 Источник животен разум стяжавшим, наказание же безумных зло. 23 Сердце премудраго узнаеет яже от своих ему уст, во устнах же носит разум. 24 Сотове медовнии словеса добрая, сладость же их изцеление души. 25 Суть путие мянущися прави быти мужу, обаче последняя их зрят во дно адово. 26 Муж в трудех труждается себе и изнуждает погибель свою: строптивый во своих устах носит погибель. 27 Муж безумен копает себе злая и во устнах своих сокровищствует огонь. 28 Муж строптивый разсылает злая, и светилник лъсти вжигает злым, и разлучает други. 29 Муж законопреступлен прельщает други и отводит их в пути не благи. 30 Утверждай очи свои мыслит развращенная, грызый же устне свои определяет вся злая: сей пещь есть злобы. 31 Венец хвалы старость, на путех же правды обретается. 32 Лучше муж долготерпелив паче крепкаго, (и муж разум имеяй паче земледелца великаго:) удержаваяй же гнев паче вземлющаго град. 33 В недра входят вся неправедным: от Господа же вся праведная.

17 Лучше укрух хлеба со сластию в мире, нежели дом исполнен многих благих и неправедных жертв со бранию. 2 Раб смыслен обладает владыки безумными, в братиих же разделит (имение) на части. 3 Якоже искушается в пещи сребро и злато, тако избранная сердца у Господа. 4 Злый послушает языка законопреступных, праведный же не внимает устнам лживым. 5 Ругайся убогому раздражает Сотворшаго его, радуяйся же о погибающем не обезвинится: милуяй же помилован будет. 6 Венец старых чада чад: похвала же чадом отцы их. Верному весь мир

богатство, неверному же ниже пенязь. 7 Неприличны суть безумному устне верны, ниже праведному устне лживы. 8 Мзда благодатей наказание употребляющим: и аможе аще обратится, успеет. 9 Иже таит обиды, ищет любве: а иже ненавидит скривати, разлучает други и домашния. 10 Сокрушает прещение сердце мудраго: безумный же биемь не чувствует (ран). 11 Прекословия воздвижет всяк злый: Господь же ангела немилостива послет нань. 12 Впадет попечение мужу смыслену: безумнии же размышляют злая. 13 Иже воздаст злая за блага, не подвигнутся злая из дому его. 14 Власть дает словесем начало правды: предводителствует же скудости пря и брань. 15 Иже судит праведнаго неправедным, неправеднаго же праведным, нечист и мерзок у Господа. 16 Вскую бяше имение безумному? Стяжати бо премудрости безсердый не может. Иже высок творит свой дом, ищет сокрушения: остроптеваяй же учиться впадет во злая. 17 На всяко время друг да будет тебе, братия же в нуждах полезни да будут: сего бо ради раждаются. 18 Муж безумен плещет и радуется себе, якоже поручаяйся испорчит друга своего, на своих же устнах огонь сокровищствует. 19 Грехолюбец радуется сваром, а жестокосердый не усрачет благих. 20 Муж удобопредложный языком впадет во злая: сердце же безумнаго болезнь стяжавшему е. 21 Не веселится отец о сыне ненаказанном: сын же мудр веселит мать свою. 22 Сердце веселящееся благоиметися творит: мужу же печальну засышут кости. 23 Приемлющему дары неправедно в недра не предспевают путие: нечестивый же укланяет пути правды. 24 Лице разумно мужа премудра, очи же безумнаго на концех земли. 25 Гнев отцу сын безумен, и болезнь рождаей его. 26 Тщеты творити мужу праведну не добро, ниже преподобно наветовати властем праведным. 27 Иже щадит глагол произнести жесток, разумен: долготерпеливый же муж премудр, лучше ищущаго науки. 28 Несмысленному вопросившу о мудрости, мудрость вменится: нема же кто себе творит, возмнится разумен быти.

18 Вины ищет муж хотя отлучитися от друзей, на всяко же время поносимь будет. 2 Не требует премудрости муж скудоумен, зане паче водится безумием. 3 Егда приидет нечестивый во глубину зол, нерадит: находит же ему безчестие и поношение. 4 Вода глубока слово в сердцы мужа, река же изскачуци и источник жизни. 5 Чудитися лицу нечестиваго не добро, ниже преподобно укланяти праведно на суде. 6 Устне безумнаго приводят его на зло, уста же его дерзостная призывают смерть. 7 Уста безумнаго сокрушение ему, устне же его сеть души его. 8 Ленивыя низлагает страх: души же мужей женам подобных взалчут. 9 Не изцеляяй себе во своих делех брат есть погубляющему себе самаго. 10 Из величества крепости имя Господне, к немуже притекающе праведницы возносятся. 11 Имение богату мужу град тверд, слава же его вельми присеняет. 12 Прежде сокрушения возносится сердце мужу и прежде славы смиряется. 13 Иже отвещает слово прежде слышания, безумие ему есть и поношение. 14 Гнев мужа укрощает

раб разумный: малодушна же человека кто стерпит? 15 Сердце разумного стяжет чувство, ушеса же мудрых ищут смысла. 16 Даяние человека распространяет его и с сильными посаждает его. 17 Праведный себе самаго оглагольник во первословию: егда же приложит супостат, обличается. 18 Прекословия утоляет молчаливый и во властех определяет. 19 Брат от брата помогаем, яко град тверд и высок, укрепляется же якоже основаное царство. 20 От плодов уст муж насыщает чрево свое, и от плодов устен своих насытитя. 21 Смерть и живот в руке языка: удерживающии же его снетят плоды его. 22 Иже обрете жену добру, обрете благодать, приял же есть от Господа тишину. 23 Иже изгоняет жену добрую, изгоняет благая: держай же прелюбодейцу безумен и нечестив. С молении глаголет убогий, богатый же отвещает жестоко. 24 Муж любовен к дружбе, и есть друг прилепивыйся паче брата.

19 Лучше есть убог ходяй в простоте своей, неже богатый строптив усты своими и несмыслен. 2 Идеже несть учения души, несть добро, и иже скор есть ногама, поткнется. 3 Неразумие мужа погубляет пути его, и Бога виновна творит в сердцы своем. 4 Богатство прилагает други многи: нищий же и от сущаго друга оставляемь бывает. 5 Свидетель лжив без муки не будет: оклеветаяй же неправедно не убежит ея. 6 Мнози угождают лицам царским: всяк же зол бывает в поношение мужеви. 7 Всяк, иже убогаго брата ненавидит, и от содружества далече будет. Мысль благая ведящым ю приближается, муж же мудр обрящет ю. Много творяй зла совершает злобу, а иже раздражает словесы, не спасется. 8 Стяжавый мудрость любит себе, а иже сохраняет разум, обрящет благая. 9 Свидетель лживый не без муки будет, а иже разжизает злобу, погибнет от нея. 10 Не пользует безумному сладости, и аще раб начнет с dosaждением обладати. 11 Милостив муж долготерпит, похвала же его превосходит законопреступных. 12 Царево прещение подобно рыканию львову, и якоже роса злаку, тако тихость его. 13 Студ есть отцу сын безумен, и нечисты обеты от мзды блудницы. 14 Дом и имение разделяют отцы чадом: от Господа же сочетавается жена мужеви. 15 Страх содержит мужа женонравна: душа же празднаго взалчет. 16 Иже хранит заповеди, соблюдает свою душу, а нерадая о своих путех погибнет. 17 Милуяй нища взаим дает Богови, по даянию же его воздаст ему. 18 Наказуй сына твоего, тако бо будет благонадежен: в dosaждение же не вземлися душою твоею. 19 Злоумен муж много отщегитя: аще же губитель есть, и душу свою приложит. 20 Слушай, сыне, отца твоего наказания, да мудр будещи в последняя твоя. 21 Многи мысли в сердцы мужа: совет же Господень во век пребывает. 22 Плод мужеви милостыня: лучше же нищ праведный, нежели богат лжив. 23 Страх Господень в живот мужеви: а безстрашный водворится на местах, идеже не наблюдается разум. 24 Скрываяй в недрех руке свои неправедно ниже ко устом своим принесет я. 25 Губителю раны приемлющу, безумный коварнее будет: аще же обличаеши мужа разумна, уразумеет чувство. 26 Безчувствуй отца и отрваяй мать свою срамоту примет

и поношение. 27 Сын оставляй хранити наказание отче поучится словесем злым. 28 Выручаяй отрока несмыслена досаждает оправданию: уста же нечестивых пожрут суд. 29 Уготовляются невоздержным раны, и мучения подобне неразумным.

20 Невинно вино, укоризненно же пьянство, и всяк пребываяй в нем не будет премудр. 2 Не разнствует прещение царево от ярости львовы: раздражаяй же его и примешаяйся ему согрешает в свою душу. 3 Слава мужу отвращатися от dosaждения: всяк же безумен сими соллетается. 4 Ноносимь ленивый не усрамляется, такожде и заемляй пшеницу в жатву. 5 Вода глубока совет в сердцы мужа: муж же премудр изчерплет ю. 6 Велика вещь человек, и драгая муж творяй милость: мужа же верна (велико) дело обрести. 7 Иже без порока живет в правде, блажен оставит дети своя. 8 Егда царь праведен на престоле сядет, не противится пред очима его ничтоже лукаво. 9 Кто похвалитя чисто имети сердце? Или кто дерзнет рещи чиста себе быти от грехов? 10 Вес велик и мал, и мера сугуба, нечиста пред Господем обоя: 11 и творяй я в начинаниих своих запнется: юнота с преподобным, и правый путь его. 12 Ухо слышит, и око видит: Господня дела обоя. 13 Не люби клеветати, да не вознесешися: отверзи очи твои и насыщайся хлеба. 14 Зло, зло, речет стяжаваяй, и отшед тогда похвалится. 15 Есть злато и множество камений драгих, сосуд честен устне разумны. 16 Возми ризу его, яко испоручник бысть чуждыя, и за чуждую возми залог от него. 17 Сладок есть человеку хлеб лжи, но потом исполнятся уста его камения. 18 Помышление в совете уготовится, в правлении же творит брань. 19 Открываяй тайну ходит лестию: и прельщающему устнами своими не примешайся. 20 Злословящему отца или мать угаснет светилник, зеницы же очес его узрят тму. 21 Истина послешна в начале, в последних не благословения. 22 Не рцы: отмищу врагу: но потерпи Господа, да ти поможет. 23 Мерзость Господеви сугубый вес, и мерило лживо не добро пред ним. 24 От Господа исправляются стопы мужу: смертный же како уразумеет пути своя? 25 Сеть мужеви скоро нечто от своих освящати: по обете бо раскаяние бывает. 26 Веятель нечестивых есть царь мудр и наложит на ня коло. 27 Свет Господень дыхание человеком, иже испытает тайная утробы. 28 Милостыня и истина сохранение царю, и обыдут престол его в правде. 29 Лепота (есть) юным премудрость: слава же старым седины. 30 Раны и сокрушения сретают злых, язвы же в сокровищх чрева.

21 Якоже устремление воды, тако сердце царево в руке Божией: аможе аще восхощет обратити, тамо уклонит е. 2 Всяк муж являетя себе праведен: управляет же сердца Господь. 3 Творити праведная и истинствовати угодна Богу паче, нежели жертв кровь. 4 Велемудрый во укоризне дерзосерд, светило же нечестивых греси. 5 Помышления тшчаливаго во изюбилии, и всяк нерадивый в лишении. 6 Делаяй сокровища языком лживым суетная гонит в сети смертныя. 7 Всегубительство на нечестивыя устремляется: не хотят бо творити праведная. 8 К стропотным стропотныя

пути посылает Бог: чиста бо и права дела Его. 9 Лучше жити во угле непокровеннем, нежели в поваленных с неправдою и в храмине общей. 10 Душа нечестиваго не помилуется ни от единого от человеков. 11 Тщету приемлющу невоздержному, коварнейший будет незлобивый, разумеаяя же мудрый примет разум. 12 Разумеает праведный сердца нечестивых и уничтожает нечестивых в злых. 13 Иже затыкает ушеса своя, еже не послушати немощнаго, и той призовет, и не будет послушайя его. 14 Даяние тайно отвращает гнев, щадяй же даров воздвигает ярость крепкую. 15 Веселие праведных творити суд: преподобный же нечист у злодеев. 16 Муж заблуждая от пути правды в сонмищи исполнилов почует. 17 Муж скуден любит веселие, любяй же вино и елей не обогатится. 18 Отребие же праведнику беззаконник. 19 Лучше жити в земли пусте, неже жити с женою сварливою и язычною и гневливою. 20 Сокровище вожделенно почует во устех мудраго: безумнии же мужие пожирают е. 21 Путь правды и милостыни обрящет живот и славу. 22 Во грады крепки вниде премудрый и разруши утверждение, на неже надеяшася нечестивии. 23 Иже хранит своя уста и язык, соблюдает от печали душу свою. 24 Продерзый и величавый и горделивый губитель нарицается: а иже памятьозлобствует, беззаконен. 25 Похоти лениваго убивают: не произволяют бо руже его творити что. 26 Нечестивый желает весь день похоти злыя, праведный же милует и щедрит нещадно. 27 Жертвы нечестивых мерзость Господеви: ибо беззаконно приносят я. 28 Свидетель ложный погибнет, муж же послушлив сохраняемь возглаголет. 29 Нечестив муж безстыдно стоит лицом: правый же сам разумеает пути своя. 30 Неть премудрости, неть мужества, неть совета у нечестиваго. 31 Конь уготовляется на день брани: от Господа же помощь.

22 Лучше имя доброе, неже богатство много, паче же сребра и злата благодать блага. 2 Богат и нищ сретоса друг друга, обоих же Господь сотвори. 3 Худог, видев лукаваго мучима крепко, сам наказуется: безумнии же мимомешде отщетишася. 4 Род премудрости страх Господень, и богатство и слава и живот. 5 Волчцы и сети на путех стропотных, храняй же свою душу избежит их. 6 Богати убогими имут обладати, 7 и раби своим господем взаим дадут. 8 Сявый злая пожнет злая, язву же дел своих совершит. 9 Мужа тиха и даятеля любит Господь, суету же дел его скончает. 10 Милуяй нищаго сам препитается: от своих бо хлебов даде убогому. Победу и честь устроет даяй дары, обаче душу погубляет стяжавших. 11 Изжени от сонмища губителя, и изыдет с ним прение: егда бо сядет в сонмищи, всех безчестит. 12 Любит Господь преподобная сердца, приятни же Ему вси непорочнии в путех своих: устнама пасет царь (люди своя). 13 Очи Господни соблюдают чувство: презирует словеса законопреступный. 14 Вины ищет и глаголет ленивый: лев на стезях, на путех же разбойницы. 15 Яма глубока уста законопреступных: возненавиденый же от Господа впадется в ню. Суть путие злии пред мужем, и не любит возвратитися от них: возвратитися же подобает от пути стропотна и злаго. 16 Безумие висит на сердцах

юнаго: жезл же и наказание далече (отгонит) от него. 17 Обидяй убогаго многая себе зла творит, дает же богатому во оскудение (себе). 18 Ко словесем мудрых прилагай твое ухо, и услыши моя словеса: свое же сердце утверди (к ним), да разумеши, яко добра суть. 19 И еще вложиши я в сердце твое, возвеселят тебе купно во твоих устнех. 20 Да будет ти на Господа надежда, и покажет ти путь Свой. 21 Ты же напиши я себе трижды, на совет и смысл и разум, на широте сердца твоего: учу бо тя истинному словеси, и разума благаго слушати на ответы словесем истинным предлагаемым тебе. 22 Не насильствуй нищаго, зане убог есть, и не досаждай немощному во вратех: 23 Господь бо имать судити его суд, и избавиши твою безбедную душу. 24 Не бывай друг мужу гневливу и со другом жестокосердым не соводворяйся: 25 да не когда научишися путем его и примеши тенета души твоей. 26 Не вдавайся в поручение, стыдяся лица: 27 егда бо не будеша имети чим искупитися, возмут постелю, яже под ребры твоими. 28 Не прелагай предел вечных, яже положиша отцы твои. 29 Прозрителну человеку и острому в делех своих пред царями подобает соблюдать, и не стояти пред мужми простыми.

23 Аще съядеши вечерята на трапезе сильнаго, разумно разумеаяй предлагаемая тебе, 2 и налагай руку твою, ведый, яко сицевая тебе подобает уготовити: 3 аще же несытнейший еси, не желай брашен его: сия бо имут живот ложен. 4 Не распростирайся убог сый с богатым, твоею же мыслию удаляйся. 5 Аще устремити на него око твое, никогдаже явится: соделаны бо суть ему крила яко орлу, и обращается в дом настоятеля своего. 6 Не вечеряй с мужем завистливым, ниже похощеши пищей его: 7 имже бо образом аще кто поглотит власы, сице яст и пьет: ниже к себе да введеша его и снеси хлеб твой с ним: 8 изблюет бо его и осквернит словеса твоя добрая. 9 Во ушню безумнаго ничтоже глаголи, да не когда поругает разумная словеса твоя. 10 Не прелагай предел вечных и в стяжание сирот не вниди: 11 избавляяй бо их Господь крепок есть и разсудит суд их с тобою. 12 Дажь в наказание сердце твое, ушеса же твоя уготовай словесем чувственным. 13 Не преставай младенца наказовати: аще бо жезлом биеша его, не умрет (от него): 14 ты бо побиеша его жезлом, душу же его избавиши от смерти. (Sheol h7585) 15 Сыне, аще премудро будет сердце твое, возвеселиши и мое сердце, 16 и пребудут в словесех твоих устне к моим устам, аще права будут. 17 Да не ревнует сердце твое грешником, но в страсе Господни буди весь день: 18 аще бо соблюдеши я, будут ти внуцы, и упование твое не отступит. 19 Слушай, сыне, и премудр бывай и исправляй мысли твоего сердца: 20 не буди винопийца, ниже прилагайся к сложению и купованию мяс: 21 всяк бо пьяница и блудник обнищает, и облечется в раздранная и в рубища всяк сонливый. 22 Слушай, сыне, отца родившаго тя, и не презирай, егда состареется мати твоя. 23 Истину стяжи, и не отрини мудрости и учения и разума. 24 Добре воспитовает отец праведен, о сыне же премудрем веселится душа его. 25 Да веселится отец и мати о тебе, и да радуется рождающая тя. 26 Дажь ми, сыне, твое

сердце, очи же твои моя пути да соблюдают. 27 Сосуд бо сокрушен чуждий дом, и студенец тесен чуждий: 28 сей бо вскоре погибнет, и всякий законопреступник потребится. 29 Кому горе? Кому молва? Кому судове? Кому горести и свары? Кому сокрушения вотще? Кому сини очи? 30 Не пребывающим ли в вине? И не назирающим ли, где пирове бывают? 31 Не упивайтесь вином, но беседуйте ко человеком праведным, и беседуйте во проходех: аще бо на чашы и сткляницы вдаси очи твои, последи имаши ходити нажайший белилнои дерева: 32 последи же яко от змя узавен прострется, и якоже от кераста разливаается ему яд. 33 Очи твои егда узрят (жену) чуждую, уста твоя тогда возглаголют стропотная: 34 и возляжеси яко в сердцы моря и якоже кормчий во мнозе волнении. 35 Речеши же: биша мя, и не поболех, и поругашася ми, аз же не разумех: когда утро будет, да шед възыщу, с нимже снудуся?

24 Сыне, не ревнуй мужем злым, ниже возжелей быти с ними: 2 лжам бо поучается сердце их, и болезни устне их глаголют. 3 С премудростию зиждется дом и с разумом исправляется. 4 С чувствием исполняются сокровища от всякаго богатства честнаго и добраго. 5 Лучше мудрый крепкаго, и муж разум имей земледелца велика. 6 Со управлением бывает брань, помощь же с сердцем советным. 7 Премудрость и мысль блага во вратех премудрых: смысленнии не укланяются от закона Господня, 8 но советуют в сонмищих. Ненаказанных сретает смерть, 9 умирает же безумный во гресех. Нечистота мужу губителю: 10 осквернится в день зол и в день печали, дондеже оскудеет. 11 Избави ведомыя на смерть и искупи убиваемых, не щади. 12 Аще же речеши: не вем сего: разумей, яко Господь всех сердца весть, и создавый дыхание всем, сей весть всяческая, Иже воздаст комуждо по делом его. 13 Яждь мед, сыне, благ бо есть сот, да насладится гортань твой: 14 сице уразумеши премудрость душено твоено: аще бо обрящеши, будет добра кончина твоя, и упование не оставит тебе. 15 Не приводи нечестиваго на пажить праведных, ниже прельщайся насыщением чрева: 16 седмерицею бо падет праведный и встанет, нечестивии же изнемогут в злых. 17 Аще падет враг твой, не обрадуйся ему, в преткновении же его не возносия: 18 яко узрит Господь, и не угодно Ему будет, и отвратит ярость Свою от него. 19 Не радуйся о злодеющих и не ревнуй грешным, 20 не пребудут бо в нуцы лукавых, светило же нечестивых угаснет. 21 Бойся Бога, сыне, и царя, и ни единому же их противися: 22 внезапно бо истяжут нечестивых, мучения же обоих кто увесть? 23 Сия же вам смысленным глаголю разумети: срамлятися лица на суде не добро. 24 Глаголюй нечестиваго, яко праведен есть, проклят от людей будет и возненавиден во языцех: 25 обличающи же лучшии явятся, на няже приидет благословение блага: 26 и устне облобызают отвещающыя словеса блага. 27 Уготовляй на исход дела твоя, и уготовися на село, и ходи след мене, и оградиши дом твой. 28 Не буди свидетель лжив на твоего гражданина, ниже пространяйся твоима устнама. 29 Не рцы: имже образом сотвори ми, сотворю ему и отмщу ему, имиже мя преобиде. 30 Якоже нива муж

безумный, и яко виноград человек скудоумный: 31 аще оставиши его, опустеет и травую порастет весь, и будет оставлен, ограды же каменные его раскопаются. 32 Последи аз покаяхся, воззрех избрати наказание: 33 мало дремлю, мало же сплю и мало объемя рукама перси: 34 аще же сие твориши, приидет предидуци нищета твоя и скудость твоя, яко благ течец.

25 Сия притчи Соломони бывшая нерасположенны, яже списаша друзие Езекии царя Иудейска. 2 Слава Божия крыет слово, слава же царева почитает повеления Его. 3 Небо высоко, земля же глубока: сердце же царево необличительно. 4 Куй неискушенное серебро, и очистится чисто все. 5 Убивай нечестивыя от лица царева, и исправится в правде престол его. 6 Не гордися пред лицом царевым и на месте сильных не стани: 7 лучше бо ти есть, егда речет: възды ко мне: нежели смиритися тебе пред лицом сильнаго. 8 Иже видеста очи твои, глаголи. Не впадай в тяжбу скоро, да не раскаяшися послещи, егда тебе досадит друг твой. 9 Вступай вспять, не неради, да не поносит убо тебе друг: 10 свара же твоя и вражда твоя не отступит, но будет ти равна со смертию. Благодать и любви свобождает, в нихже утверди себе, да не в поношении будеши, но сохрани пути твоя добре устроены. 11 (Якоже) яблоко злато во усерязи сардийскаго камня, сице рещи слово при приличных ему. 12 И (якоже) во усерязь златый сардийский камень многоценный вяжется, (сице) слово премудро во ухо благопослушно. 13 Якоже исходище снега в жатву зноя пользует, тако вестник верен пославших его: души бо употребляющих его пользует. 14 Якоже ветри и облацы и дождеве являющися, тако и хвляющийся о даянии ложнем. 15 В долготерпении благополучие царем: язык же мяжок сокрушает кости. 16 Мед обрет яждь умеренно, да не како пресыщен изблюеши. 17 Не учащай вносили ногу твою ко другу твоему, да не когда насыщся тебе, возненавидит тя. 18 Дреколь и меч и стрела остра, тако и муж свидетелствуяй на друга своего свидетельство ложное. 19 Путь злаго и нога законопреступнаго погибнут в день зол. 20 Якоже оцет неполезен вреду и дым очима, тако припадшая страсть в телеси сердце оскорбляет. 21 Якоже молие в ризе и червие в древе, тако печаль мужу вредит сердце. 22 Аще алчет враг твой, ухлеби его: аще ли жаждет, напои его: 23 сие бо творя, углие огненное собираеши на главу его, Господь же воздаст тебе блага. 24 Ветр северный вздвизает облаки, лице же безудно язык раздражает. 25 Лучше жити во угле непокрытем, неже во хранине общей со женою клеветливою. 26 Якоже вода студеная души жаждущей благоприятна, тако весть блага от земли издалеча. 27 Якоже аще кто источник заграждает и исходище воды губит, тако не лепо праведнику пасти пред нечестивым. 28 Ясти мед много не добро: почитати же подобает словеса славна. Якоже град стенами разорен и не огражден, тако муж творяй что без совета.

26 Якоже роса в жатву и якоже дождь в лете, тако несть безумному чести. 2 Якоже птицы отлетают и врабиеве,

так о клятве суетная не найдет ни на коже. 3 Якоже бичь коню и остен ослу, тако жезл языку законопреступнику. 4 Не отвещай безумному по безумию его, да не подобен ему будешь: 5 но отвещай безумному по безумию его, да не явится мудр у себе. 6 От путей своих поношение творит, иже посла вестником безумным слово. 7 Отими шестие от глаз и законопреступление от уст безумных. 8 Иже привязует камень в пращи, подобен есть дающему безумному славу. 9 Терния прозябают в руке пьяницы, и порабощение в руке безумных. 10 Мнози волнуется всяка плоть безумных, сокрушается бо изступление их. 11 Якоже пес, егда возвратится на своя блевотины, и мерзок бывает, тако безумный своєю злобою возвращаясь на свой грех. Есть стыд наводяй грех, и есть стыд слава и благодать. 12 Видех мужа непщевавша себе мудра быти, упование же имать безумный паче его. 13 Глаголет ленивый послан на путь: лев на путех, на стогнах же разбойницы. 14 Якоже дверь обращается на пяте, тако ленивый на ложи своем. 15 Скрыв ленивый руку в недро свое не возможет принести ко устом. 16 Мудрейший себе ленивый является, паче во избюбили изнасячаго весть. 17 Якоже держай за ошиб пса, тако председателствуй чуждему суду. 18 Якоже врачуемии мещут словеса на человеки, сретаяй же словом первый запнется: 19 тако вси коварствующии над своими други: егда же увидени будут, глаголют, яко играя содеях. 20 Во мнозех дровех растет огонь: а иже несть разгневающая, умолкает свар. 21 Огнище углию, и дрова огневи: муж же клеветлив в мятеж свара. 22 Словеса ласкателей мягка: сия же ударяют в сокровища утроб. 23 Серебро даемо с лестью, якоже скудель вменяемо: устне гладки сердце покрывают прискорбно. 24 Устнама вся обещавает плачай враг, в сердце же содевает лесь. 25 Аще ты молит враг велиим гласом, не веруй ему, семь бо есть лукавствий в души его. 26 Таяй вражду составляет лесь: открывает же своя грехи благоразумный на сонмищих. 27 Изрываяй яму искреннему впадется в ню: валяяй же камень на себе валит. 28 Язык лжив ненавидит истины, уста же непокровенна творят нестроение.

27 Не хвалися о утрии, не веси бо, что родит (день) находяй. 2 Да хвалит тя искренний, а не твоя уста, чуждий, а не твои устне. 3 Тяжко камень и неудобносно песок, гнев же безумнаго тяжший обоего. 4 Безмилостивна ярость и остр гнев, но ничтоже постоит ревности. 5 Лучшее обличения откровенна тайня любовь. 6 Достовернее суть язвы друга, нежели вольная любозания врага. 7 Душа в сытости сущи сотам ругается: души же нищетней и горькая сладка являются. 8 Якоже егда птица отлетит от гнезда своего, тако человек порабощается, егда устранился от своих мест. 9 Миря и вином и фимиамы красуется сердце, растерзаваежеса от бед душа. 10 Друга твоего или друга отча не оставляй: в дом же брата своего не вниди неблагоприятно: лучше друг близ, неже брат далече живый. 11 Мудр буди, сыне, да веселится сердце твое, и отвори от себе понослива словеса. 12 Хитрый злым находящим укрывается: безумнии же нашедше тцету постраждут. 13 Отими ризу его, прейде бо досадитель, иже чуждая погубляет.

14 Иже аще благословит друга утро велиим гласом, от кленущаго ни чимже разнствовати возмнится. 15 Капли изгоняют человека в день зимен из дому его, тако и жена клеветливая из своего дому. 16 Север жесток ветр, именем же приятен нарицается. 17 Железо железа острит: муж же поощряет лице дружне. 18 Иже насаждает смоковницу, снесть плоды ея: а иже хранит господа своего, честен будет. 19 Якоже суть неподобна лица лицам, сице ниже сердца человеков. 20 Ад и Погибель не насыщаются: такожде и очи нечестивии несуты. (Sheol h7585) 21 Искушение серебру и злату разделение: муж же искушается усты хвальных его. 22 Аще биеши безумнаго посреде сонмища срамляя его, не отимеши безумия его. 23 Разумне разумевай души стада твоего, и да приставиши сердце твое ко твоим стадам. 24 Яко не во век мужеви держава и крепость, ниже предает от рода в род. 25 Прилежи о злацах сущих на поли и пожнеши траву, и собирай сено нагорное, 26 да имаши овцы на одеяние: почитай поле, да будут ти агнцы. 27 Сыне, от мене имаши речения крепка в жизнь твою и в жизнь твоих служителей.

28 Бегает нечестивый ни единому же гонящу, праведный же яко лев уповая. 2 За грехи нечестивых судово востаю: муж же хитрый угасит я. 3 Продерзый в нечестиих оклеветает нищия, якоже дождь сильный не полезен: 4 тако оставивши закон хвалят нечестие, любящии же закон ограждают себе стену. 5 Мужие злии не уразумеют суда, ищущии же Господа уразумеют о всем. 6 Лучше нищ ходяй во истине, нежели богат ложь. 7 Хранит закон сын разумный: а иже пасет несетьность, безчестит отца своего. 8 Умножаяй богатство свое с лихвами и прибытки милующему нищия собирает е. 9 Укланяяй ухо свое не послушати закона и сам молитву свою омерзил. 10 Иже льстит правыя на пути злем, во истление сам впадет: беззаконнии же минуют благая и не внидут в ня. 11 Премудр у себе муж богатый, убогий же разумив презрит его. 12 Помощию праведных многа бывает слава, на местех же нечестивых погибают человецы. 13 Покрывааяй нечестие свое не успеет во благая, поведая же обличения возлюблен будет. 14 Блажен муж, иже боится всех за благоговение, а жестосердый впадает во злая. 15 Лев алчен и волк жажден, иже тиранствует, нищ сый, над языком убогим. 16 Царь скуден уроком велик клеветник (бывает), а ненавидяй неправды долго лет поживет. 17 Мужа, иже в вине смертне, выручаяй беглец будет, а не утвержден. Наказуй сына, и возлюбит ты и даст лепоту твоей души, не послушает языка законопреступна. 18 Ходяй праведно помощь примет, ходяй же в стропотны пути увязнет. 19 Делаяй свою землю насытитися хлебов, гоняй же праздность насытитися нищеты. 20 Муж веры достойный много благословится, злый же не без мучения будет. 21 Иже не срамляется лица праведных, не благ: таковый за укрух хлеба продаст мужа. 22 Тщится обогатитися муж завидлив, и не весть, яко милостивый возблаждает им. 23 Обличаяй человецы пути благодать имать паче языком ласкающаго. 24 Иже отвергает отца или мать не согрешати,

сей сопричастник есть мужу нечестиву. 25 Неверный муж судит туне, а иже надеется на Господа, в прилежании будет. 26 Иже надеется на дерзо сердце, таковой безумен: а иже ходит в премудрости, спасется. 27 Иже дает убогим, не оскудеет: а иже отвращает око свое, в скудости будет мнозе. 28 На местех нечестивых стенят праведнии, в погибели же их умножатся праведнии.

29 Лучше муж обличай, нежели муж жестоковыйный: внезапно бо палиму ему, несть изцеления. 2 Похваляемым праведным, возвеселятся людие: начавствующим же нечестивым, стенят мужие. 3 Мужу любящу премудрость, веселится отец его: а иже пасет любодейцы, погубит богатство. 4 Царь праведен возвышает землю, муж же законопреступник раскопывает. 5 Иже уготовляет на лице своему другу мрежу, облагает ю на своя ноги. 6 Согрешающему мужу велия сеть: праведный же в радости и в веселии будет. 7 Умеет праведный суд творити убогим, а нечестивый не разумеет разума, и убогому несть ума разумевающего. 8 Мужие беззаконнии сожгоша град, мудрии же отвратили гнев. 9 Муж мудр судит языки, муж же злый гневаяйся посмеваемъ бывает, а не устрашает. 10 Мужие кровей причастни возненавидят преподобнаго, правии же възыщут душу его. 11 Весь гнев свой произносит безумный: премудрый же скрывает по части. 12 Царю послушающу словесе неправедна, вси, иже под ним, законопреступници. 13 Заимодавцу и должнику, друг со другом сошедшымся, посещение творит обема Господь. 14 Царю во истине судящему нищим, престол его во свидетелство устроится. 15 Язвы и обличения дают мудрость: отрок же заблуждаям срамляет родители своя. 16 Многим сущым нечестивым мнози греси бывают, праведнии же, оным падающим, устрашаемы бывают. 17 Наказуй сына твоего, и упокоит тя и даст лепоту души твоей. 18 Не будет сказатель языку законопреступнику, храняй же закон блажен. 19 Не накажется словеси раб жесток: аще бо и уразумет, но не послушает. 20 Аще увидиши мужа скоро в словесех, разумей, яко упование имать паче его безумный. 21 Иже ласкосерд будет от детства, поработится, на последок же болезновати будет о сем. 22 Муж гневливый воздвизает свар, муж же ярый открывает грехи. 23 Досаждение мужа смиряет, а смиренныя утверждает Господь в славе. 24 Иже сообщается татю, ненавидит своя душа: аще же клятву предложенную слышавши не возвестят, 25 убоившися и постыдившися человека, преткнутся: надеявшися же на Господа возвеселятся. Нечестие мужу дает соблажнение: уповаяй же на Владыку спасется. 26 Мнози угрождают лицам начальников: от Господа же сбывается правда мужу. 27 Мерзость праведнику муж не праведен: мерзость же законопреступному путь правоведяй.

30 Сия глаголет муж верующым Богови, и почиваю: 2 безумнее бо есмь от всех человек, и разума человеческого несть во мне: 3 Бог же научи мя премудрости, и разум святых уразумех. 4 Кто възыде на небо и сниде? Кто собра ветры в недра? Кто возврати воду в ризу? Кто

обдержа вся концы земли? Кое имя его? Или кое имя сыну его, да разумеши? 5 Вся бо словеса Божия раздужена: защищает же Сам благоговееущих Ему. 6 Не приложи ко словесем Его, да не обличит тя, и ложь будеши. 7 Двое прошу у Тебе: не отими от мене благодати прежде умертвия моего: 8 суетно слово и ложно далече от мене сотвори, богатства же и нищеты не даждь ми: устрой же ми потребная и самодовольная, 9 да не насыщся ложь буду и реку: кто мя видит? Или обнищав украду и кленуся именем Божиим. 10 Не предаждь раба в руке господина, да не когда прокленет тя, и изчезнети. 11 Чадо зло праведен отца и матерь не благословит. 12 Чадо зло кленет себе судит, исхода же своего не измы. 13 Чадо зло высоки очи имать, веждама же своима возносится. 14 Чадо зло мечь зубы (своя) имать, и членовныя яко сечиво, еже губити и поядати смиренныя от земли и убогия их от человек. 15 Пявица име три дщери, любовию возлюблены, и три сия не насытишася ея, и четвертая не удовлися реци: доволно (ми есть). 16 Ад и похоть жены, и земля ненапоеная водою и вода и огонь не рекут: довлеет. (Sheol h7585) 17 Око ругающеяся отцу и досаждающее старости матери, да исторгнут е вранове от дебрива и да снесят е птенцы орли. 18 Трие ми суть невозможная уразумети, и четвертаго не вем: 19 следа орла паряща (по воздуху) и пути змиа (ползуща) по камени, и стези корабля плывуща по морю и путей мужа в юности (его). 20 Таков путь жены блудницы: яже егда сотворит, и измывшия, ничтоже, рече, содеях нелепо. 21 Тремя трясется земля, четвертаго же не может понести: 22 аще раб воцарится, и безумный исполнится пищею, и раба аще изженет свою госпожу, 23 и мерзкая жена аще ключится добру мужу. 24 Четыри же суть малейшая на земли, сия же суть мудрейша мудрых: 25 мравие, имже несть крепости и уготовляют в жатву пищу: 26 и хирогриллы, язык не крепок, иже сотвориша в камених дома своя: 27 безцарни суть пружие, и воюют от единого повеления благочинно: 28 ящерица, руками опирающися и удобь уловляема сущи, живет во твердех царевых. 29 Трие суть, яже благопоспешно ходят, четвертое же, еже добре проходит: 30 скимен львов крепчае зверей, иже не отвращается, ни устрашается скота, 31 и петель ходя в кокоших благодушен, и козел предводитель стаду, и царь глаголяй к народу во языке. 32 Аще вдаси себе в веселие и прострещи руку твою со сваром, поруган будеши. 33 Мельзи млеко, и будет масло. Аще ли ноздри чешещи, изыдет кровь: аще же извлечеши словеса, изыдут судове и тяжбы.

31 Моя словеса рекошася от Бога, цареву пророчество, егоже наказа мати его: 2 что, чадо, (соблудеши,) что речение Божие? Первородне, тебе глаголю, сыне: что, чадо моего чрева? Что, чадо моих молитв? 3 Не даждь женам твоего богатства и твоего ума и жития в последний совет. 4 С советом все твори, с советом пей вино: сильнии гневливи суть, вина да не пьют, 5 да написшися не забудут мудрости и право судити немощным не возмогут. 6 Дадите сикера сущым в печалех и вино пити сущым в болезнех, 7 да забудут убожества и болезней не воспомянут ктому. 8

Сыне, отверзай уста твоя слову Божию и суди вся здраво: 9 отверзай уста твоя и суди праведно, рассуждай же убога и немощна. 10 Жену доблю кто обрящет, дражайши есть камня многоценнаго таковая: 11 дерзает на ню сердце мужа ея: таковая добрых корыстей не лишится: 12 делает бо мужу своему благая во все житие: 13 обретши волну и лен, сотвори благопотребное рукама своима. 14 Бысть яко корабль куплю дея, издавеча собирает себе богатство: 15 и востает из нощи, и даде брашна дому и дела рабыням. 16 Узревши село купи, от плодов же рук своих насади стяжание. 17 Препоясавши крепко чресла своя, утвердит мышцы своя на дело, 18 и вкуси, яко добро есть делати, и не угасает светилник ея всю нощь. 19 Лапти своя простирает на полезная, руце же свои утверждает на вретено, 20 и руце свои отверзает убогому, длань же простре нищу. 21 Не печется о сущих в дому муж ея, егда где замедлит: вси бо у нея одеяни суть. 22 Сугуба одеяния сотвори мужу своему, от виссона же и порфиры себе одеяния. 23 Славен бывает во вратех муж ея, внегда аще сядет в сонмищи со старейшины жителями земли. 24 Плащаницы сотвори и продаде Финикианом, опоясания же Хананеом. 25 Уста своя отверзе внимательно и законно и чин заповеда языку своему. 26 Крепостию и лепотою облечеса, и возвеселися во дни последняя. 27 Тесны стези дому ея, брашна же леностнаго не яде. 28 Уста своя отверзе мудро и законно. 29 Милостыня же ея возстави чада ея, и обогатишася: и муж ея похвали ю: 30 мнози дщери стяжаша богатство, мнози сотвориша силу: ты же предупела и превознеслася еси над всеми: 31 ложнаго угождения и суетныя доброты женския несть в тебе: жена бо разумная благословена есть: страх же Господень сия да хвалит. Дадите ей от плодов устен ея, и да хвалим будет во вратех муж ея.

Книга Екклезиаста

1 Глаголы Екклесиаста, сына Давидова, царя Израилева во Иерусалиме. **2** Суета суетствий, рече Екклесиаст, суета суетствий, всяческая суета. **3** Кое изобилие человеку во всем труде его, имже трудится под солнцем? **4** Род преходит и род приходит, а земля во век стоит. **5** И восходит солнце и заходит солнце и в место свое влечется, сие возсиявая тамо. **6** Идет к югу и обходит к северу, обходит окрест, идет дух и на круги своя обращается дух. **7** Все потоцы идут в море, и море несть насыщаемо: на место, аможе потоцы идут, тамо тии возвращаются ити. **8** Вся словеса трудна, не возможет муж глаголати: и не насытится око зрети, ни исполнится ухо слышания. **9** Что было, тожде есть, еже будет: и что было сотворено, тожде имать сотворитсися. **10** и ничтоже ново под солнцем. Иже возглаголет и речет: се, сие ново есть: уже бысть в вещех бывших прежде нас. **11** Несть память первых, и последним бывшим не будет их память с будущими на последок. **12** Аз Екклесиаст бых царь над Израилем во Иерусалиме **13** и вдах сердце мое, еже възыскати и рассмотреть в мудрости о всех бывающих под небесем: яко попечение лукаво даде Бог сыном человеческим, еже упражнятися в нем. **14** Видех всяческая сотворения сотворенная под солнцем: и се, вся суество и произволение духа. **15** Развращенное не может исправитсися, и лишение не может изчислитсися. **16** Глаголах аз в сердцы моем, еже рещи: се, аз возвеличихся и умножих мудрость паче всех, иже быша прежде мене во Иерусалиме, **17** и сердце мое вдах, еже ведети премудрость и разум: и сердце мое виде многая, премудрость и разум, притчи и хитрость: уразумех аз, яко и сие есть произволение духа: **18** яко во множестве мудрости множество разума, и приложивый разум приложит болезнь.

2 Рекох аз в сердцы моем: прииди убо, да ты искушу в веселии, и виждь во блазе: и се, такожде сие суество. **2** Смеху рекох: погрешение, и веселию: что сие твориши? **3** И рассмотрю, аще сердце мое повлечет аки вино плоть мою: и сердце мое настави мя в мудрости, и еже удержати веселие, дондеже увижду, кое благо сыном человеческим, еже творят под солнцем в число дний живота своего. **4** Возвеличих творение мое: создах ми домы, насадах ми винограды, **5** сотворих ми вертограды и сады и насадах в них древес всякого плода, **6** сотворих ми купели водныя, еже напаяти от них прозябение древес: **7** притяжах рабы и рабыни, и домочадцы быша ми: и стяжание скота, и стад много ми бысть, паче всех бывших прежде мене во Иерусалиме: **8** собрах ми злато и серебро и имения царей и стран, сотворих ми поющыи и поющия, и услаждения сынов человеческих, виночерпцы и виночерпицы. **9** И возвеличихся, и приложихся мудрости паче всех бывших прежде мене во Иерусалиме: и мудрость моя пребысть со мною. **10** И все, егоже просиста очи мои, не отях от них и не возбраних сердцу моему от всякого веселия моего, яко сердце мое возвеселися во всяцем труде моем. И сие бысть часть моя от всего труда

моего. **11** И призрех аз на вся творения моя, яже сотвористе руце мои, и на труд, имже трудихся творити. И се, вся суета и произволение духа, и несть изобилие под солнцем. **12** И призрех аз видети мудрость, лесть и безумие: яко кто человек, иже поидет вслед совета, елика сотвори в нем? **13** И видех аз, яко есть изобилие мудрости паче безумия, якоже изобилие света паче тмы: **14** мудраго очи его во главе его, а безумный во тме ходит: и уведех и аз, яко случай един случится всем им. **15** И рех аз в сердцы моем: якоже случай безумнаго, и мне случится: и вскую умудрехся? Аз тогда излишаго глаголах в сердцы моем, яко и сие суета, понеже безумный от избытка глаголет: **16** яко несть памяти мудраго с безумным во век, зане уже во днех грядущих вся забвена быша: и како умрет мудрый с безумным? **17** И возненавидех живот, яко лукавню мне сотворение сотворенное под солнцем: понеже всяческая суета и произволение духа. **18** И возненавидех аз всяческая мира и труд мой, имже аз труждаюся под солнцем, яко оставляю его человеку будущему по мне. **19** И кто весть, мудр ли будет или безумен? И обладати ли имать всем трудом моим, имже трудихся и имже мудрствах под солнцем? И сие же суета. **20** И обратихся аз отрещися сердцу моему о всем труде, имже трудихся под солнцем: **21** яко есть человек, егоже труд в мудрости и в разуме и в мужестве: и человек, иже не потрудися о нем, даст ему часть свою. И сие суета и лукавство велие. **22** Яко бывает человеку во всем труде его и в произволении сердца его, имже той труждается под солнцем, **23** яко вси дние его болезней и ярости попечение ему, ибо в нощи не спит сердце его. И сие же суета есть. **24** Несть благо человеку, но (разве) еже яст и пиет и еже покажет души своей благо в труде своем: и сие видех аз, яко от руки Божия есть: **25** яко кто яст и пиет кроме Его? **26** Яко человеку благу пред лицом Его даде мудрость и разум и веселие, согрешающему же даде попечение, еже прилагати и собирати, во еже дати благому пред лицом Божиим: яко и сие суета и произволение духа.

3 Всем время и время всяцей вещи под небесем: **2** время раждати и время умирати, время садити и время исторгати сажденое, **3** время убивати и время целити, время разрушати и время созидати, **4** время плакати и время смеятися, время рыдати и время ликовати, **5** время разметати камение и время собирати камение, время обымати и время удалятися от обымания, **6** время искати и время погубляти, время хранити и время отретяти, **7** время раздрати и время шити, время молчати и время глаголати, **8** время любити и время ненавидети, время брани и время мира. **9** Кое изобилие творящего, в ниже сам трудится? **10** Видех попечение всяческое, еже даде Бог сыном человеческим, еже пецися в нем. **11** Всяческая, яже сотвори, добра (суть) во время свое, ибо всякий век дал есть в сердце их, яко да не обрящет человек сотворения, еже сотвори Бог от начала и даже до конца. **12** Уразумех, яко несть благо в них, но токмо еже веселитсися и еже творити благо в животе своем: **13** ибо всяк человек, иже яст и пиет

и видит благое во всем труде своем, сие даения Божие есть. 14 Разумех, яко вся, елика сотвори Бог, сия будут во век: к тем несть приложити и от тех несть отяти, и Бог сотвори, да убоятся от лица Его: 15 бывшее уже есть, и елика имут быти, уже быша, и Бог възыщет гонимаго. 16 И еще видех под солнцем место суда, тамо нечестивый, и место праведнаго, тамо благочестивый. 17 И рех аз в сердцы моем: праведнаго и нечестиваго судит Бог: яко время всяцей вещи и на всяцем сотворении тамо. 18 Рех аз в сердцы моем о глаголении сынов человеческих, яко рассудит их Бог: и еже показати, яко сии скоти суть: 19 ибо и тем якоже случай сынов человеческих и случай скотский, случай един им: якоже смерть того, тако и смерть сего, и дух един во всех: и что излишше имать человек паче скота? Ничтоже: яко всяческая суета. 20 Вся идут во едино место: вся быша от персти и вся в персть возвращаются. 21 И кто весть дух сынов человеческих, аще той восходит горе? И дух скотский, аще низходит той долу в землю? 22 И видех, яко несть благо, но токмо еже возвеселится человек в творении своих, яко сия часть его: понеже кто приведет его видети то, еже будет по нем?

4 И обратихся аз и видех вся оклеветания бывающая под солнцем: и се, слезы оклеветанных, и несть им утешающаго, и от руки клеветущих на ня крепость, и несть им утешающаго. 2 И похвалих аз всех умерших, иже умроша уже, паче живых, елицы живи суть доселе: 3 и благ паче обоих сих, иже еще не бысть, иже не виде всякаго сотворения лукаваго сотвореннаго под солнцем. 4 И видех аз весь труд и всяко мужество сотворения, яко сие ревность мужа от подруга своего. И сие суета и произволение духа. 5 Безумный объят руце свои и снеде плоти своя. 6 Благо есть исполнение горсти покоя, паче исполнения двои горстию труда и произволения духа. 7 И обратихся аз и видех суетство под солнцем: 8 есть един, и несть втораго, ни сына, ниже брата несть ему, и несть конца всему труду его, ниже око его насыщается богатства. И кому аз труждаюся и лишаю душу мою от благостыни? И сие суета и попечение лукавно есть. 9 Блази два паче одинаго, имже есть мзда блага в труде их: 10 яко аще падется един от них, воздвигнет другий причастника своего: и горе тому единому, егда падет и не будет втораго воздвигнути его. 11 И аще уснет два, тепло има будет, а един како согреться? 12 И кто укрепится един, два станета противу ему: и вервь треплетена не скоро расторгнется. 13 Благо отрок нищ и мудр, паче стара царя и безумна, иже не разуме внимати еще: 14 яко из дому юзников изыдет царствовать, понеже и в царстве своем родися нищ. 15 Видех всех живущих, ходящих под солнцем, с юным вторым, иже востанет вместо его. 16 Несть конца всем людем, всем, иже пред ними быша, ибо последнии не возвеселятся о нем: яко и сие суета и произволение духа.

5 Сохрани ногу твою, егда аще идеши в дом Божий, и близ (буди) еже слушати: паче даения безумных жертва твоя, понеже не ведят, яко творят зло. 2 Не скор буди усты твоими, и сердце твое да не ускоряет изнести слово пред

лицем Божиим, яко Бог на небеси горе, ты же на земли долу: сего ради да будут словеса твоя мала: 3 яко приходит соние во множестве попечения, тако и глас безумнаго во множестве словес. 4 Аще обещаеши обет Богу, не умедли отдати его, яко несть хотения в безумных: ты убо, елика аще обещаеши, отдаждь. 5 Благо тебе еже не обещаватися, нежели обещавшуся тебе, не отдати. 6 Не даждь устам твоим еже во грех ввести плоть твою, и да не речеши пред лицем Божиим, яко неведение есть: да не прогневается Бог о гласе твоём и раслут творения рук твоих: 7 яко во множестве соний и светствия, (тако) и словеса многа, темже Бога бойся. 8 Аще обиду нищаго и расхищение суда и правды увидиши во стране, не дивися о вещи: яко высокий над высоким надзиратель, и высокоцы над ними, 9 и изобилие земли над всем есть царь села возделанна. 10 Любяй сребро не насытится сребра: и кто насладится во множестве его плода? И сие суета. 11 Во множестве блага умножишася ядущии е: и кое мужество имущему е? Яко начало еже видети очима своима. 12 Сон сладок работающему, аще мало или много несть: а насытившагоса богатство не оставляет уснути. 13 Есть недуг, егоже видех под солнцем, богатство хранимо от стяжателя во зло ему: 14 и погибнет богатство оно в попечении лукавн: и роди сына, и несть в руце его ничтоже: 15 якоже изыде из чрева матере своя наг, возвратится ити, якоже и прииде, и ничтоже возмет от труда своего, да понесет в руце своей. 16 И сие зол недуг: якоже бо прииде, тако и отидет, и кая польза ему, яко трудится на ветр? 17 Ибо вси дние его во тме и плачи и в ярости мнозе, и в недуже и во гневе. 18 Се, видех аз благое, еже есть изрядно, еже ясти и пити и видети благостыню во всем труде своем, имже трудился бы под солнцем, в число дний живота своего, яже дал есть ему Бог, яко сие часть его: 19 ибо всякому человеку, емуже дал есть Бог богатство и имения, и власть даде ему ясти от того и прияти часть свою и возвеселится о труде своем, сие дар Божий есть: 20 яко не много памятствовати имать дни живота своего, понеже Бог облагает его попеченьми в веселии сердца его.

6 Есть лукавствие, еже видех под солнцем, и много есть над человеком: 2 муж, емуже даст Бог богатство и имение и славу, и несть лишай души своей от всех, ихже вожделеет, и не даст ему Бог власти от него ясти, яко чуждъ муж ясти имать от него. И сие суета и недуг зол есть. 3 Аще родит муж сто (чад) и лета многа поживет, и мнози будут дние лет его, и душа его не насытится от благостыни, и погребения не бысть ему, рех: благ паче его изверг, 4 яко в суете прииде и во тму идет, и во тме имя его покрывается: 5 и солнца не виде, ниже разуме, покой сему паче того: 6 и поживе тысящу лет сугубо, и благостыни не виде: еда не во едино место вся идут? 7 Весь труд человекъ во уста его, и душа его не исполнится. 8 Яко кое изобилие (человеку) мудрому паче безумнаго? Понеже нищ позна ходити противу живота. 9 Благо видение очию паче ходящаго душею. И се суетствие и произволение духа. 10 Аще что бысть, уже именовася имя его, и познася, еже есть человек и не возможет судитися с крепчайшим паче себе: 11 яко

суть словеса многа умножающая суету. 12 Что излишше человеку, яко кто весть, что благо человеку в животе (его) число дний живота суетства его? И сотвори я в сени: яко кто возвестит человеку, что будет по нем под солнцем?

7 Благо имя паче елеа блага, и день смертный паче дня рождения его. 2 Благо ходити в дом плача, нежели ходити в дом пира, понеже сие конец всякому человеку, и живый даст благо в сердцы его. 3 Блага ярость паче смеха, яко во злобе лица ублажится сердце. 4 Сердце мудрых в дому плача, а сердце безумных в дому веселия. 5 Благо еже слышати прещение премудра, паче мужа слышащего песнь безумных: 6 якоже глас терния под котлом, тако смех безумных. И сие суета. 7 Яко клевета льстит мудраго и погубляет сердце благородствия его. 8 Блага последняя словес паче начала его: благ терпеливый паче высокога духом. 9 Не тщися в душе своем яритися, яко ярость в недре безумных почит. 10 Да не решиши: что бысть, яко дние прежднии беша блази паче сих? Яко не в мудрости вопросил еси о сем. 11 Блага мудрость с наследием, паче же видящим солнце: 12 яко в сени его мудрость, якоже сень сребра, и изобилие разума премудрости оживляет, иже от нея. 13 Видь творения Божия: яко кто может украсити, егоже аще Бог превратит? 14 В день благодости (Его) живи во блазе и видь в день зла: видь, и с ним согласно сие сотвори Бог, о глаголании, да не обрящет человек за Ним ничтоже. 15 Всяческая видех во днеш суетствия моего: есть праведный погибая во своей правде, и есть нечестивый пребывая во своей злобе. 16 Не буди правдив вельми, ни мудрися излишше, да не когда изумишися. 17 Не нечестуй много и не буди жесток, да не умреш не во время свое. 18 Благо ти есть держатися сего, и от сего не оскверни руки твоя, яко боящимся Бога поспешатся вся. 19 Премудрость поможет мудрому паче десяти обладающих во граде: 20 яко несть человек праведен на земли, иже сотворит благое и не согрешит. 21 И во вся словеса, яже возглаголют нечестивии, не вложи сердца своего, да не услышиши раба своего кленуща тебе: 22 яко многожды возлукавнует на тя, и обхождении многими озлобит сердце твое, якоже и ты клял еси иныя (многия). 23 Вся сия искусих в мудрости: рех, умудрюся: и сия удалися от мене 24 далече паче неже бех, и бездны глубина, кто обрящет ю? 25 Обыдох аз, и сердце мое, еже разумети, еже рассмотреть, и еже възыскати мудрость и разум, и еже разумети нечестиваго безумие и ожесточение и лесь: 26 и обретох аз ю, и реку горчайшу паче смерти жену, яже есть ловитва, и сети сердце ея, узы в руку ея: благий пред лицом Божиим изимется от нея, а согрешаяя ят будет от нея. 27 Се, сие обретох, рече Екклесиаст: едину единою еже обрести помыл, еже възыска душа моя, и не обретох: 28 и человека единого от тысящ обретох, а жены во всех сих не обретох: 29 обаче се, сие обретох, еже сотвори Бог человека праваго, и сии възыскаша помыслов многих.

8 Кто уведе мудрость? И кто весть разрешение глагола? Мудрость человека просветит лице его, а безстыдный

возненавиден будет лицом своим. 2 Уста царева сохрани, и о словеси клятвы Божия не скор буди. 3 От лица его пойдеш, не стани во словеси лукавне, яко все, еже (аще) восхощет, сотворит, 4 якоже царь обладая, и кто речет ему: что твориши? 5 Храняй заповедь не увесь глагола лукавна: и время суда весть сердце мудраго, 6 яко всяцей вещи есть время и суд: яко разум человека мног (есть) на нем, 7 яко несть ведающего, что будущее: зане якоже будет, кто возвестит ему? 8 Несть человека владущаго духом, еже возбранити духу: и несть владущаго в день смерти, и несть посла в день брани: и не спасет нечестие сущаго в нем. 9 И все сие видех, и вдах сердце мое во все сотворение, еже сотворено есть под солнцем, вся, во еликих обладан есть человек над человеком, еже озлобити его. 10 И тогда видех нечестивыя во гробы внесены, и от святого: и идоша и похвалени быша во граде, яко сице сотвориша. И сие суета. 11 Яко несть пререкания бывающего творящим лукавое вскоре: сего ради уверися сердце сынов человеческих в них, еже сотворити лукавое. 12 Иже согрешит, сотворил есть лукавое, оттоле, и от долготы их: ибо и вем аз, яко есть благо боящимся Бога, да боются от лица Его, 13 и не будет благо нечестивому, и не продолжит дний в сени, иже несть бояйся от лица Божия. 14 Есть суета, яже сотворена есть на земли: яко суть праведнии, на нихже постизает яко творение нечестивых, и суть нечестивии, на нихже постизает яко творение праведных. Рех, яко и сие суета. 15 И похвалих аз веселие, яко несть благо человеку под солнцем, но токмо еже ясти и пити и еже веселитися: и то прибыток ему в труде его во днеш живота его, иже дал есть ему Бог под солнцем. 16 В нихже дах сердце мое, еже разумети мудрость и еже ведети попечение сотвореное на земли: яко и во дни и в нощи сна во очию своею несть видяй. 17 И видех вся творения Божия, яко не может человек изобрести творение сотвореное под солнцем: елика аще потрудится человек обрести, и не обрящет: и елика аще речет мудрый уразумети, не возможет обрести. Темже все сие вдах в сердце мое, и сердце мое все сие виде.

9 Яко праведнии и мудрии и делания их в руке Божией, и любве же и ненависти несть ведай человек: вся пред лицом их, суета во всех. 2 Случай един праведному и нечестивому, благому и злому, и чистому и нечистому, и крущему и не крущему: якоже благий, тако согрешаяя, якоже кленыйся, тако бояйся клятвы. 3 Сие лукаво во всяцем сотворенем под солнцем, яко случай един всем: и сердце сынов человеческих исполнися лукавствия, и прельсть в сердцах их и в животе их, и по сих к мертвым. 4 Понеже кто есть, иже приобщается ко всем живым? Есть надежда, яко пес живой, той благ паче льва мертва. 5 Понеже живии разумеют, яко умрут, мертвии же не суть ведущии ничтоже: и ктому несть им мзды, яко забвена есть память их, 6 и любовь их и ненависть их и рвение их уже погибе, и части несть им ктому во веки во всяцем творении под солнцем. 7 Прииди, яждь в веселии хлеб твой и пей во блазе сердцы вино твое, яко уже угодна Богу творения твоя. 8 Во всяко время да будут ризы твоя белы,

и елей на главе твоей да не оскудеет. 9 И видишь житие с женою, юже возлюбил еси, во вся дни живота юности твоя, данная ти под солнцем, вся дни суетствия твоего: яко сие часть твоя в животе твоём и в труде твоём, имже ты трудиши под солнцем. 10 Вся, елика аще обрящет рука твоя сотворити, якоже сила твоя, сотвори: зане несть сотворение и помышление и разум и мудрость во аде, аможе ты идёши тамо. (Sheol h7585) 11 Обратихся и видех под солнцем, яко ни легким течение, ниже сильным брань, ниже самому мудрому хлеб, ниже разумным богатство, ниже ведущим благодать: яко время и случай случится всем сим. 12 Яко убо не разуме человек времени своего: якоже рыбы уловляемы во мрежи зле, и аки птицы уловляемы в сети: якоже сия, уловляются сынове человечести во время лукаво, егда нападёт на ня внезапно. 13 И сие видех, мудрость под солнцем, и велика есть во мне: 14 град мал, и мужей в нем мало, и приидет нань царь велик и окрест обляжет его, и соделает на него остроги велия, 15 и обрящет в нем мужа нишаго мудра, и сей спасет град мудростию своею, и человек не воспомяну мужа нишаго онаго. 16 И рех аз: блага мудрость паче силы, и мудрость нишаго уничижена, и словеса его не суть послушаема. 17 Словеса мудрых в покои слышатся, паче клича обладающих в безумии. 18 Блага мудрость паче орудий ратных: и согрешаяй един погубит благостыню многу.

10 Мухи умершья згноют елеа сладость: честно малое мудрости паче славы велики безумия. 2 Сердце мудраго одесную его, сердце же безумнаго ошуюю его: 3 и в путь егда безумный идёт, сердце его лишается, и яже помышляет, вся безумие суть. 4 Аще дух владеющего възидёт на тя, места твоего не остави: яко изцеление утолит грехи велики. 5 Есть лукавство, еже видех под солнцем, аки невольню изыде от лица владеющего: 6 вдан безумный в высоты велики, а богатии во смиренных сядут: 7 видех рабов на конех, и князей идущих яко рабов на земли. 8 Копаяя яму впадет в ню, и разоряющаго ограду угрызнет его змий. 9 Иземляя камень поболит от них, разсецайя дрова беду приимет в них: 10 аще спадет сечиво, и сам лицом смятется: и силы укрепит, и изюбиле мужу мудрость. 11 Аще угрызнет змий не в шепте, и несть излишества обавающему. 12 Словеса уст премудраго благодать, устне же безумнаго потопят его: 13 начало словес уст его безумие, и последняя уст его прелесть лукава. 14 Безумный умножает словеса: не разуме человек, что бывшее и что будущее, что создаи его, (и) кто возвестит ему? 15 Труд безумных озлобит их, иже не разуме ити во град. 16 Горе тебе, граде, в немже царь твой юн, и князи твои рано ядят. 17 Блаженна ты, земле, еяже царь твой сын свободных, и князи твои во время ядят в силе и не постыдятся. 18 В леностех смирится строп, и в празднестве рук прокаллет храма. 19 Во смех творят хлеб и вино и елей, еже веселится живущим: и сребра со смирением послушают всяческая. 20 И в совести убо твоей не клени царя, и в клети ложницы твоя не клени

богатаго: яко птица небесная донесет глас твой, и имейя криле возвестит слово твое.

11 Посли хлеб твой на лице воды, яко во множестве дней обрящеша его. 2 Дажь часть седмим и осмим, яко не веси, что будет лукаво на земли. 3 Аще исполнятся облацы дождя, на землю изливают: и аще падёт древо на юг, и аще на север, на месте, идеже падёт древо, тамо будет. 4 Блюдый ветра не сеет, и сматряяй во облацех не пожнет. 5 В ниже несть ведый, кии путь духа, якоже кости во чреве раждающа: тако не уразумеши дел Божиих, елика сотворит всяческая. 6 В заутрии сей семя твое, и в вечер да не оставяет рука твоя: яко не веси, кое произыдет сие или оно, и аще обоя вкупе благая. 7 И сладко свет, и благо очима зрети солнце: 8 яко аще и многа лета поживет человек, и о всех сих возвеселится, и помянет дни тмы, яко мнози будут: все грядущее суета. 9 Веселися, юноше, во юности твоей, и да ублажит тя сердце твое во днех юности твоя, и ходи в путех сердца твоего непорочен и не в видении очию твоею: и разумей, яко о всех сих приведет тя Бог на суд: 10 и отстави ярость от сердца твоего, и отрини лукавство от плоти твоя: яко юность и безумие суета.

12 И помяни Сотворшаго тя во днех юности твоя, дондеже не приидут дние злобы твоя, и приспеют лета, в ниже речеши: несть ми в них хотения: 2 дондеже не померкнет солнце и свет, и луна и звезды, и обратятся облацы создаи дождя: 3 в день, в онже подвигнутся стражие дому, и развратятся мужие силы, и упразднятся мелющии, яко умалишася, и помрачатся зрящии во скважнях: 4 и затворят двери на торжищи, в немощи гласа мелюща, и встанет на глас птицы, и смирятся вся дщери песни: 5 и на высоту узрят, и ужас на пути, и процветет амигал, и отолстеют прузие, и разрушится каппарис: яко отиде человек в дом века своего, и обыдоша на торжищи плачущии: 6 дондеже не превратится уже серебряное, и не сокрушится повязка золотая, и сокрушится водонос у источника, и сломится колесо в коллии. 7 И возвратится персть в землю, якоже бе, и дух возвратится к Богу, иже даде его. 8 Суета суетствий, рече Екклесиаст, всяческая суета. 9 И лишнее, яко бысть Екклесиаст мудр, и яко научи разуму человека: и уxo изследит красоту притчей. 10 Много взыска Екклесиаст, еже обрести словеса хотения, и написанное правости, словеса истины. 11 Словеса мудрых якоже остны воловии и якоже гвоздие вонзено, иже от сложений дани быша от пастыря единого. 12 И множае от них, сыне мой, хранися: творити книги многи несть конца, и учение многое труд плоти. 13 Конец слова, все слушай: Бога бойся и заповеди Его храни, яко сие всяк человек: 14 яко все творение приведет Бог на суд о всячем погрешении, аще благо и аще лукаво.

Песнь песней

Соломона

1 2 Да лобжет мя от лобзаний уст твоих: яко блага сосца твоя паче вина, 3 и воня мира твоего паче всех аромат. Мирю излижное имя твое: сего ради отроковицы возлюбиха тя. 4 Привлекоша тя: вслед тебе в воню мира твоего течем. Введе мя царь в ложницу свою: возрадуемся и возвеселимся о тебе, возлюбим сосца твоя паче вина: правость возлюбил ты. 5 Черна есмь аз и добра, дщери Иерусалимския, якоже селения Кидарска, якоже завесы Соломони. 6 Не зрите мене, яко аз есмь очернена, яко опали мя солнце: сынове матере моея сваряхуся о мне, положиша мя стража в виноградех: виноградя моего не сохраних. 7 Возвести ми, егоже возлюбил душа моя, где пасеши? Где почиваеши в полудне? Да не когда буду яко облагающаяся над стады друзей твоих. 8 Аще не увеси самую тебе, добрая в женах, изыди ты в пятах паств и паси козлица твоя у кущей пастырских. 9 Конем моим в колесницах фараоновых уподобих тя, ближняя моя. 10 Что украшены ланиты твоя яко горлицы, выя твоя яко монисты? 11 Подобия злата сотворим ти с пестротами сребра. 12 Дондеже (будет) царь на восклонении своем, нард мой даде воню свою. 13 Взвание стаки брат мой мне, посреде сосцу моему водворится: 14 грезн кипров брат мой мне в виноградех Енгаддовых. 15 Се, еси добра, искренняя моя, се, еси добра: очи твои голубине. 16 Се, еси добр, брат мой, и еще красен: одр наш со осенением, 17 преклади дому нашего кедрови, дски наша кипарисныя.

2 Аз цвет польный и крин удольный. 2 Якоже крин в тернии, тако искренняя моя посреде дщерей. 3 Яко яблонь посреде древес лесных, тако брат мой посреде сынов: под сень его восхотех и седох, и плод его сладок в гортани моем. 4 Введите мя в дом вина, вчините ко мне любовь: 5 утвердите мя в мирех, положите мя во яблочех: яко уязвлена (есмы) любовию аз. 6 Шуица его под главою моею, и десница его оымет мя. 7 Заклях вас, дщери Иерусалимля, в силах и крепостех села: аще возставите и возбудите любовь, дондеже восхоцет. 8 Глас брата моего: се, той идет, скача на горы и прескача на холмы. 9 Подобен ест брат мой серне или младу елену на горах вефильских. Се, сей стоит за стеною нашею, проглядая оконцами, приницая сквозе мрежи. 10 Отвещает брат мой и глаголет мне: востани, прииди, ближняя моя, добрая моя, голубице моя. 11 Яко се, зима преиде, дождь отиде, отиде себе: 12 цветы явишася на земли, время обрезания приспе, глас горлицы слышан в земли нашей: 13 смоквь изнесе цвет свой, виногради зреюще даша воню. Востани, прииди, ближняя моя, добрая моя, голубице моя, и прииди. 14 Ты, голубице моя, в покрове камне, близ предстения: яви ми зрак твой, и услышан сотвори ми глас твой: яко глас твой сладок, и образ твой красен. 15 Имите нам лисы малыя, губящыя винограды: и виногради наши созревают. 16 Брат мой мне, и аз ему, пасый в кринах, 17 дондеже дхнет день, и двинутся сени.

Обратися, уподобися ты, брате мой, серне или младу елену на горах юдолий.

3 На ложи моем в ноцех исках, егоже возлюбил душа моя, исках его, и не обретох его: возвах его, и не послуша мене. 2 Встану убо и обыду во граде и на торжищих и на стогнах, и поищу, егоже возлюбил душа моя. Поискахо его, и не обретохо его: звах его, и не послуша мене. 3 Обретоша мя стрегущии, обходяще во граде: видесте ли, егоже возлюбил душа моя? 4 Яко мало егда преидох от них, дондеже обретох, егоже возлюбил душа моя: удержаж его, и не оставих его, дондеже введох его в дом матере моея и в чертог зачещения мя. 5 Заклях вас, дщери Иерусалимския, в силах и в крепостех селных: аще подвижете и воздвижете любовь, дондеже аще восхоцет. 6 Кто сия восходящая от пустыни, яко стебло дыма кадящее смирун и ливан, от всех благовоний мироварца? 7 Се, одр Соломонь, шестьдесят сильных окрест его от сильных Израилевых, 8 вси имуще оружия, научени на брань: муж, оружие его на бедре его от ужаса в ноцех. 9 Одр сотвори себе царь Соломон от древес Ливанских. 10 Столпы его сотвори сребряны и восклонение его злато: восход его багран, внутрь его камень послан, любовь от дщерей Иерусалимских. 11 Дщери Сиони, изыдите и видите в цари Соломоне в венце, имже венча его мати его в день обручения его и в день веселия сердца его.

4 Се, еси добра, ближняя моя, се, еси добра: очи твои голубине, кроме замолчания твоего: власи твои яко стада козиц, яже открышася от Галаада. 2 Зубы твои яко стада остриженных, яже изыдоша из купели, вся двоеплодны, и неродящия несть в них. 3 Яко вервь червлена устне твои, и беседа твоя красна: яко оброщение шипка ланиты твоя, кроме замолчания твоего. 4 Яко столп Давидов выя твоя, создан в Фаллиофе: тысяща щитов висит на нем, вся стрелы сильных. 5 Два сосца твоя яко два млада близнца серны, пасомая во кринах, 6 дондеже дхнет день, и подвигнутся сени. Пойду себе к горе смирней и к холму ливанску. 7 Вся добра еси, ближняя моя, и порока несть в тебе. 8 Гряди от Ливана, невесто, гряди от Ливана: прииди и преиди из начала Веры, от главы Санира и Аермона, от оград львовых, от гор пардалеов. 9 Сердце наше привлекла еси, сестро моя невесто, сердце наше привлекла еси единым от очию твоею, единым монистом выи твоея. 10 Что удобреста сосца твоя, сестро моя невесто? Что удобреста сосца твоя паче вина, и воня риз твоих паче всех аромат? 11 Сот искапают устне твои, невесто, мед и млеко под языком твоим, и благовоние риз твоих яко благоухание Ливана. 12 Вертоград заключен сестра моя невеста, вертоград заключен, источник запечатлен. 13 Леторасли твоя сад шипков с плодом яблочным, кипри с нардами, 14 нард и шафран, трость и киннамон со всеми древами ливанскими, смирна, алой со всеми первыми мирами, 15 источник вертограда, и кладязь воды живы и истекающая от Ливана. 16 Востани, севере, и гряди, юже, и повеи во вертограде моем, и да потекут ароматы мои.

5 Да снидет брат мой в вертоград свой и да яст плод овощей своих. Внидох в вертоград мой, сестро моя невесто: оымах смирну мою со ароматами моими, ядох хлеб мой с медом моим, пих вино мое с млеком моим. Ядите, ближнии, и пейте и упийтесе, братия. **2** Аз сплю, а сердце мое бдит: глас брата моего ударяет в двери: отверзи ми, сестро моя, ближняя моя, голубице моя, совершенная моя: яко глава моя наполнися росы, и власи мои капель noctных. **3** Зовлекохся ризы моя, како облечуся в ню? Умых нозе мои, како оскверню их? **4** Брат мой посла руку свою сквозе скважино, и чрево мое вострепета от него. **5** Востах аз отверсти брату моему: руце мои ископаша смирну, персты мои смирны полны на руках заключения. **6** Отверзох аз брату моему: брат мой преjde. Душа моя изыде в слово его: взысках его, и не обретох его: звах его, и не послуша мене. **7** Обретоша мя стражие обходящии во граде: биша мя, язвши мя, взяша верхнюю ризу от мене стражие стени. **8** Заклях вы, дщери Иерусалимския, в силах и в крепостех селных: аще обрящете брата моего, возвестите ему, яко узвлена любовию аз есмь. **9** Что брат твой паче брата, добрая в женах? Что брат твой от брата, яко тако заклала еси нас? **10** Брат мой бел и чермен, избран от тем: **11** глава его злато избранно, власы его кудрявы, черны яко вран: **12** очи его яко голубицы на исполнениих вод, измовени во млеце, седящыя в наполнениих (вод): **13** ланиты его аки фиалы аромат, прозябающыя благовоние: устне его крины, каплющии смирну полную: **14** руце его обточены златы, наполнены фарсика: чрево его сосуд слоноый на камени сапфиروه: **15** листа его столпи мраморовы, основани на степенех златых: вид его яко Ливан, избран яко кедрове: **16** гортань его сладость, и весь желание: сей брат мой и сей ближний мой, дщери Иерусалимли.

6 Камо отиде брат твой, добрая в женах? Камо уклонися брат твой? И взыщем его с тобою. **2** Брат мой сниде в вертоград свой, в места аромат, паствити в вертоградех и собирати крины. **3** Аз брату моему и брат мой мне, пасый в кринех. **4** Добра еси, ближняя моя, яко благоволение, красна яко Иерусалим, ужас яко вчиненны. **5** Отврати очи твои от мене, яко тии воскрилиша мя: власи твои, яко стада коз, яже въздоша от Галаада: **6** зубы твои, яко стада остриженных, яже въздоша от купели, вся близнята родящыя, и безнадная несть в них: яко вервь червлена устне твои, и беседа твоя красна: **7** яко оброщение шипка ланиты твоя, кроме замолчания твоего. **8** Шестьдесят суть цариц и осмьдесят наложниц, и уют, имже несть числа: **9** едина есть голубица моя, совершенная моя: едина есть матери своей, избрана есть родившей ю: видеша ю дщери и ублажиша ю, царицы и наложницы, и восхвалиша ю. **10** Кто сия пронцающая аки утро, добра яко луна, избрана яко солнце, ужас яко вчиненны? **11** В вертоград орехов снидох видети в плодех потока, видети, аще процвете виноград и возрасташа шипки. **12** Тамо дам сосца моя тебе: не разуме душа моя, положи мя на колеснице Аминадавли. **13** Обратися, обратися, суламитино, обратися, обратися, и узрим в тебе. Что увидите у Суламитины? Приходящая яко лики полков,

7 что украсишася стопы твоя во обутиих твоих, дщи Надавли? Чины бедру твоею подобни усеряземь, делу рук художника: **2** пуп твой чаша источена, не лишаемая мста: чрево твое яко стог пшеницы, огражден в кринах: **3** два сосца твоя, яко два млада близнецы серны: **4** выя твоя яко столп слоноый: очи твои яко езера во Есевоне, во вратах дщерей многих: нос твой яко столп Ливанский, смотряй лице Дамаска: **5** глава твоя на тебе яко Кармил (гора), и заплетение главы твоя яко багряница, царь увязан в преристаниих. **6** Что украсилася еси, и что усладилася еси, любви, во сладостех твоих? **7** Сие величество твое: усодобилася еси финику, и сосца твоя грезном. **8** Рекох: възду на финик, удержу высоту его: и будут сосцы твои яко грезнове винограда, и воня ноздрей твоих яко яблока: **9** и гортань твой яко вино благо, ходящее брату моему в правость, довольно устнам моим и зубом. **10** Аз брату моему, и ко мне обращение его. **11** Прииди, брате мой, и въздем на село, водворимся в селех: **12** ураним в винограды, увидим аще процвете виноград, процветоша ли овощи, процветоша ли яблока? Тамо дам тебе сосца моя. **13** Мандрагоры даша воню, и при дверех наших вси плоды нови: до ветхих, брате мой, соблюдох ти.

8 Кто даст тя, брате мой, ссуца сосцы матери моея? Обретши тя вне целую тя, и ктому не уничижат мене. **2** Пойму тя, введу тя в дом матери моея и в ложницу зачещения мя: тамо мя научиши: напою тя от вина с вонями строенаго, от воды яблук моих. **3** Шуйца его под главою моею, и десница его оымет мя. **4** Заклях вас, дщери Иерусалимския, в силах и в крепостех селных: аще подвижете и въздвижете любовь, дондеже аще восхощет. **5** Кто сия восходящая убелена и утвержаема о брате своем? Под яблонею възбудих тя: тамо роди ты мати твоя, тамо поболе тобою рождающая ты. **6** Положи мя яко печать на сердце твоем, яко печать на мышце твоей: зане крепка яко смерть любви, жестока яко ад ревность: крила ея крила огня, (углие огненно) пламы ея. (Sheol h7585) **7** Вода многа не может угасити любве, и реки не потопят ея. Аще даст муж все имение свое за любовь, уничижением уничижат его. **8** Сестра наша мала и сосцу не имать: что сотворим сестре нашей в день, в онье аще глаголатися будет ей? **9** Аще стена есть, соградим на ней забрала сребряна: и аще дверь есть, напишем на ней дску кедрову. **10** Аз стена, и сосцы мои яко столпи: аз бех во очию их аки обретающая мир. **11** Виноград бысть Соломону во Вееламоне: даде виноград свой стрегущым: муж принесет в плоде его тысячу сребренник. **12** Виноград мой предо мною: тысяча Соломону и двести стрегущым плод его. **13** Седяй в вертоградех, и друзие внемлющии гласу твоему: глас твой внуши мне. **14** Бежи, брате мой, и уподобися серне или юнцу еленей, на горы ароматов.

Книга пророка Исаии

1 Видение, еже виде Исаиа сын Амосов, еже виде на Иудею и на Иерусалим, в царство Озии и Иоафама, и Ахаза и Езекии, иже царствоваша во Иудеи. 2 Слыши, небо, и внуши, земле, яко Господь возглагола: сыны родих и возвысих, тии же отвергошася Мене. 3 Позна вол стяжавшаго и, и осел ясли господина своего: Израиль же Мене не позна, и людие Мои не разумеша. 4 Увы, язык грешный, людие исполнени грехов, семя лукавое, сынове беззаконнии, остависте Господа и разгневате Святаго Израилева, отвратитесь вспять. 5 Что еще уязвляетея, прилагающе беззаконие? Всякая глава в болезнь, и всякое сердце в печаль. 6 От ног даже до главы несть в нем целости: ни струп, ни язва, ни рана палящаяся: несть пластыря приложити, ниже елеа, ниже обязания. 7 Земля ваша худша, гради ваши огнем пожжени, страну вашу пред вами чуждии поядают, и опусте низвращена от людей чуждых. 8 Оставится дщерь Сиона яко куща в винограде и яко овощное хранилище в вертограде, яко град воюемый. 9 И аще не бы Господь Саваоф оставил нам семене, яко Содома убо были быхом, и яко Гоморру уподобилися быхом. 10 Услышите слово Господне, князи Содомстии: внемлите закону Божию, людие Гоморрстии. 11 Что Ми множество жертв ваших, глаголет Господь? Исполнен есмь всесожжения овних и тука агнцев, и и крове юнцев и козлов не хошу. 12 Ниже приходите явитися Ми: кто бо изыска сия из рук ваших? Ходити по двору Моему не приложите. 13 И аще принесете Ми семидал, всуе: кадило мерзость Ми есть. 14 Новомесячий ваших и суббот и дне великаго не потерплю: поста и праздности, и новомесячий ваших и праздников ваших ненавидит душа Моя: бысте Ми в сытость, ктому не стерплю грехов ваших. 15 Егда прострете руки (ваша) ко Мне, отвращу очи Мои от вас: и аще умножите моление, не услышу вас: руки бо ваша исполнены крове. 16 Измыйтесь, (и) чисти будите, отимите лукавства от душ ваших пред очима Моима, престаните от лукавств ваших. 17 Научитесь добро творити, взыщите суда, избавите обидимаго, судите сиру и оправдате вдовицу, 18 и приидите, и истяжимся, глаголет Господь. И аще будут греси ваши яко багряное, яко снег убелю: аще же будут яко червленое, яко волну убелю. 19 И аще хотите и послушаете Мене, благая земли снесете: 20 аще же не хотите, ниже послушаете Мене, мечь вы пояст: уста бо Господня глаголаша сия. 21 Как бысть блудница град верный Сион полн суда? В немже правда почиваше, ныне же (в нем) убийцы. 22 Сребро ваше неискушено, корчемницы твои мешают вино с водою. 23 Князи твои не покаряются, общницы татем, любяще дары, гоняще воздаяние, сирым не судящими и суду вдовиц не внимающими. 24 Сего ради тако глаголет Владыка Господь Саваоф: горе крепким во Израили: не престанет бо ярость Моя на противных, и суд врагом Моим сотворю: 25 и наведу руку Мою на тя, и разрежу в чистоту, непокаряющихся же погублю, и отиму всяку беззаконных от тебе, и всех гордых смирю. 26 И приставлю судии твоя

якоже прежде, и советники твоя яко от начала: и по сих наречешися град правды, мати градовом, верный Сион. 27 С судом бо спасется пленение его и с милостынею. 28 И сокрушатся беззаконнии и грешници вкупе, и оставивши Господа скончаются: 29 занеже постыдятся о идолех своих, иже сами восхотеша, и посрамятся о садах своих, иже возжелеша. 30 Будут бо яко теревинф отметнувый листвия (своя), и яко вертоград не имый воды. 31 И будет крепость их яко стебель изгребия, и делания их яко искры огненные, и сожгутся беззаконницы и грешници вкупе, и не будет угашаяя.

2 Слово бывшее от Господа ко Исаии сыну Амосову о Иудеи и о Иерусалиме. 2 Яко будет в последние дни явлена гора Господня, и дом Божий на версе гор, и возвысится превыше холмов: и приидут к ней вси языцы. 3 И пойдут языцы мнози и рекут: приидите, и взыдем на гору Господню и в дом Бога Иаковля, и возвестит нам путь Свой, и пойдем по нему. От Сиона бо изыдет закон, и слово Господне из Иерусалима: 4 и судити будет посреде язык и изболжит люди многи: и раскуют мечы своя на орала и копия своя на серпы, и не возмет язык на язык меча, и не навькнут ктому ратоватися. 5 И ныне, доме Иаковль, приидите, пойдем светом Господним. 6 Остави бо люди Своя, дом Иаковль: зане якоже из начала наполнися страна их волхвований, якоже иноплеменников, и чада многа иноплеменнича родишася им. 7 Наполнися бо страна их сребра и злата, и не бяше числа сокровищ их: и наполнися земля их коней, и не бяше числа колесниц их: 8 и наполнися земля мерзостей дел рук их, и поклонишася тем, яже сотвориша персты их: 9 и преклонися человек и смирися муж, и не претерплю им. 10 И ныне видите в камение и скрыйтеся в землю от лица страха Господня и от славы крепости Его, егда востанет сокрушити землю. 11 Очи бо Господни высокои, человек же смирен: и смирится высота человеческая, и возиесется Господь един в день оный. 12 День бо Господа Саваофа на всякаго досадителя и горделиваго, и на всякаго высокоаго и величаваго, и смиратся: 13 и на всяк кедр Ливанский высокои и превознесенных и на всяко древо желудя Васанска, 14 и на всякую гору высокую и на всякий холм высокий, 15 и на всякий столп высок и на всякую стену высокую, 16 и на всякий корабль морской и на всяко видение доброты кораблей. 17 И смирится всякий человек, и падется высота человека, и вознесется Господь един в день оный. 18 И рукотвореная вся скрывают, 19 внесше в пещеры и в расселины камней и в вертепы земныя, от лица страха Господня и от славы крепости Его, егда востанет сокрушити землю. 20 В день бо оный изринет человек мерзости своя златыя и сребряныя, яже сотвориша, да поклоняются суетным и нетопырем, 21 еже внити в вертепы твердаго камене и в расселины камней, от лица страха Господня и от славы крепости Его, егда востанет сокрушити землю. 22 Оставьте (убо) вам человека, емуже есть дыхание в ноздрех его: яко в чем вменися сей?

3 Се, Владыка Господь Саваоф отимет от Иерусалима и от Иудеи крепкаго и крепкую, крепость хлеба и крепость

воды, 2 исполнина и крепкого, и человека ратника и судию, и пророка и смотреливаго, и старца 3 и пятьдесятоначальника, и дивнаго советника и премудраго архитектона и разумнаго послушателя. 4 И поставлю юношы князи их, и ругатели господствовати будут ими. 5 И нападати имут людие, и человек на человека, и человек на ближняго своего: приразится отроча к старцу, и безчестный к честному. 6 Яко имется человек брата своего, или домашняго отца своего, глаголя: ризу имаши, началовождь нам буди, и брашно мое под тобой да будет. 7 И отвещав в день оный речет: не буду твоей началовождь, несть бо в дому моем ни хлеба, ни ризы: не буду началовождь людем сим. 8 Яко оставлен бысть Иерусалим, и Иудеа паде, и язык их со беззаконием, не покаяющься Господеви. 9 Сего ради ныне смирися слава их, и студ лица их противу ста им: грех же свой яко Содомский возвестиша и явиша. Горе души их, зане умыслиша совет лукавый на себе самих, 10 рекше: свяжем праведнаго, яко непотребен нам есть. Убо плоды дел своих снесят. 11 Горе беззаконному: лукавая бо приключатся ему по делом руку его. 12 Людие Мои, приставницы ваши пожинают вас, и истязующии обладают вами: людие Мои, блажащии вас льстят вы и стези ног ваших возмущают. 13 Но ныне устроится Господь на суд и поставит на суд люди Своя: 14 Сам Господь на суд приидет со старейшины людей и со князи их. Вы же почто запалисте виноград Мой, и разграбление убогаго в домех ваших? 15 Почто вы обидите людей Моих и лице убогих посрамляете? Глаголет Господь Саваоф. 16 Сия глаголет Господь: понеже вознесошася дщери Сиони и ходиша высокою выею и помизанием очес и ступанием ног, купно ризы влекущия (по долу) и ногама купно играющия: 17 и смирит Господь начальные дщери Сиони, и Господь откроет срамоту их. 18 В день он, и отимет Господь славу риз их и красоты их, и вплетения златая (на главе) и тресны ризныя, и луницы гривенныя 19 и срачицы тонкия, и красоту лица их и состроение красы славныя, 20 и обручи и перстни, и мониста и запястия и художныя усерязи, 21 и багряницы и пребагряная, и утварь храмную 22 и светлая лаконская, и виссоны и синеты, и червленицы 23 и виссон со златом и синетою претьканы, и тончицы преиманы златом: 24 и будет вместо вони добрыя смрад, и вместо пояса ужем препояшешися, и вместо украшения златога, еже на главе, плешь имети будеши дел твоих ради, и вместо ризы багрянныя препояшешися вретischem: 25 и сын твой добрейший, егоже любиши, мечем падет, и крепцыи ваши мечем падут и смирятся: 26 и восплачутся хранилища утварей ваших, и останешися едина и о землю ударена будеши.

4 И имутся семь жен за мужа единаго, глаголющя: хлебы наш ясти будем и в ризы наша одеватися, точию имя твое да наречется на нас, отими укоризну нашу. 2 В день оный возсияет Бог в совете со славою на земли, еже вознести и прославити останок Израиля. 3 И будет останок в Сионе и останок во Иерусалиме, свати нарекутся вси написанныи в жизнь во Иерусалиме: 4 яко отымет Господь скверну сынов

и дщерей Сионских и кровь Иерусалимску очистит от среды их духом суда и духом зноя. 5 И приидет Господь, и будет все место горы Сиони, и вся яже окрест ея осенит облак во дни, и яко дыма и света огненна горяща в нощи, всею славою покрывается: 6 и будет в сень от зноя и в покров и в сокровение от жестости и дождя.

5 Воспою ныне Возлюбленному песнь Возлюбленного моего винограду моему: виноград бысть Возлюбленному в розе, на месте тучне: 2 и ограждением оградих и окопах, и насадах лозу избранну, и создах столп посреде его, и предпочилие ископах в нем, и ждах, да сотворит гроздие, и сотвори терние. 3 И ныне, живущии во Иерусалиме и человеце Иудин, судите между Мною и виноградом Моим. 4 Что сотворю еще винограду Моему, и не сотворих ему? Занеже ждах, да сотворит гроздие, сотвори же терние. 5 Ныне убо возвещу вам, что Аз сотворю винограду Моему: отиму ограждение его, и будет в разграбление: и разорю стену его, и будет в поприще. 6 И оставлю виноград Мой, и ктому не обрежется, ниже покопается, и взыдет на нем, якоже на лядине, терние: и облаком заповем, еже не одождити на него дождя. 7 Виноград бо Господа Саваофа, дом Израилев есть, и человек Иудин новый сад возлюбленный: ждах, да сотворит суд, сотвори же беззаконие, и не правду, но вопль. 8 Горе совокупающым дом к дому и село к селу приближающым, да ближнему отимут что: еда вселитесь едини на земли? 9 Услышашася бо во ушесех Господа Саваофа сия: аще бо будут домове мнози, в запустение будут величии и добрии, и не будут живущии в них: 10 идеже бо возорют десять супруг волов, сотворит корчаг един, и сеяя артавас шесть сотворит меры три. 11 Горе встающим заутра и сикер гонящым, ждущым вечера: вино бо сожжет я: 12 со гусльми бо и певницами, и тимпаны и свирельми вино пият, на дела же Господня не взирают и дел руку Его не помышляют. 13 Убо пленени быша людие мои, за еже не ведети им Господа, и множество бысть мертвых глада ради и жажды водныя. 14 И разшири ад душу свою и разверзе уста своя, еже не престати: и снидут славнии и величии и богатии и губителие их и веселяйся в нем: **(Sheol h7585)** 15 и смирится человек, и обезчестится муж, и очи высокоглядающии смирятся. 16 И вознесется Господь Саваоф в суде, и Бог Святый прославится в правде: 17 и упасутся расхищеннии яко юнцы, и пустыни плененных агнцы поядят. 18 Горе привлекающым грехи яко ужем долгим, и яко ига юнична ремнем беззакония своя, 19 глаголющым: скоро да приближатся, яже сотворит, да видим, и да приидет совет Святаго Израилева, да разумеем. 20 Горе глаголющым лукавое доброе, и доброе лукавое, полагающым тму свет, и свет тму, полагающым горькое сладкое, и сладкое горькое. 21 Горе, иже мудри в себе самих и пред собою разумни. 22 Горе крепким вашим, вино пиющым, и вельможам растворяющым сикер, 23 оправдающым нечестива даров ради, и еже есть праведное праведнаго вземлющым от него. 24 Сего ради якоже сгорит трость от угля огненнаго и сожжется от пламене разгоревшагося, корень их яко персть будет, и

цвет их яко прах взыдет: не восхотеша бо закона Господа Саваофа, но слово Святаго Израилева раздражиша. 25 И возярися гневом Господь Саваоф на люди Своя, и наложи руку Свою на них, и порази их: и раздражишася горы, и быша трупы их яко гной посреде пути. И во всех сих не отвратися ярость Его, но еще рука Его высока. 26 Воздвигнет убо знамение во языцех сущих далече и позвиждет им от конец земли, и се, скоро легче грядут: 27 не взалчут, ни утрудятся, ни воздремлют, ни поспят, ни распояшут поясов своих от чресл своих, ниже расторгнутся ремени сагофов их: 28 ихже стрелы остры суть, и луцы их напряжени: копыта коней их яко тверд камень вменишася, колеса колесниц их яко буря. 29 Ярятся яко львове, и предсташа яко львичища: и имет, и возопиет яко зверь, и извержет, и не будет отемляющаго их. 30 И возопиет их ради в той день, яко шум моря волнующася: и воззрят на землю, и се, тма жестока в недоумении их.

6 И бысть в лето, в неже умре Озия царь, видех Господа седяща на престоле висоце и превознесенне, и исполнь дом славы Его. 2 И Серафими стояху окрест Его, шесть крил единому и шесть крил другому: и двема убо покрываху лица своя, двема же покрываху ноги своя и двема летаху. 3 И взываху друг ко другу и глаголаху: Свят, Свят, Свят Господь Саваоф: исполнь вся земля славы Его. 4 И взяша надрдверие от гласа, имже вопияху, и дом наполнися дымом. 5 И рекох: о, окаянный аз, яко умилхихся, яко человек сый и нечистыя устне имый, посреде людей нечистыя устне имущих аз живу: и Царя Господа Саваофа видех очима моима. 6 И послан бысть ко мне един от Серафимов, и в руке своей имяше угля горяща, егоже клещами взят от олтаря, 7 и прикоснулся устам моим и рече: се, прикоснулся сие устам твоим, и отимет беззакония твоя и грехи твоя очистит. 8 И слышаш глас Господа глаголюща: кого послую, и кто пойдет к людям сим? И рекох: се, аз есмь, послы мя. 9 И рече: иди и рцы людям сим: слухом услышите, и не уразумеете: и видяще узрите, и не увидите: 10 одебеле бо сердце людей сих, и ушима своима тяжко слышаша, и очи свои смежиша, да не когда узрят очима и ушима услышат, и сердцем уразумеют и обратятся, и изцелю я. 11 И рекох: доколе, Господи? И рече: дондеже опустеют гради, от еже ненаселенным быти, и домы, от еже ненаселенным быти, и домы от еже не быти человеком, и земля останется пуста. 12 И посем продолжит Бог человеки, и умножася оставльшиися на земли. 13 И еще на ней есть десятията, и паки будет в расхищении якоже теревинф и яко желудь, егда испадет из плюски своеня: семя свято стояние его.

7 И бысть во дни Ахаза сына Иоафамя, сына Озии, царя Иудина, взыде Расин царь Арамль, и Факей сын Ромелиев, царь Израилев, на Иерусалим, воевати на него, и не возмогоша разорити его. 2 И возвестися в дому Давидове, глаголя: совещася Арам со Ефремом, и ужасеся душа его и душа людей его, якоже в дубраве древо ветром возколеблется. 3 И рече Господь ко Исаии: изыди во сретение Ахазу ты и оставьйся Иасув сын твой, к купели горяню пути села белилнича, 4 и речеши ему: блюди, еже

молчати, и не бойся, ниже душа твоя да изнеможет от двою древу главень дымящихся сих: егда бо гнев ярости Моея будет, паки изцелю. 5 Сын же Арамль и сын Ромелиев яко совещаста совет лукавый на тя, глаголюще: 6 взыдем во Иудею, и собеседовавше с ними отвратим я к нам и воцарим в ней сына Тавеилева: 7 сия же глаголет Господь Саваоф: не пребудет совет сей, ниже сбудется, 8 но глава Араму Дамаск, и глава Дамаску Расин: но еще шестьдесят и пять лет, оскудеет царство Ефремово от людей, 9 глава же Ефремовы Соморон, и глава Соморону сын Ромелиев: и аще не уверите, ниже имате разумети. 10 И приложит Господь глаголати ко Ахазу, рекый: 11 проси себе знамение от Господа Бога твоего во глубину, или в высоту. (Sheol h7585) 12 И рече Ахаз: не имам просити, ниже искушу Господа. 13 И рече (Исаиа): слышите убо, доме Давидов: еда мало вам есть труд даяти человеком, и како даете Господеву труд? 14 Сего ради даст Господь Сам вам знамение: се, Дева во чреве зачнет и родит Сына, и наречеши имя Ему Еммануил: 15 масло и мед снести, прежде неже разумети ему изволити злая, или избрати благое: 16 зане прежде неже разумети отrotchати благое или злое, отринет лукавое, еже избрати благое, и оставится земля, еже ты боишися, от лица двух царей. 17 Но наведет Господь на тя и на люди твоя и на дом отца твоего дни, иже еще не пришли, от дне в оньже отя Ефрема от Иуды, царя Ассирийска. 18 И будет в той день, позвиждет Господь мухам, яже владеют частию реки Египетския, и пчеле, яже есть во стране Ассирийстей: 19 и приидут вси и почуют в дебрех страны и в пещерах каменных, и во вертепах и во всяцей расселине и во всячем древе. 20 В день оный обриет Господь бритвою наятою об одну страну реки царя Ассирийска, главу и власы ног, и браду отимет. 21 И будет в той день, кормити будет человек юницу от волов и две овце: 22 и будет от множества творения млечнаго, масло и мед снести всяк оставьйся на земли. 23 И будет в той день, всяко место, идеже аще будет тысяща лоз винограда, по тысящи сикль, в лядину будет и в терние: 24 со стрелю и луком внидут тамо, яко лядиною и тернием будет вся земля: 25 и всяка гора оремая возорется, не найдет тамо страх: будет от лядины и от терния в паству овцам и в попанье волу.

8 И рече Господь ко мне: приими себе свиток нов велик и напиши в нем писалом человечесим, еже скоро пленение сотворити корыстей, приспе бо: 2 и свидетели мне сотвори верны человеки, Урию иереа и Захарию сына Варахиина. 3 И приступих ко пророчице, и во чреве зачат и роди сына. И рече Господь мне: нарцы имя ему: скоро плени, нагло расхити, 4 зане прежде неже разумети отrotchати назвати отца или мать, примет силу Дамаскову, и корысты Самарийския пред царем Ассирийским. 5 И приложи Господь глаголати ко мне еще, глаголя: 6 понеже не восхотеша людие сии воды Силоамли текуция тисе, но восхотеша имети Рассона и сына Ромелиева царя над вами, 7 сего ради се, возводит Господь на вы воду реки сильну и многу, царя Ассирийска и славу его: и взыдет на всяку дебрь вашу, и обыдет всяку стену вашу, 8 и отимет от Иудеи человека, иже возможет

главу воздвигнути, или могущаго что совершити: и будет полк его, во еже наполнити ширину страны Твояе, с нами Бог! **9** Разумейте, языцы, и покаряйтесь, услышите даже до последних земли: могущи, покаряйтесь: аще бо паки возможете, паки побеждени будете, **10** и иже аще совет совещаете, разорит Господь, и слово, еже аще возлаголете, не пребудет в вас, яко с нами Бог. **11** Тако глаголет Господь: крепкою рукою не покарятся хождению пути людей сих, глаголюще: **12** да не когда рекут: жестоко: все бо, еже аще рекут людие сии, жестоко есть: страха же их не убойтеса, ниже возмутитеса. **13** Господа Сил, Того освятите, и Той будет тебе в страх. **14** И аще будещи уповая на Него, будет тебе во освящение, а не якоже о камень преткыкания преткнешися, ниже яко о камень падения: домове же Иаковли в пругле, и в раздолии седящии во Иерусалиме. **15** Сего ради изнемогут в них мнози, и падут, и сокрушатся, и приблизатся, и яти будут человецы в твердыни суще. **16** Тогда явлени будут печатлюещи закон, еже не учитися. **17** И речет: пожду Бога отвращащаго лице Свое от дому Иаковля и уповая буду Нань. **18** Се, аз и дети, яже ми даде Бог: и будут знамения и чудеса в дому Израилеве от Господа Саваофа, иже обитает на горе Сион. **19** И аще рекут к вам: изыщите чревоволшебников и от земли возглашающих, тщесловующих, иже от чрева глашают, не язык ли к Богу своему взыщет? Что испьют мертвья о живых? **20** Закон бо в помощь даде, да рекут не якоже слово сие, зашьже не леть дары даяти. **21** И приидет на вы жесток глад, и будет, егда взалчете, скорбни будете и зло речете князю и отечеству: **22** и воззрят на небо горе, и на землю низу призрят, и се, скудость тесна и тма, скорбь и теснота и тма, якоже не видети: и не оскудеет в тесноте сый даже до времени.

9 Сие прежде испий, скоро твори, страно Завулоня и земле Неффалимля, и прочии при мори живущии, и об ону страну Иордана, Галилея языков. **2** Людие ходящии во тме видеша свет велий: живущии во стране и сени смертней, свет возсияет на вы. **3** Множайшии людие, яже извел еси, в веселии Твоем: и возвеселятся пред тобою, якоже веселящися в жатву, и якоже веселятся делящии корысти. **4** Зане отяты ярем лежай на них, и жезл, иже на выи их: жезл бо истязующих разсыпа Господь, якоже в день, иже на Мадиама. **5** Яко всякую одежду собранну лестию и ризу с примирением отдадут, и восхотят, да быша огнем сожжены были. **6** Яко отроча родися нам, Сын, и дадеся нам, егоже началство бысть на раме Его: и нарицается имя Его: велика совета Ангел, Чуден, Советник, Бог крепкий, Властелин, Князь мира, Отец будущаго века: приведу бо мир на князи, мир и здравие Ему. **7** И велие началство Его, и мира Его несть предела на престоле Давидове и на царстве его, исправити е и заступити его в суде и правде, отныне и до века: ревность Господа Саваофа сотворит сия. **8** Смерть посла Господь на Иакова, и прииде на Израиля: **9** и уразумеют вси людие Ефремовы и живущии в Самарии, в досаждении и высокоем сердцы глаголюще: **10** плинфы падоша, но приидите, изсечем камение и посечем

черниче и кедры, и созиждем себе столп. **11** И разрушит Бог встающия на гору Сиону, и враги его разсыплет: **12** Сирию от восток солнца и Еллины от запада солнца, поядающия Израиля всеми усты. Во всех сих не отвратися ярость Его, но еще рука Его высока. **13** И людие не обратишася, дондеже язвени быша, и Господа не зыскаша. **14** И отят Господь от Израиля главу и ошиб, велика и мала, во един день: **15** старца и чудящихся лицам, сие начало: и пророка учаща беззаконная, сей ошиб. **16** И будут блажасии людей сих льяще, и льят, яко да поглотят я. **17** Сего ради о юношах их не возвеселитса Господь, и сирот их и вдовиц их не помилует: яко вси беззаконнии и лукавии, и всякая уста глаголют неправду. Во всех сих не отвратися ярость Его, но еще рука Его высока. **18** И разгорится яко огонь беззаконие, и яко трескот сухой пояден будет огнем, и разгорится в чащах дубравных и пояст, яже окрест холмов вся. **19** За ярость гнева Господня сторе вся земля, и будут людие яко огнем пожжени: человек брата своего не помилует, **20** но уклонится на десно, яко взалчет, и снесть от шуиих, и не насытитса человек ядый плоти мышцы своея: снесть бо Манассий Ефремово, и Ефрем Манассиино, яко вкупе повоюют Иуду. **21** Во всех сих не отвратися ярость (Его), но еще рука Его высока.

10 Горе пишушым лукавство: пишущии бо лукавство пишут, **2** укланяюще суд убогих, восмищающе суд нищих людей Моих, яко быти им вдовице в расхищение и сироте в разграбление. **3** И что сотворят в день посещения? Скорбь бо вам отдалече приидет. И к кому прибегнете, да поможет вам? И где оставите славу вашу, **4** еже не власти в пленение? И под убиеными падут. И во всех сих не отвратися гнев Его, но еще рука Его высока. **5** Горе Ассирием, жезл ярости Мояе и гнев есть в руку их. **6** Гнев Мой послую на язык беззаконен, и своих людий повелю сотворити корысти и пленение, и попраи грады и положи я в прах. **7** Сей же не тако помысли и душею не тако возмне: но отступит ум его, и еже потребити языки не малы. **8** И аще рекут ему: ты ли еси един князь? **9** И речет: не взял ли страны, яже выше Вавилона и Халани, идеже столп создан, и взял Аравию и Дамаск и Самарию? **10** Якоже сия взях, и вся княжения возму. Возрыдайте, изванная во Иерусалиме и в Самарии: **11** якоже бо сотворих Самарии и рукотворенным ея, тако сотворю и Иерусалиму и кумиром его. **12** И будет, егда скончает Господь вся творя в горе Сиони и во Иерусалиме, наведет на ум великий на князя Ассирийска и на высоту славы очию его. **13** Рече бо: крепостию руки мояе сотворю, и премудростию разума (моего) отиму пределы языков, и силу их пленю, **14** и сотрясу грады населенныя, и вселенную всю оыму рукою моею яко гнездо, и яко оставленная яща возму: и несть, иже убежит мене, или противу мне речет, и отверзет уста и глумит. **15** Еда прославится секира без секущаго ею? Или вознесетса пила без влекущаго ю? Такжеже аще кто возмет жезл, или древо: и не тако. **16** Но послет Господь Саваоф на твою честь безчестие, и на твою славу огонь горя возгорится. **17** И будет свет Израилев во огонь, и освятят его

огнем горящим, и пояс яко сено вещество. 18 В той день угаснут горы и холми и дубравы, и пояс от души даже до плотей: и будет бежай, яко бежай от пламене горяща: 19 и оставльшиися от них будут в число, и отроча малое напишет я. 20 И будет в той день, не приложится ктому останок Израилев, и спасеннии Иаковли не будут ктому уповающе на обидевшыя их, но будут уповающе на Бога Святаго Израилева истиною. 21 И обратится останок Иаковль к Богу крепкому. 22 И аще будут людие Израилевы яко песок морской, останок их спасется: 23 слово бо совершая и сокращая правдою, яко слово сокращено сотворит Господь во всей вселенней. 24 Сего ради сия глаголет Господь Саваоф: не бойтесь, людие Мои, от Ассириан, живущи в Сионе, яко жезлом поразит тя: язву бо наводит на тя, еже видети путь Египта. 25 Еще бо мало, и престанет гнев, ярость же Моя на совет их: 26 и воздвигнет Бог Сил на ня язву, яко язву Маддамлю на месте Скорби, и ярость Его на путь иже к морю, на путь иже во Египет: 27 и будет в той день, отимется иго его от рамене твоего и страх его от тебе, и согнет иго от рамен ваших. 28 Приидет бо во град Аггай, и преидет в Магеддо, и в Махмаса положит сосуды своя. 29 И минет дебрь, и приидет во Аггай: страх приимет Раму град Саулов, 30 побегнет дочь Галимля, услышится в Лаисе, услышится во Анафофе. 31 И ужасеся Мадемина и живущи во Гивиме. 32 Утешайте днесь еже на пути пребыти: утешайте рукою гору дочь Сиону, и холми, иже во Иерусалиме: 33 се Владыка Господь Саваоф смятет славныя со крепостию, и высочи укоризною сокрушатся, и высочи смирятся, 34 и падут высочи мечем, Ливан же с высокими падется.

11 И изыдет жезл из корене Иессеова, и цвет от корене его взыдет: 2 и почиет на нем Дух Божий, дух премудрости и разума, дух совета и крепости, дух ведения и благочестия: 3 исполнит его дух страха Божия: не по славе судити имать, ниже по глаголанию обличит, 4 но судит правдою смиренному суд и обличит правостию смиренныя земли, и поразит землю словом уст Своих и духом устен убьет нечестиваго: 5 и будет препоясан правдою о чреслах Своих и истиною обвит по ребрам Своим: 6 и пастися будут вкупе волк с агнцем, и рысь почиет со козлицем, и телец и юнец и лев вкупе пастися будут, и отроча мало поведет я: 7 и вол и медведь вкупе пастися будут, и вкупе дети их будут, и лев аки вол ясти будет плевый: 8 и отроча младо на пещеры аспидов и на ложе изчадий аспидских руку возложит: 9 и не сотворят зла, ни возмогут погубити ни коже на горе святей Моей: яко наполнися вся земля ведения Господня, аки вода многа покры море. 10 И будет в день оный корень Иессеов, и востаяя владети языки, на того языцы уповати будут: и будет покой его честь. 11 И будет в день оный, приложит Господь показати руку Свою, еже возревновати по останку прочему людий, иже аще останет от Ассириов и от Египта, и Вавилона и от Ефиопии, и от Еламитов и от Востоков солнца, и от Аравии и от островов морских. 12 И воздвигнет знамение в языки, и соберет погибшья

Израилевы, и расточенныя Иудины соберет от четырех крил земли. 13 И отимется ревность Ефремова, и врази Иудины погибнут: Ефрем не возревнует Иуде, и Иуда не оскорбит Ефрема. 14 И полетят в кораблех иноплеменничих, море купно пленят, и сущих от Восток солнца, и Идумею: и на Моава первее руки возложат, сынове же Аммони первии покорятся. 15 И опустошит Господь море Египетское и возложит руку Свою на реку духом пресильным: и поразит на семь дебрый, якоже преходит ю во обувении: 16 и будет прошествие людем Моим оставшым во Египте, и будет Израилю, якоже в день, егда изыде от земли Египетския.

12 И речеши в день оный: благословлю и Тя, Господи, яко разгневался еси на мя, и отвратил еси ярость Твою (от мене), и помиловал мя еси. 2 Се, Бог мой спас мой, уповая буду на Него и не убоюся: зане слава моя и похвала моя Господь, и бысть ми во спасение. 3 И почерпите воду со веселием от источника спасения. 4 И речеши в день оный: хвалите Господа, воспойте имя Его, возвестите во языцех славная Его, поминайте, яко вознесся имя Его. 5 Хвалите имя Господне, яко высокая сотвори: возвестите сия по всей земли. 6 Веселитесь и радуйтесь, живущи в Сионе, яко вознесся Святыи Израилев посреде тебе.

13 Видение на Вавилона, еже виде Исаиа сын Амосов. 2 На горе польней воздвигните знамение, вознесите глас им, не бойтесь, поущайте рукою, отверзите, князи. 3 Аз повелеваю, освященни суть: и Аз веду их, исполнии идут исполнити ярость Мою радующеся, вкупе и укаряюще. 4 Глас языков многих на горах, подобен языков многих, глас царей и языков собравшихся: Господь Саваоф заповеда языку оружеборцу 5 приити от земли издалеча, от края основания небесе, Господь и оружеборцы Его, растлито всю вселенную. 6 Рыдайте: близ бо день Господень, и сокрушение от Бога приидет: 7 сего ради всяка рука разслабеет, и всяка душа человека убоится, 8 и смятутся послы, и болезни примут я яко жены раждающия: и поскорбят друг ко другу, и ужаснутся, и лице свое яко пламень изменят. 9 Се бо, день Господень грядет неизцельный, ярости и гнева, положити вселенную (всю) пусту и грешники погубити от нея. 10 Звезды бо небесныя и орион и все украшение небесное света своего не дадут, и помрачится солнце возсиявающее, и луна не даст света своего. 11 И заповем всей вселенней злая и нечестивым грехи их, и погублю укоризну беззаконных и укоризну гордых смироу: 12 и будут оставши честнии паче, нежели злато нежженое, и человек честен будет паче, нежели камень, иже от Суфира. 13 Разярится бо небо, и земля потрясется от оснований своих, за ярость гнева Господа Саваофа в день, в оньже приидет ярость Его. 14 И будут оставши яко серна бежашая и яко овца заблудившая, и не будет собираяя, яко человеку в люди своя возвратитися, и человек во страну свою побегнет. 15 Иже бо аще пленится, поразится, и иже собрани суть, мечем падут. 16 И чада их пред ними разбюют, и домы их пленят, и жены их поймаут. 17 Се, Аз возбуждаю на вы Мидов, иже сребра не вменяют,

ниже злата требуют: 18 стрельняния юношеская сокрушат, и чад ваших не помилуют, ниже пощадят чад твоих очи их. 19 И будет Вавилон, иже нарицается славный от царя Халдейска, якоже разсыпа Бог Содому и Гоморру, 20 не населится в вечное время, и не внидут в оныя чрез многия роды, ниже пройдут его Аравляне, ниже пастуси починут в нем. 21 И починут тамо зверие, и наполнятся домовые шума, и починут ту сирини, и беси тамо восплашут, 22 и онокоентавры тамо вселятся, и вогнездятся ежеве в домах их.

14 Скоро идет и не умедлит: и помилует Господь Иакова и изберет паки Израиля, и починут на земли своей, и пришлец приложится к ним и приложится к дому Иаковлю, 2 и поймут их языцы и введут на место их, и наследят и умножатся на земли Божии в рабы и рабыни: и будут пленены пленивши я, и обладаны будут обладавши ими. 3 И будет в той день, упокоит тя Господь от болезни и ярости твоея и от работы жестокия, еюже работал еси им. 4 И примемши плачь сей на царя Вавилонска и речеши в той день: како преста истязуяи и преста понуждаяи? 5 Сокруши Бог ярем грешников, ярем князей, 6 поразив язык яростию, язвою неизцельною, поражаи язык язвою ярости, еюже не пощаде, почи уповающи. 7 Вся земля вопиет со веселием, 8 и древа ливанова возвеселишася о тебе и кедр ливанский: отнележе ты уснул еси, не възиде посекааяи нас. 9 Ад доле огорчиси, срет тя: восташи с тобою вси Исполнии обладавши землю, подвизавшии от престолов своих всех царей языческих. (Sheol h7585) 10 Вси отвещают и рекут тебе: и ты пленен еси, якоже и мы: и в нас вменен еси. 11 Сниде слава твоя во ад, многое веселие твое: под тобою постелют гнилость, и покров твой червь. (Sheol h7585) 12 Како спаде с небесе денница восходящая заутра? Сокрушиси на земли посылай ко всем языком. 13 Ты же рекл еси во уме твоём: на небо възду, выше звезд небесных поставлю престол мой, сяду на горе висоце, на горах високих, яже к северу: 14 възду выше облак, буду подобен Вышнему. 15 Ныне же во ад снидеши и во основания земли. (Sheol h7585) 16 Видевшии тя удивятся о тебе и рекут: сей человек раздражаи землю, потрясаяи цари, 17 положивый вселенную всю пусту и грады ея разсыпа, плененых не разреши. 18 Вси царие языков успоша в чести, кийждо в дому своем. 19 Ты же повержен будеши в горах, яко мертвец мерзкий со многими мертвецы иссечеными мечем, сходящими во ад. 20 Якоже риза в крови намочена не будет чиста, такожде и ты не будеши чист, зане землю Мою погубил еси и люди Моя избил еси: не пребудеши в вечное время, семя злое. 21 Уготови чада твоя на убиение грехами отца твоего, да не востанут и наследят землю и наполнят землю ратьми. 22 И востану на ня, глаголет Господь Саваоф, и погублю имя их, и останок, и семя: сия глаголет Господь. 23 И положу Вавилона пуста, яко вогнездится ежем, и будет ни во чтоже: и положу и брения пропасть в пагубу. 24 Сия глаголет Господь Саваоф: якоже глаголах, тако будет, и якоже совещах, тако пребудет, 25 еже погубити Ассириан на земли Моей и на горах Моих: и будут в поприание, и отимется от них ярем их, и слава их от

рамен их отимется. 26 Сей совет, егоже совеща Господь на всю вселенную, и сия рука на вся языки вселенныя: 27 яже бо Бог Святыи совеща, кто разорит? И руку Его высокую кто отвратит? 28 В лето, в неже умре Ахаз царь, бысть глагол сей: 29 не радуйтесь, вси иноплеменницы, сокрушиси бо ярем биоущаго вы: от семени бо змиина изыдут изчадия аспидов, и изчадия их изыдут змии парящи: 30 и упасутся убозии им, нищии же человецы в мире починут: и потребит гладом семя твое, и останок твой избьет. 31 Восплачешися, врата градов, да возопиют грады смятении, иноплеменницы вси, зане дым от севера идет, и несть, иже пребудет. 32 И что отвещают царие языков? Яко Господь основа Сиона, и тем спасутся смиреннии людей Его.

15 Нощию погибнет Моавитска земля, нощию бо погибнет стена Моавитская. 2 Плачешися о себе, погибнет бо и Дивон, идеже требище ваше: тамо възидете плакатися над Нававом Моавитским. Плачешися, на всяцей главе плешь, вся мышцы обсечены, 3 на стогнах его препояшешися во вретипа, и восплачешися на храминах его и на улицах его и на стогнах его, вси възрыдайте с плачем. 4 Яко возопи Есевон и Елеала, даже до Иассы услышася глас их: сего ради чресла Моавитиды вопиют, душа ея увестъ. 5 Сердце Моавитиды вопиет в ней даже до Сигора: юница бо есть трилетна. В възшествии же Луифа к тебе плачущеся възьдут путем Аронимлим: вопиет сотрение и трус. 6 Вода Немримля пуста будет, и трава ея оскудеет: травы бо зелены не будет. 7 Еда и сице спасется? Наведу бо на дбрь Аравлян, и возмут ю: 8 преиде бо вопль предел земли Моавитския до Агаллима, и плачь ея даже до Кладязя Елимля. 9 Вода бо Димоня наполнится крове: наведу бо на Димона Аравляны, и возму семя Моавле и Ариилево и останок Адаминь.

16 Послю аки гады на землю: еда камень и пуст есть гора дщере Сиони? 2 Будеши бо аки птицы парящия птенец отятыи, дщи Моавля, потом же Арнон множайше совещавай. 3 Сотворите покров плача ея присно: в полуденней тме бегут, ужаснушася: да не отведешися, 4 обитати будут в тебе беглецы Моавли: будут в покровение вам от лица гонящаго, яко отяся помощь твоя, и князь погибе попираый от земли. 5 И исправится с милостию престол, и сядет на нем со истиною во скини Давидове, судяи и зыскаяи суд и ускоряи правду. 6 Слышахом укоризну Моавлю, укоритель (бысть) зело, гордыню отях: не тако волхование твое, не тако. 7 Восплачешся Моав, в Моавитиде бо вси восплачутся: живущим же в Сефе помышления, и не усрамишися. 8 Поля Есевоня възрыдают, виноград Севамань: пожирающи языков, поперите винограды его, даже до Иазира: не совокупитесь, обходите пустыню, посланнии осташася, придоша бо море. 9 Сего ради восплачуся яко плачем Иазировым о винограде Севамани: древа твоя посече Есевон и Елиала, яко на жатву твою и на оымание вина поперу, и вся падутся. 10 И отимется радость и веселие от виноградов, и в виноградех твоих не возрадуются, и не изгнетут вина в точилех, престало бо есть: 11 сего ради

чрево мое на Моава аки гусли возгласит, и внутренняя моя аки стену обновил еси. **12** И будет в посрамление тебе, и яко утрудися Моав о требищих, и внидет в рукотворенная своя, да помолится, и не возмогут избавити его. **13** Сие слово еже глагола Господь на Моава, егда возглагола. **14** И ныне глаголю: в триех летех лет наемника обезчестится слава Моавля во всем богатстве мнозе, и оставится умален и нечестен.

17 Се, Дамаск возмется от градов и будет в падение. **2** Оставлен в век, в ложе стадам и в покой, и не будет отгоняй. **3** И ксему не будет укреплен, еже вбегнути тамо Ефрему: и ксему не будет царство в Дамасце, и останок Сирян погибнет: неси бо ты лучший от сынов Израилевых и славы их: сия глаголет Господь Саваоф. **4** Будет в той день помрачение славы Иаковли, и тучная славы его потрясутся. **5** И будет, якоже аще кто собирает жатву стоящую, и семя класов пожинает: и будет, якоже аще кто собирает класы в дебри Тверде. **6** И останется в ней стеблие, или аки зерна маслична две или три на версе высоко, или четыре или пять на ветви ея останут: сия глаголет Господь Бог Израилев. **7** В той день уповая будет человек на Сотворшаго и, и очи его ко Святому Израилеву воззрят, **8** и не будут уповающе на требища, ниже на дела рук своих, яже сотвориша персты их, и не будут смотрити на Дубравы, ниже на мерзости их. **9** В той день будут гради твои оставлены, якоже оставиша Аморрее и Евее от лица сынов Израилевых: и будут пусты, **10** зане оставил еси Бога спаса твоего и Господа помощника твоего не помянул еси: сего ради насадиши сад неверен и семя неверно. **11** В онъже бо день аще насадиши, прельстишися: а еже аще заутра посееси, то процветет на жатву, во онъже день наследити, и аки отец человек наследие даси сыном твоим. **12** О, люте множеству языков многих! Аки море волнующееся, тако смятется, и хребет языков многих аки вода возшумит: **13** аки вода многа языки мнози, аки (шум) воды многия нуждею носимыя: и отвержет его и далече поженет его, аки прах плевный веющих противу ветра, и яко прах колесный буря возносящая. **14** К вечеру, и будет плачь: прежде заутрия, и не будет: сия часть пленивших ны, и жребий наследивших нас.

18 Горе корабельным крилам земли, яже об ону страну рек Ефиопских. **2** Посылаяй по морю послы в залог и послания книжная верху воды: пойдут бо вестницы легцы ко языку высоко и к людем странным и строптивым. Кто далее их? Язык безнадежен и поправ. **3** Ныне реки земныя вся аки страна населена населится, страна их аки знамение от горы воздвигнется, аки глас трубы услышан будет. **4** Яко тако ми рече Господь: утверждение будет в Моем граде, аки свет зноя полуденнаго и аки облак росный в день жатвы будет. **5** Прежде жатвы, егда совершится цвет, и грезн произыдет по цвете нездорел: и отимет гроздие малое серпами и лозие отимет и посечет, **6** и оставит вкупе птицам небесным и зверем земным: и соберутся на ня птицы небесныя, и вси зверие земли нань приидут. **7** В то время принесутся дары

Господу Саваофу от людей оскорбленных и отторженных и от людий великих, отныне и в вечное время: язык надеющихся и поправ, иже есть в части речней страны свояе, на место, идеже имя Господа Саваофа, на гору Сиону.

19 Се, Господь седит на облаце легце и приидет во Египет, и потрясуется рукотворенная Египетская от лица Его, и сердца их разслабнут в них. **2** И встанут Египтяне на Египтяны, и вооружится человек на брата своего, и всяк на ближняго своего, встанет град на град и закон на закон. **3** И возмается дух Египтян в них, и совет их разсыплю, и вопросят богов своих и кумиров своих, и гласящих от земли и чревоушешников. **4** И предам Египет в руке человеков властелей жестоких, и царие жестоцы обладати будут ими: сия глаголет Господь Саваоф. **5** И испиют Египтяне воду, яже при мори, а река оскудеет и исхнет. **6** И оскудеют реки и ровеннички речни: и исххнет весь сонм водный, и во всячем лузе тростнем и ситнем, **7** и злак зеленый весь иже окрест реки, и все сеемое при реце посхнет ветром растленно. **8** И возстанят рыбарие, и возстанят вси мещущи удицу в реку, и мещущи неводы и мещущи сети возрыдают. **9** И студ примет делающих лен разчесанный и делающих виссон, и будут делающи я в болезни, **10** и вси творящи сикеру опечалются и поболят душами. **11** И юродиви будут князи Танесовы: мудрии царевы советницы, совет их объорудет. Как речете царю: сынове смысленных мы, сынове царей древних? **12** Где суть ныне мудрии твои, и да возвестят тебе и рекут: что совеща Господь Саваоф на Египет? **13** Оскудеша князи Танесовы, и вознесошася князи Мемфитстии, и прельстят Египта по племеном. **14** Господь бо раствори им дух прельщения, и прельстиша Египта всеми делесы своими, якоже прельщается пьяный и купно блюющь. **15** И не будет Египтяном дела, еже бы сотворило главу и ошиб, и начало и конец. **16** В той день будут Египтяне аки жены во страхе и трепете от лица руки Господа Саваофа, юже Той возложит на ня. **17** И будет страна Иудейская во страх Египтяном: всяк, иже аще воспомянет ю им, убоятся совета ради, егоже совеща Господь Саваоф нань. **18** В той день будет пять градов во Египте, глаголющих языком Ханаанитским и кленущихся именем Господа Саваофа: град Аседек прозвется един град. **19** В той день будет жертвенник Господеву в земли Египетстей и столп в пределех его Господеву. **20** И будет в знамение во век Господеву в земли Египетстей: яко возопиют ко Господу на оскорбляющия их, и послет им Господь человека, иже спасет я, судий спасет я. **21** И познан будет Господь Египтяном: и уведят Египтяне Господа в той день и сотворят жертвы и дары, и обещают обеты Господеву и воздадят. **22** И поразит Господь Египтян зваю великою и изцелит их цельюю, и обратятся ко Господеву, и услышит их и изцелит их цельюю. **23** В той день будет путь от Египта ко Ассирианом, и внидут Ассириане во Египет, и Египтяне пойдут ко Ассирианом, и поработают Египтяне Ассирианом. **24** В той день будет Израиль третий во Египтянех и во Ассирианех, благословен на земли, **25** юже благослови

Господь Саваоф, глаголя: благословени людие Мои, иже во Египте и иже во Ассириях, и наследие Мое Израиль.

20 В лето, в неже вниде Танафан во Азот, егда послан бысть от Арны, царя Ассирийскаго, и воева на Азот и взя его, 2 тогда рече Господь ко Исаии сыну Амосову, глаголя: иди и сверзи вретиче со чресл своих, и сандалия твоя иззуй с ног твоих, и сотвори сице, ходя наг и бос. 3 И рече Господь: якоже ходил раб Мой Исаиа наг и бос три лета, три лета будут знамения и чудеса Египтяном и Ефиопляном: 4 яко такожде отведет царь Ассирийск плен Египетск и Ефиопск, юношы и старцы, наги и босы, откровены во стыдение Египту. 5 И постыдятся побеждени Египтяне о Ефиоплянех, на нихже уповаху Египтяне, бяху бо им слава. 6 И рекут живущии на острове сем в день оный: се, мы бехом уповающе бежати к ним на помощь, иже не могиша спастися от царя Ассирийска, и како мы спасемся?

21 Якоже буря сквозе пустыню проходит, от пустыни исходящая из земли, 2 страшно видение и жестоко поведася мне: преступаяя преступает, и беззаконная беззаконствует: на мя Еламита, и послы Персстии на мя идут: ныне воздохну и утешу себе. 3 Сего ради наполнишася чресла моя разслабленны, и болезни прииша мя аки раждающую: неправдовах еже не слышати, потщахся еже не видети. 4 Сердце мое заблуждает, и беззаконие погружает мя, душа моя стоит во страхе. 5 Уготовите трапезу, ядите, пийте: воставше князи, уготовите щиты, 6 яко тако рече Господь ко мне: шед постави себе стража, и еже аще узриши, возвести. 7 И узрех всадники конныя два, всадника на ослиати и всадника на велблуде. Послушай слушанием многим 8 и призови Уриу на стражду Господню. И рече: стоях выну день, и у полчища аз стоях всю ночь, 9 и се, сам грядет (муж) всадник двоконный, и отвещав рече: паде, паде Вавилон, и вси кумиры его и вся рукотворенная его сокрушишася на земли. 10 Послушайте, оставшиися, и болезнующии, услышите: еже слышах от Господа Саваофа, Бог Израилев возвести нам. 11 Ко мне зови от Сиира: стрегите забрала. 12 Стрегу заутра и нощию. Аще ищещи, ищи и у мене обитай. 13 В дубраве в вечер пресиши, или на пути Деданове. 14 Во сретение жаждущему воду принесите, живущии во стране Феманове, со хлебы сретайте бежащия множества ради убиенных 15 и множества ради заблуждающих, и множества ради мечей и множества ради луков напряженных, и множества ради падших на сечи. 16 Яко сице рече Господь ко мне: еще лето (едино), якоже лето наемника, оскудеет слава сынов Кидарских, 17 и останок луков сильных сынов Кидарских будет мал, яко Господь Бог Израилев глагола.

22 Что бысть тебе, яко ныне возлезосте вси на храмины тщетныя? 2 Наполнися град волюющих, уязвленнии твои не мечми уязвлени, ниже мертвецы твои умерщвлени ратию: 3 вси князи твои побегоша, и плененнии жестоце суть связаны, и крепцыи в тебе далече отбежаша. 4 Сего ради рекох: оставите мене, да горце восплачуся: не

належите утешати мя о сокрушении дщере рода моего: 5 яко день мятежа и пагубы и попрания, и смятение от Господа Саваофа: в дебри Сиони скитаются, от мала даже до велика скитаются по горам. 6 Еламита же взяша тулы, и всадницы челоvence на конех, и собор ополчения. 7 И будут избранны дебри твоя, наполнятся колесниц, конницы же заступят врата твоя 8 и откроют врата Иудина, и воззрят в той день во избранныя дома града, 9 и откроют сокровенная домов краеградия Давидова, и узрят, яко множайшии суть, и яко отвратила воду древния купели во град, 10 и яко разориша дома Иерусалимля на утверждение стене градней. 11 И сотвориسته себе воду между двема стенама, внутрюду купели древния, и не возресте на Сотворившаго ю исперва, и Сограждшаго ю не видесте. 12 И призва Господь, Господь Саваоф в той день плачь и рыдание, и острижение и препоясание во вретича: 13 тии же сотвориша радость и веселие, закалающе телцы и жруще овцы, яко ясти мяса и пити вино, глаголюще: да ямы и пием, утре бо умрем. 14 И откровенна сия суть во ущию Господа Саваофа, яко не оставится вам той грех, дондеже умрете. 15 Сице глаголет Господь Саваоф: иди в кушу ко Сомнану строителю дому и рцы ему: 16 что ты зде, и что тебе зде, яко истесал еси себе зде гроб и сотворил еси себе на высоте гроб, и написал еси себе на камени кушу? 17 Се, ныне Господь Саваоф извержет и сотрет мужа, и отимет утварь твою и венец твой славный, 18 и повержет тя во страну велику и безмерну, и тамо умреши: и положит колесницу твою добрую в безчестие и дом князя твоего в попрание: 19 и извержешися от строительства твоего и от степене твоего. 20 И будет в той день, и призову раба Моего Елиакима сына Хелкиева 21 и облеку его во утварь твою, и венец твой дам ему и державу твою, и строительство твое дам в руке его, и будет яко отец живущым во Иерусалиме и живущым во Иудеи. 22 И дам ему славу Давидову, и обвладеет, и не будет противоглаголющаго: и дам ему ключь дому Давидова на рамо его, и отверзет, и не будет затворяющаго, и затворит, и не будет отверзающаго. 23 И поставлю его князя на месте верне, и будет на престоле славы дому отца своего. 24 И будет уповаий на него всяк славный в дому отца его, от мала даже до велика: и будут зависяще на нем. 25 В той день, сия глаголет Господь Саваоф, подвигнется человек утвержден на месте верне, и отимется, и падет, и потребится слава, яже на нем, яко Господь глагола.

23 Плачитесь, корабли Кархидонстии, яко погибе, и ктому не идут от земли Китийския, отведеса пленен. 2 Кому подобни быша живущии во острове, купцы Финичестии, преходящии море? 3 В воде мнозе семя купеческо, аки жатве вносимей купцы язычестии. 4 Усрамися, Сидоне, рече море. Крепость же морская рече: не болех, ни породих, ни вскормих юнош, ниже вознесох девиц. 5 Егда же слышано будет во Египте, примет я болезнь о Тире. 6 Идите в Кархидон, плачитесь, живущии во острове сем. 7 Не сие ли бе величание вам исперва, прежде неже предану быти ему? 8 Кто сия совеца на Тира? Еда худший есть, или не крепкий

есть? Купцы его славни князи земли. 9 Господь Саваоф совеща разсыпати всякую гордыню славных и обезчестити всякое славное на земли. 10 Делай землю твою, ибо корабли ктому не придут от Кархидона. 11 И рука Твоя ктому не укрепет по морю, разгневающая царей. Господь Саваоф заповеда о Ханаане, еже погубити крепость его. 12 И рекут: ктому не приложите укарят и обидети дочь Сидону: и аще отидеши ко Китиим, ниже тамо будет тебе покой: 13 и в землю Халдейску, но и та опустела от Ассириан, яко стена ея падеся. 14 Плачители, корабли Кархидонстии, яко погибе твердыня ваша. 15 И будет в той день, оставлен будет Тир седмьдесят лет, якоже время (единого) царя, яко время человеческо: и по седмидесятих летех будет Тир яко песнь блудницы. 16 Возми гусли, обыди град, блудница забвеная, добре погуди, много воспой, да память твоя будет. 17 И будет по седмидесятих летех, присещение сотворит Бог Тиру, и паки воззавится на прежнее и будет торжище всем царствам вселенныа на лица земли. 18 И будет его купля и мзда свято Господеви, не им собрано будет, но живущым пред Господем, вся купля его, ясти и пити и наполнитися, и в сытость, на память пред Господем.

24 Се, Господь разсыплет вселенную и опустошит ю, и открыет лице ея и расточит живущия на ней. 2 И будут людие аки жрец, и раб аки господин, и раба аки госпожа: будет купуй яко продай, и взаим емляй аки заимодавец, и должный аки емуже есть должен. 3 Тлением истлеет земля, и расхищением расхищена будет земля: уста бо Господня глаголаша сия. 4 Восплакася земля, и растленна бысть вселенная, восплакашася высокоцы земли. 5 Земля бо беззаконие сотвори живущих ради на ней, понеже преступиша закон и измениша заповеди, разрушиша завет вечный. 6 Сего ради проклятие пояст землю, яко согреша живущии на ней: сего ради убози будут живущии на земли, и останется человек мало. 7 Восплачется вино, възрыдает виноград, возстенут вси радующиися душею. 8 Престало есть веселие тимпанов, преста высокодерзость и богатство нечестивых, престал есть глас гуслей: 9 усрамишася, не пиша вина, горька бысть сикера пиющым. 10 Опусте всяк град, заключит храм, еже не внити. 11 Плачители о вине всюду, престала есть радость вся земная, отиде вся радость земли. 12 И останут гради пусты, и домове оставлены погибнут. 13 Сия вся будут на земли среди языков: якоже аще кто отрясает масличину, тако отрясут их: и (якоже) аще останет от омыания винограда, 14 сии гласом възопиют: оставшиися же на земли возрадуются со славою Господнею, възматется вода морская. 15 Сего ради слава Господня во островех будет морских, имя Господне прославлено будет. 16 Господи Боже Израилев, от крил земных чудеса слышахом, надежда благочестивому: и рекут: (горе хулящым, иже хулят закон,) горе преступнику, иже преступают закон. 17 Страх и пропасть и сеть на вас живущих на земли. 18 И будет, бежай страха владей в пропасть, и излязй из пропасти имется в сеть: яко окна с небесе отверзошася, и потрясутся основания земная. 19 Мятеем възматется земля, и скудостью оскудеет земля. 20 Преклонися и потрясется земля аки овощное

хранилище, и аки пьян и шумен падет и не возможет востати, преодоле бо на ней беззаконие. 21 И будет в той день, наведет Господь на утварь небесную руку и на цари земныя. 22 И соберут собрание ея и затворят в тверди и в темницы: мноземи роды будет посещение их. 23 И истает плинфа и падет стена, и устыдится луна и посрамится солнце: яко воцарится Господь в Сионе и во Иерусалиме и пред старейшины славен будет.

25 Господи Боже мой, прославлю Тя, воспою имя Твое, яко сотворил еси чудная дела, совет древний истинный: да будет, Господи. 2 Яко положил еси грады в персть, грады твердыя, еже пасти основанием их, нечестивых град да не созиждется во век. 3 Сего ради благословят Тя людие нищии, и гради человек обидимых возблагодарят Тя. 4 Был бо еси всякому граду смиренному помощник, и изнемогающим за оскудение покров, от человек злых избавиши их: покров жаждущих, и дух человек обидимых. 5 Аки человецы малодушни жаждущи в Сионе, яко избавиши их от человек нечестивых, имже нас предал еси. 6 И сотворит Господь Саваоф всем языком: на горе сей испиют радость, испиют вино, 7 помажутся миром на горе сей: предаждь сия вся языком: той бо совет на вся языки. 8 Пожре смерть возможи, и паки отяг Господь Бог всякую слезу от всякого лица: поношение людий отят от вся земли, уста бо Господня глаголаша (сия). 9 И рекут в день оный: се, Бог наш, Наньже уповахом, и спасет нас: Сей Господь, потерпехом Его, и возрадовахомся и возвеселихомся о спасении нашем. 10 Покой даст Бог на горе сей, и поперется Моавитида, якоже топчут ток колесницами. 11 И воздвигнет руце свои, якоже и той смири, еже погубити: и смирит гордыню его, на няже руце возложи. 12 И высоту убежища ограды твоя смирит, и обнизится даже до земли.

26 В той день воспоют песню сию в земли Иудейстей, глаголюще: се, град крепок, и спасение нам положит стену и ограждение. 2 Отверзите врата, да внидут людие хранящии правду и хранящии истину, з приемлющии истину и хранящии мир. 4 Яко на ты надеянием надеяшася, Господи, во век, Боже великий, вечный, 5 иже смирил низвел еси живущыя в высоких: грады крепкия разориши и обнизшиши я даже до земли. 6 И поперут я ноги кротких и смиренных. 7 Путь благочестивых прав бысть, и приуготован путь благочестивых. 8 Путь бо Господень суд: уповахом на имя Твое и память, еяже желает душа наша. 9 От нощи утренюет дух мой к Тебе, Боже, зане свет повеления Твоя на земли: правде научитесь, живущии на земли. 10 Преста бо нечестивый: всяк, иже не научится правде на земли, истины не сотворит: да возметь нечестивый, да не видит славы Господни. 11 Господи, высока Твоя мышца, и не ведеша, разумеюще же постыдятся: ревность примет люди ненаказанныя, и ныне огонь супостаты пояст. 12 Господи Боже наш, мир даждь нам, вся бо воздал еси нам. 13 Господи Боже наш, стяжи ны: Господи, разве Тебе иного не вемы: имя Твое именуем. 14 Мертви же живота не имут видети, ниже врачеве воскресят: сего ради навел еси и погубил

еси, и взял еси всяк мужеск пол их. 15 Приложи им зла, Господи, приложи зла славным земли. 16 Господи, в скорби помянухом Тя, в скорби мале наказание Твое нам. 17 И яко болящая приближается родити и в болезни своей воскрича, тако быхом возлюбленному Твоему. 18 Страха ради Твоего, Господи, во чреве прияхом и поболехом, и родихом дух спасения Твоего, егоже сотворихом на земли: не падемся, но падутся вси живущи на земли. 19 Воскреснут мертвии и востанут иже во гробех, и возрадуются иже на земли: роса бо, яже от Тебе, изцеление им есть, земля же нечестивых падет. 20 Идите, людие мои, внидите во храмину вашу, затворите двери своя, укройтесь мало елико елико, дондеже мимоидет гнев Господень. 21 Се бо, Господь от святого (места) наводит гнев на живущыя на земли: и открыет земля кровь свою и не покрывает избивеных.

27 В той день наведет Господь меч святыи и великийи и крепкийи на драконта змиа бежаща, на драконта змиа лукаваго, и убьет драконта сущаго в мори. 2 В той день виноград добрый, желание пети над ним: 3 аз град крепкий, град воюемый, всуе напою его: пленен бо будет нощию, в день же падется стена его: несть того, иже не возьмет его. 4 Кто мя приставит стрещи стеблие на ниве? Ради вражды сея отринух и. Убо сего ради сотвори Господь Бог вся, елика совеща. 5 И сгорех, возопиют живущи в нем: сотворим мир Ему, сотворим мир, 6 приходящая чада Иаковля: прозябнет и процветет Израиль, и наполнится вселенная плода его. 7 Еда якоже Той порази, и сам сице уязвится? И якоже сам уби, такоже убиен будет? 8 Сварся и укоряя отпустит я: не Ты ли был еси помышляя духом жестокии, убити я духом ярости? 9 Сего ради отимется беззаконие Иаковле, и сие есть благословение его, егда отиму грех его, егда положат все каменеи требищи сокрушено аки прах дробный: и не пребудут древеса их, и кумиры их будут посечени, аки дубрава далече. 10 Обитающее стадо отпущено будет, аки стадо оставленное: и будет много время в пажить, и тамо почиют стада. 11 И по времени не будет в нем всякаго злака, занеже исхнют: жены грядущыя с позорища, приидите: не суть бо людие имуще смысла, сего ради не ущедрит Сотворивый я, ниже Создавый их помилует. 12 И будет в той день, заградит Господь от ровенника речнаго, даже до Ринокоруры (града): вы же соберите сыны Израилевы по единому. 13 И будет в той день, вострубят трубою великою, и приидут погубляемии во стране Ассирийстей и погубляемии во Египте, и поклонятся Господеви на горе святей во Иерусалиме.

28 Горе венцу гордыни, наимницы Ефремовы, цвет отпадый от славы, на версе горы тучныя пиянии без вина. 2 Се, крепка и жестока ярость Господня, аки град низпускаемый не имый крова, насильно низпускаемый: якоже воды многое множество влекущее страну, земли сотворит покой рукама, 3 и ногама поперется венец гордыни, наимницы Ефремовы. 4 И будет цвет отпадый от надежды славы на версе горы высокоя, аки ранний плод смоквин: видевый его, прежде взятия в руце свои, восхоцет поглотити

его. 5 В той день будет Господь Саваоф венец надежды, сплетеный славою оставшымся людем. 6 И оставятся духом судным на суд, и крепость возбраняющих погубляти. 7 Сии бо вином суть прельщени: прельстишася сикеры ради, жрец и пророк изступиша ума от сикеры, пожерты быша вином, потрясошася от пьянства сикеры, прельстишася: сие есть привидение. 8 Проклятие пояст сей совет, сей бо совет ради лихоимства. 9 Кому возвестихом злая и кому поведахом весть? Иже отдоении (суть) от млека, отторженнии от сосца. 10 Печали на печаль ожидай, надежды к надежды, еще мало, еще мало, 11 яко худостию устен, языком иным возглаголют людем сим, рекуще им: 12 сей покой алчному и сие сокрушение, и не восхотеша слышати. 13 И будет им слово Господа Бога, печаль к печали, надежда к надежды, еще мало, еще мало, да идут и падутся вспять и в беду впадут, и сокрушатся и пленени будут. 14 Сего ради услышите слово Господне, мужие озлобленнии и князи людий сущих во Иерусалиме. 15 Яко рекосте: сотворихом завет со адом и со смертию сложение: буря носима аще мимоидет, не приидет на нас: положихом лжу надежду нашу и лжею покроемся. (Sheol h7585) 16 Сего ради тако глаголет Господь: се, аз полагаю на основание Сиону камень многоценен, избран, краеуголен, честен, во основание ему, и веруяи в онь не постыдится: 17 и положу суд в надежду, милость же моя на мерилех, и уповавшии вотще на лжу, яко не минет вас буря: 18 и не отимет от вас завета смертнаго, и надежда ваша, яже ко аду, не пребудет. Буря идущая аще найдет, будете ей в поправление: (Sheol h7585) 19 егда мимоидет, возьмет вас: яко по всяко утро переходити будет в день, и в нощи будет надежда зла. Научитесь слышати, утешяемии: 20 не можем ратовати, сами же изнемогаем, еже собратися нам. 21 Якоже гора на нечестивых востанет Господь, и будет (якоже) в дебри Гаваонстей, с яростию сотворит дела Своя, горести дело: ярость же Его чуджо употребится, и погубление Его странно. 22 И вы не радуйтеся, ниже да возмогут ваши узы: зане скончаны и сокращены вещи слышаша от Господа Саваофа, яже сотворит над всею землею. 23 Внушите и слышите глас мой, внемлите и слышите словеса моя. 24 Еда весь день будет орай орати? Или семя уготовит прежде возделания земли? 25 Не егда ли умягчит лице ея, тогда всеет мало чернухи и кимина, потом же сеет пшеницу и ячмень и просо в пределех твоих? 26 И научишися суду Бога твоего и возрадуешися. 27 Ибо не с жестокию очищается чернуха, ниже коло колесничное обьдет кимина, но жезлом истрясается чернуха, кимин же со хлебом снесся. 28 Не во век бо аз разгневаюся на вы, ниже глас гнева Моего поперет вас. 29 И сия от Господа Саваофа изыдоша чудеса: советуйте, вознесите тщетное утешение.

29 Горе граду Ариилу, нанже Давид воева. Соберите жита от года до года, снесите бо вкупе с Моавом: 2 озлоблю бо Ариила, и будет крепость его и богатство Мне: 3 и обсяду тя аки Давид, и поставлю окрест тебе острог, и согражду столпы. 4 И смирятся словеса твоя до земли, и в землю внидут словеса твоя: и будет глас твой аки гласящих

от земли, и ко земли изнеможет глас твой. 5 И будет яко персть от колесе богатство нечестивых, и аки прах летяй множество утесняющих тя, и будет аки черта внезапно от Господа Саваофа. 6 Присещение бо будет со громом и с трусом и гласом великим, буря несомна и пламень огненный поядай. 7 И будет аки соние видяй во сне нощю, богатство всех языков, елицы воеваша на Ариила, и вси, иже воеваша на Иерусалима, и вси собраннии нань и озлобляющи его. 8 И будут аки во сне ядуЩИИ и пиоЩИИ, и воставшым, тощ их сон: и якоже во сне жаждяй аки пияй, воспрянув же еще жаждет, душа же его вотще надеяся: тако будет богатство всех языков, елицы воеваша на гору Сиону. 9 Разслабейте и ужаснитесь, и упийтесь не сикером, ни вином, 10 яко напои вас Господь духом умиления, и смежит очи их и пророков их и князей их, видящих сокровенная. 11 И будут вам вся сия словеса, аки словеса книги запечатленныя сея, юже аще дадут человеку ведущему писания, глаголюще: прочти сие. И речет: не могу прочести, запечатленна бо. 12 И дастся книга сия в руце человеку не ведущему писания, и речется ему: прочти сие. И речет: не вем писания. 13 И рече Господь: приближаются Мне людие сии усты своими и устнами своими почитают Мя, сердце же их далече отстоит от Мене: всеу же почитают Мя, учаще заповедем человеческим и учением. 14 Сего ради се, аз приложу, еже преселити людие сия, и преставлю я, и погублю премудрость премудрых и разум разумных сокрыю. 15 Горе творящым глубоко совет, а не Господем: горе в тайне совет творящым, и будут во тме дела их, и рекут: кто ны виде, и кто ны уразумеет, яже мы творим? 16 Не якоже ли брение скудельника вменитесь? Еда речет здание создавшему е: не ты мя создал еси? Или творение сотворшему: не разумно мя сотворил еси? 17 Не еще ли мало, и приложится Ливан, аки гора Хермель, и Хермель в дубраву вменится? 18 И услышат в день оный глусии словеса книги (сея), и иже во тме и иже во мгле очи слепых узрят. 19 И возрадуются нищии ради Господа в веселии, и отчаявшиися человецы исполнятся веселия. 20 Изчезе беззаконник, и погибе гордый, и потребишася вси беззаконноущии во злобе 21 и творящии согрешати человеки во слове: всем же различающым во вратех претыхание полагают, понеже совратиша в неправдах праведнаго. 22 Сего ради тако глаголет Господь на дом Иаковль, егоже определи от Авраама: не ныне постыдится Иаков, ниже ныне лице свое изменит Израиль: 23 но егда увидят чада их дела Моя, Мене ради освятят имя Мое и освятят Святаго Иаковля, и Бога Израилева убоятся. 24 И уразумеют заблуждающи духом смысл, и ропщуЩИИ научатся послушати, и языцы немотствующии научатся глаголати мир.

30 Горе чада отступившая, сия глаголет и Господь: сотвористе совет не Мною и заветы не духом Моим, приложити грехи ко грехом: 2 идущии снити во Египет, Мене же не вопросиша, еже помощь имети от фараона и заступление от Египтян. 3 Будет бо вам покров фараонов в постыждение и уповающым на Египет укоризна: 4 яко суть в Тане старейшины его, и вестницы его зли. 5 Вотще

потрудятся людий ради, иже не уполизуют их, ниже на помощь, ниже на пользу, но на студ и на укоризну. 6 В печали и в тесноте лев и львичищ: оттуду аспиды и племя аспидов парящих, иже весяху на ослех и на велблюдех богатство свое ко языку, иже не поможет им в помощь, но на студ и укоризну. 7 Египтяне вотще и всеу успеют вам: возвести им, яко тщетно утешение ваше сие. 8 Ныне убо сед напиши сия на дске и в книгу: яко будут сия во дни времен и даже до века. 9 Яко людие непокориви суть, сынове лживии, иже не похотеша слышати закона Божия, 10 глаголюще пророком: не поведаете нам: и видения видящым: не глаголите нам, но нам глаголите и возвещайте нам иное прельщение 11 и совратите нас с пути сего: отимите от нас путь сей и отимите от нас суд Израилев. 12 Того ради сице глаголет Господь Святыи Израилев: понеже не покористесь словесем сим и надеястесь на лжу, и яко пороптасте и уповающе бысте на слово сие, 13 сего ради будет вам грех сей, аки стена падающая внезапно града тверда пленена, егоже абие настоят падение: 14 и падение его будет яко сокрушение сосуда глиняна, от глины дробныи, яко не можно обрести в них чрепа, ижеже огнь возмеш и в оныя влиши воды мало. 15 Тако глаголет Господь, Господь Святыи Израилев: егда возвратився воздохнеши, тогда спасешися и уразумеши, где еси был: егда уповал еси на суетная, тщетна крепость ваша бысть, и не хотесте послушати, 16 но рекосте: на конех побегнем. Того ради побегнете. И рекосте: на легких всадницы будем. Того ради легцы будут гонящии вас. 17 От гласа единого побегнут тысяща, и от гласа пяти побегнут мнози, дондеже оставлени будете аки щогла на горе и яко знамя носяи на холме. 18 И паки пождет Бог, еже ущедрити вас, и сего ради вознесется еже помилovati вас: зане судия Господь Бог ваш есть, и где оставите славу вашу? Блажени вси пребывающии в Нем. 19 Зане людие святии в Сионе вселятся, Иерусалим же плачем восплакася: помилуй мя. Помилует тя, егда узре глас вопля твоего, послуша тебе. 20 И даст Господь вам хлеб печали и воду тесную, и ктому не приблизатся к тебе лъстящии тя: яко очи твои узрят прельщающих тя, 21 и ушеса твоя услышат словеса созидати тебе прельщающих, иже глаголют: сей путь, поидим по нему или на десно, или на лево. 22 И отвержеши кумиры посребренныя, и позлащенныя раздробииши, и развееши яко воду жены месячныя, и аки мотыла отвержеши я. 23 Тогда будет дождь семени земли твоя, и хлеб жита земли твоя будет изюбилен и тучен, и напасутся скоти твои в той день на месте тучне и пространне. 24 Юнцы ваши и волове делающии землю наядатся плев смешенных со ячменем извையным. 25 И будет на всячей горе висоце и на всячем холме вознесенне вода текущая в день оный, егда погибнут мнози, и егда падутся столпи: 26 и будет свет луны аки свет солнца, и свет солнечный будет седмерицею в той день, егда изцелит Господь сокрушение людий Своих и болезнь язвы твоя изцелит. 27 Се, имя Господне идет временем многим, горящая ярость Его: со славою слово устен Его, слово гнева полно, и гнев ярости яко огонь пояст: 28 и дух Его аки вода в дебри влекущи приидет даже до выи

и разделится, еже смутити языки о прельщении суетнем, и поженет я прелесть тща, и возмет я пред лицом их. 29 Еда присно подобает вам радоватися и входити во святая Моя всегда, аки празднующим и яко веселящимся внити со сопелию в гору Господню к Богу Израилеву? 30 И слышану сотворит Господь славу гласа Своего, и ярость мышцы Своея показати, с яростию и гневом, и со пламенем поядающим возгремит зелено, и яко вода и град низходящя нуждею. 31 Гласом бо Господним побеждени будут Ассириане язвою, еже аще паразит я. 32 И будет ему окрест, отнюдуже бо их надежда помощи, на ноже той уповаше: тии со тимпаны и гусльми ратовати будут нань от пременения. 33 Ты бо прежде дний истязан будеши: еда и тебе уготовася царствовати? Дебрь глубокою, древесна лежаша, огонь и древа многа, ярость Господня аки дебрь жупелом горящая.

31 Горе сходящым во Египет помощи ради, уповающим на кони и на колесницы: суть бо многа, и конническое множество много зело: и не беша уповаемо на Святаго Израилева, и Бога не взыскаша. 2 Тойже премудре наведе на них злая, и слово Его не отринется, и встанет на домаи человек злых и на надежду их тщетную, 3 Египтянина человека, а не Бога, конски плоти, и не будет помощи: Господь же наведет руку Свою на ня, и утрудятся помагающи, и вси вкупе погибнут. 4 Занеже тако рече мне Господь: якоже возревел лев, или львичищю о ловитве, юже имет, и возопиет над нею, дондеже наполнятся горы гласа его, и победишася и множества ярости убояшася: тако Господь Саваоф снидет на гору Сиону и на горы его воевати. 5 Якоже птицы парящия, сице защитит Господь Саваоф о Иерусалиме, защитит и избавит, и снабдит и спасет. 6 Обратитесь, совещавающи глубок совет и беззаконен, сынове Израилевы: 7 яко в той день отвергут человецы рукотворенная своя серебряная и рукотворенная золотая, яже сотвориша руки их. 8 И падет Ассур не мечем человека, ни мечь мужеский пояст его, и побегнет не от лица меча: юноты же будут в побеждение. 9 Каменiem бо оймутся яко острогом и побеждени будут, а бежай пленен будет. Сия глаголет Господь: (блажен,) иже имеет племя в Сионе и южики во Иерусалиме.

32 Се бо, Царь праведный воцарится, и князи со судом владети начнут. 2 И будет человек сокрываяй словеса своя, и скрывается, аки от воды носимья: и явится в Сионе яко река текущая славная в земли жаждущей. 3 И ксему не будут уповаемо на человеки, но уши вдадут на слышание, 4 и сердце изнемогших вонмет послушати, и языцы немотствующии скоро научатся глаголати мир: 5 и ксему не рекут юродивому владети, и ксему не рекут слуги твои: молчи. 6 Юрод бо юродивая изречет, и сердце его тщетная уразумеет, еже совершати беззаконная и глаголати на Господа прелесть, еже раслти души алчныя и души жаждущия тщи сотворити. 7 Совет бо злых беззаконная совещаваает, раслти смиренныя словеса неправедными и разсыпати словеса смиренных на суде. 8 Благочестивии же смысленне совещаща, и той совет пребудет. 9 Жены богатыя,

востаните и услышите глас мой: дщери, с надеждоу слышите словеса моя: 10 дня летняго память сотворите в болезни с надеждоу: потребися оымание винное, преста сеяние, и (собрание) ктому не приидет. 11 Ужаснитесь, сжалитесь, уповавшыя, совлецытесь, наги будите, препояшите чресла своя во вретница 12 и в перси бийтеся о селе желаемем и о винограднем рождении. 13 На земли людий моих терние и былие возникнет, и от всего дому радость восхитится: град богат, 14 домовое оставлении, богатство града и домы вожделения оставят: и будут веси пещеры до века, радость ослом дивиием, паствы пастухов: 15 дондеже найдет на ны Дух от вышняго, и будет пустыня в Хермель, а Хермель в дубраву вменится. 16 И почиет в пустыни суд, и правда в Кармиле вселится: 17 и будут дела правды мир, и одержит правда покой, и уповаемо будут до века: 18 и вселятся людие его во граде мира и обитати будут уповаемо, и почуют с богатством. 19 Град же, аще снидет, то не на вы приидет: и будут живущии в дубравах уповаемо, якоже сущии на полях. 20 Блажени сеюущии при всяцей воде, идеже вол и осел попирает.

33 Горе обидящым вас! Вас никтоже и избидит, и отвергаый вас не отвержет: пленени будут отметающи (вас) и предадутся, и яко молие в ризе, тако побеждени будут. 2 Господи, помилуй ны, на Тя бо уповахом: бысть племя непокаряющихся в пагубу, спасение же наше во время печали. 3 Гласом Твоим ужасошася людие от страха Твоего, и разсеяшася языцы. 4 Ныне же соберутся корысти ваша малаго и великаго: якоже аще кто соберет пруги, тако наругаются вам. 5 Свят Бог живый в вышних, наполнися Сион суда и правды. 6 В законе предадутся, в сокровищих спасение наше, тамо премудрость и хитрость и благочестие ко Господеву: сия суть сокровища правды. 7 Се, ныне во страсе вашем тии убоятся: ихже боястесь, возопиют от вас: вестницы бо послани будут горце плачущеся, просяще мира. 8 Опустеют бо сих путие: преста страх языков, и завет иже к ним вземлется, и не вмените их в человеки. 9 Восплакса земля, посрамлен Ливан, блато бысть Саронь: явлена будет Галилея и Хермель. 10 Ныне воскресну, глаголет Господь, ныне прославлюся, ныне вознесуся. 11 Ныне узрите, ныне ошутите, тщетна будет крепость духа вашего: огонь вы пояст. 12 И будут языцы пожжени, аки терние на ниве разметано и пожжено. 13 Услышат дальнии, яже сотвориш. (глаголет Господь,) уведят приближающися крепость Мою. 14 Отступиша, иже в Сионе, беззаконници, примет трепет нечестивыя: кто возвестит вам, яко огонь горит? Кто возвестит вам место вечное? 15 Ходяй в правде, глаголай правый путь, ненавидай беззакония и неправды и руце отррясая от даров: отягчавая уши, да не услышит суда крове: смежаяй очи, да не узрит неправды, 16 сей вселится во висоце пещере камене крепкаго: хлеб ему дастся и вода его верна. 17 Царя со славою узрите, и очи ваши узрят землю издалеча, 18 душа ваша поучитися страху Господню: где суть книгочии? Где суть совещаваущии? Где есть изчитаяй питаема малы и велики люди? 19 Имже

не совещаше, ниже ведяше глубокий глас имущаго, яко не слышати людем уничтоженым, и несть слышащему смысла. 20 Се, Сион град, спасение наше, очи твои узрят, Иерусалиме, граде богатый, кушцы не поколеблются, ниже подвигнутся колие храмины его в вечное время, и узя его не преторгнутся. 21 Яко имя Господне велико вам есть, место вам будет, реки и ровеницы широцы и пространни: не пойдеш по сему пути, ниже пойдет корабль плывущ: 22 Бог бо мой велик есть: не минет мене Господь судия наш, Господь князь наш, Господь царь наш, Господь Той наш спасет. 23 Прервашася ужя твоя, яко не укрепилася: щогла твоя преклонися, не распустит ветрил, не воздвигнет знамения, дондеже предастся на пленение: темже мнози хромии плен сотворят, 24 и не рекут: труждаемся, людие живущии в них, оставися бо им грех.

34 Приступите, языцы, и услышите, князи: да слышит земля и живущии на ней, вселенная и людие, иже на ней. 2 Зане ярость Господня на вся языки и гнев на число их, еже погубити их и предати я на заклание. 3 И язвении их повергнутся и мертвцы, и взыдет их смрад, и намокнут горы кровию их: 4 и истают вся силы небесныя, и свиеется небо аки свиток, и вся звезды спадут яко листвие с лозы, и якоже спадает листвие смоковницы. 5 Упися мечь Мой на небеси: се, на Идумею снидет и на люди пагубныя с судом. 6 Мечь Господень наполнися кровю, растолсте туком, от крове козлов и агнцев и от тука козлов и овнов: яко жертва Господеви в Восоре, и заклание велие во Идумеи. 7 И падут с ними сильнии, и овны и юнцы, и упиется земля от крове и от тука их насытитя: 8 день бо суда Господня, и лето воздаяния суда Сиона. 9 И обратятся дебри его в смолу, и земля его в жупел, 10 и будет земля его горящи яко смола днем и нощию, и не угаснет в вечное время, и взыдет дым ея высоце, в роды своя опустеет. 11 И во время много птицы и ежеве, совы и вранове возгнездятся в нем: и возложат нань уже землемерно пустыни, и онокентаври вселятся в нем. 12 Князи его не будут: царие бо и вельможи его будут в пагубу. 13 И возникнут во градех их терновая древеса и во твердыхех его, и будут селения сирином и селища струфионом: 14 и срящутся беси со онокентаври и возопиют друг ко другу, ту почии онокентаври, обретше себе покоища: 15 тамо возгнездится ежь, и сохранит земля дети его со утверждением: тамо елени сретошася и увидеша лица друг друга. 16 Числом преидшоа, и един и них не погибе, друг друга не взыска, яко Господь заповеда им, и дух Его собра я. 17 И Той вержет им жребия, и рука Его раздели пастися: в вечное время наследите, в роды родов почии в нем.

35 Радуйся, пустыня жаждущая, да веселится пустыня и да цветет яко крин. 2 И процветет и возвеселится пустыня Иорданова: и слава Ливанова дадеса ей, и честь Кармилова, и узрят людие мои славу Господню и высоту Божию. 3 Укрепитесь, руце ослабленныя и колена разслабленая: 4 утешитесь, малодушни умом укрепитесь, не бойтесь: се, Бог наш суд воздает и воздаст, Той придет и спасет нас. 5

Тогда отверзутся очи слепых, и уши глухих услышат. 6 Тогда скочит хромый яко елень, и ясен будет язык гугнивых: яко проторжеся вода в пустыни и дебрь в земли жаждущей. 7 И безводная будет во езера, и на жаждущей земли источник водный будет: тамо будет веселие птицам, и селитва трости, и лузи. 8 И тамо будет путь чист, и путь свят наречется: и не преидет тамо нечистый, ниже будет тамо путь нечист: разсеянии же пойдут по нему и не заблудят. 9 И не будет тамо льва, ни от зверей злых не взыдет нань, ниже обрящется тамо, но пойдут по нему избавленнии: 10 и собрании Господем обратятся и приидут в Сион с радостию, и радость вечная над главою их: над главою бо их хвала и веселие, и радость примет я, отбеже болезнь и печаль и въздыхание.

36 И бысть во четвертоенадесять лето царствующу Езекии, взыде Сеннахирим царь Ассирийск на грады тверды Иудейски и взя оныя. 2 И посла царь Ассирийск Рапсак от Лахиса во Иерусалим ко царю Езекии с силою великою, и ста у водоважды купели вышняя на пути села Кнафеова. 3 И изыде к нему Елиаким сын Хелкиев домостроитель, и Сомнас книгочий, и Иоах сын Асафов памятописец. 4 И рече им Рапсак: рцйте Езекии: сия глаголет царь великий, царь Ассирийск: на что уповаеши? 5 Еда советом и словесы устными битва бывает? И ныне на кого уповаеши, яко не покаряешися мне? 6 Се, уповаеши на жезл тростян сокрушенный сей, на Египет, на негоже еще опрется муж, внидет в руку его и прободет ю: тако есть фараон царь Египетский, и вси уповающи на него: 7 еще же глаголет, на Господа Бога нашего уповаем: не сей ли есть, егоже разори Езекия высокая и требища его, и заповеда Иуде и Иерусалиму: пред олтарем сим поклонитесь? 8 Ныне соединитесь господину моему царю Ассирийску, и дам вам две тысячи коней, еще можете дати вседающыя на них: 9 и како можете отвратити лице воеводы одинаго? Раби суть, иже уповаут на Египтян, на коней и всадников: 10 и ныне еда без Господа приидохом на страну сию, воевати на ню? Господь рече ко мне: възиди на землю сию и погуби ю. 11 И рече к нему Елиаким и Сомнас книгочий и Иоах: глаголи к рабом твоим сирски, разумеем бо мы, а не глаголи к нам иудейски: и вскую глаголеши во уши человеком сидящым на стене? 12 И рече к ним Рапсак: еда ко господину вашему, или к вам посла мя господин мой глаголати словеса сия? Не к человеком ли сидящым на ограде, да ядят мотыла и пииют мочь с вами вкупе? 13 И ста Рапсак, и возопи гласом велиим иудейски и рече: слышите словеса царя великаго, царя Ассирийска: 14 сия глаголет царь: да не прельщает вас Езекия словесы, не может избавити вас: 15 и да не глаголет вам Езекия, яко избавит вы Бог, и не предастся град сей в руце царя Ассирийска: 16 не слушайте Езекии: сия глаголет царь Ассирийский: аще хотите благословени быти, изыдите ко мне и ядите кийждо виноград свой и смокви, и пийте от потока вашего, 17 дондеже прииду и поиму вы в землю, яже аки ваша земля, земля пшеницы и вина и хлебов и виноградов: 18 да не прельщает вас Езекия, глаголя: Бог

ваш избавит вы: еда избавиша бози язычестии, кийждо страну свою от руки царя Ассирийска? 19 Где есть бог Емафов и Арфафов? И где бог града Сепфарима? Еда возмогоша избавити Самарию от руки моя? 20 Кто от богов всех языков сих, иже избави землю свою от руки моя, яко избавит Бог Иерусалима от руки моя? 21 И умолкоша, и никтоже отвеща ему словесе, повеления ради царева, да никтоже отвещает. 22 И вниде Елиаким сын Хелкиев домостроитель, и Сомнас книгочий силы, и Иоах сын Асафов памятописец ко Езекии в растерзанных ризах и поведаша ему словеса Рапсакова.

37 И бысть егда услыша царь Езекиа, растерза ризы и облечеся во вретиче и вниде во храм Господень: 2 и посла Елиакима домостроителя, и Сомну книгочия, и старейшины жречески оболчены во вретича ко Исаии пророку сыну Амосову. 3 И рекоша ему: сия глаголет Езекиа: день печали и укоризны и обличения и гнева днешний день, понеже прииде болезнь раждающей, крепости же не имеет родити: 4 да услышит Господь Бог твой словеса Рапсакова, яже посла царь Ассирийский, господин его, укаряти Бога живаго и поносити словеса, яже слыша Господь Бог твой, и да помолитися ко Господеву Богу твоему о оставшихся сих. 5 И приидоша отроцы царя Езекии ко Исаии. 6 И рече им Исаиа: сице рците ко господину вашему: сия глаголет Господь: не бойся от словес, яже еси слышал, имже укориша Мя послы царя Ассирийска: 7 се, аз вложу в него дух, и услышав весть возвратится во страну свою и падет мечем на своей земли. 8 И возвратится Рапсак и обрете царя Ассирийскаго облежаша Ловну: и услыша царь Ассирийск, яко отиде от Лакхиса, 9 и изыде Фарака царь Ефиопский воевати нань: и услышав возвратися и посла послы ко Езекии, глаголя: 10 сице рците Езекии царю Иудейску: да не прельщает Бог твой тебе, на Негоже уповая еси, глаголя, яко не предастся Иерусалим в руке царя Ассирийска: 11 или не слышал еси ты, что сотвориша царие Ассирийстии, како всю землю погубиша, и ты ли избавишися? 12 Еда избавиша сих бози язычестии, ихже погубиша отцы мои Гозан и Харран и Расем, иже суть во стране Феемафи? 13 Где суть царие Емафовы, и где Арфафовы, и где града Епфаруема, Анагуана? 14 И взя Езекиа книгу от послов и прочте ю, и вниде во храм Господень и отверзе ю пред Господем. 15 И помолися Езекиа ко Господеву, глаголя: 16 Господи Саваоф, Боже Израилев, седяй на Херувимех, Ты еси Бог един Царь всякого царства вселенная, Ты сотворил еси небо и землю: 17 приклони, Господи, ухо Твое, услыши, Господи, отверзи, Господи, очи Твои, призри, Господи, и виждь и слыши вся словеса Сеннахиримля, яже посла укаряти Бога живаго: 18 поистинне бо, Господи, пусту сотвориша царие Ассирийстии всю землю и страны их, 19 и ввергоша кумиры их во огонь, не беша бо бози, но дела рук человеческих, древа и камене, и погубиша я: 20 ныне же, Господи Боже наш, спаси ны от руки их, да уведят вся царствия земная, яко Ты еси (Господь) Бог един. 21 И послан бысть Исаиа сын Амосов ко Езекии и рече ему: сия глаголет Господь Бог Израилев: слышах, о ниже

молился еси ко Мне о Сеннахириме царя Ассирийстем. 22 Сие слово, еже глагола о нем Бог: похули ты и поругася тебе девица дщи Сионя, на ты главою покива дщи Иерусалимля: 23 кого укорил и разгневал еси? Или к кому возвысил еси глас твой, и не воздвигл еси на высоту очес твоих? Ко Святому Израилеву! 24 Яко послами укорил еси Господа, ты бо рекл еси: множеством колесниц аз въздох на высоту гор и на последняя Ливана, и посекох высоту кедра его и доброту кипарисову, и внидох в высоту части дубравныя 25 и положих мост, и опустоших воды и все собрание водное: 26 не слышал ли еси издревле сих, яже аз сотвориох? От древних дний совещаша, ныне же показах опустошити языки в твердых и живущия во твердых градах: 27 опустих руке, и исцоша и быша аки сухо сено на кровех и аки трескот: 28 ныне же покой твой и исход твой и вход твой аз вем, 29 ярость же твоя, еуже разгневался еси, и огорчение твое възде ко Мне, и вложу броду в ноздри твоя, и узду во уста твоя, и возвращу тя путем, имже еси пришел. 30 Сие же тебе знамение: яждь сего лета, еже еси всеял, а во второе лето, еже от себе растет: а в третье насеявше пожнете и насадите винограды и снесите плоды их: 31 и будут оставшии во Иудеи, прорастят корение долу и сотворят в верх плод, 32 яко от Иерусалима будут оставшии и спасшии от горы Сиони: ревность Господа Саваофа сотворит сия. 33 Сего ради тако глаголет Господь на царя Ассирийска: не внидет в сей град, ниже пустит нань стрелу, ниже возложит нань щита, ниже оградит окрест его ограждения: 34 но путем, имже прииде, темже возвратится, и во град сей не внидет. Сия глаголет Господь: 35 защищу град сей, еже спасти его Мене ради и ради Давида раба Моего. 36 И изыде Ангел Господень и изби от полка Ассирийска сто осмьдесят пять тысяч. И воставше заутра, обретоша вся телеса мертва. 37 И отиде возвращая Сеннахирим царь Ассирийский и вселися во Ниневию. 38 И внегда поклонятся ему и в дому Насараху отечественачлику своему, Адрамелех и Сарасар сынове его убиста его мечми, сами же убежаста во Армению. И воцарися Асрдан сын его вместо его.

38 Бысть же в то время, разболеша Езекиа до смерти. И прииде к нему Исаиа пророк сын Амосов и рече к нему: сия глаголет Господь: устрой о доме твоем, умираеши бо ты и не будеши жив. 2 И обрати Езекиа лице свое ко стене и помолися ко Господеву глаголя: 3 помяни, Господи, како ходих пред Тобою со истиною и сердцем истинным, и угодная пред Тобою сотвориох. И плакася Езекиа плачем великим. 4 И бысть слово Господне ко Исаии глаголя: 5 иди и рци Езекии: тако глаголет Господь Бог Давида отца твоего: услышах молитву твою и видех слезы твоя, се, прилагаю к летом твоим лет пятнадцать, 6 и от руки царя Ассирийска избавлю тя и град сей, и защищу о граде сем: 7 сие же тебе знамение от Господа, яко Бог сотворит глаголгол сей, якоже глагола: 8 се, аз возвращу сень степеней, имже сниде солнце десять степеней дому отца твоего, возвращу солнце десять степеней, имже сниде сень. И възде солнце десять степеней, имже сниде сень. 9 Молитва Езекии царя Иудейска, егда боле и воста от недуга своего. 10 аз рекох

в высоте дней моих: пойду во врата ада, оставлю лета прочая. (Sheol h7585) 11 Рекох: ктому не узрю спасения Божия на земли живых, ктому не узрю спасения Израилева на земли, ктому не узрю человека со живущими: 12 остах от сродства моего, оставих прочее живота моего, изыде и отиде от мене аки разрушай кущу поткнувший: аки платно дух мой во мне бысть, ткагелнице приближающей отрезати. 13 В той день предан бых до заутра аки льву, тако сокруши вся кости моя: от дне бо до ноши предан бых. 14 Яко ластовица, тако возопию, и яко голубь, тако поучуся: изчезосте бо очи мои, еже взирати на высоту небесную ко Господу, Иже избави мя и отя болезнь души моея: 15 и Той сотвори путеводство во вся лета моя. 16 Господи, о той бо возвестися Тебе, и воздвигл еси дыхание мое, и утешився ожих. 17 Избавил бо еси душу мою, да не погибнет, и завергл еси за мя вся грехи моя. 18 Не похвалят бо Тебе, иже во аде, ни умершии възблагословят Тя, и не надеются, иже во аде, милости Твоя. (Sheol h7585) 19 Живии же възблагословят Тя, якоже и аз: отднесь бо дети сотворю, яже возвестят правду Твою, 20 Господи спасения моего: и не престану благослова тя с песнию вся дни живота моего прямо дому Божию. 21 И рече Исаиа ко Езекии: возми от смоквий и сотри, и приложи пластырь на язву и здрав будеши. 22 И рече Езекиа: сие знамение, яко възыду в дом Божий.

39 В то время посла Меродах Валадан сын Валаданов, царь Вавилонский, писания и послы и дары Езекии: слыша бо, яко болел есть до смерти и воста. 2 И обрадовася о них Езекиа радостию великою, и показа им дом ароматов и мира, и стакти и фимиама, и сребра и злата, и вся домы сосудов сокровищных, и вся елика бяху во сокровищих его: и не оста ничтоже, егоже не показа им Езекиа в дому своем и во всей области своей. 3 И прииде Исаиа пророк ко Езекии царю и рече к нему: что глаголют сии мужие, и откуда приидоша к тебе? И рече Езекиа: от земли далекия приидоша ко мне, от Вавилона. 4 И рече Исаиа: что видеша в дому твоём? И рече Езекиа: вся, елика в дому моем, видеша, и несть в дому моем, егоже бы не видели, но и яже в сокровищих моих. 5 И рече ему Исаиа: послушай словесе Господа Саваофа: 6 се, дние грядут, глаголет Господь, и возмут вся, яже в дому твоём, и елика собраша отцы твои даже до дне сего, в Вавилон прейдут, и ничесоже оставят: 7 рече Господь, яко и от чад твоих, иже родил еси, поймут и сотворят каженики в дому царя Вавилонска. 8 И рече Езекиа ко Исаии: благо слово Господне, еже глагола: да будет ныне мир и правда бо дни моя.

40 Утешайте, утешайте люди Моя, глаголет Бог: 2 священницы, глаголите в сердце Иерусалиму, утешайте и, яко наполнися смирение его, разрешися грех его, яко прият от руки Господни сугубы грехи своя. 3 Глас вопиющего в пустыни: уготовайте путь Господень, правы сотворите стези Бога нашего: 4 всяка десь наполнится, и всяка гора и холм смирится, и будут вся стропотная в право, и острая в пути гладки. 5 И явится слава Господня, и узрит всяка плоть спасение Божие, яко Господь глагола. 6 Глас

вопиющего: возопий. И рекох: что возопию? Всяка плоть сено, и всяка слава человека яко цвет травный: 7 изчесе трава, и цвет отпаде, 8 глаголю же Бога нашего пребывает во веки. 9 На гору высокую възыди, благовествуя Сиону, възвыси крепостию глас твой, благовествуя Иерусалиму: възвысите, не бойтеся. Рцы градом Иудиным: 10 се, Бог ваш, се, Господь, Господь со крепостию идет, и мышца Его со властию: се, мзда Его с Ним, и дело Его пред Ним: 11 аки пастырь упасет паству Свою, и мышцею Своею соберет агнцы, и имущия во утробе утешит. 12 Кто измери горстию воду и небо пядию и всю землю горстию? Кто постави горы в мериле и холмы в весе? 13 Кто уразуме ум Господень, и кто советник Ему бысть, иже научает Его? 14 Или с ким советова, и настави И? Или кто показа Ему суд? Или путь разумения кто показа Ему? Или кто прежде даде Ему, и воздастся Ему? 15 Аще вси языцы, аки капля от кади, и яко претяжение веса вменишася, и аки плюновение вменяются? 16 Дубрава же Ливанова не доволна на сожжение, и вся четвероногая не доволна на всесожжение. 17 И вси языцы яко ничтоже суть, и в ничтоже вменишася. 18 Кому уподобисте Господа, и коему подобно уподобисте Его? 19 Еда образ сотвори древоделатель, или златарь сливав золото позлати его, или подобием сотвори его? 20 Древо бо негниющее избирает древоделатель и мудре ищет, како поставит образ его, и да не поколеблется. 21 Не разумеете ли, не слышасте ли, не возвестися ли вам исперва? Не разумеете ли основания земли? 22 Содержай круг земли, и живущии на ней аки пружи: поставивый небо яко камару и простер е, яко скинию обитати: 23 дайте князи аки ничтоже владети, и землю аки ничтоже сотвори. 24 Не насадят бо, ниже насают, и не вкоренится в земли корение их: дхну на них ветер, и исхоша, и буря аки стеблие возмет их. 25 Ныне убо кому Мя уподобисте, и вознесуся? Рече Святой. 26 Воззрите на высоту очима вашима и видите, кто сотвори сия вся: носяй по числу утварь Свою, и вся по имени прозовет от многия славы и в державе крепости Своея: ничтоже утаися и Тебе. 27 Еда бо речеши, Иакове, и что глагола еси, Израилю: утаися путь мой от Бога, и Бог мой суд отя, и отступи? 28 И ныне не уразуме ли еси ни ли слышал еси? Бог вечный, Бог устроивый концы земли, не взалчет, ниже утрудится, ниже есть изобретение премудрости Его, 29 дайте алчущым крепость и неболезненным печаль. 30 Взалчут бо юнейшии, и утрудятся юноты, и избранныи не крепцы будут: 31 терпящии же Господа изменят крепость, окрылатют аки орли, потекут и не утрудятся, пойдут и не взалчут.

41 Обновляйтеся ко Мне, острови князи бо изменят крепость: да приблизатся и да глаголют вкупе, тогда суд да возвещают. 2 Кто возстави от восток правду, призва ю к ногам своим, и пойдет? Даст пред языки, и цари ужасит: и повержет на землю мечы их, и аки стеблие отвержени луцы их, 3 и проженет я, и пройдет с миром путь ног его. 4 Кто содела и сотвори сия, призва бо призывая ю от начала родов. Аз Бог первый, и в грядущая Аз есмь. 5 Видеша языцы и убояшася, концы земнии приближишася и приидоша вкупе. 6 Судяй кийждо ближнему, и брату помощи,

и речет: 7 превозможе муж древоделатель и ковачь бияй млатом, вкупе проковаяй: овогда убо речет: спаяние добро есть, утвердиша я гвоздьми, положат я, и не подвигнутся. 8 Ты же, Израилю, рабе Мой, Иакове, егоже избрах, семя Авраамле, егоже возлюбих, 9 егоже пояс от конец земли, и от стражб ея призвах тя, и рекох ти: раб Мой еси, избрах тя, и не оставих тебе: 10 не бойся, с тобою бо есмь, не прельщаю: Аз бо есмь Бог твой, укрепивый тя, и помогох ти, и утвердих тя десницею Моею праведною: 11 се, постыдятся и посрамятся вси сопротивляющиеся тебе, будут бо яко не сущи, и погибнут вси соперники твои: 12 взыщещи их, и не обрящещи человекое, иже поругаются тебе: будут бо аки не бывшии и не будут ратующие тебе. 13 Яко Аз Бог твой держай десницу твою, глаголяй тебе: 14 не бойся, Иакове, малый Израилю, Аз помогох ти, глаголет Бог твой, Избавляяй тя Святой Израилев: 15 се, сотворих тя аки колеса колесничная новая, стирающая аки пила, и сотрещи горы, и истончиши холмы, и аки прах положиши, 16 и извеши, и ветр возьмет я, и буря развеет я: ты же возвеселишися во Святых Израилевых. 17 И возрадуются обози и неимуции: помшут бо воды, и не будет, язык их от жажды исше. Аз Господь Бог, Аз услышу их, Бог Израилев, и не оставлю их, 18 но отверзу на горах реки и среди поля источники, сотворю пустыню в луги водныя и жаждущую землю в водотечи, 19 положу в безводную землю кедр и смерчиче, и мирсину и кипарис и тополую: 20 да узрят и уразумеют, и помыслят и уведят вкупе, яко рука Господня сотвори сия вся, и Святой Израилев показа. 21 Приближается суд ваш, глаголет Господь Бог: приближишася совети ваши, глаголет Царь Иаковль. 22 Да приближатся и возвестят вам, яже сбдутся, или яже прежде быша, рцйте: и приставим ум и уразумеем, что последняя и будущая: рцйте нам, 23 возвестите нам грядущая на последок, и увемы, яко бози есте: благо сотворите и зло сотворите, и почудимся и узрим вкупе. 24 Яко откуда есте вы, и откуда дело ваше? От земли мерзость избраша вас. 25 Аз же возставих, иже от севера и иже от восток солнечных прозовутся именем Моим: да придут князи, и яко брение скудельника и яко скудельник топчущь брение, тако попрани будете. 26 Кто бо возвестит, яже исперва, да увемы, яже напреди, и речем, яко истинна суть? Несть предглаголющего, ни слышащаго словес ваших. 27 Начало Сиону дам и Иерусалима утешу на пути. 28 От язык бо, се, ни один и от кумир их несть возвещающа. И аще вопрошу их, откуда есте? Не отвечають ми. 29 Суть бо творящи вас и всуе прельщающи вас.

42 Иаков Отрок Мой, восприиму и: Израиль избранный Мой, прият Его душа Моя, дах дух Мой Нань, суд языком возвестит: 2 не возопиет ниже ослабит, ниже услышится вне глас Его: 3 трости сокрушены не сотрет и льна курящаяся не угасит, но во истину изнесет суд: 4 возсияет и не потухнет, дондеже положит на земли суд, и на имя Его языцы уповати имут. 5 Тако глаголет Господь Бог, сотворивый небо и водрузивый е, утверждь землю и яже на ней, и даяй дыхание людем, иже на ней, и дух ходящим на ней: 6 Аз Господь Бог призвах Тя в правде, и удержу за руку

Твою и укреплю Тя: и дах Тя в завет рода Израилева, во свет языков, 7 отверсти очи слепых, извести от уз связанныя и из дому темницы и сидящяя во тме. 8 Аз Господь Бог, сие Мое есть имя, славы Моея иному не дам, ниже добродетелей Моих истуканным. 9 Иже из начала, се, приидоша, и новая, яже Аз возвещу, и прежде неже возвестити, явишася вам. 10 Воспойте Господеву песнь нову: началство Его, прославите имя Его от конец земли, сходящия в море и плавающи по нему, острови и живущи на них. 11 Возвеселися, пустыне, и веси ея, придвория, и живущи в Кидаре: возвеселятся живущи на камени, от края гор возопиют, 12 дадут Богу славу, добродетели Его во островех возвестят. 13 Господь Бог Сил изыдет и сокрушит рать, воздвигнет рвение и возопиет на враги Своя со крепостию. 14 Молчах, еда и всегда умолчу и потерплю? Терпех яко раждающая, истреблю и изсушу вкупе, 15 опустошу горы и холмы, и всяку траву их изсушу, и положу реки во островы, и луги изсушу: 16 и наведу слепыя на путь, егоже не видеша, и по стезям, ихже не знаша, ходити сотворю им: сотворю им тму во свет и стропотная в правая: сия глаголюгы сотворю, и не оставлю их. 17 Тии же возвратишася вспяты: посрамитесь стыдением, уповающи на изваянная, глаголющии слиянным: вы есте бози наши. 18 Глусии, услышите, и слепии, прозрите видети. 19 И кто слеп, разве раби Мои? И глусии, разве владеющими ими? И ослепоша раби Божии. 20 Видесте многожды, и не сохранисте: отверсты уши (имуще), и не слышасте. 21 Господь Бог восхоте, да оправдится и возвеличит хвалу. 22 И видех, и быша людие расхищени и разграблени: пругло бо в ложах везде, и в домех вкупе, идеже скрыша я, быша в плен: и не бысть изимаяй разграбления и не бе глаголющего: отдаждь. 23 Кто в вас, иже внушит сия? И услышит во грядущая. 24 Кто даде на разграбление Иакова, и Израиля пленяющим его? Не Бог ли, Емуже согреша и не восхотеша в путех Его ходити, ни слушати закона Его? 25 И наведе на ня гнев ярости Своея, и укрепися на ня рать, и палящи их окрест, и не уведеша кийждо их, ниже положиша на уме.

43 И ныне сице глаголет Господь Бог сотворивый тя, Иакове, и создавый тя, Израилю: не бойся, яко избавих тя, прозвах тя именем твоим: Мой еси ты. 2 И аще преходиши сквозе воду, с тобою есмь, и реки не покрывают тебе: и аще скозе огонь пройдеши, не сожжешися, и пламень не опалит тебе, 3 яко Аз Господь Бог твой, Святой Израилев, Спасаяй тя: сотворих премену твою Египет и Ефиопию, и Соину за тя. 4 Отнелиже честен был еси предо Мною, прославился еси, и Аз тя возлюбих, и дам человеки за тебе и князи за главу твою. 5 Не бойся, яко с тобою есмь: от восток приведу семя твое и от запад соберу тя: 6 реку северу: приведи: и ливу: не возбраняй, приведи сыны Моя от земли дальния и дщери Моя от краев земных, 7 всех, елицы нарицаются именем Моим: во славе бо Моей устроих его и создах его и сотворих и. 8 И изведох люди слепы, и очи суть также слепы, и глусии уши имуции. 9 Вси языцы собрашася вкупе, и соберутся князи от них. Кто возвестит сия? Или яже исперва кто возвестит вам? Да приведут свидетели своя и

оправдятся, и да услышат и да рекут истину. 10 Будите Ми свидетелие, и Аз свидетель, глаголет Господь Бог, и отрок Мой, егоже избрах, да увесте и веруете Ми и уразумеете, яко Аз есмь: прежде Мене не бысть ин Бог, и по Мне не будет. 11 Аз Бог, и несть разве Мене Спасаяя. 12 Аз возвестих и спасох, укорих, и не бе в вас чуждий: вы Мне свидетелие, и Аз свидетель, глаголет Господь Бог, 13 еще от начала, и несть изимаяя от руку Мою: сотворю, и кто отвратит е? 14 Тако глаголет Господь Бог, Избавляяя вас, Святыи Израилев: вас ради послю в Вавилон и воздвигну вся бежашья, и Халдее в кораблех свяжутся. 15 Аз Господь Бог Святыи ваш, показавый Израилю Царя вашего. 16 Сице глаголет Господь, даая путь по морю и по воде сильне стезю: 17 изводяя колесницы и кони и народ силен: но успоша и не востанут, угасоша аки лен угашен. 18 Не поминайте первых, и ветхих не помышляйте, 19 се, Аз творю новая, яже ныне возсияют, и увесте я: и сотворю в пустыни путь и в безводней реки. 20 Возблагословят Мя зверие селни, сирини и дщери струфовы: яко дах в пустыни воду и реки в безводней, напоити род Мой избранныи, 21 люди Моя, яже снабдох, добродетели Моя поведати. 22 Не ныне призвах тебе, Иакове, ниже трудитися сотворих тя, Израилю. 23 Не принесл еси Мне овец твоих всесождения твоего, ни в жертвах твоих прославил Мя еси, не поработих тя в жертвах, ниже утруждена сотворих тя в Ливане: 24 не купил еси Мне на серебро фимиама, ниже тука треб твоих возжелах, но во гресех твоих стал еси предо Мною и в неправдах твоих. 25 Аз есмь, Аз есмь заглаждаая беззакония твоя Мене ради и грехи твоя, и не помяну. 26 Ты же помяни, и да судимся: глаголи ты беззакония твоя прежде, да оправдишися. 27 Отцы ваши первии согреша, и князи ваши беззаконноваша на Мя. 28 И оскверниша князи святая Моя, и дах погубити Иакова и Израиля во укоризну.

44 Ныне же слыши, рабе Мой Иакове, и Израилю, егоже избрах. 2 Сице глаголет Господь Бог сотворивый тя и создавый тя из утробы: еще поможет ти: не бойся, рабе Мой Иакове, и возлюбленный Израилю, егоже избрах. 3 Яко Аз дам воду в жажду ходящым в безводней, наложу дух Мой на семя твое и благословения Моя на чада твоя, 4 и прозябнут аки трава посреде воды и яко верба при воде текущей. 5 Сей речет: Божий есмь: и сей возопиет о имени Иаковли, и другий напишет рукою своею: Божий есмь: и о имени Израилеве возопиет. 6 Сице глаголет Бог Царь Израилев, и Избавлей его Бог Саваоф: Аз первый и Аз по сих, кроме Мене несть Бога: 7 кто якоже Аз? Да станет и да призвет, и да возвестит и да уготовит Ми, отне леже сотворих человека во век, и грядущая прежде неже приити им, да возвестят вам. 8 Не укрывайтесь, ниже заблуждайте: не исперва ли внушисте, и возвестих вам? Свидетелие вы есте, аще есть Бог разве Мене. 9 И не послушаша тогда созидающии, и ваяющии вси тщетни, творящии желания своя, яже не употребуют их: 10 но посрамятся вси созидающии бога и ваяющии вси неполезная. 11 И вси, отнюдуже быша, исхоша: и глушии от человек да соберутся вси и да станут вкупе, и да посрамятся

и устыдятся вкупе. 12 Яко наостри древоделатель сечиво, теслою содела оное, и свердлом состави е, и длатом издолбе е, и содела е крепостию мышцы своя: и възалчет, и изнеможет, и не напьется воды. 13 И избрав древодела древо, постави в меру, и клеем сострои е, и сотвори е аки образ мужеск и аки красоту человеку, поставити е в дому. 14 Посече древо в дубраве, еже насади Господь, сосну, и дождь возрасти, 15 да будет человеком на жжение: и взяв от него, согресе, и изжегше я, испекоша ими хлебы, из оставшаго же сотвориша боги и поклоняются им: сотвори е изваянное, и прекланяется им. 16 Пол его сожже огнем, и пол его сожже на углие, и испече в них хлебы, и на них испече мясо, и яде, и насытится, и согресея рече: сладко мне, яко согрехся и видех огонь. 17 Из оставшаго же сотвори бога изваянна, прекланяется ему и поклоняется, и молится ему глаголя: избави мя, яко бог мой еси ты. 18 Не уведаша смыслити, яко отемнеша очи их еже видети и разумети сердцем своим. 19 И не помысли в души своей, ни уведе смышлением, яко пол его сожже огнем, и испече на углиех его хлебы, и испек мяса снеде, и оставшее его в мерзосты сотвори, и поклоняются ему. 20 Уведждь, яко пепел есть сердце их, и прельщаются, и ни един может души своя избавити: видите, не рцйте, яко лжа в деснице моей. 21 Помяни сия, Иакове и Израилю, яко раб Мой еси ты, сотворих тя раба Моего, и ты, Израилю, не забывай Мене. 22 Се бо, отях яко облак беззакония твоя и яко примрак грехи твоя: обратися ко Мне, и избавлю тя. 23 Возвеселитесь, небеса, яко помилова Бог Израиля: вострубите, основания земная, возопиите, горы, веселие, холми и вся древеса, яже на них: яко избави Бог Иакова, и Израиль прославится. 24 Сице глаголет Господь избавляяя тя и создавый тя от чрева: Аз Господь совершаяя вся, распрострох небо един и утвердих землю. 25 Кто ин разсыплет знамения чрево волшебников и волшбы от сердца, отвращаяя мудр्या вспять и советы их обуюая, 26 и уставляя глагол раба Своего, и совет вестников Своих истинен творяя? Глаголяя Иерусалиму: населишися: и градом Иудейским: возградитесь, и пустыни его просят, 27 глаголяя бездне: опустеши, и реки твоя изсушу, 28 глаголяя Киру смыслити, и вся воли Моя сотворит: глаголяя Иерусалиму: возградитися, и храм святыи мой осую.

45 Сице глаголет Господь Бог помазанному Моему Киру, егоже удержаж за десницу, повинути пред ним языки, и крепость царей разрушу, отверзу пред ним врата, и гради не злтворяются: 2 Аз пред тобою пойду и горы уравню, врата медяная сокрушу и верей железныя сломлю, 3 и дам ти сокровища темная сокровенная: невидимая отверзу тебе, да увеси, яко Аз Господь Бог твой прозывая имя твое, Бог Израилев. 4 Ради раба Моего Иакова и Израиля избраннаго Моего, Аз прозову тя именем твоим и прииму тя: 5 ты же не познал еси Мене, яко Аз Господь Бог, и несть разве Мене еще Бога: укрепих ты, и не познал еси Мене, 6 да быша уведели, иже от восток солнечных и иже от запад, яко несть Бог разве Мене: Аз Господь Бог, и несть еще. 7 Аз устройвый свет и сотворивый тму, творяи мир и зиждяи злая, Аз Господь Бог, творяи сия вся. 8 Да

возрадуется небо свыше, и облацы да кропят правду: да прозябнет земля, и да прорастит милость, и правду да прозябнет вкупе: Аз есмь Господь создавый тя. 9 Что лучшее устроиш яко глину скудельнику? Еда орый орати будет землю весь день? Еда речет брение скудельнику: что твориши, яко не делаеши, ниже имаши рук? Еда отвечает здание создавшему е? 10 Еда глаголет отцу: что родиши? И матери: что чревоболиши? 11 Яко тако глаголет Господь Бог, Святей Израилев, Сотворивый грядущая: воспросите Мене о сынех Моих и о дщерех Моих, и о делех руку моюю заповедите Мне. 12 Аз сотворих землю и человека на ней, Аз рукою Моюю утвердих небо, Аз всем звездам заповедах. 13 Аз возставих его со правдою царя, и вси путие его правы: сей созиждет град Мой и пленение людей Моих возвратит, не по мзде, ни по даром, рече Господь Саваоф. 14 Тако глаголет Господь Саваоф: утрудися Египет и купли Ефиопския, и Саваимстии мужие высокоцы к тебе прейдут и тебе будут раби, и вслед тебе пойдут связани узами ручными, и прейдут к тебе и поклонятся тебе, и в тебе помолятся, яко в тебе Бог есть, и рекут: несть Бога разве тебе: 15 Ты бо еси Бог, и не ведехом, Бог Израилев Спас. 16 Постыдятся и посрамятся вси противящися ему и пойдут в студе: обновляйтеся ко мне, острови. 17 Израиль спасается от Господа спасением вечным: не постыдятся, ни посрамятся даже до века ктому. 18 Зане тако глаголет Господь сотворивый небо, Сей Бог показавый землю и сотворивый ю, Той раздели ю, не вотще сотвори ю, но на вселение созда ю: Аз есмь Господь, и несть ктому. 19 Не отай глаголах, ни в темне месте земли: не рекох племени Иаковлю: суетнаго възыщите. Аз есмь, Аз есмь Господь глаголяй правду и возвещаяй истину. 20 Соберитесь и приидите, совещайтесь вкупе, спасаемии от язык. Не разумеша воздвижущии древо изваяние свое и молящеся богом, иже не спасают. 21 Аще возвестят, да приближатся, да уведят вкупе, кто слышана сотвори сия исперва? Тогда возвестися вам: Аз Бог, и несть иного разве Мене, праведен и Спаситель, несть кроме Мене. 22 Обратитесь ко Мне и спасетесь, иже от края земнаго: Аз есмь Бог, и несть иного. 23 Кленуся Мною Самим, аще не изыдет изо уст Моих правда, словеса Моя не возвратятся: яко Мне поклонится всяко колено, и исповестся всяк язык Богови, глаголя: 24 правда и слава к Нему приидет: и посрамятся вси отлучающися. 25 От Господа оправдятся, и о Бозе прославится все семья сынов Израилевых.

46 Паде Вил, сокрушися Дагон, быша ваяния их во звери и скоты: носите я связана яко бремя труждающемуся и разслабевшу, 2 и алчушу и не могущу вкупе, иже не возмогут спастися от рати, сами же пленени приведошася. 3 Послушайте Мене, доме Иаковль и весь останок Израилев, носимии от чрева и наказуемии от детска даже до старости: 4 Аз есмь, и дондеже состареемся, Аз есмь, Аз терплю вам, Аз сотворих и Аз понесу, Аз подиму и спасу вы. 5 Кому Мя уподобисте? Видите, ухитрите, заблуждающии, 6 слагающии злато из меха, и серебро весом поставляют в мериле, и наимше златаря сотвориша рукотворенная, и преклоншеся

поклоняются им: 7 воздвижут я на рамах и ходят: аще же положат я на месте своем, ту лежат, ниже подвижутся: и иже аще возопиет к ним, не услышат, от бед не спасут его. 8 Помяните сия и возстените, покайтесь, прельстившиися, обратитесь сердцем 9 и помяните первая от века, яко Аз есмь Бог, и несть еще разве Мене: 10 возвещаяй первее последняя, прежде неже быти им, и абие сбывшася: и рекох: весь совет Мой станет, и вся, елика совещаях, сотворю. 11 Призываяй от восток птицу, и от земли издалеча, о нижех совещаях: рекох и приведох, создах и сотворих, приведох и благопоспеших путь его. 12 Послушайте Мене, погубльшии сердце, сущии далече от правды: 13 приближих правду Мою, и не удалится, и спасение, еже от Мене, не умедлю: дах в Сионе спасение Израилю во прославление.

47 Сниди, сяди на земли, дево, дщи Вавилона, вниди во тму, дщи Халдейска, яко не приложиши ксему прозываться мягка и юна. 2 Возми жерновы, мели муку, отрый покрывало твое, отрый седины, возсучи голени, преиди реки: 3 открыается студ твой, явятся укоризны твоя, праведное от тебе возму, ктому не предам человеком. 4 Рече Избавивый тя Господь Саваоф, имя Ему Святей Израилев: 5 сяди умилена, вниди во тму, дщи Халдейска, ксему не прозовешися крепость царства. 6 Разгневахся на люди Моя, осквернила еси наследие Мое: Аз вдах я в руку твою, ты же не дала им милости, старчий ярем отячила еси зело 7 и рекла еси: в век буду владычица: не помыслила еси сих в сердцы твоем, ниже помянула еси последних: 8 ныне же слыши сие, юная, седящая, уповающая, глаголющая в сердцы своем: аз есмь, и несть иныя, не сяду вдовою и не познаю сиротства. 9 Ныне же приидут на тя два сия внезапно во един день, безчадие и вдовство внезапно приидет на тя, в волшебстве твоем и в крепости волхвов твоих зело, 10 в надеянии злобы твоея: ты бо рекла еси: аз есмь, и несть иныя: увеждь, яко смышление сих и блужение твое будет тебе срам: и рекла еси сердцем своим: аз есмь, и несть иныя. 11 И приидет на тя пагуба, и не увеси, пропасть, и впадеш в ню: и приидет на тя печаль, и не возможеши чиста быти: и приидет на тя внезапно пагуба, и не увеси. 12 Стани ныне с волхвы твоими и со многими чары твоими, имже научилася еси из юности твоя, аще возмогут ти помощи. 13 Утрудилася еси в советех твоих: да станут ныне и спасут тя звездочетцы небесе, смотряющии звезд, да возвестят ти, что имать на тя приити. 14 Се, вси яко хвратие огнем погорят и не изимут души свояе из пламене, понеже имаши углие огненное, сяди на них. 15 Сии будут тебе помощь: трудилася еси в предложении от юности, человек сам в себе прельстися, тебе не не будет спасения.

48 Услышите сия, доме Иаковль, прозваннии именем Израилевым и изшедшии из Иуды, кленущиися именем Господа Бога Израилева, поминающии не со истиною, ниже со правдою, 2 и придержавшиися имени града святого, и о Бозе Израилеве подтверждающии: Господь Саваоф имя Ему. 3 Пржедняя еще возвестих, и из уст Моих изыдоша, и слышано бысть: внезапно сотворих, и найде. 4 Вем, яко

жесток еси, и жила железа выя твоя, и чело твоё медяно. 5 И возвестих ти, яже древле, прежде неже приити на тя: слышана тебе сотворих, да не когда речеши, яко идоли мне сия сотвориша, и не рцы, яко изваянная и слиянная заповедаша мне. 6 Слышасте вся, и вы не разуместе: но и слышана тебе сотворих новая отныне, яже имут быти: 7 и не рекл еси: ныне бывают, а не прежде, и не в преждния дни слышал еси сия: не рцы: ей, вем сия. 8 Не ведел еси, ниже разумел еси, ниже исперва отверзох ушеса твоя: ведех бо, яко отвергая отринеси и беззаконник еще от чрева прозавешися. 9 Имене Моего ради покажу ти ярость Мою, и славная Моя наведу на тя, да не потреблю тебе. 10 Се, продах тя не сребра ради: изях же тя из печи убожества. 11 Мене ради сотворю ти, яко Мое имя оскверняется, и славы Моея иному не дам. 12 Послушай Мене, Иакове и Израилю, егоже Аз призываю: Аз есмь первый и Аз есмь во век. 13 И рука Моя основа землю, и десница Моя утверди небо: призову я, и станут вкупе, 14 и соберутся вси и услышат: кто им возвести сия? Любя тя сотворих волю твою над Вавилоном, еже отяти племя Халдейско. 15 Аз глаголах, Аз призвах, приведох и, и благопоспешит путь его. 16 Приступите ко Мне и слышите сия, исперва не отай глаголах: егда бываху, тамо бех, и ныне Господь Господь посла Мя и Дух Его. 17 Тако глаголет Господь, Избавивый тя, Святыи Израилев: Аз есмь Господь Бог твой, научих тя, еже обрести тебе путь, по нему же пойдещи. 18 И аще бы еси послушал заповедий Моих, то был бы убо аки река мир твой, и правда твоя яко волна морская, 19 и было бы яко песок семья твое, и изчадия чрева твоего яко персть земли: ниже ныне потребися, ниже погибнет имя твое предо Мною. 20 Изыди от Вавилона, бежай от Халдеев: глас радости возвестите, и да слышано будет сие, возвестите даже до последних земли, глаголите: избави Господь раба Своего Иакова. 21 И аще вжадут, пустынею проведет их и воду из камене изведет им: разсыдется камень, и потечет вода, и испиют людие Мои. 22 Несть радоватися нечестивым, глаголет Господь.

49 Послушайте Мене, острови, и внемлите, языцы. Временем многим стояти будет, глаголет Господь: от чрева матери Моея нарече имя Мое, 2 и положи уста Моя яко меч остр, и под кровом руки Своея скры Мя: положи Мя яко стрелу избранну, и в туле своем скры Мя, 3 и рече Ми: раб Мой еси Ты, Израилю, и в Тебе прославлюся. 4 Аз же рекох: вотще трудихся, всуе и ни во что дах крепость Мою: сего ради суд Мой пред Господем и труд Мой пред Богом Моим. 5 И ныне тако глаголет Господь, создавший Мя от чрева раба Себе, еже собрати Иакова к Нему и Израиля: соберуся и прославлюся пред Господем, и Бог Мой будет Мне крепость. 6 И рече Ми: велие Ти есть, еже назваться Тебе рабом Моим, еже возставити племена Иаковля и разсеяние Израилево обратити: се, дах Тя в завет рода, во свет языком, еже быти Тебе во спасение даже до последних земли. 7 Тако глаголет Господь, Избавивый Тя Бог Израилев: освятите уничижающего душу Свою, гнушаемого от язык рабов княжеских: царие узрят Его, и востанут князи

и поклонятся Ему Господа ради, яко верен есть Святыи Израилев, и избрах Тя. 8 Тако глаголет Господь: во время приятно послушах Тебе и в день спасения помогах Ти, и сотворих Тя и дах Тя в завет вечный языков, еже устроити землю и наследити наследия пустыни, 9 глаголюща сущым во узах: изыдите, и сущым во тме: открытесе. На всех путех пастися будут, и на всех стезях пажить их: 10 не взалчут, ниже вжадут, ниже поразит их зной, ниже солнце, но Милуяй их утешит их и сквозе источники водныя проведет их. 11 И положу всяку гору в путь и всяку стезю в паству им. 12 Се, сии издалеча придут, сии от севера и от моря, инии же от земли Персския. 13 Радуйтеся, небеса, и веселися, земле, да отрыгнут горы веселие и холми правду, яко помилова Бог люди Своя и смиренныя людей Своих утешит. 14 Рече же Сион: остави мя Господь, и Бог забы мя. 15 Еда забудет жена отроча свое, еже не помилovati изчадия чрева своего? Аще же и забудет сих жена, но Аз не забуду тебе, глаголет Господь. 16 Се, на руках Моих написах стены твоя, и предо Мною еси присно, 17 и вскоре вознаградишия, от ниже разорился еси, и опустошивши ты изыдуд из тебе. 18 Возведи окрест очи твои и видждь вся, се, собралася приидоша к тебе, живу Аз, глаголет Господь: яко всеми ими аки в красоту облечешися и обложиши себе ими яко утварию невеста. 19 Понеже пустая твоя и разсыпаная и падшая ныне утеснеют от обитающих, и удалятся от тебе поглощающи тя. 20 Рекут бо во уши твои сынове твои, ихже был погубил еси: тесно ми место, сотвори ми место, да вселюся. 21 И речеши в сердцах своем: кто мне породил сих? Аз же безчадна и вдова, сих же кто воспита мне? Аз же останах едина, сии же мне где быша? 22 Тако глаголет Господь Господь: се, воздвизаю на языки руку Мою и на острова воздвигну знамение Мое, и приведут сыны твоя в лоне и дщери твоя на плечах возмут. 23 И будут царие кормителие твои, и княгини их кормилицы твоя: до лица земли поклонятся тебе и прах ног твоих обложит, и увеси, яко Аз Господь Бог, и не посраматся терпящии Мя. 24 Еда возьмет кто от исполина корысти? И аще кто пленит неправедне, спасетлися? 25 Зане тако глаголет Господь: аще кто пленит исполина, возьмет корысти: вземляй же от крепкого спасется: Аз же прю твою рассужду и Аз сыны твоя избавлю: 26 и оскорбивши тебе снесят плоть свою и испиют яко вино ново кровь свою, и упиются: и увесь всяка плоть, яко Аз Господь Избавивый тя и заступаая крепость Иаковлю.

50 Тако глаголет Господь: кая книга отпущения матери вашей, еюже отпустих ю? Или коему заимодавцу продах вы? Се, грехми вашими продаетеся, и беззаконий ради ваших отпустих мать вашу. 2 Что яко приидох, и не бяше человека? Звах, и не бе слушающего? Еда не может рука Моя избавити, или не могу изяти? Се, запрещением Моим опустошу море и положу реки пусты, и изсхнут рыбы их не сущей воде и умрут жаждою: 3 облеку небо во тму и положу аки вретнице одежду его. 4 Господь Господь дает Мне язык научения, еже разумети, егда подобает рещи слово: положи Мя утро утро, приложи Ми ухо, еже слышати,

5 и наказание Господне отверзает уши Мои: Аз же не противлюся, ни противоголаголю. 6 Плещы Мои вдах на раны и ланите Мои на заушения, лица же Моего не отвратих от студа заплеваний, 7 и Господь Господь помощник Ми бысть: сего ради не усрамяхся, но положих лице Свое аки твердый камень и разумех, яко не постыждуся: 8 зане приближается оправдавый Мя. Кто прайся со Мною? Да сопротивостанет Мне купно. И кто судяйся со Мною? Да приблизится ко Мне. 9 Се, Господь Господь поможет Ми: кто озлобит Мя? Се, вси вы яко риза обетшаете, и яко молие изыдет вы. 10 Кто в вас боялся Господа? Да послушает гласа Отрока Его. Ходящи во тме, и несть им света, надеетесь на имя Господне и утвердитесь о Бозе. 11 Се, вси вы огонь раждизаете и укрепляете пламень: ходите светом огня вашего и пламенем, егоже разжегосте. Мене ради быша сия вам, в печали уснете.

51 Послушайте Мене, гонящие правду и взыскающие Господа, воззрите на твердый камень, егоже изскеосте, и в юдоль потока, юже ископасте. 2 Воззрите на Авраама отца вашего и на Сарру породившую вы: яко един бе, и призвах его, и благослових его, и возлюбих его, и умножих его. 3 И тебе ныне утешу, Сионе, и утеших вся пустыни его, и поставлю пустыню его яко рай, и яже ко западом его аки рай Господень: радость и веселие обращут в нем, исповедание и глас хваления. 4 Послушайте Мене, людие Мои, послушайте, и царие, ко Мне внушите: яко закон от Мене изыдет, и суд Мой во свет языком. 5 Приближается скоро правда Моя, и изыдет яко свет спасение Мое, и на мышцу Мою языцы надеются будут: Мене острови ожидати и на мышцу Мою уповати будут. 6 Воздвигните на небо очи ваши и воззрите на землю долу, понеже небо яко дым утвердися, и земля яко риза обетшает, живущии же на земли якоже сия изомрут, спасение же Мое во век будет, и правда Моя не оскудеет. 7 Послушайте Мене, ведящие суд, людие Мои, имже закон Мой в сердцы вашем, не бойтесь укорения человека и похулению их не покаряйтесь. 8 Якоже бо риза снедена будет временем, и яко сукно изяется мольми, правда же Моя во веки будет и спасение Мое в роды родов. 9 Востани, востани, Иерусалиме, и облещыся во крепость мышцы твоя, востани яко в начале дне, яко род века: не ты ли еси победил гордаго и расторгнул змиа? 10 Не ты ли еси опустошая море, воду бездны многу? Положивый глубины морской путь прохода изытым и избавленным? 11 Господем бо возвратятся и приидут в Сион с радостию и со веселием вечным: на главе бо их веселие и хвала, и радость примет я: отбеже болезнь и печаль и воздыхание. 12 Аз есмь, Аз есмь Утешаяй тя: разумей, кто сый убоялся еси человека смертна и сына человека, иже яко трава изсхоша, 13 и забыл еси Бога Создавшего тя, Сотворшаго небо и основавшего землю: и боялся еси присно во вся дни лица ярости стужающего тебе: како бо восхоте взяти тя, и ныне где ярость стужающего тебе? 14 Всегда бо спасится тебе, не станет, ниже умедлит: 15 яко Аз Бог твой, возмущаяй море и творяй шум волнам его: Господь Саваоф имя Мне. 16 Положу словеса Моя во уста твоя и под сению руки

Моя покрыю тя, еюже поставих небо и основах землю: и речет Сиону: людие Мои есте вы. 17 Востани, востани, воскресени, Иерусалиме, испивый чашу ярости от руки Господни: чашу бо падения, фиал ярости испил и истощил еси, 18 и не бысть утешаяй тебе от всех чад твоих, яже родил еси, и не бысть подемлиющего руки твоя, ниже от всех сынов твоих, иже вознесл еси. 19 Два сия противна тебе, кто сожалеет тебе? Падение и сокрушение, глад и меч, кто утешит тя? 20 Сынове твои обнищавши, сядуще на краи всякаго исхода, яко свекла недовареная, исполнени ярости Господни, ослаблены Господем Богом. 21 Сего ради слыши, смиренный и упивыйся не вином: 22 тако глаголет Господь Бог судяй людем Своим: се, взял от руки твоя чашу падения, фиал ярости Моя, и не приложиши ксему пити ея: 23 и вложу ю в руже преобидевших тя и смиривших тя, иже рекоша души твоей: преклонися, да минем: и положил еси равно земли плещы твоя отвне мимоходящим.

52 Востани, востани, Сионе, облещыся во крепость твою, Сионе, и ты облещыся во славу твою, Иерусалиме, граде святой, ктому не приложит проити сквозе тя необрезанный и нечистый. 2 Истряси прах и востани, сяди, Иерусалиме, совлещы узу выи твоя, плененая дщи Сиона. 3 Яко сия глаголет Господь: туне продани бысте, и не серебром избавитесь. 4 Тако глаголет Господь: во Египет снидоша людие Мои прежде, еже пришелцем быти тамо, и во Ассирию нуждею отведошася. 5 И ныне что зде есте? Сия глаголет Господь: яко възаша людие Мои туне, чудитесь и плачитесь. Тако глаголет Господь: вас ради присно имя Мое хулится во языцех. 6 Сего ради познают людие Мои имя Мое в той день, яко Аз есмь Сам глаголяй, ту есмь. 7 Коль красны на горах ноги благовествующих мир, благовествующих благая, яко слышано сотворию спасение твое, глаголя: Сионе, воцарится Бог твой. 8 Яко глас хранящих тя вознесеса, и гласом вкупе возрадуются: яко очи ко очесем воззрят, егда помилует Господь Сиона. 9 Да отрыгнут веселие вкупе пустыни Иерусалимския, яко помилова Господь людей Своих и избави Иерусалима: 10 и открыет Господь мышцу Свою святую пред всеми языки, и узрят вси концы земли спасение, еже от Бога нашего. 11 Отступите, отступите, изыдите отсюда и нечистоте не прикасайтесь, изыдите от среды его, отлучитесь, носящи сосуды Господни: 12 яко не с мятежем изыдете, ниже убежанием пойдете: пойдет бо пред вами Господь, и собираяй вы Господь Бог Израилев. 13 Се, узрывает отрок Мой и вознесется и прославится зело. 14 Якоже ужаснутся о Тебе мнози, тако обеззастыт от человек вид Твой, и слава Твоя от сынов человеческих. 15 Тако удивятся языцы мнози о Нем, и заградят царие уста своя: яко, имже не возвестися о Нем, узрят, и иже не слышаша, разуразумеют.

53 Господи, кто верова слуху нашему, и мышца Господня кому открыся? 2 Возвестихом, яко отроча пред Ним яко корень в земли жаждающей, несть вида Ему, ниже славы: и видехом Его, и не имяше вида, ни доброты: 3 но вид Его безчестен, умален паче всех сынов человеческих: человек в

язве сый и ведый терпели болезнь, яко отвратится лице Его, безчестно бысть, и не вменися. 4 Сей грехи наша носит и о нас болезнует, и мы вменихом Его быти в труде и в язве от Бога и во озлоблении. 5 Той же язвен бысть за грехи наша и мучен бысть за беззакония наша, наказание мира нашего на Нем, язвою Его мы изцелехом. 6 Все яко овцы заблудихом: человек от пути своего заблуди, и Господь предаде Его грех ради наших. 7 И Той, зане озлоблен бысть, не отверзает уст Своих: яко овца на заколение ведесе, и яко агнец пред стригущим его безгласен, тако не отверзает уст Своих. 8 Во смирении Его суд Его взятая: род же Его кто исповест? Яко вземлетя от земли живот Его, ради беззаконий людей Моих ведесе на смерть. 9 И дам лукавья вместо погребения Его и богатя вместо смерти Его: яко беззакония не сотвори, ниже обретесе леств во устех Его. 10 И Господь хошет очистити Его от язвы: аще дастся о гресе, душа ваша узрит семя долгоживотное. 11 И хошет Господь рукою Своею отяти болезнь от души Его, явити Ему свет и создати разумом, оправдати праведнаго благо служаща многим, и грехи их Той понесет. 12 Сего ради Той наследит многих и крепких разделит корысти, зане предана бысть на смерть душа Его, и со беззаконными вменися, и Той грехи многих вознесе и за беззакония их предан бысть.

54 Возвеселися, неплоды, нераждающая возгласи и возопий, нечревоболевшая, яко многа чада пустыя паче, нежели имущия мужа. 2 Рече бо Господь: разшири место, кущи твоя и покровов твоих, водрузи, не пощади, продолжи ужя твоя и колие твое укрепи, 3 еще на десно и на лево простри: и семя твое языки наследит, и грады опустевшыя населиши. 4 Не бойся, яко посрамлена еси, ниже устыдися, яко укорена еси: понеже срамоту вечную забудеши и укоризны вдовства твоего не помянеши ктому. 5 Яко Господь Творяй тя, Господь Саваоф имя Ему: и Избавивый тя Святыи Бог Израилев, всей земли прозвонится. 6 Не яко жену оставлену и малодушну призва тя Господь, ниже яко жену из юности возненавидену, рече Бог твой. 7 На время мало оставих тя, а с милостию великою помилую тя: 8 во ярости мале отвратих лице Мое от тебе, но милостию вечною помилую тя, рече Избавивый тя Господь. 9 От воды, яже при Нои, сие Ми есть, якоже кляхся Ему во время оно на землю, не разгневатися о тебе ктому, ниже во прещении твоём 10 горы преставити, и холми твои не предвигнутся: тако ниже, яже от Мене к тебе, милость оскудет, ниже завет мира твоего преставится: рече бо милостив к тебе Господь. 11 Смирненная и колеблемая не имела еси утешения: се, аз уготовляю тебе анфракс камень твой и на основание твое сапфир: 12 и положу забрала твоя иаспис, и врата твоя камень кристалла, и ограждение твое камень избранное, 13 и вся сыны твоя научены Богом, и во мнозе мире чада твоя. 14 И правдою возградишия: удалися от неправеднаго, и не убоишися, и трепет не приблизится тебе. 15 Се, пришельцы придут к тебе Мною и вселятся у тебе и к тебе прибегнут. 16 Се, аз создах тя, не якоже кузнец раздуваяй углие и износя сосуд на дело: аз же создах тя не на пагубу,

еже истлити. 17 Всяк сосуд соделан на тя не благопоспешу, и всяк глас, иже на тя востанет на прю, одолеши им всем: повиннии же твои будут в нем есть наследие служащим Господеви, и вы будете Мне праведни, глаголет Господь.

55 Жажущи, идите на воду, и елицы не имате сребра, шедше купите, и ядите (и пейте) без сребра и цены вино и тук. 2 Вскую цените сребро не в хлебы, и труд ваш не в сытость? Послушайте Мене, и снесте блага, и насладится во благих душа ваша. 3 Внемлите ушима вашима и последуйте путем Моим: послушайте Мене, и жива будет во благих душа ваша, и завещаю вам завет вечен, преподобная Давидова верная. 4 Се, свидетелство во языцех дах Его, князя и повелителя языком. 5 Се, языцы, иже не ведяху тебе, призовут тя, и людие, иже не познаша тебе, ко тебе прибегнут ради Господа Бога твоего, Святаго Израилева, яко прослави тя. 6 Вызщити Господа, и внемда обрести вам Того, призовите: егда же приблизится к вам, 7 да оставит нечестивый пути своя, и муж беззаконен советы своя, и да обратится ко Господу, и помилован будет, яко попремногу оставит грехи ваша. 8 Не суть бо совети Мои якоже совети ваши, ниже якоже путие ваши путие Мои, глаголет Господь. 9 Но якоже отстоит небо от земли, тако отстоит путь Мой от путей ваших, и помышления ваша от мысли Моея. 10 Якоже бо аще снидет дождь или снег с небесе, и не возвратится, дондеже напоит землю, и родит, и прозябнет, и даст семя сеющему и хлеб в снедь: 11 тако будет глагол Мой, иже аще изыдет из уст Моих, не возвратится ко Мне тощь, дондеже совершит (вся), елика восхотех, и поспешу пути твоя и заповеди Моя. 12 Со веселием бо изыдете и с радостию научитесь: горы бо и холми възскачут ждуще вас с радостию, и вся дрevesа селная восплещут ветвьми: 13 и вместо драчия възыдет кипарис, и вместо кропивы възыдет мирсина: и будет Господь во имя и во знамение вечное, и не оскудет.

56 Сия глаголет Господь: сохраните суд и сотворите правду, приближися бо спасение Мое приити и милость Моя открытися. 2 Блажен муж творяй сия, и человек держайся их, и храняй субботы не оскверняти, и блюдый руце свои не творити неправды. 3 Да не глаголет иноплеменник приложивыйся ко Господеви: еда отлучит мя Господь от людей Своих? И да не глаголет каженик, яко аз есмь древо сухо. 4 Сия глаголет Господь кажеником: елицы сохранят субботы Моя и изберут яже аз хощу и содержат завет Мой, 5 дам им в дому Моем и во ограде Моей место именито, лучшее от сынов и дочерей, имя вечно дам им, и не оскудет: 6 и иноплеменником приложившимся Господеви работати Ему и любити имя Господне, еже быти Ему в рабы и рабыни, и вся снабдящяя субботы Моя не оскверняти и держащяя завет Мой, 7 введу я в гору святую Мою и возвеселю я в дому молитвы Моея: всесождения их и жертвы их будут приятны на требнице Моем: дом бо Мой дом молитвы наречется всем языком, 8 глаголет Господь, собираяй разсеяныя Израилевы, яко соберу к нему собор. 9 Все зверие дивии, приидите, ядите, все зверие дубравнии. 10 Видите, яко

вси ослепоша, не разумеша смыслити, вси пси немии не возмогут лаяти, видяще сны на ложи, любяще дремати, 11 и пси беззуднии душею, не ведающе сътости: и суть лукави, не ведающе смысла, вси путем своим последоваша, кийждо уклонишася в лихоимство свое, от первого и до последнего. 12 Приидите, да возмем вино и наполнимся пиянства, и будет яко днесь, тако и заутра, и много множае.

57 Видите, како праведный погиге, и никтоже не приемлет сердцем, и мужие праведнии вземлются, и никтоже разумет: от лица бо неправды взяся праведный. 2 Будет с миром погребение его, взяся от среды. 3 Вы же приидите семо, сынове беззаконнии, семя прелюбодеев и блудницы: 4 в чем услаждаетесь и на кого отверзосте уста ваша? И на кого изсунуште язык ваш? Не вы ли есте чада пагубы, семя беззаконно, 5 молящийся кумиром под древием частым, закалающе чада своя в дребех посреде камения? 6 То твоя часть, сей твой жребий, и тем пролиял еси возлияния, и тем принесл еси жертвы: о сих убо не разгневаюся ли? 7 На горе висоце и превознесенне, тамо твое ложе, и тамо вознесл еси требы твоя: 8 и за подвоями дверей твоих положил еси память твою: мыслил еси, яко аще от Мене отступиши, более нечто возимеши: возлюбил еси спящя с тобою, 9 и умножил еси блужение твое с ними, и многи сотворил, иже далече от тебе, и послал еси послы за пределы твоя, и смирился еси даже до ада. (Sheel h7585) 10 Многими путями твоими трудился еси, и не рекл еси: престану крепящяся, яко сотворил еси сия, сего ради не помолился ми еси ты. 11 Кого благопочет убоялся еси, и солгал Ми, и не помянул еси Мене, ниже приял Мя еси во ум, ниже в сердце твое? И Аз тя видя, презираю, и не убоялся еси Мене. 12 И аз возведу правду твою и злобы твоя, яже не успеют тебе: 13 егда возопиеш, да избавят тя во печалех твоих: сия бо вся ветр возмет, и отнесет буря: а держащийся Мене стяжат землю и наследят гору святую Мою. 14 И рекут: очистите пред лицом его пути и отнимите претякания от пути людей Моих. 15 Сия глаголет Господь Вышний, Иже живет во високих во век, Святой во святых имя Ему, Вышний, во святых почивая, и малодушным даяя долготерпение и даяя живот сокрушенным сердцем: 16 не во век отмщу вам, ни всегда гневатися буду на вы: дух бо от Мене изыдет, и всякое дыхание Аз сотворих. 17 За грех мало что опечалих его и поразих его и отвратих лице Мое от него: и опечалих и пойде дряхл во путех своих. 18 Пути его видех и изцелих его, и утеших его и дах ему утешение истинно, 19 мир на мир далече и близ сущим: и рече Господь: изцелю я. 20 Неправеднии же возволнуются и почити не возмогут. 21 Нещь радоватися нечестивым, рече Господь Бог.

58 Возопий крепостию и не пощади: яко трубу возвыси глас твой и возвести людем Моим грехи их и дому Иаковлю беззакония их. 2 Мене день от дне ищут и разумети пути Моя желают, яко людие правду сотворившии и суда Бога своего не оставивши: просят ныне у Мене суда праведна и приблизитися ко Господу желают, глаголюще: 3 что яко постихомся, и не увидел еси? Смирехом души наша, и не

уведел еси? Во дни бо пощений ваших обретаеши воли ваша, и вся подручныя ваша томите: 4 аще в судех и сварех поститесь и биете пястями смиренного, вскую Мне поститесь якоже днесь, еже услышану быти с воплем гласу вашему? 5 Не сицеваго поста Аз избрах и дне, еже смирити человеку душу свою: ниже аще слячеш, яко серп выю твою, и вретисе и пепел постелеш, ниже тако наречете пост приятен. 6 Не такового (бо) поста Аз избрах, глаголет Господь: но разрешай всяк союз неправды, разрушай обдолжения насильных писаний, отпусти сокрушенныя во свободу и всякое писание неправедное раздери: 7 раздробляй алчущим хлеб твой и нищя безкровныя введи в дом твой: аще видиши нага, одеи, и от свойственных племене твоего не презри. 8 Тогда разверзется рано свет твой, и изцеления твоя скоро возсияют, и предидет пред тобою правда твоя, и слава Божия оымет тя. 9 Тогда воззовеши, и Бог услышит тя, и еще глаголющу ти, речет: се, приидох. Аще отимеши от себе союз и рукобienie и глагол роптания 10 и даси алчущему хлеб от души твоя и душу смиренную насытиши, тогда возсияет во тме свет твой, и тма твоя будет яко полудне, 11 и будет Бог твой с тобою присно: и насытишися, якоже жаелает душа твоя, и кости твоя утучнеют, и будут яко вертоград напоен, и яко источник, емуже не оскуде вода: и кости твоя прозябнут яко трава, и разботеют, и наследят роды родов. 12 И созиждутся пустыни твоя вечныя, и будут основания твоя вечная родом родов: и прозовешися здатель оград, и стези твоя посреде упокоиши. 13 Аще отвратиши ногу твою от суббот, еже не творит хотений твоих в день святой, и прозовеши субботы сладостны, святы Богови твоему: не воздвигнеши ноги своя на дело, ниже возглаголеши словесе во гневе из уст твоих, 14 и будеши уповая на Господа, и возведет тя на благоты земныя, и ухлебит тя наследием Иакова отца твоего: уста бо Господня глаголаша сия.

59 Еда не может рука Господня спасти? Или отягчил есть слух Свой, еже не услышати? 2 Но греси ваши разлучают между вами и между Богом, и грех ради ваших отврати лице Свое от вас еже не помиловати. 3 Руце бо ваши осквернене кровию, и персты ваши во гресех, устне же ваши возглаголаша беззаконие, и язык ваш неправде поучается. 4 Никтоже глаголет правды, ниже есть суд истинен: уповают на суетная и глаголют тщетная, яко зачинают труд и раждают беззаконие. 5 Яица аспидска разбиша и постав паучинный ткут, и хотят от яиц их ясти, разбив запорток (его), обрете и в нем василиска. 6 Постав их не будет на ризу, и не одедутся от дел своих: дела бо их дела беззакония. 7 Нозе же их на зло текут, скоры пролияти кровь, и мысли их мысли о убийствах: сокрушение и бедность во путех их, 8 и пути мирнаго не познаша, и несть суда во путех их: стези во их развращены, по нихже ходят и не ведают мира. 9 Того ради отступи от них суд, и не постигнет их правда: ждущым им света, бысть им тма, ждуще зари во мраце ходиша. 10 Осяжут яко слепии стену, яко суще без очес осязати будут, и падутся в полудни яко в полунощи, яко умирающе возстанут 11 яко медведь, и яко голубь вкупе пойдут. Ждахом

суда, и несть, спасение далече отступи от нас. **12** Много бо беззаконие наше пред Тобою, и греси наши противу сташа нам: беззакония бо наша в нас, и неправды наша уразумехом: **13** нечестовахом и солгахом и отступихом от последования Бога нашего: глаголахом неправду и не покорихомся, во утробе зачахом и поучихомся от сердца нашего словесем неправедным: **14** и оставихом создади суд, и правда далече отступи от нас: яко изнеможе во путех их истина, и правым (путем) не возмогоша прейти: **15** и истина взяся, и преставиша ум свой еже смыслити. И виде Господь и негодова, яко не быаше суда: **16** и виде, и не быаше мужа, и помысли, и не быаше избавляющего: и мсти им мышцею Своею, и помилованием утверди. **17** И одеяся правдою яко щитом, и возложи шлем спасения на главу, и облечеса в ризу отмщения, и одежду Своею: **18** яко воздавая воздаяние укоризну супостатом. **19** И убоятся, иже от запад, имене Господня, и иже от восток солнца, имене Его славнаго: придет бо яко река насильная гнев от Господа, придет со яростию. **20** И придет Сиона ради Избавляяй, и отвратит нечестие от Иакова. **21** И сей им иже от Мене завет, рече Господь: Дух Мой, иже есть в тебе, и глаголголы, яже Аз дах во уста твоя, не оскудеют от уст твоих и от уст семени твоего: рече бо Господь отныне и во век.

60 Светися, светися Иерусалиме, прииде бо твой свет, и слава Господня на тебе возсия. **2** Се, тма покрывает землю, и мрак на языки, на тебе же явится Господь, и слава Его на тебе узрится. **3** И пойдут царие светом твоим, и языцы светлостию твоею. **4** Возведи окрест очи твои и виждь собраная чада твоя: се, приидоша вси сынове твои издалеча, и дщери твоя на рамах возмутся. **5** Тогда узриши и возрадуешься, и убоишися и ужаснешися сердцем, яко преложится к тебе богатство морское и языков и людий: **6** и приидут к тебе стада вельблюд, и покрывают тя вельблуди Мадиямстии и Гефарстии: вси от Савы приидут, носяще злато, и Ливан принесут и камень честен, и спасение Господне благовозвестят: **7** и вся овцы Кидарския соберутся тебе, и овни Навеофстии приидут к тебе, и вознесутся приятная на жертвенник Мой, и дом молитвы Моя прославится. **8** Кии суть, иже яко облацы летят, и яко голубие со птенцы ко мне? **9** Мене острови ждаша, и корабли Фарсийстии во первых, привести чада твоя издалеча, и серебро и злато их с ними, имене ради Господня Святаго, и за еже Святому Израилеву славу быти. **10** И созиждут сынове инороднии стены твоя, и царие их предстояти будут тебе: за гнев бо Мой поразих тя и за милость Мою возлюбих тя. **11** И отверзутся врата твоя присно, день и ночь не затворятся, ввести к тебе силу язык и цари их ведомыя. **12** Языцы бо и царие, иже не поработают ти, погибнут, и языцы запустением запустеют. **13** И слава Ливанова к тебе приидет, кипарисом и певгом и кедром вкупе, прославити место святое Мое, и место ногу Мою прославлю. **14** И пойдут к тебе боящеса сынове смиривших тя и раздраживших тя, и поклонятся следам ногу твоею вси прогнававши тя, и наречешися град Господень,

Сион Святаго Израилева. **15** За сие, яко был еси оставлен и возненавиден и не бе помагающего ти, положу тя в радость вечную, веселие родом родов. **16** И исцеси млеко языков и богатство царей снеси, и уразумееши, яко Аз Господь Спасаяй тя и Избавляяй тя Бог Израилев. **17** И вместо меди принесу ти злато, и вместо железа принесу ти серебро, и вместо древес принесу ти медь, и вместо камня железо: и вдам князи твоя в мир и надзиратели твоя в правду. **18** И не услышится посем неправда в земли твоей, ни сокрушение ни бедность во пределех твоих, но прозвется спасение забрала твоя и врата твоя хвала. **19** И не будет тебе ктому солнце во свет дне, ниже восход луны просветит твою ночь, но будет тебе Господь свет вечный и Бог слава твоя. **20** Не зайдет бо солнце тебе, и луна не оскудеет тебе: будет бо Господь тебе свет вечный, и исполнятся дние рыдания твоего. **21** И людие твои вси праведнии в век наследят землю, храняще сад дела руку Его в славу. **22** Малый будет в тысячи, а малейший во язык велик: Аз Господь по времени соберу их.

61 Дух Господень на Мне, Егоже ради помаза Мя, благовестити нищим посла Мя, изцелити сокрушенныя сердцем, проповедати пленником отпущение и слепым прозрение, **2** нареци лето Господне приятно и день воздаяния, утешити вся плачущыя, **3** дати плачущым Сиона славу вместо пепела, помазание веселия плачущым, украшение славы вместо, духа уныния: и нарекутся родове правды насаждение Господне во славу. **4** И созиждут пустыни вечныя, запустевшыя прежде воздвигнут: и обновят грады пустыя, опустошенныя в роды. **5** И приидут инороднии, пасущии овцы твоя, и иноплемenniцы орателие и виноградарие ваши: **6** вы же священницы Господни наречетесь, служителие Бога вашего, речется вам: крепость язык снесите и в богатстве их чудни будете. **7** Сице землю свою вторицею наследят, и веселие вечное над главою их. **8** Аз бо емь Господь любяй правду и ненавидяй грабления от неправды: и дам труд их праведником и завет вечен завещаю им. **9** И познается во языцех семья их, и внуцы их посреде людий: всяк видяй я познает я, яко сии суть семья благословено от Бога, и радостию возрадуются о Господе. **10** Да возрадуется душа моя о Господе: облече бо мя в ризу спасения и одежду веселия (одея мя): яко на жениха возложи на мя венец, и яко невесту украси мя красотою. **11** И яко земля растящая цвет свой, и яко вертоград семена своя прозябает: тако возрастит Господь Господь правду и веселие пред всеми языки.

62 Сиона ради не умолчу и Иерусалима ради не попущу, дондеже изыдет яко свет правда моя, и спасение мое яко светило разжжется. **2** И узрят языцы правду твою, и царие славу твою, и прозовут тя именем новым, имже Господь наименоует е. **3** И будеши венец доброты в руце Господни и диадима царствия в руце Бога твоего: **4** и не прозовешися ктому оставлен, и земля твоя ктому не наречется пуста: тебе бо прозвется воля Моя, и земля твоя вселенная, яко благоволи Господь в тебе, и земля твоя

вкупе населится. 5 И якоже живяй юноша с девою, тако поживут сынове твои с тобою: и будет якоже радуется жених о невесте, тако возрадуется Господь о тебе. 6 И на стенах твоих, Иерусалиме, приставих стражи весь день и всю ночь, иже до конца не премолкнут поминающе Господа. 7 Несть бо вам подобен: аще исправиши и сотвориши, Иерусалиме, радование на земли. 8 Клятся Господь десницею Своею и крепостию мышцы Своея: аще ктому отдам пшеницу твою и пищу твою врагом твоим, и аще ктому испиют вино твое сынове чуждии, о немже трудился еси: 9 но собирающии съедят я и похвалят Господа, и обимающии испиют я во дворах святых Моих. 10 Идите враты Моими и путь сотворите людем Моим, и камень, еже на пути, разместите: воздвигните знамение на языки. 11 Се бо, Господь слышано сотвори до последних земли: рците дщери Синове: се, Спаситель твой грядет, имеяй с Собою мзду и дело Свое пред лицом Своим. 12 И прозовет я люди святые, избавлены Господем: ты же прозовешия взыскан град и не оставлен.

63 Кто Сей пришедый от Едома, червлены ризы Его от Восора, Сей красен во утвари, зело с крепостию? Аз глаголю правду и суд спасения. 2 Почто червлены ризы Твоя и одежды Твоя яко от истоптания точила? 3 Исполнен истоптания, и от язык несть мужа со Мною: и попрах я яростию Моею, и сотрох я яко персть, и сведох кровь их в землю и вся ризы Моя омочих: 4 день бо въздаяния прииде на них, и лето избавления приспе: 5 и воззрех, и не бе помощника: и помыслих, и никтоже заступил: и избави я мышца Моя, и ярость Моя наста: 6 и попрах я гневом Моим и сведох кровь их в землю. 7 Милость Господню помянух, добродетели Господни во всех, имиже нам воздает: Господь, судия благ дому Израилеву, наводит нам по милости Своей и по множеству правды Своея. 8 И рече: не людие ли Мои? Чада, и не отвергнутся. И бысть им во спасение и всякия скорби их. 9 Не ходатай, ниже Ангел, но Сам Господь спасе их, зане любит их и щадит их: Сам избави их и восприят их и вознесе их во вся дни века. 10 Тии же не покоришася и разгневаша Духа Святаго Его, и обратися им на вражду, и Той воева на ня. 11 И помяну дни вечныя: где возведый от земли пастыря овец Своих? Где есть вложивый в них Духа Святаго? 12 Возведшая десницею Моисея, мышца славы Его раздели воду пред лицом его сотворити Ему имя вечно, 13 проведе их сквозе бездну, якоже коня сквозе пустыню, и не утрудилася, 14 и яко скоты по полю, и сниде Дух от Господа и настави их: тако провел еси люди Твоя сотворити Тебе Самому имя славно. 15 Обратися, Господи, от небесе и виждь от дому святаго Твоего и славы Твоея: где есть ревность Твоя и крепость Твоя? Где есть множество милости Твоея и щедрот Твоих, яко терпел еси нам? 16 Ты бо еси Отец наш, понеже Авраам не уведо нас, и Израиль не позна нас, но Ты, Господи, Отец наш, избави ны, исперва имя Твое на нас есть. 17 Что уклонил еси нас, Господи, от пути Твоего? И ожесточил еси сердца наша, еже не бояться Тебе? Обратися ради раб Твоих, ради племен достояния

Твоего, 18 да (поне) мало наследим горы святые Твоя. Противници наши попраша святыню Твою: 19 быхом яко исперва, егда не владел еси нами, ниже бе наречено имя Твое на нас.

64 Аще отверзеши небо, трепет примут от Тебе горы и растаю, 2 яко тает воск от лица огня, и поपालит огонь супостаты, и явлено будет имя Твое в сопотивных Твоих: от лица Твоего языки възмутятся: 3 егда сотвориши славная, трепет примут от Тебе горы. 4 От века не слышахом, ниже очи наши видеша бога, разве Тебе, и дела Твоя, яже сотвориши ждущым милости. 5 Милость бо срящет творящих правду, и пути Твоя помянутся: се, Ты разгневался еси, и мы согрешихом. 6 Сего ради заблудихом и быхом яко нечисти вси мы, якоже порт нечистыя вся правда наша, и отпадохом яко листвие беззаконий ради наших: тако ветр восхитит нас. 7 И несть призывай имя Твое и помянувший удержати Тя: яко отвратил еси лице Твое от нас и предал ны еси беззаконий ради наших. 8 И ныне, Господи, Отец наш еси Ты, мы же брение, дела руку Твоею вси: 9 не прогневайся на ны зело и не помяни во время беззаконий наших, и ныне призри, яко людие Твои вси мы. 10 Град святилища Твоего бысть пуст, Сион якоже пустыня бысть, Иерусалим на проклятие: 11 дом святой наш и слава, юже благословиша отцы наши, бысть огнем пожен, и вся славная наша купно падоша. 12 И о всех сих терпел еси, Господи, и молчал, и смирил еси ны зело.

65 Явлен бых не ищущым Мене, обретохся не вопрошающим о Мне, рекох: се, есмь: языку, иже не призваша имене Моего. 2 Прострох руце Мои весь день к людем не покаяющимся и противу глаголющим, иже не ходиша путем истинным, но вслед грехов своих. 3 Людие сии разгневающии Мя пред лицом Моим присно: тии жертвы приносят в вертоградех и кадят во чрепех бесом, иже не суть, 4 и во гробех и во пещерах лежат соний ради, иже ядят мяса свиня и юху треб, осквернены сосуди их вси: 5 иже глаголют: отиди от мене, не прикоснися мне, яко чист есмь. Сей дым ярости Моея, огонь горит в нем вся дни. 6 Се, написася предо Мною: не умолчу, дондеже отдам в недра им грехи их и грехи отец их глаголет Господь: 7 иже кадяху на горах и на хомех укориша Мя, отдам дела их в недра им. 8 Тако глаголет Господь: иже образом обретается ягода на грезне, и рекут: не погуби его, яко благословение есть в нем: тако сотворю служащаго Ми ради, не имам всех погубити ради его: 9 и изведу из Иакова семья и из Иуды, и наследит гору святую Мою, и наследят избранныи Мои и раби Мои и вселятся тамо. 10 И будут во дубраве ограды стадом, и юдоль Ахорская в покоище говядов людем Моим, иже взыскаша Мене. 11 Вы же, оставившии Мя и забывающии гору святую Мою, и уготовлящи демону трапезу и исполняющии щастию растворение, 12 аз предам вас под мечь, вси заклятием падете: яко звах вас и не послушасте, глаголах, и преслушасте и сотвористе лукавое предо Мною и яже не хотех избрасте. 13 Сего ради тако глаголет Господь: се, работающии Ми ясти будут, вы же

взвалчете: се, работающи Ми пити будут, вы же возжаждете: **14** се, работающи Ми возрадуются, вы же посрамитесь: се, работающи Ми возвеселятся в веселии сердца, вы же возопиете в болезни сердца вашего и от сокрушения духа восплаетесь. **15** Оставьте бо имя ваше в насыщение избранным Моим, вас же избьет Господь: работающым же Мне наречется имя новое, **16** еже благословится на земли, благословят бо Бога истиннаго: и кленущиися на земли клятися будут Богом истинным, забудут бо печаль свою первую, и не въздет им на сердце. **17** Будет бо небо ново и земля нова, и не помянут прежних, ниже въздут на сердце их, **18** но радость и веселие обрящут на ней, яко се, Аз творю веселие Иерусалиму и людем Моим радость. **19** И возвеселюся о Иерусалиме и возрадуюся о людех Моих, и ксему не услышится в нем глас плача, ни глас вопля, **20** ниже будет тамо младенец, ни старец, иже не исполнит лет своих: будет бо юный ста лет, умираяй же грешник ста лет и проклят будет. **21** И созиждут дома и сами вселятся, и насадят винограды и сами снedyт плоды их. **22** Не созиждут, да инии вселятся, и не насадят, да инии снedyт: якоже бо дние древа жизни, будут дние людей Моих: дела бо трудов их обетшают. **23** Избранныи же мои не имут трудитися вотще, ниже породят чад на проклятие, яко семья благословено есть Богом, и внуцы их с ними будут. **24** И будет, прежде неже възвати им, Аз услышу их, еще глаголющым им, реку: что есть? **25** Тогда волцы и агнцы имут пастися вкупе, и лев яко вол снесет плевы, и змия землю яко хлеб: не повредят, ниже погубят на горе святей Моей, глаголет Господь.

66 Тако глаголет Господь: небо престол Мой, земля же подножие ногу Моею: кий дом созиждете Ми, и кое место покоища Моего? **2** Вся бо сия сотвори рука Моя, и сия суть вся Моя, глаголет Господь. И на кого воззрю, токмо на кроткаго и молчаливаго и трепещущаго словес Моих? **3** Беззаконник же жряй ми телца, яко убиваяй пса: и приносяй семидал, яко кровь свиную: даяй ливан в память, аки хулник. И тии избраша пути своя, и мерзости их, яже душа их изволи. **4** И Аз изберу поругания их и грехи их воздам им: яко звах их, и не послушаша Мене, глаголах, и преслушаша и сотвориша злое предо Мною, и яже не хотех избраша. **5** Услышите глаголгол Господень, трепещущии словесе Его: рцйте, братия, ненавиждащым вас и гнушающымся, да имя Господне прославится и явится во веселии их, и они посрамятся. **6** Глас вопля от града, глас от храма, глас Господа въздающаго въздаяние сопротивлящымся. **7** Прежде неже чревоболети ей, роди, прежде неже приити труду чревоболения, избеже и пороуди мужеск пол. **8** Кто слыша сицевое, и кто виде сице? Аще родила земля с болезнию во един день? Или и родися язык весь купно, яко поболе и роди Сион дети своя? **9** Аз же дах чаяние сие, и не помянул еси Мене, рече Господь. Не се ли, Аз родящую и неплодную сотворих? Рече Бог твой. **10** Веселися, Иерусалиме, и торжествуйте в нем, вси любящии его и живущии в нем: радуйтесь вкупе с ним радостию, вси елицы плакасте о нем, **11** да ссете и насытитесь от сосца утешения его, да ссавше насладитесь от входа славы

его. **12** Яко сия глаголет Господь: се, Аз укланяю на ня аки реку мира, и аки поток наводняемый славу языков: дети их на рамена взяты будут и на колену утешатся. **13** Якоже аще кого мати утешает, тако и Аз утешу вы, и во Иерусалиме утешитесь **14** и узрите, и возрадуется сердце ваше, и кости ваша яко трава прозябнут: и познается рука Господня боящымся Его, и запретит непокаряющымся. **15** Се бо, Господь яко огонь приидет, и яко буря колесницы Его, въздати яростию отмщение Свое и прещение во пламени огненне: **16** огнем бо Господним судитися будет вся земля, и мечем Его всяка плоть: мнози язвени будут от Господа. **17** Очищающиися и освящающиися во вертоградах и в преддвериих ядущии мясо свиное и мерзости и мышы вкупе погибнут, рече Господь. **18** И Аз дела их и помышление их вем, и гряду собрати вся народы и языки, и приидут и узрят славу Мою: **19** и оставлю на них знамение, и пошлю от них спасенных во языки, во Фарисис и в Фуд, и в Луд и в Мосох, и в Фовель и во Елладу, и во острова дальния, иже не слышаша имене Моего, ниже видеша славу Мою: и возвестят славу Мою во языцех, **20** и приведут братию вашу от всех язык дар Господевы, с коньми и колесницами и с носилами мсков, под сеньми во святыи град Иерусалим, рече Господь, аки бы принесли сынове Израилевы жертвы своя Мне со псалмы в дом Господень: **21** и от тех поиму себе жерцы и левиты, рече Господь. **22** Якоже бо небо ново и земля нова, яже Аз творю, пребывают предо Мною, глаголет Господь, тако станет семья ваша и имя ваше: **23** и будет месяц от месяца, и суббота от субботы, приидет всяка плоть поклонитися предо Мною во Иерусалим, рече Господь: **24** и изьдут и узрят трупы человеков преступивших Мне: червь бо их не скончается, и огонь их не угаснет, и будут в позор всяцей плоти.

Книга пророка Иеремии

1 Слово Божие, еже бысть ко Иеремии сыну Хелкиеву от священник, иже обиташе во Анафофе, в земли Вениаминове, 2 якоже бысть слово Господне к нему, во дни Иосии сына Амоса царя Иудина, в тринадцатое лето царства его, 3 и бысть во дни Иоакима сына Иосии царя Иудина, даже до первагонадесять лета Седекии сына Иосии царя Иудина, даже до пленения Иерусалимскаго в месяц пятый. 4 И бысть слово Господне ко мне глаголя: 5 прежде неже мне создати тя во чреве, познах тя, и прежде неже изыти тебе из ложеши, освятих тя, пророка во языки поставих тя. 6 И рекох: о, Сый Владыко Господи, се, не вем глаголати, яко отрок аз есмь. 7 И рече Господь ко мне: не глаголи, яко отрок аз есмь, ибо ко всем, к нимже послы ты, пойдеси, и вся, елика повелю тебе, возглаголеши: 8 не убойся от лица их, яко с тобою Аз есмь, еже избавити тя, глаголет Господь. 9 И простре Господь руку Свою ко мне и прикоснуса устом моим, и рече Господь ко мне: се, дах словеса Моя во уста твоя: 10 се, поставих тя днесь над языки и над царства, да искорениши и разориши, и расточиши и разрушиши, и паки созиждеша и насадиши. 11 И бысть слово Господне ко мне глаголя: что ты видиши Иеремие? И рекох: жезл оrehовый (аз вижду). 12 И рече Господь ко мне: благо видел еси, понеже бдех Аз над словесы Моими, еже сотвориши я. 13 И бысть слово Господне вторицею ко мне глаголя: что ты видиши? И рекох: коноб поджигаемый (аз вижду) и лице его от лица севера. 14 И рече Господь ко мне: от лица севера возгорятс я на всех обитающих на земли, 15 зане се, Аз созову вся царства земная от севера, рече Господь и приидут и поставят кийждо престол свой в преддвериих врат Иерусалимских и на всех стенах окрест его и на всех градах Иудиных: 16 и возглаголю к ним с судом о всяцей злобе их, како оставиша Мя и пожроша богом чуждим и поклонишася делом рук своих. 17 Ты же препояши чресла твоя, и востани и глаголи к ним вся, елика заповедаю тебе: не убойся от лица их, ниже устрасиши пред ними, яко с тобою есмь, еже избавити тя, глаголет Господь: 18 се, положих тя днесь аки град тверд и в столп железный, и аки стену медяну, крепку всем царем Иудиным и князем его, и священником его и людем земли: 19 и ратовати будут на тя и не премогут тя, понеже с тобою Аз есмь, да избавлю тя, рече Господь.

2 И бысть слово Господне ко мне глаголющее: иди и вопий во уши Иерусалиму, рекий: сия глаголет Господь: 2 помянух милость юности твоея и любовь совершенства твоего, егда последовал еси в пустыни ненасеянной Святому Израилеву, глаголет Господь. 3 Свят Израиль Господеви, начаток плодов Его: вси поядающие его согрешат, злая приидут на них, рече Господь. 4 Услышите слово Господне, доме Иаковль и вся племена дому Израилева. 5 Сия глаголет Господь: кое обретоша отцы ваши во Мне погрешение, яко удалишася от Мене и ходиша вслед суетных и осуетишася, 6 и не рекоша: где есть Господь, изведый нас от земли Египетския, преведый нас по пустыни, по земли необитанней

и непроходней, по земли безводней и неплодней, по земли, по нейже не ходил муж никогдаже и не обитал человек тамо? 7 И введох вас в землю Кармил, да съесте плоды его и благая того: и внидоште, и осквернили есте землю Мою, и достояние Мое поставили есте в мерзость. 8 Священницы не рекоша: где есть Господь? И держащий закон не ведеша Мя, и пастьрие нечестоваша на Мя, и пророцы пророчествоваша в Ваала и идолом последоваша. 9 Сего ради еще судом претися имам с вами, рече Господь, и с сыны вашими препрюся. 10 Того ради приидите во острова Хеттим и видите, и в Кидар посылте и разсмотрите прилежно и видите, аще сотворена быша таковая? 11 Аще премениша языцы боги своя, и тии не суть божи? Людие же Мои премениша славу свою на то, от негоже не пользуются. 12 Ужасеся небо о сем и вострепета попремногу зело, глаголет Господь. 13 Два бо зла сотвориша людие Мои: Мене оставиша источника воды живы, и ископаша себе кладенцы сокрушенныя, иже не возмогут воды содержати. 14 Еда раб есть Израиль, или домочадец есть? Вскую бысть в пленение? 15 На него рыкаша львовые и издаша глас свой, иже поставиша землю его в пустыню, и грады его сожжени суть, еже не обитати в них. 16 И сынове Мемфиса и Тафны познаша тя и поругашася тебе. 17 Не сия ли сотвори тебе то, яко оставил еси Мене? Глаголет Господь Бог твой. 18 И ныне что тебе и пути Египетскому, еже пити воду Геонскую? И что тебе и пути Ассирийскому, да пиеша воду речную? 19 Накажет тя отступление твое и злоба твоя обличит тя и увеждь и виждь, яко зло и горько ти есть, еже оставити мя, глаголет Господь Бог твой: и не благоволих от тебе, глаголет Господь Бог твой. 20 Понеже от века сокрушил еси иго твое и растерзал еси узы твоя и рекл еси: не имам тебе служити, но пойду на всякий холм высокий и под всяким древом лиственным тамо разлиюся в блюде моем. 21 Аз же насадих тя виноград плодоносен, весь истинен: како превратился еси в горесть, виноград чуждий? 22 Аще умыешися нитром и умножиши себе травы борифовы, порочен еси во беззакониих твоих предо Мною, рече Господь Бог. 23 Какое речеши: не осквернихся и вслед Ваала не ходих? Виждь пути твоя на месте многогробищем и увеждь, что сотворил еси. В вечер глас его рыдаше, 24 пути своя разшири на воды пустынные, в похотех души своея ветром ношашеся, предан бысть, кто обратит его? Все ищущии его не утрудятся, во смиреннии его обрящут его. 25 Отврати ногу твою от пути стропотна и гортань твою от жажды. И рече: возмужаюся, яко возлюбил чуждых и вслед их хождаше. 26 Якоже стыд татю, егда ят будет, тако постыдятся сынове Израилевы, тии и царие их, и начальницы их и священницы их и пророцы их. 27 Древу рекоша: яко отец мой еси ты: и камени: ты мя родил еси: и обратиша ко Мне хребты, а не лица своя: и во время озлобления своего рекут: востани и избави нас. 28 И где суть божи твои, яже сотворил еси тебе? Да востанут и избавят тя во время озлобления твоего: по числу бо градов твоих быша божи твои, Иудо, и по числу путей Иерусалимских жряху Ваалу. 29 Вскую глаголет ко Мне? Все вы нечестовасте и все вы

беззаконнасте ко Мне, глаголет Господь. 30 Всеу поразих чада ваша, наказания не приясте, меч пояде пророки ваша, аки лев погубляяй, и не убоястеся. 31 Слышите слово Господне, тако глаголет Господь: еда пустыня бых Израилу, или земля неплодна? Вскую реша людие Мои: обладаеми не будем и потом не придем к Тебе? 32 Еда забудет невеста красоту свою, и дева мониста персий своих? Людие же Мои забыша Мене дни безчисленны. 33 Что еще добро ухитриши на путех твоих, еже взыскати любве? Не тако: но и ты лукавновала еси, еже осквернити пути твоя, 34 и в руках твоих обретеса кровь душ (убогих) неповинных: не в ровех обретох их, но во всячей дубраве. 35 И рекла еси: неповинна есмь, но да отвратится ярость Твоя от мене. Се, Аз суждуся с тобою, внегда рещи тебе: не согреших: 36 понеже презрела еси зело, еже повторити пути твоя: и от Египта постыдишися, якоже постыдена еси от Ассура: 37 яко и оттуду изыдеши, и руже твои на главе твоей: яко отрину Господь надеяние твое, и не благопоспешится тебе в нем.

3 Аще отпустит муж жену свою, и отидет от него и будет мужу иному, еда возвращающийся возвратится к нему паки? Еда непорочна будет и неосквернена жена та? Ты же соблудила еси с пастырьми многими, и возвращалася еси и ко Мне, глаголет Господь. 2 Воздвигни очи твои на правоту и виждь, где не смешилася еси? На путех сидела еси аки врана осбоящаяся и осквернила еси землю в любодейных и в лукавствех твоих, 3 и имела еси пастырей многих в претрыкание себе: лице жены блудницы бысть тебе, не хотела еси постыдетися ко всем. 4 Не аки ли домом Мене нарекла еси и Отцем и вождем девства твоего? 5 Еда пребудет во век, или сохранится в победу? Сия глагола еси, и сотворила еси злая, и возмогла еси. 6 И рече Господь ко мне во дни Иосии царя: видел ли еси, яке сотвори ми дом Израилев? Поидоша на всяку гору високу и под всяко древо листовяно и соблудила тамо. 7 И рекох по внегда прелюбодействовати ему во всех сих: ко Мне обратися. И виде преступление его преступница Иудея сестра его. 8 И видех, яко о всех (изобличен естъ), в ниже ят бысть, в ниже любодействова дом Израилев: сего ради отпустих и и дах ему книгу распустную в руже его. Обаче не убояся преступница Иудея (сестра его), но иде и соблудила естъ и та: 9 и бысть ни во что блуд ея, и оскверни землю, и соблудила естъ с камением и со дровом. 10 И во всех сих не обратися ко Мне преступница сестра ея Иудея от всего сердца своего, но во лжи, рече Господь. 11 И рече Господь ко мне: оправда душу свою отступница Израиль, паче преступницы Иудеи: 12 иди, и прочти словеса та к северу, и речеши: обратися ко мне, доме Израилев, рече Господь: и не утвержду лица Моего на вас, яко милостив Аз есмь, рече Господь, и не прогневаюся на вы во веки. 13 Обаче веждь беззаконие твое, яко в Господа Бога твоего преступила еси, и расточила еси пути твоя чуждим под всяким дровом листовяным, гласа же Моего не послушала еси, рече Господь. 14 Обратитесь, сынове отступившии, глаголет Господь: яко Аз возобладаю вами и поиму вы единого от града и двух от племени, и введу вас в Сион 15 и дам вам пастыри по

сердцу Моему, и упасут вас разумом и учением. 16 И будет, егда умножитесь и возрастете на земли, глаголет Господь, во дни оны не рекут ктому: кивот завета Святого Израилева: не възыдет на сердце, ни воспомянется, ниже посетится, ниже сотворится ктому. 17 Во дни оны нарекут Иерусалима престол Господень, и соберутся к нему вси языцы во имя Господне во Иерусалим, и не пойдут ктому вслед похотей сердца своего злейшаго. 18 Во днех тех придет дом Иудин ко дому Израилеву, и пойдут вкупе от земли северныя и от всех стран к земли, юже дах в наследие отцем их. 19 Аз же рех: да будет, Господи, ако положу тя в чада и дам тебе землю избранную, достояние Бога Вседержителя языков: и рекох: отцем наречете Мя и от Мене не отвратитесь. 20 Обаче якоже отвергается жена сожителя своего, тако отвержеса от Мене дом Израилев, рече Господь. 21 Глас из устен слышан бысть плача и моления сынов Израилевых, яко беззаконноваша в путех своих, забыша Господа Бога святого своего. 22 Возвратитесь, сынове возвращающиися, и изцелю сокрушения ваша. Се, рабы мы будем Тебе, Ты бо еси Господь Бог наш. 23 Истинно лживи быша холми и множество гор, токмо Господем Богом нашим спасение Израилево. 24 Студ же пояде труды отец наших, от юности наша, овцы их и телцы их, и сыны их и дщери их. 25 Уснухом в постыдении нашем, и покры нас безчестие наше, яко Господу Богу нашему согрешихом, мы и отцы наши, от юности наша даже до сего дне, и не послушахом гласа Господа Бога нашего.

4 Аще обратишися, Израилу, глаголет Господь, ко Мне обратися: и аще отимеши мерзости твоя от уст твоих, и от лица Моего убоишися, 2 и кленешися, живет Господь, во истине и в суде и в правде, и благословят в Нем языцы и в Нем восхвалят Бога во Иерусалиме. 3 Сия бо глаголет Господь мужем Иудиным и обитателем Иерусалимлим: поновите себе поля и не сейте на тернии: 4 обрежетеся Богу вашему и обрежете жестосердие ваше, мужие Иудины и обитающи во Иерусалиме, да не изыдет яко огонь ярость Моя, и возгорится, и не будет угашаяй, ради лукавства начинаний ваших. 5 Возвестите во Иудеи, и да услышится во Иерусалиме: глаголите, воспойте трубою на земли, возопийте зело и рцйте: соберитесь, и внидем во грады тверды. 6 Воздвигше (знамение) бежите в Сион, потщитесь, не стойте, яко злая Аз навожду от севера и сотрение велико. 7 Възде лев от ложа своего, и погубляяй языки воздвижеся и изыде от места своего, да положит землю твою в пустыню, и гради твои разорятся, оставши без обитателей. 8 О сих препояшитесь во вретича и плачите и рыдайте, яко не отвратися гнев ярости Господни от вас. 9 И будет в день той, глаголет Господь, погибнет сердце царево и сердце начальников, и священницы ужаснутся, и пророцы удивятся. 10 И рекох: о, Владыко Господи, еда обольстил еси люди сия и Иерусалима, рекий: мир будет вам? И се, пройде меч даже до души их. 11 Во время оно речется людем сим и Иерусалиму: дух заблуждения в пустыни, путь дщере людей Моих, не ко очищению, ниже во святое: 12 дух

исполнения от сих приидет Мне, и ныне Аз возглаголю суды Моя к ним. 13 Се, яко облак взыдет, и яко вихрь колесницы его, быстрее орлов кони его: горе нам, яко бедствуем. 14 Омый от лукавства сердце твое, Иерусалиме, да спасешия: доколе будут в тебе помышления бед твоих? 15 Глас бо возвещающего от Дана приидет, и слышана будет болезнь от горы Ефремли. 16 Рыцте языком: се, приидоша: возвестите во Иерусалиме: полцы идут от земли дальняя и даша на грады Иудины глас свой, 17 аки стражи селнии быша над ним окрест: яко пренебрегл Мя еси, глаголет Господь. 18 Пути твоя и начинания твоя сотвориша тебе сия: сие лукавство твое, понеже горько, яко прикоснуса сердцу твоему. 19 Чрево мое, чрево мое болит мне, и чувства сердца моего, смущается душа моя, терзается сердце мое: не умолчу, яко глас трубы услышала душа моя, вопль рати и беды: 20 сотрение (на сотрение) призывается, понеже опустела вся земля, внезапно опусте жилище мое, расторгошася кожи моя. 21 Доколе зрети имам бежащих, слышащ гласы трубных? 22 Понеже вождев людей Моих Мене не познаша: сынове буи суть и безумни, мудри суть, еже творити злая, благо же творити не познаша. 23 Воззрех на землю, и се, ничтоже, и на небо, и не бе света его. 24 Видех горы, и трепетаху, и вси холми возмутишася. 25 Воззрех, и се, не бе человека, и вся птицы небесныя ужасахуся. 26 Видех, и се, Кармил пуст, и вси гради сожжени огнем от лица Господня, и от лица гнева ярости Его погубоша. 27 Сия глаголет Господь: пуста будет вся земля, скончания же не сотворю. 28 О сих да плачет земля, и да помрачится небо свыше: понеже глаголах, и не раскаяюся: устремихся и не отвращаюся от него. 29 От гласа яздящих и напряженна побеже всяка страна: внидоша в расзелины и в дубравы сокрышася и на камень взыдоша: вси гради оставлени суть, не обитает в них человек. 30 Ты же, запустелая, что сотвориши? Аще облечешися во багряницу и украсишия моницы златыми, аще намажеш стивием очи твои, всеу украшение твое: отринуша тя любовницы твои, души твоя ищут. 31 Глас бо яко родящая слышаш стенания твоего: аки первородящая глас дщере Сиони истает, и опустит рuce свои: горе мне, яко исчезает душа моя над убиенными.

5 Обыдите пути Иерусалимския и воззрите, и познайте и поищите на стогнах его, аще обрячете мужа творящего суд и ищуща веры: и милосерд буду ему, глаголет Господь. 2 Живет Господь, глаголю, сего ради не во лжах ли кленутся? 3 Господи, очи Твои (зрят) на веру: бил еси их, и не поболеша, сокрушил еси их, и не восхотеша прияти наказания: ожесточиша лица своя паче камене и не хотеша обратитися. 4 Аз же рех: негли убози суть (и буи), того ради не возмогоша, яко не уведаша пути Господня и суда Бога своего. 5 Пойду ко державным и возглаголю им, тии бо познаша путь Господень и суд Бога своего. И се, единодушно сии сокрушиша иго, расторгоша узы. 6 Сего ради порази их лев от дубравы, и волк даже до домов погуби их, и рысь бдше над градами их: вси исходящии от них будут яти, яко умножиша нечестия своя, укрепишася

во отвращениях своих. 7 О чем от сих милосерд буду тебе? Сынове твои оставиша Мя и кляшася теми, иже не суть бози: насытих их, и прелюбодействоваша и в домех блудниц обиташа, 8 кони женонеистовни сотворишася, кийждо ко жене искреняго своего ржаше. 9 Еда о сих не посещу? Рече Господь: или языку сицевому не мстит душа Моя? 10 Взыдите на стены его и разорите, окончания же не сотворите: оставите подпоры его, яко Господни суть. 11 Преступлением бо преступил есть на Мя дом Израилев и дом Иудин глаголет Господь. 12 Солгаша Господу своему и рекоша: не суть сия, ниже приидут на нас злая и меча и глада не узрим: 13 пророцы наши быша на ветр, и слово Господне не бе в них, тако будет им. 14 Сего ради тако глаголет Господь Сил: занеже глаголали есте слово сие, се, Аз даю словеса Моя во уста твоя огонь, и люди сия древа, и пояст их. 15 Се, Аз наведу на вас язык издадеча, доме Израилев, рече Господь, язык сильный, язык старый, егоже языка не увеси, (ни уразумееш, что глаголет): 16 тул его яко гроб отверст, вси крепцы и поядят жатву вашу 17 и хлебы ваша, и поядят сынов ваших и дщерей ваших, и съедят овец ваших и телцев ваших, и поядят винограды ваша и смокви ваша и масличия ваша, и сокрушат грады ваша твердыя, на нихже вы уповасте, мечем. 18 Обаче во днех оных, глаголет Господь Бог твой, не сотворю вас во истребление. 19 И будет, егда речете: почто сотвори Господь Бог наш нам сия вся? И речеши к ним: яко остависте Мя и послужисте богом чуждим в земли вашей, тако послужите богом чуждим в земли не вашей. 20 Возвестите сия дому Иаковлю и слышано сотворите в дому Иудине (рекуще): 21 слышите сия, людие буи и не имущии сердца, иже, имеюще очи, не видите, и уши, и не слышите: 22 Мене ли не убоитесь? Рече Господь: или от лица Моего не устыдитесь? Иже положих песок предел морю, заповедь вечну, и не превзыдет его, и возмутится и не возможет: и возшумят волны его, и не прейдут того. 23 Людям же сим бысть сердце непослушно и непокориво, и уклонишася и поидоша, 24 и не рекоша в сердцах своем: убоимся Господа Бога нашего, дающего нам дождь ранний и поздний во время исполнения повеления жатвы и хранящего нам. 25 Беззакония наша уклониша сия, и греси наши отринуша блага от нас. 26 Яко обретошася в людех Моих нечестивии, и сети поставиша, еже погубити мужы, и уловиша. 27 Аки клетка поставлена полна птиц, тако дома их полни лести: сего ради возвеличишася и обогатишася: 28 утыша и уютлстеша и преступиша словеса Моя злейшии: прю вдовицы не судиша, суда сира не управиша и суда убогим не судиша. 29 Еда сих ради не посещу? Рече Господь: или языку сицевому не отмстит душа Моя? 30 Ужас и страшная содеяшася на земли: 31 пророцы пророчествоваша неправедная, и священницы восплескаша руками своими, и людие Мои возлюбиша таковая. И что сотворите в последняя сих?

6 Укрепитесь, сынове Вениаминовы, посреде Иерусалима, и в Феку вострубите трубою, и над Вефахармом воздвигните хоругвь: яко злая произникоша от севера, и

сотрение велико бывает: 2 и отимется высота твоя, дщи Сиона. 3 К ней приидут пастырие и стада их, и поставят на ней кущы окрест, и упасут кийждо рукою своею. 4 Уготовитесь на ню на крань, встаните и взыдем на ню о полудни: горе нам, яко уклонися день, яко исчезают сени дневныя. 5 Встаните и взыдем на ню нощю и расточим основания ея. 6 Яко сия глаголет Господь Сил: посецы древа его, излий на Иерусалим силу: о, граде лживый, всякое насильство в нем! 7 Якоже студену творит кладязь воду свою, тако студену творит ю злоба ея: нечестие и пакости услышатся в нем над лицом его всегда. 8 Немощию и язвою накажешися, Иерусалиме: да не отступит душа Моя от тебе, да не сотворю тя непроходну, землю необитанну. 9 Яко сия глаголет Господь Сил: обирайте, обирайте, аки виноград, останки Израилевы, обратитесь аки обиратель на кошницу свою. 10 Кому возглаголю и (кому) засвидетельствую, и услышит? Се, необрезана ушеса их, и слышати не возмогут: се, слово Господне бысть к ним в поношение, и не воспримут того. 11 И ярость Мою исполних, и терпех, и не скончах их: излию на младенцы отвне и на собрание юнош вкупе: муж бо и жена яти будут, старец со исполненным дней. 12 И преидут домы их ко иным, поля и жены их такожде, яко простру руку Мою на обитающих на земли сей, глаголет Господь. 13 Понеже от меньшаго и даже до большаго вси совершиша беззаконная, от священника и даже до лжепророка вси сотвориша ложная 14 и целяху сотрение людей Моих, уничижающе и глаголюще: мир, мир: и где есть мир? 15 Постыдешася, яко оскудеша: и ниже аки посрамляеми постыдешася и безчестия своего не познаша: сего ради падут падением своим и во время посещения своего погибнут, рече Господь. 16 Сия глаголет Господь: станите на путех и видите, и вопросите о стезях Господних вечных и видите, кий есть путь благ, и ходите по нему и обряцете очищение душам вашим. И рекоша: не пойдём. 17 И поставих над вами стражы: слышите глас трубы. И рекоша: не послушаем. 18 Сего ради услышаша языцы и пасущи стада своя. 19 Слыши, земле: се, Аз наведу на люди сия злая, плод отвращения их, яко словес Моих не послушаша и закон Мой отвергоша. 20 Вскую Мне кадило от Савы приносите и кинамон от земли дальняя, всесожжения ваша не суть приятна, и жертвы ваша не усладиша Мя. 21 Сего ради тако глаголет Господь: се, Аз дам на люди сия болезнь, и изнемогут отцы и сынове вкупе, сосед и искренний его погибнут. 22 Сия глаголет Господь: се, людие грядут от севера, и язык велик встанет от конец земли, 23 лук и щит возмут: мучителен есть и не умилосердится: глас его, яко море шумящее: на конех и колесницах ополчится аки огонь на брань на тя, дщи Сиона. 24 Слышахом слух его, ослабеша руже наши, скорбь объят нас, болезни яко родящия. 25 Не исходите на нивы и на пути не ходите, понеже меч вражий обитает окрест. 26 Дщи людей моих, препояшися вретischem и посыплися пепелом, плачь возлюбленнаго сотвори тебе рыдание горько, понеже внезапно приидет запустение на вас. 27 Искусителя дах ты в людех искусных, и увеси Мя, внегда искусити Ми путь их: 28 вси непослушни ходящии строптиво: медь и железо, вси

растлени суть. 29 Оскуде мех от огня, истле олово: всуе ковачь сребро кует, лукавства бо их не истаяша. 30 Сребро отриновлено нарцыте их, яко Господь отверже их.

7 Слово, еже бысть ко Иеремии от Господа, глаголющее: 2 стани во вратех дому Господня и проповеждь тамо слово то и глаголи: слышите слово Господне, вся Иудея, ходящии сквозе врата сия, да поклонитесь Господу: 3 сия глаголет Господь Сил, Бог Израилев: исправили пути ваша и начинания ваша, и вселю вы на месте сем. 4 Не надейтесь на себе во словесех лживых, понеже весьма не употребляют вас, глаголюще: храм Господень, храм Господень, храм Господень есть. 5 Яко аще исправляюще исправите пути ваша и умышления ваша, и творяще сотворите суд посреде мужа и посреде искренняго его, 6 и пришелцу и сиру и вдовице не сотворите насилия, и крове неповинныя не излиете на месте сем, и вслед богов чуждых не пойдете на зло вам, 7 вселю даж на месте сем, в земли, юже дах отцем вашим от века века и до века. 8 Аще же вы надеетесь на словеса лживая, отнюдуже не будет вам пользы, 9 и крадете и убиваете, и блудствуете и кленетесь лживо, и жрете Ваалу и ходите вслед богов чуждых, ихже не весте, яко во зло вам суть, 10 и приидосте и стаете предо Мною в дому сем, в немже призвано есть имя Мое, и рекли есте: удалихомся, еже не творити вся мерзости сия: 11 еда вертеп разбойником есть дом Мой, в немже призвася имя Мое тамо во очю вашею? И се, Аз видех, глаголет Господь. 12 Сего ради идите к месту Моему, еже в Силоме, идеже вселих имя Мое от начала, и видите, что сотворих ему лукавств ради людей Моих Израиля. 13 И ныне, понеже сотвористе вся дела сия, рече Господь, и глаголах к вам рано встающе и глаголюще, и не услышасте Мене, и звах вас, и не отвещасте: 14 убо и Аз сотворю дому сему, в немже призвано есть имя Мое, на негоже вы уповасте, и месту, еже дах вам и отцем вашим, якоже сотворих Силому. 15 И отвергу вас от лица Моего, якоже отвергох всю братию вашу, все семя Ефремово. 16 Ты же не молися о людех сих и не проси еже помилованым быти им, и не моли, ниже приступай ко Мне о них, яко не услышу тя. 17 Еда не видиши, что сии творят во градех Иудиных и на путех Иерусалимских? 18 Сынове их собирают дрова, и отцы их зажигают огонь, и жены их месят муку, да сотворят опресноки воинству небесному, и возлияша возлияния богом чуждим, да прогневают Мя. 19 Мене ли тии прогневляют? Глаголет Господь: еда не себе самих? Да постыдятся лица их. 20 Сего ради тако глаголет Господь: се, гнев и ярость Моя лиеется на место сие и на люди, и на скоты и на всяко древо страны их и на плоды земныя, и возжжется и не угаснет. 21 Сия глаголет Господь Сил, Бог Израилев: всесожжения ваша соберите со жертвами вашими и изядите мяса: 22 яко не глаголах ко отцем вашим и не заповедах им в день, в оньже изведох их от земли Египетския, о всесожжениях и жертвах, 23 но (токмо) слово сие заповедах им, рекый: услышите глас Мой, и буду вам в Бога, и вы будете Мне в люди, и ходите во всех путех Моих, в нихже повелех вам, да

благо будет вам. 24 И не услышаша Мене, и не внят ухо их: но поидоша в похотех и стропотстве сердца своего лукаваго, и сотворишася на задняя, а не на предняя, 25 от дне, в онже изыдоша отцы их от земли Египетския, и даже до дне сего: и послах к вам вся рабы Моя пророки, в день и рано востая и посылая: 26 и не услышаша Мя, ни приклониша ухо свое, но ожесточиша вью свою паче отец своих. 27 И речеси к ним вся словеса сия, и не услышат тя, и воззовеши их, и не отвечаю тебе. 28 И речеси к ним: сей язык, иже не послуша глас Господа Бога своего, ни восприят наказания: погibe вера и отята есть от уст их. 29 Остризи главу твою и отметни, и восприими во устне рыдание, яко отверже Господь и отрину род творяй сия. 30 Понеже сотвориша сынове Иудины лукавое во очию Мою, рече Господь: поставиша мерзости своя в дому, в немже призвано есть имя Мое, да осквернят его, 31 и создаша требище Тафифу, еже есть во юдоли сына Енномя, да сожигают сыны своя и дщери своя огнем, егоже не повелех им, ниже помыслих в сердцах Моих: 32 сего ради се, дне грядут, глаголет Господь, и не рекут кому: требище Тафифово и юдоль сына Енномя, но юдоль заклятых: и погребутся во Тафифе, занеже несть места. 33 И будут трупие людей сих во снедь птицам небесным и зверем земным, и не будет отгоняющего. 34 И упраздно от градов Иудиных и от путей Иерусалимских глас радующихся и глас веселящихся, глас жениха и глас невесты, во опустении бо будет вся земля.

8 Во время оно, глаголет Господь, извергут кости царей Иуды и кости князей его, и кости священников и кости пророков и кости обитающих во Иерусалиме из гробов их 2 и повергнут их противу солнца и луны и противу всех звезд небесных и противу всего воинства небеснаго, ихже возлюбиша и имже служиша и вслед их ходиша, и ихже державуся и имже поклонилася: неоплаканы и непогребены будут и в пример на лица земли будут: 3 яко избраша паче смерть, неже живот, и всем, иже осташа от племени сего строптиваго во всех местех, аможе изрину их рече Господь Сил. 4 И речеси к ним: понеже сия глаголет Господь: еда падаый не востает, или отвращаясь не обратится? 5 Вскую отвратишася людие Мои сии во Иерусалиме отвращением безстыдным и укрепилася во произволении своем и не восхотеша обратитися? 6 Внимайте и слушайте: не тако ли возглаголют: несть человек творяй покаяние о гресе своем, глаголя: что сотворих? Изнеможе бежай от течения своего, аки конь утруджен во ржании своем. 7 Еродиа на небеси позна время свое, горлица и ластовица селная, врабие сохраниша времена входов своих: людие же Мои сии не познаша судеб Господних. 8 Какое речете, яко мы мудри есмы и закон Господень с нами есть? Истинно всуе бысть трость лживая книжником. 9 Постыдешася премудрии, и утрашени и поимани быша, слово бо Господне отвергоша: кая мудрость есть в них? 10 Сего ради дам жены их иным и села их наследником, понеже от мала даже до велика вси золотолубию последуют и от пророка даже до священника вси творят лжу, 11 и изцеляху сотрениа дщере людей Моих, ко безчестию глаголюще: мир, мир. И не бе мира. 12

Постыждени суть, яко гнусство сотвориша и постыждением не постыдешася и посрамится не ведеша: сего ради падут между падающими, во время посещения своего падут рече Господь. 13 И соберут плоды их, глаголет Господь: несть грозда на лозе, и не суть смокви на смоковницах, и листвие отпадоша: и дах им, и мимоидоша их. 14 Почто мы седим? Совокупитесь и внидем во грады тверды и повержемся тамо, яко Господь Бог наш отрину нас и напои нас водою желчи, согрешимом бо пред Ним. 15 Ждахом мира, и не бяху блага: време уврачевания, и се, боязнь. 16 От Дана слышано бысть ржание коней его, от гласа ржания яждения коней потрясена вся земля: и приидет и пожрет землю и исполнение ея, град и обитающих в нем: 17 яко се, Аз пошлю на вас змии умерщвляющыя, имже несть обаяния, и угрызут вас, рече Господь, 18 неизцельно со болезнию сердца вашего исчезающего. 19 Се, глас вопля и дщере людей Моих от земли издалеча: еда Господь несть в Сионе? Или Царя несть в нем? Понеже прогневаша Мя во изваянных своих и в суетных чуждых. 20 Пройде жатва, мимоиде лето, и мы несмы спасени. 21 Над сокрушением дщере людей моих сокрушен есмь и скорбен: во ужасе объаша мя болезни аки раждающия. 22 Или ритины несть в Галааде? Или врача несть тамо? Чесо ради несть изцелена рана дщере людей моих?

9 Кто даст главе моей воду и очесем моим источник слез? И плачуся день и ночь о побивенных дщере людей моих. 2 Кто даст мне в пустыни виталище последнее? И оставлю люди моя и отиду от них: понеже вси любодействуют, соборище преступников. 3 И налякоша язык свой яко лук: лжа и неверство укрепилася на земли, ибо от злых во злая произыдоша и Мене не познаша, рече Господь. 4 Кийждо от искреняго своего да стретнется, и на братаю свою не уповайте, ибо всяк брат запинанием запнет, и всяк друг лъстивно насочит. 5 Кийждо другу своему посмеется, истины не возглаголют: научиша язык свой глаголати лжу, неправдоваша и не восхотеша обратитися. 6 Лихва на лихву и лесь на лесь: не восхотеша уведети Мене, рече Господь. 7 Сего ради тако глаголет Господь Сил: се, Аз разжегу их и искушу их: что бо ино сотворю от лица лукавства дщери людей Моих? 8 Стрела уязвляющая язык их, лъстивии глаголы уст их: приятелю своему глаголет мирная, внутри же себе имеет вражду. 9 Еда на сих не посещу? Рече Господь: или людем таковым не отстит душа Моя? 10 На горах восприимите плачь и тужение и на стезях пустыни рыдание, яко оскудеша, за еже не быти человеком преходящим: не слышаша гласа обитания от птиц небесных и даже до скотов, ужасошася, отидоша. 11 И дам Иерусалим в преселение и в жилище змием и грады Иудины положу в разорение, яко не будет обитающего. 12 Кто муж премудр, и уразумеет сие? И к немуже слово уст Господних, да возвестит вам, чесо ради погibe земля, сожжена есть яко пустыня, еяже никтоже проходит? 13 И рече Господь ко мне: понеже оставиша закон Мой, егоже дах пред лицем их, и не послушаша гласа Моего и не ходиша по нему, 14 но поидоша по изволению сердца своего лукаваго и вслед идолов, имже

научиша их отцы их: 15 сего ради тако глаголет Господь Сил, Бог Израилев: се, аз напитая люди сия теснотами и в питье дам им воду желчную, 16 и расточу их во языки, иже не знаша тии и отцы их, и послю на них меч, дондеже истлятся. 17 Сия рече Господь Сил: призовите плачевниц, и да придут, и ко женам премудрым послите, и да вещают 18 и да примут над вами плачь, и да изведут очи ваши слезы, и вежди ваши да излиют воду: 19 зане глас плача слышан бысть во Сионе: како бедни быхом, постыждени зело, яко оставихом землю и отринухом жилища наша? 20 Темже слышите, жены, слово Господне, и примите ушима вашими словеса уст Его, и научите дщери ваша рыданию, и каяждо искреннюю свою плачу: 21 понеже възде смерть сквозе окна ваша и вниде в землю вашу погубити отрочата отвне и юношы от стогн. 22 (Глаголи:) сия рече Господь: и будут мертви человецы в пример на лица поля земли вашей, яко сено созади жнущаго, и не будет собирающаго. 23 Тако глаголет Господь: да не хвалится мудрый мудростию своею, и да не хвалится крепкий крепостию своею, и да не хвалится богатый богатством своим: 24 но о сем да хвалится хваляйся, еже разумети и знати, яко аз есмь Господь творый милость и суд и правду на земли, яко в сих воля Моя, глаголет Господь. 25 Се, дние грядут, глаголет Господь, и посещу на всех, иже обрезаную имут плоть свою: 26 на Египет и на Идумею, и на Едом и на сыны Аммони, и на сыны Моавли и на всякаго остризающаго власы по лицу своему, обитающыя в пустыни, яко вси языцы необрезани плотию, весь же дом Израилев необрезани суть сердцы своими.

10 Слышите слово Господне, еже глагола Господь на вас, доме Израилев. 2 Сия глаголет Господь: по путем языков не учитесь и от знамений небесных не страшитесь, яко их боятся языцы. 3 Понеже законы языков суетни суть: древо есть от леса изсеченое, дело тектонское и слияние: 4 серебром и златом украшена суть, и млатами и гвоздьми утвердиша я, да не движутся: 5 серебро изваяно есть, не глаголют, носими носят, понеже ходити не возмогут: не убойтсся их, яко не сотворят зла, и блага несть в них. 6 Несть подобен Тебе, Господи: велик еси Ты и велико имя Твое в крепости. 7 Кто не убойтсся Тебе, о, Царю языков! Твоя бо честь между всеми премудрыми языков, и во всех царствах их ни един есть подобен Тебе. 8 Купно буи и безумнии суть, учение суетных их древо есть: 9 серебро извито от Фарсиса приходит, злато от Офаза, и рука златарей, дела вся художников: в синету и багрянлицу одеют их, дела умоделников вся сия. 10 Господь же Бог истинен есть, Той Бог живый и Царь вечный, от гнева Его подвигнется земля, и не стерпят языцы прещения Его. 11 Тако рцете им: бози, иже небесе и земли не сотвориша, да погибнут от земли и от сих, иже под небесем суть. 12 Господь сотворивый землю во крепости Своей, устроивый вселенную в премудрости Своей, и разумом Своим простре небо. 13 Ко гласу Своему дает множество вод на небеси: и возведе облаки от последних земли, блистания в дождь сотвори и изведе ветр от сокровищ Своих. 14 Буй сотворися всяк человек от ума (своего),

постыдеса всяк златоделник во изваяниях своих, яко ложная слия, несть духа в них: 15 суетна суть дела, смеху достойна, во время посещения своего погибнут. 16 Несть сицевая часть Иакову, яко Создавый вся Той есть, и Израиль жезл достояния Его, Господь Сил имя Ему. 17 Собра отвне имение, обитающее во избранных, 18 понеже тако глаголет Господь: се, аз отвергу обитатели земли сея в скорби и смущу их, яко да обрящется язва твоя. 19 Горе во сокрушении твоём, болезненна язва твоя: аз же рех: воистинну сия болезнь моя (есть) и объят мя, жилище мое опусте, погибе: 20 скиния моя опусте, погибе, и вся кожи моя растерзашася: сынов моих и овец моих несть, несть ктому места скинии моей, места козам моим: 21 понеже обяша пастырие и Господа не взыскаша, сего ради не уразуме все стадо и расточено бысть. 22 Глас слышания, се, грядет и трус велий от земли северныя, да положит грады Иудины в запустение и во обитание змием. 23 Вем, Господи, яко несть человеку путь его, ниже муж пойдет и исправит шествие свое. 24 Накажи нас, Господи, обаче в суде, а не в ярости, да не умаленых нас сотвориши. 25 Излий гнев Твой на языки не знающыя Тя и на племена, яже имене Твоего не призваша, яко поядоша Иакова и потребиша его и пажить его опустошиша.

11 Слово еже бысть от Господа ко Иеремии, глаголющее: 2 слышите словеса завета сего и глаголите ко мужем Иудиным и ко обитателем Иерусалимским, 3 и речещи к ним: сия глаголет Господь Бог Израилев: проклят муж, иже не послушает словес завета сего, 4 егоже заповедах отцем вашим в день, в оньже изведох их от земли Египетския, от печи железныя, глаголя: услышите глас Мой и сотворите вся, елика заповедаю вам, и будете Мне в люди, и аз буду вам в Бога: 5 да утвержду клятву Мою, еюже кляхся отцем вашим, еже дати им землю точашую млеко и мед, якоже есть день сей. И отвещах и рекох: буди, Господи. 6 И рече Господь ко мне: прочти вся словеса сия во градах Иудиных и вне Иерусалима, рекий: слышите словеса завета сего и сотворите та: 7 яко свидетелствуя засвидетельствовах отцем вашим в день, в оньже изведох их от земли Египетския, даже до дне сего, заутра востая засвидетельствовах глаголя: слышите глас Мой. 8 И не слышаша, ни приклониша уха своего, но идоша кийждо в стропотстве сердца своего злаго: и наведох на них вся словеса завета сего, егоже заповедах да сотворят, и не сотвориша. 9 И рече Господь ко мне: обретено есть совещание (на зло) в мужех Иудиных и во обитающих во Иерусалиме: 10 возвратишася ко беззаконием первым отец своих, иже не хотеша слышати словес Моих, и се, тии поидоша по бозех чуждых, да служат им: и разори дом Израилев и дом Иудин завет Мой, егоже завещах со отцы их. 11 Сего ради сия глаголет Господь: се, аз наведу на них злая, от нихже изыти не возмогут, и возопиют ко Мне, и не услышу их: 12 и пойдут грады Иудины и обитатели Иерусалима и возопиют ко богом, имже тии кадят, иже не спасут их во время скорбей их. 13 По числу бо градов твоих беху бози твои, Иудо, и по числу путей Иерусалимских постависте олтари студныя, олтари на каждение Ваалу. 14

Ты же не молился о людех сих и не проси о них в мольбе и молитве: не услышу бо во время вопля их ко Мне и во время озлобления их. 15 Почто возлюбленная в дому Моем сотвори мерзости (многи)? Еда обеты и мяса святая отимут от тебе лукавства твоя, или сими избежиши? 16 Маслину благосенну, красну зраком нарече Господь имя твое, ко гласу обрезания ея: разгорется огонь в ней, велика скорбь на тебе, непотребны быша ветви ея. 17 И Господь Сил, иже насади тебе, глагола ест на тя зло за злая дому Израилева и дому Иудина, елика сотвориша себе ко прогневанию Мене кадыще Ваалу. 18 Господи, скажи ми, и уразумею: тогда видех начинания их. 19 Аз же, яко агня незлобиво ведомо на заколение, не разумех, яко на мя помыслиша помысл лукавый, глаголюще: приидите и вложим древо во хлеб его и истребим его от земли живущих, и имя его да не помянется ктому. 20 Господь Саваоф, судяй праведно, испытуяй сердца и утробы, да вижду мщение Твое на них, яко к Тебе открых оправдание мое. 21 Сего ради сия глаголет Господь на мужы Анафофски ищущыя души моя, глаголющыя: да не пророчествуеши о имени Господни, аще ли же ни, умреши в руках наших. 22 Сего ради сия глаголет Господь Сил: се, Аз посещу на них: юноши их мечем умрут, и сынове их и дщери их скончаются гладом, 23 и останка не будет от них, наведу бо злая на живущыя во Анафофе в лето посещения их.

12 Праведен еси, Господи, яко отвечаю к Тебе: обаче судьбы возглаголю к Тебе: что, яко путь нечестивых спееется, угобишися вси творящии беззакония? 2 Насади еси их, и укоренишася, чада сотвориша и сотвориша плод: близ еси Ты уст их, далече же от утроб их. 3 И Ты, Господи, разумеши мя, видел мя еси и искусил еси сердце мое пред Тобою: собери их яко овцы на заколение и очисти их в день заколения их. 4 Доколе плакати имать земля, и трава вся селная изсхнет от злобы живущих на ней? Погибоша скоти и птицы, яко рекоса: не узрит Бог путей наших. 5 Нозе твои текут и расслабляют тя: како уготовишися с коньми? И в земли мира твоего уповал еси, како сотвориши в шуме Иорданстем? 6 Понеже и братия твоя и дом отца твоего, и сии отвергошася тебе и тии возопиша, создади тебе собрашася: не веруй им, егда глаголати будут тебе благая. 7 Оставих дом Мой, оставих достояние Мое, дах возлюбленную душу Мою в руки врагов ея: 8 бысть Мне достояние Мое яко лев в дубраве, даде противу Мене глас свой: сего ради возненавидех е. 9 Не вертеп ли иенин достояние Мое Мне, или пещера окрест его? Идите, соберите вся звери селныя, и да приидут снести е. 10 Пастырие мнози растлиша виноград Мой, оскверниша часть Мою, даша часть желаемую Мою в пустыню непроходную, 11 положиша в потребление пагубы: Мене ради разорением разорена ест вся земля, яко ни един ест, иже размышляет сердцем. 12 Во всякий путь пустыни приидоша опустошающии, яко меч Господень пояст от края земли даже до края ея: несть мира всяцей плоти. 13 Посеясте пшеницу, а терние пожасте: достояния их не полезна будут им: постыдитесь стыдением от похваления вашего, от поношения пред Господем. 14 Яко сия глаголет Господь о всех соседех лукавых, прикасающихся наследию

Моему, еже разделих людем Моим Израилю: се, Аз исторгну их от земли их и дом Иудин извергну от среды их: 15 и будет, егда исторгну их, обращуся и помилюю их, и вселю их кождо в достояние свое и кождо в землю свою: 16 и будет, аще учащеся научатся путем людей Моих, еже клятися именем Моим, жив Господь, якоже научиша людей Моих клятися Ваалом, и созиждутся посреде людей Моих: 17 аще же не послушают, исторгну язык оный исторганьем и погублением, рече Господь.

13 Сия глаголет Господь ко мне: иди и стяжи себе чресленник льняный и препояши того на чреслах твоих, и в воду да не внесеши того. 2 И стяжах чресленник по словеси Господню и обложих окрест чресл моих. 3 И бысть слово Господне ко мне вторицею, рекущее: 4 возми чресленник, егоже стяжал еси, иже ест окрест чресл твоих, и востани и иди ко Евфрату, и скрый того тамо во раселине каменне. 5 И идох и скрых того во Евфрате, якоже заповеда мне Господь. 6 И бысть по днех мнозех, и рече Господь ко мне: востани и иди ко Евфрату, и возми оттуду чресленник, егоже заповедах тебе скрыти тамо. 7 И идох ко Евфрату и раскопах, и взях чресленник от места, идеже скрых его, и се, изгнил бе (чресленник), яко ни на чтоже быти потребу ему. 8 И бысть слово Господне ко мне, рекущее: сия глаголет Господь: 9 тако согнати сотворю гордыню Иудину и гордыню Иерусалимлю, многую гордыню сию людей сих строптивых, 10 иже не хотят послушати словес Моих, ходящих во строптивстве сердца своего и шедших вслед богов чуждых, да служат им и да поклоняются им: и будут якоже чресленник той, иже ни к чему потребен. 11 Зане, якоже придержится чресленник ко чреслом мужа, тако прилепих Мне (весь) дом Израилев и весь дом Иудин, рече Господь: да будут Мне в люди имениты, и в хвалу и в славу, и не послушаша Мене. 12 И речеши к людем сим словеса сия: тако рече Господь Бог Израилев: всяк мех исполнится вина. И будет, аще рекут к тебе: еда ведяще не увемы, яко всяк мех исполнится вина? 13 И речеши к ним: сия глаголет Господь: се, Аз исполню всех обитателей земли сея, и царей их сидящих от колена Давидова на престоле их, и священники и пророки, и Иуду и всех обитающих во Иерусалиме пьянством, 14 и расточу их, мужа и брата его, и отцы их и сыны их вкупе: не пожелаю, рече Господь, не пощажу, и не умилосердую, еже не погубити их. 15 Слышите и внемлите, и не возноситеся, яко Господь глагола ест. 16 Дадите Господу Богу вашему славу прежде даже не смеркнется и прежде даже не преткнутся нозе ваши ко горам темным: и пождете света, и тамо сень смертная, и положени будут во мрак. 17 Аще же не послушаете, в тайне восплачется душа ваша от лица гордыни и плача восплачет, и изведут очи ваши слезы, яко сотрено ест стадо Господне. 18 Рцыте царю и владыкам: смиритесь, сядите, яко взятся от главы вашей венец славы вашей. 19 Грады южни затворени суть, и несть отверзаяй: преведен ест весь Иуда, совершиша преселение совершенное. 20 Воздвигни очи твои, Иерусалиме, и виждь приходящыя от

севера: где стадо даное тебе, овцы славы твоя? **21** Что речеши, егда посетят тя? И ты научил еси их на тя учением в началство: еда не оымут тя болезни яко жену родящую? **22** Аще же речеши в сердца твоем: почто приидоша ми сия? За множество беззакония твоего откровенна суть задняя твоя, да обруганы будут стопы твоя. **23** Аще пременит Ефиоплянин кожу свою, и рысь пестроты своя, и вы можете благотворити научившись злу. **24** И развею их, яко стеблие носимое ветром в пустыню. **25** Сей жребий твой и часть непокорства твоего на Мя, глаголет Господь, яко забыл еси Мя и надеялся на лжу: **26** темже и аз обнажу бедра твоя противу лица твоего, и явится срамота твоя **27** и прелюбодейство твое, и ржание твое и отчуждение блуда твоего: на горах и на селех видех мерзости твоя. Горе тебе, Иерусалиме, яко не очистился еси, последуя мне. Доколе еще?

14 И бысть слово Господне ко Иеремии о бездождии. **2** Рыдала Иудея, и врата ея разрушишася, и отемнишася на земли, и вопль Иерусалима възде. **3** И вельможи его послаша меньших своих к воде: приидоша на кладязи и не обретоша воды, и отнесоша сосуды своя тщи: постыждены суть и посрамлени, и покрыша главы своя. **4** И дела земли оскудеша, яко не бяхе дождя на землю: постыждены суть земледельцы, покрыша главы своя. **5** И еленицы на ниве родиша и оставиша, яко не бе травы. **6** Онагри стаха на камениих, браша в себе ветр яко змиеве, оскудеша очи их, яко не бе травы. **7** Беззакония наша противу стаха нам: Господи, сотвори нам ради имени Твоего, яко мнози греси наши пред Тобою, Тебе согрешихом. **8** Ожидание Израилево, Господи, Спасителю наш во время скорби! Вскую яко пришлец еси на земли и яко путник укланяющийся во виталище? **9** Еда будеши якоже человек спяй, или аки муж не могый спасти? Ты же в нас еси, Господи, и имя Твое призвано бысть на нас, не забуди нас. **10** Сия глаголет Господь людям сим: возлюбиха подвизати нозе свои и не упокошася, и Бог не благопоспеши в них, ныне воспомянет беззакония их и посетит грехи их. **11** И рече Господь ко мне: не молися о людех сих во благо: **12** егда поститися будут, не услышу прошения их, и аще принесут всесожжения и жертвы, не благоволю в них: яко мечем и голодом и мором аз скончаю их. **13** И рекох: сый Господи Боже, се, пророцы их прорицают и глаголют: не узрите меча, и глад не будет вам, но истину и мир дам на земли и на месте сем. **14** И рече Господь ко мне: лживо пророцы прорицают во имя Мое, не послах их, ни заповедах им, ни глаголах есмь к ним: понеже видения лжива и гадания и волшебства и произволы сердца своего тии прорицают вам. **15** Сего ради сия глаголет Господь о пророцех, иже пророчествуют во имя Мое ложная, и аз не послах их, иже глаголют: мечь и глад не будет на земли сей: смертию лютою умрут и голодом скончаются пророцы тии. **16** И людие, имже тии пророчествуют, будут извержены на путех Иерусалима от лица меча и глада, и не будет погребаяй их, и жены их и сынове их и дщери их, и излию на них злая их. **17** И речеши к ним слово сие: да изведут очи ваши слезы день и ночь, и да не престанут,

яко сотремем великим сотрена (дева) дочь людей моих и язвою злою зело. **18** Аще изыду на поле, и се, заклани мечем: и аще вниду во град, и се, иставивши голодом: яко пророк и священник отидоша в землю, еяже не ведяху. **19** Еда отмещущь отвергл еси Иуду, и от Сиона отступи душа Твоя? Вскую поразил еси нас, и несть нам изцеления? Ждахом мира, и не бяху благая: времење врачевания, и се, боязнь. **20** Познахом, Господи, грехи наша, беззакония отец наших, яко согрешихом пред Тобою. **21** Престани ради имени Твоего, не погуби престола славы Твоея: воспомяни, не разори завета Твоего иже с нами. **22** Еда есть во изваянных языческих, иже дождит? Или небеса могут дати влагу свою? Не Ты ли еси, Господи Боже наш? И пождем Тебе, Господи, Ты бо сотворил еси вся сия.

15 И рече Господь ко мне: аще станут Моисей и Самуил пред лицем Моим, несть душа Моя к людям сим: изрини тех (от лица Моего), и да изыдут. **2** И будет, аще рекут к тебе: камо изыдем? И речеши к ним: сия глаголет Господь: иже ко смерти, ко смерти: и иже к мечу, к мечу: и иже ко гладу, ко гладу: и иже ко пленению, ко пленению. **3** И отмщу имъчетырьми образы, рече Господь: меч на закляние, и пси на растерзание, и птицы небесе и зверие земли на пожрения и расхищение. **4** И предам их во утеснение всем царствам земным, ради Манассии сына Езекиина царя Иудина за вся, яже сотвори во Иерусалиме. **5** Кто умилосердится к тебе, Иерусалиме? И кто поскорбит о тебе, или кто пойдет молити о мире тебе? **6** Ты оставил Мя еси, рече Господь, всляпъ пошел еси: и простру руку Мою на тя и убью тя, и ктому не пощажу их **7** и расточу их расточением во вратех людей Моих: обезнадеша, погубиша людей Моих злобами своими, и не обратишася. **8** Умножишася вдовицы их паче песка морского: наведох на мать юношы, бедность о полудни, наверхох на ню внезапно страх и трепет. **9** Праздна бысть родившая седмь, оскуде душа ея, зайде ей солнце еще среде полудне, постыждена бысть и укорена: прочья их в мечь дам пред враги их, рече Господь. **10** Горе мне, мати (моя), вскую мя родила еси мужа прителного и судимаго по всей земли? Не заях, ниже зяят у мене кто: сила моя оскуде от кленущих мя, (рече Господь). **11** Буди, Владыко, исправляющым им: аще не притекох ко Тебе во время озлобления их и во время скорби их, во благая на врага. **12** Еда познается железо? И одяние медяно крепость твоя. **13** И сокровища твоя в расхищение дам, измену за вся грехи твоя, и во всех пределех твоих: **14** и порабошту тя окрест врагом твоим, в земли, еяже не веси: яко огонь возжжеся от ярости Моея, на вас горети будет. **15** Ты веси, Господи, воспомяни мя и посети мя и защити мя от гонящих мя, не в долготерпение Твое восприими мя: веждь, яко приях Тебе ради поношение от отвергающих словеса Твоя: **16** скончай их, и будет слово Твое мне в радость и во веселие сердца моего, яко призвано есть имя Твое на мне, Господи Боже Сил. **17** Не седох в сонме их играющих, но бояхся от лица руки Твоея: на едине седях, яко горести исполнихся. **18** Вскую оскорбляющи мя возмогают на мя? Язва моя

тверда, откуда изцелюся? Бысть мне яко вода лживая, не имущая верности. 19 Сего ради сия глаголет Господь: аще обратишия, возставлю тя, и пред лицом Моим станеша: и аще изведеша честное от недостойнаго, яко уста Моя будеша: и обратятся тии к тебе, и ты не обратишия к ним. 20 И дам тя людям сим аки стену крепку, медяну: и поратуют на тя и не возмогут на тя, яко Аз с тобою есмь, да спасу тя и избавлю тя, рече Господь: 21 избавлю тя от рук злейших и искуплю тя от рук губителей.

16 И бысть слово Господне ко мне, рекущее: и ты да не поймеша жены, 2 и не родится тебе сын, ниже дщерь на месте сем. 3 Яко сия глаголет Господь от сынех и дщерех, иже родятся на месте сем, и о матерех их, яже родиша их, и о отцех их родивших я в земли сей: 4 смертию лютою изомрут, не оплачутся и не погребутся: во образ на лица земли будут и мечем падут и гладом скончаются, и будут трупи их во снедь птицам небесным и зверем земным. 5 Сия глаголет Господь: да не внидеша в дом их пирный, ни да ходиши плакати, ниже да рыдаеша их, понеже отях мир Мой от людей сих, рече Господь, милость и щедроты. 6 И умрут велицыи и малии в земли сей: не погребутся, ни оплачутся, ниже терзание о них будет, ниже обриются ради их, 7 и не преломят хлеба во стенании их ко утешению над мертвым, и не дадут им пития чаши ко утешению над отцем и материю их. 8 И в дом пирный да не внидеша седети с ними, еже ясти и пити. 9 Понеже сия глаголет Господь Сил, Бог Израилев: се, Аз отиму от места сего во очию вашею и во днех ваших глас радости и глас веселия, глас жениха и глас невесты. 10 И будет, егда возвестиши людям сим вся словеса сия, и рекут к тебе: вскую глаголаше Господь на нас вся злая сия? Кая неправда наша? И кий грех наш, имже согрешихом Господу Богу нашему? 11 И речеши к ним: понеже оставиша Мя отцы ваши, глаголет Господь, и идоша вслед богов чуждых, и послужаши им и поклонишася им, Мене же оставиша и закона Моего не сохраниша: 12 и вы горше делаете, неже отцы ваши, и се, вы ходите кийждо вслед похотей сердца вашего лукаваго, еже не слушати Мене: 13 и изрину вас от земли сея в землю, еяже не весте вы и отцы ваши, и послужите тамо богом чуждым день и ночь, иже не дадут вам милости. 14 Сего ради, се, дние грядут, глаголет Господь, и не рекут ктому: жив Господь, иже изведе сынов Израилевых от земли Египетския: 15 но: живет Господь, иже изведе сынов Израилевых от земли северныя и от всех стран, аможе извержени быша: и возвращаю их в землю их, юже дах отцем их. 16 Се, Аз послую рыбаи многи, рече Господь, и уловят их: и посем послую многи ловцы, и уловят их на всяцей горе и на всяцем холме и от пещер каменных. 17 Яко очи Мои на всех путех их, не сокровети суть от лица Моего, и не утаена суть беззакония их от очию Моею. 18 И воздам первее сугубая беззакония и грехи их, имже оскверниша землю Мою в мертвечинах мерзостей своих и в беззакониях своих, имже наполниша достояние Мое. 19 Господи, Ты крепость моя и помощь моя и прибежище мое во днех злых: к Тебе языци приидут

от последних земли и рекут: воистинну лживых стяжаша отцы наши идолов, и несть в них пользы. 20 Еда сотворит себе человек боги, и тии не суть божи? 21 Сего ради, се, Аз покажу им во время сие руку Мою и знаему сотворю им силу Мою, и познают, яко имя Мне Господь.

17 Грех Иудин написан ест писалом железным на ноги адаматове, начертан на скрижали сердца их и на розех олтарей их. 2 Егда воспомянут сынове их олтари своя и дубравы своя при древе лиственне и на холмах высоких, 3 о, нагорный (жителю)! Крепость твою и сокровища твоя в расхищение дам, и высокая твоя, грех ради твоих, яже во всех пределех твоих, 4 и останешися един от наследия твоего, еже дах тебе: и служити ты сотворю врагом твоим в земли, еяже не веси: яко огонь разжег еси в ярости Моей, даже во век горети будет. Сия глаголет Господь: 5 проклят человек, иже надеется на человека и утвердит плоть мышцы своя на нем, и от Господа отступит сердце его: 6 и будет яко дивия мирака в пустыни и не узрит, егда приидут благая, и обитати будет в сухоте и в пустыни, в земли сланей и необитаемей. 7 И благословен человек, иже надеется на Господа, и будет Господь упование его: 8 и будет яко древо насажденное при водах, и во влаге пустит корение свое: не убоится, егда приидет зной, и будет на нем стеблие зелено, и во время бездождия не устрашится и не престанет творити плода. 9 Глубоко сердце (человеку) паче всех, и человек есть, и кто познает его? 10 Аз Господь испытуяй сердца и искушаяй утробы, еже воздати комуждо по пути его и по плодом изобретений его. 11 Возгласи ряб, собра, иже не роди, творяй богатство свое не с судом: в преполовении дний своих оставит е и на последок свой будет безумен. 12 Престол славы возвышен от начала, место святыни наша. 13 Чаение Израилево, Господи! Все оставляющии Тя да постыдятся, отступающии (от Тебе) на земли да напишутся, яже оставиша источник живых вод, Господа. 14 Изцели мя, Господи, и изцелею: спаси мя, и спасен буду, яко хвала моя Ты еси. 15 Се, тии глаголют ко мне: где есть слово Господне? Да приидет. 16 Аз же не утрудихся, Тебе (пастырю) последуяй, и дне человека не пожелах: Ты веси исходящая от устен моих, пред лицом Твоим суть: 17 не буди ми во отчуждение, упование мое Ты в день лют. 18 Да постыдятся гонящии мя, аз же да не постыжуся: да устрашится тии, аз же да не устрашуся: наведи на них день озлобления, сугубым сокрушением сотри их. 19 Сия глаголет Господь ко мне: иди и стани во вратех сынов людей твоих, имже входят царие Иудины и исходят, и во всех вратех Иерусалимских и речеши к ним: 20 слышите слово Господне, царие Иудины и вся Иудея и весь Иерусалим, входящии во врата сия. 21 Сия глаголет Господь: сохраните души ваша и не носите бремени в день суббот, и не исходите враты Иерусалима, 22 и не изнесите бремени из домов ваших в день субботный, и всякаго дела не творите: освятите день субботный, якоже заповедах отцем вашим: 23 и не услышаша, ни приклониша уха своего, но ожесточиша выи своя паче отец своих, да не услышат мя и да не примут наказания. 24 И будет, аще послушаете Мене,

глаголет Господь, еже не вносити бремени во врата града сего в день субботный, и святити день субботный, не творити в онь всякаго дела, **25** и внидут во врата града сего царие и началницы, седящие на престоле Давидове и восходящие на колесницах и конех своих, тии и началницы их, мужие Иудины и обитатели Иерусалима: и обитати будут во граде сем во веки: **26** и придут от градов Иудиных и от окрестных Иерусалима, и от земли Вениамины и от польных, и от горних и от юга, носяще всесождения и жертву, и фимиам и ману и ливан, носяще хвалу в дом Господень. **27** И будет, аще не послушаете Мене еже святити день субботный и не носити бремени, ниже входити вратами Иерусалима в день субботный, то зажгу огонь во вратех его, и пожрет дома Иерусалимляне и не угаснет.

18 Слово, еже бысть ко Иеремию от Господа, рекущее: **2** востани и сниди в дом скудельничь, и тамо услышиши словеса Моя. **3** И снидох в дом скудельничь, и се, той творяше дело на каменех. **4** И разбился сосуд, егоже той творяше от глины рукама своима: и паки той сотвори из него иной сосуд, якоже угодно во очию его творити. **5** И бысть слово Господне ко мне, рекущее: **6** еда, якоже скудельник сей, не возмогу сотворити вас, доме Израилев? Рече Господь: се, якоже брение в руку скудельника, тако вы есте, доме Израилев, в руку Моею: **7** наконец возглаголю на язык и на царство, да искореню их и разорю и расточу я: **8** и аще обратится язык той от всех лукавств своих, то раскаяюся о озлоблениих, яке помыслих сотворити им: **9** и наконец реку на язык и царство, да возсозижду и насажду я, **10** и аще сотворят лукавая пред очима Моима, еже не послушати гласа Моего, то раскаяюся о благих, яке глаголах сотворити им. **11** И ныне рцы ко мужем Иудиным и обитателем Иерусалима, рекии: сия рече Господь: се, аз творю на вас злая и мышлю на вас умышление: да обратится убо кийждо от пути своего лукаваго, и исправите пути ваша и умышления ваша. **12** И рекоша: укрепимся, ибо по развращением нашим пойдём, и кийждо удобное сердца своего лукаваго сотворим. **13** Сего ради сия глаголет Господь: вопросите ныне языков, кто слыша сицевая страшная, яке сотвори зело дева Израилева? **14** Еда оскудеют от камене сосцы, или снег от Ливана? Еда уклонится вода зельно ветром носимая? **15** Понеже забыша Мене людие Мои всеу жруще, и изнемогут на путех своих и на стезях вечных, еже взыти на стези не имущия пути на хождение, **16** еже положити землю свою в запустение и во звиздание вечное: всяк, иже придет по ней, почувдится и покысится главою своею: **17** якоже ветр палыщъ разсею их пред враги их, хребет, а не лице покажу им в день погибели их. **18** И рекоша: приидите и умыслим на Иеремию совет, ибо не погибнет закон от священника, ни совет от премудраго, ни слово от пророка: приидите и поразим его языком, и не вонем всем словесем его. **19** Вонми, Господи, мне и услыши глас оправдания моего. **20** Еда воздаются злая за благая? Яко глаголаша словеса на душу мою и мучительство свое сокрыша ми. Помяни стоявшаго мя пред Тобою, еже глаголати за них благая, да

отвращу гнев Твой от них. **21** Сего ради даждь сыны их в глад и собери их в руке меча: да будут жены их беззадны и вдовы, и мужие их да будут убиены смертию, и юноши их да падут мечем на рати: **22** да будет вопль в домох их: наведи на них разбойники внезапно, понеже совещаша слово, да имут мя, и сети сокрыша на мя. **23** Ты же, Господи, веси весь совет их на мя в смерть: да не очистиши беззакония их и грехов их от лица Твоего да не изгладиши: да будет болезнь их пред Тобою, и во время ярости Твоея сотвори им.

19 Сия рече Господь ко мне: иди и стяжи сосуд скудельничь жжен, и приведи от старец людских и от старец священнических: **2** и изыди в место многогробичное сынов Енноних, еже есть близ придверия врат Харсифских, и прочти тамо вся словеса, яке аз возглаголю тебе, **3** и речеши им: слышите слово Господне, царие Иудины и мужие Иудины, и обитатели Иерусалима и входящие вратами сими: сия глаголет Господь Сил, Бог Израилев: се, аз наведу злая на место сие, яко всякому слышавшему сия зазвучит во ушью его: **4** понеже оставиша Мя, и чужде сотвориша место сие, и пожроша на нем богом чуждим, иже не ведеша тии и отцы их: и царие Иудины наполниша место сие крове неповинных **5** и создаша высокая Ваалу на сожжение сынов своих огнем, во всесожение Ваалу, яке не заповедах ни глаголах, ниже въздоша на сердце Мое. **6** Сего ради, се, дние грядут, глаголет Господь, и не прозовется ктому место сие Падение и место многогробичное сынов Енноних, но место многогробичное закланья: **7** и расточу совет Иудин и совет Иерусалима в месте сем, и превращу их мечем пред враги их и в руку ищущих душ их: и дам трупи е их в ядь птицам небесным и зверем земным: **8** и поставлю град сей в разорение и во звиздание: всяк, иже мимоидет, о нем почувдится и позвиждет о всей язве его: **9** и снесут плоти сынов своих и плоти дщерей своих, и кийждо плоти подруга своего снести во обстоянии и в тесноте, в нейже запрут их врази их, ищущии души их. **10** И да сокрушиши сосуд пред очима мужей исходящих с тобою **11** и речеши к ним: сия глаголет Господь Сил: тако сокрушу люди сия и град сей, якоже сокрушается сосуд скудельный, иже не может ктому изцелитися: и в Тофефе погребутся того ради, яко не будет иного места на погребение. **12** Тако сотворю месту сему, глаголет Господь, и обитателем его, да поставлю град той яко Падающъ. **13** И будут дома Иерусалима и дома царей Иудиных, якоже место Падающее, от нечистот своих во всех домох, в нихже жряху на кровех своих всему воинству небесному и приношаху возлияния богом чуждим. **14** И прииде Иеремиа от (места) Падения, аможе посла его Господь пророчествовати, и ста во дворе дому Господня и рече ко всем людем: **15** сия глаголет Господь Сил, Бог Израилев: се, аз наведу на град сей и на вся грады его и на вся села его вся злая, яке глаголах есмь нань: яко ожесточиша выи своя, еже не слышати заповедий Моих.

20 И услыша Пасхор сын Еммеров священник, иже поставлен бе началник в дому Господни, Иеремию пророчествующа словеса сия: **2** и удари Пасхор Иеремию

пророка и вверже его в кладу, яже бе во вратах Вениаминых вышних в дому Господни. 3 Бывшу же утру, изведе Пасхор Иеремию от клады. И рече к нему Иеремиа: не Пасхор нарече (Господь) имя твое, но Преселника Отвсюду. 4 Понеже сия глаголет Господь: се, Аз дам тя в преселение и всех друзей твоих: и падут мечем враг своих, и очи твои узрят, и тебе и всего Иуду дам в руки царя Вавилонска, и преведут их в Вавилон и побьют их мечьми. 5 И дам всю силу града сего и вся труды его и вся сокровища царя Иудина дам в руки врагов его, и расхитят их и возмут и отведут в Вавилон. 6 Ты же, Пасхор, и вси обитателие дому твоего, отидете во пленение, и в Вавилон приидеши и тамо умреша, тамо же и погребешися ты и вси друзие твои, имже пророчествовал еси лжу. 7 Прельстил мя еси, Господи, и прельщен есмь, креплейший мене еси и превозмогл еси: бых в посмех весь день, вси ругаются мне. 8 Понеже горьким словом моим посмеюся, отвержение и бедность наведу, яко бысть в поношение мне слово Господне и в посмех весь день. 9 И рекох: не воспомяну имени Господня, ниже возлагаюлю ктому во имя Его. И бысть в сердцах моем яко огонь горящ, пальящ в костех моих, и разслабех отвсюду, и не могу носити: 10 слышах бо досадительства многих собравшихся окрест: нападите, нападим нань, вси мужие друзие его: наблюдайте помышление его, аще (како) прельстится, и прежомем нань и сотворим отмщение наше ему. 11 Господь же со мною есть яко борец крепкий: сего ради погнаша и уразумети не могоша: постыдешася зело, яко не разумеша безчестия своего, еже во век не забвено будет. 12 И Ты, Господи сил, искушаяй праведная, ведаяй утробы и сердца. (молютися,) да виджу мщение Твое на них, Тебе бо открых прию мою. 13 Пойте Господу, хвалите Господа, яко избави душу убогаго от руки лукавых. 14 Проклят день, в оньже родихся: день, в оньже породил мя мати моя, да не будет благословен. 15 Проклят муж, яже возвести отцу моему, рекий: родися тебе отрок мужеск, и яко радостию возвесели его. 16 Да будет человек той якоже гради, яже преврати Господь яростию и не раскаяся: да слышит вопль завтра и рыдание во время полуденное: 17 яко не убил мене в ложеснах матери, и была бы мне мати моя гроб мой и ложесна зачатия вечнаго. 18 Вскую изыдох из ложесн, да виджу труды и болезни, и скончашася в постыдени дние мои?

21 Слово, еже бысть от Господа ко Иеремии, егда посла к нему царь Седекиа Пасхора сына Мелхиина и Софонию сына Васаетова, священника, глаголя: 2 вопросы о нас Господа, яко Навуходоносор царь Вавилонский воста на нас: сотворит ли Господь с нами по всем чудесем Своим, и отидет от нас? 3 И рече Иеремиа к ним: тако рците Седекии: сия глаголет Господь Бог Израилев: 4 се, Аз обращаю оружия бранная, яже суть в руках ваших, имже вы ополчаетесь на царя Вавилонска и Халдейска, яже обстоят вас окрест вне стен: и соберу та посреде града сего, 5 и поборю Аз по вас рукою простертою и мышцею крепкою с яростию и гневом великим, 6 и побью всех обитающих во граде сем, человеки и скоты, губителством великим, и измрут. 7 И по сих, тако

глаголет Господь, дам Седекию царя Иудина и рабы его, и люди его и оставльшыся во граде сем от губителства и глада и меча, в руку Навуходоносора царя Вавилонска и в руку врагов их и в руку ищущих душ их, и побьет их острием меча: и не пощажу их, ниже милостив буду им. 8 И к людям сим речеши: сия глаголет Господь: се, Аз даю пред вами путь живота и путь смерти: 9 яже обитает во граде сем, умрет мечем и гладом и губителством, а исходий, яже прибежит ко Халдею обстоящим вас, жив будет, и будет душа его в плен, и жив будет. 10 Утвердишь бо лице Мое на град сей во злая, а не во благая, рече Господь: в руки царя Вавилонска предастся, и сожжет его огнем. 11 Доме царя Иудина, слышите слово Господне: 12 доме Давидов, сия глаголет Господь: судите завтра суд и исправите, и избавите силою угнетенаго от руки обидящаго и, да не зажжется яко огонь ярость Моя и возгорится, и не будет угашающаго, ради лукавых умыслений ваших. 13 Се, Аз к тебе обитающему во крепце и польне удолии, рече Господь, яже глаголете: кто побьет нас? Или кто внидет в домы наша? 14 И посещу на вас по лукавым начинанием вашим, рече Господь, и возжгу огонь в лесе его, и пояст вся, яже окрест его.

22 Сия рече Господь: иди и вниди в дом царя Иудина и рцы тамо слово сие, 2 и речеши: слыши слово Господне, царю Иудин, яже седиши на престоле Давидове, ты и дом твой, и раби твои и людие твои и входящии дверьми сими: 3 сия глаголет Господь: творите суд и правду, и избавите силою угнетена от руку обидящаго и, и пришелца и сира и вдовицы не оскорбляйте, не угнетайте беззаконно, и крове неповинных не изливайте на месте сем. 4 Аще бо творяще сотворите слово сие, то внидут вратами дому сего царие сидящии на престоле Давидове и вседающии на колесницы и на кони, тии и раби их и людие их. 5 Аще же не послушаете словес сих, Сам Собою залякхся, рече Господь, яко в пустыню будет дом сей. 6 Понеже тако глаголет Господь на дом царя Иудина: Галаад ты Мне, глава Ливанская, аще не поставлю тебе в пустыню, во грады необитанны, 7 и наведу на тя убивающа мужа и секиру его, и посекут избранныя кедры твоя и вергут на огонь. 8 И пройдут языцы мнози сквозе град сей, и речет кийждо искреннему своему: вскую сотвори Господь тако граду сему великому? 9 И отвещают: сего ради, яко оставиша завет Господа Бога своего и поклонихася богом чуждим и послужиша им. 10 Не плачите мертвга, ниже рыдайте о нем: плачите плачем о исходящем, яко не возвратится ктому, ниже увидит земли рождения своего. 11 Понеже сия рече Господь к Селлиму сыну Иосиину царю Иудину царствующему вместо Иосии отца своего, яже изшел есть от места сего: не возвратится ктому сему, 12 но на месте том, аможе преведох его, тамо умрет и земли сея не узрит ктому. 13 Горе созидающему дом свой с неправдою и горницы своя не в суде, у негоже ближний его делает туне, и мзды его не воздаст ему: 14 яже рече: созиждо себе дом пространен, и горницы широки со отверстыми окнами и своды кедровыми, и расписаны червленцем. 15 Еда царствовати будеши, яко ты поощряешися о ахазе отце твоём? Не ядят, ниже пьют:

лучше тебе было творити суд и правду благо. 16 Не познаша, не судиша суда смиренных, ниже суда нища: не сие ли тебе есть, еже не знати тебе Мене, рече Господь? 17 Се, не суть очи твои, ниже сердце твое благо, но к сребролюбию твоему и крове неповинныя пролиянию, и ко обидам и ко убийству, еже творити я. 18 Сего ради сия рече Господь ко Иоакиму сыну Иосину царю Иудину: горе мужу сему, не оплатит его: горе, брате! Ниже възрыдают о нем: увы мне, господине! 19 Погребением ослим погребется, влачим извержен будет вне врат Иерусалима. 20 Взыди на Ливан и возопий, и в Васан даждь глас твой, и возопий на он пол моря, яко сотрени суть вси любовнии твои. 21 Глаголах к тебе в падении твоём, и рекл еси: не услышу. Сей путь твой от юности твоя, яко не послушал еси гласа Моего. 22 Всех пастырей твоих упасет ветер, и любовнии твои во пленение пойдут, и тогда постыдишися и посрамшися от всех любящих тя: 23 иже седиши в Ливане и гнездишися в кедрех, возстенеши, егда приидут к тебе болезни, яко раждающия. 24 Живу Аз, рече Господь, аще будет Иехониа сын Иоакима царь Иудин, перстень на руце десней Моей, оттуду исторгну тя 25 и предам тя в руки ищущих души твоея и в руки, иже ты боишися лица, и в руки Навуходоносора царя Вавилонска и в руки Халдеом, 26 и отвергу тя и мать твою, яже роди тя, в землю чужду, в нейже несте рождени, и тамо умрете: 27 а в землю, в нюже тии желают душами своими возвратитися, не возвратятся. 28 Обезчестися Иехониа, аки сосуд непотребен, яко отриновен бысть той и семья его, и извержен в землю, еяже не ведяше. 29 Земле, земле, земле, слыши слово Господне! 30 Сия рече Господь: напиши мужа сего отвержена, мужа, иже во днех своих не предуспеет: ниже бо будет от семене его муж, иже сядет на престоле Давидове, и власть имеяй ктому во Иуде.

23 Горе пастырем, иже погубляют и расточают овцы паствы Моея, рече Господь. 2 Сего ради сия рече Господь Бог Израилев к пасущим людей Моих: вы расточили есте овцы Моя, и отвергосте я, и не посетисте их, се, Аз посещу на вас по лукавству умыслений ваших, рече Господь: 3 и Аз соберу останки стада Моего от всех земель, в няже извергох их тамо, и возвращу их к селению их, и возрастут и умножатся. 4 И возставлю над ними пастыри, и упасут их, и не убоятся ктому, ниже ужаснутся, и ни один погибнет от числа, рече Господь. 5 Се, дние грядут, глаголет Господь, и возставлю Давиду Восток праведный, и царствовати будет Царь и премудр будет и сотворит суд и правду на земли: 6 во днех Его спасется Иуда, и Израиль пребудет в надежди, и сие имя Ему, имже нарекут Его: Господь праведен наш. 7 Сего ради, се, дние грядут, рече Господь, и не рекут ктому: живет Господь, иже изведе сыны Израилевы от земли Египетския: 8 но: живет Господь, иже изведе и преведе семья дому Израилева от земли северски и от всех земель, в няже изверже их тамо, и обитати имут в земли своей. 9 О пророцех сотрено есть сердце мое во мне, вострепеташа вся кости моя, бых яко муж пьян и яко человек, егоже одоле вино, от лица Господня и от лица благолепия славы Его. 10 Яко прелюбодейными исполнена есть земля, яко от лица их

плакася земля, исхоша пажити пустынная: и бысть течение их лукаво, и крепость их такожде. 11 Понеже пророк и священник осквернишася, и в дому Моем обретох лукавство их, рече Господь: 12 того ради путь их будет им ползок во тме, и поткнутся и падут в нем: наведу бо на них злая в лето посещения их, рече Господь. 13 И во пророцех Самарийских видех беззакония: пророчествоваху чрез Ваала и прельщаху люди Моя Израиля. 14 И во пророцех Иерусалимских видех ужасная, прелюбодействующих и хотящих во лжи и скрепляющих руки строптивым, да не отвратится кийждо от пути своего лукаваго: быша Мне вси аки Содом, и обитающии в нем яко Гоморр. 15 Сего ради тако рече Господь Сил ко пророком: се, Аз напитая их пельнем и напою их желчию, от пророков бо Иерусалимских изыде осквернение на всю землю. 16 Сия глаголет Господь Сил: не слушайте словес пророков, иже пророчествуют вам и прельщают вас: видение от сердца своего глаголют, а не от уст Господних. 17 Глаголют отвергающим Мя: глагола Господь, мир будет вам: и всем, иже ходят в похотех своих, и всякому, ходящему в строптивстве сердца своего, рекоша: не приидут на вас злая. 18 Кто бо бысть в совете Господни, и виде и слыша словеса Его? Кто внят слово Его и слыша? 19 Се, буря от Господа и ярость исходит в сотрясение, устремившися приидет на нечестивыя. 20 И ктому не возвратится ярость Господня, дондеже сотворит сие и дондеже совершит помышление сердца Своего. В последния дни уразумеете совет Его. 21 Не посылах пророки, а они течаху: не глаголах к ним, и тии пророчествоваху. 22 И аще бы стали в совете Моем, слышана сотворили бы словеса Моя и отвратили бы людей Моих от пути их лукаваго и от начинаний их лукавых. 23 Бог приближаяйся Аз есмь, глаголет Господь, а не Бог издалеча. 24 Аще утаится кто в сокровенных, и Аз не узрю ли его? Рече Господь. Еда небо и землю не Аз наполняю? Рече Господь. 25 Слышаша, яже глаголют пророцы, пророчествующе во имя Мое лжу и глаголюще: видех сон, (видех сон). 26 Доколе будет в сердцах пророков прорицающих лжу и пророчествующих льщения сердца своего, 27 мыслящих, да забвен будет закон Мой в соних их, яже вещают кийждо искреннему своему, аже забыша отцы их имя Мое ради Ваала? 28 Пророк, иже имать сновидение, да вещает сновидение свое, а иже имать слово Мое, да глаголет слово Мое во истине. Что плены ко пшенице? Тако слово Мое, рече Господь. 29 Еда словеса Моя не суть якоже огонь горящ, рече Господь, и яко млат сотрыюшь камень? 30 Сего ради, се, Аз ко пророком, рече Господь, иже крадут словеса Моя кийждо от искренняго своего. 31 Се, Аз на пророки, глаголет Господь, износящия пророчества языком и дремлющия дремание свое. 32 Се, Аз на пророки, прорицающия соние лживо, рече Господь, и провещаша та, и прельстиша люди Моя во лжах своих и во прелестех своих, Аз же не послах их, ни заповедах им, и пользою не употреблют людей сих, (рече Господь). 33 И аще вопросят людие сии, или пророк, или священник, рекуще: кое (есть) бремя Господне? И речеши к ним: вы есте бремя, и повергу вас, рече Господь. 34 И пророк, и священник, и

людие, иже рекут: бремя Господне, посещу местию на мужа того и на дом его. 35 Сице рцйте кийждо ко искреннему и ко брату своему: что отвеща Господь? И что глагола Господь? 36 И бремя Господне не помянется ктому, ибо бремя будет комуждо слово его: и превратисте словеса Бога живаго, Господа Сил, Бога нашего. 37 Сия рцы ко пророку: что отвеща тебе Господь? И что глагола Господь? 38 Аще же речете: бремя Господне: сего ради тако рече Господь: понеже рекли есте глагол сей бремя Господне, и послак к вам, рекий: не глаголите бремя Господне: 39 сего ради, се, аз возму и повергу вас и град, егоже дах вам и отцем вашим, от лица Моего, 40 и дам вас в поношение вечное и в срамоту вечную, яже никогда забвением загладится.

24 Показа мне Господь, и се, две кошницы полны смоквий поставлены пред храмом Господним, повнегда преведе Навуходоносор царь Вавилонский Иехонию сына Иоакимова, царя Иудина, и началников его и художников, и узников и богатых от Иерусалима, и преведе их в Вавилон. 2 Кошница едина смоквий добрых зело, яко обычай смоквам быти первых времен, и кошница другая смоквий злых зело, ихже ясти не возможно за худость их. 3 И рече Господь ко мне: что ты видиши, Иеремие? И рекох: смокви, смокви добрыя, добры зело: и злыя, злы зело, ихже ясти не возможно за худость их. 4 И бысть слово Господне ко мне, рекущее: 5 сия глаголет Господь Бог Израилев: якоже смокви сия благи, тако познаю преселенных Иудеев, ихже послах от места сего в землю Халдейску во благая: 6 и утвержу очи Мои на них во благая и преведу их паки в землю сию во благая: и возсозижду их и не разорю, и насажду их и не исторгну: 7 и дам им сердце, да уведят Мя, яко аз есмь Господь, и будут Мне в люди, и аз буду им в Бога: понеже обратятся ко Мне всем сердцем своим. 8 И якоже смокви злыя, ихже ясти не возможно за худость их, сия рече Господь, тако предам Седекю царя Иудина и начальники его и останок от Иерусалима, иже остана во граде сем и иже обитают во земли Египетстей, 9 и дам их в расточение и озлобление всем царствам земным, и будут в поношение и в притчу, и в ненависть и в проклятие во всех местех, в няже извергох их: 10 и послю на них мечь и глад и пагубу, дондеже исчезнут от земли, юже дах им и отцем их.

25 Слово, еже бысть ко Иеремии на вся люди Иудины, в лето четвертое Иоакима сына Иосиина, царя Иудина: то лето первое Навуходоносора царя Вавилонскаго: 2 еже глагола Иеремия пророк ко всем людем Иудиным и ко всем обитателем Иерусалима, рекий: 3 в третиенадесать лето Иосии сына Амосова, царя Иудина, и даже до дне сего, сие двадесать третье лето, бысть слово Господне ко мне, и глаголах к вам, завтра востая и глаголя: и не слышаште. 4 И посылаше Господь к вам всех раб Своих пророк, востая завтра и посылая: и не слышаште, ни приклонисте ушес ваших, да слышите, егда глаголаше: 5 отвратитесь кийждо от пути своего злаго и от злейших умыслений ваших, и обитати будете в земли, юже Господь даде вам и отцем вашим, от века даже и до века: 6 и не ходите след

богов чуждых, еже служити им и поклонятися им, да не прогневае Мя в делех рук ваших, еже озлобити вас. 7 И не послушаште Мя, рече Господь, еже не подвизати Мя ко гневу в делех руку вашу на зло вам. 8 Сего ради сия глаголет Господь Сил: понеже не послушаште словес Моих, 9 се, аз послю и возму вся племена северска, (рече Господь,) и Навуходоносора царя Вавилонска раба Моего: и приведу их на землю сию и на обитатели ея и на вся языки, иже окрест ея, и убию их и поставлю их во ужас и во звиздание и в поношение вечное: 10 и погублю от них глас радости и глас веселия, глас жениха и глас невесты, благоухание мира и свет светильника: 11 и будет вся земля сия в запустение и во ужас, и поработают сии во языцех царю Вавилонску семьдесят лет. 12 Егда же исполнены будут семьдесят лет, посещу на царя Вавилонска и на язык оный, рече Господь, беззакония их, и на землю Халдейску, и положу тую в запустение вечное, 13 и наведу на землю ону вся словеса Моя, яже глаголах на ню, вся писанная в книзе сей, и елика пророчествова Иеремия на вся языки: 14 яко работаша им, егда беша языцы мнози и царие велицы, и воздам им по делом их и по творению рук их, 15 елико прорече Иеремия до всех стран: тако бо глаголет Господь Бог Израилев: возми чашу вина неразтвореннаго от руки Моея, да напоиши вся языки, к нимже аз послю тя. 16 И испиют и изблюют, и обуяют от лица меча, егоже аз послю среде их. 17 И възх чашу от руки Господни и напоих вся языки, к нимже посла мя Господь: 18 Иерусалима и грады Иудины, и цари его и князи его, яко положить я во опустение и в непрохождение, и во звиздание и в проклятие, яко день сей, 19 и фараона царя Египетскаго и отроков его, и вельможы его и вся люди его 20 и вся примесники его, и вся цари земли Ус и вся цари иноплеменников, Аскалона и Газу, и Аккарона и останок Азота, 21 и Идумею и Моавитиду и сыны Аммони, 22 и вся цари Тирски и цари Сидонски и цари, иже об ону страну моря, 23 и Дедана и Фемана, и Роса и всякаго остриженаго по лицу его, 24 и вся цари Аравии и вся смесники обитающыя в пустыни, 25 и вся цари Замврийския и вся цари Еламския, и вся цари Персския 26 и вся цари от восточия, дальняя и ближняя, коегождо ко брату его, и вся царства, яже на лица земли, и царь Сесах испиет последи их. 27 И речеши им: тако рече Господь Сил, Бог Израилев: пейте и упийтесе, и изблюйте и падите, и не востаните от лица меча, егоже аз послю среде вас. 28 И будет, егда не восхотят прияти чаши от руки твоея, еже пити, речеши к ним: тако рече Господь: пьюще пейте. 29 Яко во граде, в немже именовася имя Мое, аз начну озлобляти, и вы очищением не очиститесь: понеже меч аз призываю на вся седящыя на земли, рече Господь Сил. 30 Ты же проречеши на них вся словеса сия и речеши: Господь с высоты суд воздаст, от святаго Своего даст глас Свой, слово проречет на место Свое, сии же яко объемлюще виноград отвещаю: и на вся седящыя на земли прииде пагуба, 31 на часть земли, яко суд во языцех Господу: судитися имать Той со всякою плотию, нечестивии же предани быша мечу, глаголет Господь. 32 Тако глаголет Господь: се, злая грядут от языка на язык, и

вихорь велик исходит от конца земли. **33** И будут язвении от Господа в день Господень, от края земли и до края земли: не оплачутся, ниже соберутся и не погребутся, в гной на лица земли будут. **34** Воскликните, пастуси и возопийте, и восплачите, овни овчии, яко исполнишася дние ваши на заколение, и падете якоже овни избранныи, **35** и изгибнет бегство от пастухов и спасение от онов овчих. **36** Глас вопля пастырска и кличь овец и онов, яко потреби Господь пажити их: **37** и умолкнут останцы мира от лица ярости гнева Господня. **38** Остави якоже лев виталище Свое, яко бысть земля их в непрохождение от лица меча великаго.

26 В начале царства Иоакима сына Иосиина бысть слово сие от Господа: **2** тако рече Господь: стани во дворе дому Господня и проповеждь всем Иудеом, входящим кланяться в дом Господень, вся словеса, яже завещах тебе проповедати им, не уйми словесе: **3** негли послушают и отвратятся кийждо от пути своего злаго, и почю от зол, яже помышляю сотворити им злых ради начинаний их. **4** И речеси: тако рече Господь: аще не послушаете Мене, еже ходити в законех Моих, яже дах пред лицом вашим, **5** в послушание словес отрок Моих пророков, ихже Аз посылаю к вам из утра, и послах, и не послушасте Мене, **6** и дам дом сей якоже Силом, и град сей дам в клятву всем языком всея земли. **7** И слышаша жерцы и лжепророцы и вси людие Иеремию глаголюща словеса сия в дому Господни. **8** И бысть, егда Иеремиа преста глаголати вся, елика завеща ему Господь глаголати всем людем, и яша Иеремию жерцы и лжепророцы и вси людие, глаголюще: смертию да умрет, **9** яко прорече имеем Господним, глаголя: якоже Силом будет сей дом, и град сей опустеет от живущих. И собращася вси людие на Иеремию в дому Господни. **10** И слышаша князи Иудины словеса сия, и въздоша от дому царева в дом Господень и седоша во преддверии врат дому Господня новых. **11** И реша жерцы и лжепророцы князем и всем людем, глаголюще: суд смертный человеку сему, яко прорече на сей град, якоже слышасте во ушы ваши. **12** И рече Иеремиа ко всем князем и ко всем людем, глаголя: Господь посла мя прорещи на дом сей и на град сей вся словеса, яже слышасте: **13** и ныне лучшыя сотворите пути ваша и дела ваша и послушайте гласа Господа Бога вашего, и престанет Господь от зол, яже глагола на вы: **14** и се, аз в руках ваших, сотворите ми якоже угодно и якоже лучше вам является: **15** но разумеюще да уразумеете, яко аще убьете мя, кровь неповинну дадите сами на ся и на град сей и на живущия в нем: яко поистинне посла мя Господь к вам глаголати во ушы ваши вся словеса сия. **16** И реша князи и вси людие ко жерцем и ко лжепророком: несть человеку сему суд смертный, яко во имя Господа нашего глагола к нам. **17** И восташа мужие от старейшин земских и реша всему собору людскому, глаголюще: **18** Михеа Морафитский бе пророчествуя во дни Езекиа царя Иудина и рече всем людем Иудиным, глаголя: тако рече Господь: Сион яко нива изорется, и Иерусалим яко в путь непроходный будет, и гора храма будет в луг дубравный. **19** Еда убивая уби его

Езекиа царь Иудин и вси людие Иудины? Не убояшались убо Господа? И понеже помолишася лицу Господню, и почи Господь от зол, яже глаголаше на ня: и мы сотворихом злобы велики на души наша. **20** И бе человек прорицая именем Господним, Уриа сын Самеов от Кариафиарима, и прорече на град сей и о земли сей по всем словесем Иеремииным. **21** И слыша царь Иоаким и вси князи вся словеса его и искаху убити его: и слыша Уриа и убояся, и бежа и прииде во Египет. **22** И посла царь Иоаким мужы во Египет, Елдафана сына Ахорова и мужы с ним во Египет, **23** и изведоша его отду и приведоша его ко царю, и порази его мечем и вверже его во гроб сынов людий своих. **24** Обаче рука Ахикама сына Сафаниина бе со Иеремию, еже не предати его в руце людий, да не убьют его.

27 В начале царства Иоакима сына Иосиина, царя Иудина, бысть слово сие ко Иеремию от Господа глаголя: **2** тако рече Господь: сотвори себе узы и клды и возложи на выю свою, **3** и да послещи я ко царю Идумейску и ко царю Моавску и ко царю сынов Аммоних, и ко царю Тирску и ко царю Сидонску, в руку послов их идущих сретением своим во Иерусалим ко Седекии царю Иудину, **4** и завещай им ко господем их рещи: тако рече Господь Бог Израилев: тако рцйте ко господем своим: **5** Аз сотворих землю и человека и скоты, яже на лица земли, крепостию Моею великою и мышцею Моею высокою, и дам ю, емуже будет угодно пред очима Моима. **6** И ныне Аз дах всю землю сию в руце Навуходносору царю Вавилонску, да ему работают, и звери селныя дах делати ему: **7** и послужат ему вси языки и сыну его и сыну сына его, дондеже приидет время земли его и его самого, и послужат ему мнози народи и царие велицы: **8** страна же и царство, елицы аще не поработают царю Вавилонску и елицы не вдежут выи своея в ярем царя Вавилонска, мечем и гладом посещу их, рече Господь, дондеже скончуются в руце его. **9** Вы же не слушайте лжепророк ваших и волхвующих вам и видящих сония вам, ни чарований ваших, ни обаятелей ваших глаголющих: не послужите царю Вавилонскому: **10** яко лжу прорицают тии вам, еже бы удалитися вам от земли ваша, извергнути вас и еже погибнути вам. **11** Страна же, яже склонит выю свою под ярем царя Вавилонска и послужит ему, оставлю ю на земли своей, глаголет Господь: и орати будет ю и вселится на ней. **12** И ко Седекии царю Иудину глаголах по всем словесем сим, глаголя: склоните выи ваша под иго царя Вавилонска и служите ему и людем его, и живи будете: **13** почто умираете, ты и людие твои, мечем и гладом и мором, якоже рече Господь ко странам, не хотевшим служити царю Вавилонску? **14** Не послушайте слов пророков глаголющих вам: не послужите царю Вавилонску: **15** яко неправедно тии прорицают вам: яко не послах их, рече Господь, тии же прорицают именем Моим о неправде, еже бы погубити вас, и погибнете вы и пророцы ваши, прорицающие вам о неправде ложная. **16** Вам и всем людем сим и жерцем глаголах, рекий: тако рече Господь: не слушайте словес пророческих, прорицающих вам лжу и глаголющих: се,

сосуды дому Господню возвратятся от Вавилона ныне вскоре: яко лжу прорицают вам, **17** не послушайте их, но служите царю Вавилонскому, да живи будете. Вскую даете град сей в запустение? **18** Аще суть пророцы и есть слово Господне в них, да предстанут Господу Вседержителю, да не отидут сосуды, оставшиися в дому Господни и в дому царя Иудина и во Иерусалиме, в Вавилон. **19** Тако бо глаголет Господь Вседержитель о столпах и о умывальнице, и о подставах и о прочих сосудах оставшихся во граде сем, **20** иже не взя Навуходоносор царь Вавилонский, егда пресели Иехонию сына Иоакимова, царя Иудина, из Иерусалима в Вавилон, и вся старейшины Иудины и Иерусалимля. **21** Тако бо глаголет Господь Вседержитель Бог Израилев о сосудах оставшихся в дому Господни и в дому царя Иудина и в Иерусалиме: **22** в Вавилон принесутся и тамо будут даже до дне посещения своего, глаголет Господь: и повелю принести я и возвратити на место сие.

28 И бысть в четвертое лето, царствующу Седекии царю Иудину, в пятый месяц, рече ми Анания сын Азоров живый пророк Гаваонитский в дому Господни, пред очима жерцев и всех людей, глаголя: **2** тако рече Господь Вседержитель Бог Израилев: сокруших ярем царя Вавилонска: **3** еще два лета дний, возвращу Аз на место сие вся сосуды дому Господню, яже взя Навуходоносор царь Вавилонский от места сего и перенесе я до Вавилона, **4** и Иехонию сына Иоакимова царя Иудина, и все преселение Иудино шедшее в Вавилон возвращу в место сие, глаголет Господь, яко сокрушу ярем царя Вавилонска. **5** И рече Иеремиа пророк ко Анании лжепророку пред очима жерцев и пред очима всех людей стоящих в дому Господни, **6** и рече Иеремиа: поистинне тако да сотворит Господь, да утвердит Господь слово твое, еже ты прорицаеши, еже возвратити сосуды дому Господню и вся преселенныя из Вавилона на место сие: **7** обаче слышите слово сие, еже аз глаголю во уши ваши и во уши всех людей: **8** пророцы, бывшии прежде мене и прежде вас от века, проречекоша на мнози земли и на царства велика о рати и о погублении и о гладе: **9** пророк прорекый мир, пришедшу слову познают пророка, егоже посла им Господь в вере. **10** И взя Анания пред очима всех людей клады от выи Иеремины и сокруши я. **11** И рече Анания пред очима всех людей глаголя: сице рече Господь: тако сокрушу ярем Навуходоносора царя Вавилонска еще два лета дний со выи всех языков. И отиде Иеремиа на путь свой. **12** И бысть слово Господне ко Иеремии, по сокрушении Ананиине клад со выи его, глаголя: **13** иди и рцы ко Анании глаголя: тако рече Господь: клады древняныя сокрушил еси и сотвориши вместо тех клады железны, **14** яко тако рече Господь: ярем железен возложих на выи всех языков, служити Навуходоносору царю Вавилонску, и послужат ему: кому и звери земныя дах ему. **15** И рече Иеремиа пророк ко Анании: слыши, Анание: не посла тебе Господь, ты же сотворил еси людей сих уповати на неправду. **16** Того ради сице рече Господь: се, аз отпущу тя от лица земли, в сем

лете умреш, яко на Господа (Бога) глаголах еси. **17** И умре Анания лжепророк в сем лете месяца седмаго.

29 И сия словеса книги, юже посла Иеремиа из Иерусалима ко старейшинам преселеным и ко жерцем и лживым пророком и всем людем, иже пресели Навуходоносор из Иерусалима до Вавилона, **2** последи изшедшу Иехонию царю и царице, и кажеником и всякому свободну, и художнику и юзнику из Иерусалима, **3** рукою Елеаса сына Сафая и Гамариа сына Хелкиина, егоже посла Седекиа царь Иудин ко царю Вавилонску в Вавилон, глаголя: **4** тако рече Господь Бог Израилев о преселеных, иже пресели из Иерусалима в Вавилон: **5** соградите храмины и вселитесь, и насадите вертограды и ядите плоды их, **6** и поимите жены и чадотворите сыны и дщери, и приведите сыном вашим жены и дщери ваша дадите за мужы, и да раждают сыны и дщери, и умножайтеся, а не умаляйтеся: **7** и взыщите мира земли, на нуже преселих вас тамо, и молитесь Господа за ня, яко в мире их будет мир вам. **8** Яко тако рече Господь Сил, Бог Израилев: да не препирают вас лживии пророцы, иже в вас, и да не препирают вас волсви ваши, и не послушайте соний своих, яже вы видите во сне, **9** яко неправедне тии прорицают вам во имя Мое, а не послах их, рече Господь. **10** Яко тако рече Господь: егда исполнятся в Вавилоне семьдесят лет, посещу вас и уставлю слово Мое на вас, еже возвратити люди Моя на место сие: **11** и помышлю на вы помышление мира, а не злая, еже дати вам сия: **12** и помолитесь ко Мне, и послушаю вас, **13** и взыщете Мене, и обряцете Мя: и егда взыщете Мене всем сердцем вашим, **14** и явлюся вам, глаголет Господь, и возвращу узники ваша и соберу вас от всех стран и от всех градов, в няже изгнах вас, глаголет Господь: и возвратитися повелю вам на место откуду превести вас повелех. **15** Понеже рекосте: возстави нам Господь пророки в Вавилоне. **16** Тако бо рече Господь ко царю седящу на престоле Давидове и ко всем людем живущым во граде том, и братьям вашим, не изшедшым с вами в плен, **17** тако глаголет Господь Вседержитель: се, аз пошлю на ня меч и глад и мор, и положу я яко смоквы худыя, иже немощно ясти, понеже зело худы быша: **18** и сотру я мечем и голодом и мором, и дам я в погубление всем царствам земным и в проклятие, и во удивление и в посмех и в поругание всем языком, к нимже извергох я: **19** занеже не послушаша словес Моих, глаголет Господь, яже послах к ним рабы Моиими пророки, рано востая и посылая, и не послушасте, глаголет Господь. **20** Вы убо слышите слово Господне, все преселение, еже выслах из Иерусалима в Вавилон. **21** Тако глаголет Господь Вседержитель Бог Израилев на Ахиаву сына Колиева и на Седекию сына Маасиева, иже прорицают вам во имя Мое лживо: се, аз предаю я в рuce Навуходоносора царя Вавилонска, и побьет я пред очима вашима: **22** и возмется от них проклятие всему преселению Иудину, еже в Вавилоне, глаголюще: да сотворит ти Господь якоже Седекии сотвори и якоже Ахиаву, иже сожже царь Вавилонский во огни, **23** беззакония ради, еже сотвориша

во Иерусалиме, и любодяеху с женами граждан своих и слово глаголаша во имя Мое лживо, егоже не повелех им, Аз же есмь судия и послух, глаголет Господь. 24 И к Самеи Еламитину речеши: 25 тако глаголет Господь Вседержитель, Бог Израилев: понеже послал еси во имя твое послания ко всем людям, иже во Иерусалиме, и ко Софонии сыну Маасеову жерцу и ко всем жерцем, глаголя: 26 Господь даде тя жерца вместо Иодаа жерца, быти приставнику в дому Господни, всякому человеку прорицающу и всякому человеку неистовующю, и вдаси его в затвор и в кладу. 27 И ныне почто не запретисте Иеремию, иже от Анафофа, прорицающему вам? 28 Яко того ради посла к нам в Вавилон, глаголя: долгое есть время, соградите храмины и вселитесь, и насадите вертограды и ядите плоды их. 29 И прочте книгу сию Софония во уши Иеремии пророка. 30 И бысть слово Господне ко Иеремию глаголя: 31 послы ко преселником глаголя: тако рече Господь на Самею Еламитина: понеже прорече вам Самеа, Аз же не послах его, и сотвори вас уповати на неправду: 32 того ради сице рече Господь: се, Аз посещу на Самею и на род его, и не будет ему человека посреде вас, еже видети блага, яже Аз сотворю вам, глаголет Господь, зане отступление глагола на Господа.

30 Слово бывшее ко Иеремию от Господа глаголя: 2 тако рече Господь Бог Израилев глаголя: впиши вся словеса в книги, яже глаголах к тебе. 3 Яко се, дние грядут, рече Господь, и возвращаху преселение людей Моих Израиля и Иуды, рече Господь Вседержитель, и возвращаху я на землю, юже дах отцем их, и овладеют ею. 4 И сия словеса, яже глагола Господь о Израили и о Иуде. 5 Тако рече Господь: глас страха услышите: страх, и несть мира. 6 Вопросите и видите, аще раждает мужеск пол? И о страхе, в немже имети будут чресла и спасение? Понеже видех всякаго человека, и руце его на чреслах его аки раждающая: обратишася лица в желтую болезнь. 7 О, люте! Яко бысть велик день той и несть подобна ему: и время тесно есть Иакову, и от того спасется. 8 В той день, рече Господь, сокрушу ярем со выи их и узы их расторгну: и не послужат тии кому чуждим, 9 но послужат тии Господу Богу своему: и Давида царя их возставлю им. 10 Сего ради ты не бойся, рабе Мой Иакове, глаголет Господь, ни устрашайся, Израилю: яко се, Аз спасу тя из земли дальния и семья твое из земли пленения их: и возвратится паки Иаков и почует и всякаго добра исполнен будет, и не будет устрашай тя. 11 Яко Аз с тобою есмь, глаголет Господь, спасаий тя: яко сотворю скончание во всех языцех, в няже разсеях тя: тебе же не сотворю во скончание, но накажу тя в суде и очищая не очищу тя. 12 Тако бо глаголет Господь: возставих сокрушение твое, болезненна есть язва твоя, 13 несть судий суда твоего, на болезнь врачевался еси, пользы несть тебе: 14 вси друзие твои забыша тя, ниже вопросят тя, яже о мире твоём: яко язвою вражиею поразих тя, наказанием твердым: множества ради неправды твоея превозмогша греси твои. 15 Что вопиеша о сокрушении твоём? Неизцельна есть болезнь твоя множества ради неправды твоея, и твердых

ради грехов твоих сотвори ти сия (вся). 16 Того ради вси ядущии тя изядени будут, и вси врази твои плоть их всю изядят: во множестве неправды твоея умножишася греси твои, сотвориша сия тебе: и будут разграбляющи тя в разграбление, и всех пленяющих тя дам во пленение. 17 Яко обяжу язву твою и от ран твоих уврачую тя, рече Господь: яко расточенным называху тя, Сионе ловитва наша есть, яко несть зыскающего его. 18 Тако глаголет Господь: се, Аз возвращаху преселение Иаковле и пленники его помилую, и возградится град в высоту свою, и храм по чину своему утвердится: 19 и изыдут из него поющии и глас играющих, и умножу я, и не умалятся. 20 И виднут сынове их якоже и прежде, и свидения их пред лицом Моим исправятся: и посещу на вся стужающыя им, 21 и будут крепльшии его на ня, и князь его из него изыдет: и соберу я, и обратятся ко Мне: кто бо есть той, иже приложит сердце свое обратитися ко Мне? Рече Господь. 22 И будете Ми в люди, и Аз вам буду в Бога. 23 Яко гнев Господень изыде яр, изыде гнев обращаемь, на нечестивыя приидет. 24 Не отвратится гнев ярости Господни, дондеже сотворит и дондеже исполнит умышление сердца Своего: в последние дни познаете я.

31 Во время оно рече Господь, буду в Бога роду Израилеву, и тии будут Ми в люди. 2 Тако рече Господь: обретох теплоту в пустыни со изгибшими от меча: идите и не потребите Израиля, 3 Господь издалеча явится ему: любовьию вечною возлюбих тя, того ради вовлекох тя в щедроты. 4 Яко вознагражу тя, и возградишися, дево Израилева: возмеша тимпаны своя и изыдеши с собором играющих. 5 Еще насадите винограды в горе Самарийстей, насаждающе насадите и похвалите. 6 Яко есть день воззвания отвещавающих в горах Ефремовых: встаните и взыдите в Сион ко Господеву Богу нашему: 7 яко тако рече Господь Иакову: возвеселитесь веселием и воскликните на главу языков: слышано сотворите и похвалите, рычите: спасе Господь люди Своя, останок Израилев. 8 Се, Аз веду их от севера и соберу их от конец земли в праздник Пасхи: и чадородит народ мног, и возвратятся семо. 9 С плачем изыдоша, а со утешением возведу я, проводя чрез ровенники вод по пути праву, и не заблудят по нему: яко Аз бех Израилеви во отца, и Ефрем первенец Ми есть. 10 Слышите, языцы, слово Господне, и возвестите во островех дальних и рыцете: Развевый Израиля соберет его и снабдит его, яко пастырь стадо свое. 11 Яко избави Господь Иакова и изят его от руки сильнейших его. 12 И приидут и возвеселятся в горе Сион, и приидут ко благотам Господним, на землю пшеницы и вина и плодов, и скотов и овнов: и будет душа их якоже древо плодовито, и не взалчут ктому. 13 Тогда возрадуются девицы в собрании юношей, и старцы возрадуются: и обращу плачь их на радость, и утешу их, и сотворю их веселы. 14 Возвеличу и упою душу жерцев сынов Левиных, и людие Мои благом Моих насытятся. 15 Тако рече Господь: глас в Раме слышан бысть плача и рыдания и вопля: Рахиль плачущися чад своих, и не хотяше утешитися, яко не суть. 16 Тако рече Господь: да почует глас твой от плача и очи твои от слез,

яко есть мзда делом твоим, глаголет Господь, и возвратятся от земли вражия: 17 и есть надежда последним твоим, (глаголет Господь,) и возвратятся сынове твои в пределы своя. 18 Слыша слышах Ефрема плачуща: наказал мя еси, (Господи,) и наказахся: аз якоже телец не научихся: обрати мя, и обращуся, яко Ты еси Господь Бог мой: 19 понеже последи пленения моего покаяхся и последи разумения моего возстенах в день посрамления и показах тебе, яко приях укоризну от юности моея. 20 Сын любезен Мне, Ефрем, отроча питеющеся, понеже словеса Моя в нем, милую памятью воспоминаю е: того ради потщахся о нем, милую памятью воспоминаю его, рече Господь. 21 Постави себе самого, Сионе, стражу, сотвори мучение, направи сердце твое на путь прав, имже ходил еси: возвратися, девице Израилева, обратися во грады твоя рыдающе. 22 Доколе отвращаешися, дщи обезчестованная? Яко созда Господь спасение в насаждение ново, в немже спасении обьдут человецы. 23 Яко тако рече Господь: еще рекут слово сие в земли Иудейстей и во градах ея, егда возвращу преселение его: благословен Господь на праведней горе святей своей: 24 и живущии во градах Иудиных и во всей земли его, купно со земледельцем, и вознесется во стаде. 25 Яко упоих всяку душу жаждущу и всяку душу алчущу насытих. 26 Того ради востях от сна и видех, и сон ми сладок бысть. 27 Се, дние грядут, глаголет Господь, и всюю Израиля и Иуду семья человекоч и семья скотское. 28 И будет, якоже бдех на ня потребити и озлобити, тако бдети буду о них, еже созидати и насаждати, рече Господь. 29 В тья дни не рекут ктому: отцы ядоша кислая, а зубы детям оскомнишася: 30 но кийждо своим грехом умрет, и ядшему кислая оскомнятся зубы его. 31 Се, дние грядут, глаголет Господь, и завещаю дому Израилеву и дому Иудину завет нов, 32 не по завету, егоже завещах отцем их в день, в оньже емшу ми за руку их, извести я от земли Египетския, яко тии не пребыша в завете Моем, и аз небрегох их, глаголет Господь. 33 Яко сей завет, егоже завещаю дому Израилеву по днех онех, глаголет Господь: дая законы Моя в мысли их, и на сердцах их напишу я, и буду им в Бога, и тии будут Ми в люди: 34 и не научит кийждо ближняго своего и кийждо брата своего, глаголя: познай Господа: яко вси познают Мя от мала даже и до великаго их: яко милостив буду неправдам их и грехов их не помяну ктому. 35 Аще возиесется небо на высоту, рече Господь, и аще смирится испод земли низу, и аз не отвергу рода Израилева о всех, яже сотвориша, глаголет Господь. 36 Тако рече Господь, давый солнце во свет дне, луну и звезды на свет нощи, и вопль на мори, и возшумеша волны его, Господь Вседержитель имя Ему. 37 Аще премолкнут законы сии от лица Моего, рече Господь, то и род Израилев престанет быти язык пред лицем Моим во вся дни. 38 Се, дние грядут, рече Господь, и созиждется град Господеву от столпа Анамеила до врат угольных: 39 и изыдет размерение его противу ему до могил Гарив, и оымется окрест избранным камением, 40 и всю юдоль мертвых и пепела, и весь Ассаримов даже до водотечи Кедрския, даже до угла коний врат восточных, освящение Господеву, и ктому не исторгнется и не потребится даже до века.

32 Слово бывшее от Господа ко Иеремии в десятое лето Седекии, царя Иудина, то лето осмоенадесять Навуходоносору царю Вавилонску. 2 И тогда сила царя Вавилонска острог обложи окрест Иерусалима, Иеремия же стегомь бяше во дворе темничнем, иже есть во дворе царя Иудина, 3 в нейже заключи его Седекия царь, глаголя: почто ты прорицаеши, глаголя: тако рече Господь: се, аз даю сей град в руке царя Вавилонска, и возмет его, 4 и Седекия царь Иудин не спасется от руки Халдейски, яко преданием предастся в руке царя Вавилонска, и соглаголет усты своими ко устом его, и очи его очи его узрят, 5 и в Вавилон внидет Седекия и ту будет, дондеже посещу его, глаголет Господь: аще же воевати будете на Халдеи, ничесоже успеете? 6 И рече Иеремия: бысть слово Господне ко мне глаголя: 7 се, Аиамеил, сын Саломль, брата отца твоего, идет к тебе, глаголя: прикупи себе село мое, еже во Анафофе, яко тебе суд ужичества прияти во притяжание. 8 И прииде ко мне Анамеил, сын Саломль, брата отца моего, по словеси Господню во двор темничный и рече ми: прикупи себе село мое, еже во Анафофе в земли Вениамини: яко тебе суд прикупити е, ты бо старей. И разумех, яко слово Господне есть, 9 и прикупих село Анамеиле, сына брата отца моего, от Анафофа, и поставих ему семнадцать сикль сребра, 10 и вписях в книгу и запечатах, и засвидетельствовах послухи и поставих сребро на весах. 11 И взял книгу купления прочтену и запечатану. 12 И дах книгу купления Варухови сыну Нириину, сына Маассеова, пред очима Анамеила сына брата отца моего, и пред очима стоящих послух и вписавших в книги купления, и пред очима всех Иудеов, сидящих во дворе темничнем. 13 И завещах Варуху пред очима их, глаголя: 14 тако рече Господь Вседержитель Бог Израилев: возми книгу сию купления запечатленну и книгу прочтеную и вложи ю в сосуд глинян, да пребудет дни множайшыя. 15 Яко тако рече Господь Вседержитель Бог Израилев: еще притяжутся храмины и села и винограды на сей земли. 16 И молихся ко Господеву по отдаии книги прикупления Варуху сыну Нириину, глаголя: 17 о, сый Господи Боже! Ты сотворил еси небо и землю крепостию Твоею великою и мышцею Твоею высокою, не утаится от Тебе ничтоже, 18 творяй милость в тысящи и отдавая грехи отчи в недра чад их по ним: Бог великий и крепкий, 19 Бог велика совета и силен делесы, Бог великий Вседержитель и великоименит Господь: очи Твои отверсты на вся пути сынов человеческих, дати комуждо по пути его и по плоду начинаний его: 20 иже сотворил еси знамения и чудеса во земли Египетстей, даже до сего дне и во Израили и в людех, и сотворил еси имя Себе, якоже день сей, 21 и извел еси люди Твоя Израиля из земли Египетския знамении и чудесы, рукою крепкою и мышцею высокою и видении великими, 22 и дал еси им сию землю, еюже клялся еси отцем их, землю кипящую медом и млеко. 23 И внидоша и прияша ю, и не послушаша гласа Твоего и в заповедех Твоих не ходиша: вся, яже заповедал еси им (творити), не сотвориша, и сотвориша, да сбудутся им вся злая сия. 24 Се, народ идет на сей град взяти его, и град предан есть в руке Халдеев воюющих нань от лица

меча и глада и мора. Якоже глаголах еси, тако и бысть: и се, Ты зриши. 25 А Ты ко мне глаголеши: притяжи себе село сребром: и вписах в книгу, и запечатах, и засвидетельствовах послухи, град же предастся в руце Халдейсте. 26 И бысть слово Господне ко мне глаголя: 27 Аз Господь Бог всяя плоти, еда от Мене утаится что? 28 Сего ради тако рече Господь Бог Израилев: отдан предастся сей град в руце царя Вавилонска, и возмет его, 29 и придут Халдее воюющие на сей град, и пожгут его огнем, и храмини сожгут, в нихже кадиша на кровех своих Ваалу и возливаша возлияния богом инем, ко еже разгневати Мя. 30 Понеже беша сынове Израилевы и сынове Иудины едины творяще зло пред очима Моима от юности своя, сынове Израилевы подвизают Мя на гнев в делех рук своих, рече Господь. 31 Яко на гнев Мой и на ярость Мою бе град сей, от негоже дне соградиша его и даже до сего дне, яко отставити его от лица Моего, 32 злобы ради всякия сынов Израилевых и Иудиных, яко сотвориша разгневати Мя тии и царие их, и князи их и вельможи их, и жерцы их и пророцы их, мужие Иудины и живущии во Иерусалиме, 33 и обратиша хребет ко мне, а не лице: и наказах я из утра, и не послушаша прияти наказания, 34 и положиша осквернения своя в дому, идеже наречеса имя Мое, в нечистотах своих: 35 и соградиша требища Ваалу, яже в дебри сына Енномля, еже возносити сыны своя и дщери своя Молоху, ихже не заповедах им, и не възде на сердце Мое, еже сотворити мерзость сию на согрешение Иуде. 36 И ныне тако рече Господь Бог Израилев ко граду, о немже ты глаголеши: предан будет в руце царя Вавилонска мечем и гладом и мором. 37 Се, Аз соберу я от всяя земли, идеже разсеях я во гневе Моем и ярости Моей и в преогорчении велием, и обращаю я на сие место, и посажду я во уповании, 38 и будут Ми в люди, и Аз буду им в Бога: 39 и дам им путь ин и сердце ино, бояться Мене вся дни, на благоту им и чадом их по них: 40 и завещаю им завет вечный, егоже не отвращу последи их, и страх Мой дам в сердце их, ко еже не отступити им от Мене: 41 и посещу еже ублажити я и насажду я в сей земли с верою и со всем сердцем Моим и со всею душею Моею. 42 Яко тако рече Господь: якоже наведу на люди сия вся злая сия великая, тако Аз наведу на них вся благоты, яже Аз глаголах к ним. 43 И возобладают паки селы на земли, о нейже ты глаголеши: непроходна будет от человек и скота, и предашася в руце Халдейсте. 44 И притяжут села сребром: и впишеша в книги, и запечатаеша, и опослушиши послухи в земли Вениамини и окрест Иерусалима, и во градах Иудиных и во градах горних, и во градах польных и во градах нагев и: яко возвращаю преселения их, глаголет Господь.

33 И бысть слово Господне ко Иеремии вторицею, тойже баше еще связан во дворе темничнем, глаголя: 2 тако рече Господь, творяй землю и устрояяй ю, еже исправити ю, Господь имя Ему: 3 возопий ко Мне, и отвещаю ти и возвещу тебе великая и крепкая, ихже не разумел еси. 4 Яко тако рече Господь Бог Израилев о домех града сего и о

храмех царя Иудина, растерзаных на остроги и на забрала, 5 еже противитися ко Халдеем, и наполнию его мертвыми человеки, ихже поразих во гневе Моем и в ярости Моей, и отвратих лице Мое от них всех ради злоб их. 6 Се, Аз наведу на ня срastение язвы и изцеление, и изврачую я и явлю им, еже слушати, и изцелю я и сотворю им мир и веру: 7 и обращу преселение Иудино и преселение Израилево, и согражду я, якоже и прежде, 8 и очищу я от всех неправд их, имиже согресиша Ми, и милостив буду всем неправдам их, имиже отступиша от Мене. 9 И будет в веселие и во хвалу и в величии всем людем земли, ихже услышат вся благоты, яже Аз сотворю им, и убоятся, и огорчатся о всех благотах и о всем мире, егоже Аз сотворю им. 10 Тако рече Господь: еще услышится в сем месте, о немже вы глаголете: пусто есть от человек и от скот, во градах Иудиных и вне Иерусалима, опустевших, понеже несть человека, ни скота, 11 глас веселия и глас радости, глас жениха и глас невесты, глас глаголющих: исповедайтесь Господеву Вседержителю, яко благ Господь, яко в век милость Его: и принесут дары похваления в дом Господень, яко возвращаю все преселение земли тоя по прежнему, рече Господь. 12 Тако глаголет Господь Сил: еще будут на сем месте пустем, за еже не быти человеку, ни скоту, во всех градах его обиталища пастухов пасущих овцы, 13 во градах горних и во градах польных, и во градах нагев и в земли Вениамини, и во окрестных Иерусалима и во градах Иудиных, еще пойдут овцы к руце изчисляющего, глаголет Господь. 14 Се, дние грядут, рече Господь, и возставлю слово благо, еже глаголах к дому Израилеву и к дому Иудину. 15 Во днеш онех и в то время произрастити сотворю Давиду Отрасль правды, и сотворит суд и правду на земли. 16 Во днеш онех спасен будет Иуда, и Иерусалим пребудет в надежди: и сие есть имя, имже нарекут Его: Господь праведен наш. 17 Тако бо рече Господь: не оскудеет от Давида муж седяй на престоле дому Израилева: 18 и от жерцев и от левитов не погибнет муж от лица Моего, приносяй всесожжения и дар и творяй жертвы по вся дни. 19 И бысть слово Господне ко Иеремии глаголя: 20 тако глаголет Господь: может ли разоритися завет Мой со днем и завет Мой с ночью, еже не быти дню и нощи во время свое? 21 То и завет Мой разорится с Давидом рабом Моим, еже не быти от него сыну царствующу на престоле его, и с левиты и священники рабы Моиими. 22 Якоже сочтены быти не могут звезды небесныя, ни измерен быти песок морской, тако умножу семя раба Моего Давида и левиты служители Моя. 23 И бысть слово Господне ко Иеремии глаголя: 24 еда не видел еси, что рекоша людие сии, глаголюще: два народа, ихже избра Господь, и се, отверже я: и преогорчиша людий Моих, (сего ради) яко да не будет ктому народ пред ними? 25 Тако рече Господь: не положих ли убо завета Моего между днем и ночью и законов небеси и земли? 26 Тогда и семя Иаковле и Давида раба Моего отвергу, еже не прияти от семене его князей семене Авраама и Исаака и Иакова: яко паки возвращаю плен их и помилую их.

34 Слово, еже бысть ко Иеремии от Господа, егда Навуходоносор царь Вавилонский и вси вои его, и вся земля власти его и вси людие воеваху на Иерусалим и на вся грады Иудины, глаголя: 2 тако рече Господь Бог Израилев: иди ко Седекии царю Иудину и речеши ему: тако рече Господь: преданием предастся сей град в руке царя Вавилонска, и возмет его и пожжет его огнем: 3 и ты не уцелеши от руку его, и ят будеши, и в руке его предасися: и очи твои очи его узрят, и уста его со усты твоими соглаголют, и в Вавилон внидеши. 4 Но обаче слыши слово Господне, Седекие, царю Иудин! Тако глаголет Господь к тебе: не умреш ли от меча, но в мире умреш: 5 и якоже плакаша отцев твоих царствовавших прежде тебе, восплачутся и тебе: увы, господи, и: увы, господи! Восплачутся и тебе, яко слово Аз соглаголах, рече Господь. 6 И глагола Иеремия пророк ко Седекии царю Иудину вся словеса сия во Иерусалиме. 7 И сила царя Вавилонска воева на Иерусалим и на грады Иудины оставшыяся: на Лакис и на Азику, яко тии оставаша во градах Иудиных грады тверды. 8 Слово бывшее ко Иеремии от Господа, повнегда скончати царю Седекии завет к людям, иже во Иерусалиме, еже нареши им отпущение, 9 еже отпустити комуждо раба своего и комуждо рабыню свою, Евреанина и Евреаняну, свободны, да не работает муж от Израила. 10 И обратишася вси вельможи и вси людие вступившии в завет еже отпустити комуждо раба своего и комуждо рабу свою свободны и ктому не владети ими. Слышаша убо и отпустиша. 11 И обратишася по сих вспять и удержаша паки рабы и рабыни своя, иже отпустиша свободных, и взяша в рабы и рабыни. 12 И бысть слово Господне ко Иеремии от Господа глаголя: 13 тако рече Господь Бог Израилев: Аз завещаю завет ко отцем вашим в день, в оньже избавих я от земли Египетския, из дому работы, глаголя: 14 егда скончаются шесть лет, да отпустиши брата своего Евреанина, иже продан есть тебе: и да делает ти шесть лет, и да отпустиши его свободна от себе. И не послушаша Мене отцы ваши, ни приклониша уха своего. 15 И обратитесь вы днесь сотворити правая пред очима Моима, еже нареши комуждо отпущение ближняго своего: и совершите завет пред лицом Моим в дому, идеже наречеса имя Мое в нем: 16 и отвратитесь, и оскверните завет Мой, еже возвратити комуждо раба своего и комуждо рабу свою, иже отпустите свободны душою их: и покористе их, якоже быти у вас в рабы и в рабыни. 17 Того ради сице рече Господь: вы не послушасте Мене, нареши отпущения кийждо брату своему и кийждо ближнему своему: се, Аз нарицаю отпущение вам на мечь и на смерть и на глад, и дам вы на разсыпание всем царствам земным: 18 и дам мужы преступившыя завет Мой и не хранящыя словес завета Моего, емуже соизволиша пред лицом Моим: телца егоже разсекоша на две части и ходиша между разделенными частями его: 19 князи Иудины и князи Иерусалимли, и вельможи и жерцы и вся люди земли ходящыя между разделеным телцем, 20 и дам я в руки врагом их и в руки ищущих души их, и будут трупы их в ядь птицам небесным и зверем земным: 21 и Седекию царя

Иудейска и князи его дам в руке врагов их и в руку ищущих души их и в руку воинства царя Вавилонска, отбегающих от них. 22 Се, Аз завещаю, рече Господь, и возвращу я в землю сию, и повоюют на ню, и возмут ю, и пожгут ю огнем и грады Иудины: и дам я в непроходны от живущих.

35 Слово бывшее ко Иеремии от Господа, во дни Иоакима сына Иосиина, царя Иудина, глаголя: 2 иди в дом Рихавль и призови я и веди я в дом Господень, во един от дворов, и напоиши я вином. 3 И изведох Иезонию сына Иеремиина, сына Хавасиина, и братию его, и сыны его, и весь дом Рихавль, 4 и введох я в дом Господень, во хранилище имения сынов Анани, сына Годолина, человека Божия, иже есть близ дому князей, выше дому Маасеова, сына Селомля, стрегущаго двор. 5 И поставих пред ними корчаг вина и чашы, и рекох: пейте вино. 6 И рекоша: не пием вина, яко Ионадав сын Рихавль, отец наш, заповеда нам, глаголя: не пейте вина вы и сынове ваши до века: 7 и храмин да не соградите, и семене не сейте, и виноград да не будет вам, но в кушах да живете вся дни живота вашего, да поживете дни многи на земли, на нейже обитаете вы. 8 И послушахом словесе Ионадава отца нашего, еже не пити вина вся дни живота нашего, мы и жены наша, и сынове наши и дщери наша, 9 и еже не соградити храмин жити тамо: и винограда и нивы и семене не бысть нам. 10 И хихом в кушах, и послушахом и сотворихом по всем, елика заповеда нам Ионадав отец наш. 11 И бысть, егда прииде Навуходоносор царь Вавилонский на землю нашу, и рекохом: вшедше да внидем во Иерусалим от лица Халдейска и от лица силы Ассирийския: и вселихомся ту. 12 И бысть слово Господне ко Иеремии глаголя: 13 тако глаголет Господь Сил, Бог Израилев: иди и рцы человеку Иудину и живущым во Иерусалиме: еда не воспримете наказания послушати словес Моих? 14 Утвердиша слово сынове Ионадава, сына Рихавля, еже заповеда сыном своим, еже не пити вина, и не пиша даже до дне сего, яко послушаша заповеди отца своего: Аз же глаголах к вам заутра, и не послушасте Мене: 15 и посылах к вам рабы Моя пророки, утреноя и глаголя: обратитесь кийждо от пути своего злаго, и лучше сотворите дела своя, и не ходите вслед богов инех, еже служити им, и вселитесь на земли, юже дах вам и отцем вашим: и не приклонисте ушес ваших и не послушасте. 16 И уставиша сынове Ионадавли, сына Рихавля, заповедь отца своего, еже заповеда им: а людие Мои не послушаша Мене. 17 Сего ради сице рече Господь Сил, Бог Израилев: се, Аз наведу на Иуду и на вся живущыя во Иерусалиме вся злая, яже соглаголах на ня: понеже глаголах к ним, и не послушаша, призывах я, и не отвещаша Ми. 18 Дому же Рихавлю рече Иеремия: тако рече Господь Бог Вседержитель: понеже послушаша сынове Ионадава, сына Рихавля, заповеди отца своего, творити, елика заповеда им отец их: 19 сего ради сия глаголет Господь Сил, Бог Израилев: не оскудеет муж от сынов Ионадавлих, сына Рихавля, стояй пред лицом Моим, вся дни земли.

36 И бысть в лето четвертое Иоакима, сына Иосиина, царя Иудина, бысть слово Господне ко Иеремии глаголя: 2 возми себе свиток книжный и напиши в нем вся словеса, яже соглаголах к тебе на Израиля и на Иуду и на вся языки, от негоже дне глаголах к тебе, от дне Иосии царя Иудина и до сего дне: 3 негли услышит дом Иудин вся злая, яже аз помышляю сотворити им, да отвратятся от пути своего злаго, и милостив буду неправдам их и грехом их. 4 И призва Иеремиа Варуха, сына Нириина: и вписа Варух от уст Иеремииных вся словеса Господня, яже соглагола к нему, во свиток книжный. 5 И заповеда Иеремиа Варуху глаголя: мене стрегут, и не могу внити в дом Господень, 6 ты убо вниди и прочти во свитце сем, в немже написал еси от уст моих словеса Господня, во уши людей в дому Господни в день поста и во уши всему дому Иудину, приходящим от градов своих, да прочтеша им: 7 негли падет молитва их пред лицом Господним, и отвратятся от пути своего злаго: яко велика ярость и гнев Господень, егоже соглагола на люди сия. 8 И сотвори Варух сын Нириин но всему, елика заповеда ему Иеремиа пророк прочести во книзе словеса Господня в дому Господни. 9 И бысть в пятое лето Иоакима царя Иудина, в девятыи месяц, заповедаша пост пред лицом Господним всем людем во Иерусалиме и всему множеству, еже снидесе от градов Иудиных во Иерусалим. 10 И прочте Варух во книзе словеса Иеремиина в дому Господни, в дому Гамариеве, сына Сафаня книжочия, во дворе вышнем, во преддверии врат дому Господня новых, во уши всех людей. 11 И слыша Михай сын Гамариев, сына Сафаня, вся словеса Господня от книги. 12 И сниде в дом царев, в дом книжника, и се, тамо вси князи седяху, Елисам книжочий и Далеа сын Селемиев, и Нафан сын Аховоров и Гамариа сын Сафань, и Седекиа сын Ананиин и вси князи, 13 и возвести им Михай вся словеса, яже слыша чтуща Варуха во уши людем. 14 И послаша вси князи ко Варуху сыну Нириину, Иудину сыну Нафанину, сына Селемина, сына Хусиина, глаголюще: книгу, юже ты чтеши во уши людем, возми ю в руку свою и прииди. И взя Варух сын Нириин книгу в руку свою и сниде к ним. 15 И рекоша ему: паки прочти во уши наши. И прочте Варух во уши их. 16 И бысть яко услышаша вся словеса, совещашася кийждо со ближним своим и реша Варуху: возвещающе возвестим царю вся словеса сия. 17 И вопросиша Варуха, глаголюще: откуда еси вписал вся словеса сия? 18 И рече Варух: от уст своих поведати ми Иеремиа вся словеса сия, аз же писах в книгу. 19 И рекоша князи Варуху: иди и скройся ты и Иеремиа, и человек да не увесть, где вы. 20 И внидоша ко царю во двор, книгу же вдаша хранити в дому Елисама книжочия, и возвестиша царю вся словеса сия. 21 И посла царь Иудина взяти книгу. И взя ю от дому Елисамы книжочия, и прочте Иудин во уши царицы и во уши всех князей стоящих окрест царя. 22 Царь же седяше во храмине зимней, в девятыи месяц, и поставлено бе пред ним огнище со огнем. 23 И бысть чтущу Иудину третий лист и четвертый, раздробя я бритвою книжочия и возметаше на огненное огнище, дондеже скончася весь свиток на огненнем огнищи. 24 И не ужасошася и не

растерзаша риз своих царь и вси отроцы его, слышавшии вся словеса сия. 25 Елнафан же и Далеа, и Гамариа и Годолиа глаголаша царю, еже бы не сожещи свитка. И не послуша их. 26 И повеле царь Иеремеилу сыну царицы и Сараеви сыну Езриилеву и Селемию сыну Авдеилеву, да изымают Варуха книжочия и Иеремию пророка. Но сокры я Господь. 27 И бысть слово Господне ко Иеремии, егда сожже царь свиток, вся словеса, яже вписа Варух от уст Иеремииных, глаголя: 28 паки возми ты свиток другой и впиши вся словеса бывшая во свитце, яже сожже царь Иоаким: 29 и ко Иоакиму царю Иудину речеши: тако рече Господь: ты сожегл еси сию книгу, глаголя: почто вписал еси в ней, глаголя: входя внидет царь Вавилонский и потребит землю сию, и потребятся от нея человецы и скоти? 30 Того ради сице рече Господь на Иоакима царя Иудина: не будет ему сидящаго на престоле Давидове, и будет тело его мертвое повержено на знои дневнем и на мразе ночью: 31 и посещу нань и на его род и на отроки его, и наведу нань и на живущыя во Иерусалиме и на землю Иудину вся злая, яже соглаголах на ня, и не послушаша. 32 И взя Варух свиток другой и вписа в нем от уст Иеремииных вся словеса книги, яже сожже Иоаким царь Иудин: и еще приложишася ему словеса множайша неже первая.

37 И царствова Седекиа сын Иосиин вместо Иехонии сына Иоакимова, егоже постави Навуходоносор царь Вавилонский царствовати во Иудеи. 2 И не послуша той и отроцы его и людие земли словес Господних, яже глагола рукою Иеремииною. 3 И посла царь Седекиа Иоахала сына Селемиина и Софонию сына Массеа жерца ко Иеремии пророку, глаголя: молися за ны ко Господу Богу нашему. 4 Иеремиа же свободен приходяше и проходяше среде града, не введоша бо его во храмину темничную. 5 И сила фараоня изыде из Египта, и слышавше Халдее облеглиши Иерусалим слух их, отступиша от Иерусалима. 6 И бысть слово Господне ко Иеремии глаголя: 7 тако рече Господь Бог Израилев: тако речеши царю Иудину, пославшему к тебе вопросити Мя: се, сила фараоня, изшедшая вам на помощь, возвратится паки до земли Египетския, 8 и возвратятся Халдее и повоюют град сей, и возмут его и пожгут его огнем. 9 Яко тако рече Господь: не прельщайте душ своих, глаголюще: отходяше отидут от нас Халдее: яко не отидут. 10 И аще побиете всю силу Халдеев воющих на вы, и останут нецыи язвыни, кийждо на месте своем, сии востанут и пожгут град сей огнем. 11 И бысть егда взыде сила Халдейска от Иерусалима, от лица силы фараоня, 12 изыде Иеремиа из Иерусалима ити в землю Вениаминю, еже купити оттуду посреде людей. 13 Внегда же быти ему во вратех Вениаминих, и (бысть) тамо человек, у негоже обита Саруиа сын Селемиин, сына Ананиина, и взя Иеремию, глаголя: ко Халдеем ты бежиши. 14 И рече Иеремиа: лжа, не ко Халдеем аз бегу. И не послуша его. И взя Саруиа Иеремию и привеле его ко князем. 15 И разгневашася князи на Иеремию и биша его, и послаша его в дом Ионафана книжочия, яко той сотвориша храмину темничною. 16 И

прииде Иеремиа в дом рва и в херет, и седе ту дни многи. 17 И посла Седекиа царь и призва его, и вопрошаше его царь отай, аще есть слово от Господа? И рече ему Иеремиа: есть. И рече: в руке царя и Вавилонска предан будеши. 18 И рече Иеремиа царю: чим преобидех ты и отроки твоя и люди сия, яко ты вдаеши мя в дом темничный? 19 И где суть пророцы ваши прорицавшии вам, глаголюще, яко не приидет царь Вавилонский на вас и на землю сию? 20 Ныне же послушай, молотися, господи мой, царю, да падет моление мое пред лицом твоим: и не посылай мя паки в дом Ионафана книжника, да не умру тамо. 21 И повеле царь, и ввергоша его во хранину темничную, и даяху ему хлеб един на день извне, идеже пекут, дондеже скончашася хлебы из града. И седяше Иеремиа во дворе темничнем.

38 И слыша Сафаниа сын Нафань и Годолия сын Пасхоров, и Иоахал сын Селемиин и Фасхор сын Мелхийев словеса, рече Иеремиа глагола ко всем людем, глаголя: 2 тако рече Господь: седяй во граде сем умрет мечем и гладом и мором, исходяй же ко Халдеем жив будет, и будет душа его на обретение, и жив будет. 3 Яко тако рече Господь: преданием предастся град сей в руке силы царя Вавилонска, и возмет его. 4 И рекоша царю: да умрет человек той, яко сей расслабляет руке мужей воюющих оставшихся во граде и руки всех людий, глаголя к ним по словесем сим: яко человек сей не проповедает людем сим мира, но токмо злая. 5 И рече царь Седекиа: се, той в руках ваших. Понеже не можаше царь противу им. 6 И взяша Иеремию и ввергоша его в ров Мелхиин, сына царева, иже бяше во дворе темничнем: и свесиша его ужамы в ров, в рове же не бяше воды, но тина, и бяше в тине Иеремиа. 7 И слыша Авдемелех Мурин, и той бяше во дворе цареве, яко ввергоша Иеремию в ров: царь же (в той час) седяше во вратех Вениаминах. 8 И изыде Авдемелех от дому царева и рече ко царю глаголя: 9 злосотворил еси, яже сотворил еси, убивая человека сего от лица глады, яко несть хлеба во граде ктому. 10 И повеле царь Авдемелеху, глаголя: поими с собою отсюду тридесять мужей и извлецы Иеремию из рова, да не умрет. 11 И поят Авдемелех мужы, и прииде в дом царев подземный, и взя оттуду ветхи порты и ветхия ужы, и вверже я ко Иеремии в ров, и рече к нему: 12 положи сия под ужы. И сотвори Иеремиа сице. 13 И извлекоша его ужамы и изыаша его из рова. И седе Иеремиа во дворе темничнем. 14 И посла царь, и призва к себе Иеремию в дом Аселисиль, иже в дому Господни. И рече ему царь: вопрошаю тя словесе (единого), и не утай от мене словесе. 15 И рече Иеремиа царю: аще повею ти, то не смертию ли умориши мя? И аще совещаю ти, то не послушаеши мене. 16 И клятса ему царь, глаголя: жив Господь, иже сотвори нам душу сию, аще убью ты и аще предаю ты в руке человек сих ищущих души твоея (на смерть). 17 И рече ему Иеремиа: тако рече Господь Сил, Бог Израилев: аще изыдый изыдеши к воеводам царя Вавилонска, жива будет душа твоя, и град сей не пожжется огнем, и жив будеши ты и дом твой: 18 аще же не изыдеши ко князем царя Вавилонска, предастся

град сей в руке Халдейсте, и пожгут его огнем, и ты не спасешися от руки их. 19 И рече царь Иеремии: аз опасение имам от Иудеев избежавших ко Халдеем, да не предадут мя (Халдее) в руке их, и поругаются ми. 20 И рече Иеремиа: не предадут тебе: послушай убо словесе Господня, еже аз глаголю тебе, и лучше ти будет, и жива будет душа твоя: 21 и аще не восхоцещи ты изыти, сие слово, еже сказа мне Господь: 22 и се, вся жены, оставшыяся в дому царя Иудина, изведутся ко князем царя Вавилонска: и тыя глаголаху: прельстиша ты и премогоша ты мужие мирныя твои, и ослабиша во поползновениях ногу твою и отвратишася от тебе: 23 и жены твоя и чада твоя изведут ко Халдеем, и ты не уцелееши, яко рукою царя Вавилонска ят будеши, и град сей пожжется. 24 И рече ему царь: человек да не увестъ словес сих, и да не умреша ты. 25 И аще услышат князи, яко глаголах с тобою, и придут к тебе и рекут ти: повеждь нам, что глагола к тебе царь? Не утай от нас, и не убием тебе: и что глагола к тебе царь? 26 И речеши им: повергох аз моление мое пред лицом царевым, яко да не возвратит мене в дом Ионафань, умрети ми тамо. 27 И приидоша вси князи ко Иеремии и вопросиша его. И поведа им по всем словесем сим, яже заповеда ему царь. И умолкнуша, яко несть слышано слово господне. 28 И седяше Иеремиа во дворе темничнем, дондеже взяша Иерусалим.

39 И бысть в девятое лето Седекии царя Иудина, в месяц десятый, прииде Навуходоносор царь Вавилонский и вся сила его на Иерусалим, и воеваху нань. 2 И в первоенадесять лето Седекии, в месяц четвертый, в девятый день месяца, разседеся град. 3 И внидоша вси князи царя Вавилонска и седоша во вратех средних, Ниргелсарасар, Самагад, Навусахар, Навусарис, Нагаргас, Насерравамаг, и прочии воеводы царя Вавилонскаго. 4 И бысть егда узре я Седекиа царь Иудин и вси мужие ратнии, и избегоша, и изыдоша в нощи от града по пути вертограда царева и сквозе врата, яже беша между стеною и предстением: и изыдоша в путь пустыни. 5 И гнаша вслед их воинство Халдейско, и постигоша Седекию и поли пустыни Иерихонския, и емше приведоша к Навуходоносору царю Вавилонску во Ревлаф, иже в земли Емаф, и глагола к нему с судом. 6 И изби царь Вавилонский сыны Седекиины во Ревлафе пред очима его, и вся вельможи Иудины поби царь Вавилонский. 7 И очи Седекии изят, и окова его путы, и отведе его в Вавилон. 8 Дом же царев и дома всех людий пожгоша Халдее огнем и стену Иерусалимску превратиша: 9 и останок людий, и оставших во граде, и убогшыя, иже утекоша ко царю Вавилонску, и останок людий, и оставших пресели Навузардан воевода в Вавилон: 10 а от людий убогих, ничтоже имущих, остави Навузардан воевода воинств в земли Иудине, и даде им винограды и нивы в той день. 11 И заповеда Навуходоносор царь Вавилонский о Иеремии пророце Навузарданови воеводе воинств и рече: 12 возми его и положи нань очи твои и ничтоже ему сотвори зла: но якоже восхоцет, тако сотвори ему. 13 Посла убо Навузардан воевода воинства и Навузезван, и Рапсарис и Ниргел, и Сарасар и Фавман, и вси воеводы царя Вавилонска: 14 и

послаша, и пояша Иеремию от двора темничнаго, и даша его Годолии сыну Ахикамову, сына Сафаня, и изведоша его, и седе среде людей. 15 И ко Иеремии бысть слово Господне ко дворе темничнем глаголя: 16 иди и рцы ко Авдемелеху Мурину, глаголя: тако рече Господь Бог Израилев: се, аз приношу словеса Моя на град сей во злая? А не во благая: и будут пред лицом твоим в той день: 17 и избавлю тя в той день, и не дам тебе в руце человек, иже ты боишися от лица их: 18 яко избавляя спасу тя, и мечем не падеши: и будет душа твоя на обретение, яко уповал еси на Мя, рече Господь.

40 Слово бывшее ко Иеремию от Господа, повнегда отпусти его Навузардан архимагир из Рамы, егда взя его связанаго путы от среды, от Иерусалима и от Иуды преселения, ведомых в Вавилон. 2 И взя его архимагир и рече ему: Господь Бог твой соглаголасть есть злая сия на место сие: 3 и приведе, и сотвори Господь, якоже рече, зане согрешисте Ему и не послушасте гласа Его, и бысть вам глагол сей. 4 И се, ныне разреших тя от уз, яже на руку твою: аще ти есть добро ити со мною в Вавилон, поиди, и положу очи мои на тя: аще же ни, остани zde: се, вся земля пред лицом твоим есть: что изволиши, и аможе восхощеши ити, тамо иди: 5 и возвратиса ко Годолии, сыну Ахикамову, сыну Сафаню, егоже постави царь Вавилонский в земли Иудине, и живи с ним среде людей, во всех благих пред очима твоима, еже ходити, и ходи. И даде ему архимагир пищу и дары и отпусти его. 6 И прииде Иеремиа ко Годолии сыну Ахикамову в Массифаф и седе среде людей своих оставшихся на земли. 7 И егда услышаша вси воеводы силы яже на селе, тии и силы их, яко поставил есть царь Вавилонский Годолию сына Ахикамова (властелина) над землею, и яко предаде ему мужы и жены и дети, и от убогих земли, иже не преведени быша в Вавилон: 8 приидоша ко Годолии в Массифаф Исмаил сын Нафаниин и Иоанан, и Ионафан сын Кариев и Сарае сын Фанаемев, и сынове Офи, иже беша из Нетофады, и Иезониа сын Махафы, тии и мужие их. 9 И клятся им Годолия и мужем их, глаголя: не убойтеся от лица отрок Халдейских: вселитеся на земли и служите царю Вавилонску, и лучше вам будет: 10 и се, аз сежу в Массифафе, стати противу лицу Халдейску, иже аще приидут на вас: вы же соберите вино и овощь, и соберите масло, и влийте в сосуды своя, и вселитеся во грады, яже удержасте. 11 И вси Иудее, иже в земли Моавли и в сынех Аммоних, и иже во Идумеи и иже во всей земли, услышаша, яко дал есть царь Вавилонский останок во Иуде и яко поставил есть над ними Годолию сына Ахикамова, сына Сафанова. 12 И приидоша вси Иудее от всех мест, в няже бяху убегли, и приидоша ко Годолии в землю Иудину в Массифаф, и собраша вино и овощь и масло много зело. 13 Иоанан же сын Кариев и вси воеводы силы, иже на селех, приидоша ко Годолии в Массифаф 14 и рекоша ему: веси ли, яко Велиса царь сынов Аммоних посла к тебе Исмаила сына Нафаниева поразити душу твою? И не верова им Годолия сын Ахикамль. 15 Иоанан же сын Кариев рече ко

Годолии отай в Массифафе, глаголя: да иду убо и побюю Исмаила, сына Нафаниина: и никтоже да увещь, да не како поразит душу твою, и разсыплется весь Иуда собранный к тебе, и погибнет останок Иудин. 16 И рече Годолия ко Иоанану сыну Кариеву: не сотвори дела сего, яко лжу ты глаголеши на Исмаила.

41 И бысть в седмый месяц, прииде Исмаил сын Нафаниин сына Елисамова, от рода царева, и вельможи царевы десять мужей с ним ко Годолии в Массифаф, и ядоша ту вкупе хлеб. 2 И воста Исмаил и десять мужей иже с ним, и поразиша Годолию мечем, и убиша, егоже постави царь Вавилонский над землею, 3 и всех Иудеев, иже беша с ним в Массифафе, и всех Халдеев, иже обретошася тамо, и мужей военных изби Исмаил. 4 И бысть во вторый день по убиении Годолиеве, и человек не уведе. 5 И приидоша мужие от Сихема и от Салима и от Самарию осмьдесят мужей, обритыми брадами и растерзанными ризами, плачущеся, и дары и фиммиам в руку их, еже внести в дом Господень. 6 И изыде противу им Исмаил сын Нафаниев от Массифы: тии же идяху и плакахуся: и егда сретеся с ними, рече к ним: внидите ко Годолии. 7 И бысть, вшедшым им среде града, изсече я Исмаил у кладязя, той и мужие, иже беша с ним. 8 И обретошася десять мужей ту и реша Исмаилу: не убий нас, яко суть нам имения на нивах, пшеница и ячмень, и мед и масло. И мину их и не уби их посреде братий их. 9 И кладязь, в оныже вверже Исмаил вся, яже избил, сей кладязь велик есть, егоже сотвори царь Аса, от лица Ваасы царя Израилева, сей наполни Исмаил убиенными. 10 И обрати Исмаил вся люди оставшыя в Массифафе и дщери царевы, яже вручил архимагир Годолии сыну Ахикамову, и взя их Исмаил сын Нафань: и отиде на ону страну сынов Аммоних. 11 И слыша Иоанан сын Кариев и вси воеводы силы, иже с ним, вся злая, яже сотвори Исмаил сын Нафаниев, 12 и приведоша вся воя своя и идяху воевати нань, и обретоша его при воде мнозе во Гаваоне. 13 И бысть, егда увидеша вси людие, иже со Исмаилом, Иоанана сына Кариева и вся воеводы силы, иже быша с ним, возрадовашася: 14 и возвратишася вси людие, иже плени Исмаил от Массифы, и возвратившеся отидоша ко Иоанану сыну Кариеву. 15 Исмаил же уцеле со осмию мужи от лица Иоанана и иде ко сыном Аммоним. 16 И взя Иоанан и вси воеводы силы, иже с ним, вся оставшыя люди, иже возврати от Исмаила сына Нафана из Массифафа, повнегда уби Годолию, сына Ахикамля, мужы сильны на рати, и жены, и останки, и каженки, иже обрати от Гаваона, 17 и идоша, и седоша на земли Вирофоамли, яже ко Вифлеему, еже ити и внити во Египет от лица Халдейска: понеже убояшася от лица их: 18 яко уби Исмаил Годолию, егоже постави царь Вавилонский на земли Иудине.

42 И приидоша вси воеводы силы, и Иоанан сын Кариев и Азариа сын Маасеев, и вси людие от мала и до велика 2 ко Иеремию пророку и рекоша ему: да падет молитва наша пред лицом твоим, и помолися о нас ко Господеву Богу

твоему о оставшихся сих: яко остася мало нас от многих, якоже очи твои видят: 3 и да возвестит нам Господь Бог твой путь, по немуже пойдем, и слово, еже сотворим. 4 И рече им Иеремиа пророк: слышах: се, аз помолюся о вас Господеви Богу нашему по словесем вашим: и будет, слово, еже отвещает Господь, повем вам и не потаю от вас словесе. 5 Тии же рекоша Иеремии: буди Господь в нас послух правдив и верен, яко по всему слову, еже еще послет Господь к нам, тако сотворим: 6 еще добро и еще зло, гласа Господа нашего, к Немуже мы посылаем тя, послушаем, да лучше нам будет, яко послушаем гласа Господа Бога нашего. 7 И егда скончашася десять дний, бысть слово Господне ко Иеремии. 8 И призва Иоанана сына Кариева и воеводы силы, иже с ним быша, и вся люди от мала и до велика, 9 и рече им: тако рече Господь Бог Израилев, к Немуже посласте мя, да простру молитвы ваша пред Ним: 10 еще сядше сядете на земли сей, то созижду вас, а не разорю, и насажду вас, а не исторгну, яко престах от зол, яже сотворих вам. 11 Не убойтесь от лица царя Вавилонска, егоже вы боитесь: от лица его не убойтесь, рече Господь: яко Аз с вами есмь, еже избавляти вас и спасати вас от руки его: 12 и дам вам милость и помилую вас и возвращу вас на землю вашу. 13 Аще же речете вы: не сядем на земли сей, еже не слышати гласа Господа Бога нашего, 14 глаголюще: никак, но в землю Египетску внидем, и не узрим рати, и гласа трубного не услышим, и о хлебех не взалчем, и тамо вселимся: 15 того ради слышите слово Господне, оставшии Иудины, тако рече Господь Вседержитель, Бог Израилев: аще вы дадите лице ваше во Египет и внидете тамо жити, 16 и будет, мечь, егоже вы боитесь от лица его, обрящет вы во Египте, и глад, от негоже вы опасение имате от лица его, постигнет вы вслед вас во Египте, и тамо измрете вы. 17 И будут вси мужие и вси иноплеменницы положившии лице свое на землю Египетску жити тамо, оскудеют голодом и мечем, и будет от них ни един спасаемь от зол, яже Аз наведу на ня. 18 Яко тако рече Господь Сил, Бог Израилев: якоже вскапа ярость Моя на живущыя во Иерусалиме, тако вскаплет ярость Моя на вас, вшедшым вам во Египет: и будете в непроходимая и подручни, и в клятву и во укоризну, и не узрите ктому места сего. 19 Сия глагола Господь на вас оставшихся от Иуды: не входите во Египет. И ныне ведяще уведаете, яко засвидетельствовах вам днесь: 20 яко слукавновасте в душах ваших, пославше мя ко Господу Богу вашему, глаголюще: помолися о нас Господеви: и по всему, елико возглаголет тебе Господь Бог наш, тако возвести нам, и сотворим. 21 И возвестих вам днесь, и не послушасте гласа Господа Бога вашего во всем, егоже посла к вам: 22 и ныне ведуще ведайте, яко мечем и голодом и мором изчезнете на месте, на неже хотите ити жити тамо.

43 И бысть, егда преста Иеремиа глаголя к людем вся словеса Господня, яже посла Господь к ним, 2 и рече Азариа сын Маасеев и Иоанан сын Кариев и вси мужие презорливии ко Иеремии, глаголюще: лжеши, не посла тя к нам Господь Бог наш глаголати: не входите во Египет

жити тамо: 3 но Варух сын Нириин подущает тя на нас, да нас вдаси в руце Халдейсте уморити нас и превести нас в Вавилон. 4 И не послуша Иоанан и вси воеводы силы и вси людие (не послушаша) гласа Господня, еже жити на земли Иудине. 5 И взя Иоанан и вси воеводы силы вся оставшыя Иудины, возвращеныя от всех языков, аможе разсеяни быша, еже жити на земли Иудине, 6 мужы сильныя и жены, и младенцы и дщери царевы, и души, яже остави Навузардан воевода силы со Годолием сыном Ахикамовым сына Сафанова, и Иеремию пророка, и Варуха сына Нириина, 7 и внидоша во Египет, яко не послушаша гласа Господня, и внидоша во Тафнас. 8 И бысть слово Господне ко Иеремии во Тафнасе глаголя: 9 возми себе камени велики и скрый я пред враты дому фараоня во Тафнасе пред очима мужей Иудиных, и речеши к ним: 10 тако глаголет Господь Сил, Бог Израилев: се, Аз послю и приведу Навуходоносора царя Вавилонска раба Моего, и поставит престол свой на каменних сих, иже скрыл еси, и воздвигнет оружие свое на ня, 11 и внидет и поразит землю Египетску: иже на смерть, на смерть, и иже на преселение, на преселение, а иже под мечь, под мечь: 12 и пожжет огнем дома богов их, и пожжет я, и преселит я, и покрьет землю Египетскую, якоже покрывается пастух ризою своею: и изыдет оттуду с миром 13 и сокрушит столпы Илиуполя, иже во Египте, и дома богов Египетских пожжет огнем.

44 Слово бывшее ко Иеремии (от Господа) и ко всем Иудеем сущым в земли Египетстей и сидящим во Магдале и во Тафнасе, и во Мемфисе и в земли Пафурсте, глаголя: 2 тако глаголет Господь Бог Израилев: вы видесте вся злая, яже наведох на Иерусалим и на грады Иудины: и се, пусти суть ныне от живущих, 3 от лица злобы их, юже сотвориша разгневати Мя, ходяще кадити богом чуждим, иже не ведесте вы сами и отцы ваши. 4 И послах к вам отроки Моя пророки заутра, и посылах я, глаголя: не творите дела осквернения сего, егоже возненавидех. 5 И не послушаша Мене, ни приклониша уха своего обратитися от злб своих, еже не кадити богом инем. 6 И вскапа ярость Моя и гнев Мои и разгореся во вратех Иудиных и вне Иерусалима: и быша во опустение и в непроходимую до сего дне. 7 И ныне сице рече Господь Вседержитель, Бог Израилев: вскую вы творите злобы велики на души своя, еже изсеци вам мужы и жены, младенца и ссуцаго от среды Иуды, да не останется ни един от вас, 8 разгневати Мя в делех рук ваших, кадити богом инем в земли Египетстей, в нуже приидесте жити тамо, да изсечени будете и в проклятие да будете и на укоризну во всех язычех земли? 9 Еда забысте злобы отец ваших и злобы царей Иудиных, и злобы князей ваших и злобы ваша, и злобы жен ваших, яже сотвориша в земли Иудине и вне Иерусалима? 10 И не престаша даже до сего дне и не убояшася и не держахуся законов Моих и повелений Моих, яже дах пред лицем вашим и пред очима отец ваших. 11 Того ради тако глаголет Господь Сил, Бог Израилев: се, Аз приставлю лице Мое на вы во зло, еже погубити вся люди Иудины: 12 и

возму останки Иудины, иже поставиша лица своя, еже внити в землю Египетску и жити тамо, и исчезнут вси в земли Египетстей, и падут мечем и гладом, и исчезнут от мала даже до велика: и будут на укоризну и в пагубу и в проклятие: **13** и посещу на седящих в земли Египетстей, якоже посетих на Иерусалим, мечем и гладом и смертию, **14** и не будет уцелевша ни единого же от оставших Иудиных, обитающих в земли Египетстей, еже возвратитися на землю Иудину, к нейже тии надеются душами своими возвратитися тамо: не возвратятся, разве избегши. **15** И отвещаша Иеремии вси мужие разуменнии, яко кадят жены их богом иным, и вся жены собор велик, и вси люди седящи в земли Египетстей, в земли Пафурсте, глаголюще: **16** слово, еже глагола еси к нам во имя Господне, не послушаем тебе, **17** яко творяще сотворим всякое слово, еже изыдет из уст наших, кадити царице небесней и возливати ей возлияния, якоже сотворихом мы и отцы наши, и царие наши и князи наши во градах Иудиных и вне Иерусалима: и насытихомся хлебом, и благо нам бысть, и зла не видехом. **18** И егда престахом кадити царице небесней и возливати возлияния, оскудехом хлебы вси мы, и мечем и гладом скончахомся. **19** И егда кадохом мы царице небесней и возливахом ей возлияния, еда без мужей наших творихом ей опресноки и возливахом ей возлияния? **20** И рече Иеремиа всем людям сильным и всем женам и всем людям отвещавшим ему словеса, глаголя: **21** не каждение ли, еже кадите во градах Иудиных и внеуду Иерусалима вы и отцы ваши, и царие ваши и князи ваши и людие земли, помяну Господь, и възыде на сердце Его? **22** И не можаше Господь терпети ктому от лица злобы деяний ваших и от гнусностей, яже сотвористе: и бысть земля ваша во опустение и в непрохождение и в клятву, еже не быти живущим, якоже есть день сей, **23** от лица сих, имже кадите (идолом) и имиже согрешисте Господеви: и не послушасте гласа Господня, и в повелениях Его и в законе и во свидениях Его не ходисте, и постигнуша вы злая сия, якоже день сей. **24** И рече Иеремиа людям и женам: слышите слово Господне, весь Иуда, иже есте в земли Египетстей: **25** тако рече Господь Вседержитель, Бог Израилев, глаголя: вы и жены ваша усты вашими соглаголасте и руками вашими исполните, глаголюще: творяще сотворим исповедания наша, яже обещахом кадити царице небесней и возливати возлияния ей: пребывающе пребысте во обетех ваших и творяще сотвористе я. **26** Того ради слышите слово Господне, весь Иуда, седящи в земли Египетстей: се, кляхся именем Моим великим, рече Господь, аще будет ктому имя Мое во устех всего Иуды, еже рещи, жив Господь Бог, во всей земли Египетстей. **27** Яко се, аз возбудихся на ня озлобити их, а не благословити, и исчезнут весь Иуда живущии в земли Египетстей мечем и гладом, дондеже скончуются. **28** И уцелевши от меча возвратятся на землю Иудину малым числом: и уведят оставшии Иудины, преселившиися в землю Египетску обитати тамо, слово чие пребудет, Мое, или их? **29** И сие вам знамение, глаголет Господь, яко посещу аз на вы на месте сем, да уведите, яко воистинну исполнятся словеса Моя на вас во злая. **30** Тако рече Господь: се, аз

предаю фараона Вафриа царя Египетска в руке врага его и в руке ищущих души его, якоже дах Седекию царя Иудина в руке Навуходоносора царя Вавилонска врага его и ищущаго души его.

45 Слово, еже глагола Иеремиа пророк к Варуху сыну Нириеву, егда вписа словеса сия в книгу от уст Иереминых, в четвертое лето Иоакима, сына Иосиина, царя Иудина, глаголя: **2** тако глаголет Господь Вседержитель о тебе, Варуше: **3** яко рекл еси: о, люте мне! О, люте мне! Яко приложи Господь труд к болезни моей, спух с стенами, покоя не обретох. **4** Рцы ему, сице глаголет Господь: се, яже аз соградих, аз разорю: и яже насадох аз, исторгну, и всю землю мою. **5** И ты ли възычещи себе великим? Не ищи: яко се, аз наведу злая на всяку плоть, глаголет Господь, и дам душу твою в корысть во всяцем месте, аможе аще пойдеш.

46 Слово, еже бысть ко Иеремии пророку от Господа на языки, **2** ко Египту противу силы фараона Нехао царя Египетскаго, иже бысть над рекою Евфратом во Кархамисе, егоже порази Навуходоносор царь Вавилонский, в лете четвертем Иоакима сына Иосиина, царя Иудина. **3** Возмите оружие и щиты и идите на брань, **4** оседлайте кони и всадайте, всадницы, и станите во шлемех ваших, уставьте копия и облецытеся в броня ваша. **5** Что убо видех их страшливых и хребты обращающих? Крепции их избити, побегоша скоро и не озрешася вспять, отвсюду страх, глаголет Господь. **6** Не утечет легкий, ниже возможет избавитися крепкий на полунощь: близ реки Евфрата побеждени суть и падоша. **7** Кто есть той, иже яко река восходит, и яко реки воздвижутся волны его? **8** Воды Египта аки река въздут, и аки река восколеблются воды его. И рече: възду и покрыю землю, и погублю град и живущыя в нем. **9** Возсыдите на кони и устройте колесницы, изыдите, сильнии Муриности, и Ливияне вооружении щитами, и Лидяне, възыдите наляцающе лук. **10** День сей Господа Бога Вседержителя, день отмщения, да отмстит врагом Своим, и пожрет я меч Господень и насытитися и упиется кровию их, яко жертва Господу Вседержителю в земли полунощней, близ реки Евфрата. **11** Взыди в Галаад и возми ритину, дево, дщи Египетска! Всеу умножила еси врачевания твоя, и цельбы несть тебе. **12** Услышаша языцы глас, и плечь твой наполни землю: яко сильный сретеси с сильным, и оба вкупе изнемогоста и падоша. **13** Слово, еже глагола Господь ко Иеремии пророку о сем: яко име приити Навуходоносор царь Вавилонский и поразити землю Египетску. **14** Возвестите Египту и разгласите во Магдалу, и возопийте во Мемфисе и во Тафнасе поведите: стой и уготовися, яко пожрет меч сия, яже окрест тебе суть. **15** Почто убежа от тебе апис? Телец избранный твой не пребысть, яко Господь разруши его. **16** И множество твое невозможно и паде, и кийждо ко ближнему своему глаголаху: возстаним и возвратимся к людям нашим и в землю рождения нашего от лица меча Еллинскаго. **17** Назовите имя фараона Нехао царя Египетска, смятение преведе время. **18** Живу аз, глаголет Царь, Господь Вседержитель имя Его: ибо,

якоже Фавор на горах и якоже Кармель в мори, приидет. 19 Сосуды пленения сотвори себе, живущая дщи Египетска, яко Мемфис в запустение будет, и наречется, увь! И не будут в нем жити. 20 Юница (избранна и) украшена Египет, разорение от полунощи прииде на ню, 21 и наемницы его, живущии посреде его, якоже телцы тучнии питаемы в нем: зане и тии обратишася и побегоша вкупе, и не могоша стати, яко день погибели их прииде на ня и время отмщения их. 22 Глас их, якоже змиа звиздающего, понеже с силою пойдут, со секирами приидут на него. 23 Яко дровие секуще посекут лес его, глаголет Господь Бог: ибо не может сочен быти, яко умножишася паче пругов, и несть им числа. 24 Посрамленна есть дщи Египетска и дана в руке людем полунощным. 25 Рече Господь Вседержитель, Бог Израилев: се, аз посещу на Аммона сына ея, и на фараона и на Египет, и на боги его и на цари его, и на фараона и на уповающыя нань, 26 и дам их в руке ищущих души их, и в руку Навуходоносора царя Вавилонска, и в руке слуг его: и посем поживут якоже и первее, глаголет Господь. 27 Ты же не убойся, рабе мой Иакове, ни устрашайся, Израилю: се бо, аз тебе спасена сотворю издалеча и семья твое от земли пленения их: и возвратится Иаков и почиет и благоуспеет, и не будет устрашай его. 28 Не бойся, рабе Мой Иакове, глаголет Господь, яко с тобою есмь аз: яко сотворю скончание во всех языцех, в няже извергох тя, тебе же не сотворю оскудети, но накажу тя судом и обезвиняя не обезвиню тя.

47 Слово Господне, еже бысть ко Иеремии пророку на иноплеменники, прежде нежели поразит фараон Газу. 2 Тако глаголет Господь: се, воды восходят от севера и будут яко поток наводняий, и потопят землю и исполнение ея, град и живущыя в нем: и возопиют людие и восплачутся вси живущии на земли, 3 от шума устремления его, от оружия ног его и от гремения колесниц его и от звука колес его: не обратишася отцы ко сыном своим, опустивше руке свои, 4 в день находящя, еже погубити вся иноплеменники: и разорю Тир и Сидон со всеми прочими помощники их, яко истребит Господь Филистины, останки островов Каппадокийских. 5 Прииде плешь на Газу, отвержен бысть Аскалон и останцы енакимли. 6 Доколе сещи будеши, о мечу Божий! Доколе не упокоишися? Вниди в ножны твоя, почий и вознесися. 7 Како упокоится? Понеже Господь заповеда ему на Аскалона и на сущыя при мори, на прочыя востати.

48 О Моаве тако рече Господь Вседержитель, Бог Израилев: о, люте Нававу, яко погибе, взяся Кариафаим, посрамися Масигаф и побежден есть. 2 Нещь ктому целение в Моаве, веселие во Есевоне, помыслиша нань злая: приидите и потребим я от язык: (сега ради) молча умолкнеши, пойдет за тобою мечь. 3 Глас вопля от Оронаима, погубление и сотрение велико. 4 Сотресе Моав, возвестите вопль малых его. 5 Яко исполнися Алаоф плача: взыдет рыдая путем Оронаима, врази, вопль сотрения слышасте. 6 Бежите и спасите души ваша, и будете яко осел дивий в пустыни. 7 Понеже имел еси надежду во оградах

твоих и в сокровищих твоих, и ты ят будеши: и пойдет Хамос во преселение, и священницы его и князи его вкупе. 8 И приидет губитель на всяк град, и не избавится ни един град, и погибнут удолия, и погубятся поля, якоже рече Господь. 9 Дайте знамение Моаву, яко прикосновением прикосновен будет, и вси гради его будут пуси и без живущих. 10 Проклят (человек) творяй дело Господне с небрежением, и проклят возбраняй мечу своему от крове. 11 Почиваше Моав от младости своя и бе уповая на славу свою: не прелияся от сосуда в сосуд и во преселение не отиде: сега ради пребысть вкус его в нем, и воня его несть переменена. 12 Сего ради, се, дние грядут, глаголет Господь, и послю ему преселители, и преселят его, и сосуды его истощат и роги его сокрушат: 13 и посрамится Моав от Хамоса, якоже посрамлен есть дом Израилев от Вефиля, в немже имяху надежду. 14 Како глаголете: сильни есмы и мужие крепцы во бранех? 15 Погибе Моав, град его, и избранныи юноши его снидоша под мечь, глаголет Царь, Господь Вседержитель имя Его. 16 Близ день Моавль, еже приити, и зло его скоро зело. 17 Утешайте его вси, иже окрест его, и вси ведящими имя его: рвите, како сокрушися жезл крепости, палица славна? 18 Сниди от славы и сяди, во влаге живущая, дщи Дивоня, яко губитель Моавский взыдет на тя разрушай ограды твоя. 19 На пути стани и воззри, живущая во Ароире, и вопроси бежащяго и избегшаго, и рцы: что се бысть? 20 Посрамися Моав, зане побежден есть: рыдайте и вопийте, возвестите во Арноне, яко погибе Моав, 21 и суд прииде на землю напольную, на Хелон и на Рефас и на Мофаф, 22 и на Девон и на Наво и на дом Девлафаим, 23 и на Кариафаим и на Вефгамул и на дом Маонов, 24 и на Кариоф и на Восора и на вся грады Моавли, иже далече и иже близ суть. 25 Отсечен есть рог Моавль, и мышца его сокрушися, глаголет Господь: 26 упойте его, яко на Господа возвеличися, и приразит Моав руку свою (о блевотину), и будет в посмеях и сам. 27 И аще не в посмеях бысть тебе Израиль, аще в татстве твоём обретеса, яко воевал еси его: преселишися инамо. 28 Оставьте грады и пребывайте на камени, живущии в Моаве, и будите якоже голуби гнездящиися в каменех, во устех скважин. 29 Слышахом гордость Моавлю, горд бе зело: презорство его и кичение его, возношение и воздвижение сердца его. 30 аз же вем дела его, глаголет Господь: не доволство ли его тако сотвори? 31 Сего ради над Моавом возрыдайте всюду, возопийте над мужи Кирады смущения. 32 Яко плачем Иазировым восплачуся о тебе, винограде Асеримль! Леторасли твоя придоша море, градов Иазировых коснушася, на жатву твою и на винное собрание твое хищник нападе. 33 Отята есть радость и веселие от Кармила и от земли Моавли, и вино от точил отях: никакже изгнетаяй винну яроду по обычаю песни воспоет. 34 От вопля Есевонска даже до Елеала и Иаса грады их даша глас свой, от Сигора даже до Оронаима, и юница трилетняя, понеже и воды Немрим во сожжение будут. 35 И отиму Моава, глаголет Господь, жрущяго на горах и кадящяго богом своим. 36 Того ради сердце Моава, яко цевницы звяцати будут, и сердце мое

к мужем Кирады яко цевница звяцати будет: сего ради, яже пристяжа, погибоша от человек. 37 Всяка бо глава на всяцем месте острижена будет, и всяка брада оброснется, и всяка рука посечена будет, и на всяцем чресле вретище, 38 и на всех храминах Моавских и на стогнах его всяк плачь, понеже сокруших Моава, якоже сосуд непотребен, глаголет Господь. 39 Как изменися? Возрыдаша, како обрати хребет Моав и посрамися? И бысть Моав в посмех и в ненависть всем окрест себе. 40 Яко тако глаголет Господь: се, якоже орел полетит и распрострет криле свои на Моава, 41 взят ест Кариоф, и ограды его обстоимы суть: и будет сердце сильных Моавских в той день, яко сердце жены родящая. 42 И погибнет Моав от людей, яко на Господа возвеличися. 43 Страх и пропасть и сеть на тя, о, живущий в Моаве, глаголет Господь. 44 Иже убежит от лица страха, впадет в пропасть: и излазая из пропасти имется сетию: понеже наведу сия на Моава в лето посещения их, глаголет Господь. 45 Во стени Есевонстей сташа от силы избегше, огонь бо изыде от Есевона и пламень от среды Сеона, и пожже часть Моава и верх сынов смятения. 46 Горе тебе, Моаве! Погибоша людие Хамоса, яко отведошася сынове твои и дщери твоя в плен. 47 И возвращу плен Моавль в последния дни, глаголет Господь. До zde суд Моавль.

49 К сыном Аммоним тако глаголет Господь: еда не суть сынове Израилевы, или наследника несть им? Почто убо прия наследие Мелхом Гада, и людие его во градах его живяху? 2 Сего ради, се, дние грядут, глаголет Господь, и оглашу на Равваф сынов Аммоних ратный звук, и будет в непроходная и в пагубу, и требища его огнем сожжена будут, и восприимет Израиль власть свою, глаголет Господь. 3 Возопий, Есевоне, яко погибе Гай: возопийте, дщери Раввафски, препояшитесь вретищами, рыдайте и бегайте по забралом, яко Мелхом во плен отведете, священници и князи его вкупе. 4 Что хвалишися во удолиях? Стече удолие твое, дщи безстудная, уповающая на богатства своя, глаголющи: кто приидет на мя? 5 Се, аз наведу на тя страх, глаголет Господь Вседержитель, от всех сущих окрест тебе: и развеется вси от лица его, и не будет собирающего бежащих. 6 И посем возвращу пленники сынов Аммоних, глаголет Господь. 7 Ко Идумеи сия глаголет Господь Вседержитель: еда есть ктому мудрость во Фемане? Погибе совет от разумных, непотребна бысть мудрость их, 8 попорно бысть место их: снитите в пропасть к седению, живущии во Дедане: яко жестокая сотвори: (погибель Исавлю) наведоша нань во время, в неже посетих его. 9 Яко оымателие вина приидоша на тя, не оставят тебе останков: аки татие в нощи возложат руки своя. 10 Яко (аз) обнажих Исава, открых тайная его, не возможет утатися, погибе рукою брата своего и соседа своего, 11 и несть остатися сироте твоей, да живет: аз же сотворю жити, и вдовицы на мя уповаша. 12 Тако бо глаголет Господь: се, имже не бе закона пити чашу, пиюще испиют: и ты ли яко неповинный останешися? Не будещи неповинен, но пия испиеш. 13 Собою бо кляхся, глаголет Господь, яко в

пустыню и в поругание и в посмех и в проклятие будещи посреде его, и вси гради его будут в пустыню вечную. 14 Слух слышах от Господа, и послов во языки посла: соберитесь и идите противу ему и встаните на ополчение. 15 Се, мала дах тя во языцех и поругаема в людех. 16 Играние твое прельсти тя, безстудие сердца твоего обиташе в разселинах каменных, похити крепость холма высокога: егда вознесещи яко орел гнездо свое, оттоле свергу тя, глаголет Господь. 17 И будет Идумеа в запустение, всяк хходя чрез ню подивится и позвиждет над всякою язвою ея. 18 Якоже превращена ест Содомы и Гоморры и соседи ея, глаголет Господь, не поживет тамо муж, ниже пребудет тамо сын человек. 19 Се, якоже лев изыдет от среды Иордана на место сильного, яко скоро сотворю им бежати от него, и кто будет избран, егоже поставлю над ним? Кто бо подобен Мне? И кто противостанет Ми? И кто ест сей пастырь, иже сопротивитя лицу Моему? 20 Сего ради слышите совет Господень, егоже совеща на Едомы, и умышление Его, еже умысли на живущих во Фемане, не свергнут ли их малая от стада, и не разметано ли будет на них жилище их? 21 От гласа бо падения их потрясется земля, и вопль на мори Чермнем слышася гласа их. 22 Се, яко орел взыдет и возлетит и прострет криле свои над твердыньми его: и будет сердце сильных Идумейских в той день, яко сердце жены родящая. 23 К Дамаску: посрамися Емаф и Арфаф, яко слух зол слышаша, ужасошася, возмущашася на мори, (за попечение) упокоитися не могут. 24 Расторжеся Дамаск, обратися на бежание, трепет объят и, скорбь и болезнь одержаша его яко раждающую. 25 Как не оставиша града славнаго, крепости любезныя? 26 Сего ради падут юноши на стогнах твоих, и вси мужие воинстии падут в той день, глаголет Господь Вседержитель. 27 И возжгу огонь на стене Дамаска, и пожжет стены сына Адерова. 28 К Кидару, царице двора, егоже порази Навуходносор царь Вавилонский, тако глаголет Господь: встаните и въздыте на Кидар и погубите сыны восточныя. 29 Селения их и стада их возмут: одежды их и вся сосуды их и вельблуды их возмут себе, и призовут на ня страх окрест. 30 Бежите и отидите вскоре, в пропастьех сядите, живущии во дворе, глаголет Господь: яко совеща на вы Навуходносор царь Вавилонский совет и помысли на вас умышление. 31 Встаните и внидите к людем упокоеным, живущым в прохладе, глаголет Господь: иже ни дверий, ниже заворов имут, едины обитают. 32 И будут вельблуды их в расхищение и множество скота их в разграбление, и развею я всяким ветром остриженных окрест, и от всех окрестных их приведу на ня погибель, глаголет Господь. 33 И будет двор в жилище змием и пуст даже до века, не поживет тамо муж, ниже будет живяй в нем сын человек. 34 Слово Господне, еже бысть ко Иеремии пророку на Елам, в начале царства Седекии царя Иудина, глаголя: 35 тако глаголет Господь Вседержитель: се, аз сокрушу лук Еламль, начало силы их, 36 и наведу на Елам четыри ветры от четырех стран небесных и развею я во вся ветры тья, и не будет языка, в онъже бы не пришли бежащии Еламитяне. 37 И утрашу их пред враги их и

пред лицом ищущих души их, и наведу на ня злая, по гневу ярости Моея, глаголет Господь: и послю вслед их мечь Мой, дондеже сотру их: **38** и поставлю престол Мой во Еламе, и иждену оттуда царя и князи, глаголет Господь: **39** и будет в последния дни, возвращу плен Еламль, глаголет Господь.

50 Слово, еже рече Господь на Вавилон и на землю Халдейскую Иеремию пророком. **2** Возвестите во языцех и слышано сотворите, воздвигните знамение, возопийте и не скрывайте, рците: пленен бысть Вавилон, посрамися Вил, победися Меродах, посрамишася изваяния его, сокрушишася кумиры их. **3** Яко прииде нань язык от севера, той положит землю его в запустение, и не будет живяй в ней от человека даже и до скота: подвигнушася, отидоша. **4** В тыя дни и в то время, глаголет Господь, приидут сынове Израилевы, тии и сынове Иудины вкупе ходяще и плачуще пойдут и Господа Бога своего възьмут. **5** Во Сион испытают стези, тамо бо обративше лица своя приидут и приложатся ко Господу заветом вечным, иже забвению не предастся. **6** Овцы погибшья быша людие Мои, пастырие их совратиша их и сотвориша я крытися по горам: с горы на холм ходиша. **7** Забыша ложа своего, вси обретающии их снедаху их, и врази их рекоша: не пощадим их, зане согрешаши Господу, пажить правды, собирающему отцев их Господу. **8** Отидите от среды Вавилона и от земли Халдейски изыдите, и будите яко козлища пред овцами. **9** Яко се, аз въздвигну и приведу на Вавилон собрания языков великих от земли полунощныя, и ополчатся нань: оттуда пленен будет, якоже стрела мужа сильна искусна и возвратится праздна. **10** И будет земля Халдейска в разграбление, вси грабители ея наполнятся глаголет Господь: **11** зане веселестеся и велеречивасте, расхищающе наследие Мое, скакасте бо яко телцы на траве и бодосте якоже волы. **12** Поругана бысть мати ваша зело, и посрамися родившая вас: се, последняя во языцех пуста и непроходна и суха. **13** От гнева Господня не поживут во век: но будет весь в запустение, и всяк ходяй сквозе Вавилон подивится и позвждет над всякою язвою Его. **14** Ополчитесь на Вавилон, вси окрестнии наляцающии лук, стреляйте нань, не щадите стрел ваших, понеже пред Господем согреша, **15** возьмите его: ослабеша руке его, падоша основания его, сокрушишася забрала его, яко мечь Господня есть: отмстите ему, якоже сотвори, сотворите ему: **16** потребите семя от Вавилона, и держащачао серп во время жатвы от лица меча Еллинска, кийждо к людем своим обратится, и кийждо в землю свою убежит. **17** Овча заблуждающее Израиль, львове изнуриша е: первее яде его царь Ассур, сей же последний и кости оглода ему Навуходносор царь Вавилонский. **18** Сего ради тако глаголет Господь Вседержитель, Бог Израилев: се, аз посещу на царя Вавилонска и на землю его, якоже посетих на царя Ассурска, **19** и возведу паки Израила на пажить его, и упасется в Кармиле и Васане, и в горе Ефремли и в Галааде, и насытится душа его. **20** В тыя дни и в той час, глаголет Господь, поищут неправды Израилевы, и не будет, и грехов Иудиных, и не обрящутся: яко милостив буду им оставшымся. **21** На землю владеющих възды и на

живущих в ней посети, разори и убий сущья по ним, глаголет Господь, и сотвори вся, елика заповедаю тебе. **22** Глас брани и сотрение велико в земли Халдейстей. **23** Как сокрушиися и сотресе млат всея земли? Как обратися в пустыню Вавилон во языцех? **24** Въздут на тя, и пленен будеши, и не познаеши, яко Вавилон еси: обретен и ят еси, понеже разгневал еси Господа. **25** Отверзе Господь сокровища Своя и изнесе сосуды гнева Своего, яко дело есть Господу Вседержителю в земли Халдейстей: **26** яко приидоша времена его: отверзите хранилища его и испытайте и, аки вертеп, и погубите его, да не будет останка его. **27** Изсущите вся плоды его, и да снидут в закляние: горе им, яко прииде день их и час отмщения их. **28** Глас бежащих и избегших от земли Вавилонския, да возвестят в Сионе отмщение Господа Бога нашего, отмщение храма Его. **29** Возвестите на Вавилон многим, всем наляцающему лук, ополчитесь нань окрест: да не убежит ни един из него: воздайте ему по делом его, по всему, елика сотвори, сотворите ему, яко воста на Господа Бога Святаго Израилева. **30** Сего ради падут юноши его на стогнах его, и вси мужие воинстии его низвержени будут в той день, глаголет Господь. **31** Се, аз на тя, горде, глаголет Господь Бог Вседержитель, яко прииде день твой и час посещения твоего: **32** и падет гордыня твоя и разрушится, и не будет возставляяй ю: и възжгу огонь в дубраве его, и пояст вся окрестная его. **33** Тако глаголет Господь Вседержитель: порабощение терпят сынове Израилевы и сынове Иудины, вкупе вси пленившии их поработиша их, не хошут бо отпустить их. **34** Избавитель же их сильный, Господь Вседержитель имя Ему, судом судити имать супостаты своя, яко да избавит землю, и потрясет жителями Вавилонскими. **35** Мечь на Халдеев, глаголет Господь, и на жители Вавилонския, и на князи и на мудрыя его, **36** мечь на обаятели его, и буии будут, и мечь на сильныя его, и ослабеют: **37** мечь на кони его и на колесницы его, и на вся прочья люди, иже суть посреде его, и будут яко жены: мечь на сокровища его, и расхитятся: **38** мечь на воды его, и постыдятся, яко земля изваянных есть, и во островах хваляхуся. **39** Сего ради поживут мечты во островах, и поживут в нем дщери сиринов, и не будет живуща в нем кому во веки, ниже соградится от рода в род. **40** Якоже преврати Господь Содома и Гоморра и окрестныя грады их, глаголет Господь, не пребудет тамо муж, ниже поживет в нем сын человекъ. **41** Се, людие идут от севера, и язык велик, и царие мнози востанут от конец земли, **42** луки и щиты имуще, грозни суть и немилостиви: глас их яко море возшумит, на кони възядут, уготовани якоже огонь на брань противу тебе, дщи Вавилона. **43** Услыша царь Вавилонский слух их, и ослабеша руке его, скорбь объят его и болезни, яко раждающую. **44** Се, яко лев изыдет от рыкания Иорданова на место Ефана, яко скоро отмщу их от него, и всякаго юношу над ним поставлю. Кто бо подобен Мне? И кто может стояти противу Мене? И кто есть пастырь сей, иже воспротивится лицу Моему? **45** Темже слышите совет Господень, егоже совеща на Вавилон, и умышления Его, яже умысли на землю Халдейску: аще не

исторгнутся агнцы овец их, аще не будет разметана (вкупе с ними) пажить их. 46 От гласа бо пленения Вавилонскаго потрясется земля, и вопль во языцех слышан будет.

51 Тако глаголет Господь: се, Аз воздвигну на Вавилон и на живущья Халдеи ветр зноен губительный: 2 и пошлю на Вавилон ругатели, и студно поругаются ему и истлят землю его: понеже горе на Вавилон окрест в день озлобления его. 3 Да налякает наляцай лук свой, и да облечется в броня своя, и не пощадите юнош его, и побийте все воинство его. 4 И падут избиении в земли Халдейстей и язвеннии во странах ея. 5 Понеже не овдове Израиль и Иуда от Бога Своего, от Господа Вседержителя, яко земля их наполнися неправды от Святых Израилевых. 6 Бежите от среды Вавилона и спасите кийждо душу свою и не погибнете в неправде его, зане время отмщения его есть от Господа, воздаяние Той воздаст ему. 7 Чаша златая Вавилон в руке Господни, напаяючи всю землю, от вина его пиша (вси) языци, сего ради потрясошася. 8 Внезапу паде Вавилон и сокрушися: плачите по нем, возьмите масти к болезни его, да изцелится. 9 Врачевахом Вавилона, и не изцеле: оставим его и отидем кийждо в землю свою, взыде бо к небеси суд его и воздвижеся даже до звезд. 10 Изнесе Господь суд Свой: приидите и возвестим в Сионе дела Господа Бога нашего. 11 Наострите стрелы, наполните тулы: воздвиже Господь дух царей Мидских, яко противу Вавилона гнев Его, да погубит и, понеже отмщение Господне есть, отмщение людей Его. 12 На стенах Вавилонских воздвигните знамя, поставите стражи, уготовите стражей, уготовите оружие: яко умысли Господь, и сотворит, яже рече на живущья в Вавилоне, 13 живый над водами многими и богат в сокровищих своих: прииде конец твой истинно во утробы твоя. 14 Клятся бо Господь Сил мышцею Своею, яко наполню тебе людьми, якоже акридами, и возгласят над тобою низходящими. 15 Господь сотворивый землю в силе Своей и устроивый вселенную в мудрости Своей, и разумением Своим распростре небеса, 16 егда Он даст глас, умножатся воды на небеси, воздвизаяй облаки от конец земли, молнию в дождь сотвори, изводяй свет от сокровищ Своих. 17 Обуя всяк человек от разума, посрамися всяк слятель от изваяний своих, яко ложная слияния его, и несть духа в них: 18 суетна суть дела и смеху достойна, в час посещения своего погубнут. 19 Не такова часть Иаковля, яко Сотворивый всяческая Той есть, (а Израиль) жезл достояния Его, Господь Вседержитель имя Его. 20 Сокрушаеши ты Мне сосуды бранные, и Аз сокрушу в тебе языки и погублю в тебе царствия: 21 и избью в тебе кони и всадники их, и избью в тебе колесницы и вседающих на них: 22 и избью в тебе мужа и жену, и избью в тебе стара и отрока, и избью в тебе юношу и деву: 23 и избью в тебе пастыря и стада его, и избью в тебе орюща и работна скота его, и избью в тебе воеводы и правители. 24 И воздам Вавилону и всем жителем Халдейским вся злобы их, яже сотвориша над Сионом пред очима вашима, глаголет Господь. 25 Се, Аз на тя, горо смертоносная, глаголет Господь, растлевающая всю землю, и простру руку Мою на

тя и извергу тя из каменей, и дам тя в гору сожженую: 26 и не возмут от тебе камене во угл и камене во основание, яко потребишися во веки, глаголет Господь. 27 Воздвигните знамя на земли, вострубите трубою во языцех, освятите нань языки, возвестите нань царствам Араратским от Мене и Асханазеом: утвердите над ним стрельницы, возведите нань кони, яко акридов множество. 28 Возведите нань языки, царя Мидска и вся земля, воевод его и всех воев его и вся земля области его. 29 И потрясется земля и смутися, зане воста на Вавилон умышление Господне, еже положить землю Вавилонску пусты и ненаселену. 30 Оскудеша крепцыи Вавилонстии еже ратовати: сядут тамо во ограде, погибе храбрость их, и быша яко жены: пожжена суть селения, сотрены заворы его. 31 Гоняй во сретение текуща постигнет, и вестник сретит посла, да возвестит царю Вавилонску, яко взят бысть град его. 32 От края прехождений его яти быша, и твердыни его зажжены огнем, и мужие его воинстии исходят. 33 Тако бо глаголет Господь Вседержитель, Бог Израилев: домове царя Вавилонскаго яко гумно зрело измлачени будут: еще мало, и приидет жатва его. 34 Снеде мя, раздробя мя, прият мя тма тонка, Навуходоносор царь Вавилонский пожре мя, яко змий наполни чрево свое сладостию моею: и извергоша мя. 35 Труды мои и беды моя на Вавилон, речет живущая в Сионе, и кровь моя на живущья в Халдеех, речет Иерусалим. 36 Сего ради тако глаголет Господь: се, Аз судити буду соперника твоего и отмщу отмщение твое, и пусто сотворю море его и иссушу потоки его. 37 И будет Вавилон в запустение, жилище змием, в чудо и позвиздание, понеже не будет живущаго. 38 Вкупе аки львы востанут и аки скимни львов. 39 В горячести их дам питье им и упою я, да спят и уснут сном вечным и не востанут, глаголет Господь. 40 И низведу я яко агнцы на закляние и яко овны с козлы. 41 Какое взяся Сесах, и ята слава вся земля? Какое бысть во удивление Вавилон во языцех? 42 Взыде на Вавилон море в шуме волн своих, и покрыся. 43 Быша гради его в запустение, земля безводна и пуста, земля, в нейже никтоже поживет, и ниже будет витати в нем сын человек. 44 И посещу на Вила в Вавилоне, и извергу то, еже поглотит, от уст его, и не соберутся вящше к нему языцы, зане и стены Вавилонския падут. 45 Изыдите от среды его, людие Мои, да спасет кийждо душу свою от гнева ярости Господни. 46 Да не когда умягчится сердце ваше, и убоитесь ради слуха, иже услышится на земли, и придет в лето слышание, и по лете слышание, бедность и неправда на землю, и властелин на властелина. 47 Сего ради, се, дние грядут, и посещу на изваяныя Вавилона: и вся земля его посрамится, и вси язвении его падут посреде его. 48 И возвеселится над Вавилоном небеса и земля и вся суцая в них: от полунощи бо приидут нань всегубители, глаголет Господь: 49 и якоже сотвори Вавилон падати язвенным во Израили, тако в Вавилоне падут язвении вся земля. 50 Избегшии меча, идите, не стойте: иже издалече, помяните Господа, и Иерусалим да възидет на сердце ваше. 51 Посрамимохся, зане слышахом ругание наше, покрыи срамота лице наше, яко приидоша чуждии во святая наша в дом Господень. 52

Сего ради, се, дние грядут глаголет Господь, и посещу на изваяния его, и по всей земли его падут язвении. 53 Яко еще взыдет Вавилон на небо и еще утвердит на высоте крепость свою, от Мене придут губителие его, глаголет Господь. 54 Глас вопля Вавилонска, и сотрение велико в земли Халдейстей: 55 яко погуби Господь Вавилона и сотре от него глас велий шумящ яко воды многи, даде в пагубу глас его: 56 яко прииде на Вавилон хищник, яти быша сильнии его, увяде лук их, яко Бог воздает им, 57 Господь воздает ему воздаяние: и упоит князи его и мудрыя его, и воеводы его и вои его и сильныя его, и уснут сном вечным и не возбуждятся, глаголет Царь, Господь Вседержитель имя Его. 58 Тако глаголет Господь Вседержитель: стена Вавилонска сия преширока, подкопанием подкопана будет, и врата его высока огнем сожжена будут, и будут трудиться людие вотще, и языцы в начале погибнут. 59 Слово, еже заповеда Господь Иеремию пророку, реци Сарю сыну Нириину, сына Маассеева, егда иде от Седекии царя Иудина в Вавилон, в четвертое лето царства его: Сарей же бе начальник даров. 60 И написа Иеремиа вся злая, яже имяху приити на Вавилон, во едину книгу вся словеса сия, яже писана суть на Вавилон. И рече Иеремиа к Сарю: 61 егда внидеши в Вавилон, и узриши и прочтеши вся словеса сия, и речеши: 62 Господи, Ты рекл еси противу места сего погубити е, и да не будет живяй в нем от человека и до скота, и да будет в вечную пустыню: 63 и будет, егда прочтеши книгу сию, привяжи к ней камень и вверзи ю посреде Евфрата и рцы: 64 тако потопится Вавилон и не встанет от лица зол, яже Аз наведу на, и разорится. Даже до зде словеса Иеремиина.

52 Сушу двадцати и единому лету Седекии, внегда нача царствовати, и царствова во Иерусалиме единонадесять лет: и имя матери его Амитель, дщи Иеремиина, от Ловны. 2 И сотвори лукавое пред очима Господними по всему, елико творяше Иоаким: 3 яко ярость Господня бысть на Иерусалим и на Иуду, дондеже отверже их от лица Своего: и отступи Седекиа от царя Вавилонска. 4 И бысть в девятое лето царства его, в десятый месяц, в десятый день месяца, прииде Навуходоносор царь Вавилонский и вся сила его на Иерусалим, и облегоша его и сотвориша окрест его острог от четвероугольных камней. 5 И бысть во облежении град даже до первагонадесяте лета царства Седекиина. 6 Месяца же четвертаго в девятый день, утвердися глад во граде, и не быше хлеба людем земли. 7 И просекоша град, и вси мужие воинстии изыдоша нощию путем врат, иже есть между двема стенама, иже быше прямо вертограду цареву, Халдее же добываху град окрест лежаще, и отидоша путем в пустыню. 8 И погна сила Халдейска вслед царя и постиже его об ону страну Иерихона, и вси отроцы его разсыпашася от него. 9 И яша царя и привелоша и ко царю Вавилонскому в Девлаф, иже есть в земли Емаф, и глагола ему с судом. 10 И изсече царь Вавилонский сыны Седекиины пред очима его, и вся князи Иудины изсече в Девлафе. 11 Очи же Седекии изят, и связа его оковами, и приведе его царь Вавилонский в Вавилон и вдаде его в дом жерновный до

дне, в оньже умре. 12 В десятый же день пятаго месяца (лето сие девятоенадесять Навуходоносору царю Вавилонску) прииде Навузардан архимагир, стоящ пред лицом царя Вавилонска, во Иерусалим, 13 и сожже храм Господень и дом царев, и вся дома градския и всяк дом велик сожже огнем, 14 и всяку стену Иерусалимлю окрест разори сила Халдейска, яже быше со архимагиром. 15 И от убогих людей, и останок людей, и оставшихся во граде и избегших, иже убежаша ко царю Вавилонску, и прочий народ пресели Навузардан воевода: 16 прочих же остави людей убогих в делатели винограда и земледелцев. 17 Столпы же медяныя, иже во храме Господни, и подставы, и море медяное, еже во храме Господни, сокрушиша Халдее, и взяша медь их, и отнесоша в Вавилон: 18 и венец и чаши, и вилицы и вся сосуды медяныя, в ниже служаху, 19 и фимиамники и чаши, и умывальницы и свещники, и кадильницы и чашицы, яже бяху златая и яже бяху серебряная, взя архимагир. 20 И столпа два и море едино, и телцев дванадесять медяных под морем, яже сотвори царь Соломон во храме Господни, не бе веса меди сосуд тех. 21 Столп же кийждо осминадесяти лактей бе в высоту, вервь же дванадесяти лактей окрест его обдержаше, и толстога его четырех перст окрест, 22 и глава на них медяна, пять локот высота главы единыя, и мрежа, и шипки на венце окрест, все быше медяно: такожде бысть и второй столп. 23 И быше шипков девятыдесят и шесть едина страна, и быше всех шипков над мрежею окрест сто. 24 И взя архимагир Сареа жерца старейшаго и жерца Софонию втораго и триех стругущих путь. 25 И от града взя каженика единого, иже бе приставник людей воинских, и семь мужей нарочитых, иже пред лицом царевым обретошася во граде, и книгочия сил учащаго людей земли, и шестьдесят мужей от людей земли, иже обретошася среде града: 26 и взя их Навузардан архимагир и приведе я ко царю Вавилонску в Девлаф. 27 И изби я царь Вавилонский в Девлафе в земли Емаф: и преселен бысть Иуда от земли своя. 28 Сии суть людие, ихже пресели Навуходоносор в седмое лето, Иудеев три тысяцы и двадцать и три: 29 во осмоенадесять лето Навуходоносор из Иерусалима душ осем сот тридесять и две пресели. 30 В двадцать третье лето Навуходоносора пресели Навузардан архимагир Иудеев душ семь сот и четьредесять пять, всех же душ четьре тысяцы и шесть сот. 31 И бысть в тридесять седмое лето преселения Иоакима царя Иудина, в двадцать пятый день месяца вторагонадесять, вознесе Евилмеродах царь Вавилонский в первое лето царства своего главу Иоакима царя Иудина, и изведе его из храма, в немже стрежашеся, и глагола ему благая: 32 и даде престол его выше царей, иже с ним, в Вавилоне, 33 и измени ризы его темничныя, и ядыше хлеб всегда пред лицом его во вся дни живота своего: 34 и урок ему даяшеся всегда от царя Вавилонска, даже до дне, в оньже умре, во вся дни живота его.

Плач Иеремии

1 Алеф. Како седе един град умноженный людьми: бысть яко вдовица, умноженный во языцех, владая странами бысть под данию. **2** Беф. Плача плакася в нощи, и слезы его на ланитех его, и несть утешаяй его от всех любящих его: вси дружащияся с ним отвергошася его, быша ему врази. **3** Гимель. Преселися Иуда ради смирения своего и ради множества работы своея: седе во языцех, не обрете покоя. Вси гонящи его постигнуша и среде стужающих ему. **4** Далек. Путие Сиони рыдают, яко несть ходящих по них в праздник, вся врата его разорена, жерцы его въздыхают, девицы его ведомы, и сам огорчеваем в себе. **5** Ге. Быша стужающий ему во главу, и врази его угобзишася, яко Господь смири его за множество нечестия его: младенцы его отидоша пленени пред лицем стужающего. **6** Вав. И отяся от дщере Сиони вся лепота ея: быша князи ея яко овни не имущи пажити, и хождуху не с крепостию пред лицем гонящего. **7** Заин. Помяну Иерусалим дни смирения своего и отринувений своих, вся вожделения своя, яже имевше от дний первых, егда падоша людие его в руке стужающего, и не бе помогающего ему: видевшя врази его посмеяшася о преселении его. **8** Иф. Грехом согреси Иерусалим, того ради в мятеж бысть: вси славящии его смириша и, видеша бо срам его: сей же стенящъ обратися вспясть. **9** Теф. Нечистота его пред ногама его, не помяну последних своих и низведеса пречудно: несть утешаяй его. Виджь, Господи, смирение мое, яко возвеличися враг. **10** Иод. Руку свою простре стужаяй на вся вожделенная его, виде бо языки вшедшыя во святыню свою, имже повелел еси не входити во церковь Твою. **11** Каф. Вси людие его въздыхающе ищут хлеба: даша вожделенная своя за пищу, еже бы обратили душу. Виджь, Господи, и призри, яко бых безчестен. **12** Ламед. Вси, иже к вам проходящияи путем, обратитесь и видите, аще есть болезнь, яко болезнь моя, яже бысть: глаголавый о мне смири мя Господь в день гнева ярости Своея. **13** Мем. С высоты Своея посла огонь, в кости моя свде его: простре сеть ногама моима, обрати мя вспясть, даде мя Господь в погубление, весь день болезнующа. **14** Нун. Бдяше на нечестия моя, в руку мою сплетошася: въздоша на выю мою, изнеможе крепость моя, яко даде Господь в руке мои болезни, не возмогу стати. **15** Самех. Отя вся крепкия моя Господь от среды мене, призва на мя время, еже сокрушити избранная моя: точило истопта Господь девице, дщери Иудине: о сих аз плачу. **16** Аин. Очи мои излиясте воду, яко удалися от мене утешаяй мя, возвращаяй душу мою: погибоша сынове мои, яко возможе враг. **17** Фи. Возде руке свои Сион, несть утешаяй его. Заповеда Господь на Иакова, окрест его врази его: бысть Иерусалим яко осквернена кровоточением в них. **18** Цади. Праведен есть Господь, яко уста Его огорчих. Слышите убо, вси людие, и видите болезнь мою: девицы моя и юноты отидоша в плен. **19** Коф. Позвах любители моя, и тии прельстиша мя: жерцы мои и старцы мои во граде оскудеша, яко възыскаша

пищи себе, да укрепят души своя, и не обретоша. **20** Реш. Виджь, Господи, яко скорблю, утроба моя смятеса во мне, и превратися сердце мое, яко горести исполнихся: отвне обезчеди мене мечь, аки смерть в дому. **21** Шин. Слышаша убо, яко въздыхаю аз, несть утешающего мя. Вси врази мои слышаша злая моя и порадовашася, яко Ты сотворил еси: привел еси день, призвал еси время, и будут подобни мне. **22** Фав. Да приидет вся злоба их пред лице Твое, и отреби их, якоже сотвориша отребление о всех гресех моих, яко многа суть стенания моя, и сердце мое скорбит.

2 Алеф. Како омрачи во гневѣ Своемъ Господь дщѣрь Сиону: сверже с небесе на землю славу Израилеву, и не помяну подножия ногу Своею в день гнева и ярости Своея. **2** Беф. Погрузи Господь и не пощаде: вся красная Иаковля разори яростию Своею, твердыни дщере Иудины изверже на землю, оскверни царя ея и князи ея, **3** гимель. Сокруши во гневѣ ярости Своея весь рог Израилев, обрати вспясть десницу его от лица врага, разже во Иакове яко огонь пламы, и потреби вся окрест, **4** далек. Напряже лук Свой яко ратникъ противный, утверди десницу Свою яко супостат и изби вся красная очю моею во селенихъ дщере Сиони, излия яко огонь ярость Свою. **5** Ге. Бысть Господь аки враг, погрузи Израиля, погрузи вся дома его, разсыпа вся стены его и умножи дщери Иудине смирена и смирену, **6** вав. И разверзе аки виноград селение Свое, разсыпа праздники Его: забы Господь, яже сотвори в Сионе праздники и субботы, и озлоби прещением гнева Своего царя и князя и жерца. **7** Заин. Отрину Господь жертвенник Свой, оттрясе святыню Свою, сокруши рукою вражиею стену забралов его: глас даша в дому Господни яко в день праздника. **8** Иф. Обратися Господь разсыпати стену дщере Сиони: протяже меру, не отврати руки Своея от попраiania: и сетова предградие, и ограда вкупе изнеможе. **9** Теф. Вростоша в землю врата ея, погуби и сокруши верей ея, царя ея и князи ея во языцех, несть закона, и пророцы ея не видеша видения от Господа. **10** Иод. Седоша на земли, умолкоша старейшины дщере Сиони, посыпаша персть на главы своя, препоясашася во вретница, низведоша в землю старейшин дев Иерусалимских. **11** Каф. Оскудеша очи мои в слезах, смутися сердце мое, излияся на землю слава моя о сокрушении дщере людий моих, внегда оскуде младенец и ссущий на стогнах градских. **12** Ламед. Матерем своим рекоша: где пшеница и вино? Внегда разслабленным быти им, яко язвеным на стогнах градских, егда изливахуся души их в лоно матерей их. **13** Мем. Что ти засвидетелствую? Или что уподоблю тебе, дщи Иерусалимля? Кто тя спасет и кто тя утешит, девице, дщи Сионя? Яко возвеличися чаша сокрушения твоего, кто тя изцелит? **14** Нун. Пророцы твои видеша тебе суетная и безумие и не открыша о неправде твоей, еже возвратити пленение твое, и видеша тебе словеса суетная и изриновения. **15** Самех. Восплескаша рукама о тебе вси минующии путем, позвиздаша и покиваша главою своею о дщери Иерусалимля, рекуще: сей ли град, венец славы, веселие вся земля? **16** Аин. Отверзоша на тя

уста своя вси врази твои, позвиздаша и поскрежеташа зубы своими и реша: поглотим ю: обаче сей день, егоже чаяхом, обретохом его, видехом. 17 Фи. Сотвори Господь, яже помысли, сконча словеса Своя, яже заповеда от дний первых: разори и не пощаде, и возвесели о тебе врага, вознесе рог стужающего ти. 18 Цади. Возопи сердце их ко Господу, стены дщере Сиони да излиют якоже водотеча слезы день и ночь: не даждь покоя себе, и да не умолкнет зеница очию твою. 19 Коф. Востани, поучися в нощи в начале стражбы твоея, пролий яко воду сердце твое пред лицем Господним, воздвигни к Нему руке твои о душах младенцев твоих, расслабленных гладом в начале всех исходов. 20 Реш. Виджь, Господи, и призри, кого еси отребил сице? Еда снесят жены плод утробы своея? Отребление сотвори повар, изблюют ли младенцев ссущих сосцы? Убиеш ли во святыни Господни жерца и пророка? 21 Шин. Успоша на исходищих отрок и старец: девицы моя и юноты мои отидоша в плен, мечем и гладом избил еси, в день гнева Твоего сварил еси, не пощадел. 22 Фав. Призвал еси яко день праздника пришествия моя окрест, и не бысть в день гнева Господня уцелевший и оставыйся, яко сотворих возмощи и умножих враги моя вся.

3 Алеф. Аз муж видя нищету (мою) в желе ярости Его на мя: 2 поят мя и отведе мя во тму, а не во свет. 3 Обаче на мя обрати руку Свою весь день, 4 беф. Обетши плоть мою и кожу мою, кости моя сокруши: 5 согради на мя и объя главу мою и утруди, 6 в темных посади мя, якоже мертвый века: 7 гимель. Согради на мя, и не изыду, отяготы оковы моя, 8 и егда воскричу и возопию, загради молитву мою: 9 возгради пути моя, загради стези моя, возьмите. 10 Далеф. Бысть яко медведь ловяй, (приседяй ми) яко лев в сокровенных, 11 гна отступившаго, и упокои мя, положи мя погибша: 12 напряже лук Свои, и постави мя яко знамение на стрелание, 13 ге. Пусти в лядвия моя стрелы тула Своего. 14 Бых в смех всем людем моим, песнь их весь день. 15 Насыти мя горести, напои мя желчи 16 вав. И изя каменем зубы моя, напита мя пепелом 17 и отрину от мира душу мою. Забых благодти 18 и рех: погиге победа моя и надежда моя от Господа. 19 Заин. Помяни нищету мою и гонение мое. 20 Горесть и желчь мою помяну, и стужит во мне душа моя. 21 Сия положу в сердца моем, сего ради потерплю. 22 Иф. Милость Господня, яко не остави мене, не скончашася бо щедроты Его: пребываяй во утрих, помилуй, Господи, яко не погибохом, не скончашася бо щедроты Твоя. 23 Новая во утрих, много есть вера Твоя. 24 Часть моя Господь, рече душа моя: сего ради пожду Его. 25 Теф. Благо Господь надеющимся Нань: 26 души ищущей Его благо (есть), и надеющейся с молчанием спасения Божия. 27 Благо есть мужу, егда возмет ярем в юности своей: 28 иод. Сядет на едине и умолкнет, яко воздвигну на ся: 29 положит во прахе уста своя, негли како будет надежда: 30 подаст ланиту свою биющему, насытитя укоризн. 31 Каф. Яко не во век отринет Господь, 32 яко смиренный помилует по множеству милости Своя, 33 не отрину от сердца Своего и смири сыны мужеския. 34 Ламед. Еже смирити под нозе

его вся узники земныя, 35 еже уклонити суд мужа пред лицем Вышняго, 36 осудити человека, вегда судитися ему, Господь не рече. 37 Мем. Кто есть той, иже рече, и быти, Господу не повелешу? 38 Из уст Вышняго не изыдет зло и добро. 39 Что возропчет человек живущь, муж о гресе своем? 40 Нун. Изыскася путь наш и испытася, и обратимся ко Господу. 41 Воздвигнем сердца наша с руками к Богу высокому на небеси. 42 Мы согрешихом и нечествовахом, сего ради не помиловал еси: 43 самех. Покрыл еси яростию и отгнал еси нас, убил и не пощадел еси: 44 покрылся еси облаком, да не дойдет к Тебе молитва, 45 сомжити очи мои и отринутти, положил еси нас посреде людей. 46 Аин. Отверзоша на ны уста своя вси врази наши. 47 Страх и ужас бысть нам, надмение и сокрушение: 48 исходища водная излиет око мое о сокрушении дщере людей моих. 49 Фи. Око мое погрязну: и не умолкну, еже не быти ослаблению, 50 дондеже приклонится и увидит Господь с небесе. 51 Око мое закрывается о души моей, паче всех дщерей града. 52 Цади. Ловяще уловиша мя яко врабля врази мои туне: 53 умориша в рове жизнь мою и возложиша на мя камень. 54 Возлияся вода выше главы моея: рех: отриновен есмь. 55 Коф. Призвах имя Твое, Господи, из рова преисподняго: 56 глас мой услышал еси: не покрый ушес Твоих на мольбу мою: 57 на помощь мою приблизился еси, в день, в онже призвах Тя, рекл ми еси: не бойся. 58 Реш. Судил еси, Господи, прю души моея, избавил еси жизнь мою: 59 видел еси, Господи, смятения моя, разсудил еси суд мой: 60 веси все отмщение их и вся помышления их на мя. 61 Шин. Слышал еси укоризны их, вся советы их на мя, 62 устне востающих на мя и поучение их на мя весь день, 63 сдение их и востание их: призри на очи их. 64 Фав. Воздаси им, Господи, воздаяние по делом руку их: 65 воздаси им заступление, сердца моего труд. 66 Ты их проженеши во гнев и потребиши их под небесем, Господи.

4 Алеф. Како потемне злато, изменися сребро доброе: разсыпашася камыцы святыни в начале всех исходов. 2 Беф. Сынове Сиони честнии, одеянии златом чистым, како вменишася в сосуды глиняны, дела рук скудельничих. 3 Гимель. Еще же змиеве обнажиша сосцы, воздоиша скимни их дщерей людей моих в неизцеление, якоже птица во пустыни. 4 Далеф. Прильпе язык ссущаго к гортани его в жажди, младенцы просиша хлеба, и несть им разломляющего. 5 Ге. Ядуще сладостна погибоша во исходех, питаемии на багряницах одеяшася в гной. 6 Вав. И возвеличися беззаконие дщере людей моих паче беззакония Содомска, превращенныя во окомгновении, и не поболеша о ней руками. 7 Заин. Очистишася назорее паче снега и просветишася паче млека, чермни быша, паче камене сапфира усечение их. 8 Иф. Потемне паче сажи вид их, не познани быша во исходех: прильпе кожа их костем их, изсхоша, быша яко древо. 9 Теф. Лучше быша язвении мечем, нежели погублени гладом: сии бо ислеша от неплодности земли. 10 Иод. Руце жен милосердых свариха дети своя, быша в ядь им, в сокрушении дщере людей моих. 11 Каф. Сконча Господь ярость Свою, излиия

ярость гнева Своего и возже огонь в Сионе, и пояде основания его. 12 Ламед. Не вероваша царие земстии и вси живущии во вселенней, яко внидет враг и стужайа сквозе врата Иерусалимская, 13 мем. Ради грех пророков его и неправд жерцев его, проливающих кровь праведну посреде его. 14 Нун. Поколебашася бодрии его на стогнах, осквернишася в крови, внегда немощи им, прикоснушася одежд своих. 15 Самех. Отступите от нечистых, призовите их: отступите, отступите, не прикасайтесь, яко возжгошася и восколебашася: рцыте во языцех: не приложат, еже обитати (с ними). 16 Аин. Лице Господне часть их, не приложит призрети на них: лица жреческа не устыдешася, старых не помиловаша. 17 Фи. Еще сущым нам оскудеша очи наши, на помощь нашу vsуе смотрящым нам, внегда надеяхомся на язык не спасающь. 18 Цади. Уловиша малых наших еже не ходити на стогнах наших, приближися время наше, исполнишася дние наши, настoit конец наш. 19 Коф. Скорейшии быша гонящии ны паче орлов небесных, на горах гоняху нас, в пустыни приседоша нам. 20 Реш. Дух лица нашего, помазанный Господь ят бысть в растлении их, о немже рехом: в сени его поживем во языцех. 21 Шин. Радуйся и веселися, дщи Идумейска, живущая на земли, и на тебе приидет чаша Господня, и упиешися и излиеши. 22 Фав. Скончася беззаконие твое, дщи Сионя, не приложит ктому преселити тя: посетил есть беззакония твоя, дщи Едомля, откры нечестия твоя.

5 Молитва Иеремии пророка. Помяни, Господи, что бысть нам: призри и виждь укоризну нашу: 2 достояние наше обратися к чуждим и дома наша ко иноплемеником: 3 сири быхом, несть отца, матери наша яко вдовы. 4 Воду нашу за сребро пихом, дрова наша за цену куповахом: 5 на выа наша гоними быхом, трудихомся, не почихом. 6 Египет даде руку, Ассур в насыщение их. 7 Отцы наши согреша, и несть их, мы же беззакония их подяхом. 8 Раби обладаша нами, избавляющаго несть от руку их. 9 В душах наших носихом хлеб наш, от лица меча в пустыни. 10 Кожа наша аки пещь обгоре, разседошася от лица бурей глада. 11 Жен в Сионе смириша, девиц во градех Иудиных. 12 Князи в руках их повешени быша, старейшины не прославишася. 13 Избраннии плачь подяша, и юноши в кладе изнемогоша. 14 И старцы от врат оскудеша, избраннии от песней своих умолкоша. 15 Разсыпая радость сердец наших, обратися в плачь лик наш, 16 спаде венец со главы нашея: горе нам, яко согрешихом. 17 О сем смутися сердце наше, о сем померкнуша очи наши. 18 На горе Сионе, яко погибе, лисицы ходиша. 19 Ты же, Господи, во веки вселишися, престол Твой в род и род. 20 Вскую во веки забываеши нас, оставиши ли нас в продолжение дний? 21 Обрати ны, Господи, к Тебе, и обратимся, и вознови дни наша якоже прежде. 22 Яко отревая отринул еси нас, разгневался еси на ны зело.

Книга пророка Иезекииля

1 И бысть в тридесятое лето, в четвертый месяц, в пятый день месяца, и аз бых посреде пленения при реце Ховар: и отверзошася небеса, и видех видения Божия. **2** В пятый день месяца, сие лето пятое пленения царя Иоакима, **3** и бысть слово Господне ко Иезекиилу сыну Вузиеву, священнику, в земли Халдейстей при реце Ховар. И бысть на мне рука Господня, **4** и видех, и се, дух воздвизаяся грядаше от севера, и облак великий в нем, и свет окрест его, и огонь блистайся: **5** и посреде его яко видение илектра посреде огня, и свет в нем: и посреде яко подобие четырех животных. И сие видение их, яко подобие человека в них: **6** и четыре лица единому, и четыре крила единому, **7** и голени их правы, и пернаты ноги их, и искры яко блистающаяся медь, и легка крила их, **8** и рука человека под крилами их на четырех странах их: **9** и лица их, и крила их четырех держащаяся друг друга, лица же их четырех не обращахуся внигда ходити им: коеждо прямо лица своего хождаху. **10** И подобие лиц их, лице человекее и лице львово одесную четверем, и лице телчее ошуюю четверем, и лице орлее четверем: **11** (и лица их) и крила их простерта свыше четверем, коемуждо два сопряжена друг ко другу, и два покрываху верху телесе их, и коеждо прямо лицу своему идяше: **12** идяше аще бяше дух шествуй, идяху и не обращахуся. **13** И посреде животных видение, яко угляя огня горящаго, яко видение свещ соображающихся посреде животных, и свет огня, и от огня исхождаше яко молния: **14** и животная течаху и обращахуся, яко видение везеково. **15** И видех, и се, коло едино на земли держащееся животных четырех: **16** и видение колес и сотворение их, яко видение Фарсиса, и подобие едино четверем: и дело их бяше, якоже аще бы было коло в колеси: **17** на четыре страны их шествоваху: не обращахуся, внигда шествовати им, **18** ниже хребты их, и высота бяше им. И видех та, и плеща их исполнена очес окрест четверем: **19** и внигда шествовати животным, шествоваху и колеса держащиеся их: и внигда воздвизатися животным от земли, воздвизахуся и колеса. **20** Идеже аще бяше облак, тамо бяше и дух, еже шествовати: шествоваху и животная, и колеса воздвизахуся с ними, зане дух жизни бяше в колесех. **21** Внигда идяху сия, идяху (и колеса), и внигда стояти им, стояху (и колеса с ними), и егда воздвизахуся от земли, воздвизахуся с ними (и колеса), яко дух жизни бяше в колесех. **22** И подобие над главою животных яко твердь, яко видение кристалла, простертое над крилами их свыше: **23** и под твердию крила их простерта, паряще друг ко другу, комуждо два сопряжена, прикрывающе телеса их. **24** И слышах глас крил их, внигда паряху, яко глас вод многих, яко глас Бога Саддаи: и внигда ходити им, глас слова яко глас полка: и внигда стояти им, почиваху крила их. **25** И се, глас превыше тверди сущия над главою их: внигда стояти им, низпускахуся крила их. **26**

И над твердию, яже над главою их, яко видение камене сапфира, подобие престола на нем, и на подобии престола подобие якоже вид человекь сверху. **27** И видех яко видение илектра, яко видение огня внутрь его окрест: от видения чресл и выше и от видения чресл даже до долу видех видение огня, и свет его окрест: **28** яко видение дуги, егда есть на облацех в день дождя, тако стояние света окрест.

2 Сие видение подобие славы Господни. И видех, и падох ниц, и слышах глас Глаголющаго, и рече ко мне: сыне человекь, стани на ноги твоя, и возглаголю тебе. **2** И прииде на мя дух, и взя мя, и воздвиге мя, и постави мя на ногах моих, и слышах Его глаголюща ко мне. **3** И рече (Господь) ко мне: сыне человекь, пошлю тя аз к дому Израилеву, огорчевающим мя, иже огорчиша мя: сами и отцы их отвергошася мене до днешняго дне: **4** и сынове жестоколични и твердосердечни. аз пошлю тя к тем, и речеши к ним: тако глаголет Адонай Господь: **5** аще убо услышат, или убоятся, зане дом огорчеваяй есть, и познают, яко пророк еси ты посреде их. **6** И ты, сыне человекь, да не убоишися их, ни ужасайся от лица их: зане разсверепеют и обыдут тя окрест, посреде бо скорпиев ты живеши: словес их не убойся и от лица их не ужасайся, зане дом огорчеваяй есть: **7** и возглаголеши словеса моя к ним, аще убо услышат, или убоятся, зане дом прогневаяй есть. **8** И ты, сыне человекь, послушай Глаголющаго к тебе, не буди огорчеваяй, якоже дом преогорчеваяй: отверзи уста твоя и снеждь, яже аз даю тебе. **9** И видех, и се, рука простерта ко мне, и в ней свиток книжный: **10** и разви его предо мною, и в том писана быша предняя и задняя: и вписано бяше в нем рыдание и жалость и горе.

3 И рече ко мне: сыне человекь, снеждь свиток сей, и иди и рцы сыном Израилевым. **2** И отверзох уста моя, и напита мя свитком сим **3** и рече ко мне: сыне человекь, уста твоя сведят, и чрево твое насытится свитка сего даннаго тебе. И сведох его, и бысть во устех моих яко мед сладок. **4** И рече ко мне: сыне человекь иди и вниди в дом Израилев, и глаголи словеса моя к ним: **5** яко не к людям глубокоречивым и косноязычным посылаем еси, к дому Израилеву, **6** ниже к людям многим иноязычным, иноречивым, ни тяжким языком сущым, иже не разумел бы еси словес: аще же и к тацем послал бых тя, то и тии послушали быша тебе: **7** а дом Израилев не восхочет послушати тебе, понеже не хотят слушати мене, яко весь дом Израилев непокориви суть и жестокосерди: **8** и се, дах лице твое сильно противу лица их, и прю твою укреплю противу при их: **9** и будет, всегда крепчае камене дах прю твою: не убойся их, ни ужасайся лица их, зане дом разгневаяй есть. **10** И рече ко мне: сыне человекь, вся словеса, яже глаголах с тобою, возми в сердце твое и ушима твоима послушай: **11** и шед вниди в плен к сыном людей твоих, и речеши к ним и возглаголеши к ним: тако глаголет Адонай Господь: аще убо послушают и аще убо повинутся. **12** И взя мя дух, и слышах глас за собою труса велика, глаголющих: благословена слава Господня от места его. **13** И видех глас крил животных скрисяющихся друг ко

другу, и глас колес держасься их, и глас труса велика. 14 И дух воздвиже мя и взя мя, и поидох вознесен во устремлении духа моего, и рука Господня бысть на мне крепкая. 15 И внидох в пленники вознесен, и обыдох живущья на реце Ховар, и седох ту седьм дний, ходя посреде их. 16 И бысть по седмих днех слово Господне ко мне глаголя: 17 сыне человекъ стража дах тя дому Израилеву, да слышиши слово от уст Моих и воспретиши им от Мене. 18 Внегда глаголати Ми беззаконнику: смертию умреш: и не возвестиши ему, ни соглаголеши, еже оставиши беззаконнику и обратитися от пути своего, еже живу быти ему: беззаконник той в беззаконии своем умрет, крове же его от руки твоея възыщу. 19 И ты аще возвестиши беззаконнику, и не обратитя от беззакония своего и от пути своего (беззаконна): той беззаконник во беззаконии своем умрет, а ты душу твою избавиши. 20 И егда совратитя праведник от правд своих и сотворит согрешение: и дам муку пред ним, той умрет, яко ты не воспретил еси ему, и во гресех своих умрет, зане не помянутся правды его, яже сотвори: крове же его от руки твоея възыщу. 21 Ты же аще возвестиши праведному, еже не согрешити, и той не согрешит: праведный жизнию поживет, яко воспретил еси ему, и ты твою душу избавиши. 22 И бысть на мне рука Господня, и рече ко мне: востани и изыди на поле, и тамо възглаголется к тебе. 23 И востах и изыдох на поле: и се, тамо слава Господня стояше, якоже видение и якоже слава Господня, юже видех на реце Ховар, и падох на лица моем. 24 И прииде на мя дух и постави мя на ногу моею: и глагола ко мне и рече ми: вниди и затворися среде дому твоего. 25 И ты, сыне человекъ, дадася на тя узы, и свяжут тя ими, и не изыдеши от среды их: 26 и язык твой привяжу к гортани твоему, и онемееши и не будеши им в мужа обличения, понеже дом разгневаяя естъ: 27 и внегда глаголати Ми к тебе, отверзу уста твоя, и речеши к ним: сия глаголет Адонаи Господь: слышай да слышит, и не покараяйся да не покарается, зане дом преогорчеваая естъ.

4 И ты, сыне человекъ, возми себе плинфу и положи ю пред лицем твоим, и да напишеш на ней град Иерусалим, 2 и да даси окрест его ограждение, и да соградиши над ним забрала и обложиши его острогом, и да поставиши окрест его полки и да учиниши поставления стрельниц окрест: 3 ты же возми себе сковраду железну, и да положиши ю в стену железну между тобою и между градом, и да уготовиши лице твое нань, и будет в затворе, и затвориши и: знамение сие естъ сыном Израилевым. 4 Ты же да спиши на левем боку твоем, и да положиши неправды дому Израилева на нем, по числу дний пятьдесят и сто, в няже поспиши на нем, и возмеш неправды их. 5 И Аз дах тебе две неправды их в число дний, в девяност и сто дний, и возмеш неправды дому Израилева. 6 И совершиши сия, и поспиши на десных ребрех твоих второе, и возмеш неправды дому Иудина чотыредесять дний, день за едино лето положих тебе. 7 И на заключение Иерусалима да уготоваеши лице твое, и мышцу твою утвердиши, и пророчествовати будеши на него. 8 И се, Аз дах на тя узы, и не превратишися от ребр твоих на

ребра твоя, дондеже скончаются дние заключения твоего. 9 Ты же (сыне человекъ) возми себе пшеницу и ячмень, и боб и лящу, и просо и пыро, и вложиши я в сосуд един глинян: и сотвориши я себе в хлебы, и по числу дний, в няже спиши на ребрех твоих, девяност и сто дний ясти будеши оныя. 10 Ядь же твоя, юже ясти будеши, весом двадесять сикль на день, от времени до времени снеси сия. 11 И воду мерою пити будеши, и шестую часть ина от времени до времени испиеш. 12 И опреснок ячменный снеси я, в лайне мотыл человеких сокрыши я пред очима их 13 и речеши: сия глаголет Господь Бог Израилев: тако снадъ сынове Израилевы хлеб свой нечист во языцех, амож разсыплю я. 14 И рех: никакоже, Господи Боже Израилев! Се, душа моя не осквернилася в нечистоте, и мертвечины и звероядины не ядох от рождения моего даже доньне, ниже вниде во уста моя всякое мясо мерзко и сквернаво. 15 И рече ко мне: се, дах тебе мотыла говьяжая вместо мотыл человеких, и сотвориши хлебы себе в них. 16 И рече ко мне: сыне человекъ, се, Аз сотру утверждение хлебное во Иерусалиме, и снадят хлеб весом и во оскудении, и воду мерою и в пагубе испиют, 17 яко да скудни будут хлебом и водою: и погибнет человек и брат его, и истакут в неправдах своих.

5 Ты же, сыне человекъ, возми себе меч остр паче бритвы стригущаго, притяжи его себе и возложи его на главу твою и на браду твою: и возми превес весов, и размериши я. 2 Четвертую часть да сожжеш на огни среде града по исполнению дний затворения: 3 и да возмеш четвертую часть и сожжеш ю среде града, четвертую же часть содробиши мечем окрест его, и четвертую часть разсыплеш ветром: и меч извлеку вслед их. 4 И возмеш оттуду мало их числом и ввяжеш я во одежду твою: и от теже возмеш еще и ввержеш я среде огня и сожжеш я на огни: и от того изыдет огонь на весь дом Израилев. И речеши всему дому Израилеву: 5 сия глаголет Адонаи Господь: сей Иерусалим, посреде языков положиши его, и страны, яже окрест его. 6 И речеши: измени оправдания Моя паче языков, и законы Моя паче стран, яже окрест его: понеже оправдания Моя отринуша и по законом Моим не ходиша в них. 7 Сего ради тако глаголет Адонаи Господь: понеже вина ваша паче язык, иже окрест вас, и не ходисте и законех Моих и оправданий Моих не сотвористе, но и по судом языческим, яже окрест вас, не сотвористе: 8 сего ради сия глаголет Адонаи Господь: се, Аз на тя, и сотворю среде тебе суд пред языки, 9 и сотворю среде тебе, иже не сотвориш и иже не сотворю подобных им ктому, по всем мерзостем твоим. 10 Сего ради отцы снадят чад среде тебе, и чада снадят отцев: и сотворю в тебе суды, и разсею вся оставшая от тебе по всему ветру. 11 Сего ради живу Аз, глаголет Адонаи Господь, воистинну понеже святая Моя осквернил еси всеми мерзостями твоими, и Аз отрину тя, и не пощадит око Мое, и Аз не помилую тя. 12 Четверть тебе смертию потребится, и четверть тебе гладом скончается среде тебе, четверть же тебе падет мечем окрест тебе, четверть же тебе разсыплю по всему ветру, и меч извлеку

вслед их. 13 И скончается ярость Моя и гнев Мой на них, и утешусь, и уведят, яко Аз Господь глаголах во рвении Моём, внегда скончати ми гнев Мой на них. 14 И положу тя в пустыню и во укоризну языком сущым окрест тебе и пред всяким проходящим. 15 И будеши во стенание и ужас, наказанием и пагубою во языцех, иже окрест тебе, егда сотворю в тебе суды во гнев и в ярость и во отмщение ярости Моёя: Аз Господь глаголах: 16 и егда послю стрелы глада на ня, и будут во скончание, и послю растлити вы, и глад соберу на вы, и сотру утверждение хлеба твоего, 17 и испущу на тя глад и звери люты, и умучу тя, смерть же и кровь пройдут сквозе тя, и меч наведу на тя окрест: Аз Господь глаголах.

6 И бысть слово Господне ко мне глаголя: 2 сыне человек, утверди лице твое к горам Израилевым и прорцы к ним, 3 и речеши: горы Израилевы, слышите слово Господне, сия глаголет Адонаи Господь горам и холмом, и каменем и дребрем: се, Аз наведу на вы меч, и потребятся высоты ваша: 4 и сокрушатся требища ваша и кумирницы ваша, и повергу язвеных ваших пред кумиры вашими: 5 и дам трупы сынов Израилевых пред кумиры их и расточу кости ваша окрест требищ ваших. 6 И во всем селении вашем опустеют грады, и высокая ваша погибнут, яко да потребятся требищы ваши и сокрушатся, и престанут кумиры ваши, и отвергнутся кумирницы ваша, и потребятся дела ваша: 7 и падут язвении посреде вас, и познаете, яко Аз Господь. 8 И оставлю еже быти от вас избегшым от меча во языцех, и в разсыпании вашем во странах, 9 и помянут Мя уцелевшии от вас во языцех, аможе быша пленени: клякса бо сердцу их блудившему и отставшему от Мене и очесем их блудившым вслед начинаний их: и бити имут лица своя о злобах, яже твориша во всех мерзостех своих, 10 и познают, яко Аз Господь не туне глаголах сотворити им вся злая сия. 11 Тако глаголет Адонаи Господь: восплещи рукою и вострепளி ногою и рцы: благоже, благоже о всех мерзостех злобы дому Израилева: яко мечем и гладом и смертию падут. 12 Дальнии смертию скончаются, а ближнии мечем падут: оставши же и обдержимии гладом скончаются: и скончаю гнев Мой на них, 13 и увесте, яко Аз Господь, егда будут язвении ваши среде кумир ваших окрест требищ ваших, на всяцем холме высокоем и на всех версех горних, и под дубом санным и под всяким древом чащым, идеже даяху воню благоухания всем кумиром своим. 14 И простру руку Мою на ня, и положу землю в пагубу и в потребление от пустыни Девлафа, от всего селения их: и познаете, яко Аз Господь.

7 И бысть слово Господне ко мне глаголя: 2 и ты, сыне человек, рцы: сия глаголет Господь: земли Израилеве конец прииде, конец прииде на четыри краи земли. 3 Пришел есть конец, ныне конец тебе, и испущу ярость Мою на тя, и отмщу тебе по путем твоим, и дам на тя вся мерзости твоя. 4 Не пощадит око Мое на тя, и не помилую, зане путь твой на тя дам, и мерзости твоя среде тебе будут, и увеси, яко Аз Господь. 5 Темже сия глаголет Адонаи Господь: зло едино зло, се, идет. 6 Конец пришел есть, прииде конец,

воста на тя, се, прииде. 7 Прииде плетение на тя живущаго на земли: прииде время, приближися день, не с молвою, ниже с болезными. 8 Ныне изблизу излию гнев Мой на тя и скончаю ярость Мою на тебе, и осужду тя по путем твоим и дам на тя вся мерзости твоя. 9 Не пощадит око Мое, и не помилую, зане пути твоя на тя дам, и мерзости твоя посреде тебе будут, и познаеши, яко Аз Господь бияя. 10 Се, день Господень приходит, се, конец пришел есть, изыде плетение, и процвете жезл, 11 прозябе укоризна, и сокрушит утверждение беззаконника: и не с плischem, ни с потчанием: и не от них суть, и несть красы в них. 12 Прииде время, приближися день: купуй да не радуется, и продай да не плачется, яко гнев на все множество их. 13 Занеже притяжавая ко продающему ктому не возвратится, и еще в жизни живущему, яко видение на все множество их не возвратится, и человек во очесех жизни своя не укрепитя. 14 Вострубите трубою и разсудите вся, и не будет грядущаго на рать, яко гнев Мой на все множество их. 15 Рать отвне с мечем, глад же и смерть извнутри: иже на поли мечем скончается, сущих же во граде глад и смерть скончат. 16 И уцелеют спасеннии от них и будут на горах яко голубицы скорбяще: и всех изблю, коегождо в неправдах его. 17 Вся руки разслабуют, и вся стегна окаляются мокростию. 18 И препояшутся во вретница, и покрыет я ужас: и на всяцем лица срам на них, и на всяцей главе плешь. 19 Серебро их на стогнах повержется, и злато их презрено будет: серебро их и злато не возможет избавити их в день гнева Господня, души их не насытятся, и чрева их не наполнятся, зане казнь неправостей их бысть. 20 Избранныи утвари в гордыню положиша я, и образы мерзостей своих и гнусности сотвориша от них: сего ради дах оная им в нечистоту. 21 И предам я в чуждия руке, еже разграбити я, и губителем земли в корысти, и осквернят я. 22 И отвращу лице Мое от них, и осквернят стражду Мою, и внидут в ня неопасно, и осквернят я: 23 и сотворят мятеж, понеже земля полна суда крове, и град полн беззакония. 24 И приведу злыя языки, и наследят дома их: и отвращу величание крепости их, и осквернятся святая их. 25 И моление приидет, и възыщет мира, и не будет. 26 Горе на горе будет, и весть будет, и не будет видение от пророка, и закон погибнет от жерца и совет от старец. 27 Царь восплачется, и князь облечется в пагубу, и руки людий земли разслабуют: по путем их сотворю им и по судом их отмщу им, и уразумеют, яко Аз Господь.

8 И бысть в лето шестое в шестый месяц, в пятый день месяца, аз седех в дому моем, и старейшины Иудины седяху предо мною, и бысть на мне рука Адоная Господа. 2 И видех, и се, подобие мужа, от чресл его и даже до низу огонь, от чресл же его в верх его якоже видение зари и яко взор илектра. 3 И простре подобие руки и взя мя за верх главы моея, и взя мя дух среде земли и среде небесе и веде мя во Иерусалим в видении Божии на преддверие врат внутреннейших зрящих на север, идеже бе столп и образ ревности притяжавоущаго. 4 И се, ту бяше слава Господа

Бога Израилева по видению, еже видех на поли. 5 И рече ко мне: сыне человекъ, воззри очима твоима на север. И воззрех очима моима на север, и се, от севера ко вратом зрящим на восток требника, идеже образ рвеня сего во входе. 6 И рече ко мне: сыне человекъ, видел ли еси, что сии творят? Беззакония велика дом Израилев творит zde, еже удалитися от святынъ Моих: и еще обратився узриши болшая беззакония. 7 И введе мя ко предвратию двора, и видех, и се, скважня едина в стене. 8 И рече ко мне: сыне человекъ, раскопай стену. И раскопах, и се, дверь едина. 9 И рече ко мне: вниди и видждь беззакония злая, яже творят сии zde. 10 И внидох и видех, и се, всякое подобие гада и скота, суетная гнушения и всяцыи кумиры дому Израилева написани быша на стене всюду около. 11 И семьдесят мужей от старейшин дому Израилева, и Иезониа сын Сафанов посреде их стояше пред лицом их, и кийждо кадилницу свою имяше в руке своей, и дым кадила восхождаше. 12 И рече ко мне: видел ли еси, сыне человекъ, яже старцы дому Израилева творят zde, кийждо их на ложи тайнем своем, зане реша: не видит Господь, оставил Господь землю. 13 И рече ко мне: еще обратися, и узриши беззакония болшая, яже сии творят. 14 И введе мя в преддверие врат дому Господня зрящих на север: и се, тамо жены седящыя плачущыя о Фаммузе. 15 И рече ко мне: сыне человекъ, видел еси, и еще узриши мерзости их болшыя сих. 16 И введе мя во двор дому Господня внутренний, и в преддверие храма Господня, между Еламом и между жертвенником, яко двадцать и пять мужей, задняя своя давших ко храму Господню, и лица их прямо к востоку: и сии поклоняются на восток солнцу. 17 И рече ко мне: видел еси, сыне человекъ, еда мало дому Иудину, еже творити беззакония, яже сотвориша zde? Понеже наполниша землю беззакония, и обратишася разгневати Мя: и се, сии простирают лозу аки ругающеся Мне: 18 и Аз сотворю им с яростию: не пощадит око Мое, и не помилую: и воззовут во уши Мои гласом великим, и не услышу их.

9 И возопи во уши мои гласом великим, глаголя: приближися отмщение града: и кийждо имяше сосуды истребления в руке своей. 2 И се, шесть мужей идоша от пути врат высоких зрящих на север, и коемуждо секира (погубления) в руке его: и муж един посреде их облечен в подир, и пояс от сапфира о чреслах его: и внидоша и стаха близ жертвенника медянаго. 3 И слава Бога Израилева възде от Херувимов сущая на них в непокровенное дому: и призва мужа облечена в подир, иже имеше на чреслах своих пояс. 4 И рече Господь к нему: пройди среде града Иерусалима и даждь знамения на лица мужей стенащих и болезнующих о всех беззакониих бывающих среде их. 5 И сим рече, слышашу мене: идите во град вслед его, изсеците и не пощадите очима вашима и не помилуйте: 6 старца и юношу и деву, и младенцы и жены избийте в потребление: а ко всем, на нихже есть знамение, не прикасайтесь: от освященных Моих начните. И начаша от мужей старых, иже беша внутри в дому. 7 И рече к ним: оскверните дом, и наполните пути мертвецев

исходяще, и изсеците (сущих во граде). 8 И бысть внегда сечаху их, олах аз и падох ниц, и возопих и рех: горе, (горе,) о, люте мне, Адонаю Господи! Еда потребляеши Ты останки Израилевы, егда разливаеши ярость Твою на Иерусалим? 9 И рече ко мне: неправда дому Израилева и Иудина возвеличися зело зело, яко наполнися земля людей многих, и град наполнися неправд и нечистот, яко реша: оставил есть Господь землю и не видит Господь. 10 И Аз есмь, и не пощадит око Мое, ни помилую, пути их на главы их дах. 11 И се, муж, облеченый в подир и препоясан поясом о чреслах своих, отвещаваше, глаголя: сотворих, якоже заповедал ми еси.

10 И видех, и се, верху тверди сущия над главою Херувимов, яко камень сапфировый, подобие престола на них. 2 И рече к мужу облеченому во утварь: вниди среде колес, яже под Херувимами, и наполни горсти твои угля огненнаго от среды Херувимов и разсыпи на град. И вниде предо мною: 3 Херувими же стояху одесную дому, внегда вхождаше муж, и облак наполни двор внутренний. 4 И воздвижеся слава Господня от Херувимов в непокровение дому, и наполни дом облак, и двор наполнися сияния славы Господни: 5 и глас крил Херувимских слышашеся даже до внешнего двора, якоже глас Бога Саддаи глаголющаго. 6 И бысть внегда заповедаше мужу облеченому во утварь святую, глаголя: возми огонь от среды колес, иже среде Херувимов. И вниде и ста близ колес. 7 И простре Херувим руку свою в средину огня сущаго среде Херувимов, и взя и вдаде в руке облеченому во утварь святую, и взя и изыде. 8 И видех Херувими, и се, подобие рук человеческих под крылы их. 9 И видех, и се, четыре колеса стояху держащеся Херувимов: коло едино держашеся единаго Херувима, и коло едино держашеся другаго Херувима: взор же колес якоже взор камня анфракса: 10 и взор их подобие едино четырех, акибы было коло в колеси: 11 внегда идяху, на четыре части их идяху, и не обращахуся внегда идяху: яко, на неже место аще зряше начало едино, идяху (вслед его), и не обращахуся, внегда ити им. 12 Вся же телеса их и хребты их, и руке их и крила их и колеса полна очес окрест четырех колес. 13 Колесам же сим възвася гелгель, слышашу мене. 14 Четыри же лица коемуждо их: единому лице херувимле, лице же другому лице человекочо, третье же лице львово и четвертое лице орлее. 15 И взяшася Херувими: сие есть животное, еже видех на реце Ховар. 16 И егда идяху Херувими, идяху и колеса их, и сии держахуся их: и внегда въздвижаху Херувими крила своя, еже възвыситися от земли, не обращахуся колеса их, и та держахуся их: 17 егда стояху тии, стояху и они, и внегда възвышахуся тии, възвышахуся и они с ними: зане дух жизни бе в них. 18 И изыде слава Господня от непокровения дому и възде на Херувими. 19 И въздвигоша Херувими крила своя и възвысшася от земли предо мною: егда изыдоша тии, и колеса держахуся их: и стаха над преддверием врат Дому Господня, яже противу востоку, и слава Господа Бога Израилева бе над ними свыше. 20 Сие животное есть, еже видех под Богом

Израилевым на реце Ховар, и познах, яко Херувими суть. 21 Четыри лица единому, и четыре крила единому, и подобие рук человечесих под крилы их. 22 И подобие лиц их: сия лица суть, яже видех под славою Бога Израилева при реце Ховар воззрение их: и сия кождо прямо лицу своему идяху.

11 И воздвиже мя дух и возведе мя ко вратом дому Господня, яже прямо зрят на восток: и се, пред преддверием врат яко двадцать и пять мужей: и видех среде их Иехонию сына Иазерова и Фалтию Ванеова, старейшины людския. 2 И рече Господь ко мне: сыне человекь, сии мужие помышляющие суетная и совет творящие лукав во граде сем, 3 глаголющие: не в нове ли соградилшася домове? Сей есть коноб, мы же мяса. 4 Сего ради прорцы на ня, прорцы, сыне человекь. 5 И нападе на мя Дух Господень и рече ко мне: глаголи, сия глаголет Господь: тако рекосте, доме Израилев, и умышления духа вашего Аз вем: 6 умножисте мертвцы ваша во граде сем и наполнисте пути его язвенных. 7 Того ради тако глаголет Адонаи Господь: мертвцы ваши, яже избисте среде его, тии суть мяса, а сей коноб есть, и вас изведу от среды его. 8 Меча боитесь, и мечь наведу на вас, глаголет Адонаи Господь: 9 и изведу вас от среды его и предам вас в руке чуждих и сотворю в вас суд: 10 мечем падете, на горах Израилевых сужду вам, и увесте, яко Аз Господь: 11 той не будет вам в коноб, и вы не будете посреде его в мяса: на горах Израилевых сужду вам, 12 и увесте, яко Аз Господь, яко по заповедем Моим не ходисте и судов Моих не сотвористе, но по обычаем языков сущих окрест вас сотвористе. 13 И бысть вегда прорицати ми, и Фалтия сын Ванеов умре: и падох ниц и возопих гласом великим, глаголя: горе мне, люте мне, Адонаю Господи! На скончание ли твориши Ты останки Израилевы? 14 И бысть слово Господне ко мне глаголя: 15 сыне человекь, братия твоя и мужие плена твоего и весь дом Израилев скончася, имже рекоша живущи во Иерусалиме: далече удалитесь от Господа, нам дана есть земля в наследие. 16 Сего ради рекох: сия глаголет Адонаи Господь: яко отрину я во языки и разсею я по всей земли, и буду им во освящение мало во странах, аможе внидут тамо. 17 Сего ради рцы: сия глаголет Адонаи Господь: и прииму я от язык и соберу я от стран, идеже разсеях я в них, и дам им землю Израилеву: 18 и внидут тамо и отвергут вся мерзости ея и вся беззакония ея от нея: 19 и дам им сердце ино и дух нов дам им, и исторгну каменное сердце от плоти их и дам им сердце плотяно, 20 яко да в заповедех Моих ходят и оправдания Моя сохранят и сотворят я: и будут Ми в люди, и Аз им буду в Бога. 21 А иже сердце по гнусностем их и по беззаконием их ходит, пути тех на главы их положу, глаголет Адонаи Господь. 22 И воздвигоша Херувими крила своя, и колеса держащаяся их: слава же Бога Израилева бе на них свыше их. 23 И възведе слава Господня от среды града и ста на горе, яже бьяше прямо града на восток. 24 И дух взя мя и принесе мя на землю Халдейску в пленники, в видении, Духом Божиим. 25 И въздох от видения, еже видех, и глаголах ко пленником вся словеса Господня, яже показа мне.

12 И бысть слово Господне ко мне глаголя: 2 сыне человекь, посреде неправд их ты живещи, иже очи имут видети, и не видят, и уши имут, еже слышати, и не слышат, зане дом преогорчеваяя есть. 3 И ты, сыне человекь, сотвори себе сосуды пленнически, и пленен буди днем пред ними, и преселен буди от места твоего на место другое пред ними, яко да видят, зане дом прогневляяя есть. 4 И да изнесеши сосуды твоя, яко сосуд пленнический, днем пред очима их: ты же изыдеши в вечер пред ними, якоже исходит пленник. 5 Прокопай себе стену, и да изыдеши сквозе ю пред ними. 6 На раменех взят будеши и покровен изыдеши, лице твое покрыеши, и да не видиши земли, понеже чудо тя дах дому Израилеву. 7 И сотворих тако все, елико ми заповеда Господь: и сосуды изнесох яко сосуды пленничы днем, и в вечер прокопах себе стену рукою, и отай издох, и на рамена взят бых пред ними. 8 И бысть слово Господне заутра ко мне глаголя: 9 сыне человекь, не реша ли к тебе дом Израилев, дом прогневляяя: что ты твориши? 10 Рцы к ним: тако глаголет Господь Бог: ко князю и старейшинам Иерусалимлим, и всему дому Израилеву, иже суть среде их, 11 рцы, яко аз чудеса творю, якоже сотворих, сице им будет: во преселении и во пленении изыдут. 12 И князь среде их на рамена взят будет, и отай изыдет сквозе стену, и прокопает, еже ему изыти сквозе ю, лице свое покрывает, да не видимь будет очесы, и сам земли не узрит. 13 И простру мрежу Мою нань, и ят будет во одержании Моем, и введу его в Вавилон в землю Халдейску, и не узрит ея, и тамо скончается. 14 И вся, иже окрест его, помощники его, и вся заступающая его разсею по всем ветром, и мечь излию вслед их: 15 и уведят, яко Аз Господь, егда разсыплю я во языки и разсею я по странам: 16 и оставлю от них мужы в число от меча и от глада и от смерти, яко да поведят вся беззакония их во языцех, аможе внидут: и уведят, яко Аз Господь. 17 И бысть слово Господне ко мне глаголя: 18 сыне человекь, хлеб твой с болезнию снеси и воду твою со страданием и скорбию испиеш. 19 И речеши к людям земли: сия глаголет Адонаи Господь живущим в Иерусалиме на земли Израилеве: хлеба своя с недостатком снесят и воду свою с пагубою испиют: яко да погибнет земля со исполнением своим, в нечестии бо вси живущи в ней. 20 И гради их населеннии опустеют, и земля их в погибель будет, и увесте, яко Аз Господь. 21 И бысть слово Господне ко мне глаголя: 22 сыне человекь, кая притча сия вам на земли Израилеве, глаголющим: долги дни, погибе всякое видение? 23 Сего ради рцы к ним: тако глаголет Адонаи Господь: отвращу притчу сию, и потом не рекут притчи тоя дом Израилев, яко речеши к ним: приближися дни и слово всякого видения. 24 Зане не будет ктому всякое видение ложное, и волхвуйя угодная среде сынов Израилевых. 25 Яко Аз Господь возглаголю словеса Моя, возглаголю и сотворю и не продолжу ктому: во дни ваша, доме прогневайя, реку слово и сотворю, глаголет Адонаи Господь. 26 И бысть слово Господне ко мне глаголя: 27 сыне человекь, се, дом Израилев преогорчеваяя глаголюще глаголют: видение, еже сей видит, на дни многи,

и на времена долга сей прорицает. **28** Сего ради рцы к ним: сия глаголет Господь Бог: не продолжатся ктому вся словеса Моя, яже возглаголю: яко возглаголю слово и сотворю, глаголет Адонаи Господь.

13 И бысть слово Господне ко мне глаголя: **2** сыне человек, прорцы на пророки Израилевы прорицающыя и речеши пророком прорицающим от сердца своего, и прорцы и речеши к ним: слышите слово Господне, **3** сия глаголет Адонаи Господь: люте прорицающим от сердца своего, ходящим вслед духа своего, а отнюд не видящим. **4** Якоже лисицы в пустыни, (так) пророцы твои (быша), Израилю! **5** Не стаха на тверди и собраша стада к дому Израилеву: не восташа глаголющи в день Господень, **6** видящи ложная и волхвующи суетная, глаголюще: тако глаголет Господь, Господь же не посла их, и начаша возставляти слово. **7** Не ложное ли убо видение видесте и волхования суетная рекосте? И глаголете, рече Господь: Аз же не глаголах. **8** Сего ради рцы: сия глаголет Адонаи Господь: понеже словеса ваша лжива и волхования ваша суетна, того ради, се, Аз на вы, глаголет Адонаи Господь, **9** и простру руку Мою на пророки видящыя лжу и провещающыя суетная: в наказании людей Моих не будут, и в писании дому Израилева не впишутся, и в землю Израилеву не внидут, и уведят, яко Аз Адонаи Господь. **10** Понеже прельстиша людей Моих, глаголюще: мир, мир: и не бяше мира: и сей сограждает стену, а они помазуют ю, падется. **11** Глаголи к помазующим ю: падется, и будет туча потопляющая, и дам камение стрельное в свузы их, и падутся, и ветер воздвижущь размещет, и разсыдется. **12** И се, падеся стена, и не рекут ли к вам: где есть помазание ваше, имже помазасте? **13** Того ради сия глаголет Адонаи Господь: и наверху бурю разоряющую со яростию, и туча потопляющи гневом Моим будет, и камение стрельное наведу яростию во скончание: **14** и раскопаю стену, юже помазасте, и падется, и положу ю на земли, и открыются основания ея, и падется, и скончаются со обличением и познаете, яко Аз Господь: **15** и скончаю ярость Мою на стене и на помазующих ю, и падет. И рекох к вам: несть стены, ни помазующих ея, **16** пророцы Израилевы, прорицающи на Иерусалим и видящи ему мир, и несть мира, глаголет Адонаи Господь. **17** И ты, сыне человек, утверди лице твое на дщери людей твоих, на прорицающыя от сердца своего, и прорцы на них, **18** и речеши: сия глаголет Адонаи Господь: горе шивающим возглавицы под всякий лакоть руки и сотворяющим покрывала над всякую главу всякаго возраста, еже развратити души: души развратитася людей Моих, и душ снабдеваху: **19** и осквернавляху Мя у людей Моих, горсти ради ячмене и ради укруха хлеба, еже избити души, имже не подобаше умрети, и оживити души, имже не подобаше жити, провещающе людям Моим, послушающим лживых провещаний. **20** Сего ради сия глаголет Господь: се, Аз на возглавия ваша, имже вы развращаете души тамо: и отторгну я от мышцей ваших, и послу души, яже вы развращаете души их на разсыпание, **21** и растерзаю

покрывала ваша, и отиму люди Моя от руки вашей, и ктому не будут в руках ваших на развращение, и познаете, яко Аз Господь: **22** понеже развращаете сердце праведнаго неправедно, Аз же не развращах его, и укрепляете руце беззаконнику, еже отнюд не обратится ему от пути его злаго и живу быти ему, **23** сего ради не узрите лжи, и волхования ктому не имате волхovati: и избавлю люди Моя от рук ваших, и увесте, яко Аз Господь.

14 И приидоша ко мне мужие от старец Израилевых и седоша предо мною. **2** И бысть слово Господне ко мне глаголя: **3** сыне человек, мужие сии положиша помышления своя на сердцах своих и мучение неправд своих поставиша пред лицом своим: аще отвечаей отвечаю им? **4** Сего ради глаголи к ним и речеши им: сия глаголет Адонаи Господь: человек человек от дому Израилева, иже аще положит мысли своя в сердцах своем и мучение неправды своя учинит пред лицом своим и приидет ко пророку, Аз Господь отвечаю ему о сих, имже держится мысль его: **5** яко да уклонят дом Израилев по сердцам их удаленным от Мене помышленными их. **6** Сего ради рцы дому Израилеву: сия глаголет Господь Бог: обратитесь и отвратитесь от начинаний ваших и от всех нечестий ваших, и обратите лица ваша ко мне: **7** зане человек человек от дому Израилева и от пришельцев пришедших ко Израилеви, иже аще удалится от Мене и положит мысли своя на сердцах своем и мучение неправды своя учинит пред лицом своим и приидет ко пророку еже воспосити ему Мене, Аз Господь отвечаю ему, в немже держится он, **8** и утвержу лице Мое на человека того и положу его в погибель и в потребление и извергу его от среды людей Моих, и увесте, яко Аз Господь. **9** И пророк аще прельстится и речет слово, Аз Господь прельстих пророка того, и простру руку Мою нань и потреблю его от среды людей Израилевых. **10** И примут неправду свою по неправде вопрошающаго, и по неправде такожде пророку будет, **11** яко да не прельщается ктому дом Израилев от Мене, и да не оскверняются ктому во всех гресех своих, и будут Ми в люди, Аз же буду им в Бога, глаголет Адонаи Господь. **12** И бысть слово Господне ко мне глаголя: **13** сыне человек, земля аще согрешит Ми, еже пастися грехом, и простру руку Мою на ню и сотру утверждение хлебное и пуцу на ню глад и возму с нея человеки и скоты, **14** и аще будут сии трие мужие среде ея, Ное и Даниил и Иов, тии во правде своей спасутся, глаголет Адонаи Господь: **15** аще и звери злыя напушу на землю и умучу ю, и будет в пагубу, и не будет проходящаго сквозе ю от лица зверей, **16** и аще будут трие сии мужие среде ея, живу Аз, глаголет Адонаи Господь, ни сынове, ни дщери их спасутся, но токмо сии едини спасутся, а земля в потребление будет: **17** аще же наведу на ту землю мечь и реку: мечь да пройдет землю, и возму от нея человека и скота, **18** и трие мужие сии будут среде ея, живу Аз, глаголет Адонаи Господь, не избавят ни сынов, ни дщерей своих, но тии едини спасутся: **19** аще же и смерть пушу на землю ону и излию ярость Мою на ню в крови, еже потребити от нея человеки и скоты, **20** Ное же и Даниил и Иов будут посреде ея, живу Аз, глаголет Адонаи

Господь, ни сынове, ни дщери не останут им, тии же во правде своей спасутся и избавят души своя. 21 Сия глаголет Адонаи Господь: аще же и четыри мести Моя лютыя пушу на Иерусалима, мечь и глад, и звери люты и смерть, еже потребити от него человеки и скоты, 22 и се, оставлени в нем спасеннии от него, сии изведут сыны и дщери: се, тии изыдут к вам, и узрите пути их и помышления их, и раскаетесь о злых, яже наведох на Иерусалим, вся злая, яже наведох нань, 23 и утешат вас: понеже узрите пути их и помышления их, и уразумеете, яко не всуе сотворил есмь вся, елика сотворих в нем, глаголет Адонаи Господь.

15 И бысть слово Господне ко мне глаголя: 2 сыне человекъ, что было бы древо лозное от всех деревьев грозных, сущих во древесех дубравных? 3 Аще возмут от него древо, еже сотворити дело? И аще возмут кол от него, еже обесити на нем кий либо сосуд? 4 Разве еже огневи предастся на потребление, летнее очищение его потребляет огонь, и исчезает до конца: еда потребно будет на дело? 5 И еще целу ему сушу не будет на дело, колми паче аще огонь е попалит до конца, будет ли на дело потом? 6 Сего ради рцы: сице глаголет Господь Бог: якоже лоза виноградная во древех дубравных, юже дах на потребление огневи, тако дам живущыя во Иерусалиме: 7 и дам лице Мое на ня, от огня изыдут, и огонь пояст я: и уведят, яко аз Господь, егда утвержду лице Мое на них: 8 и дам землю в пагубу, зане впадоша в грех, глаголет Адонаи Господь.

16 И бысть слово Господне ко мне глаголя: 2 сыне человекъ, засвидетелствуй Иерусалиму беззакония его 3 и речеши: сия глаголет Адонаи Господь дщери Иерусалимстей: корень твой и бытие твое от земли Хананейски: отец твой Аморреанин и мати твоя Хеттеанья: 4 и рождение твое, в онъже день родилася еси, не обязаша сосец твоих, и водою не омыша тя на спасение, ни солию осолоиша, ниже пеленами повиша: 5 и не пощаде тебе око Мое, еже сотворити тебе едино от всех сих, пострадати что о тебе, и отвержена была еси на лице поля стропотством души твоея, в день в онъже родилася еси. 6 И приидох сквозе тя и видех тя смешену во крови твоей и рекох ти: от крове твоея жива буди: и рекох тебе: во крови твоей живот твой: 7 умножайся, якоже прозябение селное дах тя, и умножилася еси и возвеличилась и вошла еси во грады градов: сосцы твои возрастоша, и власи твои просветлеша, ты же была еси нага и без красы. 8 И приидох сквозе тя и видех тя: и се, время твое, яко время витающих: и прострох криле Мои на тя и прикрых студ твой, и кляхся тебе и внидох в завет с тобою, глаголет Адонаи Господь, и была еси Мне: 9 и омых тя водою и ополосках кровь твою от тебе и помазах тя елеем, 10 и облекох тя в пестроты и обух тя в червленны, и препоясах ты виссоном и возложих на тя трихатпон, 11 и украсих тя утварию и возложих запястие на руце твои и гривну на выю твою, 12 и дах усерязи на ноздри твои и колца во уши твои и венец хвалы на главу твою: 13 и украшенна была еси златом и серебром, и одежды твоя виссонны и трихатпы и испещрения, семидал и мед и масло

яла еси, и была еси добра zelo zelo, и управилася еси на царство: 14 и изыде имя твое во языки в доброту твоей, зане совершенно бе лепотою в красоте, юже учиних на тебе, глаголет Адонаи Господь. 15 Ты же уповала еси на доброту твою и соблудила еси во имени твоём и излила еси блужение твое на всякаго мимоходящаго, тому была еси, емуже не подобаше: 16 и взяла еси от риз твоих и сотворила себе кумиры сошвенныя и соблудила еси с ними, и не внидеши, и не будет. 17 И взяла еси сосуды хвалы твоея от серебра Моего и злата Моего, от ниже дах тебе, и сотворила себе образы мужески, и соблудила еси в них. 18 И взяла еси ризы своя испещренныя и одеялася еси в ня, и масло Мое и фимиам Мой положила еси пред лицем их, 19 и хлебы Моя, яже дах тебе, семидалом и маслом и медом напитал тя, и положила еси та пред лицем их в воно благоухания. И бысть по сих, глаголет Адонаи Господь, 20 и взяла еси сыны твоя и дщери твоя, яже родила еси, и заклала еси им в потребление. Еда мало соблудила еси? 21 И заклала еси чада твоя и дала еси я, внегда принесла еси их на жертву им. 22 Сие паче всякаго блуда твоего и гнусностей твоих: и не помянула еси дний младенства твоего, егда была еси нага и безобразна, и смешена во крови твоей жила еси. 23 И бысть по всех злобах твоих, горе горе тебе, глаголет Адонаи Господь, 24 и создала еси себе храм блуднический и сотворила себе полагания на всех стогах: 25 и в начале всякаго пути создала еси блудилища своя и растлила доброту твою, и разложила голени твоя всякому мимоходящему и умножила еси блуд твой: 26 и соблудила с сынами Египетскими соседы твоими дебелиплотными, и многожды блудила еси, еже разгневати Мя. 27 И се, простру руку Мою на тя и отвергу законы твоя и предам тя душам ненавидящим тебе, дочерем иноплемеников, совращающим тя с пути твоего, имже нечестовала еси. 28 И соблудила еси с сынами Ассировыми и ниже тако насытилася еси: и соблудила и не насытилася, 29 и умножила заветы твоя ко земли Хананейстей, Халдейстей, и ниже в сих насытилася еси. 30 Что сотворю сердцу твоему, глаголет Адонаи Господь, внегда твориши вся сия дела жены блудницы прoderзья? И соблудила еси трегубо во дщерех твоих. 31 Егда соградила еси блудилище твое в начале всякаго пути и высокая твоя сотворила еси на всех стогах, и не была яко блудница собирающая наем. 32 Жена любодейница подобна тебе, от мужа своего вземлющи наем, 33 всем блудившим с нею даяше наем: и ты дала еси наем всем рачителем твоим и обременяла их, еже приходити им к тебе отвсюду в блужения твоя. 34 И бысть в тебе сопотивно обычную женску во блужении твоём, и с тобою соблудившим, вместо еже бы дати тебе наем, и наем не дадеся тебе, и бысть в тебе сопотивно. 35 Сего ради слыши, блуднице, слово Господне. 36 Сия глаголет Адонаи Господь: зане излила еси медь твою, и открытсся срам твой во блужении твоём ко рачителем твоим, и во вся помышления беззаконий твоих, и во крови чад твоих, яже дала еси им: 37 сего ради, се, аз на тя соберу вся похотники твоя, с нимже смешилася еси, и всех, ихже любила еси,

со всеми, ихже ненавидела еси: и соберу я на тя отвсюду и открою злобы твоя к ним, и узрят весь срам твой. **38** И отмщу ти отмщением любодейцы и проливающая кровь, и положу тя во крови ярости и рвения, **39** и предам тя в руке их, и раскопают блудилище твое и разорят высокая твоя, и совлекут с тебе ризы твоя и возмут сосуды хвалы твоея, и оставят тя нагу и безстыдну: **40** и приведут на тя народы, и побият тебе камением и изсекут тя мечьми своими, **41** и запалят дома твоя огнем и сотворят в тебе отмщение пред женами многими: и обращай тя от блужания, и найма ктому не даси. **42** И послу ярость Мою на тя, и отимется рвение Мое от тебе: и почую и ктому не попекуся. **43** Понеже не помянула еси дний младенства твоего и опечалила Мя во всех сих: и се, аз пути твоя на главу твою дах, глаголет Адонай Господь: и тако сотворила еси нечестие по всем беззаконием твоим. **44** Сия суть вся, елика рекоша на тя в притчи, глаголюще: якоже мати, тако и дщерь. **45** Дщерь матери твоя ты еси, отринувшая мужа своего и чада своя: и сестры сестр твоих, отринувшая мужей своих и чад своих: мати ваша Хеттеаныня, а отец ваш Аморрей: **46** сестра ваша старейшая Самария, та и дщери ея живущия ошуюю тебе: и сестра твоя меньшая, живущая одесную тебе, Содома и дщери ея. **47** Но ниже по путем их ходила еси, ниже сотворила по беззаконием их поне мало, и превозшла еси их во всех путех твоих. **48** Живу аз, глаголет Адонай Господь, не сотворила Содома сия сестра твоя и дщери ея, якоже ты сотворила и дщери твоя. **49** Обаче сие беззаконие Содомы сестры твоя, гордость в сытости хлеба и во изюбилии вина, и сластолюбствовала та и дщери ея: сие бяше ей и дщерем ея: и руки убогому и нищему не подаяху, **50** и величавуся, и сотвориша беззакония предо Мною: и отвергох я якоже видех. **51** Самария же пол грехов твоих не согреши: и умножила еси беззакония твоя паче оных, и оправдала еси сестры твоя во всех беззакониях твоих, яже сотворила еси. **52** И ты прими мучение твое, в немже растлила еси сестры твоя во гресех твоих, имиже беззаконновала паче тех, и оправдала их паче тебе: и ты посрамися и прими безчестие твое, внемгда оправдати тебе сестры твоя. **53** И обращай обращения их, обращения Содомы и дщерей ея, и обращение Самарии и дщерей ея, и обращай обращение твое среде их, **54** яко да примешь мучение твое и безчестна будеши от всех, яже сотворила еси во разгневании моем. **55** И сестра твоя Содома и дщери ея возставятя, якоже беша исперва: и Самария и дщери ея возставятя, якоже беша исперва: и ты и дщери твоя возставитяся, якоже бесте прежде. **56** И не была Содома сестра твоя во слышание во устех твоих во днеш гордыни твоея, **57** прежде откровения злб твоих, якоже ныне укоризна еси дщерей Сирских и всех сущих окрест ея дщерей иноплеменничих одержавших тя окрест: **58** нечестия твоя и беззакония твоя ты понесла еси я, глаголет Господь. **59** Сия глаголет Адонай Господь: и сотворю в тебе, якоже сотворила еси, якоже презрела еси еже преступити завет Мой: **60** и воспомяну аз завет Мой, иже с тобою во днеш младенства твоего, и возставлю тебе завет вечный: **61** и помянеши пути твоя и безчестна будеши,

внемгда поймешь сестры твоя старейшыя со юнейшими твоими, и дам я тебе на созидание, но не от завета твоего: **62** и возставлю аз завет Мой с тобою, и увеси, яко аз Господь: **63** яко да помянеши и усрамишися, и не будет тебе ктому отверсти уст твоих от лица безчестия твоего, егда милостив буду тебе по всем, елика сотворила еси, глаголет Адонай Господь.

17 И бысть слово Господне ко мне глаголя: **2** сыне человек, повеждь повесть и рцы притчу на дом Израилев, **3** и речеши: сия глаголет Адонай Господь: орел великий, великокрылый, долгий протяжением, исполнь ногтей, иже имать повеление внити в Ливан, и взя избранныя кедра, **4** и верхи мягкости острога, и принесе я в землю Хананейску, во граде огражденнем положи я: **5** и взя от семени земнаго и даде е на поли плодне, (да утвердит корение) над водами многими, видено учини е: **6** и прозябе и бысть в виноград немощен и мал величеством, еже являтися лозию его на нем, и корение его под ним бяше: и бысть в виноград, и сотвори розги, и простре отрасли своя. **7** И бысть орел другой велик, великокрылый, мног ногтми, и се, виноград сей оплетаяся об нем: и корение его к нему, и лозие свое испусти ему, еже напаяти себе со грудием сада своего. **8** На поли добре, на воде мнозе питается той, еже сотворити прозябения и приносити плод, еже быти в виноград велик. **9** Сего ради рцы: сия глаголет Адонай Господь: еда исправитя? Не корение ли мягкоты его и плод изгниет? И изсхнут вся леторасли его, и не мышцею ли великою, ни людьми многими еже исторгнути его из корения его? **10** И се, тьет: еда успеет? Не абие ли, егда коснется ему ветр знойный, посхнет сухотою? Со грудием прозябения своего изсхнет. **11** И бысть слово Господне ко мне глаголя: **12** сыне человек, рцы ко дому прогневляющему мя: не весте ли, чю суть сия? Рцы им: се, грядет царь Вавилонск на Иерусалим, и возмет царя его и князя его, и отведет я к себе в Вавилон: **13** и поймет от племени царска, и заветает с ним завет, и введет его в клятве, и старейшины земли возмет, **14** еже быти в царство немощно, еже весьма не возноситися, (но) хранити завет его и стояти в нем: **15** и отвержется от него посылая послы своя во Египет дати ему кони и люди многи: еда исправит? Спасетя ли творяй сопротивная? И преступаяя завет спасетя ли? **16** Живу аз, глаголет Адонай Господь, аще не на месте, идеже царь воцаривый его, иже похули клятву Мою и иже преступи завет Мой, с ним среде Вавилона скончается. **17** И не в силе велицей, ниже в народе мнозе сотворит с ним фараон брань во остроже и в сограждении стрельниц, еже изяти души многи. **18** И похули клятву, еже преступити завет, и се, даде руку свою и вся сия сотвори ему: не спасетя. **19** Сего ради рцы: сия глаголет Адонай Господь: живу аз, аще не клятву Мою, юже похули, и завет Мой, егоже преступи, дам на главу его: **20** и простру мрежу Мою нань, и ят будет во одержании ея: и приведу его в Вавилон и разсуждуся с ним тамо о неправде его, еоуже неправдова ко Мне: **21** и вси избегшии его и вси избранныи со всеми ополченими его мечем

падут, и вся оставшая их развею по всему ветру, и увесте, яко Аз Господь глаголах. 22 Сего ради сия глаголет Адонаи Господь: и возму Аз от избранных кедря высокоаго от верха и дам от главы отраслей его, сердца их острожу и насажду аз на горе висоце: 23 и повешу и в горе висоце Израилеве и насажду и, и прорастит отрасль и сотворит плод и будет в кедр велик: и почиет под ним всяк зверь, и под сению его почиет всяка птица, и лозие его паки устроятся: 24 и увесть всяко древо полеовое, яко Аз Господь смиряяй древо высокое и возносяй древо смиренное, и изсушаяй древо зеленое и прорастаяй древо сухое: Аз Господь глаголах и сотворю.

18 И бысть слово Господне ко мне глаголя: 2 сыне человекъ, что вам притча сия на земли Израилеве, глаголющым: отцы ядоша терпкое, а зубом чад их оскомины быша? 3 Живу Аз, глаголет Адонаи Господь, аще будет еще глаголема притча сия во Израили. 4 Яко вся души Моя суть, якоже душа отча, тако и душа сыновня, Моя суть: душа, якоже согрешит, та умрет, и зобавшаго пародки зубы оскомины будут. 5 Человек же, иже есть праведен творяй суд и правду, 6 на горах не снестъ и очес своих не воздвигнет на кумиры дому Израилева, и жены ближняго своего не осквернавит и к жене в месячных сущей не приблизится, 7 и человеку не насильствует, залог должнику отдаст и хищением не восхитит, хлеб свой алчному даст и нагаго облечет в ризу, 8 и сребра своего в лихву не даст и прибьтка не возмет, и от неправды отвратит руку свою и суд сотворит между мужем и ближним своим, 9 и в заповедех Моих ходил и оправдания Моя снабдел, еже творити та: праведен сей есть, жизнью жити имать, глаголет Адонаи Господь. 10 И аще родит сына губителя, проливающаго кровь и творяща грехи, 11 в путь отца своего праведнаго не ходил, но и на горах пожре, и жену ближняго своего осквернавил, 12 и убогаго и нищаго преобиде, и хищением восхитил и залога не отдал, и к кумиром положи очи свои, беззакония сотвори, 13 с лихвою даде и с примножением приял, сей жизнью не поживет: вся сия беззакония сотвори, смертию умрет, кровь его на нем будет. 14 Аще же родит сына, он же увидит вся грехи отца своего, яко сотворил есть, и убоится и не сотворит по ним, 15 на горах не снестъ и очес своих не положит к кумиром дому Израилева, и жены подруга своего не осквернавит 16 и человека не насильствует, и залога не удержит и хищением не восхитит, хлеб свои алчному даст и нага одееет ризою, 17 и от неправды отвратит руку свою, лихвы и примножения не возмет, правду сотворит и в заповедех Моих ходити будет: не скончается в неправдах отца своего, (но) жизнью поживет. 18 Отец же его аще скорбию оскорбит и хищением восхитит, сопротивная сотворит посреде людей Моих, и умрет в неправдах своих. 19 И речете: что яко не взя сын неправды отца своего? Понеже сын правду и милость сотвори, вся законы Моя соблюде и сотвори я, жизнью поживет. 20 Душа же согрешающая, та умрет: сын не возмет неправды отца своего, и отец не возмет неправды сына своего: правда праведнаго на нем будет, и беззаконие беззаконника на нем будет. 21 И беззаконник

аще обратится от всех беззаконий своих, яко сотворил, и сохранит вся заповеди Моя и сотворит суд и правду и милость, жизнью поживет и не умрет: 22 вся согрешения его, елика сотворил, не помянутся ему: но в правде своей, яко сотворил, жив будет. 23 Еда хотением восхошу смерти грешника, глаголет Адонаи Господь, а не еже обратится ему от пути зла и живу быти ему? 24 И аще совратится праведник от правды своя и сотворит неправду по всем беззаконием, яко сотворил беззаконник, вся правды его, яко сотворил есть, не помянутся: в преступлении своем, имже преступил, и во гресех своих, имже согрешил, в них умрет. 25 И рекосте: не управится путь Господень. Слышите убо, весь дом Израилев, еда путь мой не управится? Ваш ли путь убо управится? 26 Егда совратится праведник от правды своя и сотворит грех, и умрет в преступлении, еже сотворил, в том умрет. 27 И егда обратится беззаконник от беззакония своего, еже сотворил, и сотворит суд и правду, той душу свою снабдел есть: 28 и виде и обратися от всех беззаконий своих, яко сотвори, жизнью поживет и не умрет. 29 И глаголет дом Израилев: не управится путь Господень. Еда путь Мой не управляется? О, доме Израилев, убо ваш ли путь управляется? 30 (Сего ради) комуждо по пути его сужду вам, доме Израилев, глаголет Адонаи Господь: обратитесь и отвержитесь от всех нечестий ваших, и не будут вам неправды в мучение: 31 отвержите от себе вся нечестия ваша, имже нечествовате ко Мне, и сотворите себе сердце ново и дух нов, и сотворите вся заповеди Моя: и вскую умираете, доме Израилев? Глаголет Господь. 32 Понеже не хошу смерти грешника умирающаго, глаголет Адонаи Господь, но еже обратится ему от пути своего и жити души его, глаголет Адонаи Господь: обратитесь убо, и живи будете.

19 Ты же, сыне человекъ, возми плачь на князи Израилевы, 2 и речеши: почто мати твоя львица среде львов почи, посреде львов умножи львичища своя? 3 И отскочи един от львичищ ея и бысть лев, и научися восхищати восхищения и человеки снеде. 4 И слышаша о нем языцы, и ят бысть в растлении их, и приведоша его во узде во Египет. 5 И виде, яко отведен бысть от нея, и погибе чаяние ея: и взя инаго от львичищ своих и львом учини его, 6 и живяше посреде львов, бысть лев и научися восхищати восхищения: человеки изыде, 7 и пасящеса в лютости своей, и грады их пусты постави, и погуби землю и исполнение ея гласом рыкания своего. 8 И даша нань языцы окрест от стран и простроша нань мрежи своя, и в погублении их ят бысть. 9 И положиша его во узде и в клетки, приведоша его ко царю Вавилонску и ввергоша его в темницу, яко да не слышится глас его ктому на горах Израилевых. 10 Мати твоя яко виноград и яко цвет шипчан на воде насажден, плод его и отрасль его бысть от воды многи. 11 И бысть ему жезл крепости над племенем старейшин, и вознесся в величии своем среде лозия: и виде величество свое во множестве лозия своего, 12 и обломися в ярости, и на землю повержен бысть, и ветр знойный изсуши плоды его: увядоша, и изсше жезл крепости его: огонь потреби его. 13 И ныне насадиша

его в пустыни, на земли безводне. 14 И изыде огонь от жезла избранных его и пояде и, и не бе в нем жезла крепости его: племя в притчу плача есть, и будет плачь.

20 И бысть в лето седмое, в пятый месяц, в десятый день месяца, приидоша мужие от старейшин дому Израилева вопросити Господа и седоша пред лицом моим. 2 И бысть слово Господне ко мне глагола: з сыне человек, глаголи ко старейшинам дому Израилева и речеши к ним: тако глаголет Адонай Господь: еда вопросити Мене вы приходите? Живу Аз, аще отвечаю вам, глаголет Адонай Господь. 4 Аще отмщением отмщу им: сыне человек, беззакония отец их засвидетелствуй им, 5 и речеши к ним: сия глаголет Адонай Господь: от негоже дне избрах дом Израилев, и уведен бых племени дому Иаковля и познан бых им во земли Египетстей, и приях я рукою Моею глагола: Аз Господь Бог ваш: 6 в той день подях я рукою Моею, еже извести я из земли Египетския в землю, юже уготовах им, землю кипящую млеком и медом, сот есть паче всех земель, 7 и рекох к ним: кийждо мерзости от очес своих отвержеть и во творениях Египетских не оскверняйтесь, Аз Господь Бог ваш. 8 И отвергошася Мене и не хотеша послушати Мя: кийждо мерзостей от очес своих не отвергоша и творений Египетских не оставиша. И рекох, еже излияти ярость Мою на ня и скончати гнев Мой на них среде земли Египетския. 9 И сотворих, яко да имя Мое весьма не осквернится пред языки, в ниже суть тии среде их, в ниже познан бых им пред лицом их, еже извести я из земли Египетския. 10 И изведох я из земли Египетския и введох я в пустыню, 11 и дах им заповеди Моя, и оправдания Моя явих им, яже аще сотворит человек, жив будет в них: 12 и субботы Моя дах им, еже быти в знамение между Мною и между ими, еже разумети им, яко Аз Господь освящай их. 13 И глаголах ко дому Израилеву в пустыни: в заповедех Моих ходите и оправдания Моя сохраните, еже творити я, яже сотворит человек и жив будет в них. И разгнева Мя дом Израилев в пустыни: в заповедех бо Моих не ходиша и оправдания Моя отвергоша, яже сотворит человек и жив будет в них: и субботы Моя оскверниша зело. И рекох, еже излияти ярость Мою на ня в пустыни, еже потребити их. 14 И сотворих, яко да весьма имя Мое не осквернится пред языки, из ниже изведох я пред очима их. 15 И Аз воздвигох руку Мою на ня в пустыни весьма, еже не ввести их в землю, юже дах им, в землю текущую млеком и медом, сот есть паче всея земли: 16 понеже судьбы Моя отвергоша и в заповедех Моих не ходиша, и субботы Моя оскверниша и вслед помышлений сердца своего хождоша. 17 И пощаде я око Мое, еже потребити их, и не сотворих им скончания в пустыни. 18 И рекох ко чадам их в пустыни: в законех отец ваших не ходите и оправданий их не храните, и ко творением Египетским не примешайтесь и не оскверняйтесь: 19 Аз Господь Бог ваш: в заповедех Моих ходите, и оправдания Моя снабдите и творите я, 20 и субботы Моя освящайте и будет в знамение между Мною и между вами, еже ведети вам, яко Аз Господь Бог ваш. 21 И разгневаша Мя, и чада

их в заповедех Моих не ходиша и оправданий Моих не снабдеша, еже творити я: сия бо сотворив человек жив будет в них: и субботы Моя оскверниша зело. И рекох: излию ярость Мою на ня, еже скончати гнев Мой на них в пустыни. 22 И сотворих, яко да имя Мое весьма не оскверняется пред языки, от ниже изведох я пред очима их. 23 И Аз воздвигох руку Мою на ня в пустыни, еже расточити я во языцех и разсеяти я во странах, 24 понеже оправданий Моих не сотвориша и заповеди Моя отринуша и субботы Моя оскверниша, и вслед кумиров отец их быша очеса их. 25 И дах им заповеди не добры и оправдания, в ниже не будут живи: 26 и оскверню я в даяниях их, внигда проводити (им) всякое разверзающее ложесна, да погублю их, да уразумеют, яко Аз Господь. 27 Сего ради глаголи к дому Израилеву, сыне человек, и речеши к ним: сия глаголет Адонай Господь: даже до сего разгневаша Мя отцы ваши во гресех своих, имижже согрешиша ко Мне: 28 и введох я в землю, в нуже воздвигох руку Мою, еже дати ю им: и видеша всяк холм высок и всяко древо присенное, и пожроша тамо богом своим и учиниша тамо ярость даров своих, и положиша тамо воноу благовония своего и возляшша тамо возлияния своя. 29 И рекох к ним: что суть Аввама, яко вы входите тамо? И прозваша имя ему Аввама даже до днешняго дне. 30 Сего ради рцы к дому Израилеву: сия глаголет Адонай Господь: аще во беззакониях отец ваших вы оскверняетесь и вслед мерзостей их вы соблуждаете, 31 и в приношении даров ваших и в нарочех ваших, егда проходят чада ваша сквозе огонь: вы оскверняетесь во всех кумирех ваших даже до днешняго дне, и Аз отвечаю ли вам, доме Израилев? Живу Аз, глаголет Адонай Господь, аще отвечаю вам и аще взыдет на дух ваш сие. 32 И не будет, якоже вы глаголете: будем, якоже языцы и якоже племена земная, служити древу и камению. 33 Сего ради живу Аз, глаголет Адонай Господь, аще не рукою крепкою и мышцею высокою и в ярости излиянней царствовать буду над вами: 34 и изведу вы от людей и прииму вы от стран, в ниже бесте разсеяни, рукою крепкою и мышцею высокою и яростию излиянною, 35 и приведу вас в пустыню людскую и разсуждуся с вами тамо лицом к лицу: 36 якоже судихся со отцы вашими в пустыни земли Египетския, тако сужду и вам, глаголет Адонай Господь: 37 и проведу вы под жезлом моим и введу вы в числе завета, 38 и изберу от вас нечестивыя и отвергшыяся: из земли бо обитания их изведу я, и в землю Израилеву не внидут, и познаете, яко Аз Господь Бог. 39 Вы же, доме Израилев, сице глаголет Адонай Господь: кийждо кумиры своя отимите, и потом аще послушаете Мене, и имене Моего святого не оскверните ксему в дарех ваших и рукотворениях ваших: 40 понеже на горе Моей святей, на горе высоче Израилеве, глаголет Адонай Господь, тамо послужат Ми весь дом Израилев до конца на земли, и тамо прииму я и тамо присещу на приношения ваша и начатки обетов ваших во всех освященных ваших. 41 В воноу благовония прииму вы, егда изведу вы из людей и прииму вы от стран, в наже расточени бысте, и освящуся в вас пред очима людскими: 42 и увесте, яко Аз Господь, егда

введу вы в землю Израилеву, в землю, на нуже воздвигох руку Мою дати ю отцеи вашим: **43** и помянете тамо пути ваша и вся мерзкия грехи ваша, в ниже осквернитесь, и посрамите лица ваша во всех злобах ваших, яже сотвористе: **44** и познаете, яко Аз Господь, егда сотворю вам тако, яко да имя Мое не осквернится по путем вашим злым и по рукотворением вашим растленным, доме Израилев, глаголет Адонаи Господь. **45** И бысть слово Господне ко мне глаголя: **46** сыне человек, утверди лице твое на юг и воззри на дарома, и прорцы на дубраву старейшину нагева **47** и речеши дубраве нагеве: слыши слово Господне, сия глаголет Адонаи Господь: се, Аз возгнещу в тебе огонь, и пожжет в тебе всяко древо зеленое и всяко древо сухое, не угаснет пламень разжженный, и изгорит в нем всяко лице от полудне до севера, **48** и увестъ всяка плоть, яко Аз Господь разжего его, и не угаснет. **49** И рекох: никакоже, Господи, Господи! Сии глаголют ко мне: не притча ли есть сия глаголема?

21 И бысть слово Господне ко мне глаголя: **2** сего ради прорцы, сыне человек, и утверди лице твое на Иерусалим и воззри на святыни их, и прорцы на землю Израилеву, **3** и речеши ко земли Израилеве: сия глаголет Адонаи Господь: се, Аз на тя, и извлеку меч Мой из ножен его, и потреблю от тебе неправеднаго и беззаконнаго. **4** Понеже потреблю от тебе неправеднаго и беззаконника, тако изыдет меч Мой из ножен своих на всяку плоть от юга даже до севера, **5** и увестъ всяка плоть, яко Аз Господь извлекох меч Мой из ножен его, и ктому не возвратится. **6** И ты, сыне человек, воздохни в сокрушении чресл твоих и в болезнх възстени пред очима их. **7** И будет, аще рекут к тебе: чесо ради ты стенеши? И речеши: о възвещении, яко грядет: и сокрушится всяко сердце, и ослабеют вся руки, и издшет всяка плоть и всяк дух, и вся стегна оскверняются мокрою: се, грядет и будет, глаголет Адонаи Господь. **8** И быти слово Господне ко мне глаголя: **9** сыне человек, прорцы и речеши: сия глаголет Адонаи Господь: рцы: мечу, мечу! Изострися и разярился, **10** яко да исечеши сечения: изострися, яко да будеши в блещание и готов на разсыпание: сецы, изничтожай, отрини всякое древо. **11** И даде его уготованна, еже держати в руках его: наострился меч, готов есть, еже дан быти в руке секущаго. **12** Возопий и восплачися, сыне человек, яко сей бысть в людех Моих, сей во всех старейшинах Израилевых: обитающий близ под мечь быша с людьми Моими: сего ради восплещи рукама твоима, **13** яко оправдася. И что, аще и племя отринется? Не будет, глаголет Адонаи Господь. **14** И ты, сыне человек, прорцы и восплещи рукама и усугуби мечь: третий мечь язвеным есть, мечь язвеным велик, и ужасиши я, **15** яко да сокрушится сердце их, и умножатся немощнии во всех вратех их, предаются на усечение мечное: благо остр бысть на сечение, благо бысть на блистание. **16** Проходи яко молния, острися одесную и ошуюю, аможе аще лице твое востанет: **17** и Аз восплещу рукою Мою к руке Моей и напушу ярость Мою, Аз Господь глаголах. **18** И бысть слово Господне ко мне глаголя: **19** и ты, сыне человек, учини

себе пути два, еже внити мечу царя Вавилонска, от страны единыя изыдут начала два, и руку уготовают в начале пути града, от начала пути учиниши, **20** яко внити мечу на Равваф сынов Аммоних и на Иудею и на Иерусалим среде его. **21** Понеже станет царь Вавилонск на старем пути, на начале обоих путей, еже волхovati волхованием, якоже вскипети жезлу, и вопрошати ваяных и вражити во утробах. **22** И бысть одесную его волшебство на Иерусалим, еже обставити острог и еже отверсти уста с воплем и возвысити глас со глашением трубным, и яко поставити острог пред враты его и насыпати персти и поставити стрелницы. **23** И той аки волхвля им волхование пред ними, уседмеря седмерицы, и той воспоминай неправды его помянути. **24** Того ради сия глаголет Адонаи Господь: понеже воспомянусте неправды ваша, внегда открывшася нечестия ваша, яко явитися грехом вашим во всех беззаконних ваших и во всех начинаних ваших, понеже воспомянусте, в тея яти будете. **25** И ты, сквернаве, беззаконниче, старейшино Израилев, егоже грядет день во время неправды, конец: **26** сия глаголет Господь: сними кидар и отложи венец, сей не таков будет, смирил еси высокое и вознесл смиренное: **27** неправду, неправду, неправду положу его, и той не таков будет, дондеже приидет, Емуже достоит, и предам Ему. **28** И ты, сыне человек, прорцы и речеши: се глаголет Адонаи Господь к сыном Аммоним и ко укоризне их, и речеши: мечу, мечу извлеченый на сечение, извлеченый на скончание, двигнися, яко да блистаеши: **29** в видении твоём суетнем, и внегда вражбити тебе ложная, егда предаешися ты на выи язвеных беззаконников, ихже день приспе во время неправды, конец: **30** возвратися в ножны твоя и не стани на месте сем, в немже родился еси, на земли твоей имам тя судити: **31** и излию на тя гнев Мой, во огни гнева Моего дуну на тя и предам тя в руке мужей варвар, творящих пагубу: **32** огню будеши ядь, кровь твоя будет посреде земли твоея: не будет твоя память, занеже Аз Господь глаголах.

22 И бысть слово Господне ко мне глаголя: **2** и ты, сыне человек, аще судити будеши граду кровей, и яви ему вся беззакония его, **3** и речеши: сия глаголет Адонаи Господь: о, граде проливаяя кровь среде себе, еже приити времени его, и творяй кумиры на себе, еже осквернитися самому: **4** в крови их, юже излиал еси, согрешил еси, и в кумирех твоих, яже творил, осквернился еси, и сократил еси дни твоя, и привел время лет твоих: сего ради дах ты на укоризну языком и на поругание всем странам, **5** близ тебе и далече от тебе сущым, и поругаются тебе и возопиют на тя: о, нечистый, пресловутый и много во беззаконних! **6** Се, старейшины дому Израилева, кийждо ко своим ужикам смесишася в тебе, яко да пролиют кровь: **7** отцу и матери злословяху в тебе и ко пришелцу обращахуся неправдами в тебе: сироту и вдовицу преобидяху в тебе: **8** и святая Моя уничижаху и субботы Моя оскверняху в тебе: **9** мужие разбойницы беша в тебе, яко да пролиют в тебе кровь, и на горах ядыху в тебе и скверны творяху в тебе: **10** стыд отчий открывша в тебе, и в нечистоте седящую обругаша в тебе: **11**

кийждо на жену подруга своего беззаконноша, и кийждо невестку свою оскверняше в нечестии, и кийждо сестру свою, дщерь отца своего, обругаваше в тебе: 12 мзды взимаху в тебе, яко да пролиют кровь, лихву и избыток взимаху в тебе: и скончал еси скончание злобы твоея яже в насилии, Мене же забыл еси, глаголет Адонай Господь. 13 Се убо, ударю рукою Мою о руку Мою на та, яже совершил еси и яже сотворил еси, и на крови твоя бышьяя посреде тебе: 14 аще устоит сердце твое, и аще преодолют руке твои во днеш, в няже Аз творю в тебе? Аз Господь глаголах, и сотворю. 15 И разсыплю тя во язычех и разсею тя в странах, и оскудеет нечистота твоя из тебе, 16 и владеи буду тобою пред очима языков, и познаеши, яко Аз Господь. 17 И бысть слово Господне ко мне глаголя: 18 сыне человек, се, быша Мне дом Израилев смешани вси с медию и железом, и со оловом чистым и со свинцем, среде печи сребро смешено суть. 19 Сего ради рцы: сия глаголет Адонай Господь: понеже бысте вси во смешение едино, сего ради, се, Аз прииму вас во средину Иерусалима: 20 якоже приемлется сребро и медь, и железо и свинец и олово чистое во средину печи, еже дунути на ня огню, да слияются, тако прииму вас во гнев Мой и в ярости Моей, и соберу и слию вас, 21 и дуну на вы во огни гнева Моего, и слияни будете среде его: 22 якоже сливается сребро среде печи, тако слитесь посреде его и познаете, яко Аз Господь излиях ярость Мою на вас. 23 И бысть слово Господне ко мне глаголя: 24 сыне человек, рцы ему: ты еси земля неодожимая, ниже дождь бысть на тя в день ярости. 25 Егоже старейшины среде его, яко львы рыкающе, восхищающе восхищения, души изыдающе насильем, богатство и честь приемлюще, и вдовицы твоя умножишася посреде тебе: 26 и жерцы его отвергошася закона Моего и оскверниша святая Моя: между святым и сквернавым не разлучаху, и между нечистым и чистым не разделяху, и от суббот Моих покрываху очи свои, и оскверняху Мя посреде себе: 27 князи его среде его яко волцы восхищающе похищения, еже пролияти кровь и погубити души, яко да лихоимством лихоимствуют: 28 и пророцы его помазующии их падут, видящии суетная, волхвующии ложная, глаголюще: сия глаголет Адонай Господь: а Господь не глагола. 29 Людий земли утесняюще неправдою и восхищающе восхищения, нища и убога насильствующе и со пришелцем не живуще судом. 30 И исках от них мужа живуща право и стояща цело пред лицом Моим во время гнева Моего, еже бы не до конца погубити его, и не обретох. 31 И излиях нань ярость Мою во огни гнева Моего, еже скончати я: пути их на главы их дах, глаголет Адонай Господь.

23 И бысть слово Господне ко мне глаголя: 2 сыне человек, две жене бесте дщери матери единыя 3 и соблудисте во Египте, в юности своей соблудисте: тамо спадоша сосцы их, и тамо растлисте девство. 4 Имена же има: Оола старейшая, Оолива же меньшая сестра ея: и бысте Мне и родисте сыны и дщери: имена же има: Самариа Оола, и Иерусалим Оолива. 5 И соблуди Оола от Мене и возложися на похотники своя, на Ассирианы приближающыя ей, 6

облеченныя в червленицы, старейшины и воеводы: юноши избранныи, вси конницы яздящии на конех: 7 и даде блужение свое к ним: избранным сыном Ассирийским всем, и ко всем, на няже возлагашеся, во всех нечистотах их оскверняшеся: 8 и блужения своего, еже из Египта, не остави, яко с нею сплаху в юности ея, и тии растлиша девство ея и излияха блужение свое на ню. 9 Того ради предах ю в руке похотником ея, в руке сыном Ассирийским, на нихже возлагашеся. 10 Тии открыша стыд ея, сыны и дщери ея пояша и самую мечем усекнуша: и бысть поношение в неях, и отмщение сотвориша в ней во дщерех ея. 11 И виде сестра ея Оолива, и растли возложение свое паче ея, и блуд свой паче блуда сестры своея умножи: 12 на сынов Ассирийских возложися, на старейшины и воеводы, иже близ ея, облеченны во благоистканны, на конники яздящыя на конех, юноши избранныи вси. 13 И видех, яко оскверниша путь един обою. 14 И приложи ко блужению своему, и виде мужы написаны на стене, образы Халдейски написаны шарами, 15 препоясаны пестротами о чреслах своих, и превои крашеннии на главах их, вид троякий всех, подобие сынов Вавилонских, Халдейских, земли отчества их: 16 и возложися на ня зрением очей своих, и посла послы к ним в землю Халдейску. 17 И приидоша к ней сынове Вавилонстии на ложе витающих и оскверниша ю в блужении ея, и оскверниша в них, и отступи душа ея от них: 18 и откры блужение свое и откры срамоту свою. И отступи душа Моя от нея, якоже отступи душа Моя от сестры ея. 19 И умножила еси блужение твое, еже помянути дни юности твоея, в няже блудила еси во Египте, 20 и возлегла еси на Халдеи, иже плоти быша аки плоти осли, и яко лона конская лона их, 21 и посетила еси беззаконие юности твоея, яже творила еси во Египте во виталищи твоём, идеже сосцы юности твоея спадоста. 22 Того ради, Ооливо, сия глаголет Адонай Господь: се, Аз воздвигну похотники твоя на тя, от нихже отступи душа твоя, и наведу их на тя окрест, 23 сынов Вавилонских и всех Халдеев, Факуда и Суда и Куда, и вся сыны Ассирийски с ними, юношы избранны, старейшины и воеводы, вся тристаты и нарочитыя, конники на конех вси. 24 И приидут на тя вси от севера, колесницы и колеса со многим народом, щиты и сулицы и шлемы, и поставят стражбу окрест тебе, и дам пред лицом их суд, и отмстят ти в судех своих: 25 и дам рвение Мое в тебе, и сотворят с тобою гнев ярости Моея, ноздри твоя и уши твои обрежут, и оставших твоих мечем изсекут: тии сынов твоих и дщерей твоих возмут, и оставших твоих потребит огонь: 26 и совлекут с тебе ризы твоя и возмут сосуды хвалы твоея. 27 И отвращу нечестия твоя от тебе и блуд твой от земли Египетския: и не воздвигнеши очес твоих на них и Египта не помянеши ктому. 28 Понеже сия глаголет Адонай Господь: се, Аз предаю тя в руке, иже ненавидиши, от нихже отступи душа твоя: 29 и сотворят в тебе в ненависти, и возмут вся труды твоя и дела твоя, и будеши нага и посрамлена, и открытается студ блуда твоего и нечестие твое. 30 И блужение твое сотвори сия тебе, егда блудила еси вслед языков и осквернялася в кумирех их: 31 в пути сестры твоея ходила еси, и дам

чашу ея в руже твои. 32 Сия глаголет Адонаи Господь: чашу сестры твоя испиеш и глубокую и широкую, и будет на смех и подражание, избылную ко совершению пьянства, 33 и расслабления наполниши: чаша же потребления и погубления чаша сестры твоя Самари: 34 и испиеш ю и истощиши, и чреп ея ядуши потребиши, и сосца твоя отторгнеш: и праздники и новомесячия твоя отвращу: понеже аз глаголах, рече Адонаи Господь. 35 Сего ради сия глаголет Адонаи Господь: понеже забыла Мя еси и отвергла Мене назад тела твоего, и ты возми нечестие твое и блуд твой. 36 И рече Господь ко мне: сыне человек, не будеш ли судити Ооле и Ооливе, и возвестиши ли има беззакония ею? 37 Яко любодействоваше, и кровь в руках ею, и в кумирех ея прелюбодействоваше, и чада своя, яже родисте Мне, проваждаше им сквозе огонь. 38 Даже и сия сотвористе Ми, оскверняете святая Моя в той день, и субботы Моя оскверняете: 39 и внегда закаласте чада своя кумиром своим, и вхождасте во святая Моя в той день, еже сквернити я: и се, тако творяете среде дому Моего: 40 и посыласте ко мужем грядущим издаля, к нимже послов посыласте. И егда приходити им, абие умывалася еси и уваряла еси очи твои и украшалася уварю, 41 и седела еси на одре постлане, и трапеза украшенна пред лицем ея, и фимиам Мой и елей Мой предлагала пред ними, и веселяхуся в них: 42 и гласом сличным возглаголаша, и ко мужем от множества человека приходящим от пустыни, и даху перстни на руки их и венец хвалы на главы их. 43 И рекох: не в сих ли прелюбодействуют? И дела блудницы, и сама облуди. 44 И вхождаху к ней: якове влазят к жене блуднице, тако влазяху ко Ооле и ко Ооливе, женам беззаконницам, еже сотворити беззаконие. 45 Муже же праведнии, тии и отмстят има отмщением любодейниц и отмщением проливающих кровь, яко любодейцы суть, и кровь в руках их. 46 Сия глаголет Адонаи Господь: приведи на них народы и даждь на них мятеж и разграбление, 47 и вержи камень на них, камень народов, и да избодут их мечьми своими: сыны их и дщери их избият и дома их огнем сожгут: 48 и отвращу нечестие от земли, и накажутя вся жены и не сотворят по нечестию их: 49 и дастся нечестие ваше на вы: и (вся) грехи кумир ваших примете и уразумеете, яко аз Адонаи Господь.

24 И бысть слово Господне ко мне, в девятое лето, в месяц десятый, в десятый день месяца, глаголя: 2 сыне человек, напиши себе имя дне сего, от негоже укрепися царь Вавилонский на Иерусалим, от сего дне, иже днешь, 3 и рцы притчу ко дому прогневающему, и речеши к ним: сия глаголет Адонаи Господь: настави коноб, настави и влий в онь воду, 4 и верзи в онь на двое разсеченая, всякое разсечение доброе, голень и рамо, обрзана от костей, 5 от избранных скотов взятая, и подгнешай костью под ними: возврe и воскипе, и сварившася кости его посреде его. 6 Того ради сия глаголет Адонаи Господь: о, граде кровей! Конобе, в немже есть яд, и яд не изыде из него: по удом его изнесе, не паде на нем жребий. 7 Яко кровь его среде его есть, на гладцем камени вчиних ю: не пролиях ея на землю, еже покрыти ю землею, 8 еже навести ярость Мою (на ню), во

отмщение еже отмстити: дах кровь его на гладцем камени, еже не покрыти ея. 9 Того ради сия глаголет Адонаи Господь: о, люте, граде кровей! Аз же возвеличу главню 10 и умножу дрова и возгнешу огонь, яко да истают мяса, и оскудеет юха, и кости истают, 11 и станет на главнях его, (тощ) разгореся, яко да изгорит, и распалится и сгорит медь его, и истает среде его нечистота его, и оскудеет яд его: 12 да смирится яд его, и не изыдет из него многий яд его, и посрамится яд его: 13 в нечистоте твоей укроп, понеже осквернялся еси ты и не очистился от нечистоты твоея: и что будет аще не очистившись по сем, дондеже исполню ярость Мою в тебе? 14 аз Господь глаголах, и придет, и сотворю, и не укусно, и не пощажу, и не буду умолен: по путем твоим и по помыслот твоим сужду тебе, глаголет Адонаи Господь: сего ради, се, аз сужду тебе по кровем твоим и по помыслот твоим сужду тебе, нечисте, пресловуте и великий на разгневание. 15 И бысть слово Господне ко мне глаголя: 16 сыне человек, се, аз возьму от тебе желания очес твоих в поражении, не восплачи, ниже възрыдай, ниже да придут тебе слезы, 17 возстени молчя: стенение крове, чресл плачь есть: да будут власи твои сплетени на тебе, и сапозы твои на ногах твоих, и да не утешишися устнами их, и хлеба мужей да не снеси. 18 И глаголах к людям заутра, якоже заповеда ми, и умре жена моя в вечер, и сотворих заутра, якоже повелеся ми. 19 И рекоша ко мне людие: не возвестиши ли нам, что суть сия, яже ты твориши? 20 И рекох к ним: слово Господне бысть ко мне глаголя: 21 рцы к дому Израилеву, сия глаголет Адонаи Господь: се, аз оскверню святая Моя, величания крепости вашей, желания очес ваших, и ихже шадят души ваша: и сынове ваши и дщери ваша, яже остависте, мечем падут: 22 и сотворите, якоже аз сотворих: от уст их не утешитяся и хлеба мужей не снесете, 23 и власи ваши на главах ваших, и сапозы ваши на ногах ваших: не будете терзатися, ниже плакати, и истаете в неправдах ваших, и не утешите кийждо брата своего. 24 И будет вам Иезекиль в чудо: по всему елика сотворих, сотворите: егда придут сия, и уразумеете, яко аз Адонаи Господь. 25 И ты, сыне человек, не в день ли той, егда возму от них крепость их, вознесение хвальбы их, желания очю их и возношение души их, сыны их и дщери их: 26 в той день придет уцелевый к тебе возвестити тебе во уши, 27 в той день отверзутся уста твоя ко уцелевшему, и возглаголеши и не премолчиши ктому, и будеш им в чудо: и уведят, яко аз Адонаи Господь.

25 И бысть слово Господне ко мне глаголя: 2 сыне человек, утверди лице твое на сыны Аммони и прорцы на ня, 3 и речеши сыном Аммоним (глаголя): слышите слово Господа Адоная, сия глаголет Адонаи Господь: понеже порадуетася о святых Моих, яко осквернена быша, и о земли Израилеве, яко погибе, и о дому Иудине, яко отиде в пленение: 4 того ради, се, аз предаю вас сыном Кедемлим в наследие, и вселятся со именем своим в тебе и поставят в тебе селения своя: тии поядят плоды твоя, и тии испиют тук твой: 5 и дам град Аммонь паствы велблудов и сыны Аммони на паству овец, и уразумеете, яко аз Адонаи Господь. 6

Сего ради тако глаголет Господь Бог: понеже восплескал еси рукою твоею и потоптал ногою твоею и порадовался еси душею твоею о земли Израилеве, 7 того ради, се, Аз простру руку Мою на тя и дам тя в разграбление языком, и потреблю тя от людей и погублю тя от стран пагубою, и увеси, яко Аз Адонаи Господь. 8 Сия глаголет Адонаи Господь: понеже рече Моав и Смир: се, якоже вси языцы, дом Израилев и Иуда, 9 сего ради, се, Аз расслаблю мышцу Моавлю от градов крайних его, избранную землю, Дом Иасимуфов над источником града приморского (Ваелмона и Кариафаима): 10 сыны Кедемли на сыны Аммони дах я в наследие, яко да не будет памяти сынов Аммони во языцех: 11 и в Моаве сотворю отмщение, и уведят, яко Аз Господь. 12 Сия глаголет Адонаи Господь: понеже сотвори Идумеа, егда отмстиша тии отмщением (во гневе) дому Иудову, и памятозловствовала и отмстиша прю от них: 13 того ради сия глаголет Адонаи Господь: простру руку Мою на Идумею и потреблю от нея человеки и скот и поставлю ю пусту, и от Феман гоними мечем падут: 14 и дам отмщение Мое на Идумею рукою людей Моих Израила, и сотворят во Идумеи по гневу Моему и по ярости Моей, и уведят отмщение Мое, глаголет Адонаи Господь. 15 Сего ради сия глаголет Адонаи Господь: понеже сотвориша иноплеменницы во отмщении и возставиша месть радуящаяся всею душею еже потребити даже до века, 16 того ради сия глаголет Адонаи Господь: се, Аз простру руку Мою на иноплеменники, и потреблю Критян, и погублю оставшыя живущыя на примории, 17 и сотворю в них отмщение велико, во обличениях ярости Моея, и уразуемю, яко Аз Адонаи Господь, егда дам отмщение Мое на ня.

26 И бысть во единонадесятое лето, в первый день месяца, бысть слово Господне ко мне глаголя: 2 сыне человек, понеже рече Сор на Иерусалима: благоже, сокрушился, погибоша языцы, обратися ко мне, иже бе исполненный, опусте: 3 того ради сия глаголет Адонаи Господь: се, Аз на тя, Сор, и приведу на тя языки многи, якоже восходит море волнами своими. 4 И обвалят стены Сора и разорят столпы твоя, и развею прах его из него и дам его во гладок камень. 5 Сушение мрежей будет среде моря, яко Аз глаголах, глаголет Адонаи Господь: и будет на пленение языком, 6 и дщери его, яже на поли, мечем убиены будут, и уведят, яко Аз Господь. 7 Яко сия глаголет Адонаи Господь: се, Аз наведу на тя, Сор, Навуходоносора царя Вавилонска от севера, царь царем есть, с конями и колесницами и с конниками и собранием многих языков зело: 8 сей дщери твоя на поли мечем избьет, и приставит на тя стражбу и оградит тя, и окопает тя ровом и сотворит окрест тебе острог, и обставит оружием и копия своя прямо тебе поставит, 9 стены твоя и пирги твоя разорит оружием своим: 10 от множества коней его покрывает тя прах их, и от ржания коней его и от колес колесниц его потрясутся стены твоя, входящу ему во врата твоя, аки входящу во град с поля: 11 копытами коней своих поперут вся стогны твоя: люди твоя мечем исзечет, и состав крепости твоя на земли

повержет, 12 и пленит силу твою, и возмет имения твоя, и разсыплет стены твоя, и домы твоя вожделенныя разорит, и древа твоя и камень твое и персть твою среде моря ввержет, 13 и упразднит множество мусикий твоих, и глас певниц твоих не услышится в тебе ктому. 14 И дам тя во камень гладок, сушение мрежное будеши, не соградишися ктому, яко Аз глаголах, глаголет Адонаи Господь. 15 Яко сия глаголет Адонаи Господь Сор: не от гласа ли падения твоего, егда возстенут язвении твои, егда извлечется меч посреде тебе, потрясят острова? 16 И снудут со престол своих вси князи язык морских, и свергнут венцы со глав своих, и ризы своя испещренныя совлекут с себе, ужасом ужаснутся: на земли сядут, и убоятся погибели своя, и возстенут о тебе, 17 и примут о тебе плачь, глаголюще: како погибл и разсыпался еси от моря, граде хвалимый, иже был еси крепок на мори, ты и живущи в тебе, иже дал еси страх твой всем живущым в тебе? 18 И убоятся (вси) острова от дне падения твоего, и смянутся острова в мори от исхода твоего. 19 Яко сия глаголет Адонаи Господь: егда дам тя град опустевш, якоже грады ненаселены никогдаже, вегда возведу на тя бездну, и покрьет тя вода многа: 20 и сведу тя к низходящим в пропасть к людем века, и вселю тя во глубинах земных, яко пустыню вечную с низходящими в пропасть, яко да не населишия, ниже востанеши на земли живота: 21 на пагубу тя отдам, и не будеши ктому, и възыщиси и не обрящешися во век, глаголет Адонаи Господь.

27 И бысть слово Господне ко мне глаголя: 2 и ты, сыне человек, возми на Сор плачь, 3 и речеши Сор: населенному на морстем входе, торжищу людей от островов многих, сия глаголет Адонаи Господь Сор: ты рекл еси: аз сам возложих на мя мою доброту, 4 в сердцы морстем веелиму, и сынове твои возложиха на тя доброту. 5 Кедр от Санира истесася тебе, тонкия доски кипарисныя от Ливана взяты быша, еже сотворити тебе ядрила елова: 6 от Васанитиды сотвориша весла твоя: святягилица твоя соорзиша от слоновых (костей), домы древяны от островов Хеттиимских: 7 виссон со испещрением от Египта бысть тебе постеля, еже обложити тебе славу и облещи тя в синету и во багряницу от островов Елиссе, и бысть одежда твоя. 8 И князи твои живущи во Сидоне и Арадиане быша весленицы твои: премудрии твои, Сор, иже быша в тебе, сии кормчи твои. 9 Старейшины Вивлийстии и премудрии их, иже быша в тебе, тии укрепляху совет твой: и вси корабли морстии и весленицы их быша в тебе ко западом западов. 10 Персяне и Лидяне и Ливiane беша в силе твоей, мужие добили твои щиты и шлемы повесиша в тебе, сии даша славу твою. 11 Сынове Арадийстии и сила твоя на забралех твоих окрест: но и Мидяне во пиргах твоих быша стражие, тулы своя обесиша на забралех твоих окрест: сии совершиша твою доброту. 12 Кархидоняне купцы твои, от множества силы твоея, серебро и злато, и медь и железо, и чистое олово и свинец даша куплю твою. 13 Еллада вся и ближнии твои продаяху в тебе души человекы, и сосуды медяны даша куплю твою. 14 От

дому Форгамова кони и конники и мщята даша куплю твою. 15 Сынове Родийстии купцы твои от островов умножиша куплю твою, зубы слоновы, и вводимым воздавал еси мзды твоя. 16 Человеки куплю твою от множества примешенца твоего, стакти и пестроты и синету от Фарсиса, и рамоф и хорхор даша куплю твою. 17 Иуда и сынове Израилевы, сии купцы твои: продаянием пшеницы и миров и касии, и первый мед и елей и ритину даша примешенцу твоему. 18 Дамаск купцы твои от множества всея силы твоея, вино от Хелвона, и волну блещашуся от Милита, и вино Деданово и Ионаново и Меозелево в куплю твою даша. 19 От ассиила железо деланое и колеса в примесницех твоих суть. 20 Дедан купцы твои со скоты избранными в колесницы. 21 Аравия и вси князи Кидарстии, сии купцы рукою твоею, велблюды и овны и агнцы в тебе продадут, имиже куплю творят. 22 Купцы Савы и Раммы, тии купцы твои с первыми сладостями и со камением драгим, и злато даша куплю тебе. 23 Харран, Ханаа и Дедан, сии купцы твои: Сава, Ассур и Харман купцы твои, 24 приносяще куплю синету и червленицу, и испещренная и сокровища избранная связана ужами, и кипарисная. 25 Корабли, в тех купля твоя, (корабли) Кархидонстии купцы твои, во множестве смесник твоих, и насытился еси, и отягчал зело в сердцах морских. 26 В воде мнозе привождашу ты весленицы твои: ветр южный сокруши ты в сердца морстем. 27 Быша силы твоя и мзда твоя от смесник твоих, и весленицы твои и кормчи твои, и советницы твои и смесницы от смесников твоих, и вси мужие твои доблии в тебе и весь сонм твой падут среде тебе в сердца морстем, в день падения твоего. 28 От гласа вопля твоего кормчи твои страхом убоятся. 29 И снудот с кораблей своих вси весленицы твои, и всадницы и ловцы морстии на земли станут: 30 и воскликнут на ты гласом своим, и воскричат горце, и возложат землю на главы своя, и прах постелют: 31 и оплешивеют над тобою плешьми, и облекутся во вретнице, и восплачутся о тебе в горести души, и плачем горьким ужаснутся: 32 и возмут о тебе сынове их плачь, возрыдают плаканием о тебе: кто якоже Тир умолкнувший среде моря? Колику обрел еси мзду от моря? 33 Наполнил еси страны от множества твоего и от смесник твоих обогатил еси вся цари земныя. 34 Ныне же сокрушился еси в мори, во глубинах водных смесницы твои, и весь сонм твой среде тебе падоша, и вси весленицы твои. 35 Все же живущии во островех уныли по тебе, и царие их ужасом ужасошася, и прослезися лице их. 36 Купцы от язык позвиждут о тебе, в погибель был еси, и ктому не будещи в век, глаголет Господь Бог.

28 И бысть слово Господне ко мне глаголя: 2 и ты, сыне человек, рцы князю Тирску: сия глаголет Адонаи Господь: понеже вознесеша сердце твое, и рекл еси: аз есмь бог, в селение божие вселихся в сердца морстем: ты же человек еси, а не Бог, и положил еси сердце твое яко сердце Божие. 3 Еда премудрее ты еси Даниила? Премудрии не наказаша тебе хитростию своею. 4 Еда хитростию твоею или смыслом твоим сотворил еси себе силу и притяжал

еси серебро и злато в сокровища твоих? 5 Или во мнозех хитрости твоей и в купли твоей умножил еси силу твою? Вознесеша сердце твое в силе твоей. 6 Того ради сия глаголет Адонаи Господь: понеже дал еси сердце свое яко сердце Божие, 7 вместо сего, се, аз наведу на ты чуждыя губители от язык, и извлекут мечы своя на ты и на доброту хитрости твоея, и постелют доброту твою в погубление, 8 и сведут ты, и умрещи смертию язвеным в сердца морстем. 9 Еда речещи глаголя пред убивающими ты: бог есмь аз? Ты же человек еси, а не бог, в руже убивающих ты. 10 Смертьми необрезаных умрещи в руках чуждых: яко аз рекох, глаголет Адонаи Господь. 11 И бысть слово Господне ко мне глаголя: 12 сыне человек, возми плачь на князя Тирска и рцы ему: сия глаголет Адонаи Господь: ты еси печать уподобления, исполнен премудрости и венец доброты, 13 в сладости рая Божия был еси, всяким камением драгим украсился еси, сардием и топазием, и смарагдом и иакинфом, и анфраксом и сапфиром, и иаписом и серебром и златом, и лигирием и ахатом, и амефистом и хрисолифом, и вириллием и онихом и златом наполнил еси сокровища твоя и житницы твоя, от негоже дне создан еси. 14 Ты, с херувимом вчиних ты в горе святей Божии, был еси среде камней огненных. 15 Был еси ты непорочен во днех твоих, от негоже дне создан еси, дондеже обретошася неправды в тебе. 16 От множества купли твоея наполнил еси сокровища твоя беззакония, и согрешил еси, и узвлел еси от горы Божия: и сведе ты херувим осеняий от среды камыков огненных. 17 Вознесеша сердце твое в доброте твоей, истле хитрость твоя с добротою твоею: множества ради грехов твоих на землю повергох ты, пред цари дах ты во обличение. 18 Множества ради грехов твоих и неправд купли твоея, осквернил еси святая твоя, и изведу огонь от среды твоея, сей снесть ты: и дам ты во прах на земли пред всеми видящими ты. 19 И вси ведящие тебе во языцех возстенут по тебе: пагуба учинен еси, и не будещи ктому во век. 20 И бысть слово Господне ко мне глаголя: 21 сыне человек, утверди лице твое на Сидона и прорцы о нем и рцы: 22 сия глаголет Адонаи Господь: се, аз на ты, Сидоне, и прославлюся в тебе, и уразумеши, яко аз есмь Господь, егда сотворю в тебе суд и освящуся в тебе: 23 и послю на ты смерть, и кровь в стогнах твоих будет, и падут язвении среде тебе мечем, в тебе и окрест тебе, и уведят, яко аз Господь: 24 и не будет ктому дому Израилеву остен горести и терн болезни от всех окрестных его обезчестивших их, и уразумеют, яко аз есмь Адонаи Господь. 25 Тако глаголет Адонаи Господь: и соберу дом Израилев от язык, идеже разсыпашася тамо, и освящуся в них пред людьми и языки: и вселятся на земли своей, юже дах рабу Моему Иакову, 26 и населятся на ней с надеждою, и созиждут дома, и насадят винограды, и вселятся на ней с надеждою, егда сотворю суд во всех, иже укориша я во окрестных их: и уразумеют, яко аз Господь Бог их и Бог отцев их.

29 В десятое лето, в десятый месяц, (в первый день) месяца, бысть слово Господне ко мне глаголя: 2 сыне

человек, утверди лице твое на фараона царя Египетска и прорцы нань и на Египет весь: 3 глаголи и рцы: сице глаголет Адонаи Господь: се, аз наведу на тя, фараоне, царю Египетский, змиа великаго, сидящаго среде рек своих, глаголющаго: моя суть реки, и аз сотворих я. 4 аз же дам узду в челюсти твоя, и прилеплю рыбы реки твоея ко крилома твоима, и возведу тя от среды реки твоея, и к чешуям твоим прильпнут: 5 и низвергу тя вскоре и вся рыбы реки твоея: на лица поля падеши, и не соберешися, и не оградишися, зверем земным и птицам небесным дах ты во снеть. 6 и уведат вси живущии во Египте, яко аз есмь Господь: зане был еси жезл тростян дому Израилеву: 7 егда яся тебе рукою своею, сокрушился еси, и егда восплеска на них всяка рука, и егда почиша на тебе, стерлся еси и сломил еси их вся чресла. 8 сего ради тако глаголет Адонаи Господь: се, аз наведу на тя мечь и погублю от тебе человеки и скоты, 9 и будет земля Египетска в погибель и во опустение, и уразумеют, яко аз есмь Господь. Понеже глаголах еси, яко реки моя суть, и аз сотворих я: 10 того ради, се, аз на тя и на и вся реки твоя, и дам землю Египетску во опустение и в мечь и в погибель, от Маглола и Сиины и даже до предел Ефиопских: 11 не пройдет сквозе ея нога человека, ни нога скотия не поступит по ней, и не населится четыредесять лет: 12 и дам землю его в пагубу среде земли опустелья, и гради его среде градов опустевших будут, в разорении будут четыредесять лет: и разсею Египта во языцех, и разведу я по странам. 13 сия глаголет Адонаи Господь: по четыредесятих летех соберу Египтяны от язык, аможе разсыпашася, 14 и возвращу пленники Египетския и вселю я в землю Фафорскую, в землю, отнюдуже взяти быша, и будет власть смиренна: 15 паче всех властей будет смиренна, и не вознесется ктому над языки, и умалены сотворю я, еже не быти им многим во языцех. 16 и не будут ктому дому Израилеву в надежду воспоминающую беззаконие, вегда последовати им по них: и уразумеют, яко аз есмь Господь. 17 и бысть в двадесять седмое лето, во един день месяца перваго, бысть слово Господне ко мне глаголя: 18 сыне человек, Навуходоносор царь Вавилонск поработи силу свою работою великою на Тира, всяка глава плешива и всяко рамо наго: и мзда не бысть ему ни силе его на Тира, за работу, еюже работаша нань. 19 того ради сице глаголет Адонаи Господь: се, аз даю Навуходоносору царю Вавилонску землю Египетску, и возмет множество ея, и пленит плен ея, и расхитит корысти ея, и будет мзда силе его: 20 за службу его, еюже послужи на Тира, дах ему землю Египетску, зане послужи Мне, сия глаголет Адонаи Господь. 21 в той день взыдет рог всему дому Израилеву, и тебе дам уста отверста среде их, и уведят, яко аз есмь Господь.

30 И бысть слово Господне ко мне глаголя: 2 сыне человек, прорцы и рцы: сия глаголет Адонаи Господь: 3 възрыдайте: оле, оле день! Яко близ день Господень, и приближается день облака, и конец языков будет: 4 и приидет мечь на Египтяны, и будет мятеж во Ефиопии, и падут язвении во Египте, и взято будет множество их, и

падутся основания его: 5 Персяне и Критяне, и Лидяне и Ливиане, и Мурины (и вся Аравиа) и вси примесницы, и сынове, иже от завета Моего, в нем мечем падут с ним. 6 сия глаголет Господь: и падут подпоры Египта, и снидет укоризна крепости его от Маглола даже до Сиины, мечем падут в нем, глаголет Адонаи Господь. 7 и опустеют среде стран погибших, и гради их среде градов опустевших будут: 8 и уразумеют, яко аз есмь Господь, егда дам огонь на Египет, и сокрушатся вси помагающи ему. 9 в той день приидут вестници от лица Моего в сием тшщася погубити надежду Муринския земли, и будет им мятеж в день Египетск, яко се, приспе. 10 сия глаголет Адонаи Господь: и погублю множество Египтян рукою Навуходоносора царя Вавилонска, 11 самага и людей его с ним, губителие от язык послани погубити землю: и извлекут вси мечы своя на Египта, и наполнится земля язвенными. 12 и дам реки их во опустение и отдам землю в руке злых, и погублю землю и исполнение ея руками чуждых, аз Господь глаголах. 13 яко сия глаголет Адонаи Господь: погублю кумиры и испражню вельможи от Мемфиса и старейшины от земли Египетския, и не будут ктому: и дам страх во земли Египетстей. 14 и погублю землю Фафорскую, и дам огонь на Таниса, и сотворю отмщение в Диосполи, 15 и излию ярость Мою на Саин крепость Египетску, и погублю множество Мемфы. 16 и дам огонь на Египта, и мятежем возмзятется Саис, и в Диосполи будет разселина, и разлиются воды. 17 Юноши Илиуполя и Вуваста мечем падут, и жены в плен пойдут: 18 и в Тафнесе помрачится день, егда сокрушу тамо скипетры Египетски, и погибнет тамо укоризна крепости его, и того покрыет облак, и дщери его во пленение отведутся. 19 и сотворю суд во Египте, и уразумеют, яко аз есмь Господь. 20 и бысть во едионадесятое лето, в первый месяц, в седмый день месяца, бысть слово Господне ко мне глаголя: 21 сыне человек, мышцы фараона царя Египетска сотрох, и се, не помолися, еже дати ему цельбу, приложити ему пластырь, (обязати,) дати силу, да возмет мечь. 22 того ради сия глаголет Адонаи Господь: се, аз на фараона царя Египетска, и сокрушу мышцы его крепкия и протяженныя и сотреныя, и изрину мечь его из руки его: 23 и разсею Египта во языки и разведу их во страны: 24 и укреплю мышцы царя Вавилонска и дам мечь Мой в руку его, и наведет его на Египта, и пленит пленение его, и возмет корысти его: 25 и укреплю мышцы царя Вавилонска, мышцы же фараони падут: и уведят, яко аз есмь Господь, егда дам мечь Мой в руке царя Вавилонска, и прострет его на землю Египетску, 26 и разсею Египта во языки и разведу их во страны: и уведят вси, яко аз есмь Господь.

31 И бысть во едионадесятое лето, в третий месяц, во един день месяца, бысть слово Господне ко мне глаголя: 2 сыне человек, рцы фараону царю Египетску и множеству его: кому уподобил еси себе в высоте твоей? 3 се, Ассур кипарис в Ливане, добр отраслями и высок величеством и част покровом, и среде облак бысть власть его: 4 вода воспита его, бездна вознесе его, реки своя

приведе окрест садов своих, и составы своя испусти во вся дрeвеса полевая. 5 Сего ради вознесeся величeство его паче всех дрeвес польных, разширишася ветвие его, и вознесошася отрасли его от воды многи, егда протяжeся. 6 Во отраслех его вознездшася вся птицы небесныя, и под ветвми его раждахуся вси зверие польнии, под сению его вселися все множество языков. 7 И бысть добр в высоте своей множества ради ветвий своих, яко бeша корение его в воде мнозе. 8 И кипариси не таковы в раи Божии, и сосны неподобны отраслем его, и елие не бысть подобно ветвиям его: всякое древо, еже в раи Божии, не бысть подобно ему в добротe его, множества ради ветвий его. 9 Добра сотвориш его во множестве ветвий его, и возревноваша ему дрeвеса райская Сладости Божия. 10 Того ради сия глаголет Адонаи Господь: понеже был еси велик величeством и дал еси власть свою во средину облак, и вознесeся сердце его в высоте его, и видех, егда вознесeся: 11 и предах его в руке князя языческа, и сотвори пагубу его, по нечестию его. 12 И изгнах его Аз, и потребиша его чуждии губителие от язык, и повергоша его на горах: и во всех дeбрех падоша ветви его, и сотрошася отрасли его на всяцем поли земнем, и снидоша от покрова его вси людие языков и разориша его. 13 Во падении его почиша вся птицы небесныя, и на стеблиех его быша вси зверие селнии, 14 яко да не возносятся величeством своим вся дрeвеса, яже в воде, и не дадут власти своя среде облак, и не станут в высоте их к нему вси пиющии воду, вси отдани быша во смерть во глубину земли, среде сынов человеческих к низходящым в пропасть. 15 Сия глаголет Адонаи Господь: в онже день сведeся во ад, плакася о нем бездна: и удержиша реки ея и возбраних множеству вод, и померче о нем Ливан, и вся дрeвеса полевая о нем разслабишася: (Sheol h7585) 16 от гласа падения его потрясошася языцы, егда свождах его во ад со низходящими в ров, и утешаху его в земли долнейшей вся дрeвеса Сладости, и избранная и добрая Ливанова, вся пиющая воду: (Sheol h7585) 17 и та бо сведошася с ним во ад со язвеными от меча, и семья его, и живущии под покровом его среде жизни своя погибоша. (Sheol h7585) 18 Кому уподобился еси силою и славою и величeством во дрeвесех Сладости? Слез и сниди со дрeвесами Сладости во глубину земную: среде необрезанных успнеши со язвеными мечем: тако фараон и все множество крепости его, глаголет Адонаи Господь.

32 И бысть во второенадeсять лето, во вторыйнадeсять месяц, во един день месяца, 2 бысть слово Господне ко мне глаголя: сыне человекъ, возми плачь на фараона царя Египетска и речеши ему: лъву языков уподобился еси ты, и яко змий великий, иже в мори, и бил еси рогами в реках твоих, и возмущал еси воду ногами твоима, и попирал еси реки твоя. 3 Сия глаголет Адонаи Господь: и возложу на тя сети Моя в собрании людий многих, 4 и изведу тя удою моею, и простру тя на земли: поля наполнятся тебе, и посажду на тебе вся птицы небесныя, и насыщу тобою вся звери вся земли: 5 и повергу плоти твоя на горах, и

наполню кровию твоею всю землю, 6 и напиется земля от гноя твоего, от множества твоего на горах: и дeбри наполню от тебе, 7 и покрью небо, егда угасеши, и помрачу звезды его, солнце во облаце сокрыю, и луна не явит света своего: 8 вся светила небесная помрачу на тя и дам тму на землю твою, глаголет Адонаи Господь. 9 И разгневаю сердца людий многих, егда изведу пленники твоя во языки, в землю, еже не знал еси. 10 И уныют о тебе языцы мнози, и царие их ужасом ужаснутся о тебе, егда налетит меч Мой на лица их, чающе падения своего от дне падения твоего. 11 Яко сия глаголет Адонаи Господь: меч царя Вавилонска приидет тебе, мечми исполнюв, и поражу крепость твою: 12 губителие от язык вси, и погубят укоризну Египетску, и сокрушится вся крепость его. 13 И погублю вся скоты его от воды многи, и не возмутит ея нога человеческа ктому, и стопа скотия не ступит на ню. 14 Тако тогда умолкнут воды их, и реки их яко елей потекут, глаголет Адонаи Господь, 15 егда дам Египта в пагубу, и опустеет земля с полнотою своею, егда разсею вся живущыя на ней, и уведят, яко Аз есмь Господь. 16 Плачь есть, и восплачeшися о нем, и дщери языческа восплачутся о нем, над Египтом и над всею силою Его восплачутся, глаголет Адонаи Господь. 17 И бысть во второенадeсять лето, перваго месяца в пятыйнадeсять день, бысть слово Господне ко мне глаголя: 18 сыне человекъ, восплачeся о крепости Египетстей (прекланяя преведи его): и сведут дщерей его мертвых языцы во глубину земную ко низходящым в пропасть. 19 От вод благолепно сниди и поспи с необрезанными. 20 Среде язвeных мечем падут с ним, и успнет вся крепость его. 21 И рекут ти исполнии: во глубине пропасти буди, кого лучши еси ты? Сниди и лязи с необрезанными среде язвeных мечем. (Sheol h7585) 22 Тамо Ассур и весь сонм его, и вси язвении тамо дашася, и гроб их во глубине пропасти, и быти сонм его окрест гроба его, вси язвении падшии мечем, 23 иже даша гробы его во стегнех рва, и бысть сонм его окрест гроба его, вси тии язвении падающии мечем, иже даша страх свой на земли живых. 24 Тамо Елам и вся сила его окрест гроба его, вси язвении падшии мечем и низходящии необрезани во глубину земную, давшии страх свой на земли живых: 25 и прияхша мучение свое с низходящими в пропасть, среде язвeных. 26 Тамо дашася Мосох, и Фовель, и вся сила его, окрест гроба его, вси необрезанныи язвении от меча, давшии страх свой на земли жизни. 27 И успоша со исполнии падшими от века, иже снидоша во ад во оружии воинстем и положиша мечы своя под главы своя, и быша беззакония их на костех их, яко устрашиша всех во житии своем, и страх сильным быша на земли живущым. (Sheol h7585) 28 И ты посреде необрезанных сокрушишися и поспиши со язвеными мечем. 29 Тамо Едом и царие его и вси князи Асуровы, давшии крепость свою на язву мечную: сии со язвеными успоша, с низходящими в ров. 30 Тамо князи северстии вси, тамо вси воеводы Асуровы, иже сведени быша со язвеными со страхом своим и со крепостию своею стыдящeся, успоша необрезанныи со язвеными мечем, и прияхша мучение свое с низходящими в пропасть. 31 Тех узрит царь фараон и

утешится от всей крепости их: фараон и язвении мечем и вся сила его, глаголет Адонай Господь. 32 Яко дах страх Мой на земли жизни, и уснет среде необрезанных со язвениями мечем фараон, и все множество его с ним, глаголет Адонай Господь.

33 И быти слово Господне ко мне глаголя: 2 сыне человек, глаголи ко сыном людей твоих и речеши к ним: земля, на ноже Аз еще наведу меч, и поймут люди земли человека единого от себе и поставят его себе во стража, 3 и узрит меч грядущь на землю, и вострубит трубою, и проповесть людям, 4 и услышит услышавый глас трубы, а не сохранится, и найдет меч и постигнет его, кровь его на главе его будет: 5 яко слыша глас трубы и не сохранися, кровь его на нем будет: а сей, понеже сохранися, душу свою избавил. 6 И страж, аще увидит меч грядущь, и не вострубит трубою, (и не проповесть людям,) и люди не охранят себе, и нашед меч возмет от них душу, та убо беззакония ради своего взяся, а крове ея от руки стража взыщу. 7 И ты, сыне человек, во стража дах ты дому Израилеву, и услышиши от уст Моих слово, и проповеси им от Мене. 8 Егда реку грешнику: грешниче, смертью умреш: и не будеш глаголати (грешнику), еже сохранится нечестивому, (еже обратится ему) от пути своего (и живу быти ему), той беззаконник во беззаконии своем умрет, а крове его от руки твоея взыщу. 9 Аще же ты проповеси нечестивому путь его, еже обратится от него, и не обратится с пути своего, той в нечестии своем умрет, а ты душу твою избавил еси. 10 И ты, сыне человек, рцы дому Израилеву: сие рече глаголюще: прелести наша и беззакония наша в нас суть, и мы в них таем, и како нам живым быти? 11 Рцы им: живу Аз, глаголет Адонай Господь, не хочу смерти грешника, но еже обратится нечестивому от пути своего и живу быти ему: обращением обратится от пути вашего злаго: и вскую умираете, доме Израилев? 12 И ты, сыне человек, рцы ко сыном людей твоих: правда праведника не избавит его, в оньже день прельстится: и беззаконие беззаконника не убьет, в оньже день обратится от беззакония своего: и праведник не может спастися в день греха своего. 13 Егда реку праведнику: жизньию жив будеш: сей же уповая на правду свою и сотворит беззаконие, вся правды его не вспомнятся, в неправде своей, юже сотвори, в той умрет. 14 И егда реку нечестивому: смертью умреш: и обратится от греха своего и сотворит суд и правду, 15 и залог отдаст и восхищенное возвратит, беззаконник в заповедех жизни ходити будет, еже не сотворити неправды, жизньию жив будет и не умрет: 16 вси греси его, яже согреши, не помянутся: понеже суд и правду сотвори, жив будет в них. 17 И рекут сынове людей твоих: неправ путь Господень. И се, путь их неправ. 18 Егда совратится праведник от правды своя и сотворит беззаконие, и умрет в нем. 19 И егда грешник возвратится от беззакония своего и сотворит суд и правду, той жив будет в них. 20 И се есть, еже рекосте: неправ путь Господень. Комуждо по путем его сужду вам, доме Израилев. 21 И бысть во второенадесять лето, месяца вторагонадесять, в пятый день месяца пленения нашего,

прииде ко мне от Иерусалима уцелевый глаголя: пленен бысть град. 22 И рука Господня бысть на мне в вечер, прежде пришествия его, и отверзе уста моя, дондеже прииде ко мне завтра: и отверзшаяся уста моя не затворишася ктому. 23 И бысть слово Господне ко мне глаголя: 24 сыне человек, живущии на опустевших местех во земли Израилеве глаголют: един быше Авраам и одержаше землю, а мы множайши есмы, нам дана есть земля во одержание. 25 Того ради рцы им: сие глаголет Адонай Господь: понеже с кровию ясте и очи ваши воздвигосте ко кумиrom и кровь проливаете, и землю ли наследите? 26 Стасте с мечем вашим, сотвористе мерзости, и кийждо жену ближняго своего осквернисте, и тако ли землю имате наследити? 27 Того ради рцы им: сия глаголет Адонай Господь: живу Аз, яко падут мечем сущии во опустевших, и иже на лица поля, зверем польным предадутся на изядение, и сущия во градах и иже в пещерах смертью поражу, 28 и дам землю на опустение, и погибнет гордость крепости ея, и опустеют горы Израилевы, занеже не будет проходящего: 29 и уведят, яко Аз Господь: и сотворю землю их пусты, и опустеет всех ради мерзостей их, яже сотвориша. 30 И ты, сыне человек, сынове людей твоих глаголющии о тебе у забрал и во вратех дворов, и глаголют кийждо ко ближнему своему и кийждо ко брату своему, глаголюще: соберимся и услышим исходящая от уст Господних. 31 И приходят к тебе, якоже сходятся люди, и сядят люди Мои пред тобою, и послушают глаголов твоих, и не сотворят их: понеже лжа во устех их, и вслед скверн их сердце их ходит. 32 И будеш им яко глас песнивца сладкогласнаго благосличнаго, и услышат глаголы твоя, и не сотворят их. 33 И егда приидеши, рекут: се, прииде. И уведят, яко пророк бе среде их.

34 И бысть слово Господне ко мне глаголя: 2 сыне человек, прорцы на пастыри Израилевы, прорцы и рцы пастырем: сия глаголет Адонай Господь: 3 оле, пастырие Израилевы! Еда пасут пастырие самих себе? Не овец ли пасут пастырие? Се, млеко ядите и волною одеваетеся и тучное закалаете, а овец Моих не пасете: 4 изнемогшаго не подясте и болящаго не уврачевасте, и сокрушеннаго не обязасте и заблуждающаго не обратисте, и погибшаго не възскасте и крепкое оскорбисте трудом и властью наказасте я и наруганием. 5 И разсыпашася овцы Моя, понеже не имеяху пастырей, и быша на изядение всем зверем селным. 6 И расточившася овцы Моя по всем горам и (заблудивша) по всем холмом высоким, и на лица вся земля разсыпашася овцы Моя, и не бе възскающаго, ни обращающаго. 7 Того ради, о, пастырие, слышите слово Господне: 8 живу Аз, глаголет Адонай Господь, понеже учинена суть стада Моя в расхищение, и овцы Моя быша во снедение всем зверем селным, занеже несть пастырей, и не поискаша пастырие овец Моих, но пасоша пастырие самих себе, а овец Моих не пасоша: 9 сего ради, пастырие, слышите слово Господне, 10 сия глаголет Адонай Господь: се, Аз на пастыри, и взыщу овец Моих от рук их, и отставлю я от паствы овец Моих, и не будут пасти их пастырие: ниже

самих себе имут пасти, и отиму овцы Моя из уст их, и ктому не будут им на изядение. 11 Сего ради сия глаголет Адонай Господь: се, аз възыщу овец Моих и присещу их: 12 якоже присещает пастух паству свою в день, егда есть облачен и мглян, среде овец своих разлученых, тако възыщу овец Моих и избавлю я от всякаго места, аможе суть разсыпаны в день облачен и примрачен. 13 И изведу я от язык и соберу и от стран, и введу я в землю их и упасу я на горах Израилевых и в дребех и во всем селении земли, 14 на пажити блазе упасу я, на горе высоце Израилеве: и будут ограды их тамо, и уснут и почюют тамо в пищи блазе, и на пажити тучне упасутся на горах Израилевых. 15 аз упасу овцы Моя и аз упокою я, и уразумеют, яко аз есмь Господь. 16 сия глаголет Адонай Господь: погибшее възыщу и заблудившее обращу, и сокрушенное обяжу и немощное укреплю, и крепкое снабдю и упасу я с судом. 17 И вы, овцы Моя, сия глаголет Адонай Господь: се, аз разсужду между овцею и овцею, и овном и козлом. 18 Не довольно ли вам, яко на блазей пажити пасостесь, и останок пажити вашей ногами вашими попирасте, и устоявшуюся воду пивасте, и останок ногами вашими возмущасте, 19 и овцы Моя поприянием ног ваших живяху, и возмущенную воду ногами вашими пияху? 20 Того ради сия глаголет Адонай Господь: се, аз разсужду между овчатем сильным и между овчатем немощным. 21 Ребрами и плечами вашими реясте и рогами вашими бодосте, и всякое немощное пхасте, дондеже изгнасте я вон: 22 и спасу овцы Моя, и ктому не будут на разграбление, и разсужду между овчатем и овчатем, и между овном и овном: 23 и возставлю им пастыря единого, и упасет я, раба Моего Давида, той упасет я, (и той упокоит я,) и будет им пастырь, 24 аз же Господь буду им в Бога, и раб Мой Давид князь среде их: аз Господь глаголах. 25 И завещаю Давидови завет мирный, и потреблю звери злы от земли, и вселятся в пустыни, уповающе уснут в дубравах. 26 И дам им окрест горы Моея благословение, и испущу дождь вам во время свое, дождь благословения. 27 И дрeвеса на поли дадят плод свой, и земля даст силу свою, и вселятся на земли своей с надеждою мира, и уведят, яко аз есмь Господь, егда сокрушу узы ига их: и избавлю я из руки поработивших я, 28 и не будут ктому во пленение языком, и зверие земнии не поядят их ктому: и вселятся с надеждою, и не будет устрашай их. 29 И возставлю им сад мирен, и не будут ктому малы числом на земли, и не будут погублены гладом на земли, и не примут ктому укорения от язык: 30 и уведят, яко аз есмь Господь Бог их с ними, а тии людие Мои дом Израилев, глаголет Адонай Господь: 31 вы же овцы Моя и овцы паствы Моея есте, и аз Господь Бог ваш, глаголет Адонай Господь.

35 И бысть слово Господне ко мне глаголя: 2 сыне человекъ, обрати лице твое к горе Сеир и прорцы на ню и рцы ей: 3 сия глаголет Адонай Господь: се, аз на тя, горо Сеир, и простру руку Мою на тя и поставлю тя пусту, и опустееши, 4 и во градах твоих пустыню сотворю, и ты в пустыню будеши, и уразумеши, яко аз есмь Господь.

5 Понеже бысть в тебе вражда вечная, и приседела еси дому Израилеву лукавством, рукою врагов с мечем во время печали их и во время неправды, на последок: 6 сего ради живу аз, глаголет Адонай Господь, понеже в крови согрешила еси, и кровь поженет тя, кровь возненавидела еси, и кровь ижденет тя. 7 И поставлю гору Сеир пусту и опустевшу, и погублю от нея человеки и скоты, (и приходяща и отходяща:) 8 и наполню язвенными твоими холмы твоя и дебри твоя, и на всех полах твоих язвении мечем падут в тебе: 9 и пусту во век поставлю тя, и гради твои не населятся ктому, и уразумееши, яко аз есмь Господь. 10 Понеже рекла еси: оба языка и обе стране мои будут, и возму их в наследие, а Господь тамо есть: 11 сего ради живу аз, глаголет Адонай Господь, и сотворю тебе по вражде твоей и по ревности твоей, юже сотворила еси от ненавидения к ним, и познан буду тобою, егда имам тебе судити, и уразумееши, яко аз есмь Господь. 12 Слышах глас всех хулений твоих, яже глаголала еси: горы Израилевы пусты даны нам во снедь: 13 и велеречила еси на Мя уста твоими и умножила на Мя словеса, аз же услышах. 14 Сего ради тако глаголет Адонай Господь: во веселии всея земли пусту тя сотворю: 15 якоже порадовалася еси о наследии дому Израилева, яко погибе, тако сотворю тебе: пуста будеши, горо Сеир, и вся Идумеа потребится, и уведят, яко аз есмь Господь Бог их.

36 И ты, сыне человекъ, прорцы на горы Израилевы и рцы: 2 горы Израилевы, слышите слово Господне, сия глаголет Адонай Господь: понеже рече враг на вы: благоже, пустыня вечная во одержание нам бысть: 3 того ради прорцы и рцы: тако глаголет Адонай Господь: зане быти вам погубленным и безчестным и возненавиденным от язык окрестных вам, еже быти вам во одержание прочым языком, и въздосте и бысте в поношение устен и во укоризну странам: 4 сего ради, горы Израилевы, слышите слово Господне, сия глаголет Адонай Господь горам и холмом, и потоком и дребем, и полянам и опустошенным, и разореным и градом оставленным, иже быша в пленение и в попрание оставшым языком окрестным. 5 Того ради сия глаголет Адонай Господь: аще не во огни рвеня Моего глаголах на прочья языки и на Идумею всю, яко даша землю Мою себе во одержание со веселием (от всего сердца), обезчестивше души, еже потребити повоеванием: 6 того ради прорцы на землю Израилеву и рцы горам и холмом, и полянам и дребем: сия глаголет Адонай Господь: се, аз во рвении Моем и в ярости Моей глаголах, за укоризну, юже приясте от язык. 7 Того ради сия глаголет Адонай Господь: се, аз воздвигну руку Мою на языки, иже окрест вас, тии безчестие свое примут. 8 Ваше же гроздие и плод ваш, горы Израилевы, поядят людие Мои, яко надеются приити. 9 Яко се, аз к вам, и призрю на вы, и возделаеи и насеете: 10 и умножу в вас человеки, весь дом Израилев до конца, и населятся гради, и пустыни оградятся: 11 и умножу вас людьями и скотом, и умножатся и возрастут, и вселю вас якоже прежде, и благо сотворю вам якоже бывшым прежде вас, и уразумееи, яко аз есмь Господь: 12 и нарожду в вас человеки людие Моя Израиля, и наследят вас, и будете им во одержание, и не

приложите ктому безчадни быти от них. 13 Сия глаголет Адонаи Господь: понеже глаголаша тебе: земля поядоющая человеки ты еси, и безчадная от языка твоего была еси: 14 того ради человеков ктому не пояси и языка твоего не обезчадиши ктому, глаголет Адонаи Господь. 15 И не услышитесь в вас ктому безчестие языков, и укоризны людей не примете ктому, и язык твой не будет без чад ктому, глаголет Адонаи Господь. 16 И бысть слово Господне ко мне глаголя: 17 сыне человек, дом Израилев вселися на земли своей, и оскверниша ю путем своим и кумирми своими и нечистотами своими, и по нечистоте месячная имущия бысть путь их пред лицом Моим: 18 и излизя ярость Мою на ня, крови ради, юже пролияша на землю, и кумирми своими оскверниша ю, 19 и разсыпах я во языки и развях я во страны: по пути их и по начинанию их судих им. 20 И внидоша во языки, в няже внидоша тамо, и оскверниша имя Мое святое, внегда глаголатися им: людие Господни сии и от земли своя изыдоша. 21 И пощадих я имене ради Моего святого еже оскверниша дом Израилев во языцех, аможе внидоша. 22 Того ради рцы дому Израилеву: сия глаголет Адонаи Господь: не вам аз творю, доме Израилев, но имене Моего ради святого, еже осквернисте во языцех, тамо аможе внидоште. 23 И освящу имя Мое великое, оскверненное во языцех, еже осквернисте среде их, и уразумеют языцы, яко аз есмь Господь, глаголет Адонаи Господь, внегда освящуся в вас пред очима их. 24 И возму вы от язык и соберу вы от всех земель, и введу вы в землю вашу, 25 и воскроплю на вы воду чисту, и очиститесь от всех нечистот ваших и от всех кумиров ваших, и очисти вас. 26 И дам вам сердце ново и дух нов дам вам, и отиму сердце каменное от плоти вашей и дам вам сердце плотяно, и дух Мой дам в вас: 27 и сотворю, да в заповедех Моих ходите, и суды Моя сохраните и сотворите я. 28 И вселитесь на земли, юже дах отцем вашим, и будете Ми в люди, аз же буду вам в Бога. 29 И спасу вы от всех нечистот ваших (и очисти вы от грех ваших всех), и призову пшеницу и умножу ю, и не дам на вы глада: 30 и распложу плод древесный и плоды селныя, яко да не примете ктому гладныя укоризны во языцех. 31 И помянете пути своя злыя и начинания ваша не благая, и вознегодите пред лицом их о беззакониях ваших и о мерзостех ваших. 32 Не вас ради аз творю, доме Израилев, глаголет Адонаи Господь, вестно да будет вам, (доме Израилев:) постыдитесь и усрамитесь от путей ваших, доме Израилев. 33 Сия глаголет Адонаи Господь: во онже день очисти вы от всех беззаконий ваших и населю грады, и соградятся пустыни, 34 и земля погибшая возделается вместо того, яко погублена бысть пред очима всякаго мимоходящаго: 35 и рекут: земля оная погибшая бысть яко вертоград Сладости, и гради опустевшии и разореннии и раскопаннии, забралы утверждения сташа: 36 и уразумеют языцы, елицы останутся окрест вас, яко аз Господь возградих разоренныя и насадих погубленныя: аз Господь глаголах и сотворю. 37 Сия глаголет Адонаи Господь: се, еще обрящуся дому Израилеву, еже сотворити им: умножу их яко овцы, человеки яко овцы святыя, 38 яко овцы Иерусалимли во праздниках его, тако будут гради

опустевшии полни стад человеческих: и уразумеют, яко аз Господь.

37 И бысть на мне рука Господня, и изведе мя в душе Господни и постави мя среде поля: се же бяше полно костей человеческих: 2 и обведе мя окрест их около, и се, многи зело на лица поля, и се, сухи зело. 3 И рече ко мне: сыне человек, оживут ли кости сия? И рекох: Господи Боже, Ты веси сия. 4 И рече ко мне: сыне человек, прорцы на кости сия и речеши им: кости сухия, слышите слово Господне: 5 се глаголет Адонаи Господь костем сим: се, аз введу в вас дух животен 6 и дам на вас жилы, и возведу на вас плоть и простру по вам кожу, и дам дух Мой в вас, и оживете и увесте, яко аз есмь Господь. 7 И прорекох, якоже заповеда ми Господь. И бысть глас внегда ми пророчествовати, и се, трус, и совокупляхуся кости, кость к кости, каяждо ко составу своему. 8 И видех, и се, быша им жилы, и плоть растяше, и восхождаше (и протяжеся) им кожа верху, духа же не бяше в них. 9 И рече ко мне: прорцы о душе, прорцы, сыне человек, и рцы духови: сия глаголет Адонаи Господь: от четырех ветров прииди, душе, и вдуни на мертвыя сия, и да оживут. 10 И прорекох, якоже повеле ми, и вниде в ня дух жизни, и ожиша и сташа на ногах своих, собор мног зело. 11 И рече Господь ко мне глаголя: сыне человек, сия кости весь дом Израилев есть, ти бо глаголют: сухи быша кости наша, погибе надежда наша, убиени быхом. 12 Того ради прорцы (сыне человек) и рцы к ним: сия глаголет Адонаи Господь: се, аз отверзу гробы ваша и изведу вас от гроб ваших, людие Мои, и введу вы в землю Израилеву: 13 и увесте, яко аз есмь Господь, внегда отверсти Ми гробы ваша, еже возвести Ми вас от гробов ваших, людие Мои: и дам дух Мой в вас, и живи будете, 14 и поставлю вы на земли вашей, и увесте, яко аз Господь: глаголах и сотворю, глаголет Адонаи Господь. 15 И бысть слово Господне ко мне глаголя: 16 сыне человек, возми себе жезл един и напиши на нем Иуду и сыны Израилевы прилежащая к нему: и жезл вторый возми себе и напиши на нем Иосифа, жезл Ефремов, и вся сыны Израилевы приложившыя к нему: 17 и совокупи я друг ко другу себе в жезл един, еже связати я, и будут (вкупе) в руке твоей: 18 и будет, егда рекут к тебе сынове людей твоих, вопрошающе: не возвестиши ли нам ты, что суть сия тебе? 19 И речеши к ним: сия глаголет Адонаи Господь: се, аз поиму племя Иосифово, еже есть в руке Ефремове, и племена Израилева прилежащая к нему, и дам я в племя Иудино, и будут в жезл един в руке Иудине. 20 И будут жезлы, на нижне писати будеши, в руке твоей пред очима их, 21 и речеши к ним: сия глаголет Адонаи Господь: се, аз поемлю весь дом Израилев от среды языков, аможе внидоша, и соберу я от всех сущих окрест их и введу их в землю Израилеву, 22 и дам я во язык на земли Моей и в горах Израилевых: и князь един будет во всех сих царем, и не будут ктому в два языка, ни разделятся ктому на два царства, 23 да не оскверняются ктому в кумирех своих и в мерзостех своих и во всех нечестиях своих: и избавлю я от всех беззаконий их, имиже согрешаши, и очисти я, и

будут Ми в люди, и Аз буду им в Бога. 24 И раб Мой Давид Князь среде их и Пастырь един будет всех, яко в заповедех Моих ходити будут и суды Моя сохранят и сотворят я, 25 и вселятся на земли своей, уже дах рабу Моему Иакову, на нейже жиша тамо отцы их, и вселятся на ней тии и сынове их и сынове сынов их даже до века: и Давид раб Мой князь их будет во век. 26 И утвержу им завет мирен, и завет вечен будет с ними, и укороену я и умножу, 27 и дам освящение Мое посреде их во век, и будет вселение Мое в них, и буду им Бог, а они будут Ми людие: 28 и уведят языцы, яко Аз есмь Господь освящаяй я, вегда будут святая Моя среде их во век.

38 И бысть слово Господне ко мне глаголя: 2 сыне человек, утверди лице твое на Гога и на землю Магога князя Рос, Мосоха и Фовеля, и прорцы нань, 3 и рцы ему: сия глаголет Адонаи Господь: се, Аз на тя, Гог, и на князя Рос, Мосоха и Фовеля, 4 и обрашу тя окрест, и вложу узду в челюсти твоя, и соберу тя и всю силу твою, кони и конники оболчены во броня вся, собор мног, шлемы и мечы и щиты вси тии имуще: 5 Персяне и Мурияне, и Лидяне и Ливиане, вси сии щиты и шлемы имуще: 6 Гомер и вси иже окрест его, дом Форгамань от конец севера и вси иже окрест его, и языцы мнози с тобою. 7 Уготовися, уготовися сам ты и весь сонм твой собранный с тобою, и будеш ми в преднюю стражу. 8 От дний множайших уготовишися, и в последняя лета приидеши, и приидеши на землю низвращенную от меча, собранных от язык многих на землю Израилеву, яже бысть пуста весьма: и тии от язык изыдоша, и вселятся с миром вси. 9 И възыдеши аки дождь и приидеши аки облак, покрыти землю, и падеш ть и вси иже окрест тебе, и языцы мнози с тобою. 10 Сия глаголет Адонаи Господь: и будет в той день, възыдут глаголы на сердце твое, 11 и помыслиши помышления злая и речеши: възыду на землю отверженую, прииду на молчащя в тишине и живущя мирно, на вся живущя на земли, на нейже несть ограды, ни дверей, ни верей, 12 еже пленити плен и взяти корысти их, еже обратити руку мою на землю опустошеную, яже населися, и на язык собранный от языков многих, сотворивших притяжания имений и живущих на пупе земли. 13 Сава и Дедан и купцы Кархидонстии и вся веси их рекут тебе: еда на пленение, еже пленити, ты грядеши, и взяти корысти? И собрал еси люди твоя взяти сребро и злато, отвести притяжания и имения, еже пленити плен велик. 14 Того ради прорцы, сыне человек, и рцы Гогу: сия глаголет Адонаи Господь: не в той ли день, егда жити будут людие Мои Израиль с миром, востанеши? 15 И приидеши от места своего от конца севера, и языцы мнози с тобою: конницы на конех вси, собор велик и сила многа, 16 и възыдеши на люди Моя Израиля, яко облак покрыти землю: в последния дни будет, и возведу тя на землю Мою, да Мя уведят вси языцы, егда освящяся в тебе пред ними, (о, Гог!) 17 сия глаголет Адонаи Господь Гогу: ты еси, о немже глаголах во дни первыя рукоу раб Моих пророк Израилевых, прорекшихся в оныя дни и лета, еже привести тя на ня. 18 И

будет в той день, в оныже приидет Гог на землю Израилеву, глаголет Адонаи Господь, възыдет ярость Моя во гневе Моем 19 и рвеняи Моя во огни гнева Моего: глаголах, аще не будет в той день трус велик на земли Израилеве: 20 и потрясутся от лица Господня рыбы морския и птицы небесныя, и зверие польнии и вси гади ползающии по земли, и вси человецы иже на лица земли, и расторгнутся горы и падут дебри, и всяка стена на землю падет. 21 И призову нань весь страх мечный, глаголет Адонаи Господь: меч человека на брата его будет. 22 И отсужду ему смертию и кровию, и дождем потопляющим и каменем градным, огонь и камень горящ одождю нань и на вся сущяя с ним и на языки многия с ним: 23 и возвеличюся и освящяся, и прославлюся и уведан буду пред языки многими, и уведят, яко Аз есмь Господь.

39 И ты, сыне человек, прорцы на Гога и рцы: сия глаголет Адонаи Господь: се, Аз на тя, Гог, князя Рос, Мосоха и Фовеля, 2 и соберу тя и наставлю тя, и возведу тя от конца севера и возведу тя на горы Израилевы: 3 и исторгну лук твой от руки твоея левыя и стрелы твоя от руки твоея десныя, 4 и поражу тя на горах Израилевых, и падеш ть и вси иже окрест тебе, и языцы иже с тобою отдадутся во множество птиц всякому парящему, и всем зверем польным дах ты на изядение: 5 на лица поля падеш, яко Аз глаголах, глаголет Адонаи Господь. 6 И пушу огонь на Магога, и населятся острови с миром, 7 и уведят, яко Аз есмь Господь, и имя Мое святое вестно будет среде людей Моих Израиля, и не осквернится имя Мое святое ктому, и увидят вси языцы, яко Аз есмь Господь Святой среде Израиля. 8 Се, приспе, и увеси, яко будет, глаголет Адонаи Господь: се есть день, о немже глаголах, 9 и изыдут живущии во градах Израилевых, и пожгут оружие, и щиты и копия, и луки и стрелы, и жезлы ручныя и сулицы, и раждегут ими огонь седмь лет: 10 и не возмут древес с поля, ни изсекут от дубравы, но оружием раждегут огонь, и пленят пленившыя их и расхитят расхитивших я, глаголет Адонаи Господь. 11 И будет, в той день дам Гогу место нарочито, гроб во Израили, многопогребателно, пришедших на восток моря, и заградят устие дебри и погребут тамо Гога и все множество его, и прозвется та дбрь: многопогребателное Гога. 12 И закопают я дом Израилев, да очистится земля в седмь месяц, 13 и погребут я вси людие земли, и будет им именито, в оныже день прославлюся, глаголет Адонаи Господь. 14 И мужей всегда поставят обходити всю землю, еже погребсти оставшихся на лица земли и очистити ю по седми месяцах, и възыщт опасно. 15 Всяк проходяй землю и узревый кость человеку сотворит у нея знамение, дондеже погребут ю погребаящии в дебри, многопогребателнем Гогове. 16 Ибо имя месту (прозвется) Падение многопогребателное: и очистится земля. 17 И ты, сыне человек, рцы: сия глаголет Адонаи Господь: рцы всяцей птице парящей и ко всякому зверю селному: соберитесь и приидите от всех окрестных его на заколение Мое, еже заклах вам, заклатие велие на горах Израилевых, ядите мяса и пийте кровь: 18 мяса исполинов изясте и кровь князей земных испиете, овны

и телцы, и козлы и волы тучнии вси: **19** и да ясте тук до сытости и испиете кровь до пьянства от заклания Моего, еже заклах вам: **20** и насытитесь от трапезы Моея, от коня и всадника, исполина и всякого мужа воинского, глаголет Адонаи Господь. **21** И дам славу Мою в вас, и узрят вси языцы суд Мой, егоже сотворих, и руку Мою, юже наведох на ня, **22** и увести дом Израилев, яко Аз есмь Господь Бог их от сего дне и в прочыя. **23** И уведят вси языцы, яко грехов ради своих пленени быша дом Израилев, понеже отвергошася Мене, и отвратих лице Мое от них и предах я в руке врагов их, и падоша мечем вси: **24** по нечистотам их и по беззаконием их сотворих им и отвратих лице Мое от них. **25** Того ради сия глаголет Адонаи Господь: ныне возвращу пленение Иаковле и помилую дом Израилев, и возревную имене ради Моего святого: **26** и возмут безчестие свое и всякую неправду свою, еюже неправдоваша, егда вселятся на земли своей с миром и не будет устрашающего, **27** вегда возвращу я от язык и соберу я от стран языческих и освящуся в них пред языки: **28** и уведят, яко Аз есмь Господь Бог их, вегда явлюся им во языцех и соберу я на землю их и не оставлю от них тамо ктому: **29** и не отвращу лица Моего ктому от них, зане излиях ярость Мою на дом Израилев, глаголет Адонаи Господь.

40 И бысть во двадесять пятое лето пленения нашего, первого месяца, в десятый день месяца, в четвертонадесятый лето но пленении града, в той день бысть на мне рука Господня: и веде мя тамо, **2** в видении Божиим веде мя на землю Израилеву и постави мя на горе висоце зело, на нейже яко сограждение града прямо (полудне), **3** и введе мя тамо: и се, муж, и зрак его бяше, яко видение меди блестящаяся, и в руке его бяше вервь зиждущих и трость мерительная. Той же стояше у врат **4** и рече ко мне: видел ли еси, сыне человек? Видждь очима твоима и ушима твоима слыши, и учини в сердцы твоем вся, елика аз показую тебе, зане того ради вшел еси семо, да покажу тебе, и покажеш ты вся, елика видиши, дому Израилеву. **5** И се, ограда внеуду окрест храма, и в руке мужа мера тростяна шести локот в локоть шестодланный, и измери предстение ширину равно трости, и высоту его равно трости. **6** И вниде во врата зрящая на восток седмью степенями, и измери фее, шесть о сию страну, шесть же об ону, и елам дверный равно трости. **7** И фее равно трости в долготу и равно трости в широту, и аилам среде феилаф шести локот. И фее второе равно трости в широту и равно трости в долготу, елам же пяти локот. **8** И фее третье равно трости в долготу и равно трости в широту, **9** елам же вратный, иже близ елама дверного осми локот, аилев же двою лактей: и елам дверный внутрьуду. **10** И фее дверныя прямо фее, три о сию страну и три об ону, мера же едина трием: и мера едина аилам сюду и сюду. **11** И размеры широту входа вратнаго десяти лактей, широту же вратную тринадесяти лактей, **12** и локоть един сводимь прямо фееим лактя единого и лактя единого, предел сюду и сюду, и фее шести лактей о сию страну и шести лактей об ону страну. **13** И размеры врата от стены фее до стены фее,

широта двадесяти и пяти лактей: сия врата ко вратом, **14** и непокровенное елама врат шестидесяти лактей, (двадесяти пяти) и фее двора окрест, **15** и непокровенное врат отвне в непокровенное (врат) елама врат внутрьуду пятьдесят лактей. **16** И оконца сокровена фееим и в аилам внутрь врат двора окрест: такожде и елам оконца внутрьуду окрест, и на аилам финики сюду и сюду (изваяны). **17** И введе мя во двор внутренний, и се, преграждения и междустолпия окрест двора, преграждений же тридесять в междустолпих, **18** и притворы противу задней стране врат, по долготу врат междустолпие нижее. **19** И размеры широту двора от непокровенного врат внешних внутрь ко непокровенному врат зрящих вне, лактей сто зрящих на восток: и введе мя на север, **20** и се, врата зрящая на север двору внешнему, и размеры я, долготу их и широту. **21** И фее три о сию страну, три же об ону, и аилев, и еламы, и финики их: и бысть по мере врат зрящих на восток, пятидесяти лактей долгота их, а широта их двудесяти и пяти лактей: **22** и оконца их, и еламы, и финики их, якоже врата зрящая на восток: и седмью восходами восхождаху на ня, и еламы внутрьуду. **23** И врата двору внутреннему зрящая ко вратом северным, якоже врата зрящая на восток: и размеры двор от врат до врат лактей сто. **24** И веде мя к югу, и се, врата зрящая на юг, и размеры я, и фее, и аилева, и еламы, по темжде мерам. **25** И оконца их и еламы окрест якоже и оконца елаг, пятидесяти лактей долгота их, а широта двудесяти и пяти лактей, **26** и седмь восходов им, и еламы внутрьуду, и финики их, един о сию страну, а другий об ону над аилев. **27** И врата прямо вратом двора внутреннего на юг: и размеры двор от врат до врат на юг, сто лактей в широту. **28** И введе мя во двор внутренний врат, яже на юг, и размеры врата, яже на юг, по темжде мерам: **29** и фее, и аилев, и еламы по темжде мерам. **30** И оконца их и еламы окрест, пятидесяти лактей долгота их, а широта двудесяти и пяти лактей. **31** Еламы же во двор внешний, и финики аилев, и осмь восходов. **32** И введе мя во врата зрящая на восток, и размеры я по темжде мерам, и фее и аилев и еламы по темжде мерам. **33** И оконца им, и еламы и окрест, пятидесяти лактей долгота их, а широта их двудесяти и пяти лактей. **34** И еламы во двор внутренний, и финики на аилев сюду и сюду, и осмь восходов им. **35** И введе мя во врата яже на север, и размеры по темжде мерам, **36** и фее и аилев и еламы, и оконца им окрест, пятидесяти лактей долгота их, а широта двудесяти и пяти лактей, **37** и еламы во внешний двор, и финики аилеву сюду и сюду, и осмь восходов им. **38** И преграды их, и двери их, и еламы их пред враты их вторыми сток, тамо измывают всесожжения. **39** Во еламе же врат, две трапезы о сию страну, две же об ону, еже закалати на них всесожжения, яже за грехи и яже за неведение. **40** И создади стока всесожжений дверей зрящих на север две трапезы на восток противу задней стране (дверий) вторых, и противу елама врат две трапезы на восток. **41** Четыри о сию страну, четыре же об ону противу задней стране врат, на тех закалатют заколения: прямо осми трапез заколений: **42** четыре же трапезы всесожжений каменны истесаны,

в широту локтя единого и пол, в долготу двух локтей и пол, а в высоту локоть един: на тыя возлагают орудия, имиже закаляют тамо всесожжения и заколения. 43 И имеют ограждение мало истесано на длань внутрьуду окрест, верху же трапезы покров, еже покрыватися им от дождя и зноя. 44 И введе мя во двор внутреннейший, и се, две преграды во внутреннейшем дворе, едина противу задней стране врат зрящих на север, вводящая на юг, а другая противу задней стране врат сухих на юг, зрящих же к северу. 45 И рече ко мне: преграда сия, яже зрит на юг, жерцем есть, иже стрегут стражу храма: 46 а преграда, яже зрит к северу, жерцем есть стрегущим стражу требника: тии суть сынове Садуковы, приступающие от Левиа ко Господеви, еже служити Ему. 47 И размеры двор ста локтей в долготу и в широту ста локтей, на четыре страны его, и требник прямо храму. 48 И введе мя во елам храма: и размеры аил елама пяти локтей широту о сию страну, пяти же локтей об ону, широта же дверная четырехнадесяти локтей, и бока дверная елама три лакти о сию страну, три же об ону. 49 Долгота же елама двадесять локтей, а широта дванадесять локтей: и десятию степенями восхождаху к нему, и столпи бяху у аилама, един о сию страну, а другой об ону.

41 И введе мя во храм, и размеры аилам, шести локтей широта о сию страну и шести локтей широта аилам об ону, 2 и широта врат десять локтей, и бока врат пяти локтей о сию страну и пяти об ону: и измери долготу их четыредесять локтей, а широту двадесять локтей. 3 И вниде во двор внутренний, и размеры аилам дверей двух локтей, и двери шести локтей, бока же дверная седми локтей о сию страну и седми об ону. 4 И размеры долготу дверей четыредесять локтей, а широту двадесять локтей пред лицом храма, и рече ко мне: сие Святое Святых. 5 И размеры стену храма шести локтей и широту страны четырех локтей окрест, 6 страны же страна до страны тридесять и три дващи: и расстояние в стене храма во странах окрест, еже на прозрак быти входящим, да отнюд не прикасаются ко стенам храма. 7 Широта же вышняя страны по приложению от стены к вышней окрест храма, яко да разширяется свыше, и да от долних восходят на горняя, а от средних на трекровная. 8 И видех храма высоту окрест расстояние стран равно трости шести локтей расстояния, 9 широта же стены страны внеуду пяти локтей, и прочая между странами храма, 10 и между преградами широта двадесяти локтей, окружность окрест храма. 11 Двери же преград ко прочему дверий единых яже к северу: и дверь едина к югу, широта же света прочаго пяти локтей широта окрест. 12 Раздел же противу прочему аки к морю семьдесят локтей, широта стены разделяющая, широта окрест пять локтей, и долгота ея девяносто локтей. 13 И размеры противу храма долготу сто локтей, и прочая и разделяющая, и стены их в долготу сто локтей. 14 И широта противу храма, и прочая противу ста локтей. 15 И размеры долготу разделу противу лицу прочему созиди храму тому, и прочая о сию страну и об ону ста локтей долготу: храм же и углы, и елам внешний, доски постланы.

16 И окна решетчатая свещения окрест трием (странам) еже приницати: храм же и яже близ его устлана дровом окрест, и помост, и от помоста до окон: окна же отворяема трыако на приницание, 17 и даже до дому внутреннего и до внешнего, и на всей стене окрест внутренней и внешней меры, 18 и изваянии херувими и финики: финик посреде херувима и херувима: два лица херувиму: 19 лице человеческо к финику сюду и сюду, и лице львово к финику сюду и сюду, изваян весь храм окрест. 20 От помоста даже до свода херувими и финики изваяни. 21 Святое же и храм отверзаемъ на четыре страны, пред лицом святых видение яко зрак требника древяна, 22 три лакти высота его, а долгота дву локтей, и широта такожде: имейше же роги, и основание его и стены его древяны. И рече ко мне: сия трапеза, яже пред лицом Господним: 23 двои же двери храму и двои двери святому, 24 двоим дверем вращающимся: две верев единым, и две верев вторым дверем. 25 И ваяния над ними и над дверьми храма херувим и финики, по ваянию святых, и древеса потребна пред лицом елама от внеуду, 26 и окна сокровена. И размеры сюду и сюду в покровех елама, и страны храма дверями сопряжены.

42 И введе мя во двор внешний на востоки, прямо врат яже к северу, и введе мя (внутрь), и се, преград пять держашьяся прочаго и держашьяся предела к северу, 2 противу лица ста локтей долгота к северу, а широта пятьдесят локтей, 3 расписаны якоже врата двора внутреннего, и якоже междустолпия внешнего двора чинорасположены, прямоличны притворы три. 4 И прямо преградам проход десяти локтей в широту, во внутренняя пути единого локтя на сто локтей долгота, и двери их к северу. 5 И проходи горнични такожде, яко изничае междустолпие из него, от долнаго междустолпия, и разстояние: сице междустолпие и разстояние, 6 и сице притворы: понеже трегубы бяху и столпов не имеша, якоже столпи преград: того ради изничаху из нижних и средних от земли. 7 И свет внеуду, якоже преграды двора внешнего, зрящья противу преградам, яже к северу, долгота пятидесяти локтей. 8 Зане долгота преград зрящих во двор внешний бяше пятидесяти локтей, и тыя суть прямоличны тем: все же (бе) ста локтей. 9 Двери же преград тех входа, иже на востоки, еже входити ими от двора внешнего, 10 по свету суцаго в начале прохода: и к югу на лице юга, и прямо прочему, и прямо разделения, и преграды, 11 и проход противу лицу их, по мерам преград яже к северу и по долготе их и по широте их, и по всем исходом их и по всем вращением их, и по светом их и по дверем их, 12 преград яже к югу, и по дверем от начала прохода аки к свету разстояния трости, и на восток еже входити ими. 13 И рече ко мне: преграды, яже к северу, и преграды, яже к югу, суцья противу лицу разстояний, сия суть преграды святого, в нихже ядят жерцы сынове Садуковы, иже приступают ко Господеви. Святая святых, и тамо положат Святая святых и жертву, и яже за грехи и яже за неведение, понеже место свято есть. 14 Да не входят тамо, кроме жерцев, и да не изходят от святого во двор внешний, яко да присно святи будут приносящими, и да не

прикасаются ризам их, в ниже служат, понеже свята суть, но да облекутся в ризы ины, егда прикасаются людем. 15 И совершился размерение храма внутрюду. И изведе мя по пути врат зрящих на восток, и размеры подобие храма окрест чинорасположением. 16 И ста создади врат зрящих на восток, и размеры пять сот тростию мерною. 17 И обратися на север, и размеры на лице севера лактей пять сот тростию мерною. 18 И обратися к морю, и размеры на лице моря пять сот лактей тростию мерною. 19 И обратися на юг, и размеры противу югу пять сот тростию мерною. 20 Четыри страны тоюжде тростию: и расположи его, и ограду окрест ему, пять сот лактей (долготу) на восток, и пять сот лактей широту, еже различати между святыми и между предстением сущим в чинорасположении храма.

43 И веде мя ко вратом зрящим на востоки и изведе мя: 2 и се, слава Бога Израилева грядяше по пути врат зрящих на востоки, и глас полка аки глас усугубляющих многих, и земля светяшеся аки свет от славы Его окрест. 3 И видение, еже видех, по видению, еже видех, егда вхождах помазати град: и видение колесницы, юже видех, подобяшеся видению, еже видех на реце Ховар. И падох на лице мое. 4 Слава же Господня вниде во храм по пути врат зрящих на восток. 5 И взя мя дух и введе мя во двор внутренний: и се, полн славы дом Господень. 6 И стах, и се, глас от храма глаголющаго ко мне, и муж стояше близ мене 7 и рече ко мне: сыне человек, видел ли еси место престола Моего и место стопы ног Моих, идеже вселится имя Мое среде дому Израилева во век? И не осквернят ктому имене Моего святого дом Израилев, тии и старейшины их во блужении своем и во убийствах старейшин своих среде себе, 8 вегда полагаху преддверие Мое во преддвериих своих и праги Моя близ прагов своих: и даша стену Мою яко держащуюся Мене и онех, и оскверниша имя Мое святое в беззакониих своих, яже творяху: и скончаша в ярости Моей и во избииени: 9 и ныне да отринут блужение свое и убийства старейшин своих от Мене, и вселюся среде их во век. 10 Ты же, сыне человек, покажи дому Израилеву храм, и да престанут от грехов своих: и видение его, и чиноположение его, 11 и тии примут казнь свою о всех, яже сотвориша: и распишеша храм и уготовление его, и исходы его и входы его, и бытие его и вся повеления его и вся законы его возвестиши им и да впишеша пред ними, и снабдят вся оправдания Моя и вся повеления Моя и сотворят я. 12 И расписание храма на верху горы: вси пределы его окрест Святая Святых суть. 13 Сей закон храма, и сия мера требника, в лакоть лактя и длани, недро глубины лакоть на лакоть и лакоть в широту, и ограждение устия ему окрест, пяди. 14 И сия высота требника, и от глубины начала вдоления его ко очистилищу великому, еже внизу, двух лактей, широта же лакоть: а от очистилища малаго ко очистилищу великому лакти четыре, и широта лакоть. 15 И ариил четырех лактей, а от ариила и выше рогов лакоть: 16 ариил же дванадесать лактей в долготу и дванадесать лактей в широту, четвероуголен на четыре части своя. 17 И очистилище четыренадесать лактей

в долготу и четыренадесать лактей в широту, четвероуголно на четыре части своя: и ограждение ему окрест окружающее его пол лактя, и обдержание его лакоть окрест, и степени его зрящья на восток. 18 И рече ко мне: сыне человек, сия глаголет Господь Бог Израилев: сия заповеди требника в день сотворения его, еже возносити на нем всесожжения и возливати нань кровь. 19 И даси жерцем и левитом, иже суть от семене Садукова, приступающим ко Мне, глаголет Господь Бог, еже служити Мне, телца от говяд за грех: 20 и да возмут от крове его и да возложат на четыре роги требника и на четыре части очистилища и на основание окрест, и окропиши е, и очистят е: 21 и да возмут телца, иже за грех, и да сожжеться во отлученнем храме вне святых. 22 А во вторый день да возмут два козлища от коз непорочных за грех и да очистят требник, якоже очистиша телцем. 23 И егда скончают очищение, да принесут телца от говяд непорочна и овна от овец непорочна, 24 и да принесете пред Господа: и да возвергут на ня жерцы соль и да вознесут я Господеви всесожжения. 25 Седмь дний да сотвориши козлище за грех по вся дни, и телца от говяд и овна от овец непорочна, да сотворят седмь дний: 26 и да очистят требник и освятят его, и наполнят руки своя. 27 И скончают седмь дний, и будет от осмаго дне и потом, сотворят жерцы на жертвеннице всесожжения ваша и яже спасения вашего: и прииму вы, глаголет Господь.

44 И обрати мя на путь врат святых внешних, зрящих на востоки: и сия бяху затворенна. 2 И рече Господь ко мне: сия врата заключенна будут и не отверзутся, и никтоже пройдет ими: яко Господь Бог Израилев внидет ими, и будут заключенна. 3 Зане старейшина сей сядет в них ясти хлеб пред Господем: по пути елама врат внидет и по пути его изыдет. 4 И введе мя по пути врат яже к северу, прямо храму: и видех, и се, полн славы дом Господень. И падох ниц на лица моем. 5 И рече Господь ко мне: сыне человек, сложи в сердцы твоем, и виджд очима твоима и ушима твоима слыши вся, елика Аз глаголю с тобою, по всем повелением храма Господня и по всем узаконением его: и устроиши сердце твое на вход храма по всем исходам его во всех святых. 6 И речеши к дому прогневающиму мя, к дому Израилеву: сия глаголет Господь Бог: да довлеет вам от всех беззаконий ваших, доме Израилев, 7 еже вводити вам сыны иноплеменничы необрезаны сердцем и необрезаны плотию, еже бывать им во святых Моих, и оскверняху я, егда принесите вы хлебы, тук и мяса и кровь: и преступаете завет Мой во всех беззакониих ваших, 8 и не снабдете хранити стражбы во святых Моих, и постависте стражей стрещи стражбы святых Моих себе. 9 Того ради сице глаголет Адонаи Господь: всяк сын иноплеменничъ необрезан сердцем и необрезан плотию да не внидет во святая Моя во всех сынех иноплеменничих, иже суть среде дому Израилева: 10 но и левити, иже отвергошася Мене, егда заблудаше Израиль, иже заблудиша от Мене вслед помыслов своих, и возмут неправду свою 11 и будут служаще во святых Моих, вратари у дверий храма и служащии храму: тии да

закалати жертвы и всесожжения людем и тии да станут пред людьми, еже служити им. 12 Понеже служиша им пред лицом кумиров своих, и бысть дому Израилеву в мучение неправды: того ради воздвигох на ня руку Мою, глаголет Господь Бог (Израилев), и возмут беззаконие свое, 13 и не приступат ко Мне служити Мне, ни приносяти ко святым сынов Израилевых, ниже ко Святым Святынь Моих, и возмут безчестие свое в заблуждении, в немже прельстишася: 14 и учинят я стрещи стражбы храма на вся дела его 15 и на вся, елика сотворят жерцы и левити, сынове Садуковы, еже сохраниша стражбы святынь Моих (и пути Моя), егда заблуждаше дом Израилев от Мене: сии приступат ко Мне, еже служити Мне, и станут пред лицом Моим, еже приносяти Мне жертву, тук и кровь, глаголет Адонаи Господь. 16 Сии внидут во святая Моя и сии приступат ко трапезе Моей, еже служити Мне, и сохранят стражбы Моя. 17 И будет вегда входити им во врата двора внутренняго, в ризы льняны да облукуются, а да не облукуются в волняны, вегда служити им от врат двора внутренняго. 18 И клобуки льняны да имут на главах своих, и опоясания льняна да имут о чреслах своих, и да не препоясуются крепко: 19 и егда исходят к людем во внешний двор, да совлекутся риз своих, в ниже тии служат, и да положат я в преградах святых, и облукуются в ризы ины, и да не освятят людей в ризах своих: 20 и глав своих да не обриют, и влас своих да не растят, покрывающе покрывают главы своя. 21 И вина да не пьет всяк жрец, егда входит во внутренний двор. 22 И вдовицы и пущеницы да не поемлют себе в жену, но токмо девицу от племени дому Израилева: и аще будет вдова жерна, да оную поймают. 23 И люди Моя да научат различати между святым и сквернавым, и между чистым и нечистым возвестят им. 24 И на суде крове тии да стоят, еже разсуждати: оправдания Моя да оправдят и суды Моя да судят, и законы Моя и повеления Моя во всех праздниках Моих сохранят, и субботы Моя освятят. 25 И над душу человека не приидут осквернитися, но точию над отцем и матерью, и сыном и дщерию, и братом и сестрою своєю, яже не посягла за мужа, осквернится. 26 И по очищении своем семь дний да сочтет себе. 27 И во онъже день входят во двор внутренний, еже служити во святилищи, да принесут очищение, глаголет Господь Бог. 28 И будет им в наследие: Аз им наследие, и одержание им не дастся в сынех Израилевых, яко Аз одержание их. 29 Жертвы же и яже за грехи и за неведение сии да ядят: и всякое отлученное во Израили тем да будет: 30 начатки всех и первенцы всех и участия вся, от всех начатков ваших жерцем да будут: и начатки жит ваших да дасте жерцу, еже положити благословения в домех ваших. 31 И всякия мертвечины и звероядины, от птиц и от скот да не ядят жерцы.

45 И егда разделати вам землю в наследие, отлучите начаток Господеву, свято от земли, в долготу двудесяти и пяти тысяч, а в широту десяти тысяч, свято да будет во всех пределех их окрест. 2 И да будут от того на святое пять сот, по пяти сот четвероуголно окрест, разстояние же

их пятьдесят лактей окрест. 3 И от сего размерения да размериши в долготу двадесять пять тысяч, а в широту десять тысяч: и в том да будет освящение, Святая Святых. 4 Свято от земли да будет жерцем служащим во святем и да будет приступающим служити Господеву, и будет им место на дома отлученны освящению их, 5 двадесять пять тысяч в долготу и двадесять тысяч в широту да будет, левитом служащим храму, тем во одержание грады ко обитанию. 6 И одержание града да даси в широту пять тысяч, а в долготу двадесять пять тысяч, якоже начаток святых всему дому Израилеву да будет 7 и старейшине от того: и от сего в начатки святых, во одержание града по лицу начатков святынь и по лицу одержания града, яже к морю, и от сущих к морю, яже на восток: долгота же яко едина часть от предел иже к морю, и долгота ко пределом иже на восток земли. 8 И будет ему во одержание во Израили, и да не насилуют ктому старейшины Израилевы людем Моим, и землю да наследят дом Израилев по племени своим. 9 Сия глаголет Господь Бог: да довлеют вам, старейшины Израилевы, неправду и озлобление отвержите, суд же и правду сотворите: изымите насилие от людей Моих, глаголет Господь Бог. 10 Вес праведный и мера праведна и хиникс праведен да будут вам в меры: 11 и хиникс такожде един да будет вам, еже приимати, десятая часть гомора хиникс, и десятая часть гомора ефи, мера к гомору да будет равна. 12 И вес, двадесять оволи сикль, и двадесять пять сиклей, и двадесять сиклей, и пятнадцать сиклей мнас будет вам. 13 И сей начаток, егоже отлучите, шестую часть меры от гомора пшеницы и шестую часть ефи от кора ячменя. 14 Заповедь же о елеи, меру елеа от десяти мер, понеже десять мер суть гомор. 15 И овча едино от десяти овец участие от всех отечеств Израилевых, на жертвы и на всесожжения и на спасение, еже умоли о вас, глаголет Господь Бог. 16 Все же людие земли да дадят сей начаток старейшине Израилеву, 17 и старейшиною да бывают всесожжения: и жертвы и возлияния будут в праздники и в новомесячия, и в субботы и во вся праздники дому Израилева: той сотворит яже за грехи и жертву, и всесожжения и яже спасения, еже умоляти о доме Израилеве. 18 Тако глаголет Господь Бог: в первый месяц, во един день месяца, да возьмете телца от говяд непорочна, еже очистити святое: 19 и да возмет жрец от крове очищения и да возлет на праги храма и на четыре углы святилища, и на жертвенник и на праги врат двора внутренняго. 20 И сице да сотвориши в седмый месяц: во един (день) месяца возмеш от коегождо неведущаго и от младенца, и очистите храм. 21 В первый месяц, четвертагонадесять дне месяца, да будет вам Пасха праздник: семь дний да ясте опресноки. 22 И сотворит старейшина в той день за ся и за дом и за вся люди земли, телца за грех: 23 в седмь же дний праздника да сотворит всесожжения Господеву седмь телцев и седмь овнов непорочных по всяк день седми дний: и за грех козлище от коз на всяк день, и жертву, 24 и опресноки телцу и опресноки овну да сотвориши, и елеа ин опресноку. 25 В седмый же месяц, в пятыйнадесять день месяца, в празднице сотвориши по томужде, седмь дний,

якоже и за грех, и якоже всесожжения, и якоже дар, и якоже масло древяное.

46 Сия глаголет Господь Бог: врата, яже во дворе внутреннем зрящая на восток, да будут затворена на шесть дней делных: в день же субботный да отверзуются, и в день новомесячия да отверзутся. **2** И внидет старейшина по пути елама врат внешних и да станет у преддверия врат, и да сотворят жерцы всесожжения его и яже спасения его: **3** и да поклонится у преддверия врат и изыдет, врата же да не заключатся до вечера, и да поклоняются людие земли у преддверия врат тех в субботы и в новомесячия пред Господем. **4** И всесожжения да принесет старейшина в день субботный Господеви, шесть агнцев непорочных и овна непорочна, **5** и манау, опреснок овну, и агнцем жертву, дар руки своея, и елея ин опресноку. **6** И в день новомесячия телец от стада непорочен и шесть агнцев и овен непорочен да будет, **7** и опреснок телцу и опреснок овну да будет манаа, и агнцем, якоже постигнет рука его, и масла ин опресноку. **8** И егда входит старейшина, по пути елама врат да внидет и по пути врат да изыдет. **9** И егда входят людие земли пред Господа в праздники, входящие по пути врат зрящих на север поклонится, да исходят по пути врат яже на юг: и иже входят по пути врат яже на юг, да исходят по пути врат яже на север, да не возвращаются во врата, имиже внидоша, но прямо им да изыдут. **10** И старейшина посреде их, егда тии входят, да внидет с ними, и егда исходят, да изыдет. **11** И в праздники и в торжества да будет манаа опреснок телцу и опреснок овну, и агнцем, якоже постигнет рука его, и елея ин опресноку. **12** Аще же сотворит старейшина исповедание, всесожжение спасения Господеви, и отворит себе врата зрящая на восток и сотворит всесожжение свое и яже спасения своего, якоже есть обычай творити в день субботный: и да изыдет и затворит двери по исхождении своем: **13** агнца же единолетнего непорочна да сотворит во всесожжение на всяк день Господеви, завтра да сотворит его. **14** И манаа да сотворит над ним завтра завтра, шестую часть меры, и елея третью часть ина, еже смесити семидал манаа Господеви, заповедь вечная присно. **15** Да сотворите агнца, и манаа, и масло древяно да сотворите завтра всесожжение присно. **16** Сия глаголет Господь Бог: аще даст старейшина даяние единому от сынов своих от наследия своего, сие сыноу его да будет: одержание их сие в наследие. **17** Аще же даст даяние единому от раб своих, да будет ему до лета отпущения, и да воздаст старейшине: обаче наследие сынов его им да будет. **18** И да не возьмет старейшина от наследия людей еже насилити им, от одержания своего даст наследие сыном своим: яко да не расточатся людие Мои кийждо от одержания своего. **19** И введе мя во вход врат, яже к югу, в преграду святых жерцев, зрящую на север: и се, тамо место отлучено. **20** И рече ко мне: сие место есть, идеже варят жерцы, яже за неведение и яже за грехи, и тамо да пекут манау весьма, еже не износити во двор внешний освящати люди. **21** И введе мя во двор внешний и обведе мя на четыре части двора: и се, двор по углам двора. **22** По углу

двор, на четырех углах двора, двор малый в долготу лактей четыредесять, а в широту лактей тридесять, мера едина четверем. **23** И преграды окрест в них, окрест четверем: и поварни устроены под преградами окрест. **24** И рече ко мне: сии домове поваров, идеже варят служащие храму заколения людская.

47 И введе мя ко преддверию храма, и се, вода исхождаше из под непокровенного храма на восток, яко лице храма зряше на восток, и исхождаше вода от страны десныя, от юга к жертвеннику. **2** И изведе мя по пути врат яже на север и обведе мя путем вратным внеуду ко вратом двора, зрящего на восток, и се, вода исхождаше от страны десныя, **3** якоже исход мужа противу: и мера в руке его: и измери тысящу мерою, и преиде водою воду оставления. **4** И (паки) измери тысящу, и преведе мя чрез воду, и взыде вода до колен: и размеры тысящу, и взыде вода даже до чресл. **5** И размеры тысящу, поток, и не возможно перейти, яко кипящая вода, аки шум поточный, егоже не преидут. **6** И рече ко мне: видел ли еси, сыне человекъ? И веде мя и обрати мя на брег речный, во обращении моем: **7** и се, на брезу речнем древеса многа зело сюду и сюду. **8** И рече ко мне: вода сия текущая в Галилею, яже на восток, и низхождаше ко Аравии, и грядяше до моря к воде исхода, и изцелит воды: **9** и будет всяка душа животных вреующих, на вся, на няже найдет тамо река, жива будут: и будет тамо рыбы многи зело, яко приидет тамо вода сия и изцелит, и живо будет всякое, на неже аще приидет река, тамо живо будет. **10** И станут тамо рыбарие от Ингадда до Ингалима: сушило мрежам будет, о себе будет: и рыбы ея яко рыбы моря великаго, множество много зело. **11** И во исходе ея и во обращении ея и в возвышении ея мелины ея не изцелятся, в соль вдадутся: **12** и над реку взыдет, и на брезу ея оба полы, всякое древо ядомое не обетшает у нея, ни оскудеет плод его, новости своя первый плод принесет, ибо воды их сия от святых исходят, и будет плод их в снедь и прозябение их во здравие. **13** Сице глаголет Господь Бог: сия пределы наследите земли, двенадцатия племеном сынов Израилевых приложение ужа. **14** И наследите ю кийждо, якоже брат его, на нюже воздвигох руку Мою, еже дати ю отцем их, и падет земля сия вам в наследие. **15** И сии пределы земли на север, от моря великаго сходящего и отделяющего вход Имаселдам, **16** Маавфирас, Еврамилиам среде предел Дамасковых и среде предел Имафовых, дворы Савнани, иже суть выше предел Авранитидских. **17** Сии пределы от моря: от двора Енанова, пределы Дамасковы, и яже к северу, и предел Емафов, и предел северск. **18** И яже на востоки: между Авранитидю и между Дамаском, и между Галаадитидю и между землею Израилевою, Иордан делит к морю, еже на востоки фиников: сия на востоки. **19** И яже к югу и ливу: от Фемана и фиников даже до воды Маримоф-Кадим, продолжающееся к морю великому. **20** Сия страна юга и лива, сия страна моря великаго разделяет даже прямо входу Имаф, даже до входа его: сия суть яже к морю Имаф. **21** И разделите землю вам, племеном Израилевым. **22** Расположите ю жребием вам

и пришелец обитающим среде вас, иже родиша сыны посреде вас, и будут вам яко туземцы в сынех Израилевых: с вами да ядят во участии среде племен Израилевых, 23 и будут в племени пришелцев, в пришелцах иже с ними: тамо дадите участие им, глаголет Господь.

48 Сия же имена племен от начала еже к северу, по стране схождения разделяющего ко входу Имафову двора Енаня, предел Дамасков к северу по стране Имафова двора: и будут им яже на востоки, даже до моря, Даново едино. 2 И от предел Дановых к востоком даже до моря, Асирово едино. 3 И от предел Асировых, от сущих к востоком, даже до моря, Неффалимле едино. 4 От предел же Неффалимлих от страны восточныя даже до страны моря, Манассиино едино. 5 От предел же Манассииных, сущих на востоки, даже до сущих к морю, Ефремле едино. 6 От предел же Ефремлих, иже на восток, даже до моря, Рувимле едино. 7 От предел же Рувимлих, иже на востоки, даже до моря, Иудино едино. 8 А от предел Иудиных, иже к востоком, даже до моря, будет начаток уделения двадесяти и пяти тысяч широта, и долгота якоже едина от частей сущих к востоком, и даже до тех яже к морю: и будет святое посреде их. 9 Начаток, егоже отделят Господеву, в долготу двадесять и пять тысяч и в широту двадесять и пять тысяч. 10 От сих будет начаток святых жерцем, к северу (в долготу) двадесять и пять тысяч, и к морю в широту десять тысяч, и к востоку десять тысяч, и на юг в долготу двадесять и пять тысяч: и гора святых будет посреде его 11 жерцем, освященным сыном Садуковым, стрегущим стражбы храма, иже не прельстишася во прельщение сынов Израилевых, якоже прельстишася левити. 12 И будет им начаток даемый от начатков земли, святое святых от предел левитских. 13 Левитом же ближняя пределов жреческих, двадесяти и пяти тысяч в долготу, а в широту десяти тысяч: вся долгота двадесяти и пяти тысяч, а широта десяти тысяч. 14 Да не продастся от него, ни заменится, ниже отимутся первая жита земли, яко свято есть Господеву. 15 Пять же тысяч избыточных в широте двадесяти и пяти тысящей, предградие да будет граду на вселение и в разстояние его: и да будет град среде его. 16 И сия меры его: от севера четыре тысячи и пять сот, и от юга четыре тысячи и пять сот, и от восток четыре тысячи и пять сот, и от моря четыре тысячи и пять сот. 17 И да будет разстояние граду к северу двусту и пятидесяти, и к югу двусту и пятидесяти, и на восток двусту и пятидесяти, и к морю двусту и пятидесяти. 18 Избыток же долготы держащийся начатков святых десять тысяч к востоком и десять тысяч к морю: и будут начатки святого, и будут жита ея во хлебы делающим град. 19 Делающие же град да делают его от всех племен Израилевых. 20 Весь начаток двадесяти и пяти тысяч на двадесять и пять тысяч: четвероуголно отделите от него начаток святого, от одержания градскаго, 21 а избыток старейшине от сего: и от онаго, от начатков святого и во участие града, спреди на двадесять и пять тысяч долгота, до предел, иже к морю и к востоком, спреди на двадесять и пять тысяч, до предел, иже к морю, близ частей старейшины: и да будет начаток святых

и освящение храма среде его. 22 От участия же левитска и от участия града, среде старейшин, будет среде предел Иудиных и среде предел Вениаминих, и старейшин да будет. 23 А избыточное племен от сущих к востоком даже до сущих к морю, Вениаминово едино. 24 От предел же Вениаминих к востоком даже до страны яже к морю, Симеоне едино. 25 От предел же Симеоних, от страны яже на восток даже до страны яже к морю, Иссахарово едино. 26 А от предел Иссахаровых, от востоков даже до моря, Завулоне едино. 27 От предел же Завулоних, от востока даже до страны моря, Гадово едино. 28 От предел же Гадовых, от востока даже до ливы: и будут пределы его от юга, и воды Варимодф-Кадиса, наследия даже до моря великаго. 29 Сия земля, юже расположите жребием племеном Израилевым: и сии разделы их, глаголет Господь Бог. 30 И сии исходы града, иже к северу, четыре тысячи и пять сот мерою: 31 врата же града по именованн племени Израилевых: врата троя на север: врата Рувимля едина, врата же Иудина едина и врата Левиина едина: 32 и на восток четыре тысячи и пять сот, и врата троя: врата едина Иосифова, врата же едина Вениаминя и врата Данова едина: 33 и яже к югу четыре тысячи и пять сот мерою, и врата троя: врата едина Симеону, врата же едина Иссахару и врата едина Завулону: 34 и яже к морю четыре тысячи и пять сот мерою: врата троя: врата едина Гадова, и врата Асирова едина и врата Неффалимова едина. 35 Округлость же осминадесяти тысяч: имя же граду, от негоже дне будет, Господь тамо будет имя ему.

Книга пророка Даниила

1 В лето третье царства Иоакима царя Иудина, прииде Навуходоносор царь Вавилонск на Иерусалим и воеваше нань. **2** И даде Господь в руце его Иоакима царя Иудина и от части сосудов храма Божия. И принесе я в землю Сеннаар в дом бога своего и сосуды внесе в дом сокровищный бога своего. **3** И рече царь ко Асфанезу, старейшине евнухов своих, ввести от сынов плена Израилева и от племени царска и от князей **4** юношы, на нихже несть порока, и добры зраком и смыслены во всяцей премудрости, и ведущыя умение и размышляющыя разум, и имже есть крепость в них, еже предстояти в дому пред царем и научити я книгам и языку Халдейску. **5** И повеле им (даяти) царь по вся дни от трапезы царевы и от вина пития своего и кормити их лета три, и потом стати пред царем. **6** И бысть в них от сынов Иудиных Даниил и Ананиа, и Азариа и Мисаил. **7** И возложи им имена старейшина евнухов: Даниилу Валтасар, и Ананиа Седрах, и Мисаилу Мисах, Азарии же Авденаго. **8** И положи Даниил на сердцы своем, еже не осквернитися от трапезы царевы и от вина пития его, и моли старейшину евнухов, яко да не осквернитися. **9** И вдаде Бог Даниила в милость и в щедроты пред старейшиною евнухов. **10** И рече старейшина евнухов Даниилу: боюся аз господина моего царя, заповедавшего о пищи вашей и питии вашем, да не когда увидит лица ваша уныла паче отроков сверстников ваших, и осудите главу мою царю. **11** И рече Даниил ко Амелсару, егоже пристави старейшина евнухов к Даниилу и Ананиа, и Азарии и Мисаилу: **12** искуси отроки твоя до десяти дний, и да дадут нам от семен земных, да ядим, и воду да пием: **13** и да явятся пред тобою лица наша и лица отроков ядущих от трапезы царевы, и якоже узриши, сотвори со отроки твоими. **14** И послуша их и искуси я до десяти дний. **15** По скончании же десятих дний, явишася лица их блага и крепка плотию паче отроков ядущих от трапезы царевы. **16** И бысть Амелсар отемля яди их и вино пития их и даяше им семена. **17** И четверем отроком сим им даде им Бог смысл и мудрость во всяцей книжней премудрости: Даниил же разумен бысть во всяцем видении и сонних. **18** И по скончании тех дний, в няже рече царь привести я, введе я старейшина евнухов пред Навуходоносора. **19** И беседова с ними царь, и не обретошася от всех их подобни Даниилу и Ананиа, и Азарии и Мисаилу: и сташа пред царем. **20** И во всяцем глаголе премудрости и умения, о нижеже вопрошаше от них царь, обрете я десятирицею паче всех обаятелей и волхвов сущих во всем царстве его. **21** И бысть Даниил даже до первого лета Кира царя.

2 В лето второе царства Навуходоносорова, соние виде Навуходоносор, и ужасеся дух его, и сон его отступи от него: **2** и рече царь призвати обаятелей и волхвов, и чародеев и Халдеев, еже возвестити царю сон его. И приидоша и сташа пред царем. **3** И рече им царь: видех сон, и ужасеся дух мой, еже уразумети сон. **4** И глаголаше Халдее сирски цареви: царю, во веки живи: ты повеждь сон

рабом твоим, и сказание его возвестим ти. **5** Отвеща же царь Халдеом и рече: слово отступило есть от мене: аще убо не возвестите ми сна и сказания его, в пагубу будете, и домове ваши разграбятся: **6** аще же сон и сказание его возвестите мне, даяния и дары и честь многу примете от мене: точию сон и сказание его возвестите мне. **7** И отвещаша второе и реша: царь да повесть сон рабом своим, и сказание его возвестим ему. **8** И отвеща царь и рече: поистинне вем аз, яко время вы (точию) искупуете, понеже видите, яко отступило есть слово от мене: **9** аще убо сна не возвестите мне, вем, яко слово ложно и растленно совещаетеся рещи предо мною, дондеже время настанет: сон мой поведите мне, и увем, яко и сказание его возвестите мне. **10** Отвещаша же паки Халдее пред царем и реша: несть человека на земли, иже слово царево возможет возвестити, яко всяк царь великий и князь не вопрошает ссиеваго словесе обаятеля, волхва и Халдеа: **11** понеже слово, егоже вопрошает царь, тяжко, и несть другаго, иже возвестит е пред царем, но точию бози, иже несть житие со всякою плотию. **12** Тогда царь в ярости и во гневе мнозе рече погубити вся мудрыя Вавилонския. **13** И изыде повеление, и мудрии убивахуся: и възискаша Даниила и друзей его убити я. **14** Тогда Даниил отвеща совет и разум Ариоху архимагиру царску, иже изыде убити мудрых Вавилонских, **15** и вопрошаше и глаголя: княже царев, о чемом изыде изречение безстудное от лица царева? Возвести же Ариох слово Даниилу. **16** Даниил же вниде и моли царя, яко да время даст ему, и сказание его возвестит царю. **17** И вниде Даниил в дом свой и возвести слово Ананиа и Азарии и Мисаилу, другом своим: **18** и щедрот прошоух у Бога небеснаго отайне сей, яко да не погибнут Даниил и друзие его со прочиими мудрыми Вавилонскими. **19** Тогда Даниилу во сне нощию тайна открыся: и благослови Даниил Бога небеснаго **20** и рече: буди имя Господа Бога благословено от века и до века, яко премудрость и смысл и крепость Его есть, **21** и Той пременяет времена и лета, поставляет цари и преставляет, давая премудрость мудрым и разум ведущым мышление: **22** Той открывает глубокая и сокровенная, сведый суцая во тме и свет с Ним есть: **23** Тебе, Боже отец моих, исповедаюся и хвалю, яко премудрость и силу дал ми еси и возвестил ми еси, яже просихом у Тебе, и видение царево возвестил ми еси. **24** И прииде Даниил ко Ариоху егоже пристави царь погубити мудрыя Вавилонския, и рече ему: мудрых Вавилонских не погубляй, но введи мя пред царя, и сказание сна возвешу ему. **25** Тогда Ариох с потщанием введе Даниила пред царя и рече ему: обретох мужа от пленник жидовских, иже сказание царю возвестит. **26** И отвеща царь и рече Даниилу, емуже имя Валтасар: можеш ли ми возвестити сон, егоже видех, и сказание его? **27** И отвеща Даниил пред царем и рече: тайны, еяже царь вопрошает, несть мудрых, волхвов, ниже обаятелей газаринов (сила) возвестити царю: **28** но есть Бог на небеси открываяй тайны и возвести царю Навуходоносору, имже подобает быти в последния дни. Сон твой и видение главы твоея на ложи твоим сие есть, царю: **29** помышления твоя

на ложи твоём вздышоа, чесому подобает быти по сих, и Открывай тайны яви тебе, имже подобает быти: 30 и мне не премудростию сущемо во мне паче всех живущих тайна сия открыся, но ради того, яко да возвещу сказание царю, да уразумеши размышления сердца твоего. 31 Ты, царю видел еси: и се, тело едино, велие тело оно, и обличие его высоко, стоящо пред лицом твоим, и образ его страшен: 32 тело, егоже глава от злата чиста, руце и перси и мышцы его сребряны, чрево и стегна медяна, 33 голени железны, нозе, часть убо некая железна и часть некая скудельна: 34 видел еси, дондеже отторжесе камень от горы без рук, и удари тело в нозе железны и скудельны, и истии их до конца: 35 тогда сотрошася вкупе скудель, железо, медь, серебро и злато, и бысть яко прах от гумна летня: и взят я премоногий ветр, и место не обретесе им: камень же поразивый тело бысть гора велика и наполни всю землю. 36 Сей есть сон, а сказание его речем пред царем. 37 Ты, царю, царь царей, емуже Бог небесный царство даде крепко и державно и честно: 38 во всяцем месте, идеже живут сынове человеци и зверие польстии, и птицы небесныя и рыбы морская дал есть в руку твою и поставил тя властелина всем: ты еси глава златая. 39 И последи тебе встанет царство другое меньшее тебе, еже есть серебро, царство же третье, еже есть медь, еже соодолеет всей земли, 40 и царство четвертое, еже будет крепко аки железо: якоже железо стончевает и умягчает вся, такожде и то истончит и истнит вся. 41 А яко видел еси нозе и персты, часть убо некую железну, часть же некую глиняну, царство разделено будет, и от корене железна будет в нем, якоже видел еси железо смешено с глиною: 42 и персты ножнии, часть убо некая железна, часть же некая глиняна, часть некая царства будет крепка и от него будет сокрушена. 43 Яко видел еси железо смешено со глиною, смешены будут во племени человеци, и не будут прилепляющиеся сей к сему, якоже железо не смешается со глиною. 44 И во днех царей тех возставит Бог небесный царство, еже во веки не разсыплется, и царство Его людем инем не останется, истнит и развеет вся царства, тое же станет во веки, 45 якоже видел еси, яко отсечесе от горы камень без рук и истии глину, железо, медь, серебро, злато. Бог великий возвести царю, имже подобает быти по сих: и истинен сон, и верно сказание его. 46 Тогда царь Навуходоносор паде на лице и поклонися Даниилу, и рече дары и благовония возляти ему. 47 И отвещав царь рече Даниилу: поистинне Бог ваш Той есть Бог богов и Господь господей и Царь царей, открываяй тайны, понеже возмогл еси открыти тайну сию. 48 И возвеличи царь Даниила, и дары велики и многи даде ему, и постави его над всюо страну Вавилонскою и князя воеводам, над всеми мудрыми Вавилонскими. 49 И Даниил проси у царя и пристави над делы страны Вавилонския Седраха, Мисаха и Авденаго. Даниил же баше во дворе царева.

3 В лето осмонадесятое Навуходоносор царь сотвори тело злато, высота его лактий шестидесяти и широта его лактий шести, и постави е на поли Деире во стране

Вавилонстей. 2 И посла (Навуходоносор царь) собрати ипаты и воеводы и местоначальники, вожди же и мучители, и сущыя на властех и вся князи стран, приити на обновление кумира, егоже постави Навуходоносор царь. 3 И собращася местоначальницы, ипатове, воеводы, вождеве, мучителие велицыи, имже над властьюми, и вси начальницы стран на обновление тела, еже постави Навуходоносор царь: и стаха пред телом, еже постави Навуходоносор царь. 4 И проповедник вопияше со крепостию: вам глаголется, народи, людие, племена, языцы: 5 в оньже час аще услышите глас трубы, свирели же и гусли, самвики же и псалтири и согласия, и всякого рода мусийския, падающе поклоняйтеся телу златому, еже постави Навуходоносор царь: 6 и имже аще не пад поклонится, в той час ввержен будет в пещь огнем горящую. 7 И бысть егда услышаша людие глас трубы, свирели же и гусли, самвики же и псалтири и согласия, и всякого рода мусийския, падающе вси людие, племена, языцы, поклоняхуся телу златому, еже постави Навуходоносор царь. 8 Тогда приступиша мужие Халдейстии и оболгаша Иудеев, 9 отвещавше реша Навуходоносору цареви: царю, во веки живи: 10 ты, царю, положи еси повеление, да всяк человек, имже аще услышит глас трубы, свирели же и гусли, самвики же и псалтири и согласия, и всякого рода мусийския, 11 и не пад поклонится телу златому, ввержен будет в пещь огнем горящую. 12 Суть убо мужие Иудее, ихже поставил еси над делы страны Вавилонския, Седрах, Мисах и Авденаго, имже не послушаша заповеди твоя, царю, и богом твоим не служат и телу златому, еже поставил еси, не поклоняются. 13 Тогда Навуходоносор в ярости и гневe рече привести Седраха, Мисаха и Авденаго. И приведени быша пред царя. 14 И отвеща Навуходоносор и рече им: аще воистинну, Седрах, Мисах и Авденаго, богом моим не служите и телу златому, еже поставих, не поклоняетесь? 15 Ныне убо аще есте готови, да егда услышите глас трубы, свирели же и гусли, самвики же и псалтири и согласия, и всякого рода мусийския, падше поклонитесь телу златому, еже сотворих: аще же не поклонитесь, в той час ввержени будете в пещь огнем горящую: и кто есть Бог, имже измет вы из руки моея? 16 И отвещаша Седрах, Мисах и Авденаго, глаголюще царю Навуходоносору: не требе нам о глаголе сем отвещати тебе: 17 есть бо Бог наш на небесех, Емуже мы служим, силен изяти нас от печи огнем горящая и от руку твоею избавити нас, царю: 18 аще ли ни, ведомо да будет тебе, царю, яко богом твоим не служим и телу златому, еже поставил еси, не кланяемся. 19 Тогда Навуходоносор исполнися ярости, и зрак лица его изменися на Седраха, Мисаха и Авденаго, и рече: разжгите пещь седмерицею, дондеже до конца разгорится. 20 И мужем сильными крепостию рече: оковавше Седраха, Мисаха и Авденаго, вверзите в пещь огнем горящую. 21 Тогда мужие они оковани быша с гащами своими и покрывалы, и сапогами и со одеждами своими, и ввержени быша посреде печи огнем горящая. 22 Понеже глагол царев превозможе, и пещь разжжена бысть преизлишше: и мужей оных, имже ввергоша Седраха, Мисаха и Авденаго, уби пламень огненный. 23 И мужие тии трие,

Седрах, Мисах и Авденаго, падоша посреде печи огнем горяция оковани, 24 Навуходоносор же слыша поющих их, и почудися, и воста со тщанием, и рече вельможам своим: не триех ли мужей вверхом среде огня связанных? И реша цареви: воистинну, царю. 25 И рече царь: се, аз вижду мужы четыре разрешены и ходяща среде огня, и истления несть в них, и зрак четвертаго подобен сыну Божию. 26 Тогда прииде Навуходоносор ко устию печи огнем разжженных и рече: Седрах, Мисах, Авденаго, раби Бога Вышняго, изыдите и приидите. И изыдоша Седрах, Мисах, Авденаго от среды огня. 27 И собираша князи и воеводы, и местоначальницы и вельможи царевы, и видяху мужей, яко не одоле огонь телесем их и власа главы их не опали, и ризы их не изменишася, и вони огненны не баше в них. 28 И поклонися пред ними царь Богу, и отвеща Навуходоносор царь и рече: благословен Бог Седрахов, Мисахов и Авденаго, Иже посла Ангела Своего и изыа отроки Своя, яко уповаша на Него: и слово царево премениша, и предаша телеса своя во огонь, да не послужат, ни поклоняются всякому богу иному, но точию Богу своему: 29 и аз заповедаю заповедь: вси людие, племя, язык, аще речет хулу на Бога Седрахова и Мисахова и Авденаго, в пагубу будут, и домове их в разграбление: понеже несть бога другаго, иже возможет избавити сице. 30 Тогда царь постави Седраха, Мисаха и Авденаго во стране Вавилонстей, и возвеличи их, и сподоби их старейшинства Иудеев всех сущих во царстве его.

4 Навуходоносор царь всем людем, племеном и языком сущым во всей земли, мир вам да умножится. 2 Знамена и чудеса, яже сотвори со мною Бог Вышний, угодно бысть предо мною возвестити вам, 3 коль великая и крепкая: царство Его царство вечное, и власть Его в роды и роды. 4 Аз Навуходоносор обилуяй бех в дому моем и благоцветый на престоле моем: 5 сон видех, и устраши мя, и смятохся на ложи моем, и видения главы моея смятоша мя: 6 и мною положися повеление, привести пред мя вся мужы мудрыя Вавилонския, да сказание сна возвестят мне. 7 И вхождаху обаятели, волсви, газарини, Халдее, и сон аз рех пред ними, и сказания его не возвестиша ми, 8 дондеже вниде (пред мя) Даниил, емуже имя Валтасар, по имения бога моего, иже духа Божия свята имать в себе, и сон пред ним рех: 9 Валтасаре, княже обаятелей, егоже аз разумех, яко дух Божий святыи имаше, и всякая тайна не изнемогает пред тобою, слыши видение сна моего, еже видех, и сказание его повеждь мне. 10 И видение главы моея на ложи моем зрех, и се, древо среде земли, и высота его велика: 11 и возвеличися древо то и укрепися, и высота его досязаше до небесе, и величина его до конец земли всея, 12 листвие его прекрасное, и плод его мног, и пища всех в нем, и под ним вселяхуся вси зверие дивии, и в ветвех его живяху (вся) птицы небесныя, и от него питашеся всяка плоть. 13 Видех во сне нощию на ложи моем, и се, Бодрый и Святыи от небесе сниде 14 и возгласи крепце и тако рече: посеците древо и обийте ветви его, и отрясите листвие его и разсыплите плод его, да позабыются зверие под ним и птицы с ветвий его: 15 точию отрасль корения

его в земли оставите, и во узе железне и медне, и во злаце внешнем и в росе небесней вселится, и со зверьми (дивиими) часть его во траве земней: 16 сердце его от человек изменится, и сердце зверино дастся ему, и семь времен изменятся над ним: 17 изречением Бодраго слово, и глагол Святых прошение: да уведят живущии, яко владеет Вышний царством человеческим, и емуже восхощет, даст е, и уничтоженное человеков возставит над ним. 18 Сей сон, егоже видех аз Навуходоносор царь: ты же, Валтасаре, сказание его повеждь, яко вси мудрии царства моего не могут сказания его поведати мне, ты же, Данииле, можеш, яко дух Божий свят в тебе. 19 Тогда Даниил, емуже имя Валтасар, ужасеся аки на един час, и размышления его смущаху его. И отвеща царь и рече: Валтасаре, сон мой и сказание его да не смущает тебе. И отвеща Валтасар и рече: господине, да будет сон сей ненавидящим тя, и сказание его врагом твоим. 20 Древо, еже видел еси возвеличившееся и укрепившееся, егоже высота досязаше до небесе и величина его на всю землю, 21 и листвие его благоцветное и плод его мног, и пища всем в нем, под ним живяху зверие дивии, и в ветвех его угнездяхуся птицы небесныя: 22 ты еси, царю, яко возвеличился еси и укрепел, и величество твое возвеличися и досяже небесе, и власть твоя до конец земли. 23 И яко виде царь Бодраго и Святаго сходяща с небесе, и рече: посеците древо и разсыплите е, точию проничение корения его в земли оставите, и во узе железне и медяне и во злаце внешнем и в росе небесней водворится, и со зверьми дивиими часть его, дондеже семь времен прменяются над ним: 24 сие сказание его, царю, и изречение Вышняго есть, еже приспе на господина моего царя: 25 изженут тя от человек, и с дивиими зверьми будет житие твое, и травую аки вола напитают тя, и от росы небесныя тело твое оросится, и семь времен изменятся над тобою, дондеже увеси, яко владеет Вышний царством человеческим, и емуже восхощет, даст е. 26 А еже рече: оставите проничение корения древа (в земли): царство твое тебе будет, отнележе увеси власть небесную. 27 Сего ради, царю совет мой да будет тебе угоден, и грехи твоя милостынями искупи и неправды твоя щедротами убогих: негли будет долготерпелив грехом твоим Бог. 28 Сия вся постигоша Навуходоносора царя. 29 По двюнадесяти месяцев в дому царства своего, в Вавилоне бе ходя, 30 отвеща царь и рече: несть ли сей Вавилон великий, егоже аз соградих в дом царства, в державе крепости моея, в честь славы моея? 31 Еще слову сушу во устех каря, глас с небесе бысть: тебе глаголется, Навуходоносоре царю: цартво твое преиде от тебе, 32 и от человек отженут тя, и со зверьми дивиими житие твое, и травую аки вола напитают тя и семь времен изменятся на тебе, дондеже увеси, яко владеет Вышний царством человеческим, и емуже восхощет, даст е. 33 В той час слово скончася на цари Навуходоносоре, и от человек отгнася, и траву аки вол ядыше, и от росы небесныя тело его оросися, дондеже власи ему яко льву возрасташа и ногти ему аки птицам. 34 И по скончании тех дний, аз Навуходоносор очи свои на небо воздвиг, и ум мой

ко мне возвратися, и Вышняго благослових, и Живущаго во веки похвалих и прославих, яко власть Его власть вечна, и царство Его в роды и роды, **35** и вси живущии на земли ни во чтоже вменишася, и по воли Своей творит в силе небесней и в селении земнем: и несть, иже воспротивится руже Его и речет Ему: что сотворил еси? **36** В то время ум мой возвратися ко мне, и в честь царства моего приидох, и зрак мой возвратися ко мне, и начальницы мои и вельможи мои искаху мене: и в царстве моем утвердихся, и величество излюбилнее приложися мне. **37** Ныне убо аз Навуходоносор хвалю и превозношу и славлю Царя Небеснаго, яко вся дела Его истинна, и путие Его судьбы, и вся ходящая в гордости может смирити.

5 Валтасар царь сотвори вечерю велию вельможам своим тысящи мужем, **2** пред тысящею же вином, и пия Валтасар рече при вкушении вина, еже принести сосуды златы и сребряны, яже изнесе Навуходоносор отец его из храма (Господа Бога), иже во Иерусалиме, и да пият в них царь и вельможи его, и наложницы его и возлежащая (окрест) его. **3** И принесоша сосуды златыя и сребряныя, яже изнесе (Навуходоносор царь) из храма Господа Бога, иже во Иерусалиме: и пияху ими царь и вельможи его, и наложницы его и возлежащая (окрест) его: **4** пияху вино и похвалиша боги златыя и сребряныя, и медяныя и железныя, и древяныя и каменныя, а Бога вечнаго не благословиша, имущаго власть духа их. **5** В той час изыдоша персты руки человеци и писаху противу лампы на повалении стены дому царева, и царь видяше персты руки пишущия. **6** Тогда царю зрак изменися, и размышления его смущаху его, и соузы чресл его расслабляхуся, и колена его сражастася: **7** и возопи царь силою, еже ввести волхвов, Халдеев, газаринов: и рече царь мудрым Вавилонским: иже прочтет писание сие и разум его возвестит мне, той в багряницу облечется, и гривна золотая на выю его, и третий во царстве моем обладати начнет. **8** И вхождаху вси мудрии ко царю и не можаху писания прочести, ни разума царю возвестити. **9** Царь же Валтасар възмается, и зрак его изменися на нем, и вельможи его смущахуся. **10** И вниде царица в дом пирный, и рече царица: царю во веки живи: да не смущают тебе размышления твоя, и зрак твой да не изменяется: **11** есть муж во царстве твоём, в немже дух Божий: и во дни отца твоего бодрость и смысл обретесе в нем, и царь Навуходоносор отец твой князя постави его волхвом, обаятелем, Халдеем, газарином, **12** яко дух преизлюбилный (бьяше) в нем, и премудрость и смысл (обретесе) в нем, сказуя сны и возвещая сокровенная и разрешая соузы, Даниил, и царь нарече имя ему Валтасар: ныне убо да призовется, и сказание его возвестит тебе. **13** Тогда Даниил введен бысть пред царя. И рече царь Даниилу: ты лиеси Даниил, от сынов пленник Иудейских, иже приведе Навуходоносор царь отец мой? **14** Слышах о тебе, яко дух Божий в тебе, и бодрость и смысл и премудрость излюбилна обретесе в тебе: **15** и ныне внидоша пред мя мудрии, волсви, газарины, да писание сие прочтут и сказания его возвестят ми, и не могоша возвестити мне: **16** аз же слышах о тебе, яко можеши суды сказати: ныне

убо аще возможеши писание сие прочести и сказание его возвестити мне, в багряницу облечешися, и гривна золотая на выи твоей будет, и третий во царстве моем обладати будеши. **17** Тогда отвеща Даниил и рече пред царем: даяния: твоя с тобою да будут, и дар дому твоего иному даждь, аз же писание прочту царю и сказание его возвещу тебе. **18** Царю! Бог Вышний царство и величество, и честь и славу даде Навуходоносору отцу твоему, **19** и от величества, еже ему даде, вси людие, племена, языцы бяху трепещуще и боящся от лица его: иже хотяше убиваше, и иже хотяше бияше, и иже хотяше възвышаше, и иже хотяше, той смиряше: **20** и егда вознесеся сердце его и утвердися дух его еже презорствовать, сведесе от престола царства, и слава и честь отяся от него, **21** и от человек отгнася, и сердце его со зверьми отдася, и житие его со дивиими ослы, и травою аки вола питаху его, и от росы небесныя оросися тело его, дондеже уразуме, яко владеет Бог Вышний царством человеческим, и емуже хочет, даст е. **22** И ты убо, сыне его Валтасаре, не смирил еси сердца твоего пред Господем: не вся ли сия ведал еси? **23** Но на Господа Бога небеснаго вознесл еси, и сосуды храма Его принесоша пред тебе, ты же и вельможи твои, и наложницы твоя и возлежащая (окрест) тебе, вино пиясте ими: и боги златыя и сребряныя, и медяныя и железныя, и каменныя и древяныя, иже ни видят, ни слышат, ни разумеют, похвалил еси, а Бога, у Негоже дыхание твое в руже Его, и вси путие твои, Того не прославил еси. **24** Сего ради от лица Его послани быша персты ручнии и писание сие вчиниша. **25** Се же есть писание вчиненое: мани, фекел, фарес. **26** Се сказание глагола: мани, измери Бог царство твое и сконча е: **27** фекел, поставися в мерилех и обретесе лишаемо: **28** фарес, разделися царство твое и дадесе Мидом и Персом. **29** И рече Валтасар: (облецыте и). И облекоша Даниила в багряницу, и гривну золотую возложиша на выю его, и проповеда о нем, еже быти ему князю третиему во царстве его. **30** Валтасара царя Халдейска убиша в ту ночь, **31** Дарий же Мидянин прия царство, сый шестидесяти и двою лет.

6 И бысть угодно пред царем, и постави во царстве князей сто и двадесять, еже быти им во всем царстве его, **2** над ними же три чиновники, от нихже бе Даниил един, дабы отдавали им князи слово, яко да царю не стужают. **3** И бе Даниил над ними, яко дух бьяше преизлюблен в нем, и царь постави его над всем царством своим. **4** Чиновницы же и князи искаху вины обрести на Даниила: и всякия вины и соблазна и греха не обретоша на него, яко верен бьяше. **5** И реща чиновницы не обрящем на Даниила вины, аще не в законех Бога его. **6** Тогда чиновницы и князи предсташа царю и реща ему: Дарие царю, во веки живи: **7** советаша вси иже во царстве твоём воеводы и князи, ипати и обладающи странами, еже уставити устав царский и укрепити предел, яко аще кто попросит прошения от всякаго бога и человека до дней тридесяти, разве точию от тебе, царю, да ввержен будет в ров левский: **8** ныне убо, царю, устави предел и положи писание, яко да не изменится заповедь Мидска и Персска, (да никтоже преступит ея). **9** Тогда царь Дарий

повеле вписати заповедь. 10 Даниил же егда уведе, яко заповедь вчинися, вниде в дом свой: дверцы же отворсты ему в горнице его противу Иерусалима, в три же времена дне быше прокляняя колена своя, моляся и исповедаяся пред Богом своим, якоже бе творя прежде. 11 Тогда мужие онии наблюдаша и обретоша Даниила просяща и молящася Богу своему, 12 и пришедше реша пред царем: царю, не вчинил ли еси ты предела, яко да всяк человек, иже аще попросит у всякаго бога и человека прошения до тридесати дний, но точно у тебе, царю, да ввержется в ров левск? И рече царь: истинно слово, и заповедь Мидска и Персска не мимоидет. 13 Тогда отвещаша пред царем и глаголаша: Даниил, иже от сынов плена Иудейска, не покориша заповеди твоей (и не раде) о пределе, егоже вчинил еси: в три бо времена дне просит у Бога своего прошений своих. 14 Тогда царь, яко слышав слово сие, зело опечалися о нем, и о Данииле пряшеся еже избавити его, и бе даже до вечера пряся еже избавити его. 15 Тогда мужие онии глаголаша царю: веждь, царю яко Мидом и Персом не леть есть пременити всякаго предела и устава, егоже царь уставит. 16 Тогда царь рече, и приведоша Даниила и ввергоша его в ров левск. И рече царь Даниилу: Бог твой, Емуже ты служиши присно, Той избавит тя. 17 И принесоша камень един и возложиша на устье рва, и запечата царь перстнем своим и перстнем вельмож своих, да не изменится деяние о Данииле. 18 И отиде царь в дом свой и ляже без вечера, и яди не внесоша к нему: и сон отступи от него. И заключи Бог уста львом, и не стужиша Даниилу. 19 Тогда царь воста заутра на свете и со тщианием прииде ко рву левску. 20 И егда приблизися ко рву, возопи гласом крепким: Данииле, рабе Бога живаго! Бог твой, Емуже ты служиши присно, возможе ли избавити тя из уст львовых? 21 И рече Даниил цареви: царю, во веки живи: 22 Бог мой посла Ангела Своего и затвори уста львов, и не вредиша мене, яко обретесе пред Ним правда моя, и пред тобою, царю, согрешения не сотворих. 23 Тогда царь вельми возвеселися о нем и рече Даниилу извести из рва. И изведен бысть Даниил из рва, и всякаго тления не обретесе на нем яко верова в Бога своего. 24 И рече царь, и приведоша мужы оклеветавшыя Даниила и в ров левск ввергоша я и сыны их и жены их: и не доидоша дна рва, даже соодолеша им львы и вся кости их истончиша. 25 Тогда Дарий царь написа всем людем, племеном, языком, живущым во всей земли: мир вам да умножится: 26 от лица моего заповедася заповедь сия во всей земли царства моего, да будут трепещуще и боящеся от лица Бога Даниилова, яко Той есть Бог живой и пребывавый во веки, и царство Его не разсыплется, и власть Его до конца: 27 подемлет и избавляет, и творит знамения и чудеса на небеси и на земли, иже избави Даниила от уст львовых. 28 Даниил же управляше во царстве Дариеве и во царстве Кира Персянина.

7 В первое лето Валтасара царя Халдейска, Даниил сон виде и видения главы его на ложи его, и сон свой вписа: 2 аз Даниил видех в видении моем нощию: и се, четыре ветри небеснии налегоша на море великое, 3 и четыре зверие величии исхождаху из моря, различни между собою:

4 первый аки львица имый криле, криле же его аки орли, зрях, дондеже исторжена быша крила его, и воздвижеся от земли, и на ногу человеку ста, и сердце человекю дадесе ему: 5 и се, зверь второй подобен медведице, и на стране единой ста, и три ребра во устех его, среде зубов его, и сице глаголаху ему: востани, яждь плоти многи: 6 созаци сего видех: и се, зверь ин аки рысь, томуже крила четыре птичия над ним и четыре главы зверю, и власть дадесе ему: 7 созаци сего видех: и се, зверь четвертый страшен и ужасен и крепок излиха, зубы же его железни велии, ядый и истончевая, останки же ногама своима попираше, тойже различаяся излиха паче всех зверей прежних, и рогов десять ему: 8 разсмотрях в розех его, и се, рог другой мал възде среде их, и трие рози преднии его исторгнушася от лица его, и се, очи аки очи человекчи в розе том, и уста глаголюща великая. 9 Зрях дондеже престолы поставшася, и Ветхий денми седе, и одежда Его бела аки снег, и власи главы Его аки волна чиста, престол Его пламень огнен, колеса Его огонь палящ: 10 река огненна течаше исходящи пред Ним: тысяща тысящ служаху Ему, и тмы тем предстояху Ему: судище седе, и книги отворзошася. 11 Видех тогда от гласа словес великих, яже рог оный глаголаше, дондеже убися зверь и погибе, и тело его дадесе во сожжение огненно: 12 и прочих зверей преставися власть, и продолжение жития дадесе им до времени и времени. 13 Видех во сне нощию, и се, на облацех небесных яко Сын человекч идый баше и даже до Ветхаго денми дойде и пред Него приведесе: 14 и Тому дадесе власть и честь и царство, и вси людие, племена и языци Тому поработают: власть Его власть вечная, яже не преидет, и царство Его не разсыплется. 15 Вострепета дух мой в состоянии моем, аз Даниил, и видения главы моя е смущаху мя. 16 И приидох ко единому от стоящих и известия просих от него научитися о всех сих. И поведа ми известие и сказание словес возвести ми: 17 сии зверие величии четыре, четыре царства востанут на земли, 18 яже возмутся: и преимут царство святии Вышняго и содержати будут оное даже до века веков. 19 И вопрошах испытно о звери четвертем, яко быше различен паче всякаго зверя, страшен вельми, зубы его железни и ноги его медяни, ядый и истончевая, останки же ногама своима попираше: 20 и о десяти розех его иже на главе его, и о друзем возшедшем и истрясшем первыя три, рог же той емуже очи и уста глаголюща великая, и видение его более прочих: 21 зрях, и рог той творяше рать со святыми и укрепися на них, 22 дондеже прииде Ветхий денми и суд даде святым Вышняго: и время приспе, и царство прияша святии. 23 И рече: зверь четвертый царство четвертое будет на земли, еже превзыдет вся царства и пояст всю зеемлю, и поперет ю и посечет: 24 и десять рогов его десять царей востанут, и по них востанет другой, иже превзыдет злобами всех престжих и три цари смирит, 25 и словеса на Вышняго возглаголет и святых Вышняго смирит, и помыслит пременити времена и закон, и дастся в руку его даже до времени и времен и полувремене: 26 и судище сядет, и власть его преставят еже потребити и погубити до конца: 27 царство же и власть и

величество царей, иже под всем небесем, дастся святым Вышняго: и царство Его царство вечное, и вся власти Тому работати будут и слушати. 28 До zde скончание словесе. Аз Даниил, надолзе размышления моя смущаху мя, и зрак мой пременяся на мне, и глагол в сердцы моем соблюдох.

8 В лето третье царства Валтасара царя видение явися мне, аз Даниил, по явльшемся мне прежде. 2 И бех в Сусех граде, иже есть во стране Еламстей, и видех в видении, и бех на Увале, 3 и воздвигох очи мои и видех: и се, овен един стоя пред увалом емуже рози, рози же высокои, един же выше другого, и вышший восхождаше последи. 4 И видех овна бодуща на запад и на север, и на юг и на восток: и вси зверие не станут пред ним, и не бе избавляюща из руки его, и сотвори по воли своей, и возвеличися. 5 Аз же бех размышляя, и се козел от коз идяше от лива на лице всея земли и не бе прикасаяся земли, и козлу тому рог видимь между очима его: 6 и прииде до овна имущаго рога егоже видех стояща пред увалом, и тече к нему в силе крепости своея. 7 И видех его доходяща до овна, и разсвирипе на него, и поразил овна, и сокруши оба рога его: и не бе силы овну, еже стати противу ему: и поверже его на землю и попра его, и не бе избавляяя овна от руки его. 8 И козел козий возвеличися до зела: и вгнеда укрепися, сокрушися рог его великий, и въздоша друзи четири рози под ним, по четьрем ветром небесным: 9 и от единого их възиде рог един крепок, и возвеличися вельми к югу и к востоку и к силе, 10 и возвеличися даже до силы небесных: и сотвори пасти на землю от силы небесных и от звезд, и попра я: 11 и дондеже Архистратиг избавит пленники, и Его ради жертва смятятся, и благопоспешися Ему, и святое опустеет: 12 и дадеса на жертву грех, и повержеса правда на землю: и сотвори, и благопоспешися. 13 И слышаш единого святого глаголюща. И рече един святыи другому некоему глаголющему: доколе видение станет, жертва отягата, и грех опустения данный, и святое и сила поперется? 14 И рече ему: даже до вечера и утра дний две тысящы и триста, и очистится святое. 15 И бысть, егда видех аз Даниил видение и възсках ведения, и се, ста предо мною аки образ мужеск, 16 и слышаш глас мужеск среде Увала, и призва и рече: Гаврииле, скажи видение оному. 17 И прииде и ста близ стояния моего: и егда прииде ужасохся и падох на лице мое. И рече ко мне: разумей, сыне человек, еще бо до скончания времени видение. 18 И егда глаголаше со мною, падох ниц на земли, и прикоснуся мне, и постави мя на ноги моя, и рече: 19 се, аз возвещаю тебе будущая на последок гнева (сыном людей твоих): еще бо до конца времени видение. 20 Овен, егоже видел еси имуща рога, царь Мидский и Персский: 21 а козел козий царь Еллинский есть: рог же великий, иже между очима его, той есть царь первый: 22 сему же сокрушившуся восташа четири рози под ним: четири царие востанут от языка его, но не в крепости его, 23 и на последок царства их, исполняющимся грехом их, востанет царь безсрамен лицем и разумя гадания, 24 и державна крепость его, не в крепости же своей, и чудесно растлит и управит и сотворит, и разсыплет крепкия и люди

святы, 25 и ярем вериг своих исправит: леств в руке его, и в сердцы своем возвеличится, и лестию разсыплет многих, и на пагубу многим возстанет, и яко яйца рукою сокрушит. 26 И видение вечера и утра реченного истинно есть: ты же назнаменай видение, яко на дни многи. 27 Аз же Даниил услох и изнемогах на дни (многи), и востах и творях дела царева, и почудихся видению, и не быаше разумевающаго.

9 В первое лето Дариа сына Ассиурова, от племени Мидска, иже царствова во царстве Халдейстем, 2 в лето первое царства его, аз Даниил разумех в книгах число лет, о немже бысть слово Господне ко Иеремии пророку, на скончание опустения Иерусалимля семьдесят лет. 3 И дах лице мое к Господу Богу, еже възискати молитвы и прошения в посте и во вретичи и пепеле, 4 и молихся ко Господу Богу моему и исповедахся и рех: Господи, Боже великий и чудный, храняий завет Твой и милость Твою любящим Тя и хранящим заповеди Твоя: 5 согрешихом, беззаконновахом, нечестовахом и отступихом и уклонихомся от заповедий Твоих и от судов Твоих 6 и не послушахом раб Твоих пророков, иже глаголаша во имя Твое ко царем нашим и князем нашим, и отцем нашим и всем людям земли. 7 Тебе, Господи, правда, нам же стыдение лица, якоже день сей, мужу Иудину, и живущим во Иерусалиме, и всему Израилю, и ближним и дальним во всей земли, идеже разсеял еси я тамо, во отвержении их, ижеже отвергошася Тебе, Господи. 8 Тебе, Господи, есть правда, нам же стыдение лица, и царем нашим и князем нашим и отцем нашим, иже согрешихом Тебе. 9 Господу же Богу нашему щедроты и очищения, яко отступихом от Господа 10 и не послушахом гласа Господа Бога нашего, ходити в законех Его, ижеже даде пред лицем нашим рукою раб Своих пророков. 11 И весь Израиль преступи закон Твой, и уклонишася еже не послушати гласа Твоего: и прииде на ны клятва и заклятие вписаное в законе Моисеа раба Божия, яко согрешихом Ему. 12 И устави словеса Своя, яже глагола на ны и на судии наша, иже судиша нам, навести на ны злая великая, яковых не бысть под всем небесем, по (всем) бывшим во Иерусалиме, 13 якоже есть писано в законе Моисеове, вся злая сия приидоша на ны: и не помолихомся лицу Господа Бога нашего, отвратитися от неправд наших, и еже смыслити во всей истине Твоей (Господи). 14 И убудися Господь Бог на злобу нашу и наведе сия на ны, яко праведен Господь Бог наш во всем деянии Своем, еже сотвори, и не послушахом гласа Его. 15 И ныне, Господи, Боже наш, иже извел еси люди Твоя от земли Египетския рукою крепкою и сотворил еси Себе Самому имя, якоже день сей, согрешихом, беззаконновахом. 16 Господи, всем помилованием Твоим да отвратитися ярость Твоя и гнев Твой от града Твоего Иерусалима, от горы святая Твоя: яко согрешихом неправдами нашими и беззаконием отец наших, Иерусалим и людие Твои во укоризну быша во всех окрестных нас. 17 И ныне, Господи, Боже наш, услыши молитву раба Твоего и прошение его, и яви лице Твое на святилище Твое опустевшее, Тебе ради, Господи. 18 Приклони, Господи, Боже мой, ухо Твое и услыши, отверзи

очи Твои и виджь потребление наше и града Твоего, в немже призвася имя Твое, яко не на наша правды (уповающе) повергаем моление наше пред Тобою, но на щедроты Твоя многия, Господи. **19** Услыши, Господи, очести, Господи, вонми, Господи, и сотвори, и не закосни Тебе ради, Боже мой, яко имя Твое призвася во граде Твоем и в людех Твоих. **20** Еще же ми глаголющу и молящуюся и исповедающую грехи моя и грехи людей моих Израиля, и припадающую с молением моим пред Господем Богом моим о горе святей Его: **21** и еще глаголющу ми в молитве, и се, муж Гавриил, егоже видех в видении моем в начале, парящ, и прикоснулся мне, аки в час жертвы вечерняя, **22** и вразуми мя, и глагола ко мне, и рече: Данииле, ныне изыдох устроити тебе разум: **23** в начале молитвы твоя изыде слово, и аз придох возвестити тебе, яко муж желаний еси ты, размысли о словеси и разумей во явлении. **24** Седмьдесят седмин сократишася о людех твоих и о граде твоём святем, яко да обетшает согрешение, и скончается грех, и запечатуются греси, и заглядятся неправды, и очистятся беззакония, и приведется правда вечная: и запечатается видение и пророк, и помажется Святой святых. **25** И увеси и уразумеши от исхода словесе, еже отвещати и еже соградити Иерусалим, даже до Христа Старейшины седмин седмь и седмин шестьдесят две: и возвратится, и соградится стогна и забрала, и истощатся лета. **26** И по седминах шестидесяти двух потребится помазание, и суд не будет в нем: град же и святое разсыплется со старейшиною грядущим, и потребятся аки в потопе, и до конца рати сокращенныя чином, погибельми. **27** И утвердит завет мнозем седмина едина: в пол же седмины отимется жертва и возлияние, и во святилищи мерзость запустения будет, и даже до скончания времени скончание дастся на опустение.

10 В лето третье Кира царя Персского, слово открыся Даниилу, емуже прозвася имя Валтасар: истинно же слово и сила велика и разум дадеся ему в видении. **2** В тыя дни аз Даниил бех рыдая три седмицы дний: **3** хлеба вожделеннаго не ядох, и мясо и вино не вниде во уста моя, и мастию не помазахся до исполнения триех седмиц дний. **4** В день двадесять четвертый первого месяца аз бех близ реки великия, яже есть Тигр Еддекель, **5** и воздвигох очи мои и видех, и се, муж един облечен в ризу льняну, и чресла его препоясана златом светлым: **6** тело же его аки фарсис, лице же его аки зрение молнии, очи же его аки свещи огнены, и мышцы его и голени аки зрак меди блестящаяся, глас же словес его аки глас народа. **7** И видех аз Даниил един явление, а мужие, иже со мною, не видеша явления, но ужас великий нападе на них, и отбегнуша во страсе. **8** Аз же остах един и видех явление великое сие, и не оста во мне крепость, и слава моя обратися в разсыпание, и не удержал крепости. **9** И слышах глас словес его. И внегда слышах, бех сокрушен, лице же мое на земли: **10** и се, рука прикасающаяся мне, и возстави мя на колена моя и на длани рук моих. **11** И рече ко мне: Данииле, мужу желаний, разумей во словесех сих, яже аз глаголю к тебе, и стани на стоянии своем, яко ныне послан есмь к тебе. И егда возглагола слово

сие ко мне, востал трепетен. **12** И рече ко мне: не бойся, Данииле, яко от первого дне, в онже подал еси сердце твое, еже разумети и трудитися пред Господем Богом твоим, услышана быша словеса твоя, аз же придох во словесех твоих: **13** князь же царства Персского стояше противу мне двадесять и един день: и се Михаил един от старейшин первых прииде помощи мне, и того оставих тамо со князем царства Персского, **14** и придох сказати тебе, елика срящут людей твоих в последния дни, яко еще видение на дни. **15** И егда глагола со мною по словесем сим, дах лице мое на землю и умилыхся. **16** И се, аки подобие сына человека прикоснулся устам моим, и отверзох уста моя и глаголах, и рех ко стоящему предо мною: господи, в видении твоём обратися утроба моя во мне, и не имех силы: **17** и како возможет раб твой господи, глаголати с господем сим моим? Аз бо изнемогах, и отныне не станет во мне крепость, (сила бо) и дыхание не оста во мне. **18** И приложи, и прикоснулся мне яко зрак человек, и укрепил мя, **19** и рече ми: не бойся, мужу желаний, мир тебе: мужайся и крепися и егда глагола со мною, укрепихся и рех: да глаголет господь мой яко укрепил мя еси. **20** И рече: веси ли, почто придох к тебе? И ныне возвращуся, еже ратися со князем Персским: аз же исхождах, князь же Еллинский грядяше: **21** но да возвешу ти вчиненое в писании истины, инесть ни единого помогающаго со мною о сих, но точию Михаил князь ваш.

11 Аз же в первое лето Кирова стах в державу и крепость. **2** И ныне истину возвешу тебе се, еще трие царие востанут в Персиде четвертый же разбогатеет богатством великим паче всех и по одержании богатства своего востанет на вся царства Еллинская: **3** и востанет царь силен, и обладает властию мною, и сотворит по воли своей. **4** И егда станет царство его сокрушится и разделится на четыре ветры небесныя, и не в последняя своя, ниже по власти своей, еюже совладе, понеже исторгнется царство его и другим кроме сих отдастся. **5** И укрепится царь южский, и от князей их един укуеет нань и обладает властию мною над властию его. **6** И по летех его смесятся, и дщи царя южска внидет к северску царю, еже сотворити завет с ним, и не удержит крепости мышцы, и не станет племя ея, и предастся та и приведши ю, и дева и укрепляя ю во временех. **7** И востанет от цвета корене ея на уготование его и придет в силу, и внидет во утверждения царя северскаго и сотворит в них и одержит: **8** и боги их со слиянными их, вся сосуды их вожделенныя сребра и злата с пленники принесет во Египет, и той востанет паче царя северска: **9** и внидет в царство царя южскаго, и возвратится на свою землю. **10** И сынове его соберут народ силен мног, и внидет грядый и потопляяй: и мимо преидет и сядет, и даже до крепости его снидется. **11** И разсвирипее царь южский, и изыдет и брань сотворит с царем северским, и поставит народ мног, и предастся народ в руце его. **12** И возмет народы, и возвысится сердце его, и соодолеет тмам, и не укрепее. **13** И возвратится царь северский и приведет народ мног паче прежняго: и на конец времен лет приидет входом в

силе велицей и со именем многим. 14 И в лета она мнози востанут на царя южска, и сынове губителей людей твоих воздвигнутся, еже поставити видение, и изнемогут. 15 И внидет царь северский и сотворит окоп и возмет грады тверды, мышцы же царя южскаго не станут и востанут избраннии его, и не будет крепости еже стати. 16 И сотворит входяй к нему по воли своей, и несть стоящаго противу лица его: и станет на земли савеи, и скончается в руце его. 17 И вчинит лице свое внити в силе всего царства своего, и праве вся сотворит с ним: и дщерь жен даст ему еже растлити ю, и не пребудет, и не будет ему. 18 И обратит лице свое на острова, и возмет многи, и погубит князи укоризны своя, обаче укоризна его возвратится ему. 19 И обратит лице свое в крепость земли своя, и изнеможет, и падется, и не обрящется. 20 И востанет от корене его сад царства на уготовление его производяй творяй славу царства: и в тыя дни еще сокрушится, и не в лицах, ни в рати: 21 станет во уготовании его ункчижися, и не даша нань славы царства: и придет со обилием и соодолеет царству лестьми, 22 и мышцы потопляющаго потоплят от лица его и сокрушатся и старейшина завета. 23 И от совокуплений к нему сотворит лесть, и въздет, и преодолет их в мале языке: 24 и во обилие и в тучныя страны придет, и сотворит, яже не сотвориша отцы его и отцы отцев его: пленение и корысти и имение им расточит, и на Египта помыслит мыслию даже до времени. 25 И востанет крепость его, и сердце его на царя южскаго в силе велице, царь же южский сотворит с ним сечь силою великою и крепкою зело, и не станут: яко помышляют нань помышления 26 и изядят потребная его и сокрушат его, и силы разсыплет, и падут язвении мнози. 27 И оба царя, сердца их на лукавство, и на трапезе единой возглаголет лжу, и не предуснеет, яко еще конец на время. 28 И возвратится на свою землю со именем многим, и сердце его на завет святой, и сотворит, и возвратится на свою землю. 29 На время возвратится и придет на юг, и не будет якоже первая и последняя. 30 И внидут с ним исходящи Китяне, и смирится, и возвратится, и возярится на завет святой: и сотворит, и возвратится, и умыслит на оставшья завет святой. 31 И мышцы и племена от него востанут и осквернят святыню могущества и преставят жертву всегдашнюю и дадут мерзость запустения, 32 и беззаконующии завет наведут со прелестию: людие же ведуще Бога своего премогут и сотворят, 33 и смысленнии людие уразумеют много, и изнемогут в мечи и в пламени, и в пленении и в разграблении дний. 34 И егда изнемогут, поможется им помощию малою, и приложатся к ним мнози со прелестию. 35 И от смысливших изнемогут, еже разжещи я и избрати, и еже открыти даже до конца времени, яко еще на время. 36 И сотворит по воли своей, и царь възвысится и възвеличится над всяким богом, и на Бога богов возглаголет тяжкая, и управит, дондеже скончат гнев, в скончание бо бывает. 37 И о всех бозех отцев своих не смыслит, и рачении жен, и о всяцем бозе не уразумеет, понеже паче всех възвеличится. 38 И бога маозима на месте своем прославит, и бога, егоже не ведеша отцы его, почтит сребром и златом

и камыком честным и похотьми, 39 и сотворит тверделем убежищ с богом чуждим, егоже познает, и умножит славу, и покорит им многи, и землю разделит в дары. 40 И на конец времени сразится ратию с царем южским: и соберется на него царь северский с колесницами и с конники и с корабли многими, и внидет в землю, и сокрушит, и мимоидет, 41 и внидет на землю саваимску, и мнози изнемогут: сии же спасутся от руки его, Едом и Моав и начало сынов Аммоних. 42 И прострет руку свою на землю, и земля Египетска не будет во спасение. 43 И владети начнет в сокровенных злата и сребра и во всех вожделенных Египта и Ливиев и Ефиопов, в тверделех их. 44 И слышания и потщания возмутят его от восток и от севера: и придет во ярости мнозе, еже погубити многи. 45 И поткнет кущу свою ефадано между морями, на горе святей савеи, придет даже до части ея, и несть избавляяй его.

12 И во время оно востанет Михаил князь великий стояй о сынех людей твоих: и будет время скорби, скорбь, якова не бысть, отнележе создася язык на земли, даже до времени онаго: и в то время спасутся людие твои вси, обретшиися вписани в книзе, 2 и мнози от спящих в земней персти востанут, сии в жизнь вечную, а онии во укоризну и в стыдение вечное. 3 И смыслащи просветятся аки светлость тверди, и от праведных многих аки звезды во веки и еще. 4 Ты же, Данииле, загради словеса и запечатай книги до времени скончания, дондеже научатся мнози, и умножится ведение. 5 И видех аз Даниил, и се, два инии стояху, един о сию страну устия реки, а другой об ону страну устия реки. 6 И рече к мужу оболченному в ризу льняну, иже бяше верху воды речныя: доколе окончание чудес, яже рекл еси? 7 И слышах от мужа оболченнаго в ризу льняну, иже бяше верху воды речныя, и въздвиже десницу свою и шуйцу свою на небо и клятся Живоущим во веки, яко во время и во времена и в пол времени, егда скончается разсыпание руки людий освященных, и уведят сия вся. 8 Аз же слышах, и не разумех, и рех: господи, что последняя сих? 9 И рече: гряди, Данииле, яко заграждена словеса и запечатана даже до конца времени: 10 избранни будут и убелятся, и аки огнем искусятся и освятятся мнози: и собеззаконнуют беззаконницы, и не уразумеют вси нечестивии, но умнии уразумеют: 11 от времени же пременения жертвы всегдашняя, и дастся мерзость запустения на дни тысяща двести девятыдесят: 12 блажен терпяй и достигнувый до дний тысящи трех сот тридесяти пяти: 13 ты же иди и почивай: еще бодние суть и часы во исполнение скончания, и почиши, и встанеши в жребий твой, в скончание дний.

Книга пророка Осии

1 Слово Господне, еже бысть ко Осии сыну Веириину, во днех Осии и Иоафама, и Ахаза и Иезекии царей Иудиных, и во дни Иеровоама сына Иоасова царя Израилева. **2** Начало словесе Господня ко Осии. И рече Господь ко Осии: иди, поими себе жену блужения, (и роди) чада блужения: понеже блудящи соблудит земля от Господа. **3** И иде и поя Гомерь дщерь Девилаимлю: и зачат и роди ему сына. **4** И рече Господь к нему: прозови имя ему Иезраель: зане еще мало, и отмщу кровь Иезраелеву на дому Иудове и упокою царство дому Израилева: **5** и будет в той день, сокрушу лук Израилев во удоле Иезраелеве. **6** И зачат еще и роди дщерь. И рече ему (Господь): прозови имя ей Непомилувана: зане не приложу ксему помилувати дому Израилева, но противляясь возсопротивлюся им: **7** сыны же Иудины помилую и спасу я о Где Бозе их: и не спасу их луком, ни мечем, ни бранию, ни коньми, ниже конниками. **8** И отдои Непомилуванную: и зачат паки и роди сына. **9** И рече (Господь): прозови имя ему Не Люди Мои: зане вы не люди Мои, и Аз несъм Бог ваш: **10** и будет число сынов Израилевых аки песок морской, иже не измерится, ни изочтется: и будет, на месте, на немже речеса им: не люди Мои вы: сии тамо прозовутся сынове Бога живаго. **11** И соберутся сынове Иудины и сынове Израилевы вкупе, и поставят себе власть едину, и изыдут от земли, яко велик день Иезраелев.

2 Рцыте брату своему: люди Мои: и сестре своей: Помилуванная. **2** Судитесь с матерю своею, судитесь, яко та не жена Моя, и Аз не муж ея: и отвергу блужения ея от лица Моего и любодейство ея от среды сосу ея: **3** яко да совлеку ю нагу и поставлю ю якоже в день рождения ея, и положу ю яко пустыню, и учиню ю яко землю безводну, и убию оную жажду: **4** и чад ея не помилую, яко чада блужения суть, **5** яко соблуди мати их, посрамися родившая их, рече бо: пойду вслед похотников моих, дающих мне хлебы моя и воду мою, и ризы моя и плащаницы моя, и масло мое и вся, елика мне достоят. **6** Сего ради, се, Аз загражду путь ея тернием и возгражду распутия ея, и стези своера не обрящет: **7** и поженет похотники своя и не постигнет их, и възыщет их и не обрящет, и речет: пойду и возвращаю к мужу моему первому, яко добрее ми бе тогда, нежели ныне. **8** Но та не уразуме, яко Аз дах ей пшеницу и вино и масло, и серебро умножих ей: сия же серебряны и златы сотвори Ваалу. **9** Сего ради обращаю и возму пшеницу Мою во время ея и вино Мое во время его, и отиму ризы Моя и плащаницы Моя, да не покрывает студа своего: **10** и ныне открыю нечистоту ея пред похотниками ея, и никтоже отимет ея от руки Моея: **11** и отвращу вся веселия ея и праздники ея, и новомесячия ея и субботы ея и вся празднества ея, **12** и погублю виноград ея и смоквы ея, о нихже рече: мзды ми суть сия, яже даша мне похотницы мои: и положу я в свидение, и поядят я зверие селнии и птицы небесныя и гади земнии: **13** и отмщу на ней дни

Ваалимовы, в няже требы кладяше им, и вдеваше усерязи своя и мониста своя, и хождаше вслед похотников своих, а Мене забы, глаголет Господь. **14** Сего ради, се, Аз соблажню ю, и учиню ю яко пустыню, и возглаголю в сердце ея, **15** и дам ей притяжание ея оттуду и поляну Ахорову, отверсти смысл ея: и смирится тамо по днєм детства своего и по днєм изведения своего от земли Египетски. **16** И будет в той день, наречет Мя муж мой, глаголет Господь, а не прозовет Мене ктому Ваалим. **17** И отвергу имена Ваалимля от уст ея, и не воспомянутся ксему имена их. **18** И завещаю им завет в той день со зверьми селными и со птицами небесными и с гады земными, и лук и мечь и брань сокрушу от земли, и вселю я со упованием: **19** и обручу тя Себе во век и обручу тя Себе в правде и в суде и в милости и в щедротах: **20** и обручу тя Себе в вере, и увеси Господа. **21** И будет в той день, глаголет Господь, послушаю небесе, а оное послушает земли, **22** и земля послушает пшеницы и вина и масла, и сии послушают Иезраеля: **23** и всею оную Себе на земли и помилую Непомилуванную: и реку не людям Моим: люди Мои есте вы: и тии рекут: Господь Бог наш Ты еси.

3 И рече Господь ко мне: еще иди и возлюби жену любящую зло и любодейцу, якоже любит Бог сыны Израилевы: сии же взирают к богом чуждим и любят варения с коринками. **2** И наях себе оную пятиюнадесят сребрениками и гомором ячменя и невелем вина, **3** и рекох ей: дни многи да седиши у мене и аз у тебе, и не соблудиши, ни будеши мужу иному: **4** зане дни многи сядут сынове Израилевы, не сущу царю, ни сущу князю, ни сущей жертве, ни сущу жертвеннику, ни жречеству, ниже явлению: **5** и посем обратятся сынове Израилевы и възыщут Господа Бога своего и Давида царя своего, и почувдятся о Господе и о благодетех Его в последния дни.

4 Слышите слово Господне, сынове Израилевы, яко суд Господеви к живущым на земли: зане несть истины, ни милости, ни ведения Божия на земли: **2** клятва и лжа, и убийство и татьба и любоденение разлися по земли, и кровь с кровьми мешают. **3** Сего ради восплачется земля и умалится со всеми вселившимися на ней, со зверьми польскими и с гады земными и со птицами небесными, и рыбы морския оскудеют: **4** яко да никтоже не притися, ни обличается никтоже: люди же мои аки пререкаемый жрец, **5** и изнеможет во днех, и изнеможет пророк с тобою: нощи уподобих матерь твою. **6** Уподобилася люди Мои аки не имуще умения: яко ты умение отвергл еси, отвергу и Аз тебе, еже не жречествовати Мне, и забыл еси закон Бога своего, забуду и Аз чада твоя. **7** По множеству их тако согресиша Мне: славу их в безчестие положу. **8** Грехи людей Моих снедят и в неправдах их възмут души их. **9** И будет якоже люди, тако и жрец: и отмщу на них пути их, и умышления их въздам им. **10** И будут ясти и не насытятся: соблудяша и не исправятся: понеже Господа оставиша еже снабдети. **11** Блуд и вино и пьянство прият сердце людей Моих. **12** В знамених вопрошаху и в желзех своих поведяху тем: духом блужения прельстишася и соблудиша от Бога своего: **13** на

версех гор кадяху и на холмех жряху под дубом и под елию и под древом ветвенным, яко добр кров: сего ради соблюдают дщери ваша, и невесты ваша возлюбоденот. 14 И не присещу на дщери ваша, егда соблюдают, и на невесты ваша, егда возлюбоденот: яко и тии со блудницами смесихася и со блудницами требы жряху, и людие смыслящи со блудницею сплетахуся. 15 Ты же, Израилю, не не разумевай, и Иудо: не входите в Галгалу и не восходите в Дом Онов, и не кленитесь Господем живым. 16 Зане якоже юница стрекалом стречема разсвирипе Израиль: ныне упасет я Господь, яко агнца на странстве. 17 Причастник кумиром Ефрем положи себе соблазны, 18 избра Хананеов: блудяще возблудиша, возлюбиша безчестие от хрепетания своего. 19 Вихр духа возвищует в крилех своих, и посрамятся от требищ своих.

5 Слышите сия, жерцы, и вонмите, доме Израилев, и доме царев, внушите, понеже к вам есть суд: яко пругло бысте стражбе, и якоже мрежа распростерта на Итавирии, 2 юже ловящи лов поткнуша, Аз же наказатель вам: 3 Аз познах Ефрема, и Израиль не отступи от Мене, зане ныне соблюди Ефрем, и оскверниши Израиль: 4 не положиша помышлений своих, еже возвратитися к Богу своему, яко дух блужения есть в них, и Господа не уведеша. 5 И смирится укоризна Израилева в лице ему, и Израиль и Ефрем изнемогут в неправдах своих, изнеможет же и Иуда с ними. 6 Со овцами и телцы пойдут възискати Господа и не обрящут Его, уклонися бо от них. 7 Яко Господа оставиша, яко чада чужда породили себе: ныне пояс я ржа, и причастия их. 8 Вострубите трубою на холмех, возгласите на высоких, проповедите в Дому Онове, ужасеся Вениамин, 9 Ефрем в пагубу бысть во дни наказания: в племенех Израилевых показах верная. 10 Быша князи Иудины яко прелагающе предел: на ня излию яко воду гнев Мой. 11 Соодоле Ефрем соперника своего, попра суд, яко нача ходити вслед суетных. 12 Аз же яко мятеж Ефремови и яко остен дому Иудину. 13 И виде Ефрем немощь свою и Иуда болезнь свою: и иде Ефрем ко Ассирием и посла послы ко царю Иариум: и той не возможно изцелити вас, и не престанет от вас болезнь. 14 Зане Аз есмь яко панфирь Ефремови и яко лев дому Иудину: и Аз восхищу, и пойду, и возму, и не будет изимая: 15 пойду и возвращуся на место Свое, дондеже погибнут, и възыщут лица Моего.

6 В скорби своей утревенати будут ко Мне, глаголюще: идем и обратимся ко Господу Богу нашему, 2 яко Той поби ны, и изцелит ны: уязвит, и уврачует ны: 3 изцелит ны по двои дню, в день третий воскреснем и живи будем пред ним, и увемы: поженем, еже уведети Господа: яко утро готово обрящем Его, и придет нам яко дождь ранний и поздний земли. 4 Что ти сотворю, Ефреме? Что ти сотворю, Иудо? Милость бо ваша яко облак утренний и яко роса рано падающая. 5 Сего ради пожах пророки ваша, убих я словесем уст Моих, и суд Мой яко свет изыдет. 6 Зане милости хошу а не жертвы, и уведения Божия, нежели всесождения. 7 Сии же суть яко человек преступай завет: тамо презреша Мя. 8 Галаад град делаяй

суетная, мутяй воду, 9 а крепость твоя яко мужа морского разбойника: скрыша жерцы путь Господень, убиша Сикиму, яко беззаконие сотвориша. 10 В дому Израилеве видех грозная: тамо блужение Ефремово: оскверниши Израиль и Иуда. 11 Начни обьмати виноград себе, егда возвращу пленение людей Моих.

7 Егда изцелю Израиль, и открытается неправда Ефремова и злоба Самарийска, яко соделаша лжу: и тать к нему внидет, совлачаяй разбойник на пути его: 2 яко да воспоют вкупе, аки поющи сердцем своим. Вся злобы их помянух: ныне обыдоша их совети их, противу лицу Ми быша. 3 Злобами своими возвеселиша царя и лжами своими князей. 4 Все любоденующи, яко пещь жегома на печение сожжения от пламене, от примешения тука, дондеже вскиснет то все. 5 Во дни царей ваших начаша князи яритися от вина, простроша руки своя с губительми: 6 зане разгорешася яко пещь сердца их, внегда устремлятися им: всю ночь сна Ефрем насытится, заутра бысть, и разгореся яко пламень огненный. 7 Все согрешася, яко пещь жегома, и огонь пояде судий их: вси царие их падоша, не бе в них моляйся ко Мне. 8 Ефрем в людех своих сам смесяхсся, Ефрем бысть опреснок необращаемь. 9 И снедоша чуждии крепость его, сей же не разуме: и седины явишася на нем, он же не позна. 10 И смирится укоризна Израилева в лице ему: и не возвратишася ко Господу Богу своему и не възыкаша Его во всех сих. 11 И быше Ефрем яко голубь безумный, не имый сердца: Египта моляше, и во Ассирианы отидоша. 12 Якоже идут, возложу на ня мрежу Мою, якоже птицы небесныя свергу я, накажу я в слух скорбения их. 13 Горе им, яко отскочиша от Мене: боязливи суть, яко нечестоваша ко Мне: Аз же избавих я, сии же возглаголаша на Мя лжу. 14 И не возопиша ко Мне сердца их, но плакахуся на ложах своих: о пшенице и вине сечахуся. 15 Накажутся Мною, Аз же укрепих мышцу их, и на Мя помыслиша злая. 16 Совратишася ни во чтоже, быша яко лук напряжен: падутся князи их мечем ради ненаказания языка своего. Сие ругание их в земли Египетстей.

8 В недре их, яко земля непроходима, яко орел в дому Господни: понеже преступиша завет Мой и на закон Мой нечестоваша. 2 Ко Мне воззовут: Боже, познахом Тя, 3 яко Израиль отвратися благих, врага прогнаша. 4 Сами себе царя поставиша, а не Мною, началствоваша, и не явиша Ми: от сребра своего и от злата своего сотвориша себе кумиры, яко да потребятся. 5 Сокруши телца твоего, Самарие, разгневался ярость Моя на ня: доколе не могут очиститися, иже во Израили? 6 И то древодель сотвори, и несть бог: зане льястй бяше телец твой, Самарие. 7 Яко ветром истлено всеяша, и разрушение их примет я: рукоятя не имущая силы еже сотворити муку, аще же и сотворит, то чуждии поядят ю. 8 Поглощен бысть Израиль, ныне бысть во языцех яко сосуд непотребен, 9 понеже тии въздоша ко Ассирианом: процвете о себе Ефрем, дары возлюби. 10 Сего ради предадутся во языки: ныне восприиму их, и почиют мало еже помазати царя и князи. 11 Яко умножи Ефрем

требища, во грехи быша ему требища возлюбленная. 12 Впишу ему множество, и законная его в чуждая вменишася требища возлюбленная. 13 Темже аще и пожрут жертву и съедят мяса, Господь не примет их: ныне помянет неправды их и отмстит грехи их: тии во Египет возвратишася и во Ассирии нечистая съедят. 14 И забы Израиль Сотворшаго и возгради требища, и Иуда умножи грады утверждены: но послю огонь на грады его, и потребит основания его.

9 Не радуйся, Израилю, ни веселися якоже людие, понеже соблудил еси от Господа Бога твоего: возлюбил еси даяния на всяцем гумне пшеницы. 2 Гумно и точило не позна их, и вино солга им. 3 Не вселишася на земли Господни: вселися Ефрем во Египте, и во Ассириях съедят нечистая. 4 Не возлияша Господеви вина, и не усладишася Ему требы их, яко хлеб жалости им: вси ядуции тья обсквернятся: понеже хлебы их душ их, не внидут в дом Господень. 5 Что сотворите во днех торжества и в день праздника Господня? 6 Сего ради, се, пойдут от труда Египетска, и примет их Мемфис, и погребет я махмас: серебро их пагуба наследит, терние во дворех их. 7 Приспеша дние отмщения твоего, приидоша дние воздаяния твоего, и озлобится Израиль, якоже пророк изумленный, человек духом носимый: от множества неправд твоих умножися изумление твое. 8 Страж Ефрем с Богом, пророк пругло строптиво на всех путех его: изумление в дому Божии утвердиша. 9 Расстелася по днем холма: воспомянет неправды их, отмстит грехи их. 10 Якоже грезн в пустыни обретох Израиля и яко стража на смоковнице ранняго увидех отцы их: тии внидоша ко Веельфегору и отчуждишася на стыдение, и быша мерзостнии якоже возлюбленнии. 11 Ефрем яко птица отлете, славы их от порождений и болезней и от зачатий. 12 Темже аще и воскормят чада своя, безчадни будут от человек: понеже и люте им есть, (зане оставих я,) плоть моя от них. 13 Ефрем, якоже видех, в ловитву предпоставиша чада своя, и Ефрем еже извести на закование чада своя. 14 Дажь им, Господи: что даси им? Дажь им утробу неплодящую и сосцы сухи. 15 Вся злобы их во Галгалех, яко тамо их возненавидех за злобы начинаний их: из дому Моего изжену я, (ксему) не приложу любити их: 16 вси князи их непокориви. Поболе Ефрем: корение его иссохша, плода ксему да не принесет: понеже аще и породят, побию вожделенная утроб их. 17 Отринет я Бог, яко не послушаша Его, и будут заблуждающи в языцех.

10 Виноград благолозен Израиль, плод обилен его: по множеству плодов его умножи требища, по богатом земли его возгради капища. 2 Разделиша сердца своя, ныне погибнут: Сам раскопает требища их, сокрушатся кумиры их. 3 Темже ныне рекут: несть царя в нас, яко не бояхомся Господа: царь же что сотворит нам? 4 Глаголяй словеса извинения ложная завещает завет: прозябнет суд аки троскот на лядине селней. 5 У телца Дому Онова возобитают живущии в Самарии, яко плакашася людие его о нем: и якоже разгневаша его, порадуются о славе его, яко переселися от них. 6 И связавше его, во Ассирию

отведоша в дар царю Иариму: в дар Ефрем примется, и усрамится Израиль о совете своем. 7 Отверже Самария царя своего, аки хвростие на лица воды. 8 Извергутся требища Онова согрешения Израилева, терние и волчец возникнут на требищих их: и рекут к горам: покройте ны: и холмом: падите на ны. 9 Отнележе холми, согреша Израиль: тамо сташа: не постигнет их на холме рать, на чада неправды. 10 Прииде наказати их по желанию Моему: и соберутся людие на ня, внегда наказатися им во двою неправдах своих. 11 Ефрем юница наученая, еже любити прение: Аз же найду на доброту выи ея, наступлю на Ефрема, умолчу о Иуде, укрепится себе Иаков. 12 Сейте себе в правду, соберите плод живота, просветите себе свет ведения, дондеже время, възыщите Господа, дондеже приидут вам жита правды. 13 Вскую премолчаесте нечестие, и неправды его оымасте, изядосте плод лжив? Яко уповал еси на оружие твое, во множестве силы твоея. 14 И востанет пагуба в людех твоих, и вся ограды твоя погибнут, якоже (погибе) князь Саламан от дому Иеровоамля, во дни ратны матерь о чада разбиша: 15 тако сотворю вам, Доме Израилев, от лица неправды злоб ваших.

11 Заутра отвергошася, отвержеся царь Израилев, понеже младенец Израиль, и Аз возлюбих его и из Египта воззвах сына Моего. 2 Якоже призвах я, такожде отхождаху от лица Моего: тии Ваалиму требу жряху и изваяным кадыху. 3 Аз же связав Ефрема, взях его на мышцу Мою, и не разумеша, яко изцелих я. 4 Во истлении человечесте привлекох я узами любления моего, и буду им яко ударяй человек по челюстем его: и воззрю к нему и премогу ему. 5 Вселися Ефрем во Египте, Ассур же сам царь его, яко не восхоте возвратитися. 6 И изнеможе оружие во градек его, и умолче в руку его: и съедят от умышленный своих. 7 И людие его висяще от обитания своего: и Бог на честная его разгневаеся, и не вознесет его. 8 Что ты устрою, Ефреме? Защищу ли тя, Израилю? Что ты положу? Якоже Адаму устрою ты, и якоже Севоим, превратися сердце Мое в Нем, смятятся раскаяние Мое. 9 Не сотворю по гневу ярости Моея, не оставлю еже потребитися Ефремови, зане Бог Аз есмь, а не человек: в тебе Свят, и не ввиду во град. 10 Вслед Господа имам ходити: яко лев возревет, понеже Той возревет, и ужаснутся чада вод, 11 и приидут яко птица из Египта и яко голубь от земли Ассирски: и возставлю я в домех их, глаголет Господь. 12 Обыде Мя лжею Ефрем, и нечестиями дом Израилев и Иуда: ныне позна я Бог, и людие святы прозвашася Богови.

12 Ефрем же зол дух, гоняше зной весь день: тщетная и суетная умножи, и завет со Ассирианы завеща, и елей во Египет посылаше. 2 И суд Господеви ко Иуде, еже отмстити Иакова: по путем его и по начинанием его воздаст ему. 3 Во утробе запя брата своего и труды своими укрепе к Богу: 4 и укрепе со Ангелом и превозможе. Плакашася и молишася ми: в дому Онове обретоша мя, и ту глаголася к ним. 5 Господь же Бог Вседержитель будет память Его. 6 И ты о Бозе своем обратишися, милость и суд снабди,

и приближайся к Богу своему присно. 7 Ханаан, в руке его мерило неправды, насильствовати возлюбил. 8 И рече Ефрем: обаче обогатех, обретох прохладение себе: вси труды его не обрящутся ему ради неправд, имже согреши. 9 Аз же Господь Бог твой, изведох тя из земли Египетски: еще вселю тя в кущах, якоже во дни праздника. 10 И глаголах ко пророком, и аз видения умножих, и в руках пророческих уподобихся. 11 Аще не Галаад есть, убо ложни быша во Галгалех князи требы кладущи, и требища их якоже желви на целизне польстей. 12 И отиде Иаков на поле Сирийско, и работа Израиль о жене и о жене снабде. 13 И пророком изведе Господь Израиля из земли Египетския, и пророком снабдеса. 14 Разгнева Мя Ефрем и возяри Мя: и кровь его на нем пролиется, и укоризну его воздаст ему Господь.

13 По словеси Ефремову оправдания прия сей во Израили, и положи я Ваалови, и умре. 2 И ныне приложиша согрешати и сотвориша себе слияние от золота и сребра своего по образу идолов, дела художников совершена: им сии глаголют: пожрите человек, оскудеша бо телцы. 3 Сего ради будут яко облак утренний, якоже роса утренняя идущи, якоже плевы с тока (и прах с ветвия) развеваемый вихром, якоже дым из трубы. 4 Аз же Господь Бог твой утверждай небо и созидай землю, Егоже руке создасте все воинство небесное, и не показав ти их, еже ходити вслед их: и Аз изведох тя из земли Египетския, и бога разве Мене да не познаеши, и спасающаго несть разве Мене. 5 Аз пасох тя в пустыни на земли ненаселенней, 6 на пажитех их, и насытишася до исполнения, и вознесошася сердца их, сего ради забыша Мя. 7 И буду им яко панфирь, и яко рысь на пути Ассириев: 8 и срящу их аки медведица лишаемая, и разрушу сокращение сердец их: и поядят я скимни дубравнии, и зверие польстии расторгнут я. 9 В погибели твоей, Израилью, кто поможет тебе? 10 Где царь твой сей? Той да спасет тя во всех градех твоих: и да судит ти, о немже глаголах еси: даждь ми царя и князя. 11 И дах тебе царя во гневе Моём, и утвержахся в ярости Моей. 12 Согромаждение неправды Ефрем, сокровен грех его: 13 болезни аки раждающая приидут ему: сей сын немудрый, зане ныне не устоит в сокрушении чад. 14 От руки адовы избавлю я и от смерти искуплю я: где прях твоих, смерте? Где остен твой, аде? Утешение скрися от очию Мою: **(Sheol 17585)** 15 зане сей между братьями разлучит: наведет Господь ветр зноен из пустыни нань, и иссушит жилы его и опустошит источники его: сей иссушит землю его и вся сосуды его любимыя. 16 Погибнет Самария, яко сопротивися и Богу своему: оружием падут сами, и младенцы их разбиты, и во утробе имущая их разсядутся.

14 Обратися, Израилью, ко Господу Богу твоему, зане изнемогл еси в неправдах твоих. 2 Возмите с собою словеса и обратитесь ко Господу Богу вашему, рцыте Ему: (можеша всяк отвреши грех:) яко да не примете неправды, но да примете благая, и воздадим плод устен наших. 3 Ассур не спасет нас, на кони не възведем, ксему не речем: 4 бози наши, делам рук наших: яко в Тебе помилуется сирота.

Изцелю селения их, возлюблю я явление, яко отвратися гнев Мой от них. 5 Буду якоже роса Израилью, процветет яко крин и прострет корение свое якоже Ливан. 6 Пойдут ветви его, и будет якоже маслина плодovitа, и обоняние его аки Ливана: 7 обратятся и сядут под кровом его, проживут и утвердятся пшеницею, и процветет яко виноград память его, якоже вино Ливаново. 8 Ефремови что ему еще и кумиром? Аз смирих его, Аз и укреплю его: аки смерчие учащенное, от Мене обретеса плод твой. 9 Кто премудр и уразумеет сия? И смыслен, и увесть сия? Яко правы путие Господни, и праведнии пойдут в них, а нечестивии изнемогут в них.

Книга пророка Иоила

1 Слово Господне, иже бысть ко Иоилу сыну Вафуилеву. **2** Слышите сия, старцы, и внушите, вси живущии на земли: аще быша сицевая во днех ваших или во днех отец ваших? **3** О сих чадом своим поведете, а чада ваша чадом своим, а чада их роду другому: **4** останок гусениц поядоша пружи, и останок пругов поядоша мшицы, и останок мшиц поядоша сиплеве. **5** Утрезвитесь, пьянии, от вина своего и плачтитеся: рыдайте, вси пиющие вино до пьянства, яко отяся от уст ваших веселие и радость. **6** Понеже язык взыде на землю Мою крепок и безчислен: зубы его (якоже) зубы львовы, и членовныя его якоже львичища: **7** положи виноград Мой в погубление и смоквы Моя в сломление: възыска обыска и и сверже, обели лозие его. **8** Восплачися ко мне паче невесты препоясавыя во вретище по мужи своем девственным. **9** Извержесе жертва и возлияние из дому Господня: плачтитеся, жерцы, служащии жертвеннику Господню, **10** яко опустеша поля. Плачися, земле, яко пострада пшеница, и изсше вино, умалися елей, **11** посрамишася земледелатели. Плачтитеся, села, по пшенице и по ячмени, яко погибе обымание от нивы, **12** виноград изсше, и смоквы умалишася: шипки, и финикс, и яблонь, и вся древа польская изсохша, яко посрамиша радость сынове человеци. **13** Препояшитесь и бийтесе, жерцы, плачтитеся, служащии жертвеннику: внидите, поспите во вретищих, служащии Богу, яко отяся от дому Бога вашего жертва и возлияние: **14** освятите пост, проповедите цельбу, соберите старейшины вся живущия на земли в дом Бога вашего и воззовите ко Господу усердно: **15** увы мне, увы мне, увы мне в день! Яко близ есть день Господень, и яко беда от беды придет: **16** яко пред очима вашима пици взяшася и от дому Бога вашего веселие и радость. **17** Вскочиша юницы у яслей своих, погибоша сокровища, раскопашася точила, яко поше пшеница. **18** Что положим себе? Восплакашася стада волов, яко не бе пажити им, и паствы овчия погибоша. **19** К Тебе, Господи, возопию, яко огонь потреби красная пустыни, и пламень пожже вся древа польская, **20** и скоти польстии воззреша к Тебе, яко посхоша источницы воднии, и огонь пояде красная пустыни.

2 Вострубите трубою в Сионе, проповедите в горе Моей святей, и да смятутся вси живущии на земли, яко предстоит день Господень, яко близ, **2** день тмы и бури, день облака и мглы: якоже утро разлитюся по горам людие мнози и крепцы, подобни им не быша от века, и по них не приложится до лет в род и род: **3** яже пред ним огонь потребляя, и яже за ним возгаряся пламень: якоже рай Сладости земля пред лицем его, и яже созиди его поле пагубы, и спасающагося не будет им: **4** якоже вид конский вид их, и якоже конницы, тако проженут: **5** якоже глас колесниц на верхи гор востекут, и яко глас пламене огненна поपालюща тростие, и яко людие мнози и крепцы вооплачающися на брань. **6** От лица их сокрушатся людие: всякое лице аки опаление горнца. **7** Якоже борцы потекут, и якоже мужие храбри възыдут на ограды: и кийждо в путь

свой пойдет, и не совратят путей своих, **8** и кийждо от брата своего не отступит: отягощени оружию своими пойдут и в стрелах своих падут, но не скончаются. **9** Града имутся, и на забрала востекут, и на храмины взлезут, и оконцами внидут, якоже татие. **10** Пред лицем его смятется земля и потрясется небо: солнце и луна померкнут, и звезды угасят свет свой. **11** И Господь даст глас Своей пред лицем силы Своея, яко мног есть зело полк Его, яко крепка дела словес Его: зане велик день Господень, велик и светел зело, и кто будет доволен ему? **12** И ныне глаголет Господь Бог ваш: обратитесь ко Мне всем сердцем вашим в посте и в плачи и в рыданиях, **13** и расторгните сердца ваша, а не ризы ваша, и обратитесь ко Господу Богу вашему, яко милостив и щедр есть, долготерпелив и многомилостив и раскаявайся о злобах. **14** Кто весть, обратится ли, и раскается, и оставит за собою благословение и жертву и возлияние Господу Богу вашему? **15** Вострубите трубою в Сионе, освятите пост, проповедите цельбу, **16** соберите люди, освятите церковь, изберите старейшины, созовите младенцы сущия сосцы: да изыдет жених от ложа своего, и невеста от чертога своего. **17** Между степенями жертвенника восплачутся жерцы служащии Господу и рекут: пощади, Господи, люди Твоя и не даждь достояния Твоего на укоризну, да не обладают ими языцы, да не рекут во языцех: где есть Бог их? **18** И возревнова Господь о земли Своей и пощаде люди Своя. **19** И отвеща Господь людям Своим и рече: се, аз вам послю пшеницу и вино и масло древяное, и насытитесь их, и не дам вас ксему на поругание во языцех: **20** и сущаго от севера отжену от вас и отрину его на землю безводную, и погублю лице его в мори первом и задняя его в мори последнем, и възыдет гнилость его, и възыдет смрад его, яко возвеличи дела своя. **21** Дерзай, земле, радуйся и веселися, яко возвеличи Господь, еже сотворити. **22** Дерзайте, скоти польстии, яко прозябнуша поля пустыни, яко древо принесе плод свой, виноград и смоквы даша силу свою. **23** И чада Сионя, радуйтесе и веселитесе о Господе Бозе вашем, яко даде вам пищу в правду и одождит вам дождь ранний и поздний, якоже и прежде: **24** и наполнятся гумна ваша пшеницы, и преизлиются точила вином и елеем. **25** И воздам вам вместо лет, в няже поядоша пружи и мшица, и сиплеве и гусеницы, сила Моя великая, юже послах на вы: **26** и снесте ядуще и насытитесь, и похвалите имя Господа Бога вашего, Яже сотвори с вами чудеса: и не посраматся людие Мои во век. **27** И уведите, яко посреде Израила аз есмь, и аз Господь Бог ваш, и несть иного разве Мене: и не посраматся ктому людие Мои во век. **28** И будет по сих, и излию от Духа Моего на всяку плоть, и прорекут сынове ваши и дщери ваша, и старцы ваши сонбы узрят, и юноты ваши видения увидят: **29** ибо на рабы Моя и на рабыни Моя во дни оны излию от Духа Моего: **30** и дам чудеса на небеси и на земли, кровь и огонь и курение дыма: **31** солнце обратится во тму, и луна в кровь, прежде неже приити дню Господню великому и просвещенному: **32** и будет, всяк иже призовет имя Господне, спасется: яко в горе Сионе и во Иерусалиме

будет спасаемый, якоже рече Господь, и благовестуемии, ихже Господь призва.

3 Яко се, Аз во дни тыя и во время оно, егда возвращу пленники Иудины и Иерусалимли, **2** и соберу вся языки, и сведу я на юдоль Иосафатову, и разсуждуся с ними ту о людех Моих и о наследии Моем Израили, иже разсеяшася во языцех, и землю Мою разделиша. **3** И на люди Моя вергоша жребия, и даша отрочища блудницам, и отроковицы продаяху на вине и пияху. **4** И что вы Мне, Тире и Сидоне и вся Галилея иноплеменников? Еда воздаяние вы воздаете Мне? Или памятозлбствуете вы на Мя? Остро и быстро воздам воздаяние ваше на главы ваша, **5** понеже серебро Мое и злато Мое взяли, и избранная Моя и добрая внесосте в требища ваша, **6** и сыны Иудины и сыны Иерусалимли продасте сыном Еллинским, яко да ижденете я от предел их. **7** И се, Аз возставлю я от места, в неже продасте я тамо, и воздам воздаяние ваше на главы ваша: **8** и отдам сыны ваша и дщери ваша в руце сынов Иудиных, и продадут я в плен во страну далече сущу, яко Господь глагола. **9** Проповедите сия во языцех, освятите рать, возставите сечцы, приведите и восходите, вси мужие воинстии, **10** разсецьте рала ваша на мечи и серпы ваша на копия: немощный да глаголет, яко могу аз: **11** совокупляйтесь и входите, вси языцы окрест, и соберитесь ту: кроткий да будет храбр. **12** Да востанут и възйдут вси языцы на юдоль Иосафатову, яко тамо сяду разсудити вся языки яже окрест. **13** Испустите серпы, яко предстоит обымание винограда: внидите, топчите, яко исполнь точило, изливаются подточилия, яко умножишася злобы их. **14** Гласи прогласишася на поли судебнем, яко близ день Господень на юдоли судебней. **15** Солнце и луна померкнут, и звезды скрывают свет свой. **16** Господь же от Сиона воззовет и от Иерусалима даст глас Свой, и потрясется небо и земля: Господь же пощадит люди Своя и укрепит (Господь) сыны Израилевы. **17** И увесте, яко Аз Господь Бог ваш, вселяясь в Сионе в горе Моей святей: и будет Иерусалим свят, и иноплеменницы не пройдут сквозе его ктому. **18** И будет в той день, искаплют горы сладость, и холми источат млеко, и вси источники Иудины источат воды, и источник от дому Господня изыдет и напоит водотечь Сития. **19** Египет в погибель будет, и Идумеа в поле погибели будет за озлобление сынов Иудиных, понеже пролияша кровь праведную на земли своей: **20** Иудеа же во веки населится, и Иерусалим в роды родов. **21** И възыщу крови их и не обезвино: и Господь вселится в Сионе.

Книга пророка Амоса

1 Слова Амосова, яже быша в Кариафиариме от Фекуи, яже виде о Иерусалиме во дни Озии царя Иудина и во дни Иеровоама сына Иоасова царя Израилева, прежде двю лет труса. **2** И рече: Господь от Сиона возлагае и от Иерусалима даде глас Свой: и сетоваша пахити пастырей, и исше верх Кармиль. **3** И рече Господь: за три нечестия Дамаска и за четыре не отвращуся его, понеже растроша пилами железными имущья во утробе сущих в Галааде: **4** и пошлю огонь в дом Азаиль, и пояст основание сына Адерова: **5** и сокрушу вереву Дамасковы, и потреблю живущья с поля Онова, и посеку племя от мужей Харраних, и пленятся людие Сиртии нарочити, глаголет Господь. **6** Сия глаголет Господь: за три нечестия Газы и за четыре не отвращуся их, за еже пленити им пленение Соломоне, еже заключити во Идумею: **7** и пошлю огонь на забрала Газы, и пояст основание ея: **8** и потреблю живущья из Азота, и извержется племя из Аскалона, и наведу руку Мою на Аккарона, и погибнут остаточнии иноплемеников, глаголет Господь. **9** Сия глаголет Господь: за три нечестия Тирова и за четыре не отвращуся его, понеже заключиша пленники Соломони во Идумею и не помянуша завета братня: **10** и пошлю огонь на забрала Тирова, и пояст основания его. **11** Сия глаголет Господь: за три нечестия Идумейска и за четыре не отвращуся их, понеже прогнаша брата своего мечем и растлиша мать на земли, и восхити во свидение грозу свою, и устремление свое снабде на победу: **12** и пошлю огонь в Феман, и пояст основания оград его. **13** Сия глаголет Господь: за три нечестия сынов Аммоних и за четыре не отвращуся их, понеже распоряху имущья во утробе Галаадитов, яко да разширят пределы своя: **14** и разжегу огонь на забрала Раваффы, и пояст основания ея с воплем в день рати, и потрясется в день скончания своего: **15** и пойдут царие ея в плен, жерцы их и князи их вкупе, глаголет Господь.

2 Сия глаголет Господь: за три нечестия Моавля и за четыре не отвращуся его, понеже сожгоша кости царя Идумейска в пепел: **2** и пошлю огонь на Моава, и пояст основания градов его, и умрет со безсилием Моав, с воплем и гласом трубным: **3** и потреблю судию из него и вся князи его избию с ним, глаголет Господь. **4** Сия глаголет Господь: за три нечестия сынов Иудиных и за четыре не отвращуся их, понеже отринуша закон Господень и повелений Его не сохраниша, и прельстиша их суетная их, яже сотвориша, имже последоваша отцы их вслед их: **5** и пошлю огонь на Иуду, и пояст основания Иерусалимля. **6** Сия глаголет Господь: за три нечестия Израйля и за четыре не отвращуся его, понеже продаша праведнаго на серебре и убогаго на сапозех, **7** ходящих на прасе земнем, и бияху пястиею во главы убогих, и путь смиренных совращаху: и сын и отец его влазяста ко единой рабыни, яко да осквернавят имя Бога своего: **8** и ризы своя связующе ужамы, и завесы творяху держащьяся требища, и вино от обоганий пияху в дому бога своего. **9**

Аз же отвергох Аморреа от лица их, егоче бе высота якоже высота кедрова, и крепок бяше якоже дуб, и изсуших плод его с верха и корение его из низу. **10** Аз же изведох вы из земли Египетския и обводих вы в пустыни четыредесять лет, еже прияти в наследие землю Аморрейску. **11** И поях от сынов ваших во пророки и от юнот ваших во освящение: еда несть сих, сынове Израилевы? глаголет Господь. **12** И напаясте освященныя вином и пророком заповедасте глаголюще: не пририцайте. **13** Сего ради, се, Аз повращу под вами, якоже вратится колесница полна тростия: **14** и погибнет бегство от скоротекущаго, и крепкий не удержит крестыи своея, и храбрый не спасет души своея, **15** и стреляяй из лука не постоит, и быстрый ногама своима не уцелеет, и конник не спасет души своея, **16** и крепкий не обрящет сердца своего в силах, наг побегнет в той день, глаголет Господь.

3 Слышите слово сие, еже глагола Господь на вы, доме Израилев, и на все племя, еже изведох из земли Египетския, рекий: **2** вас точию познах от всех племен на земли, сего ради отмщу на вас вся грехи ваша. **3** Еда пойдут два вкупе всяко, аще не познают себе? **4** Или возревет лев из дубравы своея, ловитвы не имый? Или испустит глас свой лвичичь из ложа своего всяко, аще не похитит чегого? **5** Или падет птица на землю без лова? Или спадет пруголо на землю, аще не имет ничесоже? **6** Или возгласит труба во граде, и не убоятся людие? Или будет зло во граде, еже Господь не сотвори? **7** Понеже не сотворит Господь Бог дела, аще не открыет наказания Своего к рабом Своим пророком. **8** Лев возревет, и кто не убоится? Господь Бог глагола, и кто не проречет? **9** Поведите странам во Ассирианех и во странах Египетских и рцыте: соберитесь на гору Самарийскую и видите чудесная многа среде ея и насильство еже в ней. **10** И не уразуме, яже будут противу ей, глаголет Господь, сокровиштующии неправду и страсть в селех своих. **11** Сего ради сия глаголет Господь Бог: Тире, окрест земля твоя опустеет, и отимет от тебе крепость твою, и разграбят страны твоя. **12** Сия глаголет Господь: якоже пастух, егда исторгнет от уст львовых две голени, или обушие уха, тако исторгнутся сынове Израилевы живущии в Самарию прямо племене и в Дамасце. **13** Жерцы, послушайте и засвидетельствуйте дому Иаковлю, глаголет Господь Бог Вседержитель: **14** понеже в день, егда отмщу нечестия Израилева на нем, и отмщу на требищих Вефилих, и раскопаю роги требища, и падутся на землю: **15** сокрушу и поражу дом с преклеты с домом летним, и погибнут домовые кости слоновья, и потребятся и друзии домовые мнози, глаголет Господь.

4 Слышите слово сие, юницы Васанитидския, яже в горе Самарийстей, преобидящья убогих и попирающья нищих, глаголющья господем своим: подадите нам, да пием. **2** Клятятся Господь святыми Своими, яко се, дние грядут на вы, и возмут вы во оружии, и сущих с вами ввергут в конобы подгнаеямаы огненнии губителие: **3** и извержены будете наги прямо друг друга и отвержетесь в гору Ремман, глаголет

Господь. 4 Внидосте в Вефиль и беззаконновете, и в Галгалех умножисте еже нечестовати, и принесосте заутра требы ваша, в треденство десятины ваша: 5 и прочтоша извне закон и призваша исповедание: возвестите, яко сия возлюбиа сынове Израилевы, глаголет Господь Бог. 6 Аз же дам вам оскомину зубом во всех градах ваших и недостаток хлеба во всех местех ваших: и не обратитесь ко Мне, глаголет Господь. 7 И аз удержажу дождь от вас прежде триех месяцев жатвы, и надощу на един град, а на другой (един) не надощу: часть едина надощитца, и часть, на нуже не надощу, изсохнет: 8 и соберутся два и три града во град един пити воду и не насытятся: и не обратитесь ко Мне, глаголет Господь. 9 Побих вы раждежением и златеницею: умножисте вертограды ваша, винограды ваша и смоквы ваша и масличия ваша: сия поядоша гусеницы: и ниже тако обратитесь ко Мне, глаголет Господь. 10 Послах на вы смерть на пути Египетстем, и избих оружием юношы ваша, с пленом коней твоих, и изведох во огни Полки ваша во гнве Моем: и ниже тако обратитесь ко Мне, глаголет Господь. 11 Разорих вы, яко разори Бог Содому и Гоморру, и бысте яко главна исторжена из огня: и ниже тако обратитесь ко Мне, глаголет Господь. 12 Сего ради сице сотворю ти, Израилу: обаче, яко сице сотворю ти, уготовися призывать Бога твоего, Израилу. 13 Се, Аз утвержаяй гром и созидаый ветр и возвещаяй в человецех Христа Своего, творяй утро и мглу и восходяй на высокая земли: Господь Бог Вседержитель имя Ему.

5 Слышите слово Господне, имже аз приемлю на вы плачь: дом Израилев падеся и ктому не приложит востати: 2 девица Израилева повержена на земли своей, несть возставляющаго ю. 3 Понеже сия глаголет Господь Бог: из града, из негоже исхождаше тысяща, останется в нем сто: и из негоже исхождаше сто, останет в нем десять дому Израилеву. 4 Понеже сия глаголет Господь к дому Израилеву: възыщите Мене и поживете: 5 а не възыщите Вефиля и в Галгала не входите и ко кладязю клятвы не ходите, яко Галгала пленяема пленится, и Вефиль будет аки не быв. 6 Возыщите Господа и поживете, яко да не възжжется яко огонь дом Иосифов, и пояст его, и не будет угашающаго дому Израилева. 7 Господь творяй в высоту суд и правду на земли положи: 8 творяй вся и претворяяй, и обращааяй во утро сень смертную и день в ночь помрачаяй, призываяй воду морскую и разливаяй ю на лице земли: 9 Господь Бог Вседержитель имя Ему: разделяяй сокрушение на крепость и бедство на твердыню наводяй. 10 Возненавидеша у врат наказующаго, и словом праведным возгнушашася. 11 Сего ради понеже пястми биете убогих и дары избранны приясте от них: дома украшены соградисте, и не вселитесь в них, винограды воделенны насадисте, и не имате пити вина от них. 12 Яко уведех многа нечестия ваша, и крепцы греси ваши, попирающе праведнаго, приемлюще премены и убогия от врат отреяюще. 13 Сего ради смысляй в то время премолчит, яко время лукаво есть. 14 Возыщите добра, а не зла, яко да поживете, и будет тако с вами Господь

Бог Вседержитель, якоже ресте: 15 возненавидехом злая и возлюбихом добрая: и возставите у врат суд, яко да помилует Господь Бог Вседержитель оставшая Иосифова. 16 Сего ради сия глаголет Господь Бог Вседержитель: на всех стогнах (будет) плачь, и на всех путех речется: увы люте, увы люте! Призовется земледелец на плачь и на рыдание, и на ведающих плачь, 17 и на всех путех плачь, понеже пройду среде тебе, рече Господь. 18 Увы люте желающим дне Господня! Вскую вам сей день Господень? Сей бо есть тма, а не свет: 19 якоже аще убежит человек от лица льва, и нападет нань медведица: и вскочит в дом и опрется рукама своима о стену, и усекнет его змия. 20 Несть ли день Господень тма, а не свет, и мгла не имущи света своего? 21 Возненавидех и отвергох праздники ваша и не обоняю жертв в сонмех ваших: 22 зане аще принесете Ми всесожжения и жертвы ваша, не приму, и на спасительная явления вашего не призрю. 23 Отстави от Мене глас песней твоих, и песни органов твоих не послушаю. 24 И повалитца якоже вода суд, и правда якоже водотеча непроходна. 25 Еда заколения и требы принесосте Ми в пустыни лет четьредесять, доме Израилев? 26 И восприясте скинию Молохову и звезду бога вашего Ремфана, образы, яже сотвористе себе. 27 И преселю вы далее Дамаска, глаголет Господь: Бог Вседержитель имя Ему.

6 Люте уничижающим Сиона и уповающим на гору Самарийскую: оымаша начатки языков, и внидоша к ним дом Израилев. 2 Мимоидите Халану вси и видите, и преидите оттуду во Емаф великий и снитите оттуду в Геф иноплемеников, крепчайшыя от всех царств сих, аще болши суть пределы их предел ваших? 3 Приходящии в день зол, приближающиися и прикасающиися субботам лживым, 4 спящии на одрех от костей словных и ласкосердствующии на постелех своих, ядущии козлища от паств и телцы млеко питаемы от среды стад: 5 плещущии ко гласу пищалей, аки стояща мнеша, а не яко бежаша: 6 пиющии процеженое вино и первыми вонями мажущиися, и не страдаху ничесоже в сокрушении Иосифове. 7 Сего ради ныне пленницы будут от начала сильных, и отимется ржание конско от Ефрема. 8 Яко клятца Господь Собою, глаголет Господь Бог Сил: понеже гнушаюся аз всею укоризною Иакова и села его возненавидех, и отвергу град со всеми живущими в нем. 9 И будет, аще останутся десять мужей во едином дому, умрут, и останутся остаточнии: 10 и возмут свои их, и понудятся изнести кости их из дому. И речет настоятелем дому: еще ли есть у тебе? И речет: несть еще. И речет: молчи, не именования ради имене Господня. 11 Понеже, се, Господь заповедает и побьет дом великий толчением и дом малый разседением. 12 Аще поженут в камениях кони? И аще умолкнут в женстем полу? Яко обратисте на гнев суд, и плод правды на горесть, 13 веселящиися ни о едином слове блазе, глаголющии: не крепостию ли нашею имамы роги? 14 Темже, се, Аз воздвигну на вы, доме Израилев, язык, глаголет Господь Бог Сил, и сокрушат вас еже не внити во Емаф и до водотечи западов.

7 Сице показа ми Господь Бог, и се, приплод пружий идый утренний, и се, гусеница, един Гог царь. **2** И будет, аще скончает ядый траву земную, и рех: Господи, Господи, милостив буди, кто возставит Иакова? Яко мал есть. **3** Раскайся о сем, Господи: и сие не будет, глаголет Господь. **4** Сице показа ми Господь, и се, призва прю во огни Господь Бог, и пояде бездну многу, и пояде часть. **5** И рех: Господи, Господи, престани ныне, кто возставит Иакова? Яко мал есть. **6** Раскайся о сем, Господи: и сие не будет, глаголет Господь. **7** Сице показа ми Господь: и се, Муж стойяй на ограде адамантове, и в руце Его адамант. **8** И рече Господь ко мне: что ты видиши, Амосе? И рех: адамант. И рече Господь ко мне: се, Аз учиню адаманта среде людей Моих Израиля, ктому не приложу, еже мимоити его: **9** и потребятся требища смеха, и требы Израилевы опустеют, и востану на дом Иеровоамль со оружием. **10** И посла Амасиа жрец Вефильский ко Иеровоаму царю Израилеву глаголя: развраты творит на тя Амос среде дому Израилева, не возможет земля подяти всех словес его, **11** понеже сия глаголет Амос: оружием скончается Иеровоам, Израиль же пленен отведется от земли своея. **12** И рече Амасиа ко Амосови: видяй гряди и отиди ты на землю Иудину, и тамо живи, и тамо да прорицаеши: **13** а в Вефили посем не приложи прорицати, яко освящение царя есть и дом есть царства. **14** И отвеща Амос и рече ко Амасии: не бех пророк аз, ниже сын пророчь, но пастырь бех и ягодичия обирая: **15** и поя мя Господь от овец и рече ко мне: иди и прорцы на люди Моя Израиля. **16** И ныне слыши слово Господне: ты глаголеши: не прорицай на Израиля и не возмущай народа на дом Иаковль: **17** сего ради сия глаголет Господь: жена твоя во граде соблудит, сынове же твои и дщери оружием падут, и земля твоя ужем измерится, и ты на земли нечистой скончаешися, и Израиль пленен отведется от земли своея.

8 Сице показа ми Господь Бог: и се, сосуд птицеловца. **2** И рече (Господь): что ты видиши, Амосе? И рех: сосуд птицеловца. И рече Господь ко мне: приспе конец на люди Моя Израиля, не приложу ксему еже мимоити его. **3** И восплачутся стропове храма в той день, глаголет Господь Бог: мнози падшии во всем месте, наверху молчание. **4** Слышите убо сия, сокрушающи из утра убогаго и насильствующи нищих от земли, **5** глаголющи: когда прейдет месяц, и продамы, и (когда прейдут) субботы, и отверзем сокровища наша, еже сотворити меру малу, и увеличити мерило, и сотворити вес неправеден, **6** яко да притяжем убогия сребром и нищаго за сапоги, и от всякаго жита куплю сотворим? **7** Кленется Господь на презорство Иаковле, аще забудет в конец вся дела ваша: **8** и о сих не возьматся ли земля, и восплачется всяк живяй на ней? И взыдет яко река скончание (ея), и снидет якоже река Египетская. **9** И будет в той день, глаголет Господь Бог, зайдет солнце в полудне, и померкнет на земли в день свет: **10** и превращу праздники ваша в жалость и вся песни ваша в плачь, и возложу на всяк хребет вретиче и на всяку главу плешь, и положу его яко жалость любимаго и сущия с ним яко день

болезни. **11** Се, дние грядут, глаголет Господь, и послю глад на землю, не глад хлеба, ни жажду воды, но глад слышания слова Господня: **12** и поколеблются воды от моря до моря и от севера до восток, и обтекут ищуще словесе Господня, и не обрящут. **13** В той день оскудеют девы добрыя и юноши в жажди, **14** кленущиися очищением Самарийским и глаголющи: жив бог твой, Дане, и жив бог твой, Вирсавее. И падут и не востанут ктому.

9 Видех Господа стояща на жертвеннице, и рече: поразил очистилище, и поколеблются преддверия, и пресецы в главы всех: и оставшая их оружием избито, не убежит от них бежай, и не уцелеет от них уцелевая: **2** аще сокрыются во аде, то и оттуду рука Моя исторгнет я, и аще взыдут на небо, то и оттуду свергу я: (Sheol h7585) **3** и аще скрываются на версе Кармила, то и оттуду взыщу и возму я, и аще погрузятся от очию Моею во глубинах морских, то и тамо повелю змиеви, и угрызет я: **4** и аще пойдут в плен пред лицом враг своих, и тамо повелю оружию, и избьет их: и утвержу очи Мои на них во злая, а не во благая. **5** И Господь Бог Вседержитель прикасаяся земли и колебля ея, и възрыдают вси живущи на ней, и взыдет яко река скончание ея, и снидет яко река Египетская: **6** сотворяяй на небо восход Свой и обещание Свое на земли основаяй, призываяй воду морскую и проливаяй ю на лице земли: Господь Бог Вседержитель имя Ему. **7** Не якоже ли сынове Ефиопстии вы есте Мне, сынове Израилевы? Глаголет Господь. Не Израиля ли изведох из земли Египетския и иноплеменники из Каппадокии и Сирияны из Рова? **8** Се, очи Господа Бога на царство грешных, и отвергу е от лица земли: обаче не в конец отвергу дом Израилев, глаголет Господь. **9** Понеже, се, Аз заповедаю и развею дом Израилев во вся языки, якоже веетса на веяле, и не падет сотрение на землю. **10** Оружием скончאותся вси грешнии людей Моих, глаголющи: не приближатся, ни приидут на нас злая. **11** В той день возставлю скинию Давидову падшую, и возгражду падшая ея, и раскопаная ея возставлю, и возгражду ю якоже дние века: **12** яко да възыщут мене оставшиися человецы и вси языцы, в нихже призвася имя Мое в них, глаголет Господь творяй сия вся. **13** Се, дние грядут, глаголет Господь, и постигнет жатва оымание винограда, и созреет гроздие в сеятву, и искапают горы сладость, и вси холми насаждени будут: **14** и возвращу плен людей Моих Израиля, и возградят грады разореныя, и населятся, и насадят винограды и испиют вино их, и сотворят вертограды и снутят плод их: **15** и насажду я на земли их, и не исторгнутся ктому от земли своея, юже дах им, глаголет Господь Бог Вседержитель.

Книга пророка Авдия

1 Видение Авдиино: сия глаголет Господь Бог Идумеи: слух слышах от Господа, известие во языки посла: встаните, и встанем на ню ратию. **2** Се, мала дах ты во языцех, безчестен ты еси зело. **3** Презорство сердца твоего воздвиже ты живущаго в пещерах каменных: возвышаяй храмину свою, глаголяй в сердца своем: кто мя свержет на землю? **4** Аще вознесешися якоже орел и аще положиши гнездо твое среде звезд, и оттуду свергу тя, глаголет Господь. **5** Аще бы татие влезли к тебе, или разбойницы нощию, камо бы повержен был еси? Еда не украли бы доволных себе? Или аще бы объемлющи виноград влезли к тебе, еда бы не оставили гроздия? **6** Како обыскася Исав, и взята быша сокровенная его? **7** Даже до предел испустиша тя: вси мужие завета твоего сопротивишася ти, премогоша ты мужие мирницы твои: (ядущии с тобою) положиша лесть под тобою, несть смысла в них. **8** В той день, глаголет Господь, погублю премудрыя от Идумеи и смысл от горы Исавовы: **9** и убоятся воины твои, иже от Феман, да отимется человек от горы Исавовы. **10** Посечения ради и нечестия, еже на брата твоего Иакова, покрывает тя студ, и отвержен будеши во век. **11** От негоже дне сопротивилс еси во дни пленяющих иноплемеников силу его, и чуждии внидоша во врата его и о Иерусалиме вергоша жребия, и ты был еси яко един от них. **12** И да не презриши дне брата твоего в день чуждих, и да не порадуешися о сынех Иудиных в день погибели их, и да не велеречиши в день скорби: **13** и не входи во врата людей Моих в день болезни их, и не презри и ты сонма их в день потребления их, и не совещайся на силу их в день погибели их: **14** ниже настой на исходы их потребити избегающыя их, ниже заключай бежащыя их в день скорби. **15** Понеже близ день Господень на вся языки: якоже сотворил еси, сице будет ти, воздаяние твое воздастся на главу твою. **16** Понеже якоже еси пил на горе Моей святей, испиют вси языцы вино, испиют и снут, и будут яко не бывшии. **17** В горе же Сиони будет спасение, и будет свята: и наследят дом Иаковль наследивших я. **18** И будет дом Иаковль огонь, дом же Иосифов пламень, а дом Исавов в тростие, и возгорятся на них и поядят я, и не будет избегаяй дому Исавову, яко Господь глагола. **19** И наследят иже во нагеве гору Исавову, и иже в раздолии иноплеменики: и возмут гору Ефремову и поле Самарийско, и Вениамина и Галаадитиду. **20** И преселения начало сие сыном Израилевым, земля Хананейска до Сарепты: преселение же Иерусалимле до Ефрафа: и наследят грады Нагевовы. **21** И въздут спасаемии от горы Сиони, еже отмстити гору Исавлю, и будет царство Господеву.

Книга пророка Ионы

1 И бысть слово Господне ко Ионе сыну Амафиину, глаголя: **2** востани и иди в Ниневию град великий и проповеждь в нем, яко възыде вопль злобы его ко Мне. **3** И воста Иона, еже бежати в Фарсис от лица Господня и сниде во Иуппию и обрете корабль идущь в Фарсис, и даде наем свой и вниде в онь плыти с ними в Фарсис от лица Господня. **4** И Господь въздвиже ветр велий на мори, и бысть буря великая в мори, и корабль бедствоваше еже сокрушится. **5** И убоясаяся корабельницы, и возопиша кийждо к богу своему, и изметание сотвориша сосудов иже в корабли в море, еже облегчитися от них: Иона же сниде во дно корабля и спаше ту и хрпаляше. **6** И прииде к нему кормчий и рече ему что ты хрпалеш? Востани и моли Бога твоего, яко да спасет ны Бог, да не погибнем. **7** И рече кийждо ко искреннему своему приидите, вержим жребия и уразумеем, кого ради есть зло сие на нас? И метнуша жребия, и паде жребий на Иону. **8** И реша к нему возвести нам, кого ради сие зло на нас, что твое делание есть, и откуда грядеши и камо идеши, и от коея страны и от киих людий еси ты? **9** И рече к ним раб Господень емь аз и Господа Бога небеснаго аз чту, иже сотвори море и сушу. **10** И убоясаяся мужие страха великим и реша к нему что сие сотворил еси? Зане разумеша мужие, яко от лица Господня бежаше, яко возвести им. **11** И реша к нему: что тебе сотворим, и утолится море от нас? Зане море восхождаше и въздвизаше паче волнение. **12** И рече к ним Иона: возьмите мя и вверзите в море, и утолится море от вас понеже познах аз, яко мене ради волнение сие великое на вы есть. **13** И нуждахуся мужие, возвратитися к земли, и не можаху, яко море восхождаше и въздвизашеся паче на них. **14** И возопиша ко Господеви и реша: никакоже, Господи, да не погибнем души ради человека сего, и не даждь на нас крове праведныя: зане Ты, Господи, якоже восхотел, сотворил еси. **15** И взяша Иону и ввергоша его в море, и преста море от волнения своего. **16** И убоясаяся мужие страхом великим Господа и пожроша жертву Господеви и помолишася молитвами. **17** И повеле Господь киту великому пожрети Иону. И бе Иона во чреве китове три дни и три ноци.

2 И помолися Иона ко Господу Богу своему от чрева китова **2** и рече: возопих в скорби моей ко Господу Богу моему, и услыша мя из чрева адова вопль мой, услышал еси глас мой: (Sheol h7585) **3** отвергл мя еси во глубины сердца морскаго, и реки обыдоша мя вся высоты Твоя и волны Твоя мне преидоша. **4** И аз рех: отринуся от очию Твоею: еда приложу призрети ми ко храму святому Твоему? **5** Возляися на мя вода до души моя, бездна обыде мя последняя, понре глава моя в разселины гор, **6** снидох в землю, еяже верей ея заклепи вечнии: и да възыдет из исления живот мой к Тебе, Господи Боже мой. **7** Внегда скончаватися от мене души моей, Господа помянух, и да приидет к Тебе молитва моя ко храму святому Твоему. **8** Хранящии суетная и ложная милость свою оставиша: **9** аз же со гласом хваления и

исповедания пожру Тебе, елика обещах, воздам Тебе во спасение мое Господеви. **10** И повеле Господь китови, и изверже Иону на сушу.

3 И бысть слово Господне ко Ионе вторицею глаголя: **2** востани и иди в Ниневию град великий, и проповеждь в нем по проповеди преждней, юже аз глаголах тебе. **3** И воста Иона и иде в Ниневию, якоже глагола Господь. Ниневия же бяше град велик Богу, яко шествия пути триех дней. **4** И начат Иона входити во град, яко шествие пути дне единого, и проповеда и рече: еще три дни, и Ниневия превратится. **5** И вероваша мужие Ниневийстии Богови, и заповедаша пост, и облекошася во вретича от велика их даже до мала их. **6** И дойде слово ко царю Ниневийскому, и воста с престола своего и сверже ризы своя с себе, и облечеся во вретиче и седе на пепеле. **7** И проповедася и речено бысть в Ниневию от царя и вельмож его глаголющих: человецы и скоти, и волове и овцы да не вкусят ничесоже, ни да пасутся, ниже воды да пият. **8** И облекошася во вретича человецы и скоти и возопиша прилежно к Богу, и возвратися кийждо от пути своего лукаваго и от неправды сущия в руках их, глаголюще: **9** кто весть, аще раскаяется и умолен будет Бог, и обратится от гнева ярости Своя, и не погибнем? **10** И виде Бог дела их, яко обратилася от путей своих лукавых, и раскаяся Бог о зле, еже глаголаше сотворити им, и не сотвори.

4 И опечалися Иона печалию великою и смутися, **2** и помолися ко Господу и рече: о Господи, не сия ли убо словеса моя, яже глаголах, еще сушу ми на земли моей? Сего ради предварих бежати в Фарсис, зане разумех, яко милостив Ты еси и щедр, долготерпелив и многомилостив, и каийся о злобах (человеческих): **3** и ныне, Владыкы Господи, прими душу мою от мене, яко уне ми умрети, нежели жити. **4** И рече Господь ко Ионе: аще зело опечалился еси ты? **5** И изыде Иона из града и седе прямо града, и сотвори себе кушу и седяще под нею в сени, дондеже увидит, что будет граду. **6** И повеле Господь Бог тыкве, и возрасте над главою его, еже осенити его от злых его. И возрадовася Иона о тыкве радостию великою. **7** И повеле Господь Бог червию раннему во утрие, и подяде тыкву, и изсше. **8** И бысть вкупе внегда возсияти солнцу, и повеле Бог ветру знойну жегущу, и порази солнце на главу Ионину, и малодушествоваше и отрицашеся души своая и рече: **9** уне ми умрети, нежели жити. И рече Господь Бог ко Ионе: зело ли опечалился еси ты о тыкве? И рече (Иона): зело опечалихся аз даже до смерти. **10** И рече Господь: ты оскорбился еси о тыкве, о нейже не трудился еси, ни воскормил еси ея, аже родися об ночь и об ночь погибе: **11** аз же не пощажду ли Ниневии града великаго, в немже живут множайшии неже дванадесять тем человек, иже не познаша десницы своая, ниже шуйцы своая, и скоти их мнози?

Книга пророка Михея

1 Слово Господне, еже бысть ко Михею Морасфитину, во дни Иоафама и Ахаза и Езекии царей Иудиных, о ниже виде о Самарии и о Иерусалиме. **2** Слышите, людие вси, словеса, и внемли, земле и вси иже на ней, и будет Господь Бог в вас в послушествование, Господь от дому святого Своего. **3** Понеже, се, Господь исходит от места Своего, и снидет и наступит на высоты земныя, **4** и поколеблются горы под Ним, и юдоли растают яко воск от лица огня и яко вода сходящи со устремлением. **5** Нечестия ради Иаковля вся сия и греха ради дому Израилева. Кое нечестие дому Иаковлю? Не Самариа ли? И кий грех дому Иудина? Не Иерусалим ли? **6** И положу Самарию во овощное хранилище селное и в сад винограда, и развергу в пропасть камень ея, и основания ея открыю: **7** и вся изваянная ея сокрушат, и вся мзды ея запалят огнем, и вся кумиры ея положу в пагубу: понеже от найма блуда собра и от найма блужения соврати. **8** Сего ради възрыдает и восплачется, пойдет боса и нага, сотворит плачь аки змиев и рыдание аки дочерей сирийских: **9** яко одержа язва ея, понеже прииде даже до Иуды и коснулся до врат людий моих даже до Иерусалима. **10** Уже в Гефе, не величайтесь, и Иенакимляне, не сограждайте из дому на посмеяние, перстию посыплите посмеяние ваше. **11** Обитающая добре во граех своих, не изыде живущая в Сеннааре, плчнется дому (сущаго) близ ея, примет от вас язву болезней. **12** Кто нача во блага вселившейся в болезнех, яко снидоша злая от Господа на врата Иерусалимля, **13** шум колесниц и конников: живущая в Лакхисе начальница греха та есть дщери Сиони, яко в тебе обретошася нечестия Израилева. **14** Сего ради даст посылаемая даже до наследия Гефова, дома суетны, вотще быша царем Израилевым, **15** дондеже наследники приведу тебе, живущая в Лакхисе, наследие даже до Одоллама приидет, слава дщере Сиони. **16** Обросни и остризи по чадах своих младых: разшири оброснение твое яко орел, понеже пленени быша от тебе.

2 Быша помышляюще труды и делающе злая на ложах своих, и купно со днем совершаху тая, понеже не воздвигоша к Богу рук своих: **2** и желеху сел, и грабляху сирот, и дома отимаху, и расхищашу мужа и дом его, и мужа и наследие его. **3** Сего ради сия глаголет Господь: се, Аз помышляю на племя сие злая, от ниже не подвигнете вый ваших и не пойдете прости внезапно, яко время зло есть. **4** В той день примется на вы притча, и восплачется плачь с песнию, глаголюще: бедство пострадохом: часть людий моих измерися ужем, и не бе възбранная его, еже отвратитися: села ваша разделена быша. **5** Сего ради не будет тебе вмещушь ужа в жребию в сонне Господни. **6** Не плачьте слезами, ниже да слезят о сих: не отвержет бо укоризны **7** глаголяй: дом Иаковль разгнева Дух Господень: не сия ли суть начинания Его? Не словеса ли Его суть добра с ним, и правии ходиша? **8** И прежде людие Мои во вражду сопротивишася, противу миру своему: кожу его одраша, еже

отяти упование, сокрушение ратное: **9** сего ради старейшины людий Моих извергнутся из домов сладости своея, злых ради начинаний своих отриновени быша. Приблизитесь горам вечным: **10** востани и пойдй, яко несть тебе сей покой: нечистоты ради, истлесте тлением, **11** прогнастеся ни кимже гоними: дух постави лжу, искапа тебе в вино и пьянство: и будет, от капли людий сих, **12** собираемь соберется Иаков со всеми: приемая приму оставших Израилевых, вкупе положу возвращение его, аки овцы в скорби, яко паству посреде ложа их: изскачат от человек. **13** Взыди просечением пред лицем их: просекоша, и проидоша врата, и изыдоша ими. И изыде царь их пред лицем их, Господь же Вождь их будет.

3 И речет: слышите убо сия, власти дому Иаковля и оставшии дому Израилева: не вам ли есть еже разумети суд? **2** Ненавидящи добра, а ищущии зла, похищающи кожи их с них и плоти их от костей их: **3** якоже объодоша плоти людий Моих, и кожи их от костей их одраша, и кости их столкоша и содробиша яко плоти в коноб и яко мяса в горнец: **4** тако возопиют ко Господу, и не послушает их и отвратит лице Свое от них в то время, понеже слукавноваша в начинаниях своих на Ня. **5** Сия глаголет Господь на пророки лстящя людий Моих, угрызаящя зубы своими и проповедающя мир на них, и не вдася во уста их, возставиша на них рать: **6** сего ради ночь будет вам от видения, и тма будет вам от волхования, и зайдет солнце на пророки, и померкнет на ня день: **7** и усрамятся видящи сония, и посмеяни будут волсви, и возглаголют на них вси сии, зане не будет послушай их. **8** Аще аз не наполню силы Духом Господним и судом и силою, еже возвестити Иакову нечестия его и Израилеви грехи его. **9** Слышите сия, старейшины дому Иаковля и оставшии дому Израилева, гнушающиися судом и вся правая развращающи, **10** созидающи Сиона кровьми и Иерусалима неправдами: **11** старейшины его на дарех суждаху, и жерцы его на мзде отвещаваху, и пророцы его на серебре волховаху, и на Господе почиваху, глаголюще: не Господь ли в нас есть? Не приидут на ны злая. **12** Сего ради вас дела Сион якоже нива изорется, и Иерусалим яко овощное хранилище будет, и гора дому якоже луг дубравный.

4 И будет в последния дни явлена гора Господня, уготована над верхи гор, и вознесется выше холмов, и потщатся к ней людие, **2** и приидут языцы мнози и рекут: приидите, въздем на гору Господню и в дом Бога Иаковля: и покажут нам путь Его, и пойдем по стезям Его: яко от Сиона изыдет закон, и слово Господне из Иерусалима, **3** и рассудит среде людий многих и изболчит языки крепки даже до земли дальняя: и раскуют мечы своя на рала и сулицы своя на серпы, и не ктому возмет язык на язык меча, и не научатся ксему воевати. **4** И почует кийждо под лозою своею и кийждо под смоквицею своею, и не будет устрашающаго, зане уста Господа Вседержителя глаголаша сия. **5** Яко вси людие пойдут кийждо в путь свой, а мы пойдем во имя Господа Бога нашего в век и далечеа. **6** В той день, глаголет Господь, соберу сокрушенную, и отриновенную

прииму, и ихже отринух: 7 и положу сокрушенную во останок и отриновенную в язык крепок, и воцарится Господь над ними в горе Сионе отныне и до века. 8 И ты, столпе паствы мгляный, дщи Сионя, к тебе придет и внидет власть первая, царство из Вавилона дщери Иерусалимли. 9 И ныне вскую познала еси зло? Не бе ли тебе царя? Или совет твой погиге, яко обыдоша тя болезни, аки раждающая? 10 Болезнуи и мужайся и приближайся, дщи Сионя, яко раждающая: зане ныне изыдеши из града и вселишися на поли и дойдеши Вавилона: оттуду изимет тя и оттуду избавит тя Господь Бог твой от руки враг твоих. 11 И ныне собрашася на тя языцы мнози глаголющи: порадуемся: и воззрят на Сион очи наши. 12 Сии же не разумеша помышления Господня и не домыслишася совета Его, яко собра их аки снопы гуменныя. 13 Востани и измлати их, дщи Сионя, яко роги твоя положу железны и пазнокти твоя положу медяны, и истончиши люди многи, и возложиши Господеви множество их и крепость их Господеви всея земли.

5 Ныне оградится дщи Ефремова ограждением, рать учини на вы, жезлом поразят о челюсть племен Израилевых. 2 И ты, Вифлееме, доме Ефрафов, еда мал еси, еже быти в тысячах Иудиных? Из тебе бо Мне изыдет Старейшина, Еже быти в Князя во Израили, исходи же Его из начала от дний века. 3 Зего ради даст я, до времени раждающая породит, и прочии от братии их обратятся к сыном Израилевым. 4 И станет, и узрит, и упасет паству Свою крепостию Господь, и в славе имене Господа Бога Своего пребудут: зане ныне возвеличится даже до конец земли. 5 И будет Сей мир, егда Ассур придет на землю вашу, и егда взыдет на страну вашу, и встанут нань семь пастырей и осмь язв человеческих, 6 и упасут Ассура оружием и землю Невродову копиями ея, и избавит от Ассура, егда придет на землю вашу и егда вступит на пределы ваша. 7 И будет останок Иаковль в языцех среде людей многих, аки роса от Господа падающая и яко агнцы на злаце, яко да не соберется ни един, ниже постоит в сынех человеческих. 8 И будет останок Иаковль в языцех среде людей многих, аки лев в скотех в дубраве и яко львичищ в стадах овчих, якоже егда пройдет, и отлучив восхитит, и не будет изимающего. 9 Вознесется рука твоя на оскорбляющая тя, и вси врази твои потребятся. 10 И будет в той день, глаголет Господь, потреблю кони твоя из среды твоя и погублю колесницы твоя, 11 и потреблю грады земли твоя и развергу вся твердыни твоя, 12 и отвергу волхования твоя от руку твою, и волхвующии не будут в тебе: 13 и потреблю изваянная твоя и кумиры твоя из среды тебе, и посем да не поклонишися делом рук твоих: 14 и посеку дубравы от среды тебе и погублю грады твоя: 15 и сотворю со гневом и с яростию месть языком, понеже не послушаша Мене.

6 Слышите, яже глагола Господь: востани, судися с горами, и да слышат холми глас твой. 2 Слышите, горы, суд Господень, и дебри основания земли, яко суд Господень к людям Его, и со Израилем претися имать. 3 Люди Мои, что сотворих вам, или чим оскорбих вас, или чим стужих вам?

Отвещайте Ми. 4 Зане изведох вас из земли Египетския и из дому работы избавих вас, и послах пред вами Моисеа и Аарона и Мариам. 5 Люди Мои, помяните убо, что совеща на вы Валак царь Моавитский, и что ему отвеща Валаам сын Веоров, от Сития до Галгал? Яко да познается правда Господня. 6 В чем постигну Господа, срящу Бога моего Вышняго? Срящу ли Его со всесожжением, телцы единоплетными? 7 Еда примет Господь в тысячах онов, или во тмах козлищ тучных? Дам ли первенцы моя о нечестии моем, плод утробы моя, за грехи души моя? 8 Возвестися бо тебе, человеце, что добро, или чесого Господь ищет от тебе, разве еже творити суд и любити милость и готову быти еже ходити с Господем Богом твоим? 9 Глас Господень граду призовется, и спасет боящаяся имене Его: послушай, племя, и кто украсит град? 10 Еда огонь и дом беззаконного собирая имена беззаконная и со укоризною неправды? 11 Еда оправдится в мериле беззаконник и во вретичи меры неправыя, 12 от нихже богатство свое нечестия наполниша? И живущии в ней глаголаху лжу, и язык их вознесся во устех их. 13 И Аз начну пораждати тя и погублю тя во гресех твоих. 14 Ты ясти будеши и не насытишися, и померкнет в тебе, и совратишися, и не спасешися: и елицы аще избудут, оружию предадутся. 15 Ты посееши, но не пожнеши: ты изгнетеши масличие, но не помажешися маслом: и насадите вино, и не испиете: и погибнут законы людей Моих. 16 И хранил еси оправдания Замвриина и вся дела дому Ахаавля, и ходисте в советех их, яко да предам тя в пагубу, и живущыя в ней во звиздание, и укоризны людей примете.

7 У, люте мне! Понеже бых аки собираяй сламу на жатве, и яко пародок во оымании винограда не сущу гроздию, еже ясти первоплодная, яже вождеде душа моя. 2 У, люте мне, душе! Яко погиге благочестивый от земли, и исправляющего в человецех несть: вси во кровех прятся, кийждо ближняго своего озлобляет озлоблением, 3 на зло руки своя уготовляют: князь просит, и судия мирная словеса глаголет, желание души его есть: и отумия благая их, 4 яко моль поядая, и ходяй по правилам в день стражбы. У, люте! У, люте! Отмщения Твоя приспеша, ныне будут плачы их. 5 Не верите другом, ни надейтесь на старейшины, и от сожителницы твоя хранися, еже сказати ей что: 6 понеже сын безчестит отца, дщерь встанет на мать свою и невеста на свекровь свою, врази вси мужу домашнии его. 7 Аз же ко Господеви воззрю, потерплю Бога спаса моего, услышит мя Бог мой. 8 Не радуйся о мне, враждебница моя, яко падох, и встану: зане аще сяду во тме, Господь осветит мя. 9 Гнев Господень стерплю, яко согреших Ему, дондеже оправдит прю мою и сотворит суд мой: и изведет мя на свет, и узрю правду Его. 10 И узрит враждебница моя, и облечется в студ глаголющая ко мне: где есть Господь Бог твой? Очи мои воззрят на ню, ныне будет в поправление аки кал на путех. 11 День глаждения плинфа: изглаждение твое день оный, и сотрет законы твоя день оный. 12 И гради твои приидут на поравнение и в разделение Ассирийско, и гради твои тверди в разделение от Тира даже до реки Сирския, и

от моря даже до моря, и от горы даже до горы, дние воды и молвы. **13** И будет земля в пагубу со живущими на ней, от плодов начинаний их. **14** Паси люди Твоя жезлом Твоим, овцы наследия Твоего, вселяющиеся едины в дубраве среде Кармила, попасут Васанитиду и Галаадитиду, якоже дние века. **15** И по днем исхода твоего из Египта узрите чудесная. **16** Узрят языцы и усрамятся от всея крепости своя, руце возложат на уста своя, и уши их оглохнут, **17** полижут персть яко змиеве плещуще по земли, смятутся во облежении своем: о Господе Бозе нашем ужаснутся и убоятся от Тебе. **18** Кто Бог якоже Ты, отемляй беззакония и оставляяй нечестия останком наследия Своего? И не удержи гнева Своего во свидение, яко Волитель милости есть. **19** Той обратит и ущедрит ны, и погрузит неправды наша и ввержет в глубины морския вся грехи наша, **20** даст истину Иакову, (и) милость Аврааму, якоже клялся еси отцем нашим во дни первыя.

Книга пророка Наума

1 Пророчество о Ниневии: книга видения Наума сына Елкесеева. **2** Бог ревнив и мстят Господь, мстят Господь с яростию, Господь мстят сопостатом Своим и потребляя сам враги Своя. **3** Господь долготерпелив, и велика крепость Его, и очищай не очистит Господь: в скончании и трусе путь Его, и облацы прах ног Его: **4** запрещаая морю и иссушаая е и вся реки опустошаая. Умались Васанитида и Кармил, и процветающая Ливана оскудеша: **5** горы потрясошася от Него, и холми поколебашася, и ужасеся земля от лица Его, вселенная и вси живущии на ней. **6** От лица гнева Его кто постоит? И кто сопротивится во гневе ярости Его? Ярость Его растаеает власти, и камень сотрошася от Него. **7** Благ Господь терпящим Его в день скорбения, и знаая боящася Его: **8** и в потопе пути скончание сотворит: встающыя и враги Его поженет тма. **9** Что помышляете на Господа? Скончание Сам сотворит, не отмстит дважды купно в скорби: **10** понеже до основания своего оляденеет, и аки блющ и оплетающыя снаден будет, и аки трость сухоты полна. **11** Из тебе изыдет помысл на Господа злый, совещаая сопротивная. **12** Сия глаголет Господь: обладаая водами многими, и сице разступятся, и слух твой не услышится ктому: **13** и ныне сокрушу желз его от тебе и узы твоя расторгну. **14** И заповесть о тебе Господь, не разсеется от имени твоего ктому: от дому бога твоего потреблю изваянная и слианная положу гроб твой, яко скоры (есте). **15** Се, на горах ноги благовествующаго и возвещающаго мир: празднуй, Иудо, праздники твоя, воздаждь обеты твоя, зане не приложат ктому еже проити сквозе тебе во обетшание: скончася и извержеса.

2 Взыде вдыхаяй в лице твое, отемляй от оскорбления: усмотри путь, укрепи чресла, возмужай крепостию зело: **2** понеже отврати Господь укоризну Иаковлю, якоже укоризну Израилеву: зане отрясающии отрясоша я и лозы их растлиша. **3** Оружия силы их от человек, мужы сильныя играющыя во огни: брозды колесниц их в день уготования его, и конницы възмьются на путех, **4** и смятутся колесницы и сплетутся на стогнах: вид их яко свещы огненны, и яко молния протекающая. **5** И помянутся старейшины их, и побегнут в день, и изнемогут в пути своем, и потщатся на забрала его, и уготовят предняя стражбы своя. **6** Врата градная отверзошася, и царства падоша, и имение открыся. **7** Сия же восходжаше, и рабыни ея ведяхуся, яко голубицы воркующя в сердцах своих: **8** и Ниневия, аки купель водная воды ея, и тии бежаше не сташа, и не бе взирающаго. **9** Расхищаху сребро, расхищаху злато, и не быше конца имения ея: отяготишася паче всех сосудов вожденная ея. **10** Истрясение и вострясение, и воскипение и сердца сокрушение, и расслабление колен и болезни по всем чреслом, и лице всех, аки опаление котла. **11** Где есть виталище львов и пажить суцая львичищем? Камо иде лев, еже влезти тамо львичицу, и не быше устрашающаго. **12** Лев восхити доволная львичищем своим и удави львицам

своим, и наполни ловитвы гнездо свое и виталище свое похищения. **13** Се, Аз на тя, глаголет Господь Вседержитель, и пожу дымом множество твое, и лвы твоя пояст оружие: и потреблю от земли ловитву твою, и не услышатся ктому дела твоя.

3 О, граде кровей, весь лживый, полн неправды! Не осяжется ловитва. **2** Глас бичей и глас труса колес, и коня текуща и колесницы шумящая, **3** и конника едуща, и блистающа меча и блистающих оружий, и множества язвенных и тяжаго падения, и не быше конца языком ея: и изнемогут в телесех своих от множества блужения. **4** Блудница добра и приятна, начальница волхвований, продающая языки во блужении своем и племена в чародеяниих своих. **5** Се, Аз на тя, глаголет Господь Бог Вседержитель, и открыю задняя твоя к лицу твоему, и покажу языком срамоту твою и царствам безчестие твое, **6** и возвергу на тя огнушение по нечистотам твоим, и положу тя в притчу. **7** И будет, вся видяй тя снидет с тебе и речет: окаянная Ниневия, кто постенет по ней? Откуда взыщу утешение ей? **8** Уготовити часть, устроить струну, уготовити часть Аммону, живущая в реках, вода окрест ея, ейже начало море, и вода забрала ея: **9** и Ефиопиа крепость ея и Египет, и несть конца бегству твоему: и Фуд и Ливиане быша помощницы ея. **10** И сия в преселение пойдет пленница, и младенцы ея разбюит в началех всех путей ея, и о всех славных ея вергут жребия, и вси воеводы ея свяжутся пути. **11** И ты упиешися и будеши презрена, и ты сама себе взыщеша помощи от враг. **12** Вся твердели твоя яко смоквичие стражу имущее: аще поколеблются, владут во уста ядущаго. **13** Се, людие твои, яко жены в тебе: врагом твоим отворяема отворятся врата земли твоя, и пояст огонь вереи твоя. **14** Воду одержания восхити себе сама и утверди твердели твоя: влезти в брение и поперися в плевах, утверди паче плинфа. **15** Тамо пояст тя огонь, потребит тя меч, поядят тя аки пружи, и отягачеши аки мшица. **16** Умножила еси купли твоя паче звезд небесных: мшицы устремишася и возлетеша. **17** Возсочи аки пруг смесник твой, аки акрида восходящая на ограду в день студений: солнце взыде, и отлете, и не познася место ея: люте им! **18** Воздремашася пастуси твои, царь Ассирийск успи сильныя твоя, воздвигошася людие твои на горы, и не быше приемлющаго. **19** Несть цельбы сокрушению твоему, разгореса язва твоя: вси слышашии весть твою восплещут руками о тебе: понеже на кого не найде злоба твоя всегда?

Книга пророка

Аввакума

1 Видение, еже виде Аввакум пророк. **2** Доколе, Господи, воззову, и не услышиши? Возопию к Тебе обидимь, и не избавиши? **3** Вскую мне показал еси труды и болезни, смотриши страсть и нечестие? Противу мне бысть суд, и судия вземлет. **4** Сего ради разорися закон, и не производится в совершение суд: яко нечестивый преобидит праведнаго, сего ради изыдет суд развращен. **5** Видите, презорливии, и смотрите, и чудитесь чудесем и изчезните: понеже дело Аз делаю во днех ваших, емуже не имате веровати, аще кто исповесть вам. **6** Зане, се, Аз возставляю Халдеи, язык горький и борзый, ходящий по широтам земли, еже наследити селения не своя: **7** страшен и явлен есть, от него суд его будет, и взятие его от него изыдет: **8** и изскочат паче рысей кони его и быстрее волков аравийских, и поедут конницы его и устремятся издалеча и полетят аки орел готов на ядь. **9** Скончание на нечестивыя приидет, сопротивляющыяся лицам их противу, и соберет яко песок пленники. **10** И той над царьми посмеется, и мучители игране его, и той над всякою тверделию поругается, и обложит вал, и возобладает ею. **11** Тогда пременит дух и придет и помолится: сия крепость богу моему. **12** Неси ли Ты искиони, Господи Боже, Святей мой? И не умрем. Господи, на суд учинил еси его, и созда мя обличати наказание его. **13** Чисто око еже не видети зла и взирати на труды болезненныя: вскую призираеши на презорливья? Премолчаваеши, егда пожирает нечестивый праведнаго? **14** И сотвориши человеки яко рыбы морския и яко гады не имущыя старейшины. **15** Скончание удою восхити и привлече его мрежу и собра его сетьми своими: сего ради возвеселится и возрадуется сердце его: **16** сего ради пожрет мрежи своей и покладит сеть свою, яко теми разблажи часть свою и пищи своя избранныя: **17** сего ради прострет мрежу свою и присно избивати языков не пощадит.

2 На стражи моей стану, и взыду на камень, и посмотрю еже видети, что возглаголет во мне и что отвещаю на обличение мое. **2** И отвеща Господь ко мне и рече: впиши видение, и яве на дске, яко да постигнет чятаий я. **3** Зане еще видение на время, и просияет в конец, а не вотще: аще умедлит, потерпи ему, яко идый приидет и не умедлит. **4** Аще усумнится, не благоволит душа моя в нем: праведник же (мой) от веры жив будет. **5** Презорливый же и обидливый муж и величавый ничесоже скончает: иже разшири аки ад душу свою, и сей яко смерть ненасыщен: и соберет к себе вся языки и примет к себе вся люди. (Sheol h7585) **6** Не сия ли вся на него притчу примут и гадание в повесть его? И рекут: горе умножающему себе не сущая его, доколе? И отягчающему узу свою тяжце. **7** Яко внезапно встанут угрызающии его, и ободрятся наветницы твои, и будеши в разграбление им. **8** Понеже ты пленил еси страны многи, пленяя тя вси оставшии людие крове ради

человечи и нечестия земли и града и всех живущих на ней. **9** Горе лихоимствующим лихоимство злое дому своему, еже учинити на высоте гнездо свое, еже исторгнути от руки злых. **10** Умыслил еси стыдение дому своему, скончал еси люди многи, и согреша душа твоя. **11** Зане камень из стены возопиет, и хрущ от древа возглаголет сия: **12** у, люте создающему град кровьми и уготовляющему град неправдами. **13** Не сия ли суть от Господа Вседержителя? И оскудеша людие мнози огнем, и языцы мнози изнемогша: **14** яко наполнится вся земля ведения славы Господни, якоже вода многа в мори покрывает я. **15** Горе напаяющему подруга своего развращением мутным, и упоявающему, яко да взирает к пещерам их. **16** Сытость безчестия от славы испий и ты: сердце, поколеблися и сотряснися: обыде о тебе чаша десницы Господни, и собрася безчестие на главу твою. **17** Занеже нечестие Ливаново покрывает тя, и страсть зверей престрашит тя, крове ради человеки и нечестия земли и града и всех живущих на ней. **18** Что пользует изваяное, яко изваяша е? Создаша слияние, мечтание ложное, яко упова создавый на создание свое, сотвориши кумиры немья. **19** У, люте глаголющему ко древу: ободрися, встани: и камению: возвысися: и то есть мечтание, и сие есть скование злата и сребра, и всякаго духа несть в нем. **20** Господь же во храме святем Своем: да убойтися от лица Его вся земля.

3 Молитва Аввакума пророка с песнию. Господи, услышах слух Твой и убояхся: **2** Господи, разумех дела Твоя и ужасохся: посреде двою животну познан будеши: внемда приблизитися летом, познаешися: внемда приити времени, явишися: внемда смутитися души моей во гневе, милость (Твою) помянеши. **3** Бог от юга приидет, и Святей из горы Приосененныя чащи: покры небеса добродетель Его, и хваления Его исполнь земля. **4** И сияние Его яко свет будет: рози в руках Его, и положи любовь державну крепости Своея. **5** Пред лицем Его предидет слово, и изыдет на поле при ногу Его. **6** Ста, и подвижесе земля: призре, и растаяша языцы: стрышася горы нуждею, и растаяша холми вечнии, шествия вечная Его, **7** за труд видеша селения Ефиопская, убоятся и кровы земли Мадиямския. **8** Еда в реках прогневаешися, Господи? Еда в реках ярость Твоя? Или в мори устремление Твое? Яко всядеши на кони Твоя, и аждение Твое спасение. **9** Налячая налячещи лук Твой на скиптры, глаголет Господь: реками разсыдётся земля. **10** Узрят тя и побоят людие, расточая воды шествия Его: даде бездна глас свой, высота привидения своя: **11** воздвижесе солнце, и луна ста в чине своем: во свете стрелы Твоя пойдут, в блистании молний оружий Твоих. **12** Прещением умалиши землю и яростию низложшии языки. **13** Изшел еси во спасение людий Твоих, спасти помазанныя Твоя, вложил еси во главы беззаконных смерть, воздвигл еси узы даже до выи в конец: **14** разсекл еси во изступлении главы сильных, сотрясутся в ней: разверзут узды своя яко снедаяй нищий тай. **15** И навел еси на море кони Твоя, смущающыя воды многи. **16** Сохранихся, и убояся сердце мое от гласа молитвы устен моих, и вниде трепет в кости моя, и во мне смятесе крепость моя: почую в день скорби

моя, да възду в люди пришелствия моего. 17 Зане смоковь не плодопринесет, и не будет рода в лозах: солжет дело маслинное, и поля не сотворят яди: оскудеша овцы от пищи, и не будет волов при яслех. 18 Аз же о Господе возрадуюся, возвеселюся о Бозе спасе моем. 19 Господь Бог мой сила моя, и учинит нозе мои на совершение, и на высокая возводит мя, еже победити ми в песни Его.

Книга пророка Софонии

1 Слово Господне, иже бысть к Софонии сыну Хусину, сыну Годолину, Амориину, Езекиину, во дни Иосии сына Амона, царя Иудина. **2** Оскудением да оскудеют вся от лица земли, глаголет Господь: **3** да оскудеет человек и скоти, да оскудеют птицы небесныя и рыбы морския, и да изнемогут нечестивии, и изиму незаконныя от лица земли, глаголет Господь. **4** И простру руку Мою на Иуду и на вся живущыя во Иерусалиме: и изиму от места сего имена Ваалова и имена жреческа со жеццами, **5** и поклоняющихся на покровех воинству небесному и кленущихся Господем и кленущихся царем своим, **6** и укланяющихся от Господа и не ищущих Господа и не придержащихся Господа. **7** Убойтеса от лица Господа Бога, зане близ день Господень, яко уготова Господь жертву Свою и освяти званныя Своя. **8** И будет в день жертвы Господни: и отмщу на князи и на дом царский и на вся оболченныя во одеяния чуждая, **9** и отмщу яве на вся предвратныя в день той, исполняющыя храм Господа Бога своего нечестием и лестию. **10** И будет в день он, глаголет Господь, глас вопля от врат избодающих и плачь от вторых и сотрение велие от холмов. **11** Плачите, живущии в посеченней, яко уподобишася вси людие ханаану, и потребишася вси величающися сребором. **12** И будет в той день, изыщу Иерусалима со светилником и отмщу на мужы нерадящыя о стражах своих, глаголющыя в сердцах своих: не имать блага сотворити Господь, ниже имать озлобити. **13** И будет сила их в расхищение и дома их в разорение: и созиждут жилища и не имут пожити в них, и насадят винограды и не имут пити вина их: **14** яко близ день Господень великий, близ и скор зело, глас дне Господня горек и жесток учинися. **15** Силен день гнева день той, день скорби и нужды, день бездогды и исчезновения, день тмы и мрака, день облака и мглы, **16** день трубы и вопля на грады твердыя и на углы высокоя. **17** И оскорблю человеки, и пойдут яко слепи, зане Господеви прегрешаши, и излиется кровь их яко персть, и плоти их яко лайна: **18** и серебро их и злато их не возможет изяти их в день гнева Господня, и огнем рвеня Его поядена будет вся земля: зане скончание и тщание сотворит на вся живущыя на земли.

2 Соберитеса и свяжитеса, язык ненаказанный, **2** прежде неже быти вам якоже цвету мимоходящу в день, прежде неже приити на вы гневу Господню, прежде неже приити на вы дню ярости Господни. **3** Взыщите Господа, вси смиреннии земли, суд содевайте и правды взыщите, (взыщите кротости) и отвещайте я, яко да покрываете в день гнева Господня. **4** Зане Газа расхищена будет, и Аскалон во исчезновение будет: и Азот в полудни отвержется, и Аккарон искоренится. **5** Горе живущим на ужи морстем, пришелцы Критстии: слово Господне на вас, Ханаане, земле иноплеменников, и погублю вы от жилища: **6** и будет Крит пажить стадам и ограда овцам, **7** и будет уже морское оставшым дому Иудина: на них

пожируют в домах Аскалоних, к вечеру витати имут от лица сынов Иудиных, яко пресети их Господь Бог их и возврати плен их. **8** Слышаш поношения Моавля и укорижны сынов Аммоних, о нихже поношаху людем Моим и величахуся на пределы Моя. **9** Сего ради живу Аз, глаголет Господь Сил, Бог Израилев: зане Моав яко Содома будет, и сынове Аммони яко Гоморра, и Дамаск оставлен яко стог гуменный и разорен во век: и прочии людей Моих расхитят я, и оставшии языка Моего наследят их. **10** Сие им за досаждение их, зане поносиша и возвеличашася на люди Господа Вседержителя. **11** Явится Господь на них и потребит вся боги языков земных: и поклонятся Ему кийждо от места своего, вси острови язычестии. **12** И вы, Мурины, язвени оружием Моим будете. **13** И прострет руку Свою на север и погубит Ассирианина, и положит Ниневию во исчезновение безводно, яко пустыню: **14** и пожируют посреде ея стада и вси зверие земнии, и хамелеоны и ежеве во гнездах ея вогнездятся: и зверие возвыют в расселинах ея, и вранове во вратех ея, зане кедр возношение ея. **15** Сей град презорливый, живяй на уповании, глаголяй в сердцах своем: аз есмь, и несть по мне еще: како бысть во исчезновение, пажить зверем? Всяк мимоходяй сквозе его повзвждет и воздвигнет руке свои.

3 О, светлый и избавленный граде, голубице! **2** Не услыша гласа, не прият наказания, на Господа не упова и к Богу своему не приближися. **3** Князи его в нем, яко львы рыкающе, судии его яко волцы аравийстии, не оставляху на утро. **4** Пророцы его ветроносцы, мужие презорливы: священницы его сквернят святая и нечествуют в закон. **5** Господь же праведен посреде его и не имать сотворити неправды: утро даст суд Свой в свет: и не укрися, и не весть неправды во истязании, ниже в распри обиды. **6** В растление низложих величавыя, исчезоша углы их: опустошу пути их весьма, еже не проходити: исчезоша гради их, занеже ни единому быти, ни жити. **7** Рех: обаче убойтеса Мене и примите наказание, и не имате потребитися от очию его, за вся елика отмих на нем: готовися, утренной, истле все листиве их. **8** Сего ради потерпи Мене, глаголет Господь, в день воскресения моего во свидетелство: зане суд Мои в сонмища языков еже прияти царей, еже излияти на ня гнев Мой весь, гнев ярости Моея: зане огнем рвеня Моего поядена будет вся земля. **9** Яко тогда обращу к людем язык в род его, еже призывать: всем имя Господне, работати Ему под игом едином. **10** От конец рек Ефиопских прииму молящыя Мя, в разсеянных Моих принесут жертвы Мне. **11** В день он не имаше постыдиться от всех начинаний твоих, имже нечествовал еси в Мя: яко тогда отиму от тебе укорижны досаждения твоего, и ктому не имаше приложити величатися на горе святей Моей. **12** И оставлю в тебе люди кротки и смиренны, и будут благоговети о имени Господни. **13** останцы Израилевы, и не сотворят неправды, и не возглаголют суетных, и не обрящется в устех их язык льстив: зане тии пожируют и угнездятся, и не будет утрашай их. **14** Радуйся, дщи Сионова, зело, проповедуй, дщи Иерусалимова, веселися и преукрашайся от всего сердца твоего, дщи Иерусалимля: **15** отяг Господь неправды

твоя, избавил ты есть из руки враг твоих: воцарится Господь посреде тебе, и не узриши зла ктому. **16** Во время оно речет Господь Иерусалиму: дерзай, Сионе, да не ослабеют руце твои. **17** Господь Бог твой в тебе, Сильный спасет тя, наведет на тя веселие и обновит тя в любви Своей, и возвеселится о тебе во украшении, яко в день праздника. **18** И соберу сотренья твоя: горе, кто примет нань поношение? **19** Се, Аз сотворю в тебе тебе ради, глаголет Господь, во время оно: и спасу утисненную и отриновенную прииму, и положу я в похваление и имениты по всей земли. **20** И постыдятся во время оно, егда добро вам сотворю, и во время, егда прииму вы: зане дам вы имениты и в похваление во всех людех земли, внегда возвращати ми пленение ваше пред вами, глаголет Господь.

Книга пророка Аггея

1 Во второе лето, при Дарии цари, в шестый месяц, в первый (день) месяца, бысть слово Господне рукою Аггеа пророка глаголя: рцы к Зоровавелю Салафиилеву от колена Иудова и ко Иисусу сыну Иоседекову, иерею великому, глаголя: 2 сице глаголет Господь Вседержитель глаголя: людие сии глаголют: не прииде время создати храм Господень. 3 И бысть слово Господне рукою Аггеа пророка глаголя: 4 аще время убо вам есть жити в домех ваших истесанных, храм же мой сей запусте? 5 И ныне сице глаголет Господь Вседержитель: устройте сердца ваша в пути ваша. 6 Сеясте много, и взяли мало: ядoste, и не в сытость: писте, и не в пьянство: облекостесь, и не согрестесь в них: и собираяй мзды собра во влагалище драво. 7 Сице глаголет Господь Вседержитель: положите сердца ваша в пути ваша, 8 въздыте на гору и усецьте древа, и принесите и созиждите храм, и благоволю в нем и прославлюся, рече Господь. 9 Призрете на многа, и быша мала, и внесoste я в храм, и отдуных я: сего ради сице глаголет Господь Вседержитель: зане храм Мой есть пуст, вы же течете кийждо в дом свой, 10 сего ради удержится небо от росы, и земля оскудит изношения своя, 11 и наведу меч на землю и на горы, и на пшеницу и на вино и на елей, и на вся, елика износит земля, и на человеки и на скоты и на вся труды рук их. 12 И слыша Зоровавель Салафиилев от колена Иудова, и Иисус Иоседеков, иерей великий, и вси прочии людие глас Господа Бога своего и словеса Аггеа пророка, якоже посла его Господь Бог их к ним, и убояшася людие от лица Господня. 13 И рече Аггей вестник Господень в вестницех Господних людем, глаголя: Аз есмь с вами, глаголет Господь. 14 И воздвиже Господь дух Зоровавеля Салафиилева от колена Иудова и дух Иисуса Иоседекова, иерея великаго, и дух прочиих всех людей: и внидоша и творяху дела во храме Господа Вседержителя Бога своего. 15 В двадесять четвертый день месяца шестаго, во второе лето, при Дарии цари,

2 в седмый месяц, в двадесать первый месяца, глагола Господь рукою Аггеа пророка глаголя: 2 рцы ныне к Зоровавелю Салафиилеву от колена Иудова и ко Иисусу сыну Иоседекову, иерею великому, и ко всем прочиим людем, глаголя: 3 кто от вас, иже виде храм сей в славе его прежней? И како вы видите его ныне якоже не суща пред вами? 4 И ныне укрепляйся, Зоровавелю, глаголет Господь, и укрепляйся, Иисусе, сыне Иоседеков, иерею великий, и да укрепляются вси людие земли, глаголет Господь (Вседержитель), и творите: зане Аз с вами есмь, глаголет Господь Вседержитель: 5 слово, еже завещаш с вами, егда исходисте из земли Египетския, и дух Мой настоит посреде вас: дерзайте, зане сице глаголет Господь Вседержитель: 6 еще единою Аз потрясу небом и землю, и морем и сушею, 7 и сотрясу вся языки, и приидут избранная всех языков: и исполню храм сей славы, глаголет Господь Вседержитель. 8 Мое сребро и Мое злато, глаголет Господь Вседержитель: 9

зане велия будет слава храма сего последняя паче первыя, глаголет Господь Вседержитель: и на месте сем дам мир, глаголет Господь Вседержитель, и мир души в снабдение всякому живущему, еже возставити церковь сию. 10 В двадесять четвертый девятаго месяца, во второе лето при Дарии цари, бысть слово Господне ко Аггею пророку глаголя: 11 сице глаголет Господь Вседержитель: вопроси иереев закона глаголя: 12 аще примет человек мясо свято вскрай ризы своя, и коснется край ризы его хлеба, или варива, или вина, или масла, или всякаго брашна, еда освятится? И отвещаша священники и реша: ни. 13 И рече Аггей: аще прикоснется оскверненный или нечистый душею всякому сих, еда осквернится? И отвещаша иерее и реша: осквернится. 14 И отвеща Аггей и рече: сице людие сии, и сице язык сей предо Мною, глаголет Господь, и сице вся дела рук их: и иже аще приблизится тамо, осквернится за приятия их утренняя, поболят от лица лукавств своих, и ненавидесте во вратах обличающаго. 15 И ныне положите на сердцах ваших от дне сего и выше, прежде неже положити камень на камени в храме Господни. 16 Кто бысте, егда влагасте в мех ячмене двадесять сат, и быша ячмене десять сат? И входисте в подточилие черпаты пятьдесят мер, и быша двадесять. 17 Поразих вы неплодием и ветротлением и градом вся дела рук ваших, и не обратистесь ко Мне, глаголет Господь. 18 Устройте же сердца ваша от сего дне и далее, от двадесять четвертаго дне девятаго месяца и от дне, в оньже основася церковь Господня: положите в сердцах ваших, 19 аще еще познается на гумне, и аще еще виноград, и смокви, и яблонь, и древа масличная не творящая плода? От дне сего благословлю. 20 И бысть слово Господне вторицею ко Аггею пророку в двадесять четвертый месяца глаголя: 21 рцы к Зоровавелю сыну Салафиилеву от колена Иудова глаголя: Аз потрясу небом и землю, и морем и сушею, 22 и превращу престолы царей, и потреблю силу царей языческих, и превращу колесницы и всадники, и снидут кони и всадницы их, кийждо во оружии на брата своего. 23 В той день, глаголет Господь Вседержитель, прииму тя, Зоровавелю Салафиилеву, рабе Мой, глаголет Господь, и положу тя яко печать, понеже тя избрах, глаголет Господь Вседержитель.

Книга пророка Захарии

1 Во осмый месяц, втораго лета, при Дарии, бысть слово Господне ко Захарии Варахиину, сыну Аддову, пророку, глаголя: 2 прогневался Господь на отцы ваша гневом велиим, 3 и речеши к ним: сице глаголет Господь Вседержитель: обратитесь ко Мне, глаголет Господь Сил, и обращуся к вам, глаголет Господь Сил. 4 И не будите, якоже отцы ваши, ихже обличаху пророцы прежнии, глаголюще: сице глаголет Господь Вседержитель: отвратитесь от путей ваших лукавых и от начинаний ваших злых: и не послушаша и не вняша послушати Мене, глаголет Господь (Вседержитель). 5 Отцы ваши где суть и пророцы? Еда во век поживут? 6 Обаче словеса Моя и законы Моя приемлете, елика Аз заповедаю в Дусе Моем рабом Моим пророком, иже постигнуша отцев ваших. И отвещаша и реша: якоже устави Господь Вседержитель сотворити нам по путем нашим и по начинанием нашим, тако сотвори нам. 7 В двадесять четвертый первагонадесять месяца, сей есть месяц Сават, во второе лето, при Дарии, бысть слово Господне ко Захарии Варахиину, сыну Аддову, пророку, глаголя: 8 видех нощию, и се, муж всед на коня рыжа, и сей стояше между горами осеняющими, и за ним кони рыжи и сери, и пестри и бели, 9 и рех: что сии, господи? И рече ко мне Ангел глаголяй во мне: аз покажу ти, что суть сия. 10 И отвеща муж стояй между горами и рече ко мне: сии суть, ихже посла Господь оыти землю. 11 И отвещаша Ангелу Господню стоящему между горами и реша: обыдохом всю землю, и се, вся земля населена есть и молчит. 12 И отвеща Ангел Господень и рече: Господи Вседержителю, доколе не имаши помилovati Иерусалима и грады Иудовы, яже презрел еси, сие седмьдесятое лето? 13 И отвеща Господь Вседержитель Ангелу глаголющему во мне глаголголы добры и словеса утешна. 14 И рече ко мне Ангел глаголяй во мне: возопий глаголя: сице глаголет Господь Вседержитель: ревновах по Иерусалиму и Сиону рвением великим, 15 и гневом велиим Аз гневаюся на языки нападающыя: зане Аз убо прогневахся мало, они же налегоса во злая. 16 Сего ради сице глаголет Господь: обращуся ко Иерусалиму щедротами, и храм Мой соизждется в нем, глаголет Господь Вседержитель, и мера протягнется во Иерусалиме еще. 17 И рече ко мне Ангел глаголяй во мне: еще возопий глаголя: сице глаголет Господь Вседержитель: еще прелиятися имут гради благиими, и помилует Господь еще Сиона и изберет еще Иерусалима. 18 И возведох очи мои и видех, и се, четыре рози, 19 и рех ко Ангелу глаголющему во мне: что суть сия, господи? И рече ко мне: сии рози расточивши Иуду и Израила и Иерусалима. 20 И показа ми Господь четыре древоделя. 21 И рех: что сии грядут сотворити, (господи)? И рече: сии рози расточивши Иуду, и Израила сокрушиша, и никтоже от них воздвиже главы: и изыдоша сии поострити я в руках своих четыре рози, языцы возносящии рог на землю Господню, еже расточити ю.

2 И возведох очи мои и видех, и се, муж, и в руке его уже землемерно. 2 И рех к нему: камо грядеши ты? И рече ко мне: размерити Иерусалима, еже видети, колика широта его есть и колика долгота. 3 И се, Ангел глаголяй во мне стояше, и ин Ангел исхождаше во сретение ему 4 и рече к нему глаголя: тецы и рцы к юноши оному глаголя: плодовито населитса Иерусалим от множества человеков и скотов, иже посреде его: 5 и Аз буду ему, глаголет Господь, стена огнена окрест и в славу буду посреде его. 6 О, о, бежите от земли северныя, глаголет Господь, зане от четырех ветров небесных соберу вы, глаголет Господь: 7 в Сион спасаетса, живущии во дщери Вавилонстей. 8 Зане сице глаголет Господь Вседержитель: вслед славы посла Мя на языки пленившыя вас, зане касайся вас яко касайся в зеницу ока Его: 9 зане, се, Аз наношу руку Мою на ня, и будут корысть работающим им, и уразумеете, яко Господь Вседержитель посла Мя. 10 Красуйся и веселися, дщи Сионя, зане, се, Аз гряду и вселюся посреде тебе, глаголет Господь. 11 И прибегнут языцы мнози ко Господу в той день и будут Ему в люди и вселятса посреде тебе, и уразумеши, яко Господь Вседержитель посла Мя к тебе. 12 И наследит Господь Иуду, участие Свое на земли святей, и изберет еще Иерусалима. 13 Да благоговет всяка плоть от лица Господня, яко воста из облак святых Своих.

3 И показа ми Господь Иисуса, иереа великаго, стояща пред лицом Ангела Господня, и диавол стояше одесную его, еже противитса ему. 2 И рече Господь ко диаволу: да запретит Господь тебе, диаволе, и да запретит Господь тебе, избравый Иерусалима: не се ли, сие яко главня исторжена из огня? 3 Иисус же бе оболчен в ризы гнусны и стояше пред лицом Ангела. 4 И отвеща и рече к стоящим пред лицом его глаголя: отимите ризы гнусныя от него. И рече к нему: се, отях от тебе беззакония твоя и грехи твоя очищу, и облещыте его в подир 5 и возложите кидар чист на главу его. И возложиша кидар чист на главу его и облекоша его в ризы. И Ангел Господень стояше, 6 и засвидетелствоваше Ангел Господень ко Иисусу глаголя: 7 сице глаголет Господь Вседержитель: аще в путех Моих пойдеши и повеления Моя сохраниши, и ты разсудиши храм Мой: и аще сохраниши двор Мой, и дам ти соображающыя посреде стоящих сих. 8 Послушай убо, Иисусе, иерею великий, ты и искреннии твои седящии пред лицом твоим, зане мужие дивозрителие суть: зане, се, Аз ввожду раба Моего Востока: 9 зане камень, егоже дах пред лицом Иисусовым, на камени едином седмь очес суть: се, Аз изрыю ров, глаголет Господь Вседержитель, и осяжу всю обиду земли оныя в день един. 10 В день оный, глаголет Господь Вседержитель, созовете кийждо искренняго своего под виноград и под смоковницу.

4 И обратиса Ангел глаголяй во мне и возведе мя, якоже егда встанет человек от сна своего, 2 и рече ко мне: что ты видиши? И рех: видех, и се, свещник злат весь, и светилце верху его, и седмь светилник верху его, и седмь чашиц светилником верхним его, 3 и две маслины верху его, едина одесную светилца его и едина ошуюю. 4 И вопросих и

рех ко Ангелу глаголющему во мне глаголя: что суть сия, господи? 5 И отвеща Ангел глаголяй во мне и рече ко мне глаголя: не разумеши ли, что суть сия? И рех: ни, господи. 6 И отвеща и рече ко мне глаголя: сие слово Господне к Зоровавелю глаголя: не в силе велицей, ни в крепости, но в Дусе Моем, глаголет Господь Вседержитель. 7 Что ты еси, горо великая, пред лицом Зоровавеля, еже исправили? И изнесу камень наследия, равенство благодати, благодать его. 8 И бысть слово Господне ко мне глаголя: 9 руце Зоровавелевы основаша храм сей и руце его совершат его: и уразумеши, яко Господь Вседержитель посла Мя к вам: 10 зане кто укорил тя есть во дни малы? И возрадуются, и увидят камень, иже от чистаго олова, в руку Зоровавеля: седьмь сия очеса Господня суть, призирающая на всю землю. 11 И отвещах и рех к нему: что суть две маслины сия, яже одесную свещника и ошуюю? 12 И вопросих вторицею и рех к нему: что суть две ветви масличны, яже в руку двух усекалиц златых возмывающих и возношающих чашицы златыя? 13 И рече ко мне глаголя: не веси ли, что суть сия? И рех: ни, господи. 14 И рече: сии два сынове тучности, яже предстоят Господевы всяя земли.

5 И обратихся и возведох очи мои и видех, и се, серп летящ. 2 И рече ко мне: что ты видиши? И рех: аз вижу серп летящ, в долготу лактей двадцать и в широту десяти лактей. 3 И рече ко мне: сия клятва исходящая на лице всяя земли: зане всяк тать от сего даже до смерти отмщен будет, и всяк кленыйся во лжу от сего до смерти отмстится. 4 И изнесу его, глаголет Господь Вседержитель, и внидет в дом татя и в дом кленущагося именем Моим во лжу, и вселится посреде дому его, и скончат его и древа его и камене его. 5 И изыде Ангел глаголяй во мне и рече ко мне: воззри очима твоима и видждь исходящее сие. И рех: 6 что есть? И рече: сия мера исходящая. И рече: сия неправда их по всей земли. 7 И се, талант оловян вземляйся, и се, жена едина седяше посреде меры. 8 И рече: сия есть беззаконие. И верже ю в средину меры и вверже камень оловяный во уста ея. 9 И возведох очи мои и видех, и се, две жены исходящыя, и дух в крилех их, и те имяху крила, яко криле вдововы: и взяша меру между землею и между небом. 10 И рех ко Ангелу глаголющему во мне: камо сия относят меру? 11 И рече ко мне: создати ей храмину в земли Вавилонстей и уготовати, и положить тамо на уготовление свое.

6 И обратихся и возведох очи мои и видех, и се, четыре колесницы исходящыя из средины двоих гор, горы же те беша горы медяны: 2 в колеснице первой кони рыжи, и в колеснице второй кони врани, 3 и в колеснице третьей кони бели, и в колеснице четвертей кони пестри скоры. 4 И отвещах и рех ко Ангелу глаголющему во мне: что суть сия, господи? 5 И отвеща Ангел глаголяй во мне и рече: сия суть четыре ветри небеснии, иже исходят предстати Господу всяя земли. 6 В нейже беху кони врани, исходядху на землю северскую, и белии исходядху вслед их, и пестрии исходядху на землю южную, 7 и скории исходядху и озираху еже ойти землю. И рече: идите, обидите землю. И обыдоша

землю. 8 И возопи и рече ко мне глаголя: се, исходящи на землю северскую упокоиша ярость Мою на земли северстей. 9 И бысть слово Господне ко мне глаголя: 10 приими, яже от плена от князей и от ключимых его и от разумевших его, и внидеши ты в день он в дом Иосии Софониина, грядущаго от Вавилона, 11 и примемши сребро и золото, и сотвориши венцы, и возложиши на главу Иисусу Иоседекову, иерею великому, 12 и речеши к нему: сице глаголет Господь Вседержитель: се, Муж, Восток имя Ему, и под Ним возсияет, и созиждет храм Господень: 13 и той примет добродетель, и сядет и возобладает на престоле Своем, и будет иерей одесную Его, и совет мирен будет между обома, 14 а венец будет терпящим и ключимым Ему и разумевшим Его, и в благодать сыну Софониину, и в псалом во храме Господни: 15 и издалеча от сих придут и созиждут во храме Господни, и уразумеете, яко Господь Вседержитель посла мя к вам: и будет, аще слушающе послушаете глас Господа Бога вашего.

7 И бысть в четвертое лето, при Дарии цари, бысть слово Господне ко Захарии в четвертый месяца девятаго, иже есть Хаселев. 2 И посла в Вефиль Сарасар и Арвесеер царь и мужие его молити Господа, 3 глаголя ко священником, иже во храме Господа (Бога) Вседержителя, и пророком, глаголя: аще вниде zde в пятый месяц святыня, (плача или постясь,) якоже сотворих уже многа лета. 4 И бысть слово Господа Вседержителя ко мне глаголя: 5 рцы ко всем людем земли и ко священником глаголя: аще поститесь или плачевольствисте в пятинах или седминах (месяца), и се, семьдесят лет, постом ли поститесь Ми? 6 И аще ясте или пиете, не вы ли ясте и пиете? 7 Не сия ли суть словеса, яже глагола Господь руками пророков прежних, егда бе Иерусалим населен и гобзующ, и гради его окрест, и нагорная и подольная населена бяху? 8 И бысть слово Господне ко Захарии глаголя: 9 сице глаголет Господь Вседержитель: суд праведен судите и милость и щедроты творите кийждо ко брату своему, 10 а вдовицы и сира, и пришелца и убога не насильствуйте, и злобы кийждо брата своего да не помнит в сердцах своих. 11 И не покоришася, еже внимати, и даша плещы презирающыя, и ушеса своя отяготиша, еже не слышати, 12 и сердце свое учиниша непокориво, не послушати закона Моего и словес, яже посла Господь Вседержитель Духом Своим рукою пророков прежних: и бысть гнев великий от Господа Вседержителя. 13 И будет, якоже рече, и не услышаша Его: сице возопиют, и не имам услышати, глаголет Господь Вседержитель: 14 и отвергу я во вся языки, иже не разумеша, и земля запустеет последи их от проходящаго и от возвращающагося: и учиниша избранную землю в запустение.

8 И бысть слово Господа Вседержителя (ко мне) глаголя: 2 сице глаголет Господь Вседержитель: ревновах по Иерусалиме и Сионе рвением великим и яростию великою ревновах по нем. 3 Тако глаголет Господь: обращуся к Сиону и вселюся посреде Иерусалима, и наречется Иерусалим град истинный, и гора Господа Вседержителя гора святая. 4

Сице глаголет Господь Вседержитель: еще съядут старцы и старицы на путех Иерусалимских, кийждо жезл свой имый в руке своей от множества дней: 5 и путие града исполнятся отрочищ и отроковиц играющих на путех его. 6 Сице глаголет Господь Вседержитель: аще изнеможет пред останком людей сих во онех днех, еда и предо Мною изнеможет? Глаголет Господь Вседержитель. 7 Сице глаголет Господь Вседержитель: се, аз спасу люди Моя от земли восточныя и от земли западныя 8 и введу их (в землю их), и вселюся посреде Иерусалима, и будут Ми в люди, и аз буду им в Бога во истине и в правде. 9 Сице глаголет Господь Вседержитель: да укрепятся руке вас слышавших во днех сих словеса сия от уст пророческих, от негоже дне основася храм Господа Вседержителя, и церковь отнележе создася. 10 Зане прежде дней онех мзда человеком не бе во успех, и мзда скотом не баше, и исходящему и входящему не бе мира от печали, и послю вся человеки коегождо на искренняго своего. 11 И ныне не по днем онем прежним аз сотворю останку людей сих, глаголет Господь Вседержитель, 12 но покажу мир: виноград даст плод свой, и земля даст жита своя, и небо даст росу свою, и наследити сотворю останком людей Моих сих вся сия. 13 И будет, яко бесте в клятве во языцех, доме Иудов и доме Израилев, тако спасу вы, и будете в благословении: дерзайте и укрепляйтесь руками вашими. 14 Зане сице глаголет Господь Вседержитель: якоже помыслих озлобити вы, внегда прогневаша Мя отцы ваши, глаголет Господь Вседержитель, и не раскаяхся: 15 тако оставих и умыслих во дни сия добро сотворити Иерусалиму и дому Иудову: дерзайте. 16 Сия словеса, яже сотворите: глаголите истину кийждо искреннему своему, истину и суд мирен судите во вратах ваших, 17 и кийждо злобы искренняго своего не помышляйте в сердцах ваших, и клятвы лживыя не любите, зане вся сия возненавидех, глаголет Господь Вседержитель. 18 И бысть слово Господа Вседержителя ко мне глаголя: 19 сице глаголет Господь Вседержитель: пост четвертый и пост пятый, и пост седмый и пост десятый будут дому Иудову в радость и в веселие и в праздники благи: и возвеселитесь и истину и мир возлюбите. 20 Сице глаголет Господь Вседержитель: еще людие мнози приидут и живущии во градах многих: 21 и снудутся живущии во пяти градах во един град, глаголюще: грядим помолитися лицу Господню и взыскати лице Господа Вседержителя: иду и аз. 22 И приидут людие мнози и языцы мнози взыскати лица Господа Вседержителя во Иерусалиме и умолити лице Господне. 23 Сице глаголет Господь Вседержитель: во оны дни имется десять мужей от всех племен языческих, и имутся за ризу мужа Иудеанина, глаголюще: пойдем с тобою, зане слышахом, яко Бог с вами есть.

9 Пророчество словесе Господня в земли Седраха и Дамаска жертвы его: зане Господь призирает на человеки и на вся колена Израилева, 2 и во Имафе в пределех его Тир и Сидон, яко умудреша зело. 3 И созда Тир твердыни себе и собра сребро яко персть и злато яко брение путей. 4 Сего ради Господь наследит я и поразит в море силу его, и

той огнем поястся. 5 Увидит Аскалон и убоится, и Газа и поболит зело, и Аккарон, яко постыдеса о уповании своем: и погибнет царь от Газы, и Аскалон не имать населитися. 6 И вселятся иноплеменницы во Азоте, и разрушу досаждение иноплеменников, 7 и изму кровь их из уст их и мерзости их из середины зубов их, и оставятся и сии Богу нашему и будут яко тысячник во Иуде, и Аккарон якоже Иевусей. 8 И подставлю храму Моему воздвижение, еже не сквозе ходити, ниже возвращатися, и ктому не имать приити на ня изгоняяй: яко ныне видех очима Моима. 9 Радуйся зело, дщи Сионя, проповедуй, дщи Иерусалимля: се, Царь твой грядет тебе праведен и спасаей, той кроток и всед на подаяремника и жребца юна. 10 И потребит колесницы от Ефрема и кони от Иерусалима, и потребит лук бранный, и множество, и мир от языков: и обладает водами от моря до моря и от рек до исходящ земли. 11 И ты в крови завета твоего испустил еси узники твоя от рова не имуща воды. 12 Сядите в тверделех, связаны сонмища, и за един день пришествия твоего сугубо воздам ти. 13 Занеже напрягох тя Себе, Иудо, яко лук, исполних Ефрема, и воздвигну чада твоя, Сионе, на чада Еллинска, и осяжу тя яко меч ратника. 14 И Господь на них явится, и изыдет яко молния стрела Его: и Господь Бог Вседержитель в трубу вострубит и пойдет в шуме прещения своего. 15 Господь Вседержитель защитит их, и поядят я, и посыплют их камением пращным, и испиют кровь их яко вино, и исполнят окрины яко жертвенник. 16 И спасет я Господь Бог их в день он, яко овцы люди Своя: зане камень свято валяется на земли Его. 17 Аще что благо его, и аще что добро его, пшеница юношам и вино благоуханно девам.

10 Просите от Господа дождя во время раняго и поздняго: Господь сотвори привидения, и дождь зимен даст им, комуждо злак на селе. 2 Зане провещающии глаголаша труды, и вражбители видения ложна и сония лжива глаголаху, суетными утешаху: сего ради изсхоша яко овцы, и озлоблени быша, понеже не бе изцеления. 3 На пастырей прогнеवासя ярость Моя, и на агнцы посещу: и посетит Господь Бог Вседержитель стадо Свое, дом Иудин, и учинит я аки коня благолепна Своего во брани. 4 И от него призре, и от него учини, и от него лук в душе ярости, и от него изыдет всяк изгоняй в том. 5 И будут яко ратницы попирающе брение на путех во брани, и ополчатся, яко Господь с ними, и постыдятся всадницы конни. 6 И укреплю дом Иудов и дом Иосифов спасу, и вселю я, понеже возлюбих я, и будут аки бы не отвратих их: зане аз Господь Бог их и услышу я. 7 И будут яко ратницы Ефремовы, и возрадуется сердце их аки от вина: и чада их увидят и возвеселятся, и возрадуется сердце их о Господе. 8 Возвещу им и приму я, зане искуплю их, и умножатся, якоже бяху мнози: 9 и всею я в людех, и дальнии помянут Мя, и воспитают чада своя, и обратятся: 10 и возвращу я от земли Египетския и от Ассириан приму я, и в Галаадит и в Ливан введу я, и не имать остати от них ни един. 11 И пройдут морем узким и поразят в мори волны, и изсякнут вся глубины речныя, и отимется всяко досаждение Ассирийско, и скиптр Египетск отимется. 12 И укреплю я о Где Бозе их, и о имени Его восхвалятся, глаголет Господь.

11 Разверзи, Ливане, двери твоя, и да пояст огонь кедры твоя: 2 да плачевольствит питис, зане паде кедр, яко вельможи вельми обеднеша. Восплачевольствите, дуби Васанитидстии, яко посечеса дубрава насажденная. 3 Глас плачущих пастырей, яко возбедствова величие их: глас рыкающих львов, яко озлоблено бысть шатание Иорданово. 4 Сице глаголет Господь Вседержитель: пасите овцы заклонения, 5 яже стяжавши закалаху и не раскаявахуся, и продающеи я глаголаху: благословен Господь, и обогатихомся: и пастырие их не печухуся ни чимже о них. 6 Сего ради не пощаждо ктому на живущих на земли, глаголет Господь: и се, Аз предам человеки, коегождо в руце искреннему его и в руце царю своему: и изсекут землю, и не имам изяти от руки их. 7 И упасу овцы заклонения в земли Ханаани: и приму Себе два жезла, единого нарекох доброту, а другого нарекох уже, и упасу овцы. 8 И погублю три пастыри в месяц един, и отягает душа Моя на ня: ибо души их рыкаху на Мя. 9 И рех: не имам пасти вас: умирающее да умрет, и исчезающее да исчезнет, и прочая да пояст кийждо плоть ближняго своего. 10 И приму жезл Мой добрый и отвергу его еже разорити завет Мой, егоже завещах ко всем людем: 11 и разорити в день оный, и уразумеют Хананеи овцы хранимыя Мне, зане слово Господне есть. 12 И реку к ним: аще добро пред вами есть, дадите мзду Мою, или отречетесь. И поставиша мзду Мою тридесять сребреник. 13 И рече Господь ко мне: вложи я в горнило и смотри, аще искушено есть, имже образом искушен бых о них. И приях тридесять сребреник и вложил их в храм Господень в горнило. 14 И отвергох жезл вторый уже, еже разорити завет иже посреде Иуды и посреде Израиля. 15 И рече Господь ко мне: еще приими себе сосуды пастырски, пастыря неискусна: 16 зане, се, Аз воздвигну пастыря на землю: погибающего не посетит и расточеннаго не имать взыскаи, и сокрушеннаго не имать изцелити и здраваго не имать направить, и мяса избранных пояст и глезны их извиеет. 17 О, пасущии суетная и оставльшии овец! Мечь на мышцу его и на око ему десное: мышца его изсыхающеи изсхнет, и око ему десное ослепая ослепнет.

12 Пророчество словесе Господня на Израиля, глаголет Господь, прострый небо и основаяя землю и созидаая дух человека в нем: 2 се, Аз полагаю Иерусалима яко преддверия движимая всем людем окрест, и во Иудеи будет обседение на Иерусалима: 3 и будет в день оный, положу Иерусалима камень попираемый всеми языки: всяк попираяя его ругаяся поругаетя, и соберутся нань вси языки земли. 4 В день он, глаголет Господь Вседержитель, поражу всякаго коня во ужас и всадника его в безумие: и на дом Иудов отверзу очи Мои и вся кони людий поражу во ослепление. 5 И рекут тысящницы Иудины вси в сердцах своих: обращем себе живущыя во Иерусалиме о Господе Вседержители Бозе их. 6 В день он положу тысящники Иудины яко главню огненну в дровах и яко свещу огненну в стеблии, и поядят одесную и ошуюю вся люди окрест: и населитя Иерусалим еще по себе во Иерусалиме: 7 и

спасет Господь селения Иудова якоже исперва, яко да не величается похвала дому Давидова и величания живущих во Иерусалиме на Иуду. 8 И будет в день он, защитит Господь живущих во Иерусалиме: и будет немощный в них в той день яко Давид, а дом Давидов яко дом Божий, якоже Ангел Господень пред ними. 9 И будет в день он, взыщу изяти вся языки грядущыя на Иерусалим, 10 и излию на дом Давидов и на живущыя во Иерусалиме дух благодати и щедрот, и воззрят Нань, Егоже прободоша, и восплачутся о Нем плаканием яко о возлюбленном, и побоят о Нем болезнию яко о первенце. 11 В день он возвеличится плачевольствие во Иерусалиме, яко плачевольствие Ададримона на поли Магедоне. 12 И восплачется земля по племени племени: колено о себе, и жены их о себе: колено дому Давидова о себе и жены их о себе: 13 колено дому Нафанова о себе, и жены их о себе: колено дому Левиина о себе, и жены их и себе: колено Симеоне о себе, и жены их о себе: 14 вся прочая колена, колено и колено о себе, и жены их о себе.

13 В день он будет всяко место отверзаемо дому Давидову и живущим во Иерусалиме в предвижение и разделение. 2 И будет в день он, глаголет Господь Саваоф, потреблю имена идолов от земли, и ктому не будет их памяти: и лживыя пророки и духа нечистаго изму от земли. 3 И будет, аще проречет человек еще, и речет к нему отец его и мати его, рождши его, внегда пророчествовати ему: не жив будещи, яко лжу глаголах еси во имя Господне: и запнут ему отец его и мати его, родившии его, егда пророчествовати начнет. 4 И будет в день он, постыдятся пророцы, кийждо от видения своего, внегда пророчествовати ему, и облукутся в кожу власяную, зане солгаша. 5 И речет: несмы пророк аз, яко человек делаюя землю аз есмь, зане человек роди мя от юности моея. 6 И реку к нему: что языки посреде руку твою? И речет: имже уязвлен бых в дому возлюбленнаго моего. 7 Мечу, востани на пастыря Моего и на мужа гражданина Моего, глаголет Господь Вседержитель: порази пастыря, и расточатся овцы стада: и наведу руку Мою на (малыя) пастыри. 8 И будет в день он на всей земли, глаголет Господь, две части ея потребятся и исчезнут, а третия останется на ней: 9 и проведу третию часть сквозе огонь, и разжгу я, якоже разжизается серебро, и искушу я, якоже искушается золото: той призовет имя Мое, и Аз услышу его и реку: людие Мои сии суть. И ти рекут: Господь Бог мой.

14 Се, дние Господни грядут, и разделятся корысти твоя в тебе: 2 и соберу вся языки на Иерусалим в брань, и пленится град, и расхитятся домовы, и жены осквернятся: и изыдет пол града в пленение, а остаток людий Моих не потребятся от града. 3 И изыдет Господь и ополчится на языки оны, якоже день ополчения его в день брани. 4 И станут нозе Его в день он на горе Елеонстей, яже есть прямо Иерусалиму на восток: и разделится гора Елеонская, пол ея к востоком и пол ея к морю, пропасть велия зело: и уклонится пол горы на север и пол ея на юг: 5 и засыплется дбрь гор Моих, и прильпнет дбрь горняя даже до Асаила

и наполнится, якоже наполнися от лица труса во днех Озии царя Иудова: и приидет Господь Бог мой, и вси святии с Ним. 6 И будет в день он, не будет свет, но зима и мраз: 7 и будет день един, и день той знаемя будет Господеву, и не день и не ночь, и при вечере будет свет. 8 И в день он изыдет вода жива из Иерусалима, пол ея в море первое и пол ея в море последнее: и в жатву и в весну будет тако. 9 И будет Господь в Царя по всей земли: в день он будет Господь един, и имя Его едино, 10 обходя всю землю и пустыню, от Гаваи и до Реммона, на юг Иерусалиму: и вознесется на месте и пребудет от врат Вениаминих до места врат первых, даже до врат угольных и до столпа Анамеиля и до подточилия царева. 11 И вселятся в нем, и анафема не будет ктому, и вселится Иерусалим надеяйся. 12 И сие будет падение, имже иссечет Господь вся люди, елицы воеваша на Иерусалим: истают плоти их стоящих на ногах своих, и очеса им истекут из обочий их, и язык их истает во устех их. 13 И будет в день он ужас Господень велий на них: и имутся кийждо за руку ближняго своего, и соплетется рука его к руце ближняго своего. 14 И Иуда ополчится во Иерусалиме и соберет крепость всех людий окрест, злато и сребро и ризы во множество зело. 15 И сие будет падение конем и мском, и велблюдом и ослом, и всем скотом сущым в полцех оных, по падению сему. 16 И будет, елицы аще останутся от всех язык пришедших на Иерусалим, и въздут на всякое лето поклоняться Царю Господу Вседержителю и праздновати праздник скинопигии. 17 И будет, елицы аще не въздут от всех племен земли во Иерусалим поклонитися Царю Господу Вседержителю, и сии онем приложатся, не будет на них дождя. 18 Аще же колено Египетское не въздет, ни приидет, и на сих будет язва, еюже поразит Господь вся языки, елицы аще не въздут, еже праздновати праздник скинопигии. 19 Сей будет грех Египту и грех всем языком, елицы аще не въздут, еже праздновати праздник скинопигии. 20 В день он будет еже во узде коня, свято Господу Вседержителю: и будут коноби в дому Господни яко чашы пред лицем олтаря, 21 и будет всяк коноб во Иерусалиме и во Иуде свят Господеву Вседержителю: и приидут вси жрущии и примут от них и сварят в них, и не будет Хананей ктому во храме Господа Вседержителя в день он.

Книга пророка Малахии

1 Пророчество словесе Господня на Израиля рукою ангела
Его: положите убо на сердцах ваших. **2** Возлюбих вы, глаголет Господь. И ресте: о чем возлюбил еси ны? Не брат ли бе Исав Иакову? Глаголет Господь: и возлюбих Иакова, Исава же возненавидех, **3** и учиних пределы его во исчезновение и достояние его в нырища пустынна. **4** Зане аще речет: Идумеа разорися, и обратимся и возсозиждем опустевшая ея: сице глаголет Господь Вседержитель: тии созиждут, и Аз разорю, и нарекутся им пределе беззакония, и людие, на няже ополчился Господь до века. **5** И очеса ваша увидят, и вы речете: возвеличился Господь превыше предел Израилевых. **6** Сын славит отца, и раб господина своего убоится: а аще Отец есмь Аз, то где слава Моя? И аще Господь есмь Аз, то где есть страх Мой? Глаголет Господь Вседержитель. Вы священники презирающи имя Мое. И ресте: о чем презрехом имя Твое? **7** Приносяще ко олтареву Моему хлебы скверны. И ресте: о чем осквернихом я? Внегда глаголати вам: трапеза Господня осквернена есть: и возложенная брашна уничтожили есте. **8** Зане аще приведете слепо на жертву, не зло ли? И аще приведете хромо или недужно, то не зло ли? Приведи е князю твоему, еда приимет е? Еда примет лице твое? Глаголет Господь Вседержитель. **9** И ныне умилостивите лице Бога вашего и помолитесь Ему, (да помилует вы). В руках ваших быша сия, аще прииму от вас лица ваша? Глаголет Господь Вседержитель. **10** Зане и в вас затворятся двери, и не возгнетите огня олтареву Моему туне: несть воля Моя в вас, глаголет Господь Вседержитель, и жертвы не прииму от рук ваших. **11** Зане от восток солнца и до запад имя Мое прославися во языцех, и на всячем месте фимиам приносится имени Моему и жертва чиста: зане велие имя Мое во языцех, глаголет Господь Вседержитель. **12** Вы же скверните е глаголюще: трапеза Господня осквернена есть, и возлагаемая брашна его уничтожена быша. **13** И ресте: сия от злострадания суть. И отдунух я, глаголет Господь Вседержитель. И внесосте хищения и хромая и недужная, и приведете я на жертву, еда прииму их от рук ваших? Глаголет Господь Вседержитель. **14** И проклят, иже бе силен, и бе ему в стаде его мужеск пол, и обет его на нем, и жрет растленное Господеви: зане Царь велий Аз есмь, глаголет Господь Вседержитель, и имя Мое светло во языцех.

2 И ныне заповедь сия к вам, священники: **2** аще не услышите и аще не положите на сердцах ваших, еже дати славу имени Моему, глаголет Господь Вседержитель, то пошлю на вы клятву и проклену благословение ваше и оклену е: и разорю благословение ваше, и не будет в вас, зане вы не влагаете в сердца ваша. **3** Се, Аз отлучу вам рамо, и раскидаю требухи на лица ваша, требухи праздников ваших, и прииму вы вкупе: **4** и уразумеете, яко Аз Господь послах к вам заповедь сию, еже быти завету Моему к Левитом, глаголет Господь Вседержитель. **5** Завет Мой бе с ним жизни и мира, и дах ему боязнию бояться

Мене и от лица имени Моего устрашится ему. **6** Закон истины бе во устех его, и неправда не обретется во устнах его: в мире исправляяй иде со Мною и многи обрати от неправды. **7** Понеже устне иереовы сохраняют разум, и закона взыщут от уст его: яко ангел Господа Вседержителя есть. **8** Вы же уклонитесь от пути и изнемошествовисте многих в законе, растлисте завет Левин, глаголет Господь Вседержитель. **9** И Аз дах вы уничижены и отвержены во вся языки, зане вы не сохранисте путей Моих, но лиц обинустесь в законе. **10** Не Отец ли един всем вам? Не Бог ли един созда вас? Что яко остависте кийждо брата своего, осквернити завет отец ваших? **11** Оставлен бысть Иуда, и мерзость бысть во Израили и во Иерусалиме: зане оскверни Иуда святая Господня, яже возлюби, и преиде к богом чуждим. **12** Потребит Господь человека творящаго сия, дондеже смирится от селений Иаковлих и от приносящих жертву Господу Вседержителю. **13** И сия, яже ненавидох, твористе: покрывасте слезами олтарь Господень, и плачем и въздыханием от трудов: еще ли достойно призрети на жертву (вашу), или прияти приятно из рук ваших? **14** И ресте: чесо ради? Яко Господь засвидетелствова между тобою и между женою юности твоея, юже оставил еси, и та общница твоя и жена завета твоего: **15** и не добро ли сотвори, и останок духа его? И ресте: что ино кроме семене ищет Бог? И сохраните духом вашим и жены юности твоея да не оставиши: **16** но аще возненавидев отпустиши ю, глаголет Господь Бог Израилев, и покрывает нечестие помышления твоя, глаголет Господь Вседержитель: и сохраните духом вашим и не оставите. **17** Прогневляющи Бога словесы вашими, и ресте: о чем прогневахом Его? Зане ресте: всяк творяй зло добр пред Господем, и в них Сам благоволи: и где есть Бог правды?

3 Се, Аз посылаю Ангела Моего, и призрит на путь пред лицем Моим: и внезапно приидет в церковь Свою Господь, Егоже вы ищете, и Ангел завета, Егоже вы хотите: се, грядет, глаголет Господь Вседержитель. **2** И кто стерпит день пришествия Его? И кто стоит в видении Его? Зане Той входит яко огонь горнила и яко мыло перущих. **3** И сядет разваряя и очищая яко серебро и яко золото, и очистит сыны Левиины, и прелиет я яко золото и яко серебро: и будет Господеви приносяще жертву в правде. **4** И угодна будет Господеви жертва Иудова и Иерусалимля, якоже дние века и якоже лета предняя. **5** И прииду к вам с судом, и буду свидетель скор на чародеи и на прелюбодейцы, и на кленущыя именем Моим во лжу и на лишающыя мзды наемника, и на насильствующыя вдовиц и пхающыя сирья, и на укланяющыя суд пришелца и на небозящыя Мене, глаголет Господь Вседержитель: **6** зане Аз Господь Бог ваш, и не изменяюся, и вы сынове Иаковли не удалаетесь от грех отец ваших. **7** Уклонитесь от законов Моих и не сохранисте: обратисте ко Мне, и обращуся к вам, глаголет Господь Вседержитель. И ресте: в чем обратимся? **8** Еда обольстит человек Бога? Зане вы обольщаете Мя. И ресте: в чем обольстихом Тя? Яко десятины и начатцы с вами суть. **9** И взирающе вы взираете, и Мене вы обольщаете.

10 Лето скончася, и внесосте вся плоды в сокровища, и будет расхищение Его в дому Его: обратитесь убо о сем, глаголет Господь Вседержитель: аще не отверзу вам хлябий небесных и излию вам благословение Мое, дондеже удволитесь: 11 и разделю вам в брашно, и не имам истлители вам плодов земных, и не изнеможет ваш виноград на селе, глаголет Господь Вседержитель: 12 и убожат вы вси языцы, зане будете вы земля пожеланная, глаголет Господь Вседержитель. 13 Отяготисте на Мя словеса ваша, глаголет Господь (Вседержитель). И ресте: о чем клеветаем на Тя? 14 Ресте: суетен работаяй Богу, и что более, яко сохранихом храненияя Его и яко идохом молитвенницы пред лицом Господа Вседержителя? 15 И ныне мы блажим чуждых, и созидаются вси творящии беззаконная, сопротивишася Богови и спасошася. 16 Сия рекоша боящиися Господа, кийждо ко искреннему своему: и внят Господь, и услыша, и написа книгу памяти пред Собою боящимся Господа и благоговеющим имя Его. 17 И будут Ми, глаголет Господь Вседержитель, в день, егоже Аз творю в снабдение, и изберу я, имже образом избирает человек сына своего (добре) работающа ему. 18 И обратитесь и увидите между праведным и между беззаконным, и между служащим Богови и не служащим Ему.

4 Яко се, день грядет горящъ яко печь и попалит я, и будут вси иноплеменницы и вси творящии беззаконная яко стеблие: и возжет я день Господень грядый, глаголет Господь Вседержитель, и не останется от них корень ниже ветвь. 2 И возсияет вам боящимся имене Моего Солнце правды и изцеление в крилах Его: и изыдете и възграете, якоже телцы от уз разрешени: 3 и попереете беззаконники, и будут пепел под ногами вашими в день, в оныйже Аз сотворю, глаголет Господь Вседержитель. 4 Помяните закон Моисеа раба Моего, якоже повелех ему в Хориве ко всему Израилу повеления и оправдания. 5 И се, Аз пошлю вам Илию Фесвитянина, прежде пришествия дне Господня великаго и просвещеннаго, 6 иже устроит сердце отца к сыну и сердце человека ко искреннему его, да не пришед поражу землю в конец.

NEW TESTAMENT



*Иисус же глаголаше: Отче, отпусти им: не ведают бо что творят.
Разделяюще же ризы Его, метяху жребия.
От Луки святое благовествование 23:34*

От Матфея святое благовествование

1 Книга родства Иисуса Христа, Сына Давидова, Сына Авраамля. **2** Авраам роди Исаака. Исаак же роди Иакова. Иаков же роди Иуду и братию его. **3** Иуда же роди Фареса и Зару от Фамары. Фарес же роди Есрома. Есром же роди Арама. **4** Арам же роди Аминадава. Аминадав же роди Наассона. Наассон же роди Салмона. **5** Салмон же роди Вооза от Рахавы. Вооз же роди Овида от Руфы. Овид же роди Иессеа. **6** Иессей же роди Давида царя. Давид же царь роди Соломона от Уриины. **7** Соломон же роди Ровоама. Ровоам же роди Авию. Авия же роди Асу. **8** Аса же роди Иосафата. Иосафат же роди Иорама. Иорам же роди Озию. **9** Озия же роди Иоафама. Иоафам же роди Ахаза. Ахаз же роди Езекию. **10** Езекиа же роди Манассию. Манассиа же роди Амона. Амон же роди Иосию. **11** Иосия же роди Иехонию и братию его, в преселение Вавилонское (в неких греч.: Иосия же роди Иоакима и братию его. Иоаким же роди Иехонию в преселение Вавилонское.). **12** По преселении же Вавилонстем, Иехониа роди Салафилия. Салафииль же роди Зоровавеля. **13** Зоровавель же роди Авиуда. Авиуд же роди Елиакима. Елиаким же роди Азора. **14** Азор же роди Садока. Садок же роди Ахима. Ахим же роди Елиуда. **15** Елиуд же роди Елеазара. Елеазар же роди Матфана. Матфан же роди Иакова. **16** Иаков же роди Иосифа, мужа Мариина, из Неяже родися Иисус, глаголемый Христос. **17** Всех же родов от Авраама до Давида родове четырнадцать: и от Давида до преселения Вавилонскаго родове четырнадцать: и от преселения Вавилонскаго до Христа родове четырнадцать. **18** Иисус Христово Рождество сице бе: обрученной бо бывши Матери Его Марии Иосифови, прежде даже не снитися има, обретесе имущи во чреве от Духа Свята. **19** Иосиф же муж Ея, праведен сый и не хотя Ея обличити, восхоте тай пустити Ю. **20** Сия же ему помыслившу, се, Ангел Господень во сне явися ему, глаголя: Иосифе, сыне Давидов, не убойся прияти Мариам жены твоея: рождшеебоя в Ней, от Духа есть Свята: **21** родит же Сына, и наречеши имя Ему Иисус: Той бо спасет люди Своя от грех их. **22** Сие же все бысть, да сбудется реченное от Господа пророком, глаголющим: **23** се, Дева во чреве примет и родит Сына, и нарекут имя Ему Еммануил, еже есть сказаемо: с нами Бог. **24** Встав же Иосиф от сна, сотвори якоже повеле ему Ангел Господень, и прият жену свою, **25** и не знаяше Ея, дондеже роди Сына Своего первенца, и нарече имя Ему Иисус.

2 Иисусу же рождшуся в Вифлееме Иудейстем во дни Ирода царя, се, волсви от восток приидоша во Иерусалим, глаголюще: **2** где есть рождейся Царь Иудейский? Видехом бо звезду Его на востоце и приидохом поклонитися Ему. **3** Слышав же Ирод царь смутися, и весь Иерусалим с ним. **4** И собрав вся первосвященники и книжники людския, вопрошаше от них: где Христос раждается? **5** Они же

рекоша ему: в Вифлееме Иудейстем, тако бо писано есть пророком: **6** и ты, Вифлееме, земле Иудова, ни чимже менши еси во владыках Иудовых: из тебе бо изыдет Вождь, Иже упасет люди Моя Израиля. **7** Тогда Ирод тай призва волхвы, и испытываше от них время явльшиися звезды, **8** и послав их в Вифлеем, рече: шедше испытайте известно о Отрочати: егда же обрящете, возвестите ми, яко да и аз шед поклонюся Ему. **9** Они же послушавше царя, идоша. И се, звезда, юже видеша на востоце, идяше пред ними, дондеже пришедши ста веру, идеже бе Отроча. **10** Видевше же звезду, возрадовашася радостно велию зело, **11** и пришедше в храмину, видеша Отроча с Мариною Материю Его, и падше поклонишася Ему: и отверзше сокровища своя, принесоша Ему дары, злато и ливан и смирну. **12** И весть приемше во сне не возвратитися ко Ироду, иным путем отидоша во страну свою. **13** Отшедшым же им, се, Ангел Господень во сне явися Иосифу, глаголя: встав поими Отроча и Матерь Его, и бежи во Египет, и буди тамо, дондеже реку ти: хочет бо Ирод искати Отрочате, да погубит Е. **14** Он же встав, поят Отроча и Матерь Его нощию, и отиде во Египет, **15** и бе тамо до умертвия Иродова: да сбудется реченное от Господа пророком, глаголющим: от Египта возвах Сына Моего. **16** Тогда Ирод видев, яко поруган бысть от волхвов, разгнеवासя зело и послав избви вся дети сущыя в Вифлееме и во всех пределех его, от двою лету и ниже, по времени, еже известно испита от волхвов. **17** Тогда сбывается реченное Иеремием пророком, глаголющим: **18** глас в Раме слышан бысть, плачь и рыдание и вопль мног: Рахиль плачущися чад своих, и не хотяше утешиться, яко не суть. **19** Умершу же Ироду, се, Ангел Господень во сне явися Иосифу во Египте, **20** глаголя: встав поими Отроча и Матерь Его И иди в землю Израилеву, изомроша бо ищущи души Отрочате. **21** Он же встав, поят Отроча и Матерь Его и прииде в землю Израилеву. **22** Слышав же, яко Архелай царствует во Иудеи вместо Ирода отца своего, убояся тамо ити: весть же прием во сне, отиде в пределы Галилейския **23** и пришед вселися во граде нарицаемом Назарет: яко да сбудется реченное пророки, яко Назорей наречется.

3 Во дни же оны прииде Иоанн Креститель, проповеда в пустыни Иудейстей **2** и глаголя: покайтесь, приближибося Царствие Небесное. **3** Сей бо есть реченный Исаием пророком, глаголющим: глас вопиющаго в пустыни: уготовайте путь Господень, правы творите стези Его. **4** Сам же Иоанн имаше ризу свою от влас велблудь и пояс усмен о чреслах своих: снедь же его бе пужие и мед дивий. **5** Тогда исхождаше к нему Иерусалима, и вся Иудея, и вся страна Иорданская, **6** и крещашася во Иордане от него, исповедающе грехи своя. **7** Видев же (Иоанн) многи фарисеи и саддукеи грядущыя на крещение его, рече им: рождения ехиднова, кто сказа вам бежати от будущаго гнева? **8** Сотворите убо плод достоин покаяния, **9** и не начинайте глаголати в себе: отца имамы Авраама: глаголю бо вам, яко может Бог от камня сего воздвигнути чада Аврааму: **10** уже бо и секира при корени древа лежит: всяко убо древо,

еже не творит плода добра, посекаемо бывает и во огонь вметаемо: 11 аз убо крещая вы водою в покаяние: Грядый же по мне креплий мене есть, Емуже несъм достоин салоги понести: Той вы крестит Духом Святым и огнем: 12 емуже лопата в руже Его, и отребит гумно Свое, и соберет пшеницу Свою в житницу, плевы же сожжет огнем негасающим. 13 Тогда приходит Иисус от Галилеи на Иордан ко Иоанну креститися от него. 14 Иоанн же възбраняше Ему, глаголя: аз требую Тобою креститися, и Ты ли грядеши ко мне? 15 Отвещав же Иисус рече к нему: остави ныне: тако бо подобает нам исполнити всяку правду. Тогда остави Его. 16 И крестився Иисус възде абие от воды: и се, отверзошася Ему небеса, и виде Духа Божия сходяща яко голубя и грядуща на Него. 17 И се, глас с небесе глаголя: Сей есть Сын Мой возлюбленный, о Немже благоволих.

4 Тогда Иисус возведен бысть Духом в пустыню искуситися от диавола, 2 и постився дний четьредесять и нощй четьредесять, последи взалка. 3 И приступль к Нему искуситель рече: аще Сын еси Божий, рцы, да камень сие хлебы будут. 4 Он же отвещав рече: писано есть: не о хлебе едином жив будет человек, но о всяцем глаголголе исходящем изо уст Божиих. 5 Тогда поят Его диавол во святыи град, и постави Его на криле церковнем, 6 и глагола Ему: аще Сын еси Божий, верзися низу: писано бо есть, яко Ангелом Своим заповесть о Тебе (сохранити Тя), и на руках возмут Тя, да не когда преткнеши о камень ногу Твою. 7 Рече (же) ему Иисус: паки писано есть: не искусиши Господа Бога твоего. 8 Паки поят Его диавол на гору високу зело, и показа Ему вся царствия мира и славу их, 9 и глагола Ему: сия вся Тебе дам, аще пад поклонимися. 10 Тогда глагола ему Иисус: иди за Мною, сатано: писано бо есть: Господу Богу твоему поклонишия и Тому единому послужиши. 11 Тогда остави Его диавол, и се, Ангели приступиша и служаху Ему. 12 Слышав же Иисус, яко Иоанн предан бысть, отиде в Галилею, 13 и оставль Назарет, пришед вселися в Капернаум в поморие, в пределех Завулоних и Неффалимлих: 14 да сбудется реченное Исаием пророком, глаголющим: 15 земля Завулоня и земля Неффалимля, путь моря об он пол Иордана, Галилея язык, 16 людие седящии во тме видеша свет велии, и седящым в стране и сени смертней, свет возсия им. 17 Оттоле начат Иисус проповедати и глаголати: покайтеся, приближися бо Царство Небесное. 18 Ходя же при мори Галилйестем, виде два брата, Симона глаголемаго Петра, и Андреа брата его, вметающа мрежи в море, беста бо рыбаля: 19 и глагола има: грядита по Мне, и сотворю вы ловца человеком. 20 Она же абие оставльша мрежи, по Нем идоста. 21 И прешед оттуду, виде ина два брата, Иакова Зеведеева, и Иоанна брата его, в корабли с Зеведеом отцем ею, завязующа мрежи своя, и воззва я. 22 Она же абие оставльша корабль и отца своего, по Нем идоста. 23 И прохождаше всю Галилею Иисус, учя на сонмищих их и проповеда Евангелие Царствия, изцеляя всяк недуг и всяку язю в людех. 24 И изыде слух Его по всей Сирии: и приведоша к Нему вся болящия, различными

недуги и страстьми одержимы, и бесны, и месячныя, и разслабленныя (жилами): и изцели их. 25 И по Нем идоша народи мнози от Галилеи и десяти град, и от Иерусалима и Иудеи, и со онаго полу Иордана.

5 Узрев же народы, възде на гору: и седшу Ему, приступиша к Нему ученицы Его. 2 И отверз уста Своя, учаще их, глаголя: 3 блажени нищии духом: яко тех есть Царствие Небесное. 4 Блажени плачущии: яко тии утешатся. 5 Блажени кротцыи: яко тии наследят землю. 6 Блажени алчущии и жаждущии правды: яко тии насытятся. 7 Блажени милостивии: яко тии помиловани будут. 8 Блажени честию сердцем: яко тии Бога узрят. 9 Блажени миротворцы: яко тии сынове Божии нарекутся. 10 Блажени изгнани правды ради: яко тех есть Царствие Небесное. 11 Блажени есте, егда поносят вам, и ижденут, и рекут всяк зол глагол на вы лжуще, Мене ради: 12 радуйтесе и веселитесе, яко мзда ваша многа на небесех: тако бо изгнаша пророки, иже (беша) прежде вас. 13 Вы есте соль земли: аще же соль обуюет, чим осолится? Ни во чтоже будет ктому, точию да изсыпана будет вон и попираема человеки. 14 Вы есте свет мира: не может град укрытися верху горы стоя: 15 ниже вжигают светилника и поставляют его под спудом, но на свещнице, и светит всем, иже в храмине (суть). 16 Тако да просветится свет ваш пред человеки, яко да видят ваша добрая дела и прославят Отца вашего, Иже на небесех. 17 (Да) не мните, яко приидох разорити закон, или пророки: не приидох разорити, но исполнити. 18 Аминь бо глаголю вам: дондеже преидет небо и земля, иота едина, или едина черта не преидет от закона, дондеже вся будут. 19 Иже аще разорит едину заповедий сих малых и научит тако человеки, мний наречется в Царствии Небеснем: а иже сотворит и научит, сей велии наречется в Царствии Небеснем. 20 Глаголю бо вам, яко аще не избудет правда ваша паче книжник и фарисей, не внидете в Царствие Небесное. 21 Слышасте, яко речено бысть древним: не убиеши: иже (бо) аще убьет, повинен есть суду. 22 Аз же глаголю вам, яко всяк гневаяйся на брата своего всуе повинен есть суду: иже бо аще речет брату своему: рака, повинен есть сонмищу: а иже речет: уроде, повинен есть геенне огненной. (Geenna g1067) 23 Аще убо принесеши дар твой ко олтарю и ту помянеши, яко брат твой имать нечто на тя: 24 остави ту дар твой пред олтарем и шед прежде смирися с братом твоим, и тогда пришед принеси дар твой. 25 Буди увещаваяся с соперником твоим скоро, дондеже еси на пути с ним, да не предаст тебе соперник судии, и судия тя предаст слuze, и в темницу ввержен будеши: 26 аминь глаголю тебе: не изыдеши оттуду, дондеже воздаси последний кодрант. 27 Слышасте, яко речено бысть древним: не прелюбы сотвориши. 28 Аз же глаголю вам, яко всяк, иже воззрит на жену ко еже вожделети ея, уже любодействова с нею в сердцы своем: 29 аще же око твое десное соблажняет тя, изми е и верзи от себе: уне бо ти есть, да погибнет един от уд твоих, а не все тело твое ввержено будет в геенну (огненную): (Geenna g1067) 30 и аще десная твоя рука

соблажняет тя, усецы ю и верзи от себе: уне бо ти есть, да погибнет един от уд твоих, а не все тело твое ввержено будет в геенну. (Geenna q1067) 31 Речено же бысть, яко иже еще пустит жену свою, да даст ей книгу распустную. 32 Аз же глаголю вам, яко всяк отпущай жену свою, разве словесе любодейнаго, творит ю прелюбодействовати: и иже пущеницу поймет, прелюбодействует. 33 Паки слышасте, яко речено бысть древним: не во лжу кленешися, воздаси же Господеву клятвы твоя. 34 Аз же глаголю вам не клятися яко: ни небом, яко престол есть Божий: 35 ни землею, яко подножие есть ногама Его: ни Иерусалимом, яко град есть великаго Царя: 36 ниже главою твоею кленися, яко не можеши власа единаго бела или черна сотворити: 37 буди же слово ваше: ей, ей: ни, ни: лишше же сею от неприязни есть. 38 Слышасте, яко речено бысть: око за око, и зуб за зуб. 39 Аз же глаголю вам не противитися злу: но аще тя кто ударит в десную твою ланиту, обрати ему и другую: 40 и хотящему судитися с тобою и ризу твою взяти, отпусти ему и срачицу: 41 и аще кто тя поймет по силе поприще едино, иди с ним два. 42 Просящему у тебе дай, и хотящаго от тебе заяти не отврати. 43 Слышасте, яко речено есть: возлюбихи искренняго твоего и возненавидихи врага твоего. 44 Аз же глаголю вам: любите враги ваша, благословите кленущыя вы, добро творите ненавидящым вас, и молитесь за творящих вам напасть и изгонящыя вы, 45 яко да будете сынове Отца вашего, Иже есть на небесех: яко солнце Свое сияет на злыя и благия и дождит на праведныя и на неправедныя. 46 Аще бо любите любящих вас, кую мзду имате? Не и мытари ли тожде творят? 47 И аще целуете други ваша токмо, что лишше творите? Не и язычници ли такожде творят? 48 Будите убо вы совершени, якоже Отец ваш Небесный совершен есть.

6 Внемлите милостыни ваша не творити пред человеки, да видими будете ими: аще ли же ни, мзды не имате от Отца вашего, Иже есть на небесех. 2 Егда убо твориши милостыню, не воструби пред собою, якоже лицемери творят в сонмищих и в стогнах, яко да прославятся от человек. Аминь глаголю вам, восприемлют мзду свою. 3 Тебе же творящу милостыню, да не увестъ шуйца твоя, что творит десница твоя, 4 яко да будет милостыня твоя в тайне: и Отец твой, видяй в тайне, той воздаст тебе яве. 5 И егда молишия, не буди якоже лицемери, яко любят в сонмищих и в стогнах путей стояще молитися, яко да явятся человеком. Аминь глаголю вам, яко восприемлют мзду свою. 6 Ты же, егда молишия, вниди в клеть твою, и затворив двери твоя, помолися Отцу твоему, Иже в тайне: и Отец твой, видяй в тайне, воздаст тебе яве. 7 Молящися же не лишше глаголите, якоже язычници: мнят бо, яко во многоглаголании своем услышани будут: 8 не подобитеся убо им: вестъ бо Отец ваш, иже требуете, прежде прошения вашего. 9 Сице убо молитесь вы: Отче наш, иже еси на небесех, да святится имя Твое: 10 да приидет Царствие Твое: да будет воля Твоя, яко на небеси, и на земли: 11 хлеб наш насущный даждь нам днесь: 12 и остави нам долги наша, яко и мы оставляем должником нашим: 13 и не введи нас в напасть,

но избави нас от лукаваго: яко Твое есть Царствие и сила и слава во веки. Аминь. 14 Аще бо отпускаете человеком согрешения их, отпустит и вам Отец ваш Небесный: 15 аще ли не отпускаете человеком согрешения их, ни Отец ваш отпустит вам согрешений ваших. 16 Егда же поститесь, не будите якоже лицемери сетующе: помрачат бо лица своя, яко да явятся человеком постящися. Аминь глаголю вам, яко восприемлют мзду свою. 17 Ты же постяся помажи главу твою, и лице твое умый, 18 яко да не явишия человеком постяся, но Отцу твоему, Иже в тайне: и Отец твой, видяй в тайне, воздаст тебе яве. 19 Не скрывайте себе сокровищ на земли, идеже червь и тля тлит, и идеже татие подкопывают и крадут: 20 скрывайте же себе сокровище на небеси, идеже ни червь, ни тля тлит, и идеже татие не подкопывают, ни крадут: 21 идеже бо есть сокровище ваше, ту будет и сердце ваше. 22 Светилник телу есть око. Аще убо будет око твое просто, все тело твое светло будет: 23 аще ли око твое лукаво будет, все тело твое темно будет. Аще убо свет, иже в тебе, тма есть, то тма кольми? 24 Никтоже может двема господинама работати: любю единого возлюбит, а другаго возненавидит: или единого держится, о другом же нерадиди начнет. Не можете Богу работати и мамоне. 25 Сего ради глаголю вам: не печытесь душею вашею, что ясте, или что пиете: ни телом вашим, во что облечетеся. Не душа ли болши есть пищи, и тело одежди? 26 Воззрите на птицы небесныя, яко не сеют, ни жнут, ни собирают в житницы, и Отец ваш Небесный питает их. Не вы ли паче лучши их есте? 27 Кто же от вас кекийся может приложить возрасту своему локоть един? 28 И о одежди что печетесь? Смотрите крин селных, како растут: не труждаются, ни прядут: 29 глаголю же вам, яко ни Соломон во всей славе своей облечеса, яко един от сих: 30 аще же сено селное, днесь суще и утре в печь вметаемо, Бог тако одеваает, не много ли паче вас, маловери? 31 Не печытесь убо, глаголюще: что ямы, или что пием, или чим одждемся? 32 Всех бо сих языцы ищут: вестъ бо Отец ваш Небесный, яко требуете сих всех. 33 Ищите же прежде Царствия Божия и правды Его, и сия вся приложатся вам. 34 Не печытесь убо на утrey, утрений бо собою печется: довлеет дневи злоба его.

7 Не судите, да не судими будете: 2 имже бо судом судите, судят вам: и в ноже меру мерите, возмерится вам. 3 Что же видиши сучец, иже во оце брата твоего, бервна же, еже есть во оце твоем, не чуеши? 4 Или како речеши брату твоему: остави, да изму сучец из очесе твоего: и се, бервно во оце твоем? 5 Лицемере, изми первее бервно из очесе твоего, и тогда узриши изяти сучец из очесе брата твоего. 6 Не дадите святая псом, ни пометайте бисер ваших пред свиньями, да не поперут их ногами своими и вращшеса расторгнут вы. 7 Просите, и дастся вам: ищите, и обрящете: толцые, и отверзется вам: 8 всяк бо просяй приемлет, и ищяй обретает, и толкущему отверзется. 9 Или кто есть от вас человек, егоже аще воспросит сын его хлеба, еда камень подаст ему? 10 Или аще рыбы просит, еда змию подаст ему? 11 Аще убо вы, лукави суще, умеете даяния блага

дяти чадом вашим, кольми паче Отец ваш Небесный даст блага просящим у Него. 12 Вся убо, елика аще хочете, да творят вам человецы, тако и вы творите им: се бо есть закон и пророцы. 13 Внидите узкими враты: яко пространная врата и широкий путь вводяй в пагубу, и мнози суть входящии им: 14 что узкая врата, и тесный путь вводяй в живот, и мало их есть, иже обретают его. 15 Внемлите же от лживых пророк, иже приходят к вам во одеждах овчих, внутрь же суть волцы хищницы: 16 от плод их познаете их. Еда объемят от терния грозды, или от репия смоквы? 17 Тако всяко древо доброе плоды добры творит, а злое древо плоды злы творит: 18 не может древо добро плоды злы творити, ни древо зло плоды добры творити. 19 Всяко убо древо, еже не творит плода добра, посекают е и во огонь вметаю. 20 Темже убо от плод их познаете их. 21 Не всяк глаголяй Ми: Господи, Господи, внидет в Царствие Небесное: но творий волю Отца Моего, иже есть на небесех. 22 Мнози рекут Мне во он день: Господи, Господи, не в Твое ли имя пророчествовахом, и Твоим именем бесы изгонихом, и Твоим именем силы многи сотворихом? 23 И тогда исповем им, яко николиже знах вас: отидите от Мене, делающии беззаконие. 24 Всяк убо, иже слышит словеса Моя сия и творит я, уподоблю его мужу мудру, иже созда храмину свою на камени: 25 и сниде дождь, и приидоша реки, и возвеша ветри, и нападоша на храмину ту: и не падеся, основана бо бе на камени. 26 И всяк слышай словеса Моя сия, и не творя их, уподобится мужу уродиву, иже созда храмину свою на песце: 27 и сниде дождь, и приидоша реки, и возвеша ветри, и опрошася храмине той, и падеся: и бе разрушение ея велие. 28 И бысть егда сконча Иисус словеса сия, дивляюща народи о учении Его: 29 бе бо учя их яко власть имея, и не яко книжницы (и фарисее).

8 Сшедшу же Ему с горы, вслед Его идяху народи мнози. 2 И се, прокажен пришед кланяшеся Ему, глаголя: Господи, аще хочещи, можеши мя очистити. 3 И простер руку Иисус, коснулся ему, глаголя: хощу, очистися. И абие очистися ему проказа. 4 И глагола ему Иисус: виждь, ни комуже повеждь: но шед покажися иереови и принеси дар, егоже повеле (в законе) Моисей, во свидетелство им. 5 Шведшу же Ему в Капернаум, приступи к Нему сотник, моля Его 6 и глаголя: Господи, отрок мой лежит в дому расслаблен, люте стражда. 7 И глагола ему Иисус: аз пришед изцелею его. 8 И отвещав сотник, рече (Ему): Господи, несмы достоин, да под кров мой внидеши: но токмо рцы слово, и изцелеет отрок мой: 9 ибо аз человек есмь под властию, имый под собою воины: и глаголю сему: иди, и идет: и другому: прииди, и приходит: и рабу моему: сотвори сие, и сотворит. 10 Слышав же Иисус, удивися, и рече грядущым по Нем: аминь глаголю вам: ни во Израили толики веры обретох. 11 Глаголю же вам, яко мнози от восток и запад приидут и възлягут со Авраамом и Исааком и Иаковом во Царствии Небеснем: 12 сынове же царствия изгнани будут во тму кромешнюю: ту будет плачь и скрежет зубом. 13 И рече Иисус сотнику: иди, и якоже веровал еси, буди тебе. И изцеле отрок его в той час. 14 И пришед Иисус в дом Петров, виде тещу его лежащу и огнем

жегому, 15 и прикоснулся руце ея, и остави ю огонь: и воста и служаше ему. 16 Позде же бывшу, приведоша к Нему бесны многи: и изгна духи словом и вся болящия изцели: 17 да сбудется реченное Исаием пророком, глаголющим: Той недуги наша прият и болезни понесе. 18 Видев же Иисус многи народы окрест Себе, повеле (учеником) ити на он пол. 19 И приступь един книжник, рече Ему: Учителю, иду по Тебе, а може аще идеши. 20 Глагола ему Иисус: лиси язвыны имут, и птицы небесныя гнезда: Сын же Человеческий не имать где главы подклонити. 21 Другий же от ученик Его рече Ему: Господи, повели ми прежде ити и погребсти отца моего. 22 Иисус же рече ему: гряди по Мне и остави мертвых погребсти своя мертвцы. 23 И влезшу Ему в корабль, по Нем идоша ученицы Его. 24 И се, трус велик бысть в мори, якоже кораблю покрыватися волнами: Той же спаше. 25 И пришедше ученицы Его возбудиша Его, глаголюще: Господи, спаси ны, погибаем. 26 И глагола им: что страшливи есте, маловери? Тогда востав запрети ветром и мору, и бысть тишина велия. 27 Человецы же чудишася, глаголюще: кто есть Сей, яко и ветри и море послушают Его? 28 И пришедшу Ему на он пол, в страну Гергесинскую, сретоста Его два бесна от гроб исходяща, люта зело, яко не мощи ни кому минути путем тем. 29 И се, возописта глаголюща: что нама и Тебе, Иисусе Сыне Божий? Пришел еси семо прежде време не мучити нас. 30 Бяше же далече от нею стадо свиный много пасомо. 31 Беси же моляху Его, глаголюще: аще изгониши ны, повели нам ити в стадо свиное. 32 И рече им: идите. Они же изшедше идоша в стадо свиное: и се, (абие) устремися стадо все по берегу в море, и утопоша в водах. 33 Пасущи же бежаша, и шедше во град, возвестиша вся, и о бесною. 34 И се, весь град изыде в сретение Иисусови: и видевше Его, молиша, яко дабы прешел от предел их.

9 И влез в корабль, преиде и прииде во Свой град. 2 И се, принесоша Ему расслаблена (жилами), на одре лежаща: и видев Иисус веру их, рече расслабленному: дерзай, чадо, отпускаются ти греси твои. 3 И се, нецыи от книжник реша в себе: Сей хулит. 4 И видев Иисус помышления их, рече: вскую вы мыслите лукавая в сердцах своих? 5 Что бо есть удобее рещи: отпускаются ти греси: или рещи: востани и ходи? 6 Но да увесте, яко власть имать Сын Человеческий на земли отпускати грехи: тогда глагола расслабленному: востани, возми твой одр и иди в дом твой. 7 И востав, (взем одр свой,) иде в дом свой. 8 Видевше же народи чудишася и прославиша Бога, давшаго власть такуюю человеку. 9 И преходя Иисус оттуду, виде человека сядяща на мытнице, Матфея глаголема: и глагола ему: по Мне гряди. И востав по Нем иде. 10 И бысть Ему возлежащу в дому, и се, мнози мытари и грешницы пришедше возлежаху со Иисусом и со ученики Его. 11 И видевше фарисее, глаголаху учеником Его: почто с мытари и грешники Учитель ваш яст и пьет? 12 Иисус же слышав рече им: не требуют здравии врача, но болящии: 13 шедше же научитесь, что есть: милости хощу, а не жертвы? Не приидох бо призвати праведники, но

грешники на покаяние. 14 Тогда приступиша к Нему ученицы Иоанновы, глаголюще: почто мы и фарисее постимся много, ученицы же Твои не постятся? 15 И рече им Иисус: еда могут сынове брачнии плакати, елико время с ними есть жених? Приидут же дние, егда отимется от них жених, и тогда постятся. 16 Никтоже бо приставляет приставления плата небелена ризе ветсе: возмет бо кончину свою от ризы, и горша дира будет. 17 Ниже вливают вина нова в мехи ветхи: аще ли же ни, то просадятся меси, и вино пролиется, и меси погибнут: но вливают вино ново в мехи новы, и обое соблюдутся. 18 Сия Ему глаголющу к ним, се, князь некий пришед кланяшеся Ему, глагола, яко дщи моя ныне умре: но пришед возложи на ню руку Твою, и оживет. 19 И востав Иисус по нем иде, и ученицы Его. 20 И се, жена кровоточива дванадесяте лет, приступльши созади, прикоснуса воскрилию ризы Его, 21 глаголаше бо в себе: аще токмо прикоснуса ризе Его, спасена буду. 22 Иисус же обращся и видев ю, рече: дерзай, дщи, вера твоя спасе тя. И спасена бысть жена от часа того. 23 И пришед Иисус в дом княжь, и видев сопцы и народ молвящ, 24 глагола им: отидите, не умре бо девица, но спит. И ругахуса Ему. 25 Егда же изгнан бысть народ, вшед ят ю за руку: и воста девица. 26 И изыде весть сия по всей земли той. 27 И преходящу оттуду Иисусови, по Нем идоста два слепца, зовуща и глаголюща: помилуй ны, (Иисусе) сыне Давидов. 28 Пришедшу же Ему в дом, приступиста к Нему слепца, и глагола има Иисус: веруета ли, яко могу сие сотворити? Глаголаста Ему: ей, Господи. 29 Тогда прикоснуса очию их, глаголя: по вере ваю буди вама. 30 И отверзостася очи има: и запрети има Иисус, глаголя: блудита, да никтоже увестъ. 31 Она же изшедша прослависта Его по всей земли той. 32 Тема же исходящема, се, приведоша к Нему человека нема беснуема. 33 И изгнану бесу, проглагола немый. И дивишася народи, глаголюще, яко николиже явися тако во Израили. 34 Фарисее же глаголаху: о князи бесовсем изгонит бесы. 35 И прохождаше Иисус грады вся и веси, учя на сонмищих их, и проповедая Евангелие Царствия, и целя всяк недуг и всяку язю в людех. 36 Видев же народы, милосердова о них, яко бяху смятени и отвержени, яко овцы не имущыя пастыря. 37 Тогда глагола учеником Своим: жатва убо многа, делателей же мало: 38 молитесь убо Господину жатвы, яко да изведет делатели на жатву Свою.

10 И призва обанадесять ученики Своя, даде им власть на дусех нечистых, яко да изгонят их, и целити всяк недуг и всяку болезнь. 2 Дванадесятих же Апостолов имена суть сия: первый Симон, иже нарицается Петр, и Андрей брат его: Иаков Зеведеев и Иоанн брат его: 3 Филипп и Варфоломей: Фома и Матфей мытарь: Иаков Алфеев и Леввей, нареченный Фаддей: 4 Симон Кананит и Иуда Искариотский, иже и предаде Его. 5 Сия обанадесять посла Иисус, заповеда им, глаголя: на путь язык не идите и во град Самарянский не внидите: 6 идите же паче ко овцам погибшим дому Израилева: 7 ходяще же проповедуйте, глаголюще, яко приближиша Царствие Небесное: 8 болящыя изцеляйте, прокаженных очищайте, мертвыя воскрешайте,

бесы изгоняйте: туне приясте, туне дадите. 9 Не стяжите злата, ни сребра, ни меди при поясах ваших, 10 ни пиры в путь, ни двою ризу, ни сапог, ни жезла: достоин бо есть делатель мзды своея. 11 В оньже аще (колиждо) град или весь внидете, испытайте, кто в нем достоин есть, и ту пребудите, дондеже изыдете: 12 входяще же в дом целуйте его, глаголюще: мир дому сему: 13 и аще убо будет дом достоин, приидет мир ваш нань: аще ли же не будет достоин, мир ваш к вам возвратится. 14 И иже аще не примет вас, ниже послушает словес ваших, исходяще из дому или из града того, оттрясите прах ног ваших: 15 аминь глаголю вам: отраднее будет земли Содомстей и Гоморрстей в день судный, неже граду тому. 16 Се, Аз посылаю вас яко овцы посреде волков: будите убо мудри яко змия, и цели яко голубие. 17 Внемлите же от человек: предадут бо вы на сонмы, и на соборищих их биют вас, 18 и пред владыки же и цари ведени будете Мене ради, во свидетелство им и языком. 19 Егда же предают вы, не печытеся, како или что возглаголете: дасть бося вам в той час, что возглаголете: 20 не вы бо будете глаголющии, но Дух Отца вашего глаголяй в вас. 21 Предаст же брат брата на смерть, и отец чадо: и встанут чада на родители и убьют их: 22 и будете ненавидими всеми имене Моего ради: претерпевый же до конца, той спасен будет. 23 Егда же гонят вы во граде сем, бегайте в другой. Аминь бо глаголю вам: не имате скончати грады Израилевы, дондеже приидет Сын Человеческий. 24 Нестъ ученик над учителя (своего), ниже раб над господина своего: 25 довлеет ученику, да будет яко учитель его, и раб яко господь его. Аще господина дому веельзевула нарекоша, кольми паче домашния его? 26 Не убойтеся убо их: ничтоже бо есть покровено, еже не открытсся, и тайно, еже не уведено будет. 27 Еже глаголю вам во тме, рцйте во свете: и еже во уши слышите, проповедите на кровех. 28 И не убойтеся от убивающих тело, души же не могущих убити: убойтеся же паче могущаго и душу и тело погубити в геенне. (Geenna g1067) 29 Не две ли птице ценитесь единому ассарию? И ни едина от них падет на земли без Отца вашего: 30 вам же и власи главнии вси изочтени суть: 31 не убойтеся убо: мнозех птиц лучши есте вы. 32 Всяк убо иже исповестъ Мя пред человеки, исповем его и Аз пред Отцем Моим, иже на небесех: 33 а иже отвержется Мене пред человеки, отвергуся его и Аз пред Отцем Моим, иже на небесех. 34 Не мните, яко приидох воврещи мир на землю: не приидох воврещи мир, но мечь: 35 приидох бо разлучити человека на отца своего, и дщерь на мать свою, и невесту на свекровь свою. 36 И врази человеку домашнии его. 37 Иже любит отца или мать паче Мене, несть Мене достоин: и иже любит сына или дщерь паче Мене, несть Мене достоин: 38 и иже не примет креста своего и вслед Мене грядет, несть Мене достоин. 39 Обретый душу свою погубит ю: а иже погубит душу свою Мене ради, обрящет ю. 40 Иже вас приемлет, Мене приемлет: и иже приемлет Мене, приемлет Пославшаго Мя: 41 приемляй пророка во имя пророчо, мзду пророчу примет: и приемляй праведника во имя праведничо, мзду праведничу примет: 42 и иже аще

напоит одинаго от малых сих чашею студены воды токмо, во имя ученика, аминь глаголю вам, не погубит мзды своея.

11 И бысть, егда соверши Иисус заповедая обеманадесяте ученикома Своима, преиде оттуду учти и проповедати во градах их. 2 Иоанн же слышав во узилища дела Христова, посла два от ученик своих, з рече Ему: Ты ли еси Грядый, или иного чаем? 4 И отвещав Иисус рече има: шедша возвестита Иоаннови, яже слышита и видита: 5 слепии прозирают и хромии ходят, прокаженнии очищаются и глушии слышат, мертвии встают и нищии благовествуют: 6 и блажен есть, иже аще не соблазнится о Мне. 7 Тема же исходящема, начат Иисус народом глаголати о Иоанне: чесо изыдoste в пустыню видети? Трость ли ветром колеблему? 8 Но чесо изыдoste видети? Человека ли в мягки ризы облеченна? Се, иже мягкая носящия, в домах царских суть. 9 Но чесо изыдoste видети? Пророка ли? Ей, глаголю вам, и лишше пророка. 10 Сей бо есть, о немже есть писано: се, Аз посылаю Ангела Моего пред лицем Твоим, иже уготовит путь Твой пред Тобою. 11 Аминь глаголю вам, не воста в рожденных женами болий Иоанна Крестителя: мний же во Царствии Небеснем болий его есть. 12 От дний же Иоанна Крестителя доселе Царствие Небесное нудится, и нуждницы восхищат е: 13 вси бо пророцы и закон до Иоанна пророкеша. 14 И аще хочете прияти, той есть Илия хотай прийти: 15 имей ушы слышати да слышит. 16 Кому же уподоблю род сей? Подобен есть детям сидящым на торжищих, и возглашающым другом своим 17 и глаголющым: пискахом вам, и не плясасте: плакахом вам, и не рыдасте. 18 Прииде бо Иоанн ни ядый, ни пияй: и глаголют: беса иматъ. 19 Прииде Сын Человеческий ядый и пияй: и глаголют: се, человек ядца и винопийца, мытарем друг и грешником. И оправдися премудрость от чад своих. 20 Тогда начат Иисус поношати градовом, в ниже быша множайшыя силы Его, зане не покаяшася: 21 горе тебе, Хоразине, горе тебе, Вифсаидо: яко аще в Тире и Сидоне быша силы были бывшыя в вас, древле убо во вретичи и пепеле покаялися быша: 22 обаче глаголю вам Тиру и Сидону отраднее будет в день судный, неже вам. 23 И ты, Капернауме, иже до небес вознесыйся, до ада снидеши: зане аще в Содомех быша силы были бывшыя в тебе, пребыли убо быша до днешняго дне: **(Hadēs g86)** 24 обаче глаголю вам, яко земли Содомстей отраднее будет в день судный, неже тебе. 25 В то время отвещав Иисус рече: исповедаются, Отче, Господи небесе и земли, яко утаил еси сия от премудрых и разумных и открыл еси та младенцем: 26 ей, Отче, яко тако бысть благоволение пред Тобою. 27 Вся Мне предана суть Отцем Моим: и никтоже знает Сына, токмо Отец: ни Отца кто знает, токмо Сын, и емуже аще волит Сын открыти. 28 Приидите ко Мне вси труждающися и обремененнии, и Аз упокою вы: 29 возьмите иго Мое на себе и научитесь от Мене, яко кроток есмь и смирен сердцем: и обрящете покой душам вашим: 30 иго бо Мое благо, и бремя Мое легко есть.

12 В то время иде Иисус в субботы сквозе сеяния: ученицы же Его взалкаша и начаша востерзати класы

и ясти. 2 Фарисее же видевше реша Ему: се, ученицы Твои творят, егоже не достоит творити в субботу. 3 Он же рече им: несте ли чли, что сотвори Давид, егда взалка сам и сущии с ним? 4 Како вниде в храм Божий и хлебы предложения снеде, иже не достойно бе ему ясти, ни сущым с ним, токмо иереем единым? 5 Или несте чли в законе, яко в субботы священницы в церкви субботы сквернят и неповинни суть? 6 Глаголю же вам, яко церкви боле есть zde: 7 аще ли бысте ведали, что есть: милости хощу, а не жертвы, николиже убо бысте осуждали неповинных: 8 господь бо есть и субботы Сын Человеческий. 9 И прешед оттуду, прииде на сонмище их. 10 И се, человек бе ту, руку имый суху. И вопрошиша Его, глаголюще: аще достоин в субботы целити? Да на Него возглаголют. 11 Он же рече им: кто есть от вас человек, иже иматъ овча едино, и аще впадет сие в субботы в яму, не имет ли е и измет? 12 Кольми убо лучши есть человек овчате? Темже достоин в субботы добро творити. 13 Тогда глагола человеку: прости руку твою. И простре: и утвердися цела яко другая. 14 Фарисее же шедше совет сотвориша на Него, како Его погубят. Иисус же разумев отиде оттуду. 15 И по Нем идоша народи мнози, и изцели их всех: 16 и запрети им, да не яве Его творят: 17 яко да сбудется реченное Исаием пророком, глаголющим: 18 се, Отрок Мой, Егоже изволих, Возлюбленный Мой, Нанъже благоволи душа Моя: положу дух Мой на Нем, и суд языком возвестит: 19 не преречет, ни возопиет, ниже услышит кто на распутих гласа Его: 20 трости сокрушенны не преломит и лена внемшася не угасит, дондеже изведет в победу суд: 21 и на имя Его языцы уповати имут. 22 Тогда приведоша к Нему беснующаяся слепа и нема: и изцели его, яко слепому и немому глаголати и глядати. 23 И дивляхуся вси народи глаголюще: еда Сей есть (Христос) сын Давидов? 24 Фарисее же слышавше реша: Сей не изгонит бесы, токмо о веельзевуле князи бесовстем. 25 Ведый же Иисус мысли их, рече им: всякое царство раздельшееся на ся запустеет, и всяк град или дом разделивыйся на ся не станет. 26 И аще сатана сатану изгонит, на ся разделится есть: како убо станет царство его? 27 И аще Аз о веельзевуле изгоню бесы, сынове ваши о ком изгонят? Сего ради тии вам будут судии. 28 Аще ли же Аз о Дусе Божий изгоню бесы, убо постиже на вас Царствие Божие. 29 Или како может кто внити в дом крепкаго и сосуды его расхитити, аще не первее свяжет крепкаго, и тогда дом его расхитит? 30 Иже несть со Мною, на Мя есть: и иже не собирает со Мною, расточает. 31 Сего ради глаголю вам: всяк грех и хула отпустится человеком: а яже на Духа хула не отпустится человеком: 32 и иже аще речет слово на Сына Человеческаго, отпустится ему: а иже речет на Духа Святаго, не отпустится ему ни в сей век, ни в будущий. **(aiōn g165)** 33 Или сотворите древо добро и плод его добр: или сотворите древо зло и плод его зол: от плода бо древо познано будет. 34 Порождения ехиднова, како можете добро глаголати, зли суще? От избытка бо сердца уста глаголют. 35 Благий человек от благаго сокровища износит благая: и лукавый человек от лукаваго сокровища износит лукавая. 36 Глаголю же вам, яко всяко слово праздное, еже аще рекут

человецы, въздадят о нем слово в день судный: 37 от словес бо своих оправдишися и от словес своих осудишися. 38 Тогда отвещаша нецци от книжник и фарисей, глаголюще: Учителю, хощем от Тебе знамение видети. 39 Он же отвещав рече им: род лукав и прелюбодей знамения ищет, и знамение не дастся ему, токмо знамение Ионы пророка: 40 якоже бо бе Иона во чреве китове три дни и три ноцы, тако будет и Сын Человеческий в сердцы земли три дни и три ноцы. 41 Мужие Ниневитстии востанут на суд с родом сим и осудят его, яко покаяшася проповедию Иониноу: и се, боле Ионы zde. 42 Царица южская востанет на суд с родом сим и осудит и, яко прииде от конец земли слышати премудрость Соломонову: и се, боле Соломона zde. 43 Егда же нечистый дух изыдет от человека, переходит сквозе безводная места, ища покоя, и не обретает: 44 тогда речет: возвращуся в дом мой, отнюдуже изыдох. И пришед обрящет празден, пометен и украшен: 45 тогда идет и поймет с собою семь иных духов лютейших себе, и вшедше живут ту: и будут последняя человеку тому горша первых. Тако будет и роду сему лукавому. 46 Еще же Ему глаголющу к народом, се, Мати (Его) и братия Его стояху вне, ищуще глаголати Ему. 47 Рече же некий Ему: се, Мати Твоя и братия Твоя вне стоят, хотяще глаголати Тебе. 48 Он же отвещав рече ко глаголющему Ему: кто есть Мати Моя, и кто суть братия Моя? 49 И простер руку Свою на ученики Своя, рече: се, мати Моя и братия Моя: 50 иже бо аще сотворит волю Отца Моего, иже есть на небесех, той брат Мой, и сестра, и мати (Ми) есть.

13 В день же той изшед Иисус из дому, седяше при мори. 2 И собрашася к Нему народи мнози, якоже Ему в корабль влести и сести: и весь народ на брезе стояше. 3 И глагола им притчами много, глаголя: се, изыде сеяй, да сеет: 4 и сеюще ему, ова падоша при пути, и приидоша птици и позобаша я: 5 другая же падоша на каменных, иже не имяху земли многи, и абие прозбоша, зане не имяху глубины земли: 6 солнцу же възсиявшу присвянуша, и зане не имяху корения, исцоша: 7 другая же падоша в тернии, и възде терние и подави их: 8 другая же падоша на земли добрей и даяху плод, ово убо сто, ово же шестьдесят, ово же тридесять: 9 имейя уши слышати да слышит. 10 И приступивше ученицы (Его) рекоша Ему: почто притчами глаголеши им? 11 Он же отвещав рече им: яко вам дано есть разумети тайны Царствия Небеснаго, онем же не дано есть: 12 иже бо имать, дастся ему и преизбудет (ему): а иже не имать, и еже имать, возметь от него: 13 сего ради в притчах глаголю им, яко видяще не видят, и слышаще не слышат, ни разумют: 14 и сбывается в них пророчество Исаиино, глаголющее: слухом услышите, и не имате разумети: и зряще узрите, и не имате видети: 15 отолсте бо сердце людий сих, и ушима тяжко слышаша, и очи свои смежиша, да не когда узрят очима, и ушима услышат, и сердцем уразумеют, и обратятся, и изцелю их. 16 Ваша же блаженна очеса, яко видят, и уши ваши, яко слышат: 17 аминь бо глаголю вам, яко мнози пророцы и праведницы вожделеша видети,

яже видите, и не видеша, и слышати, яже слышите, и не слышаша. 18 Вы же услышите притчу сеющаго: 19 всякому слышашему слово Царствия и не разумеающе, приходит лукавый и восхищает всяенное в сердцы его: сие есть, еже при пути сеянное. 20 А на камени сеянное, сие есть слышай слово и абие с радостию приемлет е: 21 не имать же корене в себе, но привременен есть: бывши же печали или гонению словесе ради, абие соблажняется. 22 А сеянное в тернии, се есть слышай слово, и печаль века сего и леть богатства подавляет слово, и без плода бывает. (аіѡн г165) 23 А сеянное на добрей земли, се есть слышай слово и разумеающе: иже убо плод приносит и творит ово сто, ово же шестьдесят, ово тридесять. 24 Ину притчу предложи им, глаголя: уподобися Царствие Небесное человеку, сеявшу доброе семя на селе своем: 25 спящим же человеком, прииде враг его и всея плевелы посреде пшеницы и отиде: 26 егда же прозябе трава и плод сотвори, тогда явишася и плевели. 27 Пришедше же раби господина, реша ему: господи, не доброе ли семя сеял еси на селе твоём? Откуда убо имать плевелы? 28 Он же рече им: враг человек сие сотвори. Раби же реша ему: хощещи ли убо, да шедше ислепем я? 29 Он же рече (им): ни: да не когда восторающе плевелы, восторгнете купно с ними (и) пшеницу: 30 оставите расти обое купно до жатвы: и во время жатвы реку жателем: соберите первее плевелы и свяжите их в снопы, яко сожещи я: а пшеницу соберите в житницу мою. 31 Ину притчу предложи им, глаголя: подобно есть Царствие Небесное зерну горущичну, еже взем человек всяя на селе своем, 32 еже малейше убо есть от всех семен: егда же возрастет, более (всех) зелий есть и бывает древо, яко приити птицам небесным и витати на ветвех его. 33 Ину притчу глагола им: подобно есть Царствие Небесное квасу, егоже вземши жена скры в сатех триех муки, дондеже вскисоша вся. 34 Сия вся глагола Иисус в притчах народом, и без притчи ничесоже глаголаше к ним: 35 яко да сбудется реченное пророком, глаголющим: отверзу в притчах уста Моя: отрыгну сокровенная от сложения мира. 36 Тогда оставль народы, прииде в дом Иисус. И приступиша к Нему ученицы Его, глаголюще: скажи нам притчу плевел сельных. 37 Он же отвещав рече им: сеявший доброе семя есть Сын Человеческий: 38 а село есть мир: доброе же семя, сии суть сынове Царствия, а плевели суть сынове неприязненнии: 39 а враг всеявый их есть диавол: а жатва кончина века есть: а жатели Ангели суть. (аіѡн г165) 40 Якоже убо собирают плевелы и огнем сожигают, тако будет в скончание века сего: (аіѡн г165) 41 послет Сын Человеческий Ангелы Своя, и соберут от Царствия Его вся соблазны и творящих беззаконие 42 и ввергут их в пещь огненну: ту будет плачь и скрежет зубом: 43 тогда праведници просветятся яко солнце в Царствии Отца их. Имейя уши слышати да слышит. 44 Паки подобно есть Царствие Небесное сокровищу сокровену на селе, еже обрет человек скры, и от радости его идет, и вся, елика имать, продает, и купует село то. 45 Паки подобно есть Царствие Небесное человеку купцу, ищущу добрых бисерей, 46 иже обрет един многоценен бисер, шед продаде вся, елика

имяше, и купи его. 47 Паки подобно ест Царствие Небесное неводу ввержено в море и от всякаго рода собравшу, 48 иже егда исполнися, извлекоша и на край, и седше избраша добрия в сосуды, а злыя извергоша вон. 49 Тако будет в скончание века: изыдут Ангели, и отлучат злыя от среды праведных, (aiōn g165) 50 и ввергут их в пещь огненную: ту будет плачь и скрежет зубом. 51 Глагола им Иисус: разумеете ли сия вся? Глаголаша Ему: ей, Господи. 52 Он же рече им: сего ради всяк книжник, научився Царствию Небесному, подобен есть человеку домовиту, иже износит от сокровища своего новая и ветхая. 53 И бысть, егда сконча Иисус притчи сия, преиде оттуду. 54 И пришед во отечество Свое, учаше их на сонмищи их, яко дивитися им и глаголати: откуда Сему премудрость сия и силы? 55 Не Сей ли ест тектонов сын? Не Мати ли Его нарицается Мариам, и братия Его Иаков и Иосий, и Симон и Иуда? 56 И сестры Его не вся ли в нас суть? Откуда убо Сему сия вся? 57 И блажняхуса о Нем. Иисус же рече им: несть пророк без чести, токмо во отечествии своем и в дому своем. 58 И не сотвори ту сил многих за неверство их.

14 В то время услыша Ирод четвертовластник слух Иисусов 2 и рече отроком своим: сей ест Иоанн Креститель: той воскресе от мертвых, и сего ради силы деются о нем. 3 Ирод бо емь Иоанна, связа его и всади в темницу, Иродиады ради жены Филиппа брата своего: 4 глаголаше бо ему Иоанн: не достоин ти имети ея. 5 И хотящя его убити, убояся народа, зане яко пророка его имяяху. 6 Дню же бывшу рождества Иродова, пляса дщи Иродиадына посреде и угоди Иродови: 7 темже и с клятвою изрече ей дати, егоже аще воспросит. 8 Она же наваждена материю своею, даждь ми, рече, zde на блюде главу Иоанна Крестителя. 9 И печален бысть царь: клятвы же ради и за возлежащих с ним, повеле дати (ей) 10 и послав усекну Иоанна в темнице. 11 И принесоша главу его на блюде и даша девице: и отнесе матери своей. 12 И приступльше ученицы его взяша тело (его) и погребоша е: и пришедше возвестиша Иисусови. 13 И слышав Иисус отиде оттуду в корабли в пусто место един: и слышавше народи по Нем идоша пеши от градов. 14 И изшед Иисус виде мног народ, и милосердова о них, и изцели недужныя их. 15 Позде же бывшу, приступиша к Нему ученицы Его, глаголюще: пусто ест место, и час уже мину: отпусти народы, да шедше в веси купят брашна себе. 16 Иисус же рече им: не требуют отити: дадите им вы ясти. 17 Они же глаголаша Ему: не имамы zde токмо пять хлеб и две рыбы. 18 Он же рече: принесите Ми их семо. 19 И повелев народом возлещи на траве, и приемь пять хлеб и обе рыбы, воззрев на небо, благослови и преломив даде учеником хлебы, ученицы же народом. 20 И ядоша вси и насытишася: и взяша избытки укрух, дванадесять коша исполнь: 21 ядущих же бе мужей яко пять тысяч, разве жен и детей. 22 И абие понуди Иисус ученики Своя влезти в корабль и варити Его на оном полу, дондеже отпустит народы. 23 И отпустив народы, възиде на гору един помолитися: позде же бывшу, един бе

ту. 24 Корабль же бе посреде моря власяя волнами: бе бо противен ветр. 25 В четвертую же стражу нощи иде к ним Иисус, ходя по морю. 26 И видевше Его ученицы по морю ходяща, смутишася, глаголюще, яко призрак ест: и от страха возопиша. 27 Абие же рече им Иисус, глаголя: дерзайте: аз есмь, не бойтеся. 28 Отвещав же Петр рече: Господи, аще Ты еси, повели ми приити к Тебе по водам. Он же рече: прииди. 29 И излез из корабля Петр, хождаше по водам, приити ко Иисусови: 30 видя же ветр крепок, убояся, и начен утопати, возопи, глаголя: Господи, спаси мя. 31 И абие Иисус простер руку, ят его и глагола ему: маловере, почто усумнелся еси? 32 И влезшема има в корабль, преста ветр. 33 Сущи же в корабли пришедше поклонишася Ему, глаголюще: воистинну Божий Сын еси. 34 И прешедше приидоша в землю Геннисаревскую. 35 И познавше Его мужие места того, послаша во всю страну ту, и принесоша к Нему вся болящя: 36 и моляху Его, да токмо прикоснутся вскрилию ризы Его: и елицы прикоснушася, спасени быша.

15 Тогда приступиша ко Иисусови иже от Иерусалима книжницы и фарисее, глаголюще: 2 почто ученицы Твои преступают предание старец? Не умывают бо рук своих, егда хлеб ядят. 3 Он же отвечава рече им: почто и вы преступаете заповедь Божию за предание ваше? 4 Бог бо заповеда, глаголя: отци отца и матер: иже злословит отца или матер, смертию да умрет. 5 Вы же глаголете: иже аще речет отцу или матери: дар, имже бы от мене пользовался еси: 6 и да не почит отца своего или матере: и разористе заповедь Божию за предание ваше. 7 Лицемери, добре пророчествова о вас Исаия, глаголя: 8 приближаются Мне людие сии усты своими и устнами чтут Мя: сердце же их далече отстоит от Мене: 9 всуе же чтут Мя, учаще учением, заповедем человеческим. 10 И призвав народы, рече им: слышите и разумеите: 11 не входящее во уста сквернит человека: но исходящее изо уст, то сквернит человека. 12 Тогда приступльше ученицы Его реша Ему: веси ли, яко фарисее слышавше слово соблазнишася? 13 Он же отвечава рече: всяк сад, егоже не насади Отец Мой Небесный, искоренится: 14 оставите их: вожди суть слепи слепцем: слепец же слепца аще водит, оба в яму впадетася. 15 Отвещав же Петр рече Ему: скажи нам притчу сию. 16 Иисус же рече (им): единаче ли и вы без разума есте? 17 Не у ли разумеваеате, яко всяко, еже входит во уста, во чрево вмещается и афедромом исходит? 18 Исходящая же изо уст, от сердца исходят, и та сквернят человека: 19 от сердца бо исходят помышления злая, убийства, прелюбодеяния, любоддеяния, татьбы, лжесвидетелства, хулы: 20 сия суть сквернящая человека: а еже неумовенныма рукама ясти, не сквернит человека. 21 И изшед оттуду Иисус, отиде во страны Тирския и Сидонския. 22 И се, жена Хананейска, от предел тех изшедши, возопи к Нему глаголющи: помилуй мя, Господи, сыне Давидов, дщи моя зле беснуется. 23 Он же не отвеща ей словесе. И приступльше ученицы Его, моляху Его, глаголюще: отпусти ю, яко вопиет вслед нас. 24 Он же отвечава рече: несмь послан, токмо ко овцам погибшым дому Израилева. 25 Она же пришедши поклонися

Ему, глаголющи: Господи, помози ми. **26** Он же отвещав рече: несть добро отяти хлеба чадом и поврещи псом. **27** Она же рече: ей, Господи: ибо и пси ядят от крупиц падающих от трапезы господей своих. **28** Тогда отвещав Иисус рече ей: о, жено, велия вера твоя: буди тебе якоже хочещи. И изцеле дщи ея от того часа. **29** И прешед оттуду Иисус, прииде на море Галилейское, и възшед на гору, седе ту. **30** И приступиша к Нему народи мнози, имуще с собою хромья, слепья, немья, бедныя и ины многи, и привергоша их к ногама Иисусовыма: и изцели их: **31** якоже народом дивитися, видящим немья глаголюща, бедныя здравы, хромья ходяща и слепья видяща: и славляху Бога Израилева. **32** Иисус же призвав ученики Своя, рече (им): милосердную о народе (сем), яко уже дни три приседят Мне и не имут чесо ясти: и отпустити их не ядших не хочу, да не како ослабевут на пути. **33** И глаголаша Ему ученицы Его: откуда нам в пустыни хлеби толици, яко да насытится толик народ? **34** И глагола им Иисус: колико хлебы имате? Они же реша: семь, и мало рыбиц. **35** И повеле народом възлещи на земли, **36** и приемь семь хлебы и рыбы, хвалу воздав преломи и даде учеником Своим, ученицы же народом. **37** И ядоша вси и насытишася: и взяша избытки укрух, семь кошниц исполнь: **38** ядших же быаше четыре тысящы мужей, разве жен и детей. **39** И отпустив народы, влезе в корабль и прииде в пределы Магдалински.

16 И приступиша (к нему) фарисее и саддукее, искушающе просиша Его знамение с небесе показати им. **2** Он же отвещав рече им: вечеру бывшу, глаголете: ведро, чермнуетбося небо: **3** и утру: днесь зима, чермнуетбося дряслелуя небо. Лицемери, лице убо небесе умеете разсуждати, знамений же временем не можете (искусити). **4** Род лукав и прелюбодейный знамения ищет: и знамение не дастся ему, токмо знамение Ионы пророка. И оставль их, отиде. **5** И прешедше ученицы Его на он пол, забывша хлебы взяти. **6** Иисус же рече им: внемлите и блюдитесь от кваса фарисейска и саддукейска. **7** Они же помышляху в себе, глаголюще: яко хлебы не возьхом. **8** Разумев же Иисус рече им: что мыслите в себе, маловери, яко хлебы не возьмете? **9** Не у ли разумеете, ниже помните пять хлебы пятим тысящам, и колико кош возьмете? **10** Ни ли семь хлебы чтырем тысящам, и колико кошниц возьмете? **11** Како не разумеете, яко не о хлебах рех вам внимати, (но) от кваса фарисейска и саддукейска? **12** Тогда разумеша, яко не рече хранилися от кваса хлебнаго, но от учения фарисейска и саддукейска. **13** Пришед же Иисус во страны Кесарии Филипповы, вопрошаше ученики Своя, глаголя: кого Мя глаголют человецы быти, Сына Человеческаго? **14** Они же реша: ови убо Иоанна Крестителя, инии же Илию, друзии же Иеремию или единого от пророк. **15** Глагола им (Иисус): вы же кого Мя глаголете быти? **16** Отвещав же Симон Петр рече: Ты еси Христос, Сын Бога Живаго. **17** И отвещав Иисус рече ему: блажен еси, Симоне, вар Иона, яко плоть и кровь не яви тебе, но Отец Мой, иже на небесех: **18** и Аз же тебе глаголю, яко ты еси Петр, и на сем камени созижду

Церковь Мою, и врата адава не одолеют ей: (Hadēs 986) **19** и дам ти ключи Царства Небеснаго: и еже аще свяжеши на земли, будет связано на небесех: и еже аще разрешиши на земли, будет разрешено на небесех. **20** Тогда запрети Иисус учеником Своим, да ни комуже рекут, яко Сей есть Иисус Христос. **21** Оттоле начат Иисус сказовати учеником Своим, яко подобает Ему ити во Иерусалим и много пострадати от старец и архиерей и книжник, и убиену быти, и в третий день востати. **22** И поемь Его Петр, начат пререцати Ему глаголя: милосерд Ты, Господи: не имать быти Тебе сие. **23** Он же обращься рече Петрови: иди за Мною, сатано, соблазн Ми еси: яко не мыслити яже (суть) Божия, но человеческая. **24** Тогда Иисус рече учеником Своим: аще кто хочет по Мне ити, да отвержется себе и возмет крест свой и по Мне грядет: **25** иже бо аще хочет душу свою спасти, погубит ю: и иже аще погубит душу свою Мене ради, обрящет ю: **26** кая бо польза человеку, аще мир весь приобретает, душу же свою отщтит? Или что даст человек измену за душу свою? **27** Приити бо имать Сын Человеческий во славе Отца Своего со Ангелы Своими, и тогда воздст комуждо по деянием его: **28** аминь глаголю вам, (яко) суть нещии от zde стоящих, иже не имут вкусити смерти, дондеже видят Сына Человеческаго грядуща во Царствии Своем.

17 И по днех шестих поят Иисус Петра и Иакова и Иоанна брата его, и возведе их на гору высокоу едины, **2** и преобразися пред ними: и просветися лице Его яко солнце, ризы же Его быша белы яко свет. **3** И се, явистася им Моисей и Илия, с Ним глаголюща. **4** Отвещав же Петр рече (ко) Иисусови: Господи, добро есть нам zde быти: аще хочещи, сотворим zde три сени, Тебе единому, и Моисеови единому, и единому Илию. **5** Еще (же) ему глаголющу, се, облак светел осени их: и се, глас из облака глаголя: Сей есть Сын Мой Возлюбленный, о Немже благоволех: Того послушайте. **6** И слышавше ученицы падоша ницы и убояшася зело. **7** И приступль Иисус прикоснуся их и рече: встаните и не бойтеся. **8** Возведше же очи свои, ни кокоже видеша, токмо Иисуса единого. **9** И сходящим им с горы, заповеда им Иисус, глаголя: ни комуже поведите видения, дондеже Сын Человеческий из мертвых воскреснет. **10** И вопрошиша Его ученицы Его, глаголюще: что убо книжницы глаголют, яко Илию подобает приити прежде? **11** Иисус же отвещав рече им: Илия убо приидет прежде и устроит вся: **12** глаголю же вам, яко Илия убо прииде, и не познаша его, но сотвориша о нем, елика восхотеша: тако и Сын Человеческий имать пострадати от них. **13** Тогда разумеша ученицы, яко о Иоанне Крестителе рече им. **14** И пришедшым им к народу, приступи к Нему человек, кланяяся Ему **15** и глаголя: Господи, помилуй сына моего, яко на новы месяцы беснуется и зле страждет: множицею бо падает во огонь и множицею в воду: **16** и приведох его ко учеником Твоим, и не возмогоша его изцелити. **17** Отвещав же Иисус рече: о, роде неверный и развращенный, доколе буду с вами? Доколе терплю вам? Приведите Ми его семо. **18** И запрети ему Иисус, и изыде из него бес: и изцеле отрок от часа того. **19** Тогда приступльше

ученицы ко Иисусу на едина, реша: почто мы не возмогохом изгнати его? 20 Иисус же рече им: за неверствие ваше: аминь бо глаголю вам: аще имате веру яко зерно горушно, речете горе сей: преиди отсюду тамо, и преидет: и ничтоже невозможно будет вам: 21 сей же род не исходит, токмо молитвою и постом. 22 Живущим же им в Галилеи, рече им Иисус: предан имать быти Сын Человеческий в руке человеком, 23 и убьют Его, и в третий день востанет. И скорбни быша зело. 24 Пришедшим же им в Капернаум, приступиша приемлющии дидрахмы к Петрови и реша: Учитель ваш не даст ли дидрахмы? 25 Глаголя: ей. И егда вниде в дом, предвари его Иисус, глаголя: что ти мнитися, Симоне? Царие земстии от киих приемлют дани или кинсон? От своих ли сынов, или от чужих? 26 Глаголя Ему Петр: от чужих. Рече ему Иисус: убо свободни суть сынове: 27 но да не соблазним их, шед на море, верзи удицу, и, юже прежде имеши рыбу, возми: и отверз уста ей, обрящещи статир: той взем даждь им за Мя и за ся.

18 В той час приступиша ученицы ко Иисусу, глаголюще: кто убо болий есть в Царствии Небеснем? 2 И призвав Иисус отроча, постави е посреде их 3 и рече: аминь глаголю вам, аще не обратитесь и будете яко дети, не внидете в Царство Небесное: 4 иже убо смирится яко отроча сие, той есть болий во Царствии Небеснем: 5 и иже аще примет отроча таково во имя Мое, Мене приемлет: 6 а иже аще соблазнит единаго малых сих верующих в Мя, уне есть ему, да обесится жернов оселский на выи его, и потонет в пучине морстей. 7 Горе миру от соблазн: нужда бо есть приити соблазном: обаче горе человеку тому, имже соблазн приходит. 8 Аще ли рука твоя или нога твоя соблазняет тя, отсецы ю и верзи от себе: добрейше ти есть внити в живот хрому или бедну, неже две руке и две нозе имущу отвержену быти во огнь вечный: (αἰώνιος г166) 9 и аще око твое соблазняет тя, изми е: и верзи от себе: добрейше ти есть со едином оком в живот внити, неже две оце имущу ввержену быти в геенну огненную. (Geenna г1067) 10 Блудите, да не презрите единаго (от) малых сих: глаголю бо вам, яко Ангели их на небесех выну видят лице Отца Моего Небеснаго. 11 Прииде бо Сын Человеческий (взыскати и) спасти погибшаго. 12 Что вам мнитися? Аще будет некоему человеку сто овец, и заблудит едина от них: не оставит ли девятьдесят и девять в горах и шед ищет заблудшия? 13 И аще будет обрести ю, аминь глаголю вам, яко радуется о ней паче, неже о девяностых и девяти не заблудших. 14 Тако несть воля пред Отцем вашим Небесным, да погибнет един от малых сих. 15 Аще же согрешит к тебе брат твой, иди и обличи его между тобою и тем едином: аще тебе послушает, приобрел еси брата твоего: 16 аще ли тебе не послушает, поими с собою единаго или два, да при устех двою или триех свидетелей станет всяк глагол: 17 аще же не послушает их, повеждь церкви: аще же и церковь преслушает, буди тебе якоже язычник и мытарь. 18 Аминь (бо) глаголю вам: елика аще свяжете на земли, будут связана на небеси: и елика аще разрешите на земли, будут разрешена на небесех. 19 Паки аминь глаголю вам, яко

аще два от вас совещаеа на земли о всяцей вещи, еяже аще просита, будет има от Отца Моего, Иже на небесех: 20 идеже бо еста два или трие собрани во имя Мое, ту есмь посреде их. 21 Тогда приступль к Нему Петр рече: Господи, колькраты аще согрешит в мя брат мой, и отпущу ли ему до седмь крат? 22 Глаголя ему Иисус: не глаголю тебе: до седмь крат, но до семьдесят крат седмерицею. 23 Сего ради уподобися Царствие Небесное человеку царю, иже восхоте стязатися о словеси с рабы своими. 24 Наченшу же ему стязатися, приведоша ему единаго должника тмоу талант: 25 не имущу же ему воздати, повеле и господь его продати, и жену его, и чада, и вся, елика имевше, и отдати. 26 Пад убо раб той, кланяяся ему, глаголя: господи, потерпи на мне, и вся ти воздам. 27 Милосердовав же господь раба того, прости его и долг отпусти ему. 28 Изшед же раб той, обрете единаго (от) клеветр своих, иже бе должен ему стом пенязь: и емь его давяше, глаголя: отдаждь ми, имже (ми) еси должен. 29 Пад убо клеветр его на нозе его, моляше его, глаголя: потерпи на мне, и вся воздам ти. 30 Он же не хотяше, но вед всади его в темницу, дондеже воздаст должное. 31 Видевше же клеветри его бывшая, сжалиша си зело и пришедше сказаша господину своему вся бывшая. 32 Тогда призвав его господин его, глаголя ему: рабе лукавый, весь долг он отпустих тебе, понеже умолил мя еси: 33 не подобаше ли и тебе помиловати клеветра твоего, якоже и аз тя помиловах? 34 И прогневався господь его, предаде его мучителем, дондеже воздаст весь долг свой. 35 Тако и Отец Мой Небесный сотворит вам, аще не отпустите кийждо брату своему от сердец ваших прегрешения их.

19 И бысть егда сконча Иисус словеса сия, преиде от Галилеи и прииде в пределы Иудейския об он пол Иордана. 2 И по Нем идоша народи мнози, и изцели их ту. 3 И приступиша к Нему фарисее искушающе Его и глаголаша Ему: аще достоит человеку пустити жену свою по всяцей вине? 4 Он же отвещав рече им: несте ли чли, яко Сотворивый искони, мужеский пол и женский сотворил я есть? 5 И рече: сего ради оставит человек отца (своего) и мать и прилепится к жене своей, и будета оба в плоть едину, 6 якоже ктому неста два, но плоть едина: еже убо Бог сочета, человек да не разлучает. 7 Глаголаша Ему: что убо Моисей заповеда дати книгу распустную и отпустити ю? 8 Глаголя им: яко Моисей по жестосердию вашему повеле вам пустити жены вашя: изначала же не бысть тако: 9 глаголю же вам, яко иже аще пустит жену свою, разве словесе прелюбодейна, и оженится иною, прелюбы творит: и женяйся пущеницею прелюбы деет. 10 Глаголаша Ему ученицы Его: аще тако есть вина человеку с женою, лучше есть не женитися. 11 Он же рече им: не вси вмещают словесе сего, но имже дано есть: 12 суть бо скопцы, иже из чрева матерня родишася тако: и суть скопцы, иже скопишася от человек: и суть скопцы, иже исказиша сами себе Царствия ради Небеснаго: могий вместили да вмести. 13 Тогда приведоша к Нему дети, да рuce возложит на них и помолится: ученицы же запретиша им. 14 Иисус же рече (им): оставите детей и не возбраняйте им приити ко Мне: таковых бо есть Царство

Небесное. 15 И возложь на них руже, отиде оттуду. 16 И се, един (некий) приступль рече Ему: Учителю благий, что благо сотворю, да имам живот вечный? (αἰῶνιος г166) 17 Он же рече ему: что Мя глаголеши блага? Никтоже благ, токмо един Бог: аще ли хоцещи внити в живот, соблюди заповеди. 18 Глагола Ему: кия? Иисус же рече: еже, не убиеш: не прелюбы сотвориши: не украдеши: не лжесвидетелствуеш: 19 чти отца и матерь: и: возлюбихи искренняго твоего яко сам себе. 20 Глагола Ему юноша: вся сия сохраних от юности моя: что есмь еще не докончал? 21 Рече ему Иисус: аще хоцещи совершен быти, иди, продаждь имение твое и даждь нищым: и имети имаша сокровище на небеси: и гряди вслед Мене. 22 Слышав же юноша слово, отиде скорбя: бе бо имея стяжания многа. 23 Иисус же рече учеником Своим: аминь глаголю вам, яко неудобь богатый внидет в Царствие Небесное: 24 паки же глаголю вам: удобее есть велбуду сквозе иглине ушы проити, неже богату в Царствие Божие внити. 25 Слышавше же ученицы Его, двилыхуся зело, глаголюще: кто убо может спасен быти? 26 Воззрев же Иисус рече им: у человек сие невозможно есть, у Бога же вся возможна. 27 Тогда отвещав Петр рече Ему: се, мы оставихом вся и вслед Тебе идохом: что убо будет нам? 28 Иисус же рече им: аминь глаголю вам, яко вы шедши по Мне, в какибытие, егда сядет Сын Человеческий на престоле славы Своя, сядете и вы на двоюнадесяте престолу, судяще обеманадесяте коленома Израилевома: 29 и всяк, иже оставит дом, или братию, или сестры, или отца, или матерь, или жену, или чада, или села, имене Моего ради, сторицею примет и живот вечный наследит: (αἰῶνιος г166) 30 мнози же будут первии последнии, и последни первии.

20 Подобно бо есть Царствие Небесное человеку домовиту, иже изыде купно утро наяти делатели в виноград свой, 2 и совещав с делатели по пенязю на день, посла их в виноград свой. 3 И изшед в третий час, виде ины стоящя на торжищи праздны, 4 и тем рече: идите и вы в виноград мой, и еже будет правда, дам вам. Они же идоша. 5 Паки же изшед в шестый и девятый час, сотвори такоже. 6 Во единыйженадесять час изшед, обрете другия стоящя праздны и глагола им: что zde стоите весь день праздны? 7 Глаголаша ему: яко никтоже нас наят. Глагола им: идите и вы в виноград (мой), и еже будет праведно, примете. 8 Вечеру же бывшу, глагола господин винограда к приставнику своему: призови делатели и даждь им мзду, начен от последних до первых. 9 И пришедше иже во единыйнадесять час, прияша по пенязю. 10 Пришедше же первии мняху, яко вящше примут: и прияша и тии по пенязю: 11 приемше же роптаху на господина, 12 глаголюще, яко сии последнии един час сотвориша, и равных нам сотворил их еси, понесшым тяготу дне и вар. 13 Он же отвещав рече единому их: друже, не обижу тебе: не по пенязю ли совещал еси со мною? 14 Возми твое и иди: хоцуже и сему последнему дати, якоже и тебе: 15 или несть ми леть сотвори, еже хоцужу, во своих ми? Аще око твое лукаво есть, яко аз блуд есмь? 16 Тако будут

последни первии, и первии последни: мнози бо суть звани, мало же избранных. 17 И восходя Иисус во Иерусалим, поят обанадесяте ученика едины на пути и рече им: 18 се, восходим во Иерусалим, и Сын Человеческий предан будет архиереем и книжником: и осудят Его на смерть, 19 и предадят Его языком на поругание и биение и пропятие: и в третий день воскреснет. 20 Тогда приступи к Нему мати сыну Зеведеову с сынома своима, кланяющися и просящи нечто от Него. 21 Он же рече ей: чесо хоцещи? Глагола Ему: рцы, да сядета сия оба сына моя, един одесную Тебе, и един ошуюю (Тебе), во Царствии Твоем. 22 Отвещав же Иисус рече: не веста, чесо просита: можега ли пити чашу, юже аз имам пити, или крещением, имже аз крещаюся, креститися? Глаголаста Ему: можева. 23 И глагола има: чашу убо Мою испиета, и крещением, имже аз крещаюся, имате креститися: а еже сести одесную Мене и ошуюю Мене, несть Мое дати, но имже уготоваса от Отца Моего. 24 И слышавше десять, негодоваша о обою брату. 25 Иисус же призвав их, рече: весте, яко князи язык господствуют ими, и величии обладают ими: 26 не тако же будет в вас: но иже аще хоцет в вас вящший быти, да будет вам слуга: 27 и иже аще хоцет в вас быти первый, буди вам раб: 28 якоже Сын Человеческий не прииде, да послужат Ему, но послужити и дати душу Свою избавление за многих. 29 И исходящу Ему от Иерихона, по Нем иде народ мног. 30 И се, два слепца седяща при пути, слышавша, яко Иисус мимоходит, возописта, глаголюща: помилуй ны, Господи, Сыне Давидов. 31 Народ же прещаше има, да умолчита: она же паче вопияста, глаголюща: помилуй ны, Господи, Сыне Давидов. 32 И востав Иисус возгласи я и рече: что хоцета, да сотворю вама? 33 Глаголаста Ему: Господи, да отверзетеса очи наю. 34 Милосердовав же Иисус прикоснулся очию има: и абие прозреста има очи, и по Нем идоша.

21 И егда приближишася во Иерусалим и приидоша в Вифсагаию к горе Елеонстей, тогда Иисус посла два ученика, 2 глагола има: идита в весь, яже прямо вама: и абие обряцета осля привязано, и жребя с ним: отрешивша приведита Ми: 3 и аще вама кто речет что, речета, яко Господь ею требует: абие же послет я. 4 Сие же все бысть, да сбудетса реченное пророком, глаголющим: 5 рцыте дщери Сионове: се, Царь твой грядет тебе кроток, и всед на осля и жребя, сына подяремнича. 6 Шедша же ученика и сотворша, якоже повеле има Иисус, 7 приведоста осля и жребя: и возложиша верху ею ризы своя, и вседе верху их. 8 Множайшии же народи постилаху ризы своя по пути: друзии же резаху ветви от древ и постилаху по пути. 9 Народи же предходящии (ему) и вследствующии звуку, глаголюще: осанна Сыну Давидову: благословен Грядый во имя Господне: осанна в вышних. 10 И шедшу Ему во Иерусалим, потрясеся весь град, глаголя: кто есть Сей? 11 Народи же глаголаху: Сей есть Иисус Пророк, иже от Назарета Галилейска. 12 И вниде Иисус в церковь Божию и изгна вся продающыя и купующыя в церкви, и трапезы торжником испроверже и седилица продающих голуби, 13 и

глагола им: писано есть: храм Мой храм молитвы наречется: вы же сотвористе и вертеп разбойником. 14 И приступиша к Нему хромии и слепии в церкви: и изцели их. 15 Видевше же архиереи и книжницы чудеса, яже сотвори, и отроки зовущия в церкви и глаголющия: осанна Сыну Давидову, негодоваша 16 и реша Ему: слышиши ли, что сии глаголют? Иисус же рече им: ей: несте ли чли николиже, яко из уст младенец и ссущих совершил еси хвалу? 17 И оставль их, изыде вон из града в Вифанию и водворися ту. 18 Утру же возвращаься во град, взалка: 19 и узрев смоковницу едину при пути, прииде к ней, и ничтоже обрете на ней, токмо листие едино, и глагола ей: да николиже от тебе плода будет во веки. И абие изсше смоковница. (аїѡп г165) 20 И видевше ученицы дивишася, глаголюще: како абие изсше смоковница? 21 Отвещав же Иисус рече им: аминь глаголю вам: аще имате веру и не усумнитесь, не токмо смоковничное сотворите, но аще и горе сей речете: двигнися и верзися в море, будет. 22 и вся, елика аще воспросите в молитве верующе, приимете. 23 И пришедшу Ему в церковь, приступиша к Нему учашу архиереи и старцы людстии, глаголюще: кою властию сия твориши? И кто Ти даде власть сию? 24 Отвещав же Иисус рече им: вопрошу вы и Аз слово едино: еже аще речете Мне, и Аз вам реку, кою властию сия творю: 25 крещение Иоанново откуда бе? С небесе ли, или от человек? Они же помышляху в себе, глаголюще: аще речем, с небесе: речет нам: почто убо не веровасте ему? 26 Аще ли речем, от человек: боимся народа: вси бо имут Иоанна яко пророка. 27 И отвечавше Иисусови реша: не вемы. Рече им и Той: ни Аз вам глаголю, кою властию сия творю. 28 Что же ся вам мнит? Человек некий имяше два сына, и пришед к первому, рече: чадо, иди днесь, делай в винограде моем. 29 Он же отвечав рече: не хошу: последи же раскаявся, иде. 30 И приступль к другому, рече такоже. Он же отвечав рече: аз, господи (иду): и не иде. 31 Кий от обоу сотвори волю отчу? Глаголаша Ему: первый. Глагола им Иисус: аминь глаголю вам, яко мытари и любодейцы варяют вы в Царствии Божии: 32 прииде бо к вам Иоанн (Креститель) путем праведным, и не веровасте ему, мытари же и любодейцы вероваша ему: вы же видевше, не раскаястесь последи веровати ему. 33 Ину притчу слышите. Человек некий бе домовит, иже насади виноград, и оплотом огради его, и ископа в нем точило, и созда столп, и вдаде и делателем, и отиде. 34 Егда же приближися время плодов, посла рабы своя к делателем прияти плоды его: 35 и емше делатели рабов его, оваго убо биша, оваго же убиша, оваго же камением побиша. 36 Паки посла ины рабы множайша первых: и сотвориша им такоже. 37 Последи же посла к ним сына своего, глагола: усрамятся сына моего. 38 Делатели же видевше сына, реша в себе: сей есть наследник: приидите, убием его и удержим достояние его. 39 И емше его изведоша вон из винограда и убиша. 40 Егда убо приидет господин винограда, что сотворит делателем тем? 41 Глаголаша Ему: злых зле погубит их, и виноград предаст иным делателем, иже воздадут ему плоды во времена своя. 42 Глагола им Иисус: несте ли чли николиже в Писаниих: камень, егоже

не в ряду сотвориша зиждущии, сей бысть во главу угла? От Господа бысть сие, и есть дивно во очию вашу. 43 Сего ради глаголю вам, яко отимется от вас Царствие Божие и дастся языку творящему плоды его: 44 и падый на камени сем сокрушится: а на немже падет, сотрьет и. 45 И слышавше архиереи и фарисее притчи Его, разумеша, яко о них глаголет: 46 и ищуще Его яти, убояшася народа, понеже яко Пророка Его имеяху.

22 И отвечав Иисус, паки рече им в притчах, глаголя: 2 уподобися Царствие Небесное человеку царю, иже сотвори браки сыну своему 3 и посла рабы своя призвати званнныа на браки: и не хотяху приити. 4 Паки посла ины рабы, глаголя: рцйте званным: се, обед мой уготовах, юнцы мои и упитанная исколена, и вся готова: приидите на браки. 5 Они же небрегше отидоша, ов убо на село свое, ов же на купли своя: 6 прочии же емше рабов его, досадиша им и убиша их. 7 И слышав царь той разгневался, и послав вой своя, погуби убийцы оны и град их зажже. 8 Тогда глагола рабом своим: брак убо готов есть, званнии же не быша достойни: 9 идите убо на исходища путей, и елицех аще обряцете, призовите на браки. 10 И изшедше рабы они на распутия, собраша всех, елицех обретоша, злых же и добрых: и исполнися брак возлежащих. 11 Вшед же царь видети возлежащих, виде ту человека не оболчена во одеяние брачное, 12 и глагола ему: друже, како вшел еси семо не имый одеяния брачна? Он же умолча. 13 Тогда рече царь слугам: связавше ему руце и нозе, возмите его и вверзите во тму кромешнюю: ту будет плачь и скрежет зубом: 14 мнози бо суть звани, мало же избранных. 15 Тогда шедше фарисее, совет восприяша, яко да оболбят Его словом. 16 И посылают к Нему ученики своя со иродианн, глаголюще: Учителю, вемы, яко истинен еси, и пути Божию воистинну учиши, и нерадиши ни о коже: не зриши бо на лице человеком: 17 рцы убо нам, что Ти ся мнит? Достойно ли есть дати кинсон кесареви, или ни? 18 Разумев же Иисус лукавство их, рече: что Мя искушаете, лицемери? 19 Покажите Ми златицу кинсонную. Они же принесоша Ему пенязь. 20 И глагола им: чий образ сей и написание? 21 (И) глаголаша Ему: кесарев. Тогда глагола им: воздадите убо кесарева кесареви, и Божия Богови. 22 И слышавше дивишася: и оставльше Его отидоша. 23 В той день приступиша к Нему саддукеи, иже глаголют не быти воскресению, и вопрошиша Его, 24 глаголюще: Учителю, Моисей рече: аще кто умрет не имый чад, (да) поймет брат его жену его и воскресит семя брата своего: 25 беша же в нас седмь братия: и первый оженсья умре, и не имый семене, остави жену свою брату своему: 26 такожде же и второй, и третий, даже до седмаго: 27 последи же всех умре и жена: 28 в воскресение убо, котораго от седмих будет жена? Вси бо имеша ю. 29 Отвещав же Иисус рече им: прельщаетесь, ни ведуще Писания, ни силы Божия: 30 в воскресение бо ни женятся, ни посягают, но яко Ангели Божии на небеси суть: 31 о воскресении же мертвых несте ли чли реченнаго вам Богом, глаголющим: 32 Аз есмь Бог Авраамов, и Бог Исааков, и Бог Иаковль? Несть Бог Бог мертвых, но (Бог)

живых. 33 И слышавше народи дивляхуся о учении Его. 34 Фарисее же слышавше, яко посрами саддукеи, собравшася вкупе. 35 И вопросы един от них законоучитель, искушая Его и глаголя: 36 Учителю, кая заповедь болши (есть) в законе? 37 Иисус же рече ему: возлюбиши Господа Бога твоего всем сердцем твоим, и всею душою твоею, и всею мыслию твоею: 38 сия есть первая и большая заповедь: 39 вторая же подобна ей: возлюбиши искренняго твоего яко сам себе: 40 в сию обою заповедию весь закон и пророцы висят. 41 Собравшися же фарисеом, вопросы их Иисус, 42 глаголя: что вам мнится о Христе? Чий есть Сын? Глаголаша Ему: Давидов. 43 Глагола им: како убо Давид Духом Господа Его нарицает, глаголя: 44 рече Господь Господеви моему: седи одесную Мене, дондеже положу враги Твоя подножие ногама Твоима? 45 Аще убо Давид нарицает Его Господа, како сын ему есть? 46 И никтоже можаше отвещати Ему словесе: ниже смеяше кто от того дне вопросити Его ктому.

23 Тогда Иисус глагола к народом и учеником Своим, 2 глаголя: на Моисеове седалищи седоша книжници и фарисее: 3 вся убо, елика аще рекут вам блюсти, соблюдайте и творите: по делом же их не творите: глаголют бо, и не творят: 4 связуют бо бремена тяжка и бедне носима, и возлагают на плеща человеческа, перстом же своим не хотят двинути их. 5 Вся же дела своя творят, да видими будут человеки: разширяют же хранилища своя и величают воскрилия риз своих: 6 любят же преждевозлегания на вечерях, и преждеседания на сонмищих, 7 и целования на торжущих, и зватися от человек: учителю, учителю. 8 Вы же не нарицайтесь учителями: един бо есть ваш Учитель, Христос: вси же вы братия есте: 9 и отца не зовите себе на земли: един бо есть Отец ваш, Иже на небесех: 10 ниже нарицайтесь наставницы: един бо есть Наставник ваш, Христос. 11 Болий же в вас да будет вам слуга: 12 иже бо вознесется, смирится, и смиряющийся вознесется. 13 Горе вам, книжници и фарисее, лицемери, яко затворяете Царствие Небесное пред человеком: вы бо не входите, ни входящих оставляете внити. 14 Горе вам, книжници и фарисее, лицемери, яко снадаете дома вдовиц, и виною далече молитвы творяще: сего ради лишнее примете осуждение. 15 Горе вам, книжници и фарисее, лицемери, яко преходите море и сушу, сотворити единого пришелца: и егда будет, творите его сына геенны сугубейша вас. (Geenna g1067) 16 Горе вам, вожди слепии, глаголющии: иже аще кленется церковно, ничесоже есть: а иже кленется златом церковным, должен есть. 17 Буи и слепии, что бо более есть, злато ли, или церковь, святящая злато? 18 И: иже аще кленется олтарем, ничесоже есть: а иже кленется даром, иже верху его, должен есть. 19 Буи и слепии, что бо более, дар ли, или олтарь, святяй дар? 20 Иже убо кленется олтарем, кленется им и сущим верху его: 21 и иже кленется церковно, кленется ею и Живущим в ней: 22 и кленыйся небесем кленется Престолом Божиим и Седящим на нем. 23 Горе вам, книжници и фарисее, лицемери, яко одесятствуете мятву и копр и кимин, и остависте вяжщая

закона, суд и милость и веру: сия (же) подобаше творити, и онех не оставляти. 24 Вожди слепии, ожеждающи комары, велблуды же пожирающе. 25 Горе вам, книжници и фарисее лицемери, яко очищаете внешнее сткляницы и блюда, внутрюду же суть полни хищения и неправды: 26 фарисее слепый, очисти прежде внутреннее сткляницы и блюда, да будет и внешнее има чисто. 27 Горе вам, книжници и фарисее, лицемери, яко подобитесь гробом повалленным, иже внеуду убо являются красны, внутрюду же полни суть костей мертвых и всякия нечистоты: 28 тако и вы, внеуду убо являетесь человеком праведни, внутрюду же есте полни лицемерия и беззакония. 29 Горе вам, книжници и фарисее, лицемери, яко жидете гробы пророческия, и красите раки праведных, 30 и глаголете: аще быхом были во дни отец наших, не быхом убо общници им были в крови пророк: 31 темже сами свидетелствуете себе, яко сынове есте избивших пророки: 32 и вы исполните меру отец ваших. 33 Змия, порождения ехиднова, како убежите от суда (огня) геенскаго? (Geenna g1067) 34 Сего ради, се, Аз пошлю к вам пророки и премудры и книжники: и от них убите и распнете, и от них биете на сонмищих ваших, и изженете от града во град: 35 яко да приидет на вы всяка кровь праведна, проливаемая на земли, от крове Авеля праведнаго до крове Захарии сына Варахиина, егоже убисте между церковно и олтарем. 36 Аминь глаголю вам: (яко) приидут вся сия на род сей. 37 Иерусалиме, Иерусалиме, избивый пророки и камением побиваяй посланнныя к тебе, колькраты восхотех собрати чада твоя, якоже собирает кокош птенцы своя под криле, и не восхотесте? 38 Се, оставляется вам дом ваш пуст. 39 Глаголю бо вам: (яко) не имате Мене видети отселе, дондеже речете: благословен Грядый во имя Господне.

24 И изшед Иисус идяше от церкви. И приступиша (к Нему) ученицы Его показати Ему здания церковная. 2 Иисус же рече им: не видите ли вся сия? Аминь глаголю вам, не имать остати zde камень на камени, иже не разорится. 3 Седящу же Ему на горе Елеонстей, приступиша к Нему ученицы на едине, глаголюще: рцы нам, когда сия будут? И что есть знамение Твоего пришествия и кончина века? (aiōn g165) 4 И отвещав Иисус рече им: блюдите, да никтоже вас прельстит: 5 мнози бо приидут во имя Мое, глаголюще: Аз есмь Христос: и многи прельстят. 6 Услышати же имате брани и слышания бранем. Зрите, не ужасайтесь, подобает бо всем (сим) быти: но не тогда есть кончина. 7 Встанет бо язык на язык, и царство на царство: и будут глади и пагубы и труси по местом: 8 вся же сия начало болезнем. 9 Тогда предадут вы в скорби и убьют вы: и будете ненавидими всеми языки имене Моего ради. 10 И тогда соблазняются мнози, и друг друга предадут, и возненавидят друг друга: 11 и мнози лжепророцы востанут и прельстят многия: 12 и за умножение беззакония, изсякнет любы многих. 13 Претерпевый же до конца, той спасется. 14 И проповестся все Евангелие Царствия по всей вселенной, во свидетелство сим языком: и тогда приидет кончина. 15 Егда убо узрите мерзость запустения, реченную Даниилом пророком, стоящу

на месте святе: иже чет, да разумет: 16 тогда сущии во Иудеи да бежат на горы: 17 (и) иже на крове, да не сходит взяти яже в дому его: 18 и иже на селе, да не возвратится вспять взяти риз своих. 19 Горе же непраздным и доящим в тыя дни. 20 Молитесь же, да не будет бегство ваше в зиме, ни в субботу. 21 Будет бо тогда скорбь велия, якоже не была от начала мира доселе, ниже имать быти. 22 И аще не быша прекратилися дние оны, не бы убо спаслася всяка плоть: избранных же ради прекратятся дние оны. 23 Тогда аще кто речет вам: се, zde Христос, или онде: не имите веры: 24 встанут бо лжехристи и лжепророцы и дадут знамения велия и чудеса, якоже прельстити, аще возможно, и избранныя. 25 Се, прежде рех вам. 26 Аще убо рекут вам: се, в пустыни есть, не изыдите: се, в сокровищих, не имите веры: 27 якоже бо молния исходит от восток и является до запад, тако будет пришествие Сына Человеческого: 28 идеже бо аще будет труп, тамо соберутся орли. 29 Абие же, по скорби дний тех, солнце померкнет, и луна не даст света своего, и звезды спадут с небесе, и силы небесныя подвижутся: 30 и тогда явится знамение Сына Человеческого на небеси: и тогда восплачутся вся колена земная и узрят Сына Человеческого грядуща на облацех небесных с силою и славою мною: 31 и послет Ангелы Своя с трубным гласом велиим, и соберут избранныя Его от четырех ветр, от конец небес до конец их. 32 От смоковницы же научитесь притчи: егда уже ваия ея будут млада, и листвие прозябнет, ведите, яко близ есть жатва: 33 тако и вы, егда видите сия вся, ведите, яко близ есть, при дверех. 34 Аминь глаголю вам, не мимоидет род сей, дондеже вся сия будут: 35 небо и земля мимоидет, словеса же Моя не мимоидут. 36 О дни же том и часе никтоже весть, ни Ангели небеснии, токмо Отец Мой един: 37 якоже (бо бысть во) дни Ноевы, тако будет и пришествие Сына Человеческого: 38 якоже бо беху во дни прежде потопа ядуще и пиюще, женящися и посягающе, до негоже дне вниде Ное в ковчег, 39 и не уведеша, дондеже прииде вода и взят вся: тако будет и пришествие Сына Человеческого: 40 тогда два будета на селе: един поемлется, а другой оставляется: 41 две мелюще в жерновех: едина поемлется, и едина оставляется. 42 Бдите убо, яко не вестье, в кий час Господь ваш приидет. 43 Сие же ведите, яко аще бы ведал дому владыка, в кую стражу тать приидет, бдел убо бы и не бы дал подкопати храма своего. 44 Сего ради и вы будите готови: яко, в оньже час не мните, Сын Человеческий приидет. 45 Кто убо есть верный раб и мудрый, егоже поставит господин его над домом своим, еже даяти им пищу во время (их)? 46 Блажен раб той, егоже, пришед господин его, обрящет тако творяща: 47 аминь глаголю вам, яко над всем именем своим поставит его. 48 Аще ли же речет злый раб той в сердцы своем: коснит господин мой приити, 49 и начнет бити клеветы своя, ясти же и пити с пияницами: 50 приидет господин раба того в день, в оньже не чает, и в час, в оньже не весть, 51 и растешет его полма, и часть его с неверными положит: ту будет плачь и скрежет зубом.

25 Тогда уподобися Царствие Небесное десятим девам, яже прияша светилники своя и изыдоша в сретение жениху: 2 пять же бе от них мудры и пять юродивы. 3 Юродивыя же, приемша светилники своя, не взяша с собою елеа: 4 мудрыя же прияша елей в сосудех со светилники своими: 5 коснящу же жениху, воздремашася вся и спяху. 6 Полунощи же вопль бысть: се, жених грядет, исходите в сретение его. 7 Тогда востаха вся девы тыя и украсиша светилники своя. 8 Юродивыя же мудрым реша: дадите нам от елеа вашего, яко светилницы наши угасают. 9 Отвещаша же мудрыя, глаголюща: еда како не достанет нам и вам: идите же паче к продающим и купите себе. 10 Идущим же им купити, прииде жених: и готовыя внидоша с ним на браки, и затворены быша двери. 11 Последи же приидоша и прочыя девы, глаголюща: Господи, Господи, отверзи нам. 12 Он же отвещав рече им: аминь глаголю вам, не вем вас. 13 Бдите убо, яко не вестье дне ни часа, в оньже Сын Человеческий приидет. 14 Якоже бо человек некий отходя призва своя рабы и предаде им имение свое: 15 и овому убо даде пять талант, овому же два, овому же один, комуждо противу силы его: и отиде абие. 16 Шед же приемый пять талант, дела в них и сотвори другия пять талант: 17 такожде и иже два, приобрете и той другая два: 18 приемый же один, шед вкопа (его) в землю и скры сребро господина своего. 19 По мнозе же времени прииде господин раб тех и стязася с ними о словеси. 20 И приступль пять талант приемый, принесе другия пять талант, глаголя: господи, пять талант ми еси предал: се, другия пять талант приобретох ими. 21 Рече же ему господь его: добре, рабе благий и верный: о мале был еси верен, над многими тя поставлю: вниди в радость господя твоего. 22 Приступль же и иже два таланта приемый, рече: господи, два таланта ми еси предал: се, другая два таланта приобретох има. 23 Рече (же) ему господь его: добре, рабе благий и верный: о мале (ми) был еси верен, над многими тя поставлю: вниди в радость господя твоего. 24 Приступль же и приемый один талант, рече: господи, ведях тя, яко жесток еси человек, жнеши, идеже не сеял еси, и собираеши идеже не расточил еси: 25 и убоявся, шед скрых талант твой в земли: (и) се, имаша твое. 26 Отвещав же господь его рече ему: лукавый рабе и ленивый, ведел еси, яко жну идеже не сеях, и собираю идеже не расточих: 27 подобаше убо тебе вдати сребро мое торжником, и пришед аз взял бых свое с лихвою: 28 возмите убо от него талант и дадите имущему десять талант: 29 имущему бо везде дано будет и преизбудет: от неимущаго же, и еже мнится имея, взято будет от него: 30 и неключимаго раба вверзите во тму кромешную: ту будет плачь и скрежет зубом. Сия глаголя возгласи: имейя уши слышати да слышит. 31 Егда же приидет Сын Человеческий в славе Своей и вси святии Ангели с Ним, тогда сядет на престоле славы Своея, 32 и соберутся пред Ним вси языцы: и различит их друг от друга, якоже пастырь различает овцы от козлищ: 33 и поставит овцы одесную Себе, а козлища ошуюю. 34 Тогда речет Царь сущым одесную Его: приидите, благословеннии Отца Моего, наследуйте уготованное вам

Царствие от сложения мира: 35 взалкался бо, и дасте Ми ясти: возжадахся, и напоисте Мя: странен бех, и введосте Мене: 36 наг, и одеясте Мя: болен, и посетисте Мене: в темнице бех, и приидосте ко Мне. 37 Тогда отвещают Ему праведницы, глаголюще: Господи, когда Тя видехом алчуща, и напитахом? Или жаждуща, и напоихом? 38 Когда же Тя видехом странна, и введохом? Или нага, и одеяхом? 39 Когда же Тя видехом боляща, или в темнице, и приидохом к Тебе? 40 И отвещав Царь речет им: аминь глаголю вам, понеже сотвористе единому сих братьий Моих меньших, Мне сотвористе. 41 Тогда речет и сущим ошуюю (Его): идите от Мене, проклятии, во огнь вечный, уготованный диаволу и аггелом его: (aiōnios g166) 42 взалкался бо, и не дасте Ми ясти: возжадахся, и не напоисте Мене: 43 странен бех, и не введосте Мене: наг, и не одеясте Мене: болен и в темнице, и не посетисте Мене. 44 Тогда отвещают Ему и ти, глаголюще: Господи, когда Тя видехом алчуща, или жаждуща, или странна, или нага, или больна, или в темнице, и не послужихом Тебе? 45 Тогда отвещает им, глаголя: аминь глаголю вам, понеже не сотвористе единому сих меньших, ни Мне сотвористе. 46 И идут сии в муку вечную, праведницы же в живот вечный. (aiōnios g166)

26 И бысть, егда сконча Иисус вся словеса сия, рече учеником Своим: 2 весте, яко по двю дню Пасха будет, и Сын Человеческий предан будет на пропятие. 3 Тогда обращася архиерее и книжници и старцы людстии во двор архиереев, глаголемаго Каиафы, 4 и совещаша, да Иисуса лестию имут и убюют: 5 глаголаху же: но не в праздник, да не молва будет в людех. 6 Иисусу же бывшу в Вифании, в дому Симона прокаженного, 7 приступи к Нему жена, стклянницу мира имущи многоценнаго, и возливаше на главу Его возлежаща. 8 Видевше же ученицы Его негодоваша, глаголюще: чесо ради гибель сия (бысть)? 9 Можаше бо сие миро продано быти на мнозе и дается нищим. 10 Разумев же Иисус рече им: что трудяете жену? Дело бо добро содела о Мне: 11 всегда бо нищия имате с собою, Мене же не всегда имате: 12 возиявши бо сия миро сие на тело Мое, на погребение Мя сотвори: 13 аминь глаголю вам: идеже еще проповедано будет Евангелие сие во всем мире, речется и еже сотвори сия, в память ея. 14 Тогда шед един от обоюнадесяте, глаголемый Иуда Искариотский, ко архиереом, 15 рече: что ми хочете дати, и аз вам предам Его? Они же поставиша ему тридесять сребреник: 16 и оттоле искаше удобна времена, да Его предаст. 17 В первый же день опрочный приступиша ученицы ко Иисусу, глаголюще Ему: где хощши готоваем Ти ясти пасху? 18 Он же рече: идите во град ко онсице, и рцйте ему: Учитель глаголет: время Мое близ есть: у тебе сотворю пасху со ученики Моими. 19 И сотвориша ученицы, якоже повеле им Иисус, и уготоваша пасху. 20 Вечеру же бывшу, возлежаще со обеманадесяте ученикома: 21 и ядущим им, рече: аминь глаголю вам, яко един от вас предаст Мя. 22 И скорбяще зело, начаша глаголати Ему един кийждо их: еда аз есмь, Господи? 23 Он же отвещав

рече: омочивый со Мною в солило руку, той Мя предаст: 24 Сын убо Человеческий идет, якоже есть писано о Нем: горе же человеку тому, имже Сын Человеческий предастся: добро бы было ему, аще не бы родился человек той. 25 Отвещав же Иуда предадя Его, рече: еда аз есмь, Равви? Глагола ему: ты рекл еси. 26 Ядущим же им, приемь Иисус хлеб и благословив преломи, и даяше учеником, и рече: приимите, ядите: сие есть Тело Мое. 27 И приемь чашу и хвалу воздав, даде им, глаголя: пийте от нея вси: 28 сия бо есть Кровь Моя, Новаго Завета, яже за многия изливаема во оставление грехов. 29 Глаголя же вам, яко не имам пити отныне от сего плода лознаго, до дне того, егда е пию с вами ново во Царствии Отца Моего. 30 И воспевше изыдоша в гору Елеонску. 31 Тогда глагола им Иисус: вси вы соблазнитесь о Мне в ночь сию: писано бо есть: поражу пастыря, и разыдутся овцы стада: 32 по воскресении же Моем варяю вы в Галилеи. 33 Отвещав же Петр рече Ему: аще и вси соблазнятся о Тебе, аз никогдаже соблажнюся. 34 Рече ему Иисус: аминь глаголю тебе, яко в сию ночь, прежде даже алектор не возгласит, трикраты отвержешься Мене. 35 Глагола Ему Петр: аще им есть и умрети с Тобою, не отвергуся Тебе. Такожде и вси ученицы реша. 36 Тогда прииде с ними Иисус в весь, нарицаемую Гефсимания, и глагола учеником: сядите ту, дондеже шед помолюся тамо. 37 И поемь Петра и оба сына Зеведеова, начат скорбети и тужити. 38 Тогда глагола им Иисус: прискорбна есть душа Моя до смерти: пождите zde и бдите со Мною. 39 И прешед мало, паде на лица Своем, моляся и глаголя: Отче Мой, аще возможно есть, да мимоидет от Мене чаша сия: обаче не якоже Аз хошу, но якоже Ты. 40 И пришед ко учеником, и обрете их спящих, и глагола Петрови: тако ли не возмогосте единого часа побдети со Мною? 41 Бдите и молитесь, да не внидете в напасть: дух убо бодр, плоть же немощна. 42 Паки вторицею шед помолися, глаголя: Отче Мой, аще не может сия чаша мимоити от Мене, аще не пию ея, буди воля Твоя. 43 И пришед обрете их паки спящих: беста бо им очи отяготене. 44 И оставль их, шед паки, помолися третицею, тожде слово рек. 45 Тогда прииде ко учеником Своим и глагола им: спите прочее и почивайте: се, приближися час, и Сын Человеческий предастся в руки грешников: 46 встаните, идем: се, приближися предадя Мя. 47 И еще Ему глаголющу, се, Иуда, един от обоюнадесяте, прииде, и с ним народ мног со оружием и дрекольми, от архиерей и старец людских. 48 Предадя же Его даде им знамение, глаголя: Егоже аще лобжу, Той есть: имите Его. 49 И абие приступль ко Иисусови, рече: радуйся, Равви. И облобыза Его. 50 Иисус же рече ему: друже, (твори,) на неже еси пришел. Тогда приступльше возложиша руце на Иисуса и язва Его. 51 И се, един от сущих со Иисусом, простер руку, извлече нож свой, и удари раба архиереова, и уреза ему ухо. 52 Тогда глагола ему Иисус: возврати нож твой в место его: вси бо приемши нож ножом погибнут: 53 или мнится ти, яко не могу ныне умолити Отца Моего, и представит Ми вящше неже дванадесяте легеона Ангел? 54 Как оубо сбдутся Писания, яко тако подобает быти? 55 В той час рече Иисус

народом: яко на разбойника ли изыдосте со оружием и дреколмыи яти Мя? По вся дни при вас седех учя в церкви, и не ясте Мене. 56 Се же все бысть, да сбудутся писания пророческая. Тогда ученицы вси оставльше Его бежаша. 57 (Воини) же емше Иисуса ведоша к Каиафе архиереови, идеже книжницы и старцы собрашася. 58 Петр же идяше по Нем издалеча до двора архиереова: и швед внутрь, седяше со слугами, видети кончину. 59 Архиерее же и старцы и сонм весь искаху лжесвидетелства на Иисуса, яко да убьют Его, 60 и не обретаху: и многим лжесвидетелем приступльмым, не обретоша. Последже же приступивша два лжесвидетеля, 61 реста: Сей рече: могу разорити церковь Божию и тремя денми создати ю. 62 И востав архиерей рече Ему: ничесоже ли отвещаваеши, что сии на Тя свидетельствуют? 63 Иисус же молчаше. И отвещав архиерей рече Ему: заклинаю Тя Богом живым, да речеши нам, аще Ты еси Христос, Сын Божий? 64 Глагола ему Иисус: ты рекл еси: обаче глаголю вам: отселе узрите Сына Человеческого седяща одесную силы и грядуща на облацех небесных. 65 Тогда архиерей растерза ризы своя, глаголя, яко хулу глагола: что еще требуем свидетелей? Се, ныне слышаште хулу Его: 66 что вам мнится? Они же отвещавше реша: повинен есть смерти. 67 Тогда заплеваша лице Его и пакости Ему деяху: ови же за ланиту удариша, 68 глаголюще: прорцы нам, Христе, кто есть ударей Тя? 69 Петр же вне седяше во дворе. И приступи к нему едина рабыня, глаголющи: и ты был еси со Иисусом Галилейским. 70 Он же отвержеся пред всеми, глаголя: не вем, что глаголеши. 71 Изшедшу же ему ко вратом, узре его другая, и глагола сущым тамо: и сей бе со Иисусом Назореом. 72 И паки отвержеся с клятвою, яко не знаю Человека. 73 Помале же приступивше стоящии, реша Петрови: воистинну и ты от них еси, ибо беседа твоя яве тя творит. 74 Тогда начат ротитися и клятися, яко не знаю Человека. И абие петель возгласи. 75 И помяну Петр глагологл Иисусов, реченный ему, яко прежде даже петель не возгласит, трикраты отвержешися Мене. И изшед вон плакася горько.

27 Утру же бывшу, совет сотвориша вси архиерее и старцы людстии на Иисуса, яко убити Его: 2 и связавше Его ведоша и предаша Его Понтийскому Пилату игемону. 3 Тогда видев Иуда предавый Его, яко осудиша Его, раскаявся возврати тридесять сребреники архиерею и старцем, 4 глаголя: согреших предав кровь неповинную. Они же реша: что есть нам? Ты узриши. 5 И поверг сребреники в церкви, отиде: и шед удавился. 6 Архиерее же приемше сребреники, реша: недостойно есть вложить их в корвану, понеже цена крове есть. 7 Совет же сотворше, купиша ими село скудельничо, в погребание странным: 8 темже наречеса село то село крове, до сего дне: 9 тогда сбыстся реченное Иереимом пророком, глаголющим: и прияха тридесять сребреник, цену Цененного, Егоже ценница от сынов Израилев, 10 и даша я на село скудельничо, якоже сказа мне Господь. 11 Иисус же ста пред игемоном. И вопросы Его игемон, глаголя: Ты ли еси Царь Иудейский? Иисус же рече ему: ты глаголеши. 12 И егда Нань глаголаху

архиерее и старцы, ничесоже отвещаваше. 13 Тогда глагола Ему Пилат: не слышиши ли, колика на Тя свидетельствуют? 14 И не отвеща ему ни к единому глаголу, яко дивитися игемону зело. 15 На (всяк) же праздник обычай бе игемону отпущати единого народу связзня, егоже хотяху: 16 имяху же тогда связзана нарочита, глаголемаго Варавву: 17 собравшымся же им, рече им Пилат: кого хочете (от обою) отпущу вам: Варавву ли, или Иисуса глаголемаго Христа? 18 Ведяше бо, яко зависти ради предаша Его. 19 Седящу же ему на судищи, посла к нему жена его, глаголющи: ничтоже тебе и Праведнику Тому: много бо пострадах днесь во сне Его ради. 20 Архиерее же и старцы наустиша народы, да испросят Варавву, Иисуса же погубят. 21 Отвещав же игемон рече им: кого хочете от обою отпущу вам? Они же реша: Варавву. 22 Глагола им Пилат: что убо сотворю Иисусу глаголемому Христу? Глаголаша ему вси: да распят будет. 23 Игемон же рече: кое убо зло сотвори? Они же излиха вопияху, глаголюще: да пропят будет. 24 Видев же Пилат, яко ничтоже успевае, но паче молва бывает, приемь воду, имы руце пред народом, глаголя: неповинен есмь от крове Праведнаго Сего: вы узрите. 25 И отвещавше вси людие реша: кровь Его на нас и на чадах наших. 26 Тогда отпусти им Варавву: Иисуса же бив предаде (им), да Его пропнут. 27 Тогда воини игемоновы, приемше Иисуса на судище, собраша Нань все множество воин: 28 и совлекше Его, одеша Его хламидою червленою: 29 и сплетше венец от терния, возложиша на главу Его, и трость в десницу Его: и поклоньшеса на колену пред Ним ругахуса Ему, глаголюще: радуйся, Царю Иудейский. 30 И плюнувшесе Нань, прияха трость и бияху по главе Его. 31 И егда поругашася Ему, совлекоша с Него багряницу и облекоша Его в ризы Его: и ведоша Его на пропятие. 32 Исходяще же обретоша человека Киринейска, именем Симона: и сему задеша понести крест Его. 33 И пришедше на место нарицаемое Голгофа, еже есть глаголемо Краниево место, 34 даша Ему пити оцет с желчию смешен: и вкушь, не хотяше пити. 35 Распеншии же Его разделиша ризы Его, вергше жребия: 36 и седяще стрежаху Его ту: 37 и возложиша верху главы Его вину Его написану: Сей есть Иисус, Царь Иудейский. 38 Тогда распяша с Ним два разбойника: единого о десную, и единого о шуюю. 39 Мимоходящии же хуляху Его, покивающе главами своими 40 и глаголюще: Разоряяй церковь и тремя денми Созидайя, спасися Сам: аще Сын еси Божий, сниди со креста. 41 Такжеже же и архиерее ругающеса с книжники и старцы (и фарисеи), глаголаху: 42 иныя спасе, Себе ли не может спасти? Аще Царь Израилев есть, да снидет ныне со креста, и веруем в Него: 43 упова на Бога: да избавит ныне Его, аще хочет Ему. Рече бо, яко Божий есмь Сын. 44 Тожде же и разбойника распята с Ним поношаста Ему. 45 От шестаго же часа тма бысть по всей земли до часа девятаго: 46 о девятем же часе возопи Иисус гласом велиим, глаголя: Или, Или, лима савахфани? Еже есть, Боже Мой, Боже Мой, вскую Мя еси оставил? 47 Нецци же от ту стоящих слышавше глаголаху, яко Илию глашает Сей. 48 И абие тек един от них, и приемь губу, исполнив

же оца, и вонзе на трость, напаяше Его. **49** Прочии же глаголаху: остави, да видим, аще приидет Илия спасти Его. **50** Иисус же, паки возопив гласом велиим, испусти дух. **51** И се, завеса церковная раздрася на двое с вышняго края до нижняго: и земля потрясася: и камень распадеся: **52** и гроби отверзошася: и многа телеса усопших святых востаха: **53** и изшедше из гроб, по воскресении Его, внидоша во святыи град и явишася мнозем. **54** Сотник же и иже с ним стрегущии Иисуса, видевше трус и бывшая, убояшася зело, глаголюще: воистинну Божий Сын бе Сей. **55** Бяху же ту и жены многи издалеча зрящя, яже идоша по Иисусе от Галилеи, служащя Ему: **56** в нижже бе Мариа Магдалина, и Мариа Иакова и Иосии мати, и мати сыну Зеведеову. **57** Позде же бывшу, прииде человек богат от Аримафеа, именем Иосиф, иже и сам учися у Иисуса: **58** сей приступль к Пилату, проси телесе Иисусова. Тогда Пилат повеле дати тело. **59** И приемь тело Иосиф, обвит е плащаницею чистою **60** и положи е в новом своем гробе, егоже исече в камени: и возвалив камень велии над двери гроба, отиде. **61** Бе же ту Мариа Магдалина и другая Мариа, седяще прямо гроба. **62** Во утрий же день, иже есть по пятце, собрашася архиерее и фарисее к Пилату, **63** глаголюще: господи, помянухом, яко льстец он рече, еще сый жив: по триех днех востану: **64** повели убо утвердити гроб до третияго дне, да не како пришедше ученицы Его нощию украдут Его и рекут людем: воста от мертвых: и будет последняя лесь горша первыя. **65** Рече же им Пилат: имате кустодию: идите, утвердите, якоже весте. **66** Они же шедше утвердиша гроб, знаменоваше камень с кустодиєю.

28 В вечер же субботный, свитаючи во едину от суббот, прииде Мариа Магдалина и другая Мариа, видети гроб. **2** И се, трус бысть велии: Ангел бо Господень шед с небесе, приступль отвали камень от дверей гроба и седяше на нем: **3** бе же зрак его яко молния, и одеяние его бело яко снег. **4** От страха же его сотрясошася стрегущии и быша яко мертви. **5** Отвещав же Ангел рече женам: не бойтеся вы: вем бо, яко Иисуса распятаго ищите: **6** несть zde: воста бо, якоже рече: приидите, видите место, идеже лежа Господь, **7** и скоро шедше рцйте учеником Его, яко воста от мертвых и се, варяет вы в Галилеи: тамо Его узрите: се, рех вам. **8** И изшедше скоро от гроба со страхом и радостию велию, текосте возвестити учеником Его. **9** Егда же идясте возвестити учеником Его, и се, Иисус сrete я, глаголя: радуйтеся. Оне же приступльше ястеся за нозе Его и поклонистеся Ему. **10** Тогда глагола има Иисус: не бойтеся: идите, возвестите братии Моей, да идут в Галилею, и ту Мя видят. **11** Идущема же има, се, нецыи от кустодии пришедше во град, возвестиша архиереом вся бывшая. **12** И собравшеся со старцы, совет сотвориша, сребреники доволны даша воином, **13** глаголюще: рцйте, яко ученицы Его нощию пришедше украдоша Его, нам спящым: **14** и аще сие услышано будет у игемона, мы утолим его и вас безпечальны сотворим. **15** Они же приемше сребреники, сотвориша, якоже научени быша. И промчеса слово сие во Иудеех даже до сего дне. **16** Единии же надесея ученицы

идоша в Галилею, в гору, аможе повеле им Иисус: **17** и видевше Его, поклонишася Ему: ови же усумнешася. **18** И приступль Иисус, рече им, глаголя: дадеся Ми всяка власть на небеси и на земли: **19** шедше убо научите вся языки, крестяще их во имя Отца и Сына и Святаго Духа, **20** учаше их блюсти вся, елика заповедах вам: и се, Аз с вами есмь во вся дни до скончания века. Аминь. (аѡѡ g165)

От Марка святое благовествование

1 Зачало Евангелиа Иисуса Христа, Сына Божия, 2 якоже есть писано во пророцех: се, аз посылаю Ангела Моего пред лицем Твоим, иже уготовит путь Твой пред Тобою. 3 Глас вопиющего в пустыни: уготовайте путь Господень, правы творите стези Его. 4 Бысть Иоанн крестяй в пустыни и проповедав крещение покаяния во отпущение грехов. 5 И исхождаше к нему вся Иудейская страна и Иерусалимляне: и крещашуся вси во Иордане реце от него, исповедающе грехи своя. 6 Бе же Иоанн оболчен власы велблужди, и пояс усмен о чреслах его, и ядый акриды и мед дивий. 7 И проповедаше, глаголя: грядет Креплий мене вслед мене, Емуже несмь достоин преклонься разрешити ремень сагог Его: 8 аз убо крестих вы водою: Той же крестит вы Духом Святым. 9 И бысть во оных днех, прииде Иисус от Назарета Галилейскаго и крестися от Иоанна во Иордане. 10 И абие восходя от воды, виде разводящася небеса и Духа яко голубя, сходяща Нань. 11 И глас бысть с небесе: Ты еси Сын Мой возлюбленный, о Немже благоволих. 12 И абие Дух изведе Его в пустыню. 13 И бе ту в пустыни дний четыредесять, искушаемь сатаною, и бе со зверьми: и Ангели служашу Ему. 14 По предании же Иоаннове, прииде Иисус в Галилею, проповедав Евангелие Царствия Божия 15 и глаголя, яко исполнися время и приближися Царствие Божие: покайтесь и веруйте во Евангелие. 16 Ходя же при мори Галилейстем, виде Симона и Андреа брата (того) Симона, вметающа мрежи в море: беста бо рыбаля. 17 И рече има Иисус: приидита вслед Мене, и сотворю вас быти ловца человеком. 18 И абие оставльша мрежи своя, по Нем идоста. 19 И прешед мало отгуду, узре Иакова Зеведеова и Иоанна брата его, и та в корабли строяща мрежа: 20 и абие воззва я. И оставльша отца своего Зеведеа в корабли с наемники, по Нем идоста. 21 И внидоша в Капернаум: и абие в субботы вшед в сонмище, учаше. 22 И дивляхуся о учении Его: бе бо учя их яко власть имый, и не яко книжници. 23 И бе в сонмищи их человек в душе нечисте, и воззва, 24 глаголя: остави, что нам и Тебе, Иисусе Назарянине? Пришел еси погубити нас: вем Тя, кто еси, Святей Божий. 25 И запрети ему Иисус, глаголя: умолчи и изыди из него. 26 И стрясе его дух нечистый, и возопи гласом великим, и изыде из него. 27 И ужасошася вси, якоже стязатися им к себе, глаголющим: что есть сие? (и) что учение новое сие, яко по области и духовом нечистым велит, и послушают Его? 28 Изыде же слух Его абие во всю страну Галилейску. 29 И абие из сонмища изшедше, приидоша в дом Симонов и Андреев со Иаковом и Иоанном. 30 Теща же Симонова лежаше огнем жегома: и абие глаголаша Ему о ней. 31 И приступль воздвиже ю, емь за руку ея: и остави ю огонь абие, и служаше им. 32 Позде же бывшу, егда захождаше солнце, приношаху к Нему вся недужныя и бесныя. 33 И бе весь град собрался к дверем. 34 И изцели мнози зле страждущыя

различными недуги: и бесы мнози изгна, и не оставляше глаголати бесы, яко ведяху Его Христа суща. 35 И утро, нощи сущей зело, встав изыде, и иде в пусто место, и ту молитву деяше. 36 И гнаша Его Симон и иже с ним: 37 и обретше Его, глаголаша Ему, яко вси Тебе ищут. 38 И глагола им: идем в ближния веси и грады, да и тамо проповем: на сие бо изыдох. 39 И бе проповедав на сонмищих их, во всей Галилеи, и бесы изгоня. 40 И прииде к Нему прокажен, моля Его и на колену припадая пред Ним, и глаголя Ему, яко, аще хощеси, можеши мя очистити. 41 Иисус же милосердовав, простер руку, коснуся его, и глагола ему: хощу, очистися. 42 И рекшу ему, абие отиде от него прокажен, и чист бысть. 43 И запрещь ему, абие изгна его: 44 и глагола ему: блюди, ни комуже ничесоже рцы: но шед покажися иерееви и принеси за очищение твое, яже повеле Моисей, во свидетелство им. 45 Он же изшед начат проповедати много и проносити слово, якоже ктому не мощи Ему яве во град внити: но вне в пустых местех бе. И приходяху к Нему отвсюду.

2 И вниде паки в Капернаум по днех: и слышано бысть, яко в дому есть. 2 И абие собрашася мнози, якоже ктому не вмещатися ни при дверех: и глаголаше им слово. 3 И приидоша к Нему носяще расслабленна (жилами), носима четырьми: 4 и не могущым приблизитися к Нему народа ради, открыша покров, идеже бе, и прокопавше свесиша одр, на немже расслабленный лежаше. 5 Видев же Иисус веру их, глагола расслабленному: чадо, отпущаются тебе греси твои. 6 Бяху же нецьи от книжник ту сидяще и помышляюще в сердцах своих: 7 что Сей тако глаголет хулы? Кто может оставляти грехи, токмо един Бог? 8 И абие разумев Иисус духом Своим, яко тако тии помышляют в себе, рече им: что сия помышляете в сердцах ваших? 9 Что есть удобее? Реци расслабленному: отпущаются тебе греси? Или реци: востани, и возми одр твой, и ходи? 10 Но да увесте, яко власть имать Сын Человеческий на земли отпущати грехи: глагола расслабленному: 11 тебе глаголю: востани, и возми одр твой, и иди в дом твой. 12 И воста абие, и взял одр, изыде пред всеми: яко дивитися всем и славити Бога, глаголющым, яко николиже тако видехом. 13 И изыде паки к морю: и весь народ идяше к Нему, и учаше их. 14 И мимогрядый виде Левию Алфеова, сидяща на мытнице, и глагола ему: по Мне гряди. И встав вслед Его иде. 15 И бысть возлежащу Ему в дому его, и мнози мытари и грешници возлежаху со Иисусом и со ученики Его: бяху бо мнози, и по Нем идоша. 16 И книжници и фарисее, видевше Его ядуща с мытари и грешники, глаголаху учеником Его: что яко с мытари и грешники яст и пьет? 17 И слышав Иисус глагола им: не требуют здравии врача, но болящии: не приидох призвати праведники, но грешники на покаяние. 18 И бяху ученицы Иоанновы и фарисейстии постящеся. И приидоша и глаголаша Ему: почто ученицы Иоанновы и фарисейстии постястя, а Твои ученицы не постястя? 19 И рече им Иисус: еда могут сынове брачнии, дондеже жених с ними есть, поститися? Елико время с собою имут жених, не могут поститися: 20 придут же дние, егда отимется от них жених, и тогда постястя в тыя дни: 21

и никтоже приложениа плата небелена пришивает к ризе ветсе: аще ли же ни, возмет конец его новое от ветхаго, и горша дира будет: 22 и никтоже вливает вина нова в мехи ветхи: аще ли же ни, просадит вино новое мехи, и вино пролиется, и меси погибнут: но вино новое в мехи новы вляти. 23 И бысть мимоходити Ему в субботы сквозе сеяния, и начаша ученицы Его путь творити, востерзающе класы. 24 И фарисее глаголаху Ему: видзь, что творят в субботы, егоже не достоит? 25 И Той глаголаше им: несте ли николиже чли, что сотвори Давид, егда требование име и взалка сам и иже с ним? 26 Како вниде в дом Божий при Авиафаре архиереи, и хлебы предложения снеде, иже не достояше ясти токмо иереем, и даде и сущым с ним? 27 И глаголаше им: суббота человека ради бысть, а не человек субботы ради: 28 темже господь есть Сын Человеческий и субботе.

3 И вниде паки в сонмище: и бе тамо человек, суху имый руку. 2 И назираху Его, аще в субботы изцелит его, да Нань возглаголют. 3 И глагола человеку суху имущему руку: стани посреде. 4 И глагола им: достоит ли в субботы добро творити, или зло творити? Душу спасти, или погубити? Они же молчаху. 5 И возрев на них со гневом, скорбя о окаменении сердец их, глагола человеку: прости руку твою. И простре: и утвердися рука его zcela яко другая. 6 И изшедше фарисее, абие со иродианы совет творяху Нань, како Его погубят. 7 Иисус же отиде со ученики Своими к морю: и мног народ от Галилеи по Нем иде, и от Иудеи, 8 и от Иерусалима, и от Идумеи, и со онаго полу Иордана. И от Тира и Сидона множество многое, слышавше, елика творяше, (и) приидоша к Нему. 9 И рече учеником Своим, да корабль будет у Него народа ради, да не стужают Ему. 10 Многи бо изцели, якоже нападати на Него, да Ему прикоснутся, еличи имеяху раны. 11 И дуси нечистии, егда видяху Его, припадаху к Нему и зваху, глаголюще, яко Ты еси Сын Божий. 12 И много прещаше им, да не явлена Его сотворят. 13 И възиде на гору и призва, иже хотяше Сам: и приидоша к Нему. 14 И сотвори дванадесяте, да будут с Ним, и да посылает их проповедати, 15 и имети власть целити недуги и изгонити бесы: 16 и нарече Симону имя Петр: 17 и Иакова Зеведеова и Иоанна брата Иаковля: и нарече има имена Воанергес, еже есть сына громова: 18 и Андреа, и Филиппа, и Варфоломеа, и Матфеа, и Фому, и Иакова Алфеева, и Фаддеа, и Симона Кананита, 19 и Иуду Искариотскаго, иже и предаде Его. 20 И приидоша в дом: и собрася паки народ, яко не мощи им ни хлеба ясти. 21 И слышавше иже бяху у Него, изыдоша, да имут Его: глаголаху бо, яко неистов есть. 22 И книжницы, иже от Иерусалима низшедши, глаголаху, яко вельзевула имать и яко о князи бесовстем изгонит бесы. 23 И призвав их, в притчах глаголаше им: како может сатана сатану изгонити? 24 И аще царство на ся разделится, не может стати царство то: 25 и аще дом на ся разделится, не может стати дом той: 26 и аще сатана воста на ся сам и разделится, не может стати, но конец имать. 27 Никтоже может сосуды крепкаго, швед в дом его, расхитити, аще не первее крепкаго свяжет:

и тогда дом его расхитит. 28 Аминь глаголю вам, яко вся отпустятся согрешения сыном человеческим, и хуления, елика аще восхулят: 29 а иже восхулит на Духа Святаго, не имать отпущения во веки, но повинен есть вечному суду. (aiōn g165, aiōnios g166) 30 Зане глаголаху: духа нечистаго имать. 31 Приидоша убо Мати и братия Его, и вне стояще послаша к Нему, зовуще Его. 32 И седяше народ окрест Его. Реша же Ему: се, Мати Твоя и братия Твоя (и сестры Твоя) вне ищут Тебе. 33 И отвеща им, глаголя: кто есть мати Моя, или братия Моя? 34 И оглядав окрест Себе седящия, глагола: се, мати Моя и братия Моя: 35 иже бо аще сотворит волю Божию, сей брат Мой и сестра Моя и мати (Ми) есть.

4 И паки начат учити при мори: и собрася к Нему народ мног, якоже Самому влезшу в корабль, седети в мори: и весь народ при мори на земли бяше. 2 И учаше их притчами много и глаголаше им во учении Своем: 3 слышите: се, изыде сеяй сеяти: 4 и бысть егда сеяше, ово паде при пути, и приидоша птицы, и позобаша е: 5 другое же паде при камени, идеже не имяше земли многи, и абие прозябе, зане не имяше глубины земныя: 6 солнцу же возсиявшу присвяде, и зане не имяше корене, изсше: 7 и другое паде в тернии, и възиде терние, и подави е: и плода не даде: 8 и другое паде на земли добрей, и даяше плод восходящ и растущ, и приплодоваше на тридесять, и на шестьдесят, и на сто. 9 И глаголаше: имей ушы слышати да слышит. 10 Егда же бысть един, вопрошаша Его, иже бяху с Ним, со обеманадесяте о притчи. 11 И глаголаше им: вам есть дано ведати тайны Царствия Божия: онем же внешним в притчах вся бывають, 12 да видяще видят, и не узрят: и слышаше слышат, и не разумеют: да не когда обратятся, и оставятся им греси. 13 И глагола им: не весте ли притчи сея? И како вся притчи уразумеете? 14 Сеяй, слово сеет. 15 Сии же суть, иже при пути, идеже сеется слово, и егда услышат, абие приходит сатана и отемлет слово сеянное в сердцах их. 16 И сии суть такожде иже на каменных сеемии, иже егда услышат слово, абие с радостию приемлют е: 17 и не имут корения в себе, но привременни суть: таже бывшей печали или гонению словесе ради, абие соблажняются. 18 А сии суть, иже в тернии сеемии, слышашии слово: 19 и печали века сего, и лещь богатства, и о прочих похоти входящия подавляют слово, и бесплодно бывает. (aiōn g165) 20 И сии суть, иже на земли добрей сеянии, иже слышат слово и приемлют, и плодствуют на тридесять, и на шестьдесят, и на сто. 21 И глаголаше им: еда светилник приходит, да под спудом положат его или под одром? Не да ли на свещнице положен будет? 22 Несть бо тайно, еже не явится, ниже бысть потаено, но да приидет в явление: 23 аще кто имать ушы слышати, да слышит. 24 И глаголаше им: блюдите что слышите: в нуже меру мерите, возмерится вам, и приложится вам слышашым: 25 иже бо аще имать, дастся ему: а иже не имать, и еже имать, отимется от него. 26 И глаголаше: тако есть (и) Царствие Божие, якоже человек вмает семя в землю, 27 и спит, и востает нощию и днию: и семья прозябает и расст, якоже не весть он: 28 от себе бо

земля плодит прежде траву, потом клас, таже исполняет пшеницу в класе: 29 егда же созреет плод, абие послет серп, яко наста жатва. 30 И глаголаше: чесому уподобим Царствие Божие? Или коей притчи приложим е? 31 Яко зерно горушично, еже егда всеяно будет в земли, мнее всех семен есть земных: 32 и егда всеяно будет, возрастает, и бывает более всех зелий, и творит ветви велия, яко мощи под сению его птицам небесным витати. 33 И таковыми притчами многими глаголаше им слово, якоже можаху слышати. 34 Без притчи же не глаголаше им словесе: особе же учеником Своим скаже всея. 35 И глагола им в той день, вечеру бывшу: преидем на он пол. 36 И отпущше народы, пояша Его якоже бе в корабли: и инии же корабли бяху с Ним. 37 И бысть буря ветрена велика: волны же вливахуся в корабль, яко уже погружатися ему. 38 И бе Сам на корме на возгавнице спя. И возбудиша Его и глаголаша Ему: Учителю, не радиши ли, яко погибаем? 39 И востав запрети ветру и рече морю: молчи, престани. И улеже ветр, и бысть тишина велия. 40 И рече им: что тако страшливи есте? Како не имате веры? 41 И убояшася страхом велиим и глаголаху друг ко другу: кто убо Сей есть, яко и ветр и море послушают Его?

5 И приидоша на он пол моря, во страну Гадаринскую. 2 И излезшу Ему из корабля, абие срете Его от гробов человек в душе нечисте, 3 иже жилище имяше во гробех, и ни веригами никтоже можаше его связати: 4 зане ему многажды пути и ужы (железны) связану сущу, и растерзатися от него ужем (железным) и путом сокрушатися: и никтоже можаше его умучити: 5 и выну ночь и день во гробех и в горах бе, вопия и толкийся камением. 6 Узрев же Иисуса издалеча, тече и поклонися Ему, 7 и возопив гласом велиим, рече: что мне и Тебе, Иисусе, Сыне Бога Вышняго? Заклинаю Тя Богом, не мучи мене. 8 Глаголаше бо ему: изыди, душе нечистый, от человека. 9 И вопрошаше его: что ти есть имя? И отвеща глаголя: легеон имя мне, яко мнози есмь. 10 И молиша Его много, да не послет их вне страны. 11 Бе же ту при горе стадо свиное велие пасомо. 12 И молиша Его вси беси, глаголюще: посли ны во свиния, да в ня внидем. 13 И повеле им абие Иисус. И изшедше души нечистии, внидоша во свиния: и устремися стадо по берегу в море, бяху же яко две тысящы, и утопаху в мори. 14 Пасущии же свиния бежаша и возвестиша во граде и в селех. И изыдоша видети, что есть бывшее. 15 И приидоша ко Иисусови, и видеша бесновавшаго седяща и оболчана и смысляща, имевшаго легеон: и убояшася. 16 Поведаша же им видевшии, како бысть бесному, и о свиниях. 17 И начаша молити Его отити от предел их. 18 И влезшу Ему в корабль, моляше Его бесновавыйся, дабы был с Ним. 19 Иисус же не даде ему, но рече ему: иди в дом твой ко твоим и возвести им, елика ти Господь сотвори и помилова тя. 20 И иде и нача проповедати в десяти градах, елика сотвори ему Иисус. И вси дивляхуся. 21 И прешедшу Иисусу в корабли паки на он пол, собрася народ мног о Нем. И бе при мори. 22 И се, прииде един от архисинагог, именем Иаир, и видев Его, паде при ногу Его

23 и моляше Его много, глаголя, яко дщи моя на кончине есть: да пришед возложиши на ню руце, яко да спасется и жива будет. 24 И иде с ним: и по Нем идяху народи мнози и угнетаху Его. 25 И жена некая сущи в точении крове лет дванадесяте, 26 и много пострадавши от мног врачей, и издавши своя вся, и ни единыя пользы обретши, но паче в горшее пришедши: 27 слышавши о Иисусе, пришедши в народе созади, прикоснуся ризе Его: 28 глаголаше бо, яко, аще прикоснуся ризам Его, спасена буду. 29 И абие изыакну источник крове ея: и разуме телом, яко изцеле от раны. 30 И абие Иисус разуме в Себе силу изшедшую от Него, (и) обращающа в народе, глаголаше: кто прикоснуся ризам Моим? 31 И глаголаху Ему ученицы Его: видиши народ угнетающ Тя, и глаголеши: кто прикоснуся Мне? 32 И обглядаше видети сотворшую сие. 33 Жена же убоявшися и трепещущи, ведящи, еже бысть ей, прииде и припаде к Нему и рече Ему всю истину. 34 Он же рече ей: дщи, вера твоя спасе тя: иди в мире и буди цела от раны твоея. 35 Еще Ему глаголющу, (и) приидоша от архисинагога, глаголюще, яко дщи твоя умре: что еще движеше Учителя? 36 Иисус же абие слышав слово глаголемое, глагола архисинагогови: не бойся, токмо веруй. 37 И не остави по Себе ни единого ити, токмо Петра и Иакова и Иоанна брата Иаковля. 38 И прииде в дом архисинагогов и виде молву, плачущыяся и кричащыя много. 39 И вшед глагола им: что молвите и плачетесь? Отроковица несть умерла, но спит. 40 И ругахуся Ему. Он же изгнав вся, поят отца отроковицы и матерь, и иже (беху) с Ним, и вниде, идеже бе отроковица лежаша. 41 И емь за руку отроковицу, глагола ей: талифа куми: еже есть сказаемо: девице, тебе глаголю, востани. 42 И абие воста девица и хождаше: бе бо лет двоюнадесяте. И ужасошася ужасом велиим. 43 И запрети им много, да никтоже увестъ сего, и рече: дадите ей ясти.

6 И изыде оттуду и прииде во отечество Свое: и по Нем идоша ученицы Его. 2 И бывшей субботе, начат на сонмищи учити. И мнози слышашии дивляхуся, глаголюще: откуда Сему сия? И что премудрость данная Ему, и силы таковы рукама Его бывают? 3 Не Сей ли есть тектон, сын Мариин, брат же Иакову и Иосии и Иуде и Симону? И не сестры ли Его zde (суть) в нас? И блажняхуся о Нем. 4 Глаголаше же им Иисус, яко несть пророк без чести, токмо во отечествии своем, и в родстве и в дому своем. 5 И не можаше ту ни единыя силы сотворити, токмо мало недужных, возложь руце, изцели. 6 И дивляшася за неверствие их: и обхождаше веси окрест учя. 7 И призва наевнадесяте, и начат их посылати два два, и даяше им власть над духи нечистыми. 8 И заповеда им, да ничесоже возмут на путь, токмо жезл един: ни пиры, ни хлеба, ни при поясе меди: 9 но обувени в сандалия: и не облачитися в две ризе. 10 И глаголаше им: идеже аще внидете в дом, ту пребывайте, дондеже изыдете оттуду: 11 и елицы аще не примут вы, ниже послушают вас, исходяще оттуду, оттрясите прах, иже под ногами вашими, во свидетелство им: аминь глаголю вам, отраднее будет Содомом и Гоморром в день судный, неже

граду тому. 12 И изшедше проповедаху, да покаются: 13 и бесы многи изгоняху: и мазаху маслом многи недужныя, и изцелеваху. 14 И услыша царь Ирод: яве бо бысть имя Его: и глаголаше, яко Иоанн Креститель от мертвых воста, и сего ради силы деются о нем. 15 Инии глаголаху, яко Илия есть: инии же глаголаху, яко пророк есть, или яко един от пророк. 16 Слышав же Ирод рече, яко, егоже аз усекнух Иоанна, той есть: той воста от мертвых. 17 Той бо Ирод послав, ят Иоанна и связа его в темнице, Иродиады ради жены Филиппа брата своего, яко тебеняся ею. 18 Глаголаше бо Иоанн Иродови: не достоит тебе имети жену (Филиппа) брата твоего. 19 Иродиа же гневашася на него и хотяше его убити: и не можаше. 20 Ирод бо бояшеся Иоанна, ведый его мужа праведна и свята, и соблюдалше его: и послушав его, многа творяше, и в сладость его послушаше. 21 И приключшуся дню потребну, егда Ирод рождеству своему вечерю творяше князем своим и тысящником и старейшинам Галилейским: 22 и вшедши дщерь тоя Иродиады, и плясавши, и угождши Иродови и возлежащим с ним, рече царь девице: проси у мене егоже аще хощещи, и дам ти. 23 И клятся ей: яко егоже аще попросиши у мене, дам ти, и до пол царствия моего. 24 Она же изшедши рече матери своей: чесо прошу? Она же рече: главы Иоанна Крестителя. 25 И вшедши абие со тщанием к царю, просяше, глаголющи: хощу, да ми даси от него на блюде главу Иоанна Крестителя. 26 И прискорбен быв царь, клятвы (же) ради и за возлежащих с ним не восхоте отрещи ей. 27 И абие послав царь спекулятора, повеле принести главу его. 28 Он же шед усекну его в темнице, и принесе главу его на блюде, и даде у девице: и девица даде у матери своей. 29 И слышавше ученицы его, приидоша и взяша труп его, и положиша его во гробе. 30 И собращася Апостоли ко Иисусу и возвестиша Ему вся, и елика сотвориша, и елика научиша. 31 И рече им: приидите вы сами в пусто место едины и почийте мало. Бяху бо приходящи и отходящи мнози, и ни ясти им бе когда. 32 И идоша в пусто место кораблем едины. 33 И видеша их идущих народи, и познаша их мнози: и пеши от всех градов стицахуся тамо, и предвариша их, и снидошася к Нему. 34 И изшед виде Иисус народ мног и милосердова о них, зане бяху яко овцы не имущыя пастыря: и начат их учити много. 35 И уже часу многу бывшу, приступльше к Нему ученицы Его, глаголаша, яко пусто есть место, и уже час мног: 36 отпусти их, да шедше во окрестных селех и весех купят себе хлебы: не имут бо чесо ясти. 37 Он же отвещав рече им: дадите им вы ясти. И глаголаша Ему: да шедше купим двема стома пенязь хлебы и дамы им ясти? 38 Он же рече им: колико хлебы имате? Идите и видите. И уведевше глаголаша: пять (хлеб), и две рыбы. 39 И повеле им посадити вся на споды на споды на траве зелене. 40 И возлегоша на лехи на лехи по сту и по пятидесят. 41 И приемь пять хлеб и две рыбы, воззрев на небо, благослови и преломи хлебы, и даяше учеником Своим, да предлагают пред ними: и обе рыбы раздели всем. 42 И ядоша вси и насытишася: 43 и взяша укрухи, дванадесяте коша исполнь, и от рыбу. 44 Бяше же ядших хлебы яко пять тысящ мужей.

45 И абие понуди ученики Своя внити в корабль и варити Его на он пол к Вифсаиде, дондеже Сам отпустит народы. 46 И отречеся им, иде в гору помолитися. 47 И вечеру бывшу, бе корабль посреде моря, и Сам един на земли. 48 И виде их страждущих в плавании: бе бо ветр противен им: и о четвертей стражи ночней прииде к ним, по морю ходяй, и хотяше минути их. 49 Они же видевше Его ходяща по морю, мняху призрак быти и возопиша. 50 Вси бо Его видеша и смутишася. И абие глагола с ними и рече им: дерзайте: аз есмь, не бойтеся. 51 И вниде к ним в корабль: и улеже ветр. И zelo излиха в себе ужасахуся и дивляхуся. 52 Не разумеша бо о хлебах: бе бо сердце их окаменено. 53 И прешедше приидоша в землю Геннисаретску и присташа. 54 И изшедшим им из корабля, абие познаша Его, 55 обтекше всю страну ту, начаша на одрех приносити болящыя, идеже слышаху, яко ту есть. 56 И аможе аще вхождаше в веси, или во грады, или села, на распутих полагаху недужныя и моляху Его, да поне воскрилию ризы Его прикоснутся: и елицы аще прикасахуся Ему, спасахуся.

7 И собращася к Нему фарисее и нецци от книжник, пришедшии от Иерусалима: 2 и видевше неких от ученик Его нечистыми руками, сиречь неумовеными, ядущих хлебы, ругахуся. 3 Фарисее бо и вси Иудее, аще не трыюще умывают рук, не ядят, держаще предания старец: 4 и от торжища, аще не покуплются, не ядят. И ина многа суть, яже прияша держати: погружения сткляницам и чваном и котлом и одром. 5 Потом же вопрошаху Его фарисее и книжници: почто ученицы Твои не ходят по преданию старец, но неумовеными руками ядят хлеб? 6 Он же отвещав рече им, яко добре пророчествова Исаиа о вас лицемерех, якоже есть писано: сии людие устнами Мя чтут, сердце же их далече отстоит от Мене, 7 всуе же чтут Мя, уаще учением, заповедем человеческим: 8 оставльше бо заповедь Божию, держите предания человеческая, крещения чваном и сткляницам, и ина подобна такова многа творите. 9 И глаголаше им: добре отменяете заповедь Божию, да предание ваше соблюдете: 10 Моисей бо рече: чти отца твоего и мать твою: и иже злословит отца или мать, смертию да умрет: 11 вы же глаголете: аще речет человек отцу или матери: корван, еже есть дар, иже аще пользовался еси от мене: 12 и не ктому оставляете его что сотворити отцу своему или матери своей, 13 преступающе слово Божие преданием вашим, еже предасте: и подобна такова многа творите. 14 И призвав весь народ, глаголаше им: послушайте Мене вси и разумейте: 15 ничтоже есть внеуду человека входимо в онь, еже может сквернити его: но исходящая от него, та суть сквернящая человека: 16 аще кто имать уши слышати, да слышит. 17 И егда вниде в дом от народа, вопрошаху Его ученицы Его о притчи. 18 И глагола им: тако ли и вы неразумливи есте? Не разумеете ли, яко все, еже извне входимое в человека, не может осквернити его? 19 Яко не входит ему в сердце, но во чрево: и афедронном исходит, истребляя вся брашна. 20 Глаголаше же, яко исходящее от человека, то сквернит человека: 21 извнутри бо от сердца

человеческа помышления злая исходят, прелюбодеяния, любоддеяния, убийства, 22 татбы, лихоимства, (Обиды,) лукавствия, лесь, студоддеяния, око лукаво, хула, гордыня, безумство: 23 вся сия злая извнутри исходят и сквернят человека. 24 И оттуду востав, иде в пределы Тирски и Сидонски: и вшед в дом, ни когоже хотяше, дабы его чул: и не може утаитися. 25 Слышавши бо жена о Нем, еяже дщи имяше духа нечиста, пришедши припаде к ногама Его: 26 жена же бе еллинска, сирофиникисса родом: и моляше Его, да беса изженет из дщере ея. 27 Иисус же рече ей: остави, да первее насытитя чада: несть бо добро отяти хлеб чадом и поврещи псом. 28 Она же отвещавши глагола Ему: ей, Господи: ибо и пси под трапезою ядят от крупиц детей. 29 И рече ей: за сие слово, иди: изыде бес из дщере твоея. 30 И шедши в дом свой, обрете беса изшедша и дщерь лежащу на одре. 31 И паки изшед Иисус от предел Тирских и Сидонских, прииде на море Галилейско, между пределы Декапольски. 32 И привелоша к Нему глуха и гугнива, и моляху Его, да возложит нань руку. 33 И поемь его от народа единого, вложи персты Своя во уши его и плкунув коснуса языка его: 34 и воззрев на небо, воздохну и глагола ему: еффафа, еже есть разверзися. 35 И абие разверзостася слуха его, и разрешися уза языка его, и глаголаше право. 36 И запрети им, да ни комуже поведят: елико же им Той запрещаше, паче излиха проповедаху. 37 И преизлиха дивляхуся, глаголюще: добре все творит: и глухия творит слышати, и немыя глаголати.

8 В тыя дни, зело многу народу сушу, и не имущым чесо ясти, призвав Иисус ученики Своя, глагола им: 2 милосердную о народе, яко уже три дни приседят Мне и не имут чесо ясти: 3 и аще отпущу их не ядших в дома своя, ослабеют на пути: мнози бо от них издалеча пришли суть. 4 И отвещаша Ему ученицы Его: откуду сих возможет кто zde насытити хлебы в пустыни? 5 И вопроси их: колико имате хлебов? Они же реша: семь. 6 И повеле народу возлещи на земли: и приемь семь хлебов, хвалу воздав, преломи и даяше учеником Своим, да предлагают: и предложаша пред народом. 7 И имяху рыбиц мало: и (сия) благословив, рече предложити и тыя. 8 Ядоша же и насытишася: и взяша избытки укруп, семь кошниц. 9 Бяху же ядших яко четыре тысящы. И отпусти их. 10 И абие влез в корабль со ученики Своими, прииде во страны Далмануфански. 11 И изыдоша фарисее и начаша стязатися с Ним, ищуще от Него знамения с небесе, искушающе Его. 12 И воздохнув духом Своим, глагола: что род сей знамения ищет? Аминь глаголю вам, аще дастся роду сему знамение. 13 И оставль их, влез паки в корабль, (и) иде на он пол. 14 И забыша ученицы Его взяти хлебы и разве единого хлеба не имяху с собою в корабли. 15 И прещаше им, глаголя: зрите, блюдитесь от кваса фарисейска и от кваса Иродова. 16 И помышляху, друг ко другу глаголюще, яко хлебы не имамы. 17 И разумев Иисус, глагола им: что помышляете, яко хлебы не имате? Не у ли чувствуете, ниже понимаете? Еще ли окаменено сердце ваше имате? 18 Очи имуще не видите? И уши имуще не

слышите? И не помните ли, 19 егда пять хлебы преломих в пять тысящ, колико кош исполнь укруп приясте? Глаголаша Ему: дванадесять. 20 Егда же семь в четыре тысящы, колико кошниц исполнения укруп взясте? Они же реша: семь. 21 И глагола им: како не понимаете? 22 И прииде в Вифсаиду: и привелоша к Нему слепа, и моляху Его, да его коснется. 23 И емь за руку слепаго, изведе его вон из веси: и плкунув на очи его, (и) возложь руце нань, вопрошаше его, аще что видит? 24 И воззрев глаголаше: вижу человеки яко древие ходящя. 25 Потом (же) паки возложь руце на очи его и сотвори его прозрети: и створиися и узре светло все. 26 И посла его в дом его, глаголя: ни в весь вниди, ни повеждь кому в веси. 27 И изыде Иисус и ученицы Его в веси Кесарии Филипповы: и на пути вопрошаше ученики Своя, глаголя им: кого Мя глаголют человецы быти? 28 Они же отвещаша: Иоанна Крестителя: и инии Илию: друзии же единого от пророк. 29 И Той глагола им: вы же кого Мя глаголете быти? Отвещав же Петр глагола Ему: Ты еси Христос. 30 И запрети им, да ни комуже глаголют о Нем. 31 И начат учити их, яко подобае Сыну Человеческому много пострадати, и искушену быти от старец и архиерей и книжник, и убиену быти, и в третий день воскреснути. 32 И не обинуяся слово глаголаше. И приемь Его Петр, начат претити Ему. 33 Он же обращься и воззрев на ученики Своя, запрети Петрови, глаголя: иди за Мною, сатано: яко не мыслиши, яже (суть) Божия, но яже человеческа. 34 И призвав народы со ученики Своими, рече им: иже хошет по Мне ити, да отвержется себе, и возмет крест свой, и по Мне грядет: 35 иже бо аще хошет душу свою спасти, погубит ю: а иже погубит душу свою Мене ради и Евангелиа, той спасет ю: 36 кая бо польза человеку, аще приобретает мир весь, и отщтит душу свою? 37 Или что даст человек измену на души своей? 38 Иже бо аще постыдится Мене и Моих словес в роде сем прелюбодейнем и грешнем, и Сын Человеческий постыдится его, егда приидет во славе Отца Своего со Ангелы святыми.

9 И глаголаше им: аминь глаголю вам, яко суть нещии от zde стоящих, иже не имут вкусити смерти, дондеже видят Царствие Божие пришедшее в силе. 2 И по шести днеш поят Иисус Петра и Иакова и Иоанна, и возведе их на гору високу особь едины: и преобразися пред ними. 3 И ризы Его быша блещашья, белы зело яко снег, ячехже не может белилик убелити на земли. 4 И явися им Илиа с Моисеем: и беста со Иисусом глаголюща. 5 И отвещав Петр глагола Иисусови: Равви, добро есть нам zde быти: и сотворим кровы три, Тебе един, и Моисееви един, и Илии един. 6 Не ведаше бо, что рещи: бяху бо пристрашни. 7 И бысть облак осеняя их: и прииде глас из облака, глаголя: Сей есть Сын Мой возлюбленный, Того послушайте. 8 И внезапно воззревше, ктому ни когоже видеша, токмо Иисуса единого с собою. 9 Сходящым же им с горы, запрети им, да ни комуже поведят, яже видеша, токмо егда Сын Человеческий из мертвых воскреснет. 10 И слово удержаша в себе, стязающься, что есть, еже из мертвых воскреснути. 11 И вопрошаху Его

глаголюще: како глаголют книжници, яко Илии подобает приити прежде? 12 Он же отвещав рече им: Илиа убо пришед прежде, устроит вся: и како есть писано о Сыне Человечестем, да много постраждет и уничижен будет: 13 но глаголю вам, яко и Илиа прииде, и сотвориша ему, елика хотеша, якоже есть писано о нем. 14 И пришед ко учеником, виде народ мног о них и книжники стязоущаяся с ними. 15 И абие весь народ видев Его ужасеся, и приришуще целоваху Его. 16 И вопросы книжники: что стязаетеся к себе? 17 И отвещав един от народа рече: Учителю, приведох сына моего к Тебе, имуща духа нема: 18 и идеже колждо имет его, разбивает его, и пены тещит, и скрежещет зубы своими, и оцепеневает: и рех учеником Твоим, да изженут его, и не возмогоша. 19 Он же отвещав ему глагола: о, роде неверен, доколе в вас буду? Доколе терплю вы? Приведите его ко Мне. 20 И приведоша его к Нему. И видев Его, абие дух стрясе его: и пад на земли, валяшеся, пены тещя. 21 И вопросы отца его: колико лет есть, отнележе сие бысть ему? Он же рече: издетска: 22 и многжды во огнь вверже его и в воды, да погубит его: но аще что можеша, помози нам, милосердовав о нас. 23 Иисус же рече ему: еже аще что можеша веровати, вся возможна верующему. 24 И абие возопив отец отрочате, со слезами глаголаше: верую, Господи: помози моему неверию. 25 Видев же Иисус, яко срищется народ, запрети духу нечистому, глаголя ему: душе немый и глухий, аз ти повелеваю: изыди из него и ктому не вниди в него. 26 И возопив и много пружався, изыде: и бысть яко мертв, якоже мнозем глаголати, яко умре. 27 Иисус же емь его за руку, воздвиже его: и воста. 28 И вшедшу Ему в дом, ученицы Его вопрошаху Его единого: яко мы не возмогохом изгнати его? 29 И рече им: сей род ничимже может изыти, токмо молитвою и постом. 30 И оттуду изшедше, идяху сквозе Галилею: и не хотяше, да кто увестъ. 31 Учаше бо ученики Своя и глаголаше им, яко Сын Человеческий предан будет в руце человеческте, и убикют Его: и убиен быв, в третий день воскреснет. 32 Они же не разумеваху глаголгола и бояхуся Его вопросити. 33 И прииде в Капернаум: и в дому быв, вопрошаше их: что на пути в себе помышляете? 34 Они же молчаху: друг ко другу бо стязаша еса на пути, кто (есть) болий. 35 И сед пригласи обанадесяте и глагола им: аще кто хочет старей быти, да будет всех менший и всем слуга. 36 И приимь отроча, постави е посреде их: и объемь е, рече им: 37 иже аще едино таковых отрочат примет во имя Мое, Мене приемлет: и иже Мене приемлет, не Мене приемлет, но Пославшаго Мя. 38 Отвеща Ему Иоанн, глаголя: Учителю, видехом некоего именем Твоим изгоняща бесы, иже не ходит по нас: и возбранихом ему, яко не последует нам. 39 Иисус же рече: не браните ему: никтоже бо есть, иже сотворит силу о имени Моем, и возможет вскоре злословити Мя. 40 Иже бо несть на вы, по вас есть. 41 Иже бо аще напоит вы чашею воды во имя Мое, яко Христовы есте, аминь глаголю вам, не погубит мзды своея. 42 И иже аще соблазнит единого от малых сих верующих в Мя, добрее есть ему паче, аще облежит камень жерновный о выи его, и

ввержен будет в море. 43 И аще соблажняет тя рука твоя, отсецы ю: добрее ти есть беднику в живот внити, неже обе руце имущу внити в геенну, во огнь неугасающий, (Geenna g1067) 44 идеже червь их не умирает, и огонь не угасает. 45 И аще нога твоя соблажняет тя, отсецы ю: добрее ти есть внити в живот хрому, неже две нозе имущу ввержену быти в геенну, во огнь неугасающий, (Geenna g1067) 46 идеже червь их не умирает, и огонь не угасает. 47 И аще око твое соблажняет тя, исткни е: добрее ти есть со едином оком внити в Царствие Божие, неже две оце имущу ввержену быти в геенну огненную, (Geenna g1067) 48 идеже червь их не умирает, и огонь не угасает. 49 Всяк бо огнем осолится, и всяка жертва солию осолится. 50 Добро соль: аще же соль не слана будет, чим осолится? Имейте соль в себе, и мир имейте между собою.

10 И оттуду востав преиде в пределы Иудейския, об он пол Иордана. И снидохася паки народи к Нему: и яко обычай име, паки учаше их. 2 И приступльше фарисее вопросыша Его: аще достоин мужу жену пустити? Искушающе Его. 3 Он же отвещав рече им: что вам заповеда Моисей? 4 Они же реща: Моисей повеле книгу распустную написати, и пустити. 5 И отвещав Иисус рече им: по жестосердию вашему написа вам заповедь сию: 6 от начала же создания, мужа и жену сотворил я есть Бог: 7 сего ради оставит человек отца своего и мать 8 и прилепится к жене своей, и будета оба в плоть едину: темже уже неста два, но плоть единая: 9 еже убо Бог сочета, человек да не разлучает. 10 И в дому паки ученицы Его о сем вопросыша Его. 11 И глагола им: иже аще пустит жену свою и оженится иною, прелюбы творит на ню: 12 и аще жена пустит мужа и посягнет за иного, прелюбы творит. 13 И приношаху к Нему дети, да коснется их: ученицы же прещаху приносящим. 14 Видев же Иисус негодова и рече им: оставите детей приходити ко Мне и не браните им, тацех бо есть Царствие Божие: 15 аминь глаголю вам: иже аще не примет Царствия Божия яко отроча, не имать внити в не. 16 И объемь их, возложь руце на них, благословляше их. 17 И исходящу Ему на путь, притек некий и поклонься на колену Ему, вопрошаше Его: Учителю благий, что сотворю, да живот вечный наследствую? (aiōnios g166) 18 Иисус же рече ему: что Мя глаголеши блага? Никтоже благ, токмо един Бог. 19 Заповеди веси: не прелюбы сотвориши: не убий: не укради: не лжесвидетельствуй: не обиди: чти отца твоего и мать. 20 Он же отвещав рече Ему: Учителю, сия вся сохраних от юности моя. 21 Иисус же возрев нань, возлюбил его и рече ему: единого еси не докончал: иди, елика имаши, продаждь и даждь нищим, и имети имаши сокровище на небеси: и прииди (и) ходи вслед Мене, взем крест. 22 Он же дряхл быв о словеси, отиде скорбь: бе бо имея стяжания многа. 23 И возрев Иисус глагола учеником Своим: како неудобь имущи богатство в Царствие Божие внидут. 24 Ученицы же ужасахуся о словесех Его. Иисус же паки отвещав глагола им: чада, како неудобь уповающим на богатство в Царствие Божие внити: 25 удобнее бо есть вельбуду сквозе иглине

ушы проити, неже богату в Царствие Божие внити. 26 Они же излиха дивляхуся, глаголюще к себе: то кто может спасен быти? 27 Воззрев же на них Иисус глагола: у человек невозможно, но не у Бога: вся бо возможна суть у Бога. 28 Начат же Петр глаголати Ему: се, мы оставихом вся и вслед Тебе идохом. 29 Отвещав же Иисус рече: аминь глаголю вам: никтоже есть, иже оставил есть дом, или братию, или сестры, или отца, или мать, или жену, или чада, или села, Мене ради и Евангелия ради: 30 аще не примет сторицею ныне во время сие, домов, и братий, и сестр, и отца, и матери, и чад, и сел, во изгнани, и в век грядущий живот вечный: (aïōn g165, aïōnios g166) 31 мнози же будут первии последни, и последнии перви. 32 Бяху же на пути, восходяще во Иерусалим: и бе варяя их Иисус, и ужасахуся, и вслед идуще, бояхуся. И поемь паки обанадесять, начат им глаголати, яже хотяху Ему быти: 33 яко, се, восходим во Иерусалим, и Сын Человеческий предан будет архиереом и книжником, и осудят Его на смерть, и предадут Его языком: 34 и поругаются Ему, и уязвят Его, и оплюют Его, и убьют Его: и в третий день воскреснет. 35 И пред Него приидоста Иаков и Иоанн, сына Зеведеева, глаголюща: Учителю, хочева, да еже аще просива, сотвориши нама. 36 Он же рече има: что хочета, да сотворю вама? 37 Она же реста Ему: даждь нам, да един о десную Тебе и един о шуюю Тебе сядева во славе Твоей. 38 Иисус же рече има: не веста, чесо просита: можета ли пити чашу, юже Аз пию, и крещением, имже Аз крещаюся, креститися? 39 Она же реста Ему: можева. Иисус же рече има: чашу убо, юже Аз пию, испieta, и крещением, имже Аз крещаюся, креститася: 40 а еже сести о десную Мене и о шуюю, несть Мне дати, но имже уготовано есть. 41 И слышавше десять, начаша негодовати о Иакове и Иоанне. 42 Иисус же призвав их, глагола им: весте, яко мянхисия владети языки, соодолевают им, и величии их обладают ими: 43 не тако же будет в вас: но иже аще хочет в вас вящший быти, да будет вам слуга: 44 и иже аще хочет в вас быти старей, да будет всем раб: 45 ибо Сын Человечь не прииде, да послужат Ему, но да послужит и даст душу Свою избавление за многи. 46 И приидоша во Иерихон. И исхощаху Ему от Иерихона, и учеником Его, и народу многу, сын Тимеов Вартимей слепый седяше при пути, прося. 47 И слышав, яко Иисус Назорянин есть, начат звати и глаголати: Сыне Давидов Иисусе, помилуй мя. 48 И прещаху ему мнози, да умолчит: он же множае паче зваше: Сыне Давидов, помилуй мя. 49 И став Иисус, рече его возгласити. И возгласиша слепца, глаголюще ему: дерзай, востани, зовет тя. 50 Он же отверг ризы своя, востав прииде ко Иисусови. 51 И отвечав глагола ему Иисус: что хочещи, да сотворю Тебе? Слепый же глагола Ему: Учителю, да да прозрю. 52 Иисус же рече ему: иди: вера твоя спасе тя. И абие прозре и по Иисусе иде в путь.

11 И егда приближися во Иерусалим, в Вифсафагию и Вифанию, к горе Елеонстей, посла два от ученик Своих 2 и глагола има: идита в весь, яже есть прямо вама: и абие входяща в ню, обряцета жребя привязано, на неже никтоже от человек вседе: отрешша е, приведита: 3 и аще кто вама

речет: что творита сие? Рцята, яко Господь требует е: и абие послет е семо. 4 Идоста же, и обретоста жребя привязано при дверех вне на распути, и отрешиста е. 5 И нецыми от стоящих ту глаголаху има: что деета отрешающа жребя? 6 Она же реста им, якоже заповеда има Иисус: и оставиша я. 7 И приведоста жребя ко Иисусови: и возложиша на не ризы своя, и вседе на не. 8 Мнози же ризы своя пошлаша по пути: друзии же вама резаху от дровя и постилаху по пути. 9 И предходящи и вслед грядущии вопияху, глаголюще: осанна, благословен Грядый во имя Господне, 10 благословено грядущее царство во имя Господа отца нашего Давида: осанна в вышних. 11 И вниде во Иерусалим Иисус и в церковь: и соглядав вся, позде уже сущу часу, изыде в Вифанию со обеманадесяте. 12 И наутрие изшедшим им от Вифании, взалка: 13 и видев смоковницу издалеча, имущу листвие, прииде, аще убо что обряцет на ней: и пришед к ней, ничесоже обрете, токмо листвие: не у бо бе время смоквам. 14 И отвечав Иисус рече ей: да не ктому от тебе во веки никтоже плода снести. И слышаху ученицы Его. (aïōn g165) 15 И приидоша (паки) во Иерусалим. И вшед Иисус в церковь, начат изгонити продающия и купующия в церквь: и трапезы торжником и седалища продающих голуби испроверже: 16 и не даяше, да кто мимонесет сосуд сквозе церковь. 17 И учаше, глаголя им: несть ли писано, яко храм Мой храм молитвы наречется всем языком? Вы же сотвористе его вертеп разбойником. 18 И слышаша книжницы и архиерее, и искаху, како Его погубят: бояхубося Его, яко весь народ дивляшеся о учении Его. 19 И яко позде бысть, исхождаше вон из града. 20 И утро мимоходяще, видеша смоковницу изсохшу из корения. 21 И воспомянув Петр глагола Ему: Равви, виждь, смоковница, юже проклял еси, усше. 22 И отвечав Иисус глагола им: 23 имейте веру Божию: аминь бо глаголю вам, яко, иже аще речет горе сей: двингися и верзися в море: и не размыслит в сердцы своем, но веру имет, яко еже глаголет, бывает: будет ему, еже аще речет: 24 сего ради глаголю вам: вся елика аще молящеся просите, веруйте, яко приемлете: и будет вам: 25 и егда стоите молящеся, отпускайте, аще что имате на кого, да и Отец ваш, Иже есть на небесех, отпустит вам согрешения ваша: 26 аще ли же вы не отпускаете, ни Отец ваш, Иже есть на небесех, отпустит вам согрешений ваших. 27 И приидоша паки во Иерусалим. И в церкви ходящу Ему, приидоша к Нему архиерее и книжницы и старцы 28 и глаголаша Ему: кою областю сия твориши? И кто Ти область сию даде, да сия твориши? 29 Иисус же отвечав рече им: вопрошу вы и Аз словесе одинаго, и отвечайте Ми: и реку вам, кою областю сия творю: 30 крещение Иоанново с небесе ли бе, или от человек? Отвещайте Ми. 31 И мысляху в себе, глаголюще: аще речем, с небесе, речет: почто убо не веровасте ему? 32 Но аще речем, от человек: бояхуся людий: вси бо имяху Иоанна, яко воистинну пророк бе. 33 И отвечавше глаголаша Иисусови: не вемы. И отвечав Иисус глагола им: ни Аз глаголю вам, кою областю сия творю.

12 И начат им в притчах глаголати: виноград насади человек, и огради оплотом, и ископа точило, и созда

столп, и предаде его тяжателем, и отиде. 2 И посла к тяжателем во время раба, да от тяжателъ примет от плода винограда: 3 они же емше его биша и отослаша тща. 4 И паки посла к ним другаго раба: и того каменнем бивше, пробиша главу ему и послаша безчестна. 5 И паки иного посла: и того убиша: и многи ины, овы убо биюще, овы же убивающе. 6 Еще убо единого сына име возлюбленного своего, посла и того к ним последи, глаголя, яко усрамятся сына моего. 7 Они же тяжателе реша к себе, яко сей есть наследник: приидите, убием его, и наше будет наследствие. 8 И емше его убиша и извергоша его вон из винограда. 9 Что убо сотворит господь винограда? Приидет и погубит тяжателы и даст виноград инем. 10 Ни Писания ли сего чли есте: камень, егоже не в ряду сотвориша зиждущи, сей бысть во главу угла: 11 от Господа бысть сие, и есть дивно во очию нашею? 12 И искаху Его яти, и убояшася народа: разумеша бо, яко к ним притчу рече: и оставльше Его отидоша. 13 И послаша к Нему некия от фарисей и иродиан, да Его оболъстят словом. 14 Они же пришедше глаголаша Ему: Учителю, вемы, яко истинен еси и не радиши ни о комже: не зриши бо на лице челоуков, но воистинну пути Божию учиши: достоин ли кинсон кесареви дати, или ни? Дамы ли, или не дамы? 15 Он же ведый их лицемерие, рече им: что Мя искушаете? Принесите Ми пенязь, да вижу. 16 Они же принесоша. И глагола им: чий образ сий и написание? Они же реша Ему: кесарев. 17 И отвещав Иисус рече им: воздадите кесарева кесареви и Божия Богови. И чудишася о Нем. 18 И приидоша саддукее к Нему, иже глаголют воскресению не быти: и вопрошиша Его, глаголюще: 19 Учителю, Моисей написа нам, яко аще кому брат умрет и оставит жену, а чад не оставит: да поймет брат его жену его и воскресит семя брату своему. 20 Седмь братий бе: и первый поят жену и умирая не остави семене: 21 и второй поят ю и умре, и ни той остави семене: и третий такожде: 22 и пояша ю седмь и не оставиша семене: последи же всех умре и жена. 23 В воскресение убо, егда воскреснут, которому их будет жена: седмь бо имеша ю жену. 24 И отвещав Иисус рече им: не сего ли ради прельщаетесь, не ведуще Писания, ни силы Божия? 25 Егда бо из мертвых воскреснут, ни женятся, ни посягают, но суть яко Ангели на небесех: 26 о мертвых же, яко востают, несте ли чли в книгах Моисеевых, при купине яко рече ему Бог, глаголя: Аз Бог Авраамов и Бог Исааков и Бог Иаковль? 27 Несть Бог мертвых, но Бог живых: вы убо много прельщаетесь. 28 И приступль един от книжник, слышав их стяжающихся и видев, яко добре отвеща им, вопроси Его: кая есть первая всех заповедий? 29 Иисус же отвеща ему: яко первейши всех заповедий: слыши, Израилю, Господь Бог ваш Господь един есть: 30 и возлюбиши Господа Бога твоего всем сердцем твоим, и всею душею твоею, и всем умом твоим, и всею крепостию твоею: сия есть первая заповедь. 31 И вторая подобна ей: возлюбиши ближняго своего яко сам себе. Большая сею ина заповедь несть. 32 И рече Ему книжник: добре, Учителю, воистинну рекл еси, яко един есть Бог, и несть ин разве Его: 33 и еже любити Его всем сердцем, и всем разумом, и всею

душею, и всею крепостию: и еже любити ближняго яко себе, боле есть всех всесожжений и жертв. 34 Иисус же видев, яко смысленно отвеща, рече ему: не далече еси от Царствия Божия. И никтоже смеяше ктому Его вопросити. 35 И отвещав Иисус глаголаше, учя в церкви: како глаголют книжници, яко Христос Сын есть Давидов? 36 Той бо Давид рече Духом Святым: глагола Господь Господеви моему: седи о десную Мене, дондеже положу враги Твоя подножие ногама Твоима. 37 Сам убо Давид глаголет Его Господа: и откуду Сын ему есть? И мног народ послушаше Его в сладость. 38 И глаголаше им во учении Своем: блудитесь от книжник, хотящих во одеяниях ходити, и целования на торжищих, 39 и преждеседания на сонмищих, и первоозлежания на вечерях: 40 поядающе дома вдовиц и непщеванием надолзе молящася, сии примут лишнее осуждение. 41 И сед Иисус прямо сокровищному хранилищу, зряше, како народ мечет медь в сокровищное хранилище. И мнози богатии вметаху многа. 42 И пришедши едина вдовица убога, вверже лепте две, еже есть кодрант. 43 И призвав ученики Своя, рече им: аминь глаголю вам, яко вдовица сия убогая множае всех вверже вметающих в сокровищное хранилище: 44 вси бо от избытка своего ввергоша: сия же от лишения своего вся, елика имейше, вверже, все житие свое.

13 И исходящу Ему от церкви, глагола Ему един от ученик Его: Учителю, видждь, каково камене и какова здания. 2 И отвещав Иисус рече ему: видиши ли сия великая здания? Не имать остати zde камень на камени, иже не разорится. 3 И седящу Ему на горе Елеонстей прямо церкви, вопрошаху Его единого Петр и Иаков, и Иоанн и Андрей: 4 рцы нам, когда сия будут? И кое (будет) знамение, егда имут вся сия скончатися? 5 Иисус же отвещав им, начат глаголати: блудитесь, да не кто вас прельстит. 6 Мнози бо приидут во имя Мое, глаголюще, яко Аз есмь: и многи прельстят. 7 Егда же услышите брани и слышания бранем, не ужасайтесь: подобает бо быти: но не у кончина. 8 Восстанет бо язык на язык, и царство на царство: и будут труси по местом, и будут глади и мятежи. Начало болезнем сия. 9 Блудитесь же вы сами: предадут бо вы в сонмища, и на соборищих биени будете: и пред воеводы и цари ведени будете Мене ради, во свидетелство им. 10 И во всех языцех подобает прежде проповедатися Евангелию. 11 Егда же поведут вы предающе, не прежде печьтеся, что възглаголете, ни поучайтеся: но еже аще дастся вам в той час, се глаголите: не вы бо будете глаголющи, но Дух Святый. 12 Предаст же брат брата на смерть, и отец чадо: и встанут чада на родители и убивут их. 13 И будете ненавидими всеми имене Моего ради: претерпевый же до конца, той спасен будет. 14 Егда же узрите мерзость запустения, реченную Даниилом пророком, стоящу, идеже не подобает: чтый да разумеет: тогда сущии во Иудеи да бежат на горы: 15 и иже на крове, да не слазит в дом, ни да виднет взяти чесо от дому своего: 16 и иже на селе сый, да не возвратится вспять взяти ризу свою. 17 Горе же неправдным и доящим в тыя дни. 18 Молитесь же, да не будет бегство ваше в

зиме. 19 Будут бо дние ти скорбь, якова не бысть такова от начала создания, еже созда Бог, доньне, и не будет. 20 И еще не бы Господь прекратил дний, не бы убо спаслася всяка плоть: но избранных ради, ихже избра, прекратит дни. 21 Тогда еще кто речет вам: се, zde Христос, или: се, онде: не имите веры. 22 Встанут бо лжехристи и лжепророцы и дадут знамения и чудеса, еже прельстити, аще возможно, и избранныя. 23 Вы же блюдитесь: се, прежде рех вам вся. 24 Но в тыя дни, по скорби той, солнце померкнет, и луна не даст света своего, 25 и звезды будут с небесе спадающа, и силы, яже на небесех, подвижутся. 26 И тогда узрят Сына Человеческого грядуща на облацех с силою и славою мноюю. 27 И тогда послет Ангелы Своя и соберет избранныя Своя от четырех ветр, от конца земли до конца неба. 28 От смоковницы же научитесь притчи: егда уже ветвие ея будет младо и изращает листвие, ведите, яко близ есть жатва: 29 тако и вы, егда сия видите бывающа, ведите, яко близ есть, при дверех. 30 Аминь глаголю вам, яко не имать прейти род сей, дондеже вся сия будут. 31 Небо и земля прейдут, словеса же Моя не прейдут. 32 О дни же том или о часе никтоже весть, ни Ангели, иже суть на небесех, ни Сын, токмо Отец. 33 Блюдите, бдите и молитесь: не весте бо, когда время будет. 34 Якоже человек отходя оставль дом свой, и дав рабом своим власть, и комуждо дело свое, и вратарю повеле, да бдит. 35 Бдите убо: не весте бо, когда господь дому приидет, вечер, или полунощи, или в петлоглашение, или утро: 36 да не пришед внезапно, обрящет вы спящя. 37 А яже вам глаголю, всем глаголю: бдите.

14 Бе же Пасха и опресноцы по двюю днию: и искаху архиерее и книжници, како Его лестию емше убьют: 2 глаголаху же: (но) не в праздник, еда како молва будет людска. 3 И сущу Ему в Вифании, в дому Симона прокаженного, возлежащу Ему, прииде жена, имущи алавастр мира нарднаго пистики многоценна: и сокрушши алавастр, возливаше Ему на главу. 4 Бяху же нещны негодующе в себе и глаголюще: почто гибель сия мирная бысть? 5 Можаше бо сие продано быти вящше триех сот пенязь и датися нищым. И прещаху ей. 6 Иисус же рече: оставите ю: что ей труды даете? Добро дело содела о Мне. 7 Всегда бо нищыя имате с собою, и егда хочете, можете им добро творити: Мене же не всегда имате. 8 Еже име сия, сотвори: предвари помазати Мое тело на погребение. 9 Аминь глаголю вам: идеже аще проповестся Евангелие сие во всем мире, и еже сотвори сия, глаголао будет в память ея. 10 И Иуда Искариотский, един от обоюнадесяте, иде ко архиереем, да предаст Его им. 11 Они же слышавше возрадовашася и обещаша ему сребреники дати. И искаше, како Его в удобно время предаст. 12 И в первый день опреснок, егда пасху жряху, глаголаша Ему ученицы Его: где хочещи, шедше уготоваем, да яси пасху? 13 И посла два от ученик Своих и глагола има: идита во град: и срящет вас человек в скудельнице воду нося: по нем идита, 14 и идеже аще внидет, рчыта господину дому, яко Учитель глаголет: где есть виталинца, идеже пасху со ученики Моими снем? 15

И той вама покажет горницу велию, послану, готову: ту уготовайте нам. 16 И изыдоша ученика Его, и приидоша во град, и обретоша, якоже рече има: и уготоваша пасху. 17 И вечеру бывшу прииде со обеманадесяте. 18 И возлежащым им и ядущым, рече Иисус: аминь глаголю вам, яко един от вас предаст Мя, ядый со Мною. 19 Они же начаша скорбети и глаголати Ему един по единому: еда аз? И другий: еда аз? 20 Он же отвещав рече им: един от обоюнадесяте, омочивый со Мною в солило. 21 Сын убо Человеческий идет, якоже есть писано о Нем: горе же человеку тому, имже Сын Человеческий предастся: добрее было бы ему, аще не бы родился человек той. 22 И ядущым им, приемь Иисус хлеб, (и) благословив, преломи и даде им, и рече: приимите, ядите: сие есть Тело Мое. 23 И приим чашу, хвалу воздав, даде им: и пиша от нея вси. 24 И рече им: сия есть Кровь Моя Новаго Завета, за многи изливаема: 25 аминь глаголю вам, яко ктому не имам пити от плода лознаго до дне того, егда е пию ново во Царствии Божии. 26 И воспевше изыдоша в гору Елеонскую. 27 И глагола им Иисус, яко вси соблазнитесь о Мне в ночь сию: писано бо есть: поража пастыря, и разыдутся овцы. 28 Но потом, егда воскресну, варяю вы в Галилеи. 29 Петр же рече Ему: аще и вси соблазнятся, но не аз. 30 И глагола ему Иисус: аминь глаголю тебе, яко ты днешь в ночь сию, прежде даже вторицею петель не возгласит, трикраты отвержешися Мене. 31 Он же множае глаголаше паче: аще (же) ми есть с Тобою и умрети, не отвергуся Тебе. Такожде и вси глаголаху. 32 И придоша в весь, ейже имя Гефсимания: и глагола учеником Своим: сядите zde, дондеже шед помолюся. 33 И поят Петра и Иакова и Иоанна с Собою: и начат ужасатися и тужити. 34 И глагола им: прискорбна есть душа Моя до смерти: будите zde и бдите. 35 И прешед мало, паде на земли и молящяся, да, аще возможно есть, мимо идет от Него час: 36 и глаголаше: Авва Отче, вся возможна Тебе: мимо неси от Мене чашу сию: но не еже Аз хошу, но еже Ты. 37 И прииде, и обрете их спящих, и глагола Петрови: Симоне, спиши ли? Не возмогл еси единого часа побдети? 38 Бдите и молитесь, да не внидете в напасть: дух убо бодр, плоть же немощна. 39 И паки шед помолися, тожде слово рек. 40 И возвращающа обрете я паки спящя: бяху бо очеса им тяготна: и не ведяху, что быша Ему отвещали. 41 И прииде третицею и глагола им: спите прочее и почивайте: приспе конец, прииде час: се, предается Сын Человеческий в руки грешником: 42 встаните, идем: се, предай Мя приближися. 43 И абие, еще Ему глаголющу, прииде Иуда, един сый от обоюнадесяте, и с ним народ много со оружием и дрекольми, от архиерей и книжник и старец. 44 Даде же предай Его знамение им, глаголя: Егоже аще лобжу, той есть: имите Его и ведите (Его) сохранно. 45 И пришед, абие приступль к Нему, глагола (Ему): Равви, Равви. И облобыза Его. 46 Они же возложиша руце Свои на него и яша Его. 47 Един же некто от стоящих извлек нож, удари раба архиереова и уреза ему ухо. 48 И отвещав Иисус рече им: яко на разбойника ли изыдоште со оружием и дрекольми яти Мя? 49 По вся дни бех при вас в церкви уча, и не ясте Мене: но

да сбудется Писание. 50 И оставльше Его, вси бежаша. 51 И един некто юноша иде по Нем, одеян в плащаницу по нагу: и яша того юношу. 52 Он же оставль плащаницу, наг бежа от них. 53 И ведоша Иисуса ко архиерею: и снисдошася к нему вси архиереи и книжници и старцы. 54 И Петр издалеча вслед Его иде до внутрь во двор архиереев: и бе седя со слугами и греяся при свещи. 55 Архиереи же и весь сонм искаху на Иисуса свидетелства, да умертвят Его: и не обретаху. 56 Мнози бо лжесвидетелствоваху на Него, и равна свидетелства не бяху. 57 И нецьи воставше лжесвидетелствоваху на Него, глаголюще: 58 яко мы слышахом Его глаголюща, яко Аз разорю церковь сию рукотвореную и тремя денми ину нерукотворену созижду. 59 И ни тако равно бе свидетелство их. 60 И востав архиерей посреде, вопроши Иисуса, глаголя: не отвечаеши ли ничесоже? Что сии на Тя свидетелствуют? 61 Он же молчаше и ничтоже отвечаеши. Паки архиерей вопроши Его и глагола Ему: Ты ли еси Христос, Сын Благословеннаго? 62 Иисус же рече: Аз есмь: и узрите Сына Человеческаго о десную сидяща силы и грядуща со облаки небесными. 63 Архиерей же растерзав ризы своя, глагола: что еще требуем свидетелей? 64 Слышасте хулу: что вам мнитися? Они же вси осудиша Его быти повинна смерти. 65 И начаша нецьи плювати Нань, и прикрывати лице Его, и мучити Его, и глаголати Ему: прорцы. И слуги по ланитома Его бяху. 66 И сущу Петрови во дворе низу, прииде едина от рабынь архиереевых, 67 и видевши Петра греющася, воззревши на него, глагола: и ты с Назарянином Иисусом был еси. 68 Он же отвержесе, глаголя: не вем, ниже знаю, что ты глаголеши. И изыде вон на преддворие: и алектор возгласи. 69 И рабыня видевши его паки, начат глаголати предстоящим, яко сей от них есть. 70 Он же паки отметашесе. И помале паки предстоящи глаголаху Петрови: воистинну от них еси: ибо Галилеанин еси, и беседа твоя подобится. 71 Он же нача ротитися и клятися, яко не вем Человека Сего, Егоже вы глаголете. 72 И второе алектор возгласи. И помяну Петр глаголго, егоже рече ему Иисус, яко прежде даже петель не возгласит двакраты, отвержешися Мене трикраты. И начен плакашесе.

15 И абие наутрие совет сотвориша архиереи со старцы и книжники, и весь сонм, связавше Иисуса ведоша и предаша (Его) Пилату. 2 И вопроши Его Пилат: Ты ли еси Царь Иудейский? Он же отвечае рече ему: ты глаголеши. 3 И глаголаху на Него архиереи много. 4 Пилат же паки вопроши Его, глаголя: не отвечаеши ли ничтоже? Видь, колика на Тя свидетелствуют. 5 Иисус же ктому ничтоже отвечае, яко дивитися Пилату. 6 На (всяк) же праздник отпускаше им единого связзя, егоже прошаху. 7 Бе же нарицаемый Варавва со сковники своими связан, иже в кове убийство сотвориша. 8 И возопив народ нача просити, якоже всегда творяше им. 9 Пилат же отвечае им, глаголя: хочете ли, пущу вам Царя Иудейска? 10 Ведяше бо, яко зависти ради предаша Его архиереи. 11 Архиереи же помануша народу, да паче Варавву пустит им. 12 Пилат же отвечае

паки рече им: что убо хотите сотворю, Егоже глаголете Царя Иудейска? 13 Они же паки возопиша (глаголюще): пропни Его. 14 Пилат же глаголаше им: что бо зло сотвори? Они же излиха вопияху: пропни Его. 15 Пилат же хотя народу хотение сотворити, пусти им Варавву: и предаде Иисуса, бив, да пропнут Его. 16 Воини же ведоша Его внутрь двора, еже есть претор: и созваша всю спиру, 17 и облекоша Его в препряду, и возложиша на Него сплетше тернов венец, 18 и начаша целовати Его (и глаголати): радуйся, Царю Иудейский. 19 И бяху Его по главе тростию, и плюваху на Него, и прегибающе колена поклоняхуся Ему. 20 И егда поругашася Ему, совлекоша с Него препряду и облекоша Его в ризы Своя: и изведоша Его, да пропнут Его. 21 И задеша мимоходящу некоему Симону Кириною, грядущу с села, отцу Александрову и Руфову, да возмет крест Его. 22 И приведоша Его на Голгофу место, еже есть сказуемо Лобное место. 23 И даяху Ему пити есмирнисмено вино: Он же не прият. 24 И распенши Его разделиша ризы Его, метающе жребий о них, кто что возмет. 25 Бе же час третий, и распяша Его. 26 И бе написание вины Его написано: Царь Иудейск. 27 И с Ним распяша два разбойника, единого о десную и единого о шуюю Его. 28 И сбьстися Писание, еже глаголет: и со беззаконными вменися. 29 И мимоходящи хуляху Его, покивающе главами своими и глаголюще: уа, разоряй церковь и тремя денми созидай, 30 спасися Сам и сниди со креста. 31 Такжеже и архиереи ругающеся, друг ко другу с книжники глаголаху: ины спасе, Себе ли не может спасти? 32 Христос, Царь Израилев, да снидет ныне со креста, да видим и веру имем Ему. И распята с Ним поношаста Ему. 33 Бывшу же часу шестому, тма бысть по всей земли до часа девятого. 34 И в час девятый возопи Иисус гласом велиим, глаголя: Елои, Елои, лама савахфани? Еже есть сказуемо: Боже Мой, Боже Мой, почто Мя оставил еси? 35 И нецьи от предстоящих слышавше, глаголаху: се, Илию гласит. 36 Тек же един, и наполнив губу оцта, и возложь на трость, напаяше Его, глаголя: оставите, да видим, аще приидет Илиа сняти Его. 37 Иисус же пущь глас велий, издше. 38 И завеса церковная раздрася на двое, вышше до низу. 39 Видев же сотник стояй прямо Ему, яко тако возопив издше, рече: воистинну Человек Сей Сын бе Божий. 40 Бяху же и жены издалеча зряща, в нихже бе Мариа Магдалина, и Мариа Иакова малаго и Иосии мати, и Саломиа, 41 яже, и егда бе в Галилеи, хождаху по Нем и служажу Ему: и ины многия, яже възыдоша с Ним во Иерусалим. 42 И уже позде бывшу, понеже бе пяток, еже есть к субботе, 43 прииде Иосиф, иже от Аримафеа, благообразен советник, иже и той бе чая Царствия Божия, дерзнув вниде к Пилату, и проси телесе Иисусова. 44 Пилат же дивися, аще уже умре: и призвав сотника, вопроши его: аще уже умре? 45 И уведев от сотника, даде тело Иосифови. 46 И купив плащаницу и снемь Его, обвит плащаницею: и положи Его во гроб, иже бе исечен от камене: и привали камень над двери гроба. 47 Мариа же Магдалина и Мариа Иосиева зрясте, где Его полагаху.

16 И минувшей субботе, Мариа Магдалина и Мариа Иаковля и Саломиа купиша ароматы, да пришедша помажут Иисуса. **2** И зело заутра во едину от суббот приидоша на гроб, возсиявшу солнцу, **3** и глаголаху к себе: кто отвалит нам камень от дверей гроба? **4** И воззревша видеша, яко отвален бе камень: бе бо велий зело. **5** И вшедша во гроб, видеша юношу седяща в десных, одяна во одежду белу: и ужасошася. **6** Он же глагола им: не ужасайтесь: Иисуса ищите Назарянина распятого: воста, несть zde: се, место, идеже положиша Его: **7** но идите, рцыте учеником Его и Петрови, яко варяет вы в Галилеи: тамо Его видите, якоже рече вам. **8** И изшедша бежаша от гроба: имяше же их трепет и ужас: и ни комуже ничтоже реша: бояхубося. **9** (note: The most reliable and earliest manuscripts do not include Mark 16:9-20.) Воскрес же (Иисус) заутра в первую субботу, явися прежде Марии Магдалини, из неяже изгна семь бесов. **10** Она (же) шедши возвести с Ним бывшим, плачущимся и рыдающим: **11** и они слышавше, яко жив есть и виден бысть от нея, не яша веры. **12** По сих же двема от них грядущема явися инем образом, идущема на село. **13** И та шедша возвестиста прочым: и ни тема веры яша. **14** Последи (же) возлежащим им единомунадесяте явися, и поноси неверствию их и жестосердию, яко видевшим Его воставша не яша веры. **15** И рече им: шедше в мир весь, проповедите Евангелие всей твари. **16** Иже веру имет и крестится, спасен будет: а иже не имет веры, осужден будет. **17** Знамения же веровавшим сия последуют: именем Моим бесы ижденут: языки возглаголют новы: **18** змия возмут: аще и что смертно испиют, не вредит их: на недужныя руки возложат, и здрави будут. **19** Господь же убо, по глаголголаним (Его) к ним, вознесся на небо и седе о десную Бога. **20** Они же изшедше проповедаша всюду, Господу поспешствующу и слово утверждающу последствующими знаменми. Аминь.

От Луки святое благовествование

1 Понеже убо мнози начаша чинити повесть о известованных в нас вещех, 2 якоже предаша нам, иже исперва самовидцы и слуги бывшии Словесе: 3 изволися и мне последовавшу выше вся испытно, порядку писати тебе, державный Феофиле, 4 да разумеши, о нижне научилс еси словесех утверждение. 5 Бысть во дни Ирода царя Иудейска, иерей некий, именем Захариа, от дневныя чреды Авиани: и жена его от дочерей Аароновех, и имя ей Елисаветь. 6 Беста же праведна оба пред Богом, ходяща во всех заповедех и оправданиих Господних безпорочна. 7 И не бе има чада, понеже Елисаветь бе неплоды, и оба заматоревша во днех своих беста. 8 Бысть же служащу ему в чину чреды своея пред Богом, 9 по обычаю священничества ключися ему покадити вшедшу в церковь Господню: 10 и все множество людей бе молитву дея вне, в год фимиама: 11 явися же ему Ангел Господень, стоя о десную олтаря кадилнаго: 12 и смутися Захариа видев, и страх нападе нань. 13 Рече же к нему Ангел: не бойся, Захарие: зане услышана бысть молитва твоя, и жена твоя Елисаветь родит сына тебе, и наречеши имя ему Иоанн: 14 и будет тебе радость и веселие, и мнози о рождестве его возрадуются: 15 будет бо велик пред Господем: и вина и сикера не имать пити, и Духа Святаго исполнится еще из чрева матере своея: 16 и многих от сынов Израилевых обратит ко Господу Богу их: 17 и той предидет пред Ним духом и силою Илииною, обратити сердца отцем на чада, и противныя в мудрости праведных, уготовати Господеви люди совершены. 18 И рече Захариа ко Ангелу: по чесому разумею сие? Аз бо емь стар, и жена моя заматоревши во днех своих. 19 И отвещав Ангел рече ему: аз емь Гавриил предстоий пред Богом, и послан емь глаголати к тебе и благовестити тебе сие: 20 и се, будеши молча и не могий проглаголати, до нежеже дне будут сия: зане не веровал еси словесем моим, яже сбдутся во время свое. 21 И беша людие ждуще Захарию: и чудяхуся коснящу ему в церкви. 22 Изшед же не можаше глаголати к ним: и разумеша, яко видение виде в церкви: и той бе помавая им, и пребываше нем. 23 И бысть яко исполнишася дние службы его, иде в дом свой. 24 По сих же днех зачат Елисаветь жена его, и таяшеся месяц пять, глаголющи: 25 яко тако мне сотвори Господь во дни, в няже призре отяти поношение мое в человецех. 26 В месяц же шестой послан бысть Ангел Гавриил от Бога во град Галилейский, емуже имя Назарет, 27 к Деве обрученной мужеву, емуже имя Иосиф, от дому Давидова: и имя Деве Мариамь. 28 И вшед к Ней Ангел рече: радуйся, Благодатная: Господь с Тобою: благословена Ты в женах. 29 Она же видевши смутися о словеси его и помышляше, каково будет целование сие. 30 И рече Ангел ей: не бойся, Мариамь: обрела бо еси благодать у Бога. 31 И се зачнеши во чреве, и родиши Сына, и наречеши имя Ему Иисус: 32 Сей будет велик, и Сын Вышняго наречется: и даст

Ему Господь Бог престол Давида отца Его: 33 и воцарится в дому Иаковли во веки, и Царствию Его не будет конца. (αἰὼν g165) 34 Рече же Мариамь ко Ангелу: како будет сие, идеже мужа не знаю? 35 И отвещав Ангел рече ей: Дух Святый найдет на Тя, и сила Вышняго осенит Тя: темже и раждаемое Свято наречется Сын Божий: 36 и се, Елисаветь южика Твоя, и та зачат сына в старости своей: и сей месяц шестый есть ей нарицаемой неплоды: 37 яко не изнеможет у Бога всяк глаголгол. 38 Рече же Мариамь: се, Раба Господня: буди Мне по глаголу твоему. И отиде от Ней Ангел. 39 Воставши же Мариамь во дни тыя, иде в горняя со тщианем, во град Иудов: 40 и вниде в дом Захариин и целова Елисаветь. 41 И бысть яко услыша Елисаветь целование Мариино, възграся младенец во чреве ея: и исполнися Духа Свята Елисаветь, 42 и возопи гласом велиим, и рече: благословена Ты в женах, и благословен плод чрева Твоего: 43 и откуда мне сие, да приидет Мати Господа моего ко мне? 44 Се бо, яко бысть глас целования Твоего во ушью моею, възграся младенец радощами во чреве моем: 45 и блаженна Веровавшая, яко будет совершение глаголголаным ей от Господа. 46 И рече Мариамь: величит душа Моя Господа, 47 и возрадовася дух Мой о Бозе Спасе Моем: 48 яко призре на смирение Рабы Своея: се бо, отныне ублажат Мя вси роди: 49 яко сотвори Мне величие Сильный, и свято имя Его: 50 и милость Его в роды родов боящимся Его: 51 сотвори державу мышцею Своею: расточи гордыя мыслию сердца их? 52 Низложи сильныя со престол, и вознесе смиренныя: 53 алчущыя исполни благ и богатящыяся отпусти тщи: 54 восприят Израиля отрока Своего, помянути милости, 55 якоже глагола ко отцем нашим, Аврааму и семени его до века. (αἰὼν g165) 56 Пребысть же Мариамь с нею яко три месяца и возвратится в дом свой. 57 Елисавети же исполнися время родити ей, и роди сына. 58 И слышаша окрест живущии и ужики ея, яко возвеличил есть Господь милость Свою с нею: и радовахуся с нею. 59 И бысть во осмый день, приидоша обрезати отроча, и нарицаху е именем отца его, Захарию. 60 И отвещавши мати его рече: ни, но да наречется Иоанн. 61 И реша к ней, яко никтоже есть в родстве твоем, иже нарицается именем тем. 62 И помаваху отцу его, еже како бы хотел нареци е. 63 И испрошь дщичу, написа, глаголя: Иоанн будет имя ему. И чудяхуся вси. 64 Отверзошася же уста его абие и язык его, и глаголаше благословя Бога. 65 И бысть на всех страх живущих окрест их: и во всей стране Иудейстей поведеаеми бяху вси глаголи сии. 66 И положиша вси слышавшии в сердцах своем, глаголюще: что убо отроча сие будет? И рука Господня бе с ним. 67 И Захариа отец его исполнися Духа Свята, и пророчествова, глаголя: 68 благословен Господь Бог Израилев, яко посети и сотвори избавление людем Своим: 69 и воздвиже рог спасения нам, в дому Давида отрока Своего: 70 якоже глагола усты святых сущих от века пророк Его, (αἰὼν g165) 71 спасение от враг наших и из руки всех ненавидящих нас: 72 сотворити милость со отцы нашими и помянути завет святыи Свой, 73 клятву, еюже клятся ко Аврааму отцу нашему, дати нам, 74 без страха, из руки враг наших избавльшимся, 75 служити

Ему преподадем и правдою пред Ним вся дни живота нашего. 76 И ты, отроча, пророк Вышняго наречешися: предидеши бо пред лицом Господним, уготовати пути Его, 77 дати разум спасения людем Его, во оставление грех их, 78 милосердия ради милости Бога нашего, в нихже посетил есть нас Восток свыше, 79 просветити во тме и сени смертной сидящяя, направить ноги наша на путь мирен. 80 Отроча же растяше и крепляешся духом: и бе в пустынех до дне явления своего ко Израилю.

2 Бысть же во дни тыя, изыде повеление от кесаря Августа написати всю вселенную. 2 Сие написание первое бысть владыцху Сирию Киринию. 3 И идяху вси написатися, кождо во свой град. 4 Взыде же и Иосиф от Галилеи, из града Назарета, во Иудею, во град Давидов, иже нарицается Вифлеем, зане быти ему от дому и отечества Давидова, 5 написатися с Марию обрученую ему женою, сущюю непраздною. 6 Бысть же, егда быста тамо, исполнишася дние родити Ей: 7 и роди Сына своего Первенца, и повит Его, и положи Его в яслех: зане не бе им места во обители. 8 И пастырие беху в тойже стране, бдяще и стрегуще стражу nocturno о стаде своем. 9 И се, Ангел Господень ста в них, и слава Господня осия их: и убояшася страхом велиим. 10 И рече им Ангел: не бойтеся: се бо, благовестую вам радость велию, яже будет всем людем: 11 яко родися вам днесь Спас, Иже есть Христос Господь, во граде Давидове: 12 и се вам знамение: обрящете Младенца повита, лежаща в яслех. 13 И внезапно бысть со Ангелом множество вой небесных, хвалящих Бога и глаголющих: 14 слава в вышних Богу, и на земли мир, во человецех благоволение. 15 И бысть, яко отидоша от них на небо Ангели, и человецы пастырие реша друг ко другу: пройдем до Вифлеема и видим глаголгол сей бывший, егоже Господь сказа нам. 16 И приидоша поспешесе, и обретоша Мариам же и Иосифа, и Младенца лежаща во яслех. 17 Видевше же сказаша о глаголголе глаголголаннем им о Отрочати Сем. 18 И вси слышавши дившася о глаголаных от пастырей к ним. 19 Мариам же соблюдаше вся глаголы сия, слагаючи в сердцы Своем. 20 И возвратишася пастырие, славяще и хваляще Бога о всех, яже слышаша и видеша, якоже глагола бысть к ним. 21 И егда исполнишася осьмь дний, да обрежут Его, и нарекоша имя Ему Иисус, нареченное Ангелом прежде даже не зачатся во чреве. 22 И егда исполнишася дние очищения ею, по закону Моисеову, вознесоша Его во Иерусалим, поставити Его пред Господем, 23 якоже есть писано в законе Господни: яко всяк младенец мужеска полу, разверзая ложесна, свято Господеву наречется: 24 и еже дати жертву, по реченному в законе Господни, два горличича или два птенца голубина. 25 И се, бе человек во Иерусалиме, емуже имя Симеон. И человек сей праведен и благочестив, чая утехи Израилевы: и Дух бе Свят в нем. 26 И бе ему обещанно Духом Святым, не видети смерти, прежде даже не видит Христа Господня. 27 И прииде Духом в церковь. И егда введоста родителя Отроча Иисуса, сотворити има по обычаю законному о Нем, 28 и той приемь Его на руку своею, и благослови

Бога, и рече: 29 ныне отпускаеши раба Твоего, Владыко, по глаголголу Твоему, с миром: 30 яко видесте очи мои спасение Твое, 31 еже еси уготовал пред лицом всех людей: 32 свет во откровение языком, и славу людей Твоих Израиля. 33 И бе Иосиф и Мати Его чудящася о глаголемых о Нем. 34 И благослови я Симеон, и рече к Марии Матери Его: се, лежит Сей на падение и на востание многим во Израили, и в знамение пререкаемо: 35 и Тебе же Самой душу пройдет оружие: яко да открыются от многих сердец помышления. 36 И бе Анна пророчица, дщи Фануилева, от колена Асирова: сия заматоревши во днех мнозех, живши с мужем семь лет от девства своего: 37 и та вдова яко лет осьмьдесят и четыре, яже не отхождаше от церкви, постом и молитвами служащи день и ночь. 38 И та в той час приставши исповедашея Господеву и глаголаше о Нем всем чающым избавления во Иерусалиме. 39 И яко скончашася вся по закону Господню, возвратишася в Галилею, во град свой Назарет. 40 Отроча же растяше и крепляешся духом, исполняся премудрости: и благодать Божия бе на Нем. 41 И хождаста родителя Его на всяко лето во Иерусалим в праздник Пасхи. 42 И егда бысть двононадесяти лету, восходящым им во Иерусалим по обычаю праздника, 43 и скончавшым дни, и возвращающымся има, оста Отрок Иисус во Иерусалиме: и не разуме Иосиф и Мати Его: 44 мневша же Его в дружине суща, преидоста дне путь, и искаста Его во сродницех и в знаемых: 45 и не обретша Его, возвратистася во Иерусалим, взыскающа Его. 46 И бысть по триех днех, обретоста Его в церкви, сидяща посреде учителей, и слушающаго их, и вопрошающаго их: 47 ужасахуся же вси слушающии Его о разуме и о ответех Его. 48 И видевша Его, дивстася: и к Нему Мати Его рече: Чадо, что сотвори нама тако? Се, отец Твой и аз боляща искахома Тебе. 49 И рече к нима: что яко искаста Мене? Не веста ли, яко в тех, яже Отца Моего, достоин быти Ми? 50 И та не разместа глаголгола, егоже глагола Има. 51 И сиде с нима и прииде в Назарет: и бе повинуюся има. И Мати Его соблюдаше вся глаголголы сия в сердцы Своем. 52 И Иисус преспеваше премудростию и возрастом и благодатию у Бога и человек.

3 В пятое же надесеяте лето владычества Тиверия кесаря, обладающу Понтийскому Пилату Иудею, и четвертовластвующу Галилею Ироду, Филиппу же брату его четвертовластвующу Итурею и Трахонитскою страну, и Лисанию Авилинию четвертовластвующу, 2 при архиереи Анне и Каиафе, бысть глаголгол Божий ко Иоанну Захариину сыну в пустыни. 3 И прииде во всю страну Иорданскую, проповедавая крещение покаяния во оставление грехов: 4 якоже есть писано в кнize словес Исаии пророка, глаголюща: глас вопиющаго в пустыни: уготовайте путь Господень: правы творите стези Его: 5 всяка дебрь исполнится, и всяка гора и холм смирится: и будут стропотная в правая, и острии в пути гладки: 6 и узрит всяка плоть спасение Божие. 7 Глаголаше же исходящым народом креститися от него: порождения ехиднова, кто сказа вам бежати от грядущаго

гнева? 8 Сотворите убо плоды достойны покаяния: и не начинайте глаголати в себе: отца имамы Авраама: глаголю бо вам, яко может Бог от камня сего воздвигнути чада Аврааму. 9 Уже бо и секира при корени древа лежит: всяко убо древо не творящее плода добра посекается и во огонь вметається. 10 И вопрошаху его народи, глаголюще: что убо сотворим? 11 Отвещав же глагола им: имейте две ризы, да подаст неимущему: и имейте брашна, такожде да творит. 12 Приидоша же и мытари креститися от него и реща к нему: учителю, что сотворим? 13 Он же рече к ним: ничтоже более от повеленнаго вам творите. 14 Вопрошаху же его и воины, глаголюще: и мы что сотворим? И рече к ним: ни когоже обидите, ни оклеветавайте: и доволни будите оброки вашими. 15 Чающим же людем, и помышляющим всем в сердцах своих о Иоанне, еда той есть Христос, 16 отвещаваше Иоанн всем, глаголя: аз убо водою крещаяу вы: грядет же Крепкий мене, Емуже несмы достоин отрешити ремень сапогу Его: Той вы крестит Духом Святым и огнем: 17 Емуже лопата в руку Его, и отрешит гумно Свое, и соберет пшеницу в житницу Свою, плевлы же сожжет огнем негасящим. 18 Многа же убо и ина утешая благовествоваша людем. 19 Ирод же четвертовластник, обличаем от него о Иродиаде жене брата своего, и о всех, яже сотвори злая Ирод, 20 приложи и сие над всеми, и затвори Иоанна в темнице. 21 Бысть же егда крестившася вси людие, и Иисусу крещашуся и молящуся, отверзеса небо, 22 и сниде Дух Святыи телесным образом, яко голубь, Нань: и глас с небесе бысть, глаголя: Ты еси Сын Мой Возлюбленный, о Тебе благоволих. 23 И той бе Иисус яко лет тридесять начиная, сый, яко мнимь, Сын Иосифов, Илиев, 24 Матфатов, Левиин, Мелхиин, Ианнаев, Иосифов, 25 Маттафиев, Амосов, Наумов, Еслимов, Нагеев, 26 Маафов, Маттафиев, Семеев, Иосифов, Иудин, 27 Иоаннаов, Рисаев, Зоровавелев, Салафиилев, Нириев, 28 Мелхив, Аддиев, Косамов, Елмодамов, Иров, 29 Иосиев, Елизеров, Иоримов, Матфатов, Левиин, 30 Симеонов, Иудин, Иосифов, Ионанов, Елиакимов, 31 Мелеаев, Маинанов, Маттафаев, Нафанов, Давидов, 32 Исесеев, Авидов, Воозов, Салмонов, Наассонов, 33 Аминадамов, Арамов, Есромов, Фаресов, Иудин, 34 Иаковль, Исааков, Авраамов, Фарин, Нахоров, 35 Серухов, Рагавов, Фалеков, Еверов, Саланов, 36 Каинанов, Арфаксадов, Симов, Ноев, Ламехов, 37 Мафусалев, Енохов, Иаредов, Малелеилов, Каинанов, 38 Еносов, Сифов, Адамов, Божий.

4 Иисус же исполнь Духа Свята возвратися от Иордана: и ведящеся Духом в пустыню, 2 дний четыридесятъ искушаемъ от диавола: и не яст ничесоже во дни тыя: и скончавшимся им, последи взалка. 3 И рече Ему диавол: аще Сын еси Божий, рцы каменеви сему, да будет хлеб. 4 И отвеща Иисус к нему, глаголя: писано есть, яко не о хлебе едином жив будет человек, но о всяцем глаголголе Божии. 5 И возвед Его диавол на гору високу, показа Ему вся царствия вселенныя в часе временне, 6 и рече Ему диавол: Тебе дам власть сию всю и славу их: яко мне предана есть,

и, емуже аще хошу, дам ю: 7 Ты убо аще поклонишися предо мною, будут Тебе вся. 8 И отвещав рече ему Иисус: иди за Мною, сатано: писано есть: поклонишися Господу Богу твоemu, и Тому единому послужиши. 9 И веде Его во Иерусалим, и постави Его на криле церковнем, и рече Ему: аще Сын еси Божий, верзися отсюда долу: 10 писано бо есть, яко Ангелом Своим заповесть о Тебе сохранити Тя: 11 и на руках возмут Тя, да не когда преткнеши о камень ногу Твою. 12 И отвещав рече ему Иисус, яко речено есть: не искушиши Господа Бога твоего. 13 И скончав все искушение диавол, отиде от Него до времени. 14 И возвратися Иисус в силе духовней в Галилею: и весть изыде по всей стране о Нем. 15 И той учаше на сонмищих их, славимь всеми. 16 И прииде в Назарет, идеже бе воспитан. И вниде, по обычаю Своему, в день суботный в сонмище, и воста чести. 17 И даша Ему книгу Исаии пророка: и разгнув книгу, обрете место, идеже бе написано: 18 Дух Господень на Мне: Егоже ради помаза Мя благовестити нищим, посла Мя изцелити сокрушенныя сердцем, проповедати плененнымъ отпущение и слепымъ прозрение, отпустити сокрушенныя во отраду, 19 проповедати лето Господне приятно. 20 И согнув книгу, отдав слуге, седе: и всем в сонмищи очи беху зряще Нань. 21 И начат глаголати к ним, яко днесъ сбывтся писание сие во ушью вашу. 22 И вси свидетелствоваху Ему, и дивляхуса о словесех благодати, исходящих из уст Его, и глаголаху: не Сей ли есть сын Иосифов? 23 И рече к ним: всяко речете Ми притчу сию: врачу, изцелися Сам: елика слышахом бывшая в Капернауме, сотвори и зде во отечествии Своем. 24 Рече же: аминь глаголю вам, яко ни который пророк приятен есть во отечествии своем: 25 поистинне же глаголю вам: многи вдовицы беша во дни Илиины во Израили, егда заключися небо три лета и месяц шесть, яко бысть глад велик по всей земли: 26 и ни ко единой их послан бысть Илиа, токмо в Сарепту Сидонскую к жене вдовице: 27 и мнози прокажени беху при Елиссеи пророце во Израили: и ни един же от них очистися, токмо Нееман Сирианин. 28 И исполнишася вси ярости в сонмищи, слышавши сия: 29 и воставше изгнаша Его вон из града, и ведоша Его до верху горы, на нейже град их создан бляше, да быша Его низринули: 30 Он же прошед посреде их, идяше. 31 И сниде в Капернаум град Галилейский: и бе учя их в субботы. 32 И ужасашуся о учении Его: яко со властью бе слово Его. 33 И в сонмищи бе человек имый духа беса нечиста, и возопи гласом велиим, 34 глаголя: остави, что нам и Тебе, Иисусе Назаряинине? Пришел еси погубити нас: вем Тя, кто еси, Святыи Божий. 35 И запрети ему Иисус, глаголя: премолчи и изыди из него. И поверг его бес посреде, изыде из него, никакже вредив его. 36 И бысть ужас на всех, и стязашуся друг ко другу, глаголюще: что слово сие, яко властью и силою велит нечистымъ духовомъ, и исходятъ? 37 И исхождаше глас о Нем во всяко место страны. 38 Востав же из сонмища, вниде в дом Симонов: теща же Симопова бе одержима огнем велиим: и молиша Его о ней. 39 И став над нею, запрети огню, и остави ю. Абие же воставши служаше им. 40 Заходящу же солнцу, вси, елицы имяху

болящяя недуги различными, привождаху их к Нему: Он же на единого коегождо их руже возложь, изцеляше их. 41 Исхождаху же и беси от многих, вопиюще и глаголюще, яко Ты еси Христос Сын Божий. И запрещаю не даяше им глаголати, яко ведяху Христа Самого суща. 42 Бывшу же дню, изшед иде в пусто место: и народи искаху Его, и приидоша к Нему, и удержаваху Его, дабы не отшел от них. 43 Он же рече к ним, яко и другим градовом благовестити Ми подобает Царствие Божие: яко на се послан есмь. 44 И бе проповедаю на сонмищих галилейских.

5 Бысть же належашу Ему народу, да быша слышали слово Божие, и Той бе стоя при езере Геннисаретсте: 2 и виде два корабля стояща при езере: рыбарие же отшедше от нею, измываху мрежи. 3 Влез же в един от кораблю, иже бе Симонов, моли его от земли отступити мало: и сед учаще из корабля народы. 4 Якоже преста глаголя, рече к Симону: поступи во глубину, и вверзите мрежи ваша в ловитву. 5 И отвещав Симон рече Ему: Наставниче, об ночь всю труждшеся, ничесоже яхом: по глаголголу же Твоему ввергу мрежу. 6 И се сотворше, яша множество рыб много: протерзашеся же мрежа их. 7 И помануша причастником, иже беху во друзем корабли, да пришедше помогут им: и приидоша, и исполниша оба корабля, яко погружатися има. 8 Видев же Симон Петр, припаде к коленому Иисусовому, глаголя: изыди от мене, яко муж грешен есмь, Господи. 9 Ужас бо одержаше его и вся сущяя с ним, о ловитве рыб, яже яша: 10 такожде же Иакова и Иоанна сына Зеведеова, яже беста обещника Симонови. И рече к Симону Иисус: не бойся: отселе будеши человеки ловя. 11 И извлекше (оба) корабля на землю, оставльше вся, вслед Его идоша. 12 И бысть егда бе Иисус во единем от градов, и се, муж исполнь прокажения: и виде Иисуса, пад ниц, моляся Ему, глаголя: Господи, аще хощеси, можеши мя очистити. 13 И простер руку, коснуся его, рек: хощи, очистися. И абие проказа отиде от него. 14 И Той заповеда ему ни комуже поведати: но шед покажися иереови, и принеси о очищении твоём, якоже повеле Моисей, во свидетелство им. 15 Проходяше же паче слово о Нем: и схождахуся народи мнози слышати и целитися от Него от недуг своих. 16 Той же бе отходя в пустыню и моляся. 17 И бысть во един от дний, и Той бе учя: и беху седяще фарисее и законоучителие, иже беху пришли от всякия веси Галилейския и Иудейския и Иерусалимския: и сила Господня бе изцеляюща их: 18 и се, мужие носяще на одре человека, иже бе расслаблен, и искаху внести его и положить пред Ним: 19 и не обретше куде внести его народа ради, взлезше на храм, сквозе скуделы низвесиша его со одром на среду пред Иисуса. 20 И виде веру их, рече ему: человеце, оставляютися греси твои. 21 И начаша помышляти книжници и фарисее, глаголюще: кто есть сей, иже глаголет хулы? Кто может оставляти грехи, токмо един Бог? 22 Разумев же Иисус помышления их, отвещав рече к ним: что помышляете в сердцах ваших? 23 Что есть удобнее решити: оставляютися греси твои? Или рещи: востани и ходи? 24 Но да увесте, яко власть имать Сын Человеческий на

земли отпущати грехи, рече расслабленному: тебе глаголю: востани, и возми одр твой, и иди в дом твой. 25 И абие востав пред ними, взем, на немже лежаше, иде в дом свой, слава Бога. 26 И ужас прият всех, и славляху Бога: и исполнишася страха, глаголюще, яко видехом преславная днесь. 27 И посем изыде, и узре мытаря именем Левию, седяща на мытнице, и рече ему: иди по Мне. 28 И оставль вся, востав вслед Его иде. 29 И сотвори учреждение велие Левий Ему в дому своем: и бе народ мытарей мног, и инех, иже бяху с ним возлежаще. 30 И роптаху книжници на Него и фарисее, ко учеником Его глаголюще: почто с мытари и грешники ясте и пиете? 31 И отвещав Иисус рече к ним: не требуют здравии врача, но болящии: 32 не приидох призвати праведных, но грешных в покаяние. 33 Они же реша к Нему: почто ученицы Иоанновы постятся часто и молитвы творят, такожде и фарисейстии, а Твои ядят и пият? 34 Он же рече к ним: еда можете сыны брачныя, дондеже жених с ними есть, сотворити поститися? 35 Приидут же дние, егда отят будет от них жених, и тогда постятся в тыя дни. 36 Глаголаше же и притчу к ним, яко никтоже приставления ризы новы приставляет на ризу ветху: аще ли же ни, и новую раздерет, и ветсей не согласует еже от новаго. 37 И никтоже вливает вина нова в мехи ветхи: аще ли же ни, расторгнет новое вино мехи, и само изливается, и меси погибнут: 38 но вино новое в мехи новы вливати: и обоя соблюдутся. 39 И никтоже пив ветхое, абие хошет новаго: глаголет бо: ветхое лучше есть.

6 Бысть же в субботу второпервую ити Ему сквозе сеяния: и восторгаху ученицы Его класы, и ядяху, стирающе руками. 2 Неции же от фарисей реша им: что творите, егоже не достоин творити в субботы? 3 И отвещав Иисус рече к ним: ни ли сего чли есте, еже сотвори Давид, егда взалкася сам и иже с ним бяху? 4 Како вниде в дом Божий, и хлебы предложения взем, и яде, и даде и сущым с ним, ихже не достояше ясти, токмо единым иереем? 5 И глаголаше им, яко господь есть Сын Человеческий и субботе. 6 Бысть же и в другую субботу внити Ему в сонмище и учити: и бе тамо человек, и рука ему десная бе суха. 7 Назираху же книжници и фарисее, аще в субботу изцелит, да обрящут речь Нань. 8 Он же ведяше помышления их и рече человеку имущему суху руку: востани и стани посреде. Он же востав ста. 9 Рече же Иисус к ним: вопрошу вы: что достоин в субботы, добро творити, или зло творити? Душу спасти, или погубити? Они же умолчаша. 10 И воззрев на всех их, рече ему: простри руку твою. Он же сотвори тако: и утвердися рука его здрава яко другая. 11 Они же исполнишася безумия и глаголаху друг ко другу, что быша сотворили Иисусови. 12 Бысть же во дни тыя, изыде в гору помолитися: и бе об ночь в молитве Божии. 13 И егда бысть день, призва ученики Своя: и избра от них дванадесяте, иже и Апостолы нарече: 14 Симона, егоже именована Петра, и Андреа брата его, Иакова и Иоанна, Филиппа и Варфоломеа, 15 Матфеа и Фому, Иакова Алфеева и Симона нарицаемаго Зилота, 16 Иуду Иаковля, и Иуду Искариотскаго, иже и бысть предатель.

17 Изшед с ними, ста на месте равне: и народ ученик Его, и множество много людей от всея Иудеи и Иерусалима, и помория Тирска и Сидонска, 18 иже приидоша послушати Его и изцелитися от недуг своих, и страждущи от дух нечистых: и изцеляхуся. 19 И весь народ искаше прикасатися Ему: яко сила от Него исхождаше и изцеляше вся. 20 И Той возвед очи Свои на ученики Своя, глаголаше: блажени нищи духом: яко ваше есть Царствие Божие. 21 Блажени, алчущи ныне: яко насытитесь. Блажени, плачущи ныне: яко возмееетесь. 22 Блажени будете, егда возненавидят вас человецы, и егда разлучат вы и поносят, и пронесут имя ваше яко зло, Сына Человеческого ради. 23 Возрадуйтеся в той день и възиграйте: се бо, мзда ваша многа на небеси. По сим бо творяху пророком отцы их. 24 Обаче горе вам богатым: яко отстоите утешения вашего. 25 Горе вам, насыщению ныне: яко взалчете. Горе вам смеющимся ныне: яко възрыдаете и восплачете. 26 Горе, егда добре рекут вам вси человецы. По сим бо творяху лжепророком отцы их. 27 Но вам глаголю слышашым: любите враги ваша, добро творите ненавидящим вас, 28 благословите кленущя вы, и молитесь за творящих вам обиду. 29 Ближнему тя в ланиту, подаждь и другую: и от взимающаго ти ризу, и срачицу не возбрани. 30 Всякому же просящему у тебе дай: и от взимающаго твоя не истязуй. 31 И якоже хочете да творят вам человецы, и вы творите им такожде. 32 И аще любите любящя вы, кая вам благодать есть? Ибо и грешницы любящя их любят. 33 И аще благотворите благотворящим вам, кая вам благодать есть? Ибо и грешницы тожде творят. 34 И аще взаим даете, от нихже чаете восприяти, кая вам благодать есть, ибо и грешницы грешником взаим дают, да воспримут равная. 35 Обаче любите враги ваша, и благотворите, и взаим дайте, ничесоже чающе: и будет мзда ваша многа, и будете сынове Вышняго: яко Той благ есть на безблагодатныя и злыя. 36 Будите убо милосерди, якоже и Отец ваш милосерд есть. 37 И не судите, и не судят вам: (и) не осуждайте, да не осуждени будете: отпушайте, и отпусят вам: 38 дайте, и дастся вам: меру добру, наткану и потрясну и преливающуся дадут на лоно ваше: тою бо мерою, еюже мерите, возмерится вам. 39 Рече же притчу им: еда может слепец слепца водити? Не оба ли в яму впадетася? 40 Несть ученик над учителя своего: совершен же всяк будет, якоже и учитель его. 41 Что же видиши сучец, иже есть во очеси брата твоего, бервна же, еже есть во очеси твоём, не чуеши? 42 Или како можеша рещи брату твоему: брате, остави, да изму сучец, иже есть во очеси твоём, сам сущаго во очеси твоём бервна не видя? Лицемере, изми первее бервно из очесе твоего, и тогда прозириши изяти сучец из очесе брата твоего. 43 Несть бо древо добро, творя плода зла: ниже древо зло, творя плода добра. 44 Всяко бо древо от плода своего познается: не от терния бо чешут смоквы, ни от купины емлют гроздия. 45 Благий человек от благаго сокровища сердца своего износит благое: и злый человек от злагого сокровища сердца своего износит злое: от избытка бо сердца глаголют уста его. 46 Что же Мя зовете: Господи, Господи, и не творите, яже

глаголю? 47 Всяк грядый ко Мне и слышай словеса Моя и творя я, скажу вам, кому есть подобен: 48 подобен есть человеку зиждущу храмину, иже ископа и углуби, и положи основание на камени: наводнению же бывшу, припаде река ко храмину той, и не може поколебати ея: основана бо бе на камени. 49 Слышавый же и не сотворивый подобен есть человеку создавшему храмину на земли без основания: к нейже припаде река, и абие падеся, и бысть разрушение храмины тоя велие.

7 Егда же сконча вся глаголголы Своя в слухи людем, вниде в Капернаум. 2 Сотнику же некоему раб боля зле, хотяше умрети, иже бе ему честен. 3 Слышав же о Иисусе, посла к Нему старцы Иудейския, моля Его, яко да пришед спасет раба его. 4 Они же пришедше ко Иисусови, моляху Его тощю, глаголюще, яко достоин есть, емуже даси сие: 5 любит бо язык наш, и сонмище той созда нам. 6 Иисус же идяше с ними. И уже Ему не далече сущу от храмины, посла к Нему сотник други, глаголя Ему: Господи, не движися: несмы бо достоин, да под кров мой внидеш: 7 темже ни себе достойна сотворих приити к Тебе: но рцы слово, и изцелеет отрок мой: 8 ибо и аз человек есмь под владыкою учинен, имея под собою воины: и глаголю сему: иди, и идет: и другому: прииди, и приидет: и рабу моему: сотвори сие, и сотворит. 9 Слышав же сия Иисус, чудися ему, и обращая идущему по Нем народу рече: глаголю вам, ни во Израили толики веры обретох. 10 И возвращающеся посланнии обретоша болящаго раба изцелевша. 11 И бысть посем, идяше во град, нарицаемый Наин: и с Ним идяху ученицы Его мнози и народ мног. 12 Якоже приближися ко вратом града, и се изношаху умерша, сына единойродна матери своей, и та бе вдова: и народ от града мног с нею. 13 И видев ю Господь, милосердова о ней, и рече ей: не плачи. 14 И приступль коснуся во одр: носящии же стаха: и рече: юноше, тебе глаголю, востани. 15 И седе мертвый, и начат глаголати: и даде его матери его. 16 Прият же страх всех, и славляху Бога, глаголюще: яко пророк велий воста в нас, и яко посети Бог людей Своих. 17 И изыде слово сие по всей Иудеи о Нем, и по всей стране. 18 И возвестиша Иоанну ученицы его о всех сих. 19 И призвав два некая от ученик своих Иоанн, посла ко Иисусу, глаголя: Ты ли еси Грядый, или иного чаем? 20 Пришедша же к Нему мужа, реста: Иоанн Креститель посла нас к Тебе, глаголя: Ты ли еси Грядый, или иного чаем, 21 в Той же час изцели многи от недуг и ран и дух злых и многим слепым дарова прозрение. 22 И отвещав Иисус рече има: шедша возвестита Иоанну, яже видеста и слышаста: яко слепии прозирают, хромии ходят, прокаженнии очищаются, глушии слышат, мертвии востают, нищи благовествуют: 23 и блажен есть, иже аще не соблазнится о Мне. 24 Отшедшема же ученикома Иоанновама, начат глаголати к народом о Иоанне: чесо изыдоште в пустыню видети, трость ли ветром колеблему? 25 Но чесо изыдоште видети? Человека ли в мягки ризы одяена? Се, иже во одежди славней и пищи сущи, во царствии суть. 26 Но чесо изыдоште видети?

Пророка ли? Ей, глаголю вам, и лишаще пророка. 27 Сей (бо) есть, о немже писано есть: се, Аз послю Ангела Моего пред лицом Твоим, иже устроит путь Твой пред Тобою. 28 Глаголю бо вам: болий в рожденных женами пророка Иоанна Крестителя никтоже есть: мний же во Царствии Божии болий его есть. 29 И вси людие слышавше и мытарие оправдиша Бога, крещеся крещением Иоанновым: 30 фарисее же и законницы совет Божий отвергоша о себе, не крещеся от него. 31 Рече же Господь: кому убо уподоблю человеки рода сего, и кому суть подобни? 32 Подобни суть отрочищем сидящим на торжищих, и приглашающим друг друга, и глаголющим: писахом вам, и не плясасте: рыдахом вам, и не плакасте. 33 Прииде бо Иоанн Креститель ни хлеба ядый, ни вина пия, и глаголет: беса имать. 34 Прииде Сын Человеческий ядый и пия, и глаголет: сей человек ядца и винопийца, друг мытарем и грешником. 35 И оправдися премудрость от чад своих всех. 36 Моляше же Его некий от фарисей, дабы ял с ним: и вшед в дом фарисеов, возлеже. 37 И се, жена во граде, яже бе грешница, и уведевши, яко возлежит во храниме фарисеове, принесши алавастр мира, 38 и ставши при ногу Его созади, плачущися, начат умывати нозе Его слезами, и власы главы своєю отираше, и облобызаше нозе Его, и мазаше миром. 39 Видев же фарисей воззвавый Его, рече в себе, глаголя: Сей аще бы был пророк, ведел бы, кто и какова жена прикасается Ему: яко грешница есть. 40 И отвещав Иисус рече к нему: Симоне, имам ти нечто рещи. Он же рече: Учителю, рцы. 41 Иисус же рече: два должника беста заимодавцу некоему: един бе должен пятиюсот динарий, другой же пятиюдесят: 42 не имущема же има воздати, обема отдал. Который убо ею, рцы, паче возлюбит его? 43 Отвещав же Симон рече: мно, яко емуже вяшше отдал. Он же рече ему: право судил еси. 44 И обращься к жене, Симонову рече: видиши ли сию жену? Внидох в дом твой, воды на нозе Мои не дал еси: сия же слезами облия Ми нозе и власы главы своєю отре. 45 Лобзания Ми не дал еси: сия же, отнелиже внидох, не преста облобызаючи Ми нозе. 46 Маслом главы Мояя не помазал еси: сия же миром помаза Ми нозе. 47 Егоже ради, глаголю ти, отпушцающе греси ея мнози, яко возлюби много: а еможе мало оставляетя, меньше любит. 48 Рече же ей: отпушцаются тебе греси. 49 И начаша возлежащи с Ним глаголати в себе: кто Сей есть, иже и грехи отпушцает? 50 Рече же к жене: вера твоя спасе тя: иди в мире.

8 И бысть посем, и Той проходилаше сквозе грады и веси, проповедую и благовествуя Царствие Божие: и обанадесяте с Ним, 2 и жены некия, яже бяху изцелены от духов злых и недуг: Мариа нарицаемая Магдалина, из неяже бесов седмь изыде, 3 и Иоанна жена Хузана, приставника Иродова, и Сусанна, и ины многи, яже служяху Ему от имений своих. 4 Разумевающу же народу многу, и от всех градов грядущим к Нему, рече притчу: 5 изыде сеяи сеяти семене своего: и егда сеяше, ово паде при пути, и попрано бысть, и птицы небесныя позобаша е: 6 а другое паде на камени, и прозяб усше, зане не имяше

влаги: 7 и другое паде посреде терния, и возрасте терние, и подави е: 8 другое же паде на земли блазе, и прозяб сотвори плод сторицею. Сия глаголя, возгласи: имейай уши слышати, да слышит. 9 Вопрошаху же Его ученицы Его, глаголюще: что есть притча сия? 10 Он же рече: вам есть дано ведати тайны Царствия Божия, прочым же в притчах, да видяще не видят и слышаше не разумеют. 11 Есть же сия притча: семя есть слово Божие: 12 а иже при пути, суть слышашии, потом (же) приходит диавол и вземлет слово от сердца их, да не веровавше спасутся: 13 а иже на камени, иже егда услышат, с радостию приемлют слово: и сии корене не имут, иже во время веруют, и во время напасти отпадают: 14 а еже в тернии падшее, сии суть слышавшии, и от печали и богатства и сластями житейскими ходяще подавляются, и не совершают плода: 15 а иже на добрей земли, сии суть, иже добрым сердцем и благим слышавше слово, держат и плод творят в терпении. Сия глаголя, возгласи: имейай уши слышати, да слышит. 16 Никтоже (убо) светилника вжег, покрывает его сосудом, или под одр подлагает: но на свещник возлагает, да входящии видят свет. 17 Несть бо тайно, еже не явлено будет: ниже утаено, еже не познается и в явление приидет. 18 Блюдитесь убо, како слышите: иже бо имать, дастся ему: и иже аще не имать, и еже мнится имея, возмется от него. 19 Приидоша же к Нему Мати и братия Его, и не можаху беседовати к Нему народа ради. 20 И возвестиша Ему, глаголюще: Мати Твоя и братия Твоя вне стоят, видети Тя хотяще. 21 Он же отвещав рече к ним: мати Моя и братия Моя сии суть, слышашии слово Божие, и творящии е. 22 И бысть во един от дний, Той влезе в корабль и ученицы Его: и рече к ним: преидем на он пол езера. И поидоша. 23 Идушым же им, успе. И сниде буря ветреная в езеро, и скончавашуся и в беде беху. 24 И приступльше воздвигоша Его, глаголюще: Наставниче, Наставниче, погибает. Он же востав запрети ветру и волнению водному: и улегоста, и бысть тишина. 25 Рече же им: где есть вера ваша? Убоявшеся же чудисаша, глаголюще друг ко другу: кто убо Сей есть, яко и ветром повелевает и воде, и послушають Его? 26 И преидоша во страну Гадаринску, яже есть об он пол Галилеи. 27 Изшедшу же Ему на землю, срете Его муж некий от града, иже имяше бесы от лет многих, и в ризу не облачашеся, и во храме не живяше, но во гробех. 28 Узрев же Иисуса и возопив, припаде к Нему, и гласом велиим рече: что мне и Тебе, Иисусе Сыне Бога Вышняго? Молюся Ти, не мучи мене. 29 Повеле бо духови нечистому изыти от человека: от многих бо лет восхищаше его: и вязаху его узы (железны) и путы, стругуще его: и растерзая узы, гонимь бываше бесом сквозе пустыни. 30 Вопроси же его Иисус, глаголя: что ти есть имя? Он же рече: легеон: яко беси мнози внидоша в онь. 31 И моляху Его, да не повелит им в бездну ити. (Abyssos g12) 32 Бе же ту стадо свиний много пасомо в горе: и моляху Его, да повелит им в ты внити. И повеле им. 33 Изшедше же беси от человека, внидоша во свиния: и устремися стадо по брегу в езеро, и истопе. 34 Видевше же пасущии бывшее, бешаша, и возвестиша во граде и в селех. 35 Изыдоша

же видети бывшее: и приидоша ко Иисусови и обретоша человека седяща, из негоже беси изыдоша, оболчена и смысляща, при ногу Иисусову: и убояшася. 36 Возвещиша же им видевшии, како спасеся бесновавыйся. 37 И моли Его весь народ страны Гадаринския отити от них, яко страхом велиим одержими беху. Он же влез в корабль, возвратися. 38 Моляшеся же Ему муж, из негоже изыдоша беси, дабы с Ним был. Отпусти же его Иисус, глаголя: 39 возвратися в дом твой и поведай, елика ти сотвори Бог. И иде, по всему граду проповедавая, елика сотвори ему Иисус. 40 Бысть же егда возвратися Иисус, прият Его народ: беху бо вси чающе Его. 41 И се, прииде муж, емуже имя Иаир, и той князь сонмищу бе: и пад при ногу Иисусову, моляше Его внити в дом свой: 42 яко дщи едиnorodна бе ему, яко лет двоюнадесяте, и та умираше. Егда же идяше, народи угнеташа Его. 43 И жена сущи в точении крове от двоюнадесяте лету, яже врачом издавши все именование, (и) не возможе ни от единого изцелети: 44 (и) приступльши созади, коснуся края риз Его: и абие ста ток крове ея. 45 И рече Иисус: кто есть коснувшийся Мне? Отметающимся же всем, рече Петр и иже с Ним: Наставниче, народи одержат Тя и гнетут, и глаголеши: кто есть коснувшийся Мне? 46 Иисус же рече: прикоснуся Мне некто: Аз бо чух силу изшедшую из Мене. 47 Видевши же жена, яко не утаися, трепещущи прииде, и падши пред Ним, еяже ради вины прикоснуся Ему, поведа Ему пред всеми людьми, и яко изцеле абие. 48 Он же рече ей: дерзай дщи, вера твоя спасе тя: иди в мире. 49 Еще Ему глаголющу, прииде некий от архисинагога, глаголя ему, яко умре дщи твоя: не движи Учителя. 50 Иисус же слышав отвеща ему, глаголя: не бойся, токмо веруй, и спасена будет. 51 Пришед же в дом, не остави ни единого внити, токмо Петра и Иоанна и Иакова, и отца отроковицы, и матере. 52 Плакахуся же вси и рыдаху ея. Он же рече: не плачитесь: не умре (бо), но спит. 53 И ругахуся Ему, ведяще, яко умре. 54 Он же изгнав вон всех, и емь за руку ея, возгласи, глаголя: отроковице, востани. 55 И возвратися дух ея, и воскрес абие: и повеле дати ей ясти. 56 И дивистася родителя ея. Он же повеле има ни комуже поведати бывшаго.

9 Созвав же обанадесяте, даде им силу и власть на вся бесы, и недуги целити: 2 и посла их проповедати Царствие Божие и изцелити болящия. 3 И рече к ним: ничесоже возмите на путь: ни жезла, ни пиры, ни хлеба, ни сребра, ни по двема ризама имети: 4 и в оньже дом внидете, ту пребывайте, и оттуду исходите: 5 и елицы аще не приемлют вас, исходяще от града того, и прах от ног ваших оттрясите, во свидетелство на ня. 6 Исходяще же прохождаху сквозе веси, благовествующе и изцеляюще всюду. 7 Слыша же Ирод четвертовластник бывающая от Него вся и недоумевашеся: зане глаголемо бе от неких, яко Иоанн воста от мертвых: 8 от инех же, яко Илия явися: от других же, яко пророк един от древних воскрес. 9 И рече Ирод: Иоанна аз усекнух: кто же есть Сей, о Немже аз слышу таковая? И искаше видети Его. 10 И возвращеся Апостоли поведаша Ему, елика сотвориша: и поимь их, отиде един

на место пусто града, нарицаемаго Вифсаида. 11 Народи же разумеше, по Нем идоша: и приемь их, глаголаше им о Царствии Божии и требующия изцеления целяше. 12 День же начат прекланятися. Приступльше же обанадесяте рекоша Ему: отпусти народ, да шедше во окрестныя веси и села витают и обрящут брашно: яко zde в пусте месте есмь. 13 Рече же к ним: дадите им вы ясти. Они же реша: несть у нас вящше, токмо пять хлеб и рыбе две, аще убо не шедше мы купим во вся люди сия брашна. 14 Беху бо мужей яко пять тысяч. Рече же ко учеником Своим: посадите их на купы по пятидесяте. 15 И сотвориша тако, и посадиша их вся. 16 Прием же пять хлеб и обе рыбе, воззрев на небо, благослови их, и преломи, и даяше учеником, предложити народу. 17 И ядоша, и насытишася вси: и взяша избывшыя им укрухи коша дванадесяте. 18 И бысть егда моляшеся един, с Ним беху ученицы: и вопроши их, глаголя: кого Мя глаголют народи быти? 19 Они же отвещавше реша: Иоанна Крестителя: инии же Илию: друзии же, яко пророк некий от древних воскрес. 20 Рече же им: вы же кого Мя глаголете быти? Отвещав же Петр рече: Христа Божия. 21 Он же запрещь им, повеле ни комуже глаголати сего, 22 рек, яко подобает Сыну Человеческому много пострадати, и искушену быти от старец и архиерей и книжник, и убиену быти, и в третий день востати. 23 Глаголаше же ко всем: аще кто хощет по Мне ити, да отвержется себе, и возмет крест свой, и последует Ми. 24 Иже бо аще хощет душу свою спасти, погубит ю: а иже погубит душу свою Мене ради, сей спасет ю. 25 Что бо пользы имать человек, приобрет мир весь, себе же погубив или отщетив? 26 Иже бо аще постыдится Мене и Моих словес, сего Сын Человеческий постыдится, егда приидет во славе Своей и Отчей и святых Ангел. 27 Глаголю же вам воистинну: суть нецыи от zde стоящих, иже не имут вкусити смерти, дондеже видят Царствие Божие. 28 Бысть же по словесех сих яко дний осмь, и поемь Петра и Иоанна и Иакова, възиде на гору помолитися. 29 И бысть егда моляшеся, видение лица Его ино, и одяние Его бело блистаяся. 30 И се, мужа два с Ним глаголюща, яже беста Моисей и Илия, 31 явльшася во славе, глаголаша же исход Его, егоже хотяше скончати во Иерусалиме. 32 Петр же и сущи с ним бяху отягчени сном: убудшеся же видеша славу Его, и оба мужа стояща с Ним. 33 И бысть егда разлучистася от Него, рече Петр ко Иисусу: Наставниче, добро есть нам zde быти: и сотворим сени три, едину Тебе, и едину Моисееви, и едину Илии: не ведый, еже глаголаше. 34 Се же ему глаголющу, бысть облак, и осени их: убояшася же, шедше во облак. 35 И глас бысть из облака, глаголя: Сей есть Сын Мой Возлюбленный, Того послушайте. 36 И егда бысть глас, обретеса Иисус один. И тии умолчаша, и ни комуже возвещиша в тыя дни ничесоже от тех, яже видеша. 37 Бысть же в прочий день, шедшым им с горы, сrete Его народ мног. 38 И се, муж из народа возопи, глаголя: Учителю, молютися, призри на сына моего, яко едиnorodен ми есть: 39 и се дух емлет его, и внезапно вопиет, и пружается с пенами, и едва отходит от него, сокрушая его: 40 и молихся учеником Твоим, да ижденут его: и не

возмога. 41 Отвещав же Иисус рече: о, роде неверный и развращенный, доколе буду в вас и терплю вы? Приведи (Ми) сына твоего семо. 42 Еще же грядущу ему, поверже его бес и стрясе. Запрети же Иисус духови нечистому, и изцели отрока, и вдаде его отцу его. 43 Дивляхуся же вси о величии Божии. Всем же чудящимся о всех, яже творяше Иисус, рече ко учеником Своим: 44 вложите вы во уши ваши словеса сия: Сын бо Человеческий имать предатися в руке человечесте. 45 Они же не разумеша глаголюща сего, бе бо прикровен от них, да не оцутят его: и бохуся вопросити Его о глаголюще сем. 46 Виде же помышление в них, что их вящший бы был. 47 Иисус же ведый помышление сердец их, приемъ отрока, постави е у Себе 48 и рече им: иже аще примет сие отрока во имя Мое, Мене приемлет: и иже аще Мене приемлет, приемлет Пославшаго Мя: иже бо меньший есть в вас, сей есть велик. 49 Отвещав же Иоанн рече: Наставниче, видехом некоего о имени Твоем изгоняща бесы: и возбранихом ему, яко вслед не ходит с нами. 50 И рече к нему Иисус: не браните: иже бо несть на вы, по вас есть. 51 Бысть же егда скончавашуся дние восхождению Его, и Той утверди лице Свое ити во Иерусалим: 52 и посла вестники пред лицем Своим: и изшедше внидоша в весь Самарянску, яко да уготовят Ему: 53 и не прияша Его, яко лице Его бе грядущее во Иерусалим. 54 Видевша же ученика Его Иаков и Иоанн, реста: Господи, хочещи ли, речема, да огонь снидет с небесе и погребит их, якоже и Илия сотвори? 55 Обращься же запрети има, и рече: не веста, коего духа еста вы: 56 Сын бо Человеческий не прииде душ человеческих погубити, но спасти. И идоша во ину весь. 57 Бысть же идущим им по пути, рече некий к Нему: иду по Тебе, аможе аще идеши, Господи. 58 И рече ему Иисус: лиси язвыны имут, и птицы небесныя гнезда: Сын же Человеческий не имать где главу подклонити. 59 Рече же ко другому: ходи вслед Мене. Он же рече: Господи, повели ми, да шед прежде погребу отца моего. 60 Рече же ему Иисус: остави мертвыя погребсти своя мертвцы: ты же шед возвещай Царствие Божие. 61 Рече же и другий: иду по Тебе, Господи: прежде же повели ми отвещатися, иже суть в дому моем. 62 Рече же к нему Иисус: никтоже возложь руку свою на рало и зря вспяты, управлен есть в Царствии Божии.

10 По сих же яви Господь и инех семьдесят, и посла их по двема пред лицем Своим во всяк град и место, аможе хотяше Сам ити: 2 глаголаше же к ним: жатва убо многа, делателей же мало: молитесь убо Господину жатве, да изведет делатели на жатву Свою. 3 Идите: се Аз посылаю вы яко агнцы посреде волков. 4 Не носите влагалища, ни пиры, ни сапог: и ни когоже на пути целуйте. 5 В онъже аще дом внидете, первее глаголите: мир дому сему: 6 и аще убо будет ту сын мира, почует на нем мир ваш: аще ли же ни, к вам возвратится: 7 в том же дому пребывайте, ядуще и пьюще, яже суть у них: достоин бо есть делатель мзды своея. Не преходите из дому в дом. 8 И в онъже аще град входите, и приемлют вы, ядите предлагаемая вам: 9 и изцелите недужныя, иже суть в нем, и глаголите им: приближися на вы Царствие Божие. 10 И в онъже аще град входите, и не

приемлют вас, изшедше на распутья его, рцъте: 11 и прах, прилепший нам от града вашего, оттрясаем вам. Обаче сие ведите, яко приближися на вы Царствие Божие: 12 глаголю вам, яко Содомляном в день той отраднее будет, неже граду тому. 13 Горе тебе, Хоразине, горе тебе, Вифсаидо: яко аще в Тире и Сидоне быша силы были бывшыя в ваю, древле убо во вретиси и пепеле сидяще покаляися быша: 14 обаче Тиру и Сидону отраднее будет на суде, неже вама. 15 И ты, Капернауме, иже до небес вознесыйся, до ада низведешися. (Hadēs g86) 16 Слушайшя ва, Мене слушае: и отменяеши вас, Мене отменяе: отменяйшя же Мене, отменяеши Пославшаго Мя. 17 Возвратишася же семьдесят с радостию, глаголюще: Господи, и беси повинуются нам о имени Твоем. 18 Рече же им: видех сатану яко молнию с небесе спадша. 19 Се, даю вам власть наступати на змию и на скорпию и на всю силу вражию: и ничесоже вас вредит. 20 обаче о сем не радуйтесь, яко души вам повинуются: радуйтесь же, яко имена ваша написана суть на небесех. 21 В той час возрадовася духом Иисус и рече: исповедаются, Отче, Господи небесе и земли, яко утаил еси сия от премудрых и разумных, и открьл еси та младенцем: ей, Отче, яко тако бысть благоволение пред Тобою. 22 И обращься ко учеником, рече: вся Мне предана быша от Отца Моего: и никтоже весть, кто есть Сын, токмо Отец: и кто есть Отец, токмо Сын, и емуже аще хочет Сын открыти. 23 И обращься ко учеником, един рече: блаженни очи видящии, яже видите: 24 глаголю бо вам, яко мнози пророцы и царие восхотеша видети, яже вы видите, и не видеша: и слышати, яже слышите, и не слышаша. 25 И се, законник некий воста, искуша Его и глаголя: Учителю, что сотворив, живот вечный наследую? (aiōnios g166) 26 Он же рече к нему: в законе что писано есть? Како чтеши? 27 Он же отвечав рече: возлюбихи Господа Бога твоего от всего сердца твоего, и от всея души твоя, и всею крепостию твоею, и всем помышлением твоим: и ближняго своего яко сам себе. 28 Рече же ему: право отвечал еси: сие сотвори, и жив будеши. 29 Он же хотя оправдится сам, рече ко Иисусу: и кто есть ближний мой? 30 Отвещав же Иисус рече: человек некий сходяще от Иерусалима во Иерихон, и в разбойники впаде, иже совлекше его, и язвы возложше отидоша, оставльше едва жива суца. 31 По случаю же священник некий сходяще путем тем, и видев его, мимоиде. 32 Такожде же и левит, быв на том месте, пришед и видев, мимоиде. 33 Самарянин же некто грядый, прииде над него, и видев его, милосердова: 34 и приступль обвяза струпы его, возливая масло и вино: всадив же его на свой скот, приведе его в гостинницу и прилежа ему: 35 и наутрия изшед, иземь два сребренника, даде гостиннику и рече ему: прилежи ему: и еже аще прииждивеши, аз егда возвращуся, воздам ти. 36 Кто убо от тех триех ближний мниттиса быти впадшему в разбойники? 37 Он же рече: сотворивый милость с ним. Рече же ему Иисус: иди, и ты твори такожде. 38 Бысть же ходящим им, и Сам вниде в весь некую: жена же некая именем Марфа прият Его в дом свой: 39 и сестра ей бе нарицаемая Мариа, яже и седиши при

ногу Иисусову, слышаше слово Его. 40 Марфа же моляше о мнозе службе, ставши же рече: Господи, не брежеш ли, яко сестра моя едину мя остави служити? Рцы убо ей, да ми поможет. 41 Отвещав же Иисус рече ей: Марфо, Марфо, печешиси и молвиши о мнозе, 42 едино же есть на потребу. Мариа же благую часть избра, яже не отимется от нея.

11 И бысть внегда быти Ему на месте некоем молящуся, (и) яко преста, рече некий от ученик Его к Нему: Господи, научи ны молитися, якоже и Иоанн научи ученики своя. 2 Рече же им: егда молитесь, глаголите: Отче наш, иже на небесех, да святится имя Твое: да приидет Царствие Твое: да будет воля Твоя, яко на небеси, и на земли: 3 хлеб наш насущный подавай нам на всяк день: 4 и остави нам грехи наша, ибо и сами оставляем всякому должнику нашему: и не введи нас во искушение, но избави нас от лукаваго. 5 И рече к ним: кто от вас имать друга, и идет к нему в полуочию, и речет ему: друже, даждь ми взам три хлеба: 6 понеже друг прииде с пути ко мне, и не имам чесо предложити ему. 7 И той извнутри отвещав речет: не твори ми труды: уже двери затворены суть, и дети моя со мною на ложи суть: (и) не могу востав дати тебе. 8 Глаголю же вам: аще и не даст ему востав, зане друг ему есть: но за безочьство его, востав даст ему, елика требует. 9 И Аз вам глаголю: просите, и дастся вам: ищите, и обрящете: толцйте, и отверзется вам: 10 всяк бо просяй приемлет, и ищяй обретает, и толкующему отверзется. 11 Котораго же вас отца воспросит сын хлеба, еда камень подаст ему? Или рыбы, еда в рыбы место змию подаст ему? 12 Или аще попросит яйца, еда подаст ему скорпию? 13 Аще убо вы зли суще, умеете даяния блага даяти чадом вашим, кольми паче Отец, иже с небесе, даст Духа Святаго просящым у Него? 14 И бе изгоня беса, и той бе нем: бысть же бесу изшедшу, проглагола немый: и дивисяся народи. 15 Нецыи же от них реша: о веельзевуле князи бесовстем изгонит бесы. 16 Другии же искушающе, знамения от Него искаху с небесе. 17 Он же ведый помышления их, рече им: всяко царство само в себе разделяется, запустеет: и дом на дом, падает. 18 Аще же и сатана сам в себе разделися, како станет царство его, якоже глаголете, о веельзевуле изгоняюща Мя бесы. 19 Аще же Аз о веельзевуле изгоню бесы, сынове ваши о ком изгонят? Сего ради тии будут вам судии. 20 Аще ли же о персте Божии изгоню бесы, убо постиже на вас Царствие Божие. 21 Егда крепкий вооружився хранит свой двор, во смиреннии суть имения его: 22 егда же креплей его нашед победит его, все оружие его возмет, на неже уповаше, и корысть его раздает. 23 Иже несть со Мною, на Мя есть: и иже не собирает со Мною, расточает. 24 Егда (же) нечистый дух изыдет от человека, переходит сквозе безводная места, ища покоя: и не обретая, глаголет: возвращаюся в дом мой, отнюдуже изыдох. 25 И пришел обращет и пометен и украшен: 26 тогда идет и поймет седьм других духов горших себе, и шведше живут ту: и бывають последняя человеку тому горша первых. 27 Бысть же егда глаголаше сия, воздвиग्ши некая жена глас от народа, рече

Ему: блажено чрево носившее Тя, и сосца, яже еси ссал. 28 Он же рече: темже убо блажени слышашии слово Божие и хранящии е. 29 Народом же собирающимся начат глаголати: род сей лукав есть: знамения ищет, и знамение не дастся ему, токмо знамение Ионы пророка: 30 якоже бо бысть Иона знамение Ниневитом, тако будет и Сын Человеческий роду сему. 31 Царица южская востанет на суд с мужи рода сего, и осудит их: яко прииде от конец земли слышати премудрость Соломонову: и се множае Соломона zde. 32 Мужие Ниневитстии востанут на суд с родом сим и осудят и: яко покаяшася проповедую Иоанию: и се, множае Ионы zde. 33 Никтоже (убо) светилника ввек, в скрове полагает, ни под спудом, но на свещнице, да входящии свет видят. 34 Светилник телу есть око: егда убо око твое просто будет, все тело твое светло будет: егда же лукаво будет, и тело твое темно: 35 блюди убо, еда свет, иже в тебе, тма есть. 36 Аще бо тело твое все светло, не имый некия части темны, будет светло все, якоже егда светилник блистанием прсвещает тя. 37 Егда же глаголаше, моляше Его фарисей некий, да обедует у него: швед же возлеже. 38 Фарисей же виде дивися, яко не прежде крестися прежде обеда. 39 Рече же Господь к нему: ныне вы, фарисее, внешняя сткляницы и блюда очищаете, внутреннее же ваше полно грабления есть и лукавства. 40 Безумнии, не Иже ли сотвори внешнее, и внутреннее сотворил есть? 41 Обаче от сухих дадите милостыню: и се, вся чиста вам будут. 42 Но горе вам фарисеом, яко одесятствуете от мятвы и пигана и всякаго зелия, и мимоходите суд и любовь Божию: сия подобаше сотворити, и онех не оставляти. 43 Горе вам фарисеом, яко любите председания на сонмищих и целования на торжищих. 44 Горе вам, книжници и фарисее, лицемери, яко есте яко гроби неведоми, и человецы ходящии верху не ведят. 45 Отвещав же некий от законник рече Ему: Учителю, сия глаголя и нам досаждаеши. 46 Он же рече: и вам законником горе, яко накладаете на человеки бремена не удобь носима, и сами едином перстом вашим не прикасаетея бременем. 47 Горе вам, яко зиждете гроби пророк, отцы же ваши избиша их: 48 убо свидетелствуете и соблаговолите делом отец ваших: яко тии убо избиша их, вы же зиждете их гроби. 49 Сего ради и премудрость Божия рече: после в них пророки и Апостолы, и от них убийот и изженут: 50 да възыщется кровь всех пророк, проливаемая от сложения мира, от рода сего, 51 от крове Авеля даже до крове Захарии, погибшаго между олтарем и храмом: ей, глаголю вам, възыщется от рода сего. 52 Горе вам законником, яко взясте ключь разумения: сами не внидосте, и входящым возбранисте. 53 Глаголющу же Ему сия к ним, начаша книжници и фарисее бедне гневатися Нань и престати Его о мнозе, 54 лающе Его, ищуще уловити нечто от уст Его, да Нань возглаголют.

12 О ниже собравшымся тмам народа, яко попирати друг друга, начат глаголати учеником Своим первее: внимлите себе от кваса фарисейска, еже есть лицемерие. 2 Ничтоже бо покровено есть, еже не открытается, и тайно, еже не уразумеется: 3 зане, елика во тме ресте, во свете

услышатся: и еже ко уху глаголасте во храмах, проповестся на кровех. 4 Глаголю же вам другом Своим: не убойтесь от убивающих тело и потом не могущих лишше что сотворити: 5 сказую же вам, кого убойтесь: убойтесь имущаго власть по убиению вовреци в дебрь огненную: ей, глаголю вам, того убойтесь. (Geenna g1067) 6 Не пять ли птиц ценится пенязема двема? И ни едина от них несть забвена пред Богом. 7 Но и власи главы вашае вси изочтени суть. Не убойтесь убо: мнозех птиц унши есте вы. 8 Глаголю же вам: всяк, иже аще исповест Мя пред человеки, и Сын Человеческий исповест его пред Ангелы Божиими: 9 а отвергийся Мене пред человеки отвержен будет пред Ангелы Божиими. 10 И всяк иже речет слово на Сына Человеческаго, оставится ему: а на Святаго Духа хулившему не оставится. 11 Егда же приведут вы на соборища и власти и владычества, не пецытесе, како или что отвещаете, или что речете: 12 Святыи бо Дух научит вы в той час, яже подобает рещи. 13 Рече же Ему некий от народа: Учителю, рцы брату моему разделитьи со мною достояние. 14 Он же рече ему: человек, кто Мя постави судию или делителя над вами? 15 Рече же к ним: блюдите и хранитесе от лихоимства: яко не от избытка кому живот его есть от имени его. 16 Рече же притчу к ним, глаголя: человеку некоему богату угобзися нива: 17 и мысляше в себе, глаголя: что сотворю, яко не имам где собрати плодов моих? 18 И рече: се сотворю: разорю житницы моя, и большья созижду, и соберу ту вся жита моя и благая моя: 19 и реку души моей: душе, имаша многа блага, лежаща на лета многа: почивай, яждь, пей, веселися. 20 Рече же ему Бог: безумне, в сию ночь душу твою истяжут от тебе: а яже уготовал еси, кому будут? 21 Тако собираяй себе, а не в Бога богатея. 22 Рече же ко учеником Своим: сего ради глаголю вам: не пецытесе душою вашею, что ясте: ни телом, во что облечетесе: 23 душа болши есть пищи, и тело одежды. 24 Смотрите вран, яко не сеют, ни жнут: имже несть сокровища, ни житницы, и Бог питает их: колыми паче вы есте лучши птиц? 25 Кто же от вас пекийся может приложити возрасту своему лакоть един? 26 Аще убо ни мала чесо можете, что о прочих пецетесе? 27 Смотрите крины, како растут: не труждаются, ни прядут: глаголю же вам, яко ни Соломон во всей славе своей облечесе, яко един от сих. 28 Аще же траву, на селе днесь сущу и утре в пещь вмещему, Бог тако одевает: колыми паче вас, маловерий? 29 И вы не ищите, что ясте, или что пиете: и не возноситеся: 30 всех бо сих языцы мира сего ищут: ваш же Отец весть, яко требуете сих: 31 обаче ищите Царствия Божия, и сия вся приложатся вам. 32 Не бойся, малое стадо: яко благоизволи Отец ваш дати вам Царство. 33 Продадите имена ваша и дадите милостыню. Сотворите себе влагилаща неветшающа, сокровище неоскудеемо на небесех, идеже тать не приближается, ни моль растлеваает. 34 Идеже бо сокровище ваше, ту и сердце ваше будет. 35 Да будут чресла ваша препоясана, и светилницы горящи: 36 и вы подобни человеком чающым господа своего, когда возвратится от брака, да пришедшу и толкнувшу, абие отверзут ему. 37 Блажени раби тии, иже пришед господь

обрящет дблящих: аминь глаголю вам, яко препояшется и посадит их, и минув послужит им. 38 И аще приидет во вторую стражу, и в третью стражу приидет, и обрящет (их) тако, блажени суть раби тии. 39 Се же ведите, яко аще бы ведал господин хранины, в кий час тать приидет, бдел убо бы, и не бы дал подкопати дому своего: 40 и вы убо будите готови: яко, в оньже час не мните, Сын Человеческий приидет. 41 Рече же Ему Петр: Господи, к нам ли притчу сию глаголеши, или ко всем? 42 Рече же Господь: кто убо есть верный строителю и мудрый, егоже поставит господь над челядио своею, даяти во время житомерие? 43 Блажен раб той, егоже пришед господь его обрящет творяща тако: 44 воистинну глаголю вам, яко над всем имением своим поставит его. 45 Аще же речет раб той в сердце своем: коснит господин мой приити: и начнет бити рабы и рабыни, ясти же и пити и упиватися: 46 приидет господин раба того в день, в оньже не чает, и в час, в оньже не весть: и растешет его, и часть его с неверными положит. 47 Той же раб ведевый волю господина своего, и не уготовав, ни сотворив же воли его, биен будет много: 48 неведевый же, сотворив же достойная ранам, биен будет мало. Всякому же, емуже дано будет много, много взыщется от него: и емуже предаша множайше, множайше просят от него. 49 Огня приидох вовреци на землю, и что хошу, аще уже возгоресея? 50 Крещением же имам креститися, и како удержуся, дондеже скончאותся? 51 Мните ли, яко мир приидох дати на землю? Ни, глаголю вам, но разделение: 52 будут бо отселе пять во едином дому разделени, трие на два, и два на три: 53 разделится отец на сына, и сын на отца: матери на дщерь, и дщи на матерь: свекры на невесту свою, и невеста на свекровь свою. 54 Глаголаше же и народом: егда узрите облак восходящ от запада, абие глаголете: туча грядет: и бывает тако: 55 и егда юг веющ, глаголете: зной будет: и бывает. 56 Лицемери, лице небу и земли весте искушати: време же сего како не искушаете? 57 Что же и о себе не судите праведное? 58 Егда бо грядеши с соперником твоим ко князю, на пути даждь делание избыти от него: да не како привлечет тебе к судии, и судия тя предаст слуге, и слуга всадит тя в темницу: 59 глаголю тебе: не изыдеши оттуду, дондеже и последнюю медницу воздаси.

13 Приидоша же нецыи в то время, поведаяще Ему о Галилеех, иже кровь Пилат смеси с жертвами их. 2 И отвещав Иисус рече им: мните ли, яко Галилеане сии грешнейши паче всех Галилеан бяху, яко тако пострадаша? 3 Ни, глаголю вам: но аще не покаетесе, вси такожде погибнете. 4 Или они осмьнадесяте, на нихже паде столп Силоамский и поби их, мните ли, яко тии должнейши бяху паче всех живущих во Иерусалиме? 5 Ни, глаголю вам: но аще не покаетесе, вси такожде погибнете. 6 Глаголаше же сию притчу: смоковница имяше некий в винограде своем всаждену: и прииде ища плода на ней, и не обрете: 7 рече же к винареви: се, третье лето, отнелиже прихожду ища плода на смоковнице сей, и не обретаю: посецы ю (убо), вскую и землю упражняет? 8 Он же отвещав рече ему: господи, остави ю и се лето, дондеже окопаю окрест ея и

осыплю гноем: 9 и аще убо сотворит плод: аще ли же ни, во грядущее посечеши ю. 10 Бяше же учя на едином от сонмищ в субботу: 11 и се, жена бе имущи дух недужен лет осмьнадесять, и бе сляка и не могуци восклонитися отнюд. 12 Видев же ю Иисус, пригласи и рече ей: жено, отпущена еси от недуга твоего. 13 И возложи на ню руце: и абие простресе и славляше Бога. 14 Отвещав же старейшина собору, негодуя, зане в субботу изцели (ю) Иисус, глаголаше народу: шесть дний есть, в няже достоин делати: в тыя убо приходяще целитесь, а не в день субботный. 15 Отвеща (же) убо ему Господь и рече: лицемере, кождо вас в субботу не отрешает ли своего вола или осла от яслей, и вед напаяет? 16 Сию же дщерь Авраамлю сущу, юже связя сатана, се, осмоенадесяте лето, не достояше ли разрешитися ей от юзы сея в день субботный? 17 И сия Ему глаголющу, стыдяхуся вси противляющися Ему: и вси людие радовахуся о всех славных бывающих от Него. 18 Глаголаше же: кому подобно есть Царствие Божие? И кому уподоблю е? 19 Подобно есть зерну горушну, еже приемь человек вверже в вертоград свой: и в возрасте, и бысть древо велие, и птицы небесныя вселишася в ветвие его. 20 Паки рече: кому уподоблю Царствие Божие? 21 Подобно есть квасу, егже приемши жена, скры в сатех триех муки, дондеже вскисе все. 22 И проходилаше сквозе грады и веси, учя и шествие творя во Иерусалим. 23 Рече же некий Ему: Господи, аще мало есть спасающихся? Он же рече к ним: 24 подвизайтесь внити сквозе тесная врата: яко мнози, глаголю вам, възыщут внити, и не возмогут. 25 Отнележе встанет дому владыка и затворит двери, и начнете вне стояти и ударяти в двери, глаголюще: Господи, Господи, отвори нам. И отвещав речет вам: не вем вас, откуда есте. 26 Тогда начнете глаголати: ядохом пред Тобою и пихом, и на распутиих наших учил еси. 27 И речет: глаголю вам, не вем вас, откуда есте: отступите от Мене, вси делатели неправды. 28 Ту будет плачь и скрежет зубом, егда узрите Авраама и Исаака и Иакова и вся пророки во Царствии Божии, вас же изгонимых вон. 29 И приидут от восток и запад и севера и юга, и възлягут в Царствии Божии. 30 И се, суть последнии, иже будут перви, и суть первии, иже будут последни. 31 В той день приступиша нецнии от фарисей, глаголюще Ему: изыди и иди отсюда, яко Ирод хочет Тя убити. 32 И рече им: шедше рцйте лису тому: се, изгоню бесы и изцеления творю днесь и утре, и в третий скончаюся: 33 обаче подобает Ми днесь и утре и в ближний ити: яко невозможно есть пророку погибнути кроме Иерусалима. 34 Иерусалиме, Иерусалиме, избивый пророки и камением побивая посланнныя к тебе, колькраты восхотех собрати чада твоя, якоже кокош гнездо свое под криле, и не восхотесте? 35 Се оставляется вам дом ваш пуст. Глаголю же вам, яко не имате Мене видети, дондеже приидет, егда речете: благословен Грядый во имя Господне.

14 И бысть егда внити Ему в дом некоего князя фарисейска в субботу хлеб ясти, и тии бяху назирающе Его: 2 и се, человек некий, имый водный труд, бе пред Ним. 3 И отвещав Иисус рече к законником и фарисеом, глаголя: аще достоин в субботу целити? 4 Они же умолчаша. И приемь изцели

его, и отпусти. 5 И отвещав к ним рече: котораго от вас осел или вол в студенец владет, и не абие ли исторгнет его в день субботный? 6 И не возмогоша отвещати Ему к сим. 7 Глаголаше же к званным притчу, обдержя, како председания избираху, глаголя к ним: 8 егда зван будеши ким на брак, не сяди на преднем месте: еда кто честнее тебе будет званных, 9 и пришед иже тебе звавый и онаго, речет ти: даждь сему место: и тогда начнеши со студом последнее место держати. 10 Но егда зван будеши, шед сяди на последнем месте, да егда приидет звавый тя, речет ти: друже, посади выше: тогда будет ти слава пред званными с тобою: 11 яко всяк возносяйся смирится, и смиряющийся вознесется. 12 Глаголаше же и ко звавшему Его: егда сотвориши обед или вечерю, не зови друзей твоих, ни братии твоя, ни сродник твоих, ни сосед богатых: еда когда и тии тя такожде воззовут, и будет ти воздаяние. 13 Но егда твориши пир, зови нищыя, маломощныя, хромыя, слепыя: 14 и блажен будеши, яко не имут ти что воздати: воздаст же ти ся в воскрешение праведных. 15 Слышав же некий от возлежащих с Ним сия, рече Ему: блажен, иже снесть обед в Царствии Божии. 16 Он же рече ему: человек некий сотвори вечерю велию и зва многи: 17 и посла раба своего в год вечера рещи званным: грядите, яко уже готова суть вся. 18 И начаша вкупе отрицатися вси. Первый рече ему: село купих и имам нужду изыти и видети е: молются, имей мя отречена. 19 И другой рече: супруг волов купих пять и гряду искусити их: молю тя, имей мя отречена. 20 И другой рече: жену поях и сего ради не могу приити. 21 И пришед раб той поведа господину своему сия. Тогда разгневався дому владыка, рече рабу своему: изыди скоро на распутия и стогны града, и нищыя и бедныя и слепыя и хромыя введи семо. 22 И рече раб: господи, бысть якоже повелел еси, и еще место есть. 23 И рече господин к рабу: изыди на пути и халуги, и убеди внити, да наполнится дом мой: 24 глаголю бо вам, яко ни един мужей тех званных вкусит моя вечера: мнози бо суть звани, мало же избранных. 25 Идяху же с Ним народи мнози: и обращься рече к ним: 26 аще кто грядет ко Мне, и не возненавидит отца своего и матерь, и жену и чад, и братию и сестр, еще же и душу свою, не может Мой быти ученик: 27 и иже не носит креста своего и вслед Мене грядет, не может Мой быти ученик. 28 Кто бо от вас, хотяя столп создати, не прежде ли сед разчтет имение, аще имать, еже есть на совершение? 29 Да не, когда положит основание и не возможет совершити, вси видящии начнут ругатися ему, 30 глаголюще, яко сей человек начат здати и не може совершити? 31 Или кий царь идый ко иному царю снитися с ним на брань, не сед ли прежде совещашавет, аще силен есть срести с десятию тысяч грядущаго со двемадесятма тысящамань? 32 Аще ли же ни, еще далече ему сущу, моление послав молится о смирении. 33 Тако убо всяк от вас, иже не отречется всего своего имени, не может быти Мой ученик. 34 Добро есть соль: аще же соль обуюет, чим осолится? 35 Ни в землю, ни в гной потребна есть: вон изсыплот ю. Имейя уши слышати, да слышит.

15 Бяжу же приближающесе к Нему вси мытари и грешницы, послушати Его. **2** И роптаху фарисее и книжници, глаголюще, яко Сей грешники приемлет и с ними яст. **3** Рече же к ним притчу сию, глаголя: **4** кий человек от вас имый сто овец, и погубль едину от них, не оставит ли девяносто и девяти в пустыни и идет вслед погибшия, дондеже обрящет ю? **5** И обрет возлагает на раме свои радуся: **6** и пришед в дом, созывает други и соседы, глаголя им: радуйтеся со мною, яко обретох овцу мою погибшую. **7** Глаголю вам, яко тако радость будет на небеси о едином грешнике кающемся, нежели о девяностых и девяти праведник, иже не требуют покаяния. **8** Или кая жена имущи десять драхм, аще погубит драхму едину, не вжигает ли свечилника, и пометет храмину, и ищет прилежно, дондеже обрящет? **9** И обретши созывает другини и соседы, глаголющи: радуйтеся со мною, яко обретох драхму погибшую. **10** Тако, глаголю вам, радость бывает пред Ангелы Божиими о едином грешнике кающемся. **11** Рече же: человек некий име два сына: **12** и рече юнейший еу отцу: отче, даждь ми достойную часть имения. И раздели има имение. **13** И не по мнозех днех собрав все мний сын, отиде на страну далече, и ту рсточи имение свое, живый блудно. **14** Изжившу же ему все, бысть глад крепок на стране той, и той начат лишатися: **15** и шед прилепися единому от житель тоя страны: и посла его на села своя пасти свиния: **16** и желаше насытити чрево свое от рожец, яже ядяху свиния: и никтоже даяше ему. **17** В себе же пришед, рече: колико наемником отца моего избывают хлебы, аз же гладом гиблю? **18** Востав иду ко отцу моему, и реку ему: отче, согреших на небо и пред тобою, и уже несмы достоин наречиси сын твой: сотвори мя яко единого от наемник твоих. **20** И востав иде ко отцу своему. Еще же ему далече сущу, узре его отец его, и мил ему бысть, и тек нападе на выю его, и облобыза его. **21** Рече же ему сын: отче, согреших на небо и пред тобою, и уже несмы достоин наречиси сын твой. **22** Рече же отец к рабом своим: изнесите одежду первую и облечыте его, и дадите перстень на руку его и сапоги на нозе: **23** и приведше телец упитанный зазолите, и ядше веселимся: **24** яко сын мой сей мертв бе, и оживе: и изгibl бе, и обретесе. И начаша веселитися. **25** Бе же сын его старей на селе: и яко грядый приближися к дому, слыша пение и лики: **26** и призвав единого от отрок, вопрошаше: что (убо) сия суть? **27** Он же рече ему, яко брат твой прииде: и закла отец твой телца упитанна, яко здрава его прият. **28** Разгневался же, и не хотяше внити. Отец же его изшед моляше его. **29** Он же отвещав рече отцу: се, толико лет работаю тебе и николиже заповеди твоя преступих, и мне николиже дал еси козляте, да со други своими возвеселится бых: **30** егда же сын твой сей, изрядый твое имение с любодейцами, прииде, заклал еси ему телца питомаго. **31** Он же рече ему: чадо, ты всегда со мною еси, и вся моя твоя суть: **32** возвеселитижеся и возрадовати подобаше, яко брат твой сей мертв бе, и оживе: и изгibl бе, и обретесе.

16 Глаголаше же ко учеником Своим: человек некий бе богат, иже имяше приставника: и той оклеветан бысть к нему, яко расточает имения его: **2** и пригласив его рече ему: что се слышу о тебе? Воздаждь ответ о приставлении домовнем: не возможеси бо ктому дому строити. **3** Рече же в себе приставник дому: что сотворю, яко господь мой отемлет строение дому от мене? Копати не могу, просити стыжуся: **4** разумех, что сотворю, да егда отставлен буду от строения дому, примут мя в домы своя. **5** И призвав единого кождо от должник господина своего, глаголаше первому: колицем должен еси господину моему? **6** Он же рече: сто мер масла. И рече ему: приими писание твое, и сед скоро напиши пятьдесят. **7** Потом же рече другому: ты же колицем должен еси? Он же рече: сто мер пшеницы. И глагола ему: приими писание твое, и напиши осмьдесят. **8** И похвали господь дому строителя неправеднаго, яко мудре сотвори: яко сынове века сего мудрейши паче сынов света в роде своем суть. **(aiōn g165)** **9** И Аз вам глаголю: сотворите себе други от мамоны неправды, да, егда оскудеете, примут вы в вечная кровы. **(aiōnios g166)** **10** Верный в мале, и во мнозе верен есть: и неправедный в мале, и во мнозе неправеден есть. **11** Аще убо в неправеднем имени верни не бысте, во истиннем кто вам веру имет? **12** И аще в чужем верни не бысте, ваше кто вам даст? **13** Ни кий же раб может двема господинома работати: ибо или единого возненавидит, а другаго возлюбит: или единого держится, о другом же нерадети начнет: не можете Богу работати и мамоне. **14** Слышаху же сия вся и фарисее, сребролюбцы суще, ругахуся Ему. **15** И рече им: вы есте оправдающе себе пред человеки, Бог же весть сердца ваша: еже есть в человецех высоко, мерзость есть пред Богом. **16** Закон и пророцы до Иоанна: оттоле Царствие Божие благовестуется, и всяк в не нудится. **17** Удобее же есть небу и земли прейти, неже от закона единой черте погибнути. **18** Всяк пущай жену свою и приводя ину прелюбы деет: и женяйся пущеною от мужа прелюбы творит. **19** Человек же некий бе богат, и облачашеся в порфиру и виссон, веселяся на вся дни светло. **20** Нищъ же бе некто, именем Лазарь, иже лежаше пред враты его гноен. **21** и желаше насытитися от крупци падающих от трапезы богатаго: но и пси приходяще облизаху гной его. **22** Бысть же умрети нищему и несену быти Ангелы на лоно Авраамле: умре же и богатый, и погребоша его: **23** и во аде возвед очи свои, сый в муках, узре Авраама издалеча, и Лазаря на лоне его: **(Hadēs g86)** **24** и той возглась рече: отче Аврааме, помилуй мя и посли Лазаря, да омочит конец перста своего в воде и устудит язык мой, яко стражду во пламени сем. **25** Рече же Авраам: чадо, помяни, яко восприял еси блага твоя в животе твоём, и Лазарь такожде злая: ныне же zde утешается, ты же страждеши: **26** и над всеми сими между нами и вами пропасть велика утвердися, яко да хотящии прейти отсюду к вам не возмогут, ни иже оттуду, к нам преходят. **27** Рече же: молю тя убо, отче, да послеши его в дом отца моего: **28** имам бо пять братий: яко да засвидетельствует им, да не и тии приидут на место сие мучения. **29** Глагола ему Авраам: имут Моисеа и пророки:

да послушают их. 30 Он же рече: ни, отче Аврааме: но аще кто от мертвых идет к ним, покаются. 31 Рече же ему: аще Моисея и пророков не послушают, и аще кто от мертвых воскреснет, не имут веры.

17 Рече же ко учеником Своим: не возможно есть не приити соблазном, горе же, егоже ради приходят: 2 унее ему было бы, аще жернов оселский облежал бы о выи его, и ввержен в море, неже да соблазнит от малых сих единого. 3 Внемлите себе. Аще согрешит к тебе брат твой, запрети ему: и аще покается, остави ему: 4 и аще седмици на день согрешит к тебе и седмици на день обратится, глаголя: каюся: остави ему. 5 И рекоша Апостоли Господеви: приложи нам веру. 6 Рече же Господь: аще бысте имели веру яко зерно горушно, глаголали бысте убо ягодине сей: восторгнися и всадися в море: и послушала бы вас. 7 Который же от вас раба имея орюща или пасуща, иже пришедшу ему с села речет: абие минув возлязи? 8 Но не речет ли ему: уготовай, что вечеряю, и препоясався служи ми, дондеже ям и пию: и потом яси и пиешы ты? 9 Еда имат хвалу рабу тому, яко сотвори повеленная? Не мною. 10 Тако и вы, егда сотворите вся повеленная вам, глаголите, яко раби неключими есмы: яко, еже должи бехом сотворити, сотворихом. 11 И бысть идущу Ему во Иерусалим, и той прохождаше между Самариею и Галилею. 12 Входящу же Ему в некую весь, сретоша Его десять прокаженных мужей, иже стаха издалежа: 13 и тии вознесоша глас, глаголюще: Иисусе Наставниче, помилуй ны. 14 И видев рече им: шедше покажитесь священником. И бысть идущим им, очистишася. 15 Един же от них, видев, яко изцеле, возвратися, со гласом велиим славя Бога, 16 и паде ниц при ногу Его, хвалу Ему воздая: и той бе Самарянин. 17 Отвещав же Иисус рече: не десять ли очистишася? Да девять где? 18 како не обретошася возвращшесе дати славу Богу, токмо иноплеменик сей? 19 И рече ему: востав иди: вера твоя спасе тя. 20 Вопросен же быв от фарисей, когда приидет Царствие Божие, отвечав им рече: не приидет Царствие Божие с соблюдением: 21 ниже рекут: се zde, или: онде. Се бо, Царствие Божие внутрь вас есть. 22 Рече же ко учеником (Своим): приидут дние, егда вожделеете единого дне Сына Человеческаго видети, и не узрите: 23 и рекут вам: се zde, или: се, онде: не изыдите, ни пожените: 24 яко бо молния блистающися от поднебесных на поднебесней светится: тако будет Сын Человеческий в день Свой. 25 Прежде же подобает Ему много пострадати и искушену быти от рода сего. 26 И якоже бысть во дни Ноевы, тако будет и во дни Сына Человеческа: 27 ядяху, пияху, женяхуся, посягаху, до негоже дне вниде Ное в ковчег: и прииде потоп и погуби вся. 28 Такожде и якоже бысть во дни Лотовы: ядяху, пияху, куповаху, продаяху, саждаху, здаху: 29 в оньже день изыде Лот от Содомлян, одожди камык горящъ и огонь с небесе и погуби вся: 30 по тому же будет и в день, в оньже Сын Человеческий явится. 31 В той день, иже будет на крове, и сосуди его в дому, да не слазит взяти их: и иже на селе, такожде да не возвратится вспясть: 32

поминайте жену Лотову. 33 Иже аще възмет душу свою спасти, погубит ю: и иже аще погубит ю, живит ю. 34 Глаголю вам: в ту ночь будета два на одре едином: един поемлется, а другой оставляется: 35 будете две вкупе мелюще: едина поемлется, а другая оставляется. 36 Два будета на селе: един поемлется, а другой оставляется. 37 И отвещавше глаголаша Ему: где, Господи? Он же рече им: идеже тело, тамо соберутся и орли.

18 Глаголаше же и притчу к ним, како подобает всегда молитися и не стужати (си), 2 глаголя: судия бе некий в некоем граде, Бога не бояся и человек не срамляся. 3 Вдова же некая бе во граде том: и приходдаше к нему, глаголющи: отмсти мене от соперника моего. 4 И не хотяше на долзе времени. Последи же рече в себе: аще и Бога не боюся, и человек не срамляюся: 5 но зане творит ми труды вдовица сия, отмщу ея: да не до конца приходящи застоит мене. 6 Рече же Господь: слышите, что судия неправды глаголет? 7 Бог же не имать ли сотворити отмщение избранных Своих, вопиющих к Нему день и ночь, и долготерпя о них? 8 Глаголю вам, яко сотворит отмщение их вскоре: обаче Сын Человеческий пришед убо обрящет ли (си) веру на земли? 9 Рече же и ко другим уповающим собою, яко суть праведници, и уничижающим прочих, притчу сию: 10 человека два внидоша в церковь помолитися: един фарисей, а другой мытарь. 11 Фарисей же став, сице в себе моляшся: Боже, хвалу Тебе воздаю, яко несмы якоже прочии человецы, хищницы, неправедницы, прелюбодее, или якоже сей мытарь: 12 пощуся дважды в субботу, десятину даю всего елико притяжу. 13 Мытарь же издалежа стоя, не хотяше ни очию возвести на небо: но бияше перси своя, глаголя: Боже, милостив буди мне грешнику. 14 Глаголю вам, яко сниде сей оправдан в дом свой паче онаго: яко всяк возносыйся смирится, смиряяй же себе вознесется. 15 Приношаху же к Нему и младенцы, да их коснется: видевше же ученицы запретиша им. 16 Иисус же призвав их, глагола: оставите детей приходити ко Мне и не браните им: таковых бо есть Царствие Божие: 17 аминь бо глаголю вам: иже аще не примет Царствия Божия яко отроча, не имать внити в не. 18 И вопроси Его некий князь, глаголя: Учителю глгий, что сотворив, живот вечный наследствую? (αἰῶνιος g166) 19 Рече же ему Иисус: что Мя глаголеши блага? Никтоже благ, токмо един Бог: 20 заповеди веси: не прелюби твори, не убий, не укради, не лжесвидетельствуй, чти отца твоего и мать твою. 21 Он же рече: вся сия сохраних от юности моя. 22 Слышав же сия Иисус рече ему: еще единого не докончал еси: вся, елика имаши, продаждь и раздай нищим: и имети имаши сокровище на небеси: и гряди вслед Мене. 23 Он же слышав сие, прискорбен бысть: бе бо богат зело. 24 Видев же его Иисус прискорбна бывша, рече: како не удобо имущий богатство в Царствие Божие внидут: 25 удобо бо есть вельбуду сквозе иглине уши проити, неже богату в Царствие Божие внити. 26 Реша же слышавшии: то кто может спасен быти? 27 Он же рече: невозможная у человек возможна суть у Бога. 28 Рече же Петр: се, мы оставихом вся и по Тебе идохом. 29 Он же

рече им: аминь глаголю вам, яко никтоже есть, иже оставит дом, или родители, или братию, или сестры, или жену, или чада, Царствия ради Божия, **30** иже не примет множицею во время сие, и в век грядущий живот вечный. (aion g165, aionios g166) **31** Поем же обанадесяте ученики Своя, рече к ним: се, восходим во Иерусалим, и скончаются вся писанная пророки о Сыне Человечесте: **32** предадут бо Его языком и поругаются Ему, и укорят Его и оплюют Его, **33** и бывше убьют Его: и в третий день воскреснет. **34** И тии ничесоже от сих разумеша: но бы глаголют сей сокровен от них, и не разумеваху глаголомых. **35** Бысть же егда приближишася во Иерихон, слепец некий седаше при пути прося: **36** слышав же народ мимоходящ, вопрошаше: что убо есть се? **37** Поведаша же ему, яко Иисус Назарянин мимоходит. **38** И возопи, глаголя: Иисусе Сыне Давидов, помилуй мя. **39** И предидуци прещаху ему, да умолчит: он же паче множае вопиаше: Сыне Давидов, помилуй мя. **40** Став же Иисус повеле привести его к Себе. Приближшуся же ему к Нему, вопроши его, **41** глаголя: что хочещи, да ти сотворю? Он же рече: Господи, да прозрю. **42** Иисус же рече ему: прозри: вера твоя спасе тя. **43** И абие прозре, и вслед Его идяше, славя Бога. И вси людие видевше воздаша хвалу Богови.

19 И швед проходилаше Иерихон. **2** И се, муж нарицаемый Закхей, и сей бе старей митарем, и той бе богат: **3** и искаше видети Иисуса, кто есть, и не можаше от народа, яко возрастом мал бе: **4** и предитек, возлезе на ягодичину, да видит, яко хотяше мимо ея проити. **5** И яко прииде на место, воззрев Иисус виде его и рече к нему: Закхее, потщався слези: днешь бо в дому твоём подобает Ми быти. **6** И потщався слезе и прият Его радуясь. **7** И видевше вси роптаху, глаголюще, яко ко грешну мужу вниде витати. **8** Став же Закхей рече ко Господу: се, пол имения моего, Господи, дам нищим: и аще кого чим обидех, возвращу четверицею. **9** Рече же к нему Иисус, яко днешь спасение дому сему бысть, зане и сей сын Авраамль есть: **10** прииде бо Сын Человечь зыскати и спасти погибшаго. **11** Слышашцм же им сия, приложь рече притчу, зане близ Ему быти Иерусалима, и мняху, яко абие Царство Божие хочет явитися. **12** Рече убо: человек некий добра рода иде на страну далече прияти себе царство и возвратитися: **13** призвав же десять раб своих, даде им десять мнас и рече к ним: куплю дейте, дондеже прииду. **14** И граждане его ненавидяху его и послаша послы вслед его, глаголюще: не хоцем сему, да царствует над нами. **15** И бысть егда возвратися приим царство, рече пригласити рабы тыя, имже даде сребро, да увещь, какову куплю суть сотворили. **16** Прииде же первый, глаголя: господи, мнас твоя придела десять мнас. **17** И рече ему: благо, рабе добрый: яко о мале верен был еси, буди область имья над десятию градов. **18** И прииде вторый, глаголя: господи, мнас твоя сотвори пять мнас. **19** Рече же и тому: и ты буди над пятию градов. **20** И другий прииде, глаголя: господи, се, мнас твоя, юже имех положену во буресе: **21** бояхся бо тебе, яко человек яр еси, вземлещи, егоже не положил еси, и жнеши, егоже не сеял еси. **22** Глаголя же

ему: от уст твоих сужду ти, лукавый рабе: ведел еси, яко аз человек яр есмь, вземлю, егоже не положих, и жну, егоже не сеял: **23** и почто не вдал еси моего сребра купцем, и аз пришед с лихвою истязал бых е? **24** И предстоящм рече: возьмите от него мнас и дадите имущему десять мнас. **25** И реша ему: господи, имать десять мнас. **26** Глаголю бо вам, яко всякому имущему дастся: а от неимущаго, и еже имать, отимется от него: **27** обаче враги моя оны, иже не восхотеша мене, да царь бых был над ними, приведите семо и исзеците предо мною. **28** И сия рече, идяше преди, восходя во Иерусалим. **29** И бысть яко приближися в Вифсафагию и Вифанию, к горе нарицаемей Елеон, посла два ученик Своих, **30** глаголя: идита в прямную весь: (и) в нюже входяща обряцета жребя привязано, на неже никтоже николиже от человек вседе: отрешша е приведита: **31** и аще кто вы вопрошает: почто отрешаета? Сице рцята ему, яко Господь его требует. **32** Шедша же посланная обретоста, якоже рече има. **33** Отрешающема же има жребя, рекоша господие его к нима: что отрешаета жребя? **34** Она же рекоста, яко Господь его требует. **35** И приведоста е ко Иисусови: и возвергше ризы своя на жребя, всадиша Иисуса. **36** Идущу же Ему, постилаху ризы своя по пути. **37** Приближающужеса Ему уже (абие) к низхождению горе Елеонстей, начаша все множество ученик радующеса хвалити Бога гласом велиим о всех силах, яже видеша, **38** глаголюще: благословен грядый Царь во имя Господне: мир на небеси и слава в вышних. **39** И нецый фарисее от народа реша к Нему: Учителю, запрети учеником Твоим. **40** И отвечащ рече им: глаголю вам, яко, аще сии умолчат, камень возопиет. **41** И яко приближися, видев град, плакася о нем, **42** глаголя: яко аще бы разумел и ты, в день сей твой, еже к смирению твоему: ныне же скрыся от очию твоєю: **43** яко приидут дние на тя, и обложат врази твои острог о тебе, и обыдут тя, и оымут тя отвсюду, **44** и разбьют тя и чада твоя в тебе, и не оставят камень на камени в тебе: понеже не разумел еси времеие посещения твоего. **45** И швед в церковь, начат изгонити продающья в ней и купующья, **46** глаголя им: писано есть: дом Мой дом молитвы есть: вы же сотвористе его пещеру разбойником. **47** И бе учя по вся дни в церкви. Архиерее же и книжници искаху Его погубити, и старейшины людем: **48** и не обретаху, что бы сотворили Ему: людие бо вси держяхуся Его, послушающе Его.

20 И бысть во един от дний оных, учашу Ему люди в церкви и благовествующу, приидоша священницы и книжници со старцы **2** и реша к Нему, глаголюще: рцы нам, кою областию сия твориши, или кто есть давший Тебе власть сию? **3** Отвещав же рече к ним: вопрошу вы и аз единого словесе, и рцйте Ми: **4** крещение Иоанново с небесе ли бе, или от человек? **5** Они же помышляху в себе, глаголюще, яко аще речем: с небесе, речет: почто убо не веровасте ему? **6** Аще ли же речем: от человек, вси людие камением побьют ны: известно бо бе о Иоанне, яко пророк бе. **7** И отвечаща: не вемы откуду. **8** Иисус же рече им: ни аз глаголю вам, кою областию сия творю. **9** Начат же к людем глаголати притчу сию: человек некий насади виноград, и вваде его делателем,

и отиде на лета многа: 10 и во время посла к делателем раба, да от плода винограда дадут ему: делатели же бивше его, послаша тща. 11 И приложи послати другого раба: они же и того бивше и досадивше (ему), послаша тща. 12 И приложи послати третьего: они же и того уязвльше изгнаша. 13 Рече же господин винограда: что сотворю? Послю сына моего возлюбленного, еда како, его видевше, усрамятся. 14 Видевше же его делатели, мышляху в себе, глаголюще: сей есть наследник: приидите, убием его, да наше будет достояние. 15 И изведше его вон из винограда, убиша. Что убо сотворит им господин винограда? 16 Приидет и погубит делатели сия и вдаст виноград инем. Слышавше же рекоша: да не будет. 17 Он же воззрев на них, рече: что убо писаное сие: камень, егоже небрегоша зиждущии, сей бысть во главу угла? 18 Всяк падый на камени том, сокрушится: а на немже падет, стрьет его. 19 И взыскаша архиереи и книжницы возложить Нань руце в той час и убояшася народа: разумеша бо, яко к ним притчу сию рече. 20 И наблюдше послаша лаятели, притворяющих себе праведники быти: да имут Его в словеси, во еже предати Его начальству и области игемонове. 21 И вопрошиша Его, глаголюще: Учителю, вемы, яко право глаголеши и учиши, и не на лица зриши, но воистинну пути Божию учиши: 22 достоин ли нам кесареви дань даяти, или ни? 23 Разумев же их лукавство, рече к ним: что Мя искушаете? 24 Покажите Ми цату: чий имать образ и надписание? Отвещавше же рекоша: кесарев. 25 Он же рече им: воздадите убо, яже кесарева, кесареви, и яже Божия, Богови. 26 И не могоша зазрети глаголгола Его пред людьми: и двившася о ответе Его и умолчаша. 27 Приступиша же нецыи от саддукей, глаголющи воскресению не быти, вопрошаху Его, 28 глаголюще: Учителю, Моисей написа нам: аще кому брат умрет имый жену, и той безчаден умрет, да брат его поймет жену и возставит семя брату своему: 29 семь убо братьи бе: и первый поят жену, умре безчаден: 30 и поят второй жену, и той умре безчаден: 31 и третий поят ю: такожде же и вси седмь: и не оставиша чад и умроша: 32 послеще же всех умре и жена: 33 в воскресение убо, котораго их будет жена? Семь бо имеша ю жену. 34 И отвечав рече им Иисус: сынове века сего женятся и посягают: (аіѡн г165) 35 а сподобльшиися век он улучити и воскресение, еже от мертвых, ни женятся, ни посягают: (аіѡн г165) 36 ни умрети бо ктому могут: равни бо суть Ангелом и сынове суть Божии, воскресения сынове суще: 37 а яко встают мертвии, и Моисей сказа при купине, якоже глаголет Господа Бога Авраамля и Бога Исаакова и Бога Иаковля: 38 Бог же несть мертвых, но живых: вси бо Тому живи суть. 39 Отвещавше же нецыи от книжник рекоша: Учителю, добре рекл еси. 40 Ктому же не смеяху Его вопросити ничесоже. Рече же к ним: 41 како глаголют Христа Сына Давидова быти? 42 Сам бо Давид глаголет в книзе псаломстей: рече Господь Господеви моему: седи о десную Мене, 43 дондеже положу враги Твоя подножие ногама Твоима. 44 Давид убо Господа Его нарицает, и како Сын ему есть? 45 Слышашым же всем людем, рече учеником Своим: 46 внемлите себе от книжник хотящих

ходити во одеждах и любящих целования на торжищих и председания на сонмищих и преждевозлежания на вечерях: 47 иже снедают домы вдовиц и виною далече молятся: сии примут лишше осуждение.

21 Воззрев же виде вметающыя в храм набдящий имениа дары своя богатыя: 2 виде же и некую вдовицу убогу вметающу ту две лепте, 3 и рече: воистинну глаголю вам, яко вдовица сия убогая множае всех вверже: 4 вси бо сии от избытка своего ввергоша в дары Богови: сия же от лишения своего все житие, еже име, вверже. 5 И неким глаголющим о церкви, яко камением добрым и сосуды украшена, рече: 6 сия яже видите, приидут дние, в няже не останет камень на камени, иже не разорится. 7 Вопросиша же Его, глаголюще: Учителю, когда убо сия будут? И что есть знамение, егда хотят сия быти? 8 Он же рече: блюдите, да не прельщени будете: мнози бо приидут во имя Мое, глаголюще, яко Аз есмь: и время приближися. Не изыдите убо вслед их. 9 Егда же услышите брани и нестроения, не убойтесь: подобает бо сим быти прежде: но не у абие кончина. 10 Тогда глаголаше им: встанет (бо) язык на язык, и царство на царство: 11 труси же велицы по местом и глади и пагубы будут, страхования же и знамения велия с небесе будут. 12 Прежде же сих всех возложат на вы руки своя и ижднут, предающе на сонмища и темницы, ведомы к царем и владыкам, имене Моего ради: 13 прилучится же вам во свидетелство. 14 Положите убо на сердцах ваших, не прежде поучитися отвещавати: 15 Аз бо дам вам уста и премудрость, ейже не возмогут противитися или отвещати вси противляющися вам. 16 Предани же будете и родители и братиею и родом и други, и умертвят от вас: 17 и будете ненавидими от всех имене Моего ради: 18 и влас главы вашей не погибнет: 19 в терпении вашем стяжите души ваша. 20 Егда же узрите обстоимь Иерусалим вои, тогда разумеите, яко приближися запустение ему: 21 тогда сущи во Иудеи да бегают в горы: и иже посреде его, да исходят: и иже во странах, да не входят в оны: 22 яко дние отмщению сии суть, яко исполнятся всему писанному. 23 Горе же имущым во утробе и доящим в тыя дни: будет бо беда велия на земли и гнев на людех сих, 24 и падут во острии меча, и пленени будут во вся языки: и Иерусалим будет попираемь языки, дондеже скончаются времена язык. 25 И будут знамения в солнце и луне и звездах: и на земли туга языком от нечаяния шума морскаго и возмущения, 26 издыхающим человеком от страха и чаяния грядущих на вселенную: силы бо небесныя подвижутся, 27 и тогда узрят Сына Человеческа грядуща на облацех с силою и славою мною. 28 Начинающим же сим бывати, восклонитесь и воздвигните главы ваша: зане приближается избавление ваше. 29 И рече притчу им: видите смоковницу и вся дрва: 30 егда прошибаются уже, видяще сами весте, яко близ жатва есть. 31 Тако и вы, егда узрите сия бывающа, ведите, яко близ есть Царствие Божие. 32 Аминь глаголю вам, яко не имать прейти род сей, дондеже вся сия будут: 33 небо и земля мимо идет, а словеса Моя не имут прейти.

34 Внемлите же себе, да не когда отягчают сердца ваша объядением и пьянством и печальми житейскими, и найдет на вы внезапно день той: 35 яко сеть бо придет на вся живущыя на лицах всея земли: 36 бдите убо на всяко время молящися, да сподобитесь убежати всех сих хотящих быти, и стати пред Сыном Человеческим. 37 Бе же во дни во церкви учя: нощию же исходя водворяшесь в горе нарицаемой Елеон. 38 И вси людие из утра прихождаху к Нему во церковь послушати Его.

22 Приближашесь же праздник опреснок, глаголемый Пасха: 2 и искаху архиереи и книжницы, како бы убили Его: бояхуся бо людей. 3 Вниде же сатана во Иуду нарицаемаго Искариот, суща от числа обоюнадесяте, 4 и шед глагола архиереом и воеводам, како Его предаст им. 5 И возрадовашася и совещаша ему сребреники дати: 6 и исповеда и искаше удобна времена, да предаст Его им без народа. 7 Прииде же день опресноков, в оньже подобаше жрети пасху: 8 и посла Петра и Иоанна, рек: шедша уготовайте нам пасху, да ямы. 9 Она же рекоста Ему: где хочещи уготоваем? 10 Он же рече има: се, восходящема вама во град, спрячет вы человек в скудельнице воду нося: по нем идета в дом, в оньже входит, 11 и рцета дому владыче: глаголет тебе Учитель: где есть обитель, идеже пасху со ученики Моими съем? 12 И той вама покажет горницу велику послану: ту уготовайте. 13 Шедша же обретоста, якоже рече има: и уготоваста пасху. 14 И егда бысть час, возлеже, и обанадесяте Апостола с Ним, 15 и рече к ним: желанием возжелех сию пасху ясти с вами, прежде даже не прииму мук: 16 глаголю бо вам, яко отседе не имам ясти от нея, дондеже скончаются во Царствии Божии. 17 И приим чашу, хвалу воздав, рече: примите сию, и разделите себе: 18 глаголю бо вам, яко не имам пити от плода лознаго, дондеже Царствие Божие приидет. 19 И приим хлеб, хвалу воздав, преломи и даде им, глаголя: сие есть тело Мое, еже за вы даемо: сие творите в Мое воспоминание. 20 Такжеже же и чашу по вечери, глаголя: сия чаша Новый Завет Моюю кровию, яже за вы проливается: 21 обаче се, рука предающаго Мя со Мною (есть) на трапезе, 22 и Сын убо Человеческий идет по реченному: обаче горе человеку тому, имже предается. 23 И тии начаша искати в себе, который убо от них хочет сие сотворити. 24 Бысть же и пря в них, кий мнится их быти болий. 25 Он же рече им: царие язык господствуют ими, и обладающи ими благодателе нарицаются: 26 вы же не тако: но болий в вас, да будет яко мний: и старей, яко служай. 27 Кто бо болий, возлежай ли, или служай? Не возлежай ли? Аз же посреде вас есмь яко служай. 28 Вы же есте пребывше со Мною в напастех Моих, 29 и Аз завещаваю вам, якоже завеща Мне Отец Мой, Царство, 30 да ясте и пиете на трапезе Моей во Царствии Моем: и сядете на престолех, судяще обеманадесяте коленама Израилевома. 31 Рече же Господь: Симоне, Симоне, се, сатана просит вас, дабы сеял, яко пшеницу: 32 Аз же молихся о тебе, да не оскудеет вера твоя: и ты некогда обращахся утверди братию твою. 33 Он же рече Ему: Господи, с Тобою готов

есмы и в темницу и на смерть ити. 34 Он же рече: глаголю ти, Петре, не возгласит петель днесь, дондеже трикраты отвержешися Мене не ведети. 35 И рече им: егда послах вы без влагалища и без меха и без сапог, еда чесога лишени бысте? Они же реша: ничесоже. 36 Рече же им: но ныне иже имать влагалище, да возмет, такжеже и мех: а иже не имать, да продаст ризу свою, и купит нож: 37 глаголю бо вам, яко еще писаное се, подобает, да скончается о Мне, еже: и со беззаконными вменися. Ибо еже о Мне, кончину имать. 38 Они же реша: Господи, се, ножа зде два. Он же рече им: довольно есть. 39 И изшед иде по обычаю в гору Елеонскую: по Нем же идоша ученицы Его. 40 Быв же на месте, рече им: молитесь, да не внидете в напасть. 41 И Сам отступи от них яко вержением камене, и поклонь колена молящися, 42 глаголя: Отче, аще волиши мимонести чашу сию от Мене: обаче не Моя воля, но Твоя да будет. 43 Явися же Ему Ангел с небесе, укрепляя Его. 44 И быв в подвизе, прилежнее молящися: бысть же пот Его яко капли крове каплющыя на землю. 45 И востав от молитвы (и) пришел ко учеником, обрете их спящих от печали 46 и рече им: что спите? Воставше молитесь, да не внидете в напасть. 47 Еще же Ему глаголющу, се, народ, и нарицаемый Иуды, един от обоюнадесяте, идяше пред ними, и приступи ко Иисусови целовати Его. Сие бо бе знамение дал им: Егоже аще лобжу, Той есть. 48 Иисус же рече ему: Иуды, лобзанием ли Сына Человеческаго предаеши? 49 Видевше же, иже беху с Ним, бываемое, реша Ему: Господи, аще ударим ножем? 50 И удари един некий от них архиереова раба и уреза ему ухо десное. 51 Отвещав же Иисус рече: оставите до сего. И коснувся уха его, изцели его. 52 Рече же Иисус ко пришедшым Нань архиереом и воеводам церковным и старцем: яко на разбойника ли изыдосте со оружием и дреколями яти Мя? 53 По вся дни сущу Ми с вами в церкви, не простросте руки на Мя: но се есть ваша година и область темная. 54 Емше же Его ведоша и введоша Его во двор архиереев. Петр же вслед идяше издалеча. 55 Вознещым же огонь посреде двора и вкупе сидящим им, седяше Петр посреде их. 56 Узревши же его рабыня некая седяща при свете и воззревши нань, рече: и сей с Ним бе. 57 Он же отвержеся Его, глаголя: жена, не знаю Его. 58 И помале другой видев его, рече: и ты от них еси. Петр же рече: человек, не смь. 59 И мимощедшу яко часу единому, ин некий креплящися глаголя: воистинну и сей с Ним бе: ибо Галилеанин есть. 60 Рече же Петр: человек, не вем, еже глаголеши. И абие, еще глаголющу ему, возгласи петель. 61 И обращахся Господь воззре на Петра: и помяну Петр слово Господне, якоже рече ему, яко прежде даже петель не возгласит, отвержешися Мене трикраты. 62 И изшед вон плакса горько. 63 И мужие державши Иисуса ругахуся Ему, биюще: 64 и закрывше Его, бияху Его по лицу и вопрошаху Его, глаголюще: прорцы, кто есть ударей Тя? 65 И ина многа хуляще глаголаху Нань. 66 И яко бысть день, собращася старцы людстии и архиереи и книжницы, и ведоша Его на сонм свой, 67 глаголюще: аще Ты еси Христос? Рцы нам. Рече же им: аще вам реку, не имете веры: 68 аще же и

вопрошу (вы), не отвечаете Ми, ни отпустите: **69** отседа будет Сын Человеческий седаи о десную силы Божия. **70** Реша же вси: Ты ли убо еси Сын Божий? Он же к ним рече: вы глаголете, яко Аз есмь. **71** Они же реша: что еще требуем свидетельства? Сами бо слышахом от уст Его.

23 И воставше все множество их, ведоша Его к Пилату, **2** начаша же Нань вадити, глаголюще: Сего обретохом развращающа язык наш и возбраняюща кесареви дань даяти, глаголюща Себе Христа Царя быти. **3** Пилат же вопроши Его, глаголя: Ты ли еси Царь Иудеом? Он же отвещав рече ему: ты глаголеши. **4** Пилат же рече ко архиереом и народу: ни коеяже обретаю вины в человеце сем. **5** Они же крепляхуся глаголюще, яко развращает люди, учя по всей Иудеи, начен от Галилеи до зде. **6** Пилат же слышав Галилею, вопроши, аще человек Галилеанин есть? **7** И разумев, яко от области Иродовы есть, посла Его ко Ироду, сущу и тому во Иерусалиме в тыя дни. **8** Ирод же видев Иисуса рад бысть зело: бе бо желая от многа времени видети Его, зане слышаше многа о Нем: и надеяшеся знамение некое видети от Него бываемо: **9** вопрошаше же Его словесы многими: Он же ничесоже отвещаваше ему. **10** Стояку же архиерее и книжници, прилежно вадяще Нань. **11** Укорив же Его Ирод с вои своими и поругався, оболк его в ризу светлу, возврати Его к Пилату. **12** Быста же друга Ирод же и Пилат в той день с собою: прежде бо беста вражду имуща между собою. **13** Пилат же созвав архиереи и князи и люди, **14** рече к ним: приведосте ми человека сего, яко развращающа люди: и се, аз пред вами истязав, ни единыя же обретаю в человеце сем вины, яже Нань вадите: **15** но ни Ирод: послах бо Его к нему, и се, ничтоже достойно смерти сотворено есть о Нем: **16** наказав убо Его отпущу. **17** Нужду же имяше на вся празднико отпущати им единого. **18** Возопиша же вси народи, глаголюще: возми Сего, отпусти же нам Вараву. **19** Иже бе за некую крамолу бывшую во граде и убийство ввержен в темницу. **20** Паки же Пилат возгласи, хотя отпустити Иисуса. **21** Они же возглаголаху, глаголюще: распни, распни Его. **22** Он же третицею рече к ним: что бо зло сотвори Сей? Ничесоже достойна смерти обретох в Нем: наказав убо Его отпущу. **23** Они же прилежаху гласы великими, просяще Его на распятие: и устояху гласи их и архиерейстии. **24** Пилат же посуди быти прошению их: **25** отпусти же бывшаго за крамолу и убийство всаждена в темницу, егоже прошаху: Иисуса же предаде воли их. **26** И яко поведоша Его, емше Симона некоего Киринеа, грядуща с села, возложиша нань крест нести по Иисусе. **27** Идяше же вслед Его народ мног людей, и жены, яже и плакахуся и рыдаху Его. **28** Обращься же к ним Иисус рече: дщери Иерусалимски, не плачитея о Мне, обаче себе плачите и чад ваших: **29** яко се, дние грядут, в няже рекут: блажены неплоды, и утробы, яже не родиша, и сосцы, иже не доиша: **30** тогда начнут глаголати горам: падите на ны: и холмом: покройте ны: **31** зане, аще в сурове древе сия творят, в сусе что будет? **32** Ведяку же и ина два злодеа с Ним убити. **33** И егда приидоша на место, нарицаемое Лобное, ту распяша Его и злодея, оваго убо о десную, а другого о шую. **34**

Иисус же глаголаше: Отче, отпусти им: не ведят бо что творят. Разделяюще же ризы Его, метяху жребия. **35** И стояху людие зряще. Ругахуся же и князи с ними, глаголюще: инья спасе, да спасет и Себе, аще Той есть Христос Божий избранный. **36** Ругахуся же Ему и воины, приступающе и оцет придеюще Ему, **37** и глаголаху: аще Ты еси Царь Иудейск, спасися Сам. **38** Бе же и написание написано над Ним писмены еллинскими и римскими и еврейскими: Сей есть Царь Иудейск. **39** Един же от обешеню злодею хуляше Его, глаголя: аще Ты еси Христос, спаси Себе и наю. **40** Отвещав же другой прещаше ему, глаголя: ни ли ты боишися Бога, яко в томже осужден еси? **41** И мы убо в правду: достойна бо по делом наю восприемлева: Сей же ни единого зла сотвори. **42** И глаголаше Иисусови: помяни мя, Господи, егда приидеши во Царствии си. **43** И рече ему Иисус: аминь глаголю тебе, днешь со Мною будеши в раи. **44** Бе же час яко шестый, и тма бысть по всей земли до часа девятого: **45** и померче солнце, и завеса церковная раздрася посреде. **46** И возглась гласом велиим Иисус, рече: Отче, в руке Твои предаю дух Мой. И сия рек издше. **47** Видев же сотник бывшее, прослави Бога, глаголя: воистинну человек сей праведен бе. **48** И вси пришедшии народи на позор сей, видяще бывающа, биуще перси своя возвращахуся. **49** Стояку же вси знаемии Его издалеча, и жены последствовавшыя Ему от Галилеи, зряща сия. **50** И се, муж именем Иосиф, советник сый, муж благ и праведен **51** сей не бе пристал совету и делу их, от Аримафеа града Иудейска, иже чаяше и сам Царствия Божия: **52** сей приступль к Пилату, проси телесе Иисусова: **53** и снем е обвит плащаницею, и положи е во гробе изсечене, в немже не бе никтоже никогдаже положен. **54** И день бе пяток, и суббота светаше. **55** Вслед же шедшыя жены, яже бяху пришли с Ним от Галилеи, видеша гроб, и яко положено бысть тело Его: **56** возвращься же уготоваша ароматы и миро: и в субботу убо умолчаша по заповеди.

24 Во едину же от суббот зело рано приидоша на гроб, носяща яже уготоваша ароматы: и другия с ними: **2** обретоша же камень отвален от гроба, **3** и вшедша не обретоша телесе Господа Иисуса. **4** И бысть не домышляющымся им о сем, и се, мужа два стаста пред ними в ризах блещащихся. **5** Пристрашным же бывшим им и поклоньным лица на землю, рекоста к ним: что ищете живаго с мертвыми? **6** Несть зде, но воста: помяните, якоже глагола вам, еще сый в Галилеи, **7** глаголя, яко подобает Сыну Человеческому предану быти в руке человек грешник, и пропята быти, и в третий день воскреснути. **8** И помянуша глаголголы Его, **9** и возвращься от гроба, возвестиша вся сия единомунадесяте и всем прочым. **10** Бяше же Магдалина Мариа и Иоанна и Мариа Иаковля, и прочыя с ними, яже глаголаху ко Апостолом сия. **11** И явишася пред ними яко лжа глаголы их, и не вероваху им. **12** Петр же встав тече ко гробу и приник виде ризы едины лежащя: и отиде, в себе дивяся бывшему. **13** И се, два от них беста идуща в тойже день в весь отстоящу стадий шестьдесят от

Иерусалима, ейже имя Еммаус: 14 и та беседоваста к себе о всех сих приключившихся. 15 И бысть беседующема има и совопрошающемася, и Сам Иисус приближився идяше с нима: 16 очи же ею держастеся, да Его не познаета. 17 Рече же к нима: что суть словеса сия, о ниже стязаетеся к себе идуща, и еста дряхла? 18 Отвещав же един, емуже имя Клеопа, рече к Нему: Ты ли един пришлец еси во Иерусалим, и не уведел еси бывших в нем во дни сия? 19 И рече има: киих? Она же реста Ему: яже о Иисусе Назарянине, Иже бысть муж пророк, силен делом и словом пред Богом и всеми людьми: 20 како предаша Его архиереи и князи наши на осуждение смерти и распяша Его: 21 мы же надеяхомся, яко Сей есть хотя избавити Израиля: но и над всеми сими, третий сей день есть днесь, отнелиже сия быша: 22 но и жены некия от нас ужасиша ны, бывшыя рано у гроба: 23 и не обретшя телесе Его, приидоша, глаголюща, яко и явление Ангел видеша, иже глаголют Его жива: 24 и идоша нецыи от нас ко гробу и обретоша тако, якоже и жены реша: Самого же не видеша. 25 И Той рече к нима: о несмысленная и косная сердцем, еже веровати о всех, яже глаголаша пророцы: 26 не сия ли подобаше пострадати Христу и внити в славу Свою? 27 И начен от Моисеа и от всех пророк, сказаше има от всех Писаний яже о Нем. 28 И приближися в весь, в нуже идяста: и Той творяшеся далечайше ити: 29 и нуждаста Его, глаголюща: облязи с нама, яко к вечеру есть, и приклонилс ясть день. И вниде с нима облещи. 30 И бысть яко возлеже с нима, (и) приим хлеб благослови, и преломив даяше има: 31 онема же отверзостеся очи, и познаста Его: и Той невидимь бысть има. 32 И рекоста к себе: не сердце ли наю горя бе в наю, егда глаголаше нама на пути и егда сказоваше нама Писания? 33 И воставша в той час, возвратистася во Иерусалим и обретоша совокупленных едионадесяте и иже бяху с ними, 34 глаголющих, яко воистинну воста Господь и явися Симону. 35 И та поведаста, яже быша на пути, и яко познася има в преломлении хлеба. 36 Сия же им глаголющым, (и) Сам Иисус ста посреде их и глагола им: мир вам. 37 Убоявшесе же и пристрашни бывше, мняху дух видети: 38 и рече им: что смущени есте? И почто помышления входят в сердца ваша? 39 Видите руце Мои и нозе Мои, яко сам Аз есмь: осяжите Мя и видите: яко дух плоти и кости не имать, якоже Мене видите имуща. 40 И сие рек, показа им руце и нозе. 41 Еще же неверующым им от радости и чудящымся, рече им: имате ли что снадно zde? 42 Они же даша Ему рыбы печены часть и от пчел сот. 43 И взем пред ними яде, 44 рече же им: сия суть словеса, яже глаголах к вам еще сый с вами, яко подобает скончатися всем написанным в законе Моисеове и пророцех и псалмех о Мне. 45 Тогда отверзе им ум разумети Писания 46 и рече им, яко тако писано есть, и тако подобаше пострадати Христу и воскреснути от мертвых в третий день, 47 и проповедатися во имя Его покаянию и отпущению грехов во всех языцех, наченше от Иерусалима: 48 вы же есте свидетелие сим: 49 и се, Аз пошлю обетование Отца Моего на вы: вы же седите во граде Иерусалимсте, дондеже облечетеся силою свыше.

50 Извед же их вон до Вифании и воздвиг руце Свои, (и) благослови их. 51 И бысть егда благословяше их, отступи от них и возношашесе на небо. 52 И тии поклонишася Ему, и возвратишася во Иерусалим с радостию великою: 53 и бяху выну в церкви, хваляще и благословяще Бога. Аминь.

От Иоанна святое благовествование

1 В начале бе Слово, и Слово бе к Богу, и Бог бе Слово.

2 Сей бе искони к Богу: **3** вся Тем быша, и без Него ничтоже бысть, еже бысть. **4** В Том живот бе, и живот бе свет человеком: **5** и свет во тме светится, и тма его не объят. **6** Бысть человек послан от Бога, имя ему Иоанн: **7** Сей прииде во свидетелство, да свидетелствует о Свете, да вси веру имут ему. **8** Не бе той свет, но да свидетелствует о Свете: **9** бе Свет истинный, Иже просвещает всякаго человека грядущаго в мир: **10** в мире бе, и мир Тем бысть, и мир Его не позна: **11** во своя прииде, и свои Его не прияша. **12** Елицы же прияша Его, даде им область чадом Божиим быти, верующым во имя Его, **13** иже не от крове, ни от похоти плотския, ни от похоти мужския, но от Бога родишася. **14** И Слово плоть бысть и вселися в ны, и видехом славу Его, славу яко Единороднаго от Отца, исполнь благодати и истины. **15** Иоанн свидетелствует о Нем и воззва глагола: Сей бе, Егоже рех, Иже по мне Грядый, предо мною бысть, яко первее мене бе. **16** И от исполнения Его мы вси прияхом и благодать воз благодать: **17** яко закон Моисеом дан бысть, благодать (же) и истина Иисус Христом бысть. **18** Бога никтоже виде нигдеже: Единородный Сын, сый в лоне Отчи, Той исповеда. **19** И сие есть свидетелство Иоанново, егда послаша Жидове от Иерусалима иереев и левитов, да вопросят его: ты кто еси? **20** И исповеда и не отвержеся: и исповеда, яко несмы аз Христос. **21** И вопросиша его: что убо? Или ли еси ты? И глагола: несмы. Пророк ли еси? И отвеща: ни. **22** Реша же ему: кто еси? Да ответ дамы пославшым ны: что глаголеши о тебе самом? **23** Рече: аз глас вопиющаго в пустыни: исправите путь Господень, якоже рече Исаиа пророк. **24** И посланники беху от фарисей: **25** и вопросиша его и реша ему: что убо крещаша, аще ты неси Христос, ни Илия, ни пророк? **26** Отвеща им Иоанн, глагола: аз крещая водою: посреде же вас стоит, Егоже вы не весте: **27** Той есть Грядый по мне, Иже предо мною бысть, Емуже несмы аз достоин, да отрешу ремень сапогу Его. **28** Сия в Вифаваре быша об он пол Иордана, идеже бе Иоанн крестя. **29** Во утрий (же) виде Иоанн Иисуса грядуща к себе и глагола: се, Агнец Божий, вземляй грехи мира: **30** Сей есть, о Немже аз рех: по мне грядет Муж, Иже предо мною бысть, яко первее мене бе: **31** и аз не ведех Его: но да явится Израилеви, сего ради придох аз водою крестя. **32** И свидетелства Иоанн, глаголя, яко видех Духа сходяща яко голубя с небесе, и пребысть на Нем: **33** и аз не ведех Его: но Пославый мя крестити водою, Той мне рече: над Негоже узриши Духа сходяща и пребывающа на Нем, Той есть крестяй Духом Святым: **34** и аз видех и свидетелствовах, яко Сей есть Сын Божий. **35** Во утрий (же) паки стояше Иоанн, и от ученик его два. **36** И узрев Иисуса грядуща, глагола: се, Агнец Божий. **37** И слышаша его оба ученика глаголющаго, и по Иисусе идоста. **38** Обращая же Иисус и

видев я по Себе идуща, глагола има: чесо ищета? Она же реста Ему: Равви, еже глаголется сказаемо учителю, где живеша? **39** (И) глагола има: приидита и видита. Приидоста и видеста, где живяше, и у Него пребыста день той. Бе же час яко десятый. **40** Бе (же) Андрей, брат Симона Петра, един от обоу слышавшею от Иоанна и по Нем шедшею. **41** Обрете сей прежде брата своего Симона и глагола ему: обретохом Мессию, еже есть сказаемо Христос. **42** И приведе его ко Иисусови. Воззрев же нань Иисус рече: ты еси Симон сын Ионин: ты наречешися Кифа, еже скажется Петр. **43** Во утрий (же) восхоте изыти в Галилею: и обрете Филиппа и глагола ему: гряди по Мне. **44** Бе (же) Филипп от Вифсаиды, от града Андреова и Петрова. **45** Обрете Филипп Нафанаила и глагола ему: Егоже писа Моисей в законе и пророцы, обретохом Иисуса сына Иосифова, иже от Назарета. **46** И глагола ему Нафанаил: от Назарета может ли что добро быти? Глагола ему Филипп: прииди и виждь. **47** Виде (же) Иисус Нафанаила грядуща к Себе и глагола о нем: се, воистинну Израилтянин, в немже льсти несть. **48** Глагола Ему Нафанаил: како мя знаеши? Отвеща Иисус и рече ему: прежде даже не возгласи тебе Филипп, суща под смоковницею видех тя. **49** Отвеща Нафанаил и глагола Ему: Равви, Ты еси Сын Божий, Ты еси Царь Израилев. **50** Отвеща Иисус и рече ему: зане рех ти, яко видех тя под смоковницею, веруеши: болша сих узриши. **51** И глагола ему: аминь, аминь глаголю вам, отселе узрите небо отверсто и Ангелы Божия восходящия и нисходящия над Сына Человеческаго.

2 И в третий день брак бысть в Кане Галилейстей: и бе Мати Иисусова ту. **2** Зван же бысть Иисус и ученицы Его на брак. **3** И недоставшу вину, глаголгола Мати Иисусова к Нему: вина не имут. **4** Глагола Ей Иисус: что (есть) Мне и Тебе, Жено? Не у прииде час Мой. **5** Глаголгола Мати Его слугам: еже аще глаголет вам, сотворите. **6** Беху же ту водоноси каменни шесть, лежаще по очищению Иудейску, вместящии по двема или трем мерам. **7** Глагола им Иисус: наполните водоносы воды. И наполниша их до верха. **8** И глагола им: почерпите ныне и принесите архитриклинови. И принесоша. **9** Якоже вкуси архитриктин вина бывшего от воды, и не ведаше, откуда есть: слуги же ведяху почерпшии воду: пригласи жениха архитриктин **10** и глагола ему: всяк человек прежде доброе вино полагает, и егда упиются, тогда худшее: ты (же) соблюл еси доброе вино доселе. **11** Се сотвори начаток знамением Иисус в Кане Галилейстей и яви славу Свою: и вероваша в Него ученицы Его. **12** По сем сниде в Капернаум Сам и Мати Его, и братия Его и ученицы Его: и ту не многи дни пребыша. **13** И близ бе Пасха Иудейска, и възде во Иерусалим Иисус **14** и обрете в церкви продающая овцы и волы и голуби, и пеняжники сядящия. **15** И сотворив бичь от вервий, вся изгна из церкви, овцы и волы: и торжником разсыпа пенязи и дски опроверже: **16** и продающим голуби рече: возьмите сия отсюду и не творите дому Отца Моего дому купленаго. **17** Помянуша же ученицы Его, яко писано есть: жалость дому Твоему снеть

Мя. 18 Отвещаша же Иудее и реша Ему: кое знамение являеши нам, яко сия твориши? 19 Отвеща Иисус и рече им: разорите церковь сию, и тремя денми воздвигну ю. 20 Реша же Иудее: четыредесять и шестию лет создана бысть церков сия, и Ты ли тремя денми воздвигнешу ю? 21 Он же глаголаше о церкви тела Своего. 22 Егда убо воста от мертвых, помянуша ученицы Его, яко се глаголаше, и вероваша Писанию и словеси, еже рече Иисус. 23 Егда же бе в Иерусалимех в праздник Пасхи, мнози вероваша во имя Его, видяще знамения Его, яже творяше. 24 Сам же Иисус не вдаеше Себе в веру их, зане сам ведяше вся, 25 и яко не требоваше, да кто свидетельствует о человецех: Сам бо ведяше, что бе в человеце.

3 Бе же человек от фарисей, Никодим имя ему, князь Жидовский: 2 сей прииде ко Иисусу нощию и рече Ему: Равви, вем, яко от Бога пришел еси учитель: никтоже бо может знамений сих творити, яже Ты твориши, аще не будет Бог с ним. 3 Отвеща Иисус и рече ему: аминь, аминь глаголю тебе: аще кто не родится свыше, не может видети Царствия Божия. 4 Глагола к Нему Никодим: како может человек родитися стар сый? Еда может второе внити во утробу матери своея и родитися? 5 Отвеща Иисус: аминь, аминь глаголю тебе: аще кто не родится водою и Духом, не может внити во Царствие Божие: 6 рожденное от плоти плоть есть, и рожденное от Духа дух есть. 7 Не дивися, яко рех ти: подобает вам родитися свыше. 8 Дух, идеже хочет, дышет, и глас его слышиши, но не веши, откуда приходит и камо идет: тако есть всяк (человек) рожденный от Духа. 9 Отвеща Никодим и рече Ему: како могут сия быти? 10 Отвеща Иисус и рече ему: ты еси учитель Израилев, и сих ли не веши? 11 Аминь, аминь глаголю тебе, яко, еже вемы, глаголем, и еже видехом, свидетельствуем, и свидетельства Нашего не приемлете: 12 аще земная рекох вам, и не веруете: како, аще реку вам небесная, уверуете? 13 И никтоже взыде на небо, токмо сшедый с небесе Сын Человеческий, сый на небеси: 14 и якоже Моисей вознесе змию в пустыни, тако подобает вознестися Сыну Человеческому, 15 да всяк веруяй в Онъ не погибнет, но имать живот вечный. (aĩōnios g166) 16 Тако бо возлюби Бог мир, яко и Сына Своего Единородного дал есть, да всяк веруяй в Онъ не погибнет, но имать живот вечный. (aĩōnios g166) 17 Не посла бо Бог Сына Своего в мир, да судит мирови, но да спасется Им мир. 18 Веруяй в Онъ не будет осужден: а не веруяй уже осужден есть, яко не верова во имя Единородного Сына Божия. 19 Сей же есть суд, яко свет прииде в мир, и возлюбиша человецы паче тму, неже свет: беша бо их дела зла. 20 Всяк бо делаяй злая ненавидит света и не приходит к свету, да не обличатся дела его, яко лукава суть: 21 творяй же истину грядет к свету, да явятся дела его, яко о Бозе суть соделана. 22 По сих (же) прииде Иисус и ученицы Его в Жидовскую землю: и ту живяше с ними и крещаше. 23 Бе же Иоанн крестя во Еноне близ Салима, яко воды многи бяху ту: и приходяху и крещашася: 24 не у бо бе всажден в темницу Иоанн. 25 Бысть же стяжание от ученик Иоанновых со Иудеи о очищении: 26 и приидоша ко Иоанну и рекоша ему: равви, Иже бе с тобою

об он пол Иордана, Емуже ты свидетельствовал еси, се, Сей крещает, и вси грядут к Нему. 27 Отвеща Иоанн и рече: не может человек приимати ничесоже, аще не будет дано ему с небесе. 28 Вы сами мне свидетельствуете, яко рех: несь аз Христос, но яко послан есмь пред Ним. 29 Имей невесту жених есть: а друг женихов, стоя и послушая его, радостью радуется за глас женихов: сия убо радость моя исполнися: 30 оному подобает расти, мне же малитися. 31 Грядый свыше над всеми есть: сый от земли от земли есть и от земли глаголет: Грядый с небесе над всеми есть, 32 и еже виде и слыша, сие свидетельствует: и свидетельства Его никтоже приемлет. 33 Приемый Его свидетельство верова, яко Бог истинен есть. 34 Егоже бо посла Бог, глагольголы Божия глаголет: не в меру бо Бог дает Духа. 35 Отец (бо) любит Сына и вся даде в руце Его. 36 Веруяй в Сына имать живот вечный: а иже не верует в Сына, не узрит живота, но гнев Божий пребывает на нем. (aĩōnios g166)

4 Егда убо разуме Иисус, яко услышаша фарисее, яко Иисус множайшыя ученики творит и крещает, неже Иоанн: 2 Иисус же Сам не крещаше, но ученицы Его: 3 остави Иудею и иде паки в Галилею. 4 Подобаше же Ему проити сквозе Самарию. 5 Прииде убо во град Самарийский, глаголемый Сихарь, близ веси, юже даде Иаков Иосифу сыну своему: 6 бе же ту источник Иаковль. Иисус же утрудяся от пути, седяше тако на источнике: бе (же) яко час шестый. 7 Прииде жена от Самари почерпати воду. Глагола ей Иисус: даждь Ми пити. 8 Ученицы бо Его отшли бяху во град, да брашно купят. 9 Глагола Ему жена Самаряныня: како ты Жидовин сый от мене пити просиши, жены Самаряныни сущей? Не прикасаютбоя Жидове Самаряном. 10 Отвеща Иисус и рече ей: аще бы ведала еси дар Божий, и Кто есть глаголяй ти: даждь Ми пити: ты бы просила у Него, и дал бы ти воду живу. 11 Глагола Ему жена: господи, ни почерпала имаша, и студенец есть глубок: откуда убо имаша воду живу? 12 Еда ты болий еси отца нашего Иакова, иже даде нам студенец сей, и той из него пит и сынове его и скоти его? 13 Отвеща Иисус и рече ей: всяк пияй от воды сея, вжаждется паки: 14 а иже пьет от воды, юже Аз дам ему, не вжаждется во веки: но вода, юже (Аз) дам ему, будет в нем источник воды текуция в живот вечный. (aĩōn g165, aĩōnios g166) 15 Глагола к Нему жена: господи, даждь ми сию воду, да ни жажду, ни прихожду семо почерпати. 16 Глагола ей Иисус: иди, пригласи мужа твоего и прииди семо. 17 Отвеща жена и рече (Ему): не имам мужа. Глагола ей Иисус: добре рекла еси, яко мужа не имам: 18 пять бо мужей имела еси, и ныне, егоже имаша, несть ти муж: се воистинну рекла еси. 19 Глагола Ему жена: Господи, вижу, яко пророк еси Ты: 20 отцы наши в горе сей поклонишася: и вы глаголете, яко во Иерусалимех есть место, идеже кланяются подобает. 21 Глагола ей Иисус: жено, веру Ми ими, яко грядет час, егда ни в горе сей, ни во Иерусалимех поклонитесь Отцу: 22 вы кланяетесь, егоже не весте: мы кланяемся, егоже вемы, яко спасение от Иудей есть: 23 но грядет час, и ныне есть, егда истиннии поклонницы поклонятся Отцу духом

и истинно: ибо Отец таковых ищет поклоняющихся Ему: 24 дух (есть) Бог: и иже кланяется Ему, духом и истинно достоин кланяться. 25 Глагола Ему жена: вем, яко Мессиа приидет, глаголемы Христос: егда Той приидет, возвестит нам вся. 26 Глагола ей Иисус: Аз есмь, глаголяя с тобою. 27 И тогда приидоша ученицы Его и чудяхуся, яко с женою глаголаше: обаче никтоже рече: чесо ищещи? Или: что глаголеши с нею? 28 Остави же водонос свой жена, и иде во град, и глагола человеком: 29 приидите (и) видите Человека, Иже рече ми вся, елика сотворих: еда Той есть Христос? 30 Изыдоша же из града и грядяху к Нему. 31 Между же сим моляху Его ученицы (Его), глаголюще: Равви, яждь. 32 Он же рече им: Аз брашно имам ясти, егоже вы не весте. 33 Глаголаху убо ученицы к себе: еда кто принесет Ему ясти? 34 Глагола им Иисус: Мое брашно есть, да сотворю волю Пославшаго Мя и совершу дело Его. 35 Не вы ли глаголете, яко еще четыре месяцы суть, и жатва приидет? Се, глаголю вам: возведите очи ваши и видите нивы, яко плавы суть к жатве уже: 36 и жнйя мзду приемлет и собирает плод в живот вечный, да и сейя вкупе радуется и жнйя: (αἰῶνιος г166) 37 о сем бо слово есть истинное, яко ин есть сейя, и ин (есть) жнйя: 38 аз послах вы жати, идеже вы не трудитесь: инии трудитесь, и вы в труд их внидосте. 39 От града же того мнози вероваша в Онь от Самарян, за слово жены свидетельствующая, яко рече ми вся, елика сотворих. 40 Егда убо приидоша к Нему Самаряне, моляху Его, дабы пребыл у них: и пребысть ту два дни. 41 И много паче вероваша за слово Его: 42 жене же глаголаху, яко не ктому за твою беседу веруем: сами бо слышахом и вемы, яко Сей есть воистинну Спас миру, Христос. 43 По двою же дню изыде отуду и иде в Галилею: 44 Сам бо Иисус свидетельствова, яко пророк во своем отечестве чести не имать. 45 Егда же прииде в Галилею, прияша Его Галилеане, вся видевше, яже сотвори во Иерусалимех в праздник: и тии бо приидоша в праздник. 46 Прииде же паки Иисус в Кану Галилейскую, идеже претвори воду в вино. И бе некий царев муж, егоже сын боляше в Капернауме. 47 Сей слышав, яко Иисус прииде от Иудеи в Галилею, иде к Нему и моляше Его, да снидет и исцелит сына Его: имяеше бо умрети. 48 Рече убо Иисус к нему: аще знамени и чудес не видите, не имате веровати. 49 Глагола к Нему царев муж: Господи, сниди, прежде даже не умрет отроча мое. 50 Глагола ему Иисус: иди, сын твой жив есть. И верова человек словеси, еже рече ему Иисус, и идяше. 51 Абие же входящу ему, (се,) раби его сретоша его и возвестиша (ему), глаголюще, яко сын твой жив есть. 52 Вопрошаше убо от них о часе, в который легчае ему бысть, и реша ему, яко вчера в час седмый остави его огонь. 53 Разуме же отец, яко той бе час, в оньже рече ему Иисус, яко сын твой жив есть: и верова сам и весь дом его. 54 Сие паки второе знамение сотвори Иисус, пришед от Иудеи в Галилею.

5 По сих (же) бе праздник Иудейский, и взыде Иисус во Иерусалим. 2 Есть же во Иерусалимех Овчая купель, яже глаголется еврейски Вифседса, пять притвор имущи:

3 в тех слежаше множество болящих, слепых, хромых, сухих, чающих движения воды: 4 Ангел бо Господень на (всяко) лето сходяше в купель и возмущаше воду: (и) иже первее влазаше по возмущении воды, здрав бываше, яцем же недугом одержимь бываше. 5 Бе же ту некий человек, тридесять и осмь лет имый в недузе (своем). 6 Сего виде Иисус лежаща и разуме, яко многа лета уже имяше (в недузе), глагола ему: хочещи ли цел быти? 7 Отвеща Ему недужный: ей, Господи, человека не имам, да, егда возмутится вода, ввержат мя в купель: егда же прихожду аз, ин прежде мене слезет. 8 Глагола ему Иисус: востани, возми одр твой и ходи. 9 И абие здрав бысть человек: и взем одр свой и хождаше. Бе же суббота в той день. 10 Глаголаху же Жидове исцелевшему: суббота есть, и не достоин ти взяти одра (твоего). 11 Он (же) отвеща им: Иже мя сотвори цела, Той мне рече: возми одр твой и ходи. 12 Вопросиша же его: кто есть Человек рекый ти: возми одр твой и ходи? 13 Изцелевый же не ведяше, Кто есть: Иисус бо уклонися, народу сущу на месте. 14 Потом (же) обрете его Иисус в церкви и рече ему: се, здрав еси: ктому не согрешай, да не горше ти что будет. 15 Иде (же) человек и поведи Иудеом, яко Иисус есть, иже мя сотвори цела. 16 И сего ради гоняху Иисуса Иудеи и искаху Его убити, зане сия творяше в субботу. 17 Иисус же отвечаваше им: Отец Мой доселе делает, и Аз делаю. 18 И сего ради паче искаху Его Иудеи убити, яко не токмо разораше субботу, но и Отца Своего глаголаше Бога, равен Ся творя Богу. 19 Отвеща же Иисус и рече им: аминь, аминь глаголю вам, не может Сын творити о Себе ничеже, аще не еже видит Отца творяща: яже бо Он творит, сия и Сын такожде творит. 20 Отец бо любит Сына и вся показывает Ему, яже Сам творит: и болша сих покажет Ему дела, да вы чудитесь. 21 Якоже бо Отец воскрешает мертвыя и живит, тако и Сын, ихже хочет, живит. 22 Отец бо не судит ни комуже, но суд весь даде Сынови, 23 да вси чтут Сына, якоже чтут Отца. (а) иже не чтит Сына, не чтит Отца пославшаго Его. 24 Аминь, аминь глаголю вам, яко слушаый словесе Моего и веруый Пославшему Мя имать живот вечный, и на суд не приидет, но перейдет от смерти в живот. (αἰῶνιος г166) 25 Аминь, аминь глаголю вам, яко грядет час, и ныне есть, егда мертвии услышат глас Сына Божия и услышавше оживут. 26 Якоже бо Отец имать живот в Себе, тако даде и Сынови живот имети в Себе 27 и область даде Ему и суд творити, яко Сын Человечь есть. 28 Не дивитесь сему: яко грядет час, в оньже вси сущии во гробех услышат глас Сына Божия, 29 и изыдут сотворшии благая в воскрешение живота, а сотворшии злая в воскрешение суда. 30 Не могу Аз о Себе творити ничежего. Якоже слышу, сужду, и суд Мой праведен есть, яко не ишу воли Моея, но воли пославшаго Мя Отца. 31 Аще Аз свидетельствую о Мне, свидетельство Мое несть истинно: 32 ин есть свидетельствуй о Мне, и вем, яко истинно есть свидетельство, еже свидетельствует о Мне: 33 вы посласте ко Иоанну, и свидетельствована истине. 34 Аз же не от человека свидетельства приемлю, но сия глаголю, да вы спасени будете. 35 Он бе светилник горя

и света: вы же восхотесте возрадоватися в час светения его. 36 Аз же имам свидетелство более Иоаннова: дела бо, яже даде Мне Отец, да совершу я, та дела, яже Аз творю, свидетелствуют о Мне, яко Отец Мя посла. 37 И пославый Мя Отец Сам свидетелства о Мне. Ни гласа Его нигдеже слышасте, ни видения Его видесте, 38 и словесе Его не имате пребывающа в вас, зане, Егоже Той посла, Сему вы веры не емлете. 39 Испытайте Писаний, яко вы мните в них имети живот вечный: и та суть свидетелствующая о Мне. (aĩḡnĩos g166) 40 И не хочесте приити ко Мне, да живот имате. 41 Славы от человек не приемлю, 42 но разумех вы, яко любве Божия не имате в себе. 43 Аз приидох во имя Отца Моего, и не приемлете Мене: аще ин приидет во имя свое, того приемлете. 44 Как вы можете веровати, славу друг от друга приемлюще, и славы, яже от Единого Бога, не ищете? 45 Не мните, яко Аз на вы реку ко Отцу: есть, иже на вы глаголет, Моисей, наньже вы уповаете. 46 Аще бо бысте веровали Моисеови, веровали бысте (убо и) Мне: о Мне бо той писа. 47 Аще ли того писанием не веруете, како Моим глаголголом веру имете?

6 По сих иде Иисус на он пол моря Галилеи Тивериадска: 2 и по Нем идяше народ мног, яко видяху знамения Его, яже творяше над недужными. 3 Взыде же на гору Иисус и ту седяше со ученики Своими. 4 Бе же близ Пасха, праздник Жидовский. 5 Возвед убо Иисус очи и видев, яко мног народ грядет к Нему, глагола к Филиппу: чим купим хлебы, да ядят сии? 6 Сие же глаголаше искушая его: Сам бо ведяше, что хочет сотворити. 7 Отвеща Ему Филипп: двема стома пенязей хлебы не довлеют им, да кийждо их мало что примет. 8 Глагола Ему един от ученик Его, Андрей, брат Симона Петра: 9 есть отрочищ зде един, иже имать пять хлеб ячменных и две рыбы: но сии что суть на толико? 10 Рече же Иисус: сотворите человеки возлещи. Бе же трава многа на месте. Возлеже убо мужей числом яко пять тысяч. 11 Прият же хлебы Иисус и, хвалу воздав, подаде учеником, ученицы же возлежащым: такожде и от рыбу, елико хотяху. 12 И яко насытитися, глагола учеником Своим: соберите избытки укрух, да не погибнет ничтоже. 13 Собраша же и исполниша дванадесяте коша укрух от пятих хлеб ячменных, иже избыша ядышым. 14 Человецы же видевше знамение, еже сотвори Иисус, глаголаху, яко Сей есть воистинну Пророк Грядый в мир. 15 Иисус убо разумев, яко хотят приити, да восхитят Его и сотворят Его царя, отиде паки в гору един. 16 Яко позде бысть, снидоша ученицы Его на море, 17 и влезоша в корабль, и идяху на он пол моря в Капернаум. И тма абие бысть, и не (у) бе пришел к ним Иисус. 18 Море же, ветру велию дыхающу, воздвизашеся. 19 Гребше же яко стадий двадесять пять или тридесять, узреша Иисуса ходяща по морю и близ корабля бывша, и убояшася. 20 Он же глагола им: Аз есмь, не бойтеся. 21 Хотяху убо прияти Его в корабль: и абие корабль бысть на земли, в нуже идяху. 22 Во утрий (же) народ, иже стояше об он пол моря, видев, яко корабля иного не бе ту, токмо един той, в оныже внидоша ученицы Его, и яко не вниде

со ученики Своими Иисус в корабль, но едины ученицы Его идоша: 23 и ини приидоша корабли от Тивериады близ места, идеже ядоша хлебы, хвалу воздавше Господеви: 24 егда же видеша народи, яко Иисуса не бысть ту, ни ученик Его, влезоша сами в корабли и приидоша в Капернаум, ищуще Иисуса, 25 и обретше Его об он пол моря, реша Ему: Равви, когда зде бысть? 26 Отвеща им Иисус и рече: аминь, аминь глаголю вам, ищите Мене, не яко видесте знамение, но яко яли есте хлебы и насытитеся: 27 делайте не брашно гиблющее, но брашно пребывающее в живот вечный, еже Сын Человеческий вам даст: Сего бо Отец знамена Бог. (aĩḡnĩos g166) 28 Реша же к Нему: что сотворим, да делаем дела Божия? 29 Отвеща Иисус и рече им: се есть дело Божие, да веруете в Того, Егоже посла Он. 30 Реша же Ему: кое убо Ты твориши знамение, да видим и веру имем Тебе? Что делаеши? 31 Отцы наши ядоша манну в пустыни, якоже есть писано: хлеб с небесе даде им ясти. 32 Рече убо им Иисус: аминь, аминь глаголю вам, не Моисей даде вам хлеб с небесе, но Отец Мой дает вам хлеб истинный с небесе: 33 хлеб бо Божии есть сходяй с небесе и даий живот миру. 34 Реша убо к Нему: Господи, всегда даждь нам хлеб сей. 35 Рече же им Иисус: Аз есмь хлеб животный: грядый ко Мне не имать взалкаться, и веруяй в Мя не имать вжаждатися никогдаже. 36 Но рех вам, яко и видесте Мя, и не веруете. 37 Все, еже дает Мне Отец, ко Мне приидет, и грядущаго ко Мне не изжену вон: 38 яко снидох с небесе, не да творю волю Мою, но волю пославшаго Мя Отца. 39 Се же есть воля пославшаго Мя Отца, да все, еже даде Ми, не погублю от Него, но воскрешу е в последний день. 40 Се же есть воля Пославшаго Мя, да всяк видяй Сына и веруяй в Него имать живот вечный, и воскрешу его Аз в последний день. (aĩḡnĩos g166) 41 Роптаху убо Иудее о Нем, яко рече: Аз есмь хлеб шедый с небесе. 42 И глаголаху: не Сей ли есть Иисус сын Иосифов, Егоже мы знаем отца и Матерь? Какое убо глаголет Сей, яко с небесе снидох? 43 Отвеща убо Иисус и рече им: не ропщите между собою: 44 никтоже может приити ко Мне, аще не Отец пославый Мя привлечет его, и Аз воскрешу его в последний день. 45 Есть писано во пророцех: и будут вси научени Богом. Всяк слышавый от Отца и навыв, приидет ко Мне. 46 Не яко Отца видел есть Кто, токмо съий от Бога, Сей виде Отца. 47 Аминь, аминь глаголю вам: веруяй в Мя имать живот вечный. (aĩḡnĩos g166) 48 Аз есмь хлеб животный: 49 отцы ваши ядоша манну в пустыни и умроша: 50 сей есть хлеб сходяй с небесе, да, аще кто от него яст, не умрет: 51 Аз есмь хлеб животный, иже шедый с небесе: аще кто съест от хлеба сего, жив будет во веки: и хлеб, егоже Аз дам, Плоть Моя есть, юже Аз дам за живот мира. (aĩḡn g165) 52 Пряхуся же между собою Жидове, глаголюще: како может Сей нам дати Плоть (Свою) ясти? 53 Рече же им Иисус: аминь, аминь глаголю вам: аще не съесте Плоти Сына Человеческаго, ни пиете Крове Его, живота не имате в себе. 54 Ядый Мою Плоть и пияй Мою Кровь имать живот вечный, и Аз воскрешу его в последний день. (aĩḡnĩos g166) 55 Плоть бо Моя истинно есть брашно, и Кровь Моя истинно есть пиво. 56 Ядый Мою Плоть и пияй

Мою Кровь во Мне пребывает, и Аз в нем. 57 Якоже посла Мя живой Отец, и Аз живу Отца ради: и ядый Мя, и той жив будет Мене ради. 58 Сей есть хлеб шедый с небесе: не якоже ядоша отцы ваши манну и умроша: ядый хлеб сей жив будет во веки. (aiōn g165) 59 Сия рече на сонмищи, учя в Капернауме. 60 Мнози убо слышавше от ученик Его, реша: жестоко есть слово сие: (и) кто может Его послушати? 61 Ведый же Иисус в Себе, яко ропшут о сем ученицы Его, рече им: сие ли вы блазнит? 62 Аще убо узрите Сына Человеческаго восходяща, идеже бе прежде? 63 Дух есть, иже оживляет, плоть не пользует ничтоже: глаголюще, яже Аз глаголах вам, дух суть и живот суть: 64 но суть от вас нецыи, иже не веруют. Ведяше бо искони Иисус, кии суть неверующии, и кто есть предадя Его. 65 И глаголаше: сего ради рех вам, яко никтоже может прийти ко Мне, аще не будет ему дано от Отца Моего. 66 От сего мнози от ученик Его идоша вспять и ктому не хождяху с Ним. 67 Рече же Иисус обеманадесяте: еда и вы хотите ити? 68 Отвеща убо Ему Симон Петр: Господи, к кому идем? Глаголюще живота вечнаго имаша, (aiōnios g166) 69 и мы веровахом и познахом, яко Ты еси Христос, Сын Бога живаго. 70 Отвеща им Иисус: не Аз ли вас дванадесяте избрах? И един от вас диавол есть. 71 Глаголаше же Иуду Симонова Искариота: сей бо хотяше предати Его, един сый от обоунадесяте.

7 И хождаше Иисус по сих в Галилеи: не хотяше бо во Иудеи ходити, яко искаху Его Иудее убити. 2 Бе же близ праздник Иудейский, потчение сени. 3 Реша убо к Нему братия Его: преиди отсюда, и иди во Иудею, да и ученицы Твои видят дела Твоя, яже твориши: 4 никтоже бо в тайне творит что, и ищет сам яве быти: аще сия твориши, яви Себе миру. 5 Ни братия бо Его вероваху в Него. 6 Глагола убо им Иисус: время Мое не у прииде: время же ваше всегда готово есть: 7 не может мир ненавидети вас, Мене же ненавидит, яко Аз свидетелствую о нем, яко дела Его зла суть: 8 вы въздыте в праздник сей, Аз не възду в праздник сей, яко время Мое не у исполнися. 9 Сия рек им, оста в Галилеи. 10 Егда же въздоша братия Его в праздник, тогда и Сам възде, не яве, но яко тай. 11 Жидове же искаху Его в праздник и глаголаху: где есть Он? 12 И ропот мног бе о Нем в народех: овии глаголаху, яко блажесть: инии же глаголаху: ни, но лъстит народы. 13 Никтоже убо яве глаголаше о Нем, страха ради Иудейскаго. 14 Абие же в переполовение праздника възде Иисус во церковь и учаше. 15 И дивляхуся Иудее, глаголюще: како Сей книги весть не учився? 16 Отвеща (убо) им Иисус и рече: Мое учение несть Мое, но Пославшаго Мя: 17 аще кто хощет волю Его творити, разумет о учении, кое от Бога есть, или Аз от Себе глаголю: 18 глаголяй от себе славы своя ищет: а Ищяй славы Пославшаго Его, Сей истинен есть, и несть неправды в Нем. 19 Не Моисей ли даде вам закон? И никтоже от вас творит закона. Что Мене ищете убити? 20 Отвеща народ и рече: беса ли имаша? Кто Тебе ищет убити? 21 Отвеща Иисус и рече им: едино дело сотворих, и вси дивитесь: 22 сего ради Моисей даде вам обрезание, не яко от Моисеа есть, но от отец: и в субботу обрезаете

человека: 23 аще обрезание приемлет человек в субботу, да не разорится закон Моисеов, на Мя ли гневаетесь, яко всего человека здрава сотворих в субботу? 24 Не судите на лица, но праведный суд судите. 25 Глаголаху убо нецыи от Иерусалимлян: не Сей ли есть, Егоже ищут убити? 26 И се, не обинуяся глаголет, и ничесоже Ему не глаголют: еда како разумеша князи, яко Сей есть Христос? 27 Но Сего вемы, откуда есть: Христос же егда приидет, никтоже весть, откуда будет. 28 Возва убо в церкви учя Иисус и глаголя: и Мене весть, и весть, откуда есмь: и о Себе не приидох, но есть истинен Пославый Мя, Егоже вы не весть: 29 Аз вем Его, яко от Него есмь, и Той Мя посла. 30 Искаху убо, да имут Его: и никтоже возложи Нань руки, яко не у бе пришел час Его. 31 Мнози же от народа вероваша в Него и глаголаху, яко Христос, егда приидет, еда болша знаменья сотворит, яже Сей творит? 32 Слышаша фарисее народ ропшущь о Нем сия, и послаша фарисее и архиерее слуги, да имут Его. 33 Рече убо Иисус: еще мало время с вами есмь, и иду к Пославшему Мя: 34 възыщите Мене и не обрящете: и идеже есмь Аз, вы не можете прийти. 35 Реша же Иудее к себе: како Сей хошет ити, яко мы не обрящем Его? Еда в разсеяние Еллинское хошет ити и учити Еллины? 36 Что есть сие слово, еже рече: възыщите Мене и не обрящете: и идеже есмь Аз, вы не можете прийти? 37 В последний же день великий праздника стояше Иисус и зваше, глаголя: аще кто жаждет, да приидет ко Мне и пьет: 38 веруяй в Мя, якоже рече Писание, реки от чрева его истекут воды живы. 39 Сие же рече о Дусе, Егоже хотяху приимати верующии во имя Его: не у бо бе Дух Святый, яко Иисус не у бе прославлен. 40 Мнози же от народа слышавше слово, глаголаху: Сей есть воистинну пророк. 41 Друзии глаголаху: Сей есть Христос. Овии же глаголаху: еда от Галилеи Христос приходит? 42 Не Писание ли рече, яко от семени Давидова и от Вифлеемския веси, идеже бе Давид, Христос приидет? 43 Распря убо бысть в народе Его ради. 44 Нецыи же от них хотяху яти Его: но никтоже возложи Нань руце. 45 Придоша же слуги ко архиереом и фарисеом: и реша им тии: почто не приведосте Его? 46 Отвещаша слуги: николиже тако есть глаголат человек, яко Сей Человек. 47 Отвещаша убо им фарисее: еда и вы прельщени бысте? 48 Еда кто от князь верова в Онъ, или от фарисей? 49 Но народ сей, иже не весть закона, прокляти суть. 50 Глагола Никодим к ним, иже пришедый к Нему нощию, един сый от них: 51 еда закон наш судит человеку, аще не слышит от него прежде и разумет, что творит? 52 Отвещаша и рекоша ему: еда и ты от Галилеи еси? Испытай и видь, яко пророк от Галилеи не приходит. 53 И иде кийждо в дом свой.

8 Иисус же иде в гору Елеонску: 2 заутра же паки прииде в церковь, и вси людие идяху к Нему: и сед учаше их. 3 Приведоша же книжницы и фарисее к Нему жену в прелюбодеянии яту, и поставивше ю посреде, 4 глаголаша Ему: Учителю, сия жена эта есть ныне в прелюбодеянии: 5 в законе же нам Моисей повеле такоявья каменнем побивати: Ты же что глаголещи? 6 Сие же реша искушающе

Его, да быша имели что глаголати Нань. Иисус же долу преклонься, перстом писаше на земли, не слагая (им). 7 Якоже прилежаху вопрошающе Его, восклонься рече к ним: иже есть без греха в вас, прежде верзи камень на ню. 8 И паки долу преклонься, писаше на земли. 9 Они же слышавше и совестию обличаеми, исхождаху един по единому, наченше от старец до последних: и оста един Иисус, и жена посреде сущи. 10 Восклонься же Иисус и ни одинаго видев, точною жену, рече ей: жено, где суть, иже вайдаху на тя? Ни кийже ли тебе осуди? 11 Она же рече: никтоже, Господи. Рече же ей Иисус: ни аз тебе осуждаю: иди и (отселе) ктому не согрешай. 12 Паки же им Иисус рече глаголя: аз есмь свет миру: ходяй по Мне не имать ходити во тме, но имать свет животный. 13 Реша убо Ему фарисее: Ты о Себе Сам свидетельствуеши: свидетельство Твое несть истинно. 14 Отвеща Иисус и рече им: аще аз свидетельствую о Себе, истинно есть свидетельство Мое, яко вем, откуда приидох и камо иду: вы же не весте, откуда приихожду и камо гряду: 15 вы по плоти судите, аз не суждоу ни комуже: 16 и аще суждоу аз, суд Мой истинен есть, яко един несмь, но аз и пославый Мя Отец: 17 и в законе же вашем писано есть, яко двою человеку свидетельство истинно есть: 18 аз есмь свидетельствуй о Мне Самем, и свидетельствует о Мне пославый Мя Отец. 19 Глаголаху же Ему: где есть Отец Твой? Отвеща Иисус: ни Мене весте, ни Отца Моего: аще Мя бысте ведали, и Отца Моего ведали бысте. 20 Сия глагольголы глагола Иисус в газофилакии, учя в церкви: и никтоже ят Его, яко не у бе пришел час Его. 21 Рече же им паки Иисус: аз иду, и възыщете Мене, и во гресе вашем умрете: аможе аз иду, вы не можете приити. 22 Глаголаху убо Иудее: еда ся Сам убьет, яко глаголет: аможе аз иду, вы не можете приити? 23 И рече им: вы от нижних есте, аз от вышних есмь: вы от мира сего есте, аз несмь от мира сего: 24 рех убо вам, яко умрете во гресех ваших: аще бо не имете веры, яко аз есмь, умрете во гресех ваших. 25 Глаголаху убо Ему: Ты кто еси? И рече им Иисус: Начаток, яко и глаголю вам: 26 многа имам о вас глаголати и судити: но Пославый Мя истинен есть, и аз, яже слышах от Него, сия глаголю в мире. 27 Не разумеша (убо), яко Отца им глаголаше. 28 Рече же им Иисус: егда вознесете Сына Человеческого, тогда уразумеете, яко аз есмь, и о Себе ничесоже творю, но, якоже научи Мя Отец Мой, сия глаголю: 29 и пославый Мя со Мною есть: не остави Мене одинаго Отца, яко аз угодная Ему всегда творю. 30 Сия Ему глаголющу, мнози вероваша в Него. 31 Глаголаше убо Иисус к веровавшим Ему Иудеом: аще вы пребудете во словеси Моем, воистинну ученицы Мои будете 32 и уразумеете истину, и истина освободит вы. 33 Отвещаша (и реша) Ему: семья Авраамле есмы и ни комуже работаем николиже: како Ты глаголеши, яко свободни будете? 34 Отвеща им Иисус: аминь, аминь глаголю вам, яко всяк творяй грех раб есть греха: 35 раб же не пребывает в дому во век: сын пребывает во век: (аіѡп g165) 36 аще убо Сын вы свободит, воистинну свободни будете: 37 вем, яко семья Авраамле есте: но ищете Мене убити, яко слово Мое не вменяется в вы: 38 аз,

еже видех у Отца Моего, глаголю: и вы убо, еже видесте у отца вашего, творите. 39 Отвещаша и реша Ему: отец наш Авраам есть. Глагола им Иисус: аще чада Авраамля бысте были, дела Авраамля бысте творили: 40 ныне же ищите Мене убити, Человека, иже истину вам глаголах, юже слышах от Бога: сего Авраам несть сотворил: 41 вы творите дела отца вашего. Реша же Ему: мы от любодения несмы рождени: одинаго Отца имамы, Бога. 42 Рече же им Иисус: аще Бог Отец ваш (бы) был, любили бысте (убо) Мене: аз бо от Бога изыдох и приидох: не о Себе бо приидох, но Той Мя посла: 43 почто беседы Моея не разумеете? Яко не можете слышати словесе Моего: 44 вы отца (вашего) диавола есте, и похоти отца вашего хочете творити: он человекоубийца бе искони и во истине не стоит, яко несть истины в нем: егда глаголет лжу, от своих глаголет, яко ложь есть и отец лжи: 45 аз же зане истину глаголю, не веруете Мне: 46 кто от вас обличает Мя о гресе? Аще ли истину глаголю, почто вы не веруете Мне? 47 Иже есть от Бога, глаголголов Божиих послушает: сего ради вы не слушаете, яко от Бога несте. 48 Отвещаша убо Иудее и реша Ему: не добре ли мы глаголем, яко Самарянин еси Ты и беса имаша? 49 Отвеща Иисус: аз беса не имам, но чту Отца Моего, и вы не чтете Мене: 50 аз же не ищю славы Моея: есть Ищя и Судя: 51 аминь, аминь глаголю вам: аще кто слово Мое соблюдет, смерти не имать видети во веки. (аіѡп g165) 52 Реша убо Ему Жидове: ныне разумехом, яко беса имаша: Авраам умре и пророцы, и Ты глаголеши: аще кто слово Мое соблюдет, смерти не имать вкусити во веки: (аіѡп g165) 53 еда Ты болий еси отца нашего Авраама, иже умре? И пророцы умроша: кого Себе Сам Ты твориши? 54 Отвеща Иисус: аще аз славлюся Сам, слава Моя ничесоже есть: есть Отец Мой славяй Мя, Егоже вы глаголете, яко Бог ваш есть: 55 и не познасте Его, аз же вем Его: и аще реку, яко не вем Его, буду подобен вам ложь: но вем Его и слово Его соблюдаю: 56 Авраам отец ваш рад бы был, дабы видел день Мой: и виде и возрадовася. 57 Реша убо Иудее к Нему: пятидесят лет не у имаша, и Авраама ли еси видел? 58 Рече (же) им Иисус: аминь, аминь глаголю вам: прежде даже Авраам не бысть, аз есмь. 59 Взяха убо камение, да вергут Нань: Иисус же скрися и изыде из церкви, прошед посреде их: и мимохождаше тако.

9 И мимойдый виде человека слепа от рожества. 2 И вопрошиша Его ученицы Его, глаголюще: Равви, кто согреша, сей ли, или родителя его, яко слеп родися? 3 Отвеща Иисус: ни сей согреша, ни родителя его, но да явятся дела Божия на нем: 4 мне подобает делати дела Пославшаго Мя, дондеже день есть: приидет ночь, егда никтоже может делати: 5 егда в мире есмь, свет есмь миру. 6 Сия рек, плюну на землю, и сотвори брение от плюновения, и помаза очи брением слепому, 7 и рече ему: иди, умыйся в купели Силоамсте, еже скажется послан. Иде убо и умыся, и прииде видя. 8 Соседи же и иже бяху видели его прежде, яко слеп бе, глаголаху: не сей ли есть седяй и просяй? 9 Овии глаголаху, яко сей есть: инии же (глаголаху), яко подобен

ему есть. Он (же) глаголаше, яко аз есмь. 10 Глаголаху же ему: како ти отверзостся очи? 11 Отвеща он и рече: Человек нарицаемый Иисус брение сотвори и помаза очи мои и рече ми: иди в купель Силоамлю и умойся. Шед же и умывся, прозрех. 12 Реша убо ему: кто Той есть? Глагола: не вем. 13 Ведоша (же) его к фарисеом, иже бе иногда слеп. 14 Бе же суббота, егда сотвори брение Иисус и отверзе ему очи. 15 Паки же вопрошаху его и фарисее, како прозре. Он же рече им: брение положи мне на очи, и умыхся, и вижу. 16 Глаголаху убо от фарисей нецви: несть Сей от Бога Человек, яко субботу не хранит. Ови глаголаху: како может человек грешен сицева знаменания творити? И распря бе в них. 17 Глаголаху (убо) слепцу паки: ты что глаголеши о Нем, яко отверзе очи твои? Он же рече, яко пророк есть. 18 Не яша убо веры Иудее о нем, яко слеп бе и прозре, дондеже возгласиша родителя того прозревшаго 19 и вопросиша я, глаголюще: сей ли есть сын ваю, егоже вы глаголете, яко слеп родися? Како убо ныне видит? 20 Отвещаста (же) им родителя его и реста: вемы, яко сей есть сын наю и яко слеп родися: 21 како же ныне видит, не вемы, или кто отверзе ему очи, мы не вемы: сам возраст имать, самого вопросите, сам о себе да глаголет. 22 Сия рекоста родителя его, яко боястася Жидов: уже бо бяху сложилися Жидове, да, аще кто Его исповесть Христа, отлучен от сонмища будет: 23 сего ради родителя его рекоста, яко возраст имать, самого вопросите. 24 Возгласиша же вторицею человека, иже бе слеп, и реша ему: даждь славу Богу: мы вемы, яко Человек Сей грешен есть. 25 Отвеща убо он и рече: аще грешен есть, не вем: едино вем, яко слеп бех, ныне же вижу. 26 Реша же ему паки: что сотвори тебе? Како отверзе очи твои? 27 Отвеща им: рекох вам уже, и не слышасте: что паки хотите слышати? Еда и вы ученицы Его хотите быти? 28 Они же укориша его и реша (ему): ты ученик еси Того: мы же Моисеовы есмы ученицы: 29 мы вемы, яко Моисеови глагола Бог, Сего же не вемы, откуда есть. 30 Отвеща человек и рече им: о сем бо дивно есть, яко вы не весте, откуда есть, и отверзе очи мои: 31 вемы же, яко грешники Бог не послушает, но аще кто Богочтец есть и волю Его творит, того послушает: 32 от века несть слышано, яко кто отверзе очи слепу рождену: (αἰὼν γ165) 33 аще не бы был Сей от Бога, не мог бы творити ничесоже. 34 Отвещаша и реша ему: во гресех ты родился еси весь, и ты ли ны учиши? И изгнаша его вон. 35 Услыша Иисус, яко изгнаша его вон, и обрет его, рече ему: ты веруеши ли в Сына Божия? 36 Отвеща он и рече: и кто есть, Господи, да верую в Него? 37 Рече же ему Иисус: и видел еси Его, и Глаголяя с тобою Той есть. 38 Он же рече: верую, Господи, И поклонися Ему. 39 И рече Иисус: на суд аз в мир сей приидох, да невидящии видят, и видящии слепи будут. 40 И слышаша от фарисей сия сущии с Ним и реша Ему: еда и мы слепи есмы? 41 Рече им Иисус: аще бысте слепи были, не бысте имели греха: ныне же глаголете, яко видим, грех убо ваш пребывает.

10 Аминь, аминь глаголю вам: не входяй дверьми во двор овчий, но прелазя инуде, той тать есть и разбойник:

2 а входяй дверьми пастырь есть овцам: 3 сему дверник отверзает, и овцы глас его слышат, и своя овцы глашает по имени, и изгонит их: 4 и егда своя овцы ижденет, пред ними ходит: и овцы по нем идут, яко ведят глас его: 5 по чуждем же не идут, но бежат от него, яко не знают чуждаго гласа. 6 Сию притчу рече им Иисус: они же не разумеша, что бяше, яже глаголаше им. 7 Рече же паки им Иисус: аминь, аминь глаголю вам, яко аз есмь дверь овцам. 8 Все, елико (их) прииде прежде Мене, татие суть и разбойницы: но не послушаша их овцы. 9 аз есмь дверь: Мною аще кто внидет, спасется, и внидет и изыдет, и пажитъ обрящет. 10 Тать не приходит, разве да украдет и убьет и погубит: аз приидох, да живот имут и лишше имут. 11 аз есмь пастырь добрый: пастырь добрый душу свою полагает за овцы: 12 а наемник, иже несть пастырь, емуже не суть овцы своя, видит волка грядуща и оставляет овцы и бегае, и волк расхитит их и распудит овцы: 13 а наемник бежит, яко наемник есть и нерадит о овцах. 14 аз есмь пастырь добрый: и знаю Моя, и знают Мя Моя: 15 якоже знает Мя Отец, и аз знаю Отца: и душу Мою полагаю за овцы. 16 И ины овцы имам, яже не суть от двора сего, и тья Ми подобает привести: и глас Мой услышат, и будет едино стадо (и) един Пастырь. 17 Сего ради Мя Отец любит, яко аз душу Мою полагаю, да паки прииму ю: 18 никтоже возмет ю от Мене, но аз полагаю ю о Себе: область имам положить ю и область имам паки прияти ю: сию заповедь приях от Отца Моего. 19 Распря же паки бысть во Иудеех за словеса сия. 20 Глаголаху же мнози от них: беса имать и неистов есть: что Его послушаете? 21 Инии глаголаху: сии глаголюли не суть беснующагося: еда может бес слепым очи отверсти? 22 Быша же (тогда) обновления во Иерусалимех, и зима бе. 23 И хождаше Иисус в церкви, в притворе Соломони. 24 Обыдоша же Его Иудее и глаголаху Ему: доколе души наша вземлещи? Аще Ты еси Христос, рцы нам не обинуяся. 25 Отвеща им Иисус: рех вам, и не веруете: дела, яже аз творю о имени Отца Моего, та свидетелствуют о Мне: 26 но вы не веруете, несте бо от овец Моих, якоже рех вам: 27 овцы Мою гласа Моего слышают, и аз знаю их, и по Мне грядут: 28 и аз живот вечный дам им, и не погубиху во веки, и не восхитит их никтоже от руки Моея: (αἰὼν γ165, αἰῶνιος γ166) 29 Отец Мой, Иже даде Мне, болий всех есть, и никтоже может восхитити их от руки Отца Моего: 30 аз и Отец едино есма. 31 Взяша же камень паки Иудее, да побьют Его. 32 Отвеща им Иисус: многа добра дела явих вам от Отца Моего: за кое их дело камень мечете на Мя? 33 Отвещаша Ему Иудее, глаголюще: о добре деле камень не мещем на Тя, но о хуле, яко Ты, человек сый, твориши Себе Бога. 34 Отвеща им Иисус: несть ли писано в законе вашем: аз рех: бози есте? 35 Аще оных рече богов, к нимже слово Божие бысть, и не может разоритися Писание: 36 Егоже Отец святы и посла в мир, вы глаголете, яко хулу глаголеши, зане рех: Сын Божий есмь. 37 Аще не творю дела Отца Моего, не имите Ми веры: 38 аще ли творю, аще и Мне не веруете, делом (Моим) веруйте: да разумеете и веруете, яко во Мне Отец, и аз в Нем. 39 Исаху убо паки яти Его: и изыде от рук

их, 40 и иде паки на он пол Иордана, на место, идеже бе Иоанн прежде крестя, и пребысть ту. 41 И мнози приидоша к Нему и глаголаху, яко Иоанн убо знаменья не сотвори ни единого: вся же, елика рече Иоанн о Сем, истинна бяху. 42 И мнози вероваша в Него ту.

11 Бе же некто боля Лазарь от Вифании, от веси Мариины и Марфы сестры ея. 2 Бе же Мариа помазавшая Господа миром и отершая нозе Его власы своими, еяже брат Лазарь боляше. 3 Посласте убо сестре к Нему, глаголюще: Господи, се, егоже любиши, болит. 4 Слышав же Иисус рече: сия болезнь несть к смерти, но о славе Божии, да прославится Сын Божий ея ради. 5 Любляше же Иисус Марфу и сестру ея и Лазаря. 6 Егда же услыша, яко болит, тогда пребысть на немже бе месте два дни. 7 Потом же глагола учеником: идем во Иудею пакы. 8 Глаголаша Ему ученицы: Равви, ныне искаху Тебе камением побити Иудее, и паки ли идеши тамо? 9 Отвеща Иисус: не два ли надешате часа еста во дни? Аще кто ходит во дни, не поткнется, яко свет мира сего видит: 10 аще же кто ходит в нощи, поткнется, яко несть света в нем. 11 Сия рече и посем глагола им: Лазарь друг наш успе: но иду, да возбужу его. 12 Реша убо ученицы Его: Господи, аще успе, спасен будет. 13 Рече же Иисус о смерти его: они же мнеша, яко о успении сна глаголет. 14 Тогда рече им Иисус не обинуяся: Лазарь умре: 15 и радуяся вас ради, да веруете, яко не бех тамо: но идем к нему. 16 Рече же Фома, глаголемый Близнаец, учеником: идем и мы, да умрем с ним. 17 Пришед же Иисус, обрете его четьри дни уже имуща во гробе. 18 Бе же Вифания близ Иерусалима, яко стадий пятнадцать, 19 и мнози от Иудей бяху пришли к Марфе и Марии, да утешат их о брате ею. 20 Марфа убо егда услыша, яко Иисус грядет, срете Его: Мариа же дома седяше. 21 Рече же Марфа ко Иисусу: Господи, аще бы еси zde был, не бы брат мой умерл: 22 но и ныне вем, яко елика аще просиши от Бога, даст Тебе Бог. 23 Глагола ей Иисус: воскреснет брат твой. 24 Глагола Ему Марфа: вем, яко воскреснет в воскрешение, в последний день. 25 Рече (же) ей Иисус: Аз есмь воскрешение и живот: веруяй в Мя, аще и умрет, оживет: 26 и всяк живый и веруяй в Мя не умрет во веки. Емлеши ли веру сему? (аїбн г165) 27 Глагола Ему: ей, Господи: аз веровах, яко Ты еси Христос Сын Божий, иже в мир грядый. 28 И сия рекши, иде и пригласи Марию сестру свою тай, рекши: Учитель пришел есть и глашает тя. 29 Она (же) яко услыша, воста скоро и иде к Нему. 30 Не уже бо бе пришел Иисус в весь, но бе на месте, идеже срете Его Марфа. 31 Иудее (же) убо сущии с нею в дому и утешающе ю, видевше Марию, яко скоро воста и изыде, по ней идоша, глаголюще, яко идет на гроб, да плачет тамо. 32 Мариа же яко прииде, идеже бе Иисус, видевши Его, паде Ему на ногу, глаголющи Ему: Господи, аще бы еси был zde, не бы умерл мой брат. 33 Иисус убо, яко виде ю плачущую и пришедшую с нею Иудеи плачуща, запрети духу и возмутися Сам 34 и рече: где положисте его? Глаголаша Ему: Господи, прииди и виждь. 35 Прослезися Иисус. 36 Глаголаху убо Жидове: виждь, како любляше его. 37 Нецьи же от них реша: не можаше ли Сей,

отверзый очи слепому, сотворити, да и сей не умрет? 38 Иисус же паки претя в себе, прииде ко гробу. Бе же пещера, и камень лежаше на ней. 39 Глагола Иисус: возьмите камень. Глагола Ему сестра умершаго Марфа: Господи, уже смердит: четверодневен бо есть. 40 Глагола ей Иисус: не рех ли ти, яко аще веруеши, узриши славу Божию? 41 Взяха убо камень, идеже бе умерый лежа. Иисус же возведе очи горе и рече: Отче, хвалу Тебе воздаю, яко услышал еси Мя: 42 Аз же ведех, яко всегда Мя послушаеши: но народа ради стоящаго окрест рех, да веру имут, яко Ты Мя послал еси. 43 И сия рек, гласом великим воззва: Лазаре, гряди вон. 44 И изыде умерый, обязан рукама и ногама укроем, и лице его убрисом обязано. Глагола им Иисус: разрешите его и оставите ити. 45 Мнози убо от Иудей пришедши к Марии и видевше, яже сотвори Иисус, вероваша в Него: 46 нецьи же от них идоша к фарисеом и рекоша им, яже сотвори Иисус. 47 Собраша убо архиерее и фарисее сонм и глаголаху: что сотворим? Яко Человек Сей многа знаменья творит: 48 аще оставим Его тако, вси уверуют в Него: и приидут Римляне и возмут место и язык наш. 49 Един же некто от них Каиафа, архиерей сый лету тому, рече им: вы не весте ничесоже, 50 ни помышляете, яко уне есть нам, да един человек умрет за люди, а не весь язык погибнет. 51 Сего же о себе не рече, но архиерей сый лету тому, прорече, яко хотяше Иисус умрети за люди, 52 и не токмо за люди, но да и чада Божия расточеная соберет во едино. 53 От того убо дне совещаща, да убьют Его. 54 Иисус же ктому не яве хождаше во Иудеех, но иде оттуду во страну близ пустыни, во Ефрем нарицаемый град, и ту хождаше со ученики Своими. 55 Бе же близ Пасха Иудейска, и въздоша мнози во Иерусалим от стран прежде Пасхи, да очистятся. 56 Искаху убо Иисуса и глаголаху к себе, в церкви стояще: что мнится вам, яко не имать ли приити в праздник? 57 Даша же архиерее и фарисее заповедь, да аще кто ошутит (Его), где будет, повесть, яко да имут Его.

12 Иисус же прежде шести дний Пасхи прииде в Вифанию, идеже бе Лазарь умерый, егоже воскреси от мертвых. 2 Сотвориша же Ему вечерю ту, и Марфа служаше: Лазарь же един бе от возлежащих с Ним. 3 Мариа же приемши литру мира нарда пистика многоценна, помаза нозе Иисусове, и отре власы своими нозе Его: храмина же исполнися от вони масти (благовонныя). 4 Глагола же един от ученик Его, Иуда Симонов Искариотский, иже хотяше Его предати: 5 чесо ради миро сие не продано бысть на триех стех пенязь и дано нищым? 6 Сие же рече, не яко о нищих печашеся, но яко тать бе, и ковчежец имяеши, и вметаемая ношаше. 7 Рече же Иисус: не дейте ея, да в день погребения Моего соблюдет е: 8 нищыя бо всегда имате с собою, Мене же не всегда имате. 9 Разуме же народ мног от Иудей, яко ту есть: и приидоша не Иисуса ради токмо, но да и Лазаря видят, егоже воскреси от мертвых. 10 С совещаща же архиерее, да и Лазаря убьют, 11 яко мнози его ради идяху от Иудей и вероваху во Иисуса. 12 Во утрий (же) день народ мног пришедый в праздник, слышавше, яко

Иисус грядет во Иерусалим, 13 прияха ваиа от финик и изыдоша в сретение Ему, и звашу (глаголюще): осанна, благословен грядый во имя Господне, Царь Израилев. 14 Обрет же Иисус ослия, вседе на не, якоже есть писано: 15 не бойся, дщи Сионя: се, Царь твой грядет, седя на жребяти осли. 16 Сих же не разумеша ученицы Его прежде: но егда прославися Иисус, тогда помянуша, яко сия быша о Нем писана, и сия сотвориша Ему. 17 Свидетельствоваше убо народ, иже бе (прежде) с Ним, егда Лазаря возгласи от гроба и воскреси его от мертвых: 18 сего ради и срете Его народ, яко слышаша Его сие сотворша знамение. 19 Фарисее убо рече к себе: видите, яко ни какая польза есть? Се, мир по Нем идет. 20 Бяху же нецыи Еллини от пришедших, да поклонятся в праздник: 21 сии убо приступиша к Филиппу, иже бе от Вифсаиды Галилейския, и моляху его, глаголюще: господи, хощем Иисуса видети. 22 Прииде Филипп и глагола Андрею: и паки Андрей и Филипп глаголаста Иисусови. 23 Иисус же отвеща има, глаголя: прииде час, да прославится Сын Человеческий: 24 аминь, аминь глаголю вам: аще зерно пшенично пад на земли не умрет, то едино пребывает: аще же умрет, мног плод сотворит: 25 любяй душу свою погубит ю, и ненавидяй души своея в мире сем в живот вечный сохранит ю: (aiōnios g166) 26 аще кто Мне служит, Мне да последствует, и идеже есмь Аз, ту и слуга Мой будет: и аще кто Мне служит, почтит его Отец (Мой): 27 ныне душа Моя возмутися: и что реку? Отче, спаси Мя от часа сего: но сего ради приидох на час сей: 28 Отче, прослави имя Твое. Прииде же глас с небесе: и прославих, и паки прославлю. 29 Народ же стояй и слышав, глаголаху: гром бысть. Инии глаголаху: Ангел глагола Ему. 30 Отвеща Иисус и рече: не Мене ради глас сей бысть, но народа ради: 31 ныне суд есть миру сему: ныне князь мира сего изгнан будет вон: 32 и аще Аз вознесен буду от земли, вся привлеку к Себе. 33 Сие же глаголаше, назнаменуя, коею смертию хоташе умерети. 34 Отвеща Ему народ: мы слышахом от закона, яко Христос пребывает во веки: како Ты глаголеши: вознестися подобает Сыну Человеческому? Кто есть Сей Сын Человеческий? (aiōn g165) 35 Рече же им Иисус: еще мало время свет в вас есть: ходите, дондеже свет имате, да тма вас не имет: и ходяй во тме не весть, камо идет: 36 дондеже свет имате, веруйте во свет, да сынове света будете. Сия глагола Иисус, и отшед скрыся от них. 37 Толика знамения сотворшу Ему пред ними, не вероваху в Него, 38 да сбудется слово Исаии пророка, еже рече: Господи, кто верова слуху нашему, и мышца Господня кому открыся? 39 Сего ради не можаху веровати, яко паки рече Исаиа: 40 ослепи очи их и окаменил есть сердца их, да не видят очима, ни разумеют сердцем, и исцелю их. 41 Сия рече Исаиа, егда виде славу Его и глагола о Нем. 42 Обаче убо и от князь мнози вероваша в Него, но фарисей ради не исповедаваху, да не из сонмищ изгнани будут: 43 возлюбиха бо паче славу человеческую, неже славу Божию. 44 Иисус же воззва и рече: веруяй в Мя не верует в Мя, но в Пославшаго Мя: 45 и видяй Мя видит Пославшаго Мя: 46 Аз свет в мир приидох, да всяк веруяй в Мя во тме не пребудет:

47 и аще кто услышит глаголюи Мое и не верует, Аз не сужду ему: не приидох бо, да сужду мирови, но да спасу мир: 48 отменяяся Мене и не приемляй глаголюи Моих имать судящаго ему: слово, еже глаголах, то судит ему в последний день: 49 яко Аз от Себе не глаголах, но пославый Мя Отец, Той Мне заповедь даде, что реку и что возглаголю: 50 и вею, яко заповедь Его живот вечный есть: яже убо Аз глаголю, якоже рече Мне Отец, тако глаголю. (aiōnios g166)

13 Прежде же праздника Пасхи, ведый Иисус, яко прииде Ему час, да преидет от мира сего ко Отцу, возлюблю Своя сущия в мире, до конца возлюблю их. 2 И вечера бывшей, диаволу уже вложившу в сердце Иуде Симонову Искариотскому, да Его предаст, з ведый Иисус, яко вся даде Ему Отец в руке, и яко от Бога изыде и к Богу грядет: 4 воста от вечера и положи ризы, и приемь лентийон, препоясая: 5 потом вляя воду во умывальницу и начат умывати ноги учеником и отирати лентием, имже бе препоясан. 6 Прииде же к Симону Петру, и глагола Ему той: Господи, Ты ли мои умыеши нозе? 7 Отвеща Иисус и рече ему: еже Аз творю, ты не веси ныне, уразумеши же по сих. 8 Глагола Ему Петр: не умыеши ногу моею во веки. Отвеща ему Иисус: аще не умыю тебе, не имаши части со Мною. (aiōn g165) 9 Глагола Ему Симон Петр: Господи, не нозе мои токмо, но и руке и главу. 10 Глагола ему Иисус: измывальни не требует, токмо нозе умыти, есть бо весь чист: и вы чисти есте, но не вси. 11 Ведяше бо предающаго Его: сего ради рече, яко не вси чисти есте. 12 Егда же умы ноги их, прият ризы Своя, возлег паки, рече им: весте ли, что сотворих вам? 13 Вы глашаете Мя Учителя и Господа, и добре глаголете: есмь бо. 14 Аще убо Аз умых ваши нозе, Господь и Учитель, и вы должны есте друг другу умывати нозе: 15 образ бо дах вам, да, якоже Аз сотворих вам, и вы творите. 16 Аминь, аминь глаголю вам: несть раб болий господа своего, ни посланник болий пославшаго его. 17 Аще сия весте, блажени есте, аще творите я. 18 Не о всех вас глаголю: Аз (бо) вею, ихже избрах: но да Писание сбудется: ядый со Мною хлеб воздвиже на Мя пяту свою. 19 Отселе глаголю вам, прежде даже не будет, да, егда будет, веру имете, яко Аз есмь. 20 Аминь, аминь глаголю вам: приемляй, аще кого послю, Мене приемлет: а приемляй Мене приемлет Пославшаго Мя. 21 Сия рек Иисус возмутися духом и свидетельствова и рече: аминь, аминь глаголю вам, яко един от вас предстат Мя. 22 Сзирахуса убо между собою ученицы, недоумеющеса, о ком глаголет. 23 Бе же един от ученик Его возлежа на лоне Иисусове, егоже любляше Иисус: 24 поману же сему Симон Петр вопросити, кто бы был, о немже глаголет. 25 Напад же той на перси Иисусовы, глагола Ему: Господи, кто есть? 26 Отвеща Иисус: той есть, емуже Аз омочив хлеб подам. И омочь хлеб, даде Иуде Симонову Искариотскому. 27 И по хлебе тогда вниде в онь сатана. Глагола убо ему Иисус: еже твориши, сотвори скоро. 28 Сего же никтоже разуме от возлежащих, к чесому рече ему. 29 Нецыи же мняху, понеже ковчежец имаше Иуда, яко глаголет ему Иисус: купи, еже требуем на праздник: или нищым да нечто даст. 30 Приим же он хлеб, абие изыде: бе же ночь. Егда изыде, 31

глагола Иисус: ныне прославися Сын Человеческий, и Бог прославися о Нем: 32 аще Бог прославися о Нем, и Бог прославит Его в Себе, и абие прославит Его. 33 Чадца, еше с вами мало есмь: възыщете Мене, и якоже рех Иудею, яко аможе Аз иду, вы не можете приити: и вам глаголю ныне. 34 Заповедь новую даю вам, да любите друг друга: якоже възлюбих вы, да и вы любите себе: 35 о сем разумеют вси, яко Мои ученицы есте, аще любовь имате между собою. 36 Глагола Ему Симон Петр: Господи, камо идиши? Отвеща ему Иисус: аможе (Аз) иду, не можете нины по Мне ити: последи же по Мне идиши. 37 Глагола Ему Петр: Господи, почто не могу ныне по Тебе ити? (ныне) душу мою за Тя положу. 38 Отвеща ему Иисус: душу ли твою за Мя положиши? Аминь, аминь глаголю тебе: не возгласит алектор, дондеже отвержешися Мене трищи.

14 Да не смущается сердце ваше: веруйте в Бога, и в Мя веруйте: 2 в дому Отца Моего обители многи суть: аще ли же ни, рекл бых вам: иду уготовати место вам: 3 и аще уготовлю место вам, паки прииду и поиму вы к Себе, да идеже есмь Аз, и вы будете: 4 и аможе Аз иду, весте, и путь весте. 5 Глагола Ему Фома: Господи, не вемы, камо идиши: и како можем путь ведети? 6 Глагола ему Иисус: Аз есмь путь и истина и живот: никтоже приидет ко Отцу, токмо Мною: 7 аще Мя бысте знали, и Отца Моего знали бысте (убо): и отселе познасте Его, и видите Его. 8 Глагола Ему Филипп: Господи, покажи нам Отца, и довлеет нам. 9 Глагола ему Иисус: толико время с вами есмь, и не познал еси Мене, Филиппе? Видевый Мене виде Отца: и како ты глаголеши: покажи нам Отца? 10 Не веруеши ли, яко Аз во Отце, и Отец во Мне есть? Глаголголы, яке Аз глаголю вам, о Себе не глаголю: Отец же во Мне пребываяй, Той творит дела: 11 веруйте Мне, яко Аз во Отце, и Отец во Мне: аще ли же ни, за та дела веру имите Ми. 12 Аминь, аминь глаголю вам: веруяй в Мя, дела, яке Аз творю, и той сотворит, и болша сих сотворит: яко Аз ко Отцу Моему гряду: 13 и еже аще что просите (от Отца) во имя Мое, то сотворю, да прославится Отец в Сыне: 14 (и) аще чесо просите во имя Мое, Аз сотворю. 15 Аще любите Мя, заповеди Моя соблюдайте, 16 и Аз умолю Отца, и иного Утешителя даст вам, да будет с вами в век, (aiōn g165) 17 Дух истины, Егоже мир не может прияти, яко не видит Его, ниже знает Его: вы же знаете Его, яко в вас пребывает и в вас будет. 18 Не оставлю вас сиры: прииду к вам: 19 еще мало, и мир кому не увидит Мене: вы же увидите Мя, яко Аз живу, и вы живи будете: 20 в той день уразумеете вы, яко Аз во Отце Моем, и вы во Мне, и Аз в вас. 21 Имейя заповеди Моя и соблюдаяй их, той есть любяй Мя: а любяй Мя возлюблен будет Отцем Моим, и Аз возлюблю его и явлюся ему Сам. 22 Глагола Ему Иуда не Искаротский: Господи, и что бысть, яко нам хощещи явитися, а не мирови? 23 Отвеща Иисус и рече ему: аще кто любит Мя, слово Мое соблюдет: и Отец Мой возлюбит его, и к нему приидеа и обитель у него сотворима: 24 не любяй Мя и словес Моих не соблюдает: и слово, еже слышасте, несть Мое, но пославшаго Мя Отца. 25 Сия глаголах вам в

вас сый: 26 Утешитель же, Дух Святыи, Егоже послет Отец во имя Мое, той вы научит всему и воспомянет вам вся, яке рех вам. 27 Мир оставляю вам, мир Мой даю вам: не якоже мир дает, Аз даю вам. Да не смущается сердце ваше, ни устрашает. 28 Слышасте, яко Аз рех вам: иду и прииду к вам. Аще бысте любили Мя, возрадовалися бысте (убо), яко рех: иду ко Отцу: яко Отец Мой болий Мене есть. 29 И ныне рех вам, прежде даже не будет, да, егда будет, веру имете. 30 Ктому не много глаголю с вами: грядет бо сего мира князь и во Мне не имать ничесоже. 31 Но да разумеет мир, яко люблю Отца, и якоже заповеда Мне Отец, тако творю: встаните, идем отсюда.

15 Аз есмь лоза истинная, и Отец Мой делатель есть: 2 всяку розгу о Мне не творящую плода, измет ю: и всяку творящую плод, отребит ю, да множайший плод принесет. 3 Уже вы чисти есте за слово, еже глаголах вам. 4 Будите во Мне, и Аз в вас. Якоже розга не может плода сотворити о себе, аще не будет на лозе, тако и вы, аще во Мне не пребудете. 5 Аз есмь лоза, вы (же) рождие: (и) иже будет во Мне, и Аз в нем, той сотворит плод мног, яко без Мене не можете творити ничесоже: 6 аще кто во Мне не пребудет, извержется вон, якоже розга, и изсышет: и собирают ю и во огонь влагают, и сгарает: 7 аще пребудете во Мне и глаголголы Мои в вас пребудут, егоже аще хощете, просите, и будет вам: 8 о сем прославися Отец Мой, да плод мног сотворите и будете Мои ученицы. 9 Якоже возлюбил Мя Отец, и Аз възлюбих вас: будите в любви Моей: 10 аще заповеди Моя соблюдете, пребудете в любви Моей, якоже Аз заповеди Отца Моего соблюдох и пребываю в Его любви. 11 Сия глаголах вам, да радость Моя в вас будет и радость ваша исполнится. 12 Сия есть заповедь Моя, да любите друг друга, якоже възлюбих вы: 13 болши сея любве никтоже имать, да кто душу свою положит за други своя. 14 Вы друзи Мои есте, аще творите, елика Аз заповедаю вам: 15 не ктому вас глаголю рабы, яко раб не весте, что творит господь его: вас же рекох други, яко вся, еже слышах от Отца Моего, сказах вам. 16 Не вы Мене избрасте, но Аз избрах вас и положих вас, да вы идете и плод принесете, и плод ваш пребудет, да, егоже аще просите от Отца во имя Мое, даст вам. 17 Сия заповедаю вам, да любите друг друга. 18 Аще мир вас ненавидит, ведите, яко Мене прежде вас возненавиде: 19 аще от мира бысте были, мир убо свое любил бы: якоже от мира несте, но Аз избрах вы от мира, сего ради ненавидит вас мир. 20 Поминайте слово, еже Аз рех вам: несть раб болий господя своего: аще Мене изгнаша, и вас изженут: аще слово Мое соблюдоша, и ваше соблюдут: 21 но сия вся творят вам за имя Мое, яко не ведят Пославшаго Мя. 22 Аще не бых пришел и глаголах им, греха не быша имели: ныне же вины не имут о гресе своем: 23 ненавиждяй Мене, и Отца Моего ненавидит: 24 аще дел не бых сотворил в них, ихже ин никтоже сотвори, греха не быша имели: ныне же и видеша, и возненавидеша Мене и Отца Моего: 25 но да сбудется слово, писанное в законе их, яко возненавидеша Мя туне. 26 Егда же приидет

Утешитель, Егоже Аз послю вам от Отца, Дух истины, Иже от Отца исходит, Той свидетелствует о Мне: 27 и вы же свидетелствуете, яко искони со Мною есте.

16 Сия глаголах вам, да не соблазнитесь. 2 От сонмищ ижденут вы: но приидет час, да всяк, иже убьет вы, возмнится службу приносити Богу: 3 и сия сотворят, яко не познаша Отца, ни Мене. 4 Но сия глаголах вам, да, егда приидет час, вспомняете сия, яко Аз рех вам: сих же вам исперва не рех, яко с вами бех. 5 Ныне же иду к Пославшему Мя, и никтоже от вас вопрошает Мене: камо идеши? 6 Но яко сия глаголах вам, скорби исполних сердца ваша. 7 Но Аз истину вам глаголю: уне есть вам, да Аз иду: аще бо не иду Аз, Утешитель не приидет к вам: аще (ли) же иду, послю Его к вам, 8 и пришед Он обличит мир о гресе и о правде и о суде: 9 о гресе убо, яко не веруют в Мя: 10 о правде же, яко ко Отцу Моему иду, и ктому не видите Мене: 11 о суде же, яко князь мира сего осужден бысть. 12 Еще много имам глаголати вам, но не можете носити ныне: 13 егда же приидет Он, Дух истины, наставит вы на всяку истину: не от Себе бо глаголати имать, но елика аще услышит, глаголати имать, и грядущая возвестит вам: 14 Он Мя прославит, яко от Моего примет и возвестит вам. 15 Вся, елика имать Отец, Моя суть: сего ради рех, яко от Моего примет и возвестит вам. 16 Вмале, и (ктому) не видите Мене: и паки вмале, и узрите Мя, яко иду ко Отцу. 17 Реша же от ученик Его к себе: что есть сие, еже глаголет нам: вмале, и не видите Мене: и паки вмале, и узрите Мя: и: яко Аз иду ко Отцу? 18 Глаголаху убо: что сие есть, еже глаголет: вмале? Не вемы, что глаголет. 19 Разуме же Иисус, яко хотяху Его вопрошати, и рече им: о сем ли стязаетесь между собою, яко рех: вмале, и не видите Мене: и паки вмале, и узрите Мя? 20 Аминь, аминь глаголю вам, яко восплachtetся и возрыдаете вы, а мир возрадуется: вы же печальни будете, но печаль ваша в радость будет: 21 жена егда раждает, скорбь имать, яко прииде год ея: егда же родит отроча, ктому не помнит скорби за радость, яко родися человек в мир: 22 и вы же печаль имате убо ныне: паки же узрю вы, и возрадуется сердце ваше, и радости ваша никтоже возмет от вас: 23 и в той день Мене не воспросите ничесоже. Аминь, аминь глаголю вам, яко елика аще (чесо) просите от Отца во имя Мое, даст вам: 24 доселе не просисте ничесоже во имя Мое: просите, и примете, да радость ваша исполнена будет. 25 Сия в притчах глаголах вам: но приидет час, егда ктому в притчах не глаголю вам, но яве о Отце возвещу вам. 26 В той день во имя Мое воспросите, и не глаголю вам, яко Аз умолю Отца о вас: 27 Сам бо Отец любит вы, яко вы Мене возлюбисте и веровасте, яко Аз от Бога изыдох. 28 Изыдох от Отца и приидох в мир: (и) паки оставляю мир и иду ко Отцу. 29 Глаголаша Ему ученицы Его: се, ныне не обинуяся глаголеши, а притчи ни коеяже не глаголеши: 30 ныне вемы, яко веси вся и не требуеши, да кто Тя вопрошает: о сем веруем, яко от Бога изшел еси. 31 Отвеща им Иисус: ныне ли веруете? 32 Се, грядет час, и ныне прииде, да разыдетесь кийждо во своя и Мене единого оставите: и несъмь един, яко

Отец со Мною есть: 33 сия глаголах вам, да во Мне мир имате: в мире скорбни будете: но держайте, (яко) Аз победих мир.

17 Сия глагола Иисус и возведе очи Свои на небо и рече: Отче, прииде час: прослави Сына Твоего, да и Сын Твой прославит Тя: 2 якоже дал еси Ему власть всякия плоти, да всяко, еже дал еси Ему, даст им живот вечный: (aiōnios g166) 3 се же есть живот вечный, да знают Тебе единого истинного Бога, и Егоже послал еси Иисус Христа. (aiōnios g166) 4 Аз прославих Тя на земли, дело соверших, еже дал еси Мне да сотворю: 5 и ныне прослави Мя Ты, Отче, у Тебе Самого славою, юже имех у Тебе прежде мир не бысть. 6 Явих имя Твое человеком, ихже дал еси Мне от мира: Твои беша, и Мне их дал еси, и слово Твое сохраниша: 7 ныне разумеша, яко вся, елика дал еси Мне, от Тебе суть: 8 яко глагоголю, ихже дал еси Мне, дах им, и тии прияша и разумеша воистинну, яко от Тебе изыдох, и вероваша, яко Ты Мя послал еси. 9 Аз о сих молю: не о (всем) мире молю, но о тех, ихже дал еси Мне, яко Твои суть: 10 и Моя вся Твоя суть, и Твоя Моя: и прославихся в них: 11 и ктому несъмь в мире, и сии в мире суть, и Аз к Тебе гряду. Отче Святой, соблюди их во имя Твое, ихже дал еси Мне, да будут едино, якоже (и) Мы. 12 Егда бех с ними в мире, Аз соблюдах их во имя Твое: ихже дал еси Мне, сохраних, и никтоже от них погибе, токмо сын погибельный, да сбудется Писание: 13 ныне же к Тебе гряду, и сия глаголю в мире, да имут радость Мою исполнену в себе. 14 Аз дах им слово Твое, и мир возненавиде их, яко не суть от мира, якоже (и) Аз от мира несъмь: 15 не молю, да возмеша их от мира, но да соблюдеши их от неприязни: 16 от мира не суть, якоже (и) Аз от мира несъмь: 17 святи их во истину Твою: слово Твое истина есть. 18 Якоже Мене послал еси в мир, и Аз послах их в мир, 19 и за них Аз свящу Себе, да и тии будут священи во истину. 20 Не о сих же молю токмо, но и о верующих словесе их ради в Мя, 21 да вси едино будут: якоже Ты, Отче, во Мне, и Аз в Тебе, да и тии в Нас едино будут: да (и) мир веру имет, яко Ты Мя послал еси: 22 и Аз славу, юже дал еси Мне, дах им: да будут едино, якоже Мы едино есма: 23 Аз в них, и Ты во Мне: да будут совершени во едино, и да разумеет мир, яко Ты Мя послал еси и возлюбил еси их, якоже Мене возлюбил еси. 24 Отче, ихже дал еси Мне, хошу, да идеже есмь Аз, и тии будут со Мною, да видят славу Мою, юже дал еси Мне, яко возлюбил Мя еси прежде сложения мира. 25 Отче праведный, и мир Тебе не позна, Аз же Тя познах, и сии познаша, яко Ты Мя послал еси: 26 и сказах им имя Твое, и скажу, да любы, еюже Мя еси возлюбил, в них будет, и Аз в них.

18 (И) сия рек Иисус, изыде со ученики Своими на он пол потока Кедрска, идеже бе вертоград, в онъже вниде Сам и ученицы Его: 2 ведяше же Иуда предадя Его место, яко множицею собиращеша Иисус ту со ученики Своими. 3 Иуда убо приемь спину и от архиерей и фарисей слуги, прииде тамо со светилы и свещами и оружии. 4 Иисус же ведый вся грядущая Нань, изшед рече им: кого ищите?

5 Отвещаша Ему: Иисуса Назореа. Глагола им Иисус: Аз есмь. Стояше же и Иуда, иже предаваша Его, с ними. 6 Егда же рече им: Аз есмь, идоша вспяты и падоша на земли. 7 Паки убо вопроши их (Иисус): кого ищите? Они же реша: Иисуса Назореа. 8 Отвеща Иисус: рех вам, яко Аз есмь: аще убо Мене ищите, оставите сих ити: 9 да сбудется слово, еже рече, яко ихже дал еси Мне, не погубих от них ни когоже. 10 Симон же Петр, имый нож, извлече его и удари архиереова раба и уреза ему ухо десное: бе же имя рабу Малх. 11 Рече убо Иисус Петрови: вонзи нож в ножницу: чашу, юже даде Мне Отец, не имам ли пити ея? 12 Спира же и тысячник и слуги Иудейстии яша Иисуса и связаша Его, 13 и ведоша Его ко Анне первее: бе бо тесть Каиафе, иже бе архиерей лету тому: 14 бе же Каиафа давший совет Иудеом, яко уне есть единому человеку умрети за люди. 15 По Иисусе же идяше Симон Петр и другой ученик: ученик же той бе знаемь архиереови и вниде со Иисусом во двор архиереев: 16 Петр же стояше при дверех вне. Изыде убо ученик той, иже бе знаемь архиереови, и рече двернице и введе Петра. 17 Глагола же раба дверница Петрови: еда и ты ученик еси Человека Сего? Глагола он: несмы. 18 Стояху же раби и слуги огонь сотворше, яко зима бе, и греяхуся: бе же с ними Петр стоя и греяся. 19 Архиерей же вопроши Иисуса о ученицех Его и о учении Его. 20 Отвеща ему Иисус: Аз не обвиняю глаголах миру: Аз всегда учах на сонмищих и в церкви, идеже всегда Иудее снемлются, и тай не глаголах ничесоже: 21 что Мя вопрошаеши? Вопросы слышавших, что глаголах им: се, сии велят, яже рех Аз. 22 Сия же рекшу Ему, един от предстоящих слуг удари в ланиту Иисуса, рек: тако ли отвещаваша архиереови? 23 Отвеща ему Иисус: аще зле глаголах, свидетелствуй о зле: аще ли добре, что Мя биеша? 24 Посла же Его Анна связана к Каиафе архиереови. 25 Бе же Симон Петр стоя и греяся. Реша же ему: еда и ты от ученик Его еси? Он (же) отвержся и рече: несмы. 26 Глагола един от раб архиереовых, южика сый, емуже Петр уреза ухо: не аз ли тя видех в вертограде с Ним? 27 Паки убо Петр отвержся, и абие петель возгласи. 28 Ведоша же Иисуса от Каиафы в претор. Бе же утро: и тии не внидоша в претор, да не осквернятся, но да ядят пасху. 29 Изыде же Пилат к ним вон и рече: кою речь приносите на Человека Сего? 30 Отвещаша и реша ему: аще не бы (был) Сей злодей, не быхом предали Его тебе. 31 Рече же им Пилат: поимите Его вы и по закону вашему судите Ему. Реша же ему Иудее: нам не достоин убити ни когоже: 32 да слово Иисусово сбудется, еже рече, назнаменуя, коюю смертию хотяше умрети. 33 Вниде убо паки Пилат в претор и пригласи Иисуса и рече Ему: Ты ли еси Царь Иудейск? 34 Отвеща ему Иисус: о себе ли ты сие глаголещи, или инии тебе рекоша о Мне? 35 Отвеща Пилат: еда аз Жидовин есмь? Род Твой и архиерее предаша Тя мне: что еси сотворил? 36 Отвеща Иисус: Царство Мое несть от мира сего: аще от мира сего было бы Царство Мое, слуги Мои (убо) подвизались быша, да не предан бых был Иудеом: ныне же Царство Мое несть отсюду. 37 Рече же Ему Пилат: убо Царь ли еси Ты? Отвеща Иисус: ты глаголеши, яко Царь есмь Аз: Аз на сие родихся и

на сие приидох в мир, да свидетелствую истину: (и) всяк, иже есть от истины, послушает гласа Моего. 38 Глагола Ему Пилат: что есть истина? И сие рек, паки изыде ко Иудеом и глагола им: аз ни единыя вины обретаю в Нем: 39 есть же обычай вам, да единого вам отпущу на Пасху: хотите ли убо, (да) отпущу вам Царя Иудейска? 40 Возопиша же паки вси, глаголюще: не Сего, но Варавву. Бе же Варавва разбойник.

19 Тогда убо Пилат поят Иисуса и би (Его): 2 и воини сплетше венец от терния, возложиша Ему на главу, и в ризу багрянцу облекоша Его, 3 и глаголаху: радуйся, Царю Иудейский. И бяху Его по ланитома. 4 Изыде убо паки вон Пилат и глагола им: се, извожду Его вам вон, да разумеете, яко в Нем ни единыя вины обретаю. 5 Изыде же вон Иисус, нося терновенец и багрянцу ризу. И глагола им: се, Человек. 6 Егда же видеша Его архиерее и слуги, возопиша глаголюще: распни, распни Его. Глагола им Пилат: поимите Его вы и распните, аз бо не обретаю в Нем вины. 7 Отвещаша ему Иудее: мы закон имамы, и по закону нашему должен есть умрети, яко Себе Сына Божия сотвори. 8 Егда убо слыша Пилат сие слово, паче убояся, 9 и вниде в претор паки и глагола Иисусови: откуда еси Ты? Иисус же ответа не даде ему. 10 Глагола же Ему Пилат: мне ли не глаголеши? Не веси ли, яко власть имам распяти Тя и власть имам пустити Тя? 11 Отвеща Иисус: не имаша власти ни единыя на Мне, аще не бы ти дано свыше: сего ради предавый Мя тебе болий грех имать. 12 От сего искаше Пилат пустити Его. Иудее же вопияху, глаголюще: аще Сего пустиши, неси друг кесарев: всяк, яже царя себе творит, противится кесарю. 13 Пилат убо слышав сие слово, изведе вон Иисуса и седе на судищи, на месте глаголемем Лифостротон, еврейски же Гаввафа. 14 Бе же пяток Пасце, час же яко шестый. И глагола Иудеом: се, Царь ваш. 15 Они же вопияху: возми, возми, распни Его. Глагола им Пилат: Царя ли вашего распну? Отвещаша архиерее: не имамы царя токмо кесаря. 16 Тогда убо предаде Его им, да распнется. Поемше же Иисуса и ведоша: 17 и нося крест Свой, изыде на глаголемое Лобное место, еже глаголется еврейски Голгофа, 18 идеже пропяша Его и с Ним ина два сюду и сюду, посреде же Иисуса. 19 Написа же и титла Пилат и положи на кресте. Бе же написано: Иисус Назорянин, Царь Иудейский. 20 Сего же титла мнози чтоша от Иудей, яко близ бе место града, идеже пропяша Иисуса: и бе написано еврейски, гречески, римски. 21 Глаголаху убо Пилату архиерее Иудейстии: не пиши: Царь Иудейский: но яко Сам рече: Царь есмь Иудейский. 22 Отвеща Пилат: еже писах, писах. 23 Воини же, егда пропяша Иисуса, припяша ризы Его и сотвориша четыре части, коемуждо воину часть, и хитон: бе же хитон нешвен, свыше исткан весь. 24 Реша же к себе: не прередем его, но метнем жребия о нем, кому будет: да сбудется Писание, глаголющее: разделиша ризы Моя себе и о иматисме Моей меташа жребия. Воини убо сия сотвориша. 25 Стояху же при кресте Иисусове Мати Его и сестра Матере Его Мария Клеопова и Мария Магдалина. 26 Иисус же видев Матерь и ученика стояща, егоже любляше,

глагола Матери Своей: Жено, се, сын Твой. 27 Потом глагола ученику: се, Мати твоя. И от того часа поят Ю ученик во своя си. 28 Посем ведый Иисус, яко вся уже совершишася, да сбудется Писание, глагола: жажду. 29 Сосуд же стояше полн оцта. Они же исполнивше губу оцта и на трость вонзше, придеша ко устом Его. 30 Егда же прият оцет Иисус, рече: совершишася. И преклонь главу, предаде дух. 31 Иудее же, понеже пяток бе, да не останут на кресте телеса в субботу, бе бо велик день тоя субботы, молиша Пилата, да пребиют голени их и возмут. 32 Приидоша же воины, и первому убо пребиша голени, и другому распятому с Ним: 33 на Иисуса же пришедше, яко видеша Его уже умерша, не пребиша Ему голений, 34 но един от воин копием ребра Ему прободе, и абие изыде кровь и вода. 35 И видевый свидетелствова, и истинно есть свидетелство его, и той весть, яко истину глаголет, да вы веру имете: 36 быша бо сия, да сбудется Писание: кость не сокрушится от Него. 37 И паки другое Писание глаголет: воззрят Нань, Егоже прободоша. 38 По сих же моли Пилата Иосиф, иже от Аримафеа, сый ученик Иисусов, потаен же страха ради Иудейска, да возмет тело Иисусово: и повеле Пилат. Прииде же и взят тело Иисусово. 39 Прииде же и Никодим, пришедый ко Иисусови ночью прежде, нося смешение смиренно и алойно, яко литр сто. 40 Приятста же тело Иисусово и обвиста е ризами со ароматы, якоже обычай есть Иудеом погребати. 41 Бе же на месте, идеже распяты, верт, и в верте гроб нов, в немже николиже никтоже положен бе: 42 ту убо пятка ради Иудейска, яко близ бяше гроб, положиша Иисуса.

20 Во едину же от суббот Мариа Магдалина прииде заутра, еще сущей тме, на гроб, и виде камень взят от гроба: 2 тече убо и прииде к Симону Петру и к другому ученику, егоже любляше Иисус, и глагола има: взяша Господа от гроба, и не вем, где положиша Его. 3 Изыде же Петр и другой ученик и идяста ко гробу: 4 течаща же оба вкупе: и другой ученик тече скорее Петра и прииде прежде ко гробу, 5 и приник виде ризы лежаща: обаче не вниде. 6 Прииде же Симон Петр вслед его, и вниде во гроб, и виде ризы (едины) лежаща 7 и сударь, иже бе на главе Его, не с ризами лежаща, но особь свит на едином месте. 8 Тогда убо вниде и другой ученик, пришедый прежде ко гробу, и виде и верова: 9 не у бо ведяху Писания, яко подобает Ему из мертвых воскреснути. 10 Идоста же паки к себе ученика. 11 Мариа же стояше у гроба вне плачущи: якоже плакашеся, причине во гроб, 12 и виде два Ангела в белых (ризах) седяща, единого у главы и единого у ногу, идеже бе лежало тело Иисусово. 13 И глаголаста ей она: жено, что плачешися? Глагола има: яко взяша Господа моего, и не вем, где положиша Его. 14 И сия рекши обратися вспять и виде Иисуса стояща, и не ведяше, яко Иисус есть. 15 Глагола ей Иисус: жено, что плачеши? Кого ищещи? Она (же) мнящи, яко вертоградарь есть, глагола Ему: господи, аще ты еси взял Его, повеждь ми, где еси положил Его, и аз возму Его. 16 Глагола ей Иисус: Марие. Она (же) обращаши глагола Ему: Равуни, еже глаголется, Учителю. 17 Глагола ей Иисус:

не прикасайся Мне, не у бо вздыхо ко Отцу Моему: иди же ко братии Моей и рци им: восхожду ко Отцу Моему и Отцу вашему, и Богу Моему и Богу вашему. 18 Прииде (же) Мариа Магдалина поведаящи учеником, яко виде Господа, и сия рече ей. 19 Сущу же позде в день той во едину от суббот, и дверем затворенным, идеже бяху ученицы (Его) собрани, страха ради Иудейска, прииде Иисус и ста посреде и глагола им: мир вам. 20 И сие рек, показа им руце (и нозе) и ребра Своя. Возрадовашася убо ученицы, видевше Господа. 21 Рече же им Иисус паки: мир вам: якоже посла Мя Отец, и аз посылаю вы. 22 И сие рек, дуну и глагола им: приимите Дух Свят: 23 имже отпустите грехи, отпустятся им: и имже держите, держатся. 24 Фома же, един от обоюнадесяте, глаголемый Близнач, не бе (ту) с ними, егда прииде Иисус. 25 Глаголаху же ему друзии ученицы: видехом Господа. Он же рече им: аще не вижу на руку Его язвы гвоздинныя, и вложу перста моего в язвы гвоздинныя, и вложу руку мою в ребра Его, не иму веры. 26 И по днех осмих паки бяху внутрь ученицы Его, и Фома с ними. Прииде Иисус дверем затворенным, и ста посреде (их) и рече: мир вам. 27 Потом глагола Фома: принеси перст твой семо и виджь руце Мои: и принеси руку твою и вложи в ребра Моя: и не буди неверен, но верен. 28 И отвеща Фома и рече Ему: Господь мой и Бог мой. 29 Глагола ему Иисус: яко видев Мя, веровал еси: блажени не видевшии и веровавшие. 30 Многа же и ина знамения сотвори Иисус пред ученики Своими, яже не суть писана в книгах сих: 31 сия же писана быша, да веруете, яко Иисус есть Христос Сын Божий, и да верующе живот имате во имя Его.

21 Посем явися паки Иисус учеником (Своим, востав от мертвых,) на мори Тивериадстем. Явися же сице: 2 бяху вкупе Симон Петр, и Фома нарицаемый Близнач, и Нафанаил, иже (бе) от Каны Галилейския, и сына Зеведеова, и ина от ученик Его два. 3 Глагола им Симон Петр: иду рыбы ловити. Глаголаша ему: идем и мы с тобою. Изыдоша (же) и вседоша абие в корабль, и в ту ночь не яша ничесоже. 4 Утру же бывшу, ста Иисус при брезе: не познаша же ученицы, яко Иисус есть. 5 Глагола же им Иисус: дети, еда что снедно имате? Отвещаша Ему: ни. 6 Он же рече им: вверзите мрежу о десную страну корабля и обряцете. Ввергоша же и ктому не можуху привлещи ея от множества рыб. 7 Глагола же ученик той, егоже любляше Иисус, Петрови: Господь есть. Симон же Петр слышав, яко Господь есть, епендитом препоясая, бе бо наг, и ввержеся в море: 8 а друзии ученицы кораблем приидоша, не беша бо далече от земли, но яко две сте лактей, влекуще мрежу рыб. 9 Егда убо излезоша на землю, видеша огонь лежашь и рыбу на нем лежашу и хлеб. 10 (И) глагола им Иисус: принесите от рыб, яже ясте ныне. 11 Влез (же) Симон Петр, извлече мрежу на землю, полную великих рыб сто (и) пятьдесят (и) три: и толико сущым, не проторжеся мрежа. 12 Глагола им Иисус: приидите, обедуйте. Ни един же смееше от ученик истязати Его: Ты кто еси? Ведяще, яко Господь есть. 13 Прииде же Иисус, и прият хлеб и даде им, и рыбу такожде. 14 Се уже третье явися Иисус учеником Своим, востав от

мертвых. 15 Егда же обедоваше, глагола Симону Петру Иисус: Симоне Ионин, любиши ли Мя паче сих? Глагола Ему: ей, Господи, Ты веси, яко люблю Тя. Глагола ему: паси агнцы Моя. 16 Глагола ему паки второе: Симоне Ионин, любиши ли Мя? Глагола Ему: ей, Господи, Ты веси, яко люблю Тя. Глагола ему: паси овцы Моя. 17 Глагола ему третье: Симоне Ионин, любиши ли Мя? Оскорбе (же) Петр, яко рече ему третье: любиши ли Мя? И глагола Ему: Господи, Ты вся веси: Ты веси, яко люблю Тя. Глагола ему Иисус: паси овцы Моя: 18 аминь, аминь глаголю тебе: егда был еси юн, поясался еси сам и ходил еси, аможе хотел еси: егда же состареешися, воздежеши руце твои, и ин тя пояшет и ведед, аможе не хощеши. 19 Сие же рече, назнаменуя, коюю смертию прославит Бога. И сия рек, глагола ему: иди по Мне. 20 Обращься же Петр виде ученика, егоже любляше Иисус, вслед идуща, иже и возлеже на вечери на перси Его и рече: Господи, кто есть предавая Тя? 21 Сего видев Петр, глагола Иисусови: Господи, сей же что? 22 Глагола ему Иисус: аще хошу, да той пребывает, дондеже прииду, что к тебе? Ты по Мне гряди. 23 Изыде же слово се в братию, яко ученик той не умрет. И не рече ему Иисус, яко не умрет, но: аще хошу тому пребывати, дондеже прииду, что к тебе? 24 Сей есть ученик свидетелствуй о сих, иже и написа сия: и вем, яко истинно есть свидетелство его. 25 Суть же и ина многа, яже сотвори Иисус, яже аще бы по единому писана быша, ни самому мноу (всему) миру вместити пишемых книг. Аминь.

Деяния святых апостолов

1 Первое убо слово сотворих о всех, о, Феофиле, яже начат Иисус творити же и учити **2** даже до дне, в онже, заповедав Апостолом Духом Святым, иже избра, вознесесе: **3** пред нимиже и постави Себе жива по страдании Своем во мнозех истинных знамениих, деньми четыредесятьми являясь им и глаголя яже о Царствии Божи: **4** с нимиже и ядый повеле им от Иерусалима не отлучатися, но ждати обетования Отча, еже слышаште от Мене: **5** яко Иоанн убо крестил есть водою, вы же имате креститися Духом Святым не по мнозех сих днех. **6** Они же убо сошедшесе вопрошаху Его, глаголюще: Господи, аще в лето сие устрояеши царствие Израилево? **7** Рече же к ним: несть ваше разумети времена и лета, яже Отец положи во Своей власти: **8** но примите силу, нашедшу Святому Духу на вы, и будете Ми свидетелии во Иерусалиме же и во всей Иудеи и Самарии и даже до последних земли. **9** И сия рек, зрящым им взятся, и облак подят Его от очию их. **10** И егда взирающе бяху на небо, идущу Ему, и се, мужа два стаа пред ними во одежди беле, **11** яже и рекоста: мужие Галилейстии, что стоите зряще на небо? Сей Иисус, вознесыйся от вас на небо, такжеже приидет, имже образом видесте Его идуща на небо. **12** Тогда возвратишася во Иерусалим от горы нарицаемая Елеон, яже есть близ Иерусалима, субботы имущия путь. **13** И егда внидоша, въздоша на горницу, идеже бяху пребывающе, Петр же и Иаков, и Иоанн и Андрей, Филипп и Фома, Варфоломей и Матфей, Иаков Алфеев и Симон Зилот и Иуда Иаковль: **14** сии вси бяху терпяще единодушно в молитве и молении, с женами и Марию Материю Иисусовою и с братиею Его. **15** И во дни тья востав Петр посреде ученик, рече, **16** бе же имен народа вкупе яко сто и двадцать: мужие братие, подобаше скончатися Писанию сему, еже прорече Дух Святой усты Давидовыми о Иуде, бывшем вожди емшым Иисуса: **17** яко причтен бе с нами и приял бяше жребий службы сея: **18** сей убо стяжа село от мзды неправедных, и ниц быв проседесе посреде, и излился вся утроба его: **19** и разумно бысть всем живущым во Иерусалиме, яко нарецися селу тому своим их языком Акелдама, еже есть село крове: **20** пишется бо в книзе Псаломстей: да будет двор его пуст, и да не будет живущаго в нем, и епископство его да примет ин: **21** подобает убо от сходящихся с нами мужей во всяко лето, в неже вниде и изыде в нас Господь Иисус, **22** начен от крещения Иоаннова даже до дне, в онже вознесесе (на небо) от нас, свидетелю воскресения Его быти с нами единому от сих. **23** И поставиша два, Иосифа нарицаемаго Варсаву, иже наречен бысть Иуст, и Матфия, **24** и помолившесе реша: Ты, Господи, Сердцеведче всех, покажи, егоже избрал еси от сею двою единого, **25** прияти жребий служения сего и Апостолства, из негоже испаде Иуда, ити в место свое. **26** И

даша жребия има, и паде жребий на Матфия, и причтен бысть ко единонадесяти Апостолом.

2 И егда скончавашася дние Пятидесятницы, беша вси Апостоли единодушно вкупе. **2** И бысть внезапно с небесе шум, яко носиму дыханию бурну, и исполни весь дом, идеже бяху седяще: **3** и явишася им разделени языки яко огнени, седе же на едином коемждо их. **4** И исполнишася вси Духа Свята и начаша глаголати иными языки, якоже Дух даяше им провещавати. **5** Бяху же во Иерусалиме живущии Иудее, мужие благоговейнии, от всего языка, иже под небесем. **6** Бывшу же гласу сему, снидесе народ и смятеся, яко слышашу един кийждо их своим языком глаголющих их. **7** Дивляхуся же вси и чудяхуся, глаголюще друг ко другу: не се ли, вси сии суть глаголющии Галилеане? **8** И како мы слышим кийждо свой язык наш, в немже родихомся, **9** Парфяне и Мидяне и Еламита, и живущии в Месопотамии, во Иудеи же и Каппадокии, в Понте и во Азии, **10** во Фригии же и Памфилии, во Египте и странах Ливии, яже при Киринии, и приходящии Римляне, Иудее же и пришелцы, **11** критяне и аравляне, слышим глаголющих их нашими языки величия Божия? **12** Ужасахуся же вси и недоумевахуся, друг ко другу глаголюще: что убо хочет сие быти? **13** Инии же ругающесе глаголаху, яко вином исполнены суть. **14** Став же Петр со единонадесятью, воздвиже глас свой и рече им: мужие Иудейстии и живущии во Иерусалиме вси, сие вам разумно да будет, и внушите глаголы мои: **15** не бо, якоже вы непщуете, сии пьяни суть, есть бо час третий дне: **16** но сие есть реченное пророком Иоилем: **17** и будет в последния дни, глаголет Господь, излию от Духа Моего на всяку плоть, и прорекут сынове ваши и дщери ваша, и юноши ваши видения узрят, и старцы ваши сония видят: **18** ибо на рабы Моя и на рабыни Моя во дни оны излию от Духа Моего, и прорекут: **19** и дам чудеса на небеси горе и знамения на земли низу, кровь и огонь и курение дыма: **20** солонца преложится во тму, и луна в кровь, прежде даже не приити дню Господню великому и просвещенному: **21** и будет, всяк, иже аще призовет имя Господне, спасется. **22** Мужие Израилстии, послушайте словес сих: Иисуса Назореа, Мужа от Бога известованна в вас силами и чудесы и знамении, яже сотвори Тем Бог посреде вас, якоже и сами весте, **23** Сего нарекованным советом и проразумением Божиим предана приемше, руками беззаконных пригвождше убисте: **24** Егоже Бог воскрес, разрешив болезни смертныя, якоже не бяше мощно держиму быти Ему от нея. **25** Давид бо глаголет о Нем: предзрех Господа предо мною выну, яко о десную мене есть, да не подвижуся: **26** сего ради возвеселися сердце мое, и возрадовася язык мой: еще же и плоть моя вселится на уповании, **27** яко не оставиши души моея во аде, ниже даси преподобному Твоему видети истления: (Hadēs g86) **28** сказал ми еси пути живота: исполниши мя веселия с лицем Твоим. **29** Мужие братие, достоит рещи с дерзновением к вам о патриарсе Давиде, яко и умре и погребен бысть, и гроб его есть в нас даже до дне сего: **30** пророк убо съий и ведый, яко клятвою клятса ему Бог от плода чресл его

по плоти воздвигнути Христа и посадити Его на престоле его, **31** предвидев глагола о воскресении Христове, яко не оставися душа Его во аде, ни плоть Его виде истления. **(Hadēs g86)** **32** Сего Иисуса воскреси Бог, емуже вси мы есмы свидетелие. **33** Десницею убо Божию вознесся, и обетование Святаго Духа приемь от Отца, излия сие, еже вы ныне видите и слышите. **34** Не бо Давид взыде на небеса, глаголет бо сам: рече Господь Господеву моему: седи о десную Мене, **35** дондеже положу враги Твоя подножие ног Твоих. **36** Твердо убо да разумеет весь дом Израилев, яко и Господа и Христа его Бог сотворил ест, Сего Иисуса, Егоже вы распясте. **37** Слышавше же умлишася сердцем и реша к Петру и прочым Апостолом: что сотворим, мужие братие? **38** Петр же рече к ним: покайтесь, и да крестится кийждо вас во имя Иисуса Христа во оставление грехов: и примете дар Святаго Духа: **39** вам бо есть обетование и чадом вашим и всем дальним, елики аще призовет Господь Бог наш. **40** И иными словесы множайшими засвидетельствоваше и моляше я, глаголя: спаситесь от рода строптиваго сего. **41** Уже убо любезно прияша слово его, крестисяся: и приложишася в день той душ яко три тысячи: **42** бяху же терпяще во учении Апостол и во общении и в преломлении хлеба и в молитвах. **43** Бысть же на всякой души страх: многа бо чудеса и знамения Апостолы быша во Иерусалиме. **44** Страх же велий баше на всех их. Все же веровавши бяху вкупе и имяху вся обща: **45** и стяжания и имения продаяху, и раздаяху всем, егоже аще кто требоваше: **46** по вся же дни терпяще единоюдушно в церкви и ломяще по домом хлеб, приимаху пищу в радости и в простоте сердца, **47** хваляще Бога и имуще благодать у всех людей. Господь же прилагаше по вся дни Церкви спасающияся.

3 Вкупе же Петр и Иоанн восхождаста во святилище на молитву в час девятый. **2** И некий муж, хром от чрева матери своея сый, носимъ бываше, егоже полагаху по вся дни пред дверьми церковными, рекомыми Красными, просити милостыни от входящих в церковь: **3** иже видев Петра и Иоанна хотящяя внити в церковь, прошаше милостыни. **4** Возрев же Петр нань со Иоанном, рече: воззри на ны. **5** Он же прилежаше има, мня нечто от нею прияти. **6** Рече же Петр: сребра и злата несть у мене, но еже имам, сие ти даю: во имя Иисуса Христа Назореа востани и ходи. **7** И емь его за десную руку воздвиже: абие же утвердистесь его плесне и глезне, **8** и вскочив ста и хождаше, и видне с ними в церковь, ходя и скача и хваля Бога. **9** И видеша его вси людие ходяща и хваляща Бога, **10** знаху же его, яко сей баше, иже милостыни ради седяше при Красных дверех церковных: и исполнишася чуда и ужаса о приключившемся ему. **11** Держашу же исцелевшему хромому Петра и Иоанна, притекоша к нима вси людие в притвор, нарицаемый Соломонов, ужасни. **12** Видев же Петр отвечаваше к людем: мужие Израилтяне, что видитеся о сем, или на ны что взираете, яко своею ли силою или благочестием сотворихом его ходити? **13** Бог Авраамов и Исааков и Иаковль, Бог отец наших, прослави Отрока Своего

Иисуса, Егоже вы предасте, и отвергостесь Его пред лицом Пилатовым, суждшу Оному пустити: **14** вы же Святаго и Праведнаго отвергостесь, и испросисте мужа убийцу дати вам, **15** Началника же жизни убисте: Егоже Бог воскреси от мертвых, емуже мы свидетелие есмы. **16** И о вере имене Его, сего, егоже видите и знаете, утверди имя Его: и вера, яже Его ради, даде ему всю целость сию пред всеми вами. **17** И ныне, братие, вем, яко по неведению сие сотвористе, якоже и князи ваши: **18** Бог же, яже предвозвести усты всех пророк Своих пострадати Христу, исполни тако. **19** Покайтесь убо и обратитесь, да очиститесь от грех ваших, **20** яко да приидут времена прохладна от лица Господня, и послет пронареченнаго вам Христа Иисуса, **21** Егоже подобает небеси убо прияти даже до лет устройства всех, яже глагола Бог усты всех святых Своих пророк от века. **(aiōn g165)** **22** Моисей убо ко отцем рече: яко Пророка вам воздвигнет Господь Бог ваш от братии вашей, яко мене: Того послушайте по всему, елика аще речет к вам: **23** будет же, всяка душа, яже аще не послушает Пророка онаго, потребится от людей. **24** И вси же пророцы от Самуила и иже по сих, елицы глаголаша, такжеже предвозвестиша дни сия. **25** Вы есте сынове пророк и завета, егоже завеща Бог ко отцем вашим, глаголя ко Аврааму: и о семени твоём возблагодарят вся отечествия земная. **26** Вам первее Бог, воздвигий Отрока Своего Иисуса, посла Его благословяща вас, во еже отвратитися вам комуждо от злюб ваших.

4 Глаголющим же им к людем, наидоша на них священници и воевода церковный и саддукее, **2** жальяще си, за еже учити им люди и возвещати о Иисусе воскресение мертвых: **3** и возложиша на них руки и положиша их в соблюдение до утрия: бе бо вечер уже. **4** Мнози же от слышавших слово вероваша: и бысть число мужей яко тысяч пять. **5** Бысть же наутрие собратися князем их и старцем и книжником во Иерусалим, **6** и Анне архиерею и Каиафе и Иоанну и Александру, и елицы беша от рода архиерейска: **7** и поставльше их посреде, вопрошаху: кою силою или коим именем сотвористе сие вы? **8** Тогда Петр, исполнивша Духа Свята, рече к ним: князи людстии и старцы Израилевы, **9** аще мы днесь истязуеми есмы о благодеянии человека немощна, о чесом сей спасеся, **10** разумно буди всем вам и всем людем Израилевым, яко во имя Иисуса Христа Назореа, Егоже вы распясте, Егоже Бог воскреси от мертвых, о Сем сей стоит пред вами здрав: **11** Сей есть камень укореный от вас зиждущих, бывый во главу угла, и несть ни о едином же инем спасения: **12** несть бо иного имене под небесем, даннаго в человецех, о немже подобает спастися нам. **13** Видяще же Петрово дерзновение и Иоанново и разумевше, яко человека не книжна еста и проста, дивляхуся, знаху же их, яко со Иисусом беста: **14** видяще же исцелеваго человека с нима стояща, ничтоже имяху противу рещи. **15** Повелевше же има вон из сонмища изыти, стезахуся друг со другом, **16** глаголюще: что сотворим человека сима? Яко убо нарочитое знамение бысть има, всем живущым во Иерусалиме яве, и не можем отрещися: **17** но да не более прострется в людех, прещением да запретим има

ктому не глаголати о имени сем ни единому от человек. 18 И призвавше их, заповедаша има отнюд не провещавати ниже учити о имени Иисусове. 19 Петр же и Иоанн отвечаваша к ним реста: аще праведно есть пред Богом вас послушати паче, нежели Бога, судите: 20 не можем бо мы, яже видехом и слышахом, не глаголати. 21 Они же призапрещше има, пустиша я, ничтоже обретше како мучити их, людей ради, яко вси прославляху Бога о бывшем: 22 лет бо быше множае четыредесяти человек той, на немже бысть чудо сие исцеления. 23 Отпущена же бывша приидоста ко своим и возвестиста, елика к нима архиерее и старцы реша. 24 Они же слышавше единодушно въздвигоша глас к Богу и рекоша: Владыко, ты, Боже, сотворивый небо и землю и море и вся, яже в них, 25 иже Духом Святым усты отца нашего Давида отрока Твоего рекл еси: вскую шаташася языцы, и людие поучишася тщетным? 26 Предсташа царие земстии, и князи собрашася вкупе на Господа и на Христа Его. 27 Собрашася бо воистинну во граде сем на Святаго Отрока Твоего Иисуса, Егоже помазал еси, Ирод же и Понтийский Пилат с языки и людьми Израилевыми, 28 сотворити, елика рука Твоя и совет Твой предначече быти: 29 и ныне, Господи, призри на прещения их и даждь рабом Твоим со всяким дерзновением глаголати слово Твое, 30 внегда руку Твою прострети Ти во исцеления, и знамением и чудесем бывати именем Святым Отрока Твоего Иисуса. 31 И помолвившымся им, подвижеся место, идеже бяху собрани, и исполнишася вси Духа Свята и глаголаху слово Божие со дерзновением. 32 Народу же веровавшему бе сердце и душа едина, и ни един же что от имений своих глаголаше свое быти, но бяху им вся обща. 33 И велию силою въздаяху свидетельство Апостоли воскресению Господа Иисуса Христа, благодать же бе велия на всех их. 34 Не быше бо нищ ни един в них: елицы бо господие селом или домовом бяху, продающе приношаху цены продаемых 35 и полагаху при ногам Апостол: даяшеся же коемуждо, егоже аще кто требоваше. 36 Иосиа же, нареченный Варнава от Апостол, еже есть сказуемо сын утешения, левит, Кипрянин родом, 37 имея село, продав принесе цену и положи пред ногами Апостол.

5 Муж же некий, Анания именем, с Сапфирию женою своею, продаде село 2 и утай от цены, сведущей и жене его: и принес часть некую, пред ногами Апостол положи. 3 Рече же Петр: Анание, почто исполни сатана сердце твое солгати Духу Святому и утайти от цены села? 4 Сущее тебе не твое ли бе, и проданое не в твоей ли власти быше? Что яко положил еси в сердце твоем вещь сию? Не человеком солгал еси, но Богу. 5 Слышав же Анания словеса сия, пад издше: и бысть страх велик на всех слышавших сия. 6 Вставше же юноши взяша его и изнесше погребоша. 7 Бысть же яко трием часом минувшым, и жена его не ведущи бывшего вниде. 8 Отвеща же ей Петр: рцы ми, аще на толице село отдаста? Она же рече: ей, на толице. 9 Петр же рече к ней: что яко согласишася искусити Духа Господня? Се, ноги погребших мужа твоего при дверех, и изнесут тя. 10 Паде же абие пред ногами

его и издше: вшедше же юноши обретоша ю мертву и изнесше погребоша близ мужа ея. 11 И бысть страх велик на всей церкви и на всех слышавших сия. 12 Руками же Апостолскими быша знамения и чудеса в людех многа: и бяху единодушно вси в притворе Соломони: 13 от прочих же никтоже смеяше прилеплятися им, но величаху их людие. 14 Паче же прилагаху верующии Господви, множество мужей же и жен, 15 яко и на стогны изнести недужныя и полагаги на постелех и на одрех, да грядущу Петру поне сень его осенит некоего от них. 16 Схождашеся же и множество от окрестных градов во Иерусалим, приносяще недужныя и страждущия от дух нечистых, иже исцелевахуся вси. 17 Востав же архиерей и вси иже с ним, сущая ересь саддукейская, исполнишася зависти, 18 и возложиша руки своя на Апостолы и послаша их в соблюдение общее. 19 Ангел же Господень нощию отверзе двери темницы, извед же их, рече: 20 идите и ставше глаголите в церкви людям вся глаголы жизни сея. 21 Слышавше же внидоша по утренице в церковь и учаху. Пришед же архиерей и иже с ним, созваша собор и вся старцы от сынов Израилевых и послаша во училище, призвати их. 22 Слуги же шедше не обретоша их в темнице, возвращающе возвестиша, 23 глаголюще, яко темницу убо обретохом заключену со всяким утверждением и блюстителю стоящю пред дверьми: отверзше же, внутрь ни единого обретохом. 24 Якоже слышаша словеса сия архиерей же и воевода церковный и первосвященницы, недоумевашуся о них, что убо будет сие. 25 Пришед же некто возвести им, глаголя, яко се, мужие, ихже всадиште в темницу, суть в церкви стояще и учаще люди. 26 Тогда шед воевода со слугами, привеле их не с нуждою, бояхуся бо людей, да не камение побьют их: 27 приведше же их, поставиша на сонмищи, и вопроши их архиерей, глаголя: 28 не запрещением ли запретихом вам не учити о имени сем? И се, исполните Иерусалим учением вашим и хоцете навести на ны кровь Человека Сего. 29 Отвещав же Петр и Апостоли реша: повиноватися подобает Богови паче, нежели человеку: 30 Бог отец наших въздвиже Иисуса, Егоже вы убисте, повесивше на древе: 31 Сего Бог Началника и Спаса возвыси десницею Своею, дати покаяние Израилеви и оставление грехов: 32 и мы есмы Того свидетелие глагол сих, и Дух Святой, Егоже даде Бог повинующымся Ему. 33 Они же слышавше распыхахуся и совещаща убити их. 34 Востав же некий на сонмищи фарисей, именем Гамалиил, законоучитель честен всем людем, повеле вне мало что Апостолом уступити, 35 рече же к ним: мужие Израильтяне, внимайте себе о человецех сих, что хоцете сотворити: 36 пред сими бо деньми воста Февда, глаголя быти велика некоего себе, емуже прилепишася числом мужей яко четыреста: иже убиен бысть, и вси, елицы повинушася ему, разыдошася и быша ни во чтоже: 37 по сем воста Иуда Галилеанин во дни написания и отвлече люди доволны вслед себе: и той погибе, и вси, елицы послушаша его, разсыпашася: 38 и ныне, глаголю вам, отступите от человек сих и оставите их: яко аще будет от человек совет сей или дело сие, разорится, 39 аще ли же от

Бога есть, не можете разорити то, да не како и богоборцы обрящетеся. 40 Послушаша же его, и призвавше Апостолы, бывше запретиша им не глаголати о имени Иисусове и отпустиша их. 41 Они же убо идяху радуящесе от лица собора, яко за имя Господа Иисуса сподобишася безчестие прияти: 42 по вся же дни в церкви и в домех не престаяху уаще и благовествующе Иисуса Христа.

6 Во днех же сих, умножившимся учеником, бысть роптание Еллинов ко Евреом, яко презираемы бываху во вседневнем служении вдовицы их. 2 Призвавше же дванадесять множество ученик, реша: не угодно есть нам, оставльшим слово Божие, служити трапезам: 3 усмотрите убо, братие, мужы от вас свидетелствованы седмь, исполнены Духа Свята и премудрости, иже поставим над службою сею: 4 мы же в молитве и служении слова пребудем. 5 И угодно бысть слово сие пред всем народом: и избраша Стефана, мужа исполнена веры и Духа Свята, и Филиппа, и Прохора и Никанора, и Тимона и Пармена, и Николаа пришельца Антиохийскаго, 6 иже поставиша пред Апостолы: и помолившесе возложиша на ня руке. 7 И слово Божие расташе, и множашеся число ученик во Иерусалиме зело: мног же народ священников послушаху веры. 8 Стефан же исполнь веры и силы творяше знамения и чудеса велия в людех. 9 Востаха же нецыи от сонма глаголемаго Ливертинска и Киринейска и Александрска, и иже от Киликии и Асии, стяжающе со Стефаном: 10 и не можаху противустати премудрости и Духу, Имже глаголаше. 11 Тогда подустиша мужы глаголющыя, яко слышахом его глаголюща глаголы хульныя на Моисеа и на Бога. 12 Сподвигоша же люди и старцы и книжники, и нападше восхитиша его и приведоша на сонмище, 13 поставиша же свидетели ложны глаголющыя, яко человек сей не престае глаголы хульныя глаголя на место святое сие и закон: 14 слышахом бо его глаголюща, яко Иисус Назорей сей разорит место сие и изменит обычаи, яже предаде нам Моисей. 15 И воззревше нань вси седящии в сонмищи, видеша лице его яко лице Ангела.

7 Рече же архиерей: аще убо сия тако суть? 2 Он же рече: мужие братие и отцы, послушайте. Бог славы явися отцу нашему Аврааму сушу в Месопотамии, прежде даже не вселитися ему в Харрань, 3 и рече к нему: изыди от земли твоя и от рода твоего и от дому отца твоего, и прииди в землю, юже аще ти покажу. 4 Тогда изшед от земли Халдейския, вселися в Харрань: и оттуду, по умертвии отца его, пресели его в землю сию, на нейже вы ныне живете, 5 и не даде ему наследия в ней, ниже стопы ногу: и обеща дати ему ю во одержание и семени его по нем, не сушу ему чаду. 6 Глагола же сиец Бог, яко будет семя его пришелцы в земли чуждей, и поработят е и озлобят лет четыреста. 7 И языку, емуже поработают, сужду аз, рече Бог: и по сих изыдут и послужат Ми на месте сем. 8 И даде ему завет обрезания. И тако роди Исаака и обреза его в день осмый: и Исаак Иакова, и Иаков дванадесять патриарх. 9 И патриарси позавидевше Иосифу продаша его

во Египет: и бе Бог с ним, 10 и изят его от всех скорбей его, и даде ему благодать и премудрость пред фараоном царем Египетским: и постави его начальника над Египтом и над всем домом своим. 11 Прииде же глад на всю землю Египетскую и Ханааню и скорбь велия, и не обретаху сътости отцы наши. 12 Слышав же Иаков сущую пшеницу во Египте, посла отцы наша первее, 13 и внегда второе (приидоша), познан бысть Иосиф братии своей, и яве бысть фараону род Иосифов. 14 Послав же Иосиф призва отца своего Иакова и все сродство свое, семьдесят и пять душ. 15 Сниде же Иаков во Египет, и скончаша сам и отцы наши: 16 и принесени быша в Сихем и положени быша во гробе, егоже купи Авраам ценою сребра от сынов Еммора Сихемова. 17 И якоже приближашеся время обетования, имже клятса Бог Аврааму, возрастоша людие и умножишася во Египте, 18 дондеже наста царь ин (во Египте), иже не знаше Иосифа: 19 сей зле умыслив о роде нашем, озлоби отцы наша, уморити младенцы их и не оживити. 20 В неже время родися Моисей и бе угоден Богови, иже питан бысть месяцы три в дому отца своего: 21 извержена же его взят его дщи фараонова и воспита и себе в сына: 22 и наказан бысть Моисей всей премудрости Египетстей, бе же силен в словесех и делех. 23 Егда же исполняшеся ему лет четыредесятих время, възде на сердце ему посетити братию свою сыны Израилевы: 24 и видев некоего обидима, пособствова и сотвори отмщение обидимому, убив Египтянина. 25 Мняше же разумети братиям своим, яко Бог рукою его даст им спасение: они же не разумеша. 26 Во утрий же день явися им тяжущимся и привлачаше их в примирение, рек: мужие, братия есте вы, вскую обидите друг друга? 27 Обидяй же ближняго отрину его, рек: кто ты постави князя и судию над нами? 28 Еда убити мя ты хочещи, имже образом убил еси вчера Египтянина? 29 Бежа же Моисей о словеси сем и бысть пришелец в земли Мадиамстей, идеже роди сына два. 30 И исполньшимся летом четыредесатим, явися ему в пустыни горы Синайския Ангел Господень в пламени огнене в купине: 31 Моисей же видев двляшеся видению: приступающу же ему разумети, бысть глас Господень к нему: 32 аз Бог отец твоих, Бог Авраамов и Бог Исааков и Бог Иаковль. Трепетен же быв Моисей не смеяше смотрити. 33 Рече же ему Господь: изуй сапоги ногу твою, место бо, на немже стоиши, земля свята есть: 34 видя видех озлобление людей Моих, иже во Египте, и стенание их услышав, и снидох изяти их: и ныне гряди, посю тя во Египет. 35 Сего Моисеа, егоже отринуша, рекше: кто тя постави начальника и судию? Сего Бог князя и избавителя посла рукою Ангела явльшагося ему в купине: 36 сей изведе их, сотвори чудеса и знамения в земли Египетстей и в Чермнем море, и в пустыни лет четыредесять. 37 Сей есть Моисей рекий сыном Израилевым: Пророка вам воздвигнет Господь Бог ваш от братии вашей яко мене: Того послушайте. 38 Сей есть бывый в церкви в пустыни со Ангелом, глаголавшим ему на горе Синайстей, и со отцы нашими, иже прият словеса жива дати нам, 39 егоже не восхотеша послушати отцы наши, но отринуша и и обратишася сердцем своим во Египет,

40 рекше Аарону: сотвори нам боги, иже предидут пред нами, Моисею бо сему, иже изведе нас от земли Египетския, не вемы, что бысть ему. 41 И сотвориша телца во дни оны, и принесоша жертву идолу, и веселяхуся в делех руку своею. 42 Отвратися же Бог и предаде их служити воем небесным, якоже писано есть в книзе пророк: еда заклонения и жертвы принесосте Ми лет четьредесять в пустыни, доме Израилев? 43 И восприясте скинию Молохову и звезду бога вашего Ремфана, образы, яже сотвористе поклонятися им: и преселю вы далее Вавилона. 44 Сень свидения бьяше отцем нашим в пустыни, яко повеле Глаголяй Моисеови сотворити ю по образу, егоже виде: 45 юже и внесоша приемше отцы наши со Иисусом во одержание языков, иже изрину Бог от лица отец наших, даже до дний Давида: 46 иже обрете благодать пред Богом и испроси обрести селение Богу Иаковлю. 47 Соломон же созда Ему храм. 48 Но Вышний не в рукотворенных церквах живет, якоже пророк глаголет: 49 Небо Мне престол есть, земля же подножие ногама Моима: кий храм созиждете Ми, глаголет Господь, или кое место покоищу Моему? 50 Не рука ли Моя сотвори сия вся? 51 Жестоковыйнии и необрезанныи сердцы и ушесы, вы присно Духу Святому противитесь, якоже отцы ваши, тако и вы: 52 кого от пророк не изгнаша отцы ваши? И убиша предвозвестившыя о пришествии Праведнаго, Егоже вы ныне предатели и убийцы бысте, 53 иже приясте закон устройением Ангелским и не сохранисте. 54 Слышаще же сия, распыхахуся сердцы своими и скрежетяху зубы нань. 55 Стефан же съий исполн Духа Свята, воззрев на небо, виде славу Божию и Иисуса стояща о десную Бога, 56 и рече: се, вижу небеса отверста и Сына Человеча о десную стояща Бога. 57 Возопивше же гласом велиим, затыкаху уши свои и устремишася единодушно нань, 58 и изведше вне града, камением побиваху его: и свидетелие (снемше) ризы своя положиша при ногу юноши нарицаемаго Савла, 59 и камением побиваху Стефана, молящася и глаголюща: Господи Иисусе, приими дух мой. 60 Преклонь же колена, возопи гласом велиим: Господи, не постави им греха сего. И сия рек успе.

8 Савл же бе соизволяя убийству его. Бысть же в той день гонение велие на церковь Иерусалимскую: вси же разсеяшася по странам Иудейским и Самарийским, кроме Апостол: 2 погребоша же Стефана мужие благоговейнии и сотвориша плачь велий над ним. 3 Савл же озлобляше церковь, в дому входя, и влача мужы и жены, предающе в темницу. 4 Разсеявшиися же прохождаху, благовествующе слово. 5 Филипп же сошед во град Самарийский, проповедаше им Христа: 6 внимаху же народи глаголемым от Филиппа единодушно, слышаще и видяще знамения, яже творяше: 7 дуси бо нечистии от многих имущих я, вопиюще гласом велиим, исхождаху, мнози же расслабленнии и хромии исцелишася: 8 и бысть радость велия во граде том. 9 Муж же некий, именем Симон, прежде бе во граде волхвуй и удивляя язык Самарийский, глаголя некоего быти себе велика, 10 емуже внимаху вси от мала даже до велика,

глаголюще: сей есть сила Божия великая. 11 Внимаху же ему, зане довольно время волхвовании удивляше их. 12 Егда же вероваша Филиппу благовествующу яже о Царствии Божии и о имени Иисусе Христове, крещахуся мужие же и жены. 13 Симон же и сам верова и крещься бе пребывая у Филиппа: видя же силы и знамения велия бываема, ужасен дивляшеся. 14 Слышавше же иже во Иерусалиме Апостоли, яко прият Самариа слово Божие, послаша к ним Петра и Иоанна, 15 иже сошедше помолшася о них, яко да примут Духа Святаго: 16 еше бо ни на единого их бе пришел, точю крещени бяху во имя Господа Иисуса: 17 тогда возложаша руце на ня, и прияха Духа Святаго. 18 Видев же Симон, яко возложением рук Апостолских дается Дух Святыи, принесе им сребро, 19 глаголя: дадите и мне власть сию, да, на негоже аще положу руце, примет Духа Святаго. 20 Петр же рече к нему: сребро твое с тобою да будет в погибель, яко дар Божий нещевал еси сребром стяжати: 21 несть ти части ни жребия в словеси сем, ибо сердце твое несть право пред Богом: 22 покайся убо о злобе твоей сей и молися Богу, аще убо отпустится ти помышление сердца твоего: 23 в желчи бо горести и союзе неправды зрю тя суща. 24 Отвещав же Симон рече: помолитесь вы о мне ко Господу, яко да ничтоже сих найдет на мя, яже рекосте. 25 Они же убо, засвидетелствовавшие и глаголавше слово Господне, возвратишася во Иерусалим и многим всем Самарийским благовестиша. 26 Ангел же Господень рече к Филиппу, глаголя: востани и иди на полудне, на путь сходящий от Иерусалима в Газу: и той есть пуст. 27 И встав поиде: и се, муж Мурин, внух силен Кандакии царицы Муриинския, иже бе над всеми сокровищи ея, иже прииде поклонитися во Иерусалим: 28 бе же возвращаяся, и сядя на колеснице своей, чтяше пророка Исаию. 29 Рече же Дух к Филиппу: приступи и прилепися колеснице сей. 30 Притек же Филипп услыша его чтуща пророка Исаию и рече: убо разумеши ли, яже чтеши? 31 Он же рече: како убо могу (разумети), аще не кто наставит мя? Умоли же Филиппа, да возшед сядет с ним. 32 Слово же Писания, еже чтяше, бе сие: яко овча на заклонение ведесе, и яко агнец прямо стригущему его безгласен, тако не отверзает уст Своих: 33 во смиреннии Его суд Его взятся, род же Его кто исповесть? Яко вземлется от земли живот Его. 34 Отвещав же каженик к Филиппу, рече: молю тя, о ком пророк глаголет сие? О себе ли, или о инем некоем? 35 Отверз же Филипп уста своя и начен от Писания сего, благовести ему Иисуса. 36 Якоже идяху путем, приидоша на некую воду, и рече каженик: се, вода: что возбраняет ми креститися? 37 Рече же ему Филипп: аще веруеши от всего сердца твоего, мощно ти есть. Отвещав же рече: верую Сына Божия быти Иисуса Христа. 38 И повеле стати колеснице: и снисдоша оба на воду, Филипп же и каженик: и крести его. 39 Егда же изыдоша от воды, Дух Святыи нападе на каженика: Ангел же Господень восхити Филиппа, и не виде его ктому каженик, идяше бо в путь свой радуясь. 40 Филипп же обретется во Азоте и проходя благовествоваше градом всем, дондеже приити ему в Кесарию.

9 Савл же, еще дыхая прещением и убийством на ученики Господни, приступль ко архиерею, 2 испроси от него послания в Дамаск к соборищем, яко да аще некия обрящет того пути сущыя, мужы же и жены, связаны приведет во Иерусалим. 3 Внегда же ити, бысть ему приблизитися к Дамаску, и внезапно облиста его свет от небесе: 4 и пад на землю, слыша глас глаголющ ему: Савле, Савле, что Мя гониши? 5 Рече же: кто еси, Господи? Господь же рече: Аз есмь Иисус, Егоже ты гониши: жестоко ти есть противу рожну прати. 6 Трепещя же и ужасаяся глагола: Господи, что мя хощеси творити? И Господь рече к нему: востани и вниди во град, и речется ти, что ти подобает творити. 7 Мужие же идущи с ним стояху чудящеся, глас убо слышаще, но ни когоже видяще. 8 Воста же Савл от земли и отверстыма очима своима ни единого видяше: ведуще же его за руку, введоша в Дамаск: 9 и бе дни три не видя, и ни яде, ниже пияше. 10 Бе же некто ученик в Дамасце, именем Анания, и рече к нему Господь в видении: Анание. Он же рече: се, аз, Господи. 11 Господь же к нему: востав поиди на стогну нарицаемую Правую и взыщи в дому Иудове Савла именем, Тарсянина: се бо, молитву деет 12 и виде в видении мужа, именем Ананию, вшедша и возложша нань руку, яко да прозрит. 13 Отвеща же Анания: Господи, слышах от многих о мужи сем, колика зла сотвори святым Твоим во Иерусалиме: 14 и zde имать власть от архиерей связати вся нарицающыя имя Твое. 15 Рече же к нему Господь: иди, яко сосуд избран Ми есть сей, пронести имя Мое пред языки и царьми и сынми Израилевыми: 16 Аз бо скажу ему, елика подобает ему о имени Моем пострадати. 17 Пойде же Анания и вниде в храмину, и возлож нань руце, рече: Савле брате, Господь Иисус явлейтиса на пути, имже шел еси, посла мя, яко да прозриши и исполнишися Духа Свята. 18 И абие отпадоша от очию его яко чешуя: прозре же абие, и востав крестися, 19 и приемь пищу, укрепися. Бысть же Савл с сущими в Дамасце учениками дни некия: 20 и абие на сонмищих проповедаше Иисуса, яко Сей есть Сын Божий. 21 Дивляхуся же вси слышашии и глаголаху: не сей ли есть гонивый во Иерусалиме нарицающыя имя сие, и zde на сие прииде, да связаны тыя приведет ко архиерею? 22 Савл же паче крепляшеся и смущаше Иудей живущыя в Дамасце, препирая, яко Сей есть Христос. 23 Якоже исполнишася дние доволни, совещаша Иудее убити его, 24 уведан же бысть Савлу совет их: стрежаху же врат день и ночь, яко да убьют его: 25 поемше же его ученицы ношию, свесиша по стене в кошнице. 26 Пришед же Савл во Иерусалим, покушашеся прилепятся учеником: и вси бояхуся его, не верующе, яко есть ученик. 27 Варнава же приемь его, приведе ко Апостолом и поведи им, како на пути виде Господа, и яко глагола ему, и како в Дамасце дерзаше о имени Иисусове. 28 И баше с ними входя и исходя во Иерусалиме и дерзая о имени Господа Иисуса. 29 Глаголаше же и стяжашеся с Еллины: они же искаху убити его. 30 Разумевше же братия, сведоша его в Кесарию и отпустиша его в Тарс. 31 Церкви же по всей Иудей и Галилеи и Самарии имеяху мир, созидающыя и ходящя в страсе

Господни, и утешением Святаго Духа умножахуся. 32 И бысть Петру, посещающу всех, снити и ко святым живущим в Лидде: 33 обрете же тамо человека некоего, именем Енеа, от осми лет лежаща на одре, иже бе разслаблен. 34 И рече ему Петр: Енее, исцеляет тя Иисус Христос: востани с постели твоя. И абие воста: 35 и видеша его вси живущи в Лидде и во Ассароне, иже обратшася ко Господу. 36 Во Июппии же бе некая ученица, именем Тавифа, яже сказаема глаголется серна: сия баше исполнена благих дел и милостыни, яже творяше. 37 Быть же во дни тыя, болевшей ей умрети: омывше же ю, положиша в горнице. 38 Близ же сущей Лидде Июппии, ученицы слышавше, яко Петр есть в ней, послаша два мужа к нему, моляще его не обленитися приити до них. 39 Востав же Петр иде с ними: егоже пришедша возведоша в горницу, и предсташа ему вся вдовицы плачущя и показующя ризы и одежды, елика творяше, с ними сущи, Серна. 40 Изгнав же вон вся Петр, преклонь колена помолися, и обраться к телу, рече: Тавифо, востани. Она же отверзе очи свои, и видевши Петра, седе. 41 Подав же ей руку, воздвиже ю, и призвав святыя и вдовицы, постави ю живу. 42 Уведано же бысть се по всей Июппии, и мнози вероваша в Господа. 43 Бысть же дни доволны пребыти ему во Июппии у некоего Симона усмаря.

10 Муж же некий бе в Кесарии, именем Корнилий, сотник от спiry нарицающыя Итальяския, 2 благоговеин и бояйся Бога со всем домом своим, творяй милостыни многи людем и моляйся Богу всегда: 3 виде в видении яве, яко в час девятый дне, Ангела Божия шедша к нему и рекша ему: Корнилие. 4 Он же возрев нань и пристрашен быв рече: что есть, Господи? Рече же ему: молитвы твоя и милостыни твоя възыдоша на память пред Бога: 5 и ныне послы во Июппию мужей и призови Симона, нарицаемаго Петра: 6 сей странствует у некоего Симона усмаря, емуже есть дом при мори: той речет тебе глаголы, в нихже спасешися ты и весь дом твой. 7 И якоже отиде Ангел глаголяй Корнилию, пригласив два от рабов своих и воина благочестива от служащих ему 8 и сказав им вся, посла их во Июппию. 9 Воутрие же, путешествующим им и ко граду приближающимся, възде Петр на горницу помолитися, о часе шестем. 10 Бысть же приалчен и хотяше вкусити: готовящим же онем, нападе нань ужас, 11 и виде небо отверсто и сходящ нань сосуд некий, яко плащаницу велию, по четырем краем привязан и низу спущаем на землю, 12 в немже бяху вся четвероногая земли и зверие и гади и птицы небесныя. 13 И бысть глас к нему: востав, Петре, заколи и яждь. 14 Петр же рече: никакоже, Господи, яко николиже ядох всяко скверно или нечисто. 15 И (се) глас паки к нему вторицею: яже Бог очистил есть, ты не скверни. 16 Сие же бысть трищи: и паки взяся сосуд на небо. 17 Якоже в себе недоумевашеся Петр, что бы было видение, еже виде, и се, мужие посланнии от Корнилия, вопроше и уведевше дом Симонов, сташа пред враты 18 и возглашше вопрошаху, аще Симон, нарицаемый Петр, zde странствует. 19 Петру же размышляющу о видении, рече ему Дух: се, мужие трие ищут

тебе: 20 но востав сниди и иди с ними, ничтоже разсуждая: зане аз послах их. 21 Сошед же Петр к мужем посланным к нему от Корнилия, рече: се, аз есмь, егоже ищите: кая есть вина, еяже ради придосте? 22 Они же рекоша: Корнилий сотник, муж праведен и бояйся Бога, свидетелствован от всего языка Иудейска, увещен есть от Ангела свята призвати тя в дом свой и слышати глаголы от тебе. 23 Призвав же их учреди: наутрие же Петр востав иде с ними, и нецыи от братьий, иже от Июппии, идоша с ним: 24 и наутрие внидоша в Кесарию. Корнилий же бе чая их, созвав сродники своя и любезныя други. 25 Якоже бысть внити Петру, срете его Корнилий, и пад на ногу его поклонися. 26 Петр же воздвиже его, глаголя: востани: и аз сам человек есмь. 27 И с ним беседея, вниде и обрете собравшыя многи: 28 рече же к ним: вы весте, яко не лепо есть мужу Иудеанину прилеплятися или приходити ко иноплеменику: и мне Бог показа ни единого скверна или нечиста глаголати человека. 29 темже и без сумнения приходх призван: вопрошаю вы убо, коея ради вины посласте по мене? 30 И Корнилий рече: от четвертаго дне даже до сего часа бех постяся и в девятый час моляся в дому моем: и се, муж ста предо мною во одежди светле 31 и рече: Корнилие, услышана бысть молитва твоя, и милостыни твоя помянушася пред Богом: 32 послы убо во Июппию и призови Симона, иже нарицается Петр: сей странствует в дому Симона усмаря близ моря: иже пришед возглаголет тебе. 33 Абие убо послах к тебе, ты же добре сотворил еси пришед: ныне убо вси мы пред Богом предстоим слышати вся повеленная тебе от Бога. 34 Отверз же Петр уста, рече: поистинне разумеваю, яко не на лица зрит Бог, 35 но во всяцем языке бояйся Его и делаяй правду приятен Ему есть: 36 слово, еже посла сыном Израилевым, благовествуя мир Иисус Христом: Сей есть всем Господь: 37 вы весте глагол бывший по всей Иудеи, наченшийся от Галилеи, по крещении, еже проповеда Иоанн: 38 Иисуса, Иже от Назарета, яко помаза Его Бог Духом Святым и силою, Иже пройде благодателствуя и исцеляя вся насилуемныя от диавола, яко Бог бяше с Ним: 39 и мы есмы свидетеле всех, яже сотвори во стране Иудейстей и во Иерусалиме: Егоже и убиша, повешше на древе. 40 Сего Бог воскреси в третий день и даде Ему явлену быти, 41 не всем людем, но нам свидетелем предначерченным от Бога, иже с Ним ядохом и пихом, по воскресении Его от мертвых: 42 и повеле нам проповедати людем и засвидетелствовати, яко Той есть нареченный от Бога Судия живым и мертвым: 43 о Сем вси пророцы свидетелствуют, оставление грехов прияи именованное Его всякому верующему в Онъ. 44 Еще же глаголющу Петру глаголы сия, нападе Дух Святыи на вся слышашца слово. 45 И ужасошася иже от обрезания вернии, елицы приидоша с Петром, яко и на языки дар Святаго Духа излился: 46 слышаху бо их глаголющих языки и величающих Бога. Тогда отвеща Петр: 47 еда воду возбранити может кто, еже не креститися сим, иже Дух Святыи прияша, якоже и мы? 48 Повеле же им креститися во имя Иисус Христово. Тогда молиша его пребыти у них дни некия.

11 Слышаша же Апостоли и братия сущии во Иудеи, яко и языцы прияша слово Божие. 2 И егда взыде Петр во Иерусалим, препирахуся с ним иже от обрезания, 3 глаголюще, яко к мужем обрезания не имущым вшел еси и ял еси с ними. 4 Начен же Петр, сказоваше им порядку, глаголя: 5 аз бех во граде Июппийстем моляся и видех во ужасе видение, сходящъ сосуд некий, яко плащаницу велию, от четырех краев низпускаему с небесе, и прииде даже до мене: 6 в нуже воззрев смотрях, и видех четвероногая земная и звери и гады и птицы небесная. 7 Слышаш же глас глаголющъ мне: востав, Петре, заколи и яждь. 8 Рех же: никакоже, Господи, яко всяко скверно или нечисто николиже вниде во уста моя. 9 Отвеща же ми глас вторицею с небесе глаголющъ: яже Бог очистил есть, ты не скверни. 10 Сие же бысть трижды: и паки взяшася вся на небо. 11 И се, абие трие мужие сташа пред храминою, в нейже бех, послани от Кесарии ко мне. 12 Рече же ми Дух ити с ними, ничтоже разсуждая: приидоша же со мною и шесть братия сии, и внидохом в дом мужа. 13 И возвести нам, како виде Ангела (свята) в дому своем, сташа и рекша ему: послы во Июппию мужы и призови Симона, нарицаемаго Петра, 14 иже речет глаголы к тебе, в нихже спасешися ты и весь дом твой. 15 Внегда же начах глаголати, нападе Дух Святыи на них, якоже и на ны в начале. 16 Помянух же глаголгол Господень, якоже глаголаше: Иоанн убо крестил есть водою, вы же имате креститися Духом Святым. 17 Аще убо равен дар даде им Бог, якоже и нам веровавшим в Господа нашего Иисуса Христа, аз же кто бех могий возбранити Бога? 18 Слышавше же сия умолкоша и славляху Бога, глаголюще: убо и языком Бог покаяние даде в живот. 19 Разсеявшиися убо от скорби, бывшия при Стефане, проидоша даже до Финикии и Кипра и Антиохии, ни единому же глаголюще слово, токмо Иудеем. 20 Бяху же нецыи от них мужие Кипрстии и Киринейстии, иже, вшедше во Антихоию, глаголаху к Еллином, благовествующе Господа Иисуса. 21 И бе рука Господня с ними: многое же число веровавше обратишася ко Господу. 22 Слышано же бысть слово о них во ушию церкви сущия во Иерусалиме, и послаша Варнаву преити даже до Антиохии: 23 иже пришед и видев благодать Божию, возрадовася и моляше всех изволением сердца терпети о Господе: 24 яко бе муж благ и исполнь Духа Свята и веры. И приложися народ мног Господеву. 25 Изыде же Варнава в Тарс възискати Савла, и обрет его, приведе его во Антихоию: 26 бысть же им лето цело собиратися в церкви и учити народ мног, нареци же прежде во Антиохии ученики Христианы. 27 В тыя же дни снидоша от Иерусалима пророцы во Антихоию: 28 востав же един от них, именован Агав, назнаменаше Духом глад велик хотящъ быти по всей вселенней, иже и бысть при Клавдии кесари: 29 от ученик же, по елику кто имевше что, изволиша кийждо их на службу послати живущым во Иудеи братьям, 30 еже и сотвориша, пославше к старцем рукою Варнавлею и Савлею.

12 Во оно же время возложи Ирод царь руце озлобити некия иже от церкви, 2 уби же Иакова, брата Иоаннова,

мечем: 3 и видев, яко годе есть Иудеем, приложи яти и Петра: бяху же дние опресночнии: 4 егоже и емь всади в темницу, предав четьрем четверицам воинов стрещи его, хотя по Пасце извести его к людем. 5 И убо Петра стражау в темнице: молитва же бе прилежна бываемая от церкви к Богу о нем. 6 Егда же хотяше его извести Ирод, в нощи той бе Петр спя между двема воинома, связан (железнома) ужема двема, стражие же пред дверьми стражаху темницы. 7 И се, Ангел Господень предста, и свет возсия в храмине: толкнув же в ребра Петра, воздвиже его, глаголя: востани вскоре. И спадоша ему узя (железная) с руку. 8 Рече же Ангел к нему: препояшися и вступи в плесницы твоя. Сотвори же тако. И глаголя ему: облещися в ризу твою и последствуй ми. 9 И изшед вслед его идяше и не ведаше, яко истина есть бывшее от Ангела, мняше же видение зрети. 10 Прошедша же первую стражу и вторую, приидоста ко вратом железным, вводящым во град, яже о себе отверзошася има: и изшедша преидоста стогну едину, и абие отступи Ангел от него. 11 И Петр быв в себе, рече: ныне вем воистинну, яко посла Бог Ангела Своего и изят мя из руки Иродовы и от всего чаяния людей Иудейских. 12 Смотрив же прииде в дом Марии матери Иоанна, нарицаемаго Марка, идеже бяху мнози собрани и молящася. 13 Толкнувшу же Петру во врата двора, приступи слышати отроковица, именем Роди, 14 и познавши глас Петров, от радости не отверзе врат, притекши же сказа Петра стояща пред враты. 15 Они же к ней реша: беснуешися ли? Она же креплящася тако быти. Они же глаголаху: Ангел его есть. 16 Петр же пребываше толкий: отверзше же видеша его и ужасошася. 17 Помаав же им рукою молчати, сказа им, како Господь его изведе из темницы: рече же: возвестите Иакову и братьям сия. И изшед иде во ино место. 18 Бывшу же дню, бе молва не мала в воинех, что убо Петру бысть: 19 Ирод же, поискав его и не обрет и истязав стражи, повеле отвести их: и изшед от Иудеи в Кесарию, живяше. 20 Бе же Ирод гневаяся на Тиряны и Сидоняны: иже единодушно приидоша к нему, и умоливше Власта постельника царева, прошаху мира, понеже страны их от царства его питахуся. 21 В нареченный же день Ирод, обложив по одежду царску и сед на судище пред народом, глаголаше к ним, 22 народ же возглашаше: глас Божий, а не человек. 23 Внезапу же порази его Ангел Господень, зане не даде славы Богу: и быв червьми изяден, издше. 24 Слово же Божие растяше и множашеся. 25 Варнава же и Савл возвратистася из Иерусалима во Антиохию, исполнивши службу, поемша с собою и Иоанна, нарицаемаго Марка.

13 Бяху же нецыи во церкви сущей во Антиохии пророцы и учителя: Варнава же и Симеон нарицаемый Нигер, и Лукий Киринеанин, и Манаил со Иродом четвертовластником воспитанный, и Савл. 2 Служащым же им Господеви и постящымся, рече Дух Святой: отделите Ми Варнаву и Савла на дело, на неже призвах их. 3 Тогда постившеся и помолившеся и возложше руки на ня, отпустиша их. 4 Сия убо, послана бывша от Духа Свята, снисдоша в Селевкию,

оттуда же отплыста в Кипр, 5 и бывша в Саламине, возвещаста слово Божие в сонмищих Иудейских: имеаста же и Иоанна слугу. 6 Прошедша же остров даже до Пафа, обретоста некоего мужа волхва лжепророка Иудеанина, емуже имя Вариисус, 7 иже бе со анфипатом Сергием Павлом, мужем разумным. Сей призвав Варнаву и Савла, възыска услышати слово Божие: 8 сопротивляшеся же има Елима волхв, тако бо сказуется имя его, иский развратити анфипата от веры. 9 Савл же, иже и Павел, исполнися Духа Свята, и воззрев нань, 10 рече: о, исполненне всякия лъсти и всякия злобы, сыне диавол, враже всякия правды, не престанеши ли разврати пути Господни правяв? 11 И ныне, се, рука Господня на тя, и будеши слеп, не видя солнца до време. Внезапу же нападе нань мрак и тма, и осязая искаше вожда. 12 Тогда видев анфипат бывшее, верова, дивяся о учении Господни. 13 Отвезшеся же от Пафа Павел и сущи с ним, приидоша в Пергию Памфилийскую: Иоанн же, отлучився от них, возвратися во Иерусалим. 14 Они же, прошедше от Пергии, приидоша во Антиохию Писидийскую, и шедше в сонмище в день субботный, седоша. 15 По чтении же закона и пророк, послаша начальницы сонмища к ним, глаголюще: мужие братие, аще есть слово в вас утешения к людем, глаголите. 16 Востав же Павел и помаав рукою, рече: мужие Израильтяне и боящися Бога, услышите: 17 Бог людей сих избра отцы наша и люди вознесе в пришелствии в земли Египетстей, и мышцею высокою изведе их из нея 18 и до четьредесяти лет препита их в пустыни: 19 и низложив язык седмь в земли Ханаанстей, даде им в наследие землю их, 20 и по сих, яко лет четьреста и пятьдесят, даде им судии до Самуила пророка: 21 и оттуда просиша царя, и даде им Бог Саула сына Кисова, мужа от колена Вениаминова, лет четьредесять: 22 и преставль его, воздвиже им Давида в царя, емуже и рече свидетелствовал: обретох Давида сына Иессеова, мужа по сердцу Моему, иже сотворит вся хотения Моя. 23 От сего семени Бог по обетованию воздвиже Израилю Спасение Иисуса, 24 проповедавшу Иоанну пред лицем внития Его крещение покаяния всем людем Израилевым. 25 И якоже скончаваше Иоанн течение, глаголаше: кого мя нещупете быти? Несмь аз, но се, грядет по мне, Емуже несмь достоин разрешити ремень сапогу Его. 26 Мужие братие, сынове рода Авраамля, и иже в вас боящися Бога, вам слово спасения сего послася. 27 Живущии бо во Иерусалиме и князи их, сего не разумевше, и гласы пророческия по вся субботы чтומья, осудивше (Его), исполниша, 28 и ни единья вины смертныя обретше, просиша у Пилата убити Его: 29 якоже скончаша вся, яже о Нем писана, снемше с древа, положиша во гробе. 30 Бог же воскреси Его от мертвых: 31 иже являшеся во дни многи совозшедшым с Ним от Галилеи во Иерусалим, иже ныне суть свидетелие Его к людем. 32 И мы вам благовествуем обетование бывшее ко отцем, яко сие Бог исполнил есть нам чадом их, воздвиг Иисуса, 33 якоже и во псалме вторем писано есть: Сын Мой еси Ты, Аз днесь родих Тя. 34 А якоже воскреси Его от мертвых, не ктому хотяща возвратитися во истление, сице рече: яко дам вам преподобная Давидова

верная. 35 Тем же и в другом глаголет: не даси Преподобному Твоему видети истления. 36 Давид бо, своему роду послужив Божиим советом, успе, и приложися ко отцем своим, и виде истление: 37 а Егоже Бог воздвиже, не виде истления. 38 Ведомо убо да будет вам, мужие братие, яко Его ради вам оставление грехов проповедается: 39 и от всех, от нихже не возмогосте в законе Моисееве оправдитися, о Сем всяк веруяй оправдается. 40 Блюдите убо, да не приидет на вас реченное во пророцех: 41 видите, нерадивии, и чудитесь, и узрите и исчезнете: яко дело Аз соделаю во дни ваша, ему же не имате веровати, аще кто повесть вам. 42 Исходящым же им от сонмища Иудейска, моляху языцы в другую субботу глаголатися им глаголом сим: 43 разшедшуся же собору, последоваша мнози от Иудей и честивых пришлец Павлу и Варнаве, иже, глаголюща им, увещаста их пребывати в благодати Божией. 44 Во грядущую же субботу мало не весь град собрася послушати слова Божия: 45 видевше же Иудее народы, исполнишася зависти и вопреки глаголаху глаголемым от Павла, спротив глаголюще и хуляще. 46 Дерзнувша же Павел и Варнава рекоста: вам бе лепо первее глаголати слово Божие: а понеже отвергосте е и недостойны творите сами себе вечному животу, се, обращаемся во языки: (aionios g166) 47 тако бо заповеда нам Господь: положих Тя во свет языком, еже быти Тебе во спасение даже до последних земли. 48 Слышаше же языцы радовахуся и славляху слово Господне, и вероваша, елицы учинени бяху в жизнь вечную: (aionios g166) 49 проношашеся же слово Господне по всей стране. 50 Иудее же наустиша честивыя жены и благообразныя и старейшины града, и воздвигоша гонение на Павла и Варнаву, и изгнаша я от предел своих. 51 Она же, отрясша прах от ног своих на них, приидоста во Иконию. 52 Ученицы же исполняхуся радости и Духа Свята.

14 Бысть же во Иконии, купе внити има в сонмище Иудейское и глаголати тако, яко веровати Иудеев и Еллинов множеству многу. 2 Неверующии же Иудее воздвигоша и озлобиша души языков на братию. 3 Довольно же убо время пребыта дерзающа о Господе, Свидетельствующем слову благодати Своея и дающем знамения и чудеса быти рукама их. 4 Разделишажеся множество града, и ови убо бяху со Иудеи, ови же со Апостолы. 5 И егда бысть стремление языком же и Иудеем с начальники их досадити и камением побити их, 6 уведевша же прибегоста во грады Ликаонския, в Листру и Дервию, и во окрестныя их, 7 и тамо беста благовествующа. 8 И некто муж в Листрех немощен ногама сядяше, хром от чрева матери своея сый, иже николиже бе ходил. 9 Сей слышаше Павла глаголюща: иже воззрев нань и видев, яко веру имать здрав быти, 10 рече велиим гласом: тебе глаголю во имя Господа Иисуса Христа, встани на ногу твою прав. И абие возскочи и хождаше. 11 Народи же видевше, еже сотвори Павел, воздвигоша глас свой, ликаонски глаголюще: бози уподобльшеся человеком снидоша к нам. 12 Наричаху же убо Варнаву Диа, Павла же Ермиа, понеже той бяхе началник слова. 13 Жрец же Диев, сущаго пред градом их, приведе юнцы и (принесе) венцы пред врата, с народы хотяше жрети.

14 Слышавша же Апостола Варнава и Павел, растерзавша ризы своя, вскохиста в народ, зовуща и глаголюща: 15 мужие, что сия творите? И мы подобострастна есма вам человека, благовествующа вам от сих суетных обращатися к Богу Живу, Иже сотвори небо и землю и море и вся, яже в них: 16 Иже в мимошедшыя роды оставил бе вся языки ходити в путех их: 17 и убо не несвидетелствована Себе остави, благотворя, с небесе нам дожди дая и времена плодоносна, исполняя пищу и веселием сердца наша. 18 И сия глаголюща, едва уставиаста народы не жрети има, но отити коемуждо во своя си. Пребывающема же има и учащема, 19 приидоша от Антиохии и Иконии нецыи Иудее, и стяжающемася има с дерзновением, наустиша народы отступити от нею, глаголюще, яко ничтоже истинно глаголета, но все лжета. И наустивше народы и камением побивше Павла, извлекоша вне града, мняще его умерша. 20 Окрест же ставшым его учеником, востав вниде во град и наутрие изыде с Варнавою в Дервию. 21 Благовествовавша же граду тому и научивша многи, возвратистася в Листру и Иконию и Антиохию, 22 утверждающа души учеников, моляща пребыти в вере, и яко многими скорбыи подобает нам внити в Царствие Божие. 23 Рукоположша же им пресвитеры на вся церкви и помолившася с постом, предаста их Господеви, в Негоже увероваша. 24 И прошедша Писидию, приидоста в Памфилию: 25 и глаголавша в Пергии слово Господне, снидоста во Атталию 26 и оттуду отплыста во Антиохию, отнюдуже беста предана благодати Божией в дело, еже скончаста. 27 Пришедша же и собравша церковь, сказаства, елика сотвори Бог с ними и яко отверзе языком дверь веры: 28 пребыта же тамо время не мало со ученики.

15 И нецыи шедше от Иудеи, учаху братию, яко аще не обрежетесь по обычаю Моисееву, не можете спастися. 2 Бывшей же распри и стязанию не малу Павлу и Варнаве к ним, учиниша взыти Павлу и Варнаве и неким другим от них ко Апостолу и старцем во Иерусалим о вопрошении сем. 3 Они же убо, предпослани бывше от церкви, прохождаху Финикию и Самарию, поведующе обращение языков, и творяху радость велию всей братии. 4 Пришедше же во Иерусалим, прияти быша от церкви и Апостол и старец, сказаства же, елика сотвори Бог с ними и яко отверзе языком дверь веры. 5 Воста же нецыи от ереси фарисейския веровавшии, глаголюще, яко подобает обрезати их, завещавати же блюсти закон Моисеев. 6 Собрашася же Апостолы и старцы ведети о словесе сем. 7 Многу же възсказано бывшу, востав Петр рече к ним: мужие братие, вы весте, яко от дний первых Бог в нас избра усты моими услышати языком слово Благовестия и веровати: 8 и Сердцеведец Бог свидетелствова им, дав им Духа Святаго, якоже и нам, 9 и ничтоже разсуди между нами же и оными, верую очищъ сердца их: 10 ныне убо что искушаете Бога, (хотяще) возложити иго на выи учеником, егоже ни отцы наши, ни мы возмогохом понести? 11 Но благодатию Господа Иисуса Христа веруем спастися, якоже и они. 12 Умолча же все множество и послушаху Варнавы и

Павла проповедающею, елика сотвори Бог знамения и чудеса во языцех има. 13 По умолчании же ею, отвеща Иаков глаголя: мужие братие, послушайте мене: 14 Симеон поведя, яко прежде Бог посети прияты от язык люди о имени Своем: 15 и сему согласуют словеса пророк, якоже пишет: 16 по сих обращуся и созижду кров Давидов падший, и раскопаная его созижду и исправлю его, 17 яко да възшут прочии человецы Господа, и вси языцы, в нихже наречеса имя Мое, глаголет Господь, творяй сия вся. 18 Разумна от века суть Богови вся дела Его. (аіѡн g165) 19 Сего ради аз сужду не стужати от язык обращающымся к Богу, 20 но заповедати им огребатися от треб идолских и от блуда и удавленины и от крове, и елика негодна себе суть, иным не творити. 21 Моисей бо от родов древних по всем градом проповедающыя его имать, в сонмищих по вся субботы чтомый. 22 Тогда изволися Апостолом и старцем со всею церковию, избравше мужа от них, послати во Антиохию с Павлом и Варнавою, Иуду нарицаемаго Варсаву, и Силу, мужа нарочита в братии, 23 написавше рукама их сия: Апостоли и старцы и братия, сущим во Антиохии и Сирии и Киликии братиям, иже от язык, (о Госпде) радоватися. 24 Понеже слышахом, яко нещии от нас изшедше возмутиша вас словесы, развращающе души ваша, глаголюще обрезатися и блюсти закон, имже мы не завещаем: 25 изволися нам собравшымся единодушно, избранныя мужы послати к вам, с возлюбленными нашими Варнавою и Павлом, 26 человека предавшаго души своя о имени Господа нашего Иисуса Христа: 27 послахом убо Иуду и Силу, и тех словом сказующих таяжде: 28 изволися бо Святому Духу и нам, ничтоже множае возложити вам тяготы, разве нуждных сих: 29 огребатися от идоложертвенных и крове, и удавленины и блуда: и елика не хотите вам быти, другим не творите: от нихже соблюдающе себе, добре сотворите. Здравствуйте. 30 Они же убо послани бывше приидоша во Антиохию, и собравше народ, вдаша послание. 31 Прочетше же, возрадовашася о утешении. 32 Иуда же и Сила, и та пророка суца, словом мнозем утешиста братию и утвердиста. 33 Пребывша же тамо время, отпущена быста с миром от братий ко Апостолом. 34 Изволися же Силе пребыти тамо, Иуда же возвратися во Иерусалим. 35 Павел же и Варнава живяста во Антиохии, учаща и благовествующа слово Господне, и со инеми многими. 36 По неких же днех рече Павел к Варнаве: возвращешя подобает посетити братию нашу во всех градах, в нихже проповедахом слово Господне, како пребывают. 37 Варнава же восхоте пойти с собою Иоанна нарицаемаго Марка: 38 Павел же глаголаше отступльшаго от наю от Памфилии и не шедшаго с нама на дело, на неже послани быхом, не пойти сего с собою. 39 Бысть убо распра, яко отлучитися има от себе: Варнава убо поемь Марка отплы в Кипр: 40 Павел же избрав Силу изыде предан благодати Божией от братий, 41 проходяше же Сирию и Киликию, утвержда церкви.

16 Прииде же в Дервию и Листру. И се, ученик некий бе ту, именем Тимофей, сын жены некия Иудеяныи верны, отца же Еллина: 2 иже свидетелствован бе от

сущих в Листрех и Иконии братии. 3 Сего восхоте Павел с собою изыти: и приемь обреза его, Иудей ради сущих на местех оных: ведяху бо вси отца его, яко Еллин бьяше. 4 И якоже прохождаху грады, предаваше им хранити уставы сужденныя от Апостол и старец, иже во Иерусалиме. 5 Церкви же утверждахуся верою и прибываху в число по вся дни. 6 Прошедше же Фригию и Галатийскую страну, возбранени (быша) от Святаго Духа глаголати слово во Асии. 7 Пришедше же в Мисию, покушахуся в Вифинию поити: и не остави их Дух. 8 Прешедше же Мисию, снисдоша в Трояду. 9 И видение в нощи явися Павлу: муж некий бе Македонянин стоя, моля его и глаголя: пришед в Македонию, помози нам. 10 И якоже видение виде, абие зыскахом изыти в Македонию, разумевше, яко призваны Господь благовестити им. 11 Отвезешя же от Трояды, приидохом в Самофрак, воутрие же в Неаполь, 12 оттуду же в Филиппы, иже есть первый град части Македонии, колониа. Бехом же в том граде пребывающе дни некия. 13 В день же субботный изыдохом вон из града при реце, идеже мняшеся молитвенница быти, и седше глаголахом к собравшымся женам. 14 И некая жена, именем Лидиа, порфиропродалница от града Фиатирскаго, чтущи Бога, послушаше: ейже Господь отверзе сердце внимати глаголемым от Павла. 15 Якоже крестися та и дом ея, моляше ны глаголющи: аще усмотристе мя верну Господеви быти, вшедше в дом мой, пребудите. И принуди нас. 16 Бысть же идущым нам на молитву, отроковица некая имущая дух пытлив срете нас, яже стяжание много даяше господем своим волхвующи. 17 Та последовавши Павлу и нам, зываше глаголющи: сии человецы раби Бога Вышняго суть, иже возведают нам путь спасения. 18 Се же творяше на многи дни. Стужив же си Павел и обращяся, духови рече: запрещаю ти именем Иисуса Христа, изыди из нея. И изыде в том часе. 19 Видевше же господие ея, яко изыде надежда стяжания их, поемше Павла и Силу, влекоша на торг ко князем, 20 и приведше их к воеводам, реша: сии человецы возмущают град наш, Иудее суще, 21 и завещают обычаи, яже не достоит нам примати ни творити, Римляном сущым. 22 И снисдешя народ на них, и воеводы растерзавше има ризы, веляху палицами бити их: 23 многи же давше има раны, всадиша в темницу, завещаша темничному стражу твердо стрещи их: 24 иже таково завещание приемь, всади их во внутреннюю темницу и ноги их заби в кладе. 25 В полунощи же Павел и Сила молящася пояста Бога: послушаху же их юзницы. 26 Внезапу же трус бысть велий, яко поколебатися основанию темничному: отверзошася же абие двери вся, и всем юзы ослабеша. 27 Возбуждъся же темничный страж и видев отверстыи двери темницы, извлек нож, хотяше себе убити, мня изыбгши юзники. 28 Возгласи же гласом велиим Павел глаголя: ничтоже сотвори себе зла, вси бо есмы zde. 29 Просив же свещи вскочи, и трепетен быв, припаде к Павлу и Силе, 30 и извед их вон, рече: господие, что ми подобает творити, да спасуся? 31 Она же рекоста: веруй в Господа Иисуса Христа, и спасешися ты и весь дом твой. 32 И глаголаста ему слово Господне, и всем, иже в дому его. 33 И поемь я в тойже час нощи, измы от

ран и крестися сам и свои ему вси абие: 34 введ же я в дом свой, постави трапезу и возрадовася со всем домом своим, веровав Богу. 35 Дню же бывшу, послаша воеводы паличники, глаголюще: отпусти человека она. 36 Сказа же темничный страж словеса сия Павлу, яко послаша воеводы, да отпущена будета: ныне убо изшедша, идита с миром. 37 Павел же рече к ним: бивше наю пред людьми, неосужденна человека Римлянина суща, всадиша в темницу, и ныне отай изводят наю? Ни бо: но да пришедше сами изведут наю. 38 Сказаша же паличники воеводам глаголы сия: и убояшася слышавше, яко Римлянина еста. 39 И пришедше умолиша их и изведше моляху изыти из града. 40 Изшедша же из темницы приидоша к Лидии, и видевша братию, утешиста их и изыдоша.

17 Прешедша же Амфиполь и Аполлонию, внидоша в Солунь, идеже бе сонмище Иудейское. 2 По обычаю же своему Павел вниде к ним и по субботы три стязашася с ними от Писаний, 3 сказзю и предлагаю им, яко Христу подобаше пострадати и воскреснути от мертвых, и яко Сей Иисус, Егоже аз проповедую вам, есть Христос. 4 И нецыи от них вероваша и приложишася к Павлу и Силе, от честивых Еллин множество много и от жен благородных не мало. 5 Возревноваше же непокоршиися Иудее и приемше крамолники некия мужы злыя, и собравше народ, молвяху по граду: нашедше же на дом Иассонов, искаху их извести к народу. 6 Не обретше же их, влечаху Иассона и некия от братий ко градоначалником, вопиюще, яко, иже развратиша вселенную, сии и zde приидоша, 7 иже прият Иассон: и сии вси противно велением кесаревым творят, царя глаголюще иного быти, Иисуса. 8 Смятоша же народ и градоначалники слышашья сия: 9 взявше же доволное от Иассона и от прочих, отпустиша их. 10 Братия же абие в нощи отлаша Павла и Силу в Берию: иже пришедша, идоста в собор Иудейский. 11 Сии же бяху благороднейши живущих в Солуни, иже прияша слово со всем усердием, по вся дни разсуждающе Писания, аще суть сия тако. 12 Мнози убо от них вероваша, и от Еллинских жен благообразных и мужей не мало. 13 И яко уведаша иже от Солуны Иудее, яко и в Берии проповедася от Павла слово Божие, приидоша и тамо движуще и смущающе народы. 14 Абие же тогда братия отпустиша Павла ити на поморие: остава же Сила и Тимофей тамо. 15 Провождаящи же Павла ведоша его даже до Афин, и приемше заповедь к Силе и Тимофею, да яко скорее приидут к нему, изыдоша. 16 Во Афинех же ждущу их Павлу, раздражася дух его в нем зрящем идол полн сущь град. 17 Стязашася же убо на сонмищи со Иудеи и с честивыми, и на торжищи по вся дни с приключаящимися. 18 Нецыи же от епикур и от стоик философ стязашася с ним: и нецыи глаголаху: что убо хочет суесловивый сей глаголати? Инии же: чуждых богов мнится проповедник быти: яко Иисуса и воскресение благовествоваше им. 19 Поемше же его, ведоша на ареопаг, глаголюще: можем ли разумети, что новое сие глаголемое тобою учение? 20 Странна бо некая влагаеши во ушеса наша: хожем убо разумети, что

хотят сия быти? 21 Афинее же вси и приходящи страннии ни во чтоже ино упражняхуся, разве глаголати что или слышати новое. 22 Став же Павел посреде ареопага, рече: мужие Афинейстии, по всему зрю вы аки благочестивыя: 23 проходя бо и соглядая чествования ваша, обретох и капище, на немже бе написано: неведомому Богу. Егоже убо не ведуще (благолепне) чтете. Сего аз проповедую вам. 24 Бог сотворивый мир и вся, яже в нем, Сей небесе и земли Господь сый, не в рукотворенных храмах живет, 25 ни от рук человеческих угождения приемлет, требуя что, Сам дая всем живот и дыхание и вся: 26 сотворил же есть от единых крове весь язык человекь, жити по всему лицу земному, оставив предучиненая времена и пределы селения их, 27 възыскати Господа, да поне осяжут Его и обрящут, яко не далече от единого коегождо нас суща: 28 о Нем бо живем и движемся и есмы, якоже и нецыи от ваших книжник рекоша: Сего бо и род есмы. 29 Род убо суще Божий, не должны есмы непщевати подобно быти Божество злату, или серебру, или камению художне начертану, и смышлению человеку: 30 лета убо неведения презирая Бог, ныне повелевает человеку всем всюду покаяться: 31 зане уставил есть день, в оныже хочет судити вселенней в правде, о Мужи, Егоже предустави, веру подая всем, воскресив Его от мертвых. 32 Слышавше же воскресение мертвых, овии убо ругахуся, овии же реша: да слышим тя паки о семе. 33 И тако Павел изыде от среды их. 34 Нецыи же мужие прилепившеся ему, вероваша: в нихже бе и Дионисий Ареопагитский, и жена именем Дамарь, и друзии с ними.

18 По сих же отлучився Павел от Афин, прииде в Коринф: 2 и обрет некоего Иудеянина именем Акилу, Понтиянина родом, ново пришедша от Италии, и Прискиллу жену его: зане повелел бяше Клавдий отлучитися всем Иудеям от Рима: прииде к ним, 3 и зане единохудожником быти им, пребысть у них и делаше: бяху бо скинотворцы хитростию. 4 Стязашася же на сонмищах по вся субботы и препираше Иудеи и Еллины. 5 И егда снидоста от Македонии Сила же и Тимофей, тужаше духом Павел, свидетелствуя Иудеом Иисуса быти Христа. 6 Противаящимся же им и хулящим, отряс ризы своя, рече к ним: кровь ваша на главах ваших: чист аз, отныне во языки иду. 7 И прешед оттуду, прииде в дом некоего именем Иуста, чтуща Бога, емуже хранина бе вскрай сонмища. 8 Крисп же начальник собора верова Господеви со всем домом своим, и мнози от Коринфян слышавше вероваху и крещашася. 9 Рече же Господь в видении ноцнем Павлу: не бойся, но глаголи и да не умолкнеши, 10 зане аз есмь с тобою, и никтоже приложит озлобити тя: зане людие суть Ми мнози во граде сем. 11 Пребысть же тамо лето и месяц шесть, учя в них слову Божию. 12 Галлиону же анфипату сущу во Ахаии, нападоша единомушно Иудее на Павла и приведоша его на судилище, 13 глаголюще, яко противу закону сей увещавает человеки чтити Бога. 14 Хотящу же Павлу отверсти уста, рече Галлион ко Иудеям: аще убо неправда была бы кая или дело злое, о, Иудее, по слову послушал бых вас: 15 аще ли же стязания

суть о словеси и о именех и о законе вашем, ведите сами: судия бо аз сим не хошу быти. 16 И изгна их от судилища. 17 Емше же вси Еллини Сосфена начальника собора, бияху пред судилищем: и ни едино о сих Галлиону радение бысть. 18 Павел же, еще пребыв дни доволны и целовав братию, отплы в Сирию, и с ним Акила и Прискилла, остриг главу в Кегхреих: обрехся бо бе. 19 Приста же во Ефесе и тех остави тамо, сам же вшед в сонмище, стязашеся со Иудеи. 20 Молящым же им его на много время пребыти у них, не изволи, 21 но отречеся им, глаголя, яко подобает ми всяко праздник грядущий сотворити во Иерусалиме: паки же возвращуся к вам, Богу хотящу. И отвезеся от Ефеса: Акила же и Прискилла остава во Ефесе. 22 И сошед в Кесарию, возшед и целовав церковь, сниде во Антиохию, 23 и сотвори время некое, изыде, проходя порядку Галатийскую страну и Фригию, утверждая вся ученики. 24 Иудеанин же некто, Аполлос именем, Александриянин родом, муж словесен, прииде во Ефес, силен сый в книгах. 25 Сей бе оглашен пути Господню, и горя духом, глаголаше и учаше известно яже о Господе, ведый токмо крещение Иоанново. 26 Сей же начат дерзати на сонмищих. Слышавша же его Акила и Прискилла, прияста его и известнее тому сказаста путь Господень. 27 Хотящу же ему преити во Ахаию, предпославше братия написаша учеником прияти его: иже пришед тамо пособствова много веровавшим благодатию: 28 твердо бо Иудеи не престая обличаше пред людьми, сказуя Писаньми, Иисуса быти Христа.

19 Бысть же внегда быти Аполлосу в Коринфе, Павел, прошед вышняя страны, прииде во Ефес, и обрет некия ученики, 2 рече к ним: аще убо Дух Свят прияли есте веровавше? Они же реша к нему: но ниже аще Дух Святой есть, слышахом. 3 Рече же к ним: во что убо креститесь? Они же рекоша: во Иоанново крещение. 4 Рече же Павел: Иоанн убо крести крещением покаяния, людем глаголя, да во Грядущаго по нем веруют, сиречь во Христа Иисуса. 5 Слышавше же крестившася во имя Господа Иисуса, 6 и возложу Павлу на ня руке, прииде Дух Святой на ня, глаголаху же языки и пророчествоваху. 7 Бяше же всех мужей яко дванадесять. 8 Вшед же в сонмище, дерзаше, не обинуяся три месяцы беседуя и уверяя, яже о Царствии Божии. 9 И егда неции ожесточахуся и пряхуся, злословяще путь Господень пред народом, отступль от них отлучи ученики, по вся дни стязаяся во училищи мучителя некоего. 10 Сие же бысть два лета, яко всем живущым во Асии слышати слово Господа Иисуса, Жидом же и Еллином. 11 Силы же не прости творяше Бог рукама Павловыма, 12 яко и на недужныя наносити от (пота) тела его главоотяжы и убрисцы, и исцелитися им от недуг, и духом лукавым исходити от них. 13 Начаша же неции от скитающихся Иудей заклинателей именовати над имущими духи лукавья имя Господа Иисуса, глаголюще: заклинаем вы Иисусом, Егоже Павел проповедует. 14 Бяху же неции сынове Скевы Иудеанина архиереа седмь, иже сие творяху. 15 Отвещав же дух лукавый рече: Иисуса знаю

и Павла свем, вы же кто есте? 16 И скача на них человек, в немже бе дух лукавый, и одолев им, укрепися на них, якоже нагим и ураненым избежати от храма онаго. 17 Сие же бысть разумно всем живущым во Ефесе Иудеем же и Еллином, и нападе страх на всех их, и величашеся имя Господа Иисуса: 18 мнози же от веровавших приходяху, исповедающе и сказующе дела своя: 19 доволни же от сотворших чародеяния, собравше книги своя, сожигаху пред всеми: и сложиша цены их и обретоша сребра пять тем. 20 Сице крепко слово Господне растяше и крепляшеся. 21 И якоже скончашася сия, положи Павел в душе, прошед Македонию и Ахаию, ити во Иерусалим, рек, яко бывшу ми тамо, подобает ми и Рим видети. 22 Послав же в Македонию два от служащих ему, Тимофеа и Ераста, сам же пребысть время во Асии. 23 Бысть же во время оно молва не мала о пути Господни: 24 Димитрий бо некто именем, среброковачь, творяй храмы сребряны Артемиде, подаяше хитрецем делание не мало, 25 ихже собрав и ины сицевых вещей делатели, рече: мужие, весте, яко от сего делания довольно житию нашему есть: 26 и видите и слышите, яко не токмо Ефес, но мало не всю Асию Павел сей препрев, обрати мног народ, глаголя, яко не суть бози, иже руками человеческими бывают: 27 не токмо же сия беду приемлет наша часть, еже бы во обличение не приити, но дабы и великия богини Артемиды храм ни во чтоже не вменился, имать же разоритися и величество ея, юже вся Асия и вселенная почитает. 28 Слышавше же и бывше исполнени ярости, вопияху глаголюще: велика Артемида Ефесская. 29 И исполнися град весь мятежа: устремившася же единодушно на позорище, восмишше Гаия и Аристарха Македоняны, други Павловы. 30 Павлу же хотящу внити в народ, не оставляху его ученицы: 31 неции же от Асийских начальник, суще ему друзи, пославше к нему, моляху не вдати себе в позор. 32 Друзии же убо ино нечто вопияху: бе бо собрание смущено, и множайшии от них не ведяху, чесо ради собравшася. 33 От народа же избраша Александра, изведшым его Иудеем. Александр же, помаав рукою, хотяше ответчати народу. 34 Разумевше же, яко Иудеанин есть, глас бысть един от всех, яко на два часа вопиющих: велика Артемида Ефесская. 35 Утишив же книжник народ, рече: мужие Ефесстии, кто бо есть человек, иже не весть, яко Ефесский град служитель есть великия богини Артемиды и Диопета? 36 Без всякаго убо прекословия сим сице сущым, потребно есть вам безмолвным быти и ничтоже безчинно творити: 37 приведосте бо мужей сих, ни храм (Артемидин) окрадших, ниже богиноу вашу хулящих: 38 аще убо Димитрий и иже с ним художници имут к кому слово, суды суть и анфипати суть: да поемлют друг на друга: 39 аще ли же что о иных ищете, в законнем собрании разрешитися: 40 ибо бедствуем порицаеми быти о крамоле днешней, ни единой вине сущей, о нейже возможем воздати слово стремления сего. 41 И сия рек распусти собравшийся народ.

20 По утишении же молвы, призвав Павел ученики, утешив и целовав их, изыде ити в Македонию. 2 Прошед же

страны оны и утешив их словом многим, прииде во Елладу: 3 пожив же месяцы три, бывшу нань навету от Иудей, хотящу отвезтися в Сирию, бысть хотение возвратитися сквозе Македонию. 4 Последова же ему даже до Асии Сосипатр Пирров Берянин, Солуняне же Аристарх и Секунд, и Гай Дервянин и Тимофей, Асиане же Тихик и Трофим. 5 Сии предшедше ждаху нас в Трояде. 6 Мы же отвезохомся по днех опресночных от Филипп и приидохом к ним в Трояду во днех пяти, идеже пребыхом дний седмь. 7 Во едину же от суббот, собравшися учеником преломити хлеб, Павел беседоваше к ним, хотя изыти на утрои, простре же слово до полунощи. 8 Бяху же свещи многи в горнице, идеже бехом собрани. 9 Седя же некто юноша, именем Евтих, во окне, отягчен сном глубоким, глаголющу Павлу о мнозе, преклонься от сна, паде от трекровника долу, и взяша его мертва. 10 Сошед же Павел нападе нань, и объемь его рече: не молвите, ибо душа его в нем есть. 11 Возшед же и преломль хлеб и вкушь, довольно же беседовав даже до зари, и тако изыде. 12 Приведоша же отрока жива и утешиса не мало. 13 Мы же, пришедше в корабль, отвезохомся во Ассон, оттуду хотяще пояти Павла: тако бо нам бе повелел, хотя сам пешь ити. 14 И якоже снидеса с нами во Ассоне, взявше его приидохом в Митилин. 15 И оттуду отвезшеса, во утрои пристахом противу Хию, в другой же отвезохомся в Самон, и пребывше в Трогиллии, в грядущий же день приидохом в Милит: 16 суди бо Павел мимо ити Ефес, яко да не будет ему закоснети во Асии, тщашебоя, аще возможно будет, в день Пятидесятный быти во Иерусалиме. 17 От Милита же послав во Ефес, призва пресвитеры церковныя, 18 и якоже приидоша к нему, рече к ним: вы весте, яко от перваго дне, отнелиже приидох во Асию, како с вами все время бых, 19 работая Господеву со всяким смиренномудрием и многими слезами и напастьми, прилучившимися мне от Иудейских навет: 20 яко ни в чесом от полезных обинухся, еже сказати вам и научити вас пред людьми и по домом, 21 засвидетелствуя Иудеем же и Еллином еже к Богу покаяние и веру яже в Господа нашего Иисуса Христа. 22 И ныне, се, аз связан Духом грядю во Иерусалим, яже в нем хотящая приключитися мне не ведый: 23 точию яко Дух Святый по вся грады свидетелствует, глаголя, яко узы мене и скорби ждут. 24 Но ни едино же попечение творю, ниже имам душу мою честну себе, разве еже скончати течение мое с радостию и службу, юже приях от Господа Иисуса, засвидетелствовати Евангелие благодати Божия. 25 И ныне, се, аз вем, яко ктому не узрите лица моего вы вси, в нижже проидох проповедую Царствие Божие. 26 Темже свидетелствую вам во днешний день, яко чист аз от крове всех, 27 не обинухся бо сказати вам всю волю Божию. 28 Внимайте убо себе и всему стаду, в немже вас Дух Святый постави епископы, пасти Церковь Господа и Бога, юже стяжа Кровию Своею. 29 Аз бо вем сие, яко по отшествии моем внидут волцы тяжцы в вас, не щадящии стада: 30 и от вас самех востанут мужие глаголющии развращенная, еже отторгати ученики вслед себе. 31 Сего ради бдите, поминающе, яко три лета нощь и день не престаях уча со слезами единого кождо вас. 32 И

ныне предаю вас, братие, Богови и слову благодати Его, могущему наздати и дати вам наследие во осенных всех. 33 Сребра или злата или риз ни единого возжелах: 34 сами весте, яко требованию моему и сущым со мною послужисте руце мои сии. 35 Вся сказах вам, яко тако труждающимся подобает заступати немощныя, поминати же слово Господа Иисуса, яко Сам рече: блаженнее есть паче даяти, нежели примати. 36 И сия рек, преклонь колена своя, со всеми ими помолися. 37 Мног же бысть плачь всем: и нападше на выю Павлову, облобызаху его, 38 скорбяще наипаче о словеси, еже рече, яко ктому не имут лица его узрети. Провождоуху же его в корабль.

21 И якоже бысть отвезтися нам, отторгшымся от них, прямо шедше приидохом в Кон, в другой же день в Родос и оттуду в Патару: 2 и обретше корабль преходящ в Финикию, возшедше отвезохомся. 3 Возникший же нам Кипр оставльше ошуюю, пльхохом в Сирию и пристахом в Тире, тамо бо бяхе кораблю изложити бремя: 4 и обретше ученики, пребыхом ту дний седмь: иже Павлови глаголаху Духом не восходити во Иерусалим. 5 Егда же бысть нам скончати дни, изшедше идохом, провождающим нас всем с женами и детьми даже до вне града: и преклоньше колена при брезе помолихомся. 6 И целоваше друг друга внидохом в корабль, они же возвратишася во своя си. 7 Мы же, плавание наченше от Тира, пристахом во Птолемаиде, и целоваше братию, пребыхом день един у них. 8 Во утрои же изшедше Павел и иже с ним, приидохом в Кесарию, и вшедше в дом Филиппа благовестника, суца от седми (диакон), пребыхом у него. 9 Сего же бяху дщери девицы четьри прорицающыя. 10 Пребывающим же нам тамо дни многи, сниде некто от Иудей пророк, именем Агав, 11 и пришед к нам и взял пояс Павлов, связав же свои руце и нозе, рече: тако глаголет Дух Святый: мужа, егоже есть пояс сей, тако свяжут (его) во Иерусалиме Иудее и предадат в руце языков. 12 И якоже слышахом сия, моляхом мы же и наместнии, не восходити ему во Иерусалим. 13 Отвеща же Павел и рече: что творите, плачуще и сокрушающе ми сердце? Аз бо не точию связан быти (хочу), но и умрети во Иерусалиме готов есмь за имя Господа Иисуса. 14 Не повинующуся же ему, умолчахом, рекше: воля Господня да будет. 15 По днех же сих уготовльшеса въздыхом во Иерусалим: 16 приидоша же с нами и нецыи ученицы от Кесарии, ведуще с собою, у негоже бы обитати нам, Мнасона некоего Кипрянина, древнога ученика. 17 Бывшым же нам во Иерусалиме, любезно приаша нас братия. 18 На утрои же вниде Павел с нами ко Иакову, вси же приидоша старцы. 19 И целовав их, сказаше по единому коеждо, еже сотвори Бог во языцех служением его. 20 Они же слышавше славляху Бога и рекоша ему: видиши ли, брате, колико тем есть Иудей веровавших? И вси ревнителие закону суть: 21 увестишася же о тебе, яко отступлению учиши от закона Моисеова живущыя на языцех вся Иудеи, глаголя не обрезовати им чад своих, ниже во обычаех отеческих ходити. 22 Что убо есть? Всяко подобает народу снитися:

услышат бо, яко пришел еси. 23 Сие убо сотвори, еже ты глаголем: суть у нас мужие четыри обещавше себе Богу: 24 сия поим очистиши с ними и иждиви на них, да острижут си главы: и разумеют вси, яко возвещенная им о тебе ничтоже суть, но пребываеши и сам закон храня. 25 А о веровавших языцех мы послахом, судивше ничтоже таковое соблюдатьи им, токмо хранити себе от идоложертвенных и крове, и удавленныи и блуда. 26 Тогда Павел поемь мужы оны, на утрие с ними очистиши вниде во святилище, возвещая исполнение дний очищения, дондеже принесено бысть за единого коегождо их приношение. 27 И якоже хотяху семь дний скончати, иже от Асии Иудее, видевше его во святилищи, навадиша весь народ и возложиша нань руце, 28 вопиюще: мужие Израилстии, помозите: сей есть человек, иже на люди и закон и на место сие всех всюду учит: еще же и Еллины введе в церковь и оскверни святое место сие. 29 Бяху бо видели Трофима Ефесянина во граде с ним, егоже мняху, яко в церковь ввел есть Павел. 30 Подвижесе же град весь, и бысть стечение людем: и емше Павла, влечаху его вон из церкви, и абие затворишася двери. 31 Ищущым же им убити его, възиде весть к тысящнику спiry, яко весь возмутися Иерусалим: 32 он же абие поим воины и сотники, притече на ня: они же видевше тысящника и воины, престаша бити Павла. 33 Приступль же тысящник ят его и повеле связати его веригома железнома двема, и вопрошаше: кто убо есть и что есть сотворил. 34 Другии же ино нечто вопияху в народе: не могий же разумети известное молвы ради, повеле отвести его в полк. 35 Егда же бысть на степенех, прилучися воздвижену быти ему от воин нужды ради народа, 36 последоваше бо множество людей зовущих: возьми его. 37 Хотя же внити в полк Павел глагола тысящнику: аще леть ми есть глаголати что тебе? Он же рече: гречески умеши ли? 38 Не ты ли еси Египтянин, прежде сих дний превещавый и изведый в пустыню четыри тысящы мужей сикарей? 39 Рече же Павел: аз человек убо есмь Иудеанин, Тарсянин, славнаго града в Киликии житель: молю же тя, повели ми глаголати к людем. 40 Повелевшу же ему, Павел стоя на степенех помаав рукою к людем: многу же безмолвию бывшу, возгласи еврейским языком, глаголя:

22 Мужие братие и отцы, услышите мой к вам ныне ответ. 2 Слышавше же, яко еврейским языком возгласи к ним, паче приложиша безмолвие. И рече: 3 аз убо есмь муж Иудеанин, родився в Тарсе Киликийском, воспитан же во граде сем при ногу Гамалииллову, наказан известно отеческому закону, ревнитель сый Божий, якоже вси вы есте днесь: 4 иже сей путь гоних даже до смерти, вяжа и предав в темницу мужы же и жены, 5 якоже и архиерей свидетельствует ми и вси старцы: от нихже и послания приемь к живущым в Дамасце братьям, идях привести сущыя тамо связаны во Иерусалим, да мучатся. 6 Бысть же ми идущу и приближающуся к Дамаску в полудне, внезапно с небесе облыста свет мног окрест мене. 7 Падох же на землю и слышаш глас глаголющ ми: Савле, Савле, что Мя гониши? 8 Аз же отвещах: кто еси, Господи? Рече же ко мне: Аз есмь

Иисус Назорей, Егоже ты гониши. 9 Со мною же сущии свет убо видеша и пристрашни быша, гласа же не слышаша Глаголющаго ко мне. 10 Рекох же: что сотворю, Господи? Господь же рече ко мне: встав иди в Дамаск, и тамо речется ти о всех, яже вчинено ти есть творити. 11 И якоже не видех от славы света онаго, за руку ведомь от сущих со мною, внидох в Дамаск. 12 Анания же некий, муж благоговейн по закону, свидетелствован от всех живущих в Дамасце Иудей, 13 пришед ко мне и став рече ми: Савле брате, прозри. И аз в той час възрех нань. 14 Он же рече ми: Бог отец наших изволи ти разумети хотение Его, и видети Праведника, и слышати глас от уст Его: 15 яко будещи Ему свидетель у всех человеков о сих, яже видел еси и слышал: 16 и ныне что медлиши? Встав крестися и омый грехи твоя, призвав имя Господа Иисуса. 17 Бысть же возвратившумися во Иерусалим и молящумися в церкви, быти во изступлении 18 и видети Его глаголюща ми: потщися и изыди скоро из Иерусалима, зане не примут свидетельства твоего, еже о Мне. 19 И аз рех: Господи, сами ведят, яко аз бех всагда в темницу и бия по сонмищия верующыя в Тя, 20 и егда изливашся кровь Стефана свидетеля Твоего, и сам бех стоя и соизволяя убийению его и стрегий риз убивающих его. 21 И рече ко мне: иди, яко Аз во языки далече пошлю тя. 22 Послушаху же его даже до сего словесе и воздвигоша глас свой, глаголюще: возьми от земли такового, не подобает бо ему жити. 23 Вопиющым же им и мещущым ризы и прах возметающим на воздух, 24 повеле тысящник отвести его в полк, рек ранами истязати его, да разумет, за кую вину тако вопияху нань. 25 И якоже протягоша его вервьми, рече к стоящему сотнику Павел: человека Римлянина и неосуждена леть ли есть вам бити? 26 Слышав же сотник, приступи к тысящнику, сказа, глаголя: виждь, что хоцещи сотворити? Человек бо сей Римлянин есть. 27 Приступль же тысящник рече ему: глаголи ми, Римлянин ли еси ты? Он же рече: ей. 28 Отвеща же тысящник: аз многу ценою наречение жителства сего стяжах. Павел же рече: аз же и родихся в нем. 29 Абие убо отступиша от него хотящии его истязати, и тысящник же убояся, разумев, яко Римлянин ести, и яко бо его связал. 30 На утрие же, хотя разумети истину, чесо ради оклеветается от Иудей, разреши его от уз и повеле приити архиереем и всему собору их: и свед Павла, постави (его) пред ними.

23 Возрев же Павел на сонм, рече: мужие братие, аз всею совестию благою жителствовах пред Богом даже до сего дне. 2 Архиерей же Анания повеле предстоящым ему бити его уста. 3 Тогда Павел рече к нему: бити тя имать Бог, стено повапленная: и ты седиши судя ми по закону, преступая же закон велиши, да бият мя. 4 Предстоящии же реша: архиерею ли Божию досаждаеши? 5 Рече же Павел: не ведах, братие, яко архиерей есть: писано бо есть: князю людей твоих да не речеши зла. 6 Разумев же Павел, яко едина часть есть саддукей, другая же фарисей, воззва в сонмищи: мужие братие, аз фарисей есмь, сын фарисеев: о уповании и о воскресении мертвых аз суд приемлю. 7 Се же ему рекшу, бысть распря между саддукеи и

фарисеи, и разделился народ: 8 саддукее бо глаголют не быти воскресения, ни Ангела, ни духа: фарисее же исповедуют обоя. 9 Бысть же клич велик, и вставше книжницы части фарисейския пряхуся между собою, глаголюще: ни едино зло обретаем в человеце сем: аще же дух глагола ему или Ангел, не противимся Богу. 10 Мнозе же бывшей распри, бояся тысящник, да не растерзан будет Павел от них, повеле воином снити и восхитити его от среды их и вести (его) в полк. 11 В наставшую же ночь представ ему Господь, рече: дерзай, Павел: якоже бо свидетелствовал еси яже о Мне во Иерусалиме, сице ти подобает и в Риме свидетелствовати. 12 Бывшу же дню, сотворше нещии от Иудей совет, заклыша себе, глаголюще не ясти ни пити, дондеже убьют Павла: 13 бяху же множае четыредесятих сию клятву сотворшии, 14 иже приступльше ко архиереем и старцем, реша: клятвою прокляхом себе ничтоже вкусити, дондеже убием Павла: 15 ныне убо вы скажите тысящнику с собором, яко да утре сведет его к вам, аки бы хотяще разумети известнее яже о нем: мы же, прежде даже не приблизитися ему, готови есмь убити его. 16 Слышав же сын сестры Павловы ков, приступид и вшед в полк, сказа Павлу. 17 Призвав же Павел единого от сотник, рече: юношу сего отведи к тысящнику: имать бо нечто сказати ему. 18 Он же убо поим его приведе к тысящнику и рече: узник Павел призвав мя, умоли сего юношу привести к тебе, имуща нечто глаголати тебе. 19 Поим же его за руку тысящник и отшед на едине, вопрошаше его: что есть, еже имаши возвестити ми? 20 Рече же, яко Иудее совещааша умолити тя, яко да утре сведеш Павла к ним в собор, аки бы хотящим известнее истязати яже о нем: 21 ты убо не послушай их: лоят бо его от них мужие множае четыредесяти, иже заклыша себе ни ясти ни пити, дондеже убьют его: и ныне готови суть, чающе обещания, еже от тебе. 22 Тысящник убо отпусти юношу, завещав ни единому же поведати, яко сия явил еси мне. 23 И призвав два некия от сотник, рече: уготовита (ми) воинов вооруженных двесте, яко да иду до Кесарии, и конник седмьдесят, и стрелец двесте, от третияго часа нощи: 24 и скоты привести, да всадивше Павла проводят до Филикса игемона. 25 Написа же (и) послание имущее образ сей: 26 Клавдий Лисиа державному игемону Филиксу радоватися: 27 мужа сего ята от Иудей и имуща убiena быти от них, приступль с воины отях его, уведев, яко Римлянин есть: 28 хотя же разумети вину, еяже ради поймаху нань, сведох его в сонмище их: 29 егоже обретох оглаголуема о взыскании закона их, ни едино же достойно смерти или узам согрешение имуща: 30 сказану же бывшу ми кову хотящу быти от Иудей на мужа сего, абие послах (его) к тебе, завещав и клеветником (его) глаголати пред тобою, яже нань: здрав буди. 31 Воини же убо по повеленному им, взявше Павла, ведоша об ноць во Антипатриду: 32 во утрие же, оставльше конники ити с ним, возвратишася в полк. 33 Они же пришедше в Кесарию и вдавше послание игемону, представиша ему и Павла. 34 Прочет же игемон послание и вопрошь, от коея области есть, и уведев, яко от Киликии, рече: 35 услышу о тебе, егда

и клеветницы твои приидут. И повеле в преторе Иродове стрещи его.

24 По пятих же днех сниде архиерей Анания со старцы и с ритором неким Тертиллом, иже сказааша игемону о Павле. 2 Призвану же бывшу ему, начат клеветати Тертилл, глаголя: 3 мног мир улучающе тобою, и исправления бываемая языку сему твоим промышлением, всяким же образом и везде приемлем, державный Филиксе, со всяким благодарением: 4 но да не множае стужаю тебе, молю тя послушати нас вкратце твоею кротостию: 5 обретохом бо мужа сего губителя и движуща противление всем иудеем живущым по вселенней и предстателя (суца) Назорейстей ереси, 6 иже и церковь покусися осквернити, егоже и яхом и по закону нашему хотехом судити ему: 7 пришед же Лисиа тысящник, многию силою от рук наших исхити его и к тебе посла, 8 повелев (и нам) поемлющим нань ити к тебе: от негоже возможеши сам расзудив о всех сих познати, о нижже мы поемлем нань. 9 Сложишася же и Иудее, глаголюще сим тако быти. 10 Отвеща же Павел, поманувшу ему игемону глаголати: от многих лет суца тя судию праведна языку сему сведый, благодушнее яже о мне отвещаю, 11 могущу ти разумети, яко не множае ми есть дний дванадесятих, отнележе въздох поклонитися во Иерусалим: 12 и ни в церкви обретоша мя к кому глаголюща или разврат творяща народу, ни в сонмищях, ни во граде, 13 ниже довести могут, елика тебе ныне на мя глаголют: 14 исповедую же тебе сие, яко в пути, егоже сии глаголют ересь, тако служу отеческому Богу, веруя всем сущым в законе и пророцех писаным, 15 упование имый на Бога, яко воскресение хочет быти мертвым, праведником же и грешником, егоже и сами сии чают: 16 о сем же и аз подвизаюся, непорочну совесть имети всегда пред Богом же и человеки: 17 по летех же многих приидох сотворити милостыни во язык мой и приношения: 18 в нихже обретоша мя очищенна в церкви, ни с народом, ниже с молвою, 19 нещии от Асии Иудее, имже подобаше пред тя приити и глаголати, аще имут что на мя: 20 или сами тии да глаголют, аще кую обретоша во мне неправду, ставшу ми в сонмищи, 21 разве единого сего гласа, имже возопих стоя в них, яко о воскресении мертвых аз суд приемлю днесь от вас. 22 Слышав же сия Филикс отвеща им, известнее уведев яже о пути сем, глаголя: егда Лисиа тысящник приидет, расзудю яже о вас. 23 Повеле же сотнику стрещи Павла, и имети ослабу, и ни единому же възбраняти от своих ему служити или приходити к нему. 24 По днех же неких пришед Филикс со Друсиллиено женою своею сущою Иудеяныено, призва Павла, да слышит от него веру, яже во Христа Иисуса. 25 Глаголющу же ему о правде и о воздержании и о суде хотящем быти, пристрашен быв Филикс отвеща: ныне убо иди, время же получив призову тя. 26 Вкупе же и надеяся, яко мзда дастся ему от Павла, яко да отпустит его: темже и часто призывая его, беседоваше с ним. 27 Двема же летома скончавшемася прият изменение Филикс Поркия Фиста: хотя же угодное сотворити Иудеем Филикс, остави Павла связанна.

25 Фист же убо примь власть, по триех днех взыде во Иерусалим от Кесарии. 2 Сказаша же ему архиереи и первии от Иудей на Павла и моляху его, 3 просяще благодати нань, яко да послет его во Иерусалим, ков творяще, яко да убьют его на пути. 4 Фист же повеле Павла стрещи в Кесарии, сам тамо хотя вскоре изыти: 5 иже убо сильнии в вас, рече, со мною шедше, аще есть кая неправда в мужи сем, да глаголют нань. 6 Пребыв же у них не множае десяти дний, сниде в Кесарию: на утрие сед на судищи, повеле Павла привести. 7 Приведену же бывшу ему, окрест сташа иже от Иерусалима шедшии Иудее, многи и тяжки вины приносяще на Павла, иже не можаху изывати: 8 отвещавающу ему, яко ни на закон Иудейский, ни на церковь, ни на кесаря что согреших. 9 Фист же хотя угодное Иудеем сотворити, отвещав Павлови рече: хочещи ли, во Иерусалим возшед, тамо о сих суд прияти от мене? 10 Рече же Павел: на судищи кесарева стоя есмь, идеже ми достоин суд прияти: Иудей ни чимже обидех, якоже и ты добре веси: 11 аще бо неправдую или достойно смерти сотворих что, не отmeshуся умрети: аще ли же ничтоже есть во мне, еже сии на мя клевету, никтоже мя может тем выдати: кесаря нарицаю. 12 Тогда Фист состязався с советники, отвеща: кесаря ли нарекл еси? К кесарю пойдеши. 13 Днем же минувшим неким, Агриппа царь и Верникиа сидоста в Кесарию целовати Фиста. 14 И якоже многи дни пребыста ту, Фист сказа царю яже о Павле, глаголя: муж некий есть оставлен от Филикса узник, 15 о немже, бывшу ми во Иерусалиме, явиша архиереи и старцы Иудейстии, просяще нань суда. 16 К нимже отвещах, яко несть обычай Римляном выдати человека коего на погибель, прежде даже оклеветаемый не имать пред лицом клеветующих его и место ответа примет о своем согрешении. 17 Сшедшымся же им zde, закоснение ни едино сотворь, на утрие сед на судищи, повелех привести мужа. 18 Окрест же его ставше клеветницы, ни едину вину, яже аз непщевах, нанесоша: 19 стязания же некая о своей различной вере имяху к нему и о некоем Иисусе умершем, Егоже глаголаше Павел жива быти. 20 Недоумеяся же аз о взыскании сих, глаголах, аще хочет ити во Иерусалим и тамо суд прияти о сих. 21 Павлу же нарекшу блюдену быти ему до разсуждения Августа, повелех блюсти его, дондеже пошлю его к кесарю. 22 Агриппа же к Фисту рече: хотел бых и сам человека сего слышати. Он же рече: утре услышиши его. 23 На утрие же пришедшу Агриппе и Верникии со мною гордостию и вшедшым в судебную палату с тысящники и с нарочитыми мужи града, и повелешу Фисту, приведен бысть Павел. 24 И рече Фист: Агриппа царю и вси сущии с нами мужие, видите сего, о немже все множество Иудей стужаху ми во Иерусалиме же и zde, вопиюще, яко не подобает жити ему ктому: 25 аз же разумев ничтоже достойно смерти сотворша его, и самому же сему нарекшу Севаста, судих послати его: 26 о немже известное что писати господину не имам: темже и приведох его пред вас, наипаче же пред ты, Агриппа царю, яко да разсуждению бывшу имам что писати: 27 безсловесно бо мнится ми, посылающе юзника, а вины, яже нань, не сказати.

26 Агриппа же к Павлу рече: повелевается ти о себе самому глаголати. Тогда Павел простер руку отвещаваше: 2 о всех, о ниже оклеветаемь есмь от Иудей, царю Агриппо, непщую себе блаженна быти, яко пред тобою отвещати днешь имам, 3 паче же ведца ты суца сведый всех Иудейских обычаев и взысканий. Темже молюся ти долготерпеливно послушати мене. 4 Житие убо мое еже от юности, исперва бывшее во языке моем во Иерусалиме, ведят вси Иудее, 5 ведяще мя исперва, аще хотят свидетелствовати, яко по известной ереси наша веры жих фарисеи. 6 И ныне о уповании обетования, бывшаго от Бога ко отцем нашим, стою судимь, 7 в неже обанадесея колена наша безпрестани день и ночь служаще надеются доити: о немже уповании оклеветаемь есмь, царю Агриппо, от Иудей. 8 Что? Неверно ли судится вами, яко Бог мертвья возставляет? 9 Аз убо мнех, яко подобает ми многа сопротивна противу имене Иисуса Назореа сотворити: 10 еже и сотворих во Иерусалиме, и многи от святых аз в темницах затворях, власть от архиерей приемь: убиваемым же им прилагах совет: 11 и на всех сонмищх множицею мучя их, принуждах хулити: презлиха же вражду на них, гонях даже и до внешних градов. 12 В ниже идыи в Дамаск со властию и повелением, еже от архиерей, 13 в полудни на пути видех, царю, с небесе паче сияния солнечного осиявший мя свет и со мною идущих. 14 Всем же падшым нам на землю, слышах глас глаголющ ко мне и вещающ еврейским языком: Савле, Савле, что Мя гониши? Жестоко ты есть противу рожна прати. 15 Аз же рех: кто еси, Господи? Он же рече: Аз есмь Иисус, Егоже ты гониши: 16 но востани и стани на ногу твою: на се бо явихся ти, сотворити ты слугу и свидетеля, яже видел еси и яже явлю тебе, 17 изимая тя от людей Иудейских и от язык, к нимже Аз тя пошлю, 18 отверсти очи их, да обратятся от тмы в свет и от области сатанины к Богу, еже прияти им оставление грехов и достояние во святых верою, яже в Мя. 19 Темже, царю Агриппо, не бых противен небесному видению, 20 но сущым в Дамасце прежде и во Иерусалиме, и во всяцей стране Иудейстей и языком проповедуя покаяться и обратитися к Богу, достойна покаянию дела творяще. 21 Сих ради мя Иудее емше во святилищи хотяху растерзати. 22 Помощь убо улучив яже от Бога, даже до дне сего стою, свидетелствуя малу же и велику, ничтоже вещая, разве яже пророцы рекоша хотящая быти и Моисей, 23 яко Христос имеваше пострадати, яко первый от воскресения мертвых свет хотяше проповедати людем (Иудейским) и языком. 24 Сия же ему отвещавающу, Фист велиим гласом рече: беснуешися ли, Павел? Многия ты книги в неистовство прелагают. 25 Он же: не беснуюся, рече, державный Фисте, но истини и целомудрия глаголюи вещаю: 26 весть бо о сих царь, к немуже и с дерзновением глаголю: утаитися бо ему от сих не верую ничесомуже, несть бо во угле сотворено сие: 27 веруеши ли, царю Агриппо, пророком? Вем, яко веруеши. 28 Агриппа же к Павлу рече: вмале мя препираеши Христианина быти. 29 Павел же рече: молил убо бых Бога, и вмале и во мнозе, не токмо тебе, но и всех слышавших мя днешь, быти им тацем, яков и аз есмь,

кроме уз сих. 30 И сия рекшу ему, воста царь и игемон, и Верникиа и сидящи с ними, 31 и отшедше беседоваху друг ко другу, глаголюще, яко ничтоже смерти достойно или уз творит человек сей. 32 Агриппа же Фисту рече: отпущен быти можаше человек сей, аще не бы кесаря нарицал. И тако суди игемон послати его к кесарю.

27 И якоже суждено бысть отплыти нам во Италию, предаху Павла же и иныя некия юзники сотнику, именем Иулию, сперы Севастийския. 2 Шедше же в корабль Адрамитский, восхотевше плыти во Асийская места, отвезохомся, сущу с нами Аристарху Македонянину от Солуны. 3 В другой же пристахом в Сидоне: человеколюбие же Иулий Павлови дея, повеле к другому шедшу прилежание улучити. 4 И оттуду отвезеся приплыхом в Кипр, зане ветри бяху противни: 5 пучину же, яже противу Килиикии и Памфилии, преплывше, приидохом в Миры Ликийския. 6 И тамо обрет сотник корабль Александрийский плывущь во Италию, всади ны в оны. 7 Во многи же дни косно плавающе и едва бывше противу Книда, не оставляющу нас ветру, приплыхом под Крит при Салмоне: 8 едва же избирающе край, приидохом на место некое, нарицаемое Доброе Пристанище, емуже близ бе град Ласей. 9 Многу же времени минувшу и сущу уже небезбедну плаванию, занеже и пост уже бе прешел, советоваше Павел, 10 глаголя им: мужие, вижду, яко с досаждением и мноною тщетою не токмо бремене и корабля, но и душ наших хочет быти плавание. 11 Сотник же кормчия и навклира послушаше паче, нежели Павлом глаголемых. 12 Не добру же пристанищу сущу ко озимению, мнози совет даяху отвезтися оттуду, аще како возмогут, достигше Финикии, озимети в пристанищи Критстем, зрящем к ливу и к хору. 13 Дхнувшу же югу, мневше волю свою улучити, воздвигше ветрила, плыху вскрай Крита. 14 Не по мнозе же возвевя противен ему ветр бурен, нарицаемый евроклидон. 15 Восхищену же быху кораблю и не могущу сопротивитися ветру, вдавшися волнам носими бехом. 16 Остров же некий мимотекше, нарицающься Клавдий, едва возмогохом удержати ладью: 17 юже востягше, всяким образом помогаху, подтверждающе корабль: боящся же, да не в сирть впадут, низпустивше парус, сице носими беху. 18 Вельми же обуреваемым нам, на утрие изметание творяху, 19 и в третий день своими руками ядрило корабленное извергохом. 20 Ни солнцу же, ни звездам явльшымся на многи дни, и зиме не мале належащей, прочее отимашеся надежда вся, еже спастися нам. 21 Многу же неядению сущу, тогда став Павел посреде их, рече: подобаше убо, о, мужие, послушавше мене, не отвезтися от Крита и избыти досаждения сего и тщеты: 22 и се, ныне молю вы благодушствовати, погибель бо ни единой души от вас будет, разве корабля: 23 предста бо ми в сию ночь Ангел Бога, Егоже аз есмь, Емуже и служу, 24 глаголя: не бойся, Павле, кесарю ти подобает предстати, и се, дарова тебе Бог вся плавающя с тобою. 25 Темже дерзайте, мужие, верую бо Богови, яко тако будет, имже образом речено ми бысть: 26 во остров же некий

подобает нам пристати. 27 И егда четвертаянадесять ночь бысть, носимым нам во Адриатстей (пучине), в полунощи нещевяху корабленицы, яко приближаются к некоей стране, 28 и измеривше глубину обретоша сажений двадесять: мало же прешедше и паки измеривше, обретоша сажений пятнадцать. 29 Боящся же, да не како в прудная места впадут, от носа корабля вергше котвы четыри, моляхомся, да день будет. 30 Кораблеником же ищущым бежати из корабля и низвесившим ладью в море, изветом аки от носа хотящим котвы простерти, 31 рече Павел сотнику и воино: аще не сии пребудут в корабли, вы спастися не можете. 32 Тогда воины отрезаша ужа ладии и оставиша ю отпасти. 33 Егда же хотяше день быти, моляше Павел всех, да примут пищу, глаголя: четыренадесятый днесь день ждуще, не ядше пребываете, ничтоже вкусивше: 34 темже молю вас прияти пищу, се бо к вашему спасению есть: ни единому бо от вас влас главы отпадет. 35 Рек же сия и приемь хлеб, благодари Бога пред всеми и преломль начат ясти. 36 Благонадежни же бывше вси, и тии прияша пищу: 37 бе же в корабли всех душ двесте семьдесят и шесть. 38 Насыщешся же брашна, облегчиша корабль, изметающе пшеницу в море. 39 Егда же день бысть, земли не познаваху: недро же некое усмотреша имущее песок, в неже, аще мощно есть, совещаша извлещи корабль. 40 И котвы собравше, взяхуся по морю: купно ослабивше ужа кормилом и воздвигше малое ветрило к дышущему ветрецу, везохомся на край. 41 Владше же в место ископное, увязиша корабль: и нос убо увязший пребысть недвижимь, кормило же разбивашеся от нужды волн. 42 Воином же совет бысть, да узники убьют, да не кто поплыв избегнет. 43 Сотник же, хотя соблюсти Павла, возбрани совету их, повеле же могущым плавати, да изскочивше первее изыдут на край, 44 а прочии, ови убо на дщицах, ови же на нечем от корабля. И тако бысть всем спастися на землю.

28 Спасени же бывше иже с Павлом от корабля, тогда разумеша, яко остров Мелит нарицается. 2 Варвари же творяху не малое милосердие нам: возгнещше бо огонь, прияша всех нас, за настоящий дождь и зиму. 3 Сгромаждшу же Павлу рождия множество и возложившу на огонь, ехидна от теплоты изшедши, секну в руку его. 4 И егда видеша варвари висящу змию от руки его, глаголаху друг ко другу: всяко убийца есть человек сей, егоже спасена от моря суд Божий жити не остави. 5 Той же убо, оттряс змию во огонь, ничтоже зло пострада. 6 Они же чаяху его имуща возгоретися, или пасти внезапно мертва: на мнозе же того чающым и ничтоже зло в нем бывшее видящым, претворшеся, глаголаху Бога того быти. 7 Окрест же места онаго бяху села первого во острове, именем Поплиа, иже приимь нас, три дни любезне учреди. 8 Бысть же отцу Поплиеву огнем и водным трудом одержиму лежати: к немуже Павел вшед, и помолився, и возложь рече свои нань, исцели его. 9 Сему же быху, и прочии имущии недуги во острове том приходяху и исцелевахуся: 10 иже и многими чествыми почтоша нас, и отвозящымся нам яже на потребу вложиша. 11 По триех же месяцев отвезохомся в корабли

Александрийцем, подписаном Диоскуры, презимевшем во острове, 12 и доплывше в Сиракусы, пребыхом дни три: 13 оттуду же отплывше, приидохом в Ригию, и по едином дни возвевашу югу, во второй день приидохом в Потиолы, 14 идеже обретше братию, умолены быхом от них пребыти дний седмь: и тако в Рим идохом. 15 И от тамо братия, слышавше яже о нас, изыдоша во сретение наше даже до Аппиева торга и триех корчемниц: ихже видев Павел и благодарив Бога, прият дерзновение. 16 Егда же приидохом в Рим, сотник предаде узники воеводе, Павлу же повеле пребывати о себе, с соблюдающим его воином. 17 Бысть же по днех триех, созва Павел сущыя от Иудеев первыя: шедшымся же им, глаголаше к ним: мужие братие, аз ничтоже противно сотворив людем или обычаем отеческим, узник от Иерусалимлян предан бых в руце Римляном, 18 иже расудивше яже о мне, хотяху пустити, зане ни едина вина смертная бысть во мне: 19 сопотив же глаголющым Иудеем, нужда ми бысть нарещи кесаря, не яко язык мой имея в чесом оклеветати: 20 сея ради убо вины умолих вас, да вижду и беседую: надежды бо ради Израилевы веригами сими обложен есмь. 21 Они же к нему реша: мы ниже писания о тебе прияхом от Иудей, ниже пришед кто от братий возвести или глагола что о тебе зло: 22 молимся же, да слышим от тебе, яже мудрствуеши: о ереси бо сей ведомо есть нам, яко всюду сопотив глаголемо есть. 23 Уставивше же ему день, приидоша к нему в странноприемницу множайшии, имже сказаше свидетелствуя Царствие Божие и уверяя их, яже о Иисусе, от закона Моисеова и пророк, от утра даже до вечера. 24 И ови убо вероваху глаголемым, ови же не вероваху. 25 Несогласни же суще друг ко другу, отхождаху, рекшу Павлу глагол един, яко добре Дух Святый глагола Исаием пророком ко отцем нашим, 26 глаголя: иди к людем сим и рцы: слухом услышите и не имате разумети: и видяще узрите и не имате видети: 27 одебеле бо сердце людий сих, и ушима тяжко слышаша, и очи свои смежиша, да не како увидят очима, и ушима услышат, и сердцем уразумеют, и обратятся, и исцелю их. 28 Ведомо убо да будет вам, яко языком послася спасение Божие, сии и услышат. 29 И сия тому рекшу, отидоша Иудее, многое имуще между собою состязание. 30 Пребысть же Павел два лета исполнь своею мздою (цела два лета на своем иждивении) и принимаше вся приходящыя к нему, 31 проповедуя Царствие Божие и учя яже о Господе нашем Иисусе Христе со всяким дерзновением невозбранно.

Послание к Римлянам

1 Павел, раб Иисус Христов, зван Апостол, избран в благовестие Божие, **2** еже прежде обеща пророки Своими в писаниих святых, **3** о Сыне Своем, бывшем от семени Давидова по плоти, **4** нареченном Сыне Божии в силе, по духу святыни, из воскресения от мертвых, Иисуса Христа Господа нашего, **5** Имже прияхом благодать и апостолство в послушание веры во всех языцех, о имени Его. **6** В ниже есте и вы, звани Иисусу Христу. **7** Всем сущым в Риме возлюбленным Богу, званным святым. Благодать вам и мир от Бога Отца нашего, и Господа Иисуса Христа. **8** Первое убо благодарю Бога моего Иисусом Христом о всех вас, яко вера ваша возvesчается во всем мире. **9** Свидетель бо ми есть Бог, Емуже служу духом моим во благовествовании Сына Его, яко безпрестани память о вас творю, **10** всегда в молитвах моих моляся, аще убо когда поспешен буду волею Божиею приити к вам. **11** Желаю бо видети вас, да некое подам вам дарование духовное, ко утверждению вашему. **12** Сие же есть, соушеститися в вас верою общею, вашею же и моею. **13** Не хошу же не ведети вам, братие, яко множицею восхотех приити к вам, и возбранен бых доселе, да некии плод имею и в вас, якоже и в прочих языцех. **14** Еллином же и варваром, мудрым же и неразумным должен есмь. **15** Тако есть, еже по моему усердию и вам сущым в Риме благовестити. **16** Не стыжуся бо благовествованием Христовым: сила бо Божия есть во спасение всякому верующему, Иудеови же прежде и Еллину. **17** Правда бо Божия в нем является от веры в веру, якоже есть писано. Праведныи же от веры живи будут. **18** Открывается бо гнев Божии с небесе на всякое нечестие и неправду человеков, содержащих истину в неправде. **19** Зане разумное Божие яве есть в них, Бог бо явил есть им: **20** невидима бо Его, от создания мира твореньми помышляема, видима суть, и присносущная сила Его и Божество, во еже быти им безответным. (aídios g126) **21** Занеже разумевше Бога, не яко Бога прославиша или благодариша, но осуетишася помышлении своими, и омрачися неразумное их сердце. **22** Глаголющеся быти мудри, обьяуродеша, **23** и измениша славу нетленного Бога в подобие образа тленна человека и птиц и четверног и гад. **24** Темже и предаде их Бог в похотех сердец их в нечистоту, во еже сквернитися телесем их в себе самех. **25** Иже измениша истину Божию во лжу, и почтоша и послушаша твари паче Творца, Иже есть благословен во веки, аминь. (aíōn g165) **26** Сего ради предаде их Бог в страсти безчестия. И жены бо их измениша естественную подобу в презестественную. **27** Такжеже и мужи, оставльше естественную подобу женска пола, разжегшася похотию своею друг на друга, мужи на мужех студ содевающе, и возмездие, еже подобаше прелести их, в себе восприемлюще. **28** И якоже не искусиша имети Бога в разуме, (сего ради) предаде их Бог в неискусен ум, творити неподобная, **29** исполненных всякия неправды, блужения, лукавства, лихоимания, злобы. Исполненных зависти, убийства, рвеня,

льсти, злонаравия. **30** Шепотники, клеветники, богомерзки, досадители, величавы, горды, обретатели злых, родителем непокоривы, **31** неразумны, непримирителны, нелюбовны, неклятвохранительны, немилостивны. **32** Нецьи же и оправдание Божие разумевше, яко таковая творящии достойни смерти суть, не точию сами творят, но и соизволяют творящым.

2 Сего ради безответен еси, о, человече всяк судяй: имже бо судом судиши друга, себе осуждаеши. Таяжде бо твориши судяй. **2** Вемы же, яко суд Божии есть поистинне на творящих таковая. **3** Помышляеши ли же сие, о, человече, судяй таковая творящым и творя сам таяжде, яко ты избежиши ли суда Божия, **4** или о богатстве благодсти Его и кротости и долготерпении нерадиши, не ведый, яко благодсть Божия на покаяние тя ведает? **5** По жестокости же твоей и непокаянному сердцу, собираеши гнев в день гнева и откровения праведнаго суда Божия, **6** Иже воздаст коемуждо по делом его. **7** Овым убо, по терпению дела благаго, славы и чести и нетления ищущым, живот вечный. (aíōnios g166) **8** А иже по рвеню противляются убо истине, повинуются же неправде, ярость и гнев. **9** Скорбь и теснота на всяку душу человека творящаго злое, Иудеа же прежде и Еллина. **10** Слава же и честь и мир всякому делающему благое, Иудееве же прежде и Еллину. **11** Несть бо на лица зрения у Бога. **12** Елицы бо беззаконно согреша, беззаконно и погибнут: и елицы в законе согреша, законом суд примут. **13** Не слышатели бо закона праведни пред Богом, но творцы закона, (сии) оправдятся: **14** егда бо языцы, не имуща закона, естеством законная творят, сии, закона не имуща, сами себе суть закон. **15** Иже являют дело законное написано в сердцах своих, спослушствующи им совести, и между собою помыслом осуждающым или отвечающым, **16** в день, егда судит Бог тайная человеком, по благовестию моему, Иисусом Христом. **17** Се ты Иудей именуеши, и почиваеши на законе, и хвалишися о Бозе, **18** и разумееши волю, и разсуждаеши лучшая, научаемь от закона, **19** уповая же себе вожда быти слепым, света сущым во тме, **20** наказателя безумным, учителя младенцем, имуща образ разума и истины в законе. **21** Научая убо инаго, себе ли не учиши, **22** проповедавая не красти, крадеши: глаголай не прелюбы творити, прелюбы твориши: гнушаяся идол, святая крадеши: **23** иже в законе хвалишися, преступлением закона Бога безчестуеши. **24** Имя бо Божие вами хулится во языцех, якоже есть писано. **25** Обрезание бо пользует, аще закон твориши. Аще же закона преступник еси, обрезание твое необрезание бысть. **26** Аще убо необрезание оправдание закона сохранил, не необрезание ли его во обрезание вменится, **27** и осудит еже от естества необрезание, закон совершающее, тебе, иже Писанием и обрезанием еси преступник закона. **28** Не бо иже яве, Иудей есть, ни еже яве во плоти, обрезание. **29** Но иже в тайне Иудей, и обрезание сердца духом, (а) не писанием: емуже похвала не от человек, но от Бога.

3 Что убо лишнее Иудею? Или кая польза обрезания? **2** Много, по всякому образу: первее бо, яко вверена быша им словеса Божия. **3** Что бо, аще не вероваша нещии? Еда (убо) неверствие их веру Божию упразднит? **4** Да не будет: да будет же Бог истинен, всяк же человек ложь, якоже есть писано: яко да оправдишия во словесех Твоих, и победиши, вегда судити Ти. **5** Аще ли неправда наша Божию правду составляет, что речем? Еда ли неправеден Бог наносяй гнев? По человеку глаголю. **6** Да не будет: понеже како судити избыт Бог миру? **7** Аще бо истина Божия в моей лжи иматьочестова в славу Его, что еще и аз яко грешник осуждаюся, **8** и не якоже хулился, и якоже глаголют нещии нас глаголати, яко сотворим злая, да приидут благая: ихже суд праведен есть. **9** Что убо, преимеем ли? Никакоже: предукорихом бо Иудеи же и Еллины вся под грехом быти, **10** якоже есть писано. Яко несть праведен никтоже: **11** несть разумеваия, и несть взыскаий Бога: **12** вси уклонишася, вкупе непотребни быша. Несть творяй благостыню, несть даже до единого. **13** Гроб отверст гортань их, языки своими льщаю. Яд аспидов под устнами их. **14** Ихже уста клятвы и горести полна суть. **15** Скоры ноги их пролияти кровь: **16** сокрушение и озлобление на путех их, **17** и пути мирнаго не познаша. **18** Несть страха Божия пред очима их. **19** Вемы же, яко елика закон глаголет, сущым в законе глаголет: да всяка уста заградятся, и повинен будет весь мир Богови: **20** зане от дел закона не оправдится всяка плоть пред Ним: законом бо познание греха. **21** Ныне же кроме закона правда Божия явися, свидетельствуема от закона и пророк. **22** Правда же Божия верую Иисус Христовою во всех и на всех верующих: несть бо разнствия, **23** вси бо согрешиха, и лишени суть славы Божия, **24** оправдаеми туне благодатию Его, избавлением, еже о Христе Иисусе, **25** Егоже предположи Бог очищение верою в Крови Его, в явление правды Своея, за отпушение прежде бывших грехов, **26** в долготерпении Божии, и в показание правды Его в нынешнее время, во еже быти Ему праведну и оправдающе сущаго от веры Иисусовы. **27** Где убо похвала, отгнася. Которым законом? Делы ли? Ни, но законом веры. **28** Мыслим убо верою оправдатися человеку, без дел закона. **29** Или Иудеев Бог токмо, а не и языков? Ей, и языков: **30** понеже един Бог, Иже оправдит обрезание от веры и необрезание верою. **31** Закон ли убо разоряем верою? Да не будет: но закон утверждаем.

4 Что убо речем Авраама отца нашего обрести по плоти? **2** Аще бо Авраам от дел оправдася, имать похвалу, но не у Бога. **3** Что бо Писание глаголет? Верова же Авраам Богови, и вменися ему в правду. **4** Делаящему же мзда не вменяется по благодати, но по долгу: **5** а не делаящему, верующему же во Оправдающего нечестива, вменяется вера его в правду. **6** Якоже и Давид глаголет блаженство человека, емуже вменяет Бог правду, без дел закона: **7** блажени, ихже отпустишася беззакония и ихже прикрывшася греси: **8** блажен муж, емуже не вменит Господь греха. **9** Блаженство убо сие на обрезание ли, или на необрезание? Глаголем бо, яко

вменися Аврааму вера в правду. **10** Какое убо вменися ему, во обрезании ли сущу, или в необрезании, не во обрезании, но в необрезании. **11** И знамение прият обрезания, печать правды веры, яже в необрезании. Яко быти ему отцу всех верующих в необрезании, во еже вменитися и тем в правду. **12** И отцу обрезания, не сущым точию от обрезания, но и ходящим в стопах веры, яже (бе) в необрезании отца нашего Авраама. **13** Не законом бо обетование Аврааму, или семени его, еже быти ему наследнику миру, но правдою веры. **14** Аще бо сущии от закона наследницы, испразднися вера, и разорися обетование: **15** закон бо гнев соделовае: идеже бо несть закона, (ту) ни преступления. **16** Сего ради от веры, да по благодати, во еже быти известну обетованию всему семени, не точию сущему от закона, но и сущему от веры Авраамовы, иже есть отец всем нам, **17** якоже есть писано: яко отца многим языком положих тя, прямо Богу, Емуже верова, животворящему мертвыя и нарицающею не сущая яко сущая. **18** Иже паче упования во упование верова, во еже быти ему отцу многим языком, по реченному: тако будет семя твоё. **19** И не изнегомо верою, ни усмотри своея плоти уже умерщвленныя, столетен негде сый, и мертвосты ложесн Сарриных: **20** во обетовании же Божии не усумнеся неверованием, но возможе верою, дав славу Богови **21** и известен быв, яко, еже обеща, силен есть и сотворити. **22** Темже и вменися ему в правду. **23** Не писано же бысть за того единого точию, яко вменися ему, **24** но и за ны, имже хочет вменитися, верующым в Воскресившаго Иисуса Христа Господа нашего из мертвых, **25** Иже предан бысть за прегрешения наша и воста за оправдание наше.

5 Оравдившеся убо верою, мир имамы к Богу Господем нашим Иисус Христом, **2** Имже и приведение обретохом верою во благодать сию, в нейже стоим, и хвалимся упованием славы Божия. **3** Не точию же, но и хвалимся в скорбех, ведяще, яко скорбь терпение соделовае, **4** терпение же искусство, искусство же упование: **5** упование же не посрамит. Яко любы Божия излися в сердца наша Духом Святым данным нам. **6** Еще бо Христос сущым нам немощным, по времени за нечестивых умре. **7** Едва бо за праведника кто умрет: за благаго бо негли кто и дерзнет умрети. **8** Составляет же Свою любовь к нам Бог, яко, еще грешником сущым нам, Христос за ны умре. **9** Много убо паче, оправдани бывше ныне Кровию Его, спасемся Им от гнева. **10** Аще бо врази бывше примирихомся Богу смертию Сына Его, множае паче примирившеся спасемся в животе Его: **11** не точию же, но и хвалимся о Бозе Господем нашим Иисус Христом, Имже ныне примирение прияхом. **12** Сего ради якоже единым человеком грех в мир вниде, и грехом смерть, и тако смерть во вся человеки вниде, в немже вси согрешиха. **13** До закона бо грех бе в мире: грех же не вменяшеся, не сущу закону. **14** Но царствова смерть от Адама даже до Моисея и над несогрешившими по подобию преступления Адамова, иже есть образ будущего. **15** Но не якоже прегрешение, тако и дар. Аще бо прегрешением единого мнози умроша, множае паче благодать Божия и дар благодатию единого Человека Иисуса Христа во

многих преизлишествова. 16 И не якоже едином согрешшим, дарование. Грех бо из единого во осуждение: дар же от многих прегрешении во оправдание. 17 Аще бо единого прегрешением смерть царствова едином, множае паче избыток благодати и дар правды приемлюще, в жизни воцарятся едином Иисус Христом. 18 Темже убо, якоже единого прегрешением во вся человеки вниде осуждение, такожде и единого оправданием во вся человеки вниде оправдание жизни. 19 Якоже бо послушанием единого человека грешни быша мнози, сие и послушанием единого праведни будут мнози. 20 Закон же привиде, да умножится прегрешение. Идеже бо умножися грех, преизбыточествова благодать: 21 да якоже царствова грех во смерть, такожде и благодать воцарится правдою в жизнь вечную, Иисус Христом Господем нашим. (aiōnios g166)

6 Что убо речем, пребудем ли во гресе, да благодать преумножится? Да не будет. 2 Иже бо умрохом греху, како паки оживем о нем? 3 Или не разумеете, яко елицы во Христа Иисуса крестихомся, в смерть Его крестихомся? 4 Спогребохомся убо Ему крещением в смерть, да якоже воста Христос от мертвых славою Отчею, тако и мы во обновлении жизни ходити начнем. 5 Аще бо сообразни быхом подобию смерти Его, то и воскресения будем, 6 сие ведяще, яко ветхий наш человек с Ним распятыся, да упразднится тело греховное, яко ктому не работати нам греху. 7 Умерый бо свободися от греха. 8 Аще же умрохом со Христом, веруем, яко и живи будем с Ним, 9 ведяще, яко Христос воста от мертвых, ктому уже не умирает: смерть Им ктому не обладает. 10 Еже бо умре, греху умре единою: а еже живет, Богови живет. 11 Такожде и вы помышляйте себе мертвых убо быти греху, живых же Богови, о Христе Иисусе Господе нашем. 12 Да не царствует убо грех в мертвеннем вашем теле, во еже послушати его в похотех его: 13 ниже представляйте уды ваша оружия неправды греху: но представляйте себе Богови яко от мертвых живых, и уды ваша оружия правды Богови. 14 Грех бо вами да не обладает. Несте бо под законом, но под благодатию. 15 Что убо, согрешим ли, зане несмы под законом, но под благодатию, да не будет. 16 Не весте ли, яко емуже представляете себе рабы в послушание, раби есте, егоже слушаете, или греха в смерть, или послушания в правду? 17 Благодарим убо Бога, яко бесте раби греху, послушасте же от сердца, в оньже и предастесе образ учения. 18 Свободждесе же от греха, поработистесе правде. 19 Человеческо глаголю, за немощь плоти ваша. Якоже бо представисте уды ваша рабы нечистоте и беззаконию в беззаконие, тако ныне представите уды ваша рабы правде во святыню. 20 Егда бо раби бесте греха, свободни бесте от правды. 21 Кий убо тогда иместе плод? О ниже ныне стыдитесь, кончина бо онех, смерть. 22 Ныне же свободждесе от греха, порабождшесе же Богови, имате плод ваш во святыню, кончину же жизнь вечную. (aiōnios g166) 23 Оброцы бо греха смерть: дарование же Божие живот вечный о Христе Иисусе Господе нашем. (aiōnios g166)

7 Или не разумеете, братие: ведущим бо закон глаголю: яко закон обладает над человеком, во елико время живет? 2 Ибо мужатая жена живу мужу привязана есть законом: аще ли же умрет муж ея, разрешится от закона мужескаго. 3 Темже убо, живу сущу мужу, прелюбодейца бывает, аще будет мужеви иному: аще ли умрет муж ея, свободна есть от закона, не быти ей прелюбодейце, бывшей мужу иному. 4 Темже, братие моя, и вы умросте закону телом Христовым, во еже быти вам иному, Воставшему из мертвых, да плод принесем Богови. 5 Егда бо бехом во плоти, страсти греховныя, яже законом, действовахоу во удох наших, во еже плод творити смерти: 6 ныне же упразднихомся от закона, умерше, имже держими бехом, яко работати нам (Богови) во обновлении духа, а не в ветхости писмене. 7 Что убо речем? Закон ли грех? Да не будет: но греха не знах, точию законом: похоти же не ведах, аще не бы закон глаголал: не похощеши. 8 Вину же прием грех заповедию, содела во мне всяку похоть: без закона бо грех мертв есть. 9 Аз же живях кроме закона иногда: пришедшей же заповеди, грех убо оживе, 10 аз же умрох: и обретесе ми заповедь, яже в живот, сия в смерть, 11 грех бо вину прием заповедию, прельсти мя, и тою умертви мя. 12 Темже убо закон свят, и заповедь свята и праведна и блага. 13 Благое ли убо бысть мне смерть? Да не будет: но грех, да явится грех, благим ми содеявая смерть, да будет по премному грешен грех заповедию. 14 Вемы бо, яко закон духовен есть: аз же плотян есмь, продан под грех. 15 Еже бо содеяваю, не разумю: не еже бо хощу, сие творю, но еже ненавижду, то соделоваю. 16 Аще ли, еже не хощу, сие творю, хвалю закон яко добр, 17 ныне же не ктому аз сие содеяваю, но живый во мне грех. 18 Вем бо, яко не живет во мне, сиречь во плоти моей, доброе: еже бо хотети прилежит ми, а еже содеяти доброе, не обретаю. 19 Не еже бо хощу доброе, творю, но еже не хощу злое, сие содеяваю. 20 Аще ли, еже не хощу аз, сие творю, уже не аз сие творю, но живый во мне грех. 21 Обретаю убо закон, хотящу ми творити доброе, яко мне злое прилежит. 22 Соуслаждаюся бо закону Божию во внутреннему человеку: 23 вжду же ин закон во удох моих, противу воюющу закону ума моего и пленяющу мя законом греховным, сущим во удох моих. 24 Окаянен аз человек: кто мя избавит от тела смерти сея? 25 Благодарю Бога моего Иисус Христом Господем нашим. Темже убо сам аз умом моим работаю закону Божию, плотию же закону греховному.

8 Ни едино убо ныне осуждение сущим о Христе Иисусе, не по плоти ходящим, но по духу: 2 закон бо духа жизни о Христе Иисусе свободил мя есть от закона греховнаго и смерти. 3 Немощное бо закона, в немже немоществоваше плотию, Бог Сына Своего посла в подобии плоти греха, и о гресе осуди грех во плоти, 4 да оправдание закона исполнится в нас, не по плоти ходящих, но по духу. 5 Сущи бо по плоти, плотская мудрствуют. А иже по духу, духовная. 6 Мудрование бо плотское смерть есть, а мудрование духовное живот и мир, 7 зане мудрование плотское вражда на Бога: закону бо Божию не покаряется, ниже бо может. 8

Сущи же во плоти, Богу угодити не могут. 9 Вы же несте во плоти, но в душе, понеже Дух Божий живет в вас. Аще же кто Духа Христова не имеет, сей несть Его. 10 Аще же Христос в вас, плоть убо мертва греха ради, дух же живет правды ради. 11 Аще ли же Дух Воскресившаго Иисуса от мертвых живет в вас, Воздвигий Христа из мертвых оживотворит и мертвенная телеса ваша, живущим Духом Его в вас. 12 Темже убо, братие, должны есмы не плоти, еже по плоти жити. 13 Аще бо по плоти живете, имате умрети, аще ли духом деяния плотская умерщвляет, живи будете; 14 елицы бо Духом Божиим водятся, сии суть сынове Божии: 15 не приясте бо духа работы паки в боязнь, но приясте Духа сыноположения, о Немже вопием: Авва Отче. 16 Самый Дух спослушествует духови нашему, яко есмы чада Божия. 17 Аще же чада, и наследницы: наследницы убо Богу, наследницы же Христу, понеже с Ним страдаем, да и с Ним прославимся. 18 Непшую бо, яко недостойны страсти нынешняго времени к хотящей славе явитися в нас. 19 Чаение бо твари, откровения сынов Божиих чае: 20 суете бо тварь повинуюся не волею, но за повинувшаго ю, на уповании, 21 яко и сама тварь свободится от работы истления в свободу славы чад Божиих. 22 Вемы бо, яко вся тварь с нами совоздыхает и сблезнет даже доныне: 23 не точию же, но и сами начаток Духа имуще, и мы сами в себе воздыхаем, всыновления чающе, избавления телу нашему. 24 Упованием бо спасохомся. Упование же видимое, несть упование: еже бо видит кто, что и уповает? 25 Аще ли, егоже не видим, надеемся, терпением ждем. 26 Сице же и Дух спослужает нам в немощех наших: о чесом бо помолимся, якоже подобает, не вемы, но Сам Дух ходатайствует о нас воздыхании неизглаголанномы. 27 Испытайте же сердца весть, что есть мудрование Духа, яко по Богу приповедует о святых. 28 Вемы же, яко любящим Бога вся спешествуют во благое, сущым по предуведению званым: 29 ихже бо предуведе, (тех) и предустави сообразных быти образу Сына Своего, яко быти Ему первородну во многих братиих: 30 а ихже предустави, тех и призва: а ихже призва, сих и оправда: а ихже оправда, сих и прослави. 31 Что убо речем к сим, аще Бог по нас, кто на ны, 32 Иже убо Своего Сына не пощаде, но за нас всех предал есть Его, како убо не и с Ним вся нам дарствует? 33 Кто поемлет на избранныя Божия, Бог оправдая. 34 Кто осуждая? Христос Иисус умерый, паче же и воскресый, Иже и есть о десную Бога, Иже и ходатайствует о нас. 35 Кто ны разлучит от любве Божия, скорбь ли, или теснота, или гонение, или глад, или нагота, или беда, или меч? Якоже есть писано: 36 яко Тебе ради умерщвляеми есмы весь день: вменихомся якоже овцы заколения. 37 Но во всех сих препобеждаем за Возлюбльшаго ны. 38 Известихся бо, яко ни смерть, ни живот, ни Ангели, ни Начала, ниже Силы, ни настоящая, ни грядущая, 39 ни высота, ни глубина, ни ина тварь кая возможет нас разлучити от любве Божия, яже о Христе Иисусе Господе нашем.

9 Истину глаголю о Христе, не лгу, послушствующей ми совести моей Духом Святым, 2 яко скорбь ми есть

велия и непрестающая болезнь сердцу моему: 3 молил бых ся бо сам аз отлучен быти от Христа по братии моей, сродницех моих по плоти, 4 иже суть Израилите, иже всыновление и слава, и завети и законоположение, и служение и обетования: 5 иже отцы, и от нихже Христос по плоти, сый над всеми Бог благословен во веки, аминь. (аіпn g165) 6 Не такоже, яко отпаде слово Божие: не вси бо сущи от Израиля, сии Израиль, 7 ни зане суть семья Авраамле, вси чада: но во Исааце, рече, наречется ти семья. 8 Сиречь, не чада плотская, сия чада Божия: но чада обетования причитаются в семья. 9 Обетования бо слово сие: на сие время прииду, и будет Сарре сын. 10 Не точию же, но и Ревекка от единого ложа Исаака отца нашего имущи: 11 еще бо не рождшимся, ни сотворившим что благо или зло, да по избранию предложение Божие пребудет 12 не от дел, но от Призывающаго, речеся ей, яко болий поработает меньшему, 13 якоже есть писано: Иакова возлюбих, Исава же возненавидех. 14 Что убо речем? Еда неправда у Бога? Да не будет. 15 Моисеови бо глаголет: помилую, егоже аще помилую, и ущедрю, егоже аще ущедрю. 16 Темже убо ни хотящаго, ни текущаго, но милующаго Бога. 17 Глаголет бо Писание фараонови: яко на истое сие воздвигох тя, яко да покажу тобою силу Мою и да возвестится имя Мое по всей земли. 18 Темже убо, егоже хошет, милует: а егоже хошет, ожесточает. 19 Речеши убо ми: чесо ради еще укоряет, воли бо Его кто противитися может? 20 Темже убо, о, человече, ты кто еси, против отвещаяй Богови? Еда речет здание создавшему е: почто мя сотворил еси тако? 21 Или не имать власти скудельник на брени, от тогожде смешения сотворити ов убо сосуд в честь, ов же не в честь? 22 Аще же хотя Бог показати гнев Свой и явити силу Свою, пренесе во мнозе долготерпении сосуди гнева совершены в погибель: 23 и да скажет богатство славы Своея на сосудех милости, яже предуготова в славу, 24 ихже и призва нас не точию от Иудей, но и от язык: 25 якоже и во Осии глаголет: нареку не люди Моя люди Моя, и невозлюбленную возлюблену: 26 и будет, на месте, идеже речеся им: не людие Мои есте вы, тамо нарекутся сынове Бога живаго. 27 Исаия же вопиет о Израили: аще будет число сынов Израилевых яко песок морской, останок спасется: 28 слово бо скончаяя и сокращая в правде, яко слово сокращено сотворит Господь на земли, 29 и якоже прорече Исаия: аще не бы Господь Саваоф оставил нам семене, якоже Содом убо были быхом, и якоже Гоморру уподобилися быхом. 30 Что убо речем, яко языцы, не гонящии правду, постигоша правду, правду же, яже от веры: 31 Израиль же, гоня закон правды, в закон правды не постиже. 32 Чесо ради? Зане не от веры, но от дел закона: преткнущася бо о камень преткыания, 33 якоже есть писано: се, полагаю в Сионе камень преткыания и камень соблазна: и всяк веруяй в Онь не постыдится.

10 Братие, благоволение убо моего сердца и молитва, яже к Богу по Израили, есть во спасение. 2 Свидетельствую бо им, яко ревность Божию имут, но не по разуму. 3 Не разумеюще бо Божия правды и свою правду ищуще поставити, правде Божией не повинущася: 4 кончина бо

закона Христос, в правду всякому верующему. 5 Моисей бо пишет правду юже от закона: яко сотворивый та человек жив будет в них. 6 А яже от веры правда сице глаголет: да не речеши в сердцы твоём: кто взыдет на небо, сиречь Христа свести: 7 или кто снидет в бездну, сиречь Христа от мертвых возвести. (Abyssos g12) 8 Но что глаголет Писание? Близ ти глагол есть, во устех твоих и в сердцы твоём, сиречь глагол веры, егоже проповедаем: 9 яко аще исповеси усты твоими Господа Иисуса, и веруеши в сердцы твоём, яко Бог Того воздвиги из мертвых, спасешися: 10 сердцем бо веруется в правду, усты же исповедуется во спасение. 11 Глаголет бо Писание: всяк веруяй в Онъ не постыдится. 12 Нестъ бо разствия Иудееви же и Еллину: Той бо Бог всех, богатяй во всех призывающих Его. 13 Всяк бо, иже аще призовет имя Господне, спасется. 14 Како убо призовут, в Негоже не вероваша? Како же уверуют, Егоже не услышаша? Како же услышат без проповедающего? 15 Како же проповедят, аще не послани будут? Якоже есть писано: коль красны ноги благовествующих мир, благовествующих блага. 16 Но не вси послушаша благовествования. Исаиа бо глаголет: Господи, кто верова слуху нашему? 17 Темже убо вера от слуха, слух же глаголом Божиим. 18 Но глаголю: еда не слышаша, темже убо, во всю землю изыде вещание их, и в концы вселенныя глаголы их. 19 Но глаголю: еда не разуме Израиль? Первый Моисей глаголет: Аз раздражу вы не о языке, но о языке неразумне прогневаю вас. 20 Исаиа же дерзает и глаголет: обретохся не ищущым Мене, явлен бых не вопрошающим о Мне. 21 Ко Израилю же глаголет: весь день воздох руже Мои к людям непокоривым и пререкающим.

11 Глаголю убо: еда отрину Бог люди Своя? Да не будет. Ибо и аз Израилтянин есмь, от семени Авраамя, колена Вениаминова. 2 Не отрину Бог людей Своих, иже прежде разуме. Или не весте, о Илии что глаголет Писание, яко приповедует Богови на Израиля, глаголя: 3 Господи, пророки Твоя избиха и олтари Твоя распаша: и аз охот един, и ищут души моя, изяти я. 4 Но что глаголет ему Божественный ответ? Оставих Себе семь тысяч мужей, иже не преклониша колена пред Ваалом. 5 Тако убо и в нынешнее время останок по избранию благодати бысть. 6 Аще ли по благодати, то не от дел: зане благодать уже не бывает благодать. Аще ли от дел, ктому несть благодать: зане дело уже несть дело. 7 Что убо? Егоже искаше Израиль, сего не получи, а избрание получи. Прочии же ослепишася, 8 якоже есть писано: даде им Бог дух умиления, очи не видети и уши не слышати, даже до днесьняго дне. 9 И Давид глаголет: да будет трапеза их в сеть и в лов, и в соблазн и в воздаяние им: 10 да помрачатся очи их еже не видети, и хребет их выну сляцай. 11 Глаголю убо: еда согрешиха, да отпадут? Да не будет. Но тех падением спасение языком, во еже раздражити их. 12 Аще ли же прегрешение их богатство мира, и отпадение их богатство языков: кольми паче исполнение их? 13 Вам бо глаголю языком: понеже убо есмь аз языком Апостол, службу мою прославляю. 14 Аще

како раздражу мою плоть, и спасу некия от них? 15 Аще бо отложение их, примирение миру, что приятие, разве жизнь из мертвых? 16 Аще ли начаток свят, то и примешение: и аще корень свят, то и ветви. 17 Аще ли некия от ветвей отломилася, ты же, дивия маслина сый, прицепился еси в них, и причастник корене и масти маслинныя сотворился еси, 18 не хвалился на ветви: аще ли же хвалишиися, не ты корень носиши, но корень тебе. 19 Речеши убо. Отломилася ветви, да аз прицеплюся. 20 Добре: неверием отломилася, ты же верою стоиши: не высокоумдствуй, но бойся. 21 Аще бо Бог естественных ветвей не пощаде, да не како и тебе не пощадит. 22 Виждь убо благодсть и непощадение Божие: на отпадших убо непощадение, а на тебе благодсть Божия, аще пребудеши в благодсти: аще ли же ни, то и ты отсечен будеши. 23 И они же, аще не пребудут в неверствии, прицепятся: силен бо есть Бог паки прицепити их. 24 Аще бо ты от естественныя отсечен дивия маслины, и чрез естество прицепился еси к доброй маслине: кольми паче сии, иже по естеству, прицепятся своей маслине? 25 Не бо хошу вас не ведети тайны сея, братие, да не будете о себе мудри, яко ослепление от части Израилеви бысть, дондеже исполнение языков внидет, 26 и тако весь Израиль спасется, якоже есть писано: приидет от Сиона Избавляяй, и отвратит нечестие от Иакова: 27 и сей им от Мене завет, егда отиму грехи их. 28 По благовествованию убо, врази вас ради: по избранию же, возлюблены отец ради. 29 Нераскаянна бо дарования и звание Божие. 30 Якоже бо и вы иногда противистесь Богови, ныне же помилованы бысте сих противлением: 31 такожде и сии ныне противившася вашей милости, да и тии помиловани будут. 32 Затвори бо Бог всех в противление, да всех помилует. (eleēsē g1653) 33 О, глубина богатства и премудрости и разума Божия! Яко неиспытани судове Его, и неизследовани путие Его. 34 Кто бо разуме ум Господень, или кто советник Ему бысть? 35 Или кто прежде даде Ему, и воздастся Ему, 36 яко из Того и Тем и в Нем всяческая. Тому слава во веки. Аминь. (aiōn g165)

12 Молю убо вас, братие, щедротами Божиими, представите телеса ваша жертву живу, святу, благоугодну Богови, словесное служение ваше, 2 и не сообразуйтесь веку сему, но преобразуйтесь обновлением ума вашего, во еже искушати вам, что есть воля Божия блага и угодная и совершенная. (aiōn g165) 3 Глаголю бо благодатию давшую мне, всякому существу в вас не мудрствовати паче, еже подобает мудрствовати: но мудрствовати в целомудрии, коемуждо якоже Бог разделил есть меру веры. 4 Якоже бо во едином телеси многи уды имама, уды же вси не тожде имут делание, 5 такожде мнози едино тело есмы о Христе, а по единому друг другу уди. 6 Имуще же дарования по благодати данней нам различна: аще пророчество, по мере веры: 7 аще ли служение, в служении: аще учяй, во учении: 8 аще утешаяй, во утешении: подаваяй, в простоте: предстояй, со тщанием: милуяй, с добрым изволением. 9 Любы нелицемерна: ненавидяще злаго, прилепляйтесь благому: 10 братолюбием друг ко другу любезни: честию

друг друга болша творяще: 11 тщанием не лениви, духом горяще, Господни работающе. 12 Упованием радующесе, скобри терпяще, в молитве пребывающе: 13 требованием святых приобщающесе, страннолюбия держащесе: 14 благословляйте гонящия вы: благословите, а не клените. 15 Радоватися с радующимися, и плакати с плачущими. 16 Также друг ко другу мудрствующе. Не высокая мудрствующе, но смиренными ведущесе: не бывайте мудри о себе: 17 ни единому же зла за зло воздающе, промышляюще добрая пред всеми человеки. 18 Аще возможно, еже от вас, со всеми человеки мир имейте. 19 Не себе отмащяете, возлюблени, но дадите место гневу. Писано бо есть: Мне отмщение, Аз воздам, глаголет Господь. 20 Аще убо алчет враг твой, ухлеби его: аще ли жаждет, напои его: сие бо творя, углие огнено собираеши на главу его. 21 Не побежден бывай от зла, но побеждай благим злом.

13 Всяка душа влаstem предержачым да повинуется: несть бо власть аще не от Бога, сущия же власти от Бога учинены суть. 2 Темже противляяйс власти, Божию повелению противляется: противляющиси же себе грех приемлют. 3 Князи бо не суть боязнь добрым делом, но злым. Хощеси же ли не боятися власти? Благое твори, и имети будеши похвалу от него: 4 Божий бо слуга есть, тебе во благое. Аще ли злое твориши, бойся, не бо без ума меч носит: Божий бо слуга есть, отмститель в гнев злое творящему. 5 Темже потреба повиноватися не токмо за гнев, но и за совесть. 6 Сего бо ради и дани даете: служители бо Божии суть, во истое сие пребывающе. 7 Воздадите убо всем должная: емуже (убо) урок, урок: (а) емуже дань, дань: (а) емуже страх, страх: (и) емуже честь, честь. 8 Ни единому же ничимже должны бывайте, точю же любите друг друга: любяй бо друга, закон исполни. 9 Еже бо: не прелюби сотвориши, не убиеши, не украдеши, не лжесвидетелствуеши, не похощеши, и аще каия ина заповедь, в сем словеси совершается, во еже: возлюбихи искренняго твоего, якоже сам себе. 10 Люби искреннему зла не творит. Исполнение убо закона любви есть. 11 И сие, ведяще время, яко час уже нам от сна востати. Ныне бо ближайшее нам спасение, нежели егда вероухом. 12 Ночь убо преиде, а день приближися: отложим убо дела темная, и облечемся во оружие света. 13 Яко во дни, благообразно да ходим, не козлогласовани и пьянствы, не любодеяни и студодеяни, не рвением и завистию: 14 но облечытесе Господем нашим Иисус Христом, и плоти угодия не творите в похоти.

14 Изнемогающаго же в вере приемлите, не в сомнение помышлени. 2 Ов бо верует ясти вся, а изнемогаий зелия да яст. 3 Ядый не ядущаго да не укаряет: и не ядый ядущаго да не осуждает: Бог бо его прият. 4 Ты кто еси судяй чуждему рабу? Своему Господни стоит, или падает. Станет же, силен бо есть Бог поставити его. 5 Ов убо разсуждает день чрез день, ов же судит на всяк день. Кийждо своєю мыслию да известуется. 6 Мудрствуй день, Господеви мудрствует: и не мудрствуй день, Господеви не мудрствует. Ядый, Господеви яст. Благодарит бо Бога: и не

ядый, Господеви не яст, и благодарит Бога. 7 Никтоже бо нас себе живет, и никтоже себе умирает: 8 аще бо живем, Господеви живем, аще же умираем, Господеви умираем: аще убо живем, аще умираем, Господни есмы. 9 На сие бо Христос и умре и воскресе и оживе, да и мертвыми и живыми обладает. 10 Ты же почто осуждаеши брата твоего, или ты что уничижаеши брата твоего? Все бо предстанем судишу Христову. 11 Писано бо есть: живу Аз, глаголет Господь, яко Мне поклонится всяко колено, и всяк язык исповестся Богови. 12 Темже убо кийждо нас о себе слово даст Богу. 13 Не ктому убо друг друга осуждаем, но сие паче судите, еже не полагати претъкания брату или соблазна. 14 Вем и извещен есмь о Христе Иисусе, яко ничтоже скверно само собою: точю помышляющему что скверно быти, оному скверно есть. 15 Аще же брашна ради брат твой скорбит, уже не по любви ходиши: не брашном твоим того погубляй, за негоже Христос умре. 16 Да не хулится убо ваше благое. 17 Несть бо Царство Божие брашно и питие, но правда и мир и радость о Дусе Святе. 18 Иже бо сими служит Христови, благоуходен есть Богови и искусен человеком. 19 Темже убо мир возлюбим и яже к созиданию друг ко другу. 20 Не брашна ради разоряй дело Божие. Вся бо чиста, но зло человеку претыканием ядущему. 21 Добро не ясти мяс, ниже пити вина, ни о немже брат твой претыкается или соблазняется или изнемогает. 22 Ты веру имаши? О себе сам имей пред Богом. Блажен не осуждай себе, о немже искушается. 23 А сомняйся, аще яст, осуждается, зане не от веры: всяко же, еже не от веры, грех есть.

15 Должни есмы мы сильнии немощи немощных носити, и не себе угождати: 2 кийждо же вас ближнему да угождает во благое к созиданию. 3 Ибо и Христос не Себе угоди, но якоже есть писано: поношения ноносящих Тебе нападаша на Мя. 4 Елика бо преднаписана быша, в наше наказание преднаписася, да терпением и утешением Писаний упование имамы. 5 Бог же терпения и утешения да даст вам также мудрствовати друг ко другу о Христе Иисусе, 6 да единокорно едиными усты славите Бога и Отца Господа нашего Иисуса Христа. 7 Темже приемлите друг друга, якоже и Христос прият вас во славу Божию. 8 Глаголю же Христа Иисуса служителя бывша обрезания по истине Божией, во еже утвердити обетования отцев. 9 А языком по милости, прославити Бога, якоже есть писано: сего ради исповестся Тебе во языцех, Господи, и имени Твоему пою. 10 И паки глаголет: возвеселитесь, языцы, с людьми Его. 11 И паки: хвалите Господа, вси языцы, и похвалите Его, вси людие. 12 И паки Исаия глаголет: будет корень Иессеов, и востаяй владети над языки: на Того языцы уповают. 13 Бог же упования да исполнит вас всякия радости и мира в вере, избыточествовати вам во уповании, силою Духа Святаго. 14 Извещен же есмь, братие моя, и сам аз о вас, яко и сами вы полни есте благодисти, исполнени всякаго разума, могущи и иныя научити: 15 дерзее же писах вам, братие моя, от Части, яко воспоминайя вам, за благодать данную ми от Бога, 16 во еже быти ми

служителю Иисус Христову во языцех, священнодействующу благовествование Божие, да будет приношение еже от язык благоприятно и освященно Духом Святым. 17 Имам убо похвалу о Христе Иисусе в тех, яже к Богу: 18 не смею бо глаголати что, иже не содея Христос мною, в послушание языков, словом и делом, 19 в силе знамений и чудес, силою Духа Божия, якоже ми от Иерусалима и окрест даже до Иллирика исполнити благовествование Христово. 20 Сице же потщахся благовестити, не идеже именовася Христос, да не на чужем основании созижду, 21 но якоже есть писано: имже не возвестиси о Нем, узрят, и иже не слышаша, уразумеют. 22 Темже и возбранен бых многожды приити к вам. 23 Ныне же ктому места не имый в странах сих, желание же имый приити к вам от многих лет, 24 яко аще поиду во Испанию, прииду к вам. Уповаю бо мимогрядый видети вас и вами проводитися тамо, аще вас прежде от части насыщуся. 25 Ныне же грядю во Иерусалим, служяй святым, 26 благоволиша бо Македония и Ахаиа общение некое сотворити к нищым святым живущым во Иерусалиме. 27 Благоволиша бо, и должны им суть. Аще бо в духовных их причастницы быша языцы, должны суть и в плотских послужити им. 28 Сие убо скончав, и запечатлев им плод сей, поиду вами во Испанию: 29 вем же, яко грядый к вам, во исполнении благословения благовестия Христова прииду. 30 Молю же вы, братие, Господем нашим Иисус Христом и любовью Духа, споспешствуйте ми в молитвах о мне к Богу, 31 да избавлюся от противляющихся во Иудеи, и да служба моя, яже во Иерусалиме, благоприятна будет святым. 32 Да с радостию прииду к вам волею Божию и упокоюся с вами. 33 Бог же мира со всеми вами. Аминь.

16 Вручаю же вам Фиву сестру нашу, сущу служительницу церкви яже в Кехреех: 2 да примете ю о Господе достойне святым, и споспешствуйте ей, о нейже аще от вас потребует вещи: ибо сия заступница многим бысть, и самому мне. 3 Целуйте Прискиллу и Акилу, споспешника моя о Христе Иисусе, 4 иже по души моей своя выя положиста, иже не аз един благодарю, но и вся церкви язычския: и домашнюю их церковь. 5 Целуйте Епенета возлюбленного ми, иже есть начаток Ахаии во Христа. 6 Целуйте Мариамь, яже много трудися о нас. 7 Целуйте Андроника и Иунию, сродники моя и спленники моя, иже суть нарочиты во Апостолах, иже и прежде мене вероваста во Христа. 8 Целуйте Амплиа возлюбленного ми о Господе. 9 Целуйте Урвана споспешника нашего о Христе, и Стахиа возлюбленного ми. 10 Целуйте Апеллиа искусна о Христе. Целуйте сущыя от Аристовула. 11 Целуйте Иродиона сродника моего. Целуйте иже от Наркисса сущыя о Господе. 12 Целуйте Трифену и Трифосу труждающыяся о Господе. Целуйте Персиду возлюбленную, яже много трудися о Господе. 13 Целуйте Руфа избранного о Господе, и мать его и мою. 14 Целуйте Асигкрита, Флегонта, Ерма, Патрова, Ермиа, и сущю с ними братию. 15 Целуйте Филолога и Иулию, Ниреа и сестру его, и Олимпана, и сущыя с ними вся святыя. 16 Целуйте друг друга лобзанием святым. Целуют

вы вся церкви Христовы. 17 Молю же вы, братие, блюдетесь от творящих распри и раздоры, кроме учения, емуже вы научитесь, и уклонитесь от них: 18 таковыи бо Господеви нашему Иисусу Христу не работают, но своему чреву: иже благими словесы и благословением прельщают сердца незлобивых. 19 Ваше бо послушание ко всем достиже. Радуюся же еже о вас. Хошу же вас мудрых убо быти во благое, простых же в злое. 20 Бог же мира да сокрушит сатану под ноги ваша вскоре. Благодать Господа нашего Иисуса Христа с вами. Аминь. 21 Целует вас Тимофей споспешник мой, и Лукий и Иасон и Сосипатр, сродницы мои. 22 Целую вы и аз Тертый, написавый послание сие, о Господе. 23 Целует вы Гаие странноприимец мой и церкви всея. Целует вы Ераст строитель градский, и Куарт брат. 24 Благодать Господа нашего Иисуса Христа со всеми вами. Аминь. 25 Могущему же вас утвердити по благовествованию моему и проповеданию Иисус Христову, по откровению тайны, леты вечными умолчанныя, (aiōnios g166) 26 явльшияся же ныне, писании пророческими, по повелению вечнаго Бога, в послушание веры во всех языцех познавшияся, (aiōnios g166) 27 Единому Премудрому Богу, Иисусом Христом, Емуже слава во веки. Аминь. (aiōn g165)

Первое послание к Коринфянам

1 Павел, зван Апостол Иисус Христов волею Божию, и Сосфен брат, **2** церкви Божией сущей в Коринфе, освященным о Христе Иисусе, званным святым, со всеми призывающими имя Господа нашего Иисуса Христа, во всяцем месте, тех же и нашим: **3** благодать вам и мир от Бога Отца нашего и Господа Иисуса Христа. **4** Благодарю Бога моего всегда о вас, о благодати Божией данной вам о Христе Иисусе, **5** яко во всем обогатистеся о Нем, во всяцем слове и всяцем разуме, **6** якоже свидетелство Христово известися в вас: **7** яко вам не лишится ни во едином даровании, чающим откровения Господа нашего Иисуса Христа, **8** Иже и утвердит вас даже до конца неповинных в день Господа нашего Иисуса Христа. **9** Верен Бог, Имже звани бысте во общении Сына Его Иисуса Христа, Господа нашего. **10** Молю же вы, братие, именем Господа нашего Иисуса Христа, да тожде глаголете вси, и да не будут в вас распри, да будете же утверждены в томже разумении и в тойже мысли. **11** Возвестися бо ми о вас, братие моя, (посланным) от Хлоиса, яко рвеня в вас суть. **12** Глаголю же се, яко кийждо вас глаголет: аз убо емь Павлов, аз же Аполлосов, аз же Кифин, аз же Христов. **13** Еда разделися Христос, еда Павел распятыя по вас? Или во имя Павлово крестистеся? **14** Благодарю Бога, яко ни единого от вас крестих, точию Криспа и Гаиа, **15** да не кто речет, яко в мое имя крестих. **16** Крестих же и Стефанинов дом: прочее не вем, аще кого иного крестих. **17** Не посла бо мене Христос крестити, но благовестити, не в премудрости слова, да не испразднится крест Христов. **18** Слово бо крестное погибающим убо юродство есть, а спасаемым нам сила Божия есть. **19** Писано бо есть: погублю премудрость премудрых, и разум разумных отвергу. **20** Где премудр? Где книжник? Где совопросник века сего? Не обуи ли Бог премудрость мира сего? (аиѠн г165) **21** Понеже бо в премудрости Божией не разуме мир премудростию Бога, благоизволил Бог буйством проповеди спасти верующих. **22** Понеже и Иудее знамения просят, и Еллини премудрости ищут: **23** мы же проповедем Христа распята, Иудеем убо соблазн, Еллином же безумие, **24** самем же званным Иудеем же и Еллином Христа, Божию силу и Божию премудрость: **25** зане буюе Божие премудрее человек есть, и немощное Божие крепчае человек есть. **26** Видите бо звание ваше, братие, яко не мнози премудри по плоти, не мнози сильни, не мнози благородни: **27** но буяя мира избра Бог, да премудрыя посрамит, и немощная мира избра Бог, да посрамит крепкая: **28** и худородная мира и уничиженная избра Бог, и не сущая, да сущая упразднит, **29** яко да не похвалится всяка плоть пред Богом. **30** Из Негоже вы есте о Христе Иисусе, Иже бысть нам премудрость от Бога, правда же и освящение и избавление, **31** да, якоже пишется: хваляйся, о Господе да хвалится.

2 И аз пришел к вам, братие, приидох не по превосходному словеси или премудрости возвещая вам свидетелство Божие: **2** не судих бо ведети что в вас, точию Иисуса Христа, и Сего распята: **3** и аз в немощи и страсе и трепете мнозе бых в вас. **4** И слово мое и проповедь моя не в препретельных человеческия премудрости словесех, но в явлении духа и силы, **5** да вера ваша не в мудрости человечесей, но в силе Божией будет. **6** Премудрость же глаголем в совершенных, премудрость же не века сего, ни князей века сего prestaющих, (аиѠн г165) **7** но глаголем премудрость Божию, в тайне сокровенную, юже предустави Бог прежде век в славу нашу, (аиѠн г165) **8** юже никтоже от князей века сего разуме: аще бо быша разумели, не быша Господа славы распяли. (аиѠн г165) **9** Но якоже есть писано: иже око не виде, и ухо не слыша, и на сердце человеку не въздыша, яже уготова Бог любящим Его. **10** Нам же Бог открыл есть Духом Своим: Дух бо вся испытует, и глубины Божия. **11** Кто бо весть от человек, яже в человеце, точию дух человека, живущий в нем? Такожде и Божия никтоже весть, точию Дух Божий. **12** Мы же не духа мира сего прияхом, но Духа иже от Бога, да вемы яже от Бога дарованная нам, **13** яже и глаголем не в наученых человеческия премудрости словесех, но в наученых Духа Святаго, духовная духовными сразсуждающе. **14** Душевен же человек не приемлет яже Духа Божия: юродство бо ему есть, и не может разумети, зане духовне востязуется. **15** Духовный же востязует убо вся, а сам той ни от единого востязуется. **16** Кто бо разуме ум Господень, иже изяснит и? Мы же ум Христов имамы.

3 И аз, братие, не могох вам глаголати яко духовным, но яко плотяным, яко младенцем о Христе. **2** Млеко вы напоих, а не брашном: ибо не у можасте, но ниже еще можете ныне, **3** еще бо плотстии есте. Идеже бо в вас зависти и рвеня и распри, не плотстии ли есте и по человеку ходите? **4** Егда бо глаголет кто: аз убо емь Павлов, другой же: аз Аполлосов: не плотстии ли есте? **5** Кто убо есть Павел? Кто же ли Аполлос? Но точию служителие, имже веровасте, и комуждо якоже Господь даде. **6** Аз насадах, Аполлос напои, Бог же возрасти: **7** темже ни насаждаяй есть что, ни напаяяй, но возвращаяй Бог. **8** Насаждаяй же и напаяяй едино еста: кийждо же свою мзду примет по своему труду. **9** Богу бо есмь споспешницы: Божие тяжание, Божие здание есте. **10** По благодати Божией данной мне, яко премудр архитектон основание положих, ин же назидает: кийждо же да блюдет, како назидает. **11** Основания бо иного никтоже может положить паче лежащего, еже есть Иисус Христос. **12** Аще ли кто назидает на основании сем злато, сребро, камень честное, дрова, сено, тростие, **13** когождо дело явлено будет: день бо явит, зане огнем открывається: и когождо дело, яковоже есть, огонь искусит. **14** (И) егоже аще дело пребудет, еже назда, мзду примет: **15** (а) егоже дело сгорит, отщитется: сам же спасется, такожде якоже огнем. **16** Не весте ли, яко храм Божий есте, и Дух Божий живет в вас? **17** Аще кто Божий храм растлит, растлит сего Бог: храм бо Божий свят есть, иже есте вы. **18** Никтоже

себе да прельщает: аще кто мнится мудр быти в вас в веце сем, буй да бывает, яко да премудр будет. (аіѡн г165) 19 Премудрость бо мира сего буйство у Бога есть, писано бо есть: запинаяй премудрым в коварстве их. 20 И паки: Господь весть помышления человеческа, яко суть суетна. 21 Темже никтоже да хвалится в человецех, вся бо ваша суть: 22 аще Павел, или Аполлос, или Кифа, или мир, или живот, или смерть, или настоящая, или будущая, вся ваша суть: 23 вы же Христовы, Христос же Божий.

4 Тако нас да непщует человек, яко слуг Христовых и строителей таин Божиих: 2 а еже прочее ищется в строителех, да верен кто обрящется. 3 Мне же не велико есть, да от вас истяжуся, или от человеческого дне: но ни сам себе востязую. 4 Ничесоже бо в себе свем, но ни о сем оправдаюся: востязуй же мя Господь есть. 5 Темже прежде време нечтоже судите, дождеже приидет Господь, Иже во свете приведет тайная тмы и объявит советы сердечныя, и тогда похвала будет комуждо от Бога. 6 Сия же, братие (моя), преобразил на себе и Аполлоса вас ради, да от наю научитесь не паче написанных мудрствовати, да не един по единому гордитесь на другаго. 7 Кто бо тя разсуждает? Что же имаше, егоже неси приял? Аще же и приял еси, что хвалишися яко не прием? 8 Се, сыи есте, се, обогатитесь, без нас воцаристесь: и о, дабы воцарились есте, да и мы быхом с вами царствовали. 9 Мню бо, яко Бог ны посланники последния яви, яко насмертнии: зане позор быхом миру и Ангелом и человеком. 10 Мы (убо) буи Христа ради, вы же мудри о Христе: мы немощни, вы же крепцы: вы славни, мы же безчестни. 11 До нынешняго часа и алчем, и жаждем, и наготуем, и страждем, и скитаемся, 12 и труждаемся, делающе своими руками. Укоряеми, благословляем: гоними, терпим: 13 хулими, утешаемся: якоже отроби миру быхом, всем попросание доселе. 14 Не срамляя вас сия пишу, но еже чада моя возлюбленная наказую. 15 Аще бо (и) многи пестуны имате о Христе, но не многи отцы: о Христе бо Иисусе благовествованием аз вы родих. 16 Молю же вас: подобни мне бывайте, якоже аз Христу. 17 Сего ради послах к вам Тимофеа, иже ми есть чадо возлюблено и верно о Господе, иже вам воспомянет пути моя, яже о Христе Иисусе, якоже везде и во всяцей церкви учу. 18 Яко не грядущу ми к вам, разгордешася нецыи: 19 прииду же скоро к вам, аще Господь восхощет, и уразумею не слово разгордевшихся, но силу: 20 не в ловеси бо Царство Божие, но в силе. 21 Что хочете? С палицею ли прииду к вам, или с любовию и духом кротости?

5 Отнюд слышится в вас блужение, и таково блужение, якоже ни во языцех именуется, яко некоему имети жену отчую. 2 И вы разгордесте, и не паче плакасте, да изменится от среды вас содеявый дело сие. 3 Зане аз убо аще не у вас сый телом, ту же живой духом, уже судих, яко тамо сый: содеявшаго сице сие, 4 о имени Господа нашего Иисуса Христа собравшымся вам и моему духу, с силою Господа нашего Иисуса Христа, 5 предати такового сатане во измождение плоти, да дух спасется в день Господа

нашего Иисуса Христа. 6 Не добра похвала ваша. Не весте ли, яко мал квас все смешение квасит? 7 Очистите убо ветхий квас, да будете ново смешение, якоже есте безквасни: ибо Пасха наша за ны пожрен бысть Христос. 8 Темже да празднуем не в квасе ветесе, ни в квасе злобы и лукавства, но в безквасиих чистоты и истины. 9 Писах вам в послании не примешатися блудником: 10 и не всяко блудником мира сего, или лихоимцем, или хищником, или идолослужителем, понеже убо должны бы есте были от мира (сего) изыти: 11 ныне же писах вам не примешатися, аще некий, брат именуемь, будет блудник, или лихоимец, или идолослужитель, или досадитель, или пьяница, или хищник: с таковым ниже ясти. 12 Что бо ми и внешних судити? Не внутренних ли вы судите? 13 Внешних же Бог судит. И измените злаго от вас самех.

6 Смеет ли кто от вас, вещь имея ко иному, судитися от неправедных, а не от святых? 2 Не весте ли, яко святии мирови имут судити? И аще вами суд примет мир, недостойни есте судищем худым? 3 Не весте ли, яко агелов судити имамы, а не точию житейских? 4 Житейская бо судища аще имате, уничиженных в церкви, сих посаждаете. 5 К сраму вам глаголю: тако ли несть в вас мудр ни един, иже может разсудити между братий своих? 6 Но брат с братом судится, и то пред неверными. 7 Убо отнюд вам срам есть, яко тяжбы имате между собою. Почто не паче обидими есте? Почто не паче лишени бываете? 8 Но вы (сами) обидите и лишаете, да еще братию. 9 Или не весте, яко неправедницы Царствия Божия не наследят? Не льстите себе: ни блудницы, ни идолослужители, ни прелюбодее, (ни сквернителе,) ни малакии, ни мужеложницы, 10 ни лихоимцы, ни татие, ни пьяницы, ни досадители, ни хищницы Царствия Божия не наследят. 11 И сими (убо) нецыи бесте, но омыстесь, но освятитесь, но оправдистесь именем Господа нашего Иисуса Христа и Духом Бога нашего. 12 Вся ми леть суть, но не вся на пользу: вся ми леть суть, но не аз обладам буду от чего. 13 Брашна чреву, и чрево брашном: Бог же и сие и сия упразднит. Тело же не блужению, но Господеву, и Господь телу. 14 Бог же и Господа воздвиже, и нас воздвигнет силою Своеною. 15 Не весте ли, яко телеса ваша удове Христовы суть? Возьмем ли убо уды Христовы, сотворю уды блудничи? Да не будет. 16 Или не весте, яко прилепляясь сквернодейце едино телу есть (с блудодейцею)? Будета бо, рече, оба в плоть едину. 17 Прилепляясь же Господеву един дух есть (с Господем). 18 Бегайте блудодеяния: всяк (бо) грех, егоже аще сотворит человек, кроме тела есть: а блудяй во свое тело согрешает. 19 Или не весте, яко телеса ваша храм живущаго в вас Святаго Духа суть, Егоже имате от Бога, и несте свои? 20 Куплени бо есте ценою. Прославите убо Бога в телесех ваших и в душах ваших, яже суть Божия.

7 А о нижже писасте ми, добро человеку жене не прикасатися. 2 Но блудодеяния ради кийждо свою жену да имать, и каяждо (жена) своего мужа да имать. 3 Жене муж должную любовь да воздаст: такожде и жена мужу.

4 Жена своим телом не владеет, но муж: также и муж своим телом не владеет, но жена. 5 Не лишайте себе друг друга, точно по согласию до времени, да пребываете в посте и молитве, и паки вкупе собирайтесь, да не искушает вас сатана невоздержанием вашим. 6 Сие же глаголю по совету, (а) не по повелению. 7 Хочу бо, да вси человецы будут, якоже и аз: но кийждо свое дарование имать от Бога, ов убо сице, ов же сице. 8 Глаголю же безбрачным и вдовицам: добро им есть, аще пребудут якоже и аз: 9 аще ли не удержатся, да посягают: лучше бо есть женитися, нежели разжизнятся. 10 А оживившимся завещаваю не аз, но Господь: жене от мужа не разлучитися: 11 аще ли же и разлучится, да пребывает безбрачна, или да смирится с мужем (своим): и мужу жены не отпущати. 12 Прочым же аз глаголю, (а) не Господь: аще который брат жену имать неверну, и та благоволит жити с ним, да не оставляет ея: 13 и жена аще имать мужа неверна, и той благоволит жити с нею, да не оставляет его: 14 святится бо муж неверен о жене верне, и святится жена неверна о мужи верне: иначе бо чада ваша нечиста были бы, ныне же свята суть. 15 Аще ли неверный отлучается, да разлучится: не поработися (бо) брат или сестра в таковых: в мир бо призва нас (Господь) Бог. 16 Что бо веси, жено, аще мужа спасеши? Или что веси, мужу, аще жену спасеши? 17 Точною коемуждо якоже разделил есть Бог, кийждо якоже призван бысть Господем, тако да ходит: и тако во всех церквах повелеваю. 18 Во обрезании ли кто призван бысть? Да не отторгнется: в необрезании ли кто призван бысть? Да не обрезывается. 19 Обрезание ничтоже есть, и необрезание ничтоже есть, но соблюдение заповедей Божиих. 20 Кийждо в звании, в немже призван бысть, в том да пребывает. 21 Раб ли призван был еси? Да не нерадиши: но аще и можеши свободен быти, болше поработи себе. 22 Призванный бо о Господе раб, свободник Господень есть: также и призванный свободник, раб есть Христов. 23 Ценою куплены есте: не будите раби человеком. 24 Кийждо, в немже призван бысть, братие, в том да пребывает пред Богом. 25 О девах же повеления Господня не имам, совет же даю, яко помилowan от Господа верен быти. 26 Мно убо сие добро быти за настоящую нужду, яко добро человеку тако быти. 27 Привязался ли еси жене? Не ищи разрешения. Отрешился ли еси жены? Не ищи жены. 28 Аще ли же и женишия, не согрешил еси: и аще посягнет дева, не согрешила есть. Скорбь же плоти имети будут таковыи: аз же вы щажу. 29 Сие же глаголю, братие, яко время прекращено есть прочее, да и имущии жены, якоже не имущии будут: 30 и плачуиися, якоже не плачуи: и радуиущися, якоже не радующеса: и купующии, яко не содержаща: 31 и требующии мира сего, яко не требующе: переходит бо образ мира сего. 32 Хочу же вас безпечальных быти. Не ожививыйся печется о Господних, како угодити Господеви: 33 а ожививыйся печется о мирских, како угодити жене. Разделися жена и дева: 34 непосягшая печется о Господних, како угодити Господеви, да будет свята и телом и духом: а посягшая печется о мирских, како угодити мужу. 35 Сие же на пользу вам самем глаголю: не

да сило вам наложу, но к благообразию и благоприступанию Господеви безмолвну. 36 Аще ли же кто безобразити о деве своей непщует, аще есть превозрастна, и тако должна есть быти: еже хочет, да творит: не согрешает, аще посягнет. 37 А иже стоит твердо сердцем, не имый нужды, власть же имать о своей воли, и се разсудил есть в сердцы своем блюсти деву свою, добре творит. 38 Темже и вдаяй браку свою деву добре творит: и не вдаяй лучше творит. 39 Жена привязана есть законом, в елико время живет муж ея: аще же умрет муж ея, свободна есть, за негоже хочет, посягнути, точною о Господе. 40 Блаженнейша же есть, аще тако пребудет, по моему совету: мною бо и аз Духа Божия имети.

8 О идоложертвенных же вемы: яко вси разум имамы. Разум (убо) кичит, а любы созидает. 2 Аще ли кто мнится ведети что, не у что разуме, якоже подобает разумети: 3 аще же кто любит Бога, сей познан бысть от Него. 4 О ядении же идоложертвенных вемы, яко идол ничтоже есть в мире, и яко никтоже Бог ин, токмо Един. 5 Аще бо и суть глаголемии бози, или на небеси, или на земли: якоже суть бози мнози и господие мнози: 6 но нам един Бог Отец, из Негоже вся, и мы у Него, и един Господь Иисус Христос, Имже вся, и мы Тем. 7 Но не во всех разум: нецыи же совестию идолскою даже доселе якоже идоложертвенное ядят, и совесть их, немощна сущи, сквернятся. 8 Брашно же нас не поставляет пред Богом: ниже бо аще ямы, избыточествуем: ниже аще не ямы, лишаемся. 9 Блюдите же, да не како власть ваша сия преткновение будет немощным. 10 Аще бо кто видит тя, имуща разум, в трибищи возлежаща, не совесть ли его немощна сущи созиждется идоложертвенная ясти? 11 И погибнет немощный брат в твоём разуме, егоже ради Христос умре. 12 Такжеже согрешающе в братию и биоше их совесть немощну сущу, во Христа согрешаете. 13 Темже аще брашно соблазняет брата моего, не имам ясти мяса во веки, да не соблазну брата моего. (αἰὼν γ165)

9 Несмы ли Апостол? Несмы ли свободь? Не Иисуса Христа ли Господа нашего видех? Не дело ли мое вы есте о Господе? 2 Аще иным (и) несмы Апостол, но обаче вам есмь: печать бо моего апостолства вы есте о Господе. 3 Мой ответ востязующым мене сей есть. 4 Еда не имамы власти ясти и пити? 5 Еда не имамы власти сестру жену водити, яко и прочии Апостоли, и братия Господня, и Кифа? 6 Или един аз и Варнава не имамы власти еже не делати? 7 Кто воинствует своими оброки когда? Или кто насаждает виноград, и от плода его не яст? Или кто пасет стадо, и от млека стада не яст? 8 Еда по человеку сия глаголю? Не и закон ли сия глаголет? 9 В Моисеево бо законе писано: да не заградиши устну вола молотяща. Еда о волех радит Бог? 10 Или нас ради всяко глаголет? Нас бо ради написася, яко о надежди должен есть оряй орати, и молотяй с надеждою своего упования причащатися. 11 Аще мы духовная сеяхом вам, велико ли, аще мы ваша телесная пожнем? 12 Аще инии власти ваша причащаются, не паче ли мы? Но не сотворихом по области сей: но вся терпим, да не прекращение кое дамы благовествованию Христову. 13

Не veste ли, яко делающии священная от святилища ядят? (и) служащии олтарю со олтарем делятся? **14** Тако и Господь повеле проповедающим Благовестие от благовестия жити. **15** Аз же ни едино сотворих от сих. Не писах же сия, да тако будет о мне: добрее бо мне паче умрети, нежели похвалу мою кто да испразднит. **16** Аще бо благовестую, несть ми похвалы, нужда бо ми належит: горе же мне есть, аще не благовестую. **17** Аще убо волею сие творю, мзду имам: аще же неволею, строение ми есть предано. **18** Кая убо ми есть мзда? Да благовестуй без мзды положу Благовестие Христово, во еже не творити ми по области моей в благовестовании. **19** Свободен бо сый от всех, всем себе поработих, да множайшыя приобретаю: **20** бых Иудеем яко Иудей, да Иудеи приобретаю: подзаконным яко подзаконен, да подзаконныя приобретаю: **21** беззаконным яко беззаконен, не сый беззаконник Богу, но законник Христу, да приобретаю беззаконныя. **22** Бых немощным яко немощен, да немощныя приобретаю. Всем бых вся, да всяко некия спасу. **23** Сие же творю за Благовестие, да сообщити ему буду. **24** Не veste ли, яко текущи в позорищи вси убо текут, един же приемлет почесть? Тако течыте, да достигнете. **25** Всяк же подвизайся от всех воздержится: и они убо да истленен венец примут, мы же неистленен. **26** Аз убо тако теку, не яко безвестно, тако подвизаюся, не яко воздух бияй: **27** но умерщвляю тело мое и поработшаю, да не како, иным проповедуя, сам неключимь буду.

10 Не хочу же вас не ведети, братие, яко отцы наши вси под облаком быша, и вси сквозе море проидоша: **2** и вси в Моисеа крестившася во облаце и в мори: **3** и вси тожде брашно духовное ядоша: **4** и вси тожде пиво духовное пиша, пияху бо от духовнаго последующаго камене: камень же бе Христос. **5** Но не во множайших их благоволи Бог, поражени бо быша в пустыни. **6** Сия же образи нам быша, яко не быти нам похотником злых, якоже и они похотеша. **7** Ни идолослужителе бывайте, якоже нецыи от них, якоже есть писано: седоша людие ясти и пити, и восташа играти. **8** Ниже соблудим, якоже нецыи от них соблудиша, и падоша во един день двадесять три тысящы. **9** Ни да искушаим Христа, якоже нецыи от них искусиша и от змий погибоша. **10** Ни ропщите, якоже нецыи от них ропташа и погибоша от всегубителя. **11** Сия же вся образи прилучахуся онем: писана же быша в научение наше, в нижеже концы век достигнуша. (аіоні g165) **12** Темже мняйсь стояти да блудеться, да не падет. **13** Искушение вас не достиже, точию человеческое: верен же Бог, Иже не оставит вас искуситися паче, еже можете, но сотворит со искушением и избытие, яко возможи вам понести. **14** Темже, братие моя возлюбленная, бегайте от идолослужения. **15** Яко мудрым глаголю: судите вы, еже глаголю: **16** чаша благословения, юже благословляем, не общение ли Крове Христовы есть? Хлеб, егоже ломим, не общение ли Тела Христова есть? **17** Яко един хлеб, едино тело есмы мнози: вси бо от единого хлеба причащаемся. **18** Видите Израиля от плоти: не ядущии ли жертвы общиницы олтаревы суть? **19** Что убо глаголю? Яко идол что есть? Или идоложертвенное что есть? **20** Но зане, яже жрут

языцы, бесом жрут, а не Богови: не хочу же вас общников быти бесом. **21** Не можете чашу Господню пити и чашу бесовскую: не можете трапезе Господней причащатися и трапезе бесовстей. **22** Или раздражаем Господа? Еда крепчайши Его есмы? **23** Вся ми леть суть, но не вся на пользу: вся ми леть суть, но не вся назидают. **24** Никтоже своего си да ищет, но еже ближняго кийждо. **25** Все, еже на торжищи продаемое, ядите, ничтоже сумнящеся, за совесть: **26** Господня бо земля и исполнение ея. **27** Аще ли кто от неверных призывает вы, и хочете ити, все предлагаемое вам ядите, ничтоже сумнящеся, за совесть. **28** Аще ли же кто вам речет: сие идоложертвенно есть: не ядите за оного поведавшаго, и совесть: Господня бо земля и исполнение ея. **29** Совесть же глаголю не свою, но другаго: вскую бо свобода моя судится от иныя совести? **30** Аще аз благодатию причащаюся, почто хулу приемлю, о немже аз благодарю? **31** Аще убо ясте, аще ли пиете, аще ли ино что творите, вся во славу Божию творите. **32** Безпретковени бывайте Иудеем и Еллином и церкви Божией, **33** якоже и аз во всем всем угождаю, не иский своея пользы, но многих, да спасуся.

11 Подражателе мне бывайте, якоже и аз Христу. **2** Хвалю же вы, братие, яко вся моя помните, и якоже предах вам, предания держите. **3** Хочу же вас ведети, яко всякому мужу глава Христос есть, глава же жене муж, глава же Христу Бог. **4** Всяк муж, молитву дея или пророчествуяй покрытою главою, срамляет главу свою: **5** и всяка жена, молитву деющая или пророчествующая откровенною главою, срамляет главу свою: едино бо есть и тожде остриженной: **6** аще бо не покрывается жена, да стрижется: аще ли же срам жене стрищися или бритися, да покрывается. **7** Муж убо не должен есть покрывати главу, образ и слава Божия сый: жена же слава мужу есть. **8** Несть бо муж от жены, но жена от мужа: **9** ибо не создан бысть муж жены ради, но жена мужа ради. **10** Сего ради должна есть жена власть имети на главе Ангел ради. **11** Обаче ни муж без жены, ни жена без мужа, о Господе. **12** Якоже бо жена от мужа, сице и муж женою: вся же от Бога. **13** В вас самех судите, лепо ли есть жене откровенней Богу молитися? **14** Или и не самое естество учит вы, яко муж убо аще власы растит, безчестие ему есть, **15** жена же аще власы растит, слава ей есть? Зане растение власов вместо одеяния дано бысть ей. **16** Аще ли кто мнится спорлив быти, мы такового обычная не имамы, ниже церкви Божия. **17** Сие же завещаваю не хвалю, яко не на лучшее, но на худшее собираетесь. **18** Первое убо, сходящимся вам в церковь, слышу в вас распри сущыя, и часть некую (сих) верую. **19** Подобае бо и ересем в вас быти, да искуснии явлени бывають в вас. **20** Сходящимся убо вам вкупе, несть Господскую вечерю ясти: **21** кийждо бо свою вечерю предваряет в снедение, и ов убо алчет, ов же упивается. **22** Еда бо домов не имате, во еже ясти и пити? Или о церкви Божией нерадите и срамляете не имущыя? Что вам реку? Похвалю ли вы о сем? Не похвалю. **23** Аз бо приях от Господа, еже и предах вам, яко Господь Иисус в ночь, в нуже предан бываше, приемь хлеб, **24** и

благодарив преломы, и рече: примите, ядите, сие есть Тело Мое, еже за вы ломимое: сие творите в Мое воспоминание. 25 Также и чашу по вечери, глаголя: сия чаша новый завет есть в Моей Крови: сие творите, елижды аще пиете, в Мое воспоминание. 26 Елижды бо аще ясте хлеб сей и чашу сию пиете, смерть Господню возвещаете, дондеже придет. 27 Темже иже аще яст хлеб сей или пиет чашу Господню недостойне, повинен будет Телу и Крови Господни. 28 Да искушает же человек себе, и тако от хлеба да яст и от чаши да пиет. 29 Ядый бо и пияй недостойно, суд себе яст и пиет, не разсуждая Тела Господня. 30 Сего ради в вас мнози немощни и недужливи, и спят доволни. 31 Аще бо быхом себе разсуждали, не быхом осуждени были. 32 Судими же, от Господа наказуемся, да не с миром осудимся. 33 Темже, братие моя, сходящеся ясти, друг друга ждите. 34 Аще ли кто алчет, в дому да яст, да не в грех сходитесь. О прочих же, егда прииду, устрою.

12 О духовных же, братие, не хошу вас не ведети. 2 Весте, яко егда неверни бесте, ко идолом безгласным яко ведоми ведостесь. 3 Темже сказую вам, яко никтоже, Духом Божиим глаголяй, речет анафема Иисуса, и никтоже может рещи Господа Иисуса, точно Духом Святым. 4 Разделения же дарований суть, а тойжде Дух: 5 и разделения служений суть, а тойжде Господь: 6 и разделения действий суть, а тойжде есть Бог, действуяй вся во всех. 7 Комуждо же дается явление Духа на пользу: 8 овому бо Духом дается слово премудрости, иному же слово разума, о томже Дусе: 9 другому же вера, темже Духом: иному же дарования исцелений, о томже Дусе: 10 другому же действия сил, иному же пророчество, другому же разсуждения духовом, иному же роди языков, другому же сказания языков. 11 Вся же сия действует един и тойжде Дух, разделяя властью коемуждо якоже хошет. 12 Акоже бо тело едино есть и уды имать мнози, вси же уди единого тела, мнози суще, едино суть тело: тако и Христос. 13 Ибо единым Духом мы вси во едино тело крестихомся, аще Иудее, аще Еллини, или раби, или свободни: и вси единым Духом напоихомся. 14 Ибо тело несть един уд, но мнози. 15 Аще речет нога, яко несмы рука, несмы от тела: еда сего ради несть от тела? 16 И аще речет ухо, яко несмы око, несмы от тела: еда сего ради несть от тела? 17 Аще все тело око, где слух? Аще (же) все слух, где ухание? 18 Ныне же положи Бог уды, единого коегождо их в телеси, якоже изволи. 19 Аще ли быша вси един уд, где тело? 20 Ныне же мнози убо удове, едино же тело. 21 Не может же око рещи руце: не требе ми еси: или паки глава ногама: не требе ми есте. 22 Но много паче, мянщися уди тела немощнейши быти, нужнейши суть, 23 и ихже мним безчестнейших быти тела, сим честь множайшую прилагаем: 24 и неблагообразнии наши благообразие множайше имут, а благообразнии наши не требе имут. Но Бог раствори тело, худейшему болшу дав честь, 25 да не будет распри в телеси, но да тожде в себе пекутся уди. 26 И аще страждет един уд, с ним страждут вси уди: аще ли же славится един уд, с ним радуются вси уди. 27 Вы же есте тело Христово, и

уди от части. 28 И овых убо положи Бог в Церкви первее Апостолов, второе пророков, третье учителей: потом же силы, таже дарования исцелений, заступления, правления, роди языков. 29 Еда вси Апостоли? Еда вси пророцы? Еда вси учителя? Еда вси силы? 30 Еда вси дарования имут исцелений? Еда вси языки глаголют? Еда вси сказуют? 31 Ревнуйте же дарований болших, и еще по превосхождению путь вам показую.

13 Аще языки человеческими глаголю и ангелскими, любве же не имам, бых (яко) медь звенящи, или кимвал звяцай. 2 И аще имам пророчество, и вею тайны вся и весь разум, и аще имам всю веру, яко и горы преставляти, любве же не имам, ничтоже есмь. 3 И аще раздам вся имения моя, и аще предам тело мое, во еже жещи е, любве же не имам, ни кая польза ми есть. 4 Любы долготерпит, милосердствует, любы не завидит, любы не превозносится, не гордится, 5 не безчинствует, не ищет своих си, не раздражается, не мыслит зла, 6 не радуется о неправде, радуется же о истине: 7 вся любит, всему веру емлет, вся уповает, вся терпит. 8 Любы николиже отпадает, аще же пророчества упрзднятся, аще ли языцы умолкнут, аще разум испразднится. 9 От части бо разумеваем и от части пророчествуем: 10 егда же придет совершенное, тогда, еже от части, упрзднится. 11 Егда бех младенец, яко младенец глаголах, яко младенец мудрствовах, яко младенец смышлях: егда же бых муж, отвергох младенческая. 12 Видим убо ныне якоже зеркалом в гадании, тогда же лицем к лицу: ныне разумею от части, тогда же познаю, якоже и познан бых. 13 Ныне же пребывают вера, надежда, любы, три сия: болши же сих любы.

14 Держитесь любве: ревнуйте же духовным, паче же да пророчествуете. 2 Глаголяй бо языки, не человеком глаголет, но Богу: никтоже бо слышит, духом же глаголет тайны: 3 пророчествуяй же, человеком глаголет созидание и утешение и утверждение. 4 Глаголяй (бо) языки себе зиждет, а пророчествуяй церковь зиждет. 5 Хошу же всех вас глаголати языки, паче же да прорицаете: болши бо пророчествуяй, нежели глаголяй языки, разве аще (кто) сказует, да церковь созидание приемлет. 6 Ныне же, братие, аще прииду к вам языки глаголя, кую вам пользу сотворю, аще вам не глаголю или во откровении, или в разуме, или в пророчестве, или в научении? 7 Обаче бездушная глас дающая, аще сопель, аще гусли, аще разнствия писканием не дадут, како разумно будет пискание или гудение? 8 Ибо аще безвестен глас труба даст, кто уготовится на брань? 9 Тако и вы аще не благоразумно слово дадите языком, како уразумеется глаголемое? Будете бо на воздух глаголюще. 10 Толицы убо, аще ключится, роди гласов суть в мире, и ни един их безгласен. 11 Аще убо не увем силы гласа, буду глаголющему иноязычник, и глаголющий мне иноязычник. 12 Тако и вы, понеже ревнителе есте духовом, (яже) к созиданию церкви просите, да избыточествуете. 13 Темже глаголяй языком да молится, да сказует. 14 Аще бо молюся языком, дух мой молится, а ум мой без плода есть. 15 Что убо есть? Помолюся духом, помолюся же и умом: воспою

духом, воспою же и умом. 16 Понеже аще благословиши духом, исполняяй место невежды како речет аминь, по твоему благодарению? Понеже не весть, что глаголеши. 17 Ты убо добре благодариши, но другой не создается. 18 Благодарю Бога моего, паче всех вас языки глаголя: 19 но в церкви хощу пять словес умом моим глаголати, да и ины пользую, нежели тмы словес языком. 20 Братие, не дети бывайте умы: но злобою младенствуйте, умы же совершени бывайте. 21 В законе пишет: яко иными языки и усты иными возглаголю людем сим, и ни тако послушают Мене, глаголет Господь. 22 Темже языцы в знамение суть не верующым, но неверным: а пророчество не неверным, но верующым. 23 Аще убо снидется церковь вся вкупе, и вси языки глаголют, внидут же (и) неразумивии или невернии, не рекут ли, яко беснуетесь? 24 Аще же вси пророчествуют, внидет же некий неверен или невежда, обличается всеми, (и) истязуется от всех, 25 и сице тайная сердца его явлена бывают: и тако пад ниц поклонится Богови, возвещая, яко воистинну Бог с вами есть. 26 Что убо есть, братие? Егда сходитесь, кийждо вас сказом имать, учение имать, язык имать откровение имать, сказание имать: вся (же) к созиданию да бывают. 27 Аще языком кто глаголет, по двема, или множае по приему, и по части: и един да скажет. 28 Аще ли не будет сказатель, да молчит в церкви, себе же да глаголет и Богови. 29 Пророцы же два или трие да глаголют, и друзии да разсуждают: 30 аще ли иному открытсся седящу, первый да молчит. 31 Можете бо вси по единому пророчествовати, да вси учатся и вси утешаются. 32 И души пророчестии пророком повинуются: 33 несть бо нестроения Бог, но мира, яко во всех церквах святых. 34 Жены ваша в церквах да молчат: не повелесе бо им глаголати, но повиноватися, якоже и закон глаголет. 35 Аще ли чесому научитися хотят, в дому своих мужей да вопрошают: срамно бо есть жене в церкви глаголати. 36 Или от вас слово Божие изыде? Или вас единых достиже? 37 Аще кто мнится пророк быти или духовен, да разумеет, яже пишу вам, зане Господни суть заповеди? 38 Аще ли кто не разумеет, да не разумеает. 39 Темже, братие моя, ревнуйте еже пророчествовати, и еже глаголати языки не возбраняйте: 40 вся же благообразно и по чину да бывают.

15 Сказую же вам, братие, Благовествование, еже благовестих вам, еже и приясте, в немже и стоите, 2 имже и спасаетесь, кацем словом благовестих вам, аще содержите: разве аще не всеу веровасте. 3 Предах бо вам исперва, еже и приях, яко Христос умре грех наших ради, по Писанием, 4 и яко погребен бысть, и яко воста в третий день, по Писанием, 5 и яко явися Кифе, таже единомадесяти: 6 потом же явися боле пяти сот братьям единою, от нихже множайшии пребывают доселе, нецыи же и почиша: 7 потом же явися Иакову, таже Апостолом всем: 8 последи же всех, яко некоему извергу, явися и мне. 9 Аз бо емь мний Апостолов, иже несмь достоин нарицещи Апостол, зане гоних церковь Божию. 10 Благодарю же Божию емь, еже емь, и благодать Его, яже во мне, не тща бысть, но паче всех их потрудихся: не аз же, но благодать Божия, яже

со мною. 11 Аще убо аз, аще ли они, тако проповедуем, и тако веровасте. 12 Аще же Христос проповедуется, яко из мертвых воста, како глаголют нецыи в вас, яко воскресения мертвых несть? 13 И аще воскресения мертвых несть, то ни Христос воста: 14 аще же Христос не воста, тще убо проповедание наше, тща же и вера ваша. 15 Обретаемся же и лжесвидетеле Божии, яко послушествовахом на Бога, яко воскреси Христа, Егоже не воскреси, аще убо мертвии не востают: 16 аще бо мертвии не востают, то ни Христос воста: 17 аще же Христос не воста, суетна вера ваша, еще есте во гресех ваших: 18 убо и умершии о Христе, погибоша. 19 (И) аще в животе сем точно уповающе есмы во Христа, окаяннейши всех человек есмы. 20 Ныне же Христос воста от мертвых, начаток умершым бысть. 21 Понеже бо человеком смерть (бысть), и человеком воскресение мертвых. 22 Якоже бо о Адаме вси умирают, такожде и о Христе вси оживут, 23 кийждо же во своем чину: начаток Христос, потом же Христу веровавшии в пришествии Его. 24 Таже кончина, егда предаст Царство Богу и Отцу, егда испразднит всяко начальство и всяку власть и силу: 25 подобает бо Ему царствовати, дондеже положит вся враги под ногама Своима. 26 Последний же враг испразднится смерть, 27 вся бо покори под нозе Его: внегда же рещи, яко вся покорена суть Ему, яже, яко разве Покоршаго Ему вся. 28 Егда же покорит Ему всяческая, тогда и Сам Сын покорится Покоршему Ему всяческая, да будет Бог всяческая во всех. 29 Понеже что сотворят крестящисия мертвых ради? Аще отнюд мертвии не востают, что и крещаются мертвых ради? 30 Почто (же) и мы беды приемлем на всяк час? 31 По вся дни умираю: тако ми ваша похвала, братие, юже имам о Христе Иисусе Господе нашем. 32 Аще (бо) по человеку со зверем боряхся в Ефесе, ка я ми польза, аще мертвии не востают? Да ямы и прием, утре бо умрем. 33 Не льститесь: тлят обычаи благаи беседы злы. 34 Истрезвитесь праведно и не согрешайте: неведение бо Божие нецыи имут, к сраму вам глаголю. 35 Но речет некто: како востанут мертвии? Коим же телом приидут? 36 Безумне, ты еже сееши, не оживет, аще не умрет: 37 и еже сееши, не тело будущее сееши, но голо зерно, аще случитсся, пшеницы или иного от прочих: 38 Бог же дает ему тело, якоже вохощет, и коемуждо семени свое тело. 39 Не всяка плоть таже плоть: но ина убо плоть человеком, ина же плоть скотом, ина же рыбам, ина же птицам. 40 И телеса небесная, и телеса земная: но ина убо небесным слава, и ина земным: 41 ина слава солнцу, и ина слава луне, и ина слава звездам: звезда бо от звезды разнствует во славе. 42 Такожде и воскресение мертвых: сеется в тление, востает в нетлении: 43 сеется не в честь, востает в славе: сеется в немощи, востает в силе: 44 сеется тело душевное, востает тело духовное. Есть тело душевное, и есть тело духовное. 45 Тако и писано есть: бысть первый человек Адам в душу живу, последний Адам в дух животворящ. 46 Но не прежде духовное, но душевное, потом же духовное. 47 Первый человек от земли, перстен: вторый человек Господь с небесе. 48 Яков перстный, такови и перстнии: и яков небесный, тацы же и небеснии: 49 и якоже

облекохомся во образ перстнаго, да облечемся и во образ небеснаго. 50 Сие же глаголю, братие, яко плоть и кровь Царствия Божия наследити не могут, ниже тление нетления наследствует. 51 Се, тайну вам глаголю: вси бо не успнем, вси же изменимся 52 вскоре, во мгновении ока, в последней трубе: вострубит бо, и мертвии востанут нетленни, и мы изменимся: 53 подобает бо тленному сему облещися в нетление и мертвенному сему облещися в безсмертие. 54 Егда же тленное сие облечется в нетление и смертное сие облечется в безсмертие, тогда будет слово написанное: пожерта бысть смерть победою. 55 Где ти, смерте, жало? Где ти, аде, победа? (Hades 986) 56 Жало же смерти грех: сила же греха закон. 57 Богу же благодарение, давшему нам победу Господем нашим Иисус Христом. 58 Темже, братие моя возлюбленная, тверди бывайте, непоступни, избыточествующе в деле Господни всегда, ведяще, яко труд ваш несть тощь пред Господем.

16 О милостыни же, яже ко святым, якоже устроих церквам Галатийским, тако и вы сотворяйте: 2 по единой от суббот кийждо вас да полагает у себе сохраняя, еже аще что благопоспешится, да не егда прииду, тогда собрания бывають. 3 Егда же прииду, ихже аще искусите, с посланными сих послю отнести благодать вашу во Иерусалим. 4 Аще же достойно будет и мне ити, со мною пойдут. 5 Прииду же к вам, егда Македонию преиду: Македонию бо прохожду. 6 У вас же, аще случится мне, пребуду, или и озимею, да вы мя проводите, аможе аще поиду. 7 Не хошу бо вас ныне в мимохождении видети: уповаю же время некое пребыти у вас, аще Господь повелит. 8 Пребуду же во Ефесе до Пентикостии: 9 дверь бо ми отверзеса велика и спешна, и сопротивнии мнози. 10 Аще же приидет Тимофей, блюдите, да без страха будет у вас: дело бо Господне делает, якоже и аз: 11 да никтоже убо его уничижит: проводите же его с миром, да приидет ко мне, жду бо его с братиею. 12 О Аполлосе же брате: много молих его, да приидет к вам с братиею: и всяко не бе воля, да ныне приидет, приидет же, егда упрзднится. 13 Бодрствуйте, стойте в вере, мужайтесь, утверждайтесь: 14 вся вам любовию да бывають. 15 Молю же вы, братие: весте дом Стефанинов, яко есть начаток Ахаии, и в служение святым учиниша себе: 16 да и вы повинуетесь таковым и всякому споспешствующу и труждающуся. 17 Возрадовахся же о пришествии Стефанинове и Фуртунатове и Ахаикове, яко ваше лишение сии исполниша: 18 упокоиша бо мой дух и ваш. Познавайте убо таковыя. 19 Целуют вы церкви Асийския: целуют вы о Господе много Акила и Прискилла с домашнею их церковию. 20 Целуют вы братия вся. Целуйте друг друга лобзанием святым. 21 Целование моею рукою Павлею. 22 Аще кто не любит Господа Иисуса Христа, да будет проклят, маран афа. 23 Благодать Господа нашего Иисуса Христа с вами, 24 (и) любви моя со всеми вами о Христе Иисусе. Аминь.

Второе послание к Коринфянам

1 Павел, посланник Иисус Христов волею Божию, и Тимофей брат, церкви Божией суцней в Коринфе, со святыми всеми сущими во всей Ахаии: **2** благодать вам и мир от Бога Отца нашего, и Господа Иисуса Христа. **3** Благословен Бог и Отец Господа нашего Иисуса Христа, Отец щедрот и Бог всякия утехи, **4** утешаяй нас о всяцей скорби нашей, яко возмощи нам утешити сущья во всяцей скорби, утешением, имже утешаемся сами от Бога. **5** Зане якоже избыточествуют страдания Христова в нас, тако Христом избыточествует и утешение наше. **6** Аще ли же скорбим, о вашем утешении и спасении, действующемся в терпении техже страданий, яже и мы страждем: **7** и упование наше известно о вас. Аще ли утешаемся, о вашем утешении и спасении, ведяще, зане якоже общницы есте страстем нашим, такожде и утешению. **8** Не бо хотим вас, братие, не ведети о скорби нашей бывшей нам во Асии, яко по премногу и паче силы отяготихомся, яко не надеемся нам и жити. **9** Но сами в себе осуждение смерти имехом, да не надеюся будем на ся, но на Бога возставляющаго мертвыя, **10** Иже от толика смерти избавил ны есть и избавляет, Наньже и уповахом, яко и еще избавит, **11** спешествующим и вам по нас молитвою, да от многих лиц, еже в нас дарование, многими благодарится о вас. **12** Похваление бо наше сие есть, свидетельство совести нашея, яко в простоте и чистоте Божией, а не в мудрости плоти, но благодатию Божию жихом в мире, множае же у вас. **13** Не иная бо пишем вам, но яже чтете и разумеаете: уповаю же, яко и до конца уразумеете, **14** якоже и разумеете нас от части, яко похваление вам есмь, якоже и вы нам, в день Господа нашего Иисуса Христа. **15** И сим упованием хотех к вам приити прежде, да вторюю благодать имате, **16** и с вами проити в Македонию, и паки от Македонии приити к вам, и с вами проводится во Иудею. **17** Сие же хотя, еда что убо легкотоу деях? Или яже совещаваю, по плоти совещаваю, да будет у мене еже ей, ей, и еже ни, ни. **18** Верен же Бог, яко слово наше, еже к вам, не бысть ей и ни. **19** Ибо Божий Сын Иисус Христос, иже у вас нами проповеданный, мною и Силуаном и Тимофеем, не бысть ей и ни, но в Нем Самем ей бысть: **20** елика бо обетования Божия, в Том ей и в Том аминь: Богу к славе нами. **21** Известуяй же нас с вами во Христа и помазавый нас, Бог, **22** Иже и запечатле нас, и даде обручение Духа в сердца наша. **23** Аз же свидетеля Бога призываю на мою душу, яко щадя вас, ктому не приидох в Коринф, **24** не яко обладаем верою вашею, но (яко) спешествующи есмь вашей радости: верою бо стоите.

2 Судих же в себе сие, не паки скорбию к вам приити. **2** Аще бо аз скорбь творю вам, то кто есть веселяяй мя, точию приемляй скорбь от мене? **3** И писав вам сие истое, да не пришед скорбь на скорбь прииму, о нихже подобаше

ми радоватися, надеяся на вся вы, яко моя радость всех вас есть. **4** От печали бо многия и туги сердца написах вам многими слезами, не яко да оскорбитесь, но любовь да познаете, юже имам избыльно к вам. **5** Аще ли кто оскорбил мене, не мене оскорби, но от части, да не отягчу, всех вас. **6** Довольно бо таковому запрещение сие, еже от многих: **7** темже сопротивное паче вы да даруете и утешите, да не како многою скорбию пожерт будет таковой: **8** темже молю вы, утвердите к нему любовь. **9** На сие бо и писах, да разумею искусство ваше, аще во всем послушливи есте. **10** Емуже аще что даруете, и аз: ибо аз аще что даровах, емуже даровах, вас ради, о лицах Иисус Христове, **11** да не обидими будем от сатаны: не не разумеваем бо умышлений его. **12** Пришед же в Троаду во благовестие Христово, и двери отверзены ми бывшей о Господе, **13** не имех покоя духу моему, не обретшу ми Тита брата моего: но отрекся им, изыдох в Македонию. **14** Богу же благодарение, всегда победители нас творящему о Христе Иисусе и воню разума Его являющу нами во всяем месте. **15** Яко Христово благоухание есмь Богови в спасаемых и в погибающих. **16** Овем убо воня смертная в смерть, овем же воня животная в живот. И к сим кто доволен? **17** Несмы бо, якоже мнози, нечисто проповедающи слово Божие, но яко от чистоты, но яко от Бога, пред Богом, во Христе глаголем.

3 Зачинаем ли паки нас самех извещавати вам? Или требуем, якоже нецьи, извещавательных посланий к вам, или от вас известительных? **2** Послание бо наше вы есте, написанное в сердцах наших, известное и прочитаемое от всех человек: **3** являемии, яко есте послание Христово служенное нами, написано не чернилом, но Духом Бога жива, не на скрижалех каменных, но на скрижалех сердца плотяных. **4** Надеяние же таково имамы Христом к Богу, **5** не яко довольны есмь от себе помыслити что, яко от себе, но доволство наше от Бога: **6** иже и удоволи нас служители быти Нову Завету, не писмени, но духу: писмя бо убивает, а дух животворит. **7** Аще ли служение смерти писмены, образовано в камених, бысть в славу, яко не мощи взирати сыном Израилевым на лице Моисеово, славы ради лица его престающа. **8** Како не множае паче служение духа будет в славе? **9** Аще бо служение осуждения, слава, много паче избыточествует служение правды в славе. **10** Ибо не прославится прославленное в части сей, за превосходящую славу. **11** Аще бо престающее, славою: много паче пребывающее, в славе. **12** Имуще убо таково упование, многим дерзновением действуем, **13** и не якоже Моисей полагаше покрывало на лица своем, за еже не мощи взирати сыном Израилевым на конец престающаго. **14** Но ослепишася помышления их: даже бо до сего дне тожде покрывало во чтении Ветхаго Завета пребывает не откровенно, зане о Христе престаает. **15** Но даже до днесь, внигда чтется Моисей, покрывало на сердце их лежит. **16** внигда же обратятся ко Господу, взимается покрывало. **17** Господь же Дух есть: а идеже Дух Господень, ту свобода. **18** Мы же вси откровенным лицом славу Господню взирающе,

в тойже образ преобразуемъ от славы в славу, якоже от Господня Духа.

4 Сего ради имуще служение сие, якоже помиловани быхом, не стужаем си: **2** но отрекохомся тайных срама, не в лукавствии ходяще, ни лъстяще словесе Божия, но явлением истины представляюще себе ко всяцей совести человечестей, пред Богом. **3** Аще ли же есть покровено благовествование наше, в гибнущих есть покровено, **4** в нихже бог века сего ослепи разумы неверных, во еже не возсияти им свету благовествования славы Христовы, Иже есть образ Бога невидимаго. (аіѡн g165) **5** Не себе бо проповедаем, но Христа Иисуса Господа: себе же самех рабов вам Иисуса Господа ради: **6** яко Бог рекий из тмы свету возсияти, иже возсия в сердцах наших, к просвещению разума славы Божия о лицах Иисус Христове. **7** Имамы же сокровище сие в скудельных сосудех, да премоножество силы будет Божия, а не от нас: **8** во всем скорбяще, но не стужающе си: нечаеми, но не отчаяеми: **9** гоними, но не оставляеми: низлагаеми, но не погибающе: **10** всегда мертвость Господа Иисуса в теле носяще, да и живот Иисусов в теле нашем явится. **11** Присно бо мы живии в смерть предаемъ Иисуса ради, да и живот Иисусов явится в мертвенней плоти нашей: **12** темже смерть убо в нас действует, а живот в вас. **13** Имуще же тойже дух веры, по писанному: веровах, темже возглаголах: и мы веруем, темже и глаголем, **14** ведяще, яко Воздвигий Господа Иисуса, и нас со Иисусом воздвигнет, и предпоставит с вами. **15** Вся бо вас ради, да благодать умножившаяся, множайшими благодарении избыточествит в славу Божию. **16** Темже не стужаем си: но аще и внешний наш человек тлеет, обаче внутренний обновляется по вся дни. **17** Еже бо ныне легкой печали нашея, по преумножению в преспяние тяготу вечныя славы соделовает нам, (аіѡnios g166) **18** не смотряющым нам видимых, но невидимых: видимая бо временна, невидимая же вечна. (аіѡnios g166)

5 Вемы бо, яко аще земная наша храмина тела разорится, создание от Бога имама, храмину нерукотворену, вечну на небесех. (аіѡnios g166) **2** Ибо о сем въздыхаем, в жилище наше небесное облещися желающе: **3** аще точно и облещися, не нази обрящемся. **4** Ибо сущии в теле сем въздыхаем отягчаеми, понеже не хощем совлещися, но пооблещися, да пожерто будет мертвенное животом. **5** Сотворивый же нас в сие истое Бог, Иже и даде нам обручение Духа. **6** Дерзающе убо всегда и ведяще, яко живуще в теле отходим от Господа: **7** верую бо ходим, а не видением: **8** дерзаем же и благоволим паче отити от тела и внити ко Господу: **9** темже и тщимся, аще входяще, аще отходяще, благоугодни Ему быти: **10** всем бо явитися нам подобает пред судищем Христовым, да примет кийждо, яже с телом содела, или блага, или зла. **11** Ведуще убо страх Господень, человеки увещаваем, Богови же явлени есмы: уповаем же, яко и в совестех ваших явлени есмы. **12** Не паки бо себе хвалим пред вами, но вину даем вам похвалению о нас, да имате к хвалящымся в лица, а не в сердца. **13** Аще бо изумихомся, Богови: аще

ли целомудрствуем, вам. **14** Ибо любы Божия обдержит нас суждших сие: яко аще един за всех умре, то убо вси умроша. **15** Христос же за всех умре, да живущии не ктому себе живут, но умершему за них и воскресшему. **16** Темже и мы отныне ни единого вемы по плоти: аще же и разумехом по плоти Христа, но ныне ктому не разумеем. **17** Темже аще кто во Христе, нова тварь: древняя мимоидоша, се быша вся нова: **18** всяческая же от Бога, примирившаго нас Себе Иисус Христом и давшаго нам служение примирения: **19** зане Бог бе во Христе мир примиряя Себе, не вмения им согрешений их и положив в нас слово примирения. **20** По Христе убо молим, яко Богу молящю нами, молим по Христе: примиритесь с Богом. **21** Не ведевшаго бо греха по нас грех сотвори, да мы будем правда Божия о Нем.

6 Споспешствующе же и молим, не вотще благодать Божию прияти вам. **2** Глаголет бо: во время приятно послушах тебе, и в день спасения помогах ти. Се ныне время благоприятно, се ныне день спасения. **3** Ни единого ни в чемже дающе претыкание, да служение безпорочно будет, **4** но во всем представляюще себе якоже Божия слуги, в терпении мнозе, в скорбех, в бедах, в теснотах, **5** в ранах, в темницах, в нестроениих, в трудах, во бдениих, в пощениих, **6** во очищении, в разуме, в долготерпении, в благодсти, в Дусе Святе, в любви нелицемерне, **7** в словеси истины, в силе Божией, оружии правды десными и шуими, **8** славою и беззастенчив, гаждением и благохвалением: яко лестцы, и истинни: **9** яко незнаеми, и познаеми: яко умирающе, и се живи есмы: яко наказуеми, а не умерщвляеми: **10** яко скорбяще, присно же радующеся: яко нищи, а многи богатяще: яко ничтоже имуще, а вся содержаще. **11** Уста наша отверзошася к вам, Коринфяне, сердце наше распространися. **12** Не тесно вмещаетеся в нас, утесняетеся же во утробах ваших. **13** Тожде же возмездие, якоже чадом глаголю, распространитесь и вы. **14** Не бывайте удобо преложни ко иному ярму, якоже невернии. Кое бо причастие правде к беззаконию? Или кое общение свету ко тьме? **15** Кое же согласие Христови с Велиаром? Или кая часть верну с неверным? **16** Или кое сложение церкви Божией со идолы? Вы бо есте церкви Бога жива, якоже рече Бог: яко вселюся в них и похожду, и буду им Бог, и тии будут Мне людие. **17** Темже изыдите от среды их и отлучитесь, глаголет Господь, и нечистоте не прикасайтесь, и аз приму вы: **18** и буду вам во Отца, и вы будете Мне в сыны и дщери, глаголет Господь Вседержитель.

7 Сицева убо имуще обетования, о возлюбленнии, очистим себе от всякия скверны плоти и духа, творяще святыню в страсе Божии. **2** Вместите ны: ни единого обидехом, ни единого истлихом, ни единого лихоимствовахом. **3** Не на осуждение глаголю: прежде бо рех, яко в сердцах наших есте, во еже умрети с вами и сожити. **4** Много ми дерзновение к вам, многа ми похвала о вас: исполнихся утех, преизбыточествуя радостию о всяцей печали нашей. **5** Ибо пришедшым нам в Македонию, ни единого име покоя плоть наша, но во всем скорбяще: внеуду брани,

внутриду боязни. 6 Но утешая смиренных, утеш нас Бог пришествием Титовым, 7 не токмо же пришествием его, но и утешением, имже утешися о вас, поведая нам ваше желание, ваше рыдание, вашу ревность по мне, яко ми паче возрадоватися. 8 Яко аще и оскорбих вас посланием, не раскаяюся, аще и раскаял бых ся: вижду бо, яко послание оно, аще и к часу, оскорби вас. 9 Ныне радуюся, не яко скорбни бысте, но яко оскорбистеся в покаяние: оскорбесте бо по Бозе, да ни в чемже отщтитесь от нас. 10 Печаль бо, яже по Бозе, покаяние нераскаянно во спасение соделоует, а сего мира печаль смерть соделоует. 11 Се бо сие самое, еже по Бозе оскорбитися вам, колико содела в вас тщание? Но ответ? Но негодование, но страх, но вожделение, но ревность, но отмщение? Во всем представисте себе чисты быти в вещи. 12 Аще бо и писах вам, не обидевшаго ради, ниже обидимаго ради, но за еже явитися в вас тщанию нашему, еже о вас пред Богом. 13 Сего ради утешихомся о утешении вашем: лишше же паче возрадовахомся о радости Титове, яко покоися дух его от всех вас: 14 яко аще что ему о вас похвалихся, не посрамихся: но яко вся воистинну глаголахом вам, тако и похваление наше, еже к Титу, истинно бысть: 15 и утроба его излиха к вам есть, воспоминающаго всех вас послушание, яко со страхом и трепетом приясте его. 16 Радуюся убо, яко во всем дерзаю в вас.

8 Сказуем же вам, братие, благодать Божию, данную в церквах Македонских: 2 яко во мнозем искушении скорбей избыток радости их, и яже во глубине нищета их избыточествова в богатство простоты их: 3 яко по силе их, свидетельствую, и паче силы доброхотни, 4 со многими молением моляще нас, благодать и общение служения, еже ко святым, прияти нам: 5 и не якоже надеяхомся, но себе вдаша первее Господеви, и нам волею Божию: 6 во еже умолити нам Тита, да якоже прежде начат, такожде и скончает в вас и благодать сию. 7 Но якоже во всем избыточествуете, верою и словом, и разумом, и всяцем тщанием, и любовию, яже от вас к нам, да и в сей благодати избыточествуете. 8 Не по повелению глаголю, но за иных тщание и ваша любовь истинное искушая. 9 Весте бо благодать Господа нашего Иисуса Христа, яко вас ради обнища богат сый, да вы нищетою Его обогатитесь. 10 И совет даю о сем: се бо вам есть на пользу, иже не точно, еже творити, но и еже хотети, прежде начасте от прешедшаго лета. 11 Ныне же и сие творити скончайте, да якоже бысть усердие хотети, тако будет и исполнити от сего, еже имате. 12 Аще бо усердие предлежит, по елику аще кто имать, благоприятен есть, а не по елику не имать. 13 Не бо да иным убо отрада, вам же скорбь: но по изравнению. 14 В нынешнее время ваше избыточество во оных лишение, да и оных избыток будет в ваше лишение, яко да будет равенство, 15 якоже есть писано: иже многое, не преумножил есть: и иже малое, не умалил. 16 Благодарение же Богови, давшему тожде тщание о вас в сердце Титово: 17 яко моление убо прият, тщательнейший же сый, своею волею изыде к вам. 18 Послахом же с ним и брата, егоже похвала во евангелии по всем церквам: 19 не точно же, но и освящен от церквей с

нами ходити, со благодатию сею, служимою нами к Самому Господу славе и усердию вашему: 20 блюдущееся того, да не кто нас поречет во обилии сем служимем нами: 21 промышляюще добрая не токмо пред Богом, но и пред человеки. 22 Послахом же с ними и брата нашего, егоже искусихом во многих многаци встанлива суща, ныне же зело встанливейша, надеянием многим на вас. 23 Аще ли же о Тите, общник мне и к вам споспешник: аще ли братия наша, посланницы церквей, слава Христова. 24 Показание убо любви вашей и нашего хваления о вас, к ним покажите, и в лице церквей.

9 О службе бо, яже ко святым, лишше ми есть писати вам, 2 вем бо усердие ваше, имже о вас хвалюся Македоняном, яко Ахаиа приготовися от мимосшедшаго лета: и яже от вас ревность раздражи множайших. 3 Послах же братию, да не похваление наше, еже о вас, испразднится в части сей, но да, якоже глаголах, приготовяны будете: 4 да не како, аще приидут со мною Македоняне и обрщут вас неприготованных, постыдимся мы, да не глаголем вы, в части сей похваления. 5 Потребно убо умыслих умолити братию, да прежде приидут к вам и предготовят прежде возвещенное благословение ваше, сие готово быти тако, якоже благословение, а не яко лихоимство. 6 Се же глаголю: сеяй скудостию, скудостию и пожнет: а сеяй о благословении, о благословении и пожнет. 7 Кийждо якоже изволение имать сердцем, не от скорби, ни от нужды: доброхотна бо дателя любит Бог. 8 Силен же Бог всяку благодать избылиовати в вас, да о всем всегда всяко довольство имуще, избыточествуете во всяко дело благо, 9 якоже есть писано: расточи, даде убогим: правда его пребывает во век века. (аіѡн г165) 10 Даяй же семя сеющему и хлеб в снедь, да подаст и умножит семя ваше, и да возрастит жита правды вашей, 11 да о всем богатящися во всяку простоту, яже содевает нами благодарение Богу. 12 Яко работа сего служения не токмо есть исполняющая лишения святых, но и избыточествующая многими благодареньми Богови: 13 искушением служения сего славяще Бога о покорении исповедания вашего в Благовествовании Христове, и о простоте соющения к ним и ко всем, 14 и о тех молитве о вас, возжелеющих вас за премногую благодать Божию на вас. 15 Благодарение же Богови о неисповедимем Его даре.

10 Сам же аз Павел молю вы кротостию и тихостию Христовою, иже в лице убо смирен в вас, не сый же у вас дерзаю в вас. 2 Молю же, да не присущ дерзаю надеянием, имже помышляю смети на некия непщующыя нас яко по плоти ходящих. 3 Во плоти бо ходяще, не по плоти воинствуем: 4 оружия бо воинства нашего не плотская, но сильна Богом на разорение твердем: помышления низлагающе, 5 и всяко возношение взимающееся на разум Божий, и пленяющее всяк разум в послушание Христово, 6 и в готовности имуще отместити всяко преслушание, егда исполнится ваше послушание. 7 Иже ли пред лицем, зрите? Аще кто надеется себе Христова быти, да помышляет паки от себе, зане, якоже он Христов, такожде и мы Христовы.

8 Аще бо и лишше что похвалою о власти нашей, юже даде нам Господь в создании, а не на разорение ваше, не постыжуся. 9 Но да не явлюся, яко страша вас посланными. 10 Яко послания убо, рече, тяжка и крепка, а пришествие тела немощно, и слово уничиженно: 11 сие да помышляет таковой, яко яцы же есмы словом посланий, отстояще, таковии и ту суще есмы делом. 12 Не смеем бо судити, или прикладовати себе иным хвалящим себе самех: но сами в себе себе измеряюще, и прилагающе себе самим себе, не разумеавот. 13 Мы же не в безмерная похвалимся, но по мере правила, егоже раздели нам Бог меру, достигати даже и до вас. 14 Не яко бо не досажуще до вас, паче простираем себе, даже бо и до вас достигохом благовестием Христовым: 15 не в безмерная хвалящесе в чуждих трудах, упование же имуще, растущей вере вашей, в вас величатися по правилу нашему изобильно, 16 во еже и в дальших вас странах благовестити, не чужим правилом в готовых похвалитися. 17 Хваляйся же, о Господе да хвалится: 18 не хваляй бо себе сей искусен, не егоже Бог восхваляет.

11 О, да бысте мало потерпели безумию моему! Но и потерпите мя. 2 Ревную бо по вас Божию ревностию: обручих бо вас единому мужу деву чисту представити Христови. 3 Боюся же, да не како, якоже змий Еву прельсти лукавством своим, тако истлеют и разумы ваши от простоты, яже о Христе. 4 Аще бо грядый инаго Иисуса проповедает, егоже не проповедахом, или Духа инаго приемлете, егоже не приясте, или благовествование ино, еже не приясте, добре бысте потерпели. 5 Непщую бо ничимже лишитися предних Апостол: 6 аще бо и невежда словом, но не разумом: но везде явльшесе о всем в вас. 7 Или грех сотворих себе смиряя, да вы вознесетесе, яко туне Божие Благовествование благовестих вам? 8 От иных церквей уях, прием оброк к вашему служению: и пришед к вам, и в скудости быв, не стужих ни единому: 9 скудость бо мою исполнила братия, пришедше от Македонии: и во всем без стужения вам себе соблюдох и соблюду. 10 Есть истина Христова во мне, яко похваление сие не заградитися о мне в странах Ахайских. 11 Почто? Зане не люблю ли вас? Бог весть. А еже творю, и сотворю, 12 да отсеку вину хотящим вины, да, о немже хвалятся, обрящутся якоже и мы. 13 Таковии бо лживи апостоли, делатели льстивии, преобразующесе во Апостолы Христовы. 14 И не дивно: сам бо сатана преобразуется во Ангела света: 15 не велие убо, аще и служителие его преобразуются о служители правды: имже кончина будет по делом их. 16 Паки глаголю: да никтоже мнит мя безумна быти: аще ли ни, поне яко безумна примите мя, да и аз мало что похваляюся. 17 А еже глаголю, не глаголю по Господе, но яко в безумии в сей части похвалы: 18 понеже мнози хвалятся по плоти, и аз похваляюся. 19 Любезно бо приемлете безумныя, мудри суще: 20 приемлете бо, аще кто вас порабощает, аще кто поядает, аще кто не влепоту проторит, аще кто по лицу биет вы, аще кто величается. 21 По посаждению глаголю, зане аки мы изнемогохом. О немже аще дерзает кто, несмысленно

глаголю, дерзаю и аз. 22 Еврее ли суть? И аз. Израилите ли суть? И аз. Семя Авраамле ли суть? И аз. 23 Служителие ли Христовы суть? Не в мудрости глаголю, паче аз. В трудах множае, в ранах преболе, в темницах излиха, в смертех многаши. 24 От Иудей пять краты четыредесять разве единыя приях: 25 трищи палицами биен бых, единою каменными наметан бых, трикраты корабль опровержеся со мною: нощь и день во глубине сотворих: 26 в путных шествиих множицею: беды в реках, беды от разбойник, беды от сродник, беды от язык, беды во градах, беды в пустыни, беды в мори, беды во лжебратии: 27 в труде и подвизе, во бдениих множицею, во алчбе и жажди, в пощениих многаши, в зиме и наготе. 28 Кроме внешних, нападение еже по вся дни, и попечение всех церквей. 29 Кто изнемогает, и не изнемогаю? Кто соблазняется, и аз не разжизаюся? 30 Аще хвалитися ми подобает, о немощи моей похваляюся. 31 Бог и Отец Господа нашего Иисуса Христа весть, сый благословен во веки, яко не лгу. (αἰὼν ᾠ615) 32 В Дамасце языческий князь Арефы царя стрежаше Дамаск град, яти мя хотя: 33 и оконцем в кошнице свешен бых по стене, и избегах из руку его.

12 Похвалитися же не пользует ми: прииду бо в видения и откровения Господня. 2 Вем человека о Христе, прежде лет четыренадесяти: аще в теле, не вем, аще ли кроме тела, не вем, Бог весть: восхищена бывша таковаго до третияго небесе. 3 И вем такова человека: аще в теле, или кроме тела, не вем: Бог весть: 4 яко восхищен бысть в рай, и слыша неизреченны глаголголы, ихже не леть есть человеку глаголати. 5 О такомем похваляюся: о себе же не похваляюся, токмо о немощех моих. 6 Аще бо восхошу похвалитися, не буду безумен, истину бо реку: жажду же, да не како кто вознепщует о мне паче, еже видит мя, или слышит что от мене. 7 И за премногая откровения да не превозношуся, дадесе ми пакостник плоти, агел сатанин, да ми пакости деет, да не превозношуся. 8 О сем трикраты Господа молих, да отступит от мене, 9 и рече ми: довлеет ти благодать Моя: сила бо Моя в немощи совершается. Сладце убо похваляюся паче в немощех моих, да вселитися в мя сила Христова. 10 Темже благоволю в немощех, в досаждениих, в бедах, во изгнаниих, в теснотах по Христе: егда бо немощствую, тогда силен есмь. 11 Бых несмыслен хваляся: вы мя понудисте. Аз бо должен бех от вас хвалить бывати: ничимже бо лишися первейших Апостол, аще и ничтоже есмь: 12 знамения бо Апостолова содеяшася в вас во всяцем терпении, в знамениих и чудесех и силах. 13 Что бо есть, егоже лишистесе паче прочих церквей, разве точию яко аз сам не стужих вам? Дадите ми неправду сию. 14 Се третье готов есмь приити к вам, и не стужу вам: не ишу бо ваших, но вас. Не должна бо суть чада родителем снискати имения, но родителе чадом. 15 Аз же в сладость иждиву и иждивен буду по душах ваших, аще и излишше вас люблю, меньше любимь есмь. 16 Буду же, аз не отягчих вас, но коварен сый, лестию вас приях. 17 Еда коим от посланных к вам лихоимствовах вас? 18 Умолих Тита, и с ним послах брата: еда лихоимствова чим вас Тит? Не темже ли духом

ходихома? Не темиже ли стопами? **19** Паки ли мните, яко ответ вам творим? Пред Богом, о Христе глаголем: вся же, возлюбленнии, о вашем созидании и утверждении. **20** Боюся же, еда како пришед, не яцех же хощу, обрящу вас, и аз обрящуся вам, якова же не хочете: да не како будут рвенія, зависти, ярости, рети, клеветы, шептания, кичения, нестроения: **21** да не паки пришедша мя смирит Бог мой у вас, и восплачуся многих прежде согрешших и не покаявшихся о нечистоте и блужении и студоложствии, яже содеяша.

13 Третицею се гряду к вам: при устех двою или триех свидетелей станет всяк глагол. **2** Прежде рех и предглаголю, яко у вас быв второе, и отсутствия ныне пишу прежде согрешившим и прочым всем, яко аще прииду паки, не пощажду: **3** понеже искушения ищите глаголющего во мне Христа, Иже в вас не изнемогает, но может в вас: **4** ибо аще и распят бысть от немощи, но жив есть от силы Божия: ибо и мы немощствуем в Нем, но живи будем с Ним от силы Божия в вас: **5** себе искушайте, аще есте в вере: себе искушайте. Или не знаете себе, яко Иисус Христос в вас есть? Разве точию чим неiskusни есте. **6** Уповаю же, яко разумети имате, яко мы несмы неiskusни. **7** Молимся же к Богу, не сотворити вам ни единого зла, не яко да мы искусни явимся, но да вы доброе сотворите, мы же яко неiskusни будем. **8** Ничтоже бо можем на истину, но по истине. **9** Радуемся бо, егда мы немощствуем, вы же сильни бываете: о сем же и молимся, о вашем совершении. **10** Сего ради не съй у вас сия пишу, да не пришед безщадно сотворю по власти, юже Господь дал ми есть в создание, а не на разорение. **11** Прочее же, братие, радуйтесь, совершайтесь, утешайтесь, тожде мудрствуйте, мир имейте. И Бог любви и мира будет с вами. **12** Целуйте друг друга лобзанием святым. **13** Целуют вы святии вси. **14** Благодать Господа нашего Иисуса Христа, и любви Бога и Отца, и общение Святаго Духа со всеми вами. Аминь.

Послание к Галатам

1 Павел, Апостол ни от человек, ни человеком, но Иисус Христом и Богом Отцем воскресившим Его из мертвых, 2 и иже со мною все братья, церквам Галатийским: 3 благодать вам и мир от Бога Отца и Господа нашего Иисуса Христа, 4 давшаго Себе по гресех наших, яко да избавит нас от настоящего века лукаваго, по воли Бога и Отца нашего, (aiōn g165) 5 Ему же слава во веки веков. Аминь. (aiōn g165) 6 Чуждуся, яко тако скоро прелагаетеся от звавшего вы благодатию Христовою, во ино благовествование: 7 еже несть ино, точию нецыи суть смущающи вы и хотящи превратити благовествование Христово. 8 Но и аще мы, или Ангел с небесе благовестит вам паче, еже благовестихом вам, анафема да будет. 9 Якоже предрекохом, и ныне паки глаголю: аще кто вам благовестит паче, еже приясте, анафема да будет. 10 Ныне бо человеки препираю, или Бога, или ишу человеком угождати? Аще бо бых еще человеком угождал, Христов раб не бых убо был. 11 Сказую же вам, братие, Благовествование благовещенное от мене, яко несть по человеку: 12 ни бо аз от человека приях е, ниже научихся, но явлением Иисус Христовым. 13 Слышасте бо мое житие иногда в Жидовстве, яко по премногу гоних Церковь Божию и разрушах ю, 14 и преславах в Жидовстве паче многих сверстник моих в роде моем, излиха ревнитель сый отеческих моих преданий. 15 Егда же благоволи Бог, избравый мя от чрева матере моя и призвавый благодатию Своею, 16 явити Сына Своего во мне, да благовестую Его во языцех, абие не приложихся плоти и крови, 17 ни взыдох во Иерусалим к первейшим мене Апостолом, но идох во Аравию, и паки возвратихся в Дамаск. 18 Потом же по триех летех взыдох во Иерусалим согладати Петра, и пребых у него дний пятьнадесять. 19 Иного же от Апостол не видех, токмо Иакова брата Господня. 20 А яже пишу вам, се пред Богом, яко не лгу. 21 Потом же приидох в страны Сирския и Киликийския. 22 Бех же не знаемь лицом церквам Иудейским, яже о Христе, 23 точию же слышаше бяху, яко гоняй нас иногда, ныне благовествует веру, юже иногда разрушаше: 24 и славляху о мне Бога.

2 Потом же по четыренадесяти летех паки взыдох во Иерусалим с Варнавою, поем с собою и Тита. 2 Взыдох же по откровению, и предложих им благовествование, еже проповедую во языцех, наедине же мнимым, да не како вотще теку, или текох. 3 Но ни Тит, иже со мною, Еллин сый, нужден бысть обрезатися. 4 И за пришедшую лжебратию, иже привидоша согладати свободы нашея, юже имамы о Христе Иисусе, да нас поработят: 5 имже ни к часу повинухомся в покорение, да истина благовестия пребудет в вас. 6 От мяншихся же быти что, якови некогда беша, ничтоже ми разнствует: лица Бог человека не приемлет. Мне бо мними ничтоже привозложиша: 7 но сопротивное, уразумевше, яко уверено ми бысть благовестие необрезания, якоже Петру обрезания: 8 ибо Споспешествовавый Петру в послание обрезания, споспешествова и мне во языки: 9 и познавше

благодать данную ми, Иаков и Кифа и Иоанн, мнимии столпи быти, десницы даша мне и Варнаве общения, да мы во языки, они же во обрезание, 10 точию нищих да помнима: еже и потщася сие истое сотворити. 11 Егда же прииде Петр во Антиохию, в лице ему противустах, яко зазорен бе. 12 Прежде бо даже не приити неким от Иакова, с языки ядыше: егда же приидоша, опряташеся и отлучашеся, бояся сущих от обрезания. 13 И лицемеришася с ним и прочии Иудеи, яко и Варнаве пристати лицемерству их. 14 Но егда видех, яко не право ходят ко истине Благовествования, рекох Петру пред всеми: аще ты, Иудей сый, язычески, а не иудейски живеши, почто языки нудиши иудейски жительствовати? 15 Мы естеством Иудее, а не от язык грешницы: 16 уведевше же, яко не оправдится человек от дел закона, но токмо верую Иисус Христовою, и мы во Христа Иисуса вероухом, да оправдимся от веры Христовы, а не от дел закона: зане не оправдится от дел закона всяка плоть. 17 Аще ли, ищуще оправдитися о Христе, обретохомся и сами грешницы, Христос убо греху ли служитель? Да не будет. 18 Аще бо, яже разорих, сия паки созидаю, преступника себе представляю. 19 Аз бо законом закону умрох, да Богови жив буду. Христови сраспяхся: 20 живу же не ктому аз, но живет во мне Христос. А еже ныне живу во плоти, верую живу Сына Божия, возлюбившаго мене и предавшаго Себе по мне. 21 Не отметаю благодати Божия. Аще бо законом правда, убо Христос туне умре.

3 О, несмысленнии Галате, кто вы прельстил есть не покоритися истине, имже пред очима Иисус Христос преднаписан бысть, в вас распят? 2 Сие едино хошу уведети от вас: от дел ли закона Духа приясте, или от слуха веры? 3 Тако ли несмысленни есте? Наченше духом, ныне плотию скончаваете? 4 Толика пострадасте туне? Аще точию и туне. 5 Подаяй убо вам Духа и действующий силы в вас, от дел ли закона, или от слуха веры? 6 Якоже Авраам верова Богу, и вменися ему в правду. 7 Разумейте убо, яко сущии от веры, сии суть сынове Авраамли. 8 Предувидевшее же Писание, яко от веры оправдает языки Бог, прежде благовествова Аврааму, яко благословятся о тебе вси языцы. 9 Темже сущии от веры, благословятся с верным Авраамом: 10 елицы бо от дел закона суть, под клятвою суть. Писано бо есть: проклят всяк, иже не пребудет во всех писанных в кнize законней, яко творити я. 11 А яко в законе никтоже оправдатея от Бога, яже, яко праведный от веры жив будет. 12 Закон же несть от веры: но сотворивый та человек жив будет в них. 13 Христос ны испулил есть от клятвы законныя, быв по нас клятва: писано бо есть: проклят всяк всяий на древе: 14 да в языцех благословение Авраамле будет о Христе Иисусе, да обетование Духа приимем верою. 15 Братие, по человеку глаголю: обаче человеческого предутвержденна завета никтоже отменяет или приповелевает. 16 Авраам же речени быша обеты, и семени его. Не глаголет же: и семенем, яко о мнозех, но яко о едином: и семени твоему, иже есть Христос. 17 Сие же глаголю, завета предутвержденнаго от Бога во Христа, бывый по летех четыриста и тридесятих закон

не отменяет, во еже разорити обетование. 18 Аще бо от закона наследие, не ктому уже от обетования: Аврааму же обетованием дарова Бог. 19 Что убо закон? Преступлений ради приложися, дондеже приидет семя, емуже обетовася, вчинен Ангелы, рукою ходатая. 20 Ходатай же единого несть, Бог же един есть. 21 Закон ли убо противу обетованием Божиим? Да не будет. Аще бо дан бысть закон могий оживити, воистинну от закона бы была правда: 22 но затвори Писание всех под грехом, да обетование от веры Иисус Христовы дастся верующым. 23 Прежде же пришествия веры, под законом стрегоми бехом, затворени в хотящую веру открытися. 24 Темже закон пестун нам бысть во Христа, да от веры оправдимся: 25 пришедшей же вере, уже не под пестуном есмы. 26 Все бо вы сынове Божии есте верою о Христе Иисусе: 27 елицы бо во Христа креститесь, во Христа облекостесь. 28 Несть Иудей, ни Еллин: несть раб, ни свобода: несть мужеский пол, ни женский: все бо вы едино есте о Христе Иисусе. 29 Аще ли вы Христовы, убо Авраамле семя есте, и по обетованию наследницы.

4 Глаголю же: в елико время наследник млад есть, ничимже лучший есть раба, господь сый всех: 2 но под повелители и приставники есть даже до нароча отча. 3 Такжеже и мы, егда бехом млади, под стихиями бехом мира поработчени: 4 егда же прииде кончина лета, посла Бог Сына Своего Единородного, Раждаемого от жены, бываема под законом, 5 да подзаконныи искупит, да всыновление восприимем. 6 И понеже есте сынове, посла Бог Духа Сына Своего в сердца ваша, вопиюща: Авва Отче. 7 Темже уже неси раб, но сын: аще ли же сын, и наследник Божий Иисус Христом. 8 Но тогда убо, не введше Бога, служисте не по естеству сущым богом: 9 ныне же, познавше Бога, паче же познани бывше от Бога, како возвращаетесь паки на немощныя и худыя стихии, имже паки свыше служити хочете? 10 Дни смотрите, и месяцы, и времена, и лета. 11 Боюсь о вас, еда како всуе трудихся в вас. 12 Будите якоже аз, зане и аз, якоже вы: братие, молю вы. Ничимже мене обидесте: 13 veste же, яко за немощь плоти благовестих вам первее. 14 И искушения моего, еже во плоти моей, не уничижисте, ни оплевавсте, но якоже Ангела Божия приясте мя, яко Христа Иисуса. 15 Кое убо бяше блаженство ваше, свидетельствую бо вам, яко, аще бы было мощно, очеса ваша извертевшя дали бысте ми. 16 Темже враг вам бых, истину вам глаголя? 17 Ревнуют по вас не добре, но отлучити вас хотят, да им ревнуюте. 18 Добро же, еже ревновати всегда в добром, и не точною вегда приходити ми к вам. 19 Чадца моя, имиж паки болезную, дондеже вообразится Христос в вас: 20 хотел же бых приити к вам ныне и изменити глас мой, яко не домышляюся о вас. 21 Глаголите ми, иже под законом хочете быти: закона ли не слушаете? 22 Писано бо есть, яко Авраам два сына име: единого от рабы, а другого от свободныя. 23 Но иже от рабы, по плоти родися: а иже от свободныя, по обетованию. 24 Иже суть иносказаема: сия бо еста два завета: един убо от горы Синайския, в работу раждай, иже есть Агарь: 25 Агарь бо, Сина гора есть во

Аравии, прилагается же нынешнему Иерусалиму, работает же с чады своими: 26 а вышний Иерусалим свобода есть, иже есть мати всем нам. 27 Писано бо есть: возвеселися, неплоды, не раждающая: расторгни и возопи, неболящая: яко многа чада пустыя паче, нежели имущия мужа. 28 Мы же, братие, по Исааку обетования чада есмы. 29 Но якоже тогда по плоти родивыйся гоняше духовнаго, тако и ныне. 30 Но что глаголет Писание? Изжени рабу и сына ея, не имать бо наследовати сын рабынин с сыном свободныя. 31 Темже, братие, несмы рабынина чада, но свободныя.

5 Свободою убо, еже Христос нас свободи, стойте, и не паки под игом работы держитесь. 2 Се аз Павел глаголю вам, яко аще обрезаетесь, Христос вас ничтоже пользует. 3 Свидетельствую же паки всякому человеку обрезующемуся, яко должен есть весь закон творити. 4 Упразднистесь от Христа, иже законом оправдываетесь, от благодати отпадосте: 5 мы бо духом от веры упования правды ждем. 6 О Христе бо Иисусе ни обрезание что может, ни необрезание, но вера любовию поспешествуема. 7 Течасте добре: кто вам возбрани не покаяться истине? 8 Препрение не от Призвавшего вы. 9 Мал квас все смешение квасит. 10 Аз надеюсь о вас в Господе, яко ничтоже ино разумети будете: смущая же вас понесет грех, кто бы ни был. 11 Аз же, братие, аще обрезание еще проповедую, почто еще гонимь есмь? Убо упразднился соблазн креста. 12 О, дабы отсечени были развращающии вас. 13 Вы бо на свободу звани бысте, братие: точно да не свобода ваша в вину плоти, но любовию работайте друг другу. 14 Ибо весь закон в едином словеси исполняется, во еже: возлюбии ближняго твоего якоже себе. 15 Аще же друг друга угрызаете и снедаете, блюдитесь, да не друг от друга истреблени будете. 16 Глаголю же: духом ходите, и похоти плотския не совершайте: 17 плоть бо похотствует на духа, дух же на плоть: сия же друг другу противятся, да не яже хотите, сия творите. 18 Аще ли духом водими есте, несте под законом. 19 Явлена же суть дела плотская, яже суть прелюбодеяние, блуд, нечистота, студодаяние, 20 идолослужение, чародеяния, вражды, рвеня, завиды, ярости, разжжения, распри, соблазны, ереси, 21 зависти, убийства, пьянства, безчинни кличи и подобная сим: яже предглаголю вам, якоже и предрекох, яко таковая творящии Царствия Божия не наследят. 22 Плод же духовный есть любви, радость, мир, долготерпение, благость, милосердие, вера, 23 кротость, воздержание: на таковых несте закона. 24 А иже Христовы суть, плоть распяша со страстьми и похотьми. 25 Аще живем духом, духом и да ходим. 26 Не бываим тщеславни, друг друга раздражающе, друг другу завидяще.

6 Братие, аще и впадет человек в некое прегрешение, вы духовнии исправляйте такового духом кротости: блюдый себе, да не и ты искушен будеши. 2 Друг друга тяготы носите, и тако исполните закон Христов. 3 Аще бо кто мнит себе быти что, ничтоже сый, умом льстит себе. 4 Дело же свое да искушает кийждо, и тогда в себе точно хваление да

имать, а не во инем: 5 кийждо бо свое бремя понесет. 6 Да общается же учийся словеси учащему во всех благих. 7 Не льститеся: Бог поругаемъ не бывает. Еже бо аще сеет человек, тожде и пожнет: 8 яко сеяи в плоть свою, от плоти пожнет истление: а сеяи в дух, от духа пожнет живот вечный. (aiōnios g166) 9 Доброе же творяще, да не стужаем си: во время бо свое пожнем, не ослабеюще. 10 Темже убо, дондеже время имама, да делаим благое ко всем, паче же к присным в вере. 11 Видите, колицеми книгами писах вам моею рукою. 12 Елицы хотят хвалитися по плоти, сии нудят вы обрезатися, точию да не креста ради Христова гоними будут: 13 ни бо обрезующиися сами закон хранят, но хотят вам обрезатьатися, да в вашей плоти похвалятся: 14 мне же да не будет хвалитися, токмо о кресте Господа нашего Иисуса Христа, имже мне мир распяты, и аз миру. 15 О Христе бо Иисусе ни обрезание что может, ни необрезание, но нова тварь. 16 И елицы правилом сим жительствуют, мир на них и милость, и на Израили Божиим. 17 Прочее, труды да никтоже ми дает: аз бо язвы Господа Иисуса на теле моем ношу. 18 Благодать Господа нашего Иисуса Христа со духом вашим, братие. Аминь.

Послание к Ефесянам

1 Павел, посланник Иисус Христов волею Божию, святым сущим во Ефесе и верным о Христе Иисусе: **2** благодать вам и мир от Бога Отца нашего и Господа Иисуса Христа. **3** Благословен Бог и Отец Господа нашего Иисуса Христа, благословивый нас всяцем благословением духовным в небесных о Христе. **4** Якоже избра нас в Нем прежде сложения мира, быти нам святым и непорочным пред Ним в любви, **5** прежде нарек нас во усыновление Иисус Христом в Него, по благоволению хотения Своего, **6** в похвалу славы благодати Своея, еуже облагодати нас о Возлюбленном: **7** о Немже имамы избавление Кровию Его, и оставление прегрешени, по богатству благодати Его, **8** юже преумножил есть в нас во всяцей премудрости и разуме, **9** сказав нам тайну воли Своея по благоволению Своему, еже прежде положи в Нем, **10** в смотрение исполнения времен, возглавити всяческая о Христе, яже на небесех и яже на земли в нем: **11** в Немже и наследницы сотворихомся, прежде наречени бывше по прозрению Божию вся Действующаго по совету воли Своея, **12** яко быти нам в похваление славы Его, прежде уповавшим во Христа: **13** в Немже и вы, слышавше слово истины, благовествование спасения нашего, в Немже и веровавше знаменаетеся Духом обетования Святым, **14** Иже есть обручение наследия нашего, во избавление снабдения, в похвалу славы Его. **15** Сего ради и аз слышав вашу веру о Христе Иисусе и любовь, яже ко всем святым, **16** не престаю благодаря о вас, поминание о вас творя в молитвах моих, **17** да Бог Господа нашего Иисуса Христа, Отец славы, даст вам Духа премудрости и откровения, в познание Его, **18** просвещенна очеса сердца вашего, яко уведети вам, кое есть упование звания Его, и кое богатство славы достояния Его во святых, **19** и кое преспеющее величество силы Его в нас верующих по действию державы крепости Его, **20** юже содея о Христе, воскресив Его от мертвых и посадил одесную Себе на небесных, **21** превыше всякаго Началства и Власти и Силы и Господства, и всякаго имене именуемаго не точию в веще сем, но и во грядущем: (аіѡн g165) **22** и вся покори под нозе Его, и Того даде главу выше всех Церкви, **23** яже есть Тело Его, исполнение Исполняющаго всяческая во всех.

2 И вас сущих прегрешенными мертвых и грехи вашими, **2** в ниже иногда ходисте по веку мира сего, по князю власти воздушныя, духа, иже ныне действует в сынех противления, (аіѡн g165) **3** в ниже и мы вси жихом иногда в похотех плоти нашея, творяще волю плоти и помышлений, и бехом естеством чада гнева, якоже и прочии: **4** Бог же, богат сый в милости, за премоногу любовь Свою, еуже возлюбил нас, **5** и сущих нас мертвых прегрешенными, сооживи Христом: благодатию есте спасени: **6** и с Ним воскреси, и спосади на небесных во Христе Иисусе, **7** да явит в вецех грядущих презельное богатство благодати Своея благостынею на нас о Христе Иисусе. (аіѡн g165) **8** Благодатию бо есте спасени чрез веру: и сие не от вас, Божии дар: **9** не от дел, да никтоже

похвалится. **10** Того бо есмь творение, создани во Христе Иисусе на дела благая, яже прежде уготова Бог, да в них ходим. **11** Темже поминайте, яко вы, иже иногда языцы во плоти, глаголемии необрезание от рекомаго обрезания во плоти, рукотвореннаго, **12** яко бесте во время оно без Христа, отчуждени жития Израилева и чужди от завет обетования, упования не имущи и безбожни в мире: **13** ныне же о Христе Иисусе вы, бывшии иногда далече, близ бысте Кровию Христовою. **14** Той бо есть мир наш, сотворивый обоя едино, и средостение огады разоривый, **15** вражду Плотию Свою, закон заповедий учеными упразднил, да оба соизждет Собою во единого новаго человека, творя мир, **16** и примирит обоих во едином теле Богови крестом, убив вражду на нем: **17** и пришед благовести мир вам, дальним и ближним, **18** зане Тем имамы приведение обои во едином Дусе ко Отцу. **19** Темже убо ктому несте странни и пришельцы, но сожителе святым и приснии Богу, **20** наздани бывше на основании Апостол и пророк, сущу краеугольну Самому Иисусу Христу, **21** о немже всяко создание составляемо растет в церковь святую о Господе: **22** о немже и вы соиздаетеся в жилище Божие Духом.

3 Сего ради аз Павел юзник Иисус Христов о вас языцех. **2** Аще убо слышасте смотрение благодати Божия данная мне в вас, **3** яко по откровению сказаса мне тайна, якоже преднаписанх мале: **4** о немже можете тшце разумети разум мой в тайне Христове, **5** яже во инех родех не сказаса сыном человеческим, якоже ныне открыся святым Его Апостолом и пророком Духом Святым: **6** яко быти языком снаследником и стелесником и спричастником обетования Его о Христе Иисусе, благовествованием, **7** емуже бых служитель по дару благодати Божия, данная мне по действу силы Его. **8** Мне меншему всех святых дана бысть благодать сия, во языцех благовестити неизследованное богатство Христово **9** и просветити всех, что есть смотрение тайны сокровенныя от веков в Бозе, создавшем всяческая Иисус Христом, (аіѡн g165) **10** да скажется ныне началом и влаstem на небесных Церковию многообразная премудрость Божия, **11** по предложению век, еже сотвори о Христе Иисусе Господе нашем, (аіѡн g165) **12** о Немже имамы дерзновение и приведение в надеянии верою Его. **13** Темже молю (вы) не стужати си в скорбех моих о вас, яже есть слава ваша. **14** Сего ради преклоняю колена моя ко Отцу Господа нашего Иисуса Христа, **15** ижегоже всяко отечество на небесех и на земли именуется: **16** да даст вам по богатству славы Своея, силоу утвердитися Духом Его во внутреннем человеце, **17** вселитися Христу верою в сердца ваша: в любви вкоренени и основани, **18** да возможете разумети со всеми святыми, что широта и долгота и глубина и высота, **19** разумети же преспеющую разум любовь Христову, да исполнитесь во всяко исполнение Божие. **20** Могущему же паче вся творити по преизбыточеству, иже просим или разумеем, по силе действуемой в нас, **21** Тому слава в Церкви о Христе Иисусе во вся роды века веков. Аминь. (аіѡн g165)

4 Молю убо вас аз юзник о Господе, достойно ходити звания, в неже звани бысте, 2 со всяким смиренномудрием и кротостию, с долготерпением, терпяще друг другу любовию, 3 тщащся блюсти единение духа в союзе мира. **4** Едино тело, един дух, якоже и звани бысте во едином уповании звания вашего: **5** един Господь, едина вера, едино крещение, **6** един Бог и Отец всех, Иже над всеми и чрез всех и во всех нас. **7** Единому же комуждо нас дадеся благодать по мере дарования Христова. **8** Темже глаголет: възсед на высоту, пленил еси плен, и даде даяния человеком. **9** А еже, что есть, точию яко и сице прежде в долнейшыя страны земли? **10** Сшедый, Той есть и възседый превыше всех небес, да исполнит всяческая. **11** И Той дал есть овы убо Апостолы, овы же пророки, овы же Благовестники, овы же пастыри и учителя, **12** к совершению святых, в дело служения, в созидание Тела Христова, **13** дондеже достигнем вси в соединение веры и познания Сына Божия, в мужа совершенна, в меру возраста исполнения Христова: **14** да не бываем ктому младенцы, влающяся и скитающяся всяким ветром учения, но лжи человечесей, в коварстве козней льщения: **15** истинствующе же в любви, да возрастим в Него всяческая, Иже есть глава Христос, **16** из Негоже все тело, составляемо и счиневаемо приличне всяцем осязанием подаяния, по действию в мере единыя коеяждо части, возвращение тела творит в создание самого себе любовию. **17** Сие убо глаголю и послушствую о Господе, ктому не ходити вам, якоже и прочии языцы ходят в суете ума их, **18** помрачени смыслом, суще отчуждени от жизни Божия, за невежество суще в них, за окаменение сердец их: **19** иже в нечаяние вложшеся, предаша себе студодеянию, в делание всякия нечистоты в лихоимании. **20** Вы же не тако познасте Христа: **21** аще убо слышасте Его и о Нем научитесь, якоже есть истина о Иисусе: **22** отложити вам, по первому житию, ветхаго человека, тлеющаго в похотех прелестных, **23** обновлятися же духом ума вашего, **24** и обещися в новаго человека, созданнаго по Богу в правде и в преподобии истины. **25** Темже отложше лжу, глаголите истину кийждо ко искреннему своему. Зане есмы друг другу удове. **26** Гневайтесь и не согрешайте: солнце да не зайдет в гневe вашем: **27** ниже дадите места диаволу. **28** Крадый ктому да не крадет, но паче да труждается, делая своими руками благое, да иматъ подаяти требующему. **29** Всяко слово гнило да не исходит из уст ваших, но точию еже есть благо к созданию веры, да даст благодать слышашцым. **30** И не оскорбляйте Духа Святаго Божия, Имже знаменастея в день избавления. **31** Всяка горесть, и гнев, и ярость, и клич, и хула да возмется от вас, со всякою злобою: **32** бывайте же друг ко другу блази, милосерди, прощающе друг другу, якоже и Бог во Христе простил есть вам.

5 Бывайте убо подражателе Богу, якоже чада возлюбленная, **2** и ходите в любви, якоже и Христос возлюбил есть нас, и предаде Себе за ны приношение и жертву Богу в воню благоухания. **3** Блуд же и всяка нечистота и лихоимство ниже да именуется в вас, якоже подобает святым: **4** и

сквернословие, и буесловие, или кошуны, яже неподобная, но паче благодарение: **5** сие бо да весте, яко всяк блудник, или нечист, или лихоимец, иже есть идолослужитель, не иматъ достояния в Царствии Христа и Бога. **6** Никтоже вас да льстит суетными словесы, сих бо ради грядет гнев Божий на сыны непокоривыя. **7** Не бывайте убо сопричастницы сим. **8** Бесте бо иногда тма, ныне же свет о Господе: якоже чада света ходите: **9** плод бо духовный есть во всяцей благодыни и правде и истине: **10** искушающе, что есть благоугодно Богови: **11** и не приубожайтесь к делу неплодному тмы, паче же и обличайте. **12** Бываемая бо отай от них, срамно есть и глаголати. **13** Вся же обличаемая от света являютяся, все бо являемое свет есть: **14** сего ради глаголет: востани, спяй, и воскреси от мертвых, и осветит тя Христос. **15** Блюдите убо, како опасно ходите, не якоже немудри, но якоже премудри, **16** искуплюще время, яко дние лукави суть. **17** Сего ради не бывайте несмысленни, но разумевайте, что есть воля Божия. **18** И не упивайтесь вином, в немже есть блуд: но паче исполняйтесь Духом, **19** глаголюще себе во псалмех и пениих и песнех духовных, воспевающе и поюще в сердцах ваших Господеви, **20** благодаряще всегда о всех о имени Господа нашего Иисуса Христа Богу и Отцу, **21** повинующеся друг другу в страсе Божии. **22** Жены, своим мужем повинуйтесь, якоже Господу, **23** зане муж глава есть жены, якоже и Христос глава Церкви, и Той есть Спаситель тела: **24** но якоже Церковь повинуется Христу, такожде и жены своим мужем во всем. **25** Мужие, любите своя жены, якоже и Христос возлюбил Церковь, и Себе предаде за ню, **26** да освятит ю, очистив банею водною в глаголголе: **27** да представит ю Себе славу Церкви, не имущу скверны, или порока, или нечто от таковых, но да будет свята и непорочна. **28** Тако должны суть мужие любити своя жены, яко своя телеса: любяй бо свою жену, себе самого любит. **29** Никтоже бо когда свою плоть возненавиде, но питает и греет ю, якоже и Господь Церковь: **30** зане уди есмы Тела Его, от плоти Его и от костей Его. **31** Сего ради оставит человек отца своего и мать, и прилепится к жене своей, и будета два в плоть едину. **32** Тайна сия велика есть: аз же глаголю во Христа и во Церковь. **33** Обаче и вы, по единому кийждо свою жену сице да любит, якоже (и) себе: а жена да боится (своего) мужа.

6 Чада, послушайте своих родителей о Господе: сие бо есть праведно. **2** Чти отца твоего и мать: яже есть заповедь первая во обетовании: **3** да благо ти будет, и будещи долголетен на земли. **4** И отцы, не раздражайте чад своих, но воспитывайте их в наказании и учении Господни. **5** Раби, послушайте господий своих по плоти со страхом и трепетом, в простоте сердца вашего, якоже и Христа, **6** не пред очима точию работающе яко човекоугодницы, но якоже раби Христовы, творяще волю Божию от души, **7** со благоразумием служаще якоже Господу, а не яко человеком, **8** ведяще, яко кийждо, еже аще сотворит благое, сие примет от Господа, аще раб, аще свобод. **9** И господие, таяжде творите к ним, послабляюще им прещения, ведуще, яко и

вам самом и тем Господь есть на небесех, и обинования лица несть у Него. 10 Прочее же, братие моя, возмогайте во Господе и в державе крепости Его: 11 облецытесь во вся оружия Божия, яко возмощи вам стати противу кознем диаволским, 12 яко несть наша брань к крови и плоти, но к началом и ко властем (и) к миродержителем тмы века сего, к духовом злобы поднебесным. (аіѡп g165) 13 Сего ради примите вся оружия Божия, да возможете противитися в день лют и вся содеявше стати. 14 Станите убо препоясани чресла ваша истиною, и оболкшесь в броня правды, 15 и обувше нозе во уготование благовествования мира: 16 над всеми же восприимше щит веры, в немже возможете вся стрелы лукаваго разжженныя угасити: 17 и шлем спасения восприимите, и мечь духовныи, иже есть Глаголгол Божий: 18 всякою молитвою и молением молящесь на всяко время духом, и в сие истое бдяще во всяком терпении и молитве о всех святых 19 и о мне, да дастся ми слово во отвержение уст моих, с дерзновением сказати тайну благовествования, 20 о немже посолствую во устах, да в нем дерзаю, якоже подобает ми глаголати. 21 Да увесте же и вы, яже о мне, что делаю, вся скажет вам Тихик, возлюбленный брат и верен служитель о Господе, 22 егоже послах к вам на сие истое, да увесте, яже о нас, и да утешит сердца ваша. 23 Мир братии и любовь с верою от Бога Отца и Господа Иисуса Христа. 24 Благодать со всеми любящими Господа нашего Иисуса Христа в неистлении. Аминь.

Послание к Филиппийцам

1 Павел и Тимофей, раби Иисус Христовы, всем святым о Христе Иисусе сущым в Филиппех, с епископы и диаконы: **2** благодать вам и мир от Бога Отца нашего и Господа Иисуса Христа. **3** Благодарю Бога моего о всей памяти вашей, **4** всегда во всяцей молитве моей за всех вас с радостью молитву мою творя, **5** о общении вашем в благовествование от первого дне даже и донныне, **6** надеясь на сие истое, яко начный дело благо в вас совершит е даже до дне Иисус Христова: **7** якоже есть праведно мне сие мудрствовати о всех вас, за еже имети ми в сердцы вас, во узах моих и во ответе и извещении благовестия, сообщников мне благодати всех вас сущих. **8** Свидетель бо ми есть Бог, яко люблю всех вас по милости Иисус Христове: **9** и о сем молюся, да любовь ваша еще паче и паче избыточествует в разуме и во всяцем чувствии, **10** во еже искушати вам лучшая, да будете чисти и непреткновенни в день Христов, **11** исполнени плодов правды Иисус Христом, в славу и похвалу Божию. **12** Разумети же хочу вам, братие, яко яже о мне паче во успех благовествования приидоша, **13** яко узы моя явленны о Христе быша во всем судищи и в прочих всех, **14** и множайшии братия о Господе, надеявшиися о узах моих, паче дерзают без страха слово Божие глаголати. **15** Нецыи убо по зависти и ревности, друзии же и за благоволение Христа проповедают: **16** ови убо от рвения Христа возвещают нечисте, мняще печаль нанести узам моим: **17** ови же от любве, ведяще, яко во ответе благовествования лежу. **18** Что убо? Обаче всяцем образом, аще виною, аще истинною Христос проповедаемъ есть, и о сем радуюся, но и возрадуюся: **19** вем бо, яко сие сбудется ми во спасение вашу молитвою и подаянием Духа Иисус Христова, **20** по чаянию и упованию моему, яко ни о едином же постыжуся, но во всяцем дерзновении, якоже всегда, и ныне возвеличится Христос в теле моем, аще животом, аще ли смертию. **21** Мне бо еже жити, Христос, и еже умрети, приобретение (есть). **22** Аще же, еже жити (ми) телом, сие мне плод дела: и что изволю, не вем. **23** Обдержим же есмь от обою, желание имый разрешитися и со Христом быти, много паче лучше: **24** а еже пребывати во плоти, нужнейше (есть) вас ради. **25** И сие известно вем, яко буду и спребуду вам всем в ваш успех и радость веры, **26** яко да похвала ваша избыточествует о Христе Иисусе во мне, моим пришествием паки к вам. **27** Точию достойне благовествованию Христову жителствуйте, да аще пришед и видев вас, аще и не сый у вас, услышу яже о вас, яко (истинною) стоите во едином дусе, и единомушне сподвизающесе по вере Благовествования (волю), **28** и не колеблущесе ни о едином же от сопротивных: еже тем убо есть явление погибели, вам же спасения. И сие от Бога: **29** яко вам даровася, еже о Христе, не токмо еже в Него

веровати, но и еже по Нем страдати, **30** тойже подвиг имуще, якож же во мне видесте и ныне слышите о мне.

2 Аще убо кое утешение о Христе, (или) аще кая утеха любве, аще кое общение духа, аще кое милосердие и щедроты, **2** исполните мою радость, да тожде мудрствуете, ту же любовь имуще, единомушни, единомудренни: **3** ничтоже по рвению или тщеславию, но смиренномудрием друг друга честию болша себе творяще. **4** Не своих си кийждо, но и дружных кийждо смотрите. **5** Сие бо да мудрствуется в вас, еже и во Христе Иисусе: **6** Иже, во образе Божии сый, не восхищением непщева быти равен Богу: **7** но Себе умалил, зрак раба примим, в подобии человечестем быв, и образом обретесе якоже человек: **8** смирил Себе, послушлив быв даже до смерти, смерти же крестныи. **9** Темже и Бог Его превознесе и дарова Ему имя, еже паче всякого имени, **10** да о имени Иисусове всяко колено поклонится небесных и земных и преисподних, **11** и всяк язык исповесть, яко Господь Иисус Христос в славу Бога Отца. **12** Темже, возлюбленнии мои, якоже всегда послушасте мене, не якоже в пришествии моем точию, но ныне много паче во отшествии моем, со страхом и трепетом свое спасение содевайте: **13** Бог бо есть действующ в вас и еже хотети и еже деяти о благоволении. **14** Вся творите без роптания и размышления, **15** да будете неповинни и цели, чада Божия непорочна посреде рода строптива и развращена, в ниже являетесе якоже светила в мире, **16** слово животнo придержаще, в похвалу мне в день Христов, яко не вотще текох, ни вотще трудихся. **17** Но аще и жрен бываю о жертве и службе веры вашей, радуюся и сорадуюся всем вам: **18** такожде и вы радуйтесе и сорадуйтесе мне. **19** Уповаю же о Господе Иисусе Тимофеа вскоре послати к вам, да и аз благодушствую, уведев яже о вас. **20** Ни единого бо имам равнодушна, иже приснее о вас попечется: **21** вси бо своих си ищут, (а) не яже Христа Иисуса. **22** Искусство же его знаете, зане якоже отцу чадо, со мною поработал в благовестии. **23** Сего же убо уповаю послати абие, повнегда увем яже о мне. **24** Надеюся же о Господе, яко и сам скоро прииду к вам. **25** Потребнее же возмнех Епафродита брата и споспешника и своинника моего, вашего же посланника и служителя потребе моей, послати к вам, **26** понеже желанием желаше видети всех вас, и тужаше, зане слышасте, яко боле. **27** Ибо боле близ смерти: но Бог помилова его, не его же токмо, но и мене, да не скорьб на скорьб прииму. **28** Скорее убо послах его, да видевше его паки, возрадуется, и аз безпечален пребуду. **29** Примите убо его о Господе со всякою радостию, и таковыи честныи имейте, **30** зане за дело Христово даже до смерти приближися, понудив себе вседушно, да исполнит ваше лишение службы яже ко мне.

3 Прочее же, братие моя, радуйтесе о Господе. Таяжде (бо) писати вам, мне убо неленостно, вам же твердо. **2** Блюдитесе от псов, блюдитесе от злых делателей, блюдитесе от сечения: **3** мы бо есмь обрезание, иже духом Богу служим и хвалимся о Христе Иисусе, а не в плоти надеемся: **4** ибо и аз имею надеяние такожде во плоти. Аще кто ин

мнит надеяться во плоти, аз паче, 5 обрезан осмодневно, от рода Израилева, колена Вениаминова, Евреин от Еврей, по закону фарисей, 6 по ревности гоних Церковь Божию, по правде законней быв непорочен. 7 Но яже ми бяху приобретения, сия вмених Христа ради тщету. 8 Но убо вмению вся тщету быти за превосходящее разумение Христа Иисуса Господа моего, Егоже ради всех отщетихся, и вмению вся уметы быти, да Христа приобрящу 9 и обрящуся в Нем, не имый моя правды, яже от закона, но яже верою (Иисус) Христовою, сущую от Бога правду в вере: 10 яко разумети Его, и силу воскресения Его, и союобщение страстей Его, сообразуясь смерти Его, 11 аще како достигну в воскресение мертвых. 12 Не зане уже достигох, или уже совершихся: гоню же, аще и постигну, о немже и постижен бых от Христа Иисуса. 13 Братие, аз себе не у помышляю достигша: едино же, задняя убо забывая, в предняя же простираяся, 14 со усердием гоню, к почести вышняго звания Божия о Христе Иисусе. 15 Елицы убо совершенни, сие да мудрствуим: и еже аще ино что мыслите, и сие Бог вам открыет. 16 Обаче в неже достигохом, тоже да мудрствуем и темже правилом жителствуем. 17 Подобни ми бывайте, братие, и смотрите тако ходящия, якоже имате образ нас. 18 Мнози бо ходят, иже многажды глаголах вам, ныне же и плача глаголю, враги креста Христова: 19 имже кончина погибель, имже бог чрево, и слава в студе их, иже земная мудрствуют. 20 Наше бо житие на небесех есть, отнюдуже и Спасителя ждем, Господа (нашего) Иисуса Христа, 21 Иже преобразит тело смирения нашего, яко быти сему сообразну телу славы Его, по действию еже возмогати Ему и покорити Себе всяческая.

4 Темже, братие моя возлюбленная и вожделенная, радости и венче мой, тако стойте о Господе, возлюбленнии. 2 Еводию молю и Синтихию молю тожде мудрствовати о Господе: 3 ей, молю и тебе, супружнице присный, споспешествуй им, яже во благовествовании сподвизашася со мною и с Климентом и с прочими споспешники моими, иже имена в книгах животных. 4 Радуйтесь всегда о Господе: и паки реку: радуйтесь. 5 Кротость ваша разумна да будет всем человеком. Господь близ. 6 Ни о чемже пецьетесь, но во всем молитвою и молением со благодарением прошения ваша да сказуются к Богу: 7 и мир Божий, превосходяй всяк ум, да соблюдет сердца ваша и разумения ваша о Христе Иисусе. 8 Прочее же, братие (моя), елика суть истинна, елика честна, елика праведна, елика пречиста, елика прелюбезна, елика доброхвальна, аще кая добродетель и аще кая похвала, сия помышляйте. 9 Умже и научитесь, и приясте, и слышасте, и видесте во мне, сия творите: и Бог мира будет с вами. 10 Возрадовахся же о Господе вельми, яко уже когда воспомянусте пещися о мне: понеже и печастесь, но непогодным временем обдержастесь. 11 Не яко по скудости глаголю: аз бо навыкох, в нихже есмь, доволен быти: 12 вем и смиритися, вем и избыточествовати: во всем и во всех навыкох, и насыщатися и алкати, и избыточествовати и лишатися. 13 Вся могу о укрепляющем мя (Иисусе) Христе. 14 Обаче добре сотвористе, сприобщившеся печали моей. 15 Весте же и вы, Филипписиане, яко в начале

благовествования, егда изыдох от Македонии, ни едина ми церковь общевася в слово даяния и приятия, точию вы едины: 16 яко и в Солунь и единою и дващи в требование (мое) посласте ми. 17 Не яко ищу даяния, но ищу плода множащагося в слово ваше. 18 Приях же вся и избыточествую: исполнихся, приемь от Епафродита посланная от вас, воню благоухания, жертву приятну, благоудноу Богу. 19 Бог же мой да исполнит всякое требование ваше по богатству Своему в славе, о Христе Иисусе. 20 Богу же и Отцу нашему слава во веки веков. Аминь. (aiōn g165) 21 Целуйте всякаго свята о Христе Иисусе. Целуют вы сущая со мною братия. 22 Целуют вы святии вси, паче же иже от кесарева дому. 23 Благодать Господа нашего Иисуса Христа со всеми вами. Аминь.

Послание к Колоссянам

1 Павел, Апостол Иисус Христов волею Божию, и Тимофей брат, 2 сущым в Колоссаех святым и верным братьям о Христе Иисусе: 3 благодать вам и мир от Бога Отца нашего, и Господа Иисуса Христа. Благодарим Бога и Отца Господа нашего Иисуса Христа, всегда о вас молящися, 4 слышавше веру вашу, яже о Христе Иисусе, и любовь, юже имате ко всем святым, 5 за упование отложенное вам на небесех, еже прежде слышасте в словеси истины благовествования, 6 сущаго в вас, якоже и во всем мире: и есть плодоносно и растимо, якоже и в вас, от нежеже дне слышасте и разуместе благодать Божию во истине: 7 якоже и уведесте от Епафраса, возлюбленного сорботника нашего, иже есть верен о вас служитель Христов, 8 иже и яви нам вашу любовь в душе. 9 Сего ради и мы, от нежеже дне слышахом, не престаем о вас молящися и просяще, да исполнитесь в разуме воли Его, во всяцей премудрости и разуме духовнем, 10 яко ходити вам достоине Богу во всяцем угождении и всяком деле блазе, плодоносяще и возрастающе в разуме Божии, 11 всякою силою возмогающе по державе славы Его, во всяцем терпении и долготерпении с радостию. 12 Благодаряще Бога и Отца, призвавшаго вас в причастие наследия святых во свете. 13 Иже избави нас от власти темных и престаи в Царство Сына любви Своея, 14 о Немже имамы избавление Кровию Его и оставление грехов. 15 Иже есть образ Бога невидимаго, перворожден всяя твари. 16 Яко Тем создана быша всяческая, яже на небеси и яже на земли, видимая и невидимая, аще престолы, аще господствия, аще начала, аще власти: всяческая Тем и о Нем создашася. 17 И Той есть прежде всех, и всяческая в Нем состоятся. 18 И Той есть глава телу Церкви, Иже есть начаток, перворожден из мертвых, яко да будет во всех Той первенствующ. 19 Яко в Нем благоизволю всему исполнению вселитися, 20 и Тем примирити всяческая к Себе, умиротворив Кровию креста Его, чрез Него, аще земная, аще ли небесная. 21 И вас, иногда сущих отчужденных и врагов помышленьми в делех лукавых, 22 ныне же примири в теле Плоти Его смертию Его, представити вас святых и непорочных и неповинных пред Собою, 23 аще убо пребываете в вере основани и тверди, и неподвижими от упования благовествования, еже слышасте, проповеданное всей твари поднебесней, емуже бых аз Павел слугителю. 24 Ныне радуясь по страданиям моих о вас, яко исполняя лишение скорбей Христовых во плоти моей за Тело Его, еже есть Церковь. 25 Ейже бых аз слугителю по смотрению Божию, данному мне в вас, исполнити слово Божие, 26 тайну сокровенную от век и от родов: ныне же явися святым Его, (αἰὼν ἡ 165) 27 Имже восхоте Бог сказати, кое богатство славы тайны сея во языцех, иже есть Христос в вас, упование славы, 28 Егоже мы проповедем, наказующе всякого человека и учаще всяцей премудрости, да представим всякого человека совершенно о Христе Иисусе: 29 в немже и трудяюся и подвизаюся по действию Его действуемому во мне силою.

2 Хошу убо вас ведети, колики подвигом имам о вас и о сущих в Лаодикии и во Иераполи, и елицы не видеша лица моего во плоти, 2 да утешатся сердца их, снемшихся в любви и во всяцем богатстве извещения разума, в познание тайны Бога и Отца и Христа, 3 в Немже суть вся сокровища премудрости и разума сокровенна. 4 Сие же глаголю, да никтоже вас прельстит в словопрени. 5 Аще бо и плотию отстою, но духом с вами есмь, радуясь и видя ваш чин и утверждение вашей веры, яже во Христа. 6 Якоже убо приясте Христа Иисуса Господа, такожде в Нем ходите, 7 якоже научены и назданы в Нем и известованы верою, якоже научитесь, избыточествующе в ней благодарением. 8 (Братие,) блюдитесь, да никтоже вас будет прельщая философию и тщетною лестию, по преданию человеческого, по стихиям мира, а не по Христе. 9 Яко в Том живет всяко исполнение Божества телесне: 10 и да будете в Нем исполнены, Иже есть глава всякому началу и власти: 11 о Немже и обрезани бысте обрезанием нерукотворенным, в совлечении тела греховнаго плоти, во обрезании Христове, 12 спогрбешся Ему крещением: о Немже и совостае верою действия Бога, Воскресившаго Его из мертвых. 13 И вас, мертвых сущих в прегрешениях и в необрезании плоти вашей, сооживил есть с Ним, даровав нам вся прегрешения, 14 истребив еже на нас рукописание ученых, еже бе спротивно нам, и то взят от среды, пригвоздив е на кресте: 15 совлек начала и власти, изведе в позор дерзновением, изобличив их в Себе. 16 Да никтоже убо вас осуждает о ядении, или о питии, или о части праздника, или о новомесячиих, или о субботах: 17 яже суть стень грядущих, тело же Христово. 18 Никтоже вас да прельщает изволенным ему смиренномудрием и службою Ангелов, яже не уведет учя, без ума дмяся от ума плоти своея, 19 а не держа главы, из неяже все тело, составы и соузы подаемо и снемлемо, растит возвращение Божие. 20 Аще убо умросте со Христом от стихий мира, почто аки живуще в мире стязаетесь? 21 Не коснися, ниже вкуси, ниже осяжи: 22 яже суть вся во истление употреблением, по заповедем и учением человеческим: 23 яже суть слово убо имуща премудрости в самовольней службе и смиренномудрии и непощадении тела, не в чести коей к сътости плоти.

3 Аще убо воскреснусте со Христом, вышних ищите, идеже есть Христос о десную Бога сеядя: 2 горняя мудрствуйте, (а) не земная. 3 Умросте бо, и живот ваш сокровен есть со Христом в Бозе: 4 егда же Христос явится, живот ваш, тогда и вы с Ним явитесь в славе. 5 Умертвите убо уды ваша, яже на земли: блуд, нечистоту, страсть, похоть злую и лихоимание, еже есть идолослужение, 6 иже ради грядет гнев Божии на сыны противления. 7 В нихже и вы иногда ходисте, егда живясте в них. 8 Ныне же отложите и вы та вся: гнев, ярость, злобу, хуление, срамословие от уст ваших: 9 не лжите друг на друга, совлекшеся ветхаго человека с деяньми его 10 и облечшеся в новаго, обновляемого в разум по образу Создавшаго его, 11 идеже несть Еллин, ни Иудей, обрезание и необрезание, варвар, раб и свобода, но всяческая и во всех Христос. 12 Облещитесь убо якоже

избраннии Божии, святы и возлюбленни, во утробы щедрот, благость, смиренномудрие, кротость и долготерпение, 13 приемлюще друг друга и прощающе себе, аще кто на кого имать поречение: якоже и Христос простил есть вам, тако и вы. 14 Над всеми же сими (стяжите) любовь, яже есть союз совершенства: 15 и мир Божии да водворяется в сердцах ваших, в оныже и звани бысте во едином теле: и благодарни бывайте. 16 Слово Христово да вселяется в вас богатно, во всякой премудрости: учаще и вразумляюще себе самех во псалмех и пениих и песнех духовных, во благодати поюще в сердцах ваших Господеви. 17 И все, еже аще что творите словом или делом, вся во имя Господа Иисуса Христа, благодаряще Бога и Отца Тем. 18 Жены, повинуйтеся своим мужем, якоже подобает о Господе. 19 Мужие, любите жены ваша, и не огорчайтесь к ним. 20 Чада, послушайте родителей (своих) во всем: сие бо угодно есть Господеви. 21 Отцы, не раздражайте чад ваших, да не унывают. 22 Раби, послушайте по всему плотских господии (ваших), не пред очима точию работающе аки человекоугодницы, но в простоте сердца, боящися Бога. 23 И всяко, еже аще что творите, от души делайте, якоже Господу, а не человеком, 24 ведяще, яко от Господа примете воздаяние достояния: Господу бо Христу работаете. 25 А обидяй восприимет, еже обиде: и несть лица обинования.

4 Господие, правду и уравнение рабом подавайте, ведяще, яко и вы имате Господа на небесех. 2 В молитве терпите, бодрствующе в ней со благодарением: 3 молящися и о нас вкупе, да Бог отверзет нам двери слова, проглаголати тайну Христову, еяже ради и связан есмь: 4 да явлю ю, якоже подобает ми глаголати. 5 В премудрости ходите ко внешним, время искупующе. 6 Слово ваше (да бывает) всегда во благодати, солию растворено, ведети, како подобает вам единому комуждо отвещавати. 7 Иже о мне, вся скажет вам Тихик, возлюбленный брат и верен служитель и соработник о Господе, 8 егоже послах к вам на се истое, да разумеет яже о вас и утешит сердца ваша, 9 со Онисимом, верным и возлюбленным братом нашим, иже есть от вас: вся вам скажут, яже zde. 10 Целует вы Аристарх спленник мой, и Марко анепсий Варнавин, о немже приясте заповеди: аще приидет к вам, примите его: 11 и Иисус нареченный Иуст, сущий от обрезания: сии едины споспешницы во Царство Божие, иже быша ми утешение. 12 Целует вы Епафрас, иже от вас, раб Иисуса Христа, всегда подвизаясь о вас в молитвах, да будете совершени и исполнени во всяцей воли Божией. 13 Свидетелствую бо о нем, яко имать ревность многу (и болезнь) о вас и о сущих в Лаодикии и во Иераполи. 14 Целует вы Лука врач возлюбленный, и Димас. 15 Целуйте братию сущую в Лаодикии, и Нимфана, и домашнюю его церковь. 16 И егда прочтется послание сие у вас, сотворите, да и в Лаодикиистей церкви прочтено будет, и написанное от Лаодикии да и вы прочтете. 17 И рцыте Архиппу: блюди служение, еже приял еси о Господе, да довершиши е. 18 Целование моею рукою Павлею. Поминайте моя узы. Благодать со (всеми) вами. Аминь.

Первое послание к Фессалоникийцам

1 Павел и Силуан и Тимофей церкви Солунстей о Боже Отце и Господе Иисусе Христе: благодать вам и мир от Бога Отца нашего и Господа Иисуса Христа. **2** Благодарим Бога всегда о всех вас, поминание о вас творяще в молитвах наших, **3** непрестанно поминающе ваше дело веры, и труд любви, и терпение упования Господа нашего Иисуса Христа, пред Богом и Отцем нашим, **4** ведяще, братие возлюбленная, от Бога избрание ваше: **5** яко благовествование наше не бысть к вам в слове точию, но и в силе, и в Дусе Святе, и во извещении мнозе, якоже и весте, какови быхом в вас ради вас. **6** И вы подобницы бысте нам и Господу, приемше слово в скорби мнозе с радостию Духа Святаго, **7** яко были вам образ всем верующым в Македонии и Ахаии. **8** От вас бо промчяся слово Господне не токмо в Македонии и Ахаии, но и во всяко место вера ваша, яже к Богу, изыде, яко не требовати нам глаголати что. **9** Тии бо о нас возвещают, каков вход имехом к вам, и како обратистесь к Богу от идол, работати Богу живу и истинну **10** и ждати Сына Его с небес, Егоже воскресил из мертвых, Иисуса, избавляющаго нас от гнева грядущаго.

2 Сами бо весте, братие, вход наш иже к вам, яко не вотще бысть: **2** но предпострадавше и досаждени бывше, якоже весте, в Филиппех, дерзнухом о Боже нашем глаголати к вам благовествование Божие со многим подвигом. **3** Утешение бо наше не от прелести, ни от нечистоты, ни лестию: **4** но якоже искусихомся от Бога верни быти прияти благовествование, тако глаголем, не аки человеком угождающе, но Богу искушающему сердца наша. **5** Никогда бо в словеси ласкания быхом к вам, якоже весте, ниже в вине лихоимания: Бог свидетель! **6** Ни ищуще от человек славы, ни от вас, ни от инех: **7** могуще в тяготе быти, якоже Христовы Апостоли, но быхом тиси посреде вас, якоже долица греет своя чада. **8** Тако желающе вас, благоволихом подати вам не точию благовествование Божие, но и души своя, занеже возлюблены бысте нам. **9** Помните бо, братие, труд наш и подвиг: ночь бо и день делающе, да не отяготим ни единого от вас, проповедахом вам благовествование Божие. **10** Вы свидетеле и Бог, яко преподобно и праведно и непорочно вам верующым быхом, **11** якоже весте, зане единого кождо вас, якоже отец чада своя, **12** моляще и утешающе вас, и свидетельствующе вам ходити достойно Богу, призвавшему вы во Свое Царство и славу. **13** Сего ради и мы благодарим Бога непрестанно, яко приемше слово слышания Божия от нас, приясте не аки слово человеческо, но, якоже есть воистинну, слово Божие, еже и действуется в вас верующих. **14** Вы бо подобницы бысте, братие, церквам Божиим сущым во Иудеи о Христе Иисусе, зане таяжде и вы пострадасте от своих сплеменник, якоже и тии от Иудей, **15** убивших и Господа Иисуса и Его пророки, и нас изгнавших, и Богу не угодивших, и всем человеком противящихся, **16** и

возбраниющих нам глаголати языком, да спасутся, во еже исполнити им грехи своя всегда: постиже же на них гнев до конца. **17** Мы же, братие, осиротевше от вас ко времени часа лицом, а не сердцем, лишше тщахомся лице ваше видети многим желанием. **18** Темже хотехом приити к вам, аз убо Павел, единою и дважды: и возбрани нам сатана. **19** Кто бо нам упование или радость или венец похваления? Не и вы ли пред Господем нашим Иисус Христом во пришествии Его? **20** Вы бо есте слава наша и радость.

3 Темже уже не терпяще, благоволихом остатися во Афинех едины, **2** и послахом Тимофеа, брата нашего и служителя Божия и споспешника нашего во благовестии Христове, утвердити вас и утешити о вере вашей, **3** яко ни единому смущатися в скорбех сих: сами бо весте, яко на сие истое лежим. **4** Ибо егда у вас бехом, предрекохом вам, яко имамы скорбети, еже и бысть, и весте. **5** Сего ради и аз ктому не терпя, послах разумеити веру вашу, да не како искусил вы искушай, и вотще будет труд наш. **6** Ныне же пришедшу Тимофею к нам от вас и благовестившу нам веру вашу и любовь, и яко имате память о нас благу, всегда желающе нас видети, якоже и мы вас: **7** сего ради утешихомся, братие, о вас, во всякой скорби и нужде нашей, вашею верою: **8** яко мы ныне живи есмы, аще вы стоите о Господе. **9** Кое бо благодарение Богу можем воздати о вас, о всякой радости, еюже радуемся вас ради пред Богом нашим, **10** ночь и день преизлиха молящеся видети лице ваше и совершити лишение веры вашей? **11** Сам же Бог и Отец наш и Господь наш Иисус Христос да исправит путь наш к вам. **12** Вас же Господь да умножит и да избыточествит любовию друг ко другу и ко всем, якоже и мы к вам, **13** во еже утвердити сердца ваша непорочна в святыни пред Богом и Отцем нашим, в пришествии Господа нашего Иисуса Христа со всеми святыми Его. Аминь.

4 Темже убо, братие, просим вы и молим о Христе Иисусе, якоже приясте от нас, како подобает вам ходити и угождати Богови, якоже и ходите, да избыточествуете паче: **2** весте бо, какова повеления дахом вам Господем Иисусом. **3** Сия бо есть воля Божия, святость ваша, хранити себе самех от блуда, **4** и ведети комуждо от вас свой сосуд стяжавати во святыни и чести, **5** а не в страсти похотней, якоже и языцы не ведящии Бога, **6** и еже не преступати и лихоимствовати в вещи брата своего: зане мстителъ есть Господь о всех сих, якоже и прежде рекохом к вам и засвидетельствовахом. **7** Не призва бо нас Бог на нечистоту, но во святость. **8** Темже убо отменяя не человека отменяет, но Бога, Давшаго Духа Своего Святаго в нас. **9** О братолюбии же, не требуете, да пишется к вам, сами бо вы Богом учени есте, еже любити друг друга: **10** ибо творите то ко всей братии, сущей во всей Македонии. Молим же вы, братие, избыточествовати паче, **11** и любезно прилежати, еже безмолствовати и деяти своя и делати своиима руками, якоже повелехом вам: **12** да ходите благообразно ко внешним и ни чегогоже требуете. **13** Не хошу же вас, братие, не ведети о умерших, да не скорбите, якоже и прочие не имущии упования. **14**

Аще бо веруем, яко Иисус умре и воскрес, тако и Бог умершья во Иисусе приведет с Ним. 15 Сие бо вам глаголем словом Господним, яко мы живущии, оставшии в пришествие Господне, не имамы предварити умерших: 16 яко Сам Господь в повелении, во гласе Архангелове и в трубе Божии снидет с небесе, и мертвии о Христе воскреснут первее: 17 потом же мы, живущии оставшии, купно с ними восхищени будем на облацех в сретение Господне на воздухе, и тако всегда с Господом будем. 18 Темже утешайте друг друга в словесех сих.

5 А о летех и о временех, братие, не тебе есть вам писати, 2 сами бо вы известно весте, яко день Господень, якоже тать в нощи, тако приидет. 3 Егда бо рекут: мир и утверждение, тогда внезапно нападет на них всегубительство, якоже болезнь во чреве имущей, и не имут избежати. 4 Вы же, братие, несте во тме, да день вас якоже тать постигнет: 5 вси бо вы сынове света есте: и сынове дне: несмы нощи, ниже тьмы. 6 Темже убо да не спим, якоже и прочии, но да бодрствуим и трезвимся. 7 Спящии бо, в нощи спят, и упивающиися в нощи упиваются. 8 Мы же, сынове суще дне, да трезвимся, оболкшеса в броню веры и любве и шлем упования спасения, 9 яко не положи нас Бог в гнев, но в получение спасения Господем нашим Иисус Христом, 10 умершим за нас, да, аще бдим, аще ли спим, купно с Ним живем. 11 Сего ради утешайте друг друга, и созидайте кийждо ближняго, якоже и творите. 12 Молим же вы, братие, знайте труждающихся у вас, и настоятелей ваших о Господе, и наказующих вы, 13 и имейте их по преизлиха в любви за дело их: мирствуйте в себе. 14 Молим же вы, братие, вразумляйте безчинныя, утешайте малодушныя, заступайте немощныя, долготерпите ко всем. 15 Блюдайте, да никтоже зла за зло кому воздаст: но всегда доброе гоните и друг ко другу и ко всем. 16 Всегда радуйтесь. 17 Непрестанно молитесь. 18 О всем благодарите: сия бо есть воля Божия о Христе Иисусе в вас. 19 Духа не угашайте. 20 Пророчества не унижайте. 21 Вся же искушающе, добрая держите. 22 От всякия вещи злыя огребайтесь. 23 Сам же Бог мира да освятит вас всесовершенных во всем: и всесовершен ваш дух и душа и тело непорочно в пришествие Господа нашего Иисуса Христа да сохранится. 24 Верен Призывавый вас, Иже и сотворит. 25 Братие, молитесь о нас. 26 Целуйте братию всю лобзанием святым. 27 Заклинаю вы Господем, прочести послание сие пред всею святою братиею. 28 Благодать Господа нашего Иисуса Христа с вами. Аминь.

Второе послание к Фессалоникийцам

1 Павел и Силуан и Тимофей, церкви Солунстей, о Бозе Отце нашем и Господе Иисусе Христе: **2** благодарят вам и мир от Бога Отца нашего, и Господа Иисуса Христа. **3** Благодарити должны есмы Бога всегда о вас, братие, якоже достойно есть, яко превозрастает вера ваша, и множится любовь единого коегождо всех вас друг ко другу: **4** яко самим нам хвалитися о вас в церквах Божиих, о терпении вашем и вере во всех гонениях ваших и скорбях, яже приемлете, **5** показание праведного суда Божия, во еже сподобитися вам Царствия Божия, егоже ради и страждете. **6** Аще убо праведно у Бога, воздати скорбь оскорбляющим вас, **7** а вам оскорбляемым отраду с нами, во откровении Господа Иисуса с небесе, со Ангелы силы Своея, **8** во огни пламенне дающего отмщение не ведущим Бога и не слушающим благовествования Господа нашего Иисуса Христа: **9** иже муку примут, погибель вечную, от лица Господня и от славы крепости Его. (αἰῶνιος γ166) **10** егда приидет прославится во святых Своих и дивен быти во всех веровавших, яко уверися свидетельство наше в вас, в день он. **11** За сие и молимся всегда о вас, да вы сподобит званию Бог наш и исполнит всяко благоволение благодсти и дело веры в силе, **12** яко да прославится имя Господа нашего Иисуса Христа в вас, и вы в Нем, по благодати Бога нашего и Господа Иисуса Христа.

2 Молим же вы, братие, о пришествии Господа нашего Иисуса Христа и нашем собрании о Нем, **2** не скоро подвизатися вам от ума, ни ужасатися ниже духом, ниже словом, ни посланием аки от нас посланным, яко уже настоиет день Христов. **3** Да никтоже вас прельстит ни по единому же образу: яко аще не приидет отступление прежде, и открыется человек беззакония, сын погибели, **4** противник и превозносяйся паче всякаго глаголемаго Бога или чтилища, якоже ему сести в церкви Божией аки Богу, показующу себе, яко Бог есть. **5** Не помните ли, яко еще живый у вас, сия глаголах вам? **6** И ныне удерживающее весте, во еже явится ему в свое ему время. **7** Тайна бо уже деется беззакония, точию держай ныне дондеже от среды будет: **8** и тогда явится беззаконник, егоже Господь Иисус убьет духом уст Своих, и упразднит явлением пришествия Своего, **9** егоже есть пришествие по действию сатанину во всяцей силе и знамениях и чудесех ложных, **10** и во всякой лъсти неправды в погибающих, зане любве истинны не прияха, во еже спастися им. **11** И сего ради послет им Бог действие лъсти, во еже веровати им лжи, **12** да суд примут вси не веровавши истине, но благоволивши в неправде. **13** Мы же должны есмы благодарити Бога всегда о вас, братие возлюбленная от Господа, яко избрал есть вас Бог от начала во спасение во святыни Духа и веры истинны, **14** в неже призва вас благовествованием нашим, в получение славы Господа нашего Иисуса Христа. **15** Темже убо, братие, стойте и держите предания, имже научитесь

или словом, или посланием нашим. **16** Сам же Господь наш Иисус Христос, и Бог и Отец наш, возлюбивый нас и давший утешение вечно и упование благо в благодати. (αἰῶνιος γ166) **17** да утешит сердца ваша и да утвердит во всяцем слове и деле блазе.

3 Прочее, молитесь о нас, братие, да слово Господне течет и славится, якоже и в вас, **2** и да избавимся от злых и лукавых человек: не всех бо есть вера. **3** Верен же есть Господь, Иже утвердит вас и сохранит от лукаваго. **4** Уповаем же на Господа о вас, яко, яже повелеваем вам, и творите и сотворите. **5** Господь же да исправит сердца ваша в любовь Божию и в терпение Христово. **6** Повелеваем же вам, братие, о имени Господа нашего Иисуса Христа, отлучатися вам от всякаго брата безчинно ходяща, а не по преданию, еже прияха от нас: **7** сами бо весте, како лепо есть вам подобитися нам: яко не безчинновахом у вас, **8** ниже туне хлеб ядохом у кого, но в труде и подвизе, ночь и день делающе, да не отягчим никогоже от вас: **9** не яко не имамы власти, но да себе образ дамы вам, во еже уподобитися нам. **10** Ибо егда бехом у вас, сие завещавахом вам: яко аще кто не хочет делати ниже да яст. **11** Слышим бо некия безчинно ходящия у вас, ничтоже делающия, но лукавно обходящия: **12** таковым запрещаем и молим о Господе нашем Иисусе Христе, да с безмолвием делающе, свой хлеб ядят. **13** Вы же, братие, не стужайте, доброе творяще. **14** Аще же кто не послушает словесе нашего посланием, сего назнаменуйте и не примешайтесь ему, да посрамится: **15** и не аки врага имейте его, но наказуйте якоже брата. **16** Сам же Господь мира да даст вам мир всегда во всяцем образе: Господь со всеми вами. **17** Целование моею рукою Павлею, еже есть знамение во всяцем послании: сице пишу: **18** благодать Господа нашего Иисуса Христа со всеми вами. Аминь.

Первое послание к Тимофею

1 Павел, посланник Иисус Христов по повелению Бога Спаса нашего и Господа Иисуса Христа упования нашего, **2** Тимофею присмоу чаду в вере: благодать, милость, мир от Бога Отца нашего и Христа Иисуса Господа нашего. **3** Якоже умолих тя пребыти во Ефесе, идый в Македонию, да завещаеши неким не инако учити, **4** ниже внимати баснем и родословием безконечным, яже стязания творят паче, нежели Божие строение, еже в вере. **5** Конец же завещания есть любы от чиста сердца и совести благия и веры нелицемерныя, **6** в ниже нецыи погрешивше, уклонишася в суесловия, **7** хотяще быти законоучители, не разумеюще ни яже глаголют, ни о ниже утверждают. **8** Вемы же, яко добр закон (есть), аще кто его законне творит, **9** вedyй сие, яко праведнику закон не лежит, но беззаконным и непокоривым, нечестивым (же) и грешником, неправедным и скверным, отца и матери досадителем, мужеубийцам, **10** блудником, мужеложником, разбойником, (клеветником, скотоложником,) лживым, клятвопреступником, и аще что ино здравому учению противится, **11** по благовестию славы блаженнаго Бога, еже мне уверено бысть. **12** И благодарю укрепляющаго мя Христа Иисуса Господа нашего, яко верна мя непщевая, положив (мя) в службу, **13** бывша мя иногда хульника и гонителя и досадителя: но помилован бых, яко неведый сотворих в неверствии: **14** упремножися же благодать Господа нашего (Иисуса Христа) с верою и любовию яже о Христе Иисусе. **15** Верно слово и всякаго приятия достойно, яко Христос Иисус прииде в мир грешники спасти, от ниже первый есмь аз. **16** Но сего ради помилован бых, да во мне первом покажет Иисус Христос все долготерпение, за образ хотящих веровати Ему в жизнь вечную. (αἰῶνιος **g166**) **17** Царю же веков нетленному, невидимому, единому премудрому Богу, честь и слава во веки веков. Аминь. (αἰὼν **g165**) **18** Сие же завещание предаю ти, чадо Тимофее, по бывших на тя прежде пророчествий, да воинствуеши в них доброе воинство, **19** имея веру и благуя совесть, юже нецыи отринувше, от веры отпадоша: **20** от ниже есть Именей и Александр, ихже предах сатане, да накажутся не хулити.

2 Молю убо прежде всех творити молитвы, моления, прошения, благодарения за вся человеки, **2** за царя и за всех, иже во власти суть, да тихое и безмолвное житие поживем во всяцем благочестии и чистоте: **3** сие бо добро и приятно пред Спасителем нашим Богом, **4** иже всем человеком хочет спастися и в разум истинны приити. **5** Един бо есть Бог, и един ходатай Бога и человеков, человек Христос Иисус, **6** давый Себе избавление за всех: свидетелство времени своими, **7** в неже поставлен бых аз проповедник и Апостол, истину глаголю о Христе, не лгу, учитель языков в вере и истине. **8** Хощу убо, да молитвы творят мужие на всяцем месте, воздеюще преподобныя руки без гнева и размышления: **9** такожде и жены во

украшении лепотнем, со стыдением и целомудрием да украшают себе не в плетениих, ни златом, или бисерми, или ризами многоценными, **10** но, еже подобает женам обещавающимся благочестию, дела благими. **11** Жена в безмолвии да учится со всяким покорением: **12** жене же учити не повелеваю, ниже владети мужем, но быти в безмолвии. **13** Адам бо прежде создан бысть, потом же Ева: **14** и Адам не прельстися, жена же прельстившися, в преступлении бысть: **15** спасется же чадородия ради, аще пребудет в вере и любви и во святых с целомудрием.

3 Верно слово: аще кто епископства хочет, добра дела желает. **2** Подобает убо епископу быти непорочну, единыя жены мужу, трезвену, целомудру, (благочестиву,) честну, страннолюбиву, учителну, **3** не пьянице, не бийце, не сварливу, не мшелоимцу, не кротку, (не завистливу,) не сребролюбцу, **4** своей дом добре правящу, чада имущу в послушании со всякою чистотою: **5** аще же кто своего дому не умеет правити, како о Церкви Божией прилежати возможет? **6** Не новокрещенну, да не разгордевся в суд впадет диаволь. **7** Подобает же ему и свидетелство добро имети от внешних, да не в поношение впадет и в сеть неприязнену. **8** Диаконом такожде чистым, не двоязычным, не вину многу внимающим, не скверноязычательным, **9** имущым таинство веры в чистой совести. **10** И сии убо да искушаются прежде, потом же да служат, непорочни суще. **11** Женам такожде чистым, не клеветивым, (не навадницам,) трезвенным, верным во всем. **12** Диаконы да бывают единыя жены мужие, чада добре правяще и своя дома: **13** ибо служивши добре степень себе добр снискают и многое дерзновение в вере, яже о Христе Иисусе. **14** Сия пишу тебе, уповая приити к тебе скоро: **15** аще же замедлю, да увеси, како подобает в дому Божии жити, яже есть Церковь Бога жива, столп и утверждение истинны. **16** И исповедуемо велия есть благочестия тайна: Бог явися во плоти, оправдася в Дусе, показася Ангелом, проповедан быти во языцех, веровася в мире, вознесся во славе.

4 Дух же явственне глаголет, яко в последняя времена отступят нецыи от веры, внемлюще духовом лестным и учением бесовским, **2** в лицемерии лжесловесник, сожженных своєю совестью, **3** возбраняющих женитися, удалятися от брашен, яже Бог сотвори в снедение со благодарением верным и познавшим истину. **4** Зане всякое создание Божие добро, и ничтоже отменно, со благодарением приемлемо, **5** освящается бо словом Божиим и молитвою. **6** Сия вся сказуя братии, добр будеши служитель Иисуса Христа, питаемъ словесы веры и добрым учением, емуже последовал еси. **7** Скверных же и бабих басней отрицайся, обучай же себе ко благочестию: **8** телесное бо обучение в мале есть полезно, а благочестие на все полезно есть, обетование имеющее живота нынешняго и грядущаго. **9** Верно слово и всякаго приятия достойно. **10** На сие бо и труждаемся и поношаеми есмы, яко уповахом на Бога жива, иже есть Спаситель всем человеком, паче же верным. **11** Завещавай сия и учи. **12** Никтоже о юности твоей да

нерадит: но образ буди верным словом, житием, любовью, духом, верою, чистотою. 13 Дондеже прииду, внемли чтению, утешению, учению. 14 Не неради о своем даровании живущем в тебе, еже дано тебе бысть пророчеством с возложением рук священничества. 15 В сих поучайся, в сих пребывай, (в сих разумевай,) да преспяние твое явлено будет во всех. 16 Внимай себе и учению и пребывай в них: сия бо творя, и сам спасешия и слушающии тебе.

5 Старцу не твори пакости, но утешай якоже отца: юношы, якоже братию: 2 старицы, якоже матери: юныя, якоже сестры, со всякою чистотою. 3 Вдовицы чти сущия истинныя вдовицы. 4 Аще же кая вдовица чада или внучата имать, да учатся прежде свой дом благочестиво устроити и взаем воздати родителем: сие бо есть благоугодно пред Богом. 5 А сущая истинная вдовица и уединена, уповаеа на Бога и пребывает в молитвах и молениих день и ночь: 6 питающаяся же пространно, жива умерла. 7 И сия завещавай, да непорочни будут. 8 Аще же кто о своих, паче же о присных не промышляет, веры отверглся есть и невернаго горший есть. 9 Вдовица же да причитается не менши лет шестидесятих, бывши единому мужу жена, 10 в делех добрых свидетелствуема, аще чада воспитала есть, аще святых нозе умы, аще странная прият, аще скорбным утешение бысть, аще всякому делу благу последовала есть. 11 Юных же вдовиц отрицайся: егда бо разсвирепеют о Христе, посягати хотят, 12 имущыя грех, яко первыя веры отвергошася: 13 купно же и праздны учатся обходити дома, не точию же праздны, но и блядивы и оплазивы, глаголющыя, яже не подобает. 14 Хошу убо юным вдовицам посягати, чада раждати, дом строити, ни едины же вины даяти противному хулы ради: 15 се бо некия развратилася вслед сатаны. 16 Аще кто верен или верна имать вдовицы, да довлит их, и да не тяготится Церковь, да сущих истинных вдовиц удоволит. 17 Прилежащии же добре пресвитери сугубыя чести да сподобляются: паче же труждающиися в слове и учении. 18 Глаголет бо Писание: вола молотяща не обратиши: и: достоин делатель мзды своея. 19 На пресвитера хулы не приемли, разве при двою или триех свидетелех. 20 Согрешающих же пред всеми обличай, да и прочии страх имут. 21 Засвидетелствую пред Богом, и Господем Иисус Христом, и избранными (его) Ангелы, да сия сохраниши без лицемерия, ничесоже творя по уклонению. 22 Руки скоро не возлагай ни на коже, ниже приобщайся чужим грехом: себе чиста соблюдай. 23 Ктому не пей воды, но мало вина приемли, стомаха ради твоего и частых твоих недугов. 24 Неких (же) человек греси предявлени суть, предваряюще на суд: неким же и последствуют. 25 Такжеже и добрая дела предявлена суть: и сущая инако, утаитися не могут.

6 Елицы суть под игом раби, своих господий всякия чести да сподобляют, да имя Божие не хулится и учение. 2 Имущии же верных господий да не нерадят о них, понеже братия суть: но паче да работают, зане верни суть и возлюблени, иже благодать восприемлющии. Сия учи и моли. 3 Аще ли

кто инако учит и не приступает к здоровым словесем Господа нашего Иисуса Христа и учению, еже по благоверию, 4 разгордесе, ничтоже ведый, но недугый о стяжаниих и словопрениих, от нихже бывает зависть, рвение, хулы, непщевания лукава, 5 беседы злыя растленных человек умом и лишенных истины, непщующих приобретение быти благочестие. Отступай от таковых. 6 Есть же снискание велие благочестие с доволством. 7 Ничтоже бо внесохом в мир сей: яве, яко ниже изнести что можем. 8 Имеюще же пищу и одеяние, сими доволни будем. 9 А хотящии богатитися впадают в напасти и сеть, и в похоти многи несмысленны и вреждающыя, яже погружают человеки во всегубительство и погибель: 10 корень бо всем злым сребролюбие есть, егоже нецыи желающе заблудиша от веры, и себе пригвоздиша болезнем многим. 11 Ты же, о, человеце Божий, сих бегай: гони же правду, благочестие, веру, любовь, терпение, кротость: 12 подвизайся добрым подвигом веры, емлися за вечную жизнь, в нуже и зван был еси, и исповедал еси доброе исповедание пред многими свидетели. (aiōnios g166) 13 Завещаваю ти пред Богом оживляющим всяческая, и Христом Иисусом свидетелствовавшим при Понтийстем Пилате доброе исповедание: 14 соблоти тебе заповедь нескверну и незазорну, даже до явления Господа нашего Иисуса Христа, 15 еже во своя времена явит блаженный и един сильный, Царь царствующих и Господь господствующих, 16 един имейя безсмертие и во свете живый неприступнем, Егоже никтоже видел есть от человек, ниже видети может: емуже честь и держава вечная. Аминь. (aiōnios g166) 17 Богатым в нынешнем веще запрещай не высокоумствовати, ниже уповати на богатство погибающее, но на Бога жива, дающаго нам вся обильно в наслаждение: (aiōn g165) 18 благое делати, богатитися в делех добрых, благоподатливым быти, общителным, 19 сокровищующе себе основание добро в будущее, да примут вечную жизнь. 20 О, Тимофее, предание сохрани, уклоняся скверных суесловий и прекословий лжеименнаго разума: 21 о немже нецыи хвалящесе, о вере погрешаша. Благодать с тобою. Аминь.

Второе послание к Тимофею

1 Павел, Апостол Иисус Христов волею Божию, по обетованию жизни, яже о Христе Иисусе, **2** Тимофею возлюбленному чаду: благодать, милость, мир от Бога Отца и Христа Иисуса Господа нашего. **3** Благодарю Бога, Емуже служу от прародителей чистою совестью, яко непрестанную имам о тебе память в молитвах моих день и ночь, **4** желая видети тя, помяная слезы твоя, да радости исполнюся, **5** воспоминание приемля о сущей в тебе нелицемерней вере, яже вселися прежде в бабу твою Лоиду и в мать твою Евникию: известен же есмь, яко и в тебе. **6** Еяже ради вины воспоминаю тебе возгревати дар Божий живущий в тебе возложением руку моею: **7** не бо даде нам Бог духа страха, но силы и любве и целомудрия. **8** Не постыдиися убо страстию Господа нашего Иисуса Христа, ни мною юзником Его: но спостражди благовествованию (Христову) по силе Бога, **9** спасшаго нас и призвавшаго званием святым, не по делом нашим, но по Своему благоволению и благодати данной нам о Христе Иисусе прежде лет вечных, (αἰῶνις g166) **10** являвшейся же ныне просвещением Спасителя нашего Иисуса Христа, разрушившаго убо смерть и возсиявшаго жизнь и нетление благовествованием, **11** в неже поставлен бых аз проповедник и Апостол и учитель языков. **12** Еяже ради вины и сия стражду: но не стыжуся. Вем бо, Емуже веровах, и известихся, яко силен есть предание мое сохранить в день он. **13** Образ имей здравых словес, иже от мене слышал еси, в вере и любви, яже о Христе Иисусе. **14** Доброе завещание соблюди Духом Святым живущим в нас. **15** Веси ли сие, яко отвратишася от мене вси, иже от Асии, от нижеже есть Фигелл и Ермоген. **16** Да даст (же) милость Господь Онисифорову дому, яко многажды мя упокои и вериг моих не постыдеву, **17** но пришедши в Рим, тощнее взыска мя и обрете: **18** да даст ему Господь обрести милость от Господа в день он: и елико во Ефесе послужи ми, добрее ты веси.

2 Ты убо, чадо мое, возмогай во благодати, яже о Христе Иисусе, **2** и яже слышал еси от мене многими свидетели, сия предаждь верным человеком, иже доволни будут и иных научити. **3** Ты убо злопостражди яко добр воин Иисус Христов. **4** Никтоже (бо) воин бывая обязуется куплями житейскими, да воеводе угоден будет. **5** Аще же и пострададет кто, не венчается, аще не законно мучен будет. **6** Трудяющемуся делателю прежде подобает от плода вкусити. **7** Разумей, яже глаголю: да даст убо тебе Господь разум о всем. **8** Поминай (Господа) Иисуса Христа воставшаго от мертвых, от семени Давидова, по благовествованию моему, **9** в немже злостражду даже до уз, яко злодей: но слово Божие не вяжется. **10** Сего ради вся терплю избранных ради, да и тии спасение улучат еже о Христе Иисусе, со славою вечною. (αἰῶνις g166) **11** Верно слово: аще бо с Ним умрохом, то с Ним и оживем: **12** аще терпим,

с Ним и воцаримся: аще отвержемся, и Той отвержется нас: **13** аще не веруем, Он верен пребывает: отрещися бо Себе не может. **14** Сия воспоминай, засвидетельствуя пред Господем, не словопретися, ни на куюже потребу, на разорение слышащих. **15** Потщися себе искусна поставити пред Богом, делателя не постыдна, право правяща слово истины. **16** Скверных же тщегласий отменяйся: наипаче бо преспеют в нечестие, **17** и слово их яко гагрена жир обрящет: от нижеже есть Именей и Филит, **18** иже о истине погрешиста, глаголюща, яко воскресение убо бысть: и возмущают некоторых веру. **19** Твердое же основание Божие стоит, имущее печать сию: позна Господь сущия Своя, и: да отступит от неправды всяк именуяй имя Господне. **20** В велицем же дому не точно сосуди злати и сребряни суть, но и древяни и глиняни: и ови убо в честь, ови же не в честь. **21** Аще убо кто очистит себе от сих, будет сосуд в честь, освящен и благопотребен Владыце, на всякое дело благое уготован. **22** Похотей юных бегай, держися же правды, веры, любве, мира со всеми призывающими Господа от чистаго сердца. **23** Буих же и ненаказанных стязаний отрицаясь, ведый, яко раждают свары: **24** рабу же Господню не подобает сваритися, но тихо быти ко всем, учителну, незлобиву, **25** с кротостию наказующу противных, еда како даст им Бог покаяние в разум истины, **26** и возникнут от диавольския сети, живи уловени от него в свою его волю.

3 Сие же веждь, яко в последние дни настанут времена люта. **2** Будут бо человецы самолюбцы, сребролюбцы, величави, горди, хульници, родителем противящиеся, неблагодарни, неправедни, нелюбовни, **3** непримирителни, (продерзиви, возносливи, прелагатае,) клеветницы, невоздержницы, некротцы, небаголюбцы, **4** предатели, нагли, напыщени, сластолюбцы паче нежели боголюбцы, **5** имущии образ благочестия, силы же его отвергнушиися. И сих отвращайся. **6** От сих бо суть поныряющи в дома и пленяющи женища отягощенныя грехами, водимыя похотьми различными, **7** всегда учащися и николиже в разум истины приити могущия. **8** Якоже Ианний и Иамврий противистася Моисею, такожде и сии противляются истине, человецы растленни умом (и) неискусни о вере. **9** Но не преуспеют более: безумие бо их явлено будет всем, якоже и онех бысть. **10** Ты же последовал еси моему учению, житию, привету, вере, долготерпению, любви, терпению, **11** изгнанием, страданием, якова ми быша во Антиохии, (и) во Иконии, (и) в Листрех: якова изгнания приях, и от всех мя избавил есть Господь. **12** И вси же хотящии благочестно жити о Христе Иисусе, гоними будут: **13** лукавии же человецы и чародее преупеют на горшее, прельщающе и прельщаеми. **14** Ты же пребывая в ниже научен еси и яже вверена суть тебе, ведый, от кого научился еси: **15** и яко измлада священная писания умеши, могущая тя умудрити во спасение верою, яже о Христе Иисусе. **16** Всяко Писание богодухновенно и полезно (есть) ко учению, ко обличению, ко исправлению, к наказанию еже в правде, **17** да совершен будет Божий человек, на всякое дело благое уготован.

4 Засвидетелствую убо аз пред Богом и Господем нашим Иисус Христом, хотящим судити живым и мертвым в явлении Его и Царствии Его: **2** проповедай слово, настой благовременно и безвременно, обличи, запрети, умоли со всяким долготерпением и учением. **3** Будет бо время, егда здраваго учения не послушают, но по своих похотех изберут себе учителя, чешими слухом: **4** и от истины слух отвратят, и к баснем уклонятся. **5** Ты же трезвися о всем, злопостражди, дело сотвори благовестника, служение твое известно сотвори. **6** Аз бо уже жрен бываю, и время моего отшествия наста: **7** подвигом добрым подвизахся, течение скончах, веру соблюдох: **8** прочее убо соблюдается мне венец правды, егоже воздаст ми Господь в день он, праведный Судия: не токмо же мне, но и всем возлюбльшым явление Его. **9** Потщися скоро приити ко мне. **10** Димас бо мене остави, возлюбив нынешний век, и иде в Солунь: Крискент в Галатию, Тит в Далматию: Лука един есть со мною. (аіѡн г165) **11** Марка поемь приведи с собою, есть бо ми благопотребен в службу. **12** Тихика же послах во Ефес. **13** Фелон, егоже оставих в Троаде у Карпа, грядый принеси, и книги, паче же кожанья. **14** Александр ковачь многа ми зла сотвори: да воздаст ему Господь по делом его: **15** от негоже и ты себе блюди, зело бо противится словесем нашим. **16** В первый мой ответ никтоже бысть со мною, но вси мя оставиша: да не вменится им. **17** Господь же мне предста и укрепи мя, да мною проповедание известно будет, и услышат вси языцы: и избавлен бых от уст львов. **18** И избавит мя Господь от всякаго дела лукава и спасет во Царствие Свое Небесное: Емуже слава во веки веков. Аминь. (аіѡн г165) **19** Целуй Прискиллу и Акилу и Онисифоров дом. **20** Ераст оста в Коринфе: Трофима же оставих в Милите боляща. **21** Потщися прежде зимы приити. Целует тя Еввул и Пуд, и Лин и Клавдия и братия вся. **22** Господь Иисус Христос со духом твоим. Благодать с вами. Аминь.

Послание к Титу

1 Павел, раб Божий, Апостол же Иисус Христов, по вере избранных Божиих и разуму истины, яже по благочестию, **2** о уповании жизни вечныя, юже обетова неложный Бог прежде лет вечных, (aīōnios g166) **3** яви же во времена своя слово Свое проповеданием, еже мне поручено бысть по повелению Спасителя нашего Бога: **4** Титу, присному чаду по общей вере: благодать, милость, мир от Бога Отца и Господа Иисуса Христа Спаса нашего. **5** Сего ради оставих тя в Крите, да недокончанная исправиши и устроиши по всем градом пресвитеры, якоже тебе аз повелех: **6** аще кто есть непорочен, единыя жены муж, чада имый верна, не во укорении блуда, или непокорива. **7** Подобае бо епископу без порока быти, якоже Божию строителю: не себе угождающе, (не дерзу, не напрасливу,) не гневливу, не пиянице, не бище, не скверноязычательну, **8** но страннолюбиву, благолюбцу, целомудренну, праведну, преподобну, воздержателну, **9** держащемуся вернаго словесе по учению, да силен будет и утешати во здравем учении, и противящяся обличати. **10** Суть бо мнози непокориви, суетловцы и умом прельщени, наипаче же сущии от обрезания, **11** ихже подобае уста заграждати: иже вся дома развращают, учаще яже не подобае, сквернаго ради прибытка. **12** Рече же некто от них, свой им пророк: Критяне присно лживи, злии зверие, утробы праздна. **13** Свидетельство сие истинно есть. Еяже ради вины обличай их нещадно, да здрави будут в вере, **14** не внимающе Иудейским баснем, ни заповедем человек отвращающихся от истины. **15** Вся убо чиста чистым: оскверненным же и неверным ничтоже чисто, но осквернися их и ум и совесть. **16** Бога исповедуют ведети, а дела отмещутся Его, мерзцы суще и непокориви и на всякое дело благое неискусни.

2 Ты же глаголи, яже подобае здравому учению: **2** старцем трезвенным быти, честным, целомудренным, здравствующим верою, любовию, терпением: **3** старицам такожде во украшении святолепным, не клеветивым, не вину многу порабощенным, доброучительным, **4** да уцеломудрят юныя, мужелюбцам быти, чадолюбцам, **5** целомудренным, чистым, дома добре правящим, благим, покаряющимся своим мужем, да не слово Божие хулится: **6** юношы такожде моли целомудрствовати. **7** О всем (же) сам себе подавая образ добрых дел, во учении независтное, честность, нетление, **8** слово здоровое, незасорное. Да противный посрамится, ничтоже имея глаголати о нас укорно. **9** Рабы, своим господем повиноватися, во всем благоугодным быти, не прекословным, **10** не крадущым, но веру всяку являющим благу. Да учение Спасителя нашего Бога украшают во всем. **11** Явися бо благодать Божия спасительная всем человеком, **12** наказующи нас, да отвергшеся нечестия и мирских похотей, целомудренно и праведно и благочестно проживем в нынешнем веце, (aīōn g165) **13** ждуще блаженнаго упования и явления славы великаго Бога и Спаса нашего Иисуса Христа, **14** Иже дал есть Себе за ны, да избавит

ны от всякаго беззакония и очистит Себе люди избранны, ревнители добрым делом. **15** Сия глаголи, и моли, и обличай со всяким повелением. Да никтоже тя преобидит.

3 Воспоминай тем началствующым и владеющим повиноватися и покарятися, и ко всякому делу благу готовым быти: **2** ни единаго хулити, не сварливым быти, но тихим, всяку являющим кротость ко всем человеком. **3** Бехом бо иногда и мы несмысленни, и непокориви, и прельщени, работающе похотем и сластем различным, в злобе и зависти живуще, мерзцы (суще и) ненавидяще друг друга. **4** Егда же благодать и человеколюбие явися Спаса нашего Бога, **5** не от дел праведных, ихже сотворихом мы, но по Своей Его милости, спасе нас банею пакибытия и обновления Духа Святаго, **6** Егоже излиа на нас обильно Иисус Христом, Спасителем нашим, **7** да оправдившеся благодатию Его, наследницы будем по упованию жизни вечныя. (aīōnios g166) **8** (Чадо Тите,) верно слово, и о сих хошу тя извещати, да некутся добрым делом прилежати веровавшии Богу: сия суть полезна человеком и добра. **9** Буих же стязаний и родословий и рвений и сваров законных отступай: суть бо бесполезны и суетны. **10** Еретика человека по первом и втором наказании отрицайся, **11** ведый, яко развратися таковой, и согрешает, и есть самоосужден. **12** Егда послю Артему к тебе или Тихика, потщися приити ко мне в Никополь: тамо бо судих озимети. **13** Зину законника и Аполлоса скоро предпосли, и да ничтоже им скудно будет. **14** Да учатся же и наши добрым делом прилежати в нужная требования, да не будут бесплодни. **15** Целуют тя со мною сущии вси. Целуй любящя ны в вере. Благодать со всеми вами. Аминь.

Послание к Филимону

1 Павел юзник Исус Христов, и Тимофей брат, Филимону возлюбленному и споспешнику нашему, **2** и Апфии сестре возлюбленней, и Архиппу совоинственнику нашему, и домашней твоей церкви: **3** благодать вам и мир от Бога Отца нашего, и Господа Исуса Христа. **4** Благодарю Бога моего, всегда память о тебе творя в молитвах моих, **5** слышав любовь твою и веру, юже имаши ко Господу Исусу и ко всем святым. **6** Яко да общение твоея веры действительно будет в разуме всякаго блага, еже в вас, о Христе Исусе. **7** Радость бо имам многу и утешение о любви твоей, яко утробы святых почиша тобою, брате. **8** Сего ради многое дерзновение имея во Христе повелевати тебе, еже потребно есть, **9** любве же ради паче молю, таков сый якоже Павел старец, ныне же и узник Исуса Христа: **10** молю тя о моем чаде, егоже родих во узах моих Онисима, **11** иногда тебе непотребнаго, ныне же тебе и мне благопотребна, егоже возсплах тебе, **12** ты же его, сиречь мою утробу, приими. **13** Егоже аз хотех у себе держати, да вместо тебе послужит ми во узах благовествования: **14** без твоея же воли ничтоже восхотех сотворити, да не аки по нужди благое твое будет, но по воли. **15** Негли бо ради сего разлучися на час, да вечна того примеши, (aiōnios g166) **16** не ктому аки раба, но выше раба, брата возлюбленна, паче же мне, кольми же паче тебе, и по плоти и о Господе. **17** Аще убо имаши мене общника, приими сего якоже мене. **18** Аще же в чесом обиде тебе, или должен есть, мне сие вмени. **19** Аз Павел написах рукою моею: аз воздам: да не реку тебе, яко и сам себе ми еси должен. **20** Ей, брате, аз да получу еже прошу у тебе о Господе: упокой мою утробу о Господе. **21** Надеваясь на послушание твое написах тебе, ведый, яко и паче, еже глаголю, сотвориши. **22** Купно же и угодови ми обитель: уповаю бо, яко молитвами вашими дарован буду вам. **23** Целует тя Епафрас, спленник мой о Христе Исусе, **24** Марко, Аристарх, Димас, Лука, споспешницы мои. **25** Благодать Господа нашего Исуса Христа со духом вашим. Аминь.

Послание к Евреям

1 Многочастне и многообразне древле Бог глаголавый отцем во пророцех, **2** в последок дний сих глагола нам в Сыне, Егоже положи наследника всем, Имже и веки сотвори. (аіѡн **g165**) **3** Иже сый сияние славы и образ ипостаси Его, нося же всяческая глаголомом силы Своея, Собою очищение сотворив грехов наших, седе о десную престола величества на высоких, **4** толико лучший быв Ангелов, елико преславнее паче их наследствова имя. **5** Кому бо рече когда от Ангел: Сын Мой еси Ты, Аз днесь родих Тя? И паки: Аз буду Ему во Отца, и Той будет Мне в Сына? **6** Егда же паки вводит Первороднаго во вселенную, глаголет: и да поклоняются Ему вси Ангели Божии. **7** И ко Ангелом убо глаголет: творяя Ангелы Своя духи и слуги Своя огонь пальца. **8** К Сыну же: престол Твой, Боже, в век века: жезл правости жезл Царствия Твоего: (аіѡн **g165**) **9** возлюбил еси правду и возненавидел еси беззаконие: сего ради помаза Тя, Боже, Бог Твой елеем радости паче причастник Твоих. **10** И (паки): в начале Ты, Господи, землю основал еси, и дела руку Твоею суть небеса: **11** та погигнут, Ты же пребываеши: и вся, якоже риза, обетшают, **12** и яко одежду свиеши их, и изменятся: Ты же тойжде еси, и лета Твоя не оскудеют. **13** Кому же от Ангел рече когда: седи о десную Мене, дондеже положу враги Твоя подножие ног Твоих? **14** Не вси ли суть служебнии дуси, в служение посылаеми за хотящих наследовати спасение?

2 Сего ради подобает нам лишше внимати слышанным, да не когда отпадем. **2** Аще бо глаголанное Ангелы слово бысть известно, и всяко преступление и ослушание праведное прият издвоздающие: **3** како мы убежим, о толицем нерадивше спасению, еже зачало приемь глаголатися от Господа, слышавшими в нас известия, **4** сосвидетелствующу Богу знаменми же и чудесы, и различными силами, и Духа Святаго разделеными, по Своей Ему воли? **5** Не Ангелом бо покори Бог вселенную грядущую, о нейже глаголем: **6** засвидетелствова же негде некто, глаголя: что есть человек, яко помниши его? Или сын человеческий, яко посещаеши и? **7** Умалил еси его малым нечим от Ангел: славою и честью венчал еси его и поставил еси его над дела руку Твоею, **8** вся покорил еси под нозе его. Внегда же покорити ему всяческая, ничтоже остави ему непокорено. Ныне же не у видим ему всяческая покорена: **9** а умаленаго малым чим от Ангел видим Иисуса, за прятие смерти славою и честью венчанна, яко да благодатию Божию за всех вкусит смерти. **10** Подобаше бо ему, Егоже ради всяческая и Имже всяческая, приведшу многи сыны в славу, начальника спасения их страдаными совершити. **11** И святый бо и освящаемый, от Единого вси: еже ради вины не стыдится братию нарицати их, глаголя: **12** возведу имя Твое братии Моей, посреде церкви воспою Тя. **13** И паки: Аз буду надеяся Нань. И паки: се, Аз и дети, яже Ми дал есть Бог. **14** Понеже убо дети приобщашася плоти и крови, и Той приискренне приобщися техже, да смертию упразднит

имущаго державу смерти, сиречь диавола, **15** и избавит сих, елицы страхом смерти чрез все житие повинни беша работе. **16** Не от Ангел бо когда приемлет, но от семени Авраамова приемлет: **17** отнюдуже должен бе по всему подобитися братии, да милостив будет и верен первосвященник в тех, яже к Богу, во еже очестити грехи людския. **18** В немже бо пострада, Сам искушен быв, может и искушаемым помощи.

3 Темже, братие святая, звания небеснаго причастницы, разумеите Посланника и Святителя исповедания нашего Иисуса Христа, **2** верна суща Сотворшему Его, якоже и Моисей во всем дому Его. **3** Множайшей бо славе Сей паче Моисеа сподобися, елико множайшую честь иматъ паче дому сотворивый его: **4** всяк бо дом создается от некоего: а сотворивый всяческая Бог. **5** И Моисей убо верен бе во всем дому Его, якоже слуга, во свидетелство глаголатися имевшим: **6** Христос же якоже Сын в дому Своём: Егоже дом мы есмы, аще дерзновение и похвалу упования даже до конца известно удержим. **7** Темже, якоже глаголет Дух Святый, днесь, аще глас Его услышите, **8** не ожесточите сердец ваших, якоже в прогневании, во дни искушения в пустыни, **9** идеже искусиша Мя отцы ваши, искусиша Мя и видеша дела Моя четыредесять лет. **10** Сего ради негодовах рода того и рех: присно заблуждают сердцем, тии же не познаша путей Моих: **11** яко кляхся во гнев Моем, аще внидут в покой Мой. **12** Блюдите, братие, да не когда будет в некоем от вас сердце лукаво, (исполнено) неверия, во еже отступити от Бога жива. **13** Но утешайте себе на всяк день дондеже днесь нарицается, да не ожесточится некто от вас лестию греховною: **14** причастницы бо быхом Христу, аще точию начаток состава даже до конца известен удержим: **15** внегда глаголет: днесь, аще глас Его услышите, не ожесточите сердец ваших, якоже в прогневании. **16** Нецыи бо слышавше прогневаша, но не вси изшедшии из Египта с Моисеем. **17** Коих же негодова четыредесять лет? Не согрешивших ли, ихже кости падоша в пустыни? **18** Которым же клялся не внити в покоище Его? Яве, яко противльшимся. **19** И видим, яко не возмогоша внити за неверствие.

4 Да убоимся убо, да не когда оставлену обетованию внити в покой Его, явится кто от вас лишився. **2** Ибо нам благовествовано есть, якоже и онем: но не пользова онех слово слуха, не растворенное верою слышавших. **3** Входим бо в покой веровавши, якоже рече: яко кляхся во гнев Моем, аще внидут в покой Мой: аще и делом от сложения мира бывшим. **4** Рече бо негде о седмем сице: и почи Бог в день седмый от всех дел Своих. **5** И в сем паки: аще внидут в покой Мой. **6** Понеже убо лишени нецыи внити в него, и имже прежде благовествовано бе, не внидоша за непослушание: **7** паки некий уставляет день, днесь, в Давиде глаголя, по толицех летех, якоже прежде глаголася: днесь, аще глас Его услышите, не ожесточите сердец ваших. **8** Аще бо бы онех Иисус упокоил, не бы о инем дни глаголат по сих. **9** Убо оставлено есть (и еще) субботство людем Божиим: **10** вшедый бо в покой Его, и той почи от дел своих,

якоже от Своих Бог. 11 Потщимся убо внити во оный покой, да не кто в ту же притчу противления впадет. 12 Живо бо слово Божие и действенно, и острейше паче всякаго меча обоюду остра, и проходящее даже до разделения души же и духа, членов же и мозгов, и судително помышлением и мыслем сердечным. 13 И несть тварь неявлена пред Ним, вся же нага и объявлена пред очима Его, к Немуже нам слово. 14 Имуще убо Архиеереа велика, прошедшаго небеса, Иисуса Сына Божия, да держимся исповедания. 15 Не имамы бо архиеереа не могуща спострадати немощем нашим, но искушена бо всяческим по подобию, развѣ греха. 16 Да приступаем убо с дерзновением к престолу благодати, да примем милость и благодать обрящем во благовременну помощь.

5 Всяк бо первосвященник, от человек приемлемъ, за человеки поставляетъ на службы яже к Богу, да приносит дары же и жертвы о гресех, 2 спострадати могий невежствующимъ и заблуждающимъ, понеже и той немощию обложенъ есть: 3 и сего ради долженъ есть якоже о людех, такожде и о себе приносити за грехи. 4 И никтоже сам себе приемлетъ честь, но званный от Бога, якоже и Аарон. 5 Тако и Христос не Себе прослави быти первосвященника, но Глаголавый к Нему: Сын Мой еси Ты, Аз днесь родих Тя: 6 якоже и инде глаголет: Ты еси священник во век по чину Мелхиседекову. (аіѡн g165) 7 Иже во днѣх плоти Своѣя моления же и молитвы к Могущему спасти Его от смерти с волемъ крепкимъ и со слезами принес, и услышанъ быв от благовоинства, 8 аще и Сын бѣше, обаче навъче от сих, яже пострада, послушанию, 9 и совершився бысть всемъ послушающимъ Его виновенъ спасенія вечнаго, (аіѡnios g166) 10 нареченъ от Бога Первосвященникъ по чину Мелхиседекову. 11 О немже многое нам слово и неудобъ сказанное глаголати, понеже немощни бысте слухи. 12 Ибо, должны суще быти учителяе лет ради, паки требуете учитися, кая писмена начала словесъ Божиихъ: и бысте требующе млека, а не крепкия пици. 13 Всяк бо причащайся млека неискусенъ слова правды, младенецъ бо есть: 14 совершенныхъ же есть твердая пища, имущихъ чувствія обучена долгимъ учениемъ в разсужденіе добра же и зла.

6 Темже оставльше начала Христова слово, на совершение да ведемся, не паки основание покаянія полагающе от мертвыхъ делъ, и веры в Бога, 2 крещенийъ учения, возложения же рукъ, воскресенія же мертвыхъ и суда вечнаго. (аіѡnios g166) 3 И сие сотворимъ, аще Бог повелитъ. 4 Невозможно бо просвещенныхъ единою и вкусившихъ дара небеснаго, и причастниковъ бывшихъ Духа Святаго, 5 и добраго вкусившихъ Божія глаголгола и силы грядущаго века, (аіѡн g165) 6 и отпадшихъ, паки обновляти в покаяніе, второе распинающихъ Сына Божія себе и обличающихъ. 7 Земля бо пившая сходящій на ню множицею дождь и раждающая былія добрая онымъ, имже и делаема бываетъ, приемлетъ благословеніе от Бога: 8 а износящая тернія и волчѣцъ непотребна есть и клятвы близъ, еяже кончина в пожженіе. 9 Надеемся же о вас, возлюбленни, лучшихъ и придержащихся

спасенія, аще и тако глаголемъ. 10 Не обидливъ бо Богъ, забыты дела вашего и труда любве, юже покажете во имя Его, послуживше святымъ и служаще. 11 Желаетъ же, да кийждо васъ являетъ тожде тщаніе ко извещенію упованія даже до конца, 12 да не лениви будете, но подражателе наследствующихъ обетованія верою и долготерпениемъ. 13 Аврааму бо обетовая Богъ, понеже ни единомъ имяше болшимъ клятися, клялся Собою, 14 глаголя: воистинну благословя благословлю тя и умножая умножу тя. 15 И тако долготерпѣв, получи обетованіе. 16 Человецы бо болшимъ кленутся, и всякому ихъ прекословію кончина во извещеніе клятва (есть). 17 В немже лишше хотя Богъ показати наследникомъ обетованія непреложное совета Своѣя, ходатайствова клятвою: 18 да двема вещьми непреложными, в нижже невозможно солгати Богу, крепкое утешеніе имамы прибегшии ятиса за предлежащее упованіе, 19 еже аки котву имамы души, твердо же и известну, и входящую во внутреннейшее завѣсы, 20 идеже предтеча о насъ вниде Иисусъ, по чину Мелхиседекову Первосвященникъ бывъ во веки. (аіѡн g165)

7 Сей бо Мелхиседекъ, царь Салимскій, священникъ Бога Вышняго, иже сретѣ Авраамъ возвращася отъ сеча царей и благослови его, 2 емуже и десятину отъ всехъ отдели Авраамъ, первое убо сказуется царь правды, потомъ же царь Салимскій, еже есть, царь мира, 3 безъ отца, безъ матери, безъ причта рода, ни начала днемъ, ни животу конца имѣя, уподобленъ же Сыну Божию, пребываетъ священникъ выну. 4 Видите же, еликъ сей, емуже и десятину далъ есть Авраамъ патриархъ отъ избранныхъ. 5 И приемлющій убо священство отъ сыновъ Левиинъ заповѣдь имутъ одесятствовати люди по закону, сиречь, братію свою, аще и отъ чреслъ Авраамовыхъ изшедшую: 6 не причитаемыйъ же родомъ къ нимъ, одесятствова Авраамъ и имущаго обетованія благослови: 7 безъ всякаго же прекословія меншее отъ большаго благословляется. 8 И зде убо десятины человецы умирающіи приемлютъ: тамо же свидѣтелствуемый, яко живъ есть. 9 И да сичѣ реку, Авраамомъ и Левій, приемлящій десятины, десятины далъ есть: 10 еще бо в чреслехъ отчихъ быша, егда сретѣ его Мелхиседекъ. 11 Аще убо совершенство левитскимъ священствомъ было, людие бо на немъ взаконени быша: кая еще потреба по чину Мелхиседекову иному востати священнику, а не по чину Ааронову глаголатиса? 12 Прелагаему бо священству, по нужди и закону пременение бываетъ. 13 О Немже бо глаголются сѣя, колѣну иному причастися, отъ негоже никтоже приступи ко олтарю: 14 явѣ бо, яко отъ колѣна Иудова возсія Господь нашъ, о немже колѣна Моисей о священствѣ ничеосоже глагола. 15 И лишше еще явѣ есть, яко по подобію Мелхиседекову востаетъ Священникъ инъ, 16 Иже не по закону заповѣди плотскія бысть, но по силѣ живота неразрушаемаго. 17 Свидѣтелствуетъ бо, яко Ты еси священникъ во векъ по чину Мелхиседекову. (аіѡн g165) 18 Отлаганіе убо бываетъ прежде бывшія заповѣди за немощное ея и неполезное: 19 ничтоже бо совершилъ законъ: привведеніе же есть лучшему упованію, имже приближаемся къ Богу. 20 И по елику не безъ клятвы: 21 они

бо без клятвы священницы быша, Сей же с клятвою чрез глаголющаго к Нему: клятыя Господь и не раскается: Ты еси священник во век по чину Мелхиседекову: (аіѡн g165) 22 по толику лучшаго завета бысть испоручник Иисус. 23 И они множайши священницы быша, зане смертью возбранени суть пребывати: 24 Сей же, занеже пребывает во веки, непреступное имать священство, (аіѡн g165) 25 темже и спасти до конца может приходящих чрез Него к Богу, всегда жив сый, во еже ходатайствовати о них. 26 Таков бо нам подобаше Архиерей: преподобен, незлобив, безсквернен, отлучен от грешник и вышеше небес бывый, 27 Иже не имать по вся дни нужды, якоже первосвященницы, прежде о своих гресех жертвы приносят, потом же о людских: сие бо сотвори единою, Себе принес. 28 Закон бо человеки поставляет первосвященники, имущыя немощь: слово же клятвенное, еже по законе, Сына во веки совершенна. (аіѡн g165)

8 Глава же о глаголемых: такова имамы Первосвященника, Иже седе о десную престола величества на небесех, 2 святым служитель и скинии истинней, юже водрузи Господь, а не человек. 3 Всяк бо первосвященник, во еже приносит дары же и жертвы, поставляемъ бывает: темже потреба имети что и Сему, еже принесет. 4 Аще бы бо был на земли, не бы был священник, сущым священником приносящим по закону дары, 5 иже образу и стени служат небесных, якоже глаголао бысть Моисею, хотящу сотворити скинию: виждь бо, рече, сотвориши вся по образу показанному ти на горе. 6 Ныне же лучшее улучи служение, по елику и лучшаго завета есть ходатай, иже на лучших обетованиях узаконися. 7 Аще бо бы первый он непорочен был, не бы второму искалося место. 8 Укоряя бо их глаголет: се, дние грядут, глаголет Господь, и совершу на дом Израилев и на дом Иудов завет нов, 9 не по завету, егоже сотворих отцем их в день, в онъже емшу ми их за руку, извести их от земли Египетския: зане тии не пребыша в завете Моем, и Аз нерадих о них, глаголет Господь. 10 Яко сей завет, егоже завещаю дому Израилеву по оных днех, глаголет Господь, дая законы Моя в мысли их, и на сердцах их напишу их, и буду им Бог, и тии будут Мне людие. 11 И не имать научити кийждо искреняго своего и кийждо брата своего, глаголя: познай Господа: яко вси уведят Мя от мала даже и до велика их, 12 зане милостив буду неправдам их и грехов их и беззаконий их не имам помянути ктому. 13 Внегда же глаголет нов, обветши перваго: а обветшавающее и состаревающееся близ есть истления.

9 Имяше убо первая скиния оправдания службы, святое же людское: 2 скиния бо сооружена бысть первая, в нейже светилник и трапеза и предложение хлебов, яже глаголется святая. 3 По второй же завесе скиния глаголемая Святая святых, 4 ллату имущи кадилницу и ковчег завета окован святу златом, в немже стагна злата имущая манну, и жезл Ааронов прозябший, и скрижали завета: 5 превышше же его херувими славы, осеняющии олтарь: о ниже не леть ныне глаголати подробну. 6 Сим же тако устроеным, в первую убо скинию выну вхождаху священницы, службы совершающе:

7 во вторую же единою в лето един архиерей, не без крове, юже приносит за себе и о людских невестествих. 8 Сие являюще Духу Святому, яко не у явился святых путь, еще первой скинии имущей стояние. 9 Яже притча во время настоящее утвердися, в неже дарове и жертвы приносятся, не могущыя по совести совершити служащаго, 10 точию в брашнах и питиях, и различных омовениях, и оправданий плоти, даже до времени исправления налегающая. 11 Христос же пришед Архиерей грядущих благ, болшею и совершеннейшею скиниею, нерукотворенною, сиречь, не сев твари, 12 ни кровию козлею ниже телчею, но Своєю Кровию, вниде единою во святая, вечное искупление обретый. (аіѡніос g166) 13 Аще бо кровь козля и телчая и пепел юнчий кропящий оскверненыя освящает к плотстей чистоте: 14 колыми паче Кровь Христова, Иже Духом Святым Себе принес непорочна Богу, очистит совесть нашу от мертвых дел, во еже послужити нам Богу живу и истинну? (аіѡніос g166) 15 И сего ради новому завету ходатай есть, да смерти бывшей, во искупление преступлений бывших в первом завете, обетование вечнаго наследия примут звании. (аіѡніос g166) 16 Идеже бо завет, смерти нужно еси вноситися завещающаго, 17 завет бо в мертвых известен есть: понеже ничесоже может, егда жив есть завещавай. 18 Темже ни первый без крове обновлен бысть. 19 Реченней бо бывшей всяцей заповеди по закону от Моисеа всем людем, приемь кровь козлею и телчюю, с водою и волною червленою и иссопом, самая же тыя книги и вся люди покروпи, 20 глаголя: сия кровь завета, егоже завеща к вам Бог. 21 И скинию же и вся сосуды служебныя кровию такожде покروпи. 22 И отнюд кровию вся очищаются по закону, и без кровопролития не бывает оставление. 23 Нужда убо быше образом небесных сими очищаются: самем же небесным лучшими жертвами, паче сих. 24 Не в рукотворенная бо святая вниде Христос, противоположная истинных, но в самое небо, ныне да явится лицу Божию о нас, 25 ниже да многажды приносит Себе, якоже первосвященник входит во святая (святых) по вся лета с кровию чуждею: 26 понеже подобаше бы Ему множицею страдати от сложения мира: ныне же единою в кончину веков, во отметание греха, жертвою Своєю явися. (аіѡн g165) 27 И якоже лежит человеку единою умрети, потом же суд, 28 тако и Христос единою принесеса, во еже вознести многих грехи, второе без греха явится, ждущым Его во спасение.

10 Сень бо имый закон грядущих благ, (а) не самый образ вещей, на всякое лето темже жертвами, иже приносят выну, никогдаже может приступающих совершити. 2 Понеже престали бы быти приносимы, ни едину ктому имущым совесть о гресех служащим, единою очищенным. 3 Но в них воспоминание грехов на каждое лето бывает, 4 невозможно бо крови юнчей и козлей отпуцати грехи. 5 Темже входя в мир, глаголет: жертвы и приношения не восхотел еси, тело же совершил Ми еси: 6 всесожжений и о гресе не благоволил еси. 7 Тогда рех: се, иду: в главизне книжней написася о Мне, еже сотворити волю Твою, Боже. 8 Выше глаголя: яко жертвы и приношения и всесожжений и о гресех не восхотел еси, ниже благоволил еси: яже по закону

приносятся: 9 тогда рече: се, иду сотворити волю Твою, Боже. Отемлет первое, да второе поставит. 10 О нейже воли освящени есмы принесением тела Иисус Христова единою. 11 И всяк убо священник стоит на всяк день служа и тыяжде множицею принося жертвы, яже никогдаже могут отяти грехов. 12 Он же едину о гресех принес жертву, всегда седит о десную Бога, 13 прочее ожидая, дондеже положатся врази Его подножие ног Его: 14 едином бо приношением совершил есть во веки освящаемых. 15 Свидетелствует же нам и Дух Святой, по реченному бо прежде: 16 сей завет, егоже завещаю ка ним по днех оных, глаголет Господь, дая законы Моя на сердца их, и в помышленных их напишу их: 17 (таже глаголет Господь:) и грехов их и беззаконий их не имам помянути ктому. 18 А идеже отпущение сих, ктому несть приношения о гресех. 19 Имуще убо дерзновение, братие, входити во святая Кровию Иисус Христовою, путем новым и живым, 20 егоже обновил есть нам завесою, сиречь плотию Своею, 21 и Иереа велика над домом Божиим, 22 да приступаем со истинным сердцем во извещении веры, окроплены сердца от совести лукавья и измovenи телесы водою чистою: 23 да держим исповедание упования неуклонное, верен бо есть Обещавый: 24 и да разумеваем друг друга в поощрении любве и добрых дел, 25 не оставляюще собрания своего, якоже есть неким обычай, но (друг друга) подвизающе, и толико паче, елико видите приближающийся день (судный). 26 Волею бо согрешающим нам по приятии разума истины, ктому о гресех не обретается жертва, 27 страшно же некое чаяние суда и огня ревность, поясти хотящего сопротивный. 28 Отверглся кто закона Моисеова, без милосердия при двоих или трех свидетелех умирает: 29 колико мните горшая сподобится муки, иже Сына Божия поправый, и Кровь заветную скверну возмнив, еуже освятится, и Духа благодати укоривый? 30 Вемы бо Рекшаго: Мне отмщение, Аз воздам, глаголет Господь. И паки: яко судит Господь людям Своим. 31 Страшно (есть) еже власти в руке Бога живаго. 32 Воспоминайте же первыя дни ваша, в ниже просветившеся, многия страсти претерпесте страданий, 33 ово убо, поношеньми и скорбьми позор бывше, ово же, общицеи быше живущим тако: 34 ибо узам моим сподрадасте и разграбление имений ваших с радостию приясте, ведяще имети себе имение на небесех пребывающее и лучшее. 35 Не отлагайте убо дерзновения вашего, еже имать мздовоздаяние велико. 36 Терпения бо имате потребу, да волю Божию сотворше, примите обетование: 37 еще бо мало елико елико, Грядый приидет и не укусит. 38 А праведный от веры жив будет: и аще обинется, не благоволит душа Моя о нем. 39 Мы же (братие) несмы обинования в погибель, но веры в снабдение души.

11 Есть же вера уповаемых извещение, вещей обличение невидимых. 2 В сей бо свидетелствовани быша древнии. 3 Верую разумеваем совершится веком глаголголом Божиим, во еже от неявиаемых видимым быти. (аїѠн г165) 4 Верую множайшую жертву Авель паче Каина принесе Богу, еуже свидетелствован бысть быти

праведник, свидетелствующу о дарех его Богу: и тою умерый еще глаголет. 5 Верую Енох преложен бысть не видети смерти: и не обреташеся, зане преложи его Бог: прежде бо преложения его свидетелствован бысть, яко угоди Богу. 6 Без веры же невозможно угодити (Богу): веровати же подобает приходящему к Богу, яко есть, и взыскающим Его мздовоздатель бывает. 7 Верую ответ прием Ное о сих, яже не у виде, убоявся сотвори ковчег во спасение дому своего: еуже осуди (весь) мир, и правды, яже по вере, бысть наследник. 8 Верую зовом Авраам послуша изыти на место, еже хотяше прияти в наследие, и изыде не ведый, камо грядет. 9 Верую прииде Авраам на землю обетования, якоже на чужду, в крове вселися со Исааком и Иаковом снаследникама обетования тогожде: 10 ждаше бо основания имущаго града, емуже художник и содетель Бог. 11 Верую и сама Сарра неплоды силу во удержание семени прият и паче времени возраста роди, понеже верна непщева Обетовавшаго. 12 Темже и от единого родишася, да еще умерщвленнаго, якоже звезды небесныя множеством и яко песок вскрай моря безчисленный. 13 По вере умроша сии вси, не приемше обетований, но издалеча видевше я, и целоваше, и исповедавше, яко страннии и пришельцы суть на земли: 14 ибо таковая глаголющии являются, яко отечествия взыскают. 15 И аще бы убо оно помнили, из негоже изыдоша, имели бы время возвратитися: 16 ныне же лучшего желают, сиречь небеснаго: темже не стыдится сими Бог, Бог нарицатися их: уготова бо им град. 17 Верую приведе Авраам Исаака искушаем, и единороднаго приношаше, обетования приемый, 18 к немуже глаголаю бысть: яко о Исааче наречется тебе семья: 19 помыслив, яко и из мертвых воскресити силен (есть) Бог, темже того и в притче прият. 20 Верую о грядущих благослови Исаак Иакова и Исава. 21 Верую Иаков умирая коегождо сына Иосифова благослови и поклонися на верх жезла его. 22 Верую Иосиф умирая о исхождении сынов Израилевых памятована и о костех своих заповеда. 23 Верую Моисей родився сокровен бысть три месяцы от отец своих, зане видеша красно отроча и не убояшася повеления царева. 24 Верую Моисей, велик быв, отвержесе нарицатися сын дщере фараоновы: 25 паче (же) изволи страдати с людьми Божиими, нежели имети временную греха сладость, 26 большее богатство вменив Египетских сокровищ поношение Христово: взираше бо на мздовоздаяние. 27 Верую остави Египет, не убоявся ярости царевы: Невидимаго бо яко видя, терпяше. 28 Верую сотвори Пасху и пролитие крове, да не погубляй перворожденная коснется их. 29 Верую преидоша Чермное море аки по сусе земли: еуже искушение приемше Египтяне истопишася. 30 Верую стены Иерихонския падоша обхождением седмид дний. 31 Верую Раав блудница не погибе с сопротивльшимися, приемши сходники с миром (и иным путем изведши). 32 И что еще глаголю? Не достанет бо ми повествующе времени о Гедеоне, Вараце же и Сампсоне и Иеффай, о Давиде же и Самуиле, и о (других) пророцех, 33 иже верую победиша царствья, содеша правду, получиша обетования, заградиша уста львов, 34

угасиша силу огненную, избегоша острей меча, возмогоша от немощи, быша крепцы во бранех, обратиша в бегство полки чуждых: 35 прияша жены от воскресения мертвых своих: инии же избии быша, не приемше избавления, да лучшее воскресение улучат: 36 друзии же руганием и ранами искушение прияша, еще же и узами и темницею, 37 камением побии быша, претрени быша, искушени быша, убийством меча умроша, придоша в милотех (и) в козях кожах, лишени, скорбяще, озлоблени: 38 иже не бе достоин (весь) мир, в пустынях скитающийся и в горах и в вертепах и в пропастьх земных. 39 И сии вси послушествовани бывше верою, не прияша обетования, 40 Богу лучше что о нас предзревшу, да не без нас совершенство примут.

12 Темже убо и мы, толик имуще облещашь нас облак свидетелей, гордость всяку отложше и удобь обстоятельный грех, терпением да течем на предлежащий нам подвиг, 2 взирающе на начальника веры и совершителя Иисуса, Иже вместо предлежащая Ему радости претерпе крест, о срамоте нерадив, о десную же престола Божия седе. 3 Помыслите убо таковое Пострадавшего от грешник на Себе прекословие, да не стужаете, душами своими ослабляеми. 4 Не у до крове стасте, противу греха подвизающесе, 5 и забысте утешение, еже вам яко сыном глаголет: сыне мой, не пренемай наказанием Господним, ниже ослабей, от Него обличаемь. 6 Егоже бо любит Господь, наказует: бьет же всякаго сына, егоже приемлет. 7 Аще наказание терпите, якоже сыном обретается вам Бог. Который бо есть сын, егоже не наказует отец? 8 Аще же без наказания есте, емуже причастницы быша вси, убо прелюбодейчищи есте, а не сынове. 9 К сим, плоти нашей отцы имехом наказатели, и срамляхомся: не много ли паче повинемся Отцу духовом, и живи будем? 10 Они бо в мало дний, якоже где им бе, наказоваху нас: а Сей на пользу, да причастимся святыни Его. 11 Всякое бо наказание в настоящее время не мнится радость быти, но печаль: последи же плод мирен наученым тем воздаст правды. 12 Темже ослабленныя руки и ослабленная колена исправите 13 и стези правы сотворите ногами вашими, да не хромое совратится, но паче да изцелеет. 14 Мир имейте и святыню со всеми, иже кроме никтоже узрит Господа: 15 смотряюще, да не кто лишится благодати Божия: да не кий корень горести, выпыр прозябаяй, пакость сотвори, и тем осквернятся мнози: 16 да не кто блудодей, или скверниство, якоже Исав, иже за ядь едину отдал есть первородство свое. 17 Весте бо, яко и потом похотев наследовати благословение, отвержен бысть: покаяния бо места не обрете, аще и со слезами поискал его. 18 Не приступите бо к горе осязаемой и разгоревшемуся огню, и облаку и сумраку, и буре 19 и трубному звуку, и гласу глаголю, егоже слышавши отрекошася, да не приложится им слово, 20 не терпяку бо повелевающего: аще и зверь прикоснется горе, камением поблен будет: 21 и тако страшно бе видимое, Моисей рече: пристрашен есмь и трепетен. 22 Но приступите к Сионстей горе и ко граду Бога живаго, Иерусалиму небесному и тмам Ангелов, 23 торжеству и церкви первородных на

небесех написанных, и Судии всех Богу и духом праведник совершенных, 24 и к Ходатаю завета новаго Иисусу и Крови кропления, лучше глаголющей, нежели Авелева. 25 Блюдите (же), да не отречетесе Глаголющего. Аще бо не избежаша они отрехшиися пророчествующего на земли, множае паче мы отрицающися небеснаго, 26 Егоже глас землю тогда поколеба, ныне же обетова, глаголя: еще единою Аз потрясу не токмо землю, но и небом. 27 А еже еще единою, сказует колеблемых преложение, аки сотворенных, да пребудут, яже суть неподвижимая. 28 Темже царство непоколебимо приемлюще, да имамы благодать, еуже служим благоугодно Богу с благоговением и страхом, 29 ибо Бог наш огонь поядаяй (есть).

13 Братолюбие да пребывает: 2 страннолюбия не забывайте, тем бо не ведяще нецыи странноприяша Ангелы. 3 Поминайте юзники, аки с ними связаны: озлобляемя, аки и сами суще в теле. 4 Честна женитва во всех и ложе нескверно: блудником же и прелюбодеем судит Бог. 5 Не сребролюбцы нравом, доволни сущими. Той бо рече: не имам тебе оставити, ниже имам от тебе отступить: 6 яко дерзающим нам глаголати: Господь мне помощник, и не убоюся: что сотворит мне человек? 7 Поминайте наставники ваша, иже жителства вам слово Божие: иже взирающе на скончание глаголаша, подражайте вере (их). 8 Иисус Христос вчера и днесь Тойже, и во веки. (aiōn g165) 9 В научения странна и различна не прилагаетеся: добро бо благодатию утверждати сердца, (а) не брашны, от нихже не прияша пользы ходившии в них. 10 Имамы (же) олтарь, от негоже не имут власти ясти служащии сени. 11 Иже бо кровь животных вносится во святая за грехи первосвященником, сих телеса сжигаются вне стана: 12 темже Иисус, да освятит люди Своєю Кровию, вне врат пострадади изволил. 13 Темже убо да исходим к Нему вне стана, поношение Его носяще: 14 не имамы бо зде пребывающего града, но грядущаго възыскуем. 15 Тем убо приносим жертву хваления выну Богу, сиречь плод устен исповедающихся имени Его. 16 Благодарения же и общения не забывайте: таковыми бо жертвами благоугождается Бог. 17 Повинуйтеся наставником вашим и покарыйтеся: тии бо бдят о душах ваших, яко слово воздати хотяще: да с радостию сие творят, а не въздыхающе, несть бо полезно вам сие. 18 Молитесь о нас: уповаем бо, яко добру совесть имамы, во всех добре хотяще жити. 19 Лишше же молю, сие творите, да вскоре устроюся вам. 20 Бог же мира, възведый из мертвых Пастыря овцам великаго Кровию завета вечнаго, Господа нашего Иисуса Христа, (aiōnios g166) 21 да совершит вы во всяцем деле блазе, сотворити волю Его, творя в вас благоугодное пред Ним Иисус Христом: Емуже слава во веки веков. Аминь. (aiōn g165) 22 Молю же вы, братие, примите слово утешения: ибо вмале написав послах вам. 23 Найте брата нашего отпущена Тимофеа, с нимже, аще скорее приидет, узрю вас. 24 Целуйте вся наставники ваша и вся святыя. Целуют вы иже от Италии сущии. 25 Благодать со всеми вами. Аминь.

Послание Иакова

1 Иаков, Богу и Господу Иисусу Христу раб, обеманадесяте коленома, иже в разсеянии, радоватися. **2** Всяку радость имейте, братие моя, егда во искушения впадаете различна, з ведяще, яко искушение ваша веры соделовае терпение: **4** терпение же дело совершенно да имать, яко да будете совершенни и всещели, ни в чемже лишени. **5** Аще же кто от вас лишен есть премудрости, да просит от дающаго Бога всем нелицеприемне и не поношающаго, и дастся ему. **6** Да просит же верую, ничтоже сумняся: сумняйся бо уподобися волнению морскому, ветры возметаему и развеваему. **7** Да не мнит бо человек он, яко приимет что от Бога. **8** Муж двоедушен неустроен во всех путех своих. **9** Да хвалитса же брат смиренный в высоте своей, **10** богатый же во смиренни своем, зане якоже цвет травный мимоидет: **11** возсия бо солнце со зноем, и иссуши траву, и цвет ея отпаде, и благолепие лица ея погibe: сице и богатый в хождении своем увядае. **12** Блажен муж, иже претерпит искушение: зане искусен быв, приимет венец жизни, егоже обеща Бог любящим Его. **13** Никтоже искушаем да глаголет, яко от Бога искушаем есмь: Бог бо несть искуситель злым, не искушает же Той ни коже, **14** кийждо же искушается, от своя похоти влеком и прельщаемь: **15** таже похоть зачещи раждае грех, грех же содеян раждае смерть. **16** Не льститесь, братие моя возлюбленная: **17** всяко даяние благо и всяк дар совершен свыше есть, сходяй от Отца светов, у Негоже несть пременение, или предложения стень. **18** Восхотев бо пороуди нас словом истины, во еже быти нам начаток некий созданием Его. **19** Темже, братие моя возлюбленная, да будет всяк человек скор услышати и косен глаголати, косен во гнев, **20** гнев бо мужа, правды Божия не соделовае. **21** Сего ради отложше всяку скверну и избыток злобы, в кротости примите всажденное слово, могущее спасти души ваша. **22** Бывайте же творцы слова, а не точию слышатели, прельщающие себе самех. **23** Зане аще кто есть слышатель слова, а не творец, таковый уподобися мужу смотряющу лице бытия своего в зеркале: **24** усмотри бо себе и отиде, и абие забы, каков бе. **25** Приникий же в закон совершен свободы, и пребыв, сей не слышатель забывлив быв, но творец дела, сей блажен в делании своем будет. **26** Аще кто мнитса верен быти в вас, и не обуздовае языка своего, но льстит сердце свое, сего суетна есть вера. **27** Вера бо чиста и нескверна пред Богом и Отцем сия есть, еже посещати сирых и вдовиц в скорбех их, (и) нескверна себе блюсти от мира.

2 Братие моя, не на лица зряще имейте веру Господа нашего Иисуса Христа славы. **2** Аще бо внидет в сонмище ваше муж, злат перстень нося, в ризе светле, внидет же и нищ в худе одежди, **3** и воззрите на носящаго ризу светлу, и речете ему: ты сяди zde добре: и нищему речете: ты стани тамо, или сяди zde на подножии моем: **4** и не рассмотристе в себе, и бысте судии помышлений злых. **5** Слышите, братие моя возлюбленная, не Бог ли избра нищя мира сего богаты

в вере и наследники Царствия, еже обеща любящим Его? **6** Вы же укористе нищаго. Не богати ли насилуют вам, и ти и влекут вы на судища? **7** Не ти ли хулят доброе имя нареченное на вас? **8** Аще убо закон совершае царский, по Писанию: возлюбихи искренняго своего якоже себе самаго, добре творите: **9** аще же на лица зрите, то грех содевае, обличаеми от закона якоже преступницы. **10** Иже бо весь закон соблюдет, согрешит же во едином, бысть всем повинен. **11** Рекий бо: не прелюбы сотвориши, рекл есть и: не убиеш. Аще же не прелюбы сотвориши, убиеш же, был еси преступник закона. **12** Тако глаголите и тако творите, яко законом свободны имущии суд прияти. **13** Суд бо без милости не сотворшему милости: и хвалитса милость на суде. **14** Кая польза, братие моя, аще веру глаголет кто имети, дел же не имать? Еда может вера спасти его? **15** Аще же брат или сестра нага будета и лишена будета дневных пици, **16** речет же има кто от вас: идита с миром, грейтаса и насыщайтаса? Не даст же има требования телеснаго: кая польза? **17** Такжеде и вера, аще дел не имать, мертва есть о себе. **18** Но речет кто: ты веру имаши, аз же дела имам: покажи ми веру твою от дел твоих, и аз тебе покажу от дел моих веру мою. **19** Ты веруеши, яко Бог един есть: добре твориши: и беси веруют, и трепещут. **20** Хочещи же ли разумети, о, человече суетне, яко вера без дел мертва есть? **21** Авраам отец наш не от дел ли оправдася, вознес Исаака сына своего на жертвенник? **22** Видиши ли, яко вера поспешествоваше делом его, и от дел соверших вера? **23** И соверших Писание глаголющее: верова же Авраам Богови, и вменил ему в правду, и друг Божий наречеся. **24** Зрите ли убо, яко от дел оправдае человек, а не от веры единыя? **25** Такжеде же и Раав блудница не от дел ли оправдася, приемши сходники и иным путем изведши их? **26** Якоже бо тело без духа мертво есть, тако и вера без дел мертва есть.

3 Не мнози учителяе бывайте, братие моя, ведяще, яко большее осуждение примем, **2** много бо согрешаем вси. Аще кто в слове не согрешает, сей совершен муж, силен обуздати и все тело. **3** Се бо и конем узды во уста влагаем, да повинуются нам, и все тело их обрашаем: **4** се, и корабли велицы суще и от жестоких ветров заточаеми, обращаются малым кормилцем, аможе стремление правящаго хочет: **5** такжеде же и язык мал уд есть, и вельми хвалитса. Се мал огонь, и коль велики вещи сожигает. **6** И язык огонь, лепота неправды: сице и язык водворяется во удох наших, скверня все тело, и паля коло рождения нашего, и опаяля от геенны: (Geenna 91067) **7** всяко бо естество зверей же и птиц, гад же и рыб, укрощается и укротится естеством человеческим, **8** языка же никтоже может от человек укротити: не удержимо бо зло, исполнь яда смертоносна. **9** Тем благословляем Бога и Отца, и тем кленем человеки бывшыя по подобию Божию: **10** от теже уст исходит благословение и клятва. Не подобает, братие моя возлюбленная, сим тако бывати. **11** Еда ли источник от единого устия источает сладкое и горькое? **12** Еда может, братие моя, смоковница маслины творити, или виноградная лоза смоквы? Такжеде ни один

источник слану и сладку творит воду. 13 Кто премудр и худож в вас, да покажет от добраго жития дела своя в кротости и премудрости. 14 Аще же зависть горьку имате и рвение в сердцах ваших, не хвалитесь, ни лжите на истину: 15 несть сия премудрость свыше низходящи, но земна, душевна, бесовска: 16 идеже бо зависть и рвение, ту нестроение и всяка зла вещь. 17 А же свыше премудрость, первее убо чиста есть, потом же мирна, кротка, благопокорлива, исполнь милости и плодов благих, несуменна и нелицемерна. 18 Плод же правды в мире сеется творящим мир.

4 Откуда брани и свары в вас? Не отсюдо ли, от сластей ваших, воющих во удох ваших? 2 Желаете, и не имате: убиваете и завидите, и не можете улучшить: сваряетесь и борете, и не имате, зане не просите: 3 просите, и не приемлете, зане зле просите, да в сластех ваших иждивете. 4 Прелюбодее и прелюбодейцы, не весте ли, яко любы мира сего вражда Богу есть, иже бо восхощет друг быти миру, враг Божии бывает. 5 Или мните, яко всеу Писание глаголет: к зависти желает дух, иже вселися в ны? 6 Большую же дает благодать: темже глаголет: Господь гордым противится, смиренным же дает благодать. 7 Повинитесь убо Богу, противитесь же диаволу, и бежит от вас. 8 Приблизитесь Богу, и приблизится вам: очистите руце, грешницы, исправите сердца ваша, двоедушнии: 9 постраждите и слезите и плачитесь: смех ваш в плачь да обратится, и радость в сетование: 10 смиритесь пред Господем, и вознесет вы. 11 Не оклеветайте друг друга, братие: оклеветаяй бо брата, или осуждаяй брата своего, оклеветает закон и осуждает закон: аще же закон осуждаеши, неси творец закона, но судия. 12 Един есть Законоположник и Судия, могий спасти и погубити: ты же кто еси осуждаяй друга? 13 Слышите ныне, глаголющии: днесь или утре пойдем во он град, и сотворим ту лето едино, и куплю деем и приобретение: 14 иже не весте, что утре случится: кая бо жизнь ваша, пара бо есть, яже в мале является, потом же исчезает. 15 Вместо еже бы глаголати вам: аще Господь восхощет, и живи будем, и сотворим сие или оно: 16 ныне же хвалитесь в гордынях ваших: всяка хвала такова зла есть. 17 Ведущему убо добро творити, и не творящему, грех ему есть.

5 Приидите ныне, богатии, плачитесь и рыдайте о лютых скорбех ваших грядущих на вы. 2 Богатство ваше изгни, и ризы ваша молие поядоша. 3 Злато ваше и сребро изоржаве, и ржа их в послушество на вас будет, и снесть плоти ваша аки огонь: егоже снискасте в последния дни. 4 Се, мзда делателей делавших нивы ваша, удержаная от вас, вопиет, и вопиения жавших во уши Господа Саваофа внидоша. 5 Возвеселистесь на земли, и насладистесь: упитасте сердца ваша аки в день заколения. 6 Осудисте, убисте Праведнаго: не противится вам. 7 Долготерпите убо, братие моя, до пришествия Господня. Се земледелец ждет честнаго плода от земли, долготерпя о нем, дондеже примет дождь ран и позден: 8 долготерпите убо и вы, утвердите сердца ваша, яко пришествие Господне приближися. 9 Не въздыхайте друг на друга, братие, да не осуждени

будете: се, Судия пред дверьми стоит. 10 Образ примите, братие моя, злострадания и долготерпения пророки, иже глаголаша именем Господним. 11 Се, блажим терпящия. Терпение Иовле слышасте, и кончину Господню видесте, яко многомилостив есть Господь и щедр. 12 Прежде же всех, братие моя, не кленитесь ни небом, ни землею, ни иною коею клятвою: буди же вам еже ей, ей, и еже ни, ни: да не в лицемерие впадете. 13 Злостраждет ли кто в вас? Да молитву деет: благодушствует ли кто? Да поет. 14 Болит ли кто в вас, да призовет пресвитеры Церковныя, и да молитву сотворят над ним, помазавше его елеем во имя Господне: 15 и молитва веры спасет болящаго, и воздвигнет его Господь: и аще грехи сотворил есть, отпустятся ему. 16 Исповедайте убо друг другу согрешения и молитесь друг за друга, яко да исцелете: много бо может молитва праведнаго поспешествуема. 17 Или человек бе подобострастен нам, и молитвою помолися, да не будет дождь, и не одожди по земли лета три и месяц шесть: 18 и паки помолися, и небо дождь даде, и земля прозябе плод свой. 19 Братие, аще кто в вас заблудит от пути истины, и обратит кто его, 20 да весть, яко обративый грешника от заблуждения пути его спасет душу от смерти и покрывает множество грехов.

Первое послание Петра

1 Петр, Апостол Иисус Христов, избранным пришельцем разсеяния Понта, Галатии, Каппадокии, Азии и Вифинии, **2** по прозрению Бога Отца, во святыни Духа, в послушание и кропление Крове Иисус Христовы: благодать вам и мир да умножится. **3** Благословен Бог и Отец Господа нашего Иисуса Христа, Иже по мнозей Своей милости порождет нас во упование живо воскресением Иисус Христовым от мертвых, **4** в наследие нетленно и нескверно и неувядаемо, соблюдено на небесах вас ради, **5** иже силою Божию соблюдаеми есте чрез веру, во спасение готовое явитися во время последнее. **6** О немже радуйтесь, мало ныне, аще лепо есть, прискорбни бывше в различных напастьх: **7** да искушение ваша веры многочестнейше злата гибнуща, огнем же искушена, обращается в похвалу и честь и славу, во откровении Иисус Христове, **8** Егоже не видевше любите, и на Негоже ныне не зряще, верующе же, радуется радостию неизглаголанною и прославленною, **9** приемлюще кончину вере вашей, спасение душам: **10** о немже спасении взыскаша и испыташа пророцы, иже о вашей благодати прорекоша, **11** испытующе, в каково или в кое время являше в них Дух Христов, прежде свидетельствуя о Христовых страстьх, и о славах, яже по сих: **12** иже открыся, яко не им самим, но нам слушаху сия, яже ныне возвестися вам благовествовавшими вам Духом Святым посланным с небесе, в няже жаляют Ангели приникнути. **13** Темже, возлюбленнии, препоясавше чресла помышления вашего, трезвящися, совершенно уповайте на приносимую вам благодать откровением Иисус Христовым. **14** Яко чада послушания, не преобразующеся первыми неведения вашего похотении, **15** но по звавшему вы Святому, и сами святы во всем житии будите. **16** Зане писано есть: святы будите, яко Аз свят есмь. **17** И аще Отца называете нелицемерно судяща комуждо по делу, со страхом жития вашего время житье стужайте, **18** ведяще, яко не истленным сребром или златом избавистеся от суетнаго вашего жития отцы преданнаго, **19** но честною Кровию яко Агнца непорочна и пречиста Христа, **20** предуведена убо прежде сложения мира, явльшася же в последняя лета вас ради, **21** иже Его ради веруете в Бога Воздвигшаго Его из мертвых и славу Ему давша, яко да вера ваша и упование будет на Бога. **22** Душы ваша очистивше в послушании истины Духом, в братолюбие нелицемерно, от чиста сердца друг друга любите прилежно, **23** порождени не от семени истленна, но неистленна, словом живаго Бога и пребывающа во веки. (аіѡн г165) **24** Зане всяка плоть яко трава, и всяка слава человека яко цвет травный: изсше трава, и цвет ея отпаде: **25** глаголюще же Господь пребывает во веки. Се же есть глаголюще благовестованный в вас. (аіѡн г165)

2 Отложше убо всяку злобу и всяку лесть и лицемерие и зависть и вся клеветы, **2** яко новорождени младенцы, словесное и нелестное млеко возлюбите, яко да о нем возрастете во спасение: **3** понеже вкусисте, яко благ Господь. **4** К Немуже приходяще, камени живу, от человек

убо уничижену, от Бога же избрану, честну, **5** и сами яко камение живо зижидаете во храм духовен, святителство свято, возносити жертвы духовны, благоприятны Богови Иисус Христом. **6** Зане писано есть в Писании: се полагаю в Сионе камень краеуголен, избран, честен: и веруяй вонь не постыдится. **7** Вам убо честь верующим, а противящимся камень, егоже небрегоша зижидущи, сей бысть во главу угла, и камень преткания и камень соблазна: **8** о немже и претыкаются слову противляющися, на неже и положени быша. **9** Вы же род избран, царское священние, язык свят, людие обновления, яко да добродетели возвестите из тмы вас Призвавшаго в чудный Свой свет: **10** иже иногда не людие, ныне же людие Божии: иже не помиловани, ныне же помиловани бысте. **11** Возлюбленнии, молю яко пришелцев и странников, огребатися от плотских похотей, яже воют на душу, **12** житие ваше имуще добро во языцех, да о немже клеветуют вас аки злодеев, от добрых дел видевше, прославят Бога в день посещения. **13** Повинитесь убо всякому человеку созданию Господа ради: аще царю, яко преобладающу: **14** аще ли же князем, яко от него посланным, во отмищение убо злодеем, в похвалу же благодетельцем. **15** Яко тако есть воля Божия, благодетельцем обуздovati безумных человек невежество: **16** яко свободни, а не яко прикровение имуще злобы свободу, но яко раби Божии. **17** Всех почитайте, братство возлюбите, Бога бойтесь, царя чтите. **18** Раби, повинуйтесь во всяцем страхе владыкам, не токмо благим и кротким, но и строптивым. **19** Се бо есть угодно пред Богом, аще совести ради Божия терпит кто скорби, стражда без правды. **20** Кая бо похвала, аще согрешающе мучими терпите? Но аще добро творяще и страждуще терпите, сие угодно пред Богом, **21** на сие бо и звани бысте: зане и Христос пострада по нас, нам оставль образ, да последуем стопам Его: **22** иже греха не сотвори, ни обретеса лесть во устех Его: **23** иже укаряемь противу не укаряше, стражда не прещаше, предающе же Судящему праведно: **24** иже грехи наша Сам вознесе на теле Своем на древо, да от грех избывше, правдою поживем: Егоже зваю изцелесте. **25** Бесте бо яко овцы заблудшыя не имуща пастыря: но возвратитесь ныне к Пастырю и Посетителю душ ваших.

3 Также же и жены, повинующия своим мужем, да и аще нецыи не повинуются слову, женским житием без слова пленени будут, **2** видевше еже со страхом чисто житие ваше. **3** Умже да будет не внешняя, плетения влас и обложения злата, или одеяния риз, лепота, **4** но потаеный сердца человек, в неистлении кроткаго и молчаливаго духа, еже есть пред Богом многоценно. **5** Тако бо иногда и святыя жены, уповающыя на Бога, украшаху себе, повинующия своим мужем: **6** якоже Сарра послушаше Авраама, господина того зовущи: еяже бысте чада, благодетельца и не боящися ни единогого страха. **7** Мужие также, вкупе живуеще со своими женами по разуму, яко немощнейшу сосуду женскому воздающе честь, яко и наследницы благодатная жизни, во еже не прекращатися молитвам вашим. **8** Конец же, вси единомудрени будите, милостиви, братолюбцы, милосердни,

благодотробни, мудролюбцы, смиренумудри: 9 не воздающе зла за зло, или досаждения за досаждение: супротивное же, благословяще, ведяще, яко на се звани бысте, да благословение наследите. 10 Хотяй бо живот любити и видети дни благи, да удержит язык свой от зла, и устне свои еже не глаголати лести. 11 Да уклонится от зла, и да сотворит благо, да възыщет мира и да держится его: 12 зане очи Господни на праведныя, и уши Его в молитву их, лице же Господне на творящя злая, еже потребити их от земли. 13 И кто озлобит вас, аще благому подобныцы будете? 14 Но аще и страждете правды ради, блажени есте: страха же их не убойтеса, ниже смущайтеса. 15 Господа же Бога освятите в сердцах ваших: готови же присно ко ответу всякому вопрошающему вы словесе о вашем уповании, с кротостию и страхом: 16 совесть имуще благу, да о немже клеветуют вас аки злодеев, постыдятся злословящии ваше благое о Христе житие. 17 Лучше бо есть благое творящым, аще хошет воля Божия, пострадати, нежели зло творящым: 18 зане и Христос единою о гресех наших пострада, праведник за неправедники, да приведет ны Богови, умерщвлен убо был плотию, ожив же духом: 19 о немже и сущым в темнице духовом сошед пропева, 20 противльшымся иногда, егда ожидаше Божие долготерпение, во дни Ноевы, делаему ковчегу, в немже мало, сиречь осмь душ, спасошася от воды. 21 Егоже воображение ныне и нас спасает крещение, не плотския отложение скверны, но совести благи вопрошение у Бога, воскресением Иисус Христовым, 22 Иже есть о десную Бога, възшед на небо, покоршымся Ему Ангелом и Властем и Силам.

4 Христу убо пострадавшу за ны плотию, и вы в ту же мысль вооружитеса: зане пострадавый плотию, преста от греха, 2 во еже не ктому человеческим похотем, но воли Божией прочее во плоти жити время. 3 Довлет же вам мимошедшее время жития, волю языческую творившым, хождшым в нечистотах, в похотех, в мужеложстве, в скотоложстве, в помыслех, в пиянстве, в козлогласованиях, в лихоимании и богомерзких идолослужениях: 4 о немже дивятся, не сходящымся вам в тоже блуда разлиание, хуляще: 5 иже воздадят слово готову Сущему судити живым и мертвым. 6 На се бо и мертвым благовестися, да суд убо примут по человеку плотию, поживут же по Бозе духом. 7 Всем же кончина приближися. Уцеломудритеса убо и трезвитеса в молитвах. 8 Прежде же всех друг ко другу любовь прилежну имейте, зане любовь покрывает множество грехов. 9 Страннолюбцы друг ко другу, без роптания. 10 Кийждо якоже прият дарование, между себе сим служаще, яко добрии строители различныя благодати Божия. 11 Аще кто глаголет, яко словеса Божия: аще кто служит, яко от крепости, юже подает Бог: да о всем славится Бог Иисус Христом, Емуже есть слава и держава во веки веков. Аминь. (аіѠн g165) 12 Возлюбленнии, не дивитеса еже в вас раждежению ко искушению вам бываему, яко чужду вам случающуся: 13 но понеже приобщаетеса Христовым страстем, радуйтеса, яко да и в явление славы Его возрадуетеса веселящеса. 14 Аще укоряеми бываете о имени Христове, блажени

есте яко Славы и Божий Дух на вас почитает: онеми убо хулитеса, а вами прославляетеса. 15 Да не кто убо от вас постраждет яко убийца, или яко тать, или яко злодей, или яко чуждопосетитель: 16 аще ли же яко Христианин, да не стыдится, да прославляет же Бога в части сей. 17 Яко время начати суд от дому Божия: аще же прежде от вас, кая кончина противящымся Божию Евангелию? 18 И аще праведник едва спасетеса, нечестивый и грешный где явитеса? 19 Темже и страждущи по воли Божией, яко верну Зиждителю да предадят души своя во благотворении.

5 Старцы иже в вас молю, яко старец сый и свидетель Христовым страстем, иже и хотящей славе явитеса общик: 2 пасите еже в вас стадо Божие, посещающе не нуждею, но волею и по Бозе, ниже неправедными прибытки, но усердно, 3 ни яко обладающе причту, но образи бывайте стаду: 4 и явльшуся Пастыреначальнику, примете неувядаемый славы венец. 5 Также юнии, повинитеса старцем: вси же друг другу повинующеса, смиренумудрие стяжите, зане Бог гордым противитеса, смиренным же дает благодать. 6 Смиритеса убо под крепкую руку Божию, да вы вознесет во время: 7 всю печаль вашу возвергше Нань, яко Той печетеса о вас. 8 Трезвитеса, бодрствуйте, зане супостат ваш диавол, яко лев рыкая, ходит, иский кого поглотити: 9 емуже противитеса тверди верою, ведуще, яко теже страсти случаются вашему братству, еже в мире. 10 Бог же всякия благодати, призвавый вас в вечную Свою славу о Христе Иисусе, мало пострадавшыя, Той да совершит вы, да утвердит, да укрепит, да оснует. (аіѠnios g166) 11 Тому слава и держава во веки веков. Аминь. (аіѠн g165) 12 Сиуаном вам верным братом, яко непщую, вмале написах, моля и засвидетельствуя сей быти истинней благодати Божией, в нейже стоите. 13 Целует вы яже в Вавилоне соизбранная, и Марко сын мой. 14 Целуйте друг друга любозанием любви. Мир вам всем о Христе Иисусе. Аминь.

Второе послание Петра

1 Симон Петр, раб и посланник Иисус Христов, равночистную с нами получившими веру в правде Бога нашего и Спаса Иисуса Христа: **2** благодать вам и мир да умножится в познании Бога, и Христа Иисуса Господа нашего. **3** Яко вся нам Божественныя силы Его, яже к животу и благочестию, подана разумом Призвавшего нас славою и добродетелию. **4** Имиже честная нам и великая обетования даровашася, да сих ради будете Божественного причастицы естества, отбегше, яже в мире, похотныя тли: **5** и в самое же сие, тщание все привнесше, подадите в вере вашей добродетель, в добродетели же разум, **6** в разуме же воздержание, в воздержании же терпение, в терпении же благочестие, **7** во благочестии же братолюбие, в братолюбии же любовь. **8** Сия бо сущая в вас и множащаяся, не праздных ниже бесплодных сотворят вы в Господа нашего Иисуса Христа познание: **9** емуже бо несть сих, слеп есть, мжай, забвение приемь очищения древних своих грехов. **10** Темже паче, братие, потщитесь известно ваше звание и избрание творити: сия бо творяще, не имате согрешити никогдаже, **11** сице бо обилно приподастся вам вход в вечное Царство Господа нашего и Спаса Иисуса Христа. (aiōnios g166) **12** Сего ради не обленюся воспоминати присно вам о сих, аще и ведите, и утверждени есте в настоящей истине. **13** Праведно бо мно, донележе есмь в сем телеси, возставляти вас воспоминанием, **14** ведый, яко скоро есть отложение телесе моего, якоже и Господь наш Иисус Христос сказа мне. **15** Потщуся же и всегда имети вас по моем исходе память о сих творити. **16** Не ухищренным бо баснем последовавшие сказахом вам силу и пришествие Господа нашего Иисуса Христа, но самовидцы бывше величества Оного. **17** Прием бо от Бога Отца честь и славу, гласу пришедшу к Нему от велеленных славы. Сей есть Сын Мой возлюбленный, о Немже Аз благоизволих. **18** И сей глас мы слышахом с небесе шедшь, с Ним сущие на горе святей. **19** И имамы известнейшее пророческое слово: емуже внимающе якоже светилу сияюще в темнем месте, добре творите, дондеже день озарит, и денница возсияет в сердцах ваших, **20** сие прежде ведуще, яко всяко пророчество книжное по своему сказанию не бывает. **21** Ни бо волею бысть когда человеком пророчество, но от Святаго Духа просвещаемы глаголаша святии Божии человецы.

2 Быша же и лживии пророцы в людех, якоже и в вас будут лживии учителяе, иже внесут ереси погибели, и искупльшаго их Владыки отметающася, приводяще себе скору погибель. **2** И мнози последствуют их нечистотам, иже ради путь истинный похулятся. **3** И в преумножении лживых словес вас уловят: иже суд искони не коснит, и погибель их не дремлет. **4** Аще бо Бог аггелов согрешивших не пощаде, но пленицами мрака связав, предаде на суд мучимых блюсти: (Tartarōb g5020) **5** и перваго мира не пощаде, но осмаго Ноа правды проповедника сохрани, потоп миру нечестовавших наведе: **6** и грады Содомския

и Гоморрская сжег, разорением осудил, образ хотящим нечестовати положив: **7** и праведнаго Лота, обидима от беззаконных в нечистоте сожития, избави. **8** Видением бо и слухом праведный, живой в них, день от дне души праведну беззаконными делы мучаше: **9** весть Господь благочестивыя от напасти избавляти, неправедники же на день судныи мучимы блюсти, **10** наипаче же вслед плотския похоти сквернения ходящия и о господстве нерадящия: прoderзателе, себе угодницы, славы не трепещут хуляще: **11** ижеже Ангели крепостию и силою болши суще, не терпят на ся от Господа укоризнен суд. **12** Сии же, яко скоти животны естеством бывше в погибель и тлю, в ниже не разумеют хуляще, во истлении своем истлеют, **13** приемлюще мзду неправедну, сласть мянше вседневное насыщение, сквернители и порочницы, питающася лестьми своими, ядуще с вами, **14** очи имуще исполнь блудодеяния и непрестаемаго греха, прельщающе души неутверждены, сердце научено лихоимству имуще, клятвы чада: **15** оставльше правый путь заблудиша, последовавшие пути Валаама Восорова, иже мзду неправедну возлюбю, **16** обличение же име своего беззакония: подяремник безгласен, человеческим гласом провещавшь, возбрани пророка безумие. **17** Сии суть источницы безводни, облацы и мглы от ветр преносими, иже мрак темный во веки блюдется. (questioned) **18** Прегордая бо суеты вещающе, прельщают в скверны плотския похоти, отбегаящих всячески от них живущих во лсти, **19** свободу им обещавающе, сами раби суще тления: иже бо кто побежден бывает, сему и работен есть. **20** Аще бо отбегше скверн мира в разум Господа и Спаса нашего Иисуса Христа, сими же паки сплетшеся побеждаемы бывают, быша им последняя горша первых. **21** Лучше бо бе им не познати пути правды, нежели познавшим возвратитися вспять от преданныя им святыя заповеди. **22** Случися бо им истинная притча: пес возвращься на свою блевотину, и: свиния, омывшись, в кал тинный.

3 Сие уже, возлюбленнии, второе вам пишу послание, в ниже возбуждаю воспоминанием ваш чистый смысл, **2** помянути прежде реченныя глаголы от святых пророк, и Апостол ваших заповедь Господа и Спаса: **3** сие прежде ведяще, яко приидут в последния дни ругателе, по своих похотех ходяще **4** и глаголюще: где есть обетование пришествия Его, отнележе бо отцы успоша, вся тако пребывают от начала создания. **5** Таитсы бо им сие хотящим, яко небеса беша исперва, и земля от воды и водою составлена, Божиим словом: **6** темже тогдашнии мир, водою потоплен быв, погиле. **7** А нынешняя небеса и земля темже Словом сокровена суть, огню блюдома на день суда и погибели нечестивых человек. **8** Едино же сие да не утаитс вас, возлюбленнии, яко един день пред Господем яко тысяща лет, и тысяща лет яко день един. **9** Не коснит Господь обетования, якоже нецыи коснение мяят: но долготерпит на нас, не хотя да кто погибнет, но да вси в покаяние приидут. **10** Приидет же день Господень яко тать в ноци, в оньже небеса убо с шумом мимо идут, стихии же

сжигаемы разорятся, земля же и яже на ней дела сгорят. **11** Сим убо всем разоряемым, кацем подобает быти вам во святых пребываниих и благочестиих, **12** чающым и скорее быти желающым пришествия Божияго дне, егоже ради небеса жегома разорятся, и стихии опаляемы растауются? **13** Нова же небесе и новы земли по обетованию Его чаем, в нихже правда живет. **14** Темже, возлюбленнии, сих чающе, потщитесь нескверни и непорочни Тому обрестися в мире, **15** и Господа нашего долготерпение спасение непщуите, якоже и возлюбленный наш брат Павел по данной ему премудрости написа вам, **16** якоже и во всех своих посланиих, глаголя в них о сих: в нихже суть неудобь разумна некая, яже ненаучени и неутверждени развращают, якоже и прочая Писания, к своей погибели им. **17** Вы же убо, возлюбленнии, предведяще хранитесь, да не лестию беззаконных сведени бывше, отпадете своего утверждения. **18** Но да растете во благодати и разуме Господа нашего и Спаса Иисуса Христа. Тому слава и ныне и в день века. Аминь. (аіѡп g165)

Первое послание Иоанна

1 Еже бе исперва, еже слышахом, еже видехом очима нашими, еже узрехом, и руки наша осязаша, о Словеси животнем: **2** и живот явися, и видехом, и свидетелствуем, и возвещаем вам живот вечный, иже бе у Отца и явися нам: **(aiōnios g166)** **3** еже видехом и слышахом, поведаем вам, да и вы общение имате с нами: общение же наше со Отцем и с Сыном Его Иисусом Христом. **4** И сия пишем вам, да радость ваша будет исполнена. **5** И сие есть обетование, еже слышахом от Него и поведаем вам, яко Бог свет есть, и тмы в Нем несть ни единыя. **6** Аще речем, яко общение имамы с Ним, и во тме ходим, лжем и не творим истины: **7** аще же во свете ходим, якоже Сам Той есть во свете, общение имамы друг ко другу, и Кровь Иисуса Христа Сына Его очищает нас от всякаго греха. **8** Аще речем, яко греха не имамы, себе прельщаем, и истины несть в нас. **9** Аще исповедаем грехи наша, верен есть и праведен да оставит нам грехи наша и очестит нас от всякия неправды. **10** Аще речем, яко не согрешихом, лжа творим Его, и слово Его несть в нас.

2 Чадца моя, сия пишу вам, да не согрешаете: и аще кто согрешит, ходатая имамы ко Отцу, Иисуса Христа праведника: **2** и Той очищение есть о гресех наших, не о наших же точно, но и о всего мира. **3** И о сем разумеем, яко познахом Его, аще заповеди Его соблюдаем. **4** Глаголяй, яко познах Его, и заповеди Его не соблюдает, ложь есть, и в сем истины несть: **5** а иже аще соблюдает слово Его, поистинне в сем любви Божия совершенна есть: о сем разумеем, яко в Нем есмь. **6** Глаголяй, в Нем пребывати, должен есть, якоже Он ходил есть, и сей такожде да ходит. **7** Возлюбленнии, не заповедь нову пишу вам, но заповедь ветху, юже иместе исперва. Заповедь ветха есть слово, еже слышасте исперва. **8** Паки заповедь нову пишу вам, еже есть поистинне в Нем и в вас: яко тма мимоходит и свет истинный сей уже сияет. **9** Глаголяй себе во свете быти, а брата своего ненавидяй, во тме есть доселе. **10** Любяй брата своего во свете пребывает, и соблазна в нем несть. **11** А ненавидяй брата своего во тме есть, и во тме ходит, и не весть, камо идет, яко тма ослепи очи ему. **12** Пишу вам, чадца, яко оставляются вам греси имене Его ради. **13** Пишу вам, отцы, яко познасте Безначалнаго. Пишу вам, юноши, яко победисте лукаваго. Пишу вам, дети, яко познасте Отца. **14** Писах вам, отцы, яко познасте Исконнаго: писах вам, юноши, яко крепцы есте, и слово Божие в вас пребывает, и победисте лукаваго. **15** Не любите мира, ни яже в мире: аще кто любит мир, несть любве Отчи в нем: **16** яко все, еже в мире, похоть плотская и похоть очима и гордость житейская, несть от Отца, но от мира сего есть. **17** И мир преходит, и похоть его, а творяй волю Божию пребывает во веки. **(aiōn g165)** **18** Дети, последняя година есть. И якоже слышасте, яко антихрист грядет, и ныне антихристи мнози быша, от сего разумеваем,

яко последний час есть. **19** От нас изыдоша, но не беша от нас: аще бы от нас были, пребыли убо быша с нами: но да явятся, яко не суть вси от нас. **20** И вы помазание имате от Святаго, и весте вся. **21** Не писах вам, яко не весте истины, но яко весте ю и яко всяка лжа от истины несть. **22** Кто есть лживый, точною отменяйся, яко Иисус несть Христос? Сей есть антихрист, отменяйся Отца и Сына. **23** Всяк отменяйся Сына, ни Отца имать: а исповедай Сына, и Отца имать. **24** Вы убо еже слышасте исперва, в вас да пребывает: (и) аще в вас пребудет, еже исперва слышасте, и вы в Сыне и Отце пребудете. **25** И сие есть обетование, еже Сам обеща нам, живот вечный. **(aiōnios g166)** **26** Сия писах вам о лстящих вас. **27** И вы еже помазание приясте от Него, в вас пребывает, и не требуете, да кто учит вы: но яко то само помазание учит вы о всем, и истинно есть, и несть ложно: и якоже научи вас, пребывайте в нем. **28** И ныне, чадца, пребывайте в Нем, да егда явится, имамы дерзновение и не посраммимся от Него в пришествии Его. **29** Аще весте, яко праведник есть, разумеите, яко всяк творяй правду от Него родися.

3 Видите, какову любовь дал есть Отец нам, да чада Божия наречемся, и будем. Сего ради мир не знает нас, зане не позна Его. **2** Возлюбленнии, ныне чада Божия есмь, и не у явися, что будем: вемы же, яко, егда явится, подобни Ему будем, ибо узрим Его, якоже есть. **3** И всяк имеяй надежду сию Нань, очищает себе, якоже Он чист есть. **4** Всяк творяй грех, и беззаконие творит: и грех есть беззаконие. **5** И весте, яко Он явися, да грехи наша возмет, и греха в Нем несть. **6** Всяк, иже в Нем пребывает, не согрешает: всяк согрешаяй не виде Его, ни позна Его. **7** Чадца, никтоже да льстит вас. Творяй правду праведник есть, якоже Он праведен есть. **8** Творяй грех от диавола есть, яко исперва диавол согрешает. Сего ради явися Сын Божий да разрушит дела диаволя. **9** Всяк рожденный от Бога греха не творит, яко семья Его в нем пребывает: и не может согрешати, яко от Бога рожден есть. **10** Сего ради явлена суть чада Божия и чада диаволя: всяк не творяй правды несть от Бога, и не любяй брата своего. **11** Яко се есть завещание, еже слышасте исперва, да любим друг друга, **12** не якоже Каин от лукаваго бе и закла брата своего. И за кую вину закла его? Яко дела его лукава беша, а брата его праведна. **13** Не чудитесь, братие моя, аще ненавидит вас мир. **14** Мы вемы, яко преидохом от смерти в живот, яко любим братию: не любяй бо брата пребывает в смерти. **15** Всяк ненавидяй брата своего человекоубийца есть: и весте, яко всяк человекоубийца не имать живота вечнаго в себе пребывающа. **(aiōnios g166)** **16** О сем познахом любовь, яко Он по нас душу Свою положи: и мы должны есмь по братии души полагати. **17** Иже убо имать богатство мира сего, и видит брата своего требующа, и затворит утробу свою от него, како любви Божия пребывает в нем? **18** Чадца моя, не любим словом ниже языком, но делом и истиною. **19** И о сем разумеем, яко от истины есмь, и пред Ним смиряем сердца наша: **20** зане аще зазирает нам сердце наше, яко болий есть Бог сердца нашего и

весть вся. 21 Возлюбленнии, аще сердце наше не зазрит нам, дерзновение имамы к Богу, 22 и егоже аще просим, приемлем от Него, яко заповеди Его соблюдаем и угодная пред Ним творим. 23 И сия есть заповедь Его, да веруем во имя Сына Его Иисуса Христа и любим друг друга, якоже дал есть заповедь нам. 24 И соблюдая заповеди Его в Нем пребывает, и Той в нем. И о сем разумеем, яко пребывает в нас, от духа, егоже дал есть нам.

4 Возлюбленнии, не всякому духу веруйте, но искушайте духи, аще от Бога суть: яко мнози лжепророцы изыдоша в мир. 2 О сем познавайте Духа Божия и духа лстча: всяк дух, иже исповедует Иисуса Христа во плоти пришедша, от Бога есть: 3 и всяк дух, иже не исповедует Иисуса Христа во плоти пришедша, от Бога несть: и сей есть антихристов, егоже слышасте, яко грядет, и ныне в мире есть уже. 4 Вы от Бога есте, чадца, и победисте тех: яко болий есть Иже в вас, нежели иже в мире. 5 Они от мира суть: сего ради от мира глаголют, и мир тех послушает. 6 Мы от Бога есмы: иже знает Бога, послушает нас, и иже несть от Бога, не послушает нас. О сем познаваем духа истины и духа лстча. 7 Возлюбленнии, возлюбим друг друга, яко любви от Бога есть, и всяк любяй от Бога рожден есть, и знает Бога: 8 а не любяй не позна Бога, яко Бог любви есть. 9 О сем явися любви Божия в нас, яко Сына Своего Единородного посла Бог в мир, да живи будем Им. 10 О сем есть любви, не яко мы возлюбихом Бога, но яко Той возлюбил нас, и посла Сына Своего очищение о гресех наших. 11 Возлюбленнии, аще сице возлюбил есть нас Бог, и мы должны есмы друг друга любити. 12 Бога никтоже нигдеже виде. Аще друг друга любим, Бог в нас пребывает, и любви Его совершенна есть в нас. 13 О сем разумеем, яко в Нем пребываем, и Той в нас, яко от Духа Своего дал есть нам. 14 И мы видехом и свидетелствуем, яко Отец посла Сына Спасителя миру. 15 Иже аще исповесть, яко Иисус есть Сын Божий, Бог в нем пребывает, и той в Бозе. 16 И мы познахом и веровахом любовь, юже имать Бог к нам. Бог любви есть, и пребывая в любви в Бозе пребывает, и Бог в нем пребывает. 17 О сем совершается любви с нами, да дерзновение имамы в день судный, зане, якоже Он есть, и мы есмы в мире сем. 18 Страха несть в любви, но совершенна любви вон изгоняет страх, яко страх муку имать: бояйся же не совершися в любви. 19 Мы любим Его, яко Той первее возлюбил есть нас. 20 Аще кто речет, яко люблю Бога, а брата своего ненавидит, ложь есть: ибо не любяй брата своего, егоже виде, Бога, Егоже не виде, како может любити? 21 И сию заповедь имамы от Него, да любяй Бога любит и брата своего.

5 Всяк веруай, яко Иисус есть Христос, от Бога рожден есть: и всяк любяй Рождшаго любит и Рожденнаго от Него. 2 О сем вемы, яко любим чада Божия, егда Бога любим и заповеди Его соблюдаем. 3 Сия бо есть любви Божия, да заповеди Его соблюдаем: и заповеди Его тяжки не суть. 4 Яко всяк рожденный от Бога побеждает мир: и сия есть победа, победившая мир, вера наша. 5 Кто есть побеждай мир, токмо веруай, яко Иисус есть Сын Божий? 6 Сей есть

пришедый водою и кровию и Духом, Иисус Христос, не водою точно, но водою и кровию: и Дух есть свидетелствуй, яко Дух есть истина. 7 Яко трие суть свидетелствующии на небеси, Отец, Слово и Святыи Дух: и Сии три едино суть. 8 И трие суть свидетелствующии на земли, дух и вода и кровь: и трие во едино суть. 9 Аще свидетелство человеческое приемлем, свидетелство Божие более есть: яко сие есть свидетелство Божие, еже свидетелствова о Сыне Своем. 10 Веруай в Сына Божия имать свидетелство в себе: не веруай Богови лжа сотворил есть Бог, яко не верова во свидетелство, еже свидетелствова Его о Сыне Своем. 11 И сие есть свидетелство, яко живот вечный дал есть нам Бог, и сей живот в Сыне Его есть. (αἰῶνιος г166) 12 Имей Сына Божия имать живот: а не имей Сына Божия живота не имать. 13 Сия писах вам верующым во имя Сына Божия, да весте, яко живот вечный имате, и да веруете во имя Сына Божия. (αἰῶνιος г166) 14 И сие есть дерзновение, еже имамы к Нему, яко аще чесо просим по воли Его, послушает нас: 15 и аще вемы, яко послушает нас, еже аще просим, вемы, яко имамы прошения, ихже просихом от Него. 16 Аще кто узрит брата своего согрешающа грех не к смерти, да просит, и даст ему живот, согрешающим не к смерти. Есть грех к смерти: не о том, глаголю, да молится. 17 Всяка неправда грех есть, и есть грех не к смерти. 18 Вемы, яко всяк рожденный от Бога не согрешает: но рожденный от Бога блюдет себе, и лукавый не прикасается ему. 19 Вемы, яко от Бога есмы, и мир весь во зле лежит. 20 Вемы же, яко Сын Божий прииде и дал есть нам (свет и) разум, да познаем Бога истиннаго и да будем во истиннем Сыне Его Иисусе Христе: Сей есть истинный Бог и живот вечный. (αἰῶνιος г166) 21 Чадца, храните себе от треб идолских. Аминь.

Второе послание

Иоанна

1 Старец избранней госпоже и чадом ея, ихже аз люблю воистинну, и не аз точию, но и вси разумевшии истину. **2** За истину пребывающую в нас, и с нами будет во веки. (αἰὼν ὁ αἰὼν) **3** Да будет с вами благодать, милость, мир от Бога Отца, и от Господа Иисуса Христа, Сына Отца, во истине и любви. **4** Возрадовахся зело, яко обретох от чад твоих ходящих во истине, якоже заповедь прияхом от Отца. **5** И ныне молю тя, госпоже, не яко заповедь пишу тебе нову, но юже имамы исперва, да любим друг друга. **6** И сия есть любви, да ходим по заповедем Его. Сия есть заповедь, якоже слышасте исперва, да в ней ходите: **7** зане мнози лестцы внидоша в мир, не исповедающе Иисуса Христа пришедша во плоти, сей есть льстец и антихрист. **8** Блюдите себе, да не погубите яже деласте добрая, но да мзду совершенну восприимете. **9** Всяк преступаяй и не пребываяй во учении Христове, Бога не имать: пребываяй же во учении Христове, сей и Отца и Сына имать. **10** Аще кто приходит к вам, и сего учения не приносит, не приемлите его в дом, и радоватися ему не глаголите. **11** Глаголяи бо ему радоватися, сообщается делом его злым. **12** Многа имех писати вам, и не восхотех хартиєю и чернилом, но надеюся приити к вам и усты ко устам глаголати, да радость ваша будет исполнена. **13** Целуют тя чада сестры твоя избранныя. Аминь.

Третье послание

Иоанна

1 Старец Гаиеви возлюбленному, егоже аз люблю воистинну. **2** Возлюбленне, во всех молюся (о тебе) благоспелитися тебе и здравствовати, якоже благоспелитя тебе душа. **3** Возрадовахся зело, пришедшым братиям и свидетельствующым твою истину, якоже ты во истине ходиши. **4** Болши сея не имам радости, да слышу моя чада во истине ходяща. **5** Возлюбленне, верно твориши, еже аще делаеши в братию и в странняя, **6** иже свидетельствоваша о твоей любви пред церковию. Ихже предпослав достойно Богу, добре твориши. **7** О имени бо Его изыдоша, ничтоже приемлюще от язык. **8** Мы убо должны есмы приимати таковых, да поспешницы будем истине. **9** Писах церкви: но первенствуюбец их Диотреф не приемлет нас. **10** Сего ради, аще прииду, воспомяну его дела, яже творит, словеса лукавыми укоряя нас: и недоволен бывая о сих, ни сам приемлет братию, и хотящим возбраняет, и от церкви изгонит. **11** Возлюбленне, не уподобляися злomu, но благому. Благоворяй от Бога есть: а зловоряй не виде Бога. **12** Димитриеви свидетельствовася от всех и от самыя истины: и мы же свидетельствуем, и весте, яко свидетельство наше истинно есть. **13** Многа имех писати, но не хошу чернилом и тростию писати тебе, **14** уповаю же абие видети тя и усты ко устом глаголати. Мир тебе. Целуют тя друзи: целуй други по имени. Аминь.

Послание Иуды

1 Иуда, Иисуса Христа раб, брат же Иакова, сущым о Бозе Отце освященным, Иисус Христом соблюденным званым: **2** милость вам и мир и любы да умножится. **3** Возлюбленнии, всяко тщание творя писати вам о общем спасении вашем, нужду возимех писати вам, моля подвизатися о преданней вере святым единою. **4** Привнидоша бо нецыи человецы, древле предуставленнии на сие осуждение, нечестивии, Бога нашего благодать прелагающи в скверну, и единого Владыки Бога и Господа нашего Иисуса Христа отметающися. **5** Воспомянути же вам хошу, ведущим и вам единою сие, яко Господь люди от земли Египетския спасе, последи неверовавшыя погуби: **6** аггелы же не соблюдшыя своего начальства, но оставльшыя свое жилище, на суд великаго дне узами вечными под мраком соблюде. (aīdios g126) **7** Якоже Содомы и Гоморры и окрестнии их грады, подобным им образом преблудивше и ходивше вслед плоти иныя, предлежат в показание, огня вечнаго суд подемыше, (aībñios g166) **8** такожде убо и сии, сония видяще, плоть убо сквернят, господства же отменяются, славы же хуляще (не трепещут). **9** Михаил же Архангел, егда со диаволом разсуждая глаголаше о Моисеево телеси, не смеяше суда навести хульна, но рече: да запретит тебе Господь. **10** Сии же, елика убо не ведят, хулят: елика же по естеству яко безсловесная животная ведят, в сих сквернятся. **11** Горе им. Яко в путь Каинов поидоша, и в лесь Валаамовы мзды устремишася, и в пререкании Корреове погибоша. **12** Сии суть в любвах ваших сквернители, с вами ядуще, без боязни себе пасуще: облацы безводни, от ветр преносими: дресеса есенна, бесплодна, дважды умерша, искоренена. **13** Волны свирепыя моря, воспевающа своя стыдения: звезды прелестныя, имже мрак тьмы во веки блюдется. (aībñ g165) **14** Пророчествова же и о сих седмый от Адама Енох, глаголя: се приидет Господь во тьмах святых Ангел Своих, **15** сотворити суд о всех и изблечити всех нечестивых о всех делех нечестия их, имиже нечестоваша, и о всех жестоких словесех их, яже глаголаша Нань грешницы нечестивии. **16** Сии суть ропотницы, укорители, (часть порочна,) в похотех своих ходяще нечестием и законопреступлением: и уста их глаголют прегордая: чудящеса лицам пользы ради. **17** Вы же, возлюбленнии, поминайте глаголы преждедеченныя от Апостол Господа нашего Иисуса Христа. **18** Зане глаголаху вам, яко в последнее время будут ругатели, по своим похотех ходяще и нечестиих. **19** Сии суть отделяюще себе (от единости веры, и суть) телесни, духа не имуще. **20** Вы же, возлюбленнии, стою вашею верою назидающе себе, Духом Святым молящеса, **21** сами себе в любви Божиеи соблюдайте, ждуще милости Господа нашего Иисуса Христа, в жизнь вечную. (aībñios g166) **22** И овех убо милуйте разсуждающе. **23** Овех же страхом спасайте, от огня восхищающе. Обличайте же с боязнию, ненавидяще и яже от плоти оскверненную ризу. **24** Могущему же сохранити вы без греха и без скверны и поставити пред славою Своею

непорочных в радости, **25** Единому Премудрому Богу и Спасу нашему, Иисусом Христом Господем нашим, слава и величие, держава и власть, прежде всего века, и ныне, и во вся века. Аминь. (aībñ g165)

Откровение ап. Иоанна Богослова

1 Апокалипсис Иисуса Христа, егоже даде Ему Бог, показати рабом Своим, имже подобает быти вскоре. И сказа, послав чрез Ангела Своего рабу Своему Иоанну, 2 иже свидетелствова слово Божие и свидетелство Иисус Христово, и елика виде. 3 Блажен чтый, и слышавши словеса пророчествия, и соблюдающии писаная в нем: время бо близ. 4 Иоанн седмим церквам, яже суть во Асии: благодать вам и мир от Сущаго, и Иже бе, и Грядущаго, и от седми духов, иже пред престолом Его суть, 5 и от Иисуса Христа, Иже есть свидетель верный, первенец из мертвых и князь царей земных: любящу ны и омывшу нас от грех наших Крвию Своею, 6 и сотворил есть нас цари и иереи Богу и Отцу Своему, Тому слава и держава во веки веков. Аминь. (аіѡн г165) 7 Се, грядет со облаки, и узрит Его всяко око и иже Его прободоша, и плачь сотворят о Нем вся колена земная. Ей, аминь. 8 Аз есмь Алфа и Омега, начаток и конец, глаголет Господь, сый, и Иже бе, и грядый, Вседержитель. 9 Аз Иоанн, иже и брат ваш и общник в печали и во царствии и в терпении Иисус Христове, бых во острове нарицаемем Патмос за слово Божие и за свидетелство Иисус Христово. 10 Бых в душе в день неделный, и слышах за собою глас велий яко трубы глаголющая: Аз есмь Алфа и Омега, Первый и Последний: 11 и: яже видиши, напиши в книгу, и послы церквам, яже суть во Асии: во Ефес и в Смирну, в Пергам и в Фиатир, и в Сардис и в Филадельфию и в Лаодикию. 12 И обратихся видети глас, иже глаголаше со мною: и обратився видех седмь светилник златых, 13 и посреде седми светилников подобна Сыну Человечу, облечена в подир и препоясана при сосцу поясом златым: 14 глава же Его и власи белы аки ярина белая, якоже снег: и очи Его яко пламень огнен: 15 и носе Его подобно халколивану, якоже в печи разжженне: и глас Его яко глас вод мног: 16 и держя в руце Своей десней седмь звезд: и из уст Его мечь обоюду остр изострен исходяй: и лице Его якоже солнце сияет в силе своей. 17 И егда видех Его, падох к ногам Его яко мертв. И положи десницу Свою на мне, глаголя ми: не бойся: Аз есмь Первый и Последний 18 и живый: и бых мертв, и се, жив есмь во веки веков, аминь: и имам ключи ада и смерти. (аіѡн г165, Hadēs г86) 19 Напиши убо, яже видел еси, и яже суть, и имже подобает быти по сем. 20 Таинство седми звезд, яже видел еси на деснице Моей, и седмь светилник златых: седмь звезд Ангели седми церквей суть: и седмь светилников, яже видел еси, седмь церквей суть.

2 Ангелу Ефесския церкви напиши: тако глаголет Держяй седмь звезд в деснице Своей, Ходяй посреде седми светилников златых: 2 вем твоя дела, и труд твой, и терпение твое, и яко не можеша носити злых, и искусил еси глаголющия быти апостолы, и не суть, и обрел еси их ложных: 3 и понесл еси, и терпение имаша, и за имя Мое трудился еси и не изнемогл еси. 4 Но имам на тя, яко любовь

твою первую оставил еси. 5 Помяни убо, откуда спал еси, и покаяйся, и первая дела сотвори: аще же ни, гряду тебе скоро и двину светилник твой от места своего, аще не покаешися. 6 Но се имаша, яко ненавидиши дел Николаитских, ихже и Аз ненавижду. 7 Имей ухо да слышит, что Дух глаголет церквам: побеждающему дам ясти от древа животнаго, еже есть посреде рая Божия. 8 И Ангелу церкви Смирнския напиши: тако глаголет Первый и Последний, Иже бысть мертв, и (се,) жив есть: 9 вем твоя дела и скорбь и нищету, но богат еси, и хулы глаголющих быти Иудей, и не суть, но сонмище сатанино. 10 Не бойся ничеосоже, яже имаша пострадати. Се, имать диавол всаждати от вас в темницы, да искуситеся: и имети будете скорбь до десяти дний. Буди верен даже до смерти, и дам ти венец живота. 11 Имей ухо слышати да слышит, что Дух глаголет церквам: побеждаяй не имать вредитися от смерти вторыя. 12 И Ангелу Пергамския церкви напиши: тако глаголет Имей меч обоюду изострен: 13 вем дела твоя, и где живеша, идеже престол сатанин: и держиши имя Мое, и не отверглся еси веры Моея и в (Моя) дни, в няже Антипас свидетель Мой верный, иже убиен бысть в вас, идеже живет сатана. 14 Но имам на тя мало, яко имаша ту держащих учение Валаамова, иже учаше Валака положити соблазн пред сынми Израилевыми, ясти жертвы идолския и любви творити. 15 Тако имаша и ты держащия учение Николаитско, егоже ненавижду. 16 Покаяйся: аще ли ни, прииду тебе скоро и брань сотворю с ними мечем уст Моих. 17 Имей ухо слышати да слышит, что Дух глаголет церквам: побеждающему дам ясти от манны сокровенная, и дам ему камень бел и на камени имя ново написано, егоже никтоже вест, токмо приемляй. 18 И Ангелу Фиатирския церкви напиши: тако глаголет Сын Божий, Имей очи свои яко пламень огнен, и нозе Его подобне халколивану: 19 вем твоя дела и любовь, и службу и веру, и терпение твое и дела твоя, и последняя болша первых. 20 Но имам на тя мало, яко оставляеши жене Иезавели, глаголющей себе быти пророчицу, учити и льстити Моя рабы, любодействовати и снести жертву идолскую. 21 И дах ей время, да покается от любодеяства своего, и не покайся. 22 Се, Аз полагаю на одре и любодеющыя с нею в скорбь велию, аще не покаются от дел своих: 23 и чада их умрут смертию: и уразумеют вся церкви, яко Аз есмь испытаяй сердца и утробы: и дам вам комуждо по делом вашим. 24 Вам же глаголю и прочым сущым в Фиатире, иже не имут учения сего и иже не уразумеют глубин сатаниных, якоже глаголют: не возложу на вы тяготы иныя: 25 токмо, еже имате, держите, дондеже прииду. 26 И побеждающему и соблюдающему дела Моя до конца, дам ему власть на языцех, 27 и упасет я жезлом железным, яко сосуды скудельничии сокрушатся, якоже и Аз приях от Отца Моего: 28 и дам ему звезду утреннюю. 29 Имей ухо слышати да слышит, что Дух глаголет церквам.

3 И Ангелу Сардийския церкви напиши: тако глаголет Имей седмь духов Божиих и седмь звезд: вем твоя дела, яко имя имаша яко жив, а мертв еси. 2 Буди бдя и утвержда прочая, имже умрети: не обретох бо дел твоих скончаных пред Богом (твоим). 3 Поминай убо, како приял

еси и слышал еси, и соблюдай и покаяйся. Аще убо не бдиши, прииду на тя яко тать, и не имаши почути, в кий час прииду на тя. 4 Но имаши мало имен и в Сардин, иже не оскверниша риз своих, и ходити имут со Мною в белых, яко достойни суть. 5 Побеждай, той облечется в ризы белыя, и не имам отмыти имене его от книг животных, и исповем имя его пред Отцем Моим и пред Ангелы Его. 6 Имей ухо да слышит, что Дух глаголет церквам. 7 И Ангелу Филадельфийския церкви напиши: тако глаголет Святыи Истинный, имеай ключ Давидов, отверзай, и никтоже затворит, затворяяй, и никтоже отверзет: 8 вем твоя дела: се, дах пред тобою двери отперсты, и никтоже может затворити их: яко малу имаши силу, и соблюл еси Мое слово, и не отверглся еси имене Моего. 9 Се, даю от сонмища сатанина глаголющияся быти Иудеи, и не суть, но лгут: се, сотворю их, да придут и поклонятся пред ногама твоима, и уразумеют, яко Аз возлюбих тя. 10 Яко соблюл еси слово терпения Моего, и Аз тя соблюду от години искушения, хотящия приити на всю вселенную искусити живуща на земли. 11 Се, гряди скоро: держи, еже имаши, да никтоже примет венца твоего. 12 Побеждающаго сотворю столпа в церкви Бога Моего, и боле не имать изыти ктому: и напишу на нем имя Бога Моего и имя града Бога Моего, новаго Иерусалима, сходящаго с небес от Бога Моего, и имя Мое новое. 13 Имей ухо да слышит, что Дух глаголет церквам. 14 И Ангелу Лаодикийския церкви напиши: тако глаголет Аминь, свидетель верный и истинный, начаток создания Божиия: 15 вем твоя дела, яко ни студен еси ни тепл: не да студен бы был ни тепл. 16 Тако, яко обуморен еси, и ни тепл ни студен, изблевати тя от уст Моих имам. 17 Зане глаголеши, яко богат есмь и обогатихся и ничтоже требую: и не веси, яко ты еси окаянен и беден, и нищ и слеп и наг. 18 Советую тебе купити от Мене злато разжжено огнем, да обогатишия, и одяние бело, да облечешися, и да не явится срамота наготы твоея: и коллурием помажи очи твои, да видиши. 19 Аз, иже аще люблю, обличаю и наказую. Ревнуй убо и покаяйся. 20 Се, стою при дверех и толку: аще кто услышит глас Мой и отверзет двери, вниду к нему и вечеряю с ним, и той со Мною. 21 Побеждающему дам сести со Мною на престоле Моем, якоже и Аз победих и сдохох со Отцем Моим на престоле Его. 22 Имей ухо да слышит, что Дух глаголет церквам.

4 По сих видех: и се, двери отперсты на небеси, и глас первый, егоже слышах яко трубу глаголющ со мною, глаголя: взиди семо, и покажу ти, емуже подобает быти по сих. 2 И абие бых в душе: и се, престол стояше на небеси, и на престоле Седящ: 3 и Седяй бе подобен видением камени иапису и сардинови: и (бе) дуга окрест престола подобна видением смарагдови. 4 И окрест престола престолы двадесять и четыре: и на престолех видех двадесять и четыре старцы седящия, облечены в белыя ризы, и имяху венцы златы на главах своих. 5 И от престола исхождаху молния и громи и гласи: и седмь свещников огненных горящих пред престолом, иже суть седмь духов Божиих: 6 и пред престолом море сткляно, подобно кристаллу: и посреде

престола и окрест престола четыре животна исполнена очес спреди и созади. 7 И животно первое подобно льву, и второе животно подобно телцу, и третье животно имущее лице яко человек, и четвертое животно подобно орлу летящу. 8 И животна четыре, едино коеждо их имеяху по шесть крил окрест, и внутрѹду исполнена очес: и покоя не имут день и ночь, глаголюще: свят, свят, свят Господь Бог Вседержитель, Иже бе и сый и грядый. 9 И егда даша животная славу и честь и благодарение Седящему на престоле, Живущему во веки веков, (аіѡñ ĝ165) 10 падоша двадесять и четыре старцы пред Седящим на престоле, и поклонишася Живущему во веки веков, и положиша венцы своя пред престолом, глаголюще: (аіѡñ ĝ165) 11 достоин еси, Господи, прияти славу и честь и силу, яко Ты еси создал всяческая, и волею Твоею суть, и сотворена.

5 И видех в деснице Седящаго на престоле книгу написану внутрѹду и внеуду, запечатану седмию печатію. 2 И видех Ангела крепка проповедающа гласом великим: кто есть достоин разгнути книгу и разрешити печати ея? 3 И никтоже можаше ни на небеси, ни на земли, ниже под землею, разгнути книгу, ниже зрети ю. 4 И аз плакахся много, яко ни един обретеша достоин разгнути и прочести книгу, ниже зрети ю. 5 И един от старец глагола ми: не плачися: се, победил есть лев, иже сый от колена Иудова, корень Давидов, разгнути книгу и разрешити седмь печатей ея. 6 И видех, и се, посреде престола и четырех животных и посреде старец Агнец стоящ яко заколен, имущь рогов седмь и очес седмь, еже есть седмь духов Божиих, посланных во всю землю. 7 И прииде и прият книгу от десницы Седящаго на престоле. 8 И егда прият книгу, четыре животна и двадесять и четыре старцы падоша пред Агнцем, имуще кийждо гусли и фиалы златы полны фимиама, иже суть молитвы святых: 9 и поют песнь нову, глаголюще: достоин еси прияти книгу и отверзти печати ея, яко заклался и испулил ея Богови нас Кровию Своею от всякаго колена и языка и людий и племен, 10 и сотворил еси нас Богови нашему цари и иереи: и воцаримся на земли. 11 И видех, и слышах глас Ангелов многих окрест престола и животных и старец, и бе число их тысяща тысящами, 12 глаголюще гласом великим: достоин есть Агнец заколенный прияти силу и богатство, и премудрость и крепость, и честь и славу и благословение. 13 И всяко создание, еже есть на небеси и на земли, и под землею и на мори яже суть, и сушая в них, вся слышах глаголющия: Седящему на престоле и Агнцу благословение и честь, и слава и держава во веки веков. (аіѡñ ĝ165) 14 И четыре животна глаголаху: аминь. И двадесять и четыре старцы падоша и поклонишася Живущему во веки веков.

6 И видех, егда отверзе Агнец едину от седми печатей, и слышах одинаго от четырех животных глаголюща якоже глас громный: гряди и виждь. 2 И видех, и се, конь бел, и седяй на нем имевше лук, и дан бысть ему венец: и изыде побеждай, и да победит. 3 И егда отверзе печать вторую, слышах второе животно глаголющее: гряди и виждь. 4 И изыде другой конь рыжь: и седящему на нем дано

бысть взяти мир от земли, и да убийот друг друга: и дан бысть ему меч великий. 5 И егда отверзе третью печать, слышах третье животное глаголющее: гряди и виждь. И видех, и се, конь ворон, и седяй на нем имеяше мерило в руке своей. 6 И слышах глас посреде четырех животных глаголющий: мера пшеницы за динарь и три меры ячменя за динарь: и ела и вина не вреди. 7 И егда отверзе четвертую печать, слышах глас четвертаго животна глаголющий: гряди и виждь. 8 И видех, и се, конь блед, и седяй на нем, имя ему смерть: и ад идяше вслед его: и дана бысть ему область на четвертей части земли убити оружием и гладом, и смертию и зверьми земными. (Hades g86) 9 И егда отверзе пятую печать, видех под олтарем души избивенных за слово Божие и за свидетелство, еже имеяху. 10 И возопиша гласом великим, глаголюще: доколе, Владыко Святой и Истинный, не судиши и не мстиши крове нашея от живущих на земли? 11 И даны быша коемуждо их ризы белы, и речено бысть им, да почиют еще время мало, дондеже скончаются и клеветети их и братия их, имущии избивени быти, якоже и тии. 12 И видех, егда отверзе шестую печать, и се, бысть трус великий, и солнце мрачно бысть яко вретиче власяно, и луна бысть яко кровь: 13 и звезды небесныя падоша на землю, якоже смоковница отмаеет пупы своя, от ветра велика подвижима: 14 и небо отлучися яко свиток свиваемо, и всяка гора и остров от мест своих двинушася: 15 и царие земстии и вельможи, и богатии и тысящницы и сильнии, и всяк раб и всяк свободь скрышася в пещерах и камении горстем, 16 и глаголаша горам и камению: падите на ны и покройте ны от лица Седящаго на престоле и от гнева Агнца: 17 яко прииде день великий гнева Его, и кто может стати?

7 И по сем видех четири Ангелы стоящыя на четырех углех земли, держащыя четири ветры земския, да не дышет ветер на землю, ни на море, ни на всяко древо. 2 И видех инаго Ангела восходяща от восхода солнца, имуща печать Бога живаго. И возопи гласом великим к четьрем Ангелом, имже дано бысть вредити землю и море, глаголя: 3 не вредите ни земли, ни моря, ни древес, дондеже запечатлеем рабы Бога нашего на челех их. 4 И слышах число запечатленных: сто четьредесять четири тысящи запечатленных от всякаго колена сынов Израилевых. 5 От колена Иудова дванадесять тысяч запечатленных: от колена Рувимова дванадесять тысяч запечатленных: от колена Гадова дванадесять тысяч запечатленных: 6 от колена Асирова дванадесять тысяч запечатленных: от колена Неффалимля дванадесять тысяч запечатленных: от колена Манассина дванадесять тысяч запечатленных: 7 от колена Симеонова дванадесять тысяч запечатленных: от колена Левиина дванадесять тысяч запечатленных: от колена Иссахарова дванадесять тысяч запечатленных: 8 от колена Завулоня дванадесять тысяч запечатленных: от колена Иосифова дванадесять тысяч запечатленных: от колена Вениаминова дванадесять тысяч запечатленных. 9 По сих видех, и се, народ мног, егоже изчести никтоже может, от всякаго языка и колена, и людий и племен, стояще

пред престолом и пред Агнцем, облечены в ризы белы, и финицы в руках их. 10 И возопиша гласом велиим, глаголюще: спасение седящему на престоле Богу нашему и Агнцу. 11 И вси Ангели стояху окрест престола и старец и четырех животных: и падоша на лица пред престолом и поклонишася Богу, 12 глаголюще: аминь: благословение и слава, и премудрость и хвала, и честь и сила и крепость Богу нашему во веки веков. Аминь. (aiōn g165) 13 И отвеща един от старец, глаголя ми: сии облеченнии в ризы белыя кто суть и откуда приидоша? 14 И рех ему: господи, ты веси. И рече ми: сии суть, иже приидоша от скорби великия, и испраша ризы своя, и убелиша ризы своя в Крови Агнца: 15 сего ради суть пред престолом Божиим и служат Ему день и ночь в церкви Его, и Седяй на престоле вселится в них: 16 не взалчут ктому, ниже вжаждут, не имать же пасти на них солнце, ниже всяк зной: 17 яко Агнец, Иже посреде престола, упасет я и наставит их на животныя источники вод, и отимет Бог всяку слезу от очию их.

8 И егда отверзе седмую печать, бысть безмолвие на небеси яко пол часа. 2 И видех седмь Ангелов, иже пред Богом стояху: и дано бысть им седмь труб. 3 И другой Ангел прииде и ста пред олтарем, имеяй кадилницу злату: и даны быша ему фимиами мнози, да даст молитвам святых всех на олтарь златый сущий пред престолом. 4 И изыде дым кадилный молитвами святых от руки Ангела пред Бога. 5 И взят Ангел кадилницу, и наполни ю от огня сущаго на олтари, и положи на земли: и быша гласи и громи и блистания и трус. 6 И седмь Ангел, иже имеяху седмь труб, уготовашася, да вострубят. 7 И первому Ангелу вострубившу, бысть град и огонь, смешены с кровию, и падоша на землю: и третия часть древа погоре, и всяка трава злачная погоре. 8 И второй Ангел воструби, и яко гора велика огнем жегома ввержена бысть в море: и бысть третия часть моря кровь, 9 и умре третия часть созданий сущих в море, имущих души, и третия часть кораблей погибе. 10 И третий ангел воструби, и паде с небесе звезда велика, горящия яко свеща, и паде на третию часть рек и на источники водныя: 11 и имя звезде глаголется апсинфос: и бысть третия часть вод яко пельнь, и мнози от человек умроша от вод, яко горьки беша. 12 И четвертый Ангел воструби, и уязвена бысть третия часть солнца и третия часть луны и третия часть звезд, да затмится третия часть их, и дне третия часть да не светит, и ночь такожде. 13 И видех и слышах единого Ангела паряща посреде небесе, глаголюща гласом великим: горе, горе, горе живущым на земли от прочих гласов трубных трех Ангел хотящих трубити.

9 И пятый Ангел воструби, и видех звезду с небесе спадшу на землю: и дан бысть ей ключ студенца бездны: (Abyssos g12) 2 и отверзе студенца бездны, и възиде дым от студенца яко дым пещи велики, и омерче солнце и воздух от дыма студеничнаго. (Abyssos g12) 3 И от дыма изыдоша пружи на землю, и дана бысть им область, якоже имут область скорпии земныя. 4 И речено бысть им, да не вредят травы земныя, ни всякаго злака, ни всякаго древа, но человеки

точию, иже не имут печати Божия на челех своих. 5 И дано бысть им, да не убьют их, но да муку примут пять месяцев: и мучение их яко мучение скорпиенево, егда усекнет человека. 6 И в тыя дни възыщут человецы смерти, и не обрящут ея: и вожделеют умрети, и убежит от них смерть. 7 И уподобления пругов подобна конем уготовленным на брань: и на главах их яко венцы уподоблены злату, и лица их яко лица человеческа: 8 и имеяху власы, яко власы женския, и зубы их, яко львов беша: 9 и имеяху броня, яко броня железны, и глас крил их, яко глас колесниц, егда кони мнози текут на брань: 10 и имеяху ошшибы подобны скорпиинным, и жала бяху во ошшибех их: и дана бе область им вредити человеки пять месяц. 11 И имели над собою царя аггела бездны, емуже имя еврейски Аваддон, а еллински Аполлион. (Abyssos g12) 12 Горе едино отиде: се, грядут еще два горя по сих. 13 И шестый Ангел воструби, и слышах глас един от четырех рогов олтаря златого сущаго пред Богом, 14 глаголющий шестому Ангелу имеую трубу: разреши четири Ангелы связаны при реце велицей Евфрат. 15 И разрешени быша четири Ангелы уготованы на час и день, и месяц и лето, да избьют третью часть человек. 16 И число воиннов конных две тме тем: и слышах число их. 17 И тако видех в видении кони, и седящыя на них имущыя броня огненны и иакинфовы и жупелны: и главы конем (их) яко главы львом, и из уст их исхождаше огонь и дым и жупел. 18 И от триех язв сих погибе третья часть человек, от огня и от дыма и от жупела, исходящих из уст их: 19 область бо коней во устех их бе, и ошшибы их подобны змием, имуще главы и теми пакости деюще. 20 И прочии от человек, иже не вреждени быша язвами сими, ниже покашася от дел рук своих, да не поклонятся демоном, ни идолом златым и серебряным, и медяным и каменным и деревяным, иже ни видети могут, ни слышати, ни ходити: 21 и не покашася от убийств своих, ни от волхвований своих, ниже от блуда своего, ниже от татьб своих.

10 И видех инаго Ангела крепка сходяща с небесе, облечена во облак, и дуга над главою (его), и лице его яко солнце, и ноze его яко столпы огнени, 2 и имеяше в руке своей книгу разгигбену: и постави ногу свою десную на мори, а шуюю на земли, 3 и возопи гласом великим, яко лев рыкая: и егда возгласи, глаголаша семь громов гласы своя. 4 И егда возгласиша семь громов гласы своя, хотех писати: и слышах глас с небесе глаголющ ми: запечатлей, яже глаголаша семь громов, и сего не пиши. 5 И Ангел, егоже видех стояща на мори и на земли, възвдиге руку свою на небо 6 и клятсЯ Живущим во веки веков, Иже созда небо и яже на нем, и землю и яже на ней, и море и яже в нем, яко лета уже не будет: (aiōn g165) 7 но во дни гласа седмаго Ангела, егда имать вострубити, тогда скончается тайна Божия, якоже благовести Своими рабы пророки. 8 И глас его слышах с небесе паки глаголющ со мною, и глагола: иди и прими книжицу разгнутую в руке Ангела стоящаго на мори и на земли. 9 И идох ко Ангелу, глаголя ему: даждь ми книжицу. И рече ми: приими и снеждь ю: и

горька будет во чреве твоём, но во устех ти сладка будет яко мед. 10 И приях книгу от руки Ангела и снедох ю: и бе во устех моих яко мед сладка: и егда снедох ю, горька бяше во чреве моем. 11 И рече ми: подобает ти паки пророчествовати в людех и во племенех, и во языцех и в царех мнозех.

11 И дана ми бысть трость подобна жезлу, глаголя: востани и измери церковь Божию и олтарь, и кланяющыся в ней: 2 а двор сущий внутри церкви изнеси внеуду, ниже измери его, зане дан бысть языком: и град святыи поперут чetyредесять и два месяцы. 3 И дам обема свидетелема Моима, и прорицати будут дний тысящу двесте и шестьдесят, облечена во вретиче. 4 Сии суть две маслицы и два свещника пред Богом земли стояща. 5 И иже им неправду сотворит, огонь исходит из уст их и пояст враги их: и иже восхощет обидети их, сему подобает убиену быти. 6 И сии имут область затворити небо, да не снидет дождь (на землю) во дни прорицания их, и область имут на водах, обращащи я в кровь и поразити землю всякою язвою, елижды аще восхощут. 7 И егда скончают свидетелство свое, зверь, иже исходит от бездны, сотворит с ними брань и победит их и убьет я, (Abyssos g12) 8 и трупы их оставит на стогнах града великаго, иже нарицается духовне Содом и Египет, идеже и Господь наш распят бысть. 9 И зрети имут от людей и племен, и от язык и колен, телеса их дни три и пол, и трупы их не осыят положить во гробех. 10 И живущии на земли возрадуются и возвеселятся о них, и дары послют друг ко другу, яко оба сия пророка мучиста живущыя на земли. 11 И по триех днех и пол, дух животен внидет в ня от Бога, и станут (оба) на ногах своих: и страх велии нападет на зрящих их. 12 И услышат глас велии с небесе, глаголющ им: възыдита семо. И възыдоста на небо на облацех, и видеша их врази их. 13 И в час той трус бысть велии, и десятая часть града паде, и погибе трусом имен человеческих семь тысящ: и прочии пристрашни быша и даша славу Богу небесному. 14 Горе второе отиде: се, горе третье грядет скоро. 15 И седмый Ангел воструби, и быша гласи велицы на небесех, глаголюще: бысть царство мира Господа нашего и Христа Его, и воцарится во веки веков. (aiōn g165) 16 И двадесять и четири старцы, пред Богом седящи на престолех своих, падоша на лица своя и поклонишася Богу, 17 глаголюще: хвалим Тя, Господи Боже Вседержителю, Иже сый и бе и грядый, яко приял еси силу Твою великую и воцарился еси: 18 и языцы прогневашася: и прииде гнев Твой, и время мертвым суд прияти, и дати мзду рабом Твоим пророком и святым и боящымся имене Твоего, малым и великим, и растлити посмраждшыя землю. 19 И отверзеся храм Божий на небеси, и явися кивот завета Его в храме Его: и быша блистания и гласи, и громи и трус, и град велик.

12 И знамение велие явися на небеси: жена облечена в солнце, и луна под ногама ея, и на главе ея венец от звезд двоюнадесяте: 2 и во чреве имущи, вопиет болящи и страждущи родити. 3 И явися ино знамение на небеси: и се, змий велик чермен, имея глав семь и рогов десять, и

на главах его семь венец: 4 и хобот его отторже третью часть звезд небесных и положи я в землю. И змий стояше пред женою хотяющею родити, да, егда родит, съест чадо ея. 5 И роди сына мужеска, иже имать упасти вся языки железом железным: и восхищено бысть чадо ея к Богу и престолу Его. 6 А жена бежа в пустыню, идеже име место уготовано от Бога, да тамо питается дний тысящу двести шестьдесят. 7 И бысть брань на небеси: Михаил и Ангели его брань сотвориша со змием, и змий брася и аггели его, 8 и не возмогоша, и места не обретесе им ктому на небеси. 9 И вложен бысть змий великий, змий древний, нарицаемый диавол и сатана, льстий вселенную всю, и вложен бысть на землю, и аггели его с ним низвержени быша. 10 И слышаш глас великий на небеси, глаголющ: ныне бысть спасение и сила и царство Бога нашего и область Христа Его, яко низложен бысть клеветник братии нашей, оклеветая их пред Богом нашим день и ночь. 11 И тии победиша его кровию Аггнечю и словом свидетелства своего, и не возлюбиха душ своих даже до смерти. 12 Сего ради веселитесь, небеса и живущии на них. Горе живущим на земли и мори, яко сниде диавол к вам, имея ярость великую, ведый, яко время мало имать. 13 И егда виде змий, яко низложен бысть на землю, гоняше жену, яже роди мужеска. 14 И дана быша жене два крила орла великаго, да парит в пустыню в место свое, идеже препитана баше ту время и времен и пол времени, от лица змиина. 15 И испусти змий за женою из уст своих воду яко реку, да ю в реце потопит. 16 И поможе земля жене, и отверзе земля уста своя, и покре реку, юже изведе змий от уст своих. 17 И разгнеवासя змий на жену и иде сотворити брань со оставшим семенем ея, иже соблюдают заповеди Божия и имеют свидетельство Иисус Христово.

13 И стах на песце морстем: и видех из моря зверя исходяща, имуща глав семь и рогов десять, и на розех его венец десять, а на главах его имена хулна. 2 Зверь, егоже видех, бе подобен рыси, и ноze ему яко медведи, и уста его яко уста львова: и даде ему змий силу свою и престол свой и область великую. 3 И видех едина от глав его яко заколену в смерть, и язва смерти его изцеле. И чудися вся земля вслед зверя, и поклонихася змию, иже даде область зверю, 4 и поклонихася зверю, глаголюще: кто подобен зверю и кто может ратоватися с ним? 5 И дана быша ему уста глаголюща велика и хулна, и дана бысть ему область творити месяц четыредесять два. 6 И отверзе уста своя в хуление к Богу, хулити имя Его и селение Его и живущыя на небеси. 7 И дано бысть ему брань творити со святыми и победити я: и дана бысть ему область на всяцем колене (людий) и на языцех и племенех. 8 И поклонятся ему вси живущии на земли, имже не написана суть имена в книгах животных Агнца заколеннаго от сложения мира. 9 Аще кто имать ухо, да слышит. 10 Иже аще в пленение ведет, в пленение пойдет: аще кто оружием убьет, подобает ему оружием убиену зверя. Зде есть терпение и вера святых. 11 И видех инаго зверя восходящаго от земли, и имевше рога два, подобна аггнчим, и глаголаше

яко змий. 12 И власть первого зверя всю творяше пред ним: и творяше землю и вся живущыя на ней поклонитися первому зверю, емуже изцелена бысть язва смертная: 13 и сотвори чудеса велика, да и огонь сотворит сходити с небесе на землю пред человеки. 14 И льстит живущыя на земли, ради знамений, яже дана быша ему пред зверем творити, глаголя живущим на земли, сотворити образ зверю, иже имать язву оружную и жив бысть. 15 И дано бысть ему дати дух образу зверину, да проглаголет икона зверина и сотворит, да иже аще не поклонится образу звериному, убиени будут. 16 И сотворит вся малыя и великия, богатыя и убогия, свободныя и работныя, да даст им начертание на десней руке их или на челех их, 17 да никтоже возможет ни купити, ни продати, токмо кто имать начертание, или имя зверя, или число имене его. 18 Зде мудрость есть. Иже имать ум, да почтет число зверино: число бо человеческо есть, и число его шесть сот шестьдесят шесть.

14 И видех, и се, Агнец стояше на горе Сионстей, и с ним сто и четыредесять и четыре тысячи, имуще имя Отца Его написано на челех своих. 2 И слышаш глас с небесе, яко глас вод многих и яко глас грома велика: и глас слышаш гудец гудущих в гусли своя 3 и поющих яко песнь нову пред престолом и пред четыри животными и старцы: и никтоже можаше навькнути песни, токмо сии сто и четыредесять и четыре тысячи искуплены от земли. 4 Сии суть, иже с женами не осквернишася, зане двественницы суть: сии последуют Агнцу, аможе аще пойдет. Сии суть куплены от людий первенцы Богу и Агнцу, 5 и во устех их не обретесе лесь: без порока бо суть пред престолом Божиим. 6 И видех инаго Ангела паряща посреде небесе, имущаго Евангелие вечно благовестити живущим на земли и всякому племени и языку, и колону и людем, (αἰῶνιος г166) 7 глаголюща гласом великим: убойтесе Бога и дадите Ему славу, яко прииде час суда Его, и поклонитесе Сотворшему небо и землю, и море и источники водныя. 8 И ин Ангел вслед иде, глаголя: паде, паде Вавилон град великий, зане от вина ярости любодееяния своего напои вся языки. 9 И третий Ангел вслед его иде, глаголя гласом великим: иже аще кто поклоняется зверю и иконе его и приемлет начертание на челе своем или на руке своей, 10 и той имать пити от вина ярости Божия, вина неразтворена в чаши гнева Его, и будет мучен огнем и жупелом пред Ангелы святыми и пред Аггцем: 11 и дым мучения их во веки веков восходит, и не имут покоя день и ночь поклоняющися зверю и образу его и приемлющии начертание имене его. (αἰῶν г165) 12 Зде есть терпение святых, иже соблюдают заповеди Божия и веру Иисусову. 13 И слышаш глас с небесе, глаголющ ми: напиши: блажени мертвии, умирающии о Господе отныне. Ей, глаголет Дух, да почьют от трудов своих: дела бо их ходят вслед с ними. 14 И видех, и се, облак светел, и на облаце седяй подобен Сыну Человеческому, имея на главе своей венец злат, и в руке его серп остр. 15 И ин Ангел изыде из храма, вопия велиим гласом седящему на облаце: послѣ серп твой и жни, яко прииде час пожати, зане исше

трава земная. 16 И положи седяй на облаце серп свой на землю, и пожата бысть земля. 17 И ин Ангел изыде из церкве сущия на небеси, имый и той серп остр. 18 И ин Ангел изыде от олтаря, имый область на огни, и возопи кличем великим ко имущему серп острый, глаголя: послы серп твой острый и объеми грозды винограда земнаго, яко созреша уже гроздие ея. 19 И положи Ангел серп свой на земли, и обере виноград земский и вложи в точило великия ярости Божия. 20 И испрано бысть точило вне града, и изыде кровь от точила даже до узд конских, от стадий тысяща и шесть сот.

15 И видех ино знамение на небеси велие и чудно, седмь Ангел имущих седмь язв последних, зане в тех скончается ярость Божия. 2 И видех яко море сткляно смешено со огнем, и победившыя зверя и образ его, и начертание его и число имене его, стоящия на мори стклянem, имущья гусли Божия: 3 и пояху песнь Моисеа раба Божия и песнь Агнчу, глаголюще: велия и дивна дела Твоя, Господи Боже Вседержителю: праведни и истинни путие Твои, Царю святых: 4 кто не убоится Тебе, Господи, и прославит имя Твое? Яко един преподобен еси, яко вси языцы приидут и поклонятся пред Тобою: яко оправдания Твоя явишася. 5 И по сих видех, и се, отверзеса храм скинии свидения на небеси: 6 и изыдоша седмь Ангел из храма, иже имяху седмь язв, облечена в ризы льняны чисты и светлы, и преподобны на персех поясы златыми. 7 И едино от четырех животных даде седмим Ангелом седмь фиал златых, исполненных ярости Бога живущаго во веки веков. (aiōn g165) 8 И наполнися храм дыма от славы Божия и от силы Его, и никтоже можаше внити во храм, дондеже скончаются седмь язв седмим Ангел.

16 И слышаш глас велий от храма глаголющ седмим Ангелом: идите и излийте седмь фиал ярости Божия на землю. 2 И иде первый Ангел и излиа фиал свой на землю: и бысть гной зол и лют на человецех имущих начертание зверино и кланяющихся иконе его. 3 И второй Ангел излиа фиал свой в море: и бысть кровь яко мертвеца, и всяка душа жива умре в мори. 4 И третий Ангел излиа фиал свой на реки и на источники водныя: и бысть кровь. 5 И слышаш Ангела воднаго глаголюща: праведен еси, Господи, сый и Иже бе, и преподобн, яко сия судил еси: 6 зане кровь святых и пророк излиаша, и кровь им дал еси пити: достойни бо суть. 7 И слышаш другаго от олтаря глаголюща: ей, Господи Боже Вседержителю, истинни и прави суди Твои. 8 И четвертый Ангел излиа фиал свой на солнце: и дано бысть ему опаляти человеки огнем. 9 И опалишася человецы зноем великим, и хулиша имя Божие, иже имат область на язвах сих, и не покаяшася дати Ему славы. 10 И пятый Ангел излиа фиал свой на престол зверин: и бысть царство его омрачено, и жваху языки своя от болезни, 11 и хулиша Бога небеснаго от болезни и от язв своих, и не покаяшася от дел своих. 12 И шестый Ангел излиа фиал свой на реку велику Евфрат: и изсяче вода ея, да уготовится путь царем сущым от восток солнечных. 13 И видех из уст змия и из уст зверя и из уст лжаго пророка духи три

нечистыя, яко жабы исходящья: 14 суть бо души демонстии творяще знамения, иже исходят к царем всея вселенныя, собрати я на брань в день той великий Бога Вседержителя. 15 Се, гряду яко тать: блажен бдяй и блюдый ризы своя, да не наг ходит и узрят срамоту его. 16 И собра их на место нарицаемое еврейски Армагеддон. 17 И седмый Ангел излиа фиал свой на воздух: и изыде глас велий от храма небесе от престола, глаголя: бысть. 18 И быша блистания и громи и гласи, и бысть трус велик, яков николиже бысть, отнележе быша человецы на земли, толик трус, тако велий. 19 И бысть град велик в три части, и гради язычстии падоша, и Вавилон великий помяновен бысть пред Богом, дати ему чашу вина ярости гнева Своего. 20 И всяк остров бежа, и горы не обретошася: 21 и град велик, яко талантес, сниде с небесе на человеки: и хулиша человецы Бога от язвы градныя, яко велия есть язва его зело.

17 И прииде един от седми Ангел имущих седмь фиал, и глагола со мною, глаголя ми: прииди, да покажу ти суд любодейцы великия, седящия на водах многих: 2 с неюже любодеша царие земстии, и упишася живущии на земли от вина любодения ея. 3 И веде мя в пусто место духом: и видех жену седящу на звери червлене, исполненем имен хулных, иже имяше глав седмь и рогов десять. 4 И жена бе облечена в порфиру и червленицу, и позлащена златом и каменнем драгим и бисером, имущи чашу злату в руке своей полну мерзости и скверн любодения ея: 5 и на челе ея написано имя: тайна, Вавилон великий, мати любодейцам и мерзостем земским. 6 И видех жену пьяну кровью святых и кровью свидетелей Иисусовых, и дивихся, видев ю, дивом великим. 7 И рече ми Ангел: что дивишися? Аз ти реку тайну жены (сея) и зверя носящаго ю, седмь глав имуща и рогов десять. 8 Зверь, егоже видел еси, бе, и несть, и иматъ възгы от бездны, и в пагубу пойдет: и удивятся живущии на земли, имже имена не написана суть в книгу животную от сложения мира, видяще, яко зверь бе, и несть, и преста. (Abyssos g12) 9 Зде ум, иже иматъ мудрость. Седмь глав горы суть седмь, идеже жена седит на них, 10 и царие седмь суть: пять их пало, и един есть, (а) другой еще не прииде: и егда приидет, мало ему есть пребыти. 11 И зверь, иже бе и несть, и той осмый есть, и от седмих есть, и в пагубу идет. 12 И десять рогов, яже видел еси, десять царей суть, иже царства еще не прияха, но область яко царие на един час примут со зверем. 13 Сии едину волю имут, и силу и область свою зверю дадут: 14 сии со Агнцем брань сотворят, и Агнец победит я, яко Господь господем есть и Царь царем: и сущии с Ним званнии и избраннии и верни. 15 И глагола ми: воды, яже еси видел, идеже любодейца седит, людие и народи суть, и племена и языцы. 16 И десять рогов, яже видел еси на звери, сии любодейцу возненавидят, и запустевшу сотворят ю и нагу, и плоть ея снесят, и сожгут ю огнем: 17 Бог бо дал есть в сердца их, сотворити волю Его, и сотворити едину волю, и дати царство свое зверю, дондеже скончаются глаголголы Божии. 18 И жена, юже видел еси, град есть великий, иже иматъ царство над цари земными.

18 И по сих видех ина Ангела сходяща с небесе, имуща область велию: и земля просветится от славы его. 2 И возопи в крепости, гласом велиим глаголя: паде, паде Вавилон великий, и бысть жилище бесом и хранитель всякому духу нечисту, и хранилище всех птиц нечистых и ненавидимых: яко от вина ярости любодения своего напои вся языки, 3 и царие земстии с нею любви деяша, и купцы земстии от силы пищи ея разбогатеша. 4 И слышах глас ин с небесе, глаголюще: изыдите из нея, людие Мои, да не причаститесь грехом ея и от язв ея да не вредитесь: 5 яко прилепишася греси ея даже до небесе, и помяну Бог неправды ея. 6 Воздадите ей, яко и та воздаде вам, и усугубите ей сугубо по делом ея: чашею, еуже черпа (вам), черплите ей сугубо. 7 Елико прославися и разсвирепе, толико дадите ей мук и рыданий: яко в сердцы своем глаголет, (яко) сежу царицею, и вдова несмы, и рыдания не имам видети. 8 Сего ради во един день придут язвы ей, смерть и плачь и глад, и огнем сожжена будет, яко крепок Господь Бог судяй ей. 9 И возрыдают и восплачутся ея царие земстии, любви деявши с нею и разсвирепевшии, егда узрят дым запаления ея, 10 издалеча стояще за страх мук ея, глаголюще: горе, горе, град великий Вавилон, град крепкий, яко во един час прииде суд твой. 11 И купцы земстии возрыдают и восплачутся о нем, яко бремени их никтоже купует ктому, 12 бремени злата и сребра, и камня драгаго и бисера, и висса и порфиры, и шелка и червени, и всякаго древа финна, и всякаго сосуда из кости слоновыя, и всякаго сосуда от древа честнаго, и медяна и железна и мраморна, 13 и корицы и фимиама, и мира и ливана, и вина и елеа, и семидала и пшеницы, и скота и овец, и коней и колесниц, и телес и душ человеческих. 14 И овощи похотей души твоя отидоша от тебе, и вся тучная и светлая отидоша от тебе, и ктому не имаши обрести их. 15 Купцы сими обогащешся от нея, издалеча станут за страх мучения ея, рыдающе и плачущеся, 16 и глаголюще: горе, горе, град великий, облеченный виссом и порфирию и червленицею, и позлащенный златом и камением драгим и бисером 17 яко во един час погиге толико богатство. И всяк кормчий, и всяк плавающий в кораблях, и всяк елик в море делаяй, издалеча сташа, 18 и вопияху, видяще дым раждения его, глаголюще: кий подобен граду великому? 19 И положиша персть на главах своих, и возопиша плачущеся и рыдающе, глаголюще: горе, горе, град великий, в немже обогатишася вси имущии корабли в мори, от чести его: яко едином часом запусте. 20 Веселися о сем, небо, и святии Апостоли и пророцы, яко суди Бог суд ваш от него. 21 И взят един Ангел крепок камень велик яко жернов и верже в море, глаголя: тако стремлением ввержен будет Вавилон град великий, и не имать обрестися ктому: 22 и глас гудец и мусикий, и пискателей и труб не имать слышатися ктому в тебе: и всяк хитрец всякия хитрости не обрящется ктому в тебе, и шум жерновный не будет слышан в тебе: 23 и свет светилника не имать светити в тебе ктому, и глас жениха и невесты не имать слышан быти в тебе ктому: яко купцы твои беша вельможи земстии, яко волхвовании твоими прельщени

быша вси языцы. 24 И в нем кровь пророческа и святых обретесе и всех избивенных на земли.

19 И по сих слышах глас велий народа многа на небеси, глаголющаго: аллилуиа: спасение и слава, и честь и сила Господу нашему, 2 яко истинни и прави суди Его: яко судил есть любодейцу велику, яже посмради землю любодением своим, и отмыл кровь рабов Своих от руки ея. 3 И второе реша: аллилуиа. И дым ея восхождаше во веки веков. (aiōn g165) 4 И падоша двадцать и четыре старцы и четыре животна и поклонишася Богови седящему на престоле, глаголюще: аминь, аллилуиа. 5 И глас изыде от престола глаголюще: пойте Богу нашему, вси раби Его и боящися Его, и малии и велиции. 6 И слышах яко глас народа многа, и яко глас вод многих, и яко глас громов крепких, глаголющих: аллилуиа, яко воцарися Господь Бог Вседержитель: 7 радуиися и веселимся, и дадим славу Ему: яко прииде брак Агнчий, и жена Его готовила есть себе. 8 И дано бысть ей облещися в виссон чист и светел: виссон бо оправдания святых есть. 9 И глагола ми: напиши: блажени званием на вечерю брака Агнца. И глагола ми: сия словеса истинна Божия суть. 10 И пад пред ногама его, поклонихся ему: и глагола ми: виждь, ни: клевет ти есмь и братий твоих имущих свидетельство Иисусово: Богу поклонися: свидетельство бо Иисусово есть дух пророчества. 11 И видех небо отверсто, и се, конь бел, и седяй на нем Верн и Истинен, и Правосудный и Воинственный: 12 очи же Ему (еста) яко пламень огнен, и на главе Его венцы мнози: имый имя написано, еже никтоже весть, токмо Он Сам: 13 и облечен в ризу червлену кровию. И нарицается имя Его Слово Божие. 14 И воинства небесная идяху вслед Его на конех белых, облечени в виссон бел и чист. 15 И из уст Его изыде оружие остро, да тем избьет языки: и Той упасет я желом железным, и Той перет точило вина ярости и гнева Божия Вседержителя. 16 И имать на ризе и на стегне Своем имя написано: Царь царем и Господь господем. 17 И видех единого Ангела стояща на солнце: и возопи гласом велиим, глаголя всем птицам парящим посреде небесе: приидите и соберитесь на вечерю великую Божию, 18 да снесите плоти царей и плоти крепких и плоти тысящников, и плоти коней и седящих на них, и плоти всех свободных и рабов, и малых и великих. 19 И видех зверя и цари земныя и вои их собраны сотворити брань с Седящим на кони и с воинствы Его. 20 И ят бысть зверь и с ним лживый пророк, сотворивый знамения пред ним, имиже прельсти приемшья начертание зверино и поклоняющьяся иконе его: жива ввержена быста оба в езеро огненное горящее жупелом: (Limnē Pyr g3041 g4442) 21 а прочии убиени быша оружием Седящаго на кони, изшедшим из уст Его: и вся птицы насытишася от плотей их.

20 И видех Ангела сходяща с небесе, имеюща ключь бездны и уже велико в руце своей: (Abyssos g12) 2 и ят змия, змия древняго, иже есть диавол и сатана, и связа и на тысящу лет, 3 и в бездну затвори его, и заключи его, и запечатле над ним, да не прельстит ктому языки,


дондеже скончается тысяща лет: и по сих подобает ему отрешену быти на мало время. (Abyssos g12) 4 И видех престолы и седящия на них, и суд дан бысть им: и души растесанных за свидетелство Иисусово и за слово Божие, иже не поклонилася зверю, ни иконе его, и не прияша начертания на челех своих и на руже своей. И ожиша и воцаришася со Христом тысящу лет: 5 прочии же мертвецы не ожиша, дондеже скончается тысяща лет. Се воскресение первое. 6 Блажен и свят, иже имат часть в воскресении первом: на нихже смерть вторая не имат области, но будут иереи Богу и Христу и воцарятя с Ним тысящу лет. 7 И егда скончается тысяща лет, разрешен будет сатана от темницы своя и изыдет прельстити языки сущия на четырех углех земли, Гога и Магога, собрати их на брань, ихже число яко песок морской. 8 И въздоша на широту земли и обыдоша святых стан и град возлюбленный. 9 И сниде огнь от Бога с небесе и пояде я: 10 и диавол льстий их ввержен будет в езеро огненно и жупелно, идеже зверь и лживый пророк: и мучени будут день и ночь во веки веков. (aiōn g165, Limnē Pyr g3041 g4442) 11 И видех престол велик бел и Седящего на нем, Егоже от лица бежа небо и земля, и место не обретеся им. 12 И видех мертвецы малья и великия стояция пред Богом, и книги разгнушася: и ина книга отверзеся, яже есть животная: и суд прияша мертвецы от написанных в книгах, по делом их. 13 И даде море мертвецы своя, и смерть и ад даста своя мертвецы: и суд прияша по делом своим. (Hadēs g86) 14 и смерть и ад ввержена быста в езеро огненное. И се есть вторая смерть. (Hadēs g86, Limnē Pyr g3041 g4442) 15 И иже не обретеся в книге животней написан, ввержен будет в езеро огненное. (Limnē Pyr g3041 g4442)

21 И видех небо ново и землю нову: первое бо небо и земля первая преидоста, и моря несть ктому. 2 И аз Иоанн видех град святой, Иерусалим нов сходящъ от Бога с небесе, приготован яко невесту украшену мужу своему. 3 И слышах глас велик с небесе, глаголющъ: се, скиния Божия с человеки, и вселится с ними: и тии людие Его будут, и Сам Бог будет с ними Бог их: 4 и отимет Бог всяку слезу от очию их, и смерти не будет ктому: ни плача, ни вопля, ни болезни не будет ктому, яко первая мимоидоша. 5 И рече Седяй на престоле: се, нова вся творю. И глагола ми: напиши, яко сия словеса истинна и верна суть. 6 И рече ми: совершишася. Аз есмь Алфа и Омега, начаток и конец: аз жаждущему дам от источника воды животная туне. 7 Победжай наследит вся, и буду ему Бог, и той будет Мне в сына. 8 Страшливым же и неверным, и скверным и убийцам, и блуд творящим и чары творящим, идоложерцем и всем лживым, часть им в езере горящем огнем и жупелом, еже есть смерть вторая. (Limnē Pyr g3041 g4442) 9 И прииде ко мне един от седми Ангел, имущих семь фиал исполненных седмих язв последних, и рече ко мне, глаголя: гряди, покажу ти невесту Агнчу жену. 10 И веде мя духом на гору велику и високу и показа ми град великий, святой Иерусалим низходящъ с небесе от Бога, 11 имущъ славу Божию: и светило его подобно камени драгому, яко камени иаспису

кристаловидну: 12 имущъ стену велику и високу, имущъ врат дванадесять, и на вратех Ангелов дванадесять и имена написана, яже суть имена дванадесятим коленом сынов Израилевых: 13 от востока врата троя и от севера врата троя, от юга врата троя и от запада врата троя. 14 И стена града имевше оснований дванадесять, и на них имен дванадесять Апостолов Агнчих. 15 И глаголяй со мною имевше трость злату, да измерит град и врата его и стены его. 16 И град на четыре углы стоит, и долгота его толика есть, елика же и широта. И измери град тростию на стадий дванадесять тысящ: долгота и широта и высота его равна суть. 17 И измери стену его во сто и сорок и четыре лакти, в меру человеческу, яже есть Ангела. 18 И бе создание стены его иаспис: и град злато чисто, подобен стклу чисту. 19 И основания стены града всяким драгим камением украшена бяху: основание первое иаспис, второе сапфир, третье халкидон, четвертое смарагд, 20 пятое сардоникс, шестое сардий, седмое хрисолиф, осмое вирилл, девятое топазий, десятое хрисопрас, первоенадесять иакинф, второенадесять амефист. 21 И дванадесять врат дванадесять бисеров: едина каждо врата беша от единого бисера. И стогны града злато чисто, яко сткло пресветло. 22 И храма не видех в нем: Господь бо Бог Вседержитель храм ему есть, и Агнец. 23 И град не требуя солнца и луны, да светят в нем, слава бо Божия просвети его, и светильник его Агнец. 24 И языцы спасени во свете его пойдут, и царие земстии принесут славу и честь свою в него. 25 И врата его не имут затворитися во дни: нощи бо не будет ту. 26 И принесут славу и честь языков в него: 27 и не имат в него внити всяко скверно, и творяй мерзость и лжу, но токмо написаныя в книгах животных Агнца.

22 И показа ми чисту реку воды животная, светлу яко кристалл, исходящу от престола Божия и Агнца. 2 Посреде стогны его и по обалопы реки древо животное, еже творит плодов дванадесяте, на кийждо месяц въздая плод свой: и листвие древа во изцеление языком. 3 И всяка анафема не будет ктому: и престол Божий и Агнечъ будет в нем, и раби Его послужат Ему, 4 и узрят лице Его, и имя Его на челех их. 5 И нощи не будет тамо, и не потребуют света от светильника, ни света солнечнаго, яко Господь Бог просвещает я: и воцарятя во веки веков. (aiōn g165) 6 И рече ми: сия словеса верна и истинна: и Господь Бог святых пророк посла Ангела Своего показати рабом Своим, имже подобает быти вскоре. 7 Се, гряду скоро: блажен соблюдай словеса пророчества книги сея. 8 И аз Иоанн видех сия и слышах. И егда слышах и видех, падох поклонитися на ногу Ангела показующаго ми сие: 9 и глагола ми: виждь, ни: клеврет бо твой есмь и братии твоя пророков и соблюдающих словеса книги сея: Богу поклонися. 10 И глагола ми: не запечатлей словес пророчества книги сея: яко время близ есть. 11 Обидяй да обидит еще, и скверный да осквернится еще: и праведный правду да творит еще: и святой да святится еще. 12 И се, гряду скоро, и мзда Моя со Мною, въздати коемуждо по делом его. 13 Аз есмь

Алфа и Омега, начаток и конец, Первый и Последний. 14 Блажени творящи заповеди Его, да будет область им на древо животное, и враты внидут во град. 15 Вне же пси и чародее, и любодее и убийцы, и идолослужители и всяк любяй и творяй лжу. 16 Аз Иисус послах Ангела Моего засвидетелствовати вам сия в церквах. Аз есмь корень и род Давидов, и звезда утренняя и денница. 17 И Дух и невеста глаголют: прииди, и слышай да глаголет: прииди. И жаждай да приидет, и хотяй да примет воду животную туне. 18 Сосвидетелствую бо всякому слышащему словеса пророчества книги сея: аще кто приложит к сим, наложит Бог на него язв написанных в книзе сей: 19 и аще кто отимет от словес книги пророчества сего, отимет Бог часть его от книги животныя, и от града святого, и написанных в книзе сей. 20 Глаголет свидетелствуй сия ей, гряди скоро: аминь. Ей, гряди Господи Иисусе. 21 Благодать Господа нашего Иисуса Христа со всеми вами. Аминь.



*И аз Иоанн видех град святой, Иерусалим нов сходящъ от Бога с небесе, приготован
яко невесту украшену мужу своему. И слышах глас велий с небесе, глаголющъ: се,
скиния Божия с человеки, и вселится с ними: и ти людие Его будут,
и Сам Бог будет с ними Бог их:*

Откровение ап. Иоанна Богослова 21:2-3

Reader's Guide

церковно-славянском at AionianBible.org/Readers-Guide

The Aionian Bible republishes public domain and Creative Common Bible texts that are 100% free to copy and print. The original translation is unaltered and notes are added to help your study. The notes show the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of afterlife destinies.

Who has the authority to interpret the Bible and examine the underlying Hebrew and Greek words? That is a good question! We read in 1 John 2:27, *"As for you, the anointing which you received from him remains in you, and you do not need for anyone to teach you. But as his anointing teaches you concerning all things, and is true, and is no lie, and even as it taught you, you remain in him."* Every Christian is qualified to interpret the Bible! Now that does not mean we will all agree. Each of us is still growing in our understanding of the truth. However, it does mean that there is no infallible human or tradition to answer all our questions. Instead the Holy Spirit helps each of us to know the truth and grow closer to God and each other.

The Bible is a library with 66 books in the Protestant Canon. The best way to learn God's word is to read entire books. Read the book of Genesis. Read the book of John. Read the entire Bible library. Topical studies and cross-referencing can be good. However, the safest way to understand context and meaning is to read whole Bible books. Chapter and verse numbers were added for convenience in the 16th century, but unfortunately they can cause the Bible to seem like an encyclopedia. The Aionian Bible is formatted with simple verse numbering, minimal notes, and no cross-referencing in order to encourage the reading of Bible books.

Bible reading must also begin with prayer. Any Christian is qualified to interpret the Bible with God's help. However, this freedom is also a responsibility because without the Holy Spirit we cannot interpret accurately. We read in 1 Corinthians 2:13-14, *"And we speak of these things, not with words taught by human wisdom, but with those taught by the Spirit, comparing spiritual things with spiritual things. Now the natural person does not receive the things of the Spirit of God, for they are foolishness to him, and he cannot understand them, because they are spiritually discerned."* So we cannot understand in our natural self, but we can with God's help through prayer.

The Holy Spirit is the best writer and he uses literary devices such as introductions, conclusions, paragraphs, and metaphors. He also writes various genres including historical narrative, prose, and poetry. So Bible study must spiritually discern and understand literature. Pray, read, observe, interpret, and apply. Finally, *"Do your best to present yourself approved by God, a worker who does not need to be ashamed, properly handling the word of truth."* 2 Timothy 2:15. *"God has granted to us his precious and exceedingly great promises; that through these you may become partakers of the divine nature, having escaped from the corruption that is in the world by lust. Yes, and for this very cause adding on your part all diligence, in your faith supply moral excellence; and in moral excellence, knowledge; and in knowledge, self-control; and in self-control patience; and in patience godliness; and in godliness brotherly affection; and in brotherly affection, love. For if these things are yours and abound, they make you to be not idle nor unfruitful to the knowledge of our Lord Jesus Christ,"* 2 Peter 1:4-8.

Glossary

церковно-славянском at AionianBible.org/Glossary

The Aionian Bible un-translates and instead transliterates eleven special words to help us better understand the extent of God's love for individuals and all mankind, and the nature of afterlife destinies. The original translation is unaltered and a note is added to 64 Old Testament and 200 New Testament verses. Compare the meanings below to the Strong's Concordance and Glossary definitions.

Abyssos g12

Greek: proper noun, place

Usage: 9 times in 3 books, 6 chapters, and 9 verses

Meaning:

Temporary prison for special fallen angels such as Apollyon, the Beast, and Satan.

aidios g126

Greek: adjective

Usage: 2 times in Romans 1:20 and Jude 6

Meaning:

Lasting, enduring forever, eternal.

aiōn g165

Greek: noun

Usage: 127 times in 22 books, 75 chapters, and 102 verses

Meaning:

A lifetime or time period with a beginning and end, an era, an age, the completion of which is beyond human perception, but known only to God the creator of the aiōns, Hebrews 1:2. Never meaning simple endless or infinite chronological time in Greek usage. Read Dr. Heleen Keizer and Ramelli and Konstan for proofs.

aiōnios g166

Greek: adjective

Usage: 71 times in 19 books, 44 chapters, and 69 verses

Meaning:

From start to finish, pertaining to the age, lifetime, entirety, complete, or even consummate. Never meaning simple endless or infinite chronological time in Koine Greek usage. Read Dr. Heleen Keizer and Ramelli and Konstan for proofs.

eleēsē g1653

Greek: verb, aorist tense, active voice, subjunctive mood, 3rd person singular

Usage: 1 time in this conjugation, Romans 11:32

Meaning:

To have pity on, to show mercy. Typically, the subjunctive mood indicates possibility, not certainty. However, a subjunctive in a purpose clause is a resulting action as certain as the causal action. The subjunctive in a purpose clause functions as an indicative, not an optative. Thus, the grand conclusion of grace theology in Romans 11:32 must be clarified. God's mercy on all is not a possibility, but a certainty. See ntgreek.org.

Geenna g1067

Greek: proper noun, place

Usage: 12 times in 4 books, 7 chapters, and 12 verses

Meaning:

Valley of Hinnom, Jerusalem's trash dump, a place of ruin, destruction, and judgment in this life, or the next, though not eternal to Jesus' audience.

Hadēs g86

Greek: proper noun, place

Usage: 11 times in 5 books, 9 chapters, and 11 verses

Meaning:

Synonymous with Sheol, though in New Testament usage Hades is the temporal place of punishment for deceased unbelieving mankind, distinct from Paradise for deceased believers.

Limnē Pyr g3041 g4442

Greek: proper noun, place

Usage: Phrase 5 times in the New Testament

Meaning:

Lake of Fire, final punishment for those not named in the Book of Life, prepared for the Devil and his angels, Matthew 25:41.

Sheol h7585

Hebrew: proper noun, place

Usage: 66 times in 17 books, 50 chapters, and 64 verses

Meaning:

The grave or temporal afterlife world of both the righteous and unrighteous, believing and unbelieving, until the general resurrection.

Tartaroō g5020

Greek: proper noun, place

Usage: 1 time in 2 Peter 2:4

Meaning:

Temporary prison for particular fallen angels awaiting final judgment.

Glossary +

AionianBible.org/Bibles/SlavonicChurch---Church-Slavonic-Elizabeth/Noted

Glossary references are below. Strong's Hebrew and Greek number notes are added to 64 Old Testament and 200 New Testament verses. Questioned verse translations do not contain Aionian Glossary words and may wrongly imply *eternal* or *Hell*. * The note placement is skipped or adjusted for verses with non-standard numbering.

Abyssos

От Луки святое благовествование 8:31
Послание к Римлянам 10:7
Откровение ап. Иоанна Богослова 9:1
Откровение ап. Иоанна Богослова 9:2
Откровение ап. Иоанна Богослова 9:11
Откровение ап. Иоанна Богослова 11:7
Откровение ап. Иоанна Богослова 17:8
Откровение ап. Иоанна Богослова 20:1
Откровение ап. Иоанна Богослова 20:3

aidios

Послание к Римлянам 1:20
Послание Иуды 1:6

aiōn

От Матфея святое благовествование 12:32
От Матфея святое благовествование 13:22
От Матфея святое благовествование 13:39
От Матфея святое благовествование 13:40
От Матфея святое благовествование 13:49
От Матфея святое благовествование 21:19
От Матфея святое благовествование 24:3
От Матфея святое благовествование 28:20
От Марка святое благовествование 3:29
От Марка святое благовествование 4:19
От Марка святое благовествование 10:30
От Марка святое благовествование 11:14
От Луки святое благовествование 1:33
От Луки святое благовествование 1:55
От Луки святое благовествование 1:70
От Луки святое благовествование 16:8
От Луки святое благовествование 18:30
От Луки святое благовествование 20:34
От Луки святое благовествование 20:35
От Иоанна святое благовествование 4:14
От Иоанна святое благовествование 6:51
От Иоанна святое благовествование 6:58
От Иоанна святое благовествование 8:35
От Иоанна святое благовествование 8:51
От Иоанна святое благовествование 8:52
От Иоанна святое благовествование 9:32
От Иоанна святое благовествование 10:28
От Иоанна святое благовествование 11:26
От Иоанна святое благовествование 12:34
От Иоанна святое благовествование 13:8
От Иоанна святое благовествование 14:16

Деяния святых апостолов 3:21
Деяния святых апостолов 15:18
Послание к Римлянам 1:25
Послание к Римлянам 9:5
Послание к Римлянам 11:36
Послание к Римлянам 12:2
Послание к Римлянам 16:27
Первое послание к Коринфянам 1:20
Первое послание к Коринфянам 2:6
Первое послание к Коринфянам 2:7
Первое послание к Коринфянам 2:8
Первое послание к Коринфянам 3:18
Первое послание к Коринфянам 8:13
Первое послание к Коринфянам 10:11
Второе послание к Коринфянам 4:4
Второе послание к Коринфянам 9:9
Второе послание к Коринфянам 11:31
Послание к Галатам 1:4
Послание к Галатам 1:5
Послание к Ефессянам 1:21
Послание к Ефессянам 2:2
Послание к Ефессянам 2:7
Послание к Ефессянам 3:9
Послание к Ефессянам 3:11
Послание к Ефессянам 3:21
Послание к Ефессянам 6:12
Послание к Филиппийцам 4:20
Послание к Колоссянам 1:26
Первое послание к Тимофею 1:17
Первое послание к Тимофею 6:17
Второе послание к Тимофею 4:10
Второе послание к Тимофею 4:18
Послание к Титу 2:12
Послание к Евреям 1:2
Послание к Евреям 1:8
Послание к Евреям 5:6
Послание к Евреям 6:5
Послание к Евреям 6:20
Послание к Евреям 7:17
Послание к Евреям 7:21
Послание к Евреям 7:24
Послание к Евреям 7:28
Послание к Евреям 9:26
Послание к Евреям 11:3
Послание к Евреям 13:8
Послание к Евреям 13:21
Первое послание Петра 1:23

Первое послание Петра 1:25
Первое послание Петра 4:11
Первое послание Петра 5:11
Второе послание Петра 3:18
Первое послание Иоанна 2:17
Второе послание Иоанна 1:2
Послание Иуды 1:13
Послание Иуды 1:25
Откровение ап. Иоанна Богослова 1:6
Откровение ап. Иоанна Богослова 1:18
Откровение ап. Иоанна Богослова 4:9
Откровение ап. Иоанна Богослова 4:10
Откровение ап. Иоанна Богослова 5:13
Откровение ап. Иоанна Богослова 7:12
Откровение ап. Иоанна Богослова 10:6
Откровение ап. Иоанна Богослова 11:15
Откровение ап. Иоанна Богослова 14:11
Откровение ап. Иоанна Богослова 15:7
Откровение ап. Иоанна Богослова 19:3
Откровение ап. Иоанна Богослова 20:10
Откровение ап. Иоанна Богослова 22:5

aiōnios

От Матфея святое благовествование 18:8
От Матфея святое благовествование 19:16
От Матфея святое благовествование 19:29
От Матфея святое благовествование 25:41
От Матфея святое благовествование 25:46
От Марка святое благовествование 3:29
От Марка святое благовествование 10:17
От Марка святое благовествование 10:30
От Луки святое благовествование 10:25
От Луки святое благовествование 16:9
От Луки святое благовествование 18:18
От Луки святое благовествование 18:30
От Иоанна святое благовествование 3:15
От Иоанна святое благовествование 3:16
От Иоанна святое благовествование 3:36
От Иоанна святое благовествование 4:14
От Иоанна святое благовествование 4:36
От Иоанна святое благовествование 5:24
От Иоанна святое благовествование 5:39
От Иоанна святое благовествование 6:27
От Иоанна святое благовествование 6:40
От Иоанна святое благовествование 6:47
От Иоанна святое благовествование 6:54
От Иоанна святое благовествование 6:68

От Иоанна святое благовествование 10:28
От Иоанна святое благовествование 12:25
От Иоанна святое благовествование 12:50
От Иоанна святое благовествование 17:2
От Иоанна святое благовествование 17:3
Деяния святых апостолов 13:46
Деяния святых апостолов 13:48
Послание к Римлянам 2:7
Послание к Римлянам 5:21
Послание к Римлянам 6:22
Послание к Римлянам 6:23
Послание к Римлянам 16:25
Послание к Римлянам 16:26
Второе послание к Коринфянам 4:17
Второе послание к Коринфянам 4:18
Второе послание к Коринфянам 5:1
Послание к Галатам 6:8
Второе послание к Фессалоникийцам 1:9
Второе послание к Фессалоникийцам 2:16
Первое послание к Тимофею 1:16
Первое послание к Тимофею 6:12
Первое послание к Тимофею 6:16
Второе послание к Тимофею 1:9
Второе послание к Тимофею 2:10
Послание к Титу 1:2
Послание к Титу 3:7
Послание к Филимону 1:15
Послание к Евреям 5:9
Послание к Евреям 6:2
Послание к Евреям 9:12
Послание к Евреям 9:14
Послание к Евреям 9:15
Послание к Евреям 13:20
Первое послание Петра 5:10
Второе послание Петра 1:11
Первое послание Иоанна 1:2
Первое послание Иоанна 2:25
Первое послание Иоанна 3:15
Первое послание Иоанна 5:11
Первое послание Иоанна 5:13
Первое послание Иоанна 5:20
Послание Иуды 1:7
Послание Иуды 1:21
Откровение ап. Иоанна Богослова 14:6

eleēsē

Послание к Римлянам 11:32

Geenna

От Матфея святое благовествование 5:22
От Матфея святое благовествование 5:29
От Матфея святое благовествование 5:30
От Матфея святое благовествование 10:28
От Матфея святое благовествование 18:9
От Матфея святое благовествование 23:15
От Матфея святое благовествование 23:33
От Марка святое благовествование 9:43

От Марка святое благовествование 9:45
От Марка святое благовествование 9:47
От Луки святое благовествование 12:5
Послание Иакова 3:6

Hadēs

От Матфея святое благовествование 11:23
От Матфея святое благовествование 16:18
От Луки святое благовествование 10:15
От Луки святое благовествование 16:23
Деяния святых апостолов 2:27
Деяния святых апостолов 2:31
Первое послание к Коринфянам 15:55
Откровение ап. Иоанна Богослова 1:18
Откровение ап. Иоанна Богослова 6:8
Откровение ап. Иоанна Богослова 20:13
Откровение ап. Иоанна Богослова 20:14

Limnē Pyr

Откровение ап. Иоанна Богослова 19:20
Откровение ап. Иоанна Богослова 20:10
Откровение ап. Иоанна Богослова 20:14
Откровение ап. Иоанна Богослова 20:15
Откровение ап. Иоанна Богослова 21:8

Sheol

Бытие 37:35
Бытие 42:38
Бытие 44:29
Бытие 44:31
Числа 16:30
Числа 16:33
Второзаконие 32:22
Первая книга Царств 2:6
Вторая книга Царств 22:6
Третья книга Царств 2:6
Третья книга Царств 2:9
Книга Иова 7:9
Книга Иова 11:8
Книга Иова 14:13
Книга Иова 17:13
Книга Иова 17:16
Книга Иова 21:13
Книга Иова 24:19
Книга Иова 26:6
Псалтирь 6:5
Псалтирь 9:17
Псалтирь 16:10
Псалтирь 18:5
Псалтирь 30:3
Псалтирь 31:17
Псалтирь 49:14
Псалтирь 49:15
Псалтирь 55:15
Псалтирь 86:13
Псалтирь 88:3
Псалтирь 89:48


Псалтирь 116:3
Псалтирь 139:8
Псалтирь 141:7
Притчи Соломона 1:12
Притчи Соломона 5:5
Притчи Соломона 7:27
Притчи Соломона 9:18
Притчи Соломона 15:11
Притчи Соломона 15:24
Притчи Соломона 23:14
Притчи Соломона 27:20
Притчи Соломона 30:16
Книга Екклесиаста 9:10
Песнь песней Соломона 8:6
Книга пророка Исаии 5:14
Книга пророка Исаии 7:11
Книга пророка Исаии 14:9
Книга пророка Исаии 14:11
Книга пророка Исаии 14:15
Книга пророка Исаии 28:15
Книга пророка Исаии 28:18
Книга пророка Исаии 38:10
Книга пророка Исаии 38:18
Книга пророка Исаии 57:9
Книга пророка Иезекииля 31:15
Книга пророка Иезекииля 31:16
Книга пророка Иезекииля 31:17
Книга пророка Иезекииля 32:21
Книга пророка Иезекииля 32:27
Книга пророка Осии 13:14
Книга пророка Амоса 9:2
Книга пророка Ионы 2:2
Книга пророка Аввакума 2:5

Tartaroō

Второе послание Петра 2:4


Questioned

Книга Иова 33:22
Псалтирь 63:9
Притчи Соломона 2:18
Притчи Соломона 14:12
Второе послание Петра 2:17




Верою зовом Авраам послуша изыти на место, еже хотяше прияти в наследие, и изыде не ведый, камо грядет. - Послание к Евреям 11:8

Israel's Exodus



*Егда же отпусти фараон люди, не поведе их Бог путем земли Филистимския, яко близ бяше, ибо рече Бог:
да не когда раскаются людие, видевше рать, и возвратятся во Египет. - Исход 13:17*



ибо Сын Человечь не прииде, да послужат Ему, но да послужит и даст душу свою избавление за мнози. - От Марка святое благоговествование 10:45



Павел, раб Иисус Христов, зван Апостол, избран в благовестие Божие, - Послание к Римлянам 1:1

Creation 4004 B.C.

Adam and Eve created	4004
Tubal-cain forges metal	3300
Enoch walks with God	3017
Methuselah dies at age 969	2349
God floods the Earth	2349
Tower of Babel thwarted	2247
Abraham sojourns to Canaan	1922
Jacob moves to Egypt	1706
Moses leads Exodus from Egypt	1491
Gideon judges Israel	1245
Ruth embraces the God of Israel	1168
David installed as King	1055
King Solomon builds the Temple	1018
Elijah defeats Baal's prophets	896
Jonah preaches to Nineveh	800
Assyrians conquer Israelites	721
King Josiah reforms Judah	630
Babylonians capture Judah	605
Persians conquer Babylonians	539
Cyrus frees Jews, rebuilds Temple	537
Nehemiah rebuilds the wall	454
Malachi prophecies the Messiah	416
Greeks conquer Persians	331
Seleucids conquer Greeks	312
Hebrew Bible translated to Greek	250
Maccabees defeat Seleucids	165
Romans subject Judea	63
Herod the Great rules Judea	37

(The Annals of the World, James Usher)

Jesus Christ born 4 B.C.

New Heavens and Earth

1956	Christ returns for his people
1830	Jim Elliot martyrd in Ecuador
1731	John Williams reaches Polynesia
1614	Zinzendorf leads Moravian mission
1572	Japanese kill 40,000 Christians
1517	Jesuits reach Mexico
1455	Martin Luther leads Reformation
1323	Gutenberg prints first Bible
1276	Franciscans reach Sumatra
1100	Ramon Llull trains missionaries
1054	Crusades tarnish the church
997	The Great Schism
864	Adalbert martyrd in Prussia
716	Bulgarian Prince Boris converts
635	Boniface reaches Germany
569	Alopen reaches China
432	Longinus reaches Alodia / Sudan
397	Saint Patrick reaches Ireland
341	Carthage ratifies Bible Canon
325	Ulfilas reaches Goth / Romania
250	Niceae proclaims God is Trinity
197	Denis reaches Paris, France
70	Tertullian writes Christian literature
61	Titus destroys the Jewish Temple
52	Paul imprisoned in Rome, Italy
39	Thomas reaches Malabar, India
33	Peter reaches Gentile Cornelius
	Holy Spirit empowers the Church

(Wikipedia, Timeline of Christian missions)

Resurrected 33 A.D.

What are we? ▶			Genesis 1:26 - 2:3		Mankind is created in God's image, male and female He created us				
How are we sinful? ▶			Romans 5:12-19		Sin entered the world through Adam and then death through sin				
Where are we? ▶			When are we? ▼						
			Innocence		Fallen			Glory	
▶			Eternity Past	Creation 4004 B.C.	Fall to sin No Law	Moses' Law 1500 B.C.	Christ 33 A.D.	Church Age Kingdom Age	New Heavens and Earth
			God	Father	John 10:30	Genesis 1:31 God's perfect fellowship with Adam in The Garden of Eden	1 Timothy 6:16 Living in unapproachable light		
Son	God's perfect fellowship	John 8:58 Pre-incarnate		John 1:14 Incarnate	Luke 23:43 Paradise				
Holy Spirit		Psalm 139:7 Everywhere		John 14:17 Living in believers					
Mankind	Living	Genesis 1:1 No Creation No people	Ephesians 2:1-5 Serving the Savior or Satan on Earth						
	Deceased believing		Luke 16:22 Blessed in Paradise						
	Deceased unbelieving		Luke 16:23, Revelation 20:5,13 Punished in Hades until the final judgment						
Angels	Holy		Hebrews 1:14 Serving mankind at God's command						
	Imprisoned	2 Peter 2:4, Jude 6 Imprisoned in Tartarus							
	Fugitive	Genesis 1:31 No Fall No unholy Angels	1 Peter 5:8, Revelation 12:10 Rebelling against Christ Accusing mankind		Revelation 20:13 Thalaasa				
	First Beast				Revelation 19:20 Lake of Fire				
	False Prophet				Revelation 20:2 Abys				
	Satan		Matthew 25:41 Revelation 20:10 Lake of Fire prepared for the Devil and his Angels						
Why are we? ▶			Romans 11:25-36, Ephesian 2:7		For God has bound all over to disobedience in order to show mercy to all				

Destiny

церковно-славянском at AionianBible.org/Destiny

The Aionian Bible shows the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of after-life destinies. The underlying Hebrew and Greek words typically translated as *Hell* show us that there are not just two after-life destinies, Heaven or Hell. Instead, there are a number of different locations, each with different purposes, different durations, and different inhabitants. Locations include 1) Old Testament *Sheol* and New Testament *Hadēs*, 2) *Geenna*, 3) *Tartaroō*, 4) *Abyssos*, 5) *Limnē Pyr*, 6) *Paradise*, 7) *The New Heaven*, and 8) *The New Earth*. So there is reason to review our conclusions about the destinies of redeemed mankind and fallen angels.

The key observation is that fallen angels will be present at the final judgment, 2 Peter 2:4 and Jude 6. Traditionally, we understand the separation of the Sheep and the Goats at the final judgment to divide believing from unbelieving mankind, Matthew 25:31-46 and Revelation 20:11-15. However, the presence of fallen angels alternatively suggests that Jesus is separating redeemed mankind from the fallen angels. We do know that Jesus is the helper of mankind and not the helper of the Devil, Hebrews 2. We also know that Jesus has atoned for the sins of all mankind, both believer and unbeliever alike, 1 John 2:1-2. Deceased believers are rewarded in Paradise, Luke 23:43, while unbelievers are punished in Hades as the story of Lazarus makes plain, Luke 16:19-31. Yet less commonly known, the punishment of this selfish man and all unbelievers is before the final judgment, is temporal, and is punctuated when Hades is evacuated, Revelation 20:13. So is there hope beyond Hades for unbelieving mankind? Jesus promised, *"the gates of Hades will not prevail,"* Matthew 16:18. Paul asks, *"Hades where is your victory?"* 1 Corinthians 15:55. John wrote, *"Hades gives up,"* Revelation 20:13.

Jesus comforts us saying, *"Do not be afraid,"* because he holds the keys to *unlock* death and Hades, Revelation 1:18. Yet too often our *Good News* sounds like a warning to *"be afraid"* because Jesus holds the keys to *lock* Hades! Wow, we have it backwards! Hades will be evacuated! And to guarantee hope, once emptied, Hades is thrown into the Lake of Fire, never needed again, Revelation 20:14.

Finally, we read that anyone whose name is not written in the Book of Life is thrown into the Lake of Fire, the second death, with no exit ever mentioned or promised, Revelation 21:1-8. So are those evacuated from Hades then, *"out of the frying pan, into the fire?"* Certainly, the Lake of Fire is the destiny of the Goats. But, do not be afraid. Instead, read the Bible's explicit mention of the purpose of the Lake of Fire and the identity of the Goats, *"Then he will say also to those on the left hand, 'Depart from me, you cursed, into the consummate fire which is prepared for... the devil and his angels,'"* Matthew 25:41. Bad news for the Devil. Good news for all mankind!

Faith is not a pen to write your own name in the Book of Life. Instead, faith is the glasses to see that the love of Christ for all mankind has already written our names in Heaven. Jesus said, *"You did not choose me, but I chose you,"* John 15:16. Though unbelievers will suffer regrettable punishment in Hades, redeemed mankind will never enter the Lake of Fire, prepared for the devil and his angels. And as God promised, all mankind will worship Christ together forever, Philippians 2:9-11.



World Nations

идеше убо научите вся языки, крестяще их во имя Отца и Сына и Святаго Духа, - От Матфея святое благовествование 28:19